

Erasmus
NHG

NH Q
++

DESIDERII
ERASMI
OPERVUM
OMNIVM
TOMVS TERTIVS.

1001. 1002.

1111111111

1111111111

1111111111

1111111111

1111111111

N^{mo} Stantalejo . . . 100 x^o.

DESIDERII ERASMI

ROTERODAMI

OPERA OMNIA

EMENDATIORA ET AVCTIORA,

AD OPTIMAS EDITIONES, PRAECIPVE QVAS IPSE ERASMVS

POSTREMO CVRAVIT, SVMMA FIDE EXACTA,

DOCTORVMQVE VIRORVM NOTIS ILLVSTRATA.

TOMVS TERTIVS,

QVI COMPLECTITVR

Epistolas, pluribus, quam ccccxxv, ab *Erasmo*, aut ad *Erasmum* Scriptis auctiores,

Ordine temporum nunc primum dispositas, multò quàm unquam antea emendatiores,

Et praestantium aliquot virorum ad quos scriptae sunt imaginibus ornatae.

Accesserunt accuratiores Indices.

TOMI TERTII PARS PRIOR.



J. Goussier del.


J. Baptist. Scul.

LVGDVNI BATAVORVM,

Curâ & impensis PETRI VANDER AA, MDCCIII.

Cum speciali Privilegio Illustr. ac Praepotent. Ordd. Holl. & West-Frisiae.

En



CANDIDO LECTORI

S.



OPUS *Des. Erasmi* nullum est notius, & quod docto-
rum hominum manibus jucundiùs teratur, quàm Episto-
larum volumen. Quamvis enim in aliis sint multa do-
ctiora & reconditoris eruditionis plena, ut in *Adagio-
rum* volumine; attamen eam auctoritatem in Republi-
ca Litteraria, ad hunc usque diem, obtinuit *Erasmus*,
tantàque est ingenii ejus amœnitas, & judicii id acu-
men; ut non minùs cupiant Eruditi nosse quæ ad ipsum
Erasmum pertinent, & quæ joca aut seria ad amicos ex
tempore scriberet; quàm quæ ex abditissima Antiquitate, non sine labore &
meditatione, seu sacra, seu profana illa sint, depromebat. Nec sanè video
cur tantà curiositate Poëtæ, Rhetores, Theologi cujusvis antiqui vitam ri-
memur, ut vel minimas ejus circumstantias diligentissimè adnotemus, iisque
erutis planè triumphemus; ad vitas verò præstantissimorum virorum, qui Pa-
trum aut Avorum nostrorum ævo vixerunt, egregiàmque operam Reipublicæ
Litterariæ aut Ecclesiasticæ navarunt, nauseamus. Sed non omnium, imò
paucorum hoc esse fastidium quotidie experimur, & nuper in *Erasmo* etiam
nostro experti sumus. Cùm enim sermone Gallico Vitam ejus edidissemus,
collectam potissimùm ex hac Epistolarum ejus Editione, vidimus eam summo
cum plausu à viris elegantioribus excipi, & avidissimè legi; cùm propter res
ipsas, tum etiam quòd non tam nos narraremùs quid fecisset aut dixisset *E-
rasmus*, quàm ipsum veluti in scenam denuo prodeuntem & verbis, ex Episto-
lis desumptis, rem totam exponentem induceremus. Dixit *Lib. 11. S. 1. Horatius*
de *Lucillii* Scriptis:

*Ille velut fidis arcana Sodalibus olim
Credebat libris; neque, si malè cesserat, umquam
Decurrens aliò; neque, si bene; quòd fit ut omnis
Votivâ pateat veluti descripta tabellâ
Vita senis.*

Idem dixeris de hisce *Erasmi* Epistolis, cùm ab ipso, tum ab aliis editis. Quæ-
cumque rectè, aut secus fecit, vel sensit, quæ timuit, quæ cupiit, omnia
hîc sine fuco exposita sunt; erat enim hæc indoles *Erasmi*, ut diu celare non
posset quod sentiebat, præsertim amicis, & interdum quoque inimicis, si
paullò commotior esset. Interdum quidem paullò cautiùs loqui videtur, sed
mox ad ingenium redit; ita ut facilè intelligas quid reverà senserit, si modò
sequentes Epistolas legas.

Editæ fuerant, *Erasmo* vivo, Epistolæ plurimæ, quarum numerum auxit,
in posterioribus Editionibus; queriturque in Epistola *DV11.* quæ 1 erat in Edi-
tione Basileensi & Londinensi, & *MCC XCV.* varia contigisse, editis illis Litteris,
propter quæ nonnullas non editas fuisse optasset, tum etiam agit de variis ge-
neribus Epistolarum, eaque habet quæ utilia ac jucunda erunt lectu, nec à no-
bis hîc exscribentur. Sed sæpe mirati sumus, cur *Erasmus*, cùm Epistolas
suas in lucem publicam vivus emitteret, nullam prorsus rationem habuerit
temporum, quibus scriptæ erant, multas sine ulla temporis nota emisserit,
in multis tempora mendosè notata reliquerit, atque omnes in fasciculum col-
lectas, sine ordine ullo, veluti projecit ab aliis in ordinem redigendas. E-
jusmodi enim confusione fit ut nunc *Erasmum* senem, mox puerum, aut ju-
venem audias loquentem, finem rerum quarumdam legas, antequàm earum
videris initium, nec ullam seriem ejus vitæ adsequaris. Quibus rebus fie-
bat, ut voluptas, quam ex nonnullarum lectione nemo non capiebat, cùm
ad alias transeundum erat, valde minueretur; quia re imperfectâ dimissus Le-
ctor continuò ad alia transferebatur, sæpe antiquiora, aut quæ nullum certè

Tom. III. * ne.

A D L E C T O R E M.

nexum cum superioribus habebant; nec ad rem inchoatam, nisi serò, redibat.

Itaque in hac Editione, ante omnia, operam dandam esse putavimus, ut ordine temporum collocarentur, quò & historiam vitæ *Erasmi*, & rerum, quæ ejus tempore contigerunt & quarum meminit, aut pars fuit, habeat Lector; quâ re nihil jucundius, ac utilius esse posse nostrâ ipsorum experientiâ sensimus. Cùm enim varias *Erasmi* Epistolas, prout erant; ordine perturbato olim legissemus, nec potuissemus eam confusionem sine fastidio ferre, atque ad finem voluminis pervenire; contrâ maximâ voluptate perfusi sumus, quando primùm eas ordine collocatas legere cœpimus. Quod & alii experti sunt, qui quamvis antea legissent hæc Litteras, novum tamen prorsus opus sibi legere visi sunt, cùm vitam *Erasmi*, ex ordine dispositis collectam, Gallico sermone, perlustrarunt. Nos etiam nonnulli monuerunt, se se varia, cum voluptate, in ea vita deprehendisse, quæ, legentes confusas Epistolas, non animadverterant. Quâ re factum est ut hanc Editionem, necessariò, propter additamenta, dilatam viri docti pænè quotidie flagitaverint.

Nonnulla tamen incommoda Litteras hæc ordine disponentibus occurrerunt, quæ quominus rem omnino perfectam daremus, ut cupiebamus, obstiterunt. Primùm erant Epistolæ, sine ulla temporis & loci, unde scriptæ erant, nota, editæ. Deinde menda erant in numeris, quibus dies & anni expressi erant, & in ipsis etiam locis; quia manum *Erasmi* minimè sanè elegantem adsequi non potuerant Typothetæ, aut ipse etiam *Erasmus* ex memoria vacillante confusis Epistolis notas temporum & locorum addiderat. Hinc factum ut *Londinum & Lovanium, Bruxella & Basilea* aliquando sint confusa. Denique Litteras non paucas, Editione jam fermè adfectâ, novas accepit Bibliopola, quæ ordine suo non potuerunt collocari. Nullâ ratione hisce incommodis mederi nos posse meliùs existimavimus, quàm si in Appendicem eas omnes Epistolas, quæ aut cum ceteris non convenirent, aut seriùs in manus nostras venissent, conjiceremus; ubi sunt iterum ordine temporum collocatæ, quæ quidem sic collocari potuerunt, aliæ verò alphabetico dumtaxat, pro nominibus eorum ad quos scriptæ sunt, dispositæ. Non negabimus tamen aliquot, propter falsos numeros seriùs agnitos, à nobis suo loco reponi non potuisse, sed sunt eæ perpaucae, præ iis, quæ sedibus suis sunt redditæ. Sic Epistola x. quæ habet subscriptum annum 1497. debuit habere annum 1509. & ante cviii. collocari. Reponenda etiam Ep. cxxxviii, proximè ante cxxviii. Epp. clxxxviii & sequens ante cxxxiv. Ep. cxlviii, post clxxxv. Idem fortè & in nonnullis aliis deprehendetur. Ceterùm non omittendum tempora datarum Epistolarum nunc more Romano, nunc festis Christianorum diebus additis, nunc more hodierno numero dierum mensis expresso, ad unam hanc posteriorem commodioremque formam redacta fuisse ab erudito viro, *Joanne de la Faye*, ne Lectori molestiam facerent. Idem etiam, ut Respublica Litteraria, cui gratias habere debeat, norit, emendationi præfuit, Epistolas editas contulit cum MSS. ex quibus & voces & sententiæ integræ accesserunt, & cum aliis Editionibus, *Londinensem & Basileensem* innumeris gravibus mendis purgavit, Appendicem concinnavit, & notulas paginis subjectas addidit. Consulet etiam LECTOR, hac de re, si ita videatur, Errata & Addenda ad calcem voluminis.

Non tantùm optimo ordine collocatæ sunt, emendatioresque prodeunt hæc Epistolæ, sed multò etiam auctiores quàm umquam prodierant. Primùm enim quæcumque sunt in *Londinensi* Editione, & quibus caret *Basileensis*, hæc invenientur; exceptis dumtaxat dedicationibus variorum operum *Erasmi*, quæ in aliis voluminibus occurrunt, & quas repeti inter Epistolas supervacaneum videbatur. Deinde Epistolas *Erasmi* alibi editas omnes, quæ quidem nobis innotuere, adjecimus, ut & amicorum ad eum scriptas, ex quibus ejus responsa faciliùs intelligentur. Has *Italico*, ut vocant, charactere edi curavimus,

A D L E C T O R E M.

mus, cùm Erasmiæ sint Romano. Epistolas autem virorum doctorum ad *Erasmum* scriptas excerptimus ex Epistolis *Longolii*, *Bembi*, *Sadoleti*, *Mori*, *Melanchthonis*, *Camerarii*, *Pirckheimeri*, collectionibusque epistolicis *Gabbe-
mae*, *Heinsii* & aliorum. Ineditæ verò *Erasmi* Epistolæ, quæ sunt in Appen-
dice, inventæ sunt in MS. Codice, quem *Erasmi* ipsius olim fuisse liquet ex
variis emendationibus ejus manu factis, cccxxi. Aliæ etiam accessere, ad
Bibliopolam transmissæ à reverendis, eruditis, ac insignibus viris *Guilielmo*
Crassero, Leodiensi, qui ejus Epistolas possidet ex dono Eminentissimi Car-
dinalis *Slusii*, Leodienfis, *Sebastiano Kortholto* Kiloniensi, *Petro Hottono* Me-
dicinæ & Botanices Lugduni Batavorum Professore celeberrimo, *Joanne*
Schalkeno V. D. M. *Saarlosii* in agro Roterodamensi, *Wolferdo* à *Cattenbur-
gio* *Vianæ* J. C. *Roberto* de *Neufville* Litterarum elegantiorum Lugduni Bat.
Studiofo; quibus omnibus gratias habet & agit, ut par est, pro beneficiis ab
iis acceptis; quæ quibusvis etiam litteratis non grata esse non possunt. Oc-
casione datâ, gratum etiam animum testari hîc voluit erga Virum Amplissi-
mum *Sim. van Huls*, Hagiensem Consulem, à quo accepit, ante aliquot an-
nos, Epitaphia & Versus in laudem *Erasmi*, primo Tomo præfixos. Ad
MSS. Epistolas legendas usus est operâ, ut dixi, *Joannis de la Faye*, quem in
locis obscuris & compendiis scripturæ legendis adjuvare non dedignatus est V.
C. *Jacobus Gronovius*, legendis antiquis libris Manuscriptis adsuetus. Hæc,
grati animi causâ, commemorari hîc merito voluit Bibliopola; cui ego sanè
etiam adstipulor, quippe qui devinctum me quoque puto omnibus, qui ad
exornandam hanc *Erasmi* nostri Editionem conferre aliquid voluerunt. Omnes
autem hæ accessiones effecerunt plus quàm cccxxv Epistolas, quas ab aliis
jam editis, L E C T O R, facile asterisco præfixo distingues, cùm in priori col-
lectione Epistolarum, tum etiam in Appendice. Quod si quis cuperet videre
MSS. ipsos Codices, unde novæ Epistolæ defuntæ sunt, sciat eos servari apud
Bibliopolam, qui libenter eos curiosis ostendet. Si quis autem cupiat emere
seorsim Volumen Epistolarum, sciat hoc quoque Bibliopolam *Erasmi* amanti-
bus gratificaturum.

Præterea Indices Londinensibus multò accuratiores & locupletiores fieri
curavit, ac nonnullorum præstantissimorum virorum, ad quos *Erasmus* scrip-
psit, imagines eleganter sculptas adjecit; ut qui eo genere ornamentorum de-
lectantur, haberent etiam quo oculos hîc palcerent, dum ora eximiorum vi-
rorum, quorum Epistolas legerint, contemplantur.

Eorum Vitas atque Elogia haberes, si diutius vixisset vir reverendus *Clau-
dius Joly*, Canonicus, & Officialis Parisiensis, qui anno M DC xcix. pollicitus
erat V. C. *Petro Hottono*, si modò de conditionibus conveniret, quod facile
potuisset fieri, se missurum huc opus Gallicum, quod inscripserat *Historiam*
παλαιοελληνικας Litterarum, sub finem xv. sæculi & initio xvi. quâ continentur Elogia
multorum eruditorum virorum illius ævi, & præsertim Vita *Erasmi Roterodami*,
qui primus earum instaurator fuit. Sed mors viri eruditi, matura quidem, si
ætatem ejus spectes, at huic Operi acerba, impediit quominus copia ejus fie-
ret Bibliopolæ; qui etiamnum hodie non illibenter id ederet, si nancisci pos-
set, vel hac sola de causa, quòd *Erasmi* Epistolis lucem fœneraretur.

Hæc erant quæ, de hac Editione, te, L E C T O R, scire intererat, & ex qui-
bus intelligere facile poteris, Bibliopolam nulli labori, sumtui ac diligentia
pepercisse; ut quàm optimam Editionem Erasmiarum Epistolarum haberes.
Alioqui, si libuisset tantum Londinensem typis exscribere, jam dudum eas
potuisses habere; sed dum auctaria, de quibus diximus, expectantur, dùm-
que omnia ad Editionem parantur, triennium effluere, aliósque Tomos interea
in lucem erumpere necesse fuit. Verùm moram illam satis, superque eorum
quæ accesserunt pensavit utilitas, nec quemquam expectationis suæ, aut pecu-
niæ, ad hanc Editionem comparandam, numeratæ umquam pœnitebit. Vale.

DES. ERASMVVS ROTERODAMVS

LECTORI S. D.

ANTE HAC testatus sum, me nulli mearum lucubrationum minus favere, quam Epistolarum, & hujus animi mei causas recensui, nec alia mihi nunc mens est quam olim fuit. Attamen quum Hieronymus Frobenius asseveraret hoc opus totum jam biennium à studiosis efflagitari, recognovi quod fuerat excusum, & non mediocrem accessionem adjunxi. Sic sum, optime lector, nihil negare possum his, quos ex animo charos habeo. Erant quidem inter evulgatas epistolas aliquot ad quosdam, quos tum pro fidis amicis ducebam, amantissime simul & honorificentissime scriptæ, quos nunc patior improbißimos inimicos, ut nihil est tutum in rebus mortalium: nullas tamen submovi, sic existimans, eas magis illis fore dedecori quam honestamento. Nec ordinem mutare visum est, tantum universum opus in libros partitus sum, quo lector facilius inveniat quod quærit. Erant amici qui per litteras monuerunt; singulas juxta temporum ordinem digerendas esse; id etiamsi fuisset in promptu, ob certas causas non est visum consultum: atque adeo nec argumentorum congruentiam sequi placuit, quod in hoc scripti genere primam gratiam habet varietas. Porro, si quis aliquid tale desiderat, diem & annum in calce singularum adjecimus: ad hæc, præfiximus Indicem, nominibus personarum, ac epistolarum numeris adjectis, demonstraturum quis ad quem scribat, & quoties scribat. Erant Epistolæ complures, quas adjunctas cupiebam; si venissent ad manum: sed migratio fuit in causa, ut multa perierint, quæ servata mallem: omnia vero sic confusa, ut magna pars frustra quæsitæ sit. Hoc eo monere visum est, ut si quis forte, ubi viderit Epistolas ad alios inferioris notæ amicos editas, doleat ad ipsum scriptas nusquam exstare, ne suspicetur id malitioso studio factum. Hoc seculo nescio quid scribi possit, quod non hunc aut illum offendat. Nos tamen pro viribus annexi sumus, ut quæ multum haberent acrimoniæ, aut prætermitterentur, aut certe lenirentur. A nominibus traducendis libenter abstinuimus, quod utinam in totum licuisset, verum hoc non erat Epistolas edere. Titulos solennes, non solum ambitiosos, verum etiam indoctos ac lectori molestos, omisimus: quod obsecro ne quis sinistre interpretetur, quasi contemptus gratia sit factum. Quis enim nescit Reges esse invictissimos, serenissimos; Abbates venerabiles, Episcopos reverendos, Cardinales reverendissimos, Pontifices sanctissimos ac beatissimos? Hæc igitur, ut illa, invictissima majestas, reverendissima dominatio, gratiosissima celsitudo, & reverenda paternitas, non modo vitiant Latini sermonis puritatem, sed Lectorem etiam supervacaneis ac molestis onerant. Bene vale. Datum Friburgo Brisgoæ 7. Augusti, Anno M. D. XXIX.

ERASMVVS ROTERODAMVS

BEATO RHENANO

SLETSTADIENSI S. D.

QUOD scribis, optime Beate, verius esse video quam vellem. Sed illud demiror, cur ea potissimum efflagitent amici mei Germani, quæ me degravant invidia. Scis enim quam non dextris avibus exierint Epistolæ, quas tu primum edendas curasti: at quanto pejoribus illa Farrago, cujus editionem partim extorsit amicorum flagitatio, partim ipsa necessitas: cum viderem accinctos, qui quod habebant epistolarum mearum vel invito me essent publicaturi. Atque id facturos sese jam palam litteris ad me suis minitabantur. Quod ne fieret, fasciculo ad te misso, delectum atque etiam emendandi jus tibi credidi, si quid inesset, quod vel offecturum famæ meæ videretur, vel exacerbaturum vehementer cujusquam animum. Nec dubito quin tu sedulo pro tua in nos benevolentia sis amici sinceri functus officio. Et tamen illic etiam inventum est, quod apud quosdam plane tragicas iras excitavit. Quare decretum erat in totum ab hoc genere scripti desistere, præsertim cum nunc res undique miris tumultibus agitentur, ac multorum animi sic odiis sint exacerbati, ut nihil tam blande, nihil tam simpliciter, nihil tam circumspecte possis scribere, quod non rapiant in calumniam. Ego quum adolescens atque etiam virili ætate, plurimas scripserim epistolas, vix ullam tamen in hoc scripsi, ut ederetur. Exercebam stylum, fallebam otium, nugabar cum amiculis, stomacho morem gerebam: denique nihil aliud hic fere quam ludebam, nihil minus expectans, quam ut hujusmodi nænias describerent & asservarent amici. Nam Senæ cum essem, humanissimus ille Piso, qui tum Regis sui nomine Oratorem agebat apud Julium Pontificem, reperit apud bibliopolam quendam prostantem codicem Epistolarum Erasmi, sed manu descriptum, emit ac mihi misit. In hoc tametsi erant permulta, quæ fortasse non indigna videri poterant quæ servarentur, tamen offensus tam inopinato casu, totum, quantus erat, Vulcano dicavi. Huc reversus comperi similes libellos apud complures adservari, in aliquot exemplaria transfusos. Et hic quicquid à notis impetrare potui, Vulcano tradidi. Sed expertus sum tandem mihi rem esse cum excetra. Hoc igitur consilio passus sum exire quasdam, ut vel satiati desinerent flagitare cæteras, vel ipsi certe desisterent ab edendi consilio, cum perspicerent

DESID. ERASMI PRAEFATIO.

cerent me huic negotio manus admolitum esse. Ad hæc, exirent certe cum aliquo delectu, minusque depravatæ quam apud multos habebantur descriptæ: denique minus haberent aloes. Hoc consilio Farraginem recognovi; quædam explicui, quæ quidam sinistre fuerant interpretati; quædam expunxi, quibus animadverteram quorundam offensos animos, nimium profecto teneros atque irritabiles, quædam mitiora reddidi. Ac rursus horum temporum ratio fecit, ut me ejus consilii poeniteret. Jampridem magnis odiis flagrabant studia tuentium linguas ac bonas litteras, & istorum qui stultissime sibi persuadent, suis commodis decedere, quicquid accrescit proventui melioris litteraturæ. Mox *Lutherana* tragoedia in tantam exarsit contentionem, ut nec loqui tutum sit, nec tacere. Rapiuntur in diversum omnia, etiam quæ optimo scribuntur animo: ne tempus quidem perpenditur, quo scripsit aliquis, sed quod suo tempore recte scribebatur, transferunt in tempus incommodissimum. Proinde scripseram diligenter *Frobenio* nostro, ut hoc Operis mei perpetuo premeret, aut servaret in aliud tempus, aut certe in reditum meum proferret: Paraphraseon Opus acceleraret, quo neminem offendi adhuc comperissem. At ille, ut mihi quidem frequenter est, levæ mentis, omnibus ut scribunt posthabitis, Epistolarum Opus adproperavit, jamque me inscio ad quadragesimum primum senionem pervenit, neque quicquam remoratur editionem, præter præfationem & coronidem. Negat autem se diutius pressurum Opus, etiamsi ipse fortasse graver aliquid addere, citius emissurus *ἀκρότατον* ac *μείζον* Opus, quam tantam impendii jacturam accepturus. Scilicet mos homini gerendus est, & ipse fortasse famæ dispendium aliquod faciam, ut illius compendio consulatur. At quando quod volui obtineri non potest, tui, mi *Beate*, candoris erit, advigilare ut Opus exeat quam minima mei nominis invidia. Non satis memini, quas epistolas miserim. Atque ea gratia jussi, ut per juvenem eum, per quem misi priorem Novi Testamenti partem, remitteret quod excusum esset ex Epistolis. Quod quo consilio gravatus sit facere, non queo satis conjectare. Hac igitur in re, te per amicitiam nostram obtestor, eruditissime *Beate*, ut quod ego facturus eram, si licuisset, tu facias, vere alter ego: atque omnibus modis sic agas, ne isthic *Erasmus* abuisse videatur. Neque vero te moveat tantulum damni, quod erit in aliquot chartis mutandis suscipiendum. Mihi totum istud quicquid erit dispendii volo imputari. *Frobenium* immunem esse jubeo. Ego lucrum esse deputo, quoties pecuniæ jactura, famæ consulitur. Pecuniolam illam facile sarcieamus alicunde. Famæ laboranti non facile succurritur. Cui si nihil etiam immineret periculi, tamen arbitror animi esse Christiani, pro viribus adniti, ut sic studeamus omnibus prodesse, ne quenquam vel imprudentes offendamus. Fit autem hoc nescio quo meo malo fato, ut ab his ad quæ videbar natura compositus, in alium campum longe diversum me fortuna depellat, sive vitæ spectes institutum, sive studiorum genus. Etenim ne singula commemorem, cum viderer ad fustum hoc ac liberum orationis genus esse natus, quod in concionibus, consultationibus, aut etiam declamationibus adhiberi solet, in collectaneis proverbiorum, in scholiis & annotationibus bonam studii portionem contrivi. Cæterum ad epistolas scribendas, fortasse non ita valde videri poteram ineptus, verum alioqui multæ res erant, quæ me ab hoc genere deterrebant. Primum, si epistolæ carent veris affectibus, neque vitam ipsam hominis repræsentant, jam Epistolæ nomen non merentur. Quales sunt *Senecæ* ad *Lucilium*, atque adeo inter eas, quas olim scripsit *Plato*, quasque ad Apostolorum (ut apparet) imitationem, scripserunt *Cyprianus*, *Basilus*, *Hieronymus*, *Augustinus*, perpaucae sunt, quas non libros rectius appellaris quam Epistolas. Porro, quas nobis reliquit, nescio quis *Bruti* nomine, nomine *Phalaridis*, nomine *Senecæ* & *Pauli*, quid aliud censerî possunt, quam declamatiunculæ? Verum autem illud Epistolarum genus, quod mores, quod fortunam, quod affectus, quod publicum simul & privatum temporis statum, velut in tabula repræsentat, cujus generis fere sunt Epistolæ *Ciceronis*, *Plinii*, & inter recentiores *Aeneæ Pii*, aliquanto plus habet periculi, quam historia rerum nuper gestarum: periculosa (ut inquit *Flaccus*) plenum opus alex. Proinde si quid edendum sit in hoc genere, nulli velim auctor esse ut ipse vivus edat, sed Tironi cuiquam hoc det negotii. Quanquam hic in edendis patroni sui monumentis, plus studii quam judicii creditur adhibuisse. Sive laudes, sive vituperes aliquem, non deerunt qui offendantur. Ut ne commemorem esse quosdam, qui ne laudari quidem sustineant libris editis: sive quod dedignentur à quovis nominari, sive quod vereantur, ne cui veniant in suspicionem *φιλοκαλίας*. Quo magis admiror divum *Bernardum* Epistolas suas evulgasse, in quibus tot nomina carbone notantur. Nunc si quis *Jacobitæ*, aut *Carmelitæ* meminerit, vel suppresso nomine, nisi multa cum honoris præfatione, res videtur digna lapidatione. Jam & illud est incommodi, quod ut sunt res mortalium, ex amicissimis nonnunquam redduntur inimicissimi, & contra, ut & illos laudatos, & hos doleas attactos. Postremo, ne famæ quidem auctoris satis consulitur, quod plerique ex una quapiam Epistola totum æstiment hominis ingenium, cum aliquoties scribamus uvidi, nonnunquam dormitantes; interim lassi, interim etiam ægroti, aut aliud agentes, nonnunquam alieno stomacho, frequenter ad ejus, cui scribimus, vel captum, vel judicium, orationis habitum attemperantes. Unde fit ut imperitis veniamus in suspicionem inconstantiae, cum ea varietas, ætati, affectui, personis ac rebus in diversum mutatis, sit imputanda. Hæc cum alium quamlibet felicem ab edendis Epistolis merito deterreant, me tamen illud peculiariter dehortabatur, quod cum mihi semper fortuna non solum humilis fuerit, verum etiam constanter iniqua, neque is vitæ tenor, ut eam velim aut possim ab omni crimine vindicare; non erat cur vellem utriusque multa su-

DESID. ERASMI PRAEFATIO.

peresse vestigia. Atque hæc ratio fortassis & illos moveret, ad quos scribimus, qui quod per litteras, velut in sinum effutiant amicali, nolint omnibus prodi, cum sint qui nati Gratiis iratis, nihil non interpretentur in peiorem partem. Sæpenumero fit, ut quod in convivio, aut inter candidos homunculos dictum, gratiam habet; si idem loco non suo dicatur, atroces excitet tragœdias. Hac quidem de causa pauciores admiscuimus ex his quibus respondemus, & tamen aliquot adjecimus, præsertim eruditorum: partim quod me piguerit laboris, quem *Angelus Politianus* fere sumit, in repetendo argumento Epistolæ cui rescribit: partim quod ut addas argumentum, tamen aliquid lucis ac vitæ videtur deesse, ni prius legas eam, ad quam responderetur. Habes totius consilii mei rationem. Nihil superest, nisi ut primum te rogem, ut in delectu animum istum vere amicum exferas: deinde superos precer, ut tuum iudicium, meumque obsequium velint esse felix, non solum mihi, qui sodalium affectibus repugnare pertinaciter non possum, verum etiam illis, qui hoc obsequii, majore studio quam iudicio à nobis extorserunt. Bene vale. *Lovanio 27. Maji, Anno 1520.*

DES. ERASMVVS ROTERODAMVS

AMICIS LECTORIBVS S. D.

IAVCIS hisce diebus visum schedarum mearum confusissimos acervos excutere, partim ob unam atque alteram epistolam, quas editas cupiebam, partim ut abolerem quæ fortassis alii post decessum meum essent edituri, aut me etiam vivo. Quid enim isti non audent, quibus lucellum, quamlibet exiguum, aut gloriola, honesto & amicitia est antiquior. Atqui non omnia in hoc scribuntur, ut evulgentur. Lufimus quædam adolescentes, styli exercendi gratia: quædam aliis distavimus sic inambulantes, nihil minus cogitantes quam de evulgando: nonnulla scripsimus, discipulis tardis. Hujus generis erant Colloquia, quæ Holonius quidam, haud scio unde nactus, (nam apud me nullum unquam fuit exemplar) care vendidit Joanni Frobenio, simulans alios esse typographos qui emta cuperent. Hæc emendi orexis. Eiusdem sunt Paraphrases elegantiarum, quæ summa cum admiratione mea prodierunt, inepto titulo, quum ego nullum titulum addidisssem, & singulis ad ordinem litterarum digestis, quæ res totum turbavit ordinem: postremo, multis admixtis, non minus ineptis quam indoctis, quæ ego nec puer sustinuissem dictare puero. Nuper vidi libellum De Componendis Epistolis, Lugduni excusum, hoc titulo, Erasmus Petro Paludano S. D. Atqui ego neminem novi mortalem hujus nominis. Lecto libello deprehendi scurrile furtum. Olim cuidam Anglo discipulo intra biduum scripsi librum De Componendis Epistolis, plane crassa Minerva crasso. Ex hoc ille quædam decerpit, & sua quædam admiscuit. Adjecit prolixam epistolam, in qua nullum est verbum meum, insigniter insulsam, nec quicquam facientem ad præsens argumentum. Si suo nomine edidisset Opus incontaminatum, multo erat tolerabilius: verum, ex meo nomine quæsiuit lucrum. Jam scio & apud alios quosdam servari juvenilia quædam mea Progymnasmata. Et in hoc vase, quod nunc excussi, fuerant plurimæ chartæ juveni scriptæ longe alia manu quam nunc utor. Eas comperi sublatis ad unam omnes, nec me fugit penes quem lateant. Sed elevatur furtum litterarium, verum nihilo meliore fronte quam vestiarii excusant furtum pannarium, aurigæ furtum vinariam, molitores furtum farinarium, cæterique opifices suo quisque colore suum furtum excusant. At demus esse levem culpam, penetrare in aliena scrinia, & quæ celata volebas suffurari: num leve crimen videtur, ea, quæ nolebas evulgari, cum alieni nominis infamia prodere, & quidem indoctis assuturis contaminata? Quid alii sentiant nescio, ego levius ferrem, & tuli non semel, è scriniis sublatis nummos. At hoc qui faciunt, aguntur in crucem. Illi vocantur studiosi. Ego vero istos studiosos non arbitror dignos qui laqueo præfocentur, sed qui, ad Thurini exemplum, chartarum fumo pereant. In uno facto quam multa sunt crimina, furti, sacrilegii, falsi, infamis libelli, perfidiæ? Quid isti non audebunt me mortuo, quum hæc audeant me vivo? Atque utinam hæc temeritas à Veterum libris abstineret. Officina Veneta dedit nobis Festum Pompejum egregie depravatam. Non insimulo Aldum. Solet ille tales operas alicui pedagogo committere. Ante annos aliquot sæpe mihi fuit in animo, excussis schedis meis, quicquid non esset edendum exurere. Sed dum variis occupationibus impeditus differo propositum, alii anteverterunt, quæ res eis vertat male. Satis dedecoris mihi adferunt lucubrationes meæ, quas ipse edo, etiam si isti non evulgent meas nectas, quas vulgo non scripsi. Quam inter Epistolas reperissem multas à Regibus fere omnibus, à Ducibus, à Cardinalibus, Episcopis, & summis Pontificibus, aut à viris insigniter eruditis amantissime scriptas, libuit paucis ex his editis specimen dare, quales habeam combibones: sic enim quidam garrunt, qui scurrilem maledicentiam putant esse facundiam. Eas tantum selegi, quas non per secretarios, sed proprio ingenio compositas propriaque manu scriptas animadverterem: nam ipse mearum aliquot jam annis nullum exemplar servare curavi, partim quod amanuenses omnibus describendis non sufficerent, partim quod dum pluribus rescribo, cogor ex tempore scribere, quasdam etiam dictare. Et superiorum editionum me suppudivit. Postremo, mihi videntur sapere, qui Epistolas suas servant post obitum edendas. Porro, Epistolæ, quæ affectato argumento scribuntur ad eruditionis ostentationem, quoniam nihil habent veri affectus, meo iudicio non sunt Epistolæ. In his vero,

PAULI MERVLAE PRAEFATIO.

ro, quæ scribuntur ex animo, non temere invenias; quæ, uni scriptæ, ab omnibus citra cuiusquam offensionem legi possint. Cardinalis Cajetanus aliquoties ad me scripsit, postremam illius epistolam his adungere cupiebam, sed ad manus non venit. In litteris, quas ad illum novissimas dederam, questus sum de his, qui libellum De Concordia mala fide tractarant. Eas Clemens Pontifex legit: libentius enim legunt ad alios quam ad ipsos scriptas, quod in illis credant esse plus veri. Rogavit, an eum libellum legisset, ait. Ecquid probaret. Nihil, inquit, illic video mali. Eam vocem Pontifex summa cum alacritate excepit. Ubi ventum est ad locum ubi quæror de Nicolao Herbornio Commissario Cismontano, illico vocavit Magistrum sacri palatii, rogavit, eque ipso salem creasset Commissarium. Ille negavit. Qua ex re perspicuum fuit, nec Pontificem probare Herborni petulantiam, & ad gloriosum illum titulum, quo se jactabat, à Patribus Franciscanis fuisse datum, non à Pontifice. Inter excutiendum schedas illud admonuit me conditionis humane, quod inter tam multas epistolas, plerasque intra decennium scriptas, tam pauca venirent ad manus quarum auctores essent superstites. Homo bulla. Hæc te scire volui, candide lector, ne statim meum esse credas, ubique videris meum præfixum nomen: neve putes Erasmo neminem favere præter combibones aliquot. Vale. Basilea 20. Februarii, Anno à Natali 1536.

PAVLLVS G. F. P. N. MERVLA CL. V. OTHONI WERCKMANNO

S. D.

ACCEPI, mi Werckmanne, quæ diu apud te servata, diu ab multis expetita, Magni ERASMI Vitam¹, ipsius manu circa annum ab CHRISTO nato 1523. fideliter candideque exaratam, & ad Amicum sincerissimum, uti ipse eum appellat, Conradum Goelenium, Græcæ Linguae in Academia Lovaniensi Professore, transmissam. Videram jam ante annos aliquot ejus apud Scriverium² meum, Lydiosque Fratres exscripta; sed volupe fuit ^{avere} intueri. Nolim te lateat, elaboratam hujus Compendii Paraphrasin & præclaram Diffusionem esse Epistolam satis prolixam, quæ legitur libro xxiv. + ad Lambertum Grunium, Scribam Apostolicum. Ibi sub nomine Florentii (omine haud falso) ita se describit ERASMVS, ita suam pandit Fortunam, talibus aversorem ab Vita Monastica animum depingit coloribus, ut clarioribus non posset. Vere dicit ibi, se causam agere ejus, qui à puero ipsi sic cognitus, ut vix ipse sibi³; se etiam pleraque, quæ ad causam pertinent, non vidisse tantum, sed oculis etiam perspexisse. Antonius, Florentii Frater, qui inibi triennio fere major, vere est Petrus, ad quem Germanum suum scribit ERASMVS, cuique Carmen Sapphicum dedicavit *de Laude Amicitiae* Gulielmus Gaudanus⁴. In eum autem finem Grunio scribit Scribæ Apostolico, ut ipsi Curiaque proculdubio Romanæ, suam probet desertionem. Nam de ea varii spargebantur rumores, varia volitabant Monachorum dicteria. Compendium, ut eo redeam, à te acceptum prælo, quod vides, dedi; & quod multos annos in unius fuerat armario, in multorum, te petente, diffudi. Libello iustiori concinnando, alias ERASMI nostri Epistolas adposui nondum editas, dignas, quæ lucem etiam viderent. Nonnullas ex mea Bibliotheca promisi. Ego enim istam, etiam hac ætate, infansio, si sic nominanda, infaniam; ut, quemadmodum Imperatorum, Regum, Principum, quorum vis apud me magna, sic Procerum quoque istorum in Re Litteraria colligam ^{avere} mihi oblectationi, uti lassum subinde animum in venerando talium consensu recreem, eosque coram quasi loquentes audiam; Filiis autem meis stimulo, ut iis in adspectum productis excitentur ad æmulationem; quæ quo in prole, ad optatam metam producenda, major, eo gratior esse consuevit parentibus, quos scio vota sæpenumero concipere, ut filios habeant se majores. Consulere suas etiam Symbolas VV. CLL. Bonaventura Vulcanius, Græcæ Linguae in hac Academia Professor & Interpres, Collega mihi carissimus; Petrus Scriverius, quo inter Batavos nihil candidius, Fratres Lydii, quorum sinceris in me adfectibus utinam respondere liceret; Hieronymus Backerus, Adfinis meus & Concivis; Hadrianus Bimannus, Lugdunensis, Medicinæ Doctor, ad omnem factus humanitatem Juvenis. Incrementum, spero, non futurum Lectoribus ingratum. S. P. Q. Roterodamensi, quæ tua quoque mens erat, inscripsi: neque enim aliis debebatur. Vale, mi Werckmanne, meque in eorum habe numero, qui nominis tui sunt studiosissimi. Lugduni Batavorum 12. Novemb. An. 1606.

¹ Hanc Epistolam, seu mavis Praefationem, præfixit Paulus Mervla *Vita Erasmi*, Edit. in quarto Lugd. Bat. apud Thomam Baslen 1607.

² Eam habes primo Tomo Operum Desid. Erasmi.

³ Cujus Exemplar manu clariss. Viri Theodori Pulmanni erat editum, ex Autographo, quod ille adscripserat asservari apud Henricum Coracopetram.

⁴ Editionis Basileensis, nostræ vero ccccxlii. in Appendice pag. 1821.

* Videtur excidisse melius, aut penitus, vel quid simile.

⁵ In hac Editione pag. 1859.

⁶ Cum hac Epigraphe, *Ad Petrum Gerardum Roterodamum, Erasmi germanum, virum tum perhumanum, tum eruditissimum.*

⁷ Is est, ad quem toties scribit Erasmus, vide pag. 1836. & seq.

** 3 PRAE-

P R A E F A T I O

EDITIONIS LONDINENSIS.



MICE LECTOR,

Operosa Præfatione te in limine morari nec volumus, nec opus est. Si enim (ut in more positum est Præfationibus) vel Auctores ipsos, vel Opus commendare satageremus, ridiculi prorsus esse videremur, dum Soli meridiano facem prætendimus. Enimvero nequaquam indigent præconiis nostris hi, quos tibi præsentamus, heroes non solum laude, sed & invidia majores: quorum vel nominibus adeo illustris est hujus libri titulus, ut neminem fore arbitremur, eorum saltem qui litterarum amore flagrant, cujus oculos atque animum non modo non invitat, sed attrahet protinus, arripietque. Primum tibi damus celeberrimum illum litterarum parentem, eloquentiæ antistitem, barbariei hostem & profligatorem, veterum Patrum repurgatorem, Bataviæ suæ decus, imo Britanniae nostræ ac nationum pene omnium amorem & delicias, DESIDERIUM ERASMUM, quo vix quicquam æquius ævo vel mundus vidit uspiam, vel visurus est. Huic proxime succedit PHILIPPUS MELANCHTHON, vir acerrimo judicio, ingenio felicissimo, summaque eruditione suspiciendus, nec tantum bonarum litterarum, verum (quod longe divinius est) veræ etiam religionis vindex & instaurator. Postremo loco adjecimus THOMAM MORUM & LUDOVICUM VIVEM, ejusdem seculi Viros doctissimos & ERASMO nostro amicos familiarissimos; de quibus hoc tantum dicemus, Dignissimi sunt qui ERASMO & MELANCHTHONI comites adjungantur. Hos scilicet, amice Lector, tibi exhibemus, nec tamen totos, (quantum enim id esset?) at præcipuam eorum partem, EPISTOLAS nimirum universas, quibus scribendis haud minus semetipsos videntur superasse, quam aliis scribendi generibus reliquos fere mortales omnes præcelluerint. Hic præter maximam argumentorum varietatem, quæ te mirifice delectabit, præter elegantiam sermonis ingenique ubertatem, quæ in his potissimum lucubrationibus elucent, istius tumultuosissimi seculi imago ita clare & fideliter tibi ob oculos proponitur, ut rerum tam publice quam privatim tunc temporis gestarum notitiam puriorem sinceriolemque hinc haurire liceat, quam ex ullis forsan Historiographorum monumentis. Hi enim, dum commentationes suas publici juris futuras esse cogitarent, adeoque omnium oculis & calculis subjiciendas; se plerunque vel invidia, vel odio, vel favore, vel metu, vel spe transversos abripi patiebantur, id unum agentes, ut quæ omnibus scribebant, omnibus placerent, vel saltem quam paucissimos offenderent: verum hic (quod in Epistolis privatis fieri solet) animi sensus & cogitata libere & ingenue panduntur, & nuda rerum recens gestarum veritas sine fuco & fraude in amicorum sinus effunditur.

Jam quid à nobis in hoc Opere præstitum sit, paucis accipe. Illis duodetriginta libris Epistolarum ERASMI à FROBENIO, anno MDLXL. excusis, tres insuper alios addidimus: Quorum primus, vigesimus nonus videlicet, Epistolas nuncupatorias seu Præfationes complectitur: Trigesimus eas continet quas CL. Vir PAULVS MERVLA, anno MDLXVII. & PETRVS SCRIVERIUS, anno MDLXV. Lugduni Batavorum evulgarunt: Trigesimum primum librum ex IX. Tomo Operum ERASMI desumimus.

Porro ERASMI Vitam, quæ partim ab ipsomet ERASMO, partim ab aliis conscripta est, edendam curavimus. Denique, ne quid huic nostræ editioni desit quod usui tuo possit inservire, Indicem totius Operis congestimus, eumque adeo locupletem, ut non multa esse arbitremur observatu & memoratu digna quæ illic non indigentur. Parem fidem & diligentiam in MELANCHTHONIS ac reliquorum Epistolis congerendis edendisque præstitimus. Tu, Lector, utere, fruiere nostris laboribus: Nos interim eandem operam, quam in Epistolis ERASMI excudendis iussumus, in Opusculis ejus excudendis infumemus. Vale.




DESI.

DESIDERII ERASMI EPISTOLARVM INDEX PRIOR,

QUI EST

CHRONOLOGICVS.

(Epistolæ asterisco notatæ de novo accesserunt.)

1489.  urotino (Cornelio) Epistola I.
1490. — ad eundem, II.
Arnoldo cuidam, III.
1496. Christiano, IV.
Montjoio (Guilielmo) V.
1497. — ad eundem, VI.
Falconi (Joanni) VII.
Batto (Jacobo) VIII.
Witfordo (Ricardo) IX.
Montjoius (Guilielmus) Erasmo, X.
Coletus (Joannes) Erasmo, XI.
Sixtinus (Joannes) Erasmo, XII.
Sixtino (Joanni) XIII.
Piscatori (Roberto) XIV.
Guilielmo Goudano, XV.
Joanni Bruxellensi, XVI.
Lubecensi cuidam, XVII.
Aurotino (Cornelio) XVIII.
Christiano, XIX.
Grejo (Thoma) XX.
— ad eundem, XXI.
Batto (Jacobo) XXII.
Evangelistæ, XXIII.
* Sixtinus (Joannes) Erasmo, Ep. I. Append.
1498. Nicolao à Burgundia, XXIV.
Lutzenburgo (Antonio) XXV.
Christiano, Mercatori Lubecensi, XXVI.
Lutzenburgo (Antonio) XXVII.
Batto (Jacobo) XXVIII.
— ad eundem, XXIX.
Jacobo, Tutori suo, XXX.
Batto (Jacobo) XXXI.
Henricus Christiano fratri, XXXII.
Christiano, XXXIII.
Henrico à Bergis, XXXIV.
Jacobo, Tutori suo, XXXV.
Batto (Jacobo) XXXVI.
— ad eundem, XXXVII.
Piscatori (Roberto) XXXVIII.
Caminado (Augustino) XXXIX.
Benferado (Nicolao) XL.
Coletus (Joanni) XLI.
Montjoio (Guilielmo) XLII.
— ad eundem, XLIII.
Sixtino (Joanni) XLIV.
Gaguino (Roberto) XLV.
Gaguinus (Robertus) Erasmo, XLVI.
Grejo (Thoma) XLVII.
Amico cuidam, XLVIII.
Cuidam, XLIX.
Cuidam, L.
Cuidam, LI.
1499. Batto (Jacobo) LII.
— ad eundem, LIII.
Jacobo, Vicario Cameracensis Episcopi, LIV.
Joanni Bruxellano, LV.
Henrico à Bergis, LVI.
Lutzenburgo (Antonio) LVII.
Benferado (Nicolao) LVIII.
Jacobo, Tutori suo, LIX.
Batto (Jacobo) LX.
— ad eundem, LXI.
Battus (Jacobus) Guil. Montjoio, LXII.
Moro (Thoma) LXIII.
Montjoio (Guilielmo) LXIV.
Andrelinus (Faustus) LXV.
Andrelinus (Faustus) Erasmo, LXVI.
Fausto suo, LXVII.
Faustus Erasmo, LXVIII.
Fausto suo, LXIX.

1499. Faustus Erasmo, LXX.
Fausto suo, LXXI.
Caminado (Augustino) LXXII.
Batto (Jacobo) LXXIII.
— ad eundem, LXXIV.
Antonio à Bergis, LXXV.
Batto (Jacobo) LXXVI.
Nicasio suo, LXXVII.
Greverado Advocato, LXXVIII.
Christiano Lubecensi, LXXIX.
Batto (Jacobo) LXXX.
— ad eundem, LXXXI.
— ad eundem, LXXXII.
Guilielmo Goudano sodali, LXXXIII.
Gaguino (Roberto) LXXXIV.
Grejo (Thoma) LXXXV.
Gaguino (Roberto) LXXXVI.
Caminado (Augustino) LXXXVII.
Ludowico suo, LXXXVIII.
Lutzenburgo (Antonio) LXXXIX.
Netho (Petro) XC.
1500. Antonio à Bergis, XCI.
Bersalz (Anne) XCII.
Anglebermo (Petro) XCIII.
Batto (Jacobo) XCIV.
Adriano in Christo amicissimo, XCV.
Edmundo, Sacerdoti optimo, XCVI.
— ad eundem, XCVII.
1501. Antonius à Bergis Joanni de Medicis, XCVIII.
Lutzenburgo (Antonio) XCIX.
1502. Jacobo Middelburgensi, C.
1503. Egidio (Petro) CI.
1504. Coletus (Joanni) CII.
1505. Fischero (Christophoro) CIII.
* 1505. Badius (Jodocus) Ascensius Erasmo, II. App.
1506. Coletus (Joanni) CIV.
Linacro (Thoma) CV.
1507. Wentfordo (Rogerio) CVI.
Coletus (Joanni) CVII.
1509. Pifo (Jacobus) Erasmo, CVIII.
1510. Halseyo (Thoma) CIX.
Ammonio (Andrea) CX.
— ad eundem, CXI.
Moro (Thoma) CXII.
1511. Ammonio (Andrea) CXIII.
— ad eundem, CXIV.
Coletus (Joanni) CXV.
Ammonio (Andrea) CXVI.
Coletus (Joanni) CXVII.
Ammonio (Andrea) CXVIII.
— ad eundem, CXIX.
Gonello (Guilielmo) CXX.
Coletus (Joanni) CXXI.
Ammonio (Andrea) CXXII.
— ad eundem, CXXIII.
— ad eundem, CXXIV.
Ammonius (Andreas) Erasmo, CXXV.
Ammonio (Andrea) CXXVI.
Ammonius (Andreas) Erasmo, CXXVII.
— idem ad eundem, CXXVIII.
Ammonio (Andrea) CXXIX.
— ad eundem, CXXX.
— ad eundem, CXXXI.
Ammonius (Andreas) Erasmo, CXXXII.
Ammonio (Andrea) CXXXIII.
1512. Waranus (Guilielmus) Erasmo, CXXXIV.
Antonio à Bergis, CXXXV.
Cardinali Napetensi, CXXXVI.
Egnatio (Jo. Baptiste) CXXXVII.

Tom. III.

1512. Am.

I N D E X P R I O R

1512. Ammonio (*Andrea*) CXXXVIII.
 — *ad eundem*, CXXXIX.
 Ammonius (*Andreas*) *Erasmo*, CXL.
 Ammonio (*Andrea*) CXLI.
 — *ad eundem*, CXLII.
 Adolpho, *Principi Veriano*, CXLIII.
 1513. Antonio à Bergis, CXLIV.
 Ammonius (*Andreas*) *Erasmo*, CXLV.
 Ammonio (*Andrea*) CXLVI.
 — *ad eundem*, CXLVII.
 Bovillo (*Henrico*) CXLVIII.
 Colero (*Foanni*) CXLIX.
 — *ad eundem*, CL.
 Ammonio (*Andrea*) CLI.
 Zafius (*Udalricus*) *Erasmo*, CLII.
 Ammonio (*Andrea*) III. App.
 Colerus (*Foannes*) *Erasmo*, IV. *ibid.*
 1514. Gerardo Noviomago, CLIII.
 Egidio (*Petro*) CLIV.
 — *ad eundem*, CLV.
 — *ad eundem*, CLVI.
 Linacro (*Thoma*) CLVII.
 Ammonio (*Andrea*) CLVIII.
 — *ad eundem*, CLIX.
 — *ad eundem*, CLX.
 Zafius (*Udalricus*) *Erasmo*, CLXI.
 Zafio (*Ulrico*) CLXII.
 Ammonius (*Andreas*) *Erasmo*, CLXIII.
 Zafio (*Udalrico*) CLXIV.
 Wentfordo (*Rogero*) CLXV.
 — *ad eundem*, CLXVI.
 Reuchlinus (*Foannes*) *Erasmo*, V. App.
 Borsalus (*Foannes*) *Erasmo*, VI. *ibid.*
 Ammonius (*Andreas*) *Erasmo*, VII. *ibid.*
 Servatio, *rever. Patri*, VIII. *ibid.*
 Zafius (*Udalricus*) *Erasmo*, IX. *ibid.*
 — *ad eundem*, X. *ibid.*
 Zafio (*Udalrico*) XI. *ibid.*
 F. Gregorius *Erasmo*, XII. *ibid.*
 Schurerio (*Matthia*) XIII. *ibid.*
 Zafius (*Udalricus*) *Erasmo*, XIV. *ibid.*
 Pirckheimerus (*Bilibaldus*) *Rhenano*, XV. *ibid.*
 Caraffz (*Petro*) XVI. *ibid.*
 1515. Grymano (*Dominico*) CLXVII.
 Raphaeli *Cardinali*, CLXVIII.
 Ammonio (*Andrea*) CLXIX.
 Gonello (*Guilielmo*) CLXX.
 — *ad eundem*, CLXXI.
 — *ad eundem*, CLXXII.
 — *ad eundem*, CLXXIII.
 Leoni X. *Papa*, CLXXIV.
 Ammonius (*Andreas*) *Erasmo*, CLXXV.
 Sylvagio (*Foanni*) CLXXVI.
 Ammonius (*Andreas*) *Erasmo*, CLXXVII.
 Leo X. *Papa*, *Erasmo*, CLXXVIII.
 — *ad eundem*, CLXXIX.
 Raphael, *Card. S. Georgii*, *Erasmo*, CLXXX.
 Leoni X. *Papa*, CLXXXI.
 Montjoio (*Guilielmo*) CLXXXII.
 Watfono (*Foanni*) CLXXXIII.
 Kirherus (*Foannes*) *Erasmo*, CLXXXIV.
 Kirhero (*Foanni*) CLXXXV.
 Ammonius (*Andreas*) *Erasmo*, CLXXXVI.
 Thomæ, *Card. Eboracensi*, CLXXXVII.
 Waramo (*Guilielmo*) CLXXXVIII.
 — *ad eundem*, CLXXXIX.
 Theologo *cuidam*, CXC.
 Moro (*Thoma*) XVII. App.
 Borsalus (*Foannes*) *Erasmo*, XVIII. *ibid.*
 Bebelius (*Henricus*) *Erasmo*, XIX. *ibid.*
 Sapidus (*Foannes*) *Erasmo*, XX. *ibid.*
 Rhenanus (*Beatus*) *Erasmo*, XXI. *ibid.*
 Zwinglius (*Huldericus*) *Erasmo*, XXII. *ibid.*
 Rhenanus (*Beatus*) *Erasmo*, XXIII. *ibid.*
 Amorbachius (*Bruno*) *Erasmo*, XXIV. *ibid.*
 Frobenius (*Foannes*) *Erasmo*, XXV. *ibid.*
 Gerbelius (*Nicolaus*) *Erasmo*, XXVI. *ibid.*
 Zafius (*Udalricus*) *Erasmo*, XXVII. *ibid.*
 Badius (*Fodocus*) *Erasmo*, XXVIII. *ibid.*
 Gerbelius (*Nicolaus*) *Erasmo*, XXIX. *ibid.*
 — *ad eundem*, XXX. *ibid.*
 — *ad eundem*, XXXI. *ibid.*
 Sapidus (*Foannes*) *Erasmo*, XXXII. *ibid.*
 Zafius (*Udalricus*) *Erasmo*, XXXIII. *ibid.*
 Voltzcius (*Paulus*) *Erasmo*, XXXIV. *ibid.*
 Zafius (*Udalricus*) *Erasmo*, XXXV. *ibid.*
 Borsalus (*Foannes*) *Erasmo*, XXXVI. *ibid.*
 Demolendino (*Foannes*) *Erasmo*, XXXVII. *ibid.*

- * 1515. Voltzcius (*Paulus*) *Erasmo*, XXXVIII. App.
 * Pirckheimerus (*Bilibaldus*) *Erasmo*, XXXIX. *ibid.*
 * Zafius (*Udalricus*) *Erasmo*, XL. *ibid.*
 * — *ad eundem*, XLI. *ibid.*
 * Gerbelius (*Nicolaus*) *Erasmo*, XLII. *ibid.*
 * — *ad eundem*, XLIII. *ibid.*
 1516. Bero (*Ludovico*) CXCI.
 Watfono (*Foanni*) CXCH.
 Leo X. *Papa* *Erasmo*, CXCH.
 Leoni X. *Papa*, CXCH.
 Sylvestro, *Episc. Wigorniensis*, *Erasmo*, CXCV.
 Sylvestro, *Episc. Wigorniensis*, CXCVI.
 Budæus (*Guilielmus*) *Erasmo*, CXCVII.
 Copus (*Guilielmus*) *Erasmo*, CXCVIII.
 Grejo (*Thoma*) CXCVIX.
 Budæo (*Guilielmo*) CC.
 Deloinus (*Franciscus*) *Erasmo*, CCI.
 Deloino (*Francisco*) CCII.
 Budæo (*Guilielmo*) CCIII.
 Francisco I. *Galliarum Regi*, CCIV.
 Copo (*Guilielmo*) CCV.
 Canossa (*Ludovico*) CCVI.
 Capitoni (*Guelfo. Fabricio*) CCVII.
 Moro (*Thoma*) CCVIII.
 Egidio (*Petro*) CCIX.
 Bartholino (*Ricardo*) CCX.
 Ammonio (*Andrea*) CCXI.
 Brixius (*Germanus*) *Erasmo*, CCXII.
 Zafius (*Udalricus*) *Erasmo*, CCXIII.
 Pirckheimerus (*Bilibaldus*) *Erasmo*, CCXIV.
 Thomæ, *Episcopo Dunelmensi*, CCXV.
 Bovillus (*Henricus*) *Erasmo*, CCXVI.
 Glareanus (*Henricus*) *Erasmo*, CCXVII.
 Moro (*Thoma*) CCXVIII.
 Egidio (*Petro*) CCXIX.
 Budæus (*Guilielmus*) *Erasmo*, CCXX.
 Budæo (*Guilielmo*) CCXXI.
 Egidio (*Petro*) CCXXII.
 Berus (*Ludovicus*) *Erasmo*, CCXXIII.
 Canossa (*Ludovicus*) *Erasmo*, CCXXIV.
 Ammonio (*Andrea*) CCXXV.
 Pirckheimerus (*Bilibaldus*) *Erasmo*, CCXXVI.
 Morus (*Thomas*) *Erasmo*, CCXXVII.
 Bartholinus (*Ricardus*) *Erasmo*, CCXXVIII.
 Regius (*Urbanus*) *Fo. Fabro*, CCXXIX.
 — *ad eundem*, CCXXX.
 Ammonio (*Andrea*) CCXXXI.
 Montjoius (*Guilielmus*) *Erasmo*, XLIV. App.
 Aggeus (*Augustinus*) *Erasmo*, XLV. *ibid.*
 Wimpelingus (*Jacobus*) *Erasmo*, XLVI. *ibid.*
 Gerbelius (*Nicolaus*) *Erasmo*, XLVII. *ibid.*
 Pirckheimerus (*Bilibaldo*) XLVIII. *ibid.*
 Bedillus (*Thomas*) *Erasmo*, XLIX. *ibid.*
 Zafius (*Udalricus*) *Erasmo*, L. *ibid.*
 Regio (*Urbano*) LI. *ibid.*
 Morus (*Thomas*) *Erasmo*, LII. *ibid.*
 Regio (*Urbano*) LIII. *ibid.*
 Rescius (*Rutgerus*) *Erasmo*, LIV. *ibid.*
 Ellenbogen (*Nicolaus*) *Erasmo*, LV. *ibid.*
 Barbirius (*Petrus*) *Erasmo*, LVI. *ibid.*
 Pricellius (*Georgius*) *Erasmo*, LVII. *ibid.*
 Sapidus (*Foannes*) *Erasmo*, LVIII. *ibid.*
 Baldung (*Hieronymus*) *Erasmo*, LIX. *ibid.*
 Budæus (*Guilielmus*) *Erasmo*, LX. *ibid.*
 Bovillus (*Henricus*) *Erasmo*, LXI. *ibid.*
 Pirckheimerus (*Bilibaldo*) LXII. *ibid.*
 Reuchlinus (*Foannes*) *Erasmo*, LXIII. *ibid.*
 Brielis (*Guilielmus*) *Erasmo*, LXIV. *ibid.*
 Waramus (*Guilielmus*) *Erasmo*, LXV. *ibid.*
 Alardus *Amstredamus* *Erasmo*, LXVI. *ibid.*
 Badius (*Fodocus*) *Erasmo*, LXVII. *ibid.*
 Sylvagius (*Foannes*) *Erasmo*, LXVIII. *ibid.*
 Nuernar (*Hermannus*) *Comes*, *Erasmo*, LXIX. *ibid.*
 Barbirius (*Petrus*) *Erasmo*, LXX. *ibid.*
 Viterius (*Petrus*) *Erasmo*, LXXI. *ibid.*
 Clava (*Antonius*) *Erasmo*, LXXII. *ibid.*
 Grejus (*Thomas*) *Erasmo*, LXXIII. *ibid.*
 Thomæ, *Card. Archiep. Eboracensi*, LXXIV. *ibid.*
 Faber (*Wolfgangus*) *Erasmo*, LXXV. *ibid.*
 Rhenanus (*Beatus*) *Erasmo*, LXXVI. *ibid.*
 Amorbachius (*Bruno*) *Erasmo*, LXXVII. *ibid.*
 Sapidus (*Foannes*) *Erasmo*, LXXVIII. *ibid.*
 Lupsetus (*Thomas*) *Erasmo*, LXXIX. *ibid.*
 Waramus (*Guilielmus*) *Moro*, LXXX. *ibid.*
 Bullidio (*Hieronymus*) LXXXI. *ibid.*
 Badius (*Fodocus*) *Erasmo*, LXXXII. *ibid.*
 Pirckheimerus (*Bilibaldus*) *Erasmo*, LXXXIII. *ibid.*
 Colerus (*Foannes*) *Erasmo*, LXXXIV. *ibid.*

* 1516. Cole-

EPISTOLARVM ERASMI.

*1516. Coletus (Joannes) *Erasmo*, LXXXV. App.
 * Huttenus (Ulricus) *Erasmo*, LXXXVI. ibid.
 * Morus (Thomas) *Erasmo*, LXXXVII. ibid.
 * Buflidius (Hieronymus) *Erasmo*, LXXXVIII. ibid.
 * Alardus Amst. *Erasmo*, LXXXIX. ibid.
 * Montjoyus (Guilielmus) *Erasmo*, XC. ibid.
 * Noviomagus (Gerardus) *Erasmo*, XCI. ibid.
 * Glareanus (Henricus) *Erasmo*, XCII. ibid.
 * Cæsarius (Joannes) *Erasmo*, XCIII. ibid.
 * Spalatinus (Georgius) *Erasmo*, XCIV. ibid.
 * Viterius (Petrus) *Erasmo*, XCV. ibid.
 * Sapido (Joanni) *Erasmo*, XCVI. ibid.
 * * Egidius (Petrus) *Erasmo*, XCVII. ibid.
 * Barlandus (Adrianus) *Cornelio fratri*, XCVIII. ibid.
 * Barlandus (Adrianus) *Erasmo*, XCIX. ibid.
 * — ad eundem, C. ibid.
 * Basellius (Nicolaus) *Erasmo*, CI. ibid.
 * Cæsar (Robertus) *Erasmo*, CII. ibid.
 * Fischerus (Joannes) *Erasmo*, CIII. ibid.
 * Lystrius (Gerardus) *Erasmo*, CIV. ibid.
 * — ad eundem, CV. ibid.
 * Nefenus (Guilielmus) *Erasmo*, CVI. ibid.
 * — ad eundem, CVII. ibid.
 * — ad eundem, CVIII. ibid.
 * Pirckheimerus (Bilibaldus) *Erasmo*, CIX. ibid.
 * * Emserus (Hieronymus) *Pirckheimeri Bilib.* CX. ibid.
 * 1517. Berselius (Paschasius) *Erasmo*, CCXXXII.
 * Berselio (Paschasio) CCXXXIII.
 * Pirckheimerus (Bilibaldo) CCXXXIV.
 * Poncherio (Stephano) *Episc. Parisiensi*, CCXXXV.
 * Ammonius (Andreas) *Erasmo*, CCXXXVI.
 * Moro (Thomas) CCXXXVII.
 * Oecolampadius (Joannes) *Erasmo*, CCXXXVIII.
 * Fabro (Jacobo) CCXXXIX.
 * Egidio (Petro) CXL.
 * Paczo (Richardo) CXLII.
 * Gonello (Guilielmo) CXLIII.
 * Batto (Cornelio) CXLIV.
 * Laurino (Marco) CXLV.
 * Clavz (Antonio) CXLVI.
 * Colecto (Joanni) CXLVII.
 * Borzemo (Joanni) CXLVIII.
 * Budæus (Guilielmus) *Cutberto Tunstallo*, CXLIX.
 * — *Erasmo*, CCL.
 * Budzo (Guilielmo) CCLI.
 * Rimaclo () CCLII.
 * Tunstallus (Cutbertus) *Guil. Budeo*, CCLIII.
 * Latimero (Guilielmo) CCLIV.
 * Urfewico (Joanni) CCLV.
 * Fischero (Joanni) CCLVI.
 * Budæus (Guilielmus) *Erasmo*, CCLVII.
 * Christophorus, *Episc. Basileensis*, *Erasmo*, CCLVIII.
 * Paliurus (Lucas) *Erasmo*, CCLIX.
 * Budzo (Guilielmo) CCLX.
 * Waramus (Guilielmus) *Erasmo*, CCLXI.
 * Paliuro (Luca) CCLXII.
 * Stromerio *Aurbachio (Henrico)* CCLXIII.
 * Haloino (Georgio) CCLXIV.
 * Ricardo suo, CCLXV.
 * Noviomago (Gerardo) CCLXVI.
 * Thomæ, *Card. Eboracensis*, CCLXVII.
 * Henrico VIII. *Anglia Regi*, CCLXVIII.
 * Fevino (Joanni) CCLXIX.
 * Lystrio (Gerardo) CCLXX.
 * Fabro (Jacobo) CCLXXI.
 * Tunstallus (Cutbertus) *Erasmo*, CCLXXII.
 * Goclenio (Conrado) CCLXXIII.
 * Pirckheimerus (Bilibaldo) CCLXXIV.
 * Barbirio (Petro) CCLXXV.
 * Hernesto, *Bavaria Duci*, CCLXXVI.
 * Banisus (Jacobus) *Erasmo*, CCLXXVII.
 * Spalatinus (Georgius) *Erasmo*, CCLXXVIII.
 * Noviomago (Gerardo) CCLXXIX.
 * Budzo (Guilielmo) CCLXXX.
 * Noviomagus (Gerardus) *Erasmo*, CCLXXXI.
 * Philippus à Burgundia, *Episc. Trajectensis*, *Erasmo*, CCLXXXII.
 * Bombasius (Paulus) *Cardinalis*, *Erasmo*, CCLXXXIII.
 * Antonio à Bergis, CCLXXXIV.
 * Budzo (Guilielmo) CCLXXXV.
 * Christophoro, *Episc. Basileensis*, CCLXXXVI.
 * Pricardo (Leonardo) CCLXXXVII.
 * Egidio (Petro) CCLXXXVIII.
 * Zasio (Udalrico) CCLXXXIX.
 * Paludano (Joanni) CCXC.
 * Moro (Thomas) CCXCI.
 * Noviomago (Gerardo) CCXCII.

1517. Tunstallo (Cutberto) CCXCIII.
 Viterio (Petro) CCXCIV.
 Afinio (Henrico) CCXCV.
 Hoechststrato (Andrea) CCXCVI.
 Hoechststratus (Andreas) *Erasmo*, CXI. App.
 Morus (Thomas) *Erasmo*, CXII. ibid.
 * Egidius (Petrus) *Erasmo*, CXIII. ibid.
 * Morillonus (Guido) *Erasmo*, CXIV. ibid.
 * Accardus (Marianus) *Siculus Erasmo*, CXV. ibid.
 * Emser (Hieronymus) *Erasmo*, CXVI. ibid.
 * Dunghersteyn (Hieronymus) *Erasmo*, CXVII. ibid.
 * Pirckheimerus (Bilibaldus) *Erasmo*, CXVIII. ibid.
 * Rhenanus (Beatus) *Erasmo*, CXIX. ibid.
 * Mosellanus (Petrus) *Erasmo*, CXX. ibid.
 * Waramus (Guilielmus) *Erasmo*, CXXI. ibid.
 * Faber (Wolphangus) *Erasmo*, CXXII. ibid.
 * Reuchlinus (Joannes) *Erasmo*, CXXIII. ibid.
 * Accardus (Marianus) *Erasmo*, CXXIV. ibid.
 * Harenaceus (Joannes) *Erasmo*, CXXV. ibid.
 * Badio (Jodoco) CXXVI. ibid.
 * Nefeno (Guilielmo) CXXVII. ibid.
 * Viterio (Petro) CXXVIII. ibid.
 * Battus (Cornelius) *Erasmo*, CXXIX. ibid.
 * Sagundinus (Nicolaus) *Marco Musuro*, CXXX. ibid.
 * Tunstallus (Cutbertus) *Erasmo*, CXXXI. ibid.
 * Ammonio (Petro) CXXXII. ibid.
 * Fischero (Joanni) CXXXIII. ibid.
 * Rhenanus (Beatus) *Erasmo*, CXXXIV. ibid.
 * Wentfordo (Rogerio) CXXXV. ibid.
 * Stromerus (Henricus) *Erasmo*, CXXXVI. ibid.
 * Bovillus (Henricus) *Erasmo*, CXXXVII. ibid.
 * Rhenanus (Beatus) *Erasmo*, CXXXVIII. ibid.
 * Berus (Ludovicus) *Erasmo*, CXXXIX. ibid.
 * Morillonus (Guido) *Erasmo*, CXL. ibid.
 * Egnatius (Jo. Baptista) *Erasmo*, CXLI. ibid.
 * Bedillus (Thomas) *Erasmo*, CXLII. ibid.
 * Sagundinus (Nicolaus) *Erasmo*, CXLIII. ibid.
 * Egidio (Petro) CXLIV. ibid.
 * Justinianus (Sebastianus) *Erasmo*, CXLV. ibid.
 * Rhenanus (Beatus) *Erasmo*, CXLVI. ibid.
 * Fabritius (Wolphangus) *Capito Erasmo*, CXLVII. ibid.
 * Morus (Thomas) *Erasmo*, CXLVIII. ibid.
 * Budæus (Guilielmus) *Erasmo*, CXLIX. ibid.
 * Tunstallo (Cutberto) CL. ibid.
 * Barbirio (Petro) CLI. ibid.
 * Joannes (Juliacensis) *Erasmo*, CLII. ibid.
 * Huttenus (Ulricus) *Erasmo*, CLIII. ibid.
 * Schurerius (Matthias) *Erasmo*, CLIV. ibid.
 * Barbirius (Nicolaus) *Erasmo*, CLV. ibid.
 * Stromerus (Henricus) *Erasmo*, CLVI. ibid.
 * Cæsarius (Joannes) *Erasmo*, CLVII. ibid.
 * Glareanus (Henricus) *Erasmo*, CLVIII. ibid.
 * Barbirius (Petrus) *Erasmo*, CLIX. ibid.
 * Cæsario (Joanni) CLX. ibid.
 * Sixtinus (Joannes) *Erasmo*, CLXI. ibid.
 * Bero (Ludovico) CLXII. ibid.
 * Nefeno (Guilielmo) CLXIII. ibid.
 * Rhenano (Beato) CLXIV. ibid.
 * Amorbachio (Brunoni) CLXV. ibid.
 * Fabro (Wolphango) CLXVI. ibid.
 * Rufero (Joanni) CLXVII. ibid.
 * Neaetio Comiti (Hermann) CLXVIII. ibid.
 * Frobenio (Joanni) CLXIX. ibid.
 * Chiregattus (Franciscus) *Erasmo*, CLXX. ibid.
 * Cuidam, CLXXI. ibid.
 * Tunstallo (Cutberto) CLXXII. ibid.
 * — ad eundem, CLXXIII. ibid.
 * Morus (Thomas) *Erasmo*, CLXXIV. ibid.
 * Clavz (Antonio) CLXXV. ibid.
 * Laurino (Marco) CLXXVI. ibid.
 * Cuidam, CLXXVII. ibid.
 * Fischero (Joanni) CLXXVIII. ibid.
 * Moro (Thomas) CLXXIX. ibid.
 * Sixtino (Joanni) CLXXX. ibid.
 * Stromer (Henricus) *Erasmo*, CLXXXI. ibid.
 * Clavz (Antonio) CLXXXII. ibid.
 * Moro (Thomas) CLXXXIII. ibid.
 * Sixtino (Joanni) CLXXXIV. ibid.
 * Laurino (Marco) CLXXXV. ibid.
 * Cuidam, CLXXXVI. ibid.
 * Lutzenburgo (Antonio) CLXXXVII. ibid.
 * Berselius (Paschasius) *Erasmo*, CLXXXVIII. ibid.
 * Cæsarius (Joannes) *Erasmo*, CLXXXIX. ibid.
 * Egidius (Petrus) *Erasmo*, CXC. ibid.
 * Noviomago (Gerardo) CXCI. ibid.

I N D E X P R I O R

*1517. Morus (*Thomas*) *Petro Egidio*, CXCII. App.
 * — *Erasmo*, CXCIII. ibid.
 * Pirckheimero (*Bilibaldo*) CXCIV. ibid.
 * Budæo (*Guilielmo*) CXCV. ibid.
 * Lupseto (*Thome*) CXCVI. ibid.
 * Ofhuys (*Carolus*) *Erasmo*, CXCVII. ibid.
 * Schurerio (*Matthie*) CXCVIII. ibid.
 * Joanni *suo*, CXCIX. ibid.
 * Lystrio (*Gerardo*) CC. ibid.
 * Banisio (*Jacobo*) CCI. ibid.
 * Cæsario (*Foanni*) CCII. ibid.
 * Pirckheimero (*Bilibaldo*) CCIII. ibid.
 * Morus (*Thomas*) *Erasmo*, CCIV.
 * Waramus (*Guilielmus*) *Erasmo*, CCV. ibid.
 * Laurino (*Marco*) CCVI. ibid.
 * Pacæo (*Richardo*) CCVII. ibid.
 * Laurino (*Marco*) CCVIII. ibid.
 * Clavæ (*Antonio*) CCIX. ibid.
 * Comitæ à *Nova Aquila*, CCX. ibid.
 * Fabro (*Jacobo*) CCXI. ibid.
 * Moro (*Thome*) CCXII. ibid.
 * Pyrrho *suo*, CCXIII. ibid.
 * Bero (*Ludovico*) CCXIV. ibid.
 * Fabro (*Guolphango*) CCXV. ibid.
 * Rhenano (*Beato*) CCXVI. ibid.
 * Berselio (*Paschasio*) CCXVII. ibid.
 * Fabro (*Guolphango*) CCXVIII. ibid.
 * Philippo à *Burgundia*, CCXIX. ibid.
 * — *ad eundem*, CCXX. ibid.
 * Morus (*Thomas*) *Erasmo*, CCXXI. ibid.
 * Pacæo (*Richardo*) CCXXII. ibid.
 * Clavæ (*Antonio*) CCXXIII. ibid.
 * Ammonio (*Andrea*) CCXXIV. ibid.
 * Lystrius (*Gerardus*) *Erasmo*, CCXXV. ibid.
 * Egidio (*Petro*) CCXXVI. ibid.
 * Affinio (*Henrico*) CCXXVII. ibid.
 * Ammonio (*Petro*) CCXXVIII. ibid.
 * Atenfi (*Foanni*) CCXXIX. ibid.
 * Barbirio (*Petro*) CCXXX. ibid.
 * Berselio (*Paschasio*) CCXXXI. ibid.
 * Bullidio (*Egidio*) CCXXXII. ibid.
 * Dorpio (*Martino*) CCXXXIII. ibid.
 * Glareano (*Henrico*) CCXXXIV. ibid.
 * — *ad eundem*, CCXXXV. ibid.
 * Lachnero & *Frobenio*, CCXXXVI. ibid.
 * Lachnero, CCXXXVII. ibid.
 * Leo (*Eduardo*) CCXXXVIII. ibid.
 * Lypsio (*Martino*) *Bruxellenfi*, CCXXXIX. ibid.
 * Cuidam, CCXL. ibid.
 * Moro (*Thome*) CCXLI. ibid.
 * Rufero (*Foanni*) CCXLII. ibid.
 * Cuidam, CCXLIII. ibid.
 * Cuidam, CCXLIV. ibid.
 * Cuidam, CCXLV. ibid.
 * Coletus (*Foannes*) *Erasmo*, CCXLVI. ibid.
 * Dorpius (*Martinus*) *Erasmo*, CCXLVII. ibid.
 * — *idem ad eundem*, CCXLVIII. ibid.
 * Justinianus (*Sebastianus*) *Erasmo*, CCXLIX. ibid.
 * Morus (*Thomas*) *Erasmo*, CCL. ibid.
 * — *idem ad eundem*, CCLI. ibid.
 * — *idem ad eundem*, CCLII. ibid.
 * * Mulanus (*Andreas*) *Erasmo*, CCLIII. ibid.
 * 1518. Erardo, *Episc. Leodiensis*, CCXCVII.
 * Philippo à *Burgundia*, CCXCVIII.
 * Nefeno (*Guilielmo*) CCXCIX.
 * Egidio (*Petro*) CCC.
 * Latimerus (*Guilielmus*) CCCI.
 * Glareano (*Henrico*) CCCII.
 * Eckius (*Foannes*) *Erasmo*, CCCIII.
 * Budæus (*Guilielmus*) *Erasmo*, CCCIV.
 * Budæo (*Guilielmo*) CCCV.
 * Sampson (*Richardus*) *Erasmo*, CCCVI.
 * Barbirio (*Petro*) CCCVII.
 * Beraldus (*Nicolaus*) *Erasmo*, CCCVIII.
 * Pacæus (*Richardus*) *Erasmo*, CCCIX.
 * Budæus (*Guilielmus*) *Erasmo*, CCCX.
 * Buschio (*Hermano*) CCCXI.
 * Grolierio (*Foanni*) CCCXII.
 * Henrico VIII. *Anglorum Regi*, CCCXIII.
 * Lascari (*Foanni*) CCCXIV.
 * Grimano (*Dominico*) CCCXV.
 * Pacæo (*Richardo*) CCCXVI.
 * Thomæ, *Card. Eboracensi*, CCCXVII.
 * Frederico, *Saxonie Electori*, CCCXVIII.
 * Velius (*Gaspar Ursinus*) *Erasmo*, CCCXIX.
 * Beraldus (*Nicolaus*) *Erasmo*, CCCXX.
 * Parcio (*Thome*) CCCXXI.
 * Beraldus (*Nicolaus*) *Erasmo*, CCCXXII.

1518. Dorpius (*Martinus*) *Erasmo*, CCCXXIII.
 Leo (*Ambrosius*) *Erasmo*, CCCXXIV.
 Reçtori *Schola Erphardienfis*, CCCXXV.
 Huco (*Guilielmo*) CCCXXVI.
 Beraldo (*Nicolaus*) CCCXXVII.
 Zafius (*Udalricus*) *Erasmo*, CCCXXVIII.
 Voltzio (*Paulo*) CCCXXIX.
 Zafio (*Udalrico*) CCCXXX.
 Puccio (*Antonio*) CCCXXXI.
 Ofvaldo *Myconio*, CCCXXXII.
 Amorbachio (*Bonifacio*) CCCXXXIII.
 * Albertus, *Archiepisc. Mogunt. Erasmo*, CCCXXXIV.
 Bombafius (*Paulus*) *Erasmo*, CCCXXXV.
 Budæo (*Guilielmo*) CCCXXXVI.
 Rufo (*Mutiano*) CCCXXXVII.
 Bullidio (*Egidio*) CCCXXXVIII.
 Eschenveldio (*Christophoro*) CCCXXXIX.
 Werterio (*Foanni*) CCCXL.
 Gerbelio (*Nicolaus*) CCCXLI.
 Pacæo (*Richardo*) CCCXLII.
 Budæus (*Guilielmus*) *Erasmo*, CCCXLIII.
 Egidio (*Petro*) CCCXLIV.
 — *ad eundem*, CCCXLV.
 Cuidam, CCCXLVI.
 Bombafio (*Paulo*) CCCXLVII.
 Erardus, *Episc. Leodiensis*, *Erasmo*, CCCLXVIII.
 Croyo (*Guilielmo*) CCCLXIX.
 Croyus (*Guilielmus*) *Erasmo*, CCCL.
 Croyo (*Guilielmo*) CCCLI.
 Sampsoni (*Richardo*) CCCLII.
 Antonio à *Bergis*, CCCLIII.
 Oecolampadio (*Foanni*) CCCLIV.
 Banisio (*Jacobo*) CCCLV.
 Laurino (*Marco*) CCCLVI.
 Rhenano (*Beato*) CCCLVII.
 Cuidam *Obseçtatori*, CCCLVIII.
 Brixio (*Germano*) CCCLIX.
 Velio (*Gaspari*) CCCLX.
 Glareano (*Henrico*) CCCLXI.
 Bullidio (*Egidio*) CCCLXII.
 Latimero (*Guilielmo*) CCCLXIII.
 Moro (*Thome*) CCCLXIV.
 Egidio (*Petro*) CCCLXV.
 Bullidio (*Egidio*) CCCLXVI.
 Barlando (*Adriano*) CCCLXVII.
 Egidio (*Petro*) CCCLXVIII.
 Lypsio (*Martino*) CCCLXIX.
 — *ad eundem*, CCCLXX.
 Zafio (*Udalrico*) CCCLXXI.
 Marca (*Erardo*) CCCLXXII.
 Egidio (*Petro*) CCCLXXIII.
 Pirckheimero (*Bilibaldo*) CCCLXXIV.
 Lypsio (*Martino*) CCCLXXV.
 Eckio (*Foanni*) CCCLXXVI.
 Bombafio (*Paulo*) CCCLXXVII.
 * Joanni à *Lovanio*, CCLIV. App.
 * Hondt (*Foannide*) CCLV. ibid.
 * Affinio (*Henrico*) CCLVI. ibid.
 * Barbirio (*Petro*) CCLVII. ibid.
 * Laurino (*Marco*) CCLVIII. ibid.
 * Badio (*Fodoco*) CCLIX. ibid.
 * Ammonio (*Petro*) CCLX. ibid.
 * Sixtino (*Foanni*) CCLXI. ibid.
 * Egidio (*Petro*) CCLXII. ibid.
 * Bovillo (*Henrico*) CCLXIII. ibid.
 * Laurino (*Marco*) CCLXIV. ibid.
 * Moro (*Thome*) CCLXV. ibid.
 * Pacæo (*Richardo*) CCLXVI. ibid.
 * Cuidam, CCLXVII. ibid.
 * Cuidam, CCLXVIII. ibid.
 * Waramo (*Guilielmo*) CCLXIX. ibid.
 * Sylvagio (*Foanni*) CCLXX. ibid.
 * Frobenio (*Foanni*) CCLXXI. ibid.
 * Fabro (*Guolphango*) CCLXXII. ibid.
 * Oecolampadio (*Foanni*) CCLXXIII. ibid.
 * Rhenano (*Beato*) CCLXXIV. ibid.
 * Bombafio (*Paulo*) CCLXXV. ibid.
 * Robino (*Foanni*) CCLXXVI. ibid.
 * Cæsario (*Foanni*) CCLXXVII. ibid.
 * Budæo (*Guilielmo*) CCLXXVIII. ibid.
 * Bidello (*Thome*) CCLXXIX. ibid.
 * Croco (*Guilielmo*) CCLXXX. ibid.
 * Sixtino (*Foanni*) CCLXXXI. ibid.
 * Tunstallo (*Cusberto*) CCLXXXII. ibid.
 * Noviomago (*Gerardo*) CCLXXXIII. ibid.
 * Barbirio (*Petro*) CCLXXXIV. ibid.
 * Moro (*Thome*) CCLXXXV. ibid.
 * * Wentfordo (*Rogério*) CCLXXXVI. ibid.

* Mo-

EPISTOLARVM ERASMI.

* 1518. Moro (Thoma) CCLXXXVII. App.
 * Comiti à Nova Aquila (Hermann) CCLXXXVIII. ib.
 * Capitoni suo, CCLXXXIX. ibid.
 * Eschenveldio (Christophoro) CCXC. ibid.
 * Materno suo, CCXCI. ibid.
 * Buschio (Hermann) CCXCII. ibid.
 * Eschenveldio (Christophoro) CCXCIII. ibid.
 * Tunstallo (Cuthberto) CCXCIV. ibid.
 * Bidellio (Thoma) CCXCV. ibid.
 * Bovillo (Henrico) CCXCVI. ibid.
 * Montjojo (Guilielmo) CCXCVII. ibid.
 * Cuidam. CCXCVIII. ibid.
 * Waramo (Guilielmo) CCXCIX. ibid.
 * Smith (Joanni) CCC. ibid.
 * Paliurus (Lucas) Erasmo, CCCI. ibid.
 * Hollonius (Lambertus) Erasmo, CCCII. ibid.
 * Antonio à Bergis, CCCIII. ibid.
 * Budzo (Guilielmo) CCCIV. ibid.
 * Coletto (Joanni) CCCV. ibid.
 * Fischero (Joanni) CCCVI. ibid.
 * Frobenio (Joanni) CCCVII. ibid.
 * Lodovico suo, CCCVIII. ibid.
 * Lutsemburgo (Antonio) CCCIX. ibid.
 * Liffrio (Gerardo) CCCX. ibid.
 * Moro (Thoma) CCCXI. ibid.
 * Waramo (Guilielmo) CCCXII. ibid.
 * Moro (Thoma) CCCXIII. ibid.
 * 1519. Melanchthon (Philippus) Erasmo, CCCLXXVIII.
 * Mosellanus (Petrus) Erasmo, CCCLXXIX.
 * Mosellano (Petro) CCCLXXX.
 * Noetio (Fodoco) CCCLXXXI.
 * Longolius (Christophorus) Jacobo Luce, CCCLXXXII.
 * Budzus (Guilielmus) Erasmo, CCCLXXXIII.
 * Thomæ, Card. Eboracensis, CCCLXXXIV.
 * N. Ferdinandi Medico, CCCLXXXV.
 * Marca (Antonio à) CCCLXXXVI.
 * Budzo (Guilielmo) CCCLXXXVII.
 * Marca (Erardo à) CCCLXXXVIII.
 * Fischero (Joanni) CCCLXXXIX.
 * Budzus (Guilielmus) Erasmo, CCCXC.
 * Carino (Ludovico) CCCXCI.
 * Huttenus (Ulricus) Erasmo, CCCXCII.
 * Rusco (Ludovico) CCCXCIII.
 * Viveti (Ludovico) CCCXCIV.
 * Budzus (Guilielmus) Erasmo, CCCXCV.
 * — idem ad eundem, CCCXCVI.
 * Nefeno (Guilielmo) CCCXCVII.
 * Budzo (Guilielmo) CCCXCVIII.
 * Lutherus (Martinus) Erasmo, CCCXCIX.
 * Borsalus (M. Joannes) Erasmo, CCCC.
 * Lypio (Martino) CCCC.
 * Longolio (Christophoro) CCCCII.
 * Fischero (Joanni) CCCCIII.
 * Cordo (Euricio) CCCCIV.
 * Jacobo Hornensis, CCCCv.
 * Draconi (Joanni) CCCCvi.
 * Turzoni (Joanni) CCCCvii.
 * Croyo (Guilielmo) CCCCviii.
 * Budzus (Guilielmus) Erasmo, CCCCix.
 * Budzo (Guilielmo) CCCCx.
 * Melanchthoni (Philippo) CCCCxi.
 * Schlechtz (Joanni) CCCCxii.
 * Hutteno (Ulrico) CCCCxiii.
 * Borsalo (Joanni) CCCCxiv.
 * Fabro (Joanni) CCCCxv.
 * Campegio (Laurentio) CCCCxvi.
 * Guldefordo (Henrico) CCCCxvii.
 * Henrico VIII. Anglorum Regi, CCCCxviii.
 * Alberto, Card. & Archiepiscopo Moguntinensi, CCCCxix.
 * Antonio à Bergis, CCCCxx.
 * Pricardus (Leonardus) Erasmo, CCCCxxi.
 * Thomæ, Episcopo Dunelmensi, CCCCxxii.
 * Richardo, Episcopo Wintoniensi, CCCCxxiii.
 * Schalbus (Gaspar) Erasmo, CCCCxxiv.
 * Spalatino (Georgio) CCCCxxv.
 * Friderico, Saxoniae Duci, CCCCxxvi.
 * Luthero (Martino) CCCCxxvii.
 * Schalbo (Gaspari) CCCCxxviii.
 * Eobano Hesso, CCCCxxix.
 * Papinio (Antonio) CCCCxxx.
 * Jonæ (Fodoco) CCCCxxxi.
 * Budzus (Guilielmus) Erasmo, CCCCxxxii.
 * Morus (Thomas) Erasmo, CCCCxxxiii.
 * Albertus Card. Moguntinensis Erasmo, CCCCxxxiv.
 * Jonæ (Fodoco) CCCCxxxv.
 * Ægidius (Petrus) CCCCxxxvi.
 * Banisio (Jacobo) CCCCxxxvii.
 * Claymondo (Joanni) CCCCxxxviii.

1519. Parthenio (Tranquillo) CCCCxxxix.
 Papinius (Antonius) Erasmo, CCCCxl.
 Budzus (Guilielmus) Erasmo, CCCCxli.
 Priccardo (Leonardo) CCCCxlii.
 Campegius (Laurentius) Erasmo, CCCCxlili.
 Collegio Canonicorum Metensium, CCCCxliv.
 Campegio (Laurentio) CCCCxlv.
 Leo (Eduardo) CCCCxlvi.
 Hutteno (Ulrico) CCCCxlvii.
 Puccio (Laurentio) CCCCxlviii.
 Fischero (Joanni) CCCCxlix.
 Spalatino (Georgio) CCCC.
 Zutphenio (Petro) CCCCli.
 Hoochstrato (Jacobo) CCCClii.
 Leoni X. Papa, CCCCliii.
 Haco (Christophoro) CCCCliiv.
 Budzus (Guilielmus) Erasmo, CCCClv.
 Alberto, Card. Moguntinensi, CCCClii.
 Jacobo Tutori, CCCClii.
 Budzus (Guilielmus) Erasmo, CCCCliiii.
 Conrado & Laurentio Abbat. CCCClix.
 Poncherio (Stephano) CCCClix.
 Florentio ab Iselsteyn, CCCClixi.
 Grymanno (Dominico) Card. CCCClixi.
 Slechta (Joannes) Erasmo, CCCClixi.
 Budzo (Guilielmo) CCCClix.
 Beraldo (Nicolao) CCCClix.
 Leoni (Ambrosio) CCCClix.
 Lupseto (Thoma) CCCClix.
 Paczo (Richardus) CCCClix.
 Montjojo (Guilielmo) CCCClix.
 Dancaastro (Guilielmo) CCCClix.
 Tunstallo (Cuthberto) CCCClix.
 Thomæ, Card. Eboracensis, CCCClix.
 Draconi (Joanni) CCCClix.
 Fischero (Joanni) CCCClix.
 Guilfordo (Henrico) CCCClix.
 Eobano Hesso, CCCClix.
 Alberto, Archiep. Moguntinensi, CCCClix.
 Slechtz (Joanni) CCCClix.
 Turzo (Joannes) Erasmo, CCCClix.
 Robino (Joanni) CCCClix.
 Lupseto (Thoma) CCCClix.
 Nicolao, Praeposito Edano, CCCClix.
 Fabro (Joanni) CCCClix.
 Noviomago (Gerardo) CCCClix.
 Lypio (Martino) CCCClix.
 — ad eundem, CCCClix.
 — ad eundem, CCCClix.
 — ad eundem, CCCClix.
 Vivi (Ludovico) CCCClix.
 Voltzio (Paulo) CCCClix.
 Rosemundo (Godschalco) CCCClix.
 Montjojo (Guilielmo) CCCClix.
 Marliano (Aloisio) CCCClix.
 Budzo (Guilielmo) CCCClix.
 Ægidio (Petro) CCCClix.
 Moro (Thoma) CCCClix.
 1520. Gruningio (Henrico) CCCCxcvii.
 Chiregatto (Francisco) CCCCxcviii.
 Sylvestro, Episc. Wigornensi, CCCCxcix.
 Campegio (Laurentio) D.
 Marliano (Aloisio) DI.
 Algotio (Livino) DII.
 Moro (Thoma) DIII.
 Pirckheimerus (Bilibaldus) Erasmo, DIV.
 Moro (Thoma) DV.
 Richardo, Episc. Wintoniensi, DVI.
 Rhenano (Beato) DVII.
 Alberto, Card. Moguntino, DVIII.
 Oecolampadio (Joanni) DIX.
 Georgio, Haloini Cominique Domino, DX.
 Brixio (Germano) DXI.
 Spalatino (Georgio) DXII.
 Buschius (Hermannus) Erasmo, DXIII.
 Matthiæ, Sax. Ducis à Decimis, DXIV.
 Mosellano (Petro) DXV.
 Buschio (Hermann) DXVI.
 Georgio, Saxoniae Duci, DXVII.
 Thomæ, Card. Eboracensis, DXVIII.
 Budzo (Guilielmo) DXIX.
 Goclenio (Conrado) DXX.
 Rotenhan (Sebastiano de) DXXI.
 Morus (Thomas) Erasmo, DXXII.
 Lupseto (Thoma) DXXIII.
 Turzoni (Joanni) DXXIV.
 Nicolao Buscidacensi, DXXV.
 Burbanco (Guilielmo) DXXVI.

Tom. III. * * *

1520. Pirck-

I N D E X P R I O R

1520. Pirckheimero (*Bilibaldo*) DXXVII.
 Noviomago (*Gerardo*) DXXVIII.
 Leoni X. *Papa*, DXXIX.
 Chiregatto (*Francisco*) DXXX.
 Henrico VIII. *Anglia Regi*, DXXXI.
 Craneveldius (*Franciscus*) *Erasmo*, DXXXII.
 Manio (*Petro*) DXXXIII.
 Vilingero (*Jacobo*) DXXXIV.
 Gattinario (*Mercurino*) DXXXV.
 Alberto, *Card. Moguntino*, DXXXVI.
 Marca (*Erardo à*) DXXXVII.
 Ofhusio (*Gabrieli*) DXXXVIII.
 Rosemundo (*Godschalco*) DXXXIX.
 Morus (*Thomas*) *Erasmo*, DXL.
 Reuchlino (*Foanni*) DXLI.
 Peutingero (*Conrado*) DXLII.
 Jonæ (*Fodoco*) DXLIII.
 Oecolampadio (*Foanni*) DXLIV.
 Sbrulio (*Richardo*) DXLV.
 Ritio (*Paulo*) DXLVI.
 Campegio (*Laurentio*) DXLVII.
 Lipsio (*Christophoro*) DXLVIII.
 Scarpinello (*Augustino*) DXLIX.
 Craneveldio (*Francisco*) DL.
 Bedello (*Thoma*) DLI.
 Cnophæ (*Andrea*) DLII.
 Morus (*Thomas*) *Erasmo*, DLIII.
 Moro (*Thoma*) DLIV.
 Morus (*Thomas*) *Erasmo*, DLV.
 Moro (*Thoma*) DLVI.
 Rosemundo (*Godschalco*) DLVII.
 Rodeftegrio (*Godofredo*) DLVIII.
 Pacæo (*Richardo*) DLIX.
 Leontio suo, DLX.
 * Pirckheimerus (*Bilibaldus*) *Erasmo*, DLXI.
 Obrectatori suo, DLXII.
 1521. Viro *Prepotenti*, DLXIII.
 Goclenio (*Conrado*) DLXIV.
 Budæo (*Guilielmo*) DLXV.
 Beraldo (*Nicolao*) DLXVI.
 Bartholino (*Laurentio*) DLXVII.
 Cattinarius (*Mercurinus*) *Erasmo*, DLXVIII.
 Marlianus (*Aloisius*) *Erasmo*, DLXIX.
 Marliano (*Aloisio*) DLXX.
 Guilielmo, *Pastori Gruningensi*, DLXXI.
 Jonæ (*Fodoco*) DLXXII.
 Bero (*Ludovico*) DLXXIII.
 Waramo (*Guilielmo*) DLXXIV.
 Goclenio (*Conrado*) DLXXV.
 — *ad eundem*, DLXXVI.
 Pacæo (*Richardo*) DLXXVII.
 Ludovico, *Episc. Tornacensi*, DLXXVIII.
 Bombasius (*Paulus*) *Erasmo*, DLXXIX.
 Livino *Abbati*, DLXXX.
 Harsto (*Carolo*) DLXXXI.
 Barbirio (*Petro*) DLXXXII.
 * Pacæo (*Richardo*) DLXXXIII.
 Taifpillo (*Danieli*) DLXXXIV.
 Vives (*Fo. Ludovicus*) *Erasmo*, DLXXXV.
 Taleo (*Guilielmo*) DLXXXVI.
 Barbirio (*Petro*) DLXXXVII.
 Frobenio (*Hieronymo*) DLXXXVIII.
 Pacæo (*Richardo*) DLXXXIX.
 Waramo (*Guilielmo*) DXC.
 Linacro (*Thoma*) DXCI.
 Schudelino (*Foanni*) DXCII.
 Barbirio (*Petro*) DXCIII.
 Bombasio (*Paulo*) DXCIV.
 Buchoni (*Bernardo*) DXCV.
 Fabricius *Capito Erasmo*, DXCVI.
 Turzoni (*Stanislao*) DXCVII.
 — *ad eundem*, DXCVIII.
 Pirckheimero (*Bilibaldo*) DXCIX.
 Alciato (*Andrea*) DC.
 Matthæo, *Card. Sedunensi*, DCI.
 Vergilio (*Polydoro*) DCII.
 Theologis *Lovanienfibus*, DCIII.
 Everardo (*Nicolao*) DCIV.
 Budæo (*Guilielmo*) DCV.
 Montjojo (*Guilielmo*) DCVI.
 Refcio (*Rutgero*) DCVII.
 Ludovico à *Prato*, DCVIII.
 Haioni (*Hermanno*) DCIX.
 Vives (*Fo. Ludovicus*) *Erasmo*, DCX.
 Vivi (*Fo. Ludovico*) DCXI.
 Wichmano (*Petro*) DCXII.
 Alexandro suo, CCCXIV. App.
 * Everardo (*Nicolao*) CCCXV. *ibid.*
 * 1521. Maximiliano, *Domino de Hornes*, CCCXVI. App.
 * Everardo (*Nicolao*) CCCXVII. *ibid.*
 1522. Carondileto (*Foanni*) DCXIII.
 Pirckheimero (*Bilibaldo*) DCXIV.
 Vives (*Fo. Ludovicus*) *Erasmo*, DCXV.
 Pirckheimero (*Bilibaldo*) DCXVI.
 Wattenvilo (*Nicolao*) DCXVII.
 Pirckheimero (*Bilibaldo*) DCXVIII.
 Vives (*Fo. Ludovicus*) *Erasmo*, DCXIX.
 Turzo (*Stanislao*) *Erasmo*, DCXX.
 Palentino *Episcopo*, DCXXI.
 Coronello (*Ludovico*) DCXXII.
 Carondileto (*Foanni*) DCXXIII.
 Alciato (*Andrea*) DCXXIV.
 Vives (*Fo. Ludovicus*) *Erasmo*, DCXXV.
 Ennio, *Episcopo Verulano*, DCXXVI.
 Goclenio (*Conrado*) DCXXVII.
 Barbirio (*Petro*) DCXXVIII.
 Jodoco, *Senatus Mechlin. Præfidi*, DCXXIX.
 Vives (*Fo. Ludovicus*) *Erasmo*, DCXXX.
 Pirckheimero (*Bilibaldo*) DCXXXI.
 Adriano VI. *Papa*, DCXXXII.
 — *ad eundem*, DCXXXIII.
 Vives (*Fo. Ludovicus*) *Erasmo*, DCXXXIV.
 Georgio, *Saxonia Duci*, DCXXXV.
 Heresbachio (*Conrado*) DCXXXVI.
 Francisco, *Archiep. Ebrodunensi*, DCXXXVII.
 Ferdinandando *Regi*, DCXXXVIII.
 Adrianus VI. *Papa Erasmo*, DCXXXIX.
 Stromero (*Henrico*) DCXL.
 Adriano VI. *Papa*, DCXLI.
 Zieglerio (*Jacobo*) DCXLII.
 Borzemo (*Foanni*) DCXLIII.
 Barbirio (*Petro*) DCXLIV.
 Glapioni (*Foanni*) DCXLV.
 * Regius (*Urbanus*) *Erasmo*, CCCXVIII. App.
 * Chiregatto (*Francisco*) CCCXIX. *ibid.*
 * Zieglerus (*Jacobus*) *Erasmo*, CCCXX. *ibid.*
 * Læthmatio (*Hermanno*) CCCXXI. *ibid.*
 * Leonardus *Abbas Erasmo*, CCCXXII. *ibid.*
 * Frabritius *Capito Erasmo*, CCCXXIII. *ibid.*
 1523. Pirckheimero (*Bilibaldo*) DCXLVI.
 Bernardo, *Episc. Tridentino*, DCXLVII.
 Adrianus VI. *Papa Erasmo*, DCXLVIII.
 Adriano VI. *Papa*, DCXLIX.
 Laurino (*Marco*) DCL.
 Ferdinandus *Rex Erasmo*, DCLI.
 Turzoni (*Stanislao*) DCLII.
 Barbirio (*Petro*) DCLIII.
 Vives (*Fo. Ludovicus*) *Erasmo*, DCLIV.
 * Alberto, *Card. Moguntinensi*, DCLV.
 * Tonstallus (*Cuthbertus*) *Erasmo*, DCLVI.
 * Henrico VIII. *Anglia Regi*, DCLVII.
 * Goclenio (*Conrado*) DCLVIII.
 * Pirckheimero (*Bilibaldo*) DCLIX.
 * Henrico VIII. *Anglia Regi*, DCLX.
 * Christophoro, *Episc. Basileensi*, DCLXI.
 * Senatui *Basileensi*, DCLXII.
 * Christophoro, *Episc. Basileensi*, DCLXIII.
 * Prierati (*Sylvestro*) DCLXIV.
 * Vergilio (*Polydoro*) DCLXV.
 * Collegio *Virginum Macabæitarum*, DCLXVI.
 * Læthmatio (*Hermanno*) CCCXXIV. App.
 * Lupsetus (*Thomas*) *Fo. Botzemo*, CCCXXV. *ibid.*
 * Vergilius (*Polydorus*) *Erasmo*, CCCXXVI. *ibid.*
 1524. Matthæo, *Card. Sedunensi*, DCLXVII.
 Bombasio (*Paulo*) DCLXVIII.
 Pierckheimero (*Bilibaldo*) DCLXIX.
 Clementi VII. *Papa*, DCLXX.
 Gavero (*Fodoco*) DCLXXI.
 Hutteno (*Udalrico*) DCLXXII.
 Rosche (*Domino de la*) DCLXXIII.
 Magistratui *Argentinenfibus*, DCLXXIV.
 Carondileto (*Foanni*) DCLXXV.
 Canio (*Foanni*) DCLXXVI.
 Pirckheimero (*Bilibaldo*) DCLXXVII.
 Abbati *cuidam*, DCLXXVIII.
 Everardo (*Nicolao*) DCLXXIX.
 Georgius, *Saxonia Dux*, *Erasmo*, DCLXXX.
 Vives (*Fo. Ludovicus*) *Erasmo*, DCLXXXI.
 Christophoro, *Episc. Basileensi*, DCLXXXII.
 Græcæ *litteraturæ studiosis*, DCLXXXIII.
 Pirckheimero (*Bilibaldo*) DCLXXXIV.
 Canio (*Foanni*) DCLXXXV.
 Deiotaro (*Zacharia*) DCLXXXVI.
 Senatui *Argentinenfibus*, DCLXXXVII.
 Scarpinello (*Augustino*) DCLXXXVIII.
 Haioni (*Hermanno*) DCLXXXIX.

EPISTOLARVM ERASMI.

1524. Hezio (*Theodorico*) DCXC.
 Molino (*Francisco*) DCXCI.
 Thomæ, *Card. Eboracensis*, DCXCII.
 Aleandro (*Hieronymo*) DCXCIII.
 Giberto (*Jo. Matthæo*) DCXCIV.
 Georgio, *Saxonia Duci*, DCXCV.
 Tonstallo (*Cuthberto*) DCXCVI.
 Waramo (*Guilielmo*) DCXCVII.
 Fischero (*Joanni*) DCXCVIII.
 Pacæo (*Richardo*) DCXCIX.
 Bero (*Richardo*) DCC.
 Tonello, *Confiliario Card. Eboracensis*, DCCI.
 Henrico VIII. *Anglia Regi*, DCCII.
 Melanchthoni (*Philippo*) DCCIII.
 Melanchthon (*Philippus*) *Erasmo*, DCCIV.
 * Ferdinandus *Rex Erasmo*, DCCV.
 * Goclenio (*Conrado*) DCCVI.
 Brugnario (*Antonio*) DCCVII.
 Sadolerus (*Jacobus*) *Erasmo*, DCCVIII.
 Mosham (*Rutberto à*) DCCIX.
 Ferdinando *Regi*, DCCX.
 Wimphelingo (*Jacobo*) DCCXI.
 Voltzio (*Paulo*) DCCXII.
 Camerarius (*Joachimus*) *Erasmo*, DCCXIII.
 Melanchthoni (*Philippo*) DCCXIV.
 Stromero (*Henrico*) DCCXV.
 Camerario (*Joachimus*) DCCXVI.
 Molino (*Francisco*) DCCXVII.
 Georgio, *Saxonia Duci*, DCCXVIII.
 Cafario (*Joanni*) DCCXIX.
 Voltzio (*Paulo*) DCCXX.
 Vivi (*Ludovico*) DCCXXI.
 Eustachio (*Andrea*) DCCXXII.
 Guerijis (*Leonardo à*) DCCXXIII.
 Truchses (*Christophoro*) DCCXXIV.
 Hedioni (*Gaspari*) DCCXXV.
 * Lutherus (*Martinus*) *Erasmo*, DCCXXVI.
 * Pirckheimero (*Bilibaldo*) DCCXXVII. App.
 * Ulatteno (*Joanni*) DCCXXVIII. *ibid.*
 1525. Pirckheimero (*Bilibaldo*) DCCXXVII.
 Oecolampadio (*Joanni*) DCCXXVIII.
 Pirckheimero (*Bilibaldo*) DCCXXIX.
 Turzoni (*Stanislao*) DCCXXX.
 Canio (*Joanni*) DCCXXXI.
 Maximiliano *Transylvano*, DCCXXXII.
 Sadoleto (*Jacobo*) DCCXXXIII.
 Naufex (*Friderico*) DCCXXXIV.
 Cornelio, *Bergenfi Quæstori*, DCCXXXV.
 Georgio, *Saxonia Duci*, DCCXXXVI.
 Stromero (*Henrico*) DCCXXXVII.
 Georgio, *Saxonia Duci*, DCCXXXVIII.
 Hunno (*Martino*) DCCXXXIX.
 Pirckheimero (*Bilibaldo*) DCCXL.
 Beddæ (*Natali*) DCCXLI.
 * Calcagnino (*Celso*) DCCXLII.
 Felici, *Episc. Theatino*, DCCXLIII.
 Montino (*Floriano*) DCCXLIV.
 Puccio (*Antonio*) DCCXLV.
 Beddæ (*Natali*) DCCXLVI.
 Maximiliano *Transylvano*, DCCXLVII.
 Barlando (*Adriano*) DCCXLVIII.
 Sadoleto (*Jacobo*) DCCXLIX.
 Calcagninus (*Cælius*) *Erasmo*, DCCCL.
 Beddæ (*Natali*) DCCCLI.
 Brixio (*Germano*) DCCCLII.
 Berquino (*Ludovico*) DCCCLIII.
 Selva (*Joanni*) DCCCLIV.
 Budæo (*Guilielmo*) DCCCLV.
 Antonino (*Joanni*) DCCCLVI.
 Pirckheimero (*Bilibaldo*) DCCCLVII.
 Calvo (*Francisco*) DCCCLVIII.
 Barbirio (*Petro*) DCCCLIX.
 Vergilio (*Polydoro*) DCCCLX.
 Nicolao *Montensi Decano*, DCCCLXI.
 Vives (*Ludovicus*) *Erasmo*, DCCCLXII.
 Pirckheimero (*Bilibaldo*) DCCCLXIII.
 Margaretæ, *Regina Navarre*, DCCCLXIV.
 Budæo (*Guilielmo*) DCCCLXV.
 Budæ (*Michaeli*) DCCCLXVI.
 Beddæ (*Natali*) DCCCLXVII.
 Barbirio (*Petro*) DCCCLXVIII.
 Egnatio (*Jo. Baptista*) DCCCLXIX.
 Lasco (*Hierosolao à*) DCCCLXX.
 Casimbrotto (*Leonardo*) DCCCLXXI.
 Polo (*Reginaldo*) DCCCLXXII.
 Critio (*Andrea*) DCCCLXXIII.
 Naufex (*Friderico*) DCCCLXXIV.
 Bombasio (*Paulo*) DCCCLXXV.
 1525. Apocello (*Jacobo*) DCCLXXVI.
 Benedicto (*Danieli*) DCCLXXVII.
 Maximiliano *Transylvano*, DCCLXXVIII.
 Heemstedio (*Joanni*) DCCLXXIX.
 Vives (*Jo. Ludovicus*) *Erasmo*, DCCLXXX.
 * Everardo (*Nicolao*) DCCLXXXI.
 Aldrisio (*Roberto*) DCCLXXXII.
 Barbirio (*Petro*) DCCLXXXIII.
 Beddæ (*Natali*) DCCLXXXIV.
 Brixio (*Germano*) DCCLXXXV.
 Brunsfeldio (*Osboni*) DCCLXXXVI.
 Emsero (*Hieronymo*) DCCLXXXVII.
 Jovio (*Benedicto*) DCCLXXXVIII.
 Laurino (*Matthia*) DCCLXXXIX.
 Lupseto (*Thoma*) DCCXC.
 Sucqueto (*Joanni*) DCCXCI.
 Sylvio (*Francisco*) DCCXCII.
 Tonstallo (*Cuthberto*) DCCXCIII.
 * Curtius (*Petrus*) *Erasmo*, CCCXXXIX. App.
 * Ulatteno (*Joanni*) CCCXXX. *ibid.*
 * Velius (*Gasp. Ursinus*) *Erasmo*, CCCXXXI. *ibid.*
 * Beddæ (*Natalis*) *Erasmo*, CCCXXXII. *ibid.*
 * Pio (*Alberto*) CCCXXXIII. *ibid.*
 * Morus (*Thomas*) *Erasmo*, CCCXXXIV. *ibid.*
 1526. Vives (*Ludovicus*) *Erasmo*, DCCXCIV.
 Campegio (*Laurentio*) DCCXCV.
 Henckello (*Joanni*) DCCXCVI.
 Naufex (*Friderico*) DCCXCVII.
 Lasco (*Joanni à*) DCCXCVIII.
 Polo (*Reginaldo*) DCCXCIX.
 Budæ (*Michaeli*) DCCC.
 Sylvio (*Francisco*) DCCCI.
 Cigalino (*Francisco*) DCCCH.
 Budæo (*Guilielmo*) DCCCHII.
 Chiregatto (*Francisco*) DCCCHIV.
 Guilielmo, DCCCHV.
 Luthero (*Martino*) DCCCHVI.
 Bernardo, *Episc. Tridentino*, DCCCHVII.
 Barlando (*Adriano*) DCCCHVIII.
 Egidio (*Petro*) DCCCHIX.
 Thomæ, *Cardinali*, DCCCHX.
 Cuidam, DCCCHXI.
 Nicolao, DCCCHXII.
 Carondileto (*Joanni*) DCCCHXIII.
 Longlondo (*Joanni*) DCCCHXIV.
 Vergilio (*Polydoro*) DCCCHXV.
 Casimbrotto (*Leonardo*) DCCCHXVI.
 Egnatio (*Jo. Baptista*) DCCCHXVII.
 Helvetiorum *Nationi*, DCCCHXVIII.
 Bertulpho (*Hilario*) DCCCHXIX.
 Molino (*Francisco*) DCCCHXX.
 Tuffano (*Jacobo*) DCCCHXXI.
 Giberto (*Matthæo*) DCCCHXXII.
 Pirckheimero (*Bilibaldo*) DCCCHXXIII.
 Senatui *Parisiensi*, DCCCHXXIV.
 Molino (*Francisco*) DCCCHXXV.
 Francisco I. *Gallia Regi*, DCCCHXXVI.
 Pirckheimero (*Bilibaldo*) DCCCHXXVII.
 Georgio, *Saxonia Duci*, DCCCHXXVIII.
 Vives (*Ludovicus*) *Erasmo*, DCCCHXXIX.
 Copo (*Guilielmo*) DCCCHXXX.
 Bernardo, *Episc. Tridentino*, DCCCHXXXI.
 Egidio (*Petro*) DCCCHXXXII.
 Afulano (*Francisco*) DCCCHXXXIII.
 Carondileto (*Ferico*) DCCCHXXXIV.
 Lasco (*Hierosolao à*) DCCCHXXXV.
 Critio (*Andrea*) DCCCHXXXVI.
 Schidlovietz (*Christophoro à*) DCCCHXXXVII.
 Pisoni (*Jacobo*) DCCCHXXXVIII.
 Bernardo, *Episc. Tridentino*, DCCCHXXXIX.
 Vario *Marvillano* (*Nicolao*) DCCCHXL.
 Fettichio *Theobaldo* DCCCHXLI.
 Budæus (*Guilielmus*) *Erasmo*, DCCCHXLII.
 Fabro (*Joanni*) DCCCHXLIII.
 Cantuinculæ (*Claudio*) DCCCHXLIV.
 Pelicano (*Conrado*) DCCCHXLV.
 — *adeundem*, DCCCHXLVI.
 — *adeundem*, DCCCHXLVII.
 * Pistorio (*Simoni*) DCCCHXLVIII.
 * Berquino (*Ludovicus*) *Erasmo*, CCCXXXV. App.
 * Pistorius (*Simon*) *Erasmo*, CCCXXXVI. *ibid.*
 * Casperotus (*Leonardus*) *Erasmo*, CCCXXXVII. *ibid.*
 * Maldonatus (*Joannes*) *Erasmo*, CCCXXXVIII. *ibid.*
 1527. Mornyco (*Petro*) DCCCHXLIX.
 Gattinarius (*Mercurinus*) *Erasmo*, DCCCL.
 Vives (*Ludovicus*) *Erasmo*, DCCCLI.
 Aldrisio (*Roberto*) DCCCLII.
 Furstero (*Valentino*) DCCCLIII.

* * * * *

1527. Ver.

I N D E X P R I O R

1527. Vergilio (*Polydoro*) DCCCLIV.
 Fabro (*Jacobo*) DCCCLV.
 Carondileto (*Foanni*) DCCCLVI.
 Valdesio (*Alfonso*) DCCCLVII.
 Fonsca (*Alfonso*) *Erasmo*, DCCCLVIII.
 Gattinario (*Mercurino*) DCCCLIX.
 Sigismundo I. *Polonia Regi*, DCCCLX.
 Schidlovietz (*Christophoro*) DCCCLXI.
 Lasco (*Foanni*) DCCCLXII.
 Critio (*Andrea*) DCCCLXIII.
 Francisco *Hasseltens*, DCCCLXIV.
 Zebridovio (*Andrea*) DCCCLXV.
 Coxo (*Leonardo*) DCCCLXVI.
 Medico *cuidam*, DCCCLXVII.
 Cannio (*Nicolao*) DCCCLXVIII.
 Fossa (*Tilemanno*) DCCCLXIX.
 Waramo (*Guilielmo*) DCCCLXX.
 Vivi (*Ludovico*) DCCCLXXI.
 Brixio (*Germano*) DCCCLXXII.
 Naufex (*Friderico*) DCCCLXXIII.
 Caduceatori (*Henrico*) DCCCLXXIV.
 Budzo (*Guilielmo*) DCCCLXXV.
 Vives (*Ludovicus*) DCCCLXXVI.
 Ferdinando *Regi*, DCCCLXXVII.
 Lasco (*Foanni*) DCCCLXXVIII.
 Margaréta *Regina*, DCCCLXXIX.
 Marvillano (*Nicolao*) DCCCLXXX.
 Maximiliano à *Burgundia*, DCCCLXXXI.
 Aldrisio (*Roberto*) DCCCLXXXII.
 Borsalo (*Foanni*) DCCCLXXXIII.
 Waramo (*Guilielmo*) DCCCLXXXIV.
 Sperchefordo (*Richardo*) DCCCLXXXV.
 Cochleio (*Foanni*) DCCCLXXXVI.
 Canio (*Foanni*) DCCCLXXXVII.
 Fossa (*Tilemanno*) DCCCLXXXVIII.
 Georgio, *Saxonia Duci*, DCCCLXXXIX.
 Laurino (*Marco*) DCCCXC.
 Georgio, *Saxonia Duci*, DCCCXCI.
 Fonsca (*Alfonso*) DCCCXCII.
 Vergarx (*Francisco*) DCCCXCIII.
 Vergarx (*Foanni*) DCCCXCIV.
 Carolo V. *Imperator*, DCCCXCV.
 Gardinario (*Stephano*) DCCCXCVI.
 Rescio (*Rutgero*) DCCCXCVII.
 Bibliopego (*Foanni*) DCCCXCVIII.
 Vergarx (*Francisco*) DCCCXCIX.
 Carolo, *Duci Sabaudia*, DCCCC.
 Vivi (*Ludovico*) DCCCCI.
 Monacho *cuidam*, DCCCCII.
 Manrico (*Alfonso*) DCCCCIII.
 Alardetis (*Amblardo & Ludovico*) DCCCCIV.
 Pirckheimero (*Bilibaldo*) DCCCCV.
 Bucero (*Martino*) DCCCCVI.
 Collegio *Sorbonico*, DCCCCVII.
 Senatui *Parisiensi*, DCCCCVIII.
 Beddæ (*Natali*) DCCCCIX.
 Theologo *cuidam*, DCCCCX.
 Joanni, *Card. Lotbaringia*, DCCCCXI.
 Antonino (*Foanni*) DCCCCXII.
 Schidlovietz (*Christophoro*) DCCCCXIII.
 Tomitio (*Petro*) DCCCCXIV.
 * Carolus V. *Imper. Erasmo*, DCCCCXV.
 * Vervefio (*Alphonso*) DCCCCXVI.
 * Botteo (*Henrico*) DCCCCVII.
 Smotzero (*Georgio*) DCCCCXVIII.
 Georgio, *Saxonia Duci*, DCCCCXIX.
 Waramo (*Guilielmo*) DCCCCXX.
 Antonino (*Foanni*) DCCCCXXI.
 Emstedio (*Foanni*) DCCCCXXII.
 Emsero (*Hieronymo*) DCCCCXXIII.
 Lasco (*Foanni*) DCCCCXXIV.
 * Vervefius (*Alfonso*) *Erasmo*, CCCXXXIX. App.
 * Vives (*Ludovicus*) *Erasmo*, CCCXL. ibid.
 * Alardetus (*Ludovicus*) *Erasmo*, CCCXLI. ibid.
 * Valdesius (*Alfonso*) *Erasmo*, CCCXLII. ibid.
 * Fernandus (*Alfonso*) *Erasmo*, CCCXLIII. ibid.
 * Velius (*Ursinus*) *Erasmo*, CCCXLIV. ibid.
 Gaccho (*Foanni*) CCCXLV. ibid.
 1528. Nova Aquila (*Hermannus*) DCCCCXXV.
 Maximiliano à *Burgundia*, DCCCCXXVI.
 Georgio, *Saxonia Duci*, DCCCCXXVII.
 Viromando (*Hieronymo*) DCCCCXXVIII.
 Georgio, *Saxonia Duci*, DCCCCXXIX.
 Sigismundus, *Rex Polonia*, *Erasmo*, DCCCCXXX.
 Tomitius (*Petrus*) *Erasmo*, DCCCCXXXI.
 Paczo (*Richardo*) DCCCCXXXII.
 Felici, *LL. Doctores*, DCCCCXXXIII.
 Bembo (*Petro*) DCCCCXXXIV.

1528. Cuidam, DCCCCXXXV.
 Moro (*Thoma*) DCCCCXXXVI.
 Catarinx, *Regina Anglia*, DCCCCXXXVII.
 Valdesio (*Foanni*) DCCCCXXXVIII.
 Bayfio (*Lazaro*) DCCCCXXXIX.
 Talefio (*Quirino*) DCCCCXL.
 Archidiacono *Alcorano*, DCCCCXLI.
 Maldonato (*Foanni*) DCCCCXLII.
 Gratiano *Hispano*, DCCCCXLIII.
 Dilfo (*Francisco*) DCCCCXLIV.
 Hermannus, *Archiep. Colonienfis*, DCCCCXLV.
 Vario Marvillano (*Nicolao*) DCCCCXLVI.
 Ulatteno (*Foanni*) DCCCCXLVII.
 Cochlejo (*Foanni*) DCCCCXLVIII.
 Haioni (*Hermannus*) DCCCCXLIX.
 Manrico (*Alphonso*) DCCCCCL.
 Rivulo (*Adriano*) DCCCCCLI.
 Melanchthon (*Philippus*) *Erasmo*, DCCCCCLII.
 Georgio, *Saxonia Duci*, DCCCCCLIII.
 Botteo (*Henrico*) DCCCCCLIV.
 Decimario (*Petro*) DCCCCCLV.
 Clementi VII. *Papa*, DCCCCCLVI.
 Pirckheimero (*Bilibaldo*) DCCCCCLVII.
 — ad eundem, DCCCCCLVIII.
 Hermanus, *Archiep. Colonienfis*, *Erasmo*, DCCCCCLIX.
 Pirckheimero (*Bilibaldo*) DCCCCCLX.
 Henrico VIII. *Anglia Regi*, DCCCCCLXI.
 Fonsca (*Alfonso*) *Erasmo*, DCCCCCLXII.
 Theologis *Lovanienfis*, DCCCCCLXIII.
 Joanni, *Card. Lotbaringia*, DCCCCCLXIV.
 Fabro (*Foanni*) DCCCCCLXV.
 Velio (*Ursino*) DCCCCCLXVI.
 Gattinario (*Mercurino*) DCCCCCLXVII.
 Brixius (*Germanus*) *Erasmo*, DCCCCCLXVIII.
 Pirckheimero (*Bilibaldo*) DCCCCCLXIX.
 Decio (*Iusto*) DCCCCCLXX.
 Stadio (*Christophoro*) DCCCCCLXXI.
 Critio (*Andrea*) DCCCCCLXXII.
 Sigismundo, *Polonia Regi*, DCCCCCLXXIII.
 Longlondo (*Foanni*) DCCCCCLXXIV.
 Vivi (*Fo. Ludovico*) DCCCCCLXXV.
 Toffano (*Petro*) DCCCCCLXXVI.
 Agathio (*Hieronymo*) DCCCCCLXXVII.
 Danefio, DCCCCCLXXVIII.
 Lipsio (*Martino*) DCCCCCLXXIX.
 Clericis (*Nicolao*) DCCCCCLXXX.
 Brixio (*Germano*) DCCCCCLXXXI.
 Decimario (*Petro*) DCCCCCLXXII.
 Alciato (*Andrea*) DCCCCCLXXXIII.
 Brixio (*Germano*) DCCCCCLXXXIV.
 Vesuvio (*Nicolao*) DCCCCCLXXXV.
 Carondileto (*Foanni*) DCCCCCLXXXVI.
 Marca (*Erardo*) DCCCCCLXXXVII.
 Sadoletto (*Jacobo*) DCCCCCLXXXVIII.
 * Edingo (*Audomaro*) DCCCCCLXXXIX.
 * Vives (*Ludovicus*) *Erasmo*, DCCCCCLXC.
 Ammonio (*Livino*) DCCCCCLXCI.
 Stadio (*Christophoro*) DCCCCCLXCII.
 Camingæ (*Haioni*) DCCCCCLXCIII.
 Sadoletus (*Jacobus*) *Erasmo*, DCCCCCLXCIV.
 Pio (*Alberto*) DCCCCCLXCV.
 Zebridovio (*Andrea*) DCCCCCLXCVI.
 Berquino (*Ludovico*) DCCCCCLXCVII.
 Bernardo *Episc. Tridentino* DCCCCCLXCVIII.
 Berquino (*Ludovico*) DCCCCCLXCIX.
 Brixio (*Germano*) M.
 Budzo (*Guilielmo*) MI.
 Davidi (*Martino*) MII.
 Nova Aquila (*Hermannus*) MIII.
 Joachimo, *Medico*, MIV.
 Tomitio (*Petro*) MV.
 Pirckheimero (*Bilibaldo*) MVI.
 * Botzemo (*Foanni*) CCCXLVI. App.
 * Botteus (*Henricus*) *Erasmo*, CCCXLVII. ibid.
 1529. Mornyco (*Petro*) MVII.
 Ulatteno (*Foanni*) MVIII.
 Ferdinando *Regi*, MIX.
 Tomitio (*Petro*) MX.
 Utenhovio (*Carolo*) MXI.
 Salamancæ (*Antonio*) MXII.
 Zuichemus (*Viglius*) MXIII.
 Conritz (*Andrea & Christophoro*) MXIV.
 * Gratio (*Tilemanno*) MXV.
 Egnatio (*Baptista*) MXVI.
 Bernardo, *Episc. Tridentino*, MXVII.
 Haioni (*Hermannus*) MXVIII.
 Henckello (*Foanni*) MXIX.
 Zuichemo (*Viglius*) MXX.

1529. Bero

EPISTOLARVM ERASMI.

1529. Bero (*Ludovico*) MXXI.
 Graphico (*Cornelio*) MXXII.
 Lotzero (*Joanni*) MXXIII.
 Salamanca (*Antonio*) MXXIV.
 Tuffano (*Jacobo*) MXXV.
 Pistorio (*Simoni*) MXXVI.
 Bernardo, *Episc. Tridentino*, MXXVII.
 Balthafari, *Episc. Hildesheimensi*, MXXVIII.
 Vergaræ (*Francisco*) MXXIX.
 Valdesio (*Joanni*) MXXX.
 Valdesio (*Alphonso*) MXXXI.
 Vergaræ (*Joanni*) MXXXII.
 Fonseca (*Alphonso*) MXXXIII.
 Montjoio (*Guilielmo*) MXXXIV.
 Bero (*Ludovico*) MXXXV.
 Grueriis (*Leonardo à*) MXXXVI.
 Scholasteri *Besontino*, MXXXVII.
 Cochleus (*Joanni*) MXXXVIII.
 Francisco *Thesaurario*, MXXXIX.
 Javando (*Claudio*) MXL.
 Stephano *Pratenfi*, MXLI.
 Bembus (*Petrus*) *Erasmo*, MXLII.
 Fuggero (*Antonio*) MXLIII.
 Bero (*Ludovico*) MXLIV.
 Ritio (*Hieronymo*) MXLV.
 Cælius (*Ludovicus*) *Erasmo*, MXLVI.
 Joanni *Brisgoico*, MXLVII.
 Pirckheimero (*Bilibaldo*) MXLVIII.
 Stibaro (*Danieli*) MXLIX.
 Emilio *ab Emilijs*, ML.
 Dingen (*Conrado à*) MLI.
 Rephano (*Leonardo*) MLII.
 Decio (*Fod. Justo*) MLIII.
 Critio (*Andrea*) MLIV.
 Barlando (*Huberto*) MLV.
 Tomitio (*Petro*) MLVI.
 Antonino (*Joanni*) MLVII.
 Broderico (*Stephano*) MLVIII.
 Schydlovietz (*Christophoro à*) MLIX.
 Utenhovio (*Carolo*) MLX.
 Guilielmo, *Duci Clivenfi*, MLXI.
 — *ad eundem*, MLXII.
 Sucqueto (*Carolo*) MLXIII.
 Fuggero (*Antonio*) MLXIV.
 Cholero (*Joanni*) MLXV.
 Pirckheimero (*Bilibaldo*) MLXVI.
 Oecolampadio (*Joanni*) MLXVII.
 Maximiliano *à Burgundia*, MLXVIII.
 Critio (*Andrea*) MLXIX.
 Episcopio (*Nicolao*) MLXX.
 Cornario (*Jano*) MLXXI.
 Botzemo (*Joanni*) MLXXII.
 Vives (*Ludovicus*) *Erasmo*, MLXXIII.
 Moro (*Thoma*) MLXXIV.
 Roperæ (*Margareta*) MLXXV.
 Pirckheimero (*Bilibaldo*) MLXXVI.
 Montjoio (*Guilielmo*) MLXXVII.
 Botzemo (*Joanni*) MLXXVIII.
 Frobenio (*Jo. Erasmo*) MLXXIX.
 Francisco *Thesaurario*, MLXXX.
 Stibaro (*Danieli*) MLXXXI.
 Haioni (*Hermann*) MLXXXII.
 Alciato (*Andrea*) MLXXXIII.
 Fonseca (*Alphonso*) MLXXXIV.
 Sadoleto (*Jacobo*) MLXXXV.
 Mornyco (*Petro*) MLXXXVI.
 * Epphendorio (*Henrico*) MLXXXVII.
 * Epphendorio (*Henricus*) *Erasmo*, MLXXXVIII.
 * Cochleus (*Joannes*) *Erasmo*, CCCXLVIII. App.
 * Georgius, *Saxonia Dux*, *Erasmo*, CCCXLIX. *ibid.*
 * Ulatteno (*Joanni*) CCCL. *ibid.*
 * Henckello (*Joanni*) CCCLI. *ibid.*
 * Ropera (*Margaretha*) *Erasmo*, CCCLII. *ibid.*
 * Guilielmus, *Dux Juliacensis*, *Erasmo*, CCCLIII. *ibid.*
 1530. Valdesio (*Alphonso*) MLXXXIX.
 — *ad eundem*, MXC.
 Brixio (*Germano*) MXCI.
 Tonstallo (*Cutherto*) MXCII.
 Sadoleto (*Jacobus*) *Erasmo*, MXCIII.
 Sadoleto (*Jacobo*) MXCIV.
 Balthafari, *Episc. Hildesheimensi*, MXCV.
 Rosino (*Joanni*) MXCVI.
 Paczo (*Richard*) MXCVII.
 Utenhovio (*Carolo*) MXCVIII.
 Bembo (*Petro*) MXCIX.
 Brixio (*Germano*) MC.
 Cellismartiali (*Cassandro*) MCI.
 Meliz (*Petro*) MCII.

1530. Meliz (*Christophoro*) MCIII.
 Manrico (*Alphonso*) MCIV.
 Egnatio (*Jo. Baptista*) MCV.
 Collegii *Bulidiani Professoribus*, MCVI.
 Dingen (*Conrado à*) MCVII.
 Brafficano (*Jo. Alexandro*) MCVIII.
 * Velius (*G. Ursinus*) *Erasmo*, MCIX.
 Mario (*Augustino*) MCX.
 Stibaro (*Danieli*) MCXI.
 Stadio (*Christophoro à*) MCXII.
 Georgio, *Saxonia Duci*, MCXIII.
 Brixius (*Germanus*) *Erasmo*, MCXIV.
 Olaho (*Nicolao*) MCXV.
 Carlewitz (*Christophoro à*) MCXVI.
 * Melanchthoni (*Philippo*) MCXVII.
 Pistorio (*Simoni*) MCXVIII.
 Bonfio (*Luca*) MCXIX.
 Vlattenno (*Joanni*) MCXX.
 Dilfo (*Francisco*) MCXXI.
 Valdesio (*Alphonso*) MCXXII.
 Mariz, *Hungaria Regina*, MCXXIII.
 Rinckio (*Joanni*) MCXXIV.
 Melanchthon (*Philippus*) *Erasmo*, MCXXV.
 * Melanchthoni (*Philippo*) MCXXVI.
 Dingen (*Conrado à*) MCXXVII.
 * Stadio (*Christophoro à*) MCXXVIII.
 Campegio (*Laurentio*) MCXXIX.
 Montjoio (*Carolo*) MCXXX.
 Pirckheimero (*Bilibaldo*) MCXXXI.
 Critio (*Andrea*) MCXXXII.
 Schidlovietz (*Christophoro à*) MCXXXIII.
 Tomitio (*Petro*) MCXXXIV.
 Brixio (*Germano*) MCXXXV.
 Quinoho (*Guilielmo*) MCXXXVI.
 Campegio (*Laurentio*) MCXXXVII.
 Marca (*Erardo à*) MCXXXVIII.
 Bernardo, *Episc. Tridentino*, MCXXXIX.
 Sadoleto (*Jacobus*) *Erasmo*, MCXL.
 Eckius (*Joannes*) *Erasmo*, MCXLI.
 Olaho (*Nicolao*) MCXLII.
 Alciatus (*Andreas*) *Erasmo*, MCXLIII.
 Pflug (*Julio*) MCXLIV.
 Grueriis (*Leonardo à*) MCXLV.
 Cholero (*Joanni*) MCXLVI.
 Dalbono (*Antonio*) MCXLVII.
 Alciato (*Andrea*) MCXLVIII.
 Egnatio (*Jo. Baptista*) MCXLIX.
 Stadio (*Christophoro à*) MCL.
 Vergaræ (*Joanni*) MCLI.
 Herema (*Gerardo*) CCCLIV. App.
 Fuggero (*Antonio*) CCCLV. *ibid.*
 * Alciatus (*Andreas*) *Erasmo*, CCCLVI. *ibid.*
 * Fuggerus (*Antonius*) *Erasmo*, CCCLVII. *ibid.*
 * Heemstedius (*Joannes*) *Erasmo*, CCCLVIII. *ibid.*
 * Adolescentibus *duobus*, CCCLIX. *ibid.*
 * Zafius (*Ulricus*) *Erasmo*, CCCLX. *ibid.*
 1531. Remo (*Guolpbango*) MCLII.
 Maldonato (*Joanni*) MCLIII.
 Vergaræ (*Francisco*) MCLIV.
 Boeriis (*Joanni & Bernardo*) MCLV.
 Trivultio (*Augustino*) MCLVI.
 Tuffano (*Jacobo*) MCLVII.
 Castellano (*Petro*) MCLVIII.
 Moro (*Joanni*) MCLIX.
 Montjoio (*Carolo*) MCLX.
 Cassandro (*Francisco*) MCLXI.
 Quintino *suo*, MCLXII.
 Kretzero (*Matthia*) MCLXIII.
 Eobano *Hesso*, MCLXIV.
 Egnatio (*Jo. Baptista*) MCLXV.
 Tuffano (*Jacobo*) MCLXVI.
 Bayfio (*Lazaro*) MCLXVII.
 Pflug (*Julio*) MCLXVIII.
 Georgio, *Saxonia Duci*, MCLXIX.
 Velio (*G. Ursino*) MCLXX.
 Ulatteno (*Joanni*) MCLXXI.
 Dingen (*Conrado à*) MCLXXII.
 Vulcanio (*P.*) MCLXXIII.
 Montjoio (*Guilielmo*) MCLXXIV.
 Eugubino (*Augustino*) MCLXXV.
 Mallario (*Nicolao*) MCLXXVI.
 Alciato (*Andrea*) MCLXXVII.
 Dalbono (*Antonio*) MCLXXVIII.
 Mornyco (*Petro*) MCLXXIX.
 Fuggero (*Antonio*) MCLXXX.
 Grueriis (*Leonardo à*) MCLXXXI.
 Boerio (*Bernardo*) MCLXXXII.
 Trivultio (*Livino*) MCLXXXIII.

I N D E X P R I O R

1531. Ammonio (*Livino*) MCLXXXIV.
 Audomaro (*Edingo*) MCLXXXV.
 Pflug (*Julius*) *Erasmo*, MCLXXXVI.
 Georgio, *Saxoniae Duci*, MCLXXXVII.
 Eobano *Hesso*, MCLXXXVIII.
 Commerstadio (*Georgio*) MCLXXXIX.
 Vives (*Ludovicus*) *Erasmo*, MCXC.
 Resendo (*Angelo Andrea*) MCXCI.
 Senatui *Besontino*, MCXCII.
 Questenbergio (*Sigismundo*) MCXCIII.
 Velio (*G. Ursino*) MCXCIV.
 Pflug (*Julio*) MCXCV.
 Verveio (*Alphonso*) MCXCVI.
 Polo (*Reginaldo*) MCXCVII.
 Agricola (*Georgio*) MCXCVIII.
 Valdesio (*Alphonso*) MCXCIX.
 Rinckio (*Foanni*) MCC.
 Bonero (*Foanni*) MCCI.
 Bernardo, *Episc. Tridentino*, MCCII.
 Riveni *Episcopo*, MCCIII.
 Hoxvirio (*Hectori*) MCCIV.
 Goclenio (*Conrado*) MCCV.
 Theologis *Lovanensibus*, MCCVI.
 Bullidio (*Egidio*) MCCVII.
 Kretzero (*Matthia*) MCCVIII.
 Valdesio (*Alphonso*) MCCIX.
 Cholero (*Foanni*) MCCX.
 Guilielmo, *Duci Juliacensi*, MCCXI.
 Fossa (*Tilemanno*) MCCXII.
 Winmanno (*Nicola*) CCCLXI. App.
 Hervagio (*Foanni*) CCCLXII. *ibid.*
 1532. Zuichemo (*Viglio*) MCCXIII.
 Paumgartnero (*Foanni*) MCCXIV.
 Sadoletus (*Jacobo*) MCCXV.
 Gumpenbergo (*Ambrosio*) MCCXVI.
 Paumgartnero (*Foanni*) MCCXVII.
 Cuidam, MCCXVIII.
 Sasbouto (*Fodoco*) MCCXIX.
 * Sadoletus (*Jacobus*) *Erasmo*, MCCXX.
 Bernardo, *Episc. Tridentino*, MCCXXI.
 * Sadoletus (*Jacobus*) *Erasmo*, MCCXXII.
 Morus (*Thomas*) *Erasmo*, MCCXXIII.
 Guilielmo *Comiti*, MCCXXIV.
 Paumgartnero (*Foanni*) MCCXXV.
 Amerbachio (*Bonifacio*) MCCXXVI.
 Cajetano (*Thoma*) MCCXXVII.
 Paumgartnero (*Foanni*) MCCXXVIII.
 Turzo (*Stanislaus*) *Erasmo*, MCCXXIX.
 Utenhovio (*Carolo*) MCCXXX.
 Pflug (*Julio*) MCCXXXI.
 * Bembus (*Petrus*) *Erasmo*, MCCXXXII.
 Cholero (*Foanni*) MCCXXXIII.
 Clebergero (*Foanni*) MCCXXXIV.
 Melanchthon (*Philippus*) *Erasmo*, MCCXXXV.
 Assandelf (*Gerardo*) MCCXXXVI.
 Talefio (*Quirino*) MCCXXXVII.
 Boneris (*Foanni & Stanislaus*) MCCXXXVIII.
 Brixio (*Germano*) MCCXXXIX.
 Cantæ (*Jacobo*) MCCXL.
 Balivo *Lutetia Regio*, MCCXLI.
 * Benedictus (*Foannes*) *Erasmo*, CCCLXIII. App.
 * Zuichemo (*Viglio*) CCCLXIV. *ibid.*
 * Agrippa (*Cornelius*) *Erasmo*, CCCLXV. *ibid.*
 * Morrhuis (*Gerardus*) *Erasmo*, CCCLXVI. *ibid.*
 * Poly (*Thomas*) *Erasmo*, CCCLXVII. *ibid.*
 * Castellano (*Petro*) CCCLXVIII. *ibid.*
 * Zuichemo (*Viglio*) CCCLXIX. *ibid.*
 1533. Feticchio (*Theobaldo*) MCCXLII.
 Emstedio (*Foanni*) MCCXLIII.
 Senatui *Besontino*, MCCXLIV.
 Horion (*Guilielmo*) MCCXLV.
 Vulcanio (*Petro*) MCCXLVI.
 Chapusio (*Eustachio*) MCCXLVII.
 Colstero (*Abeli*) MCCXLVIII.
 Paumgartnero (*Foanni*) MCCXLIX.
 * Sadoletus (*Jacobus*) *Erasmo*, MCCL.
 * Cornelii (*Vincentio*) MCCLI.
 * Vives (*Fo. Ludovicus*) *Goesio suo*, MCCLII.
 Goes (*Damiano*) MCCLIII.
 Sadoletus (*Paulo*) MCCLIV.
 Rupilio (*Francisco*) MCCLV.
 More (*Desiderato*) MCCLVI.
 Decio (*Fusto*) MCCLVII.
 Goclenio (*Conrado*) MCCLVIII.
 Bembus (*Petrus*) *Erasmo*, MCCLIX.
 Richardoro (*Petro*) MCCLX.
 Vergaræ (*Foanni*) MCCLXI.
 Leigniero (*Simoni*) MCCLXII.
 1533. Ludovico, *Abbati*, MCCLXIII.
 Bonvaloto (*Francisco*) MCCLXIV.
 Mefius (*Petro & Christophoro*) MCCLXV.
 * Zuichemo (*Viglio*) CCCLXX. App.
 * Wicelius (*Georgius*) *Erasmo*, CCCLXXI. *ibid.*
 * Zuichemo (*Viglio*) CCCLXXII. *ibid.*
 * Ulatteno (*Foanni*) CCCLXXIII. *ibid.*
 * Zuichemo (*Viglio*) CCCLXXIV. *ibid.*
 1534. Cholero (*Foanni*) MCCLXVI.
 Grapheo (*Cornelio*) MCCLXVII.
 Goes (*Damiano*) MCCLXVIII.
 * Cornelii (*Vincentio*) MCCLXIX.
 Vives (*Ludovicus*) *Erasmo*, MCCLXX.
 Goes (*Damiano*) MCCLXXI.
 * Egnatius (*Fo. Baptista*) *Erasmo*, MCCLXXII.
 * Melanchthoni (*Philippo*) MCCLXXIII.
 * Sadoletus (*Jacobus*) *Erasmo*, MCCLXXIV.
 — *idem ad eundem*, MCCLXXV.
 * Dulfus (*Franciscus*) *Erasmo*, CCCLXXV. App.
 * Sepulvedas (*Fo. Genesius*) *Erasmo*, CCCLXXVI. *ibid.*
 1535. Curtio (*Petro*) MCCLXXVI.
 * Merbelio (*P.*) & Laurentio (*Fo. Baptista*)
 MCCLXXVII.
 Tomitius (*Petrus*) *Erasmo*, MCCLXXVIII.
 Goes (*Damiano*) MCCLXXIX.
 Paulus III. *Papa*, *Erasmo*, MCCLXXX.
 Hoxvirius (*Hector*) *Erasmo*, MCCLXXXI.
 Bembus (*Petrus*) *Erasmo*, MCCLXXXII.
 Latomus (*Bartholomeus*) *Erasmo*, MCCLXXXIII.
 Goes (*Damiano*) MCCLXXXIV.
 Kmitha (*Petro*) MCCLXXXV.
 Latomo (*Bartholomeus*) MCCLXXXVI.
 Tomitio (*Petro*) MCCLXXXVII.
 Goclenio (*Conrado*) MCCLXXXVIII.
 Bero (*Ludovico*) MCCLXXXIX.
 Ludovico, *Abbati*, MCCXC.
 Grueriis (*Leonardo*) MCCXCI.
 Goes (*Damiano*) MCCXCII.
 * Rupilius (*Franciscus*) *Erasmo*, CCCLXXVII. App.
 * Nucrinus (*Guilielmus*) Montano (*Philippo*)
 CCCLXXVIII. *ibid.*
 * Anshelmus *Erasmo*, CCCLXXIX. *ibid.*
 * Glareanus (*Henricus*) *Erasmo*, CCCLXXX. *ibid.*
 1536. Critio (*Andrea*) MCCXCIII.
 Cognato (*Gilberto*) MCCXCIV.
 Amicis *Lefforibus*, MCCXCV.
 Cognato (*Gilberto*) MCCXCVI.
 Bonvaloto (*Francisco*) MCCXCVII.
 Confiliario *cuidam*, MCCXCVIII.
 Goclenio (*Conrado*) MCCXCIX.
 * Goes (*Damianus*) *Erasmo*, CCCLXXXI. App.
 * Voltzius (*Paulus*) *Erasmo*, CCCLXXXII. *ibid.*
 * Paumgartnerus (*Foannes*) *Erasmo*, CCCLXXXIII. *ib.*
 * Nausea (*Friedericus*) *Ferdinando Cesari*, CCCLXXXIV.
ibid.
 * Frobenius (*Hier.*) & Nicol. *Episcopus Jo. à Lasco*,
 CCCLXXXV. *ibid.*
 Sequuntur Epistolæ absque Anno adscripto.
 Egidio (*Petro*) CCCLXXXVI. App.
 — *ad eundem*, CCCLXXXVII. *ibid.*
 — *ad eundem*, CCCLXXXVIII. *ibid.*
 * Anxt (*Wolfgangus*) *Erasmo*, CCCLXXXIX. *ibid.*
 * Artlebus de Boskovicz *Erasmo*, ccccxc. *ibid.*
 * Babhamus (*Foannes*) *Erasmo*, ccccxc. *ibid.*
 * Bartholinus (*Richardus*) *Erasmo*, ccccxc. *ibid.*
 * Batto (*Jacobo*) ccccxc. *ibid.*
 * Guilielmus Goudanus *ad eundem*, ccccxc. *ibid.*
 * Henrico à Bergis, ccccxc. *ibid.*
 * Boetio (*Hectori*) ccccxc. *ibid.*
 * Boschio (*Arnoldo*) ccccxc. *ibid.*
 * Cantero (*Jacobo*) ccccxc. *ibid.*
 * Christiano Lubucensi, ccccxc. *ibid.*
 * Clava (*Antonius*) *Erasmo*, cccc. *ibid.*
 * Clavæ (*Antonio*) cccc. *ibid.*
 * Clava (*Antonius*) *Erasmo*, cccc. *ibid.*
 * Coletto (*Foanni*) cccc. *ibid.*
 * Coletus (*Foannes*) *Erasmo*, cccc. *ibid.*
 * Coletto (*Foanni*) cccc. *ibid.*
 * Coletus (*Foannes*) *Erasmo*, cccc. *ibid.*
 * Cornelio Goudano, cccc. *ibid.*
 — *ad eundem*, cccc. *ibid.*
 — *ad eundem*, cccc. *ibid.*
 — *ad eundem*, cccc. *ibid.*
 — *ad eundem*, cccc. *ibid.*
 — *ad eundem*, cccc. *ibid.*
 * — *ad eundem*, cccc. *ibid.*

* Cor-

EPISTOLARVM ERASMI.

* Cornelio Goudano, CCCCXIV. App.
 * — ad eundem, CCCCXV. ibid.
 * Cornelius Goudanus Brasno, CCCCXVI. ibid.
 * — idem ad eundem, CCCCXVII. ibid.
 * — idem ad eundem, CCCCXVIII. ibid.
 * — idem ad eundem, CCCCXIX. ibid.
 * — idem ad eundem, CCCCXX. ibid.
 * Danto (Berthramo) CCCCXXI. ibid.
 * Dingen (Conrado) CCCCXXII. ibid.
 * Dorpio (Martino) CCCCXXIII. ibid.
 * — ad eundem, CCCCXXIV. ibid.
 * Elizabethæ Moniali, CCCCXXV. ibid.
 * Fabro (Joanni) CCCCXXVI. ibid.
 * Faber (Jacobus) Erasmo, CCCCXXVII. ibid.
 * Fischerus (Joannes) Erasmo, CCCCXXVIII. ibid.
 * — idem ad eundem, CCCCXXIX. ibid.
 * — idem ad eundem, CCCCXXX. ibid.
 * Francisco, Medico, CCCCXXXI. ibid.
 * — ad eundem, CCCCXXXII. ibid.
 * Francisco suo, CCCCXXXIII. ibid.
 * — ad eundem, CCCCXXXIV. ibid.
 * — ad eundem, CCCCXXXV. ibid.
 * — ad eundem, CCCCXXXVI. ibid.
 * Gaguino (Roberto) CCCCXXXVII. ibid.
 * Georgio, Episcopo Brinimensi, CCCCXXXVIII. ibid.
 * Gervasius Erasmo, CCCCXXXIX. ibid.
 * Goes (Damiano) CCCCXL. ibid.
 * — ad eundem, CCCCXLI. ibid.
 * Grunio (Lamberto) CCCCXLII. ibid.
 * Grunnius (Lambertus) Erasmo, CCCCXLIII. ibid.
 * Guilielmo Goudano, CCCCXLIV. ibid.
 * — ad eundem, CCCCXLV. ibid.
 * — ad eundem, CCCCXLVI. ibid.
 * Guilielmus Goudanus Erasmo, CCCCXLVII. ibid.
 * — idem ad eundem, CCCCXLVIII. ibid.
 * Faustus Guilielmo suo, CCCCXLIX. ibid.
 * Henricus VIII. Angliæ Rex Erasmo, CCCCCL. ibid.
 * — idem ad eundem, CCCCCLI. ibid.
 * Simon Hexapolitanus Erasmo, CCCCCLII. ibid.
 * Joanni, Card. Lotharingia, CCCCCLIII. ibid.
 * Guilielmus Goudanus Joanni Magistro, CCCCCLIV. ibid.
 * Josæ (Fodoco) CCCCCLV. ibid.
 * Lectori, CCCCCLVI. ibid.
 * — ad eundem, CCCCCLVII. ibid.
 * Ludolpho suo, CCCCCLVIII. ibid.
 * Lupsetus (Thomas) Erasmo, CCCCCLIX. ibid.
 * Martino, Medico, CCCCCLX. ibid.
 * Mauritiæ (Jacobo) CCCCCLXI. ibid.
 * — ad eundem, CCCCCLXII. ibid.
 * — ad eundem, CCCCCLXIII. ibid.
 * Medico cuidam, CCCCCLXIV. ibid.
 * Ammonius (Andreas) Guil. Montjojo, CCCCCLXV. ibid.
 * Morus (Thomas) Erasmo, CCCCCLXVI. ibid.

* Nemo (Alvarus) CCCCCLXVII. ibid.
 * Obrecht (Joanni) CCCCCLXVIII. ibid.
 * Olivarius (Petr. Joannes) Erasmo, CCCCCLXIX. ibid.
 * Gerardo (Petro) CCCCCLXX. ibid.
 * Pirckheimero (Bilibaldo) CCCCCLXXI. ibid.
 * — ad eundem, CCCCCLXXII. ibid.
 * — ad eundem, CCCCCLXXIII. ibid.
 * Reynerus Goudanus Erasmo, CCCCCLXXIV. ibid.
 * Ruthallo (Thome) CCCCCLXXV. ibid.
 * Sasboudo suo, CCCCCLXXVI. ibid.
 * Sceppero (Cornelio) CCCCCLXXVII. ibid.
 * Servatio suo, CCCCCLXXVIII. ibid.
 * — ad eundem, CCCCCLXXIX. ibid.
 * — ad eundem, CCCCCLXXX. ibid.
 * — ad eundem, CCCCCLXXXI. ibid.
 * — ad eundem, CCCCCLXXXII. ibid.
 * — ad eundem, CCCCCLXXXIII. ibid.
 * — ad eundem, CCCCCLXXXIV. ibid.
 * — ad eundem, CCCCCLXXXV. ibid.
 * — ad eundem, CCCCCLXXXVI. ibid.
 * — ad eundem, CCCCCLXXXVII. ibid.
 * — ad eundem, CCCCCLXXXVIII. ibid.
 * — ad eundem, CCCCCLXXXIX. ibid.
 * — ad eundem, CCCCXC. ibid.
 * Guilielmus Goudanus Servatio suo, CCCCXCI. ibid.
 * — idem ad eundem, CCCCXCII. ibid.
 * Sixtinus (Joannes) Erasmo, CCCCXCIII. ibid.
 * — idem ad eundem, CCCCXCIV. ibid.
 * — idem Petro Agidio, CCCCXCV. ibid.
 * Theodorico (Francisco) CCCCXCVI. ibid.
 * Virginibus prope Cantabrigiam, CCCCXCVII. ibid.
 * Vives (Ludovicus) Gilb. Cognato, CCCCXCVIII. ibid.
 * Ulatteno (Joanni) CCCCXCIX. ibid.
 * Watsonus (Joannes) Erasmo, D. ibid.
 * Wernero (Nicolao) DI. ibid.
 * — ad eundem, DII. ibid.
 * — ad eundem, DIII. ibid.
 * — ad eundem, DIV. ibid.
 * — ad eundem, DV. ibid.
 * Winckel (Petro) DVI. ibid.
 * Amico suo, DVII. ibid.
 * Theologo cuidam, DVIII. ibid.
 * — ad eundem, DIX. ibid.
 * Cuidam, DX. ibid.
 * . . . DXI. ibid.
 * . . . DXII. ibid.
 * Morus (Thomas) Martino Dorpio, DXIII. ibid.
 * Baudius (Dominicus) Paulo Merula, DXIV. ibid.
 * Loxano (Georgio) DXV. ibid.
 * Steuchus (Augustinus) Eugubinus Erasmo, DXVI. ibid.
 * Capitoni (Wolpbgango) DXVII. ibid.

F I N I S.



DESIDERII ERASMI EPISTOLARVM INDEX POSTERIOR,

QUI EST

ALPHABETICVS,

Commonstrans, quis cui scribat, & quoties.

A.

Abbati cuidam, 795.
Accardus (Marianus) Siculus Erasmo, 1591.
 1599.
Adolpho, Principi Veriano, 122.
Adrianus VI. Papa Erasmo, 735. 744.
Adriano VI. Papæ, 721. 722. 737. 745.
 — Audomarico, 89.
Egidius (Petrus) ab Actis Curie Antuerpianæ, 462. 1582.
 1591. 1634.
Egidio (Petro) 94. 135. 136. 190. 203. 216. 236. 286. 292.
 357. 381. 382. 384. 541. 929. 951. 1610. 1651. 1670. 1775.
 1776.
Emilio ab Æmiliis, Brixiano, 1191.
Affinio (Henrico) Lyrensi, 289. 1652. 1668.
Agathio (Hieronymo) 1106.
Aggeus (Augustinus) Medicus Erasmo, 1549.
Agricola (Georgio) 1416.
Agrippa (Cornelius) Erasmo, 1751.
Alardetus (Ludovicus) Erasmo, 1720.
Alardetus (Amblardo & Ludovico) 1026.
Alardus Amstelredamus Erasmo, 1560. 1575.
Albertus, Romanæ Ecclesiæ tit. S. Chrysogoni Presb. Card.
 Moguntinensis & Magdeburg. Archiepiscopus, Elector Im-
 perii, Primas Germaniæ, Administrator Halberst. Mar-
 chio Brandenburgensis, Erasmo, 350. 451.
Alberto Card. & Archiepisc. Moguntinensi, 441. 494. 513. 555.
 584. 769.
Alciatus (Andreas) Mediolanensis, Juris Professor publicus,
 670. 1322. 1390. 1745.
Alciato (Andreas) 715. 1121. 1243. 1328.
Aldrisio (Roberto) Anglo, 901. 971. 998.
Algotio (Livino) Gandavo, 546.
Aleandro (Hieronymo) Archiepiscopo Brundusino, 810.
Alexandro, Comititis à Nassauwen Secretario, 1695.
Amicus Lectoribus, 1517.
Amico cuidam, 44. 1885.
Ammonius (Andreas) Guil. Montjoio, 1855.
 — (Andreas) Lucensis, Regis Angliæ Secretarius, E-
 rasmo, 111. 112. 113. 116. 120. 125. 139. 155. 156. 163. 233.
 1526.
Ammonio (Andreas) 102. 103. 106. 107. 108. 110. 112. 114. 115.
 116. 117. 119. 120. 121. 122. 125. 133. 136. 137. 147. 191.
 218. 228. 1523. 1604. 1651.
 — (Livino) Cartusienfi, 1127. 1399.
 — (Petro) 1652. 1669.
Amorbachio (Bonifacio) Juris Professori publico, 349. 1444.
Amorbachius (Bruno) Erasmo, 1539. 1569.
Amorbachio (Brunoni) 1625.
Andrea (Eustachio) Monacho Cluniacensi, 842.
Andrelino (Fausto) Poetæ Laureato, 56. 57.
Andrelinus (Faustus) 56. 57.
Anglebermio (Petro) Medico, 86.
Anshelmus Erasmo, 1771.
Antonino (Joanni) Cassoviensi, Medico nunc in familia Episco-
 pi Cracoviensis, 885. 1045. 1052. 1203.
Anst (Wolphangus) Cæferbergius, Erasmo, 1777.
Apocello (Jacobus) Helvetio, 898.
Archidiacono Alcorano, vide *Fernando*.
Arnoldo cuidam, 4.
Artlebus de Boskowitz & Tschernaho, Dominus in Vran.
 supremus Capitaneus Marchionatus Moraviensis, Erasmo,
 1777.
Assendelf (Gerardo ab) 1455.
Asulano (Francisco) Typographo, 952.
Arensi (Joanni) 1652.
Anrutino (Cornelio) Canonico, 1. 2. 16.

B.

Babbamus (Joannes) Erasmo, 1778.
Badius (Jodocus) Ascensius Erasmo, 1522. 1540. 1561.
 1571.
Badio (Jodoco) 1600. 1669.
Baldung (Hieronymus) Erasmo, 1556.
Balivo Luteriæ Regio, 1460.
Balthasari, Episcopo Hildesheimensi, Episcopi Constantien-
 sis Coadjutori, 1164. 1274.
Banifus (Jacobus) Cæsaris Confiliarius, Erasmo, 271.
Banifio (Jacobus) 368. 462. 1639.
Barbirius (Nicolaus) Erasmo, 1619.
 — (Petrus) Decanus Tornacensis Theologus, Erasmo,
 1554. 1562. 1621.
Barbirio (Petro) 270. 306. 649. 653. 662. 718. 740. 766. 888.
 893. 901. 1616. 1652. 1668. 1680.
Barlandus (Adrianus) Cornelio fratri suo, 1582.
 — Erasmo, 1584. 1585.
Barlando (Adriano) 382. 876. 928.
 — (Huberto) Medico, 1194.
Bartholino (Laurentio) Abbati Italo, 635.
 — (Ricardo) 190.
Bartholinus (Ricardus) Poeta, Canonicus Spoletanus, Era-
 smo, 223. 1779.
Basellius (Nicolaus) Erasmo, 1585.
Batto (Cornelio) 238.
 — (Jacobus) 6. 22. 25. 26. 27. 36. 37. 46. 47. 53. 54. 59.
 62. 64. 69. 74. 86. 1779.
Battus (Cornelius) Erasmo, 1600.
 — (Jacobus) Secretarius Oppidi Bergensis, Guil. Mont-
 joio, 55.
Baudius (Dominicus) Paulo Merulæ, 1922.
Bayfio (Lazaro) 1064. 1369.
Bebelius (Henricus) Instigenfis Erasmo, 1536.
Bedda (Natalis) Theologus Parisiensis, Erasmo, 1706.
Bedda (Natali) 857. 861. 883. 892. 902. 1038.
Bedillus, Bedellius, seu Bidellus, (Thomas) Archiepiscopi
 Cantuariensis à Secretis, 1551. 1609.
Bedillo (Thomas) 605. 1678. 1685.
Bembus (Petrus) Erasmo, 1184. 1452. 1479. 1503.
Bembo (Petro) 1061. 1279.
Benedictus (Joannes) Sigismundi, Poloniæ Regis Physicus,
 Erasmo, 1750.
Benedicto (Danieli) Mediolanensi, 898.
Benferado (Nicolao) Jurisconsulto, 39. 51.
Beraldus (Nicolao) Erasmo, 307. 330.
Beraldo (Nicolao) 335. 506. 634.
Bergis (Antonius à) Abbas Bertinicus, Joanni de Medicis,
 Cardinali, 90.
 — (Antonio à) Abbati Sancti Bertini, 63. 79. 118. 122.
 275. 366. 441. 1689.
 — (Henrico à) Episcopo Cameracensi, 34. 49. 1781.
Bernardo, Episcopo Tridentino, Ferdinandi Regis summo
 Cancellario, 744. 927. 947. 955. 1133. 1158. 1164. 1318.
 1419. 1438.
Berquinus (Ludovicus) Erasmo, 1712.
Berquino (Ludovico) 884. 1132. 1133.
Bersala (Annæ) Principi Verianæ, matri Adolphi, 83.
Berselius (Paschasius) Erasmo, 229. 1633.
Berselio (Paschasio) 230. 1647. 1653.
Bertulphe (Hilario) Gandavo, 937.
Berus (Ludovicus) Theologus, Basileæ apud Collegium D.
 Petri Præpositus, Erasmo, 217. 1607.
Bero (Ludovico) 165. 644. 1161. 1176. 1186. 1514. 1623. 1645.
 — (Richardo) Abbati Glasconienfi, 816.
Bibliopego (Joanni) Dano, 1018.
Bidellus, vide *Bedillus*.
Boerio (Bernardo) 1350. 1397.
 — (Joanni) 1350.

Boetio

EPISTOLARVM ERASMI.

Bostio (Hectori) 1784.
Bombasus (Paulus) Cardinalis Sanctorum quatuor ab Epistolis, Erasmo, 274. 351. 647.
Bombasio (Paulo) 358. 401. 663. 781. 897. 1676.
Bonero (Joanni) 1419. 1457.
 — (Stanislao) 1457.
Bonsio (Lucæ) 1297.
Bonvaloto (Francisco) Thesaurario, 1485. 1520.
Borsalus (Joannes) Decanus Zandeburgensis, Erasmo, 424. 1524. 1535. 1544.
Borsalo (Joanni) 434. 1007.
Boschio (Arnoldo) Carmelita, 1785.
Botteus (Henricus) Officialis Burgiensis, Erasmo, 1739.
Botteo (Henrico) LL. Doctori, Officiali Burgensi, 1049. 1073.
Botzemo (Joanni) Canonico Constantiensis, 239. 739. 1225. 1234. 1730.
Bovillus (Henricus) Erasmo, 197. 1557. 1606.
Bovillo (Henrico) 126. 237. 1670. 1685.
Brasscano (Jo. Alexandro) Jurisconsulto, 1289.
Brielis (Guilielmus) Erasmo, 1559.
Brixius (Germanus) Autissiodorensis Erasmo, 191. 1091. 1294.
Brixio (Germano) 376. 556. 883. 904. 985. 1113. 1121. 1134. 1262. 1280. 1308. 1458.
Broderico (Stephano) Episcopo Sirmiensis, 1204.
Brugnario (Antonio) in Monte Pellicardi, 822.
Brunsfeldio (Othoni) 905.
Bucero (Martino) 1029.
Buchoni (Bernardo) Frisio, Decano in Haga Comitum & Consiliario, 666.
Buda (Michaeli) Episcopo Lingonensi in Gallia, 891. 919.
Budaus (Guilielmus) Cutberto Tonstallo, 239.
 — Erasmo, 168. 204. 247. 256. 298. 309. 355. 418. 421. 422. 430. 448. 466. 492. 497. 957. 1556. 1615.
Budao (Guilielmo) 172. 184. 212. 249. 259. 273. 275. 299. 352. 416. 423. 431. 506. 538. 568. 634. 677. 885. 891. 922. 986. 1135.
Barbanco (Guilielmo) Anglo, ex familia Cardinalis Eboracensis, 574.
Buschius (Hermannus) Pasiphilus Erasmo, 559.
 — ejus Carmen in Erasmus, 198.
Buschio (Hermannus) 316. 561. 1683.
Bullidiani Collegii Professoribus, vide *Collegii*.
Bullidius (Ægidius) Catholici Regis à Rationibus, Erasmo, 1575.
Bullidio (Ægidio) 353. 377. 381. 1424. 1571. 1653.
 C.
Caduceatori (Henrico) 986.
Calius (Ludovicus) Erasmo, 1187.
Cajar (Robertus) Erasmo, 1586.
Casarius (Joannes) Erasmo, 1578. 1620. 1633.
Casario (Joanni) 840. 1622. 1640. 1677.
Cajetano (Thomæ) 1446.
Calcagninus (Coelius) Erasmo, 877.
Calcagnino (Coelio) 859.
Calvò (Francisco) Bibliopolæ Romano, 887.
Camerarius (Joachimus) Erasmo, 828.
Camerario (Joachimo) 835.
Caminado (Augustino) 38. 58. 78.
Caminge (Hajoni) Frisio, 1128.
Campegius (Laurentius) Cardinalis Erasmo, 468.
Campegio (Laurentio) 436. 470. 543. 594. 912. 1303. 1316.
Canio, seu *de Hondt*, (Joanni) Canonico Curtracensi, 795. 804. 851. 1008. 1667.
Canvio (Nicolao) Amsterodamo, 983.
Canossa (Ludovicus) Episcopus Bajocensis, Erasmo, 217.
Canossa (Ludovico) Episcopo Bajocensi, 186.
Canta (Jacobus) 1460.
Cantero (Jacobus) 1785.
Cantiuncula (Claudio) Legum Doctori, 962.
Capito, vide *Faber*.
Capnion, vide *Reuchlinus*.
Caraffe (Petro) Episcopo Theatino, Nuncio Apostolico apud Anglos, 1535.
Cardinali Nannetensi, 118.
Carino (Ludovico) 419.
Carlewitz (Christophoro à) 1296.
Carolus V. Imperator, Erasmo, 1047.
Carolo V. Imperatori, 1016.
 — Duci Sabaudie, 1022.
Carondileto (Fericus) Archidiacono Bisontino, 952.
Carondileto (Joanni) Archiepiscopo Panormitano, Aulae Brabantiae Cancellario, 690. 715. 794. 932. 972. 1122.
Casimbrotus, sive *Casperotus*, (Leonardus) Brugensis, Erasmo, 1715.
Casimbrotus (Leonardo) 895. 935.
Casperotus, vide *Casimbrotus*.
Cassandro (Francisco) 1360.

Cassandro, vide *Cellismartiali*.
Castellano (Petro) 1352. 1752.
Cattinarius, vide *Gattinarius*.
Catharina, Regina Angliæ, 1062.
Cellismartiali (Cassandro) 1281.
Chapuso (Eustachio) Oratori Cæsaris in Anglia, 1466.
Chiregattus (Franciscus) Episc. Interamnenensis, Erasmo, 1627.
Chiregatto (Francisco) 542. 579. 923. 1699.
Cholero (Joanni) Præposito Curienfis, 1216. 1325. 1426. 1452. 1489.
Christiano, 4. 17. 34.
 — Lubecensi Negoriatori, 24. 68. 1786.
Christophorus, Episcopus Basileensis, Erasmo, 259.
Christophoro, Episcopo Basileensi, 285. 774. 776. 801.
Cigalino (Francisco) Medico, 920.
Clava (Antonius) Senator Gaudavensis, Erasmo, 1564. 1788. 1789.
Clava (Antonio) 238. 1629. 1631. 1643. 1650. 1788.
Claymondo (Joanni) Theologo, 463.
Clementi VII. Papæ, 783. 1074.
Clerico (Nicolao à) Theologo Lutetiano, 1113.
Cnopæ (Andræ) Ruteno, Sacerdoti, 606.
Cochlaus (Joannes) Erasmo, 1739.
Cochleo (Joanni) 1008. 1070. 1182.
Cognato (Gilberto) Canonico Nozerethi in Burgundia, 1516. 1519.
Coletus (Joannes) Decanus apud D. Paulum Londini, Erasmo, 9. 1572. 1573. 1791. 1792.
Coletus (Joanni) 39. 94. 99. 101. 106. 108. 109. 131. 238. 1523. 1660. 1690. 1789. 1792.
Collegii Bullidiani Professoribus, 1288.
Collegio Canonicorum Metensium, 469.
 — Sorbonico Lutetia, 1031.
 — Virginum Macabeiticarum Colonienfium, 778.
Colffero (Abeli) 1467.
Commerfadio (Georgio) 1404.
Conrado Schutterani & Laurentio Ethonis Monasteriorum Abbatibus, Provinciae Brisgaviae, 500.
Conritz (Andræ & Christophoro à) 1157.
Conflario cuidam, 1520.
Copus (Guilielmus) Medicus Regius, Erasmo, 171.
Copo (Guilielmo) 186. 946.
Cordo (Euricio) Ludimagistro, 428.
Cornario (Jano) Zuicaviensis Medico, 1225.
Cornelii (Vincentio) Cæsaris Thesaurario, 1470. 1491.
Cornelio, Bergensi Quæstori, 855.
Cornelius Goudanus Erasmo, 1803. 1804. 1805. 1806.
Cornelio Goudano, 1793. 1795. 1796. 1797. 1799. 1800. 1801. 1802.
Coronello (Ludovico) Theologo Hispano, 714.
Coxo (Leonardo) Anglo, 982.
Craneveldius (Franciscus) prius Pensionarius Brugensis, nunc Senator Mechliniensis, Erasmo, 581.
Craneveldio (Francisco) 602.
Critio (Andræ) Episcopo prius Premislenfis, nunc Plocensis, 897. 953. 980. 1096. 1193. 1222. 1305. 1515.
Croco (Guilielmo) 1678.
Croyus (Guilielmus) Card. & Archiepiscopus Toletanus, Erasmo, 361.
Croyo (Guilielmo) 359. 363. 430.
Cuidam, 45. 931. 1062. 1435. 1627. 1630. 1632. 1658. 1659. 1660. 1672. 1673. 1686. 1887. 1889. 1891.
 — ἀντιπροσώπων, 358.
 — Obrrectatori, 375.
 — Præpotenti, 631.
Curtio (Petro) Rhetori in Academia Romana, 1496.

D.

Dalbono (Antonio) Abbati Insulæ Barbaræ, 1326. 1399.
Damo (Berthramo) 1806.
Dancastro (Guilielmo) Theologo, 509.
Danefio, 1107.
Davidi (Martino) Canonico Bruxellano, 1136.
Decimario (Petro) 1074. 1121.
Decio (Justo) Sigismundi, Poloniæ Regis, Secretario, 1093. 1193. 1475.
Deiotaro (Zachariæ) Frisio, 804.
Deloinus (Franciscus) Præses Senatus Parisini, Erasmo, 181.
Deloino (Francisco) 183.
Demolendino, vide *Molendino*.
Dilfus (Franciscus) Erasmo, 1760.
Dilfo (Francisco) 1067. 1298.
Dingen (Conrado à) Episcopo Wirtzeburgensi, sive Herbi-polenfis, 1192. 1288. 1301. 1373. 1807.
Dorpius (Martinus) Theologus Erasmo, 331. 1660. 1661.
Dorpio (Martino) 1654. 1807. 1808.
Draconi (Joanni) ex urbe Karoli, 429. 510.
Dunghersfeyn (Hieronymus) Erasmo, 1592.
 Tom. III. * * * * *

E. Ec-

INDEX POSTERIOR

E.

Eckius (Joannes) Theologus, Erasmo, 296. 1321.
Eckio (Joanni) 397.
Edingo (Andomaro) summi Flandriæ Senatus ab Actis, Gandavi, 1125. 1400.
Edmundo, Sacerdoti optimo, 90.
Egnatius (Joannes Baptista) Erasmo, 1493. 1608.
Egnatio (Joanni Baptista) 119. 894. 935. 1158. 1287. 1330. 1366.
Elizabetha Moniali, 1808.
Ellenbogen (Nicolaus) Erasmo, 1554.
Emserus (Hieronymus) Bilib. Pirckheimero, 1590.
 ————— Erasmo, 1592.
Emsero (Hieronymo) 906. 1055.
Emstedio, vide *Heemstedio*.
Ennio, Episcopo Verulano, 717.
Eobano Hesso, 446. 513. 1363. 1404.
Episcopo (Nicolaus) 1224.
Eppendorpius (Henricus) Erasmo, 1260.
Eppendorpio (Henrico) 1259.
Eschemweldio (Christophoro) telonæ, Popardienfi, 353. 1682. 1683.
Evangelista, 22.
Everardo (Nicolaus) Hollandiæ Præfidi, 675. 796. 900. 1697.
Eugubinus (Augustinus) vide *Steuchus*.

F.

Faber, seu *Fabricius* (Guolfangus, vel Wolphangus) Capito, Erasmo, 667. 1566. 1597. 1613. 1701.
Fabro, seu *Fabricio*, Capitoni, 186. 1625. 1646. 1648. 1675. 1682. 1931.
Faber (Jacobus) Stapulensis, Erasmo, 1812.
Fabro (Jacobus) Stapulensi, 236. 265. 972. 1644.
Faber (Joannes) Vicarius in spiritualibus Constantiensis, Ferdinandi Regis à Consiliis, & dein Episcopus Viennensis, 435.
Fabro (Joanni) 533. 960. 1089. 1809.
Fabricius, vide *Faber*.
Falconi (Joanni) 6.
Felici, Episcopo Theatino, 860.
 ————— Dolano LL. Doctore, 1061.
Ferdinandus, Bohemiæ Hungariæque Rex, Erasmo, 765. 821.
Ferdinando Regi, 734. 825. 990. 1142.
Fernandus (Alfonus) Archidiaconus del Alcor, Erasmo, 1723.
Fernando (Alfonso) 1065.
Fettichio (Theobaldo) Medico, 957. 1461.
Fevino (Joanni) Canonico apud divum Donatianum Brugis, 264.
Fisoberus (Joannes) Episcopus Roffensis, Erasmo, 1587. 1812. 1813.
Fischer (Joanni) Episcopo Roffensi, 255. 417. 426. 481. 511. 814. 1604. 1630. 1691.
 ————— (Christophoro) Protonotario Apostolico, 96.
Florentio ab Heltfeyn, 501.
Fonseca (Alfonfus) Archiepiscopus Toletanus, totius Hispaniæ Primas, Erasmo, 973. 1085.
Fonseca (Alfonso) 1011. 1172. 1243.
Fossa, vide *Gravio*.
Francisco I. Galliarum Regi, 185. 943.
 ————— Archiepiscopo Ebrodunensi, 734.
 ————— Hasseltensi Franciscano, 981.
 ————— Thesaurario Ecclesiæ Befontinæ, 1183. 1240.
 ————— Card. Eboracensis Medico, 1813. 1815.
 ————— suo, 1815. 1816.
Frederico, Saxoniz Duci, 324. 444.
Frobenius (Joannes) Erasmo, 1539.
Frobenio (Joanni) 1626. 1655. 1674. 1692.
 ————— (Joanni Erasmo) 1240.
 ————— (Hieronymo) 659.
Fuggerus (Antonius) Erasmo, 1746.
Fuggero (Antonio) 1185. 1214. 1395. 1744.
Furbero (Valentino) 971.

G.

Gaccho (Joanni) Franciscano, 1724.
Gaguinus (Robertus) Erasmo, 44.
Gaguino (Roberto) 44. 76. 78. 1817.
Gardinario (Stephano) 1017.
Gattinarius (Mercurinus) Cancellarius summus Cæsaris, Erasmo, 635. 969.
Gattinatio (Mercurino) 584. 974. 1090.
Gavero (Jodoco) Jurisconsulto, 784.
Georgio, Saxoniz Duci, 567. 731. 812. 836. 855. 856. 945. 1009. 1010. 1050. 1058. 1059. 1072. 1293. 1371. 1402.
Georgius, Saxoniz Dux, Erasmo, 800. 1741.
Georgio, Episcopo Brixinenfi, 1819.

Georgio Haloini Cominiique Domino, & Cæf. Aulæ apud Brabantos Proceri, 261. 556.
Gerardo (Petro) Germano suo, 1859.
Gerbilius (Nicolaus) Jurisconsultus, Erasmo, 1539. 1541. 1542. 1548. 1550.
Gerbilio (Nicolaus) 354.
Gervafius Erasmo, 1820.
Giberto, (Joanni Matthæo) Clementis VII. Datario, Episcopo Veronenfi, 811. 938.
Glapieni (Joanni) Franciscano, Caroli V. Cæsaris à Confessionibus, 742.
Glareanus (Henricus) Erasmo, 197. 1577. 1620. 1771.
 ————— ejus Hecatoſtichon ad Erasum, 199.
 ————— Elegia ad Ofvaldum Myconium, 200.
Glareano (Henrico) 295. 377. 1654. 1655.
Goclenio (Conrado) 267. 569. 633. 645. 717. 773. 822. 1421. 1479. 1513. 1521.
Goes (Damianus à) Erasmo, 1771.
 ————— (Damiano à) 1471. 1492. 1493. 1500. 1506. 1515. 1820. 1821.
Gonello (Guilielmo) 109. 147. 148. 237.
Græca Litteraturæ studiosis, 802.
Græpho (Cornelio) 1162.
Gratiano Hispano, 1067.
Gravio, sive à *Fossa* (Tilemanno) 984. 1009. 1157. 1429.
Gregorius, Prior Cartusiz, Erasmo, 1532.
Grejus (Thomas) Anglus, Erasmo, 1564.
Grejo (Thomæ) Anglo, 18. 21. 44. 76. 171.
Greverado Advocato, 66.
Grolerio (Joanni) apud Insulæ Quæstori Regio, 316.
Grueriis (Leonardo à) Officiali Archiepiscopi Befontini, 843. 1181. 1325. 1396. 1515.
Gruningio (Henrico) Decano Embricensi, 542.
Grunnius (Lambertus) Scriba Apostolicus, Erasmo, 1833.
Grunnio (Lamberto) 1821.
Grymano (Dominico) Cardinali tit. S. Marci, 141. 320. 501.
Guilielmus Junior, Dux Clivenfi, Erasmo, 1744.
Guilielmo Juniori, Duci Clivenfi, 1210. 1211. 1428.
 ————— Comiti ab Hsenburgo, 1442.
 ————— Patri Cartusiz magnæ, 924.
 ————— Pastori civitatis Gruningensis, 637.
Guilielmus Goudanus Jacobo Batto, 1779.
 ————— Goudanus Magistro Joanni, Ducis Philippi præceptori, 1842.
Guilielmo Goudano, 13. 74. 1833. 1836. 1837.
Guilielmus Goudanus Erasmo, 1838.
 ————— Servatio Rogero, 1873.
Galdefordo (Henrico) Equiti Aurato, Præfecto rei equestriæ Regis Angliæ, 437. 512.
Gumpenbergo (Ambrosio à) 1434.

H.

Haco (Christophoro) 492.
Hadrianus, vide *Adrianus*.
Haioni (Hermannus) Friso, LL. Doctore, Senatori Cæsarei Senatus apud Leovardiam, 684. 806. 1070. 1159. 1242.
Holoio, vide *Georgio*.
Halſeyo (Thomæ) Episcopo Elphinensi, 102.
Harenaceus (Joannes) Erasmo, 1599.
Harſto (Carolo) 649.
Hedioni (Gaspary) 844.
Heemstedius (Joannes) Cartusianorum Lovaniensium Procurator, Erasmo, 1746.
Heemstedio (Joanni) Cartusiano juxta Lovanium, 899. 1053. 1462.
Helvetiorum Nationi in Concilio Badensi, 935.
Henckello (Joanni) Mariæ Reginæ Hungariæ à Concionibus, 913. 1159. 1743.
Henricus VIII. Angliæ Rex, Erasmo, 438. 580. 1839. 1840.
Henrico VIII. Angliæ Regi, 263. 319. 773. 774. 816. 1084.
Henricus Christiano fratri, 30.
Herema (Gerardo ab) 1744.
Heresbachio (Conrado) 733.
Hermannus, Archiepiscopus Colonienſis, Erasmo, 1083.
Hermannus, Archiep. Colonienſis, 1067.
Hernesto, Bavariz Duci, 271.
Hezio (Theodorico) Adriani VI. Papæ dudum Secretario, 809.
Hoebſtrato (Andræ) Jureconsulto, 290.
Hoebſtratus (Andreas) Jureconsultus, Erasmo, 1590.
Hollonius (Lambertus) Erasmo, 1688.
Hondt (Joanni de) vide *Canis*.
Hoochſtrato (Jacobus) Theologo Dominicano, 484.
Horion (Guilielmo ab) 1465.
Hoxvirius (Hector) Erasmo, 1502.
Hoxvirio (Hectori) 1420.
Hueo (Guilielmo) Parisienſis Ecclesiæ Decano, 335.
Hunno (Martino) Medico, 857.

Huttenus

INDEX POSTERIOR

Nucrinus (Guilielmus) Philippo Montano, 1763.
Nuenar, Ncaetius, seu à Nova Aquila (Hermannus) Comes, Erasmo, 1561.
 — seu *Ncaetio* (Hermannus) 1057. 1136. 1626. 1644. 1681.

O.

O*brecht* (Joanni) 1858.
Obtreffatori suo pertinacissimo, 620.
Oecolampadius (Joannes) Erasmo, 235.
Oecolampadio (Joanni) 367. 555. 592. 848. 1221. 1675.
Ofbusio (Gabrieli) Cartusienfi, 585.
Ofhuys (Carolus) Erasmo, 1638.
Olabo (Nicolao) 1296. 1321.
Olivarius (Petrus Joannes) Erasmo, 1858.
Ofualdo Myconio Lucerano, 349.

P.

P*aceus* (Richardus) Erasmo, 308.
Paceo (Richardus) 237. 320. 354. 508. 617. 646. 651. 660. 815. 1060. 1278. 1643. 1650. 1672.
Palentino Episcopo, 713.
Paliurus (Lucas) Erasmo, 259. 1688.
Paliuro (Lucæ) 260.
Paludano (Joanni) Rhetori Lovaniensis Academiz, 286.
Papinius (Antonius) Abbas Gemblacenfi, Erasmo, 466.
Papinio (Antonio) 446.
Parcio (Thomæ) Secretario urbis Caletienfi, 330.
Parthenio (Tranquillo) Dalmata, 464.
Paulus III. Papa Erasmo, 1501.
Paumgartnerus (Joannes) Erasmo, 1773.
Paumgartnero (Joanni) 1430. 1435. 1443. 1447. 1468.
Pelicano (Conrado) 963. 964.
Peutingero (Conrado) Cæsaris Confiliario, 590.
Pflug (Julius) Erasmo, 1400.
 — (Julio) Georgii, Saxoniz Ducis, à Confiliis, 1324. 1370. 1409. 1452.
Philippus à Burgundia, Episcopus Trajectenfi, Erasmo, 273.
Philippo à Burgundia, 290. 1649.
Pio (Alberto) Carporum Principi, 1131. 1709.
Pirckheimerus (Bilibaldus) Senator Nurenbergenfi, Cæsaris Confiliarius, Rhenano, 1534.
 — Erasmo, 196. 218. 549. 617. 1546. 1571. 1590. 1594.
Pirckheimero (Bilibaldo) 231. 268. 384. 669. 705. 707. 708. 721. 743. 773. 782. 795. 803. 847. 848. 857. 885. 940. 944. 1028. 1075. 1076. 1084. 1093. 1138. 1188. 1217. 1232. 1305. 1551. 1558. 1637. 1641. 1703. 1860. 1861.
Piscatori (Roberto) Anglo, 12. 38.
Piso (Jacobus) Præceptor Ludovici, quondam Hungariz Regis, 101.
Pisani (Jacobus) 954.
Pistorius (Simon) Georgii, Saxoniz Ducis, Cancellarius, 1714.
Pistorio (Simoni) 966. 1164. 1297.
Polo (Reginaldo) Anglo, 896. 918. 1416.
Poly (Thomas) Erasmo, 1752.
Poncherio (Stephano) quondam Episcopo Parisienfi, jam Archiepiscopo Senonensi, Christianiff. Regis apud Catholicum Oratori, 231. 500.
Prato (Ludovico) Præfecto Gandavenfi, 683.
Pricardus (Leonardus) Canonicus apud Aquiligranum, Erasmo, 442.
Pricardo (Leonardo) 285. 467.
Pricellius (Georgius) Ulmanus Erasmo, 1555.
Prierati (Stephano) Sacri Palatii Romæ Magistro, Dominicano, 776.
Puccio (Antonio) Legato Apostolico apud Elvetios, nunc Episcopo Pistorienfi, 348. 861.
 — (Laurentio) Cardinali, 478.
Pyrrho suo, 1645.

Q.

Q*uensenbergio* (Sigismundo) 1407.
Quinoa (Guilielmo) Mandatori, 1316.
Quintino suo, 1360.

R.

R*aphael*, Cardinalis S. Georgii, Erasmo, 157.
Rapheali, Cardinali Sancti Georgii, 144.
Reßori Scholæ Erphurdienfi, 334.
Regius (Urbanus) Joanni Fabro, 227. 228. Erasmo, 1698.
Regio (Urbano) 1552. 1553.
Remo (Guolphango) 1348.
Rephano (Leonardo) 1193.
Rescius (Rutgerus) in Collegio Trilingui Lovan. Græcæ Linguæ Professor, Erasmo, 1554.

Rescio (Rutgero) 683. 1017.
Resendo (Angelo Andreæ) 1405.
Reuchlino (Joanni) 589.
Reuchlinus, seu *Capnion*, (Joannes) Phorcensis, Erasmo, 1524. 1558. 1598.
Reynerus, Goudanus Physicus, Erasmo, 1861.
Rhenanus (Beatus) Slestadtienfi Erasmo, 1537. 1538. 1569. 1595. 1604. 1606. 1613.
Rhenano (Beato) 371. 552. 1624. 1646. 1675.
Richardus, Episcopo Wintonienfi, 443. 552.
 — Cutberti Tonstalli, Episc. Londonienfi, à Sacris, 261.
Richardoto (Petro) 1480.
Rimaclo, Cæsar à Sacris, 252.
Rimckio (Joanni) 1299. 1418.
Ritio (Hieronymo) 1187.
 — (Paulo) Medico, 593.
Rivenfi Episcopo, 1420.
Rivulo (Adriano) Antuerpienfi, 1071.
Robino (Joanni) Decano Mechlinienfi, 523. 1677.
Rodefegrio (Godefredo) 616.
Ropera (Margareta) Erasmo, 1743.
Ropera (Margaretæ) 1232.
Rofche (Domino de la) quondam Cæsaris Maximiliani Cancellario, 791.
Rofemundo (Godschalco) Lovaniensium Academiz Moderator, 536. 585. 615.
Rofino (Joanni) 1277.
Rosenban (Sebastiano de) Equiti Aurato, Card. Moguntini à Confiliis, 570.
Ruso (Muriano) 352.
Rupilius (Franciscus) Erasmo, 1762.
Rupilio (Francisco) 1474.
Rufeo (Ludovico) Lutetiz Supræfecto, & Christianiff. Regis apud Eburones Oratori, 420.
Rufero (Joanni) Novientano, 1625. 1659.
Rutballo (Thomæ) Regio apud Anglos Secretario, 1862.

S.

S*adoletus* (Jacobus) Episcopus Carpentoracti, Erasmo, 824. 1130. 1266. 1319. 1437. 1439. 1469. 1494. 1495.
Sadoletus (Jacobus) 853. 877. 1124. 1253. 1267. 1431.
 — (Paulo) 1474.
Sagundinus (Nicolaus) Marco Musuro, Archiepiscopo Monanienfi, 1601.
 — Erasmo, 1609.
Salmanca (Antonio) Episcopo Gurcensi electo, 1155. 1162.
Sampson (Richardus) Juris Doctor, Card. Eboracensis apud Nervios Commissarius, Erasmo, 305.
Sampsoni (Richardus) 366.
Sapidus (Joannes) Erasmo, 1536. 1543. 1555. 1569.
 — ejus Carmen ad Sodales, 201.
Sapido (Joanni) 1581.
Sasboudo suo, 1863.
Sasboudo (Jodoco) 1436.
Sbrulio (Richardus) 593.
Scarpinello (Augustino) Neapolitano, Oratori Cæsaris, 602. 805.
Sceppero (Cornelio) Cæsar à Confiliis, 1864.
Schalbus (Gaspar) Erasmo, 443.
Schalbo (Gaspari) 445.
Scholasteri Besontino, 1181.
Schudelino (Joanni) Litteratori Memmingenfi, 662.
Schurerius (Matthias) Erasmo, 1619.
Schurerio (Matthiæ) Seletano, 1533. 1638.
Schydlowitz (Christophoro) Regni Poloniz Cancellario, 934. 978. 1046. 1205. 1307.
Selva (Joanni) summo Præfidi Senatus Parisienfi, 884.
Senatus Argentinenfi, 793. 804.
 — Basileensi, 775.
 — Besontino, 1406. 1464.
 — Parisienfi, 941. 1036.
Sepulvedas (Jo. Genesius) Erasmo, 1761.
Servatio, reverendo Patri, 1527. 1864. 1865. 1866. 1867. 1868. 1869. 1870. 1871. 1872.
Sigismundus I. Poloniz Rex, Erasmo, 1059.
Sigismundo I. Poloniz Regi, 975. 1097.
Simon Hexapolitanus Erasmo, 1841.
Sixtinus (Joannes) Petro Ægidio, 1874.
 — Jureconsultus, Erasmo, 9. 1521. 1623. 1873. 1874.
Sixtino (Joanni) 9. 42. 1631. 1632. 1669. 1679.
Slechtæ (Joannes) Kosteceus, Bohemus, Erasmo, 502.
Slechtæ (Joanni) Kosteceus, Bohemo, 432. 517.
Smith (Joanni) 1688.
Smotzero (Georgio) J. V. Doctore, 1049.
Spalarinus (Georgius) Erasmo, 272. 1579.
Spalarino (Georgio) 443. 481. 559.

Sperche-

EPISTOLARVM ERASMI.

Sperchefordo (Richardo) 1008.
Stadio (Christophoro) Episcopo Augustano, 1094. 1128.
 1292. 1302. 1331.
Stephano Pgrateni, 1184.
Steucho (Augustino) Eugubino, 1374.
Steuchus (Augustinus) Eugubinus Erasmo, 1919.
Stribaro (Danieli) 1190. 1241. 1291.
Stromerio Aurbachio (Henrico) Medico, 260. 737. 833. 855.
Stromerius Aurbachius (Henricus) Medicus, Erasmo, 1605.
 1620. 1631.
Sucqueso (Carolo) 1212. 1747.
 (Joanni) 909.
Sylvagius (Joannes) Caesaris Cancellarius summus, Erasmo,
 1561.
Sylvagio (Joanni) 155. 1673.
Sylvester, Episcopus Wigorniensis, sereniss. Anglorum Regis
 perpetuus apud S. D. N. Orator, Erasmo, 167.
Sylvestro, Episcopo Wigorniensis, 168. 543.
Sylvio (Francisco) 910. 919.

T.

T*aifpillo* (Danieli) Episcopo Gebeldensi, Episcopi Mo-
 rinensis à Suffragiis, 652.
Taleo (Guilielmo) 653.
Talefo (Quirino) Civitatis Harlemensis Pensionario, 1064.
 1456.
Theodorico (Francisco) 1874.
Theologo cuidam, 165. 1886. 1887.
 cuidam Hispano Sorbonico, 1040.
Thoma, Cardinali Eboracensi, Angliæ Primati, & Regni
 Cancellario summo, 164. 262. 321. 413. 510. 568. 809.
 929. 1565.
 Episcopo Dunelmensi in Anglia, 196. 442.
Tomitius (Petrus) Episcopus Cracoviensis, Regni Poloniz
 Vicecancellarius, 1060. 1499.
Tornitio (Petro) 1047. 1138. 1143. 1202. 1308. 1510.
Toncio, Consiliario Cardinalis Eboracensis, 816.
Tonsallus (Cutbertus) Episcopus Londoniensis, Guil. Bu-
 dzo, 252.
 Erasmo, 266. 509. 771. 1603.
Tonsallo (Cutberto) 288. 813. 910. 1264. 1616. 1627. 1628.
 1679. 1683.
Tossano (Petro) 1106.
Trivultio (Augustino) Cardinali, 1350. 1398.
Truchses (Christophoro) Baroni in Walpurg, 843.
Turzo (Joannes) Episcopus Vratislaviensis, Erasmo, 522.
Turzoni (Joanni) 429. 571.
Turzo (Stanislaus) Episcopus Olmucensis, Erasmo, 712.
 1448.
Turzoni (Stanislao) 668. 669. 765. 849.
Tuffano (Jacobo) 938. 1163. 1351.

V.

V*aldefius* (Alfonsus) Theologiæ Professor, & Ecclesia-
 res Burgis, Caroli Imperatoris à Secretis, 1721.
Valdefio (Alfonso) 973. 1166. 1261. 1262. 1298.
 (Joanni) Hispano, 1064. 1165.
Vario Marvillano (Nicolao) Præfidi Trilinguis Collegii Lo-
 vanii, 955. 996. 1069.
Velius (Gaspâr Ursinus) Erasmo, 329. 1290. 1706. 1723.
 ejus Genethliacon Erasmi, 223.
Velio (Gaspâri Ursino) 377. 1089. 1372. 1409.
Vergara (Francisco) Græcarum Litterarum apud Complu-
 tum Professore, 1013. 1018. 1165. 1349.

Vergara (Joanni) Hispano, 1013. 1170. 1347. 1450.
Vergilio (Polydoro) 671. 777. 888. 934. 971.
Vergilius (Polydorus) Erasmo, 1703.
Vervefius (Alphonfus) Ulmetanus, Erasmo, 1719.
Vervefio (Alphonso) Monacho Benedicino, 1048. 1413.
 1417. 1425.
Vesuvio (Nicolao) Episcopo Lingonienfi in Gallia à Sacris,
 1122.
Villingerio (Jacobo) Romani & Hispan. Regis Thesaurario,
 583.
Virginibus sacris, juxta D. Francisci institutum prope Can-
 tabrigiam, 1874.
Vitromando (Hieronymo) 1059.
Viterius (Petrus) Erasmo, 1563. 1580.
Viterio (Petro) 289. 1600.
Vives (Jo. Ludovicus) Damiano à Goes, 1471.
 Gilberto Cognato Nozeretho, Erasmi
 Amanuensi, 1879.
 Erasmo, 652. 685. 705. 709. 716. 720.
 730. 767. 801. 890. 899. 912. 945. 970. 988. 1126. 1230.
 1405. 1492. 1719.
Vivi (Ludovico) 421. 535. 688. 841. 985. 1024. 1105.
Ulateno (Joanni) Præposito & Consiliario, 1070. 1140.
 1297. 1372. 1704. 1705. 1742. 1758. 1880.
Voltsius (Paulus) Hugonis Curiz Abbas, Erasmo, 1543.
 1546. 1773.
Voltzio (Paulo) 337. 536. 827. 841.
Ursowico (Joanni) 255.
Utenbovio (Carolo) Gandavo, 1153. 1206. 1278. 1449.
Vulcanio (Petro) 1373. 1465.

W.

W*arimus* (Guilielmus) Archiepiscopus Cantuariensis,
 Thomæ Moro, 1570.
 Erasmo, 117. 200. 1559. 1597. 1642.
Waramo (Guilielmo) 164. 644. 660. 813. 984. 1007. 1051.
 1673. 1687. 1694.
Watsonus (Joannes) Anglus Theologus, Erasmo, 160. 1882.
Watsono (Joanni) 165.
Wattenwilo (Nicolao) Præposito Bernensi, 708.
Wensfordo (Rogerio) 100. 139. 140. 1605. 1681.
Wernero (Nicolao) 1883. 1884.
Werterio (Joanni) 353.
Wicelius (Georgius) Erasmo, 1755.
Wichmano (Petro) Canonico Anderlacenfi, 690.
Wimphelingus (Jacobus) Theologus, Erasmo, 1550.
Wimphelingo (Jacobo) 827.
Winckel (Petro) Tutori quondam suo, 1885.
Winmanno (Nicolao) 1748.
Wisfordo (Richardo) Guilielmi Montjoii à sacris, 7.

Z.

Z*afius* (Udalricus) Erasmo, 133. 138. 195. 336. 1531.
 1533. 1540. 1543. 1544. 1547. 1552. 1748.
Zafio (Udalrico) 138. 139. 286. 347. 383. 1531.
Zebriovio (Andreas) Polono, 981. 1132.
Zieglero (Jacobo) Landavo Bavaro, 738.
Zieglerus (Jacobus) Erasmo, 1699.
Zuichemus (Viglius) LL. Doctor, Frisius, Erasmo, 1156.
Zuichemo (Vigliio) 1160. 1430. 1747. 1750. 1754. 1756.
 1759.
Zvinglius (Huldericus) Erasmo, 1538.
Zutphenio (Petro) Cassiletano, Oeconomo Adolphi Princi-
 pis Veriani, 483.



JOANNES DE LA FAYE LECTORI S.

NE pagina vacaret, visum fuit hinc Epistolarum aliquot genuinum ordinem signare, quæ in Editione non suo anno attributæ sunt; præter eas quas Clariss. D. Jo. Clericus in sua Præfatione annotavit. Observandum ante omnia, Erasmi tempore, ex more à quatuor usque Seculis inueto, annorum initium supputatum fuisse non à Kalendis Januarii, ut nunc fit, sed vel ab Annuntiatione Dominica, die 25. Martii, vel à die Paschatis, adeo ut Menses Januarius, & Februarius, pars item Martii, Anno præcedenti attribuerentur. Qui usus cum non animadversus fuisset ubi Erasmi Epistolæ in ordinem Chronologicum redigerentur, hinc orti aliquot errores & anachronismi, qui omnes tum his observatis, tum ope MSS. sublatis in subjectis Epistolis; neque alias, præter has, ordine præpostero editas esse opinamur. Ceterum pauca quædam his affinia reperies inter ERRATA & ADDENDA, quæ ad calcem Epistolarum conjecimus.

- CXXXII. Epistola cum responsum continet ad CXLI. ideo hæc ante illam legenda, & alterutrius signaculum in mendo jacet, ita ut vel hæc data sit Anno 1511. vel illa 1512.
- CXLVIII. Epistola in Annum 1516. certissime rejici debet, quippe in quâ Erasmus Novi sui Testamenti mentionem injicit, quod labente demum Anno 1515. publicè distrahi coeptum est, Epistolæ item sibi à Leone X. P. R. missæ, quæ 18. Julii 1515. data fuit. Annum illi 1516. etiam attribuunt Editiones Basileensis & Londinensis.
- CCI. ante CC. poni debet, cum in hac mentio illius fiat, vid. pag. 179. E.
- CCXXII. in MS. nostro ad Annum 1517. refertur, in ea mentio est de Epistola ad Banisium, quæ Anno 1517. scripta est, & in Appendice CCI. habetur.
- Cum Epistola CCXXIV. data fuerit 13. Novemb. 1516. & Erasmus in CCVI. ad illam respondeat, ideo hæc illi postponi debet, cumque hujus signaculum sit dies 24. Februarii 1516. intelligendus est, pro more tum temporis observato, Annus 1517.
- CCXXXII. & CCXXXIII. Epistolæ in MS. ad Annum 1518. referuntur, & rectè quidem, ut apparet ex integra periodo, in aliis Editionibus omissa, quam inter Addenda ex MS. suo loco posuimus; in ea autem mentio est de Epistolis Anno 1517. scriptis.
- CCLIII. ante CCXLIX. legenda est, cum hæc ad illam responsio sit.
- CCLXXXV. quæ ad Annum 1517. refertur, habet responsum ad CCCXLIII. datam Anno 1518. itaque tum hæc illi præponenda, tum illa in Anno itidem 1518. reponenda.
- CCCII. signata erat 15. Kal. Februarii in MS. erit itaque dies 18. Januarii, non primus Februarii.
- CCCXXXIV. ad Annum 1517. referenda est, & ante CCLXIII. legenda, ut apparet tum ex utriusque collatione, tum ex MS.
- CCCXLVIII. signata 30. Decemb. 1518. legi debet ante CCXCVII. signatam 7. Január. 1518. ut ex utriusque collatione intelligi potest; itaque vel hæc, pro more illius temporis, ad Annum 1519. referenda, vel illa ad annum 1517.
- DXXII. in Annum 1517. rejici debet, quippe in qua mentio est de Andrea Ammonio, ut nuper defuncto, qui diem obiit Anno 1517. Conf. pag. 263. B.
- DLXIV. ad Annum 1522. referenda est; vel Basilea positum pro Lovanio.
- DCLXXII. signata Anno 1524. non suo loco attributa est; cum data sit ad Huttenum, qui obiit 29. Augusti 1523. Conf. pag. 773. C.
- DCCCXXV. rectè in Basileensi & Londinensi Editionibus 17. Kalendas Junii, sive 15. Maji signata est.
- DCCCXCVI. signaculum, quod in utraque Editione Basileensi & Londinensi est Ann. 1526. reponendum est.
- DCCCCXVI. quæ ad Ann. 1527. relata est, ad Annum 1528. rejici debet.
- MII. In hac Epistola vel Lovanio signaculum est pro Basilea, vel An. 1528. pro 1518. Si sciri posset quo tempore defunctus fuerit ille Philippus Haneton, cujus Epicedium huic Epistolæ additum est, indefacile liqueret utrum mutandum esset.
- MLXXXI. attentè legentibus patebit esse ad Annum 1528. referendam. Significat Erasmus se Seneca adornando operam dare, quod opus labente demum Anno 1528. vel instante 1529. perfectum est.
- MXCIV. responsum habet ad MCXL. alterutrius itaque signaculum in mendo jacet.
- MCLI. ad Annum 1529. rejicienda est, in qua nimirum dicit Erasmus suum S. Augustinum nondum esse completum: Perfectus autem fuit Anno 1529. vid. Epist. MLXXXIV.
- MCCLIX. quæ hic ad Annum 1533. refertur, eadem ad 1534. relata est in Editionibus Epistolarum Bembi, Basileæ 1567. & Argentor. 1611.



DESIDERII ERASMI,

ROTERODAMI,

EPISTOLAE.

EPISTOLA I.

Erasmus Roter. Cornelio Aurotino S. D.
Scripsit puer.

An.
1489.



LVPIS & agnis quanta fortito obtigit, tecum mihi discordia est. Heus tu, si sapias, aut quamprimum cum *Laurentio* meo redibis in gratiam, aut bellum tibi palam indictum intellige. Rogas unde hæc subita turba? quasi vero exciderit, quæ tu nuper in illum quam foeda, quam capitalia dixeris convicia, quum hic apud nos ageres. Horresco referens. Os impudens! Tun' hominem omnium facundissimum, quem optimo jure *Suada medullam* quis dixerit, audes *corvum crocitantem* appellare? & cavillatorem, non oratorem? Qui si superesset, vah! quas illi pœnas dares? Experireris tibi cum homine nequam edentulo rem esse. Sentires tibi provocatam esse cornutam bestiam. Quæ tela, quas invectivarum sagittas in te vibraret? nihilo te mollius acciperet, quam infelicem *Pogium*. At jam sepultum nihil metuis, nimiumque meministi, non mordere mortuos. Hui! perquam strenuus es, qui in eum lingua sævias, qui referre non possit. Tutum est in illum quidvis, tum dicere, tum facere. Verum (ne protinus triumphum adornes) non usque adeo tutum. En tibi me *Laurentiana* injuriæ vindicem: ego illius doctrinam, qua, meo judicio, nulla probatior, tuendam mihi sumpsi. Nunquam committam, ut ea cuiuspiam impudentia, ne dicam invidentia, impune aut laceretur, aut obliteretur. Has igitur literas fecialium officio functuras istuc ire jussi, quo tecum expostulent. Quas tu ut trahes vide. Nam alterutra res tibi subeunda est, aut placandi feciales nostri, aut arma paranda. Cave vero ne lenitate mea fretus, tanti facinoris impunitatem tibi promittas. Sum quidem in me ipsum illatarum injuriarum paulo negligentior: at in tuendis literatis amicis quam sim pugnax, si libet experiri, licet. Quod si videtur, *Engelbertum* istum tuum, qui, ut scribis, ita Castalis aquis potus est, ut nihil exspuat, nihil emungat nisi versus, accersendum tibi censeo; & si qui sunt illius similes, qualium ubique non difficilis copia. Neque vero mihi militum manum defuturam putes. Non enim ad unum me, verum ad omnes bonarum artium amicos ista pertinet injuria. Omnes læfisti literatos, cum unum læderes *Laurentium*. Verum ego, mi *Corneli*, nihil perinde odi, ut bellum civile, eoque pacem vel iniquissimam judico potiolem. Quare, si tu quoque pacem quam bellum mavis, me sat commodo uteris, modo pacis condiciones acceperis: quas tres potissimum tibi nostri feciales offerent, easque non admodum difficiles, ita ut neque multas præscribi, neque iniquas, jure queri possis. Sed nunc componito te, atque audi: In primis, ut si quid male dicendo peccasti, bene dicendo corrigas. *Laurentium* pro *corvo crocitante*, *Suada medullam*, & *Atticam musam* appellabis: deinde *Laurentianas* elegantias sic edificas, ut eas velut ungues, digitosque tuos teneas: postremo, ut codicum tuorum, quorum tibi magna copia est, nobis copiam facias, quibus hætenus ceu draco

A quispiam *Hesperius* incubas. Rides, & tibi jocari videor? An. Age, ride quantum libet: cave vero omnia me joca- 1489. tum putes: nam de mittendis codicibus, ludum putari nolim. Præterea *Laurentium*, quem nemo nisi barbarus odit, ne tibi decorum existimes, linguæ spiculo lacerare, cum sis ipse literarum mystes religiosissimus. Bene vale. Anno 1489.

EPISTOLA II.

Erasmus Roterodamus Cornelio suo S. D.
Scripsit puer.

P RIMUM omnium, mi *Corneli*, tibi etiam atque An. etiam persuadeas velim, me animo esse in te inte- 1490. gerrimo, quo te itidem erga me esse non modo confido, sed jam innumeris argumentis habeo exploratissimum: ut neque, si quid blandius dictum nostris in literis offenderis, ad *Gnathonico* potius lepori, quam vero amoris tribuas: neque si quid pro mea tuenda sententia, aut quaqua ratione liberius scripserim, meum in te amorem elanguisse suspiceris, ne dicam interisse. Hæc dixerim non quod jam ullis in rebus te à mea abesse sententia videam, sed quod, si quando hujusce rei quicquam inciderit, mutux nostræ benevolentix consultum velim. Siquidem, quod de nostro *Valla* scribis, sic interpretor, ut existimem te non ex animo, sed certo consilio scripsisse, sive ut stili facultatem in *adôçp* *corvorum* exerceris, sive ut mihi scribendi materiam suppeditares. Et quemadmodum apud *Platonem Glauco*, vituperata justitia, *Socratem* ad justitiæ defensionem provocat, ita, ut tu me ad *Valla* defensionem proliceres, recenses quam indignis conviciis stolidissimi barbariei mystæ in virum literatissimum debacchen- tur. Quod quidem vel hoc argumento facile colligi potest, quod *Vallam* non lectitasse modo te, verum etiam imitatum fateris: idque etiam si tu neges, tamen elegantia stili tui, phrasisque clamat. Quisquis igitur ille est, qui ut sus cœno, ita imperitiæ amicus, gloriosum ac præclarum existimat, si ipse rerum omnium bonarum inscius, doctissimos quosque invidia, odio, conviciisque prosequatur: quantopere desipiat, paucis, si volet, audiat. In primis, suis quemque virtutibus, non aliorum opinione, metiri decet, nec quanti illum fama, qua nihil fallacius, sed quomodo ipse se gerat, animadvertendum est: alioqui cui non usu venturum est, ut subinde velut alius repente factus, à seipso diffideat? Hic me literatum, ille barbarum: hic probum, ille improbum facit: alii gloriosulus sum, alii rursus putidulus: denique hujus oculis formosus sum, illius deformis. Quem ego non *Protea* vicero, aut quid tandem portenti fiam, si is ero, quemcunque me libitum est facere populo? Imo quemadmodum suspectum esse debet, quicquid multitudini valde probatur; ita vehementer displicere vulgo, præjudicium est ad probitatis commendationem. Quin fiet aliquoties, ut ejusdem hominis arbitrio, nunc albus, nunc niger fiam. *Stefichorus Helenam* deformem fecit; mox orbatibus oculis, eandem omnium fecit formosissimam: nec interim quicquam accessit aut decessit *Helenæ* formæ. Nihil igitur agunt, qui obijciunt, quod *Laurentianum* nomen apud plerisque gravi flagrat invidia: nam semper huic malo virtus insignis fuit obnoxia. Multis non placet *Laurentius*: at

Tom. III.

A

qui-

An. 1490. quibus? nimirum his, quibus non placent politiores litteræ. Hic dicet quispiam, ut negligamus vulgi rumosculos, qualem hunc depinxit *Pogius*, vir nec inelegans, nec indoctus? *Pogio* fuit invisus, sed uni: & *Pogius* hoc erat animo, ut doctissimus haberi mallet, quam reddi doctior: quem ego sic inter eruditos poni fecim, ut non sit omnino à consortio barbarorum alienus. Siquidem magis ille natura facundus, quam eruditione: & plus habet loquentie, quam eloquentiæ. Postremo vituperat *Laurentium Pogius*, sed palam vir improbus, palam inimicus. Sic *Cicero* displicuit *Sallustio* & *Asinio*: sic *Virgilius* ac *Livius Caligula*: sic *Hieronymus Rufinus*. Porro quibus rebus *Laurentius* tantam sibi conflavit invidiam, in promptu est docere. Nam scite *Terentianus* ille *Sofia* dixit, *Obsequium amicos, veritas odium parit*. At contra parasitus ille *Gnatho*, qui sibi imperaverat assentari omnia, negare, si quis neget, laudare, si laudet, atque hæc ipsa rursus in diversum vertere, si lubeat, quam facile sibi omnium gratiam comparavit, ut non sine causa quæstum eum judicaret omnium esse uberrimum. Ab hujus ingenio diversissimus *Demea*, dum urbanæ vitæ nondum peritus, veritatis amicus esse contendit, adeo nullos sibi conciliat amicos, ut, ipsis etiam liberis fugientibus, desertus atque orbus vivere coeperit. Adeo vulgo mordax & inamœna res est veritas. Proinde *Laurentius* noster, si barbarorum imperitiam reticere quam prodere maluisset, venustus & graciosus haberetur: nunc quoniam id effecit, ut quorundam male comparatæ gloriæ fucus detraheretur, ut putari desinerent, quod non erant, offensi genuinum in illum acuunt omnes. Cæterum quod eruditos etiam nonnunquam attingit, quem unquam adeo doctum viderunt *Athene*, aut *Athenarum* victrix *Italia*, ut nihil illum fugerit? Et ut omnes in errorem nostræ naturæ proclives sumus, ita multo peccamus liberius, si erroris non desint auctores, maxime si hos auctoritas & nominis splendor commendet. Id autem imperitorum ingenium est, ut auctorum, si qua recte dicta sunt, ea prætereant, non aliter quam, ut est in apologis, *Jaspidem* repertum gallus *Æsopicus*: contra si quid erratorum, in sui erroris defensionem, studiose decerpant, quas ob res ne summorum quidem virorum errata dissimulare fuit opus. Quem vero prorsus omni liberabimus errore, si *Cicero* labitur in *Romani* sermonis elegantia? Quod si *Pogius* sua vitia ingenue fateri, corrigereque, quam tueri proterve maluisset, (maluisset autem, si viri prudentis officio fungi voluisset) profecto dignum judicasset *Laurentium*, cui recte monenti & honos haberetur & gratia, tantum abest, ut lacerandum existimaret. His rationibus constricti quidam, ad illud velut extremum præsidium confugiunt: Ut juste reprehenderit, inquit, præclaros viros, tamen æquo mordacius id fecit. Ego sane, quid in hos mordacius dixerit, non video, nisi forte eos viros præclaros appellandos putabunt, quos ego barbariei duces vel præcipuos judico, *Papiam*, *Huguitionem*, *Ebrardum*, *Catholicos*, *Joannem Garlandum*, *Isidorum*, cæterosque indignos etiam qui nominentur: aut certe nisi idipsum mordacius dixisse vocant, quod reprehendisse. Verum esto, mordacior æquo fuerit: num ideo falsum dixit, quia verum mordacius dixit? Usque adeo nobis odio est ista mordacitas, ut ejus odio tam multa scitu digna, necessariaque, detestemur? Adeo nihil ignoscendum putamus ei, qui tot modis profuit? Venia datur convivatori, si inter multa lauta cibus aliquis intercurret nonnihil adustus, aut parum feliciter conditus. Si vicinius imminente mœnibus hoste, totoque populo dira calamitate ac desperatione salutis enecto, præter spem offerat se quispiam, qui sui capitis periculo depellat hostem, patriam restituat libertati, quid non illi gloriæ, quid non benevolentiae certatim deferatur ab omnibus? An hunc nobis invisum reddet, si paulo sit bibacior? tantique beneficii memoriam quamvis leve vitium abolebit? Et quis tam exigui animi est, cujus pectus tantis invidiæ angustiis concluditur, ut

A *Vallam* non & magnifice laudet, & amet quam maxime: qui tanta industria, tanto studio, tantis sudoribus barbarorum ineptias refellit, litteras pene sepultas ab interitu vindicavit, prisco eloquentiæ splendori reddidit *Italiam*; doctis etiam id præstitit, ut posthac circumspectius loqui cogantur? Huic itaque, mi *Corneli*, nisi forte vereris, ne te mordax homo discerpat, tuto te commiseris, si non sine invidia, quæ semper prædus magnificasque res comitari solet, tamen septentia, summa tum utilitate, tum gloria. Id igitur quando facis, ut magis magisque facias, te etiam rogo. Senties tuis scriptis non parum accedere nitoris, nisi forte *Batavis* solis ista paras. Bene vale. Anno 1490.

EPISTOLA III.

Erasmus Arnolde.

SALVE, mi *Arnolde*. Jam sesquimenssem graviter laboro febris nocturnæ, lenta quidem illa, sed quotidiana, quæ me penitus exstinxit. Nondum sum morbo liber, sed tamen aliquanto recreator: nondum vivo, sed affulget aliqua vitæ spes. Petis ut tibi animi mei consilium communicem, hoc unum habe, mundum mihi jamdudum obolere: damno spes meas. Nihil aliud cupio, quam mihi dari ocium, in quo possum totus uni Deo vivere, deslere peccata ætatis inconsultæ, versari in scripturis sacris, aliquid aut legere, aut scribere. Id in secessu aut collegio non possum. Nihil enim me tenerius: nec vigilias, nec jejunia, nec ulla incommoda fert hæc valetudo, etiam cum est prosperrima. Hic ubi tantis in deliciis vivo, subinde in morbum incido: quid facerem inter labores collegiales? Deceveram in *Italiam* hoc anno concedere, & *Bononiæ* aliquot menses Theologiæ operam dare, atque illic doctoris insignie accipere: deinde in anno *Jubileo Romam* visere, quibus confectis ad meos redire, atque illic vitam componere. Sed vereor ne hæc, ut volumus, conficere non possimus. Metuo in primis ne tantum iter & regionis æstus & valetudo hæc non ferat. Denique reputo, nec in *Italiam* venire, nec illic vivi sine summo sumptu. Ad titulum quoque parandum grandi summa est opus. Et Episcopus *Cambracensis* dat perparce. Omnino benignius amat quam largitur, & prolixius omnia pollicetur quam præstat; ipse propemodum in causa sum, qui non infem. Et sunt tam multi, qui vel extorqueant. Faciam tamen, pro tempore, quod factu videbitur optimum. Bene vale. Anno 1490.

EPISTOLA IV.

Erasmus Christianus S. D.

E NON tu *Erasmi* calamum metuis? tam audacis tibi facinoris conscius? quippe qui *Henricum* delicias meas à me distraxeris. Deferuit me & *Robertus Anglus*, sed alia longe ratione: summa nimirum perfidia, ita ut illum decuit. Sed extra jocum: consilium vestrum non modo iniquo animo non fero, verumetiam vehementer probō. Consultius enim est sarcinam majorem abjicere, quam sub onere iniquo concidere: illius virtuti perinde ut meæ gratulor. Tu fac fratrem imiteris, & *Erasmum* vel absentem diligas. *Rodolphum Langiam* admoneas velim, ut & meis literis, & suis promissis satisfaciatur. Bene vale. *Luetia*, Anno 1496.

EPISTOLA V.

Erasmus Guilielmo Montjoie S. D.

SALVE vero nomine, *Montjoie*. Deprecatione utendum erat, sed purgatione uti malui. Crimen admissum agnosco, quod hodie vos lectione fraudaverim, sed necessitas in causa fuit, haud voluntas. Cogor duos tabellarios simul literis onerare. Tu cave statum transferas, & falso necessitatem à me prætentam objicias. Tum

An. Tum enim qui rei erat, actoris fiet, & qui iurisdicia-
1496. lis, conjecturalis, aut certe definitivus erit, ut quæ-
ratur, quid sit necessitas. Sed vide callidum defensor-
rem, causam meam ago, nondum in iudicium voca-
tus; scilicet, ut nullo accusante, meipso & defensor-
re, & iudice absolvar. Bene te valere, & Musis quam
carissimum esse jubeo. An. 1496.

EPISTOLA VI.

Guilielmo Montjoio, Comiti Anglo, Erasmus
Roterodamus S. D.

PERVENIMVS tandem & quidem incolumes, ta-
metſi invitis (ut apparet) & superis & inferis. O
durum iter! Quem ego posthac *Herculem*, quem *U-*
lyſſem non contemnā? Pugnat *Juno* semper poeti-
cis viris infesta: rursus *Aeolum* sollicitarat; nec ven-
tis modo in nos sæviebat, omnibus armis in nos dimi-
cabat, frigore acerrimo, nive, grandine, pluvia, im-
bre, nebulis, omnibus denique injuriis. Hisque nunc
singulis, nunc universis nos oppugnabat. Prima nocte
post diutinam pluviam, subitum atque acre obortum
gelu, viam asperrimam effecerat; accessit nivis vis im-
modica; deinde grando, tum & pluvia, quæ simul
atque terram arboremve contigit, protinus in glaciem
concreta est. Vidisses passim terram glacie incrusta-
tam, neque id æquali superficie, sed colliculis acutissi-
mis passim exstantibus. Vidisses arbores glacie vestitas,
adeoque pressas, ut aliæ summo cacumine imum so-
lum contingerent, aliæ ramis laceræ, aliæ medio trun-
co discissæ starent, aliæ funditus evulsæ jacerent. Ju-
rabant nobis è rusticis homines natu grandes, se simi-
le nihil unquam in vita vidisse antea. Equis interim
eundum erat nunc per profundos nivium cumulos,
nunc per sentes glacie incrustatos, nunc per sulcos bis
asperos, quos primum gelu duraverat, deinde & gla-
cies acuerat, nunc per crustum quod summas obduxe-
rat nives, quod quidem mollius erat, quam ut equum
sustineret; durius, quam ut ungulas non scinderet.
Quid inter hæc animi *Erasmio* tuo fuisse credis? Inſi-
debat attonito equo eques attonitus, qui quoties aures
erigebat, ego animum dejiciebam: quoties ille in ge-
nua procumbebat, mihi pectus saiebat. Jam *Bellero-*
phonies ille poeticus suo terrebat exemplo, jam
meam ipse temeritatem execrabar, qui mutæ belluæ
vitam, & una literas meas commissem. Sed audi quid-
dam, quod tu credas ex veris *Luciani* narrationibus pe-
titum, ni mihi ipsi *Batto* teste accidisset. Cum arx jam
ferme in prospectu esset, offendimus omnia undique
glacie incrustata, quæ ut dixi in nivem inciderat. Et
erat tanta ventorum vis, ut eo die unus atque alter
collapsi perierint. Flabant autem à tergo. Itaque per
declive montium me demittebam, per summam gla-
ciem velificans, atque interim hastili cursum mode-
rans. Id erat clavi vice. Novum navigandi genus. To-
to fere itinere obviis fit nemo, sequitur nemo, adeo
non solum sæva, sed etiam monstrosa erat tempestas.
Quarto vix demum die solem adspeximus. Hoc unum
ex tantis malis commodi excerpimus, quod latronum
incurſus timuimus minus: timuimus tamen, ut homi-
nes pecuniosos decebat. Habes iter meum, adolescens
generosissime, idemque candidissime, quod ut durissi-
mum fuit, ita reliqua fuere secundissima. Vivi perve-
nimus ad *Annam* Principem *Verianam*. Quid ego tibi
de hujus mulieris comitate, benignitate, liberalitate
memorem? Scio rhetorum amplificationes suspectas
haberi solere, præsertim iis qui ejus artificii rudes non
sunt. At hic me nihil allevare, imo re vinci artem no-
stram, mihi credas velim. Nihil unquam produxit re-
rum natura, aut pudentius, aut prudentius, aut candi-
dius, aut benignius. Et vis verbo rem complectar?
Tam illa præter meritum nostrum in nos benefica fuit,
quam senex ille contra merita maleficus. Tantis illa
me officiis cumulavit, nullis à me studiis provocata,
quantis ille contumeliis oneravit, summis affectus be-

A neficiis. Quid de meo *Batto* jactitem, cujus pectore
nihil habuit hic orbis simplicius, nihil amantius? Nunc
demum istos ingratos odisse cœpi. Mene istis monſtris
tam diu inservisse? O te mihi sero cognitum, à quo
prius me fortuna distraxit, quam necessitudo conjun-
xerat! Hæc scribebam, in patriam concessurus, dein-
de isthic continuo adero, atque adamatam *Lutetiam* re-
petam, & has ipsas literas fortasse præcurram. Cæte-
rum de nostro convictu, nihil certi scribere licet. Tum
consilium ex tempore capietur. Hoc unum tibi per-
suade, neminem vivere qui te magis ex animo amet,
quam tuus *Erasmus*. *Battus* quoque meus, omnium &
B amorum & odiorum meorum socius, te pari charitate
prosequitur. Cura, mi *Guilielme*, ut quam optime va-
leas. Ex arce *Tornenhensi*, 3. Febr. Anno 1497.

EPISTOLA VII.

Erasmus Roterod. Joanni Falconi suo S. D.
Epistola jocosa.

Tv cave salutem à nobis expectaveris. Devoveo
te, quoties tua mihi convicia in mentem veniunt,
quoties torvos illos oculos animo contueor, quoties os
illud, ad meras contumelias compositum. Itaque ama-
re te plane non possum. Minus quidem odere, si bo-
nas literas lucellis tuis præponere poteris. Fata mea
C me hæcenus persequuta sunt. Iter enim habuimus ad
prodigium usque asperum atque sævum: cætera *Batti*
mei fati debeo. Nam dominæ candorem, beneficen-
tiam, humanitatem, comitatem, modestiam, si tibi
perſcripsero, cum vix aliquam essem partem oratione
consequutus, mendacissimus tamen viderer ei qui ipse
expertus non esset. O te miserum, qui me sequi sis
gravatus. Quid te fuisset beatius? Sed gaudeo tuam
superbiam tibi nocuisse. Posthac sape, poetas fuge, &
lanios sequere. Brevi isthic adero, si superi adjutabunt.
Tu & quæ habes mea serva, & quæ potes contrahe,
ne quid in mora sit ubi venero. Finem imponam epi-
stolæ, si te paucis monuero. Frustra sapit qui sibi non
D sapit. Mirare literas, & lauda, sed lucrum sequere.
Cave tibi ipse displiceas, ea res formæ venustatem ob-
scurat. Cutem ante omnia cura. Omnia tuis commo-
dis postpone, amicitiam tua causa cole. Eruditionem
parce attinge. Ama ardentem, stude modice, verbo-
rum prodigus, pecuniæ parcus esto. Plura monendus
eras, sed vale est, aulico ritu, dominæ dicendum, &
cras in *Hollandiam* avolo. Meliorem vestem domi re-
linquo. Scis quamobrem? Timeo ne sorores eam tuæ
lacerent. Est enim mihi *Antuerpia* faciendum iter.
Nunc vide, num nihil in me sit salis, & tu sapias so-
lus? Literas tuas adeo non expectabo, ut haud sciam,
an has ipse prævertam. Tu tibi vive, & vale tibi, &
E te solum, quod facis, ama. Ex arce *Tornenhensi*, 4.
Feb. Anno 1497.

EPISTOLA VIII.

Erasmus Jacobo Batto S. D.

SALVE meum præsidium, jucundissime *Batte*. Si do-
mina *Veriana* valet, quondam tua, nunc mihi te-
cum communis patrona, & si omnia illi sunt secunda,
ita est, ut & optamus, & confidimus. Literis com-
mittere nec possum, si audeam; nec ausim, si possum,
quam scire cupiam, num illa jam isthinc evolarit, num
sua charissima pignora una secum abduxerit. O te
F beatum, ô superis charum, si tu istos scopulos enavi-
garis: si felicitate tua, quæ mihi quidem summa vide-
tur, sine invidia frui possis. Quod ut fore confidam,
dominæ virtus facit, cui superos omnes propitios, be-
neque volentes esse non dubito. Evenit mihi, mi *Bat-*
te, in ista, quod in te sæpenumero solet, ut tum ar-
dentius amare, mirarique incipiam, quum absum. Bo-
ne Deus, qui candor, quæ comitas in amplissima for-
tuna, quæ animi lenitas in tantis injuriis, quæ hilari-
tas in tantis curis; tum quæ animi constantia, quæ vi-

An. tā innocentia, quod in literatos studium, quæ in omnes affabilitas! Proinde ita prorsus sentio, mi Batte, te esse unum mortalium omnium felicissimum, si ista quam diutissime potiri dabitur, & dabitur haud dubie, si (quod facis) illius in te animo mutuis officiis responderis. Nos *Antæriam* incolumes appulimus. *Augustinus* cum suo comitatu jam *Parisiis* præcessit: pollicitus est, sese aliquot dies illic me operiri. Quare properandum mihi censeo, ne tam certi comitatus commoditas prætereatur. Nihil est quod te admoneam: & tuam enim rebus in meis diligentiam novi; & tanta est liberalissimæ dominæ in me benignitas, ut rubor mihi plane quidam oboriat, cum animo reputo, tanta me ab ea beneficentia cumulatum, de qua nihil unquam sum meritus. Sed meum erit, etiam atque etiam cogitare, ut non prorsus perisse in nobis illius beneficia declinemus. Revolabo isthuc quam primum, si superi sinent. Precor ut vos omnes incolumes, & recte valentes offendam, illam in primis, unde nostrum utriusque spes, salusque tota pendet. Non debes tumultuarium mirari characterem: scripsi enim hæc in navi jam soluturus, omnibus undique magno fragore perstreptibus. Bene vale. Filium herilem amabili indole puerum, una cum sorore, fratris sui matrisque simillima, recte valere precor. Familiare tuos nominatim meo nomine salvere jubebis. Ex *Antwerp*. 12. Feb. An. 1497.

EPISTOLA IX.

*Erasmus Roterodamus Ricardo Guilielmi Montjoii
à sacris S. D.*

COPIOSISSIMAM ad te epistolam scribere gestiebat animus, *Ricarde* candidissime, ni & ocium deesset, & propediem vos ipse visere decrevissem. Non purgabo me, quod antea non scripserim, coram eam causam agere malo, & absolves me spero. De tuo comitisque candore plurimus & frequens cum meo *Batto* mihi sermo fuit. De vestro quidem animo gaudeo, at tam sero esse cognitum doleo. Nos ubi patriam visurimus, istuc continuo recurremus, tum plenis (ut ajunt) buccis nugabimur. Interim cura, ut bene valeas, teque tua philosophia oblectes. Priori apud divam *Genovesam*, *Guilielmo* canonico *ὁμολογῆζω*, conterraneo tuo, meis verbis salutem dices, præterea familiaribus reliquis nominatim. Ex arce *Tornenhensi*, An. 1497.

EPISTOLA X.

*Guilielmus Montjoii Erasmo Roterodamo
S. D.*

NIHIL vereor, mi Erasme, quin ubi primum audisti, Principem nostrum, Henricum octavum, seu potius Octavium, defuncto patri in regnum successisse, omnis tibi ex animo agritudo repente abierit. Quid enim tibi polliceri non possis de Principe, cujus egregiam, propeque divinam indolem probe noris, cui præsertim sis non modo notus, sed etiam familiaris: quippe literas ejus digitis exaratas, quod paucis contigit, accepisti. Verum si scias, quem nunc heros se præstet, quam sapienter se gerat, quantum equi bonique sit amator, quod studium in literatos præ se ferat; animum meo periculo jurare, te vel sine aliis, ut hoc novum & salutare fidem adspicias, huc ad nos propere advolaturum. O mi Erasme, si viderem, ut mortales omnes hic lætitia gestiant, ut de tanto Principe sibi gaudeant, ut nihil magis exoptent, quam ejus vitam, lachrymas præ gaudio continere non posses. Rides æther, exultat terra, omnia lætis, omnia mellis, omnia nectaris sunt plena. Exulat longe gentium avaritia, larga manu spargit opes liberalitas. Noster Rex non aurum, non gemmas, non metalla, sed virtutem, sed gloriam, sed æternitatem concupiscit. Gustum tibi dabo: Superioribus diebus, quum se eruditorem optaret: non hoc, inquam, nos à te, sed ut eruditos amplectaris & fovas, expeti-

Amus. Quid ni, inquit, nempe sine illis vix essemus. An. 1497.
*Quæ vox ore Principis præclarior emissi potuit? Sed ego imprudens, qui fragili rate Oceanum ingredior: tibi hæc provincia servatur. Hæc tamen paucula de divini Principis laudibus in principio statim epistola præponere volui, ut si quid tibi tristitia in animo resideat, protinus expellerem: aut si omnis pulsa sit, spem, quam concepisti, non solum confirmarem, sed magis magisque augerem. Nunc ad tuas literas venio, quarum unas tertio, alteras vero pridie *Calendas Majas Romæ* ad me dederas: primis & jucunditatem mihi, & molestiam pariter attulisti: quod, ut debes, amice & familiariter tuo Montjoio consilia, cogitationes, casus, erumnasque tuas aperueris: hoc quidem jucundum; id vero molestum, quod te amicissimum meum, cui in primis bene esse cupio, variis fortuna sæli impetibus perspicio. Consolaver te, bonoque animo esse juberem, nō tua te sponte, si quid tamen sperare audeas, in spem non parvam erectum putarem. Misericordiam supremam dicens tibi diluxisse arbitreri. Venies ad Principem, qui discat, Accipe divitias, & vatum maximus esto. Hæc ad primas. Illud tamen non præteribo, nec permittam, ne tu te fallas. Ais enim te mihi multum debere, quam ego contra, tanto tibi debito adstrictus sim, qui me tuis scriptis immortalitate donaveris, ut me solvendo non esse judicem. Tuis vero secundis literis, & epistolam meam, & tabellarium amicum tuum eodem infortunio perdidisse desles. Sed utinam par esset utriusque jactura, altera enim reparabilis non est. Nam meo literis nihil fere aliud scribebam, nisi me opus istud Adagiorum accepisses opus, inquam, tuum, id est, ut docti omnes sentiant, perinde doctissimum atque eloquentissimum; & ni meum amor erga te me fallit, plane absolutum, ac profecto dignum tantis laboribus, tantis nixibus, & quo non me, quem pusillum & tuum sciebas, sed quamvis magnam virum tibi patronum comparares. Verum posteaquam ego visus sum tibi præ ceteris aspiciatur, cui tuas tam præclaras lucubrationes nominatim dicares, ingentes tibi gratias habeo: nam referre qui possum, cum me æternum, ut dixi, reddideris? Ad eam tamen vellem temperantius egisses, tot enim laudibus me oneras, verius quam oras, ut non sune quotam partem agnoscam. Quis enim, modo me noscat, æquū auribus accipiat, quod ego literatissimus appeller, qui ne literarum quidem studiosus censendus sim. Quamobrem acriter tibi succensurem, sed modestus saltem, quod etiam mihi tribui, videri volo, ne in omnibus mentitus fuisse convincaris. Scribebam præterea multis occupationibus, aliisque certis causis, quas literis committere non audebam, effectum fuisse, quo minus nonnulli tuis literis ad eum diem respondissem: nil tamen idcirco voluntatem & studium erga te meum immutatum imminutumque unquam fuisse, sed tua absentia, quod non putaram, crevisse. Habes quid in illis literis, quas doles te perdidisse, scripserim. Ad opus tuum revertor, quod summis omnibus laudibus in cœlum tollunt. Sed præ ceteris Archiepiscopus Cantuariensis ita probat & admiratur, ut ex ejus manibus illud extorquere nequeam. At, dices, nihil adhuc præter laudes? Idem Cantuariensis sacerdotium tibi, si redem, pollicetur, & modo libras quinque pro viatico ad nos tibi mittendas dedit: quibus ego tantundem adjeci, non quidem muneris loco, alia enim appellanda sunt munera, sed ut ad nos properes, & tui desiderio diutius ne torquens. Id postremo coram restat admonendum, cave credas tuis literis me quicquam gratum accipere, aut ulla in re abs te offendi posse, arbitreri. In Italia valetudinarium tu factum, moleste fero: scis me tibi auctorem nunquam fuisse, ut Italiam peteres: verum quum te tantum & literarum, & nomini illic adeptum esse perspicio, penitet hercule me tibi comitem non fuisse. Non enim esuritione solum, egestate, & morbis, veram etiam ipsa morte tantam doctrinam & gloriam redimendam puto. Pecuniarum syngrapham, his literis inclusam, accipies: quare valetudinem tuam cura, & ad nos te primum recipe, Ex pratorio *Grewici*, 27. Maji An. 1497.*

EPI-

EPISTOLA XI.

Joannes Coletus Erasmo Rot. S. D.

An. 1497. **B**RVMS meus, Erasme, in epistola sua te mihi valde commendat. Commendavit te mihi antea tum fama tui nominis, tum quorundam scriptorum tuorum testimonium. Parisiis quando eram, Erasmus in ore doctorum non erat incelebris. Epistola quadam tua ad Gaguinum scripta, in qua illius operam & artem in Gallica historia admiraris, à me lecta, erat mihi quasi specimen quoddam, & degustatio perfecti hominis & magnæ literaturæ, & multarum rerum scientiæ. Commendat autem te mihi maxime, quod venerandus pater, apud quem es isthic, prior domus & ecclesia Jesu Christi, heri mihi affirmavit, te suo iudicio virum optimum esse, & bonitate præditum singulari. Quam ob rem quantum possunt litera & rerum cognitio, & sincera bonitas apud hominem, qui magis hoc vult & optat, quam proficetur; tantum tu mihi, Erasme, es jure istarum in te virtutum, & debes esse semper commendatissimus. Quem cum videro, agam præfatus pro mea persona, quod alii egerunt pro te absente, commendaboque me tibi, tuæque sapientiæ, quem indigne alii mihi commendaverunt. Nam minor majori commendari debet, & indoctior eruditiori. Verum si quid est in mea parvitate, in quo tibi vel gratus, vel utilis esse potero, id erit in te tam promptum & liberale, quam vult ista tua & exigit præstantia, quam jam venisse in Angliam gaudeo, cui velim tam jucunda esset Anglia nostra, quam te utilem ei tua doctrina arbitror esse posse. Ego vero sum in te, & ero is qui debeo esse in eum, quem opinor tum optimum, tam doctissimum. Vale ex cubiculo Oxoniæ, Anno 1497.

EPISTOLA XII.

Joannes Sixtinus Erasmo Roterodamo S. D.

OSTENDIT hodie mihi humanissimus dominus noster Prior, Richardus Charnocus, quadam abs te carmina, non vulgari numero, trivialive carrentia: quæ si multo labore confecta essent, meo tamen iudicio non in infima laude forent reponenda. Quum vero elaborata, exque tempore à te conscripta dicantur, quem credis futurum, modo sit ullius ingenii, qui non te cum summis illis, priscisque viribus, perfectis tuis versibus, sit collocaturus. Redolent enim Atticam quadam Venerem, mirificamque ingenii tui suavitatem. Quamobrem perge, quæso, mi Erasme, Musasque dulcissimas tuas excita, ut omnes ex te similibusque tui intelligant, id quod antea visum est incredibile, Germanorum nulla in re esse Italorum ingeniis inferiora. Vale vates lepidissime ac suavissime. An. 1497.

Ad eundem Epigramma Sixtini.

FORSITAN incóptos quod sum tibi mittere versus Atque rudēs ausus, magne Poeta, meos, Ridebis, tacito tecum sic murmure dicens, Egregii spernunt horrida scripta viri. Forſan ais nolo gelidissima pallia Cosmus, Purpuream mittas, sed mihi posco togam. Pestanæ violæ non sunt, Sixtine, colono Mittendæ, aut primo vilia dona duci. Sed tamen ô nostri vatū celeberrime seclī, Est aliqua & parvæ gratia Calliopes. Quæ mea si terſis placeat nunc auribus, ipse Posthac invisam limina læta. Vale.

EPISTOLA XIII.

Des. Erasmus Roterodamus D. Joanni Sixtino Frisio S. D.

NON recipit tua sincera integritas, Sixtine, vel tenuissimam assentationis suspensionem, à qua te vel Richardi Charnoci, vel Joannis Coleti gravissimum te-

Astimonium citra tuos mores, vel citra cujusquam testimonium tui mores abunde vindicant, qui quum ab omni labe sunt purissimi, tum à fictione fucoque sic prorsus abhorrent, ut ne ipsa quidem simplicitas possit esse simplicior, nec libertas ipsa liberior. Alioqui rideri me plane putarem, quum laudor abs te tam immodice, & quidem de re tam modica, imo tam frivola, tamque nihili. Pudet (ita me Deus bene amet) versiculos istos, nescio quos, non sine cura modo, sed omnino sine mente effusos, dum calamum novum experior, non solum carmen appellari, verum etiam ut doctum carmen probari: quod si reprehendisses, vel hoc ipso nomine mihi perquam album visum fuisset. **B** Hujusmodi enim nugas, magni artifices ne obelo quidem suo dignas arbitrantur. Et à tui similibus reprehendi, mediocris est laus. At tu, Sixtine, nugas illas meas plus quam frivolas ita miraris, ut quæ mihi hircum olere, tibi Venerem Atticam sapere videantur: quæque mihi Scythicam quandam barbariem, tibi mirificam ingenii suavitatem præ se ferre. Atque ex his quisquiliis, Priscis etiam, si Musis placet, me conferendum putas. Iterum dico, rideri me putarem, nisi hæc à Sixtino scriberentur. Quid enim istud est aliud, quam ut ait Fabius, Pygmæo Herculis cothurnos inducere? & aquilam è culice facere? Verum ne nihil tuarum laudum videar agnoscere, est omnino meis in versibus Atticum quiddam, Sixtine. Parcunt affectibus, & hos non multum attingunt, à concitatoribus, quæ πᾶν vocantur, prorsus abstinent: nulla in eis procel-la, nullus torrens ripas suas egrediens, nulla δεινότης. Verborum mira frugalitas, malunt citra modum consistere, quam ultra provehi, ac vel littoribus illidi, quam alto se committere. Fucus omnino est nullus, sed color, natus quidem ille, verum quid mea? verus & mustelinus: artificium ita dissimulant, ut etiam si Lynceus sis, nullum possis deprehendere. Qua quidem una laude sum Atticis paulo etiam superior. Nam illi sic artem celant, ut alios modo fallant, ego sic, ut meipsum quoque. Illi hoc modo dant operam, ne quid exstet, neve sit obvia: quæ si non ab auditore, si non à lectore oscitabundo, certe à curioso, certe ab æmulate sentitur, ubi, ut ait Horatius, Sudatque diu, frustra que laborat. At mea, si quis ita insaniat, ut conetur exprimere, tum demum artificii quam minimum sensurus est. Hactenus Atticismum præsto. Nam ut Ennians ille modice philosophari voluit, ita ego Atticissare probo quidem, at nimium non probo. Terret me Theophrastus aniculæ scommate notatus, quod nimium Attice loqueretur. Hanc ego notam ut effugiam, Anacharsidis Scythicismum meo Atticismo adspargo. Non nos Enniano more nunquam nisi poti ad arma dicenda proſilimus, nec Musam aliquam laceſsimus; sobrii scribimus versus adeo sanos, ut nullum omnino Apollinis vestigium habeant. Cujus rei tantum abest, ut me poeniteat, ut vehementer etiam mihi placeam, qui quidem id habeam cum Cicerone commune, nihil alioqui commune habiturus. Hæc ita me loquutum puta, Sixtine, ut nihil non ex animo, quando videntem dicere verum quid vetat? Incidimus omnino in siccum quoddam, exile, exſanguē, exſuctum carminis genus, partim ingenii paupertate quadam, partim cacozelia. Rectissime putat Cicero, nihil æque ad ingeniorum immutationem facere, atque locum. Scripsimus pueri, non Consentinis, sed Hollandicis, hoc est, pinguissimis auribus: Cecinimus Mida, quibus dum nimium religioſe morigeramur, hoc demum sumus assequuti, ut nec illis, nec eruditis placeamus. Conabamur de una fidelia duos linere parietes, ita imperitis orationis simplicitate placere, ut elegantia & acumine doctis non omnino displiceremus. Id consilium ut mihi tum videbatur callidum, infelicitèr evenit. Eruditius scribimus quam ut ineruditus, ineruditius quam ut eruditus probemur. Habes meum, doctissime Sixtine, de meis versibus iudicium, in quo quantopere abs te dissentio, tantopere tuum in

An. me studium amplector, ut quicquid de vero fuerit de-
 1497 tractum, id amoris in me tui cumulo accrescat. Ete-
 nim quo minus agnosco, quæ mihi tribuis, eo me ma-
 gis ames necesse est. Quare jucundissima prorsus fuit,
 ab homine tum amantissimo, tum integerrimo profe-
 cta laudatio: quæ, si vera fuit, pro testimonio; sin
 falsa, pro beneficio debeo. Is enim demum benefi-
 cium accipit, qui sine causa laudatur. Nam quod me-
 renti datur, jus est, non beneficium. Quanquam ego
 tuam de me prædicationem verissimam esse percipio,
 aut ita certe mihi videri, de qua tantum mihi blan-
 dior, ut homo ad vitium usque putidulus, jam prope-
 modum mihi placere cœperim, quod tibi, hoc est,
Roscio placuerim: cui si quis fastidium non moverit, is
 non in postremis fuerit numerandus. Nitorque adeo
 mihi captioso etiam enthymemate imponere. Quid
 est, inquam, cur temetipsum abjicias, quum *Sixtino*
 videaris esse aliquid? Is quoniam te miratur, aut men-
 tiatur, aut erret necesse est. Atqui non mentitur ho-
 mo simplicissimus, non errat doctissimus, idem iudicii
 vir acerrimi. Sed amat, & cæcutiunt amantes. Amat,
 sed quia perspexit. Quid enim in me amat *Sixtinus*,
 nisi literas? quas si vere in nobis vidit, atque hoc no-
 mine amat, non cæcutit. Sin minus, ne amat qui-
 dem; sublato eo, ob quod unum erat amaturus. Quod
 si nec amat, & falso laudat, profecto aut assentatur,
 aut ridet: quæ vitia si minus in *Sixtini* mores quam in
Herculem ignavia convenit, non minus vere quam a-
 manter laudavit. Ita sum ad mihi blandiendum acu-
 tulus. At rursus nimis impudens videtur, laudes tam
 amplas agnoscere: nec libet tamen rescribere, & juxta
 vetus Adagium, *Auribus lupum teneo*, quem neque uti
 amittam, neque uti retineam scio. Si recipio, nimium
 mihi; sin refello, parum tibi tribuerim. Si recuso,
 tuæ vel fidei, vel prudentiæ derogo; sin admitto, mi-
 himet plus fatis arrego. Si quod datur accipio, non
 aliorum modo, verum etiam meo ipsius iudicio inso-
 lentissimus fuero; sin renuo, aut tuam sapientiam,
 aut integritatem in manifestum crimen vocem, ut aut
 parum perspexisse, aut parum sinceriter quod senseris,
 pronunciasse videaris. In has angustias protrusus sum,
 ut mihi si *Scyllam* fugero, in *Charybdim* sit inciden-
 dum, videlicet ut aut ridiculus sim ipse, si tuas laudes
 agnovero; aut contumeliosus, si rejecero. Quamob-
 rem meum quidem, suavissime *Sixtine*, consilium fue-
 rit, ut posthac *Erasmum* tuum aut figurate laudes, stro-
 phas eas, quibus id fieri soleat, non inscite calles, aut
 certe apud alios. Quum enim mihi me laudas, munus
 offers, jucundissimum illud quidem, (quid enim optabi-
 lius, quam ab eo laudari, quem nemo non laudat?)
 sed quod neque accipere possim sine pudore, neque re-
 cufare sine contumelia. Apud alios, vel Deum me fa-
 cias licebit, nullo alterutrius periculo. Non sumus
 quidem ex eo hominum genere, qui se malunt alieno
 pede, quam suo metiri, qui nunquam in semet descen-
 dentes, nec quod in tergo est manticiæ, in pectus re-
 vocantes, toti ex aliorum suffragiis pendent, & pavi
 in morem ad adulantium voces sese dilatant. Quod ge-
 nus si maxime sumus, non tamen nocebit laus, quam
 non sensero. Deinde siue credent apud quos de ami-
 culo buccinaris, melius de me sensuri sunt: siue non
 credent, saltem non erit cur pejus sentiant. Rursum
 ad te quod attinet, si fidem facis, candidus videberis,
 qui alienis virtutibus neutiquam invidas; sin minus,
 urbanitas tamen laudabitur, qui malis falsas aliorum vir-
 tutes laudare, quam vera insectari vitia. Hic, ut vides,
 utrique lucelli est aliquid, damni nihil. At amicum
 coram qui laudat, tametsi abundantia quadam amoris
 id facit, vide tamen quantum incommodi intempestivo
 adferat officio. Aut enim usuræ spe foenerare eam lau-
 datiuunculam videbitur, ut solent qui laudant, quo mu-
 tuo laudentur, aut assentari præsentī, aut ut in opti-
 mam partem accipiatur, amorī indulgere suo. Unde
 fit, ut aut vana, aut certe vero inferiora narrasse pu-
 tetur. Tum si qui laudatur, obticescat, laudem ta-

A met si falsam libenter agnoscere; sin refellat, accuratius
 laudari velle videbitur. Si par pari referat, protinus
 illud exclamant, *Mutuum muli scabunt*. Verum ego
 dum hæc verbosius prosequor, *Atticis* mei sum obli-
 tus. Et quorsum, inquis, tandem tam multa? ut in-
 telligas, mi *Sixtine*, tuam, ut dixi, laudationem fuisse
 quidem jucundissimam (siue enim mereor, quod non
 opinor, doctissimi viri testimonio; siue non mereor,
 amicissimi hominis amore delector.) Verum ne pro-
 fanis istis amulis, id est, à musico ludo alienis, ca-
 lumniandi literatos ansam præbeamus, hac scribendi
 vicissitudine quam maxime certemus, sed hujusmodi
 ferme argumentis utentes, ut si quid in evolvendis li-
 bris alterutri novum occurrerit, id communiter imper-
 tiamus, aut aliqua de re, quæ literaria lite sit digna,
 digladiemur, aut falsis lepidisque fabellis studiorum no-
 strorum tristitiam exilaremus, quidvis denique nuge-
 mur, modo ab hoc ambitioso nimiumque vulgato scri-
 bendi genere temperemus. Verum heus tu, *Sixtine*, ne
 quid de nostris erres verbis, lauda, imo vel convitia-
 re potius quam fileas. Quod hortaris, ut Musas meas
 excitem, *Mercuriali* virga opus esse scito. Aut exper-
 gefiant. Et haud scio lethargusne sit, an somnus: ut-
 cunque est, melius opinor dormiunt, ineptæ sunt, ob-
 streperæ, garrulæ, importunæ. Nihil periculosius
 quam Panem ad canendum provocare; enecabit, ubi
 semel cœperit:

Non missura cutem, nisi plena cruoris, hirudo.

Excitavimus nuper, & quidem iratas, à somno plus
 quam decenni, compulimusque liberorum regionum
 laudes dicere. Dixerunt & invitæ, & semisomnes,
 cantilenam nescio quam, adeo somnolentam, ut cuius
 somnum conciliare possit. Quæ cum mihi vehemen-
 ter displiceret, facile illas redormiscere sum passus. Por-
 ro efficere ut intelligant homines, *Germanorum* inge-
 nia nulla in re *Italica* esse inferiora, id profecto aut tu,
Sixtine, poteris, aut nemo, quem fecundissima illa il-
 lustrium ingeniorum parens *Frisia*, illa inquam *Afri-
 ca*, quæ semper aliquid hujusmodi novi miraculi pa-
 rit, tanquam *Hannibalem* quandam in hoc genuisse vi-
 detur, ut esset qui posset cum *Romanis* de doctrinæ
 principatu contendere. Sunt omnino in te dotes, *Six-
 tine*, à quibus nihil non expectare debeamus; Inge-
 nium ardens, vividum, solidum, masculum; Memo-
 ria ampla, præsens, prompta; Animus dexter, & ad
 omnia versatilis; Lingua vocalis & expedita; Mores
 iis virtutibus digni, ut non aliis rebus quam literis na-
 tus videaris. Adde huc quod non fero (ut plerique)
 ad hæc studia accesseris, sed in ipso veluti Musarum
 gremio educatus, pro lacte meram literaturam imbi-
 beris. Et ea adhuc ætas est, ut si nunc demum his
 esset studiis initiandus, tamen ab ingenio isto flagran-
 tissimo, ab ista tam felici memoria, ab ista tam infati-
 gabili industria, nihil nisi summum expectare conve-
 niret. Nunc eo processisti, ut plurimos post te reli-
 queris, paucissimis sis secundus. Quare magno animo
 accingere, *Sixtine*, & vel in æquandis *Italarum* inge-
 niis *Hannibalem*, vel edomandis, quibus heu nimium
 bonæ obsidentur literæ, monstris, *Herculem* te præ-
 sta, nos spectatores plausoresque erimus. Carmen tuum
 omnino tale mihi visum est, quale meum esse dicebas:
 præfili *Charnoco* tam placuit, quam ipse es charus. Es
 autem, mihi crede, *Sixtine*, unus omnium charissi-
 mus. Bene vale. *Oxonie*, 28. Octobris, Anno 1497.

EPISTOLA XIV.

*Erasmus Roterodamus Roberto Piscatori, agentis
 in Italia, Anglo, S. D.*

SVBVEREBAR nonnihil ad te scribere, *Roberte* charis-
 sime, non quod metuerem, ne quid de tuo in nos a-
 more tanta temporum locorumque disjunctio detrivif-
 set: sed quod in ea sis regione, ubi vel parietes sunt
 tum eruditiores, tum disertiores, quam nostrates sunt
 homines: ut quod hic pulchre expolitum, elegans, ve-
 nu-

An. nustum habetur, isthic non rude, non sordidum, non in-
 1497. fultum videri non possit. Quare tua te expectat prorsus
Anglia, non modo jureconsultissimum, verum etiam *La-
 tine Graecaeque* pariter loquacem. Me quoque jam pridem
 isthic videres, nisi Comes *Mansjouis* jam ad iter accinctum,
 in *Angliam* suam abduxisset. Quo enim ego juvenem
 tam humanum, tam benignum, tam amabilem non se-
 quar? Sequar (ita me *Deus* amet) vel ad inferos usque.
 Amplissime tu quidem mihi eam praedicaras, graphice-
 que prorsus descriperas; at vincit quotidie, mihi ere-
 de, & tuam praedicationem, & meam de se existima-
 tionem. Sed quid *Anglia* nostra te delectat, inquis?
 Si quid mihi est apud te fidei, mi *Roberta*, hanc mihi
 fidem habere velim, nihil adhuc aequè plaguisse. Coe-
 lum tum amoenissimum tum saluberrimum hic offendi,
 tantum autem humanitatis, atque eruditissimis, non il-
 lius protritæ ac trivialis, sed resonantæ, exactæ, anti-
 quæ, *Latinae, Graecaeque*, ut jam *Italianæ*, nisi visendi
 gratia, haud multum desideram. *Colosum* meum cum
 audio, *Platonem* ipsum mihi videor audire. In *Grecino*
 quis illum absolutum disciplinarum orbem non miretur?
Linacri judicio quid acutius? quid altius? quid emun-
 ctius? *Thoma Mori* ingenio quid unquam finxit natura
 vel mollius, vel dulcius, vel felicius? Jam quid ego
 reliquum catalogum recenscam? Mirum est dictu, quam
 hic passim, quam dense veterum literarum seges efflo-
 rescat, quo magis debes reditum maturare. Comes ita
 te amat, ita meminit, ut de nullo loquatur sæpius, de
 nullo libentius. Vale, *Londoni* tumultuarie, 5. De-
 cemb. An. 1497.

EPISTOLA XV.

Erasmus Gulielmo Gaudano suo S. D.

Sic est profecto, deorat, deorat hoc unum infeli-
 citatis meae numeris, ut abs te mihi epistola tam
 contumeliosa redderetur; perinde quasi nobis hic do-
 lorum materia non abunde suppeteret. Tu vero, mi
Gulielme, & vetustissimo nostro amore dignius, &
 meis fortunis aptius facturus eras, si pro objurgatio-
 ne consolationem misisses. Quid tu amiculum tui
 perpetuo studiosissimum, miserrimum, convitiis infe-
 ctaris? Ego in hac rerum conditione, ne confirmatio-
 nem quidem ullam æquo animo tulissem, & tu æru-
 mnas meas etiam maledictis exasperas? Quid tu me ab
 invidis nostris expectare jubes, cum hujusmodi mihi
 adferantur ab amico, non modo vetustissima necessitu-
 dine, verumetiam, quod arctissimum viculum puto,
 studiorum societate conjunctissimo? Deplorare fortu-
 nas meas magis libet, quam te confutare. At vide in-
 terim, quæso, quam merito me incuses. Indicatum est,
 nescio à quo, me tibi indignatum abisse. Primum,
 cur tu istis indicibus credis tam facile? tum si maxi-
 me indigner, (ut enim eo verbo invidioso, quo tu
 uteris) cur id non quæris potius, quamobrem tibi in-
 digner. Expostulevi tecum sæpius per literas, nuper
 etiam coram, quod cessares in literis, quod nihil tuo
 ingenio dignum molireris. Hortabar, ut quam maxime
 nominis immortalitati consuleres, aliquid excuderes ta-
 le, quale omnes abs te expectarent; nihil tuæ glo-
 riae anteponeres, voluptatulas istas vulgo relinqueres:
 si hæc sunt hominis suo commode consulentis, si ini-
 mici, si superbi, nihil refello, quo minus tu me jure
 criminatus fueris. Sin potius amantis, & tui nominis
 avidissimi, & melius etiam de te, quam tu ipse sen-
 tias, sentientis: quid tu ejusmodi hominis infelicitate
 atrocibus etiam dictis incesis? Si quid sum in te
 stomachatus, id unum erat in causa, quod tu non tan-
 ti ingenium tuum, quanti ego facerem, faceres. Sed
 odiose, inquis, obtundis. Nulla igitur venia dignus
 est, qui intemperantius amat? Non vides hanc meam
 improbitatem ab immensa quadam gloriæ tuæ cupiditate
 profectam? Nunc studium in te meum ferre æquo
 animo non potes, qui fastidia persæpe tulisti. Quid
 autem sibi volunt illa, mi *Gulielme*, quemadmodum

A isthic vivas, ipse scis, nec ego ignoro. Me miserrimum, An.
 quam metuo, ne tu me hic ociosum ineptire, atque 1497.
 amare credas. Tu vero, mi *Gulielme*, *Erasmus* non
 ineptum, sed miserrimum finge: & illum, quem tu
præfractum appellare solebas, jam plane fractum &
 exanimatum. Cave me tu vel ex veteribus moribus,
 vel ex tua felicitate metiaris. Quod autem *Gauda* pau-
 lo liberius tecum pro nostra familiaritate garriebam,
 eam loquendi petulantiam vel vino, quo tum, ut scis,
 sæpe madere cogebamur, vel valetudinis studio tribue-
 re debebas, quam ut penitus confirmarem, paululum
 de pristina vitæ severitate prudens remissem. Cæte-
 rum is mihi est animus, ut ineptire si liceat, nolim: et
 rursum rerum conditio, ut si maxime velim, haud
 quaquam tamen liceat. Stomachaberis & hic quoque
 forsasse; Quid te, inquis, ita male habet? num eges?
 non tibi summa faciendi, quæ libitum est, libertas?
 Coram vix mea Tragedias explicare queam, tantum
 abest, ut his literulis possim consequi. Ego ne *Ulysses*
 quidem labores cum nostris conferendos censuerim. O
 me hujus libertatis nimium expertum, & o te parum!
 Sed quid ego his querelis amantissimi hominis animum
 exaspero? Quod scribis, isthic te gloriæ meæ in-
 vidiam sustinere, quorsum istud attinet? Ego his in re-
 gionibus famæ tuæ prodesse possum: tu porro cur in-
 vidiosam etiam nostri defensionem sumis? Quis nescit,
Gulielmum Erasmus vel in causa iniquissima æquissimam
 fore? Quod ut non facias, nemo tamen non expecta-
 bit, quanquam tuum in me studium non gratissimum
 esse non potest. Sed si me mea fata non sinunt, tu
 saltem tuis literis primum patriam nostram, deinde te-
 ipsum quam maxime nobilita. Crede hoc mihi, *Guliel-
 me*, nihil non poteris, modo animus non desit. Sed
 veniam dabis amori nostro, qui te rursus hortari in-
 cipio. De *Henrico* cave quicquam nisi amicissimo viro
 dignum suspiceris; de te enim omnia amantissime præ-
 dicavit. Si quid apud me pro conjunctissima familiari-
 tate nostra questus est, fecit id & modestissime, & ut
 faceret is, qui te ex animo amaret. Apud me quidem
 delatus est, quod apud Anglos, dum isthinc abissem,
 parum sinceriter egerit: quod ut de alio quovis (est
 enim inter mortales rara fides, animique hominum
 mutabiles) facile credi possit, ita de hoc nec credere
 libet, nec suspicari. Tum satius esse puto his in ro-
 bus hallucinari, quam odiosa diligentia ea perquirere,
 quæ rectius latuissent. Quod tibi de *N.* tua veteri ta-
 citurnitate fretus, indicavi, per fidem te obtestor, ca-
 ve vel nutu significes. Tibi enim nihil commodaris,
 illi vero justissimam in me stomachandi materiam præ-
 bueris. De *Henrico* scripsi *Servatio*: hominis ingenium
 satis mirari nequeo. Verum quid facias? his moribus
 nunc vivitur. Quare illud *Chilonis* probemus, necesse
 est: Sic ama, tanquam aliquando sis osurus: sic oderis,
 tanquam aliquando amaturus. Ais isthic multa de me
 renunciari, auditu neutiquam jucunda. Ego vero, *Gul-
 ielme*, innocentiam præstare possum, id quod facio;
 quid homines de me loquantur, non possum. Hoc
 magis vereor, quid tu tandem de me sentias: quem
 unum, ita me *Deus* amet, pluris facio, quam reliquos
 omnes. Quid enim sibi voluit illa tua epistola, qua
 vitam meam notare videris? Vis igitur scire, quemad-
 modum hic vivat *Erasmus*? te enim nihil mearum re-
 rum ignorare par est. Vivit: imo haud scio an vivat:
 sed vivit prorsus miserrimus, omni lachrymarum ge-
 nere confectus: quot insidiis petitus, quoties amico-
 rum præsidio delusus, quot casibus fursum ac deorsum
 jactatus? sed vivit innocentissimus. Scio me vix ha-
 rum rerum tibi fidem facturum. Veterem adhuc *E-
 rasum*, & libertatem meam, & si quid est splendo-
 ris, cogitas: verum si coram loqui liceret, nihil mi-
 hi facilius fuerit quam id tibi persuadere. Quare, si
 verum *Erasmus* simulachrum tibi fingere voles, finge
 non ineptum, non comestatorem, non amatorem, sed
 afflictissimum, sed lachrymosum, sed invisum sibi ipsi,
 cui jam nec vivere libeat, nec liceat mori. Denique
 mi-

An. miserrimum, sed fortunæ iniquitate, non sua culpa, 1497. miserrimum tamen: quid enim refert? sed tui aman-
tissimum, studiosissimum, ardentissimum. Ita velint
superi has meas ærumnas aut in melius mutari, aut
matura morte finire, ut nunquam mihi vel mea di-
gnitas antiquior, vel gloria jucundior, vel vita cha-
rior, quam tua fuit. Si cæteris mortalibus sim invisus,
nihil miror. Quis enim hominem tam miserum non
jure optimo oderit? Tuum vero etiam amorem mea
infelicitate mutari, qui timere potui, in cuius unius
fide semper acquievi, quem sic complectebam, à quo
me non vulgariter, sed prisco illo more, amari crede-
bam; si & huic me invisum intelligo, & ob id invi-
sum, quod sim miserrimus, quid est cur vivere velim?
O mi *Guilielme*, vetus meum, & utinam perpetuum,
solatium: dolor tantum non cum lachrymis & vocem
exprimit. Si quo gravi & nefario scelere nostram ami-
citiā violassem, tu tamen infelicissimo amico pro
justissima ira misericordiam & lachrymas impendere
debebas. Nunc eum, cui nulli unquam casus, nullæ
rerum mutationes tui charitatem excutere potuerunt,
maledictis potes incescere, potes probris infectari, tan-
quam desint, qui manibus pedibusque in meam perni-
ciem incumbant; qui me ferro ignique extinctum ve-
lint. Quid mihi isthic tam charum fuit, ejus inter
hos casus non obrepserit oblivio? Vidisti ipse me non-
nunquam *reversus*, & risisti sæpe. Scis quod pectus
loquar. Quid unquam amavi tenerius? Nunc mirum
est dictu, quam frigeam. Omnes amores illi vulgares
excidere potuerunt; tu unus pectori nostro inhæcisti;
& ita inhæcisti, ut charitas consuetudinis intermissio-
ne aucta sit, non extincta. Et tu amicum tam per-
tinaciter tibi deditum, cui felici invidere non posses,
miserrimum odisse poteris? Novi vulgo quidem hunc
esse morem, sed ô me miserum, si te literæ à vulgi
moribus vindicare non possunt. Quid tu igitur me *Py-
ladem* tuum, quid *Thesca* appellasti? Quāquam in-
vertere debueras, & *Orestem* potius ac *Pirithoum* ap-
pellare. Sed sit lachrymarum finis. Hoc unum te, cha-
rissime *Guilielme*, (jucundissimum enim dicere non li-
cet) & per veterem nostram benevolentiam, & per
meas fortunas afflictissimas obsecro atque obtestor, ut
si me non odisse non potes, si misereri non potes, sal-
tem parce maledictis crudelissimum vulnus exasperare:
& quod victo hosti dare debueras, da amico nihil
commerito. Tu tuam valetudinem tanto cura diligen-
tius, quanto mea desperatior est. Patri tuo, viro hu-
manissimo, beneque de me merito: præterea *Jacobo*
convictori tuo, me quam diligentissime commendabis.
Tuus *Jaspars* me sibi habet devinctissimum, & pudet
me hominem tam amicum tam indiligenter ample-
xum fuisse. *Parisiis*, 14. Decemb. An. 1497.

EPISTOLA XVI.

Erasmus Joanni Bruzellanſi S. D.

EGO vero quodnam ad te scribendi initium capiam,
prorsus hæreo: nec quem incusem, scio, quorum-
dam ne hominum, quos tu plus satis nosti, perfidiam,
an *Antonia* ineptam argutiam, an meam potius creduli-
tatem? Sed tota hac de re mutire fatius. Hoc unum
dicam: me pro meo officio summam invidiam undi-
que contraxisse. Itaque ex illis ædibus *Erasmus* exsu-
lat: alii regnant, invita quidem, ut suspicor, *Anto-
nia*. Sed hæc coram melius. Interim fac antiquum
istum animum in nos obtineas: omnes, quibus cum ist-
hic viximus, nominatim meis verbis salutabis diligen-
ter; seorsum autem D. *Vicario* me etiam atque etiam
commendabis. Bene vale, nosque mutuo dilige. *Lu-
tetia*, Anno 1497.

EPISTOLA XVII.

Erasmus cuidam Lubecenſi S. D.

SALVE, vir integerrime. Filius tuus apud me vivit,
& à me docetur, iis quidem conditionibus, quas ab

A *Henrico* accepi, qui mihi nomine tuo triginta duos Aa.
coronatos, & vestem promisit. Ægrotavit graviter 1497.
nuper, sed convaleuit Dei beneficio, & medicorum o-
pera. Fuit in tutela mea complures menses, quo
tempore ei, quibus erat opus, suppeditavi. Mense O-
ctobri puerum in familiam meam adjunxi: curatur à
me non ut alienus, sed ut ex me natus: Ingenio præ-
ditus est singulari; mores pro ea ætate tractabiles sunt,
& tolerabiles. Dabo operam, quantum quidem in me
erit, ut tibi eum restituam, & me præceptore, & te
patre dignum. Libros ejus nondum ad manus meas
perferri miror; *Antuerpiensis* ille mercator scripsit se
per quendam mercatorem *Parisiensem* transmisisse, &
B eum nominat, verum is constanter negat. Pecunias
adhuc nullas ejus nomine accepi. *Augustinus*, sub cu-
jus tutela erat, dum ego valetudinis causa in patria
abessem, ab *Henrico* quinque aut sex florenos sese ac-
cepisse fatetur. Is eum très menses & aluit, & docuit;
quod ego me tum in *Italiam* concessurum putabam.
Ei eas pecunias reliqui pro opéra sua: præterea quod
de ratione diminutum erat, adjeci, apud illum enim
ægrotabat: præterea meo sumptu vestitus est. Cœ-
perat hic, nescio quæ, febris pullulascere, sed non
admodum frequens: quare in locum urbis apertissi-
mum atque saluberrimum demigravi, quod malum si
repullulaverit, longius forte concedam. Nihil enim
C nobis salute antiquius esse debet & vita; nam bene
vivere, nisi vivamus, non possumus. Qua in re de
tua sententia certior fieri cupio, placeatne puerum me
consequi. Narrabat enim *Henricus*, etiam si filium
tuum in *Italiam* duxissem, me id te approbante factu-
rum. Habes de rebus nostris omnibus: reliquum est,
ut de toto animo tuo nos facias certiores: verum ne-
que pecunias, neque literas, nisi per certissimum ta-
bellarium miseris, nec *Parisiis* miseris, sed ad eum
mercatorum *Antuerpiensem*, ne si hinc concessero, il-
læ ad alienas manus perferantur. Hoc quoque ad me
perscribas velim, cui vitæ generi filium tuum destina-
ris, & quibus potissimum literis imbui placeat. Finis
D enim unaquaque in re præfigi debet, ad quem omnia
tanquam ad signum conferantur. Nam quāquam om-
ni quidem literarum genere pueri sint instituendi,
refert tamen, quo sua studia destinant, ut cum omnia
perdiscere non liceat, saltem aptissima discamus. Hæc
pluribus ad te scripsi quam debui, & quidem *Latine*,
non fastidio linguæ nostratis, sed quod neque facile id
potuissem, neque tu facile intellexisses. Te cum opti-
ma conjuge tua, universaque familia, bene valere, pre-
cor. De me ita tibi tuisque persuadeas, in instituen-
do filio, mihi neque fidem, neque sollicitudinem, ne-
que diligentiam defuturam. *Lugetia*, Anno 1497.

EPISTOLA XVIII.

Erasmus Cornelio Canonico S. D.

A DEO ne superbum te *Gallia* remisit, ut plebeios
amiculos fastidire cœperis? Satrapis scribis, *Era-
smo* non scribis. Quo meo merito? sed habes causam
probabilem, & haud scio an veram. Nihil minus opi-
nabar, inquis, quam te in *Francia* refedisse, qui tum
certo consilio in *Italiam* iter parabas. Age, nihil re-
fello, accipio causam, modo hoc damni quam verbo-
sissima epistola farcias. Novi quod scriberem nihil e-
rat. Me tui esse amantissimum vetus est. *Boschius* quid
acciderit miror, jampridem enim ab eo nihil redditur.
F De nostro recessu hic mussatur. Tu fac, de toto tuo
itinere, rerumque tuarum statu ut sciam. Si quid hic
meo studio, cura, diligentia præstari posse judicabis,
id pro tuo jure audacter à me flagitabis. Meam digni-
tatem ne tibi commendem arctissima nostra & vetus
necessitudo postulare videtur. *Guilielmum* meum, imo
tuum, tuis monitis excitare ne desinas, ut aliquid se
dignum molietur. Meis de rebus certi nihil significa-
re potui, cum omnia penderent. Valemus adhuc, & te
vehementer amamus. *Petrus* nostrum, quod facis, fac
quam

An. 1497. quam arctissime complectare. Si in his, quæ tibi pro nostra necessitudine impartii, ut *Harpocrati* satis facias, admoneam, videbor parum recte de tua fide, deque tuo in me animo sentire. Quanquam sunt qui te, nescio quid, insimulent, tanquam meam absentis dignitatem parum integra fide fueris tutatus. Mea vero sic est de tua integritate confirmata opinio, ut de meipso sim, priusquam de te, dubitaturus. De nobis hoc tibi persuadeas velim, *Erasmum* tui amantissimum & esse, &, dum vivet, fore. Bene vale. *Parisiis*, Anno 1497.

EPISTOLA XIX.

Erasmus Rot. Christiano S. D.

SALVE, mel *Atticum*. Heri nihil scripsi, & consulto quidem, nam eram stomachosior. Ne roga in quem, in te, inquam. Quid commerueram? Verebar mihi insidias strui per te hominem argutissimum. Suspectam habebam illam tuam pyxidem, ne quid simile nobis afferret, quale ferunt *Pandora* pyxidem *Epimætheo*; quam ubi reclusissem, mihi ipsi succensebam, qui fuisset suspiciosus. Cur igitur ne hodie quidem scripsisti? inquires. Eramus occupatissimi. Quid tandem negotii? In spectaculo sedimus, sane jucundo. Comœdia, inquis, fuit, an Tragoedia? Utrumvis, verum nemo personatus agebat, unicus duntaxat actus, chorus sine tibiis, fabula nec togata, nec palliata, sed planipedia, humi acta, sine saltatu, è coenaculo spectata, epitasis turbulentissima, exitus perturbatissimus. Quam malum, inquires, mihi fabulam fingis? Imo rem, *Christiane*, refero. Spectavimus hodie matremfamilias cum famula domestica fortiter depugnantem. Sonuerat diu tuba ante congressum, convicia fortiter utrinque regeruntur. Hic æquo *Marte* discessum est, triumphavit nemo. Hæc in hortis, nos è coenaculo taciti spectabamus, non sine risu. Sed audi catastrophem. A pugna conscendit cubiculum meum puella, concinnatura lectos. Inter confabulandum laudo fortitudinem illius, quod voce conviciisque nihil cesserit dominæ: cæterum optasse me, ut quantum lingua valebat, tantum valuisset & manibus. Nam hera virago robusta, ut vel athleta videri posset, subinde caput humilioris puellæ pugnis contundebat. Usque ad eone, inquam, nullos habes unguës, ut ista impune ferat? Respondit illa subridens, sibi quidem non tam animum deesse, quam vires. An tu putas, inquam, bellorum exitus à viribus tantum pendere? Consilium ubique valet plurimum. Roganti, quid haberem consilii: Ubi te rursus adorietur, inquam, protinus caliendum detrahe: nam mulierculæ *Parisiensium* mire sibi placent nigris quibusdam caliendis. Eo detracto, mox in capillos invola. Hæc ut à me joco dicebantur, itidem accipi putabam. Atqui sub coenæ tempus accurrit anhelus hospes, is erat *Caroli* Regis caduceator vulgato cognomine dictus *Gentil Gerson*. Adeste, inquit, domini mei, videbitis cruentum spectaculum. Accurrimus, offendimus matremfamilias ac puellam humi colluctantes. Vix à nobis diremptæ sunt. Quam cruenta fuisset pugna, res ipsa declarabat. Jacebant per humum sparsa, hic caliendum, illic flammeum. Glomis pilorum plenum erat solum. Tam crudelis fuerat laniena. Ubi accubuimus in cœna, narrat nobis magno stomacho materfamilias, quam fortiter se gefisset puella. Ubi pararem, inquit, illam castigare, hoc est, pugnis contundere, illa mihi protinus caliendum detraxit è capite. Agnovi me non surdæ cecinisse fabulam. Id detractum, inquit, mihi venefica vibrabat in oculos: id non admonueram. Tum, inquit, tantum capillorum evulsit, quantum hic videntis. Cœlum ac terram testata est, se nunquam expertam esse puellam tam pusillam, ac perinde malam. Nos excusare casus humanos & ancipitem bellorum exitum, tractare de componenda in posterum concordia. Ego interim mihi gratulabar, dominæ non sub-

Aolere, rem meo consilio gestam, alioqui sensissem & ipse illi non deesse linguam. Habes nostra ludicra, nunc ad seria. Duplicem mecum contentionem acciperas, scribendi, & munera mittendi: altera te plane victum declaras, ut qui alienis manibus mecum dimicare coeperis. An inficiaberis impudens? Non arbitrator, si quid frontis est: alteram ipse ne suscepi quidem, sed ultro manus dedi. Literis longe vinceris, imo ne pugnas quidem, nisi ut *Patroclus Achilles* armis. Muneribus nolo tecum inire certamen. An Poeta cum negociatore? quid simile? Verum heus tu, ad æquiores concertationem provoco. Experire utrum tu me prius mittendo, an ego te scribendo defatigem. **B** Hoc demum sit bellum dignum Poeta, dignum institore. Tu si quid audes, accingere, ac bene vale. *Parisiis*, Anno 1497.

EPISTOLA XX.

Erasmus Rot. Thoma Greio S. D.
Scripsit Juvenis.

JAM pridem isthuc meæ venissent literæ, adolescens generosissime, quo uno ex universo hominum genere nemo vivit mihi charior: nam si, quominus jucundissimus appellari possis, fata inviderunt, at charitatem fortuna neque eripuit, neque poterit eripere. Pridem, inquam, tibi scripsissem, quod & ego pro mea in te benevolentia maxime cupiebam, & te pro mutuo in me amore majorem in modum expectare sciebam: sed veritus sum, ne vulnus acerbissimum, quod recens acceperissem, adhuc crudum exagitarem: quod tantum aberat, ut ullam omnino tractationem admitteret, ut nunc quoque levi admonitu recrudescere sentiam. En dolor justissimus uberes mihi lachrymas excutit, jam cicatricem duxisse vulnus sperabam. Nulla est intolerabilior contumelia, quam quæ pro benefactis rependitur. Utinam liceat tantum è *Lethæo* haurire amne, ut totus ille senex cum suis injuriis, meis officiis animo effluat, cujus quidem memoria quotiens mentem subit, totiens non solum irascor, verum multo magis admiror, tantum veneni, tantum invidentiæ, tantum perfidiæ, tantum impietatis humano pectori insitum esse. Ita me Deus amet, cum hominis animum sceleratissimum contemplor, videntur mihi Poetæ, homines alioquin in describendis hominum ingeniis tum acuti, tum eloquentes, hujusmodi virus aut non vidisse, aut dicendo assequi non potuisse. Quem enim lenonem tam perfidum, quem militem tam gloriosum, quem senem tam morosum, quod denique portentum tam invidum, amarulentum, ingratum ausi sunt unquam fingere, quam hic est senex fucatifissimus, qui religiosus etiam sibi videtur, vitis que suis splendida nomina fingit? Vetabis me dolere. Ego, mi *Thoma*, rem pro sua atrocitate modestissime fero. At non possunt non dolere incommoda, quæ præter expectationem accidunt. Quando ego unquam pro meo candore, pro meis meritis, pro fide, pro amore pene fraterno, ab homine cano ut apparet, nobili ut jactat, religioso ut fingit, tam insignem contumeliam expectare potuissem? Summam ingratitudinem judicabam officium officio non reponere. Legeram & hominum esse genus, quos tutius esset offendisse, quam officiis demeruisse. Non credebam, donec experientia fidem fecit, multo esse periculosius, malis benefacere, quam bonis male. Nam quum nebulo ingratisissimus devinctiorem sese mihi sentiret esse, quam ut gratiam referre posset, à literis, quas jam diu misere vexaverat, ocium sibi sumit, studiumque omne huc transfert, ut suis nefariis machinamentis me perditum eat: quem postquam laboribus confici posse desperat, (nam id jam frustra tentaverat) lingua Tartareo veneno imbuta conatur extinguere, & extinxit quantum quidem in ipso fuit. Quod vivo, quod etiam valeo, literis acceptum refero, quæ me docuerunt, nullis fortunæ procellis cedere. Indigne fert homo

Tom. III.

B

fcc-

1497. An. sceleri natus, se parum nocuisse. Parum est isti, tanta rabie in me præsentem debacchatum esse, ab animo meo distraxisse me, fugientem eminus veneno petiit, atque mei odio in te charissimam animæ meæ partem sævit. Sævit, inquam, eo telo, quo inter mortales unus plurimum potest, maledicentia. O vipereum malum quovis aconito, quavis *Cerberi* spuma, nocentius! Ejusmodi ne portentum solem purum adspicere? istiusmodi monstrum auras haurire, imo inficere vitales? Tale dedecus communem sustinere terram? Nul- lum tam terrificum, tam pestilens, tam execrandum malum Poetarum ingenia excogitare potuerunt, quod monstrum istud non facile vincat. Quis enim *Cerberus*, quæ *Sphinx*, quæ *Chimæra*, quæ *Tisiphone*, quæ larva cum isto malo conferri jure possit, quod nobis *Gothia* nuper evomuit? Quis scorpius, quæ seps, quis basiliscus venenum habet præsentius? Venena fere non nisi irritata nocent. Leones bene meritis officium re- pendunt. Dracones officiis mansuescunt. Huic seni summa mea merita rabiem faciunt. Habes animum virulentum. Jam ut solidum ostentum intelligas, si vultum truculentum, si totius corporis habitum paulo contemplare diligentius, nonne tibi videaris omnium scelerum quasi simulacrum quoddam intueri? Et hic laudanda est naturæ prudentia, quæ deformem ani- mum digno corpori inclusit. Latent sub superciliorum hispida sylva oculi refugi, torvum semper tuentes. Frons faxea, ne in malis quidem ulla sanguinis yere- cundi nota: nares polypum spirant, setis sylvescenti- bus occupatæ. Buccæ pendulæ, labra livida, vox erumpit, non promitur, tanta est animi impotentia: la- trare jures cum loquitur: cervices intortæ, crura in- curva. Nihil est denique, quod natura non aliquo in- signi stigmate notaverit. Sic sceleratos ac maleficos inurimus, sic canibus mordacibus nolam appendimus, sic bovem cornupetam fœno alligato signamus. Me- ne huic turpissimo monstro meas literas communicas- se, hujus causâ tantum ætatis, tantum ingenii, tan- tum operæ trivisse? quæ si perissent, minus essem mi- ser. Nunc draconis dentes sevisse me video, qui in meam perniciem renascantur. Plus est, quam perde- re beneficium, amicum præstando, hostem infestissi- mum parare; ubi enim tyrannus mea sit abusus opera, cui gratiam referre neque posset parem, neque vellet ullam, novum exitii genus homo ad maleficium tan- tum ingeniosus excogitavit, quo & me, cui devinctum esse non libet, & te pariter, cui turpiter juveni puer quinquagenarius invidet, funditus everteret. Hæcci- ne est illa, qua ad nauscam omnium gloriari solet, ge- nerositas? Hoc illud totiens jactati generis specimen? Hic scilicet est animus magnis natalibus dignus? Quis istum vel humano sanguine progenitum credat? Quis non *Virgilianum* illud illo dignum judicet,

— *duris genuit te cantibus horrens*

Caucasus, Hircanaque admorunt ubera tigres.

Et audet homo mortalium omnium impudentissimus, se multa de te, plurima de me meritum prædicare, nosque ultro ingratitudinis accusare. Non tot meo- rum in se officiorum testibus, non suarum in me inju- riarum conscientia movetur. Audet cum his factis in- ter homines vivere, modestius facturus, si *Timonem* illum imitatus ex universo hominum cœtu in remotis- simos fluctus demigraret, ac bellua cum belluis æta- tem ageret. Sed dolori quanquam justissimo frenum stringamus. Tametsi in acerbissima contumelia me il- lud non mediocriter consolatur, quod hæc adeo non sit impune ablaturus, ut jam præsentis mihi poenas pendere cœperit: daturus olim graviores. Quas, in- quis, nam ille quidem sibi plaudit? esto. An non ti- bi abunde satis supplicii videtur esse, quod & stultissi- mus est, & invidentissimus, quod utroque miserrimus? An gravius ullum supplicii genus excogitari possit in- videntiæ? quæ ipsa sui carnifex est, atque, ut Poeta dixit, supplicium suum. Quare Epigrammaticus ille & docte & facete invidentissimo cuidam nebuloni, no-

A stri, ut arbitror, senis simillimo, eam ipsam inviden- tiam, tanquam extremum malorum, imprecatus: 1497.

Omnibus, inquit, invidetas, invidet, nemo tibi.

B Equidem hominem nondum tam capitaliter odi, ut tantum mali velim imprecari. Quanquam ille quidem dignissimus est, cui aut hoc, aut si quod est deterius, eveniat. Nec dubito jamdudum evenisse, si vere *Plan- tus* dignis evenire digna scripsit. Cui enim ille non invidet misere? qui quod tu diligentius in literis age- res, cujus virtuti debebat gratulari, adeo invidet, ut repente in morbum capitalem inciderit. Quid autem habet ille, quod non misericordia potius quam invidia sit dignum? si misericordiam mereretur obstinata ma- litia. Jam alteras poenas accipe, quas nemo unquam nocens effugit. Quas tu Furias in illo tot scelerum conscio pectore sævire reris? quæ illic stridere verbo- ra, quas intentari faces, quos stimulos impingi?

Pena autem vehemens & multo savior illis,

Quas aut Cæditius gravis invenit, aut Rhadaman- tus.

C Recte est hoc ab æquissimo rerum Auctore compa- ratum, quod se judice nemo nocens absolvitur. Hi sunt æterni cruciatus, quos Poetæ apud inferos exer- cere, magno ingenio finxerunt. Quare si ægritudini vindicta mederi potest, jam omni dolore levatus esse deberem. Verum ego vindictæ genus, tum honestius, tum generosius puto, injuriam negligere. Nam no- centes ultro sua poena sequitur. Quanquam si me mo- lestiæ sensu carere dicam, plane mentiar. Hoc ta- men affirmo, me non mea magis contumelia, quæ a- cerbior esse non potest, permoveri, quam tuæ con- ditionis miserescere. Mecum præclare actum, qui tan- dem è mediis venenis effugerim. Sed ô me miserum, qui non totus evolarim, te, dulcissima mei portione, relicto! Tene, mi *Thoma*, isto animo tam ingenuo, isto ingenio tam pudico, tam mansueto, ista indole tam felici rabiosis belluis inservire? Istancine mentem li- teris, virtuti, maximis rebus natam deliri senis invi- dentia sepeliri? Optimus in pessimum incidisti, juve- nis ingeniosus in senem stupidum, candidus in invi- dentissimum, humanissimus in spinosissimum, & jux- ta vetus proverbium, *Auribus lupum tenes*. O fata ini- qua! ô sydera inimica! ô superos male propitios! Ma- cte virtute adolescens, quæ saga, quæ fascinatix tuæ præstanti nocuit indoli? An suas ipsa dotes tibi invi- disse natura credenda est? quæ alioquin in te fingen- do omnes suas opes effudisse videtur, ne quid in ab- soluto opere desideraretur. Formoso corpori, animum felicem infleverat. Morum gratiam non inamabilem adjecerat. Genus, opes, ingenium contulerat. Bre- viterque talem edidit, quales antiquitus Deorum filios solebant appellare. Et, ô miserande juvenis, qui ge- nius malus, quod fatum te in istud barathrum conje- cit? Itane præclarum istum ingenii florem senex ran- cidus exstinguet? Peribit illa fertilissimæ soli spes? In- teribit venæ tam divitis expectatio? O senilem invi- dentiam, qua quid dici aut fingi potest monstrosius? Postquam ipsi, ut dignum illis fuit, in lustris ætatem exegere, tibi & adolescenti & ingenio feliciore & æ- tate aptiore, quod maturius te ad optimas literas con- tuleris, misere invidet. Invidet quod tibi fervidus sanguis circum præcordia saliat, cum ipsi nihil nisi plumbum in pectore gestent. Proin, quem cessantem incitare debuerant, præcurrentem remorari molun- tur: ipsi cum sequi nequeant, præcedere conantur.

F Sed heu quo me doloris abripuit impetus? Multis profecto modis injuriis in te sum, candidissime *Thoma*, cujus calamitatem cum mitigare consolando debuerim, ultro etiam querelis meis exaspero. Jam hæc dolori dederimus, cætera rationi tribuimus. Ego te, suavissi- me *Thoma*, te, inquam, unum ex multis delegeram, in quo absolutum aliquod artis næc monumentum re- linquerem, ad quod jam materiam quam maxime fe- licem mihi nactus videbar. Sed utrum te mihi, an me tibi fortuna invidit? Me forte petiit, tibi certe plus

no-

An. nōcuit. Certum est tamen mihi opus ē manibus ex-
 1497. tortum, vel repugnante illa qua licet persequi. Nam
 si quam adfert nostra disjunctio jacturam, eam scri-
 bendi frequentia facile sarcinemus. Tu modo fac ma-
 gno animo pergas, tibi instes, tibi te praeceptorem
 praestes. Ad literas tuas venio, quae mihi tam volu-
 ptati fuere, quam tu mihi charus & fuisti, & es, &
 futurus es. Placuerunt verba non torta, non affecta-
 ta. Placuit sententiarum robur masculum, & ita pla-
 cuit, ut in dubium venerim, num ea tuo *Marte* confe-
 cisses, an auxiliariis copiis adjutus. Quod te mei
 desiderium ferre graviter scribis, nihil est, mi anime,
 quod te afflictes. Nam si pro tuo in me studio no-
 stram vicem doles, sine causa doles. Ego enim non
 aliter sum affectus, quam si nunc demum ab inferis e-
 merissem: hoc uno miser, quod *Pirithoum* charissi-
 mum non una licuerit educere. Quare si nobis mu-
 tuo amore respondes, gratulari tuo *Erasmo* debes, qui
 vix tandem catenam durissimam abruperit. Nec tua
 quidem causa cur tantopere te maceres, video. Nam
 si illud te male habet, quod nostra sis doctrina priva-
 tus, non incommode permutasti praeceptorem, rece-
 pisti pro defesso integrum; pro parum diligenti dili-
 gentissimum, fortassis & doctiorem, nam amantiorem
 non credo. Qui si etiam qualiscunque contigisset,
 quantulum erat hoc damni, quod mea migratione feci-
 sti? Jam tum cum tecum essem, maligne me frueba-
 ris & prope carebas. Quid ego te dignum dicere po-
 teram, cum mihi asinus ad lyram assidue adesset? De-
 nique si quid damni factum, id mutuis literis facile
 non compensabimus modo, verumetiam superabimus.
 Tu modo ne tibi defueris caveto, nosque sic deside-
 res, ne de studiorum tuorum contentione quicquam
 remittas. Equidem memini te dicere solitum, simulat-
 que ego vos reliquissim, te omnes ex animo literas
 deleturum. Cupio te, mi *Thoma*, vel una ista in re va-
 num inveniri. Neque tam religiosus videri velis, ut
 hic mea causa mentiri pudeat. Omni religione te sol-
 vo, & si quod erit piaculum admissum, in caput me-
 um revoco. Neglige injuriam, contemne senilem mo-
 rositatem, me quoque si voles ex animo deleto, mo-
 do nihil praeter literas cogites. Nullius neque odium,
 neque amor tantum apud te valeat, ut a bene coeptis
 desistere velis. Senis & linguam & animum ita ode-
 ris, ut ferre velis, imitari nolis. Te tibi propone,
 quae tuo genere, quae tua indole, tua mente digna
 sint curato. Praeceptorem habes tam te dignum quam
 sene indignum. Eum observa. Cum *Roberto* ne pugna-
 ris; hominem mihi amicum cupio. Senem si non ode-
 ris, modestiae & patientiae videberis meminisse: sin
 ejusmodi monstrum unquam amare poteris, omnium
 mortalium levissimus fueris. Nam si ex animo facies,
 stultissimus eris: sin adulatione, turpissimus assentator.
 Tam insanum est hostem complecti, quam ingratum,
 amicum negligere. Bene vale. *Parisiis*, Anno 1497.

EPISTOLA XXI.

Erasmus Thoma Greio S. D.

TAMEN SI essem occupatior, suavissime *Thoma*, ta-
 men ut intelligeres, quoties ad te scribendum e-
 rit, nullam prorsus excusationem me mihi permissu-
 rum esse, vel interpellantibus negotiis tecum per lite-
 ras loqui libuit. Cave posthac a me expectes, ut in
 singulis epistolis, vel meam in te benevolentiam testi-
 ficer, vel ingenium tuum praedicem. Semel hoc tibi
 persuasum velim, tuo isto in me animo, tam propen-
 so, tam candido, tam modesto, tam ardenti, tam a-
 mico non esse mihi neque charius quicquam, neque
 jucundius: meque plane sic affectum esse, ut tam dul-
 ce bonum nolim vel cum universis *Arabum* opibus
 commutare. Porro de meo vicissim in te amore, hoc
 perinde ut *Apollinis* oraculum accipias velim, dum tu
 & virtutem & bonas literas (id quod facis) amplecti
 perges, nulla consuetudinis intermissio, nullus casus

A hunc in te animum mutabit. Solidus enim amor a An.
 virtute profectus, tam finem nescit, quam virtus ipsa. 1497.
 Etenim quos cupiditas amicos facit, necesse est, ut
 idem amoris lucrique sit finis. Quos vero voluptas ad
 amandum allicit, ibi finem amandi faciunt, ubi satie-
 tas subierit. Qui denique puerili impetu animorum
 sese benevolentiam prosequuntur, pari levitate ab ami-
 citia desciscunt, qua accesserant. Nostra necessitudo
 longe melioribus initiis profecta, non paulo solidiori-
 bus columnis innititur, quippe quos non commodi ra-
 tio, non voluptas, non juvenilis affectus, sed hone-
 stus literarum & communium studiorum amor copula-
 vit. Est enim inter bonos studiososque viros vel pu-
 blica quaedam, sed constantissima necessitudo, e simi-
 lium rerum admiratione conflata. Et quoniam virtu-
 tis studium nec sanitatem novit, nec casibus fortuitis
 subjacet, non potest bonorum benevolentia non esse
 perpetua. Hoc igitur amoris genere cum simus jun-
 cti, vereri non debes, ne quid in nostram amicitiam
 incidat, qualia vulgaribus amicis multa passim evenire
 videmus. Quanto tu innocentiae & literarum eris
 amantior, tanto mihi charior es futurus. Equidem
 abunde magnum amoris in te mei fructum tulisse vi-
 debor, si praeclaram virtutis indolem, quam in te
 primus animadverti, mea opera ad frugem pervenis-
 se video. Ad quod ut manibus pedibusque enitaris,
 te, mi *Thoma*, etiam atque etiam hortor. Id fa-
 cies, si optimos quosque Auctores tibi legendos propo-
 nes, lascivos & obscenos non secus ac pestem quan-
 dam fugeris, praesertim ista adhuc aetate, quae sua
 sponte lubrica, non tam ad recta capienda propensa,
 quam ad nequitiam proclivis est. Quorum autem at-
 tinet istos cum morum detrimento legere, cum neu-
 tiquam desint, qui doctrina non paulo plus prosint,
 obscenitate nihil noceant? In quorum numero *Virgi-
 lium* in primis leges, *Lucanum*, *Ciceronem*, *Lactan-
 tium*, *Hieronymum*, *Salustium*, *Titum Livium*. In-
 vitus finem facio, ita mihi videor, dum haec scribo, ju-
 cunde tecum fabulari. Et vide, quaeso, quantulum
 id sit quod de nostra familiaritate corporum disjunctio
 detraxit. Animo te video, literis colloquor, fortasse
 etiam jucundius quam lingua. Quare gaude ac vale.
 Ne literarum novum colorem diutius mireris, aman-
 tium sanguine scriptas esse noveris. Atramenti penu-
 ria, mori succo scripsimus. *Parisiis*, Anno 1497.

EPISTOLA XXII.

Erasmus Batto suo S. D.

VIDE quantum maledicendo valeas. Unica tan-
 tum epistola victus, do manus, arena cedo, in
 Angliam usque profugio: hic certe me a tuis conviciis
 tutum fore confido. Nam si me persequi voles, alter
 tibi adeundus erit orbis: & pigritiam probe novi tuam,
 qui tamen si mediis in fluctibus es natus, nihil tamen
 pejus odisti fluctibus. Quod si huc quoque tuae con-
 vicatrices epistolae penetrabunt, audio in ultima *Brit-
 annia Orchadas* esse insulas; in has aufugiam, etiam-
 si quid est *Orchadibus* remotius, vel ad *Antipodas* us-
 que. I nunc, & de gloriosa victoria magnificum trium-
 phum agito. Bene vale. *Parisiis*, Anno 1497.

EPISTOLA XXIII.

Erasmus Evangelista S. D.

VERBUM illud, *accensus*, quod nos offendebat,
 apud *Vegetium* reperi: cujus haec sunt verba: *Ad
 obsequia tamen judicum vel tribunorum, ne non etiam
 principum, deputabantur milites, qui vocabantur ac-
 censi: hoc est, postea additi, quam fuisset electio com-
 pleta, quos supernumerarios vocant: Hæc ille.* Mani-
 festissimum igitur est, *accensus* ab *accensendo* dictos;
 hoc enim communicatum volui. Vale. An. 1497.

EPISTOLA XXIV.

Erasmus Nicolaus à Burgundia Praeposito S. D.

An. 1498. **S**ic te amo, ut meo erga te studio nulla epistola non sit futura brevissima: ita sum occupatus, ut negotiis meis nulla quamlibet brevis non sit longissima futura. Veteres illi poetas, & homines eloquentes allegorice cygnos appellabant: neque id, opinor, temere: nam ut hi plumis, ita illi pectore candidissimi: utrique *Phaëto* sacri: utrique limpidis amnibus, & pratis irriguis impense gaudent: utrique canori; sed hodie maxime postrate coelo obmutuisse videmus utrosque, ac ne morte quidem vicina fieri vocales. In causa est, uti conjicio, quod auctores sunt Physici, olorem non nisi spirante *Favonio* canere: & miramur nunc omnes mutos esse cygnos, cum tot spirent Boreæ, tot Austri, nulli Zephyri? Nam mihi quidem *Britannicum* ille Aquilo, una cum nummis ita vocem ademit, ut non lupo æque possit, qui te prior viderit. At non flant Zephyri, nisi vere incunite: quare humanissime Praeposite, si tu dominæ *Veriensis*, patronæ meæ, ver fueris, illaque mihi *Favonium* adspiraverit, ego vicissim utriusque cygnus fuero, ita canorus, ut ipsa etiam exaudiat posteritas. Nihil habeo necesse ænigma evolvere, nimirum *Oedipo* scribens, non *Davo*. Tantum alterum illum *Battum*, quem mihi pollicitus es, apud dominam paulisper expedi. Bene vale. Datum *Luettia*, 26. Jan. Anno 1498.

EPISTOLA XXV.

Erasmus Ras. Antonio Lutzenburge suo S. D.

Et si mihi tecum perpaucorum dierum consuetudo intercessit, *Antoni* humanissime, tamen nescio quomodo fatali quodam amore erga te ducor: mihi crede, non aliter quam à magnete ferrum trahitur, adeoque incredibili tui amore flagro, ut *Battum* ipsum quam te non amem effusius, quem tamen meipso etiam plus diligo. Neque vero dubito, mi *Antoni*, quin mutuo id faciam: ita benignam tuam indolem & animum ad complectendos amicos propensum, quum isthic agerem, multis modis perspexi. De statu nostro si cupis cognoscere, *Aurelia* relicta in veterem nostram *Luettiam* remigravimus, peste videlicet, quæ nos fugaverat, extincta. De *Disma* malui ad te quam ad Abbatem scribere: tum ne librum illi, non epistolam misisse viderer: tum ut hac in re tua quoque auctoritas, qua vales apud Abbatem plurimum, adolescentis optimi saluti suffragaretur: nam, mihi crede, *Antoni*, si quid omnino credis, non scribam nugas, sed quæ magnopere ad *Disma* salutem pertinere compertissimum habeam: itaque quoniam res Abbatis curæ tibi esse scio, negotium hoc attentissimis attribus accipies, & adjuvabis diligenter. Principio quidem de *Disma* genio illud testandum mihi puto, non quidem ad gratiam, sed quod re ipsa sic reperi, nihil adhuc in vita vidisse me illius indole generosius, amabilius, felicius: vere juxta sapientis verbum, animam ille fortius est bonam, ut natura illum maximis rebus finxisse videatur. Plurimum ingenio pollet, mira discendi celeritas, memoria fidelis, mores verecundi, modesti, suaves. Miratur bonas literas, cumque his versari gaudet, unde semper abeat doctior: nihil habet in quotidiano convivio durum ac molestum. Nos itaque (coluit enim nostram familiam) ejus frequentia sumus majorem in modum delectati: nec fere quisquam *Aurelia* fuit, de quo præcipuam aliquam spem conceperim, præter hunc unum: quem quoniam natura ad res maximas dotibus omnibus instruxisse videtur, vestrae partes esse videntur, curare ne tam egregium ingenium, & tam bene natum, contagione vitiorum, aut etiam desidia, ad vulgarem indolem degeneret. Neque enim parum periculi video, propterea quod vivit adolescens in tutela quadam, ut vocant, nimis profecto tutelariter,

A victu parum mundo, supellectile fordida, neglectus, incuratus, inter nebulones, nescio quos, ociosos, male moratos, incompósitos, qui nihil pejus oderunt quam bonas literas, jurisinconsultissimos, grassatores nocturnos, potiores diurnos: unde præter nequitiam nihil possit discere. Et *Disma* quidem jam (uti scis) lubricum ephebiæ ingreditur. Neque ignoras quam facile ista ætas, quamvis bona, trahatur ad vitium. *Africani* enim, ut inquit *Seneca*, *moribus suorum scabimus conveller corruptis*: &, ut scripsit sapiens quidam *Hebraeus*, *Non potest non inquinari, qui piscem contrahaverit*. Neque ego de alienis moribus hæc scripturus eram, nisi res adeo palam esset, ut nemini possit dubia videri. Habes igitur periculum, nunc quomodo succurrendum, accipe. Est *Aurelia Jacobus Tutor Amsterpiensis*, apud quem tres menses, quos illic egi, sum diversatus: vir (ita me Deus amet) integritate incredibili, eruditione minime vulgari, studio flagrantissimo, juris Pontificii jampridem licentiatus, sic eam appellant: hunc ipse officialis, homo scilicet vita laudatissima, perinde atque fratrem complectitur, & cum eo optimus quisque: is *Disma* partim propter veterem consuetudinem, quam cum eo *Levanii* habuit, non secus atque filium amat, & amatur ab illo ut parens. Cum hoc ego *Disma* conjungendum censeo, idque quam primum: ne si diutius ista ætate in tutela hæreat, ad deteriora deflectatur. Alit hic *Jacobus* noster domi suæ aliquot adolescentes generosos: atque in primis duos fratres *Bredanos*, cognominatos de *Nassauwen*, moribus optimis, & tanta concordia, quantam antehac inter fratres non viderim. Eorum alter sacerdotium habet ecclesiæ *Bredanae*. Inter hos si vixerit, nihil audiet, nihil videbit indignum se, & habebit *Jacobum* vitæ moderatorem: qui, cum studiosissimus sit, gaudebit sibi contigisse, cui suam doctrinam libenter communicet. Habebit *Disma*, quicum perinde vivat, ac si cum parente viveret: cujus exemplo, atque familiari hortamine, ad honestissimas res incitetur. Hæc ut scriberem, mi *Antoni*, partim ipsius adolescentis ingenium commovit, partim cum isti generi omnia deberem, non putavi hoc posse me sine summo scelere prætermittere: alioquin hac in re mihi neque feritur neque metitur. Vale, *Antoni* charissime, nosque humanissimo patrono tuo quam commendatissimos facito. Dictavi hanc ad te epistolam, non scripsi: tum quod stomacho parcerem, tum quod essem jam scribendis literis defatigatus. *Luettia*, 27. Jan. Anno 1498.

EPISTOLA XXVI.

Erasmus Christiano, Mercatori Lubecensi, S. D.

Expectabas tu quidem fortasse copiosam epistolam per fratrem tuum, sed eras vehementer. Siquidem optimis legatis literas committere solemus, aut nullas, aut quam brevissimas. Cessator, nugator. Vah quibus te accepissem modis, nisi dolor animum ademisset? Jam tibi destinaram epistolam, ut dignus es, mille convitiis refertam. Addis sceleri scelus, non modo non scribis, sed insuper *Henricum*, tuas vitæ meæ delicias, tuis phalaridis dictis & scriptis à me distrahis. Quid dixi à me? imo à *Musis*. Invidet illi, credo, quod tu jam *Athenarum* & *Janum* pro *Apolline*, novemque sororibus, colere coepisti. Quod nisi solatium meum quam primum remittes, vix tibi carnisces. Jam apud nos sunt limata spicula, tela instructa: invectione istuc mittetur, omni aceto acrior. Tum tibi nihil reliquum parato, nisi ut aliquam suspensio trabem ebigas. Heus, tibi dico, an non? ut hæc *Henricum*, non minus animum quam tuum, quam primum absolvas, neu tuis virgibus *Mercurialibus* diutius remororis: id nisi facis, bellum tibi jam nunc denuncio. Nihil est quod faciles, aut patrem patratum exspectes, disti. Cæterum quoniam omnino dignus es illo mitti, ubi lapis lapidatus erit: ubi nequam

An. quam homines potentiam pinguant: ubi vivos homines
 mortui incurant boves, tamen saluum te esse cupio,
 si resipiscas. Quod si perstiteris in tuo silentio, scin-
 quibus ego te vocabulis exornatum reddam? nebulo-
 nem appellabo, carnificem, furciferum, ganeonem,
 scelus, sacrilegum, monstrum, somnium, stercus,
 sterquilinum, pestem, perniciem, dedecus, sycoph-
 antam, nepotem, custodem carceris, imo carce-
 rem ipsum, gymnasium flagri, delicias virgarum, &
 si quid his contumeliosius excogitare potero; his, in-
 quam, appellationibus te denobilitabo. Cogeris re-
 scribere, vel iratus. Hac pagella lusum est satis, al-
 teram seriis dabimus. Sed quæ seria tecum, hoc est
 cum homine tam ridiculo, poterunt agi? Nulla, opi-
 nor. Typographi tua opera vehementer expectant.
 Nam es tu quidem perdoctus, nec rideo tamen. Epi-
 stolæ tuæ jam exceduntur: *Augustinus* interpretatio-
 nem parat: *Faustus* eandem ambit provinciam, & *An-*
gustino palam invidet. Auditum est, te istie jampri-
 dem excudere, verum liberos credo, non libros, quos
 quam optimos tibi generes oportet, ut tui quam si-
 millimos fingas. Nihil enim te nequius. Quid tibi hoc
 dictum placet? satis ne saluum est, satim habet aceti?
 At mel hoc dices, faxo, si cætera deprompsero. Ve-
 rum ea seruo iusto bello: tu me time & cave. Jam
 seriarum rerum satis, rursus ad jocos redeamus. Ut
 te, mi *Christiane*, quam plurimum amem, fraterni mo-
 res me cogunt, non modo tui: quibus ego nihil ad-
 huc in vita vidi vel integrius, vel candidius. Tuam
 præsentiam frustra optavimus. Sæpe aliquid molimur,
 quo te donemus: sed nostra fata ex *Henrico* cognos-
 ces, cui in cæteris fideli, cave in meis laudibus cre-
 das. Mentitur enim de me suo more permulta, amoris
 magnitudine potius quam iudicio. *Rodolpho Langio*
 scripsi. Tu & me, & meam epistolam tua commen-
 datione adjuvabis. Sed longior exit epistola, quam
 volebam. Facundum habeo tabellarium, ei cætera
 narranda relinquo. Tu nos ama, valeque. *Parisiis*,
 23. Febr. Anno 1498.

EPISTOLA XXVII.

Erasmus Rot. Antonio Latzenburgo S. D.

ANTEA, mi jucundissime *Antoni*, te tantum ut ho-
 minem humanissimum, & optime de me meritum
 amabam: nunc etiam ut literatum amplector, id quod
 ego nunc demum tuis è literis cognovi. Cave me pu-
 tes assentari, majorem in modum delectavit status ille
 simplex & naturalis: verba non adscita, sed una cum
 ipsis sententiis coherencia: sensus sani ac solidi, nihil
 neque in verbis, neque in sententiis aut portentosum,
 aut distortum, aut coactum, aut imminutum denique,
 aut redundans. De *Disman* sic habet, existat & apud *Ar-*
ronem & apud *Gellium* per vetustum adagium huiusmo-
 di, *Atalem consilium consulo pessimum*: at ego con-
 fido hoc optimo consilio nos omnes gavissuros; in pri-
 mis humanissimum Abbatem patronum, si pateris, mi-
 hi tecum communem, qui charissimo adolescenti pul-
 cherrime consuluit: apc, qui bene monuerim, te, qui
 fidelem & amicam navaris operam; *Disman* ipsum,
 qui jam nunc mihi gratias agit meritorias; denique &
Isidorem, qui tandem nactus est, cui libenter literas
 suas communicet, & apud quem industriam suam bo-
 ne collocet. Est is, mihi crede, unus omnium, quos
 edipicit sol, integerrimus vir, & candidissimus. Pur-
 gabis me Abbatem, quod tam incompote scripserim.
Battum excita ut *Battus* sit, nunquam enim fuerit op-
 portunius. Bene vale, mi *Antoni*. *Parisiis*, 16. Martii,
 Anno 1498.

EPISTOLA XXVIII.

Erasmus Rot. Ratto suo S. D.

DE morbo tuo spero equidem *phlogiston* esse, me-
 tuo tamen nonnihil, ut sunt res mortalium. No-

Astra causa nihil est quod te angas, anime mi, nostra cha-
 ritas ut non cepit à commodis initium, ita his sublati-
 non evanescet: quod autem fors fert citra nostram cul-
 pam, id æquo atque adeo magno animo ferendum. U-
 tinam valetudo tantam nobis prospera contingat à su-
 peris, cætera ipsi perumpemus, sed ea, mi *Batte*, jam
 nunc vacillat admodum. Illa, quæ se negavit olim mi-
 hi feminam fore, cur nunc etiam plus sit quam fœ-
 mina, vehementer admiror: sed durum telum neces-
 sitas, quare mustitanda res, & tempori serviendum.
 De *D. P.* semper mihi male præfagiit animus, sed hæc
 ab exitu spectabuntur. Desino jam, mi *Batte*, de mea
 fortuna queri, quando sperare desii: hoc unum pudet,
 rem tam late mansisse, non sine multorum (ut opinor)
 invidia. Tu, mi anime, facito te confirmes, tibi que
 quam primum consulas. Vides enim rerum aulicarum
 qui sint æstus. Annotationes scripsi in *Officia Cicero-*
nis: hæc propediem excudentur. Dicaturus eram *Adol-*
pho, sed nihil video causæ. *Ludovico* meis verbis di-
 ces, gratissimum mihi facturum, si quæ sunt apud te
 epistolæ, diligenter perscripserit. Vale, optime ac sua-
 vissime mi *Batte*. *Parisiis*, 5. April. An. 1498.

EPISTOLA XXIX.

Erasmus Jacobo Batto.

SALUTEM tibi precor, mi *Batte*, quam ipse desi-
 dero. Ex quo *Parisiis* redii, tenera omnino & de-
 licata valetudine fuimus: tantos enim hyberni itineris
 labores, quos terra marique obivimus, non cura sed
 assidua lucubratio excepit, ut laborem non posuerim-
 us, sed mutaverimus. Accessit hoc tempus tum per
 se difficile, tum meæ valetudini mirum in modum ini-
 micum. Memini enim posteaquam in *Galliam* sum
 profectus, nullam adhuc præterisse quadragesimam,
 quæ mihi morbum non attulerit. Nuper autem muta-
 to domicilio, ita sum ea novitate offensus, ut noctur-
 næ illius febris, quæ nos ante biennium Orco fere de-
 miserat, manifesta vestigia senserim: nos contra omni
 cura, medicorumque opibus pugnamus, vixque effu-
 gimus. Dubia enim adhuc plane valetudine sumus.
 Quod si denuo ea febris me arripuerit, actum de tuo,
 mi *Batte*, fuerit *Erasmus*. Non pessima tamen in spe su-
 mus, diva *Gemvosa* freti, cujus præsentem opem jam
 semel atque iterum sumus experti: maxime medicum
 nacti *Guilielmum Copum* non modo peritissimum, ve-
 rumetiam amicum, fidum, & Musarum, quod raris-
 simum est, cultorem: ejus extemporalem epistolam
 ad te misi. De sarcina quod meam diligentiam requi-
 ris, ego vicissim tuam memoriam desidero. Præsen-
 tes enim tibi exposuimus, eam à nobis non nautæ,
 sed *Arnoldo Eduardo* Jurisconsulto, commissam, qui
 nautæ, qui primus idoneus occurrisset, traderet perve-
 hendam. Ejus nomen nemo toto *Londino* non novit:
 habitat in ædibus paternis *Eduardi* mercatoris super
 pontem *Londinensem*. Nihil refert utrum ad hunc mit-
 tas, an ad *Thomam Morum*; is agit in Collegio *Lin-*
colniensi. Miror hunc *Arnoldum* tibi esse ignotum, cum
 literas meas, ad illum scriptas, ad te dederim per fa-
 cundum illum tabellarium, per quem *Laurentium* mi-
 seram. Ei negotium dederam, ut de latrone illo no-
 stro sciscitaretur, nec ille mihi quicquam renunciat;
 nec tu mihi scribis. Cupio enim eum furciferum non
 quidem ad crucem adigere, sed tamen ex urbe deter-
 ritum ejicere. *Laurentii* reliquos libros, quos petis,
Augustinus tibi esse affirmat: non quod ille gravetur
 mittere, verum inspicere quid tibi desit, id continuo
 mittetur. Quod reliqua, quæ petis, tibi non mittam,
 mi *Jacobe*, quæso, mihi ignoscas. Utinam ita res ha-
 beret, ut hic meum officium jure possis requirere. Ju-
 stiores quam vellem causas habeo. Primum, quor-
 sum tantopere ad rem attinet, me longas epistolas
 scribere, cum tu sis ipse præfens, & viva, ut ajunt,
 voce rem acturus? Quid ego vel elucubratisimis lite-
 ris possim, quod tu sermone non longe melius possis?

B 3

Tum

An. 1498. Tum si maxime ad rem pertineret, non ausim omnino valetudinem interdicto scribendi labore vexare. Expertus novi quanto facilius morbus declinatur, quam admissus ejicitur, quem ego jam nimium notis argumentis adrepentem sentio. Et opus *Adagiorum*, quantum possum, paro, statim post Pascha, ut spero, divulgandum: opus, inquam, neque breve & infiniti laboris. Collegimus enim fere *Proverbia* octingenta, partim *Græca*, partim *Latina*: id si videbitur, tuo *Adolpho* nuncupabimus. Quod ad dominam properas, gaudeo, præsertim vocatus: neque dubito, quin mea causa partim te vocaverit: rem enim omnem illi male *Gallice* perscripsimus. Sustinebimus igitur nos adhuc mensem ære alieno, donec abs te boni quippiam adferatur: alioquin ipsi istuc redissemus. Indue, quæso, mi *Batte*, veterem illum animum tuum: scio te nihil non perfecturum, si modo annitaris: sed unum hoc mihi in te displicet, quod posteaquam ex *Anglia* tibi semel fictitiam epistolam scripsimus, tu omnia à nobis fingi putas. Quanquam in ea epistola, quam tu fecte scriptam arbitraris, moriar, si quicquam finxi. Quare abjice istam de nobis opinionem, & cave quicquam credas, à nobis, apud te præsertim, non vere, non ex animo scribi. Est mihi in animo, hoc absoluto opere ad dialogum absolvendum toto conatu accingi, totamque hanc æstatem componendis libris dare. In autumno, si licebit, *Italiam* petemus, Doctoris insigne paraturi: tu, quæso, mea spes, fac ut sit libertas, ut sit ocium. Ad *Græcas* literas totum animum applicui: statimque ut pecuniam accepero, *Græcos* primum Auctores, deinde vestes emam. De *Adriano*, aut alio quovis in *Angliam* mittendo, fac sententiam tuam cognoscam. Mihi quidem multis nominibus non prætereundum videtur. Quod simulatque significaris, exemplar scriptum una cum literis ad te mitemus. *Gellium* illum epigrammatum scriptorem comprehendendum ego & in vincula conjiciendum censeo: est enim haud dubie scurra perfrecta facie, & qui nullum scelus non audeat. Vale, mi *Batte*, & *Erasmus* tuum serva: ubi valetudinem sarserimus, nihil à nobis præteribitur. *Parisis*, 12. Aprilis, An. 1498.

EPISTOLA XXX.

Erasmus Jacobo Tutori suo S. D.

Sic est animatus Abbas, ut *Dismam* & *Antonium* à sermone nostrate omnino procul abesse velit. Sic habent res tuæ, ut nolis sine nostratibus vivere. Quare *Antonio Lutzenburgo*, qui toto pectore tibi bene cupit, meque auctoribus, jubet eos in *Jacobi Danielis* familiam remigrare. Tu tamen, mi *Jacobe*, tuo more uteris, dabisque operam, ut adolescentes quam optime, & quam maxime ex Abbatis sententia, quæ te non fugit, collocentur. Idem *Augustinum* facturum confido. Utrique gratum facietis ornatissimo humanissimoque Præsuli. De meis fatis scripsi *Augustino* per *Cornelium* tabellionem. Posteaquam *Batum* periit, quis dubitat & *Erasmus* periisse? Præterea autem cæteræ res sic habent, ut pejus non possint. In una virtute spes omnis salutis reliqua. Vale cum *Augustino* nostro, quem audio tecum victurum. E divi *Andomari*, 2. Julii, Anno 1498.

EPISTOLA XXXI.

Erasmus Rot. Batto suo S. D.

Non me clam est, optime *Batte*, quam tibi præter expectationem eveniat, quod non continuo advolarim, præsertim cum res felicius etiam ceciderit, quam utervis nostrum optare fuisset ausus. Verum ubi consilium meum cognoris, mirari defines: intelligesque me non minus tibi, quam mihi ipsi consuluisse. Dici vix potest, quantum voluptatis tua mihi epistola attulerit. Jam nunc felicissimi illius convictus nostri simulacrum fingo: qua libertate una nugabimur? quibus

A modis cum Musis nostris victitabimus? Jam gestio ex hac odiosa servitute evolare. Cur igitur cunctaris? inquis. Non temere factum intelliges. Nuncium non tam repente adfuturum exspectaveram. Debetur mihi hic aliquanta pecuniola. Sed quid mihi non maximum videri debet? Sunt aliquot conditiones cum quibusdam imperfectæ, quas sine detrimento non poteram relinquere. Cum comite mensis jam coeptus est. Cubiculi locationem persolvi. Cum *Augustino* nonnihil mihi rei est. Pueri mei libri nescio quo aberraverunt: ejus nomine neque literas, neque pecunias ullas accepi, rationes nonnihil habent controversiæ. Hæc omnia, mi *Batte*, sine dispendio vides me non posse relinquere. Quod si rebus imperfectis hinc migrassem, nihil mihi exspectandum videbam, nisi ut illa perirent. Nosti illud *Terentianum*, *Ubi eras? cur passus?* Hæc quidem mihi non negligenda fuisse vides, illud vero multo maxime me movit, quod si subito me hinc rapuissem, perissent ea, quæ *De conscribendis epistolis* composui, propterea quod penes unum *Augustinum* sit copia. Ne *Laurentius* quidem sperandus erat, neque quicquam scriptorum meorum. Nihil enim minus sperandum, quam uti ille tibi sua mittat, dum ego absum, cujus unius nomine facturus est, si quid faciet. Vix summa ope nifus, ab eo extorsit, ut *Laurentii* partem tibi mitteret, & ea quidem lege, ut tu vicissim huc aliquid nostrarum literarum remittas. Aequum ille postulat. Manus enim manum fricat. Da aliquid, & aliquid accipe. Quibus rebus adductus hoc cepi mecum consilium, ut hic me adhuc mensem contineam, donec æs alienum recepero, conditiones absolvero, mea scripta recuperavero: hoc consilium si probas, me non poenitebit; sin minus, facies me quamprimum certiorum: ex tua sententia faciam omnia. Audies ex hoc tabellario novam Tragediam. Is ubi ad me divertisset, equo in pandochæio relicto, seque in sella pecuniolam abdidisse diceret; Jussi in diversorium recurreret, pecuniamque eximeret; Ivit, ubi redit crepusculo, adoriuntur eum satellites, trudent, proculcant, vulnerant, in carcerem ducunt, pecuniam eripiunt. Primum suspicabar, nactum quibuscum potitaret. Ubi postridie non revertitur ad multum etiam diei, me nescio quid ejusmodi divinante, commodum ille redit, lutatus, cruentatus, & miseris tractatus modis. Nos recta ad Advocatum, inde ad urbis Præfectum, nova prorsus illic avis. Malim quamvis cloacam, quam illud antrum subire. Ipse apud Judicem expostulo, ille profert ensen in medio fractum. Id satellites detulerant factum, dum ille nescio cui brachium amputaret in via, atque in eo facinore comprehensum. Aderant nobis testes, qui docerent illum gladio fracto urbem fuisse ingressum. Nam id acciderat, non ab asino, sed ab equo delapso asino. Judex respondit se jus dicturum, ubi sceleris auctores produxissemus. At illi, nam aderant suo judici, simul atque nos viderent ingredi, subdlexerant sese. Id *Adrianus* admonuit, sed illis jam egressis. Ita causam reliquimus. Poteram jam hoc omine terreri. Eum apud me retinere cupiebam, quod vulneratus esset, sed te quamprimum de nostro consilio certiorum fieri volui, & tuam sententiam quam celerrime cognoscere. Præterea tot occupationibus premebar, ut vix somno tempus suppeteret. Ei octodecim diodenarios ad augendum viaticum dedi. Ajebat enim se non plus triginta abs te accepisse, & quod erat, à satellitibus ereptum est. Præterea juveni cuidam scutatum mutavi aureum, quod tabellarius aurum ejus auro in itinere mutasset. Cura ut cum rursus illi pecuniæ mittentur, mittentur autem ut audio brevi, justa moneta mihi reddatur, ego illis nostratem restituam, ut isthuc referant. Non es admonendus, mi *Batte*, novi enim & fidem & diligentiam tuam, ut & emolumento & dignitati meæ confulas. Terret me nonnihil aulæ natura, & fortunas meas agnosco, quam sint malignæ. Dominam isto in me animo esse plurimum gaudeo. Sed quo animo erat antistes? quam spem

An. *spem ostendebat? quid nunc frigidius? Malim ego cer-*
 tam aliquam stipem in literis tuis, quam amplissimam
 nominatam. Non tibi objiciam *Vergilianum* illud,
Varium & mutabile semper,

Famina. —

Ego enim istam non inter mulierculas, sed viragines numero. Sed quotusquisque isthic literas nostras miratur? Tum quis etiam omnem eruditionem non habet invisam? In te quidem summa fortunarum mearum sita est. Sed si (quod omen magnus avertat *Jupiter*) res secus ceciderit, quam uterque volumus, tu cum ære tenearis alieno, præterea tuo quodam etiam fato sis hac in parte infelicio, quid amiculo succurrere possis? Non tibi concedam, ut tu magis nostri, quam ego tui desiderio flagres. Sed etiam atque etiam videndum cenfeo, ne nimium hoc caleat modo. Hæc scribo non quod vel sententiam mutaverim, aut animo vacillem, sed ut tuam vigilantiam excitem: res enim communis agitur. Quod nisi optime de tua tum fide, tum prudentia, tum etiam diligentia existimarem, ita ut tibi mandata provincia, mihi in utramvis aurem dormire licere putarem, jam hoc rerum principio, tanquam omine parum faulto, terreri potuissem. Mititur equus mercenarius obolo emptus, tum viaticum non contractum modo, verum pene nullum. Si principia frigent, mi *Jacobe*, fervebunt scilicet extrema? Quando erit tibi honestior & justior petendi meo nomine occasio, quam nunc cum sum adsciscendus, & ex hac urbe, ab his conditionibus? Ego tantula summula ne pedes quidem venire poteram: quid duobus comitatus & eques? Quod si res dominæ pecunia ministratur, ut opinor, principium non placet: sin tua, multo etiam minus delectat, quod geritur non solum iniqua, verumetiam aliena pecunia. Quid alienius à tali viro, qualem tu me isthic descripsisti, quam statim ad primum nutum advolare, præsertim talibus conditionibus? Quis non me aut levem, aut stultum, aut certe miserrimum judicet? quis non contemnendum putet? Nisi te effusissime amarem, mi *Batte*, & ita ut quævis etiam incommoda tui convictus felicitate compensem, hæc me ab instituto consilio poterant avocare: sed nihil etiam movent. Te modo admoneo, ut dignitati nostræ diligenter consulas. Quid igitur censes? inquis. Dicam, nos hic omnia studiose apparabimus, scripta nostra colligemus: negotia absolvemus. Vos interim isthic quod mittemus transcribetis. Per puerum, quem propediem huc profecturum studii causa accipio, do omni sententia perscribes accurate: deinde ubi transcripseris *Laurentium*, post tres hebdomadas, si videbitur, per hunc ipsum puerum remittes, *Adrianum* loquor, qui & *Laurentium* referat, & viaticum adferat & literas certissimas, viaticum, inquam, me dignum. Meo enim sumptu venire nec possum, utpote nudus: nec par est, quippe hic satis amplas condiciones relinquam. Præterea equum meliorem (si fieri possit) mittas velim. Non peto magnificum bucephalum, sed cui non pudeat virum insidere: & scis mihi duobus equis opus esse, nam puerum omnino adducere statui. Hunc igitur alterum puero destinavi. Hæc tu dominæ facile persuadebis. Causam habes optimam, & facundiam tuam novi, qua soles etiam ex pessimis causis optimas facere. Quod si facere gravabitur: quî, quæso, stipem dabit, quæ viaticum negat? Habes causas cur necessario nostram conjunctionem distulerim, quam in capite epistolæ aperui, eam scio tu probabis. Habes quibus rebus meæ dignitati possis consulere. Nunc reliquum est, ut rem, quantum potes, matures. Ego hic haud dormiam, tu isthic vigila. *Joannes Falco* millies te resalutat, *Augustinus* bene precatur. Omnes te amamus. Dominæ quæ meo sis nomine dicturus, non es admonendus. Bene vale, mi *Batte*. Vide etiam atque etiam te virum præbeas: nam comitem jam absolvi, multa rogamem ac pollicentem, quò commodius omnia mea colligerem. Pluribus te, mi *Batte*, monerem, nisi tuæ fidei plane

A considerem. *Petrum Franciscum* medicum tuosque pueros generosissimos nominatim meo nomine salutabis. Bene vale, ac vigila. *Parisiu*, 29. Novembris, An. 1498.

EPISTOLA XXXII.

Henricus Christiano fratri S. D.
 Erasmus auctor est epistolæ.

QVID hic agatur, scire cupis, suavissime *Christiane*? Somniamus. Quidnam, inquis? Id quod amamus, literas, quibus nobis nihil est in vita dulcius, ac secundum eas *Christianum* dilectam animæ nostræ patrem. An tu te à nobis abesse credis? nihil minus. Nulla dies sine te, nox mihi nulla fuit. Soli sumus, *Christianum* cogitamus, cum amicis de te garrimus, & quidem perlibenter. Dormimus, te somniamus, nullum hic prandium, nulla cœna sine te agitur. Convivaris nobiscum, studes nobiscum, dormis nobiscum. Quid quæris? En, *Christiane* frater, hæc vita non paulo mihi jucundior: quantum camporum, quantum montium, quantum urbium, quantum fluminum, me teque dirimit? At corpora distrahi possunt, animi divelli nullo pacto possunt: ita ut somnus, qui conjunctos interdum consuevit disjungere, nos disjunctos copulet: sive hoc re ipsa fieri credendum est, ut corporibus, somno inerti occupatis, animi interim furtim tanquam è vinculis evolare gaudeant, immensoque spacio perniter exalto suos amores invitant: sive mens humana, quoniam ignea est, miræque agilitatis, simul atque omnia corporis organa somnolenti illi vapores occupaverint, illa interim ocii impatiens, crassis illis nebulis obluatur, & vel ipsa sibi fixas illic imagines renovat, vel ex diversis vaporum discursibus diversas sibi rerum facies depingit: sive ut Poetæ narrant, Rex quidam placidissimus, ac Deus humani generis amantissimus, quem *somnum* vocant, ubi artus, sensusque mortalium diutinis operis fatigatos adpersit succo lethæo, sui que oblitus, dulci quiete reficit: *Morpheum* quendam fingendarum formarum mirificum artificem in terras emittit, qui leni volatu, nunc in hujus, nunc illius cubiculum illapsus, notas unicuique imagines repræsentat: sive ex ulmo illa ingenti hujusmodi vîta, geminis portis ad nos evolvant. Quod si non omnia mentiuntur Poetæ, cornea porta venisse non dubitem, quod nuper mihi accidit, somnium, longe omnium jucundissimum, quod me quidem ordine narrare non pigebit, modo tibi audire non sit molestum. Calendis Augusti, qui quidem mihi dies omnium multo candidissimus effulsit, cum hilare, suaviter, prorsusque laute cœnavissemus. Quinam & quot rogabis? Tres animæ, quibus nihil unquam terra tulit sanctius, candidiusque, *Erasmus* nunc plane noster, *Augustinus* communis quidem omnium amicus, tum tibi peculiariter deditus, ego tertius, tu non omnino aberas. Bellissimi prorsus homunculi, tum tempus aptum, locus lectus, apparatus non neglectus. Quoties ibi salutatus *Christianus*? quoties nominatus? quoties desideratus? Num quem dextræ auris tinnitum sensisti, *Christiane*? Post mensas secundas prodeambulatum est, & quidem illic ubi se semel atque iterum tecum spaciatum, narrabat *Erasmus*, cum mellitis sermonibus ebrii inter vineta reptantes oberraretis, tum quum te facundis illis suis hortatibus à sordidissimis curis avocaret, totumque in literarum amorem raperet. Agnoscis ne locum, *Christiane*? Ibi nos *Erasmus* literatis fabulis multo quidem lautius pavit, quam cœna. Adeo multa repetebat antiqua, tanto orationis lepore, ut me quidem cœlesti quadam voluptate afflaverit. Domum reversi, in multam noctem de te sermonem traximus. Itum est vix demum dormitum, me quidem partim ex cœna & potatiuncula largiore, partim ex deambulandi labore (nam pigritiam meam satis nostri) somnus altior oppressit. Ibi vero, quod ait *Claudianus*, *Omnia quæ sensu voluntur diurno, Pectore sopito reddidit amica quies*. Jam iisdem in vinetis deambulabam, omne spacium remetiens, sed solus, omnia

1498. An. veris simillima. Subibat animum de te multa cogitatio: desiderabam veterem illam consuetudinem nostram. Veniebat in mentem tuus ille animus plus quam fraternus. Jam sollicitus eram quid ageres, quid valeres, satim saluæ res: quod complusculis mensibus nihil à te nunciaretur. Et ecce de improvviso sis obuius, tanquam ociose deambulans, vultu quidem nitido, & cute bene curata. Jam hoc primum faustæ tuæ valetudinis omen accipio, mi *Christiane*. Ita te totum *Morpheus* ille effinxerat, ut ne tu quidem ipse tui tam sis similis, quam imago illa. Ac me quidem conspecto, familiarius tuo quodam more visus es subridere: Alterum id mihi est omen, te recte valere. Deinde gestientes accurrimus utrique, consalutamus. Ibi ego fufis præ gaudio lacrymis: Tene, inquam, teneo mea voluptas, mi frater animo maxime desiderate meo? Quid fit? quis te nobis vel Deus, vel casus obtulit? vigilans ne te video, an imagine fallaci deludor? Tum tu: Ego quidem, ô animæ dimidium meæ, cætera perbelle valui: sed quod jucundissimo tuo convictu carerem, plus quam dimidiatus mihi vivere videbar, meliore animæ meæ portione distracta. At ego, neutiquam tibi concedam, inquam, ut tu mei, quam ego tui desiderium tulerim, impatientius tuleris. Sed age, doce, quidnam repente accidit, quod tam immensum iter remensus *Parisiis* repetere volueris. Nam ut plurimum à nobis desiderabar, ita nihil minus, quam tuum conspectum sperabamus. Audies, inquebas, neque enim me pudebit, ut res habet, fateri. Ubi ad illa *Mercurialia* mea negotia redissem, mirum est dictu, quam mihi coeperim displicere, tibi invidere, mihi irasci, quod sanctissimo Musarum contubernio relicto, ad profanas illas curas revertissem. Mene sic desipuisse, ut ullum lucrum tanti habuerim, cui sanctissima studia posthaberem? Tum quidem mellita illa *Erasmi* oratio animo obversabatur, qua me his ipsis in vineis tanquam in alium hominem transformabat, multa in hujus quæstus sordes & incommoda differens, quum bonas literas ita cum omni genere rerum conferebat, ut cum nullis omnino conferendas ostenderet: solas illas esse proprias hominis opes; neque dari à fortuna, neque eripi posse; usu augeri, non minui; meliores fieri, non deteri, non senescere cum forma & viribus corporis; non contingere ignavis, ut honores; non avocare hominem à virtute, sed instruere; eas solas tranquillare animum nostrum, semper parata esse præsidia: demum sine his ne homines quidem nos esse. Sed quid ego perstringo quæ ille vix duabus horis peroravit? His ego inflammatus, itane fiet, inquam? *Henricus* literarum tanto melioribus mercibus ditatur, & ego profanis immerfus negotiis, bene coepta turpiter relinquam? Quid multa? victus invidia, abrui me, & omnibus relictis huc advolavi, ne diutius essem à vestro contubernio alienus. Nunc tuæ facilitatis erit, transfugam in vestra castra recipere, posthac certum militem futurum. Tum ego nimio miratus opere, per Deum immortalem, inquam, quid narras? Itane invidia tua te nobis restituit, imo te tibi? O faustam felicemque invidiam! Verum si nunc te quam sis fortunatus doceam, credo tibi ipsi incipies invidere. Hic tu, quin tu igitur festinas istud exponere? Quid obticuiisti? At ego vix tandem, inquam, ô mi *Christiane*, *Cura leves loquuntur, ingentes stupent*. Quicquid est in cælo syderum, quicquid Deorum, omnia tuum *Henricum* benigno vultu respiciunt. Prorsus Deorum vitam adepti sumus, si modo bono hoc perpetuo liceat frui. Ibi tu magis accensus audiendi cupiditate, gratulor, ita me Musæ ament, frater. Verum, ut vere tibi possim gratulari, quæso, rem paucis expedias. Atque ego, summum, inquam, bonum, si quod est in hac vita summum bonum, superum numine mihi contigit, quod ne optare quidem unquam sum ausus. Jam divinas opinor, quid ego sim assecutus. Quid enim vel magis ex voto, vel ex usu potuit obtingere, quam præceptor tum eruditus, tum amicus? Habeo

1499. An. omnium tum eruditissimum, tum amicissimum, *Erasmi*, inquam, illum diu misere petitem: deinde habeo, possideoque solus, potior proprio, fruor assidue, totus toto, noctes diesque. Quid quæris? *Heliconem* ipsum intra cubiculi mei parietes teneo. Quid est in Musarum choro vivere, si hoc non est? Omnia apud nos tum seria, tum ludicra, otia, negotia literis con-diuntur. Inter prandendum de literis garritur, cœnæ literariis condimentis lautæ sunt. Inter deambulandum de literis nugamur, ne leviores quidem lusus nostri à literis sunt alieni: de literis confabulantes formus opprimit: dormientium literata sunt somnia, expectati à literis diem auspiciamus. Ludere mihi videor, non studere, & tamen nunc demum studere me sentio. Verum, ne solitudinem nostram contempnas, multi quotidie nobiscum pransitant ac cœnitant, quam ipsi satis multi sumus, qui Gratiarum numerum repræsentemus: verum ita libet quotidie adhibere compotatores varios. Quos, inquires? Ne tu istos cogites, qui calices exsiccant: veteres illos amicos nostros nosti commodissimos, qui sumptum non adferunt, voluptatem adducunt, de probatis auctoribus loquor. Convivium inituri, quem inquam, potissimum ad convivium invocabimus? Quid si adhibeatur *Macrobius*? adhibeatur, sed bellaria sua, non *Somnium* adferat. Aut certe vocetur *Anulus Gellius*, *Macrobio* lautior hospes, qui multam etiam in noctem nos suis candidissimis illis *Noctibus* detineat. Quid si *Apuleium* citemus Philosophum quidem illum, sed fronte neutiquam tetrica? Si Poetas malumus, veniat *Catullus*, aut *Martialis*: aut si recentiores juvat audire, vocetur *Campanus*, homo lepori jocisque natus. Accumbat *Politianus* politissimi vir ingenii. Tetricos illos in compositionem non adhibemus, sed in colloquium. An quicquam tu credis vel convivis nostris esse lautius, vel convivis commodius? Nam alios quidem convivas, non sumptu solum nostro, verum etiam sollicitudine necesse est accipere. Hi cœnam ex tristi hilarem, ex tenui opiparam, ex parum condita conditissimam efficiunt. Et tantum abest, ut nostro damno veniant, ut sumptibus aliquid etiam detrahant, lautitiis addant. Adde commoditatem, atque urbanitatem. Vocati non gravantur, jussi venire præsto sunt, invocati sese non ingerunt, neminem mordent, nemini obtreçant, injussi tacent, jussi loquuntur, ut volumus, quæ volumus, quoad volumus, quantum volumus. Nihil eorum, quæ liberius inter vina solent effutiri, subdium rapiunt: suos animos candide communicant, nostra arcana summa cum fide continent. Quum loquuntur, nihil barbarum, nihil insulsum, nihil ineruditum efferunt. Aliquid narrant, aut quod antiquitate delectet, aut quod novitate placeat, aut elegantia sit politum, aut utilitate commendetur. Hæc tanta bona, quum mihi, ne speranti quidem, contigerint: quid? num tibi videor satis fortunatus? hic tu: Videris, inquebas, omnino, vel ipsa fortuna fortunator, *Henricus*. Verum quis tam propitius Deus, frater, te tanto beavit hospite? Longa est, inquam, ô *Christiane*, injuria, longæ ambages. Vereor autem ut hic solidus ad narrandum dies suppetat, sed tamen accingar rem in pauca conferre. Nosti ne senium quoddam nomine *N*. Tu vero vocabuli inusitata barbarie offensus, quum exclamasses, cujus dæmonis id nomen esset: Desine, inquam, vox hæc tibi parum barbara videatur, si hominis barbariem, omni barbarie barbarioris, vel ex parte cognosceres. Hic quum universam ætatem suam omni scelerum genere strenue exercuisset, ita ut jam nullum neque latronem, neque impostorem metueret, quibus artibus ad id magistratus ascenderat, ut *Parisiis*, Regis sui nomine, proditoris partibus fungeretur, quod huic numero nemo sit admodum idoneus, qui non idem proditor sit maximus, quanquam nullius facinoris ille rudis esset, hanc tamen laudem sibi proprie vindicabat, ut hujus appellationis antonomasiam quandam sibi deberi putaret. Tum tu subhæsitans, Atqui, inque-

1498. quiebas, portentum istud, nescio an viderim. Forti-
natus, inquam, tu *Christiane*, si non visurus es. Nam
ego quamvis Furiam, quam hoc ostentum, malim adspi-
cere: ut autem paucissimis tibi hominis effigiem repræ-
sentem. Quicquid unquam tetrum, horridum, mon-
strosum, distortum, foedum, in omnium hominum
corporibus vidisse meministi, in unum simulacrum
compinge, & habes ipsius senis ipsissimam imaginem.
Neque enim aliquid habet monstri, sed totus ex me-
ris monstribus constat: sicut in *Pandoram* illam poeti-
cam omnium Deorum omnia munera collata fuisse fe-
runt, ita in hunc omnium monstrorum monstra con-
flata compareant. Quem si adspiceres, neque hominem,
neque pecudem, sed ipsam *Erinnym* esse diceres. Et ne
te longius traham, is est semi-Scotus *Erasmus* nostri car-
nifex. Huic quum in mentem venisset vexare literas,
longum narratu fuerit, quibus artibus homo fucatis-
simus simplicem & candidum pellexerit. Tum tu me ve-
niam præfatus, interpellans, At quidnam, inquiebas, sti-
piti isti veniebat in mentem, ut de literis cogitaret?
Quid enim homini, qui non modo consenuisset, ve-
rum etiam in omni vitiorum cœno consenuisset, præ-
terea plumbeis præcordiis, mente jam furiata, cum
literis? Id prorsus, inquam, quod asino cum lyra,
graculo cum fidibus, bovi cum palæstra, camelo
cum histrionica, aut paulo etiam minus. Nam pro-
clivius ego puto, vel è sue philosophum facere, quam
ex illo literatum hominem, qui ne figuram quidem
hominis habet, mentem vero Furiam. Sed stul-
tum est rogare, quid homini furioso in mentem venerit.
Si quid sensit, nihil aliud illi in mentem venisse pu-
to, nisi ut literas divexaret, & literatis hominibus,
quorum ocio monstrum invidentissimum invadebat,
negotium faceretur. O miseras, inquiebas, literas no-
stras, ubi à talibus prodigiis vel nominari cœperint.
Hoc tum, inquam, demum sentires, *Christiane*, si asi-
num illum ad lyram conspexisses. Sedebat homo canus,
rugosus, saliva in hirtam barbam defluente, per su-
percilia sylvestra doctorem oculis illis belluinis adspiciens,
capite tremulo, labris liventibus, dentibus rubigino-
sis, ex spurcissimis illis faucibus tartareum virus ef-
flabat. Et quo magis mireris, in animo sibi esse dice-
bat, sacris initiari. Nonne tibi fabula videtur agi, qua
vulgo cacodæmonem inducunt, qui in morbo mona-
chum se fieri velle fingit? Et *Erasmus* quidem nostro ca-
nis suis, ac lachrymis, quas meretricum more in prom-
ptu habet, fidem fecit, & quidem facile, nimirum ho-
mini simplicissimo, & qui ne esse quidem huiusmodi in
orbe portenta potuerit suspicari. Docuit hominem ali-
quot menses, ignarus se colubrum sinu fovere. At non
possunt perpetuo latere venena. Eruperunt tandem il-
læ Furiae, quas ille pectore claudebat. *Erasmus* tum
demum intelligens, se tantum officiorum ingratis-
simo nebuloni collocasse, repente hominem cum sua men-
te reliquit. Ego, qui multum diuque illius consuetudi-
nem ambieram, visus potissimum dignus, ad quem se-
se reciperet. Miser ille tantum suæ pecuniæ confi-
dit, ut nihil minus metuat, quam ne *Erasmus* revo-
care nequeat. Reliqua familia quanta est, senis moro-
sissimi caput diris devovet, lachrymis reposcunt *Er-
asmus*. Sollicitat *Robertus* vir pecuniosissimus promif-
sis. *Thomas* adolescens generosissimus blanditiis op-
pugnat. Pater materque familias revocant, ancillulæ
domesticæ, puerique, pro se quisque, ut remigret, orant:
adeo tum maximos tum minimos mirabili quadam mo-
rum suavitate sibi devinxerat. Jam filicernium facti
pœnitet, sed pudet hominem fortem & constantem
repente à sua rabie resipiscere. Furit, & vivit: non
suæ modo familiæ, non solum universo mortalium ge-
neri, sed sibi quoque ipsi invisus. *Erasmus*, his rebus
omnibus non magis permovetur, quam si dura *si lex*,
aut *stet Marpesia cautes*, nostræ familiæ sese adscripsit.
Hic tu hominis prodigiosam ingratitudinem admira-
tus, ô miserum, inquiebas, *Erasmus*, qui in illam
Furiam inciderit, & ô pestilentem illum senem, in ex-

1498. tremas *India* solitudines deportandum! At imo, in-
quam, *Christiane*, ego hominis furori maximam habeo
gratiam, qui nisi *Erasmus* extrusisset, ego beatus non
essim. Et ille se hoc modo consolari solet, quod pro-
pitio etiam Deo in illud dæmonium se dicat incidisse,
ut esset à quo patientiam disceret, quemadmodum
Xanthippe olim *Socratem* exercuisse dicitur. Ita nostrum
utrique feliciter evenit hæc comœdia. Quare te de-
cet, *Christiane*, fratri tuo plaudere. Tum tu, Ego ve-
ro, inquiebas, tantam animo gratulationem concipio,
quantam exprimere omnino nequeam. Quod si par
esset affectui dicendi facultas, gratularer tibi, ô fra-
ter, oratione tam magnifica, tam copiosa, ut *Cicero*
ipse nunquam sit usus, neque copiosiore, neque ma-
gnificentiore. Sed balbutiem meam nosti. Quin hinc
recta domum tendimus, *Erasmus* ut salutemus? Re-
cte mones, inquam, equidem nihil prius faciendum
cenleo. Hic dum ego tibi lævum latus claudere co-
nor, tuque vicissim mihi sinistrum prehensitas, in
hoc mutuo urbanitatis certamine somno solutus *Chri-
stianum* meum perdidisti. *Erasmus*, qui mecum com-
muni in lecto cubabat, ubi me commotiorem sensit,
quid habeam, rogat. Narro rem ordine. Ille accito
puero literas rem ordine mandat, ut plane intellige-
res, ne somnia quidem nostra tibi celanda esse. Bene
vale. *Parisis*, Anno 1498.

EPISTOLA XXXIII.

Erasmus Rot. Christiano, qui Opera Augustini scri-
pserat fucatus.

SALVETO quantum voles. Ita me Deus amet, haud
Sexspectaram abs te tantum elegantiae, vel potius e-
loquentiae: nam elegantem futurum facile prospexi.
Quare tuæ literæ voluptati mihi in primis fuerunt.
Proinde te hortor, ut isto cursu pergas, propediem
tui præceptoris simillimus evasurus, sed genus aliquod
dicendi, tanquam signum, tibi proponas, cenleo, ne
varia, sui que dissimilis, nascatur oratio. Id autem ge-
nus potissimum eligendum, ad quod te potissimum
natura composuit: de te conjecturam sumere licet.
Videris ad *Timonis* propius quam ad *Ciceronis* formam
accedere: equidem malim *Ciceronis*. *Atticum* erat præ-
stantissimum. Ab *Asiatico* longe abes. *Rhodum* nihil
est quod peras. *Punicum* referre videris, vel *Allobro-
gicum* potius: quod quidem longe temperatissimum
esse constat, videlicet ex *Arabico* & *Iberico* medio mix-
tum, *Caleno* interim rubetam dissimulante. Verum
inepte hæc te doceo sus, cum tibi *Minerva* sit do-
mi. Verum is, ut est nova quadam humanitate, da-
bit veniam, si meam falcem in ipsius messem misero:
mittam enim sæpius. Non displicet istud discendi ge-
nus, ut ille materiam, tu verba ministres. Idem olim
Crassus factitavit orator haud vulgaris, sed hic ex *Pri-
scis*. Vidi ipse corniculam *Horatianam*, cujus te simi-
lem esse nolim. Eris autem, si præceptoris quam si-
millimus esse studueris. Quod me amas, nihil scribis
novi: sciebam enim antea. De nostro certamine, *Chri-
stiane*, nihil est quod labores: tu tanti es, nisi mihi
Augustinus mentitus est, quod non solet. Bene vale
cum tuo *Dadalo*. *Parisis*, Anno 1498.

EPISTOLA XXXIV.

*Erasmus Roter. R. P. Henrico à Bergis, Episcopo
Cameracensi*, S. D.

CVM hominis conjunctissimi dignum immortalitate
ingenium, quam celebratissimum efficere cuperem,
ornatissime Præsul, id ita demum fore existimavi, si
celeberrimi tui nominis titulus Operi novo velut fax
quædam præluceret: non quod hoc muneris tuæ præ-
stantiæ aut aptum, aut magnopere dignum judica-
sem, verum ut novo Auctori tuis è laudibus nonnihil
tum gratiæ, tum auctoritatis accederet: id quod mihi
abunde videor assequutus. Tanto enim ardore meus *Gui-
lielmus*. Tom. III.

An. *lielmus* ab universis hujus Academiae alumnis legitur, 1498. rapitur, tenetur, ut dictu prope sit incredibile: jam passim in publicis auditoriis, in collegiis *Gulielmi* mei nomen perstrepat. Hoc munere si te nihil offendi sensero, sat pulchre procedo: sin gratiam etiam in eo, plane triumpho. Donamus enim aliena; nihil enim ipsi excudere potuimus, Theologiae studiis occupati: & *Hieronymi* monita sequuti, discimus quod doceamus. Brevi tamen aliquam studiorum nostrorum frugem expecta, quam tuo nomini propriam faciemus. Me morbus prorsus exhaustit, & cutis & oculi laxissimi sunt: illa carne, hi nummis farniendi: tu pro tua consuetudine facito, ac bene vale. *Parisiis*, Anno 1498.

EPISTOLA XXXV.

Erasmus Rot. Jacobo Tutori S. D.

RECTA ad vos migraturus eram, optime *Tutor*, *Lucretia*: nam quo lubentius? Et jam nummularum nonnihil contraxeram, ut sarcinam non fuerim tuis fortunis allaturus: sed cum audirem istic quoque morbum subnasci, horum vela vertere coacti sumus. Parentes tuos optimos, tuique, ut par est, simillimos, *Antwerpia* visimus. In *Hollandia* fere bimestres non sedimus quidem, sed, uti in *Aegypto* canes, assidue cucurrimus ac bibimus. Equidem malim vel apud *Phaacas* vivere. *Gulielmum* nostrum hominem suavem, quum nullis stimulis ad studium posset excitari, sic reliquimus, ut ne nunc quidem illius desiderio teneamur. Tuo certe nomine sic objurgavi, ut me pene inimicus inimicum dimiserit. Si *Epicurus* ipse renatus illud vitae exemplum adspiceret, sibiipsum tetricus *Stoicusque* videretur. A *Dardraco* periculo summo navigavimus pridie sacramenti. In *Ziricze* dum pueri causa, qui febricitari ex navigatione coeperat, complures dies commoramur, ipsi pene in morbum incidimus, nisi quam acyissime à *Zelandia*, id est, ab inferis, evolassimus. Episcopum nostrum salutavimus. Is suo more causas novas comminiscitur, ne quid det. Apud dominam *Venensia* oppidi res hoc erant loco, ut nec colloqui sine summo periculo potuerim, nec abire sine gravi suspitione. Nosti causam Praepositi, qui ut nunc in vinculis est, ita domina in tutela. His ergo spebus liberatus, miserrimum enim puto inaniter pendere, recta ad *Batum* meum contendere. Hoc uno me oblecto. Graecamur hic, sed soli: nam *Batta* nec oculi satis suppetit, & est *Romani* sermonis amantior. Hoc in loco ad mensem unum aut alterum ancoras figere consilium est. Deinde quocunque venti vocabunt, solvemur. Jamdudum expectas, ecqua tandem humanitate R. P. nos amplectatur è proximo. Nihil habeo, mi *Tutor*, quod hinc scribam: nam non *Enripus* ipse tot aestibus reciprocatur, quot hujus animus. Paulo ante quam huc venire, sic ardebat, ut *Ludovicum*, tumultuatorem illum, nostri accersendi gratia in *Hollandiam* emandarit: largitus insuper aureos duos in sumptum viaticum. Ubi vero venissem ipse, sic frigatebat homo, ut monstri simile dicas. Quare de his aestuariis admiratoribus mihi non esse pendendum censeo. Domina forte in viis obvia, dextra porrecta, vultuque perbenigno, veteris in nos animi non obscurum argumentum praebuit, sed sperare vix ausim. Adeo vigilant canes excubitores, qui jam ipsi lupi quoque. Itaque *Erasmus* se jam alit, suisque vestitur plumis. Ut *Gulielmum* meum viserem, imo ut *Gracum* facerem, magna cum librorum sarcina *Harlem* usque profectus sum, haud dum scio, majore ne sumptu, an labore & periculo. Verum omnem hic tum operam, tam impensam lusimus. Perierunt eo itinere coronati duodecim, periit una amicus unus. Nam ejusmodi hominis animum perspexi, ut antea mihi de illo minime verba dedisse videar: sed sapiemus vel puerorum exemplo, verberibus admoniti, & nobis potius quam aliis sapiemus. Habes, mi charissime *Tutor*, omnibus fere de rebus *Erasmii* tui. Ne fas enim putavi, si *Erasmicum* quicquam *Tutor* ignoraret. De *Di-*

ma magnopere confido te tuum officium facere, quare audacter tum tuo tum illius nomine polliceor. Reliquum, ut tu de tuis fortunis omnibus facias me certiore, quid agant *Bredani* fratres, quos equidem arctissimo freno continendos esse censeo, ne quid in studiis nimis. Quid de *Augustino* nostro novi, de quo nihil adhuc quivi cognoscere: praeterea *Benferadum* meus, quid agat. Breviter de omnibus rebus quaeque ad me, quaeque ad te pertinebunt, scribito diligenter. *Battus* meus sic te amat, ut ne meipsum quidem ardentius. Hoc, mi *Tutor*, cave putes *ψαδολογον*, nihil est omnino verius. De *Italia* hoc autumno petenda cogito, vel somnio potius, nihil enim usquam affulget spei. Audio *Hieronymum*, *Besentini* Praefuli fratrem, eo proficisci destinasse: hominem ipsum studiosos in precio habere, ne de meo quidem ingenio pessime sentire: quod nisi mihi istic mens omnino laeva fuisset, aliqua certe rima in hominis familiaritatem irrepsisset. Bene vale. *Parisiis*, Anno 1498.

EPISTOLA XXXVI.

Erasmus Rot. Batto suo S. D.

Quo die has scribebam literas, *Anreliacum* eram profecturi. Nunquam abest aliquis malus genius, qui nostra studia interturbet. Ad te quidem magis inclinabat animus, tum quod isthic patriae futurus eram vicinior, tum quod occasio videbatur oblata, qua tua studia nonnihil possem vel adjuvare, vel certe excitare. Verum ex adverso in mentem veniebant multa, vix isthic patere locum idoneum: nam eum, quem apud *Petrum* ostendebas, probo quidem, ceterum est ea in re scrupulus quem scis: non quod meae vel continentiae, vel famae metuum, sed ne quid inde ad *Petrum* amicum suspiciosi rumoris redeat. Odit enim (ut scis) vulgus, maximoque aulicorum, literarum professores: & libentissime de nobis ejusmodi loquitur, cujusmodi ipsi facit. Tum fore reputabam fortassis, qui mirarentur me totiens isthuc recurrere. Postremo occurrebat & frigus tuum propterea quod meminissem te, ut isthuc confugerem, frigidius ac pene timide monuisse. Et haud scio an etiam delectent jam literae. Quandoquidem in novum amoris genus incidisti, in quo blandimenta desiderium foveant, nec copia tamen ut in ceteris fastidium adducat. Scis quid dicam. Jam non adeo me clam est, quod in *Gulielmum* factus es propensior, totoque animo de illo ornando cogitas. Id quod adeo non invideo, ut etiam debere me hoc nomine tibi fatear. Verum me, cujus salutis fundamenta jeceris, nunc destituere, quid aliud est, quam filios velle gignere, & susceptos exponere? Domina *Gulielmum* magnifice viatico instruxit, me vacuum remisit, cum ille in patriam rediret, ego à patria recederem: Ille ad computationes properaret, ego ad libros. Respondebis, dominam sat esse beatam, quae utrisque benefaciat. Sed tu non ignoras aulicorum ingenia, scis muliebrium mentium auras, praefertim, sed taceo. Utunque est, si ego promissis fraudor, gaudeo si in *Gulielmum* meum transferuntur. Sin falso haec suspicor, quod quidem pervelim, & tu *Battu* es qui soles, fac ut domina, quae promissit, confirmet, praeterea sacerdotium largiatur: id tibi donatum puta, non mihi. Sic enim fuerit inventa ratio, qua sacerdotium possideas non sacerdos. Haec quam ob rem tantopere cupiam, dicam. Gestio quamprimum *Franciam* relinquere. Gestio apud meos vivere. Id video fore & ad famam utilius, & ad valetudinem tuendam conducibilis. Nunc enim nostrates, qui isthic sunt, credunt me libertatis gratia libenter abesse: qui hic sunt, suspicantur me à meis non desiderari, & tanquam ejectum hic vivere. Postremo, si nulla sit alia, haec est causa gravissima, ut te, ut *Gulielmum* meum sepicule videam. De libro excuso sic habeto, hic jam divendi non posse, propterea quod ab interpretatione de-

An. destitit *Augustinus*, & passim ob pestilentiam fugitur: 1498. & tamen nisi quamprimum divenditur, non invenero operi meo de literis, quod nunc prae manibus habeo, formulatorem. Quare facito hac in re, mi *Batte*, omni conatu, omnibus nervis, omni ingenio annitere. Scripsi domino Praeposito paulo accuratius, misique codicem *Adagiorum* meorum, misi & odas *Gulielmi*, misi & nugas meas olim excusas de casa natalitia. *Judocum* ubi redisse sensero, tum & illi scribam & Abbati. Reperi enim argumentum utrique idoneum. Misimus in *Angliam* juvenem cum libris aliquot distrahendis: eum miramur nondum ad te pervenisse, tum cum isthinc medicus discederet. Isubi ex *Anglia* redierit, quoniam certissimus est, & nos haud dubie *Aureliacum* consequetur, per eum diligenter omni de re ac spe nostra perscribas. Ego ut quicque in libris absolvero, statim ad te transmittam, ut si quis me casus interceperit, tu ingenii nostri monumenta emori non sinas. Doctoris titulum accipiam, si quid aut *Monjois* mittit, aut domina: sin minus, spem ejus honoris abjiciam, & quacunque etiam conditione redibo ad vos. Jam pridem sum *Francia* satur. Bene vale, optime *Batte*.

Nos, ut quimus, valemus, non ut volumus. Misi ad te carmen in *Delium*, sed extemporale, neque lectu dignum, nisi forte semel & cursim. Puta hoc de unedonum esse genere, semel edisse plus fuerit satis. *Adolpho* tuo *Adagiorum* codicem unum misi: eum si videro literis delectari, posthac propria quaedam dicabo. Verum *Grace* te scire, mi *Batte*, percipio, tum quod sine his literas *Latinas* mancas esse video, tum ut convictus noster sit jucundior, si omnino iisdem studiis delectabimur. *Adolpho* quoque tuo prima elementa monstra. Mitte, inquires. Veneunt hic, & quidem paulo. Sed respondeo breviter, mihi ne semiobolum quidem esse. Caetera tute divinabis, quam ego servitutem serviam, & animum meum non ignoras, quam sit servitutis impatiens. Verum ego exitum omnium rerum harum cuiusmodi sit futurus exspecto, bene tamen confido. Porro cui nos filiae causa studebamus, absolutum esse gaudeo. Vale iterum atque iterum, imo semel vale, *Batte* suavissime, & bene vale. *Parisis*, An. 1498.

EPISTOLA XXXVII.

Erasmus Jacobo Batto S. D.

ITa ne tu revixisti, ut me contumeliosa epistola occideres? Jam nunciatus eras, lecto affixus esse, jam *Empirici* secturi ferrum exspectare. Nos luctuosi ac tristes epitaphium meditabamur. Et tu, si Diis placet, subito exortus, ad invektivam me provocas. Quanquam longe malim, mi *Batte*, vel acerrimis invektivis bellum tecum gerere, quam epitaphii scribendi officio, pium etiam amicum agere. Agedum, accingamur igitur quando tu prior ad arma provocas. O perditam audaciam! Audes virum tam magnifice nummatum, tressis homuncio contumeliis laceessere? Quod si opes meas contempsisti, num vel calamum *Erasmi* metuebas? Scis quibus machinis soleant bellare Poetae, quas si iratus in te torsero, actum de te fuerit, frustra te fossae istae, isti aggeres, ista moenia quantumvis munita cinxerint. Sed haecenus praeluserint velites. Tu nisi pacem ultro petes, iusta tecum acie decernam. Verum extra jocum, gaudeo oppido quam ex animo, mi *Batte*, tibi ridendi ocium non deesse. Nam mendax illa *Adriani* epistola me misere exanimarat, ita ut mecum deliberarem, num isthuc recurrendum esset. Quod de sarcina elapsa scripsi, utinam ejusmodi sit, ut joco scriptum fuerit. Quorsum tendam, te sentire scribis. Id ego tibi verbo expediam. Pergam, non quo cursum institueram, sed quo me tempestas agit transversum, nisi tu novas suppetias miseris. Haec ne utquam joco dicta, mi *Batte*, re ipsa propediem experieris. Quanquam nos quidem probos naucleros imitabimur, & arte cum tempestate pugnabimus. Et vel iratis ventis, si recto cursu depellemur, velis tamen utemur: & si cum

A portum, quem maxime petimus, contingere non licebit, certe in quodvis littus ejiciemur. Haecenus mi- 1498. grando & remigrando sumus tumultuati, ac vixdum etiam confedimus. Omnia mea contraho per diligentem, tu fac asellum nostrum quam primum huc clitellatum extrudas, eum tibi chartacea sarcina oneratum remittam. Tu praeter vestes meas, de quibus scripsi, epistolas quoque tum meas, tum *Gulielmi* mittito. *Campanus* hic venalis esse desiit, & nimio dum esset emebatur. Tamen & hunc & *Sulpitium* mittam. Sed asinum nostrum exspecto, neque enim ignoto jumento tantas merces commiseri. *Natalis* Theologus diligenter me tuis verbis salutavit, ex quo dominam *Veriensensem* iter B *Romam* una cum sorore instituisse cognovi, me sibi comitem velle ostendit. Quod ex arce brevi sis evoluturus *Lovanium*, gratularer tibi, nisi te tam insolentem nova libertas redderet. Tam ferox es factus, cui diutina servitute afflicto vix tenuis quaedam libertatis spes affulserit. Quid tandem futurum est, ubi *Lovanii* cum tua pompa regnabis? Fac me diligenter toto de animo tuo certior: & quid in te nostris de rebus fatalis spei resederit. Nam sub discessum meum nihil dextre mihi visus es consuluisse. Quibus jubes scribam per *Natalem*. Comes, qua est comitate, te resalutat plurimum. Medici puer nunquam concedam, ut me tam vestigarit, quam fuerit a nobis vestigatus. Jam ne C nominibus aulicis bonam epistolae partem occupem, quos par est, & (ita ut quicque par est) torquatos istos meo nomine salutabis. *Adolphum* alumnum tuum feliciter agere precor. Vale. *Parisis*, An. 1498.

EPISTOLA XXXVIII.

Erasmus Roberto Piscatori.

VIDE quam sit avidum & querulum foeminarum genus. Nudiustertius puer meus ab hospite nostra veteri plurimum retulit querelarum. De nostrum utroque nescio quid maritus murmurabat. Mater ne *Normanna* plane non esset, querebatur se pro laboribus, quos mea causa cepisset, nihil gratiae recepisse. Filia te permaligne solvisse ajebat, & praestinae tuae consuetudinis oblitum fuisse. Ego decuplo beneficium emo: redimo enim cumulatissima mercede officium, & nihilo minus beneficium debeo. Hos mulierum mores cum mecum reputo, tum gaudeo me in hoc vitae genus incidisse: si casu, feliciter: si judicio, sapienter. Habes jejunam epistolam, argumentum mihi jejuna illa mulier ministravit. Tu si bona valetudine fueris, gaudeamus: nos optamus quidem, imo jam speramus: coepit enim morbus paulatim remitti. *Parisis*, An. 1498.

EPISTOLA XXXIX.

Erasmus Roterodamus Augustino suo S. D.

DE meo in te animo ex literis, quas isthic reliqui, potes cognoscere. A bimestri pene peregrinatione, vix demum apud *Batum* nostrum confedimus. Crebri huc rumores adferuntur, pestem isthic populari omnia. Quod si tu è re tua ducis esse, ut huc commigres: quod scripsi, id ipsa re comperies. Cave suspiceris meam isthinc migrationem ulla cum malevolentia, dolove, fuisse conjunctam. Emoriar, si antehac unquam perinde nolens reliqui *Lutetiam*: sed crebra me funera territabant. Quod si propter veteres offensas, nonnulla animum tuum habet suspicio, nostri periculum facito: intelligas faxo, sic te à nobis amari, ut antehac friguisset videamur. Toto itinere nihil usquam de tuo reditu potuimus cognoscere, id quod partim dolebam, partim etiam mirabar. Tandem *Antonius* quidam narrabat audisse se quendam, qui te *Luteci* à se visum conventumque affirmaret vel hoc argumento, quod *Laurentianas* elegantias, à me quondam concinnatas in compendium, tibi tradidisset. Nec ad hunc usque diem, vel certus, vel incertus huc rumor allatus est, te *Lutetiam* revertisse. Eoque scripsimus

An. tum brevius, tum neglectius, ne majoris operæ aleam
tentaremus. Tu si jam reversus es, saltem de toto
tuo itinere, reliquisque fortunis, epistolam quam longis-
simam texito. *Rudolpho* tuo multis de causis quam
commendatissimus esse cupio; *Nicolaum*, reliquosque
discipulos tuos, optime de me meritos, meis verbis
salvere jubebis. Tu cura ut valeas. Huc si advolas,
quanquam hoc vix audeo sperare, nihil polliceor ver-
bis, re faciam, quæcunque digna sunt gratissimo ho-
mine, atque amantissimo. Apud sanctum *Bertinum*,
Anno 1498.

EPISTOLA XL.

Erasmus Rot. Nicolao Benferado S. D.

FREQUENTES huc, certissimique rumores quoti-
die adferuntur, pestilentiam istic majorem in mo-
dum debacchari, nihilque reliqui facere. Quare quod
metuebam, ne tu jam aliquo profugisses, non putavi
vel pluribus scribendum, vel plura mittenda, ne sci-
licet multum periret operæ, si tu absuisses. Rerum
autem modo summa attingam capita. Hic primus da-
tus est *B.* per quem scriberemus. *Euripidem* & *Isocra-
tem* ad te mittimus, parantur alia, quæ posthac ad te
ibunt: de *Milaniana* defensione dabimus operam, ut
tuæ satisfiat voluntati, simulatque orationem & libros
ad id necessarios erimus nacti. Si quid istic rerum est
natum, quod me scire judicabis oportere, fac ut sciam.
Augustino, si jam reversus est, has, quas tuis conjun-
xi, reddes. Nugas meas, quas apud te deposui, tibi
etiam atque etiam commendo. De nostra conjunctio-
ne si quid exeogitasti, habebis me ad istud facillimum.
Intelligis, opinor, quid dicam: id quantopere cupiam,
humanissime *Nicolae*, vix tibi persuasero. Sed ut spe-
rare vix audeo, ita suadere nequaquam. Illud me oru-
giat, animum istum tuum tam niveum, tam philo-
sophicum, nunc vix denique mihi perspectum esse:
de quo tamen nos nunquam non optime & sensimus,
& prædicavimus, tamen nescio quo modo id accidit,
vel nostra utriusque modestia pene nimia, vel aliorum
opera, ut intimam familiaritatem *Benferadi* non sim
mihi ausus polliceri: & quam esse soleo in colendis
amicis pertinax, tam sum in adsciscendis verecundus.
Si quid novæ *Græcivitatis* istuc advectum est, onera
& hunc hominem sarcina, & me beneficio. Neque
metuas, *Nicolae*, ne tuis in me meritis parum respon-
deam: crede mihi, non defatigabor, neque conquie-
scam, donec pro viribus æs omne dissolvero. Quum
æ. dico, non eos modo nummulos dico, quos mutui
nomine abs te accepi, nullo enim leviori nomine me
tibi puto adstrictum; sed multo magis tuum istum in
me animum, summaque officia, quorum apud me nun-
quam est intermoritura memoria. Hæc, mi *B.* boni
consules in præsentia, ubi certum cognovero te istic
agere, curabo ut subinde aliquod studiorum meorum
monumentum ad te proficiscatur. Epistolam, ad *Jaco-
bum Tuscanum* scriptam, velim per certum hominem
cures *Aureliam* perforendam. Bene vale. *Tornaco*, An-
no 1498.

EPISTOLA XLI.

Erasmus Roterd. Joanni Coletto S. D.

Si quid omnino in meipso agnoscerem, *Colette* huma-
nissime, vel mediocri laude dignum, lætarer pro-
fecto cum *Hectore* illo *Naviano* laudari abs te viro o-
mnium facile laudatissimo: cujus ego judicio tantum
tribuo, ut longe mihi sit jucundior tacita tua unius
existimatio, quam si vel universum forum *Romanum*
& acclamet, & applaudat, aut tanta me miretur im-
peritorum multitudo, quantum *Xerxis* exercitum fuisse
ferunt. Ut enim *Horatianum* sequens institutum,
ventosæ suffragia plebis nunquam sum aucupatus, quippe
quæ pari temeritate & probat, & reprehendit: ita
a probatissimis viris laudari, pulcherrimum semper

A existimavi, qui nec falso quenkum pro sua simplicitate
te velint laudare, nec possint pro sua prudentia falli, An.
quorum neque doctrina suspensionem erroris, nec vita
affertationis recipit. Verum tuæ laudes, mi *Colette*,
tantum abest ut mihi cristas erexerint, ut homo natu-
ra putidulus, vehementius etiam mihi displicuerim.
Videor enim admoneri, qualem me esse conveniat,
quum ea de me prædicantur, quæ in aliis veneror,
in me desidero. Novi, novi ipse optime, quæ me par-
te calceus stringat. Neque tamen eorum, qui me tibi
tam amanter commendarunt, aut officium, aut hu-
manitatem reprehendo, neque tuam in recipienda
commendatione facilitatem vitupero. Siquidem ut hu-
mani est hominis, de ignotis benigne sentire: ita fe-
stivi ac facili, amicis libenter credere. Nam quod
ex meis ipsius scriptis me laudas, id tale esse puto,
ut aut urbana laudatimoula nos ad virtutem excitare
volueris, aut incredibili quadam modestia tua fieret,
ut aliena tibi nimis placerent, tua nimium displice-
rent. Quare animum quidem in me tuum tam prom-
ptum, tam propensum, tam candidum amplector, ut
debeo, libenter, veneror, exosculor: judicium amo
ut amicum, non probo ut verum: non quod te judi-
cem aut parum idoneum existimem, quum sis pru-
dentia vir singulari, aut fictum, quum animi tui sim-
plicitatem non ignorem: sed quod partim amore la-
psum, commendatoribus meis nimium credideris, par-
tim candore miro quodam, atque modestia, alienis
laudibus nimium benigne faveris. Qui tamen error
tuus, mi *Colette*, hoc mihi debet esse jucundior, quod
ab eo sit animo profectus, qui me semper unice dele-
ctavit, humano, facili, candido, ab omni invidentiæ
labe alienissimo. Malo itaque te de nobis amanter er-
rare, quam integrum nihil falli. Verum ne merces
ignotas falsa laudatione tibi obtrusas fuisse, postea
queraris: & ut deligas, prius quam diligas, en me-
ipsum tibi describam, tanto quidem melius, quanto
sum ipse mihi quam aliis notior. Habebis hominem
tenui, imo nulla fortuna, ab ambitione alienum, ad
amandum propensissimum, literarum tenuiter sane pe-
ritum, sed tamen admiratorem flagrantissimum, qui
probitatem alienam religiose veneretur, suam habeat
nullam: qui doctrina facile omnibus cedat, fide ne-
mini: simplicem, apertum, liberum, simulandi ac
dissimulandi juxta ignarum; animo pusillo, sed inte-
gro, sermonis parci: eum denique, a quo præter ani-
mum nihil exspectes. Hujusmodi hominem si tu, *Co-
lette*, potes amare, si tua familiaritate dignum judicas,
ita *Erasmum* in tuo ære numerato, ut nihil æque tuum
existimes. *Anglia* vero tua mihi cum multis nomi-
nibus, tum hoc præcipue nomine jucundissima est,
quod iis rebus abundat, præter quas nihil mihi solet
esse jucundum, hominibus bonarum literarum scien-
tissimis, inter quos (nemine reclamante) facile te
principem numero: qui quidem ea sis doctrina, ut nul-
la morum probitate commendatus, tamen admirandus
omnibus esse debeas, ea vitæ sanctimonia, ut citra
doctrinæ commendationem, nemini tamen non cha-
rus, colendus, venerandus haberi possis. Quid ego
nunc dicam, vir optime, quantum me affecerit, dele-
ctaritque, stilus ille tuus, placidus, sedatus, inaffecta-
tus, tonis limpidissimi in morem è ditissimo pectore
scatens, æqualis, sui undique similis, apertus, sim-
plex, modestiæ plenus, nihil usquam habens scabri,
contorti, conturbati? ut mihi plane visus sim animi
tui simulachrum quoddam tuis in literis agnovisse?
Loqueris quæ vis, vis quæ loqueris. Verba in pecto-
re nata, non faucibus, sententiam sponte sequuntur,
non illa voces sequitur. Denique felici quadam faci-
litate, ea sine cura effundis, quæ vix alius summo
studio possit exprimere. Sed temperabo à laudibus
tuis apud te duntaxat, ne recentem tuam in me be-
nevolentiam offendam. Scio quam nolint laudari ii,
qui soli laudem merentur omnium. Bene vale. *Oxo-
nia*, Anno 1498.

EPI.

EPISTOLA XLII.

*Erasmus Rot. Guilielmo Montjoio, Comiti generoso,
S. D.*

Si tu, tuaque generosissima conjunx, socer humanissimus, reliquaque familia, valeas, est cur maxime opere gaudeamus. Nos hic quidem valemus perbellis, & indies bellius. Dici non potest, quam mihi dulcescat *Anglia* tua, idque partim consuetudine, quae omnia dura lenire solet: partim *Coleti*, *Charuacique* Prioris humanitate, quorum moribus nihil fingi potest suavius, mellitius, amabilius, cum his duobus amicis ego vel in extrema *Scythia* vivere non recusem. Id quod scripsit *Horatius*, & vulgus interdum videre verum, res ipsa me docuit; ejus hoc tritum nosti, quarum rerum durissimi soleant esse aditus, eas feliciter evenire. Quid nostro illo ingressu fuit, ut ita dicam, inauspicatus? at nunc secundiora indies omnia. Evomui tedium omne, quo me quondam nauseantem videbas. Quod reliquum est, te oro, meum decus, ut quando tum quum meus me animus deficeret, tuo sustinuisi: nunc quum meus mihi non deest, tuus ne destituat. Quod ad diem praefinitum non veneris, expostulare tecum nec libet, nec jure me posse puto. Quid te retardarit, equidem nescio: hoc unum scio, quicquid fuit, legitimum quiddam, & justum fuisse, quare venire non potueris, nam voluisse nihil dubito. Neque enim ullam video causam, cur istud fingere volueris. Et ea est generosissimae mentis tuae ingenua simplicitas, ut maxima etiam de causa mentiri nec scias si velis, nec velis si scias. Non est meum te vel hortari, vel dehortari, imo dehortari potius. Quod tuae te res hortantur, id sequere. Nos ita te desideramus, ut interim te tuis commodis inservire velimus. Si brevi venturus es, gaudemus: sin qua res te retinet, modo incommodi nihil sit, ut hactenus fecimus, aequo te animo expectabimus. Pecunias meas, annulo tuo diligenter obsignatas, mitte. Priori jam sum multis nominibus oboratus, ministrat ille quidem tum benigne, tum prompte. Verum quando ille humanissimi hominis officio functus est, par est nos invicem gratorum hominum munere fungi, & quam ille libenter dedit, tam nos libenter reddere. Ut rara suppellectile, ita bonis amicis parcius utendum esse censeo. Si quid isthic novatum est, facito me per literas certior. Bene vale. *Oxonia*, Anno 1498.

EPISTOLA XLIII.

Erasmus Rot. Guilielmo Montjoio S. D.

Quod locupletionem quandam, absolutionemque, de conscribendis epistolis rationem à nobis efflagitasti, *Guilielme* adolescens ornatissime, pudenter tu quidem pro tua modestia, sed tamen ut facile intelligerem quantopere ejus rei studio arderes: tum animus iste tuus nos haud mediocriter delectavit, tum judicium etiam non vehementer probare non potui; nam & agnosco in te perlibenter, quod repente tot privatis publicisque negotiis implicitus, tum novis nuptiis, ut par est, occupatissimus, veterem tamen illum tuum erga bonas literas amorem non mutaveris. Sive ut his de rebus conscriberemus, tua ipsius interesse putabas, videlicet ut veterum Principum exemplo, si quod vel absolutis negotiis, aut etiam inter ipsa contigisset otii, id totum non nugis, quod vulgo faciunt, sed honestis studiis impartires: sive hoc nostro labore, qui tibi totus defudat, *Angliae* tuae studia pro tua virili juvares, in qua videres *Latinae* literas indies magis magisque efflorescere. Mentem istam tuam, mi *Guilielme*, & te dignam, & omnibus bonarum literarum studio, cum voluptati, tum praesidio futuram, & laudo, ut debeo, & agnosco, ut dixi, libenter. Nec minus judicio tuo, prudenti sane & acri, gratulor, qui utrumque recte perspexeris: & nondum antehac ex multis,

A qui de scribendis epistolis praeceperunt, huic tantae rei fuisse satisfactum: & nullam esse ex omni studiorum genere partem hac una, vel quae latius pateat, vel quae tantundem habeat aut usus, aut voluptatis: quo magis sunt reprehendendi, qui de re tam ubere, tanque necessaria, tam jejune indiligerenterque, ut ne dicam inertidite, conscripserunt. Ut enim interim de his taceam libellis, qui jam diu in ludis literariis soliti circumferri nuper politiore literatura reflorescente, tanquam nebulae, sole emergente, propemodum evanuerunt: quo tandem consilio legitur a pueris *Franciscum Niger*, cujus non modo praeceptiones triviales sunt, neque ex intimis (ut oportebat) rhetorum fontibus petita, sed nulla etiam exstat epistola, non dicam elegans & venusta, sed ne *Latina* quidem. Tum illud, quod *Marii Philolphi* nomine circumfertur opus, confusaneum mihi plane perturbatumque videtur: & si dicendum liberius est, parum tum eruditum, tum ad id, quod promittit, accommodatum. Nam praeterquam quod synonyma habet nimium puerilia, dicendi genera in singulis epistolarum generibus, ferendum erat quod odiose inculcat, ni id & imperite faceret, qui eam gravissimam epistolam judicaret, quae verbosissima esset, & quam maxime alieno repetita principio. Tum in ipso operis limine, quorsum attinuit rhetorices praecepta toties perscripta repetere? An ut rejectis *Ciceronis* & *Fabii* libris, hujus nugae pueri legerent? Nec *Sulpitii Perotique* doctrinam contemno, quibus in eis libris, quos Grammaticos ipsi vocant, haud Rhetoricos, facultatis hujus degustamenta quaedam praebere, consilium erat, &c. Bene vale. Anno 1498.

EPISTOLA XLIV.

D. Erasmus Roterodamus Joanni Sixtino S. D.

Quam vellem nuper, ut expectaram, ita nostro illi convivio interfuisses: vero, inquam, convivio, non symposio. Mihi quidem omnino nullum unquam fuit suavius, lautius, mellitius. Deerat nihil. Belli, ut inquit ille, homunculi, tempus lectum, locus lectus, apparatus non neglectus. Iis lautitiis, ut vel *Epicurum* ipsam, his sermonibus conditum erat, ut vel *Pythagoram* delectare potuerit. Homunculi non belli solum, verumetiam bellissimi, & ejusmodi, qui Acaemiam possent facere; non modo convivium. Quinam, inquires? Accipe, quo magis te doleas abfuisse. Primum *Richardus* Prior, ille Charitum antistes: tum Theologus is, qui eodem die *Latinam* habuerat concionem, vir tum modestus, tum eruditus: deinde *Philippus* ille tuus, homo lepidissimae festivitatis. Praesidebat *Coletus*, veteris illius Theologiae vindex atque assertor. Accumbebat dextro Prior, homo (ita me Deus amet) non minus mirabili mixtura, ex omnium literarum generibus omnibus, quam ex summa humanitate, summaque item integritate conflatus. Ad laevam recentior ille Theologus, cui nos quidem laevum latus clausimus, ne Poeta convivio deesset. Ex adverso *Philippus*, ne non adesset Jurisperitus. Accumbit deinceps mixtum & sine nomine vulgus. His ordinibus ita digestis, statim bellum oritur inter pocula, non tamen ex poculis, neque poculentum. Cum variis de rebus parum conveniebat, tum de hac, pugna erat acerrima. Dicebat *Coletus*, *Caym* ea primum culpa Deum offendisse, quod tanquam conditoris benignitate diffusus, suaeque nimium confusus industria, terram primus profciderit, quum *Abel* sponte nascentibus contentus, oves paverit. Contra, nos pro se quisque niti, Theologus ille syllogismis, ego rhetoriis. Ne *Hercules* quidem contra duos, ajunt *Graci*. At ille unus vincebat omnes, visus est sacro quodam furore debacchari, ac nescio quid homine sublimius augustiusque praefere. Aliud sonabat vox, aliud tuebantur oculi, alius vultus, alius adpectus, majorque videri, afflatus est numine quando. Tandem cum & longius processisset disputatio, & esset quam ut convivio conveniret, gravior atque severior: Tum ego

An. meis, hoc est, Poetae partibus functurus, ut & eam
1498. contentionem discuterem, & festivore fabella pran-
dium exhilararem. Res, inquam, perantiqua est, &
ex vetustissimis auctoribus repetenda, de qua quid ipse in
litteris repererim, exponam, si prius detis fidem vos, id
quod sum narraturus, pro fabula non habituros. Ubi
promississent: Incidimus, inquam, olim in vetustissimum
codicem, cuius & titulum & auctorem atas aboleverat,
tineaque, bonis litteris semper infesta, deroferant. In eo
unica tantum pagina, nec erat carie viciata, nec a ti-
neis aut foricibus arrosa, Musis, credo, quae sua sunt tuta-
tibus. In ea hac ipsa de re, de qua decernitis, legere me-
mini, aut veram, aut si vera non est, certe verisimi-
lissimam narrationem. Quam, si vultis, recensebo. Jubenti-
bus illis: Erat, inquam, Caym ille, homo quemadmo-
dum industrius, ita famelicus & avidus. Is a paren-
tibus persepe audierat, in viridario illo, unde fuissent de-
pulsi, segetes sua sponte provenire latissimas, spicis am-
plissimis, granis pregrandibus, culmis adeo proceris, ut
alium nostratam aequarent. Eis nec lolium, nec spinam
nullam, aut carduum internasci. Hac quum ille probe me-
minisset, videretque eam tellurem, quam tum vexabat
aratro, vix malignam minutamque frugem producere,
dolum addidit industria. Angelum illum paradisi custo-
dem adiit, eumque veteratoris technis adortus, magnis
promissis corrupit, ut sibi ex felicioribus illis segetibus,
vel paucula grana clam largiretur. Dicebat, Deum jam
olim huius rei securum ac negligentem esse; tum si maxi-
me resisset, facile impune futurum, cum res esset nul-
lius momenti, modo de pomis illis nihil attingeretur, de
quibus solis fuerat interminatus Deus. Eja, inquit, ne
janitor sis nimium diligens. Quid si ingrata etiam est illi
nimia tua sedulitas? quid si falli etiam cupit? magis-
que illum hominum callida industria, quam iners ocium,
delectabit? An vero tu tibi isto munere magnopere pla-
ces? Ex Angelo carnificem te fecit, ut miseros nos &
perditos crudelis arceres a patria, te foribus cum rom-
phaea alligavit, cui muneri nos canes nuper cepimus ad-
dicere. Nos quidem sumus miserrimi, at tu mihi vi-
dere conditione non paulo afflictiore. Nos quidem pa-
radiso caremus, quia pomum nimium dulce gustavimus;
Tu ut inde nos arceas, pariter & caelo cares & paradiso:
hoc miserior, quod nobis quidem huc atque illuc,
quo fert animi libido, vagari liberum est. Habet &
hac nostra regio, si nescis, quibus exsilium nostrum con-
solemur, nemora comis virentibus, mille arborum gene-
ra, & quibus vixdum invenimus vocabula, fonticulos
passim ex clivis, ex rupibus scaturientes: flumina limpi-
dissimis aquis, ripas herbidas lambentia, montes aërios,
valles opacas, ditissima maria. Nec dubito, quin in in-
timis illis suis visceribus claudat tellus aliquid bonarum
mercium: quas ut eruam, scrutabor omnes ejus venas:
aut si mihi defuerit atas, nepotes certe mei facient. Sunt
& hic aurea mala, sunt fici pinguisissimi, sunt frugum
omnijuga genera. Multa adeo passim sponte nascuntur,
ut paradysum istam non magnopere desideremus, si liceat
hic aeternum vivere. Infestamur morbis, & huic rei in-
veniet remedium humana industria. Video herbas mi-
rum quiddam spirantes. Quid si & his inveniatur ali-
qua, quae vitam faciat immortalem? Nam scientia ista
non video quid ad rem pertineat. Quid mihi cum his,
quae nihil ad me attinent? Quanquam in hac parte non
cessabo, quando nihil est, quod non expugnet pertinax in-
dustria. Ita nos pro uno hortulo mundum latissimum ac-
cepimus, tu utrinque exclusus, neque paradiso fruëris,
neque caelo, ne terra quidem, perpetuo his affixus fori-
bus, romphaeam semper versans, quid nisi ut cum vento
pugnes? Eja age, si sapias, tibi simul & nobis consule. Da
quod sine tuo detrimento largiri potes, & accipe nostra
vicissim, quae tibi facimus communia. Miser fave mi-
seris, exclusus exclusis, damnatis damnatior. Persuasit
pessimam causam vir pessimus, orator optimus. Pauca
grana furtim accepta diligenter obruit, enata sunt non
sine fenore, id fœnue rursum terra gremio commissum,
iterum atque iterum, aliud atque aliud. Nec sapius a-

stas recurrit, cum ille jam ingentem spaciosumque agro-
rum tractum hac semente occuparat. Quae res ubi evi-
dentior esse cepisset, quam ut superos latere posset, vehe-
menter iratus Dem: Quantum intelligo, inquit, juvat
hunc furem labor & sudor. Eum ego illi magnifice cum-
mulabo. Simulque cum dicto confertissimum undique
agmen immittit in segetem, formicarum, gurgulionum,
busonum, erucarum, murium, locustarum, scropba-
rum, avium, aliarumque id genus pestium, quae sege-
tem partim adhuc humo conditam, partim herbescen-
tem, partim jam flavam, partim horreo compositam de-
pascerentur. Accessit ingens caelo calamitas grandinis,
& venti vis tanta, ut quernis roboribus aequales culmi
illi, stipula arida in morem, defringerentur. Angelus
ille custos mutatus, atque, quod hominibus faveret, hu-
mano corpori inclusus. Caym, quum Deum incensis fra-
gibus placare studeret, nec fumus subuolaret, certam
illius iram intelligens, desperat. Habes fabulam, Sixsi-
ne, inter pocula dictam, atque inibi inter pocula na-
tam, atque adeo ex ipsis si libet poculis, quam volui
ad te perscribere: primum, ne nihil scriberem, quum
meas esse partes agnoscerem ut scriberem, quippe qui
tuas litteras posterior acceperissem, deinde ne tu ejus
convivii tam lauti prorsus expers esses. Bene vale. O-
xonio, Anno 1498.

EPISTOLA XLV.

Erasmus Gaguino.

CEREALES & Anabasis qui sint apud Hieronymum
in Rufinum, non satis intelligo. De Cerealibus
somnia, nescio quid. Utroque verbo vestigatores quo-
quo versus dimissi, significari videntur, tu me doceas
velim. Dialectica Laurentii jampridem desidero: quae
si tibi sint, obsecro commodes: sin minus, commoni-
stres à quo mihi sint petenda. Bene vale. Anno 1498.

EPISTOLA XLVI.

Gaguinus Erasmo.

NEC Cerealiū, nec Anabasis permitit me a-
cerbissimus morbus meminisse, tam sum doloris im-
patiens. Dialecticen tibi demitto, quam remitti aliquan-
do provideas cum oratiunculis, quas à me habes. Vale
melius Roberto tuo. An. 1498.

EPISTOLA XLVII.

Erasmus Roserod. Thoma Grejo S. D.

SI quid unquam tibi gratum aut feci, aut volui,
Squæso, ut hoc mihi gratiae referre non graveris.
Huic juveni, quas ad te litteras scripsi, tradito, ubi
meis vehementer efflagitantibus copiam fecero, remit-
tam. Bene vale. Anno 1498.

EPISTOLA XLVIII.

Erasmus amico cuidam.

PER tuam humanitatem, N. jucundissime, obsecro
ut mihi ignoscas, quod neque multa, neque digna
te, tibi scripserim. Crede mihi, voluntas ardentissi-
ma erat, sed in luctu jocosa scribere, perdifficile est.
Nondum me collegi, nondum ad me redii, conor ta-
men, Musis adjutricibus, aliquid te dignum tibi dedi-
care. Verum ne me interim tantillum laboris tua cau-
sa defugisse putares, imperavi, ut potui, animo meo,
ac Dionysiolam nostram sum imitatus: quae nonnun-
quam, ut scis, cum lachrymis canit ac saltat. Ubi in
antiquum animum rediero, nihil à me frustra petes,
quod quidem praestare queam. Te pro nostra necessi-
tudine hortor, ut toto animo litteris incumbas, nihil
dubitans, quin bonam partem sis assecuturus. Quas
si amabis, me odisse non poteris. Hortor igitur te,
non solum tuacausa, verumetiam mea. Bene te vale-
re cupio. Omnes tuæ familiae recte valere precor.
Anno 1498.

EPI-

An.
1498.

EPISTOLA XLIX.

Erasmus enidam.

QVOD pristinam meam scribendi consuetudinem intermissam miraris, nihil est quod suspiceris mali: neque enim, quod semper fui, tui amantissimus esse desui. Bene vale.

EPISTOLA L.

Erasmus enidam.

VB I nostrum N. isthuc iturum intellexissem, nolui inanem venire, praesertim qui me obnixè rogaret, ut sese apud te commendatum facerem. Obsecro itaque, ut eum pro tua veteri consuetudine traheres. Non clam me est, nec ille quidem ignorat, quantum possis, quantumque mea causa velis. Effice ne vel illum sua spes, vel me mea de te opinio fallat. N. quidem tibi novum amicum comparaveris, me vero arctius devinxeris. Vale.

EPISTOLA LI.

Erasmus enidam.

CREBRIVS ad te scripsissem, N. humanissime. Soleo enim huiusmodi officiorum genere cum amicis perlibenter uti: verum verebar, ne si aut tua studia interpellatione mearum literarum inturbarem, aut non perinde iisdem officiis delectarer, improbus potius quam benevolus videri possem. Nunc certe continere me diutius nequaquam potui: dicam enim simpliciter, non quod ocio abundarem, quod unum in totum mihi interdixi, sed ne consuetudinis intermissio, de pristina mea in te benevolentia quicquam minuisse videretur. Ita de te prorsus sentio, mi N. ut mi tu me singulari animo complecteris, tota errem via. Quid rerum faciam rogas? Amicis operam do, horum consuetudine gratissima memet oblecto. Quos tu tandem amicos mihi iactitas, inquis, homuncio levissime? an quisquam te visum aut auditum velit? Equidem non diffiteor fortunatorum amicos esse plurimos: at nec pauperibus desunt amici, & quidem istis non paulo tum certiores, tum commodiores. Cum his me concludo in angulum aliquem: & turbam ventosam fugiens, aut cum illis dulcia quaedam mullito, aut eos aliquid insufurrantes audio, cum his non secus ac mecum loquor. An quicquam his commodius? Arcana ipsi sua celant nunquam, commissa summa cum fide continent: nihil foras, quae liberius inter familiares effundere solemus, renunciant: vocati praesto sunt, invocati non ingerunt sese: iussi loquuntur, injussi tacent: loquuntur quae voles, quantum voles, quoad voles, nihil assentantur, fingunt nihil, nihil dissimulant, vitia tua tibi libere indicant, nemini obtreant: aut jucunda dicunt, aut salutaria: secundis in rebus moderantur, consolantur in afflictis, cum fortuna minime variantur: in omnia pericula te sequuntur, ad extremos usque rogos perdurant: nihil illis inter ipsos candidius. Committo subinde, nunc hos, nunc illos mihi adsciscens, omnibus aequus. Cum his amiculis, optime N. sepultus delitescio. Quas ego tandem opes, aut quae sceptrum cum hac desidia commutavero? Verum ne nostra te fallat metaphora, quicquid de amiculis haecenus sum locutus, de libris dictum intelligas, quorum familiaritas me plane beatum effecit, hoc solo infortunatum, quod non tecum mihi haec felicitas contigerit. Te, quamquam nihil opus, hortari non desinam, ut toto animo praecleara studia complectaris, ne quid plebejum, ne quid mediocre mireris, ad summa semper enitere. Spero futurum aliquando, ut me & fideliter, & amanter consuluisse, non semel fatearis. Concepi de faecitiis, proverbiiis, sententiisque negotium. Degustamenta quaedam ad te dedi, quorum plus tria millia me annumeraturum brevi confido, opus (ut

A auguror) tum gratiosum, tum perutile, haecenus à nemine tentatum. Quod si tibi cordi esse intellexero, erit cur & libentius, & ardentius cum laborem suscipiam. Interim vale, nosque, quod facis, ama.

EPISTOLA LII.

Erasmus Rot. Batto suo S. D.

REDDIDIT mihi colax ille alteras literas tuas, si An. 1499.
R. diis placet, sed superioribus illis nihilo minus tum ineptas, tum contumeliosas. Aut ego fallor, mi Batto, aut aliquis malus genius, bene concordibus amicis iratus, machinatur, ut nos tanta benevolentia suavissime copulatos distrahat. Quod per me certe stabit nunquam, per te vide ne steterit. Primum, quid opus erat ut Ludovicus huc recurreret, quasi mille angelati essent, ac non potius octo franci? non poterat ea pecuniola per alium quemvis mitti? Deinde quum mitteres, cur è tantillo acervo aliquid etiam detrahendum putasti? ne scilicet ego pecuniosus factus, officii mei obliviscerer, aut ut esset unus aut alter aureolus, cuius gratia denuo legatum aliquem huc mitteres? Nam quod de literis objicis, mihi crede, sine his literis omnis res non minus commode confici potuisset, modo tibi animus non defuisset, & poteras has ipsas literas per alium poscere, neque tu unquam intelliges, quantum hic recursus incommodi attulerit. Sunt tres aut quatuor menses, quos mihi ex anno solido febris ad studii usum relinquit, itaque jam magno animo opus. De epistolis, quod deformavimus olim, dedolabam, vel potius recudebam. Praescripseram mihi pensum grave sane & laboriosum, interea adest hic cum tuis epistolis plenis conviciorum, cum pecuniola etiam mutilata: quae res ita me commovit, ut quod erat in manibus abicerem, juvenem sine literis remissurus, si me Jacobus Tutor multo suavis in diversam sententiam reduxisset. Emoriar autem, si quid unquam in vita sic repugnante animo scripsi, ut has nugas, imo Gnathonismos, quos ad dominam, ad Praepositum, ad Abbatem scripsi. Hic morositatem meam incusabis scio, at non facies, Batto, si & conditionem meam recte perpendes, simulque cogitabis, quam durum sit animum ad magnum opus scribendum impellere, quanto porro durius, jam flagrantem ad alias nugas devocari. Haec quia ipse non es periclitatus, existimas nobis ingenium semper esse integrum, semper alacre, ut tibi est in summo versanti ocio. Non intelligis nullum esse gravius tedium, quam ingenii scribendo defessi, neque reputas mihi hic his satisfacere oportere, quorum beneficiis utor? Postremo magnas librorum sarcinas poscis, neque curas ut mihi ocium detur, quod ad conscribendos libros requiritur. Postremo non sat tibi est, si nostram amicitiam, si dominæ munificentiam libris editis aliquando nobilitavero, nisi quotidie sexcentas epistolas scriptitem. Jam abiit annus, ante quem promissa erat pecunia, tu interea nihil nisi meam spem literis tuis adfers: Non despero, causam tuam graviter agam: & huiusmodi mihi jam nauseam facientia, totiens nimium auribus meis inculcata. Postremo deploras dominæ fortunam. Videre tu mihi de alieno morbo aegrotare. Illa suam fortunam negligit, & tu scilicet angeris? illa nugatur & lusitat cum suo N. & tu ringeris? nihil habet quod det. Hoc unum ego perspicio, si ob istas causas nihil dat, nihil unquam daturam, nunquam enim huiusmodi causae defunt magnatibus. Quantulum id erit momenti, in tam immenso numero rerum plane pereuntium, si ducentos mihi francos donaverit? Habet quo eucullatos istos scortatores & turpissimos nebulones, scis quos dicam, alat, & non habet, quo ejus sustineat ocium, qui possit etiam posteritate dignos libros conscribere, ut aliquid de meipso dicam gloriosius? Incidit quidem illa in multas angustias, sed suapte culpa, quae se maluit bello illo homunculo stipare, quam viro aliquo gravi ac tetrico, ut & sexum illius, & aetatem decebat.

Ego

An. Ego jam longe majora incommoda prospicio, nisi
 1499. mentem istam abjecerit: quanquam hoc ego in illam
 non scribo inimice, quam sic amo, ut debeo, optime
 de me meritam. Sed quid, obsecro, hoc ad illius for-
 tunam, si ego ducentos francos accipio? qui ubi se-
 ptem horas fuerint dati, illa jam nec meminerit. In
 hoc omne negotium est, ut avellatur pecunia, si non
 præsens, vel à mensario, ut hic *Lutetia* petam. Tu
 jam multis literis ad illam de hac re scripsisti, omni-
 bus mandas, significas, innuis. Quid inutilius? Ex-
 spectanda erat si non optima, mediocris certe oppor-
 tunitas, tumque semel res prudenter instituta, forti-
 ter conficienda, nunc idem vel sero faciendum. Per-
 eam, ni rem ex sententia confeceris, siquidem magno
 animo fueris aggressus. Potes ipse in amici causa esse
 paulo impudentior, ut mei tamen pudoris obtineas ra-
 tionem. N. quantum sit indicandum tute statues: ve-
 rum antequam proficiscaris, aut mittas, mitte per
 quempiam non incertum reliquos aureos. Vide quem-
 admodum ea pecuniola defluerit, accepi octo fran-
 cos, tanti enim hos angelatos mutavi: ex iis puer du-
 os abstulit, aut non multo minus. Ut de victu inte-
 rim taceam: ais restare duos angelatos, à quibus etiam
 is, qui adferet, nonnihil deducat, oportet. *Joannes* il-
 le, quem in *Angliam* miseris, fugit nisi fallor, non
 sine furto, cum *Augustinus* est equo *Aureliam* conse-
 quutus: hic erunt, ut video, turbarum plena omnia,
 cætera *Ludovicus* narrabit. Vale, mi *Batte*, & hæc à
 me non commote aut *parvulus* scripta, sed ut par erat
 apud hominem unum ex omnibus amicissimum simpli-
 cissime, in bonam partem accipies. Puerum *Ludovi-*
cum tractabis, non ut *Adrianum* scurram, in quo de-
 trimenti nihil poterat fieri, sed ut meliore mente na-
 tum, & multas ad res utilissimum tibi futurum. Ob-
 lectabit solitudinem tuam, habebis cui legas, qui cum
 de literis garrias, qui cum postremo te exerceas: qua-
 re de veste non quidem pugno, sed tamen si dederis,
 feceris gratissimum, neque iniquum. Vale. *Parisiis*,
 27. Feb. Anno 1499.

EPISTOLA LIII.

Erasmus Rot. Batto suo S. D.

DVAS jam epistolas ad te scripsi, quarum alteram
 ignoto cuidam commisi, altera periit, eaque ver-
 bosissima: quare rem omnem quam potero paucissimis
 perstringam. Iter habui infortunatum. Epomis fel-
 læ alligata excidit, nec diu quæsitâ potuit recipi. E-
 rant in ea vestis linea, pileum nocturnum lineum, au-
 rei decem, quos in hoc deprompseram, ut permuta-
 rem si licuisset, erant & preces horariæ. Is, cui pecu-
 nias hinc digrediens commiseram, egregie dissipavit,
 alias mutuo dedit, alias sumpsit sibi. *Henricus*, cujus
 uxori mutuam dederam, *Lovanium* aufugit, uxor con-
 sequuta. Tertius, excusor librorum, absentis nomine
 pecuniam recepit de chartis venditis, nec reddit obo-
 lum. *Gisbertus* hinc jam abierat. Permutandi auri vix
 tolerabilis conditio offertur. *Augustinus* nondum re-
 diit: absens omnia perturbavit, pecunias missas inter-
 cepit, minacem epistolam misit: metu enim ne eas
 jam inunxisset. Video, mi *Batte*, summam jam deflu-
 xisse, & minorem quam credas factam. Equum qua-
 tuordecim fere dies saginatum, quinque aureis vendi-
 di: è pedibus laborabat. Iter distuli, non solum quod
 viaticum deesset, sed multo etiam amplius, quod pre-
 ces perissent. Cum comite vivo vetere conditione, in
 qua me minime difficilem præbui, quo essem liberior,
 amat me & colit. Cum *Fausto* mihi, & altero quo-
 dam novo Poeta, summa familiaritas: cum *Delio* certa-
 men acerrimum. Totum me libris dedo, sparsa col-
 ligo, cudo nova: nihil ocii relinquo, quantum per
 valetudinem licet, quam duris itineribus nonnihil fra-
 ctam intelligo. Quo in statu res meæ sint, habes:
 nunc quid in posterum statuerim paucis accipe. Sta-
 tui in Augustum iter *Italicum* rejicere, si queam in-

A terim ea comparare, quæ tantum iter postulat. Co-
 mes & ipse decrevit, si mater permittat, *Italiam* vise-
 re, sed post annum denique, neque de me ducendo
 verbum intercessit. Memini quam magnifice fuerim
 jam antea spe hujusmodi delusus: & si hic annum ex-
 spectem, quando tandem meum *Batum* revisam? Et
 dictu incredibile, quantopere ad tuam consuetudinem
 animus revolare gestiat. Quare visum est potius, pro-
 fectionem, quantum licebit, maturare. Opus *De con-*
ficiendis epistolis recuditur, id absolutum propediem
 ad te mittetur: & quidem tuo *Adolpho* dicatum. De
Copia, de *Amplificationibus*, de *Argumentationibus*, de
Schematis adjicietur. Hæc quoniam scholastica sunt,
 B puero, tibi que communiter dicare placuit: quod qui-
 dem exesum mittere malim, & dabo operam. Con-
 traxi aliquot scripta, quæ novo quodam fato è latebris
 prodierunt. Ea castigata ad te missurus eram, si ta-
 bellarius certus contigisset. Quare fac *Adrianum* quam-
 primum mittas, qui omnia mea secum adferat, cave
 quicquam relinquatur. *Natalis* minorita Theologus a-
 pud me fuit, per eum dominæ & cæteris scribam. *Pi-*
quardus dominam ad Pentecosten revifere statuit, qui
 quidem homo nihil me delectat: ipsa est Theologia,
 imo scabies ipsa. Adnitere quæso, mi *Batte*, ut *Lovanii*
 una vivamus quamprimum: perface quod coepisti. Pu-
 det me dicere, quam me res ipsa urit. Video mihi
 C summam, quæ jam magna ex parte dilapsa est, esse
 farciendam, quæ & in dies singulos deteratur necesse
 est. Nec est in ullo mortalium aliquid solidæ spei, nisi
 in uno *Batto*. Tum quantum possis, re ipsa comperi,
 modo fatalis iste animus non desit. Quid cupiam ef-
 ficere, vides. Neque est pudoris mei, hominem, à
 quo tantum beneficiorum acceperim, precibus onera-
 re. Si manum porrigis, annitar & ipse: sin minus,
 quo fata vocant, sequemur. Non deerit petendi argu-
 mentum, vel quod iter necessariis de causis differen-
 dum erat, vel quod satius sit librum meis sumptibus
 excudi. Tu quid spei aut animi habes, facito me cer-
 tiorem. Bene vale. *Parisiis*, 2. Maji, Anno 1499.

EPISTOLA LIV.

Jacobo, Vicario Cameracensis Episcopi,
Erasmus S. D.

CVM nullum omnino meum in te officium exstaret
 Cadhuc, vir nescio humaniorne, an eruditior, cer-
 te ornatissime: tuque is erga hunc homuncionem fue-
 ris, ut me, prope incredibili quadam humanitate tua,
 maximis beneficiis veluti sarcina graviore obrueris,
 gaudebam impendio vel tandem objectam mihi qua-
 lemcunque opportunitatem, qua possem si non refer-
 re gratiam, certe propensam promptamque animi vo-
 luntatem quali quali officio meo declarare. Non po-
 tui non implacabiliter commoveri, quod puer meus
 iterum atque iterum admonitus, & quidem accuratissi-
 me, libellum tuum ornatissimum istuc reliquerit: ne-
 que id persensimus, priusquam *Antuerpiam* jam per-
 ventum esset. Sed humanissimam celsitudinem tuam,
 per tua in me merita, perque meum hunc in te ani-
 mum, obtestor, ut huic, qui literas reddidit, codi-
 cem ad nos perferendum tradas: aliquot menses hic
 sedere consilium est. Est autem iste de grege familia-
 que clarissimi Principis *Antonii Nothi*, juvenis fide di-
 ligentiaque spectata, summo in nos studio. Mihi ipsi
 non rectius in manus dederis. Tantum facito, ut ille
 F intelligat rem non nullius esse momenti, neque citra
 periculum negligi posse. Efficiam ut ad te aut me-
 cum, aut certe per hominem certissimum redeat. A-
 pud amplissimum patrem, patronumque meum, Præsu-
 lem *Cameracensem*, morem obsecro antiquum obti-
 neas, ut illi nos aut facias commendatiores, si vetus
 illa gratia etiamnum vivit: aut in gratiam reponas, si
 refrixit. Deum Opt. Max. testor, qui specus omnis
 humani pectoris perspicit penitissime, me non minus
 flagranter amare illum, quam primis illis mensibus,
 cum

An. cum & ille me paterna quadam pietate complectere-
 1499. tur, & ego illum supra modum tum mirarer, tum
 amarem. Quo magis cupio tuo in libro meam pro vi-
 rili navare operam, quod plane intelligo, gloriam istam,
 imo fructum potius, atque utilitatem, communiter ad
 te hospitem meum humanissimum, & ad illum patro-
 num, & studiorum, id est, vitæ auctorem meæ per-
 tinere. Bene valebis, ornatissime præceptor, & hunc
 clientulum tibi toto pectore deditissimum ita, ut so-
 les, amabis. De tabellionis hujus habitu, ad nonam de-
 mum horam vesperi sum factus certior, & ille sub gal-
 licinium parabat iter: mihi tres epistolæ, & sera no-
 cte, & largiter ctenato, scribendæ: & ad eos quidem,
 ad quos ne accuratissime quidem citra periculum scribi
 solet. Sed hanc meam fiduciam tuæ ipsius humanitati
 imputabis. *Tornaco, 12. Julii, Anno 1499.*

EPISTOLA LV.

Erasmus Roter. Joanni, Canonico Bruxellano, S. D.

PER fortunas obsecro te, mi candidissime *Joannes*,
 purga me humanissimo hospiti, patronoque meo *Vi-*
cario, quod libellus pueri oblivione istic relictus est.
 Ita me ament superi, ut nihil jam multis annis acci-
 dit, quod æque doluerim. Si quid habes novarum re-
 rum vel de *Augustino*, vel de *Benferado*, vel de Epi-
 scopo patrono meo, vel de *Ludovico* denique, qui istas
 in regiones est emandatus, ut me accerferet: per no-
 stram amicitiam te etiam atque etiam oro, facito me
 tuis literis certior. Erit istud inter plurima tua in me
 officia non ingratiſſimum. Tabellionem habes ex *An-*
tonii Noſhi familiaribus certissimum; cui, quicquid vò-
 les, rectissime commiseris. *Veria* offendi res omnes eo
 loco quo tu prædixeras: domina, forte fortuna in via
 facta obvia, dextram porrexit, vultu non inimico.
 Cæterum à quibusdam non male cupientibus, ut ar-
 bitror, deterritus, à colloquio abstinui. Puer meus *Dor-*
draci febris arreptus est, & quidem tertia. Ea res me
 majorem in modum sollicitum habuit, ita ut ejus gra-
 tia *Ziricæe* navigarem: illic enim matrem habet. Va-
 lemus adhuc, præterea nihil est quod fortunæ gratule-
 mur. Valet *Battus*, & te salutatur oppido: amat is quem-
 cunque *Erasmus* amat. Cura ut quam optime valeas,
 humanissime mi *Joannes*, & amiculum, vel potius
 clientulum additissimum, *Erasmus* tueri amareque per-
 gito. *Tornaco* tumultuantissime ad multam noctem,
 12. Julii, An. 1499.

EPISTOLA LVI.

Henrico à Bergis, Prasuli Cameracensi, Patrono suo,
Erasmus S. D.

DEV M mihi maximum optimumque iratum habeam,
 si Fortuna, alioquin insigniter infensa, vulnus un-
 quam animo meo infixit acerbius, quam quod proximo
 congressu humanissima tua me sublimitas ingratitu-
 tudinis subincuravit: vel quod tibi uni probari malim,
 quam reliquorum multis millibus: vel quod inprimis
 ab uno isto vitio non solum instituto, sed ingenio na-
 turaque semper abhorruì: nihilque in rerum natura te-
 trius, nihil foedius, nihil execratione publica dignius
 existimavi, quam beneficium acceptum, non saltem
 voluntate memoriaque rependere. Quam equidem ob-
 jurgationem ita tuli, non ut ab inimico læsus, sed ut
 à parente medicoque amantissimo castigatus. Reliquum
 est, ut te obtester, meum præsidium, meumque dulce
 decus, perque tuum pectus istud exorabile ac mitissi-
 mum, perque nostras fortunas, ut si quid antehac pec-
 catum est, imo quia peccatum est, id vel simplicitati
 meæ, vel imperitiæ condones: nam malitiæ certem i-
 hi non sum conscius. Impudentiam & incitiam tum
 hac in re, tum aliis multis in rebus agnosco. Omnia di-
 ra huic capiti precor, nisi semper eo animo tuam bene-
 ficentiam accepi, quo probum & officii memorem clien-
 tulum oportuit. Amavi toto pectore, suspexi, venera-

Atus sum, celebravi, memini: nullum à me sacrum hunc An.
 usque in diem fit, quò non Deum immortalem orem, 1499.
 ut quæ in me contulisti, ille, qui potest unus, multo
 cum scœnore in te refundat. Præter hæc autem quid
 possum. Id si nondum adduci potes ut credas, illud, quæ-
 so, mihi concedas, persuadeasque tibi, me jam nunc hoc
 esse animo, futurumque, dum hæc me destituet animu-
 la. Fortunam præstare non possumus: at hunc animum
 ejusmodi in te polliceor, ut nulli tuorum sit concessurus.
 Sæviant in me mea fata, afflictissimum facere possunt,
 ingratum neque facient, neque poterunt. Quod si tua
 benignitas quod antehac largita est, id satis nunc putat, e-
 go vero, Præsul optime, cumulatissimum etiam existima-
 bo, cum tu permulta & sponte, & humanissime dona-
 ris, ego promeruerim nihil. Neque vero sum adeo ru-
 stice ingratus, ut quid accipere mea postulet necessitas,
 respiciam potius, quam quid præter meritum omne
 meum tua benignitas profuderit. Postremo cogites ve-
 lim, initio *Erasmus* non ita clementiæ tuæ fuisse tradi-
 tum, ut potentem hominem, ut opulentum, ut magno
 loco natum, hoc enim nemo ipsi largitur, sed ut stu-
 diorum admiratorem. Is nunc etiam perseverat animus,
 longe quam fuit unquam flagrantior. Hunc totum tibi
 dedico consecroque. At ô me terque quaterque felicem,
 si qua unquam dabitur opportunitas, qua hunc non modo
 non ingratum declarem, sed gratissimum fuisse demon-
 stre. Hic si ego studium ullum, si laborem, si vigilias
 ullas defugero, non recusaverim teterrimo isto carbone
 denotari. Interim *Erasmus* tuo fias oro propitius. Quod
 si non impetro, tamen ego patronum vel infensum ama-
 re venerarique non desinam, ac sycophantis istis, qui
 nos dirimunt, precabor quæ talibus digna sunt. Apud
 meos in *Hollandia* plus mensem sum versatus. Iis pla-
 cuit ut annum etiam studiis impartiam: suo quoque
 nomine pudendum putant, si tot annis nihil omnino
 auctoritatis affecutus revertar. Bene vale, humanissi-
 me ornatissimeque Præsul. *Tornaco, 12. Julii, Anno*
1499.

EPISTOLA LVII.

Erasmus Rot. Antonio Lutzenburgo S. D.

QUASI parum fuerit, quod cum isthic essemus, tam
 improbe tibi negotium fecimus, absenti quoque
 faciemus. Verum istud, *Antoni* festivissime, non im-
 pudentiæ nostræ, sed tuæ singulari facilitati imputes
 oportet. Scripsimus *Jacobo Tutori*, partim ut veterem
 hospitem nostrum hoc tanquam *Xenio* donaremus, par-
 tim ut illi veluti stimulos subjiceremus: quo magis cu-
 rando, summa vi, studio, ingenio, fideque annita-
 tur, ut talis redeat adolescens, qui possit *Bergenſi* stir-
 pi, facile omnium ornatissimæ tum eruditione, tum mo-
 ribus, splendoris accessionem aliquam adjungere. Ad
 eam rem tametsi nihil ambigo, quin ille suapte sponte
 summo nisu incumbat, tamen meas partes esse puto,
 meoque in omne istud genus amore, illiusque in me be-
 neficiis dignum, ut subinde vel currenti, quod ajunt,
 calcar addere curem. Eas literas *Antonio* tabellioni stu-
 dioſe trades, commendabisque ut qua solet cura, fide-
 que, *Aureliam* perferat, profecturum enim audio. Cæ-
 terum, humanissime mi *Antoni*, si quid etiam valeamus,
 libet cognoscere, agimus certe feliciter atque suaviter:
 vel quod *Batto* fruimur, cujus ego animo certissimo
 candidissimoque sic me oblecto, sic pascor, ut nolim
 vel universas *Arabum* gazas cum hac una felicitate
 commutare: vel quod toto pectore in literis sumus, &
 tanquam ab omni negotiorum strepitu longe semoti,
 in intimis Musarum recessibus abditi latemus. Deorum
 plane vita, si plusculum adesset librorum. Hunc igitur
 animum cum literulis meis debeam, mi *Antoni*, nonne
 tibi videar ingratiſſimus, si studiorum meorum me ca-
 piam pœnitudo, tanquam quæ nullam frugem attule-
 rint? Inaurentur alii, in fastigium evehantur, mihi
 Musæ meæ nihil præter vigilias & invidiam repor-
 tent, nunquam tamen harum pœnitebit, dum hic
 Tom. III. D mi-

An. 1499. mihi perseverabit animus, Fortunæ volubilis contem-
ptor. Neque vero me clam est, hoc quod sum sequutus
studiorum genus, alijs alienum, alijs infinitum, alijs
infrugiferum, alijs etiam parum pium videri: nempe
vulgo omnium qui nunc literas profitentur. At ego
tanto magis accendor, cum utrumque cognitum ha-
beam, neque vulgo unquam optima placuisse: & hoc
studii genus, paucissimis quidem, sed tamen eruditif-
simis probari maxime. Si *Hieronymus* infans fuit, si
indoctus, juvat cum hujusmodi viro desipere: juvat huic
indoctorum gregi potius, quam istorum deorum cho-
ris annumerari. Quod si etiam hujus cursus nostri me-
tam non contingemus, contendisse certe ad res longe
pulcherrimas, non illaudabile fuerit. Hanc meam men-
tem si non approbarent homines, Deus, opinor, & pro-
babit, & juvabit. Reflabit Fortuna, at ille, quod an-
tehac fecit, adspirabit. Probabunt olim & homines,
certe posteri. Sed ut ultra metas epistolam porrigo,
dum tuo amore, velut amabili quodam furore debac-
chans, mei oblitus, rapior; adeo mihi non episto-
lam scribere, sed tecum fabulari videor. Quod hu-
manissimo amplissimoque Præsuli patrono tuo non scri-
psi, id neque ignavia, neque ocii inopia factum est: sed
neque argumentum erat illo heroe dignum, simulque
verebar patri benignissimo quidem illi, sed omnino plu-
rimis maximisque negotiis occupatissimo, scholicis nu-
gamentis (qualia fere nostra sunt) obstrepere. Cæterum,
mi *Antoni*, scito, mihi nihil perinde in votis esse, quam
ut liceat illius amplitudini quocunque officio meo grati-
ficari. Sed aliud est amiculo quicquid in buccam vene-
rit, scribere; aliud summorum virorum heroicæ mentes
epistola compellare, quas religiose etiam à salutantibus
adiri debere *Plinius* scripsit. In præsentem igitur tute mihi
apud augustum patrem epistolæ vice fungeris: deinde
summa humanitate viro *Georgio* Priori meque *Battum*que
summo studio commendabis. Medico, ac *Jacobo Plumioni*
Canonico, viris amplissimis, deque nostrum utroque opti-
me meritis, plurimam salutem annuntiabis verbis utrius-
que. Valebis optime *Antoni*. Tornaco, 18. Julii, An. 1499.

EPISTOLA LVIII.

Erasmus Rot. Benferado suo S. D.

SCRIPSIMVS heri de rebus omnibus, humanissime
doctissimeque *Benferade*, sed quoniam alter datur
tabellio, rei summam modo repetam. Ex *Hollandia*
reversus, apud *Battum* totus in literis vivo, maxime
Græcanicis. Missimus ad te *Euripidem* & *Isocratem*,
missuri plura, sed metus erat, ne pestis istinc te jam
aliquo propulisset. Si quid est novæ *Græcanitatis*, ve-
stem citius oppigneraverimus, quam non potiamur:
maxime si qua *Christiana*, ut *Υαλμοι*, ut *Euangelia*.
Opes meas, apud te depositas, tibi commendo. Scri-
psimus & *Augustino*, de quo quid sit, cupio discere:
nihil enim adhuc inaudivimus. Utinam, mi *Benferade*,
nostras Musas liceret conjungere, sed hac de re, aliis-
que omnibus scribes copiose. Summam tuam in me
humanitatem, optime *Nicolae*, neque apud me patiar
intercidere, neque dissimulabo. Enitar pro viribus,
ut si grati nomen non possim assequi, saltem ingrati
hominis notam videar effugisse. Vale. Salutat te ex
animo *Battus*, toto pectore tuus. Tornaco, 18. Julii,
Anno 1499.

EPISTOLA LIX.

Erasmus Rot. Jacobo Tutori S. D.

PRIDIE quam has scriberem, jam alium quendam
literis ad te datis oneraveram, verum certius existi-
mavi, si quid forte fortuna accidisset, alteras per hunc
addere, non iisdem quidem verbis, sed eodem ferme
argumento. In *Hollandia* plus sesquimensuram non sine
maximo sumptu contrivimus; contrivimus, inquam, ni-
hil enim æque perit. Rursus in *Zelandia* pueri mei mor-
bus complures me dies remoratus est, non modo sum-

A mo cum tædio, quod alio properarem, verumetiam non
mediocri periculo valetudinis. Nihil enim adhuc eo co-
lo sensi alperius, meoque corpusculo inimicitius. Cæ-
tera, mi suavissime Tutor, sic evenerunt, ut *Erasmi* tui
res consueverunt. Antistes *Catheracensis* sui simillimus
est. *Variana* duris fatis premitur, ut sublevanda po-
tius quam oneranda videatur. Nunc ego in *Batti* mei
complexibus, & in literis acquiesco: neque tamen o-
mnino sine te, adeo multus in sermone nobis est Tu-
tor: neque ego fabulor quicquam libentius, neque rem
ullam audit *Battus* avidius. Jam te deamat, jam ar-
det, jam videre gestit. Mihi crede, si quid omnino
credis, tantum ego fucorum, tantum perfidiæ in ho-
minum amicitias reperio, non his modo vulgaribus, ve-
rum his quoque, quas *Pyladeas* vocant, ut mihi jam
non libeat novarum periculum facere. In *Batto* uno mor-
taliū omnium benevolentiam perspexi, uti sinceram,
ita constantem. Hunc ego amicum Fortunæ non de-
beo, quippe quem mihi virtus una conciliavit: hunc
item non vereor, ne mihi Fortuna præripiat. Curenim
afflictum amare desinat, qui amare coepit vel affli-
ctissimum? Hunc tu, doctissime *Jacobe*, quemadmo-
dum prænomine, ita candore miraque simplicitate re-
fers. Itaque de vestro duorum animo ita sentio, ut si
(quod omen avertant superi) vestra me fides fefellerit,
ne ipsi quidem fidei fidem sim habiturus. Valetudine
C sumus, gratia superis, mediocri, & firmiuscula quam
isthic eramus. A *Romanis* Musis ad *Græcanicas* pene de-
scivimus, neque conquiescemus, donec ad mediocrita-
tis metam aliquam pervenerimus. Ardebat supra quam
dici possit animus, in tuam remigrare familiam: vide-
bar enim jam citra tuum sumptum posse & te frui
homine, hominum, qui vivunt, suavissimo, & mei vi-
cissim copiam facere, sed absterrebat pestilentia, quæ
Lutetia me ejecit, & hoc in exilium protruxit. Quid
enim hic usquam quod me capiat, præter unum *Battum*,
quo ne ipso quidem toto fruor, quod magnam sui par-
tem impendere cogitur aulicæ servituti. *Dismam* tibi
commendo, etiam si tibi pluribus nominibus quam com-
mendatissimum esse scio, vel quod ingenio moribusque
D suis tibi jucundissimus est, vel quod incredibilem ex
gratiam reportaturus, si quam optime finxeris adole-
scentem, dignumque omnium expectatione reddideris.
Est enim pene totius generis *Bergensis*, publica de isto
expectatio, tamen nostro quoque nomine calculus ali-
quis charitatis atque diligentiae velim accedat. Probam
nactus es materiam, tu facito probum artificem præ-
stes. Si quid istic opus erit, tu quod soles, optime *Ja-
cobe*, *Erasmi* tui famam summa vi defende, & lupum
illum quam clarissimo audacissimoque latratu deterre.
Grammaticen *Græcam* summo studio vestigavi, ut em-
ptam tibi mitterem, sed jam utraque divendita fuerat,
E & *Constantini* quæ dicitur, quæque *Urbani*: testis erit
hujus rei *Nicolaus Benferadus* certissimus, cui vel inju-
rato tuto credas. In reliquum quid statuerim, jam ac-
cipe. Nonnunquam de repetenda *Britannia* cogito, ut
meo cum *Coletio* mensem unum aut alterum in Theolo-
giæ sacris verfer: neque enim ignoro, quantus ex ea re
fructus mihi capi possit, sed terrent infames scopuli
adhuc, ad quos olim naufragium feci. *Italia* visendæ
nunc nos habet ardor, qui semper: sed, ut ait *Plautus*,
sine pennis volare haud facile est. A *Gallia* pestis nos ar-
cet. In *Hollandia* excoelo quidem juvor, sed *Epiureis* il-
lis comestrationibus offendor: adde hominum genus for-
didum, incultum, studiorum contemptum præstre-
nuum, nullum eruditionis fructum, invidiam suamam:
F maxime quod id taciti omnes mei flagitare videntur,
ut auctoritate confirmatus, & tanquam contra indo-
ctissimorum hominum arrogantiam armatus redeam.
Nullo itaque certo consilio pendemus adhuc, quo
venti secundi vocabunt, in eam partem cursum fle-
xuri. Tu si quid in amici negotio aut perspicis a-
cutius, aut prospicis sagacius, consilio juva. Quic-
quid erit apud vos, quod me scire oportere putabis,
id scribito diligenter. Vale cum familia. *Bradanius*,
ado-

An. adolescentibus optimis ac festivissimis, meis verbis salutem annunciabis. Tornaco, Anno 1499.

EPISTOLA LX.

Erasmus Roterodamus Batto suo S. D.

Epistola familiariter jocosa, & Ironiis plena.

VIDEO literas meas stomachum tibi fecisse, quas tu *morosus* scriptas, ais: ego jocosius puto, aut si quid erat aloes, id non in te, sed apud te iustissimus animi dolor effudit. Etiam si peccatum agnosco, neque id simplex, quippe cui neque mea conditio perditissima, neque tua felicitas in mentem venerit. Neque enim convenit hominem afflictissimum facerem videri velle, sed supplicem, dicacem & petulantem multo minus, maxime apud eum, quem Fortuna secundis ventis rapiat, cuique sis aliquot nominibus obærat. Tum id proprie quodammodo aulicum esse scio, ut ab iis, quos abiecit hera Fortuna, quosque beneficiolo quopiam servos fecerunt, non modo contumeliam nullam pati queant, verum vix etiam supplicem vocem ac timidam ferre, gratiam ultro expetentes, ubi miseros ipsi plagis occiderint. Verum quod in magnis morbis solet evenire, ut homines sui sensum amittant, id accidit mihi in acerbissima animi molestia, ut cum essem afflictissimus, miserum tamen esse me non meminerim. Et credebam apud *Batum* *Erasmum* omnia impune licere. Nam amavi te hætenus tantum, cur enim non fatear, non timui, nec ignoras ardentissimum amorem cum metu non cohærere. Verum exivit me paulo longius amor vere cæcus, & peccatum video, neque poenam deprecor atrocem, nisi vitium mutaro. Posthac ita *Batum* meum amabo, ut amicum, ut bene meritum, ut eruditum. Ita reverebor, ut præceptorem, ut Regem meum, cui in manu sit me vel perdere, vel beare. Vel fustigari non recuso, si posthac verbum ullum meis in literis deprehenderis, non dicam procax, aut licentiosum, sed omnino non blandum, non supplex: non quod servum non dedecet, qui modo crucem metuat. Quin insuper habeo gratiam, mi patrone, quod me mihi in memoriam redegeris, fortunæque admonueris. Nunc ad humanissimam tuam epistolam ordine respondebo, quæ te oro, ut placidus propitiusque audire ne graveris. Primum, morem illum meum *morose* scribendi prorsus abjiciam. Et si parum putas poenituisse erroris, nullum ego supplicium deprecor, modo me in gratiam recipias, non eam, qua fuimus olim, non sum tam impudens ut id rogare audeam: maximum fuerit, si vel extrema parte hærebimus. Quod Præpositus ex animo mihi bene cupit, meritum quidem meum nullum agnosco. Tuum erga me studium, quo tanto me viro commendasti, adoro, exosculorque. Quod apud dominam nostro nomine gnavum fidumque patronum te fore polliceris, quid ego tibi vicissim, ornatissimè *Batte*, pro ista tua in me pietate pollicear? Quid aliud quam meipsum? At jam olim sum in tuis mancipiis. Quod autem *Guilielmi* epistolam ad me misisti, visus es mihi mandare, & quam primum arborem suspendio deligam. Actum de me jamdudum intelligo, siquidem ille successit. Sed quid ego malum meum tam impotenter fero, quod mea mihi stultitia accersiverim ipse. Jam me etiam si in crucem sustuleris feram, quanquam id quoque levius duco, quam *Guilielmum* mihi prælatum conspicer. Hoc unum te supplex, & per tuam felicitatem, & per deos mihi iratos oro, si tibi decretum est me perdere, ne longo differas cruciatu. Quod Abbati non scripsi, quæso, ne ignaviam meam in causa fuisse putes. Neque enim argumentum ullum excogitare quivi, & tarditatem meam non ignoras, damnandam quidem, sed quid facias asino? Tum ita cogitabam, illum in *Brabantia* diutius abfuturum. *Antonio* scripsimus, ne nos omnino in officio cessare putes. Ne nunc quidem occurrebat argumentum quale oportebat. Scio enim perniciosum esse scribere, quibus curiositatis est

A plurimum, doctrinæ non perinde multum. Sed urgebant me objurgationum tuarum stimuli, scripsique illi, si non ut volui, certe ut potui. Malui enim illum male scribendo offendere, quam non scribendo te iratum habere. Quod elapsus est quem hæreticum faciebant, primum filiae gratulor, cujus piæ lachrymæ mentem meam excruciabant: deinde tibi, quod non irrita vota filiae nomine susceperis: postremo viro etiam ipsi, siquidem mentem mutavit. Quanto magis eo supplicio dignus, scelestus ille suffraganeus *Dominicanus*, quo nihil contaminatus, nihil avarius, nihil arrogantius? In hujus etiam odium, diligentius homini sum patrocinatus apud Abbatem. Quod *Terentios* aliquot emi jubes una cum *Guilielmanis* odis, faciam ut me frugi mancipium dixeris. Sed ignosces, quod ipse non *Parisios* emendi gratia recurrerim, cupiebam quidem, sed ingens pluvia repente coorta impediabat. Et est iter, simulatque commaduit, vix etiam caballis superabile. Tum tabellarius sibi stanneum abs te nummum datum affirmabat, eumque se domi reliquisse. Mihi neque erat aliquid quod darem, neque erat à quo mutuum peterem, & me ipsum in ignota urbe oppignerare non quivi. Experiar tamen, si quis me deus servatum velit, ut quæ petis possim mittere. Quod me in arcem invitas, si pestis hinc nos exigit, vitæ spem reddidisti, *Batte* clementissime. Cur ego hic non genibus advolvar tuis, non pedes pronus exosculer? Servatum me vis video, non vis inedia perire. Quod enim supplicium aut acerbius, aut turpius? Mi patrone, jam nō hic pestis premit, jam in istam beatam arcem gestio advolare: ita ut non in cœlum æque. Verum ignosces timori meo, metuo adhuc nescio quid, ne nondum ira ista tua in me deflagrarit: id ubi certum fensero, tum demum aram ego hanc relinquam. Interim sine me pudoris causâ aliquandiu abesse: deinde adhibitis precatoribus rediero. Quod *Guilielmi* tui carmen tantopere scribis placuisse, rursus ego me concidisse intelligo: nec habeo, quem inferum aut superum implorem, præter te unum, qui mihi cujusvis numinis es loco. *Caminadus* maximas tibi gratias agit, quod in ornatissima tua epistola sui mentionem dignatus sis facere: is simulatque edictum accepit tuum, universam everrit supellectilem, quærens quod tibi mitteret. Is, mihi crede, nihil habet, quod idem tibi non sit, præter sermones quosdam quotidianos, quibus in congressibus & conviviiis utimur. Eos si tibi mitti imperas, mittentur, ubi erunt tum emendati, tum aucti. *De Epistolis scribendis* opus ad limam vocabo, & id quoque, si jubebis, mittam. Præterea si qua jubebis, parati operiemur. Hætenus ad tuam epistolam, nunc extra epistolam pauca. Emiseramus juvenem libris oneratum, is antequam ad te pervenisset, tuam epistolam jam scriptam fuisse conjicio. Scripsi deinde per *Adrianum*, sed o me miserum qui scripserim. Scripsi enim (quod poenitet pudetque) *morosus*: nondum tuam epistolam acceperam. Sed ignosce, obsecro, ita te semper in ista aula beatum ac divitem vivere contingat. Bene vale: Nos hic, ut digni sumus, esuriemus satis. *S. Audomaro*, Anno 1499.

EPISTOLA LXI.

Erasmus Batto S. D.

Epistola jocosa.

NIHIL opus ut te gaudere jubeam, cum jamdudum te abunde gaudere sciam, qui quidem me molestam sarcinam humeris tuis excusseris. *Adrianus* etiamnum ad se invitat. *Gardianus* palam suadet, ut apud Abbatem potius verfer, si commode queam: Medicus contra, ut apud *Adrianum*. Uterque facit, opinor, quod canes solent, qui socium in culina nullum amant. De *Gardiano* an per omnia sincerus futurus sit, subhæsito: nam subarrogantem esse sentio. Neque de *Adriano* unquam verbum apud te fecit, cum per illum res hæc potius confici debuerit. Nos quicunque erit

An. 1499. exitus magno animo excipiemus. Tu cura ut valeas, mi Batte. Mitte, ut primum commoditas dabitur, nostra omnia, nostrosque Dialogos omnes, si libeat forte perficere. *Ludovico* insta, ut quantum potest omnes meas epistolas transcribat. Vale. Non remoror *Ludovicum* dehortante medico, ne magis in me murmurent isti cucullati. S. *Andomaro*, An. 1499.

EPISTOLA LXII.

Jacobus Battus Guilielmo Montjoio S. D.

EXPECTATISSIMVS optatissimisque mihi erat Erasmi mei reditus, non quod cum tibi inviderem, sed quod sine modo amarem. Non potui tamen non graviter excruciar, ubi ille mihi acerbissimam illam suam Tragediam denarravit, quam ego multo ante animo praesagieram. Quid illi non metueram? quoties graviora etiam somniaveram? & jam tum de illius fortunis anxie cogitabam, quum mihi ejus epistola redderetur. Utunque evenit, gaudeo, gaudeo, humanissime Comes, quod tam dulcem anima mea partem, vel mutilam atque vexatam, receperim: tametsi non ita improbe illum amo, quin maluerim integrum apud te remansisse, quam sic spoliatum, & tam insigni contumelia spoliatum, ad nos redisse. Denum immortalem, ne Masas quidem ac literas ab Harpyiis illis tutas esse posse? Platoni apud Aeginetas profuit in crimine capitali, quod esset Philosophus. Phalaris immanissimus ille, erga medicum suum Pythagoram Philosophum, & Stefichorum poetam, summa usus legitur tum humanitate, tum liberalitate. Verum quid in re desperata fera profuit querimonia? Ferendum, non culpandum, quod mutari non potest: praesertim quod pudendum existimem, cum ipse suam calamitatem tam infracto, tamque praesenti animo ferat, me fractiore esse animo. O rem praeclaram Philosophiam, quam ille semper & coluit & pradicavit! Meum erat officium, illius aegritudinem oratione lenire: at ille ridens, meas lachrymas reprehendit, bonoque animo esse iussit. Nihil se poenitere etiam dicebat, quod Angliam petisset, non perisse illam pecuniam sine maximo quaestu, propterea quod istiusmodi esset amicos nactus, quos vel Croeseis opibus anteponeret. Duas noctes una pernoctavimus. Bone Deus, quanto ille affectu Prioris Richardi humanitatem, Coletii eruditionem, Mori suavitatem, oratione facundissimam repraesentavit: ut si mihi liberum esset, cuperem & ipse tam docta, tam candida pectora visere! Te autem totum, optime Montjoie, ita a capite, ut ajunt, ad calcem usque depinxit, ut quanquam antea tui amore vehementer flagrarim, nunc in te amando nec Erasmo quidem ipsi cedam, qui te tamen plus suis oculis amat. Tibi adeo nihil imputat, ut tuam quoque vicem apud me deploraverit, qui ad tantos tum sumptus, tum labores sua causa fueris adactus. Postremo, cum a nobis digrederetur, hoc mihi etiam atque etiam mandavit, ut tibi quam sapissime scriberem: quod quanquam pro tua singulari doctrina, meaque imperitia facere vererer, tamen ne officio defuisse viderer, has qualescunque literas ad te dedi: quibus si te non offendi animadvertero, agam tecum sapiens. Et utinam id faxint superi, cujus spem nonnullam Erasmus ostendit, ut te propius paulo frueremur. Pro summa tua in Erasmus meum tum humanitate, tum benignitate, immensam gratiam & habeo, & dum vivam habeo. Plus enim me illi debere puto, si quis quid de illo bene mereatur, quam si in me ipsum conferat. Generosissimam dominam conjugem tuam, socorum optimum, reliquamque familiam bene valere precor. Tornaco, Anno 1499.

EPISTOLA LXIII.

Erasmus Thoma Moro suo S. D.

Vix ullis literis consequi queam, quibus diris hujus tabellarii caput devoverim, cujus vel indiligentia, vel perfidia factum arbitror, ut expectatissimis Mori mei literis fuerim frustratus. Nam in officio cessasse

te, suspicari nec debeo, nec libet. Tametsi superioribus literis vehementiuscule tecum exposulavimus. Neque veremur, ne quid nostra libertas te commoveat, qui non ignores *Lacedaemonium* illum ad cutem usque pugnandi morem. Illud extra jocum oramus, mellitissime Thoma, ut aegritudinem, quam ex nimium diuturno tui tuorumque scriptorum desiderio cepimus, usura aliqua farcias. Expectamus omnino non epistolam, sed ingentem literarum farcinam, quae vel *Aegyptium* ἀχθοφόρον degravet. Si qui sint isthic bonarum literarum cultores, tuum erit officium eos, ut ad nos scribant, excitulare, quo videlicet amicorum orbem omnibus numeris absolvamus. Non ausim illos laceessere prior. Nam tibi nihil referre putamus, quomodo scribamus homini facillimo; ad haec mei, ut mihi persuasi, amantissimo. Vale, jucundissime More. *Oxonio*, 28. Octobris, An. 1499.

EPISTOLA LXIV.

Erasmus Rot. Guilielmo Montjoio S. D.

VIDNAM sibi vult illa tuae salutationis ἀνὰ πλάγους, ὦ salve mi praeceptor, salve mi praeceptor? Utrum doloris erat, quod a charissima conjuge divelleris, an gaudii, quod ad aequae dilectas literas sis rediturus? Mihi quidem, quanquam hic omnia durissima videntur, stat tamen sententia, omne tedium amore tui devorare, omnem exsorbere molestiam: ne quum tu in amando constantissimum te praestiteris, ego vicissim in obsequendo parum constans fuisse videar. Fac eum ad nos animum adferas, ne vel tu sine causa consuetudinem uxoris neglexisse, vel ego frustra tantum tedium pertulisse credar. Bene vale. *Oxonio*, Anno 1499.

EPISTOLA LXV.

Erasmus Fausto Andreliano, Poeta Laureato.

DEVM immortalem, quid ego audio? Itane Scopum nostrum repente e Poeta militem esse factum, ac pro libris horrida arma tractare? At quanto melius cum *Delio Volso* (sic enim se nominavit) depugnabat? Quem si confecisset, bone Deus, quantus triumphus hominem manebat. Nos quoque in *Anglia* nonnihil promovimus. Erasmus ille, quem nosti, jam bonus promodum venator est, eques non pessimus, aulicus non imperitus, salutat paulo blandius, aridet comius, & invita Minerva haec omnia. Quid mea? satis procedit. Tu quoque si sapias, huc advolabis. Quid ita te juvat hominem tam nasutum inter merdas *Gallicas* consensescere? Sed retinet te tua podagra, ut ea, te salvo, pereat male. Quanquam si *Britannia* dotes satis pernosces, Fauste, nae tu alatis pedibus huc accurreres: & si podagra tua non fineret, *Dadalum* te fieri optares. Nam ut plurimis unum quiddam attingam. Sunt hic Nymphæ divinis vultibus, blandæ, faciles, & quas tu tuis Camoenis facile anteponas. Est praeterea mos nunquam satis laudatus. Sive quo venias, omnium osculis exciperis, sive discedas aliquo, osculis dimitteris; redis, redduntur suavia; venit ad te, propinquantur suavia; disceditur abs te, dividuntur basia; occurritur alicubi, basiatur affatim; denique quocunque te moveas, suaviorum plena sunt omnia. Quæ si tu, Fauste, gustasses semel quam sint mollicula, quam fragrantia, profecto cuperes non decennium solum, ut *Solon* fecit, sed ad mortem usque in *Anglia* peregrinari. Cætera coram jocabimur: nam videbo te, spero, propediem. Vale. Ex *Anglia*, Anno 1499.

EPISTOLA LXVI.

Faustus Erasmo suo S. D.

FRUGALEM omnino mihi cenam postulo: nihil volo prater muscas & formicas. Bene vale.

EPI-



An.
1499.

EPISTOLA LXVII.

Erasmus Fausto suo S. D.

QVAE, malum, tu mihi objicis ænigmata? Num me *Oedipum* putas, aut *Sphingem* mihi esse domi? Quanquam equidem somnio tuas muscas, aviculas, fornicas, cuniculos velle. Verum alias jocabimur, nunc comæ emenda est, quare ænigmatistes esse desinas oportet. Vale.

EPISTOLA LXVIII.

Faustus Erasmo.

NUNC plane intelligo te *Oedipum* esse, nihil volo præter aviculas, & quidem parvulas: de cuniculis absit. Vale, optime ænigmatum interpres.

EPISTOLA LXIX.

Erasmus Fausto suo S. D.

UT tu, jocosissime Fauste, eadem opera & mihi ruborem, & Theologo illi stomachum excitabas: aderat enim in eodem auditorio. Verum non expedit, opinor, irritare crabrones. Bene vale.

EPISTOLA LXX.

Faustus Erasmo suo S. D.

FAUSTVM pro suo Erasmo vel emori audacter posse, quis nescit? Blaterones istos tanti omnino faciamus, quanti culicem elephantus Indicus. Vale. Faustus invito livore tuus.

EPISTOLA LXXI.

Erasmus Fausto, Poeta Regio, S. D.

PVER meus tuo jussu tuisque verbis formidolosum me appellavit, quod ob nescio cujus pestilentioræ metum, solum verterim. Non ferendum convicium, siquidem in militem *Elvetium* dicatur. At in hominem poeticum, ocli umbræque amantem, neutiquam hæret. Quanquam hujusmodi in rebus nihil formidare, equidem non strenui hominis, sed stipitis esse duco. Ubi eo cum hoste res est, qui propulsari, qui referri, qui vinci contra pugnando potest: ibi qui fortis videri cupit, per me licebit. *Lerneæ illa Hydra*, extremus durissimusque laborum *Herculis*, ferro quidem domari non potuit, at *Græco* tamen igni confici potuit. Huic malo quid tandem facies, quod nec cerni queat, nec vinci? Quædam melius fugiuntur quam superantur. Vir fortis *Aeneas* non congressus est cum *Sirenibus*, sed longe à periculoso littore proram deflexit. At nihil est, inquires, periculi. At ego interim citra periculum multos interire video. Vulpem imitator *Horatianam*,

— quia me vestigia terrent,

Pleraque te adversum spectantia, pauca retrorsum.

In hac ego rerum facie, non *Aureliam* modo, sed etiam ad *Gades* illas *Herculeas*, vel ad *Orchadum* extremarum extremam usque non dubitarim avolare, non quod meticulosus sim, animoque parum masculo, verum ne jure metuum: non, ne moriar, cui rei nascimur omnes, verum ne vitio meo moriar. Si *Christus* suos monuit Apostolos, ut mutatis subinde urbibus, persecutorum gladios effugerent, ego tam capitalem hostem, cum commode queam, non declinabo? Quanquam ad remigrandum jamdudum, tum *Musæ* me hortantur meæ, quæ quidem hic inter *Accursium*, *Bartolum*, & *Baldum* misere frigent: tum acre hoc sævumque gelu, penitus extinguendis hujus morbi reliquiis nimis quam opportunum. Sed faciunt adhuc scrupuli nescio quid, illa ingentis incendii vestigia, fumus, odor, favillæ, & haud scio an etiam igniculi suppositi cineri dolofo. Scio quidem, humanissime Fauste, operam me omnem ludere, qui quidem id te orem,

A quod ipse tuapte sponte facere non definis: orabo tamen, ut *Adagia* nostra, quæ nuper abortu ejeci, quomaturus distraherentur tuo testimonio commendes, atque exornes: idque non tam operi quidem ipsi, quam nostræ necessitudini dones. Neque enim usque adeo mihi met assentor, ut cujusmodi sint non videam. Verum parum proba merx, quam velis extrudere, hoc magis laudatore eget, quo minus meretur. Et nos isto tibi nomine non paulo plus debebimus, si tuum suffragium, non tuo judicio, sed omne nostræ benevolentiae accommodaris. Ne dicam interim, quod nec integrum tibi reliquisti, non laudare nugas meas, quibus jam semel adscripto epistolæ tuæ elogio, nihil non tribuisti: ut alterutrum jam tibi sit necesse, aut illas constanter laudare, aut te inconstantis hominis notam incurere. Denique à nobis enixe dabitur opera, ut illud idem prima manu deformatum opus, non elimeatur modò, verum incudi redditum, totum quantum est, diffingatur, eaque demum facie exeat, ut neque te testimonii tui poeniteat, neque illud tuæ laudationis tanquam parum convenientis, suppudeat. Qua quidem in re *Faustum* non modo censorem adhibebimus, verum etiam architectum. Bene vale. *Aurelia*, 20. Novembris, Anno 1499.

EPISTOLA LXXII.

Erasmus Augustino suo S. D.

DE Fausto, Gaguino, & Emilio alba feliciaque sunt, quæ nuncias omnia, neque novi tamen quicquam: at rursus perinde jucunda, ut si nova. Talium enim virorum in me benevolentiam, tam grave de te testimonium, quidni plurimi faciam? Tuum item de mea gloria studium, ut vetus libens agnosco, tanquam novum exosculor: etiam si *Faustina* illa ὑπερβολή, qua penes unum me literarum sacrarium esse dicitur, non ita nimis me delectavit: cum quod immodicæ laudes, neque nostro pudori, neque mediocritati nostræ conveniunt: tum quod hujusmodi ferme figuræ & fide carent, & invidiæ plurimum contrahunt: postremo ironiæ quoque sunt affines, quemadmodum & illa tuis in literis etiam si blandissime scripta, tamen mihi non admodum blandiuntur, *Observantissime praeceptor*, tuus devotus discipulus dedime tibi, jube quod vis, nihil habeo meum, sed omne tuum: cujus omne ego sermonis genus à sincera benevolentia quam longissime semotum esse oportere censeo. Nam ubi pure amatur, ita ut nos facimus, opinor, ibi quid istis figuris est opus? Ubi vero insincera charitas, hæc etiam in malevolentiae suspicionem rapi solent. Quare pergratum mihi feceris, si gratiosas istas ὑπερβολὰς funditus tuis è literis sustuleris, ut suum habeat simplex amor sermonem, meminerisque te conjunctissimo amiculo scribere, non tyranno. Fata etiam nunc tuis votis atque adeo virtutibus maligne respondere, mihi quidem est opinione molestius, mitescere vero gaudeo. Quinetiam aut insignite me fallit animus, aut eam tam fatalem tempestatem nova quædam serenitas consequetur. Tu modo obdura, mi *Augustine*, uti soles, contraque ardentior ito, quam tua te fortuna sinet. *Paulum* *Emilium* ad nos remigraturum tuis è literis olfacio. At ego multis modis hominem manere malim: nam hic quidem cur diutius hæream non video. Sed tu curabis ut omni de statu tuo mihi perscribas, ecquid nostri convictus sarcinulam tua fortunula ferat: quandoquidem de voluntate nec tu vis me diffidere, neque ego possum, tot jam periculis & argumentis explorata spectataque. Quare si quid erit quamobrem hospites, vel parum tempestivi, vel minus commodi futuri videamur, citra omnem fucum aperies, ea videlicet libertate, quam tanta postulat necessitudo. Ego ne pilo quidem te minus amavero. Ita me superi omnes bene ament, non tam huc spectro, quo fortunis meis prospiciam: quanquam huc quoque (cur enim inficier?) quam ut doctrinæ tuæ, mea, ut scribis, opera de-

D 3

for-

An. formatæ, suprema manus imponatur. Quod si eadem tibi mens, imo si fortuna patitur, ut utrique commoda nostra cum alterius commoditate jungamus, accersere; sin minus, tamen hoc ipsum scire permagni mea refert, ut properem aliis rationibus mihi consulere, etiamsi prius illud potius est. Quî cum enim cupiam potius mea consummare studia, quam tecum, quem ego primum bonis literis initiavi, quî cum ad jam prope abjecta studia me revocavi, quî cum tot annos conjunctissime vixi? Verum si non potes quod vis, id velis quod possis. Ostentatur nescio quæ specula de ad-eunda Italia, & prurit nonnihil animus, verum simulatque tuas literas accepero, meis de rebus statuam. Nicolaum Benferadum, qui me, ut scribis, plurimum valere cupit, ego vicissim plurimum salvere jubeo. Tumultuor in mea Copia, sed Musis opinor invitis. Quid enim possum pulchri, omnibus bonis libris destitutus? Et altius sese in recessu opus aperit, quam in ingressu promittebat. Et tamen molior, quid enim aliud agam? Scilicet hoc ago, ne, quod est turpissimum, nihil agam. Cura ut valeas, mi Augustine, meque, quod soles, ama. Datum Aurelia, 9. Decembris, Anno 1499.

EPISTOLA LXXIII.

Erasmus Rot. Batto suo S. D.

SECVLVM exisse mihi videtur, suavissime Batte, quod nihil abs te redditur, & hoc solo nomine arcem istam male odi, quod perraro occurrunt, qui aut istinc ad nos, aut hinc ad vos commeent. Quod si Lovanii, aut in Zelandia ageres, assidua vicissitudine literarum nostrum desiderium levarem. Ludovicum, puerum quondam meum, una meis cum literis ad te misi: is quoniam non revertitur, aut hæsisse istic, alio se convertisse videtur. Sed quoniam neque ipse me volebam hyberno itineri committere, tum valetudini parcens, tum ne componendi laborem, in quo sum totus, denuo intermitterem, & res vehementius opinione premebat, hunc etiam mercede data conduximus. Quid autem velim, paucis exponam. Augustinus Parisios remigravit, amicus an inimicus, haud dum etiam exploratum satis, neque fronti, neque verbis satis tuto creditur. Verum non pessime spero, malo enim hac in re candidior videri, quam suspiciosus. Mihi quoque remigrare, non solum commodissimum, verumetiam necessarium: tum ut quod Gracis in literis institui, pergam: tum ut quæ in manibus sunt, absolvam. Sunt & aliæ causæ, quas epistolæ committere nolui, & vacuus neque hic sedere possum, neque abire, nisi forte tu auctor eris, ut post tam capitales iras, atque adeo rixas, etiam amarulentas, supplex ultro ad Augustinum redeam, scilicet me victum indicans, & ferre non posse, ut ille me suo more deludat. Quod si animo sim usque adeo demisso, ut ista perpeti queam, id est, ut nihil non queam pati, tamen haud etiam scio, an ille supplicem sit admissurus, ut mori sit satius, quam hujus rei subire periculum. Quicquid dabit, accipiemus quidem. A quo enim potius beneficium accipiamus, quam ab eo, de quo sic meriti sumus, & qui meo beneficio est quicquid est? verum nihil minus committendum puto, quam ut in eas angustias descendamus, ut aut illius opem suppliciter implorare cogamur, aut cum maximo nostro tum pudore, tum incommodo carere. Quare non sine tædio quodam, sed tamen obfirmavimus nos, atque hic resedimus, donec tu pecuniolam aliquam misisses, ut Lutetiam reverso liberum esset, vel Augustini uti benignitate, siquidem ille sincere & ultro deferret, aut contemnere vicissimque ulcisci, si personata fucataque benevolentia sese aliqua prodidisset. Quæ res ut vel maxime ex animi sententia cadat, id quod non tam spero, quam omnino non despero: tamen undecunque mihi nummorum aliquantulum erat corradendum, qui me vestiam, qui Hieronymi, in quem commentarios paro, lucubrationes omnes, qui Platonem redimam, qui

A Gracos libros comparem, qui Graci operam conducam: An. hæc omnia quantopere ad gloriam meam, imo ad salutem pertineant, etiamsi puto te perspicere, tamen oro ut mihi è re ipsa cognita, affirmanti credas. Incredibile dictu est, quam mihi flagret animus omnes nostras lucubrationunculas ad umbilicum ducere, simul Gracæ facultatis mediocritatem quandam assequi, itaque deinde me totum arcanis literis dedere, ad quas tractandas jamdudum mihi gestit animus. Valetudine sum, gratia superis, mediocri, & futurum spero; quare hunc in annum omnes intendendi nervi, ut & quæ cudimus, in lucem exeant, & Theologicarum literarum tractatione Zoiolos nostros, quorum maxima turba est, ad suspendium, ut digni sunt, adigamus. Jam olim magna minantem, aut nostra desidia, aut fatum aliquod iniquum, aut valetudo retardavit. Nunc, nunc tandem est suscitandus animus, nunc omnes contendere nervos oportet, ut aliquando cum Flacco nostro gloriemur, Invidia quia major: Et jam dentes minus mordeor invido: hoc est, ut invidentissimorum hominum malignitatem, virtutis splendore obruamus: id quod ego superis bene fortunantibus futurum confido, modo triennium vivere detur. Sed omnia pene mea fata in te uno sita sunt, quapropter pari studio conantes nos adjutes oportet, id quod plurimis de causis præstare debes: tum quia felicitatis nostræ abs te profecta sunt auspicia: tum quod tam arcta necessitudo nos jam olim copulat, ut copulatio inter duos mortales esse non possit: tum quod tui nominis immortalitatem cum æternitate scriptorum meorum vides esse conjunctam, ut siquidem nos ingenio libros nostros ab interitu potuerimus asserere, tui quoque candoris memoria nunquam sit interitura. Eja age, mi jucundissime Batte, pectus istud tuum, candori & Gratiis consecratum, excita, omnes benevolentiae venas excute, ut si unquam de Erasmo tuo juvando, amice cogitasti, id quod nunquam facere destitisti, nunc toto animo incumbas. Sed næ ego nostræ necessitudini gravem jamdudum facio injuriam, qui quidem te rogem tam diligenter, quem admoneri plus satis fuerat futurum? Non orabo igitur, ut me ames: non enim potes ardentius: non ut fortunis meis faveas, quas tuis ipsius anteponis: non ut in curandis rebus meis fidem studiumque tum præstes, quibus meipsum quoque vincis: sed quod est omnium levissimum, id unum ut exorem permagni refert, ne quæ à nobis nostris de rebus ad te præscribuntur, logodædala credas esse, & arte conficta, quo nostris commodis inserviamus. Quod si quando per ocium aut jocos lusimus, aut pro re nata quid adumbravimus, habent illa, mi Batte, suum tempus. Nunc ita res habent, ut salibus indulgere nequitiam vacet, & nihil sit causæ, cur quippiam mentiar. Ita velint superi nos ambo mutua charitate feliciter consenescere, & apud posteros quoque amoris nostri sincerissimi memoriam quam diutissime vivere, ut nullum ego apicem his inserui literis, qui cum hoc pectore dissideat. Quid enim est quod tecum, id est, meo cum animo, communicare non aut tuto possim, aut libere debeam? Proinde te oro, mi Batte, ne quid horum, quæ scribo, pro fūco accipias, cum à me quidem magis etiam serio dicantur, quam utervis nostrum velit: ne plane Plannum illum referam Horatianum, & crure vere fracto, ridear ab omnibus, sublever à nemine: quod unum si persuadeo, cætera tibi curæ fore scio. Domina si quid misit, id velim certo tabellioni, aut Ludovico committas una cum Britannica pecuniola: aut huic denique, si certior non occurret, recte committi arbitror: habet Aurelia uxorem cum liberis, & complurium literas perfert. Quod si vel à domina nihil est allatum, vel tabellio non placet, tamen huic Britannicos nummulos fac tradas, quibus me Parisios referam, id quod à feriis natalitiis facere constitui, & cautes nulla me potest esse nudior. Quid igitur tuus Jacobus, inquires, facit? Omnia, mi Batte, quæ à te ipso solent, eo vultu, eo pectore, quo soles ipse. Amat effusissime, mi-

An. miratur unice, laudat sine fine. Fortunulas suas ita
1499 alacriter, ita libenter impartit, ut nemo unquam tam
libens beneficium acceperit, quam hic dat: nihil attē-
vandi gratia dicam, aut idem est qui tu, aut alter cer-
te *Battus*: ita ad amissim tuum candorem, quam cha-
ritatem, breviter, tuum istud sincerissimum niveumque
pectus repraesentat. Sed erant permulta, quae me *Pa-
ris* revocabant, tum pudoris erat mei, amici tam
integri, tamque parati, fortunulas non gravare. Exspe-
ctat enim magnam potius fortunam, quam possidet: &
habet tamen sibi quidem mediocrem, mihi alendo for-
tassis angustam: quanquam ego illud vel praecipue can-
didissimo unione signandum arbitror, quod hic mihi
contigit amicus non blandissimus, ut sunt permulti,
sed certissimus, ut perpauci, aut fortasse nulli. Is te,
mihi crede, jam non minus ardet atque meipsum. *Bat-
tus* illi in ore plurimus: videre, complectique, quoties
te laudo, gessit. Redamabis igitur hominem, *Jaco-
bus Jacobum*, candidissimum candidissimum, doctus e-
ruditum, *Erasmi* admiratorem admirator penē nimius.
Deposce me si operam luseris. Mitte pariter quod est
in sarcinula de epistolarum praeceptionibus: hoc enim
opus à me perficitur: praeterea *Augustinum* in mem-
branis scriptum, tum orationis ad Virginem matrem
exemplar, nam meum *Augustinus* avertit. De domina
quid spei, quid nos amet Praepositus, quid Abbas à
fratre non amico reverfus de nobis sentiat, ecquid *A-
dagia* nostra placeant, ecquid ab *Anglis* novi, exspe-
cto, ut ait *Cicero*, πάντα με πάντων. Scripsi etiam
per hunc *Antonio*, à *Disma* nimirum Abbatis fratre
compulsus, hac quidem de causa. Adolescens ipse
mente est optima praeditus, ita ut nihil meminerim in
vita vidisse aut ingeniosius, aut modestius: studia mi-
ratur unice, dignusque est omnino, qui vulgari ista
cruditione videatur indignus: sed vivit in tutela, ut ap-
pellant, quadam neglectus, victu immundo & sordi-
do, inter scurras potius quam studiosos, quos gladio-
rum usus delectat potius quam librorum, quique pul-
chrius ducunt nocturnis grassationibus, Bacchanalibus,
quam ad librum lucubrare, & scis quam facile aetas
illa improbo convictu depravetur. Adolescentulus par-
tim ingenii bonitate, partim consuetudine nostra lite-
ras magis ac magis ardet, misereque cupit ex illa hara
ocioforum juvenum, ad meum *Jacobum* emigrare. A-
mant enim inter se mirum in modum, cupit ille quem-
piam vulgi dissimilem, qui toto pectore bonas literas
amplectatur, cui doctrinam suam communicet: cupit
alter, apud quem munde & totus in literis vivat. Qua-
re tu quoque, si quid usu venerit, operam accommoda-
bis tuam, ut Abbas hunc ex ea eximat familia, & *Jaco-
bo Tutori* meo committat: & adolescentem bearis,
& *Jacobo* nostro fueris gratificatus, & Abbas non du-
bium quin nobis omnibus hanc ob rem maximam sit
gratiam habiturus. Ergo *Antonium*, ad quem scripsi,
excitabis, ut Abbatem commoneat. Abbati ipsi mu-
tata sententia non scripsi, nec scribere consilii est, do-
nec tuis literis certior ero factus. Adibis *Andomarum*
ipse, quo melius omni de re cognoscas. *Guilielmi* nostri
ad me scriptam epistolam, ad te transmittito, scilicet ut
rideas, est enim perquam faceta & technologica. Vide,
obsecro, quibus ille anfractibus circumvehitur, quam
huc atque illuc cursum flectit, ut tanquam aliud agens,
eo demique evaderet, uti *Adagiorum* libellos aliquot
mitterem, meo videlicet periculo, se bona scilicet fi-
de sortem remissurum, haud stultus mercator: siqui-
dem aliena pecunia, alienoque periculo suum lucrum
facere noverit. *Jacobus* meus illi *Graciam* Grammati-
cen dono misit. Percupio enim illum has literas de-
gustare, tuum erit eundem tuis epistolis frequenter ex-
citare. Est per se lentior, tum genus illud vitae, nul-
lus studiorum comes, nullus aemulus, nemo mirator,
nemo fautor, nullus honos, nulla praemia, quem tan-
dem ista non vel ex diligentissimo ignavissimuma red-
dant? Opus de epistolas scribendi praeceptionibus prae-
manibus est, id, si videbitur, tuo Principi *Adolpho* di-

A
cimus, de *Copia* item tentabimus absolvere. Tabel-
larius, qui has reddidit, mihi non incertus videtur: qua-
re recte, quae voles, commiseris. Si jam *Ludovicum*
remiseris, tum scribito quid rerum illi mandaveris. *Pe-
trum* tuum candidissimum cum optima conjuge meis
verbis salutabis perstringenter. *Adolpho* tuo me facies
commendatum. *Jacobus* hic alter tu, alterum se, id
est, ut plurimum salvere jubet, cupitque tibi quam
commendatissimus esse, & est, mihi crede, quem tu
amos, non aulico, sed *Battico* amore. Vale, mi opti-
me ac suavissime *Batte*, *Aurelium*, ii. Decembris an-
telucano, Anno 1499.

EPISTOLA LXXIV.

Erasmi Rot. Jacobo Battō S.D.

B
ONI consules pro veteri tua humanitate, quod se-
cus atque statueramus, hic permanemus, non tem-
ere mutato consilio. Nam principio nihil erat via-
tici, nisi quod mutuo sumpsissem: deinde jam à mor-
bo revalueramus, tum hyberno itinere nonnihil terre-
bar, maxime hoc anno & multum & infelicitate pere-
grinatus. Et pestis, ut audio, jam propemodum so-
pitur. Adde huc hominum malevolentium fabulas, si
totiens istuc recurrerem: Postremo *Jacobus* hic tui
non tam nomine, quam animo similis, ea charitate
me complectitur, ut si cæterorum nihil esset, hac una
possem compede vinciri. Abbas porro adeo me invi-
tat, ut prope etiam, ne veniam, deterreat. Qui si
maxime nos amet, haud etiam scio, quam in partem
sit nostrum hunc metum accepturus: tum ut est ani-
mo non plumbeo, ne dicam levi, si amat, melius a-
mabit abientem. Sin fratrem imitabitur, expedit quam
longissime abesse. De ejus quidem, mi *Batte*, levi-
tate dicam an invidia, pudet me tibi queri. O infeli-
ces literulas meas, quibus talis anti-Mecænas contige-
rit, qui non solum non foveat, sed impense etiam in-
videat. Rediit nuper, ut scis, è *Lovanio* *Joannes Stan-
donk* una cum paupere quodam magistello *Mechliniensis*.
Huic antistes ille gravis negotium dedit, ut *Parisiis*
quam sagacissime omnes vitae meae latebras vestiget at-
que olfactet, ad seque deprehensa transcribat, magni-
ficum etiam praemium pollicitus delatori. Addidit ho-
mo impudentissime levis se admirari, qua fronte *Pari-
sis* sedere ausim à se exauctoratus. Infanissimus si hæc
cogitasset, quanto dementior, qui hæc scholastico &
pauperi communicet. Auguror homini bilem augeri,
partim quod negligi se putat, partim atque adeo maxi-
me, quod fratri, aut aliis, à quibus forte meo nomi-
ne male audit, queri de se me putet. Verum hæc a-
deo animum mihi non eripiunt, ut magis etiam libeat
Parisiis insigne aliquod facinus edere, quo illi rumpantur
ista. Habes quibus adductus causis ad te non ve-
nerim, alioqui veniendi avidissimus. Id consilium, ut
spero, comprobabis. Cæterum, *Ludovicum* puerum o-
lim meum ad te emandavi hoc quidem nomine, ut *Ju-
doco* inserviat, quem ego jam redisse puto: qui si non-
dum rediit, peto ut interea adolescentem alteri cui-
piam commendes, aut certe, quod ille malit, ipse re-
cipias, si quo modo possis. Est ea fide, ut nihil illi
non concedi possit, id quod est in puero maximum.
Tum scribit & expeditissime & polite, *Gallico* simul-
que *Latine*. Literatus mediocriter, patiens laboris,
obsequentissimus, mente minime mala. Posset tibi quo-
que in libris transcribendis usui esse. Quare si illi per
te erit prospectum, & mihi feceris gratissimum, &
puero jam destituto subveneris. Quod si apud te lo-
cus erit nullus, vide ecquid apud Abbatem vacet. Sed
si retines isthic puerum, fac tabellario, qui est in divo
Andomaro, pecuniolas nostras quam primum commit-
tas ad me perferendas una cum *Aurelio Augustino*, qui
est in membranis, & si quid praeterea, quod mihi u-
sui fore putas. Cum *Augustino* jamdudum me ipsa res
reduxit in gratiam: agnoscit nomina, verum negat es-
se sibi quod det, & credo propemodum. Huic *Jaco-
bo*

An. 1499. *bo* meo jam scutatos aliquot debeo. Quare non omnem modo pecuniam, quam habes meo nomine, mittas, verumetiam si quid ipse mutuum potes *Erasmo* commodare. Unde recepturus, inquires? à domina, quæ adeo non erit dura, ut natalem patriatur præterire. Sic est necesse, mi *Batte*, si me saluum vis. Haud temere hæc scribo. Si vero desperas te puero huic posse consulere, cave istic hærerere finas, sed continuo remittas, tuis literis, pecuniaque, & libro, præterea si quid est aliud, oneratum. Non potes aut scribere, aut mittere per certiozem. Laudo quod tam es in literis cautus, verum per hunc, mihi crede, quidvis garrire potes. Addes illi de nostra pecunia viatici loco decem aut duodecim duodenarios. Sive autem istic retinebitur, sive remittetur, vestem illi nigram, quæ apud te est, meam donabis, ut habeat aliquod ex me ministerii sui præmium, nisi jam erit alienata. *N.* ut scribis perquam parce, id quod ego stolidissimo illi *Galba* imputo, cujus ejusdem stultitia pecuniæ meæ in *Anglia* perierunt. Verum id interea mustitabimus. Erit aliquando referendæ talionis locus. Nos nihilominus in literis instituto pergemus itinere. Poenitet *Adagia* istuc distrahenda misisse, cum hic & pluris veneant & frequentius. *Jacobus* hic meus, alter plane *Battus*, tanto affectu se tibi commendatum fieri cupit, ut majore nequeat. Dignusque est, mihi crede, quem tu toto pectore complectare. Amat te effusissime, tu ne committe, ut in amore victus videaris. Vale, mi *Batte*. Scripsi neglectius, ne quid teneram adhuc valetudinem exagitarem. *Aurelia*, Anno 1499.

EPISTOLA LXXV.

Antonio à Bergis, Abbati sancti Bertini, Erasmus Rot. S. D.

EN tibi, pater humanissime, asellum illum *Æsopicum* nostræ referunt literæ, quibus quidem festivitatem tuam atque facilitatem iterum atque iterum expertis, tantum fiduciæ accrevit, ut audeant ad tuam amplitudinem & extemporales venire, quæ antea ne multa quidem cura comptæ id facere audebant. Quam tamen negligentiam nolim securitati nostræ tribuas, sed literariis lucubrationibus, quæ me cum semper, quatenus per valetudinem licet, totum possident, tum in præsentia ita distringunt, ut ne valetudini quidem parcant. Nam *Graca* quædam forte fortuna sum nactus, in quibus furtim transcribendis & pernox sum, & perditus. Roget quis, quid ita me *Catonis* censorii delectet exemplum, ut hoc ætatis libeat *Gracari*. Si quidem puero mihi, pater optime, aut hæc mens fuisset, aut non defuissent potius mihi tempora, longe felicissimus essem. Nunc ita statuo, satius esse vel serius discere, quam nescire, quæ cum primis oportet tenere. Delibavimus & olim has literas, sed summis duntaxat (ut ajunt) labiis: at nuper paulo altius ingressi, videmus id, quod sæpenumero apud gravissimos Auctores legimus, *Latinam eruditionem, quamvis impendiosam, citra Gracissimum mancam esse, ac dimidiatam*. Apud nos enim rivuli vix quidam sunt, & lacunulæ lutulentæ: apud illos fontes purissimi, & flumina aurum volventia. Video dementiam esse extremam, Theologiæ partem, quæ de mysteriis est præcipua, digitulo attingere, nisi quis *Gracanica* etiam sit instructus supellectile, cum ii, qui divinos vertere Libros, religione transferendi ita *Gracas* reddant figuras, ut ne primarius quidem ille, quem nostrates Theologi *literalem* nominant, sensus percipiatur ab iis, qui *Græce* nesciunt. Quis enim in Psalmo * illud intelligat? *Et peccatum meum contra me est semper*, nisi *Graca* legerit, quæ sunt hujusmodi, ἡ ἁμαρτία μου ἐνώπιόν μου ἐστὶ διαπαντός. Hic mihi Theologus quispiam longam texuerit fabulam, quomodo caro cum spiritu pugnet assidue, præpositionis scilicet [*contra*] deceptus amphibologia, cum illud ἐνώπιον, non pugnam, sed situm significet, perinde ac si dicas, *è regione*, id est, in

* Is est L. juxta Vulgatam, at juxta Hebr. LI. ψ. 3.

A conspectu: ut significarit Propheta, *culpam suam usque adeo sibi displicere, ut ejus memoria nunquam ab animo recederet, sed semper veluti præsens obversaretur*. Quod autem alibi † est, *Bene patientes erunt, ut annuncient*: quis non figuræ lubrici decipietur, nisi à *Græcis* didicerit, quemadmodum *Romani* sermonis consuetudine bene facere dicimus eos, qui beneficio quempiam afficiunt: ita *Græcos* & παθόντας bene patientes dicere, qui beneficio afficiantur: ut sit sensus, *bene patientes erunt, ut annuncient*, bene cum illis agatur, & beneficiis meis juvabuntur, ut meam in se beneficentiam prædicent. Sed quid ego è plurimis & maximis, paucissima quædam & levicula repeto, cum mecum stet sacrosancta Pontificii senatus auctoritas: cujus decretum exstat adhuc in *Epistolis Decretalibus*, ut in præcipuis (uti tum erant) *Academiis* pararentur, qui *Hebraicas, Græcas, Latinasque* literas perfecte possent tradere, quod sine his divinas Literas percipi posse negarent, multo autem minus tractari? Quod saluberrimum sanctissimumque senatusconsultum adeo contemnimus, ut vel primis *Latini* sermonis rudimentis abunde simus contenti: sic persuasi scilicet, uno è *Scoto*, veluti è quodam *Copia* cornu, universa peti posse. Quo cum hominum genere non equidem pugno: sit per me suum cuique pulchrum, ducat *Cascus Cascam*: mihi placet hac ingredi, quo me divus *Hieronymus* cum pulcherrimo tot Veterum cœtu vocat: quibus cum viris, ita me bene ament superi, insanire malim, quam cum neotericorum vulgo Theologorum quantumvis sapere. Præterea molior arduum quoddam, &, ut ita dicam, *Phaethontium* facinus, ut *Hieronymianos* libros partim ab iis semidoctis depravatos, partim ob rerum antiquarum, & *Græca* literaturæ incitiam aut obliteratos, aut truncos, aut mutilos, aut certe mendosos, & portentis plenos, pro mea virili restituam: neque restituam modo, verumetiam commentationibus illustrem: ut apud se quisque lector agnoscat, *Hieronymum* illum, quem unum habet ecclesiasticus orbis utraque doctrina sacra & gentili, ut vocant, juxta absolutum, ab omnibus legi posse, at non nisi ab eruditissimis intelligi posse. Id quoniam impendio conor, & *Græcanitatem* in primis adsciscendam video, menses aliquot *Græcum* didascalum audire decrevi plane *Græcum*, vel potius bis *Græcum*, semper esurientem, & immodica mercede docentem. De maleficis nihil habebam quod scriberem, nisi quod è *Tutoris* mei literis cognovi, virum æterno carceri addictum, mero pane & aqua simplici saginandum: uxori trimestrem carcerem poenam esse: puellulam in monasterium ablegatam, si sua sponte, beatam; sin minus, utroque parente damnatam acerbius: libri, gladius, cæteraque maleficii monumenta igni exurentur. Sed auguror à civili supplicio temperatum, quod omnis maleficii proditio ab ecclesiastico profecta sit indice: cætera negat ab Officiali cognosci potuisse. Bene vale. *Aurelia*, Anno 1499.

EPISTOLA LXXVI.

Erasmus Roterd. Batto suo S. D.

SALVE plurimum, suavissime *Batte*. Res nostræ sic habent, ut jam vel amantius blandiri, vel jocosius stomachari neque libeat, neque liceat. Res meas accipies: quare te quæso, ut *Batticum* illum animum adhibeas. Juvenis ille, quem ad te libris onustum miseramus, intra quatuor hebdomadas reditum pollicitus, jam octo hebdomadas desideratur. Neque ego nescio plura solere iter facientibus præter opinionem obtingere, morbum, latrones, nova negotia, mille denique morarum causas. Verum non temere mihi summus incessit metus, ne quid ista in re magnæ subsit fraudis. Principio, *Augustini* ingenium, & vetera facinora nosti: deinde, audio juvenem apud nos non paucis obæratum, tum neque sapientem admodum, neque certum; ad hæc *Augustino* intimis consiliis conjunctissimum: ea nunc demum emerferunt, ita ut sit, possit festum, ut ajunt, Equidem

† Psalmo xci. Vulgatæ, Hebr. vero xcii. ψ. 15.

dem saepenumero mecum sum admiratus, quod illud esset, tam repentinum in *Augustino* proluvium? quæ subita hominis metamorphosis, ut qui semper aliena furari consueverit, hunc sua largiretur. Nam nunc demum paulo plus insumpsit, quam à me acceperat. Suborta est nonnunquam animo suspiciuncula, me inescari, ut semel captus omnem rem solvam aucupi. Ea suspicio, nisi plane fallor, me nunc neutiquam faller. Id ut ita esse intelligas, quid acciderit cognosce. Concessimus pestis metu *Aureliam*. Ibi statim post dies complusculos juvenum alter, quos alit *Augustinus*, in morbum incidit, haud scio an contagiosum, necdum certum scimus. Nihil enim difficilius, quam lohiginem illam suis se tenebris involventem deprehendere. Verum cum puer jam quatrimum & amplius assidue vomisset, alvoque assidue cita uteretur, veritus ne quid ex his foetoribus valetudinis contraherem, *Augustino* exposui, commodius esse, si quinque aut sex dies aliquo concederem, ipsi locum facerem, & naribus meis consulerem: deinde redirem. Statim *Augustinus*, velut ansa arrepta, inimice id tulit, etiam si magnopere id diffimulabat. Negavit sibi esse quod mihi suaderet, facere jussit quod videretur, sibi neque mentem esse, neque consilium. Id eo spectabat, quod mihi tum temporis ne obolum quidem esse putaret, & citra pecuniam nihil posse, ut aut manerem invitus, aut in magnum inciderem malum. Adjunxi me *Antuerpiensi* cuidam *M. Jacobo Tutori* Juris Pontificii professori, juveni perhumano, nostrique cupientissimo, literarum nostrarum studiosissimo & admiratori & prædicatori, sed ita adjunxi ut ad *Augustinum* juvene recreato redirem. Hic *Augustinus* non modo irasci, sed etiam invidere huic coepit: planeque partim obticendo, partim ænigmaticis illis suis figuris significare, mihi reditum ad se interclusum fore. Id tamen pridem teneram, libebat magis magisque expiscari. Simulabat ille multa, ut est homo, verum qui multa mentiuntur, non queunt semper sui memores esse. Quid multa? deprehendi animum hostis, proditoris, latronis, & ut verbo absolvam omnia *Augustini*, veteris, inquam, illius *Augustini*, quem tibi ex parte descripsi. Olfacio illum amara, perfida, subdola, denique se digna cogitare: illudque in primis quod diffimulat maxime, ut juvenem, in *Angliam* quem misimus, me clam excipiat, pecunias literasque, si quas adferat, auferat. Quid tum postea? Deinde eundem alio ableget, multas scio causas, quibus id facillime possit. Mihi verba dabuntur, profugisse juvenem, nusquam comparere. Interea fiet aliquid. Aut ipse *Augustinus* aliquo se in fugam conjiciet, aut certe nos aliquo pacto perdet. Mihi crede, *Batte*, nihil ab eo exspecto, nisi quod à perfidissimo sicario soleat exspectari. At misere vereor, ne jam redierit juvenis, ac prædam prædo possideat, captatam certo scio, vel hoc argumento. Nam ipsi *Augustino* nuper exciderat multa mentienti, ut solet, se nescio quid de juvenis adventu inaudisse, illum jam in itinere esse, nec *Parisiis*, sed alia via rediturum. Id eo spectabat, ne nos occurreremus, redeuntemque interciperemus. Ego continuo urgere coepi, à quibusnam id accepisset. Primum homo nugabatur, alias res interjiciebat: deinde ubi non desisto sciscitari ac premere, ait se ex quodam accepisse, eumque nominat. Ego protinus ad eum mitto, ecquid de *Joanne* audisset. Ait nihil, nisi quod ab ipso *Augustino* instructus videbatur. Expostulo cum *Augustino*, quid mihi eum nuncii auctorem monstrasset, cui narrasset ipse. Variat homo colorem, mutat sermonem, tandem premente me, ait, ebrium fuisse qui id dixisset: nam se quicquid esset illi dixisse. Hujusmodi technas permultas possem commemorare. Verum hoc habe, mi *Jacobe*, nihil unquam mihi fuisse exploratius, quam *Augustinum*, si clam possit perniciem mihi moliturum, inprimis his pecuniis insidiaturum. Quare si me salvum vis, neque indormisces hac in re, neque ulli labori aut sumptui parces. Nam si

A hunc scopulum præternavigaro, cætera tuta fore confido. Hoc igitur est quod te volo facere, aut si quid habes melius. Si juvenis nondum rediit ex *Anglia*, potest fieri, ut ille alio littore transmiserit in *Galliam*, videlicet à magistro suo admonitus. Quare si libros aut pecunias ex libris collectas penes te habes, cave è manu emittas: serva quod habes: sin cum in *Zelandiam*, aut alio emisisti, isque nondum rediit, enitere omni cura, ut juvenem ad te revoces, & quicquid habes eripias, maxime quod ad me pertinebit, ne nummulum quidem commiseris. Dic te certum habere, me isthic intra pauculos dies adfuturum. Et si honesto prætextu potes, etiam *Augustini* res detine, nondum enim res omnes meas ab illo recepi. Si juvenis jam rediit, & apud te fuit, tu continuo per certissimos tabellarios transcribe, & quo die à te discesserit, & quid pecuniarum, & quo nomine, & quas literas habuerit, ut *Augustino* lupo possim negotium exhibere. Adde in epistola ejusmodi stimulos, qui possint hominem etiam confidentissimum, ut hic est, terre: aut *Adrianum* mitte, qui si videbitur, nos salutet, & omnia fugitivi juvenis vestigia odoretur. Hac in re, mi *Batte*, quicquid in te est doli, quicquid opis, quicquid diligentiae, id totum effundas oro. Jam si juvenis ad te ex *Anglia* redeat, omnibus rebus bona fide peractis, nihilominus omnia, quæ mea sunt, apud te serva, ne plumam quidem credideris, hoc quidem quo dixi prætextu. Tum si juvenis pridem isthinc discessit, & pecuniarum aliquid attulit: nec dubium videtur, quin *Augustinus* artem exercuerit suam, tu continuo in *Angliam* mitte, qui rem olfactet. Quicquid autem à juvene receperis, id per tabellionem divi *Andomari* mitto, & quidem probe instructum & præmonitum, ne ad *Augustinum* divertat, sed aut ad *Dismam* Abbatis fratrem, aut ad *Jacobum Antuerpiensem*, qui cum vivo, aut si causa videbitur *Adrianum* mitto. Vale, mi *Batte* optime ac suavissime. Per hunc juvenem, qui prætoris filium huc adduxit, nihil scripsisse demiror, cum tanta esset scribendi causa. Bene vale. Salutat te *Jacobus* meus familiaris. Libera me quam primum hoc metu, si fallor, malo: si recte, suspicor. *Aurelia*, Anno 1499.

EPISTOLA LXXVII.

Erasmus Nicasio, Sacellano Cameracensi, suo S.D.

Q V A N Q V A M antea mihi literarum nomine charissimus esses, *Nicasie* doctissime, difficile tamen dictu fuerit, quantus cumulus meo in te amoris ex illo nostro convictu accesserit. Antea me tibi deditissimum habebas, nunc multo devinctiorem. Sed suspecta quædam res est, verbis beneficium rependere. Tu si mei in te animi periculum facere velis, aliquid vicissim oneris imposito. Nullam sarcinam tam gravem, tam molestam injeceris, quæ mihi tua causa non levissima, non etiam jucunda videatur. Epistolam tuam reddidi diligenter. *Thomam Cameracensem* tuo nomine salvere jussi. Tu quod es pollicitus fac præstes, ut ad me quam saepissime scribas. *Michaelem Pavium* præceptorum meum, nominatim vero illum hospitem, virum (ita me Deus amet) Episcopatu dignum, cujus nomen excidit, humanitas, comitasque, qua me isthic tractavit, nec excidit, nec excidet unquam, meis verbis salutabis accurate, & tuo more, hoc est, diligentissime gratias ages. Bene valere te cum tuis omnibus precor. *Parisiis*, 14. Decemb. Anno 1499.

EPISTOLA LXXVIII.

Erasmus Greverado Advocato S.P.D.

Q U O D ignotus ignotum meis literis inexpectatis interpellare sum ausus, vir optime atque integerime, non tam debes improbitatem accusare meam, quam benevolentiam, & ab hac profectam fiduciam

Tom. III.

E

am-

An. 1499. amplecti: quanquam qui mihi ignotus esse potes, cuius animum, mores, studium, *Henricus Noorthonius*, homo omnium qui vivunt, minime mendax, familiari sermone ita saepenumero descripsit, ut non aliter quam in tabula depictam tui imaginem coram videar intueri? Si tantam vim habet probitatis & eruditionis admiratio, ut toto fere orbe disjunctos, arctissima tamen charitatis copula conjunctissimos esse videamus; ego viri tam modesti, tam studiosi, tam candidi bonarum literarum admiratoris, & tam vicini, gratiam non quavis etiam ratione conabor aucupari? Neque vulgari sermone tecum hanc mutuam benevolentiam inire est animus. Sancta quaedam res est eruditorum societas, & non nisi sancto aliquo pignore fandienda. Id quale sit, jam paucis exponam. Flagrat jam olim mihi incredibili ardore animus, *Hieronymianus* Epistolas commentariis illustrandi, & nescio quis Deus mihi pectus accendit, agitque ut rem tantam, & à nullo hactenus tentatam, audeam animo concipere. Movet me viri coelestis & omnium Christianorum sine controversia longe tum doctissimi, tum facundissimi pietas: cujus scripta cum digna sint, quæ ab omnibus passim legantur & ediscantur, vix pauci legunt, pauciores mirantur, paucissimi intelligunt. Deum immortalem, *Scotus*, *Albertus*, & his impolitiores Auctores, omnibus in scholis perstreperant, & ille unicus religionis nostræ pugil, illustrator ac lumen *Hieronymus*, qui meruit ut unus celebraretur, unus ex omnibus tacebitur? Sed rem video indignissimam, ob hoc ipsum negligi *Hieronymum*, per quod promeritus est ne negligeretur. Nocet auctori eloquentia, quæ religioni profuit. Alienat multos abstrusior eruditio, qua potissimum oportebat eum commendari. Pauci itaque mirantur, quem perpauci intelligunt. Quod si talis auctor dignis commentariis fuerit illustratus, futurum prospicio, ut *Hieronymiana* gloria, tanquam nova luce accepta, quam latissime enitescat: ut passim in scholis, in auditoriis, in templis, domi, publice, privatimque legatur, & ediscatur. Nec me adeo fallit, quam audax facinus animo præsumpserim. Primum, quanti negotii fuerit mendas, quæ per tot secula penitus infederunt, eradere? deinde quantum in illo antiquitatis, quantum Græcarum literarum, quantum historiarum? tum quæ phrasis, quod dicendi artificium, quo non Christianos modo omnes longo post se intervallo reliquit, verumetiam cum ipso *Cicerone* certare videtur? Ego certe, nisi me sanctissimi viri fallit amor, cum *Hieronymianam* orationem cum *Ciceronianam* confero, videor mihi nescio quid in ipso eloquentiæ principe desiderare. Tanta in hoc nostro varietas, tantum sententiarum pondus, tanta entymematum volubilitas. Quod artificium in eloquentium literis indicare, ut difficillimum est, ita longe utilissimum. Id quod ita me, modo ipse dexter adsit, confecturum confido, ut qui hactenus *Hieronymianam* eloquentiam sunt admirati, jam eloquentem fuisse, se nescisse fateantur. A me quidem, quicquid vigiliis, quicquid assiduo studio, quicquid eruditione mediocri, quicquid ingenio non pessimo præstari poterit, id sedulo *Hieronymo* præstabitur. Verum ut ad grave bellum auxiliariis copiis, ita & ad tam arduum negotium, duce aliquo, & auspice opus esse video. Quem vero ex omnibus ad id maxime idoneum deligam, nemo te melius possit indicare, vel quod tu hujus auctoris præcipuo quodam amore perpetuo flagasti, (ita enim mihi narrare solebat *Henricus*) vel quod hoc tanto pignore, mutuam hanc inter nos societatem & benevolentiam placuit initiare. Age, vir optime, da dextram, & mecum ad tam pulchrum facinus magno animo accingere. Aderit ipse, & literarum suarum, quas tantis vigiliis excudit, vindicibus favebit: nec sua tam pius labor noster mercede fraudabitur. Bene vale. *Parisis*, 18. Decembris, Anno 1499. Vide quantum fiducia mihi tui mores præstant, qui perinde ut jam vetulus & notus amicus, tam indiligenter ad te scri-

bere non verear. Cætera ex tabellario *Augustino Caminado*, viro & doctissimo, & mihi conjunctissimo, cognosces, qui literas humanitatis, quas vocant, in urbe *Parisiarum* maxima cum laude professus est: hunc tu tuo more complecteris, est enim tuo amore dignissimus. *Lotetia*, 18. Decembris, Anno 1499.

EPISTOLA LXXIX.

Erasmus Christiano Lubecensi S. D.

CVM te incredibili quodam ardore literarum flagrare minime dubitarem, *Christiane* non vulgaris amice, hortatore nihil opus esse putavi, sed ejus quam ingressus esses viæ duce modo ac tanquam indice, id quod mei officii esse judicavi, videlicet ut tibi homini non modo copulatissimo, verum etiam jucundissimo, vestigia, quibus ipse à puero essem ingressus, commonstrarem. Quæ si tu pari cura accipies, atque ego dicturus sum, futurum confido, ut neque me monuisse, neque te paruisse poenituerit. Prima igitur cura sit, ut præceptorem tibi deligas quam eruditissimum; neque enim fieri potest, ut is, recte quenquam erudiat, qui sit ipse ineruditus; quem simulatque natus eris, fac omnibus modis efficias, ut ille patris in te, tu filii vicissim in illum induas affectum. Ad quod quidem cum ipsa honesti ratio nos debet adhortari, (quod non minus debeamus his, à quibus recte vivendi rationem, quam à quibus vivendi initia sumpsimus) tum mutua ista benevolentia tantum ad discendum habet momenti, ut frustra sis literarum præceptorem habiturus, nisi habueris & amicum. Deinde ut te illi & attentum & assiduum præbeas. Contentione enim immodica nonnunquam obruuntur ingenia discitentium. Assiduitas vero & mediocritas sua perdurat, & quotidianis incrementis majorem opinionem acervum accumulatur. Satieta cum omnibus in rebus, tum in literis nihil periculosius. Laxanda est igitur aliquoties illa literarum contentio. Intermiscendi lusus, sed liberales, sed literis digni, & ab iis non nimis abhorrentes, imo mediis ipsis studiis perpetua quædam voluptas est intermiscenda, ut ludum potius discendi quam laborem existimemus. Nihil enim per diu ferri potest, quod non agentem aliqua voluptate remoretur.

OPTIMA quæque statim ac primum discere. Extrema est dementia discere dediscenda. Quod in curando stomacho solent præcipere medici, idem tibi in ingeniis servandum puta. Cave aut noxio aut immodico cibo ingenium obruas: utroque enim juxta offenditur. *Ebrardus*, *Catholicentem*, *Brachylogum*, cæterisque id genus, quos percerere neque possum, neque operæ precium est, iis relinquo, quos barbariem immenso labore discere juvat. Initio non quam multa, sed quam bona percipias refert. Sed jam rationem accipe, qua possis non solum rectius, sed etiam facilius discere. Hoc enim in homine artifice præstare solet artis ratio, ut tantundem operis, cum rectius expeditiusque, tum levius etiam efficiat. Diem tanquam in operas partire, id quod & à *Plinio Secundo* & à *Pio Pontifice* maximo, viris omni memoria præstantissimis, factitatum legimus. Principio, quod caput est, præceptorem interpretantem non attentus modo, sed & avidus auscultato: non contentus impigre sequi disserentem, aliquoties prævolare contende. Omnia illius dicta memoriæ, præcipua etiam literis mandabis, fidelissimis vocum custodibus: quibus rursus ita confidas cave, ut dives ille ridiculus apud *Senecam*, qui sic animum induxerat, ut se tenere crederet, quicquid servorum quisquam meminisset. Noli committere ut codices habeas eruditos, ipse ineruditus. Audita ne effluant, aut apud te aut cum aliis retracta. Nec his contentus, aliquam temporis partem tacitæ cogitationi tribuere memento, quam unam divus *Aurelius* tum ingenio, tum memoriæ in primis conducere scripsit.

Con-

An. 1499. **Conflictatio** quoque & tanquam palæstra ingeniorum nervos animi præcipue tum ostendit, tum excitat, tum adauget. Nec sciscitari si quid dubitas, nec castigari si quid errabis, sit pudor. Nocturnas lucubrationes atque intempestiva studia fugito: nam & ingenium extinguunt, & valetudinem vehementer offendunt. Aurora Musis amica est, apta studiis. Pransus aut lude, aut deambula, aut hilaris confabulare. Quid quod inter ista quoque studiis locus esse potest? Cibi non quantum libidini, sed quantum valetudini satis sit, sumito. Sub coenam paulisper inambula: coenatus idem facito. Sub somnum exquisiti quippiam ac dignum memoria legito, de eo cogitantem sopor opprimat, id experrectus à teipso reposcas. *Plinianum* illud semper animo infideat tuo, *omne perire tempus quod studio non impariat*. Cogita juvenia nihil esse fugacius, quæ ubi avolarit semel, redit nunquam. Sed jam hortator esse incipio indicem pollicitus. Tu, suavissime *Christiane*, hanc formam, aut si quam poteris meliorem, sequere, ac bene vale. *Parisis*, An. 1499.

EPISTOLA LXXX.

Erasmus Batto suo S. D.

PER quem mihi meas lucubrationes miseras, per hunc ego tibi *Laurentii* partem una meis cum literis remisit. Tabellioni, ita ut jusseras, octo denarios dedi: præterea nihil erat quod scriberem novi. Evenit mihi quod vulgo solet, ut vulnus illud in *Anglia* acceptum, nunc demum dolere incipiat, posteaquam inveteravit: & hoc magis dolet, quod cum indignissima sit conjunctum contumelia, nulla tamen à metallo referri potest. Quid enim ego aut cum *Anglia* universa dimicem, aut cum Rege? nihil illa commuerit, & in eum scribere, qui possit non solum proscribere, verum etiam occidere, dementiæ extremæ puto. Quare hac in re cum *Themistocle* obliviscendi artem opto. Sum quidem totus in literis, & *Adagiorum* priscorum collectanea meditor conscribere, tumultuario quidem opere. Video *Cibiliades* aliquot futuras, verum duas duntaxat, aut tres ad summum centurias emitte est animus: eas tuo *Adolpho* dicabo. Miror te per hunc *Francisci* fratrem nihil scripsisse. Vide ut sarcinam diligenter meam exceptes: nam *Galba* ille, ut scis, harpyja est: exceptam diligenter ad me mittas. Est in ea tunica, partim nigro, partim subnigro suffulta; est chlamys abs te emptæ, est caligarum violaceo colore par; est *Augustini Enchiridion* membranæ scriptum; sunt *Pauli* Epistolæ; sunt alia nescio quæ. *Græcæ* literæ animum meum propemodum enecant: verum neque precium datur, neque suppetit, quo libros, aut præceptoris operam redimam. Et dum hæc omnia tumultuor, vix est unde vitam sustineam: hoc literis nostris debemus. Bene vale, *Batte* charissime. Quæso te ne quid nostræ querelæ moveant: libuit enim, ut soleo, apud te animi curas effundere: cæterum, animum non temere abiciemus, & juxta vetus adagium, dum spirabimus, sperabimus. *Parisis*, Anno 1499.

EPISTOLA LXXXI.

Erasmus Roterodamus Batto S. D.

MULTIS nominibus tibi gratias agere debeo, mi *Batte*, qui vigilias meas, hoc est, opes, miserris, cum mature, quod non soles, tum optima fide, ut consuesti facere: denique per tabellionem non modo diligentem, verum etiam facundum: ita ut mihi non illius labori modo, verum etiam orationi fuerit referenda merces: verum artem arte lusimus, & juxta vetus proverbium, *Contra Cretensem Cretissavimus*. *Anglica* fata *Parisis* usque nos sunt persecuta. En tibi alteram narro tragœdiam, priore etiam atrocior. Pridie Calend. Februarias *Ambianos* pervenimus, bone Deus quam duro itinere! *Junio*, opinor, aliqua rursus *Aëolum* in nos excitarat. Ego cum jam de via ita es-

sem affectus, ut morbum etiam metuerem, cœpi de equis conducendis cogitare, non paulo præstare ratus, corpusculo quam nummulis parcere. Et hic sunt ad perniciem secunda omnia. Dum diverforium solitum peto, obiter forte ædes prætereo quasdam, equis locandis inscriptas. Ingredior, advocatur locator, homo effigie & habitu ita adamussim *Mercurium* referens, ut mihi primo quoque congressu furis suspicionem dederit. Convenit de mercede, conductis duobus equis, iter sub vespertum ingredimur comitante juvene quodam, quem generum esse suum ajebat, qui jumenta domum referret. Postridie ad viculum quendam, cui divo *Juliano* nomen est, perventum est, & quidem multa adhuc luce, locum latrocinio destinatum. Ego ut pergeremus hortabar. Ille latronis discipulus causari, equos non esse supra vires defatigandos, satius esse illic pernoctare, ac postridie id dispendii anticipata luce sarcire. Non repugnabam magnopere, nihil etiamnum sceleris suspicans. Jam propemodum coenaveramus, cum ministra juvenem illum, una nobiscum accumbentem, à convivio sevocat, alteri equo nescio quid mali esse dictitans. Discedit adolescens, sed eo vultu, ut aliud nunciatum intelligeres. Ego continuo puellam revocans, Heus, inquam, filia, uter equorum male habet, meusne an hujus? Nam aderat *Anglus* itineris mei comes. Et quid tandem est mali? Illa conscientiam constanter dissimulare non valens, subrisit, & figmentum confessæ, venisse notum quendam ajebat, qui juvenem ad colloquium evocasset. Nec ita multo post locator ipse, qui jugulos nostros victimæ destinarat, coenaculum ingreditur. Nos admirari, rogare quidnam accidisset, quod tam inexpectatus atque improvisus adesset. Ait rem adferre flebilem, filiam suam, ejus juvenis uxorem, ita ab equo calcibus percussam, ut jam animam propemodum ageret, tumultuario itinere sese accurrisse, ut eum domum revocaret. Mihi jam tunc commentum obolere cœpit. Utriusque vultum & gestus curiosius observo. In locatore illico inconstantiam quandam animadverto, in juvene stuporem, qui è regione accumbebat; ac mecum protinus *Ciceronianum* illud, *nisi fingeres non sic ageres*. Jam mihi nihil agendum putabam, nisi ut ab homine absolverer, quippe qui nihil usquam viderem, quod non latrocinium saperet. Augebant antea suspicionem, quod quum *Ambianis* de mercede convenisset, ille data opera me rogavit, quasnam esset pecunias accepturus. Subito aderant, nec scio unde emerferant, qui sermonibus adjuvabant fabulam. Mihi laudabant locatorem, gratulabantur de tali comite, me vicissim locatori commendabant. Rogabat semel atque iterum locator, eum quem haberem postulat, id est nomina rarius. Nego mihi esse. Deprompsi scutatatum unum atque alterum, qui tametsi satis probarentur, tamen blandius efflagitabat, ut è multis, quos habere me putabat, unum aliquem bellissimum darem. Est enim hoc hujus sceleratissimæ artis caput, explorare quantum quisque viator secum portet. Ostendebam quos tum habebam, è quibus ille bellissimum sibi retinuit. Accedebant ad malefici conjecturam quædam à juvene in itinere dicta ac facta: quæ consilio foci de composito præparata videri possent. E duobus equis alter erat ignavissimus, ut in fuga nihil futurum fuerit præsidii. Is, cui ego infidebam, in collo vulnus ingens habebat, adhuc unguentis oblitum. Non ita procul aberamus ab urbe, rogat juvenis, sibi liceat à tergo meo in lumbos equi conscendere, jumentum assuetum ferendis duobus, ne quid metuerem equo. Sero, inquit, exivimus, hoc celerius pervenimus. Passus sum, oritur sermo variis de rebus. Sic loquitur de focero, quasi non optime de illo sentiret. Est & hoc unum è latronum mysteriis. Interea crumena mea defluit in tergum, inerant autem octo ferme coronati aurei. Is reponit ad umbilicum. Rursum defluentem reponit, admonens, ut crumena semper sit in oculis. Ego ridens, quorsum, inquam, attinet servare vacuum? Ob-

An. scura jam nocte nemus quoddam emensi, tandem in
 1499. vicum quendam emerimus. Juvenis circumspiciens,
 fingit se nescire, ubinam locorum esset, ducit nos
 in ædes nescio quas. Jubeo ut juvenis ipse se curet suo
 more, nos utrique jejuni cubitum imus. *Anglus* hoc
 religioni dabat, ego valetudini: nam graviter è sto-
 macho laborabam. Accedit mulier nobis ut putabat
 altum dormientibus, multa cum ignoto illo, ut simu-
 labat, juvene familiarissime collocuta est. Tandem ju-
 vene submonente, reliquus sermo sibilis peractus est,
 ut exaudire non possem. Ante lucem extrudo eos ad
 iter. Toto itinere tracto juvenem sane comiter. Ubi
 perventum est ad oppidum, cui nomen *Claro monti*,
 paro ingredi, non illic acturus noctem, sed aurum
 commutaturus, ne quid ea res esset in mora in vico
 pernoctantibus. Dissuadet juvenis, affirmans sibi satis
 esse monetæ argentæ. Itaque ad lævam oppido reli-
 cto pergit. Jam vico proximi cum essemus, forte
 præcesserat *Anglus* una cum juvene, ego sequor, sicut
 meus est mos, nescio quid meditans nugarum, & to-
 tus in illis. Interim imprudente me descenderat *An-
 glus*. Juvenis adduxerat equum ad fores, ubi nun-
 quam fuerat diversorium. Ubi sensi, demiror quid
 cogitet. Ille circumspiciens, negat se illic intra qua-
 tuordecim fuisse annos. Rogat quod mihi placeat di-
 versorium. Quid si huc, inquit, divertamus? Et o-
 stendit domum destinatam. Non abnuo, memor quod
 illic olim sat commodè acceptus fuisset, sed ignarus
 hospitem esse mutatum. Datur ex more cubiculum.
 Apponitur vinum, sed male respondens palato: atqui
 vix eramus ingressi, cum video ignoto illi juveni in
 culina vinum in vitro appositum, eo colore ut mihi
 gratularer. Hac igitur spe frustratus descendo, expo-
 stulo cum hospite: Mutatur vinum. Hæc jam tum
 mirabar magis, quam habebam suspecta. Quare ut ad
 intermissum narrationis ordinem redeam, jam certa
 suspitione latrocinii, id agere cœpi, quo me cultro
 subducerem. Quid igitur, inquam, tibi in animo
 est? Ego, inquit, fortasse vos *Parisios* deportabo, ve-
 rum huic genero plane domum est recurrendum. I-
 mo, inquam, commodius dabo consilium. Quando
 casus tam acerbus vobis accidit, ut tu filiam, hic ux-
 orem prope perdidit, illud vestra causa faciam: habes
 à me scutatum sole insignem, restant pass. quatuorde-
 cim millia, diminue de ratione mercedis, quantum de
 itinere superest, ac redite. Nos reliquum iter aut pe-
 dibus conficiemus, aut equos mutabimus. Caput qua-
 tiebat homo, deinde descendit, juvene relicto, mira
 latrocinii peritia, ut quid nobis esset sententiæ per hunc
 expiscaretur. Hic ego accito adolescente, Heus, in-
 quam, quæso, verum dicas, quidnam de uxore tua
 cedo? Confessus est rem commentitiam, verum socero
 necessarium esse iter *Parisios*, ut creditum repe-
 ret. Ne quid, inquit, illius oratione commoveare.
 Quin vos cras summo diluculo equos conscendite, nos
 utrique consequemur. Atqui non temere est, inquam,
 quod nos tanto itinere tam repente assequitur, & qui-
 dem noctu, tum die tam sacro. Erat enim postridie
 Virginis matris purgatio. Et quorsum, inquam, at-
 tinet tot concinnare mendacia? Jussit me adolescens
 bono esse animo, se omnia ex mea facturos esse senten-
 tia. Quod si quid ille gravetur, inquit, ego non de-
 feram te donec mihi rumpatur cor, atque hæc vultu
 illo stupido. Ita adsimulabat sese, tanquam furtim mi-
 ni contra socerum studeret: deinde descendit & ille,
 quid, nisi ut præceptoris suo rem renunciaret. Interea
 solitudinem nactus, *Anglum* rogo, quid tandem ipsi
 videretur. Is præter latrocinium paratum nihil se vi-
 dere respondit. At quid, inquam, consilii? Jam nox
 erat profunda. Venit interea cauponaria lectos infra-
 tura, rogo ubinam essemus cubituri; lectum ostendit.
 Et ubi reliqui duo? in altero, inquit, hoc lecto, qui
 communi cubiculo continebatur. Tum ego, est mihi,
 inquam, quiddam nugarum transigendum cum hoc
 meo comite, sine nos in hoc cubiculo cubitare solos,

A dabitur merces utroque pro lecto. Ibi venefica mu-
 lier, & quid ageretur haud ignara, primum suadere
 cœpit, ut una potius cubarem: eos esse viros pro-
 bos, nec causam esse, quo minus illos in cubiculo dor-
 mire vellemus: si quid inter nos haberemus commu-
 nicandum, id sermone nostrate licere fieri: sin pecu-
 niæ nostræ timeremus, illis servandam committeremus,
 ovem (ut ajunt) lupo. Et ut malefica dignum er-
 manifestaria vanitate reliqua cubacula jam hospitibus oc-
 cupata ementiebatur, cum præter nos nemo in illis æ-
 dibus esset hospes. Quid multa? argumentis victa,
 obstinate sese id facturam negabat. Jubeo fores igitur
 aperiat, ac nos aliquo ejiciat. Ne id quidem se factu-
 ram affirmat, descenditque irata, ac submurmurans, &
 homicidæ illi rem omnem renunciat, me de gradibus
 subaufcultante. In *Anglo* nihil erat neque animi, ne-
 que consilii, neque linguæ; nam *Gallice* prorsus ne-
 sciebat. Mihi primum illud visum est esse consultissi-
 mum, obice ferreo occludere cubiculi ostium, objecto
 & ingenti scamno querno: verum, id consilium mox
 displicuit, reputanti nos in tam vastis ædibus solos ob-
 jici pluribus: & jam multa nox erat, nec usquam vo-
 ciferatio potuisset exaudiri, nisi qua parte cubiculum
 spectabat viam publicam. At illic obstabat templum
 monasterii cujusdam. Interea dum circumspicio me-
 lius aliquod consilium, nec satis occurrit, puella pul-
 sat fores. Ego clanculum submoto scamno, rogo quid
 velit. Respondit nescio quid adferre, sed voce alacri.
 Aperio fores, blandior & adludo puellæ, quo metum
 diffimulem. Sedemus interim tanquam duæ victimæ
 mactatorem expectantes. Convenit tamen inter nos,
 ut ociose sobrieque fabularem ad ignem absque po-
 tatione, donec intusati caligatique vicissim dormire-
 mus ac vigilarem. Paulo post ingreditur bonus ille
 vir, tanquam omnium rerum ignarus, observo homi-
 nem oculis diligenter. Quo fixius contemplor, eo
 certius latronem video: qui cum tandem se una cum
 suo tyrone lecto composuisset, consequimur & nos,
 nec ea nocte quicquam sensimus, nisi quod experre-
 ctus *Anglus* gladium, quem ad pulvinum locaverat, lon-
 ge amotum in extremum usque cubiculi angulum re-
 perit: nam duobus nobis unicus duntaxat erat ensis,
 ac chirotheca loricata. Hæc erat nostra panoplia. E-
 go multo ante diluculum consurgo, fenestras ac fores
 cubiculi aperio. Jam lucescere clamo, strepo, fami-
 liares expergefacio. Dum finem non facio, ibi latro
 voce, quam diceret esse non somnolenti, quid paras,
 inquit? Vix dum est hora noctis undecima. Ego con-
 tra clamo, coelum esse densissimis obductum nebulis,
 mox clarum diem emicaturum. Atque hæc potissi-
 mum in fenestris. Quid multis? adfertur lucerna. In-
 terea ut observarem, quid ageretur in inferioribus ædi-
 bus, decurro, obambulans ac circumspiciens, offen-
 do latronum equos stantes ephippiis impositis, quomo-
 do necesse erat eos totam steterisse noctem, cum præter
 modo excitatam puellam nemo non esset in stratis: tan-
 dem surgunt & nostri carnifices. Ibi res quæpiam in-
 commodæ, ut videbatur, nobis salutis fuit: nihil enim
 latronem illum exciverat, nisi quod nos quam pecu-
 niosissimos esse existimaret: at hæc una res illi fidem
 facere potuit, nos tenui pecunia esse. Minusculum
 erat argentæ pecuniæ, quam ut cauponi pro coena at-
 que equis omnium satisfacere possem. Aut igitur ille
 aureum mutaret jussi, aut locator meo nomine quinque
 duodenarios (tantum enim deerat) redderet, apud divum
Dionysium à me recepturus. Cauponaria neque sibi lan-
 ces domi, neque qui mutaret aurum esse, jurabat. La-
 tro ille ait se ea quidem lege facturum, si sibi aureum
 pignoris loco tradidisset, hortabatur impendio id ut
 facerem cauponaria, mulier ut scelestæ ita & impudens
 & stulta. Unde multa ac longa inter nos rixa. Posce-
 bam mihi fores aperiret, meipsum mutandi auri cau-
 sa monasterii Priorem, quod è regione est, aditurum,
 illa negabat. Rixatum est ad lucem usque, tandem
 jussi sumus aurum, quod mutatum vellemus, proferre.
 Pro-

An. 1499. Protuli, ibi alii nummo pondus deerat, alius adulterina materia dicebatur, alius parum solidus, hoc nimium confusio, ut si quid reconditi esset auri, id proferre cogeremur. Ego cum sancte adjurasset, mihi præter eos nullos esse aureos. At comitem, inquit, quin tu suos proferre jubes? Video enim illum belle esse nummatum, idque jam blandius coepit poscere. Ego vero vultu & voce, ita ut solent & vera & ex animo loquentes, nihil comiti præter syngrapham esse deiero. Profertur denique libripens, prodit & caupo, ibi libratum est fesiuihoram, nec aureus erat, cui non aliquid scrupulorum deesset. In aliis deerat ponderi, in aliis causabantur materiam. Animadverti tandem & lancibus subesse fraudem & ponderi. Et forte fortuna id quod erat gravius manu corripio, caupo etiam imprudente. Reliquum erat, ut altero ponderaret, & repente utraque lance aureus ponderabat. In utramcunque lancem translatus esset, eam inclinabat: erat enim nummus pervetustus, cui supererat ultra legitimum pondus, ut in his decreverunt omnia. Jam jugulis nostris utcunque consultum erat, nihilque agebatur, nisi ut lucelli aliquid per calumniam abraderent. Tum latro ille spe propemodum frustratus sua, vel quod parum magnifice nos nummatos intelligeret, vel quod se jam in certam suspicionem nobis venisse videret, meque nonnihil etiam minitanti: denique quod jam multus esset dies cauponem, sibi nimis quam familiarem, à nobis sevocat. Quonam? inquit: in thalamum ipsum, si diis placet, in quod latro ille solum se receperat. Vide ut propemodum sit inter fures, quam inter reliquos mortales, fides major atque humanitas. Aureum inter sese mutant, pro coena & equis retinent quantum libuit. Accepi viginti tres denarios, equidem lætus: tum metu, quantum mea fert simplicitas, dissimulato, quin, inquam, jam equos conscendimus? Stabat etiam non ociosus locator ille. Quid tibi, inquam, in animo est? cur non hinc fugimus? An ire ne nunc quidem paratus es? Non sum, inquit, nisi universam summam reddideris. Et quantum tandem poscis, inquam? nam supra scutatum tres ad illum duodenarii redibant: poscit impudentissime quantum libitum erat, & quantum poscere conveniebat impudentissimum latronem. Duc igitur, inquam, ita ut recepisti me *Parisiis*, atque illic ratione inita quod tuum erit accipies. At ille, quid, inquit, mihi *Parisiis* des, qui hic etiam mecum pugnas? Sapebat, non passus est se à suo latrocinio extrahi: nam à me quidem ista fingeantur, quippe cui nihil minus fuerit in animo, quam cum carnificibus illis itineri me committere. Paulisper rixatus, cum ille nihil se commoveret, ad sacrum me ire fingo: verum recta transmissio flumine *Parisiis* peto, nec prius latronis sicam timere desivimus, quam *Dionysius* nos mœnibus suis exciperet. Postridie Calend. Februarias *Lutetiam* pervenimus, itinere vexati, exhausti pecuniis, ubi cum mihi nihil esset negotii, nisi ut tunicam reposcerem, hoc ipsum parum expeditum offendimus. *Gallorum* sanctimoniam accipe. *Falco* discedens scripto etiam mandaverat, ut mihi reverso vestis quamprimum redderetur. Venio, reposco: Ajunt homines illi religiosi (ut videri volunt) vestem pignori relictam, si *Francorum* darem, ad me redituram esse. Me vero rem accuratius exploratum pergente, restitunt una cum scripto, quo semet manifestissimæ vanitatis arguebant. Superfuit mihi tres scutati iniquissimi ponderis. Hospitium adjunxi cum *Augustino* vetere amico: vivimus in literis tenuiter quidem, nec tuam tamen tibi arcem invidemus. Quod Dominae mitteremus erat nihil, eaque gratia juvenem hunc in *Britanniam* extrusimus, si quid forte queam à Comite abraderet: sed nihil bene mihi animus ominatur: video impudentius esse consilium, & à meis moribus vehementer abhorrens, verum, maximum velum necessitas omnia cogit experiri. Quod si ille mittet paucillum, tu interea cura vel à Domina, vel aliunde avellere nonnihil, ut triginta conficiamus

An. 1499. aureos. Non temere, mi *Batte*, hæc tantopere molior. Intelligo periculosum esse corpori meo diutius in his regionibus commorari, ne si quid (quod Deus avertat omen) acciderit, ego una cum omnibus meis literulis periero: quod si profertur Doctoris insignis, vereor ne animus me deficiat, priusquam vita. Quare te obtestor atque adjuro, mi *Batte*, ut si quid igniculi veteris in nos amoris superest, toto animo de nostra salute cogites. Tu ut es animo suavi & lento, beasse nos tibi fortasse videris: at ego nisi prospectum erit, mihi sic videor perisse, ut æque nunquam antehac, quando *N.* largitur nihil, Domina in diem promittit, Antistes etiam averfatur, Abbas jubet bene sperare: at interea, qui det, nemo exoritur, præter unum *N.* quem ego jam miserum ita exhausti, ut non sit quod præterea largiatur, & à quæstu, in quo uno, ut dixi, spes erat, pestis depellit: multa mihi interea animo obversantur. Quo fugiam nudus, quid si morbus accidat? Esto, nihil istiusmodi eveniat, quid in literis poterò sine librorum copia? quæ mihi licebit optare si *Parisiis* reliquero? denique quid erunt citra auctoritatem literæ, an ut ejusmodi portenta, quale apud divum *Audemarum* vidimus, me rideant atque oratorem vocent? Hæc scribo, non ut te querelis meis exanimem, sed ut dormitantem excitem, ut quod jam diu frustra molimur, aliquando tandem efficiamus, redeamusque tandem ad felicissimum illum convictum nostrum. Bene vale, mi *Jacobe*. Per tabellionem, qui sarcinulam attulit, rescripti. Si literæ, quas istic ad *Montjoium* scripseram, adhuc penes te sunt, ut huic tradas adolescenti, rogo. Salutem die quibus oportet. De juvenis hujus fide nihil dubitabis, si quid forte committendum erit. *Augustinus* opus *Adagiorum* palam enarrat, auditorio quidem frequentissimo, pulchre adhuc principia habent. Si putabis te apud divum *Audemarum* aliquot codices posse divendere, eos è sarcina exime. Rursum vale. *Lutetia*, Anno 1499.

EPISTOLA LXXXII.

Erasmus Rot. Batto S. D.

Si tu tuique recte valetis, *Batte* jucundissime, est, ut Scupimus, quod vehementer gaudeamus. Quamquam de amore nostro tibi perspectum arbitror, tamen etiam atque etiam tibi persuadeas velim, nihil esse uno me *Batti* amantius, nihil illi devotius. Quod si tu me amas, aut bonas literas miraris, hunc hominem tuo more, id est, perbenigne & comiter accipe: quo neque charius mihi, neque literatius quicquam. Et quod his temporibus perquam est rarum, summæ eruditioni summam modestiam adjunxit. Hunc Domina *Veriana*, hominis & ingenio & pudore delectata, unice complectitur: quare & tua humanitate dignum, & nobis omnibus vehementer gratum feceris, si hic ostenderis quanti nos facias. De nostro statu nihil erat quod scriberem. Sibilant, ut solent, nonnulli, quos tu non ignoras, *Zoili*, sed spero nos aliquando ex his scopulis evoluturos. Te cum universa familia quam rectissime valere cupio. Anno 1499.

EPISTOLA LXXXIII.

Erasmus Guilielmo sodali S. D.

SALVE, unica mea voluptas. Gratulor tibi quod isthic sis, si tu modo gaudes, gaudere autem debes, nam te gradum ad gloriam nactum confido. Me miserum, quod literæ non ita, ut studueram, redditæ sunt, non tam quod non acceperim id quod volebam, quam quod tuis suavissimis sim literis frustratus. Emoriar, ni crebro me scriptis subleves. A *N.* mihi redditæ sunt literæ, in quibus familiaris, ita ut jusseram, animum suum aperit. Studium meum prædicare non audet: multis ait non probari: vereri ait quosdam, ne ære alieno conflato, meos onerem. Multa queritur suo more. Ego hominem metu liberavi; quanquam

An. se quidem id nihil timere scribat, verum ut quibusdam satisfaciatur. Me, ut videtur, amat: te non odit; nam de te satis amanter nunciat. Respondi ad hæc tum pro ingenio meo, tum pro auctoritate, si qua est. De mea conditione satis abunde scripsi. De Antistite miror te laborare, quum jam decies & amplius scripserim: omnia recte, sed dat nihil, promittit satis. Ais isthic multum de me sermonem esse. Qualem? Si bonum, gaudeo: sin secus, isti viderint. Hic certe nihil nisi laus de me, fortassis merito meo. Quod me ad virtutem hortaris, facis ut *Guilielmum* decet: At ego vicissim te, mi *Guilielme*, hortor, ut magno animo & virtutem, & doctrinam capeffas: quod si facis, sic mihi persuasi, te unicum *Hollandia* decus futurum; & isthic tu facilius in Theologum evades, quam ego hic. Crede mihi, sic res habet, sed garriamus. Quid agis, inquires? More meo *Ulysses* ago, & nuper in languorem ex itinere incidi, vix adhuc valeo. Quidam familiarium meorum febricula correptus, convalescit tamen. *Augustinus* tuus interpres, jampridem à me separatus est: arte me tractat, ego vicissim illum. Nihil sinceri amoris inter nos neque est, neque fuit unquam, tantum est discrimen ingeniorum. Est isthic brevi venturus. Tu quoque arte tractabis hominem. Deferes illi apud alios: tractabis quam poteris magnificentissime. Dicet fortasse nonnulla in tuam laudem, auscultabis. Nunquam iterum isthic videbitur. Quare tua causa honorabis hominem: nec deest titulus. Palam hic interpretatus est, & quidem gratis, tua carmina. Ages gratias: dabis nihil, præsertim eorum quæ mihi ului esse possunt. Scripseram ad te quæ fieri vellem: si fecisti, obsecro ut mittas; nam res non exigui momenti est: sin nondum, levabo te parte laboris. Meas Elegantias duntaxat mitte. *Laurentii* etiam librum, si scriptus est, omnino mitte: sin minus, alium laborem te suscipere malim. Præterea fac me omnium tuorum operum participem: quamobrem id tantopere cupiam, jam aperiā. Sum apud nobilem quendam hominem, atque humanissimum *Anglum*, una cum duobus adolescentibus generosis: sed ita sum, ut apud Antistitem non queam esse vel magnificentius, vel honestius, etiam si ipse Antistes essem. Is tuis scriptis mirifice confidit: quod si curaveris, ut tabellarius semper apportet aliquid novi, rem mihi feceris tum jucundissimam, tum utilissimam, nec tibi ipsi quidem inutilem. Ante omnia scribes homini familiariter: laudabis, quod omnibus rebus contemptis, nihil miretur præter literas, quales pauci quidem sint: verum qui sunt, felicissimos eos esse. Narrabis, quantum voluptatis sit in literis. Doctam probitatem efferes, me commendabis, te benigne offeres. Crede mihi, *Guilielme*, etiam nomini profuerit tuo. Unus est, qui inter suos plurimum valeat: habebis qui tua scripta per *Angliam* spargat. Iterum atque iterum te oro, ut si quid me amas, hæc res tibi sit cordi. Succenseo tibi, quod tam breviter, tam indiligenter scripseris. Me miserum, eo res rediit, ut magnum tibi videatur, si una nocte mea causa vigiles. An excidimus inter voluptates? Utinam ego particeps istarum vivam. Sed vide, quo nos ambitio rejecerit. *Sisyphi* saxum volvimus adhuc. Aliquid molimur, quod si parum procefferit, isthic advolabo. De victu honesto nulla est mihi sollicitudo: certatim quæror, undique ambior. Sed ô utinam aut ego tecum, aut tu mecum viveres. Nescis quam tui desiderio macerer, tui, inquam, unius. Excidit *K.* excidit *I.* excidit *C.* excidere cæteri, quos non nomino, ne lites audiam. Unus *Guilielmus* hæsit penitus, infixus medullis. Credo te beneficia callere. Non ego malim cum ipso Pontifice quam tecum vivere. Honestatis studio duriusculè hic vivimus. Valeat nomen Theologi, valeat fama, valeat inutilis dignitas. Jam prælibavi quid sit, esse aliquid. Quid potius quam garrire cum amiculo? Jam tres menses sunt, quod neque *Fauftum*, neque *Gagutnum* salutaverim. Tu tamen scribes ad *Fauftum* doctissime &

A breviter: ad *Gagutnum* verbosius, pauca familiariter. An. disputabis, imo disputandi præbebis materiam. Tabellarium cognatum tuum, quo diligentius nostra perferat, magnifice compellabis: est enim honoris avidior. Quod ad dandum attinet, à me curabitur: tu si quid voles aut egebis, mihi significato. Habemus semper unum atque alterum coronatum *Guilielmo*. Vide quam *Galli* sumus. Sed extra jocum, de Antistite *Trajectensi* res apud me refrixit. Intellego cum hominem famelicum. Quo pacto tibi isthic vita procedat, quid agat frater, quid *Cornelius*, quid *Servatius*, quid cæteri, fac omnia sciam. Scribe verbosissime & diligenter. Imo semper sub tabellarii adventum literas parato. *Boschius* à *Cornelio* literas accepisse se scribit: tua carmina petit: intellego de me nihil scripsisse. *Cornelium* subiratum suspicor, ne mihi quidem scripsit unquam: miror quid sit, amo hominem, dum te modo amet: nam de me non laboro. Scribe quid acceperis, nam quindecim tuorum carminum volumina misi: epistolam bene longam, quam partim ante morbum, partim recreatus, scripsi. De Antistite *Cameracensi* nihil accipio. Bene vale. *Parisiis*, Anno 1499.

EPISTOLA LXXXIV.

Erasmus Roberto Gaguino.

C SINGULARIS tua humanitas, qua non minore cum laude vincis omnes quam eruditione, mihi hanc ministrat fiduciam, ut tamen nihil promeritus, audeam tamen tuum officium tam libere requirere. Est mihi cum *Macrobio* homine (ut scis) perquam festivo aliquot dierum colloquium: eum, quæso, ut è tua doctissima bibliotheca ad nos ire jubeas: nam tu quidem in tanta optimorum Auctorum copia, *Macrobius* unum non desiderabis, & nos in hac nostra inopia vehementer delectabit. Vale, ac nos, tibi jampridem devinctissimos, devinctiores reddito. *Parisiis*, Anno 1499.

EPISTOLA LXXXV.

Erasmus Roterod. Thoma Greio suo.
Scripsit Juvenis.

D SALVE, candidissime Thoma. Quod pristinam scribendi consuetudinem dies jam aliquot intermisi, nihil est quod metuas. Ut vere

Res est solliciti plena timoris, amor.

E In amore nihil refrixit. Quid igitur? inquires. Scribere dedidici. Quid accidit, quid factum est, ut *Erasmus* calamum amiserit? Rem oppido quam prodigiosam audies, sed veram. Ego ille vetus Theologus, nuper *Scotista* esse coepi: quam rem, ut superi bene vertant, tu quoque debes apprecari, si mihi faves. Contra terræ tui somniis (nam *Scotum*, ut olim fuit *Homerus*, à diversis regionibus certatim adoptatum, *Angli* potissimum sibi vendicant) adeo sumus immergi, ut vix ad *Stentoris* vocem videamur experrecturi. Itanè, inquires, dormiens ista scribis? *οἷμα βέβηλε*, tu somnum theologicum haudquaquam sapis. Multi dormientes non modo scribunt, verum & scortantur, & inebriantur, & *συκοφαντεῖν*. Multa fieri re ipsa comperio, quæ inexpertis nulla ratione persuaderi queant. Ego olim *Epimenidis* somnum, plusquam fabulam esse putavi: nunc nihil miror, quippe simile expertus. Hic tu, fat scio, dicturus es, Quas malum mihi fabulas narras? F Quanquam profanus es, & à sacris Theologiæ adytis procul arcendus, tamen vide, quantum te amem, cui rem tam arcanam aperiā. Olim *Epimenides* quispiam fuit, is qui scripsit *Cretenses omnes mendaces*, ipse *Cretensis*, neque quicquam tamen interim mentiens. Nec satis erat ad multam usque senectutem vixisse, quin & extincti pellis post multum tempus reperta est, literarum formulis notata. Eam quidam affirmant & hodiernis temporibus adservari *Lutetia* in sacrosancto Theologiæ *Scotistica* templo *Sorbona*, nec in minori ha-

An. 1499. haberi precio, quam olim fuerit apud *Crescens diph-*
thera, aut apud *Romanos* libri *Sibyllini*. Siquidem ab
 hac oracula petere dicuntur, sicubi destituuntur syllo-
 gismis: nec fas obtueri, nisi qui quindecim annos to-
 tos *M. N.* titulum gesserit: si quis alius ausit oculos
 profanos intendere, continuo sit talpa cecior. Quod
 natio, non esse natus, vel antiquissimum *Græcorum*
 proverbium arguit, rō *ἡλικία* *ἡλικία*, quo rem ab-
 trusam, neque vulgo proferendam significabant. Quin
 & libros edidit theologicos: nam Theologiae profes-
 sione potissimum fuit insignis, etiam si vates idem ha-
 bitus est, & Poeta. In his ejusmodi syllogismorum
 nexu, ut nec ipse unquam quiverit dissolvere:
 ea mysteria concessit, quæ nunquam ipse fuerit intel-
 lecturus, nisi vates fuisset. Is fertur aliquando pro-
 deambulandi gratia urbem egressus, quod domi nihil
 non displiceret. Tandem specum quendam longissimo
 recessu subiit, sive frigus captans, jam aestu laborans,
 sive quietem quærens, labore fatigatus; sive quod
 quia via aberrasset, (nam aberrant & Theologi) metue-
 ret ne nox in agris deprehensum feris objiceret; sive,
 quod vero proximum est, locum captans ad cogitan-
 dum idoneum. Illic ungues arrodenti, multaue com-
 miniscenti, *de instantibus*, *de quidditatibus*, *de forma-*
titatibus, somnus obrepit. Non crediturus es, scio, si
 dixero non fuisse experrectum ante vesperam postridia-
 nam, quum diutius dormiant etiam temulenti. Imo
 somnus ille theologicus productus est, ut constanter
 ferunt auctores, ad annum usque quadragesimum se-
 ptimum: & hoc negant vacare mysterio, quod nec ci-
 tius, nec serius dormire desierit. O hominem mor-
 tuum inquit! Imo mihi præclare videtur actum cum
Epimenide, qui vel sero ad sese redierit. At plerique
 nostri temporis Theologi nunquam expergiscuntur,
 & quum mandragoræ indormiant, maxime vigila-
 re sibi videntur. Sed ad *Epimenidem* expergiscentem
 revertamur. Expergiscens igitur, ubi somno conniven-
 tes oculos conficulis, nondum sibi satis fidens, vi-
 gilaretne, an somniaret, speluncam egressus est: ibi
 quum cerneret totam circumjacentis regionis faciem
 immutatam, videlicet tanto spacio annorum, fluminum
 alveis alio translatis, sylvis alibi recisis, alibi enatis,
 campis in colles tumefactis, collibus in plana demissis,
 quum & ipsum specus aditum muscus obsidens, ac ve-
 preta mutassent, coepit homo de seipso quoque dubitare.
 Adit urbem, & hic nova omnia: non agnoscit moenia,
 non vias, non monetam, non homines ipsos: alius
 cultus, alii ritus, alius sermo. Tanta est rerum huma-
 narum volubilitas. Ut quisque erat obivus, compel-
 lat: Heus tu, non tibi videor *Epimenides*? Ille se ri-
 deri putans, *ἡλικίας*, inquit, hospitem quære. Ita
 ridiculus menses aliquot obambulat, donec in compo-
 tores aliquot incideret jam admodum senes, ab his ut-
 cunque est agnitus. Sed age, mi *Thoma*, quid tu *Epi-*
menidem tot annos somniasse reris? quid aliud quam
 has subtilissimas subtilitates, quibus nunc se jactitant
Scotistæ? nam *Epimenidem* in *Scoto* renatum, vel deje-
 rare non dubitem. Quid si videres *Erasmum* inter sa-
 cro illos *Scotistas* *νεκροτά* sedentem, è sublimi folio
 prælegente *Gryllardo*? Si cerneres frontem contractam,
 oculos stupentes, vultum sollicitum? alterum esse dice-
 res. Negant hujus disciplinæ mysteria percipi posse ab
 eo, cui quicquam omnino commercii sit cum Musis,
 aut cum Gratiis. Dediscendum est, si quid bonarum
 literarum attigeris: revomendum, si quid hauseris ex
Helicone. Adnitor pro virili, ne quid *Latine* dicam,
 ne quid venuste, aut falsè: & videtur res procedere:
 spes est fore ut *Erasmum* agnoscant aliquando. Quo-
 rum autem hæc? inquit. Ne quid posthac expectes ab
Erasmio, quod pristina studia morese sapiat, memor
 inter quos verfer, inter quos quotidie sedeam: tu tibi
 alium congerronem quære. Verum, ne quid erres, mel-
 litissime *Gree*, nolim hæc interpreteris in ipsam dicta
 Theologiam, quam, ut scis, unice semper colui: sed
 in nostræ tempestatis Theologastros quosdam joculari li-

A buit, quorum cerebellis nihil putidius, lingua nihil An.
 barbarius, ingenio nihil stupidius, doctrina nihil spi- 1499.
 riosius, moribus nihil asperius, vita nihil fucatus, o-
 ratione nihil virulentius, pectore nihil nigrius. Bene
 vale. *Parisiis*, Anno 1499.

EPISTOLA LXXXVI.

Erasmus Gaguino.

B SALVE, ornatissime vir. Vide, quæso, quam sit in-
 signi impudentia tuus *Erasmus*. Nunquam illi *Ga-*
guinus in mentem venit, nisi quum eget. Opus est
 mihi ad pauculos dies *Trapezontio* de Rhetoricis præ-
 ceptionibus; (non rogo habeasne, scio nihil bonorum
 Auctorum tibi non esse) hujus velim mihi tua humani-
 tas copiam faciat: *Quintilianum* una cum hoc confer-
 re cupio, utrumque propediem ad te saluum remissurus.
 Bene vale, ac nos ama. An. 1499.

EPISTOLA LXXXVII.

Erasmus Angustino S. D.

C ITANE ut medico tuo (nescio cui) gratificeris, me
 Iunico tædii mei solatio spoliās? nam munere quidem,
 non audeo dicere. Ego quidem ita hujus auctoris ardeo
 amore, ut quum intelligere nequeam, adpectu tamen
 ipso recreer ac pascar. Cæterum vehementer iniquum
 ratus tibi ulla in re, vel parum æqua adversari, præ-
 sertim in rebus afflictis. *Homeri* partem ad te mitto, &
 ut medici istius improbitati satis fiat, & ne ego omni
 solatio destituar. Nam ita quidem cum *Jacobo* vivi-
 mus, ut soli vivamus. Itaque miser exspecto, donec
 in pristinam consuetudinem redeamus. Id quidem pro-
 pediem futurum video, quandoquidem audio adole-
 scentulum vehementer recreatum. Interim te oro, ut
 vel literis mutuis, mutuam quandam consuetudinem
 imaginemur. Non possum te exorare, ut epistolarum
 opus mihi mittas, quum tantopere mea interfit, & tua
 nonnihil. Quod ad *Jacobum* pertinet, ego me tibi
 quovis periculo obligabo, me illi ne literam quidem
 communem facturum. Ita assuefeci hominem, ut quid
 agam, ne respiciat quidem. Salve, vale, charissime *An-*
gustine, nostram communem fortunam sustine animo
 quo soles. Salutat te tuus *Jacobus*, & hoc nomine
 meus quoque, quia tuus. Epistolarum opus exspecto, si
 non totum, at certe codicem unum, aut alterum, ut
 auspiciari saltem liceat, & hoc opus interim videtur à
 me absolvi posse: nam reliqua sine summa librorum co-
 pia qui perfici possint, non video. Cura ut valeas opti-
 me, *Augustine*. Anno 1499.

EPISTOLA LXXXVIII.

Erasmus Rot. Ludovico suo S. D.

E MITTO ad te tres Precationes, unam ad *Jesum*
 Filium Virginis, duas ad Virginem matrem, quas
 facito ut diligenter perscribas, quantum potes. Prima
 est perturbator, sed errare non poteris, si lineas in-
 dices sequare. Semel quamprimum describi omnes cu-
 pio, propterea quod is, cui sum donaturus, intra qua-
 triduum, aut etiam fortasse maturius, *Parisiis* iturus
 est: de reliquo consultabimus, ubi nos videris. Aut
 si tibi est ocium, ut sæpius perscribas. Utere charta
 quam potes optima, nitidissimis lineis deformata, mar-
 ginibus spatiosioribus quam meæ sint, & versus inter
 se latiuscule distent. Scribe quam potes politissime, non
 feceris gratis. De *Francisci* libro, si parum tibi spatii
 est, cura ut sciat, qui possit alium notarium sibi com-
 parare: nam à me posthac non deerit quod scribas, si
 tibi quidem ocium non defuerit. Si tibi per tuos lice-
 bit, post biduum aut triduum, ubi semel transcripseris,
 nos visito ut colloquamur. Pileum meum velim adfe-
 ras, nam pileum *Adriani*, quod est apud me, saluum
 est & intactum; nam simul atque hic recepi, nun-
 quam sum usus: deinde adito *N.* fac ut scias quanti
 pos-

An. 1499. possit emi tale capitale lintheum, quale periit à *D. Bertino*: ut aut emptum recipiat, aut si malit pecuniam qua emat: adito hominem, rogatoque utrum malit, aut potius ipse emito consilio viri, ut plane illi satis fiat; reddam tibi ubi ad nos veneris. Humanissimo *Adriano* patrono tuo, simulque *Edmondo* mihi fratris loco dilecto, multis modis facies me commendatum. Vale.

Si quid à *Parisis* ab *Antonio* novi est, fac ut sciam. Medico, ubi commodum erit, salutem multam dices meis verbis, & *Guardiano*, si jam rediit. Anno 1499.

EPISTOLA LXXXIX.

Erasmus Rot. Antonio Lutzenburgo S. D.

ACCEPI simul & Abbatis munus, & à *Batto* missam pecuniolam: qua de re si nunc parum accurate gratias ago, ne putes id inde esse, quod parum hoc munere sim lætus, sed erat negotii quiddam, & valetudo admodum agitata. Cæterum quantum & te, & Abbatem, de hoc dono pro meis meritis, quæ nulla sunt, deamem, brevi declarabo. Valebis, & tui similis, mi *Antoni*, esse perges. Anno 1499.

EPISTOLA XC.

Erasmus Rot. Petro Notho S. D.

QUOD tam officiose res nostras curas, *Petre* humanissime, deamo te, & gratiam habeo plurimam. Jam pridem isthic me videres, nisi Abbas *Bertinus*, jamjam abeuntem, jam accinctum remoratus esset. *Psalterium* fac emas, si modo castigatum est, & integrum, & si character mediocris: adero isthic dubio procul ad Paschales ferias. Pecuniam missurus eram, sed cum has scriberem literas, puer haud etiam certus erat, num istuc esset iturus, quare de pecunia jubeo te securum esse. Vale, & nos ama. Anno 1499.

EPISTOLA XCI.

Antonio à Bergis, Abbati divi Bertini, Erasmus S. P. D.

An. 1500. **Q**UVM incredibilis humanitas tua, pater amplissime, cumulationibus beneficiis me sibi teneat obæratum, quam (ut etiam si capitis hujus autionem fecero) vel forti solvendæ par esse possim, ego tamen grati animi conatum cuperem officio literarum utcunque significare, ne pessimum nomen jure videri possem, si æs alienum vel qualicunque opera redimere dissimularem. Cunctatio me quædam aliquantisper tenuit, verentem videlicet nonnihil, ne gravissimis istis, sanctissimisque occupationibus, quæ quidem non sum nescius, quam celsitudinem tuam domi, foris, privatim, publice distringant, nugis meis intempestivis obstreperem, ac dum impense officiosus studeo videri, fierem odiosus. Eleganter enim *Græca* parœmia dictum est, ἀναισθητοὶ οὐδὲν ἐχθρὸς διαφέρει: qua vere significatum est, nihil interesse, malevolentiane, an benevolentia sis molestus. Verum ubi è diverso succurreret ista corporis heroica species, ac valetudo felicissima, quibuslibet etiam laboribus facile par, tum animus isto scilicet corpore dignus, ἐγγενής, id est, albus & bene natus, ingens, amplus, tantarum simul rerum capax, dexter ad quidvis, versatilis, & tanquam ad omnia factus: mira que naturæ indulgentia tibi contigisse, ut tam multiplex negotiorum sarcina, quorum pars quantalibet alium quemvis facile obruat, te vix etiam levi sensu perstringat: id quod ego ceu stirpi tuæ gentilitium olim & in Pontifice fratre tuo *Mecanate* meo, quum in familiaribus ejus essem, animadverti, neque raro sum admiratus, unicum illud pectus tot pariter rebus sufficere. Est istud quidem *Herculeum* animi robur, tibi cum cæteris gentilibus tuis commune, Præsul humanissime, cæterum in te, nescio quo modo, præter cæteros peculiariter elucet mellita quædam morum suavitatis, & ea quidem summa cum majestate conjuncta,

A ut in obeundis negotiis publicis nihil uno te sit augustius: rursus in consuetudine familiari nihil comius, nihil popularius, nihil elegantius: ut illic nulli non admirabilis, ita hic omnibus amabilis, utrobique dexterimus: usque adeo tibi in promptu, quam velis personam aut exuere, aut sumere, parique decoro vel cum purpureis tyrannis agere, vel cum mei similibus infimæ classis homunculis, plebeia quadam affabilitate uti, ut haud sciam an in ullum mortalem melius quadret *Græcus* ille παροιμιώδης versiculus (feret enim me tua æquanimitas nimis fortassis & ineptius in epistola *Græcantem*, quod hujus linguæ nuper esse candidatus coepi) ἀπαντὰ τοῖς καλοῖς ἀνδράσι περίεφ, cujus hic quidem est sensus, *Tui similes egregios viros nihil non decere*. Eandem ingenii dexteritatem in *Aristippo* celebravit *Flaccus*: *Omnia*, inquit, *Aristippum decuit color*, sive regali purpura conspicuus incederet, sive *Cynica* pallio sordidatus ingrederetur: quanquam tu quidem inæqualis nusquam, mira quadam harmonia, & in amplitudine humanissimus, & in humanitate amplissimus. Sed quorsum ista tam multa? inquires. Probe profecto mones: fulcienda enim quæ pendet adhuc periodus, & claudendus vel sero μακρολογισμός, quem mihi non natura loquacior, sed jucunda quædam tui simulacri contemplatio facit. Ergo, quum mihi succurreret, inquam, ista nova corporis animique tui felicitate fieri, ut tanta tranquillitate summa obires negotia, quanta vix alius quisquam summo in ocio versetur, tibi summas occupationes pro ludo esse: non putavi me magnopere vereri oportere, ne quid his literis nostris intempestivius interpellatus offendereris: maximeque quod ex *Batti* mei literis cognovissem, quam serena fronte superiores illas accepisses: quanquam ne in præsentia quidem erat adeo quod scriberem, nisi mihi cum *Rhamnusia* illa luctam esse assiduam: me tamen sic esse animatum, ut si literas assequi non queam, certe cum *Philemone* libris immori cupiam. Tum tuorum in me meritum memoriam apud me non modo non consenscere, verum ita quotidie animo obversari, ut ne tum quidem quum præsens experirer, aut recentior, aut etiam jucundior humanitatis tuæ sensus esse potuerit. Proinde nihil mihi perinde in votis esse, ut ansam quampiam per te præberi, qua possim hoc ingenio, si quod est, meo, & literariis vigiliis tuam amplitudinem quam maxime demerere: sed hoc ipsi circumspiciamus. Interea ne non longam epistolam legas, Tragediam accipe, recentiorum quidem illam, sed ita atrocem, ut cum hac vel *Medea*, aut *Thyestes*, vel veterum quævis collata, Comœdia videri possit. Anno superiore *Magduni*, id est oppidulum haud ita procul ab *Aurelia*, maleficus quispiam decessurus uxori mandat, ut quicquid esset apud se librorum magicorum, reliquaue ejus sacri arma, civi cuidam *Aureliano* tradat, propediem videlicet perituro, quod hunc sceleris conscium ac participem habuisset. Is hæc omnia *Aureliam* transfert: jam ipse sacerdos domi suæ plus triennium nefandum sacrum & quavis idololatria exsecratus non insciente uxore, filia virgine etiam adjunctante, peragitat. Quibus vero ceremoniis, quove ritu sacrilegium hoc constiterit, paucis referam, ita ut à certissimis hominibus accepi. Corpus illud adorandum vindicis nostri *Jesu* in pyxidula quadam saligna conditum, sub lecti stramentis abdiderat. O divinam patientiam, mihi referenti, frigidus horror membra quatit! Id ante triennium à sacrificulo quopiam famelico & impio (cujusmodi hic nimis magna copia) fuerat mercatus, & quidem minoris, opinor, quam olim *Judæi Christum*: ut scelestissimus ille sacerdos *Judam* nobis non retulerit solum, sed etiam vicerit: & illum quidem rumor est, subitanea morte impietatis poenas dedisse. Ergo quoties veneficus ille rem non divinam, sed diabolicam facturus esset, depromebatur profanis manibus coeleste mysterium, atque è stramentis erutum, nudatumque exponebatur. Filia puella, neque dum

An. dum virum passa, enssem nudum manu sublata tenebat, (quod id muneris nisi à virgine obiri rite non posset) mucronem in sacrum illud corpus intentans, scilicet minitanti similis. Tum caput quoddam proferebatur, ex nescio qua materia, triplici facie cælatum: nempe monadem illam triformem, & triadem uniformem representans. Id novies reducto ambitu cingebatur. In his mille figuræ *Tan*, inauditis angelorum nominibus inscriptæ: postea totidem ambitus cacodæmonum horrendis vocabulis distincti. His ita compositis, maleficii antistes, explicitis libris, exsecratis illis precibus, *Hecate* dictante, primum adorandam triadem, & angelorum quam plurimos suo quosque choro: deinde cacodæmonum sexcenta nomina citat, neque finis, donec demon ille præsto fit, præsensque vocanti respondet. Is erat ingentium thesaurorum aut opifex, aut certe monstrator. Promiserat scelestus ille sacrifico suo *Perficos* montes, largitus etiam nonnihil: sed adeo infra spem, ut virum jam operæ, quippe triennis, coeperit poenitere. Itaque promissorem suum solitis precaminibus evocat, expostulatque se jampridem lactari, & spe modo duci, neque ullum operæprecium facere. Purgat ille se contra, negans id sua culpa accidere: verum deesse quiddam ceremoniis, quod hominem literis præditum desideraret: quem si nancisci posset, se thesauros indicaturum omnium votis ampliores. Simulque percunctanti, quis esset ad eam rem potissimum adisciscendus, suadet, Priorem monasterii monachorum, qui se *Prædicatores* appellitant, id est pone moenia *Aureliana*, adeat, & cautim virum pertentet. Est vero hic Theologiæ *Bacalaureus*, ut vocant, formatus, apud vulgus opinione non incelebri, & concionator non omnino pessimus, ut nunc quidem sunt Theologi. Cæterum, ut mihi post visum est, & fere sunt hujusmodi, famæ perquam avidus. Sed haud etiam conjectura consequor, quid genius ille malus captarit, uti ne sacerdotem suum, jamjam ad defectionem spectantem, recta in perniciem induceret: an quod ita serio sibi promiserit, Theologi mentem præmii propositi magnitudine posse corrumpi: hac opinor fiducia, quod, ut divinitus scripsit *Maro*,

— quid non mortalia pectora cogit

Auri sacra fames? —

Tum quod, uti ajunt ii, qui cum istiusmodi hominum genere familiariter sunt versati, sub illis cucullis & mendicitatis nomine, deploratissimæ nonnunquam mentes latent, intolerabili arrogantia, & extrema pecuniæ cupiditate flagrant. Verum hoc quidem in medio relinquimus. Vir igitur persuasus, hominem convenit: utque pedetentim illius animum prætentaret, fingit sibi codices aliquot esse domi, inutiles quidem sibi, quippe idiotæ, verum homini literato longe utilissimos. Rogat num quos emptos velit. Theologus proferri jubet, inspiciendos scilicet. Promittit ille Vetus Testamentum, quam vulgus *Bibliam* vocat, *Gallise* versum. Eum codicem ubi contempsisset Theologus, ecquos alios haberet percunctanti, gravatim quidem, ac detrectanti similis, alium quendam sinu abditum producit: quem evolutum, ubi animadvertisset improbatarum artium esse magistrum, haud etiam scio an novitate captus (ita ut fit) curiosius inspectarit, an ut fraudem, quam subesse sentiscebatur, prorsus expiscaretur. Rogatus itaque quidnam ille placeret, respondit, maleficum sibi videri librum. Tum ille silentii fidem obtestatione stipulatus, ait ejusdem generis aliquot domi sibi esse, sed eruditi hominis operam desiderare; alioqui thesauros immensos posse his libris conflare. Ibi arrectior Theologus, orat ut eos quoque ad se perferat inspiciendos: sibi rem hanc vehementer esse cordi, nec omnino in negotio tam divino indormiendum, sibi spem esse certissimam feliciter eventurum. Ergo datis invicem dextris, miser ille reliquos libros adfert. Theologus expiscari non desinit, donec homo jam ejus animi securus omni de re palam facit: postremo etiam de *Christi* corpore. Ibi ille tanquam

A vehementer gavisus, impensius obsecrat, ut res tantas sibi ostendat, se jam toto pectore de maturando negotio cogitare. Hic hominem domum suam deducit: uxorem mysterium illud, reliquaque item maleficii arma depromere jubet. Proferuntur, inspestantur. Monachus longe aliud simulans, ut narrat ipse, recta inde ad Officialem, quem vocant, virum profecto summa vitæ integritate, & absoluta juris utriusque prudentia spectatissimum, nostri majorem in modum amantem. Is vero in re tam prodigiosa nihil etiam cunctandum ratus, hominem, prodente Theologo, per regiones ministros in vincula conjicit, non sine uxore & filia. Protinus in ædes irruptum, mysterium illud adorandum, honore, quo conveniebat, prolatum, dielque ejus quod erat reliquum & nox omnis à clero monachisque pernoctes excubias agentibus, solennibus cantionibus & precibus celebrata. Postridie indicta solennis supplicatio, vestiuntur tapetibus utrinque viæ, quaque ibatur, quaque ad templum redibatur: perstrepebant urbe tota templa sacris tintinnabulis. Proccedit clerus universus cum suis quisque reliquiis, tota civitate ad spectaculum effusa, dignaque pompa sacramentum è consceleratis ædibus sublatum, in templum salutiferæ cruci sacrum deferitur. Ibi Theologus tam frequenti concione, quantam antea visam fuisse negant, rem omnem, non sine gloriæ suspitione exponit: identidem obtestans *Christi* corpus inibi sub dio appositum, ut erat ex ædibus malefici deportatum. Fecerat idem postridie, facturus item deinceps, & ut quidque illi in vinculis fuissent confessi, ita quotidie populo renunciaturus: quod sibi credo certissimam parandæ immortalitatis materiam oblatam esse judicaret, nisi Officialis, vir minime stultus, Theologo, jam ventoso gloriæ curru volitanti, silentium imposuisset. Excitantur & audiuntur assidue à Theologis *Lucretia* in hoc adfictis, adhibitis item duobus Jureconsultis. Narravit nobis Officialis prodigiosa quædam in quæstionibus à viro aperiari, sed quæ nondum pro certis referri possent, quod ipsum sibi parum adhuc constare diceret: mulierem noctu miseris modis à cacodæmone vexari, pungi, cædi, raptari, peneque exanimari: filiam vero sui securam, neque quicquam supplicii metu commoveri, quod sibi quotidie cum luce præsto fieri affirmat, nescio quem qui consolando dolorem illi omnem adimat, animoque tranquillo esse jubeat. Tenetur & *Magduni* malefici, cujus supra memini, vidua. Eamus nunc & *Medeam*, *Thyestem*, *Neronem*, Poetarum nugæ esse credamus, cum *Christiana* impietas ejusmodi piacula protulerit, quorum ne nomina quidem norit antiquitas. Quod enim tandem huic monstro vocabulum indemus? Nam *Chaldaeorum*, genethliacorum, mathematicorum, maleficorum, Pythonicorum, divinorum, haruspicum, augurum, ariolorum, necromanticorum, geomanticorum, sortilegorum, incantatorum, uti levia nomina, nihil etiam ad hujus scelestis atrocitatem facere mihi videntur. Augur præpetes avium volatus, & solistimum tripudium observat, haruspex extorum fibras rimatur, *Chaldeus* sydera consulit, veneficus herbas incantatas colligit, incantator precaminibus agit, Pythonicus manes evocat, chiromantis manuum rugas contemplatur. Atrocia sunt ista, quæque vix aures ferant *Christiane*: sed quid obsecro ad *Aurelianam* Tragœdiam? Quid unquam simile *Theffalia* maleficiis infamis designavit? Et manium quidem consultores, *Hebraeorum* leges capitali supplicio damnant; Imperatoriæ vero haruspicum & augurum superstitionem & atrocissimis verbis insectantur: quippe quos naturæ peregrinos & humani generis hostes appellent: & ipsos quidem ultori gladio, incendio feralique pesti (his enim verbis *Constantinus* utitur) addicunt: consultores autem in insulam deportari jubent, bonis omnibus spoliatos, id quod apparet in *Codice*, titulo *De maleficis & mathematicis*: ubi & glossæ vere, ut *Accursiani* loquuntur isti, notabile, sed atro carbone notandum, quippe quod haruspicem pro

Tom. III.

F

mq.

An. momentorum & avium observatore, nimis ridicule
1500. interpretatur, tum sacerdotem pro necromantices do-
ctore exponit, & item alia quædam, nescio magis ne
barbare an inerudite, omnino tamen deridicule: quas
mihi tamen neutiquam sunt nova, cum toto *Digesto*
istiusmodi portenta ita passim occurrant, ut assueto mihi
ne risum quidem jam moveant, nedum stomachum.
Sed ad rem: Decreta vero Pontificia, & item Epistolæ,
quas Decretales vocant, ubi de sortilegiis & id genus
damnatis superstitionibus meminerunt, huiusmodi ma-
leficium ne verbo quidem attingunt: sive quod ea se-
cula ne suspicionem quidem tantæ impietatis habue-
runt: sive quod qui ea literis prodiderunt, mortalium
auribus parcendum esse putarunt. Novum hoc & in-
auditum portentum, non Nox *Eumenidum* mater, ut
Poetæ fabulantur, sed scelerum omnium parens Avaritia
produxit, & portentum non simplex, sed ex supersti-
tione, impietate, idololatria, sacrilegio, tanquam va-
riis ex monstris conflatum. Et mirantur homines, si no-
stra ætas nuac bellis, nunc fame, nunc peste, nunc
aliis atque aliis malis laboret: cum præter ea vitia, quæ
jam propemodum vitia videri desierunt, quod nimis
vulgaria, gigantes ipsos fulmine deturbatos & *Lycæo-*
niæ inhumanitatem diluvio tanto vix expiatam no-
stris sceleribus longe vincamus? Miramur si quotidie
novis plagis afficimur, cum quotidie novis vitiis Deum
optimum maximumque iritemus, neque, ut ait *Flac-*
cus, per nostrum patiamur scelus iracunda *Jovem* ful-
mina ponere. Habes *Iliadem*, humanissime pater, sed
abripuit calamum pene imprudentem, partim gravis
animi dolor, partim voluptas quædam tua cum am-
plitudine miscendi sermonem. Ignoscas igitur nostro
vel amori, vel dolori. De *Disma* scripsimus *Auto-*
nio facellano tuo: quod si persuadeo, futurum confido,
& quidem propediem, ut ego me gaudeam ad-
monuisse, & tu multo magis gaudeas monenti paruisse.
Bene vale. *Parisis* 14. Jan. An. 1500.

EPISTOLA XCII.

Clarissima Anna Bersala, Principi Veriana, Erasmus.
Rot. S. P. D.

TRES Annas veterum literæ prodiderunt posterita-
ti: eam, cui cognomen *Perenna*, quam ob egre-
giam in *Didonem* sororem pietatem, in cœlitum nu-
merum relata antiquitas credidit: alteram *Helcanæ*
uxorem, cujus ad laudem abunde satis est, quod & a-
nus, & auspice Deo, *Samuelem* pepererit, non utique
tibi, sed Deo quidem sacerdotem religiosissimum, po-
pulo vero judicem incorruptissimum: tertiam Virginis
matris parentem, ac *Jesu* Dei & hominis aviam, ut
ne hæc quidem jam aliis egeat præconiis. Et primam
quidem *Romanæ* Musæ immortalitati consecrarunt. Se-
cundam *Hebræorum* annales multa laude nobilitant.
Tertiam *Christiana* pietas adorat, *Rodulphi Agricola*,
Baptisteque Mantuani facundissimis literis celebratam.
Nunc o si meæ quoque tantum literæ valeant, ut tuum
istud tam pium, tam niveum, tam castum pectus po-
steritas norit, & tribus Annis quartam te annumeret:
& fiet profecto, modo tuæ virtuti nostrum ingenio-
lum respondeat. Equidem adducor, ut credam nomen
istud non sine mente, ut ait *Maro*, nec sine numine
divûm tibi contigisse, adeo multa video tibi cum illis
esse communia. Nobilissimæ illæ, tuis vero imaginibus
quid habet nostrum hoc regnum illustrius? Illæ pieta-
te insignes, & tua gratissima cœlo pietas: illarum af-
flictiis rebus multum jactata, multum spectata pa-
tientia, quod tibi cum illis communius etiam quam vel-
lem. Erat enim tua ista integritas & virginea simplici-
tas, fateor, perpetua prosperitate dignissima. Verum
quid facias? Hic est vetus ille Fortunæ ludus, indignos
in altum evehere, & innocentiae negotium facessere.
Tu vero, mea patrona, palmæ arboris exemplo,

— ne cede malis, sed contra audentior ito,
Quam tua te fortuna sinat. —

A Ego vero, quanquam pro incredibili mea in te cha-
ritate, vel pietate potius (salutem enim illi omnino de-
beo, cujus beneficio mihi contigit in literis vivere, si-
ne quibus ne vivere quidem possim) casus tuos acerbè
omnino fero, tamen hoc me non mediocriter recreat,
quod istiusmodi procellæ nonnunquam à superis propi-
tis immituntur, non ut obruant, sed ut virtuti sege-
tem quandam & materiam suppedient, quo videlicet
magis magisque splendescat. Sic *Heroulis* & *Enos Uly-*
ssique virtus effulgit: sic *Jobi* probata tolerantia. Non
igitur tantum capio dolorem, quod ista obijciuntur,
quantum voluptatis, quod objecta sic feras: fers au-
tem, id quod ego non semel sum admiratus, adeo non
dicam toleranter, sed omnino alacriter, ut ego me jam
tuo exemplo (dicam enim simpliciter) confirmem ma-
gis quam ullo veterum, homo pene ad infortunia na-
tus: quippe qui jam annum solidum adversis ventis,
adverso flumine, irato cœlo navigem. Fix etiam, ne-
scio quo modo (nam cur non audeam tibi fateri?) ut
te hoc quoque nomine peculiariter diligam, quod *Rha-*
mnisiam illam, quam ego semper iniquissimam tuli,
ne tibi quidem satis æquam esse video, ut inter mor-
tales, & malorum societas aliquoties conciliat bene-
volentiam: quanquam quid hoc simile? Nam tua qui-
dem dignitas jam prope extra Fortunæ est aleam, & te
quidem nonnunquam vellicat: at in me sic constanter
debauchatur, scilicet hoc uno sui dissimilis, ut possit
in literas meas conjurasse videri. Succurrit has literas
exaranti: cui enim potius infelicitatem meam aperiam,
quam quæ sola & possit & velit mederi? Succurrit,
inquam, hunc ipsum solem jam anniversarium illuxisse,
quod in *Britannico* littore pecuniola mea, studiorum
meorum alimonia, naufragium fecit: à quo quidem
die, ut memini, perpetuam malorum catenam trahen-
tibus invicem ansis, in hanc usque lucem Fortuna por-
rexit: etenim simul atque nudum me *Britannica Cha-*
rybdis orbi nostro revomisset, sæva tempestas, atque
ob eam iter longe durissimum, deinde in jugulos no-
stros acutæ latronum sicæ exceperunt, tum febris,
postea pestis, quæ tamen fugavit tantum, non afflavit.
Adde his domesticas curas, quas non parum multas
quotidie mortalium vita paritat. Sed partim pudet, ita
me Deus amet, me virum utcumque literarum præsi-
dio munitum, ac philosophiæ præceptis armatum, ani-
mo consternari: cum tu, quam & natura foeminam
finxit, quam Fortunæ indulgentia summo loco genuit,
maximis deliciis educavit, nonnihil habes quod feras,
& feras tam non muliebriter: partim quod quantum-
vis in me detonaret Fortuna, nullam esse causam statue-
rem cur literas deferam, animoque frangar, dum tu mi-
hi ceu certissima quædam Cynosura præluxeris. Siqui-
dem literas Fortuna ne potest quidem nobis eripere,
pecuniolam vero, quantulam hoc ocium desiderat, o-
pes tuæ, animo scilicet tuo pares, facile possint suppe-
ditare. Et Fortunæ quidem tuæ debes, quod vales: ani-
mo tuo ego debeo, quod vis, & vis etiam libenter
Musas meas alere, ex te nimirum una pendentes, te
unam respicientes, tibi uni consecratas. Aluit *Cherilum*
malum ferreumque, ut ait *Lucilius*, scriptorem *Ale-*
xander Magnus. *Maronis* & *Flacci* tenuitatem *Mecana-*
tis in exhausta benignitas fovit. *Plinianas* lucubrationes
Vespasiani studium acuit. Semigræculas *Aufanii* Musas
Gratiani *Cæsaris* humanitas etiam consulatu *Romano* de-
coravit. *Hieronymi* piam facundiam *Paula* & *Enstochii*
nobilitas ornavit. Nuper etiam *Politianum*, seculi nostri
delicias, *Laurentius Medicus*, tanquam gremio suo edu-
catum, extulit. Et ne juxta *Græcorum* dictum arenas
numerem, suis cuique ingenio contigit *Mecanas*. Ne-
que gratiam adeo poenitendam ii mihi videntur suis pa-
tronis retulisse, quorum memoriam æternitati libris
suis consecrarunt. Ego vero, mea nutricia, ne *Mecana-*
tem quidem ullum, aut *Cæsarem* tecum sanus permuta-
verim, & quod ad reponendam vicem attinet, quan-
tum hoc ingeniolo potero contendere, pro mea
quoque virili enitar, ut & meam *Mecanatem* postera se-

1500. An. secula noverint, mirenturque unam extremo orbe foeminam existisse, quæ bonas literas, partim imperitorum incitua corruptas, partim Principum vitio jacentes, partim hominum desidia neglectas, sua beneficentia studuerit excitare, quæ *Erasmi* literulas à splendidis pollicitatoribus destitutas, à tyranno spoliatas, omnibus fortunæ casibus oppugnatas, passa non sit egestate concidere. Quod uti institui, ita pergas, supplices tibi manus tendunt literæ meæ, alumnae tuæ, teque & per tuam obtestantur fortunam, quam & secundam summa cum laude contemnis, & adversam fortissime tulisti, per suas item fortunas semper iratas, contra quas tuo unius patrocinio consistunt, & per excellentis illius Reginæ, nempe veteris Theologiæ, amorem, quam *Υαλμορξαφ* ille divinitus afflatus, æterno Regi dextram adstitisse scribit, interprete *Hieronymo*, non sordidatam, non pannosam, qualis nunc visitur in ludis sophistarum, sed in vestitu deaurato, circumamictam varietate, cui ab situ recipiendæ vigiliolæ nostræ omnes defudant. Quam ad rem duo quædam perneccessaria jamdudum sentio, alterum ut *Italiæ* adeam, quo scilicet ex loci celebritate doctrinulæ nostræ nonnihil auctoritatis acquiratur: alterum ut Doctoris nomen mihi imponam, ineptum quidem utrunque. Neque enim, ut inquit *Horatius*, statim animum mutant, qui trans mare currunt, neque me vel pilo doctiorem magni nominis umbra fecerit: verum ut nunc tempora sunt, ita morem geras, quando nunc non dicam vulgo, sed etiam iis, qui doctrinæ principatum tenent, nemo doctus videri potest, nisi *magister noster* appelletur, etiam vetante *Christo* Theologorum Principe: cum antiquitus non ideo quis pro docto haberetur, quod Doctoris nomen esset mercatus, sed ii Doctores dicebantur, qui libris editis, manifestum doctrinæ specimen dedissent. Verum, ut diximus, frustra bonam fabulam egerimus, quam nemo non explodat. Quare leoninam pellem induamur oportet, quo fides fiat, & nos literas didicisse, istis qui de vocabulo non de libris (quippe quos non intelligunt) hominem censent. Ii sunt homines quidam præposteris literis imbuti, magna nimirum mercede docti nihil scire, crassa Minerva, sensu vix etiam communi, sed Deum immortalem, quam cervicosa arrogantia, quanto supercilio! quippe qui sibi una cum inani nomine consummatæ doctrinæ falsissimam persuasionem induerunt. Ii *Philoxenum* & *Gnathonem* turpissimos gulones referentes, disciplinas omnes culinarii sermonis sordibus & tanquam emuncto mucosædant, quo generosis ingeniis nausea deterritis, ipsi soli rerum potantur. Cum his quoque monstris mihi decertandum est, & *Hercules* alter præstandus: quare si tu *Erasmum* tuum armaveris, ut possit cum his portentis pari tum animo, tum auctoritate contendere, non nos modo, verumetiam ipsæ literæ se tibi debebunt. *Armandus* autem, mea Princeps, *Homerici Glanci* armis, sed quæ dedit, non quæ recepit. Hoc ænigma, quid sibi velit, ex *Batti* mei literis cognosces, cui citra fucum omnem sortem meam aperui. Perfricui faciem contra morem meum, contraque ingenium, contra virgineum illum literarum pudorem; sed, ut ait ille, *durum telum necessitas*. Misi te tibi, *Annam Anna*, carmen vel rhythmos potius à me puero admodum lufos, nam jam inde à tenellis unguiculis ejus divæ pio studio flagravi. Misi præterea obsecrationes quasdam, quibus ceu magicis precaminibus possis non lunam illam, sed eam quæ justitiæ solem genuit, cælo vel invitam, ut ita loquar, devocare: quamquam ea quidem solet esse facillima, si virgo virgineis votis vocetur: nam te quidem non tam in viduis, quam in virginibus pono: siquidem quod olim puella admodum nupsisti, id quidem partim parentum auctoritati, partim generi propagando datum: & ejusmodi fuit conjugium, ut non tam sit imputanda voluptas, quam patientia spectata. Quod autem nunc ista adhuc ætate virenti, & pene puellari, nulla procorum instantia

possis à continentia proposito divelli, quod in fortuna tam affluenti, tam nihil indulges tibi, id ego non viduitatem, sed virginitatem existimo: in quo si, ut confido, perseverabis, ego te, mihi crede audacter, non in adolescentularum choro, quarum, ut ait Scriptura, non est numerus, non in octoginta *Solomonis* concubinis, sed in quinquaginta Reginis, & *Hieronymo* quidem, ut spero, approbante annumeravero. Est jamdudum in manibus *De Epistolis*, & item *De varianda oratione* opus, *Adolphi* filii tui studiis adjuvandis destinatum; tum præterea *De literis*, tuo videlicet nomini consecrandum. Quæ si forte serius voto prodibunt, non meam tarditatem, sed fortunam accusabis, aut si mavis operis difficultati imputabis, nam malos quidem libros emitte, infanissimum: bonos edere, longe difficillimum. Bene vale, & Musas nostras tibi commendatas habe. Datum *Parisiis* 27. Jan. Anno 1500.

EPISTOLA XCIII.

Erasmus Roterodamus Petro Anglermio medico S. D.

EMORIAR, si ullum Deorum nectar suavius esse credam, optime *Petre*, quam villum hoc tuum, plurimum quidem aromatis efficacibus, & *Apollinea* arte, qua tu non minus quam humanitate mortales omnes albis, ut ajunt, equis præcurris, verum multo multoque amplius de pectore isto candidissimo, & gratiarum pleno conditum sapidumque, cujus ego niveam simplicitatem, humanitatemque prope incredibilem jam pridem ex *Augustini* tui sermone cognitam adamatam, nunc etiam re prius quam oratione exerior, donatus videlicet abs te munusculo tam bello, tam lauto, tam denique apto. Recte enim & hoc *Seneca* monet, *permagni referre, quis cui quid muneris mittas*. Porro quum *Bacchum* ut eloquentiæ ministrum passim celebrent Poetarum literæ, & aromata spiritus vitales, viresque pectoris reficiant instaurantque: quid obsecro poteris hoc mittere aptius, homo medicus homini poetico, tum in literis assiduo, quam vinum quod à vulgo quidem *Hippocraticum*, à doctis tum *trimma*, tum *aromatites* dicitur, nisi tu vel mûrinum, vel aromaticum mavis: cui xenio utinam *ἀντίδοτον* aliquod rependere tam facile possimus, quam impense cupimus, neque voluntatem flagrantissimam destitueret facultas. Verum ne prorsus *ἀδωγοί* videamur, neve quam duplicatam oportebat redisse gratiam, nulla reponatur, Poetarum more, qui chartarum tantum ut divites sunt, ita sunt & liberales, literariam gratiam referimus, pro munere epistolam reddentes, quamquam non perinde conditam, nec arte pari concinnatam, videlicet ut ad *Homerici Diomedis* exemplum,

Χρύσεια χαλκείων, ἐκατόμβοι ἐννεαβοίων,
permutemus. Eam compensationem si tu non recipis, quippe vehementer iniquam, vide ecquid hoc etiam auctarium placeat. Hunc homuncionem quantulus quantulus est, tibi addico, quem si non poenitebit tuis in bonis scribere, vehementer erraris, si quicquam credas tuis in rebus unquam fuisse tam tuum, quoque sic pro tuo arbitratu vel uti possis, vel abuti. Interea ansam hanc ad te scribendi, id quod diu fuerat in votis, per te mihi oblatam esse gaudeo. *Lutetiam* reversus, (nam in crastinum paramus iter) filii tui studia, quibuscunque potero rationibus lubens adjuvero. Bene vale. *Aurelia*, Anno 1500.

EPISTOLA XCIV.

Erasmus Roterod. Jacobo Batto S. D.

DEMIROR, quæ tandem tibi in suspicionem venerim, tanquam in literis, quas ad te scribo, logodædalum agam, id est, non simplicem ac sincerum, sed fucatum & dissimulantem. De me, optime *Batte*, sic velim semel statuas, nihil mihi æque ac hypocrisim esse invisam, neque ipsum me apud amicos fingere quic-

An. quam, neque figmentis alienis delectari. Jusseram ex
 1500. *Anglia* scribens, ut adumbratis literis me scilicet eri-
 peres. Ea fraus non in te, non enim fallebaris, sed
 in *Anglum* tendebatur. Cæterum eas literas, quas po-
 stea mihi de meo consilio, emoriar, nisi ex animo
 scripsi. Tuas item, quas tu postea fassus es mihi re-
 verso, te ut fictis fictas retulisse, ego ex animo scri-
 ptas credidi. Jam vero quas ex *Aurelia* scripsi de re-
 bus meis angustissimis satis apparet pari arte scriptas
 videri: quod ni esset, non hunc *Ludovicum* nobis tri-
 bus scilicet angelatis oneratum remisisses. Prudens hic
 prætereo, *Rasse*, & quanto alia expectarim abs te, &
 quantum hac re meam felicitatem auxeris. Si ludere
 tibi videor in epistolis, cum sic scribo, nihil esse cau-
 sæ puto, cur unquam ad te scribam; sed hæc missa.
 Quoniam non dubito, optime *Basse*, quin tu amanti-
 simo animo facias, quæcunque facis, quæso ut totum
 illum *Batum* ad me beandum explices. Conficies haud
 dubium, si modo fatalem illum animum concipies. E-
 vestigio *Ludovicum* ad Dominam mitte, & si commo-
 dum, ipse proficiscere, nostras literas tua facundia ad-
 juturus. *Adolphum* instiga, ut primarum precum re-
 ligione maternum animum obtestetur, sed cave nuga-
 torium quicquam optet. Eadem enim opera vel ma-
 ximum quiddam exorabimus, si *Erasmi* tui fortunæ
 ex animo tibi curæ sunt. Sic agas, Dominæ pudorem
 meum amabilibus verbis excusabis, tanquam ingenium
 meum non sit passum, ut illi ipsi meam egestatem a-
 perirem. Tu vero scribes me jam in summa egestate
 versari, eo quod hæc fuga *Aureliana* mihi magno sum-
 ptui fuerit. Recedendum enim erat ab iis à quibus
 compendii nonnihil capiebam. Nec usquam Doctoris
 titulum rectius accipi posse, quam in *Italia*, nec *Ita-*
liam ab homine delicato posse adiri sine summa vi pe-
 cuniæ: maxime quod mihi ob literarum qualem-
 que opinionem sordidius vivere ne liceat quidem. O-
 stendes quanto amplius ego sim meis literis decus Do-
 minæ allaturus, quam alii, quos alit, Theologi. Nam
 illi vulgaria concionantur, ego scribo, quæ semper
 sint victura. Illi indocte nugantes, uno aut altero in
 templo audiuntur: mei libri, à *Latinis*, à *Græcis*, ab
 omni gente toto orbe legentur. Ejusmodi indoctorum
 Theologorum permagnam ubique esse copiam, mei
 similem vix multis seculis inveniri, nisi forte adeo su-
 perstitiosus es, ut religio tibi sit, in amici negotio
 mendaciolis aliquot abuti. Deinde ostendes nihilo il-
 lam pauperiorem futuram, si ut *Hieronymus* jam de-
 pravatus, si ut vera Theologia instauretur, aliquot au-
 reis adjuverit, cum tanta ex illius opibus turpissime
 pereant. Hæc ubi pro tuo ingenio amplificaris, de-
 que meis moribus, deque mea spe, de charitate in
 Dominam, de verecundia multa scripseris, tum addes
 me scripsisse, ducentis francis omnino mihi opus esse,
 ut posteri anni salarium in præsentia largiatur. Id quod
 ego, *Basse*, nequiquam fingo. Nam centum francis nec
 iis quidem integris *Italiam* petere, non mihi tutum vi-
 detur, nisi rursus in servitutem cujuspiam dedere me
 velim. Id priusquam fecero, emoriar potius: tum
 quantum referet ejus, in præsentia ne an post annum
 donet, & mea quidem refert plurimum: deinde suade
 ut sacerdotio mihi aliquo prorsus consulat, ut reversus
 habeam, ubi in literis quiescam. Neque solum hoc
 suade, sed etiam rationem à teipso excogitatam quam
 poteris commodissimam ostende, uti ex multis primum
 mihi promittat, si non optimum, tolerabile certe,
 quod mutem, ubi amplius contigerit. Neque nescio
 multos esse, qui sacerdotia petant: verum me esse di-
 ces, hominem unum, quem si cum omnibus cæteris
 componat, &c. Scis morem tuum antiquum effusis-
 sime mentiendi de *Erasmo*. Hæc eadem ut scribat
Adolphus tuus curabis, te scilicet preces dictante blan-
 dissimas: continuoque curabis ut centum francorum
 promissio confirmetur, & si fieri potest, cum *Adol-*
pho tuo communicetur, ut si quis casus matrem, quod
 omen absit, eripuerit, à filio sumam. Adjicies in fi-

A ne, me in literis esse questum id quod *Hieronymus* in
 Epistolis queritur non semel, studium oculos mihi eri-
 pere, eoque rem spectare, ut cum *Hieronymo* auribus
 & lingua tantum studere incipiam, & quam poteris
 facetissimis verbis persuadebis, ut *Saphirum* aliquem
 aut gemmam oculis confirmandis utilem mihi mittat.
 Quæ vero gemmæ eam vim habeant, scripsissem ipse,
 sed non aderat *Plinius*, tu è medico tuo expiscare.
 Hæc, mi *Jacobe*, neque improba, neque desperanda
 mihi videntur, si modo tu poteris animum illum tuum
 mihi fatalem induere. Et nunc maxime mihi videtur
 capos ille capillo arripiendus, cum tam honesta offer-
 tur ansa. Quæso te, mi *Basse*, hoc etiam atque etiam
 B tecum cogita, tantam esse nostram necessitudinem, ut
 si utervis alteri vel gravi suo incommodo prodesse queat,
 tamen nihil recusandum fuerit: nunc cum *Erasmo*, quem
 semper amore etiam vicisti, citra ullum incommodum
 tuum tantum possis adferre emolumenti, in ea re nega-
 re operam, non tam quidem parum amici, quam o-
 mnino inimici mihi videtur. Neque est quod ille scrup-
 ulus animum tuum mordeat. Si hoc nunc dat Domi-
 na, qua fronte petam quæ mihimet sunt petenda. Scio
 enim tibi vehementer Dominæ liberalitate esse opus.
 Verum id velim tecum ipse reputes, simul utrumque
 non recte confici posse. Nunc quum opportunitas da-
 tur tuo dilato, amici negotium age, tuum suo loco
 acturus, & acturus nihilo incommodius. Neque ve-
 reare ne tantilla res Dominam exhaustiat. Simul illud
 C cogita tibi quotidie petendi opportunitatem dari, mi-
 hi non item. Tu fortassis bene mecum agi putas, si
 mendicitatem effugio. Ego vero sic sum affectus, ut
 aut prorsus abjicienda putem studia, aut comparandum
 undecunque, quod literæ postulant. Postulant autem
 vitam non omnino sordidam & afflictam. Quanquam
 quantum à mendicitate aberamus, imo etiam absum-
 mus, quum ne teruncius quidem in loculis sit, reli-
 qua pudet scribere. Circumspice, quot asini omnino
 nullis literis quas opes possideant, & magnum vide-
 tur, si non eluriant *Erasmus*? Adde, quid si morbus
 D incidat, quando febris jam pene anniversaria recurrit
 quotannis, quid si multa alia, quæ in hominum vitam
 incidere & ipse expertus es? Et quid adhuc à Domina
 præter spem accepimus? At perit, inquires, res in *Bri-*
tannia: non tua quidem, sed nec mea rursus culpa
 perit. Ego enim neque temere *Angliam* adii, neque
 inconsulte exitum sum molitus. Verum fatales casus
 nobis in manu non sunt. Quod vero clamas, me ni-
 hil mittere, equidem medius fidius miror: quasi ve-
 ro aut ego sim celaturus, si quid apud me esset, quod
 mitti possit: aut hic dormiam, ut mihi exstimulatore
 sit opus. Crede mihi, non cessatur hic, imo vix etiam
 valetudini parcitur, dum amicis do operam, dum a-
 liis compono, aliis prælego, aliis castigo, dum mihi
 E lego, dum colligo, dum emendo, dum compono,
 dum *Græcis* literas, utique difficillimas, meditor. Et
 postea tu nostrum ocium ex tuo mensus, clamas, scri-
 be huic librum, scribe sexcentas epistolas, quasi in-
 genium habeamus adamantinum. Credo, tibi ista per-
 facilia videri, quod non admodum hac in palestra su-
 dasti. Experire ipse quid sit librum scribere, & tum
 si videbitur me tarditatis incusa. Admisce in epistola
 quædam ut tibi videntur faceta, ut mihi contumelio-
 sa, aut certe *anæge*. Quæso te, mi suavissime *Jaco-*
be, temperemus ab hujusmodi salibus, *Morum* non
 lepores sapientibus. Quod si juvat interdum eruditis
 F jocis lustrare, ita his utamur sermonibus, ut dum tem-
 pus feret, in re nihil ab alterutro cessetur. Teque per
 nostram amicitiam obtestor, ne tibi veniat in mentem,
 ut libeat periculum facere, num possim etiam istam
 spem, quæ mihi sola est reliqua, contemnere, neve
 jucundissimum nostrum amorem intempestivis nugis
 obscuremus. Ego toto pectore nihil aliud cogito, nisi
 ut quam absolutissimam doctrinam mihi comparem, eo-
 que trivialem hanc maximo animo contemno. Video
 enim, jamdudum video vulgi insaniam. Sed libri mei
 non

Ab. non statim evolabunt, malo mihi gloriam paulo serius contingere, sed solidam, quam maturius, verum percontandam, id quod non paucis evenisse video. Quare te quaeso, sine me meo arbitratu hanc rem agere. Mihi neque studium, neque animus deerit; tu cura modo, ne mihi omnino desit fortuna, quod quidem tu potes citra tuum incommodum, fortassis etiam magno tuo commodo efficere. Neque ego hæc scribo tanquam te putem stimulis ullis egere, hoc opus erat, ut maximum animum sumeres. Ab optimatibus nihil minuti petendum, & pro amico nihil non honeste tentaveris. Et mihi crede, si rem prudenter institueris, bene procedet. Quod si omnino desperas, ne me vana spe lætaveris, sine me alias spes circumspicere. Hæc tu, mi *Batte*, non durius à me scripta; sed simplicissime in bonam partem accipies. Erat enim in re seria serlis verbis utendum. Audi, quid etiam amplius te cupiam moliri, ut ab *Abbate* muneris aliquid avellas. Calles hominis sensum, finge veteundum quoddam & blandum argumentum ut petas. Dic me magnum quiddam moliri, ut *Hieronymum* totum, quantum est, incitiam Theologorum depravatum, mutilatum, confusum (nam non pauca in illius scriptis adulterina subdititiaque deprehendi) restituam, *Græca* reponam. Antiquitates & artificium, ausim dicere, à nullo adhuc intellectum aperiam. Ad hanc rem non paucis libris esse opus, deinde *Græcorum* opera, ut munere aliquo adjuter. Hic nihil, *Batte*, mentieris. Nam hoc molior omnino. Quod si à Domina magnam impetras pecuniam, ut facturum confido, remittito illi *Ludovicum* ad nos. Sin decem aut duodecim Scutatos tantum dabit; aut nihil, ne redeat *Ludovicus*, sed *Joanni* perferendum quicquid erit tradatur, nisi forte puer ultro sese ad iter offerat. *Joannes* ad quem diem in *Zelandia* futurus sit, *Ludovicus* ipse scit. De veste quod scribis nimis contumeliose, fac ut videbitur. Mihi tamen ridiculum videtur puerum alere & non vestire. De Domina hujusmodi minutulas res extendicare, mihi non placet magnopere, sed ut dixi tu videris. A Domina si non quantum vis accipies, tamen hoc cura, ut saltem aliquot Scutati una tua cum pecunia ad me perferantur. Magna librorum penuria, ocium nullum, valetudo parum firma: I tu & inter hæc libros scribe. De *Joanne* tabellione video rem parum esse certam, quare an hunc *Ludovicum* huc redire malis, ipse statues, sed cave miseris cum uno aut altero angelato. Matura, quaeso, mi *Batte*. *Augustini* libros *Ludovico* trades, qui *Versam* ad *Thomam* illum nostri amantissimum perferat, ut & in itinere si quos possit vendat puer, reliquos *Thomas* per certum navitam *Gaudam* transmittat ad *N.* ut is partim apud se distrahat, partim *Gulielmo* distrahendos quam primum mittat *Harlem*. Et per tabellionem scribam. Bene vale, mi charissime atque optime *Batte*, & in hanc rem totum *Battum* effunde, amicum illum dico, non etiam cessatorem. *Aurelia*, Anno 1500.

EPISTOLA XCV.

Erasmus D. Adriano in Christo amicissimo S. P. D.

Hæc *Ludovicum* puerum hætenus *Jacobus Battus* mei respectu aluit in arce *Tornehenfi*: nunc ita libitum iis, qui in præsentia tyrannidem obtinent, ut alio concedat, qui *Batti* fratrem expulerunt, ipsum etiam *Battum* expellere conati. Quare monui adolescentem, ut te primum viseret, quem si in familiam tuam receperis, rem feceris & mihi vehementer gratam, & erga juvenem officiosam, & erga Deum piam: postremo tuis commoditatibus non inutilem. Est enim juvenis mediocri doctrina, scribendi artifex egregius, moribus & fide integerrima; id quod ipse facile comperies, & ipse meo periculo non dubitem affirmare. Vale. De libris communicatis habeo gratiam: referet autem is qui pietatis officia multo cum fœnore solet remitti, Deus. Ex arce *Courtemburnensi*, An. 1500.

EPISTOLA XCVI.

Erasmus Roterodamus Edmundo, Sacerdoti optimo, S. D.

ABDIDI me in villam humanissimi Principis à *Courtemburne*, hybernis his mensibus in arcanis literis mustaturus: & utinam id te comite, mi charissime *Edmunde*, *Gardiano* duce, licuisset. Sed hac in re, itidem ut in cæteris, vulgato præcepto libenter utemur: Quando non potes quod vis, id velis quod possis. Cæterum tuæ fuerit charitatis, *Adrianum* exstimulare, ut me libris aliquot instruat. Mittat oro in *Paulum*, *Augustinum*, *Ambrosium*. *Origenem* à *Bertinico* in tempore petat, certaue fiducia pro me fidejubeat: non enim fallitur. Præterea percipiam, si fieri possit, ut *Origenis* Homiliæ una mittantur, quas habet *Gardianus*. *Lyranum*, aut si quis alius in *Paulum* scripsit, & eum ad nos venire velim. Mittetur sabbato vehiculum, quo omnia huc perferantur: interim curabitis, ut libri sint in eum diem parati. Si quando vel *Adrianus*, vel *Gardianus* dignabitur nos inviscere, cupide videbimus utrumlibet. Vale, mi optime *Edmunde*, & hac in re quaeso diligenter operam tuam naves. Ex arce *Courtemburnensi*, An. 1500.

EPISTOLA XCVII.

Erasmus Edmundo ut fratri dilecto S. D.

CERTIOR per te fieri cupio, num jam redierit noster *Gardianus*, aut quam mox expectetur adfuturus. *Adrianum* orabis meis verbis, ut de libris suis patienter agat: nam post paucos dies alio me conferam, sed non prius quam codices multa cum gratia restituerō. Mirum quam mihi gratuler, qui hunc laborem suscepim: confido enim me posthac toto pectore in arcanis literis libenter versaturum. Meus *Franciscus* intra dies ferme octo in patriam redit, quare *Ludovicus* recte fecerit, si paginas, si quas habet, de *Laurentio* miserit: de mercede nulla fuerit cunctatio. Præterea de tabellione ecquid coghorit, ut sciam, faciat: tum de sudario, quod perierat, quid egerit. Exemplar precationum mearum, si desuit uti, jube remittat. Vos omnes jamdudum expecto, sed frustra. Cum primis pio, mihiq; plurimis nominibus observando viro, *Adriano* salutem meis verbis annuntiabis. Ipse recte valebis, ac nos tui amantissimos vicissim amabis, nosque pro mutua charitate, mutuis apud Deum precibus adjuvemus. Ex arce, in qua diversor, raptim, Anno 1500.

EPISTOLA XCVIII.

Antonius à Bergis, Abbas Bertinicus, Joanni de Medicis, Cardinali, per *Erasmum Roterodamum*.

SALVTEM, quam amplitudo mihi tua scripsit, equidem maximi muneris instar accipio, eamque tibi plurimo fœnore cumulatam rescribo. Ex Epistola tum eruditionis, tum modestia plena, humanissimi pectoris istius, & omnino Medicum gente digni simulacrum libenter agnovi, id quod antehac, cum apud nos ageres, perspexeram. Quod autem hospitoli nostri non solum meministi, verum etiam tam diligenter pro eo gratias agis, quodque tam benigne tuam invicem operam offers, animum quidem istum tuum tam propensum, volens gaudensque amplector, meritum meum nullum agnosco. Quod enim nostra mediocritas, cum cognoscendi studio in his regionibus nostratibus velut *Ulysses* *Homericus*, aut *Solon* *Herodoticus* peregrinum ageres, qualicunque sedulitate accepimus, nulla hic nostra prædicanda est humanitas, sed summa barbaries inhumanitasque, ni fecissemus, fuisset. Utinam autem vel tue dignitati, vel nostro animo satisfactum esset. Mea quidem cetera jam aliquot annis hospes nullus subiit vel ornatior, vel jucundior, ut hoc nomine me tibi beneficium debere potius existimem, quam credidisse. Porro opera tua, si quando erit usus, tanta omnino libertate utar, quanta tu benig-

An. gnitate offers. Libuit autem interim, & hac in re pri-
1501. scum referre morem, ut tua praestantia non solum hospi-
talis Epistola, verumetiam xeniorum vice nonnihil adde-
rem. Mitto autem cantuunculas muscas duas: quod ego
munus, tametsi perquam exiguum, ac Ciceroniana etiam
levissima levius, tamen haud ingratum fore confido, vel
quod es ipse huius artis antiquissima, omniumque consen-
su divina, longe scientissimus, itidem ut aliarum omnium:
vel quod cantilena recens est & nuperrime nata: & ex
eo quidem nata, qui se quondam in clarissima Medicum
familia predicat alitum fuisse, qua mihi nimirum inge-
niis exciandis, ornandisque studiis coelitus data fuisse vi-
detur. Is est in nostra urbe musica artis princeps. Prae-
posito Watenfi salutem tuam tuis verbis annunciaui: eam
incredibili accepit cum voluptate, suamque largiter ad-
scribi iussit. Praestantissimam amplitudinem tuam floren-
tem & incolumem tueantur superi. Apud divum Audom-
marum, 30. Julii, Anno a Christo nato 1501.

* EPISTOLA XCIX.

Erasmus Antonio Lutzenburgo suo S. D.

SCRIPTURVS eram humanissimo Abbati, sed quo-
niam nuper admodum ex Batti mei literis certior fa-
ctus essem illum nondum è Brabantia redisse, differen-
dum putavi, donec de reditu illius cognovissem. Ad
te dedi, non quod esset argumenti novi aliquid, sed
ut constantem perpetuumque meum in te amorem scri-
bendi officio declararem. Amo enim te, mi suavissime
humanissimeque Antoni, aut pari, aut certe quam pro-
ximo cum Batio meo amore: idque non modo plurimis
tuis in nos officiis moribusque festivissimis provocatus,
verumetiam fatali quadam benevolentia, qua ita du-
cor, ut tui etiam si oblivisci velim, non queam. Nos
quoniam funditus extinctam pestem cognovimus, Pa-
risios remigramus. Dismas Abbatis frater, dum hic a-
gerem, me coluit diligenter: nos illius vicissim con-
suetudine magnopere sumus delectati. Nihil, ita me
Deus amet, vidi in vita hoc adolescentulo ingeniosius,
suavius, modestius. Non hæc, mi Antoni, ad gra-
tiam dico, sic ego re ipsa reperi. Verum ille juxta
sapientis vocem, animam sortitus est bonam, & ut
Graci dicunt, ἀφύης est, id est, bene & feliciter na-
tus. Nihil illius ingenio acutius, nihil mente sincerius,
nihil moribus suavius, nihil pudore amabilius. Mira-
tur literas: cum his versari gaudet, unde semper ab-
eat doctior. Dignissimus est puer, ut quem natura
optimis rebus finxisse videtur, exquisitissima etiam di-
ligentia curemus, ne mens minime vulgaris ad vulga-
res istas sordes detrahatur. Sed vivit in tutela quadam,
sic enim appellant, nimis profecto tutelariter, id est,
victu fordidissimo, immunda suppellectile, neglectus in-
ter, nescio quos, ociosos nebulones, qui nihil peius ode-
runt quam libros, aut literatos sermones: grassatores no-
cturnos, potiores diurnos, unde præter turpitudinem nil
discere queat. Et haud ignoras quam hæc ætas facile
trahatur ad vitium. Affricat enim scabiem suam convi-
ctor infectus: & qui tangit picem, non potest non in-
quinari. Est hic Jacobus Tutor, vir integritate summa,
eruditione non vulgari, & studii flagrantissimi, Juris
Pontificii professor: is domi suæ nobiles aliquot adole-
scentes alit, & alit non tutelariter, sed mundissime: nam
ipse sum apud eum tres menses diversatus. Hic Disman
non secus atque filium amat, & amatur ut parens:
quare si Abbas adolescentis salutem recte consulere vo-
let, id quod velle scio, properabit illum ex tutela
eximere, in qua & magno vivit, & immundissime,
& quod est omnium gravissimum, cum iis, unde de-
pravari possit, doceri non possit: atque huic, de quo
memini, Jacobo committet, viro, mihi crede, cujus
ego laudes nullo sermone queam assequi. Is gaudebit
contigisse, cui suam doctrinam libenter communicet,
quem ad honesta studia totum excitet. Dismas habe-

* Hæc Epistola ejusdem ferme est argumenti, quæ xxv. paucis
tantum mutatis.

A bit, qui cum perinde vivat, ac si cum parente vive- An.
ret, apud quem nihil nisi honesta, nisi literata audiet. 1501.
Mirabere forsan, cur ego rem hanc tantopere sua-
deam. Ad me quidem omnino nihil pertinet: nam
mihi hic neque seritur, neque metitur: verum ubi tu-
telæ sordes, ubi periculosos convictores, ubi omnia
contaminata perspexissem, & adolescentis optimam
mentem amarem, tum etiam Abbati propter summam
illius in me humanitatem omnia deberem, putavi me
hoc sine summo scelere prætermittere non posse, quia
quod ad Disma salutem vehementer pertinere cogno-
vissem, compertissimumque haberem, literis meis ad-
monerem. Nihil enim dubito, quin si Abbati minima
ex parte res, uti est, cognita foret, ne semihoram
quidem in ea familia sedere sit passurus. Nec ille vos
scrupulus commoveat, ne parum Gallice discat, si cum
homine nostrate vivat: scit bene Gallice Dismas, & jam
nunc loquitur expedite. Neque deerunt usquam un-
de Gallice audiat: at literas discet, virtutem discet:
quod si Abbati persuaseris, poteris enim, Antoni, ado-
lescentulum immortalis beneficio tibi alligaris. Neque
dubito, quin omnes qui illi bene volunt, inter quos
primum locum Abbas obtinet, mihi sint in posterum
maximam gratiam habituri, qui quidem in tempore
admonuerim: quare non conquiesces, donec effeceris.
Antonio patri patrono tuo, jam etiam per te meo, me
quam commendatissimum facere studebis, purgabisque
quod nihil per hunc scripserim: scribam è Parisiis, u-
bi reversurum audiero. Vale, mi Antoni charissime,
nosque, quod facis, ama. Præfectum aulæ virum hu-
manissimum, cæterosque nobis bene cupientes, meis
verbis salutabis. Aurelia, 11. Decemb. Anno 1501.

APPENDIX.

NE mireris, Antoni, quod in initio huius epistolæ
negavimus nos Abbati scribere, cum scripserimus.
Cum enim is tabellio nos fefellisset, & hic puer à Batio
præter spem adesset, mutavimus sententiam, maxime
Batio ut ita facerem hortante: è cujus literis cognovi,
quanta humanitate vir ille meas literas acceperit, quod
ego vix sperare audebam. Novi enim, quam nihil ha-
beant mea scripta, cur à magnis viris legantur. De Di-
sma quod scripsi, quæso ut omni conatu adjutes, o-
mnino vehementer ad illius salutem pertinet: & nisi
fiet, vereor ne nos omnes, puerum in primis, non fe-
cisse poeniteat. Nos enim nihil ambiguum, sed ocu-
lis deprehensa scripsimus, neque quicquam præter ejus
salutem spectamus: & ille in his est annis, qui facilli-
me vel ad summam gloriam, vel ad turpitudinem ex-
tremam flectantur: quare vigilandum & maturandum
censeo. Vale.

EPISTOLA C.

Jacobo Middelburgensi, Vicario Episcopi Cameracen-
sensis, Erasmus Rot. S. D.

DEMIROR equidem te, non dico meum, sed cu- An.
juspiam omnino suffragium præterea requirere, 1501.
quum tantum habeas, tum suscipiendi, tum edendi
operis tui auctorem: nempe Henricum à Bergis Cameracen-
sem Episcopum, qui quidem uti te sibi vicarium
generalem, id est, per omnia velut alterum se consti-
tuerat: ita prorsus tanquam alterum se deamabat, ne-
que rursus aliter quam te ipsum Apologiam hanc tuam
complectebatur, efferebat, exosculabatur, quippe ve-
luti primogenium quendam istius ingenii (quo tanto-
pere delectabatur) foetum. Quam autem in amando
te non fallebatur, tam non errasse in laudando libello
tuo consentaneum est. Quanquam exoculant quidem
suum amorem Poetæ, mirum ni terrestres illius Veneris
filium: nam altero illo, quem coelesti matre progna-
tum scripsit Plato, nihil profecto perspicacius ocula-
tiusque. Non enim ideo parum perspexisse putandus
est Episcopus, quod te sic unice amavit, quin potius
ob hoc ipsum tam amabat effuse, quod Lyncei (ut ita
loquar) oculis tuas virtutes penitus perspexerat,
vir,

An. vir, ut scis, cum reliquis in rebus plane (quod ait *Flaccus* 1504 *emuncta*) naris, tum in pensandis ingenii nequaquam, ut *Græci* dicunt, *ἀντισημίον*, sed omnino *ἀντισημίον*. Ergo quum tam gravem, tamque doctum habeam auctorem, qui tibi unus vel pro multis millibus esse debeat, tamen ut es incredibili modestia, velut *Apelles* quidam, meum, hoc est, vulgi quoque iudicium captas: visque, quod ille non ferebat, tutorem & ultra crepidam audere: id quamquam video mihi vehementer ineptum, in re cum ardua, tum à meis studiis aliena, quasi censoriam virgulam sumere, tamen postea quam tu ita vis, cui nihil negare fas est, age iuxta *Platoniam* parcemiam, *τὴν ἀσπασίαν ἐκδοτικὴν*, meamque sententiam solita libertate proferam, sed quæ nihil ab Episcopi iudicio discrepet, nisi quod ille, quo perspiciebat acutus, hoc laudabat impensius. Nos quædam pene fugillabimus, sed perpauca, ut vel hoc argumento cognoscas, cætera nobis magno opere placuisse. Jam primum igitur, si tam illustre scribi argumentum tibi delegisses, prudentia modo tua laudanda fuerat, nunc vero quoniam forte obiectum commodè arripuisti, felicitati quoque tuæ gratulandum esse puto. Quod enim vel splendidius, vel magis pium munus obvenire poterat, quam ut pro Cæsare majestate calamum sumeres, quæ pro omnibus sumit arma: eamque ingenii tui clypeo à calumniæ telis defenderes, quæ pacem *Christianam* à belli calamitate defendit? Tum autem muneri isti quamquam amplissimo adeo non defuisti, ut longe etiam superasse videaris. Parum enim tibi visum est, si invictissimam potestatem invictis æque argumentis à calumnia vindicares, sed hinc arrepta velut ansa, majus quiddam animo destinasti, ut eandem tuis literis tanquam immortalī quodam monumento decorares. Mihi certe hoc usu venisse scio, ut quum semper magnificentissime senserim de ea potestate, quam in rebus politicis Deus secundum se voluit esse polentissimam, tamen simulatque tuam evolvi defensionem, mirum quam coeperit apud me apparere amplior atque augustior. Illud autem præcipuè cuiusdam prudentiæ mihi videtur, quod ubi factiosa quædam incidunt, vel arte prætercurris, vel si id non licet, tamen in periculosis quæstionibus, velut inter *Cyanoas* cautes navigans, ita doctè styli cursum moderaris, ut neque verum taceas, neque in factionem ullam impingas. Jam vero neminem fore puto, quin admiraturus sit in ætate tam grandi ingenium istud tam ardens, tam vividum, in fortuna tam lauta industriam tam infatigabilem, in tantis negotiis animum tam vigilantem, & vel ad minutissima quæque attentissimum, uno in homine memoriam amplissimam, & tantarum simul rerum capacem, in opusculo cum brevi, tum pene tumultuario tam variam omnigenæ doctrinæ vim, tantam utriusque Juris, tantam Theologiæ, tantam historiæ, tantam scriptorum omnium, & veterum, & recentium in omni genere notitiam, ut mihi tanquam sedula quæpiam apis per omnia circumvolitans nullum præterisse librum videre, unde non aliquid decerpseris, incredibili quidem sedulitate, at malim majore delectu, neque sine modo. Etenim quum aliquoties in re nec ita magni momenti, & jam dudum evicta, tantum testimoniorum inculcas, metuendum erat vetus illud lædorum, *τὸ λυχνὸν ἐν μισσημείῳ*, non quod ea sint lectu vel inutilia, vel inamœna, sed quod pro studio magis scribentis, quam pro rei propositæ necessitate videbuntur adscita. Quo fit & illud, ut quum ordine summo sis usus, tamen ipsa copia sic obscuretur, ut attentum etiam & memorem lectorem fallat interdum. Verum quando nihil adhuc in rebus humanis exstitit, sic arte, ingenio, curaque elaboratum, in quo non *μῦθος* ille *Græcorum* aliquid invenerit, quod calumniaretur, nulla poterat honestior admitti reprehensio, quam si dicaris utilibus superfluere. Est enim ista ingenii feliciter luxuriantis laus, potius quam culpa. Porro styli humilitatem tantum abest ut reprehendam, ut illud vel præcipuè laude dignum ducam,

quod orationis phaleras, quas argumenti natura respuebat, ne affectaveris quidem, ne plane fieret, vel illud *τὸ ἐν φάσκι μύθος*, vel illud *πῖθος ἐν πορφυρῇ*. Sed quid ego hæc, quæ tu non uno loco tam belle defendis? Videberis igitur rem indignam facere, si opus omnibus omnium eruditorum calculis laudatum, ut dignum oculis atque auribus studioforum, dignum luce, dignum posteritate, dignum denique vel charissima tibi Præfulis memoria, vel ipso decore Cæsareæ majestatis premas atque obliteres, præsertim in quo tantum olei operæque consumpseris. Age, jam sat superque verecundiæ datum: reliqua vel amicorum votis, vel doctorum iudiciis, vel amantissimi Præfulis voluntati largire, neque quod viventi consecrasti, mortuo eripias. Patere tandem tibi excuti ē manibus, exeat illucem, prodeat bonis avibus, versetur in coronis: ut quoniam tibi tantum amicum, mihi studiorum meorum *Macanatem* mors invidit, saltem hoc solatio desiderium nostrum leniamus. Mihi sic præfagit animus, rem istam tibi gloriæ, studiosis usui, toti *Germaniæ* voluptati atque ornamento futuram. Finem faciam, si prius hoc unum monuero, eam Epistolam, qua cum tibi suscepta est dimicatio, *Leonardi Aretini* falso inscribi, quam quidem ab alio quodam *Aretino* profectam esse, quum libri castigatores, tum stylus ipse, *Leonardino* longe dissimillimus, facile indicat: verum, cognomen ambobus commune locum fecit errori. Vale, multum observande domine & amice singularis, nosque tui studiosissimos mutuo dilige. In nobili *Lovaniensi* Academia 13. Febr. Anno 1502.

EPISTOLA CI.

Erasmus Petro Egidio S. D.

SCRIPTURVS eram ad te, nam ita decreveram, mihi *Petre*, verum intervenire nescio quæ, quæ propositum hoc excuterent. *Laurentius*, & alia quædam collectanea tua, sunt in tuto, jamque ad te redissent, ni mihi consilium tuum displicuisset. Nam si huc ad Pascha venturus es, ut scribis, sine causa libros repetis: si non es venturus, tum mittentur, quo videbitur. Nam nihil est periculi, ne quid pereat, præsertim me advigilante. Cum *Antuerpiæ* proxime essem, pater adito me, volebat dicere, nescio quid magnum ac ferium: verum erat abeundum mihi. Suspiscabar agi de te mihi committendo: quam equidem rem neque suavus sum, ne videar mei compendii gratia cupere: neque dissuasurus, quum percipiam tibi prodesse, & video quantum possim, si mecum menses aliquot fueris. Et utinam patri mens ea fuisset priusquam isthinc abirem. Vale, & undecunque potes, collige *Rodolphi Agricola* opuscula, tecumque deporta. *Joannæ Gorkumensis* salutem multam jussit tibi adscribi. *Parisiæ* Anno 1503.

EPISTOLA CII.

Erasmus Joanni Coletæ suo S. P. D.

SI vel amicitia nostra, doctissime *Coletæ*, vulgaribus causis eoisset, vel tui mores quicquam unquam vulgi sapuisse visi essent, vereretur equidem nonnihil, ne ea tam longa, tamque diuturna locorum ac temporum conjunctione, si non interisset, certe refraxisset. Nunc quoniam te mihi doctrinæ cuiusdam singularis admiratio amorque pietatis, me tibi spes fortasse nonnulla, vel opinio potius harum rerum conciliavit, non puto metuendum esse, quod vulgo videmus accidere, ne ideo desierim esse in animo, quod absum ab oculis. Quod autem compluribus jam annis nihil à *Coletæ* reditur literarum, vel occupationes tuas, vel quod certum non scires ubi locorum agerem: denique quidvis potius in causa fuisse mihi persuaserim, quam oblivionem amicali. Sed ut de silentio nec debeo, nec velim exposulare tecum, ita majorem in modum te oro obsecroque, ut posthac tantillum oculi suffunderis studiis ne-

An. negotiisque tuis, quo me nonnunquam literis tuis com-
 1504 pelles. Miror nihil dum tuarum commentationum in
Paulum atque in Evangelia prodiisse in lucem. Equi-
 dem non ignoro tuam modestiam, verum ista quoque
 tibi aliquando vincenda, & publicæ utilitatis respectu
 excutienda. De Doctoris titulo, ac decanatus honore,
 neque non aliis quibusdam ornamentis, quæ tuis vir-
 tutibus ultro delata esse audio, non tam tibi gratulor,
 quem certo scio nihil inde sibi præter laborem vendi-
 caturum, quam iis, quibus tu ista gesturus es, quam
 2 ipsis honoribus, qui tum demum hoc nomine digni vi-
 dentur, quum inciderint in promerentem, neque tamen
 ambientem. Dici non queat, optime *Colete*, quam ve-
 lis equisque properem ad sacras Literas, quam omnia mi-
 hi fastidio sint, quæ illinc aut avocant, aut etiam re-
 morantur. Sed Fortunæ iniquitas, quæ me perpetuo
 eodem adspicit vultu, fuit in causa, quo minus me qui-
 verim ab his tricis expedire. Hoc itaque animo me
 in *Galliam* recepi, ut eas si nequeam absolvere, certe
 quocunque modo abjiciam. Deinde liber ac toto pe-
 ctore divinas Literas aggrediar, in his reliquam omnem
 ætatem insumpturus. Quanquam ante triennium au-
 fus sum nescio quid in Epistolam *Pauli ad Romanos*:
 absolvi que uno quasi impetu quatuor volumina, pro-
 gressurus, ni me quædam avocassent: quorum illud
 præcipuum, quod passim *Græca* desiderarem. Itaque
 jam triennium ferme literæ *Græca* me totum possident,
 neque mihi videor operam omnino luisse. Cœperam
 & *Hebraicam* attingere, verum peregrinitate sermonis
 deterritus, simul quod nec ætas, nec ingenium homi-
 nis pluribus rebus pariter sufficit, destitui. *Origenis* O-
 perum bonam partem evolvi: quo præceptore mihi
 videor nonnullum fecisse operæ precium. Aperit enim
 quasi fontes quosdam, & rationes indicat artis Theolo-
 gicæ. Mitto ad te munusculum literarium, lucubra-
 tiunculas aliquot meas: in quibus est & concertatio il-
 la *De reformatione Christi*, qua quondam in *Anglia*
 sumus conflictati: quanquam adeo mutata, ut vix ag-
 noscas. Præterea, quæ tu responderas, quæque ipse
 retuleram, non quibant inveniri. *Enchiridion* non ad
 ostentationem ingenii aut eloquentiæ conscripsi, ve-
 rum ad hoc solum, ut mederer errori vulgo religio-
 nem constituentium in ceremoniis, & observationibus
 pene plusquam *Judaicis* rerum corporalium: ea, quæ ad
 pietatem pertinent, mire negligentium. Conatus au-
 tem sum velut artificium quoddam pietatis tradere,
 more eorum, qui de disciplinis certas rationes conscri-
 psere: reliqua omnia pene alieno scripsi stomacho, præ-
 sertim *Paana* & *obsecrationem*, quod laboris datum est
 animo *Batti* mei, & affectibus *Anne* Principis *Veria-*
nae. A Panegyrico sic abhorrebam, ut non memine-
 rim quicquam fecisse me, magis reluctante animo. Vi-
 debam enim genus hoc citra adulationem tractari non
 posse. Ego tamen novo sum usus artificio, ut & in
 adulando sim liberrimus, & in libertate adulantissimus.
 Si quid tuarum lucubrationum voles excudi formulis,
 exemplar tantum mittito, reliquum à me curabitur, ut
 emendatissime excudatur. Et scripsi nuper, & memi-
 nisti, opinor, de centum *Adagiorum* libris, nostro sum-
 ptu in *Angliam* transmissis, idque ante triennium.
 Scripserat mihi *Grocinnus* se summa fide summaque dili-
 gentia curaturum, ut ex animi mei sententia distrahe-
 rentur. Neque dubito, quin promissa præstiterit, ut
 est vir omnium, quos alit *Britannia*, integerrimus opti-
 musque. Dignaberis igitur & ipse hac in re operam
 tuam mihi commodare, admonendo atque exstimulando
 eos, per quos putabis negotium oportere confici. Ne-
 que enim dubitandum, quin tanto spacio divenditi sint
 libri, & necesse est pecuniam ad aliquos pervenisse:
 quæ mihi in præsentem sic usui futura est, ut nunquam
 æque. Quavis enim ratione mihi est elaborandum, ut
 menses aliquot totus mihi vivam, quo me aliquando
 ab iis extricem, quæ in literis profanis institui, id quod
 hac hyeme sperabam futurum, nisi me tam multæ spes
 elusissent. Neque admodum magna pecunia redimi

A poterit hæc libertas, nimirum paucorum mensium. An.
 Quare te obsecro, ut me ad sacra studia vehementer
 anhelantem, quod potes, adjuves, atque ab iis literis,
 quæ mihi jam dulces esse desierunt, asseras. Non
 mihi rogandus est Comes meus *Gnilielmus Montjoins*,
 tamen neque ab re, neque absurde facturus videatur, si
 sua benignitate nonnihil adjuverit me, vel quod sic
 semper favit studiis meis, vel quod argumentum est
 ipso auctore susceptum, ipsiusque inscriptum nomini,
 nempe *Adagiorum*. Pœnitet enim prioris editionis,
 vel quod typographorum culpa sic est mendosa, ut stu-
 dio depravata videatur; vel quod instigantibus quibus-
 dam præcipitavi opus, quod mihi nunc demum jeju-
 num atque inops videri cœpit, posteaquam *Græcos* e-
 volvi Auctores. Decretum est igitur altera editione &
 meam & chalcographorum culpam farcire, simulque
 studiosis utilissimo argumento consulere. Quanquam
 autem interim rem tracto, fortassis humiliorem, ta-
 men dum in *Græcorum* hortis versor, multa obiter
 decerpo, in posterum usui futura etiam sacris in Lite-
 ris. Nam hoc unum expertus video, nullis in literis
 nos esse aliquid sine *Gracitate*. Aliud enim est conjic-
 cere, aliud judicare, aliud tuis, aliud alienis oculis
 credere. En quo crevit Epistola: verum, sic loqua-
 cem amor non vitium facit. Vale, doctissime atque o-
 ptime *Colete*.

C *Sixtino* nostro quid acciderit, cupio cognoscere: tum
 quid rerum agat præsul *Richardus Charnocus*, animus
 tuus. Quo certius ad me perferantur ea, quæ scri-
 pturus missurusve es, jubebis reddi *Christophoro Fische-*
ro tui amantissimo, omniumque literatorum fautori
 summo, in cujus familia diversor. *Parisis* Anno 1504.

EPISTOLA CIII.

Christophoro Fischero, Protonotario Apostolico, Erasmus
Roterodamus S.D.

A ESTATE superiore, quum in pævetusta quapiam An.
 bibliotheca venarer, (nullis enim in saltibus vena- 1504
 tus jucundior) forte in casses meos incidit præda neu-
 tiquam vulgaris, *Laurentii Vallæ* in Novum Testa-
 mentum Annotationes. Hanc equidem illico magnopere
 volebam studiosis omnibus impertire: videlicet
 ingenerosum esse ratus, quod venando nactus essem,
 id solum me ac tacitum devorare. Sed deterrebat non-
 nihil, cum vetus illa *Laurentiani* nominis invidia, tum
 hoc argumentum, multo in speciem invidiosissimum.
 At tu simul atque librum evolveras, non solum meam
 opinionem tuo gravissimo judicio confirmasti, verum-
 etiam hortari, atque adeo conviciis extundere cœpi-
 sti, ne propter paucorum oblationes, simul & au-
 ctorem merita gloria, & tot millia studiosorum tanta
 commoditate fraudarem; negans dubitare te, quin o-
 pus illud sanis & candidis ingeniis, ut utilissimum, ita
 & gratissimum esset futurum: cæterum alios cum suo
 morbo fortiter esse negligendos. Denique patrōnum
 te, propugnatoremque offerebas: exiret modo in pu-
 blicum, vel tuo unius periculo. Equidem opinor, or-
 natissime *Christophore*, *Vallam* tuam, tametsi per se
 non instrenuus invidiæ contemptor semper fuit, tamen
 aliquanto fidentius in aciem proditurum, tanti videli-
 cet, tamque invicti *Gregarij* fretum præsidio, tum
 hac præfatione velut *Ajaci* clypeo præmunitum: in
 qua quidem ex tua sententia de hujus operis ratione at-
 que utilitate differemus: sed si paucis prius generalem
 F *Laurentiani* nominis invidiam fuerimus amoliti. Pri-
 mum igitur, si candorem, quem ab aliis exigimus, ipsi
 præstaremus iis, erga quos non solum non maligni,
 verumetiam grati esse debemus; profecto *Laurentia-*
num nomen apud omnes, qui bonas amant literas, pro
 invidioso gratum ac venerandum haberetur: quippe qui
 studio restituendæ rei literariæ partes multo odiosissi-
 mas sciens ac prudens sibi sumperit. Neque enim non
 videbat vir acutus, tam inveteratum morbum non pos-
 se sanari, nisi tristibus pharmacis, usturis, ac sectio-
 nibus:

An. nibus: idque magno cum dolore plurimorum: neque vero nesciebat, adeo delicatas esse mortalium aures, ut vix etiam inter bonos viros invenias, qui verum libenter audiat: foreque ut non ii tantum exclamarent, quorum ulcera tetigit, verum etiam illi, qui ex alieno malo sibi metum ingerent: tamen pio quodam calore percitus nullum laborem, nullam recusavit invidiam, modo paucis non ingratis (omnes autem gratos esse oportebat) beneficium suum commendaret. At nunc nostro vitio fit, ut praepostere obsequium amicos, veritas odium pariat. Sed foenum, inquit, habet in cornu, & neminem non lacerat. Itane tandem lacerare vocant dissentire in literis, ac docendi studio, quum plurima laudaris, paucula quaedam suggillare? Quod si juxta *Fabium*, nihil tam efficax est in docendo, quam in artificum operibus non imitanda modo, sed etiam vitanda qua sint, commonstrare, quanto magis idem oportebat in dedocendo facere? Ausus est *Laurentius* in auctoribus aliquot voculam taxare. Indignum facinus, quasi vero non omnia pene in omnibus reprehenderit *Aristoteles*, quasi non totam *Ciceronis* dictionem contempserit *Brutus*, *Maronis* ac *Livii Caligula*, *Seneca Fabius* atque *Aulus Gellius*, *Augustini Rufinique Hieronymus*, postremo *Quintiliani Philephus*. Quid quod *Plinius* non credit, librum suum amico placuisse, nisi cognoverit quaedam displicuisse? Adeo vitio danda non est, ut etiam vehementer optanda sit ista in studiis dissensio, conflictatioque, quam *Hesiodus* utilissimam esse mortalibus scripsit, modo ne in rabiem exeat, ac citra convitia consistat. Mihi quidem sano, non gratior sit amicus applausor, quam vel inimicus reprehensor, dum ne plane futor ultra crepidam. Nam ut nuscquam fere non nocet laudator, ita semper prodest reprehensor. Etenim si vere reprehendit, discedo doctior, sin falso, tamen acuor, exstimulor, expergescio, reddor attentior, cautiorque, animor ad defensionem veri. Siquidem minus acre calcar habet gloriae cupiditas, quam ignominiae metus. Jam vero quod quosdam in totum damnavit, quid obsecro tam erat necessarium, quam indoctis auctoritatem, hoc est, *ὄψιν τὴν λειοτὴν* detrachere, ne turba imperitorum pessima pro optimis sequeretur? Quibus in rebus si quando vir ille videtur nimis excalescere, non hujus vitio, sed depravatoribus istis erat imputandum. Denique nimio consultius fuerat alieno abuti vitio, quam ob unam maculam à tot commoditatibus alienari. Sunt enim prorsum quaedam ἀναγκαῖα κακά, quibus tamen vel sua causa sapientes abuti consueverunt. Postulabant sic depravatae, sic contaminatae literae audacem Zoilum, ac βαρβαρομασίχα magis quam *Partheniam*, id est, acrem censorem, ac plane *Momum* quempiam: & si vis etiam, contumeliosum, qui nimirum auferet ἀποκέρειν πρὸς τὰς βροτῆς, ut vetus habet Comcedia*, quique malo nodo malum cuneum adhiberet. Itaque unius *Laurentii* mordacitas (siquidem ita malunt appellare) non paulo plus conduxit rei literariae, quam plurimorum ineptus candor, omnia omnium sine delectu mirantium, sibi que invicem plaudentium, ac mutuum, quod ajunt, scabentium. Quod si quis perpenderit, quam foede disciplinas omnes confuderint isti *Gottbi*, quanto supercilio suam incitiam perdoceant, quam stolidi pervicacia & propria tueantur ignorantiam, & alienam eruditionem adspersentur, fortasse permolestus videbitur *Valla* dolor, pia stomachatio, ac necessaria magis quam procax reprehensio: quae quidem vel ob hoc ipsum favorem eruditorum promerebatur, quod quum per se sit invidiosa, tamen est ab *Laurentio* nostri juvandi causa suscepta. Ac vide, quaeso, quam hic studio sumus iniqui, imo quam nobis ipsis inutiles. *Poggius* rabula adeo indoctus, ut etiam si vacaret obscenitate, tamen indignus esset qui legeretur; adeo autem obscenus, ut etiam si doctissimus fuisset, tamen esset à bonis viris rejiciendus. Hic, inquam, talis, ut homo

* Vide *Erasmi Adagia*, Chiliadis I. Cent. VII. Proverb. LXXVI.

A candidus scilicet sine invidia passim habetur in manibus, lectitatur in nullam non linguam transfusus: *Laurentius* neque obscenus, & centuplo doctior, laborat invidia mordacitatis, atque ut bos cornupeta vitatur: etiam ab his qui scripta hominis nunquam legerunt. Sunt enim qui, quod est nimis profecto ridiculum, nihil quicquam de *Valla* didicerunt, nisi quod est mordaculus, atque hac una in re illum imitantur, vel superant potius, quod mordent etiam ignotum. Prorsusque homines, sapientes ideo perpetuo barbari esse praepoant, quod mordax est *Laurentius*. Quin *Episteti* magis pulcherrimam regulam secuti, ea quemque ansaprehendimus, qua commode teneri queat, hac nimirum, qua *Virgilius Ennius*, *Cyprianus Tertullianum*, *Hieronymus* praeter alios *Origenem*, *Augustinus Ticonium*, arripuerunt? *Laurentium*, quum tam multas habeat ansas, quibus possit utiliter teneri, cur hac sola apprehendimus, quod est mordacior? Cur non potius leve vitium tot virtutibus compensamus? Immo cur ingrati necessariam libertatem maledicentiae titulo depravamus? Sed his de rebus hactenus. Nunc ad ea veniendum, quae hujus argumenti sunt propria. Futurum enim auguror, ut quidam vixdum perfecto operis titulo, priusquam de re cognoscant, illico τῶν γράμματος sint exclamaturi, O coelum, o terra! quum belle moneat *Aristophanes* in *Pluto*, ἡ γὰρ τῶν λόγων ἡ βοή, πρὶν ἂν μάθῃς. Atque haud scio, an hi sint omnium odiosissime obturbaturi, ad quos maxima pars utilitatis pertinet, nempe Theologi. Non ferenda, inquit, temeritas, hominem grammaticum post vexatas disciplinas omnes, ne à sacris quidem Literis petulantem abstinere calamum. Atqui si *Nicolaus Lyrannus* auditur, non dico indoctus, sed certe recens, *Hieronymus* γερονταγωγὸν, multaque convellens, tot jam seculorum consensu consecrata: idque ex *Judeorum* libris, (unde ut donemus nostram hanc manare editionem, tamen haud scio, an studio depravatis) quod tandem flagitium est, si *Laurentius*, collatis aliquot vetustis atque emendatis *Gracorum* exemplaribus, quaedam annotavit in Novo Testamento, quod sine controversia totum ab illorum fontibus manat, quae vel dissonent, vel dormitante interprete, parum commode reddita videantur, vel quae significantius apud illos dicantur: postremo, si quid apud nos depravatum appareat? An dicent, non idem esse juris *Valla* Grammatico, quod *Nicolaus* Theologo? Ut ne respondeam interim, *Laurentium* à magnis viris inter Philosophos quoque ac Theologos referri: *Lyrannus* quum vocem excutit, num Theologi ac non magis Grammatici vices agit? imo totum hoc, divinas vertere Scripturas, Grammatici videlicet partes sunt. Neque vero absurdum, si quibusdam in rebus plus sapit *Jethro* quam *Moses*. Ac ne ipsa quidem, opinor, disciplinarum omnium regina Theologia, ducet indignum admoveri sibi manus, ac debitum exhiberi obsequium à pedisequa Grammatica: quae tametsi nonnullis est dignitate posterior, nullius certe opera magis necessaria. In minimis versatur, sed sine quibus nemo evasit maximus: nugae agit, sed quae seria ducunt. Quod si reclamant, majorem esse Theologiam, quam ut Grammaticae legibus teneatur, totum interpretandi negotium de Sacri Spiritus afflatu pendere: nova vero Theologorum dignitas, si solis illis licet barbare loqui. Sed expediant interim, quid sibi velit, quod *Desiderio* scribit *Hieronymus*: Aliud est, inquit, esse vatem, & aliud interpretem. Ibi Spiritus venturae praedicis: hic eruditio, & verborum copia, quae intelligit, transfert. Tum quorsus attinuerit, eundem de ratione vertendi divinas Literas praecipere, si facultas ista divino contingit afflatu? Postremo, cur *Paulus* in *Hebraica* lingua quam *Graeca* dictus est disertior? Quod si fieri potuit, ut Veteris interpretes Testamenti erraverint alicubi, in his praesertim, in quibus fides non violatur, quidni potuerint labi & Novi? quod quidem *Hieronymus* non

An. 1505. tam vertit, quam emendavit, idque modice, reli-
 quis, ut ipse testatur, verbis, quæ potissimum excutit
Laurentius. Verum, num etiam nostros errores ad Spi-
 ritum auctorem referemus? Esto, bene verterint interpre-
 tes: sed bene versa pervertuntur. Emendavit *Hierony-
 mus*: at rursus depravantur emendata. Nisi forte nunc
 aut minor audacia semidoctorum, aut peritia lingua-
 rum major, aut non facillima depravatio propter ar-
 tem chalcographicam, quæ unicum mendum repente
 in mille propagat exemplaria. At, *fas non est*, inquit,
*in sacris Scripturis quicquam immutare, propterea quod
 illic ne apiculi quidem mysterio vacant*. Imo tanto ma-
 gis nefas est depravare, tantoque attentius corrigen-
 dum à doctis, quod per incitiam est adulteratum: ea
 tamen cautione temperantiaque, quæ quum omnibus
 libris, tum sacris in primis debetur. Verum non re-
 ãte, ajunt, sibi sumit *Laurentius*, quod *Hieronymus*
 mandante *Damaso* suscepit. Ne propositum quidem
 simile. *Hieronymus* veterem editionem nova fustulit:
Laurentius quod annotavit, in privatos commentarios
 refert: neque postulat, ut hinc quicquam in tuo codi-
 ce demutes, quanquam ipsa nostrorum exemplarium
 varietas satis arguit ea non carere mendis. Porro ut ve-
 terum librorum fides de *Hebrais* voluminibus exami-
 nanda est, ita novorum veritas *Græci* sermonis nor-
 mam desiderat, auctore *Augustino*, cujus verba re-
 feruntur in *Decretis* distin. ix. Quo quidem in lo-
 co neminem esse tam faxeum arbitror, quin misere-
 scat, neminem tam ἀγέλαστον, quin rideat insulsi-
 mum glossema, nescio cujus, somniantis, *Hieronymum*
 in epistola ad *Desiderium* affirmasse, *Latina exem-
 plaria castigatiora esse Græcis, Græca Hebrais*. Non
 vidit autem eum illatione rei palam absurdæ confir-
 masse quod proposuerat, atque hæc verba, *aliud est
 si*, perinde valere, ac si dicas, *nisi forte*. Alioqui
 quæ tandem dementia fuerat, alterum Testamentum
 ab *Hebrais* vertere, alterum à *Græcis* emendare, si no-
 stra erant utroque in genere meliora? Quorsum at-
 tinebat, ut in *Viennensi* Concilio (quod refertur *Cle-
 men.* libro secundo, titulo *De magistro*) tam sollicitè
 statuerit auctoritas ecclesiastica de parandis trium lin-
 guarum doctoribus? Quo in loco rursus admiror, quo
 consilio *Græcam* linguam eraserint. Verum hæc do-
 ctos admonuisse tantum, sat habeo. Illud audio quos-
 dam dicere, veteres interpretes, trium linguarum pe-
 ritos, satis explicuisse sicubi fuit opus. Primum, ma-
 lim ego meis oculis cernere, quam alienis: deinde,
 ut plurima dixerint, certe multa posteris dicenda re-
 liquerunt. Quid quod, ut ea enarrantes intelligas,
 opus est mediocri linguarum peritia? Postremo, ubi
 veterum libros in omni lingua depravatos (ut sunt)
 offenderis, quo te convertes? Proinde vero verius
 est, quod tu, doctissime *Christophore*, sæpenumero so-
 les dicere, neque cor, neque frontem esse ius, qui
 audent non solum in sacros, sed omnino in ullos ve-
 terum libros scribere, ni literaturam utramque me-
 diocriter teneant: fieri enim, ut dum isti moliantur
 maxime, seseque doctissimos ostentare conantur,
 ibi linguarum peritis sint maxime deridiculi, totus-
 que ille tumultus prolata *Græca* voce eludatur. Quod
 si quibus non vacat totam *Græcorum* linguam perdi-
 scere, hi tamen *Valla* studio non mediocriter adjuva-
 buntur, qui mira sagacitate Novum omne Testamen-
 tum excussit, non pauca obiter annotans & ex *Psal-
 tis*, quorum usitata nobis editio à *Græcis* fluxit, non
Hebrais. Plurimum itaque studiosi debebunt *Lauren-
 tio*, *Laurentius* tibi, per quem publicum accepit, cu-
 jusque & judicio bonis ingeniis erit commendatior,
 & patrocinio contra maledicos instructor. Vale. *Pari-
 sis* Anno 1505.

EPISTOLA CIV.

Joanni Coleto Erasmus Rot. S. D.

An. 1506. POSTEA QUAM relicta *Britannia* *Gallias* repetii,
 difficile dictu, quam varie fuerim affectus. Ne-

A que enim facile judicari, utrum lætior fuerim, qui
 pridem relictos in *Gallia* amicos reviserem, an tristior,
 qui nuper in *Anglia* paratos reliquerim. Nam illud ve-
 re possum affirmare, nullam esse regionem, quæ mihi
 vel universa tam multos peperit amicos, tam sinceros,
 tam eruditos, tam officiosos, tam splendidos, tam o-
 mni virtutum genere decoratos, quam multos una pe-
 perit urbs *Londinensis*: quorum quisque sic in amando
 me, juvandoque certavit, ut nesciam, quem cui de-
 beam præponere, necesseque habeam omnes ex æquo
 redamare. Horum desiderio non possum non excru-
 ciari: at rursus recordatione recreor, dum illos mihi
 perpetua cogitatione quasi præsentem reddo, dumque
 B spero propediem futurum, ut eos repetam, haud un-
 quam postea relicturus, nisi si mors una divulserit. Id
 quo fiat ocyus atque commodius, confido te pro tuo
 in me amore studioque cum reliquis amicis daturum
 operam. Dici non potest, quam mihi placeat indoles
 liberorum *Baptista*, nihil modestius, nihil tractabilius,
 nihil in literis diligentius: quibus rebus futurum con-
 fido, ut & paterno animo, & meo studio respondeant,
 magnumque olim *Britannia* decus adferant. Vale. *Pa-
 risis* 19. Junii, Anno 1506.

EPISTOLA CV.

Erasmus Roter. Thoma Linacro S. D.

C LVETIAM pervenimus, cætera quidem incolumes,
 verum navigatione quatruiduana molestum quod-
 dam malum contraximus collecto frigore, quod etiam
 nunc sinciput meum male discruciat. Tument utrin-
 que sub auribus glandes, palpitant tempora, tinniunt
 aures ambæ. Atque interim nullus adest *Linacer*, qui
 me arte sua liberet. Tanti jam nunc constitit nobis
 σωθήκη ἰατρική. Nam mihi nihil unquam æque fuerat
 decretum in vita, quam ne quando fluctibus & ven-
 tis me committerem, ubi terra pateret iter. *Gallias* re-
 viximus, nam hic constans perpetuaque fama dissipar-
 rat, *Erasmus* ad superos abiisse. Eum rumore augu-
 D ror è *Milonis* illius *Galli* morte per errorem natum fuisse:
 siquidem & ille è *Gallia* profectus, in *Montjoii* fa-
 miliam concesserat, paucisque post diebus pestilentia
 correptus, interiit. Huic autem errori (nam omi-
 ne nihil moveor) illud certe debeo, quod jam nunc
 vivus prægustarim, quid sint superstitēs dicturi de
 mortuo. Sic mihi arridet reverso *Gallia*, ut dubium
 sit, utrum magis animo meo blandiatur *Britannia*,
 quæ tot, talesque mihi pepererit amicos, an *Gallia*:
 veterem familiaritate, tum libertate, postremo propen-
 so quodam in me favore ac studio, dulcissima. Quo
 fit, ut duplici quadam voluptate perfundar, dum pari-
 ter juvat, & *Britannica* consuetudinis meminisse, præ-
 fertim quam brevi sperem mihi repetendam, & *Galli-
 cos* amicos revivere. Non possis non ridere, si scias
 quam avide meus *Græculus* δῶρον illud à me pro calamis
 E *Cypriis* promissum expectarit, quoties δῶρον meminerit,
 quoties inculcarit, quod non mitteretur. Juvat profe-
 cto sic corvum delusisse hiantem. At homo stupidus
 non animadvertit me scripsisse ad hunc modum, πῆμα
 ψω δῶρον τι δέξιν σε, id est, rem malam. Provinciam
 susceptam de *Baptista* liberis instituendis, spero felici-
 ter cessuram. Video enim pueros bene ingeniatos,
 modestos, tractabiles, & qui jam nunc plusquam pro
 sua ætate sapiant. *Clystone* illo eorum curatore nihil
 candidius, nihil amantius, nihil officiosius. Vale, do-
 ctissime atque humanissime præceptor, & crebrius ad
 nos scribe, vel paucis, modo scribas. *Parisis* An. 1506.

EPISTOLA CVI.

Erasmus Rogerio Wentferdo suo S. D.

I NTER multos amicos, quos mihi dulcissimos *Brit-
 annia* conciliavit, tu, mi *Rogeri*, vel inprimis occur-
 ris, qui me tam constanter amasti, sic tua consuetudi-
 ne delectasti, sic officiis juvisti, ut quocunque terra-
 rum mea me fata deferent, *Rogeri* mei jucundissimam me-

An. 1507. **memoriam mecum sim ablaturus** Atque utinam eam libertatem tua tibi fortuna permetteret, uti nos in *Italia* consequaris: possideres totum *Erasmum*, quem jam multis modis tuissimum, ut ita dixerim, effecisti. Iter sat bene vertit, nisi quod odiosa fuit navigatio. Quatuor enim noctes de ventorum ac fluctuum arbitrio pendimus: unde & capitis dolorem contraximus, quo quidem brevi levabimur, spero. Mirum quam mihi arrideat *Gallia*, hoc dulcior, quod jam diu non visa. Uti *Britannia* desiderio teneat, illud potissimum facit, quod in ea reliquerim amicos, tam multos, tam doctos, tam integros, tam amantes, tam officiosos, tam jucundos, denique sic de me promeritos. Inter quos tu praecipuo loco ponendus. Quare fac ut in amando *Erasmio* tui similis esse pergas. Ego vicissim in complectendo *Rogero* meipsum quotidie vicero. Vale *Parisiis* 19. Junii, Anno 1507.

EPISTOLA CVII.

Erasmus Roterod. Coletio suo S. D.

DE reddita quiete dici non potest, quam tibi gratuler. Suffraganeum demiror quid sibi veit; quum has exactiones sciret indictas, jam tum, quum pensionis onus reciperet. Atque id temporis de communicando onere decimarum, ne verbum quidem. Sentio te sub stomachari, quod iterum te infalutato *Londinum* reliquerim, & impatientiam taxas meam. Equidem non inficias eo morbum meum, verum nihil tum fuit ejusmodi, cujusmodi suspicaris. Primum nihil erat, quod tecum agerem, & palam admonuit me tuus *Guilielmus*, te literis scribendis occupatissimum esse, ne quid obturbarem, quanquam ego nec in hoc veneram, sed ut literas ad me missas à tuo *Guilielmo* reciperem. Et adeo me properabam isthinc subducere, propter metum pestis, ut ne cubiculum quidem meum fuerim ingressus. Item quum redirem, avecturus libros, solus omnes libros, resque composui: quo peracto, sero autem perfeceram, isthinc abduxi me; nec in cubiculo meo cubui: negotium de transferendis sarcinis *Podoco* commisi. Hoc animo non salutavi te. Literas tuas, septimo Octobris die scriptas, pridie calendas Novemb. accepi: & ego iisdem de rebus iterum ad te scripseram. Si *Matthaeus* non est apud te, apud *Roffensem* est, id quod magis etiam conjectabam. Sed quia separatim dederam, non adjunxit reliquis: quod si perii, mihi ipsi imputabo, & repetiti laboris tædio, facilitatis poenam à me exigam. Nos hinc passim fugientibus omnibus, & ipsi rus concesseramus, sed vini inopia fortasse nos *Cantabrigiam* rediget. Gratulatus sum proximis literis, & iterum gratulor, quod ad sanctissimos illos ac saluberrimos concionandi labores redieris. Arbitror enim cessatiunculam illam, in bonum etiam versum iri, dum avidius audient, cujus vocem aliquandiu desiderarunt. Incolumem te tueatur Opt. Max. *Jesui. Cantabrigia* 1. Novemb. Anno 1507.

EPISTOLA CVIII.

Jacobus Pifo Erasmo Rot. suo S. D.

An. 1509. **Q**UOD tuis, aliqui jam pridem mihi redditis, *Erasme doctissime*, a quo forte serius respondeo, perfrixisse tibi in amicitia fortasse videri possum, à quo tantum revera absum, ut strenue negem, te sine ulla mihi momentum fluere. Eatenus enim cordi meo insedisti, ut nulla unquam aetate, nulla arte inde revelli possis. Et nego & inficias eo, nullam mihi aliquando conversationem cum quocunque fuisse amantorem. Nam usufructum taceo: quem tamen non absque ingenti faenore accepi, debebo plane perpetuum tibi, qui me literatissima atque humanissima tua conversatione, ad literas jam pridem residem, quasi postliminio revocare ceperis. Atque utinam perpetuum mihi vitam tecum liceat traducere, & diutius & jucundius forte viverem. Quod quum fieri haudqua-

A quam possit, mutuis saltem literis quantulamcunque capiamus voluptatem. Nolo te altius emovere, ne me forte de tua erga me benevolentia dubitare putes. Ego item abs te invitari nolo; qui jam sponte paratus sum, nihil minus quam ad te meas negligere. Veniam mihi non gravatim, spero, hujus mora dederis, cui profecto tantum forte inciderat occupationum, ut ne meus quidem esse complures dies potuerim. Testes mihi erunt, *Muschoron* & *Thomas nostri*, quibus cum soleo, quoties per ocium licet, familiarissime agere. Cum *Christophoro tuo*, post te absentem, nihil nisi obiter egi. Nosti quam sim fronte, in amicis nihil candori confero, adeo non praefero quippiam. Quo ille in te sit animo, me nosti melius. Puto tamen recto atque constanti esse. De me autem id tibi persuadeas velim, esse plane neminem, cui in te amando cesserim: vellem id mihi ita licere, ut lubet, re ipsa comprobare. Animum certe *Fortuna* neque unquam abstulerit, neque mutaverit, quin & tecum ubique, & tuus sit omnino totus: utere ergo *Pifone tuo* & semper & libere. Non fallam opinionem tuam. Conditionem ex *Anglia* tibi delatam, plurimum laudo. Tardiore sum ingenio quam ut consulere tibi valeam, (non enim sus *Minervam*) te tamen ipse examina, sed ita, ne exanimas. Festiva quidem res est, divitem esse, multo tamen festivior, liberum esse. Si utrumque simul *Fortuna* porrigit, utraque manu asserere. Meretur omnia animus ille tuus, nulla non virtute insignis: merentur & *Græcæ & Latinæ literæ*, quibus ad invidiam usque excellis, qua vel ipsa tibi plurimum debent: neque patrum suum diu patientur latere. Alii quod velint, dicant, ego ingenue fateor, lucubrationibus tuis me veterino excussum esse. Vale, doctissime, & idem suavissime *Erasme*. Ego valeo. *Roma* 30. Junii Anno 1509.

B Exspecto abs te epitaphia scurrula istius *merobibi*. Te precor, ne me fallas. Ab aliis doctis tuis amicis alia super eo impetrabis, & ad me mittes.

EPISTOLA CIX.

Erasmus Rot. Thoma Halseyo S. D.

TANDEM expugnativimus omni machinarum genere & ego & *Bernardus*. *Montjois* resolvit triginta ducatos. Si praeful *Roffensis* in tempore cognovisset animum meum, & ego illius, fortassis jam istic adesset. Aut egregie fallor, aut is vir est unus, cum quo nemo sit hac tempestate conferendus, vel integritate vitae, vel eruditione, vel animi magnitudine: unum excipio *Cantuariensem* tanquam *Achillem*: qui solus hic me retinet, etiam si non admodum volentem. Saluta *Pacuum nostrum*, & ingenii mei foetus illi commenda, ne pereant. Scripsi jam senas literas, nullæ adhuc ad me venerunt, præter unas *Pacei*, & eas quidem apertas, & sero. Saluta humanissimum illum *Oratorem Pannoniorum* (nam adesse suspicor) *Joannem Polonum* collegam tuum, ac reliquos amicos. Bene vale. *Londini* 8. Febr. Anno 1510.

EPISTOLA CX.

Erasmus Andrea Ammonio S. D.

DE Praefatione carminum quid fieri velis, quam primum rescribe, mi *Andrea*: nam *Montjois* omnino non probabat. Proverbium, quod isthic ostendisti, annota: nam mea hic denuo imprimuntur. *Aldina* habentur venalia, & quidem mediocri precio, hoc est, sesquiscutato, cum pluris *Roma* venirent. Si qui volent, petant ab *Italo* illo, qui solus *Aldinos* libros diffrahit. Reverendo patri *Episcopo Danelmensi* modis omnibus me facies commendatum: cui scribam, ubi & ocium contigerit, & nuncius paulo certior. *Parisiis* 27. Aprilis, Anno 1510.

EPISTOLA CXI.

Erasmus Rot. Andrea Ammonio suo S. D.

Epistola familiariter jocosa.

An.
1510.

DE Musis & opibus pulchre sane philosophatus es in tuis literis. Ac mihi videtur *Pacani* noster, & ipse data opera bonas dissimulare literas, & nescio quod dictionis genus affectare, quod *Midis* placeat potius quam Musis. Quod si hac iter est ad divitias, ut ais, si quis sit à Musis alienus, certe non in postremis foret *Erasmus*, vel iudice *Carmiliano*. Nam quod te ipsum in hoc numero ponis, quis non videt te palam ludere? Porro splendida illa vocabula, *Musarum delictum*, atque id genus alia, sic interpretor, ut existimem te vel hallucinari amore nostri, vel tuo candore largiri, quod non promereor: vel quod esse verissimum arbitror, amiculum parum felicem istiusmodi laudatiunculis erigere consolarique velle. Utcunque est, vel debeo tuo in me studio, vel ingenii benignitatem amplector, vel officium amo. Quod serio mones, ut Fortunam ambiam, agnosco verum & amicum consilium, & experiar, tametsi vehementer animo reclamante, nihilque prosperum ac lætum prælagiente. Si me Fortunæ alæ exposuissem, uter legē lusus, & repulsus boni consulere, non ignarus hunc esse Fortunæ ludum, ut alios erigat, alios reficiat, utcunque lubitum est. Verum existimabam me id curasse, ne mihi res esset cum hac hera tam procaci, cum *Montjoie* nos ad portum ac rem factam accerferet. Nec me vel tantillum cruciat Fortunæ benignitas in alios, quantumvis indignos, ita me Deus amet: tui vero tuique similibus successus veram ac non vulgarem adferunt mihi voluptatem. Denique si ad meritum calculum ac rationem vocandus essem, hanc ipsam Fortunam puto supra meritum esse. Metior enim ipse me meo pede, non tuis laudibus. Unum illud male habet animum, quod is verba dedit, cui uni tam unice fidebam. Et rursus licet gravissimum sit onus paupertas, præsertim *χαλεπὸν ἐπὶ γήρατι*, tamen pudore magis commoveor quam inopia. Quanquam hic quoque mihi concoquendus dolor, & perfricanda facies: si his fatis natus sum, non est meum *θεομαχεῖν*. Quod tuas res, mi *Ammoni*, feliciter provehit *φέρων ἀνεμὸς τῆς ὕδατος*, maximopere gaudeo, non solum quod ista contingunt amico, verum etiam quod promerenti. Quanquam quid adhuc in te contulit Fortuna, vel istis literis, vel istis dignum moribus? Subvererer, ne tuæ felicitati blandiri viderer, ni nosses tibi satis perspectum esse ingenium meum, qui ne satrapis quidem soleam assentari. Verum aut me fallit animus, aut summi honores manent *Ammonium*. Vide, quæso, quam sim *φίλαντος* in *Adagiis* meis, ut nemini putem esse nota, nisi mihi. Siquidem suspicabar fugere te proverbium illud, *ἰδὲν πρὸς ἐπὶ*. Huic autem errori meo ansam dedit, *σοί*, Pronomen abs te additum, &, ni memoria labor, *πρὸς* omissum. Nam in præsentia non erat ad manum Epistola tua: *ἐπὶ* enim facile conjectabam; *ἀπέπεμψεν* te voluisse scribere. Non redditas fuisse nec tuas illas priores, nec *Baptista* literas, hoc certe nomine gaudeo, quod interim curam doloremque lucrifecerim, quem morbus illius nunciatus attulisset. Neque voluptatis lucro frustror, quod revixerit, simulque mihi gratulor, qui domi remanserim. Istos hostes magis metuebam quam *Gallos*: quanquam anceps bellorum exitus. Quod offert hospitii mentisque communionem, & amo & habeo gratiam. Video totum illi mutatum esse consilium, posteaquam accersit filios. De *Carmiliano* non modo satisfacies, sed pietatem etiam laudo, qui neglecto nebulone patriæ consulas honori. Sed utinam omnes hominis mendas possis tollere, magis consuleres patriæ, hoc est, *τὸ ἅλυν ἀνελεῖν καὶ ἁρῆσαι*. Demiror te posse succensere tuo *Thoma*, famulo tam prudenti, tamque vigilantī, ut rebus tuis melius consulat quam tu ipse. Rogo ne hoc illi,

A fed meis fatis imputemus. Nunc ad *Panegyricum* tuum accedo, cuius me, si diis placet, iudicem facis ac censorem, tantumque potestatis permittis, quantum *Homerm* tribuit *Jovi*, ut nutu ac renutu probem quæ velim, jugulem quæ lubeat. Equidem non mihi tantum arrogo, vel ingenii, vel eruditionis, ut tua vel emendare possim, vel censere. Illud ingenue fateor, nihil esse quod abs te proficiscatur, quod non vehementer admirer, si mihi contingat hoc iudicio, (quandoquidem de summis operibus iudicant nonnunquam & mediocres artifices) si ve sensu quodam ingenii. Amore certe non labor, qui hunc amorem ex admiratione scriptorum tuorum hauserim. Verum uti diversis oculis aliæ atque aliæ placent formæ, diversa palata cibibus aliis atque aliis delectat: sic opinor & in ingeniis varium quendam esse sensum, & arcanam quandam cognationem, vel etiam dissidium. Ostenderat olim *Halitus* noster, nescio quas schedulas de nihili rebus, sic neglectim abs te scriptas. Ex harum gustu protinus conceptam admirationem & amorem ingenii tui mecum in *Italiam* extuli: eamque rursus venam in *Montjoie* literis agnovi; tametsi manus penitus exciderat. Habes sententiam meam de tuis omnibus. Jucundum autem est tua non erudit modo placere, quibus, nisi sint invidentissimi, non vehementer probari non possunt, sed summatis etiam viris, atque adeo Archiepiscopo *Eboracensi*. Quod eruditorum calculis approbaris, non possum isto nomine te vocare felicem. Felicissimum autem jure dicam, qui isti tantopere placeas viro, plurimumque debes *Rhamnusia*. Sed tu jamdudum iudicium efflagitas exactius, atque hanc clamas laudationem esse, non censuram. Age, ne parum morigeri videamur amico, cui nihil negare sit fas, *τὴν λίσσιν ἐνδύσασθαι*, simulque censoris & virgulam sumam & supercilium. Ita rem gestam narras, ut ex nullius commentariis potuissem plenius cognoscere. Primum de latronibus interceptis: deinde quemadmodum frustra Regem conati sint hostes intercludere: deinde cum reditum esset ad pugnam, quam turpiter fugerint, ducibus ipsis captis: præterea *Morinum* captum, *Scotos* interim duobus præliis ad internecionem pene concisos: ad hæc, invitante scilicet cœli serenitate, quasque suadentibus superis, captum *Tornacum*: super omnia majestatis Imperatoris in castra tam familiarem adventum. Sunt qui poema non putent, nisi deos omnes e cœlo, mari, terraque, subinde advoces, nisi sexcentas infulcias fabulas. Mihi semper placuit carmen, quod à prosa, sed optima, non longe recederet. Quemadmodum *Philoxenus* suavissimos iudicavit pisces, qui pisces non essent, & jucundissimas carnes, quæ carnes non essent. Rursus amœnissimam existimavit navigationem juxta littus, ambulationem juxta mare: ita me vehementer delectat poema rhetoricum, & rhetor poeticus, ut & in oratione soluta carmen agnoscas, & in carmine rhetoricam phrasin. Aliis longius petita placent, at mihi vel præcipue probatur, quod orationem ex ipsis rebus sumis, nec tam studiosus es ostentandi ingenii, quam ostendendæ rei. In pauculis versibus desidero compositionem paulo molliorem: verum, id accidere solet, aut quoties non vacat sæpius eadem recudere, aut cum majoribus intenti virtutibus, illa negligimus. Unum carmen mihi visum est humilior, *Ὡς possis oculum Gallis exculpere utrunque.*

F Hæc jam si nimium libere facere videor, tibi imputabis, qui mihi personam hanc imposuisti. Carmen hoc impendio nobis arrisit,

*Dum tu absens procul, & regno divisus ab Anglo,
Gallorum diffingis opes & victor oberras;*

propterea quod mire rem mihi certe subjecerit. Jam enim videre videbar *Alexandrum* illum magnum ultra *Indos* armis grassantem, & transmissis oceano, alium orbem quærentem, quem vinceret: ac victricibus copiis per omnes nationes late vagantem, passim capi, vinci, dedi, quicquid obvium. Fuere quos serio versus hic offenderet,

No.

An. *3519.* *Nostrorum Princeps tam re quam nomine Ragum.* Itaque qui transcripsit, *Vachannus* homo doctus & candidus, mutaverat *cunctorum*: *Dego* subiecit, *nullorum*, non placuit: rursum alius mutavit *stultorum*; ne id quidem. Rursum, *Dego*, *Non re, sed nomine*, rejectum est: *nec re, nec nomine*, abnuerunt. Denique quando nec hoc placet, quod abs te positum est, nec quod ab aliis mutatum: ipse videris, quid scribi velis. Arrisit & proximus versus,

Augusta nuper qui maiestate remissa:

ajunt enim, qui rerum arcanas vires scrutantur, hanc esse vim τῆ χειρὸς, ut adstricta laxet ac dilatet. Item ille,

In tua felici se contulit omine castra,

αἱς οἰωνὸς ἀέρας ὁ χερσὸς, praesertim *δορυμένη*. Sunt & alia permulta digna quae notentur asteriscis: quae si scholiis aliquot in carmen tuum additis, indicavero, ecquid erit precii? Illud apprecor, ut quam erudite, quamque ingeniose *καλαδῶν*, tam idem facias feliciter. Habes *Aristarchi* de carmine tuo iudicium, at vicissim huius iudicii te iudicem facio. Ex *Pacai* literis intelligo te *Scotici* conflictus historiam descripsisse: eam legemus, quum advenerimus. *Pacai* tam candidum in te animum esse summopere gaudeo: nihil est eo viro nec amantius, nec integrius. *Lusinus* & nos pridem in fugam *Gallorum*, sed *Musis* & *Apolline* nullo: carmen ad te misimus: non potest nisi semel esse molestum, quum sit brevissimum. Qui te meis oneravit literis, haud fecit ex animi mei sententia: ipse literas ad omnes efflagitarat, iactans sese nusquam non iturum, ac tantum non universam lustraturum *Angliam*. Si dabitur commoditas, redde: sin minus, conjcito vel in ignem, potius quam ut eo graveris officio. De literis, quas me negabam accepisse, nihil addubirabam: tamen lucro fuisse tuam suspicionem gaudeo. Neque enim mediocre solatium adferunt tuae literae, praesertim in tanto rerum tædio. Includimur pestilentia, obfidemur latrocinis, pro vino bibimus vappam, & si quid vappa deterius: truncatur sensus, Io triumphes, sic ovamus orbis victores. Carmen tuum & hic passim rapitur, transcribitur, ac laudatur ab omnibus ut eruditum & ingeniosum. In negotio *Proverbiorum* pessime sum acceptus ab istis bibliopolis. Quidam ea formulis excudit *Tubinga*, sed ita imitatus editionem *Aldinam*, ut parum attentis eadem videri possit. Commiseram exemplar emendatum ac locupletatum *Francisco*, qui libros ferme omnes solitus est huc importare, ut vel *Badio*, vel ex illius sententia committeret alii. Is bonus vir recta *Basileam* deportavit, ei in manus dedit, qui jam excuderat, ut haec tum demum edat, cum sua divendiderit, hoc est, post decennium. Complures item libellos, ex *Plutarcho* ac *Luciano* verfos, commiseram *Badio* tradendos, ut superioribus, quos habet, adjungeret, & hos illi, uti suspicor, tradidit, utque plures mittam rogat. En *Sicambriam* fidem. Sed est quo me ulciscar: servatum est *Adagiorum* exemplar, & quidem aliquanto copiosius eo, quod ille abstulit. Cretislabimus cum *Cretensi*. A natali statim isthuc advolabo, nisi *Jupiter* nos alligavit domi. *Lazarum*, virum omnium, quos in *Anglia* noverim, humanissimum, candidissimumque, quaeso uti meis salutes verbis. Rogo ne graveris in proximis ad *Pacum* literis adscribere, uti tibi significet, quid actum sit de libris meis, quos *Ferraria* reliqueram: nonnihil suspectum est mihi illius silentium: non quod quicquam de fide illius addubitem, sed quod verear, ne quid acciderit commentariis meis, quod ambo nolumus. Bene vale, *Ammoni*. *Cantabrigia* 21. Decembris, Anno 1510.

EPISTOLA CXII.

Erasmus Rot. Thoma Moro S. D.

LVPSETVS existimat se nostra renatum opera, planeque ab inferis emeruisse. Magistri moliantur o-

Amnia, quo retrahant adolescentem in suum pistrinum. *An.* Nam statim eodem die sophisticis libris distractis, *Gracianus* emerit. Vide, ut cum inciderit opportunitas, gnave agas partes tuas. Nihil huius ingenio gratius, nihil amantius. Bene vale. Verto librum *Plutarchi de discernendo adulatorem ab amico*, longiusculum, sed quo non alius mihi magis placet. Absolvam faventibus superis intra dies octo. Videtur mihi hoc propemodum magis ad rem pertinere, quam digladiari cum *Vigilantio*, duce *Hieronymo*. Rursum vale.

B Si videris *Lazarum* nostrum hominem plane *Musis* & *Gratiis* natum, quaeso salutes diligenter: hortare, ut perscribat mea, quae habet in manibus: nam habeo quaedam plus quam nova, quae non dubitem illi futura gratissima. *Millies* vale. *Cantabrigia* Anno 1510.

EPISTOLA CXIII.

Erasmus Rot. Ammonio suo S. D.

MAJOREM in modum te rogo, si quid isthic exstiterit novi, cures uti quam primum sciam. Nam cum *Londino* discedebam, audiebam Oratorem ex itinere revocatum regis literis, quod Pontifex denunciasset, ante Novembrem non futurum generale Concilium. Novum fabulae genus, lagena tua etiamnum stat *Cantabrigia* una cum vino, ut audio, sed jam viciato. O stipites! si quid erit magni, quod mea valde putabis interesse, ne graveris aliquem cum equo mittere, sed re prius communicata cum *Coletio*. Bene vale. *Joanni* bene precor. *Cantabrigia* 16. Feb. Anno 1511.

EPISTOLA CXIV.

Andrea Ammonio Erasms. S. D.

SI quid est certi rumoris apud vos, quaeso ut nobis impartias. Nam magnopere velim audire, num vere *Julium* agat *Julius*, & num *Christus* antiquum obtineat morem, ut quos maxime suos videri velit, eos maxime adversae fortunae procellis exercent. Ego, mi *Andrea*, pro felici rerum ecclesiasticarum successu votum suscepi. Jam scio religionem probas. Visam virginem *Walsagamicam*; atque illic *Græcum* carmen votivum suspendam. Id si quando te illo contuleris, require. *Bovillus* graviter Græcatur, ac te diligit unice. *Joannem* omnis humanitatis antistitem diligenter meo nomine saluta. *Petro Carmiliano* meis verbis gratias ages, quod tam amanter de me mentitus est, in eruditissimis illis suis ad *Brianum* literis, in quibus me *doctorem doctissimum* appellat: eam laudem quo minus agnosco, hoc magis debeo illius in me benevolentiae studioque tam non vulgari. Mihi certe & honorificum fuit, & jucundum laudari à viro laudatissimo. Bene vale, doctissime atque humanissime *Ammoni*. *Cantabrigia* 8. Maji, Anno 1511.

EPISTOLA CXV.

Erasmus Rot. Joanni Coletio S. D.

AD Epistolam joco scriptam respondes serio. Non decebat fortasse cum tanto patrono joculari. Sed tamen mihi tum libebat cum amico tam singulari *Atticis* salibus ludere, magis humanitatis tuae memori quam magnitudinis. Tuae facilitatis erit nostram ineptiam boni consulere. Scribis me tibi debere, etiam si nolim. Omnino, *mi Coletio*, durum est, ut inquit *Seneca*, debere cui nolis: at ego neminem novi mortalium cui libentius debeam quam tibi. Et is semper in me fuit animus tuus, ut etiam si nihil accessisset officiorum, tamen debitorus tibi plurimum fuero: tantum autem accessit & officiorum & beneficiorum, ut si non agnoscam, sim unus omnium ingratissimus. De tenuitate tua prorsus & credo & doleo: sed mea tenuitas gravius me premens, coegit ut tuae tenuitati negotium facerem. Quod quam fecerim invitus, vel hinc potes colligere, quod jam olim abs te promissum tam sero petii.

An. tii. Excidisse tibi promissum haud miror, quippe ho-
 1511. mini tot occupato negotiis. At in horto tuo cum inci-
 deret de *Copia* sermo, & indicassem mihi esse in anitho,
 ut nuncuparem puerile opus Principi nostro puero, ro-
 gabas ut novum opus novæ scholæ tuæ dicarem. Re-
 spondi subridens, scholam tuam esse pauperulam,
 mihi opus esse qui aliquantulum daret in manum. Ar-
 ridebas. Deinde cum multos titulos adduxissem sum-
 ptuum, nonnihil cunctatus negabas te posse suppeditare,
 quantum meæ res postularent, verum quindecim ange-
 latus libenter daturum. Idque cum alacri vultu repe-
 teres, rogabam num satis esse videretur. Respondebas
 etiam alacrius, hoc certe te libenter impensurum. Tum
 ego, & ipse, inquam, libenter accipiam. Ex hac com-
 memorazione fortasse res redibit in memoriam tuam.
 Possem & aliis argumentis adstruere, nisi tu mihi tua
 sponte jam fidem haberes. Sunt omnino quidam, ii-
 que amici, (nam cum inimicis nihil mihi commercii
 est, nec eorum dicta pili facio) qui te duriusculum præ-
 dicent, & in distribuenda pecunia diligentiorum. Id-
 que non accidere (sic enim illis approbantibus inter-
 pretabar) vicio tenacitatis, sed quod improbe instan-
 tibus & urgentibus negare non posses ob ingenii vere-
 cundiam, in amicos non molestos minus esse profu-
 sum, quandoquidem utrisque non posses satisfacere.
 Nec tamen hæc res ad me pertinet, qui quanquam non
 sum admodum improbus ac molestus flagitator, tamen
 te semper benignissimum sum expertus. Non igitur hoc
 accepi à tuis obrectatoribus, sed ab iis, qui tibi ex ani-
 mo bene volunt. Quorum tamen sententiæ nec acce-
 do, nec refragor, nisi quod tuam in me benignitatem
 singularem agnosco. Si reliquum promissi non grava-
 beris dare, equidem, ut nunc res meæ sunt, accipiam,
 non uti debitum, sed uti beneficium, relaturus si qua
 possim, certe gratiam habiturus. Injucundus mihi fuit
 Epistolæ tuæ finis, cum scribis molestia negotiorum te
 solito gravius vexari. Equidem cupiam te quantum po-
 test longissime à mundanis negotiis semoveri, non quod
 verear ne mundus hic, ut est hamatus, te sibi vendi-
 cet, ac manus injiciat, sed quod malim istud ingenium,
 istam eloquentiam, istam eruditionem in solidum im-
 pendi *Christo*. Quod si non potes explicare te, caven-
 dum tamen ne in dies altius atque altius immergaris.
 Vinci fortasse præstiterit, quam tanti emere victoriam.
 Maximum enim bonum, mentis tranquillitas. Atque
 hæ sunt spinæ, divitiarum comites. Interim malevolo-
 rum blateramentis oppone rectam & sinceram conscien-
 tiam, in unum illum & simplicem *Christum* te collige,
 & minus turbabit multiplex mundus. Sed quid e-
 go sus *Minervam* doceo, & ægrotus ipse medico me-
 deri studeo? Bene vale, præceptor unice. *Cantabrigia*
 11. Julii.

ABSOLVI collationem Novi Testamenti: nunc di-
 vum *Hieronymum* aggredior; quo confecto ad
 vos revolo. Tuus ac vere tuus alumnus *Tho. Lupsetus*,
 magno mihi est & usui & oblectamento, quotidiana
 consuetudine, & opera, quam mihi commodat in his
 castigationibus. Et operam opera penso: facturum idem
 copiosius, si per illius studia vacaret, à quibus nolim
 abducere adolescentem. Crede mihi nihil est eo tui a-
 mantius. Rursum vale. An. 1511.

EPISTOLA CXVI.

Erasmus Andrea Ammonio S. D.

Bis nos exhilaras, *Andrea* suavissime, dum vino ju-
 cundissimo literas addis multo jucundiores, plane-
 que tuum ingenium, tuosque mores, respicientes, qui-
 bus, mea quidem sententia, nec fuit unquam, nec erit
 quicquam mellitius. Quare duplici nomine tibi gra-
 tias agimus. De pecuniæ mentione quod succentes,
 equidem non ignorabam animum tuum, regia fortuna
 dignum, verum existimabam te missurum utrem ma-
 jusculum, in menses aliquot duraturum; quanquam

A hic quoque major erat, quam ut ab homine modesto
 gratis accipi possit. De *Græco* epistolio risimus adfa-
 tim. Iniquissimus sim, nisi *Moro* dem veniam, tam
 seriis occupato negotiis. Demiror te sic perpetuo ni-
 dum premere, nec usquam evolare. Hanc Academiam
 si quando libeat revifere, multis gratissimus veneris,
 mihi inprimis. Quod jubes me isthuc redire si per-
 durer languor, nihil video quod mihi blandiatur *Lon-*
dini, præter duorum aut trium amicorum consuetudi-
 nem. Verum his de rebus alias. Audio *Julium* ma-
 ximum vita defunctum. Vale, optime *Ammoni*.

B Frequenter ad nos scribas rogo, gratius mihi facere
 potes nihil. *Cantabrigia* è collegio Reginæ 17. Au-
 gusti, Anno 1511.

EPISTOLA CXVII.

Erasmus Colesio suo S. D.

SI tibi risum movere possunt nostra infortunia, mi-
Colesio, est quod abunde rideas. Nam præter ea,
 quæ jam *Londini* contigerant, equus ministri mire
 claudicabat, mutarat enim auriga eum, quem *Bovil-*
lus miserat: deinde toto itinere nihil erat quod ede-
 retur. Postero die, perpetua pluvia usque ad pran-
 dium: à prandio fulgura, tonitrua, imbres, equus
 ter collapsus in caput. *Bovillus* consultis astris, ait
 se deprehendisse, *Jovem* nonnihil iratum. Hoc mi-
 hi jam nunc placet, video vestigia *Christiana* pauper-
 tatis. Quæstum usque adeo non spero, ut intelligam
 hic demum effundendum mihi quicquid à *Mecanati-*
bus queam avellere. Est hic medicus nostras, qui
 præsidio *quinta essentia* prodigiosa designat facinora,
 è senibus juvenes, è mortuis vivos facit: unde non-
 nulla spes est futurum, ut rejuvenescam, si modo li-
 ceat *quintam essentiam* degustare: quod si contingat,
 non omnino poenitebit huc advenisse. De quæstu ni-
 hil video, quid enim auferam à nudis, homo nec im-
 probus, & *Mercurio* irato natus? Bene vale, præceptor
 optime. Ubi coeperimus profiteri, significabo quo
 pacto res succedat, ut magis etiam rideas. *Cantabri-*
gia è collegio Reginæ 24. Augusti, Anno 1511.

Audebo fortassis & *Paulum* tuum aggredi. Auda-
 ciam *Erasmi* tui specta. Rursum vale. An. 1511.

EPISTOLA CXVIII.

Erasmus Rot. Andrea Ammonio suo S. D.

MITTO ad te literas ad *Bombasium* scriptas. De
 statu meo nihil adhuc novi est, quod scribam, ni-
 si iter fuisse incommodissimum, & valetudinem ad-
 huc subdubiam esse à sudore illo. Videor mihi saltem
 ad dies aliquot in hoc collegio commoraturus. Au-
 ditoribus nondum copiam mei feci, cupiens valetu-
 dini inservire. Cervisia hujus loci mihi nullo modo
 placet, nec admodum satisfaciunt vina, si possis ef-
 ficere, ut uter aliquis vini *Græcanici*, quantum potest
 optimi, huc deportetur, plane bearis *Erasmi* tuum,
 sed quod alienum sit à dulcedine. De pecunia nihil sis
 sollicitus, mittetur & ante tempus, si voles. Jam hoc
 commodorum, quæ ex bullis sanctissimis capiuntur, i-
 nitium est, fiti enecamur. Tu conjicito cætera. Et
 nondum trajecimus. Bene vale, charissime *Ammo-*
ni. Ex collegio Reginæ 25. Augusti, An. 1511.

EPISTOLA CXIX.

Erasmus Rot. Ammonio suo S. D.

JAM dederam ad te literas, quas nunc opinor esse
 redditas. Sed perquam gratum mihi fuit, quod in
 tuis ad *Joannem* literis *Erasmi* tui feceris mentionem,
 & quidem tam amanter. *Γυναῖκα ἀγαγέμενα*, quæ
 quondam sacrorum scriniorum magistro nuncupavi,
 nuper *Londini* sunt excusa formulis non omnino inve-
 nuste. *Joannes* pollicitus est se ad te missurum unum
 aut alterum codicem. Si is, cui dicavi libellum, in ca-
 stris

An. stris adest, & incidet opportunitas, quaeso, ut hominem meis verbis salutes, ac libellum exhibeas. Sic enim emendavi, ut vix eundem esse sit crediturus. *Londini* non minus saevit pestis, quam isthic *Mars*. Itaque *Cantabrigia* nos tenemus, quotidie circumspicientes, ut commode avolemus. Sed non datur opportunitas. Et retinent triginta nobiles, quos ad *Mischaelis* exspecto. *Sixtinus* jam evolavit in *Brabantiam*. Ad *Hieronymum* emendandum & scholiis illustrandum, ita mihi fervet animus, ut afflatus à Deo quopiam mihi videar. Jam pene totum emendavi collatione multorum ac veterum exemplarium. Atque id ago incredibili meo sumptu. Risi affatim castrensis vitae formam tam graphice in tuis ad *Joannem* tuum literis depictam: adeo hinnitus, clamores, equorum concursus, tubarum clangores, bombardarum tonitrua, fulmina, vomitus aegrotantium, gemitus morientium, oculis subjecisti. O te felicem, si, quod Deus optimus faxit, incolumis nobis redieris. Quam jucundas in omnem vitam fabulas, malorum istorum experientia ministrabit! Sed te per Musas & Gratias etiam atque etiam oro, mi *Ammoni*, memineris, id quod proximis admonui literis, vide ut tuto pugnes. Calamo quantum volles ferocias, & decem myriadas hostium eodem confodias die. Rem nostris succedere, in tantum gaudeo, ut nec lingua, nec literis liceat explicare. Si quando vises divum *Andomarum*, & inciderit commoditas, salutabis Abbatem divi *Bertini*, singuarem patronum meum. Præterea oconomum illius *Antonium Lutzenburgum*, Canonicum apud divi *Andomari*, tum medicum Abbatis & urbis *Gaubertum*, duos candidissimos amicos meos: ad hæc Decanum ejus ecclesiae, singulari probitate virum, & literarum amantissimum; cum quo si contingeret colloqui, rogo percunctare quid actum sit de *Mauricio* meo quondam ministro: cui profecto lubens, si quid possim, benefecero. Non ausum abs te tot vexato tum malis, tum, uti conjicio, negotiis, petere, ut aliquando scribas ad nos quoque. Tamen si quando non gravaberis, erit id mihi tam gratum, quam quod gratissimum. Ut *Joannis* tui negotio faveas, & ut quam felicissime procedat adjutes, sciebam necesse non esse, ut quisquam te roget, nedum ego. Novi quanti hominem facias. Ille te diligit unice, & non consuevit *Ammonius* amore superari. Præcipuam negotii spem in te fixit. *Baptistam* meo nomine ut diligenter salutes, te etiam atque etiam rogo, à quo jam non nisi *Græcas* exspecto literas. Precor ut bene volens Deus aliquis ventos mittat magis secundos. Οὐτὸς γὰρ αὐτὸς εἶς πλεὺν ἰσθι. Bene vale. *Londini* 1. Septembr. Anno 1511.

EPISTOLA CXX.

Erasmus Gonello suo S. D.

SEMPER equus meus ad me redit & habitior, & salacrior, mi *Gonelle*, tatis præ se ferens nutritii sui tum diligentiam, tum felicitatem. Quare te majorem in modum rogo, uti pergas, quemadmodum cœpisti, curare bajulum nostrum. Quidni nostrum appellem, cum amicorum communia sint omnia? Dabo operam ne officium tuum in hominem parum memorem, parumque gratum, collocasse videaris. Bene vale, *Gonelle* charissime. *Cantabrig.* 26. Septembr. An. 1511.

EPISTOLA CXXI.

Erasmus Rot. Coletto suo S. D.

JAM nunc subodoror genus hoc hominum, de quo memineras: qua de re plura coram. Quum proxime essem *Londini*, non adiit te, ne quid tibi molestus essem: nam erat statim à prandio equitandum. *Petrus* unoculus, casu mihi factus obviis, indicavit te proximis literis meis respondisse, verum eas nondum accepi. Nisi me deterreret pestilentia, sub Decembrem me ad vos reciperem, præsertim si redeat *Moni-*

joius, ut liceat mihi domo illius uti, quod nunc per *An. Cerberum* illum non licet. Bene vale, præceptor uni-
ce. *Cantabr.* 5. Octob. An. 1511.

EPISTOLA CXXII.

Erasmus Ammonio S. D.

MALO quodam genio meo non licuit tecum, cum isthic adesset proxime, congregari, mi *Andrea*: nam cum primum advenirem, nihil minus suspicabar, quam te etiamnum apud *Morum* agere, præsertim cum *Jodocus* bibliopola mihi confirmasset, te jam in collegio divi *Thoma* versari. Postridie mane pulsavi fores cubiculi tui, nec eras domi. Ubi redissem à sacro, sensi strepitum equitum: jussi *Linatrum* prospicere, nam ego scribebam, nescio quid: ille nunciat te discendere. Sed posteaquam jam abieras, multis modis cupiebam tecum colloqui, verum id alias licebit. Rogo facias me certiore, quid de adventu *Montjoii* isthic feratur: præterea num pestis tanta, quantam prædicant: postremo si quid est de rebus *Italicis*, *Gallicisque*, quod tuto literis committi possit. Bene vale. *Cantabrigia* 5. Octob. An. 1511.

EPISTOLA CXXIII.

Erasmus Ammonio S. D.

NIL erat novi, quod scriberemus, nisi quod mihi decretum est, neminem, qui modo certior contingat, nostris ad te literis inanem hinc dimittere. Scripseram ante dies pauculos. Cupio scire quid valeas, num *Montjoius* meus jam redierit: tum quid procedant res *Italia*: quid agat invictissimus *Julius*. Sub brumam ad vos, superis volentibus, remigrabo, si modo rigor hyemis pestem restinxerit, quam audio isthic increbescere: nec ea quidem longius hinc abest. Hactenus prælegimus *Chrysolora* Grammaticen, sed paucis: fortassis frequentiori auditorio *Theodori* Grammaticam auspicabimur: fortassis & Theologicam lectionem suscipiemus, nam id nunc agitur. Quæstus minor est, quam ut me moveat, tamen interim & bene meremur de studiis, pro nostra quoque virili: & menses aliquot, ut *Ovidiano* utar verbo, decipimus. Cura ut recte valeas, mi *Andrea*, mortalium omnium mihi charissime. Fac uti frequenter ad nos scribas. *Cantabrigia* 16. Octob. An. 1511.

EPISTOLA CXXIV.

Erasmus Rot. Ammonio suo S. D.

REMITTO lagenam tuam, quam vacuam diutius apud me detinui, quo vel odore vini fruerer *Græcanici*. Tu pro optimo vino vericulos accipies pessimos, hoc est, plane καὶ τὸ ὀμνηκὲν ἐνείνο, χαλκία χενεσίον. Porro *Jambi* me auctore jam discunt ἰγναι μιάζεν. Carmen adscribam.

Quicumque dotes reputet, Ammoni, tuas,
Oculisque totum lustrat admotis prope
Oris decus, proceritatem heroicam,
Vultuque toto, & universo corpore
Bene temperatam dignitate gratiam,
Nitentium blandum vigorem luminum,
Linguaque plectrum tam suave tinniens,
Mores dehinc, bonas ad omnes commodos,
Faciles, amicos, melle melleos magis,
Veneres, lepores, Gratias, risus, jocos,
Mitem indolem, mentisque candorem novum,
Mireque mixtam simplicem prudentiam:
His pectus adde, sordido aversum lucro,
Dextramque quam pro sorte largiusculam:
Jam quam benigni vena dives ingeni:
Quot animus unus expolitus literis:
Ac rursus his par addita est facundia.
Dæmum universa hac rara condit comitas,
Es improbi livoris arcet fascinum

Mo.

An. 1511. *Modestia iocunditas, cum dotibus
In tam superbis, nil superbum in moribus.
Hac quisquis, inquam, pensitet, tot affatim
Congesta in unum: nonne merito dixerit,
Soli parentem fuisse naturam tibi,
Contra, novercam ceteris mortalibus,
Horum ipse quamvis debeas tibi pleraque.
Restant tua, Fortuna, jam partes, uti
Dotes ita amplas, opibus exaques tuis,
Nisi vis videri aut ceca plane, aut invida.*

Rogo ut has literas, quas tuis adjunxi, reddas Episcopis, ad quos scriptae sunt, ubi vel ipse vides regiam, vel certum hominem nactus eris. Cura ut recte valeas. Jubet te salvere Bovillus, candidus, ac tui non dissimilis amicus. Exspecto literas tuas: nam unas adhuc duntaxat accepi. Si inciderit opportunitas apud tuos Episcopos, fac is sis, qui semper in *Erasmum* tuum esse consuevisti. Si tua carmina veneunt *Londini*, rogo ut libellum unum huc mittas. *Cantabrigia*. Octobr. Anno 1511.

EPISTOLA CXXV.

Andreas Ammonius Erasmo suo S. D.

VICISTI, Erasme, tuis literis omnem meam expectationem, desiderium tamen non explesti. Scripsisti ad me sapiens, ut verum fatear, quam te facturum putabam, multo tamen, quam exoptabam, rariis: quod amantissimum tuum officium tanti apud me est, quod eo me tibi penitus, penitusque obligasses, si devinctior esse potuissim; nam tuis literis nihil accipio suavius: & me haud vulgariter abs te amari, hoc (mea sententia) non levi argumento perspexi: id quod sane antea credebam, nunc vero mihi videor plane scire. At non licuit mihi esse erga te perinde officioso, partim regis (vide quam gloriosam excusationem pretendam) & intricatissimis amicorum negotiis: partim culpa eorum, quibus alteras ad te literas dedi, quas intelligo tibi non fuisse redditas, licet pro vectura nonnihil dederim. Ego tres tuas Epistolas accepi, duas plenas sacchari, tertiam nectaris, quam ex inscriptione, & vini Graecanici mentione, primo ad me scriptam non dubitavi: sed mox ubi ad carmina perveni, suspicari cecepi, quando ea, qua illic extollis, mea esse non agnoscerem, ad alium aliquem te scribere. Sed ubi te dubio procul de me loqui perspexi, mecum continuo, Quid times Erasmo de te credere, cui & vitam crederes? Ac in summa, nisi tuum in me amorem huic tuo Lynceo alioquin iudicio imponere existimassem, ego met mihi imposuissim: & utcumque, ne quid tecum dissimulem, paulo plus tuis carminibus quam antea mihi placeo: vel hoc solo, quod Erasmus nactus sum laudatorem. Qua in re Alexandro Magno fortunatiorem me arbitror, & Achilli ne tantillum quidem invidео. Id vero ipse verius quam tu dicere possum χαλκῆα χρυσίων, quod aneum vinum aureis, imo smaragdinis, imo auro, lapillis, & metallis omnibus preciosioribus carminibus permutaverim. Sed improbus sum, nec ingenti hoc lucro contentus: nam si lagenam, quam vacuum remittis, recipere potero, animatam jubebo ad te iter remetiri, ut experiar, an alios possim versiculos elicere: qui etsi mentionantur, elegantissime tamen canunt. Literas tuas Episcopo Wintoniensi & Dunelmensi intra paucos dies in manum spero me redditurum: quod si mea oratione commendatiorem te illis facere potero, ipsum Tullium vincam. Quem enim quamvis infantem tam bona causa non modo desertum, sed etiam eloquentem non redderet? De rebus Italicis haec habentur. Hispanus apertum propemodum cum Gallo bellum gerit, cuius Angli non erant, ut conjicitur, tantummodo spectatores. Julius Maximus ad templum Deiparae in Laureto se contulit, salutem suam diva gratulaturus. Veneti supra quingentos, sic fertur, Gallorum equites ex insidiis deleverunt. Imperator ita friget, ut ex suis hypocautis prodire non audeat. Florentini, Pisani, diris detestationibus sunt acti, quod conciliabulum schismaticis illis Cardinalibus praebent. Car-

A dinalis Reginus in fata concessit. Nos hic in gratiam An. cum peste nondum redivimus. Ego in collegium divi Thomae tandem immigravi, ubi sum nihilo magis ex sententia mea, quam apud Morum. Non video & Αἰγῆας τὸ ἄκυλον ῥόμῳ, sed multis aliis offendor, ut nesciam, ita me Deus amet, quo in Anglia jam pacto sim visiturus. Primum apud nostros mercatores, quod animo meo gratum esset, honeste me negant esse posse: tum istorum sordes, quas jam satis sum expertus, mihi omnino non placent: domum vero conducere, & ut velim vivere, paupertas non finit. Sed ut hoc tedium pellam, ego quoque poetabor.

B Vis tanta, Erasme, carminis fuit tui, Αἰνῶν ut me prorsus, & lapidem merum Certare tecum Jambicis adegerit: Sed vellit aurem Apolla continuo mihi, Et rana bubus audet, aut oloribus Certare corvus? inquit, extemplo manu Delapsa nostra perculit solum lyra: Refrixit ille mentis & brevis furor, Ac paucula haec ægre potui ad te scribere: Addam, sed haec Apolline invito tamen, Erasme, nostri seculi decus, vale.

C Cras regiam petam, tuamque rem sedulo illic curabo, & negotium alicui dabo, ut quum Cantabrigienfes carucarii huc revenerint, altera lagena vini cum his literis ad te referatur. Bovillum milles refaluta meis verbis. Cura iterum ut valeas, & me, ut facis, ama. Londini 27. Octobr. Anno 1511.

EPISTOLA CXXVI.

Erasmus Andrea Ammonio suo S. D.

REMISI tandem cenophorum tuum una cum versiculis male natis. Auriga confirmat se reddidisse Moro, quod id temporis aberas. Ad Cal. Januarias istuc remigrabimus, ut vel fotu mutuo minus algeamus: nam hic æstivare malim, quam hybernare. Postremo non expedit diutius tam procul abesse à Jove meo; quanquam hic locus non omnino mihi displicet. Tum quaestus video nonnihil, si quis ardelionem possit agere. Perquam cupio scire quo animo Wintoniensi & Dunelmensi meas acceperint literas, ad haec si quid aliud est novi. Gratum mihi feceris, si has literas, quas tuis adjunxi, in Italiam perferendas cures: nunc plane est illud Homericum, ἀσπερ & ὄμβρος. Opinor auditas à Jove preces istius, cuius libellum tibi tradidi, qui fontes, fluvios, lacus, stagna, ad lachrymis deplorandam Italia calamitatem invitat. Ἡμᾶς δὲ οὐκ ἴδε σέτις, ut, nutibus sit loquendum; tanta est raucedo. Bene vale, ac frequenter ad nos scribe. Cantabrigia 2. Novemb. Anno 1511.

EPISTOLA CXXVII.

Andreas Ammonius Erasmo suo S. D.

AUT egregie infastus est minister meus, ut quicquid per eum agatur male cedat, aut vulgus Cantabrigienfe barbaris inhospitales illos Britannos antecedit: ita omnium officiorum est ignarum, & omnis prorsus humanitatis expertus, cuiusmodi videre aliquot opto illam longam ex se literam facientes. Nesciunt isti fore quid sit epistolam suscipere, quid postea non reddere: nesciunt, (ut lenissime dicam) quot homines sua voluptate defraudent, quot ut inofficiosi iudicentur, efficiant: nesciunt porro non unius tantum hominis salutem ex unis quandoque literis pendere. Conatus sum simul atque tuas literas accepi, eis, quam celerrime potui, respondere, ut si non stilo, at saltem officii celeritate placerem. Dedi pro literarum veterum id paucillum quod petiere. Remisi postremo cum epistola Graecanici alteram lagenam, unas tamen literas ad te solum perlatas fuisse video: & una cum officio curam, si quam in scribendo adhibui, periisse. O hominum monstra, qua (ita me Deus amet) jamjam discerpi libenter spectarem! Unum tamen me solatur, quod ita mentem

An. *meum erga te, animum perspectum tibi esse puto, ut licet*
 1511. *tibi nunquam scriberem, nihilominus tui me studiosum &*
amantem existimares. Novissime literas, & alteram, ut
dixi, Græcanici lagenam, ei, qui tuos libros isthuc adve-
xit, meus Thomas credidisse se ait, alias vero quibus
dederit nescio. Vinum si epotum est, da operam ut lage-
nam saltem recuperes. Sed facessat hac bilis, qua profe-
cto totus ferveo. Tuas literas Domino Wintoniensi &
Dunelmensi in manum reddidi, ambo vultu sane quam
hilariter exceperunt, ambo raras dotes tuas mirifice lauda-
runt. Wintoniensis te accusare videtur, quod exte-
rum secum agas, nec unquam ad se accedas: respondi,
ut in buccam tunc venit, subrustica quadam verecundia
te id agere, ipsi tamen quod sciebam esse deditissimum:
nonnullaque alia pro tempore. Sed hæc antequam Episto-
las tuas legerent. Post illa fuerunt ita publicis rebus oc-
cupati, ut interpellare de te non fuerit visum. Verum
suo tempore non omitam. Tuus Mecænas, ut audiui,
neque enim adhuc vidi, jam triduo fuit urbanus. Ju-
piter est nobis iratissimus, die pluit, nocte pluit, raro ces-
sat. Pestis modum sevitia ferme imposuit. Sed fames,
nisi magistratus remedium aliquod adhibeant, subsequen-
tur, malum nihilo peste mitius. Lignorum precium au-
ctum esse non miror, multi quotidie heretici holocaustum
nobis præbent, plures tamen succrescunt: quin & frater
germanus mei Thomæ, stipēs verius quam homo, sectam
(si diis placet) & ipse instituit & discipulos habet. Sed ad
Italica transeamus. Fædus Romæ inter Pontificem, Re-
gem Hispaniarum & Venetos istum palam fuit, his le-
gibus: Rex Hispaniarum equitibus cataphractis, quos lan-
ceas vocant, mille & cc. levis armatura itidem mille,
peditibus decem M. Pontificem juvabit. Pontifex vero e-
quites cataphractos D. peditum octo M. habebit, in stipen-
dium præterea auxiliatorum aureorum quadraginta M. in
singulos menses dabit. Veneti exercitum, quem poterunt,
cogent. Concilium Pisanum male coit. Ferunt Cardinalem
sanctæ crucis auctorem schismatis, impetrata per Regem Ar-
ragonum Pontificis venia, in Campaniam se proripuisse.
Licet, quod præterieram, intra quadraginta dies cuicum-
que Christiano Principi idem fœdus inire. Postea arbitrio
Pontificis admittetur. Nostri quid acturi sint, ut consici-
tur, magno remigum compendio nondum deliberavere. Im-
perator huius rei spectator solum erit. Rumor est Floren-
tinis à Gallis defectionem parare. Habes de rebus Itali-
cis, quæ hætenus ferantur. Tuam rancidinem, si hic fuisses,
una potinncula extemplo curassem. Doleo spem tuam ad nos
redire ad Calend. usque Januarias productam. Gaudeo
tamen istam tibi Provinciam non male obtigisse, deside-
rium tui commodorum tui magnitudine solabimur. Reli-
qua tua litera in Italiam cras sedulo perferentur: in tem-
pore enim, ac prope in ipso tabellariis discessu, advenere.
Cura, mi Erasme, ut valeas, & Bovillum nostrum ter-
que quaterque meo nomine salvere jube. Iterum vale.
 Londini 8. Novembr. An. 1511.

EPISTOLA CXXVIII.

Andreas Ammonius Erasmo S. P. D.

JAM discesserant vestri carrucarii, quum tuam Episto-
 lam, sine aliqua ad Montjoium, Jo. Morus mihi at-
 tulit, ideoque expectandus est illorum nebulonum re-
 ditus, aut casus aliquis, qui mihi χαμπυτολόγος obiciat,
 cui has ad te literas dem. Intellexi te lagenam resignatam
 & semiplenam, tandem nequaquam gratis accepisse: nam
 sex denariis eam vappam, carnificum reliquias, charo te
 emisse arbitror: novi præterea, quam ille calums consueve-
 rit calvere. Sed recte mones, non esse ab his monstris offi-
 cium aliquod hominis exigendum: verum si Socrates sum
 bellis istiusmodi fuisset aliquando confisctus, neque ani-
 mum, neque vultum semper eundem servare potuisset. Ce-
 terum non idcirco vinum remisi, quod tu id laudasses, sed
 quod negotiatio bene cesserat. Χέρεια enim acceperam
 χαλκία qui dederam: & ideo rursus tentabam, an alio
 versiculos haberes, quos eodem pacto velles permutare: non
 quod eorum mendaciis delector, sed elegantia, suavitate,

A tuoque illo amico errore, quo alium me putas quam ego sim. An.
 Ex Linacro audiui, tuum ἀεργία opem tibi argentariam 1511.
 destinasse: & certum solum ad te habendum querere: id si
 ita est, querimonias tibi minuet: si qua tamen supererunt,
 in amicum effundes sinum, & fœnus à me accipies, nam
 beatum te judico pra me. Tu enim quod sectatus es, sum-
 mam eruditionem, nomen, qua Romana patet eloquentia,
 clarissimum, denique immortalitatem es adeptus. Ego ad
 ultimos usque Britannos post Fortunam cucurri, nec un-
 quam assequi potui: nam subinde longius me fugit, imo vero
 & magis me terret. Duos homines, qui me unice amabant,
 sed qui omnium sententis & conjecturis pauperes abjectique
 semper fore existimabantur, miris quibusdam modis, quasi
 in invidiam solummodo meam, alterum Romanæ Ecclesiæ
 Vicecancellarium, alterum modo summum Penitentiarium
 fecit, gradumque ad amplissimum provexit: & nunc mi-
 hi uterque stultissimam, quod se, Fortunæ sedem urbem
 Romam Britannia postposuerim, exprobrat, meque vi-
 cissim contemnit, nec omnino immerito. Tu porro quocun-
 que te vertis, famam præmittis, nec potes non magnos pa-
 tronos ubique invenire. Ego nisi apud hos, quos multo la-
 bore, longo tempore, non parvis sumptibus demereri sum
 conatus, aliquod mala etati viaticum coegero, quo con-
 fugiam nescio, quum plane in his Κίμωδαις anolias con-
 senserim: ante annos enim cani (quos mortis aquiliferos
 dicunt) agminativa toto vertice mihi erumpunt: sed lon-
 ga est nenia, hoc fœnus tibi servo. Montjoium nondum
 salutavi, ita mihi accidit, dum officium de die in diem
 produco. Episcopus Dunelmensis operam & studium suum
 tibi pollicetur. Wintoniensis minus publica locutus est,
 sed magis amica: putabat sacerdotium te habere: respon-
 di, spem quidem sacerdotis tibi datam, sed sacerdotium
 nondum datum: ille subridens, interrogavit, num illa
 spes alere te posset? subrisi vicissim: atqui, inquam, auri
 & temporis dispendio hanc spem Erasmus emit: tunc ille
 iussit me hac de re secum alias commodius loqui, quod mi-
 hi hætenus non est visum: sed gavisus vehementer sum
 Wintoniensem tam de te amanter sermonem habere:
 quod reliquum est, operam dabo ne quod officium meum
 desideres. De alveario, quo te recipias, quid certi scri-
 bam, non habeo: apud Augustinenses nullus est, cui con-
 victor esse queas: nescio an velis cæcum Poetam à me ro-
 gari: sunt illic, ut audio, quedam inania cubicula, qua
 conducì possent, sed suppellectile opus esset. In hoc cenobio,
 in quo ipse sum, facta omnia esse ajunt: præterea
 mensa est infra mediocritatem. Circa adem Pauli colle-
 gium est, ut nosti, quorundam doctorum, quos ajunt lau-
 te vivere, ego puto in cloaca habitare. De Francisco pe-
 riculum facere, nil fortassis noceret, sed mihi videtur Iro-
 miserabilior. Denique quid in hac re pronunciem, non-
 dum habeo: si quid in mentem venerit, intelliges. Quid
 te Grippi benignitatem percuncter, nunc præsertim cum J.
 Baptista Boncantus abest? Rescribe quid velis, interim si
 redeas, cubiculum non deerit. Morum hætenus non vi-
 di, nec putavi dedita opera interrogandum esse, an literas
 illas reddiderit, quas non reddere vix potuit: quotidie e-
 nim Archiepiscopum aut videt, aut alloquitur. Ex Italia
 novi nihil, sed nec literarum quidem aliquid habemus. Bo-
 villum nostrum, postquam tanti salutationem meam facit,
 plurima rursus meo nomine impartias velim. Gratum in
 primis mihi feceris, si modis omnibus curaveris, ut pul-
 cherrime valeas. Londini 18. Novembr. Anno 1511.

EPISTOLA CXXIX.

Erasmus Andrea Ammonio S. D.

EXPECTO jam magnifica illa stratagemata, tum
 quantum in zonis sit allatum. Scripseram ad te in
 castris agentem, semel & iterum per Joannem Lother-
 ringum. Nobis interim non minus acre bellum fuit
 cum mendis Senecæ ac Hieronymi, quam tibi cum Gal-
 liis. Quanquam non fuimus in castris, tamen de Gal-
 licis manubis decem coronatos dedit Dunelmensis. Sed
 hæc quum te videro: interim literas tuas expecto mi-
 litares. Bene vale, amice singularis. Cantabrigia 26.
 Novembr. An. 1511.

An. 1511. **N**ON est necesse rogare te, quod semper tua sponte facis, tamen rogo, ut si quando inciderit oportunitas, commendatione vocis tuæ juves res nostras. Certum his mensibus paucis, sacram jacere ancoram: si succedet, imaginabor hanc esse mihi patriam, quam *Roma* prætulit, & in qua me senectus deprehendit: sin minus, abrumpam me; nec magni refert, quo: certe alibi moriturus. Superos omnes testes invocabo, fidei, qua me is, quem scis, perdidit. Quod si tribus verbis essem pollicitus, quod ille toties tam magnificis recepit, scio quid pollicear, summa præstabo fide: dispeream, ni mori malim, quam hominem ex me pendentem destituere. Tibi, mi *Ammoni*, gratulor, cui *Fortuna*, sicut audio, feliciter adspirat, non usquequaque iniqua qualis qualis in nos est. Rursum vale. Anno 1511.

EPISTOLA CXXX.

Erasmus Ammonio suo S. D.

TANDEM ad octavum Calendas Decembrias mihi redditæ sunt tuæ literæ: quas sexto Calendas Novembres scripseras, prorsus, mi *Andrea*, ut brevissime laudem, te dignas, hoc est, juxta candidas atque doctas: ad quas si brevius respondeo, divo *Hieronymo* debes imputare, quem interpretandum suscepi, Provinciam *τῆς Μείσεως* longe difficiliorem opinione. Tamen si me non tam cruciat labor quam sollicitudo. Quod versiculos illos meos tantopere laudas, video te plane *ῥητορίζειν*, & *πρὸς τὸ λόγον ἐπιδείξειν*, *ἐκ μύσεως ἐλέφαντα σκεδὴ ποιῶν*. Quos equidem ut inelegantissimos, ita minime mendaces existimo, hac fane in re *δὲ διὰ παλαιῶν* à te dissentiens. Nec carminis ejus argumentum aliunde, quam à teipso sum mutuatus. Itaque *Ammonium* depinxi, optimis quidem coloribus, quippe tuis, sed artifex non optimus, nec optimo penicillo. Sed quid istud est obsecro, quod scribis te ceu rem magnam perspicere, *Andream* amari ab *Erasmio*? Nam si istiusmodi hominem, & ita promerentem, non amare possem, tum profecto sim *Ερasmus ἐκ τοῦ ἔργου*, *ἀλλὰ πῶς τὸ ἔργον*, hoc est, *ἀντιπροσώπων*, & quem vel ipsi *Tamro-Scythæ* barbarum, ipsæ feræ ferum debent appellare. Quid ais, *ὁ ἀρχιερεὺς ἀδ' Λαυρετανῶν*? ὃ τὸ εὐσεβέστατον. De bello moveri cœpto, vide ne *Gracum* illud proverbium habeat aliquando locum, *πυρρὸς μὲν ἐστὶν*. Etenim si quid acciderit Ecclesiæ *Romanae*, cui quæso possis justius acceptum ferre, quam *τῷ Ἰσλῶ* nimium forti? Sed obsecro te, finge Gallos ab *Italia* depulso: jam mihi cogita, utrum *Hispanos* malis Dominos, an *Veneros*, nec suis tolerandos. Nam *τὲς ἱσπανοὶ* Principes nunquam ferent. Nec rursus inter ipsos convenire poterit, propter factionum diffidia, plusquam capitalia. Vereor ne *Italia* Dominum mutet, dumque Gallos ferre non potest, bis Gallos ferre cogatur. Sed hæc viderint *αἱ μοῖραι*, nos *ἐξω βελῶν ἑὸντα μαχόμεθα*. Migrationem non cessasse ex sententia doleo, sed tamen nonnihil gaudeo mihi *ὁμόφρονον* contigisse. Nam isti cum plane sint *κύπελοι βοῶν* & *σκαλὸφάγοι*, tamen solos sese *ἀμφοτέρωθεν* & *διὰ ἰσχυροῦς* σιταίνουσιν credunt. Perplacet, *ὅτι Λονδινίους* ubi *Londinium* rediero, id erit ante Idus Decembres, faventibus superis, *συνελευσίον*, interim expectabo literas tuas, quibus oro me certiore reddas, ecquid novi *Ammonius* meus. Nam bis jam ad illum scripsi, verum novi morem illius, respondet ille nunquam *ἐδὲ γὰρ* deinde quid spei tui *ἐπιπονοί*, tum jam ne pestis deferbuerit, & in quem ad idum mihi potissimum censes immigrandum. Jam ternas abs te literas accepi. Scripseram & *Coleto*, & *Petro* unoculo, sed suspicor eas suppressas. Mandaram *Moro* literas *Ruffensi* reddendas, an reddiderit nescio. Quo minus responderim carmini tuo languor in causa fuit, ubi redierit alacritas, tum non omnino silebimus. Bene vale, mi *Andrea*, amice plusquam *Pyladee*. *Cambridge* 26. Novembr. Anno 1511.

EPISTOLA CXXXI.

Erasmus Rot. Ammonio suo S. D.

GRATIAS, veneres, lepores, denique Musas, ac literas omnes tam mihi iratas imprecor, quam sunt *Carmeliano*, si quicquam accidit hoc anno tuis literis jucundius. Hoc jusjurandum sanctius esse puta, quam si tibi juret *Jupiter Stygii* per flumina fratris. Has unas accepi. Superiores mihi redditæ non sunt. Et te crebrioribus onerasssem literis, verum spes non erat posse perferri: eam simulatque fecisset *Joannes* tuus, nihil mihi jucundius fuit quam tecum qua licuit confabulari. Quod nec in tanto rerum tumultu tibi exciderit *Erasmus*, quodque frivola mea tam officiose curaris, tamen si tu quidem nihil facis novi: tamen ego quasi novum aliquid feceris, & admiror animi tui candorem, & exosculor tuum erga nos studium. Equidem perinde habeo gratiam, quasi vinum acceperim. Demiror tamen te nebulonibus his quicquam istiusmodi credere, perfidiam illorum non semel expertum. Auriga, qui reddidit literas, negat sibi finum fuisse traditum. Respondit *ὁ Διευλμαῖος*, sed *ἐδὲν πρὸς ἑπὶ*. Quum urgerem autem percunctando, eo vultu quasi libenter discederet ab eo sermone: Opinor, inquit, esse apud *Ὀύντινίον*, verum certum non scio: moxque redibat ad intermissas fabulas. Erga *τὸ Βασιλῆω* animum *δυσμῆ* palam præ se ferebat, quum à me nulla daretur ansa. Verum hæc *δοκίμη*. Quo minus ante natalem *Christi Londinum* me conferam, partim pestis est in causa, partim latrocinia, quorum nunc apud *Anglos* messis est. Pridie quam tuæ mihi redderentur, scripseram per *Brianum*. Is hanc *Gallorum* historiam volumine complexus est. *Carmiliani* Epitaphium vidi; quumque legerem *pullulare*, hic, inquam, scabies est: deinde cum sciscitanti respondissent esse *Carmiliani*, respondi, fane ipso dignum est. Id quidam sic acceperunt, quasi dixissem *Scosorum* Rege dignum: quibus plusculum erat nasi, subrisere. Sed næ tu hominum es candidus, qui belluæ istius famæ confulas. Ita me Deus amet, magno emerim, si siluisses. De *Baptista* miror tantum in literis tuis esse silentium. Nam *Bovillus* mox adfuturus nunciatur. Age, *sanctissimum* me vocas, at non sine summi Pontificis injuria. Quod autem epitheton rectius quadrabat in militem & victorem quam *fortissimi*? Etiam si nugarum *ἀμύσεως* habeas, non modo sacculos, nunquam tamen animum metum explebis, si contigerit tecum colloqui. Video *Joannem* tuum, imo nostrum, in curandis literis nostris diligentissimum fuisse. Itaque pluris hominem facio, quanquam & antea mihi charum. Is, uti narrat, non ambit mediocria, sed meras episcopas. Utinam succedat, videtur amici candidique animi. Nos, mi *Ammoni*, jam menses aliquot plane cochleæ vitam vivimus, domi contracti conditique mussamus in studiis. Magna hic solitudo: absunt pestilentia metu plerique, quanquam quum adiunt universi, tum quoque solitudo est. Sumptus intolerabiles, lucrum ne teruncii quidem. Puta me jam hoc tibi per omnia sacra dejerisse. Nondum quinque menses sunt, quod huc me contuli, interim ad sexaginta nobiles insumpsi. Unum duntaxat ab auditoribus quibusdam accepi, eumque mustum deprecans ac recusans. Certum est his hibernis mensibus *πάντοτε* *ἀπὸν* *πᾶν*, planeque sacram, quod ajunt, ancoram solvere. Si succedit, nidum aliquem mihi parabo; sin minus, certum est hinc avolare, incertum quo: si nihil aliud, certe alibi moriturus. Bene vale. *Cambridge* 28. Novembr. An. 1511.

EPISTOLA CXXXII.

Andreas Ammonius Erasmo Rot. S. D.

ITANE tandem, Erasine, tuum Ammonium ludos, & delictum facis? quæris quid sit, in quo non studiis multis *Erasmus præcurram*: *ἴσθι* *quæm* *vel* *centium* *paraſangis* *πο-*

An. positum me esse non ignorem. Sed si possent omnia permutari, faxo actutum quod modo ais, neges. Nam extemplo ad permutationem te provocarem. Jam Pontificio & quidem amplissimo dignum me arbitraris? aut tam tu me amas quam cupio, aut certe iocundus iocaris. Quod me, etsi nihil accesserit, fortunatissimum censes, fucum rhetoricum agnosco: quod vero bene ominaris, licet id potius à tua voluntate, quam à certa aliqua conjectura profisciscatur, pergratum tamen est. Sed heu vates divinaſti tandem cur *ἀδελφὸς τείχεος* deplorem, quasi ista puella capillos, & non oculos potius inspicere. Aureus hercle nummus, qui summis digitis refulserit, ipso me Nireo pulchriorem reddere potest: non ea de causa tristior, sed quod video me *ἀχρεῖον* consensuisse. Bene rursus mones, δαὶ τὸ παρὸν σὺ τίθεις. Sed iter mihi monstres velim, dum non plane philosopharis. Wintoniensem iterum de te admonui, ἀλλὰ ἀναισγως. Verum quum tu aderis, aliquam egregiam opportunitatem inveniemus. De cubiculo quid velis propemodum intelligo, sed non respondes an libeat apud Grippum diversari. Sixtinum conveniam, & de literis quod mandas renuntiabo, alloquar & Montjoium, ac quam potero apte, an illi aures fuerint persoluti odorabor. Ac nescio, an intellexeris Alanum ipsum hic esse, quod saepe tibi significare constitui, & semper tamen excidit: fuit sub specie quadam honoris revocatus, re autem vera, quoniam Archiepiscopi Cantuariensis negotium Romae parum, ut audio, prudenter agebat. Opto istos octo dies, quibus isthic te adhuc futurum scribis, plusquam brumales, noctesque pares diebus, ut una citius velinvisita Nortia nugemur, & ego Erasmi hilaritate perfruar. Accepi à bibliopola binas tuas cum Icaromenippo literas, ad quas etiam respondi. Bovilli Epistola, lagena, & illa tua breves litera mihi reddita nondum fuere; da operam ut valeas. Londini 5. Decembris, An. 1511.

EPISTOLA CXXXIII.

Erasmus Rot. Ammonio suo S. D.

PRECOR ut istae venationes tam sint faustae vobis, quam mihi fuerunt infaustae: jam primum enim Regem mihi adimunt: deinde profecto Cardinale dies aliquot me sunt remoratae. Ad haec *Ursevicum* missio Novo Testamento captaram: equum promissum literis petieram. Hunc cum die Lunae visurus peto, ille commodum se venatum proripuit, non rediturus ante septem dies. Ad hunc modum is *Thynnus* elapsus est. Demum nunc te mihi praeripuit venatio. Proinde quod coram volebam, literis ago. Epistolam à puero scriptam ad Pontificem, si voles, resigna: mihi videtur parum apte scripta. Si judicabis ad rem pertinere, cura denuo describendam accuratius, ut & hoc interim addas officii. Salutem meam tibi commendo. Nec rogo diligentius, cui toto pectore confido: nec polliceor magnifice, cui re, si queam, gratias referre malim quam agere. Et mihi certe spes est successurum quod agimus, non solum quod agitur per hominem mihi charissimum, verum etiam per *Ammonium Erasmo* felicissimum. Bene vale.

Poterant haec duae causae me dies aliquot in Anglia remorari, spes equi ab *Ursewico*, quem haud dubie daturus erat, & tuum colloquium, ni jam me taderet *Britannia*, & sentirem me vetulum jam hospitem uxori *Movica* supputere. Utinam mature felix oraculum per te redeat. Rursum vale. An. 1511.

EPISTOLA CXXXIV.

Gulielmus Archiepiscopus Cantuariensis Erasmo Rot. S. D.

An. 1512. **E**RASME, si valentibus dicimus salutem in capite literarum, multo magis convenit agrotanti tibi optare salutem. Tametsi fausto omine auguror, te jam pridem calculis purgatum, saltem posteaquam celebravimus memoriam purificationis Mariæ. Quid sibi volunt saxa in corpusculo tuo? aut quid super hanc petram inaedificandum est? non enim

A construyendo es magnificas domos, vel ejusmodi quippiam, ut opinor: quocirca quum non sint è re tua calculi, cures quamprimum te superfluo onere liberare, desque pecuniam ut auferantur ii lapides, secus quam ego quotidie do pecuniam, ut lapides afferantur ad mea aedificia. Id quod ut facilius facias, nec tibi desis, dedi filio cujusdam aurifabri Londinensis triginta angelatos, quos in decem legiones mutatos velim: id auri pharmacum nonnihil energia in se continet, eo utere ad salutem, quam tibi emere multo pluris cupiam. Restant enim multa egregia opera per te edenda, quae, nisi valeas, obire non queas. Cura ut valeas, nec nos defraudes per aegritudinem tuam, pulcherrima spe & dulcissimo fructu doctrinae tuae. Ex Londino 5. Feb. An. 1512.

EPISTOLA CXXXV.

Antonio à Bergis, Abbati divi Bertini, Erasmo Rot.

SALUTEM plurimam, pater reverende. Parum absuit, quin ipse vos reviserim, hujus *Britannica* legationis comes. Nam reverendus Episcopus *Roffensis*, vir non solum admirabili integritate vitae, verum etiam alta reconditaque doctrina, tum morum quoque incredibili comitate commendatus, maximis pariter ac minimis, me, tametsi nihil omnino sum, pro sua humanitate, singulari favore semper est prosequutus, & hujus itineris comitem volebat: sed serius mihi fuit indicatum, quam ut vacaverit res meas componere. Quare putavi officii mei esse, ut tam singularem patronum, saltem per literas salutarem, praeterim quum proxime reversus è *Lutetia*, in salutato te discessem. Quod ipsum tamen casu sic evenit. Nam arbitrabar me menses aliquot in arce *Hammenſi* commoraturum; quae me res plane fefellit: quemadmodum optime novit *Ghisbertus* medicus tuus. De nostro statu, si quid cupis cognoscere: Jam *Erasmus* prope totus est in *Anglum* transformatus, tam insigni benignitate me prosequuntur cum alii permulti, tum praecipue *Mecenas* ille meus unicus Archiepiscopus *Cantuariensis*, imo non meus, sed omnium eruditorum, inter quos ego postremas teneo, si modo ullas teneo: Deum immortalem quam felix, quam fecundum, quam promptum hominis ingenium? Quanta in maximis explicandis negotiis dexteritas? quam non vulgaris eruditio? Tum autem quam inaudita in omnes comitas? quanta in congressu jucunditas? ut, quod vere regium est, neminem à se tristem dimittat. Ad haec quanta, quamque alacris liberalitas? Postremo, in tanta fortunae dignitatisque praecellentia, quam nullum supercilium? ut solus ipse magnitudinem suam ignorare videatur. In amicis tuendis nemo neque fidelior, neque constantior. In summa, vere Primas est, non solum dignitate, verum & in omni genere laudis. Hunc quum habeam propitium, quid est quo minus mihi videar egregie fortunatus, etiam si nihil accedat? Sed o terque quaterque felicem *Carolus* illustrissimum Principem nostrum, qui talem sit sponſam habiturus. Nihil à natura fingi possit venustius, nihil absolutius. Nec minus superat omnes bonitate prudentiaque quam forma. Bene valeat *R. T.* Londini 6. Februarii, An. 1512.

EPISTOLA CXXXVI.

Cardinali Nanetensi Erasmo S.

REVERENDISSIME pater, hisce literis tantum illud testari volui, me nec esse adhuc, nec futurum unquam immemorem humanitatis, qua me nihil promeritum tua sublimitas, tum in itinere, tum *Roma* commorantem est prosequuta. Ut urbis liceat oblivisci, quaerendus est mihi fluvius aliquis *Letheus*, ne me diutius cruciet ejus desiderium: nam non possum non dolere, quoties in mentem venit, quod coelum, quos agros, quas bibliothecas, quas ambulationes, quam mellitas eruditorum hominum confabulationes, quot mundi lumina, quam fortunam, quas spes tam facile

An. reliquerim. Lenit tamen hoc desiderium *Gualtheri* *W-*
1512. *rani* Archiepiscopi *Cantuariensis* inaudita quædam in
nos non humanitas modo, verum etiam benignitas, ut
si pater esset aut frater, nihil possit amantius. Com-
plectuntur & cæteri complures hujus regni Præfules,
inter quos præcipuus iste Episcopus *Roffensis*, vir præ-
ter summam vitæ integritatem, doctrina quoque varia
reconditaque, tum animo minime fordido, & ob has
dotes hic summo in precio habitus. Hujus comes *Ro-*
mani adissem, si paulo tempestivius factus fuisset cer-
tior. Si quid erit negotii, in quo servuli infirmi opera
non gravetur uti, mandet ac præcipiat amplitudo tua.
Modo dictus Archiepiscopus *Cantuariensis* non titulo
tantum ac dignitate Primas *Anglia*, sed eruditione, in-
tegritate, fide, humanitate, modestia, modis omni-
bus primas tenens, me licet immerentem, singulari fa-
vore complectitur. Is *Romane* Sedis ornamentis ita fa-
vet, ut nemo omnium magis: quanquam totum hoc re-
gnum propensissimo in eam est animo. Precor Deum,
ut sua sancta pace omnia conciliet, congrutinetque.
Bene vale. *Londini* 8. Februarii, Anno 1512.

EPISTOLA CXXXVII.

Erasmus Rot. Joanni Baptista S. D.

Cum superioribus diebus, tanto amico xeniolum
caucupanti, forte incurrisset in manus *Luciani de*
astrologia commentarium, ipso statim titulo delecta-
tus, majorem in modum optare coepi, esset ejusmodi
quod dignum videri possit, primum & tuis in me me-
ritis, & meo in te animo: deinde dignum eo viro, qui
singulari doctrina sua, fide, prudentia, primi medici
locum tot jam annos meruerit, idque apud duos secu-
lorum omnium primos *Anglia* Reges, *Henricum* septi-
mum, inaudita sapientia Principem, & hujus filium,
non nomine tantum & specie, sed omnibus regiis do-
tibus ita patrem nobis referentem, ut ille non decef-
sisset, sed in hoc repubuisse videatur. Postremo dignum
eo, qui in hac excellentissima astrologiæ disciplina sic
excellat, ut reliqui tecum collati, umbræ volitare vi-
deantur, quemadmodum inquit *Homerus*. Sed munu-
sculum hoc qualecunque, primum offerentis animus ap-
ud te commendabit; deinde tui candoris erit, atque
adeo moris, è pusillo amplum, è mediocri præclarum
atque eximium reddere: id ita fiet, siquidem exhibit li-
bellus in lucem, non modo *Baptista* calculo commen-
dator, verum etiam lima tersior. Nobis quidem in eo
potissimum arrisit antiquitas, cæterum tu quo es ocu-
lator, hoc plura perspecturus es, quæ probari merean-
tur. Nam à *Luciano* nihil fere triviale solet proficisci.
Nos interpretis haud infidelis officio functi sumus: tu
pariter de Auctore, & de interprete sententiam feres.
Bene vale. *Londini* 11. Novembr. Anno 1512.

EPISTOLA CXXXVIII.

Erasmus Ammonio suo S. D.

PRIDIE *Martini* redditæ sunt mihi tuæ literæ, si
notam quæris, stomachantes, una cum lagenam vi-
ni *Græcanici* semiplena. Qui attulit, poposcit duas
drachmas, dedi denarios sex: deinde literis tuis dili-
gentius inspectis, animadverti lagenam non cum pro-
ximis literis, quas ad vi. Idus Novembres scripseras,
sed cum superioribus fuisse missam, nam id etiam vini
color indicabat. Quin cum primum mitteres, admi-
rabar te non obsignatum misisse per eos, quibus nihil
est obsignatum. Plane cum hoc hominum genere no-
bis hic res est, mi *Andrea*, qui cum summa rusticitate
summam malitiam conjungere: nec est omnino quic-
quam, quod mihi hujus secessus nomine gratuleris, ve-
rum solus pudor querimoniis finem imponit: sed hæc
coram in sinum. Non expectabam alteram lagenam,
nisi quod tu, ut es mire civilis, cum laudarem vinum,
quasi denuo rogarem, interpretaberis. De recuperan-
dis literis tuis magis laboro, quam de vino aut lagena,

A quod quidem ad me pertinet. Nam si nonnisi unam
& alteram lagenam misisti, neutra perit. Remisi prio-
rem, & eandem, ni fallor, cum proximis tuis literis
accepi. De meo autiga mihi narras? quid si vidisses
mea scrinia undique lacera? quid si audires fucum de
equo, tum diceres, & calvus ille nebuto nunquam hic
in conspectum prodit: proinde vide ne sit ineptum,
ab his monstris ullum hominis officium requirere. Sed
non potui temperare à risu, cum video *Andream* quo-
que, Charitibus, & amicitia, lenitæque natum, di-
potuisse efferverescere, cum ipse jam *Missionem* mediator,
postquam jam propemodum mea me victum docuit
fortuna dolere, coepitque placere *Virgilianum* illud,

B *Una salus vultis nullum sperare salutem.*

Denique nullo infortunio non dignus mihi videor,
quoties succurrit, qualem *Italiam*, & quam mihi ar-
ridentem *Romam* reliquerim: *οἱ μοι τὸ ἀποικίον, ὡς ἀδελφὸν*
τὸ παρὸν τὸ τῆδε. De rebus *Italicis* mihi parum læta
nuncias, non studio *Galli*, sed odio belli. Etenim
cum quotidie videamus, vel levissimum latrocinium
vix multis annis confici, quid expectandum erit, si
bellum tam grave semel motum fuerit? neque tamen
habeo cui succenseam, nisi verpo illi *τὸ ἀπὸ τῆς ἡγε-
ρῆς*, qui quidem aut parum est artifex, aut profusus of-
fensæ sunt *Amicyra*. Sed ipsa fata viam inveniunt, is-
tis hæreticis, vel hoc nomine sum iniquior, quod in-
stante bruma nobis auxerint lignorum precium. De
fame non perinde laboro, liceat modo vivere. Habeo
gratiam & pro redditis *Wintoniensi* ac *Danelmensi* liti-
ris, & pro tuo tam amico patrocínio, & pro vino,
etiam non expectanti, misso, & pro literis tam dili-
genter in *Italiam* transmissis. Sed quid ego paucos
recenseo titulos, cum tu nulla in re non agas *Ammon-*
nium, hoc est, candidissimum amicum? Priusquam
istuc me recipiam, parandum est alvearium aliquod
tepidum, in quod me condam hac bruma. Mallem
non abesse longius à *Paulo*: nam ædes *Montjoicas*, do-
nec obsidebit *Cerberus* ille, certum est vitare: quan-
quam nec illic locum video satis idoneum brumæ, ni
velim ipsum herum depellere. Fortassis apud *Augusti-*
nenfes aliquod est. *Franciscus Putavinus* me ad suas æ-
des invitat literis suis, ac vitam *Italicam* pollicetur:
super hac re si quid habes quod consulas, impartiri.
Gratulor Domino *Montjoio* felicem reditum: rogo tu-
res ut accipiat literas meas. Scripseram per eundem, qui
proximas attulit & Episcopo *Roffensi*: si dabitur occa-
sio, cognosce, num sint redditæ. Apud reliquos duos
agas, obsecro, quod coepisti: expectabo literas tuas
prius quam hinc me moveam. Refalutat te *Bovillus*,
mirum in modum lætus tua salutatione. Si quando
fuerit obvius *Morus*, percunctare, num meas literas Ar-
chiepiscopo reddiderit, & num quas ipse ad me dode-
rit suas, vel alienas. Bene vale, amice singularis. *Cant-*
abrigia 11. Novembr. Anno 1512.

EPISTOLA CXXXIX.

Erasmus Roter. Andrea Ammonio suo S. D.

VIDE, quæso, insignem impudentiam meam. Mit-
to ad te *Icaromenippum*, ut aut ipse describas, si
citra tædium aut incommodum queas, aut agas cum
Moro, ut fratri transcribendum committat. Nam escas
aliquot paro in Calendas Januarias, etiam si frustra, ni
fallor. Et hic (ô Academiam!) nullus inveniri potest,
qui ullo precio vel mediocriter scribat. Sed omnia po-
tius, mi *Andrea*, quam ut mea gratia tædium ullum
capias. Literas oro reddendas curis iis, ad quos desti-
natæ sunt. Cura ut te quam optime valentem offen-
dam. *Cantabrigia* 27. Novembr. An. 1512.

EPISTOLA CXL.

Andreas Ammonius Erasmo S. D.

NUNC una, nunc alia causa factam est, ut per istos
nebulones vestros ad te bis jam non scripserim, dedi
ta.

At. *tamen nudius tertius, aut quintus, eisdem sacerdoti ad te Epistolam, quam prope absolvi, quod ille isthuc se properare habebat. Significavi Wintoniensem amicitissimum in te animum praese ferre. Sed idem est ita his rebus turbidibus occupatus, ut egre rebus aliis vacare queat. Verumtamen si iugere me velis, non cessabo, sed cogitarem expediat te adesse: meo iudicio multum moveres. Nihil est si huc veneris quod valetudini timeas, omnia sunt hic saluberrima, ne nomen quidem pestis auditur. Praeterea si Cerberum illum Montjoicum omnino reformidus, aliquot alibi, quod tibi non penitus displiceat, brevi una cubiculum inveniemus. Nam mihi pro Erasmo non facile aliquid placeret, si solus perquirerem. Accepimus literas ex Italia, quibus intelligimus Gallorum partes adhuc prevallere. Hispanos vero raros, eosdemque macros, & excalceatos comparere, convenit Pisatum procedere, Cardinalem sanctae crucis, Consentinum, Bajocensem & Narbonensem ordine in publico senatu motos, ac sacerdotibus omnibus privatos: postremo famem, pestem, eadem, rapinam à Bononiensibus meritis perfidia penas exigere. Haec tantum ex Italia. Cura, mi Erasme, ut valeas, & Bovillum nostrum meis verbis saluta. Londini 28. Novembr. An. 1512.*

EPISTOLA CXLI.

Erasmus Rot. Ammonio suo S. D.

TVAE literae faciunt, mi Andrea, ut isthuc advolare gestiam, quo tam dulci amico propius frui liceat: ac rursus eadem faciunt, ut hic durare possim, propterea quod tam crebro me mellitissimis confabulationibus reficiunt, ut mihi non videar abesse Londino. Sed quid isthuc obsecro? Itane meam Fortunam cum tua, hoc est, rosae comparas anemonam? Quæso te quam in re tu non multis stadiis Erasmus præcurris? nam famæ, si qua est, nihil aliud acceptum ferre possum, nisi quod, ceu face prælata, non sinat me clam esse miserum, ut jam gravius sit pudere, quam pigere Fortunæ. Sed hanc cicatricem nolo refricare. Sit mea fortuna me digna: sic enim libet interpretari. De tua iure optimo quereris, si quis dotes tuas expendat: has si quis metiatur, quis tibi non vel summum Pontificium tribuat? Sed nosti, mi Andrea, Fortunæ cæcum illum ludum, quo minus te debent excruciare, quos illius temeritas in fastigium evexit. Quod si omnino voles emergere, nonnihil abjiciendum est ejus, quod te vel maxime bonis omnibus commendat, puta modestiæ. Ego te jam nunc, etiam si nihil accesserit, tali patria, forma, ætate, ingenio, moribus, optimi cujusque favore, fortunatissimum existimo. Et ni prorsus fallor augurio, non procul abest dies ille, qui pulcherrimas dotes tuas sit pulcherrimis Fortunæ ornamentis æquaturus. Quod Romam relictam deploras, quid attinet undas præteritas numerare? δὲ τὸ παρὸν εὖ λέει. Porro cur pili λυνοῖ te tantopere crucient, videor mihi propemodum ariolari. Metuis puellarum convicium, o quam acerbum, & plane τὸ κενὸν δεινότερον. Et te & Wintoniensem amo meritissimo, te qui tam amicè rem meam egeris, illum qui tam impensè faveat. Sed cave urgeas ullo modo. De cubiculo tantum optem nidum aliquem probe defensum à ventis, & foco luculento, victum more solito adornabimus. Ad tempus nolim te loqui quicquam hæc de re, tamen si quid olfeceris, velim cognoscere, num meus Mecenas resolverit viginti nobiles illos Bernardo: quæ res facit, ut nonnihil abhorream à Londino, quippe qui nihil oderim æque, atque appellari. Tamen de domo licebit cum eo agere, si forte inciderit. Misi nudius tertius lagenam una cum literis brevissimis. Accepi literas tuas binas, ad quas his unis respondeo. Quod nunc me sic torqueret Hieronymus, non solum verficulis, sed iustis voluminibus tecum agerem. Verum intra decem dies absolvero mensem. Bovillus ad te scripsit. Si forte videris Colerium, & orta fuerit mentio mei, offer operam tuam,

A si quid velit ad me scribere. Sixtino, si fuerit obvius, An. dices illius literas mihi longe gratissimas fuisse. Mihi 1512. adhuc septem aut octo dies in hoc pistrino sudandum, tum ociosi jucundissime congerrabimur. Vale, amice unice. Cantabrigia 2. Decembris. Scripsi & alteras ad te literas, quas, opinor, Gerardus quispiam bibliopola tibi reddidit. Anno 1512.

EPISTOLA CXLII.

Erasmus Rot. Ammonio suo S. D.

ITA me omnes oderint Musæ, mi Andrea, si quid de tua fortuna φουίω ἐν θυμῷ ἀπαντῶ. Nos die conceptæ Virginis Mariae graviter parturivimus, ac scopulos aliquot peperimus. Quin tu igitur inter felicitatis nostræ calculos, hunc quoque calculum ponis? Cum Wintoniensi vide ne quid ἀκαιοτέρων ὡς τὸ τὸ παρὸν εὖ λέει consilium à me petis. Age, docebo sus Minervam, nec admodum, quod tu vetas, philosophabor. Principio perfrica frontem, ne quid usquam pudeat. Deinde omnibus omnium negotiis te misce. Protrude quemcunque potes cubito. Neminem nec ames, nec oderis ex animo, sed omnia tuo compendio metiare. Ad hunc scopum omnis vitæ ratio spectet. Ne quid des, nisi unde speres scænus: assentare omnibus omnia. At ista vulgaria sunt, inquis. Age, quando ita vis, accipe peculiare consilium, sed heus in aurem. Nosti τὴν δεξιαντινὴν ἡλοτύριον: hæc in tuum bonum abutere. Duabus sedetis sellis. Suborna diversos procos, qui te ambiant. Minare & appara discessum. Ostende literas, quibus magnis pollicitis avocarīs, subducito te nonnunquam, ut subtracta copia desiderium acuat. Cum N. mihi nihil est negotii. Qui si quid prudenter egisset, homo μωρίας αὐτῆς μωρότερος, mihi ostenti loco fuisset: at successit non multo sapientior. Griphus mihi mire placet per omnia, sed magis placet libertas. Auriga affirmat sese literas & lagenam reddidisse. Bene vale, optime Ammonio. Cantabrig. 9. Decembr. An. 1512.

EPISTOLA CXLIII.

Erasmus Rot. Adolpho Principi Veriano.

SALVE multum, ornatissime Princeps. Jampridem Smolior hinc ad vos evolare, retinet adhuc quorundam singularis quædam in me benignitas, præcipue Cahuariensis Episcopi. Guilelmus Montjoium, Præfectus Hammensis, amantissimus tui, in his belli tumultibus semper favet tuis, eisque pro virili subvenit. Verbis consequi nequeam, quam ex animo doleam, tantos rerum humanarum motus exoriri, idque nemine obfistente. Magis autem doleo, nostram patriam paulatim his implicari malis, præsertim tam diutinis bellis non vexatam modo, sed propemodum extinctam. Utinam hisce de rebus, quæ sentio, liceat tuto literis committere. Quoties pœnituit me, fortunam, quam ante triennium mihi Lovanii offerebas, non amplexum fuisse? Sed tum quidem amplæ spes me ferocem reddiderant, & aurei Britannia montes animo concepti: sed eam cristam mihi depreffit Fortuna; nunc si vel mediocris istic detur, cupio cum Ulyssæ patriæ fumum subsilientem conspicerem. Te rogo, ut me jam olim tuum Erasmus adjuves; potes enim, nec minus vis: tantum ut memineris. Bene vale. Londini Anno 1512.

EPISTOLA CXLIV.

Erasmus Rot. Antonio à Bergis, Abbati Bertini, S. D.

ORNATISSIME pater, ex oratione Episcopi D. uelmenfis, & Andreae Ammonii Secretarii Regii, An. cognovi studium in me tuum, planeque paternum quandam amorem: quo magis gestio me patriæ restituere, si modo detur à Principe fortuna, quæ possit ocium nostrum alere. Non quod mihi displiceat Britannia, aut Mecanatum pœniteat. Sunt & hic amici

An. amici complures, multorum Episcoporum non vulga-
 1513. ris in me benignitas: tum vero *Cantuariensis* Archie-
 piscopus sic me fovet, sic complectitur, ut si frater
 esset, aut si pater esset, non possit amantius: ex hu-
 jus dono pensionem habeo, sacerdotio resignato, sa-
 tis amplam. Tantundem addit alter ille *Mecenas* de
 suo: accedit non parum ex procerum benignitate, mul-
 toque plus accederet, si vel paululum ambire velim,
 sed bellum, quod adornatur, genium hujus insulæ sub-
 ito vertit. Rerum omnium caritas hic in dies crescit,
 decrescit liberalitas. Quidni parcius dent homines
 toties decimati? Et nuper ob inopiam vini, ex malis
 vappis collecto calculo propemodum extinctus fui. Ad
 hæc cum omnis insula per se relegatio quædam est,
 tum nunc bellis etiam arctius includimur, adeo ut nec
 Epistolis sit exitus. Et video magnos rerum motus
 oriri, qui quorsum evasuri sint, incertum: utinam Deus
 propitius hanc orbis Christiani tempestatem dignetur
 componere. Sæpe demirari soleo, quæ res, non di-
 co Christianos, sed homines, huc adigat vesaniæ, ut
 tantis studiis, tantis sumptibus, tantis periculis in mu-
 tuam perniciem ruant. Quid enim aliud in omni vi-
 ta quam belligeramus? Non belligerantur quælibet
 bruta, sed feræ duntaxat: ne hæc quidem inter se di-
 micant, sed cum diversi generis belluis, & suis armis
 pugnant: non uti nos, arte diabolica excogitatis ma-
 chinis, nec rursus quibuslibet de causis, sed aut pro
 foetu, aut pro cibo. Nostra bella pleraque vel ab am-
 bitione, vel ab iracundia, vel à libidine, similive a-
 nimi morbo proficiscuntur: denique non tot millibus
 conglobatis, sicuti nos, in mutuum instruuntur exi-
 tium. Nobis qui *Christi* gloriamur cognomine, qui
 nihil nisi mansuetudinem & docuit, & exhibuit: qui
 unius corporis membra sumus, una caro, eodem ve-
 getamur spiritu, iisdem sacramentis alimur, eidem ad-
 hæremus capiti, ad eandem immortalitatem vocati su-
 mus, summam illam speramus communionem, ut si-
 cut *Christus* & Pater unum sunt, ita & nos unum cum
 illo simus: potest ne ulla hujus mundi res esse tanti,
 ut ad bellum provocet? rem adeo perniciosam, adeo
 tetram, ut etiam cum justissimum est, tamen nulli ve-
 re bono placeat. Quæso te, cogita per quos geritur,
 per homicidas, per incestos, per aleatores, per stu-
 pratores, per sordidissimos conductitios milites, qui-
 bus lucellum charius est vita: hi in bello sunt optimi,
 cum quod ante suo faciebant periculo, hic mercede
 faciant, & cum laude. Hæc hominum colluvies, in
 agros, in urbes recipienda, ut bellum geras. Denique
 his serviendum, dum alium ulcisci volumus. Adde
 nunc quot facinora belli prætextu committantur, dum
 inter arma silent leges bonæ: quot rapinæ, quot sa-
 crilegia, quot raptus, quot alia dedecora, quæ pudet
 etiam nominare. Hæc pestis morum in multos annos
 duret necesse est, etiam extincto bello. Expende mi-
 hi nunc sumptus, ut etiam si vincas, multo tamen plus
 sit damni quam lucri. Quanquam quo tandem regno
 possis tot millium vitam ac sanguinem æstimare? At-
 qui maxima malorum pars ad eos redit, ad quos nihil
 pertinet bellum, pacis commoda ad omnes perveniunt:
 in bello plerumque flet etiam qui vicit, tantum malo-
 rum agmen secum trahit, ut non sine causa Poetæ fin-
 xerint bellum ab inferis per Furias immittere. Ne jam
 commemorem expilationem populi, ducum collusio-
 nem, rerum commutationes, quæ nunquam sine sum-
 mo incommodo novari solent. Quod si gloriæ cupi-
 ditas nos trahit ad bellum, non est gloria quæ affecta-
 tur, præsertim ex malefactis. Et multo gloriosius est,
 civitates condere, quam evertere, si quid libet glorio-
 sum designare. Nunc plebs exstruit & excolit urbes,
 stultitia Principum evertit. Sin lucro ducimur, nul-
 lum bellum tam feliciter cessit, quin plus attulerit ma-
 li quam boni. Et nemo bello nocet hosti, quin prius
 multis malis afficiat suos. Postremo, cum videamus
 res humanas in morem *Euripi* sursum ac deorsum mu-
 tari misericordie, quorsum attinet tanto rerum molimi-

A ne parare imperium, mox qualibet occasione ad alios An.
 devolvendum? Quanto sanguine paratum est *Roma-* 1512.
num Imperium, & quam mox coepit concidere? Sed
 dices, jus Principum vindicandum est. Non est meum
 de Principum factis temere loqui. Hoc unum scio,
 sæpe summum jus summam esse injuriam, & nonnul-
 los esse Principes, qui primum, quod velint, statuunt:
 deinde titulum aliquem quærant, quo factum præte-
 xant suum. Et in tantis rerum humanarum commuta-
 tionibus, in tam multis pactis & solutis foederibus, cui,
 quæso, titulus deesse possit? Quod si maxima sit alter-
 catio, cujus sit ditio, quid opus tanto sanguine? Non
 enim agitur de salute populi, sed hunc an illum de-
 beat appellare Principem. Sunt Pontifices, sunt Epi-
 scopi, sunt prudentes & integri viri, per quos istius-
 modi negotiola transigi possint, ut non bellum ex bel-
 lo feras, & divina pariter atque humana commisceas.
 Hoc est proprium *Romani* Pontificis, hoc Cardina-
 lium, hoc Episcoporum, hoc Abbatum munus, Chri-
 stianorum Principum dissidia componere: hic auctori-
 tatem suam proferre, & quantum pro sua reverentia
 valeant, ostendere. *Julius*, certe non ab omnibus lau-
 datus Pontifex, potuit hanc bellorum tempestatem ex-
 citare; *Leo*, vir doctus, integer ac pius, sedare non po-
 terit? Suscipiendi belli prætextus erat *Julius* pericli-
 tans: sublati est causa belli, nec tamen cessat bellum.
 C Ad hæc meminisse debemus, homines esse liberos,
 præsertim Christianos: qui posteaquam diu floruerunt
 sub aliquo Principe, eumque jam agnoscunt, quid o-
 pus est novandis rebus orbem commovere? Principem
 diuturnus consensus facit etiam apud Ethnicos, multo
 magis apud Christianos, apud quos Principatus admi-
 nistratio est, non dominium; ut cui pars aliqua ditio-
 nis sit adempta, is oneris parte levatus, non læsus es-
 se videatur. At non concedit, inquis, bonorum viro-
 rum arbitrio pars altera: quid hic me vis facere? Pri-
 mum, si vere Christianus es, ferre te velim & quie-
 scere, & tuum illud quaecunque jus negligere. De-
 inde, si tantum vir prudens es, expende quanti con-
 statura sit tibi tui juris vindictio: Si nimio, (& omni-
 no nimio, si vindicas armis) noli tanto generis huma-
 ni malo, tuum titulum, fortasse falsum, asserere, tot
 cædibus, tot orbitatibus, tot tuorum suspiriis. Quid
 credis sentire *Turcas*, cum audiunt Christianos Princi-
 pes tantis furiis inter sese debacchari? idque tantum
 ob imperii titulum. Jam vindicata est à *Gallis Italia*.
 Quid actum est tanto sanguine, nisi ut ubi ante *Gallus*
 administrabat, nunc alius quispiam administret? Et
 prius magis florebat, quam nunc floret. Sed nolim
 altius in hæc descendere. Quod si qua jura bellum ad-
 mittunt, ea crassa sunt, & *Christum* jam degeneran-
 tem sapiunt, ac mundanis opibus oneratum. Et haud
 scio an omnino hæc bella probent, sed quoties studio
 tuendæ fidei pax Christiana adversus Barbarorum in-
 cursus defenditur, ibi video nonnunquam à piis viris
 non improbatum bellum. Sed cur illa pauca nobis in
 mentem veniunt ab hominibus tradita, potius quam
 tam multa à *Christo*, ab Apostolis, ab orthodoxis ac
 probatissimis Patribus, de pace, deque malorum tole-
 rantia dicta? Quid est quod non aliquo modo defendi
 possit? Præsertim ubi qui gerunt rem, sunt ii, quorum
 etiam facinora per adulationem laudantur à multis, er-
 rata nemo ausit reprehendere. Sed interim obscurum
 non est, quid precentur, quid optent, quid suspirent
 bonæ mentes. Quod si propius inspicias, pleraque pri-
 vata sunt Principum, ob quæ bellum suscipitur. Quæ-
 so te, an hoc humanum censes, mox orbem ad arma
 commoveri, quoties hic aut ille Princeps ob quidvis
 stomachatur in Principem, aut fortasse stomachum si-
 mulat? Nos optare possumus optima, sed optare tan-
 tum. Ego certe quicquid habeo fortunæ, id habeo a-
 pud *Britannos*: verum id totum libenter resignem, hac
 lege, ut inter Christianos Principes Christiana pax
 coiret. Ad eam rem non mediocre momentum tua
 adferet auctoritas, quæ multum apud Principem *Ca-*
rolum,

An. *rolum*, plurimum apud *Maximilianum* valet, *Britan-*
 1513. *nis* etiam proceribus gratiosa. Neque dubito quin ipse
 jam expertus sis, quid dispendiorum in bellis adferant
 etiam amici. Proinde tuum quoque negotium ages, si
 adniteris quo bellum hoc finem accipiat, ne tibi vi-
 deare gratis hoc operæ suscepturus. In tuos comple-
 xus accurram, simul atque licebit hinc evolare. In-
 terea bene vale, pater amplissime. *Ghisberto* medico,
Antonio Luiszenburgo, omnia fausta lætaque precor.
Londini 14. Martii Anno. 1513.

EPISTOLA CXLV.

Andreas Ammonius Erasmo Rot. S. D.

ITA visus mihi fuisti irans aquor properare, ut ne bi-
ldui quidem moram abs te petere fuerim ausus. Sed
 audendum esse video, tametsi scio non omnes esse *Roffen-*
ses, imo vero perpaucos aque dignos, qui Erasmo firmen-
 tur, istam sponsonem *aveu* & *ut* futuram nihil ambigo.
Venationem tibi male cecidisse quis miratur? homini non
 ejusmodi saltibus venari assueso. Cateram id tibi feno-
 ratum dices. Nova certe μεταμώρφωσις, libros in equos
 vertere, sed quando video te equo egere, albo equo (scis
 quanti hoc olim fuerit) à me donaberis ex *Juvena* ulti-
 ma advelto. Accipe qualemcunque tibi nunquam impu-
 tandum. Litera, quas *Moro* reliquisti, reddita mihi fue-
 re, sat fore arbitror, prioribus ad *Leonem* literis. De
 tuo negotio nihil aliud, quam quod inter nos convenit,
 occurrit. Commentum illud constanter probo, de ejus an-
 tem cura, sane quam velim in autem te, ut dicitur, u-
 trumque: hercle non minore studio à me curabitur, quam
 si de meo ipsius capite ageretur. Veruntamen celeritatem
 non est quod eximiam expectes, nam itinera sunt tabel-
 laris impedita, & si *seculū* multos deterrent, persua-
 sum utcumque habe nullum me studiosissimi tui officium
 prætermisurum. Vale, & *Roffensi* me reverenter com-
 menda. *Lond. ex Westmon.* 26. Julii, Anno 1513.

EPISTOLA CXLVI.

Erasmus Rot. Andrea Ammonio suo S. D.

PRECIBVS extudit *Roffensis*, ut decem dies secum
 commorarer, at me sponsonis plus decies pœni-
 tuit, ut hic quoque ἀληθείαν senerim proverbium,
 ἔγγυς, παράδ' αὐτῆς interim è *Latino* *Græcum* reddam.
 Hanc μεταμώρφωσιν in me recepi. Captaram *Ursenicum*
 misso *Novo Testamento*, hac spe, ut ille mihi vicif-
 sim novum mitteret equum, quod vetus ille bibendo
 perisset, *Flandrica* nimirum peste. At dum ille abest
 in venatu, mea frustra fuit venatio. Hac gratia pue-
 rum meum isthuc remisi, simulque ut te conveniat;
 quo si quid aliud fors in mentem venit, significes: nam
 hinc non discedimus ante hujus finem hebdomadis. Scri-
 psi ad te per *Morum* discedens, relicto exemplo episto-
 læ ad *Leonem*, sed parum apte descripto, πρὸς τὸν *Μα-
 γνῶν*, mi *Ammoni*: tu, quod soles, amicum præsta; e-
 go memorem & gratum præstabo animum. Bene va-
 le. *Roffa* 17. Augusti, Anno 1513.

PLURIMUM, mihi crede, gratiæ accedet, mi *Am-*
moni, isti beneficio ex celeritate conficiendi: nam
 & citius hanc sollicitudinis nubem ex animo discutie-
 mus: & si quid forte exstiterit *Tragoediæ*, tutiores e-
 rimus. Rursum vale.

EPISTOLA CXLVII.

Erasmus Ammonio suo S. D.

PLANE vapelaturus erat *Joannes* meus, si *Morum*
 illi in tempore commodus patronus adfuisset. Nam
 is simulatque rescivit nos hæsisse *Roffa*, accurrit, ite-
 rum visurus *Erasmum*, quem vereri videtur, ne brevi
 non sit visurus posthac. Is igitur famulo in consilio
 fuit abducendi equi, posteaquam tua sponte offerres.
 Video circumspectius tecum agendum: adeo captas o-

Amnem donandi ansam. Remissurus eram munus tuum, An.
 etiam *Moro* dissuadente, si veritus fuisset, ne suspi- 1513.
 careris aut parum mihi placere, aut me *Ammonio* pa-
 rum libenter debere, cum nulli debeam libentius, ut
 nec amo quenquam effusus. Dispercam, *Ammoni*, si
 istum tuum animum tam excelsum, tamque amice a-
 micum, pluris facio, magisque amo, quam universum
 itrepitum Pontificiæ fortunæ: nec mihi possum un-
 quam parum videri fortunatus, quoad istiusmodi ami-
 ci erunt incolumes. Perplacet equus candore insignis,
 at magis animi tui candore commendatus. Malueram
 in alios quosdam prædonem agere, in *Eboracensem*, *Co-*
letum, *Ursenicum*: verum illi sapiunt, quanquam *Ur-*
senicus pollicetur insignem equum, nec addubito quin
 sit præstiturus, idque ad *Calendas* non *Gracas*, sed *O-*
ctobres. Bene vale, doctissime & idem humanissime
Ammoni. E *Brabantia* scribam *Eboracensi* & *Larcho*.
Roffa 22. Augusti, Anno 1513.

EPISTOLA CXLVIII.

Erasmus Rot. Henrico Bovillo suo.

Ex tuis literis satis intelligo meas, quas apud *Tho-*
mam Morum *Londini* reliqueram, tibi nondum ef-
 se redditas. Veterem istum erga nos animum, mi *Bo-*
villæ, libens & agnosco & exolucor. Atque urinam li-
 ceat ad pristinam vitæ consuetudinem, ac multo jucun-
 dissimam studiorum societatem aliquando redire. *Lo-*
vanii fumus hyematuri. Tu interim quid è re sit tua,
 dispicito. *Novum Testamentum*, nostra instauratum in-
 dustria, probari isthic ab optimis quibusque, imo ab
 omnibus, qui (ut scribis) sani gustus sunt, sane gau-
 deo. Quanquam narrarunt mihi quidam, πάντῃ ἀξίωσι-
 σοι, unum apud vos esse collegium θεολογικώτατον, quod
 meros habet *Arcopagitas*: qui gravi senatusconsulto ca-
 verint, ne quis id volumen, equis, aut navibus, aut
 plaustris, aut bajulis, intra ejus collegii pomeria in-
 veheret. Obsecro, *Boville* doctissime, hæc utrum ri-
 denda sunt, an deploranda? O homines studio pravos,
 & sibiipsis iniquos & iratos, suis ipsorum commodita-
 tibus invidentes! Quod genus hoc hominum, usque
 adeo invidiosum, ut officiis irritentur, quibus mansue-
 scunt & feræ bestiæ: tam implacabile, ut eos nec tam
 multa apologiæ lenire possint? imo (quod est impu-
 dentius) isti damnant ac lacerant librum, quem ne le-
 gerint quidem, alioqui nec intellecturi si legant. Tan-
 tum audierunt inter cyathos, aut in conciliabulis fori,
 prodisse novum opus, quod omnibus Theologis, ceu
 cornicibus, oculis tentet configere: ac mox meris con-
 vitis insectantur, & auctorem qui tantis vigiliis, stu-
 diis omnium prodesse studuerit, & librum, unde po-
 terant proficere. Istuc vero Philosophicum est aut
 Theologicum? Pestilens quædam res sit oportet Phi-
 losophia, si tales reddit; inefficax ac diluta, si tales non
 mutat. Jam non retellunt & corrigunt, quæ perperam
 à nobis scripta censeant; sed hoc ipsum damnant scri-
 psisse. Fas esse negant tentare quicquam hujusmodi,
 nisi ex auctoritate Concilii generalis. At istuc quid
 iniquius? Ipsi quotidie depravant sacros codices, sola
 incitia ac temeritate in consilium adhibita: nobis non
 licebit ex veterum sententia restituere quod corruptum
 est, nisi totius orbis Christiani convocato Concilio? Ad-
 eo pejorem volunt esse conditionem mendum submo-
 ventis, quam invehentis, bene merentis sua industria,
 quam male merentis sua incogitantia. Verum, illud
 mihi respondeant velim, hæc ipsa quæ illis tantopere
 placet editio, utrum ab interprete suscepta fuerit ex
 auctoritate Concilii generalis: an prius edita, ac dein-
 de judicio Patrum comprobata. Prius scriptam opi-
 nor, postea comprobata. Atqui idem potest in hac
 mea evenire, quod ipse tamen, nec ambio, nec po-
 stulo. Tametsi ne id quidem concesserim. Mihi ma-
 gis videtur usu irrepsisse, ac paulatim progressu tem-
 poris collegisse robur. Alioqui si publico Concilii ju-
 dicio fuisset approbata, traditaque, omnes ea commu-
 niter

An. *Parisios*, inter eos, qui Doctoris titulo insigniebantur, primum meruerit locum. Huic adeo displicuit opus nostrum, ut fortunas suas omnes, quas habet amplissimas, mihi communes detulerit. E duabus Præbendis, quas habet, alteram ultro in manum dedit. Ad hæc *Fabritius Capito*, ob insignem Theologiæ cognitionem, in *Basilensis* Ecclesiæ Collegium cooptatus, ubi publicum concionatorem agit, vir, præter alias egregias disciplinas, trium linguarum non vulgariter peritus, Græcæ, Latine & Hebraicæ. Denique vitam integra, moribus tam piis, ut nihil unquam viderim incorruptius. His testibus liber est editus, quorum iudicio nihil addubitarer, quamlibet gravi in re, fidere Episcopus, si ipse parum certo esset iudicio. Neque tamen quisquam cæterorum Theologorum damnavit opus nostrum. Tantum deplorabant nonnulli se pueros non didicisse Græce, & sibi sero librum eum prodidisse in lucem. Referre poteram, quid venerandus ille Prior *Carsusensis* apud *Friburgum*, *Gregorius Reischius*, cujus sententia apud *Germanos* oraculi pondus habet: quid eximius ille Theologus *Jacobus Wimpelingius*, de nostra senserit editione. Proferre poteram innumeras Epistolas insignium virorum, quibus mihi gratias agunt, quod ex meis lucubrationibus, præcipue quas in Novum edidi Testamentum, & meliores evaserint, & eruditiores, ni verer, ne quis hæc à me gloriosius dici putare posset, quam verius. Et tamen qui in *Germania* mecum egerunt consuetudinem, & quibus in *Anglia* res omnes meæ perinde ut mihi notæ sunt, norunt quam parce hæc attigerim, nimirum invitus: partim quod à nulla re magis abhorream, quam à jactantia; partim quod nolim amicorum cuiquam, quicquam ex me invidiæ accidere. Nam ut de aliis taceam, scis ipse, mi *Boville*, cujusmodi vir sit egregius ille Præsul *Roffensis*, vestræ Academiæ Cancellarius, sive virtutem ac pietatem spectes, sive doctrinam. Et non pudet istos tenebriones convitiis infestari, quod ille tantus heros approbat ac legit? Imo non pudet *τρεβόλους ἀνθρώπους* suo arbitratu lacerare, quod ipse summus approbat Pontifex: nam ni mea probaret, non utique scripsisset, se maximi muneris loco habiturum, si studiorum meorum proventum omnem suo dicarem nomini. Plus quam approbat, qui præmium etiam pollicetur. Ostenderam illi literis meis quid molirer; explorans, num sibi cuperet inscribi. Ille protinus unicam Epistolam duabus pensavit: altera meæ respondet, & amanter, & honorifice, & erudite; altera me, meaque studia serenissimo *Anglorum* Regi commendat, quam diligenter, quamque effuse, probabis ipse. Nam exemplar utriusque una cum hisce literis ad te misi. Responderat uterque Cardinalis, nimirum *Grymanus*, & *Georgianus*: verum eas literas *Andreas Ammonius*, præcipuum quoddam vestræ *Britannia* ornamentum, ad *Richardum Pacanum* misit: qui sui Regis nomine apud *Helvetios* & *MAXIMILIANVM* legatione fungitur: ut per eum mihi redderentur, id temporis *Basilea* agenti, quas hætenus tamen non recepi. Misimus hyeme proxima volumen unum *Leoni*, cui dicatum est: quod si redditum est, nihil addubito, quin ille summis præmiis sit vigiliis nostras profecturus. Quid superest igitur, quod isti in me desiderant? Nec primus, nec temere negotium hoc aggressus sum. Secutus sum Synodi constitutionem. Approbant si non omnes, certe *mihi*. Si quid illic impium esset, displiceret piis: si nihil eruditionis, rejicerent eruditi. At nulli magis amplectuntur, quam hi quos & insignis vitæ sanctimonia, & eruditio non vulgaris commendat. Si quem magis movet doctrina, probatur à doctissimis: si integritas, probatur ab integerimis: si auctoritas, probatur ab Episcopis, ab Archiepiscopis, ab ipso summo Pontifice. Neque quicquam tamen horum mihi prodest suffragium: si compertum fuerit, me cuiusquam omnium ambisse favorem. Quicquid hic datum est, rei datum est, non homini. Hæc tam multa non impetrant ab istis: ut quod male didi-

cerunt, velint dediscere. An verentur ne ad hæc a-
vocatis juvenibus, frigeant istorum scholæ? Cur non
illud potius perpendunt secum. Ante annos ferme tri-
ginta, nihil tradebatur in schola *Cantabrigiensi*, præter
Alexandrum, parva *logicalia*, ut vocant, & vetera il-
la *Aristotelis* dictata, *Scoticæque* quæstiones. Progreffu
temporis accesserunt bonæ literæ: accessit *Matheseos*
cognitio: accessit novus, aut certe novatus, *Aristoteles*:
accessit Græcarum literarum peritia: accesserunt au-
ctores tam multi; quorum olim ne nomina quidem te-
nebantur, nec à summatibus illis Iarchis. Quæso, quid
hisce ex rebus accidit Academiæ vestræ? nempe sic
effloruit, ut cum primis hujus seculi scholis certare pos-
sit: & tales habet viros, ad quos veteres illi collati um-
bræ Theologorum videantur, non Theologi. Non
inficiantur id majores, si qui sunt ingenio candido. Alii
suam felicitatem gratulantur, suam complorant infelicitatem.
An hoc istos male habet, quod posthac & plures legent
Euangelicas, Apostolicasque literas, & attentius: & vel hoc
temporis his studiis decidi dolent, quibus omne tempus
oportebat impartiri, malintque universam ætatem in quæstionum
frivolis argutiis conteri? Atqui hoc sane nomine non admodum
pœnitet me mearum vigiliarum. Compertum est hætenus
quosdam fuisse Theologos, qui adeo nunquam legerant
divinas Literas: ut nec ipsos sententiarum libros evolverent,
neque quicquam omnino attingerent, præter quæstionum
gryphos. An non expedit ejusmodi ad ipsos revocari fontes? Ego, mi
Boville, labores, quos certe non mediocres omnibus juvandis
suscepi, cupiam omnibus esse frugiferos. Nam præmii
summam ab ipso *Christo* expecto, tantum ut promerear:
verum si fieri non potest ut omnibus probemur, hoc interim
me consolatur, quod ubique ferme probamur à probatissimis.
Et spero futurum, ut quod nunc placet optimis, mox placeat
plurimis. Aliis gratiam conciliavit novitas, at huic operi
novitas invidiam peperit. Proinde diversum opinor accidet.
Illis ætas favorem adimit, mihi fortassis apponet. Illud
certe præfatio, de meis lucubrationibus, qualecunque
sunt, candidius judicaturam posteritatem. Tamen nec de meo
seculo queri possum. Plus mihi tribuit, non dico, quam postulem,
sed quam aut merear, aut tueri queam. Cum enim sint tam
varia, tamque fastidiosa mortalium judicia, præsertim in literis,
meis tamen scriptis, non impiis quidem illis, sed parum
eruditis, si cum aliorum libris conferas, nemo detraxit
hætenus; nisi pauculi quidam, sed adeo morosi; ut nihil
omnino probent, nisi quod ipsi faciunt: aut adeo stupidi,
ut nihil sentiant: aut adeo supini, ut nec legant quod
carpunt: aut adeo indocti, ut nihil judicent: aut adeo
gloriæ jejuni, avidique, ut carpendis aliorum laboribus
sibi laudem parent: & sunt ex hoc numero, qui foris
damnant & rejiciunt, quod domi legunt ac probant.
Fortasse pudoris est, dissimulare per quos profeceris;
sed tamen ingrati pudoris & illiberalis. At eorum in
publico lacerare famam, quorum sudoribus domi juvaris,
id vero longissime abest ab omni humanitate. Quanquam
hoc quoque devorandum ei, qui *CHRISTO* militet. Quod
concionaris apud populum, probo tuum institutum; quod
succedit, gratulor, præsertim cum *CHRISTVM* pure doceas,
non hominum jactes, aut ostentes, argutias. De puero
quod scribis, dicam paucis: Mihi uno plus factis est,
tantum abest, ut pluribus onerari velim. Salutabis
diligenter meis verbis amicos, quos animo mecum
circumfero, Doctorem *Phaunum*, doctissimum
Joannem Brianum, humanissimum *Joannem Vachanum*,
officiosissimum *Omfridum*, ac veterem hospitem meum
Gerardum Bibliopolam, nam *Watsonum* audio abesse.
Bene vale, doctissime *Boville*. *Roffa* in ædibus
Episcopi 31. Augusti, Anno 1513.

EPISTOLA CXLIX.

Erasmus Joanni Coleto S. D.

An. 1513. **M**ITTO quæ petis, Officium *Chrysostomi*, & Epistolam: in qua, ni fallor, erunt quæ non probabis, propterea quod tu rationem & artem contemnis: ego his nonnihil tribuo, præsertim in præceptore. De *Linacro* cave ne cui temere credas: nam ego certis argumentis habeo compertum, illum observantissimo in te esse animo: & de rejecta grammatica non magnopere laborare: quanquam id est hominum ingenium, ut suis quisque scriptis, ceu parentes filiis, impensius faveant. Quod si quid etiam ea res hominem movet, tuæ dexteritatis erit dissimulare, neque refricare eam eicatricem, vultuque & consuetudinis alacritate magis quam excusatione, præcipue per alios facta, revocare: hoc pacto, si quid illi dolet, tempore sensim evanescet. Sed næ ego egregie impudens, qui hæc tibi, hoc est, sus *Minerva*. Nondum occurrit, quem existimem idoneum hypodidascalum tuæ scholæ: pergam inquirere, & simulatque reperero, certiorum te faciam. Bene vale, præceptor optime.

Est hic mihi nonnunquam dimicatio pro te cum his *Thomistis* & *Scotistis*, sed de his coram. Coepi vertere *Basilium* in *Esaiam*, mihi quidem opus valde placet. Exhibebo gustum Episcopo *Roffensi*, experiarque, num is velit hos labores nostros aliquo præmiolo lenire. O mendicantem! jam rides, fat scio. At ego meipsum odi, planeque decretum est, aut aliquam nancisci fortunam, quæ me ab his mendicabilis eximat, aut prorsus *Diogenem* imitari. Rursum vale. *Cantabrigia* 13. Septemb.

Si quas pecunias habes in manibus, in hoc commissas, ut dentur in subsidium, rogo mittas aliquot nobiles *Richardo Croco*, quondam ministro ac discipulo *Grocini*, qui nunc *Parisiis* dat operam bonis literis. Juvenis est bonæ spei, & in quem recte beneficium collocaveris, nisi me plane fallit animus. Rursum vale, unice præceptor. Anno 1513:

EPISTOLA CL.

Erasmus Rot. Joanni Coleto S. D.

IN absolvenda *Copia* mea nunc sum totus, ut jam ænigmatis instar videri possit me simul & in media *Copia*, & in summa versari inopia. Atque utinam liceat utranque pariter finire: nam *Copia* brevi finem imponam, si modo Musæ melius fortunarint studia, quam hæcenus *Fortuna* rem. Atque id quidem in causa fuit, quo & brevius, & indiligentius tuis literis responderim. Cum *Scotistis*, invictissimo hominum genere, & quo non aliud felicius sibi placeat, non admodum dimico, ne oleum perdam, & operam; tum autem crabrones irriterem. A *Basilio* vertendo propemodum alienatus est animus, non tantum ob id, quod subolet aliquot conjecturis opus non esse germanum, verum etiam quod Episcopus *Roffensis*, ad quem degustationem misi institutionis translationis, Epistola testatus, me hoc agere, ut *Basilium* illius auspiciis, atque adeo ut ex illius Academia in manus *Latinorum* veniret, visus sit non admodum avidus: & ut ex amico quodam cognovi, suspicatur me non vertere à *Græco*, sed ab alio versum expolire. Quid non venit in mentem hominibus? Quod de *Diogene* rides, equidem gaudeo me tibi quoquo pacto voluptati esse. At ego serio *Diogenem* agam, si pergat *Fortuna*: non ut mihi Rex Regum maximus videar, sed ut plane vitam ipsam contemnā: alioqui quid aliud sit hac ætate, atque hac valetudine, *Diogenem* agere? Quid autem non postea contemnat, qui vitam negligat? Verum id quovis loco licebit vel apud *Garamantes*: tamen hoc quoque felicius cessurum arbitror, quam hanc ambitionem multo infelicissimam, etiam si foeda non esset. De *Croco* scripsi, non quod mihi persuasum esset, apud te pecunias esse alienas, ut

A quem sciam & ultro traditas abjecisse, sed existimabam in *Angliam* te libentius collocaturum, si quid forte esset: præterea in juvenem rectius etiam collocari beneficium, si modo bonæ sit spei: & destituitur ille à nonnullis, qui promiserant subsidium. Porro quod mihi tuas offers pecunias, agnosco veterem tuum in me animum, & gratiam habeo quam possum maximam. Sed pupugit nonnihil animum meum verbum illud, quamlibet joco dictum, Si humiliter mendicaveris: fortasse significas, & vere significas, quod fortem nostram tam iniquo ferimus animo, id totum ab humana superbia proficisci: nam vere mitis animus & *Christianus* omnia boni consulit. Hoc magis admittor, quo nodo humilitatem cum inverecundia copularis. Sic enim scribis, Si humiliter mendicaveris, & si inverecunde petas. Nam si vulgari more humilitatem vocas, quæ pugnet cum arrogantia, quæ convenit impudentiæ & modestiæ? Sin humiliter appellas serviliter atque abjecte, longe dissensit à *Seneca*, mi *Coleto*, qui putat nihil constare charius, quam quod precibus emitur: nec eum omnino amici officio fungi, qui ab amico verbum illud humile, rogo, exspectat. *Socrates* aliquando cum amicis confabulans, Emissem, inquit, hodie pallium, nisi mihi pecunia defuisset. Sero dedit, inquit *Seneca*, qui post hanc vocem dedit. Alius quidam amico cum & egeret & ægrotaret, utrunque tamen pudore quodam dissimulanti, pecuniam sub cervicale dormienti subjecit. Ego cum hæc adolescens legerem, mirum quam alterius verecundiæ faverim, alterius candorem amaverim. Sed obsecro, quid me potest esse inverecundius, aut quid abjectius, qui jam diu publice mendicem in *Anglia*? Ab Archiepiscopo tantum accepi, ut plusquam improbißimum sit, ab eo quicquam, etiam si offerat, accipere. Ab *N.* satis audacter petii, at ille impudenter rogantem, impudentius repulit. Jam etiam *Linacro* nostro videor parum verecundus, qui cum sciret me *Londino* discedere, vix sex instructum angelatis, & valetudinem optime norit, ad hæc instantem hyemem: tamen sedulo monet, uti parcam Archiepiscopo, uti parcam *Montjoio*. Sed ipse potius me contraham, & assuescam fortiter ferre paupertatem. O amicum consilium! Atqui hoc nomine vel maxime odi fortunam meam, per quam non liceat esse verecundum. Cum vires ferrent, libebat dissimulare inopiam: nunc non licet, nisi libeat & vitam negligere; quanquam non usque adeo perficui faciem, ut omnia petam ab omnibus. A cæteris ne frustra petam: à te vero qua fronte, quæso, petam? præsertim cum ipse hoc opum genere non admodum abundes? Attamen si tibi probatur inverecundia, finiam Epistolam clausula, quam possum, impudentissima. Nec adeo possum perficere faciem, ut nullo titulo abs te petam: nec adeo superbus tamen sum, ut munus rejiciam, si quis talis amicus libenter dederit, præsertim hoc rerum statu. Vale.

Sum oblitus brevitatis, quam proposueram. Venit in mentem quiddam, quod ridebis, scio. Cum inter magistros aliquot proponerem de hypodidascalo, quidam non infimæ opinionis subridens: Quis, inquit, sustineat in ea schola vitam agere inter pueros, qui posset ubivis quomodocumque vivere? Respondi modestius, hoc munus mihi videri vel in primis honestum, bonis moribus ac liberis instituere juventutem, neque *Christum* eam ætatem contempsisse, & in nullam rectius collocari beneficium, & nusquam expectari fructum uberiores, utpote cum illa sit seges ac sylva Reip. Addidi, si qui sint homines vere pii, eos in hac esse sententia, ut putent sese nullo officio magis demereri Deum, quam si pueros trahant ad *Christum*. Atque is corrugato naso, subannans: Si quis, inquit, velit omnino servire Christo, ingrediatur monasterium ac religionem. Respondi, *Paulum* in charitatis officiis ponere veram religionem: charitatem autem in hoc esse, ut proximis quam maxime proficiamus. Rejecit hoc tanquam imperite dictum. Ecce, in-

THE NEW YORK
PUBLIC LIBRARY

ASTOR, LENOX AND
TILDEN FOUNDATIONS



An. inquit, nos reliquimus omnia, in hoc est perfectio. Non
1513. relinquit, inquam, omnia, qui cum possit plurimis pro-
desse labore suo, detrectat officium, quod humiliter ha-
beatur. Atque ita, ne lis oriretur, hominem dimisi.
Vides sapientiam *Scotisticam*, & habes dialogum. Rur-
sum vale. *Cantabrigia* 29. Octobr. An. 1513.

EPISTOLA CLI.

Erasmus Rot. Andrea Ammonio S. D.

MALE precor isti τῷ ᾧ ἀρχιεὺς secessui, qui meam
remoratus sit felicitatem. Crede mihi, optime
Ammoni, nunc ἰσὺν κεχάλασαι ἀγκυρά, & πᾶς ἐρ-
πίται κῆρ. qui si parum ex sententia ceciderit, πεί-
πραται: si succedit, debeo summam tuo animo &
humanissimi Wigorniensis: sin minus, agnoscam fami-
liarem illum & nimium mihi notum genium meum.
Præbendam arte conflavi in pensionem. Quod hortaris,
ut *Jovem* propius adeam, enitar, ac tum magis, ubi
certum vigilans audiero oraculum, unde rerum mea-
rum summa pendet. Scis quam sim crassus, in hisce
præsertim rebus. Quod si quid censes faciendum mi-
hi, quod gratum futurum sit Wigorniensis, quæso sub-
moneas. Itidem ne quid addubites ἐλὶ τῇ χρημάτων: e-
tiam si destituat ὁ Κανισάριος ἐκεῖ, sunt hic à quibus
unico nutu possim impetrare. Maximum hic in præsen-
tia rerum omnium aucupium est: at ego nunc ἀρχιεὺς
εἰμι. Hoc male me habet. Italos, Hispanos, Geras,
Danos candidiores experior in me, quam meos: fame-
licum hominum genus, & soli ventri natum. Cancel-
lario debeo plurimum: at non ego solum, verum om-
nis hæc regio. *Tonstalli* consuetudinem merito mihi
gratularis: nihil adhuc expertus sum hoc homine a-
micius. Ei legi tuam illam majorem Epistolam: ma-
gnopere delectatus est ingenio tuo. Mihi subinvidere
visus est, quod tu illi tam λαγωνικῶς scripseris: sed eum
excusarem occupationes tuas, facillime accepit. Τὸν λύ-
κον jam reliqueram, *Carmelitam* βλάσφημον semper ne-
glexi, & tamen à canibus, ut scribis, accipietur &
ille, ut dignus est. Volumina *Hieronymi* jam hic di-
vendita sunt. *Franciscus* affirmat se duo millia floreno-
rum fuisse lucraturum, si majorem codicum vim depor-
tasset. Quid ego audio? toties *Roma* morior & revi-
visco? Quis istuc *Virbins* aut *Thesens* potuit? Sed ita
demum mihi videbor revixisse, si quod agimus suc-
cesserit. Tu, mi Ammoni, πρᾶξις ὁ πρᾶξις, & *Escu-
lapium* age. Bene vale. *Bruxellis* 9. Novemb. Anno
1513.

EPISTOLA CLII.

Udalricus Zasius Erasmo Rot. S.

NOLI mirari, Erasme, ter maxime heros, si raris ad
te literas dedero: imo magis mirabere, quod ali-
quas usquam dedi, ita ad angusta illa tua nomina &
oculos præstringor, & mentem. Quem enim *Platonem* ipsi,
Cicerones, *Fabii*, suorum ordini inseruissent, suis fuisse
sedibus dignati, nos elingues, infantes, barbari, quo
loco, quo honore, qua veneratione prosequemur? Profecto
nisi tua me animasset admirabilis humanitas, quam noster
ille *Bonifacius Amorbachius*, adolescens virtute & do-
ctrina clarus, predicare non cessat, nisi optatissimi tui
muneris, quo me ornasti, beneficentia invitaret, quin po-
tius perurgeret, manum calamo (quod boni consulas) pror-
sus abstinuisset. Mediocris enim ista mea literatio, si in
optimis doctrinis perquam exigua mihi contulit, eam me cer-
te discretione instruxit, ut noscam homo infans non ita
magnorum herorum auribus esse coram obstrependum, si-
cut absentium laudes predicanda, quod hoc omnibus li-
cuerit, illud non nisi doctrina politioris gradu receptis.
Proinde si sileo, veneratio me tui elinguat, nulla abscedit
ingratitude. Equidem ubi ubi gentium degam, quoquo
proficiscar, multus mihi in ore, multus fando *Erasmus*
versatur. Hujus eminentiam circumfero: hunc mea quàm-
libet exigua predicatione celeberrimè ejus venerandam &

A omni ætati admirabilem doctrinam exsollo, pro numine An.
adorandam jubeo: non hominem esse terrenum, sed ignem
de cælo sumptum defendo: hoc doctissimus nostra ætate
Jurisconsultus Pius Hieronymus Balduginus, *Cæsarea*
majestatis Consiliarius principalis consistorii, provincia no-
stra regens testabitur: ad cujus ut veteris amici cenam
cum hoc dierum in oppido *Enfishem* (ibi enim moratur)
vocatus adessem, tuas incomparabiles doles (quod sem-
per facio) in partem epularum citavi: atque ita citavi,
ut cum ipsa ultro cæna omne genus ferculis splende-
ret, tua tamen nomina splendori auctarium & quidem
memorable adderent. Ignoravit Hieronymus te tam
vicinum nobis agere, imprecarique *Fortuna* videbatur,
quod ea res tam diu eum (quod minime decebat) la-
tuisse. Is cupit tibi esse notior, amicus esse desiderat:
in tuas ardes literas, quibus ut eum impertias & rogo
& hortor. Vir est & Juris peritissimus & insuper omni-
bus humanitatis studiis ex pari doctus: & ut verbo
dicam, eum comperies Hieronymum, quo pro ratione
ætatis, necdum enim tricesimum annum agit, vix a-
lium *Germania* nostra superior exhibebit. Quod ad
me attinet, ita *Zasius* utitor, ut servo à pedibus. Jam
enim me candidiori hostia listasse putabo, si me dignum
haberi sensero, ut vel inter calanculos tuos dinumerer.
Glossa, quas in certas Juris Civilis partes meditor: *Sum-
ma Digesti* veteris, cui jam prope summa manus imposi-
ta est: intellectum Juris Civilis veritas, qua contra
communis doctorum sensa propediem prodetur: de *Advo-
catis* opus non penitendum, qua omnia pari sub incude
sudant: ea de te predicabunt, qua ne coram scribam,
& modestia prohibet, & terret pudor. Vale, decus
doctrinarum, quod simile vix aliqua videbit posteri-
tas. Ex *Friburgo* 22. Decembr. Anno 1513.

EPISTOLA CLIII.

Gerardo Noviomago Erasmus Rot. S. D.

QUID tibi imprecer, mi Gerarde, dignum istis An.
tuis factis? precor ut brevi magno aliquo sacerdo-
tio oneraris. Dixeras, at non solus, R. Præfulem no-
strum non ante quartum aut quintum diem abiturum:
ego juxta vulgarem morem eum numerum condupli-
cabam, existimans ante octavum diem non mutatu-
rum locum, & erat hic quod agerem. Videbam oc-
cupatissimo Principi non vacare tum temporis, præ-
sagebam vos fero pransuros, & mihi jam stomachus
latrabat. Proinde subduxi me, testatus apud te, do-
mi exspectaturum eo die, si quid juberet. Nihil de-
nunciatum est, postridie mane transcurro *Lovanium*,
quod arbitrarer haud multum interesse, hic, an istic
agerem, quod ad conveniendum Præfulem attinet.
Relinquo domi Epistolum, quo testatus sum me ad
omnem nutum paratum fore. Hodie propemodum
decreveram recurrere, & ecce *Paludanus*, vetus com-
potor tuus, nunciat hodie dominum proficisci; quod
si verum est, egregium patronum agas oportet, ne
quid secus suspicetur ille quam res est: imo tu potissi-
mum in jus vocandus, in te cudenda faba, qui me
tuis dictis fefelleris. Crede mihi, mi *Noviomage*,
nullus est in orbe Princeps, cui magis ex animo cu-
piam gratificari, quam *Philippo* Præfule, non solum
ob id quod illius sublimi ditioni, verum etiam quod ex-
imius sit modis omnibus, quod nostro faveat ingenio-
lo: denique tacito quodam & arcano sensu mentis ad
eum observandum impellor. Aulicis officiis haud sane
multum valeo: cæterum qua valeo, declaraturus sum
quantopere celsitudinem illius & suspiciam & amem.
Id nolim mihi credi, ni propediem ipsa re com-
probaro. Non ausus sum ipsum toties meis Episto-
lis interpellare: tu fac apud illum mihi Epistolæ fix
vice. Si vocat, advolabo, sin minus, hoc impensius
maturabo perfectionem, quo liceat redire celerius. Ar-
bitror me reducem fore ante mensem Octobrem: tum
extricatus his spinetis Theologicis, vacuo tranquillo-
que animo Musis & amicis vacabo. Neque suscipierem
Tom. III. I 2 hoc

An. hoc iter periculosissimum, ni me ratio famæ compelleret. Ubi-
1514. que gentium futurus est *Erasmus*, cer-
tum polliceor, & Præfulis celsitudo clientulum habi-
tura est, ex animo deditum, additumque, & tua san-
ctitas amiculum minime fucatum. Bene vale, patrone
optime. *Lovanio* 17. Aprilis, Anno 1514.

EPISTOLA CLIV.

Erasmus Petro Agidio S. D.

NIHIL unquam mihi accidit, mi *Petro*, tuis literis
mellitius: ad quas si breviter respondeo, facile tu
quidem ignosces, si scias quantis studiorum laboribus
pene confectus essem: à quibus simulatque dabitur oc-
cium, *Agidium* meum non literis modo, verum etiam
iustis voluminibus onerabo. Dabīs operam, ut hæc
quam primum ad *Jodoci Badii* manus perferantur. Pa-
ravi *Proverborum* opus, & ita locupletavi, ut prorsus
aliud reddiderim: at multo, ni fallor, melius cum ef-
set non admodum malum. Quare nihil est, quod alio-
rum timeat editiones. Convenerat cum *Francisco* Bi-
bliopola, ut illi exemplar committerem, verum insa-
lutato me discessit. Precium, quod in suis literis præ-
scripsit, lubens accipio: nec enim magnopere commo-
veor lucello. Ipse paret omnia, ut opus sic exeat ex
ipsius officina, ut non facile sit cuiquam æmulari. Ab-
solvam castigationem Novi Testamenti: absolvam E-
pistolas divi *Hieronymi*, & si dabitur ocium, emenda-
bo & *Senecam*. Fieri potest, ut ipse vos revisam à Pa-
scha: quod si non licebit, mittam in primis *Proverbia*,
cum certus aliquis dabitur, per quem mittam. Non-
nihil sollicitus sum, ut *Græci* formulis huic operi sa-
tisfaciat, quod semi-Græcum est. Proinde quanta po-
test cura præparet omnia, atque ipse sese in *Græcicis*
literis nonnihil exerceat: id quod in alias quoque li-
brorum editiones erit usui futurum. Non mittat huc
pecuniam neque libros, priusquam ad illum quid ve-
lim, perscripsero. *Dialogos Luciani*, quos ad eum mi-
si, nondum prodire video: video quosdam ex illis ex-
cisos *Lovanii*: qua de re cupio certior fieri. Verti
complusculos *Plutarchi* libros, quos emendatos remit-
timus. Accepi postremas *Badii* literas per *Anglum*
quendam, in quibus scribit *Mariam* à se formulis ex-
cusam, quam tamen hic non vidimus. Bene vale. *Lova-
nio* Anno 1514.

EPISTOLA CLV.

Erasmus Roterod. Petro Agidio S. D.

SI recte vales, est quod plurimum gaudeam. Diutius
commoratus sum in itinere quam putaram: nam &
Gandavi triduum remoratus est Cancellarius Principis
illustrissimi: *Tornaci Montjois* meus, qui nunc ei præ-
fectus est urbi, regias agens vices: apud divum *Ando-
marum* Abbas *Bertinicum*. Trajectio sumptuosa fuit, &
periculosa, sed tamen velox. Vas meum, quod fratri
Francisci commiseram, nondum advectum est, qua re
mihi nihil potuit contingere infelicius. In eo sunt om-
nia in *Hieronymum* commentaria, quæ nisi mature
recepere, cessabunt *Basilea* qui excudunt, non sine
magno suo malo. Id si casu factum est, factum est in-
feliciissime: sin arte & data opera, quo vetera sua pro-
verbia prius extrudant, factum est inimicissime: ni-
hil enim est, in quo me magis lædere potuisset. Ex-
hibiturus eram Episcopis suos libros, eos nunc saluto
vacuus, & demittor item ab illis vacuus: quod si vas
misissent, sicut erant polliciti, jam nunc istic adesset.
Adsunt *Brugii* duo totius *Anglia* doctissimi, *Cuthbertus*
Tonstallus Archiepiscopi *Canuariensis* Cancellarius, &
Thomas Morus, cui *Moriam* inscripsi, uterque mihi
amicissimus: si quid forte inciderit, in quo possis illis
gratum facere, rectissime collocaris officium tuum.
Admone *Franciscum* super hisce rebus. Uti spero,
ante Julium vos revisam. Interim cura ut recte va-
leas, amice incomparabilis. *Londino* 7. Maji, An. 1514.

EPISTOLA CLVI.

Erasmus Rot. Petro Agidio S. D.

ACCIPIES ab hoc nauta *Antonio* mea scrinia, u-
num quadrum ligneum funibus obvinctum, tria
Gallica corio suillo superne contexta, repones vel a-
pud te, vel alicubi in tuto, donec ipse advenero. Nau-
tæ, si videbitur, solves, nisi forsitan hic à me pecu-
niam exegerit, nondum enim cum illo sum pactus.
Salutato *Montjoio*, & aliquot amiculis, mox adero,
faventibus superis, & omnibus de rebus coram confa-
bulabimur. Illud demiror, *Franciscum* Bibliopolam
huc absque tuis venisse literis. Fac ut meæ res in tu-
to sint, quas easdem tuas esse ducito. Bene vale, ami-
corum optime. *Londino* Anno 1514.

EPISTOLA CLVII.

Erasmus Roterod. Thoma Linacro, Medico regio, S. D.

TAMETSI novum non erat, tamen gratissimum
fuit, quod ex *Mori* literis cognovi te tam amice
nobis favere, licet immerentibus. Novum Testamen-
tum adeo placet ubique doctis, etiam ex ordine Theo-
logorum, ut indocti pudore obticescant. Febricula su-
bito oborta fuit in causa, quo minus me navigationi
commiserim, præsertim dissuadente medico *Ghisberto*.
Majorem in modum te rogo, ut pharmacum, quod,
quum proxime essem *Londini*, sumpsi te auctore, de-
nuo descriptum mihi transmittas: nam puer schedulam
apud pharmacopolam reliquit. Erit id mihi longe gra-
tissimum. Cætera ex *Moro* cognosces. Bene vale. Ex
divo *Andomaro* 5. Junii, Anno 1514.

CROCUS regnat in Academia *Lipsiensis*, publicitus
Græcas docens literas. Utinam prodirent tuæ lu-
cubrationes, fidem omnibus facturæ meæ prædicatio-
nis, qua nusquam non utor, vel quod ita res habet,
vel quo magis nostros ad studium inflammem. Si quid
erit hujus negotii, in quo tibi queam gratificari, sen-
tietis hominem ad obsequendum promptissimum. Rur-
sum vale. *Grocino* facito me commendatum, quem a-
deo non odi, ita me Deus amet, ut ex animo venerer
etiam ac suspiciam. Rursum vale. Anno 1514.

EPISTOLA CLVIII.

Erasmus Rot. Andrea Ammonio S. D.

GAVDEO *N.* ereptum è carcere regio, id si tuo
quoque bono factum est, duplici nomine gaudeo.
Amo *Coleti* tam *Christianum* animum: nam ejus unius
opera liberatum audio, cum is semper à *Coletio* inter a-
micissimos habitus, cum jam amicus urgeretur Episco-
porum calumniis, ab illius adversariis steterit. Episto-
las, quas ad *Leonem* & Cardinales scripseram, edidi, sed
locupletatas. Si quid responsum est, aut si quid est,
quod mea refert scire, quæso scribas per hunc unocu-
lum *Petrum*, quem hac gratia meo sumptu misimus in
Angliam, mox huc rediturum: nam febricula repente
oborta vetat, quo minus trajiciam: & est quod *Carolo*
sit ad diem aliquot gratificandum. Superior illa *Germa-
nia* sic mihi modis omnibus arrisit, ut vehementer do-
leam tam fero mihi cognitam. Nihil non detulit ho-
noris *Erasmio* Episcopus *Basileensis*, vir omnino fruga-
lis, ut ferunt, alioqui, obtulit pecuniam, obtulit *For-
tunam*, equum coegit ut acciperem, quem mox urbem
egressus, aureis quinquaginta revendere poteram: sed
præstat coram hunc *Thrasonem* agere. Bene vale, ac
scribe, saltem quid valeas. Apud divum *Andomarum*
5. Junii, Anno 1514.

EPISTOLA CLIX.

Erasmus Andrea Ammonio S. D.

AEDES tuas non semel adii, quo dulcissimo ami-
corum omnium supremum dicerem vale, simul-
que

que tua consuetudine, quoad liceret, fruerer, qua quidem haud scio an quicquam in vita contigerit suavius. Trajectio prosperrima fuit, sed anxia mihi duntaxat. Mare placidissimum, venti secundi, coelum blandissimum, hora commodissima. Solvimus enim ad septimam ferme. At maritimi praedones illi manticam, lubricationibus meis onustam, in aliam quandam navim deportant. Idque studio factitant, ut si commode liceat, furentur aliquid: sin minus, nummulos aliquot extorqueant, & tibi tuam rem vendant. Itaque cum tot annorum vigilias perisse crederem, tantum animo pensavi dolorem, ut existimem, nullum parentem & liberorum suorum obitu maiorem sentire. Atque in reliquis quidem omnibus ita tractant advenas, ut satius sit in quovis *Turcas*, quam in illos incidere. Saepe mecum demiror, huiusmodi faciem hominum à Principibus *Anglia* tolerari magna cum hospitum molestia, nec sine summo totius insulae dehonestamento, dum quisque domi narrat quam inhumaniter fuerit acceptus, & ceteri ex illorum praedonum factis gentem aestimant. Nescio an tibi retulerim, ipsum me regiam salutasse majestatem. Accepit vultu prorsus amicissimo: deinde praeful *Lincolniensis* iussit esse spe optima, certissimaque. De munere nec meminit ipse, nec ego sum ausus ingerere mentionem, ne viderer improbulus. *Danholmensis* abeunti sex angelatos dono dedit, idque sponte, & jam, ni fallor, quartum: Archiepiscopus ultro quaesita occasione, tantundem addidit, *Roffensis* regalem; haec summa omnium, quae mecum effero. Hoc te scire volui, ne quis existimet me huius abitus praetextu magnam pecuniae vim contraxisse. Ago nunc in arce *Hammenfi*, pauculos dies cum meo *Montjoio* commoraturus, deinde *Germaniam* aditurus, in transitu salutatis amiculis aliquot. Si Fortuna respondebit & meis optatis & aliorum promissis, maturabimus reditum: sin minus consilium ex re capiemus. Faxit Deus Optimus Maximus, ut incolumis reversus *Ammonium* meum offendam non solum incolumem, verum etiam lautissimis Fortunae muneribus auctum. Si quando inciderit occasio provehendi res *Erasmii* tui, non dubito quin sis eum praestaturus absenti, quem semper hactenus praestitisti & absenti & praesenti. Bene vale, amice singularis. Ex arce *Hammenfi* 8. Julii, An. 1514.

EPISTOLA CLX.

Erasmus Rot. Andrea Ammonio suo S. D.

VIN' ridere? ubi *Bruxellam* reversus, Cancellarium *Mecanatem* meum salutassem: ille ad Confiliarios adstantes versus, Ille, inquit, nondum novit, quantus sit. Rursum ad me, Princeps, inquit, conatur te Episcopum facere, & jam contulerat Episcopum haud adspernandam, ea est in *Sicilia*: verum post cognitum est, illam è *reservatarum*, ut vocant, catalogo non esse: proinde scripsit pro te summo Pontifici, ut patitur te potiri. His auditis, non potui tenere risum: & tamen placet animus Principis erga me, vel potius Cancellarii, qui re ipsa Princeps est. Utinam oeconomia huius comediae feliciter cedat: nam eodem ferme tempore & nos scripsimus ex *Anglia*, & hi è *Brabantia*. Sitio audire, quo pacto succedat negotium. Hybernaturus sum *Bruxella*. Quicquid *Tonstallo* miseris, mihi protinus reddetur: quod mihi cum homine perpetua sit consuetudo. Animus est à *Lovanio* alienior: illic mihi meo sumptu observandum foret scholasticis: obgannirent affidue juvenes: castiga hoc carmen, emenda hanc Epistolam, alius hunc auctorem flagitaret, alius alium: neque quisquam est illic, qui mihi vel ornamento, vel subsidio possit esse. Super haec omnia, audiendum esset nonnunquam, quid obganniant pseudo-Theologi, genus omnium insuavissimum: inter quos & nuper exortus est quidam, qui mihi propemodum Tragediam excitavit: in quo plane *ἀν' ἀπορίας* τὸ λυκὸν ἔχον, ὅτε καὶ τὸν δονάκιον, ὅτε ἀφ' αἰνῶν. Blanditur coram, mordet absens: pollicetur amicum, pra-

stat hostem. Utinam magnus ille *Jupiter* univsum hoc hominum genus recudat ac refringat: qui cum nihil adferant, quo vel meliores reddamur, vel eruditiores, tamen omnibus faceffunt negotium. *Hieronymus Antuerpia* prostabat, etiam cum illic essem. Ita *Franciscus* temperat huius Comediae scenas, ut ubique suum agat negotium. Ne literas quidem meas voluit exhibere, prius quam sibi prospexisset, tantum dixit, è *Germania* ingentem esse sarcinam literarum, etiam ab Episcopo. Impartiar nugarum portionem aliquam simulatque recepero. *Antuerpia* recepi nuper, quae tu *Rasileam* miseris, à *Pacao*, sicut opinor, allata: & tamen ipse ne verbum quidem. Bene vale, *Ammoni* doctissime. *Bruxellis* 6. Octobr. An. 1514.

EPISTOLA CLXI.

Udalricus Zasius Erasmo Roterod. S. D.

Hoc velut puncto in praesentem tabellarium, magnè Roterodame, nostra aetate Varro, incidi: quem, nisi comitis meis literis, abire non sum passus; licet jam in cardine obevnda civilis lectionis, Bartholus & Baldus, ceterique id genus illatini auctores auribus circumstreperant. Tuis elegantissimis literis me, si qua est in doctissimorum virorum congressu beatitudo, plane beatum fecisti: & tanta sane mihi gratificandi simul & respondendi sylvia in eis offertur, ut alio ad eam rem, & tempore & loco opus esse existimem. Hoc habe, tuam illam, tuam, inquam, illam mellitulam Epistolam toto nostro Gymnasio circumferri, à scholasticis adpeti, mirari tantos eloquentiae puros fontes, mirari Roterodami numen, de calo desumptum ignem: *Zasium* magni fieri, digitis denotari, hunc esse, cui Roterodamus, cui Cicero Germaniae nunc aetate nostra, tam humaniter, tam amice scripserit: felicem, quem eo Fortuna dignetur honore, ut Roterodami praconio referatur: non minus Achille, qui Homerum buccinatorum; non minus Augusto, quem Virgilii tuba; non minus Scipione, qui Siliii clastro innovaverit: non, inquam, minus quocunque, qui à viro laudato laudatus sit, fortunatum. Ita mihi una hac Epistola existimationem auxit: magni utri constavit amicitiam, & supra Ceres divitias opulentiam fecit. Quae igitur censes, Roterodame, tibi sunt agenda gratiae? Sed aliud, ut dixi, tempus expostulat. Hac nostra radior Epistola, quamvis temere, praevolet tamen, praeuditque: ut interim alio tibi genere quemadmodum gratificer cogitare possim. Vale, & nostros aliquando, si te magnus *Jupiter* Faunorum casulas non dedigneris, lates digneris invisere, optatissimus nobis hospes futurus. Bonifacius te plurima salute impartit, cui, post amena illa humanarum literarum vires, insuetus est ad durissimos *Juris Civilis* scopulos callus: sed pervincet ingenium, sedulitas, fides si qua est interpretis. Vale, delitium non dico meum, quod maxime dico, sed universi literati orbis. Ex *Friburgo* 11. Octobris, An. 1514.

Non mihi rescribas tantis rebus fatigatus: sat mihi erit, meis ineptiis vel oculos admoliri.

EPISTOLA CLXII.

Erasmus Rot. Ulrico Zasio S.

Vix licuit tuas legere literas, mi *Zasii*, quibus alioqui nihil accidere poterat jucundius. Quid ego librum tuum collaudem? compendio dicam; *Zasianus* est, hoc est, absolutissimus: dignus qui fiat orbi communis. Ad id adjuvabimus simulatque vacabit: vacabit autem intra bimestre: quanquam *Aquinatè* tam subinde citato, nonnihil inquinasti splendorem tuae dictionis. Verum id scio quibus tribueris, & fero: mallem alioqui perpetuum illum *Zasiana* dictionis cursum ac tenorem dicendi. *Erasmum* nimis amanter citas, hoc est, longe supra meritum. Bene vale.

Bonifacium non uno nomine unice diligo, de quo sane summam spem concepi. Mitto & alterum Epistolum olim ad te scriptum, sed oblivione ministri re-

An. lectum apud me. Probat & *Beatus* librum tuum, tu
1514 cura ut absolvatur: & si fieri potest, velim ea quoque
quæ citas ex parum expolitis auctoribus, tamen *Zafiano*
leptore convestiri. Rursum vale. An. 1514.

EPISTOLA CLXIII.

Andreas Ammonius Erasmo Rot. S. D.

RISI equidem serio, tibi isthic quoque *Mecænatem*
contigisse, & eum *Mecænatem*, qui apud istum
Principem uno omnium ore aque possit ac velit: quod no-
bis non nisi tua unius causa potest placere. Περὶ δὲ Ἰ-
μενίου, ut nihil aliud ad presens succedat, permultum sa-
ne est, tantorum virorum talem erga te voluntatem per-
spexisse, quam tibi ex animo gratulor, spei jam solida
plenus, isti tuo ingenio, doctrina, ac virtutibus, *Fortu-*
nam diutius iniquissimam non futuram. Si *Pontifex* ταύ-
την τὴν ἐντολήν τibi dederit, magis ipsi tibi, quam Prin-
cipis commendationi dedisse arbitrabor: sed vereor ne id
officiat, quod non dubitabit, quin Princeps hanc in te vo-
luntatem sit constantissime servaturus, & brevi juris ejus
futurum, ut ad aliam *Episcopem* te provehat: quod ni
fecerit, spero fore, ut ipsemet *Pontifex* eum roget, ut
qui te honestatum, scio, pervelit: at de alieno potius
quam de suo. Scripsi ad eum, & *Episcopum Wigor-*
niensem, haud multo postquam discesseras. Quod *Bru-*
xellæ sis hyematurus, consilium probo, tum ut *Lovanien-*
sium Scholasticorum molestias effugias, tum ut frequens
in aulica ista luce conspiciaris, tuosque tui coram submo-
neas, & suspirantis *Fortuna* flatum concipias: poteris &
tibi, & patria esse utilis, si propius vestrum *Jovem* ac-
cedere non gravaberis: non longus erit labor, & aliquid
ferendum, & studiis nonnihil detrahendum esse censeo,
ut reliqua vita commodis & dignitati consulas. Habes
aulicam sententiam. Lupum istum si dimiseris, quod
circa ullum periculum meo iudicio facere potes, *Euripi-*
deus omnino exitus eum manet: quarit hanc famam, ut
dicatur cum *Erasmo* contendisse. Sed tu ab ea scabie
ungues abstinetes, quam hoc magis foveris, quo magis
scalperis. Βάλε τὸν λύκον ἐκ τοῦ οὐρανοῦ ἢ πρὸς τὰς νύκτας.
De tuo *Hieronymo* gaudeo isthuc esse allatum: brevi e-
nim ad nos transvectum iri scio. Proinde fac, ut ne pa-
ginam quidem ad me mittas, nihil propero: siquidem haud
tantum oculi mihi est, ut vel *Ciceronem* bis uno mense
legere queam. Vis novi aliquid? advenit huc *Cardina-*
lis Sedunensis ille *Helvetius*, quem sum allocutus, &
videtur mihi homo ingeniosus, impiger, acer, facundus,
strenuus, & admodum *Theologus*. Morus tuus bellissi-
me habet. Tonsillo diligenter me commendabis, cui
gaudeo te esse tam familiarem. *Beatus* mihi videretur, si
vestris colloctionibus liceret interesse. Cura, mi *Era-*
sme, ut valeas. Lond. ex Westmon. 1. Novembr.
Anno 1514.

EPISTOLA CLXIV.

Erasmus Roterod. Zafio suo S.

Si quo pacto liceret ex hoc evolare pistrino, quod
siquidem facerem cupidissime, malim extra nuptia-
rum tempus te visere, quo totus toto te frui possem:
nunc in tanta hominum turba, quantula tui portio re-
diret ad nos? Mitto *Enchiridion* nuperrime excusum.
Beatus pari diligentia te resalutat: adest & *Gerbelius*
& *Oecolampadius*. Bene vale, vir eruditissime. Pre-
cor ut nuptiæ filiae tuæ tibi tuisque sint voluptati pa-
riter ac bono. An. 1514.

EPISTOLA CLXV.

Erasmus Rogerio Wentfordo S. D.

PATER *Joannis* cum apud nos esset, significavit mi-
hi, se filium alteri velle committere, nec verbo
sum reluctatus. Præscripsit ille spacium ad Omnium
Sanctorum: accepi. Adjeci, si vel ipso momento vellet
abducere, me boni consulturum. Non possum illi suc-

A censere, quippe qui sciam quicquid hujus facit, instin-
ctu facere alieno. Olim abduxerat: deinde reddidit, 1514.
te auctore, non admodum cupienti, cum semel ani-
mum alio flexeram. Rursum cum dies quatuordecim
abstraxisset, ipse reduxit, passurus ut me trajicientem
quoque comitaretur. Educatus est apud me liberali-
ter, & meo quidem sumptu: & tametsi non profecit
quantum ego cupiebam, tamen illud audacter affirma-
bo, illum plus scire Latinitatis, quam fuerit in ulla
schola, ne *Lilianam* quidem excipio, triennio confe-
cturus, & scis primos profectus minime apparere:
tantum abest, ut omnino temporis jacturam fecerit.
Sed quoniam video patris simplicitatem instigationibus
huc & illuc impelli, & matrem inepte amare, non est
B animus perdere officium. Nihil autem æque perit,
atque id quod confertur in ingratos: non eos existimo
ingratos, sed magis etiam perit, quod confertur in
non intelligentes. Nam ingratus etiam si dissimulat,
tamen apud se obnoxius est, & aliquando vel pudore
gratiam refert: is qui non intelligit beneficium, etiam
sibi deberi putat. Ut igitur stultum est, bene mere-
ri de iis, qui non intelligunt, ita benefacere invitis,
extrema dementia est. Dixit hic cuidam mihi intimo;
quo minus discat puer, obitare quod *Anglice* ne-
sciam: imo hoc ipsum in causa est, ut quam maxime
discat *Latine*, velit, nolit. Quorsum ista, inquis? nem-
pe huc, cum pater super hac re mecum ageret, pro-
pemodum certus eram de quodam ministro, is mutata
C sententia trajecit in *Brabantiam*, rediturus tamen ante
natalem. Si ipse trajecero, id quod futurum est pau-
lo post *Calendas Novembres*, relinquam *Joannem* ubi
volet. Sin minus, patietur hunc esse apud me, donec
meus ille redeat, ne ob exiguum tempus sæpius mi-
nistrum mutem. Id tu illi persuadebis. Quod si omni-
no nolit, quanquam non dubito quin sit non gravatim
passurus, agat ut lubet. Ego minus moleste feram ja-
cturam officii, quod in bonam indolem operam collo-
carim. Bene vale, mi *Rogeri*, & aliquoties ad nos scri-
bito.

D Jam & illud mihi venit in mentem, cur unus ego
videar ei idoneus, qui filium suum meo sumptu & do-
ceam, & vestiam, & alam. Minus subiit sordidi mi-
nisterii, quam apud te subiturus fuerit. Habitus est
liberaliter: nihil mihi scripsit. Nec alui sordide, nec
vestivi, nec docui indiligenter. Et si ille tam fuisset
avidus discendi, quam ego docendi, jam nihil opus
haberet ullo literatore, aut plagoso Grammatista. Et
puto meas literas non esse posthabendas vulgariū Do-
ctorum literis. Non hæc dico, quod admodum labo-
rem de pecunia, sed quod ego præter cæteros videar
idoneus qui sic tracter: ac deinde nulla gratia spolier
ministro. Verum de his alias latius. Rursum vale,
E *Rogeri* clarissime. Anno 1514.

EPISTOLA CLXV.

Erasmus Rogerio Wentfordo S. D.

QUOD *Copiam* nolis edi, nisi te gloriæ meæ ratio
moveret; equidem gemino argumento tuam in
me benevolentiam agnosco: primum, quod amoris
magnitudine cæcutiens tanti facis nugas *Erasmi* tui,
ut veluti *Theaurum* eximium vulgo profano commu-
nicari nolis: deinde quod usque adeo mei nominis es
studiosus, ut rursus affectum istum tuum affectu vi-
ceris, & quasi clavum clavo pepuleris. Quanquam
ego meæ famæ magis arbitror interesse, si neque trans-
scribantur à quoquam, nisi summo labore eliminata, quem
ego odi cane pejus & angue, maxime cum videam hinc
nihil recipi fructus, præter lippitudinem, senium præ-
maturum, esuritiones, ac paulum modo gloriæ, cum
F plurima invidia conjunctum. Nam quod de statu meo
cupis cognoscere, equidem aureis promissis plane dives
sum. Cæterum fortiter esurio. Quod crumenam ina-
nem tantopere deploras, magis deplores, si scias me
istuc distentam attulisse plus septuaginta duobus nobi-
libus,

An. 1514. libus, & ne tantulum quidem superfuisse. Ex his conjecturam facias licebit, quemadmodum hic dilabantur nummi, ubi nihil non meo sumptu geritur, & est mihi res cum duabus *Charibdibus* voracissimis. Quod tam benigne, & ut mihi persuasum est, ex animo, pecuniam tuam offers, amplector & osculor *Rogerialium* illum animum, mihi jam olim & perspectum & exploratum; cui utinam *Fortuna* parem facultatem addidisset, & additura est aliquando, nisi plane bonis ingeniis infesta est. Istic nisi cum *Grocino* non video quo pacto possim vivere, & certe cum nemine omnium vivo libentius, sed pudet esse sumptui, praesertim cum nihil sit, in quo gratiam referre queam, & ille pro sua benignitate nihil impendi patitur. Nec admodum cupide istinc diceffi, verum hic scrupulus praeter cetera movebat animum meum. Interea, ne nihil agam, perficio opus *De conscribendis Epistolis*; *Copiam* quoque castigaturus, interim subinde devovens literulas meas tam steriles. Vale, mi *Rogeri*, unus mortalium omnium charissime. D. *Grocino* communi patrono ac praecceptori plurimam ex me salutem dices. An. 1514.

EPISTOLA CLXVII.

Dominico Cardinali Grymano Erasmus Roterod. S. D.

An. 1515. QVO minus à primo illo, & eodem postremo congressu repetiverim amplitudinem tuam, quemadmodum & illa jusserat, & ego me facturum receperam: non mea negligentia, sed tua magis inusitata quaedam, & singularis comitas, humanitaeque, fuit in causa: ac prorsus novo factum est modo, ut quae res vel maxime debuerat ad reditum invitare, ea sola deterruerit ne redirem. Quid tandem istuc novae rei fuit, inquires? Dicam equidem simpliciter, & quod hominem decet *Germanum*, ingenue. Id temporis omnino decretum erat adire *Britanniam*. Huc me veterum necessitudinum affectus, huc potentium amicorum amplissima promissa, huc Regis omnium florentissimi propensissimus in nos animus vocabat. Hanc insulam mihi patriae vice adoptaram: hanc senectuti meae sedem delegeram. Invitabar, imo flagitabar crebris literis, modo non montes auri pollicentibus. Quibus ex rebus, homo strenuus alioqui pecuniarum contemptor, tantam auri vim animo conceperam, quantae vix decem *Pastores* eluendae suffecturos crediderim. Proinde verebar, ne si redisset ad tuam celsitudinem, verterem animi decretum. Etenim qui primo statim colloquio sic labefactas, sic inflammare animum meum; quid facturus eras, si diutius ac propius fuisset congressus? Quod enim vel adamantinum pectus non flectat, tam antabilis ista morum tuorum comitas, tam mellita facundia, tam exquisita doctrina, tam fida juxta & amica consilia? denique tanti Primatis, tam expositus ad bene merendum animus? Sentiebam jam tum sensim labascentem animi sententiam, & coeperat quidem instituti suppetenire, & tamen pudebat virum parum constantem videri. Sentiebam urbis amorem, quem vix excusseram, denuo tacitis auditibus gliscere: proinde ni me repente *Roma* divulsissem, nunquam deinde fueram *Romam* relicturus. Abripui me ne rursus afflaret, & in *Angliam* avolavi, magis quam profectus sum. Quid nunc igitur inquires, num poenitet consilii? num poenitet non obsecutum fuisse amantem admonenti? Mentiri sane non est meum. Varie res haec afficere solet animum meum: neque enim non possum tangi *Roma* desiderio, quoties tantus tantarum simul commoditatum acervus in mentem venit. Primum urbis omnium multo celeberrimae lumen ac theatrum, dulcissima libertas, tot locupletissimae bibliothecae, suavissima tot eruditissimorum hominum consuetudo, tot literatae confabulationes, tot antiquitatis monumenta, denique tot uno in loco totius orbis lumina. Speciatim autem quoties succurrit cum aliorum Cardinalium, tum vero praecipue R. D. *Nanctensis*, mirum quoddam erga nos studium, Card. *Bonomiensis*

A propensissimus favor: divi vero *Georg.* Card. non jam An. 1515. favor modo, verum etiam benignitas haudquaquam vulgaris: super omnia felicissimum illud cum tua pietate colloquium. Haec videlicet faciunt, ut nulla prorsus fortuna tam benigna possit obtingere, quae *Roma* semel degustata desiderium eximat animo meo. Jam apud *Britannos* tametsi fortuna contigit non usquequaque poenitenda, certe meis aliquanto major meritis: tamen ut verum fatear, non omnino respondet nec votis nostris, nec amicorum pollicitis. Quae res non tam accidit illorum perfidia, quam temporum iniquitate. Nam Regem ipsum, alioqui multo Regum omnium benignissimum, ad hoc optime de *Erasmio*, tum sentientem, tum loquentem, (id quod partim ipsius ad me literis, partim multorum praedicatione comperitissimum habebam) subito ingruens bellorum procella prope totum nobis eripuit. Tanto animo, tanto studio, pius ac generosus adolescens bellum apparabat, quod ad Ecclesiae Romanae dignitatem tuendam pertinere judicabat. Et *Guilielmus Montjojus*, vetustissimus post *Henricum Bergium* Episcopum *Cameracensem*, studiorum meorum *Mecenas*, sic obrutus est belli oneribus, ut magis amaret quam succurreret, vir antiquae sane nobilitatis, & incredibili beneficentia erga bonarum literarum cultores, verum ut inter hujus regni Barones, animo magis quam re beatus. Ut ne quid interim meam ipsius lentitudinem incusem, homo usque adeo non ambitiosus, ut plane *Timothei* fortuna sit opus, quae dormientis impleat rete. Attamen quo minus poenitere queat aditae *Britanniae*, *Guilielmus* Archiepiscopus *Cantuariensis*, totius *Angliae*, non titulo tantum, sed omni decorum genere Primas, potissimum fuit in causa: vir modis omnibus incomparabilis, ac prorsus unicum ejus regni ornamentum & praesidium, sapientia, judicio, doctrina, auctoritate maximus: sed hoc tamen seipso major, quod ob singularem quandam modestiam, solus ipse magnitudinem suam non agnoscit. Mira vitae sobrietas, summa dexteritas ingenii, animus impiger, & ab ocio prorsus abhorrens. Magnus rerum usus, ut qui in gravissimis legationibus, maximisque Regum & regni negotiis, jam olim sit versatus. Unde fit ut tot rebus administrandis, quot aliorum complures vix sufficiant, unus non modo par sit, verum etiam supersit, quod evolvendis bonis auctoribus, quod privatis amicorum affectibus impartiat. Nam praeter Episcopi functionem, totius regni Cancellarium, hoc est, summum Judicem, agit. Is me sic amore complectitur, sic ornat auctoritate, sic benignitate fovet, in summa sic ubique mirum quandam praestat *Mecenas*, ut si pater esset, non possit indulgentius: si frater, non possit amantius. Unde factum est, ut quod *Roma* in tot egregiis Cardinalibus, in tot ornatissimis Episcopis, in tot eruditissimis viris reliqueram, id totum in uno homine mihi viderer recuperasse. Nunc vero posteaquam opera *Leonis*, Pontificis vere maximi, pax est orbi restituta, multo quidem commodior est *Britannica* Fortuna: & tamen acrius etiam *Roma* desiderio titillatur animus, dum & passim famae praeconio celebratur, & verisimillimum est, sub tali Principe veluti signo dato, quicquid usquam gentium est eruditionis eximiae, quicquid egregiae virtutis, hoc tempore *Romam* velut in suum Theatrum concurrere. Ante biennium igitur adornaram iter, comes futurus R. Patri D. *Joanni* Episcopo *Roffensi*, viro omnium Episcopaliū virtutum genere cumulatissimo: & ut compendio laudes illius explicem, *Cantuariensi*, cui subsidiarius est, simillimo. Verum is ex itinere subito revocatus est. Rursum anno superiore meis auspiciis *Basileam* usque procefferam. At hic quoque res quae iam est remota, nescio quid alii sensuri sint, at meo judicio maxima: nam maximum fuerit oportet, quod ab urbe potuerit avocare. Jampridem hoc moliebar, haud sane mediocribus vigiliis, uti divus *Hieronymus* nobis totus quasi renasceretur: quem sic Latini summum habemus Theologum, ut prope solum dicere liceat: sed cur-

An. eundem adeo depravatum, adeo confusum, adeo contaminatum, ut cum non sit alius æque lectu dignus, tamen unus maxime sit, qui legi non possit, nedum intelligi. Hujus igitur lucubrationes omnes, præsertim Epistolares, in quibus plurimum erat negotii, primum in ordinem digessimus; deinde mendas, quibus obrutus erat magis quam oblitus, veterum auxilio codicum, nostroque ingenio sustulimus. Addidimus cum argumentis commoda in loco scholia, quo possit vel à mediocriter eruditis inoffensus legi, qui antehac, dicam audacter, sed vere, nec ab eruditissimis intelligebatur. Nam quemadmodum olim *Romulus* dictus est, non minus magnificus ostentator egregiorum facinorum quam gestor, ita videre est in divo *Hieronymo* novam quandam & variam eruditionem, cum sancta quadam ostentatione conjunctam. Græca & Hebraica, quæ vel deerant prorsus, vel sic erant adscripta ut præstiterit nihil adscriptum fuisse, summa cura restituiimus. Supposititia & adulterina, quæ quidem bona pars est, in suum relegavimus volumen: ut nec desideraret aliquid avidus magis quam eruditus lector: nec rursus indoctissima blateramenta tam incomparabilis viri titulo diutius circumferrentur. Equidem perspiciebam *Italiam*, & bibliothecarum auxiliis, & regionis auctoritate, ad operis editionem magno usui futuram, sed commodum offendi *Basilea* quosdam ad id operis accinctos, imo jam aggressos: præcipue *Johannem Frobenium*, cujus & arte & impendio magna ex parte res agitur, nec non tres doctissimos juvenes fratres *Amorbachios*, Hebraicarum quoque literarum pulchre doctos. Atque his literis non paucis in locis utitur *Hieronymus*. Ac mihi quidem hac in parte, juxta Græcorum proverbium, *Theseo* quopiam fuit opus, ut qui literas eas vix primoribus (ut ajunt) labris degustassem. His igitur in laboris partem adscitis, *Herculano* (quod ajunt) animo negotium aggressus sum. Fervet ingens officina, excuditur elegantissimis formulis divus *Hieronymus*, imo renascitur, tantis impendiis & pecuniarum & sudorum, ut minoris constiterit *Hieronymo* sua conscripsisse, quam nobis restituisse. Mihi certe tantum hic laboris exhaustum est, ut parum abfuerit, quin ipse immorerer, dum studeo, ut ille renascatur. Summa, ni fallor, Operis ad decem volumina succrescet. Sed quorsum hoc mihi, inquires? Primum sciebam te perpetuo quodam tuo erga bonas literas studio, pariter & *Hieronymo* gratulaturum, & nostris fauturum conatibus, imo fauturum pietati Christianæ, cui plurimum adjumenti ex *Hieronymianis* literis accessurum spero. Atqui hæc res, citra plurimarum & locupletissimarum bibliothecarum auxilia confici, ut dignum est, non potest. Proinde si quid habet vel tua Bibliotheca, quam domi habes ditissimam, & omnijugis omnium linguarum libris refertam, vel summi Pontificis, aut aliorum, pietatis tuæ fuerit, in publicam orbis utilitatem impartire. Deinde mihi visum est vehementer congruere, ut summus Theologus summi Pontificis felicibus auspiciis exiret in manus hominum, ita restitutus, ut antehac nec editus videri possit: utque Scriptor omnium eruditissimus, ejus nomine commendaretur orbi, è cujus familia tot literarum proceres nobis prodissent. Sic enim pariter fore, ut tam eximii Pontificis auctoritate, multum *Hieronymo* splendoris ac dignitatis adjungatur, & vicissim ex eminentissimi Doctoris celebritate, non mediocris accessio fiat *Leonis* gloriæ. Nec enim video, quonam alio monumento magis possint illius decora immortalitati consecrari. Huic igitur renatum *Hieronymum* consecrabimus, præsertim si nostro judicio tuus accedet calculus. Nam alioqui propemodum erat decretum, dicare Præfule *Cantuariensi*, cui debemus omnia. Quanquam is quoque lubens ac volens, hoc quicquid est gloriæ, *Romano* Pontifici cessurus est, sat scio. Eo est in istam Sedem animo. Et nos hujus memoriam ita cum *Leonis* laudibus copulabimus, optimi cum optimo, Primatis cum primo, ut hac via rectius etiam

A consultum fuerit, & *Hieronymo*, & *Mecanatis* mei nominis. Edidimus, præter alia permulta, *Chiliadum* O-
pus à nobis emendatum, & ita locupletatum, ut quarta voluminis pars accreverit. Proxima æstate emissuri varias, nec infrugiferas (ut opinor) annotationes nostras in Novum Testamentum, una cum Apostolicis Epistolis, sic à nobis versis, ut intelligi possint. In quo labore ita puto me versatum, ut non sine causa post *Laurentium Vallam*, post *Jacobum Fabrum*, virum juxta doctum ac diligentem, videar hoc negotii suscepisse. Est in manibus libellus de instituendo Principe, quem illustrissimo *Carolo* Archiduci *Burgundia*, *MAXIMILIANI* nepoti, destinavimus. His defuncti rebus commentarios, olim in *Paulum* inceptos, in manus revocabimus. Decretum enim est, quicquid superfuturum est ævi, id totum arcanis dedicare literis. Nec ullus labor ab instituto deterrebit, si tuo tuique similium favore fulciemur. Scis enim jam vetustissimum illud esse, ut invidia, quavis excetra nocentior, egregiis conatibus semper obsidilet. Id quod nuper in summo illo viro *Johanne Reuchlino*, non sine summo animi dolore conspeximus. Jam par erat, jam tempus erat, ut homo venerandæ senectutis, suis pulcherri-
C mis studiis frueretur, & ex honestissima juvenilium fementente laborum, suavissimam caperet messem. Conveniebat, ut vir tot linguis, tot disciplinis instructus, hoc velut ætatis autumnus divitem ingenii proventum in universum orbem effunderet. Ad hoc erat laudibus extimulandus, præmiis invitandus, studio inflammandus. Et exortos audio, nescio quos, qui cum ipsi nihil præclarum efficere possint, perversissima via gloriam affectent. Deum immortalem, quam frivolis ex nugis quantas Tragedias concitarunt! Ex libellulo, imo Epistola, eaque *Germanice* scripta, quam nec ediderit ipse, nec edendam putarit, tantum excitari tumultus? Quis unquam vel scriptum novisset eum libellum, nisi isti mundo publicassent. Quanto placabilius erat, si quid ibi fuisset erratum (ut errant homines omnes) id vel premere, vel candide interpretari, aut certe tam eximiis hominis virtutibus condonare? Non hoc dixerim, quod illic ullum videam erratum, qua de re sane aliorum est pronunciare: illud dicam, si quis ad istum modum malignius, & ut *Græci* dicunt ἀπορίμω, excutiat divi *Hieronymi* libros, permulta reperiet à nostrorum Theologorum decretis longe lateque discrepantia. Quorsum igitur attinebat virum, & literis & ætate venerabilem, ob rem nihili in hujusmodi pertrahi turbas, in quibus jam septimum, opinor, perdit annum? Utinam hoc operæ, utinam hoc temporis, licuisset adjuvandis honestissimis literarum studiis impendere. Nunc omnibus dignus præmiis, molestissimis litibus involvitur, non mediocri Doctorum omnium, imo totius *Germania* & dolore & stomacho. Quanquam his omnibus spes est futurum, ut vestra opera vir tam eximius & orbi restitatur & literis. Hymne proxima *Roma* nos videbit, si modo faverit *Christus* Opt. Max. & regia majestas, una cum Archiep. *Cantuariensi*, denuo facultatem permittent abeundi; quam si non ipse, certe divus *Hieronymus* ab illis impetrabit. Te in plurimos annos incolumem ac florentem nobis, imo literis & orbi, servet optimus ille *Samarites Christus*, cui me totum addico, dedicoque. *Londini* 31. Martii, Anno 1515.

EPISTOLA CLXVIII.

Raphaëli, Cardinali Sancti Georgii, Erasmus Rotterodamus S. D.

Q V O D annis jam aliquot meæ siluerunt literæ, non tuorum in me meritorum oblivio fuit in causa R. P. quæ sane nec desii, nec desinam unquam, vel prædicare, vel meminisse: sed partim pudor quidam obstitit, quod improbum existimarem, tot gravissimis negotiis districtum, nostris insuper interpellare nugis, (etenim aliquoties officiosum est, non salutare) partim

An. 1515. temporum ipsorum iniquitas, quæ nobis plus quam ferrea inciderunt. Nam si leges silent inter arma, quanto magis tum silent Musæ virgines, cum tantis rerum procellis, personant, perturbantur, miscentur universa? Verum posteaquam *Leonis* Pontificis, modis omnibus maximi, lætissimis auspiciis, pax tandem est orbi reddita, compositi Principum motus, sublatum illud omnium perniciosissimum mundi dissidium, jam non solum mæx literæ *Romam* ire gestiunt, verum ipse quoque mira quadam ardeo cupiditate revivendi veteres illos meos *Mecanates*. Est quidem apud *Britannos* fortuna mediocris, ut minor & meis votis, & amicorum promissis, ita meritis nostris major. Siquidem Rex ipse *Henricum* octavus, cujus natura, mihi crede, nihil cogitari potest, vel melius, vel felicius, ita de nobis & loquitur & sentit, ut nemo vel amantius, vel honorificentius. Favent Episcopi, cum cæteri ferme omnes, tum præcipue *Dunelmensis*, qui Regi est à secretis. Item *Roffensis*, vir pietate doctrinaque singulari. Ad hæc Archiep. *Eboracensis*, cujus nunc est incredibilis apud regiam celsitudinem, tum gratia, tum auctoritas. Nam regis curis sic adest, ut maxima pars publicorum negotiorum in hujus inclinet humeros. Porro R. Archiep. *Cantuariensis*, totius *Angliæ* Primas, in quo viro summum est, quicquid est optimum in rebus mortalium, sic perpetua quadam benignitate, vel (ut verius dicam) pietate, nos fovet, tuetur, ornat, ut si frater esset aut pater, non posset amantius. Et tamen non possum non discrucari *Romanæ* urbis desiderio, quoties animo recurſat, quam libertatem, quod theatrum, quam lucem, quas deambulationes, quas bibliothecas, quam mellitas eruditissimorum hominum confabulationes, quot mei studiosos orbis proceres, relicta *Roma* reliquerim. Atque adeo nonnunquam ipse mihi quovis infortunio dignus videor, qui te tantum ac talem *Mecanatem*, sic de me meritum, sic ad ornandum & evehendum me modis omnibus propensum & expositum, cum quavis fortuna commutandum duxerim. Sed quid facerem? Montes aureos, imo plus quam aureos suis literis pollicebantur amici. Certa promittebat *Gualielmus Monjoius*, & quidem ingentia, eaque rursum cum summo ocio, vitæque libertate conjuncta, quam ego sic amplector, ut si quis hanc adimat, vitam esse non putem. Defuncto Regi successerat plane divinæ cujusdam indolis juvenis, nec ineleganter bonis literis initiatus: nostri vero adeo jam multo ante studiosus, ut paulo ante patris obitum, cum in *Italia* viverem, literas ad me dederit, & suoſpte *Marte* conditas, & propriis descriptas articulis: sed ejusmodi, ut vel ex his singulare quoddam & regno dignum ingenium possis agnoscere. Ex hisce videlicet rebus totos *Midas*, plus quam *Pastolos* ac *Tagos* animo conceperam. Seculum quoddam vere aureum, & Insulas Fortunatas somniabam, *ἡμεῖς ἀνθρώπων*, ut inquit *Aristophanes*. Quamquam, ut vere dicam, non tam mihi defuit Fortuna, quam ipse Fortunæ defui, homo sic abhorrens à communibus negotiis, sic alienus ab ambitione, imo adeo socors, ut plane *Timothei* fortuna sit opus, quæ dormientis retibus felicitatem implicet. Itaque nihil est, quod incusem amicos, quibus una mecum blandissima spes imposuit. Siquidem cum reliquos amicos, tum Regem ipsum, aurei seculi parentem, mox secuta bellorum procella, Musis omnibus præripuit. Adeo *Juliana* illa tuba mundum universum ad *Martis* studium excitaverat. Cæterum rebus jam vestra sapientia tranquillatis, velut de integro totus ad literarum accingor munia. Quamquam nec in mediis illis bellorum tumultibus unquam est à nobis cessatum. Emisimus enim cum alia permulta, tum *Adagiorum* opus, diligenter à nobis recognitum, & ita locupletatum, ut quarta voluminis pars accreverit. Excuditur jam dudum divus *Hieronymus* totus, imo renascitur, antehac adeo depravatus ac mutilus, ut nunc non tam restitutus, quam

A primum editus videri possit. Hunc non æstimandis sudoribus, multis collatis exemplaribus, iisque pervetustis, emendavimus, adjectis in loco scholiis, quo possit inoffensus legi. Scis enim apud hunc passim infulciri, quæ lectorem obscuritate remorentur. Græca atque Hebraica vel reposuimus, vel correximus. Nothos atque supposititios libros, quorum alios casus, alios impostor aliquis admiscuerat, non amputavimus quidem, sed in suum rejecimus Tomum, neve quid desiderare possit lector avidior quam elegantior, neve infulsissimi blateronis nugæ, tam excellentis viri titulo diutius sese venditarent. Excuditur ingens opus, ad decem opinor volumina rediturum: & excuditur tantis impendiis, tanta cura, ut ausim deſerare, his annis viginti, nullum opus ex ullius exiſſe officina, pari sumptu, parive studio elaboratum. Nec arbitror ipsi *Hieronymo* tantidem constitisse suas lucubrationes conditas, quanti nobis constabunt restitutæ. Ipse certe in hoc negotium tanto incubui studio, ut parum abfuerit, quin memet labore confecerim, dum operam do, ut reviviscat *Hieronymus*. Verum ita fert animus, tam pio, tamque frugifero labori, vel immori libet. Nam mihi res quam cordi sit vide: Anno superiore totos octo menses *Basilea* fumus hac gratia commorati, non sine summo rei pecuniariæ dispendio, ut laborem, & iter omnium periculosissimum negligam. Ac proximo rursum autumno, certum est *Italiam* repetere, quo videlicet ditissimas istas lustrem Bibliothecas. Nullius unquam laboris me piguerit, modo sensero tuum, tuique similium favorem, nostris adspirare conatibus. Ad hæc, nondum statui, sed ex tuo constituam consilio, cui sit hoc operis inscribendum. Archiepiscopo *Cantuariensi* nihil non debeo; dignissimus enim est, quem unum omnis mea celebret pagina. Alioqui prope videbam conventurum, ut Theologorum omnium Princeps, Pontificum omnium Principi consecratur, imo ut omnes bonæ literæ ejus auspiciis reflorescant, per quem pax est rebus humanis reddita, literarum ac studiorum alitrix. Video vicissim & *Hieronymo* non parum accessurum commendationis, ex *Leonis* nomine, & hujus nomini plurimum decoris addituram *Hieronymianarum* lucubrationum dedicationem. Verum hisce de rebus coram & pluribus, & diligentius. Interim oro, ut si quid inciderit, eum patronum præstes *Erasmio*, quem *Roma* sum semper expertus. Si qua res exorietur, in qua infimi clientuli obsequio non gravaberis uti, præsertim apud Archiepiscopum *Cantuariensem*, efficiam ut intelligas, omnia mihi defuisse potius quam fidem ac diligentiam. Sed illud pene exciderat, majorem in modum te & obsecro, & obtestor, per bonas literas, quibus tua celsitudo semper unice favere solet, ut eximius vir Dominus *Joannes Renschlinus* in suo negotio æquos vos sentiat & benevolos. Eadem opera bene merebimini de literis ac literatis omnibus, quorum ut quisque doctissimus est, ita illi impensissime studet. Huic omnis debet *Germania*, in qua primus Græcarum & Hebræicarum literarum studium excitavit. Vir est enim complurium linguarum egregie peritus, variis expolitus disciplinis, jam libris editis clarus, & orbi Christiano notus, Cæsari *Maximiliano* cum primis gratus, ut cui sit à consiliis, gravis & honoratus apud suos, inter quos Triumviri munere fungitur, famæ semper hætenus incontaminatæ. Ad hæc senectute jam & canicie reverendus. Proinde & ille promerebatur, ut hac ætate honestissimorum studiorum dulcissimam meteret messem: & nos exspectabamus, ut quod annis compluribus condidit, nunc in communem omnium depromeret utilitatem. Bonis igitur omnibus indignissimum videtur, non solum apud *Germanos*, verum & apud *Anglos* & *Gallos*, quibus ex literis notus est, tam eximium virum, tot ornamentis pulcherrimis cumulatam, tam odiosis divexari litibus, idque ex ea re, quæ meo sane judicio vel ipsam aſini umbram superet, in quam jocus exstat proverbialis.

An. 1515. Principum arma, vestra sapientia, cohibita sunt, eadem & literarum cultoribus suam restituat pacem. Procul ejiciatur, quicquid rancorem, quicquid similitudinem sapit. Posteaquam Principes vobis auctoribus in concordiam redierunt, absurdum est eruditos viros libris ac jurgiis inter se conflictari, & cum illi tela habeant innoxia, hos se mutuo stylis, veneno tinctis, configere. Quanto præstiterat hunc hominem, quod operæ, quod sumptus, quod temporis his litium tricis impendit, honestissimis literis impartisse. Multis hic gratiosior est *Julii* secundi memoria, quod *Jacobum Wimphelingum*, virum præter eruditionis & sanctimonie commendationem, jam senio quoque venerabilem, sua ipsius voce ab hujusmodi litibus absolvit, & calumniatoribus silentium indixit. Crede mihi, innumeros mortales sibi devincturus est, quisquis *Joannem Renschlinum* Musis ac literis restituerit. Bene valeat tua pietas, cui me, quantus quantus sum, dico consecroque. *Londino* 31. Martii, Anno 1515.

EPISTOLA CLXIX.

Erasmus Andrea Ammonio S.D.

CVM *Dovaria* per occasionem ostendissim *Mecanati* nostro tua poemata, ingenium & eruditionem ubique probavit. Cæterum præfatione tua visus est mihi non admodum delectari, iisdem de causis, quas apud te conjectaram, non ignarus ingenii hominis. Mirum est quam abhorreat ab omni *νενοδοξία* suspitione. Itaque admonuit me ut si ederem, præfationem ommitterem. Ipsum enim carmen præfationis vice fore: præterea in carmine, cum ais, *Turba tui quod facit ordinis*, moxque *aleus* & *perpotationes* commemoras, veretur ne is locus & tibi & sibi nonnullam pariat invidiam: quasi libenter accipiat, suum ordinem taxari. Si præfationem mutas, addas velim, mentiunculam de ecloga ipsi dicata. Nam id velle sensi, propter *Anglia* Regisque laudes, quibus unice delectatur. Hac de re tuas literas expectabo, quas ad *Jodocum Badium* mittes; nam nisi tua cognita sententia nihil omnino tuis in scriptis sum mutaturus. Vale, amice candidissime. *Moro* multam *an' ipse* salutem dicito. *Linacro* meis verbis etiam gratulare. Siquidem audiavi apud Archiepiscopum, quod audiavi non illibenter. *Morum* admonebis ut & *βιβλία*, quæ reliqui in cubiculo, *Coletio* redenda curet. *Dovaria* 10. Aprilis, Anno 1515.

EPISTOLA CLXX.

Erasmus Rot. Gonello suo S. D.

MVLTIS modis hæc tempora nos affligunt, mi *Gonelle*. Pestis hic passim scintillat, mox uti videtur sævitura. Bellum imminet, malorum omnium Oceanus. Nos privata etiam quædam incommoda discruciant, præterquam quod nuper exortus est mihi novus genius malus, bestiola quædam perpufilla quidem, sed quæ tantum habeat veneni, ut præ hoc vipera, quia & seps, veneno vacare videatur. Rogo uti per *Wassonum* ad nos scribas. Et quid agat metus *Dogafus* significes, imo quid valeas ipse, quid hospes totus humanissimus, quid materfamilias, omnis bonitatis exemplar. Fac diligenter salutes *Greanum* commissarium communem amicum, vel, ut verius dicam, patronum. Bene vale. *Londino*, Anno 1515.

EPISTOLA CLXXI.

Erasmus Roterod. Gonello suo S. D.

LONDINI salutavi *Mecanates* meos, Archiepiscopum & *Montjoiam*, ad hæc amicos aliquot destinaram munusculo adoriri, & in his regium Eleemosynarium, nunc Episcopum *Lincolniensem*, sed offensus *Londino*, nondum enim illic versari tutum est ob pestilentiam, in aliud tempus distuli. Rex laborabat cum illic effem, hoc est, *Richemondia*, sabbato proximo,

sed medicus aiebat eum evasisse periculum. Adest *Londini* summi Pontificis nuncius, Episcopus *Theatinus*, vir, ut ajunt, undequaque doctissimus, de pace inter Principes tractaturus, sed frustra. Is magis, ni fallor, suum aget negotium, quam nostrum. Proximo *Majo* Rex trajiciet, unaque sororem *Mariam* secum abducat, nupturam Principi nostro. Equum remisi, mone sæpius, ut pater eum bene tractet. Est apud me, quod putem tibi gratum fore, sed mirum quanta hic scriptorum inopia. Bene vale, charissime *Gonelle*. *D. Greanum* meis verbis saluta. *Londino*, Anno 1515.

EPISTOLA CLXXII.

Erasmus Rot. Guilielmo Gonello suo S. D.

DE equo voluptatem mihi nuncias, mi *Gonelle*, & animum tuum hac quoque parte agnosco. *Cato* & alia, quæ illi adjecimus, jampridem absoluta sunt, sed unicum nobis duntaxat exemplar est, scribarum inopia. Adjecimus & pristinae collectioni magnam vim Similium ex *Plinio*: ea puto tibi tuisque magno usui futura, sed deest qui describat. Tanta est apud *Briannos* laboris fuga, tantus amor ocii, ut ne tum quidem excitentur, quum spes dolosi affulserit nummi. Huc si te contuleris, lubens & hæc & reliqua communicabo omnia. An id ex usu tuo sit, ipse expendito: nam mihi certe tuus adventus erit gratissimus: tametsi pestis hic locis aliquot scintillat, ut *Greani* nostri verbo utar, ac nuper aulam quoque regiam invasit audax, extinctis duobus aut tribus. Verum si advolas, maturandum est, nam ipse ad quadraginta dies fugam adorno, nisi quid novæ obtingat fortunæ, cujus ne somnium quidem adhuc ullum video. De rebus novis scripsi *Greano*. Bene vale, *Gonelle* charissime. *Londino* 28. Aprilis.

Et ipse pene oblitus eram quod maxime cupiebas scire, quisnam sit genius ille malus mihi nuper exortus. Est animalculum quoddam pusillum, sed quo non aliud alat nec pontus, nec tellus venenatius, aut pestilentius: nihil enim est nisi merum virus, quod procul etiam afflat & amicis & inimicis. Hanc pestem *Liguria* nobis misit, hujusmodi venenorum ferax, magis quam *Hiberia*. Quod si nomen quoque cupis cognoscere, longe diffidet à moribus *Joannis Baptiste*, cum quo homo nimium candidus ac simplex pene contraxeram domesticum contubernium, sed gustato veneno resilli. Is dolens elapsus esse me, virus suum procul afflat, ac linguæ venenis me petit. Duo me consolantur, unum quod ipse culpa vaco, alterum quod illi nemo credit, homini sic omnibus invisio, ut nec à fratribus aut liberis ametur, uxoris hostis. Rursum vale, mi *Gonelle*. *Londino*, An. 1515.

EPISTOLA CLXXIII.

Erasmus Rot. Gonello suo S. D.

NIHIL est, mi *Gonelle*, quod te unius aut alterius interitus magnopere territet, nisi passim vagari malum cœperit, præsertim quum nunc in *Anglia* mutare locum nihil aliud sit, quam mutare periculum, non effugere. Fuge turbæ colluviem, quantum potes; moderate vive, sicuti facis; tuos item à turbæ commercio cohibe. Jam instat hyems, quæ solet hujusmodi mederi malis. Intelligo te nimium graviter discruciar, ac propemodum despondisse animum, quod tibi crumena cum paucis nummis perierit. Primum quid Musarum alumno cum pecuniis? deinde quid juveni? denique quid est, quod tantulæ pecuniolæ jactura *Gonelli* tangat animum? Ego quum ante quindecim annos redire in *Galliam* pararem, viginti libras in littore *Dovariensi* perdidici, & nondum ingressus navim, naufragium feci. Universas opes semel perdidici, & adeo non consternatus sum animo, ut alacrior etiam & ardentior ad libros redirem, moxque intra paucissimos dies *Proverbiorum* opus edidi. Oble-

An. Objecta te Musis, mi *Gonelle*: pecuniam istam aliqua
 1515. tibi reddet fortuna vel cum fœnore. Interim sic existimato, *Erasmi* pecuniolas, quantulacunque sint, tibi communes esse. Nostri desiderium non tibi molestius est, quam tui mihi: sed non semper sæviet Fortuna. *Joannis* mei discessus initio male me habebat, nunc occalluit animus, ut malim non redire. Quorsum enim attinet beneficium in eos conferre, qui non intelligunt? Nihil æque perit atque id, quod confertur ingratis: at longe magis perit, quod præstatur non intelligentibus. Ingratus dissimulat, non intelligens ne sentit quidem. Si quid novabis, quæso facias me certior. Quum dabitur colloqui, communicabo tibi, quod spero non ingratum fore, nec inutile studiis tuis. Bene vale. Salutem ex me dices humanissimæ matrifamilias, ac cæteris omnibus. Demiror *Lupsetum* nihil scribere: audire gestio, quid agat, quid valeat. Rursum vale. *Londini*. Anno 1515.

EPISTOLA CLXXIV.

Beatissimo Patri Leoni Decimo, Pontifici vere maximo,
Erasmus Roterodamus S. D.

Si celsitudinis tuæ ratio habeatur, beatissime Pater, nemo vel summorum Principum invenitur, qui non veriturus sit ad te scribere. Quis enim non metuat cum compellere literis, qui quanto cæteri mortales pcedibus antecellunt, tanto ipse mortales universos majestate superat, & inter homines prorsus cœlestes quoddam agit numen? Attamen singularis quædam naturæ tuæ bonitas, & incredibilis humanitas, qua quidem illam ipsam superas magnitudinem tuam, qua superas & maximos, non solum publica totius orbis voce prædicata, verum etiam ipsa, quod ajunt, fronte, totoque corporis habitu relucens, mihi vero, cum olim agerem *Roma*, domestico etiam congressu degustata, tantum addit fiduciæ, ut nec ipse, infimæ pene fortis homuncio, dubitarim sublimitatem tuam meis interpellare literis. Atque utinam liceat vere beatissimis istis advolutum pedibus oscula figere. Video passim, audio passim, quacunque patet orbis Christianus, summos pariter atque infimos sibi de tali Principe gratulari. Quod quidem cum omnes meritissimo faciant, nullos tamen æque id facere par est atque eos, qui veræ pietatis & optimarum literarum studio ducuntur: primum quod nobilis illa & nominis immortalitate semper victura *Medicorum* familia, cui *Leonem* debet orbis, semper excellentium probitate ac literis virorum, & altrix fuerit & ornatrix. Ex qua nobis, velut ex equo *Trojano*, tot eximii in omni doctrinæ genere proceres, paucis jam annis exsilierunt, tot *Cicerones*, tot *Marones*, tot *Platones*, tot *Hieronymi*: ut vel hoc unum omen studiosos omnes summam in spem debeat erigere, numinum providentia *Leonem* orbi datum: sub quo præclaræ virtutes, sub quo bonæ artes omnes reflorescant. Jam vero ab isto tuo genere adeo non degeneras, ut domus alioqui multo omnium laudatissimæ gloriam, tuis superaris virtutibus, atque hoc ipso reddideris illustriorem, quod illius lucem ornamentorum tuorum splendore quodammodo obscuraris. Nimirum ad optimam indolem optima accessit institutio: & felicissimo ingenii tui solo, longe bellissimus obtigit cultor, politissimus ille *Politianus*: cujus opera non spinosis istis ac rixosis literis, sed veris illis, nec sine causa bonis appellatis, ac mansuetioribus, ut vocant, Musis es initiatus: quæ ferum etiam ingenium mite placidumque solent efficere. Neque vero initiatus tantum, verum etiam absolutus. Itaque duæ res, quas in Principe civitatis requirit *Plato*, naturæ bonitas & recta educatio, sic nobis constant in totius Ecclesiæ Principe, ut amplius ne votis quidem concipi possit. Neque vero defuit hisce tam egregiis primordiis, vel tua ipsius industria, vel divini Numinis favor. Quibus rebus factum est, ut cum *Romana* urbis libertas integerrimos quoque viros non raro soleat adspargere: tu ut

vitam, ita & famam modis omnibus illibatam ad istam
 attuleris dignitatem, ad quam usque adeo nullis pecu-
 niarum, aut factionum prædiis penetrasti, ut nec
 ambiens, nec exspectans, non tam hominum suffragiis,
 quam divini Numinis calculo delectus fueris atque adscitus.
 Neque vero mediocriter illustravit laudum tuarum
 decus, illa Fortunæ sævientis iniquitas, quæ sane
 superum permissu videtur incidisse, quo nimirum genuina
 virtus animi tui, velut aurum igni exploratum, spectatior
 redderetur mortalibus. Nam ut *Mario* plurimum addidit
 laudis Fortunæ vicissitudo, ita quidam *Alexandri* gloriæ,
 hoc detrahunt nomine, quod perpetuo pene rerum
 successu fuerit usus. *Timothei* vero felicitas, picturis
 etiam fuit exagitata. Egregium nauticorum adversa
 tempestas arguit. Insignis sculptor, quo durior ac minus
 obsequentem nactus est materiam, hoc majus artis suæ
 miraculum præbet. In quovis rerum statu explicat sese
 genuina illa virtutis vis: nusquam tamen clarior, quam
 quoties noverca *Juno Herculem* suum omni genere
 malorum exercet. Magis illustrarunt *Ulysses* tot exantlati
 labores, quam feliciter excisa *Troja*. Quamquam illud
 sæpenumero videmus accidere, ut qui res adversas
 fortiter pertulerunt, fortunæ blandientis indulgentia
 corrumpantur. At tu quam integritatem in rebus
 afflictis semper præstiteras, eandem hætenus ad
 summum rerum apicem eventus præstitisti. Nisi quod
 nunc tuam bonitatem magis sentimus, dum nobis
 expressius *CHRISTI* refert imaginem, cujus haud
 dubie vicem geris, posteaquam ad summam bonitatem,
 summamque sapientiam, par accessit potentia: ut
 quantum pro tua bonitate prodesse vis, quantum pro
 tua singulari sapientia, quæ ratione succurrendum
 sit rebus humanis, perspicias, tantundem pro
 summi Pontificii fastigio possis. Ut enim nihil
 possit accidere pestilentius, quam si pravitas ac
 stultitia, summi magistratus armetur auctoritate:
 ita non alia res æque salutaris à superis dari potest
 mortalibus, quam si ad cuncta moderantis Dei
 similitudinem, tria hæc in Principe copulentur.
 Porro, quo major est potestas, hoc perniciosior est,
 si incidit in hominem vel stultum, vel malum.
 Sensit illico mundus *Leonem* gubernaculis rerum
 admotum, repente seculum illud plus quam ferreum,
 in aureum versum: ac tanta, tamque fatalis subito
 rerum omnium commutatio, ut nemini non palam
 esset, hæc auctore Deo geri. Compositæ bellorum
 undæ: cohibita Principum inter ipsos minæ:
 acerbis odiis dissidentes maximorum Regum
 animi in Christianam adacti concordiam: sublatum
 perniciosissimum illud schisma, & ita sublatum
 tam ingens malum, ut ne cicatrix quidem
 supersit. Ut fileam interim, quod aliquot *Italia*
 Principes suis civibus, quod complures cives in
 exilium actos suæ patriæ reddidisti: quod tuam
 familiam diu Fortunæ injuria vexatam restituisti:
 quod *Florentiam* civitatem tuam, quæ majorum
 tuorum prudentia diu florentissima fuit, multo
 reddidisti florentiorem. Hoc nimirum erat
 gentilitio *Medicis* cognomini respondere, tot
 tam immedicabilibus pene totius orbis malis
 subito mederi: idque non vi, neque severitate,
 veluti sectionibus, inusturis, aut alioqui
 tristibus pharmacis: sed consilio, sed prudentia,
 sed animi moderatione, sed mansuetudine.
 Alii laudibus vehant bella à *Julio* secundo
 vel excitata gnaviter, vel gesta feliciter, vi-
 ctorias armis partas recenseant, triumphos
 regaliter actos celebrent: quantumlibet hisce
 rebus gloriæ tribuent, tamen eam cum multorum
 dolore conjunctam fuisse, fateantur necesse est.
 Ut interim fileam, quod ex rei bellicæ gloria,
 magnam partem sibi vendicant Principes,
 quorum ductu auspiciisque negotium agitur:
 majorem fortasse miles, cujus periculo, manibusque,
 res geritur: maximam vero Fortuna, quæ nulla
 in re magis dominatur, quam in bello. Ad *Leonis*
 autem gloriam nullus est qui ingemiscat, nemo
 qui misset: neque periculum est, ne quod in
 plerisque fieri solet, damnet posteritas, cui sua
 applausit ætas.

An. 1515. Accedit huc, quod tua gloria, præterquam quod nulli non salutaris, nulli non lætissima fuit, tota tibi cœlestique numini propria est, ut quæ publico omnium bono, bene fortunante Deo, incredibili tua sapientia contigerit: atque vel ob hoc ipsum magis est propria tibi, quod illius munere contigerit, qui non favet immerenti. Ut maximum declararit *Julium* totus pene orbis ad bellum excitatus, certe majorem testatur *Leonem* pax orbi restituta. Clarius arguit tuam magnitudinem, quod inclytus *Ludovicus*, *Galliarum* Rex, se suaque omnia tuo submitit arbitrio; quam *Julii*, quod ab eo bello victus est, aut certe vexatus. Magis illustravit auctoritatem tuam Serenissimus *Anglia* Rex, hujus nominis octavus, quod te auctore deposuit arma; quam *Julii*, cum illius instinctu suscepit arma: propterea, quod ad capeffendum bellum facile quemvis alliciat victoriæ spes, nemini non blandiens: & haud scio an illis potissimum, quibus insidias struit Fortuna. At vero efficere, ut tantus Rex, imo ut juvenis excelso atque invicto præditus animo, ad hæc tanto rerum successu velut exultans, victoriam jam certam amittat è manibus, atque ex hoste acerrimo in summam transeat concordiam: id vero plane divinitatis cujusdam esse videtur. Denique ut pro tempore necessaria fuerit *Julii* severitas, certe magis salutaris fuit *Leonis* mansuetudo: multoque propius ad ejus accedens exemplar, cujus locum inter mortales occupat *Romanus* Pontifex: nempe *Solomonis* illius pacifici, qui sua concordia cœlum pariter ac terram conciliat atque conglutinat, qui tolerantia vicit, non copiis, qui moriendo triumphavit, quique non aliorum sanguine sibi vindicavit imperium, sed suo sanguine nobis regnum cœleste comparavit. Proinde optimo jure sibi gratulatur orbis Christianus, talem *Leonem*, in cujus ore reperit mundus plus quam melleam dulcedinem. Quid enim pace dulcius? præsertim post gravissimos ac diutinos bellorum tumultus, quibus inter nos collidebamur, immensa Christiani sanguinis jactura, ingenti bonarum mentium dolore, magno *Turcarum* gaudio. Ad ipsam etiam illorum temporum recordationem inhorrescit animus. Sed cuicunque malum illud acceptum feret posteritas, *Medici* certe debemus remedium. Quod superest, confidimus fore, ut quemadmodum *Sampsonis* ænigma jam perspeximus, ita Christo res tuas bene fortunante, mox & illud *Apocalypses* in te quadret, *Vicit Leo de tribu Juda*. Sapientiæ moderationisque tuæ dulcedinem jam sensimus omnes. Et *Leonem* videlicet illum victorem, brevi spectabimus. Hoc nobis de te pollicentur virtutes istæ tuæ jam incomparabiles: hoc utrumque nomen ominatur, & quod ad summum Pontificium attulisti, & quod creatus Pontifex adoptasti. Etonim cum *Joannem* audimus ac *Leonem*, quid aliud intelligamus, quam eximiam bonitatem cum invicto animi robore conjunctam. Quin illud quoque felix auspiciū habere videtur, quod non solum *Leonem* habemus, quo nomine nullus adhuc fuit *Romanus* Pontifex, non egregie laudatus, verum etiam *Leonem* decimum. Nam quicquid ingens esset, id *decimum* appellabat antiquitas. Proinde quicquid virtutum in singulis *Leonibus* excelluit, id totum expectamus à *Leone* decimo: Primi *Leonis* felicem auctoritatem; Secundi eruditam pietatem, & sacræ Musices studium; Terti præter salutarem eloquentiam, animum quoque ad utranque fortunam infraetum; Quarti simplicem illam & à Christo laudatam prudentiam; Quinti sanctam tolerantiam; Sexti pacis ubique faciendæ studium; Septimi cœlo dignam sanctimoniam; Octavi integritatem; Noni effusam in omnes benignitatem. Hæc, inquam, omnia nobis promittunt, non solum nominum ipsorum haudquaquam contemnenda auguria; verum etiam hæc, quæ jam abs te præstita videmus, quæ videmus apparari. Felices rerum orsus felicem portendunt exitum. Porro, victoriæ spem hoc nobis facit certior, quod optime perspicit sapientia tua, ut est gemina victoria, ita bellum quoque gemi-

An. 1515. num esse: alterum cum vitiis, nimirum omnium pestilentissimis, & haud scio an solis Christianæ professionis hostibus: Alterum cum impiis & barbaris, Christiani nominis, & *Romana* Sedis inimicis. Ac prius quidem illud, ut magis necessarium est, ita & longe difficilius, & à nobis maxime pendens, eoque majore tractandum cura. Quod simul atque à nobis rite confectum fuerit, posterius hoc facile Christo auxiliante conficietur. Ut ne dicam interim utriusque belli longe diversam esse rationem. Alterum est ejusmodi, ut à bonis nonnullis improbetur. Alterum uno cunctorum ore laudatum. Nam ad bellum cum vitiis gerendum, haud dubie, adhortatur CHRISTVS, exstimulat *Paulus*: at belli cum *Turcis* suscipiendi, nec auctor est CHRISTVS, nec adhortatores Apostoli. Ut demus utrumque gerendum, certe majore studio moliendum, quod indixit Spiritus ille cœlestis, quam quod instituerunt homines. Et haud scio, an, quemadmodum ipse CHRISTVS, una cum suis Apostolis ac Martyribus, beneficentia, patientia, sancta doctrina sibi subegit universum orbem, ita rectius *Turcas* vitæ pietate subacturi simus quam armis: ut iisdem rationibus vindicetur Christianum imperium, quibus olim paratum esse constat. Quod si utrumque probandum est, probandum autem proculdubio quicquid *Romanum* approbarit senatus; neutra certe in re cessat inaudita tua pietas, Pater beatissime, quæ simul & Christianæ plebis religionem, jam olim multis collapsam modis, & in dies magis ac magis collabentem, saluberrimis, ut audio, Synodi constitutionibus sarcit ac restituit: & hujusmodi constitutionibus, non quæ quæstum, aut dominandi libidinem, aut tyrannidem oleant, sed quæ vere spiritum referant Apostolicum: quas quivis à patribus, non à dominis profectas possit agnoscere, in quibus piæ mentes ipsum CHRISTVM veluti loquentem venerentur. Hac igitur via molitur sanctitas tua, ut CHRISTI Ecclesia veris ac suis opibus locupletetur, ut sua præmineat gloria, ut sua polleat ditione: breviter, iis cœlestibus donis cumuletur, quæ nonnunquam tum potissimum exuberant, cum cæteris illis destituimur maxime. Quanquam nec alteram illam virtutis functionem videris negligere, ut qui conciliandis omnium inter se Principum animis, componendisque Christianorum rebus, pulcherrimam pariter ac tutissimam struis viam, ad impiam *Turcarum* gentem vel subigendam, vel profligandam. Non ferent aliquando *Leonis* nostri rugitum immanes illæ belluæ; sentient, sentient invictum illud *Leonis* mansuetissimi robur quantumvis truculentæ feræ, impares erunt Pontifici, magis pietate quam copiis armato; ac numen etiam immortale secum in bella trahenti. Video jam dudum, beatissime Pater, quam ingens laudum tuarum campus se nobis aperiat, sed longe impar est hujus ingenioli vis, rebus tantis explicandis; ad tam divina facinora, nostra non adspirat eloquentia, vel potius infantia. Atque utinam hoc studium detur eruditibus omnibus, ut velint, tum ea facultas, ut possint omnium seculorum memoria dignas *Leonis* decimi virtutes, dicendi viribus exæquare. Me quidem procul absterret tua celsitudo; quem enim illa non absterreat? Et tamen nescio quo pacto, mihi vehementer gestit animus pro virili omnes ingenii nervos in hoc explicare, ut quanta exstiterunt *Leonis* in Christianam gentem merita, tanta & posteris habeantur ac celebrentur, nullo unquam tempore intermoritura. Qua de re dum cogitanti mihi, cum exploratum haberem, nequaquam ingenii nostri præsidio confici posse, propomodum visum est, fieri posse, ut hac ratione utcumque, quod conor, liceat assequi, si ad id efficiendum immortalis alicujus per se nominis adminiculo fuerimus usi. Perspiciebam divum *Hieronymum* sic apud *Latinos* esse Theologorum principem, ut hunc prope solum habeamus, Theologi dignum cognomine; non quod cæteros damnem, sed quod illustres alioqui, si cum hoc conferantur, ob hujus eminentiam velut obscuren-

1515. An. rentur: denique, tot egregiis cumulatam dotibus, ut vix ullum habeat & ipsa docta *Gracia*, quem cum hoc viro queat componere. Quantum in illo *Romana* facundia? quanta linguarum peritia? quanta omnis antiquitatis, omnium historiarum notitia? quam fida memoria? quam felix rerum omnium mixtura? quam absoluta mysticarum literarum cognitio? super omnia quis ardor ille? quam admirabilis divini pectoris afflatus? ut unus, & plurimum delectet eloquentia, & doceat eruditione, & rapiat sanctimonia. Atqui ut hunc virum unum habemus dignissimum, qui legatur ab omnibus: ita unus sic depravatus erat, sic contaminatus, sic conspurcatus, ut nec à doctis posset intelligi. Videbam facinus quidem pulcherrimum, si nostra cura Doctor tam eximius orbi restitueretur. Verum, perspiciebam tantum esse in eo negotio difficultatis, ut ea res non unum desideraret *Herculem*: tantum aberat, ut unum me parem esse posse considerem, adeo non *Hercules*, ut vix etiam homo. Attamen certatim adhortantibus eruditis, efflagitantibus Episcopis, nominatim autem unico illo, non meo tantum, sed & omnium literarum, omnis virtutis, apud *Britannos Mecenates*, D. *Guilielmo* Archiepiscopo *Cantuariensi*. Quo quidem viro ut nihil habet illa insula, vel eruditione, vel integritate, vel omnibus denique ornamentis episcopalibus absolutius; ita non alium habet, ad provehendum optimarum rerum studium propensiores: porro, in omnibus negotiis, quæ ad Sedis *Romanae* dignitatem, amplitudinem, ac maiestatem pertinent, ea pietate, ut maiore non possit. Deinde jam veluti resistentem, & ob immensam laboris magnitudinem, susceptæ Provinciæ suppoenitentem, Reverendi in Christo Patris *Joannis Petri Caraffa* Episcopi *Theatini*, qui nunc apud *Anglos* nomine sanctitatis tuæ Oratorem agit, denuo redaccendit Oratio; suæque voce & applausu, reddito mihi animo, in certamen revocavit. Quid enim non persuadeat illa tam singularis hominis eloquentia? quem non permoveat, tam integri, tam gravis auctoritas Præsulis? quem non inflammet, tam rara optimi viri pietas? Nam ad trium linguarum haud vulgarem peritiam, ad summam cum omnium disciplinarum, tum præcipue Theologicæ rei cognitionem, tantum homo juvenis adjunxit integritatis & sanctimoniam, tantum modestiæ, tantum miræ gravitate conditæ comitatis: ut & Sedi *Romanae* magno sit ornamento, & *Britannia* omnibus absolutum quoddam exemplar exhibeat, unde omnes omnium virtutum formam sibi petere possint. Hic tantus tantum tribuit hisce meis laboribus, ut ne, si immodestissimus quidem sim, possim agnoscere. Et tamen nescio quo pacto laudibus illis suis, jam fesso calcar addidit, fatiscentem erexit, deficientem restituit. Horum igitur & his consimilium hortatibus exstimulatus, atque in primis ejus auxilio fretus, qui non solet unquam piis deesse conatibus, veluti novus jam ad intermissum opus redeo. Epistolarum volumina, nam hæc mihi proprie sumpsi, à mendis, quibus extincta fuerant verus quam depravata, partim veterum collatione codicum, partim nostrapte sagacitate repurgavimus; Græca, quæ vel deerant omnino, vel perperam erant addita, reposuimus diligenter. Quod idem factum est & in Hebraicis: verum *ὁ γὰρ ἀνὴρ Θεός*, ut Græcum habet proverbium, quod eas literas ipse primoribus modo labris degustarim. Ad hoc quoniam divus *Hieronymus*, ut est omni genere literarum absolutissimus, ita mirus est opum suarum ostentator: ut qui passim gaudeat insulcire, quicquid usquam apud omnis linguæ scriptores abstrusum ac reconditum habeatur: unde fit, ut eruditus etiam lector ad plerosque locos, velut ad falobras, restitet: adjecimus commoda suis locis scholia, quoties incurrit, quod lectorem remoraturum esse videbatur. Præterea, quoad licuit, in ordinem redeimus omnia. Nothos ac subditios libellos, quos partim casus, partim librorum quæstus, aut inciticia, partim improbiissimi cujusdam impostoris temeri-

1515. An. tas, *Hieronymianis* lucubrationibus admiscuit, non recessuimus quidem, sed ab aliis semotos, adeptis titulis, in suum relegavimus Tomum: ut neque sit quod desiderare posset avidus magis quam elegans lector: neque rursum tam insulsæ neviæ sese posthac tam incomparabilis viri titulo venditarent. Atque id ne audacter magis quam judicio fecisse videremur, præfationibus & censuris additis, quid in his secuti simus, lectorem docuimus. Quid multis? Tantum hic laboris exantlatum est, ut parum absuerit, quin meipsum enecarim, dum sedulo adnitor, ut *Hieronymus* renascatur. Neque verebor illud vel jurejurando confirmare, minoris ipsi *Hieronymo* constituisse, suas scripsisse lucubrationes, quam nobis restituuisse & illustrasse. Fervet igitur jampridem ingens opus, & apud inclytam *Rauracorum Basileam* torus renascitur *Hieronymus*; idque in Officina *Frobeniana*, qua non est alia vel accuratior, vel unde plus bonorum exeat codicum, præsertim qui ad sacras pertineant literas. Neque vero unius hominis hic labor est, neque unius hominis impendium. Nam in cæteris *Hieronymi* monumentis, quæ mihi non sumpsi, etiamsi pro tempore non nihil opitutor, à compluribus eruditissimis viris jam pridem est defudatum. Inter quos est eximius ille vir *Joannes Reuchlinus Phorcensis*, trium linguarum Græcæ, Latinæ, & Hebraicæ pene ex æquo peritus: ad hæc in nullo doctrinæ genere non versatus, ita ut cum primis certare possit. Unde merito virum hunc ceu phœnicem, & unicum suum decus tota suspicit ac veneratur *Germania*. Neque parum attulit momenti *Conon Nurembergensis*, Theologus ex instituto horum, quos vulgo *Prædicatores* vocant, vir ut Græcæ literaturæ callentissimus, ita in adjuvandis bonis literis infatigabili quadam diligentia. Cumque his *Beatus Rhenanus Silestadiensis*, juvenis tum exquisite doctus, tum in judicando naris emunctissimæ. Porro, plurimum attulerunt momenti, fratres *Amorbachi*, quorum & impendiis & sudoribus cum *Frobenio* communicatis, hoc negotii potissimum peragitur. Quæ quidem domus in hunc usum ab ipsis fatis parata videtur, ut ejus opera revivisceret *Hieronymus*. Pater, vir omnium optimus, tres filios in hoc Græcis, Hebræis, ac Latinis literis curarat instituendos. Ipse decedens liberis suis studium hoc velut hæreditarium commendavit: quicquid erat facultatum huic negotio dedicans. Atque optimi juvenes pulcherrimam Provinciæ, ab optimo parente mandatam, gnaviter obeunt, sic mecum parit *Hieronymum*, ut quod ab Epistolaribus libris superest, id ad illorum pertineat curam. At quorsum hæc, inquiet sanctitas tua? Nimirum huc ibam, beatissime Pater, nihil est *Hieronymiano* nomine celebrius, nihil ipso comprobatus, & tamen video quantum huic lucis, quantum ponderis & auctoritatis sit accessurum. *Leoni* gloria nihil luculentius, & tamen haud mediocris, ni fallor, huic adjungetur accessio, si tam rarum, tam ingens, tam inclytum opus, felicissimo tui nominis auspicio, veluti denuo renatum, in lucem & in hominum manus exeat. Et pulchre videtur convenire, ut omnes bonæ literæ, quæ pacis alumnae sunt, per eum Pontificem resforescant, per quem ocium & pax studiorum alitrix, orbi terrarum parta est. Et pulchre quadraverit, ut primus Christianæ religionis doctor, ejusdem religionis antistiti summo dedicetur: & optimus omnium Theologus, omnium optimi Pontificis titulo commendetur. Equidem haud sum nescius, religiose quoque tentandum, ut beatitudini tuæ quicquam dedicetur, dignum numine sit oportet, quod numini consecratur. Attamen si sensero hac in re tuæ quoque maiestatis favorem, non solum hæc lucubrationes, verum etiam universum studiorum meorum proventum cupiam *Leoni* consecrare. Ipse ex tantis sudoribus non alium exspecto fructum, quam ut nostra qualicumque industria, Christiana pietas ex *Hieronymi* monumentis adjuvetur. Is abunde rependet præmium, in cujus gratiam hoc laboris defudo. A pluribus legetur,

An. 1515. tur, si fuerit à pluribus intellectus Hieronymus. Sed & libentius legetur ab omnibus, si tanti Pontificis calculo fuerit comprobatus. Sanctitatem tuam nobis & universæ Reipublicæ Christianæ, quam diutissime servet incolumem, semperque felicibus incrementis in majus provehat, idem qui te donavit orbi Christus, Optimus, Maximus. Datum Londini 28. Aprilis, Anno 1515.

EPISTOLA CLXXV.

Andreas Ammonius Erasmo Theologo S. D.

VIDEO, mi officiosissime Erasme, ineptiarum mearum præfationem Montjoio (quod tuo divino judicio conjecturas) minime probari. Ideoque aliam ad te mitto: at equidem recenti fœtura mihi videtur minus mala quam altera erat, & si felici tua lima dignaberis, ausim sperare bonam. Sin vero manus tua materiam istam refugiet, mihi certum est non amplius, ut in hoc tibi placeam, laborare. In re tua vel capitis discrimen subire possum. Utcunque, mi Erasme, meum nomen, quantumcumque est, tibi iterum atque iterum commendo. Si vides has nugas commiserationem mihi aliquam allaturas, pone illis, rogo, modum quem voles, & in summa tui amculi honori consule. Scio te plus in re mea, quam egomet, sapere, nec vereor quin tantundem sis effecturus: novi enim quam sis amicus amico, ideoque — verbum non amplius addam. Tua Adagia istic rursus excusum iri gaudeo, quanquam ego Aldina exemplaria malim, cum ob Latinorum, tum ob Ἑλληνικῶν χρεῶν χάριν. Verum ad quem Italum me alleges non intelligo, neque enim quenquam Italum bibliopolam hic novi: sed perquiram diligentius, nam valde cupio emere. Episcopo Dunelmensi te quam potui diligenter commendavi: gavisus est nuncio, & tibi gratiam habet, interrogavitque quando esses rediturus: respondi, quantum ego conjicerem, brevi. Caterum male sit illi, cui tuas literas ad me dedisti, ejus enim negligentia factum puto, ut cum tu quinto Calend. Majas dederis, non ante XVII. Calend. Junias mihi redderentur, ut sane verear ne ferum jam sit ad ea que scribis respondere. De rebus Britannicis quod opere precium sit scire, novi fere nihil est, præterquam de ipso Rege, qui diviniorem in dies se præbet. Sed hoc vetus tibi est: de te vero mirum mehercule desiderium, obtundor his vocibus, quoniam me tibi contubernalem norunt, Quid de Erasmo? quando reveniet? Est plane sol nostri seculi, ô si redeat! & multa alia, que scribere nolo, ne quid postea in me referas. Morus noster mellitissimus, cum sua facillima conjuge, qua nunquam tui meminit, quin tibi bene precetur, & liberis, ac universa familia pulcherrime valet. Linacer sacerdotio auctus est, pro quo omnes Musas Fortuna gratias egisse arbitror: tuus Leucophæus salvere te jubet: tu cura ut valeas, & ad nos sospitem te referas, ἀλλὰ ἡ παρ' ἐμὲ τὸ φιλάτων πολυγέγον ἀσπάζε, ἡ τὸ συμβόλαιον ἰδαμὸς τερεῖν ἀγγέλλει. Londino 19. Maji, An. 1515.

EPISTOLA CLXXVI.

Joanni Sylvagio, Regis Catholici Cancellario summo, Erasmus Rot. S. D.

TANDEM explicui me è laboribus Basiliensibus, vir clarissime, fortassis serius & meis votis, & amicorum exspectatione, sed tamen pro operis modo pene præpropere, quippe qui libello, De Principe instituendo, nondum absoluto discesserim, cum magnopere cuperem id muneris offerre Principi, deerat nonnihil adhuc & in Hieronymo. Quod superest ex tuo potissimum consilio faciam, quod erit faciendum. Has literas hoc consilio reliqui Antuerpia, ut si forte fortuna non contigisset mihi Bruxella, aut Mechlinia, tui conveniendi copia, hac saltem ratione tuam celsitudinem salutarem. Nam ipse Montjoicam arcem adeo, illinc quempiam in Angliam transmissurus; qui volumina Hieronymi, quorum editionem inscripsi Cantuariensi, illi

reddat, simulque cæteros amicos meo nomine conveniat, ac censum anni superioris colligat. His rebus confectis, mox ad vos me recipio. Interea valeat incolumis tua celsitudo, vir incomparabilis, & patrone summe. Antuerpia 1. Junii, An. 1515.

EPISTOLA CLXXVII.

Andreas Ammonius Erasmo S. D.

COCLITEM discesse arbitrat, amico cuidam meo trajicienti, & Bruxellas (quo te venturum conjectavi) profecturo tres versus ad te confestim dedi, una cum exemplo literarum, quas tibi jam pridem scripseram, & per nostrum Pacæum miseram, quibus junxeram Pontificis Max. ad te Breves appellatas, alteras ejusdem exempli apud me retinui, quas tibi per tuum Coclitem nunc mitto: sed Breve, quo idem Pont. Max. Regi te studiose commendat, tibi servo, quoniam tamen isthic haberes, huc tamen esses relaturus, & circumlatum possee excidere. Aveo Germanicas gerras ex te audire, quanquam quid mirum si terra illa, quam Tacitus informem, coelo asperam, tristem cultu, aspectuque, nisi si patria sit, tibi arrisit? qui possis Riphæos montes serenare, feras & saxa mollire, cui si propius accedas, non minus quam suo Orpheo Hæmus aduletur, in quem nihil potest tam magnificum conferri, quod meritis comparatum (ut ita dicam) parvificum non sit habendum. Sed coram (ut tu ais) melius de his nugabimur. Valde hic non à me solum, sed ab omnibus expectaris, ipse quoque Larchus, qui est apud Eboracensem summus, munusculum tibi adventitium destinavit. Caterum cura te amabo diligenter. Sexto Calend. Quintiles, (26. Junii) odi enim Julianum nomen. Londino ex Westmon. Anno 1515.

EPISTOLA CLXXVIII.

Leo X. Pont. max. dilecto filio Erasmo Rot. S. D.

DILECTE fili, salutem & Apostolicam benedictionem. Latati admodum sumus ex tuis ad nos literis Londini datis: pertulerunt enim cum amorem tuum, tum præclarum de nobis judicium, quod facis: quorum utrunque nobis gratissimum, hoc etiam erant ambo illustriora, quod non a quovis homine, sed à viro doctissimo & nobis probatissimo, quem & in minoribus cognovimus, illa nobis accidebat gratulatio, quam summa scribentis fides, & summa eloquentia commendaret. Quapropter volumus tibi certo persuasum esse, nos alterum effecturos, ut virtutem & benevolentiam tuam erga nos singularibus nostra paternæ charitatis, occasione oblata, excipiamus officiis: in altero conaturos, ut tuis egregiis de nobis judiciis studia nostra consentiant: utinam auctor ille summus bonarum non actionum solum, verum etiam mentium, qui nos, nullis insignibus meritis ornatos, sola sua liberalitate & providentia ad hunc altissimum gradum produxit dignitatis amplissima, quemadmodum ea optare nos voluit, qua ad optimum Christiana Reipublica statum faciunt, & sunt idonea: ita viam muniat, qua sit nobis expeditus cursus ad veram pietatem, atque virtutem inter homines instaurandam: & sunt adhuc quidem aliqua inchoata per nos, qua tu amanter in tuis literis attingis. Sed restant majora multo & difficiliora, ad qua divino maxime opus est auxilio: quod si affuerit, dabimus operam, ut qui bene de nobis & natura nostra sentiunt, id vero judicio facere videantur. Verum hac Deus misericordia viderit. Nos & volumina divi Hieronymi & Novi Testamenti, tua cura elaborata, jucunda quadam cupiditate expectabimus, & promissum tuum, quo omnium studiorum tuorum fructus te nobis delaturum affirmas, in maximi muneris loco ducemus, in eoque gratiam tibi sumus habituri. Amamus autem multum hoc nomine venerabilem fratrem Archiepiscopum Cantuariensem, quod in tua virtute studiis suis conservanda satis ipse egregium testimonium perhibet, & virtutis & dignitatis suæ. Nos tum communi studio nostro, & amore erga bonas literas, tum præcipua quadam opinione virtutis & doctrinæ tuæ defi-

An. desideramus admodum tuis ornamentis & commodis pate-
re aliqua occasione liberalitatem nostram, sicut & nostra
in te voluntas postulat, & virtus tua meretur. Datum
Romæ apud sanctum Petrum, sub annulo piscatoris,
10. Julii, Anno 1515. Pontificatus nostri anno tertio. Ja.
Sadoletus.

EPISTOLA CLXXIX.

Leo X. Papa Regi Angliæ Henrico, ejus nomi-
nis VIII.

CHARISSIME in CHRISTO fili noster, salutem &
Apostolicam benedictionem. Exstat quoddam nostrum
studium erga homines doctos & ejusmodi literas, quæ &
re sunt ipsa & appellantur bona, ac animi affectio prope
singularis innata quidem nobis à pueris, & domestica di-
sciplina confirmata, sed atate progrediente etiam iudicio
aucta: tum quod homines hosce, qui optimas artes & li-
teras sectantur, minime malos esse, integerrimæque fide
præditos sæpe jam experti sumus: tum quod ab hac scien-
tia, & sanctæ Ecclesiæ doctorem eloquentia, scimus ma-
xima non adjuncta modo, verum etiam ornamenta in
Christianam Rempublicam profecta fuisse. His causis ad-
ducti, diligimus admodum in Domino dilectum filium
Erasmum Roterodamum, quem inter primos hujus scien-
tiæ atque artis esse judicamus: notum quidem nobis ex
domestico congressu antea cum in minoribus essemus, sed
deinde longe magis ex eis ingenii monumentis, quæ literis
mandavit, non notum solum, verum etiam maxime pro-
batum. Is ad nos ex Angliā, ubi nunc commoratur, li-
teras misit plenissimas officiis: nobis hoc etiam gratiores,
quod afferunt secum ab illo testimonium Regi istius vir-
tutis & magnanimitatis tuæ, quæ commemoratione nihil
nobis est pro nostra summa in majestatem tuam benevolen-
tia jucundius. Eum nobis visum est majestati tuæ com-
mendare, neque illi nos nunc certam rem ullam à te pe-
timus: neque vero ipse hoc à nobis postulavit, sed faci-
mus sponte nostra, ut quibus nos ex animo bene volumus,
eisdem ab aliis, qui possunt, similem voluntatem & bene-
volentiam requiramus. Erit igitur nobis vehementer gra-
tum, siquid ipse majestatis tuæ gratiam, favorem, hu-
manitatemve desideraverit, ut ei præter eam liberalita-
tem, quam sponte tuā deferres, etiam ostendas, magnum
hac nostra commendatione pondus accessisse. Hoc tum per-
gratum nobis fuerit, tum majestati tuæ, ut quidem ar-
bitramur, perhonorificum. Datum Romæ apud sanctum
Petrum, sub annulo piscatoris, 10. Julii, Anno 1515.
Pontificatus nostri anno tertio. Ja. Sadoletus.

EPISTOLA CLXXX.

Raphael, Card. S. Georgii, Erasmo Rot.

CLARISSIME vir, amice singularis, salutem. Duo
præcipue tuis in literis exosculati sumus: præseam quan-
dam planeque Romani candoris facundiam, sed eam no-
bis jampridem cognitam perspectamque, abunde quidem
ex tuis eruditissimis colloquiis, sed multo uberius ex præ-
claris ingenii tui monumentis, quæ abs te & Græca La-
tinaque literatura, & prosa pariter atque carmine perpo-
lita in lucem prodierunt: quæ ut nomen tuum seculorum
æterna memoria consecrabit, ita Britannia, multis rebus
per se clara, non parum splendoris adjunget alumnus Era-
smus. Alterum non minus gratum fuit, quam est novum.
Significas enim te consultare de repetenda Urbe, quod quo
vehementius optamus, hoc minus audemus nobis pollice-
ri, ne nos ipsos conjiciamus in falsum gaudium. Utinam
quod deliberas, semel statuisse. Vereor enim, ut sunt vo-
lubiles hominum cogitationes, variaque rerum ac tempo-
rum occasiones, ne qua res alio defleat animum tuum,
nec ad diem ab te præscriptum nos invisas. Tum quomodo-
modum iuvisti te dimisimus, nec alio nomine potuisti com-
meatum à nostris affectibus impetrare, nisi quod dicebas
te serenissimi Regis, Archiepiscopi Cantuariensis, Gui-
lelmi Montjoii crebris literis invitatum in Britanniam,

A ita non audemus te à tam eximiis Mecenasibus improbis
hortatibus avellere. Arbitror animum meum tibi non igno-
tum esse. Hoc tantum admonemus prudentiam tuam,
præsentem hujus Urbis occasionem non esse negligendam,
sive quaris emolumentum, sive dignitatem spectas: quo-
rum neutrum censeo tibi contemnendum: siquidem &
imminenti senectutis mature procurandum est & acutum,
& dignitas te ab invidia, quæ semper egregie laudis co-
mes esse solet, morsibus vindicabit. Quicumque literis pol-
lent, ad Urbem hanc, velut ad theatrum convolant un-
dique, ubi non solum summis viris, id est, tui simili-
bus, amplissima virtutis præmia parata sunt, verum et-
iam vulgaris nota hominibus non deest suis bonos, quo
provocantur ad altiorum gradum. Quid quod Roma te
suo jure veluti suum reposcit, & quanquam hoc habet
cum multis urbibus commune, quemadmodum Home-
rum septem urbes sibi certatim vendicabant, tamen hac
Urbis in hoc certamine, nullius studio cessura videtur. A-
liis alia patria est, Roma communis literatorum omnium
& patria est, & alitrix, & eveitrix. Contristasti nos
discessu tuo, utinam reditu latifices. Quod divum Hie-
ronymum immaculatum in lucem revocasti, ad me nonni-
hil videtur attinere, qui sacerdotium cum illo commune
in Romana Ecclesia obtineo. Na tu præclarum illi monu-
mentum erexisti, tui quoque nominis æternam memoriam
servaturum. Proinde curabitur, ut quamprimum illum
nobis de novo comparemus, quo videlicet in eo versantes,
& sermonis elegantia delectemur, & saluberrimis præse-
ptis ad pietatem instruemur, quod utinam aliquando li-
ceat tecum, qui mihi, quum hic ageres, ad dicendi fa-
cultatem tantum aperuisti lucis, quantum antebac ab alio
nomine fuit offensum. Bene vale. Roma 18. Julii, Anno
Domini 1515.

EPISTOLA CLXXXI.

Leoni X. Pont. vere max. Erasmus Roterodamus S. D.

ABUNDE felix mihi videbar futurus, beatissime
Pater, si sanctitas tua boni modo consulisset
meam vel temeritatem, vel sedulitatem, qui non veri-
tus essem Pontificiæ majestatis celsitudinem, & quod
est augustius, LEONIS incomparabile fastigium, ul-
tro meis interpellare literis. Verum hæc, ut video,
audacia mihi longe felicissime cessit. Vicit enim &
spes, & vota nostra, pietas ista tua plus quam pater-
na, sponte missis duobus Brevibus, quorum altero me
meaque studia locupletissimo simul & gravissimo testi-
monio ornat, altero regiæ Majestati, non minus a-
manter quam diligenter commendat. Summum est,
numinis æterni suffragium promeruisse, huic certe pro-
ximum esse reor, summi Pontificis oraculo compro-
bati: plus etiam LEONIS, hoc est, ejus, qui summam
inter mortales dignitatem omni virtutum ac litera-
rum genere vicissim condecorat. Ea si mihi mature fuisset
reddita, Basilea tum agenti, ne itinerum quidem
ulla pericula me detertere potuissent, quo minus
ad beatissimos istos pedes advolasssem. At nunc in pa-
triam reversum, cum ætas nonnihil ingravescentem re-
moratur: tum vero Principum retinet benignitas, &
rarus quidam patriæ in nos affectus alligat. Siquidem
illusterrimus Princeps CAROLVS, Rex Catholicus,
hujus seculi nostri lumen ac decus incomparabile, in
cujus ditione natus sum, cujusque patri PHILIPPO,
quondam fui non modo notus, verum etiam charus,
& absentem me annuo salario benignissime invitavit,
idque nec ambientem, nec expectantem: & reverso,
ac vix etiam reverso, sacerdotium, tum amplum,
tum honorificum detulit. Cæterum, quantum serenissi-
mi Regis Anglorum pristino erga me favori, quantum
reverendissimi Cardinalis Eboracensis in me benevolen-
tiæ, & quantum Archiepiscopi Cantuariensis veteri
erga me studio, è commendatione tuæ sanctitatis ac-
cesserit, certis argumentis habeo compertum. Ea tum
mihi gratior accidit, tum apud illos fuit efficacior,
quod non extorta precibus, sed ultro præstita fuerit.
Proin-

An. Proinde cum perspiciam me tuæ beatitudini debere
 1515. permultum, plurimum eidem debere cupio. Imo ju-
 vabit omnes fortunas meas ac felicitatis summam uni
 LEONI acceptam ferre. Est autem meo quidem animo
 nonnulla felicitatis pars, debere libenter. Quid id sit,
 reverendus in CHRISTO Pater, Episcopus *Wigornien-*
sis, invictissimi *Anglorum* Regis apud tuam sanctita-
 tem perpetuus Orator, coram exponet, & *Andreas*
Ammonius, tuæ sanctitatis apud *Anglos* nuncius, lite-
 ris significabit. Qua quidem in re, non dubito quin
 eam bonitatem sensurus sim, quam mihi, tum ista na-
 turæ tuæ benignitas, qua vel maxime CHRISTVM,
 cujus vices meritissimo geris, refert; tum sanctitatis
 tuæ literæ ultro pollicentur: præsertim cum ejusmodi
 sit negotium, ut non perinde ad meam pertineat di-
 gnitatem, cui candide faves, quam ad publicam or-
 bis utilitatem, cui omnes tuæ vigilant sollicitudines.
 Poteram ad hancce rem impetrandam summorum Prin-
 cipum abuti commendatione, verum malui quicquid
 hoc est beneficii, in solidum, tuæ unius debere beni-
 gnitati. Quod sane quanquam non ignoro fore majus,
 quam ut ullis mortalium officiis rependi queat, ad
 hæc eam esse fortunæ tuæ magnitudinem, ut à ne-
 mine sibi referri gratiam postulet: mei tamen officii
 fuerit adniti manibus pedibusque, ne tam eximiam be-
 neficentiam in hominem, aut omnino indignum, aut
 parum memorem, parumque gratum, collocasse videar-
 is. Novum Testamentum, simul & Græce & Lati-
 ne editum, à nobis recognitum, una cum Annotationi-
 bus nostris jampridem in lucem exiit, faustissimi tui
 nominis auspiciis. Quod opus an omnibus probetur,
 nescio: certe hæcenus à probatissimis, ac primariis
 Theologis, probari comperio, cum primis autem ab
 incomparabili antistite CHRISTOPHORO Episcopo
Basiliensi, quo teste liber excusus est. Nec enim hoc
 labore veterem, ac vulgo receptam, editionem con-
 vellimus, sed alicubi depravatam emendamus, aliquot
 locis obscuram illustramus; idque non ex animi mei
 somniis, nec illotis (ut ajunt) manibus, sed partim
 ex vetustissimorum codicum testimoniis, partim ex eo-
 rum sententia, quorum & doctrinam & sanctimoniam
 Ecclesiastica comprobavit auctoritas, nempe *Hierony-*
mi, *Hilarii*, *Ambrosii*, *Augustini*, *Chrysostomi*, *Cy-*
rilli: semper interim parati, aut modeste rationem
 reddere, si quid recte docuimus, aut libenter corrige-
 re, sicubi imprudentes, ut homines, lapsi sumus. Vo-
 lumen unum recens adhuc, & ab ipsa etiamnum ca-
 lens officina, *Romam* hyeme proxima misimus, quod
 sanctitati tuæ redditum opinor. Et nunc alterum mit-
 terem, ni scirem nusquam terrarum non jam vulga-
 tum opus. In eo tamen sudatum est à nobis acriter,
 quantum & temporis modus à Principe indulti, & va-
 letudinis ratio patiebatur; tamen haud defatigabor un-
 quam, haud conquiescam, donec ita locupletatum,
 climatatum, elaboratumque reddidero, ut *Leone*, & præ-
 ter Pontificii dignitatem maximo, non omnino indi-
 gnum videri possit. *Hieronymus* totus, haud malis, ut
 opinor, avibus renatus, mense Septembri proximo,
 ingenti doctorum omnium expectatione, proditurus est
 in lucem. Quin posthac nulla ab *Erasmo* proditura est
 pagina, quæ *Leonis* optimi juxta ac maximi Pontificis
 præconium non sit habitura. Non postulat hoc tua
 singularis modestia, verum id debetur tuis divinis me-
 ritis; & totius orbis interest, tam undique laudati
 Pontificis exemplum in posteros transmitti. Sin natu-
 ra nobis ad hoc efficiendum deerit, tamen ipsa benefi-
 cii tui magnitudo, ipse hujus pectoris tibi dediti ar-
 dor, ante omnia divinæ istæ tuæ virtutes, ingenii
 vim, ac dicendi copiam suppeditabunt. Bene valeat
 tua sanctitas, quam CHRISTVS Optimus Maximus re-
 ligioni suæ illustrandæ, propagandæque, ac sublevan-
 dis rebus mortalium, quam diutissime fervet incolumem.
Londino 9. Augusti, Anno 1515.

EPISTOLA CLXXXII.

Erasmus Rot. Gulielmo Montjoio.

SALVE, *Mecenas* optime. Biduum apud Abbatem An.
 commoratus sum, eos dies multa cum hilaritate 1515.
 transegimus, dimisit non sine Xenio, pollicitus item
 amantissime multa. Denique læta omnia, & ecce su-
 bito me Fortuna perdidit, docuitque nulli rerum suc-
 cessui fidendum esse. Vix egressus sum diversorium
 quoddam, quod est medio ferme spacio inter *Rusellam*
 & *Gandavum*, cum equus meus, visis pannis aliquot
 humi stratis, consternatur, dumque inflexus paro,
 nescio quid, dicere ministro, rursus territus equus in
 diversum fertur, atque ita distorquet imam dorfi spi-
 nam, ut repente magnis clamoribus cruciatum into-
 lerabilem testari cogeret. Conor ex equo descendere,
 non possum, minister manibus exceptum deponit, sæ-
 vit dolor, nullis explicandus verbis, maxime si corpus
 inflexissem. Erectus, minus affligebar, sed tamen ipse
 me non poteram erigere, semel incurvatus. Eram illic
 in agris, nulla diversoria, nisi frigidissima & rusticissi-
 ma, & aberam à *Gandavo* sex maximis passuum millibus.
 Sensi ambulatione minus sævire malum, & tamen lon-
 gius erat iter, quam ut vel à sanopedibus confici posset.
 Cogita quid mihi hic fuerit animi. Vovi divo *Paulo*, me
 commentarios in Epistolam ad *Romanos* absoluturum,
 si contingeret hoc periculi evadere. Aliquanto post
 cum desperarem, coactus sum experiri, num equum
 possem conscendere: conscendi præter spem, ambulo
 lente, fero, jubeo ministrum progredi paulo celerius,
 fero, tamen non sine cruciatu. *Gandavum* pervenio,
 descendo ex equo, ingredior cubiculum, ibi dolor se
 totum prodit, maxime à quiete. Stare non poteram,
 nisi à duobus utrinque sublarus in altum, idque vali-
 de: quod si vel paulum me remissem, intolerabilis
 redibat dolor. Nec sedere poteram, jacens nec tan-
 tulum me poteram movere. Accerso medicum, &
 pharmacopolam. Ita modis omnibus affectus fui, ut
 nihil nisi de morte cogitarem. Mane dum alvum paro
 dejicere, paulum conor me movere lecto, procedit,
 sto, moveo, fedeo, nullo sustinente. Ago gratias
 Deo, & *Paulo*. Manet adhuc sensus mali, maxime si
 corpus distorqueam. Itaque *Gandavi* dies aliquot com-
 moratus sum, amicis retinentibus, & malo ita suaden-
 te, de quo nondum securus sum. Neque enim vul-
 gare fuit, quicquid fuit. Offendi hic Præsidem *Flan-*
dria, virum in omni literarum genere doctissimum, &
 Consiliarios duos, *Antonium Clavam*, & *Gulielmum*
Walam: nam Cæsarem & alios quosdam antea nove-
 ram. Nunc *Antuerpiam* pergam, si modo per morbum
 licebit, & ubicunque locorum ero, reddam te de va-
 letudine mea certiore. Bene vale.

Principem *Veriensem* salutavi *Bergii* una cum matre,
 sed offendi sollicitum, nam uxor à partu nonnihil æ-
 grotabat, & nunciabantur ex *Zelandia* parum læta. Sa-
 lutavi illum tuo nomine, & admonui de favore, quo u-
 sus esses in illi subditos. *Basileam* veni post Annunciatio-
 nis. *Germania* tanto honore me excepit, ut propemo-
 dum puderet. Nunc inclusus æstuarii *Germanici*, cu-
 ro edendas nugas meas, non minus tumultuans in hoc
 negotio, quam Cæsar in expugnandis *Veneris*. Redi-
 tum maturabo quantum licebit. Faxit Deus, ut vos
 omnes offendam incolumes. *Basilea* 29. Augusti, An-
 no 1515.

EPISTOLA CLXXXIII.

Joannes Watsonus D. Erasmo Roterod. S. D.

TERTIO Idus Augusti literas, quas Nonis Junis ad
 me scripseras, accepi, idque mihi crede, suavissime
 preceptor Erasme, non sine ingenti lætitia, ut ex quibus
 intellexerim, tum incolumem te esse, tum gratiam &
 auctoritatem nactum apud vestratem Principem Carolum.
 Magno me munere donasti, simul atque literas ad me
 de-

dedisti: quandoquidem, ita vivam, eo sum animo erga
 1515. Erasmus, ut duas tresve pagellas ejus ad me scriptas,
 propemodum tanti faciam, quanti sacerdotum etiam opulenti-
 simum. At ridens dices, Probe tu quidem addis propemodum. Ingenue fateor extranea hac me non prorsus contemnere, sed nec sic amplecti, ut bonis literis & doctorum familiaritati praeponam, modo rationi victus fuerit satisfactum. Dubio procul adeo erant mihi grata, precioseque litera tua, ut si rei votisque meis par opulentia suffragetur, singulis literis singulos aureos redderem. Miror in dies magis ac magis Erasmus, quo magis in annos processerit, eo magis grandescere, ac quotidie novum & auctiorem sese ostendere. Celebrari passim in Italia, praesertim apud primi nominis doctos: incredibile dictum est, quanto affectu passim tuam Copiam complectuntur, simul & Moriam, haud secus quam summam sapientiam. Conveni ego multos, qui mihi videbantur apud se videri doctiores, quod te nossent, apud quos & ego pluris habebam eodem nomine, tituloque. Raphael Regius Venetiis adhuc proficitur Quintilianum, impensis & mercede ex publico arario. Doctus quidem ille, & mediocriter eloquens, sed longe infra alium ibi Professore, qui Gracas literas praecipit etiam publica mercede, cujus nomen excidit †, qui & te novit optime, mirisque effert praconius. Cum Ambrosio medico, cujus meministi in Proverbio δις διὰ πᾶσιν, quotidie ferme fabulatus sum in officina aromatarum ad signum corallii, qui me fecit plurimi tua causa: quomodo fecerunt Petrus Halcionius, meo iudicio egregie facundus, & alii complures. Socer Aldi bibliopola, in signo ancora, nescio quoties de te locutus, promisit domum suam, & omnem humanitatem, si quando libuerit tibi illuc advenire. Spargitur quaqua-versum in toto Christiano orbe fama tua, omnium doctorum uno ore & consensu predicaris doctissimus, ac utriusque linguae peritissimus. Caterum ut omnes divitias tuas proferant, siue doctrina tam varia, siue rara cujusdam facundia, ego nihil ita stupeo ut modestiam, qua te omnibus infimum praebes, cum sis omnium calculis undecunque summus. Solent huius generis litera, quibus tu gaudes, inflare possessorem: & sicut singularem reddunt, ita quoque a communi hominum grege & familiaritate separare. Tu tamen totus generosus omnibus te communicas, nullius adspernaris familiaritatem, ut omnibus prosis. Quare & ubicunque es, ita vivis, uti singulis locis Christiani orbis praesens esse videaris, immortalis fama, egregisque monumentis deinceps semper victurus. Castigatione Novi Testamenti simul & annotationibus tuis mirum quam illustrasti CHRISTVM, optime meritis de omnibus ejus studiosis. Deus centuplum tibi referat una cum vita aeterna: siquidem meo iudicio non potuisti facere quicquam Christiano Professore dignius. Incidi ante paucos dies in Catonem minorem, quem commentariolis elucidasti, in quibus non crederes quantum me oblectarim, admirans tam dulcem & uberem frugem, ex tam modica gleba. Obsecro facias adscribi omnium operum tuorum indicem, uni aut alteri librorum. Nam sicut de hoc libello mihi non constabat, ita vereor ne sint etiam alii, quos ignorem. Hieronymum obvis vultus, votisque omnibus, excipiemus, acturi gratiam cultori & reparatori ejus. Petrum Falconem Elvetium, quem nos Angli agnomento Magnum appellavimus, valde diligo. Porro erat diligentissimus peregrinorum patronus, simul & jucundissimus comes: habebat in triremi caudatam firmam, miro ingenio, qua gestibus, cachinnis, clamore, saltu, ceterisque ludicris, quoties nobis risum Sardonicum movebat: ad hac rerum novarum & artium ac machinarum curiosus, gestabat subinde ad cingulum suspensam Bombardam, accurate notabat oppidorum locorumque situm, & nomina, atramento ex minio facto oblinebat librum peregrinationis, & de te mecum fabulans, subinde gloriabatur te unum ad se dedisse literas. Rogo si quando ad eum scripseris, hominem meis verbis salutes. Gratulor tibi nobis reddito, imo nobis te redditum, quantum cui maxime. Utinam daretur copia tecum fabulandi, ego arbitror si te totum mihi effunderis,

† Is est Marcus Musurus: vide infra Epist. cxvii.

1515. & ego me tibi, nec te Thrasionem agere posse, quemadmodum dicere soles, nec me Gnathonem si quippiam in laudem tuam dixerō: quippe cum nihil tale inter vere amicos esse possit, quin potius scelus esset calare aliquid. Sum avarus visendi tui, si manseris ista usque ad Michaelis, visam te Deo bene juvante: quod si libebit interea te huc recipere, quod maxime velim, nemini erit optatior accessus tuum quam mihi. Agemus ferias amoenissimas. Quicquid apud me est, quod aut voluptati, aut usui esse poterit, tuum erit. Bene vale. Cantabrigia Augusti, An. 1515.

EPISTOLA CLXXXIV.

B Joannes Kirherus Selestadienfis Erasmo Roterod. S. D.

ETSI diu antea, Erasme doctissime juxta & discretissime, tuam erga studiosos humanitatem comitatemque exploratam habui, idque ex variis ingenii tui clarissimis monumentis, qua has simul & alias virtutes consequio trahere solent, tamen ab eo tempore, quo Spiræ nobiscum prorsus hilare versatus es, tuam in omnes facilitatem longe clarius perspexi. Ita enim humaniter atque améniter te nobis prestitisti, ut ingens cunctis te amandi colendique desiderium reliqueris: quod inde cuius ad liquidum patere potest, quod omnes uno ore Erasmus laudent, loquantur, praedicent, unum vere doctum, unum modestum, dulcemque convivam dictitantes: sibi quoque divinitus contigisse autumant, quod tua non solum praesentia nri, sed (qua tua est affabilitas) familiaritate etiam frui potuere. Qua cum ita sint, in spem venio haud dubiam, me abs te quod peto, communis amici causa, non gravate impetraturum. Incidit nuper Maternus noster, cui tecum non vulgare hospitii jus est, in quendam divi Hieronymi locum, qui in prooemio contra Jovinianum est, ubi De numeris conjugii, viduitatis, & virginitatis agit: ibique satis subtiliter, & proinde obscure nimis eodem numeros in digitos mittit, quorum varia connexione, plicatilique positura, veteres alias tricesimum, alias sexagesimum, alias centenarium significari voluisse prodidit. Qua quidem digitorum ratio, cum nobis numeris (quod ajunt) Platonice obscurior esset, cepit Maternus neque non tamen Theologos ea de re consulere. At Deum-immortalem, quam frigide jejuneque responderunt? ut facile crederes, eos non primarios Ecclesiae Scriptores volvere, sed circa minutas, nodosas, frivolasque questionculas magis occupatos esse: neque id mirum mihi visum est, ἡ γὰρ κοινὸν λόγον ἔχει. Frustratus igitur Maternus (ut est in talibus importunior) constituit rem ad te deferre: utpote tibi propter multijugam eruditionem cognitissimam, in cujus statim sententiam pedibus omnes manibusque discessimus. Voluit itaque Maternus pro veteri nostra benevolentia, ut ego pro tempore has ad te scribendi legatione fungerer: obsecutus sum homini, neque perinvitus hanc Provinciam subivi. Profunde petit ille, imo petimus, obsecramusque, fandi dulcissime Erasme, ut cum per ocium, occupationesque tuas (qua jam maxima sunt) libuerit, hunc nodum Hieronymianum, nobis certe Herculanum, dissolvere velis, poteris enim si modo velis. Duo autem sunt, qua perissimum tibi ad hoc, quod in tuo loco & fano situm est, cupidius persequendum, calcaria admoveere debent. Primum, quod eo, & quidem prolixo beneficio, summam apud nos iniis gratiam. Alterum, quod huius loci interpretatione, inanum Theologorum supercilium franges, reclamantiumque semper melioribus studiis, capita sibilantia, velut Hercules Hydrae, contundes. Quod si huic honestissimo desiderio nostra morem gesseris, quod tua professio, & nostra in te observantia postulat, spero fore, ut nunquam te colati in nos beneficii paenitere queat, curabimusque pro virili, semper omnia facere, qua interesse tua, aut etiam velle te existimabimus, si ullo pacto facere possumus. Vale, unicuique bonarum literarum decus, & Kirheri ausus boni consule.

Thomas Truchses tui studiosissimus, te qui cernis suis adhibuit. Maternus item, in are tuo esse cupiunt, Tom. III. L sal-

An. saluumque te, diuque rei literaria propaganda superesse de-
siderant. Spiris 16. Septembr. Anno 1515.

EPISTOLA CLXXXV.

Erasmus Rot. Joanni Kirhero S. D.

CUM ipse doctissimus tot habeas eruditos amicos, demiror cur hoc à me tam ambitiose quærendum putaveris, optime Kirhere. Quid autem est tam arduum, quod *Maternus* hospes meus non vel tribus verbis à me impetret, si modo sit ejus generis, ut præstare possim? Sed de ratione numerorum, qui gestu digitorum olim notabantur, ex *Beda* fragmentis nonnihil annotabimus; quod hic repetere perlongum sit, cum brevi sit exiturum volumen. Quanquam mihi non admodum probatur hujusmodi arguta curiositas in numeris explicandis: neque satis liquet, an eadem ratio, quam tradit *Hieronymus*, fuerit apud *Hebreos*. Studiorum ac laborum moles, in quibus versor, non sinunt ut in præsentia pluribus respondeam. *Thomam Truchses* virum & citra ostentationem eruditum, & citra fucum humanissimum, ac *Maternum* nivei pectoris amicum, diligenter salutabis meo nomine. Bene vale, *Joannes* amice non vulgaris. *Basilea*, Anno 1515.

EPISTOLA CLXXXVI.

Andreas Ammonius Erasmo S. P. D.

TERNAS à te in castris literas accepi, quibus ne Gallorum quidem fuga mihi gratior exstitit. Primum respondi castrensi dictione, nescio utrum literas acceperis: ad tuas autem novissimas, quia sub nostrum ex Gallia discessum, videlicet cum ad ovationem reverteremur, mihi fuerunt reddita, nihil rescripsi: quia tamen mandasti curavi. Nam *Bertinico Abbati* diligenter te commendavi, eique omnem illam tuam nomenclaturam de tuis apud eum amiculis perlegi, ille mirum quam ad *Erasmi* nomen fuerit continuo exilaratus, *Hercule* non secus ac mater vidua ad peregrinantis filii nuntium: apprehendit me, & cum multi adessent, seorsum abduxit, ac multa de te amantissimo percunctatus; postremo, ut tibi *Britannia* incidisset, quaesivit: respondi, quod erat, omnia longe tuis meritis inferiora: ad summam visus est tui quam studiosissimus. Porro *scriniarum magistrum* conveni, qua de eo scriberes, ipsi ostendi, & *Plutarchi libellum* obtuli, paucis gratias egit, & quoniam erat (ut videbatur) occupatissimus alio se proripuit, ejus postea alloquendi non fuit commoditas. Simulatque *Anglicum solum* tetigi, ubi locorum esses rogare coepi. Siquidem *Cantabrigiensem pestem* fugere te scripsisti, unus tandem *Sixtinus* mihi dixit, te quidem *Cantabrigiam* ob pestem reliquisse, & concessisse nescio quo, ubi cum vini penuria laborares, & eo carere peste gravius duceres, *Cantabrigiam* repetisse, atque inibi te nunc esse. O fortem *Ballarei commisionem*, qui in summo periculo ducem deferere naleris; quam ob rem mitto ad te *Imperatoris tui munusculum*, vini *Cretensis sinum*, sed quod *Jupiter*, cum in ea insula educaretur, suo peniculo eminxit, hoc est nescio quid ex lacte & nektare profectum: quod si mature huc te receperis, licebit tibi aliquanto largius haurire. Ceterum quod auctam fortunam mihi gratulatu, haud amice facio, nisi & tibi pariter gratuleris, etsi ea perinde ut tua non uteris: & ego vicissim cum de multis aliis rebus, tum de decem illis aureolis, quos *Δαλμας* & tibi donavit, gratulor, non tam muneris gratia, quam quod ille nonnisi in eos, quos unice amat & suspicit, ea liberalitate uti solet: at quod de me interroganti eal πρὸς ἐν ἐχ' ἀνέκρινεν, non miror, & causam tamen nescio; nam paulo antequam è nostris castris discederet, quandam mihi indignationem significavit: sed unde eam conceperit, nequeo divinare, dum ipse quod mei fuerit officii fecero, & culpa vacavero, quo animo hic, ille in me sit, non ero magnopere sollicitus. Habeo præterea multa, qua ad tuas literas respon-

dam, habeo & plenum sacculum nugarum, quem cupio in tuum sinum effundere. Proinde ubi ubi primum huc reveneris, fac extemplo ut sciam: sed hoc prætercundum non est, *P. Carmilianum Regis Scotorum Epitaphium* nuper edidisse muliebribus maledictis refectum, quod *Pinfonicis* characteribus excusum propediem leges: eo *Carmilianus* magis sibi placet, seque magis miratur quam *Catullianus* ille *Suffenus*, & tamen nisi ego admonissem, pullulare prima correpta posuisset. Utcunque multa restant qua rideas, & in primis aliquos inveniri, qui ejusmodi ineptias serio laudent. Vale, mi suavisime *Erasme*, & me ut facis ama. *Londino* 24. Novembr. An. 1515. Quod me fortissimum appellas, pari te talione percutiam.

EPISTOLA CLXXXVII.

Thoma, Card. Eboracensi, Erasmus Rot. S. D.

REVERENDISIME Pater salutem plurimam. Tametsi non ignorabam antea celsitudinis tuæ in me favorem, tamen id plenius hodie cognovi ex oratione clarissimi *Montjoii*. Eram coram acturus gratias, sed hic ventus & libri, jam pridem relictis, me jamdudum revocant. Et sciebam quantis negotiorum undis in præsentia jactetur exerceaturque tua sublimitas. Quod superest hujus negotii, literis transfigetur. Ubi vobis decretum erit, quantum meo ocio satis esse putetis, meum fuerit dare operam, ut ita dimittar à Principe meo, sicuti par est ab optimo & bene merito discedere. Cæterum quicunque erit eventus, pro regia in me indulgentia, proque celsitudinis tuæ propensissimo studio, semper debiturus sum: quam utranque incolumem in multam ætatem tueatur *Omnipotens*. *Londino*, Anno 1515.

EPISTOLA CLXXXVIII.

Erasmus Rot. Gulielmo, Archiepisc. Cantuariensi, S. D.

INCIDIT *Erasmo* tuo periculosa & omnium gravissima cum calculo conflictatio. Deventum in manus medicorum, & pharmacopolarum, hoc est, carnificum & harpyiarum. Adhuc parturio. Malum in costis etiamnum affixum est, quando pariturus, aut quid pariturus, incertum. Suspicio hoc morbi debere me cervixæ, quam dies jam complures inopia vini bibi. Hæ nimirum primitiæ fructuum, quos ex præclaro adversus *Gallos* bello capiemus. Has literas dictavi modo, nec id citra molestiam, tu cura ut quam optime valeas, optime *Mecenas*. *Cantabrig*. Anno 1515.

EPISTOLA CLXXXIX.

Gulielmo, Archiepisc. Cantuariensi, Erasmus Rot. S. D.

CUM ab ingratitudine non secus abhorream, atque *Achilles* ille *Homericus* à mendacio, mecumque perpenderem, quam esset immensum, quod tuæ deberem benignitati, rursus & illud viderem, mediocribus amicis, de mediocribus beneficiis gratias agi convenire, porro tam excellenti, vereque *Primate*, gratiam referre conari, tantum abesse à grati hominis officio, ut potius ingratitudinis, vel certe insolentix genus esse videatur: videlicet optimum factu judicavi, ut tibi literaria strenula, ceu flosculo quopiam à *Musarum* hortulis decerpto, animum memorem atque amantem utcunque testificarer. Itaque *Saturnalia Luciani*, Latinitate donata, bonis avibus mitto, libellum, nisi fallor, nec infestivum, nec à me alteri dicatum, & imprimis opportunum, si quando ridere libebit, imo si licebit, in tanto negotiorum agmine, quæ tibi (ut *Horatianis* dicam verbis) per caput & circum saliant latius. Cur autem vitio detur summatibus viris, si quando curis delassatum animum risu reficiant; cum apud *Hesiodum*, rideat & maximus ille πατήρ ἀνδρῶν Δεῖωντι *Jupiter*, præcipue si risus sit, cujusmodi hunc esse puto, nec illiberalis, nec ἀμύστος, imo haud scio an ali-

An. aliquanto plus frugis etiam adferens, quam seria qui-
1515. dem illa sed permolesta negotia? Vale, Pater amplissi-
me, & *Erasmus* tuum, ut facis, à monstro illo plus-
quam *Lernao* vindicare perge. An. 1515.

EPISTOLA CXC.

Erasmus Rot. Theologo cuidam S. D.

PRÆCEPTOR cruditissime, video virus hoc obtre-
stationis indices latius serpere, & lethalius reddi, tam
manifesta mendacia licentissime de me prædicavit *N.*
quidam licentiatius, ut vocant, primum *Lovanii*, de-
inde *Mechlinia*, mox *Antuerpia*, nec video remedium,
nisi tua prudentia atque auctoritas finem imponat huic
malo. De modo viaque convenerat tecum, & cum
Dorpio. Me mea conscientia non remordet, quod scri-
ptis meis nunquam offererim *Christiana* pietati. Diffi-
dii causa nolim esse, cavebo pro virili, ne sim occa-
sio. *Latomus* invitarat, ut rationem rationi opponere-
mus: id fecimus summa lenitate, ut ni morosissimus
sit, offendi non debeat. Sed præstat omnia coram, si
dignaberis horam præscribere. *Christum* mihi iratum
imprecor, si quid affecto, quod *Christo* displicere
sciam. Nullum convicium non feram, etiam falsissi-
mum, modo ne falso traducar hæreticus, quod à non-
nullis fieri præsens docebo. Bene vale. Anno 1515.

EPISTOLA CXCI.

Erasmus Roterodamus Ludovico Bero S. D.

An. 1516. **A**N merito mihi gratuleris, optime *Bere*, non-
dum scio: tu certe amantissime facis, somnians
eam fortunam mihi contigisse, qualem amor iste tuus
optaret. At qualis qualis est hæc mea fors, si scias
quam ambierim, nova quædam videatur; si merita æ-
stimes, magna; si animum, satis: quanquam eam
Præbendam vertimus in pensionem, censui detrahen-
tes, ne quid ocio decederet, cujus nobis prior, quam
pecuniæ ratio. Te merito amo, vir humanissime, qui
pari studio procul absentem prosequeris, quo præsen-
tem semper complexus es. Invidiam merebantur for-
tasse, qui præclarum aliquid profitentur, aut rara qua-
piam eruditione premunt aliorum gloriam, aut submo-
tis plerisque se jactitant. At quid rei mecum est invi-
diæ, qui nec profiteor quicquam, & vix mediocri li-
teratura, nullius officio luminibus, neque cuiquam mor-
taliū meipsum antepono, aut æquo etiam. Tantum
mea qualicunque opella pro viribus adjuvo publica stu-
dia. Sed nonnullis alicubi videor liberius incandesce-
re, verum iis, qui non perpendunt, quam indignis mo-
dis acceptæ sint sacræ Literæ, ac virorum sanctissimo-
rum lucubrationes. Cum in ipso grassarer opere, sæpe-
numero stomachum ob rei indignitatem effervescentem
cohibuit ratio, ubique dissimulare non potui. Et
tamen posthac moderationem fecit mira quorundam
morositas. Etenim si qua fieri possit, ita cupiam pro-
desse studiis, ut neminem omnino mortaliū offendam.
Id si minus contingit, lenit nonnihil hanc molestiam
primum recti conscientia, deinde quod adhuc probor
a probatissimis. Et spes est fore, ut quod nunc placet
candidis, mox placeat omnibus. Certe quod indoctum
sit, aut impium, absit ut mihi unquam placeat, vel in
meis ipsius libris. Bene vale. Apud R. P. Episcopum
Basiliensem, tu fac mihi sis Epistolæ vice. Memini,
memini, semperque meminero, quantum illi debeam
Principi. *Bruxellu* 1. Januarii, Anno 1516.

EPISTOLA CXCI.

*Erasmus Roterodamus Joanni Watsono, insigni Theo-
logo, S. D.*

QUAM mihi rem, optime *Watsone*, narras? Itane te-
cum in ipsam usque *Syriam* peregrinatus sum?
Neque secius ipse, cum amicos omnes, tum in primis
Watsonum meum animo mecum circumfero, quoquo-

A terrarum me recepero, memor suavissimæ familiarita- An.
tis nostræ, & noctium etiam fabulis jucundissimis ci- 1516.
tra tædium nobis transmissarum. Quin & illud volu-
ptati fuit, quod veterum amicorum, quibuscum *Venetis*
egi consuetudinem, memoriam mihi reficuiisti. Cæte-
rum cujus nomen tibi exciderat, *Marcus* est *Musurus*.
Novi candorem istorum, sic *Erasmus* onerant suis
laudibus, ut si superis placet, sunt qui illi invident
etiam, id quod ego profecto nunquam expectaram fo-
re, ac vix etiamnum mihi persuadeo. Novum Testa-
mentum tibi, hoc est, viro tum integro, tum erudi-
to probari, non moleste fero, de quo tamen ipse ni-
hil ausim profiteri, nisi nos annixos pro virili, ut qua-
licunque industriola nostra, *CHRISTI* philosophiam
bonis mentibus commendaremus. Tuumque, mi *Joan-
nes*, animum magnopere probo, qui sic in *Scoticis* la-
byrinthis versaris, ut tamen hæc simpliciora crassiora-
que non adsperneris, pariter & illis satisfaciens, & tuo
nihilominus fruens judicio. Convenit hoc istis tuis mo-
ribus ita piis, ut supercilio careant, ita comibus, ut ab-
sit levitas, ita severis, ut absit asperitas. Sed desinam,
ne hæc videantur *con* *ἐπαυθ*, *ἀπὸ* *ἀμελείας*. *Petrus Fal-
co*, vir apud suos primæ auctoritatis, domum reversus,
multa de duobus *Anglis* scripsit, oblitus opinor nomi-
num. Mihi illico tetigit animum. At at, hic ille *Wat-
sonus* meus. Nam profectum acceperam. Jam equum
conscenderam, *Cantabrigiam* aditurus, & ecce quidam
nunciat R. P. Episcopum *Roffensem*, vestræ scholæ Can-
cellarium, eodem die *Londini* futurum. Hunc dum in
singulos dies operior, defedi dies aliquot *Londini*. Nec
tuæ literæ mihi redditæ sunt, nisi post menses aliquot.
Quod mearum *lucubrationum* indicem petis, jam id in-
scio me præstiterat *Adrianus Barlandus*, homo venusto
ingenio, nec inamœna sermonis facilitate. Ipsi-
us igitur Epistolam ad te mitto. Salutabis amicos nomi-
natim omnes, etsi id ipse nominatim non jubeam.
Bene vale, amice mellitissime. *Bruxellu* 13. Januarii,
Anno 1516.

EPISTOLA CXCIIV.

Leo Pont. Max. dilecto filio Erasmo Rot. S. D.

DILECTE fili, salutem & Apostolicam benedictio-
nem. Vita morumque tuorum honestas, eruditio ra-
ra, ac eximia virtutum tuarum merita, qua non solum
studiorum tuorum monumentis ubique celebratis testatissi-
ma sunt, verum etiam eruditissimorum hominum suffra-
gio, denique duorum illustrissimorum Principum Regis
Angliæ, & Regis Catholici, literis nobis commendata,
faciunt ut te precipuo ac singulari quodam favore prose-
quamur. Unde postulationi tuæ libenter annuimus, ube-
rimus etiam nostram in te pietatem declaraturi, cum occa-
sionem vel ipse ministrabis, vel casus objiciet, æquum esse
judicantes sanctam tuam industriam, publica utilitati as-
sidue desudantem, dignis premiis ad majora conandum
excitari. Datum Romæ 26. Januarii, Anno 1516.
Pontificatus nostri quarto.

EPISTOLA CXCIIV.

Leoni decimo Erasmi Roterodami S. D.

UT ubique, beatissime Pater, incredibilis ista tua
bonitas pietasque vincit, non solum merita no-
stra, verum etiam vota. Quod meus pudor contractius
parciusque rogabat, tua benignitas largius ac prolixius
indulgit. Nec illud sane me clam esse voluit, quibus
hoc beneficii deberem, cum ipse cuperem in solidum
tuæ unius debere sanctitati. Sciebam *Regem Catholi-
cum* me suis literis tibi commendasse, sed alia de causa,
atque id tamen factum est, non solum absente me,
verum etiam incio. *Anglorum Regi* licet aliis pluri-
bus nominibus deberem, tamen hic calculus me pror-
sus latebat hætenus. Intelligo, intelligo, beatissime
Pater, quam gravem, quamque multiplicem sarcina-
nam humeris sustineam. Primum enim manibus pe-
Tom. III. L 2 di-

An. 1516. dibusque aditendum est, ut isto munere, quod tua pietas indulgit, sic utar, ut tum dante, tum accipiente dignum est. Deinde conandum est, ut aliqua certe ex parte tantorum Principum commendationi respondeam: quandoquidem his beneficii tui gratiam communem esse voluisti. Postremo danda est opera, ut non dicam officio, (quis enim præstet officium, aut Christo, aut huic proximo, Pontifici?) sed tamen aliqua grati animi significatione respondeam accepti muneris magnitudini, quod ipsum jam protinus difficillimum esse video: deinde Leonis amplitudini, sic modis omnibus maximi, ut quantum Romani Pontificis fastigium inter reliquos mortales eminet, tantum Leo inter Romanos Pontifices excellat: id quod multo etiam difficilior. Hoc an præstaturus sim nescio, certe sic adnitar, ut omnes intelligant mihi præter vires nihil defuisse, suppetat modo vita, quam mihi non optarim longiorem, quam quæ posteritati consecrandis Leonis Opt. Max. divinis virtutibus ac meritis sufficiat. Minus infeliciter aggredi solet ardua, qui & libenter aggreditur, & suscepti negotii pondus non ignorat. Quod si nos iustæ vires destituent, auxiliares eruditorum hominum suppetias implorabimus, quorum nemo est usquam qui non fateatur sese plurimum tuæ pietati debere, pacis publicæ vindici, quæ semper honestorum studiorum alitrix fuit. Libet interim, tum mihi privatim hanc gratulari felicitatem, cui contigerit probari, non solum Pontifici Maximo, sed Leonis, inter maximos suis dotibus maximo: tum autem publice seculo huic nostro, quod prorsus aureum fore spes est, si quod unquam fuit aureum, ut in quo tuis felicissimis auspiciis, tuisque sanctissimis consiliis, tria quædam præcipua generis humani bona, restitutum iri videam; Pietatem illam vere Christianam multis modis collapsam; Optimas literas, partim neglectas hæcenus, partim corruptas; & publicam ac perpetuam orbis Christiani concordiam, pietatis & eruditionis fontem, parentemque. Hæc erunt nunquam intermoritura Leonis Decimi trophæa, quæ doctorum hominum literis, æternæ memoriæ consecrata, tuum Pontificatum, tuamque gentem semper illustrabunt. Deum Opt. Max. precor, ut istam mentem tibi perpetuam esse velit, te nobis quam maxime diuturnum, quo rebus humanis, ex animi sententia compositis, sero in coelum redeat Leo. Bruxellis, Anno 1516.

EPISTOLA CXCV.

Sylvester, Episcopus Wigorniensis, serenissimi Anglorum Regis perpetuus apud S. D. N. Orator, Erasmo Roterodamo S. D.

VENERABILIS vir, tanquam frater observande, pergratum mihi fuit datam fuisse occasionem, tibi mea opera gratificandi. Mirifice enim singularem doctrinam egregiasque virtutes tuas semper colui. Nec quicquam magis quam propensissimum in te animum declarare posse optabam. Itaque nactus opportunitatem negotium tuum libentissime suscepi, de quo plura diligenter ac studiose cum S. D. N. egi. Qui profecto tum ob suam bonitatem, tum ob præcipuam ac singularem benevolentiam, qua dotes tuas eximias unice prosequitur, libenter tuis votis annuit. Sed scis hæc negotia plurimum opera confici. Proinde non defuit unus aut aliter, qui rem retardarent, sed S. D. N. per omnia favente, negotium omne ex animi sententia confecimus: per meam diligentiam non stetit, quin hæc citius expedirentur, sed adversa quadam valentudo, nec non perturbationes Ducatus Urbini, non parva molestia S. D. N. affecerunt, & fuerunt in causa, ut serius hæc conficerentur, quam nos volebamus. Quod sperare est, ago tibi gratias immortales de optima opinione, quam te de me concepisse ex tuis humanissimis & gratissimis literis intelligo, quod humanitati tua non meo merito adscribo. Astamen qualiscunque sum, tamen tibi delectissimum esse pro certo habeo. Et quacunque in re tibi, aut amicis tuis me posse prodesse arbitror, de me a-

A que atque de fratre tuo germano omnia tibi polliceri potes. An. Optime vale, & me ama. Roma 31. Januarii, Anno 1516. 1516.

EPISTOLA CXCVI.

D. Sylvestro, Episcopo Wigorniensis, serenissimi Britannia Regis apud summum Pontificem Oratori, Erasmus Rot. S. D.


D VPLICASTI beneficii tui gratiam, amplissime Præsul, dum singulari officio, quo me nihil promeritum es profecutus, addis literas humanitatis plenas. Multa mihi de singulari tua in doctos bonitate prædicaverant multi, sed nunc omnem famam infra verum fuisse comperio, qui mihi videris huic potissimum rei natus, ut de omnibus bene merearis. Quid enim non præstaturus sis aliis, cum hæc præstes Erasmo, vix de facie noto? Proinde mirari desino, quod te pari favore, parique benevolentia profecuti sunt pridem Henricus, ejus nominis Septimus, Regum longe cordatissimus, nunc ejusdem nominis Octavus, Patri simillimus filius, quod te Leo Pont. Max. singulari charitate complectitur. Tot rerum similitudo vos conciliat. Utrique virtus, utriusque Fortunæ vicibus exercita, factaque illustrior. Utrique studium bene merendi privatim ac publice de omnibus. Utrique ingenii lenitas ac benignitas mira. Ipsi per literas utcunque gratias egi, sed id per te fiet rectius, ut cujus opera factus sum illi obnoxius, per eundem me gratum esse cognoscat. Non gravaberis hoc velut auctarium addere tuis in nos officiis & alioqui maximis. Bene valeat T. R. sublimitas, cui me totum dico dedicoque. Bruxellis, An. 1516.

EPISTOLA CXCVII.

Guilielmus Budæus Erasmo Roterod. S.

D I N magna expectatione eram, cum hac scripsi, ob Epistolium tuum: quod ita ad me scripsisti, quasi longissima scribenda Epistola, brevi nactus occasionem; simul scire gestiebam, quid sit quod Tonstallus, Britannus regis istius Orator, homo singulari doctrina, ut audio, ultero etiam ad me scripturus erat: id est, ad amicitiam me provocaturus, hominem sibi ignotum, ac doctis pene omnibus, nisi qui de facie noverunt. Interim vero dum vices meas scribendi nondum venisse interpretarer, Epistolis libens supersedebam. Quod quidem ad te attinet, ut qui sis ad scribendas literas etiam vernaculo sermone cunctantior, ac plane etiam cessator: etiamsi non satis scribendo novi Epistolarum modum, ut tu antehac expertus es. Sed hujusmodi repente se obtulit occasio, quam libens arripere debeam. Hæc animi causa (id quod raro soleo) tabernis bibliopolarum obambulans, pomeridianas aliquot horas consumere statueram: ad Joannis Parvi tabernam nobis bibliopola offendi Guilielmum Parvum, illi, ut arbitror, gentilem: virum eundem magnum in primis, Theologumque eximium: eorum sodalium decus, quos Dominicales appellant, cognomento Prædicatores, qui nunc est a sacrosanctis confessionibus Regi: quod munus sacrum oricularium appellare soleo: haud alio concionatore aula ac regis comitatus in magnis celebritatibus utitur, nec Ludovici Regis tempore usa est: vir omnino ad Ecclesiasticos panegyris exade a natura consuetus. Is cum mihi familiariter amicus est, amicosque meos amat, tum eo nomine cum præcipue observo, quod librorum reconditorum conquisitor est, atque investigator sagacissimus, ac bibliothecarum pene compilator. Sed nescias, utrum omnia volumina avidius corroget, an benignius amicis impartiat & commodes. Ad summam, cum cum hominem multis de rebus ac moribus amem, uno tantum nomine odisse eum possum, dicam enim libere, nihilque aliud ei succensere quam quod Erasmo nimium fauces homini externo, cui ego jam invidere capi ob nimiam istam gloriam, qua non modo Germaniam, (de reliquis Provinciis nunc silebo) sed Galliam etiam nostram ita irradiat, ut





An. ut gloriolam nostram praeadiet, & jam nobis esse obscuris ac videri necesse sit. Et si Budæus agere cum eo obstructi luminis speciose non possis, cui ex ejus scriptis luminis plus accessit. Ut ad rem redeam, Guilielmus Parvus ejusmodi mecum verba fecit, ut affirmaret nudius (ut arbitror) tertius sermonem apud Regem excitatum esse de viris literatis. Ibi cum multa de Erasmo, de aliis, de Budæo fortasse dicerentur, Rex Minervæ, ut spero, numine afflatus ita inquit: in animo sibi esse lectissimos viros in regnum suum praeiis optimis adscribere, ac seminarium, ut ita dicam, eruditorum in Francia institueret: qua verba cum Parvus jamdiu occasione imminens excepisset, est enim ut literatorum omnium suffragator, sic doctrina industriaeque tua admirator & commendator, adscribendumque Erasum in primis consere se dixisset: idque per Budæum optime transigi posse, qui ob commune utriusque lingua studium, & alias summa cum illo amicitia devinctus esset: ad postremum, Regem impetu animi egregio eo esse productum, (aderant enim & alii literarum tuique fautores) ut diceret eam per me conditionem tibi offerri verbis suis velle, ut si istinc demigrare in animum induceres, operamque literis hic navare quam istic consueffes, sacerdotium ipse tibi ad mille Francicos, & eo amplius, collatum se sponderet. Hic fidem meam hactenus intercedere intelligis, ut internumciis, non etiam sponsoris partes agam, & quæ ab illo accepi, bona fide deferam. Neque enim in rem presentem veni, neque hac Principis voluntate mihi aliquid accessit, ac ne accessurum quidem mihi persuadeo, qui rationes meas diversas, atque adeo aversas ab aula & hujuscemodi processibus sentiam, ac mihi cum esse genium divinitus, ut interpretor, datum, qui nec aula, nec sibi in aula placere possit. Atqui huic meo genio, ac plane ingenio vim afferam necesse est, si crescere ornamentis fortis fortuna mediter: tamen si hac mihi multorum votis optantur, deberique existimantur, cum quibus non sentio, ut qui me melius & exploratius ad manumque estimarim. Tua omnino fert aliud ratio, a quo nihil exigetur aliud, quam quod tu facile prestare, atque hilariter possis. Quod si donorum liberalitatumque paginas Reges nostri profanis nominibus tam lucubenter implere, quam sacris ac spiritualibus possent, ego mihi quoque homini conjugi nonnihil in adventitiis spei reponendum existimarem. Nunc autem ita fert ratio & instituta mihi vita & studiorum moorum, ut mihi anlicis in rebus, ac ne in publicis quidem propemodum nihil aut seratur, aut metatur. Unde fit ut homines multi consilii mei ignari, ea me colere studia existiment & discitent, quæ facunda multo magis quam facunda esse possint: nec eo minus tamen inde uborem mihi frugem promitto, cum senectuti meæ suffecturam, tum etiam nepotibus meis ac posteris subsidii nonnihil ad vitam aut existimationem allaturam. Sed super omnia esse duco, quod in animi alimentum suppeditaturum est, & ad vitæ æternæ ac summi boni adeptionem conducturum. Quæres hic fortasse, quid tibi auctor sim? quid aliud potius, quam ut hanc conditionem protinus accipias, & amplectaris? Primum, quod ita te esse animatum velim vel mea unius causa: Deinde, quod si eam acceperis, non magis fortunis tuis, quam honori, atque opinioni consulueris. Proh Divi immortales! quam id tibi honorificum erit, quam ad omnium Doctorum existimationem splendidum, & fortunatum, istius te doctrina commendatione à maximo & illustrissimo Regum in longinquam regionem petitiū esse, & accersitum? Rex hic est, non modo Francus, quod ipsum per se amplum est, sed etiam Franciscus: nomine hoc primum ab ipso inter regia relato; & ut augurari licet, ad magnas res ominosa. Idem literarum non nescius, quod solenne est nostris Regibus: sed idiomata facundus, ingeniosus, docens, molis atque obvis accessus, raris comperis, animique doctibus large à natura pradiis, priscorum Principum admirator & predicator, qui quidam unquam animi magnitudine, ac rebus gestis inclaruerint. His accedit, quod habet omnino quod det, ut si quis unquam Regum: & dat nemo largius, aut benignius. Et quantum conjicere

A licet, præclari cupis esse conditor instituti, ut in posterum An. artes liberales etiam pertinere ad compendium videantur, contra quam solitum est jamdiu. Quo maxime modo illustrare memoriam Principatus sui potest. Verum ut tibi successura omnia spondeam, facis quod Parvum (ut dixi) oracularium sacrum Principis universa doctorum natio, atque etiam virtute præstantium, habitura mihi videatur quasi auctorem quendam publicum, qui in commune stipuletur, assiduūque veluti admonitorem, qui præclari propositi Principem oblivisci non sinat, in te etiam ipsum, ac tua scripta peculiariter propensum. Deinde Antistes Parisiensis Stephanus Poncherius, vir summa doctrina, ac moribus compositis, & emendatis, ut si quis alius Antistitem, ingenio atque industria singulari, cis Alpes, ultra Alpes, nusquam non obundis legationibus, per omnes vitæ gradus auctus, per omnia Republica munia exercitatus, literatorum hominum evocator & amplexator, eoque nomine & alias in Italia nobilis & celebratus: qui cum mihi cognationem intercedere prædicandum esse duco, legatus nunc agere Bruxellæ, Imperatoremque operiri dicitur, ad renunciandam legationem: qui jam (ut opinor) te ad se accersivis, si Bruxellæ fuisti, quæ est in te voluntate affectus, ut ab eo intellexi, cum hæc ipse iter fecit, ad legationem properans. Is, ut ex fratris ejus filio audivi, quem ferre in oculis dicitur, librorum tuorum studiosus est, quantum temporis succidere necessariis rebus licet. Vidi etiam Novæ Testamonti editionem apertam in cubiculo ejus remotiore. Nam & ipse contra istos archaismos, id est, inveterata ac deplorata ignorantia paternos & affectoros, Saturnias lemas olentes (ut est in proverbio) sui veritatisque postliminio redemptis, impugnatores, propugnatores tibi ac veritati summa auctoritate soles. Ac ne Regis voluntatem impetum esse potius, quam judicium propositumque certum suspiceris, idem Præsul mihi dixit, eum de te, ac summo nota scriptoribus loqueretur, Cordi esse Regi literas altiores, elegantioresque, secumque verba fecisse Regem, de conquirendis viris doctrina eminentis. Dixi tam posse te honesto premia evocari in Franciam, idque me curaturum (si res ita talisset) pollicitus sum, effecturumque: diu te Parisiis studuisse, nec minus te Franciam, quam locum incunabulorum tuorum nosse. Is, quantum opinor, summe tibi favet. Summa autem porro ipse auctoritate apud Principem pollet, ut qui in sanctissimi consilium Principis affectus sit inter paucos, quos apostolikos, & selectos appellaverunt Antiqui. Tæ hæc de re statues, & ad me, aut aliam quemvis scribes, si aliam esse tibi amiciorum me putas: ut si hanc conditionem acceperis, hoc est, accipiendam consueveris, nova tibi stipulatione, certioreque caveatur à Principe, ejus præcipue opera, cujus hortatu ad te scripsi. Ipse enim maxime velim, ut hoc negotium sine capione ulla tua transigatur. Existimo Guilielmum Copum modicum regium, hominem utraque lingua doctum, & tibi amicum, ac benevolum, de hoc ad te scripturum, & alior, fortasse Principis jussu, vel ipsum etiam Regem. Adirum quam tibi Guilielmorum natio dedita sit & literis. Jam enim tres Guilielmos in eodem negotio studiosos habes tui. Sed Stephanus Parisiensis (id est, corona) si tecum (ut spero) locutus est, magnam omen attulit ad summam, felicemque manum imponendam incerto. Ubiunque sit, si ad Regem ipsum scripseris χαριστέων ἡμισαλίω, rem ei gratam feceris, & tibi prædicabilem. O qua jam tollis satis ima dehiscat corniculis istis garrulis, quarum tu oculos quotidie conspici! Τῶτοι τὰς ψάλλοντας φημι, τὰς ἐπαναγώνους σοι, ἡ φθονῶντες τὸ δὲ τὸ εὐδοξίας, ἡ δὲ πανδύμους κρότον. Καὶ μὴν ἡ ἐμοὶ γε (εἰ δὲ τὸ ἀληθὲς φάναι) βασιλεύειν σοι ἐπεισι, καὶ περ εὐνοικῶς τε ἡ εὐγνωμόνως πρὸς με διακερδῶ. Καὶ μικρὸν ἢ μελετήσονται ἐφ' οἷς ἐφθίω ὑπερεπαίνεσας σε μετὰ δὲ διακερδαίμενοι πρὸς τὸ εἶς ἀρετὴν καλῆς παιδείας ἐληλυθότων. Πῶς γὰρ σὺν αὐτῷ ἀχθεθείω ἔγωγε τοσούτοις κροήμασιν ὑπὸ αὐτῷ παρὰ δακρυμῶν, ἡ ὑπὸ βραδύνοιαν τὸ ἀγῶνα τὸ δὲ τὸ ἡμεδαπῶν ἀνθρώπων. Φεῦ τὸ ἀτυχίας τε ἡ τὸ ἀγνωμοσύνης. Ὁ ἀγῶνα φιλόπαλεις ἔγωγε (id quod pene mihi vitio vertis) ἡ τοῖς ἐμοῖς Φεγγαίοις νεανικῶς σμυνεῖν, ἡ δ' ἐπὶ τὸ ἐμὸν δίκαιον.

An. 1516. δικαστῶν τυγχάνω τῷ δικαίῳ. Ἀλλ' ὃ βέλῃς, ὅπως μὴ ἀνὰ φθονήσῃς ἐμοὶ σύγε, ἢ καὶ ἐπὶ φθονὰ τ' αἰμά, ἢ μὴ ὀροήσῃς, ὡς ἐγὼ φημι, ὡς δὲ τῷ ἡμετέρῳ πλείους ὑπελήφασιν ἢ κατ' ἀξίαν περὶ τὸν, οἷς δὲ σὺ συγκαταθήσεσθαι μοι δοκεῖς. Ἀλλὰ μὴ ἤδη τὴν πέναν τὴν σὺ δόποιοσκεῖς, ὡ μακάριε. *Apaga tamen jam ab adibus nostris; et tunc mihi non dātur peccare. Temperare enim mihi nequeo ad te scribens, quin te joci provocem, hominem joci ac leporibus concretum, videlicet quod ajunt, et in pectus eius pedionem procalumēnt.* Ἐρῶ σοι φίλη μοι κεφαλὴ, καὶ διατέλλω εὐτυχῶν τε καὶ εὐδοκίμων τῇδε τῇ φιλοπονίᾳ. Parisiis 5. Februarii, An. 1516.

EPISTOLA CXCVIII.

Gulielmus Copus Erasmo Roterod. S. D.

QUOD toties provocatus literis tuis nihil responderim, nihil aliud cause fuisse credas velim, quam crassam hanc meam barbariem, quae doctis auribus tuis obstrepere erubuit, id quod vel silente me facile intelligere poteras, sed cogit me in praesentiarum regia majestas silentium rumpere. Id quid sit, paucis accipe. Gulielmus Parvus, doctor Theologus, regius Confessionarius, nominis tui perquam studiosus, Franciscus de Rupeforti, Regis, quum in teneris ageret, pedagogus, nunc Abbas, qui summis te laudibus apud proceres nostros efferre solitus est, ambo Regem, quum sacris adesset, adierunt, eique multis argumentis, ut te in Galliam vocaret, persuaserunt. Illico Rex intellecta summa ista tua eruditione, jussit ut ad te literas darem, quibus animum tuum explorarem, an cum Gallis degere, et qua conditione contineri velis. Pollicetur Rex Christianissimus, si hic nobiscum vivere decreveris, adeo benigne te educaturum, ut nunquam te instituti hujus paenitere possit. Proinde rescribas velim. Nondum videre potui Aphorismos tuos. Vale. Lutetia 6. Februarii, An. 1516.

EPISTOLA CXCI.

Erasmus Roterodamus Thoma Greio, et Petro Viterio, S. D.

EODEM die mihi vestrae redditae sunt literae querelarum plenae, quod nihil respondeam. Praeter has postremas expostulatrices, imo objurgatrices, binas duntaxat à vobis accepi, hoc est, à singulis singulas; quibus haecenus non respondi, sed tamen, nisi fallor, jussi vos salvere in literis ad Badium datis. Nec ideo minus vos amo, si scribo rarius, qui sic distrahor, partim his aulae tumultibus, partim iniquitate Fortunae, nonnihil etiam studiis, ut vix sim apud me. Haec scripsi graviter aegrotus, non pituita, sed verius peste, quae plurimos hic jam tenet. Quod deploras, mi charissime Viteri, te istuc à me missum, quo mea consuetudine careres; scis ipse te quorundam malitia Caletio depulsum fuisse, quem exitum ego semper expectabam. Atque utinam nunc ea tibi esset Fortuna, qualem ego optarim. Sed tamen est aliquid in patria vivere, praesertim tali. Et sortem tuam ita reddes tolerabiliorem, si quod sis, esse velis. Quod si quid est in quo requiras officium nostrum, fac periculum, num idem sim Erasmus, qui semper fuerim. Literarum officio non possum omnibus respondere, etiamsi nihil agam praeterea. Tuum, mi charissime Greie, studium atque animum tam pium, dici vix posset, quantopere exosculer. De filii indole gratulor ex animo. Quod ipse sacra potissimum amplecteris, hoc est, ea per quae vivas feliciter, et moriaris felicius, prudenter facis, et rectissime tibi consulis. Quanquam tu quidem superstes eris in liberis, quibus bis pater es: quippe non contentus in hanc lucem produxisse, Christo parturis eosdem. Valet ambo, quos ut aequum tum mihi, tum inter vos charos, epistola quoque conjungere visum est. Bruxellis 13. Februarii, Anno 1516.

EPISTOLA CC.

Erasmus Rot. Gulielmo Budaeo suo S. D.

NA E tu homo πάνυ βασιλικῶς munificus es, eruditissime Budae, qui pro tam indocta Epistola, tam eruditam; hoc est, juxta Glancum Homericum pro vix aerea reddideris plus quam auream, tum pro mediocri tam uberem, tamque prolixam: imo non Epistolam, sed volumen: atque, ut melius dicam, Theaurum. ὃ φίλοι μῦσαι, quantum illic eruditionis, haudquaquam trivialis! quantum eloquentiae priscæ, nec hujus omnino seculi! Quid non ibi deliciarum? Quid non leporum? Ut prorsus hic Budaeum agis? Ut insigniter te ipsum exprimis? Hanc meam sententiam complurium calculis approbarem, ni tam paucos haberet hæc regio, qui tuas bilingues literas queant assequi, ne μονογλωττίς quidem admodum intellecturi, ni fallor. Certe Cuthbertum Tonstallum, cujus unius judicium mihi quantumvis frequentium comitiorum instar est, ita rapuit, tenuit, afflavit tua Epistola, ut prorsus non legerit, sed devoravit, ut terque quaterque relegerit, nec omnino potuerit ea nisi conviciis è manibus hominis extorqueri. Quod ni derepente à Principe Carolo ad Cæsarem Maximilianum fuisset advocatus, magnisque mox negotiorum undis obrutus, jam adornabat ad te scribere. Nec enim arbitrabatur convenire, ut cum viro non literis tantum eximio, tamque exquisitæ ubique, diligentiae, neglectioribus literis amicitiam auspicaretur, cum ego tuam exaggerans facilitatem, auctor essem ut interea scriberet, ὅτι ἂν ἀκρὸν ἐπὶ γλωττίαν ἔλθοι. Verum ille quo doctior est, hoc penitus tuas dotes perspicit, atque ob id religiosius quam ego suspicit, ac veneratur. Jam meum judicium quanti fiat ab aliis nescio, tu certe non potes omnino rejicere, qui ultro efflagitaris, qui ταύτην τὴν λεοντὴν imposueris, ac me tuarum lucubrationum Aristarchum feceris. Equidem haud pono meum nomen in eruditorum albo. Inter tuos autem amicos sic ambio numerari, ut cætera quamlibet inferior, studio tamen tui nemini cessurum me recipiam. Nec tamen usque adeo sum à Musis ac bonis literis alienus, opinor, ut non aliquo modo perspiciam rarissimas istas, ac pene divinas opes ingenii tui, quando quæ insigniter eminent atque elucet, vel à lusciosis cerni solent: nec rursus in tantum tui studio cæcutio, ut amore exoculatus parum recte dispiciam, id quod tum accidere solet, quoties judicium ex amore nascitur. Cæterum ubi contra amor à judicio proficiscitur, tantum abest, ut oculis captus sit, ut nihil sit oculatus: fitque tum ut quo impensius amamus, hoc & perspiciamus acrius, & certius judicemus. Jam olim mihi videbar odorari tibi certamen istud susceptum cum Italia, pulcherrimum quidem illud, sed idem longe difficillimum: at ne quid fingam, prope modum desperabam successurum. Nunc adeo successisse video, ut neminem hac ætate putem esse apud Italos, tam improbum, sibi que fidem, qui super ista sane laude cum Budaeo congredi, manusque conferere sustineat: quod quidem & citra invidiam, & cum Italia pace dictum velim, cui cum faveo multum, tum tribuo plurimum. Quis enim jam in hoc certamen velit descendere, posteaquam videmus egregios illos heroes, & omnium consensu prorsus inimitabiles, Hermolaum Barbarum, & Angelum Politianum, pari utriusque literaturæ facultate copiaque, longe abs te superatos? O felicem Galliam, quas cristas tolleret, si suas opes ipsa nosset? Sed ita fere est ingenium mortalium, ut, inquit Flaccus, virtutem præsentem si non odimus, certe negligimus, sublatam ex oculis quaerimus invidi. Quod si fiat, ut qui nunc meus est sensus, idem est universæ Gallie, nimirum Budaeus ille in omnibus basilicis ὀλέχουται staret: quanquam ille quidem, diutius victuris statuis, in omnium eruditorum pectoribus consecratus dicatusque semper stabit. Atque hæc quidem aliis adulantius, aliis arrogantius à me dicta videbuntur, sat scio: sed

sed iis modo, qui tuas exquisitissimas lucubrationes, aut nondum cognorint, aut certe non assequantur. Quorum utrumque quisquis fecerit, is me protinus utroque crimine liberabit. Et post hoc jocularis τί γὰρ ἄλλο, nos tuis officere luminibus. Dicam paucis quod sentio, mi Budae. Si quid hactenus obstitit tuae gloriae, nihil aliud in causa fuit nisi quod perpauci mortales novam istam ac retrusam eruditionem adhuc assequuntur: quod simul atque contigerit, dispeream, ni tu protinus nominis tui fulgore, & oculos perstringes omnium: & quotquot sunt usquam, qui nunc illustres habentur, laudem obscurabis. Nec ulla tamen nobis in te competet actio, ut me quoque interim ponam inter eos, qui alicujus sunt nominis, hoc est, οἱ ἀληθῆς τὸ πέρχομεν ἐν λαχάνοις. Nam in vestro foro qui plus justo tollunt ædificium, suum commodum vicinorum incommodo comparant, & alienis damnis ipsi πλεονεκτοῦν. Hic est diverso, & qui lumini officit alieno, beneficio juvat, non damnum dat: & cujus luminibus officitur, non ille quidem minus habet lucis, ac fortassis aliquanto plus, sed quod habet, id jam minus eminet. Itaque nulla hic damni dati actio, non Hercule magis, quam sit stellis minoribus, subito solis exortu conditis atque evanescentibus. Et tamen videas quosdam adeo perverse invidos, ut sibi detrahi judicent, quicquid aliis accreverit. Ego porro quantumvis cætera δυσυχῶν, tamen hoc animo mihi videor non omnino infortunatus, quod amicorum gloria magis etiam delecter, quam mea ipsius: & inimicorum celebritate non urar, modo profint aliqua bonis literis. Atque utinam is sit jam nunc, quem brevi futurum auguror, meliorum studiorum successus: ut Erasmus, cui quidam eruditionis nonnihil tribuunt, eloquentiæ mediocritatem, neque scire quicquam, & prorsus infans atque elinguis esse videatur. Jam ut carptim ad aliquot Epistolæ tuæ parteis respondeam: Si unquam mihi contingat apud iudices de capite periclitari, non alium mihi patronum optem quam Budæum: tantum in ista tua Apologia præstas artificem, cui non satis fuit omnia mea ἐνθυμήματα refellere, nisi mea tela protinus in meipsum retorssisset, subitoque ex iudice faceres reum. Sic enim tuis totam defensionem tuam, ut aut absolvendus mihi sis, aut eadem sententia ipse me necessario condemnem, quancunque in te pronunciavero. Vide quantum possit ista tua admirabilis facundia, qua efficis, ut reo securo iudex periclitetur, & bene secum agi existimet, si modo liceat reum nulla sua fraude dimittere. Hic vero cum me tecum componis, committisque, confestim mihi succurrit, mi Budae, Græcorum illud adagium, μύμηξ ἢ κάμηλ: aut si quid is quoque dissimilius. Quæso quid inter nos simile, aut ullo pacto affine, præter hunc fortassis animum, non abhorrentem ab honestis studiis. Eleva tuam felicitatem quantum libet, αὐτομαθῆς, ὀψιμαθῆς uno certe calculo te vinco, ἀμαθῆς δὲ ἀτεχνῶς ἀπαίδευτος. Neque vero crediderim istam collationem abs te hoc animo institutam, quod existimares hanc meam tenuitatem cum ista tua opulentia ullo pacto comparandam, sed ut me propius admoto, tua magis elucescerent: quo nimirum consilio pictores in tabulis umbras addere dicuntur, si qua velint insignitius emine-re. Et matronæ quædam callidæ, quo magis commendent oculis intuentium formam suam per se egregiam, pedissequas parum formosas secum ducere curant. Nec aliud mihi videtur egisse Politianus, cum aliorum ad se Epistolas suis intexteret, idque nullius ferme exemplo. Sunt enim illic, quorum impudentiam non alia ratione magis potuerit traducere. Sunt rursus, quos per se facundos, ad hunc collatos, dicas obmutescere. Neque hæc dixerim, quasi tute per te parum sis illustris, ut meis tenebris debeas commendari: sed hac arte mihi videris quorundam errori voluisse mederi, simulque mihi falsa existimatione gravato succurrere. Sunt enim qui mihi plus nimio tribuant, quorum aliquos & ipse prodidisti, nempe Deloium & Ruzæum, qui me, ut scribis, Κατὸν ἐμὸν nostri temporis faciunt, nisi quod

plus amplector eloquentiæ. Nec enim suspicari fas est, ista te de tuo admensum esse, quo mihi illos hoc veluti lenocinio redderes commendatiores. Et sunt rursus qui mihi nihil non adimunt, illis nihil nescio, his nihil omnino scio. Nec adhuc satis mihi liquet, utri pejus de me mereantur, illi ne prodigi, quorum candor me laudibus immodicis onerat, quas nec agnoscere possim, nisi sim aut egregie φίλων, aut insigniter impudens: an hi, quorum malignitas sic me nudat, ut nihil omnino reliquum faciat. Nam quemadmodum non sum tam insolens, ut id haberi postulem in re literaria, quod in re bellica fuit Achilles, aut Diomedes: ita non usque adeo mei ipsius sum ignarus, ut Therpsitē mihi putem anteponendum. Et tamen nonnihil molestum est, quod nec illis irasci possim, amore studioque mei cæcutientibus, nisi hominis inhumani notam malim incurrere: nec hos refellere, quibus nescio quomodo sum æquior, quod magis ad animi mei sententiam facere videantur. Quo sane nomine te quoque amo, mi Budae, quod ab immodicis illis admiratoribus dissentias: sic enim interpretor quod scribis, te mihi ea in parte nonnihil invidere. Equidem istam invidiam, hoc est iudicium severius malim, quam aliorum effusissimum favorem, qui me vera onerat invidia, hominem omnium potius misericordia, nullius invidia dignum. Sic enim mihi placeo, ut quod Socrates ἐκινδύνων, id mihi vere atque ex animo propemodum videar posse profiteri: *Unum hoc scio, me nihil scire.* Fortasse non sum aliis facturus fidem, at tu certe illud mihi credas velim, Budae, si quid omnino credis, nihil unquam tam feliciter à me elaboratum, quod meo animo arriserit. Hic mihi continuo in os jecerit aliquis, *Quorsum igitur tantum voluminum nobis offundis, si nihil istorum probas?* Primum, nequeo dormire. Nam hoc lemma se purgat Horatius. Deinde, ut aliquid audeam scribere, quorundam insignis facit impudentia: qui cum juxta sint infantes, atque indocti, tamen miro supercilio docent quod nesciunt. Tibi Plinius, Hermolaus, Politianus, ad scribendum addunt calcar. Mihi animos adjiciunt Passavantii, Hugones, Summanarii. Siquidem ad illos plus quam mutus, tamen ἐν ταῖς ἀμυστάτοις ὁπασὲν φθίγγων τολμῶ κλέδω. Verum ut ad id quod institui recurram, tamen si videam id magno existimationis meæ detrimento fieri, tamen interim gaudeo utcumque conferri cum Budæo: præsertim cum tute id facias, Deum immortalem, quam erudite, quam eloquenter, quam divinitus, ut non a libi magis declararis, quanto te sim inferior, quam ubi me tibi nunc parem, nunc superiorem etiam, si Musis placet, facis! Et tamen interim (ut dixi) mihi blandior, hoc certe lucri facturus, ut quamvis victus discessero, tamen cum Budæo studiorum antistite collatus dicar, ceu Therpsites quispiam cum Achille: Quid mea? collatus tamen. Etenim ut sunt quos vicisse pudeat, ita sunt à quibus vinci quoque abunde pulchrum sit. Hoc laudis animo meo satis est. Cur enim tibi non fatear ambitionem meam, ὃ τ' ἐμῶν φίλῳ, cum tu te mihi totum, ut scribis, bona fide indicaris? Negas tu quidem, perinde invisam esse mihi Peniam uxorem, atque adamantam hujus pellicem Eucliam: quod haudquaquam scripsisses, εἰ οἶδ' ὅτι, si me penitus & interius nosces. Etenim ut juvenis nonnihil tangebar gloriæ studio, atque id sane leviter: ita nunc nihil malim, quam quicquid est hoc nominis, quod solum præmii mihi mea studia retulere. nec id tamen parum multa invidia corruptum fermentatumque, ut non paulo plus aloes sit quam mellis: vel deponere si detur, vel abjicere, ὅτι οἱ ἱεροὶ τὰ πύργα, καὶ τὴν ἡμῶν κωνίαν ἐπομένω φιλοσοφίαν, si parum credis, injurato. Hic igitur cum prorsus à te dissentiam, tamen haud iverim inficias, magno sensu voluptatis pertentari animum meum, quoties tui similibus scriptis aut laudor, aut certe non contemnor: quibus vel notum charumque esse, præcipuam quandam felicitatis partem esse ducō. Tuam autem eloquentiam seorsim sic amo, suspicioque,

An. que, ut jucundum sit tali ore vel reprehendi, teloque
1516. tam insigni vulnerari. Neque enim me clam est, quot
modis me suggilles in Epistola tua, dum tuam causam
defendis: ut me sursum ac deorsum salibus tuis exagites,
ludosque facias. Verum ista per me sæpe facias licebit,
modo pari facias eloquentia, etiam si nunc tu quidem
amicissime quoque facis, usque adeo tuum istud ingenium
deamo. Neque verebor posthac quoquo pacto calamum tuum
in me laceffere. Posteaquam coepi, certum est totum animum
meum effutire. Non ignorabam, optime *Budæ*, morum ingenique
tui placabilitatem, & tamen nonnihil metuebam, ne quid
offenderet mea tam audax censura lucubrationum tuarum:
perinde quasi *Areopagites* aut *Aristarchus* quispiam essem,
ac non magis *Erasmus* *τελευβόλιος ἀνθρωπίνος*. Verum posteaquam
hæc temeritas tam feliciter cecidit, nihil dubitabo posthac
vel quodvis *ευκοφανταίν*, modo quacunque improbitate tales
Epistolas liceat à *Budæ* extundere. Sed quando tua illa
ἀντικατηγορία me vel ex iudice, vel ex actore reum fecit;
haud sane conabor cum tam confertis simul & instructis
argumentorum tuorum copiis aperto *Marte* iustaque acie
configere, quod ipse *Xerxes* vix posset: attamen aggrediar,
ceu populabundus, incursionibus incessere aliquot agminis
tui partes, nunc hac, nunc illac affiliens; & caudæ equinæ
pilos paulatim vellere. Singulis fortassis negotium exhibuero,
quum universis par esse non possim. Primum, meam *εἰσαγωγήν*,
in qua me scribis arguari, vel *ἀκκίζεσθαι* potius: belle tu
quidem eludis, si modo per nos impune liceat auferre, quod
non aliter atque maxime confessum assumis: videlicet à me
præstari posse quippiam quod ab alio nemine possit. Atque
istuc ipsum est, quod ego constanter clareque nego, atque
etiam pernego; utpote vix mediocribus etiam par argumentis.
Quid si quædam sunt, inquis, quæ tu unus possis
absolvere? Quid si cælum ruat? Ad hæc cum orationis
meæ mediocritatem cum tua grandiloquentia componis;
fortassis erat accuratius explicandum, quibus tandem
in rebus istam amplitudinem sitam esse putes. Etenim
si in genere argumenti, nihil adhuc à nobis grande
susceptum est quod cothurnum requireret. Nec tuus
Assis per se grande est argumentum, nisi quatenus
difficile: sed tua eloquentia grande est. Alioqui mihi
videntur maxima, quæcunque sint optima. Sin in ipsa
phrasi maiestatem sitam esse putas, equidem in hac
sum sententia: ut illud orationis genus existimem
magnificentissimum, quod efficacissime persuaserit id,
quod est institutum: hac quidem in parte nonnihil à
Quintiliano dissentiens, qui negat eloquentiam esse
vocandam, quæ non habeat admirationem. Cum enim
bona pars artis sit artem dissimulare, quod dicenti
fidem abroget artificii significatio; non video quæ
possit efficax esse eloquentia, quæ se jactet,
ostentetque. Neque enim ut vestis eadem, & splendida
potest esse, & nihilominus ad usum accommoda:
itidem potest oratio simul ad permovendos animos,
& ad ostentationem ingenii esse appositæ. Ut optimus
est jaculandi artifex, non qui pharetra sit gemmis
distincta, cui arcus quam maxime insignis; sed qui
certissima manu scopum feriat: ut ingens Philosophus,
non qui *Stoicorum*, aut *Peripateticorum* dogmata pulchre
teneat, sed qui philosophiæ rationem vitam ac moribus
exprimat, qui proprius est philosophiæ finis: ita summus
Oratoris munus absolvit, quisquis quod voluit, persuasit.
Alioqui an non videatur ineptus, si qui populum à belli
tumultu ad pacis studium revocare instituerit, oratione
phalerata, atque elaborata, hoc tantum persuadeat, se
virum esse cum primis eruditum, plurimæque lectionis?
Atqui non hoc agebatur. Ne scenæ quidem quavis ex re
captant admirationem. Damnatur histrio, qui peregrinis
quibus oculos populi detinet, cum is actione & argumento
fuerit ad plausum invitandus. Ego ad hoc ut grandis sit
dictio, verborum apparatus miænim momenti adferre existimo,
nec ita pulchrum conferre

A schematum ornamenta, nisi si qua in rebus sita sint, non
in verbis. Neque parvi refert utrum fabulam mireris, an
apparatum. Certe, Rhetorum etiam consensu, illud naturale
dicendi genus primam laudem obtinet. At non aliud minus
est admirabile. Quis enim admiretur artem, quum putet
natura dici? Ac prorsus *dis diὰ πασῶν* inter se differunt,
quod illi primum judicant, & quod tu videris amplecti.
Ut fileam interim, stultissimum esse admirari quod non
intelligas. Unde potissimum perspicuitati studendum est
ei, quisquis admirationem eloquentiæ captat. Jam scis ipse
totum hoc orationis expoliendæ studium, vix à bonis viris
olim fuisse receptum: vixque persuadent Rhetores, alioqui
facundissimi, utilem esse Rhetoricen, aut viro bono dignam.
B Quo mihi videris iniquius facere, qui scenicam etiam
eloquentiam exigis à Theologo Christiano; cum *Cicero*
ab Ethnico Philosopho non requirat omnino ullam hoc
contentus, si intelligatur modo. At tui Rhetores, qui
(sicut par est) suæ professioni impendio favent, non
probant tamen istas orationis delicias, ac *πολυτέλειαν*,
nisi in uno duntaxat genere; nimirum *Encomiastico*.
A quo nullum longius abesse puto, quam quod totum in
docendo versatur: atque adeo in docendo, non quasvis
res, (nam de fulminum aut terræ motuum causis
splendide differi possit) sed res per se minutas ac
tenuas, tum sic impeditas involutasque, ut quantumvis
distincte, quantumvis dilucide, quantumvis simpliciter,
aut commode explices, tamen vix etiam ab attentis
capiantur. Quod si usquam alibi, hic certe videbatur
rei difficultas orationis facilitatem desiderare, ne
lector gemina oneraretur molestia, primum argumenti,
deinde explicationis. Et cum aliud ex alio pendeat,
atque ob id lector avidus ad finem anhelet, non
videbatur objectis salebris ac lamis à cursu retardandus.
Ad hæc si maxime probatur oratio, quæ maxime
congruat rei quam tractat, vide num conveniat
quiritari, ut tuo utar verbo, in argumento tam exili.
C Neque enim continuo quod est difficillimum, idem
est & grandissimum: imo contra fere usu venit, ut
plurimum habeant difficultatis, quæ sunt minutissima.
D Habet tamen & hoc genus suas dotes, sed mea
sententia quasvis potius quam *δανότητα*, aut *μεγαλοπρέπεια*. Tuum ipsius animum nunc appello,
Budæ, ferres ne *Euclidem* de figuris Mathematicis
istoc orationis apparatu differentem? Sed harum rerum
haud nescius, opinor, cum exquisito undique opere,
ingenii tui specimen dare velles eruditorum duntaxat
panegyri, callido quodam consilio *Assi* tuo, ceu agro
senticofo, digressionum aliquot vireta miscuisti, ut in
his lector argumenti asperitate lassus, subsideret, ac
respiraret. Quod idem me in *Chiliadibus* fecisse
criminatum te minaris, nisi te criminari desinam, qui
instituti oblitus in *Silenis* mundi scenam agam, in
adagio *γλυκὺς ἀπείρω πόλεμος* adversus bellatores
istos belliger, in *Scarabeo* ludam ac lasciviam, in
proverbio *σάρα των ἐλαχίστων, ταύταν κόσμος*, aliisque
compluribus declamem. Utinam mihi liceat hic
peccatum tecum commune faceri, modo idem mihi
pariter successisset. Quamquam si libeat
tergiversari, respondere possem causam tuam non
omnino similem meæ. Tuus *Assis*, catenæ ritu,
sic totus sibi cohæret, ut non perinde locus sit
longioribus digressionibus. Mearum *Chiliadum* ea
ratio est, ut ubi ubi quodvis finieris adagium,
imaginari possis jam explicitum volumen. Et
incidunt permulta, quæ ad declamandum velut
invitent. Age, dic mihi *οὐδὲ τὸ Μῆσῶν*, cum ab
Assi partibus exorsus *πάνο διδασκαλῶς* sub
finem operis tam diu cum tuo *Deloio* desidens
confabularis de statu, moribusque nostrorum
temporum, an non vereris, ne quis *Momus* tibi
Horatianum illud occinat,

— amphora cepit

Ἰνστινί, currente rota, cur urcens exit?

Exspatiatur & *Plinius* in Historia mundi, sed in
amplissimo argumento, sed brevius utroque nostrum,
me etiam rarij. Exspatiatur & *Seneca* in quæstionibus
causarum.

An. farum naturalium, sed infrequentius. Vides quanto
 1516. parcius id mihi permiserim in Novum Testamentum,
 etiam si nec hoc argumentum sic inter se contextum
 est; ut tuus *Assis*. Audio quosdam idem sentire de An-
 notationibus tuis in *Pandectas*, quæ quanquam pluri-
 mum attulere tibi gloriæ, tamen aliquanto plus latur-
 ras fuisse, si relectis iis, quæ tu non quasi diligens
 promulcondus, sed profusus quispiam *Lucullus* è con-
 fertilimo penu effundis verius, quam promissis, ea potis-
 simum in medium attulisses, quæ proprie ad institutum
 argumentum faciebant: veluti, ut hoc exempli gratia
 proferam, si vindictam enarrans, non illico congefisses,
 quicquid usquam apud ullum auctorum genus de vindic-
 cando, de vindicta, de vindictis reperitur: sed ea dunta-
 xat, quæ peculiariter ad eum locum illustrandum perti-
 nebant. Nunc eruditionem nemo quidem desiderat, cæ-
 terum qui aut avidiores sunt, aut occupatiores, aut etiam
 morosiores, causantur ingens esse volumen, & tamen
 ex tam multis paucos locos illustratos: tametsi quæ in-
 fulcis, eruditiora sunt, quam ut otiosum & candidum
 lectorem pœniteat. *παρεργίας*. Verum ad dicendi ge-
 nus jam redeo. Scio, scio, doctissime *Budæe*, quæ
 tua felicitas est, quodcunque dictionis genus assequi
 posses te, modo volueris, id quod ipse quoque signifi-
 cas, atque ob hoc dignus, qui quod optimum est ve-
 lis, cum efficias quicquid volueris. Mihi quidem nun-
 quam placuit balbuties & infantia quorundam, qui bo-
 nam eruditionis partem videri volunt, elinguem esse,
 aut quod mea sententia miserius est, spurce prodigio-
 seque dicere. Nam ut sermo præcipua mentis imago
 est, mentem vero decet esse purissimam, cum vitio
 detur vestis immundior, magis arbitror orationis puri-
 tatem ac munditiem bono viro præstandam esse. At-
 que huc quidem semper annis sum à puero, quantum
 nostra regio, seculum, fortuna, denique quantum hæc
 ingenii tenuitas ferebat: & tamen cum viderem artifi-
 cium dicendi à probatis viris tam gravatim probari,
 magis affectavi mundam orationem quam phaleratam,
 & solidam masculamque potius quam splendidam aut
 scenicam, quæ rem ostenderet citius, quam quæ scri-
 ptoris ingenium ostentaret. Votum meum audis, cæ-
 terum an assequutus sim nescio. Et fortasse dum hoc
 genus sequor, ita ut sit, in aliud huic finitimum inci-
 di, dilutum, triviale, expositum: quod gustasse lectori
 abunde satis sit, videlicet unedonum ritu: cum nihil
 illic sit, quod paulo quis elegantiore palato regustare
 velit, nec ullos aculeos relinquit in futurum, sed ad
 præfens tantum mulceat. Nam huiusmodi ferme co-
 loribus me mihi depingis, mi *Budæe*: & haud scio an
 verissime. Plus enim tuo unius iudicio tribuo, quam
 aliorum complurium. At ego ut phaleratam orationem
 non ambio, ita puram, aptam, facilem ac dilucidam
 optarim, si contingat: sed ita facilem, ut tamen ne-
 que nervis, neque aculeis, ubi res poscit, deficiatur,
 quam si minus assequor, ingenii culpa est, non insti-
 tuti. Quanquam vide quam interim inique mecum a-
 gitur, qui utrinque male audio: à vestro, hoc est, do-
 ctissimorum ordine culpor, ut citra impetum, ut elum-
 bis, ut remissus, fluens: ab hoc meo reprehendor &
 quidem quotidie, quod nimium exquisitis schematum
 & verborum ornamentis plebejum lectorem procul à
 me submoveam, atque in ipsis etiam scholiis alia flagi-
 tant scholia. Quid facerem? Ita tempero dictionem,
 ut neutris per omnia obsequar, & tamen utrisque dem
 aliquid. Ad hæc non parum assequutus videtur, qui id
 impetrat à lectore, ut totum librum avide devoret, &
 pari contentione ad finem usque deproperet. Atque
 haud scio an tutius etiam sit facilitate transmittere le-
 ctorem, quam difficultate detertere: & tolerabilius est
 non regustari, quam omnino non gustari. Quanquam
 regustari contingit & iis, qui facilitate commendantur.
 Alioqui quid *Cicerone* facilius, & quis repetitur avidius?
 Quid tribuas *Minerva* nostræ tu videris, ego quam sit
 maligna sentio. Nam quod scribis *ὅτι δ' θεολογικὰ χή-
 μαι*®, deque legibus, quibus quod adstrictior sum quam

A tu, cogar esse circumspectior, istud quidem eatenus va-
 let, ut mihi minus peccare liceat quam tibi, cum mi-
 nus sit veniæ, non ut cogar peius dicere. Nam quod
 ad *παρήσιαν* attinet, ut nusquam vel obscœnus sum,
 vel seditiosus, quorum utrunque oportet à bono viro
 procul abesse: ita multis in locis καθ' ὑπερβολὴν παρή-
 σιάζομαι, neque id sine magno meo malo, τοσαύτῃ τρε-
 γωδίαν μοι ἐκίνησαν οἱ κακοδαίμονες ὅτοι μαζαίοι λόγοι, οἷς σοί-
 γε, βέλῃς *Budæe*, Ἡρόκλης, μήποτέ γένοιτο ἀπελευθερῶν ἐν
 τῷ βίῳ, ὃν ἐδὲν ζῶν ἔτε τ' θαλασσίαν ἔτε τ' χερσαίαν ἐξο-
 λίσσεν. Porro, quod putas me senectute frugaliorem
 reddi, nihil repugno, nec adeo mirum, si mihi usu
 venit, quod *Isocrati*, quod *Lysimacho*, quod ipsi *Cice-
 roni* videmus usu venisse. Atque utinam usu veniat,
 ut quemadmodum illis, ita mihi quoque accessus æta-
 tis, orationem sic leniorem reddat, ut tamen melio-
 rem. Quanquam si libeat utriusque nostrum ætatem
 expendere, haud ita multum interest, nisi aut te, aut
 me fallit supputatio: siquidem ego jam annum ago pri-
 mum & quinquagesimum; tu, ut scribis, non procul
 abes à duodequingagesimo. Mihi igitur longe plus
 senii est quam tibi, senectutis non ita multum. Sed ef-
 fundam in sinum tuum, quæ res stylum meum aliquan-
 to facit deteriore. Scis hunc lectione non secus at-
 que agrum stercoratione reddi vegetiorem, & novalibus
 alternis annis vacatio permittitur, ne assidua cultura ste-
 rilescant. At ego compluribus jam annis fundum hunc,
 per se malignum, nec soli admodum felicitis, perpetuo
 cultu exhauro: nec intermissionis ullo laxamento suc-
 currens, nec lectionis lætamine. Nam illa tumultua-
 ria lectio, qua *Chiliadum* opus, & Annotationes in No-
 vum Testamentum, ac *Hieronymum* congestæ sunt, a-
 deo non reddit ingenium vegetius, ut non temere alia
 res æque officiat, vel memoriæ, vel mentis acrimoniæ.
 Tum ipsum argumenti genus respuit etiam orationis
 majestatem. Tu felix, *Budæe*, cui contigerit argumen-
 tum, ceu campum ac theatrum tibi aptum deligere, in
 quo raræ istius eruditionis, & eloquentiæ specimen or-
 bi dares. Ego in hæc incidi, cum ad nullum omnino
 scripti genus minus essem natura appositus. Et tamen
 ubi semel incideram, fabulæ scenæque serviendum fuit.
 Nonnullas *ὑποθέσεις* amicorum precibus dedi, ut vix
 unquam hætenus mihi contigerit in mea versari are-
 na, meoque ipsius servire genio, si quis omnino meus
 est genius. Ne querar interim ut nihil honoris esse his
 studiis, præsertim apud nos, sic judicia perversa. Cui
 nunc velis placuisse? Ad cuius plausum admittas equos
 tuos? Jam ne mihi sis impune suggillatus, quod manum
 de tabula tollere nequeas, obiter recriminaris, ὅτι ὡς
 τὸ δέον εἰμι πρὸς τῷ παρορμολογῶν. Verum non satis in-
 telligo, utrum usum adagiorum immodicum reprehен-
 das, an nimis anxiam & morosam collectionem. Me-
 mini me & fateor quondam ambitiosius hoc genere ceu
 meis opibus uti solere: sed post sensi, cœpique fruga-
 lius adhibere. Porro, in colligendo, ambitiosius me
 fecit, partim *Robertum Gaguinum*, qui mihi olim sub a-
 liena persona suam indicans sententiam, retulit in hoc
 me à Criticis reprehensum, quod in primis illis colle-
 ctaneis oppido quam jejunos essem, & è tam multis
 paucula modo recensuissem. Partim *Polydorum Virgilium*,
 vir eruditus, mihique nunc amicissimus, qui passim
 etiam prædicabat, me suis ingredi vestigiis, æmulum
 operis alieni, non auctorem mei: cum hoc libelli quic-
 quid erat, annos aliquot edidissem, prius quam *Polydori*
 nomen nossem. Demum ubi *Polydori* librum essem na-
 ctus, ipsa chalcographi inscriptio declarabat, me men-
 sibus aliquot antevertisse: cum ille ederet in Italia suum,
 ego meum *Lutetia*. Et tamen *Lucas* quidem *Sauromata*,
 Theologus *Lovanienfis*, vir non ob aliud, opinor,
 infensus bonis literis, nisi quod eas annis permultis, sed
 infeliciter, planeque Musis iratis, affectasset, pertinaci-
 ter asseverabat, me alienis inventis ostentare me. Has
 cavillationes dum avidius studeo effugere, in vicinam
 incidi foveam, ut apparet, proque jejuno immodi-
 cus esse cœpi. Quanquam nec usque adeo promiscue,
 Tom. III. M alba-

An. albaque (quod ajunt) amussi, studium fuit convertere
 2516. omnia, quin multa rejecerim, quæ tamen in *Græcorum*
 collectaneis habebantur, quod mihi suboleret quædam
 è vulgi horum temporum fece hausta, quædam affe-
 ctata studio majore quam judicio. Jam quod argumen-
 tatus fueram, non ejusdem esse hominis *Peniam* habe-
 re domi, & *Lucullianas* substructiones tollere: ita tu
 quidem ἀντιστρέφεις, ut hoc ipsum existimes argumen-
 tum, *Plinium* ex ædibus tuis in malam rem aliquo pro-
 fugisse, & in hujus locum *Peniam* immigrasse. Recte
 sane istuc, si prædia villasque in tuis bonis non nume-
 ras, cum hinc locupletes potissimum nomen invenerint.
 Hæc, optime *Budæ*, cavillari libuit verius quam *δο-
 λογείας*: vel quod tu sic jusseras, vel quod dulce est,
 quidvis cum amico tali nugari: vel quod minus etiam
 tibi magnificum fore judicabam, ἐρήμη νενικέναι. Cæte-
 rum, nihil est tuum, quod non unice tum probem, tum
 admirer. Id quod cum antehac semper fecerim, tamen
 in dies quo propius te contempler, quo penitius intro-
 spicio, hoc & amo, & suspicio magis. Nec enim te
 solum hominem absolute doctum, ac divino quodam
 ingenio, parique judicio præditum declarant tuæ lu-
 cubrationes, admirabili doctrinarum omnium penu re-
 fertæ: verum & integrum probumque virum arguunt,
 qui tanto animi ardore destomacheris in corruptissimos
 hujus seculi mores. Quod si quid etiam peccas in
 phrasi, aut copia, quod ego sane non puto, sed ta-
 men si quid peccas, primum vitiis, ut ipse verissime
 scribis, honestis peccas: tum adeo feliciter, ut ego
 sane non paulo tua malim αμαρτήματα, quam aliorum
 κατηρώματα. Inter tot Scriptorum species, nullos mi-
 nus fero, quam istos quosdam *Ciceronis* simios, à quo
 genere non ita multum abesse mihi videtur *Pontanus*.
 Nam *Apulejanos* τερατολόγους & pueri rident. Tu
 mira temperatura sic es elaboratus & exquisitus, ut
 nec facilitas desit, nec perspicuitas: sic copiosus &
 exuberans, ut tui semper instituti memor: sic splendi-
 dus & ingens, ut nusquam desint nervi vigorque: sic
 picturatus ac floridus, ut magis tamen eruditione quam
 ornamentis dicendi commenderis. Hoc uni *Budæ* da-
 tum est. Sed ut est nostræ mediocritatis non invidere
 tuæ felicitati nulli prorsus imitabili, ita tui candoris est,
 meæ sortis ac notæ Scriptores non fastidire: præsertim
 cum fatearis, ut suam cuique faciem, suam cuique vo-
 cem, ita suum cuique stylum & institutum semper fuisse.
 Tu maluisti ab eruditis duntaxat intelligi, ego si
 possim à plurimis: tibi propositum est vincere, mihi aut
 docere, aut persuadere. Etiam si hæc quoque tu præ-
 stas, sed non sola. *Assem* abs te locupletatum, jampri-
 dem emi jusseram, nunc tandem cum hæc scriberem,
 extorsi de manibus eorum, qui libros concinnant: ita
 tua diligentia duplici precio nos mulctat, sed ut id cre-
 bro facias, opto. Utranque editionem à capite usque ad
 calcem perlegam: sed adhibito synanagnosta, quo cer-
 tius deprehendam, quid mutandum aut adjiciendum
 judicaris. Reddet ea lectio me si non satis diligentem,
 certe paulo minus indiligentem. Τὸν χολιασλὺν τὸν δὲ
 θέως ἐκ τῆς φράσεως ἐπέγνωνκα, πᾶν γὰρ προσφερὲν αὐτῷ τῷ
 συγγενεῖ, κατέπλω τὴν κλέπτης οἶδα, καὶ λυκὸν λυκῷ. Pro tam
 erudita, tamque honorifica *Deloio* ad me epistola, tibi
 quoque gratiam habeo, cujus hortatu scriptam conji-
 cio. Alioqui quid venisset in mentem homini tanto, tantis
 distento negotiis, ad nos scribere? O vere deorum vi-
 tam, si qua usquam est! Quid enim aliud est, cum ta-
 libus amicis quotidie in amoenissimis Musarum viretis
 versari, ludere, oblectari? O quæ fabulæ, quæ collo-
 quia, quæ commentationes: qui sales, quales *Cicero*
 cum suo *Bruto Pomponio*que solet agitare. Neque enim
 ego dubitarim *Deloio* & *Ruzem* *Bruto Pomponio*que
 vel antepone, si tu modo te patiaris æquari *Ciceroni*,
 quem nostra certe ætate refert. Hic nihil simile, sed ne-
 scio quo pacto durius adhuc habentur bonæ literæ. In
 causa est, opinor, quod frigeant *Mecanates*, & regnent
 meliorum literarum hostes. Unus prope clarissimus vir
Joannes Sylvagius, *Burgundia* Cancellarius, ut patriæ,

sic etiam optimis studiis consulere studet, sed cujus bo-
 nam partem nobis adimunt publica regni negotia. Scis
 nullius boni magnopere jucundam fruitionem absque
 consorte. At ni forte *Tonstallus* adfuisset, neminem ha-
 biturus eram, qui cum, me tuæ mellitissimæ literæ de-
 lectassent. Jam istam conditionem, quam offers, perlu-
 bens accipio: ut invicem posthac communis sit inter
 nos omnis omnium amicorum possessio. Quod enim lu-
 crum offerri potuit luculentius? certe quod ad me per-
 tinet, dabo operam, ne cui charus sit *Erasmus*, quin
 idem optime sentiat de *Budæ*. *Deloio* sum ausus scribere,
 sive quod tam amanter ab ipso lacestor, sive quod
 tu sic obtestaris, ut religio sit non parere. Alioqui, ne
 quid mentiar, non alia ratione magis à scribendo de-
 terrere poteris, quam istiusmodi literis provocando.
 Quod si meæ existimationis tantopere mihi ratio ha-
 beretur, quantopere tu putas; profecto nec illa mihi
 tecum communis amica philosophia, nec *Jupiter* ami-
 citiæ præses, nec mei nominis gloria, quam tu facis
 admirabilem, nec hujus ingenii felicitas, quam mihi
 prope divinam tribuis, eo impudentiæ me adegissent,
 ut ad tam eruditas epistolas rescriberem. Nunc quo-
 niam tuæ gloriæ sic faveo, ut non possim impensius:
 & ipse famæ jam pene satur sum, hoc libentius etiam
 ad te scribo, quod augurer fore, ut tuam eloquentiam
 posthac vehementius suspiciant omnes, posteaquam
 animadverterint *Erasmum*, cui hætenus tribuebant elo-
 quentiam, te loquente, prorsus obmutuisse. Totum il-
 lum locum περὶ τῆς χρεωσέως, περὶ τῆς ἐθελουθλαίας risu pro-
 sequebar. Aut insigniter ignoras ingenium meum, aut
 vasserrime dissimulas. Hætenus quidem hic sementem
 facio, cujusmodi messem facturus, incertus: meo et-
 iamnum succo victito, ad cochlearum exemplum: imo
 polyporum in morem, arrosis meis ipsius brachiis, me
 ipsum palco: nisi quod salarium promissum est ex æra-
 rario Principis, & una jam data Præbenda, quam ipse
 verti in annuam pensionem: ἐμπίπυσσι μὲν ἐνθάδε πᾶμπο-
 λα πύματα: sed hui vulturum immensa turba, & ego
 quidvis esse possim citius quam vultur. Si qua res animum
 meum à literis avocare potuisset, aut hæc valetudo jam
 caduca pridem avocasset, aut iste τοσούτῳ φθόνῳ, ὁ δὲ
 τῷ ἀπαυδόντων ματαιολόγῳ, quorum improbitate tantum
 non lapidatus sum. Qui te istic adierant, iidem me
 convenere *Bruxella*, quorum conspectus mihi partim
 lætus fuit, quod illorum oratio tui memoriam renova-
 ret, partim tristis, quod sine tuis literis venirent, et-
 si spem tuarum literarum adferrent. Horum alter est
Marianus Siculus, priscam illam gentis suæ festivitatem
 referens, vir præter eruditionem candidissimo pecto-
 re, plane ad amicitiam natus, cujus familiaritas mihi
 non mediocri voluptati fuit. De tuis Epistolis mendo-
 sius excusis, non injuria expostulas. Nam idem mihi
 quoque non mediocriter stomachum moverat, sed uni-
 cum hunc habemus τυπογράφον, καὶ τῶν γε ἄξιον ἡμῶν.
 Cæterum eas Epistolas *Petrus Egidius*, ab actis Curiae
Antuerpiensis, vir doctus & humanus, tuique nominis
 inter primos studiosus, evulgandas curavit: me sane
 non quidem conscio, sed tamen nonnihil suspicante,
 & connivente verius quam volente, quod cuperem
 tuas saltem ab omnibus eruditis legi: vel ob hoc ipsum
 quo tua tam insignis præminencia nostratium veter-
 num excuteret, & altissimum hunc somnum tuæ vi-
 gilantiæ claritas dispelleret. De jure trium liberorum
 adempto, de uno sex liberorum abducto, necum a-
 gas oportet, cujus errore id factum est; sed brevi
 tibi sarcietur hoc damni, id curaturum me recipio,
 & quidem propediem. At vero quod tuas in Novum
 Testamentum Annotationes mihi credere vis, quæso
 an non pudebit posthac istos, qui ultro lucubrationes
 alienas sibi vindicant, aut qui sibi habent non literis,
 quicquid habent? O pectus vere candidum atque a-
 micum, & ab omni invidentiæ morbo alienissimum!
 Recte dictum est, *Scriptores opera sua non secum ac li-
 beros adamare*. Tu non gravaris filium fraudare, quo
 me dices: & cum plerique pro gloria, perinde atque
 pro

An. pro vita digladiemur; tu non recusas tuam ipsius gloriam in amicum transfundere. Quis hoc ingenium non adamet? non deosculetur? Sed cave faxis istud, mi Budae. Neque enim mei ingenii est, alienis opibus venditare me, etiamsi in Hebraicis passus sum non nihil operæ subsidiariae, sed id sane perparce, nec dissimulantèr tamen: simul de studiosis pessime merear, si ea mihi sumpsero, quæ scio feliciter abs te tracturum iri. Denique cum publica feceris, mea nihilominus erunt quam tua, licebitque iis uti, cum Budæi mei nomenclatura, quod ego non tam candide facio, quam ambitiose. Illud modo volebam, degustato opere nostro submoneres, si quid desiderares, aut si quid offenderet, ut id in proxima editione, quam adorno, sarcire liceret. Nondum scio, an hoc quoque nomine tibi debeam gratias agere, quod omnibus virtutibus multo ornatissimus Præsul Parisiensis, qui nunc vestri Regis nomine apud nostrum legatione fungitur, me credat aliquid esse in bonis literis: ac prorsus agorem, si istud immodice fecisses, ut inculpandus mihi sis potius, qui tantum virum in tantum induxeris errorem: simulque meam inopiam, quam oportebat tibi non ignotam esse, tanta expectatione oneraris. Sed quicquid hoc est, seu beneficii, seu sedulitatis, hoc est, seu officii, seu culpæ, totum tibi commune est cum Fabro, Copoque: sic enim mihi visus sum intelligere ex oratione Legati. Certe mihi cum primis gratum fuit, virum tam pium, tam eruditum, tam humanum cognoscere, cui vix eloqui possim quam sim obstrictus: ut qui me non solum suo præconio, suæque consuetudine, ac mensæ etiam confortio honestavit, (scis enim apud Poetas deos fieri, quos dii suis mensis adhibere dignantur) verum etiam Christianissimi Regis nomine invitarit ad vestræ Gallia contubernium, si modo per hunc meum Principem liceret. De Jacobi Fabri adversa valetudine, eaque diutina ac pene perpetua, rem mihi nuncias haud sane mediocriter acerbam. Siquidem is vir est ea pietate, ea humanitate doctrinaque præditus, sic de studiis ac studiosis omnibus meritis, ut indignus sit, qui aut senescat unquam aut moriatur: sed tamen Episcopi me recreavit oratio, qui mihi narravit eum jam aliquanto firmiorem esse. Efflagitaras, mi Budae, tua quoque prolixior epistolam. En ðrauo, habes non minus magnam, quam malam: nam tuæ parem referre facile possum, similem qui possum? Vide nunc an posthac expediat Erasmus ad prolixas epistolas provocare. Quoque magis in posterum id metuas, addam & coronidem. Sunt hic Itali quidam, quos offendit επιγεγραμμάτων, quod in Assis frontispicio addidisti, μημίσαδς ταῦτα ῥῆον ἐστὶν ἢ μιμήσαδς, velut arrogantius, nimirum Veneris scandalum calumniantes, cum in ipsa nihil reperiant quod vituperent. Ego negabam operæ precium mihi videri, in eo cavillari, quod fortasse Chalcographus de suo addidisset. Aggrederentur potius ipsum Opus, in quo si vel unum aliquod cementum convellerent, totam illico structuram ruituram. Vide quantum fiduciæ mihi tua præbeat diligentia: qui non metuum quolibet etiam in te provocare, quo fias illustrior. At idem in me fieri nolim. Jam ad te miseram epistolium velut hujus arrhabonem, cui quamquam hæc serius successit, tamen propere venisse dicas, si scieris quam me complures dies affligerit pituita: publica pene hic omnium pestis, à qua vix post mensem revixi. Accessit crebra migratio ac remigratio. Bene vale, amicorum doctissime, & doctorem amicissime. Antuerpia 15. Februarii, Anno 1516.

EPISTOLA CCI.

Franciscus Deloïnus Erasmo Roterodamo
S. P. D.

MIRABERIS forsan, Erasme, vir undecunque doctissime, quid me potissimum impulerit, hominem nulla dicendi facultate præditum, nulla familiaritate vi-

A bi junctum, ut ad te uliro scriberem: quod profecto desines admirari, si te literarum, quas haud pridem ad Budæum, amicum Gallia nostra decus, scripsisti, oblivio non cæperit: quibus & Coleti predicatione, & aliis item nominibus, notum me tibi esse affirmas. Quanquam enim litera tua, primum quod abs te profecta, deinde quod Budæo scripta, jucundissima mihi fuerint: tamen, ut verum fatear, nulla re magis me oblectarunt, quam quod tam amice, tam benevole, in Deloïni mentionem incidisti: quem etsi ipsum totum sibi Budæus dudum vendicaverit; tamen non usque adeo maligne possidet, ut tecum amicum communem habere eum, aut alium quenkum gravetur: ut ipsum erga te affectum esse video. Jam vero non possum non deamare plurimum Coletum illum tuum, virum doctrina, vitæque sanctimonia clarissimum: qui te, ut scribis, veteris amicitia ac consuetudinis commonuit, qua mihi cum illo non vulgaris olim intercessit, quum Aureliæ studiorum causa ageremus. Tanti ille, qua est in omnes humanitate, nostram amicitiam fecit, tam constanter servavit, ut ejus perinde ac recentis, nulloque aut temporum, aut locorum intervallo oblitterata, apud te meminerit: longe ab eorum moribus alienus, qui novis amicitias allekti, veteres aut contemnunt, aut negligunt. Porro autem equis tam duro, tamque ingrato animo esse potest, quin tibi libens gratuletur, tot tamque præclara in omnium disciplinarum genere, ingenii atque industria tua monumenta contectans? quibus tu plane cum ipsa antiquitate certare, & omnibus nostra ætatis Scriptoribus palmam præripere videris, doctorum omnium opinione, non nostra tantum: dum è mediis ignorantia tenebris ingenuas artes, atque adeo sacras Literas vindicas: & longo veluti postliminio redeuntes in suum quodammodo regnum dignitatemque restituis. Nam Adagiorum Chiliadas, Moria encomium, Militem Christianum, Novum Instrumentum, ceteraque id genus, qua ex tua officina felicibus avibus profecta, ad nos plausibiliter pervenerunt, jam pene, quantum per occupationes nostras licuit, legendo contrivimus. Sant in manibus divi Hieronymi Opera, strenuus sane labor: & nonnisi Herculis cujusdam, hoc est, Erasmi viribus suscipiendus. In quibus ipsum Hieronymum mihi videre videor, tua cura, diligentia, labore summo in lucem rediisse: & promissum sacris egiis Anastaseos diem quodammodo prevenisse, ut qui purgatus (quibus undique scatebat) navis, nova quadam immortalitatis veste abs te donatus, nativo germanoque decori restitutus est. Succurrunt Annotationes tuae, Deus optime, quam erudite, quam religiose, quam omnibus numeris absoluta! quibus ita quorundam, qui se magnos videri volunt, luminibus obstruxisti: & ut dici solet, cornicum oculos confixisti, ut splendore nominis tui excecari, & maximis eloquentia tua viribus in ordinem coacti, manus tandem dare, & communem temporum suorum inopiam inscitiamque miserantes, presentis seculi felicitatem admirari cœperint. Quos etiam videas abjectis crassis, ne dicam, sesquipedalibus verbis, quibus olim tumentibus buccis uti consueverant, summissos, & suo se pede nunc primum metientes. Perge itaque, mi Erasme, de literis, de rebus divinis, de Christiana Philosophia, de Republica Ecclesiastica, optime semper, ut facis, mereri. Qua in re ut perpetuum habebis fautorem Budæum, ita me utriusque vestrum, si quid infimi muneris erit, assuetam assiduum, & laudum honorumque vestrorum præconem, etsi non vocalissimum, at certe animosissimum: quamquam majora omnino merita vestra esse intelligam, quam ut cujusquam, nedum nostro præconio egere videantur. Quod superest, Deum Optimum Maximum precor, ut animos istos vobis, hoc est, tibi & Budæo, nova in dies proferendi, animisq; istis tempus in hac vita quam longissimum tribuat, ut peractis qua promissis, majora concipiat. Nam qua uliro spondidisti, appellantur quotidie & flagitantur: ac jam periculum est, ut Plinii verbis utar, ne cogantur ad exhibendum formulam accipere. Vale, & nos ama.

F Quum epistolam hanc jamjam obsignaturus esset Deloïnus.

An. Ioinus noster, interveniens ego salutem hic Deloioi ipsius
1516. consilio propria manu adscripsi tibi, id quod hospitalis cu-
jussiam tessera loco tibi fuerit. Lutetia, An. 1516. Ni-
colaus Beraldu.

EPISTOLA CCII.

Erasmus Roterod. D. Francisco Deloio S.D.

V IDEO, splendidissime Deloio, quot quantisque
nominibus debeam Guilielmo Budao, non vestrae
modo Gallia, quod tu verissime scribis, verum etiam
totius aevi nostri decori, atque ornamento incompara-
bili: qui non contentus ornare me testimonio suo apud
omnes ubique doctos gravissimo, nobilitare tot erudi-
tissimis epistolis, insuper amicis tam multis locupletat
beatque, atque o Deum immortalem, cujusmodi? An
non merito sic existimem, ingentem accessionem fa-
ctam meis possessionibus, posteaquam Guilielmus Par-
vus, Franciscus Deloio, Ludovicus Ruzens, amico-
rum meorum numero additi, in bonis meis esse coe-
perunt? porro cum tria nomina recenseo, boni supe-
ri, quot egregias dotes, quot ornamenta rarissima com-
pendio sum complexus? Nec hos solum illius opera
lucrificio, quin ille jam verbis conceptis mecum pa-
ctus est, quicquid usquam gentium nobis est amico-
rum, id lege Pythagorica nostrum utrique fore com-
mune. Est ille quidem, fide optima, ut si quisquam
alius: sed tamen est apud me hujus pacti syngrapha i-
pso digitis descripta, si quid inficiari velit. Quid-
vis patiar citius quam semel traditam possessionem tam
praeclaram interverti mihi. Ad egregias istas laudes,
quas mihi tua tribuit epistola, nihil habeo quod re-
spondeam, nisi vos de me sane, amantissime errare.
Jam quod lucubrationes meas omnes abs te non legi
modo intelligo, sed excuti quoque, sed penitus intro-
spici, utrum ne felicem me dicam, cui a summis eru-
ditione pariter atque auctoritate viris, hoc dignationis
& honoris habeatur: an infelicem potius, qui talis cum
sum, neque enim meipsum nescio, in iudices tam o-
culatos inciderim? id quoties mecum reputo, quo pu-
dore me suffundi putas? Libet vociferari, non scripsi-
mus ista Deloio, hoc est, plus quam Laliis ac Per-
sis, ista literariae militiae Tyronibus parata sunt, aut
certe crassulis quibusdam & amulis Theologis, quibus
antehac erat ad Catholicarios, ad Mammetrearios
velut ad Apollinis tripodem frustra confugiendum. Ho-
rum Cimmeriis tenebris conati sumus quantulumcun-
que lucis aperire. Cur vos summates viri, patriciique
ordinis proceres, ad hoc plebejum convivium vosmet-
ipsos ingeritis? Non istis palatis haec parabantur legu-
mina. Video, video, quantum sollicitudinis mihi sit
adjuicendum operis nostris, si quid posthac emisero.
Cum ante paucos menses apud Coletum tui facerem
mentionem, protinus agnovit nomen Deloio, ac re-
cordatione veteris consuetudinis visus est admodum de-
lectari. Nicolauus Beraldu lepide nimirum hospitalis
tesseræ meminit in subscriptione sua. Nam memini,
cum olim essem Aurelia, Italiam aditurus, me hominis
hospitio usum, atque apud eum dies aliquot sane quam
benigne comiterque habitum. Etiam nunc audire mi-
hi videor linguam illam explanatam ac volubilem, sua-
viterque tinnientem & blande canoram vocem, ora-
tionem paratam ac pure fluentem: videre os illud a-
micum & plurimum humanitatis prae se ferens, super-
cilii nihil: mores venustos, commodos, faciles, mini-
meque molestos: quin & interulam sericam velut apo-
phoretum obtulit abituro, vixque ab homine impetra-
vi, ut liceret reculare. Hujus igitur tesseram libens
agnosco. Salutem hilaris accipio, meamque multo cum
foenore rescribo. Si causaberis hanc epistolam parum
esse copiosam, fac eas legas, quas ad Budauum misimus,
& queri defines: posteaquam enim lex illa placet, ut
amicorum omnia sint communia, si quid literarum ad
illum datum est, id ad te quoque datum esse putabis.
Bene vale, patrone incomparabilis, & Ruzens meo

A nomine saluta diligenter. Antuerpia 21. Februarii, An.
Anno 1516. 1516.

EPISTOLA CCIII.

Erasmus Rot. Guilielmo Budao S. D.

V IX tandem explicaveram me ab illa loquacissima
epistola, quæ quam tibi molesta futura sit, vel
hinc conjicio, quod mihi quoque scribenti tædio fue-
rit: eam vix dum obsignaveram, cum alteræ tuæ mihi
redduntur literæ, quibus Christianissimi Regis animum
erga me significas. Ad has λαλονικῶς respondeam o-
portet, simul ne te pariter ac me tædio loquacitatis e-
necem, simul quod eodem tempore ad plures item a-
lios mihi scribendum sit. Regis animum, vere Prin-
cipe dignum, atque adeo tali Principe, merito probe
atque exosculor. Quod de nobis tam magnifice sentit,
id potissimum vobis amicis debeo, qui me illi depin-
gitis, non qualis sum, sed qualem optatis haberi. At-
que id sane facitis non mediocri periculo, nec id meo
tantum, verum etiam vestro. Quanquam eadem de
re jam diligenter egerat Regis nomine clarissimus Ora-
tor Episcopus Parisiensis, quem virum tu non minus ve-
re, quam graphice depingis in tuis literis. Perlongum
fuerit consultantium more, quæ res ad hoc invitent,
quæ contra deterreant epistola complecti; tuum con-
siliu quod sit video. Id ego feliciter etiam fore judi-
co, quod datum sit ab homine, non prudentissimo
solum, verum etiam amantissimo. Nam si usquam lo-
cum habet Græcorum proverbium ἐχθρὸν ἀδωγὸν δῶκεν,
in consiliis locum habere puto. Cæterum ut hac de
re fateor me plurimum debere cum vobis omnibus,
tum in primis Regi munificentissimo, optimoque: ita
non possum in præsentia certi quicquam respondere,
nisi communicato consilio cum Cancellario Burgundie,
qui nunc abest, Cameracum proficiscens. Interea dum
& ipse negotium meo cum animo diligentius perpen-
do, & amicorum sententiam exquiro, ille, ut spero,
redierit: cujus animum simul atque cognovero, faciam
te certior de toto meo animo. Hoc solum in præ-
sentia dicam, mihi Galliam multis nominibus semper
fuisse charam; sed nunc haud alio nomine commenda-
torem, quam quod Budauum habet: à qua non est
quod me facias alienum, & ut tu vocas, externum:
nam si Cosmographis credimus, ad Galliam pertinet
& Hollandia. Commodum admonuisti, quod ipse sæ-
penumero admiratus sum, Guilielmorum gentem mihi
tantopere favere, siue id fato quodam accidit, siue ca-
su. Olim vix decem natus annos, collusorem amavi
Guilielmum. Rursum quindecim annos natus, sic æ-
qualem quandam dilexi, ut mihi esset meipso charior.
Huic successit Guilielmus Hermanus, homo doctus, cu-
jus hymnos opinor vidisse te: post hunc Guilielmus
Montjois, perpetuus & constantissimus Mecenas meus.
Deinde Guilielmus Lasamerus, vir in utriusque litera-
turæ præstantia Linacro non inferior, homo vere Theo-
logus, hoc est, integerrimus simul & eruditissimus,
nostrique cum primis studiosus. Ad hæc, Guilielmus
Grocinus, cujus Epistolam habes sphaeræ Proculi addi-
tam. Jam quot Guilielmos æquat unus ille Guilielmus
Archiepiscopus Cantuariensis? Ad hæc Guilielmum Co-
pum sic totum totus amo, ut ad ipsum etiam hominis
nomen recreer. De te vero parcius dicam in os. Sed
ditior sum, quam existimaram. Nesciebam insignem
illum & omnium ore celebratum Theologum Guiliel-
mum cognomento Parvum, virtutum eminentia ma-
ximum, usque adeo meum esse. Mane, nondum o-
mnibus Guilielmis meos recensui. Est Basilea Guilielmus
Nesennus, optimarum literarum ardentissimus consecra-
tor, mihi sic unice deditus, ut Pyladem meum appel-
lare jure optimo possim. Is nihil cunctetur, quodvis
etiam capitis periculum adire pro suo Erasmo. Ex Ora-
tore vestro cognovi Paulum Emiliu tandem evulga-
re rerum Gallicarum historiam. Non enim poterit non
esse absolutissimum opus, quod à viro non minus do-
cto,

An. Sto, quam diligenti, plus annis viginti sit elaboratum. 1516. *Utopiam Thoma Mori*, si nondum videre contigit, fac cures emendam; neque pigeat per ocium legere. Non pœnitebit operæ insumptæ. *Thoma Linacri* lucubrationes ex officina *Badiana* propediem exituras, dici non potest, quam gaudeam. Nihil ab eo viro expecto non absolutissimum omnibus numeris. Deum immortalem! quod seculum video brevi futurum, utinam contingat rejuvenescere. *Petrus Aegidius* hospes meus, ut bonarum literarum & admirator, & egregie peritus, ita tui cum primis studiosus, rogavit ut suis verbis tibi salutem adscriberem. Is suis digitis prolixam illam scripserat epistolam, quanquam alias occupatissimus, cum mihi non vacaret rescribere, & alterum è ministris *Lovanium* ablegassem, alter ab oculis laboraret. Bene vale. *Antuerpia* 21. Febr. Anno 1516.

D. *Cuthbertum Tonstallum* à nobis avulsi Imperator *Maximilianus*, cui posteaquam Orator assignatus est, successore missò, qui apud *Carolus* nostrum ageret, desiit diutius eodem in loco commorari. Quod vitæ genus non omnino displiceret, modo bibliotheca nos quoquo iremus comitaretur. Huc si venerit, coram, sin minus, absentem literis appellabo, de literis ad te. Rursum vale.

EPISTOLA CCIV.

Christianissimo Galliarum Regi Francisco Erasmus Roterodamus S. D.

CVM inclytum *Francia* regnum, omniumque consensu longe florentissimum, plurimos ediderit Principes, pietate, bellique gloria præstantes, *Francisce* Regum optime juxta ac maxime, tu tamen in primis speciosissimum illud & *Gallorum* Regibus peculiare *Christianissimi* agnomen mihi præstare videris. Etenim cum *CHRISTVS* ipse Regum Rex, ac Principum Princeps, haud alio insigni, symboloque suos dignosci voluerit, quam mutuae inter ipsos concordiae: tu posteaquam bello adversus *Elvetios* gesto, quam tibi nec animus, nec apparatus, ad bellum gerendum deesset declararas, tamen huc totis nervis incumbere maluisti, ut compositis in æternum bellorum tumultibus, præcipui Christianæ ditionis Principes perpetua jam pace inter sese conglutinantur: nimirum prudenter illud animadvertens, *Ex Regum inter ipsos dissidiis semel omnium rerum bonarum pestem, ac perniciem; contra, malarum omnium colluviem, ac mare in vitam mortalium invehit: quorum animos & opes, si pax & amicitia sincera conjunxerit, mox futurum, ut jam velut aureo quodam seculo, pietas, optima leges, & quicquid est honestarum artium, simul efflorescat: qua semper pacis & comites esse solent & alumna.* Intelligit, videt, perspicit, animus iste tuus vere regius, ita maxime fore te Principem felicem & eminentem: non si quam plurimis, sed si quam optimis ac felicissimis imperaris. Illud igitur quo magis efficiat vigilantissima tua majestas, cum tot habeat in regno suo viros, omni virtutum ac literarum genere præcellentes: tamen undique præmiis amplissimis adsciscit, quo regnum per se ornatissimum talibus honestamentis reddat ornatus, haud ignara istiusmodi decoribus multo verius, ac pulchrius, illustrari ditionem suam, quam opibus, trophæis, pyramidibus, aliisque quantumlibet magnificis substructionibus. Porro, quod inter hos me quoque tua benignitas dignata est honestissimis præmiis sollicitare, video sane quantopere debeam animo tuo non minus humano quam excelsò. Atque utinam adsit mihi tanta vis ingenii & eruditionis, ut aliqua saltem ex parte tanti Principis expectationi respondere queam: tantum autem eloquentiæ, ut heroicas istas virtutes tuas, eximiaque decora, dignis aliquando præconiis posteritati commendem, atque in primis hoc divinum restitutæ pacis beneficium, te cum primis adnitente, partum orbi Christiano. Precor Deum Optimum Maximum, ut posteaquam illi complacitum est pulcherrimos istos

A impetus animis vestris immittere, idem provehat, beneque fortunet. Vere profecto scripsit Rex ille pacificus, *Corda Regum in manu Dei esse, & illius arbitrio huc aut illuc impelli.* Quis enim dubitet istam mentem hujus afflatu vobis dari? Proinde spes est fore, ut qui novam hanc felicitatem orbi Christiano largiri coepit, idque per te potissimum, idem munus suum vestra pietate, constantiaque, quam maxime diuturnum ac proprium velit esse. Is majestatem tuam, Rex excel. lentissime, diutissime felicem, ac rebus omnibus florentem regno, imò orbi terrarum servet, ac tueatur, cui me totum trado, dedicoque. *Antuerpia* 21. Febr. Anno 1516.

EPISTOLA CCV.

Erasmus Roterod. Guilielmo Cope S. D.

O FELICEM *Galliam* tali Principe! O te fortunatum istiusmodi patrono! O me beatum tanti Monarchæ favore! Cæterum ad tuas literas, quas Regis tui jussu scripseras ad me, nondum licet certi quippiam respondere. Sed brevi statutam, ac renunciabo: interim hujus honoris usura fruar, quod laudatissimorum hominum commendatione, laudatissimo Regi placuerim, pro cuius erga me studio quantum debeam, nec dissimulabo, nec obliviscar unquam: ejus majestati per literas utcunque gratias egi. Sic enim jussit *Budæus*, sed tu idem dexterius feceris oratione, nec ipsi solum, verum etiam eximio Theologo *Guilielmo Parvo*, & reverendo Patri *Francisco de Rupeforti*, qui quam errant amanter, tam officiose sunt de nobis mentiti Regi. Quod Aphorismos nostros desideras, cave putes istius esse generis, cujusmodi sunt tui *Hippocratis*; alia res est. At si libellum posces *Erasmii De institutione Principis Christiani*, istoc titulo citius inveniis. Bene vale. *Antuerpia* 24. Febr. Anno 1516.

Audio sanè & gaudeo, *Thoma Linacri* lucubrationes excudi *Lintetia*. *Utopiam Mori*, si nondum legisti, fac requiras, si quando voles ridere, imò si fontes ipsos intueri, unde omnia fere Reipublicæ mala oriuntur. Rursum vale.

EPISTOLA CCVI.

R. D. Ludovico Canossa, Episcopo Bajocensi, Erasmus Roterodamus S. D.

ET felicitatem istam tibi gratulor, cujus meritis favore *Leonis*, Pontificis vere maximi, contigerit ista dignitas, & animum tuum erga bonas literas magnopere probò: denique pro tuo de me judicio, vel, ut melius dicam, pro isto tam amico de nobis errore, gratiam habeo maximam, neque secus debere me puto tuæ benignitati, quam si quod offert (offert autem conditionem liberalissimam, ac plane meis meritis ampliolem) jam accepissem. Cæterum, quoniam nunc abest Cancellarius *Burgundia*, cujus opera pridem adscitus sum in famulitium Catholici Regis *Caroli*, non habeo quod certum in præsentia respondeam, id tamen faciam propediem. Interea perge favere tuo (ubi ubi terrarum futurus est) *Erasmio*. Bene vale, cui me totum addico. *Antuerpia* 24. Febr. Anno 1516.

EPISTOLA CCVII.

Erasmus Rot. Guolfgango Fabricio Capivani S. D.

NON sum equidem admodum vitæ avidus, eruditissime *Guolphange*, sive quod animo meo jam propemodum vixi satis, videlicet annum ingressus primum & quinquagesimum; sive quod in hac vita, nihil adeo magnificum aut suave video, quod magnopere sit expetendum ei, cui Christiana fides vere fidem fecerit, qui pietatem hic pro sua virili fuerint amplexi, hos multo hac feliciorem manere vitam: sed tamen in præsentia pene libeat aliquantisper rejuvenescere, non ob aliud, nisi quod videam futurum, ut

An. propediem aureum quoddam seculum exoriatur. Adeo
 1516. cernimus ceu divinitus immutatos Principum animos,
 ad pacis concordiaeque studium totis viribus incumbere,
 idque praecipuis auctoribus Leone Pontifice, non titulo
 tantum maximo; & Francisco Galliarum Rege, non minus
 egregiis factis, quam solenni cognomine Christianissimo.
 Huic cum & animus, & opes sic ad bellum gerendum
 superent, ut nemini Principum magis: tamen graviter
 perpendens; huiusmodi Principum dissidiis conflictationibusque
 & Christianorum vires, opesque maximopere labefactari,
 & e diverso nostrae religionis hostibus opes & animos addi:
 tum quae major etiam pestis, quicquid est verae religionis,
 quicquid bonarum legum, quicquid civilis disciplinae,
 quicquid proborum morum, quicquid honestarum artium,
 militari licentia inter assiduos armorum crepitus,
 aut intermori prorsus, aut certe frigere vehementer:
 proque his semel universum malorum & calamitatum
 agmen inundare in vitam mortalium, nihil non tum facit,
 tum patitur, submovendi belli pacisque conglutinandae studio: his quoque ultro submittens
 sese, quibus haudquaquam par erat, si celsitudinis ac
 dignitatis suae rationem habere maluisset, quam communibus
 mundi commodis consulere: hac quidem in re, sicut in
 ceteris omnibus, animum vere sublimem ac germane
 regium praestans. Itaque postquam video summos orbis
 Principes, Regem Galliae Franciscum, Carolum, Regem
 Catholicum, Regem Angliae Henricum, Caesarem Maximilianum,
 funditus recisis bellorum seminariis, pacem solidis, & uti
 spero, adamantinis vinculis adstrinxisse, nimirum certam
 in spem vocor, fore, ut non solum probi mores, pietasque
 Christiana, verum etiam purgatiores illae, ac germanae
 literae, pulcherrimaeque disciplinae partim reviviscant,
 partim enitescant: praesertim cum hoc quoque pari studio
 jam agant diversis mundi regionibus, Roma Leo P. M.
 apud Hispanos Cardinalis Toleanus; apud Anglos Rex
 Henricus, ejus nominis octavus, nec ipse literarum
 imperitus; apud nos Rex Carolus, divinae cujusdam
 indolis adolescens; apud Gallos Rex Franciscus huic
 negotio veluti natus, qui praemiis etiam amplissimis
 invitat, & allicit undecunque viros virtute, doctrinaque
 excellentes; apud Germanos cum alii complures egregii
 Principes & Episcopi, tum praecipue Maximilianus
 Caesar, cujus senectus tot jam bellis fessa, in pacis
 artibus decrevit acquiescere, quod simul & ipsius
 aetati magis fuerit decorum, & orbi Christiano
 felicius. Horum igitur pietati debemus, quod passim
 videmus, ceu signo dato, excitari, erigique
 praecleara ingenia, & ad restituendas optimas
 literas, inter sese conspirare. Quid enim est aliud,
 quod tam multi eruditissimi viri, aliunde alius,
 operas inter sese partiti, non acriter modo, verum
 satis etiam feliciter pulcherrimum hoc negotium
 aggrediuntur, ut certa pene spes sit, disciplinas
 omneis multo purgatiores ac sinceriores in lucem
 prodituras. Primum enim politiores literas
 pridem ad internecionem pene extinctas, jamdudum
 & Scoti, Danique & Hyberni colunt, amplectunturque.
 Medicinam vero quam multi vindicant? Roma
 Nicolaus Leonicens, Venetia Ambrosius Leo Nolanus,
 apud Gallos Gulielmus Copus, ac Joannes Ruellius;
 & apud Britannos Thomas Linacrus; Jus Caesareum
 instaurat Lutetia Gulielmus Budaus, apud Germanos
 Udalricus Zasius; Mathematicen apud Basileam
 Henricus Glareanus. Porro in re Theologica plusculum
 erat negotii, quod hanc fere professi sunt hactenus,
 qui a melioribus literis pertinacissime solent abhorre-
 re, quique suam inscitiam hoc felicius tuentur, quod
 id faciant praetextu pietatis, ut indoctum vulgus,
 ab his persuasum credat religionem violari, si quis
 illorum barbariem coeperit incessere. Nam isti apud
 imperitam plebeculam potissimum solent quiritari,
 & ad lapides provocare, si periculum viderint, ne
 quid nescisse videantur. Verum hoc quoque
 successurum confido, si trium linguarum cognitio
 publicitus in scholas, ita ut

coeptis, recipi pergat. Nam & huius ordinis qui do-
 ctissimi sunt, minimeque maligni, partim adjuvant,
 partim favent huic instituto: quo quidem in negotio
 praeter alios, non instrenuam operam praestitit
 Jacobus Faber Stapulensis, quem tu ut cognomento,
 ita plerisque dotibus refers. Nos porro, sicut par est,
 infimam huius operis partem sortiti, an aliquid contulerimus
 nescio; certe iis, qui nolint mundum resipiscere,
 sic stomachum movimus, quasi nostra quoque
 industriola momenti nonnihil attulisset: quanquam
 mihi quidem non hac fiducia labor ille susceptus est,
 quod considerem docere me posse praeclearum aliquid,
 sed libuit aliis majora conaturis viam munire,
 quo minus offensi salebris ac lamis, speciosa illa ac
 sublimia facilius inveherent. Et tamen hoc quicquid
 est industriae nostrae docti candidique non adspernantur,
 nec oblatrant nisi quidam adeo stupidi, ut apud
 idiotas etiam paulo cordatiores explodantur. Nuper
 hic quidam apud plebem, in sacra scilicet concione,
 lachrymabili voce deploravit, actum esse de
 divinis Literis ac Theologis, qui hactenus fidem
 Christianam suis humeris fulsissent, posteaquam
 exstitissent, qui sacrosanctum Euangelium, atque
 adeo ipsam precationem Dominicam emendarent:
 perinde quasi ego Matthaeum aut Lucam reprehendam;
 ac non eos potius, quorum inscitia incuriave depravatum
 est, quod illi recte scripserunt. Apud Anglos
 unus aut alter vociferatur, indignum facinus
 Hieronymum tantum virum a me doceri: quasi mutarim
 id quod ab Hieronymo scriptum sit: ac non magis
 restituam quod ille scripsit. Et tamen magni
 Theologi sibi videntur, qui nenas huiusmodi obgannunt,
 quas & fullones exhibent, paulo saniores. Sed
 posteaquam nos provinciam tradidimus, ut multo
 quam ante faciliorem, ita non paulo minus obnoxiam
 jam invidiae, age, accingere, Fabriti optime, &
 hanc lampadem a nobis traditam accipe. Nos pro
 nostra infelicitate, quod licuit praestitimus,
 tibi nihil non egregie suppetit, quod ad hoc
 pulcherrimum facinus requiri videatur. Aetas
 integra, & vicens etiamnum virensque; corpus
 vegetum ac laborum patiens; ingenium felix,
 iudicium acre, trium linguarum haud vulgaris
 cognitio, eloquentiae tantum, quantum non
 sustinendo solum, verum etiam illustrando
 negotio sufficiat; pectus ardens, nec ullius
 rei appetentius, quam bene merendi de
 mortalium universo genere; fortuna, si non
 amplissima, certe sufficiens, atque etiam
 honesta; auctoritas adest, tuis potissimum
 virtutibus tibi parta, quippe qui sub
 ornatissimo Praesule Basiliensi Christophoro
 in aede celeberrima, concionatoris munus
 obeas. Super omnia mores, sic integri,
 fama sic illibata, ut nemo sit tam
 impudens sycophanta, quem non pudeat
 male loqui de Fabritio. Nam ut apud
 Aulum Gellium olim, bonam laudatamque
 sententiam auctoris improbitas elevabat:
 ita jure optimo studiorum fructum auctoris
 existimatio commendat. Adjuvabit & illud,
 quod praeter istam penitentiorem doctrinam
 tuam, etiam illa in scholis solennia,
 quae ceteri sola probant, sic calles
 teneque, ut non alius magis, ne quod
 solent, cavillari queant, te ob id ad
 diversum studii genus divertisse, quod
 illa parum fueris affecutus. Efficacissime
 refellit, quisquis errorem optime novit.
 Nemo melius medetur morbo, quam
 cui malum maxime cognitum est. Non
 quod optem hoc Theologiae genus,
 quod hodie receptum est in scholis,
 obliterari: sed quod accessione
 veteris veraeque literaturae, cupiam
 & locupletius reddi, & castigari.
 Neque enim hinc vacillabit
 sacrarum Literarum, aut Theologorum
 auctoritas, si quaedam posthac
 emendata legentur, quae hactenus
 habebantur depravata, aut rectius
 intelligentur, in quibus hactenus
 Professorum vulgus hallucinabatur;
 imo hoc gravior habebitur illorum
 auctoritas, quo sincerius divinas
 Literas intellexerint. Primam
 coitionem, quam acerriam vocat
 Terentius, nos sustinimus: quanquam
 huic quoque difficultati, tu ceu
 Geryones quispiam, triplici
 literatura instructus, imo tot praesidiis

An. 1516. diis armatus fultusque, maxime poteras esse par. Ad hæc video tibi nec *Theſeus* deſore, negotium hoc ſemel aggreſſo. Tum ea eſt animi tui fortitudo, ut invidiam, quæ ſic ex virtute eximia naſci ſolet, quemadmodum ex lumine umbra, facile contemnas: ea rurſum morum tuorum ſuavitas, ut moroſis etiam placere poſſis. Quid multis? Omnia mihi pollicentur, rem feliciffime ſucceſſuram: unus adhuc ſcrupulus habet animum meum, ne ſub obtentu priſcæ literaturæ renaſcentis caput erigere conetur Paganismus: ut ſunt & inter Chriſtianos, qui titulo pene duntaxat *Chriſtum* agnoſcunt, cæterum intus Gentilitatem ſpirant: aut ne renaſcentibus *Hebraeorum* literis, *Judaismus* meditetur per occaſionem reviviſcere: qua peſte nihil adverſius, nihilque inſenſus inveniri poteſt doctrinæ *Chriſti*. Sic enim fert natura rerum humanarum, ut nullius unquam boni tanta fuerit felicitas, quin huius prætextu, mali quippiam ſimul conaretur irrepere. Optarim frigidas iſtas argutias, aut amputari proſus, aut certe ſolas non eſſe Theologis, & *Chriſtum* illum ſimplicem ac purum penitus inferi mentibus hominum: id quod hac potiſſimum via fieri poſſe exiſtimo, ſi linguarum adminiculis adjuti, in iſtis fontibus philoſophemur. Sed utinam ſic hoc mali vitemus, ut non incidamus in aliud fortaiſſe gravius. Nuper exierunt in vulgus aliquot libelli merum *Judaismus* reſpicientes. Video quantum ſudarit *Paulus* ille noſter, quo *Chriſtum* à *Judaismo* vindicaret, & ſentio quoddam eodem relabi clanculum. Tum audio nonnullos alia quædam moliri, quæ ad *Chriſti* cognitionem nihil adferant, ſed fumos tantum offundant oculis hominum. Quo magis optem te hanc provinciam capeſſere, cujus ſincera pietas nihil aliud ſpectabit, ſat ſcio, quam *Chriſtum* ipſum, cui uni omnia tua deſudant ſtudia. Reverendo Patri *Chriſtophoro* Episcopo *Baſilienſi* fac me diligenter commendes. Cæteris item amicis ſalutem meis verbis annunciaris: nominatim autem *Ludovico Bero*, *Henrico Glaſſano*, *Beato Rhenano*, fratribus *Amorbachiis*, *Guilielmo Neſeno*, LL. Doctori *Luca*, LL. Doctori *Gerardo*, *Joanni Fabro* Officiali, cæteriſque omnibus, quorum, cum iſtic eſſem, ſuaviſſima conſuetudine magnopere delectabar. Bene vale. *Antuerpia* 26. Febr. Anno 1516.

EPISTOLA CCVIII.

Erasmus Rot. Thoma Moro S. D.

NUPER fasciculum epistolarum ad te miſi una cum exemplo *Utopia* per quendam tibi vehementer, ut ajebat, amicum: oneraſſem pluribus, ſed verebar. Nunc alium naſtus, mitto *Rouchlinica* omnia in uno libello, quem ita communicabis *Roffenſi*, ut quam primum legat, ac remittat: nam quædam ſunt quæ nuſquam reperias. Tu lege propoſitiones plane Theologicas, abyſſales ſapientias, & articulos *Arnoldi Tungrenſis*. Mitto unam epistolam ad *Marlianum*, quod is ſuſpicatus eſſet priorem librum *Utopia* à me proſectum: id nolebam ſerpere, quum ſit nihil vanius. Dialogus ille *Julii* & *Petri*, ut intelligo, jam τῷ Καγκελλαρίῳ μεγάλῳ in manibus eſt, & unice placet. *Moriam* in dies exſpectamus. *Utopiam* tuam recognitam huc quam primum mittito, & nos exemplar aut *Baſileam* mittemus, aut ſi mavis, *Luſetiam*. Si quid habet *Ammonius*, cura ut quam primum ad nos veniat: nam Princeps abitum adornat, & nos quo aut quando proſecturi, incertum habemus. Exigitur à populo ingens pecunia, eaque præſens. Poſtulatatio recepta eſt ab optimatibus, ac prælatis, hoc eſt, his qui ſoli nihil daturi ſunt. Nunc civitates conſultant. Ο αὐτοκρατορῶς alias *Διοπλῶς*, nunc adest manu magnifice armata, & agri paſſim explentur militum gregibus, ſed unde, aut cujus nomine veniant, incertum. O miſeram hanc regionem, à tot vulturibus arroſam! O feliciffimam, ſi civitatum inter ipſas eſſet concordia! Significa num eodem animo ſit in me *Cantuarienſis* & *Coletus*, atque

item *Roffenſis*, de quo tibi nuper ſcripſi. Pater ejus, qui has reddit, nos lautiffimo prandio accepit, vir dives ac probus, multa teſtatus de tuo erga ſe officio. Adjuva me, quaſo, tuo conſilio. *Budaſcam* poſtremam ad te mitto. Precor *Maruffo* quo dignus eſt, cum ſua ſyngrapha. Nam *Saulus* iſtos nuſquam licet comprehendere, ni *Brugas* proficiſcar. Bene vale, *Moro* ſuaviſſime. *Antuerpia* 1. Martii, An. 1516.

Adeſt iſthic *Franciſcus*, ſi nondum *Hieronymus* expletus eſt *Cantuarienſis*, ab hoc exigat: debet enim. Remitte exemplaria epistolarum, quas nunc mitto, & quæ reddidit *Lupſetus*, ſed per hominem certum. Rurſum vale cum tuis. An. 1516.

EPISTOLA CCIX.

Erasmus Rot. Petro Agidio S. D.

UTINAM eſſem ſenior animæ tuæ pars, quemadmodum tu vocas. Nunc ipſe parum valens, ægroto morbo alieno, & tamen ob negotium Novi Teſtamenti non vacat ægrotare. Non video ſpem, niſi primum imperes tibi ipſi: deinde ſuſcipias iter aut huc, aut *Gandavum*. Illic eſt *Clavus* medicus maledicus, ei te commendabo ſi velis, ut te vel convitiis adigat ad curandam ſalutem. Abſtine à pharmacis deſicientibus naturæ vires. Exſpatiare comite *Nicolao* aut ſimili amico ſido ac jucundo. Quicquid eſt litium procul abjice. Prudentis eſt ante omnia vitæ conſulere. Bene vale. Ita & ego minus incommode valuerō. *Lovanio* 4. Martii, An. 1516.

EPISTOLA CCX.

Erasmus Rot. Ricardo Bartholino S. D.

MIRVM quam me ceperint hendecasyllabi *Gaspars Velii*, doctiſſime *Bartholine*. Tam erudita facilitate fluunt omnia, ut facile deprehendas ingenii venam non elegantem eſſe modo, verum etiam divitem ac benignam. Sed parcius eum laudem oportet, quod me tam immodice laudarit ipſe. Utinam hanc operam in argumentum feliciter collocaret. O felicem *Germaniam*, ſi tandem liceat à bellis conquieſcere: id quod Principum ſapientia brevi confore ſpes eſt. Etiamſi nonnullos adhuc habet ignobile vulgus, qui belli in *Gallos* ſuſcipiendi faces ſubjiciant. O cogitationes impias! Chriſtianus orbis adverſus Chriſtianæ ditionis puriſſimam ac florentiſſimam partem conſpirabit? Sola *Gallia* nec hæreticis eſt infecta, nec *Bohemis* ſchiſmaticis, nec *Judeis*, nec ſemi-*Judeis* *Maranis*, nec *Turcarum* confinio afflata: quemadmodum aliæ, quas & citra nomenclaturam ſuo quiſque animo agnoſcit. Non alibi ſenatus auguſtior; non alibi ſchola vel celebrior, vel ſanctior; nuſquam major legum auctoritas; nuſquam ſimilis regni totius concordia. Qui magis imperio digni, quam qui imperant optime? Quid quod nobis interim peſſime conſulunt, qui bellum moluntur. *Gallis* ſic undique finitimi ſumus, ut ipſi potius *Galli* ſimus: jamque civile bellum futurum ſit, ſi *Galli* cum *Gallis* pugnemus. Ad hæc quid conſultius, quam cum vicino proximo, tum autem vicino tam potente benevolentia conjungi. Atque iſtis quidem cæcum in *Gallos* odium certam victoriam pollicetur, nec in mentem venit, quot annis, quam infeliciter luſtati ſumus cum *Gelris*: nam de *Friſiis* incertus adhuc eventus eſt. Sed ut contingat victoria, quid æque votis expetant *Turca*, & ſi quibus etiam inviſus eſt nomen *CHRISTI*, quam pulcherriſſimam ac munitiſſimam orbis Chriſtiani partem ferro, ignique vaſtari, floremque noſtræ religionis indignis modis proteri. Prohibeat Deus Opt. Max. ut iſtorum amentia fortunæ favor, aut Principum calculus accedat: ἀλλὰ ταῦτα ἡμῖν γε πάρεργα. Porro, carminis editioni favere quæ poſſum, doctiſſimi quidem, ſed tamen immodice de me mentientis? quod nihil aliud, quam illum, qui ſcripſit, admirabilem, me ridiculum faciet. Faverem illius gloriæ, ſi frontem perfricare queam. Abitum veſtrum utcunque tulero, ſi propediem nobis red-

An. reddamini: nam & te propius introspicere, & *Velum* 1516. nosse cupio. Porro *Paulus Ricinus* sic me proximo colloquio rapuit, ut mira quædam me sitis habeat, cum homine sapius ac familiarius conferendi sermonem. Præter *Hebrae* linguæ peritiam, quantum ille tenet Philosophiæ, quantum Theologiæ: tum quæ animi puritas, qui discendi ardor, qui docendi candor, quæ disputandi modestia? Mihi sane vir ille primo statim gustu placuit olim *Papia*; cum illic Philosophiam profiteretur: nunc propius intuito magis etiam placet. Is demum vere mihi videtur *Israelitam* agere, suoque cognomini pulchre respondere: cuius omnis voluptas, omnis cura, omne otium ac negotium, in divinis est Literis. Dignus nimirum animus, cui otium contingat quam maxime honorificum. Eruditissimo eruditorum omnium *Mecanati* Cardinali *Gurcensi* facito me commendatum. Bene vale. *Antuerpia* 10. Martii, Anno 1516.

EPISTOLA CCXI.

Erasmus Rot. Ammonio suo S. D.

AN merito nos objurges nondum liquet, certe consolaris tum amantissime, tum eruditissime. Alioqui vel illud poteram occinere, *Tu si hic sis, aliter sentias*. Quod si omnes sic cæcutirent in *Erasmio*, ut tu, multo minus esset infelix. Pro studio in me tuo, vel pietate potius, pudet, ita me Deus amet, agere gratias. Majus enim mihi videtur hoc beneficium, quam ut vulgari more conveniat gratias agere. Et referre quî possim? Et tamen adnitemur, si modo detur vivere. De *Sixtino* id sentis, quod ego semper sensi. Hac igitur spe, quam mihi præbes, animum interim fulciam. In literis sum totus, paro enim quædam *Basilicam* mittenda. Rex *Gallie* me invitat in tuam *Galliam*, pollicens mille florenos annuos. Cui sic respondi literis, ut nihil tamen certi responderim. Theologi nunc ambiunt etiam, ut *Lovanium* commigrem. Ex *Moro* totam hanc fabulam melius cognosces. Bene vale, mi *Ammoni*, & perge *ὦσαυ τ̃ τελεσάβλιον Ἐργασιον*. *Antuerpia* 11. Martii.

Nonnihil indignor occupationibus tuis, per quas non licet Musis totum istud ingenium, ut par erat, possidere. Video *Morum* quoque antehac semper invictum in procellas easdem abripi. Ego semper mei similis, totis pilea sarcinis redimo. Rursum vale. An. 1516.

EPISTOLA CCXII.

Germanus Brixius Erasmo Roterod. S.

REDIIT à vobis ad nos nuperrime Stephanus Poncherius, Parisiensis Episcopus, legatione apud *Cæsarem* sua feliciter functus. Antistitem hunc nostrum, difficile adeo dictu est, quantopere *Gallia* hac demiretur, quantopere observet, quantopere etiam reveatur. Neque id sane temere: nempe is unus est Parisiensis, qui reliquos omnes *Galliæ* nostræ Pontifices (absit verbo invidia) tum morum honestate, comitate, gravitate, tum vita simplicitate, continentia, integritate: simul ingenii facilitate, candore, bonitate: simul juris utriusque, Theologia, Philosophia, disciplinarumque pene omnium cognitione quadam incomparabili, sine controversia antecellit, & longo post se intervallo relinquit: ut non immerito in eorum albo antea semper vel in primis adscriptus sit, quorum consilio, prudentia, iudicio, regni hujus moles moderetur. Eundem enim jam *Galliæ* hujus Reges tres, quædam veluti successione, alius subinde post alium, perinde atque consultissimum quendam Nestora, in consiliis suis delectum, magna ubique penes se auctoritate honestarunt: magno in precio atque æstimatione nunquam non habuerunt: usque adeo probata spectataque illis fuit Antistitis fides, & explorata, perspectaque prudentia, ac presens quadam in rebus agendis omnibus providentia. Adde, quod vel in tantis Reipub. negotiis, ac, ut verius dicam, negotiorum fluctibus, quibus ille assidue non impli-

Acatur modo, verum etiam tantum non obruitur, solus de tanto Episcoporum nostratum choro, bonarum literarum 1516. candidatos non respicit solum, aut appellat, sed etiam premiis exhortatur, liberalitate demeretur, comitate invitatur, humanitate allicit, auctoritate sua fovet, dignitate protegit, splendore ornat & illustrat: atque ita demum hac omnia præstat, ut numerus omnibus singularem quendam apud nos agat *Mecænatem* in eos omnes, quos cognoverit literarum eruditionem cum honestate morum conjunxisse. Felicem vero, ac multo fortunatissimam *Galliam* futuram, si decem præterea *Mecænates* huic uni similes habeat, quorum favore & benignitate, honesta tandem studia, ingenuæque artes, Principum horum tenacitate & odio exstinctæ, excitarentur, & veluti ex umbra (quod ajunt) in lucem producerentur. Atqui ne forte admireris, *Erasmie* doctissime, qua ratione Episcopum apud te tot tantisque his laudibus honestandum susceperim: is sane si quid antea fuit de literato quoquam bene meritis, dispeream nisi recentissime de te uno affatim, ambabusque manibus meritis sit: quo nomine & nos quoque illi causa tua, multo etiam quam antea magis debemus: nimirum arbitrati, quicquid dignationis, quicquid ornamenti atque honestamenti usquam in te confertur; id omne & in *Musas* quoque novem (quarum ipse es cultor primarius, & veluti antistes incomparabilis) conferri. Age vero, *Erasmie*, accipe quale sit, quamque **C**singulare Parisiensis in te meritum. Is cum primum ad nos legatione ea, quam ante dixi, functus rediit, nihil potius habuit, nihil sibi magis præcipuum duxit, quam te, te inquam unum, *Erasmie*, predicare, quam tuum ingenium, tuam doctrinam, atque eloquentiam Græcam juxta ac Latinam, tum publice, tum privatim pleno ore referre, & apertis (quod ajunt) tibiis propalam decantare. Legerat quidem antea scripta tua quam plurima, te autem, quod asserit, de facie nondum noverat. Mirum est nunc, quantopere gestiat, quantopere etiam sibi placeat, quod *Erasmodum* istuc & viderit coram, & *Erasmi* congressu ac colloquio, quotiescunque libuit, (libuisse autem ait creberrime) usus fuerit. Quid non ille **D**edicat de *Erasmio*? quid ille *Erasmio* non tribuit? ejus de te sermones subnectere libuit: faceat tamen interim, jubeo, procul hinc adulatio omnis. Magna *Erasmodum* fama præcesserat, major inventus est: quid enim vetat eadem nos de *Erasmio* pronuntiare, qua de *Iseo* quondam suo *Plinium* pronuntiasse legimus, O vere *Atticum* leporem! ô vere *Nestoream* eloquentiam! ô raram eruditionem, ac certe non seculi nostri! Nihil unquam *Erasmio* *Cisalpinus* orbis produxit omnibus literariis dotibus cumulatus. Absit verbo invidia; habuit nostra hæc ætas bonarum literarum procures duos, *Hermolaum* *Barbarum*, atque *Angelum* *Politianum*, Deum immortalē, quam felici ingenio, quam acri iudicio, quam **E**facundia, quanta linguarum, quanta disciplinarum omnium scientia præditos? Hi Latinam linguam jam pridem squalentem, & multa barbariei rubigine exesam, ad pristinum revocare nitorem conati sunt, atque illis suis profecto conatus non infeliciter cessit, suntque illi de Latina lingua tam bene meriti quam qui ante eos optime meriti fuerunt. Itaque immortalē sibi gloriam, immortalē decus paraverunt, manebitque semper in omnium eruditorum pectoribus consecrata *Hermolai* ac *Politiani* memoria, nullo avo, nullo casu, nullo fato abolenda. Vidi & ipse in Italia olim aliquot magni nominis, magna in literis opinionis, in quibus & doctrina non vulgaris, & iudicium acre, & rara adeo inerat facundia: **F**sed tamen istud ego citra invidiam, & cum *Italiæ* pace dixerim, cui equidem cum favi antea multum, tum tribuo semper in studiis plurimum, unus profecto *Erasmus* *Transalpinis* ac *Cisalpinis* omnibus palmam præcipit: unus *Erasmus* omnium lumina eruditionis ac facundia fulgore perstringit: & quod est in proverbio, cornicum oculos configit. Etiam nunc *Erasmodum* ipsum loquentem videre videor: dii superi, ut omnia apte, omnia apposite, ut nihil non erudite, nihil non eleganter & ornate, nihil non distincte & ad amussim loquitur? Summa est facultas, co-

An. copia, ubertas: oratio ejus pura, aperta, facilis, dul-
 1516. cis: sermo proprius, tersus, exquisitus, gravis, sensus
 abstrusi ac reconditi: occurrant verba, sed cujusmodi?
 quaesita, exculta, Latinissima, atque hac quam copiose,
 quam affatim? uberrimum quoddam dicas eloquentia
 horreum: multa lectio in familiari, & vel extempora-
 nea locutione, multa eruditio apparet: incredibilis memo-
 ria, repetit altius qua loquitur, ne syllaba quidem labi-
 tur: breviter Musam ipsam Atticam non hominem loqui
 contendas: ut illi Rhetorica subseruit; ut illi ad unguem
 nota est, ut domestica illi ac familiaria Rhetorices pra-
 cepta, ut schemata omnia, figuras, dicendi genera sin-
 gula pro arbitrio modo hac, modo illac in cere modum
 in usum suum flectit ac reflectit? Jurares Demosthenem
 esse, aut si quis Demosthene superior esse potest: ut Poe-
 tas omnes tum Græcos, tum Latinos familiares pecu-
 liaresque habet: ut carmen utraque lingua non peniten-
 dum scribit: ut feliciter scribenti Apollo arridet, Musa
 omnes certatim aspirant? quo in genere nimirum vel An-
 tiquos ipsos provocare videtur. Jam Theologiam Erasmus
 non vulgariter esse edoctum, & testantur quidem ejus in
 ea arte scripta quam plurima: & ego, qui cum homine
 in ea sum colluctatus palastra, locupletissimus certe, ac
 vere Atticus testis esse possum. Neque enim Theologiam
 Erasmus (quod nonnulli fortasse opinantur) primoribus tan-
 tum labris degustavit, sed plane ad penetralia usque pe-
 nitissimosque recessus penetravit. Porro Philosophiam, ar-
 tium omnium reginam, non obiter, aut veluti à limine
 tantum salutavit: nota illi sunt & domestica arcana my-
 steriaque omnia, qua vel divinitus à Platone, vel inge-
 niose ab Aristotele, vel quicumque alii in Philosophia
 excelluerunt, prodita ac relicta sunt. Atque in tanta tam-
 que copiosa disciplinarum suppellectile bonarum, ecquid mo-
 do inveniri poterit, qui cum Erasmo manum conferere,
 & in arenam descendere audeat? nisi si quis forte Ther-
 sites viribus longe inferior cum Achille, aut Diomede
 congredi praesumpserit, mox magno suo dedecore hastam
 abjecturus, & tota arena turpiter cessurus. Hominem
 ipsum invitavi regis verbis, ac stipendiis, ac nonnihil
 etiam meis seorsum promissis ad Galliae nostra contuber-
 nium: ac venisset quidem ille non invitatus, nisi quod suam
 jam fidem Catholico Regi Principi suo obstrinxit, & for-
 tuna illi sua, ac potius virtus fautores aliquot apud Prin-
 cipem clarissimos quidem illos, ac principalis aula prima-
 rios viros comparavit: quorum favore atque auctoritate
 studiorum suorum messem facere, & laborum omnium
 fructum haud ita multo post colligere expectat. Hac sa-
 ne sunt, & his similia praconia, quibus Erasmus Pari-
 siensis palam ornare, & honestare non desinit: quem e-
 quidem tamen intelligam, vel iustissimos tibi titulos tri-
 buisse, nec te aliis quam tuis ipsis coloribus depinxisse,
 tamen non mediocre, puto, Antistiti vel duplici nomi-
 ne debes gratiam: partim quod tibi ille alioqui nihil ob-
 strictus, tamen operam tibi suam tam liberaliter ac pro-
 fuse commodaverit, suumque erga te animum tam can-
 dide ultro patefecerit: partim quod non modico estima-
 re debes, laudari tibi contigisse à tam laudato, tam-
 que in omni virtutum genere spectabili viro. Siquidem
 ea demum vera laus existimanda sit, qua de laudati ore
 procedit. Caterum, Erasme optime, duo sunt in primis,
 qua me adduxerunt, ut apud te nunc praconii hujus te-
 stimonium ferrem: alterum, quod ego unus maxime o-
 mnium iustus tibi, fidusque, ac veluti ἐκ τῆς διδούς δέχων
 testis esse possum: nupte qui Parisiensem ipsum semel
 atque iterum ea de re loquentem praesens exaudi: sum
 enim frequens apud eum: quod ille non literatos modo
 exosculetur, verum & literarum quoque studiosos, quo-
 rum in numero (modo ita Musis placeat) & nos quoque
 locum aliquem nobis vendicamus: alterum, quod tua
 permagni interesse putavi, rescire te, quibusnam maxi-
 me deberes, cujusque in arte potissimum esses, quo tu ac-
 cepti meriti gratiam aut agere, aut etiam, si qua dare-
 zter, quandoque referre posses. Sciebam enim, ac mul-
 to etiam antea magis cognoveram, te animi esse nequa-
 quam ingrati. Adde insuper, quod ipse quoque olfacie-

A bam, minus tibi suspectum fore nostrum quam cujusquam An.
 alterius hac in re testimonium, atque ita te sane judica- 1516.
 turum, me (id quod est) pro veteri illa mea erga te fide,
 mutuaque amicitia, totam tibi rem simpliciter & aper-
 te enunciaſſe, nihil adeo adhibentem fuci, sed plane τοῦ-
 το δὴ τὸ λεγόμενον, & σὺν αὐτῇ (ὅτι αὐτὴ τὴν σκέψιν σκέψιν
 λέγονται. Neque enim is sum, mihi crede, qui tibi quic-
 quam imponere velim, aut qui te nunc falsis laudibus
 perunctum demulcere, & eis τὴν φιλαυτίαν ἀγειν pertinen-
 tem, abs qua nimirum, nisi fallor, alienum te semper,
 & aversum cognovi: neque quicquam aliunde penden-
 tem, ingenium istud suis ipsis dotibus, ac propriis meri-
 tis aestimare solitum, nisi si quid forte, ut Homericum
 B illud me hic usurpare permittas, ἀπαίτός μοι ζῆνε φάνης νέον
 ἢ παλαιόν, & tu mores tuos, ingenique tui modestiam,
 ac, ut verius dicam, simplicitatem, ex quo mihi vi-
 sus non es, immutaveris. Concedis enim & hoc quoque
 nobis, ut tibi interim aurem vellicantes memoriam pau-
 lisper reficemus, consuetudinis illius, atque amicitia
 veteris, qua nobiscum olim Venetiis intercessit, dum ego
 sub Jano Lascare meo (cum dico, meo, praeceptorem ac
 veluti parentem optin. intelligo) vix dum Latinis lite-
 ris initiatus, Græcis operam navare auspicarer: tu in
 C adibus Aldi Manutii, singularis etiam dum eruditionis
 tuae, tum Græcæ, tum Latinæ, egregia illa, atque in-
 culcata specimina diis hominibusque plaudentibus praebe-
 res. Inter qua exstant Proverbiorum Chiliades quatuor:
 opus non mea quidem unius, sed eruditiorum sententia,
 tanta utriusque lingua eruditione conspersum, tam multi-
 plici lectione distinctum, tanta venustate ac facundia con-
 ditum, ut plane si quis recte, ac citra omnem inviden-
 tiam perpenderit, ex eo uno manifestissimum fiat, quan-
 tum Erasmus ceteros omnes literaria palestra athletas an-
 tecellat, & ὁπόσον δὴ ἡ Σάπεια τὸν αὐτοῦ, & οἱ τέτλητες
 ὅς μάλιστα ἐπερὶ φωνοῦσιν, quas ipsas, me Hercule, qui
 non admiranter, eas procul dubio aut omnino non lege-
 runt, aut si legerunt, plane in literis cecutiunt. Nam ut
 obiter illud tantum attingam, quid eruditius? quid or-
 natius? quid copiosius? quid elegantius? aut Latinum ma-
 D gis, tuis illis, nescio quot, digressionibus, in quibus vere
 nobis non alium quam Erasmus ipsum, hoc est, Quinti-
 lianum quendam declamantem representas? Successerunt
 his, Moriae encomium, Miles Christianus, Instrumen-
 tum utrunque, Christiani Principis institutio, Hierony-
 mi restituta ac distincta Opera, atque alia id genus quam
 plurima, ὡς φίλῳ Μάτθαι, quo favore, quo plausu, quibus am-
 plexibus, quibus osculis ab omnibus hic polioris disciplina
 studiosis excepta? Quibus omnibus, quid aliud plane Era-
 smum effecisse credimus, nisi quod manifestissime nobis in-
 dicavit, quam felici ingenio, quam sagaci naso, quam
 purgatis auribus, quam divina memoria, quam ubere fa-
 cundia, quanta utriusque lingua eruditione, quanta styli
 E exercitatione ac majestate, quanta disciplinarum omnium
 scientia praeclatus ornatusque sit? Ac per Deum immorta-
 lem, quis jam inficiabitur Erasmus, quendam veluti
 inexhaustum perennis eloquentia fontem, latissime manan-
 tem, in pectore ac praecordiis gestare? de quo tam variè
 passim, tamque exundantes rivuli in studiosorum vireta
 copiosissime derivantur? Quis inficiabitur in aliis quidem
 permultis, alias atque alias dicendi dotes, ac virtutes
 eminere? In Erasmo autem uno τῶν πάντων ἀγαθῶν (ὡς δὲ
 πάντων ἀγαθῶν μυρμηκίαν, τῶν πάντων ἀγαθῶν δολαφῶν εἶναι.
 Jam nos, Erasme eruditissime, tamen si intelligamus, scri-
 pta tua non nisi oculatissimo cuique lectori patere, nec pa-
 lato huic convenire tam delicatas, tamque regales dapes,
 F ac ut verius dicam, ταύτῃ τῇ τῶν θεῶν τροφῇ, tamen, ὡς
 θεοὶ εὐδαίμονες, πῶς μὲν γὰρ ἂν οἷός τε εἶναι τοιαύτης βοῆς ἀπί-
 χεσθαι, & τῷ εἶς τοσούτον λιμνίστον & διψῶν & ἰμῶ; Lego
 equidem diligentissime, ac cupidissime revolve tuas omnes
 lucubrationes, quarum, vel decies jam repetitarum, nulla
 me tamen adhuc satietas, certe recens quadam semper capit
 admiratio: ac, me Hercule, quo sapius illa à me, quo vici-
 nim ac proffius introspiciuntur, hoc magis ac magis placent,
 magis afficiunt, magis delectant. Ac per Deos immorta-
 les, qui non delectarent, cum & Deloium meum, hoc
 Tom. III. N est,

An. est, cuius ego utar familiari consuetudine ac quotidiano
 1516. prope convictu, qua vetus hominis est in me humanitas:
 & Ruzeum insuper, cuius & singularis est quedam in
 nos benevolentia: patrisi ordinis summatus viros, ab
 humanitate, politoribusque literis bene audientes, non
 afficiunt modo, aut delectant, sed plane & capiunt, &
 eo usque rapiunt, ut illis Erasmus unus in manibus ver-
 setur, Erasmus unus iustar omnium vetericorum habeatur.
 Et me jam penitebit tantorum virorum exempla se-
 qui? & vestigiis tam certis inherere? ut fileam interim
 Guilielmu Budæum, virum amplissimum, & Gallie
 huius vestra singulare quoddam ornamentum, ac gloriam
 in literis incomparabilem: qui cum se tribus nobis (ut est
 ingenii candidissimi) familiarissimum prabeat, eumque
 nos preceptorum, ac veluti Apollinis cuiusdam loco vene-
 remur, tuam adeo eruditionem, tuam istam multipli-
 cem lectionem, eloquentiam, copiam predicare nobis non
 cessat: tuæque scripta omnia magnificare, & albo, quod
 ajunt, calculo insigniri. Ac nos sane, ut aliis omnibus,
 ita in ea quoque re Budæum ipsum emmentissime nari
 judicemus, & ἡμῖν μὴ οἷς ἡγεμῶναι λόγον ὄντα, sequimur;
 tanta est apud nos hominis vel religio vel auctoritas. Pro-
 inde, Erasme amplissime, quandoquidam subodoror, me
 prolixitate hac tibi homini, puto, occupatissimo, & o-
 cium istud (si quod suppetit) nannis legendum exquisitissi-
 mi scriptis consumere solito, fastidium jam, ac nauseam
 peperisse, epistola finem faciam: modo te unum id pra-
 monuerim, videlicet, me tamen tua jam pridem pra-
 sentia privatus sum, & longo tecum locorum intervallo
 discretus, nihilo tamen secius tui memoriam assidue in
 animo ac pectore meo sacrosanctam circumferre, seque
 perinde amare, atque observare, ac si praesens praesentis
 quotidiano in hunc usque diem contubernio usus fuissim.
 Neque enim is sum, qui amicos absentes absens aut obli-
 visci, aut negligere soleam, cui sano nunquam illud
 fuit non exosum, τῷ δὲ φίλοι πάντες, & οἱ φίλοι. Per-
 apto tamen, ac nimirum supra quam dici potest concupi-
 sco, uti Regis huius erga te animus, qui sane haud con-
 temnendus est, & pollicitationes, quas haud inanes fu-
 turas arbitramur, te, si qua possint, ad Gallie nostrae
 contubernium alliciant: tum ob alia multa, tum ut pe-
 riclitari potissimum valeas meam erga te fidem, ac be-
 nevolentiam, addam & liberalitatem, eorum certe o-
 mnium, quibus mediocritatem hanc nullo meo merito
 fortuna exornavit. Bene vale, & me tui amantissimum
 mutuo ama. Parisiis 6. Aprilis, Anno 1516.

EPISTOLA CCXIII.

Udalricus Zasius Erasmo Roterodamo S. D.

VIDEO, magne heros, splendidissime vir, quo tendas,
 qui inhumanitatis nescio quam labeculam in te pur-
 gare pergis. Cui, magne Erasme, persuaderes aliqua te
 parum servati officii nota laborare? qui si quisquam in
 orbe, tu unus vel omnium, qua optima sunt, nodum
 humanitatis egregie honore pra ceteris decoraris? Sed
 colligere videor, quid hac tam officiosa excusatione, du-
 ctu velut figurato, pertendas. Mea enim inhumanitas per-
 sollicitur, mihi dica scribitur, qui tot jam tempora te co-
 ram vicinam nunquam adierim: te virum in literis
 principem non convenerim. Et esset sane ea res culpa no-
 mine cum primis notanda, si nulla mihi in statu assump-
 ptivo suppetia ferrentur. Verum inofficiosus ne culper,
 atas defecta excusat, qui egre meum oppidum inambu-
 lo, nedum ad aliena loca proficiscerer. Accedit lectionis
 civilis ponderosa & gravitas & assiduitas: si interim ne-
 gotia taceam, qua tamen me vel dividunt, ut facile ve-
 niam homini noxiam deprecari cupienti sis daturus, &
 iam facilius, quod vir placabilis, amoeni ingenii, co-
 mui & totum humanum, a nostro Amorbachio in horat
 predicaris, qui in meliora vertas, vel qua nigra sunt,
 nedum qua lucem pati possint, improbes, in amico pra-
 ferrem, erga quem non potest sine piaculo finistrum esse
 iudicium. Vide quo me tuis illu pulcherrimis rhetoriis
 conitradas: prima suarum literarum frons permovere me

A poterat, ut de inhumanitate (si diis placeret) te excusa-
 rem. Sed altius considerans, magnam mei purgandi ne-
 cessitatem mihi impositam inveni: proinde occultiore il-
 lam tuam artem, quid enim tuum est, quod non artis
 fastissima sit? nisi persensissem, parum aberat, quin glo-
 riosius mihi, tua contra singulari eruditioni improvidus
 patuissem. De morsu quorundam quod scribis, noli labo-
 rare, gloriam, teste Emilio Probo, sequitur invidia
 comes. Hoc esse vera & prima eruditionis, & admira-
 bilu doctrina argumentum, ne dubita, si in popularis li-
 terationis dentes incidas. Hac tuus te ille Hieronymus,
 ut uno verbo agam, docere poterit. Tandem te per sa-
 cra amicitia rogo ad nos venias. Venies expectatus bonis
 viris, quos non parum multos hic offendes. Ego tibi ho-
 spes ero & desideratus, & praesens, & ad assem volen-
 tissimus, nostrisque & Gymnasi plateis inscribetur, hic
 fuisse Erasmus. Valde & nostrum Bonifacium ama,
 qui te pro numine colit: utinam ita divina, ita superos,
 ut Erasmus colat, & iam calculum beatitudinis melio-
 ru in urnam conieci. Vale, ornamentum orbis. Ex Fri-
 burgo 9. Maji, Anno 1516. Parce rudi calamo, ta-
 bellarius humeros praefit.

EPISTOLA CCXIV.

Erasmo Roterodamo Bilibaldus Pirckh. S. D.

ANTE quatuor ferme menses ad te literas dedi, mi
 amantissime & colendissime Erasme; ceterum quia
 nullum a te accepi responsum, suspicor vel meas tibi, vel
 tuas postea mihi literas reddidas non fuisse: verum tamen
 literarum interim loco tua clarissima fuit editio, qua
 non minus sancte & fideliter, quam fauste ac feliciter No-
 vum explanatum est Testamentum. Vindicasti tuum nomen
 ab omni temporis injuria, peregrisque rem non minus Deo
 Optimo & Maximo acceptam, quam omnibus Christi fi-
 delibus necessariam & utilem. Maeste igitur virtute, qui
 negotium, cunctis hominibus a mille annis citra negatum,
 absolvisi. Sed quid ego verbum tuam extollere doctrinam
 & eruditionem conor, rem viribus meis penitus imparem?

Οὐδ' εἰ μοι δῖνα μὲν γλῶσσαι ἢ σῶμα εἴην,
 Θωμῇ δ' αἰρήνῃ, χαίλευν δέ μοι ἦτορ εἶναι.

Ut Poeta inquit. Satis igitur verecunde tacere, quam
 laudes tuas minus digne personare; quas si nimis frigide
 tractare videor, non viribus, sed imbecillitati mea impu-
 tandum erit: sed de his haec. Quid vero agas, quam
 belle valeas, quid denique parturias, admodum scire de-
 sidero, & si tibi molestum non erit, rescribe: ut habeam quod
 amicorum tuorum incognitorum turba respondeam, quan-
 doquidem a me quotidie per literas, quid Erasmus noster
 agat, anxie perquirunt. Vide, mi Erasme, quam avidi
 rerum tuarum, ne dicam ingrati simus, qui cum immen-
 sa & majora, quam expectare potuissemus, praestiteris: et-
 iam ultra quid quarimus, & quodammodo exigimus. Ve-
 rum id virtuti tua, non vitio nostro acceptum referas: &
 bene valeas, gloria & splendor humani generis. Ex Nu-
 renberga 20. Maji, Anno 1516.

Salutat te iterum Stabius Casarius Historiographus, vir
 doctus & bonus. Salutant te gemina mea sorores, Abbatissa
 sancta Clara una, altera ejusdem Regula seclatrix, qua
 assidue tua scripta manibus retinent: maxime vero jam
 Novo oblectantur Testamento; quo mire afficiuntur mulie-
 res, multis viris, qui sibi scoli videntur, doctiores. Scri-
 berent ad te Latine, nisi indignas suas existimarent literas.


EPISTOLA CCXV.

Thoma, Episcopo Dunelmensi, Erasmus Rot. S. D.

ORNATISSIME Praeful, ex Petro unoculo, per quem
 nuper scripsi celsitudini tuae, cognovi librum Sene-
 cae tibi non fuisse redditum. Franciscus fatetur apud Ar-
 noldum fuisse, a quo reposces, si nondum accepisti. Nos,
 gratia superis, convaluimus, & brevi, ut spero, vete-
 res patronos revivemus. Faxit Christus Opt. Max. ut vos
 omnes offendam incolumes. Bene valeat tua pietas, cui
 me totum dedo, dedicoque. Antwerp. 9. Julii, An. 1516.

EPI-





EPISTOLA CCXVI.

Erasmo Bovillus S. D.

An. 1516. **T**uus in Angliam reditus, praeceptor doctissime, est omnibus amicis tuis Cantabrigianis oppido quam gratus: super ceteros tamen mihi longe gratissimus, utpote qui aliis omnibus sum tibi multis partibus devinctior. Itaque quam libentissime te in Cantabrigia viderem, ut si non detur multiplicibus tuis erga me beneficiis, ut vellem, respondere; animi saltem promptitudinem (quam solam ferme possim) ostenderem: sum enim cupidissimus te videndi, ac perpetuo apud te manendi: sed satis prohibeor, ac fortuna adhuc paulo invidentiore; alioqui quocunque gentium abires, certum esset persequi. Hic acriter incumbunt literis Graecis, optantque non mediocriter tuum adventum: & hi magnopere favent huic tua in Novum Testamentum editioni: dii boni quam eleganti, arguta, ac omnibus sanis gustus suavi, ac pernecessaria! Sed hac haecenus. Est hic juvenis quidam, qui continuis precibus obtinuit, ut se tibi commendarem, Edmundus Polus arduum, morum perquam candidorum, & tui amantissimus: hic sibi persuasit se futurum felicem, si possit recipi in tuum famulatum. Igitur si rescripseris an eum velis & significes, licet brevissime, me illum tibi commendasse, quia alias non crederet me scripsisse, sicut sapius sum illi pollicitus, feceris rem te dignam, & mihi pergratam. Vale, huius nostri seculi decem. Ex Cantabrigia 13. Augusti, An. 1516.

EPISTOLA CCXVII.

Glareanus Des. Erasmo Roterod. S. D.

Si quem amas, charissime Erasme, quod te amat, certe ego maxime amandus tibi: nemo enim est, tuto crede, te mihi charior, atque utinam tam me posses intus introspicere, quam extra sapissime vidisti. Videres profecto alterum Alcibiadem, ac eum qui Alcibiadem longe antecederet, tantum videlicet, quantum vere Glareanicus amor vicit Socraticum, sive quantum ego plus tibi debeo, quam Alcibiades Socrati. Magnum erat, mores à Socrate didicisse, vitam illius monitis emendasse: atqui ego longe plura à te habeo: nempe, prater alia infinita, precipuum illud, quod me Christum sapere docuisti; neque sapere solum, sed imitari, sed suspicere, sed amare. Quid, quaso, homuncioni mihi vel utilius, vel dignius contingere potuit? Proinde minime separati sumus, beneficia tua, in me collata, non sinunt me tui immemorem. Quicquid ago, praesto es, ludit ante oculos meos imago Erasmi, itaque reditque frequens, sine te non dormio, non edo, absens ad virtutes stimulus, excitas pigrum, rudem doces, & putas me posse te non amare? sed qui possem? Lachrymor absentiam tuam, id quod mihi minime vitio dandum existimo: quid enim aequum mihi grave? & jam dixi, non abes, sed certe abes: revera non abes, loqueris enim mihi quotidie: & tamen absens es, quia te non video, nec suavissima tua confabulatione fruor: sed & praesens es, quia te audio; nam mihi loqueris, sed ludo, idque inepte, quia amo, idque audacter, quia amo: & dum ludo, lachrymor, quia te amo, charissime Erasme: atque cum te charissimum appello, dum alii infinitis aliis te onerent, ego unico illo titulo unice te honoro. Quid enim erat dicere, doctissimum, eloquentissimum, eruditissimum, & quia non amor, sed aliquoties *καλὰ* excogitavit pleraque alia: nullum enim eorum te melius decet, aut exprimit, quam quod proxime Christum accedit. Neque tu tantundem, vel eloquentia vel eruditioni me inniti iussisti, quam amoris vere Christiano: ac proinde non modo habeo tibi gratias amplissimas, immortales, ingentes, aut quicquid tale vulgus disertorum sesquipedalibus verbis refert; sed quas Christus dignis tuis in me meritis tribuat. Ceterum ut ad epistolam quoque tuam respondeam, qua de fortuna ais, eam mihi, si tecum essem, non posse deesse. Doleo, Hercule, me tecum esse non posse, sed differo tamen non absque cau-

A. **T**umultuatur patria: pax cum Franco nondum composita, quam Angli ne, an Caesarea majestas remoretur, incertum. Legati Maximiliani adhaerunt, & item Anglorum, non pecuniam, sed aureos montes pollicentes, ne Gallis Galli conjungamur. Sunt qui suspicentur rem agi non jussu Britannici Regis, sed tamen tui autonegato & τέχνη sic ego pacem spero, qua si facta fuerit, Parisiis salarium ducentorum scutorum annue expecto. Præterea habeo mecum domi mea triginta optima indolis juvenes, qui annue solvunt centum & viginti scutatos, quatuor labori meo non sat respondeat hoc premium: illud, mi Erasme, charissime parens, unice oro, ne damno sit mihi, vel apud te, vel apud alios dominos, amicos forsitan aliquando futuros, non venisse tam humaniter invitatum. Nam ad Pentecostes diem si non erit pax cum Francis, & Princeps tuus (quod vehementer opto) salvus fuerit, ausim, me Hercule, ad te volare, etiam per medios hostes: interim ne abeam consanguinei & necessarii magnopere rogarunt, nihil tamen certi promitto. Montjoii nomen charum esse mihi non poterit, dum Erasmus charus esse desierit. Quem ut egregium ac optimum virum credam, & opera tua, & praesens quondam de ejus humanitate confabulatio pervicit. Berus, cum litera allata sunt, non adfuit: itaque ex eo nihil cognoscere potuimus. Post discessum vero tuum, adeo sophista in me grassatus sunt, ut de templorum valvis chartulas diriperent, publiceque Senecam legi prohiberent. Ego autem iis invitis legi, nihil magis veritus, quam ne Berus quoque in suam opinionem traherent: at ipse ut vitaret invidiam, negotio se non magnopere immiscuit. Pene tamen carmen meum non misissem, utpote juvenile, & mihi nulla in parte satisfaciens pro tanto viro: aut si hoc tanquam adulatorium spernis, pro tanto amico: sed spero omnia confossum iri à te, qua spes nisi me tenuisset; eas ineptias in ignem coniecissem. Misit autem & aliud carmen, quod de discessu tuo ad Ofwaldum lusi, hominem tui studiosum, ac acerrimum meum in sophistas Alciden: cuius pugna memini, simul & horologii tui gratissimi manusculi: literas Egegiu & Γλαριανῶν belle incidit Aurarius, semper interim sericus incubuit. Buschii carmen, quod mihi summe placet, quanta potui diligentia excipsi, ex depravato videlicet codice; quare peto, ut tua diligentia excutiat. Salutationem tuam Ofwaldus, Rhetus, atque omnes discipuli mei gratissimo animo acceperunt, unoque ore te rursus saluari jusserunt, te felicem, saluum, incolumem omnes optant. Iussisti me longum esse cum scriberem, idque feci, sedulo forsitan magis quam feliciter. Quid enim aliud faciam? καλὸν δὲ αὐτῶν, ἀδυνατῶν δὲ λέγειν. Vale, charissime Erasme, meum sidus, meum decus. Basileæ ex pistrino meo, Anno Domini 1516. 5. Septembris.

HERMANNI BVSCHII PASIPHILI

I N E R A S M V M,

Coloniæ recens ingressum,

C A R M E N.

Dic puer, Erasmus cupido quis nunciat illum Advenisse mihi, quisnam hæc mihi gaudia portat? O festum lætumque diem, si vera locutus, Si non hæc vano mendax confinxerit ore. Quisquis is est tandem, credamne, ut venerit ille? Ille, inquam, Erasmus, cui Roterodamica tellus Tam debet, docto sua quam Verona Camillo, Quam tribus Hispanis urbs inclita debet alumni, Ausonio fundata duci, quam Bilbilis alta, Cornipedum gregibus foecunda, & fortibus armis Ingenio debet culti celeberrima civis, Quam cantata suo debet Mevania vati, Parthoneque suo, fontes qui carmine Thebas Eruit, & sylvas plectro modulatus eburno, Magnanimum in Troas, & in Hectora movit Achillem: Quam Sulmo tibi Naso tener, quem barbarus Ister, Braccatique Geta, cygnea voce canentem Tristitia, flevit: quam Mania præca Maroni,

Tom. III.

N 2

Quo

An. Quo duce Musarum meruit domus ipsa vocari,
 1516. Et fama pulsare polos, & sydera laude,
 Omneque venturæ spacium superare senectæ.
 Estne ille *Erasmus*, modo quem venisse loquuntur,
 Ipsi qui solus possit certare *Latinis*?
 Quem probat, extollitque virum clarissimus ordo,
 Pontificis *Roma* qui limina scandit in ostro,
 Quemque per *Italiam* passim lectissima turba,
 Cordaque suspiciunt doctissima *Grajugenarum*,
 Qui sibi quæsit nomen, per *Gallica* regna,
Hispanumque Tagum, per *Hibernica* litora, perque
Orchadas, & nostro semotos orbe *Britannos*:
 Terrarum Reges, quem fulvo munere jungunt,
 Conciliantque sibi, quo fante, ignobile ducunt
 Eloquium *Pylia* quod fluxit ab ore senectæ:
 Quo citharam tendente, & Apollinei peragente
 Officium vatis, stupet ipse ad carmina *Phæbus*,
Galliopeque sui gemitu reminiscitur *Orpheus*.
 Venit, certa fides, vidi, vidi ipse cupitum
 Optatumque mihi toties, occurrere vultum
 Hospitis egregii, dextramque amplexus inhæsi.
 O blandi mores! ô fandi exacta facultas!
 Quanta vetustatis, linguæque scientia docto
 Quanta utriusque viro, quantum discessit ab illo
 Barbaries, ruditas, ignava superbia, livor
 Degener! imo alios multos secum attulit ipse
 Diversos comites, gravitas sine nube renidens,
 Ingeniusque lepos, *Piritho*, *Charitesque* sorores,
Pegasideque omnes, gressus comitantur euntis,
 Florentesque rosas gestans, posita ægide *Pallas*.
 F I N I S.

A D E V N D E M.

Hæc legit *Erasmus* si carmina fronte serena,
 Tum longe accepi plus, minus ipse dedi.

AD ERASMV M R O T E R O D A M V M

Hecatastichon

HENRICI GLAREANI,

Helvetii Poeta Laureati.

SOMNVS iners homines, mutumque invaserat orbem,
 Prefferat & terram nocte silente quies.
 Ipse soporifero ponens mea membra grabato
 Occubui, & tenebris pene sepultus eram.
 Ecce sub obscuro visa est tua Musa nigrore
 Ante oculos volitans protinus esse meos.
 Non secus ac nebulis latitet si *Phæbus* opacis,
 Aut sub nube nigra, candida Luna micet.
 Tum pepulit radiis quodcunque obstabat amoenis,
 Cessit & omne, illa discutiente, chaos.
 Subticui, caput haud tenuem erecturus ad auram,
 Exspecto sitiens quid velit illa loqui.
 Diva verecundo dum me videt ora tacentem,
 Auriculam prendens vellicat atque premit.
 Cur meme dixit, cur compellare veteris?
 Cur nostros furda negligis aure sonos?
 En venio, quia doctiloquus sic iussit *Erasmus*,
 Ne tituba, votis præsto erit ille tuis.
 Illius ambrosio quanquam frons nectare fusa est,
 Atque *Helicon* sacro laverit amne comam:
 Nec tamen exiguum parvo de flumine rivum,
 Nec tremulæ spernet flamina raucæ lyrae.
 I celer, optatum invenies, & habebis amicum,
 Quem dare non alium secula posse putes.
 Dixerat, & sonitus blanda cum voce recessit,
 Inque levem volitans aera præpes abit.
 Excitior somno, video cecidisse figuram,
 Cui responderem nemo nisi aura fuit.
 Ergo ô præsidium, & spes jucundissima vitæ,
 Dux & iter veræ, dulcis *Erasmus*, vitæ;
 Ausculta, tua Musa meis discessit ocellis,
 Illi debueram paucula verba loqui.
 At quia discessit, nec sit cui singula dicam,
 Hæc iussi Musam verba referre meam.

A Scilicet ut dignas tibi, vir doctissime, grates
 Offerat, id quanquam non bene posse reor.
 Nanque ego cui moduli, cui nec sit culta *Minerva*,
 Qui possim dignum ludere, quæso, melos?
 Nec tibi pro meritis, quas dicam, nosco Camœnas,
 Da veniam modulis, ingenioque meo.
 Sunt mihi raucifono stridentia carmina plectro,
 Et tenuis furdo murmure vena data est.
 Clauserunt placidæ *Dirceia* flumina Musæ,
 Et mihi *Parnassi* blanda fluentia negant.
 Arida vix mihi *Clitorio* sitis amne levatur;
 Vix mihi *Salmacidos* mollia damna patent.
 Si tibi raucidula stridentem voce cothurnum
 Percutiam, dices, Heus miser, ito foras.
 Si rursus citharam plectro crepitante fatigem,
 Nænia inest, dices, carmine barda tuo.
 Quid, pie *Erasmus*, canam? nisi garrulus inter olores
 Argutos stæpitem, corvus & anser iners.
 O utinam *Andini* mihi sit facundia vatis,
 Et sint *Peligna* carmina docta lyrae;
 Te canerem longo, vir præstantissime, libro,
 Nullaque pars vacuo margine abiret iners.
 At longe tua me probitas, tua vivida virtus
 Vincit, & est versu non bene picta meo.
 Quæ natura sagax imis tenet abdita valvis,
 Tota intra ingenium scis posuisse tuum.
 C Tuque oculis certus coelestia regna subintrās,
 Tu penetras summi limina celsa poli.
 Quot sint, quæ rerum species, quæque orbis origo,
 Utque locum capiant quæque elementa suum.
 Splendida quo rapido volvantur sydera lapsu,
 Unde tuum lateat, candide *Phæbe*, caput.
 Quidque subobscuram cogat decrescere Lunam,
 Unde pluât rosea discolor Iris aqua.
 Quæ solidas quatit violenta potentia terras,
 Cur volitent dubio fulmina sæva polo.
 Cur scindant piceas horrenda tonitrua nubes,
 Unde ruit gelidis stridula grando globis.
 Cur quod non cecidit sydus cecidisse putetur,
 Et quæ sint refluï semina cæca maris.
 D Quæ subsunt casu, quænam fortuna volutet,
 Perfida ventosis non bene recta rotis.
 Cur Sol *Aethiopes* urat, cur denigret *Indos*,
 Cur minuat radios trux *Armaspe* tibi.
 Omnia pernoscis, majore es dignus honore,
 Quam tenui versu commemorare queam.
 Roma velut digne magno *Cicerone* superbit,
 Et *Demosthenis* *Attica* turba sonis.
 Septem urbes certant docto quæ patria *Homero*,
 Tres genuit magnos *Corduba* clara viros.
 Unum te Solem, quamvis & sydera multa
 Protulerint oris *Belgica* regna suis.
 E O lætum festumque diem, qui numine dextro
 Te dedit in nostros, mitis *Erasmus*, lares!
 Qua scindit liquidus *Basilia* moenia *Rhenus*:
 Qua sunt *Helvetiis* fœdera prisca viris.
 Est in te gravitas matura, modestia prudens,
 Socratici mores, Cæsareusque decor,
 Ingenium felix, quo non præstantius ullum
 Dotibus hisce tuis *Attica* terra tulit.
 Sed te præcocius jam parcere versibus opto,
 O decus, ô *Batavi* gloria prima soli.
 Tu dabis omnigenam matura in carmina venam:
 Tu dabis ad Musam calcar & arma meam.
 F Hactenus hæc, *Batava* sydus venerabile gentis,
 Lux, *Alamannorum*, candide *Erasmus*, vale.

F I N I S.

A D O S V A L D V M,

Lucernanum Helvetium,

ELEGIA GLAREANI.

CANDIDE pars ingens nostrorum *Oswalde* laborum,
 Seu qualem *Alcides*, *Pirithon*ve petat.

Sur-

An. Surgit *Amazonio* pharetrata caterva flagello:
 1516. Et mihi *Centaurs* bella cruenta parant.
 Huc ades, ô *Theſeu*; tua ope eſt opus: accipe tela,
 Tela cataphractis objicienda malis.
 Omnia in hoc mundo vincit patientia longa:
 Et labor, & probitas, ingeniumque ſagax.
 Laudo tuum ingenium, quod & ipſe probavit *Eraſmus*,
Pallados ille pater, *Moſoniſque* chori.
Socraticis ſe temporibus *Plato* gaudet *Athenis*
 Natum, atque exuvias ille triumphus habet.
 Dictus *Alexander* felix cognomine *Magnus*:
 Cui naſci obtigerit tempore *Ariſtotelis*.
 Lætor ego quod temporibus ſum natus *Eraſmi*,
 Gaudeo, & exultans bella trophæa fero.
 Ah quoties agro comites affatus amice eſt,
 Pabula quanta animæ contulit ille meæ?
 Is docuit mores, meliusque infudit *JESVM*,
 Is docuit cælum perpetuasque domos.
 Et docuit penitus ſtultum contemnere mundum,
 Vexit & ad ſuperos mentem animumque meum.
 Quid dare plus poſſet *Cræſuſve* *Cyrusve* roganti?
 Quid *Calaber* dives, quid *Sybarisve* potens?
 Ille hinc digrediens, docta ſciotericon umbra
 Dona dedit dextræ munera eburna meæ.
 Accipe, ait, noſtri monumentum & gluten amoris,
 Accipe *Phidiaca* dona polita manu.
 Umbra tibi vitam notat, & vaga gaudia mundi:
 Circulus æthereo ſydera clara polo.
 Elige utrum malis, utinam tibi ſydera cordi,
 Et qui ſyderibus præſidet orbis herus.
 Accepi lachrymans, nomenque incidere juſſi,
 Oſculaque inſculpto terque quaterque dedi.
 Sed redeo, gratare tuis, *Oſvalde*, *Camœnis*,
 Eſt aliquid tanto complacuiſſe viro.
 Plus certe, quam ſi gelidis mea *Muſula* metris
 Strideat, atque oneret teque tuumque caput.
 Gratulor & patriæ, ventura gaudeo vita,
 Quæ *Grajos* fontes, *Romuleosque* refert.
Helvetios priſcos, gentem in fera prælia natam,
 Comperimus *Grajo* verba notaſſe ſtylo.
 Atque utinam poſitis etiam nunc reſſuat armis
 Quicquid apud *Grajos*, *Romulidaſque* fuit.
 Ecce *Camillus* adeſt, pius & facundus *Eraſmus*,
 Quo nil candidius *Romula* terra tulit.
 Miles ego, quamvis imbellis, inutilis, æger,
 Ære tamen mereo, teque merere velim.
 Nec timeas vulgus nebulonum, & inutile mundo,
 Nec *Chryſippeas* fulmina cæca faces.
 Chare vale, pharetrata fugit tua tela caterva,
 Chare vale *Theſeu*, quo duce tela dedi.
 F I N I S.

Ad Sodales, *Eraſmo Roterod. conſuetudine junctiſſimos*,
Joannes Sapidus Seleſtadienſis Germanus.

O *Liſtri*, *Bruno*, *Baſili*, *Rhenane*, *Frobeni*,
Nefene candidiſſime,
Helvetia decus æternum *Glareane*, probatis
 Tum literis, tum moribus,
 Integer interpres divinæ mentis, & idem
 Trilinguis *Oecolampadi*,
 Tu quoque *Gerbelli*, gemini laus ſplendida *Juris*,
 Utranque callens *Pallada*,
 Artis *Apollinea* *Reſi* celeberrime myſta,
 Fonteie, voſque cæteri,
 Dulce ſodalitium, cum veſtro tam bene *Eraſmo*
 Vobis, & illi cum fuiſ.
 Quam bene ſylveſtri cum lectis eſſe *Diana*,
 Nymphisque ſcimus cum dea.
 Vos adeo conſuetudo devincit *Eraſmi*,
 Huicque veſtra convenit.
 Primum aut poſtremum quid dicam aut mirer eorum,
 Queis læta corda paſcitis?
 Si tractat joca, ridetis; ſi ſeria, vultus
Catonianos ſumitis;
 Si jubet arrectas, ſuadetve, advertitis aureis:

A Si humana quam miramini,
 Si divina docet, mox raptis mentibus, inter
 Cœli incolæ verſamini:
 Si graditur, comites eſtis, ſtantiſque repente
 Si ſtat corona, cingitis:
 Si Genio ad menſam indulget, gaudetis & ipſi
 Convivio hoc liberrimo.
 Adde quod ingenium, gravitas, ſacundia, candor,
 Honos, decus, modestia:
 Tot blandæ veneres, charites tot caſti & amores,
 Et mille-virtutum agmina:
 A pede quæ certant imo componere totum
 Supremum ad uſque verticem.
 B Ceu quod verſicolor, gemmis, auriſque coruſcat
 Diadema ſignis aſperum:
 Quam vos alliciant, rapiant, faciantque ſtupere,
 Quibus iſta diſtrahant modis.
 Qualem *Anchiſaden* radiantia dona, labores
 Vivi manus *Vulcania*.
Latona ut *Trivia*, ſic *Phœbus* gaudet *Eraſmo*,
 Vos inter adſtans neſcios,
 Digna, dic ſpreta, ô conſortia adire vadatis
 Quæ diis ſimul communia.
 Hic ſincerus amor, procul hinc, procul atra ſimultas
 Tanti eſt *Eraſmi* gratia.
 Aſt majora cano, nullumque audita per ævum.
 C Toti decus *Germania*.
 En voſſam danteis herbam præcellit *Athenas*
 Urbs barbaro ſolo ſita,
Bajana ſecta aurifero *Baſileia* *Rheno*
 Amœnitate amœnior.
 Eſtis Io nati felici ſydere, quando
 Sors tanta vobis obtigit.
 Inter at ignarum vulgus ludique popellum
 Miſeram nimis vitam tero.
 Viſendique meos quanquam præberier anſam
 Triftis vetat neceſſitas;
 Sed ſolet hoc animos unum relevare dolore
 Miſerando alioqui & hoſtibus,
 D Quod me quæ ſequitur tragicis *Rhamnuſia* fatiſ,
 Meiſ frui det optimis.
 Ergo alacres *Sapidi* memores jam vivite veſtri
 Mihi ſodales mellei.
 Tu quoque re quavis ſemper, digniſſime *Eraſme*,
 Germanæ *Phœnix* unice,
 Vive tuos annos, & me dignare favore
 Tuo tuum, ſi ſum meus.

F I N I S.

EPISTOLA CCXVIII.

Eraſmus Rot. Thoma Moro S. D.

E JAM ad iter accincto, binæ ſimul mihi redditæ ſunt
 literæ, neque puer ullus, neque mercator nos viſit.
Maruſſi ſyngrapham exhibui *Gaſpəri*, ea jubet dari
 ducatos largos juſti ponderis, aut valorem. Agnoſcis
 non *Cæſtreuſe*, ſed *Abercuriale* verbum. Rogavi quis
 eſſet valor. Reſpondit *Stuſeros 37*. cum dimidiato. At
 mihi, inquam, valor nihil aliud ſignificare poteſt, quam
 publicam Principis æſtimationem. At nos, inquit,
 hunc habemus morem. At iſta, inquam, ratione nos
 fallimur, qui veſtrum morem divinare non poſſumus
 ex ſyngrapha. Recepi ſyngrapham meam. Admone-
 bis igitur hominem non eſſe mihi conſilii quindecim
 florenos perdere in ſexaginta angelatis. Rogabis *Ar-*
chiepiſcopum, ut pecuniã tibi tradat, tu collocabis
 apud *Germanos* *Sterlingen*. & ſcriptum huc mittes, quo
 hic recipiam: niſi erit per quem huc mittas rectius.
 Exhausti loculos omnes dum me veſtio. Crede mihi,
 mi *Adore*, effudi ſupra quadringentos florenos. Jam
 periculum eſt, ne bene veſtitus fame moriar. Si *Ton-*
ſtallus hic hyemat, illi me adjungam, nam id impen-
 ſiſſime cupit. Adit, hæc cum ſcriberem, *Petrus*
Ægidium hoſpes *Anglorum*, offerens precia librorum,
 cæterum de noſtra pecunia nullum verbum. De *Urſe-*
 N 3

An. *wico* fac istes. *Hieronymus* intra biduum aderit cum
1516. ingenti sarcina literarum ad me. Ubi accepero, faciam
te certiore, si quid erit quod te scire oporteat. De
insula, deque cæteris curabuntur omnia. Hæc scripsi
inter componendum sarcinas, mox equum conscensu-
rus. Bene vale, charissime *More*, cum tuis omnibus.
Antuerpia 2. Octob. Anno 1516.

Curavi ut *Cantuariensis*, *Coletus*, *Roffensis*, *Urfewi-
cus*, & tu, si vis, inter primos accipias *Hieronymi*
volumina. Rursum vale.

P. Egidius plane te deamat. Nobiscum assidue vi-
vit. Mire favet tuæ *Utopia*, teque valde salutatur cum
tuis omnibus.

EPISTOLA CCXIX.

Des. Erasmus Rot. Petro Egidio suo S. D.

NACTVS sum hic cubiculum, quod in tanta ho-
minum frequentia perdifficile est, sed perquam
angustum, vicinum tamen aulæ, & quo mihi magis com-
mendatur, vicinum *Tonstallo*. Proinde fac, ut primum
licebit, libros meos huc transmittas seu navi, seu ve-
hiculo, simulque per alium quempiam scribito, cui
commiseris, & quo jusseris deportari. *Pompilius*, ut
video, artificem agit, morem videlicet antiquum ob-
tinens, quo fero moderatius. Aliquando fortassis usu
veniet, ut par pari referam. Vis audire quod rideas?
Quod aliis diu multumque sudantibus sæpe non contin-
git, id mihi pene obigit dormienti. Rex Catholicus
me propemodum Episcopum fecerat: ubi inquires? non
apud extremos *Indos*, unde tamen aurum attrahit no-
ster *Barbiri*, præfectus iis quos nunquam visurus est,
verum apud *Siculos*, *Graculos* olim, & nunc quoque
dicaces ac festivos; sed feliciter erratum est, & ex ani-
mi mei sententia. Postea compertum est, ejus hono-
ris collationem ad summum Pontificem pertinere: mox
Rex literis à Pontifice flagitavit, ut sui respectu sine-
ret eam collationem valere. Hæc *Bruxellis* aguntur,
dum nos *Antuerpia* ociosi nugamur in Literis: atque
id erat, cujus gratia me jusserat evocari Cancellarius:
quod si suboluisse, cunctantius huc commigrassem.
Cum advenienti gratularentur, quique erant conscii,
beneque ominarentur, ego nihil aliud quam ridere po-
teram, & tamen pro animo gratias egi, sed admoni-
tis, ne posthac in hujusmodi negotio susciperent ina-
nem operam: me meum ocium cum nullo, quamvis
splendido, Episcopatu permutare. Habes somnium,
quod rideas: & tamen mihi non displicuit tanti Prin-
cipis animus, qui fere non favet, nisi quos probos aut
novit, aut certe putat. Gaudeo, mi suavisissime *Petre*,
quod te tanta levarim molestia: jam enim me tui tuæ-
que uxore læ miserecebat, nec mihi tamen hoc quic-
quid fuit molestiæ potes imputare. Animus iste tuus,
amore quodam immodico, officiis in me congerendis
nunquam sibi satisfaciebat, uxor raro tibi, quæ id
cumprimis habet studio. Nunc absente *Erasmio*, frui
tua commodius. Quantulum enim est hoc quod nobis
adimit locorum sejunctio? Quod ipsum tamen licebit
crebris sarcire literis, quas opto ut quam maxime ala-
cres hilaresque nobis mittas: sic enim intelligam te re-
cte valere, quod ita mihi cordi est, ut nihil magis:
hujus rei pars maxima, mihi crede, tibi ipsi in manu
est. Plerique morbi nobis ab animo proficiuntur, &
minus offenderis studii laboribus, si ratione studia tua
moderaris. Bibliothecam tuam, epistolas ac schedas
omnes in certos nidulos redigas, neque temere nunc
in hunc, nunc in illum auctorem rapiaris, sed unum
aliquem ex præcipuis in manus sumito, non relicturus
prius, quam ad calcem usque perveneris, annotatis in-
terim, quæ digna memoratu videantur. Certum ali-
quod vitæ genus ipse tibi præscribito, quid quibusho-
ris agere velis. Nec alia super alia congere, nisi prio-
ribus explicatis: ita diem, qui nunc pene totus inter-
cidit, tibi reddideris longiorem. Et quoniam incusas
memoriam, mea sententia profuerit, si in singulos an-

A nos fastos pares, non est res magni negotii, singulis
que diebus annotes verbo, si quid exstiterit, quod no-
lis oblivisci. Novi qui hac diligentia plurimum profe-
cerint: in primis egregius ille *Franciscus Bussidius*,
Archiepiscopus *Besontinus*. Ante omnia vero te rogo
etiam atque etiam, ut in rebus agendis consuecas ju-
dicio potius quam animi impetu duci. Si quid offendes,
statim dispice, si qua mederi possis, aut si qua minui
queat malum: id rectius dispicies tranquillus, quam
commotus: si quid est remedii, utere; sin minus,
quæso te, quid boni adfert ira, aut moeror? nisi quod
malum tuapte culpa conduplicas. Obsecro te per ami-
citiam nostram, nihil tibi sit antiquius vita & salute.
B Si rem tueri potes hac incolumi, tuere; sin minus, dis-
pendiosum compendium est, rem incolumem præsta-
re salutis aut tranquillitatis jactura. Denique si tibi ipsi
parum es charus, vide ne duos eadem perdas opera.
Neque enim aliter nobis videbimur incolumes, nisi te
incolumi: quem ego, sic me Deus amet, potiore mei
portionem duco. Ne nimium operæ sumas in rebus le-
viculis: fugax ætas & vitrea res valetudo, non qui-
buslibet est impendenda, quædam despicienda sunt,
& animus ad magna erigendus. *Senecam* ac *Platonem*
tibi facito familiares: hi si crebro tecum confabulen-
tur, animum tuum non sinent jacere. Vere magni est
animi, quasdam injurias negligere, nec ad quorundam
convicia habere vel aures, vel linguam. Fac aliquo-
ties periculum, quanto plus valeat obsequium & cor-
data blandiloquentia, quam animus præceps & impo-
tens. Patris optimi senectutem, ita ut facis, officiis
subleva, non solum quia pater est, sed multo magis
quia talis pater. Sinceris amicis utere, fictis abutere.
Cum uxore sic vivito, ut non tantum coitus causa
te diligat, nec diligat modo, verum etiam revereatur:
ei sic fidas, ut ea duntaxat communices, quæ vel ad
rem domesticam, vel ad vitæ jucunditatem pertinent.
Ita tuearis auctoritatem erga tuos, ut nihilo secius con-
suetudinem domesticam condiat morum comitas. De
liberis educandis frustra tibi præcipiam, cum tale ex-
emplum habeas à patre. Vides, *Petre* suavisissime, ut
tibi consulam, ipse mihi parum consulens, sed ut sic
ineptiam, tui compellit amor. Recte vale cum tuis
omnibus. *Bruxellis* 6. Octobris, An. 1516.

EPISTOLA CCXX.

Gulielmus Budæus Erasmo Roterod. S. D.

IDENTIDEM literas tuas repeto, varie enim me af-
fecerunt. Ὅτε μὴ ᾗ ὑφορώμεθα τὴν δεινότητα τὴν σὴν,
τὴν τε ἐν τοῖς λόγοις κομψότητα καὶ τὴν, δοκῶ μοι χαλεπότεραν
ἐπὶ σὲ καὶ ἀγγελῶν, neque enim usque adeo stupide mi-
hi faveo, ut non mediocritatem meam agnoscam, quam
E in inter prima nota ingenia ponis. Ὅτε δ' αὖ πάλιν τὴν
ἀπεικίαν τὴν τρέπτει σε σοχαζόμεθα ἐκ τῆς συγγεγραμμένης
σὴν, τὴν ἀπιστολήν δὲ τὴν ἀποδοθεῖσάν μοι καὶ σε ἐπο-
γύως, ἣν ὡς πεπαυμένην ἀποδέχομαι, ἀλλ' ὡς ἀνείστω-
δα μὲν. Ex hac tamen opinionum alternatione statui, mi-
hi faciendum esse, ut vel διήθως πιστεύοντα, homini Theo-
logo potius me prabeam, quam ut animo suspicaci de te
male mereri, deque amicitia ipsa videar. Καὶ μὴ δὲ καὶ ἀ-
γνῶναι με πονηρίαν τινὰ ἢ ἥθως διαλαβοίμην ἂν, εἰ ἐνομότως
γεδὼν τι γεγῆσθαι τῷ φίλῳ σοὶ σὺν ἀπιστίᾳ. Stat igitur
sententia ita credere, & confidere bona te fide scripsisse. I-
taque magnopere triumpho, Legatum illum Regis Angliæ
F Cutbertum Tonstallum, virum (ut mihi fidem fecisti)
in primis commendabilem eximia & ἀμείνῃ utriusque lin-
guæ peritia, ultro etiam mihi tecum testimonium prabere,
præsertim quod ad Græcam eruditionem attinet: nam ve-
stra amborum auctoritate fretus, judicio meo ipsius inter-
dum fidem abrogo, ut vel me quoque Græce scriptitare
epistolâ confidam. Ἐνὰ μίλλον δὲ θεὸν ἐμαυτὸν τιθεὶς τὴν αὐτο-
μαθίαν, τὴν ὀψιμαθίαν, τὴν ὡς ἐτυχὲ πεπαιδευμένον, τοῖς τῶν νεω-
τερικῶν ἰσχυροτάτοις καὶ τῆς παιδαγωγίας τετυχηκόσι. Ἰδὲ
quod libens atque perlibens fecerim ad te scribens, διψα-
μοσύνη δὴ πᾶσι τῇ σὴν τεθαύρηκας ἢ πάντι ἀείψα. Τὸ πᾶν ἐν τῇ
me

An. me tibi indicare optima fide mihi certum est: ut qui ante-
 1516. hac in utraque lingua preceptore me tantum ac praelecto-
 re usus sum, (id quod gemens refero) sero saltem melior
 censura tua fiam. Atqui si te aliquando feriatum nostris
 avocamentis sensero, exercebo te sane frequentibus lite-
 ris, vel ad odium usque. Καὶ μὴν, ἡ ἐγὼ γε ἡμῖν ἡγῆμαι
 αἰμφοῖν τοῦτο πολὺ διαφέρειν συχναῖς γε πρὸς αἰδήλους ὀπι-
 σολαῖς, τὴν ἡμετέραν εἰς τῆς φίλων εἶναι μελέτης, ἡ
 γνώριμον ἐν τοῖς πολλοῖς. Ἀλλ' ὡγαδὲ, amabo te si quid exte-
 rit, vide ut sine captione nostra fiat: mihi enim errata
 αἰτιολογῶντων τυπογράφων praestare te aequum est, atque e-
 tiam mea ipsius, si usu ita venerit: praesertim si Auto-
 graphis meis errata quoquo modo admissa (ut sis) oculos
 recognoscens fefellerint. Quidni enim id a te exigam,
 ut sciam te etiamque praestes existimationem meam? etiam-
 si merito te conquestum esse non inficio: quod uliochira no-
 stra negotium tibi non parvum exhibuissent: quem epi-
 stola tua locum cachinno effuso persecutus sum. Οὗ γε αὐ-
 τὸς κακῶς χειρογεγράφας, ὅμως ἐγκαλεῖν σοι κακογραφίας
 ὑπέρμενα, quanquam quod in te negligentia est, etiam est
 in me imperitia. Quare si mihi in posterum in eo indul-
 seris, per me licebit, ut quoquo modo scribas, ἡ δὲ ἡ
 ἡδὴ μετὰ σῶσιν τιθεμαι ἐφ' ὧς, αὐτὸς μὴ ἐγκαλεῖν ὑπερὸν μὴ
 ἐγκαλεῖσθαι. Epistolam unam meam vidi inter tuas impres-
 sam, in qua cum multa menda sunt, tum id molestum
 fuit, quod in fine quinque legitur pro quique, id est,
 ὅς, non parva meo dispendio: quippe qui bis trium filio-
 rum pater & unica filiola, ad quinque filios redactus sum,
 quasque jure duplici trium liberorum imminutus. Proin-
 de criminofam quamprimum dicam impressori tuo dicam,
 nisi id mihi damnum primo quoque tempore sarcietur;
 atque etiam tecum fortasse experiar, si ab ipso servare
 indemnem me non potero. Περὶ λεπτολογημάτων jam te
 conquiesse puto, & nostram satisfactionem accepisse.
 Quin tu ipse incommode interpretaris, qui id de scholiis
 in Novum Instrumentum, & rursus de paræmiis intelli-
 gis, quarum ipsarum voluntatem tantum abest, ut λεπτολο-
 γημάτων esse censeam, ut σεμνὴν ἡν λογοθήκη ἡ ἀξιοθέα-
 λον esse autem, utriusque lingua deliciis refertam & exor-
 natam: & si verbo Homericō uti mihi permittis, σιγα-
 λώσαν, tametsi ὡς δὲ θεοῖς πολλὸς εἶναι μοι δοκεῖς πρὸς
 τῷ παρομοιωθῆναι, ut obiter te recriminer, qui me eo no-
 mine notasti, quod manum tollere de tabula non nossem.
 Ne illud perplacet, quod scribis, nonnihil te monitis meis
 exstimulatum, ἢ ἐν τοῖς μὲν ἑσθῶ, ἐπιχειρήσεις τοῖς μέζον-
 τας φρονήμασι & χωρητικοῖς. Agedum, ἀναδέχομαι τέτταρ' ἡ
 ἐχρησμάτω κίνδυνον ἐφ' ὅπως με τοῖς κήμασι. Τί γὰρ
 ἂν ἐκαστοὺς αἰσῶν, ὡς θεοὶ πανάγαθοι, ὧν γὰρ δὴ αἱ μελ-
 ῖαι τ' οὐραῖαι, ἡ εἰς ἀκρον τ' παιδείας ἐξουσιάζονται δυνάμει
 ἂν ἐφικέσθαι. Hic tu delicias facis, mi Erasme, & pe-
 de, inquis, meo me metior, nec omnes Budæi sumus.
 Na cavillatorem quendam facetum & callidum esse te o-
 portet. Quasi vero quicquam mihi incommodius acci-
 dere possit, quam si pes meus cum eo pede componeretur,
 cui vix satis esse Maximini calcem possit. Ἡμῶν γοῦν παρ'
 αἰδήλους θεωρημάτων δυσμιολίων (εὖ φανῆναι ἂν ἐπ' ἀνάγκης. E-
 uim vero demitor, doosculor, amplector, suspicio tuum
 istud tam acre, tam exaltum, tam celere, tam pra-
 sens, tam sibi constans iudicium. Ut me uno obtutu to-
 tum perlustrasti, ut exeuissisti, ut penitus explorasti! Cer-
 te his literis omnem mihi spem fallendi tui in futurum
 praecidisti. Usque adeo omnes animi mei sensus velut quo-
 dam specillo pertentasti iudicii acrimonia, & tanquam
 ad manum me absentem inspicias, introspicias, perspicias: mi-
 hi adeo notior ipse esse cæpi, ex quo tu me considerasti, ex-
 pendisti, aestimasti. -Σὲ δ' οὗς ἀγχινοίας διδάμνεσθαις τε
 ἡ πάλιν ὀπισηχῶνς ἂν εἰ σύ γε πλείωνον τε ἡ μείζωνον ὀπι-
 σάλλοιο: si nostra illa iterum & tertium relegisses, & tu
 quisquis alius, & non Erasmus esses, quid tandem ultra ani-
 madvertere posses? At ego certo certius habeo vix tibi va-
 casse, quos tibi locos notaveram, vellicatim legere, oc-
 cupata jam mente in urgente negotio. Sed scilicet (ut
 ajunt) leonem ab ungibus, me vero etiam, ἡ τὸς τυ-
 χόντας, a digitis primoribus. Hic frontem perfricabo,
 ἡ ἐπὶ σὺ δικῶς δὲ σπουδάζων ἐνίστομαι ὅποιαν δὴ πόλε. Vi-

A deo enim qua tu vitio vertas, etiam si id dissimulas. Qua An.
 et si merito & acute notasti, (quo nomine ingentes tibi gra- 1516.
 tias debere me fateor, qui hoc precibus meis dederis) non
 tamen deterrebore, nec committam, ut mihi vel in ma-
 la causa adesse & superesse non potuisse dicar, quippe qui
 sum unus ex bonis illis viris, qui causam inferiorem, di-
 cendo facere superiorem non didicerunt quidem, sed disce-
 re conati sunt. Rem mihi tamen difficilem tu reddidisti,
 qui ita solerter & clementer officium inter amicum & e-
 mendatorem temperasti, ut de te quidem nec queri pos-
 sim si velim, ni improbius videri velim omni philocolace,
 sicque tibi nihilo secius utcumque negotium faceffam, ne
 argumentum non habeas epistola mea rescribendi. Ais,
 B qua nativam simplicitatem redolent, melius & gratius
 insidere in animos hominum, atque etiam intentioni ma-
 gis & labori lectorum lenocinari: à qua simplicitate cum
 longius recesserim, necessum est, ut non temere scriptorum
 meorum lectione deleatur, nisi doctissimus quisque lector,
 isque intentissimus. Hanc enim arbitror esse verborum tuo-
 rum sententiam, quoniam cum hac scriberem epistola tua
 penes me non erat, qua ut Apellis tabula quadam visen-
 da per amicos circumfertur, qui mihi eam extorserunt.
 Cetera addis eodem pertinentia de translationum usu fre-
 quenti ac pertinaci: quod ipsum utram in partem acce-
 peris latere me voluisti, certe intelligere non potui, etiam-
 si suspicor. Tum illud addis, τί ταῦτα πρὸς Διονύσιον; Hæc
 cum inficiari nequeam, reliquum est, ut excusare quo-
 quo modo contendam, cum pœnam deprecari in animum
 non induxerim: tametsi ea criminose non objeceris, utpote
 qui singulari dexteritate emendatoris usus, ea qua plane
 vituperare jure tuo poteras, in laude interim ponas repre-
 hendendo, ut hortari me magis certo quodam modo admo-
 nens erroris, quam deterere videare, & nihilominus cir-
 cumspectiorem in posterum & emendatiorem reddere, si
 quando auscultare meliori didicerim. Quid igitur hic pri-
 mum respondeam nescio, nisi si hoc dicam ἐπεὶ ἡδὲ δὲ μοι
 τὴν ἰδέαν τὴν ἡ δὲ λόγῳ, ὡς οὐκ ἂν φῆς δὲ πρὸς δὲ τὸς ἐν-
 τυχόντας τε ἡ τὸς ἐνδοξομένους αὐτῇ τῇ βίβλῳ, τὸς γε μὴ
 ἀκρῶς πεπαιδευμένους, μὴδ' ἐπιχρόνιας τ' ἔνν ἀνέως, sic re-
 D ferre mea id temporis existimabam, ut à paucis intelli-
 gerer: atque ita intelligerem, ut tamen, si res ita tulisset,
 in vulgus essem inficiando, quod quisque me dixisse pro ca-
 piti interpretaretur. Quare nonnulla αἰνιγματώδως ἐπέλη-
 δόσα, qua magna ex parte lucidiora fient altera Editio-
 ne ex persona & σχολιασῶν, ἢ αὐτὸς ὡσανεὶ ἀρνητικῶς ἐχοίμι ἡ
 ἀσφαλῶς, & nihilo secius animo meo obsequerem eis τὸ παρόν,
 id quod tu satis intelligens Loxian illum Delphicum imitari
 me dicis. Nostin' illud scitum Solomonis δόξα θεῶν κρύ-
 πτειν λόγον; noluit enim ille Sapiens, cum de arduis & ar-
 canis loqueretur, a profanis intelligi, ne à delicatis qui-
 dem, sicut nec ceteri oraculorum auctores. At sunt (in-
 quies) qua ab omnibus percipi intererat, neque in iis te
 E submittis ad popularem captum, mirum, quin ad ple-
 bejum. Nam ne argumentum quidem libri & explica-
 tio earum rerum, qua ab Alie & partibus ejus manant,
 nisi à semidoctis percipiuntur, ac ne ab ipsis quidem, ni-
 si attente, iterumque legentibus. Nullum intratibilibus
 argumentum suscipere, ἡδεμῶν πολυπαραμυνοῦσθαι ἐπὶ
 θεοῖς ὑποθέσθαι quisquam potuit, & ad extremum profer-
 re & absolvere. Neque id mihi primum in mentem ve-
 nit, ut aggrederer explicare. Nulla res fere tot manus
 irritas experta est. Οὐκ ἐστὶν ὅτῳ τ' δοκίμων ἡ ἐνδόξων τ'
 τε καὶ ἡμᾶς, ἡ τ' ἀνωθεν ἡ δὲ τ' ἐπολυπαραμυνοῦσθαι αὐτὸ, ἡδὲ
 ἂν ἐνα ὅροις μὴ σφαλέντα δὲ τ' θεμελίον ἀρχαῖ τ' ἀνωτά-
 τῳ, ὅμως μάλιστα αὐτὸς τ' ἀγνώτων ἀρεδὸν εἰς ὧν, τῶν ἑσῶς
 πάντων τετυχημένοι μοι δοκῶ, δι' ὅλον τε καθορθῶσαι, ὡς
 F ἐλέγξαι τις περὶ ὧν & σωλὲς μὲν ἡ ἐμῶς, οὐκ ἂν
 φθάνοι ποτὴν ἀναιδείαν τε ἡ ἀδύναμιν ὀφλῶν. Quod ad
 reliqua pertinet, sic sentio, quod φιλομελέτωρ εἰμι, id
 exemplo procerum Latina lingua facio, qui translationi
 primas partes in elocutione dederunt, iisque plurimum ipsi
 scribendo indulserunt, quod etiam φιλομελέτωρ, οὐκ ἂν
 ἡδὲ τ' ἐπὶ πρὸν id fecisse videor. Quis enim proborum
 & laudatorum scriptorum non grandia & dignationis, in-
 dignationisve plena, sublimiter & splendide dicere cona-
 tus

An. *tus est? nisi si quis excandescere, & quiritari non gran-*
 1316. *di voce potest. Cum tua lego ἐν τοῖς Σειληνοῖς, ἐν τῷ γλυ-*
κὺς ἀπείρω πόλεμῳ, quem nobis arrhabonem antipolemi
tui dedisti, idem propemodum argumentum vario nos ge-
nere tractasse existimo: ego ὅτι ἱεραρχικὰ τοῖς πολέμοις συ-
κεχυμένα, καὶ τῷ ὅσῳ τῶ ἀνθρώπων ὄξιν μετὰ χειρὸς ὁ
εἰς τὸ πλεῖν ἀνήκοντα, ἰδυόμενα, δέον αὐτὰς κηδεῖν τῷ ἐπ'
ἑαυτὸν φερόντων: id argumentum a te accepisse videbor, si
quis utrunque nostrum legerit: cum eadem de re eadem
prope dicam. Sed tu δὲ λαβῶς, ὁμιλητικῶς, ἀφελῶς, δη-
μαγωγικῶς, καὶ εἰς τῆς πίπαι καθεστηκῶς, ἀρμολογικῶς δὲ περὶ
τῷ θεολογικῷ ῥήματι, ὅπερ σὺ ἀρτίως ἐπαγγέρε. Εἰ γὰρ ὅ
ἀφελῶς, ἀδέως, ἐκθεσιαστικῶς, νεανικῶς, ἐπιδεικτικῶς, ἐ-
ρημαλισμένως, εἴθε δ' οὐκ ἀπειροκαλῶς. Ταῦτα ὅτι οἶμαι οὐκ
ἀρχημονεῖ ἐπὶ τῷ ἐλδθελαστικῷ. Δόξ γὰρ ἐπὶ τῇ παρρησίᾳ
φιλοημισμένως, ἢν σὺ ὡς ἀληθῶς φρασηκῶν ὠνομακας. Proin-
de nec tropis, nec numeris, nec reliquo apparatu epidicti-
co parce usus sum: nec translationibus, iis duntaxat, qua-
se benigne, non qua gravate obtulerunt. Nam eas pro-
caciter me accersisse, aut corrogasse impudenter, impro-
beve, tu sane non contendes, qui noris me instrumento &
ornamento non libenter uti translatione & protrito: nec
morose tibi videbuntur affectata, qua ducuntur a me, non
trahuntur, aut vexantur, nisi me longe fallit opinio. Tu
legibus adstrictior, Minervæ tuæ inservire te causaris,
quam vere popularem esse & corona jucundam tu recte
interpretaris: ego enim eo amplius & senatoriam esse di-
xerim & consularem, siquidem tam populariter apud o-
mnes ordines excipi scripta tua video, ut tibi jam invi-
deam. Sed quid facerem? operis blandimentis captus,
ut semel expassus velis abreptus sum in altum, nec colligere
vela, nec tenere modum fortasse velificando memi-
ni, ventis me permitto, & quo tulit cunque ἐκθεσιαστικῶς
auferor: interim etiam fortasse transversus agor, sicuti
vehementius efferbui. Quod tamen ipsum iudicii tui esse
volo. Id demum meminisse videor, ut cursus tenorem
eundem semper servem, ut semel capere impetum, aut a-
tique eadem a tergo jugiter adspirante, ut velis maxime,
non etiam remis, incitari me sentias, si propius accesseris,
ἰδὲν ὡς οἶδα ἐκείνους τῷ πνεύματι ἐκείνους ὅτι δόξ
ὁρμωμένους. Hoc flatu (leni quidem ipso, etiamsi valido)
blandiente, iactabunde (ut opinor) & astuose: sed secun-
do tamen fluctu, minimeque turbido deferri me iudicas.
Sed paucos lectorum assequi me posse dicis, tam procul e-
micanter ab eorum prospectu. Sit hoc verum: non enim
de eo tecum altercabor, id modo credere mihi permittas,
qui semel affectui fuerint, libenter in eandem contentio-
nem, rationemque dicendi incubituros, & longe fortasse
me relicturos. Tu in hoc certamine exercitior, & ar-
tis consultissimus, ita vela tua in potestate habes, ut le-
niter & compositè, & aquabiliter vehare per vada, per
alta, per brevina, per scopulos, & etiam medio in pella-
go καὶ κατ' ἔρον φερόμεν, non tam secundo fluctu, quam
flumine deferare. Rara est ista felicitas. Neque tu ta-
men interim, ὡς σεμνολογικῶς, eadem aura gloria non inci-
taris, sed rationem cursus tui novisti, & modicis com-
modioribusque velis uteris. Quare inter nos hoc interest,
quod qua tu fermocinantis more, & lepide & festiviter
dicis, hac ego concionabunde quidem, non tamen imma-
ni voce, sed exaudibili effero, vel etiam vociferor. Sic-
que fortasse ego vim affero, tu eblandiris & impetras:
ego irrumpo, tu irrepis: ego πανοπλίαν ἐνυμνῶ τῷ τῷ
νεανικῶν, tu ὑμνοπλῶν: tu minore, sed certo conatu: e-
go ingenti, reduclisque supra modum brachiis, non idem,
quod tu, efficio. Denique quod oppugnantem, expugnan-
tem, propugnantem deceat tu melius nosti, palastramque
illam philosophicam tenes, ego ἀπάλαστος pra fervore des-
tinatum impeto. Sint ista sane vera, nihil, ut arbi-
tror, ulterius de me censere potes. Sic apud illos mayo-
rum gentium scriptores, sua cuiusque semper fuit nota:
sic semper natura tulit, ut vel vitis nostri indulgeamus,
vel invitis nobis se proferant. Tutiora ista, nec proinde
exultantia te decent, sed & grandia decebunt cum vo-
les, & ad summa plausibiliter assurges, denique nihil
non assequere, si paulum adnitare: nec minus ego te

A *novi, quam tu me. Plus ego mihi impero, aut amplius, An.*
 1316. *etiamsi nihil ultra vires exigo: tu nimium tibi indul-*
ges, & intra facilitatem, ac citra impetum incitaris,
quare ad nova semper capeffenda integrum te omnes esse
mirantur, nunquam fatisciente animo: quippe qui nun-
quam specimen sui a sese exegerit, & qui assiduo labore
potius quam intenso documentum sui prabeat, etsi id
alius prater te nemo efficere queat. Equidem calamum
deducere meum ad vulgi humilitatem non tam facile
mihi persuaserim, cum hac ἀξιώματικῶς scribo, non è
medio sumpta, quam ad eorum imitationem concinna-
re, qui admirationem sui posteris reliquerunt. Si an-
 B *notationes jam diu desitas aliquando resumpsero, dedu-*
ctiore filo utendum meminero, in ea textura, qua po-
pulari trutina omnino expendenda est, copia neutrobi-
que deficior, ut arbitror. Sed hac tibi fastidium pe-
perisse videtur, etiamsi mihi indulgens, alienum ma-
gis iudicium quam tuum interponis. Eodem certe ten-
dimus, nisi conjectura me fallit. Καὶ γὰρ τοι δόξαν ἀμ-
φω οὐκ εἰκάειν, ἢ τῷ τυχῶσαν, ἰδὲν ὡς ἀν' τυχοῖ μέτρη-
σὺ δὲ καὶ μεταθεῖς, qui nunquam interquiescis. Ἀμέλει
ἐφάμιλλον τ' ἀγῶνα τέλει, ἢ τῷ ἐν ἀξιώματι τῷ τῷ παιδείας μί-
μησις, ἡμῖν τε καὶ πᾶσι τοῖς γε τῷ καλῷ ὁρεγομένοις ἀπέφη-
νε, καὶ ὡς φιλοσώφες, σὺ redigere te in ordinem non ille-
pide dudum cæperis, quo Theologum magis agas, aut i-
 C *stis Theologis tuam probes industriam. Id etiam tu (si*
diis placet) cum ad me scribens placere me mihi jubes.
Quod autem τὸ φιλοσόφημα τῶν τῶν τῶν τῶν τῶν τῶν
βίβλων, ἰδὲν περὶ τῶν τῶν τῶν τῶν τῶν τῶν τῶν
(sic enim sentire videre) qui minus mihi quam tibi con-
nectere res diversissimas licuit! Tu Silenos & Paulos per-
sonas inter se dissidentes, planipedesque petulantes cum he-
roica gravitate, & Liberalia cum Eleusiniis istius fa-
cundia glutino copulasti, ad unguem exacta commissura,
oculosque fallente, versatilesque ibidem scenam mundi
ostendens, novas rerum facies, & antea inauditas stupen-
tibus nobis edidisti. Τί γὰρ τῶν τῶν τῶν τῶν τῶν τῶν
τῶν τῶν τῶν τῶν τῶν τῶν τῶν τῶν τῶν τῶν τῶν
 D *ab Ithyphallorum propemodum carminibus mutuari. Id-*
que in rem tuam haud dubie vertisti. Quid huius simile
in meo Asse legisti? cuius hunc esse scopum intelligere te
volo, ut patefactis prisci avi conditoris, claustrisque omni-
bis referatis, Ægyptiorum opes, & Chaldaeorum (ut
elogia vestra loquuntur) longo intervallo promptas, in publi-
cumque prolatis, ac are nobis equali astimatas, ab uno me
collybista, multo maiores fuisse ostenderem hominum opi-
nione, & eas tamen, quamlibet magnas, nihil aliud esse,
quam titonarii cuiusdam opulentiam: eosque, qui hac ma-
nera hodie omni ope persequuntur, de asini (quod ajunt)
umbra contendere: quo ab errore cum philosophia vindicare
 E *studiosos sui possit, veratque homini gloriam immortalem-*
que parere, quid in germana philosophia, quoque ad eam
pactio adspirare & evadere studiosissimi literarum possint,
explicare dicendo conatus sum. Hac cum de Tractatu De
Asse, rebusque in eo proditiis, ita coherere censeo, ut lu-
mina cum umbris in pictura, si modo decenter & apte ea,
quam vocant barmogen, uti mihi contigit: utrum ista e-
loqui non tota contentione potui, aut tanta contentioni non
omni ope, omnibusque adeo opibus asservire? Tuum est
istud, qui per sublimia volare, aut raptim, aut remis-
se ita soles, ut alas non quatiās: hoc tandem deprecor,
ne mihi fraudi sit uno aut altero loco longiusculas digres-
 F *siones fecisse: easque res velut emblemata locis quibusdam*
hiulcis inferuisse: qua sibi non perinde opportunum locum
privatim dicatis operibus invenissent, id quod ipse εὐσέχως
existimasti. Latere tamen te nolo, librum cum De Asse
altera editione publicatum esse: multo locupletiores, si
quando forte tibi vacet non legere, sed evolvere, & sin-
gulis pagellis in quaterniones defungi. Quod sequitur,
addubitare me facit. Video te (inquis) parabolis im-
pense delectari, quas & raras, & insigniter arduas ha-
bes: sed quam semel amplexus es, ab ea divelli non potes.
Βλέπ' ὅτι τοῖς λόγοις καὶ περὶ (μὴ) ὡς ταῖς τοῖς τρόποις
ὑπερ εὐ με χηρίσασθαι. Hoc enim recte uti esse censebam,
 cum

An. contendam. Itaque jam tecum societatem amicorum coeo, 1516. si per te licet: praesertim cum me etiam ipsum, non meos tantum, tuum feceris: ut jam sit illud inter nos pactum non vulgaris amicitia, his verbis bona fide conceptum: αἱ ἡμετέρας καὶ ὑμετέρας συνουσίαι εἰς τὸ πάντοτε καὶ ἀσύντρεχτον. Tamen video in hac me societate non aequas partes laturum, idē ē δικαίων τὸ δόξον. Siquidem illi ipsi jam tuorum scriptorum amantiores cupidioresque facti sunt quam meorum: quapropter tuam gloriam non modo nostris, sed etiam omnium prope dixerim aequalium luminibus officere intelligo: usque adeo ab omnibus adamare & suspicere, ut ne obrectare quidem hic tibi quisquam audeat, si maxime cupiat. Quod librum nostrum nemini privatim dicavimus, malo te causam quamvis suspicari, quam a me certius fieri. Obviam aliquot jam mensibus Jacobo Fabro factus sum, dum villam meam viscerem: is tunc me oravit, ut verbis suis te saluarem, excusaremque adversam valetudinem ejus, quod ad te non scriberet: tanta enim infirmitate erat, & adhuc est hodie, (ad me enim hodie amicū quendam suum misit) ut ne epistolam quidem dictare possit. Nosti hominem esse non modo doctum, sed etiam probum. Finem hic, ut arbitror, epistola faciam: licet summa voluptate oblecter ad te scribens, maestitiamque animi mei ex infirma valetudine fruster: sed hinc tu, literas tuas etiam ultimis longiores, hoc labore paciscor, ac jure meo postulo. Spero autem te ab editis illis Hieronymi voluminibus aliquid sumpturum laxamenti, & μετὰ τὴν σχολαστικὴν ὑμῶν ἀπολαύσειν εἶναι. Mi Erasme, Erasme mi, imo vero Erasme noster, ὡς εἰς τὴν φιλοσοφίαν, & ἐκείνης κοινῆς ἡμῶν, πρὸς τὴν Διὸς τὴν Φιλίαν, ὡς εἰς τὴν δόξην εἶναι & θαυμασίαν & ἡλικιωτῶν δόξαν (ἀπείρητον & φρόνητον) παρδοκίμησας, πρὸς τὴν ἀφύμναι εἶναι ταύτης διγνώμονος τε & ὁμιλικῆς & χαρὸν ἢ θεοφάνειας, μὴ ἀνέστης, μὴ ἀμελήσῃς, μὴ ἀμνημονήσῃς ὁμιλικῆς τε, & πρὸς ἐπιστάτην ἐμοί τῃ & τοῖς φίλοις μὲν, & πολλοῖς ἴστο ποιῆν, ὅπως οὖνο τοῦτον & ἡλικιωτῶν φιλοπονημάτων: sic denique ista tua pax Penia, invisa tibi, longissime a te fassat, sic tibi nuncium remittat, sic contubernium renunciet, & semel te tuamque domum averteretur, ut tu in hoc mihi obsecutus fueris. Σκόπη δὲ ὅπως μὴ ἔτι μὲν ἐπὶ ἐνασχολήσῃ, ὥστε μὴ σχολῶν ἀγειν τὸ καθήκον θεωρεῖν. Ἐρρωτο δὲ ἀγαθὴ λύχη πέχητο, & νῆ Δία κεχρύσωτό γε, & μετὰ τὴν φιλόχρηστον γένεο: ἐμοί δὲ ὁ θεὸς οὐ βάλει χεῖρ. Χρονία γὰρ τοι εἰς δυστυχίαν χεῖρ ὅποια δὴ ποτε τύχη ἐξέμαθον χεῖρ ἄλγος, ὥστε ἡ αὐτάρκης & μεγαλόδοτος φιλοσοφία ἰδίον ἐαυτῆς ἐμὲ χρονία νομῇ ἐποιήσας: ἡνίκα αὐτὴν conditores τῶν δεκαετίων & εἰκοσαετίων longam possessionem vocant, qua rerum dominia quaerī statuerunt τοῖς καλῇ πίστιν νεομυθίοις. At ego jam annos quinque & viginti bona fide servio studio literarum: ὥστε & πολλὰν γε ἀποροῖν, ἐνίοτε ἐδενὸς ἐν χρεῖα καθεστῆναι μοι δοκῶ. ἡνίκα γε δὴ ἡ ἐξομῆς με φιλοσοφία & ἐμὴν φρενὴν κεκεράσκειν, αὐτάρκως αὐτὴ χορηγῆσιν ἐμοί τε & τοῖς φιλάτοις μὲν καὶ επαγγελῆσιν. Ἐπειδὴν δὲ αὐτὴν τρεῖς ἡμέρας καθ' ἣν ἂν αἰτίαν τύχη ἀφημερέσω τε & ἀποκοιήσω ταύτης, τότε δὴ τότε αἰσθάνομαι τὴν μαλακολογίαν αὐτῆς (εἰ δέ μιν εἰπὼν) ὁπδαφιλοδομήσας μάτῳ & φιλοδομήσας ὅτι τῇ πολυδορεῖ πρὸς τὰς ἐλυγχανονίας. Ἀλλὰ μετὰ τὴν ὑμῶν τοῖς μελετωρολογίαις τε, & τοῖς τῶν σοφῶν συγγραμμάτοις ἀνέκτους ἀπληροῦσι, τὰ ἀκυροβόλια & ἐλπίδων. Ἐν γὰρ τῇ βίᾳ τῇ διδασκαλῇ ἐξέρχεται. Ἡμῖν δὲ τοῖς μὴ ἔπω & φιλοσοφίας καρπῶν ἀπολαύσειν, ἢ τε συνουσίας γυναικὸς & τῶν φίλων ἀγάπην παρενοχλεῖ. Quod si quando isti inauratores vendicare te sibi institerint, (absit enim ut ultro in eorum te servitutem & mancipium addicas) ipsa hominum vel virorum potius assertrix Philosophia, qua mihi haecenus in iudicio assertionis affuit, ἀπαρῶνται & οἱ δὲ τῶν τῶν δολαγωγῶν, & τῇ μακροτέρῃ χρόνῳ ἀνέλεχον ὡς δὲ ἀπαρῶνται. Sin tu ἐβελόδωκας ποτὲ status tui controversiam pati non recusaris, aliudve quippiam in istius doctrina suggillationem admiseris, denuncio me tibi oblocutorem acerrimum futurum, ne dicas non praedictum. Eo die, quo hac scripsi post meridiem, Ascensius Badius deducendos ad me curavit nobiles duos viros; alterum Neapolitanum, alterum Hispanum: quorum nomina si tenerem, huic epi-

A stola infernissem: si amore literarum ducti, ad me se venisse ajebant, fama (quantulacunque est) nominis nostri excitati: his literas ad te datum me spondendi, auebant enim te videre, ut ex iis intellexi: habebam epistolam in scheda compositam, hanc in pura charta iterum mihi scribere necesse fuit, & quoniam postridie mane discessuros se dicebant, post cenam lucubrare, id quod nunquam soleo, homo scilicet gravedinosus, ut si quis unquam. Si igitur haec ad te pervenerint, facito ut primo quoque tempore sciam, ne me laborem perdidisse doleam, & Deloium nostrum, qui ad multam noctem literas ad me misit, quae tabellarium expectabant. Κακογεφύρας σφάλματ' non necesse habeo deprecari, cum & noctu & festinate scripserim, oculis cecutientibus post cibum. Ἐρρωτο πάλιν Φελέων, qui te non Budaeum esse dicis, sed Erasum, neοκινῶν εἶναι, id est, tui Corinthum adire. Vale etiam nunc iterum, & ἀγέλας τῶν πρὸς τὰς ἡμετέρας λόγους & σωτηρίας διδόντων. Parisiis 27. Octobris An. 1516.

Habeo annotationunculas aliquot in Novum Testamentum, quas Annotationibus in Pandectas, quas aliquando editurus sum, inserendas servabam: sed post te verbum nunquam faciam, ne absurdus esse videar, si post Homerum errores Ulyssis scribam, & alioqui ne improbitatis me damnem. Si tibi igitur usui futura sunt, donabuntur, ne pereant.

Facito me certiore posthac ubi futurus sis.

EPISTOLA CCXXI.

Erasmus Budae suo S.D.

MIRVM in modum delectatus sum proximis tuis literis, eruditissime Budae, erant enim non solum eruditae, quod quidem ut tibi perpetuum est, ita mihi jam novum esse non potest, verum etiam gratius, leporibus, salibus, sic undique scatentes, ut nemo sit tam ἀγέλας, quin his legendis hilarescat. Adest hic Cuthbertus Tonstallus apud Anglos scriniis praefectus, fui Regis nomine apud Carolum Principem nostrum Orator, vir praeter utranque literaturam, qua nemine suorum non superat, iudicio excusso, ac naris emundissimae, tum modestia quadam inaudita, postremo moribus festivis, ac citra gravitatis detrimentum amoenis. Huic (quo me beatum duco) ἐμολογῶντες εἶμι. Itaque crebro tuis literis bellariorum vice reficimur. Nam dici vix potest, quantopere vir is suspiciat eruditionem tuam, quam alioqui nemo non admiratur, nisi qui non intelligit. Nam sancte dejerat neminem omnium & νεωτερικῶν argutius aut elegantius scripsisse Graece quam Budaeum. At idem non negat tibi Romanum sermonem non solum esse purissimum, castissimumque, verum etiam uberem ac locupletem. Ceterum, ut paucis jam ad tuas respondeam literas, primum molestis quibusdam οἰκίσαι & αἰλῆς negotiis odiose distentus, deinde ἀπρόσωτος ἔχων ob pituitam, nae tu familiariter & amice facis, quod me ob neglectius scriptam epistolam sic μυστιγῶς. At vide quantum profecerim, πολυχρόνῳ δὲ, male scribere didici. Quanto tu consultus, qui recte scribendo & τῶν λαχνηραφῶν es affectus: quanquam est, quo crimen hoc partim elevare queam, partim in te retorquere, hoc est, ἀνικαληγορεῖν. Primum enim vide ne parum civile sit ab homine magnis voluminibus describendis occupato, ad haec cui nonnunquam uno die viginti sint scribendae epistolae, literas accurate scriptas, velut ab otioso flagitare. Quod si laborem iterum mea describere, prorsus impar sum oneri ferendo: sin id muneris aliis delegem, vix quinque ministri suffecerint. Atqui uxor illa mea, in quam tu falsissime ludis, vix unicum ali finit, adeo domi regnat imperiosa, domina verius quam uxor. Jam quantopere te torserit scheda, ut vocas, nostra, nescio. Illud scio, tuam illam putam epistolam tantum negotii nobis exhibuisse, ut mihi fuerit hifce digitis denuo perscribenda, quo posset primum a nobis, deinde ab eruditis amicis legi, siquidem antea vix a me ipso, a ceteris omnino non legebatur. Non tam ob id, quod indiligenter scri-

An. scripsisses, sed quod tuo more. Quanquam huic incommodo sic facile medeberis, si curaris ut frequentes huc tuæ commeent literæ, sic enim tua manus nobis reddetur familiarior. Quod λεπτολογημάτων vertis in συγγραμμάτων, equidem protinus agnovi, risique Aristophanicam illam ἐπανορθώσεως στροφῇ, ἢ κύκλοφαι, ἀλλ' ἤρπαιας. De lucubrationibus nostris amo te, qui mecum sentias, tantum abest, ut sim reclamaturus: verum, quod tu de *Copia* sentis, *Luciani* Dialogis, & *Catunculo* restituto, id ipse de cæteris item omnibus sentiendum puto. Nam ut est majusculum Adagiorum volumen, ita argumento quid esse potest humilior? Et tamen ita mihi videor in eo versatus, ut superiores omneis vicerim: quorum sane existent monumenta. Tum quæ functio potest esse in sacris Literis humilior, quam ea, quam nos in Novo suscepimus Testamento? Minoribus vigiliis constaturum erat nobis longe splendidius argumentum. At quid facias, si his minutis sum natus? Neque enim (ut mihi quidem videtur) tam reprehendi mereor, qui argumenta hujusmodi suscipiam, quam laudari, quod juxta præceptum *Horatianum* expendens,

quid ferre recusent,

Quid valeant humeri,

abstineam ab his, quæ sustinere non queam. Tibi fortassis debetur venia, qui studio quodam immodico mei cæcutiens, me posse credis quod non possum. Mihi laus etiam, qui meipsum meo metiens pede, mecum hauiem, & norim quam sit mihi curta supellex. Jam periculum quod ostendis ne nomen meum tot libellis obsoleat, id vero ne tantulum quidem me commovet. Quicquid hoc est, famæ verius quam gloriæ, quod mihi meæ peperere lucubrationes, æquissimo animo lubensque posuerim, si liceat. Alios alia delectant studia. Et aliis in rebus alii valent. Nec omnium idem est genius. Mihi cordi est, in hujusmodi frivolis philosophari, in quibus & minus video nugacitatis, & aliquanto plus fructus, quam in magnificis illis, ut ipsis videtur, argumentis. Denique qui unum hoc spectat, non ut sese ostendet, sed ut profit: huic non perinde refert in quam splendidis versetur, atque in quam utilibus. Non refugiam etiam illo contemptissimo *Catunculo* contemptiora, modo sensero ad provehenda bona studia conducere. Non scribuntur hæc *Persis* ac *Laliis*, pueris & crassulis scribuntur. Et vide, doctissime *Budæe*, quam verum est illud *Flacci* nostri,

Tres mihi convivia prope dissentire videntur,
Poscentes vario multum diversa palato.

Copiam, quam nos contemnimus, (nam hic sane ὁμόφθοι sumus) complures & ἱερογόνων laudibus vehunt: asseverantes nullum unquam Opus à me scriptum, vel æque frugiferum vel dexterius. Quanquam hac in parte non satis video quomodo sibi constet tua sententia. Incusaveras quod humiliora susciperem argumenta, eaque præriperem inferioris notæ Scriptoribus: hic sugillas quod argumento suscepto parum responderim. Atqui longe diversum opinor crimen est, ob jacentem, parumque sibi notum animum, indigna te aggredi: & ea suscipere, quæ suscepta sustinere non possis. Nolim hæc in eam interpreteris partem, mi *Budæe*, quasi quicquam tuis literis offender, sed quod non illibenter cum amico festivissimo simul & doctissimo Συμπαίζομαι ἢ Συμφιλοσοφῶ. Titulus tibi videtur magnum quiddam polliceri. Cæterum non probas, quod ea ex locis sumpserim communibus, id sentiens, uti conjecto, è vulgatis ac passim obviis auctoribus desumpta. Sed quid facias, si præterea nemo quicquam de *Copia* præcepit? *Fabius* paucis attigit modo. *Trapezuntius Hermogenis* compilator copiose pollicetur de *Copia*; at cum pollicitantem usque sequenti mihi jam vertigo capitis oboriretur, nihil unquam de *Copia* comperi, quod alicujus esse momenti videretur. *Veneria* ἢ τὰ τῷ Εὐμογένης διήλθον magis quam legi. Nec apud hunc reperi, quod usui futurum videretur. Post editum Opus, comperi apud *Rodolphum Agricolam* nonnihil: quem virum si fatorum invidia superesse voluisset, haberet Ger-

mania quem *Italici* opponeret, qualem nunc habet An. *Gallia Budæum*, sed unum. Equidem videbam exemplis ex optimis auctoribus allegandis permultum majestatis accessurum Operi, verum partim horrebam voluminum magnitudinem, partim perisset utilitas iis, quibus labor ille peculiariter defudabat: quando nunc quoque passim queruntur literatores, argutius esse Opus, quam ut à mediocriter doctis possit intelligi. Jam vero quod te movet mediocrium causa, quibus nolis suam provinciam præripi, eodem argumento detertere poteris, ne quicquam omnino scriberemus: nam si magna suscipimus, ea præripiemus majoribus, si mediocria, mediocribus, si infima, infimis. Quin illud nemo nescit, omnibus in medio palmam esse positam, qui artem tractant Musicam. Liberum est cuivis & post meam editam *Copiam*, de *Copia* præcipere. Mihi sat laudis est, quod de ea vel primus prodiderim aliquid, vel diligentius & exactius cæteris, id quod ipse, ni fallor, non inficias ibis. Age vero, quam falsum illud, quod scribis exemplum tuarum literarum tibi domi servatum in scheda, ne quando tecum, ut ais, obsignatis literis acerbius agam. At quid tandem tibi profuerit ista tua cautio, postquam ad judices ventum erit? Tu chirographum proferes, ego item ἀυτόγραφον, sed tu schedam, ego puram putam epistolam. Negare non potes, talem ipse vis videri: sed οὐκ ἔστι λεπτολογημάτων nimium fortassis diu λεπτολογῆναι. Cæterum, ut feriis agamus: Agnosco nonnihil, optime *Budæe*, meam indigentiam, vel potius infelicitatem. Et tamen tuis animati literis fortassis audebimus nonnihil μεγαλοφρονέεσθαι, quod utinam tam feliciter succedat, quam tu confidis: ἢ πάντες ἀνδρός. Nec omnes *Budæi* sumus. Non sum ex eorum numero, qui nihil, nisi quod ipsi faciunt, rectum putant. Suspicio tuam istam exactam diligentiam, animique sublimitatem & argumentis & ipsa phrasi sese proferentem. Recte hæc suscipit *Budæus*, qui præstare potest, cujusque virium est, ex Ἀσσε τοιαῦτα, ἢ τοιαῦτα, ἢ παιδείας τάλαντα depromere. Decet hæc eum, qui de *Galliarum* publica laude cum *Italici* μονομαχείῃ, cui cum *Hermolais* & *Pliniis* concertatio est: denique *Gallum* ista decet μεγαλοφρονέειν, non *Hollandum*, & ἵνα συλήσῃν λέξω, *Budæum* decet, non *Erasmum*. Sed o Deum immortalem, quid ego audio? uxorem ne meam haud longe abfuisse à tuo contubernio? quanta felicitas vacare zelytypia. Utinam illa jamdudum aliquo demigrasset, non in tuas ædes, in quas optarim omnes bonas felicitates simul commigrasse, posteaquam eas tu gratiarum & omnium virtutum domicilium ac sedem reddidisti: sed vel ad Fratres *Franciscanos* hujus procos, vel ad alios, si qui vehementius etiam adament. Quanquam (ut joculari definam) mea tenuitas mihi non admodum displicet. Alioqui licuerat jam olim augere rem, ni semper hoc animo fuisset, ut mallet expeditam fortunam quam amplam. Et magnus ille meus *Mecenas Caniniensis* tantum sua benignitate suppeditat, quantum huic ocio, quantum huic animo satis est. Neque quicquam ambio apud benignissimum Principem meum: sed mihi parum humanum videbatur primum tali Principi, deinde patriæ sic efflagitanti meum hoc quaecunque obsequium pernegare. Illud mihi vehementer molestum, mi *Budæe*, adesse *Peniam*, non item adesse Philologiam, hoc est, umbram adesse, non adesse corpus. Fortunatissimus mihi viderer, si utraque mihi συνίστατο esset. At vide ne cui, quod scribis, αὐτοῦτον videatur, tibi rem esse cum *Penia*, cum eodem tempore duas ædifices villas; easque, ut ipse fateris, *Lucullianas*. Porro quod jocularis esse periculum, ne quando me deferat literarum amor posteaquam contigerit inaurari; quod ad hanc sane rem attinet, in utramvis aurem otiosum te dormire jubeo. Neque enim aut hujusmodi sunt tempora, aut ejusmodi præsentis aulæ status, ut inaurantur, qui sic ambiunt, hoc est, qui pene fugitant. Hactenus exauramur & exhaurimur largiter, at auri ne tenuissima quidem adhuc accessit bracteola. Quanquam ut nihil unquam accedat, jam nunc omnia me debere sentio, vel opti-

An. mo Principi Carolo, vel omnibus omnium virtutum
1516. numeris absoluto Joanni Sylvagio Burgundia Cancellario: qui talem quandam heroa præbet nostræ ditioni, qualem pridem ille, vel tuo unius præconio futurus immortalis, à Rupeforti Guido tuæ præstitit Gallia. Τὸν ἡπείρωτον ἀρρώστιαν ἡπείρωτοι Ζεὺς ὁ ὑπερμετής, ὡς ὁ μὴ-εὐκὼς λείψω, cum mea sententia dignus sis cui contingat τὸ ἔ τιθάνῃ γῆρας. Sed spero fore, ut ætatis progressu commodior sit valetudo. Id quod haud sane paucis usu venisse scio. Nos præter ἀρρώστιαν non crebram modo, verum pene perpetuam, jam pulsat etiam τὸ χαλεπὸν γῆρας, νόσημα φυσικόν, ἢ τὰτῃ ἔνεκα ἀνίαλον. Ludis tu quidem tota epistola: quæ res mihi non mediocri voluptati fuit, ut quæ mihi testaretur Budæum non tantum incolumem esse, verum etiam alacrem ac lubentem. O te felicem, cui liceat ad istum modum frui literis! At non alibi magis videre mihi ludere, quam ubi serio jam agere videri vis. Negas tibi persuaderi posse, libros tuos à nobis legi, nisi si quis amicorum, inter confabulandum orta tui mentione, fuisset anagnostes. Adeon' me aut fastidiosum existimas, ut legere graver tam erudita? aut adeo inhumanum, ne dicam invidum, ut talis amici lucubrationibus parum delecter? Imo ne sis insciens, nihil est omnino tuorum studiorum, quod non inter præcipuos auctores nostra habeat bibliotheca. Annotations tuas in *Pandectas*, & *Assem*, oraculorum instar habeo: ad quæ confugere soleo, si quid ambigo, nec ab istis vulgatis auctoribus succurritur. Neque vero me piget aut pudet, *Budæum* inter probatos jam & ævo consecratos auctores testem adducere. Cur enim vivis hoc honoris invidemus, si modo promereantur? cur non potius id eruditioni tribuamus, quod vulgus temporis,

Qui redit ad fastos, & virtutem æstimat annis, ut ait *Flaccus*? Loca tamen si jam ante non omnino indiligenter legeram, tuo monitu relegi. Ob primum illum non mediocriter tibi debent bonæ literæ, atque harum candidati, quarum causam tam gnaviter agis. Vero verius est quod scribis: nulla regio non gignit eximia ingenia, si modo sint, qui foveant, provehantque. At iis, quorum arbitrio res fere versantur mortaliū, nihil æque invisum, ac ea studia sine quibus nec homines sumus. In secundo sæpe demiratus sum tuam istam εἰς ἀληθείας θεολογικὴν παρρησίαν, ἐδὲ τὴν ἀρχιερέως αὐτῷ φειδόμενῃ, sed primum ἀσφαλέστερον ἢ ἀνυδρωτέρον δάμναι τὸ δοθέν. Deinde prodest hac quidem in parte, quod à paucissimis intelligitur τὸ δῆγμα; siquidem cum ubique sic intendas eloquentiæ tuæ nervos, ut non *Mida*, sed *Apollineis* auribus canere videaris, tamen illic data opera Λυκοφρόνιον τι miscuisti, *Loxian* quempiam nobis referens. Idque magis etiam facis in priore illa stomachatione: quam nec ipse quivi intelligere, quod res ipsas parum notas habeam, & tu nomina suppressis. Jam in operis calce mire philosopharis cum tuo *Delio*, viro jam olim mihi cognito ex *Coleti* prædicatione: deinde ex congressu quoque prius *Aurelia*, mox *Parisiis*. At hic quoque Deum immortalem, qua vehementia, qua libertate κατὰ βαρυνέας ἢ ἀσθενέας εἰς τὰς ἱεράς τὰς νύκ. Sed illud quam festivum, exis, ut de tuo ingenio pronunciem, quasi vero is sim, qui vel assequar rarissimas istas ac pene divinas animi tui dotes. De *Budæo* jamdudum eruditissimorum hominum senatus magno consensu pronunciat. Quorum sententiæ si subscripsero, quantulum fuerit hoc momenti, quod unius homunculi plebeji possit adferre calculus? Sin dissentiam, quis ferat impudentiam? Cum tua lego, mi *Budæe*, videre videor locupletissimum quandam patremfamilias, non qualis fuit *Lucullus*, cui plura domi erant, quæ fallerent dominum, quemadmodum inquit *Horatius*, & prodesse furibus: sed non minus diligentem, quam locupletem, cui suæ opes & probe cognitæ sint, ac singulis in suos digestis nidulos, cuncta in procinctu sint, ac velut in numerato. Præstant hoc tibi partim accuratissimi indices, quos olim in hunc u-

sum ad omnes tuos codices parasti: partim atque adeo multo maxime felicissima ista memoria, & quovis indice fidelior: unde fieri video, ut aliquoties insignium rerum hinc atque hinc sese confertim offerentium copia velut obruaris ac degravaris, neque finaris manum de tabula tollere. Atque ita accidit fortassis, ut lector ceu conviva fastidiosus alicubi modum apparatus in te desideret. Ad hæc cum nihil usquam esse patiaris, nec in rebus, nec in verbis, quod cum vulgo trivialeque tibi commune sit, hoc est, quod non insigne sit & exquisitum, eque penitissimis Musarum adytis depromptum, nusquam remissus, nusquam oscitans, sed semper urgens, & instans tibi: fieri necessum est, ut non temere tuis delectetur, nisi lector egregie doctus, & idem otiosus, nec minus interim attentus, atque is plus prope laboret legendo, quam tu scribendo. Nam tibi quidem eam facultatem diutinus jam & exactissimus dicendi, scribendique usus peperit, ut ea quoque tibi citra curam fluant, quæ nobis magno studio videantur elaborata. Jam animadverto te metaphoris ac parabolis impendio delectari: quas habes plerasque mire raras, & insigniter argutas, sed quam semel amplexus sis, ab ea vix unquam divelli potes: unde fit, ut cum totus sermo gemmeus sit potius quam gemmis distinctus, nonnihil videatur à naturali simplicitate recedere. Atqui cum in iis, quæ constant artificio, alios alia capiant: quod nativum sit, id occulta quadam vi tangit & allicit omnes, nec paulo jucundius irrepit & illabatur in animos hominum, veluti cognatum. Nam quod ubique πάντων φιλόπατρις es, à multis laudi dabitur, à nemine non facile condonabitur: quanquam φιλοσοφικώτερον est mea sententia, sic de rebus & hominibus agere, ut mundum hunc communem omnium patriam esse ducamus, etiam si pulcherrimam orbis Christiani partem *Galliam* esse fatear. Ad hæc, dum in παρεκβάσεις eruditissimas simul & amœnissimas crebrius exspatialis, & in his longule commoraris, periculum fortassis est, ne quis morosior ita secum cogitet: præclara quidem hæc & splendida, sed ut olim, τί ταῦτα πρὸς τὸ Διόνυσον, ita quid ista ad *Assem*? Cæterum ego & video, ni fallor, & probo tuum hac in re consilium. Istiusmodi locos aliquot tibi paraveras, u-
f. furus simul atque incidisset occasio. Eos non incallide miscuisti argumento quanquam alieniori: ut hac arte pariter & laterent fallerentque τὰς βεβήλους, & legerentur ab eruditissimis & candidis, nec unquam intercederent intermixta rebus, vel ob solam utilitatem victuris. Unum illud non satis potui conjectare, quo tandem consilio Opus tam eximium, & dubio procul immortale futurum, nemini volueris dicare nominatim. Neque enim dubito, quin id certo aliquo consilio sit factum. Video quidem jamdudum, quam sim ineptus, qui de tuo ingenio extra omnem aleam censuræ posito quicquam judicem. Sed quid facerem? Ita jubet *Budæus*. Minus improbum arbitror ineptire, quam tibi parum esse morigerum. Neque tamen hæc dixerim, quod ullam ingenii dotem in tuis scriptis desiderem, aut ullo offendar incommodo. Primum enim admodum sim incivis, si me in corpore tam specioso unus aut alter nævus offendant. Deinde sic amo *Budæum*, ut etiam si quis inesset nævus, is meis oculis blanditurus sit. Neque tamen usque adeo amore tui cæcutio, quin illud vere perspexisse me credam, nihil hæcenus produxisse *Gallias*, quod cum ingenii tui monumentis in certamen venire possit, & tamen omnibus à tergo relictis, quotidie temetipsum superas. Bene vale, ἢ οἰκοδόμησον ἀγαθὴ τύχη, ut summam votorum habeas, & tu mihi aliquando gratulari possis παλῆρυσω, ego tibi *Lucullo*. *Bruxellis* 28. Octobris, Anno 1516.

EPISTOLA CCXXII.

Erasmus Roterod. Petro Ægidio S.

SALVE, charissime *Petre*. Per omnia sacra te oro, ut fortem humanæ conditionis forti feras animo.
De

An. De patre bene spero, sed tamen si quid accadat, cave
1516. ne duos simul amittam. Quid juvat inanis, imo no-
xius dolor? Mone *Nicolaum* inprimis, ut rem diffimu-
let, neque cuiquam effutiat ad quem adeat in *Angliam*,
aut cuius nomine accersitus: etsi non eat, tamen ta-
ceat: fingat causam à vera alienissimam. Rem ex se-
cretarii literis, & ex *Jacobi* mei sermone cognosces.
Bene vale, amicorum optime, & virum te præbe, imo
memineris hominem esse te, & vitæ hujus fabulam
age. Bene precor tuis omnibus, & in primis optimo
patri. Scripsi *Baniso*. *Lovanii* 3. Novembris.

Mi anime, post istas procellas insignem aliquam fe-
renitatem expecta, atque illi te serva. Rursum vale.
Si quid opus erit vel in tuo negotio, vel in negotio
Nicolai, ipse advolabo. Anno 1516.

EPISTOLA CCXXIII.

Ludovicus Berus Erasmo Roterodamo S. D.

QVEMADMODUM quotidiana lucubrationum tua-
rum lectio, Erasme amicorum integerrime, incredibi-
li animum meum semper afficit voluptate: ita dici non
queat, quam me oblectant literæ tuæ, quibus de felici
statu tuo me certiores reddidisti. Itaque cum amicorum
omnia sint communia, mihi equidem gaudeo, tuæque di-
gnitatis summa gratulor, de tam honorifica, & ubere à
Principe oblata Præbenda canonica, de qua tam prospero
veram tuarum successu, ut fortuna, literarum & virtu-
tis studiosis semper novescere solita, abs te quemadmodum
conscripta, ita & victa, & prorsus tibi dedita videatur.
Nec obrectatorum quorundam insania, magis quidem e-
laborantium, ut accuratissima tua scripta, & exquisitio-
rem doctrinam, aliqua ex parte falso calumniantur, quam
ut sane cum fructu intelligant, felicitatem tuam immi-
nuere poterit, sed augebit potius. Quæ enim spes gloria,
si nulla victoria? Victoria autem quæ locus esse potest,
ubi pugna non est? Sed neque desunt, nec unquam dee-
runt Erasmo doctissimi & optimi patroni, quanquam i-
pse sibi abunde & patronus, & semper (Deo duce) futu-
rus est victor gloriosus. Literas tuas, ac item Archiepi-
scopi Cantuariensis, ad reverendum dominum Basilien-
sem, ejus reverenda paternitati diligenter reddendas cu-
ravi. Aliarum etiam literarum exempla ad me trans-
missa, mihi quidem abs te munus gratissimum, commu-
nibus amicis nostris (ut decebat) communicavi. Vale sem-
per felix in CHRISTO. Ex adibus nostris Basilea 12.
Novembris, Anno Domini 1516.

EPISTOLA CCXXIV.

Ludovicus Canossa, Episcopus Bajocensis, Erasmo
Roterodamo S. D.

Ea semper mihi voluntas, ea mens, is animus fuit, ut
quandocunque per fortunam aliquanto favorabiliorem
liceret, & studiis bonis nostrum omne otium applicarem,
& studiosum aliquem, literatumque hominem do-
mi foverem. Itaque mihi persuasum cum sit, eum te,
Erasme, esse, quem animo ipse concipio, quemque unum
in primis una mecum esse ac vivere exopto, cuius videli-
cet & singulari ingenio recreari, & literatis colloquiis
frui, & multiplici etiam doctrina pasci, atque erudiri
valeam: dignum equidem putavi, simul atque Christi-
anissimi hujus Regis (apud quem summi Pontificis Oratorem
ago) benignitate ac favore, Bajocensi Ecclesia me licet
immerentem summus ipse Pontifex præfecit, tibi fortunam
hanc nostram statim nunciare, teque insuper hortari &
invitare, si commodo tuo ad me demigrare potes, una me-
cum deinceps commoraturus, excepturum te me, si non
omnino ut ipso mereris, at saltem pro virium nostrarum
quantulacunque facultate: curaturumque ut & Erasmo
quantum in me erit satisfaciam, & Erasmus ad Bajo-
censem Antistitem accessisse penitere nunquam debeat.
Quem tamisper dum beneficiis amplioribus ornavero, an-
nua ducentorum ducatorum pensione honestabo, præter
tuam ac famulæ tuam, itemque equorum duorum impen-

A fam. Bene vale, & mihi animum tuum renuncia. Am-
bosia 13. Novembris, Anno 1516. 1516.

EPISTOLA CCXXV.

Erasmus Ammonio suo S. D.

ΠΡΟΣ τὸ διδάσκειν τὸ εἶναι, καὶ τὸ εἶναι διδασκῶντα,
sic & illam tibi propriam ac perpetuam esse velint
superi, & hanc mihi leviolem, Ammoni humanissime,
urge literis tuis *Wigorniensem*, ut quam primum expli-
ceatur nostrum negotium. Favent omnes ferme hujus
aulæ proceres, & cum primis Cancellarius, ac Rex
ipse. Audio Theologos, nescio quos, moliri, ut pu-
blico mandato delegetur Scholæ *Lodoviciensi*, & hujus
germanæ *Coloniensis*, metorum voluminum examinatio:
quod si sit, primum habent quod agant in biennium:
deinde quisquis delegabit examinationem, eadem ope-
ra mandabit *Græca Latinaque* linguæ peritiam, qua il-
li ex æquo vacant: tametsi reor hoc ἀνεμῶλον fore:
nam & hic optimi quique mihi favent, & inter Theo-
logos quoque primores bene volunt. Scripsi de meo
negotio ante dies aliquot per curforem *Tonstalicum*:
is homo magnifice de te, tuoque ingenio sentit. A-
junt brevi summorum Principum conventum fore *Ca-*
meraci, *Maximiliani*, Regis *Gallorum*, & nostri *Ca-*
roli: ibi de pace nunquam interrumpenda tractabitur.
C Iterum atque iterum te rogo, mi *Andrea*, ut mature-
tur, quoad fieri potest, quod agimus. Ego præsta-
bo, ne possim meo merito dici ingratus. Bene vale.
29. Decembris, Anno 1516.

EPISTOLA CCXXVI.

Bilibaldus Pirck. Erasmo suo S. D.

REM gratam, vir præstantissime, non solum mihi, sed
pluribus tuis fecisti amicis, cum certiores me red-
dideris, quam valeas, quid nam, & ubi agas. In pri-
mis itaque placet in tantorum te esse dignatione Regum:
verum displicet illorum affectum iam diu effectum haud
D sortiri: siquidem non verba magnifica quæpiam opulentio-
rem reddunt, sed in actione demum omnis laus virtutis
consistit. Novus ego præbe conditiones Principum, utpote
diutius inter hos versatus, & eorum promissionibus vel di-
tissimus: quibus tamen si sustentari deberem, bonis (ut
ajunt) sæpe dentibus male comedere cogerer. Sed plerum-
que ita evenit, ut qui vel maxime bona fortuna sint di-
gni, illa careant: sed quid dico careant, cum sapiam hi,
qui male fortunati censentur, omnium sint fortunatissimi,
et si opulenti sint minime? Quis enim te fortunatior? qui
non externis bonis tibi laudem peperisti, sed virtute &
eruditione ita excellis, ut non solum in vita sis clarissi-
mus, sed & immortalitatem & quidem vivens induisse
videaris. Sed de his satis, ne adulari videar. Gratum
fuit, mi Erasme, tibi meas non usquequaque displicuisse
nugas: longe vero gratius, quod tam sincere & candide,
quid non probes ostendis: quod profecto minime faceres,
nisi me & vehementer quidem amares, nisi mea ex omni
parte absoluta esse cuperes. Verum nosti, nemini unquam
excusationem defuisse, ac maxime unumquemque in pro-
pria defensione ingeniosum esse. Ne igitur in hac parte
solus hebes videar, benigne excusationem meam audi.
Atqui nolo cantilenam eam prætere, homo sum variis
negotii tam publicis quam privatis implicatus: ac potius
ardore quopiam stimulatus, quam vera ratione ductus,
scripsi, scriptaque precipitanter emisi: nam in promptu
esset Catonis illud, sed tacere poteras. Verum audi.
Non ego, ornatisime mi Erasme, eos homines, qui in
catalogo nostro recensentur, omnes honoris gratia appella-
vi. Minime enim me latet, indoctos doctis, ac impro-
bos bonis permixtos esse: & quod plus aliquis miretur,
inimicos amicis. Verum docti & boni laude digni erant,
boni vero & potentes quamvis non admodum eruditi, qua-
si pro vallo malis objiciendi: at docti, sed minus boni,
vel socii dubii incitandi, aut confirmandi: inimici vero
inimicis suspecti reddendi. Nec opinione penitus deceptus
sum,

An. sum, majores enim quam sub initium putaveram, tur-
 1516. bas concitavi: non solum enim vacillantes stabilivi, sed
 & plerisque ad nos traduxi, ita ut verbis & scriptis rem
 nostram defenderint. Quin inimicorum nostrorum ami-
 cissimos ac fautores quosdam in suspicionem ingentem, &
 non parvum perduxi odium: nisi forte reprehendendum
 censes, quod crabrones cum crabronibus commiserim: &
 quod risum mihi ciet, coguntur sanctissimi viri conceptam
 indignationem suppressere, & laudem molestissimam lata
 fronte dissimulare: non quod ita me ament, sed quia me
 rebus suis & prodesse & obesse posse cognorunt. Nosti e-
 nim quam soleant omnia ex commodo suo metiri, sed id
 sub prae-textu honesto. Maluisses dein, dum in dialecti-
 cos exspatior, me ceteris intactis hoc solum agere quod a-
 gebam. Atque fateor, mi Erasme, hac potius animi
 quodam impetu, quam judicio praemeditato sub initium
 conscripta esse: verum cum fervor ille, seu, ut rectius
 dicam, perturbatio aliquantisper deferbuisse, pleraque
 male concocta esse * digesta, multa immutata, nonnulla pe-
 nitius oblitterata ac deleta: & quamvis mihi tum quod
 agebam agere viderer, (siquidem demonstrare volebam
 Reuchlinomastiges, non solum improbos, sed & peni-
 tus indoctos & barbaros esse, ac Luciani instar, quasi
 per transennam ostendere, quantum eis ad perfectam de-
 1516. esset eruditionem) omnino tamen egressionem illam abole-
 re decreveram, sed reclamantibus amicis, contra men-
 tis voluntatem intacta remansit. Quin tum prae-dixi fore,
 ut ad ingenii seu eruditionis potius ostentationem, quam
 ad rem, de qua agebatur, pertinere videretur. Proinde
 etsi facta infecta fieri nequeant, ideo tamen placent quia
 tuam amicissimam suscitavit admonitionem, & quae lon-
 ge mihi gratior fuit quam si te cuncta probare scripsisses.
 Nam plane liquet te nostris mentem adhibuisse, & non
 minimam curam existimationis mea gerere, in qua re
 plane benevolum & verum te ostendis amicum. Utinam
 tibi pares gratias aliquando referre possim. Facerem ide-
 quidem non tam benigne, quam libenter, utpote homini
 omnium qui vivunt amantissimo & observando. De Reu-
 cholino-Zoilis nil scribo, siquidem nil tui disertis & ve-
 rissimis scriptis addi poterat. Valeant igitur. Audio eos
 nescio quid per idolum suum contra me moliri, sed quic-
 quid id sit, parum me movebit: tamdiu enim jam in
 publicum verborum, ut injurias & calumnias non solum pa-
 tienter ferre, sed & irridere didicerim. Sed audi, obse-
 cro, quid nefandi nebulones egere. Cum Joannem Reu-
 chlein undique oppugnassent, tandem Principis sui, quod
 semper timui, nescio quibus fraudibus indignationem con-
 citarunt: id ne in extremam calamitatem hominem con-
 jiciat vehementer timeo, nec eum a Tyranni faucibus,
 nisi Deus eripiet. Vide, mi Erasme, quid iniquitas non
 audeat, praecipue illorum hominum, qui populi devorant
 peccata, coelique claudendi & reserandi se jui habere
 existimant. Novum Testamentum tuum avidè expecta-
 mus, quin & Pauli magni enarrationes. Verum injuri-
 sumus, cum tu tam multa praestes, nos vero in dies alia
 postulemus. Sed tu in causa es, qui nos semper allicias,
 nunquam tamen exsatis: vel, ut verius dicam, avari-
 tia nostra nos reddit insatiabiles. Apologiam tuam non
 sine animi dolore legi, non quia amico ficto fictis respondes
 verbis, sed quia vereor ne majores inde concitentur tur-
 ba: quamvis te plerisque causis coactum fuisse recte con-
 siderem, ut acrius insurgeres. Sed licet aliquando, imo
 necesse est incandescere, si pacem habere velimus, quam
 absque bello consequi minime possumus. Vale, mi erudi-
 tissime Erasme, & bene vale, meque ut facis ama, qua
 re nil mihi gratius evenire poterit. Utinam te aliquando
 coram cernere possim: utinam tibi in mentem veniat, ut
 me aliquando visites, nam id te fecisse non poenitebit, id-
 que absque incommodo fiet, si unquam Basileam profici-
 sci volueris. Senties equidem benevolentiam meam, non
 verbis, sed re ipsa, & si non eam qua dignus es, sed eam
 saltem, qua opus erit nostra. Iterum vale, literarum decus
 eximium. Nurenberga 31. Decembris, Anno 1516.

* Essent legitur in Bilibaldi Pirckh. Epist. p. m. 270.

EPISTOLA CCXXVII.

Thomas Morus Erasmo Rot. suo S. D.

POSTEA QUAM à nobis digressus es, Erasme charissi-
 me, ter omnino literas abs te recepi: si toties dicam
 rescripsisse, fidem fortasse mihi non es habiturus, etiam si
 sanctissime mentiar: praesertim cum ipse me tam probe no-
 scas, & ad scribendas epistolas pigrum, neque tam super-
 stitiose veracem, ut mendaciorum usquequaque velut par-
 ricidium abominer. Pacæus noster isthic legatione fungi-
 tur, quanquam non prorsus istic; ita enim abest à nobis,
 ut tamen non adsit tibi. Per literas enim nobiscum ei li-
 cet loqui, praesenti vero nec tecum: utinam re bene gesta
 brevi redeat domum, ut dimidia saltem mei pars mecum
 vivat. Nam te quando liceat expectare non video, cui
 animus est Italiam petere, ubi in eos insides, qui vereor,
 ut te patiantur avelli. Ego interim videor mihi dimidio
 carere, dum abest ille: altero dimidio, dum tu. Speropro-
 pediem fore, ut illi egregia aliqua, dignaque illo viro for-
 tuna contingat. Ita plane sentio, & Regis animam, & Car-
 dinalis voluntatem, & bonorum prorsus omnium studia, in
 eum ornandum evolvendumque propendere. De te veroni-
 si me mea spes tam saepe frustraretur, etiam multo majora
 sperarem, quanquam nunc quoque bene sperare quid ve-
 tat? Neque enim quia parum processit hactenus, ideo futu-
 ri quoque spes adempta est, imo nunc maxime confido.
 Neque eadem perpetuo cuiquam est fortuna, neque diu-
 tius potest esse maligna tibi, cui Pontifex, Reges, Epi-
 scopi, omnes prope mortales, quaque versus orbis patet Chri-
 stianus, impendio favent, ac demirantur. Apud nos qua-
 in te animo sint Episcopi, & seorsum Cantuariensis, tum
 Princeps ipse quo te favore complectitur, supervacaneum
 foret commemorare. At quod hactenus nullum in te bene-
 ficium aut te dignum, aut tam magno tantorum amore
 virorum provenerit: partim tute, qui neglexeris ea quae
 ambiunt alii; partim nescio qua fortuna fuit in causa,
 veluti nunc quoque accidit, de illo Canonatu, quem vo-
 cant, Tornacensi: quem dominus Montjois obtinuerat
 tibi, videris nunc ab eo non abhorre. Scribis enim om-
 nia te misisse instrumenta Montjoio, quae ad eum tibi
 conferendum viderentur idonea. At ego, si meministi,
 cum esses mecum Brugis, ea de re sermonem habui te-
 cum, in quo tu enumeratis omnibus ejus beneficiis commo-
 dis & incommodis item, alieno esse animo videbare: nec id
 celsi Sampsonem, quise Tornaci gerit Eboracensis E-
 piscopi vicarium; in quam sententiam non hoc te solum
 impellebat, quod verebare ne non esset tibi perpetuus, ni-
 si alterius etiam Episcopi consensus accessisset, à quo non ex-
 spectabas, ut illius factum haberet ratum, cuius omnia
 facta conatur infringere: sed illud quoque quod prae-
 quam quod propemodum decem libra nostrates illico tibi in
 primo erant ingressu numeranda, domus praeterea ducen-
 tis nobilibus, aut pluris etiam redimenda: ea est ibi con-
 suetudo, cui nisi parueris, vix sex nobiles annuos conse-
 queris, at nec illos quidem, quantum accepi, nisi tibi per-
 petuo degas. His tu rationibus adductus, mihi ac Sam-
 psoni videbare illum Canonatum non admissurus. Paulo
 posteaquam tu à me discesseras, ego Tornacum concessi,
 ibi à domino Montjoio atque item à Sampsonem audiui,
 Archiepiscopum Eboracensem utrique eorum scripsisse, ut
 id beneficium donaretur alii, cui (ut videbatur) fuerat
 pollicitus, quum ignoraret tibi fuisse destinatum. Hoc ego
 quum audiui, dissimulato quod intellexi, beneficium ani-
 mo non admodum respondere tuo, suavi ut rescriberent ti-
 bi esse concessum: remque in eo esse statum, ut mutari non
 posset, nisi tibi de meliore fortuna prius esset provisum.
 Rescripsi Eboracensis eum locum haudquaquam fore ido-
 neum tibi, quod & praesenti parum esset locuples, & nihil
 adferret absenti, se sponsolem acciperent melioris tibi con-
 ferendi: ita quum ego aderam, nec me certe dissuaden-
 te, decreverant; illud beneficium ei donare, cui vo-
 lebat Episcopus. Quid sit factum postea, nescio. Verum
 hoc scio, nisi illud habeas, Cardinalem & pinguius tibi
 debere, & brevi spero persoluturum. Amicissimam saepe
 de

An. de te mentionem injicit. Pensionem tuam non erat opus
 1516. ut ego ab Episcopo exigere: ipse enim ex semina matris,
 priusquam meas accepisset literas, egerat de ea re cum
 Maruffo, cuius ad hac (na scis) negotia opera semper u-
 titur, interim etiam pecuniâ, quoad collata ratione, sta-
 tis temporibus, paria inter se faciat. Verum pretius ha-
 bitis literis meis (nam versabatur Oxfordiæ) iterum ho-
 minem extimulat per epistolam, ut viginti libras nostras
 celeriter ad te transmitteret; pollicitus eas Maruffo
 redditurum se, ubi primum ex tuo chirographo cognovisset
 eas ad te esse perlatas. Conveni Maruffum, ipse ait se
 scripturum tibi, ut chirographum properes ad se mittere,
 quo te testeris accepisse pecuniam, quo ad Episcopum de-
 lato, nummos ea velut occasione sibi numeratos, tum de-
 mum ad te curaret perferendos. Ego quum hac audirem,
 veritus sum aliquid subesse periculi, ne si pecunia jam tum
 non solveretur ei, ea mora vicissim derivaretur in te. Er-
 go non est, inquam, hac simulatione opus; aut pecuniam illico
 mitte, Episcopi nomine ac fide: aut si, nisi prius receptum,
 graveris impendere, efficiam protinus; ut in manu habeas:
 imo, inquit ille, nihil est quod metuas: nam sic agam,
 ut Erasmo statim hac pecunia adsit, quin jam nunc quo-
 que adest: nam habet à me chirographum, quo possit ubi
 volet ducatos mille confiscare: è quibus quicquid acceperit,
 debet hoc mihi, sic enim inter nos convenit, ex hac pen-
 sione resolveri. Hac ille dicit. Ego vix credo nisi collata
 prius in ejus mensam pecunia, ullas eum literas tibi pro-
 conficienda pecunia tradidisse. Quare si res secus habet
 quam dicit, effice mature ut intelligam. Archiepiscopus
 Cantuariensis officio Cancellarii, cuius onus jam aliquot,
 ut scis, annos, mirum quam laborabat exequere, tan-
 dem exsolutus est: ac desideratum jam diu secretum va-
 letus, gratissimo inter literas ocio, ac negotiorum bene ab
 se gestorum recordatione perficitur. Princeps ei Cardina-
 lem suffecit Eboracensem, qui ita se gerit, ut spem quo-
 que omnium, quanquam pro reliquis ejus virtutibus ma-
 ximam, longe tamen exsuperet, & (quod est difficilli-
 mum) etiam post optimum decessorem valde probetur, ac
 placeat. Nostra legatio, quamquam hac quoque tibi cura
 est, ut mea omnia, satis feliciter processit, nisi quod longi-
 ore tractu, quam aut speravi, aut volui, respatulata
 est. Etenim quum damo discedens, vix bimestrem ab-
 sentiam expectaverim, ultra sex menses in ea legatione
 contrivi. Verum longam tandem moram exitus satis gra-
 tus est insequutus. Ergo ubi negotium, quamobrem ip-
 se veneram, ad finem vixi perductum, & alia taman
 rursus ex aliis nasci, quae longioris mora viderentur eni-
 tia (neque enim unquam inter Principes desunt) datis ad
 Cardinalem literis, redeundi veniam impetravi mihi: u-
 sus ad eam rem cum ceterarum amicorum opera, tum
 praecipue Pacæi, neque enim adhuc abierat. Sed dum
 redeo Gravelinii subito occurri, idque tam prope festi-
 nantis, ut vix ei liceret, dum nos matino salutaremus,
 subsistere. Tonstallus jam nuperrime reversus, dies vix
 decem hic moratus, nec ullo tampe eorum pro suo arbi-
 trio suaviter acto, sed omni eo tempore anxie atque odio-
 se consumpto, in eorum expositione rerum, quas Legatus
 in mandatis habuerat: ecce rursus eodem subito nova le-
 gatione retruditur, idque certe scio, si negare liceret,
 invitisissimus. Mihi nunquam admodum Legati munus ar-
 risi. Neque videtur perinde nobis laicis quam sacerdoti-
 bus convenire vobis, qui primum uxores ac liberos, aut
 domi non habetis, aut ubique reperitis. Nos sibi pau-
 lum absumus, conjugum protinus ac sebolis desiderio re-
 vocamur. Deinde sacerdos quum emittitur, totam fami-
 liam potest ubi velit circumducere, & regis interim ex-
 pensis pascere, quos domi pasturus erat suis: ut mihi ab-
 senti duplex alenda familia; altera domi, altera pere-
 gre. Commeatus mihi satis havigue dabatur à Rege, pro
 eorum numero, quos eduxi mecum: verum eorum, quos
 interim necesse fuit domi relinquere, nulla est habita ra-
 tio: à quibus ego, quanquam scis, quam clemens mari-
 tus, quam indulgens pater, quam mitis dominus, tamen
 ne tantulum quidem quivi impetrare, ut mea causa tan-
 tisper quoad domum redirem, joanni perfficerent. Postre-

A mo sacerdotibus laborum atque impensarum gratiam au-
 ctamentis Ecclesiasticis proclive est Principibus sine ullo
 sumptu suo rependere. Nobis neque tam laute, neque tam
 facile prospicitur: quanquam mihi revertenti pensio annua
 ab Rege decreta est, eaque plane, seu quis honorem spe-
 ctet, seu fructum, neutiquam contemnenda: quam ego
 tamen hactenus recusavi; videorque mihi perpetuo recu-
 saturus: quod ea suscepta praesens hac mea in urbe condi-
 tio, quam ego etiam meliori antepono, aut mihi foret
 relinquenda, aut, quod minime vellem, cum aliqua ci-
 vium offensione retinenda: quibus si qua cum Principe,
 quod nunquam accidit, oriretur de privilegiis qua-
 stio, minus me sincerum ac sibi fidum ducerent, tanquam
 annuis Principi mercedibus obstrictum. Ceterum, in illa
 mea legatione quadam me impendio delectarunt. Primum,
 tam longum ac tam perpetuum Tonstalli contubernium,
 quo ut nemo est omnibus bonis literis instructior, nemo vi-
 tia, moribusque severior, ita nemo est usquam in convi-
 ctu jucundior. Deinde, quod cum Bullidio mihi inter-
 cessit amicitia, qui me, & pro egregia fortuna sua ma-
 gnifice, & pro animi bonitate comiter recepit. Domum
 tam singulari artificio excultam, tam eximia suppellectile
 instructam ostendit. Ad hac tot vetustatis monumenta,
 quorum me scis esse percipidum. Postremo, tam egregie
 refertam bibliothecam, & ipsius pectus quavis etiam bi-
 bliotheca refertius, ut me plane obstupesceret. Eum au-
 dio jam nunc ad Principem nostrum legatione functurum.
 Sed in tota peregrinatione mea nihil mihi contigit optatius,
 quam Petri Aegidii Antuerpiensis hospitis tui consuetu-
 do, hominis tam docti, faceti, modesti, ac vere amici,
 ut persam nisi ejus unius convivium libenter mihi velim
 bona mearum fortunarum parte redimere. Is ad me misit
 Apologiam tuam, & Commentarios item in Psalmum il-
 lum, Beatus vir, quos tu Beato Rhenano, vel tanto,
 ac tam perpetuo amici monumento vere beato dedicasti.
 Dorpius epistolam suam imprimendam curavit, & Apo-
 logia tua proponendam. Illum optaveram, si qua incidisset
 occasio, convenire. Id quando non licuit, per epistolam sal-
 tem salutavi, imo per epistolium quoddam Laconicum,
 nam longiori non suppetebat tempus: at insalutatum prae-
 terire non potui hominem, qui mihi mirum in modum,
 cum ob eximiam eruditionem, tum multis etiam aliis no-
 minibus placet, nec ideo in postremis, quod taxata Mo-
 ria, scribenda tibi Apologia praeiit occasionem. Gan-
 deo Hieronymum, ac Novum Testamentum tam be-
 ne procedere: mirum est quanto undique desiderio ex-
 spectantur ab omnibus. Linacer, mihi crede, Erasme,
 de te & optime sentit, & ubique loquitur, id quod e-
 go nuper ab his accepi, qui ei amantissime atque ef-
 fusissime apud Regem in cena de te loquenti affuerunt: quo
 in sermone Rex ea vicissim respondit, ut hi, qui mihi re-
 tulerunt, opinionem plane conceperint fore, ut brevi ali-
 quid egregia in te fortuna conferatur, quod ego superos
 precor ut ratum esse velint. Vale, Erasme charissime, &
 Rhenanum ac Lystrum meo nomine saluta, quos ego
 & tua predicatione, & ipsorum scriptis, & chariores
 habeo, & penitus etiam notos, quam multos ex his, qui-
 buscum verfor quotidie. Uxor mea te salutat, & item
 Clemens, qui literis & Latinis & Graecis ita proficit in
 dies, ut non exiguum de eo spem concipiam, futurum
 eum aliquando & patria & literis ornamento. Iterum va-
 le, atque his unis literis in multos menses esto contentus,
 quibus avaros sum imitatus: qui quod raro quencquam
 invitant, si quando ad cenam vocant, prolixissime con-
 vivium instruunt, ut una cena quotidianum sumptum
 invitandi effugiant. Jam tertio vale: Episcopus Dunel-
 mensis inscriptionem Senecæ gratissimam habuit. Vide
 quam te libenter imiter, qui tibi nunc isidem, ut tu na-
 per mihi, aliena manu scribo, tam certus imitator, ut
 ne hoc quidem meapte manu fuerim adscripturus, nisi ut
 certum tibi facerem, literas has meas esse. Londino, An-
 no 1516.

An.
1516.

EPISTOLA CCXXVIII.

Ricardus Bartholinus Erasmo Rot. S. D.

VENISSEM ad te, suavissime Erasme, nisi nuncio, qui crastinam profectiorem significavit, impeditus fuisset: nolui tamen ut tuis fraudareris praconiis, mitto igitur natalem tuum versibus & pluribus & concinnis celebratum: auctor est Gaspar Velius, juvenis tum Latini, tum Graeci literis non mediocriter eruditus, aulicus noster, ac nominis tui amantiissimus. Scripsit ad me, ut lineas subjicerem, si qua forent qua minus feliciter essent composita. Perlegi omnes cursim, dum iterum attentius rem scrutor, quadam in prima statim fronte animadverti: non quia ferula mea digna viderentur, sed ut tuum iudicium obvium haberet, si quid correctioni sua resarciendum esset. Ego provinciam prosequi haud potui, tibi onus incumbit, quoniam in tui natalis laudem scripti sunt, ut quam candidissimi prodeant. De ingenio autem hoc affirmare ausim, me hominem in Germania similem huic reperisse neminem. Vale, & me & Paulum literarum tuarum aliquando participes facias.

G. VRSINI VELII,
SLESII GERMANI,

Genethliacon

DESIDERII ERASMI.

NATALIS rediit dies Erasmi,
Partus conscia lux beata magni,
Fausto sydere, sole gratulante,
Et diis auspiciis favente coelo
Adfensu genii beatioris
Exsultantibus Aonos puellis,
Phaëbo dulcius accinente carmen.

Ad communia sacra jam frequentes,
Et natalitias adeste pompas,
Quorum frons hedera viret sequaci,
Et Parnassia luculenta Daphne
Lambit tempora, quosque semidivos
Virtus nobilitat, manusque bello
Non instrenua, quosque semidivos
Vatum carmina naviter bearunt.

Hac nil candidius die, Batavis
Illuxit, populisque, quos inundant
Ister maximus, auriferque Rhenus,
Qua lætus puer extulit sub auras
Tam sanctum caput: affuit beatæ
Dextra Juno facilissima parenti.
Ter Lucina vocata, ter repressit
Ultro parturientis hæc dolorem.
Extemplo positum est onus suave,
Et felix utero recessit infans,
Vitæ ad munera, luminis sub oras.
Natum prima vocat recens Erasmus
Divorum monitu beata mater,
Rebus nomen & omen auspicatum,
Ut quo nil meliusque, gratiusque
Largiri potuere fata nobis,
Nil concedere dii queunt benigni,
Majus nec dederunt prius, dabuntque.

Nati lanificæ manum foreores
Admorunt niveis repente filis,
Et lætos glomerant dies benignæ.

Porro, limen ad extimum comatus
Magnæ Cynthius adstitit parentis,
Vitæ cum cecinit Deus, futurum
Divino Pataram ore cursum,
Et sanctam pueri indolem retexit
Foetusque ingenii laboriosos.

Cum Phaëbo cecinere tum puellæ
Hippocrenides, audiit sub imis
Rhenus fluctibus, extulitque canum
Rauco fonte caput, simul lacertos

A Muscoso levat uvidus ab antro.
Infuctæ stupet evocatus amnis
Blanda ad murmura vocis, & novarum
Miratus faciem nimis dearum
Intonsique Dei fides canoras,
Mox cursum requievit incitatum,
Cum Læonius interim Phænetes
Et carmen cecinere tale Musæ,
Sed divinius ore grandiori,

Terris orte puer modo Batavis
Accessure meæ novum cohorti,
Et primum decus ævitatis hujus,
Summis maeste bonis. Tibi ecce fontes

B Pandit Cyrrha suos, & ampliori
Vena Pierii fluunt liquores:
Atque arces referat suas Citheron,
Et sacrum penetralius recludit
Imis ex adytis. Puer Latina
Junges Pallada Cecropis Minerva
Admirantibus omnibus vicissim
Romanis simul, & simul Pelasgis.

Quin sub tempus idem, probe rotundo
Ore, atque eloquio disertiore
Infectabere Barbaros magistros,
Incultamque redargues loquelam,
Infanas & ineptias refelles
Sana mente, severitate justa.

C Post idem reducem suis Philippum
Regnis usque ab Ibericis profectum
Verbis excipies: & universi
Consensu populique, patriæque
Dices nomine gratulationem:
Casus difficiles, iterque durum,
Attactumque Britannia minaci
Tempestate solum: proinde gestas
Tot res egregie domi forisque
Ingenti simul explicabis ore,
Regis quo nihil orbis ante majus
Vidisset, propria hæc tibi fuissent
D Si Germania dona, Cesarique
Æqua mente Disperserit faveret.

Verum heu vocibus usque luctuosus
Immaturum obitum, necemque acerbam
Deflebis juvenis, manumque duram
Et fati violentiam maligni
Inculabis, & usque & usque amaras
Nequicquam querimonias profundes.

Exin majus opus reconditumque
Nulli consimili modo priorum
Tentatum aggredi, quodque abunde
Diversa scatet eruditione.

E Non calle ingredieris ante trito,
Nec vestigia nota consecutus,
Aut pressa alterius solo meabis.
Et jam Græca Paræmia & Latina
Terfa fronte aperitur explicata.
Dii quantum est operis? quid hoc librorum?

Pleno est copia florulenta cornu.
Tum Græci generosus Euripidis
Assumens tragicam severitatem,
Ad proscenia Romuli vocabis:
Cum vates opera tua Pelasgus
Fortunas Agamemnonis cadentes
F Et fletus Hecubæ amarulentos
Orchestra bene ductus in Latinam
Romano gravis intonabit ore.

Plutarchi tetricas subinde chartas,
Necnon scommata falsa Luciani,
Queis mores hominum suave carpit,
Illuditque deis, nihil verendo,
Donabis nivea Latinitate.
Dein mentes hominum libidinosas,
Necnon pectora cæca pravitate,
Et vitæ tenebras periculosæ
Scite nomine Moria notabis.

An.
1516.

Scri-

An. Scribes milite digna Christiano,
 1516. Et quæ vir sapiens bonusque vitet
 Trades, quæque sequatur examuffim.
 Tum vero sua Principes docebis
 Quæ sint officia: & quibus reguntur
 Gentes artibus, & tenentur urbes.
 Purgabis veteres Sophon libellos
 Mendis: interituque vindicabis
 Scripturas *Seneca* catas severi.
 Et sanctos *Hieronymi* labores
 Antiquum revocabis ad nitorem.
 Legum denique sacra tu novarum
 Cunctis Biblia rectius legenda
 Et *Græcis* dabis, & dabis *Latinis*.
 Tu quicquid rigida phrasi per orbem
 Ætas prisca rudisque publicavit,
Pauli dogmata, & irreprehenfa *Christi*
 Edicta, ac monitus benigniores
 Trades omnia puriore lingua,
 Divinæ bonitate fretus auræ.
 Ostendes duce coelitus favore,
 Quanta numinis incitata flamma
 Summi buccina patris inter ægros
 Tum degens homines, salutis auctor
 Et vitæ melioris excitator,
 Princeps luminis, ore quo profari,
Christus vel potuit, vel est locutus.
 Mystes sacrificus Dei subinde
 Placabis prece cœlites, & aras
 Collustrabis odoribus *Sabeis*,
 Semper rite litabis adprecatus.
 Tu decreta Dei atque jura coeli
 Perscrutabere funditus, perennem
 Callebis sapientiam deorum
 Supremis animum artibus colendo,
 Quæ posthac pius omnibus repandens
 Magnis digna diis, loqueris unus.
 Sed cum livor odax, & invidendi
 Infelix rabies, sibi que tantum
 Importuna lues, & atra pestis,
 Summis imminet subinde rebus:
 Nil acti cruciabili furore
 Vecordes tibi *Zoili*, tot uni
 Vasta intemperie sua nocebunt,
 Non impune tibi graves futuri.
 Latratus facies pili improborum.
 Pelles insidias furentum inanes,
 Vim rupturus & impetum malorum,
 Et linguas cohibebis impudentes.
 Quin plures veluti manu retuli
 Convicti rationibus disertis.
Entello tibi concident *Daretas*.
 Cui poenas tibi sunt daturi eadem,
 Quas victus mihi *Marsias* pependit
 Detracta cute, nudus & cruentus.
 At longum fuerit, nimisque longum
 Complecti numero tuos labores,
 Et producere cuncta nominatim.
 Ex te, sicut *Hymettis* ab alveis
 Favis *Attica* mella cum *Latinis*.
 Undabunt locupletius per orbem.
 Primas quicquid agas feres, rotundi
 In leges bene carminis ligabis
 Sermonem, & facies repente versus
 Affines *Lyricis* *Horatianis*.
 Scribes verba modis celer solutis,
 Magno cum *Cicerone* fulminabis.
 Promes *Socraticis* frequens ab arcis
 Præsentes animæ omnibus medelas.
 Et sanctæ dabis instituta vitæ
 Ingens sobrietate vel *Platonis*.
 Scripturas quoque temperabis omnes
 Festivo sale, Comico lepore.
 Hæc tum feceris antequam senecta
 Tanges undecimum gravante lustrum,

An. 1516.
 A Et terras simul exteras adibis.
 Primum *Latetia Parisiorum*
 Sectatus sapientiæ magistros
 Intrabis penitus larem *Sophiæ*.
 Mox *Roma* tereti & potente lingua
 Facunda *Ciceronis* in palæstra
 Desudabis: & impiger disertis
 Libris, *Felsinea* vacabis urbe.
 Vises cæruleos item *Britannos*,
 Et versabere regiis in aulis
 Inter nomina magna, & optimates,
 Heroas, procereque purpuratos.
 Et dignaberis omnium favore.
 B Vita mirifice decorus omni,
 Pura mente, suavitate morum,
 Et dulci eloquio, ac deæ suasu
Pithu, omnibus unus adlubescas.
 Imprimis, hominum eruditiorum
 Ingens præsidium decusque rarum
 Præclaris *Guilielmus à Waranis*
 Nullis non animique corporisque
 Fortunæ quoque dotibus beatus
 Te magni faciet. Nec ille solum
 Primas inter erit viros *Britannos*,
 Sed virtute sua, sibi hoc vel ipsum
 Toto nomen in orbe vendicabit.
 C Amplexabere candidos politi
 Mores ingeniumque dulce *Moris*
Mori, cui fluet undequaque versus
 Conditus sale, melle, felle, risu.
 Tunc pro materia rei notatæ
 Hic comis popularitate vitæ,
 Prudens, ingenuusque, perspicaxque
 Omnes ante alios placebit unus.
 Cui tu credere cogitationes,
 Quin & seria libere jocosque
 Audebis, tibi dedito sodali
 Mutam præcipue fidem colenti.
 Illinc deinde reversus adjacentes
 D *Rheno* belligeras adibis urbes
 Duri ex *Helvetiis* jugis profectus.
 Hic te *CARNION* innocens videbit,
 Pullati rabie gregis tot annos,
 Rictu & mordicus appetitus atro.
 Oblectaberis hospitalitate
RHENANI & studiis simul *BEATI*.
 Doctorum tibi quicquid est ubique
 Applaudet reduci, tibi & *Latina*
 Assurget bona pars sodalitatis.
 Nostri & nominis universus ordo
 Inclinet caput omnibus theatris.
 Illis culte locis, *Erasme*, canus
 E Post quinquennia jam decem peracta
 Nocturnas vigilabis ad lucernas.
 Hebrææ salebrosa verba linguæ
 Exemplum studiosus ad *Catonis*
 Edifces. Sitis impotens honesti
 Et famæ precium, nihil jubebit
 Non tentare boni: proinde nunquam
 Magnorum obfaturaberis laborum.
 Porro, cætera quæ sequetur ætas
 Divinis inhiabit apta rebus,
 Humanis moderatius vacabit.
 Quanquam consiliis senatuique
 Regum addictus eris, fideliorque,
 F Et non ultima pars patrum fereris.
 Te vitæ tenor innocens, & usus
 Commendabit honestior: tibi usque
 Cordi simplicitas, bonum, piumque
 Et recti studium, inque taminatus
 Vitæ candor erit beatioris:
 Et victus sine forde mundiores.
 Hæc tum *Phæbus Apollo* vera nobis
 Olim præcinuit. Deo canenti
 Fatorum stabilis statim potestas
 Tom. III. P Sub-

An. Subscriptit. Subito, ô Erasme, prodixit
 1516. In lucem, nova lux tibi tuisque
 Non solum genitus, sed universo
 Orbi nasceris, optimum deorum
 Munus: quale nec antea dederunt,
 Nec sunt, ut reor, amplius daturi.
 Debebunt alii penetibus diis,
 Communi & patriæ, parentibusque:
 Vni patria debitor Erasmo est.
 Huic Germanicus orbis & Latinus,
 Nec non Gracia restituta debent,
 Tot propter varios viri labores,
 Dotesque ingenii affluentiores.
 Hunc quantum est hominum modo bonorum,
 Quantum vivit in orbe candidorum,
 Hunc & foemina, virque, & hunc puellæ,
 Imberbes pueri, senesque cani
 Exornate diem, dies Erasmi
 Hic natalitius meretur esse
 Toto festus in orbe. Vos Erasmus
 Et donis, & honoribus deorum
 Omnes accumulate. Nunc & omnes
 Ante aras bona dicitote verba,
 Et linguis animisque confavete.
 Illi nunc bona comprecemur omnes,
 Soles ariolemur & beatos.
 Quot vixit, numeret tot ille posthac
 Natales celebres & auspicatos.
 Hæc illi rata vota dii benigni
 Possunt reddere: vota dii vel ista,
 Ut iusti fuerint, rata exsequantur.

F I N I S.

EPISTOLA CCXXIX.

Johanni Fabro Urbanus Regius S. D.

SCRIPSI nuper ad te, clarissime vir, quo in statu res mea sint posita, qua studia confecter, quid denique post tanta conditionis mea discrimina sperem. Quam grata item mente tuam Doctorisque V. Fabritii Capitonis beneficentiam acceperim, animo complecti facilius, quam scribere possum: intellexisti tamen, omnia mihi potius, quam fidem & gratitudinem deesse. Frater meus, qui meas tibi reddidit literas, aliud à te nihil petit, quam unam & eam perexiguam curam disquirendi famulatus: ferocientem juvenis spiritum, quem nostra indulgentia auxisset, haud magno negotio exsilium & aliena increpatio retundent. In hoc si puero rudi quidem, ceterum fidei, tuleris suppetias, jam alterum tibi fratrem mancipasti. Fama est Roterodamum lumen illud doctorum esse apud vos, cui te & studiorum & vita similitudo jam pridem reddidit conjunctissimum. Quapropter que illum scire pervelim, tua humanitati Doctorique V. Fabritio Capitoni committam: quod ego ad tantum virum citra decori rationem scripsissem. Credo equidem te non latere quanto amore, & benignitate plus quam paterna, Dux Herneftus, illustrissimus Bavarie Princeps, Gymnasium nostrum Angelopolitanum confoveat, excolat, ditet, suæque presentia splendore illustret, ut vel cum summis Academicis literariis contendere audeat: estque ei in animo doctissimos passim, ubi ubi in Germania fuerint, conducere, sua ve liberalitate magnifice exornare, quo tandem suo auspicio, omnes bona litera, qua utroque cornu hactenus laborarunt, profligata barbarie, reflorescant, nativoque restituantur nitore. Porro in primis Erasmus polyhistor ille, vir admirabili & divino ingenio, ac doctrina singulari, visus est Principi nostro, omni honore & favore dignissimus: ob id & diligenter inquisivit, an aliqua ratione magnus ille literarum antistes posset induci, ut aliquand apud nos ordinaria professione docens, sua tum eloquentia, tum eruditionis multijuga flumine, nostram irrigaret ariditatem, quibusdam obnixè negantibus, aliis vero ejus viri presentiam sperandam adferentibus. Princeps ipse proposito suo pertinacissime adhaesit, non sumptibus ullis parsurnis, quo Erasmus ad nos perducatur. Cu-

A pio itaque ex te scire, quid sentias, an conditio opulenta Erasmo sit conferenda: si putas eum persuaderi posse ad annuendum tanto Principi, cui est acceptissimus, ad me quam primum perscribere. Multa namque sunt, quae eum permovebunt, ut Germanus in Germania reliquam vita transigat. Primum omnium tanti Principis favor propensissimus, & sincerus in studia politiora amor: in iis enim à praeceptoribus minime pœnitendus pulchre eruditus est Princeps: quare ei foret Erasmus, vel ipsa charitate charior, quod magnanimo viro debet videri magnum. Dein salario honestissimo, sacerdotisque, si acceptabis, uberrime providebitur & condonabitur. Quod si senium, cui docendi labores sunt molesti, causabitur, nihil hoc ipsum remoratur, quippe suavissima dabitur quies. Non enim vocatur, ut fatigetur, verum ut videatur vir rarus, suæque presentia lucem adferat nostro Lyceo. Accedit gratissima loci amœnitas, aerisque, quantum non facile alibi reperiet, mira quadam salubritas, ut merito studiosorum sedes appellari queat Angelopolis. Adde honorem, quem erecta mens cum virtutis pramium exosculatur, qui tam cumulate homini impenditur certatim, ut onerari potius se officiis (quæ ejus est modestia singulari) quam honorari sit conquesturus. Et, ut semel finiam, nihil non adblandietur Erasmo: quod si antequam hujusmodi conditionem recipias, placeret adire nostrum Principem, invisere locum, Princeps viarum impendia, & honorarium neutiquam despicabile libentissime offert. Tuum itaque fuerit Erasmus convenire, omnibus quibus potes modis allicere, adhortari, extimulare, & quam gratus sit Principi, cum exaggeratione manifestare, & si licet urgere, ut in Germania cælo patrio potius cum suis vivat, illis profit, quam cum exteris: ubi etsi omnia, quæ vel ad vitam, vel honorem spectant, suppetant supra vota, antiquior tamen & venerabilior debet esse patria, præsertim tot votis, tam ardentibus desideriis, omnis doctrina Principem & præceptorem suum sitiens & suspirans. Hæc sunt quæ in presentiarum ad te patronum & præceptorem scribenda non abs re institui: tanta enim auctoritate polles & vales gratia apud Erasmus, ut persuadere ei nemo te melius faciliusve possit. Vale, doctorum decus. Ex Angelopoli, Anno 1516.

EPISTOLA CCXXX.

Urbanus Regius Johanni Fabro.

OPTIME vir, illa ego scripsi ex jussu Principis Hernefti, & domini Leonardi Eck, viri nobilis, Artium & Jurium Doctoris, nostri Gymnasii moderatoris, cui sum familiarissimus, ille nostras literas vidit, approbavitque: præterea ita exspectat Princeps Erasmus, ut hunc, quem vides, tabellarium ad Basileam solum illum negotii gratia, Erasmi utpote vocandi, miserit: quod si animo apud nos manendi venire recusaverit, aureos ducentos quotannis si noluerit, & opulentissima sacerdotia respuerit, Princeps tamen hoc unum petit, confiditque se exoraturum: ut videlicet Erasmus visendi Gymnasii causa veniat. Huic itineri mensem impendat, ut à Principe videatur, excipiat, amplexetur, videre enim ex animo Erasmus cupit. Et sumptus ad iter ministrabit magnificos, remunerabitque virum liberalissime, ut videat Principem nihil æque ac literatos & literas amare, observare, suspicere. Denuo vale. Hæc velut Amannensis Principis nostro, & ipso dictante scripsi: quare ita accipias, ita rem agas ex fide, ac si Princeps tibi coram loqueretur. Mitto tua humanitati Eckii nostri Theologi, honorificentissime de te sentientis, aliquot Orationes. Angel. Anno 1516.

EPISTOLA CCXXXI.

Erasmus Andrea Ammonio suo S. D.

VIX credas, mi Ammoni, quam pene hic Theologorum invidia conflagrarim. Lovanii gladiatorio animo ad me affectabant viam, idque conjurati, Atensi duco, hoc nocentior, quod hostis amicum

An. cum simulat : agebant & apud Principem sedulo , ut
 1516. Pontificis auctoritatem cum hujus auctoritate conjun-
 gerent. Sed ipse tandem *Lovanium* profectus omnem
 illum fumum ita discussi, ut cum maximis ac minimis
 Theologis summam inierim amicitiam. In aula molitio-
 nes partim Procerum favore, partim eruditorum, &
 in his præcipue *Theatini* opera coercitæ sunt. Τὸν χρο-
 νὸν τὸν σωτήριον jamdudum expecto. Quod si non suc-
 cesserit, tam periit *Egæcus*, quam extrema faba,
 neque quicquam superest, nisi ut illi Epitaphium pa-
 res. Equidem maluissem bis *Romam* proficisci, quam
 hoc tam diutino tædio cruciari. Nec hoc dico, quo
 tuum elevem beneficium. Scio moram hanc non tui
 esse animi, sed mei fati. *Hieronymum* librarium
 manibus commisi, quo concinnatum mitterem. Li suo
 more dant verba. Quod si nondum emisisti, mittam:
 tum quicquid imperaris pecuniæ præsto erit. Nec un-
 quam tamen definam in solidum hoc beneficium tibi
 debere. Tantum matura, ut ante Pascha sim incolu-
 mis, vereque *Æsculapium* præsta. Quod si quid inci-
 det, cur mihi sit desperandum, beneficii pars fuerit,
 inani spe quamprimum liberari. Quanquam ne despe-
 rem tuum ingenium facit. Offert *Gallia* montes au-
 reos. Sed mihi manus obstrictæ sunt. Si quid habes
 quod me in vitam restituat, mitte per *Morum*, nisi
 contigerit certior. Bene vale. *Antwerpia* sexto Calend.
 Anno 1516.

EPISTOLA CCXXXII.

Paschasius Berselius Erasmo Rot. S. D.

An. Certe probare nunquam potui illorum industriam,
 1517. vel avaritiam potius, qui passim amiculis strenuas
 mittunt, ut apophoreta recipient. Tantum ego veri amo-
 ris quaecunque pignus semel ad te miseram, at tu bel-
 lum callidus ex amore finxisti, ut vinceret. Scribis enim
 te muneribus à me provocatum, nec tamen velle adhuc
 contendere, bellum omnino non detrectans, sed in idoneum
 tempus differens. Quorsum istud quæso? Num interim
 copias colligis, & machinas tormenta que parat? Noli la-
 borare, bone vir, non te provooco, nec irritatum velim;
 coerce animos, tibi que tempera, major es quam ut me-
 cum in arenam descendas. Quid enim Paschasius ad E-
 rasimum? hominem in quovis literarum ac officiorum ge-
 nere ad palmam natum? Desine, satis est, nolo quicquam
 per nos sanguinis manet, ultro tibi manus porrigo. Para-
 phrasia ista fecit, qua nimium mihi formidabilis visus
 es, ut qui meus esse non possum, jam toto pectore sim ju-
 re belli tum. Quinto Calendas Januarias me contuli ad
 humanissimum Principem in arce Huijensi, qui me per-
 benigne & humaniter, ut solet, excepit. Reddidi illi e-
 pistolam tuam, ac Paraphrasin, quod is, cui negotium
 commiseras, id facere nequicquam semel ac iterum atten-
 tasset. Legit Princeps clara voce qua scripisti, & munus-
 culum subinde exosculatus, Erasimum præ gaudio identi-
 dem exclamabat. Jussus sum eo die in arce manere. Au-
 dita re divina, venit prandii tempus. Ingredimur aulam
 principalem, magnis aliisque tapetibus ornatam. Paulo
 post, dantur aqua manibus. Sedis Princeps, ac juxta il-
 lum frater Robertus nomine, vir in armis strenuus, &
 nostri seculi velut alter Achilles. Tertium locum ejus He-
 rois uxor occupabat, viua Penelope, moribus Lucretia.
 Quarto sedebat filia, virgo jam nubilis, ac vultu ipso Dia-
 nam referens. Quintum & sextum duo illius Heroidis
 fratres tenebant, quos vere credere posses *Ledæ* gemel-
 los. Inter tot deos deasque, vocatus ab Jove nominatus,
 & ego Scarabeus accubui, oculos auro, gemmis, ac pur-
 pura, aures dulcibus melis, palatum ambrosia & nectare
 pascens. Ubi exempta fames, mensis epulisque remotis,
 canuntur superis gratia, surgimus, ludere coeperunt alii
 fistillo, alii latrunculis. Vocor interim ad Principem, mul-
 ta ibi de te honorifica confabulatio. Nihil te uno apud il-
 lum est antiquius. Cupis te videre, & complerè medium,
 sed ut parentem, sed ut numen quoddam è cælo in terras
 delapsum. Te literis ad se vocat, noli tardare: Pergratum

A illi facies, si moras omnes abruperis. Cave per Deum im-
 mortalem, ne longum tui desiderio tantus Heros torquea-
 tur. Alium est, quam quos in Italia, Gallia, Britannia,
 Scotia, Germania vidisti Praefules. Non sunt omnes cum
 hoc conferendi: sive enim spectes animi divitias, seu cor-
 poris dotes, seu fortuna bona, omnes longo intervallo post
 se relinquit. Vicissim tibi salutem adscribunt, quos per
 me nuper tui verbis salvere jussisti, in primisque Bapti-
 sta, qui te non secum amat ac patrem. Saluta, si me a-
 mas, filium tuum ac meum fratrem Rutgerum Relsium,
 scribam illi cum per ocium licuerit. Vale, literarum decus.
 Si quid ad Principem voles, recte huic sacrificulo com-
 miseris. Iterum vale, è cellula nostra apud Leodium,
 7. Januarii, Anno 1517.

EPISTOLA CCXXXIII.

Erasmus Roterodamus Paschasio Berselio S. D.

N A E hominem bellacem oportet esse te, qui nihil
 nisi bellum, testudines, vineas ac tormenta cre-
 pes. Age, munito te quantum voles, nos tamen te vel
 cuniculis aggrediemur. Nunc hoc saxum volvendum
 est, vel potius in hoc molendum pistrino. Sed gratu-
 lor tibi jam, opinor, semideo facto, cui contigerit epu-
 lis accumbere divum. Cujus tamen felicissimi convi-
 vii me quoque participem esse voluisti, cum adeo
 graphice depinxeris, ut etiamnum inter deos deasque
 mihi videar tecum accumbere. Extra jocos, totam
 hanc noctem cum Episcopo transegi fabulis mutuis.
 Eum haudquaquam torquerem diutino mei desiderio,
 mi Paschas; sed primum vides anni tempus, quo non
 solum innavigabile mare, verum etiam terra immea-
 bilis, ut tecum agam verbis poeticis. Deinde ea est
 corporis valetudo, ut vix eam tuear domi abditus, &
 ad focum luculentum obambulans, aut coccycis in
 morem nido immerfus, & tamen hic nidus mihi plus-
 quam pistrinum est. Verfor enim in labore longe o-
 mnium molestissimo, in quo tamen jam eo provectus
 sum, ut per densissimas montis perfossi tenebras, qua-
 lis penetrandus est *Neapolis Cumas* adeuntibus, procul
 exiguum lumen, ceu stella quædam exitum promittat,
 atque in fluctibus laboranti, è longinquo portus appa-
 reat. Intra mensem, auxiliante Christo, ex hoc labyrin-
 tho me extricabo. Quod si nunc labor hic interrompe-
 retur, nunquam animo meo queam imperare, ut rur-
 sum sese in hujusmodi pistrinum immittat. Nunc dum
 captus est *Proteus*, stringenda sunt vincula, donec in
 se reversus oraculum absolvat. Et mox se remittet hye-
 mis rigor, ut liceat cum ciconiis & hirundinibus evolare.
 Quod Principem omnibus anteponis Præfulibus, id-
 que in omni virtutum aut ornamentorum genere, non
 admodum tecum pugnabo, præsertim cum nec id so-
 lus prædices, & mihi vel *Aleander* evectus, vel ipsius
 denique epistola novam & inauditam, ac vere genero-
 si ingenii humanitatem præ se ferens, fidem faciat. Et
 tamen Archiepiscopus *Cantuariensis* mihi talis est, ut
 commodiorem ne possim quidem optare. Hoc uno sat
 felix essem, si aut hic contigisset, aut *Britanniam* no-
 bis pons aliquis jungeret. Adeo male odi fretum illud
 immanissimum, & nautas freto immaniores. Verum,
 ut olim apud *Scythas* parum secundæ famæ fuit *Poly-
 philia*, (quanquam video & *Hesiodo* juxta turpe vide-
 ri, ἀζέρον εἶναι καὶ πολυφύλον) ita fortasse apud popu-
 lum poeticum parum honestum esse ducitur, eidem
 multos esse *Mecanates*, etiam si mihi nihil magis in
 votis est, quam optimis probari, quandoquidem o-
 mnibus non possumus. Atque id sane nobis non per-
 inde male contigit atque fero. Jam opus sit *Mecana-
 te*, non qui in fortunæ scenam producat, qui fortu-
 næ ornamentis oneret, sed qui corporis vires farciat,
 qui ingenii vigorem restituat: quas res semper in me
 exilis, partim ætas, partim jugis studiorum exhaustit
 labor. Nunc & animus honestum ocium flagitat, &
 valetudo etiam imperat. Restat enim extrema hujus
 fabulæ Catastrophe, quam utinam sic liceat agere, ut
 Tom. III. P 2. Chri-

An. *Christo* Chorago probetur. Amplam fortunam nunquam ambii, ut parvis animis & parvo corpore majorem. Nunc etiam si ambiam, par esse sustinendae non queam. Proinde stat sententia, ocium hoc meum tueri mordicus, in quo tamen sic versabor, ut quoad per vires licebit, Reipublicae sim profuturus, etiam si ab hujusmodi laboribus, plusquam juvenilibus, quibus nunc conficior, sum in posterum temperaturus. Sub quadragesimam incipiam evolare è nido, si Praeful boni consulat, res in hoc tempus differetur. Sin minus, vel cum valetudinis periculo tanto Principi gratificabimur. Vides, mi *Paschasius*, ut me totum in sinum tuum effuderim. Bene vale. *Paraphrasis*, quae te terret, ut scribis, magis placebit, si propius contuleris. *Lovanio* 7. Januarii, Anno 1517.

EPISTOLA CCXXXIV.

Erasmus Bilibaldo Pirckh. suo S. D.

ORNATISSIME *Bilibalde*, nuper mihi redditae sunt tuae literae, quibus expositulas, quod tuis non responderim. Id adeo miror, cum mea responsio copiosa jampridem excusa sit *Basilae*. Demiror, te citatum esse *Romam*, cum sciam, Pontificem hoc inprimis dedisse in mandatis, ne quem innoxium laederent, imo conscios etiam ac fautores, ut ipsi vocant, haereseos, modis omnibus allestarent. Sed aliter visum est furiosis Theologis aliquot. Cupio te quam optime valere, ac † fugere postea feliciter. Ego hic in quotidianis concionibus lapidorum à praedicatoribus, & *Luthero* copulor, quicum mihi nihil est negotii, sed ita stolidè rem gerunt, ut populus etiam crassissimus intelligat. Non poterunt magis officere *Romano* Pontifici, neque magis *Lutherum* commendare affectibus hominum. Nunc demum incipiunt illi favere. Utinam *Leo* sciret, quibus modis hic res agatur. In illos primum esset leo. Bene vale, vir optime. *Lovanio* 26. Januarii, Anno 1517.

EPISTOLA CCXXXV.

Erasmus Rot. Stephano Poncherio, Episcopo Parisiensi, Christianissimi Regis apud Catholicum Oratori, S.

QUANQVAM *Francia* regnum totius orbis Christiani longe florentissimum esse constat, ornatissime Praeful, mihi tamen hoc nomine praecipue felix esse videtur, quod Principem nactum sit, non titulo tantum *Christianissimum*; sed omnibus vere regiis dotibus eximie cumulatum, tum aetate florenti, ut spes sit hanc felicitatem vestrae *Galliae* ac nobis vicinis & amicis diuturnam, imo perpetuam fore. Indoles erecta vividaque, animus, non Rege modo, sed tali quoque Rege dignus, sic ardens & excelsus, ut tamen ad omnem humanitatem sit propensissimus: rursus sic erectus ac simplex, ut summa vigilantia prudentiaque sit praeditus. Siquidem nuper in conflictu cum *Elvetiis* satis declaravit, ita se paratum instructumque ad bellum gerendum, si pacem non liceat adipisci, ut multo tamen pacem malit quam bellum. Magis enim habet studio, ut regnum suum optimis legibus, incorruptis moribus, honestissimis studiis locupletet, exornet, illustret; quam ut ditionis suae pomercia proferat. Nimirum intelligit hæc demum esse vera regni decora, has veras opes, hanc veram & nullis unquam seculis cessuram gloriam. Proinde parum esse putat justis praefidiis regnum suum munisse, nisi idem viris eruditione juxta ac vitae integritate praecellentibus daret atque honestet: hoc potissimum pacto felicem ac magnam Regem se fore judicans, non si quam plurimis, sed si quam optimis imperet. Quos cum plurimos habeat domi, cum primis autem incomparabilem illum *Guilielmum Copum*, Medicinæ vindicem atque antistitem; quem certatim sibi vindicant, hinc *Gallia*, hinc *Germania*: præterea *Guilielmum Budæum* certissimam

† Forfan vivere.

Galliarum gloriam, qui jamdudum *Italis* utriusque literaturae palmam magno eruditorum omnium consensu præripuit: sic cæteros omnes vincens in *Romani* sermonis eloquentia, ut in *Græca* dictione vincat seipsum: tamen aliunde quotidie præmiis accersit allicitque, veterum ac laudatissimorum Regum jamdiu obsoletum exemplum hic quoque nobis referens. Cæterum, quod inter hos & nostri rationem habere non gravatur, equidem video quantum illius animo debeam. Atque utinam is sim, qui tam eximii Principis judicio respondere queam. Onerat me quorundam candor ejusmodi laudibus, quas nec agnoscere possim, nisi sim improbissimus: nec tueri, nisi longe alius sim quam ipse me novi. Alioqui *Gallia* vestra cum aliis de causis mihi semper cordi fuit, tum hac etiam peculiariter jucunda, quod illic annos aliquot in optimis literarum studiis suavissime sim ociatus; sed jam ætas hæc à vertendo solo dehortatur, ut etiam si non delegissem hanc sedem, tamen sedendum esset, ubicunque senectus deprehendisset. Ad hæc alligat *Caroli* Principis optimi benignitas, & animus in evehendis optimis studiis, sic cum tui Regis animo consentiens, ut hujus laudis certamen cum illo suscepisse videatur. Quamobrem nihil est quod in præsentia super hac re certo respondeam, nisi me & penitus agnoscere Regis optimi erga me studium, & gratiam habere, perinde ac si delata illius benignitate jam usus essem: neque defuturum me in posterum voluntati tanti Principis, ultro sua liberalitate provocantis, siquidem id bona cum fide cumque decore licebit: quod si non continget, ego me nihilo minus debere putabo *Galliae*; & vos vicissim boni consulatis, si non præsto quod non possum. Corpusculum hoc haud possum omnibus commune facere, animum animique proventus possum. Cæterum, quando video celsitudinem regiam tuamque amplitudinem id tantopere conari, ut *Galliam* vestram egregie probis ac literatis viris exornetis, commodum mihi succurrit *Henricus Glareanus*, pridem mihi *Basileæ* domestica consuetudine notus, homo mea sententia ad vota vestra, si quisquam alius, accommodus. Eum tibi paucis delineabo, sed verissime. Genere *Elvetius*, (nam hæc quoque natio studiorum gloriam cum militiæ laude incipit conjungere) ætate florenti, quippe nondum tricesimum egressus annum, valetudine firmissima, ac laboris tolerantissimus, annos jam aliquot versatus in professione liberalium disciplinarum, primum *Colonia*, mox *Basileæ*, nec id sane sine summa laude. Septem artium, quas vocant, Doctor, non titulo tantum, quemadmodum vulgus ejus ordinis solet. Sophisticæ peritissimus, sed quoniam resipuit, nunc ejusdem hostis ac perfuga. Theologiam non tantum à limine salutavit, verum ad ipsa usque penetralia progressus quondam, sed offensus partim frigidis illis argutiis, quibus solis pene nunc in scholis applauditur, partim inexplicabili Theologorum inter se contentione diffidioque, pedem retulit, & *Christum* ex ipsis fontibus, quam ex illorum lacunis haurire maluit. In hunc usum *Græcam* literaturam magno studio coepit amplecti. Poeta non invenustus, nam in hoc genere quondam admodum adolescens apud *Coloniæ Agrippinam* à Cæsare *Maximiliano* lauream meruit. In oratione soluta talis, ut nec ingenium, nec eruditionem desideres, usum fortassis & exercitationem alicubi requiras. Magna historiarum cognitio, in Musica, in Cosmographia, in cæteris item disciplinis, quas Mathematicas vocant, exercitissimus. Nam in his præcipue regnat ille. Jam, quod in hoc hominum genere rarum esse solet, moribus est adeo castis ac puris, ut non animus modo, sed aures etiam ab omni turpitudinis commemoratione abhorreant, veræ pietatis cultor ardentissimus. Ne *Momus* quidem ullum in eo vitium notare possit, nisi quod in spinosos Sophistas magna libertate debacchari solet: si tamen hoc vitio, ac non potius judicio tribui debet. Nosti enim quam sit hoc hominum genus insolens ac procax, nisi

An. si quis ei studio meliores literas adjunxerit. Cum his
1517. non minore animo depugnat *Glareanus*, quam olim
cum monstribus *Hercules*. Et in hos quantumvis clamo-
fos sufficiunt illi latera, sufficit vox & imprimis ani-
mus invictus, vereque *Herculanus*. Et ob id non ad-
modum illi convenit cum Theologis, non dico erudi-
tis, cum quibus maxime convenit: sed cum quibusdam
istis, qui præter illiteratas literas, & frigidas aliquot
quæstionculas, nihil didicerunt. Hos eo facilius fun-
dit, conscinditque, quod ipse sit olim in illorum ca-
stris versatus. Tamen hunc quoque fervorem & im-
petum, ac velut *ἐκδοχὸν* ætas in dies reddit mode-
ratorem. Cæterum, ab omni supercilio fastuque lon-
gissime abest. Moribus facillimis, & ad omnem vitæ
consuetudinem appositis. Jufferis canere, nihil cuncta-
tus canet; malis legere, leget. Libet ludere, joca-
bitur festivissime; vis seriis agere, subito alius erit:
atque ita facilis est, ut tamen adulari nesciat. Jam si
statum hominis cupis cognoscere, totus est liber: nec
libidini deditus, nec admirator pecuniæ, nec uxori al-
ligatus, nec ullis sacris addictus extra baptismum. Is
nuper ad me scripsit, fore ut ipsi salarium annuum a-
pud *Gallos* constitueretur ex fisco regio, simul atque
pax coisset inter vos & *Helvetios*, quam nunc coisse
vehementer gaudeo: quod si est assecutus, quæso ut
tua humanitas hominem velit cognoscere; expertura,
num falsam imaginem finxerim: sin minus, dabit o-
peram ut accersatur, sed honesta conditione. Scio
quid illius dotes promerantur, sed ut est modestissi-
mus, erit opinor centenis coronatis contentus, quos,
mihi crede, non male collocabitis. Novi quam recte
moneat *Horatius*, etiam atque etiam adspiciendum,
quem cui commendemus. At in hoc nihil vereor, ne
mox incutiant aliena mihi peccata pudorem. Solent a-
gere gratias, quorum commendatio valuerit: at ego
exspecto ut mihi agantur gratiæ, posteaquam *Glare-
anus* meus vobis perinde notus esse cœperit, ac mihi
est. Hac in re si quid à nobis fieri voles, impera. Nam
meis literis evocatus, & lubentius advolabit, & cele-
rius, ne nihil interim magnifice de me ipso dicam:
maxime, si quemadmodum illum tibi, ita te illi de-
pinxero. Sed heus tu, vacuis epistolis non est accer-
sendus, viaticum addatur oportet, velut arrhabo reliqui
promissi. Vide quam familiariter tecum agam cœu tuæ
celitudinis oblitus: sed ita me tua corrumpit humanitas,
quæ hanc docuit impudentiam: quam aut totam i-
gnoscas oportet, aut bonam certe partem tibi ipsi im-
putes. Bene vale. *Antuerpia* 14. Februarii, Anno
1517.

EPISTOLA CCXXXVI.

Andreas Ammonius Erasmo Roterodamo S. D.

QVIBVS vicissim hoc expiabo, ut binis Erasmi mei
literis non antea responderim, quam ternas accepe-
rim? Malo crimen fateri, quam causas ineptas afferre:
quanquam nonnullæ sunt hæc omnino (ut mihi videntur)
ineptæ. Vetus enim sum ne opera, cuius tantis tricu-
vehementer impeditus parvus esse cogor, jacturam face-
rem, quam in incertum scribendum ad te esset, quod tu
persuasus hypocrasorum nidorem, è Germania ad Calen-
das primo Novemb. deinde festis Natalibus peractis, a-
volaturum te significabas: nondum tamen constituiſſe vi-
debare Romam ne ires, an hæc reverteres, seu Venetias
te conferres. Quamobrem priusquam ad te scriberem,
ibi constituiſſes, gnarum me fieri expectabam. Interim
tamen si Romam petiſſes, veteri meo patrono Episcopo
Wigornienſi, nostri illius Regis Oratori, studioſe te com-
mendavi: ex eo, atque adeo ex ipsis palatinis columnis
singularem Pontificis Maximi in te animum protinus co-
gnoviſſes, raptusque confestim ad eum fuiſſes. Sin vero
Britanniam Italiæ prætuliffes, quid literis inter præſentes
opus? Nunc autem postquam, ut tu scribis ad Calendas
Martias, ut ipse jam conjecto ad Majas, tuum istinc di-
cessum produxiſti, periclitari hanc opellam volui. Qua-

re de his, qua putem scire te oportere, hæc accipe. Ter-
nas Pontificis Maximi literas, quas Breves vocant, ac-
cepi: binas ad te ejusdem plane exempli, alias ad Re-
gem, quibus ei perquam diligenter, ut ex earum exem-
plo intelliges, commendavi. Quæ erant ad te, quoniam
quid bonæ spei continerent, scire magnopere avebam, pro
nostre amicitia jure mihi sumpsit ut resignarem: unas ad
te nunc mitto cum exemplo earum, quæ sunt commenda-
titiæ, ipsas vero literas cum alteris ad te diligenter tibi
servo. Si huc non redieris, quid de illis commendatitiis
fieri velis, significato. Hoc tibi ante deliberatum opor-
tuisse dices, literasque forte antiquiores judicabis, quam
ut Regi sint reddenda. Sed crede mihi, perinde fore, ac
si recens factum fuisset. Vix enim unquam istiusmodi
minutia considerantur, quando non ex syngrapha pecunia
postulatur. Adscriptis præterea mihi Episcopus Wigor-
niensis, Leonem tuis literis mirum in modum fuisse ex-
hilaratum, ac de te diligenter sciscitatum, ubinam esses,
quid rerum gereres, & an putaret te libenter ad se ven-
turum, complurique alia amantissimi erga te animi si-
gna: conversumque postea ad viros quosdam eruditissimos
& beatissimos, qui forte adstabant, tuas literas eis tra-
didisse, adjecto suo præjudicio de tuo raro ingenio, æque
eruditione, certatimque in illas laudes ab omnibus itum:
vetus enim mos adhuc perdurat, Tantum admirari, tan-
tum laudare disertos: quanquam Leo noster *Hercule* fo-
vet etiam & beat, spesque studiorum in eo summa. Ad
quem curriculo, si tuum commodum spectem, contende-
re, si meam voluptatem, huc revolare te velim. Deus,
quicquid decreveris, fortunet. De Hieronymo ambi-
guum non habeo opera te precium assequutum, valde ex-
specto ut appareat. Senecam à te castigatum venalem
jam habemus. Vis dicam quid sentiam? Apellem in
singenda Venere videri imitatum. De Novo Testamento
equidem plurimum gaudeo, & tibi gratulor: est enim
mea sententia opus ut religiosissimum, ita & maxime ne-
cessarium, quod ab omnibus excolatur, ingenique ac do-
ctrina capacissimum, dignumque in primis te, & Ponti-
fice Maximo, cui inscribendum destinasti. Maſte animo,
sic itur ad astra. De somnio, quo te ab Eboracenſi fuiſſe
beatum dico, & ludibrio habitum arbitraris, vellem ex-
plicatum scripiſſes. Cæterum, de ludibrio omnia alia, ni-
hil est à viro alienius, quin scio te ab eo fieri maximi:
verum aliquid accidit, præter ejus quoque voluntatem ac
sententiam, quod corrigi forſaſſis adhuc poſſet. Hæc ha-
bui, quæ de tuis rebus in præſentia ſcriberem. Addam a-
liquid de rebus Britannicis. Regina ſcitulam peperit fi-
liolam; tunc Cantuarienſis cum bona Regis venia, ma-
giſtrum ſe abdicavit: quem Eboracenſis, impendio ro-
gatus, ſuſcepit & pulcherrime gerit. Morus à ſuis Bel-
gis legatione honorifice functus, domum rediit, & pala-
tinos ſumos nobiſcum frequentat. Nemo temperius eo,
matutinum Eboracenſi portat ave. Paceus ita in iſtis
regionibus ſe gerit, ut maxime ei gratulandum eſſe cen-
ſeam. Mihi res agre quidem, ſed non peſſime procedit:
corporis firmitas aſſit modo, cui fac, mi Erasme, ut ſe-
culo inferas. Londino 17. Februarii, Anno 1517.

EPISTOLA CCXXXVII.

Erasmus Rot. Thoma Moro S. D.

MISI duas literarum sarcinas, alteram per nego-
tiatorem quendam, alteram per filium Joannis
Crulli, cui tu operam tuam navaveras. Ei commen-
davi codicem, in quo erant *Reuchlinica*, quæ miſe-
re deſiderabat *Roffenſis*. Per priorem miſi libellum
Reuchlini, verſum meo ſumptu. Mitte *Utopiam* ubi
primum licebit. Eſt *Antuerpia* Senator, cui uſque adeo
placet, ut eam memoriter teneat. Epistoſta *Dorpii*,
cui tu reſpondiſti, ſic à tuis deſcripta eſt, ut ne *Sibyl-
la* quidem poſſit legere, vellem mitteres minus male
ſcriptam. Quæſo te ut ſcribas de omnibus diligenter,
cum primum licebit. Nam hic magna rerum mutatio
videtur inſtare: niſi me animus fallit. Bene vale cum
tuis omnibus.

P 3

Qui

An. 1517. Qui has perfert probus est juvenis, ei promisit nescio quid Sixtinus. Is ea fiducia petit Angliam: ignarus ex simplici promisso non nasci actionem. Sed tamen extimula hominem ut magis ei faveat. Si Pollio crebro fuit apud te, facile conjectabis quid ego passus sim *Bruxella*, cui quotidie cum tot saluatoribus Hispanis fuerit res, præter Italos & Germanos. Rursum vale. *Antuerpia* 8. Martii, Anno 1517.

EPISTOLA CCXXXVIII.

Erasmo, Rot. Jo. Oecolampadius. S. D.

VINAM te locorum, gloria mea, dulce decus meum, inquiram? Cui incerto nuncio, certissima desideria ut desideratissimo Desiderio exponat, credam? Tabellio comparet nullus, ac quid opus tabellione literis rusticanis & incultioribus, quam ut coram ornatissimo prodeant Erasmo? Possent, fateor, gerra mea intra spelunca mea angustias contineri, sed amor violentior est, secum habitare nescit, silentium fert minime. Parum illi studia, curaque sua, nisi ab amato cognoscantur. Ubi ergo te gentium offendam? jam quibus divitiis locupletem esse, quibus voluptatibus frui licebat Basileæ, absens & sero cum Phrygiis intelligo, sed frustra ad easiam corrigo. Sat præsens eris, si sciam te scire animo nos seungi posse nunquam. Harèt alioqui tua maximi herois virtus, & observatur in oculis (Hebraico tropo ignosce) pectoris mei, vivit amor, flagrat virtus, suaviloquentia adhuc oblectat aures, obstreperet & παροιμιῶν frequentia, subinnunt viro- rum optimorum laudes; Mori civilis, inquam, & Coleti religiosi. Insonant epiphonemata, illud in primis, illud laudatissimum, illud aureum, nihil in sacris Literis præter Christum quarendum. Tamque præsentem hac ad- sunt, ut adhuc ab ore tuo pendere mihi videar, neque mihi ipse ipsi esse præsentior. Obliviscor subinde mea hu- militatis, in te admirando occupatior, quoties parvulum illud, sacrum tamen & dulcissimum amicitia monumen- tum, ἀρχὴν ἔξ Ευαγγελίου καὶ Ἰωάννου deosculatus sum, eo- que tacto, quo non aliud sanctius Christianis juramentum, Erasmo me devovi. Matri donaturus eram, si non tan- ti apud me Erasmus. Crucifixum meo Jesu, coram quo pre- culas effundo, appenderam, ut te tuamque fortunam illi commendarem, (ita enim flagitabas, & charitas exigit) neque a tui memoria vel inter sacra avellerer. Impruden- tius tamen amicalis τὸ καμῆλιον ostentavi, glorians ab ami- co dulcissimo profectum: unde factum, ut Harpyia nescio qua sublegerit non mediocri animi mei acerbitate, verum ci- tra memoria tua periculum. Affixurus eram & epistolium ex Spiritu, ut reor, ad me datum, nisi rapaculos timerem, verum secretius lectio, subinde suavis. Quid hac? Quo- modo animo excideret eximium illud amicitia testimonium & ornamentum, quo Theſeum tuum vocas: quamvis au- tem tantum onus, ne honorem dicam, male feram, non sum tamen nescius, quid discedens promiserim, datu- rum me operam, ne omnino vana super Oecolampadio di- xerit Erasmus. Conor quidem, fortasse infelicius, mul- tum negat sterilis Minerva, multum & ambigua vale- tudo, & hac multum commodi affert, dum compedibus aureis domi detineor. Hieronymi interpretationes cum Hebraicis conféro exemplaribus, qua prope nunquam è manibus seponuntur. Est mecum adolescens paris studii ac ardoris ad quasvis literas, Joannes Brentius, tui no- minis studiosissimus, paramus πινυξίδιον in germana divi Hieronymi Opera. Ludo item tragædiam, Nemefin Theo- phili, sed tardiore incremento dramatis secundi finem nec dum vidi, quamvis versus sint prope sesquimille: rem mediocritati mea imparem aggressus sum, & quem exi- tum sortitura sit dubito. Proinde ejus non meminisse sa- tius fuerat, ne forte in spongiam, sed memor fidei data, non indicare non potui. Dabo enim operam, annuat Deus, ne frivole Oecolampadium ornarit Erasmus. Crebras ad me dat literas Ph. Melanchthon, semper tui meminit, semper admiratur, semper commendari tibi rogat: plane dignis- simus Erasmi amore, qui alter futurus est Erasmus. Qui- que facundia, ingenio, eruditione, vita, si quisquam

A Germanorum, Erasmus præstabit. Id Beatum nostrum, An- beatius apud te, ejusdem nomine egisse non dubitarim. 1517. Me vero hac epistola non rhetoris, sed amici à fucopla- ne alieni officio egisse, teque mihi semper præsentem arbi- treris, mi Erasmus. Vale, optime Erasmus, שְׁמֵחַ הַיּוֹם hoc est, corona capitis mei. Ex specu nostro natalitio Vinimonta- no 26. Martii, Anno 1517.

EPISTOLA CCXXXIX.

Erasmus Roterodamus Jacobo Fabro Stapu- lenſi S. D.

B DOCTISSIME idemque optime Jacobe Faber, jam unis atque alteris literis testatus sum, quam acer- be feram hanc ansam obtigisse maledicis, de nobis gar- riendi. Præsentiebam hoc malum nasciturum. Sed quia non erat mihi integrum non respondere, è duobus ma- lis, quod levius visum est, delegi. Nunc quod unum superest, oro te per Christianam charitatem, per san- ctissimorum studiorum communem amorem, per utri- usque famam, quam ex amicitia lege par est utrique cor- di esse, ut communi studio, malo huic qua licet me- deamur, ne latius serpat incendium. Vides homines ad malum proclives, undecunque dissidiorum causas ar- ripere. Nullum est pene convivium, in quo non hinc pro Fabro adversus Erasmus, hinc pro Erasmo adver- sus Fabrum disceptetur, præsertim ab iis, qui rem pe- nitus ignorant. Sparguntur tuo nomine diversæ voces, alii prædicant abs te parari recriminationem, alii ne- gant dignari responso Erasmus. Rursus alii dicunt te non improbare, quod me defenderim: alii è diverso incusare temeritatem meam. Ego quod ad me perti- net, haud multum laboro, utrum respondeas, necne, modo ab odiosis istiusmodi dictis temperes, quæ nec tibi decorum est in amicum jacere, nec mihi integrum dissimulare. Cæterum, molestum est, nostra causa seri dissidia inter Christianos, exsultare nostra dissentione eos, qui tuis æque ac meis studiis infensi sunt. Non voco te ad palinodiam, licet indignis modis sim lacef- situs, tantum epistola quapiam testare, te veri vesti- gandi studio decertasse, cæterum inter nos animorum esse concordiam. Quod si non placet, denique malim te respondere, quam silentio tuo partes irritare, mo- do ea utare temperantia, quæ pristinos tuos deceat mores. Nullus mortalium audivit me de Fabro loquen- tem, nisi tum amanter, tum honorifice. Tantum ad- mirari me fateor, quibus rebus adductus ea in me scri- pseris. Neque secus sentio quam loquor, teste CHRIS- TO. Bene vale, vir optime. *Lovanio* 17. Aprilis, An- no 1517.

EPISTOLA CCXL.

Erasmus Roterodamus Petro Agidio suo S. D.

E PER nostram amicitiam, qua non potest arctior ef- se, per tuam incolumitatem, quæ mihi non secus atque mea ipsius est cordi, mi Petro, da operam ut reversus, te offendam hilarem ac lubentem. Ita mihi demum videbor reversus incolumis. Tempera victum, in reditum Adriani tui, cui mehercle plurimum fido. Est aliquid amico uti medico. Interim cave ne crebris pharmacis vires nimium exhaustas. Inprimis tempera tibi ab omni vehementiori motu animi, ab immodico gaudio, ab intemperanti risu, ab ambulatione gravio- re, à studio vehementi, sed ante omnia ab iracundia. Mi Petro, omnia vitæ posthabenda sunt. Fortassis hæc admoneo importunius, sed utinam tam feliciter admo- neam, quam ex animo. Ego meum periculum con- temno, modo contingat te reviviscere, hoc est, fir- mum validumque fieri. Bene vale cum suavissima con- juge, dulcissimisque liberis. *Lovanio* 17. Aprilis, An- no 1517.

EPISTOLA CCXLI.

Erasmus Roterodamus Richardo Paceo suo S. D.

An. 1517. **O** Vere splendidam vestrae Britanniae regiam, sedem & arcem optimorum studiorum ac virtutum! Et vobis, mi *Paceae*, gratulor, talem Principem, & ipsi Principi gratulor, cujus regnum tot ingeniorum luminibus illustretur. Utroque vero nomine gratulor vestrae Angliae, quum alias multis modis felici, tum istis sic excellenti titulis, ut nulla regionum cum ea queat conferri. Nunc demum juvat, universam aetatem apud Anglos exigere, ubi favore Principum regnant bonae literae, viget honesti studium, exultat aut jacet, cum fucata personataque sanctimonia, futilis & insulsa doctrina quondam ἀπαίδευτος πεπαυδμένον. *Grocium* deficere doleo: sed rursus video pro uno tam multos brevi suppullulatos. Quod negotium meum tam amanter egeris, veterem tuum in me animum libenter agnosco. Utinam liceret hanc provinciam edendi Novum Testamentum alteri committere. Verum hoc quicquid est mortarii, quando intrivi, mihi totum est exedundum, quæ res istis μαλαιολόγοις vertat male. Utinam mihi magis incidisset in mentem, de hominibus quam de portentis bene mereri. Cum *Lovanienfibus* Theologis mihi probe convenit. *Coloniensis* Academia diffidiis inamoenis conficitur. Dentata charta res agitur. Jamque & meum nomen paulatim admiscet. Curfant sursum ac deorsum personati præcones, fœdum rumorem spargentes in vulgus, impudentissime mentientes, quod illis commodum bonumque est apud eos, qui nihil omnino de re norunt, non magis quam ipsi. *Dorpius* mihi videtur ex animo factus amicus. Adnitar ut ante hyemem vobis restituar, si modo reditum dabunt superi. *Paraphrasis* rursus excusa est *Basileae*. *Apologia*, qua *Fabrum* placo, nuper *Basileae* prodiit, cum annotamenti jam pridem excusa *Argentorati*. Precor Deum Opt. Max. ut tibi istum animum, te nobis diu servet incolumem. *Lovanio* 22. Aprilis, Anno 1517.

EPISTOLA CCXLII.

Erasmus Gonello suo S. D.

G RATUM erat tuum munusculum, gratior epistola tam amica, gratissimus animus, nihil etiamnum immutatus diutina consuetudinis intermissione. *Clementem* summæ spei juvenem meis verbis admonebis, ut ab intempestivo studio temperet. Memini quam ille sit libro affixus, præsertim ut à nocturna scriptione quantum licet abstineat, & si forsitan ob Cardinalis negotia cogetur scribere, stans & erectus scribere assuescat. Nolim hoc ingenium ante diem perire, malimque servari studiis, quam Cardinaliciis negotiis impendi. Bene vale. *Lovanio* 22. Aprilis, Anno 1517.

EPISTOLA CCXLIII.

Erasmus Rot. Henrico Bovillo suo S. D.

V IDEO, mi *Boville*; tantam hominum perversitatem & ingratitude, ut propemodum in animo sit, edito rursus Novo Testamento, mihi canere & Musis. Conspirant personati quidam histriones, qui Curios simulant, & procul allatrant: coram, nemo verbum. Spargunt in vulgus, talibus scurris digna mendacia, perinde quasi hoc ipsum essent professi, famam alienam mendaciis suis contaminare, quasque pro hierophantis sycophantæ esse decreverint. Nunc mihi non est ocium, sed si pergant, accipientur ut digni sunt aliquando. Vos istic pro me & *Fabro* inter vos concertare doleo. Scripsi nuper homini, ut aut epistola quam edita testetur inter nos convenire, si pudet παλιωδῆν, aut respondeat, si quid habet quod defendat, modo temperet à tam amicis ac peramicis dictis, quibus antehac in me lusit. Nunc illius silentio magis excitari diffidium video, dum quisque pro suo animo suspi-

A catur. Rixarum nullus est finis. Quod si hoc mali conjunctum est studiis, mihi valebunt potius. Dormire præstat quam scribere. Bene vale, doctissime *Boville*. Amicis omnibus salutem dicito, nominatim *Vachano* & *Briano*. *Lovanio* 23. Aprilis, Anno 1517.

EPISTOLA CCXLIV.

Erasmus Roterod. Cornelio Batto S. D.

C HARISSIME fili, tuam erga me pietatem lubens amplector, faciamque pro virili mea portione, ut intelligas defuncti *Batti* neque memoriam, neque charitatem apud me intermortuam, tu modo cura, ut optimo doctissimoque patri literis ac moribus respondeas. Ego nunc *Basileam* adeo, sic enim res postulat. Si istic es tolerabili conditione, perdura usque ad reditum meum. Redibo enim, volente *Christo*, mense Octobre: sin minus, conveni *Lovanii Joannem Hontifcotanum Liliensis* paedagogii moderatorem, & ex illius consilio pete *Brugas*, conventurus *Marcum Laurinum* coadjutorem, ut nunc loquuntur, Decani *S. Donatiani*, cui de te scribam hodie. Optimum & humanissimum patrem *Gosvinum* meis verbis saluta diligenter. Optarim te literis *Græcis* operam dare, & evolvendis bonis auctoribus. Accipies his literis inclusum nobilem *Flandricum* aureum, animi in te mei pro tempore quaecunque pignus. Bene vale, mi *Corneli*. *Lovanio* 29. Aprilis, Anno 1517.

EPISTOLA CCXLV.

Erasmus Rot. Marco Laurino S. D.

S CRIPSIT ad me *Batti* sincerissimi quondam amici mei filius *Cornelius Battus*: juvenis bene linguax, satisque doctus, sed loripes: is tenetur hujus regionis desiderio: nam *Gruninga* agit hypodidascalum. Si forsitan te adierit, expende num tibi possit usui esse: sin minus, remitte illum *Lovanium*. Nolim ut mea causa quicquam agas adversus animi tui sententiam. Bene vale. Scribam alias copiosius. *Lovanio* 29. Aprilis, Anno 1517.

EPISTOLA CCXLVI.

Erasmus Rot. Antonio Clava S. D.

N UPER videbaris optare *Gracum Herodotum*: cum ad te dono mitto; nam facile mihi reperietur alius in hoc itinere. Bene vale. *Robertum Casarem* vix possum salutare, qui nuper nos tam superbe destituerit in coena. *Lovanio* 29. Aprilis, Anno 1517.

EPISTOLA CCXLVII.

Erasmus Johanni Coleto, Decano S. Pauli, S. D.

P ATRONORVM optime, pro tuo in me officio jam egi gratias per *Franciscum*, & syngrapham tradi, qua testor mihi de regia pecunia satisfactum. Accingor ad iter periculosissimum, ob nuper dimissos sceleratissimos prædones, qui millibus aliquot conglomeratis ex sua libidine grassabantur in quosvis. Hæc est crudelis Principum clementia, parcere impiis paricidis, & sacrilegis nefariis, non parcere civibus suis. Adeo chariores sunt illis, per quos opprimunt populum, quam populus ipse. Utinam adjecisses duobus verbis, quare in capite septimo tibi non satisfecerim, fortasse quod ego ad affectus retuli, tu malebas ad legem *Mosaicam* referri. Sed *Paulus* illic adeo lubricus est, nunc huc respiciens, nunc illuc, ut in his explicandis summopere sudet *Origenes*. Alias polliceris te scripturum, verum hoc alias serum erit. Opere jam absoluto totus ad vos advolo, præsertim si quid bonæ fortunæ paratum erit. Quod ut fiat perge, te quæso, adniti. Bene vale. *Lovanio* 1. Maji, 1517.

EPI-

EPISTOLA CCXLVIII.

Erasmus Rotterod. Joanni Botzemo S. D.

An.
1517.

Hoc mihi jocundior tua fuit epistola, vir clarissime, quod novi lucrum amici cum veteris recordatione copulavit. Urbanum jampridem amabam. Abstemium libenter agnosco. Fortunæ tuæ gratulor, non aliter quam si esset mea. Cætera placebant omnia. Cæterum, quod scribis isthic circumvolitare *Apologiam in Pacaum* ut suspicor, male discruciat animum meum. Utinam illi hoc excidit de *Constantia*, scio non dictum malo animo. Eodem in libello multa jocatur & in me, quæ nollem scripta ob quosdam nihil non detorquentes ad calumniam. Novi *Pacuum* intime. Nihil illius ingenio candidius, nihil integrius, nihil amicus. Simplicitas hæc est, non malevolentia. Eruditus est, sed eum librum, id quod res indicat, effudit ex tempore. Et curatum est à nobis, ne rursus excudatur, nisi ab auctore recognitus. Ego in hoc odiosissimo rerum tumultu, quem præter *Dominicanos* ac *Theologos* excitat *Eduardus Lens*, quo uno nihil unquam adhuc terra produxit, nec arrogantius, nec virulentius, nec stultius, sum *Pacuum* expertus talem amicum, ut nemo fratri frater posset esse amicior. Est cum summatis omnibus, tum optimo Regi, longe charissimus: successit nuper in dignitatem *Joannis Coleti* Decani apud divum *Paulum*, provehendus haud dubie ad summas dignitates. Quare velim ut si quid animo conceperis iræ in illum, penitus ejicias, vel mea causa. Non enim poteris me ullo officio demerere magis. Ego vero posthac *Botzemannum* in amicorum fastis, vel inter præcipuos scripsero. Ad *Zafii* mentionem exilii. Utinam egregius ille senex nobis diutissime supersit. *Dorpio* nostro literæ tuæ fuere longe gratissimæ. Erat responsurus amicis; sed in præsentia deerat oculum. Propediem respondebit omnibus. Optimo patrono meo urbanissimo *Urbano* plurimam ex me salutem dicito; item *Oecolampadio*, si isthic adest, & ornatissimo *Johanni Fabro*. Hæc scripsi plusquam occupatissimus, scripturus alias accuratius. Vale. *Lo- vanio* 16. Maji, Anno 1517.

EPISTOLA CCXLIX.

Guilielmus Budæus Cutberto Tonstallo S. D.

EADEM opera fidem Erasmi tui meique liberaſti, Cutberte doctissime: & ita me tibi obſtrinxisti, ut vel juris cuiusvis, vel necessitudinis nexu tenacius adstringi, certiusque non potuerim. Nullo enim nomine in *Calendarium* meum referri vel auspicius, vel honorificentius poteris, quam ut tu ingenii istius ac doctrina specimen mihi dares, tam gravi, tam tersa, tam plena benevolentia atque elegantis cuiusdam ingenueque humanitatis epistola: quam ad me scriptam esse scio in magnis tuis occupationibus, vel Principis tui potius: quem ego ipsum hoc præcipue nomine olim fore illustrissimum duco, quod obeundis legationibus suis viros deligere novit, doctrina iudicioque præstantes: qui si tui similes unum & alterum in regno suo habet, etiam summe ut felix sit, necesse est. Equidem epistolam tuam identidem lectitans, quantum debeam Erasmi amicitia, persentisco: quo cum nuper pepigi de communicandis inter nos amicis, ut alterutri accesserint, illa ut arbitror epistola, quam tu tibi magnopere affirmas placuisse: quo pacto non rationes meas auxisse luculenter, fortunisque meis præsidium firmum quaſſe mihi videar? Ecquod enim conventum, ecquis contractus, ecqua negotiatio rem meam auctiorem reddere, uberioremque potuit, aut penates meos beatiores facere (quos non tam ipsos substructionibus mirificis architectari, quam ingenii & industria monumentis mihi promptum est) quam isthac cum Erasmo coita societas, amicorumque communio? quorum ut spero iudicio & arbitrata, operum meorum structuram posteris approbabo. Pro-

A fecto Jovem ipsum Philiu juris amicitia præsidem & interpretem jurare (si liceat) non dubitem, tanti esse mihi hoc pactum, ut si mihi conditio nunc feratur homini non locupleti, prædium tamen opimum merere unum nolum, ut istam societatem Erasmo renunciem, ex qua lucrari jam tantum feci. Nec recuso quin ob unum te Erasmus se mihi perpetuo suamque imputet amicitiam, duntaxat si id sine contemptu mei facturus est. Neque tamen sic quoque cum Erasmo paria non facio, siue ex rerum eventis officium amicitia, siue ex animi candore ac probitate spectes: nupote qui omnes amicos meos in commune contulerim, viros cum cætera egregios, tum in amicitia perquam officiosos, tametsi nondum omnes apud eum professi sunt: ut ne apud me quidem Erasmi omnes amici; siquidem ita spero rem utrinque esse transactam, ut primo quoque tempore, vel cum ita res tulerit, aut ultro aut citati in medium nomina daturi sint. Porro autem ne tu mihi hanc fortunarum partem aut vilem esse aut parum charam putes, quam tam bona fide in medium conferam: velim ita existimes, census me bonam partem in amicis habere, nisi mihi homines imposturam faciant, verborum vultuumque comitate. Certe plus industria (quam mihi pecunia ingentis loco esse duco) in emercendis amicis occupavi, quam in emercendis prædiis. Veram epistolam illam itam jucundam, suavem, melitram, saccharatam eandem & salsam, ac mirifica quadam sensuum acrimonia conditam, accepi pridie Nonas *Majas*, quum non ita multos ante dies peregre redissem, nec iam satis essem commoda valetudine, ob idque subvixissem, & ad studium instaurandum remissus, ac languidus. Hac epistola cursim primum ac pene singulim devorata, deinde iterum iterumque lecta & regustata, ita sensim, vel repente potius, recreatus sum & hilaratus, ut omnem mihi tristitiam & socordiam abstergerem, omnemque alacritatem restituerem, mecum ipse demirarer. Id demum supponebat, quod cum in me ingenii ac doctrina præstantiam non agnoscerem, quam tu mihi tribuis. Sed & hic mihi stimulus acutus fuit ad instaurandum studii mei laborem, illamque animi contentiorem expurgandam, quam (ut ingenue fatear) semper aluit gloria cupiditas: cuius etiam ipsius igniculos ingenuisse naturam animis, non sordidis, nec quaestuariis video, conjecturam ex iis Auctoribus faciens, quorum nunc scriptis literarum auctoritas, disciplinarumque majestas humaniorum constat. Quanquam autem querenda huius gloria propositum, ita comparandum esse optimo cuique semper existimarim, ut posteritatis magis, & memoria in secula permulta perennatura, rationem habere, homines doctrina præstare contendentes, debeant, quam vel sui seculi aequaliumque iudicii, quod plerumque ambitiosum, aut iniquum esse solet, vel præmii presentia: quod perinde ego esse puto, ac si annua, bima, triuma, quadrima, (ut *Juris nostri Civis* conditores loquuntur) aut paulo majore die, solvendum ipse stipuler id opera mihi precium, pro tantis, tot annos exantillis arumnis, quod non nisi æterna persolvi præstatione potest: vel (ut commodius loquar) si annua despiciabilia, per omnes venientis ætatis annos stipuler vergenti jam ætati, sub mortem mox cessura: cuius ut semper diem ipse nondum venisse sperem (qui error est fere æternus mortalium) ab incedente tamen vita semper cessisse sciam. Quanquam igitur in diem fructum huius gloria mihi promissi malim, quam nunc representari, sit tamen nihilo secius, ut quadam aura fame sinuare vela nostra in cursu gaudeamus, utque gloriola uffatum, quamvis tenuem, captantes, nostrum levare laborem in contentione sentiamus. Neque te autem ita existimare, neque alium quempiam velim, quasi ego tanta intentionis studium, non alium finem habere censeam, quam memoria commendationem, rem sane fluxam & adspersibilem: si quidem res mortalium suo ac vero precio æstimarentur, ac non populari trutina, fallacique expenderentur. Est sua Philosophia libra, quam nec forum venalium, nec iudiciale novit, quod rebus ipsa caducis, & tempore perituris, æstimationem, quanti minimo statuit; æternis autem quanti plu-

An. plurimo, ne à verbis furis conditorum recedam: hujusmo-
 1517. di astimationis fructum Philologia, altera mihi conjunx,
 ex dote sua tandem perceptum ire me subinde mihi spon-
 det: quam ego non more nostratum hominum deamare,
 sed misere deperire ab amicis meis gentilibusque dicitur.
 Ex quo enim illam in domum meam induxi, nec fortun-
 nis, nec valetudini recte consuluisse visus sum. Id quod
 quum mihi vitio jure vel injuria vertatur, homini sex
 liberi aucto, unicaque filiola, ab iis quidem qui se ideo
 frangi esse homines censent, quod argentariam facere, ac
 patrimonium quantumvis ampla architectari norint: haud
 dum tamen uxoris illecebris, ac puerilibus blandimentis,
 rei familiaris procacibus avocamentis, medicorum mina-
 cibus interdictis, denique morbi tadio ac carnificina ad-
 ducti aut perPELLI potui, ut hujus Aegeriae mea congressu
 diurno, nocturno, domi, peregre, ruri, aut in urbe abs-
 tinerem: cui ipsi cum annos abhinc duodecim uxorem du-
 cerem liberorum meorum matrem, contra omnium ferme
 uxoriarum hominum opinionem, nuncium non remisit: sic
 enim stangebam mihi esse faciundum, ut conjugem qui-
 dem legitimam haberem liberorum parentem, ex Philo-
 logia autem libros, id est, nominis mei aeternam memo-
 riam, prolemque immortalem gignerem. Liberos jam
 plures aliquanto quam libros gentis, plus corpori fortasse
 quam animo indulgens. Posthac (ut spero) marcescente cor-
 pore, animus in dies vegetior & vividior fiet: utrumque
 autem simul ex aquo prolificum esse nequit, sed cum e-
 merita facultates corporis esse coeperint, tum demum viri-
 bus animi stipendia plene procedent. In hoc autem stu-
 diorum progressu persape inhibitus sum, ac prope retroa-
 ctus adversa valetudine, qua mihi negotia tam multa
 exhibuit, ut non semel impetum ceperim, vita à me in-
 stituta tenorem abruptendi, & desidia atque inertia af-
 fectum jam corpus dedendi. Quis enim in tam longa,
 tamque molesta valetudinis tadio, non se vel medicorum
 placitis, vel uxoris precibus, vel amicorum monitis per-
 mitteret? Certe nisi genesim Philosophicam habuisssem,
 jamdiu Philologiam meam, domo exactam, habere res suas
 sibi jussissem: ut priscum verbum usurpem. Non igitur
 me praterit, quum superiora illa dicerem, ex literarum
 studio, recte atque ordine instituto, sperandam illam esse
 euthymiam in scholis Philosophorum cantatissimam: homi-
 ni praesertim orthodoxa Philosophia initiato, ejusque de-
 cretis digitis (ut ajunt) confertis herenti: aut, si ad nor-
 mam veritatis loqui volumus, euthymia simulacrum &
 imaginem: quandoquidem germanam euthymiam, id est,
 animi plenam securitatem (qua non nisi coercitis affecti-
 bus, ac rationis vi compositis, omnibusque sensibus ad ob-
 sequium animi redactis, suos implese numeros dici potest)
 in hac vita haberi non posse existimo. Quippe divi Pauli
 religionis vera ac pietatis architecti elogio novimus im-
 minere nobis illum hostem infestum, simul & perpetuum
 demonarchen, primigenia noxa suasorem & impulsorem,
 contra quem in procinctu nunquam non stare nos debere
 autumat, nec interim unquam securitati indormiscere.
 Esse enim ejuscemodi hostem, qui praelio quidem interdum,
 bello nunquam vincatur: is in omnes occasiones intentus
 & imminens, quum magnos subinde tumultus atque im-
 provisos in sensibus cieat, non est utique quod quisquam
 sartum se ac tectum fore ab ejus incursonibus confidere
 debeat, tanquam intra Philosophia praesidia atque in ar-
 cem ipsam euthymia penitus se abstruserit, quum nullum
 sit hosti praesidium inaccessum, nobili ejusdem divi Pauli
 exemplo: qui ne gratia quidem majoris prerogativa, huic
 eximi certamini potuit. Sed vereor ne in ἀπρόκαλειος
 & ineptia vitium imprudens delapsus sim, cui in episto-
 la brevitate philosophari obiter succurrerit. Proinde ad e-
 pistolam tuam redeo, in qua illud perfactum mihi visum
 est, quod Erasmus & Budæum quasi duos Milones in
 arena quadam Palladia committere videris, Mercurio de-
 signatore & agonothesa, instructoreque certaminis, specta-
 tore te eodem & plausore ancipiti, atque in utriusque fa-
 vorem ambigente: quo quidem epistola tua loco quum a
 me gratiam sane bonam inivisti, tum vero id minime
 periculum est, ne in Erasmi offensionem impegeris. Si-

A quidem qua est animi aequitate Erasmus, etiam me si-
 bi avari non gravabitur, ut qui ne praefere quidem ipse
 gravetur, quum ad Socraticam ironiam se composuit,
 & risum genuinum è comica fronte detergit: vereor e-
 nim dicere frontem eum perfricuisse, quum uno nomi-
 ne ἀπαίδευσις omnia mea epistola superasse se diceret,
 id est, ὀψιμαδῆ, αὐτομαδῆ, atque etiam κακομαδῆ. Atque
 ego nisi utrumque vestrum opinione falli, ac plane nihil vi-
 dere in astimatione mei libentius crederem, tamen si alio-
 rum in scriptis perspicaces, bellissimos vos esse irrisores
 conjuratosque clamarem. Egone ut illo cum Milone con-
 ferre manus audeam, ni confidam eum remissum ire mihi
 multas arctasque preensiones? nec totos in me lacertos
 adhibiturum? atque in universum ineluctabiles illas vi-
 res ad captum submissurum mediocritatis nostra? E-
 quidem praclare atque ample mecum agi putarem, si
 si isti Miloni Submilo esse possem, aut etiam Milonia-
 ster. Age, quonam tandem modo athleta non ineptus,
 non absurdus, non explodendus esse potest, qui ut viri-
 bus fortasse non careat, athleticam tamen illam pala-
 stram, artis & industria commendatricem, sub pala-
 stricis nunquam didicit? id quod quum de me dicam,
 tu fidem magis moribus meis indulgere videris, quam
 id simile veri esse credere. At vero libens id abs te con-
 tenderim, ut si quando publicis muneribus perfunctus,
 ludicris aliquantisper feriabere, tu cui nunc tantum va-
 cat certamen hoc nostrum animi causa spectare, de podio
 vel gradibus in arenam descendas, ac specimen tui pra-
 beas: ego enim non te spectatorem tantum esse arbitror
 oportere, sed etiam ex illis unum quos Ephedros appel-
 labant; non ad spectandum tantum ipsos sedentes, sed ad
 id veluti subsidiarios atque succenturiatos, ut ne victo-
 rem statim securum esse palma sinerent, victoque sola-
 tium afferrent, cum victore congregiendi. Atque quum
 epistolam tuam lego, non jam Erasmo quamlibet gravi
 auctori, amplissime de te censenti, sed mihi ipse credo: ni-
 hil apud memet gratiosa amicitia tua tribuo, id quod il-
 lum fecisse, quum ad me de te scriberet, suspicari quis
 poterat: mihi qui videre tu omnes hujus palaestra numeros
 ita tenere, ut sub padotriba non pœnitendo didicisse te exi-
 stimare debeam, cum illoque Milone melius ac facilius
 paria esse facturum: si tamen eum quisquam nostrum a-
 quare potest. Nam mihi videtur Erasmus non jam Mi-
 lo, sed Pentathlus quidam esse nobilis, cujus gloria
 quam latissime pateat: qui terrarum peragratore nulli-
 bi non documentum ingenii sui dederit, ac periodon
 prope vicerit, in sacris, in profanis, atque in omni par-
 te orbicularis disciplina certaverit, quam Encyclopadiam
 vocant, & nusquam non probatus sit. Etenim ut mittam
 Panegyricum & Christi militem, multorumque ejus O-
 perum nobilium nomenclaturam, & Morias Encomium,
 quod studiosi fere habent in deliciis, certe quum Ili-
 dem (ut ita loquar) illam leporum Græcorum juxta La-
 tinorumque lego, qua Parœmiæ vocantur, nunc logo-
 thecam Minervæ videre mihi videor, nunc Mercurii
 salinum, quem Logium appellant, arte eximia fabrefa-
 ctum, & in quo tamen ipso materia cum opificio certet,
 unde sales candidissimos oratoria, comicaque facundia ad
 usus disteriorum sumat. Nunc Pithus delicias & condi-
 menta vel Suadæ medullam, interdum visendam quan-
 dam copiosamque supellectilem, longo intervallo promptam
 (si tamen unquam sic confertim prompta est) in taberna
 amplissima expositam praeviditis cujusdam instititoris, elo-
 quentia ordine descriptam digestamque decentissime. In eo
 volumine invenias duarum elegantium matronarum poe-
 tica & oratoria artis cultum, mundicias & ornamentum,
 ornatrixque earum, quam Venustatem vocant, pigmen-
 ta atque lenocinia, quibus artifices dicendi, & qui Lo-
 godædali dicuntur, scripta quondam sua vendibilia red-
 debant. Rursus cum ea lego, qua in Novum Instrumentum
 religionis ac pietatis edidit: quaque in divi Hieronymi
 libris (quo uno ferme interprete juris divini prudentia
 nititur) immenso labore explicuit, enarravit, digessit,
 interpolavit, & plane instauravit, ibi sacrosanctam disci-
 plinam, qua vivendi moriendique ratio nobis constat, recte
 Tom. III. Q at-

An. atque ordine constitutam, atque etiam restitutam, atque
 1517. ti huic nostra posterisque gratulor. Simul istos triumpho
 in ordinem esse coactos, senilis infantia ac rustica & elin-
 guis doctrina ut patronos & assertores, sic improbos obtre-
 ctatores elegantia, qui nihil esse sanctum putant, nisi squa-
 lore sordibusque sermonis horreat: quique Philosophia ipsi,
 omnium bonarum artium auctori & locupletatrici, hone-
 statis gravitatisque antistiti & interpreti, omni nitore at-
 que elegantia verborum sententiarumque interdictum ef-
 se contendunt Senatus orthodoxi consultis: qui ex mayo-
 ram (quod dici solet) gentium patribus conscriptisque co-
 gebatur. Cum vero, si quando usu venerit ut Philosophia
 in scenam per prosopopœias theatrales exitura sit (ut assolet
 apud nos per licentiam scholasticis antehac fere indultam
 regaliorem festis, qua Theophania vocantur) non tragi-
 cam illi personam Choragus, aut pretextatam induere,
 sed togatam atque adco tabernariam debeat. Iuvat igitur
 hac me legentem animadvertere, Stoicastro illos bar-
 baricam loquacitatem antea populariter professos, ita
 nunc cum suis cavillamentis à classibus doctorum, atque
 adeo de ponte literis suffragantium, esse dejectos, ut qui
 prius arcem tenere Philosophia putabantur, & suffragio-
 rum prerogativam in disciplinis habere, nunc Saturniis
 lemis caligare (ut proverbio alludam) ab omnibus dicti-
 tentur; iis quidem certe, qui aliquo sese numero videri
 inter literatos volunt. Ecquis est autem tam adversis
 Gratiis natus, cui jam non sordeat pinguis illa ac tene-
 bricosa Minerva, ex quo Litera quoque sacra, Erasmi in-
 dustria tersa, mundiciem priscam splendoremque recepe-
 runt? Quanquam id longe majus est, quod idem eadem
 opera præstitit, ut veritas ipsa sacrosancta ex Cimmeriis
 illis tenebris emergeret; etiamsi nondum plane Theologia
 è schola sephistica pedore enituit. Quod si quando factum
 fuerit, seculi utique nostri primordiis debetur. Certe
 hæcenus jam profectum est, ut eorum partim factum il-
 lum supercilii ponere videantur, erroremque taciti agno-
 scere: partim quibus integrum est per aetatem & vita
 institutum, sortis sua pœnitentes, nunc literas meliores
 capessere & amplecti. Eandem à me operam in literis ci-
 vilis prudentia eodem cum successu navatam esse, tua-
 rum (ut spero) literarum elogio in posterum credetur, si
 quando in publicum exierint. Ac mihi quidem hac scri-
 bentis, ridere eorum vanitatem atque ineptias subit, qui
 obvio cuique ab adspetu aut ingressu, statueret precium &
 estimationem solent. Hic verba & sententiam usurpabo
 cuiusdam viri gravis, solertis hominum estimatoris, qui
 haud ita pridem vidit Erasmus. Quis est enim tandem,
 cui de corporis totius facie atque habitu, omnibusque af-
 fectibus, quibus obnoxia sunt corpora humana, Erasmus
 estimare in mentem venerit, nec esse famigeratum illum
 Erasmus suspicatus sit, qui arbitretur eum Mercurium
 in ore, Genium in precordiis, Palladem in capite, ut
 Jovem quondam illum, habere? Et post hac audet ipse
 mentionem mei facere, non jam ut sibi par, sed etiam,
 si Christo & veritati placet, majoris: quasi vero nec
 me, nec Erasmus noverim, qui praclari instituti vel
 conditor, vel relator, reliquit exemplum posteritati, ut
 non ante Theologum profiteri jure suo se quisquam posset,
 & ad Libros sacros evolvendos publice, enarrandosque, ac-
 cedere, quam in omnibus Camœnarum fontibus manus se
 satis lavisse confisus sit. Cui utinam ipsi tam par propemo-
 dum esse possem, quam equalis prope sum, ut ex eo epi-
 stola ejus loco video, ubi de senectute & senio cavillatur.
 Nisi vero credere par est illud, quod de agro ingenii sui
 exhausto jugi fœtura scribit. Qui locus etsi mihi inter
 alia epistola loca multa placuit, tamen ei non assensus
 sum, quum ipsius ingenii fœcunditatem eam esse vide-
 rem, eamque ubertatem doctrina & copiam, qua in om-
 nes bonas fruges semper restibilis sit: nec alia atque al-
 ia identidem lectione, velut novis subinde riguis, indi-
 geat. Siquidem ita fert natura (nisi fallor) ut soli præ-
 fœcundi sic eximia mentis, ut anniversaria ejus fœtura
 luxurie carentem, non etiam effœtam efficiat segetem.
 Ex hujusmodi ingenio Erasmus quasi ex latissimo quodam
 latifundio, atque ubertatis inexhausta, multis jam an-

An. nis luculentam messem colligit solida illius & expressa glo-
 1517. ria, in seculaque iura. Tamen ad eum scribens ita cum
 eo agere solitus sim, itaque irrequietum ejus animum ex-
 agitare, ut ista diligentia atque industria satis eum fa-
 cere mihi negem, nisi majora in dies majoraque suscipiat,
 id est, magnitudini ingenii sui congruentia, animoque
 quantumvis sublimi non pœnitenda. Inde illa inter nos
 concertatio, quum ego multa exigua vel mediocria (pro
 portione captus Erasmi loquor) accepto laturum me pro
 magni plane nego: etiamsi opera perfecta, probata, præ-
 stita lege erunt, ut utar prisca formula verbis: utpote
 qui hoc contendam, hominem tam alto, tam capaci, tam
 versatili ingenio præditum, in nulla non officina Musarum
 expolitum, grandissima quaque opera nunc suscipere
 debere. Indidem illa inter nos epistolaris velitatio, quam
 tu (ut video) animi causa spectas: qua nuper ad conse-
 rendas manus jamjam exarsura videbatur, ut illa præ-
 grandi epistola apparet, qua omnes ipse copias argumen-
 torum meorum disjecit. Colligere enim reliquias agminis
 mei statueram, copiasque supplere, ac rursus certamen ex-
 periri. Verum, id ne facerem, ab amicis meis deterritus
 sum, qui me imparem tandem futurum videbant, si il-
 le per ocium acius incaluisset. Deinde non satis indulgere
 imperitia mea, aut rusticula ferocia, visus est homo
 urbanitatis & facietiarum artifex. Etenim cum omnia
 simpliciter scribere ad eum mihi videar, sit tamen nescio
 quomodo, ut vel in usurpando amicitia jure nonnunquam,
 vel aliter imprudens in oxymora quadam incidam, quibus
 ille veluti subdolis cavillis, aut figuris nonnihil offen-
 ditur, aut certe offendi se simulat: videlicet hoc illud
 est quod dixi, Eorum sum similis athletarum, quos
 Apalæstros vocant, qui non norunt quid deceat simul,
 & ad id quod agitur, valeat. Itaque sit, ut quum ego
 lienem scriptitando exercere gaudeam, ille vel stomacho,
 vel incommoda suspicioni nonnihil dare videatur: sive id
 immerito suspicari interdum in mentem mihi venit, sive
 ille veteranus certator, ac plane in hac parte veterator,
 rudem adhuc me tironem, petulantius me inferentem,
 hoc pacto emendandum castigandumque censet, id quod
 ipse libentius mihi persuaserim. Quod si inter nos hac
 de re secus suspicaremur, tu juris non modo Civilis, sed
 etiam amicitia consultus, jus nobis (ut arbitror) redde-
 res, aut litem componeres: certe quidem per me liceret
 ut id faceres, nec ei quam mihi aequior esses, ut opinor,
 etiamsi tibi ipse familiaris est, & (ut ab eo audio) propemo-
 dum sodalis, quod prædicandum merito esse putat.
 Nolim tamen ut qua de offensionis suspitione dixi, serio
 à me tu dicta esse credas, quum nihil minus cogitem:
 sed velim ut Erasmo persuadeas, me ob eam suspitionem
 non rescribere volumini illi epistolari, quo aciem ille in-
 ventionum mearum fudit, non prorsus inconditam. Ma-
 lo enim ille existimet victoriam me indulgisse auctoritati
 sua, integris adhuc viribus, quam herbam porrexisse,
 quum ultra sustinere impetum ejus nequirem. Scripsi ad
 eum dudum, & iterum (ut spero) scribam, sed aliud
 argumentum eligam mihi tractabilius, & si occasio se
 dederit, in articulo eum opprimam. Certe hoc non com-
 mittam, ut alias quam incantum & lassum ab opere se-
 rio adoriar. Enimvero gratum, per (inquam) gratum
 est mihi, quod simplicitati morum meorum credis, id
 quod ad Erasmus scribens, obiter deploraveram, mihi
 me præceptorem prælectoremque fuisse, nisi interim suspi-
 carer facile id te credere, conjecturam ex stylo scripto-
 rum meorum facientem: in quibus subvercor, ne ali-
 quid fortasse structura refractariola deprehenderis, aut
 rudiusculi schematis, quod nec limam, nec scobinam
 officinarum expertum esse videatur. Sed rursus id mini-
 me sentire mihi videre, quum etiam eo nomine placere
 me mihi ac gratulari jubeas, idque ipsum acceptum sum-
 mi loco beneficii referre providentia. O festum te hortato-
 rem, & jucundum ac solertem, qui τὰ μὲν ἰδανίσματα
 εἰς πλεονεχίματα τέπεις, & quod summe pudendum
 esse censebam, aut certe tegendum, si celari potuisset,
 id & utile & honestum, & mihi prædicandum esse doces.
 Mane dum paulisper, omnia tibi indicare in animum
 ip-

An. induxi, quandoquidem te clam clementem ac dextrum
 2517. consolatorem nactus sum. Dixeram me αὐτοματῶς τὰ ὀ-
 ὕμῳαδῃ fuisse; & non modo præceptore nullo, sed etiam
 fero literis bonis studuisse: nunc eo amplius dico, litera-
 rum me rudimenta & Grammatices principia, ut tum
 ferebant mores, simplicitatis nunc obsoleta, in hac urbe di-
 didicisse triviali sub ludi magistro literarii. Cumque hisce-
 re Latine vix cepissem, ad Juris studium transivisse, aut
 transivisse potius, dispendioso temporis compendio. In quo
 cum triennii operam lusissem, domum reversus salutem di-
 xi literis, studiis utique indulgens juvenutis illiterata:
 quoad post aliquot annos intra paternos parietes clam stu-
 dere mecum ipse institui, procul omnibus conventiculis
 hujus urbis scholasticorum, excitante me tantum patris ex-
 emplo doctrina laudatore, & librorum emacissimo. Ibi
 à deterrimo quoque, ut sit, auctore auspiciatus, cum glos-
 sematum fecem per imprudentiam hausissem, errore tam-
 dem intellecto, cum ad libros meliores me consulissem,
 paulatim redundantem illam præcordiis meis fecem rejeci.
 Ecce autem aliud incommodum, quum accipitrariis &
 venatoribus salute semel dicta, annos abhinc sex & vi-
 ginti, libris, ut dixi, non magistris aliquo cum successu
 operam dare cepissem; statim Græcum quendam nactus
 sum senem, aut ille me potius: illi enim veltigal ma-
 gnum attuli, qui literas Græcas hæcenus, aut paulo
 plus noverat, quatenus sermoni literato cum vernaculo
 convenit. Hic quibus me modis torserit, mox dediscenda
 docendo, nisi quod & legere optime, & bene pronuncia-
 re sciebat, non bene tribus chartis scriberem, cum inse-
 vim ipse ut unum eum esse Græcum in Francia audie-
 bam, sic esse doctissimum Græce existimarem, & ille
 ostendens mihi Homerum, nonnullosque Auctores fami-
 geratos nuncupans, flagrare me studio infano intelligeret.
 Accedebat illud erroris, quod qua erat in eo ignorantia,
 ego ludificationem esse putabam, quo diutius ille me sti-
 pendiarium haberet. Tandem literis apud nostros paucis
 annis illustratis Italiæ commercio, librisque sensim utrius-
 que lingua advectis, cum ego sarcire damnum contende-
 rem atavula transacta per inscitiam: nec pecunia in coe-
 mundis magno libris, nec labori in ediscendis parcerem,
 ac quotidianas sesquioperas à me plane exigerem: eo pri-
 mum perveni, ut dediscere instituerem, qua male edo-
 ctus eram: deinde ut ultra præceptori illi Græco ne au-
 scultarem, etiam si ad me ventitabat, libros empturien-
 ti venditans ac scriptitans, quanti semel indicasset. Quid
 tu hic? potesne iterum, quod incommodo mihi verto, id
 tu in bonum coxisse, cessurumve ostendere? Jam vero ad-
 versam valetudinem non tam mihi agnatam (ut arbitror)
 quam cognatam & ingentiam, quantum mihi facessisse
 negotiorum putas? cum mihi se semper sequaciorem um-
 bra praberet, quocumque agerem me terrarum: eo jam
 ipsa molestior, quod ejus crimine literarum studium cum
 a medicis, tum ab omnibus mihi obviis, plus jam annos
 quindecim male audit, ut insanum & exitiabile: lite-
 rarum eo amplius Græcarum, ut vesanum & piaculo
 simile, etiam si nuper cepit esse plausibile. Nec tamen
 ideo velim ut omnino me expungas è numeris classicorum,
 ut domestica atque umbratica eruditione institutum: pos-
 se enim sic quoque mihi videor inter juniores centuriari,
 cum inter munifices profiteri cæperim, nec præpropere,
 nec infelicissime, ut vestra amborum auctoritati, alio-
 rumque credo. Interim bis Romam adii, urbesque insi-
 gnes Italiæ, doctos ubi homines per transfennam vidi po-
 tius quam audiui, & literarum meliorum professores tan-
 quam à limine salutavi: quantum scilicet homini licuit
 Italiam raptim peragranti, nec libera legatione: sed &
 domi nonnunquam doctorum hominum familiaritate usus
 sum. In quæis præcipue colui Joannem Lascarium, virum
 Græcum, utraque lingua pereruditum: qui nunc in Ur-
 be, Græcorum schola præfectus est à Pontifice: is quum
 omnia causa mea cuperet, non magnopere juvare me po-
 tuit, quum ageret fere in comitatu Regis multis ab hac
 urbe millibus distractus, & ego frequens in urbe, raro
 in comitatu fuerim, fecit libens id demum quod potuit,
 ut & nonnunquam præsens mihi aliquid prælegeret, id

A quod vices non contigit, & absens librorum scrinia con-
 crederet, & penes me deponeret. Certe tirocinium nullo
 sub deductore feci. En tibi studiorum meorum curricu-
 lum, quod sub patre indulgente suppeditanteque facile in-
 choavi, haud scio quam auspiciato. Patre orbatus annos
 abhinc quindecim, ac multa incommoda perpeffus, for-
 tunaque improbitatem multipliciter expertus, cursum ni-
 hilo secius institutum peragere velis remisque contendi,
 remoram tantum unam molestissimam sensi adversa vale-
 tudinis: ac nihil aque mihi animum illum alacrem in
 hac studia incumbentem contraxit ac demisit, quam as-
 fidua mortis meditatio in horas imminenti, quum sæpe
 mihi spiritum interclusum, subindeque restitutum memi-
 nerim. Patri copiose hæres relictus non ex solida uncia, (se-
 missem enim maximus fratrum primigeniorum jure tulerat)
 ac matris hereditate eandem partem quadriennio
 post habui: hoc fere fuit subsidium instituti mihi cursus,
 cum iis quæ acceperunt, ita ut interim nihil quicquam
 acceptum tulerim liberalitatibus, aut Regum, aut for-
 tuna. In quo cursu patrimonii jacturam multam feci per
 incuriam, etiam si naufragium evasi. Id quod sequitur
 ex tua epistola, non tam mihi jactandum, quam quibus-
 dam amicorum meorum fuit, qui tibi ob eam rem multa
 bona dari divinitus cupiunt. Hortaris me ut in locis
 Juris explicandis emendandisque ne lascescam, mihi ita
 gratulari videre, quasi laboris & conatus ratio mihi con-
 stiterit, in eorum hominum elevanda auctoritate, quos
 Juris magis Accursiani, quam Civilis & Romani consultos
 fuisse apud doctos convenit. Atqui ut mihi ille labor nun-
 quam penitendus visus est, cum ob alia multa, tum ob
 id præcipue, quod ejus laboris fructus latissime patere,
 & ad plurimos studiosorum pertinere distabat: ita
 nescio quomodo piget opus diu desitum jam, ac pene de-
 relictum, retractare, quodque tumultuosus primordiis me-
 mini esse inchoatum. In quo meam culpam & agnosco &
 deprecor, (si etiam nunc deprecari liceat) qui flagrantis
 tum animo moderari non potui, quo minus Jurispruden-
 tia causam velut in consilio antiquitatis peritorum age-
 rem, cum eorum hominum convitio, qui Juris Civilis
 majestatem imminuere ledereque non verebantur? qui-
 bus ut ipsis crimen id verti à nonnullis videbam, ita ne-
 minem adhuc existisse sciebam, qui ex formula legum
 postulatos, etiam perageret reos criminibus enarratis, ac
 iudicibus missis in consilium. In eos dicendi primas par-
 tes occupavi, libentius sane quam nunc alteram actio-
 nem suscipiam. Si quis alium existat, qui has sibi vices
 deposcat, est alia mihi instituta commentatio, qua ani-
 mi mei contentionem à lectione Juris avocarit in diver-
 sum: juvenique me magis ea scribendi argumenta, quæ
 non tam angustis finibus circumscripta sunt: neque enim
 movere se libere, exspatiarique potest animus lectione
 longa ac multiplici, quasi farragine obesus & lascivens,
 nisi late patentem materiam, veluti campum liberum
 & apertum ad excursionem habeat. Neque hoc non esse
 vitium interdum intelligo animi parum frugi, sibi que in-
 dulgentis, sed si normam severitatis & frugalitatis adi-
 gerem, moderari que gestientem stylum in animum indu-
 xerim, cum omnem animi alacritatem abstulerim, &
 fortasse jejunum exsuccumque reddiderim, tum etiam Ge-
 nio Minervæque repugnari: id quod mihi in eam cau-
 sam valere volo, quam cum Erasmo in iudicium dedu-
 xi. Verum enimvero, cum hunc mihi laborem lucrifa-
 cere, animoque meo obsequi per eorum veluti creditorum
 flagitationem non liceat, quod me de pollicitatione teme-
 raria identidem appellant, ipsorumque adeo Juris studio-
 rum, quos jam ipsos mecum in gratiam redisse demi-
 sor ac stupeo, injuriæque mihi persequutionem condona-
 se: quam ipsi non solum atrocem, sed etiam sacrilegam
 esse putabant, ob suggillatam à nobis numinum suorum
 majestatem: non id gratia, aut potentia mea, sed ve-
 ritatis tribuentes: quam sensim & ipsi agnoscere cæpe-
 runt: simul cum tu ejus rei mihi auctor sis & ad-
 hortator; idque gravissimi quidam viri non nesciant,
 qui epistolam tuam quasi visendum quoddam mercimo-
 nium exoticumque admirantur, facere (ut opinor) non
 Tom. III. Q 2 po-

An. πωλῆ. Vehementer grata fuit tam amica admonitio, 1517. quanquam quæ dicas λεπτολογίαι nostra, in quibus gaudeam interquiescere, non satis intelligo, nisi quod mihi sane omnia mea, nugæ videntur: ac sæpenumero mecum demiror, quid ibi sit, quod quidam laudibus vehant: nam faciunt id aliquot etiam magni. Vide quam arduum sit omnium iudicio satisfacere. Sunt qui me in jus vocent ut audaculum, qui tam nihili cum sim, tantas res aggrediar. In *Enchiridio* quantum ausus sum à seculo nostro dissentire, nullius auctoritate deterrius? In *Chiliadibus*, opere minuto, quoties expatiar in Philosophorum ac Theologorum campos, ac velut oblitus argumenti suscepti, altius rapior, quam pro decoro. Id magis liquebit, si legeris Proverbium, *Aut Regem, aut fatuum nasci oportet*. Item ἀσάραν ἐλαχίς, ταύταν κόσμει. Item γλυκὺς ἀπείρῳ πόλεμος. Item *Sileni Alcibiadis*: nam in Proverbio Κάνθαρος ἀέτον μαυδίζεται, plane lusimus ingenio. In libello *De Principe Christiano*, ea præcipio, quæ nemo Theologorum ausit attingere; nisi forte *Luciani* dialogos ac tragœdias *Empiridis*, in quibus exercui me, λεπτολογίας vocas. Nihil *Catone* minutius, in quo dieculam absumpsi. At eas quamlibet minutas nugas, ego sane ἔσπευτος quodlibetis antepono. Cæterum, in Novo Testamento nec ignoro, nec inficior, permulta incidere minutula; sic enim argumenti ratio postulabat. Attamen si quis expenderit, imo si quis experiatur, quid sit ea vertere, quid tractare; is intelliget non ita multo maiore negotio iustos commentarios scribi potuisse, quam quo nobis illæ minutæ minutæ scriptæ sunt. Atque hæc qualiacunque λεπτολογήματα gravissimi Theologi amplectuntur, ex his se plurimum hausisse lucis fatentur; nisi forte mihi blandiuntur tot integerrimi viri, quorum & nomina recenserem, & epistolas producerem, ni mihi vehementer displiceret κενοδοξία. Et alioqui si meipsum meo pede metiri velim, nihil nisi minutum suscepturus sim, ac defugiam onus, parvis animis & parvo corpore majus. Denique nescio quo modo magis aridet animo meo in nugis admiscere seria, quam in magnis rebus nugari. Et mihi videtur nihil nugacius, quam in his quæstiunculis, quibus Theologi complures sibi dii videntur, arguari, ἔχει γὰρ πρὸς σέ γε ἀληθῆς. Jam in hoc argumenti genere videor mihi superiores omnes, si non eruditione, certe diligentia superasse. *Hieronymus* in emendatione Psalterii, quam multa pene frivola adnotavit? Nec mihi deero, si modo vita viresque suppetent. In Psalmum *Beatus vir*, prælusum *Paulum* aggrediar. *Hieronymus* prodibit totus renatus. Hæc adeo magna sunt, ut ob quorundam invidiam vix subsistam. Quam tibi magna videantur nescio, certe maiora quam pro meis viribus & fateor, & intelligo. Verti ex *Plutarcho* libellos aliquot, in quo Scriptore nihil mihi non gravissimum esse videtur. Non gravaberisigitur explicare, quas λεπτολογίας à me vitari velis: ut certius hac in re tuum sequar consilium, quod ubique sequi non secus atque oraculum est animus. De Præfatione, qua Novum Testamentum *Leonidico*, nihilominus admiscens *Archiepiscopum Cantuariensem Mecanatem* meum, næ tu probe conjectas. Istuc ipsum spectabam id temporis. Quod gratularis ocio nostro, & tuam deploras fortunam: ista quidem in re, mi *Budæe*, longe lateque abs te dissentio. Libri tui satis testantur, *Budæo* non omnino deesse ocium: quanquam & alioqui tam singularis ista ingenii tui felicitas, ac fecunditas, quamlibet multis occupationibus sufficere possit. Porro liberis, uxori, reliquæque curæ domesticæ ego unicam uxorem meam oppono τὴν κατάρατον πενίαν, quam nec adhuc humeris excutere possum, adeo τὸ μισῆντα φιλεῖ. Obsecro te per tuam immortalitatem, quæ te, tuosque omnes haud dubia manet, ut magno infractione animo, qua cœpisti, pergas, & bonis succurrere literis, & tuæ *Gallia* nunquam intermoriturum decus, eruditissimis tuis lucubrationibus parere. His interim contentus esto. Ad reliqua scribam, simul atque loca relegero. Bene vale, & *Erasmo*, quod fa-

cis, fave. Agitur hic apud Principem de inaurando me. An. Verum haud scio, quid sit, ut, mea sententia nusquam 1517. quam hic contemptiores sint bonæ literæ: αἰτίαι οἱ ἀρχοντες ἀμειψώτατοι. Magna tamen spes est in *Joanne Sylvagio*, *Burgundia* Cancellario, qui quidem, ut ipse non solum maximus est, ac prudentissimus, verum etiam eruditissimus, ita impense favet omnibus, quos insignis eruditio commendat. Hunc heroa si nobis superum benignitas diu velit incolumem, spes est fore, ut apud nos quoque proveniant, qui ingenii sui monumentis Principis sui regnum, cætera felicissimum, illustrent & ornent. Rursus vale. *Antverpia*, Anno 1517.

EPISTOLA CCLII.

Erasmus Roterod. Rimaclo suo S. D.

TANDEM effugi ex ergastulo *Basilienſi*, in quo sex annorum operas, octo mensibus præstiti. Mirum, mi *Rimaclo*, quantis studiis, quibus conditionibus me sollicitavit superior illa *Germania*, quæ regio mihi sic modis omnibus arrisit, ut nulla sub sole magis. Hanc epistolam *Antverpia* reliqui, *Bruxellam* vestri conveniendi gratia aditurus: idque hoc consilio, quo si forte fortuna evenerit, ut non sit congregiendi copia, hæc meis verbis salutem diceret amicis, quibus me redditum vehementer gaudeo. Bene vale. Et *Alloysum* (si adest) meo nomine saluta diligenter. *Antverpia* 1. Junii, Anno 1517.

EPISTOLA CCLIII.

Curbertus Tonstallus Guilielmo Budæo S. D.

QVOD mea sponte per ocium, vir eruditissime, facturus eram, ut ad te scriberem, mihi id in mediis meis occupationibus crebris suis literis extorsit *Erasmus*: qui tibi, ut ait, pollicitus est id me brevi facturum. Atque ideo ut amici fidem liberem, quod in diem alioqui facere statueram, representare sum coactus. Nam dum ille suis ad te literis, de tua in utraque lingua peritia, meum velut idoneum affert testimonium, tuque illi de me fidem habens, nostrum non adspernaris iudicium, velut me in iudicium agnoscens albo, putabam ad meam verecundiam non parum attinere, ut qua arena duo nostri seculi *Milones* in literis, amicissimis epistolis, inter se certarent, quæque alter de altero censuram ageret non inermis, ex ea me quamprimum subducerem, cum nec is sim qui cum *Erasmo* censuram agere de literis, neque de *Budæo* subeunte iudicium pronunciare sim idoneus. Quorum uterque patriam suam illustrans, & orbi terrarum fama cognitus, ea est apud eruditos auctoritate, ut quicquid vestrum utervis in literis censuerit, magno id consensu usque adeo defendant omnes, ut præiudicii vim in posterum habere videatur. Itaque *Oreste* non iniuria videri possem insanius, si utriusque lingua imperitus ipse, iudicis mihi desumam partes inter homines, extra omnem ingenii aleam in utraque lingua positos. Sed tamen velut qui præclaras cum admiratione quadam picturas intuentur, imperiti ipsi pingendi, & nec lineamenta ducere, nec colores distinguere, neque umbrarum & lucis, ad exprimenda quæ velint, rationem habere perdocti: si qua venustate quadam se commendant, quæque spectantes tenent omnes, ea soli non laudent, maligni possent videri: ita si qua malus orationis artifex ipse stupens lego, eorum in laudes non erumpam, livoris suspicionem vix effugiam. Itaque ut meam de vobis sententiam qualemcunque majoribus iudiciis interponam: Plus ad veterem eloquentiam multis antiquatam seculis revocandam, plus ad instaurandas humaniores literas (absit invidia verbo) vos duo contulistis, quam omnes *Perotti*, *Laurentii*, addo etiam *Hermolai*, *Politiani*, ceterique omnes qui ante vos fuerunt. Illi ut ocium oblectarent suum, quo quemque vocabat ingenium, eo contententes, jucunda quadam, & ipsa varietate lectorem morantia, congesserunt: velut ex amena quopiam prato selectissimos carpentes fosciculos. Vos Her-

CU-

An. culeo quodam & indefesso labore, densissimas barbarorum
 1517. acies, & Xerxis copiis majores, magno uterque animo ad-
 orti fudistis, ac jam pene profligastis; è templis alter, qui
 sacra omnia profanabant; alter ex foro, qui iudicia pessun-
 dabant. Illi quæ lectores morentur scripserunt multa; vos
 quæ studiosos etiam invitent. Illi quæ vitam cultiorem red-
 dant, sed sine quibus transigi possit; vos ea sine quibus
 hominibus vita nulla putanda est. Illi ne in com-
 mœdiis, & epigrammatis, & historiis erraremus, ela-
 borarunt; vos tota de hominum vita tollendos errores cu-
 rastis. Illi quæ pauci lecturi sunt, hique ociosi tractarunt;
 vos quæ nemo, quantumcunque negotiosus, non volet in
 manus sumere. Illorum vos in restituendis Veteribus glo-
 riam equastis plane, & nescio an superastis: vestram illi
 palmam, operis absterriti magnitudine, desperantes non
 attigerunt. Jam vero ut quæ ab illis sunt scripta, legan-
 tur accuratissime, quantum ad plenam & justam elo-
 quentiam promovimus? quamdiu in foro, quamdiu in
 templis, quibus in locis frequentissime versamur, pati-
 mur regnare barbariem? At è diverso reducta in hac lo-
 ca facundia, ubi latitandi sibi locum amplius reperiet in-
 fantia barbara? Sacras vel degustare Literas Christianus
 nemo non solet, modo non sit ἀναλφάβητος, & qui ma-
 gis in eas penetrant, abunde se putant disertos, si tan-
 dem earum assequantur φησιν. In foro vero cujusmodi
 apud omnes gentes in reddendo jure solet esse facundia,
 ejusmodi est populi magna ex parte sermo: quod cunctos
 necessitas ad eam facundiam perdiscendam adigit, sine
 qua sua tueri non possint commode: eorumque qui in fo-
 ro sunt celebres, similes in dicendo videri cupiunt om-
 nes. Frustra igitur ad instaurandam Latinam lin-
 guam diligentiam adhibueris, inanem omnem insumpse-
 ris operam, nisi prius in templa, nisi prius in forum,
 puram sermonem revoces. Vos itaque veram laudis in-
 gressi viam, primum hac repurganda vidistis. Vos im-
 mortalem consecuti estis gloriam, quos non operis va-
 stitas, non difficultas molendi, non perficiendi despera-
 tio, non barbarorum copia pro castris suis stantes, ac
 veluti pro focus & aris dimicare parata: non magnus
 velut augurum numerus religione vos deterrens: non
 fasces magistratuum ab instituto tam utili remorari
 potuerunt. Ille genus omne perlustrans Auctorum, A-
 dagia vetera pene tot anigmatum speciem reddentia, &
 graves lectoribus offundentia tenebras, industria mirifi-
 ca, velut alter Oedipus, studiofis enarravit. Multaque
 itidem alia egregia edidit Opera, & quadam titulis hu-
 milibus, quæ non modo ad majora tendentibus conducunt
 magnopere, sed velut praeludia quadam Auctorem ipsum ad
 eam Provinciam parem reddiderunt, quam suo jure sibi
 desumpsit, sacras illustrandi Literas. Tu non minore di-
 ligentia Veteres excussisti omnes: & dum multa ex Græ-
 co sermone vertis in Latinum, parem in utraque lingua
 facundiam adeptus, Pandectas opus immensum, & in
 quo non pauciores erant menda quam legum capita, com-
 mentantium vero errores multis partibus plures, tibi re-
 purgandum putasti: & dum Accursianos errores palam
 facis, dumque veram reducis interpretationem, multo
 plus hæsisti laboris quam Hercules ipse, dum Λύγης κό-
 πον è stabulis repurgat. Nam quod Assem nobis, par-
 tesque ejus enarrasti, ponderaque & mensuras veteres,
 novus nobis edilis restituiti, Opus est plus quam Hercu-
 leum, & in quo seculi hujus expectationem longe supe-
 rasti. Quis enim unquam putasset rem comploratam, e-
 latam, tot seculis profunda mersam oblivione, tot erudi-
 tis viris plane desperatam, in lucem aliquando reditu-
 ram? Cujus illud tentantis non arguissemus temeritatem?
 Quem id pollicentem non irrisissemus? An te, quæso, tu-
 lisset quisquam, nisi prius id præstissem, quam te prædi-
 ceres facturum? In cæteris itaque tuis commentariis alios
 longe relinquis, in illo plane vincis teipsum. Sed quid ego
 in tuis ad Erasimum literis, quas is mihi legendas obtu-
 lit, vidi? Nonne scribis te αὐτομαδῇ ἢ αὐτοδιδάκτῳ sine
 ulla praeceptorum institutione ad istam eruditionis perve-
 nisse frugem: id quod, ni tam simplex animus omnem
 mendacii suspicionem longe submoveret, vix credibile vi-

A deretur. Me certe in summam tui admirationem ea res An,
 concitavit, dum tuam in evolvendis tot Auctorum indu- 1517.
 striam, alioqui vix credibilem, majorem fuisse cogito,
 quam ut hominis videri possit, cum sub eruditissimis in-
 stitutis praeceptoribus, atque eos ipsos summa diligentia
 viros, αὐτομαδῇ ipse reliqueris tam longe. Deinde cum
 mecum reputo, quas vicisti difficultates, subit divina
 quadam providentia factum, ut praeceptoribus carneris.
 Quantum enim sub illis diligentia nostra perit, dum præ-
 legentes securi atque oscitantes audimus, eorum secuti fi-
 dem, qui ne quid nobis ignorare videantur, ostendendi
 se gratia, saepe falsa pro veris, dubia pro certis docent.
 Quo fit, ut errores teneris adhuc animis insertis, nobis-
 cum adolescant: quos, ubi altius radices egerint, fru-
 stra tentes revellere: adeo nos pudet, quæ imberbes didi-
 cimus, senes perdenda fateri, teste Horatio. At te di-
 scendi cupidum, praeceptorum inopia, singula notare, nihil
 pro certo nisi compertum, ducere: nihil tibi temere crede-
 re, quæ ceteri secure transiliunt, ad illa subsistere: nec nisi
 examinata, perpensa, propius inspecta, cum similibus collata
 praterire subegit. Magno id, inquit, tuo incommodo tibi
 contigit, at aliorum incredibili futurum erat commodo.
 Ingens illud tadium vix tandem devorasti, at immortalem
 ex hoc deportasti gloriam: quæ nisi magno sudore non pa-
 ratur. Tibi debet posteritas, Forum repurgatum, restitu-
 tum Assem tibi acceptum feret. Tu novus nobis Servius
 C Sulpitius exorieris, Jus Civile cum facundia, cum quæ jam
 multis seculis fecerat dissidium, reducis in gratiam. Quod
 vero in calce literarum tuarum adjectum erat, te novas
 in Pandectas annotationes parare, latitia quadam incre-
 dibilis me perfudit. Mirabar namque cur statim tam se-
 cundo delatus in altum, ancoram in medio lucubratio-
 num tam utilium cursu jecisses: & cum me in amici-
 tiam tuam insinuare cuperem, scribendi argumentum mi-
 hi sumere decreveram, ut ad id, quod orsus esses, absol-
 vendum te hortarer. Quod jam argumentum mihi præ-
 ceptum esse gaudeo magnopere. Facilius enim tua sponte
 resumpto cursu, ex immensis difficultatum fluctibus, por-
 tum tenebris optatum. Porro his Minerva quæ libens tra-
 ctat majorem addet fere gratiam. Quantum illa tua mi-
 hi placeant commentationes, vel ex hoc conicere poteris,
 quod, cum in adolescentia primoribus labris humaniores
 degustassem literas, ac deinde ad Juris Civilis studium,
 velut ad rem augendam accommodatius, amicorum sua-
 su, fuisset detrusus, praeceptores meos, viros in Italia ea
 tempestate celeberrimos, meros Scævolas & Papinianos
 cunctis visos, agitare interdum solebam, cum ab his le-
 gem aliquam in suam sententiam oborto collo miseram
 trahi viderem, longe aliud, si per vim licuisset, sentien-
 tem: gloriantibus interea ipsis, verum (si Deo placet) e-
 runt à lege sensum, quem funditus à se obrutum verius
 dixissent. Hac ego commotus indignitate, nonnunquam
 de vera lectione, quæ depravatam locum animadvertenti
 mihi succurrebat interim, de recto interdum sensu sub-
 monebam hallucinantes. Verum id quoties feci, tam e-
 go sum illis arrogans visus, quam illi mihi ridiculi. Ac-
 cursii enim, in cujus verba jurarant, sacrosanctam au-
 thoritatem à quoquam minui, flagitium inexpressibile du-
 cebant. Quamobrem miseram illorum temporum de-
 flectens tum sortem, optabam aliquando futurum, ut veri-
 tatis assertor aliquis in medium prodiret, qui tenebras
 has è Jure Civili, reducta luce, discerneret. Id quod
 tandem Dei Opt. Max. benignitate nobis contigit, qui
 Budæum nobis tantum non è cælo misit. Nam quis,
 quæso, est, qui barbaros, Juris Civilis puritatem sor-
 dida fœdantes interpretatione, ridiculaque saepe anigma-
 ta pro jure reddentes, è Foro deturbat? nempe Bu-
 dæus. Quis est, qui Juris nodos, qui legum anigma-
 ta solvat? Quis, qui veterem in Foro facundiam instau-
 rat? Budæus. Quis, qui Scævola, Papinianum, Ul-
 pianum, Paulum, ceterosque Juris auctores à barbaris
 diu in vinculis habitos, in patriam ex captivitate postli-
 minio redeuntes, in Forum reducit? an non is est Bu-
 dæus. Perge itaque, vir eruditissime, feliciter, ut cœpisti,
 & hanc gloriam, cæteris intactam, tuo jure solida ample-
 tere.

An. Hæc. Nihil non investigatum ista eruditio dabit, nihil non inventum cum studiosis communicabit iste animi tui candor. Illa vero tua ad Erasmum epistola tantopere mihi placuit, ut nihil unquam abs te scriptum viderim vel festivius, vel elegantius, vel quod eruditionis specimen pra se majus tulerit, quandoquidem adeo cum sermone Latino Græcus ex æquo certat, ut facile dijudicari non possit, Græcus ne eam scripserit, an Latinus. Illud plane nemo non affirmaverit, eam hominis esse eruditissimi, & qui vix hujus seculi possit existimari. Vale. Bruxellis, Anno 1517.

EPISTOLA CCLIV.

Erasmus Rot. Guilielmo Latamero S. D.

PER literas obtestor, humanissime Latamere, ut in Novo Testamento adjutes. Editum est pro temporis angustia satis accurate, verum mihi præter expectationem bona temporis pars præcastigandis exemplaribus, ac formis denique corrigendis, erat infumenda. Tametsi ad id muneris duo docti magno ære fuerant conducti. Sic autem adjutabis, si admonueris per literas, quid mutandum esse ducas: nam alteram mox adornabo editionem. Verum cave ne cui hoc subleat typographi gratia, cui domi manerent sua volumina, si sentirent emptores. Quanto studio me complexa sit omnis illa Germania superior, non commemorabo, ne videar gloriæ causa id facere. Ambit me & nostra regio. Hæc tantum abest ut affectem, ut pudeat etiam honoris, quo me novi indignum. Et tamen gaudeo subolescere bonas literas, ac spero brevi futurum, ut Erasmus infans habeatur. Bene vale. 5. Junii, Anno 1517.

EPISTOLA CCLV.

Erasmus Urseuico suo S. D.

EQVI tui genius mihi fuit magnopere felix, nam bis jam Basileam usque vexit ac revexit incolumem, itinere licet periculossimo, non solum longo. Sapit jam non minus quam Homericus Ulysses: siquidem mores hominum multorum vidit & urbes: tot adiit Universitates. Dum Basilea meipsum pene laboribus eneco mensibus decem, ille interim ociosus ita pinguit, ut vix ingredi possit. Superior illa Germania dictu mirum quanto pere mihi arripserit, idque modis omnibus, & quam impense faveat Erasmo. Novum Testamentum non dubito quin videris. Hieronymus totus propediem prodibit in lucem, una cum libello De Principis institutione Christiani. Quatuor Hieronymi volumina mihi Archiepiscopo Cantuariensi per hunc Petrum unoculum, tuum alumnum; quem offendi sic incumbentem scribendis libris, ut se laboribus propemodum confecerit. Opinor homini fatum instare, qui tam sui dissimilis sit factus. Quin & abstemius propemodum est redditus, & vini osor: atque hinc pallor insolitus. Tuorum in me beneficiorum semper meminero, quicunque me terrarum angulus est habiturus. Bene vale. Apud divum Andomarum 5. Junii, An. 1517.

EPISTOLA CCLVI.

Joanni Episcopo Roffensi Erasmus Rot. S. D.

REVERENDE Pater, si per valetudinem licuisset, ipse coram salutarem amplitudinem tuam, & pro tantis in me beneficiis gratias agerem. Novum Testamentum cum tibi destinassem, cur mutato consilio summo Pontifici inscripserim, literis meis jam pridem exposui: quæ tua est humanitas, imo prudentia, boni consules, spero, quod fecimus. Timebatur hoc Opus antequam prodiret: cæterum editum, mirum est quam probetur omnibus etiam Theologis, vel eruditis, vel integris & candidis. Prior Friburgensis, vir summæ auctoritatis apud suos, is est auctor Margarita Philosophica, cum degustasset Opus, ait se malle carere du-

centis florenis aureis, quam eo libro. Ludovicus Bernus, Theologus Parisiensis, vir in ea promotione (ut vocant) primus, exosculatur, adorat, ac deplorat tot annos in scholasticis illis conflictatiunculis consumptos. Idem sentit Wolphangus Capito, concionator publicus Basiliensis, vir Hebraice longe doctissimus; ad hæc in Theologica palæstra exercitatus: uterque Græcis literis sedulo dat operam. Huic simillimum reperi Maguntia Theologum & Coloniensem suffraganeum. Ut reliquos omittam, Episcopus Basiliensis, vir grandævus, vitæ integerrimæ, & impense doctus, quid non humanitatis in me contulit? Quid non obtulit? Cum omnia recusarem, coegit tamen ut equum acciperem, quem mox urbem egressus quinquaginta florenis aureis revendere potuissem. Dux Bavariae Ernestus, missio hujus rei gratia Basileam usque nuncio, ducentos obtulit aureos annue, præter sacerdotiorum spem, præter munera magnifica, tantum ut Angelopoli (ea est Bavaria schola) viverem*. Idem fecit Episcopus quidam Germanus, cujus cognomen in præsentia non succurrit. Sed desino gloriari, cum hujusmodi permulta verissime queam referre. Scio me nihil horum promereri, & tamen gaudeo nostras qualescunque vigilias non displicere bonis. Multi legunt hac occasione divinas Literas, nunquam aliâs lecturi, quod ipsi fatentur: complures græcarum coeperunt, imo passim. Divus Hieronymus proximo mercatu Francfordiensi totus prodibit. Nunc per hunc Petrum unoculum, hac de causa meo sumptu meoque periculo missum, mitto Archiepiscopo Cantuariensi quatuor Epistolarum volumina, quorum copiam ille tibi lubens fecerit. Ad divum Andomarum usque perveneram, in Angliam trajecturus; sed febricula oborta fecit quo minus me committerem navigationi. Cum licebit, aliqua declarabo me non omnino immemorem tantæ tamque effusæ in me beneficentiæ. Princeps Carolus ad regna novem & decem (ut ferunt) accersitur. Mira felicitas: at precor, ut ea nostræ quoque patriæ sit felix, non solum Principi. Cum, Basilea relicta, per Lotharingiam iter facere pararem, passim obvios habui milites, vidi rusticos suppellectilem in proxima oppidula comportare; rumor erat Lotharingos adoriri velle, sed incertum erat à quo mitterentur. Mihi subolet à Cæsare dimissos quærere, qui salarium illius vice dependat. O miros Christianorum Principum lusus! Sic tumultuamur, sic convulsamur, & tamen Christiani nobis videmur. Verum hæc mihi meique similibus tantum deplorare licet. At utinam omnes Pontifices, omnes Cardinales, omnes Magnates, omnes Theologi in hoc conspirarent, ut his malis pudendis aliquando finis imponeretur: verum id nunquam fiet, nisi semoto privati commodi studio, publica tantum spectetur utilitas. Ita fieret, ut & privatim quisque melius haberet. Bene vale: melius valebo, si tuas merebor accipere literas. Apud divum Andomarum 5. Junii, Anno 1517.

EPISTOLA CCLVII.

Guilielmus Budæus Erasmo Roterod. S. D.

ACCEPI literas tuas dies abhinc quinque aut sex: quas avidissime legissem, nisi mihi περιμολα παρήχα δουρεής ἀνάγνωσις, adeo τὴν ὀλιγώρεως καὶ παρημελημένως epistolam expedieras, tabellario petasato jam, ut conjicio, & flagitante. Jam hoc unum habeo familiaritatis & amicitia σύμβολον ἔσμεν, te ad me ταχυγράφων τε καὶ ἀπερχομένων scribere longissimam epistolam. Neque enim id fiducia tribuo, quam tibi ille scribendi, dicendique magister stylus ingenerasse potuit & debuit: sed τῇ ἀφελείᾳ τῶ τρόπῳ σὲ, & candori animi tui, nihil sinistra interpretationis ab amico suspicantis: id est, animum alienum ex sese aestimantis. Illud tamen ἐσυνήκασον, quod sine die ac consule scripsisti. Vide ut posthac minus me torqueas, ἡδῶς τὰ ἀπὸ σε ἀναλυσόμενον, modo κταρὶ χειρογράφῳ τῷο solito in epistolis, quem ego esse pulchrum & dilucidum scio. Sed scilicet, τὴν schedam ad me

* Vide hac de re supra Epist. ccxxix.

An. me pro epistola pura misisti. Vide vero si pergas sic ne-
 1517. gleste scribere, ne in fraudem quandam hand spernen-
 dam incidas ex hac culpa. Ego enim epistolas tuas non
 solum inter κημήλια literaria ἀπολίβεμαι, sed etiam hostia-
 tim propemodum circumfero: quod ita interesse existima-
 tionis mea arbitror, tantam mihi tecum intercedere ne-
 cessitudinem a multis non ignorari: & praeterea istis tuis
 elogiis contra obreptationes ntar, si ita usus venerit. Mul-
 tos enim meruisse me obreptatores scio, etiamsi nondum
 scio, an obreptatores multos habeam, & ταῦτα μὲν δὴ
 ταῦτα. De altera tua Editione quod scripsisti, id apud
 me μυσχεῖσθαι erit. Ita enim epistolas tuas ostentabo,
 ut id absque captione tua fiat. Si quid in sinu meo de-
 positum esse sensero, quodque clam esse volueris, id per
 me ne palam fiat, hand periculum erit. Siquidem cum
 opus est, σφραγίσας & ὑποσημαίνων εἶμι. Quantum suc-
 cidere temporis mihi imperiosis occupationibus licebit, ad-
 jutare te omni ope conabor, ut suggestor struētozem, quod
 nescio an efficere possim. Nam ut Praefationem tuam, &
 Apologiam in Novum Instrumentum legi, ita Annotationes
 aliquot in locis vidi. Paræmias tuas ultimas hodie cau-
 sa tua a bibliopola mihi curavi. Antehac enim veteres
 tuas sufficere mihi existimabam, ita ut etiam non perle-
 gerem, sed velut Sibyllinos libros, cum usus venerat,
 adirem: Silenos tamen, & alia nonnulla legeram in a-
 lienis libris, ut sit, cum apud amicos essem. Hac enim
 loca maxime celebrari audiebam. Linacrum tuum, vi-
 rum apprimè doctum, ut arbitror, hic allocutus sum non
 semel, cum invicem viseremur ego & ipse. Visus est mi-
 hi vir bonus, benignusque, ac nihil fastus pra se ferens:
 ei exemplar unum De Asse misi, quoniam sub ejus dis-
 cessum liber ab officina exiit. Is mihi inter loquendum
 dixerat, aliqua eorum, quae explicuisse me plane confi-
 do, illustrari hac aetate non posse, & ego me id facturum
 receperam, quod ille admirabatur. Hac occasione ejus
 amicitiam quaesitam, in calendarium sanctius retuli, ubi
 majusculis literis ERASMVVS praescriptus est. Εἰδεὶς οὖν ἰ-
 δοὺν πρὸς ἡμᾶς πολὺν χρόνον ὡς ἐγὼ, ut attente quasdam ejus
 operis partes legisses: egoque resciscere alicunde iudicium
 tuum potuissim. In his est locus, ubi respondeo, vel ὑπερ-
 διαλέινωμι potius, eis τὰς ὅσας πάντα τοῖς Ἰταλοῖς ἀπονεύοντες
 charta duodecima, ubi causam litterarum obiter agere,
 quoquo modo videor. Sed id melius charta nonagesima,
 ubi contra τὰς καλοπολιδομένους, τόντε βασιλεία, & τὰς
 βασιλοδομένους, τὰς ἐν ἀξιώματι δηλονότι taxare non veritus
 sum. Quanquam hac etiam tibi haud agre remiserim,
 si modo tu chartam centesimam quadragesimam sextam
 videas, & deinceps ad finem libri, ubi iam φιλοσοφί-
 κως obiter τὴν λόγην & τὴν πᾶσαν αὐτῆς διώκων, conatus
 sum, & ἀρχαῖον ἴε & πρόλογον scribere, τοῖς προσελήκοσι
 ἢ τῷ λόγῳ τῷ καλίστῳ ἀνδρὶ, ut istam philosophiam dede-
 cori eximerem, quae meo nomine male audit: ibi tu
 nonnihil simile invenies iis, quae in tuis Silenis scripsisti.
 Liber tamen propediem imprimetur, & plenior & emen-
 datior. Tunc enim in manibus habebam, cum hac ad
 te scriberem. Ut autem opto te legisse, ita a te hoc pe-
 tere non ausim, ne improbus aut importunus esse dicar,
 si hoc commiserim, ut ἀπὸ τῶ ἀνδρῶν ἴε & τῶν ἀνῶν
 ad meas nugas videar incommodo reipublica. Sed scitum
 illud, quod mihi persuadere conaris. Primum, inquis,
 videor tua legisse, eximiaque ingenii tui dotes agnascere.
 Ego ut credam te nostra legisse? Nisi si quis amico-
 rum tuorum in mentionem libri inter fabulandum inci-
 dit, & tibi ἀναγνώσας fuit. Venio ad λεπτολογήματα ἰλ-
 λα, quod verbum nescio quonam modo calamo nostro ex-
 cidit. Volui enim συγγεγραμμένα ἴνα dicere, quae tamen
 ipsa aliquando ψευδευγεφόμενα posteris videbuntur, ut
 ingenue tecum agam: in his unum liber est De Copia,
 qui nec mihi, nec multis & τῷ λόγῳ, & tibi faventium,
 tantum sustinere titulum videtur. Titulum voco, non
 tantum Copiam, sed etiam Erasmus. Eum tamen &
 aliquot alios non diligenter legi. Sed cum alios de his lo-
 quentes audirem, dixi interdum me in Erasmo animum
 τῶν ἀνδρῶν εἰς γοῖα desiderare. Non enim satis te habuiss-
 se videri, & esse πολυίσως, nisi etiam πολυεγῶ & vi-

derere. Id mihi videri obfuisse τοῖς νοήμασι (& τοῖς μέτροσι. An.
 Huiusmodi sunt ὁμιολοίαι, & quaedam a te traducta et- 1517.
 iam ex quo majores spiritus sustulisti, quae per se astimata
 non carent indicatibne, sed cum ipsa ex locis communibus
 sumpseru, praeripuisse ea τοῖς ἡτοιοῖς videris. Te enim & istius
 nota scriptores ἐκ τῶ ἱερατέρων, & ὑπερεχόντων sumere ar-
 gumentum laudis par esse existimatur. Hac est mea sen-
 tentia καὶ τῶ λεπτολογημάτων, quando tu tantopere hoc
 verbo commotus es. Ego autem exemplar litterarum mea-
 rum in scheda servavi, ne tu mecum obfignatis literis a-
 cerbius agas, si quodam forte in loco ὁ κάλαμος μοι πα-
 ρώλιδε. Hic etiam, si diis placet, Catunculum te e-
 mendasse dices, neque te pœnitere laboris diecularis, ad
 id etiam privatim operula dicata: quasi vero obsolescere
 nomen tuum tot libellis non possit. Tu de huiusmodi sta-
 tues. Mihi autem a te permitti aequum censeo, ut in hoc
 a te bona tua venia dissentiam, praesertim cum alios in
 meam sententiam discedentes habeam. Caterum, quod de
 Budæo me propemodum βυδαῖμονα faci, ἀσπρῶ & τὴν
 εἰρηναῖαν ἀποδέχομαι, καὶ ὑνεῖδῶ μοι χλδαζόμεν. Quid
 ni enim id faciam? Quando tu utrumque credere me
 vis, & te virum bonum esse, & me tibi ingenium meum
 probasse: verum, cum ad epistola finem ventum est, non
 potius non dolere vicem tuam, meamque, etiamsi tu tuam
 tantum doles, in hoc certe officio mihi cedens amicitia.
 Nam cum sis ipse cœlebs, Peniam quandam nomine u-
 xorem tibi esse conquereris, non tantum domesticam, sed
 etiam viatoriam, quam nulla quantumvis longa peregrina-
 tione possis a te abigere, usque adeo ab invisa uxore
 adamare. Huiusque tadum odiumque omnibus æconomicis
 meis curis, conjugalibusque, & paternis opponis, perinde
 quasi Peniae tua loco, ego Plutum pusionem jucundum
 habeam, in quo oblectare me ex sententia animi mei pos-
 sim. At ego te hoc ignorare nolo, me quidem rivalem
 esse tibi in amore Philologia, sed quam tibi uxorem esse
 dicis, non longe a contubernio meo abfuisse, ex quo hoc
 infano litterarum amore captus sum. Hoc tantum refert,
 quod tu eam καλῶς πεινῶν joculariter, ego serio πεινῶν,
 ἐκ ἀδύνατος voco: usque adeo omnes vere studiosos, qui
 rari sunt, ista velut amula Philologia comitatur, umbra
 prope dixerim sequacior: sicque huius aetatis moribus
 comparatum est, ac superiorum etiam aetatum, imo sic
 Philosophia fert ratio, ut qui ejus studiosi & cupidi esse
 cœperint, rem simul ac fidem ignarorum opinione amit-
 tant: & qui divites esse cœperunt, aut meditantur, a-
 morem illico disciplinarum vel abjiciant, vel deponant,
 id quod in te vereor ne experiamur, si quando (ut spe-
 ras) inauratus fueris. Quod autem ad me pertinet, ha-
 bitum fatum meum agnosco, & pene comperiam habeo,
 ut me nec litterarum amor, nec ejus comes nunquam reli-
 cturi sint. Quod ut facile patior, ita cum fortuna redi-
 re in gratiam nequeo, cui jamdudum succenseo, quod
 cum illa tua Penia, προσέβη & τὴν ἀσπίδαν μοι τὴν ἐπι-
 λεπτοῖον injunxit, quae mihi annos jam undecim omnium
 molestiarum, quas multas expertus sum, negotia mihi
 plurima exhibuit literis incumbenti, cum eam ut a me
 submoveam, nihil intentatum reliquerim. Utinamque au-
 tem incommodum, adversa scilicet valetudinis, & im-
 minuta rei familiaris, ideo mihi amici & cognati obji-
 ciunt, & veluti Philologia vitio vertunt, quod in cana-
 bulis neutram harum comitum novisse mihi contigit. Hac
 occupatissimus ad te scripsi, & rus jamjam profecturus,
 ac viam iniens. Ne autem mihi vacationem esse putes a
 curis familiaribus, ego nunc duas villas duabus in pra-
 diis adifico, longe inter se, distantibus, sed villas prope
 Lucullunas, ad quas currere mihi, ac alio citroque
 commeari necesse est, aut desidia culpam dispendia lucu-
 lento luere. Id quam facile sit homini primum studiose,
 deinde harum rerum imperito, & quod super omnia est,
 tenuiter peculiatō, tu ipse astimabu. Vale, καλῶς πο-
 ἀγαθῇ ὁλῃ, ut summam votorum habeas. Parisius 7. Ju-
 lis, Anno 1517.

EPISTOLA CCLVIII.

Christophorus, Episcopus Basileensis, Erasmo
Roterod. S. D.

AN. **I**NCREDIBILE est, quanta perfusi letitia sumus, E-
rasme celeberrime, cum ex hoc tuo grammatophoro te
valere accepimus. Fecit enim amor, quem tecum supe-
riori anno Basileæ contraximus, ut tua de valetudine
curam non gerere non possimus. Et quis literarum amator
non gerat? Nam si quid Erasmo valetudinis adversa
incumberet, opinor & omnes honestas disciplinas indoli-
turas, simulque totam rempublicam literariam periculi-
taram. Timebamus non parum, ne cælum istud novum
durius te acciperet. Quod revera nostra tibi precaretur
patria, si precandi locus esset, non quod tibi inuideat,
sed ut cælum nostrum Basileanum reviseres. Et certe
nihil æque in votis nobis esset, quam ut se sepe presentem
adspicere, dulcissimaque ac quidem doctissima tua con-
sultationi interesse liceret. Age, mi Erasme, si Basi-
leense tibi cælum plus aliis arridet, sub eodem habite-
mus lecto, Basileam repetas, nos, & omnia nostra
tua erunt. Hac scripsimus, ne tui, quoniam ab oculis
semiti, pectore immemores videremur. De rebus tuis
aliquando ad nos scribe, & feliciter vale. Ex Civita-
te nostra Basileensi 13. Julii, Anno Christiani partus
1517.

EPISTOLA CCLIX.

Lucas Paliurus Erasmo Roterod. S. D.

EGO ne hominem illum grammatophorum tuum, ma-
xime & clarissime praeceptor Erasme, vacuis ad te
redire manibus, ut nullas ad te literas mitterem, arduis
licet Principis mei detentus negotiis, finerem? Qui mihi
adeo benignum, adeo humanum te sapenumero prabui-
sti. Certe ingratum agerem, si hac non alta mente re-
conderem, si gratiam non referrem. At quis parem re-
feret, licet quantumcumque etiam gratus? cum tu ita
erga omnes sis, neminemque non beneficiis accumules,
ut nec singillatim, nec gregatim, literarum amatores ti-
bi satis dignam quocumque munere rationem reponere
possint. Ego, ne prorsus ingratus sim, quod unum possum
facio, & tui memoriam sapenumero apud Principem
meum refrico: te, ut par est, commendo, & ad cæ-
lum usque laudibus veho, quæ ille cupidissime solet au-
dire, & nunquam sic addere meis, quasi maligne
landarim. Oro superos, ut in multos annos te servent
nobis ac bonis studiis. Alia hoc tempore facere non pos-
sum. Vale, omnium, quos vel tellus alit, doctissime, &
me ama. Basilea 13. Julii, Anno 1517.

EPISTOLA CCLX.

Erasmus Budeo suo S. D.

NACTVS codice in spexi loca. Quod idem esse
putas ἀναλογίαν & ἀσφάλειαν*, non omnino tibi af-
sentior. Si quis orationem intellectu perdifficilem per-
ceperit, is affectus recte dicetur. Cæterum qui co-
gitatione sequitur dicentem semper attentus, is de-
mum ἀναλογίαν. Annotavi multa ex Auctoribus exem-
pla, quæ in hoc consentiunt. Quin & ea, quæ ipse ad-
ducis, mecum faciunt. Porro, quod admones, omnia
prius ordine discenda fuisse, deinde oportuisse scri-
bere, Primum sic verto, quemadmodum tu vis, nisi
quod typographus pro περὶ σεβασμῶν mutavit περὶ σεβασμῶν.
Cæterum, in Annotationibus utramque sententiam osten-
do, ut possimus ἀναλογίαν referre, vel ad ordinem
vestigantis ac discantis, vel ad seriem narrationis. Et
utrumque video probe posse defendi. Nihil tamen de-
fendo, quum liberum fecerim lectori, utrum volet e-
ligere. Jam de ἀναλογίᾳ, quod ita reddidi, quasi ἀνα-
λογίᾳ scriptum esset, quo videris nonnihil offensus: scis
tempus esse indefinitum anceps, ni fallor, ad quam-
vis præteriti rationem: proinde verti per præteritum

* Consule Epist. ccl. pag. 248. circa finem.

A plus quam perfectum, quo magis significarem, illum An.
ante Baptismum hæc didicisse. Quod exempla profers 1517.
ex Auctoribus verbi ἀναλογίαν, habeo gratiam. Quan-
quam is non videtur mihi lapsus memoria, qui negat
se meminisse. Alioqui nemo non labitur memoria,
quando nullus est, quin quædam non meminerit: ve-
rum, qui per oblivionem aliud scribit, & asseverat,
quam res habet, is demum labitur memoria. Hæc
paucis attigi, jam ad iter accinctus, & ab aula fessus.
Nihil mihi potes facere gratius, quam si ad hunc mo-
dum de cæteris item admoneas, ita ut facis, amice.
Bene vale, decus Galliarum, ac literarum antistes.
Antwerpia 14. Julii, Anno 1517.

EPISTOLA CCLXI.

Guilielmus Waramus, Archiepiscopus Cantua-
riensis, Erasmo Roterod. S. D.

QVVM non illaudati nominis aternitatem per te sim
consecutus, qua multi præclari Reges & Imperato-
res carent, & a memoria hominum penitus exciderunt,
nisi quod tantum vix nominum eorum Catalogus, & id
jejune quidem fiat, non video, quod satis sit in hac mor-
tali vita, quod pro immortalitate reddam. Cogito enim
quanta mihi tribueris ubique, vel præsens per colloquia,
vel absens per literas, aut communiter per volumina:
qua quidem sunt majora, quam sustinere valeam. Judi-
cabis ergo Cantuariensem ingratisimum, nisi tui sit ha-
biturus. rationem fidelissimam & constantissimam, licet
meritis inaequalem & inferiorem. Quod autem sexaginta
nobiles non sunt hætenus ad te per commutationem per-
lati, mensarius in culpa est, qui, & cætera. Editionem
tuam in Novum Testamentum aliquot fratribus meis E-
piscopis & Theologia Doctores communicavi: qui ma-
xime opera precium in ea re te fecisse uno ore profitentur;
quorum judicio adhærens, & omnia summa judicans,
qua à tuo divino ingenio, multiplicique doctrina profici-
suntur, eam omnibus laudibus effero, perinde ut Hie-
ronymianam provinciam, quam, in eo es, ut propediem
absolvas: per qua Opera fama immortalitatem inter ho-
mines, inter superos divinam remunerationem, & à me
quicquid commode & convenienter præstare potero, conse-
queris. Hieronymi volumina nunquam satis laudata à
presentium latore accepi: pro quibus & pro Novo Testa-
mento, quod etiam abs te accepi, gratiam habeo im-
mortalem: hoc est, pro sudoribus, quos in his Operi-
bus exantlasti. Postremo rogo, uti cures has meas literas
ad Reverendum & Optimum fratrem, Episcopum Basi-
leensem, perferri, & te valetudine eo diligentius libe-
rare studeas, ut quam primum te videamus. Oxfordia
20. Julii, Anno 1517.

EPISTOLA CCLXII.

Des. Erasmus Roterod. Luca Paliuro S. D.

QUOD recte vales gaudeo; quod nostri non solum
memor es, verum etiam studiosius, habeo gra-
tiam; quod honestum locum obtines apud Antistitem
omnium optimum, magnopere tibi gratulor. Opto ut
tua felicitas quam maxime diutina sit, semperque ma-
jor: ac precor, ut quod facis, facere pergas, ut E-
rasmum integerrimo Præfui tuo commendatum red-
das, quo mihi nihil magis est in votis. Utinam orbis
haberet multos illius similes. Bene vale. Lovanio 23.
Augusti, Anno 1517.

EPISTOLA CCLXIII.

Des. Erasmus Roterod. Henrico Stromerio Aurbachio
Medico S. D.

ERVDITISSIME Medice, accepi per meum fa-
mulum Jacobum literas tuas multis quidem nomi-
nibus gratissimas: sed hoc præcipue, quod reverendi
Præfui honestam de nobis opinionem ac propensum fa-

An. favorem, simulque singulare quoddam tuum erga me
1517. studium testentur. Erat animus inscribere Archiepi-
scopo *Suetonium*, aliosque qui Cæsarum vitas descripse-
runt, à me post omnes non temere recognitos: sed
erat cur id fugerim. Nondum ullum illius in me offi-
cium sum expertus: sed tamen cum audio celsitudinem
illius tanto favere bonæ spei ingeniis, arbitror
omnium eruditorum esse parteis, ut talem heroem
laudibus vehant: mihi quoque hoc magis suscipien-
dum, quod rebus piis ac sacris faveat tantus Princeps:
quo quidem animo si omnes essent præditi, melius,
ni fallor, cum rebus humanis ageretur. Porro, quod
hortatur ad describendas divorum vitas, utinam sicut
præmium pollicetur, ita possit huic corpusculo vires
ad id negotii justas addere. Jam annum excessi quin-
quagesimum, & valetudo perquam est imbecillis, &
distingor variis studiorum laboribus. Si posthac con-
tinget isthac facere iter, cupidissime fruar optimi Prin-
cipis conspectu, tuaque consuetudine. Bene vale, *Stro-
meri* doctissime. *Lovanio* 24. Augusti, Anno 1517.

EPISTOLA CCLXIV.

Def. Erasmus Rot. Georgio Haloio S. D.

CLARISSIME *Georgi*, tandem olfeci, ni fallor,
quis fuerit ille *Gandavi*, quem nostra offenderit
Moria; monachus est, niger est, nihil nisi venter est.
Primum à paucis intelligebatur, donec *Liftrius* adde-
ret commentaria. Verum ubi per te *Gallice* quoque lo-
qui cœpit, ab his quoque intelligitur, qui nec *Psäl-*
mos suos intelligunt. Optarim & ipse audire meam
Moriam Gallice differentem: quod si tibi non est ex-
emplar, saltem commonstra unde possim petere. To-
tus, hoc est, cum Bibliotheca, *Lovanium* commigra-
vi. Cum Theologis altissima pax, atque adeo necessi-
tudo: nam mihi cum illis bellum esse sycophantæ qui-
dam sparserant: destinant me in suum ordinem coo-
ptare. Quis hoc non malit, quam in deorum contu-
bernium allegi? *Atensis* unice favet. *Dorpius* ex animo
videtur amicus. Oblatrant unus & alter *πρωχων*, sed
in absentem. Accipio *Briselotum Antuerpia* gnaviter
ac prorsus bonis lateribus in omnibus computationibus
in me declamasse. Verum id de viro tam erudito at-
que integro, non possum adduci ut credam esse ve-
rum. Cura ut optime valeas, teque nobis & rei lite-
rariæ ferves incolumem. Monacho huic, ut videtur,
probo, raræque indolis, vel pro tua humanitate, vel
mea causa, si quid opus erit, commodabis. *Lovanio*
29. Augusti, Anno 1517.

EPISTOLA CCLXV.

Erasmus Roterod. Ricardo suo S. D.

NON eo scripseram de *Joanne* meo, ut illum *Ton-*
stallo obtruderem, sed ut gratum facerem, si hoc
illi fuisset cordi. Animum erga me tuum tam aman-
tem ac propensum amplector atque exosculor. Perge,
mi *Ricarde* charissime, purissimis moribus puras ad-
jungere literas, quando in hoc esse te video. Bene va-
le. *Lovanio* 31. Augusti, Anno 1517.

EPISTOLA CCLXVI.

Erasmus Rot. Gerardo Noviomago S. D.

CLARISSIMI Principis *Philippi à Burgundia* Præ-
sulis *Ultratrajectini*, tui *Mecanatis*, & nisi invides,
mihi tecum communis, inaugurationem adeo graphice
perspicueque depinxisti, ut minus visurus fuerim, si ipse
pompis omnibus interfuissem. Perplacuit autem quod
rem historica fide persequeris, secus quam vulgus scri-
ptorum facit, qui in hujusmodi argumentis multa solent
ἐπιμειπν, hoc est, admetiri, ne dicam admentiri.
An gratulari debeam *Philippo*, nondum statui, qui &
ante susceptum honorem istum, suis ipsius dotibus e-
rat maximus, & adeo non ambiit, ut recusaturus fue-

rit, ni hoc patriæ commodis, & *Caroli* Principis af-
fectibus dedisset. Certe diocesi gratulor, ad cuius
1517. communionem & ipse pertineo, cui talis contigerit
& Princeps & Episcopus, qui pro singulari prudentia,
proque summa morum integritate, juxta munus utrun-
que sit expleturus. Id ut confidam fore, non solum
ipsum natura facit, nihil non egregium pollicens, ve-
rum etiam pater *Philippus Burgundia* Dux, quo secu-
lis aliquot nullus contigit huic regioni Princeps lauda-
tior, siue spectes vere regiam animi magnitudinem, si-
ve raram quandam erga suos charitatem, siue pacis a-
lendæ studium, siue morum comitatem, atque ut sum-
matim dicam, ingenium ab omni tyrannide alienissimum.
B Auget hanc spem *David* ille magnus hujus germanus,
vir modis omnibus patri adsimilis, sed hoc præcipue
suspiciendus, quod ut ipse erat eruditissimus, ita summo
studio adnitebatur, ne passim rudes & indocti in cleri
gregem irrepèrent, quod hætenus fieri videmus. Igi-
tur in spem venio, fore ut hic unus & optimum paren-
tem, unde natus est, & optimum fratrem, cui successit,
non referat modo, verum etiam superet, tibi que uber-
rimam encomiorum materiam suppeditet. Atque ut hac
in re me tibi rivalem intelligas, jamdudum *Pacis que-
rimoniam* illi dicavimus, nostri in illum studii primi-
tias. Excuditur *Basilea* libellus brevi istuc iturus: quem
si sensero non displicuisse, fortassis majus aliquid aude-
bitur. Bene vale, optime *Gerarde*, nosque clarissimo
Præfuli sedulo commendatos facito. *Lovanio* 31. Augu-
sti, Anno 1517.

EPISTOLA CCLXVII.

Def. Erasmus Roterod. Thoma, Cardinali Eboracensi, S. D.

AMPLISSIME Pater, non eram nefcius, quam ro-
ligiose tua celsitudo maximis etiam viris sit adeun-
da, quamque multis male cesserit numina parum rite
compellasse. Verum, hanc fiduciam mihi fecit rara quæ-
dam & inaudita comitas, quam ipse tum alias, tum nu-
per expertus sum, cum apud *Britannos* agerem. Exi-
miæ felicitatis invidia comes esse solet. At mira mo-
rum tuorum facilitas omnibus exposita, obviaque, sic
prorsus invidiam omnem excludit, ut homines non mi-
nus ament naturæ tuæ bonitatem, quam fortunæ ma-
gnitudinem suspiciunt. Verum, ne seriis negotiis occu-
patissimum nugis etiam meis diutius occupem, mitto
regiæ majestati libellum utcunque adornatum, ea fer-
me complectentem, quæ ad rectam Principatus ad-
ministrationem faciunt. *Philippum Castellia* Regem,
sub cuius nomine boni Principis simulacrum effinxi,
serenissimus Rex *Henricus*, ejus nomenclaturæ octavus,
puer juvenem fratris vice dilexit, cuius mortem etiam
fuis ad me literis olim deploravit, non minus amanter
quam eleganter: cum *Carolo* nostro, præter affinitatis
copulam, tam artis foederibus, tam propinqua necessi-
tudo animorumque fraterno consensu conjunctus est,
ut conjunctior esse non possit. Porro, tua reverenda
sublimitas regiæ majestati, regnum multo omnium flo-
rentissimum longe felicissime administranti, hoc ipsum
est, quod olim *Herculi Thesem*, quod *Achates Aenea*
fuisse legitur, ut non inepte tria maxima simul & ca-
rissima inter se nomina, liber unus complexus videat-
ur. At volumen, quod olim Regi dicaveram, tuisque
manibus obtuleram, nondum opinor per bellorum tu-
multus licuit evolvere. Sed jamdudum parta tranquil-
litate, intelligo illum ad literas, olim puero non infe-
liciter gustatas, redisse, ac subinde cum libris collo-
qui non quibuscumque, sed iis potissimum, qui pietatem,
qui regiam sapientiam doceant: nam hoc magis sitit
virtutem, quo magis possidet. Proinde vetus munuscu-
lum renovare visum est, eo quod dicatum non videre-
tur, quod nondum esset cognitum. Adest & tuus libel-
lus, tam exiguus quam ipse magnus es. Haud me fugit,
quam utrumque munus pusillum sit: quanquam tantis
heroibus, quid alioqui non sit futurum pusillum? Sed

1517. An. perficui frontem, & humanitatis vestrae quam celsitudinis malui meminisse, & visum est utcumque refricare nostri memoriam, simulque animi maiora molientis significationem dare, quando interim Novum Testamentum sic me totum habet ac possidet, ut aliud non possim. Cui quidem Operi certum est immori, aut ita tractare, ut tum mihi, tum *Leoni P. M.* nunquam intermorum fame decus sit pariturum. Non recusato quo minus hoc arroganter dictum videatur, nisi re praestitero, quod polliceor. Hunc sane labori haec hyems dicabitur, quam *Lovanii* sum acturus, posteaquam nec Princeps adest, nec Cancellarius *Burgundiae*. Interim maiorem in modum rogo, primum ut tua celsitudo pergat eo favore, quo coepit, *Erasmum* prosequi: deinde & hoc quaecumque munusculum serenissimo Regi commendare dignetur. Aut si id parum meretur ipsum manus, certe hunc animum tradere. Rex Catholicus hinc felicissime solvit, utinam eodem tenore cetera illi succedant in *Hispaniis*. Apud nos vereor ne magna rerum novitas exoriat, ni Numinis favor, Principumque pietas ac sapientia, rebus humanis prospiciant. *Ammonii* mortem acerbissime fero. Quot in uno homine dotes perire? Perit & *Hieronymus Bussidius*, qui quidem apud vos legatione functus est, & has primitias Orco *Hispanico* dedimus, cui jam nimium saepe litamus. Bene valeat tua reverenda sublimitas, cui hunc infirmum clientulum diligenter commendo. *Antuerpia 9. Septembr. Anno 1517.*

EPISTOLA CCLXVIII.

Erasmus Rotærod. Henrico VIII. Anglia Regi, S. D.

INCLYTE Rex, inter innumeras ingenii tui dotes vere regias, planeque heroicas, quibus laudatissimum parentem *Henricum*, ejus nominis septimum, non refers modo, verum etiam superas, alius fortassis aliud mirabitur ac laudibus vehet. Mihi nihil non suspicienti, illud in primis probatur, quod cum ipso pro rara quadam animi perspicacia sapias plurimum, tamen prudentum & eruditorum, ac potissimum eorum, qui nesciant ad gratiam loqui, familiaribus colloquiis gaudeas, perinde quasi *Sophoclem* illud alicubi legeris, nec dubito quin legeris, *Σοφοκλὲς τὸν βασιλῆα καὶ τοὺς ἐκείνου συμβούλους*, id est, *Reges sapientis redduntur sapientiam hominum consuetudine*. Cum primis autem, quod inter tot regni, imo mundi negotia, nullus tibi pene dies abeat, in quo non aliquam temporis portionem libris evolvendis impertias, cumque princeps illis sapientibus colloqui gaudeas, qui minime omnium assentantur, atque his praecipue libris, unde cordatior, melior, regnoque utilior discedas, longe dissentiens ab istorum opinione, qui existimant, egregios Principes à nulla te magis abesse oportere, quam à libris studioque philosophiae: aut si quid etiam attingendum sit librorum, nihil nisi ridiculas, & vix mulieribus dignas fabulas, meraque stultitiae ac vitiorum irritamenta legi oportere: perinde quasi haec duo ex diametro inter se pugnent, sapere, & Principem agere: cum ita inter se cohæreant, ut si alterum alteri adimas, nihil jam relinquant, praeter inanem Principis titulum, Cenotaphiorum instar, quae nomina tantum & stemmata foris ostentant, cum intus vacua sint. Porro, quemadmodum cordatus & pius Princeps omnibus sapit, omnibus vigilat, omnibus prospicit in commune, ut qui publicum negotium gerit, non suum: ita par est, ut hujus curas ac sollicitudines pro sua quisque portione virili conetur adjuvare. Et quo latius imperat, hoc magis eget hoc officiorum genere. Eximia quadam inter mortales res est monarchia, ac plane numinis instar, sed homo tamen. Ego vero quando solis literulis meis hoc officii pensum possum Regibus persolvere, pridem libellum *Plurarchi*, *De ratione dignoscendi adulterem ab amico*, & *Græco Latine* feci, tuæque Majestati dicavi per tuum Cardinalem, qui tibi in regni administratione id est, quod olim *Thesem Heraclei*, aut *Achilles Aeneas*. Verum, quoniam id

A temporis in medias bellorum procellas, publica quadam ac fatalis orbis Christiani tempestas subito te abripuit, non satis vacabat, opinor, literis attendere, cum res ferro esset agenda. Nunc igitur etiamdem, licet jam orbi publicatum, ac tertium typis excusum, ad tuam celsitudinem mitto, neque id absque foenore. Siquidem adjunxi Panegyricum *Philippi Castellae Regis* praconem, cujus memoriam scio tibi sacrosanctam esse, quippe quem olim puer juvenem fratris vice dilexeris, quemque optimus parens tuus non titulo tantum in filium adoptarat. His adjeci *Principis Institutionem*, quam *Carolo* Regi Catholico, recens inaugurato principatui, nuper obtuli. Non quod is nostris monitis magnopere egeret, sed quod, quemadmodum in magnis tempestatibus, quantumvis periti gubernatores, se vel à quovis admoneri patiuntur, sic Princeps, tot regnis destinatus, nullius omnino consilium debeat adspernari, quod sedulo proferatur animo, secuturus quod ex omnibus factu optimum judicavit. Quod autem usquam fretum tantos habet motus, quantos habent tumultus amplae ditiones? Aut quis unquam tantas in mari tempestates vidit, quantas rerum humanarum procellas paucis hisce annis vidimus? Et adhuc graviores imminere videntur, ni res, Principum sapientia pietateque componantur. Postremo, quando in consiliariorum ordinem adscitus eram, visum est protinus hoc officio meo respondere muneri, & non una aut altera in re consulere, sed consiliorum omnium ceu fontes quosdam ostendere, egregiae quidem indolis, sed adhuc puero Principi. Nam ut tuæ Majestati monitis ejusmodi sit opus, tantum abest, ut qui attentius tuam imaginem contempletur, absoluti Principis simulacrum ad tui exemplar possit effingere. Mihi tamen, quod scirem, ut nihil aliud accederet, duorum tibi clarissimorum Regum commemorationem non injucundam fore. Deinde, quod ea praecepta, si salubria suadent, Regibus omnibus commendabuntur, aut Regum filiis, si senserint tibi, Regum, qui hodie vivunt, omnium cordatissimo, incorruptissimo, florentissimoque, non displicuisse. Postremo, ipse ingratitude culpam utcumque effugero, si non desinam tuæ Majestatis erga nos studium, qua possum, sedulo testificari. Quid enim illi non debeo, toties ornatus testimonio vocis tuæ? Ad hæc, cum isthic essem proxime, tam benignis conditionibus invitatus, tum ultro, tum regia prorsus comitate, quando hoc ipsum pro magno habeo, quod huic homuncioni talis ac tantus Princeps faves, quod agnoscis, quod amas. Majestatem tuam quam diutissime incolumem ac florentem tueatur Principum Princeps Optimus Max. *Jesus Christus. Antuerpia 9. Septembris, Anno 1517.*


EPISTOLA CCLXIX.

Erasmus Rot. Joanni Fevino, Canonico apud divum Donatianum Brugis, S. D.

FACIT hoc quum multorum, tum tua praecipue, patruique tui *Caroli* rara quadam humanitas, mihi pauculis diebus degustata, ut & minus quam antea placeat *Lovanium*, & magis libeat animo *Brugis* vitam agere, si modo detur commodus nidus, ac mensa digna philosophico palato. Audio *Carolo* ferme idem esse palatum quod *Erasmo*. Amiat epulas elegantes magis, quam multas, & convivium lauta potius, quam longa. Nec locus deesse possit in Principis vacuo palatio: neque non perspexi, quam sit in nos affectus animus patru, nam de te nihil interim dicam. Porro ne congerrones quidem deesse poterunt, ubi adest, praeter alios, *Marcus* noster. Proinde si videtur hac de re agito cum patruo, quandoquidem id licebit nullius omnino fraude. Si nihil obstat alioqui, de precio inter nos facile convenerit: sin erit quo minus id commodum sit, fac me per literas certiore, ac bene interim vale.

Salutem dicet humanissimo *Carolo*, ac *Roberto Affini*, cum sua conjuge. *Lovanio 9. Septembris.*





An. Saluta Collegas tuos omnes, sed in primis Cantorem, A
1517. ac Nicolaam Fribulam. Anno 1517.

EPISTOLA CCLXX.

Erasmus Gerardo Ljstrio suo S. D.

Imo tibi gratiam habeo, qui mihi fraterculi istius colloquium adornaris, tantum abest ut fuerit molestum: nam mihi hominis indoles maiorem in modum placuit. Uxorem esse tibi ex animi sententia sane gratulor: faxit Christus, ut ista felicitas sit vobis perpetua. Quod nobis etiam favet, non illi, sed tibi debeo: amat enim nos, sed tuo animo. *Moria* sic *Gallice* versa est, ut alia dixerit interpres, non solum aliter: & pleraque reliquit, quæ non intellexit, quædam assequi non potuit. His nundinis proximis exhibit novum volumen Epistolarum satis magnum: recognoscemus excusas, & additis aliis, in iustum volumen redigemus. Scribam *Tilmanno* ut jubes, quum dabitur per quem id faciam, & dabitur propediem. De *Enchiridio* non satis intelligo quid velis, si tu explicabis mihi pergratum fuerit. Si à me vis explicari, notes oportet, quæ videntur obscuriora. Si quid isthic tribuitur *Erasmo*, tuo candori potissimum debeo. Hic serio agunt de facienda concordia, posteaquam effuderunt omne virus suum, sed tamen certum est animum *Christianam* ubique præstare. Demiror istos Euangelicam puritatem profitentes, tam non Euangelicè debacchari in fatnam hominis, de his rebus blaterantes, quas non intelligunt, & apud eos qui non intelligunt: quos oportebat non solum esse ludibrio pueris, verum etiam foris lapidari publicitus: vincet tamen veritas, ne dubita. Resaluta *Simontem* & Priorem *Montanum*, sed in primis suavissimam *Justinulam* tuam, cui omnia læta feliciaque precor. Priorem sanctæ *Agnetis* nondum vidi: nec enim licuit, tot tricis involvor. Bene vale, *Ljstri* doctissime. *Lovanio* 11. Septemb. Anno 1517.

EPISTOLA CCLXXI.

Des. Erasmus Roterodamus Jacobo Fabro S. D.

Qui nostrum utrique bene volunt, optime *Faber*, utriusque vicem dolent. Tuam, cui tam sinistre, nescio quis, Deus immiserit in animum, ut cum nihil esset cause, tam odiosa disputatione me læcesseres, atque ita læcesseres, ut mihi non esset integrum obticere, nisi simul omnia illa crimina agnoscerem, sermonem Christo Deoque indignissimum, & sermonem seipsum undique elidentem, & omni ex parte sese falsum esse declarantem, & sermonem intelligentiæ prophetiæ adversantem, & sermonem pro pestiferis *Judeis* facientem, unaque cum illis Christum contumeliis afficientem, & sermonem *Antitypi* dignum, & sermonem, cui si pertinaciter hærerem, hæreticus essem, aliaque id genus tam multa. Nam unum aut alterum ejusmodi telum fortasse dissimularem. Meam vero, qui alias occupatissimus, & ab hoc scripti genere maxime abhorrens, compulsus sum cum homine mihi longe charissimo decernere. Ex adverso gaudent, qui nobis ac rectoribus studiis male volunt. Hæbent quod utrique objiciant, quo utrique fidem abrogent, quo suam infamiam consolentur. Christum mihi parum propitium habeam, nisi non solum hanc necessitatem, verum etiam hanc victoriam, quam omnes uno ore mihi tribuunt, odi. Quam ob rem, mi *Faber*, per omnia, quæ tibi sacra sunt, rogo, sit hic impii certaminis finis. *Παλιδορμεῖν ἀμύβρον ἢ κακῶς δεχέσθαι*. Quod si omnino placet cum *Erasmo* configere, ab iis verbis temperato, quæ dissimulari non possunt. Nimium delectavimus istos veteris infamiae mystas. Mitto ad te libellum, si forte nondum vidisti: perlege attentius. Deinde teipsum tibi in consilium advoca: nec aliena instigatio te perpellat eo, quo postea poeniteat pervenisse, & tuorum cohibe stylum. Ego meos hæcenus coercui. Agamus pura vereque Christiana sincerita-

te. In me nihil fuci reperies. Bene vale. *Lovanio* 11. An.
Septemb. An. 1517.

EPISTOLA CCLXXII.

Cutbertus Tonstallus Erasmo S. P. D.

Vix tandem Hispaniarum Rex in regnum navigavit, & ego ex Zelandia cum meis vix salvus redeo, usque adeo teiro & plane pestilenti cæli illius infestus odore, ut multorum dierum inedia, accedentem febrem nondum omnino depulerim. Tres ex ministris, atque his quidem commodioribus, ex febre prius decubuerant, quam illinc discessi: quos nisi consulente medico cæli mutandi gratia, statim amandassetem, omnes ante hunc extulisset diem. Magno deciderim vel nunc futuros salvos. Neque hac mea fors solius, magna pars aulicorum agrotabat: habenda est Deo gratia, quod Rex evaserit. Ex purpuratis afflicti certe aliquot; ita neminem non vexatum dimisit illa insula. Stygem arbitror non longe illinc abesse, ea est aquarum nigritudo atque amarulentia. Si domi te in oppido contineas, undique ex vicinia glebularum fumus (his nanque vice lignorum utuntur) nares oppleat. He ex uliginoso & falso effossa solo, quantumvis arefacta sole, dum ardent, fumum reddunt in ipsa penetrantem præcordia, pectus, nares, caput, omnia ienantiem. Audivi ab indigenis, vestrates Hollandicas ex mitiore erulas solo, ihu olere præ illis. Quod si fastidium oppidi levare obambulatione velis (id quod interim fastidire consuevi) via ipsa, imbre conspersa vel levi, tenacius omni visco pedem moratur (nam ne in cuiusquam fundum aut pratum diveras fossarum altitudo veiat) & ut ad aggeres, in littore exstructos arcendo mari, tandem pervenias (quæ una jucunda est ambulatio) priusquam illo pervenias, præter sexcentas fossas tibi transcendendum erit, quibus linum macerant, quæ fædo odore longe superant omnem feminam. Quantum cloaca putent præ illis? Ad hac præter ejusmodi fossas iidem in urbem reditus recreationem, si quam habuisti, tollit, & tristam domum domum remittit: Tota plane regio duobus passibus est mari humilior in summo æstu: & nisi aggeres arcerent, marina bellua in comessantes atque invicem propinantes incolas irrumperet. Ad hac incommoda vitanda præsidium unicum esse ajunt, totos haurire congios, remedium certe mihi gravius omni morbo. Nesci enim quænam facile in eo genere certaminis herbam porrigo. Sed quid facio, qui tam frugiferam insulam, tamque potius infamam, tacitis quæ in laudationem ejus dici possent? Vix fore? Juvet aliqua via me de illa vindicare, atque omnem est ejus radio conceptam bilem in illam ipsam effundere. Itaque nunc ejus *ἰχθυῶν* reticebo in vindictam. Sed ne serie tecum agam: Gaudeo me tandem continenti redditum, ubi salubris salubris. Et ut patietur concussa valetudo, paulatim adropam in patriam: meos hic relinquam gravius afflictos, quam ut sequi possint. Deum Optimum Maximum precor, aliquando convalescant. Apologiam abs te missam, quæ *Fabro* respondes, una cum tuo literis accipi: atque aliquot ante diebus alteras acceperam, quibus te illi responsurum significasti, sed citra stomachum. Quod certe te præstitisse gaudeo: decreveram enim te hortari, ut Theologum, hoc est, mitem, ageres in respondendo. Quod isto in sua causa pronuncians, atque arrogantius opinionem ingerens suam, minime præstitit, quasi non sit futurum aliorum potius & posteritatis de ea re judicium. Quanquam de veritate neque illi, neque cuiquam mortalium cedendum tibi unquam putavi. Quod vero à cornicula tuas pennas in exordio Apologia repetis tam modeste, recte facis. Exspecto quem colorem dicet, sed perfricabit frontem puto. Hominem mihi videre contigit in Italia, modestum sane, ut tum videbatur, & cyclopadiam illam, quam adeptos magisterii nomine Parisii honorant, penitus callere dicebatur. Nam quod Græcas literas atigerat, editis ab eo Commentariis in Paulinas Epistolas primum intellexi. Fortasse cum aliquot errata & veteræ in sacris Literis deprehendisset ex Græcis fontibus opere precium putavit ad famam parandam, quod luscus inter cecos paulo clarius cerneret, editis Commentariis admonere posteritatem. Quia in re probo hominis institutum, si id præstare potuit: primum enim ejus res velut in sacris certaminibus victori cælibet est propositum. Sed quod in eodem

An. ^{1517.} *stadio currentem, quique longe relikturus videretur, maligne supplantare voluerit, minime mihi videtur factum probe, nedum theologica. Hic fortasse ex suis Parisiis orbem terrarum metitur, ubi quanquam aliquot in lingua Græca doctissimos, & seculum ornantes nostrum videt, non eam vel copiam Græcis literis operam dantem, vel eum honorem his habitum, ut speret aliquando redituram priscam eruditionem. Atque ideo fieri potest, ut ad editionem fuerit paratior, quod deplorata posteritatis censuram non est veritus. At si scisset quam nunc in Italia, Germania, Hispania florent ea studia, ex Horatii puto consilio librum, nonum pressisset in annum, nisi forte illam utriusque lingua peritiam est adeptus, ut provocare magis quam timere cuiusquam censuram debuerit. Quam an sit consequutus, aliorum sit iudicium. Nullum enim eruditionis ejus in eo genere specimen, præter Paulinas Epistolas, mihi videre contigit. Verum enimvero, quis non videt unde hac est orta malignitas? Tu nuper editis in Novum Testamentum Annotationibus, Græcos non modo aperuisti fontes huic nostro seculo: verum iam alte cuncta es rimatus, ut nihil à quovis annotatum, quod opera precium fuit legere, non tam exacte excusseris, ut nihil cuiquam feceris reliquum. Quo tu lucubrationum tuarum splendore, velut sol oriens stellas condit, cæteris, ex ea re famam ante tuam editionem captantibus, æternas offudisti tenebras. Ita gloriolam, quam editione sua aucupabatur, sibi vel ereptam, vel imminutam dolet. Sed gratulari magis suo seculo debuit, quo prisca repullulant studia, quam eorum imitari morem, qui pertinacia quadam nolunt cedere, cum contendere per imbecillitatem non possint. Sed quid non facit ambitio? hic humanum impiegit in vitium. Tuum esse arbitror, & γνησίον Θεολόγων more, ignoscere. Illud ægre fero, quod dum huic Apologiam paras, jacturam feceris temporis, quo magis posteris profutura scripisses. Illam itaque Annotationum tuarum in Novum Testamentum retractationem & limam, quam, te pollicente, avide expectant omnes, fac in primis cures. Et qui de profanis literis bene meritis, immortalæ tibi famam parasti, dum illas ornas, quod superest ætatis, in illustrandas sacras impende. Ita namque sciet posteritas chariora tibi fuisse ea studia, quæ animæ salutem, quam quæ oblectamentum præstant, nempe cum illa juvenis magis attigeris, hac matura jam amplexatus ætate digna judicaveris, in quibus consenses. Theologis Lovaniensibus iam esse te charum gaudeo magnopere, qui si te (ut scribis facturos) in suum adsciscunt ordinem, suadeo ne recuses: delatus tibi ab his hic honor, atque abs te acceptus, perpetuum erit inter vos amicitia pignus. Quod nuncias, Strabonem, Pindarum, Pausaniam, utrumque Testamentum Græcis characteribus proditurum ex Aldi officina, lætitia quadam incredibili me perfudisti. Prospicio futurum, ut in omni studiorum genere posteritas cum antiquitate certet: quæ si non erit ingrata, magnam his habitura est gratiam, quorum industria renascuntur ea studia. Quo in numero cum tu sis futurus, perge bene mereri de posteris, qui nomen Erasmi perire nunquam sinent. Vale. Brugis 14. Septembris, An. 1517.*

Præquam hanc obsignarem epistolam, unum ex meis amiseram, cujus ego salutem omnibus meis fortunis redemissim, cujus anima Deus sit propitijs. De reliquis adhuc dubia spes.

EPISTOLA CCLXXIII.

Erasmus Rot. M. Comrado Goclenio S. D.

EMORIAR, ni quod tibi sic affulget undique fortuna, mihi jucundius est, quam si mihi simile quippiam accidisset, idque non eo tantum quod tuis faveam commodis, quibus certe, ut par est, toto faveo pectore; verum etiam quod bene cupiam optimis literis, quas & tu & eruditione non vulgari, & profitendi diligentia, & ingenii dexteritate, sic vel ornasti, vel evexisti, ut vix alius felicius. Per Frobenium tantum scripsi Marvillano Præfidi vestræ sodalitatæ, quod propemodum Quirinus decreverat in miseros suos. Vix credas, quam infelicitè acciderit, quod non saltem per Nicolaum miseris Augustini libros De Trinitate apud Dorpium collatos. Jam enim Frobenio fervent quatuor præla, quibus fortassis accedit unum aut alterum. Itaque te rogo, ne saltem nunc negligas per hunc mit-

Atere. *Franciscus Delphus* apud nos agit, utinam tam felix nostro convictu, quam illius mihi jucundus. Certe quod licebit in his occupationibus, adnitar, ne nullum ex nostra consuetudine fructum ferat: vix oratione consequar, quantopere succenseam his, qui tam generosam indolem ad nugas avertere conati sunt. Hunc nostro sumptu conduximus, quum nihil aliud haberet negotii. Quare ne redeat inanis. Verum ita tracta negotium cum illo, quasi res ad Frobenium pertineat, ut revera pertinet. *Εν τῷ Δέλφῳ τὰ λοιπὰ μὲν αἰεὶ πάντα τῷ φιλολογίᾳ*, abs te magnifice prædicatam, in eo desiderio verius, quam confidero. Meditatur *σωσεῖν τῷ Καρίῳ*. Malim cum alio. Tu facile conjectas causam. Ego monendi officio nunquam sum defuturus. Frobenius cogitat excudere Terentium cum Commentariis: hic si quid potes, opitulare, sed propere. Sed omnino per hunc veniat ἡ τρεῖς. Jam opus est. Non enim semper commodum est magno conducere, qui transcurrant. Delevi quæ missa sunt. Bene vale. Lovanio 15. Octob. Anno 1517.

EPISTOLA CCLXXIV.

Erasmus Bilibaldo Pirck, suo S. D.

ACCEPI libellum una cum literis tuis, vir clarissime, ad quas ut paucis respondeam, quippe summis districtus laboribus, vivo utcunque, veriorque Lovanii, cooptatus in consortium Theologorum, licet in hac Academia non sim insignitus titulo Doctoris. Id malui, quam Principem Carolum in Hispanias comitari, maxime cum viderem aulam in tot sectarum factiones Hispanos, Maranos, Cervericos, Gallos, Cesareanos, Neapolitanos, Siculos, & quos non? Proximo Vere cum Angliam ob privatum quoddam adissem negotium, Rex ultro me mira complexus est humanitate, atque item Cardinalis Rex alter, ut ita loquar. Obtulerunt præter ædes magnificas sexcentos florenos in singulos annos. Sic egi gratias, ut nec acciperem conditionem oblatam, nec rejicerem. Hic licet maximo meo sumptu vivam, tamen certum est menses aliquot desiderare, partim ut absolvam quod est in manibus, partim ut videam quorsum evasuræ sint spes amplissimæ, quas Principis nomine mihi discedens hinc ostendit Cancellarius *Burgundia Joannes Sylvagius*, vir ut eruditissimus, ita literatorum omnium patronus. Novum Testamentum, quod pridem Basilea præcipitatum fuit verius quam editum, retexo ac recudo, & ita recudo, ut aliud opus sit futurum. Absolvetur, ut spero, inter quatuor menses. Perplacuit tuus libellus, ut illa tam amica *Reuchlini* defensio, in qua mihi videre solito facundior, credo quod, ut *Fabius* inquit, petus quoque te reddiderit eloquentem, non tantum ingenium, aut eruditio. Sed ego nihil puto calamitosius, quam quocunque modo bellare. Tum autem nihil esse calamitosius, quam si res incidat cum hoste fordido ac pudendo. Nam cum quibus tandem est confliendum, *Reuchline*? Cum populo crabronum, quem & ipse *Romanus* Pontifex vereatur provocare, adeo, ut *Alexander* solitus sit dicere, se tutius sibi putare quemlibet è summis Regibus offendere, quam unum quemvis è gregibus istorum mendicorum, qui sub abjecti nominis prætextu veram in orbem Christianum exercerent tyrannidem. *Etiam si hoc, quod paucorum visio committitur, non opinor æquum in ordinem universum conferre.* Deinde vide, quæso, quonam organo utantur isti veræ religionis haudquaquam veri professores; homine prorsus idiota, frontis perfrixtæ, & de quo peccando nullum omnino detrimentum fieri possit, cui non esset impingendum semi-Judæi vocabulum, nisi factis sese declararet sesqui-Judæum. Quod aliud instrumentum optaret sibi Diabolus, Christiana religionis æternus hostis, quam istiusmodi angelum Satanæ transfiguratum in angelum lucis, & falsissima defendenda religionis prætextu, id ubique turbantem, quod nostræ religionis & caput est & optimum? nempe publicam orbis Christiani concordiam.

An. diari. Quid indignius, quam viros immortali memoria dignos eum istiusmodi portento digladiari? cuius ego solo nomine chartas pollui puto. Dispeream, nisi ille se non alio consilio tingendum aqua curavit, nisi ut maiore pernicie grassaretur in *Christianos*, & nobis admixtus, universum populum suo *Judaico* veneno inficeret. Quid enim ledere poterat, si *Judaus*; ut erat, mansisset? nunc demum verum agit *Judeum*, posteaquam *Christiani* personam induit: nunc suo respondet generi; illi *Christum* sunt calumniati, sed unum; iste debacchatur in tot integros ac spectatos vita & eruditione viros; nullum officium poterat suis *Judeis* praestare gratus, quam ut perfugam simulans, rem *Christianam* hostibus proderet, homo ad cætera lapis; tantum ad calumniandum ingeniosus. Quod sacrificium poterat *Satanæ* fieri acceptius, quam inter omnes *Christianos* istiusmodi diffidiorum jaci semina? Unde *Satanas* dictus *Hebrais*? nimirum ab adversando. An non illius vices gerit, qui claris viris, publicam utilitatem molientibus, nefariis modis obstat & obstreperit, & huic uni rei se natum putat? Unde *Græcis* Diabolus dictus est? non à fecerando, non ab adulterio, non à furto, non ab alio vitio, sed à calumniando dictus est. An non hujus Apostolus est, qui totam vitam huic studio dedicavit, ut apud imperitam plebem optimorum virorum nomina infamet ac traducat? ad rem omnium sceleratissimam religionis abutens titulo: quæ non cuiusvis Dæmonis, sed insigniter versuti cuiuspiam techna est. Scit, se doctis ac bonis viris placere non posse, nec his facile imponi. Atque ea gratia apud indoctam plebem quiritatur; inter mulierculas superstitiosas, & ut *Paulus* inquit, oneratas peccatis gannit, & pessimo semini terram captatabilem. His magnificis titulis offundit fumos, his defensionem *Christianæ* religionis, his hæreses & excommunicationes occidit. Qui crassiores sunt, quam ut animadvertant grassatorem lupum sub ovilla pelle latentem. O sceleratum granum, & illi dissimillimum, quod cadens in terram, & mortuum, vitæ pabulum attulit. Hoc granum Diaboli manu jactum est, aconiti puto, aut si quid aconito pestilentius: quod ni in tempore prospicietur, nocentissimum diffidiorum venenum in *Christianorum* invehet concordiam. Quid enim futurum est tandem, si sineur ille sycophanta sic in omnes sui dissimiles ad eundem debacchari modum? & impurissimæ belluæ docti viri cogentur libris respondere, qui indignus est, qui nominetur inter homines. Crede mihi, *Bilibalde* doctissime, latius spectant hæc orsa, quam fortasse vulgus hominum intelligit. Videmus ex quantula favilla quantum aliquoties nascatur incendium. Proinde demiror Episcopos hic non advigilare, ut istam hydram in tempore exurant, & malo venenum victori, & per omnia pervagato occurrant. Scelestus ille maledicus vinici non potest, qui totus ex maledicentia conflatus est, & habet tot *alaeas*, qui defesso suggerant novas vires. Conviciis igitur ille nunquam vincetur. Hanc unicam laudem ille affectat, si omnium eruditorum libris quocunque modo decantetur apud posteros. Sic sane agit *ἄλλοις ἔροσι*. Si paucis bonis ac doctis ero infamis, nihil lat est, quod majori hominum parti placeam. Quod si detectis technis ac præstigiis evulgatis apud universos *Christianos* fiam execrabilis, certissimam gloriam adipiscar apud meos *Judaos*, qui tum intellecturi sunt; quod non inimico animo ab eis defecerim. Igitur eruditi non solum turpiter, verum etiam inanter contra hunc congregiuntur, à quo præter infamiam nihil possunt contrahere, sive vincant, sive vincantur. Carnifex aliquis melius istam compestat rabiem. Id curare Episcoporum est; est justissimi Cæsaris *Maximiliani*; est magistratuum inclytæ urbis *Agrippina*, non fovere viperam tam virulentam in certissimum *Christianæ* religionis exitium, nisi paretur antidotus tali digna malo. Atque hæc dixerim nullo quidem privato stomacho; nihil enim me læsit unquam, aut si quid in me blateravit, nihil me movet, & causa ne

A tantillum quidem ad me pertinet: sed tamen dolet, An. concordiam plebis *Christiana* sic indigne discissum iri, 1517. unius verpi profani & indocti præstigiis, idque illorum auxiliis, qui se *Christiana* religionis columnina profitentur. Sed hisce de rebus satis esto. Ne nihil reprehendam, mi *Bilibalde*, in tuo libello alioquin doctissimo, mihi non admodum Catalogus ille *Reuchlini* faventium probatur. Quis enim usquam illi non favet, eruditus ac pius? quis non istam execratur belluam, nisi qui aut causam non intelligit, aut publico malo suis consulit commodis? Deinde dum in Dialecticos ac Philosophos expatiaris, maluisses te cæteris intactis hoc solum agere quod agebas. Bene vale, Clarissime Doctorum, & Clarorum Doctissime. *Lovanio* 2. Novembris, Anno 1517.

EPISTOLA CCLXXV.

Erasmus Rot. Barbirio suo S. D.

Q VAM timeo, mi *Petre*, ne felicitates *Hispanicae* tibi veterum amicorum oblivionem invehant. Quamquam id quoque malim accidere, quam si qua calamitas idem efficeret. Mortem *Bullidis* ex animo doleo, & hoc magis doleo, quod ante discessum illo tam frigide sim usus. Legatum de tribus linguis dici non potest quantopere probem. Et jam bona quaedam fortuna adest *Hebraus*, suarum literarum longe peritissimus, cum meo tum omnium iudicio. Quod si hoc negotium initio magnifice, perque celebres viros instituat, mirum dictu, quantum gloriæ sit nostræ regioni allaturum. *Marcus* mihi pecuniam ex *Zelandia* jam miserat, cum tuæ mihi literæ redderentur. Præterea nihil accepi neque literarum, neque pecuniæ. Si nihil mittetur, te incolumi, feram utique incommodum. Sin, quod prohibeant superi, casus aliquis *Barbirium* nobis adimat, non potero ferre tam multiplicem jacturam. Quare te etiam atque etiam oro, da operam ut valeas. Versamur nunc in Collegio *Lilienti*, cum hospite omnium humanissimo, *Nervio Homiscotano*. Novum Testamentum pulchre processit, absolvendum intra tres menses, adiutore Deo. *Fabro* respondimus, quantum licuit, citra stomachum. Nondum satis admirari possum, quid homini veniat in mentem. Misi illi libellum, nihil adhuc responsum est. Imposuit illius simplicitati instigator aliquis. Atque utinam mihi licuisset dissimulare. Episcopus *Trajectensis* ad me scripsit, significans se accitum me, simulatque à *Transfulanis* redierit, declaraturumque quanti me faciat, sed frustra canit. *Paraphrasis in Epistolam ad Romanos* eleganter excuditur. Par est ut *Paulus Romanis* paulo magis *Romane* loquatur. Opus mire probatum erudit. Oro te per sacram Theologiam, fac sciam quid valeat optimus ille meus *Mocenas*, in quo uno summa spei meæ sita est. Si unus pergit sui similis esse, omnia pergam recusare, quæ aliunde offeruntur. Adhuc meo succo vivo, præter trecentos, aut paulo amplius, florenos, quos ex illius, aut Principis benignitate recepi. Neque dubito de ejus animo, modo tu commonefacias. Saltem fac nos per literas *Hispanicarum* felicitatum participes, nisi hoc quoque nobis invides. Tristissimus rumor hac allatus, me pene exanimavit, *Briselotum* ex humanis excessisse. Verum, quando non constat, opinor vanum esse. De doctissimo doctore *Jodoco* simile quiddam nunciabatur, opinor occasione mortis *Bullidiana*. Nisi apud *Hispanos* aliquid tale passus es, quale ferunt *Ulyssis* socios passos apud *Circen*, fac me diligenter commendes patrono meo unico Cancellario, cui scripturus eram, sed puer ille balbus, opinor, cognatus uxoris, vix septimihora, prius quam abiret nuncius, significavit abitum grammatophori. Bene vale, mortalium charissime, & animæ plus quam dimidium meæ. Præsulem *Theatinum* saluta meis verbis, & Episcopum *Marlianum*. *Guido Morilonus* ubi sit nescio, & tamen scire cupio quid rerum gerat. *Lovanio* 2. Novembris, Anno 1517.

EPI-

EPISTOLA CCLXXVI.

Herneſto, Bavaria Duci, Erasmus Roterodamus S. D.

AN. 1517. **S**I *M. Tullius*, omnium ſuffragiis uberrimus & inex-
ſhaus facundiae fons, fatetur, eloquentiae venam
facillime inareſcere, ni cotidiana legendi dicendique
exercitatione ſufficiat, *Herneſte* Princeps, non tantum
imaginibus inclute, quid mihi credis accidiſſe, cui cum
vix tenuis quidam orationis rivulus contigerit, jam an-
ni complures in eo ſtudiorum genere conſumpti ſunt,
quod adeo ad expoliendam orationem non facit, ut
quamlibet etiam benigne fluentem copiam poſſit ex-
tinguere, ac dictioni quantumvis nitenti ſitum ac ru-
biginem obducere. Quid enim inutilius ad tuendam
Rhetorices politiem, quam tumultuaria lectione fur-
ſum ac deorſum per omnes Auctores, eoſque interim
inconditos, raptari? Quod uſque nobis faciendum fuit
in Novo Testamento, in cudendis ac recudendis *Chi-
liadibus*, in inſtaurandis *Hieronymi* libris. Proinde, quo
contractam hiſce ſtudiis orationis, vel ſcabriciem, vel
inopiam, aliqua ex parte corrigeremus, dum proximo
Vere *Britanniam* adirem, *Quintum Curtium* itineris ac
navigationis comitem adiunxi, qui mihi olim puero
lectus, mire candidus ac terſus eſt viſus, nec alius ſa-
ne viſus eſt ex tanto reguſtatuſ intervallo. Dolet mi-
hi, Auctorem lectu digniſſimum ἀνέφελον nobis ſupereſ-
ſe, nimirum duobus primoribus libris amputatis, ulti-
mo pluribus in locis trunco, mutiloque. Riſimus in-
terea Græculam in hiſtoria vanitatem, quam tamen
Quintus Curtius ſubinde temperaſſe videtur; & tamen
cum huc omnes ingenii ſui nervos intenderint, ut exi-
mium quendam & inimitabilem Principem depinge-
rent, quid aliud nobis quam toties furioſum, ſed ubi-
que felicem, orbis prædonem deſcripſerunt? Neque e-
nim ille periculoſior erat vino temulentus, quam ira
atque ambitione: & quo felicior erat impotentis ani-
mi temeritas, hoc erat rebus humanis pernicioſior.
Mihi certe non magis placet *Græcorum* Historicorum
Alexander, quam *Achilles Homericus*, peſſimum uter-
que boni Principis exemplar, etiam ſi quæ virtutes
tot vitiiſ admixtæ videri poſſint. Videlicet operæ præ-
cium erat, *Africam*, *Europam*, *Aſiam* tot miſceri cla-
dibus, ut unius furioſi juvenis animo mos gereretur,
cujus ambitioni nec orbis hic ſolidus erat ſatis futurus.
Bene habet, quod illi peſti Fortuna, cæteris in rebus
nimium indulgens, longævitatē negarit. Locos ali-
quot obiter annotatos correximus, addito elencho, qui
potiſſimum indicaret, ſi quid nove dictum apud hunc
Scriptorem exſtaret, ne deſit quo placemus λογομαχίας
quosdam, qui ad ſingulas pene voces nobis ſolent ob-
ſtreperē, clamitanſes, apud probos Auctores nuſquam
inveniri. Hoc quicquid eſt vel fructus, vel ſtudii, tibi
viſum eſt dicare, quo teſtaremur nos vel memores eſ-
ſe Principis, cui tum ipſe privatim plurimum debeo,
ut à quo fuerim pridem ampliſſimis conditionibus pro-
vocatus, tum publice debent omnes bonarum litera-
rum myſtæ, quas tu ſic ornas clariffimis majorum tuo-
rum ſtemmatis, ſic morum integritate commendas,
ſic benignitate foves, ſic auctoritate tueris, ut brevi
nihil ſit illis futurum felicius, ſi cæteri Principes, o-
miſſa bellandi rabie, tuum exemplum æmulentur. Be-
ne vale. *Lovanio* 4. Novembris, Anno 1517.

EPISTOLA CCLXXVII.

Jacobus Banifiſius, Cæſareæ Majeſtatis à Conſiliis,
Eraſmo Rot. S. D.

REVERENDE & excellentiſſime domine honorande,
commendationem plurimam. Graviter adverſa va-
letudine preſſum, & nec mei ipſus compotem, offende-
runt me humaniſſima litera tua: ideo ad eas & tardius,
& manu aliena reſpondeo. Nec eſt cur ſibi ipſi ſuccen-
ſeat, quod me ultro venientem avidius non ſit complexa
hic Antuerpiæ; exhibuit enim ſe nimis facilem erga me,

A & compos voti eram, ſimulatque videram quem deſide-
rabam. Senſi autem tunc non parum impudenter me e-
giſſe; quod virum tantorum ſtudiorum, & tanta diſci-
plina, non pratentato vado, & magis religioſe, ſed qua-
dam aulica temeritate interpellare auſus fuerim. Sed id
aviditati (qua me vel ex intimo ſinu Illyrico meo tra-
xiſſet) potius quam inſtituto adſcribat. Cupiebam enim
illum, quem abſens, veluti numen, ob excellentem do-
ctrinam colebam; aliquando præſens (poſtquam ſas erat)
intueri; & omni mora mihi periculoſa videbatur: proin-
de, quum intellexi te hic adeſſe, niſi ſtatim advolaſſem,
arbitrabar me non poſſe compotem voti fieri. Quum pri-
mum autem valebo, ſi per negotia licebit (poſtquam ita
placet) ante digreſſum meum ex hiſce regionibus te Lo-
vanii conveniam: nec enim tu hoc tempore tam bonas horas
huc veniendo perdere debes. De Judæo, vel qui ſub ejus
tam infami & perdito nomine cum doctiſſimo quoque ac
optimo viro congredi audent, ſolum ex infamia famam
ſibi aucupantes, nil melius exiſtimo, quam illos omitte-
re cum incircumciſa ab omni bono opere mente; & in te-
nebris ſuis ignotos deſiteſcere. Ex motu tædæque rei ſo-
ſida, nil niſi fætor elici poteſt. Literas tuas ad Mogun-
tiam & Pirckheimerum transmittam. Valeat diu felici-
ter Do. T. R. ad commodum & incrementum omnium
ſtudiorum. Antuerpia 12. Novembris, Anno 1517.

EPISTOLA CCLXXVIII.

Georgius Spalatinus Eraſmo Rot. S. D.

LITERAS tuas, Eraſme, unicum totius Germaniæ
communis patria decus, jampridem exſpecto: ſi enim
in manus tuas mea pervenerunt, nihil minus vereor,
quam te mihi non reſponſurum: neque enim tam privato
quam publico ſcripſi ad te nomine, quamvis etiam meo
libentiſſime: nam diu antea perſequutus occaſionem ad te
ſcribendi, non prius ſum natus, quam exſiſtit qui me a-
liquin ſcribendi cupidiffimum ad hoc officii impelleret pe-
ne. Tum enim eſſe cepti, quum primum tua Opera vidi,
quum primum in tua iſtiſ tam multijuga & eruditionis
& eloquentiæ penetralia veni. Ubi autem nunc, & quem-
admodum agas, & quid condas, quid noſtris tempori-
bus, quid poſteritati cudas, tam avide cupio ſcire cum
multis, quam quod avidiſſimo. Spero igitur id te da-
turum nomini optimi Principis mei Frederici Saxoniz
Ducis, ſacri Romani Imperii Electoris, ut tandem mihi
reſpondeas. Facit enim te tantus Princeps plurimi, &
libros tuos omnes in ſua habet bibliotheca, quam optimis
quibuſque libris reſertam architeſtatur. Cætera dicet Pe-
trus noſter Alamirus. Vale feliciter. Curſum ex arce Al-
denburgia 13. Novembris, Anno 1517.

EPISTOLA CCLXXIX.

Eraſmo Rot. Gerardo Noviſmagi S. D.

DEMIROR te nihil ſcripſiſſe, cum ſcripſerit ipſe
Præſul. Neque enim opinor te ſic occupatum,
ut non vacarit: neque tam fortunæ ſucceſſu elatum,
ut veteres congerrones ſaſtidias, quod tamen optarim
ita eſſe. Libellum *De querela pacis* optimo Præſuli
non diſplicuiſſe, magnopere gaudeo, & jam nunc fru-
ctum ejus laboris abunde magnum percepſſe me puto,
quod is amplectitur, cui unice probari cupiebam. *Pa-
raphraſis* ad metam properat. Liber exiguus, ſed nemo
credat, niſi periculo facto, quantis ſudoribus mihi con-
ſtiterit. Mittetur ſimulatque fuerit abſolutus *Theodorici*
formulis. Sed audi rem ridiculam? Nuper quidam ex-
peditus accurrit, annuncians, ſacerdotium meum, quod
haberem *Trajecti*, æſtimatum quatuor *Philippeis*, ſi vel-
lem numerare. Primum gaudebam, ſomnians novum a-
liquod collatum; deinde mirabar quid rei eſſet; poſtre-
mo ſenſi nomen commune fuiſſe cauſam erroris. Eſt e-
nim hic alter *Eraſmus* Juris doctor, ad quem ſcriptas li-
teras inſciens nuper legi, putans ad me ſcriptas. Dein-
de cum nihil illic eſſet, quod ad me pertineret, ſuſpi-
cabar me rideri, à quopiam, donec *Barbiri* ea ſuſpicio-
ne

Ad.
1517.

EPISTOLA CCLXXXIV.

Erasmus Antonio à Bergis, Abbati Bertinico,
S. D.

REVERENDE Pater, cum proxime essem Ganda-
vi, sero cognovi tuam amplitudinem adesse, cum-
que jam conarer meo fungi officio, dictum est cam
abisse. Post hæc accepi à nonnullis, quod me vehemen-
ter commovit, te mihi, nescio quid, subiraſci, opi-
nor ob *Moriam*, quam vir clarissimus *Georgius Halo-*
ius, me dehortante ac deterrente, fecit *Gallicam*, hoc
est, ex mea suam fecit, additis, detractis & mutatis,
quæ voluit. Ad hæc, argumentum ipsum per se joco-
sum est, nec tamen ullum hominum genus infector o-
diosius: neque quenquam nominatim taxo, nisi me-
ipsum. Postremo, Opus hoc quaecunque est, placet
eruditis totius orbis omnibus, placet Episcopis, Ar-
chiepiscopis, Regibus, Cardinalibus, atque ipsi *Leo-*
ni Pontifici maximo, qui à capite usque ad calcem to-
tum perlegit. Quod si quid etiam ineptissem in hoc
Opere, & alii forent offensi, sperabam tuam celsitu-
dinem vel unam mihi patrocinio futuram fuisse, vide-
licet sui similem, cujus tantam humanitatem semper
expertus sum, ut ipsa humanitas non possit esse huma-
nior. Proinde nondum adduci possum, ut credam esse
vera, quæ mihi quidam super hac re narrarunt. Scio
vulgo multa jactari inania, & mores tuos candidissimos
jam multis annis expertus sum, quibus plus habeo fi-
dei, quam aliorum orationi. Scio quantum intersit in-
ter *Bertinicum* & *Briselotum*, etiam si ab eadem litera
vorum est initium. Quicquid est, rogo pergas amare
tuum *Erasmum* vel ob hoc ipsum, quod jam olim a-
maveris. Quod si unquam promeritus sum tui similitum
favorem, ausim hoc fiducia mei magis quam arrogan-
tia dicere, me nunc maxime promereri: quod fortas-
sis extincto me posteritas rectius judicabit, quanquam
nec hac ætate desint qui perspiciant. Versor in colle-
gio *Liliano*, unde est hic, qui has reddit, *Theodoricus*
juvenis festivo felicique ingenio, ac summæ spei: qua-
re si quid erit, in quo requireret favorem amplitudinis
tuæ, quæso ut experiatur. Bene vale, *Mecenas* opti-
me. *Lovanio* 13. Decembris, Anno 1517.

EPISTOLA CCLXXXV.

Erasmus Rot. G. Budæi perpetuus, volit, nolit, ami-
cus, non ultimus, sed jugem ac perennem
illi D. S.

Post jurgatricem illam epistolam, quæ *Basilea* fuit
reddita, ecce de integro mihi adest abs te foecialis
cum patre patrato, qui solenniter ac palam veteris a-
micitiæ fœdus renuncient, & in posterum *ἀσυνδοκία*
denunciant. Primum omnium, gratulor tuæ felici-
tati, mi *Budæe*, cui tum vacet, tum libeat ad istum
jocari modum. Siquidem ea res mihi satis est argu-
mento, amicum, cui profecto omnia læta cupio, non
solum prospere, verum etiam alacriter ac suaviter age-
re. Proinde licet ipse toto hoc sesquianno in ejusmo-
di studiorum genere sim versatus, ut oneri ferendo,
nec corpore, nec animo par essem: præsertim cum id
accederet ad sarcinæ molestiam, quod intelligerem,
illa defudari fere ingratis & iniquis: deinde tot mor-
bis atrocibus subinde me repetentibus, tot aliis curis
atque incommodis, non hic commemorandis, me meus
exercuerit genius malus, (nam *Lovanium*, quo tu sal-
vum me redisse gratularis, vix semivivus deportatus
sum) tamen festivitate literarum tuarum, etiam in me-
dis malorum procellis sum exhilaratus, aut certe deli-
tiatus. Etiam si referre jocos tuos, ac veluti retaliare,
ut maxime libuisset, certe nec licebat, nec vacabat:
quanquam ne adhuc quidem sic à morbo convalesci, ut
vel mihi satis placeat, vel amicis. Tanta erat morbi
vis, nisi malis hoc mali, laboribus immodicis imputa-
re. Tandem igitur ambabus tuis epistolis, imo volu-

A minibus, unica respondebo: quod tamen non prius
faciam, quam illud adhibita stipulatione impetrem abs
te; ut mihi fidem habeas me persuasissimum habere,
quicquid abs te seu joco seu sero scribitur, ab amico
sinceroque pectore proficisci, utque idem tibi de me
persuadeas, & φίλον ὁμολογῆς fidas, si parum fidis
injurato. Nihil prius quam de animi tui sinceritate,
testatus sum apud *Beatum Rhenanum*. Idem clare te-
stor in postremis literis, quas tu, semper tuo more lu-
dens, stomachabundas vocas. Ego nullius literis æque
delector ac tuis, ex quibus multiplicem capio tum fru-
ctum, tum voluptatem. Primum, siue mecum litigas,
siue rides, siue laceſſis, discedo doctior. Nihil enim abs
te proficiscitur adeo neglectum, quod aliorum quanta-
libet cura possit æquare. Deinde, tuus iste sermonis
torrens meam expergeficit somnolentiam: tuus ardor
meum frigus acuit: tua copia, nusquam non exuberans,
jejunam exilitatem meam emendat, atque castigat.
Postremo, cum præcipua vitæ voluptas sit, meo judi-
cio, vacuas horas cum fidis amicis transmittere, quid
possit accidere jucundius, quam cum amico tam exi-
mio, vicissitudine literarum confabulari? Imo cum tuas
lego multo literatissimas literas, plus quiddam mihi
sentire videor, quam si te coram audirem, etiam si
coram quoque perquam festivus esse congerro soles.
Hanc voluptatem mihi subinde renovo, epistolis tuis
ex intervallo relectis. Rursum ubi eas amicis osten-
do, sic de integro delector, ac si tum primum mihi
fuisſent redditæ. Ut nullum interim calculum habeat
gloriæ lucrum, quod hinc facio, mea sententia non ad-
spernandum ei, qui posteritatem spectet: ut meæ lu-
cubrationes intermorianur una cum suo auctore, vel
præmorianur magis, tamen posteri loquentur, *Era-*
smum fuisse quendam, quem *Budæus* ille magnus nec
oderit, nec omnino contempserit. Hujus ambitionis
(ut ingenue dicam) me nec pudet adhuc, nec pœni-
tet. Proinde, cum perspicerem accuratam illam &
grandem epistolam, in hoc paratam ut ederetur, ve-
ritus sum ne quid huic gloriæ decederet, ac posteritas
judicaret inter *Budæum* & *Erasmum*, non tam sinceram
intercessisse necessitudinem, quam ego videri vole-
bam, imo quam esse puto. Atque idem damni mihi me-
tuendum erat apud amicos, quibus tuum ingenium pro-
pius ac domesticè cognitum perspectumque non esset.
Id propemodum tua magis referre visum est, quam
mea, propterea quod me ab istiusmodi suspitione libri
mei, si contigisset superesse, utcunque vindicaturi vi-
derentur. At periculum erat, ne quis de *Budæi* pecto-
re, quo nihil esse potest candidius, secus quam dignum
est suspicaretur. Itaque videbam alterutrum futurum,
ut si ostendissem amicis, famæ nonnulla fieret jactura:
si non ostendissem, aliqua voluptatis parte fraudarer.
E Hic metus id temporis habebat animum meum, quem
ipsum qualis qualis est, te auctore lubens posuero, si
tu ita serio censebis. Neque vero hic agitur, quam ego
sim jocosum ac facetiarum prudens, sed quid sen-
suri de nobis sint, qui nos è libris editis duntaxat æ-
stimant. Noveram esse genus jocandi *Gallicum*, im-
pense liberum, gestiens, ac paulo licentius, quod re-
triciſ ingeniis videri posset petulantia proximum. Mi-
hi videbar propius animadvertisse, tuum ingenium hoc
genere lusus impensius delectari, præsertim si quem
familiarius amares, quo te tuo arbitratu posses oble-
tare: qui fere mos & ἀποχρηστικὸν ἔστιν, in deliciis ha-
bere quæpiam imi subſellii amiculum, ac vernis pro-
ximum, in quem animi causa quilibet rum dicant, tum
faciant. Nec istam voluptatem tibi inviderem, si res
gereretur tantum iis arbitris, qui nostrum utrumque
pernoſſent, aut lusus nostros tam candide sint inter-
pretaturi, quam ego interpretor. Nunc vides à pleris-
que trahi ad calumniam, ea quoque quæ simplicissime di-
cuntur: atque hujusmodi sycophantarum, temporibus
hiſce plena sunt omnia. Quid hos dicturos censes, si jo-
eos tuos feriis convitiis simillimos legant, quos ego pe-
ne solus omnium jocos esse vel sentio, vel interpretor?
Jam

AN. Jam ut non illibenter fateor, me non minus literis, quam fortunis, inferiorem *Budæo*, ita, quod scio te non inficias iturum, eruditio tua, non opes, *Musa*, non *Rhamnusia*, te mihi conciliavit, imo me tibi devinxit. Felicitatem istam tibi gratulor, sed pectus amo, suspicioque. Quanquam autem nihil addubitem, quin fortunas quoque tuas, non uni tibi, sed amicis etiam possideas, tamen è chartis tuis gaudeo ditescere, quibus nihil diminuit tua in omnes benignitas, è scriniis nummariis nihil adhuc nec ambii, nec decerpfi. Nec tenuis haberi debet, qui sua sorte contentus est. Et haud scio an eruditos aliud jocandi genus deceat, præsertim amicitia confederatos. Jocatur in *Trebatium* suum *M. Tullius*, colludit cum suo *Symmacho Ansonius*, jocatur in unum atque alterum suorum *Plinius*. Hoc jocandi genus, haud scio an usquam in eruditorum libris reperies. Et adspergi solent hujusmodi lepores, ceu condimenta sermonis. Cujusmodi vero species, cum totus sermo à capite, quod ajunt, usque ad calcem præter scommata, strophas, & obliquas *convivias* nihil habet? Verum, hæc utcunque habeant, certe oportebat jocandi vices inter amicos esse mutuas. Alioqui non videbitur amicus cum amico ludere, sed Rex in parasitum, ciboque emptum homuncionem debacchari. Nunc si quid à me liberius aut simplicius dictum est, contumeliam atrocem facis: si quid lenio ne offendat, quod liberius dictum videri poterat, suavior te, blandiorque: si quid festivius excidit, cavillaris figurate dictum. Atque hac iniquissima lege coarctor, ut si joci tuis serio respondeam, potentis amici majestatem lædere videar: si jocum joco retaliem, figurati morfus accuser: si blande tecum agam, supplex ac submissus esse dicar: si obticescam, metuere potentiorum existimer. Nam per *Musas* te quæso, *Budæe*, quid habebat vel prior illa epistola, quam editam doles, usque adeo procax ac petulans in te, imo quid non amicum & honorificum? Audieram quosdam hoc tantum indignari, quod ausus essem *Fabro* respondere: alios, quod aliquanto liberius responderim. Hos placare volui, cum ejus rei tu velut ansam præbuissem tuis literis expostulatricibus. Itaque proposito dilemmate, sic argumentor: Si mones, sero mones: si objurgas, sine causa objurgas. At quoniam priori parti adspiceram *Epimethei* mentionem, quod hac in parte mihi serus monitor exstitisset: vide quantam hinc excitat Tragediam. *Eja*, inquis, *tu germane mi Prometheu, meministi hu verbum te scripsisse, velut atrox facinus mihi impingens, ne possim inficiari*. Ac mox, *Amabo*, inquis, *mi Erasme, tuum præmorde labellum, & usuram mihi patientia paulisper accommoda, vicissim adjurgaturo*. Ac mox rursum, *Quem tu subinde in faciem, nunc palma, nunc pugno contundis*. Hæc qui credet, nonne me contumeliosum quempian, & à Gratiis alienissimum esse judicabit? cum hoc animo sim, ut amicum nec joco lædere velim. Opinor nonnunquam usu venire tibi ut bona quædam dicta seposita nolis perdere, nec ob aliud uti, nisi ne tibi pereant. Sunt hæc, fateor, belle dicta, si suo loco dicerentur. Atque his ut locum faceres, facis me tuis verbis loquentem, quæ multum dissonant ab animo, moribusque meis. *Quo nunc igitur admonitio, nisi ut calculum atrum ferre aut varium in Apologiam meam videre? ut mea fere soles præjudicio quodam tuo premere, licentiore, ut quibusdam videtur, fiducia confirmata amicitia*. Hunc sermonem mihi tribuis, ac vicissim refellis, mutata subito persona, nunc reum agens, nunc actorem. Tua est victoria, si hoc juris tibi permittent judices, ut tuo arbitratu pro me quoque respondeas. Atqui nostræ epistolæ respondebas, in qua nihil isti simile legitur. Sed hic plane luisse videberis scio. Cæterum, num illud quoque joco dictum tibi: facere enim nequeo, quin epistolæ tuæ facundæ quidem & feliciter argutæ, sed non perinde æquæ officiosæque, respondeam. Vide vero, num & illud joco dictum videatur. Tum igitur prædiceres, te *Apologiam* meditari, & ego fortasse officio functus essem: at tu me *Epimetheum*

A fecisti, ut per te quidem rem in scenam producendam non ante resciscere potuerim, quam tu prologum in profcenium misisti. Hactenus tu sane festiviter & erudite. Quod mones, fortasse facturus eram, si tum *Rudens* ad manum fuisset. Vulnere, quæ mihi *Faber* infligerat, sero sensi: nec *Lovanii* quisquam aderat id temporis, (novus enim hospes eo veneram) cujus consilio multum vel tribuerem, vel fiderem. Et quod tu fortasse moniturus eras, ut moderatius, ut parcius responderem, id ipse me maxime tum admonebam. Neque enim tam impotenti sum ingenio, quam tu me facis, neque id temporis tam animo commotus eram, quam tu imaginaris. Moerens eam *Apologiam* scripsi, non iratus, aut indignabundus. Id nolim mihi credas, si quisquam mortalium audivit *Erasmum* eo tempore, quo vulnus adhuc recens esset, vel inter pocula cum stomacho loquentem de *Fabro*. Mihi igitur tum sanus videbar: idem videtur quibusdam, qui *Fabro* impensissime favent, eoque præceptore gloriantur, quorum judicio plusculum arbitror hac duntaxat in parte tribuendum, quam tuo aut tuorum, quorum alias judicio tribuo plurimum. Cavillari poteram, *Gallos* favere *Gallos*, ac rejectione judicium uti. Tu procul aberas, ut dixi, & res præfens remedium postulabat. Consuluissem videlicet te, tu convocasses senatum amicorum, & post annum redisset ad nos vestrum oraculum. At cur potius tu mihi consulendus eras, quam amici cæteri? An tu solus quid decebat, perspiciebas? an cæteris non sunt oculi? ut mihi in mea causa judicium adimas. Jam si complures amicos consuluissem, fortassis omnes moderandæ *Apologia* fuissent auctores. Recepissim me facturum. Hic rursum, quod mihi moderatissimum visum fuisset, huic aut illi parum moderatum visum fuisset. Nisi forte volebas *Apologiam* absolutam, & opera notariorum in aliquot exemplaria propagatam, in *Germaniam*, *Hispaniam*, *Britanniam* & *Galliam* mitti, priusquam excuderetur formulis. Utinam id liceret in omnibus libris, quos edimus in vulgus. Atqui ut nulla sumptus habeatur ratio: primum, difficile est esse ingeniosum in opere alieno: deinde, vix unum reperio, cui vacet alienis lucubrationibus attendere. Siquidem ea res attentum requirit. Facilius reperias, qui edita cognoscant, ut carpant, quam qui edenda recognoscant, ut emendent. Postremo, cum hic quoque variassent amicorum suffragia, nonne moderationis canon ad meam æstimationem revolveretur? Ut reperiat aliquis tam ociosus: quis tam certus tibicen adstabit nobis à tergo, ad cujus modulatum, orationis habitum remittamus, aut intendamus? Totum hoc negotium & scribendi, & excudendi, intra quatuordecim, plus minus, dies confectum est. Res multis acta est testibus, ne quid me suspiceris affingere vero. Ne vero putes tantum vel temporis, vel studii datum huic contentioni, ut tuo hortatu fuerim ad sacra studia revocandus, & ipse mihi per te postliminio restituendus, perpende quid interim scripserim, videbis te hortatore nihil opus fuisse. Sed fac me percitum ira, non satis habuisse rationem meæ dignitatis: num ideo te feci *Epimetheum*? Si in puteum delapsus admoneas, hæc erat eundum, non incidisses in puteum, si monitorem audisses: nonne is optimo jure respondeat, utinam in tempore monuisses, nunc auxilio, non monitore est opus? Quanquam hoc posterius sic refellis, ut dicas te in posterum consuluisse mihi. Vide nunquid ejusmodi tua habeat epistola. Si dixisses, immoderatius respondi *Fabro*, posthac nolim te eodem modo socordem esse, poterat intelligi quid sentires. Nunc *Erasmus* sum, non *Oedipus*. Neque enim divinare potui futurum, ut tuam admonitionem, quam vocas, sic interpretareris. Quod si tam prolixa epistola objurgas amicum, lapsum, si ita videtur, nec interim opitularis, ubi candor ille *Budaicus*? Quid aliud quam erratum amici traducis & exaggeras? & cicatricem, jam obduci cœptam, refricas? Una opitulandi ratio supererat, si nos in gratiam redegissem. Id officii cum, *Rudens* majorem in

An. modum flagitante, pertinaciter recularis; tamen in
 1517. frontispicio epistolæ tuæ, *pacificatorem* te vocas, in
 quem ego ἀρεσχόλος commotus, repente cornua obver-
 terim. Si ubique jocularis, puto jocos etiam oportere
 sibi constare. Utrum vero metuebas, an ne ego rursus
 impeterem *Fabrum*, qui me tam invitus defenderim
 adversus illum? id quod tu quoque videris intelligere:
 an ne ille me repeteret? Id cum tester me non metue-
 re: tu declaras nihil omnino esse periculi, meorum
 suspicionem irridens, etiam si nemo meorum id suspi-
 catus est: sed rumore quorundam *Fabro* faventium,
 aut certe mihi malevolentium, fuit iactatum. Nam
 ipse non solum de *Fabro*, verum etiam de doctis amicis,
 ac discipulis *Fabri*, semper meliorem habui sententiam,
 quam ut huiusmodi quicquam ab illis metuerim. Ab in-
 doctis rabulis metui magis, cum quibus vel certasse sit
 turpissimum. Atque interim *leptologematon* mentio-
 nem nobis refricas: quæ de re cum ego nusquam ullam
 iram vel senserim animo, vel oratione declararim; tu
 tamen præ impotentia iracundiæ in hæc revolutum me,
 scribis: idque satis impudenter colligis ex eo loco, in
 quo testor, me ne tantulum quidem fuisse commotum:
 & adeo non fuisse commotum, ut amicos quosdam
Germanos, id non satis æquo animo ferentes, riserim
 verius quam placarim. Quorum igitur attinent illa
δεξιὰ ἢ φοβέει; Itane vero, si quid tibi familiariter
 atque amicitie jure fretus dixerō, tu in me eloquentiæ
 tuæ aciem stringes? Et ut animo obsequaris iracun-
 dulo, ad satietatem mecum delitigabis? cæteraque, quæ
 in hanc sequuntur sententiam. Si hæc serio scribis, u-
 binam est in scriptis meis ista tam impotens iracundi-
 a? ubi delitigatio? ubi mea *Minerva* facundiæ præfidiis
 fretus, adversus justitiam depugno? Sin ludis: qua
 nota sentiet lector, utriusque nostrum ignarus, esse
 jocum, in quo tu tam scite adumbras stomachantem,
 ut qui vere indignetur, non queat seipsum melius re-
 præsentare, quam tu simulas? Si tibi placet lusus *La-
 conicus* in amicum, qui usque ad vulnera, tuberaque
 solet progredi, videlicet quo me doceas tolerantiam;
 vide, ne quis istud causetur parum tempestivum in ho-
 minem aliquanto, quam tu es, natu grandiorē, cum
 cruentus ille *Lycurgi* lusus juventutem duntaxat exerce-
 ret. Jam periculum est, ne cui veniat in mentem, ut
 simile quiddam dicat in te, quale celebratur *Platonis*
 in *Diogenem*. Is cum calcasset culextram *Platonis*, ait
 se *Platonis* fastum calcare: *Calcas*, inquit *Plato*, sed alio
 fastu. Verendum igitur est, ne quis animadvertens,
 tam iracundis literis tuis meam castigari iracundiam,
 tibi dicat itidem: *Objurgas iracundiam, sed alia ira-
 cundia*. Cæterum, agis iracundum, non irascens. Ut
 agas, certe nimium scite agis, quemadmodum *Aja-
 cem* egit *Lucianicus* ille histrio, qui inter agendum u-
 ni atque alteri caput comminuit, non sine metu cæte-
 rorum. Sed ille personatus agebat, tu nuda facie cum
 amico agis. Quod si vultum ista loquentis aut scriben-
 tis cerneret aliquis, fortassis intelligeret sævitiam ver-
 borum meros esse lusus. Nunc lector vultum scribentis
 non cernit, animum ex verbis æstimat. Sed hæc alias;
 nunc epistolæ tuæ seriem persequar. Ais, *Si mihi fas-
 ses integrum, suaserum fuisse te, ne dissimularem, quod
 Faber in me scripsisset, cum in hac eadem epistola fave-
 ris, te, si res pro tuis rostris ageretur, non adempturum
 mihi dicendi pro me facultatem, sed chapsydras pauciores
 infusurum*. Hoc consilium quale futurum fuerit, in
 præsentia non expono. Illud habeo compertissimum,
 eruditos quosdam, neque postremi nominis viros, le-
 cta illa *Fabri* iniectione, mihi nonnihil timuisse: qui
 iidem, prodita nostra *Apologia*, metum omnem po-
 fuerunt, meaque innocentie sunt gratulati. Quotum
 autem quæque futurum fuisse censes, qui quæ *Faber*
 in me scripsit, attentius legeret, qui utriusque sermo-
 nem expenderet? cum bona pars satis esse judicasset ad
 me condemnandum, quod *Faber* in me scripsisset,
 & ita scripsisset, ut ego nihil responderem. Atque
 hic utris argumentis, quod tua pace dictum sit, pa-

rum verecundis. Primum, cum ais me eo evasisse o-
 pinionis, ut ne ex alienis posthac elogiis pendere do-
 beam: deinde, quod addis, *Fabrum* suis scriptis pa-
 trocinantem me attigisse, cum in eo loco nihil illi me-
 cum esset negotii: Ad hæc, quod meam *Apologiam*,
 & brevem pro causæ modo, & quod constat, plus-
 quam extemporariam, longam ac meditatam defensionem
 vocas: Postremo, quod assumis, nihil futurum
 fuisse periculi apud eruditos, etiam si *Fabro* nihil, aut si
 neglectim respondissem. Ego famam nunquam sum au-
 cupatus, nec ad hunc scopum mea studia destinavi,
 quod tu, mi *Bude*, nimis frequenter impingis. Nec
 eo progressus sum opinionis, ut mihi tutum sit obti-
 cescere, si quis impingat quæ impegit *Faber*: nec a-
 critter aut ferociter illi respondeo, sed amice candide-
 que. Nihil enim me movet, quod rem per se atrocem
 verbis elevas, quovis modo crimen adspargenti, & se-
 cus quid, ut sit, de scriptis tuis senserit quodam loco,
 & si quisquam scriptor secus de te senserit. Istæ præ-
 claræ *μενέει*, cum res existet, non multo sunt vere-
 cundiores, quam si quis consolans eum, cui elephan-
 tus sit abactus, dicat esse dejecti animi, ob tantilli ani-
 malculi iacturam commoveri. Aut si cui perisset ingens
Smaragdus, neget esse virilis animi, ob lapilli unius
 damnum animo discrucari. Verum, ut hæcenus omnia
 joco tribuamus, rursus in te constantiam desidero.
 Cum in posterioribus literis me victorem pronuncies,
 hic meam defensionem errorem vocas, & causificatio-
 nes. Mox in *Gracis*, quæ sequuntur, factus aliquanto
 mitior, sic tribuis eloquentiam, ut fatearis mihi deesse
 rationem, ac modum utendi, perinde quasi furioso
 tradas ensē. Deinde, totum *Hieronymum* à me exigis,
 perinde quasi ego meum erratum, illius exemplo de-
 fenderim. Imo nego me ad illius exemplum atrocius
 respondisse, cum gravius essem quam ille provocatus.
 Ut nihil jam ad rem pertineat quod declamas,
Hieronymum & *Augustinum* homines fuisse: nam illud
 planissime per lulum admiscuisse videris: quod ais ad-
 dubitare te, an ob id *Hieronymus* actus ad *Christi* tri-
 bunal vapulaverit, quod in *Ruffinum* scripserit: cum
 somnium illud, ut ipse testatur, adolescens somniarit, in
Ruffinum non nisi senex scripserit, atque adeo ne ad
Augustinum quidem. Multa prætereo sciens, quæ tu
 animi causa fingis: quod genus illud, *Me te longa ver-
 saviſſe epistola, quasi ab adversario meo festeris, prodita
 amicitia, aut scriptorum meorum indicaturam, epi-
 stolarum licentia elevaris*. Hæc quisquis leget, protinus
 requirit expositulatricem illam epistolam meam, cum
 in his, quæ existant, adhuc ne verbo quidem huiusce rei
 meminerim. Ac mox *aliquid* nolo suspondis, quod
 obiter adjecerim, orthodoxos omnes veteres ac recen-
 tes in eadem esse causa, in qua me *Faber* collocat: nam
 ipse *ἀδελφε* eram, quod ad eam rem attinet. Ut
 non egerant illi meo patrocinio, certe videbor excusa-
 tius eam opinionem tutatus fuisse adversus *Fabrum*, in
 qua tot egregios viros habeam *ἀντιπαρα*. Ad hæc, quan-
 tumvis magni sint illi, tamen nemini vitio datur, sum-
 mos etiam viros à calumnia defendere: cum sint, qui
Christo adversus impias calumnias suis libris patrocinen-
 tur. Nec mihi satis est solatii, cum quamlibet eximii
 viris habere causam communem, si illis ob antiquita-
 tem ignoscitur, mihi scribitur dica. Huic simillimum
 est, quod in tua sequitur epistola. Scripseram, si *Fa-
 bri* iniectionem iniectione retulisset, obtexere po-
 teram jus, nusquam gentium non decantatum, *vini
 vi repellere licet*: cum me negem eo jure usum, & ta-
 men tu perinde mecum agis, ac si dissimularem. Con-
 tumelias laessurus, argumentis respondeo: an hoc est
 vim vi repellere? Negas hoc legis caput, summum
 illum judicem in suas tabulas aut edictum transulisse:
 & tamen omnes Theologorum centuriæ legem hanc
 agnoscunt, non agnitori, nisi fallor, si cum *Christi*
 pugnaret interdicto. Modum inculpatae tutelæ qui po-
 tes in me desiderare, qui conviciis odiosis laessurus,
 nullum regere convicium. Nisi convicii instar esse ju-
 di-

1517. **Au.** dicat, cum depulsi criminis invidia, sua sponte recidit in calumniæ auctorem. Quid enim faciam, si tibi paulo longior ac liberior videtur *Apologia*? Ad animi mei modum rem temperavi, cum tui gnomonem non haberem. Nec est quod hunc errorem in amicos instigatores rejicias. Præter unum me nullus mihi fuit in consilio. Pene fuit excusa, priusquam quisquam sciret excudendam. Hoc magis acceleravi, ne me negotium ut necessarium, sic inamœnum, diu teneret. Res ipsa, quid esset agendum, suavit. Atque ut doleo me provocatum, a quo minime volebam: ita in tantum non poenitet *Apologia*, ut si quis hodie sic provocet, & provocet immerentem, cras sim similem *Apologiam* adornaturus, moderationem ac immoderationem, incertum. Non mihi placet lenitas in hoc uno convicii genere, & tamen in illa, quamlibet longa mea *Apologia*, minus reperiens stomachi, quam in hac tua familiari ac jocosa festivaque epistola, qua cum amico ludis animi causa. Jam illud profecto perquam false dictum est abs te. Quis enim miretur, te illi in eo non placere, in quo tu tibi displices: perinde quasi qui insons, furti aut sacrilegii reus agitur apud *A-reopagitas*, ideo damnet defensionem suam, quod displiceat necessitas, quæ ad dicendam causam adegit. Multo aliter *Fabro* quam mihi displiceo. Sic mihi displiceo, quemadmodum sibi displicet ictus à scorpione, cum antidotum admovet. Proinde dictum hoc non tantundem habet salis, quantum prima fronte præ se fert. Pergis & addis te laceffitum à me, qui calumnier te deiecisse mea scripta, meamque *Copiam* extenuasse. Os impudens, extant quæ scripsisti de meis libellis, ea in tantum non offendunt animum meum, ut excusam & commode interpreter, & tibi sycophanta sum, ac æquitatem in me desideras, qui te apud amicos in invidiam vocem: quos tu omnes ferarum ritu frementes facis, quod unus aut alter non satis probavit nostram *Copiam* abs te suggillatam. Memini sane, quid de nostris lucubrationibus ad *Tonsallum* scripseris: verum, quoniam tibi joco dicuntur omnia, non a libi probabilis est, te joco ludere, quam illic ubi nostra tam valde probas. Sed hactenus jocatus, reliqua te serio velle loqui profiteris. Repetis quod in epistola mea non cessam te postulare suspecti, cum nihil usquam sit hujusmodi. At quod hic serio dicis, paulo ante per lusum dixeras. Addis, etiam si uterque nostrum arbitrium ad te deferat, te non libenter suscepturum. At quo interim evanuit pacificator ille, quem ego obverbis cornibus deterrebam? Sub hæc hortaris, ut ad pristinam amicitiam redeamus. Istuc persuade *Fabro* si potes, quem huc tot-jam epistolis ultro provoco, nihil veritus quorundam cavilla, qui me jactitant id metu fecisse, non animo Christiano. Pollicitus sum, me mutaturum locos omnes, in quibus ab illo dissenferam: si quæ notaram, vel mutaret, vel defenderet. Promisi, me pro virili aboliturum *Apologiam* meam, modo ille tolleret suam infectionem. Postremo, consului atque etiam obtestatus sum, ut aliquo scripto testaretur, inter nos animorum esse consensum, & eriperetur ansa digladiandi de nobis, qui partim illi, partim mihi favent, aut male volunt. Nunquam dignatus est, vel per alium quempiam respondere, nec tamen adhuc desino *Fabro* esse amicus. Et post hæc me violentum ac ferocem facis. Optas ut hoc famæ vulnusculum aliqua cicatrice obducatur. Atqui quid aliud efficit ista tua epistola, tot verbis deplorans utriusque vicem, ac rem miris Tragicodiis exaggerans, nisi ut cicatricem utcumque coeptam obduci, refricet? Ad hæc, hortaris me tuo exemplo, ne posthac utcumque laceratus, in certamen descendam, quasi quicquam habeant simile tuum ac meum negotium. Fortassis in tuis commentariis, cavillatus est aliquis, te locum aliquem secus quam ipsi videatur enarrasse. Quod ut maxime evincat, & ἡγήθηλα non alia manet poena, quam ut illic vel parum attentus fuisse videaris, vel aliquid existimeretur fugisse te, quod non venerit in mentem,

Au. 1517. **A** aut etiam non legeris. Hic multo alia pugnae conditio, si modo hæc pugna dici debet: in qua capitaliter impetitus, nihil aliud quam me defendo. Et tamen tu quoque tibi in causa dispari reliquam vis esse unam exceptionem, si tibi silentium tuum vitio verti videas, aut luculentæ fraudi futurum. At cur hac me non vis uti? Nam quod tu negas obfuturum famæ meæ, si obticuissem, nec tibi ipsi satis, ut opinor, persuasisti, quamvis mihi persuadere conaris. Atque utinam mihi tales adessent amici, undique cordati, oculatique, qui certo præscriberent, quando & quatenus esset adversario respondendum. Hoc genus amicos fortassis hæc nostra barbaries non habet, sed mecum lippunt omnes. **B** Nec tibi concedam, *Budæe*, ut tu virulentiam concertationem validius oderis atque execreris quam ego. Nec puto me ideo affinem esse huic crimini, si compulsi & sic provocatus *Fabro* respondi. Porro, quod interim me collocas in gloriæ fastigio, quod *Erasmi* nomen facis opiniosissimum, aliaque id genus, plane joculari te puto, quantumvis seria professum. Siquidem & alias inducis mihi πῶς λεοντῶν, ac prorsus ἡρωοποιῶν quempiam pietatis ac literarum antistitem facis, qui jam immortalitati consecratus, extra famæ aleam sit positus. Atqui hunc reverendum Theologum, tu non aliter quam matercula infantem objurgas: imo non secus atque sævus præceptor, nunc ferula, nunc flagello terres, castigasque. **C** Certe laudis hoc quicquid est, quod mihi tecum vis esse commune, cum ais, qui servitutem molestam gravemque ambitioni servivimus, non agnosco, moneoque, ut meam portionem in alium quemvis transferas. Nihil me infelicius, si tantum vigiliarum ambitioni datum est. Hic multa rursus parum pudenter assumis, me recriminatione certasse cum *Fabro*, cur boni viri sit, innocentiam suam suapte vi, non alienæ injuriæ propulsatione commendabilem videri velle. Mihi bonus vir non est, qui famam negligit, præsertim sic impetitam, idque editis libris. Ac ne singula persequar, cum multa joco dixeris, multa serio, multa simpliciter, multa disputans, multa pronuncians, hæc omnium summa redit, ut mihi hactenus per vos impune sit pro tuenda causa mea decertasse, sed periculum denuncians, si verbum addidero: de causa, quæ inter nos agitur, non pronuncians, sed ampliandam censes. Unum hoc desideras in me, defensionem breviorē, ac moderationem aliquantulum. Primum, quoniam, ut ante dixi, non poteram dictio-nis temperiem ex omnium animis moderari, ex meo moderatus sum, præsertim cum dolerem, non indignarer. Quod si ad calumnia voces, quanto plures clepsydæ soleant olim infundi reo quam actori, simulque meam *Apologiam* ad *Fabri* infectionem conferas, intelliges ne hic quidem admodum mo πλεονεχῆσαι, maxime si cogites & criminis genus, & quanto facilius sit adspargere labem, quam abstergere. Proinde in causis quibusdam præter solennem numerum clepsydæ aliquot addi solent patronis. Porro, arcem istam διθυ-mæ tibi gratulor, unde prolici in campum non possis. Sed tamen interim ex arce talibus jaculis προει-δωκο-λογῶν, ex quibus non difficile sit conjecturam facere, qualis futurus sis, si vel decima parte machinarum, quibus ego sum impetitus, quatereris. Neque enim sentis omnes meos arietes, quibus hinc atque illic impetor. Sed tu felicior, qui hæc non intelligas. Et utinam nunquam tibi veniat usus, ut cum hujusmodi non hominum, sed portentorum genere confisteris, qui se Theologos appellant, cum meri sint sycophantæ. Non infector ordinem, sed quosdam hoc indignos ordine, simul & nomine. Vel nuper quidam existit homuncio pallidus ac macilentus, id quod mireris, cum nullus unquam æque sibi placuerit, pliusquam pueriliter infaniens jejuniis gloriæ, subito *Gracius* factus, & ante biduum adeo factus *Hebraeus*, ut illi nihil sapiat, nec *Hieronymus*, nec *Cyprianus*. Is ad hujusmodi sycophantias natus, nihil non audet, nihil non molitur, quo subito fiat nobilis: atque hanc viam

An. maxime compendiarium esse judicat. Indignus est, cui
 1517. respondeatur, nisi pro maleficio velis beneficium re-
 ponere, & tamen virulentior est bestiola, quam ut
 ferri possit. Nusquam non obtreſcat, obambulans per
 compita, per trivia, per fora, per templa, per mo-
 nasteria. Nulli non mittit epistolas mendacissimis sy-
 cophantiis differtat. Neque defunt huic histrioni qui
 applaudant, qui faveant, qui & occinant, & omni-
 no similes reperiunt labra lacturas. Et cum his factis,
 sibi sanctulus etiam videtur, quasi sufficiat ad absolu-
 tam sanctimoniam laudem, adulterum aut aleatorem
 non esse. Nondum statui, quid de illo facturum sim.
 Si vicerit meam lenitatem, faxo, ut non omnibus æ-
 que placeat, ac placet sibi. Nihil aliud in præsentia
 polliceor, cum ille plus quam montes aureos de se pol-
 liceatur: efficiamque, ut ex me plus nanciscatur famæ,
 quam gloriæ. Verum, ut ad tuam redeam epistolam,
 ais, *totius causa arbitrium adhuc in tua esse potestate*:
 imo nunquam arbitrium hoc ad te detuli. Illud modo
 delatum est ad te, ut si velles, pronunciares, num
 peccarim, quod *Fabro* responderim, aut quod sic re-
 sponderim. Idque ut certius faceres, postulabam, ut
 per ocium utriusque scripta percurreres. Atqui hic pa-
 lam contra me fers sententiam: primum, qui responde-
 rim, cum præstiterit obmutescere: deinde, quod ac-
 curatius ac prolixius: postremo, quod animosius re-
 sponderim. Nam utrum legi debeat, ab angelis an à
 Deo, nec mea refert pronunciar, & aliorum est ne-
 gotium. Porro, non competere in me, quæ *Faber* in
 me congerit, vel citra iudicis calculum res ipsa loqui-
 tur. Nec est quod clamitet quisquam, illum oppres-
 sum eloquentiæ meæ viribus, quibus ego nec polleo,
 nec me jacto. Ipse fuit in causa, qui argumentum me-
 cum conferendi manus, parum auspiciato delegerit. *In-*
stinianus Episcopus nos invisit *Lovanii*: visus est homo
 candidus, minimeque virulentus, proinde dolet, quod
 illius nomen in *Apologia* perstrinxerim. Insigni nota
 designaram eam paginam, semelque denunciaram ty-
 pographo, ne qua omnino excuderetur, nisi à me re-
 cognita: atque hæc sola me inscio fuit excusa. Ubi
 sensi, coegi ut eandem, à me temperatam, denuo ex-
 cuderet: nam hac gratia notaram. Quod hæcenus ne-
 que Regi, neque Episcopo quicquam scripserim, ipse
 in causa fuisti, qui literis tuis spem ex sententia confi-
 ciendi negotii mihi amputaris, etiam si me res ea le-
 vissime tangebatur. Nihil certi deferebat Episcopus. Re-
 gis nomine qui scripserant, ad spem modo vocabant.
 Hic recess in famulitium Principis adscitus, mox o-
 pulento sacerdotio donatus sum: destinatum erat an-
 nuum salarium, cujus nondum certum jus possidebam.
 Vobis cum *Angli* id temporis parum conveniebat, &
 novandi denuo Novi Testamenti cura me totum habe-
 bat. An cum hoc loco res essent meæ, mihi consul-
 turus eras, ut ingratus erga meos, de *Britannica* for-
 tuna periclitans, omisso negotio, cujus gratia negli-
 gebam omnia, in *Galliam* accurrissem, venaturus spem,
 nescio quam, hoc est, *ἡ νείκερος διαίτα*, præsertim
 cum me præsentis fortunæ non admodum pœniteret.
 Denique scis, quo tempore mihi redditæ sint tuæ po-
 stremis proximæ literæ. Quid autem necesse est, sic
 me huic aut alteri Principi addicere, ut à reliquis me
 eximam? Malo servire nulli, & prodesse, si queam,
 omnibus. Sed hac de re scripsimus Episcopo, quem-
 admodum iussisti. *Glareanum* tibi probari magnopere
 gaudeo: quem hominem ego sic amo, ut quicquid in
 illum officii contuleris, lubens patiar imputari mihi.
 Jam ut ad postremam epistolam tuam carptim pauca
 respondeam: Ut tu immodice, *Budæ*, aut attollis, aut
 de jicis omnia? Scripseram me vereri, ne amici aut po-
 steri aliorum acciperent jocos tuos, quam tu scribe-
 res, quos non ignorarem, qualescunque forent, à fin-
 cerissimo pectore proficisci. Hinc excitas magnos tu-
 multus, te adversus Gratiis mecum auspiciatum amici-
 tiam, nunc tibi videri rusticum, absurdum, præpo-
 sterum, stolidum, refractarium, & offensatorem, col-

A luforem, ac spinosis jocis, aculeatis, ominosis, vitan-
 dum & averſandum, ut bovem cornibus obvolutis. An.
 Nihil enim hujus sermonis meum illud epistolium tibi 1517.
 suppeditavit. Neque veto te respondere epistolæ quam
 vides editam: tu modo vide, quid sit ex utriusque di-
 gnitate. Neque enim illa mea, tam tibi scripta est,
 quam aliis, quos placatos oportuit. Nec ideo tot ar-
 gumentis tecum ago, ut ad respondendum laceſſerem,
 sed ne responderes: nam nostram cum *Fabro* concer-
 tationem aboleri silentio cupiebam, si qua fieri posset.
 Postremo, ne quid hinc erres, scito eam epistolam a-
 liquamdiu fuisse formulis excusam, prius quam tua mi-
 hi redderetur. Nec me tamen auctore id factum. Ve-
 rum, cum subito periculum eſſet, ne omnia *Frobenii*
 præla ceſſarent, propterea quod chartarius ad diem
 præstitutum non adesset, passus sum, nec id admo-
 dum volens, ut *Beatus Rhenanus* è sarcina mea, si quid
 ineſſet, deligeret. Nam mihi tum nequaquam vaca-
 bat. Et quoniam per tumultum acta res est, nec is
 in delectu satis animo suo fecit. Et tamen ex epistola
 tua, cui respondeo, bonam partem reſecui, in qua vi-
 debantur eſſe, quæ non judicarem evulganda. Rur-
 sum, quod epistolam tuam prolixam dixeram, sic in-
 terpretaris, supervacanea & redundanti loquacitate o-
 diſam. Item, quod eloquentiæ laudem tibi concedens,
 testor me in hoc argumento, causa superiorem eſſe
 C poſſe: sic interpretaris, quasi præter inanem verbo-
 rum apparatus nihil tibi tribuam: & post hæc me
 male ſuſpicacem, non uno in loco vocas. Atqui poſ-
 ſum illud vere de meipſo prædicare, paucos reperi-
 es, qui in amicitia minus quam ego ſuſpicaces ſint. Por-
 ro, quod negas quicquam eſſe in tuis literis, quod non
 in gloriam meam ceſſurum ſit, cum incertum ſit ubi-
 que, ludas ne an ſerio agas, citius ea per jocum dicta
 videbuntur, quæ ad laudem meam faciunt, quam qui-
 bus me flagellas. Etiamne illa mihi laudi futura ſunt,
 quod me procacem facis in talem amicum, quod nunc
 præ iracundiæ impotentia præmordentem labellum,
 nunc ſuppludentem pede, nunc Deum atque hominum
 fidem implorantem; atque ita tumultuantem ira, ut tu
 coactus ſis ceu novus *Pythagoras* ſpondæos occinere,
 ac me mihi reſtituere? Quæ mihi ſane cum riſu legun-
 tur, quod ſatis intelligam te jocatum. Illud modo ve-
 reor, ne non itidem interpretentur cæteri. Quod ſi
 tu me jubes hunc metum ponere, & eadem eſt amico-
 rum tuorum ſententia, age, lude tuo arbitratu, exer-
 ce calamum, laceſſe, verſa. Meum animum nunquam
 offendes, quando de tuo certus mihi videor. Si vide-
 tur, ad proximam editionem adjungetur tua epistola:
 me nihil offendit locus quem annotas, adeo mihi tua
 probantur omnia. Neque vereor, quicquid uſquam
 abs te ſcriptum eſt, ſine ullo delectu ſequi. Proinde
 E tibi videndum, cum ad me ſcripſeris, ut utriusque pe-
 riculo conſulas. Sed eſt alius locus in prima pagella,
 ad quem nonnihil reſtiti: nam verſus unus aut alter,
 nescio quo caſu, videbatur interjectus, qui cum reli-
 quo ſermonis contextu parum congruebat: cujus ini-
 tium eſt, *Faber toties à me*, &c. finis, *Doleo anſam hanc*
daſam, & reliqua. Tu diſpice. Salutabis mihi tuos a-
 micos, meos patronos, *Deloium* & *Ruzem*: nam in
 præſentia non vacabat pluribus ſcribere. Bene vale.
Lovanio 22. Decembris, Anno 1517.

Q uo ſim in te animo, vel *Glareanus* teſtis eſſe po-
 terit, homo minime fucatus. Quod ſi quid offen-
 dit hæc epistola, puta me jam perpurgaviſſe ſtomachum,
 id quod tu juſſeras. Denique lectam, in ignem conjice,
 ſi lubet: conjiciam & meam *αὐτίχαρον*, ſed ita
 notatam, ut nec à meipſo legi queat. Quovis modo
 ulciſcere, modo ne amicus eſſe deſinas, neve obtice-
 ſcas: quanquam de *Fabro* plus ſatis, quæretur aliud
 argumentum plauſibilius. Rurſum vale.

EPISTOLA CCLXXXVI.

Des. Erasmus Roterod. Præsuli Basileensi, Christophoro, S. D.

An. 1517. **R**EVERENDE Præsul, eloqui, ut dignum est, vix queam, quantopere veterem iustum tuum in me animam, quem olim abunde expertus Basilea, nunc rursus tuis ex literis agnosco, venerer atque exosculer. Ac jam pridem circumspicio, si quod idoneum argumentum nascisci queam, quo simul & tuam erga me beneficentiam, & meam vicissim in te grati animi propensionem testatam efficiam, etiam posteritati, si quid meae possint literæ. Imo quo melius dicam, ut posteritas in te boni Præsulis imaginem accipiat, in me scduli clientis exemplum. Sed hæcenus unus in tot curas distractus, hinc studiis meis, hinc aulae negotiis, vel nugis potius, hinc Theologorum quorundam odiis, meminisse magis poteram officii mei, quam præstare. Nunc cum Theologis pax est altissima, nisi quod reclamant adhuc personati pauculi, sed procul, & in absentem duntaxat oblatrantes, præsertim ubi calices reddiderint eos disertos. Ab aula me prorsus avulsi. Lovanii sedeo, cum cælo satis convenit. Spero dabitur commoditas animo meo satisfaciendi, nec tamen Basileam excussi animo, sed est cur hic expediat menses aliquot desidere. Id quid rei sit, partim indicavi Ludovico Bero. Neque vero me istuc perinde invitarit cœli vestri amoenitas, atque animus iste tuæ celsitudinis, tam in nos propensus. Pro officiis & humanitate, qua Beatum Rhenanum, raræ probitatis virum, prosequeris, non minorem habeo gratiam, quam si in me ipsum collocasses. De novis rebus ex aliorum literis cognosces. Bene vale, suspiciende Pater. Lovanio, An. 1517.

EPISTOLA CCLXXXVII.

Erasmus Roterodamus Leonardo Pricardo, Canonico Aquis, S. D.

ERVEDITISSIME Pricarde, ut eleganter scripsit Aristophanes, ἀνὴρ ἐν ἑσὶ συνοφάντε δῆμιον. Adversus aspidum virus reperta sunt incantamenta, adversus viperarum & canis rabiosi morsum remedia monstrarunt medici: adversus calumniatorum morsus nullum est remedium. Audio Theologum quendam isthic vetus ulcus refricuisse, imo ex obducta cicatrice grave vulnus fecisse. Ait per me factum, ut tui Canonici rideantur in scholis ob epistolam quandam ad Beatum Rhenanum. Primum, quod ad animum attinet, nihil unquam minus venit in mentem, quam ut talibus viris, quibus ego plurimum debeo, ullam scriptis meis notam inurerem, imo nihil recusaturus sum, si quo officio possim illis vel ornamento esse, vel usui. Quid enim me fuerit in orbe terrarum inhumanus, si pro summa humanitate reponere voluisssem ignominiam? Hoc de meo animorum primis testatum esse volo. Jam quid est obsecro in ipsa re, quod illorum minuat dignitatem? An quod in multam noctem productum est convivium? Nimirum sero coeperamus accumbere, & hoc ipsum humanitatis erat, quod mea causa vocatis aliquot reddidere convivium prolixius. Nec enim fuit illic ulla compotatio, neque quisquam omnium non minus potus erat quam ego. Porro, quod Decanus me reluctantem eo pertraxit, quid aliud incuso, quam illius insignem humanitatem. Sic & duo Discipuli compulerunt Jesum ut apud se diversaretur. Quid autem probri impingitur vicepræposito, si quum tempestas arceret piscatores à piscando, nihil erat in convivio præter anguillas & piscem vento duratum? Quasi Roma non idem accideret aliquando summis Cardinalibus. Et tamen hoc pisce durato, natura delector. Porro, quod admixta fuerint quædam fragmenta non satis percocta, illud suspicabar esse, quod affluerint plures convivæ quam expectabat. Certe vicepræpositus ille

A vitus est juvenis singulari præditus humanitate, planeque sobrius. Denique, vix unquam incidi in sodaliticum, quod mihi magis arrisisset si valuisssem. Quid autem scommatis esse videtur in mentione periodi? Quasi non is mos sit apud plerisque Canonicos, multis nominibus laudandus, ut conviviis in orbem actis invicem agitent sodalitia, vel ob vitandam profanorum consuetudinem, ne familiaritas pariat contemptum; vel ob temperandum sumptum, qui minor est ubi plures conveniunt. Et interim discitur aliquid in conviviis, tractatur aliquid negotii, nonnunquam corriguntur & errata quædam. Unde & Plato Philosophorum severissimus probat hujusmodi compotatiunculas, nec improbat etiam invitatiunculas, ex more Græcorum ad largius bibendum, modo ne prætereatur πᾶσαν μέγαν ἀεισόν. Quare te rogo, mi Leonarde, ut quod ille iycophanta, male narrando depravavit, tu bene interpretando corrigas, ac meo nomine promittas dominis meis quicquid ab homine memori & grato debet expectari. Quod si diffidunt dictis meis, faciant in re periculum. Nihil refugiam, etiamsi res sit magni laboris. Saluta mihi Vlatennam ac cæteros omnes. Lovanio, Anno 1517.

EPISTOLA CCLXXXVIII.

Erasmus Rot. Petro Egidio S. D.

DE his, quæ nobis attulit Jacobus, omnia recte habent: nec diffido quicquam de Nicolao, sed mirabar tibi pecuniam non esse redditam. Doleo te angimæore: at ego non ob aliud repetebam mea, nisi ut tibi sollicitudinem adimerem. De sigillo nihil accuso, tantum exstimula hominem per famulum tuum. Utinam scissem Pacanum isthic adesse, nam id ex illius intelligo literis, protinus advolassem. Epistola ad Dorianum me non valde cepit: quanquam eam nondum perlegi. Quæso quod officium mihi offerunt Franciscus & Crullus, ut pro me scribant Archiepiscopo? aut quid diffidunt, cum pecunia sit mansura in manibus tuis, te fidejussore? Neque tibi est ullum periculum, nisi ut eandem pecuniam reddas, si quid accideret. O festivos nugones, & bellos amicos futuros, si incideret necessitas! Offecit Crullus Camerariensem non esse Cancellarium, alioqui vel donaret opinor. Si gravantur, sine illos: sin facient, facient sine ullo suo periculo rem gratam, sed opus est festinatione. Medicum, mi Petro, negliges, & fabulam nobiscum age. Extremæ literæ magis ac magis scurram olent, verum hæc bene erunt. Tu tantum cura, ut suaviter vivas, teque rebus melioribus serves, nos satis valeamus. Mitto Paraphrasin unam emendatam. Uxorculæ bene precor, cæterisque tuis omnibus. Lovanio, Anno 1517.

EPISTOLA CCLXXXIX.

Erasmus Roterodamus Zasio suo S. D.

SCRIPSI per Philippum nostrum, perque eundem Senchiridii codicem dono misi, nec dubito quin utrunque acceperis. Nos laboribus propemodum obrui-mur, & gemina difficultate, nempe Hieronymi & Novi Testamenti, sic distringimur, ut existimem Herculi minus fuisse negotii cum excetra & cancro. Non potuimus tamen committere, quin incomparabilem amicū Zasium vel salutarem. Per hos labores non licet ullo frui amico, cum tam multos habeat Germania. Sed dabit Deus his quoque finem. Tu si cum tuis recte vales, fac nos tuis literis certiores, quos magis gaudeamus. Bene vale, doctissime Zasi, Philippo salutem ex me dicito. Resalutat te Beatus, cumque eo totus hic eruditorum chorus. Anno 1517.

EPISTOLA CCXC.

Des. Erasmus Rot. Paludano suo S. D.

MITTO epitaphium, ne usquam non obsequar Paludano: si displicebit, quod scio fore, cogita scri-

An. scriptura à Theologo, cui generi scis quam iniquæ
1517. sint Musæ. Bene vale. Anno 1517.

E P I T A P H I V M

Carminè Jambico Trimetro

D. JACOBI DE CROY,

Ducis & Episcopi Cameracensis.

VTRIVSQVE gentis Croicæ & Calaingicæ
Decus perenne, Jacobus hoc situs loco,
Præsul ne fuerit melior, an Dux clarior,
Tibi, Camerace, nemo facile dixerit.
Evecta ad astra Virgini matri sacer,
Cui fuerat usque pectore additus pio,
Evexit hunc è rebus humanis dies.

EPISTOLA CCXCI.

Erasmus Rot. Thoma Moro S. D.

CALENDIS Maji ventis invalescentibus, jamque
etiam adversis, medio noctis scaphula nautica, non
sine periculo in rupes quasdam ejecti sumus, in *Gab-*
liam haud procul à *Bolonia*. Mox venti asperrimi,
quos reliquo itinere littus vicinum nobis exasperavit. Ii
multos apud nos *Cynanche* & *Pleuritide* occiderunt &
occidunt. *Petrus Agidius* & ego pingimur in eadem
tabula, eam tibi dono brevi mittemus. Verum, incidit
incommode, quod reversus *Petrum* offenderim, ne-
scio quo morbo laborantem graviter, nec citra peri-
culum, unde nec adhuc satis revaluit. Nos belle va-
lebamus, sed nescio quomodo medico venit in men-
tem, ut purgandæ bili juberet me pilulas aliquot su-
mere, & quod ille stulte suasit, ego stultius feci: jam
pingi coeperam, verum à pharmaco sumpto cum ad
pictorem redirem, negavit eundem esse vultum: dila-
ta est igitur pictura in dies aliquot, donec fiam paulo
alacrior. *Epigrammata* tua & *Utopiam* mihi *Basileam* per
proprium ministrum, quem in hoc aliquot menses hic
alueram, una cum meis aliquot lucubrationibus. *Ton-*
stallus bellissime valet, imo triumphat. Tantum hic na-
ctus est veterum nomismatum. Perlegit *Copiam* meam,
ac mire probat. *Panegyricum*, quo *Philippum* laudavi,
unice admiratur: *Budæi Assen* totum excussit, & ad
eum scripsit. Verum, ille nondum quicquam respondit.
Cardinalis *Gurcenfis* hinc ante dies aliquot abiit, Cæsa-
re, ut audio, non admodum æquo. Card. *Sedunen-*
sis heri discessit, apud quem eo die prandium egi: qui
cum mihi longa fuit disputatio de Novo Testamento,
tum de bello: is palam debacchatur in *Gallos*, & ut
Helvetium decet, ingenue. Ajebat, *Germanos* eo tendere,
ut omnes Reges subsint Imperatori. Cæsar *Moguntiam*
adit, nam illic, ut ferunt, concilium futurum Procerum
Germania. *Carolus* noster *Gandavi* concilium agit,
quo Cæsar non accessit. Ajunt abire nondum satis pla-
catum. Dii boni, quis unquam iratus fuit hoc felici-
us? Pax coitura fuerat etiam cum *Ghelriis*, & qui-
dem conditionibus Cæsari quoque æquissimis. Verum,
id ille impedivit, ne nullum usquam esset nobis bel-
lum. *Philippus* Episcopus *Ulratrajectinus* urbem suam
ingressus est, & auspiciis felicissimis, & insigni pom-
pa: Dux *Ghelria* dicitur octo millibus hominum con-
tractis *Frisiam* adoriri. *Tonstallus* gaudet sibi tandem
peractam fabulam illam motoriam. Is si redit ad vos,
hæc frustra scripsimus. Sin manet, certum est, ubi-
ubi futurus est, tempus hoc cum illo transigere. A-
lioqui consilium erat *Lovanii* æstivare, Theologis
etiam id magnopere flagitantibus. Solus *N.* murmu-
rat adhuc nescio quid, gloriæ causa, ut ne parum vir
constans videatur. Cave fraudes me ista tua epistola,
quam inabsolutam mihi ostendisti. Si epistola *Justi-*
niani Oratoris *Veneti* apud te est, (nam mihi periit) fac
huc redeat: sin minus, roga humanissimum *Nicolaum*
secretarium illius, ut exemplar rursus huc mittat, una
cum ea, qua ipse *Marco Musuro* gratulatus est. Scri-

A bam fusius intra mensem, cum mittam tabellam. De **An.**
equo nihil adhuc audio, atqui nunc fuisset usui. Be- **1517.**
ne vale cum suavissima conjuge, liberisque dulcissimis.
Petrus Agidius una cum *Corneliola* sua te tuamque
plurimum salvere jubet. Anno 1517.

EPISTOLA CCXCII.

Erasmus Roterodamus Gerardo Noviomago S. D.

EGO, doctissime *Gerarde*, cum præclarum semper
existimarim, & in primis optandum summatis
placuisse viris, tamen nulli probari malim, quam *Phi-*
lippo Præfui, cum meo, tum omnibus modis prima-
Brio. Scripsit ad nos ante menses complures Archiepi-
scopus *Moguntinensis* literas multo humanissimas, at-
que adeo ipsius articulis. Scripsit nuper Episcopus
Leodiensis, minitans se huc advolaturum, si graver ad
se venire. Sed ut hæc mihi voluptati sunt, ita rursus
mihi displiceo, pennasque demitto, quoties succurrit,
nihil esse in me, quod tantorum heroum expectatio-
ni respondeat. Sed heus tu, rem oppido novam ex
tuis literis accipio. Nesciebam te tam virgineo pudore
præditum, ut ad me non ausis scribere. Sæpenumero
vidi te rubentem, verum ruboris causam non quivi
conjectare. Quod si vera prædicas, mea sententia, nec
aula dignus es, nec cuculla. Quare si rem facere cogitas,
Cfac quam primum frontem perfrices, & inutil-
lem pudorem abstergas. In opere Novi Testamenti jam
eo progressus sum, ut licet adhuc jacter alto, tamen
portus procul sese ostendet, velut ad quietem invitans.
Mitto libellum *Paraphraseos*, si forte nondum accepi-
sti, eum amicis eruditis imperties: & si commodum vi-
detur, etiam ipsi Principi, cum primis autem optimo
Philippo Montio, aulæ, ut scribis, procuratori: quem
equidem non possum non vehementer redamare, suo
studio me provocantem. Ei fac multam salutem meis
verbis annuncies. *Nevius* ac *Borsalus* te resalutant. Be-
ne, vale *Noviomago* candidissime. *Lovanio*, Anno 1517.

EPISTOLA CCXCIII.

Erasmus Rot. Cutherto Tonstallo, serenissimi Anglo-
rum Regis apud Catholicum Regem
Oratori, S. D.

PLVRIMVM tibi debet nostra *Zelandia*, quam tua
illa tam graphica *Carolus* nobilitasti. Sed tamen
hoc illi debes, quod te vel semivivum remiserit. Fa-
mulitium tuum afflictum doleo. Tu vero etiam atque
etiam cura, ut incolumis tuæ reddaris *Anglia*, ne cæte-
ris rebus ex animi sententia gestis, hoc parum ex sen-
tentia cedat, quod omnium maxime referebat. Quæ
scribis de nostra ad *Fabrum* Apologia, quanquam scio
animo abs te scribi amicissimo, mihi tamen bis mole-
Esta fuerunt, vel quod veterem animi dolorem refri-
cant, vel quod tu hac occasione minus aliquanto quam
vellem, videris tribuere *Fabro*, viro, quo vix in multis
millibus reperias vel integriorem, vel humaniorem.
Hac una in re sui dissimilis fuit, quod amicum imme-
rentem tam atrociter impetiit. Quis autem omnibus
horis sapuit unquam? Atque utinam mihi licuisset ad-
versario parcere. Nunc duobus crucior nominibus, &
quod cum tali amico coactus sim manus conferere, &
quod intelligam quosdam de *Fabro* minus candide sen-
tire, de quo cupiam omnes quam optime sentire. Por-
Fro, quod nobis tantum tribuis, quantum domi non con-
spicio, tum amanter, tum tuo more facis, sed non hic
tantum largus ac munificus. Theologos *Lovanenses*
candidos & humanos experior, atque in his præcipue
Joannem Asensem, hujus Academiae Cancellarium, vi-
rum incomparabili doctrina, raraque præditum hu-
manitate. Non est hic minus eruditionis theologicæ
quam *Parisiis*, sed minus sophisticæ, minusque super-
cilii. Bene vale. *Lovanio*, Anno 1517.

EPISTOLA CCXCIV.

Erasmus Rot. eruditissimo M. Petro Viterio suo S. D.

BENE cecidit, optime *Viteri*, quod mea, qualis qualis fuit, expositio; tam amicam, tamque copiosam epistolam abs te extudit. Veterem illum tuum in nos animum non sine voluptate agnosco. Incolumem esse te lætor. Tot molestis occupationibus distrahi te, dolerem, ni tales essent, ut huiusmodi vel immori cupiat animus vere *Christianus*. Gratulor autem virtuti tuæ, quæ tot laboribus sufficiat: quod corpusculi viribus deest, pectoris ardore suppeditante. Proximas literas tuas scito mihi non esse redditas. Si curaris ut sciam, qua de re commendari velis *Stephano Poncherio* Episcopo *Parisiensi*, promptissime quod voles faciam. Eximium virum *Balneum*, Decanum *Turonensem*, meis verbis resalutabis diligenter. Vir malus sum, ni amem hominem, literis ac virtuti cum primis faventem: ingratus etiam, ni redamem, ultro provocantem ad amicitiam. Bene vale, *Viteri* suavissime. An. 1517.

EPISTOLA CCXCV.

Erasmus Rot. Henrico Asinio Lyrensi S. D.

GRATVLARI libet huic nostro seculo, *Henrice* charissime, quo mire literarum optima studia passim efflorescunt. Id quod potissimum Principum humanitati pietatique debemus, penes quos precium & honos egregiis ingeniis esse cœpit: maxime posteaquam cœu divinitus immutatis animis, ad pacem orbis æternis vinculis firmandam, omnia sua consilia conferre instituerunt. Nam quemadmodum hyeme marcent, jacentque omnia, regnatque Boreas, nive, glacie, grandine sæviens: rursus solis accessu veris amœnitatem referente reviviscunt ac revirescunt universa, & ad pristinum cultum revocatur hominum antea torpentium industria, dum hic arvom proscindit, ille vitem putat, alius inferit, alius stercoreat: ita belli temporibus intermoriuntur neglecta studia, quæ Principum favore liberalitateque solent revirescere. Posteaquam enim *Leo* Pontifex, multis quidem ille, sed hoc præcipue nomine maximus, publica voce *Christianos* omnes ad mutuam concordiam invitat, atque id totis viribus agit non titulo tantum *Christianissimus Galliarum Rex Franciscus*, optimi pastoris optimum consilium gnauiter exsequens, & eodem incumbunt, *Rex Catholicus Carolus*, Cæsarque *Maximilianus*, respirant omnes bonæ disciplinæ, quæ ut flores Zephyri, ita pacis alumnae semper esse consueverunt. Accinguntur ad intermissas operas felicia ingenia. Hic rem Theologicam restituit, ille rem medicam, alius situ perituros auctores luci reddit, alius mendis obritos repurgat, alius aliud molitur. Quid multis? dum passim opere omnia fervent, veluti sarcientium quod bello convulsum erat, enitescit omnis illa sophia, quam tuus *Galennus* ἐπιστήμη τε θεῶν καὶ ἀνθρώπων πραγμάτων definit, & suo quoque seculo neglectam spretamque fuisse queritur. Cæterum, quod tu pristinis Astrologiæ ac Medicinæ studiis, nuper *Græcica* literaturæ studium adjungere cœpisti, quum ad omne genus eruditionis, tum præcipue ad medicinæ scientiam conducibilis, iudicium animumque tuum summopere probo: quod id mature cœperis, virenti adhuc ætate, felicitati gratulor. Idem aggressi sunt eximii huius ætatis medici *Guilhelmus Copus*, *Ambrsius Leo Nolanus*, *Nicolaus Leonicensis* jam ætate grandiores, nec infeliciter tamen: nam *Thoma Linacro*, & *Ruellio* maturius ista discere contigit. Porro *Marcus Musurus* gente etiam *Græcus* est, eruditione *Gracissimus*. Haud alia in arte erratur periculosius. Quo fit, ut cordatissimi quique medicorum hanc studii partem adjungant, brevique futurum arbitror, ut impudens habeatur, absque hac medicum profiteri. Certe nonnihil est principem huius artis *Hippocratem*, & huic proximum *Galenum*, *Paulum Aeginetam*, *Dioscori-*

Epist. CCXCIV. --- CCXCVIII. 290

A dem, audire suapte lingua sonantes. Sed quemadmodum civilitatis est, non protinus suffragiorum jus adimere, velutique de ponte deicere eos, quibus non contigit *Græce* discere: ita par est, ut ii sese libenter admoneri patiantur. Bene vale. *Antverpia*, An. 1517.

EPISTOLA CCXCVI.

Erasmus Rot. Andrea Hochstrato S.

DEFLExI nonnihil ab itinere meo, ut & te veterem amicum meum viderem, & urbis tam celebris conspectu fruerer, verum, utrunque frustra malo quodam meo fato. Nam & tu aberas, & urbs ita placuit, ut à nulla unquam discefferim lubentius. Bene vale. *Leodio*, Anno 1517.

EPISTOLA CCXCVII.

Erardo, Episcopo ac Principi Leodienfi, Erasmus Roterodamus S. D.

A MPLISSIME Præsul, & idem Princeps illustrissime, ut paucis, citraque proœmium, ad humanissimas celsitudinis tuæ literas respondeam, quod me fama jam olim notissimum, coram etiam videre concupiscis, istiusmodi præconiis onerat *Erasmus* dea illa apud *Homerum* *Ossa*, apud *Maronem* *Fama*, non in me tantum vana, & in immensum attollens omnia, ut nec deprecari liceat, quod illa tot linguis tribuit, nec tueri queam quod imponit. Scio nihil esse pulchrius, quam principibus placuisse viris, sed interim dum ipse domi me meo metior pede, quam gratum est animo eos viros bene de me sentire, quibus ut probari pulcherrimum est, ita displicere turpissimum, tam molestum est, nihil esse quod illorum vel amicæ de nobis opinioni, vel magnificæ expectationi respondeat. Ut jam non aliam gratiam famæ buccinatrici debeam, quam indoctus *Citharædus* ei, à quo in theatrum frequentissimum producat aurea palla, aurea insignis cithara, mox ut canere cœperit, exhibendus. Nihil in me visendum. Et tamen si quid est, id lucubrationibus meis expressum est. Illic optima nostri pars est. Quod superest, teruncio non emas. Attamen tam amanter invitatus, cupidissime advolassem ad tuam celsitudinem. Sed primum deterret cœlum plusquam hybernium, deinde valetudo cum per se imbecilla, tum immodicis, in quibus nunc versor, laboribus, sic afflicta, ut eam vix domi abditus tuear. Tanta enim contentione desudo in Novo Testamento iterum innovando, ut ipse his inveteraverim, dumque illud à senio situque vindico, ipse mihi geminum senium ac situm contraxerim. Certum est enim aut immori negotio semel suscepto, aut tale reddere, ut & *Leone* decimo dignum videatur, & posteritate. Jam vero eo progressi sumus, ut licet mediis adhuc in fluctibus luctemur, tamen procul portus paulatim sese aperiat: in quem, si *Christi* adspiraverint auræ, ante Quadragesimam appellemus. Tum & cœlo mitiore, & animo magis vacuo accurram ad amplitudinem tuam, vel hirundines ac ciconias prævertens. Quod si ne hoc quidem moræ indulget tua celsitudo, contemptis ac posthabitis omnibus, advolabimus. Sed hisce de rebus aliquanto copiosius scripsimus optimo *Paschasio*, cui multis nominibus felicissimo, hoc tamen præcipue gratulor, quod gratus est Principi, non minus benigno quam potenti, quem nobis quam diutissime tueatur *Deus* Opt. Max. & incolumem, & modis omnibus florentem. *Lovanio* 7. Januarii, Anno 1518.

EPISTOLA CCXCVIII.

Philippo à Burgundia, Episcopo Ecclesie Traiectensis, Erasmus Roterodamus S. D.

PRAESVL amplissime, & idem Princeps clarissime, celsitudinis tuæ literas non semel sum exosculatus, perbreves quidem illas, si quis versus numeret, sed easdem egregie prolixas, si humanitatem æstimet. Verum,

Tom. III. T rum,

rum, ut occupatissimus cum occupatissimo paucis agam, *Pacis Querimoniam* primum tanti Principis calculo, deinde doctissimorum hominum suffragiis comprobare, magnopere gaudeo. Nos ita coccycis vitam agimus, ut interim in pistrino verius, quam in nido versemur. Multum antiquitatis, multumque senii mihi contraxi, dum Novum Testamentum iterum atque iterum novitati restituo. Dumque sic latito, maxime verfor in theatro mundi. Sed quorundam spectatorum perversissima malignitas facit, ut me tam immensi laboris nonnunquam capiat tædium. Rursum me consolatur recti conscientia, &, ni fallor, non mediocris hinc ad bonos reditura utilitas. Sive huc natus sum, non oportet *Θεομαχῆν*, gigantum exemplo; sive ipse hoc mihi intrivi mortarium, par est ut idem exedam. Posteaquam in hoc proscenium prodii, peragenda est fabula, ad cuius Catastrophen jam pene perventum est. Peragam autem & libentius, & accuratius, te hortatore atque etiam applausore, super omnia vero approbante, sicuti spero, *Christo*, cui vel uni placuisse, abunde satis est. Video mirum eruditionis ac pietatis proventum in hisce regionibus, si contigerint aliquot tui similes *Mecanates*, qui ceu signo erecto, ad operas evocent ingenia, qui præmiis exstimulent, auctoritate ornent. Quod si plures tui similes sperare nimum est, illud certe optandum, ut te superi nobis quam diutissime velint incolumem, tibi que istum animum semper in melius augeant, atque animo isti quam plurimos annos addant. Pro paterno quodam animi tui in me studio video quantum debeam. Cæterum, mihi jam pene serum est, cum hera *Fortuna* conferere manus, & in eam arenam descendere, à qua juvenis etiam abhorruì. Ingens onus est ampla fortuna, quam non minus negotii sit sustinere, quam parare. Hæc ætas, hæc valetudo, hic animus paratum aliquod ac facile præsidium postulat, quod literarium ocium non adimat. Sed longius provehor in epistola quam par est. Bene valeat tua reverenda sublimitas, cui me meaque studia dedico omnia. *Lovanio* 10. Januarii, Anno 1518.

EPISTOLA CCXCIX.

Erasmus Rot. Guilhelmo Nefeno S. D.

OTE terque quaterque felicem, optime *Nefene*, cui contigerit sub *Cypriano Taleo*, viro non literis solum ac morum integritate, verum etiam rara prudentia, miroque rerum usu insigni, merere Musis: cui cum *Gracitas* etiam accesserit, non video quid hominis dotibus possit adjungi. Nam in omnibus honestis disciplinis ille jam olim sic est absolutus, citra professionis supercilium, ut non videam, quem cum eo conferre queam: proinde etiam atque etiam vide, ne ipse tuæ desis felicitati, fac nunc *Germanum* agas, vince, spolia, nuda *Galliam* bonis literis: ita futurum est, ut nec illam relinquant pauperiorem, & tu pulcherrimis mercibus locuples in patriam redeas. Hic, hic nos fortes & invictos præstemus, neque committamus, ut *Germani* *Gallia* ingenio cessisse videamur. Majorem in modum te rogo, adeas meo nomine *Petræ Viterium*, is agit in Collegio *Navarra*, ut sciam quid valeat, quid rerum agat: nam jamdiu scribit nihil. Tum fac sciam, quid agat *Thomas Greim*, mutus & ipse. De *Fabri Apologia*, quam quidam ajunt eum adornare, nihil sane formido: tantum molestum est bonas horas in talibus nugis collocare, cum melioribus rebus vix sufficiam: tum video literarum hostes hoc studio moliri, ut nos committant, arte plane tyrannica: siquidem tyrannis nihil formidabilius bonorum concordia. Quid velit ipse viderit, pro veteri nostra consuetudine doleo, quod me provocans non optime consuluerit famæ suæ. Quod si cujus instinctu denuo provocabit odiosius, fortassis non quibo imperare animo meo similem moderationem. Quid cum hujusmodi rixis, iis qui Gratiis ac Musis sacra faciunt?

imo qui *Christi* mystas profitentur? Quanto satius est, certare mutuis officiis? Sed nemo pugnat acrius, quam qui nolens & invitatus ad pugnam pertrahitur. Utinam mihi semper in vagina conditum pereat rubigine ferrum, aut si stringendum est, ne cogar in amicum exerere. Pene rursus absolvi Novum Testamentum, in quo quoties quam honorifice *Fabri* facio mentionem: nisi prorsus contumelia est illi dissentire, cum ille dissentiat etiam ab omnibus. Tu fac hominem ames ac suspicias, nec pilo tibi sit ingrator ob hanc inter nos conflictatiunculam. Bene vale, amice singularis. *Joannes Smithus* meus jubet te salvere, scripturus, sed non licuit nec per negotia, quibus nullis distringitur, nec per ocium, quo abundat. *Lovanio ex Lilio* * 18. Januarii, Anno 1518.

EPISTOLA CCC.

Erasmus Roterod. Petro Agidio S. D.

TE filia auctum gaudeo, tum compatrem *Tonstallum* tibi gratulor, quo viro nihil habet hæc ætas nec eruditius, nec melius, nec humanius. Age, ad istum tenorem vices gignendi fac serves, ut æqualis sit numerus filiorum ac filiarum. Mihi jam non video vivere, adempto *Tonstallo*, nec video tamen quo fugiam. *Montjois* abest longius. *Lovanium*, tametsi cum Theologis utcunque reditum est in gratiam, durius tamen nos acciperet Quadragesima. Hic federe diutius, omnino non est animus: si citra tuum incommodum cedere potes cubiculum unum, quod habet latrinam, fortassis istuc immigrabo, paraturus quæ mittam *Basileam*: quod supra solitam rationem impenderis, mihi volo imputari: ita nec te magnopere gravabo, nec tu me. Fac igitur ut sciam quamprimum, sed cave ne quid moveas domi tuæ, donec abs te factus certior, te vicissim reddidero certior. De pecunia nihil adhuc audio, & tamen mea nonnihil refert, ne ea diutius sit in manibus foeneratorum. Uxorculæ tuæ suavissimæ fausta omnia precor. Fabulæ rerum nostrarum prolixiores sunt, quam ut literis committi possint. Nuper apud Cancellarium prandens, honorificam tui feci mentionem, & accepit satis pronis auribus. Patri optimo, jam bis patri, multam ex me salutem dicito. Bene vale. *Bruxellis* 20. Januarii, Anno 1518.

EPISTOLA CCCI.

Guilielmus Latimerus Des. Erasmo S. D.

REDITAE sunt mihi literæ tuæ, doctissime *Erasme*, quas decimo primo Calendas Decembris ad me dederas: in quibus magnam mihi habes gratiam, quod operam meam, ut scribis, promississem, eis *διόφθυσιν* & *εὐκρίνῃ* cum ego id nusquam profecto, quod sciam, fecerim: non quod non libenter id fecissem, si eam tibi a sui fore arbitratus essem, sed quod post tantam tuam doctrinam, tantamque diligentiam, quantam ex præfatione tua in eo opere adhibuisse te intelligo: neque mutatum me quicquam, nisi in deterius; neque additurum, nisi ociose videbam. Cæterum, *Morus* noster, opinor, tibi imposuit, quo ego hanc gratiam vel falso abs te inirem. Nam egit ille mecum hac ipsa de re diligenter, cum proxime Londini apud eum essem, & simul etiam de Episcopo *Roffensi*, de quo in quoque aliquot ante menses ad me scripseras: sed eas ego literas primo forte eo die legi, quo *Morum* conveni: ex quibus ille nactus occasionem, egit de utraque re mecum accurate. Verum, cum ego utrunque illi pernegassem, quod Episcopo nihil in tantillo tempore (mensē enim petebat) me profuturum sciebam, in altero plane intelligebam me frustra laboraturum: de Episcopo quidem mihi rem integram reliquit: de te vero cepit magis magisque insistere, ut si quo modo possem, te juvarem, tibi que in retractando hoc Novo Testamento meam qualemcunque operam commendarem. Tribuendum enim hoc affirmabat, vel sin-

* Id est nomen Collegii, in quo tum temporis versabatur Erasmus. Vide Epist. cclxxxiv. circa finem.

An. gulari tua humanitati, vel consuetudini ac familiaritati
 1418. nostra: tribuendum tuo in me amoris ac benevolentia: tri-
 buendum etiam publica omnium, quorum asserebat te a-
 gere negotium, utilitati: pluresque alias causas allega-
 bat, quas ut veras ac magnas fateor esse, ita si quid ef-
 ficere potuissem, mihi certe parum necessarias. Neque enim
 voluntas mihi deest, Erasme, neque deerit unquam, vel
 ornandi te, si detur occasio, vel iuvandi, si qua in re ti-
 bi usui esse possim. Sed cum octo aut novem annos in aliis
 studiis ita sum versatus, ut vix ullam interim paginam
 Græcam vel Latinam attigerim, quod vel me tacente ha-
 litera tibi facile declarabunt, quid debui, aut etiam quid
 potui vel Moro roganti, vel tibi postulanti promittere,
 quando etiam vehementer pudet, *χρὴ γὰρ οἷμαι ταῦτα εἰ-
 πῶν*, vel ad te scribere, hominem, me nihil aliud dicam,
 discretissimum. Et nisi ex literis tuis intellexissem te ma-
 jus aliquid à me expectare, quam aut promittere de-
 bui, aut potui prestare, has ipsas literas ad te non dedis-
 sem. Neque aliis tuis literis propterea quicquam hactenus
 respondi, quod me tam alienum à toto hoc genere officii
 intellexerem: qua res est antehac sine negligentia vel in-
 gratitudinis suspitione non fuerit, jam certe vera fatenti
 erit ignoscenda. Quid, quod huic studiorum intermissione,
 qua non alia major, meo iudicio, literarum perniciem,
 accedit etiam aliud, & nescio an huic rei, quam à me
 petis, majus incommodum: quod omnes fere, qui in sacris
 Literis aliquid scriptum reliquerunt, longe aliis verbis &
 aliis figuris, quam veteres illi Græci, uti sunt: tantum-
 que ab illa antiquorum lingua, cui ego olim operam de-
 di, distant, ut parum sit quod apud eos intelligam: ni-
 hil plane quod ausim polliceri, cum nec locutionis figura,
 ex quibus interdum solis sensus dependet, nec verborum
 proprietates sint mihi satis nota. Quanquam si essent hac
 omnia mihi notissima, nec aliquid surripisset ista studio-
 rum meorum intermissio, quid mihi tu tandem, aut quid
 cuiquam hominum reliquisti, qui ad summam istam do-
 ctrinam & eloquentiam, in qua jam omnium confessione
 & iudicio excellis, tantam præterea curam & diligen-
 tiam addideris, ut non studioso solum, ac diligenti lecto-
 ri, sed scrupuloso etiam, atque adeo curioso, abunde sa-
 tisfeceris. Nam ut varias hujus Novi Testamenti anti-
 quorum editiones omittam, quarum aliqua adhuc vesti-
 gia apud Scriptores exstant, ut taceam etiam diversam,
 & interdum contrariam lectionem, de qua judicare dif-
 ficile sit, propter eorum, qui eam nobis reliquerunt, aucto-
 ritatem & eximiam doctrinam, ut recentiorum item quo-
 rundam præteream Annotationes, qua omnia scrutatum
 esse te & examinasse, atque etiam excussisse non dubito,
 quis, quæso, majorem exoptet diligentiam, quam te in ista
 recognitione Novi Testamenti adhibuisse ostendis? Ante
 omnia ad probatissimorum Auctorum citationem, emen-
 dationem, enarrationem: in his paucis verbis quantus la-
 bor, quanta cura, quanta demum sollicitudo? Transeo
 tot præclara nomina, Origenis, Chrysostomi, Cyrilli,
 Hieronymi, Ambrosii, Hilarii, quos pauci Theologo-
 rum nostra ætate legunt, nemo intelligit: deinde ad Græ-
 cam veritatem, hoc est, omissis rivulis, ad fontem re-
 currere, & in quibus etiam oportuit locis, Hebraicam:
 siue id solus, siue (ut ais) cum Theſco tuo feceris. Nec
 his contentus, addis vetustissimorum codicum sinceram
 & incorruptam fidem, sine qua frustra fortassis sudave-
 ris. Qua tamen in re nescio certe quid magis admirer,
 diligentiam ne in inquirendo tuam, an in inveniando fe-
 licitatem. Tanta est istorum librorum, Græcorum ma-
 xime, in hoc nostro orbe paucitas. Quamobrem post istam
 tuam tam raram & exquisitam diligentiam, qualem na-
 mo, credo, alius tali operi adhibuisset, non est profecto
 quod debeas à me quicquam expectare, in tanta præſer-
 tim istius lingua ignorantia, & omnium pene bonarum
 literarum oblivione. Perlegam tamen hac tua studioſe
 ac diligenter: sed perlegam non jam tua causa, sed
 mea, ut ex eis aliquid discam: quanquam & tua quoque,
 Erasme, legam libenter. Et si quid occurrerit, quod mi-
 hi non probatur, quod aut parum certe, aut potius nihil
 futurum auguror, non gravabor tibi per literas significa-

A re: id quod Moro quoque nostro, ni fallor, recepi me
 facturum, ne cum putes asperius tibi oburgandum, ^{1518.}
 quod te fefellit. Quod autem toties ad me de Episcopo
 Roffensi scribis, singularem sane erga eum amorem ac
 benevolentiam ostendis, & simul promovendi literarum Græ-
 cas mirum desiderium, qui eas tam insigni, & in omni
 genere doctrina excellenti Pontifici labores reddere fami-
 liares: in cuius patrocinio non modo à maledicis & de-
 tractoribus tuta, sed grata etiam ac gratiosa universa fe-
 re Britannia futura sint. Quis enim ausit oppugnare,
 defendente Episcopo? aut quis noluerit amplecti, si eas
 intellexerit tanto Prasuli placuisse? Quo loco desiderari à
 te ac Moro nostro video officium meum, qui me nonnihil
 fortassis adjumenti huic rei prestare & posse, & etiam
 debere, pro mea in patriam pietate censeis. Qua in re
 primum illud spero, atque etiam abs te peto, Erasme, ne
 me tam difficilem atque incivilem putes, neve tantum ab
 omni humanitate alienum, ut vobis amicissimis meis ro-
 gantibus, pigeret unius libelli enarrationem suscipere,
 aut mensis unius subire laborem: quibus me longe plus
 debere intelligo, quam ut possim vel pluribus mensibus
 persolvere: deinde, neque tam imprudentem, ut nolim a-
 pud tantum virum beneficium collocasse, & Episcopum
 præterquam singulari doctrina, & vita sanctitate, etiam
 auctoritate ac gratia florentem, tam parvo labore deme-
 reri, hominem, ut tu scribis, & multi prædicant, &
 C ego etiam facile credo, gratissimum: postremo, neque tam
 negligentem, ut velim tam bona deesse occasione, cum
 possim in hoc uno viro & bonas literas multum iuvare,
 & patria etiam minimo labore magnum ornamentum af-
 ferre. Sed aliud est, Erasme, quod me revocat, atque ab
 honestissimo vestro proposito dehortatur, quod sciam me
 tam paucis diebus neque vestra, neque Episcopi satisfac-
 turum expectationi: nam res est multiplex & varia,
 (ut scis) & nonnihil etiam impedita: & licet laborio-
 sa magis quam difficilis, tamen qua tempore egeat, sal-
 tem quo memoria commendetur. Nec me exstimes ve-
 lim, ex mea tarditate aliorum ingenia metiri. Credo
 enim, id quod à multis audiui, singulare esse Episcopo
 ingenium, & majoribus, quam de quibus nunc agitur,
 rebus aptum. Tu de voluntate ejus scribis, & quan-
 to istarum literarum ardeat desiderio: unde futuram
 quoque diligentiam clare perspicio: ex quibus mihi vi-
 deor tantum posse sperare prospectum, quantum ab ho-
 mine excellenti ingenio, summa diligentia, incredibili
 desiderio quisquam sperare possit. Verum, is quantum sit
 futurus in tam exiguo spacio, non facile dixerim, tu
 magnum sperare videris, & ego quoque pro tempore ma-
 gnum, sed in summa parvum futurum puto. Nam &
 Grocinum memini, virum, ut scis, multifaria doctri-
 na, magno quoque & exercitato ingenio, his ipsis lite-
 ris duos continuos annos, etiam post prima illa rudimen-
 ta, solidam operam dedisse: idque sub summis doctori-
 bus, Demetrio Chalcondilo, & Angelo Politiano: Li-
 nacrum item acri ingenio virum, totidem, aut etiam
 E plures, annos sub iisdem præceptoribus impendisse: nam
 de meipso nihil dicam, quem post sextum aut septimum
 annum nihil pudet multa ignorare. Tonstallum etiam
 & Pacæum prætereo, quos diutius fortassis quam eorum
 ingenia exigebant, præceptoris detinuit vel ignorantia, vel
 negligentia. Morum ipse nosti quam acutus sit, quam
 vehementi ingenio, quantis etiam si cœperit, viribus in-
 cumbat: in summa, quam sit tui similis. Nolo jam pro-
 prius accedere, nam de teipso, & excellenti tuo ingenio, te
 admonere cum supervacuum fuerit, tam assentationi for-
 tassim proximum: sed tamen neuter, opinor, vestrum est,
 F qui se tam cito hac salebrosa dicet percurrisse, ut post u-
 num aut alterum mensem potuerit quo velles sine duce
 progredi, præsertim cum tot flexus, tot diverticula ubi-
 que occurrant, ut possint vel expertos ducere in errorem.
 Quapropter si vis ut procedat Episcopus, & ad aliquam in
 his literis frugem perveniat, fac peritum aliquem harum
 rerum ex Italia accersat, qui & manere tantisper cum eo
 velit, donec se tam firmum ac validum senserit, ut non
 repere solum, sed & erigere sese, ac stare, atque etiam in-
 Tom. III. T 2 gredi

An. prodis possit. Nam hoc pacto melius, mea sententia, fu-
1518. iura ejus eloquentia consules, quam si balbutientem ad-
duc & pene vagientem, voluit in cunis relinquas. Vale.

Habes, mi Erasme, epistolam bene longam, qua pra-
teritis temporis silentium nimis loquacitate compensavi:
sed tamen hoc ipsum tibi ipse imputabis, qui toties ad me
de his rebus scripseris, ut necesse haberem pluribus verbis
respondere. Iterum vale. Oxonio 30. Januarii, An-
no 1518.

EPISTOLA CCCII.

Des. Erasmus Roter. Henrico Glareano S. D.

GEMINAE tuæ literæ conduplicatam mihi volupta-
tem attulere, mi Glareano, in paucis charæ. Pa-
tris mortem æquum est æquo ferre animo, præsertim
tam longævi. Fortunam istam tibi gratulor, sed ut
perpetua sit precor. Solent enim ista Principum do-
naria *περίουλα* εἶναι. Quod fugam adornas, doleo. Ve-
reor enim ne dum illa persequeris, id quod est in ma-
nibus elabatur. Fortasse præstiterat, rem testamenta-
riam fratri committere. Certe fac ut sciam, quando
velis proficisci, forsitan ibimus una. *Fabro* te charum
esse gaudeo, viro mea sententia docto, integro, & hu-
mano, nisi quod in me fuit sui dissimilis. Id aliorum
instinctu factum scio. Verum, non erat ejusmodi vi-
ri, cujusquam impulsu, sic debacchari in famam ho-
minis ex animo amantis. Id quod ipse potuisti ex per-
petuo meo de illo sermone cognoscere. Meæ famæ
non multum nocuit, suæ male consuluit, id quod mi-
hi sane plusquam credas molestum est. Molitur, ut
audio, *Apologiam*, ad quam nec adhortor, quod do-
leam bellis istis ansam dari, qui cum ipsi ob infantiam
non ausint in arenam descendere, nos inter nos com-
mittunt, arte videlicet tyrannica: nec rursus dehori-
tor, ne videar meæ causæ diffidere. Unum illud ad-
monebis hominem, pro tua familiaritate, abstineat à
talibus facetiis, alioqui sentiet me non esse edentulum,
& fortasse sero poenitebit. Placuit libellus *De tribus*
Magdalenis. Nolim tamen eam rem in tantam angus-
tiam deduci, ut quisquis dicat, *Christum post triduum*
resurrexisse, loquatur contra Ecclesiam, contra articu-
los fidei, contra omnem veritatem. Nam in has *Sym-
plegadas* ille rem coarctat. Primum, probatio, qua docet
μὴ valere *inter*, non admodum est munita, *μὴ* *χρῆ-
σθαι*, id est, *in manibus*; ubi *μὴ* positum est pro *νόμι-
ναι*. Et *μὴ* *ἡμῶν* pro *καὶ* *ἡμῶν* alterius generis est quam
μὴ *τῶν* *ἡμῶν*, præsertim cum illud *μὴ* *ἡμῶν* *ἔξ*,
μὴ *ἡμῶν* *ὅλως*, & hujusmodi orationes frequentes sint
in Novo Testamento. Postremo *synecdoche*, quam
hinc arcere non licet, hanc quoque difficultatem ex-
tricat: *Surrexit post tres dies*, hoc est, *post tertium diem*
inceptum. Si contradicit articulis fidei, quisquis hoc
dicit, & tot annis nemine contradicente legit Eccle-
sia, consultius existimarim rem minus agere tragice,
præsertim cum *synecdoche* sit in promptu. Quod si
ille primam noctem per allegoriam aut catachresin ex-
plicat, cur vesetur hic ab omnibus receptam *synecdo-
chen* adhibere? Hæc, mi Glareane, amico in illum
animo scribo, quicquid ille de me sentit. Si tibi non
sit incommodum, admonebis hominem blande super
hisce rebus; simulque rogabis, ut si mihi responderet,
mittat quam primum exemplar meo sumptu descri-
ptum, quo vel agnoscam lapsum meum, vel tuear.
Semel enim sic ictus ab illo, non debeo magnopere
fidere. Et si ille potest instigari ab improbis, impro-
borum plena sunt omnia; sin minus, nolim illum ti-
bi vel pilo minus amicum mea causa. Demiror *Bu-
daum* jamdiu nihil scribere. Vale, animæ dimidium
meæ. Lovania 1. Februarii, Anno 1518.

EPISTOLA CCCIII.

Joannes Eckius Des. Erasmo Roterod. S. D.

EA prædicatoris humanitate, Erasme doctissime, et præ-
dictas morum clementia, & genuina felicitate, ut &
ab interdictis literis etiam barbarus, summa animi ala-
critate suscipias: ita enim amici tui non vulgares, Vol-
phangus Fabritius, Joannes Fabri, Beatus Rhenanus,
Sapidus, & alii, pleno ore de te affirmant: quibus ita
animatus, meis incultis literis te adire & alloqui decerne-
vi. Neque tamen mihi animus est, omnem epistolam in
laudibus tuis; ut facere solem, assumere, non quod non
sis laude dignissimus, sed quod præstabilis iudicium apud
absentes, te pro meritis laudari, & posteritatis literis
commendari, ut in editis Opusculis tam magna honoris
præfatione, non semel feci, quam coram & in faciem
pluribus extolli, quod assentationis speciem habet: quamo-
vis & aliorum præconiis non indigeas, qui ex promptua-
rio ingenii tui, mira fertilitate, politissima parva opera,
sapientiam etiam quam cunctis, qua apud omnem posterita-
tem nunquam sint intermitura. Quare abunde tua tibi
eruditione immortalitatem parat. Ne autem frustra tibi
tanto, inquam, viro scripsisse videar, aliqua de literis
tuis literatissimè afferamus, quod pro ingenii tui candore
& dexteritate, eo animo benigno scilicet & pio suscipias,
ut ex tibi benevolentiissimo proficiscatur. Non enim te la-
tet, mi Erasme, quam bene de te sentiat omnis Germa-
nia, (obitico summum Pontificem, Italiam, Galliam, &
Angliam) quibus laudibus tua efferas studia, ingenii tui
excipias facturas, præclara exosculatur Opera, ut omnes
ferme docti prorsus sint Erasmiiani, Cunctis paucis deno-
tis, & Theologastis. At nosti Momos, quomodo detra-
hendi bonis viris studio, gloriola fumulum, velut templi
Ephesini incensor, conquirere conantur: ipse ad an-
guem nosti, quomodo doctissimis viris mastigia non peper-
cerint: quare & tu tuos habes Zoilos, qui te carpere,
te notare cupiunt. At ego amicissimo ut præstabat ani-
mo aliqua tibi aperiam, non profecto reprehendendi stu-
dio, sed ut ansam te defensandi acciperes, & si qua pla-
niori indigerent explanatione, omnigena tua eruditione,
ac dicendi copia uberrima, dilucida, aperta, ac mitio-
ra faceres. Nam & sic Erasmi tui melius adversus
Theologastros te defensabunt, & tu ipse magnum tibi
adjeceris gloria & decoris ornamentum. Primo autem
omnium, ut hinc exordiar, plures moleste ferunt, te in
Annotationibus Matthæi capite secundo sic scripsisse: Sive
quod ipsi Evangelistæ testimonia hujusmodi non è li-
bris deprompserint: sed memoriæ fidentes, ita ut sit,
lapsi sint. Istis enim verbis innuere videris, Evangelis-
tas more humano scripsisse: & quod memoria confisi hæc
scripserint, quod libros videre neglexerint, quod ita, hoc
est, ob eam causam lapsi sint. Audi, mi Erasme, ar-
bitrarisne Christianum patienter latrum, Evangelistas
in Evangelis lapsos? si hic vacillat sacra Scriptura au-
thoritas, qua pars alia sine suspitione erroris erit? ut pul-
cherrimo argumento A. Augustinus colligit. Porro, me-
moriam fidentes, dicis, quasi prius lecta, & sinu me-
moriam recondita conscripserint: quibus præceptum
fuit, ut ne cogitarent quidem, quid ante Reges &
præfides loquerentur, sed à Spiritu sancto omnem do-
cerentur veritatem. Et, Testimonia hujusmodi, di-
cis, non è libris deprompserint, quasi more nostro ex
variis libris & auctoribus, ut est nunc condendorum
librorum modus, volumen congeslerint. Absit hoc à
Spiritus sancti & Jesu salvatoris nostri Discipulis, à fidei
nostra columnis, non humana sapientia institutis, suspi-
cari. Assumpsit illiteratos & analphabeticos, sed doctis-
simos reddidit. Tuum erit, ornatissime Erasme, in his-
ce sanam aperire sententiam. Parce precor tam bono
animo, tamque faventi, te cum humilitate & omni
modestia monenti. Ad aliud ascendamus. Alia A-
postolorum elucidaturus cap. decimo, adnotasti hæc ver-
ba, Tum etiam cum Græce scribant Apostoli, mul-
tum referunt ex proprietate lingue sue. Et infra,
Nam

An.
1518.

A

Guilielmus Budæus, Rēgius Secretarius, Era-
fmo suo S. D.

B

C

D

E

• I

1518. *Ab. etiam mœrerem, si quid ei accidisset. Scripsi etiam Linacro, sed nondum responsum habui, sitamen responsurus est. Nam ipse ante ad me scripserat, credo pestem ei obtulisse, quo minus ad me scripserit. Novum est omnino & inusitatum, quod de Bussidiano legato vel fideicommissio scribis, sed omnino plaudendum. Fratrem paucis hebdomadis amisi, scriptorum tuorum studiosum, Grace etiam doctum, sacerdotem, archidiaconum Trecentem, ob quod peregre iturus illuc sum. Ταῦτ' ὑπεμύνατον ἡμῶν ὃν ἔδωκεν ἡ ἀστυὴ Φαύλως νῦν καθέστηκεν, & prope dixerim ζημιωδὲς. Legi locum Commentariorum Fabri in Epistolas divi Pauli, ut tu me facere voluisti, sed nondum legi Apologiam tuam, nisi vellicatim. Scio quod sit hominum de vobis iudicium, sed necesse non habeo meum interponere. Fabrum non allocutus sum, ex quo anno superiore ad te de eo scripsi, excusans ejus valetudinem, quod ad te non scriberet: sic enim ille mihi dixerat; vix semel in anno eum video. Nollem hanc controversiam inter vos esse ortam. Episcopus noster dixit mihi, se primum hoc in Britannia audivisse. Spero tamen vos hactenus depugnasse pro veritate, ita rem silentio in posterum relictum iri, ἕτοιμα γὰρ διαφέρει τὸ δόξης εἶναι, ἢ καλλίστοις δὴ καὶ ποταίοις οὐ τοῖς φιλοσοφίᾳσι καταπεισμένοι. Mirum quam agre ferant homines tui studiosi, hanc criminandi vestri ansam esse datam iis, qui vestrum istud institutum incommodum sibi esse putant, in quibus Ruzeus summe dolet. Scio quam sit difficile gestienti stylo moderari, & cetera, ἀλλ' ὅπως τὸ δίκαιον ἀνακαλέσθαι ὅπως δὴ ποῦ οὐδ' ὀρεγόμενοι, & δικαίας ἡδὴ ὀλιγώρους ἔχον δοκεῖς. Noli tamen magnopere ob id conturbari, quasi κακῶς ἀκηκῶς, sed admonitum te oportuit ab amico, ne cessasse videar in amici discrimine. Περὶ δ' ἀνδράδων οὐ, quid censeam à me non exigit ut scribam, neque ejusmodi cum eo mihi familiaritas intercedit, quæ eum cogat, rem arbitrii mei facere, quare libens supersedeo. Tu vel invitatus arbitrio stare meo cogeris, si tecum jure summo agere velim ex formula legis amicitia. Quare æquum est, ut τὴν δὲ τὴν ἐπιδοχὴν ἐμὴν διγνωμότως accipias. Vale. Parisiis 22. Februarii, Anno 1518. Hanc sylvam epistolarum, censeo, ut lectam supprimas, aut etiam in ignem abjicias. Si ejusmodi rursus epistolas scribere me vis, quæ in publicum exire digna sint, tu me provocato rursus, si forte nugis feriatum esse potes. Vale rursus.*

EPISTOLA CCCV.

Erasmus Rot. Guilielmo Budaio S. D.

DE negotio nostro, quod de nobis apud Franciscum Chritianissimum Galliarum Regem agebatur, optime Budaee, & scio, & memini quid scripseris, ne me putes à Lethæo bibisse flumine, quemadmodum scribis. Nam ea sane res adeo me non habebat sollicitum, ut cum animadverterem, te pro tua erga nos benevolentia vehementius καὶ φιλοτιμότερον agere, literis admonerim, ne quid istuc negotii animum tuum torqueret. Si hactenus fortuna me Regum famulatui mancipatum habuisset, si non animus, qui mihi semper ab istiusmodi theatris abhorruit, certe hæc jam ætas ac valetudo missionem ac rudem flagitaret. Quod si cuiquam omnino Principum visum fuisset addicere me, cui potius conveniebat inservire, quam Carolo Regi Catholico, vel quod unus omnium hoc ævo maximus, vel quod meus, velim, nolim, vel quod prior & ultro, sat amplis conditionibus invitari, atque etiam benignitate non vulgari me sibi devinxerit: etiam si judicabam ingratum juxta ac incivile Francisci tanti Principis favorem superbe rejicere, præsertim cum citra rerum mearum periculum ejus usuram gloriæ capere liceret. Et tu jam scripseras, te à suscepto negotio destitisse. Tantum aveham scire, quid tandem esset, τὸ ὑπαλον, quod tibi ἐν τῇ τὴν ἐπιδοχὴν μικρῶν deprehensum significabas. Siquidem jam inde ab initio tetigit animum meum suspicio, rem animo non sincero ab isto geri. Neque enim usque adeo gratiosum est apud me Guilielmorum vocabulum, quam suspectum, primum θεολόγῳ, deinde κληρικῶν πρὸς ἑαυτὸν, hoc opinor agentis,

A ut me in nassam illectum irrideret. *De Episcopo Pancherio* gestiebam scire, quid ageret, & num constanter eum in nos animum obtineret, quem hic præ se ferebat: præ se ferebat enim rarum quendam ac mirificum. Non quod ambirem quicquam apud illum, cujus rei vel ipse testis est, sibi conscius, quid detulerit, & quid ego responderim: sed quod pulcherrimum & ambiendum esse ducerem ei placuisse viro, qui optimo cuique maxime placet. Clarissimum Senatorem *Deleium*, cui te impulsore scripseram, subverebar, ne quid utcunque nostræ offendifsent literæ, quod is nihil omnino responderet. Nam scio, intra menses quatuor nihil isthinc allatum esse literarum, præter has postremas, quas *Latetia* datas die brumæ, è *Moguntia* misit *Huttenus* noster ad x. Calendas Martias. Porro, quod scribis, quosdam hoc lemmate deterruisse te, ne si successisset, periculum esset, vos omnes ἐν ἀνέμῳ fore, non potui, fateor, absque risu legere. Neque enim mihi rogandus es, opinor, vir juxta prudens atque æquus, ne mihi fraudi sit quod alii de me vel errore, vel joco, vel studio magnificentius pronunciant. Vix credas quam mihi molestum sit hominum istiusmodi studium, quod me non mediocri frequenter onerat invidia. Nondum statui, utrum deplem Episcopi sortem, an pietatem in patriam admirer, qui tot nominibus difficilem legationem obierit: primum in negotio molesto, ad hæc apud *Anglos*, deinde hyeme, postremo cum apud illos omnia novo pestilentia genere conflagrarent. *Huttenum* tibi probari sane gaudeo: nam ipse hominis ingenio delector unice. Utinam omnia salva sint *Tonsillo*: nam & hinc discessit æger, è famulis altero relicto. Et apud *Britannos* nihil à pestilentia tutum. Certe literas tuas avidissime lectitavit, & jam argumentum utroque dignum propemodum dispexerat. De *Fabro* non satis intelligo quid tibi velis: nam quod ais, mei nominis studiosis magnopere molestum esse, ansam datam iis, qui putant, hoc nostrum institutum sibi parum esse commodum, id mihi prorsus cum illis commune est. Imo non arbitror cuiquam esse molestius quam mihi, quod nec in *Apologia* mea dissimulavi. Nec existimo admodum multos esse, qui *Fabro* magis ex animo bene velint quam ego. Nec unquam animum inducere potero, quin *Apologiam* illam meam, atque adeo victoriam, si modo contigit, oderim, necessariam quidem illam, sed mihi nec gloriosam in causa tam bona, tum etiam invidiosam, ut adversus exitium ac veterem amicum: denique studiis utriusque vehementer adversam, quod haud me fugiat occasionem hanc arrepturos τὰς καλαλίας, μηδὲν εἰ μὴ ἀποφάσεις δομένους, καὶ τὴν παροιμίαν. Inauditum videlicet pugnae genus, deplorat sortem suam victor, & hostis arma contra ferentis miseret. Adornat ille redintegrare bellum, ut audio, quasi parum sit, semel ad istum ineptisse modum. Mihi fit verisimilius, esse qui *Fabrum* exstimulent, quam ipsum id destinasse. Sciebam hujus certaminis iniquissimam conditionem, in quo si vincerem, impietatis crimen agnoscere foret necesse: sin vincerem, in crimen inhumanitatis esset incurrendum, qui cum homine tam amico commissus viderer, qui cum mihi sic conjuncta esset studiorum ratio, ut illius æstimationem non possem lædere, nisi meæ pene tantundem detraherem. Et tamen ille mihi refellendus erat, nisi opinionis meæ velut arcem periclitari, imo prodi maluissem. Ad hæc videbam plerisque calumniaturos hanc nostram conflictationem, qui nec illius insectationem, nec meam defensionem unquam legissent, tantum illud reprehensuros inter pocula alicubi auditum, *Erasmum* cum *Fabro* digladiari. Sed obsecro te, vir æquissime, quid me facere voluisses, posteaquam ille libris per orbem terrarum divulgatis, me tot atrocissimis dictis impetisset, blasphemiarumque & impietatis publicitus reum ageret, primum, hominem, ut fatetur, amicum; deinde, nulla unquam à me laceffitus injuria; postremo, in eo negotio, in quo in tantum illi non adversor, ut magis pro illo facere videar, & oburger cruditorum literis, quod

An. quod illius sententiam non palam rejecerim, quanquam
 1518. id quidem ejus instituti, quod tum susceperam, proprie non erat. Atque utinam hoc injuriarum genere fuisset in me debacchatus *Faber*, quod vel negligi poterat, vel cum moderationis laude ferri. Libens hoc condonassem vel amicitiae nostrae, vel Christiano pudori, vel studiorum utilitati. Cæterum, impietatis calumniam agnoscere, cum primis ipsa prohibet pietas. Satiis igitur esse duxi, Gratiis alicubi non satisfacere, quam *Christi* dignitatis labefactor, & hostis videri. Nam hac persona ille me produxit in theatrum. Quanquam hoc interim Gratiis datum est, quod à jure talionis abstineo, cum mihi in manu esset eo uti, quod contumeliam à me depulisse contentus, nihil in illum criminis regeo, quod adversus actorem criminaliter agentem, civiliter me defendo. Et tamen sunt, si superis placet, quibus *Apologia* mea censeatur aculeata. Quasi vero lethalibus spiculis impetitus, impetentis caput supplex debuerim blanditiis demulcere, ne sævire pergeret. Ego neutram sententiam nec in annotamento, nec in *Apologia* refello, cum possem eam, quam *Faber* solam vult esse piam, ut impiam ac falsam rejicere, idque applaudentibus, opinor, Theologorum centuriis. Datum hoc quoque civilitati. Quid igitur est, quod nos admones, optime *Budae*? An ut *Epimetheus* quispiam, jam peracto negotio, mones ne suscipiatur negotium, & everfa *Troja* doces non fuisse rapiendam *Helenam*? Quid mecum optes video, quid admoneas non satis intelligo, nisi forte objurgationem vocas admonitionem. At si objurgas, sine causa objurgas: si mones, sero mones. Infelicitatem meam agnosco, qui in hoc certamen sim coactus descendere, à quo semper abhorruì, nec nisi unico hoc telo pertrahi potuisssem, culpam non agnosco. Imo modis omnibus culpandus eram, si ad impietatis crimen obmutuisssem, quod nemo sanctissimorum etiam Patrum non acerrime propulsavit. Atque utinam, mi *Budae*, tempestivus monitor adfuisses, & *Fabrum* amicum ab illa tam non amica provocatione coercuisses. At posteaquam ille, præter alia convicia, me fecerat in *Christum* contumeliosum, intelligentiæ Propheticiæ subversorem, à *Judeis* stantem, *Christi* dignitatem indigne dejicientem, spiritui adversantem, carni literæque adhærentem, inconsistentia seseque undique elidentia loquentem, & non unis *Anticyris* digna: idque adversus *Christi* gloriam, posteaquam se fecerat gloriæ *Christi* propugnatorem, me adversarium, periculum etiam mihi denuncians, si dictis pertinaciter adhærerem, hoc est, nisi vellem *παλινοδῶν*. Nam his atque aliis hoc genus facetiis *Faber* ille natura mitis ac blandus, tum *Erasmio* non semel amicus, ludit in amicum unice charum: hæc igitur, inquam, atque ejusmodi multa posteaquam in me non minus inimice, quam falso scripserat, ac mediis suis commentariis insulserat, atque uno me ignaro, per orbem terrarum sparserat, age, rem omnem tui facio arbitrii: agnosco legem amicitiae, citra omnem exceptionem sequar tuum vel consilium, vel judicium? quid censes faciendum? An hoc suadebis amico, ut pro honore mihi habito, gratias agam *Fabro*? an potius ut dissimulem me scire, quid ille scripserit? Sed quis istuc crediturus est, libris nusquam non divulgatis? Quis crederet unum me nescire, quod ad me unum pertinet, cum id nemo nesciat? An potius, ut rem silentio tegam: hoc est, ut non apud unum judicem, sed apud universum orbem capitis accersitus, nihil adversario respondeam, ut totam accusationem agnoscat? Sed parum est candidum, inquis, cum amico contendere. Verum, obsecro te, candidum est, sic amicum immerentem impetere? Amicus est *Faber*, sed qui sic incessit, amicus esse desuit. Etiam si vere lapsus essem, erat hoc puræ amicitiae, tegere probrum amici, & privatis literis admonere. Nec ipse unquam ab illo dissensurus eram in Novo Testamento, nisi judicasssem, hic nullam illius gloriæ labem adpersum iri. Etiam si ipse nec læsus ac provocatus amicitiam violavi; nec unquam,

An. quantum erit in me, violaturus sum. Vitam amicitiae
 1518. impendere, laudi datur, at in *Christum* haberi blasphemum in amici gratiam, non solum extremæ demeritiæ sit, verum etiam summæ impietatis. Finge patrem, aut fratrem esse *Fabrum*, non solum amicum, ne patri quidem aut fratri, opinor, tantum tribuendum esse censebis, ut in illius gratiam *Christi* adversarius haberi sustineam. Imo si simul & Cardinalis & frater mihi fuisset *Faber*, arbitror officii mei fuisse, calumniam non ferendam repellere, præsertim modis omnibus innoxius. Et tamen ita repello, ut ille victus, tantum inhumanus sit, impium non faciam, illud quoad licet agens, ne quis de adversario meo pejus sentiat. B Jam quod scribis, hætenus nobis pro veritate depugnatum esse, rem in posterum facile regi posse: neuter, mi *Budae*, pro veritate depugnavit, cum ille me fecerit adversarium, ubi steterim ab ipso, nec ego in *Apologia* quid sentiam, aperiam, (neque enim erat necesse) tantum illius in me directa tela propello. Neque spes est rem tectum iri posse, cum illius volumina jam per *Hispanias*, *Gallias*, *Italiam*, *Germaniam*, ac *Britanniam* passim obambulent, ut jam nec illi sit integrum, premere quod scripsit, neque mihi dissimulare defensionem. Mutet ille locum, si queat, in quo me lacerat, ego pro viribus premam *Apologiam*, qua me defendo. Num me vis abjicere clypeum, cum ille tela, in C meum caput vibrata, manu teneat? Facile est alieno dolori modum præscribere, facile est in alienis malis animo æquo moderatoque esse. Fortasse tu si hic esses, aliter sentias, imo nisi prorsus ignoro *Budæum*, longe alio brachio clypeum, enssem, ac tela sua vibrasset. Primum, tecum reputa, mi *Budae*, quam sit odiosum hæreseos & impietatis crimen, tum observa, quoties, quot dictis, iisque odiosissimis in me debacchetur, ipse toties à me honorificentissime prædicatus: & arbiter sententiam, si lubet, feras, utri nostrum fuerit imputandum, etiam si par pari retulisssem, si jure talionis essem usus, si convicia conviciis retulisssem. Par erat, totius mali summam imputari, qui prior laceffisset, & ita laceffisset, ut nisi me defenderem, *Augustinam*, *Ambrosium*, *Athanasium*, *Chrysostomum*, breviter cæteros orthodoxos omnes, atque ipsam adeo *Hieronymum* in communi crimine fuere deserturus. Nam is ut in opere suspecto duobus verbis utique pro *Fabro* facit, ita cum alias, tum in commentariis, quos scripsit in Epistolam ad *Galatas*, palam nobiscum sentit. In levi suggillatione, sit sua cuique sententia, detur aliquid amicitiae, detur civilitati, liceat labi & corrigi, liceat & perperam dissentire. Non committam ut quisquam hic meam desideret humanitatem. Scis ipse, mi *Budae*, ut pridem mecum sis velitatus, ut tuo more luseris in mea *λεπτολογήματα*, ut libellos nostros dejeceris. His ego tantum abest ut sin commotus, (etiam si tu commotum jocabaris) ut postea nepilo quidem fueris injucundior. Et tamen verum est, quod dici solet, *Scriptores libris suis, non seculis æquoparentes liberis favere*. Nec deerant, qui me hæc in suis ad *Copia* defensionem accenderent, quorum ego sedulitatem risi satis, & animo tranquillo esse jussi, testatus, inter nos pulchre convenire. At *Fabri* insectatio plusquam tragica est, ac plane demiror hominem hujusmodi tragediis delectari, velut in libello, quem nuper *De tribus Magdalenis*, & *triduo Christi*, sic enim ille vocat, conscripsit, disputationis conditionem in has angustias deducit, ut quicumque dicat *Christum* post tres dies resurrexisse, censeatur *Christiana* fidei, *Evangelio*, atque omni prorsus veritati adversari. Atqui ita sane ex *Marco* per orbem universum *Latina* legit Ecclesia, atque etiam *Græca*. Nec unquam is locus aliter lectus aut scriptus est, antequam *Faber* aperiret hoc mysterium, doceretque ex *Apolonio* Grammatico, *πῶς τρεῖς ἡμέρας* significare in *triduo*: quasi vero *ἀναλόγως* habeant *πῶς χεῖρας*, & *πῶς τρεῖς ἡμέρας*. Quod si maxime rem indubitatam primus reperisset, erat hoc vel Christianæ modestiæ, vel ipsius ingenii, civilis admonere. Quanquam illud interum

An. terim mirum, hominem impendio Grammaticis infen-
 1518. sum, qui cum modo fuggillari *Bedam*, quod nodum
 quæstionis per Grammaticam solvere tentarit, quia
 synecdochen induxerit, ipse tantam difficultatem unius
 Grammatici auctoritate voluerit explicare, quæ nisi
 succurrisset, totus orbis Christianus adversus omnem
 veritatem & caneret & legeret. Atqui quid opus erat
 hac Tragoedia, cum unica synecdoche res omnis potue-
 rit expediri, si intelligamus post tres dies resurrexisse,
 qui post tertium diem exortum surrexit? *Faber* enim
 imaginatur nullo pacto consistere, ut dicatur *post ter-
 tium diem resurrexisse, qui tertio die surrexit*. Quan-
 quam & aliis rationibus hoc poterat extricari, quas hic
 non attinet recensuisse. Verum, hæc ad me non ad-
 modum pertinent, & magis illius, quam meo pericu-
 lo commoveor. Cæterum, ubi nominatim impetor, &
 adversarius gloriæ *Christi* scribor, pro cuius gloria li-
 cet homo nocens ac sceleribus opertus, tamen vel ca-
 pitis adirem discrimen, vel emori non refugiam, an
 me jubebis obticescere? Sed age, dic mihi per *Gratias*,
 utrum reprehendendum putas? an hoc ipsum quod me
 defendo, an defensionis modum? Si pro tua æquitate
 non reprehendis quod me defenderim, ne de modo
 quidem queri potes, cum ita me tuear, ut quoad li-
 cet faveam etiam adversario. Quid est igitur quod me
 putet objurgandum, nisi judicas illud esse fati mei, ut
 unus omnium me vexandum impune, ac conculcan-
 dum omnibus præbeam, ut posthac nulli sint tam igna-
 vi canes, quin ausint oblatrare *Erasmo*; nullus asellus
 tam stupidus, qui vereatur obrudere; nulla sus, quæ
 dubitet obgrunnire? Mures sese denticulis utcunque
 tuentur. Apiculæ læsæ sæviunt aculeo. Solus ego ne
 clypeo quidem tuendi me jus obtinebo, præsertim in
 negotio fidei? Mihi crede, *Budæ*, qui moderate ferre
 potest impietatis crimen, is leviter pius est. Vides quo
 tonitru, quo fulmine divus *Hieronymus* insurrexerit in
Ruffinum quondam amicissimum, tantum quod ab eo
 per figuratæ laudationis stropham adductus esset in
 nonnullam invidiæ communionem. Quo stomacho re-
 spondet ac minatur *Augustino*, quod unius loci enarra-
 tionem ausus sit convellere? Quid autem, si tali fuisset
 aceto perfusus, quali me perfudit *Faber*? amicus
 an inimicus, prudens an imprudens, instigatus an sua
 sponte, joco an serio, sobrius an secus, ipse viderit,
 certe perfudit. Res ipsa nimium exstat. Atque uti-
 nam utrique liceat inficiari. Non sum ullo modo cum
Hieronymo conferendus, nec sanctimonia, nec erudi-
 tione, nec prudentia, nec animi moderatione, & ta-
 men vides quanto quam ille crudelius laceffitus, quan-
 to me tuear civilius. *Difficile est*, inquis, *gestiensis sty-
 lo moderari*. Imo si dicta mihi fuissent omnia, quæ
 meo jure dicere poteram, tum intelligeres, quantum
 dolori non donarim, quantum verecundiæ, quantum
 humanitati datum sit. *Admonitum te oportuit*, inquis,
ne cessasse videar in amici discrimine. Quod, obsecro,
 discrimen est, si manifestariam propello calumniam?
 Num in tuto futurus eram, si talia agnovissem elogia?
 An *Jacobi Fabri* tantam rationem haberi volebas, ut
 ego in illius gratiam blasphemus in *Christum* haberi
 sustinerem? Quod ad eam sane causam attinet, ego in
 portu navigo vel apud parum æquos judices. Atque
 utinam *Faber* hac in parte suam integritatem & candore-
 rem apud universos tam tueri possit, quam ego cupiam.
 Qui illum amicissime defendunt, causantur alieno in-
 stinctu perpulsum ab nescio quibus, qui nec illi, nec
 mihi bene volunt. Quasi vero pondus habeat hujus-
 modi purgatio in viro tam erudito, tamque philoso-
 pho, tum provectæ ætatis, postremo in criminatione
 tam atroci. At vereor ne plures sint illorum sententiæ
 subscripturi, qui dictitant istam tam supinam debac-
 chationem, partim ab insigni quodam mei contemptu,
 partim ab ipsius admiratione fuisse profectam. Hoc sibi
 inquirunt, persuaserat, me nihil aliud quam Rhetor-
 culum esse, se Philosophum, Theologum, myttago-
 gum, cujus omnia dicta oraculorum instar essent, ni-

A hil à tali viro tam neglecte posse scribi, quod mihi non
 illico tenebras *Cimmerias* offunderet. At meminisse de-
 buit, nihil in bellis perniciosius, quam hostem, quam-
 vis imbecillum, contemnere. Rursus alii judicant, of-
 fensum illum, quod à se, in *Annotationibus* meis, lo-
 cis aliquot ausus sim dissentire, hunc loliginis succum
 in me vicissim effudisse videlicet, proque officio, pro
 quo par erat gratiam reponere, summam contumeliam
 rependisse. Atqui si ipsi licet, ab *Augustino*, *Ambro-
 sio*, *Hieronymo*, imo semel ab omnibus antiquis ac pro-
 batis dissentire, mihi non licebit vel honorifice dissen-
 tire à *Fabro*? Et hæc erit scriptorum conditio, ut qui-
 cunque à *Fabro* dissentiat, is Evangelii & sacris elo-
 quiis adversetur? Ingenuæ mentis erat, in manifestis
 erratis agere gratias, qui monuisset, & qui monuisset
 non solum parce moderateque, verum etiam honorifice.
 Et tamen ipse ne privatis quidem literis sese mihi vel
 purgat, vel defendit, idque semel atque iterum à me
 provocatus, imo perinde quasi læsus, nescio quid mi-
 narum spirare dicitur. Quanto ipse simplicius, qui
 statim literis denunciavi *Apologiam*, priusquam ador-
 sus essem scribere, & absolutam protinus per *Sorbo-
 nicum* quendam ad ipsum misi, scribens quæ pro tem-
 pore dicenda videbantur. Neque vero periculum esse
 puto, ne tribuatur inconstantia, quod *Fabrum* toties
 laudatum, nunc refellam. Primum enim illi conve-
 niebat imputari, non mihi, si quid ipse dissiderem à
 meipso, posteaquam ille usque adeo sui dissimilis esse
 coepisset. Scripsit enim is, qui reddidit *Apologiam*, *Fa-
 brum* ubi recepisset eam, arguisse me levitatis. Si le-
 vitas est, intentatum falso crimen depellere civiliter,
 quæso, sic amicum ex insidiis adoriri, quo donabitur
 nomine? Atque utinam per illum licuisset mei similem
 esse, laudibusque illius semper aliquid adjungere. Nec
 tamen *παλιγγενεσία*, quæ honorifice de illo prædicavi, i-
 mo ne sententiam quidem de illo meam adhuc mutare
 possum. Tantum demiror quid acciderit homini. Po-
 stremo non statim vituperat alterum, quisquis sese tue-
 tur. Jus est publicum, vim vi propulsare. Cæterum,
 ubi de fide Christiana agitur, impium etiam est cau-
 sam adversario tradere. Tuum judicium non exegi,
 sive quod perspicerem, rem tui fori non esse, sive
 quod alias occupatissimum onerare nollem, sive ne (quod
 est molestissimum) inter duos amicos arbiter alterutrum
 offendere cogereris. Atque utinam hoc in totum præ-
 stare licuisset, ne vel *Fabro* quispiam mortalium mea
 causa minus esset amicus, vel ille cuiquam iniquior.
 Quod si tu, mi *Budæ*, non graveris hujus causæ co-
 gnitionem suscipere, etiam si, ut dixi, res non est
 omnino tui prætorii, age, non rejicio judicem, modo
 negotii statum omnem ordine perdiscas, hoc est, *Apolo-
 giam* nostram, non oscitans ac vellicatim, ut te fe-
 cisse scribis, sed attentus perlegas. Alioqui non vere-
 bor appellare. Unde, & quo, inquis, cum ultro mi-
 hi delegaris arbitrium? A *Budæo* dormitante, ad eun-
 dem *τὸν προσέχοντα*. Alioqui multos passim audio
 queri, quod adversus *Fabrum* scripserim, sed istos fer-
 me, qui nec illius insectationem, nec meam defensionem
 unquam inspexerunt. Si indignantur, quod me
 necessario tuear adversus *Fabrum*, cur non illi potius
 indignantur, qui ultro præterque causam nos laceffe-
 rit? Parum amicum est, scuto objecto tueri vitalia, &
 amicum est, hominem amicum telis veneno tinctis im-
 petere? Quod si id agis, ut nos dissidentes in gratiam
 redigas, quod ad me pertinet, haud sane multum erit
 negotii. Facile redit in gratiam, qui odit invitus. Fa-
 cile placatur, qui nolens irascitur, imo qui ne irasci-
 tur quidem nisi suis fatis. Utinam licuisset amicitiam
 tueri perpetuum, nunc quod est proximum cupio mul-
 tis de causis, sarciri: vel quod per se sit indecorum
 cum eo dissidere, qui cum necessitudine sis junctus: vel
 quod nolim hujus rei gratia inter ullos suboriri dissidia,
 studiis, ut sit, in diversa trahentibus. Magis opta-
 bam, ut ex amicitia jure communicatis invicem ami-
 cis, utrique pulcherrima possessio conduplicaretur. Vix
 ullas

An. 1518. ullas rejiciam conditiones. Aut curet ille premendam, ut dixi, reprehensionem suam, ego vicissim patiar meam aboleri *Apologiam*. Aut si id frustra cupit, maledicta benedictis mutet, & criminationi palinodia medeatur, aut certe purget sese mihi literis. Aut si id quoque nimium est, testetur nunc inter nos animorum esse consensum, quocunque genio superior illa incidit procella. Sentiet me minime difficilem. Unam eam conditionem non recipiam, si postulet, ut *Apologiam* supprimam, incolumi illius criminatione. De morte fratris tui ex *Badii* literis cognoveram, quæ mihi duplici nomine gravis est, vel quia tuus erat, & ob id ex amicitiae foedere noster: vel quia, ut scribis, nostri studiosus. *Buslidianum* legatum ac trilingue Collegium pulchre procedit. Est autem magnificentius quam putaram. Destinata enim sunt huic negotio plus viginti *Francorum* millia; utinam exemplum hoc complures inveniat æmulos. Habes epistolam non minus molestam quam prolixam, ne semper exprobes epistolia, pene ipsis opisthographiis breviora. Bene vale, doctissime *Budae*. *Lovanio* 22. Febr. Anno 1518.

EPISTOLA CCCVI.

Richardus Sampson, reverendissimi Cardinalis Eboracenensis apud Nervios Commissarius, Erasmo suo S. P. D.

SI vel tu Anglice calleres, vel ego aliam quamcunque stenerem linguam, qua mutuis literis tecum mihi colloqui liceret, mi Erasme, hujus nostra ætatis sine controversia eloquentia princeps, haudquaquam Latinas ad te darem literas, cum non ignorem esse neminem, nisi prorsus aut temerarium, aut omnibus eloquentia numeris absolutum, qui ad te vel cum priscis illis disertissimis viris conferendum, Latine scribere non vereatur. Tanta apud omnes tua præcellentis doctrina reverentia est. Tantam quoque & eximia tua facundia scientiaque, tum divina, tum absolutissima, velut singularem tibi attulit majestatem. Nec ego in præsentiarum ad te Latine scripsissem, plane rudis & totus quidem advena, quantum ad cultiores literas attinet, nisi me omnino tu impulisses. Etenim in posterioribus illis literis tuis, ad Joannem Molendinum nostrum (quas mihi tradidit modo nudiusquartus lectitandas) me cum tuis verbis salutare juberet, non modo patronum, sed unicum quoque tuum patronum me appellare voluisti. Unde sum affectus non mediocri pudore, cum tamen cetera maxime delectarent omnia. Quis enim nescit te gratissimum (tanta est eruditionis tue præstantia) & Regibus & Principibus ipsis? & horum ut quisque est maximus atque optimus, ita impensissime favere Erasmo? Noli igitur posthac, rogo, me præter ceteros homuncionem onerare tam superbo titulo. Habes tu quidem, si res ita postularit, vel patronos, vel advocatos, vel amantissimos tui viros non solum in maxima potestate constitutos: verum etiam ubique gentium & eruditissimos, & doctissimos. Si mea tamen opera, quantumcunque sit, tibi olim poterit usui esse (id tibi velim persuasum) benevolentior habebiturus es neminem, vel amicorum tuorum omnium. Me igitur tibi pro viribus amicum velim existimes, si tamen inter tuos hunc amiculum digneris adscribere. Quanquam pro tua humanitate, certe scio, vel longe inferiorem non contemnes, quando tantum abest, ut eodem in ludo, quod ajunt, simus docti, ut ego literarum fere expers, tu quidem vel ex confesso princeps omnium sis solus, qui nunc luce fruuntur: id quod ego præstare ceteris dignitatibus judico. Neque non possum esse tibi amicissimus, cum eos omnes, qui mei sunt amantes, non ignorem tui pariter amantissimos esse. Est enim singulari in me benevolentia *Baro illustris Montjouis*, & tibi, ut scis, toto pectore deditus. Prætereo *Tonstallum*, & comi gravitate, & rara doctrina virum. De *Pacæo* nihil quidem est quod ego referam: cum præter excellentem ejus eruditionem, tanta sit etiam in omnes humanitate, ut homini nihil possit optari suavius aut mellitius: quem ego præter alios (ut nunc est etiam & apud Regiam Majestatem, & a-

A pud reverendissimum Cardinalem auctoritatis maxima) An. 1518. amicum, patronum & advocatum habeo. Non par est autem præterire Morum nostrum, vel potius omnium, qui quantum valeat, vel eruditione, vel ingenii festivitate, neminem fugere potest, qui vel *Utopiam*, vel alias illius lucubrations velis perlegere. Taceo de ipsis in quotidiana vita facilitate, comitate, facetissimisque colloquiis, atque omnium honestissima morum probitate. En quales amicos mihi tecum communes, sed ita communes, ut tamen eos mihi non debeas. Quanquam ipse satis es unus, ut te summopere diligam. Vale. *Tornaco* 2. Martii, Anno 1518.

EPISTOLA CCCVII.

Des. Erasmus Roterodamus Petro Barbirio suo S. D.

NH τὰς Χάριτας, si res habet, ut scribis, qui libellos suppresserunt, iidem suppressere literas: nam primum *Apologia*, mox *Paraphrasi* meas adjunxeram. Canonicus ille *Caninus* suapte sponte detulit ac misit pecuniam pensionariam, homo melioris fidei, quam nunc vulgus est mortalium. Idem fecit optimus ille *Canina-riensis*, etiam inscio me. Utinam mihi decem essent ejusmodi, eos sane malim, quam quos *Homericus* optat *Agamemnon*, decem *Nestores*. Joannem meum *Anglum* in *Angliam* emandavi, qui mihi cum alia certa, tum equum aliquem commodum adducat. Is rediturus est ad *Pascha*: interim me ad iter accingo; planeque vereor, ne tuum istud viaticum me hic non reperiat. Sed tamen si quid obtigerit, relinquam hic probos amicos, ad quos quicquid delatum erit in tuto fuerit, Joannem *Borsalum*, cui Latinæ linguæ professio destinata est, Joannem *Nevium* *Hontiscotannum*, Petrum *Egidium*, cujus pater optimus nuper vita defunctus est, atque ipse tenacissimo morbo affligitur, Nicolaum *Buschiducensem*, ludimagistrum apud *Antuerpiam*. Guilielmus Cardinalis *Crojus* unas atque alteras tuas literas mihi reddendas curavit: quarum alteras Guido *Morillonus* tuo nomine scripsit. Sed quid ais? friget istic Guido, juvenis in regione tam calida? saltem adesset illi sua Nympha, ne totus frigore pereat. Atqui nobis hic persuasum erat, istic esse totas regiones, ubi terra nihil nisi merum esset aurum, nec adesse formicas *Indicæ*, auri custodes, sed liberum esse cuique, quantum velit, fodere. Præfulem *Theatinum* salvum esse gaudeo, nisi quod hunc quoque frigere suspicor. Nam de *Briseloto* rumor quidam sceleratissimus me propemodum exanimarat, hominem abisse in Campos *Elysios*, jamque parabam *Epicedion*, quo tantum orbis lumen e medio sublatum deplorarem, sed superioribus literis adpersisti aquam, animumque reddidisti. Verum extra jocum, summæ voluptati mihi fuit summum illum meum *Mecanatem* Joannem *Sylvium* tam belle valere, virum, ita me Deus amet, immortalitate dignum. Cum Theologis *Alcedonia* sunt, imo mira familiaritas. Pro *Hieronymo* palam agunt gratias; de *Novo Testamento* nihil queruntur, imo primores hujus ordinis ingenue comprobant, tantum oblatrant *syco-phanta* nescio qui, sed procul & à tergo. Multos, ut ajunt, terret *Fabri* male accepti exemplum. In quem tamen viribus meis non sum usus, favens etiam, quoad licuit, adversario. Mirum quid sit rei, ut ille non saltem privatis literis sese vel excuset, vel defendat. Passim mihi gratulantur *Gallum* devictum, *Germani*, *Itali*, & *Angli*: nec tamen efficiunt, quo minus oderim meam victoriam, nec admodum gloriosam in causa tam vincibili, & invidiæ obnoxiam, quod amico detraxerim opima spolia, cui nunc etiam faveo, licet non ufque adeo, ut in illius gratiam, blasphemus in *Christum* haberi velim. Proinde precor, ut Deus Opt. Max. iis, qui mihi bene volunt, feliciorem mihi gratulandi materiam suppeditet. *Apologia* jam quater est excusa. Deleat ille suam insectationem, ego quatenus possum premam *Apologiam*. Auferat ille tela, ego depono clypeum.

Tom. III. V Tol-

An. 1518. Tollat ille venena, ego desinam uti antidoto. Quod si quis aliorum me similibus dictis laceffisset, longe aliter fuisset acceptus. Homo sum, ubi vere lapsus ero, non solum agnoscam erratum meum, verum etiam admonitori gratias agam, insectatori cedam. Cæterum, ubi simili impudentia conviciis atrocissimis impetor, non committam ut posthac in me, velut inermem atque edentulum, quivis asellus obrudat, quivis sus obgan-
 niat. Faber unum me laceffivit nominatim. Ego neminem adhuc laceffivi, sed uni laceffenti respondi. Quidam ajunt illum suas colligere copias, ut bellum instaureret, alii negant. Ego nihil malo quam pacem, præsertim cum illo, non quod illum metuam, sed quod ex animo diligam. Quod si repetat, ipse viderit: sibi imputet, si parum civiliter accipietur. Adigit me Novum Testamentum, ut aut *Venetiam* adeam, aut *Basilicam*. Nondum enim statui, utro sit eundum. A Germania tribus incommodis deterreor, hypocaustis, latrocinis, & peste, quæ præter alios *Lachnerum* fustulit, officinæ *Frobeniana* principem. Ab Italia cum itineris longitudo, tum instans æstas. Sed quocumque me contulero, faciam uti cognoscas. Existimabam me Cancellario scribere, quoties tibi scriberem: nam ipsum tot immersum negotiis verebar interpellare. Ego hic undique literis amatoris obruor. Scripsit Archiep. *Maguntinus*, semel atque iterum Episcopus *Trajectensis*, semel *Leodiensis*, semel *Bajocensis*. Invitor ad compleris. Invitat Rex *Anglia*, & hujus *Achates* Card. *Eboracensis*. Invitat Rex *Gallia*. Tantum est amatorum, ut difficile sit vel epistolis omnium respondere. Scripsi tamen *Sylvio* Cancellario, tuo jussu, cui non parere vix satis tutum arbitror, ut es homo violentus. Ex bilinguibus hic omnes trilingues reddimur. *Matthæus* vir suæ linguæ, in qua natus est, in paucis peritus, publice proficitur *Hebraice*, quasi parum hic fuerit ebriorum. *Dorpius* *Hebraice* factionis dux est. Videbis brevi novum seculum hic exoriri. Et exosculabuntur illum paulo ante lapidatum *Erasmum*. Etiam si *Paraphrasis* omnibus omnium calculis laudatur. Est aliquid vel unico libello placuisse tam iniquis ac morosis. Atque utinam in talibus campis me continuissem, in quibus non paulo plus erat gloriæ, multoque minus laboris: sed fatis, mi *Barbiri*, agimur, fatis cedamus oportet. Ornatisimo viro *Haloio*, fac me diligenter commendes. *Marlianum*, *Jodocum* jurisconsultissimum, *Guidonem* *Morilonum* congeronem tuum meis verbis etiam atque etiam saluta. Cura etiam atque etiam, mi *Barbiri*, ut recte valeas: nam hic annus multos eximios viros tui similes absumpsit, *Marcum* *Musurum* *Roma*, jam Archiep. designatum, & ante hunc *Palæotum* *Camillum*, *Lutetia* *Faustum* immortalitate dignum. Apud *Anglos* *Andream* *Ammonium* *Lucensem*, omnibus egregiis dotibus cumulatam. Hi, quibus astra sunt à consiliis, affirmant his annis quatuor, tantam fore pestilentiam, ut nulli sint futuri superstitēs, præter egregie doctos ac probos viros. Quod si verum est, ausim, & ego vaticinium meum adungere, miram fore vilitatem annonæ. Quo magis tibi cavendum censeo ne sis de numero mediocrium. *Johanni Carundileto* Decano *Bezontino* gratulor pontificii *Panormitani* dignitatem additam: & hoc magis gratulor, quod is semper honestis studiis impense favit, atque hoc nomine mihi quoque cum primis amicus ac patronus. Neque dubito, quin illum sua virtus brevi ad majora sit evectura. Adnitere, ut tibi quoque gratulari liceat. Perlongum est omnibus scribere, tu fac unus multarum epistolarum vice fungitor. Rursum vale, *Lovanio* 6. Martii, An. 1518.

EPISTOLA CCCVIII.

Erasmo Rot. Nicolaus Beraldus S. D.

DOLVI vehementer ac saepe, Erasme doctissime, binas meas ad te literas, proximo scriptas biennio, periisse. Periisse enim puto, quibus nihil responderis. Id autem Francisci Calvi, qui eas Basilicam usque ad te perferendas rece-

perat, negligentia malo, quam dolo adscribere, ut cuius si-
 dem atque integritatem perbelle mihi videar vel tridui m-
 nius congressu spectasse. Interea ineptum putabam aliis te
 literis obrundere, studiis præsertim gravioribus occupa-
 tum; nimirum restituenda rei theologia annos jam aliquot
 dedissem; Paulinisque Epistolis illustrandis toto, ut dici-
 tur, pectore, vigiliisque, ac sudoribus maximis incum-
 bentem. Nam Novi, ut vocant, Instrumenti editionem
 alteram abs te paratam esse, nihil dubito, affirmante id
 præsertim Nefeno nostro, qui se quoque luculentas enar-
 rationes tuas in Pauli Epistolam ad Romanos vidisse, Lu-
 dovico Deberquino viro doctissimo, ac tui nominis stu-
 diosissimo, cum is Lutetia mecum nuper ageret, mihi-
 que non semel retulit. Atque utinam ea omnia propediem
 pulcherrimis typis excusa videre contingat, Frobenianis
 videlicet, quibus nihil fieri puto posse nitidius, elegantius,
 amœnissimum. Id ipsum tantopere expectant, quotquot hic sunt
 viri non vulgariter docti, Budæus, Ruellius, Ruzæus,
 Deloïnus, & ipse quoque Parisiensis Episcopus, eximius
 ac prope unicus avi hujus Mæcenas, ut nullum aliud O-
 pus cuiuscunque Auctoris fuisse unquam expectatius putem.
 Video equidem, Erasme optime, video equidem fore, quod
 votis ardentibus antehac semper expetii, uti videlicet
 Theologi isti nostri, spinosis ac sophisticis nugis atque inu-
 libus argutiis nimium jampridem dediti, desertis Scoti-
 starum, Occanistarum, adde etiam Thomistarum fa-
 ctionibus, ad antiquam illam ac veram se Theologiam ple-
 rique convertant, si porro perrexeris suam arcanis ac ca-
 lestibus Literis dignitatem asserere. Id quod hæcenus tanto
 abs te successu factum esse censeo, ut certe non videam,
 quem veterum Theologorum tibi jure anteponeere quis do-
 beat, siue linguarum peritiam, siue variam omnigenam-
 que doctrinam, siue denique incomparabile studium, ac
 diligentiam, prope dixerim, indefessam spectare ac ex-
 penderelibeat. Audax verbum, inquiet aliquis: audax,
 fateor, sed quo nullum dici posse veris puto. Scio non dees-
 se tibi laudatores, qui tibi opus assidue atque Divina præ-
 la decantent, tibi que tantum tribuant, quantum etiam si
 agnoscas, non postules tamen. Ego certe nihil in gratiam
 Erasmi scribo: scribo autem id demum, quod sentio. Af-
 sentari nescio, nec si sciam, velim, Erasmo potissimum
 tanta modestia viro. Quidni porro de te id sentiam, quod
 audio à doctissimo quoque de te ubique predicari? Indoctus
 est, refractarius est, à Musis ac Græciis alienus, qui
 Erasmi ingenium, doctrinam, facundiam, sanctum de-
 nique consilium ac institutum non laudat. Quare perge, E-
 rasme, seculi hujus decus egregium, perget tecum ipso certa-
 re, teque ipsum deinceps vincere, in eo præsertim stadio
 Christianæ pietatis, ac Evangelici cultus, in quo tanta
 tua cum laude hæcenus nobis certasti, ut nihil jam super sit
 aliud, nisi ut te ipsum vincas. Vale. Lutetia 16. Martii,
 An. 1518.

EPISTOLA CCCIX.

Richardus Pacæus Erasmo S. P. D.

PETRO Lusco, quem in proximis tuis mihi commen-
 dasti, nihil prodesse potui, propterea quod Regi de il-
 lo (cujus mentionem facis) libro describendo, nunquam in
 mentem venit. Comædiarum simul & Tragediarum ex-
 emplum, quod ad Morum nostrum misisti, perlegi: qua
 de re scripsisti id quod est, illud hominum genus fatali ra-
 pi infania: & ea adeo fatali, ut non nisi extremo fato
 (mea quidem sententia) tolli possit. Nam licet saluifera
 adsit medicina, & assidens medicus hortetur, seque ut
 curent suadeat, nolunt tamen venenum, quod imbibebunt,
 evomere. Tu, si me audies, in pulcherrimo tuo persevera-
 bis instituto, & bene, non modo de literis, sed etiam de
 universa Christi religione mereberis: istos vero cum sua
 fatali infania dimittes eis xōgaxas. Tuam in duas Pauli
 ad Corinthios Epistolas Paraphrasim diligentissime perle-
 gi: & ex hoc tuo labore tantum me fructus percepisse
 fateor, ut nunc tandem (quod antehac mihi contigit nun-
 quam) audeam affirmare, me aliquatenus (ne nimium
 meo ipsius tribuam ingenio) cum quid dicat, tum quid
 sentiat divus Paulus, intelligere. Nunc divinus ille Pau-
 li

An. li spiritus, qui antea frigere & desicere mihi visus est, 1518. plane viget. Nunc sancta illa praecepta, qua antea mihi sapiebant aloen, conversa sunt in mel. Nunc Paraphrasis tua adeo mihi explanavit omnia, ut vale dicturus sim omnibus recentiorum in Apostolum interpretum commentariis, quod hac ei satis superque per se obscuro profundas quam plurimis in locis offundere tenebras. Vehementer praeterea & illud probo, quod stylum tuum catenus demisisti, ut eloquentia hostes fucatum sermonem minime tibi objicere possint, sed ecclesiastici potius eloquii simplicitatem agnoscant, qua adeo leniter fluit, ut illicit maxime legentem & durissime recentem semper retineat: quo fit, ut nullam equidem vel in hac simplicitate eloquentia partem desiderem. Si Paulus ipse hodie resurgeret, quid aliud facere posset, quam se praeferret sibi? Perge igitur, mi Erasme, quaso, in reliquis quoque Pauli Epistolis in eundem modum explanandis. Opus tuo ingenio, tua eruditione, tua denique professione est dignissimum: & ex cujus confectione non tam apud homines quam ipsum Deum magnam gloriam reportaturus es. Me quidem, ut id te facere hortor, impellit illud, quod illorum qua vidi, tam jucunda simul & fructifera fuit lectio, ut non possim non avidissime exspectare quod superest. In mentem nunc venit, quod in quibusdam aliis tuis ad me literis scripsisti, certum tibi esse in Anglia consensescere estate proxima trajecturo. Jucundissimum mihi est intellexisse, te id habere animi. Optatissimus venies omnibus, sed tuam valetudinem hac in re cum primis consule, μη εἰς ἄλγος. Interim scias, hujus Regis erga te benevolentiam in dies augeri, eumque quam sapissime laudes tuas predicare, & apud se habet, qui tui non sunt immemores. Vale. Ex Richmond 5. Aprilis, Anno 1518.

EPISTOLA CCCX.

Budæus Erasmo S.

ECCE autem rursus expositulatio. Conquerebar, nihil à te literarum multis jam mensibus accepisse, quod quidem epistola instar haberet, quum tu ad me literas non magis copiosas quam jurgiosas dedisti: perinde quasi ex diuturno somno, id est, diuturna incuria nostri, turbidius te excitarem. Huttenus, non magis jam tibi quam mihi nostrisque probatus & amicus, cum ex Regni comitatu rediret, hac transiens, literas à me tumultuarias expressit, in quibus quum quicquid in buccam subisset, vel Græce vel Latine scriberem, unum, ut arbitror, aut alterum verbum de Apologia illa tua adjeci, ex cuius editione dolebam, cum eo quod Faber scripsisset, nonnihil simultatis simile inter vos enatum esse videri. Non enim satis memini quid scripserim, & erat ejus generis epistola, cuius apud me exempla manere non solent. Hic pauculis verbis ἀποχόλως tu commotus, in pacificatorem repente cornua obvertisti: videlicet quasi me liti pro Fabro temere aut cupide obtulerim, potiusque impetus tui partem in me nec opinantem deflexisti: etiamsi me subinde benigno appellando suaviari videre inter exposulandum. Primum, volo hoc tu ne ignores, me nec pacificatoris, nec arbitri honorarii partes hac in re mihi sumpsisse: non quod vererer, si id facerem, ne tute mihi non permitteres, aut tu id mihi succenseris, quod de te tantum mihi permitterem, sed quod hac de re cum Fabro nunquam collocutus sum: quare causa mihi nulla fuit, quamobrem ejus rei arbitrium affectarem, quod ad me utrinque non rejiciebatur, aut ultro deferabatur: etiamsi Ludovicus Ruzæus Parisiensis subpraefectus, ut est omnibus viris doctis ultionis amicus, facere me jubebat, idque recusantem convitiöse objurgabat: sed cum vicem tuam doloerem, hominis mihi amicissimi, admonitum te oportuit, si non aliam ob causam, ob hoc certe, ne tu me obdormisse putares, cum tua illiusque causa frequenti saepe corona ad publica fama subsellia peroraretur: cum eo, ut verum fatear, quod & Fabrum quoque inter amicos numero. At enim sum ille Pandoræ conjunx, quem tu rei jam conclamata remedium afferre cavillaris, & Troja jam eversa, docere non fuisse rapiendam Helenam. Eia tu, germane mi Prome-

A theu, meministi ad me bis verbis te scripsisse? Faber Au. toties à me cum honoris praefatione nominatus, nescio quam gratiam mihi rependit, certe ut multis videtur iniquam. Mihi quoque durius mecum agere videtur, quam pro solito suo candore. Doleo ansam hanc datam, & reliqua. Tum ipse pradiceres Apologiam te meditari, & ego fortasse officio functus essem. At tu me Epimetheum fecisti, ut per te quidem rem in scenam producendam non ante resciscere potuerim, quam tu prologum in proscenium misisti. Quo nunc igitur, inquires, admonitio? nisi ut calculum atrum ferre aut varium in Apologiam meam videre, ut mea fere soles praedicio quodam tuo premere, licentia, ut quibuldam videtur, fiducia confirmatae amicitiae. Amabo te, mi Erasme, tuum pramorde labellum, & usuram mihi patientia paulisper accomoda vicissim adjurgaturo. Facere enim nequeo quin epistola tua, facundae quidem, & feliciter arguta, sed non perinde aqua officiosae respondeam: cui tu rei inficienda non eris, si ad te jam redisti, & pristinos spiritus resumpsisti. Utique quod ad causam meam attinet, ut interim mihi tantum patrocinor, quem tu subinde in faciem nunc palma, nunc pugno coniundis, & vicissim blanda appellatione permulces, ut queritari jure non possim, cetero vero litem meam sece- rim, ut ineptus arbiter, quod te cum Fabro altercante, vel tantulum interfari ausus sim. Ac nescio quo modo in ἀπολογία illa, & Copiae contumeliam revolutus es pra iracundia impotentia: quarum rerum quum mihi erratum jamdiu condonasses veniam postulanti, nunc velut muneris reposcitor hac eadem de re me obliqua actione appellas, iterumque judicium ejus offensionis refers quam ex memoria tua actis semel, & bona fide exemptam esse credebam. Itane vero si quid tibi familiariter atque amicitia jure fretus dixero, tu in me elequentia tua aciem stringes, & ut animo obsequaris iracundulo, ad satietatem mecum delitigabis, & quia tibi par esse scribendi facultate nequeo, continuo te superiorem in causa futurum confides? & secundum te homines doctos & graves pronuntiuros sperabis? etiamne si in tirocinio equiore causa nixus sim? etiamsi cum tua ista Minerva iustitia ipsa dopugnet? etiamsi res ipsa clamitet, non te juris subsidiis, sed facundia praesidiis fretum esse? Verum, age, inquis, rem arbitrii tui facio, agnosco legem amicitiae, quid igitur censes mihi faciendum? An hoc mihi amico tuo suadebis, ut pro honore mihi habito gratias agam Fabro? minime. An potius ut dissimulem me scire, quid ille de me scripserit? Quidni id tibi suadeam, si tibi integrum sit? Primum Erasmo, deinde Theologo, deinde hujusmodi Theologo, qui jam emeritis stipendiis ambitionis, & aucupanda fama, eo se opinionis evasisse, meritisimo confidat, ut ne ex alienis posthac elogiis pendere videatur. Tu ut timeas, ne si Faber quamlibet existimatus scriptis suis patrocinans, secus quid, ut sit, de scriptis tuis scripserit quodam loco, tua illico existimatio famoso judicio periclitari videatur, nisi tu ad judicium longa & meditata defensione occurras? atque ita occurras, sed reliqua non addam. Quasi vero crimen agnoscere protinus videatur, qui quovis modo crimen adspargenti acriter animosque non responderit. Periculum erit credo in posterum, ne tu indicta causa de senatus doctorum sententia, capitis existimationisque multam subeas, si ut quisque scriptor secus de te senserit, illico non responderis. At enim, inquires, non cum quolibet homine, nec de quovis crimine in certamen invitus adductus sum. A Fabro viro antea mihi, atque etiam nunc, ut arbitror, amico, & de literis egregie merito, etiam impietatis, criminose postulatsum. Scio quid tragedia excitari his nominibus possit: intelligo si tibi concedam illum tam atroci in te animo hac jactasse, quam tu atrociter ea excepisti: & si tibi permittam hac in re plena justaque disceptatione causam tuam agere, erroris tibi confessionem nunquam expressum iri. Sed quis tibi auctor sit, aut subscriptor, ut quum ista existimatione pradius sis, cum istam tibi gloriam tot editis voluminibus pepereris, in istud fastigium opinionis & fama, tot rerum in hac reip. parte gestarum, gratia euectus sis, tu tamen in ejusmodi controversiis, causificationibus

An. me iudicare, quo in partes tuas transeam, in obtem-
 1518. porantis habitum te ut componas necesse est, etiam si cor-
 dis ore reclaims, surdisque dentibus infrendas. Itaque
 apage illud ex tuis literis: Tu si hic sis, mi Budee, ali-
 ter, aliterque sentias. Etenim hac de re sic censeo: Cum
 vita humana ea sit in universum conditio, ut quo quis-
 que exactius, atque etiam innocentius rationes suas insti-
 tuerit, eo plura fere sibi negotia exhiberi à casuum te-
 meritate sentiat, quæ mortales ipsa miseros sursum deor-
 sumque versat: noxa scilicet illa tenebrarum præside, in
 omnes occasiones pervigili intentione imminente, quæ pro-
 videri ab homine nequeunt: tum verò nostra fortis homi-
 nibus incessere plerumque solet, improbeque blandiri, pa-
 rens illa discordia contentio, quæ in decorum olim convi-
 vio, aureum illud malum, inscriptum, ἡ καλὴ λαβὴ, pro-
 voluisse in medium dicitur: dociles tandem ipsa homi-
 nes Epimetheos faciens, quo tu me nomine taxavisti.
 Huius rei insigne clarumque documentum Homerus, inge-
 niorum decus, velut iracundia & contentiois antidotum
 posteritati reliquit: apud quem, ut nosti, Iliados duode-
 vicesimo Achilles ob id marens, quod iusto pertinacius
 animo suo irato indulisset, quanquam insigni injuria ab
 Agamemnone affectus, errore tandem intellecto pertina-
 ciam contentiois iraque detestans, ita inquit:

ὧς ἔγεις ἐκ τε θεῶν, ἐκ τ' ἀνθρώπων ἀπόλοιο,
 καὶ χόλῳ, ὃς τ' ἐφίηκε πολυφρονά περ χαλεπήναι,
 ὧς τε πολὺ γλυκίων μέλιθ' ἀλαλεῖσθαι μινόιο,
 Ἀνδρῶν ἐν στήθεσιν αἰετᾶται ἥ τε καπνός.

Proinde velim te ita esse animo comparatum, ut etiam-
 si Faber certamen instaurare institerit, id quod falso ru-
 more persuasus exspectas: tu tamen hac de re conquiesce-
 re tibi imperes. An vero si ille iniquior esse, & proter-
 vior contra ingenii sui naturam constituerit, ut suis im-
 pulsoribus morem gereret, tu quoque cum eo contendere
 turpi certamine confestim conniteris? nec istam tuam ex-
 istimationem, decorumque persona tuæ respiceres? Quam
 legem cum in te sanciam, non ita privilegium de te fero,
 ut me non eadem ipsa lege teneri velim. Etsi omnino no-
 verim homines doctos & auctoritate præditos in animum
 induxisse, suis me scriptis carpere, nonnullos etiam jam
 id fecisse editis libris sciam, mihi tamen semel ita impe-
 ravi, huic mea sententia rata, fixa, confirmata acquie-
 scere, ut nihil illis respondeam, nisi si mihi silentium vi-
 tio verti videam, aut luculenta fraudi futurum. Idque
 mihi ut faciam, auctores sunt & imperatores amicorum
 juratissimi, simul & gravissimi. Neque enim jam ista me
 juvant, quæ sine acerbitate genium nullum habent, ne-
 que mitis est mansuetique ingenii, ea digladiatione oble-
 tari, quæ sine luculento vulnere plausum mereri nequit.
 Et est ea natura contentiois, ut plus ad stomachum ejus
 faciant, quæ plus fellis quam salis habent. Tunc, egone,
 quanquam longe te inferior, qui servitutem molestam
 gravemque ambitioni servivimus, & tandem vindictam
 meruimus, ex libertate rursus in pistrinum nos demus,
 atque acerba identidem concertatione consistemur ut
 scripturienti cuique libuerit stylum in nos exacnere?
 Equidem si alterutra mihi conditio eligenda sit, malim
 literarum elegantium studium ejurare, quam ad eam
 mentis carnisicinam adigi. Tu jam gloria cutmen te-
 nes, ex quo ut à nullo deturbari jam potes, sic si gra-
 dum ipse dimoveris, conversos in te oculos fallere non po-
 teris. Ego in eam vel securitatis vel incuria arcem
 conclusisse me confido, unde me in campum perlicere ad
 certamen haud facile quisquam possit. Malim ut ani-
 mi aequitate superior esse videre, quam causa actione.
 Neque tu aliter in animum tuum induxeras, ut ex li-
 teris tuis video, atque ex ipsa Apologia, utpote qui
 mærens propemodum hoc certamen capefferis, gemensque
 peregeris. Verum ut tibi jam sententiam meam profe-
 ram, placidiorem mihi vultum exhibe. Summa rei hac
 est, hæcenus veritati atque existimationi tuæ patrocini-
 um tulisse, per me quidem & communes amicos licere ut censea-
 re: quandoquidem est huiusmodi controversia, quæ am-
 pliari potius, & comperendinari sapius, quam semel di-
 judicari debeat. Ulterius autem si verbum addideris,

An. non impune tibi ab amicis futuram. Neque verò me nunc
 credas Fabri causam agere, sed tuam potius vicem dolo-
 re, qui hoc tibi suadeam, ut in gratiam cum honestate
 & moderatione redeas, imò ut ad ingenium tuum remi-
 gres, ac te tibi nobisque restituas, & sacra lectioni medi-
 tationique referas. Multa fert amicitia, quam tu Fabro
 invitus renuncias, ut potius cum eo expositulare ob viola-
 tam inconsulto amicitiam, quam eum postulare criminose
 videaris. Multa opiniosissimum nomen Erasmi, quo
 nunc omnes Occidentis provincia personant, multa sacer-
 dotii dignitas, & professionis theologica ratio: & vis ista
 contentiois cum ætate ut consenescat oportet. Et est ejus-
 modi certamen, cuius victoria flagrare citius invidia,
 quam plausum excitare tibi possit. Neque te hic audiam,
 si pergas in eum crimen retorquere, qui prior certamen
 hoc commisit. Nunc causa cardinem non attingo, &
 causam tuam non illius iudico. Volo tuam ut causam
 mihi approbes ex tuo tantummodo, non etiam ex illius
 instrumento: id est, ex propria moderatione infontem te,
 non recriminatione doceas. Siquidem decet boni viri in-
 nocentiam, suapte vi, suoque jure niti, non aliena inju-
 ria propulsatione commendabilem videri. Audio te nunc
 divum hominumque fidem implorare, quod tibi impietatis
 reo actionem, causaque dicenda liberum arbitrium
 denegem. Atqui si huius rei iudex legitimus fuisset, &
 à me tu petisses, ut tibi agere lege liceret, ut actionem
 ipse tibi negare jure non potuisset, ita tibi modum di-
 cendi ad clesydram statuisset. At vide quem tandem
 aqua tibi modum infuderis. Non invitus facio, ut stre-
 nue te castigem, cui jam diu invidere cœpi, ut lumini-
 bus meis nimium officienti: & hæcenus agre tuli, in ea
 pistolaribus nostris altercationibus me semper inferiorem
 discessisse. Sed vereor, ne omnem in me iram tuam de-
 rives, & si nondum plane indignationem illam devorasti,
 vel devoratam non concoquisti, ne tu reliquias in me re-
 geras, & expuas, epistolamque mihi unam amarulentam
 scribas. Verum, æge, piacularis esse nō recusō, & in Fa-
 bri locum prodire succidanens, dummodo stomachum
 perpurges, simul & suspicione illa tuā defungar, καὶ τὸ
 λανθολογημάτων. Hoc multis gratum erit, qui interesse
 publica utilitatis credunt, te ab illa contentione animum
 deflectere, ne id tibi parergon præclare cuiuspiam com-
 mentationis remora sit, vel avocamentum. Hac ad te
 scripsi, vir amicissime, potius ut animum meum tibi testa-
 rer, literisque tuis responderem, quam quod admonitione
 mea egere te putarem. Atque libens hoc fecerim, si pos-
 sim, ut qui mihi maledicere gestiant, ad officium, & mo-
 destiam, vel perferendo, vel spernendo obrestitutiones, re-
 ducam: sin id efficere nequeo, certe hoc non commiserim,
 ut ab æquanimis proposito, & constantie gradu dimove-
 ri me sinam aliena improbitate. Etenim habet hoc à na-
 tura impetus invecitiva contentiois, ut si ingruenti cesse-
 ris, irritus mox irrisusque atque evanidus fatiscat: sicut
 turbo elisus rapidas vires amittit, si obicem non offendit.
 Hic sus Minervam docebo, librosque tuos audire te iube-
 bo. Miles enim tuus Christianus, mihi omnibusque pro-
 batissimus, me docuit, non esse ex usu disciplina castren-
 sis, delectos Christi milites, huiusmodi velitatione tiro-
 cinium facere, nec Christi athletarum esse pugillationem
 infestam, ut tecum obsignatis tabulis agam. Mirum est,
 Tonstallum ad me non rescripsisse: vereor ut satis salve
 se adhuc habuerit. Epistola mea ad eum exemplum non-
 dum recepi, ut antea ad te scripsi, atque haud scio an
 perditum sit. Si tamen magnopere habere exoptas, ex
 scheda restitui poterit, cum erit mihi ocium. Step-
 hanus noster antistes, ex aula hac ad aliquot dies venit:
 sed iterum accersitus, perendie reversurus est, nec nunc
 est in urbe, sed cras rediturus, ut ajunt, & mox viam
 initurus. Bis cum eo collocutus sum, sed non procul arbi-
 tris. Is te fert in oculis, quæ res urit me maxime, cū
 eo quod aulici, & Rex ipse, ferre te fama non cessant, ut
 ab eo audiri. Rex ex Italia Justinianum Episcopum ex
 Dominicali sodalitate accersendum curavit, & alium He-
 braice doctum, nomine, ut arbitror Ritium: jamque ha-
 bet unum Mithridatis emulam, qui omnes pene linguas

An. novit, ut ajunt qui hominem viderunt. Quum de iis me
1518. presente sermonem ipse faceret, egoque nonnihil, ut sit, di-
xisssem: Quidnam censes, inquit, Budæe, de Erasmo? no-
stine, quid ei sit animi, & an in Franciam tandem præ-
mio se digno pertrahi possit? Si id, inquam, cordi magno-
pere Regi esse sentis, odorari iterum non gravabor, an ad-
duci possit, ut Parisios migret, ibique domicilium fixum
habeat. Quandoquidem, si bene eum novi, ne episcopa-
tum quidem opimum libens mereat, ut inter aulicos agere
incipiat. Ne multa: cum ei, ad te ut scriberet, ocium non
suppeteret, auctor mihi fuit, ut animum tuum explora-
rem, auctorque tibi essem, ut ad eum scriberes quid in
animo haberes, ut ipse negotium in aula procuraret. Age-
dum, fastidiosule, vide, consule, decerne, an noster esse
velis, ac delicias facere tandem desine, ut utar verbo Co-
mico. Dic quid tibi dari stipendii placeat, ut apud nos con-
senescas: cui mox sacerdotium accedet, ut ille arbitrat. Si
ad nos transire animum induxeris, multis, ut opinor, no-
stratum exoptatus venies, quos jam satis multos habemus,
doctrina etiam bilingui pradios: Budæumque habebis,
quicum aliquando lusites: cumque eum propius certiusque
cognoveris, quicum etiam in tenebris mices. Atqui Gratiis
te aliquando litavisse oportet, qui hominem illum perspicacem
dierum paucorum consuetudine, in admirationem tui
favoremque traxeris. Nam quod nostratum permultis
adeo places, qui te nunquam viderunt, styli tui suavitas
efficit, operumque tuorum genius quidam illecebrosus le-
ctorum exhilarator: qui in Francorum scriptis, à Francis
desideratur, ut adversis Vulcani conjugibus, eloquentia
studium nostri auspiciari videantur, si Francis tantum scri-
bunt, apud quos indigena generosi esse non solent. Vide
quam ego tecum comparatus, iniquis fatis utar: siquidem
eum Palladem togatam, simul ac palliatam, non modo
religiose, sed & dispendiose coluerim, ut ne virginis
quidem ejus attentanda animum unquam habuerim: ne
hoc quidem ab ejus observantia ferre adhuc potui, ut in
aula gratiosum me faceret, sicut mihi quidem ego nun-
quam imperare potui, ut cum aula in gratiam redirem,
ex quo ab ea migravi. Tu genesim gratiosam sortitus,
ampla etiam premia à tuis, ab externis (quodque inus-
tatum est) à nostris etiam imperitis ferre potes, si velis. Us-
que adeo ista tua Minervæ gratia nullis non te approbas,
nec mihi, cum tibi ob id inviderem, conatus unquam
processit: si opera tua, doctrina simul & venustate vendibi-
lia carpere atque elevare institi. Id quod cum caute ac cir-
cumspicte fecisse mihi semper visus sim: tu tamen in epi-
stolis ad te scriptis, contendis me aperte libros tuos dese-
cisse, ob unum aut alterum verbum familiariter prolatum,
τί ἔν μὲν ψιμῶν τὴν τὴν λέγειν ἐν αἰτίᾳ, ἢ σοὶ τὰ ἐαυτοῦ ἀ-
γαθὰ ἀμφοῖν τῶν χερσὶν διατελεῖ συμφερόσα. O fortunatam
istam tuam Minervam, cujus duo omnium maximi Re-
ges jam facti proci esse dicuntur! O nos felices, quibus mox
videre continget, ut spero eum honorem esse habitum elo-
quentia, ut duo imperia potentissima, amula licitatione
institorum eloquentia in ditionem suam adfiscant: si tamen
tuus Carolus hanc gloriam Francisco invidere ceperit, cu-
jus tu comitatum abeuntis in Hispaniam destituisi. Lu-
dere me credis, serio jocos loquorque. Proinde dum res ca-
let, tuorum amicorum senatum convocato, ut consultum
primo quoque tempore fiat utrobi potius, id est, hic an ist-
hic atatem vergentem traducas. Quod si princeps à te
consulente rogatus sententiam fuero, non dubitabo cense-
re, è re atque ex existimatione tua futurum, si te cum
instrumento studiorum tuorum huc contuleris, ut gymna-
sium exornes, quod in hac urbe Princeps institueri velle
dicitur, & eorum desiderio satisfacias, qui te votis pro-
pemodum conceptis transire ad nos exoptant. Hac de re
quod firmaveris, ad Parisiensem scribes, taxabisque
stipendii modum & viatici, si ita tibi visum fuerit. Sa-
tius enim id esse censeo, quam ut me velut actore ad eam
concupiendam stipulationem utare. Is enim gymnasi in-
stituendi architectus est, ut intelligo. Qui cum tibi val-
de bene cupiat, omnia utique tua causa apud Principem
conficiet, & magnifice tibi cavebit, ut res non modo si-
ne captione tua, sed etiam ex usu tuo ac commodo lucu-

A. lento transigatur. Tantum rem tuam gnàviter literis ac-
curato, & ita rem totam exponito, ut ipse intelligat cer-
tior te factum à me. Ego autem ut eventum rei non præ-
sto, nec rei periculum cupide recipio, quando nec gratiam
transacta rei magnopere vendicaturus mihi sum: etiam si
operam mihi istam admonendi tui depoposci: ita non vi-
deo, quid in hac re vereri captionis debeas. Nisi enim
tanto rei perficienda sponsori acquiescis: ne Crassus qui-
dem tibi locuples satis erit, si reviviscat. Jamjam expo-
stulator: & mihi posthac irascere, qui tibi libens semper
nuncii quippiam boni porto, nec nisi invitus aut impru-
dens obnuncio. Certe nunc si vir bonus es, tu non ma-
do boni consules quicquid in hac epistola scripsi, sed etiam
B destinata ad id epistola, evangelia mihi debere te fatebe-
re, siue conditionem accepturus sis, siue ambiguo respon-
so fastidiosè frustraturus, ut anno superiore fecisti, ad
Regem etiam scribens, id quod ipse mirabatur, cum ei
litteras tuas reddidi in Sammaurio vito tum agentis, ubi
villam habemus Sammaurianam: fastidiumque tuum
purgavi ut potui, excusata absentia Cancellarii patroni
tui, quasi scilicet alieni juris esses. Glareanus tuus in
locum Fausti demortui suffectus est, & stipendium ha-
bebit. Usque adeo fortuna tibi favere prolixissime cepit,
ut etiam amicis tuis negotia sua fortunet. Idem Parisien-
si jam notus est & gratus. Deloianus noster verbis meis
salutari te iussit, qui ex aula recens redierat, cum ego
C litteras tuas accepi. Ruzæus tibi plurimum favet, qui
etiam scrinium unum libris tuis discavit, quos in manus
sumere solet, cum mihi stomachum commovere vult:
sum enim apud eum frequens. Jacobus Tufanus, utra-
que lingua doctus, etiam ejus contubernalis, ad te scri-
bere meditatur, me urgente, ac verecundiam ejus casti-
gante, usque adeo omnes te religiose adeundum esse pu-
tant, præter me, qui frontem perfricui. Vale, & o-
mnem contentionem suspicionemque ex animo tuo abster-
ge. Parisiis 12. Aprilis, Anno 1518.

POST has literas perscriptas, epistolam meam ad Ton-
stallum post multam flagitationem recepi, quam nunc
ad te mittere commode non potui, quia nondum trans-
scripta erat. Volo enim ejus exemplum assequere, ne for-
te in via intercideret. Si igitur magnopere habere eam cu-
pis, curabo exscribendam. Habes epistolam, bene lon-
gam, & tam inscite exaratum, quam si à meipso per-
scripta fuisset. Me jam accusare δυσκολοχαλας non po-
teris, qui propter te Amanuens utar opera. Vale rur-
sus.

EPISTOLA CCCXI.

Erasmus Hermano Buschio suo S. D.

DISSIDIUM istud in dies gliscere, vehementius
E quam credi posset, doleo. Demiror autem non pu-
dere Theologos, & sanctissimæ religionis professores,
tumultus istiusmodi concitare, quorum exitus cujus-
modi sit futurus, incertum est. Quid lamentationibus
illis, aut ineptius, aut inamoenius, aut indoctius, aut
virulentius? Optarim ego clarissimum Hermanum à
Nova aquila comitem à talibus portentis continere un-
gues, unde præter pestem ac pus nihil queat auferri.
Cum populis res est ei, quicum Dominicano belligera-
tur. Lystrium, si verum est quod narras, sic ineptisse
molestè fero: hominem literis objurgabo, licet id jam
fero facturum, si liber est editus. Bene vale, doctissime
Buschi. Lovanio 23. Aprilis, Anno 1518.

EPISTOLA CCCXII.

Erasmus Roterodamus Joanni Grolerio, apud Insu-
bres Quastori Regio, S. P. D.

Ego, Groleri vir clarissime, ut illustrium tuique si-
milium virorum amicitiam, si vel offeratur ultro,
vel bona quapiam fortuna obtigerit, avidissime soleo
amplecti, utpote rem omnium meo quidem animo lon-
ge maximam ac felicissimam, semel amplexus pertina-
cifi-

An. cissime tueri gaudeo: ita nequaquam mihi moris est, ingerere memetipsum in cujuspian familiaritatem, quippe qui sic natura abhorream ab omni genere ambitionis, ut nec illud ambire sustineam, quod unum in rebus humanis ambiendum duxerim, si quid omnino iudicem ambiendum. Nam dic mihi per Gratias, quæ possessio potest homini contingere vel honestior, vel tutior, vel jucundior, quam sincerorum planeque *γυναικων* amicorum. Alii fructibus prædiorum, annuoque censu suam felicitatem metiuntur: ego mihi pulchre locuples, atque ipso etiam *Craso* videor beator, qui diversis regionibus tam multos possideam amicos, & integritate spectatos, & eruditione celebres, & dignitate præcellentes. Hos quandiu superi propitii mihi volent incolumes esse, non possum mihi non opulentus, non fortunatus videri, quantumvis alii fortunæ meæ tenuitatem contemnant. Quod si novus amicus veterum numero accreverit, eximio quodam lucro rem fortunæque meas auctas arbitror. Cum *Guilielmo Buddo*, qui cum jam olim mihi vulgaris intercessit amicitia, nuper arctissimo sanctissimoque necessitudinis foedere sum copulatus. Atque is secum duos ornatissimos viros, *Deloium* & *Ruzem* in foederis societatem traxit. Musas omnes iratas habeam, ni magis mihi placeam hac accessione, quam si me Rex Catholicus Episcopi dignitate locupletasset. Atque hoc animo cum sim, quod unice apud me concupisco, tamen ambire non possum. Et tamen hunc inexpugnabilem ingenii mei pudorem vicit, extuditque, *Julii Calvi* vel improbitas, vel eloquentia. Siquidem is sic institit, ut *Grolierium* meis literis lacefferem, sic inhæsit, sic urfit, ut volentem nolentem quiverit in obsequium perpellex, & velut obtorto collo, quocunque lubitum esset *Erasmum* pertrahere. Rursus idem tam rara facundia, tuas egregias virtutes mihi deprædicavit, ut accensus, ultro sequerer trahentem, ac pene etiam præcurrerem. *Τὴ γὰρ αὐτὸν παύσαιμι*, cum ille mihi bellissimis coloribus, quos illi tuæ dotes affatim suppeditabant, artifice linguæ suæ penicillo, sic tum animi, tum corporis tui simulacrum non delinearet modo, verum etiam expresserit, absolverit, oculisque subjecerit, sic totum *Grolierium* velut *Apelles* quispiam in tabula, seu verius in speculo repræsentavit, ut minus conspecturus fuerim, si te coram & cominus oculis quanlibet curiosis collustrassem. Adjuvit nativam facundiam, mirum quoddam hominis erga te studium, ut auctore *Fabio*, bonam eloquentiæ partem pectus subministrat. Efficax quidem ac præpotens dea *Πρόω*, non abs te Priscis dicta *flexanima*, sed eadem prorsus invicta & impotens est, si *Cupidinus* adminiculo roboretur. Ut ille me rapuit, ut accendit, ut inflammavit, ubi prolixa, sed suavissima tamen oratione novum quendam herosa depinxit, corporis atque animi dotibus juxta felicem, omnibus *Rhamnusia* ornamentis eximie cumulatam, nullo non virtutis ac decoris genere suspiciendum venerandumque. Ad hæc, ea morum civilitate modestaque, ut ipse magnitudinem suam solus nescire videatur, ea benignitate munificentiaque in omnes probitate literisque commendatos, ut tantam felicitatem aliis habere, non sibi credi queat, velut in hoc ipsum divinitus editus, ut de universis studiis, studiorumque cultoribus bene mereatur. Sic enim veterem illum *Mecanatem*, in cujus laudes à tot eloquentissimis viris est decertatum, huic nostro seculo refert, ut non solum doctos omnes colas, provehas, foveasque, verum etiam eruditorum chorum non minus ornes tuo contubernio, quam patrociniò subleves. Deligis ingenia, quæ diligas. Atque is sane mihi demum videtur diligere, qui iudicio diligit. Id tibi sic acerrimum est, ut nihilo secius candidum: rursus ita candidum, ut noris quid intersit inter *Homerum* & *Charilum*, inter *Maronem* & *Mevium*. Jam vero pulcherrimum quidem illud arbitror tuæ virtutis argumentum, quod Rex Christianissimus, perspectam habens tuam istam integritatem ac sapientiam, cum eruditione non vulgari conjunctam,

An. adhuc ætate virenti tantis negotiorum molibus præfecerit. Sed longe pulchrius quod Quæstoris munus per se invidiosum, æquitate morumque tuorum suavitate plausibile gratiosumque reddideris, in quo jam diu sic versaris, ut Principi tuo nuper armis partam gloriam duplicaris, dum ita fungeris magistratū, ut *Italus* intelligat & apud *Gallos* esse, quibus non pudeat parere. Imo quibus volentes ac lubentes pareant, qui non nisi virtuti parere didicerunt. Hisce rebus commemorandis, jamdudum inflammatum, magis etiam ac magis accendit animum meum noster *Calvus*, nullum non movens lapidem, quo me totum in tui raperet admirationem, dum productis voluminibus ostendit viros eruditione præstantes, certatim nomen *Grolierii* suis lucubrationibus asserere, satis illustre, satisque splendidum existimantes cuicunque clarissimus ubique *Grolierii* titulus præluxerit. Neque enim arbitror eximiae virtuti ullo opus esse præconio. Mediocria fortassis eloquentium hominum ingenio commendantur: ut stellarum lumen, lucerna quis adjuvet, sol ipse sibi præluet, offuscans quicquid externæ lucis admoveris. Nostrium agimus negotium, dum lucubrationes nostras talium nominum lenociniò commendamus. Non tu libris, sed tibi debent libri, æternam per te apud posteros memoriam habituri. Quod si maxime ad nominis immortalitatem literarum auxiliis egeret inclyta virtus, nihil erat necesse aliunde petere, quod tibi domi est, qui sic literatis faves, ut sis inter literatos literatissimus. O vere magnum & regno dignum animum! O felicem *Galliam*, quam tot modis nobilitas; felicem *Insulam*, cui tu juxta celebratissimum *Platonis* elogium, simul & magistratum exhibes, & philosophum, sic *Rempubl.* administrans, ut interim studiorum omnium antistitem agas! Quid multis agam, ornatissime *Grolieri*? Fateri pudet, & tamen silere non possum. Gestiebat inter hæc animus, magnam felicitatis accessionem sibi pollicens, si contingeret *Erasmum* inter tuarum virtutum præcones adscribi. Et ardebat hæc cogitanti, blanda quædam spes, ex singulari tua humanitate concepta: sed rursus dum in sinum meum expuo, & expendo quam sit mihi domi curta supellex; O improbum, inquam, somnium, quid habent nostræ Musæ plusquam *Carica*, *Grolierii* gloria dignum? *Ὁὐ πάντως ἀνδρὶς Ἰωὴν* effingere. Verum, jam pene despondenti animum, *Calvus* animum reddidit: primum, omnibus Rhetorum locis exaggerans tuam incredibilem in studiosos omnes humanitatem, deinde, propensum quoddam ac peculiare studium erga meum ingenium, meosque qualescunque libellos. Cujus rei cum, per omnia sacra dejerans, fecisset fidem, coepit urgere homo violentissimus, ut te vel epistolio provocarem. Mihi vero quidvis potius visum est, quam committere, ut hominis incomparabilis amicitiam neglectis extemporariisque literis viderer auspicatus. Quid enim tum poteram aliud? à *Flandrico* itinere fessus, & in *Germanici* procinctu sic occupatus, ut non paulo molestius esse putarem profectionem adornare, quam profectionem peragere. Ajo rem non modo cum tui injuria, verum etiam cum meæ famæ periculo conjunctam videri. Vincebam argumentis, nec tamen destitit instare *Calvus*, ausus hujus aleam omnem in sese recipiens, se præstaturum, si quid secus evenisset. Etiam si compertum haberet nihil esse periculi, exploratissima sibi *Grolierii* fretus humanitate. Quid quæris? bene *plaustrum perculit*, ut vetus habet proverbium. Perfricui faciem, ausus sum auctore *Calvo* facinus audax. Quod si bene verterit, & *Erasmum* tuæ clientelæ non graveris adscribere, adnitar omnes ingenioli mei nervos intendere, omnem tentare venam, si quid forte grandius, & maximo *Grolierio* dignum, possit exculpi. Fortassis quod negat natura, dabit tui studium, & quod noster non habet Genius, tuæ dotes suppeditabunt. Sin offenderit te nostra audacia, temeritatis culpam omnem in *Calvum* referas oportet, mihi nihil potes imputare, nisi quod vel homini facun-

An. 1518. cundissimo fidem habuerim, vel urgentissimo, planeque vinci nescio cesserim. Denique non recuso quo minus hanc damnes epistolam, modo probes hunc in te animum, quem nunc utcumque testati, alias locupletiori testabimur argumento. Bene vale, clarissime, idemque doctissime vir. *Lovanio* 24. Aprilis, Anno 1518.

EPISTOLA CCCXIII.

Anglorum Regi Henrico, ejus nominis VIII.
Erasmus Roterodamus S. D.

SALVTEM & immortalitatem, serenissime Rex. Cel-
 situdinis tuæ munus, multis quidem modis mihi
 gratissimum fuit, sive quod per se ingens, sive quod
 a Rege profectum, præsertim ab eo Rege, qui non
 minus honestissimarum rerum studio, quam ditionis o-
 pulentia sit eximius, cujus probari judicio magnificen-
 tius sit, quam inaurari munificentia. Tamen hoc no-
 mine mihi præcipue fuit gratum, quod veteri tuo de
 nobis suffragio, quo sæpenumero *Erasmus* non mi-
 nus amanter quam honorifice tua majestas ornavit, ceu
 pignus quoddam accessisse videretur. Ac velut hoc pa-
 rum sit visum tuæ erga bonas literas benignitati, ul-
 tro fortunam offers perpetuam, eamque non medio-
 crem. Quam equidem adeo non recuso, ut vel gra-
 tis sub tali Principe merere cupiam, apud quem ut
 quisque bonis literis, vitæque integritate maxime præ-
 cellit, ita gratia & auctoritate plurimum valet; cujus
 aula Christianæ disciplinæ sit exemplum, sic eruditif-
 simis viris celebrata, ut illi nulla non invidet Acade-
 mia. Deum Optimum Maximumque precor, ut & i-
 stum animum tibi perpetuum esse velit, & te regno
 quam diutissime tueatur incolumem, ut pluribus annis
 sub optimo florentissimoque Principe, veris bonis flo-
 reat, vigeatque. Nos cogimur edendis voluminibus
 Novi Testamenti, quatuor menses impendere. Eo ne-
 gotio confecto, totos nos tuæ majestatis dedicabimus
 obsequiis. *Lovanio* 25. Aprilis, Anno 1518.

EPISTOLA CCCXIV.

Joanni Lasconi Constantinopolitano Erasmus Roterodamus S. D.

VIR omnibus ornamentis clarissime, *Hieronymus*
Bullidius, homo doctus ac potens, & hujus re-
 gni decus incomparabile, in itinere *Hispanico* moriens,
 legavit multa millia ducatorum, ad institutionem novi
 Collegii apud *Lovanium*, Academiam hac ætate cum
 primis florentem, in quo publicitus & gratis tradan-
 tur tres linguæ, *Hebraica*, *Græca*, *Latina*, salario fa-
 tis magnifico circiter septuaginta ducatorum, quod ta-
 men augeri possit pro ratione personæ. *Hebraeus* jam
 adest, & item *Latinus*. *Græcam* professionem com-
 plures ambiunt. Verum, meum consilium semper fuit,
 ut adscisceretur *Græcus* natus, unde statim germanam
Græci sermonis pronuntiationem imbibant auditores.
 Ac meæ sententiæ subscribunt auctores hujus negotii
 omnes, mihique mandarunt, ut suis verbis accerse-
 rem, quem judicassem ad hoc negotii idoneum. Qua-
 re te rogo, vel pro solita tua erga nos humanitate, vel
 pro tuo erga bonas literas favore, si quem nosti, quem
 existimes & mihi, & tibi futurum honori, cura ut
 quam primum huc advolet. Dabitur viaticum, dabi-
 tur salarium, dabitur locus. Erit illi res cum viris in-
 tegerrimis & humanissimis. Neque minus fidat his
 meis literis, quam si centum diplomatis res esset trans-
 acta. Inter bonos & absque syngraphis bene agitur.
 Tu cura ut deligas idoneum, ego curabo ne hominem
 huc venisse poeniteat. Bene vale, doctissime clarissi-
 meque vir. *Lovanio* 26. Aprilis, Anno 1518.

EPISTOLA CCCXV.

Dominico Grimano, Cardinali Tit. S. Marci,
Erasmus Roterodamus S. D.

JAMPRIDEM *Paraphrasis* in Epistolam *Pauli* ad Ro-
 manos, tuo dicata nomini, versatur in manibus ho-
 minum, satis plausibiliter ab omnibus eruditorum
 centuriis accepta. Hæc est, ni fallor, tui genii po-
 tius quam operis felicitas. Hactenus non misi tibi vo-
 lumen, sive quod editio prima mihi non admodum
 arrideret, sive quod tanto itinere non facile perferri
 sciam, si qua quid habent oneris. Hunc libellum ex
 officina *Basiliensis* satis eleganter excusum periclitari vi-
 sum est, si forte nondum ad te perlatum fuit opuscu-
 lum. Id si sensero gratum, imo probari tanti viri ju-
 dicio, mox ad reliquas Epistolas similiter explicandas
 accingemur, ad quod laboris me passim extimulat stu-
 dioforum efflagitatio. Accipio sublimitatem tuam mi-
 hi literis respondere dignatam de Novi Testamenti vo-
 lumine, quod per erronem quendam è *Basilea* mise-
 ram, adhuc ab officina madens: verum eas ante bien-
 nium fere missas, nondum videre licuit, sive id per-
 fidia factum est, sive infelicitate mea. Cardinalis san-
 cti *Georgii* epistola sic aberravit per *Ammonium* in *Ger-
 maniam* missa, ut nunquam pervestigare quiverim, quo
 devenerit. Tua una cum ipso *Ammonio* periit. Bene
 valeat tua sublimitas, cui me meaque studia velut o-
 ptimo patrono commendo. Scribam brevi copiosius,
 certiorum aliquem nactus. *Lovanio* 26. Aprilis, An-
 no 1518.

EPISTOLA CCCXVI.

Erasmus Rot. Richardo Pacao S. D.

SI vera sunt quæ de *Paraphrasi* scribis, gaudeo fane
 vigilias meas non usquequaque infelices esse. An
 non mera felicitas est, exiguo labore magnam inire
 gratiam? Etenim si libeat operam cum opera compa-
 rare, scribere *Paraphraser*, ludus est præ his laboribus,
 quibus mihi constat Novum Testamentum. Atque u-
 tinam quod tibi scribis evenisse, omnibus eveniat: ni-
 mirum ut illis quacunque occasione dulcescat *Paulus*.
 Hic vigiliarum mearum mihi fructus abunde magnus
 fuerit. Nolim autem *Paraphrasis* meis tantum tri-
 bui, ut his fretus quispiam negligat interpretum com-
 mentarios, præsertim vetustiorum: imo ipse est fore,
 ut ad hos diligentius excutiendos meus expergeficiat
 labor. Nec enim deerunt, opinor, curiosi, qui pe-
 riculum facere velint, ubi cum interpretibus consen-
 tiam aut dissentiam, & erunt fortasse, qui venabuntur
 quod carpant. *Paulus* boni consulit, quocunque ani-
 mo prædicetur Euangelium, modo illustretur *Chri-
 stus*: nec mea magni refert, quocunque animo mea
Paraphrasis legatur, modo hac occasione *Paulus* o-
 mnium studiis commendetur. In stylo secutus sum *Se-
 neca* consilium, non affectans sermonis apparatus, sed
 eo, qui ultro ad manum adest, sum usus. Non enim
 arbitror tantum essetribuendum istis, qui hoc ipso se
 jactant, quod ad prodigium usque barbari sint & So-
 lœci, ut in illorum gratiam affectanda sit orationis
 spurcicies, præsertim si nobis non minus sudandum
 sit, ut ipsorum more loquamur, quam illi laborant,
 si quando conantur emendate dicere. Quod hortaris
 ut pergam quod institutum est absolvere, οὐ γὰρ ἀρεῖ-
 δοντα καὶ αὐτὸν ὀτρύνεις. Nihil adhuc vidi pertinacius hac
 in bonas literas conspiratione. Cibi, potus, somni,
 citharæ, choreæ, similibusque voluptatibus omnium
 fatietas est, ut inquit *Homerus*, his τῶν συκοφαντικῶν κόρη
 καὶ πόσις καὶ ὕπνος. Et quod procures docuerunt, adeo gna-
 viter reddunt minores, ut non alibi magis locum ha-
 beat illud, ni fallor, *Enripideum*, πολλοὶ μαθηταὶ καὶ ἰσχυροὶ
 διδασκάλων. De navigatione suscipienda faciam quod
 mones: valetudinem in consilium adhibebo. Quod is
 Regis animus in me perseverat, non tam mea causa gau-

An. 1518. gaudéo, quam eruditorum omnium: quando mihi non alio nomine favet, quam quod sibi persuasit, *Erasmum* in literis esse aliquid. Non sum avidus laudum, tamen ut, quod res est, ingenue fatear, à tali Principe laudari nec dolet, nec pudet. Bene vale, mi *Pacae*, amicorum doctissime, & doctorum amicissime. *Lovanio* 15. Maji, Anno 1518.

EPISTOLA CCCXVII.

Thoma Cardinali Erasmus Roterod.

POST plurimam salutem R. D. non infimum decus augustissimi ordinis Cardinalitii: quod hactenus non reviserim *Mecanates* meos, quos eximios, neque hos sane paucos habet mihi *Britannia*, studiorum onera fuerunt in causa, quæ me propemodum opprimunt, dum onus onere cumulatur, velut *unda supervenit undam*, ut *Nasonis* utar verbis: sed præcipue tamen valetudo ex multis gravibus ac diutinis morbis adhuc tenerior, quam ut ausim me molestæ navigationi committere. Porro, quod nec literis salutarim amplitudinem tuam: partim puduit eam tot arduis negotiis tum regni, tum ecclesiæ dissentiam, meis næniis interpellare: partim deterruit ejusdem magnitudo, cui religiose scribunt & maximi. Cæterum cum, qui istinc huc commeant, miro consensu prædicarent, quanto studio, quantoque successu tua prudentissima pietas *Britanniam* ex ærea auream facere moliatur, non potui mihi temperare, quin & istum animum tibi, & te *Britannia* nostræ gratularer. Siquidem, ut omnium testimonio celebratur, inter tot præcipuos orbis Monarchas jam olim optatam pacem arctissimis foederibus conglutinasti, cum *Leo* Pont. Max. pacis alioqui cupientissimus, de quinquennibus induciis duntaxat ageret. *Britanniam* omnem à latrociniis, grassatoribus, ociosis erroribus repurgas, ut jam non tutior sit à venenis aut perniciosius feris, quam ab hominibus noxiis. Lites perplexas auctoritate tua dissecas, non minus feliciter quam *Alexander* ille magnus nodos *Gordios*. Magnatum diffidia componis, monasteria passim veteri religionis disciplinæ restituis: clerum omnem ad laudatiorem vitæ formam revocas: quin & liberalium disciplinarum studia, nonnihil hactenus collapsa, sarcis: politiores literas, cum veteris inscitæ patronis adhuc colluctantes, favore tuo fulcis, auctoritate tueris, splendore ornas, benignitate foves, magnificis salariis invitans eruditissimos quosque Professores. Comparandis bibliothecis, omni bonorum Auctorum genere locupletissimis, cum ipso certas *Ptolemao Philadelpho*, magis hac re quam ipso regno celebri. Tres linguas, sine quibus manca est omnis doctrina, nobis revocas: nam hoc beneficio, quod nunc præstatur inclytæ Scholæ *Oxonienfi*, totam *Britanniam* felicem judico. Quin & illud fore confido, ut hoc pulcherrimum exemplum nostrorum quoque Principum animos expergeficiat aliquando. Video, video, prorsus seculum quoddam aureum exoriri, si Principibus aliquammultis tuus iste incessat animus. Reponet justa præmia sanctissimis tuis conatibus is, cujus auspiciis hæc geri videntur. Nec erit ingrata posteritas. Novam hanc felicitatem, orbi per te partam, loquentur olim eruditorum hominum literæ. Tuum istud pectus, juvandis mortalium rebus natum, celebrabit æternis monumentis *Latina* pariter ac *Græca* facundia. Istiusmodi columnis, istiusmodi pyramidibus & paratur & servatur honesti nominis nunquam intermoritura memoria. Ego interim publicæ gratulans felicitati, meum nomen luce recentiorum obscurari gaudeo, nimirum passim jam efflorescentibus, ad quos ipse nec scire literas, & infans esse videor. Mihi sat est, quod hoc laudis fero, si tamen promereor, ut dicar unus ex eorum numero fuisse, qui crassissimam barbariem ac pudendam infantiam, quas hactenus nobis opprobrabat *Italia*, ab hisce regionibus depellere conati sunt. Id quam feliciter fecerim, nescio, certe non absque invidia mihi tentatum scio,

quæ, non secus atque umbra lucem, egregios conatus solet comitari. Tamen si mitescunt plerique. Tantum adhuc rebellant pauculi quidam, grandiores quam ut sperent, crassiores quam ut possint, arrogantiores quam ut velint meliora discere. His persuaderi non potest, quin semel collapsura sit omnis ipsorum auctoritas, si sacros Libros habeamus emendatiores, & horum intellectum ab ipsis petamus fontibus. Tanti faciunt suam majestatem, ut malint ignorari multa, multa perperam legi citarique in divinis Libris, quam ipsos quicquam nescisse videri. Quoniam autem sentiunt sese impares argumentis, & si libris agant, nihil aliud assequi sese, quam ut suam traducant inscitiam pariter ac stultitiam, ac seipsum eruditis deridendos propinent, aperto *Marte* diffisi, ad artes confugiunt, sycophantiis onerant bonas literas, ac bonarum literarum assertores, meque in primis, quem arbitrantur ad hæc studia revocanda nonnihil attulisse momenti. Quicquid prodit invidiosum, *Erasmio* impingunt. Dicas hic & calumniæ ingenium esse, miscent bonarum literarum causam cum *Reuchlini Lutherique* negotio, cum hæc nihil inter se cohæreant; mihi sane neque *Cabala*, neque *Thalmud* unquam arrisit, cum *Reuchlino* semel duntaxat congressus sum *Francfordia*, nec aliud inter nos intercedit, nisi civilis amicitia, qualis fere inter studiosos omnes solet: neque vero me pudeat cum eo viro necessitudine junctum esse: habet meas literas, quibus nondum de facie notum admoneo, temperet à manifestis conviciis, quibus illius Apologia satis *Germanice* debacchatur in adversarios, tantum abest, ut famosis scriptis unquam faverim. *Lutherus* tam ignotus est mihi, quam cui ignotissimus, nec adhuc vacavit hominis libros evolvere præter unam & alteram pagellam: non quod fastidierim, sed quod per studiorum occupationes non datum sit ocium: & tamen hunc quidam, ut audio, confingunt mea adjutum opera. Si recte scripsit, mihi nihil debetur laudis: sin secus, nihil mereor probri, quando in omnibus illius lucubrationibus ne apiculus quidem ullus est meus. Id verissimum esse comperiet, quisquis volet vestigare. Homini vita magno omnium consensu probatur: jam id non leve præjudicium est, tantam esse morum integritatem, ut nec hostes reperiant, quod calumnientur. Quod si maxime vacasset legere, non mihi tantum arrogo, ut de tanti viri scriptis velim pronunciare, etiam si nunc passim pueri magna temeritate pronunciant, hoc erroneum, illud hæreticum. Imo adversus *Lutherum* aliquando fuimus iniquiores, ne quid invidiæ recideret in bonas literas, quas nolebam amplius onerari: neque enim me fugit, quam invidiosa res sit, ea labefactare, unde messis opima demetitur sacerdotibus aut Monachis. Prodiert primum aliquammultæ propositiones de remissionibus Pontificiis: mox accessit unus atque alter libellus *De confessione*, *De penitentia*: cum sentirem gestire quosdam ad editionem, serio dissuasi, ne invidiam hanc adderent bonis literis. Erunt hujus rei testes & qui *Luthero* bene volunt. Tandem prodiit examen libellorum: nemo me vidit legentem; nemo probantem audit, aut improbantem. Nec enim tam temerarius sum, ut probem quod non legerim; neque tam sycophanticus, ut damnum quod nesciam: etiam si hoc hodie solenne est iis, quos minime decet. Habet *Germania* juvenes aliquot magnam & eruditionis & eloquentiæ spem de se præbentes, quorum opera futurum auguror, ut aliquando gloriari possit *Germania*, quod nunc optimo jure gloriatur *Britannia*. Horum nemo mihi de facie notus est, præter *Eobanum*, *Huttenum*, ac *Beatum*: hi nullo non machinarum genere, cum linguarum ac bonarum literarum, quibus omnes boni favent, hostibus depugnant. Horum libertatem faterer & ipse intolerabilem, nisi scirem, quam atrocibus modis tum publice, tum privatim irritentur. Ipsi sibi permittunt, ut in sacris concionibus, in scholis, in conviviiis odiosissime, imo seditiose quidvis vociferentur apud imperitam multitudinem, & facinus non ferendum arbitrantur, si

Tom. III.

X

quis

An. 1518. quis horum ausit mutire, cum & apiculis sit aculeus, quo læsæ feriant, & musculis denticuli, quibus offendi sese tueantur. Unde novum hoc deorum genus? Illi, quos lubitum est, hæreticos faciunt, & cœlum terræ miscent, si quis eos appellet sycophantas. Cumque non vereantur ea designare quorum pudeat etiam *Oresten*, tamen à nobis postulant, ut non nisi cum honoris præfatione nominentur, adeo fidunt stultitiæ multitudinis, ne dicam Principum. Ego bonas literas ut nunquam assequi potui, ita semper amavi: harum assertoribus faveo, quibus optimates ubique favent, præter *Midam* aliquot, quos aliquando describet quispiam. Atqui sic his faveo, ut tuear quod virtutis est, non si quid adsit vitii. Quod si quis expendat, quibus vitiis maderint, qui pridem apud *Italos* & *Gallos* renascentibus priscis studiis opitulati sunt, non poterit non favere his nostris, quorum mores ejusmodi sunt, ut Theologis istis censoribus imitandi sint magis quam reprehendendi. Ab his quicquid prodit, meum esse suspicantur, etiam apud vos, si modo vera prædicant negotiatores huc isthinc proficiscentes. Equidem ingenue fatebor, ingenium non possum non amare, calami licentiam in nemine non improbo. Pridem lusit *Huttenus* librum, cui titulus *Nemo*: nemo nescit argumentum esse ridiculum: meum esse dictitabant Theologi *Lovanienſes*, qui sibi videntur plusquam *Lyncei*. Mox prodiit *Febris*: mea erat, cum tamen totus genius, totaque phrasis à mea dissentiat. Prodiit Oratio *Petri Mosellani*, qua patrocinatur tribus linguis adversus *ὑποκριτάς*: in me putarunt cudendam fabam, cum ego nondum scirem Orationem esse natam: quasi vero si quid huic aut illi in mentem venit scribere, mihi protinus sit omnium nomine reddenda ratio: aut quasi parum sit meo periculo tueri quod ipse scribo. *Germani* sunt, juvenes sunt, calamum habent, nec carent ingenio, nec defunt qui irritent suis odiis, nec defunt qui incitent ac frigidam suffundant. Omnes hos meis literis admonui, ut libertatem immodicam temperent: certe à summatis Ecclesiæ viris abstineant, ne illorum animos provocent in literas, quorum patrocinio stant adversus hostes suos, neve hac invidia onerent politioris literaturæ vindices. Quid faciam? Monere possum, cogere non possum. Meo stylo temperare, mihi in manu est, alienum calamum præstare non est meum. Imo, quod maxime ridiculum est, Opus, quod nuperrime conscripſit Episcopus *Roffensis* adversus *Fabrum*, meum esse suspicabantur, cum tanta sit orationis dissimilitudo, imo cum tantum absim ab illius divini Præfatis eruditione: nec defuerunt, qui *Mori Utopiam* mihi adscriberent: adeo quicquid prodit novum, velim nolim, meum est. Prodiit ante menses aliquot, & prodiit malis avibus, libellus quidam ridiculus, quem in schismate proximo scriptum esse, satis arguit ipsum argumentum, sed à quo, incertum est, nisi quod liber indicat eum, quicquid fuit, fuisse *Gallis*. Suspicio per multos obambulat, præsertim apud *Germanos*, nam apud hos variis titulis habetur descriptus. Hunc igitur cum ante complures annos hic comperissem haberi furtim, ac libellum degustassem, nam percurri verius quam perlegi, multi testes sunt, quantopere sim execratus, quantoque studio egerim, ut æternis tenebris abderetur: id quod in aliis quoque libellis à me factum multi fatebuntur. Testatur & epistola quædam mea ad *Joannem Cæsareum*, quam quidam *Colonia* furtim descriptam divulgavit: & audio quosdam istuc esse, qui hujus quoque libelli suspicionem mihi conantur impingere. Adeo nihil intentatum relinquunt isti, qui dolent reflorescere linguas, ac meliora studia: impingunt autem, non alio freti argumento quam styli, qui tamen mei non admodum similis est, nisi meus mihi parum est cognitus: quanquam quid mirum adeo foret, si quid illic aut alibi cum mea phrasi congrueret? cum nemo ferme scribat hisce temporibus, qui non aliquid mei styli referat, propterea quod meæ lucubrationes multorum manibus terantur, adeo ut in horum etiam libris,

An. 1518. qui scribunt adversum me, non raro stylium meum agnoscam, meque meis pennis transfigi sentiam. Nul- lum adhuc Opus conscripsi, neque conscripturus sum, cui non præfigam meum nomen. Lulimus olim in *Moria*, sed incruente, licet fortasse plus satis libere. Cæterum, illud semper cavi, ne quid à me proficisceretur, quod vel obscenitate vitaret juventutem, vel aliquo pacto officeret pietati, vel seditionem aut factionem gigneret, vel ullius famæ notam atram alliniret. Quicquid hætenus sudatum est, juvandis honestis studiis, provehendæ religioni *Christiana* sudatum est. Omnes undique gratias agunt, præter pauculos Theologos ac Monachos, qui nec doctiores, nec meliores esse volunt. *Christum* mihi semper iratum imprecor, nisi hoc quicquid est ingenii, quicquid eloquentiæ, id totum gloriæ *Christi*, Ecclesiæ Catholicæ, sanctisque studiis dedicatum esse volo. Id ita esse comperiet, quisquis propius meum animum volet agnoscere. Verum, de his nimis multa, de quibus tamen nihil omnino scripturus eram, ni *Britannus* quidam negotiator, isthinc adveniens, satis pertinaciter asseverasset esse, qui conati sint hanc suspicionem omnium falsissimam tuæ amplitudini inducere: citius tamen singularis prudentia mihi certissimam addidit fiduciam, te nec aures, nec animum, tam impudentibus calumniis præbiturum. Imo, si quando dignabitur cominus facere periculum, experietur *Erasmum* toto pectore servientem dignitati Sedis *Romane*, præsertim *Leonis* decimi: cujus pierati quantum debeat, non ignorat, toto pectore addictum his viris, qui bonarum literarum, ac *Christiana* religionis negotium agunt, inter quos primas tenet tua celsitudo. Mitto Novam Testamentum, cui multum ornamenti judicabo accessisse, si tua dignaberis Bibliotheca. Bene valeat tua pietas, cui me totum dedo consacroque. *Antuerpia* 18. Maji, Anno 1518.

EPISTOLA CCCXVIII.

IN SVETONIVM.

Erasmus Roterod. Saxonia Ducibus, Federico sacri Imperii Electori, &c. ejusque patrueli Georgio, S.D.

Vt ab his viris, quos fortunæ calculus mundi gubernaculis admovit, *Federice* ac *Georgi* Ducum incorruptissimi, haud exegerim anxiam atque exactam scholasticarum disciplinarum cognitionem, in quibus qui consenuerunt, eos fere sensu etiam communi carente videmus, tantum abest, ut tractandis rerum habenis sint idonei: ita vehementer ab istis dissentio, qui Reges prorsus ab omni librorum commercio ceu renoxia ablegant, perinde quasi hoc demum vere regium sit, nihil omnino vel scire, vel agere, præter aleam, venatus, moriones, & his etiam sordidiores voluptates. Cum quibus enim amicis libentius confabuletur cordatus & pius Princeps, quam cum iis, qui & semper præsto sunt, & sapiunt plurimum, & nihil loquuntur ad gratiam? Verum nullis ex libris, mea sententia, plus utilitatis capi possit, quam ex eorum monumentis, qui res publice privatimque gestas, bona fide posteris prodiderunt, præsertim si quis regalis Philosophiæ decretis imbutus huc accesserit. Etenim qui in hoc munere, rerum gerendarum exemplum, quam gestarum fidem spectare maluerunt, in quibus est *Herodotus*, hætenus modo profunt, quod boni Principis simulachrum oculis subijciunt, si qui tamen id scite vereque effinxerunt. Cæterum, ex bonæ fidei Scriptoribus super alias innumeras, hæc præcipua capitur utilitas, quod non alia res æquet, vel bonorum Regum animos ad res cum laude gerendas accendit, vel Tyrannorum cupiditates cohibet ac refrænât, dum utrique cernunt horum literis suam vitam omnem, mox in totius orbis, imo seculorum omnium Theatrum producendam, & quicquid nunc vel in abdito patrant, vel adicito fuco prætexunt, vel metu dissimulari cogunt verius quam ignorari, paulo post clarissi-

An. ma in luce sub oculos omnium traducendum, cum jam metu pariter ac spe libera posteritas, nec ullo corrupta studio, magno consensu recte factis applaudet, parique libertate his diversa explodet, exhibilabitque. Nec enim arbitror quenquam non dico Principem, sed Tyrannum, sic penitus omnem hominis sensum exfuisse, ut vitam sibi jucundam ducat, si norit suum nomen apud posteros omnium ætatum ac nationum animis tam invisum & execrabile fore, quam nunc est *Neronis*, *Caligulae*, *Heliogabali*, *Commodi*, *Domitiani*, ac *Juliani*: ad quorum mentionem, ceu portentorum verius quam Principum, nemo jam non despuat, non abominatur, non detestatur. Nam *Vitellius* vivus etiam male gesti Imperii poenas dignas dedit, quas & *Nero* daturus erat, ni supplicii foeditate deterritus, ipse sui carnifex esse maluisset. Quod quidem exemplum utinam in hæc usque tempora duraret, si quis (quod Deus omen avertat) similis illorum existeret. Nunc enim nihil est impunitius, quam quod nulla satis gravis animadversio pensare queat, male obiti magistratus culpa. Jam in cæteris historiae dotibus, quantum aliis quisquetribuendum putet, ipse viderit suo arbitratu. Illud opinor apud eruditos omnes in confesso esse, quod ad narrationis fidem attinet, primas deberi *Suetonio*: qui, ut quidam non infestiviter dixit, *prorsus ea libertate scripsit Caesarum Vitas, qua vixerunt ipsi*. Propemodum æquarunt *Suetonium*, hac sane laude, *Ælius Spartianus*, *Julius Capitolinus*, *Ælius Lampridius*, *Vulcatius Gallicanus*, *Trebellius Pollio*, *Flavius Vopiscus*, licet eloquentiæ viribus sermonisque politiæ multo inferiores. Proinde mihi quidem digni videbantur, ut eorum lucubrationes studiosi summa fide servarent, quorum fide factum est, ut tantarum rerum tam certa memoria dureret in hanc usque nostram ætatem. Ac *Suetonium* quidem nescio quo deo propitio, & antehac non ita passim depravatum, nunc eruditorum meaque opera purum, ni fallor, & integrum habemus, suffragante mihi ad hoc negotii, pervetusto quodam codice, quem è bibliotheca monasterii, apud *Nervios* olim, nunc *Tornacenses*, vulgato cognomine divi *Martini*, nobis exhibuit nobilissimus ille *Guilielmus Montjoies*, qui id temporis regias vices in ea urbe gerebat. Reliquos, quoniam nullo hujusmodi præsidio sublevabamur, quod unum licuit, multo certo minus depravatos dedimus. Eosque omnes vestri nominis lenocinio orbi commendare studui, vel vestro in me studio, vel in mei erga bonas literas animi propensione, ut id auferem provocatus, quo videlicet viri, imaginibus & opibus clari, magis ac magis in his philosophari consuecant, & velut ad speculum vitam moreque componere. Primum enim dum videmus mutatum orbis *Romani* statum, tanto sanguinis humani impendio constitisse, ea res pium certe Principem à temere novandis rebus deterrebit. Deinde spectare est operæ precium, quam, velut æstuariis vicibus, *Euripi* cuiuspiam ritu, res humanæ sursum deorsum volvantur, ni solida Principum sapientia, & incorrupta virtus fluxum hunc sistat, inhibeatque. Quin & illud subit admirari, in tanto Principum numero vix paucos exstitisse tolerabiles, paucissimos probos, plerosque non improbos modo, verum etiam ostenta mera, merasque pestes humani generis, multos etiam mente captos. O novam seculi calamitatem, cum uni furiosæ belluæ totus serviret orbis, & ingemiscens eandem caneret cantionem, quam servus *Carion* apud *Aristophanem* *ὡς ἀργαλίων*! Et tamen hujusmodi portenta parricidiis, sacrilegiis, incestis, breviter, nullo non dedecorum genere impurata, templis, aris, ac divinis honoribus donabat hominum adulatio, fortunæ vel magis sceleribus tribuens, quod eximie virtuti dari consuevit. Quis post hæc recte factis grassetur ad nominis immortalitatem, si cælum datur iis, qui indigni erant ut terram contingerent? Nam quod *Domitianus* & *Commodus*, uterque sceleratissimus, Dei vocabulum vivi etiam usurparunt, quis non videt manifestariæ cuiusdam insanitiæ fuisse, verius quam impu-

A dentitiæ? Porro, quibus de causis hoc acciderit, ut tanta fuerit bonorum Principum raritas, nondum mihi satis liquet: sive quod ipsa fortunæ magnitudo plurimas res secum defert, quæ bene nata, recteque instituta ingenia queant corrumpere; id quod facilius credit, qui perpenderit *Neronis* adolescentiam laudatissimæ indolis fuisse, & quo non alius adhuc fuit orbi pestilentior, optimi tamen Principis spem initio de se præbuisse, tum ab hoc multo post, *Basianum* Geta fratrem, dum privatus ageret, virum integrum ac sanctum, pessimum egisse Principem: sive quod ut quædam navigia immodice magna, vastaque, regi non queunt, ita totius orbis imperium majus est, quam ut unius hominis animo sustineri possit, quum perdifficile sit domum etiam unam recte administrare. Itaque qui maxime cupit optima, tamen *Maronis* illud interdum cogitur dicere:

Fertur equis auriga, nec audit currus habenas.

B Quod opinor intelligens *Octavius Augustus*, vir eruditus ac perspicax, & quod in priscis Cæsaribus rarum comperies, perpetuo sanus, non semel de deponenda imperii mole cogitavit, & fecisset, si nactus fuisset in cuius humeros citra publici status perniciem onus reclinare potuisset. Hanc ob causam, posteriores negotiorum impares, imperii molem in plures partiri studuerunt. Sive id iis rebus magis adscribendum est, quas permultas quidem, at non omnes tamen, in *Aureliano* recenset *Flavius Vopiscus*. Et tamen in tanta malorum Principum turba, reperias licet dignas sancto Principe cogitationes, audias voces absoluto Principe dignas, comperias exempla, in quibus nihil desideres. Inter Ethnicos invenies qui *Christiano* animo Reipublicæ gererent imperium, non sibi; qui tam laboriosæ administrationis non aliud spectarent præmium, quam ut de rebus humanis benemererentur; qui publicam utilitatem liberorum affectibus, imo suæ suorumque incolumitati præferrent. O nos felices, si *Christiani* Principes suæ quisque ditioni præstarent animum, quem *Octavius* jam confirmatus, quem *Titi* duo, quem *Trajanus*, quem *Antonini* duo, quem *Aurelius Alexander*, orbi terrarum præstiterunt. Quin illud etiam mirandum, repertos qui ad Imperatorem de Imperatoribus non solum libere, verum etiam contumeliose scribere audent: nam id quidam exigunt, ut de iis quoque qui Reipublicæ præstiterunt, non Principes, sed Tyrannos, honorifice mentiamur, id agentes ne quando libertatis exemplum in ipsos recidat. Sed multo magis ad rem pertinet, in his contemplari nomen illud imperii, quod & olim orbi sacrosanctum augustumque fuit, & nunc etiam multorum affectibus religiosum ac venerabile est, cum aliquot jam seculis non ita multum superfit, præter illustrem magni nominis umbram, quam foedis initiis in mundum irrepsit. Primum in *Julio* scelerate, mox in *Octavio*, *Lepida* & *Antonio* sceleratius. Quid non potest fortunæ libido in rebus humanis? Potestas ea, quam postea diis æquavit hominum consensus, impietate, cædibus, parricidiis, incestis, tyrannide, condita consecrataque fuit. His felicibus auspiciis cœpit illa Regibus totius orbis adorata majestas. Ac sceleratius fere propagata fuit quam nata. Foeda barbarorum militum colluvies frequenter, non suffragiis, sed insanis tumultibus dominum orbi dabat. Nec alia fere succedendi lex, nisi mactato superiore. His avibus olim auspicabantur imperium, quod nihilo fecius tamen interim emendum erat, quanticunque inexplibili militum avaritiæ libuisset. Nec satis erat in unum sævire caput. Ad liberos, ad affines, ad amicos omnes crudelissima laniena proferebatur: ac sæpenumero reciprocantibus, ut fit, vindictæ vicibus, quos viros, quas matronas effera immanitas indigne laniabat? Sæpe pluribus hinc & hinc imperium ad se trahentibus miscebantur omnia. Ita semper ad novum imperii successorem, totus terrarum orbis concutiebatur. Summa rerum in manibus erat, non Senatus, non populi *Romani*, sed mercenarii faci-

An. 1518. norosque militis. Nec aliter imperare licuit, neque diutius imperare licuit, quam illis belluis collibuisse, qui nec bonos, nec malos Principes diu terre poterant. Alius parcior erat, alius profusior, alius eruditior quam vellent, alius matri obsequentior, alius militaris disciplinæ tenacior, alius imbellis, alius immodice bellator, alius in Senatum propensior, alii cognomen obstabat militi parum gratiosum, alii affinitas. Quamlibet levis causa satis erat istis ad jugulandum orbis Principem. Denique, ut nihil esset causæ, expediebat illis subinde mutare Principem. Infatiabilis habendi fames ad res novandas incitabat. Trucidabatur ut inutilis quem jam exfluxerant, accersebatur alius qui exhauriretur, mox & ipse trucidandus. Atque hisce rebus factum est, ut nonnullorum imperium paucis modo mensibus, nonnullorum paucissimis etiam diebus finiretur: ut me quidem inter legendum crebro subeat admiratio, fuisse ullos qui tum temporis vellent imperii vices capessere, cum tot exemplis didicissent quibus legibus esset suscipiendum. Et hoc honoris sic venditum, imo locatum, imperium vocabant. O miserum ac deplorandum illorum temporum statum! Oppressa Senatus auctoritate, oppressis legibus, oppressa populi *Romani* libertate, sic creato Principi serviebat orbis, Princeps ipse serviebat iis, qualem nemo vir probus domi vellet habere servum. Imperatorem timebat Senatus, Imperator scelestam illam militum turbam formidabat: Imperator leges dabat Regibus, at huic leges dabant conductitii milites. Summa rerum orbis ab armata paucorum temeritate pendebat. O magnificam & exoptandam omnibus monarchiam! Et tamen nescio quo pacto, velut ex composito conveniebat inter Cæsares & milites Cæsarium dominos, quos legimus aliquoties se decimari passos ab iis, quos mox erant suo arbitratu jugulaturi, quasi vices alternas inter se pacti, dominandi ac serviendi. Non hæc eo dicuntur, ut perluadeam illegitimam fuisse Cæsarium potentiam, quum vi jureque belli, atque etiam scelere parta ditio paulatim consensu multitudinis radicibus actis fiat legitima. Alioqui si quis ab extremis initiis repetat ditionum origines, paucas reperiat legitime natas. Scitum est illud *Octavii de Cato-ne*, *Qui non patitur mutari presentem Reipub. statum, is mihi & vir bonus, & bonus civis videtur*. Tecte confessus est, *Julium* per nefas occupasse monarchiam, non oportere tamen jam novatum & constabilitum Reip. statum denuo novari. Satis constat nullum imperium neque patuisse latius, neque mansisse diutius quam *Romanorum*: quanquam hoc imperium primitus penes Senatum ac populum erat: nec subito, sed paulatim ad unum summa rerum attracta est. Nec Senatus tamen, nec Imperatorum quisquam, totius orbis monarchiam tenuit. Nam præterquam quod aliquot notæ regiones nunquam agnoverunt *Romanum* imperium, non minima pars orbis tum erat ignota, quum prodigiosæ vanitatis haberetur Antipodum mentio, & terra sic crederetur innatare *Oceano*, quemadmodum si pila innatet aquæ, colle tantum aliquo prominente. Denique, quum hodie reperiantur terræ incognitæ, quarum terminos nullus adhuc pervestigare potuit, quum compertum sit eas esse immensæ vastitatis. Sed imperii *Romani* majestas paulatim ad Evangelicæ lucis fulgorem, veluti luna ad solis splendorem elanguit. Tandem Barbarorum inundationibus extinctum est, ac multis post seculis *Romani* Pontifices restituerunt, sed nomen verius quam rem. Quid enim aliud potuerunt? Certe eligendi jus à tumultuario milite ad certos Principes recte translatus est, qui summa, ut par est, religionē, nullo mercedis interventu darent orbi Principem, quem scirent rebus humanis maxime fore salutarem. Etenim si tot legibus minacissimis cautum est, ne Abbas aut Episcopus eligatur vel pecuniæ, vel cujuscunque sinistri affectus corruptela, quanta oportet esse integritate, qui suis calculis Principem dant tam late regnaturum? Alioqui longe præstabilius erat nasci

A Principem, quam per corruptelam eligi. Ergo, ut An. 1518. boni civis est præsentem Reipublicæ statum nolle mutari, ita boni Principis est, iis legibus, quibus suscepit, administrare Principatum. An vetus illud imperium quale fuit olim renovandum sit, nescio. Equidem non arbitror, quenquam esse cordatum virum, qui id optet, etiamsi votis liceat restituere: tantum abest, ut quod jam multis seculis maxima ex parte sit antiquatum extinctumque, magno rerum humanarum tumultu, summaque *Christiani* sanguinis jactura, vindicandum ac revocandum videatur: præsertim cum inter Ethnicos etiam hoc animo repertus sit *Otho*, ut potius duxerit spontanea morte vitam abrumpere, quam imperium tot hominum vita mercari; vir vel ob hoc ipsum dignus imperio, si fortuna virtuti faveret. An parum est suum quanque regionem habere dominum, nisi singulæ rursus alium haberent dominum, conduplicata populi servitute, si summa rerum inciderit in Principem improbum. Nec hæc dixerim, quod negem optimum esse Reipublicæ statum monarchiam, si modo is ad æterni Numinis exemplum quantum potentia cæteris antecellit, tantundem vincat & bonitate sapientiaque: sed partim quod, ut sunt hominum ingenia, haud scio an hujusmodi quispiam possit contingere, partim quod etiamsi maxime contingat, vix arbitror capacem esse tantæ ditionis unius mortalis animum. Demum ut sit, quando Princeps tam procul agens, puta *Constantinopolis*, cognoscet quid agatur apud *Aethiopas* aut *Gangem*; & si cognoverit, quando mittet suppetias? Etenim qui vectigalibus exigendis tantum agit Imperatorem, is quidvis est potius quam Imperator. Non admodum desiderabit orbis Monarchiam, si *Christiani* Principes inter se junget concordia. Verus & unicus orbis Monarcha *Christus* est, in cujus edicta si nostri Principes consenserint, sub uno Principe vere florebunt universa: sin humanis cupiditatibus res gerentur, æterna rerum vicissitudine semper fluctuabimus, jactabimurque. Et tamen maximam hujus felicitatis partem, ipsi nobis præstare possumus, si concordibus studiis ad id, quod per se optimum est, contendamus. Atque ego sane ita demum arbitror felices fore Respublicas, si Principes sancte *Christianeque* instituti, simulatque susceperint regnum, pariter & animum regno dignum suscipiant, publicis commodis metiantur consilia omnia, ab omni tyrannidis specie velut à peste quadam abhorreant, ac pro se quisque certet, quod sortitus est regni, non amplius, sed melius successoribus tradere: omnes pariter adnitantur, ne bellum ullum sit, potius quam ut bello vincant; neque ullis sit opus copiis, magis quam ut his rebus sint instructi, pacis artibus magni videri studeant, quæ consiliis animique viribus constant. Equidem si quid novari possit absque rerum tumultu, judicari ad publicam orbis *Christiani* tranquillitatem magnopere pertinere, si certis foederibus ex usu publico sua cuique ditionis pomeria præscribantur, quæ semel constituta nullis affinitatibus, aut pactis, vel contrahi possint, vel proferri, prorsus antiquato veterum titulorum jure, quos quisque pro re nata, quum bellum affectet, solet prætexere. Quod si quis forte clamitet, Jus, nescio quod, suum adimi Principibus, is illud mihi secum reputet velim, num æquum censeat, ob hujusmodi jura, quæ sive habet aliquis fortassis, sive fingit, orbem *Christianum* impiis ac parricidalibus armis sine fine collidi, tot innoxios aut interimi, aut perdi, tot immeritas foeminas affligi corrumpique, denique totam illam malorum tragœdiam, quæ bellum omne secum defert, in vitam hominum invehi. Nam his fontibus omnia fere bella, quæ nostra memoria vidimus, profecta esse constat. Verum hæc non tantum *παρεργασίας* videri possint, verum etiam impudentius ad vos scripta, Principes ut magnos, ita cum primis sapientes; ad hæc, quod est in ista fortuna rarissimum, librorum etiam præfidiis cumprimis instructos. Siquidem tuas eximias, *Federite*, dotes, quum sint insigniter insignes,

An. 1518. gues, non mirum si famæ celebritas ad nos usque do-
vexit. Te vero, illustrissime *Georgi*, patrueli lauda-
tissimo per omnia similem ac vere germanum è pro-
pinquo cognovi, dum *Friscam* nobis finitimam admi-
nistrans. Bene valete, Principes vere felices, stem-
matis quidem illustrissimi, sed ornamentis animi longe
illustriores. Istos animos vobis servet *Christus* Opti-
mus Maximus, vos orbi *Christiano*, vestrique similes
nobis complures velit existere. *Antwerpia* 5. Junii, An-
no 1518.

EPISTOLA CCCXIX.

Gaspar Ursinus Velius Erasmo Rot. S. D.

Superiori anno cum delitescerem quodam in Ba-
variae oppidulo, vicinam nactus non literarum, sed au-
ticum, ac prorsus honestis à disciplinis alienum, Gurcen-
si Cardinale, cuius tunc in famulatio fui, Casarem in
Belgas secuto, destitutus omnibus literarum praesidiis, au-
sus sum magno cum periculo ac fama & nominis discrimi-
mine revocata pristina illa consuetudine Romæ, qua uti
solebam, puta scribendi aliquid, temere nimis atque au-
dacter ineptire: ubi Genethliacon carmen in te virum,
quo universa Europa vix habet hodie quicquam illustrius
& sanctius, certe nihil omnium confessione doctius, feliciori
eventu quam stylo composui. Defuerat tunc animi vacui-
tas miseris aulicis cooperto. Elanguit iudicii acrimonia,
& vis ingenii, si quod unquam fuit, studiorum atque co-
amplius intermissione. Aderat censura doctissimorum homi-
num, aderat denique librorum copia nulla, ante tempus
sine cortice natanti. Quid tibi vis dicam? tam cito quam
asparagi coquantur, id carminis à me factum excidit,
peperique prius quam parturirem, unde nemo non iudi-
care possit studiose abortioni operam datam. Atqui non eo
componebam, ut tam vile & inchoatum carmen precipi-
tata editione publicatum in manus hominum veniret, cum
uni tantum *Richardo Bartholino*, cui nugas omnes meas
ostendere solebam & credere, legendum transmissum esset.
Qui hac in parte nimis quam officiosus illud non verius
est tibi impertire. Pudet, magnopere pudet Ursinum e-
vulgati poematis, à quo nihili in materia, non autem tan-
to in viro mediocritatem ingenii exercitatum oportuit. O
audaciam insignem & facinus stultum! *Aeneam* lauda-
re sum exorsus, nondum *Culici* extollendo satis idoneus.
Equidem duplici errore me lapsum esse, & utroque gravi
& intolerabili, ut perspicio manifeste, ita vehementer
doleo. Primo adeo te non laudatum tam juvenilibus ine-
ptiis deprehendo, ut culpa rudis & crassa hujus *Miner-
va* de fama tua tibi haud parum detrivisse videar: dein
quod multo gravius est hoc scriptionis genus inusitatum
aggredienti, pura istius tua & sancta vita actiones illu-
stres nondum satis cognita fuerunt. Neque dum varios
& inestimabiles labores *ποικίλα καὶ ὀνόματα τῶν ἔργων* vidi
omnes. Quo fit ut interdum consilium incam retractandi
hendecasyllabos intempestivos, ut pro virili parte mea lo-
cupletati & excussi luculentiores tandem atque optimiores
exeat, praesertim cum impense nos ad hoc laboris hor-
tetur illustriss. Princeps *Joan. Thurzo*, Episcopus *Vra-
tislaviensis*, studiosorum omnium praesentissimus *Mecæ-
nas*, vir haud mediocriter eruditus. Qui te ob tuas sin-
gulares virtutes & doctrinam excellentem facit maximi,
amat unice, & honorat observanter: cui mos gerendus
omnino est, ut & illius amplitudini, cui nihil non debeo,
rem faciam longe gratissimam, & nominis mei rationem
habere voluisse videar. Interem, doctissime *Erasme*, te
oro per beatissimum genium tuum, perque immortales
tuos & sanctissimos labores, tum qua prius me nesciente,
atque invito edita sunt in tui nominis laudem, boni consula-
las, tum quod in praesentia mitto fortasse illis multo ine-
ptius carmen, & è vulgari officina depromptum, vultu
namini isti tuo amabilissimo convenienti excipias, & Ur-
sinum tui amantissimum observantissimumque tuorum in
numero amicorum vel ultimo subsellio collocatum reda-
mare velis. *Vale*. *Vratislavia* 20. Junii, Anno 1518.

EPISTOLA CCCXX.

Erasmo Rot. Nicolaus Beraldus S. D.

DEDI superioribus diebus optimo atque humanissimo
viro *Francisco Calvo*, *Budæi*, *Deloini*, simul &
meas ad te literas, *Erasme* doctissime: quas nihil dubito
quin istibi, etiam si serius, certo tamen fideliter quo red-
diderit. Nunc etsi nihil erat quod scriberem, profes-
senti tamen hinc ad vos hac tabellario non potui non ali-
quid literarum ad te dare: praesertim petente id à me, at-
que adeo procaciter instante, *Guilielmo Nefeno* tuo, su-
mul ut intelligas quansopere litera hie tua à nobis expe-
tantur, simul ut epistolam aliquam tuam ad optimum ad
doctissimum virum *Guilielmum Hueum*, *Parisiensis* ec-
clesia Decanum, evocarem. Is enim in hac, ut sic dixe-
rim, palestra provocari abs te mavult, quam te provo-
care: vir aliquem in quovis scribendi genere non modicu-
riter antehac versatus, bonarumque omnium, sed di-
vinarum praesertim Literarum adeo studiosus, ut quem
huic praferamus, habeamus profecto neminem. Ejus no-
mine interim tibi salutem adscribo: rogo insuper, ne ho-
minis integerrimi simul & humanissimi familiaritatem
adsperneris, qui cum multis nominibus, tum hoc praecipue
dignus est amicitia tua, quod eam tantopere, tamque
prope dixerim, ambitiose expetit, quantovis precio em-
pturus, nisi *Erasmus* cunctis obviis, gratisque expositus
esset. Salutat te *Deloinus*, *Ruzæus*, omnes. *Budæus*,
cum hac scriberem, ruri cum uxore ac liberis age-
bat, propediem in urbem rediturus, simulatque, ut
puto, uxor parturiens pepererit, *Budæique* familiam
auxerit. *Vale*. *Lutetia* 20. Junii, Anno 1518.

EPISTOLA CCCXXI.

Erasmus Rot. Thoma Parcio, Secretario urbis Cale-
tensis, S. D.

HVNC meum *Joannem Smithum* ob certa negotia
mitto in *Angliam* mox huc rediturum: rogo ad-
iutes hominem, ut quam primum commode trajiciat,
ac per redeuntem scribito, quid valeas, quomodo res
succeedat cum *Mercuriis* istis, & quid agat tua *Nym-
pha*. Praefecto urbis, quem deputatum appellare ma-
lunt, viro humanissimo, deque me optime merito,
me plurimum commendabis. Bene vale, *charissime*
Parci. *Antwerpia* 28. Junii, Anno 1518.

EPISTOLA CCCXXII.

Nicolaus Beraldus Erasmo Rot. S. D.

Ego *Guilielmum Nefenum* cum ob alta quadam sem-
per feci plurimi, tum ob id unice & deamo & laudo,
quod eum animadverti semper esse tui studiosissimum.
Quod etsi illi est cum multis aliis commune, magnum
tamen quiddam id esse putō, nec mediocri laude dignum:
eum *Lovanium* ad te proficiscentem, non sum passus literis
meis vacuum hinc discedere, partim ut hominis deside-
rio ac precibus satisfacerem, partim ut te quoque ad re-
scribendum invitarem: nam ternis meis literis, quarum
binas *Francisco Calvo* ad te dederam, postremas *Nefe-
nus* ipse *Lovanium* ad te pertulit, nibildum respondisti.
Archiepiscopus Senonensis *Stephanus Poncherius* pro-
pediem de rebus magnis ad te scripturus est, cujus lite-
ras ad te fideliter perferendas curabo, vel ipse istuc usque
perferam. Quid ad *Dorpium* theologiae cujusdam sode-
latis nomine scripserim, ex *Nefeno* malim te quam ex
literis meis intelligere. *Novum Testamentum* abs te ver-
sum, & elegantissimis doctissimisque annotationibus ex-
plicatum, nunc hic habent in manibus docti quampluri-
mi, atque in his Theologi quoque magni nominis, qui te
eo nomine tam tunc, penè dixerim, amant immodice,
quam oderant prius inique. Multos certe nova hac edi-
tio tibi jam conciliavit, quosdam vero, qui contuma-
ces ac refractarii diu fuerant, atque adeo propemodum

An. deplorati videbantur, jam pene fregerunt *Apologia tua.*
1518. Vale. Salutant te Franciscus Deloinus, & Ludovicus
Ruzæus. Lutetia 1. Julii, Anno 1518.

EPISTOLA CCCXXIII.

Martinus Dorpius Erasmo Rot. S. D.

LITERAS tuas, ornatissime Erasme, non dici potest quam acceperim cupide: tum autem, quam gestienter audierim vel Jacobum tuum adventasse. Porro ut injunxerim Theodorico nostro, Bacchi mysta, ne quo illum pacto sneret abire, quin colloqueremur, quin pranderemus una, & illum quidem cibo, me volui fabulis, novisque & latis nunciis obsaturari. Proinde anxie rogavi ut valeres, ut valuisses usque; opus illud insigne quousque productum foret, ecquid Frobenius adornaret, seu Erasmicum, seu alterius cuiuspiam, denique nihil omisi: ad qua Jacobus commode profecto respondit. Et ecce dum nos fabulamur maxime, Theodoricus potitat maxime, partesque agit at suas haudquaquam instrenue, ne ipse quidem interim ociosus à fabulis, omnibus pene linguis, loquitur dixerim, an obiturbat? Germanica, Gallica, Italica, Latina: ut in hoc Apostolicum quempiam renatum credas: ut vel Hieronymum, quamvis multilinguem, si non elegantia, numero tamen linguarum ausit provocare. Præter ea autem rogavi, ut valeat eximius ille Berus, eximius ille Fabritius Capito, eximius ille Rhenanus, beatissimus re, Beatus nomine, quorum profecto solis nominibus exsilio, mi Erasme. Ab iis amari et si ego indignus sim maxime, tamen ipsi, quos ego non amem modo, verum etiam suspiciam, digni sunt maxime. Atque utinam hercle illi, quo sim erga eos animo, novissent. Rhenani in primis sedula in castigandis optimis Auditoribus vigilantia, omnes sese docti adjutos profitentur. Fabritius acutissimis Hebraicorum rudimentorum institutionibus, linguam, quam dicunt sanctam, quantopere illustravit? Jam vero Berus extra aleam est ingeniorum, posteaquam Parisiis omnibus calculis primas tenuit. His, queso, insignibus, cum triumviris unice me, Erasme, commenda. Dic Dorpium esse quendam, magno erga eos studio flagrantem. Fortunatum te, mi Erasme, qui cum heroibus istis tam amice, tam familiariter quotidie versere: at enim eos contra plane deos quosdam, tua quibus datum est præsentia frui, qua, male peream, si quid in vita evenire queat mellitius, festivius, candidius, simplicius. Adversam valetudinem tuam, ut egre tuli afflixisse te, ita gandeo deorsusse. Honorem tibi, quantum audio, à Puccio, Legato Apostolico, optimo jure delatum, impendio gratulor. Quæ scripsisti fuerunt omnia sane quam gratissima. Unum hoc molestum est, nondum sedatum esse (quod maxime oportuit) ortum à Colonienfibus incendium: quibus sane miror, qui tam ineptum quicquam in mentem venire quivit, ut Lamentationes illas ridiculas, stultas, insanas vel componerent, vel evulgarent. Præterea autem, quid minus fuit opus, quam cum dialogo morologo vulnus effecisse ut recruduerit, quod callum jam pene obduxerat? Miseram vero studiorum sortem, sic si pergant eruditi ineptire. A Fabritio nihil dum neque videmus, neque audimus. Verum, quid tu, optime Erasme? an ulla possit esse futura tam acerba studiorum, tamque inequitabilis conditio, ut ob eam tibi vileant? Ita natus es, ita institutus, ita te comparasti, ut quicquid subnascatur durum, molestum, perplexum in literis, id tu unus obeas, feras, devores publica studiorum utilitatis respectu. Libellum de Julio cælis excluso, passim legunt omnes, & haud scio quo pacto pauci damnant: etsi tu quidem iusta in auctorem ratione stomacheris, qui literas facit esse, si unquam alias, hac maxime tempestate invisas. Caterum, hoc quid esse dixerim, mi Erasme? Tu vetas tuis literis responderi? quod videlicet propediem huc sis rediturus, ni res postularit, Italiam ut adeas. Quid si isthuc res postularit, qua erit, obsecro, occasio tecum, quando coram non licebit, per literas colloquendi? quis erit tam certus tabellarius? Quid si prorsus redeas, scriptione quid mihi perit? Siquidem te scio, quanquam oc-

A cupatissimum, vel inter prandendum tantum temporis suffuraturum, quo epistolam hanc legas, etsi ineptam atque incultam. De Anglis recipio me curaturum. Venerabili domino Atensi, ita uti jufferas, te quam accuratissime commendavi. Crede mihi, Erasme, homo illico ad tuum nomen exsilivit gaudio: post longum de te, cumque honorificum in primis sermonem, iussit ut se vicissim tibi, quantum possem, commendarem, ut de se omnia tibi pollicereris. Magnifici domini Cancellarii Burgundiae mortem scio ab aliis nunciatam, ut non sit opus dolorem tuum denuo exulcerare. Linguarum professio pulchre apud nos procederet, si stipendia tandem exsolverentur, & doceretur gratis: alioqui scis eo Lovanienses ingenio, ut agre quicquam dent. Id quidem male habet Matthæum nostrum, hominem usque adeo iratum pecunia, ut ne nocte quidem annuat hospitium, etsi minime nummis occupatum. Borsalus tuus, aut verius noster, amicus haud impurus, sincerus, candidus, deseruit nbs, designatus Decanus Veriensis. Provincia, quam cuperat, Latine docendi, mandata est Barlando. Fuit isthic non admodum pridem adolescens Metensis, literarum studiosissimus, Juris utriusque candidatus, & amicus meus summus, cui nomen Claudio Cantiunculae, quem non dubio, si quotem-pore tu isthic fuisti, eodem ipse item fuerit, te salutasse. Eram ad eum scripturus, sed Jacobus tuus, rogatus num nosset, negavit. Ei, queso, si isthic sis, ne graveris plurimam ex me salutem dicere: tum hoc nunciare, rem omnem, de qua iterum atque iterum scripsit, esse in vado, quod dicitur, ne deinceps sit sollicitior. Qua de re scripseras à Colonia (id quod plurimum habeo gratiam) paulatim bene habet, & spero adeo futuram ex sententia. Nihil hic est aliud quicquam quod scio scripture dignum: neque enim ambigo, quin amici de suo quisque statu, deque rebus aliis huc pertinentibus, diligenter perscripserint. Caterum, mi charissime Erasme, quando non memum hoc est, quod tu vero verius scripsisti, nempe jucundior rem esse amicitiam, & cum multis communem: effice, queso te, per Genium tuum, ut insignibus istis literarum proceribus quoquo modo innotescam: non quo fama mea studeam, sed ut intelligant, sua se virtute atque eruditione promeritos, ut ab omnibus amentur. Porro tibi, charissime Erasme, quum omnes omnia, ego tamen nentiquam concedam, ut mihi in amicitia stadio antevertas. Verissimum esse re ipsa comperio, quod olim dixisti, aetatem, tempus, rerum usum multa afferre hominibus. Quod admiratus sum olim, hujus nunc pænitet, & pudet. Valetudinem tuam fac cures diligenter, qua frequentibus morborum insultibus est obnoxia. Tum autem hoc cave, ne morbus vel aggravescat, vel recurrat, ut isti labori (dicerem saxo, dicerem pistrino, nisi honorificentissimus, magnificusque foret labor) diu sufficere possis. Si in Italiam profisciscaris, non est alias major habenda ratio valetudinis, quam non tibi modo, sed toti etiam Christiano orbi curabis: quod si ad nos matures iter, o candidum diem, qui te Lovanio reddet! Sed heus, præterieram ferme, quod minime oportuit, Frobenio omnium principi chalcographorum (pace modo Theodorici nostri dixerim) plurimam ex me salutem uti nuncies, cui omnes debemus studiosi non vulgariter: Largiatur ei Dominus Deus annos vita & plurimos, & felicissimos, quo pulcherrima provincia, in qua Aldum quoque ipsum, meo iudicio, post se relinquit, par esse queat. Quid enim is, nisi eximie eruditum, & quanta cura excudit? Bene vale, eruditorum phoenix Erasme. Lovanio 14. Julii, Anno 1518.

EPISTOLA CCCXXIV.

Ambrosius Leo, Nolanus Medicus, Erasmo S. D.

HACTENVS, Erasme charissime, nugas illas esse putavi, quas de Pythagora & Proteo scripsere Veteres: illum saepe ad has vita auras reversionem fuisse, totidemque mortem oppetisse: hunc in varias formas mutasse sese, cum libuisset: factum enim alterius ab altero parum differre nostri. Nunc vero non nugas, non fabellas illas

1518. Au. illas videmus, historias credimus, quandoquidem in te uno utrumque contigisse novimus. Pauca enim intra tempora tam saepe obisti & redisti ad vivum, quam de forma in formam variam novamque mutatus es. Primum enim audivimus etiam ab Aldo, te in Gallia obisse, paucos post annos revixisse in Germania. Deinde relatum est, te desideratum esse in Germania, qui paulo post in Italia apparuisti. Postremo intelleximus, appetiisse te apud Britannos, nunc ab Averno revocasse gradum in Gallia, unde & ad nos nostratesque vires & literas dedisti, & salute multa impartisti. Quamobrem alterum visum sum videre Pythagoram. Quinetiam non modo ex Italo mutatus es in Gallum, & de Gallo in Germanum transisti, tanquam de vitulo in avem, & de ave in frumenti genus, quod solum apud Plinium male legunt: verum etiam de Poeta in Theologum inversus es, ac de Theologo in Cynicum Philosophum transmigrasti: item demum Cynicum cum Oratore commutasti, qua mira metamorphosis Protei illius solius videbantur. Vidimus enim innumeros libros tuos impressos, quibus memoratas vel hominis vel ingenii personas & formas variasti, idque magna cum omnium laude, & admiratione, & letitatione, etiam te & dicta tua sapissime testantium, non ut unus idemque sententiarum magnarum auctor fores, sed tanquam tres quatuorve auctores illarum essent. Quinimo ob tuas ejusmodi transmutationes illud mihi contigit. Siquidem jam pridem ridebam Pythagoram, qui renascendo & agnosceret & memoraret, se alio tempore vixisse, quoniam Aristoteles demonstrat, nihil in morte remanere memoria eorum, qua ante aeternam essent in vita. Nunc vero ubi vidimus, te toties appetiisse, redisseque ad lumina solis, nostri ac amicorum memorem, memoriamque servantem, adspersati sumus Aristotelis fallacem diligentiam. Veruntamen etsi ita habeat, vereor, Erasme mi, si etiam mutationes istas delectatus experiaris, aliter evenire quam proposueris, quanque in aliis transmutationibus contigerat. Quam ob rem hortari te velim, ut in isto, quo fruieris, vita genere teipsum contineas, teque omni ope, qua potes, serves, periculumque nullum mutandi in eas: ne tibi, quod urinantibus accidere solet, contingat: qui dum sapius ab aquis, in quas intrepide insiliere, emerissent, aliquando securi sub aquis quum natarent, nusquam exiisse visi sunt. Atque adagium tuum illud in memoriam revoces. Ne temere Abydum. Siquidem mutatione, qua fit aut de vita ad mortem, aut de forma in formam, periculosiorem video esse nullam. Hinc autem, quod gratius a nobis audias, nihil scribere valemus: namque praeter literaria munera nulla res est, qua ad te pertinere videatur. Littera vero ipsa ubique gentium frigit, horrentque, ut jamjam interitura: magni enim sonitus Turcicorum armorum in Italia audiuntur, qui & in Aegypto, & Syria, & Perside excusi sunt, qua pro re adusa metuentes (sunt enim ut nostri nudula puella) interitum cogitant, cum quibus casuras esse etiam literas omnes necesse est. Sed tamen ut mutiamus aliqua, scias in Senatu Veneto sancitum esse, atque etiam praconio publicatum, eligendum esse successorem Marco Musuro, qui publice Graecas literas audientes doceat: stipendiumque contentorum aureorum decretum. Eam ob rem quamplurimi se parant & compaunt: namque statim est tempus duorum mensium, qua competitorum & nominantur, & legendo & aperiendo Graecos Auctores, ostendunt qui viri sint, & quantum lingua & ingenio polleant. Si quis ergo forte fuerit, qui per ista climata nomine & scientia Graecarum literarum claresceret, huius ipsi significatio memoratum decretum, ut si animo ei sederit competeret aperire Graecanicos libros, hac intra duorum mensium curriculum se conferat. Ad hac nostri magnam multitudinem urbem, qui veluti pulicini sub glaciante Musuro pipiebant, illorum non pauci jam pallastri magni excoferunt, nec pipiant, sed pipant & cantillant, iidem magno animo sunt etiam ascendendi suggestum praeprovis. Atque inter eorum elegantiores annus Petrus Alcyonius natus a Graeco in Romanum sermonem elegantissime vergit: nam Orationes pleraque Isocratis ac Demo-

A sthenis tanta Arpinitate expressit, ut Ciceronem ipsum nihilominus legere videaris. Aristotelisque multa vertit tam candide, ut Latium gloriabundum dicere possit. En Aristotelem nostrum habemus. Idem ipse juvenis, ut est literarum optimarum utrarumque maximus alumnus, ita sui quoque amantissimus, ac studiorum tuorum laudator summus. In calce de me jam sene & amico etiam semper aliqua: nam ita viximus postquam hinc solvisti, ut vivebamus tum, quum nobiscum eras, ut nosti, continuo summuſitando cum libellis utrisque, idque ut factum aliquem Leone dignum senescendo conciperemus, non ut mulieres, qua dum puella sunt, statim tempore gravis esse volunt, atque paulo post fecundare gaudent, quarum filii imbecilles nascuntur, nec diu vivere queunt. Concepimus aliquos, quorum quosdam parturimus, quosdam peperimus, inque lucem edidimus: opusculum enim in tres distinctum libros de Nola urbe patria nostra composuimus, quod impressum est: alterum magnum Opus sectum in libros sex & quadraginta ex Peripatetica disciplina confecimus adversus Averroem, quod etiam excusum est, ut intelligas, nos etiam haud contrivisse noctes in culcitris. Ad hac aliquid literarum ad nos etiam des, velim: eas enim magnopere cupimus, non solum ut intelligamus, te bene agere, quod summo opere optamus, sed etiam ut a te audiamus aliqua eorum, qua sunt apud eos, qui ex hac vita commigraverunt, atque ultra sit regio ad manendum accommodatior; calles enim utriusque conditionem, quippe qui saepe jam mortem cum vita, & cum morte vitam commutasti. Vale, & nos ama, ut soles. Venetiis 19. Julii, Anno 1518. apud speciatiam tabernam coralli.

EPISTOLA CCCXXV.

Reſtori inclyta Schola Erphurdienſis Erasmus
Rot. S. D.

VIR eximie, non possum non amare te, quod ut ex Dracone juvene minime vano cognovi, doctissimus ipse, studiis melioribus impense faveas: atque horum accessione Erphurdienſem Academiam (cui tu felicibus praesides auspiciis) exornandam expoliendamque cures. Illa tuae prudentiae laus est peculiaris, quod hoc absque tumultu facis, quem alibi videmus excitari quorundam imprudentia. Bonae literae sic debent irrepere in Academias, non ut hostes omnia depopulaturi videantur, sed hospites potius paulatim in civilem consuetudinem coalituri. Mihi nunquam placuit tumultus, & aut ego parum perspicio, aut plus efficitur moderatis consiliis, quam viribus impotentibus. Ac bonorum virorum esse reor sic velle prodesse, ut quam paucissimis noceatur, atque adeo nullis, si modo liceat. Eo vanitatis proceſſerat frigida illa disputatrix Theologia, ut necesse fuerit ad fontes revocare. Sed tamen illam quoque corrigi malim quam explodi, aut certe tolerari, donec potior aliqua Theologiae ratio fuerit parata. Multa praecclare monuit Lutherus, sed utinam civilius admonuisset. Plures haberet & fautores & propugnatores, & uberiores melleſe demeteret Christo. Et tamen impium sit illum in his, quae recte dixit, prorsus indefensum relinquere: ne posthac nemo sit, qui verum ausit proloqui. Non est nec huius conditionis, nec huius ingenii, de illius doctrina pronunciare. Haecenus certe profuit mundo: nonnulli sunt adacti ad evolvendos veterum Theologorum libros, alii quo sibi consulere, alii quo Luthero negotium faceſſerent. Draconem tibi commendarem, nisi non esset moribus, ea ingenii suavitatem, puritatemque, ut non possit non esse optimo cuique gratissimus. Scimus, quam nihil possimus. Tamen si quid erit, in quo queam isti Academiae vel usui esse vel ornamento, sic agam, ut intelligas mihi quidvis defuisse potius, quam propensam animi voluntatem. Bene vale. Lovanii 31. Julii, Anno 1518.

EPISTOLA CCCXXVI.

*Erasmus Rot. Guilielmo Huco, Parisiensis Ecclesiae
Decano, S. D.*

An.
1518.

AGIT hoc miro conatu per literas *Nicolaus Beral-*
du, homo Gratiis natus, ut nos committat.
Quod si certamen foret eruditionis, aut eloquentiae,
non poterat magis deterrere, quam quum sic adhorta-
tur. In hac, inquit, palæstra provocari abs te mavult,
quam te provocare, vir alioqui in quovis scribendi ge-
nere non mediocriter antehac versatus. Quum inter
pares semper impudentior habeatur, qui laceffit, quis
diceret, quicquam esse mihi vel frontis vel cordis, si
Thersites Achillem ausim laceffere? Nunc quum nulli
sua obstat fortuna conditiove, quo minus quum quam-
libet magnis amore benevolentiaque certet, & mode-
stior habeatur, quisquis hic laceffit prior, non veritus
sum tuo ac *Beraldi* animo morem gerere. His igitur
literis laceffo virum eruditissimum, minime doctus,
virum integerrimum, non admodum probus, sed ta-
men amandi vicissitudine non cessurus, nec postero-
res laturus. Audio non sine summa voluptate *Parisiarum*
Academiam pristinis suis studiis, in quibus hæcenus
haud dubie primam laudem possidebant, ac etiamnum
possident, propensis animis trium linguarum addere
cognitionem, & ad purissimos sacrorum Voluminum
fontes subinde recurrere, neque sentire cum istis ali-
quot sibi parum amicis, qui putant has literas cum ve-
ra Theologia pugnare, quum nullæ magis omnibus ho-
nestis disciplinis famulentur. Id partim *Gallici* ingenii
tribuo candori, partim eximii *Præfulis Stephani Pon-*
cherii sapientiæ, viri instaurandis optimis literis, ac
veræ pietati divinitus facti: sed in primis optimo *Re-*
gi Francisco. Soli nos nondum hoc nomine possumus
nobis gratulari. Sed tamen spes est non pessima. Faxit
Christus Optimus Maximus, ut quemadmodum Prin-
cipes passim favent, foventque recta studia, ita Philo-
sophiam amplectantur, dignam iis qui *Christi* vices ge-
runt: hoc est, ut quam longissime absint à barbarica
tyrannide, neque per ambitionem labefactent orbis
Christiani tranquillitatem, simul ac libertatem. Et
quando suo favore provehant eas literas, quibus Prin-
cipum gesta solent posteritatis memoriæ tradi, ea ge-
rere studeant, quæ mereantur omnium seculorum suf-
fragiis celebrari. Bene vale, vir optime, quem ego
posthac inter *Guilielmos* illos meos fatales sum relatu-
rus. *Antuerpia* 9. Augusti, Anno 1518.

EPISTOLA CCCXXVII.

Erasmus Rot. Nicolao Beraldo S. D.

VT tribus epistolis tuis postremis unica respondeam,
hoc est, de una fidelia plures dealbem parietes:
scio me frequenter ad te scripsisse, sed ita *λακωνικῶς*,
ut tibi videar non scripsisse: ita cogit, mi *Beralde*,
studiorum moles, quibus obruor. Si rationem in eas,
quid dandum sit pietatis officiis, quid somno, quo lar-
giore utar oportet, sub auroram redormiscens, quid
valetudini, quid scribendis recognoscendisque libris,
facile colliges quantulum supersit temporis, quod τῷ
ἀνθρώπῳ omnibus impartiam: quanquam mea studia
non eo spectant, ut *Thomam* aut *Scotum* è scholis pu-
blicis explodant, veteraque possessione depellant, quod
nec mearum est virum: & si esset, haud scio an sit
optandum, nisi jam paratum videamus doctrinæ genus
aliquod hoc præstantius. Quid alii moliantur, ipsi vide-
rint: ego nunquam futurus sum hujus auctor tumultus.
Mihi sat est, si Theologia magis sobrie tractetur, quam
antehac est tractata: & subinde petatur ex fontibus E-
uangelicis, quod antehac è lacunis non undiquaque puris
solemus haurire plerique. Neque nihil hic profecimus,
quibusdam huc adductis, quibusdam etiam compulsis, ut
magis serio Theologi sint. Ad laudes, quas largiter effun-

Adis in me, quid aliud respondeam, quam te valde a-
manter hallucinari in *Erasmo*? Atque hæcenus quidem
ad epistolam, quam *Lotetia* scripseras decimo Calend.
April. nunc ad eam, quam reddidit *Nesennus*, amicus
cum paucis fidus, ac sincerus. Quid *Calvo* commise-
ris, aut quid ille mihi reddiderit, non satis commemi-
ni: certe *Basilea* nec unquam me convenit, neque
quicquam ab illo redditum est: *Lovanii* extorserat à
me prolixam epistolam ad *Grolerium*, præfectum *Insu-*
bria, pollicitus montes (ut ajunt) aureos. Vides evul-
gatam epistolam, jactitat ille respondisse *Grolerium*,
cum ipse nondum habeam certum, an *Grolerio* reddi-
ta sit epistola. Ais brevi magnis de rebus ad me ven-
turas literas ab Archiepiscopo *Senonensi*, *Stephano Pon-*
cherio. Mihi quidem hoc ipsum erit magnum, si vir
tantus, animoque meo cum primis charus, ad me scri-
pserit: alioqui nihil moror magnam fortunam cum o-
nere pari conjunctam. Mihi semper animus fuit ocii ac
libertatis amans, & à strepitu rerum abhorrens. Quid
ad *Dorpium* scripseris, adeo mihi non indicavit *Nese-*
nus, ut ne hoc quidem ex eo cognoverim, scripsisse
te. Ante pauculos dies audiavi literas illi redditas abs te
per *Hermannum Frisium*, nescio quid cum illo expo-
sultantes. Si quid acerbius est, nolim, mi *Beralde*:
nam *Dorpius* si quid peccat, magis obsequendi facilita-
te peccat, quam malitia destinata. Quod Theologi
partim respiciunt, partim mitescunt, non perinde meo
ut ipsorum nomine gaudeo. Jam ne nihil respondeam
ad eas, quas attulit *Hermannus Frisius*, erat is ado-
lescens mihi multorum literis commendatus, & quidem
diligenter, quibus omnibus habeo gratiam, quod per
eos contigerit nosse ingenium tot modis amabile. Ni-
hil ille petebat præter colloquium & congressum: ne-
que maligne mei copiam feci, quatenus per studiorum
occupationes licuit. Eum tibi vicissim commendo, quo
tuæ in illum benevolentia nonnihil accedat mea causa.
Bene vale. *Antuerpia* 9. Augusti, Anno 1518.

EPISTOLA CCCXXVIII.

DUdalricus Zasius, Cæsarei Juris Professor, Era-
smo Roterodamo S. D.

RECTE Julianus noster, magne Erasme, impossibilia
non modo difficilia judicat, quæ non nisi cum Prin-
cipe explicari poterunt. Hoc enim in me ipso experior,
quærem tecum literariam ideo explicare supersedeo, quia
cum optimarum doctrinarum Principe agendum video,
qui cum congredi, si non impossibile est, tamen admodum
difficile. Proinde nulla me incivilitatis nota expende,
quod tibi adhuc nihil literarum dederim. Nec enim te-
mere Princeps adendus est, tametsi multa in te & vidi,
cum tecum essem, & sum expertus, quæ sylvam scriben-
di præberent. Prima me frontis, & oculorum, & nescio
cujus herois majestas ita conterruit, ut tametsi pulchre
antehac præmeditatus, quæ te exciperem, coram tamen
positus, labra egre moverem, ut velut titubans & inter-
sistens, dimidiata & mutila vix verba proloquerer. Hæc
primus congressus cum male habuisset, nihil postea in me
secutum est, quod cum præstaret hominem, quem tu puta-
bas. Divinabam hoc futurum, sed volui omnino te vide-
re, etiam cum fama mea jactura. Pluris enim mihi fuit
presentia tua, vel cum attenuatione mei, quam falsa o-
pinio, quæ absenti tibi majora in Zasio ementiretur.
Compositos tuos gestus, verba facundissima, & velut
rivos vivo fonte lepide fluentes, humanitatem admirabi-
lem, gravitatem comitate pulcherrima conditam, quis
non videre, quis non admirari, exosculari, vel cum
jactura aliqua cupiat? Itaque judicatio de me ut libeat,
sum enim in ordinem redigendus, ætatem tamen quam
ago, vitam quam spiro, lucrescisse mihi videor, qui hunc
hunc Erasmus, hoc hoc numen vidi, quo post Cicerones
& Fabios doctiorem nulla ætas habuit, qui divinis hu-
manisque doctrinis, & admirabili eloquentia te præiret.
Contemni abs te cum humanitatis censura, pluris facio,
quam laudari ab aliis, dum ab me non deficias, dum in

An. numero clientum tuorum me esse permittas. Vale, & Bonifacio, vere Erasmo homini, bene velle non desinas. Beato Rhenano humanissimo amico, & Amorbachiis (di boni, quam egregius, quam disertis animis!) omnia fausta precor. Ex Friburgo 13. Augusti, Anno 1518.

Parces impolite scribenti, distorsere me, qua cudo in Feudales usus, forte nova opera, ut transvorsum distraho ingenio, non esset meus. Tuus Zasius.

EPISTOLA CCCXXIX.

Paulo Volzio, religiosissimo Abbati Monasterii, quod vulgo dicitur Curia Hugonis, Erasmus Rot. S. D.

QV ANQVAM libellus ille, cui titulum fecimus *Enchiridion Militis Christiani*, quem olim uni mihi & amiculo cuidam prorsus ἀναλαβήτω scripseram, minus displicere coeperit, Pater integerrime, posteaquam tibi tuique similibus video probari; quibus, ut estis ipsi pia doctrina & docta pietate praediti, scio, nihil probari quod non iuxta pium sit atque eruditum: tamen propemodum etiam placere coepit, ubi video toties jam excusum formulis, semper veluti novum efflagitari, si modo mihi non omnino blandiuntur typographi. Verum, illud rursus saepenumero male habet animum meum, quod olim amicus quidam eruditus falsissime dixit, ludens quidem ille, sed utinam non perinde vere ac false, *In libello plus conspici sanctimonia, quam in libelli Auctore.* Idque eo gravius etiam fero, quod idem usu venit in eo, cui mutando potissimum hoc laboris suscipiebatur. Siquidem & is adeo se non revulsi ab aula, ut multo altius in dies immergatur, quanta pietate nescio, sed omnino, quod ipse fatetur, magna calamitate. Nec me tamen admodum miseret amici, quo vel fortuna magistra respiciat aliquando, qui nostris monitis parere noluerit. Me vero, licet semper huc enitentem, tot casibus, tot tempestatibus meus exercuit Genius, ut *Ulysses Homericus* prae me *Polycrates* quispiam videri possit. Et tamen ejus laboris me non omnino poenitet, si tam multos extimulat ad verae pietatis studium. Nec ipse tamen videor modis omnibus insectandus, si monitis meis parum respondeo: primum, est aliqua pietatis pars, ex animo velle pium fieri; neque rejiciendum opinor pectus talibus intentum cogitationibus, etiamsi conatum aliquando destituat successus. Semper hoc agendum in omni vita, & crebro retentatum, succedet aliquando. Bonam autem itineris perplexi partem confecit, qui viam probe didicit. Nihil igitur me movent quorundam scommata, qui libellum hunc ceu parum eruditum adspernantur, & qui vel ab elementario quovis scribi possit, quod nihil tractet *Scoticarum* quaestionum, quasi sine his nihil omnino sit eruditum. Sit sane parum acutus, modo sit pius. Non reddat instructos ad palæstram *Sorbonicam*, modo reddat instructos ad tranquillitatem *Christianam*. Non faciat ad disputationem Theologicam, modo faciat ad vitam Theologicam. Quorsum autem attinet hoc tractare, quod nemo non tractat? Quis hodie non versatur in quaestionibus Theologicis? aut quid aliud agunt gymnasiorum examina? Tot pene sunt in Sententiarum libros commentarii, quot Theologorum nomina. Quis Summulariorum modus aut numerus, aliud ex alio miscentium ac remiscentium, & pharmacopolarum ritu, ex novis vetera, ex veteribus nova, e pluribus unum, ex uno plura subinde fingentium ac refingentium? Qui fiet ut hujusmodi voluminum moles nos ad recte vivendum instituant, quae ne per omnem quidem vitam vacet evolvere? Veluti si medicus morbo praesentaneo laboranti praescribat, ut *Jacobi à partibus* libros, ac reliquos his adsimiles omnes evolvat, illic reperturus quo valetudinem sarciat. At hunc interea mors occupavit, nec erit cui possit succurri. In tanta ætatis fugacitate, parato promptoque remedio est opus. Quot vo-

luminibus praecipunt, *De Restitutione, De Confessione, De Votis, De Scandalis*, deque aliis innumeris? Cumque minutatim excutiant singula, singula sic definiant, quasi cæterorum omnium ingeniis diffidant, imo quasi *Christi* diffidant bonitati, dum ipsos praescribunt, quid ille cuique facto vel praemii debeat vel supplicii; tamen nec inter se consentiunt, nec aliquoties rem liquido explicant, si propius consulantur. Tanta est vel ingeniorum vel circumstantiarum varietas. Porro, ut omnia vere, omnia recte definierint, praeterquam quod jejune frigideque tractantur ista, quoto cuique vacat tantum voluminum evolvere? aut quis possit secum *Aquinatis Secunda secundam* circumferre? Et tamen nullius non refert bene vivere, ad quod *Christus* omnibus aditum facilem esse voluit, non inexplicabilibus disputationum Labyrinthis, sed fide sincera, charitate non ficta, quam comitatur spes, quæ non pudefit. Postremo, versentur in magnis illis voluminibus magni *Rabini*, qui pauci sint oportet; at nihilo secius interim imperitæ multitudini, pro qua mortuus est *Christus*, consulendum est. Praecipuam autem *Christianam* pietatis portionem docuit, quisquis ad hujus inflammavit amorem. Sapiens ille Rex filium instituens ad veram sapientiam, non paulo plus operæ sumit in adhortando quam in docendo; quasi sapientiam amasse, propemodum parasse sit. Quod turpe est Jurisperitis ac Medicis, quorum utrique de industria suam artem reddere difficillimam, quo simul & quaestus sit uberior, & gloria major apud imperitos; id longe turpius fuerit fecisse in *Philosophia Christi*. Imo contra coniti par est, ut eam, quam fieri potest, reddamus facillimam, & omnibus expositam: neque illud sit nobis studio, ut ipsi literati videamur, sed ut quamplurimos ad *Christianam* vitam pelliciamus. Adornatur jam bellum in *Turcas*, quod quocunque consilio institutum, precandum est, non ut paucis quibusdam, sed ut in commune bene vertat omnibus. Sed quid futurum arbitramur, si victis (neque enim universos opinor ferro trucidabimus) ut *Christum* amplectantur, *Occamos*, aut *Durandos*, aut *Scotos*, aut *Gabrieles*, aut *Alvaros*, proposuerimus? Quid cogitabunt, aut quid sentient, (sunt enim & illi, ut nihil aliud, certe homines) ubi audierint spinosas illas, & inextricabiles argutias de instantibus, de formalitatibus, de quidditatibus, de relationibus? praesertim ubi viderint de iis adeo non convenire inter magnos illos religionis professores, ut frequenter usque ad pallorem, usque ad convitia, usque ad sputa, nonnunquam & usque ad pugnos invicem digladiantur? ubi *Pradicatores* pro suo *Thoma* cominus atque eminus dimicantes, *Minoritas* contra subtilissimos ac seraphicos doctores junctis umbonibus tuentes? Alios ut nominales, alios ut reales loqui? Si viderint rem usque adeo difficilem esse, ut nunquam satis discussum sit, quibus verbis de *Christo* sit loquendum? perinde quasi cum moroso quopiam agas dæmone, quem in tuam ipsius perniciem evocaris, si quid te fefellerit in verbis praescriptis, ac non potius cum clementissimo Servatore, qui à nobis praeter puram simplicemque vitam nihil exigit. Obsecro te per Deum immortalem, quid istis agetur rebus, maxime si superciliosæ doctrinæ mores & vita similis respondeat? Si ex strepitu nostro plusquam tyrannico, perspexerint ambitionem nostram, si ex rapacitate avaritiam, si ex stupris libidinem, si ex oppressionibus sævitiam, qua fronte ingeremus illis *Christi* doctrinam, ab hisce rebus longe lateque discrepantem? Efficacissima *Turcas* expugnandi ratio fuerit, si conspexerint in nobis elucere, quod docuit & expressit *Christus*: si senserint nos, non ipsorum inhiare imperiis, non sitire aurum, non ambire possessiones, sed praeter eorum salutem & *Christi* gloriam nihil omnino quaerere. Hæc est illa Theologia vera, germana, efficax, quæ olim & Philosophorum supercilia, & Principum invicta sceptrâ *Christo* subegit. Hoc, hoc agentibus nobis, aderit ipse *Christus*. Neque vero convenit, ut

AN. hoc argumento nos valde *Christianos* declaremus, si
 1518. quamplurimos occiderimus, sed si quamplurimos ser-
 vaverimus: non si multa impiorum millia sacrificaveri-
 mus orco, sed si quamplurimos ex impiis reddideri-
 mus pios: non si illos diris execrationibus devovea-
 mus, sed si piis votis salutem illis ac meliorem men-
 tem à superis optemus. Quod si hic non adsit animus,
 citius futurum est, ut nos in *Turcas* degeneremus,
 quam ut *Turcas* in nostras partes pertrahamus. Et ut
 feliciter cadat *Martis*, semper ancipitis, alea, fiet, ut
 latius fortasse regnet Pontifex, aut hujus Cardinales;
 non ut latius regnet *Christus*, cujus regnum ita demum
 floret, si vigeat pietas, si charitas, si pax, si castitas:
 id quod optimi *Leonis X.* ductu atque auspiciis fore con-
 fidimus, ni quod optimum est conantem aliorum rapiat
 rerum humanarum æstus. Ipse *Christus* sese regni cœ-
 lorum vindicem ac Principem profitetur, quod non a-
 liter splendidum est, quam si triumphent cœlestia. Ne-
 que enim ideo mortuus est *Christus*, ut opes, ut copię,
 ut arma, reliquaque illa mundani regni tragœdia, quæ
 quondam penes Ethnicos aut certe profanos Principes
 fuit, Ethnicis non ita multum absimiles, nunc sit penes
 sacerdotes aliquot. Ac mea sententia, consultum fuerit,
 multo ante quam armis experiamur, illorum animos
 epistolis ac libellis sollicitare. Sed qualibus epistolis?
 non minacibus, non tyrannicis, sed quæ spirent vere
 paternam charitatem, quæ *Petri Paulique* pectus re-
 ferant; quæ non titulum modo præferant Apostoli-
 cum, sed *integrum* respiciant Apostolicam. Non quod
 nesciam fontem omnem ac venam *Christiana* Philoso-
 phiæ reconditam esse in Evangelicis & Apostolicis li-
 teris, sed sermo peregrinus, ac sæpenumero perturba-
 tus, tum figuræ tropique obliqui, tantum habent dif-
 ficultatis, ut nobis etiam non raro sudandum sit, prius-
 quam intelligamus. Commodissimum itaque mea sen-
 tentia fuerit, si muneris hoc viris aliquot juxta piis ac
 doctis delegetur, ut ex purissimis fontibus Evangelita-
 rum & Apostolorum, ex probatissimis interpretibus
 universam *Christi* Philosophiam in compendium contra-
 hant, ita simpliciter, ut tamen erudite; ita breviter,
 ut tamen dilucide. Quæ pertinent ad fidem, quam
 paucissimis articulis absolvantur. Quæ ad vitam, item
 paucis tradantur, & sic tradantur, ut intelligant *Christi*
 jugum blandum & commodum esse, non asperum: ut
 intelligant sese patres nactos, non tyrannos; pastores,
 non prædones; ad salutem vocari, non ad servitu-
 tem pertrahi. Homines sunt & illi, nec ferrum aut
 adamantem gestant in pectore, possunt mollescere,
 possunt officii adjungi, quibus mansuescunt & feræ. Et
 efficax inprimis res est *Christiana* veritas. Sed quibus
Romanus Pontifex hoc negotii volet delegare, eadem o-
 pera mandabit, ne quid deflectant ab archetypo *Christo*,
 ne usquam ad hominum affectus aut cupiditates respi-
 ciant. Tale quiddam utcunque mihi tum parturiebat a-
 nimus, cum hoc *Enchiridii* cuderem. Videbam *Christi-
 anorum* vulgus non affectibus modo, verum etiam o-
 pinionibus esse corruptum. Perpendebam eos qui pa-
 stores ac doctores se profitentur, plerosque ad suum
 compendium *Christi* titulis abuti; ne quid interim com-
 memorem de his, quorum nutu ac renutu res humanæ
 sursum deorsum ἀγορταί & φέρονται, ad quorum vitia
 quantumvis manifesta vix licet ingemiscere. Et in tanta
 rerum caligine, in tantis mundi tumultibus, in tanta hu-
 manarum opinionum varietate, quo potius confugiend-
 um, quam ad vere sacram ancoram Evangelicæ do-
 cetrinæ? Quis vere pius non videt ac suspirat hoc secu-
 lum longe corruptissimum? Quando unquam tyrannis,
 quando avaritia regnavit aut latius aut impunius? Quan-
 do unquam plus tributum ceremoniis? Quando licen-
 tius exundavit iniquitas? Quando sic refrixit charitas?
 Quid affertur, quid legitur, quid auditur, quid de-
 cernitur, nisi quod ambitionem quæstumque sapiat?
 O infelices nos, nisi *Christus* nobis aliquot suæ doctrinæ
 scintillas, suæque mentis ceu vivas & æternas venulas
 reliquisset. In hoc igitur eritendum ut, omissis homi-

A num prunis, has scintillas ἀναζωοποιῶμεν, nam *Paulino* An.
 verbo libenter utimur, has venas scrutemur, donec re- 1518.
 periamus aquam vivam salientem in vitam æternam.
 Hanc nostram terram altissime scrutamur, ut vitiorum
 eruamus alimenta: & *Christi* ditissimam terram non ri-
 mamur, ut eliciamus salutem animarum? Nunquam ulla
 vitiorum hyems sic exstinguit charitatis ardorem, quin
 ex hoc filice possit restitui. Petra *Christus*, sed hæc
 petra seminarium habet ignis cœlestis, venas habet a-
 quæ vivæ. Fodit olim puteos *Abraham* in omni ter-
 ra, ubique scrutans venas aquæ vivæ. Sed eosdem à
Philistinis terra oppletos refodit *Isaac* cum pueris suis;
 nec contentus instaurasse pristinos, fodit & novos. At
 B rursum movent jurgium & rixas *Philistæi*, neque ta-
 men ille definit fodere. Nec his temporibus omnino
 defunt *Philistæi*, quibus terra gravior est vitalibus fon-
 tium scatebris; quippe hi, qui terrena sapiunt, & ad
 terrenos affectus detorquent doctrinam Evangelicam,
 quam cogunt humanæ servire ambitioni, cogunt lu-
 cris turpibus, & tyrannidi suæ obsecundare. Quod si
 quis *Isaac*, aut si quis ex hujus familia foderit, repe-
 reritque venam aliquam puram, protinus obstrepunt
 ac reclamant, intelligentes eam venam offecturam lu-
 cris, offecturam ambitioni, etiam si pro *Christi* gloria
 faciat. Mox terram injiciunt, & corrupta interpreta-
 C tione venam obturant, fossorem depellunt, aut ita cer-
 te luto sordibusque conspurcant aquam, ut qui inde
 biberit, plus hauriat limi sordiumque, quam liquoris.
 Nolunt sitientes justitiam de puro latice bibere, sed
 adducunt eos ad suas cisternas contritas, quæ rudera
 habent, aquam non habent: sed tamen non oportet
 germanos pueros *Isaac*, hoc est, veros *Christi* cultor-
 es ab hoc labore defatigari. Nam inter hos quoque
 volunt haberi, qui terram ingerunt Evangelicis fontib-
 us, adeo ut inter *Christianos* jam minime tutum sit
Christum pure docere. Tantum invaluerunt *Philistæi*,
 pro terra belligerantes, pro cœlestibus terrena, pro di-
 vinis humana prædicantes; hoc est, non ea quæ fa-
 ciunt ad *Christi* gloriam, sed quæ ad illorum quæstum,
 D qui condonationes, qui compositiones, qui dispensa-
 tiones, similesque cauponationes redimunt. Idque fa-
 ciunt hoc periculosius, quod suis cupiditatibus, magno-
 rum Principum, summi Pontificis, atque ipsius etiam
Christi titulos prætexunt. Atqui nemo verius summi
 Pontificis agit negotium, quam qui cœlestem *Christi*
 Philosophiam pure tradit, cujus ille primus est doctor.
 Nemo de Principibus melius meretur, quam qui dat
 operam, ut populi res quam maxime florent, & quam
 minima tyrannide premantur. Sed reclamabit hic ali-
 quis è scholarum agminibus: Facile est cuivis in gene-
 re præcipere quid sequendum, quid fugiendum, at quid
 E interim respondebitur iis, qui de tot eventis, de tot ca-
 sibus consulunt? Primum, plures sunt rerum humana-
 rum species, quam ut ad singulas possint haberi certa
 responsa. Deinde, tanta est circumstantiarum varietas,
 ut nisi his cognitis ne possit quidem certum responderi.
 Postremo, haud scio an isti certum habeant quod re-
 spondeant, præsertim cum de plerisque inter se dis-
 sentiant. Et qui in hoc genere cordatiores sunt, non
 ita respondere solent, Hoc facies, hoc fugies, sed,
 Hoc tutius est, mea sententia, Hoc arbitror tolerabi-
 le. Quod si nobis adsit simplex ac lucidus ille oculus
 ex Evangelio, si domus animi puræ fidei lucernam
 habeat candelabro impositam, facile minuta ista ceu
 nebulæ discutientur. Si adsit *Christiana* charitatis ro-
 F gula, ad hanc omnia facile cœquabuntur. At quid fa-
 cias, cum hæc regula pugnet cum his, quæ sunt publi-
 co seculorum usu recepta, quæque Principum legibus
 sancita? nam & hoc non raro usu venit. Ne damna-
 ris, quod pro suo officio gerunt Principes. At rursum,
 nolim contaminare cœlestem illam Philosophiam *Chri-
 sti* humanis decretis. Maneat *Christus* id quod est, cer-
 trum, ambientibus circulis aliquot. Noli scopum suo
 movere loco. Qui proximi *Christo* sunt, Sacerdotes,
 Episcopi, Cardinales, Pontifices, & quorum est sequi
 Agnum

An.
1518.

Agnum quocunque ierit, purissimam illam partem amplectantur, & quoad licet in proximos transfundant. Secundus circulus habeat Principes profanos, quorum arma legesque suo quodam modo *Christo* serviunt; si-ve dum justis bellis profligant hostem, publicamque tuentur tranquillitatem, si-ve dum legitimis suppliciis coercent facinorosos. Et tamen quoniam necessario versantur in his rebus; quæ cum infima fece terræ, quæque cum mundi negotiis conjunctæ sunt, periculum est ne prolabantur longius. Ne bellum non pro Republica, sed pro sua libidine gerant. Ne justitiæ prætextu sæviant & in eos, quos clementia sanare poterat: ne titulo domini populum expilent, quorum res tueri debuerant. Porro, ut *Christus* velut ignis æterni fons, sacerdotum ordinem proxime ad se trahit, ac velut igneos reddit, puros ab omni terrenæ fecis contagio: ita sacerdotum est, & præsertim summorum, Principes quantum licet ad sese vocare. Sicubi bellum ingruerit, adnitantur Pontifices, ut aut componantur res citra sanguinem, aut si id non potest, ut sunt rerum humanarum procellæ, certe id agant, ut minus cruenta geratur bellum, neve in longum propage-tur. Olim & in justis suppliciis intercedebat Episcoporum auctoritas, & subinde nocentem è Judicium manibus extorquebat, ut palam in Epistolis suis testatur *Augustinus*. Sunt enim quædam ita necessaria ad ordinem Reipub. ut ea tamen *Christus* partim dissimularit, partim ab se rejecerit, partim nec improbens, nec approbens, velut ad ea conniveat. Non agnoscit nummum Cæsaris, nec inscriptionem. Censum ita dari jubet, si de-beatur, quasi ad se non multum pertineat, modo de-tur Deo quod illi debetur. Adulteram nec damnat, nec palam absolvit, tantum jubet, ne repetat admissum. De damnatis à *Pilato*, quorum sanguinem miscuerat cum illorum sacrificiis, non pronunciat, recte an secus hoc passi sint: tantum, simile exitium comminatur omni-bus, nisi resipiscant. Porro, vocatus arbiter dividun-dæ hæreditatis, palam rejicit officium, velut indignum esset de rebus tam crassis pronunciare, qui cœlestia do-eeret. Contra, sunt quæ palam detestatur. In *Phariseos* avaros, in hypocritas, in divites elatos, *Va* intonat: Apostolos nunquam acrius redarguit quam ubi vindictæ cupiditate, aut ambitionis affectu tanguntur. Rogan-tibus an iussuri essent ignem è cœlo descendere, qui exureret civitatem unde excluderentur, *Nescitis*, in-quit, *cujus spiritus sitis*. *Petrum* à cruce ad mun-dum revocare conantem, Satanam appellat. De pri-matu disputantes, quot modis, & quoties revocat ad diversum affectum? Sunt item quæ palam docet, ac præcipit: Non resistere malo, bene mereri de inimi-cis, animi mansuetudinem, aliaque consimilia. Dis-tinguenda sunt hæc, & in suum quæque digerenda locum. Ne protinus igitur horum, quæ geruntur à Principibus, aut profanis magistratibus, *Christum* fa-ciamus auctorem, aut, ut nunc loquuntur, juri divi-no asseramus. Crassa quædam ab illis tractantur, nec omnino *Christiana* puritatis, sed quæ tamen insectanda non sint, utpote necessaria ad rerum ordinem tuen-dum. Nec enim horum ministerio fit, ut boni simus, sed ut minus mali; utque qui mali sunt, minus no-ceant Republicæ. Debetur igitur & his suis honos, quod utcunque serviant justitiæ divinæ, publicæque tranquillitati, si-ve qua turbantur aliquoties & ea quæ sunt pietatis. Honorandi sunt ubi suo funguntur of-ficio, tolerandi fortassis ubi sibi gerunt potestatem, ne quid deterius exoritur. Sublucet enim in his quoque imago, vel umbra verius, divinæ justitiæ, quam tamen oportet longe expressius, evidentius, ac purius, in sacerdotum moribus ac legibus elucere. Aliter in ferro relucet imago, aliter in vitreo specu-lo. In tertio circulo promiscuum vulgus collocemus, veluti crassissimam hujus orbis partem, sed ita crassif-simam, ut tamen ad *Christi* pertineat corpus. Neque enim oculi tantum corporis membra sunt, verum etiam suræ, pedes, ac pudenda. His sic est indulgendum,

ut semper, quoad fieri poterit, vocentur ad ea quæ *An. Christo* sunt potiora: nam in hoc corpore qui modo 1518. pes erat, oculus fieri potest. Et tamen ut Principes si sint impii, non sunt exacerbandi convitiis, ne pro-vocati graviores excitent Tragœdias, juxta senten-tiam *Augustini*: ita populus imbecillus, exemplo *Chri-sti*, qui tanta lenitate tulit ac fovit suos Discipulos, fe-rendus erit, ac paterna fovendus indulgentia, donec paulatim grandescat in *Christo*. Habet enim & pietas suam infantiam, habet ætatis accessus, habet perfectum & vegetum robur. Omnibus tamen pro sua cuique portione ad *Christum* est enitendum. Elementorum suus cuique locus est. Sed ignis, qui summam tenet sedem, omnia paulatim ad se rapit, & quantum fieri potest, in suam transformat naturam. Aquam cliqua-tam vertit in aerem, aerem extenuatum in se transfor-mat. Multa *Paulus* indulget *Corinthiis*, distinguens in-terim quæ Domini nomine proponeret perfectis, & quæ suo nomine indulgeret infirmis; hac tamen spe, ut proficerent. *Galatas* iterum parturit, donec in eis formetur *Christus*. Jam qui putabit hunc circulum Principibus magis tribuendum, cum hoc non fuerit magna contentio. Etenim si mores æstimemus, vix alios videas crassius *Christianos*: de plerisque loquor, non de omnibus. Quicquid autem extra tertium cir-culum erit; id semper & in omnibus detestandum; quod genus sunt ambitio, studium pecuniæ, libido, ira, vindicta, invidia, obrectatio, reliquæque pe-stes: sed quæ tum demum fiunt immedicabiles, cum pietatis & officii persona commendatæ, in superio-res circulos irrepunt: hoc est, cum justitiæ juris-que prætextu nostram exercemus tyrannidem, cum per religionis occasionem consulimus quæstui, cum Ecclesiæ defendendæ titulo mundanum venamur im-perium; cum præcipiuntur velut ad *Christi* rem fa-cientia, quæ longissime absunt à *Christi* doctrina. Proinde scopus omnibus est ingerendus, ad quem e-nitantur. Scopus autem unicus est, videlicet *Chri-stus*, & hujus doctrina purissima. Quod si pro cœ-lesti scopo terrenum proponas, non erit ad quod recte enitatur qui contendit proficere. Quod summum est, id omnibus est destinandum, ut saltem assequamur mediocritatem. Nec est quod ullum vitæ genus ab hoc sco-po submoveamus. In affectibus est *Christi* perfectio, non in vitæ genere. In animis est, non in palliis, aut cibis. Sunt inter Monachos, quos vix recipit extre-mus circulus, & tamen de bonis loquor, sed infirmis. Sunt inter digamos, quos *Christus* primo dignatur circulo. Neque vero fit interim ulli vitæ professioni injuria, si quod est optimum ac perfectissimum omni-bus proponitur. Nisi forte *Plato* contumeliosus fuisse putatur in omnes civitates, quoniam in politia sua ejus-modi Republicæ proposuit exemplar, quale hæcenus videre non licuit. Aut *Quintilianns* universum Orato-rum ordinem læsit, qui tale finxerit Oratoris exem-plar, qualis adhuc nullus exstitit. Procul abes ab ar-chetypo? non rejiceris, sed exstimularis, ut proficias. Non multum abes? admoneris ut accedas propius. Ne-que enim quisquam usque adeo processit, ut non ha-beat quo proficiat. Habet autem unumquodque vitæ genus cognata quædam degenerandi pericula. Ea qui commonstrat, non derogat ordini, sed rem ordinis a-git. Veluti Principum felicitas obnoxia est tyrannidi, obnoxia est stultitiæ, obnoxia adulationi, obnoxia delitiis. Hæc qui commonstrat vitanda, bene mere-tur de Principum ordine. Nec derogat illorum ma-jestati qua gloriantur, qui demonstrat, quibus in re-bus sita sit vera Principum majestas, qui illos admo-net, quid jurarint in suscipiendo principatu, quid de-beant populo suo, quid magistratibus. Ecclesiasti-ci Proceres fere affines sunt duabus potissimum pe-stibus, avaritiæ & ambitioni. Quod ceu præsentiens primus ille secundum *Christum* pastor, admonet. Epi-scopos, ut pascant gregem suum, non autem expi-lent, aut deglubant; nec pascant turpis lucri gratia, sed

AN. ex animi prompta voluntate. Nec dominantur in suos, sed exemplo vitæ provocent ad pietatem potius, quam minis aut imperio. An igitur derogare videbitur ordini sacerdotali, qui commoneat, quibus rationibus Episcopi vere magni sint, vere potentes, vere divites? Porro, Monachorum genus fere comitatur, præter alios morbos, superstitio, supercilium, hypocrisis, obtreptatio. Non damnat igitur protinus horum institutum, qui monet, quibus in rebus sita sit vera religio, & quantum absit à supercilio vere *Christiana* pietas, quantum absit à fūco germana charitas, quam pugnet cum sincera religione linguæ virulentia, præsertim si tali moderamine commonstret quid sit vitandum, ut nec hominem ullum notet, nec ordinem attingat. Quid autem est in rebus humanis tam felix, cui non suæ pestes sint additæ? Sicut igitur adjuvat, non lædit sanitatem corporis, quisquis indicat, quæ res aut vitient aut tueantur veram sanitatem: ita non avocat à religione, sed adhortatur potius, qui demonstrat veræ religionis corruptelas, ac remedia. Nam audio quosdam sic interpretari, quasi præceptiones hujus libelli, quoniam minus tribuunt ceremoniis quam vellent quidam, qui plus nimio tribuunt, nec ita multum humanis constitutionibus, hominum animos alienent à vita monastica. Usque adeo nihil tam circumspicere dici potest, quod non rapiatur ab improbis vel in aliquam calumniam, vel in ansam peccandi, ut jam vix tutum sit quicquam recte monere. Si quis à bellis, quæ jam seculis aliquot ob res nihili plus quam Ethnice gerimus, deterreat, notatur à sycophantis, quasi sentiat cum iis, qui negant ullum bellum gerendum *Christianis*. Nam hæreticos fecimus auctores hujus sententiæ, quod Pontifex, nescio quis, bellum approbare videatur. Neque tamen notatur, qui contra *Christi* & Apostolorum doctrinam, ad bellum quibuscumque de causis suscipiendum, classicum canit. Si quis admoneat, verè Apostolicum esse, *Turcas Christi* præfidiis ad religionem pertrahere, potius quam armis, continuo vocatur in suspensionem, quasi doceat, *Turcas*, si impetant *Christianos*, nullo modo coercendos. Si quis prædicet Apostolorum frugalitatem, & in horum temporum luxum dicat aliquid, non defunt à quibus notetur velut *Ebionitis* favens. Si quis impensius adhortetur, ut qui conjugio copulati sint, magis pietate & animorum consensu, quam corporum complexu cohæreant, & ita pure colant matrimonium, ut virginitati quam potest simillimum sit, in suspensionem vocatur, quasi cum *Marcionitis* omnem coitum spurcum ducat. Si quis admoneat, ut in diatribis, præcipue theologicis, absit ambitiosa vincendi suæque tuendi pertinacia, absit theatrica illa ostentandarum virium ambitio, non recte defertur, quasi scholas in totum damnet. Neque enim divus *Augustinus*, admonens dialecticis cavendam esse rixandi libidinem, damnat dialecticam, sed pestem illius ostendit, ut viteatur. Item, si quis præposterum vulgi judicium taxet, inter virtutes, primas tribuentis iis, quæ sunt extremæ classis, & contra: item inter vitia, vehementissime detestantis quæ levissima sunt mala, cum sint atrocissima, ac retrorsum; protinus in jus vocatur, quasi vitis favet, quibus gravius vitium anteposit: aut quasi damnet benefacta, quibus alia præfert ut sanctiora. Veluti si quis admoneat, tutius esse benefactis fidere, quam Pontificiis condonationibus, non utique damnat illius condonationes, sed præfert id quod ex *Christi* doctrina certius est. Itidem, si quis admoneat, rectius facere eos, qui domi liberis & uxori moderandæ dant operam, quam si visendi gratia *Romam*, *Hierosolymam*, aut *Compstellam* adeant; eamque pecuniam, quam infumant in longam ac periculofam professionem, sanctius in bonos ac veros pauperes erogari, non damnat pium istorum affectum, sed antefert, id quod propius est veræ pietati. Jam vero non nostrorum modo temporum est, quædam vitia sic detestari, quasi sola sint, cum cæteris ita blandiamur, quasi vitia non sint, cum sint illis quæ sic execramur atrociora. Queritur in Epi-

stolis *Augustinus*, unum libidinis crimen apud *Afros* imputari sacerdotibus, cæterum avaritiæ temulentiaque vitium pene laudi verti. Unum illud tragicis modis exaggeramus, terque quaterque horrendum facinus, iisdem manibus tractare Corpus *Christi*, quibus atrectaris corpus meretricis. Nec defunt qui nimium Tragice ausint publicitus asseverare, leviolem esse culpam, si mulier habeat rem cum bruta pecude, quam cum sacerdote. Horum impudentiam qui refellit, non continuo favet impudicis sacerdotibus, sed admonet ea negligi quæ magis erant exaggeranda. Est sacerdos aleator, est bellator, aut gladiator, est totus indoctus, totus profanis rebus immersus, malorum Principum malis obsequiis deditus, in hunc non itidem vociferantur, qui totus profanus tractet sacrosancta mysteria. Est sacerdos sycophanta, qui lingua virulenta, mendaciisque confectis, lacerat famam hominis nihil commerti, imo bene meriti, cur hic non vociferamur, O scelus horrendum! Tun' lingua Tartareo veneno tincta, Tun' ore quo jugulas innocentem, & conficis & sumis Corpus illius, qui pro impiis etiam mortuus est? At hoc mali sic negligimus, ut hinc pene laudem ferant, qui religionem religiosissimam profitentur. Reprehendi merentur, qui pernicioso populi exemplo palam concubinas domi alunt. Quis neget? Sed hic morbus non paulo est invisior *Christo*. Non damnat igitur butyrum, qui illi præfert mel: nec probat febrim, qui monet phrenesim esse magis vitandam. Neque facile dictum sit, quanta morum lues ex hujusmodi præposteris judiciis nascatur. Jam quædam ita recepta sunt in ordinem virtutum, ut personam pietatis habeant verius quam vim pietatis; adeo ut nisi circumspicere agas, pietatem veram prorsus extinguant. Si mediocris religionis pestis latuisset in ceremoniis, *Paulus* non tam acriter in omnibus suis Epistolis in eas destomacharetur. Neque tamen usquam damnamus moderatas ceremonias, at non ferimus in his puppim ac proram, quod dici solet, sanctimoniam constitui. Divus *Augustinus* vetuit etiam, ne clerici, quos domi alebat, notabili vestitu uterentur: sed si commendari vellent populo, moribus commendarentur, non vestibus. Nunc quam novi, quam prodigiosi cultus? Neque tamen hoc insector, illud demiror, plus satis his tribui, quæ fortassis jure reprehendi poterant: rursus tam parum tribui his, quæ sola conveniebat spectari. Non insector convitiis, quod *Franciscani* suam, *Benedictini* suam amplectuntur regulam: sed quod quidam illorum plus illis tribuunt quam Evangelio. Quod utinam non in plebrosque istorum competat. Non insector quod alii piscibus victitant, alii leguminibus aut herbis, alii ovibus: sed admoneo vehementer errare eos, qui *Judaico* animo ex hisce rebus justitiæ persuasionem induunt; ex hujusmodi magis, ab hominum conibus repertis, & cæteris anteponunt, cum iisdem pro nullo vitio habeatur famam alienam mendaciis incescere. De ciborum delectu nihil usquam præcipit *Christus*, nihil Apostoli, *Paulus* sæpe dehortatur: virulentam obtreptationem execratur *Christus*, detestantur Apostolicæ literæ, & tamen illic volumus religiosi videri, hic fortes sumus & intrepidi. Hæc qui admonet, cum in genere, tum a-manter, quæso, num is religionem videtur lædere? Quis autem tam demens sit, ut proferendis in lucem Monachorum vitiis, velit haberi disertus? At metuum i- fti, ne suos habeant minus dicto audientes, tam ne pauciores ambiant in illorum cooptari gregem. Imo nemo magis obedit, atque, ut verbo utar *Paulino*, *παραγενῶν*, quam qui hausto *Christi* spiritu liber esse coeperit. Vera charitas omnia boni consulit, omnia suffert, nihil detrectat, obedit præpositis, non solum benignis & commodis, verum etiam asperis ac difficilibus. Sed tamen hoc interim cavendum præpositis, ne alienam obedientiam in suam vertant tyrannidem; & ideo malint eos superstitiosos quam pios, quo magis ad omnem nutum observiant. Patres appellari gaudent. Atqui quis est patrum carnalium, qui suos libe-

An. liberos optet semper infantes esse, quo magis regnum
 1518. in illos exerceat pro sua libidine? Rursus, qui proficiunt ad Christi libertatem, hoc imprimis cavere debent, ne quod admonet Paulus, libertatem faciant pretextum carni; aut ne juxta Petri doctrinam, libertatem faciant velamen malitiae. Quod si unus aut alter hac libertate sit abusus, non continuo par est ob id omnes in perpetuo Judaismo continere. Comperiet quisquis observarit, nullum inter istos arctius adstringere laqueos ceremoniarum, quam qui sub hoc pretextu regnant, & ventri suo vivunt, non Christo. Jam vero non est quod metuant, ne non propageetur *Essenorum* genus, in tanta ingeniorum & animorum varietate: qua sit ut nihil etiam sit usquam tam absurdum, quod non expetatur à multis. Quanquam magis optandum istis, ut ingenuos ac veros habeant religionis professores, quam ut multos. Atque utinam id lege cautum esset, ne quis ante trigessimum annum ejusmodi laqueis implicaretur, antequam ipse sibi notus sit, aut cognita veræ religionis vis. Cæterum, iis, qui *Pharisæorum* exemplo suum agunt negotium, obeuntes terras ac maria, quo faciant unum profelytum, nusquam deerunt adolescentes rerum imperiti, quos in nassam illectent, & quos capient. Ingens ubique stultorum ac simplicium est numerus. Ego certe optarim, nec dubito quin idem optent omnes vere pii, Evangelicam religionem sic omnibus esse penitus cordi, ut, hac contenti, *Benedictinam* aut *Franciscanam* nullus ambiat; nec dubito quin idem optet ipse *Benedictus* ac *Franciscus*. Applaudit *Moses* Christi gloria obscuratus: applauderent & hi, si nobis amore legis Evangelicæ sorderent humanæ constitutiones. Vellem universos *Christianos* ita vivere, ut qui nunc soli religiosi vocantur, parum religiosi viderentur. Quod & hodie in non paucis verum est; cur enim manifesta dissimulemus? Et tamen olim prima monasticæ vitæ origo secessus erat ab idolo atrarum sævitia. Mox hos sequentium Monachorum instituta, nihil aliud erant quam revocamenta ad Christum. Principum aulæ titulo magis quam vita quondam erant *Christiana*. Episcopos mox ambitionis & avaritiæ morbus corripuit. Vulgus item à primitiva illa charitate refrixit. Hinc secessum captavit *Benedictus*, & post hunc *Bernardus*, deinde alii atque alii. Conspiratum est à paucis non in aliud, quam in purum ac simplicem *Christianismum*. Quod si quis *Benedicti*, *Francisci*, *Augustini*, vitam & regulas attentius excutiat, perspiciet illis nihil aliud in votis fuisse, quam ut cum spontaneis amicis juxta doctrinam Evangelicam in libertate spiritus viverent: eosque fuisse compulso, ut de vestibus ac cibis, cæterisque rebus externis aliquid præscriberent; nimirum veritos, ne, quod fieri solet, plus tribueretur humanis constitutionibus hominum quam Evangelio. Horrebant divitias; fugitabant honores etiam Ecclesiasticos; laborabant manibus, ut non solum ipsi graves non essent cuiquam, sed superesset unde subvenirent aliorum inopiæ; occupabant montium cacumina, nidulabantur in locis patulstribus, colebant arenas locaque deserta. Denique tantam hominum multitudinem sine convitiis, flagris & carceribus moderabantur, sola doctrina, monitis, officiis, & vitæ exemplis. Tales erant Monachi, quos amat laudatque *Basilius*, quos tuetur *Chrysostomus*: in illos utcumque quadrabat, quod ad *Marcellam* scribit divus *Hieronymus*, *Monachorum & virginum choros esse florem & preciosissimum lapidem inter ornamenta Ecclesie*. Hoc elogio dictu mirum quam hodie sibi blandiantur Monachi qualescumque. Verum feremus ut amplectantur laudem, si simul amplectantur exemplum. Mox enim vir prudentissimus subjicit formam Monachorum, quos eo titulo dignos censuit: *Pax quidem, inquit, dissena, sed una religio: tot pene psallentium chori, quot gentium diversitates. Inter hæc quæ vel prima inter Christianos virtus est, nihil arrogans sibi de continentia supercilii. Humilitatis inter omnes contentio est; quicumque novissimus fuerit, hic primus putatur. In vestre nulla discretio,*

1518. nulla admiratio, necunquam placuerit incedere, nec decessionis est, nec laudis: jejunia quoque neminem sublevant, nec defertur inedia, nec moderata saturitas condemnatur, suo Domino stat unusquisque aut cadit. Nemo judicat alterum, ne à Domino judicetur: & quod in plerisque provinciis familiare est, ut genua dense se lacerent, hic penitus non habetur. Hactenus ille formam optimorum Monachorum depinxit, eam ad horum temporum mores conferat, qui velit. Talia fuerunt monachismi primordia, tales patriarchæ. Deinde temporis progressu paulatim cum opibus accreverunt ceremoniæ, refrixit germana pietas ac simplicitas. Et quum videamus passim monasteria ad mores plusquam profanos degenerasse, tamen novis institutionibus oneratur mundus, quasi non & ii paulo post eodem sint prolapsuri. Olim, ut dixi, secessus erat Monachorum vita. Nunc ii vocantur Monachi, qui toti in meditullio negotiorum mundanorum versantur, plane tyrannidem quandam in rebus humanis exercentes. Et tamen horum plerique ob cultum, ob titulum, nescio quem, tantum arrogant sibi sanctimoniam, ut cæteros præ se non habeant pro *Christianis*. Cur sic arctamus Christi professionem, quam ille voluit latissime patere? Si magnificis vocabulis commovemur, quælo te quid aliud est civitas quam magnum monasterium? Monachi Abbati suo parent, aut Præpositis: cives Episcopo ac pastoribus suis obsequuntur, quos ipse Christus præfecit, non hominum auctoritas. Illi vivunt in otio, & aliena liberalitate faginantur, in commune possidentes, quod citra sudorem ipsis obvenit, (nihil enim interim dicam de viciosis) isti, quod sua pepererunt industria, pro suis quisque facultatibus impertiunt egentibus. Jam vero quod ad castitatis votum attinet, non ausim explicare, quantum interfit inter vulgarem coelibatum & castum matrimonium. Postremo, non admodum in eo desiderabimus tria illa vota ab hominibus reperta, qui primum illud & unicum votum, quod in baptismo, non homini, sed Christo nuncupamus, sinceriter pureque servaverit. Jam si ex utroque genere malos cum malis conferas, extra controversiam potiores sunt hi. Sin bonos cum bonis, minimum est discrimen, si tamen est ullum, nisi quod religiosiores videntur, qui minus coacti præstant religionem. Superest igitur, ut æquo vel sibi stulte placeat ob vitæ genus ab aliis diversum, vel alienum institutum despiciat, damnetve. Verum, in omni vitæ genere sit hoc omnium commune studium, ut pro sua quisque virili ad Christi scriptum, omnibus præfixum, enitatur: & ad id invicem nos cohortemur, atque etiam adjutemus, nec invidentes iis, qui nos in hoc stadio præcurrunt, nec fastidientes imbecilles, qui nos assequi nondum possunt. Denique, posteaquam quisque quod potuit præstitit, ne fiat similis Evangelico illi *Phariseo*, qui sua benefacta jactat apud Deum, *Jejuno bis in Sabbato, &c.* sed, juxta Christi consilium, dicat, & dicat ex animo, dicat sibi, non aliis modo, *Seruum inutilem, quæd debui facere, feci*. Nemo verius fidit, quam qui sic diffidit. Nemo longius abest à vera religione, quam qui sibi valde videtur religiosus. Nec unquam pejus agitur cum pietate *Christiana*, quam cum quod est mundi, ad Christum detorquetur, cumque hominum auctoritas divina præfertur. In unum illud caput conspiremus oportet, si vere *Christiani* esse volumus. Porro, qui ad Christum vocanti homini paret, Christo paret, non homini. Ex qui fucatos homines, sævos & imperiosos, non docentes ea, quæ faciunt ad religionem, sed ad suam tyrannidem, tolerat, is *Christianam* præstat patientiam, modo quæ præcipiunt calamitosum faciant tantum, non etiam impium. Alioqui conveniet Apostolicum illud responsum habere in promptu, *Deo obedire oportet potius quam hominibus*. Sed jamdudam epistolarem modum excessimus, adeo nos fallit tempus cum amico suavissimo jucundissime confabulantes. Liber *Frabenianis* formulis veluti renatus, multoque quam antea nitidior & emendatior in typum sinum advolat. Adjuncta sunt

An. sunt fragmenta quædam veterum studiorum nostrorum. 1518. Visum est autem tibi potissimum hoc quicquid est editionis adjungere, ut qui ex *Erasmo* recte vivendi præceptiones sumpserit, à *Volzio* protinus ad manum habeat exemplum. Bene vale, Pater optime, ac veræ religionis eximium decus.

Admone *Sapidum* meis verbis, ut sibi vere sapiat, hoc est, sui similis esse pergat; *Wimphelingum*, ut adornet τὸ πᾶν, mox cum *Turcis* conflicturus, quandoquidem jam satis diu bellum gerit cum sacerdotibus concubinariis. Spes est fore, ut illum aliquando videamus Episcopum, mitra bicorni pedomque conspicuum, sublimem mula vehi. Sed extra jocum, & hos, & *Ruserum*, cæterosque amicos, meo nomine multum salvere jubebis. *Erasmi* tui salutem interdum puris votis, piisque precibus, *Christo* Opt. Max. commendato. *Basilea* 14. Augusti, Anno 1518.

EPISTOLA CCCXXX.

Erasmus Rot. Udalrico Zasio S. D.


NON possum obtinere, vir inter bonos optime, & inter doctos doctissime, quin in tuis ad me literis tui similis sis, semper mei me dissimilem faciens, ex minimo magnum, ex infortunatissimo felicem, ex vix trivialiter literato verius quam erudito omnis doctrinæ principem, atque ut semel finiam, ex musca elephantum, quod *Gracii* est in proverbio. Et tamen faveo simulacro, quo me depingis præclare magis quam apte, veluti si *Apelles* quispiam egregiam picturam, omni artificio elaboratam proponat, sed quæ ad exemplar non respondeat. Neque enim quicquam est, quod ex eo mihi possim agnoscere. Verum, quando in *Zasii* mores non cadit ulla fuci suspicio, patiar te tuo indulgere vel amori, vel ingenio, modo mihi vicissim permittas, ut meo obsequar pudori, qui soleam amicos effusus amare quam prædicare: aut si quando res ita tulerit, malim apud alios quam coram. Denique, si inciderit, ut coram quoque sit faciendum, malim aliquanto parcius. Sed quam, obsecro, jacturam mihi narras? Cum antehac de *Zasio* præclare senserim, tamen ex nostro congressu tantum accessit meæ de te opinioni, ut mihi videar magnitudinem tuam hæcenus prorsus ignorasse. Ego Jureconsultum duntaxat expectabam, insignem quidem illum & admirabilem, sed tantum Jureconsultum. Quid autem est in Theologorum mysteriis, aut etiam palæstris illis, quod tibi non erutum, non excussum ac meditatum esse videatur? Quæ Philosophiæ pars est, in qua non ita versatus sis, ut in ea sola versatus videri queas? Aut quis omnino liber est, seu veterum, seu recentium, quem non evolveris, non introspexeris, non imbiberis? Quin & arcana illa, quæ vere pium ac sanctum reddunt hominem, comperio tibi non vulgariter esse observata. Jam eloquentiam tuæ literæ, licet neglectim, & plusquam ex tempore scriptæ, satis præ se ferebant: at non expectabam dives istud & exuberans orationis flumen, nusquam non paratum, quicquid undecunque incidisset. Deum immortalem, qui sermonis nitor, qui fluxus, quam felix, quam ultro scatens, quam non accersitus, quam non affectatus! Extemporalis confabulatio stylum tuum æquabat. Quis non admiretur cani capitis tam virens ingenium? tam præsentem paratamque rerum omnium memoriam? Nihil enim dicam de moribus, quibus neque gravius aut integrius quicquam esse potest, neque suavius. Adeo mire totum *Zasium* temperavit, artifex optima Philosophia. Sed pene imprudens laudum tuarum campum ingredi coeperam. Etiam atque etiam te rogo, ut aliquando tandem expolitissimas lucubrationes tuas sinas in lucem exire. Patere hoc utilitatis studiosis bonarum literarum accedere, patere hoc decoris nostræ adjungi *Germaniæ*, cui nunc notissimum est *Zasii* nomen, sed dignum quod universo innotescat orbi, posteritati quoque celebre plausibile-

que futurum. Cætera, quæ ad hanc rem pertinent, ex *An. Bonifacio Amorbachio*, juvene omnibus rebus affatim 1518. expolito, cognosces. Nostrum officium sicubi desiderabitur, ita præstabimus, ut nos ex animo tuos esse intelligas. Bene vale, doctissime Doctor, & amice incomparabilis. *Basilea* 23. Augusti, Anno 1518.

EPISTOLA CCCXXXI.

Erasmus Roterodamus R. D. Antonio Puccio, Legato Apostolico apud Elvetios, S. D.

SALUTEM, P. Reverendissime, vereor ne jamdudum apud se tua celsitudo *Erasmum* non solum inhumanitatis, verum etiam insignitæ cujusdam ingratitude reum agat, qui tam obviam tuam humanitatem expertus, non saltem literarum officio beneficium agnoscam. Verum, si scias, quam periculose plusquam mentruam pituitam excipiens diarrhoea sceleratissima non sine torminibus alvi nos affligerit: cum interim Operi, quod erat præ manibus, cogeret sufficere: fat scio, quæ naturæ tuæ bonitas est, doliturus sis etiam mihi tam justam esse excusationem. Eo ventum erat, ut de condendo Testamento cogitarem. Nunc pestilentia undique gliscens, nos hinc abigit, Opere nondum absoluto, cujus studio vitam etiam hæcenus contempsimus, non modo pecuniam. Adeo mihi studio fuit, ut quod semel *Leoni Decimo* dedicaram, illo dignum redderem. Nam editio prima mihi non per omnia satisfecit, licet & illa ab eruditissimis quibusque doctissimisque probetur: tantum initio oblatrabant pauculi sycophantæ, sed indocti: deinde, qui nunquam Opus legerant: postremo, in absentem duntaxat, coram nemo verbum. Nunc exhibit, ni fallor, sic elaboratum, ut sperem futurum, ut nec *Leone*, nec posteritate videatur indignum. Frustra narrem, quando nemo crediturus sit, quantis mihi constiterit sudoribus; utinam parem adferat utilitatem Reipublicæ Christianæ, nihil enim hic aliud spectavimus. Quam ad rem tua quoque sublimitas non mediocriter momentum adferre poterit, si non gravabitur à summæ Pontifice impetrare *Breve* aliquod, quo testetur Opus hoc sibi gratum esse. Ita sycophantis illis pauculis os obturabitur. Responderant duo Cardinales, per quos primæ editionis volumen obtuleram *Leoni* Pontifici. *Andreas Ammonius* alteram epistolam huc misit, ea periit: alteram servavit, quæ nunc una cum ipso periit. Scripsimus hac de re ante pauculos dies Card. *Grimano*, & *Paulo Bombasio*. Porro, ne quis scrupulus habeat animum tuum, studii mei rationem paucis exponam. Collatis multis *Gracorum* exemplaribus, quod sincerissimum videbatur sequuti, vertimus *Latine*, nostramque translationem *Gracii* adjunximus, quo Lectori promptum sit conferre: & ita vertimus, ut primum studuerimus, quoad licuit, integritati sermonis *Romani*, sed incolumi tamen Apostolici sermonis simplicitate: deinde, dedimus operam, ut quæ prius Lectorem torquebant vel amphibologia, vel obscuritate sermonis, vel orationis vitiis, aut incommodis, jam explanata sint ac dilucida: parcissime interim recedentes à verbis, à sensu nusquam: quem tamen non ex nobis ipsis somniamus, sed ex *Origene*, *Basilio*, *Chrysostomo*, *Cyrillo*, *Hieronymo*, *Cypriano*, *Ambrosio*, *Augustino* petimus. Adjunximus Annotationes, jam locupletatas, in quibus docemus Lectorem, quid quo consilio sequuti simus, semper veterum Auctorum nixi sententia. Vulgatam hæc Editionem non convellimus, quæ tamen cujus sit incertum est: etiam si compertum est, nec *Cypriani* esse, nec *Ambrosii*, nec *Hilarii*, nec *Augustini*, nec *Hieronymi*: sed indicamus ubi sit depravata, submonentes sicubi insigniter dormitavit Interpretes: explicantes si quid involutum, ac spinosum. Si optandum est ut divinos Libros habeamus quam emendatissimos, hic meus labor non solum amolitur mendas sacrorum Voluminum, verum etiam obstat, ne posthac queant depravari. Si optandum ut recte intelli-





teligantur, plerumque excentos locos aperuimus, antehac nec à magnis intellectos Theologis. Fatentur ipsi, negare non possunt. Si optandum ut huic disputatrici Theologiae, quae pene plus satis posset in scholis, accedat fontium cognitio, huc peculiariter hoc Opus conducit. Nullum igitur studii genus laeditur hoc mox labore, sed adjuvantur omnia. Gracorum lectionem licet ubique verterimus, non tamen ubique probamus: quin nostram alicubi praefereamus, semper indicantes, ubi Scriptores orthodoxi Latini cum Gracis consentiant, aut dissentiant. Porro, lectionis varietas non solum non officit studio sacrarum Scripturarum, verum etiam conducit, auctore divo Augustino. Neque tamen usquam tanta est varietas, ut ad orthodoxae fidei periculum pertineat. In summa, aut me plane fallit Operis amor, aut allaturum est non mediocrem utilitatem sacris studiis, Leoni decimo non minimum decus apud posteros, cum jam quiescet livor & sentietur utilitas, quae quidem tum uberior, tum maturior continget, si summi pastoris accesserit approbatio. Nec aliter cupio probari, nisi ut declaret hoc Opus ob utilitatem sacrorum studiorum sibi gratum esse. Pro mea inscriptione non aliud posco praemium. Alius munus aliquod exspectaret, alius sacerdotium flagitaret: ego, qui tantum prodesse studui, satis amplum praemium mihi videbor assequutus, si contigerit, cujus gratia tantum suscepi vigiliarum. Amplitudo tua rem duobus verbis impetrabit, gratum factura tum ipsi Christo, tum studiosis omnibus, tum peculiariter Frobenio viro tali, ut nullius officinae plus debeant sacrarum studia Literarum. Opus absolvetur intra menses tres: si interea missum erit Breve, poterit praefigi Operi. Magnopere te rogo, sine me hac in re tuam experiri beneficentiam, efficiam vicissim, ut omnes eruditorum centuriæ intelligant se debere Puccio. Cardinali Sedunensi omnia fausta precor, cujus & amplitudinem, & merita brevi, ut spero, Deus Optimus Maximus respiciet. Bene vale, & ignosce, nam hæc scripsimus in ipso procinctu, jam ingressuri navim. Basilea 26. Augusti, Anno 1518.

EPISTOLA CCCXXXII.

Erasmus Rot. Osvaldo S. D.

AMICE candidissime, multo gratissimæ mihi tuæ fuerunt literæ, quibus etsi contracte rescribo, amo tamen effusissime meum Osvaldum, vel quod nobis adeo faveat, vel quod Glareano non semel meo Thesens sit, aut si quid Thesens fidelius. Perge, mi Osvalde, literarium quoque decus Elvetia tuæ, jam olim armis inclytæ, vindicare. Nos hinc pestis abigit, cui maximam malam pestem imprecor. Bene vale. Basilea 26. Augusti, Anno 1518.

EPISTOLA CCCXXXIII.

Des. Erasmus Rot. Bonifacio Amorbachio S. D.

MAGNA felicitatis pars est, maxima gratitudinis, si quis agnoscat sua bona. Proinde etiam atque etiam gratulandum est nostro seculo, gratulandum superis, quorum benignitate præclara studia, tot jam seculis pene sepulta, toto terrarum orbe reflorescunt, ac felicissime propagantur. Ante annos plus minus octoginta, non hi modo erant infantes, atque elingues, qui eas profitebantur artes, quas suo quoque seculo, quo vel maxime floruit erudita facundia, mutas appellat Virgilius: verum etiam ipsa Grammatica recte loquendi magistra, & Rhetorica copiose splendideque dicendi dux, foede misereque balbutiebant: & quæ quondam tot linguis instructæ fuerant, tum unam Latinam pessime Latine sonabant. Post hæc paulatim subolescentibus literis melioribus, Italia sola linguam habebat, nec apud hanc ullæ disciplinæ præter oratoriam. Nunc nulla est natio sub Christiana ditione, in qua non omne disciplinarum genus (Musis bene fortu-

tantibus) eloquentiæ majestatem, eruditionis utilitati adjungit. Medicina loqui coepit apud Italos, opera Nicolai Leoniceui, senis immortalitate digni; apud Gallos, Guiselmi Copi Basileensis; apud Britannos, studio Thoma Linacri, sic nuper disertus coepit esse Galenus, ut in sua lingua parum disertus videri possit. Ejusdem opera sic Latine loquitur Aristoteles, ut licet Atticus, vix in suo sermone parem habeat gratiam; licet ante hunc, illud certe præstiterint, apud Italos Argyropylos, Trapezantius, Theodorus Gaza, Marsilius, Picus: apud Gallos, Faber Stapulensis, ne Philosophia muta videri possit. Porro, legibus Cæsareis pristinum elegantiae nitorem, atque etiam geminae literaturæ gloriam feliciter restituit apud Gallos Guilielmus Budanus; apud Germanos, vir omnibus modis incomparabilis, Udalricus Zasius, tanta Romani sermonis ubertate scatens, ut Ulpianum quempiam loqui putes; non hujus ætatis Jureconsultum. At nescio quo pacto nondum ea res perinde succedit Theologis, etiamsi non desint, qui fari gestiant. Spero tamen brevi futurum, ut hæc quoque professio, situ deterso, pristinum suum nitorem asserat. Hactenus è doctorum centuriis excluderentur, qui paulo politius loquerentur: nec dignabantur quenquam suo albo professores, nisi qui cum ipsis turpiter balbutisset, neque quicquam omnino castioris literaturæ attigisset. Atque illud protinus erat in promptu, Grammaticus est, non Philosophus: Rhetor est, non Jureconsultus: Orator est, non Theologus. Sed brevi, ni fallor, rebus in diversum commutatis, non recipientur in ordinem, nisi qui priscos illos disciplinarum auctores, elegantioribus etiam literis referant: neque fas erit cuiquam sibi sapientiam vendicare, nisi simul adfuerit potestis eloquentia, quam divus Augustinus non vult usquam ab héra sua digredi. Zafianus Annotationes percurri verius quam legi: nam adferebantur me jam ad iter accincto. Mire placuit gustus, neque dubito, quin omnia magis sint placitura, si liceat affatim expleri talibus epulis. Exstimulabis hominem, mi Bonifaci, ne diutius nobis hanc gloriam, hunc fructum, hanc voluptatem invideat, nisi tu quoque nobis invides, cum contigerit tibi domestico Zafii contubernio felicem esse. Bene vale. Basilea 31. Augusti, Anno 1518.

EPISTOLA CCCXXXIV.

Albertus, Archiepiscopus Moguntinensis & Magdeburg. Primas Germaniæ, Princeps Elector, ac Marchio Brandenburgensis, &c.

*** N**OBIS dilecto Desiderio Erasmo Roterodamo salutem in Christo. Nuper in voluminibus ab te editorum lectionem incidentes, Erasme doctissime, cum divinum hoc tuum ingenium, omnigenam eruditionem, & supra captum pene hujus seculi ac patriæ eloquentiam admirati essemus, cepit nos ingens quoddam te videndi desiderium: quippe nihil magis ex dignitate nostra arbitrati sumus, quam cum nos Dei Opt. Max. benignitate, in Principem Episcoporum locum evehi simus, eum virum, qui non per Germaniam modo, sed universam prope Europam, in literis principatum obtineat, complecti ac fovere. Proinde tantum defuisse fortuna nostra, si te non viso ab hac vita migrare contingeret, arbitraremur, quantum nobis felicitatis adscribimus, quod eo tempore nati sumus, quo tu tantus vir, his literis, hac industria communem Germaniam à fœda barbariei appellatione vindicas: imo quo tu divinam Theologiam, ab illa antiqua ac germana in novam quandam & impuram aliquot jam seculis deformatam, suo splendori reddas, ac pristinum in nitorem restituis. Quid enim desiderari magis ætate nostra potuit, quam ut emendatiora essent Novi Instrumenti exemplaria? At te interprete omnes absterse macule, omnis additus nitor. Quid dolendum magis fuit, quam illum sic ab se immutatum, sic mutilum ac consensum Hieronymum in manibus haberi? at per te in lucem est reductus & quasi à morte in vitam revocatus. Maeste vir-

An. virtute decus Germaniæ, amabilissime Erasme. Sic itur
3518. ad astra. Sed tu ne gravare sic de te sentientem, sic er-
ga te affectum, si quando hac iter facies, invisere. Et o
felicem illum (si quis nobis illucescet) diem, quo in tuam
faciem hos oculos defigemus, quo ad suavissimum tuum e-
loquium has aures arrigemus, quo abs tuo penitus ore pen-
debimus. Nihil enim inter nos, & illos Titi Livii admira-
tores interesse censebimus. Quod faxit Christus Servator,
ut quem absentem ex libris admiramur, ejus coram allo-
quio frui liceat. Sic enim futurum speramus, ut quod
jam querimus, aliquot divorum vita elegantiori, & quali
tu polles, stylo illustrentur. Vale, doctissime Erasme, ac te
nobis serva, & ostende. Iterum vale. Ex oppido nostro Steyn-
heym 13. Septemb. manu nostra propria, An. post nat.
Christum 1518.

EPISTOLA CCCXXXV.

Paulus Bombasius Erasmo suo S. D.

LITERAE tue, quas ad xy. Calend. Septemb. dede-
ras, vix pridie Id. mihi tandem reddita fuerunt, me-
que ita delectarunt, ut nulla re jucundius affici potuerim,
fateo quodam tibi, adeo devinctus, ut vel blando illo tui
nominis occursum plurimum recreer, multo autem magis, si
quod ex animo ingenioque tuo depromptum mihi obveniat,
quod sapius quidem optare, nunquam vero exigere meus
me pudor finit, ne tua morans tempora, in publica com-
moda (ut Flaccus inquit) peccem: quibus quantum, meo
judicio, non strenue ac gnauiter modo, sed etiam feliciter
hactenus consulueris, apud alios predicare quam tibi re-
ferre malim: sed ne tibi, qui me intus & in cute nosti,
jam persuasa atque etiam nota longiori sermone persuade-
re velle videar, ad epistolam tuam venio. Quod te un-
dique invitantibus Regibus atque Principibus, ad Novum
Testamentum recudendum Basileam, rejectis ac posthabi-
tis omnibus, conferre maluisti, nihil equidem miror, quip-
pe qui sciam Erasmus nihil pre literarum conscientia ma-
gni unquam estimasse: utinamque id fecisses, dum istic
ego aderam, nihil enim me uno fuisset beatius, nec urbs
Roma tam facile me revocare potuisset. Pro Brevis obti-
nendo, quod Operis tui benignum futurum sit elogium, non
tibi Georgius aut Marcus rogandi fuerunt, quorum hic
jampridem ab urbe abest, ille vero proximis diebus an-
tumnatum secessit, cum Cardinalem meum Sancti. quatuor,
doctorem omnium fautorem egregium, rerumque hujus-
modi arbitrum ac magistrum, ut nemo alius, propitium
habeas, qui de tua voluntate certior a me factus, Brevis
archetypum a me formatum probavit, idque in membrana
transcriptum Leoni Pontifici, biduo ante ab urbe profecto,
estimandum, & nisi displiceret, obsignandum misit. Sed
tuum queso hic fatum agnosce, nisi meum dici mavis: nam
cum Silvius quidam philologus, juvenis Gallus, tui (ut
pra se ferebat) apprime studiosus, ad ipsum Pontificem es-
set iturus, Cardinalis mei commendatitias habens, po-
stridieque se inde rediturum diceret, nullum ego sperans
aptiorem mihi dari posse, cui negotium tale committere-
tur, ei Breve consignavi, ac literas ad Secretarium Pon-
tificis dedi, quibus illum Cardinalis nomine rogabam, ut
Breve obsignatum statim per eundem Silvium remitteret,
qui alioquin febriculosus & valetudinarius, incommodo
aliquo (ut suspicor) in ipso itinere praeventus, Breve ac li-
teras Secretario pramisit: ille nihil moratus, Breve &
commendatitias Pontifici statim reddidit: qui viso & ob-
signato Brevis, literisque perlectis, eum, qui commendaba-
tur, ad se vocari, & cum nusquam appareret, omni di-
ligentia perquiri iussit, nec ille usquam locorum potuit ha-
ctenus reperiri. Ego, qui intra paucissimos dies negotium
confectum iri speraveram, pluribus jam lapsis diebus,
cum nihil actum viderem, iterum ad Secretarium scribo,
eum negligentia atque etiam injuria postulans, quod sin-
gulis prope horis innumera Brevia ad urbem remittens,
Erasmicum tamdiu retineat. Nuncii, quam tibi retuli,
adhuc incertam latebram, pluribus ille scribit, Breveque
ad nos per tabellarium, nescio quem, remissum affirmat:
quod diu quaesitum cum nusquam reperiretur, consimile

A aliud expediendum curavi: quod nisi καὶ οὐδὲν aliud
intercipiet, ad te tandem perferetur. Habes de Brevis
longam satis, & odiosam fabulam: nec tu diem data mi-
ratus fueris, quam ego, ut multo auspiciorem futuram,
potius Romæ quam alibi usquam esse volui. Gaudeo epi-
stolam tuam, qua mea respondisti, excusam: meque no-
minis fama nonnihil auctum fuisse: modo ne mea illi sic
addita, qua (ut ego meminisse possum) vix digna erat,
qua semel ab amico legi posset, ac vulgari cuiusvis, ne-
dum optima tua componeretur. Lascaris in Gallia nunc
agit, proptereaque a me conveniri non potuit. Si qua
viri docti, qualem describis, facultas mihi se obtulerit,
tua voluntati pariter, ac illius commodo inserviam. Me
B a literaria professione non tam mea voluntas, vel (ut tu
suspicas) fortuna melior avocavit, quam incertus il-
le, cui pleraque tam mala quam bona debentur, casus
eripuit. Boerii ambo Romæ agunt, teque invicem sa-
lutant. Bernardus incidit in quartanam, sed non admo-
dum gravem. Januam se discessurum minabatur. Puc-
cium Legatum jam istinc pedem movisse, iterque Romam
versus facere non dubito, & propterea Breve ipsum non
ad eum, sed ad Protonotarium Caraciolum Pontificis ap-
ud Casarem Legatum dirigo, quem in eo ad te protinus
transmittendo, nec inhumanum nec indiligentem futurum
spero. Vale, mi Erasme, ac Beatum & Amorbachios,
C ceterosque istic doctos meo nomine saluta. Roma ex pa-
latio Apostolico 1. Octob. Anno 1518.

EPISTOLA CCCXXXVI.

Erasmus Rot. Gulielmo Budæo suo S. D.

PROLIXAM illam tuam epistolam, ad Idus Apriles scri-
ptam, ad Calendas Septembres accepi, receptam è Ja-
nuæ; sed talem, ut haud sciam, an ex utriusque dignitate
sit eam premi. Videor mihi peculiarem ingenii tui
sensum deprehendisse, nec dubito, quin ista sincero
animo abs te scribantur, verum vereor, ut idem pos-
sim cæteris persuadere. Porro, quid si ista ad posteros
perveniant? Beatus Rhenanus eam mihi tum a cœna cæ-
cutienti prælegit, homo doctus ac mire candidus: &
quod præcipuum est in studiis, sani pectoris. Non li-
bet referre, quid ille judicavit, & tamen præmonitus
a me de tuo ingenio in jocis familiaribus liberiori.
Conviciis certare cum quoquam, nec viro dignum est:
cavillis contendere, non libet. Argumentis solidis tanto
queam esse superior, quanto tu sermonis apparatu vin-
cis, vel Deloio & Ruzeo iudicibus, aut si quos magis
habet tuos. Verum, ego unum Budæum amicum malo,
quam decem ejusmodi victorias. Plus satis est una a-
pologia. Basileæ perpetuo fere ægrotavi: in itinere re-
valueram, sed præterita Colonia, in summum exitium
recidi. Adhuc domi desideo. Chirurgus, inspectis tri-
bus ulceribus, pronunciavit esse pestem, verum falso,
ut opinor. Episcopo scribam cum erit ocium, & tibi
item copiosius. Glareanum meis verbis salutato, si for-
te videris hominem. Redditæ sunt & illius postremæ
literæ. Bene vale. Lovanio 15. Octobris, An. 1518.

EPISTOLA CCCXXXVII.

Erasmus Roterodamus Cl. D. Musiano Ruso, viro omni
doctrina genere consummatissimo, S. P.

INCOMMODE offendit me Eobanus noster, & æ-
grotum & occupatissimum. Alioqui nihil unquam vi-
di libentius, ὦ φίλῳ Μῆσαι! qui carminum fluxus? quæ
vena? quæ felicitas? ut dicas natum Poetam, non in-
stitutum. Eadem orationis solutæ Minerva est. Jam
mores ii, quos optem Theologis esse. Felicem Germa-
niam, sed præcipue Erphurdiam, si modo norit sua
bona. Delectavit me tuæ quoque epistolæ candor, ani-
mi tui candorem referens. Munusculum diu rejeci, do-
nec abs te profectum intelligerem. Nugarum mearum
indicem subtexui, etiam si ipse vix memini ineptia-
rum mearum. Bene vale. Lovanio 17. Octobris, An.
1518.

EPI-

EPISTOLA CCCXXXVIII.

Erasmus Rot. Agidio Buslidio S. D.

An. 1518. **O**RNATISSIME Buslidi, posteaquam fatum nullis querimoniis aut lachrymis verti potest, utinam quæ posteritati, & immortalis laudatissimi fratris tui Hieronymi Buslidii memoriam gloriæque debentur, ita succedant omnia, ut hac sane parte cœpit succedere. Commodum huc appulit Adrianus genere Hebraeus, sed religione jam olim Christianus, arte Medicus; Hebraica literaturæ totius sic peritus, ut mea sententia non alium habeat usquam hæc ætas, qui cum hoc conferri possit. Quod si meum iudicium in hac re non satis habebit apud te ponderis, idem testantur uno ore omnes, quotquot vel apud Germanos, vel apud Italos cognovi huius linguæ peritos. Neque solum callet ad plenum linguam, verum etiam in ipsis auctorum adytis est diligentissime versatus, ac libros omnes sic habet in promptu, ut digitos unguetque suos. Is ipse est, de quo tibi nuper mentionem fecit Bruxella Ludovicus Vacus. Exposui Theologis qualis sit, neque dubitarem meo recipere periculo, hunc unum esse hæc ætate, qui nobis fuerit votis omnibus expetendus. Eum posteaquam Deus aliquis propitius ultro nobis obtulit, nostri muneris esse videtur, ut oblatum modis omnibus retineamus. Non meum ago negotium, sed impense faveo memoriæ benignissimi patroni, & amici incomparabilis. Faveo publicæ temporum nostrorum felicitati, cui & ipse, pro mea virili, tantum vigiliarum impendi, atque etiamnum impendo. Adest ipse jamdudum apud nos, hortatu modo dicti Ludovici. Impera tu Erasmo, si quid iudicabis à me præstari posse. Bene vale. Lovanio 18. Octobris, Anno 1518.

EPISTOLA CCCXXXIX.

Erasmus Rot. Christophoro Eschenveldio, teloneo Popardienfi, S. D.

QUID tam præter spem evenit, quam quod Cincampianum nostri studiosum Popardie reperi? Immo telonen Musis honestisque studiis addictum? Christus in probrum Pharisæorum vertit, quod meretrices & publicani præcederent eos in regnum cœlorum. An non æque dedecorosum, quod sacerdotes & Monachi per luxum & ocium ventri vivunt, dum telonæ bonas literas amplectuntur? Illi se totos gulæ consecrant, Cincampianus se Cæsari, studiisque partitur. Satis præ te ferebas, quam de nobis opinionem concepisses. Præclare mecum agitur, si nihil ab ea detrivit nostri conspectus. Sed heus tu, vinum illud rubellum mire placuit nautæ uxori, mulieri mammosæ bibosæque, adeo ut sæpe appellata nulli voluerit impartire. Hausit affatim, sed mox ad arma. Ancillam pene occidit magnis cochlearibus. Pugna vix poterat dirimi. Mox egressa in summam navem maritum aggredditur, & periculum erat, ne illum è navi in Rhenum præcipitem daret. Habes vinitui energiam. Tragœdiam malorum meorum ex meis ad Beatum literis cognosces, si modo vacabit legere. Bene vale, vir animo meo charissime. Joannem Flaminium, virum eruditum vereque Christiana puritatis, meo nomine, saluta. Lovanio 19. Octobris, Anno 1518.

EPISTOLA CCCXL.

Erasmus Joanni Werterio suo S. D.

EQVIDEM antehac putabam Germanos armis duntaxat invictos esse, nunc video nulla in re non esse invictos, posteaquam tu ab Erasmo, & valetudinario, & scribendi laboribus pene exanimato, literas etiam ociosas extorquere potuisti. Verbis consequi nequeam, quam mihi gratus sit tuus in me tam propensus animus: & utinam affectibus tuis respondere li-

A ceret. Magis tamen philosophicum arbitror, moderatioribus affectibus amicos prosequi, & tempestivis officiis adesse potius quam supervacaneis onerare. Quoties laborat amici fama, quoties morbo gravatur, quoties eget pecunia, aut alioqui malo quopiam premittitur, ibi convenit amicum agere, mederi si liceat: sin minus, oratione ac literis lenire molestiam. Alioqui quod officii genus est, quod & præstantem lædit, nec ei, cui præstatur, quicquam prodest? Aut quale est hoc imputare amico in beneficiorum ratione, unde ille nihil senserit commodi? Sic quidam divo Jacobo imputant, quod illum magno suo malo adierint, aut Christo imputant, quod ingenti periculo suo Hierosolymam viserint: cum utrumque verioribus officiis domi liquisset demerere. Jampridem in libris meliorem Erasmi videras imaginem, si qua tamen bona est, imo juxta Platonem, totum videras Erasmus. Quid igitur supererat tantis expetendum itineribus? Verus amor animis constat, quem sæpenumero vel dissolvit, vel minuit corporum conjunctio. Sed inhumanus sum, si vere succenseam tibi, quod hoc ipsum dignus es, qui redameris, quod amas impotentius. Bene vale. Lovanio 19. Octobris, Anno 1518.

EPISTOLA CCCXLI.

Erasmus Roterodamus Nicolao Gerbelio, juris Pontificii Doctori, S. D.

VT insigniter & ex animi sui sententia me meus genius malus hoc anno exercuit, doctissime Gerbeli. Tragœdiam malorum meorum cognosces ex meis ad Beatum Rhenanum literis. Adhuc in manibus Chirurgorum sum domi alligatus. Dabit Christus Opt. Max. ubi merebimur, imo ubi dignabitur ipse, meliora. Nos in tantis malis animo semper infracto fuimus. Utinam audiam Schurerium meum revaluisse. Salutabis Sodalitatem totam, sed præcipue Sturmiam, tum Gebuilerium, & Rudalpingium, qui solita sua benignitate in diversorio me immunem esse voluerunt, quasi parum fuisset suo convictu, & ornasse, & voluptati fuisse. Jam scis, opinor, Brunoni quoque Amorbachio esse quod amplectatur in somnis. Precor ut tibi res feliciter cœpta, felicissime succedat. Saluta diligenter novum amicum Bathodium. Sic ditesco indies. Invisit nos Helius Eobannus, homo candidus, in versu Nasonis facilitatem referens, nec in prosa oratione sui dissimilis. Venerat ab Erphordia, tantum ut Erasmus videret. Animum probo, officium non probo, quod gravat præstantem absque fructu ejus, cui præstatur. Cœlum hic adhuc purum est, laborarunt pauci, sed malo aliunde infecto. Bene vale, doctissime Gerbeli, & Erasmus ama, facturus hoc, mihi crede, mutuum. Lovanio 20. Octobris, Anno 1518.

EPISTOLA CCCXLII.

Richardo Pacao Erasmus Rot. S. D.

TOTVS hic annus mihi fuit nigerrimus. Faxit Christus Opt. Max. ut succedant candidiores. τὴν ἑμῶν κακῶν ἱλιώδα partim ex meis ad Beatum literis cognosces, quarum exemplar misi Tonstallo. Jam olim χαλὼν exspecto de reditu tuæ bibliothecæ, misereque metuo ne nostræ nugæ perierint. Libellus tuus avidè legitur apud Germanos, sed tamen offendit nonnullos Constantienses, quod videaris illis adimere literas, tribuere temulentiam. Statueram vos hoc autumno invisere, amplexurus quod regia benignitas ultro defert. Extingito Cancellario, nihil est quod sperem à nostris. Gallia novum hospitem fieri non libet. Si accederet quod offert Rex, nihil ambirem præterea. Tandem apud nos prostare cœpit Galenus à Linacro versus, qui mihi supra modum placet. Posthac & Medicum fieri juvat. Decimarum negotium Germania non placet. Egregie τείναι τὸ καλῶδιον ἔτοι πολυμήχανοι Μίδα. Bene vale, doctissime Pacao. Linacrum meis verbis Tom. III. Z fa-

An. saluta, & ad reliquas suas lucubrationes edendas exstis-
1518. mula. Lovanio 22. Octobris, Anno 1518.

EPISTOLA CCCXLIII.

Guilielmus Budæus, hæcenus Erasmi amicus,
ultimam salutem dicit Erasmo.

MEMINI me ad te aliquando scribentem, hujusce-
modi verba posuisse, Non minus te novi quam
tu me. Qua in re quam longe falsus opinione fuerim,
nunc primum intellexi ex epistola illa tua stomachosa per-
lecta, quam tu ad me Lovanii dedisti: nondum, ut ar-
bitror, ab illa morbi molestia plane tibi restitutus, aut
certe mihi. Nam qui me non adversis Gratiis tecum a-
micitiâ auspiciatum esse sperabam, homine utique lepor-
is & facetiarum amantissimo, atque omnis ut urbanita-
tis prudentissimo, sic jocorum intelligentissimo, & patien-
tissimo: quicum stylum animi causa exercere libere possem
inoffenso inita inter nos & constituta jam amicitia tenore:
nunc me (ô vanas semper spes meas!) rusticum, absur-
dum, praposterum, stolidum, refractarium, offensatorem-
que esse collusorem intelligo, ac spinosis jocis, aculeatis,
ominosis, vitandum & averfandum, ut bovem cornibus
obvolvis. Stat enim sententia ita credere, quando tibi,
tuisque juratissimis amicis ita visum est, quorum utique
judicium longe meo antepono. Neque vero mihi ullam esse
spem positam in defensione video, cum nec ei inficiando
crimini esse possim, cujus toties jam suspectum tu quidem
me habuisti, amici autem tui etiam manifestum: nec
malevola mentis suspensionem deprecari, quum fixam in
præcordiis, aut tuis, aut tuorum evellere opinionem ne-
queam. Id quod si facere mediter post istud præjudicium,
in alterum etiam crimen fortasse me induam, impudentia
scilicet, præsertim cum apud istud tribunal causam dicen-
ti inanis loquacitas (ut tu plane significas) parum vel fi-
dei, vel auctoritatis sit conciliatura: quippe ubi solidis
tantum argumentis, quibus minime pollemus, tuo ipsius
testimonio, aqua funditur, ut ajunt. Atque hæcenus e-
pistola tua sensum dilucide assequutus sum, nec provocare
ab interpretationis tue sententia, tuorumque amicorum
statui, etsi mihi iniqua, nec ad communes, nec ad meos
amicos, ad quos tu me rejicis: quanquam illi tam perversum,
quam ego, hac de re judicium habeant, id est, a
tuorum prorsus diversum. Verum, quod conviciis certare
indignum te esse dicis, nec oblectari cavillis, hoc quate-
nus ad me pertineat, non percipio. Non enim usque adeo
exacerbatum te esse puto, ut hac in me dixeris: & tamen
ne hoc latius ulcus serpat, quando discuti (ut video) non
potest, circumcidendum esse censeo, ut inter nos posthac
silentio acquiescamus. Et tu epistolam meam prolixam,
ut vocas, id est, supervacanea & redundantem loquacitate
odiosam, supprimas, atque etiam concerpas, si libet,
aut pruna & cineribus obruas. Et ad tuam ego jam vul-
gatam, ut hodie ego primum vidi, obmutescam, nec ul-
tra tibi negotium facessam. Sed cur me eo argumento la-
cessebas, non intelligo, siquidem me respondere volebas. Ego
mihi inductum à te silentium accipio, & amplector,
& si per te licuerit, servabo. Mirum quam fatuas ac
stupidas aures habeam, qui cum epistolam illam, nefa-
stam ac sceleratam, post tuas acceptas literas, sæpe legam:
ne tanto quidem intervallo retractans, & me legentem
audiens: virus illud malevolentia, vel quicquid vobis vo-
care libet, deprehendo, quod tantopere vos offendit: in quo
judicii mei absurditatem agnosco, & vestri acrimoniam.
Sed per Deum immortalem, utrum in priore epistola par-
te te offendi, in qua disceptationis tue cum Fabro mentio
fit: an in posteriore, in qua conditionem tibi regiam de-
nuncio? Si in illa parte potius, cur ad me igitur tantam
epistolam scripsisti, tot argumentis tam validis me lace-
sens, ut tibi responderem? Cui epistola quum rescriberem,
putavi rem tibi gratam me facturum. Quid est enim in
ea per superos, quod à perito & acuto homine animadver-
sum, non in tuam gloriam cessurum sit? Ego ut te taxare
voluerim, aut cuiquam potius quam Erasmo favere? A-
vage hanc à me odiosam suspensionem: præsertim cum Faber

A de hac re mecum nunquam collocutus sit, etsi sæpe me-
cum interea locutus. Verum, cum ejus disputationis vi-
etoriam viderem æquissimi cujusque ore ita Erasmo tribui,
ut tamen cum dicerent ultra modum uti victoria voluif-
se, nec satis sui atque adversarii rationem habuisse, vo-
lui imaginem rei in epistola effingere, teque hoc nomine &
consolari, & purgare, quod aliquid humanitus passus
esses: si ultra modum, ut sit, incaluisse concertando,
qua culpa ne Hieronymus quidem tuus caruit: teque ab
ea deducere opinione, quam habere videbare, & à medi-
tatione avertere certaminis instaurandi, Literarum bona-
rum sacrarumque dispendio. Simul illud non nego, ita me
literis tuis delectari, ut gaudeam stylum tuum exacuere,
vel in me ipsum irritare. **B** Quare etiam in epistola illa o-
diosam affectavi impetum orationis tua in me avertere:
etsi indignationem tuam nunc ægerrime tuli, qui sto-
machabunde epistolium ad me scripsisti. Neque ego autem
unquam propter ullum tuum verbum offensus sum, quod
ad me aliis in epistolis scripseris, etiamsi nonnulla sunt,
qua quidam mei amici figuratiora esse putarunt, quam
amicitia nostra ferre videatur, aut tua circumspectio.
Cum quibus ipse usque adeo non sentio, ut etiam nihil à te
atrocius, ne posthac mihi quidem metuendum esse putem.
Quin à te, ut homine mihi charissimo, concisus interdum
lator, & ita scite converberatus, & apposite, ut sugilla-
tum me amici in multos dies rideant. Nec recusor, quin
hac lege offensionem istam mihi condones, ut ad satieta-
tem animo tuo, genioque, obsequaris in amico plectendo
animadversione utroque nostrum digna. Neque enim tam
religiosum doctorum omnium esse arbitror, quam tuum
est tuorumque amicorum judicium. Sin illa te male ha-
bent, qua de conditione regia scripsi, videlicet quod in
re seria illudere tibi videar: ego certe, quod ad hoc at-
tinet, non tibi illudere, sed mihi ipse videor. Tu quoque
hoc intelligas velim, tantam tum de te opinionem apud
aulam interiorum fuisse, ut cum orta esset illa suspicio,
te ideo conditionem regiam cunctabunde rejicere, quod
vereris, ne Carolus Princeps illustrissimus ob id offen-
deretur: Rex Franciæ, tui cupidus, eam ob rem ad eum
scripturus fuerit, si quid tu ejusmodi excusasses. Tum
sunt alia, qua scribere longum esset; nec epistola forte com-
mittenda: sed tamen qua me impulerunt, ut hujusce-
modi epistolam ad te scriberem: quod ad hoc quidem perti-
net. Quod si nunc mihi aliquot menses amicitiam renun-
ciare cogitasti, quoad animus tuus in te commotus conse-
derit, haud satis digna causa est, quamobrem Antistiti Pa-
risino non scribas, quum id negotium facile passurus sis
sine me arbitro aut internuncio transigi. Tu velim rusti-
culum me cavillatorem non protervum esse interpreteris,
id quod tu sponte facere mihi videre: si per tuorum
pacem bonam liceret, nec me minus quam dudum pri-
demque ames. Inuitum enim te facere video, ut mihi
insensum te prabeas. Utinam autem ita me divi bene
adjuvent, ut ego tibi bene cupio, latorque sospitem te Lo-
vanium redisse. Rumor enim hic constans erat, Romam
te, aut Mediolanum migrasse. Glareanum tibi saluta-
vi, qui hodie ad me venit. Vale, & me, cum satis odisse
videbere, rursus ama. Parisiis 31. Octobris, Anno 1518.
cum pridie ejus diei literas tuas accepissem haud auspicato.

Quo magis illa nefasta epistola Vulcano sacrandæ vi-
deatur, quod tamen tui arbitrii erit, quum tua ma-
gis quam mea causa scripta sit, si satis regustaveris, sed
tamen quo minus mihi placeat, inter legendum eam hodie
erratum unum deprehendi in ejus scheda, qua apud me
manserat. Id est autem in secunda pagella in his ver-
bis, Id quod tu inficiando non eris: quod si itidem est
in tua, me, ut puto, satis irrisisti. Volui enim dicere,
cui tu rei inficiandæ. Non video tamen, cur illa minus
exire digna sit epistola, quam illa die bruma scripta,
in qua tā pusilla evulgasti, qua inter te & me arcana
fore sperabam, adeo, ut ne apud me quidem ullum verbum
ejus scheda remansisset. Scripseram ad te aliam quoque
semi-Græcam, non magis, ut arbitror, supprimendam.
Quod si in uno aut altero versu, aut pluribus posita sunt,
qua

An. *qua stomachum tibi faciant, per me licet, ut arbitratur*
1518. *imo mmentur, aut tollantur.*

EPISTOLA CCCXLIV.

Erasmus Rot. Petro Aegidio S. D.

OPTIMI patris mortem ut doleo, ita felicem existimo qui sic decesserit: quando hac sorte nascimur omnes, nihilque diuturnum in rebus humanis, nedum perpetuum. Quod convalueris gaudeo, atque uti perpetuum sit, opto. Quanquam *Jacobum* oneraram multis mandatis, tamen unum quiddam oblitus sum, quod maxime curatum oportuit. Scribit ad me Archiepiscopus *Cantuariensis*, ut hic ab amico quopiam viginti libras *Sterlingen* accipiam, & syngrapham mittam, se protinus resoluturum. Quando igitur ut audio non licet exire, accersere ad te *Joannem Crullum*, aut si quis est magis idoneus, qui tibi numeret pecuniam, ac syngrapham meam recipiat, aut mihi negotium committat, curabo, ut in *Anglia* pecunia numeretur ei, cui voluerit is qui dedit. Quod si Archiepiscopus non dederit, quod tamen secus fore scio, ipse reddam. Tu, si postulat, fidejubeto, quod erit tibi bonum atque commodum, quando pecunia manebit apud te. Mea refert ut hoc quamprimum fiat; scis quamobrem? Quo mox ad proximum Pascha liceat honestius iterum petere. Quamobrem hoc agas velim, quod meo bono, nullius incommodo fiet. *Morus* adhuc est *Caleti*, magno ut apparet tum tædio, tum sumptu, & in negotiis longe odiosissimis. Sic Reges beant amicos. Hoc est à Cardinalibus adamari. Sic & *Pacem* jam supra biennium apud *Elvetios* relegatum detinent. Epistolam illius fac habeamus. Utinam tuo fiat comodo, ut hic nobiscum hybernes. Affatim conferemus fabulas nostras. *Paraphrasis* jam ad calcem decurrit. Triginta sex *Philippicos*, & ut opinor, præterea nonnihil reliqui apud *Nicolaum*, ut solveret pro stragulis, & ita reliqui, ut soluta pecunia reliquum tibi restitueret. Et memini me scripsisse super hac re: tu tamen nihil respondes. Fac ut sciam. Ne remittas *N.* suos libros, priusquam viderimus, agit *Cantabrigia*, illic *Gracas* professurus literas. Diffimula illius literas tibi redditas. Medicus petiit inducias quatuordecim dierum. Tu si forte videris hominem, finge te pudefactum apud me, si resolvar quod promisit. Idem dicat *Nicolaus*, qui audierit eum sic dejerantem. Optassem sigillum temporis missum fuisse. Sed tibi nihil imputo, non ignarus quomodo tua ipsius agas negotia. Includi tuis literis syngraphas meas, & epistolam *Cantuariensis*. Si aut abest, aut friget *Crullus*, confido *Franciscum* non gravaturum. Bene vale, amicorum sincerissime. *Lovanio* 15. Novembris, Anno 1518.

EPISTOLA CCCXLV.

Erasmus Roterd. Petro Aegidio S. D.

DEUM immortalem, quid imprecer istis compendinatoribus? Si *Hieronymus* nondum est concinnatus, fac modis omnibus extimules *Callipides** istos: sine est, cura ut quam primum ad me veniat. *Petrus Cycles* fortasse decumbit, nam audio non modo spoliatum, verum etiam delumbatum: id si verum est, doleo vicem hominis. Jam *Coletus* scripsi, ut succurrat homini. *Tonstallus* item ex animo dolet. Nolim te huc vocari tuo incommodo: quod si est, cur huc te recipias, venies gratissimus *Tonstallo*, tum adferes tecum argentum, relaturus aurum. *Franciscus* solvit, ut ait, cæterum pro *Petro* negat se fidejussisse. Accepi syngrapham à *Adarnisso*, qua nonnihil auxit æstimationem ducatorum. *Utopia* in manibus est typographi. Bene vale cum dulcissima conjuge, optimum parentem meis verbis salutato diligenter. *Bruxellis* 18. Novembris, Anno 1518.

* Vid. *Erasmii Adagia*; *Chilind.* 1. Cent. vii. Prov. xliii.

EPISTOLA CCCXLVI.

Erasmus cuidam ab episcopo S. D.

NVNQVAM tam male de te sensurus eram, nisi te ipsum adeo palam declarasses; toties tibi dixi id quod res est, rem in mea manu non fuisse, nec integrare te mihi loquutum de professione. Sed finge quod non est, executores totum negotium meæ fidei concredidisse, meque te præterito *Goclenium* ut magis idoneum prætulisse, quid erat, cur sic in me debacchareris, perinde quasi avum tuum ferro necassem? Hæc me quidem leviter commovent, sed tui me miseret. Si quid fuisset spei, non defuisset officio; sciebam executores nullo pacto propensos in te, etiamsi de tuo addidisses duodecim libras, hoc tibi nolebam indicare, quid enim erat necesse? Crede mihi, ista tua improbitate, multorum animos abs te alienas, homines illi-ci volunt, non cogi. Nimirum isti sunt mores, ob quos Abbas tam parce tecum agit. Non, ut opinor, antehac sum male de te meritis, si nihil bene meritis. Etiam nunc te admoneo, ut in posterum rectius sapias, & sapias tibi. Nam minimum est, in quo me possis lædere. Bene vale. *Antuerpia* 7. Decembris, Anno 1518.

EPISTOLA CCCXLVII.

Erasmus Rot. Paulo Bombasio S. D.

OPECTVS Musis Gratiisque natum! Obruas me tot officiis, ut partim me pudeat tibi toties gratias agere, & agere tantum: partim non occurrat formula subinde nova, qua id faciam. Cardinali Sanctorum quatuor hoc magis debeo, quo minus quicquam de illius celsitudine sum promeritus. *Marinus Caracciola*, Apostolicus apud Cæsarem Legatus, rem summa diligentia curavit, adjecit etiam amantissimis suis ad me literis. Prius exemplar miror quis interceperit: nam hujusmodi literarum genus, non video cui possit esse usui præter eum cui mittuntur: secus esset, si de optimo episcopatu, aut alioqui splendido sacerdotio ageretur. Molestum est animo meo, quod occupatissimo tibi tantum accedit ex me molestia: sed tamen voluptati est, quod his occasionibus animi tui sinceritas in dies mihi sit exploratior. Utinam hæc nostra regio vel paucos haberet *Bombasios*. Quis unquam sincerius aut constantius amavit, quamvis eximium amicum, quam tu amas *Erasmum* gratis, humilem, tenuem, unde nullas officii vices sperare possis: ad hæc tanto tum eruditior, tum felicior? Non queo satis conjectare, quis fuerit *Gallus* ille, quem scribis evanuisse, nisi forte *Christophorus* est *Longolius*, juvenis, ut ex illius intelligo scriptis, cum ad omnes bonas disciplinas, tum ad eloquentiam factus. Hic, ni fallor, unus est eorum, qui mox *Erasmii* nomen obscurabunt. Verum, ea res mihi voluptati est, quando mei nominis jactura, lucrum est Republicæ literariæ. Demiror quæ res *Joannem Lascaum* à *Roma* potuerit avellere, præsertim *Leone* præsidente rebus ac studiis. Fratres *Baptistæ* etiam atque etiam jubebis salvere meo nomine. Epistola tua non offendit me *Basileæ*, nec id temporis aderat *Antonius Puccius*, summi Pontificis Legatus: tamen hæc de re scripseram ad illum agentem *Turegii*: nam ut adirem hominem, quemadmodum & ille vehementer cupiebat, & ego propemodum receperam, nec valetudo sinebat, quæ vectionem equestris nondum patiebatur, nec occupationes literariæ. Navigatione tamen non caruit suis molestiis, tamen paulatim factus sum confirmatior: apud clarissimum *Hermanum*, Comitem à *Nova aquila*, cum dies ferme quinque suavisime vixissem, adeo mihi placui, ut mihi plane viderer renatus: sed mox in præsens exitium conjectus sum, adeo ut vix semivivus deportatus sim *Lovanium*: sive id malis ventis debeo, qui tum pestilentissimi pariter ac vehementissimi flabant: sive meæ stultitiæ, qui per mediam *Colemiam* urbem id tem-

An. 1518. poris undique funestam ausus sum iter facere. Chirurgus unus atque alter pestem esse confirmabat: tres carbunculos excidisse negare non possum. Mihi nec agrotare libuit, nec pestem credidi: & profuit non credidisse; sed revalesco, faventibus superis: at interim male precantibus iis, quibus dolet efflorescere passim rectiora studia. Bene vale. *Leodii 13: Decembris, Anno 1518.*

EPISTOLA CCCXLVIII.

Erardus Episcopus Leodiensis Erasmo Rot. S. D.

GRATISSIMAE fuerunt mihi haec litterae, quas ad me Paschasius homini tui amantissimo, & mihi grato, dedisti. Gratissimum fuit & Paraphrasis tua in Pauli Epistolam ad Romanos. Quamobrem immortalis tibi gratias ago, quod ad me litteras tuas dederis, quodque in ipsis litteris bene de me opineris & sentias. Gaudeo abs te laudari laudato viro. Praesentium mihi ductenus ignotus fuisti, fama autem & nomine a decennio notissimus, tum ob excellentem traditionem tuam, tum ob candidos mores, quos tibi inesse audio. Sitiantium honoris in nos conferre volueris, ut hac venias, gratissimum nobis rem faciamus. Quod si tibi videretur venire nolueris, curabimus nos te adire, ut praesentia tua, mutuoque colloquio frui possimus. Vale. *Leodio 30. Decembris, An. 1518.*

EPISTOLA CCCXLIX.

Guilielmo Croio, Cardinali & Archiepiscopo Tolentino, Erasmus Roterodamus S. D.

QUANTUM non prorsus abhorret à vero, Praesul optime, idemque Princeps cum primis illustris, quod olim placuit Stoae cultoribus, felicitatis humanae summam in habitu virtutis esse sitam, tamen Peripateticorum sententia mihi magis videtur ad communem hominum sensum pariter ac vitam congruere: qui negant beatitudinis circulum absolvi posse, nisi tres bonorum ordines inter sese consentiant, sibi que mutuis praesidiis & adminiculis famulentur. In his ea, quae vocantur animi, et ceteris magis merentur appellationem bonorum, plurimumque momenti adferunt ad summam felicitatis, ita maxime nostra cura, nostraque parantur industria, ut praecipuam beatitudinis portionem nulli secundum Deum magis debeamus quam nobis, si quid tamen debemus nobis. Porro naturae dotibus, quoniam citra nostram industriam nobis ceu dormientibus obtingunt, mea sententia non tam beati sumus quam fortunati, licet haec quoque cura studioque vel servantur, vel etiam augmentur. Siquidem *Demosthenes*, cum & voce esset perquam exili, deinde spirituosus, ad haec impeditore linguae organo, denique forma parum felici, quae res in Oratore nonnihil habet momenti, tamen improba cura, meditationeque, nihil harum difficultatum non vicit. Et *Marcus Tullius* valetudinem aliqui imbecilem, sic motus ac victus moderatione confirmavit, ut quamlibet magnis laboribus par esset, idque in multam etiam aetatem. Porro fortunae comoda, quae velut organa sunt ad virtutem vel parandam, vel exercendam, plerisque fore contingunt: nam in honoribus parandis, aut opibus, aut fama, dignitateque, multis tota ferme aetas contemnitur, ut immensis ac diutinis curis nihil aliud videatur assequuti, quam ut locupletes aut optimates moriantur. Ita fit, ut nec ipsi suis bonis adeo dum fruantur, nec aliis magnopere sint praesidio. Quo sane nomine tua sublimitas mihi longe fortunatissima videri solet: cui quicquid vel à natura dari, vel à fortuna conferri potest, contigerit ultro, contigerit affatim, contigerit mature, quoniam nimirum & ipse tuis bonis diutissime frui possis, & de plurimis quam optime mereri. Nam praeter ingenii felicitatem, praeter corpus ad omnem virtutis usum functum, nemque probe sculptum & conformatum, tantum auctoritatis, tantum dignitatis, tantum opum, hinc summi Pontificis indulgentissimus favor, hinc christiani Principis

A *Overis* patrum tui plusquam paterna pietas in te concessit, ut amplius vix optari queat, nec super sit ullum dignitatis fastigium, nisi quod uni tantum optari possit. Ceteris igitur multis in rebus luctandum est, si velint ad felicitatis fastigium emergere: tibi cum cetera suppeditata sint omnia, nihil superest nisi unicum studium, unicaque cura, videbitur ut id, quod facis, facias, animi decora tibi pares, istius fortunae magnitudine digna. Haec sola non largitur nec naturae favor, nec indulgentia fortunae, sudore, studioque redimantur oportet: haud alio precio superi mercedem hanc natalibus venalem esse voluerunt, ne Monarchis quidem, aut Satrapis. Neque enim quisquis imponit diademata, idem mentem addit Rege dignam. Generis claritas, aut populi favor imperium dare potest, potius imperio dignum non potest: & tamen hoc si desit, qui mandavit honorem, sarcinam addidit, non dignitatem. Verum, ita demum admiranda quaedam & eximia dignitas exoritur, si naturae fortunaeque decora sic animi dotes illustrent, ut ab his vicissim lucem accipiant; imo, si fieri potest, obscurentur. Ille denique vere magnus est, qui vel adempto diademate magnus esse perseveret. Multis obstat generis obscuritas, aut res angusta domi, quo minus ad eximias virtutes, quae non nisi paucis, quos aequus amavit *Jupiter*, contingunt, queant elucari: aut si pervenerint, non perinde licet alios bene merendo sublevare. Ceterum, si quis exstiterit, in quem unum, non secus atque olim in *Pandoram*, decorum omnium omnia munera collata sint, simul horum bonorum chorus competierit, is mihi videtur numinis cuiusdam instar habere, superum benignitate in hoc datus, ut beneficentiam suam quam latissime diffundat in omnes. Fungetur autem officio suo, primum, si agnoscat dotes suas: sunt enim juxta Poetam eximium, qui parum norint sua bona: deinde, si meminerit, quicquid adest bonarum rerum, id omne Domini esse petulium, in hoc creditum, ut juvandis proximis impensum, copiosam usuram referat Domino, talium lucrorum avarissimo. Sed in primis adsit animus excelsus, & rerum levicularum, quas sordidum vulgus admiratur, contemptor, qui quae ceu murus athenicus ab honesto deflecti non possit: atque hanc ubique regulam sequatur, universam suae felicitatis amplitudinem in Reipublicae subsidium conferat, quando hoc in primis nummi petulare dixit antiquitas, *Jovis mortalem*. Ad hanc imaginem proximae accedant necesse est, quos aeterni numinis favor in isto rerum fastigio collocavit. Addet calcar animo, si se cogitet velut in amplissimo theatro consistere, totius orbis oculis in unum coniectis, nihil expectari ab ipso plebeium aut vulgare, in exemplum rapi quicquid dixerit, aut fecerit. Etiam si histiones habet sollicitos, quomodo susceptae fabulae, quomodo theatro respondeant: quanto magis curae debet esse magnatibus, ut dignitati suae, ut orbis expectationi respondeant. Quo te pluribus titulis ornata fortuna, hoc impensius entendum, ut sorti lucrum respondeat. Neque enim tam esse potest, quid expectetur ab Abbate, quid ab Archiepiscopo, quid à Cardinale, quid ab eo, cui natalium imagine ac decora praeferunt: denique, quid à Duce. Non ita magna est dignitatem amplissimam suscipere, susceptam tuori ac sustinere longe difficillimum est. Recte dictum est illud, *Pulchritudo esse nonnunquam honorem mortuorum quam viventium*. At longe pulcherrimum arbitror, dignitatem amplissimam extra ambitum assequutum esse, ac susceptae sic modis omnibus respondere, ut non tu per illam illustris, sed illa per te videatur illustrata. Ac bona pars eximii Principis est, certo velle bonum Principem agere. Id si à quoquam alias unquam speratum fuit, de te certe tam multae res nobis tam magnifice pollicentur, ut non temere certam fiduciam animo praesumamus omnes. Multis argumentis tu juvenis jam nunc sui specimen nobis edidit, majora sunt, quae indoles ista, ac virtus velut herbescens adhuc, & quotidianis actibus educturam propeperis, gliscensque,

que, presentia. Porro, quamquam virtutis seminaria in-
sidere natura, res, ut faneat, egrotare potens, ta-
men hoc non leve momentum adfert; cordatos, in-
tegrus, cruditos, gravesque viros in consiliis, in officiis,
in domesticis colloquiis semper habere: sed multo ma-
xime conducit, quemadmodum facis, in optimis tibi
ris per actum non segre exerceo, præsertim his,
que ad egregium Principem gerendum vel addunt sti-
mulus, vel viam aperiant: tametsi factum videmus,
ut quidam eximios Principes, disciplinæ licet alienio-
res, nobilitant, veluti Aristotilem linguarum, rei-
que medicæ perita, C. Cæsarem Mathematicæ cognitio.
dilecta suggerunt amici, sed nulli plura quam boni co-
ritices, quos Cæsar vel in ipsam aliquæ curiam comites
habere consuevit, lectitans interim aliquid, dum Se-
natus cogeretur. Ut igitur non omnis disciplina perdi-
scenda Principi, ita major est librorum numerus, quam
ut omnes vacet evolvere: proinde ex utroque quod
optimam est, quodque proximum ad rem Principis
facit, primo loco discendum est. Nec enim expediat
hominem Reipublicæ natum, assidua meditatione stu-
diorum in mutis, ut vocant, magistris situm docere:
quin potius quemadmodum Plato civium suorum ani-
mos gymnasticæ musicæque temperata fingit, ita
decet summam vitam vicissim studiorum ocio, re-
rumque gerendarum negotio, temperari. Sed quo ra-
pior, oblitus epistolam scribere me, & scribere Prin-
cipi tam excellenti, cujus prudentia me monitore non
eget, sed felicitas magis exigit ut gratulor. At vo-
lupe fuit in bonorum rerum commemoratione diutius
versari, Præsul hujus ætatis præcipuum ornamentum,
quibus optamus semper aliquid accedere, ut nobis no-
vum subinde gratulandi argumentum suppeditetur,
dum tu in dies te ipso major ac melior redderis. Quod
alternis nunc linguam, nunc calamus exerceas, mayo-
rem in modum probo, quo libentius tibi parui, licet
alioqui distractissimus, ut stylum tuum provocarem.
Habes epistolam bis male scriptam, ac vereor etiam ne
te ipso molestem, quod non minus prolixa sit quam
inconcorda. Verum hac in parte nobis æquior sis opor-
tet, qui tibicinem Arabiam in te provocaris. Si di-
gnaberis hunc Erasmi fastidium tuo adscribere, ego
faxo vicissim, ut tibi inter Guilielmos sit locus præci-
puus, quando nomen hoc mihi teu fato quodam ami-
cum ac prosperum esse video. Longum sit recensere
omnes, sed te non pudebit, opinor, Guilielmum Ar-
chiepiscopum Cantuariensem, Guilielmum Montjoieum,
Guilielmum Budensem habere comites. Si quid erit, in
quo tua sublimitas nostram opellam desiderabit, quod
volet injungat homini cupidissimo tibi gratum facien-
di. Bene vale. *Levanio*, Anno 1518.

EPISTOLA CCCL.

G. Croius Cardinalis Erasmo Roterodamo suo
S. D.

Accepi epistolam tuam, mi Erasme, quam qui-
bus verbis laudem, profecto nescio, tam est elegans,
tam erudita, tam rursusque finissima, cui dum respon-
deo, illud est mihi abs te impetrandum, ut facile feram
me non aliter quidem atque in fontis sentire, sed aliter
serie differere: idque ego faciam, ut ille apud Platonem
Glauco justitiam vituperans, quo ad laudes illum tanta
virtutis Socraticam provocaret fatuitiam. Quam velut
per gradus quosdam ad unius felicitatis commemorationem
venis, probare magis videtur Peripateticam de bonis
opinionem quam Stoicam, tamque dico ad communem
hominum sensum pariter ut eam magis congruere: quod
argumentum si nullus est momenti in ratione beatitudinis as-
serendi, facile scilicet omnes videri Epicuram, que tam
popularis est, ut maxime sit hominum pars, que patet his
ad vitam voluptatem motus esse. Atqui videtur te parum mo-
veri duræ cordonum, sartorum, culinariorum, lami-
narum, officinarumque reliquiarum, & vestimentorum ad illis
probabilissimis requirere virtutibus, qui summo ingenio prædi-

ti, summoque eruditione, non temere huc atque illuc se-
rentur, id est, quocumque opes voluptatesque impetiant, sed
supra hominum constituti casus, nullis affectu peracta
rationibus res ipsas liquido perspicunt, & ad vitam, quod
ajunt, respiciunt. Ipsi vero quantum modo disputant, quan-
to, velleamus; agamusque nos Stoico more paulo subtilius,
nos mireris si ad hanc disputationem minime acculero po-
pulari eloquentiam copiosam illam forentem, quam et-
iam vix affequerer vel in ipsa voluptate apud multitudi-
nem commendanda: neque enim furus omnes Erasmi,
qui ita de magnis differit, ut nihil fieri possit familiaribus
ita de parvis, ut nihil sublimius: ita de obsequiis, ut
nihil ditatissimum; ita de paratissimis, ut nihil probatissimum.
Sed ad id quod institueram, si opes, si copias, valetudo,
robur, forma, atque & corporis, & exteriorum quæ in
ecce bona, aliquid momenti ad felicitatem ipsam affe-
rant, quo hac fuerint majora, eo profecto amplius præ-
stantissimamque beatitudinem faciant, necesse est: ita ut
semper beator sit formosus & dives pauper deformis: quod
si videris opes, copias, honores, potentiam, imperium,
amicos, naves, robur, celeritatem, quam ille malis
parasangis in causa felicitatis virum bonum relinqueret,
qui his caruerit? quo fiet, ut Socrati illi numini Philoso-
phorum cum tota illa sua virtute vix unus ad felicitatem
gradus confectus fuerit, quod est pene impiam dicere:
nam si singula illorum ad beatitudinem aliquid faciunt, di-
mitta simul adeo multum profecto facient, ut beator de
futurus sit qui ea habeat, quam bonus vir illis orba-
tus: atque ita Neronem facile fuerit tam servum tyrannum
Epicuræ Stoico seruo diis & mortuibus gratissimum
bonitorem dicere. Ausus, obsecro, a Socrate carpidissimum
illum corporis, ignobilitatem generis, uxoris molestias,
opescitatem, inopiam, de formam, de stemmata generis,
de obsequiissimum uxorem, confer opes, honoresque
extimor, quid amplius, quid excessus, quid admirabi-
lius habiturus es in hoc Socrate, quam in illo fuit?
Quid tu mi, mi eruditissime Erasme, opes sunt bona,
sunt pulchritudo & vires bona, ut igitur nemo his sit in-
quam melior? Cicero, in quo fuit tanta verborum La-
tinarum peritia, quantum in ipsa tota Latina Roma, ut
vixi, mirari se dicit opes à præcis Romanis bona esse ap-
pellata, quam nihil sint minus, neque id vocabatur fuit
esse illi rei ipsum. Putas tu utrumque quandam velle
vel auri, vel argenti, serica vestimenta, aula, domos
magnificas multam beatitudinis addere? Si hac ergo nun-
quam humanas invenisset luxas, nullas absolveret fuisse
bonitas? exagimus formam, id est, colorem quendam al-
bum rubore temperatum ex felicitate esse, nullus ne ergo
felix Ethiops? certe nullus nostra sententia, si hac ex
parte estimatur felicitas, ut sententia illorum nullus apud
nos, si modo res ipse eadem quæ nos metiamur decempe-
da, vulgari nimis & iudicis crassus populorum accom-
modata. Et ut loquamur etiam ex sacris Literis, quem-
admodum utrumque nostrum docet, me utpote Episcopum,
et utpote interpretem tam diligentem & sincerum carumque
que regna, quas opes addis Christo, ut sit futurus felix
eorum quam fuit in mundo? Sed de hoc taceamus, quæpi-
pe, Deus ipse Rex est Regum, fuitque semper, & Dei
minus dominum. Petrus etiam gloriat se neque ul-
ram habere, neque argentum. Quid agis, Petre, est
tibi deus non malam felicitatis patrem? Adde Paulus
Romanorum imperium, illi inquam Paulo, qui se gloria-
ri ait in calamitatibus, ut homines vocant, atque illi
vixit, an habebat beatorem, an majorem, an magis
admirandum Paulum? Vin' tu uti voce illa Quintilian
in parvis palmatis, quos miseros fecere virtutes? Certe
vocatis miseros illos, quos promancius Christus, servavit
ipse, tam beatissimos beatos quam eos fuerint homines in
fidelis propter se. His velui te ipsum agere illis bona
omnia tua, ut ego me ipse exerceam in hoc argumen-
to, non tamen ita spiritum in hoc loco, ut obliuisceret
me epistolam scribere: tu nostram hoc exercitum
tam consules boni. Porro ad alias partes tua quæ
sanctissime Epistola: ita deinde admones me officii
mei in Peripateticus, ut ista paucopæ vix vel ab
Z 3 ipso

An. ipso possent expectari Cittico Zenone. Eiusmodi obsecro
 1518. frequenter ad me mitte, ut, te preceptore quonam modo
 me gesturus sim, sciam. Ego enim etsi non sum ex primo
 illo optimo genere hominum, per sese qui omnia norunt,
 essem longe libentissime ex proximo, parent qui recta mo-
 nenti: & spero me ita ducturum vitam, ut meo & cha-
 rissimi patris honori non desim: cuius in me charitatem
 merito plusquam paternam appellasti. Neque enim posset
 me tam arcto amore complecti, etsi mihi bis pater ef-
 set, cui etiam ego plus me debere profiteor quam patri
 & patri beneficentissimis simul. De eruditione illud ego in
 primis optarem fieri, si posset: ut Græcam illam ἱκνυ-
 κλοπαδείαν absoluerim, quod si id per immensa non li-
 cuerit negotia, certe ut consulis melioribus me dedam di-
 sciplinis, atque iis, ad quas meapte sponte & natura feror,
 ad mansuetiores Musas, ad elegantiam sermonis Latini,
 nonnihil etiam Græci, ad eam Philosophiam, quam in
 civitates domosque invexit Socrates, Ethicem appellant,
 qua mihi ad gerendam Rempubl. multo commodissima
 semper visa est. Iuvat jam verba quadam tua recensere.
 Sed quo rapior oblitus epistolam scribere me, & scribere
 principi tam excellenti: oblitus certe es, mi dulcissime
 Erasme, te scribere ei, cui si literas dares tota Ili-
 de longiores, nondum ipsum legendo tua satiares, non
 auferres dulcedinem tuarum rerum, auferes potius
 semper. Quod vero de famulatio loqueris, non opus est
 ejusmodi verbis tu agas mecum, socium te appella meo-
 rum studiorum, aut melius te preceptorem, me disci-
 pulum. Porro quod de Gulielmis dicit, gaudeo mihi
 nomen tibi amicum contigisse, neque vero me pudebit
 unquam clarissimum & omni virtutum numero consum-
 matum Gulielmum Varamum, Archiepiscopum Cantua-
 riensem, socium quavis in re habere, non illustrem &
 strenuum Principem Montjoium, quos tu ita passim
 commendas, de quorum virtutibus ego tam multa a ple-
 risque accepi, ut adduci non possim, quin existimem sum-
 mos illos esse viros atque excelsos. Quid loquar de Gui-
 lielmo Budæo, amoribus atque deliciis Musarum &
 Græcarum & Latinarum? cuius laudandi nunquam Vi-
 ves meum finem facit, cuius Budæi studia, monumenta,
 ingenium, eruditionem, linguam, mores colo, suspicio,
 veneror, admiror, adoro. Inter hos malim multo me an-
 numeres, quam inter quosvis alios opulentissimos Princi-
 pes, horum dissimiles. Vale, mi Erasme, & loquacitati
 nostræ ignosce, simul quum fueris ocium rescribe. Quo-
 niam existimavi te haud facile meum characterem lectu-
 rum, idcirco usus sum amanuensi. Lovanio, An. 1518.

EPISTOLA CCCLI.

Reverendissimo Domino D. Gulielmo Croio, Cardi-
 nali & Archiepiscopo Toletano, Erasmus
 Roterod. S. D.

REVERENDE Præsul ac Princeps illustrissime, pro-
 ximis literis jocabar vereri me ne tibi provocasses
 Arrhabium* tibicinem. At idem versis rerum vicibus
 in me recidisse videtur. Adeo non solum omnibus quam-
 vis prolixæ illius epistolæ partibus respondes, verum
 etiam oborto collo in latissimum Philosophicæ dispu-
 tationis campum trahis, argumentum non unius vo-
 luminis ordiens. Quod ni mihi perspectum esset inge-
 nium tuum ad omnia versatile, nonnihil addubitarem,
 ne tibi ista scribenti sophista quispiam in consilio fue-
 rit, adeo quædam arte detorques, alioque quam dicta
 sunt, rapis. In præsentia non congregiar tecum iusta
 acie, sed paucis attingam pauca, non immemor epi-
 stolam scribere me. Porro, quando testaris te utcumque
 disserueris sentire mecum, non possum non & ipse te-
 cum sentire, utcumque disseruero. Sic ajunt & Peripa-
 teticos rebus ipsis convenire cum Stoicis, verbis dun-
 taxat ac ratione præcipiendi discrepare. Porro, cum
 idem doceant, tamen Peripateticos hoc nomine præfe-
 ro Stoicos, quod illi paradoxis utantur, multum abhor-
 rentibus à vita sensuque communi; hi veluti demittant

* Ege, Arabum & consule Erasmi Adagia, Chiliad. 1. Cent.
 VII. Prov. XXXII.

A sese magis ad popularem captum, non alio tamen spe-
 ctantes quam spectant Stoici. Sic Plato vult suum sa-
 pientem ab illa mirabili luce rerum, quæ vere sunt,
 ad umbras vulgi descendere, quo magis prodesse possit;
 sic æterna Sapientia nobis ubique fere balbutit. Nec
 ideo protinus optimum est, quicquid infimæ feci vul-
 gi maxime placet: huc enim detorques, sed violente
 verius quam apposite. Quem autem moverit, si quis
 Stoicus clamitet, regnum, opes, prosperam valetudi-
 nem, nullo pacto bona esse? Rursus, servitutem, pau-
 pertatem, morbum, senectutem, mortem, nihil esse
 mali? Omnes felicitatis numeros conclusos in habitu
 nescio quo sapientiæ? Hæc certe frigent, & apud eru-
 ditos, apud vulgus hominum etiam ridicula sunt. At
 si quis neget hæc anxie quidem expetenda, verum, si
 forte, obtigerint vertenda esse in materiam organum-
 que virtutis: hujus oratio placabilius descendet in au-
 res animosque, non dicam cerdonum, sartorum, cu-
 linariorum, quos tu commemoras, sed magistratum,
 Principum, Episcoporum, addam etiam Theologo-
 rum: nam hæc in re nec Latomum à me dissensurum
 opinor, quantumvis in negotio linguarum dissentire
 putatur. Neque tamen continuo probat vulgus, quic-
 quid frequentissime sequitur, nemo non damnat inho-
 nestam voluptatem, nemo laudat temulentiam. Nos
 de judicio loquimur, non de cupiditatibus ac morbis
 C animorum. Sed ne prolixi simus, primo loco sic ratio-
 cinariis: Si corporis ac fortuna commoda bona sunt, quo
 copiosius ea contingunt, hoc feliciorem reddant necesse est.
 Primum, meminisse debes, hoc genus bonorum, quan-
 tumvis accumules, non adferre beatitudinem, sed ac-
 cessione beatitudinem, quam sola virtus præstat, absol-
 vere, certe quod ad usum virtutis attinet. Deinde, quan-
 quam ista conferunt ad felicitatem, non continuo se-
 quitur juxta modum horum & felicitatem accrescere,
 Cibus ac potus conducit ad hominis vitam tuendam,
 at non continuo maxime vivit, qui plurimo utitur ci-
 bo. Præter unam sapientiam nihil est in rebus huma-
 nis tam commodum, quin fiat incommodum, si sit
 D immodicum: forma moderata multos commendavit,
 multis exitio fuit immodica. Pythagora, Scipioni Afri-
 cano, Trajano Cæsari non parum auctoritatis concilia-
 vit formæ dignitas. Jam vero tibi videtur etiam im-
 pius, cui Socrates vel pilo felicius videatur, si quis
 Deus illius animo formam, opes ac genus adjunxisset.
 Ut nihil aliud, certe pluribus profuerit. At virtutis
 finis est in usum multorum diffundi, nunc illius virtus
 paucissimis civium bono fuit, ipsi etiam exitialis. Por-
 ro, quot parasangis præcurrat his bonis instructus, non
 est meum metiri, mihi satis est aliquam felicitatis ac-
 cessionem adjungi. Rursus, expendere convenit hæc
 bona, non numerare, quod tu facis, qui virtutem hinc
 E rebus destitutam, vix unum facis gradum ad feli-
 citatem. Una virtus tantum habet momentum, ut sola
 conficiat felicitatem: tantoque præstantior est cæteris
 bonorum generibus, ut nec in appellationem bonorum
 recipiantur illa, nisi quatenus virtuti famulantur. Ex
 quibus satis liquet hoc loco, non satis in tempore Ne-
 ronem sceleratissimum tyrannum cum Epicteto Philoso-
 pho integerrimo comparari. Ut Neroni non profuit
 imperium aut opes, quo minus esset infelix: ita si E-
 pictet optimo viro hæc commoda accessissent, fuisset
 ad exercendam virtutem non paulo instructor. Ad hæc
 F ratiocinariis hunc in modum: Si bona sunt, cur bonum
 præsidium nemo sit melior? Primum, qui suas opes, à majo-
 ribus relictas, aut alioqui bene partas, effundit in sub-
 sidium pauperum, aut si quis opum usus sanctior, non
 huic opes adminiculo sunt, ut in dies seipso melior e-
 vadat? nisi forte non putamus accessione benefactorum,
 & virtutis gradibus adjungi nonnihil. Deinde, non fu-
 git hoc tuam prudentiam, non eadem ratione opes,
 formam, valetudinem, aliaque id genus bona dici,
 qua virtutem. Sic enim hæc bona vocantur, quem-
 admodum Regum caduceatores Reges dicimus, quod
 Regibus serviant. Quæ Stoici fortassis appellarent com-
 mo-

An. 1518. moda, *Peripatetici* dilatata ratione nominis, bona quædam appellant. Virtute nemo potest abuti, his abutuntur multi, sed suo, non rerum vitio. Rursus sunt quædam pro incommodis mala vocata *Peripatetici*, quæ sæpe tamen vertuntur in materiam virtutis, & fortassis plures corrumpit paupertas quam opulentia moderata. At *Cicero* demiratur à priscis *Latinis* rem familiarem bona dici, sed, nisi fallor, *Stoici* personam agens hoc demiratur. Aliter Deus dicitur bonus, aliter vir probus, aliter equus, aliter nummus. Quorsum autem attinet mirari, corporis sanitatem, ac vires bona dici, cum juxta Philosophos prorsus in eadem competat entis ac boni appellatio? Nec de iis loquor, quæ luxur reperit, etiam si hæc quoque male reperta, nihil vetat in meliores usus vertere. Illud falsius est quam argutius, si felix non est, nisi cui color est candido rubroque mixtus, nullus *Æthiops* felix. Non enim continuo formosus quisquis hoc colore sit, neque quicquam vetat quo minus *Æthiops* apud *Æthiopes* suo nigrore formosus sit. *Christo* si nihil accessit, quid est igitur quod toties petit à Patre: quid est quod gloriatur sibi datam potestatem in cælo & in terra? sed *Christum* huic disputationi, quando ita videtur, non admisceamus. Quod Apostolos pauperes esse voluit, non docet opes esse malas, sed noluit Evangelii gloriam hujus mundi præfidiis adscribi. Nec inficior sæpe incidere ut hæc sint abjicienda, si id possit pietas. Nunc mihi vicissim responde, si hæc bona non sunt, qua fronte ea publicis etiam precibus flagitamus, ab eo qui nihil largiri nec vult, nec potest, nisi bona? Absit autem ut dicamus miseros, qui virtute præditi sunt, imo felicissimos dicimus, sed consummatius felices, quibus hæc adsunt vel sponte oblata, vel cum laude quæsitæ, nisi quid secus postulet temporis ratio. Desinam philosophari si uni etiam rogatiunculæ responderis. Finge mihi duos, alterum forma *Thersitem*, paupertate *Irum*, valetudine miserrima, lingua balba, futili memoria, ingenio plumbeo, genere pudendo, invisum omnibus, exulem, denique senem decrepitem; alterum virenti ætate, formæ dignitate venerandum, felici valetudine, lingua vocali & expedita, memoria fideli, ingenio dextro, potentem opibus, clarum natalibus, postremo, summa dignitate suspiciendum omnibus: fac interim adesse tibi mentem viro probo dignam, quæ primum amet optima; deinde quæ cupiat de omnibus quam optime mereri, adesse deum aliquem, qui jubeat ut utrum malis eligas, nam continuo futurum te, quod delegeris, dic mihi bona fide hunc an illum eliges? Et videtur indignum boni nomine, quod vir bonus potius esse duxerit? Sed urgebis, Si bona sunt, cur ea jubemur contemnere? Contemnit qui hæc præ virtute negligit, contemnit qui non his fidit, contemnit qui sibi non possidet, contemnit qui benigne erogat, contemnit qui non affligitur ablatis, si quando fortuna quod suum est repetit. Felix non est, qui his tantum sibi felix videtur. Felix non est, qui his orbatus, felix esse desinit, *αὐτὰ φιλοσοφίας ἀπαρτὸν ὁρῶς ἄλλης*. Quod tua celsitudo non gravatur, vel à nobis admoneri, non possum non probare modestiam animi tui, quam ne tantus quidem fortunæ splendor potuit vitare: quanquam à nobis illa non tam monendi studio dicta sunt, quam excitandi styli tui gratia. Quod sic affectus es erga disciplinas maximo Principe dignas, magis isto nomine te felicem judico, quam ipso galero, quantumvis augusto. Quod famulitii vocabulum prorsus rejicit tua modestia, liberum tibi facio, ut quocunque me nomine voces, modo inter tuos numeros. Ut humanitas tua non fastidit *Guilielmorum* trium contubernium, ita non dubito, quin illi tui nominis accessione gaudeant obscurari, si tamen istud est obscurari, ac non potius accessione lucis illustriorem fieri. Sufuratus sum unam aut alteram horulam, ne viderer prorsus officio meo defuisse. Brevi, uti spero, copiosius studium animi nostri erga tuam celsitudinem declarabimus, quam opto semper quam optime valere. *Lovan. An. 1518.*

EPISTOLA CCCLII.

Erasmus Rot. eximio Juris utriusque Doctori, Richardo Sampsoni S. D.

INGENS, ut scribis, ornatissime *Richardo*, veræ necessitudinis argumentum est, quod tot eximios amicos habemus inter nos communes: præsertim cum eos neuter alteri conciliarit. Proinde res occulta quadam factorum vigeri videtur: quanquam & alioqui vehementer sim inhumanus, ni te cum primis amem: quicum mihi pridem *Cantabrigia*, nuper *Tornaci*, multo jucundissima fuerit consuetudo. Quid enim esse potest tuis moribus mellitius? Jam non inhumanissimus modo sim, verum etiam ingratissimus, nisi *Sampsonem* inter præcipuos patronos meos adscripserim, qui nec rogatus unquam, nec postulatus, mihi nec opinanti, nec expectanti, Præbendam *Tornacensem* pararit. Nam quo minus afflictus sim, non tu, sed mea absentia fuit in causa. Proinde puto me nihilo minus in solidum debere, quod per te non steterit, quo minus possideam. Reverendissimus Cardinalis perbenigne pollicetur, verum, hæc ætas non moratur lentas spes. Etiam si mihi jam contigit, quod huic animo, quod huic otio fatis est. Vehementer gaudeo vobis probari *Paraphrasin*, cum primis autem *Joanni Molendino*, homini naris emunctæ. Ille tibi meis verbis salutem annunciarat: id officii vicissim nunc illi præstabis, & quidem accurate. Bene vale. *Lovanio*, Anno 1518.

EPISTOLA CCCLIII.

Des. Erasmus Roterodamus Antonio à Bergi, Abbati divi Bertini, S. D.

QVVM multis nominibus jam olim tuæ benignitati debeo, patrone incomparabilis, tum hoc etiam sum obstrictior, quod *Morum* animæ meæ partem, pene chariorem, tam amanter acceperis. Adeo in literis ad me suis sibi plaudit, quod tuam viderit amplitudinem. Quod quidem non ideo mihi minus gratum est, quod in te novum non sit: & tamen illi, licet amicissimo, nonnihil invidi, quod mihi non idem licuerit. Emoriar, si non hæc hyems mihi longo seculo visa est longior: tam diu coccycis fuit agenda vita. Quanquam non tam in nido versamur, quam in pistrino longe omnium odiosissimo. Novum Testamentum rursus innovamus: ac si *Christus* adspiraverit, tale reddemus, ut & *Leone* decimo, & posteritate non indignum videri possit. Quanquam interim tui copia non est, non deest tamen, qui te nobis utcunque repræsentet. Adeft enim *Antonius* fratris tui filius, qui te non minus ingenii mansuetudine, quam nomine refert & exprimit. Musas omnes iratas habeam, si quid vel mentiar, vel blandiar: adolescens mira indole summam spem de se præbet. Quodque rarum est inter felices, bonas literas deamat etiam, nosque literarum amat gratia. Visi nos subinde, bibliothecam nostram suspicit. Heri cervinam misit cum epistolio, tam eleganti, tantum humanitatis præ se ferente, ut mihi longe ferina fuerit gratus. O felices literas, si talibus heroibus placere cœperint? Imo felices nobilium imagines, si ad generis splendorem, literaturæ decus adjunxerint. Ab hoc cardine præcipue pendet orbis felicitas, si Principibus maxime cordi fuerint, quæ sunt optima. Summus Pontifex quidquid ubivis est insignium ingeniorum allicit, ornat, evehit. Et scio & fateor me nihil esse, si cum eruditius viris componar, & tamen ob nescio quam eruditionis opinionem, quam mihi lucubrationes meæ pepererunt, cum proxime essem in *Anglia* summa cum humanitate complexus est Rex, fortunam obtulit haud adspernandam. Complexus est Cardinalis *Eboracensis*, non passim comis aut facilis. Nuper bis ad me scripsit Episcopus *Trajectensis*, proxime *Leodiensis*, minatus se huc venturum, si se nolim invisere. Archiepiscopus *Ma-*

An. *Maguntinensis* totam epistolam suis articulis depinxerat, quo certius animi erga me sui studium declararet. *Episcopus Basileensis* ad regni, ut ait, sui consortium invitat. Ac misere timeo, ne me Rex Catholicus *India* faciat Episcopum. Sed extra jocum, ex animo gaudeo hoc animi esse magnatibus, non mea causa, sed omnium, qui si pergant, multo melius agetur cum rebus mortalium. Qui has perfert literas, Theologus est, non minus eruditus quam cæteri, sed minus superciliosus, vir integer, humanus ac festivus. Huic obtingerat sacerdotium *Enseledense*, via nominationis, ut nunc loquuntur; id menses jam aliquot possidet: convenit illi cum eo, cui tua Celsitudo idem hoc sacerdotium contulerat, si modo tuus accesserit favor. Mavult hoc temporis atque operæ rebus melioribus infumere, quod litibus esset conterendum. Æquum est peculiariter huic favere *Academix*, vel quia nostra est, vel quia his sane temporibus omnium florentissima, vel quia te quoque quondam fovit, aluitque, & nunc duos nepotes tuos alit. Nominationibus minimum vexabitur amplitudo tua: una aut altera defungetur; quo minus gravatim largiaris hoc alumnus optimus, optimæ nutrici tuæ. Ad hæc, is est *Theodoricus*, ut si hominem pernoctes, in nullum malles collatum istud, quicquid est beneficii. Habebis debitorem neque malæ fidei, neque ingratus: vel me sponforem offerrem, ni jam olim sic tuus essem, ut obligator quam sum, esse non possim. Magnam illi spem facit tua nulli non prædicata, multis etiam comperta, humanitas. Hanc ut hic quoque experiam majorem in modum te rogo. Mitto *Paulum* Apostolum *Romane* loquentem, & multo quam solet explanatius. Instituitur hic Collegium trilingue ex legato *Bullidii*. Sed obstrepunt nonnulli, qui, quod sunt, bilingues esse malunt, jam vetusti psittaci, quibus mutandæ linguæ spes non sit. Bene vale, patronorum optime. *Lovanio*, Anno 1518.

EPISTOLA CCCLIV.

Erasmus Rot. Joanni Oecolampadio S. D.

ITA quidem vulgo solet usu venire, ut bona, quæ præsentia neglectim habuimus, sublata gravi desiderio torqueant. Sed mecum pulchre agitur, si molestiarum, quas ex me cepisti cum una viveremus *Basilea*, memoriam abolevit disjunctio. Sed iste nimirum candor est *Christiani* pectoris, ut amici vitia in bonam partem interpreteris, & virtutes exiguas pro eximiis ducas, ipse in te iudex iniquior. Quanquam me mea fata nunc huc vocant, nunc illuc, tamen *Lovanii* sedem habere videor, ubi mea est bibliotheca. Sed quocumque locorum circumagimur, seu terra, seu mari, nusquam non circumferimus unice dilectum *Oecolampadium*. Et nos interim *Christum* sequimur, sed à longinquo quemadmodum *Petrus* adhuc imbecillis. Et tamen est aliquid, illum vel eminus sequi. Profuit id *Petro*, spero & nobis profuturum, si modo *Iesus* optimus clementissimos suos oculos in me torquere dignetur. O te felicem, qui totus & vacuus, in intimis penetralibus versaris cum sponso, nihil aliud quam celestia meditans! Et antrum vocas sedem istam, ego paradysum arbitror, præsertim comite socioque studiorum omnium *Brentio*, per quem ita solus es, ut solitudinis tædium non sentias. Olim homines pii partim offensi deliciis ac sceleribus vulgi, *Christum* titulo profitentium, vita negantium, partim afflicti sævis Barbarorum incursionibus, captabant invios montium ac nemorum secessus. Nunc magis etiam libeat effugere istos, qui sub prætextu *Christi*, *Christi* doctrinam moluntur extinguere. Sed quid narras impie, matri tantillum munusculum invidebas? Næ tu dignus es maximis, qui tam grato animo pensites quæ nihil sunt. Quod *Hieronymi* translationem confers cum *Hebraeorum* voluminibus, non dubito quin cum iudicio facias, precorque ut Deus laborem istum tuum bene fortunet. Optarim indicem quam primum prodire, mihi quoque

A usui futurum. Ea res complures accendit ad evolvendum *Hieronymum*. Non satis divino quid sibi velit *Tragedia*, tantum admoneo, ne nimium variis studiis oneres ingenii vires, & imbecillitatem corpusculi tui. De *Melanchthone* & sentio præclare, & spero magnifice, tantum ut eum juvenem nobis *Christus* diu velit esse superstitem. Is prorsus obscurabit *Erasmum*. Bene vale. *Lovanio*, Anno 1518.

EPISTOLA CCCLV.

Erasmus Rot. Baniso suo S. D.

B VIR ornatissime, jure succensem *Zelandia*, quod te nobis afflictum remiserit: sed tamen gratias agimus, quod vivum restituerit; quando non paucos absorbit. Sic tui velim Principibus copiam facias, ut tuæ salutis habeas rationem. Quo magis eget tuis consiliis *Respublica*, hoc magis advigilandum, ut illi diu possis esse usui. Tuum ad nos adventum cupidissime exspecto. De negligendis blateronibus, suoque morbo relinquendis, & prudenter & amice consulis. Quid enim aliud quam suam traducunt stultitiam simul & inscitiam? Deum immortalem, quam insulis libellis, quam virulentis, quam indoctis, rem agunt? Non est periculum, ne tam ineptas næcias legat posteritas: cujus iudicium semper eruditus viris spectandum est. Quanquam ne nunc quidem ulli probo doctove placet istorum furiosus tumultus. Sed omnia coram. Bene vale, vir ornatissime. *Lovanio*, Anno 1518.

EPISTOLA CCCLVI.

Erasmus Roterod. Marco Laurino S. D.

A CCEPI literas tuas, imo meros amores, quid enim aliud sonant, quid aliud spirant? Mihi vero non minus in votis fuit, frui consuetudine tua, quam tibi mea. Id, uti spero, nunc quoque licebit. De convitiis obtrectatorum, qui omnibus arrosis, nunc tandem in inconstantiam meam cavillantur, risi, fateor, utpote jam assuetus istiusmodi blateramentis, sed tamen risum ex parte *Sardonium*: nam mihi quidem adversus istorum calumnias sufficeret animus bene sibi conscius. Cæterum, quis non moleste ferat obstinatam ac perversam hominum ingratitude? Nulli magis indigent meis laboribus quam isti, qui sic oblatrant meis studiis, suis commodis. Nec ulli oblatrant ferocius, aut immanius, quam ii, qui libri nec operimentum unquam viderunt. Fac, mi *Marce*, periculum, & comperies me verum dicere. Ubi incideris in istiusmodi quempiam, sine illum debacchari in Novum Testamentum meum, ubi destomachatus erit ad ravim usque, roga, num opus ipsum perlegerit. Si perfricta facie dicet se legisse, urge, ut locum proferat, quem reprehendit. Non reperies quenquam qui id possit. Nunc vide quam hoc sit *Christianum*, imo quam Monachorum professione dignum, apud imperitam plebem lacerare famam hominis, quam, etiamsi velint, sarcire non possint, cum id quod carpunt, prorsus ignorent, non cogitantes vere dixisse *Paulum*, *Maledici regnum Dei non possidebunt*. Nullum autem infamiae genus sceleratius quam hæreseos, quod isti statim impingunt, si quis eos vel nutu offendat. Deinde, quemadmodum apud *Elvetios*, ut narrant, uno quopiam è turba proferente digitum proferunt omnes, & ad prædam accurrunt. Ita simul atque ex isto grege unus quispiam grunnire cœperit, mox grunniunt universi, & apud populum *Quiritantes*, ad saxa provocant: velut oblitii professionis suæ, non aliud professi sint, quam ut bonorum virorum nomina, linguæ suæ virulentia contaminent, ac prorsus juxta *Psalmographi* vaticinium, *Acuerunt linguas suas sicut serpentes, venenum aspidum sub labiis eorum*. Ita qui debebant *Christiana* pietatis prædicatores esse, studio sunt alienæ pietatis obtrectatores. Et qui se profitentur *Hierophantias*, exhibent sycophan-

An. tas. Et quod prodigii simile est, homines ad benedi-
 1518. cendum infantissimi, ad mordendum & calumniandum
 linguam habent: & alias p̄orsus à Musis & Gratiis a-
 lienis, in conspurcanda bonorum virorum fama, falsi
 sibi videntur, & venusti. Postremo, quod per se non
 possunt, per subornatos agunt, conducto *Charilo* quo-
 piam, aut malo Rhetore. Tanta est lædendi libido,
 tanta fitis rei cum facillimæ, tum sceleratissimæ. Pro-
 desse difficillimum est, sed juxta pium: cur non hac
 parte potius declarant se magnos ac suspiciendos homi-
 nes, si quid esse volunt? Est istud hominum genus o-
 mnino dignum ita libris celebrari, ut posteritas non
 ignoret eximiam morum ingenique perversitatem, sub
 prætextu *Christiana* religionis. Atque id fortasse præ-
 stare valeam, si paululum adnitar. Verum, hoc partim
 dissuadet *Christiana* modestia, partim iniquum arbitror,
 ob paucorum malitiam, universos ordines in invidiam
 vocare. In quibus scio permultos esse, quibus istorum
 temeritas non minus displicet ac nobis. Magis libet
 eorum habere rationem, qui & pietate, & eruditione,
 & dignitate præcellentes, gratias agunt mihi pro meis
 qualibuscunque vigilis, conatum, opinor, approbantes,
 si quod volui non sum affecutus. Alioqui si plerisque
 perspicerem istis sycophantis assimiles, nihil fuerit fa-
 cilius quam dormire ac filere, mihiq; & *Christo* canere.
 Jam quod cavillantur, ob id me parare novam e-
 ditionem, quod prior mihi non satisfaciatur, fingamus
 ita esse, quid est quod reprehendant? Si studeam me-
 ipso melior esse, & id facere, quod ab *Origene*, quod
 ab *Hieronymo*, & ab *Augustino* factum est, præsertim
 cum id ingenue testatus sim in prima editione me fa-
 cturum, si foret usus? Nunc non hoc ago, verum, idem
 molior, quod jam tertio factum est in edendis Prover-
 biis. Ad hæc, in translatione priore parcius mutave-
 ram, ne nimis offenderem istorum animos nimium mo-
 rofos. Nunc adhortantibus eruditis viris plusculum hac
 in parte sum ausus. Deinde, locos immutatos crebriore
 Auctorum nomenclatura communio, ne quid habeant,
 quo tergiverentur *οὐ συνεπείκως*. Postremo, loca tum fe-
 stinanti præterita adjicio. Quod si quid interim incide-
 rit, quod eruditos ac pios offendat, non dubito muta-
 re. Neque me diffitabor hominem esse. Contemnunt
 hanc primam editionem, nisi multos in ea locos expli-
 cui, in quibus *Thomas Aquinas* hallucinatus est, ne quid
 dicam de cæteris. Aut negent hoc, aut refellant si
 queant. Sin id in proptulo atque in confesso est, a-
 gnoscant quantum frugis istis potuerit adferre labor
 noster, unde *Thomas* quoque profecturus fuerat, si su-
 peresset. Nemo dictum hoc in illius torqueat contu-
 meliam. Non enim me cum illo confero, etiamsi quæ-
 dam aperui, quæ illum fefellerant. Quod de *Thoma* di-
 ctum est, putent de *Lirano*, imo de *Augustino* & *Hila-
 rio* dictum. Contemnunt, modo fateantur innumeros
 locos explanatos, quos antehac nec ii intelligebant, qui
 non vulgariter eruditi sunt. Postremo, cur isti da-
 mnant, quod non damnat Pontifex, cui dicatum est O-
 pus? Misi, accepit, legit, gratias egit literis, atque
 etiam re ipsa retulit. Verum, rabulæ, ut sunt stupidi
 natura, tum morbo maledicentiæ bis cæci, credunt,
 opinor, me totam hanc translationem, qua vulgo uti-
 mur, antiquare voluisse, quam ego sæpenumero *Gra-
 eorum* lectioni antepono. Imo id tantum verti, quod
 in *Græcis* reperi codicibus, in annotationibus indicans,
 quid probem, quid secus. Age, fingant me nihil aliud
 egisse, tantum vertisse *Græcorum* codices, ut à *Latinis*,
Græca linguæ ignaris, possent cum editione vulgata
 conferri, quæso quid haberent quod reprehenderent?
 Nunc tot locis ostendo manifestis argumentis, nostram
 editionem esse depravatam, licet citra fidei periculum.
 Ostendo *Cyprianum*, *Hieronymum*, *Ambrosium* cum *Gra-
 eorum* exemplaribus consentire. Et tamen isti clamant
 perinde quasi piaculum admissum sit. Sed quorsum at-
 tinet, mi *Marce*, argumentis uti cum iis, qui studio
 occludunt oculos, ne videant: occludunt aures, ne au-
 diant. Abunde satisfactum illis erat in Apologiis, si ve-

lint cognoscere: si nolint, frustra tentemus eis satisfacere, qui calumniari malunt quam discere. Sed con-
 stantiam in me desiderant homines severi, quod audierint me *Basileam* aditurum. Quasi vero *Basileam* animi
 causa sim profecturus, aut antehac profectus sim. E-
 didi *Hieronymum*, edidi Novum Testamentum, præter
 alia multa: & ut publicis commodis inservirem, neglexi
 iter periculosissimum, neglexi sumptus, neglexi tan-
 tum laborum, quibus bonam valetudinis ac vitæ par-
 tem attrivi. O miram inconstantiam, qui non malue-
 rim apud istos deponere, quam *Basileam* adire! Ipsi sur-
 sum deorsum currunt ac recurrunt, per omnes terras ac
 maria volitant, non suo sumptu, cum mendicitatem pro-
 fiteantur, sed pecunia emuncta corrasque à viduis, quas
 dementant, oneratas peccatis, spoliatis Virginibus sacris,
 fraudato denique genio simplicium fratrum, atque id ut
 noceant, ac viris de Republica *Christiana* bene merenti-
 bus labem adspargant: & constantes scilicet habentur,
 gravesque. Ego quoniam meapte pecunia, meoque in-
 commodo publicis inservio commodis, inconstans sum.
 Deligat, inquit, sibi civitatem, in qua vivat. Quid?
 an hic in solitudine *Scythica* videor vivere? an istis non
 videntur esse in rerum natura, nisi quos assidue vident
 in suis computationibus? Illic, opinor, habeo sedem, ubi
 bibliothecam meam habeo, & si quid est supellectilis.
 Quod si publica utilitas hortatur mutare locum, pietas,
 ni fallor, laudanda est, non damnanda inconstantia. Si
 licuisset hujus itineris necessitatem vel trecentis aureis
 redimere, non gravatim numeraturus eram eam sum-
 mam. Nunc ita res ferebat; eundem erat. Nec un-
 quam verti solum, nisi aut exigente pestilentia, aut va-
 letudine cogente, aut honestæ rei gratia. Solam *Ita-
 liam* mea sponte visi, partim ut loca sacra vel semel ad-
 irem, partim ut illius regionis bibliothecis, & erudi-
 torum congressu fruerer. Ejus inconstantia nondum
 me poenitet. Jam ferme biennium perpetuum hic ago.
 Licebat amplissima spe sequi Regem Catholicum: in-
 vitatus sum, aureis montibus promissis à Rege *Gallo-
 rum*: invitatus sum humanissime à Rege *Anglorum*, &
 à Cardinali *Eboracensi*, ab *Francisco* Archiepiscopo *To-
 letano*, qui nuper decessit. Invitatus sum ab Episcopo
Parisiensi, à *Bajocensi*, ab Archiepiscopo *Maguntinensi*,
 à *Leodiensi*, à *Trajectensi*, à *Basiliensi*, à *Roffensi*, à Du-
 ce *Bavaria*, à Duce *Saxonia*. Non mentior hæc, res
 cognita est permultis, & ex ipsorum ad me crebris e-
 pitolis liquet. Omnibus his neglectis, hoc agere per-
 severavi, quod erat in manibus: & inconstans vocor,
 qui, quod tantis vigilis coepi, cupiam absolvere. Quod
 si constantia virtus in hoc sita est, ut quam diutissime
 locum eundem occupes, prima laus debetur saxi ac
 truncis arborum, proxima conchis ac spongiis. Non
 est in vitio commutare locum, sed perperam commu-
 tare vitium est. Nec est virtus diu mansisse in eodem
 loco: sed cum laude vixisse. *Socrati* laudi dant, quod
 semper *Athenis* probum egerit civem. Nec tamen *Pla-
 toni* vitio datur peregrinatio. *Johannes Baptista* nun-
 quam egressus *Judaam* est. *Christus* confinia tantum
 attigit. Nec ideo inconstantia damnamus Apostolos,
 quod per orbem universum obambulaverint. Nemo
 damnat *Hilarionis* errores, quod *Paulus* speluncam
 suam nunquam fuerit egressus. Quanquam quid hæc
 exempla commemoro istis, qui nec in eadem urbe
 constant, quippe qui subinde præsepe mutant & pa-
 sca, & ubicunque lautior fumat aut renidet culi-
 na, illuc demigrant? Constantiam in me requirunt,
 quod cum istis in eadem urbe non potarim annis
 quadraginta quinque, spongiarum ritu, quibus affi-
 xis hoc est vivere, quod bibere: quod non scortatus
 sim, quod non luderim aleam, quod non egerim
 sycophantam. Ego vero meam inconstantiam mul-
 tis partibus antepono istorum constantia. Neque
 enim paulo pulchrius esse duco, sic in multis vixisse
 locis, ut ubicunque vixeris, redditum tuum optent
 optimi quique, quam sic in eadem urbe vixisse,
 ut non referat vixisse: non enim dicam quam vi-
 xisse

Ad. xiffis turpiter. Quid si valetudo cogat mutare locum, nonne daturi sint veram valetudini consulenti? Nunc damnant quod omnia posthabeam utilitati publicæ. Sed rejiciant operam meam isti: rejiciant, modo boni doctique amplectantur: nemo per me cogitur plus sapere quam velit. Sed hos, mi Marce, valere sinamus. Nos pure Christianeque diligamus bonos, malos toleremus, si vinari nolint, ne benefactis quidem. Repetent aliquando similes labra lactucas. Continget malo nodo malus cuneus, & dum fragili quærunt illidere dentes, illident solido. Mihi non est nec ocium, nec animus, cum hac luctari scabie. Nolim te tuo incommodo huc advolare, alioqui gratissimus futurus: ipse (ut spero) brevi te visam, dies aliquot acturus apud te, & animum expleturus tua consuetudine prius quam hinc abeam; etiam si hinc abeo, non diu absuturus. Si Basileam adeo, rediturus sum proximo autumno. Si Ventisiam, proximo vere. De Joanne famulo meo demittor, te nihil meminisse, quem in Angliam ante menssem misi: nam is, opinor, salutavit te. Bene vale, amicorum in tegerrime. Lovanio postridie Paschæ*, Anno 1518.

EPISTOLA CCCLVII.


Erasmus Rhenano suo S. D.

ACCIPES, mi Beate, totam itineris mei tragico-comœdiam. Mollis etiamnum ac languidulus, ut fœs, Basileam relinquebam, ut qui nondum cum cœlo redieram in gratiam, cum tandiu domi delituissem, idque perpetuis laboribus distentus. Navigatio fuit non inanimata, nisi quod circa meridiem solis æstus erat submolestus. Brisaci pransi sumus, sed ita ut nunquam insuavius. Nidor enecabat, tum nidore graviore muscæ. Desedimus plus semihoram ad mensam ociosi, donec adornarent scilicet illi suas epulas. Tandem nihil appositum est, quod edi posset, fordidae pulles, offæ, fassamenta non semel recocta, meræ nauseæ. Gallinarium non adii. Qui hunc renunciavit teneri febri, bellum quiddam adjecit. Minoritam illum Theologum, quicum mihi fuerat de echeitatibus concertatio, sacros calices oppignorasse suo jure, ô Scoticam subtilitatem. Sub noctem ejecti sumus in vicum quendam frigidum: cujus nomen nec libuit scire, nec si sciam velim edere. Illic pene extinctus sum. In hypocausto non magno cenavimus plus opinor sexaginta, promiscua hominum colluvies, idque ad horam ferme decimam: oh qui fœtor, qui clamor, præsertim ubi jam incaluisset vino! Et tamen ad illorum clepsydras erat desidendum. Mane multa adhuc nocte è stratis exturbamur clamore nautarum. Ego & incoenatus & infomnis navim ingredior. Argentinam appulimus ante prandium ad horam ferme nonam, illic commodius accepti sumus, præsertim Schurerio suppeditante vinum. Aderat aliqua sodalitatis pars, mox universi salutatum veniunt, sed nemo officiosius Gerbelio. Gebuilerius & Rudolphingius me immunem esse voluerunt: quod jam illis novum non est. Illinc equis Spiram usque contendimus, neque usquam militis umbram vidimus, cum fœtor atrocia sparsisset. Anglus equus plane defecit, vixque Spiram attigit, sic eum tractaverat sceleratus iste faber, ut illi ambæ aures ferro candenti inurantur. Spira furtim subduxi me è diversorio, & ad Martinum meum vicinum me recipio. Illic Decanus, vir doctus & humanus, suaviter & comiter nos biduum accepit. Hic forte fortuna Hermannum Buschium reperimus. Illinc curru vectus sum Wormaciam, atque hinc rursus Maguntiam. Forte in eundem currum incidérat quidam Cæsaris secretarius Ulrichus, cognomento Farnbul, quasi dicas flicum collem. Is incredibili studio, tum itinere toto mihi observavit, tum Maguntia non passus ingredi pardoxyon, ad ædes Canonici cuiusdam pertraxit: abeuntem ad navem deduxit. Navigatio non fuit inanimata, ob cœli commoditatem, nisi quod longior esset, nautarum studio. Ad hæc, off-

* Id est, 5. Aprilis, ubi hæc Epistola est reponenda.

A fendeat equorum pædor. Comitatus sunt me primum diem officii gratia Joannes Longicampianus, qui priorem Lovanii professus est: & hujus amicus Jureconsultus quidam. Aderat & Wesphalus quidam, Joannes Canonicus apud S. Victorem extra Maguntiam, homo commodissimus, ac festivissimus. Ubi Popardiam appulimus, nosque, dum exploratur navis, in ripa deambularem, nescio quis agnitum me telonei prodidit, εὐὸς ἐστὶν ὁ ἐκείνου. Teloneus est Christophorus, in fallor, Cinicampianus, vulgato verbo Eschenfelder. Incredibile dictu quam gestierit homo præ gaudio. Pertrahit in ædas suas. In mensula inter syngraphas teloneas jacebant Erasmi libelli. Beatum se clamitat, advocat liberos, advocat uxorem, advocat amicos omnes. Interim nautis vociferantibus mittit duos vini cantharos, rursus vociferantibus mittit alteros, pollicitus ubi redierit se illi τὸ τέλει remissurum, qui talem virum sibi advexerit. Hinc officii gratia comitatus est nos Confluentiam usque Joannes Flamininus, Virginibus factis illis præfectus, vir angelicæ puritatis, judicii sobrii sanique, doctrinæ non vulgaris. Confluentia Mathias, Officialis Episcopi, nos domum suam rapit, homo juvenis, sed moribus compositis; Latini sermonis exacte peritus, tum Jureconsultissimus. Illic coenatum est hilariter. Apud Bonnam nos reliquit ille Canonicus, vitans urbem Colonensem, quam & ipse vitare cupiebam, sed minister cum equis eo præcesserat, neque quicumquam erat in navi certus, cui de ministro revocando negotium committere potuissem: & nautis diffidebam. Mane itaque ante sextam Agrippinam appulimus die Dominico, cœlo jam pestilenti. Diversorium ingressus, mando hospitii ministris de conducenda biga, & cibum ad decimam parari jubeo. Audio sacrum, prandium differtur. De biga non successit. Tentatur de equo conducendo, nam mei erant inutiles. Nihil succedit. Sensi id quod erat. Agebatur ut illic hæcerem. Ego protinus jubeo meos adornari equos, imponi alteram manticam, alteram hospiti committo, & claudio meo equo ad Comitum Nova aquila percurro: est autem iter horarum quinque. Is agebat Bodburii, apud hunc suavissime quinque dies sum commoratus tanta tranquillitate & ocio, ut bonam recognitionis partem apud eum peregerim: nam cum Novi Testamenti partem mecum abduxeram. Utinam hominem nosset, mi Beate. Juvenis est, sed rara & plusquam senili prudentia, pauciloquus, sed quod de Menelao prædicat Homerus, μάλα λυγρὸς loquitur, imo cordate, citra ostentationem doctus non in uno studiorum genere tantum, totus candidus, & amicus amicus. Jam firmus eram ac robustulus, jam mihi pulchre placebam, ac fore sperabam, ut validus Episcopum inviserem Leodensium, & alacrem me redderem amicis Brabantibus. Quæ convivia, quas gratulationes, quas confabulationes mihi promittebam? Deceveram, si vernasset autumnus, Angliam adire, & quod Rex jam toties offert, accipere. Sed ô fallaces mortalium spes! ô subitas & inopinatas rerum humanarum vices! E tantis felicitatum fontibus in extremum exitum præcipitatus sum. Jam in posterum diem erat conductæ biga. Comes nolens mihi ante noctem valedicere, prædicavit se ante abitum mane visurum me. Ea nocte sæva quædam venti tempestas coorta est, quæ & ante diem proximum præcesserat. Ego nihilo secius surgo post noctis mediam, annotaturus quædam Comiti. Cumque jam esset hora sopitima, nec prodiret Comes, jubeo illum excitari. Venit, & ut est modestissimo pudore præditus, rogat, num esset sententia discedere cœlo tam incommodo, se mihi timere. Ibi, mi Beate, Jupiter nescio quis, aut malus genius, non dimidium mentis, ut ait Hesiodus, sed totam mentem ademittit: nam dimidium mentis ademerat, cum Colonia me committerem. Atque utinam aut ille acrius amicum commonuisset, aut ego verecundis, sed amicissimis monitis obsequentior fuisset. Rapit me fati vis. Quid enim aliud dicam? Con-





An. Conscendo bigam non tectam, flante vento quantus
 1518. altis montibus frangit tremantes ilices. Auster erat,
 neque quicquam præter meras pestes spirabat. Ego
 mihi vestibis probe tectus videbar, sed ille violentia
 sua nihil non penetrabat. Successit sub noctem plu-
 viola, vento suo pestilentior: venio *Aquisgranum* las-
 sulius ob quassationem bigæ, quæ mihi in via saxis
 constrata tam erat gravis, ut equo quamlibet claudo
 maluerim insidere. Hic per Canonicum quendam, cui
 me Comes commendarat, rapior è diversorio, ad ædes
 cantoris. Ibi ex more convivium agitabant aliquot Ca-
 nonici. Mihi prandium tenuissimum acuerat stoma-
 chum: sed apud hos tum nihil erat præter carpas,
 easque frigidas. Expleo me. Cum in multam noctem,
 nam serius accubuerant, cœna proferretur fabulis, e-
 go petita venia cubitum abeo, quod proxima nocte
 minimum dormieram. Postridie pertrahor ad ædes
 Vicepræpositi: nam ad illum redibat periodus. Ibi
 cum præter anguillam nihil esset piscium, nimirum
 tempestas fuerat in culpa, cum ipse sit alioqui splendi-
 dus convivor; expleo me pisce durato ventis, quem
 à baculo, quo contunditur, *Germani* vocant: nam eo
 alioqui satis delector: sed comperi partem hujus ad-
 huc crudam fuisse. A prandio, quoniam cœlum erat
 pestilentissimum, in diversorium me conféro. Jubeo
 excitari focolum. Confabulatur mecum Canonicus ille
 vir humanissimus ferme sesquihoram. Mihi interim
 oboritur nonnullum stomachi tædium, quod cum per-
 severaret, dimisso eo, latrinam adeo, dejicio alvum.
 Ac nondum levato stomacho, digitum in os injicio
 semel atque iterum: prodit piscis ille crudus, neque
 quicquam præter eum rejicitur. A vomitu decumbens,
 non tam dormio quam acquiesco, nullo capitis aut
 corporis dolore: deinde pactus cum auriga de manti-
 cis, rursus invitor ad cœnam. Excuso, non proficio.
 Sciebam stomachum præter tepidas sorbitiunculas, ni-
 hil admissurum. Nam idem acciderat *Basilea*, cum
 nocte quadam, non ferens ob incidentem pituitam sto-
 machi cruciatum, simili modo eum levasset. Mensis
 erat, priusquam stomachus cum cibis in gratiam redi-
 re potuit. Apparatus tum erat prælautus, sed mihi
 frustra. Ubi confovissem stomachum sorbitiuncula,
 domum me conféro: dormiebam enim apud canto-
 rem. Egredior, ibi corpus inane mire ad nocturnum
 cœlum inhorruit. Nox gravis fuit. Postridie mane
 rursus hausta cervisiola tepida cum paucis micis panis,
 equum conscendo morbidum & claudum, quo fuit in-
 commodior equitatio. Jam sic affectus eram, ut ma-
 gis conveniret lecto confoveri, quam equo insidere.
 Sed ea regio non parum habet rusticitatis, commodi-
 tatis aut elegantiae minimum, & illic mihi ne valere
 quidem satis esset commodum, nedum ægrotare: quo
 magis libebat effugere. Latronum periculum, nam
 ibi summum erat, aut certe metum extrudit morbi
 molestia. Jam tum cum essem *Basilea*, dum ex more
 scalpo partes inguini vicinas, ad provocandam alvum,
 acriori scalpitu sub coxa læva summam cutem perstrin-
 xeram ungui. Idem accidit in inguine dextro, sed
 hinc neque dolor ullus, neque exulceratio. Id quod
 erat sub læva coxa bidui equitatione, qua *Argentorato*
Spiram perveni, leviter exulceratum fuit, sed ita ut
 non sentiretur, nisi infedissem vehementius. Hoc ma-
 lum hac posteriore equitatione sic exacerbatum est,
 quoniam ea parte premebam equum, ut totus ille lo-
 cus incalesceret. Præterea quod erat in lævo inguine
 modice intumuit, sed glande, quæ cum pelle circuma-
 geretur, citraque cruciatum. Ad hæc in sinistro in-
 guine summo subortum erat paulatim augescens tuber
 quoddam durum, sed absque dolore, & sine exulcera-
 tione. Equitabam autem iis partibus parum à vento
 defensis. Confectis aut cursu quatuor passuum millibus
 perventum est ad *Mosæ* trajectum. Illic sorbitiuncu-
 la utcumque confoto stomacho, rursus inscens equis
Tongros adeo: id oppidum abest tribus millibus pas-
 suum. Hæc postrema equitatio mihi longe gravissi-

ma fuit. Incommodus incessus equi mire torquebat
 renes. Tolerabilius ambulabam pedibus, sed metue-
 bam sudorem, & periculum erat ne nox in agris nos
 occupasset: itaque incredibili totius corporis cruciatu,
 præcipue renum & epatis, *Tongros* pervenio. Jam ob
 inedia ac laborem inediae additum, omnes corporis
 nervi defecerant: adeo ut nec firmus esset status, aut
 incessus. Lingua, nam ea valebat, dissimulabam mor-
 bi magnitudinem. Hic cervisiaria sorbitiuncula foto
 stomacho, cubitum eo. Mane jubeo conduci bigam
 tectam. Mihi visum est, ob filices equo insidere, do-
 nec ad terrenam viam esset ventum. Conscendo ma-
 jorem equum, quod is commodius iret per saxa & pe-
 dibus certioribus. Vix conscenderam, contactus cœlo
 frigidus, sentio oboriri glaucoma, posco pallium. Sed
 mox syncopis successit. Vel manu contacta poteram
 excitari. Ibi meus *Joannes* cum cæteris adstantibus pas-
 si sunt in equo sedentem mea sponte expergisci. Ex-
 perrectus bigam adscendo. Paulo post sentio moveri
 alvum, descendo, exonero, & rediit color & alacritas
 aliqua. Jam eramus vicini oppido divi *Trudonis*. Rur-
 sus inscendo equum, ne biga vectus viderer ægrotus.
 Rursus cœlo vespertino offensus, nauseo, sed citra
 syncopim. Offero duplum precium bigario, ut me
 postridie vehat usque ad *Tenas*: id oppidum abest à
Tongris tribus m. pass. Accipit conditionem. Hic hospes
 mihi notus narrat, quam graviter tulerit Episcopus
Leodiensis, quod se insalutato discessissem *Basileam* pe-
 tens. Confoto stomacho sorbitiuncula eo cubitum.
 Nox erat gravissima, præsertim ob cruciatum ulceris,
 quod erat in læva coxa, adeo stimulabat sanguis ibi
 corruptus & concretus. Hic forte quadrigam nactus,
 quæ *Lovanium* peteret, aberat autem sex m. pass. in eam
 me conjicio: incredibili molestia vectus sum, ac pene
 intolerabili, sed tamen eo die ad horam septimam per-
 venimus *Lovanium*. Non erat sententia petere meum
 cubiculum, vel quod suspicarer illic frigere omnia, vel
 quod nollem committere, ne si pestis rumor ex me
 fuisset ortus, Collegii commodis aliquo pacto office-
 rem. Ad *Theodoricum* Typographum diverto, ami-
 cum tam sincerum, ut vel hoc uno beatus sim futu-
 rus, si res animo responderet. Ea nocte eruperat in-
 scio me maximum ulcus, jamque dolor conquieverat.
 Postridie accerso Chirurgum. Apponit malagmata.
 Jam tertium ulcus accefferat in tergo, quod minister
 fecerat *Tongris*, dum ob renum dolorem ungens me o-
 leo rosaceo, digito calloso durius fricat costam quan-
 dam. Id post exulceratum est. Tumebat & glans sub
 dextera mamilla mobilis, verum, ea citra exulceratio-
 nem sua sponte sensim evanuit. Abiens Chirurgus
 clam dicit *Theodorico* & famulo, pestem esse: missu-
 rum quidem malagmata se, non venturum autem i-
 psum ad me. Mitto lotium ad Medicos, negant quic-
 quam esse morbi: rursus alios consulo, idem affir-
 mant. Accerso *Hebraum*, is optabat tale corpus suum,
 quale meum esset teste lotio. Cum non rediret uno
 atque altero die Chirurgus, rogo *Theodoricum* quid sit
 in causa. Excusat ille nescio quid. At ego rem suspi-
 cans, quid, inquam, num judicat esse pestem? Hoc i-
 psum, inquit, constanter affirmat, tres esse carbuncu-
 los. Risi satis, nec ullam pestis imaginationem demit-
 to in animum. Post dies aliquot venit Chirurgi pater,
 inspicit, idem judicat, & in os asseverat, germanam
 esse pestem? Nec sic quidem mihi persuaderi potuit.
 Accerso clam alterum Chirurgum magni nominis. In-
 spicit, is vero, ut erat homo rusticior, Non vereretur,
 inquit, tecum cubare; & si mulier esses, rem quoque
 tecum habere: idem sentiebat *Hebraus*. Accerso Medi-
 cum quendam, cui plurimum tribuunt *Lovanii*: nam
 hic bonos esse Medicos, admodum est rarum. Rogo
 nunquid mali portenderet urina, negat. Narro de ul-
 ceribus, addens argumenta, quibus colligerem, non es-
 se pestem; Ulcera non erant nova, neque sponte nata.
 Glandes ambulabant initio; quæ in lævo erat inguine,
 semper. Nulla febris, nullus insignis capitis dolor, nisi ob

1518. An. jactationem, nulla somnolentia, palatum perpetuo sanissimum: vomitus erat non obortus, sed provocatus, nec quicquam ejectum præter piscem, eo exoneratus quievit stomachus: quod deinde cibum respuebat, peculiare est. Nullum signum pestis habebat lotium. Cætera sat fortiter audierat. At simulatque ulcerum mentio facta est, sensu hominem pertimescere. Do Medico coronatum aureum, pollicitus est se post prandium ad me rediturum. Is territus ex oratione, mittit ministrum. Rejicio: & iratus Medicis, *Christo* Medico me commendo. Stomachus intra triduum restitutus est, hausto pullo gallinaceo contuso, & cyatho vini *Belnenfis*. Hic protinus ad studii quoque laborem reversus, absolvo quod deerat in Novo Testamento. Post septemdecim dies excidit ex ulceribus caro nigra, ac emortua, quod Chirurghi futurum prædixerant: glans illa, quæ erat in inguine sinistro, jam intumuerat, citra dolorem tamen, magno meo metu: cœpit enim animum meum ridicula quædam suspicio, sed utinam falsa: hoc mali accidisse ex contactu equi mei. Excussi enim semel atque iterum muscas insidentes ulceri, manu nuda: deinde forte tractavi ea loca corporis mei, vel dum reddo lotium, vel dum indusum pono. Verum, hic constanter me jubet animo securo esse Chirurgus. Nunc mollior est tumor & humilior aliquanto, sed tamen locum nondum mutat. Ulcera sunt extra periculum, glans illa in dextro pectore sua sponte evanescit. Apud *Theodoricum* curatus fere quatuor hebdomadis, in cubiculum meum remigravi. Semel duntaxat ad proximum templum exii sacri gratia, nondum sat firmis viribus. Si pestis fuit, pestem eam labore, & incommoditate, animique robore depulsi. Quando sæpenumero magna morbi pars est, morbi imaginatio. Ab adventu protinus edixeram, ne quis me adiret, nisi nominatim accitus, ne vel ego cuiquam effem terrori, vel mihi quispiam officio suo molestus: tamen irrupit *Dorpius* omnium primus, mox *Atensis*, *Marcus Laurinus*, & *Paschasius Berselius*, qui quotidie mihi boni morbi partem ademerunt mellitissima consuetudine sua. Mi *Beate*, quis crederet hoc corpusculum exile, delicatum, atque etiam ætate jam imbecillius, post tot itinerum labores, post tot studiorum sudores, tot etiam morbis suffecturum? Scis enim quam graviter paulo ante laborarim *Basilea*, idque non semel. Nonnulla suspicio tangebatur animum meum, cum annum mihi fore fatalem, adeo malo malum succedebat, semperque gravius. Ego vero tum etiam cum maxime morbus urgeret, sic eram affectus, ut nec vitæ desiderio cruciarer, nec mortis metu trepidarem. In uno *Christo* tota spes erat, à quo nihil aliud precabar, nisi ut daret, quod mihi saluberrimum esse judicaret. Juvenis olim, ut memini, ad nomen etiam mortis solebam inhorrescere. Hoc certe profeci accessione ætatis, mortem leviter metuo, neque metior hominis felicitatem longævitate. Annum excessi quinquagesimum, ad quem cum ex tam multis tam pauci perveniant, jure queri non possum me parum diu vixisse: deinde, si quid hoc ad rem pertinet, jam nunc paratum est monumentum: quo posteris tester me vixisse. Et fortassis à rogo, quemadmodum Poetæ loquuntur, ut consilescet livor, ita magis elucescet gloria: quanquam non convenit ut *Christianum* pectus tangat humana gloria: utinam ea contingat gloria ut *Christo* probemur. Bene vale, *Beate* charissime. Cætera cognosces ex literis ad *Capitonem*. *Lovanio*, Anno 1518.

EPISTOLA CCCLVIII.

Erasmus cuidam Obrectatori S. D.

QVOMODO sis abusus lingua tua ante instauratam concordiam non me clam fuit, sed post pactam omnium superiorum oblivionem, audio te convivia tua singula condire virulentissimis obrectationibus in fortunam, ac vitam, famamque meam. Ut sim is, in

quem ista merito dicantur, tamen non ignoras quam foedum sit ulcisci sese obrectatrice lingua, idque in conviviiis, & interim præbere perniciosum exemplum tuis convictoribus, præsertim in re, in qua nihil intelligis. Præstabat, dum ista garris, evolvere *Hippocratis* canones, ut haberes quod respondeas ægrotis consultoribus. Scio istam suspensionem natam ex epistolis duabus, pessime intellectis: quod facile docebo, si cui sit sanum cerebrum. Quid autem agas cum furiosis? Sed hæc explicare sit prolixius, ut paucis dicam, si ab ista virulentia linguæ temperaris, rectius consules dignitati tuæ. Ego permulta passus sum, ne quid tumultus mea causa nasceretur, & adhuc pacem instauratam mordicus teneo. Ego *Lutherum* nec accuso, nec defendo. Sic esse res ipsa docebit. Quare nolim me horum negotiis admisceri. Et id demonstrabo veris ac solidis argumentis. Quod si tu perges ista petulantia famam meam incessere, vide ne mea quoque lenitas victa, efficiat ut tu post mille annos inter virulentos sycophantas, inter gloriosos nebulones, inter malos Medicos decanteris. Sed absit ut hoc eveniat. Mihi *Christiana* magis placent, & ad ea te provoco. Bene vale. *Lovanio*, Anno 1518.

EPISTOLA CCCLIX.

Erasmus Roterod. Germano Brixio S. D.

EPISTOLA tua, mi *Brixii*, non simplicem mihi voluptatem attulit. Nam primum, suavissimæ consuetudinis, quæ mihi tecum fuit *Venetia*, mox *Pata-vii*, memoriam mihi magna cum voluptate renovavit. Deinde, declarat, te non solum incolumi esse valetudine, verum etiam fortunis auctum, ac dignitate: quare quid nunciari poterat optatius? Postremo, palam arguit, quam tecum ipse felicitas certaris: id videlicet agens, ut cum jam olim vena carminis esses felicissima, parem in oratione prosa facultatem obtineres. Quod attinet ad laudes, quas tu *Ἰὼν ἀμφοῖν* in me congeris, facile boni consulo, si modo tam amas immo-dice, quam non modice prædicas. Tamen si ne quid mentiar, eximii Præfulis *Stephani Poncherii*, *Francisci Deloini*, *Guilielmi Budai* laudes, non paulo majore cum voluptate legi quam meas. Me vero dum doces, quantum debeam Episcopi studio, quantum literarum proceribus *Deloio* & *Budæo*: gratum est, quod officii quoque mei me commonefacias. Cæterum, quo prolixius me laudant isti, hoc magis deterrent ab adeunda *Gallia*. Nam quæ ausim venire tam onustus, ut istis tam magnificis præconiis scirem esse respondendum? Mihi semper arrisit *Gallia*: neque clam est, quam hic invisæ sint bonæ literæ, *τὴν γενναιοῦσαν Μοναρχῶν ἑνὸν ψδωνύμων ἢ ματαιολόγων*, qui facile *Paphlagonibus*, ac *Midis* imponunt. Sed adhuc nescio quibus compedibus me meus alligat genius. Amplissima sunt, fateor, quæ mihi liberalissimi Regis nomine deferuntur: apud me tamen plus habet momenti tam insignium virorum familiaritas, quam regium auctoramentum: quandoquidem & hanc vestro nomine pro se quisque pollicemini. Fortunam istam iterum atque iterum tibi gratulor tam amplam, ut putes utrique suffecturam: quandoquidem invitas ad ejus consortium. Rumusculus quidam, incertum quo auctore natus, apud nos sparfit, te offensum epigrammatis *Thoma Mori*, nescio quid moliri dentati libelli adversus illum. Id nequaquam facies, eruditissime *Brixii*, si quid omnino audies *Erasmum*. Neque tamen istuc perinde illius causa nolim, quam tua. Si *Morum* penitus nosset, fatereris nihil usquam gentium esse dignius tuo amore. Cur læsit? inquires. Non scripsit illa in *Brixium*, quem non norat, scripsit in *Gallum*, & scripsit in medio bello. Nunc æquum est, harum rerum memoriam, post arctissimam pacem inter duos populos initam, penitus inter vos aboleri. Expediit autem & publico bonarum literarum nomine, harum mystas inter sese συζητίζεν, posteaquam tam odiose conspirant οἱ μισόμυστοι. Postremo,

An. mo, nolim eos inter se dissentire, quorum utrumque
1518. pari complector amore. Hic scio, clamabis me plusquam *Diomedem* agere, qui tam prolixæ epistolæ, tamque disertæ, tribus versibus, iisque inconditis respondeam: sed æquior eris nobis sat scio, si cogites mihi cum maximis voluminibus rem esse, sique reputes, unus quam multis respondeam quotidie. Bene vale. *Lovanio*, Anno 1518.

EPISTOLA CCCLX.

Erasmus Rot. Caspari Velio S. D.

PARVM videlicet erat tibi, *Veli* doctissime, nos sane quam eleganti, sed tamen mendacissimo carmine celebrasse, nisi insuper & epistolam adderes Panegyrico simillimam. Nec hoc contentus carmen adjungis heroicum, tam sublime, tam grandiloquum, ut ad hoc collata *Lucani* tuba, lyra videri possit. Primi carminis evulgati est cur me pudeat, non est cur te poeniteat. Neque sinam *Bartholinum* hoc nomine per te vocari in jus. Nihil hujus viri judicio non tribuo. Atque is tibi tantum tribuit apud me, quantum alii nostratis hujus orbis nemini. Non censuit ille committendum, ut carmen tam felix premeretur*. Favebam & ipse, fateor, editioni: sed obstabat pudor, ac metus quidam, ne non tam ingenio tuo quam laudibus meis delectatus viderer. Haud quaquam tamen ingratum fuit, existisse qui scrupulum hunc discuteret. Epistola tua declarat te in utroque genere, pari pene felicitate, exercitatum fuisse, quæ res paucissimis adhuc mortalium successit. Porro carmen heroicum legenti venit in mentem *Homeri Βατρυχομομαχία*, quæ tragicis verbis rem maxime ridiculam prosequitur. Atque hoc impensius sum admiratus ingenium tuum, quo sterilius est argumentum. Sed tamen ne sic abs te decantatus, nihil omnino præmii dicar retulisse, moneo, mi *Veli*, ut posthac istam longe felicissimam ingenii tui venam, in felicioribus materiis exerceas. Gratulor tibi talem patronum, & illi te vicissim gratulor, vel amicum, vel præceptorum: ejus eruditissimis literis, incondito epistolio respondi. Non me fugit, quam id sit inhumanum atque impudens. Sed quid facias? Tantis studiorum obruor laboribus, & innumerabilium epistolis sic undique provocor, ut singulis respondere non queam, fortassis paria facturum, si cum paucis mihi res esset, etiam si *Herculem* non puduit duobus cedere. Bene vale, *Veli* charissime. *Lovanio*, Anno 1518.

EPISTOLA CCCLXI.

Erasmus Rot. Henrico Glareano S. D.

LITERAS tuas, *Basilea* huc allatas, reddidit mihi *Hieronymus Frobenius*. De amore in te meo nihil remisi, etiam si de hujus corpusculi vigore quotidie aliquid decerpit, quum ætas, tum studiorum semper increscens labor, sed multo maxime tædium, quod nobis adferunt isti rabulæ, adversus bonas literas, adversus sinceram pietatem conjurati. *Joannis Lascaris* consuetudinem tibi profecto gratulor; non est ille sui dissimilis, semper candidissime favit bonæ spei ingenii. Utinam eum virum Deus juvandis optimis studiis quam diutissime superstitem esse velit. Tu fac, mi *Glareane*, te modis omnibus instruas, ut nobis, mox lampadem tradituris, ita succedas, ut nomen *Erasmi* prorsus obscures. Bene vale. Saluta *Cyprianum Taleam*, *Nicolaum Beraldum*, *Hermannum Frisum*, ac cæteros, qui nobis isthic bene volunt. *Lovanio*, Anno 1518.

EPISTOLA CCCLXII.

Erasmus Rot. clarissimo Egidio, Catholici Regis à rationibus, S. D.

QUOT ornamenta in uno perdidimus homine? Facile divino, quo tu animo mortem germani feras,

* Editum est supra pag. 223.

A cum universus bonorum atque eruditorum chorus uni-
ce doleat. Sed quid profunt inanes querelæ, quid in-
utiles lachrymæ? Huc nascimur omnes. In Epitaphiis, nec illius meritis, nec meo animo satisfeci. Lacesivi Musas, sed frustra. Tot jam annos verfor in hoc genere studiorum, quod ab amœnioribus illis literis est alienissimum. Vereor aures tuas longe tersissimas. Sed tamen obsecutus sum animo vestro, ne viderer usquam deesse *Bullidiano* nomini: si non placent, retentabimus, si qua Musarum tandem adesse dignetur: neque tamen dubito, quin omnes, quibus bonæ literæ cordi sunt, hunc unicum studiorum patronum, pro sua quique portione, sint immortalitate commendaturi. De collegio instituendo cave te patiaris abduci à sententia. Mihi crede, res ea cum omni studiorum generi supra quam dici possit, conducet, tum *Bullidiano* nomini, jam per se multis modis illustri, non mediocrem decoris ac lucis accessionem adjunget. Bene vale. *Lovanio*, Anno 1518.

Epitaphium ad pictam imaginem clarissimi viri Hieronymi Bullidii, Præpositi Arienſis, & Conſiliarii Regis Catholici, fratris reverendissimi Patris, ac domini Francisci Archiepiscopi quondam Besontini, qui Lovanii magnis impensis instituit Collegium, in quo publice tres linguæ doceantur, Hebraica, Græca, Latina.

IAMBOI TPIMETPOI.

Ο τὴν ὃ χάρις σώματι μορφήν καλῶς,
Ὡφελες ἀγαλμα ζωρεφῆν ἢ τῷ νοῷ.
Ἐσιδὲν ἂν εἴη πίνακι ἐν μιᾷ πύλῳ,
Ἀρετῶν αἰπασὼν ἐργὸν ἐγγύθεν χορόν.
Τὴν δόξιν τὴν ἐροπρεπὴ πάντῳ,
Τὴν σεμνότητά, τὴν τε σωφροσύνην ἅμα,
Τὴν χρηστότητα, τὴν τε παιδείαν καλὴν.
Καὶ ταῦτα κἄλλ᾽ ἀ μόνῳ ὑπῆρχ' Ἱερώνυμῳ.
Ὁ Βασιλεὺς οἰκίας σέλας μέγα.

TROCHAICI TETRAMETRI.

NOMINIS Bullidiani proximum primo decus,
Itane nos orbas, virentis raptus avo, Hieronyme?
Litera, genus, senatus, aula, plebs, ecclesia,
Aut suum sydus requirunt, aut patronum flagitant.
Nescit interire, quisquis vitam honeste finiit.
Fama virtutum perennis vivet usque posteris.
Eruditio trilinguis, triplici facundia
Te loquetur, cujus opibus restituta, refloruit.

EPISTOLA CCCLXIII.

Erasmus Roterodamus Guilielmo Latimero S. D.

VT lubens in tuis ad me literis, doctissime *Latimere*, suavissimum istum ingenii tui candorem, ac pudorem plusquam virgineum, cum *Christiana* prudentia conjunctum agnovi! Nullius nomen attingis, nisi cum laude. Quanta vero in laudando prudentia! Jam cum in aliorum dotibus prædicandis tam non parcus sis ac malignus, quam ipse tibi nihil sumis. Caterum, in excusando officio, malebam te non perinde disertum esse. Nam cum ego mihi viderer multum argumentorum haud levium collegisse, quo tibi persuaderem, ut in Novo Testamento recognoscendo nobis suppetias ferre velles. Deinde, ut incomparabili Præfuli *Græci* literas ceu *Colophonem* quendam absolutissimæ suæ doctrinæ cupienti adjungere, vel menstruam operam largireris, utroque publicæ studiorum utilitati consulturus; tu tam densis & confertis argumentorum agminibus me premis, ut prorsus intellexerim, quam ef-

An. 1518. sem infans ac jejunos ad te collatus. Sed tamen, optime *Latimere*, facile patiar, ut hic eloquentiæ palmam auferas, modo vicissim per te nobis liceat auferre officium quod flagitamus, quod quidem hoc erit gratius, si non extortum argumentis, sed ultro meraque animi propensione donatum videbitur. Ac de me quidem tandem polliceris propemodum, & accipio promissum, etiamsi vereor, ne istæ copię nihilo plus nobis sint opitulaturæ, quam olim *Rhesi Trojanis*. Jamdudum enim exemplar flagitat officina *Frobeniana*. Porro, quod ad Episcopum *Roffensem* attinet, magis etiam abs te dissentio. Satiuse esse ducis omnino non tentare negotium, ni coeptum absolvas. Mones ut accersatur ex *Italia Græcanica* literaturæ insigniter peritus, qui non relinquat Episcopum, nisi provectum & adustum in hoc studiorum genere. Sed ista, mi *Latimere*, quoniam optare magis licebat, quam efficere, placuit illud Comœdiæ, *ὡς δυνάμεθα*. Procul abest *Italia*, quæ nunc aliquanto pauciores habet in literis insignes, quam habebat, cum tu illic ageres. Et periculum erat, ne pro accersito insigni, veniat ardelio quispiam. Nec ignoras *Italarum* ingenium quam immenso præmio conducere postulent, ut ad Barbaros demigrent, etiam hi qui mediocres sunt. Ut ne dicam interim, quod qui bonis literis instructi veniunt, mores nonnunquam non perinde bonos secum adferant. Et nosti Præfulis integritatem. Itaque fit, ut dum dispicimus, quis potissimum sit accersendus, dum de præstituendo salario hinc atque hinc consultatur, dum adornatur iter, bona pars temporis effluat. Scio prudenter ac vere dictum, *Antequam incipias consulto opus esse, ubi consulueris, mature faciendum quod statueris*: sed video multos nihil aliud quam consultare, ut jam serum sit exsequi quod tandem decreverint. Quemadmodum quibusdam dum consultant, velint ne uxorem ducere, deinde quam velint e multis deligere, furtim avolans ætas, prius sit inidonea matrimonio, quam possint aliquid certi decernere. Neque vero suspicari libet, te confinem esse vulgarium quorundam affectui; qui nihil mirantur, nisi quod e longinquo petitum sit. Mihi *Italus* est, quisquis probe doctus est, etiamsi sit apud *Juvenos* natus. Mihi *Græcus* est, quisquis in *Græcis* Auctoribus diligenter ac feliciter versatus est, etiamsi barbam non habeat. Equidem faveo gloriæ *Italia*, vel ob hoc ipsum, quod hanc æquiores experiar in me, quam ipsam patriam: sed ut ingenue dicam quod sentio, si mihi contingat *Linacrus* aut *Tonstallus* præceptor, nam de te nihil dicam, non desiderarim *Italiam*. Proinde etiam atque etiam vide, primum, ne parum consultum sit, quod domi est, rogare foris; deinde, rem mediocrem qua sit opus adspernari, propterea quod summa non contingant; aut sortem qualemcunque rejicere, ni quis de amplissima usura fidejubeat. Ipse *Grocinus*, cuius exemplum adfers, nonne primum in *Anglia Græca* linguæ rudimenta didicit? Post in *Italiam* profectus audivit summos viros, sed interim lucro fuit illa prius à qualibuscunque didicisse. Eximiis ingeniis, sæpe vel viam indicasse maximus profectus est. Illud mihi tecum convenit, in primis optandum, ut elementa quoque prima discantur ab artifice summo, si modo liceat. Verum, si id non datur, præstat utcunque coepisse, quam plane rudem manere, præsertim in hoc genere. Nonnihil est negotii, ut prompte noscites elementorum figuras, ut expedite pronuncies, ut declines, ut conjuges. An nihil egisse videtur, qui hoc tædii devoravit? Atque ita menstruam operam abs te petimus, ut taciti speremus trimestrem, etiamsi pudor est flagitare. Quod si minus continget, bona spes habet nos, interim aliunde exoriturum, qui fundamentis abs te jactis superstruat. Ea spes si maxime nos falsos habuerit, tamen ea est ingenii vis, is ardor discendi, ut fiducia sit illum suis præfidiis certe ad mediocritatem eluctaturum. Et fortassis ille mediocritate contentus est, quippe qui non ob aliud ambit *Græcas* literas, nisi ut majorem cum fructu certioreque judicio versetur in sacris Li-

bris. Denique, ut nihil horum contingat, quid fuerit dispendii? Ut minimum profuerit Episcopi studiis, tamen non minimum profuerit ad exstimulandos juvenum animos, tam eximium virum amplecti *Gracitatem*. Jam cum in omni disciplinarum genere refert, ut mature initieris, tum hic peculiariter me hortatur atas Præfulis, ne recraftinetur negotium. Finem faciam, illud unum si te monuero, ne pudor iste tuus immodicus, modestiaque pene dixerim immodesta, nonnihil avocet à juvandis studiis publicis. Quidam mei similes plus satis audent, sed nondum mihi liquet utri magis peccent, hi qui nihil aggrediuntur, ne quid peccent, an qui dum inconsultius prodesse student, labuntur alicubi. Alteri multa præclara docent, quanquam non omnia succedant ex sententia; deinde, suo studio aliorum excitant, acuuntque studium. Alteri dum quod habent, habent sibi, magis mea sententia reprehendi sunt, quam infames avari, pecuniarum custodes verius quam domini. Siquidem ab illis congestam pecuniam, si nihil aliud, certe mors transfert in usum aliorum: ab illorum rogo nihil redit ad hæredem, nisi suas cogitationes literis mandarint. Id vereor, mi *Gwielieme*, ne quando nostro eveniat *Grocino*, sed idem in te nolim accidere. Bene vale, vir optime simul ac doctissime, & quod pollicitus es, matura. *Antuerpia*, Anno 1518.

EPISTOLA CCCLXIV.

Erasmus Roterod. Thoma Moro S. D.

CAETERIS ægroto, tibi uni bene valeo. Gratia superis, reverſus sum incolumis *Antuerpiam* tertio Calend. Junias. Deliberatum erat iter facere per *Lotharingiam*: jamque ad montem Cæsaris, oppidum in Alpibus situm, perveneram. Verum, ubi viderem passim militum greges, rusticos passim ex agris in oppida commigrare, & rumor esset adventare manum ingentem, verti consilium, & periculum non effugi, sed mutavi. *Colonia* nactus sum Oratores *Italos*, quibus adjuncti, confecimus fere equites octoginta. Nec hoc numero sine periculo fecimus iter. Episcopus *Basileensis*, vir admodum natu grandis, integer & eruditus, dictu mirum qua me sit humanitate profecutus, homo alioqui multorum consensu non admodum benignus: nam hunc nævum reperiunt in tam formoso corpore. Invitavit, complexus est, ornavit testimonio vocis suæ, obtulit pecuniam, fortunam, donavit equum, quem vix portam egressus, statim quinquaginta florenis aureis vendere potui. Paraverat poculum argenteum, verum, aurifaber illi verba dederat, id quod indigne tulit. Eloqui vix possum, quantopere mihi placeat hoc cœlum *Basileense*, quantopere genus hominum: nihil illis amicus, nihil sincerius. Quot me comitabantur equis abeuntem, quibus lachrymis dimiserunt? Quanquam & aliunde conditiones non inhonestæ offerebantur. Unam epistolam misi, ex qua poteris conjicere me non omnino fingere. Novum Testamentum & ab iis probatur, quos arbitrabar maxime calumniaturos: *Primariis* Theologis vehementer placet. *Enchiridion* illud exosculantur omnes. Id Episcopus *Basileensis* semper circumfert. Vidi margines omnes ipsius manu depictas. Sed desino hæc, ne gloriosulus videar. Quanquam apud *Morum* non verear vel ineptire. Sed *τοσούτοις βάρει πείζομαι*, ut non liceat *ἀνακύνειν*. Unam aut alteram fortunæ plagam utcunque ferat aliquis, *ἀλλὰ πανταχόθεν δυσυχῶ*. Quam difficile est sapere, quibus adversatur *Rhamnusia*? Et tamen animo *Herculano* me fulcio sustineoque. Placuit epistola, quam *Antuerpiam* reverso reddidit *Petrus Agidius*. De *Ruffo* demiror, quid homini venerit in mentem, ejusmodi nugari nugas: deposui apud hominem centum & viginti angelatos eximios, pro his syngrapham tradidit: tamen ea res citra periculum ullum confici poterit. Scripsi *Canuariensis* per hunc tabellionem, mihi redditam eam pecuniam opera *Ruffi*. Is huic tradat chirographum suum, per quod

Ap. quod possim in his regionibus accipere pecuniam; eo
 1518. apud te deposito, recipiat ab Archiepiscopo pecuniam.
 Id si parum probatur, fac ipse recipias eam pecuniam,
 & scribe tuis ut hic mihi restituant: simulque mihi
 syngrapham mittito, per quam eam reposcam: nam
 literas ad *Cansuariensem* sic temperabo, ut utrumque
 liceat. Submonuit hic *Petrus* unoculus, optimum esse
 committere pecuniam negociatori cuiquam *Germano*,
 per cuius syngrapham *Antuerpia* recipiam. Proinde
 scribam, ut tibi tradat pecuniam, per me mox ad te
 venturam. Mire mihi placuit illa tua ad me epistola,
 testis animi in nos tui: praeterea declarans te proficere
 dicendi virtutibus. *Apologiam* pro me tuam nondum
 totam legi, ex qua intelligo quid *Martinus Dorpius*
 scripserat. Admiror quid homini venerit in mentem.
 Sed tales reddit haec Theologia. Cancellarium saluta-
 vi. Aderat forte fortuna tum in cena Praepositus ille
Cassileianus, vir juxta doctus, atque humanus. Adest
 & Episcopus *Theatinus*. Et dum haec scriberem, exspe-
 ctabatur *Tonstallus*, quo salutato *Montjoium* conve-
 niam, & Abbatem: apud hostantisper tempus ducam,
 dum hic monophthalmus huc se recipiat. Mox cum
 Principe agam: si sensero frigere negotium, ut est hu-
 jus regionis erga literas ingenium, recta *Basileam* nisi
 si quid tu dissentis. Scribito de singulis diligenter, si
 quid est, quod ad rem meam pertinet. Si *Pacaus* ad-
 est, admone ut per hunc remittat omnes commenta-
 rios meos, quos apud illum deposui *Ferraria*. Con-
 veni Episcopum *Theatinum*, cumque eo conavi. Is to-
 to pectore nos amat, ac miratur: agit apud *Carolus*
 Principem, comitatus cum in *Hispaniam*. Hodie
 coenavi apud *Tonstallum*, ut compendio dicam, tui si-
 millimum. Cura ut reviviscas, nam audio te pericu-
 lose laborare. *Bruxellis*, Anno 1518.

EPISTOLA CCCLXV.

Erasmus Roterod. Petro Aegidio S. D.

DEMIROR quid illi fuscifero meo venerit in men-
 tem, ut isthinc tam subito discesserit: nam eodem
 die scripseram ex *Mechlinia*, quid fieri vellem. Obam-
 bularat animi causa nebulo, isthinc *Mechliniam*, inde
Bruxellam, inde *Louvainum*, illinc demum in *Diest*,
 post mensem huc pervenit, perditis vestibus, & con-
 sumptis decem aureis, itaque abjeci portentum. Cura
 ut haec epistola reddatur Cancellario, quam tuæ ad-
 junxi. Edidimus aliquot epistolas, & inter has illam,
 qua *Dorpio* satisfacimus; & illius epistolam adjuncturi,
 si ministro commisisses, uti jusseram. Libellum adfe-
 ret bibliopola. Excusum est *Enchiridium*, additis aliis
 quibusdam. Novum Testamentum coeptum erat, sed
 rursus intermissum ob inopiam castigatoris: simulatque
 vel paululum dabitur oculi, tuum edemus *Epithala-
 mium*. Sedebimus hic usque ad mensem Novembrem.
 Bene vale cum tuis omnibus, amicorum optime. *Brux-
 ellis*, Anno 1518.

EPISTOLA CCCLXVI.

Erasmus Rot. Aegidio Buslidio S. D.

VI ornatusissime, huc accessi, ut pluribus agerem
 cum Oratore Regis *Anglia Ricardo Pacao*, viro u-
 triusque literaturae callentissimo, sed incommoditas coe-
 li facit, ut domi me contineam. Mitto dono libros
Galeni, opera *Thoma Linacri* melius *Romano* loquen-
 tes, quam antea *Grace* loquebantur. Tres posteriores
 magis te capient, nam tres primos consumit fere in
 ungendo, lavando, fricandoque, nunc puerum, nunc
 adolescentem, nunc juvenem. Novum Testamentum
 felicibus auspiciis exiit in lucem: quo minus huc ad-
 duxerim, oblivio fuit in causa. Theologi mitescent,
 imò respiscunt. Exire non audeo. Tuam excellen-
 tiam vocare audeo ad coenulam tribus ovis apparatus.
 Ad eam hoc venies gravior, quo parrior est. Bene
 vale. Colloquar antequam abeam. *Bruxellis*, An. 1518.

EPISTOLA CCCLXVII.

Erasmus Rot. Adriano Barlando S. D.

NON libet credere quod quidam ajunt, te nescio An.
 quid & stomachari, & maledicere in *Goclenium*. 1518.
 Neque enim hoc tui candoris est, neque meriti illius.
 Est vir egregie doctus, nec minus integer quam do-
 ctus, nullius gloriae invidens. Postremo, convenit hoc
 tempore *εὐκχεῖσθαι*, qui colunt bonas literas, Bar-
 barorum phalangibus sic sese undique condensantibus.
 Non me fugit esse quosdam in hac schola, qui morbo
 naturae pessime loquantur, & de his, à quibus nunquam
 fuere laesi, imo quorum beneficentiam experti sunt.
 Qui si sanari non possunt, tu tamen, mi *Barlande*,
 tui similis esse pergito, nec horum consuetudine te
 contamina. Bene vale, cum voles confabulabimur co-
 piosius. Anno 1518.

EPISTOLA CCCLXVIII.

Erasmus Rot. Petro Aegidio S. D.

V TINAM istam animi impotentiam possis vincere,
 & tuæ valetudini perniciosam, & ad res gerendas
 adeo inutilem, ut vehementer etiam officiat. Quid o-
 pus erat aperire stomachum adversus Medicum? Scie-
 bam illum nihil daturum, tantum lubebat comœdiari
 agere. Nunc si faciem perfricuerit, ne tantulum qui-
 dem spei fuerit, & incipiet palam esse hostis. Quod si
 certa spes fuisset, malim ego centum fraudari cyathis,
 quam te semel acerbius commoveri. Crede mihi, nisi
 ab his duobus temperaris, animi perturbatione, & in-
 tempestivo coitu, non lubet eloqui quid tibi timeam,
 mi *Petre* charissime. Quare te majorem in modum o-
 ro, omnia postposito tuæ salutis. De adventu nostro
 ad *Christi* natalem Medici gratia scripseram, non serio,
 ne vel tu frustra speres, vel uxor frustra metuat. Cer-
 tum est enim hinc non migrare, donec quod est in ma-
 nibus absolvero. *Paraphrasi*, quam exorsus sum in tabu-
 la, jam absoluta, excudi formis coepta est. Adest *Joan-
 nes Berselius*, hujus Collegii concubernalis, convictor o-
 mnium festivissimus. Utinam tibi integrum esset totam
 hyemem nobiscum agere, & istis negotiis, quæ te fru-
 stra cruciant, juberes *μακροῦναι*. Placent *Mori* car-
 mina. Appulit huc *Hebraeus* quidam *Matthæus*, suæ lin-
 guæ egregie peritus: spero fore, ut hic illi salarium de-
 cernatur ex *Buslidij* legato. Si me amas, omnibus post-
 habitis, da operam ut valeas. Magna morbi tui pars
 ab animo pendet. Si commodum est, accerse ad te
Franciscum, & vide utrum velit facere quod scribit
Lachnerus, an non: sed verbis benignis, ut mihi, si
 nolit, alia via prospiciam: non enim finem ut impo-
 ne me huerint. Si *Linacri Galenus* advectus est è *La-
 retia*, rogo emas. Bene vale, cum tuis omnibus, ami-
 corum suavissime. Anno 1518.

EPISTOLA CCCLXIX.

Erasmus Rot. Martino Bruxellano S. D.

Vt ad utrumque tuum epistolium unico respondeam,
 miror te solum nihil audire de *Erasmio*, cujus no-
 men per omnes etiam tabernas obambulat. Epistola-
 rum volumen dono tibi mitto. *Leum* tentasse, neque
 tua, mi *Martine*, neque mea referebat. An tu putas
 Christianam charitatem, quæ nihil non complectitur,
 finibus usque adeo angustis esse septendam, ut non
 possis *Leo* amicus esse, si mihi amicus esse desinas?
 Hi tumultus plane fatales nihil ad te pertinent, quò
 mihi videre felleior. Proinde tu te sacris Auctoribus o-
 volvendis oblecta. De recognitis Proverbiis non est
 quod labores. Paucæ quædam loca modo castigavimus,
 quæ tu facile describes in tuum volumen. Bene vale.
 Anno 1518.

EPI-

EPISTOLA CCCLXX.

Erasmus Martino suo S. D.

An. 1518. **V**IR integerrime, mitto libellum epistolarum, inter quas una est, qua respondeo stultissimo libello, quem ad me miseras. Eam invenies pagina qq. quam postea poenitudo me cepit, tantum operæ in rem tam nihili collocatum. Tuum nomen non expressi, ne quid turbæ tibi conciliarem: ne illius quidem, ne se proditum clamaret, qui tamen prodi cupit. Bene vale, nostri memor, præsertim in precibus tuis. Anno 1518.

EPISTOLA CCCLXXI.

Erasmus Roterodamus Zasio suo S. D.

DECRETUM erat, Zasi, vir numeris omnibus absolute, *Friburgum* tua potissimum causa viscere. Verum, *Rhenus* exundans, ita corruerat viam, ut riandum fuerit verius, quam equitandum. Nos tui videndi magno tenemur desiderio. Sed ante omnia, mi Zasi, fac valetudinis tuæ rationem habeas. Nolumus hanc voluptatem nostram tanti constare tibi. Me, cum tua redderetur epistola, languor quidam tenebat dies aliquot, periculose obrepens, simillimus illi, qui proxime nos coegit mutare locum. Sed gratia superis, subdixi me ei periculo. Parcior quidem scribo, at nihilo parcior amo. Rursus in hoc pistrino non una sarcina premimur. Operis tui gustum, quem polliceris, perlibenter accipiam. Neque enim addubito, quin Zasio dignum sit, hoc est, homine non minus erudito quam eloquente. Sentio quidem literas tuas, velut ab occupatissimo, ex tempore scribi, mirum tamen quam me delectet ille felicissimus orationis fluxus, non sine candore. Hæc mihi fecundum, nec minus exercitatum arguunt ingenium. Ad harum igitur gustum non dubito, quin Opus illud tuum sit responsurum. In quo quid ego tibi possum præstare, non video. Nec enim mea est arena. Animum tamen ad quidvis obsequii promptissimum polliceor, neque hac in re solum, verum in aliis quibuscunque desiderabis amici officium. Bene vale cum tuis omnibus, eruditissime Zasi. Anno 1518.

EPISTOLA CCCLXXII.

Erasmus Rot. Erardo, Prasali ac Principi Leodien-
si, S. D.

JAM plus triduum istuc iturientem me, jugis quædam ac sceleratissima nebula domi alligat. Pensare volebam, quod hinc nobis insalutata discesserat tua celsitudo: Medicus tuus in causa fuit, qui confirmarat te totum illum diem nobiscum futurum. Insignis ille heros *Albertus* Cardinalis *Moguntinensis*, cujus divinas dotes tu nuper cominus es admiratus, mihi poculum dono misit, cum amplum & grave, tum opere spectandum. Addit se id dare mihi ipsum fugienti, majorem experturo benignitatem, si mei fecero copiam. Dignum nimirum munus, quod à tali Principe mitteretur, sed *Erasmus* dignior, qui Samiis bibat. Quin & nomen indidit. Ait vocari poculum amoris, opinor, quod è duobus paribus, velut osculo commissis, fiat unum, quoties libet: ex quo qui biberint, protinus benevolentia mutua conglutinari. Si vera sunt hæc, utinam *Theologi Lovanienses* ex eo poculo mecum potassent ante annos duos. Horum opera compertum habeo, *D. N. & N. Principum Bergensi* & *Comitis Hoechstrensis* animos nonnihil à nobis alienatos. Hos, si inciderit opportunitas, admonebis, ut pro sua prudentia, magis credant reconciliatis quam iratis. Ut in me coarrentur, falsissimæ suspensiones illis fuerunt in consilio, & hoc totum unius iracundiæ datum est. Ut autem ultro provocarent ad amicitiam, in causa fuit, res attentius perpenſa. Illud tumultus fuit, hoc judi-

A cii. Quod si hoc non impetras, saltem ne pronuncient adversum me, ni parte utraque audita. Si rem omnem pernoſſent, melius etiam sentirent de *Erasmio*, quam antehac ſenſerint. Bene vale. Anno 1518. An. 1518.

EPISTOLA CCCLXXIII.

Erasmus Rot. Petro Agidio S. D.

CHARISSIME *Petre Agidi*, ex aula recepi adhuc centum florenos, reliquum promittunt brevi. Si certus aliquis tibi contingeret, aut si *Jacobus* huc venerit, mitte mihi *Psalterium octaplum* tuum: nam hic penes neminem est: & eo opus est in *Apologia*, quam paro adversum *Fabrum*. Medico me unice commendabis. Misissim illi suam Grammaticam, sed *Apologia* nonnihil ab instituto deduxit. Bene vale, mi *Petre* suavissime. Patri & uxori salutem dices. Nos, gratia superis, mediocri valetudine sumus. Urge *Quintinum* ut perficiat, quod ubi erit factum, advolabo consultaturus, quomodo possit commode tutoque mitti in *Angliam*, simulque *Quintino* satisfaciemus. Dum cum *Fabro* litigo, dies perdidici jam octo. Rursum vale, imo da operam ut quam optime valeas. *Nicolaus* ludimagistro multam ex me salutem digito, qui quoniam me sibi obstrictum esse voluit, circumspice quam in re queam illi vicissim gratificari. Dederam *Joanni* tuo negotium de sella *Bruxell.* emenda, quid actum sit, scire cupio. Anno 1518.

EPISTOLA CCCLXXIV.

Erasmus Roterod. Bilibaldo suo S. D.

NESCIO cujus culpa factum sit, ut prolixior illa tua epistola mihi tam fero sit reddita. Ea mihi declaravit, *Bilibaldum* (cujus humanitatem, integritatem atque eruditionem, jam ante perspectam habebam) virum esse singulari etiam præditum prudentia, animique magnitudine, quæ deceat hominem neutiquam plebeium. A Principibus facile contingeret fortuna, nisi mihi nimium dulcis esset libertas. Nimio emptum videtur, quicquid hujus emitur dispendio. Posteaquam ego hac quantulacunque fortunula contentus sum, me tranquillo fiet, siue dabunt aliquid, siue nihil dabunt. Atque utinam non pauperior etiam essem his veris opibus, quibus tu me beatum prædicas. Facti tui rationem sic reddis, ut mihi plane persuadeas. Tuæ vero civilitatis est, quod pro admonitione nostra, audaci potius quam tempeſtiva, gratias etiam agis. Cum horum tumultus & conspirationes, mi *Bilibalde*, mecum reputo, partim demiror quid sibi velint, partim indignor, partim miseret cæcitatæ ac dementiæ. Astrologi tradunt quasdam pestes, ut animorum, ita & corporum, ab astris immitti, Poetæ ab inferis, *Homerus* hujusmodi perturbationum causam in *Aten* rejicit, nonnulli *Pani* deo simile quiddam tribuunt. Hoc malum, undecunque venit, fatale est. De recutito non libet meminisse, quem vel nominare ominosum puto. Quid venit in mentem *Gratio*, ut suas literulas turpiter servire vellet quorundam stultitiæ, seu potius ambitioni, cum eo videatur ingenio præditus, ut si vero judicio justam operam adjunxisset, inter eloquentes ac literatos haberi potuisset. Nunc non alio facinore notus est, nisi quod calumniatus est *Renchlinum* & hujus amicos, quodque quorundam infanti malitiæ, mercenarium ciboque conductum rhetorculum præbuisse videatur. Quoties in animo fuit admonere *Jacobum Hoechstrenum*, ne tot annorum studium in rixosum hoc negotium collocaret, neve se apud eruditos viros suis libellis traduceret? quos legens, quoties illud mecum, Utinam te meis videres oculis! Sed cum homine mihi adeo nulla intercedit familiaritas, ut neuter alteri conspectus sit. Et expertus novi, quam non semper succedat etiam inter amicos liberior admonitio. Itaque verebar, ne sedulo famæ ipsius consulens, in suspitionem venirem, quasi *Renchlini* negotium agerem: qui cum

An. cum sic mihi intercedit necessitudo, ut à causa sim plus quam alienissimus. Sunt qui prædicent *Hoechstratum* moribus esse non omnino incivilibus: alii secus narrant. Ego semper malo credere bene quam male prædicantibus. Tamen ut ingenue fatear, quod verum est, ubi libellos hominis degustavi, minus bene quam antea de illo sentire coactus sum, ipsa videlicet re. Habet sodales aliquot qui applaudant, qui suffundant frigidam, qui *Cy* accinant, ex horum vel iudicio, vel adulatione, totius orbis aestimat suffragia. Habebat & hic suffragatores, sed qui clam ac technis rem agerent: etiam si nuper coeperunt perficere faciem, diuque celatum animi morbum prodere. Nec adhuc quæo subodorari, quæ res illos adeo commoveat, nisi quod, ut sentio, sibi stultissime persuaserunt, si meliores literæ passim efflorescant, ita ut faciunt, fore ut auctoritas horum, qui præter recentem hanc doctrinam, nihil neque didicerunt, neque sperant, prorsus labefactetur. Cujus mali nos ipsi causam aliqua ex parte damus, dum illorum studia nimium acriter insectamur, & nostra ad invidiam usque jactamus, dumque illos imitari malumus in malo, quam in bono vincere, dumque prius est perpendere quid illorum mereatur improbitas, quam quid nobis dignum sit. Ego locis aliquot attingo Theologos, parum sinceros, parumque dignos eo titulo, sed quales apud nos nullos esse putabam. Tales expertus sum quosdam, ut similes nusquam gentium esse crediturus fuero lenones. Parum mihi propitius sit *Christus*, si quid mentior. In tam virulentis sycophantiis, quibus undique tundor, consolor me primum conscientia recti: deinde complurium iudicio, quos nemo non fatetur, & vita graves, & eruditione præcellentes, & iudicio exquisito præditos. Novum Testamentum rursus novatum exhibit brevi satis elaboratum, sed aliquanto minus etiam quam vellem, ob valetudinis adversitatem, ex cuius viriculis pensum modum metiamur oportet. Quod mihi cum *Fabro* incidit conflictatio, non minus male habet animum meum quam tuum: idque cum multis nominibus, tum hoc præcipue, quod dolerem hanc fabulam fore gratissimam iis, quibus ingratissimæ sunt bonæ literæ. Tamen & opera datur, & spes est, futurum, ut hoc vulnusculum aliqua cicatrice obducatur. *Faber* animo meo charus est, & me arbitror illi non prorsus invisum. De te visendo, ornatissime *Bilibalde*, utinam æque mihi foret facile, ac tu vehementer optas. Bene vale. *Basilea*, An. 1518.

* EPISTOLA CCCLXXV.

Erasmus Rot. Martino Lypso S. D.

ANNON tibi videor eximie fortunatus, cui gratis obtingit, quod alii vix assequuntur, multo tum studio, tum precio? Nemo non se præbet præceptorum *Erasmio*. Itaque necesse est, ni plane lapis sim, ut aliquando proficiam. Sed in hoc parum felix haberi possum, quod isti plerique sic admonent, ut sycophantæ potius quam præceptoris fungantur officio. Quidam hoc agunt, non ut me reddant eruditorem aut meliorem, sed ut nobiscum commissi aliquod gloriæ choragium sibi venentur. Sæviunt omnes, sed nulli magis quam qui nihil omnino docere possunt. Quod facere solent clamosi quidam, & plagosi magistri, discipulos excarnificantes: quos tamen nihil docere possunt præter illiteratas ac mox dediscendas literas. Quod genus est iste, cuius libellum ad me misisti, tam indoctum, ut me piguerit legere: tam ridiculum, ut non potuerim non legere, sed inter navigandum. Infamiam autem cum illo, si talibus sycophantiis coner respondere. Sed annotabo singulis verbis singulæ nariarum capita, sic ut si libet, & numerare liceat.

1. Primum, testatus se antehac decem acutis conclusionibus perstrinxisse suum sentimentum (nam his flosculis vernat totus sermo) ceu confessum assumit, hanc Novi Testamenti interpretationem, qua vulgo u-

* Hanc Epistolam & duas sequentes prætermittas reponere suis locis.

timur, esse *Hieronymi*, cum eam constat nec esse *Cypriani*, nec *Hilarii*, nec *Ambrosii*, nec *Augustini*, nec *Hieronymi*, cum is diversa legat: multo minus eam, quam emendasse se testatur, cum in hac deprehendatur, quæ ille damnat: non solum quantum ad verba, verum etiam quantum ad sensus. Atque hæc est hujus Theologicæ disputationis basis.

2. Imaginatur & ceu probatum assumit, me publice corrigere ac mutare Vulgatam Editionem, cum ego ea relicta integra & intacta, quod est in *Græcorum* voluminibus Latine verterim, obiter indicans ubi nostra cum illis consentiat, aut dissentiat: neque raro præferens id quod est in nostris codicibus, emendans si quid depravatum, explanans si quid ambigue, enarrans si quid obscure, mutans si quid insigniter barbare dictum: quod intelligam permultos offensos prodigiosis solocismis, qui tamen fere sunt interpretis, non auctorum, abhorre à sacrorum Voluminum lectione. Neque enim omnes mortales tam patiente sunt stomacho, ut istius stylum ferre possint. Quod si imperitis ac simplicibus consulitur simplicitate sermonis, cur non consulamus & eruditis, mundicie sermonis? Quod si noster hic censor nihil omnino vult edi, quod dissonet à vulgata lectione, non erit fas Novum Testamentum Græce, ut à *Græcis* legitur, edere, nisi prius ad hanc editionem castigatum, ne quis forte deprehendat lectionis dissonantiam. Quis autem adeo demens sit, ut isthuc dicat? Jam vero abolenda est divi *Ambrosii* vel translatio, vel lectio in Epistolis *Pauli*, quæ plurimum ab hac nostra dissonat. Abolenda & *Hieronymi*, quæ non paucis locis ab hac dissentit. Denique, nostrorum codicum plerique sunt abolendi, quod inter se fere dissentiant. Et vide quam ab isto dissentiat *Augustinus*, quem is sibi videtur solus legisse. Nam ille testatur se adjutum etiam exemplariorum varietate; dum quod alius obscurius vertit, alius transtulit explanatus, ut non omnia possumus omnes. Hic actum putat de fide sacrorum Voluminum, si varia lectio proferatur. Et mavult vel manifestarias mendas in Libris sacris relinqui, quam offendi duos aut tres ineptos ac morosos seniculos. At nihil deterruit ab hoc studio divum *Hieronymum*, quod ob vöculam, nescio quam, mutatam in *Propheta Isaiâ*, votus ferme populus desciverit à suo Episcopo, ridetque Cucurbitarios illos deos, quos tantula res commoverit: etiam si *Augustinus* hanc fabulam ceu seriam scripserat *Hieronymo*. Age, vel illud mihi respondeat severus iste monitor, Utrum optandum est ecclesiæ Dei, ut sacræ Scripturæ libros habeat quam emendatissimos, an non? Si fatetur optandum, respondeat an fateatur quotidie varias mendas in eos invehi, vel inscitia castigantium, vel negligentia scribarum? Quod si non potest inficiari, cur non amplectitur hoc meum studium, quod omnium maxime ad eam rem conducit, sive ut emendentur depravata, sive ne depraventur, quæ recta sunt? Quandoquidem negari non potest, esse quædam in plerisque nostris, imo in omnibus ferme, depravata codicibus. Deinde respondeat, Utrum referat sacras Literas recte intelligi, an non? Si fatebitur referre, cur damnat studium nostrum, quo tot loca sunt explanata, quæ nec iste, quantumvis doctus, hæcenus intellexit? Perlegat Opus, & neget, si potest, quod dico, verum esse.

3. Ait, multos conatos subvertere & abolere Vulgatam Editionem; alios, ut ornatum sermonis adderent, alios, ut falsitatem excluderent, sed omnes frustra conatos. Non pudet hominem manifestæ vanitatis? Proferat unum, qui hoc conatus sit, nisi forte *Fabrum* unum nobis objiciet.

4. Scribit, inter tot viros Latine Græceque gnaros, quibus abundat *Lusitania*, *Germania*, *Anglia*, *Scotia*, neminem ausum id attentare, cum nuper id ausus sit *Faber*, nostram hanc editionem passim incessens ac vexans.

5. Quis autem non intelligit palam esse falsum, in hisce locis esse tam multos, qui Græce ac Latine calcant? præsertim in *Scotia*, cum *Italiam* tacuerit.

Tom. III.

Bb

Ex

Ab. 3518. Ex quo mihi suspicio suboritur hominem *Scotum* esse. 6. Jam quid stultius hac argumentatione, *Plurimi sunt Parisiis, docti in philosophia; nefas igitur huic aut illi quicquam aggredi in philosophia novum*. Ut multæ myriades sint, unus auspicetur, necesse est. Et tamen inter hos multos opinor me non omnino postremum esse, quod ad utriusque linguæ cognitionem attinet.

7. Ait *Laurentium* hujus mali caput esse: quasi ille verterit Novum Testamentum, aut quasi non ante hunc idem fecerit *Hieronymus*.

8. Deinde, stultissime stomachatur, nos verba *Christi* redigere sub regulas *Donati*. Perinde quasi *Christus* sic loquutus sit, quemadmodum hic vertit interpret. Imo cum constet Apostolos Græcè scripsisse, sed parum emendate: ne literam quidem tamen in horum sermone mutavimus, tantum abest, ut verba *Christi* velimus sub leges mittere.

9. Ridiculum & illud, quod loquendi regulas nobis tribuit, quasi nos simus Latine loquendi auctores, ac non potius ii qui scripserunt ante ætatem *Christi*.

10. Hoc, inquit, decretum indignum æstimat. Imo contra, decreta Pontificum rejici jubent ut adulterinum diploma, in quo comperiat sollecissimus manifestari: & alterum diligenter statuit de publice docendis tribus linguis, velut ad sacrorum Voluminum cognitionem necessariis.

11. Metitur integritatem sermonis Latini ex Veterum consuetudine, quemadmodum scripsit *Augustinus*, quasi nos aliunde metiamur, aut quasi interpretes, Veterum illorum more sit loquutus. Hic, opinor, postularit, ut omnes ipsius flosculis utamur.

12. Jam tota hac disputatione commiscet elegantiam sermonis, quæ Grammaticorum est, cum eloquentia, cumque poetica, quasi nihil intersit: totamque loquendi rationem asseverat pendere ab exemplo sacre Scripturæ, accusans interim tot sacros viros, qui multo secus loquuti sunt, quam ad exemplum sermonis Apostolici. Quod si non licet aliter loqui, cur ipse ausus est sic balbutire, tot sermonis portentis uti, quorum nihil est in Apostolicis literis?

13. Atque interim somniat, Latinum interpretem afflatu Spiritus sancti vertisse, quod nos habemus, cum ipse *Hieronymus* in præfatione palam testetur, interpretes pro suo quemque captu vertere quod assequi possunt. Alioqui vehementer sit impius ipse *Hieronymus*: qui quod habetur in hac editione, non vereatur aliquoties reprehendere.

14. Ut probet omnem eloquentiam petendam à sacris Libris, *Hieronymum* adducit auctorem, cum is Prophetis aliquot tribuat sermonis rusticitatem, *Paulo Graeci* sermonis imperitiam, idque non uno in loco.

15. Credimus & *Augustino* adfuisse Spiritum sanctum in enarrandis divinis Libris, & tamen is sua retractat, & vult cum iudicio legi.

16. Ad hæc, quod objicit sibi ex *Hieronymo*, sanctos disertiores fuisse in sua lingua quam aliena, ita dissolvit homo dialecticus: *Si de mundiati*, inquit, *inflativa & ventosa linguositate agitur, certe sanctos balbos dicere non respno. Verum, si de rusticitate humana locuti sunt sancti, cum Prophetas notarunt, nobis jam alius sentire convenit*. Quasi vitium abutentis mutet nomen eloquentiæ; aut quasi tribuamus Apostolis ineptiam, aut rusticitatem sententiarum, in quibus est præcipua pars eloquentiæ; aut quasi *Cypriani* facundia, ventosa sit linguositas, quia dissimilis sermoni prophetico.

17. Denique, bellum hunc syllogismum ita claudit: monet omnes ineptias Poetarum ac mendacia respicienda, quo vera sit illius conclusio: ea est hujusmodi, ut ad verbum reddam, ne quid existimet me calumniari: Sola integritas sermonis ornatus, elegantia seu eloquentia, est in sacra Scriptura. Sed quid eloquentiæ aut poetici cum Grammatica? Nam hinc coepit amphora, subito urceus exiens. At divus *Augustinus*, cuius meminit, jubet suum *Licentium* ad suas redire Musas. Et

A *Hieronymus* in *Ciceronis* dialogis versatur, quo sermonem reddat copiosorem. Quis autem Veterum non hausit eloquentiam suam ex Oratorum ac Poetarum libris? Aut quis unquam verborum suppellectilem ex sacris Voluminibus petiit? Denique, an quisquis Poetas despexit, protinus sacram illam ac propheticam eloquentiam assequutus est?

B 18. Quis autem non videt egregiam illius conclusionem manifestam habere blasphemiam? Ait solam elegantiam esse in sacris Literis: nihil igitur illic aliud est quam elegantia? Nec tamen hoc dicit *Augustinus*, quem hic auctorem adducit, quod iste sensit, licet ob balbutiem, quod sensit, exprimere nequiverit: non enim colligit in solis Libris divinis esse eloquentiam, sed in his non abesse eloquentiam, cum adsit sapientia, cuius illam pedissequam esse vult; licet fateatur aliud esse genus eloquentiæ: & tamen hoc in quæstionem vocat, an illis omnino tribuenda sit aliqua pars eloquentiæ, cum de cæteris virtutibus non dubitet.

C 19. Ut dissimulem interim, non continuo consequi si possis aliquot schemata proferre ex Apostolicis literis, protinus illic esse absolutam eloquentiam, cum *Hieronymus*, & *Origenes*, ac *Chrysostomus* frequenter offendantur hyperbatis, anantapodotis, aliisque sermonis incommodis: sed, ut in Apostolicis non requirimus *Aristotelicam* aut *Platonicam* Philosophiam, ut nec opes aut satellitium, ita non requirimus eloquentiam.

D 20. Mox tria insignia mendacia connectit, cum ait, me denotans, Quid ergo jam agere intendit, qui quondam damnatam versionem *Laurentii Vallenfis*, in lucem candescere conatur, nisi sacre Scripturæ eloquentiam infamem & ineptam reddere? Primum, quis nescit falsum esse, à *Laurentio* versam Scripturam sacram? Falsius autem, ejus annotationes quondam esse damnatas. Falsissimum quod ait, *qui eas evulget, eloquentiam sacra Scriptura conetur infamem reddere*: quam illustrat potius & commendat, qui portenta ac mendas, quas istius sodales invexerunt, amolitus fuerit.

E 21. Deinde magnis tragœdiis in me debacchatur, qui in proverbio quopiam obiter Scripturam sacram *Silenis Alcibiadeis* compararim, cum aliis verbis idem nemo non dicat orthodoxorum. Quid autem aptius dici poterat? Atque hic ita loquitur, quasi ipse solus sacras Literas intelligat, quod rudis sit omnis elegantia, & quasi nos nihil hujusmodi possimus assequi, quod se gloriatur assecutum.

F 22. Atque interim quam improbum agit sycophantam, cum affirmat à me hac collatione rideri Scripturam sacram, cum totum hoc in laudem & commendationem tum *Christi*, tum illius Scripturæ dixerim, quod palam est omnibus, qui legunt nostra? Hæc videlicet est illa celestis eloquentia, quam solus absque Poetarum cognitione didicit à sacris Libris: cuius vis sit ejusmodi, impudentissime confictis calumniis in alienam debacchari famam.

23. Ejusdem vanitatis est, quod scribit, à me eloquentiam adimi sacris Libris, cum eam tot locis prædicem. Tantum cum interprete mihi res est, & si quid desideramus in Apostolis, id in verbis situm esse fateamur, nec tamen insectamur, aut corrigimus.

24. Hic veluti censor, omnes Poetas præcipitandos edicit, ad quos, ut dixi, *Augustinus* revocat suos, quosque toties cum honoris præfatione citat, nec ille tamen solus. Quorum autem attinebat Poetarum facere mentionem, quasi horum præsidii emendaverimus Novum Testamentum, ac non potius ex veterum orthodoxorum auctoritate, quos tota probat ac legit ecclesia?

25. Post hæc gravi auctoritate *Thoma*, nescio cuius, nam *Aquinatis* non puto, qui scripsit commentarios in philosophicam Consolationem *Boetii*: probat quod asserit, Poetas præcipitandos, quod *Boetius* laceras dixerit Camœnas: nec animadvertit, quod illi laceræ dictant scribenda, quodque toto Opere lyricis versibus ludit: nec omnes abigit, sed scenicas dumtaxat: nec abigit in totum, sed in luctu dumtaxat gravi, qui

An. qui remedium praesentius desiderat. Ignoscam, si quis
 3518. Musas contemnat, ut contempsit Boetius, verum, hic
 poetice contemnit, ut aurum ac gemmas asini.

26. Porro, quod Boetius Camoenas elegas, quae lu-
 ctum praese ferunt, laceras scripsit, hic ad universam
 accommodans poetice, ait laceras bifariam dici: a-
 ctive, quia lacerant mentes hominum; & passive,
 quod non nitantur rationis fundamento: utrunque ex
 æquo stulte.

27. Ac longius evectus, quoniam elegantia non
 pendet à ratione, sed ab auctoritate, provocat nos, ut
 propositis duobus exemplis, hinc ex Poetis, hinc ex
 sacris Libris, aut vincamus, aut vincamur. Propono
 igitur illud ex Apocalypsi, *ὁ ἀν, ὁ λω, ὁ ἐρχόμενος*,
 quae verba Joanni tribuuntur, ne quid cavillettur de
 interprete. Rursus Poetis illud, *Dimidium facti, qui*
cœpit, habet.

28. Quanquam interim oblitus est, Augustino di-
 ci majores, priores scriptores, videlicet Plantum, Sa-
 lustium, Ciceronem, aliosque consimiles: atque ab ho-
 rum auctoritate pendere sermonis elegantiam, non à
 Spiritu sancto. Atqui ad hanc auctoritatem non re-
 spondet Apostolicus sermo.

29. Ut ne dicam interim, quod Augustinus ex Fa-
 bio sumptum docet, Orationis tres esse virtutes, ut do-
 ceat, delectet, ac flectat, id ad Thomam auctorem re-
 fert. Quis autem neget, hoc praestari posse à Spiritu
 sancto, cum ille sine Spiritu sancto tantopere delectet;
 licet nec docens, nec flectens, nisi ad risum?

30. Præterea, stultissime ratiocinatur, Haftenus u-
 sa est ecclesia hac translatione, quasi tollitur, caruit Spi-
 ritu sancto. Ego vicissim colligam, Ambrosius caruit hac
 translatione, caruit igitur Spiritu sancto.

31. Imo hoc uberius donum Spiritus accedit, quo
 plus bonarum rerum accedit ecclesiae. Olim literis at-
 que eloquentia, olim opibus ac ditione carebat eccle-
 sia, nunc accesserunt, at non ideo suam sponfam de-
 feruit Christus.

32. Is sermo rusticanus ac simplex, quo traditum
 est Novum Testamentum ab Apostolis, conveniebat
 illis temporibus, nunc fortassis expedit, ut nitidior
 tradatur, modo simplici.

33. Atque interim tota hac argumentatione solœ-
 cismos, quos habemus in Novo Testamento Latino,
 atque etiam mendas, quas non paucas istius sodales in-
 vexerunt, ad sacrum Spiritum auctorem refert, sed
 impudentissime, cum id nec in Apostolis fieri conve-
 niat.

34. Postremo, syllogismo plus quam Chrysipso rem
 conficit: *Eloquentia pendet ab auctoritate, non est igitur*
scientia: sed utrum ab auctoritate minorum an majorum?
non à minorum auctoritate, igitur à maiorum: sed ne-
mo major Spiritu sancto, igitur non licet aliquid innova-
re in Novo Testamento. Quis hæc legens, non risu
 diffuset?

35. Ad hæc calumniatur, quod in epistola quadam
 ad Dorpinum, doceo proceribus ecclesiasticis majori cu-
 rae fuisse peritiam linguarum, quam sophisticas, aut
 Aristotelicas Philosophiae, cum nominatim de linguis
 cavetint, tanquam omnino necessariis, de sophistica
 aut philosophia non item. Imo in decretis in dubium
 vocetur, magnis Auctoribus eam improbantibus. Hic
 mihi triplex impingit mendacium. Imo, *Omnis*, in-
 quit, *sapiens docet sine philosophia Scripturas sacras intel-*
ligi non posse. At ex his omnibus nec unum profert.
 Quod si proferat, ad me non pertinet, cum ego de
 cautione decretorum loquar.

36. Tum fatetur, dubitatum de philosophiae stu-
 dio, at non improbatum. Idem ego dico. Certius
 igitur est, de quo decretum est, nec unquam dubi-
 tatum.

37. Item negat à magnis Auctoribus improbatum
 philosophiae studium. Id non negabit, si legat Orige-
 nem, Hieronymum, Ambrosium.

38. Sic autem hic mecum agit, quasi dampnam

A philosophiae studium, cum eam contulerim tantum An.
 cum usu linguarum. Certe negari non potest, donum
 linguarum datum Apostolis, ceu necessarium ad Evan-
 gelicam praedicationem; Philosophiae Platonica, aut A-
 ristotelica cognitionem datam non legimus, etiam si mo-
 deratum hujus studium vehementer probo.

39. Ridiculum vero, quod interpretem, hoc est,
 translatores, vult absque ulla veterum Auctorum le-
 ctione suam elegantiam à Spiritu sancto petere. Et e-
 narrationem, quod est excellentius munus quippe pro-
 phetiae, negat cuiquam contingere, nisi praesidio Phi-
 losophiae Aristotelica.

B 40. Hanc primam, ut vocat, conclusionem ita clau-
 dit, ut dicat omnes Poetas fuisse fures & latrones, qui
 postea venerint. Atqui plerique Poetae Christum pra-
 cesserunt: nec distinguit Poetarum genus, ut videatur
 Damasum, Gregorium Nazianzenum, Prudentium in
 hunc ordinem detrudere.

C 41. Denique, velut oblitus sui, fatetur in Libris sa-
 cris abesse elegantiam, sed ita Deo visum, per stulti-
 tiam servare genus humanum. Neque autem quen-
 quam sanctorum ausum mutare stylum interpretum,
 cum id ausus sit Hieronymus, cum jam interpretatio
 Septuaginta quingentis ferme annis publico ecclesiae
 usu esset recepta. Præterea non veritus est intolerabi-
 lem auribus Hebraismum mutare, quem adhuc videmus
 in libris, quos scripsit Augustinus de locutionibus Ve-
 teris Instrumenti.

42. Qui negat, inquit, hanc translationem esse Hierony-
 mi, damnat universum orbem, omnes ordines, omnem
 statum. Ipsa etiam Romana ecclesia fatetur suam transla-
 tionem esse Hieronymi, atque praefationes ejus praemittit.
 Sic ille. Doceat quod tam fortiter asseverat, nec Ro-
 mana ecclesia unquam de hoc pronunciavit, & docto-
 rum consensus est hanc non esse Hieronymi.

43. Quorsum igitur attinet convitium, quod in me
 torquet, *Nonne omnes hi mendaces, & hic solus verax?*
 Quasi solus hoc dixerim, quod plus sex millia docto-
 rum fatentur.

D 44. Sed adduntur Hieronymi praefationes. Quid no-
 vi, cum doceant? quanquam aliquot ex his Hieronymi
 non sunt.

45. Deinde exigit, ut doceam, ab Hieronymo quæ-
 dam reprehendi, quae nostra habet editio. Imo le-
 gat ipse Hieronymum, & meam, si potest, refellat va-
 nitatem.

E 46. Negat ecclesiam errare posse. Continuo ne er-
 rat ecclesia, si tuus codex depravatus est? Et tamen quæ-
 dam accedere possunt ecclesiae, quae antehac nescierit.
 Neque nos affirmamus in hac esse translatione, quod fi-
 dem subvertat orthodoxam, esse tamen quod operas
 precium sit admonuisse. Lege nostra, & nisi sexcenta
 loca comperies, antehac abs te tam docto viro non in-
 tellecta, me in jus voca.

47. Scandalos, inquit, orbi, dum novae recepta. Imo
 maximi & optimi quique mihi gratias agunt, & qui
 prius oblatabant, Opere lecto, desinunt oblatrare,
 sed offenduntur pauci superciliosi, qui nolunt quic-
 quam videri nescisse.

48. Ut demus, inquit, inesse errores, non oportebat
 in vulgus proferre. Imo maxime in vulgus efferen-
 dum est, quod oportet ab omnibus scire.

F 49. Non potest, inquit, privata persona non autori-
 zata, novam translationem cudere, veterem corrigere.
 Primum, opinor & mihi licere, si quid in sacris Li-
 teris profeci, in medium afferre, posteaquam in
 Theologorum ordinem sum cooptatus. Deinde, nec
 novam cudo, sed Græca verto, & vetus editio omni-
 bus ut erat, per me manet. Postremo, ut nulla sim
 auctoritate praeditus, cum indoctis liceat sacros Li-
 bros corrumpere, mihi non licebit emendare, nisi
 synodo convocata? sed fingat me Episcopum, aut
 Cardinalem esse, quid hoc ad praesens negotium,
 quod non mitra aut galero, sed linguarum peritia
 constat?

Ap. 50. Quin & illud ridiculum, quod ait per hanc translationem convictos Hieronymum Hus & Wiclef, cum alter exustus fuerit, non relictus, alterius libri non nisi post mortem damnati: quod si maxime verum esset, non licebit igitur e sacris Libris, si quid erroris irrepperit, tollere?

51. Si quid erroris est, inquit, secundum Patrum antiqua testimonia fuerat emendandum. Atqui id, quod monet, maxime factum est à me: verum, hoc istum fugit, quia librum non inspexit.

52. Lepa, inquit, sacerdoti indicanda, cujus est iudicare. Recte, & ob id Leoni decimo misi Opus, cujus hortatu susceperam. Atque is per duos Cardinales studium meum comprobavit: cum illi visum fuerit, delegabit cui volet, ut nostri codices ab eruditis emendantur. Eam provinciam mihi non fumo, licet ad id viam struxerim.

53. Jam quod adducit de septuaginta cellulis, non videt in Hieronymi caput recidere, qui eas velut mendacio cuiuspiam exstructas ridet. Si illorum translatio Spiritui sancto tribuitur, impius Hieronymus, qui eam alicubi mendacium vocat, & tamen hic Hieronymi iudicium sequitur Ecclesia, in plerisque Veteris Instrumenti voluminibus.

54. Ejusdem prudentiae est, quod ait à Gracis libros ipsorum falsos, ubi defecerunt à Romana Ecclesia. Quæso, quid erat causæ, cur eos omnes corrumpere? Porro, cum nuper desciverint à Romana Ecclesia, qui sit ut novi codices illorum cum vetustissimis consentiant? qui sit ut Origenes, ut Basilus, ut Chrysostomus, ut Lactantius quoque, Ambrosius, Hilarius, Cyprianus cum illorum falsatis libris consentiant, à nostris dissentiant? An horum omnium libros semel falsarunt Graci?

55. Porro, quod ex decretis Pontificiis objeceram, Novi Testamenti veritatem ex Gracorum voluminibus examinandam esse, fatetur illis temporibus convenisse, his nihil minus. Causam reddit, quod desciverint. Quasi vero defectio Gracorum mutavit Gracorum Evangelium.

56. Verum, si ideo non est fidendum Gracorum libris, quod à Romana Ecclesia defecerint, nec Hieronymi temporibus licuit ex Hebræorum voluminibus emendare Vetus Testamentum, cum jam tum Judæorum populus non à Romana Ecclesia, sed prorsus à Christo defecisset, quod ego arbitror aliquanto sceleratius.

57. Postremo, si fidendum est tantum Gracorum libris, qui schismatici non sunt, horum exemplaria potissimum sequimur, quæ tamen à schismaticorum libris non discrepant.

58. Sed omnium impudentissimum est, quod cum ego scripserim, Gracorum libros difficiliter corrumpi quam nostros, hic fingit à me dictum, non posse ullo pacto Gracorum codices vitari: cumque causam adduxerim scripturæ Græcæ difficultatem, quæ non solum apicibus, sed & diphthongis & accentibus constat, is mentitur hanc à me dictam causam, quod Græca lingua falsitatem non admittat. O perfrectæ frontis hominem, præsertim cum exstet epistola nostra, non semel jam excusa typis!

59. Atque hic ait me contradicere Augustino, qui scripserit ab hæreticis Gracis solum Luca Evangelium recipi. Quid istuc ad nos, si quos hæreticos habuerunt Graci? An ideo corrupti sunt codices Latini, quia apud Latinos exstiterunt hæretici? Nos in hoc Opere solos Orthodoxos sequimur, & tamen est, ubi par sit & hæreticos audire. Rogo quod hoc novum acumen est?

60. Insistatur quod scripserim, Gracos non discrepare à Romana Ecclesia in his, quæ Novi Testamenti libris explicantur, tantum olim de verbo Homusii, nunc de ritibus quibusdam, de potestate, & paupertate Pontificis Romani disputare. Legat, inquit, Augustinum de hæresibus, & discet quod hæcenus ignoravit. Quod,

A obsecro, genus enthymematis hoc est? quis nescit apud Gracos varias hæreses exstitisse, & antequam Graci Romanam agnoscerent Ecclesiam, cum tamen orthodoxi haberentur? Nos de schismate agimus, & in quibus nunc Graci discrepent, qui se à Sede Romana submoverunt.

61. Quod si contendit à Gracis falsatos esse codices, utique corruerunt ea, quibus refelli schismaticum dogma videretur. Proferat igitur vel unum locum, qui isto nomine possit esse suspectus. Imo si quid esse potest suspectum in Gracorum voluminibus, illa potissimum sunt, quæ pro Arrianis aut Origenistis facere videbantur, in quorum vel odium, vel invidiam sic univèrsa Græcia conspirasse videtur, ut cum ex Origenis fontibus illorum scriptores hauserint fere, quicquid tradunt dignum cognitu: tamen nihil magis videantur habuisse studio, quam ut illius lucubrationes omnes funditus abolerent, quæ nobis ad cognitionem sacræ Scripturæ vel solæ satis esse poterant. Ut dissimulem interim, quod ita me jubet Augustinus librum de hæresibus legere, quasi solus ille legisset, aut quasi citra illius jussum legere non potuerim, aut quasi non compluribus locis ex hoc volumine citem testimonia.

62. Non mihi tempero, quin sicut acumen hominis, & eloquentiam jam perspeximus, itidem & festivitatis gustum aliquem præbeam. Hujusmodi salibus in me jocatur homo lepidus & Gratiarum alumnus: Hieronymus, inquit, ait, Tot sunt exemplaria, quot codices, hunc isti legunt, hunc illi, quem iste noster translator sumet in auctoritatem? Certe, Hieronymus sancte, in vanum impulit te Damasus Papa in sudorem, cum erat Græcus codex & emendatissimus, quem iste noster translator invenit. Hæc Hieronymus, oculos tunc mysticoracis habuisti, qui tale exemplar invenire non potuisti, quale noster novus homo invenit? Sic ille. Inter hæc mihi Lindius ille Hercules venit in mentem, cui convitiator inter epulas voluptati fuerit. Olim tot erant exemplaria, quot codices, hodie non sunt. Quid igitur secutus est Hieronymus in castigando? Deinde num ego unico codice nixus sum?

63. Rursus assumpto, quod initio assumpserat, me nova translatione veterem tollere, præscribit nobis Augustini regulam: qui in Canonicis scriptis Ecclesiarum ut plurimum auctoritatem sequitur: inter quas sane illæ sunt, quæ Apostolicas sedes, & epistolas meruerunt accipere. Tenebit igitur hunc modum in scripturis Canonicis, ut eas, quæ ab omnibus accipiuntur Ecclesiis catholicis, præponat eis, quas quædam non accipiunt: in eis vero, quæ non accipiuntur ab omnibus, præponat eas, quas plures graviorefque suscipiunt, eis quas pauciores minoris auctoritatis Ecclesiæ tenent: si autem alias invenerit à pluribus, alias à graviorebus haberi, quanquam hoc facile inveniri non possit, & cætera. Ex his colligit nostram nullius esse ponderis. Imo quid hæc ad me pertinent, quæ de voluminibus rejiciendis aut recipiendis dicta sunt, non de castigatione? Alioqui cur ipse Augustinus Hieronymianam recepit conversionem plane novam? Ad hæc, ubi locum habebit hæc Augustini regula, si solum hoc recipiendum ab omnibus Ecclesiis, quod una Romana recepit Ecclesia? Non quod infectus Augustinus, sed quod ex his appareat illum Romanæ Sedis auctoritatem non agnovisse, quam illi nunc tribuimus: præsertim cum idem scribens Innocentio, fratrem illum appellet; nec ullum indicium præbeat insignis illius emanentis, sed agat veluti cum collega.

64. Post hæc sic agit, quasi sentirem falsitatem aut ineptiam inesse sacris Literis, in quibus obcuritatem inesse fateor. Verum, si quid in codicibus falsi aut inepti, id non Apostolis, sed istius sycophantæ sodalibus adscribendum. Cæterum, nihil ego muto, quod ad fidei firmitatem attineat.

65. Monet igitur, librum summo Pontifici mittendum fuisse, ut illius arbitrio premeretur aut ederetur. Ad istam rationem omnes libri mittendi essent summo Pon-

An. Pontifici, quod in omnibus esse possit, quod aliquos
1912. queat offendere. Verum, id nec *Thomas* fecit, nec
Scotus, imo nec *Augustinus*, nec *Hieronymus*. Prius
evulgarunt, comprobatio consecuta est, non quaesita.
Porro, cum non convellam veterem editionem, sed
proditā recognitione faciam, ut illam & emendatio-
nem habere possimus, & rectius intelligere, qui suspi-
cari potui fore similes isti sycophantas, qui Opere nul-
li non frugifero offenderentur? Si metuendum erat
offendiculum, ab infirmis erat metuendum. Atqui ab
his nullum est ortum offendiculum. Tantum unus aut
alter hoc mali concitaverunt, qui inter perfectos ha-
bentur, Opere nondum edito passim inficientes simpli-
cium animos, atque id damnantes, quod nondum erat
cognitum: ac prius Opus in invidiam vocantes quam
Operis sentiretur utilitas. His igitur imputandum, non
mihi, si quis offensus est.

66. Jam quod ausus sim dedicare *Leoni* decimo, te-
meritatem appellat. Poeta, inquit, temeraria fronte,
obscaena quaque dedicant summis gradibus praeclatis eccle-
siasticis. Quorsum huc Poetas subito invexit sycophan-
ta? Aut qui sunt isti Poetae, qui sua obscaena Pontifi-
cibus dicant? Imo Pontifici dedicavi, ipsius ad me li-
teris provocatus, neque gravatus est ipse Opus bona ex
parte legere. Atque testibus gravissimis viris, lectum
coram Cardinalibus suis atque eruditissimis, summis laudi-
bus extulit. Et ut ante dixi, per duos Cardinales mi-
hi respondit.

67. Quid est autem quod iste vocat *autorizare*? sic
probare ut nihil iasit erroris? Ad istam legem, praeter
canonicas Scripturas, nihil habemus autorizatum: nec
hoc à *Leone* flagitavi. Tantum admoneo, iudicium
relinquens eruditissimis, si quid forte rectius invenerint.

68. His feliciter declamatis, in campum amœnum
expatiatur, interpretis dotes nobis describit ex *Augu-
stino* ac *Thoma*, sed interim confundens ubique donum
linguarum aut interpretationum, & donum prophe-
tiae, quae *Paulo* diversa sunt dona. Negat quonquam
sacras Literas posse vertere, nisi praeditum dono Spiritus
sancti. Atqui docui, divum *Hieronymum* aliter
sentire, cum ipse sit utriusque Testamenti interpretes.

69. Ad hæc, quemadmodum hodie nullus est, opi-
nor, tam insolens, ut sibi arroget prophetiae aut lin-
guarum donum, ita temerarium est de alieno spiritu
iudicare. Annixus sum ut quæ rectissima sunt, trade-
rem, veterum orthodoxorum secutus vestigia, neque
quicquam spectavi praeter lectoris utilitatem, & *Chri-
sti* gloriam. Inter laborandum subinde imploravi sacri
Spiritus opem: certe rectus animus non defuit. Por-
ro, quis angelus isti subindicavit, mihi Spiritus auxi-
lium defuisse cupienti prodesse, cum sibi videatur il-
lum habuisse in consiliis, cum has scriberet sycophan-
tias? praesertim in Opus illi ne conspectum quidem.
Neque me fugit, quis ille huic paracletus fuerit, qui
Opus nondum natum calumniatus est: is isti inspiravit,
ut non lectum carperet: si tamen istud est carpere,
quidvis in rem incognitam evomere.

70. Negat cuiquam fas esse docere sine publica aucto-
ritate. An non satis est isti, mihi eandem esse aucto-
ritatem quæ *Thoma* fuit? licet me cum eo non confe-
ram. Non satis est, quod optimorum Praesulum effla-
gitatione, quod summi Pontificis hortatu id facio? nec
tamen *Thomas* de libris edendis agit, sed de publicis
concionibus aut professionibus.

71. Negat *Hieronymum* ausum aggredi translationem
Scripturae sacrae, nisi iussu *Damasi*. O perfrietae frontis
hominem! Pentateuchum cuius auctoritate transtulit?
nonne ad preces *Desiderii* cuiusdam? an *Damasi* aucto-
re vertit libros *Esdrae*? legat illius praefationem, & pu-
deat vanitatis. *Thobiam* nonne *Chromatio* & *Heliodoro*
auctoribus vertit? Sed quid opus ad singula menda-
cium refellere, cum *Hieronymus* solum Novum Testa-
mentum ad preces *Damasi* Papae recognovit?

72. Constat igitur Novum Testamentum iussu *Da-
masi* recognitum, at non constat ab eo probatam *Hie-*

ronymi recognitionem. Neque enim probari potest, An.
quod non cognoris: praesertim cum iste putet rejicien-
dum, quicquid publicis instrumentis non fuerit auto-
rizatum, ut & ego flosculis illius abutar.

73. Quanquam hoc negotii non injungit *Damasus*
tanquam summus orbis Pontifex, (quod an fuerit, in
medio relinquo: certe nomen hoc nondum illis tem-
poribus erat auditum, quantum ex Veterum omnium
scriptis licet colligere) sed injungit tanquam *Romanus*
Pontifex *Hieronymo* haecenus *Romano*, quod illic & ba-
ptizatus sit, & presbyteri consecutus honorem.

74. Illud interea mirum, sycophantam hunc, aut
illius suggestorem spiritum, ne verbo quidem unquam
attingere *Fabrum Stapulensem*, qui & prior, & plus
ausus sit quam nos: nec ulla fultus auctoritate vel Pon-
tificis, cui scripseramus nos aggressuros Opus prius
quam aggredieremur, vel ea, quam accipiunt, qui in-
ter Theologiae professores alleguntur. Ex quo palam
est istum non facto offendi, sed hominem voluisse
insectari.

75. His igitur ex animi sententia gestis, pergit in
epistola ad *Dorpium* mea, calumniari: quod scripserim
Hieronymum aliquoties sibi non temperare, quin in *Vi-
gilantium* incandescat acrius, in *Jovinianum* insultet
immoderatus, in *Ruffinum* amarulentius invehatur.
Atque hanc atrocem in *Hieronymum* contumeliam in-
terpretatur, quasi scripserim, hoc non recte ab *Hiero-
nymo* factum, aut quasi *Hieronymus* non fuerit ullis hu-
manis vitiis obnoxius, dum viveret. Denique, quasi
non optimus quisque hanc aliquoties in *Hieronymo* de-
sideret animi lenitatem.

76. Tum autem refellens, quod scripserim in meis
scriptis nullius notari famam: objicit, quod locis ali-
quot à *Thoma*, à magistro Sententiarum, à *Lyrano*,
ab *Hugone Carrensi* dissentiam, quasi quisquis dissen-
tiat, contumelia afficiat, aut famam incessat ejus, à
quo dissentit. Quo quid dici potest stultius? Et ta-
men ita dissentio, ut cum honoris praefatione id fa-
ciam, quibus hanc debemus reverentiam, quam ego
nec *Lyrano*, nec *Carrensi* puto deberi. Quod si qui
minus jam illis tribuunt, quam antehac tribuebant, an
conveniebat ob illorum auctoritatem nos omnes erro-
rem sequi?

77. Negat eos passuros fuisse, si superessent. Ipse igitur,
qui velut alter *Helizeus* in horum spiritum suc-
cessit, partes illorum, si potest, tueatur.

78. Jam illud, elenchum putat esse palmarium, quod
in annotationibus, quas in *Hieron.* scripsi, *Franciscanum*
quendam obiter adspargam joco, cum id citra nomen-
claturam faciam: & tam ingens sit turba *Franciscana-
rum*, in quos iste jocus competat. An qui sine nomi-
ne narraret de incititia cuiuspiam hominis, in omnes
homines futurus sit contumeliosus?

79. Quæ vero sequuntur, ut ingenue dicam, non
intelligo prorsus, sed ipsius verba tuo cum flore sub-
scribam: *Possim*, inquit, & illud addere, quod male
contra hunc *Franciscanum* movetur. Nam jam aut ho-
noris, aut fama cupidi, pecunia egentes, vacui, verbo-
si, inflati, agunt, ut *Hieronymum* sic mutilum, sic de-
pravatum habeamus. Si nonnulli libri scriptorum vitia
depravati sunt, corrigantur juxta antiqua exemplaria,
estimo adhuc inveniri posse tempore *Hieronymi* scripta,
non cudentur nova. Elegantiā autem, eloquentiam,
ac sensum *Hieronymi* destruentia. Hæc ille.

80. Obsecro, primum, an istiusmodi coloribus depin-
git *Franciscanos*? pecunia egentes, vacui, verbosi, in-
flati, & cætera.

81. Deinde, num dicit à nobis mutilatum *Hierony-
mum*, qui prioribus editionibus permulta addidimus,
nihil autem detraximus, praeter aliquot locis falsos ti-
tulos.

82. Porro autem, utrum nos novum cudimus *Hie-
ronymum*, an veterem potius restitimus? An sunt qui-
dam adeo stupidi, ut putent hæc, quæ nunc legunt,
Erasmi esse, non *Hieronymi*?

Bb 3

83. Tum

An. 1518. 83. Tum an aliunde credunt nos emendasse *Hieronymum*, quam ex vetustissimis exemplaribus, quæ vel ipso *Hieronymi* seculo scripta videri poterant, si ullum exstaret: neque tamen contenti unis exemplaribus. Hac sane in parte à doctissimis viris, plus quam credi possit, sudatum est.

84. Quæ sunt autem hæc, quæ *Hieronymianam* elegantiam, eloquentiam, ac senium subvertunt? Nisi isti nihil elegans videtur, nisi quod ipse sapit stylum.

85. Posthac, velut araneus obambulans, ex *Moria* quoque delibata, nonnihil attrahit veneni, quam tamen, dispeream, si legit: sed admonitus à suo paracleto, negat à me satis purgatum, quod summum præmium immortalitatis, insaniam quandam scripserim sub persona *Moria*: quod tamen statim inibi tot verbis præmollio, ne quis offenderetur. Vult nos ad certam regulam loqui. Ad quam? non *Augustini*, non *Hieronymi*, non *Cypriani*, non *Thoma*, non *Petri Lombardi*, quorum dicta vix excusantur à Theologis. An hanc regulam ab huius temporis scholasticis petemus? Ipsi inter se non consentiunt. Fateor de rebus sacris circumspicte loquendum, anxie aut morose non puto.

86. Si non licet uti verbis, nisi Scripturæ sacræ: cur ausus est *Thomas* tot novis & verbis & rebus partim ab *Aristotele* sumptis, partim ex ipso confectis, de rebus divinis non solum loqui, sed etiam pronunciare? Ubi vero legimus in Literis sacris, ecclesiam Christi *essentialiter* esse in convocatione omnium fidelium, *representative* in Cardinalibus, *virtualiter* in Pontifice Romano? ut hoc ex multis millibus unum exempli gratia proferam. Quod si non licet similitudinem conferre, quæ non sit in sacris Literis, quid faciemus omnibus priscis orthodoxis, qui innumeras adducunt novas, docendi gratia? Neque quisquam clamat in opus cuiusdam prædicatoris insulsißimum, quod omnes *Ovidianas* fabulas ad Christum accommodat, imo detorquet. In me blaterant, qui *Silenos* detorserim ad Christum & Apostolos, paulo sanctius quam ipsi sacras tractant Literas.

87. Quod autem piaculum, si stultitiam Deo aut Christo tribuo, quod ante me fecit *Paulus*, & post hunc non uno in loco *Augustinus*? An ne *Pauli* quidem verbis uti licebit? Utinam eam stultitiam, quam Christo & Apostolis tribuimus, nostris Episcopis omnibus vere tribuere liceret.

88. Sed hic fac sis attentus: Invenit homo quo me prorsus jugulet. Quoniam, ut docerem quomodo Christus sese ad nostram imbecillitatem demississet, scripseram in Christo quiddam infirmum fuisse, & nostris tributum affectibus, stultissime somniat, me perturbationes animi vitiosas tribuere Christo. Atque hic, ceu victor, ovationem agit, clamitans subinde me maculam aut rugam ponere in Christo, totusque hic hominis fermo præter maculas ac rugas nihil crepat.

89. Deinde cum ex *Thoma* docuisset, animi motus secus fuisse in Christo, secus in Apostolis, sic *Imquæ*. Si *Erasmus* scivisset distinctionem passionum Christi & Apostolorum, in hanc sententiam non devenisset: Quasi non ante annos ferme viginti pluribus verbis id explicarim, disputans cum *Coleto*, aut quasi hoc ex me non potuerim scire, etiamsi non docuisset *Thomas*.

90. Pergit & illud arroderet, quod Ecstasim piorum, quem *Plato* sacrum furorem appellat, scripserim gustum quendam esse futuræ beatitudinis, qua absorbeamur in Deum, in illo magis, quam in nobis futuri. Atque hic nescio quos *Turlupinos* ac *Begardos* nobis ingerit, qui docuerint animam absorberi ab divinitate: quemadmodum minima aquæ guttula, missa in dolium vini, absorbetur à vino. Item qui doceant omnia futura, sicut fuerunt ante creationem mundi. Quid ad me pertinet, si quid delirant istius *Turlupini* aut *Begardi*? Dixi animam absorberi à Deo, quod tota in illum rapiatur amore, & anima magis illic est, ubi amat, quam ubi animat. Sic autem rapitur, non ut evanescat, sed ut perficiatur.

An. 1518. 91. Relicta *Moria*, transit ad *Enchiridion*, ubi adhortans, ut animum sequamur, non corpus, quod illa parte Dei geramus imaginem, inter cætera scripsi. Secundum animam adeo divinitatis sumus capaces, ut ipsas etiam angelicas mentes liceat prætervolare, & unum cum Deo fieri. Item in hanc sententiam, (nam liber non adest) Si animum non haberes, pecus eras: si corpus non haberes, numen eras. Id videtur calumniari velle, quasi senserim animam humanam particulam esse divinæ naturæ. Sed quid opus manifestam syncophantiam refellere?

92. Reversus ad *Moriam*, negat consequi, Aliquid stultum est Dei, ergo Deus est stultus. Quæso, lector, ne quid offendere verbis, eum sensus sit pius, huc enim ille me vocat. At bene consequitur, est stultitia Dei, ergo Deus aliquo modo stultus dici potest. Est nigredo corvi, ergo corvus niger est. Nam stultum illic pro stultitia positum docuimus & ex *Augustini* lectione.

93. Sed interim non animadvertit hyperbolen *Pauli*, qui stultitiam Dei vocat, ad collationem æternæ illius & ineffabilis Sapientiae, cum nobis exhibuerit ea, quorum utcumque capaces esse possemus. Ut autem suscepit Christus nostram infirmitatem, ita & nostram stultitiam aliquo modo assumpsit.

94. Postremo loco quod de Ecstasi trium Discipulorum calumniatur, indignum iudico, quod sit refellendum. Is ecstasim imaginatur, ubi quis totus à corporeis sensibus abreptus est. Delirant homines & timore & gaudio, ut nesciant quid loquantur, aut qui alioqui sibi exciderunt. Dictum est autem de *Petro*, quod nesciret quid loqueretur. Id mihi satis erat in Opere ludicro. Neque enim rem Theologiæ, sed *Moria* tractabamus.

95. Ait doctores constitutos ad gloriandum Hieronymum & Augustinum, non Erasmus. Quasi illis plus veniæ debeat, quod majores fuerint nobis: cum hoc potius debeat imbecillioribus. Citius enim ignoscimus puero quam viro. Et magis indulgemus *Augustino* & *Hieronymo* in his quæ juvenes prodiderunt. Bellum vero Theologorum negotium, si tantum in hoc laborant, ut quod à Veteribus utcumque dictum est, aliquo prætextu defendant. Si recte dictum est ab illis, cur nobis non licet eodem loqui modo? Cur in nobis reprehenditur, quod in illis probatur? Si non recte, cur illos defendunt, nos in eadem causa criminantur? Jam quale est, quicquid ab Antiquis dictum est tueri, aut certe ad multa connivere, in recentiorum libris nihil non calumniari? Vide, *Martine* charissime, in quantulo libello quot deliramenta. Cum tamen ex multis pauca quædam annotarim, cujus operæ me jam sane poenitet. Et tamen sibi fidens aude te iudicem facere, num quid ineptierit, cum hic aliquanto plus sit ineptiarum quam verborum. En quales habet *Erasmus* præceptores. Atque hic est egregius ille liber, quem post decem illas conclusiones, quæ multorum, ut inquit, manus pervolarunt, elaboravit, eximio cuidam viro dicaturus: jubetque ut tanta utilitas fidis ac probis amicis communicetur. Denique, ad palæstram provocat, si quis ausit manus conferere, pugilemque requirit, salvis tamen egregiis tanti viri studiis, quæ non nisi magno orbis malo queant intermitteri. Imo mala scabiæ male prurit miser, & quærit, cui sese affricet. Qui sapiet, abstinebit à contactu. Ego sane nondum sic odi hominem, ut eum velim doctis omnibus deridendum propinare, etiamsi hoc cupit ipse. Tu, mi *Lypsi*, fac admonas hominem, ut posthac ocium suum paulo melius collocet. Si probus est, admonitus resipiscet: sin deploratæ mentis, relinquo illum suo morbo, ipse in sanctis Auctoribus evolvendis versari malis, quam huiusmodi nœniis ætatem conterere. Bene vale. *Basilea* 7. Maji, Anno 1518.

AN. 1518. **A**GNOSCO, mi Ecki, tuam humanitatem literis istis ac rara prorsus eruditione dignam: ultro defers quod mihi studiis omnibus erat ambiendum, atque hoc ipso mihi charius est, quod ultro sit oblatum, ne semper proverbio locus sit, *Ukroneas putere merces*. Cæterum, de laudibus, quas in me benigne magis quam merito congeris, nihil vel agnosco, vel amplector, præter animi erga me tui candorem. Tuum tuique similitudinem est ad istas procerum palmas contendere; nos pusilli, pusilla tractamus. De *Zoilis* (si tamen huic homuncioni quisquam invidere possit) illud in primis admiror, quod nulli nostris studiis, si non admodum frugiferis, certe nulli noxiis, odiosius obstrepunt, quam ii qui prorsus non attingunt lucubrationes nostras, aut qui poterant his potissimum adjuvari, nisi prius haberent oblatrare, quam dicere. Sed tu, doctissime vir, accuratius aliquanto quam par est, præmolis admonitionem tuam apud me, cui tantam tribuis humanitatem, si tamen ex animo tribuis. Ego à quovis admoneri non gravatim fero, tantum abest ut abs te viro tam eximio reverenter admoneri postulem: & tamen aliquanto plus vel reverentiæ, vel civilitatis habent tuæ præfationes atque interlocutiones, quam admonitiones. Sic enim rem proponis, velut alienam referas calumniam, sic insectaris, quasi tuam tuearis sententiam. Primum quod adducis ex Annotationibus nostris in *Matthæum* cap. secundo, vides orationem disjunctivam & bimbrem consistere, etiamsi pars altera rejiciatur: isti alteram modo partem, eamque deteriore decerpunt. At nefas, inquis, de hoc dubitare. Qui scis an dubitem? aliorum refero sententiam. Neque enim quicquid incertum est, continuo mihi incertum est. Denique adscribo locum, videlicet quinto capite *Michea*, ubi divus *Hieronymus* interpres, idem recenset quod ego. Alieno, inquis, nomine, fateor, at non hæreticorum nomine: & ita recenset, ut neutram partem rejiciat. Neque protinus (meo judicio) vacillet, ut tu scribis, totius auctoritas Scripturæ, sicubi memoria lapsus Evangelista, nomen ponat pro nomine: puta *Esaïam* pro *Hieremia*, cum hinc cardo rei non pendeat. Ut enim non protinus de tota *Petri* vita male sentimus, quod *Augustinus* & *Ambrosius* affirmant illum, & post acceptum coelestem Spiritum, alicubi lapsum esse: ita non continuo fides omnis abrogatur libro, qui nævum aliquem habeat. *Augustinus* ac *Hieronymus* non solum cum auctoritate, sed etiam cum reverentia leguntur, cum nemo neget in illorum libris permulta esse, quæ à veritate dissonent. Absit à *Christianorum* moribus ista morositas. Neque vero protinus illis adimimus Spiritum sanctum: sed fortasse nostrum non est præscribere, quomodo Spiritus ille Discipulorum organum temperavit, qui quocunque modo temperavit, sic temperavit, ut ipse noverat ad salutem humani generis maxime conducere: sic illis aderat, quatenus ad Evangelii negotium pertinebat, ut tamen alicubi homines esse sineret: neque vero hæc dixerim, quod arbitrer Apostolos usquam esse lapsos, sed quod negem ob quemvis lapsum, universæ Scripturæ fidem oportere vacillare. Jam vero quod tibi videtur indignum, Apostolos librorum adminiculis usos fuisse, quid facies de *Paulo*, qui sibi cum penula libros jubet remitti, præsertim in membranis descriptos? Neque enim vetuit *Christus*, ne sacros Libros evolverent, ad quos hortatur *Timotheum* suum *Paulus*, sed ne ad iudices meditatæ orationibus instructi venirent: verum, hac de re copiosius respondeo in posteriore voluminis editione, quam adorno. Proinde, supervacuum esse puto, prolixiore sermone onerare epistolam. Similiter & de secunda querimonia, quam adducis ex *Actuum* capite decimo, ubi Apostolorum negotium agens, excuso illos, qui Græcitatem suam non ex Orationibus Demo-

Asthenis, sed ex vulgi colloquio didicerint: non nego An. donum linguarum, neque tamen consequitur, eos non potuisse Græce dicere ex vulgi colloquio: certe Syriace didicerunt ex vulgi colloquio, quidni potuerunt & Græce, quandoquidem ob *Alexandrum* victorem, & *Romanum* Imperium, *Aegyptus* ac *Syria* maxima pars, totaque minor *Asia*, imo totus ferme Oriens, ut inquit *Hieronymus*, Græce loqueretur. Neque enim arbitror spiritum illum oblivione oblitterasse, quod antea didicerant. Quod si contendis hanc Græcitatem, quam videmus in Apostolicis literis, esse donum celeste, unde tanta sermonis ruditas, imo barbaries, quam dissimulare non possumus? cum *Spiritus sancti perfectiora sint opera, quam natura aut industria humane, auctore Chrysostomo*. Sed hætenus, inquis, impertiit eis sermonis peritiam, quatenus judicavit Evangelicæ simplicitati convenire. Atqui istuc si aderat Apostolis, quid jam opus erat impartire? Non legimus Apostolos miraculo Græce locutos: locutos legimus, una quapiam, ni fallor, lingua, & ab omnibus intellectos: quod ut maxime contigisset, non est tamen necesse miracula in Apostolis facere perpetua. Quoties postulabat fidei negotium, aderat donum linguarum: nec omnibus tamen ex æquo, nec semper aderat: semel hoc Apostolis accidisse legimus. Est & prophetiæ donum, neque tamen cui datum erat, hunc aut illum explicare locum, idem licuisset quovis tempore quemvis alium explicare locum. Dispensabat has dotes suus ille Spiritus ad mensuram fidei, quemadmodum scribit *Paulus*. Postremo, qui fit, ut *Hieronymus* tot locis non vereatur *Paulo* tribuere *Græci* sermonis imperitiam? Idem affirmat *Lucam* magis *Græce* novisse quam *Hebraice*, quod *Antiochenus* esset. Rursum *Paulum* in sua lingua disertorem fuisse quam *Græce*, quod esset *Cilix*. Idem in Epistola ad *Corinthios* secunda *Timum* suum desiderat, quod is ejus esset linguæ peritior, quemadmodum interpretantur *Græci* veteres: certe *Origenes* & *Græci* interpretes passim offenduntur in *Paulo* sermonis incommodis, passim *Hieronymus*. Proinde, non est necesse, ut quicquid fuit in Apostolis, protinus ad miraculum vocemus. Passus est errare suos *Christus*, etiam post acceptum Paracletum, at non usque ad fidei periculum: quemadmodum & hodie fatemur, Ecclesiam alicubi labi posse, citra discrimen tamen pietatis ac fidei. Denique, qui scis an hanc laudem modis omnibus absolutam uni sibi servare voluerit *Christus*, qui se unum veritatem dixit, ut unus ille absque nævo innoens, juxta Veterum opinionem, ita fortassis unus, citra omnem exceptionem verax. Tertio loco *pasijæ*, quod scripserim admirari me, Evangelistam abuti voluisse verbo *θεραπεύειν*, quod sonat curare Medicorum remediis. Primum, hoc magis ad interpretem attinet, quam ad *Matthæum*, cum is *Hebraice* scripsisse feratur. Deinde, abuti non est semper in malam uti partem: nam abutimur & iis, quibus alicunde sumptis utimur, & verbis alio deflexis cum gratia utimur. Postremo, non protinus reprehendit, quisquis admiratur. Admiramur & quæ suspicimus, admiramur quod novum est, admiramur & ea, quorum causam nescimus. Velut admiramur à magnete trahi ferrum, admiramur *Nilum* media ætate exundare, *Euripum* toties reciprocare. Quod igitur mihi non liquebat, aliis excutiendum proposui. Et scis odiosius etiam quædam proponi in scholis. Jam per se palam est, quam non pertineant ad rem, quæ tu odiose subjicis, quasi coner Evangelistas præire, aut Spiritus sancti sarcire negligentiam. Quamquam existimo hæc ita recitari abs te, ut aliorum calumniam recenseas, non tuum indices animum. Alioqui quid vel in inimicum dici potuit inimicius? Jam quod extremo proponis loco, totum ut tuum agnoscis. Hinc igitur *Eckii* candorem & studium in *Erasmum* nos vis æstimare. Atqui ipse vel maxime partem hanc aliis adscripturus eram, nisi tute tibi nominatim asseruisses. Displicet tibi meum judicium, qui in cognitione sacrarum Literarum adeo præferam *Hieronymum*

An. *num Augustino*, ut vehementer impudens arbitrer, alterum cum altero conferre. Hic tibi non prius responsurus sum, *Eckj* doctissime, quam mihi concesseris, non affici contumelia, qui potiori posthabetur, cum de utroque magnifice sentias. Ego de *Augustino* ita sentio, ut de viro sacro, eximiusque dotibus prædito, par est. Nec tenebras offundo illius gloriæ, ut tu scribis, sed non patior obscurari gloriam *Hieronymi*, cui plane fieret injuria, si quem longe præcellit, ei posthaberetur. Quæso te, num contumeliosus sit in *Peirum*, qui illi *Christum* præferat? Aut num injuriam faciat Archiepiscopo *Cantuariensi*, qui illi præferat *Romanum Pontificem*? Aut num obscurat argenti gloriam, qui illi præferat aurum? Atqui finge jam ambiguum esse, uter alterum præcellat: si quo studio mihi magis probaretur *Hieronymus*, non sum, opinor, insectandus, cum in his *Paulus* velit suo quæque animo indulgere: modo de *Augustino* ita, ut facio, præclare sentiam. Nam quod secundum Canonicas Scripturas, ac sacrosancta Ecclesiæ decreta, secundum primas Ecclesiæ columnas, summam auctoritatem tribuis *Augustino*, quis non fateatur fortiter abs te dictum? Hoc nec ipse sibi postulat, neque quisquam unquam illi tribuit, præsertim cum *Græci* primæ debeantur in hoc genere laudis, quemadmodum & in cæteris omnibus. Sed excutiamus, quibus argumentis mecum agas. *Philelphi* auctoritatem mihi opponis, qui cum *Hieronymo* concedat eloquentiæ laudem, *Augustinum* in Dialectica prætulit, & admetiris de tuo, in omni Philosophia superiorem fecerit. Ego, doctissime *Eckj*, non tantum tribuo *Philelpho*, præsertim in censura rerum sacrarum, ut illius auctoritate me patiar opprimi, cui ne in ipsius quidem arena, si res postulet, admodum cessurus sim, ne nihil de meipso dicam gloriose, cum ille tam multa de se prædicarit. Et quod ille in epistola familiari apud amiculum nugatus est, perinde mihi objicis, quasi de tripode pronunciatum. Quis autem nescit in scholis decantatum, *Augustinum* inter Veteres esse præcipuum Theologum, admirabilem Philosophum, invictum Dialecticum? quasi vero quicquid illic, quocunque casu jactatum sit, oraculi vice debeat haberi. Suum cuique ordini vulgus est, & semper optima paucissimis placuerunt. Neque dubito quin ipse à multis dissentias, quæ tamen in scholis cum primis sint decantata. Omnes, inquis, eruditi tribuunt *Augustino* in Theologia, quod *Philelphus* in Philosophia. Imo contra comperio, viros exquisite doctos, longe minus *Augustino* tribuere quam ego tribuam. Porro ut scholasticæ tribus plus tribuerint *Augustino*, quam *Hieronymo*, aut *Ambrosio*, partim in causa fuit, quod is crebrius adducatur ab iis Scriptoribus, qui in scholis occuparunt tyrannidem: vel quod hunc magis intelligebant, quam illos: vel quod fortius definit hic, quam illi. *Hieronymus* multis modis salebrosus est, *Ambrosius* allusionibus est aliquanto obscurior: uterque *Græcorum* exemplo, quo doctior est, hoc minus fortiter decernit. Jam vero quod sequitur in epistola tua, non potui, fateor, absque risu legere: *Unusquisque*, inquis, *bene judicat, quæ bene novit, ait Stagiritæ*. Nihil autem est quod tibi deesse Erasmi omnes adeo conqueruntur, nisi quod *A. Augustinum non legeris*. Nihil equidem in me agnosco, vir egregie, cur quisquam velit esse *Erasmicus*, & prorsus odi ista diffidorum nomina: *Christi* sumus omnes, & in illius unius gloriam pro sua quisque portione sudamus. Sed qui tandem sunt isti *Erasmi* usque adeo mihi dediti, ut præ immodico, opinor, amore existiment me nunquam *Augustini* libros vidisse? si negarent mihi libros hujus intellectos, humanum erat convitium, & cum multis commune. At quæ sit impudentia, vel Scriptorem cum Scriptore conferre, cum alterum omnino non legeris? At quæ conjectura hæc in mentem incidit *Erasmi*? nam certum scire non possunt, quid legerim, aut non legerim. Imo si tu, juvenis adhuc ut audio, in *Durando*, *Gabrielibus*, in palæstris scholasticis assidue versans, *Augustinum* legere potuisti, mihi

quinguenario, qui semper veterem illam Theologiam magis sum amplexus, nunquam vacavit *Augustinum* legere? Quid cum hunc toties citem in libellis ante complures annos editis, non videor legisse quicquam *Augustini*? Isti, puto, credunt me non legisse libros *Hieronymi*, prius quam ederem illius Opera. Imo *Augustinum* primum omnium legi, & relego cotidie, quoties res postulat. Et quo magis lego, hoc magis mihi placet meum de utroque judicium. Pateris, eruditissime vir, me vicissim de te divinare? Si sentis ut scribis, non legisti nostra. Alioqui nullum ferme est Opus *Augustini*, unde non producā testimonium, locis, ni fallor, plus sexcentis. Et post hæc hortaris me, ut incipiam illius libros attingere. Ego candidius de te sentio, cui puto nihil non lectum, sed tamen adhortor, ut attentius legas *Hieronymum*, & pedibus in meam discedes sententiam: verum, hic fortasse locum habuerit *Horatianum* illud,

*Tres mihi conviva prope dissentire videntur,
Poscentes vario multum diversa palato.*

Aut illud *Terentianum*, *Quot homines, tot sententiæ*. Certis agamus. Nemo negabit plurimum esse momenti situm in patria & educatione. *Hieronymus Stridone* natus, quod oppidum sic *Italia* vicinum est, ut *Itali* sibi vindicent, *Roma* educatus, in urbe primaria sub eruditissimis viris. *Augustinus* in *Africa* regione barbara, in qua studia literarum mire frangebant, quod ipse non dissimulat in suis Epistolis *Augustinus*. *Hieronymus*, *Christianus* è *Christianis*, una cum ipso lacte *Christi* philosophiam imbibit. *Augustinus*, pene triginta natus annos, nullo præceptore *Paulinas* Epistolas legere coepit. *Hieronymus* tali ingenio præditus, triginta quinque annos impendit studio sanctarum Scripturarum. *Augustinus* statim ad episcopale munus pertractus est, & coactus docere, quod ipse nondum didicerat. Id si mihi non credis, lege ipsius epistolam ad *Valerianum* Episcopum, qua maxime deprecatur spatium aliquod discendi, quod alios doceret. Jam fac, si libet, patriæ, ingeniorum, præceptorum, educationis, pares esse calculos, expendamus quanto instructior *Hieronymus* ad hoc negotium accesserit. Nisi forte leve momentum esse putas, *Græcarum* & *Hebraicarum* literarum peritiam. Tota Philosophia, tota Theologia tum temporis *Græcorum* erat. *Augustinus* *Græce* nesciit, aut si quid attigit, non magnopere fuit usus ad *Græcorum* Commentarios evolvendos. Demiror autem unde quidam *Augustino* tribuant absolutam *Aristotelicam* Philosophiæ cognitionem, cum ipse in *Confessionum* libris fateatur, sibi unicum duntaxat libellum lectum, eumque Latine versum. Cumque locis compluribus tractet rem dialecticam, ad quam ut erat natura compositus, ita impenitus delectatus videtur: velut in opere *De doctrina Christiana*, in libris *De Trinitate*: in libellis aliquot, quos scripsit Catechumenus, non declarat se quicquam legisse præter quinque *Porphyrii* voces, quas *Prædicabilia*, & decem rerum genera, quæ *Prædicamenta* vocant, & librum *De Enunciatione*. Alioqui profer vel unum verbum, quod ex *Priorum* aut *Posteriorum* libris, aut *Elenchis*, aut *Topicis* sumptum videri possit, ut fileam interim de *Physicis* aut supernaturalibus, deque cæteris tam multis hujus Philosophi voluminibus: præsertim cum in libris, quos Catechumenus scripsit, juveniliter etiam jactet, si quid degustarat philosophiæ, quos ipse fatetur adhuc superbiæ scholam sapere. Quid autem erat in universa *Græcorum* bibliotheca, quod *Hieronymus* non excusserat, quod non velut in indices digestum in numerato haberet? Quod si ex re libet æstimare utrumque, *Hieronymus* cum agit adversus *Jovinianum*, adversus *Rufinum*, adversus *Pelagium*, adversus *Luciferianos*, quæso te, nuncubi dialecticum acumen in eo desideras? Quod si nunc eadem argumenta tractent, qui in Dialectica consenuerunt, tum appareat, quanto præcellat *Hieronymus*, nisi quod non σολοικίζε, non ineptit pueriliter. Et tamen *Augustinus Tullium Philosophastrum*

1518. vident, ipse videlicet Philosophus, cum ille (mi fallor) aliquanto plus legere in Græca philosophia, quam Augustinus in Libris sacris. Possent in hanc partem multis locis nominatim ex utriusque libris in medium adductis rectum agere, sed neque patitur hoc epistolæ modus, & periculum sit, ne cui videar id capere facere illis, qui Augustino impendio favent: cui ego non minus favco, quam illi, qui fortassis & diligentius illum legi, & viri dotes paulo altius perspexi quam illi, qui nullis bonis literis instructi, tantum veritates aliquot, ut illi vocant, tumultuario studio decerpunt. Quid aliis usu veniat, nescio: in me certe comperio, quod dicam; plus me docet Christianæ philosophiæ unica Origenis pagina, quam decem Augustini. Et præter Origenem tam multos præceptores habet Hieronymus. Et tamen Augustinum sic amo, ut in edendis hujus voluminibus tentarem, quod in Hieronymo præstitimus. Proinde, ut finiam, eruditissime Echi, quemadmodum me hortaris, ne obsecrem Augustini gloriam, quod adeo non facio, ut etiam illustratam cupiam; ita vicissim te hortor, ne obscures Hieronymi gloriam, qui ipsum Augustinum illustravit, quippe qui tum vehementer proficere cœperit, posteaquam cum Hieronymo conflavit. Imo pari studio demus operam, ut ambos quam maxime illustremus, vel imitemur potius. Ipse olim adolescens in ea fui sententia, in qua tu nunc es. Opinor accessione ætatis ac studiorum, nonnihil accessisse iudicii. Mutavi sententiam, non quod minus præclare sentiam de Augustino, de quo melius sentio senex, quam adolescens sensi, sed quod propius contemplatus sim Hieronymum. Fortassis idem tibi veniet usu. Quod si non evenierit, tamen mihi concedes, ut incolumi nostra amicitia, liceat alicubi abs te dissentire. Quandoquidem inter Augustinum & Hieronymum non diremit amicitiam, diversa de rebus aliquot opinio. Porro quod polliceris te sedulum & alias monitorem fore, si senseris hoc officio apud me inisse gratiam, nec mihi vacat, optime Echi, quibuslibet sycophantiis respondere. (Quis enim tam indoctus, qui non possit alicubi calumniari librum alienum?) Nec tibi tam male volo, ut optimas tuas horas in re non optima colles. Non illibenter admonemur à quibuslibet, sed quidam indoctiores sunt, quam ut mihi profit illorum admonitio, nec tamen ulli magis sæviunt. Quidam sic admonent, ut me traducant, sibi choragium aliquod gloriæ comparent. Rursus alii monendi libidine proveci, sic admonent hominem, ut parum meminerint se quoque esse homines. Et tamen minus convenit esse veniæ reprehendenti, quam docti. Pro libellis ad me missis habeo gratiam, gratulor tuæ felicitati, applaudo triumphis & ovationibus. Magis autem gratulabor, ubi tibi contigerit otium, & animus arcanam illam Christi philosophiam in altissimo silentio, mentisque secessu, recognoscendi, cum te ducet sponus in cubiculum, in cellam penuariam. Quod in tuis lucubratiunculis, tantis laudibus oneras Erasmus, præter animum ac studium in me tuum, inde nihil agnosco: theatricos istos applausus ac brabea aliis relinquo, ipse talium gloriarum satur. Boni consules has schedas plus quam extemporarias. Bis obrutus eram, cum hæc scriberem, & morbo, & studiorum laboribus. Sed quod nunc officio diminutum est, alias exæquabitur. Urbano Regio, cujus & eruditio mihi cognita est ex ipsius literis, & humanitas ex officio comperta, multam Erasmi verbis salutem dices. Illustrissimo Duci Hernesto Q. Cartium dicavi, apud Schurerium nuper editum, ne nullo argumento testarer, me illius erga me studii memorem esse. Bene vale. Basilea 15. Maji, Anno 1518.

EPISTOLA CCCLXXVII.

Des. Erasmus Rot. Paulo Bombasio suo S. D.

Imo quo potius Bombasius ille Mavortius, ὁ, ἢ οὐ μὴ ἐλαττέρον λέγω, δαΐφρων, quam ad Helvetios? Nec erat

A quod illic metueres, ne quemadmodum Trebatius apud Britumnes frigeres, cum passim etiam mediis brumis funderetur in hypocaustis. Distoli tuis respondere literis, quod existimarem fore, ut præfens præsentem amplecterer, vel Roma, vel apud Helvetios. Eximium Antonium Phocinæ Legatum Apostolicum hic offendi, hominem multis quidem eximiis donibus suspiciendum; at mihi non alio nomine chariorem, quam quod Bombasio ex animo bene vult. Is ubi Basileam sese contulisset, protinus per suos me salutatur, invitat instanter ad colloquium & prandium. Quid multis? accepit umbras meas, hoc est, eos, quos mihi notos & charos mea causa invitat, in primis Beatum & Amorbachios, tibi quoque notos. Ipse vir tantus coactus est in hoc pistrinum descendere, si vellet Erasmus complecti. Sed unde, inquires, Erasmus tantum supercilii? mi Bombasi, tam inhumanum, tamque superbum me non amamus, sed morbus reddiderat, omnium sceleratissimus: is me plus mensem afflixit, atque ex intervallo sic repetiit, ut Medicos accerferem, quod non soleo, nisi cum propemodum tædet vitæ: & ita hæret malum, quasi destinaret expugnare. Pacens ad nos reversus, non epistolis, sed justis voluminibus, me crebro salutavit: neque tamen contigit colloqui, quod mox à Rege fuerit in Britanniam accersitus. Eum tibi cordi fuisse nihil hercule miror ὁμοιον ὁμοίω. Is apud suos dici non potest, quam sit charus omnibus, præcipue Regi humanissimo, & Cardinali viro incomparabili. Scis, optime Bombasi, quam semper abhorruerim ab aulis Principum; quam vitam ego nihil aliud iudico, quam splendidam miseriam ac personatam felicitatem: at in talem aulam lubeat demigrare, si liceat rejuvenescere. Rex, omnium, quos habet hæc ætas, cordatissimus, bonis libris delectatur. Regina non tantum in sexus miraculum, literata est: neque minus pietate suscipienda, quam eruditione: apud hos plurimum pollent, qui bonis literis, qui prudentia antecellunt. Thomas Linacrus Medicum agit: hunc virum frustra tibi prædicem, cum libris editis qualis sit declaret ipse. Cuthbertus Tonstallus illi est à scriniis, quod munus apud illos primæ dignitatis habetur. Non credas, mi Paulus, cum hunc nomino, quam immensum omnium bonarum rerum mundum complectar. Thomas Morus est à consiliis, non Musarum modo, sed leporum & Gratiarum delictum unicum, cujus ingenium aliqua ex parte ex illius Scriptis subodorari potuisti. Pacens huic bene germanus, ab Epistolis. Guilielmus Mohtjoius Regiæ famulatio præfectus est. Joannes Coletus est à sacris concionibus. Præcipuos duntaxat recensui. Joannes Stoclerus præter scholasticam hæc Theologiam, in qua nemini cedit, trium etiam linguarum haud vulgariter peritus, à sacris. Hujusmodi viris ea differta est regia, verius μυσεῖον quam aula: quas tu Athenas, quam Stoam, aut quod Lyceum ejusmodi prætuleris aulæ? Quod mihi de Fabro gratularis, non minus ingratum est, quam fuit invisæ conflictatio: atque utinam ille moderatius laceffisset. Sed ita est, nemo omnibus horis sapit. Hoc quicquid est mali, meis imputare fatis libet. Quid enim aliud faciam? Vir probus est Faber, eruditus, humanus, denique vetus etiam amicus. Sed eam felicitatem mihi genius aliquis, opinor, malus invidit: & nunc eo sum in virum animo, ut mihi vehementer molestum sit futurum, si quisquam de Fabro mea causa pejus sentiat. De recriminatione rumorem spargunt quidam, qui monomachiis hujusmodi delectantur. Cæterum, inter nos animorum consensus est: neque vero commitemus, ut tam veterem, tamque sinceram amicitiam, una nubecula diffidii videatur abolevisse. Si inter Barnabam & Paulum incidit παροξυσμός, quid novum si inter nos humani quiddam existit? Quantum istic eruditi tribuant Scriptis meis, nescio: certe hic plus tribuunt, quam agnoscam. Et tamen non desunt, qui fortiter obganiant: sed ejusmodi ferme, ut aut non legant mea, aut qualiacunque sunt, frustra lecturi sint. Quod ni

An.
1518.

me tot bonorum virorum candor consolaretur, jam dudum poeniteret tantarum vigiliarum, quas communibus studiis, præcipue vero sacris, pro mea virili iuvandis infumo. Rumores, quos vulgo spargunt de *Turcis*, plerisque suspecti sunt, quod toties jam experti sint, alio spectare remiges, alio provehi cymbam: nec usquam esse verius τὸ πολλὰ τὰ πολὺ κενά. Sed quicquid istuc negotii est, precor ut omnibus bene vertat: suscipitur enim ingens rerum humanarum commutatio non sine discrimine. De *Marco Musuro* & *Palao* rem acerbam nuncias, & interim cum cornicibus omnibus certabit, ὁ αὐτὸς τὴν εἰσοδὸν, ἀλλὰ ταῦτά γε θεῶν ἐν γένεσι καίται. Perit & apud Gallos *Faustus*, & apud Britannos *Andreas Ammonius*: quorum alter diu regnavit *Loteria*, alter ad summam dignitatem emerfurus erat, si vita diuturnior contigisset. Tu cura ut recte valeas. *Basilea* 26. Julii, Anno 1518.

EPISTOLA CCCLXXVIII.

Philippus Melanchthon D. Erasmo Roterodamo S. D.

An.
1519.

SALVTEM in Christo Jesu. Dolet mihi vehementer, *Erasme clarissime*, in eam venire tibi suspicionem, nebulonis cuiusdam calumnia, quasi notare velim, ἡ κατὰ θελήσειν nobiles illos commentarios tuos sacrorum. *Ridiculum sane*, ἡ Ἐρασμίου Διονυσίου velle summo Jovi obstrepere, deinde iniquum, de optime merente male mereri. Hic vero tuum ipsius animum appello, tamne esse credas malis imbutum moribus? adeone scelerata detrahendi libidine, qui sit tibi antea iudicio bonorum virorum probatus? Quæso te per pietatem, ita putes & illum dolorem quadruplatorem (satis enim conjicio qui sit) mea simplicitate iniquiter absum, & accepta nos tibi ferre studia omnia nostra, si qua sunt, ut auctori & parenti. Scio rem tibi leviorē videri, quam ut pluribus agatur: alioqui testes candoris mei allegare possem, quibus fidem habear. Quanquam hoc sane non pernego, primum visa in *Paraphrasi* mihi quadam διαδοικώτερον sed alius perpendenti aliter videtur. Hinc ille, sat scio, *Tragedia* argumentum duxit. Verum, iudicia studiosorum ut recta, ita libera esse decet. Caterum, nullius mihi rei conscius sum, ignosce si quid hac parte peccavi per *Jesum Χριστόν*. Nec enim iam oscitans *Erasmi* lector sum, ut ex illo ipso nondum didicerim, quid præceptori, quid fratri in *Χριστῷ* debeam. Hac paucis, nam & magno animi mei dolore, & quod ajunt, αὐτοχρειαζόμενος, iniquo etiam tempore scripsi. *Martinus Luther*, studiosissimus nominis tui, per omnia tibi probari cupit. Vale, vir clarissime. *Ex Lipsia* 5. Januarii, Anno 1519.

EPISTOLA CCCLXXIX.

D. Erasmo Roterodamo Petrus Mosellanus S. D.

ITA studia mea Christus promoveat, *Erasme mortali*um mihi longe charissime, ut & ante sæpe eorum risi impudentiam, qui labores tuos toti orbi salutare inceptis suis literis interpellant, & nunc idem, aliorum importunitate coacti, facio. Est hic *sophistarum*, & ut tu recte pariter ac facete vocas, ματαιολόγων ingens turba, cum quibus mihi ac paucis quibusdam aliis, pro literarum publico honore stantibus, assidua est pugna. Sed in hoc certamine, qui majorem juventutis partem in suam pertraxerint factionem, abeunt victores. Laboratur utrinque vehementer, hinc viribus, illinc insidiis ac technis.

Dolus an virtus quis in hoste requirat?


Ad nos tamen *Mars* in hoc bellorum genere non temere ἀλλοπρόσας magis inclinat. Non dubito, quin si tu in nostram partem, velut quoddam *Minervæ* numen, annexeris dexter, brevi adeo τὸ ἐπὶ νίκην simus cantaturi. *Factant* nebulones isti cum omnium honestarum literarum, tum vero præcipue *Græcarum* (eas nos hic ex *Georgii Mysiæ* Principis munificentia publice, si non pro dignitate, certe pro viribus & candide docemus) hostes, a-


A pud rude juvenum vulgus, ut maxime sint discenda *Græca*, id quod tot conflictibus vix tandem obtinimus, An. 1519. ea tamen a me homine Germano, aut (sic *Treviros* agnoscunt) semi-Gallo tradi non posse. Quandoquidem, inquisunt, si quid in ea lingua præ vulgo posses, jam pridem cum *Erasmo*, hujus (ut ipsi judicant) πολυπεργυμωσῶν apud Germanos parente, aliqua tibi intercederet familiaritas, ut minimum mutuo literarum officio contrita. Deinde si quis omnino & tempus & sumptus prodigere velit, *Græcæ* literaturæ cognitionem ab *Italis* ac *Græcis* petendam. Sic enim homines arguti κροῖοντες, juventutem ab audiendis *Græcis* absterre moliantur. Quasi vero *Erasmus* solos *Budæos*, *Lascars*, *Mufuros*, *Bembos*, *Leoniceos*, *Aleandros*, *Reuchlinos*, *Birchemeros*, mutua amicitia honore dignetur: ac non etiam, qua es amabili facilitate, multorum vulgarium improbis sollicitationibus pro tempore nonnihil concedas. Quid enim faceres al. ? Tum non & multis tuarum lucubrationum locis aliud agens, qua tua sit de *Italis* præceptoribus sententia, prudenti lectori satis aperias. Neque vero multos adeo nobis abduceret hac cavillatio, nisper naturam μισόνοτοι essemus omnes: & persuasio hac de *Italorum* eruditione, non tantum *Germaniæ* pestilens, niteretur eorum suffragiis, quos pro sociis hostes experimur, haud scio an non ipsis crassiss barbaris multo pejores. Hi sunt, qui tribus quatuorve *Latinis* figuris instructi, alii poetas, oratores alii sese ostentant, & inveniant homines fortunati se dignos auditores: apud quos *Græcanica* studia, si diis placeat, ad rem *Latinam* aut nihil, aut parum admodum facere, magna temeritate declamant. Cujus farinae impiam quandam nebulonem, nescio quis malus *Aquila* in hanc scholam nobis ex ipsa usque *Dalmatia* invexit. Quid multis? rem feceris tum mihi gratissimam, tum nostrarum literarum studiosis hic agentibus jucundissimam, si vel unis literis tuum in nos animum fueris testatus. Dabis hoc meo in te amoris, qui in literis tuo iudicio jam inde a puero religiose sum usus: dabis istorum, qui bonis omnibus non bene volunt, commiserando stupori. Non eris, opinor, in me solum tui dissimilis, qui alias *Pauli* tui exemplo omnia fieri soles omnibus, nimirum ut quantum in te est, ad bonam mentem omnes perducas. *Joannes Eckius*, δ ἡ ἀεροβατώντων ἡ τὰ μέγιστα πνεόντων ἀλφά, ἡ ὑπερῶς Ἀριστοφάνειος τις Σωκράτης ἀπὸ ταῖς τὸς θεῖς ὑπερφερόντων, cum *Andrea Carolostadio Vitembergenfi* archidiacono pro sua vita, hoc est, corollariis in disputationis arenas descendet. *Palæstra* erit *Theologorum* nostrorum φροντιστήριον: arbitri quoque nostri ματαιόλογοι: de die nondum convenit, magnis apparatus pugna utrinque adornatur: alter secum *Augustinianam* factionem trahet, alter *Prædicatorum* populum adducet: nam hi nunquam non adsunt, cum τὰ πρὸς τ' ἀλφίτα in discrimen vocantur. Confluent undique rarum confectum spectaturi: videas commissos nobile par *Scotistarum*. Vis augurer quid sit futurum? Magnis clamoribus res in rixam adducetur: magis, vereor, cruentam ea, quam tu in *Eternio* & *Pacidiano* festiva ἐπὶ τυπώσας nobis expressisti. Hac tibi totius fabula καταστροφὴ nam utriusque stomachum bellet novi. Decem *Democriti* satis, quod rideant, habebunt. Eventus rei si dignus erit, tibi perscribetur. Ipse interim bellicum hoc τοῖς μονομαχίῃσιν occinam, ἐξεσφοί, μνήσασθε ἡ θεοῖς αἰκῆς tum inter spectandum ἡ δὲ δῶ, σὺ ἡ ἑαλον ἡ νῆς σὺ τ' ἔγχεα. Sed quo ego dilabor, qui mei oblitus apud te hominem theologum, quasi familiarem aliquem amicum jocor? Bene vale, mihi vita charior, *Erasme*, & nobis diu bene vivas, cura. *Lipsia* 6. Januarii, An. 1519.

F

ILLVD magnopere te rogo per *Jesum* etiam *Christum*, Ine inducas animum credere illis, qui apud te *Philippum Melanchthonem* deferunt. Cave quicquam finistrum de homine suspiceris: est adolescens optimus, ad summam eruditionem natus, nec pietatem minorem.

EPI-





AN. 1519. **J**AM pridem ex primis illis tuis ad me literis, mi *Petre*, ingenium tuum adamare cœpi, quod mihi tum sanum ac festivum esse videbatur: nam ingeniis hujusmodi semper unice sum delectatus. Offendit enim in nonnullis nostratium immane quiddam, plus habens spiritus, quam judicii: verum, hunc amorem auxit posterior epistola, priorem tum eruditione, tum elegantia superans. Cæterum, simulatque legissem orationem illam tuam, qua linguis patrocinaris adversus eos, qui ad benedicendum elingues, ad obtrectandum melioribus studiis linguacissimi sunt: tantam spem de tuo ingenio concepi, ut vix de quoquam alio parem. Adeo vivit oratio, adeo fluit, secumque rapit lectorem, solidis argumentis referta: in quibus invenientis acutus, tractandis item egregium præbes artificem. Sermo multam variamque resipit lectionem: quod in juvene magis etiam mirandum. Quod scribis, isthic fervere pugnam inter melioris literaturæ professores, & veteris incitæ patronos, nihil miror, cum ubique sic ferveat, ut prorsus res vel ex conspiratione, vel fato quodam geri videatur. Astrologos aliquot consului, hujus artis professione claros: ii mali causam in anni superioris eclipsim referunt. Ea contigit, ni fallor, in Ariete, Aries autem ad caput pertinet: ad hæc *Mercurius* vitiatus est afflatu *Saturni*: proinde malum hoc potissimum illos afficere, qui *Mercurio* subsunt: inter quos numerant *Lovanenses*. Siquidem hæc Academia, in qua tranquillissime solent florere literarum studia, miris tumultibus agitata est, ut ego certe nihil unquam simile viderim in vita. Dixisses Aten quampiam turbare studiorum negotium. Cæterum, quid divinent Astrologi, ipsi viderint: ego si quid mihi naris est, arbitror rem à conjuratis ac devotis ex composito geri: adeo ceu dato signo clamatum est ubique gentium in linguas, in bonas literas. Conglomerant se phalanges, quo vel numero defendantur adversus paucos. Partiuntur operas inter sese, ut alii blaterent in conviviis & conciliabulis: alii apud imperitam plebem vociferentur, cui imponere facillimum est: alii disputent in scholis: alii magnatibus suum virum instillant in aurem. Sunt & qui libros scriptitent, præsertim *Colonia*, quæ schola semper habuit pertinacissimos malorum literarum propugnatores. Exiit nuper in vulgus & apud nos dialogus *Jacobi Latomi* Theologi, viri pridem nec admodum iniqui melioribus literis, & amici satis candidi: nec satis conjectare queo, quæ res hominis ingenium subito verterit. Sunt qui suspicentur bonam prioris libri partem oppositam orationi tuæ, qua linguas prædicas: sed multo maximam partem oblique tortam in me. Eam suspicionem à me depuli libello bidui labore effuso verius quam scripto: pigebat enim in hujusmodi næniis multum operæ collocare. Nec tibi sum futurus auctor, ut homini respondeas: aut si quid respondeas, argumentis rem agas potius, quam conviciis: præsertim cum ille temperarit à nominibus, nec admodum virulente scribat. Quod si maxime faceret, tamen suaserim calamo moderari, ut posteritas intelligat, nos non tantum causa, verum etiam modestia fuisse superiores. Olim furor tributus est Poetis: nunc is videtur ad eos demigrasse, quos maxime decebat σωφροσύνη. Quanquam immane, quantum interest inter Poetarum & horum furorem. Ille nobis tot egregios libros dedit, de rebus olim gestis, de moribus, de affectibus, de syderibus, de naturis herbarum, arborum, gemmarum, animalium, de situ locorum: ab horum furore præter virulentas, sed frigidas & inutiles sycophantias nihil nascitur, in quibus istis tota victoriæ spes sita est. Qua quidem in re primas tenent Monachorum greges quidam: quorum cum tantus sit numerus, ut ab his vel *Turca* profligari possit, habent emissarios complures, huic præ-

A claro negotio destinatos, ut obambulantes fœdos rumores spargant, aut in concionibus populum ad lapides provocent. Hi quoties extulerunt *Erasmum*? quoties vanissimis rumoribus impetierunt? Et cum hujusmodi factis sibi videntur *Christiana* religionis columna, digni nimirum, quos ociosos suo sumptu mundus alat. Quanquam nolim hac invidia gravari Monachorum ordines, in quibus optimo cuique non probantur ista. Verum, ubique improbiissimi quique tyrannidem sibi vindicant, per hos videlicet res geritur, velut omnium nomine: itaque fit ut ob paucorum malitiam male audiant universi. Atque hic non solum desidero *Christianam* mentem in his, qui peculiariter sibi vindicant religionis gloriam, verum etiam frontem ac prudentiam desidero. Etenim cum spargunt manifestissima mendacia, facile divinare possunt, fore ut protinus ipsa re coarguantur. Quid enim impudentius isto Monacho, de quo scribis in oratione tua, qui ex eo, quod annotaram, συζητῶντες rectius verti *confabulantes*, non veritus sit apud populum affirmare, mihi literas Evangelicas nihil aliud esse quam fabulas aniles: cum ubique tantum tribuam Evangelicis literis, ut quidam id non satis æquis animis ferant. O divinæ doctrinæ præconem! ô linguam prædicandæ gloriæ *Christi* consecratam! Hæc cum sibi permittant, indignantur, ac cœlum terræ miscant, si quis verbo perstringat quorundam Monachorum ceremonias, etiam citra nominis injuriam. Cumque tam impotens odium præ se ferant, ut lymphati videri possint, se tamen judicant idoneos, quorum calculis *Christiani* simus, aut secus. Fuit & hic quidam ejusdem farinae Theologus, antehac habitus sobrius: qui cum *Lutheri* causam apud populum fecisset quam poterat odiosissimam, hæreses, & Antichristos, & periculum fidei *Christiana* subinde vociferans; negotium linguarum ac politioris literaturæ cum illius negotio commiscuit, dictitans ex his fontibus hæreses nasci: quasi vel olim eloquentia fuisset hæreticorum magis quam orthodoxorum, vel nuper qui fuerunt hæreseos auctores, iidem non fuerint infantes & elingues, breviter istis simillimi: vel quasi *Lutherus* his præfidiis instructus esset, ac non magis scholasticis literis: his, inquam, quæ nunc scholasticæ vocantur. Cum proxime Cæsar esset *Antuerpia*, *Matthæus* Cardinalis *Sedunensis*, homo doctus, liberique judicii, me vocarat ad prandium. Huic, ut ex ejus colloquio didici, Theologi nescio qui persuaserant mendacium omnium impudentissimum, me in Cantico divæ *Mariae*, cujus initium, *Magnificat anima*, pro *Abraham & semini ejus*, mutasse, & *feminibus ejus*, non absque ingenti periculo *Christiana* fidei, quod *Paulus* scripserit non in *feminibus*, sed in *semine tuo quod est Christus*. Domum reversus adeo codicem, ac deprehendo quam fuerit & effrons & excors ille, quisquis hoc ex se commentus erat. Erat alter quidam κηρυκτής, qui lamentabili voce deploravit apud populum, tot vigilas, pro tuenda fide *Christi* susceptas, inanes ac steriles esse. Quid superest nobis, inquit, nisi ut nostros libros conjiciamus in ignem, posteaquam exstiterunt qui novis libris & *Pater noster* corrigant, & *Magnificat*? tum enim recens exierant *Annotationes mea in Novum Testamentum*. Ipse quendam audiavi *Carmelitam*, hominem bonis lateribus, ac titulo pileoque violaceo Theologiæ doctorem. Is cum sentiret adesse me (stabam enim è regione) ex peccatis tribus in Spiritum sanctum duo mihi impexit: presumptionem, qui novis libris damnarem omnes veteres, adeo ut non dubitarem & *Precationem Dominicam* commendare, & *Maria Canticum*: tum impugnationem agnitæ veritatis, quod auditis eodem die duobus concionatoribus, in cœna dixissem, neutrum satis intellexisse suum thema. Erat autem ex prioris Epistolæ *Petri* capite quarto, *Estote prudentes, & vigilate in Orationibus, ante omnia autem in vobismetipsis charitatem continuam habentes*: hic bona pars concionis consumpta est in partibus prudentiæ, cum *Grace* sit (σωφροσύνη) bona in vobismetipsis de ordine charitatis, cum in

An. ^{1519.} *laurois sit, inter vos.* Nec tamen infectatus sum illo-
rum errorem, sed laudata utriusque concione: utinam,
inquam, hoc accessisset; nam quinque verbis ex *An-*
notationibus meis poterant ab hoc errore prohiberi.
Neque tamen leve flagitium est, eum, qui apud popu-
lum cum tanta docet auctoritate, non intelligere ba-
sim totius orationis. Hunc meum sermonem cum do-
ctor ille, ex nescio quo, cognovisset, sæpenumero,
inquit, concionatus sum apud vos, & *Christo* favente
concionabor. Verum, si quis dicat, concionatorem
non intelligere thema concionis, præsertim cum id
sumpserit ex sacris Literis, is peccat adversus Spiritum
sanctum. Adhærebat lateri meo *Petrus Agidius* mire
candidus amicus. Is ira disrumpi: ego risum tenere
non potui. Quis enim tam ridicula non rideat? Et ta-
men isti putant æquum, ut ob unum talem rabulam
ingens Monachorum grex alatur ex publico. Cum
primum prodisset in lucem Novum Testamentum à
me restitutum, *Carmelita* quidam Theologus, suo ipsius
iudicio mire doctus ac pius, vociferabatur, ingens im-
minere discrimen *Christiana* religioni, instare adven-
tum *Antichristi*: nam huiusmodi tragœdiis territant
superstitiosam plebeculam. Ubi ventum est in collo-
quium mutuum, & hominem rogarem, urgeremque,
proferret, quid offenderet in Novo Testamento: Re-
spondit satis ingenue, sibi codicem neque lectum ne-
que conspectum fuisse. Idque fere comperio, nullos
odiosius clamitare, quam qui nostra non legunt. Vix
dum prodierat Novum Testamentum, cum *Argento-*
rati Prædicator quispiam (nam ut olim is Ordo com-
plures habuit egregie doctos viros, ita nunc habet
permultos, qui nescio quid tyrannidis affectant) in co-
rona studiosorum plenis, ut ajunt, tibiis detonabat in
Opus illud. Aderat *Jacobus Sturmius*, juvenis ingenio
faceto, summo iudicio, doctrina non vulgari, ac no-
stri cum primis studiosus. Is passus est hominem ad
satietatem usque deblaterare. Cum nihil jam non di-
xisset, atque ut ipsi visum est feliciter, rogavit homi-
nem *Sturmius*, an Opus vidisset, negavit. Qui potes
igitur, inquit, tam multa prædicare de Opere, quod
nec legeris, nec videris? Risere cuncti, nec tamen pu-
duit illum impudentiæ suæ. Hoc genus fabularum si
velim recensere nullus futurus sit modus. Nuper sy-
cophanta quispiam, qui sibi non modo Theologus,
cum nihil sit minus, verum etiam sanctulus videtur,
in literis ad amicum, me, qui tantis vigiliis & restitue-
re sum conatus, & illustrare lectionem ecclesiasticam,
vocat calumniatorem ecclesiasticæ lectionis, se defen-
sorem. Ac proximis hisce diebus alius quispiam loqua-
cissima balbutie, qui cum loqui nesciret, tacere tamen
non potest, velut in hoc conductus diversis oppidis
miro studio meas laudes deprædicarat, non solum do-
ctrinam incessens, sed & vitam miris sycophantiis. For-
te evenit, ut in idem convivium incideremus, cum pri-
die amicus quidam fabulæ partem ad me perscripserat.
Expostulo palam, doctis aliquot testibus, profero men-
dacia, quibus me traduxerat. Ibi satis testatus est ho-
mo, quæ prædicarat, non è sua lectione, sed ex a-
liorum relatu prædicasse. Et perinde quasi mediocre
scelus sit, alienam famam mendaciis incessere, audent
cum huiusmodi factis ad sacrosanctam *Christi* mensam
accedere, nondum reconciliato quem læserunt. A-
deo juxta *Tychonii* dictum, *quod volumus, sanctum est*
vobis. Ac prorsus novum calumniandi genus. Primum
damnant quod oderunt: deinde venantur quod car-
pant in eo, quod damnarunt. Quod si quis obsistat aut
reclamet illorum sycophantiis, tum clamitant, turba-
ri pacem ac tranquillitatem: perinde quasi quem ala-
pis cædas, jubeas conquirere, ne quid tumultus o-
riatur. Horum tenera majestas, & verbo etiam irri-
tabilis, à nobis plusquam *Socraticam* exigit patientiam:
& tam vilem habent alienam famam, qui suam tam
charam haberi volunt. Sed næ ego ineptus, mi *Petre*,
qui de his tam multa. Finem faciam, si unicam ad-
huc fabulam addidero. *Anglia* duas habet Academias

A haudquaquam incelebres, *Cantabrigiam* & *Oxoniam*. An.
In utraque traduntur *Græcæ* literæ, sed *Cantabrigia* ^{1519.}
tranquille, quod ejus scholæ princeps sit *Joannes Fi-*
scherius Episcopus *Roffensis*, non eruditione tantum,
sed & vita Theologica. Verum, *Oxoniam* cum juvenis
quidam, non vulgariter doctus, satis feliciter *Græcæ*
profiteretur, barbarus quispiam in populari concione,
magnis & atrocibus conviciis debacchari cœpit in *Græ-*
cæ literas. At Rex, ut non indoctus ipse, ita bonis
literis favens, qui tum forte in propinquo erat, re per
Morum & *Pacæum* cognita, denunciavit, ut volentes
ac lubentes *Græcicam* literaturam amplecterentur. I-
ta rabulis illis impositum est silentium. Accipe & al-
teram huic similem fabellam. Theologus quidam,
cum in aula concionaretur apud eundem Regem, cœ-
pit in *Græcæ* literas, & novos interpretes non minus
impudenter quam stolidè debacchari. *Pacæus* in Re-
gem conjecit oculos, observans quo vultu hæc audi-
ret: Is mox *Pacæo* suaviter arrisit. Peracta concione
jussus est adesse Theologus. Datum est *Moro* nego-
tium, ut adversus hunc tueretur *Græcæ* literas. Rex
ei disputationi voluit interesse. Ubi *Morus* multa fa-
cundissime dixisset; jamque Theologi responsio exspe-
ctaretur: Is flexis poplitibus nihil aliud quam veniam
deprecatus est: sic tamen extenuans admissum, ut di-
ceret, se inter concionandum spiritu quodam afflatum,
hoc in linguam *Græcæ* effudisse. Tum Rex: Atqui,
inquit, spiritus iste non erat *Christi*, sed stultitiæ.
Deinde rogat, num quid legisset *Erasmicum*. Neque
enim latuit Regem, quod in me torserat quædam.
Negat legisse. At isto, inquit, argumento declaras
te palam esse fatuum, qui damnes quod non legeris.
Sub hæc Theologus: Legi, inquit, rem quandam,
quæ vocatur *Moria*. Hic *Pacæus* interloquens: Hoc,
ait, argumentum, serenissime Rex, huic maxime con-
gruit. Denique commentus est Theologus & aliud
enthymema, quo leniret factum: *Græci*, inquit, li-
teris non perinde sum infensus, quod originem habeant
ex lingua *Hebraica*. Rex admiratus insignem hominis
stultitiam, jussit abire: sed hac lege, ne unquam re-
diret in aula concionaturus. Atque utinam nobis talis
quispiam esset Princeps, aut Principis vice. Vos feli-
ciores, si modo vera sunt, quæ ante complures annos
mihi sunt de Duce *Georgio* prædicata. Non mihi tem-
pero, quin & illud admodum ridiculum addam, Epi-
scopus quidam Ordinis *Prædicatorum*, qui Reginae est
à confessionibus, foeminæ cum primis prudenti ac piæ,
nec indoctæ, persuaserat, me facinus inexcusabile desi-
gnasse, qui *Hieronymi* libros correxerim, viri doctissi-
mi, atque etiam sancti. Ea persuasæ sic expositulat cum
aulico quodam mihi amico: Nonne, inquit, *Hierony-*
mus fuit vir eruditissimus? fuit. Nonne in coelis agit?
agit: quid tum postea? Quo igitur colore defendes *E-*
rasmum tuum, qui libros illius correxit: an plus sapit
ille quam *Hieronymus*? Atque eadem hic prædicant *se-*
rio, qui sibi videntur Ecclesiæ columnina. Tales ha-
bemus adversarios. Tales habet *Christi* religio defen-
sores. Nihil esse potest stupidius, nihil insulsius. Et
tamen huiusmodi calumniis apud indoctam plebem ac
simplices mulierculas traducimur. Sed nugarum jam
satis est. Porro quod serius respondeo tuis literis,
quidvis potius suspiceris in causa fuisse, quam tui ne-
glectum. Obruor quotidie literarum fasciculis: si non
respondeo, videor inhumanus: si respondeo, triplex
incommodum capio: Primum, nec his satisfacio, qui-
bus, ut est necesse, respondeo quicquid in buccam
venit; deinde huiusmodi tumultuaria scriptione stylum
per se satis malum reddo deteriore; postremo famæ
detrimentum facio. Ridiculum autem, malle ab *Ita-*
lia petere quod domi habeas. Sic vulgus existimat o-
ptimum medicum, qui se fingat *Arabem*, aut *Indum*,
e/locorum intervallo famam aucupans apud stultos.
Sed ab hoc affectu convenit eruditos quam longissi-
mæ abesse. Quisquis callet bonas literas, is nobis
Italus esse debet. Mihi posthac non est consilium,
cum

THE NEW YORK
PUBLIC LIBRARY

ASTOR, LENOX AND
TILDEN FOUNDATIONS



An. cum hoc hominum genere manus conferere. Jam veteranus sum, ac missione dignus: & cursu fessus, vobis juvenibus lampada trado. Vel sine me continget *το ἀντίκρυον*, si modo perges qua coepisti. Philippus Melancthon apud me patrono non eget, aut deprecatore. Faveo juveni, ut cui maxime. Plusquam atrox injuria fit oportet, quæ apud me dirimat amicitiam. Bene vale. *Lovanio*, Anno 1519.

EPISTOLA CCCLXXXI.

Erasmus Rot. Jodoco Noetio, Consiliario Brabantia, S. D.

ORNATISSIME Jodoco. Si clarissimus simul & prudentissimus Cancellarius favebit in hac causa libertati studiorum, maximè faciet ex sententia Regis nostri, qui haud dubie cupit suam Academiam quam maxime florere honestis disciplinis. Quod objiciunt de supplicando, merum commentum est, & hujus quosdam jam pudet, quanquam alioqui satis perfrectæ frontis. Res per paucos conjuratos acta est, qui sua doctrina contenti magis student augendæ rei, quam literis; nec curant quantum proficiant juvenes, modo ipsi *Lovanii* suo regnent arbitratu. Nusquam est Academia, quæ modestiores habeat juvenes, minusque tumultuantes, quam hodie *Lovanium*. Horum bonitate jamdiu abutuntur isti, & ingenuos juvenes habent penè pro emptitiis mancipiis. At illi consul, consul non erat, cui ipse non esset senator. Si quid murmuris aut tumultus est, ab ipsis est, non à juvenibus. Mihi hic nec feritur, nec metitur, ipse nec lego cuiquam, nec audio quenquam. A nemine colligo quicquam, do nonnullis. Sed tamen movet me publica causa studiorum. *Nesennus* hospes est, & linguæ nostratis imperitus, quo magis favendum est viro alioqui docto, integro ac modesto. Mitto tibi dono volumen epistolarum: quo cum erit ocium, fallas horas aliquot. Bene vale, meque magnifico Cancellario commenda. *Lovanio* 7. Januarii, Anno 1519.

EPISTOLA CCCLXXXII.

Christophorus Longolius Jacobo Lucæ, Decano Aurelianensi, S. D.

NVNQVAM nobis sane non deerit scribendi argumentum, nisi (ut te olim monui) mutuis id interrogationibus excitemus: quo nomine scripsi ad te haud ita pridem, mihi adeo gratum fore, si plenius ex te intelligerem, cur Princeps vester *Erasum Budæum* prætulit, Germanum Gallo, exterum civi, ignotum familiari. Nam quod ad eruditionem pertinet, non video qua in re *Budæus* *Erasmio* cedat: siue humaniores, siue Christiano dignas homine literas aestimare libeat. Quod vero ad dicendi facultatem pertinet, parem, mea sententia, in tam diverso dicendi genere laudem merentur. Beatissima in ambobus & rerum & verborum copia: sed ita ut alter altius exspatiatur, alter angustiore quidem alveo, verum altiore ingentem aquarum vim trahat: fuit ille plenior, hic fertur rapidior. In *Budæo* video mihi agnoscere plus nervorum, sanguinis, spiritus: in *Erasmio* plus carnis, cutis, coloris. In illo plus diligentia, in hoc plus facilitas: creber ille sententiis, hic facetius: Ille omnia utilitati, hic plurimum delectationi tribuit. Pugnât *Budæus* cura, ingenio, gravitate, dignitate: *Erasmus* arte, subtilitate, lenitate, jucunditate ad victoriam contendit. Hunc amare possis, illum admirari: Hunc favere, parere illi. Profecto illo me violenter cogit, hic suaviter allicit. Ducit alter blanditiis, alter viribus trahit, verborum delectum religiosus, proprietate perspicuus. Si res iralationem exposulat, in metaphoris felix, sententiis gravis, figuris varius, summa orationis specie honestus, sublimis, severus, grandiloquus. Contra, *Erasmus* venustus, modestus, popularis, floridus, verborum suppellectile dives, compositione simul expeditus, simul nitidus, frequens exemplis, densus argumentis, gra-

Atus salibus. Ille in oratione sua totus quidem semper est, An. sed tum potissimum tonat, tum fulminat, quam materia 1519. temporum nostrorum objurgationem admittit: hic etiam quam moribus convicium facit, magis instituto suo servare atque dolere videtur, malagmatis, collyriis, cerotibus, & ceteris id genus leniorum medicamentorum remediis sanitati consulens: ut ille amarulentis quidem illis, sed hac tempestate necessariis potionibus, sectionibus, canteris alte grassantem vim morbi infectatur. Breviter, si historiam scripturi sint, *Budæus* *Thucydidem* magis quam *Salustium*, *Erasmus* *Livium* quam *Herodotum* retulerit. Si poema pangendum, hic *Tragicum* & *Heroicum* quiddam verborum, sententiarumque pondere altius intonabit: Ille *Comœdiam urbanis*, *Lyricos* suavis, *Elegiam* mollius inspirabit. Assurgit tamen & hic quoque alieno ingenio, suo vero tam difficulter, quam ille nunquam, etiam si velit, sese demittere queat: alioqui superiores illa virtutes ut neutri desunt, sic in altero magis patent, in altero magis latent: effectu pares, habitu dissimiles, ut haud prorsus aberret quisquis hunc concioni, illum judiciis natum dixerit: alterum *Palladis* numine afflatum, alterum *Gratiarum* choro stipatum. Ceterum, ut intelligas nihil esse, quod sit ab omni, ut ille ait, parte beatum, aut certe quod omnium stomacho satis possit facere: Audi quid in eis hi desiderant, qui se aliquod opera precium in re literaria fecisse arbitrantur. *Budæus* hoc illis peccare videtur, quod nihil peccet: *Erasmus* quod vitis suis faveat: Illum enim, dum scrupulosus omnia ad Veterum normam exigit, saepe oblitum eorum quibus scribit, sibi tantum & *Musis* canere: hunc, dum ingenio suo nimis indulget, nihilque putat esse tam vulgare, quod non aliquando in oratione suam sibi locum honeste vindicet, turbidum interim fluere: Illum potius nobis significare quid velit quam dicere: hunc immodica sermonis ubertate, veluti lato gramine sata strangulare: Illum oratione nunc obliqua verticosum, nunc figurata elatum, saepe intumescere: hunc recta nudoque ductu humiliorem, plerumque humi serpere: hunc lascivia molliorem, illum austeritate duriorum. Denique alterum doctis mirum in modum posse placere, alterum etiam imperitiis, si in tam secunda (ut illorum verbis utar) facundia modum tenerent, & suo semper freti ingenio, alieno nonnunquam essent deserti, vel iudicio vel consilio. Nam cum præstare possint quicquid volunt, par est, inquiunt, ut optima quæque velint, nec sese ambitiosius nobis venditent: eo res nostras recidisse, ut mature potius juvandi quam intempestive delectandi sumus: pro suscepta operis instituto fideliter docendi, non crebris licentiosissimisque excursionibus ambagiose suspendendi: digredi quidem *Senecam* & *Plinium*, sed alterum parce, alterum raro, nec sic quippe quæsto, nea nisi oblato argumento. Hac Critici: quorum sententia quo minus statim subscribam, faciunt cum alia multa, tum quod non desuere clari Oratores, qui non Grammaticos, sed populum eloquentia iudicem statuerint. Esto, sit porrigendus doctis modo calculus, sint soli literarum principes hac de re in consilium mittendi, quisnam amabo hac ætate dignus, cui tam superba censura jure credatur? Tuebuntur se uterque haud magnis solum exemplis, sed etiam validissimis argumentis. Dicent se non perperam scribere, sed illos corrupte judicare: in orationibus suis non nasci, sed ab imperitiis spinas afferri: *Erasmus* se omnium rationem habuisse, *Budæus* paucorum theatro contentum esse. Itaque ipse nihil decerno, vel ne sutor (ut ajunt) supra crepidam: vel quod apud me paria faciant, hoc est, virtutibus, si qua sunt, vitia pensent, atque adeo superent. Habent enim plus quod laudem, quam quod ignoscant. Illud tantum miror, quod ab initio dicebam: Cui Princeps vester in tanta *Budæi* probitate, doctrina, eloquentia, Germanum Gallo, exterum civi, ignotum familiari prætulit. Nec hoc dico, quod *Erasmi* fortuna invidiam. Studeo namque hamini, si quis mortalium alius, tamen de facia nunquam mihi viso, idque ob communem patriam (sumus enim ejusdem, ut possis, & lingua & diis) colo autem ob eximias illas

An. illas animi dotes, quas in eo ita suspicio, ut votorum
1519. meorum summa sit, hinc ad annum etiam alterum supra
viceſimum, quo me aetate superat, si non illum, quem
nunc tenet, saltem proximum eloquentia gradum attinge-
re. Improbum, inquis, votum: improbum sane, sed
quod nec ipse plane improbet. Ego nec existimationi, nec
commodis tanti viri invideo, cujus eloquentia apud me
pluris est, quam totius Galliae opes. Sed in hoc ista scri-
bo, ut si quid habes, adtutum me certiore facias, cur
semper neglectis Gallorum, nunc primum fastidiis Italo-
rum ingeniis, Germanica tam ambitiose affectemini. Va-
le. Ex Urbe Roma 29. Januarii, Anno 1519.

EPISTOLA CCCLXXXIII.

Guilielmus Budæus Erasmo Rot. S. D.

VIDI enarrationem, quam in epistolam meam scripsi-
sti, illam scilicet, humanitatis plenam, sed tibi an-
tea inusitata, in qua etsi omnia mihi perplacuerunt,
tamen variis curis implicatus, nunc (ut arbitror) non re-
spondissem, nisi in epistola tua appendicula obticescere me
vetuisses. Nam ne me adeo supini oculi hominem esse pu-
tes, qui diu jam paterfamilias factus, septimo etiam fi-
lio auctus sim: domum nuper emi, in eamque migravi,
simul & reconcinnandam fabris tumultuarie locavi, li-
bris interim & chartis in congerie jacentibus. In hac
transitione opes meas recensui, antea mihi incognitas, ne
me non serio accipere putes, quod de divitiis meis adper-
fisti. Quod tamen ipsum quonam modo in mentem tibi
venerit, non intelligo: cum in libris & liberis bonam
census mei partem habere me, semper pra me tulerim,
atque etiam testatus sim. Sed quam illud scitum
mihi visum esse censes, quod in Epimethei mentione di-
cacem me & eruditum, velut ex commentario facis: ut
paucula quadam, qua tu bona dicta vocas, seposita velut
in numerato habeam, qua etiam ipsa perditurus eram,
nisi te amicum nactus essem, in quem ipsa intorquerem.
Memini alias abs te nescio quid simile in me jactatum,
etsi nunc notare locum non possim. Eja tu, cui vel joco
amicum perstringere religio est, tam stupida auris esse me
lectorem putasti, ut id semel dictum non satis exaudis-
sem? Ante te paræmiologon id jus fuisse scimus, ut an-
tiquorum inventis studiosissimo cuique ita uti frui liceret,
ut ne in alienam quidem possessionem invasisse videretur,
sed veluti floribus decerptis, uti in agro publico enatis,
& occupaturo expositis. Nunc post volumina illa paræ-
miarum tuarum edita, iis tantum uti licebit credo que
tu concenturiasti, & veluti in numeros legitimos rede-
gisti. Quasi vero si quis compascuum agrum maceria
concluserit, ut vicinia intersepia, id se usu cepisse jure
contendere possit, ac suum propriumque fecisse. Quod
eo etiam iniquius esse possit, si paræmiarum appellationem
ita late patere volueris, ut omnia belle, scite, lepide
dicta tui juris feceris. Sed sit ita sane, ut hoc jure tuo
feceris, cui omnium rei literaria partium constitutio, ar-
bitriumque, consensu publico mandata sunt aut permessa:
liceat saltem precario istu uti, ut de Epimetheo notasti:
& a te utenda rogare, iis praesertim qui rerum commer-
cia noverunt, & aliena etiam facere sui mancipii possunt.
Cujusmodi autem ista est improbitas, at in mari illo &
pelago antiquitatis, quod omnium jure naturali commu-
ne est (si juris peritu credimus) expiscari nunc homo bel-
lissimum quodque permittat sibi, & piscationis usui omni-
bus interdicit? Parum erat (credo) Adagiorum volu-
mina anniversario labore repetita, ad circumfluentem
usque copiam auxisse, & velut everriculo quodam ini-
quarum macularum, gratiam & venustatem antiqua le-
ctionis exhausisse, nisi etiam aliis invideres qui vestigia
tua sequuntur. Atqui si vir bonus sis, talisque, qualem te
esse semper existimaui, quum latifundia utriusque lingua
ita messueris, ut inde magnam tibi gloriam compararis,
nobis non succensebis, si tanquam spiculatorio persequamur,
qua vel oculos tuos in tanta copia fugerunt, vel a te ne-
glecta sunt, quanquam frugis hominem atque etiam ter-
racissimo, vultu & odore & sapore & colore & figura &...

A. ὁμοίως ἐνοχλεῖς, ὁ πάντα γε τὰς ἀφ᾽ αὐτοῦ μυστῶν, ἢ πάν-
τα τὰ λήια τῶν παλαιῶν ἀποδεχόμενος; Quin id etiam sci-
re pervelim, nisi curiosus esse videar, quando illa dicta
seposita perdere me nolle dicis: an quia tot tantaque
edis quotidie volumina vix sufficientibus praelis, at-
que mihi prope tibi vacantibus officinis, ea ex tempore fun-
das, fanatico furore institutus, nec istis texendis filum
ante sepositum habueris, scriniatim etiam titulis prænota-
tis. Sunt enim qui ajunt, ante annorum hebdomadas ap-
parasse te, qua nunc ἐπαλλήλως exeunt. Quod si verum
esse scirem, ego animi tui equitatem, tuamque charita-
tem, in publicum amplecterer omni suffragii mei favore.
Quid enim commendabilius est, quam qua juvenilibus
annis congesseris, nolle tecum sepeliri? Mihi enim id per-
inde esse videtur, atque si civis quidam Romanus Mu-
sæarum divitiis circumfluentis, annuis & mensuris congia-
riis populi plausum mereri, bonaque sua elargiri, in ani-
mum iudicaret, atque ita de omnibus mereri, ut etiam
primoribus, & ordinibus tesseras suas mitteret. Quod u-
tinam omnes auri nimium amantes, faciliare sibi persua-
sissent, ut avide congestas opes, ante mortem benigne ero-
garent. Non tanta passim opes hominum commercio exi-
merentur, & vinculis perpetuis damnata situ obrueren-
tur. Nam quod ad me pertinet, ego multa inter schedas
condidisse me amicum non inficior, ex quibus volumina non
contemnenda aliquando contexere potuissem, si mihi se-
cundior fortuna uti, & literis feriari contigisset. Ut ad
reliqua transeam: merito me ludificaris, ut nihil penſi
habentem, qui illud de Hieronymo dixerim ad tribunal
Christi rapto: non enim excusabo quod joculari voluerim,
ut tu cavillatus es. Ita fando auditum memineram ma-
gis, quam locum satis apud Hieronymum annotaram.
Mihi tamen veniam dabis, in re non capitali: hujusce-
modi fortasse videri illud tuum possit de Arcopagititis, ad
quorum subsellia tu furti reos agis. Verum, ut non diffi-
teor, me multa joco dixisse, ita nunquam fatebor me ita
impudentem esse, ut hujus appellationis non suppuceat et-
iam jocularis. Sed nec amicos tuos, quos viros bo-
nos ac mansueti animi esse non dubito, cum tibi sint
amici, ferarum ritu frementes in epistola mea feci. Sit
sane ut aliqua non suo loco dicam, quando ita tibi visum
est, temporum, locorum, dictorumque omnium arbitro:
tibi que ita me meaque permitto, ut qua ad Tonſtallum
de te scripsi, si vel non suo loco dicta vel male locata vi-
dentur, ea loco ut moveas: neque id quidem modo, sed
etiam te ut eo ex fastigio gloria & existimationis dedu-
cas aut deturbes, in quo te collocatam a me fastidiose
scribis: quandoquidem tam morose id quod tibi tribuitur
admittis, ut modestius fuerit fortasse aperte respuere. Vi-
de utrius nostrum aequior sit querela. Tu cum tua me de-
jecisse clamites, ego mea a te elevari agre fero. Tameiſi
ὁ hominem te aequissimum & animi gratissimi, qui au-
ctorem me tibi fuisse dicis & causam, nec Regi, nec E-
piscopo fantori tuo scribendi. Hac illa sunt evangelia,
qua mihi a te deberi contendebam. Imo vero ὁ hominem
te acutum, qui ne in eo quidem loco epistola me inelle-
xeris, ἐν τῇ διαπερὶ ἑαυτοῦ σοὶ τὸ ὅφ' ἡμῶν προαίρεθ' ἐπεχέ-
ρην, ita ut tua tantum partes essent ἐν τῇ διαμέλειν, ἢ οἷον
βαρύνειν ἐπὶ τοῖς ἐπαγγέλμασι τοῖς ἐνδεδε. Tu autem vel-
ut forex, quod ajunt, qui Mimium cumſugasti. Gaudeo
te stomachum perpurgasse, ut purus putus Erasmus ad
nos tandem tranſeas. Certe omni ope conatus es virus il-
lud fellis exsudare, falsa opinione contractum, cujus gra-
veolentia nondum ita mihi stomachum movit: ne te ultimum
me esse magnopere triumphes, ut implacidiore me utare.
Itaque si quid etiam in imo subsedit, excute & te to-
tum perpurga, quando illa catapotia, ut spero, epistole
meæ vorasti. Quanquam quum impudentia crimine ni-
hil atrocius Homerus invenerit, quo tu crebram in me
lapidationem fecisti, jocos scilicet mecum assuescens,
non video quid reliquum tibi feceris, quo luculentior
plagam incutere mihi possis. Sed tamen, si quid restat,
recipere plagam non gravabor, dum tuo animo obsequa-
ris. Libens tamen hoc tibi suaserim, ut si te adhuc ma-
lus illo genus tuus hujuscemodi agit intemperis, in il-
lum

An. lum exsuccum & monogrammatum Theologum, qui tibi se-
1519. missis homo male cogitat, mucronem styli tui obvertas. Satis enim mihi videor periculum stomachi tui fecisse. Interim silentio indulgebo, ut attentius te spectem cum illo congregientem, si quando caput ex insidiis & latebris exeret: & tui stomachi ludos quoquo modo meditabor, qui bellus & delicatus amicus, palporibus gaudes amicis. Proinde si lubet, Deloio jam jam non meo, sed tuo scribe, qui mellitis tecum certabit epistolis: quamquam ipse queritur te alteri jam ejus epistola non respondisse. Ruzcus vix ausus est salutem mihi committere, ad te verbis suis mittendam, quem in te merito excandescebat arbitrabor. Ei enim epistolam tuam ostendi, in fronte quidem suavem & illetricem, sed intus amarulentam. Itaque auctor tibi sum, ut te totum his amicis des, qui amicitiam tractare mollioribus articulis noverrunt. Ego vero in gratiam cum seris redibo jocisque salutem multam dicam, qui mihi male eloquentia tua gratiam conciliarunt. Illud calumnia plenum pene per oblivionem omisi, quod verba tu epistola mea repetens, inquis in presenti pro inquis scripsisse me confingis, quasi vero scilicet superioris tua epistola verba ementius sim. Hoc enim ipse quereris, cum tamen revera ego per anthypophoram loquerer, non te ita dixisse affirmans, sed dicere posse: ubique enim inquis in futuro in scheda mea scriptum est. Ita non argutius rhorioris, ut solebas, sed etiam sycophantiis oppugnare me institutisti. Nondum eram cum Episcopo collocutus, ex quo tu ad eum scripseras, etiam si literas tuas videram. Vale, & thema aliud auspicare, si tibi te autem sibi vicissitudo cordi est. Omnia arbitrii tui facio. Parisiis 1. Februarii, Anno 1519.

Locus, qui te conturbat in epistola mea, sic legitur in scheda, qua est apud me: Faber toties à me cum honoris praefatione nominatus, nescio quam gratiam mihi rependit, certe ut multis videtur iniquam. Mihi quoque durius agere mecum videtur, quam pro solito suo candore. Doleo ansam hanc datam, & reliqua. Tum ipse pradiceres, qua tria verba postrema mea sunt hoc sensu, debuisti superioribus verbis addere te Apologiam scripturum, tunc fortasse non serus monitor fuisset. Qua ex epistola tua hac sumpserim nescio, cum enim hac scriberem, nec libros meos expeditos, nec scrinia digesta habebam in hac domo, in quam migravi. Habes epistolam & puram & eleganter exaratam, & αὐτοῦρατον.

Sed omnia mihi tecum licere aequum est, praesertim quum à manu amicum nullum habeam: alienum inquirere non vacet, nec suave sit ad te religiose scribere. Omnia hic imperiose agere capimus ex quo Maximilianus mortuus est, ne me jam ut magnopere aequo & clemente usurum te esse speres. Vale rursus & me si lubet ama, quando tuo jussu non obtineui. Anno 1519.

EPISTOLA CCCLXXXIV.

Thoma Card. Eboracensi Erasmi Rot. S. D.

NUNC meritas do poenas stultitiae meae. Qui poteram isthic inter eruditos amicos, & suaviter & cum dignitate vivere, si benignitatem regiae majestatis ac tuam ultro oblatam fuisset amplexus, nunc cogor cum ingratis quibusdam & impudentissimis sycophantis conflictari. Ut sunt fatales corporum morbi, ita video & animorum fatales quaedam esse pestes, undecunque proficiscuntur: sive ab astris, sive ab ipsis corporibus aliter atque aliter affectis, sive, quod magis reor, ab humani generis hoste, qui nulla re magis gaudet quam nostra discordia. Quis enim alius tantum veneni studiis innoxit, etiam sacris? à quibus pendet tum incolumitas, tum dignitas Christiana religionis? Tam amaris odiis nunc passim inter sese decertant etiam Theologi, tam virulentis libellis invicem sese proscindunt, publicis apud populum concionibus sese mutuo lacerant, mea sententia praestiterit hortum colere quam literas. Atque hac in re nulli peccant impudentius quam hi, qui sub mendicitatis professione ty-

A rannidem meditantur. Complures eruditissimi viri ex toto orbe mihi gratias agunt pro Novo Testamento jam bis recognito, inter quos & aliquot Episcopi sunt, atque adeo summus ille omnium Leo, ejus nominis decimus. Et istos non pudet, nondum lecto Opere, seditiosis clamoribus apud populum traducere bene merentem. Quales & hic exstiter quidam, & isthic quendam audio fuisse, qui in concione frequenti vociferatus sit, me corrigere voluisse Euangelium Joannis, quod pro Verbo verterim Sermonem: quasi Joannes scripserit Latine, aut quasi non ante me, Filium Dei pro Verbo Sermonem appellarint, Cyprianus, Hilarius, Hieronymus, cumque his innumeri; aut quasi Sermo non melius exprimat Gracam vocem λόγος, quam Verbum. Quid stultius dici potuit apud doctos? At quid apud imperitam multitudinem seditiosius? Cæterum, ubi interim illa dulcedo studiorum, quam narrat Hieronymus? ubi illud in campo Scripturarum sine dolore nostro ludere? Quid quod interim bona pars fructus perit utrique. Nam & illi dum sacris concionibus, quæ præter Christum nihil sonare deberent, admiscunt suos affectus, minus commovent populum ad pietatem: & nostri libri vel à paucioribus, vel minore cum fructu leguntur, viciata per istos imaginatione, quæ ubique valet plurimum, adeo ut si quis Augustini librum legat persuasus esse Pelagii hæretici, minimum fructus sit reportaturus. Tua auctoritas succurrit isthic bonis literis, apud nos adhuc cum veteris infcitiae patronis beligerantibus. Utinam dignetur & sacrorum studiorum tranquillitati consulere, non solum apud Britannos, verum etiam toto terrarum orbe. Id facile fiet, si Romanum Pontificem literis tuis admoneas, ut sua auctoritate coerceat hanc incessendi licentiam, suam quique professionem ornet citra contumeliam alienæ, quemadmodum Paulus suum glorificat Euangelium, non obscurans tamen euangelium Petri. Quod si dissentiant alicubi ingenia, res Christiana modestia peragatur, non diabolica virulentia: argumentis decertetur, non seditiosis clamoribus, ut & victor discedat gloriosior, & victus eruditior. Rem magnam præstiterit tua celsitudo, & de Republica Christiana optime merita fuerit, si studiorum tranquillitati dignabitur, ut facit, auctoritate sua consulere. Scripsimus hac de re nonnihil summo Pontifici Leoni. Sed quantum nos homunculi possumus? Absolvi Paraphrases in omnes Epistolas divi Pauli germanas, Opus, ni fallor, victurum, & adeo felix, ut illis quoque probetur, quibus nihil placet Erasmicum. Utinam mihi liberum esset huic Operi tui nominis faciem prætere. Sed magnis intervallis non uno impetu perfectum est, ita partes laboris diversis inscripsimus. Sed quæretur aliud æque victurum, quod tuæ celsitudini dicabitur: certum est enim his immori laboribus, etiam si sentio me indies reddi segniorem, non tam ætate quam studiorum laboribus irrequietis, imo tædio contentionum magis, quam laboribus per se jucundis. Bene vale. Lovanio 1. Febr. Anno 1519.

EPISTOLA CCCLXXXV.

Erasmus Roterodamus N. Ferdinandi Medico & Præceptori S. D.

SI non mediocriter debet Respublica fidei vigilantique Medico, qui curat Principis corpus, quod animi, per quem imperat, vel domicilium sit, vel organum, quantum tibi debet hæc nostra regio? imo non hæc tantum; nam utunque res cadent, non potest Ferdinandus non esse Princeps egregius, qui tanti Regis sit frater: qui non solum arte medendi advigilas, ut corporis prospera valetudine gaudeat adolescens, verum etiam Christiana philosophia fingis ac formas animum illius, sanctissimis opinionibus, ac decretis vero Principe dignis imbuis pectus adhuc purum ac tractabile? Quanquam ille non tam ætate quam indolis bonitate tractabilis esse mihi videtur. Atque utinam complures

An. res tui similes adessent, ut aula nostra *Britannicam* imi-
 1519. taretur, doctissimis in omni genere disciplinarum vi-
 ris refertam. Ad regiam mentem adstant eruditi, agi-
 tantur literatæ quæstiunculæ, quæ ad Principum insti-
 tutionem, aut alioqui ad bonos mores pertinent. Bre-
 viter, is est aulæ comitatus, ut præ illa nullam non
 contemnas Academiam. Faxit Deus Opt. Max. sic in-
 vertantur vices rerum humanarum, ut quemadmodum
 publicas scholas invasit ambitionis, voluptatum & a-
 varitiæ studium, ita Principum aulæ recta studia com-
 plectantur. Est apud nos *Ludovicus Vives*, *Valentinus*,
 nondum opinor vigesimum sextum egressus annum, sed
 in nulla Philosophiæ parte non supra vulgum eruditus,
 tum in bonis literis, atque etiam in dicendi scriben-
 dique facultate eo progressus, ut hoc seculo vix alium
 norim, quem ausim cum hoc committere. Nullum est
 argumentum, in quo non exercuit stylum. Nunc Vete-
 rum exemplum referens declamat, sed tanta dexteri-
 tate, mihi crede, ut si titulum adimas, putes rem non
 hujus regionis, nec hujus esse seculi, magis autem fe-
 licissimis illis *Ciceronis* ac *Seneca* temporibus natam,
 quibus coquis & apiciis aliquanto plus erat eloquentiæ,
 quam nunc est iis, qui videri volunt orbis magistri.
 Artis observantissimus est, sed ejus affectationem ita
 dissimulat, ut neget rem adumbratam agi. Video hunc
 cum primis esse idoneum, qui & tibi in instituendo *Fer-*
dinando subsidiarius sit, præstetque ne quis aulam istam
 ut infantem atque elinguem contemnat. Ad hujus do-
 tes & illud accedit, quod & *Hispanice* callet, utpote
 patus *Hispanus*, & *Gallice* perbelle, ut qui *Latetia* diu-
 tute sit versatus. Nostrum sermonem intelligit magis
 quam sonat. Verum, haud scio, primum an Card. *Croius*,
 cui præceptor est, passurus sit hominem à se divelli,
 diligit enim eum ita ut meretur effusissime: deinde an
 expediat, juvenem amplissimæ fortunæ raræque indo-
 lis tali formatore nudari. Impense faveo Principi *Fer-*
dinando, sed ita de me meritis est Card. ut non ausim
 moliri quicquam, quod illi sit incommodo futurum.
 Postremo nondum habeo compertum, an *Vives* ipse
 sustineat avelli à tanto patrono, cui se novit esse cha-
 rissimum. Quod si hac in parte tua prudentia mecum
 sentit, proximis literis alium tibi designabo. Bene va-
 le, vir eximie. *Lovanio* 13. Febr. Anno 1519.

EPISTOLA CCCLXXXVI

Erasmus Rot. Clarissimo juveni Antonio à Marca,
Abbati Belliloci, S. D.

PERSVASERAT mihi ille quem nosti, me initu-
 rum haud mediocrem gratiam apud tuam celsitu-
 dinem, si eam aliqua parte studiorum dicata provo-
 cassem, sed, ut video, res in diversum exiit; hoc ipso
 videor alienasse, quo conabar devincire. De ingenii
 tui candore, fide, constantiaque non libet suspicari,
 nescio, utrum idem ille gratiam officii mei corruerit,
 qui ad officium instigarat, an opus ipsum tuo judicio
 parum arrideat. De promisso non gravo pudorem tuum,
 volens atque ultro pollicebaris mihi, nec postulanti,
 nec exspectanti, ego vicissim ultro volensque fidem
 tuam libero. Non exoptulabo quod res tentata non
 successerit ex animi tui sententia, modo id præstes,
 quod præstare tibi in manu est, ut *Erasmus* tui stu-
 diosum redames. Nunc ipsa res me docet, bonam fe-
 licitatis partem esse, nihil magnopere mirari: si anxie
 pependissem à tuis promissis, jam discruciarer frustra-
 tus, nunc ut leviter sperabam, ita minimum sentio
 doloris adempta spe. Rex ipse mihi longe majora de-
 tulerat, quam tu audebas polliceri. Tantum autem ab-
 est ut tibi succenseam, qui non præstiteris quod rece-
 peras, ut gratiam etiam habeam, quod optaris, quod
 conatus sis. Bene vale, vir clarissime. *Lovanio* 16.
 Febr. Anno 1519.

EPISTOLA CCCLXXXVII.

Erasmus Roterodamus Gulielmo Budæo suo S. D.

CVM multis nominibus mihi displiceat illa bis ma-
 ledica epistola, vel quod *κακὸς ἐλαγίζουσα*, vel
 quod, ut tibi quoque videtur, procacior, tamen hoc
 certe nomine placet, quod una duas extuderit à Bu-
 dæo, non minus eruditas quam copiosas. Ad quas ac-
 respondeam, etiam si tu non vetuisses, tamen in præ-
 sentia sane per studiorum tumultus verius quam occu-
 pationes nequaquam licebat. Adeo vero nec non of-
 fendit, quod cum in priorē epistola, quæ tota sic *At-*
tice loquitur, ut non *Latetia*, sed *Athenis* nata videri
 queat, veluti iusta jam talione reperiatis commissis in
 te meis, iusseris posthac, *κρίσει εἶνα* & *ἀμνηστίας νό-*
μον, rursus alteram adjeceris semi-Græcam ac semi-Lati-
 nam non paulo superiore jurgiosiore, ut hoc lucrī
 mihi magnopere gratuler. Itaque jus tibi facio, ut si
 quid etiam posthac tibi venerit in mentem, quod pu-
 tabis exoptulandum, tuo arbitratu effundas incolumi
 lege quam inter nos sanximus. τί γ' οὐκ ἐξομολογῶ
ὡμὰ ἀμαρτήματα, οὐδ' οὐκ ἐξομολογῶμαι, *ὅτι*
καὶ μάλιστα ταῦτα. Δέχομαι τὴν ἐξομολόγησιν, καὶ δαπάνω
δωπλύνωτα, ἵν' ἐν ἡμῖν γένοιτο τὸ τῷ Ἀποστόλῃ
ἐκκλησίαις τὰ ὁδοποιήματα, καὶ εὐχαριεῖται ὑπὲρ ἀλλήλων, ὅπως
ἐκδοῖται. Θεῶν ἐστὶν οὐκ ἀνθρώπων εἰδὲ πάσι τοις ἀμαρτανῶν.
 Ingenii, doctrinæ, & utriusque facundiæ laudem quid
 ni tibi lubens cedam, qui hisce de rebus non solum
 cum quoquam in certamen descendere, nedum cum
 Budæo, hujus ætatis *Milone* quodam, ut ita dixerim,
 in palæstra literaria? Candoris & humanitatis laudem,
 in qua certe par haberi cupiebam, non perinde volens
 cedo. Sed tamen hanc quoque violentus extorques,
 adeo nusquam non invictus es, ὡς γεννάδης. Ac cætera
 quidem etiam, ἡ ὁμολογῶ, ἡ συγχωρῶ σοι ὡς παλὺς καὶ δι-
καίως λεχθέντα. Τὸτο μόνον ἐξείρω ὃ χάρις ἐν τῇ δούτι
ἐπιστολῇ πρὸς τὴν Δηλοῖν, ἡ ὅτι οὐδ' ὅπως περὶ αὐτῆς
δύνατο φιλοκόλακα δωπλάειν ἐμὲ μὴ ἔχ' αὐτὸς τῆτον
δωπλῶν κόλακα. Εὐφημα φωνῇ, Βυδαῖε, ἱερὸν γὰρ ἡ φίλιν, ἡ
θέμις τὰ ἀκίνητα πιστῇ. Οὐχ ἔστις μάνομαι, ὅτι πρὸς
δὲ τοῖς τοῖς τοῖς δὲ χάρις με ἡ νοῦσα. Relegi Græcam il-
 lam meam epistolam, nihil illic video, unde possit
 colligi quod ais, certe nulla cogitatio magis absuit ab
 animo meo. Quid enim obfuit quo minus & φιλοκόλαξ
 sim, & tamen neminem habeam κολαπείοντα. Proin-
 de demiror, mi Budæe, quid tibi istuc in animum incide-
 rit. Neque si quos habeam, continuo necesse sit il-
 lum esse, in quem hujusmodi suspicio nullo pacto ca-
 dere possit. At quod in literis ad *Toussaintum* tuis stro-
 phologiam subesse non negas, atque idem in me re-
 torques, quid tu velis agnoscere, ipse videris: Ego
 non prius de me fatebor, quam quispiam mortalium
 reperiatur, qui vel in liberrimis illis colloquiis, qui-
 bus apud congerrones quicquid in buccam venerit ef-
 futimus, vel inter pocula, cum frequenter & dicenda
 & non dicenda prorumpunt, audierit *Erasmus* secus
 loquentem de Budæo, quam scripserit. Aut si quen-
 quam amicum passus sim unquam, non dicam obre-
 stantem Budæi gloriæ, sed huic æquantem aut præ-
 ferentem me, cui non acriter ac serio repugnarem.
 Jam vero nescio quanti sit apud te *Interpres* ille ni-
 mium *ὀξύδερης ἰταλιώτης*, qui tibi ceu parum oculato
 commonstravit quædam non simpliciter à me scripta.
 Apud me certe talibus officiis nullus inierit gratiam.
 Quomodo tibi successerit expeditio, quemadmodum
 vocas, aulica, partim ex tuis ad *Ludovicum Vives* li-
 teris intellexi, nimirum adeo venustis, adeo doctis, a-
 deo πανταχόθεν felicibus, ut homo vix hostibus invide-
 re solitus, inviderim homini cum primis amico. Is
 nunc declamat, sed ita me Deus amet, incredibili fe-
 licitate. Dices rem nec hisce regionibus, nec hoc se-
 culo natam esse: nec ludicram aut umbraticam esse pu-
 gnam, sed veram ac seriam. Ingenio mihi semper sit-
 tisfecit, in phrasi desiderabam, nescio quid aliquanto
 mol-

mollius. Nunc ita numerus omnes praestat, ut non videam his temporibus, qui in hac palaestra queat illi palmam praeripere: pace omnium dixerim. *Græcam* illam tuam epistolam, quam polliceris, non desinam efflagitare, donec expressero. Fabulam, qua hic fine fine agunt conjurati quidam adversus trilingue collegium, & universas bonas literas, & pudet & piget tibi scribere, mi *Budæe*. Si quid natum hujusmodi fuisset in urbe *Roma*, quia non alia pluribus abundat ornamentis, tamen & Cardinales, & summus ipse Pontifex, summis tum favoribus, tum honoribus prosequerentur, & ornatissimæ civitati non mediocriter decus judicarent accedere. At isti rem & munificam, & ad tam insignem omnium utilitatem, ad tam ingens ornamentum & Principis & totius hujus ditionis paratam, sic abominantur, sic horrent, ut olim *Romani* non æque formidarent *Gallōs* urbe jam capta, Capitolio infidiantes. Magis autem indigneris, si scias hujus tam pudendæ fabulæ tres aut quatuor esse coryphæos, tam stolide stupidos, ut indignos judicaturus sis, quibus cauletum tuum curandum crederes. Et tamen vincunt impudentia, improbitate, & nescio quo novo syncrético. Quod si hi sapiunt, insanit Rex vester, dum sua munificentia conducit, qui linguarum professione ornent regnum *Galliarum*: insanit *Leo* decimus, dum tantis impendiis accersit in urbem suam, qui linguas ac poliores doceant literas: insanit cum aliis innumeris *Anglia* Rex, cujus benignitas invitat harum rerum professores in utranque suæ ditionis Academiam. Opinor te vidisse Farraginem epistolarum, sed indiligentissime editam. Rursus efflagitant, ut exemplar recognitum mittam. Nam subito distracta sunt exemplaria, ut sæpe maxime vendibilis est liber pessimus. Si quid judicabis omittendum, aut mutandum, admone. Nam ad eum laborem nunc cogor accingi. Jam portum optabam, lassus hujusmodi sycophanticis digladiationibus. Sed audio libro *Luteria* edito me palam revocari in arenam. Primum illud in votis erat, me accepta rude in ocium secedere. Proximum, ut mihi contingeret honestus antagonista. Nunc is contigit, de cujus ingenio non libet meminisse. Majorem in modum te rogo, ut *Deloio* & *Rufeo* multam ex me salutem dicas: & si quid offensi sunt, eos mihi reconcilies; quanquam arbitror nil opus. Bene vale cum tuis omnibus, patrone magne, & amice incomparabilis. *Lovanio* 17. Febr. Anno 1519.

EPISTOLA CCCLXXXVIII.

Erardo a Marca, Episcopo Leodiensi, Erasmus S.

REVERENDE Præful, mitto celsitudini tuæ quaecunque animi in te mei documentum, *Paraphrasin* in duas Epistolas ad *Corinthios*. Opus modis omnibus novum est, si non meretur alio titulo commendari. Certamen erat inter typographum ac me, utrum ille plus excuderet singulis diebus suis formulis, an ego meo calamo describerem. Opinor Opus victurum, vel invitis misoglottis. Tu pro tua humanitate boni consules. Qui codicem reddit, juvenis est eruditus, ingenique candidissimi, ab actis oppidi *Antuerpiensis*, melior animæ meæ pars: hunc, quæso, pro tua humanitate complectere: ac bene vale. *Lovanio* 19. Febr. Anno 1519.

EPISTOLA CCCLXXXIX.

Erasmus Rot. Joanni Episcopo Roffensi S. D.

SI tua pietas suspicatur me quicquam offendi, vel quod responderis *Fabro*, vel quod non miseris librum *Lei*, nondum novit *Erasmus*. Et tamen hac de re jam ternis literis, nescio quid significas, quod mihi crede nihil est. De animo in me tuo non magis addubito quam de meo ipsius. In priore libelli tui editione, crebrius, & ut videbatur multis, aculeatius jocabaris in ecclesiam *Fabri*. In posteriore ut stylus est cultior

ita minus est stomachi. Tantum demirabar te tam anxie laborare, ut hoc negotium pertraheres ad causam fidei, qua re valde gravatur *Faber*: quem sublevari malim; præsertim cum ille te & suspiciat, & veneretur. De Novo Testamento jubeo te bono esse animo. De rumore sparso apud Monachos & indoctos mirum non est, cum *Leo*, velut ad hoc natus, nihil aliud agat. Et agit per Monachos. Novit optimos hujus rei satellites. Sed ubi prodierit ille jam diu jactatus liber, *parturient montes, nascetur ridiculus mus*. Non adeo delirat mundus, ut ad *Lei* judicium sit tumultuaturus. Tantum prodeat liber, quod arbitror brevi futurum. Cum *Leo* mihi concordia fuerit, si ediderit suum librum, quem jampridem parturit: nam ille nunquam erit sui dissimilis. An illi displicueris, nescio, mihi certe nulla in re non magnopere placuisti. Videre mihi prorsus ignorare *Leum*, si illius vel ira, vel amore tantillum commoveris. Me non offendes, etiamsi libris editis à me dissentias. Quare te rogo, ut si quid hujusmodi suspicatus es hactenus, suspicionem omnem penitus ex animo ejicias, & *Erasmum* tibi persuadeas eum semper erga te fore, quem esse decet memorem clientulum erga patronum optime meritum. Bene vale. *Lovanio* 21. Febr. Anno 1519.

EPISTOLA CCCXC.

Guilielmus Budæus Erasmo S. D.

HERI circiter tertiam vigiliam noctis venerunt huc Germani duo, literasque tuas mihi reddiderunt ad lectum jamjam ituro. Lucubraveram ad horam usque nonam, quod jejuniis tantum soleo. Nam post cibum nihil lego, nisi summa coactus necessitate. Nec tamen statim horam dormiendi habeo, quare matutino sæpe obdormisco, ut qui annis jam quatuordecim, noctes tres, ut opinor, vacuas capitis dolore non habuerim, tantum abest, ut summo illo bono fruam voluptariorum Philosophorum, doloris vacuitate. Mane igitur hac ad te scripsi, ne tabellarium morarer: quando ita orabat me Beraldus, qui ei comitem cum epistolio dedit. *Πρωτον μὲν ἐν, ὃ ἀνερ πρὸς φιλέσας, τοῖς ἐπερανίοις ὄχομαι πᾶσι καὶ πάσαις, ὅσω ἀνοιὰ ἔχων ἐγὼ διατελῶ σοι, τοσαύτῃ ὑπάρξαι μοι παρὰ σὺ, ἔπειθ' ὅπερ ἐστὶ μάλιστα ὑπὲρ ἡμῶν, ὅτι τε ἡμετέρας διδασκαίας τε καὶ δόξης, τὴν παρὰ σὺ καὶ τὴν θεοῦ ἡμῶν. Τὸ δ' ἐστὶν ὁ μόνον τὴν ἀνοιὰν ἰσὺ ἀλλήλοις σοφῶσαι, ἀλλὰ καὶ τὴν ἀμνησίαν τὴν ταύτην, ὡς περιέχεται καὶ βιβλίσκῳ ἡμῶν ἐκατέρωθεν, ὅπως ἐναπομνήσκειν. Καὶ ταῦτα μὲν ἔγω πεπαρωδῆσαι ὀφειμίας διῆθεν ἔνεκα. Ἔγω δὲ ὁ ἀμνησίας νόμος πάντῃ πάντως κύλει, ὡς δὲ ἐκκλησίᾳ τέρψις κέρδιον. Ἡὰν certe lege stare mihi certum est, tanquam trinundino perlata. Itaque objectis non respondebo: quoniam hanc excetram alia ratione ineluctabilem esse inter nos satis convenit: nisi hoc inficiabor, quod tu de strophologia inquis me non negare. Quem locum epistola mea vide etiam atque etiam, ut satis intellexeris. Deinde quod testificaris te nihil unquam oblocutum, per me licet ut verum sit, nec necesse habeo visissim eisdem contestari: cum id satis superioribus epistolis actum sit, si semel agi potuit. Quod si qui tuorum mihi obreclaverunt, ut eos fecisse literatis testimoniis credidi: non tam improbus sum, ut etiamsi id causa tua instituerunt, tu illorum prestare debeas aut stultitiam aut studium inconsultum. Atque ut stomachum antehac aloë fortasse immodice temperata perpurgavi, sic etiam aurem aceto posthac eluere statui, ne quemvis obreclationis aut querimonie nuncium non excussum admittant. Sape enim in fraudem nimia simplicitate incidi: id quod tibi accidisse credo de epistolis tuis, quas tu maledicas appellas, ego immodice falsas: quæ tamen à te aceto postea & tunc etiam tinctæ multum remiservunt muria & saluginis. Quod mihi & ingenii & doctrine palma cedis & laude, non accipio quod das: non id agebatur nostra illa controversia, quam ita ipsam decisam esse volo, nihil ut inde mihi accessisse videatur, ne non gratuitasit. Et alioqui nunquam ea de re contendere litigiose in animum inducam, cujus acerba, odioaque*

Tom. III.

Dd

disce-

An. disceptatio est, tranquillitatisque interpellatrix: iudicium
1519. autem fere posthumum esse solet, duntaxat incorruptum:
quanquam satis compertum habeo eam tibi suspicionem
præcordiis aliquando habuisse, ut ye α γη δ θεοi ουκ ακη-
σαι ειπεν ποτε. Τι δη βυλνλαι ο Βυδαυ, εξελω τε ηδη αυ-
τη, η νυν δη αραχωρω τ προλειων τ η τω παυδελω, α-
εγ γε η αραγειν οι ετ εμε αζηιοι. Egon' eo insolentia ve-
nerim, ut aliquid ejuscemodi animo agitaverim? egone
si Antistiti quidem tuo esse mihi contigisset, fortunarumque
auctori? Tu ista inconsulte rumigeras credidisti. Qui-
bus jam certe suspiciunculis abstergendos utrinque animos
nobis esse cenfeo. Verum, mira sunt illa, qua scribis de
illis eruditionis ingenua hostibus. Profecto tui me jam co-
epit miserescere, cui in eam arenam descendere nunc ne-
cesse sit, aut patrociniū deferendum instituti honestissimi,
ultimaque voluntatis illius Antistitis, qui legatum me-
morabile, uberrimumque, reliquit ad studia alenda ho-
minum ingenio præditorum. Hic aqrioribus omnino utimur
sacra Philosophia defensoribus. Quare si istinc paululum
concederes, ut statuisse te rumor est tuarum rerum jactu-
ra, istiusque provincia commodorum, ingens, ut opinor,
compendium laboris molestiaque facitares. Hac in urbe
omnino, si non ample, certe honorifice & commode, cum
viris existimatissimis agitur, primariaque commendatio-
nis in literarum lautiorum professione. Turationum tuarum
summam melius novisti, quas etiam, ut arbitror, cum
amicis juratoribus subdancis: ego cum scribendi argumen-
tum requirerem, hac epistola addidi. Nam de antica
expeditione mea, non est quod fabulam mox a me exspe-
ctes: nunc etiam in seriis occupatus, hujuscemodi nugis
non vacas, & me hilaritas cum ocio deficit. Nam his
diebus literas Roma, Venetiis, ex aula, aliundeque
simul accepi: quibus cum respondere cepissem, tua super-
venerunt. Est & alia commentatio, qua sibi quadrage-
narii jejunii magnam partem vendicabit, si auspiciari va-
cabit. Huc tanquam in securitatis domicilium me trans-
tuleram, sed cura & negotia umbra sequaciora me co-
mitantur quoquo gentium, locorumque. Hac ad te tan-
tum scribere licuit ante sacrum matutinum, quoniam dies
festus erat. Vale, ex Marliano nostro 25. Febr. Anno
1519.

Vivem tuum verbis meis salutabis, cui non fuit ocium
ut scriberem, & alioqui nihil erat quod scriberem; nisi
si matum esse juberem ea ingenii, industriaque clarita-
te, quam tu testificare. Scripsi ei ad Calend. Februarias,
aut postridie Calendas. Ερωσο, α επανορθωλα η αεμοσα
τ καλων συγγραμμάτων, η διαλιδ τετο ποιων η ατυχων.

EPISTOLA CCCXCI.

Erasmus Rot. Ludovico Carino suo S. D.

QVOD tam amicas literas ad me dederis, suavissime
Carine, gratiam habeo, quod tam eruditas, tibi
gratulor. Vix enim mihi persuasit Nescius, tuo Mar-
te, quod ajunt, fuisse conditas: sed persuasit tamen,
vel quia vir minime vanus, vel quia mihi jam pridem
nota ingenii tui felicitas. Perge, mi Carine, tibi soli-
dam parare felicitatem. Id facies, si veram eruditionem
cum morum integritate conjunxeris. Cætera vel
non ambienti dabunt coelites. Bene vale. Lovanio 27.
Febr. Anno 1519.

EPISTOLA CCCXCII.

Ulricus Huttenus Eques Erasmo Roteroda-
mo S. D.

TV Licet mutus sis, ego tamen non desinam frequenti-
bus tibi epistolis obstrepere, & te amabo, si tu me
contempseris etiam. Princeps impatientissimo tui desiderio
tenetur. Nuper ex Doringis hac rediens, quum illi ob-
viam processissem, vix dum contacta dextera mea, ubi
nobis Erasmus, inquit? Et de libello percunctabatur iterum
atque iterum, quo demiratur, quod ego ignorem, quid
sit illud, quo eum ornas. Putat enim omnia tua mihi esse
cognita: quam tu opinionem ejus vide aliqua re firmes.

A Amat te mirifice: debetur hoc tuis quidem virtutibus, An.
præter vulgarem tamen Germanorum Principum morem 1519.
est. Atque hac de Principe, & tuo pertinaci silentio: nunc
de me. Persasum est aula: ita nihil mihi convulsit cum
purpuratis istis. Impetrasse videor à Principe, ut ubinbi
sim, stipendio me prosequatur: hoc nomine laudabis eum,
magno nostro commodo. Valde auxisti animum erga lite-
ras illi in Annotationibus tuis, ubi eum idcirco quod me
foveat, extulisti. Stimulus fuit hic illi: jamque statim
in literis tuis esse putat, si quem recte eruditum amplexen-
tur. Quod mirari posses, in aula jectus sum toto anno:
& alias quidem nugæ meas accepisti nuper, Febrem au-
tem, recens editam, nunc mitto, & Phalarismum: ubi
B reprehendes audaciam meam, scio, potius quam fortitu-
dinem efferes. At ego expeditioni, qua nobis paratur in-
gens, equestri pariter ac pedestri exercitu, interero ipse:
tantum abest ut metuum latronem illum. Brevis totam
turbare Germaniam videbis. Si me devorabis illa pagna,
(sunt enim & sua illi vires, & auxilia sunt) tunc in fac,
ne ignoret vel studium erga te meum posteritas, & mea
tuis immortalibus literis vixisse saltem testare. Vale. Mo-
guntia 6. Martii, An. 1519. raptim irrevisse.

Triumphus Capnionis in lucem prodit, magno Theo-
logistarum fremitu.

EPISTOLA CCCXCIII.

C Erasmus Rot. clarissimo Ludovico Ruseo, Latetia sup-
præfecto, & Christianissimi Regis apud Ebu-
rones Oratori, S. D.

QVO magis præter spem acciderunt, hoc gratiores
fuerunt tuæ literæ, mihi non semel votis arden-
tissimis exoptatæ, præsertim cum nulla Budei epistola
ad me venerit, quæ Rusei non meminisset. Est ille
quidem & vir optimæ fidei, & artifex pingendi cum
primis elegans, sed tamen nescio quid expressius, ma-
gisque vivum tua nobis expressit epistola. Utrisque gra-
tiam habeo summam: Paschase, qui suo impulsu pu-
dorem tuum vicerit: tibi, qui tuum animum passus sis
expugnari. Cave vero per Musas, ne me scheda frau-
des, quam Parisiis, quemadmodum scribis, mihi de-
stinaras. Si tam expolitas literas scribis ex tempore, si
in peregrinatione, facile sit divinare, quale sit quod
domi per ocium adornasti. Jam meum esse cepit,
quod animo mihi dedicasti. Proinde non desinam effla-
gitare, donec extorsero, si fors tu graveris exhibere.
Quod ad Galliam humanissime nos invitas, quanquam
ea semper animo meo fuit dulcissima, tamen magis istuc
me pelliceret Deloini, Rusei, Budeique contubernium,
quam Regis alioqui benignissimi conditiones: αλ ετ ε-
ανω ετε μινον, ετε πλιν εα. Cum ejusmodi monstris
mihi res est, ut plane lupum auribus teneam, si quis
E quam alius. Gratulor Gallie, gratulor optimis studiis,
quibus apud vos non modo locus est, verum etiam di-
gnitas, nimirum eo favente, ον κερετ εσι μεγισον. Flo-
rent & apud Anglos Principum favore. Expergiscitur
undique Germania: soli nos adhuc reluctamur: ad quos
profligata barbaries, velut ad extremum præsidium
confugisse videtur. In causa est, partim quod hæc au-
la nondum didicit honorem habere bonis literis: par-
tim hominum paucorum ambitio, qui sibi persuadent,
meliora studia splendori, quem hætenus apud vulgus
obtinuerunt, officere. Mihi hic nec feritur, nec me-
titur: ut qui nec fortunam ambiam, mea, qualis qua-
lis est, forte contentus: nec famam aucuper, cujus jam
ad nauseam usque sum satur: attamen vel gratis ex a-
nimo bene volo rectis studiis, & horum cultoribus.
F Quanquam, quod paucorum malitia committitur,
non arbitror esse par universitati imputare. Sed quid
audio, clarissime Rusee? egon' lucis aliquid addam
vestræ Gallie? quæ tot gemmis, tot stellis illustratur?
Quæ præter vos triumviros, Fabrum habet, Copum
habet, Paulum Emiliū habet, Germanum Brixium
habet, Joannem Pinum habet, Nicolaum Beraldum ha-
bet. Sed ego ineptus, qui jam plane incipiam arenas
nume-

THE NEW YORK
PUBLIC LIBRARY

ASTOR, LENOX AND
TILDEN FOUNDATIONS



An. numerare. Inter tot egrotia lumina, quid ego aliud quam obscurari poteram? & tamen juverit etiam sic obscurari, modo frui liceret iis, qui mihi caliginem offundere videntur. Gallum esse me, nec assevero, nec inficior: sic natus ut Gallus ne an Germanus sim, anceps haberi possit: quanquam apud studiorum cultores minimum habere momenti, par est, regionum discrimina. Quisquis communibus Musarum sacris initiatus est, hunc ego *εμποτάριδα* duco. Ex amicorum literis audio, Budæum nonnihil succensere nobis ob epistolam quandam meam, ut ipsi videtur, aliquanto quam par est, liberiolem. Ego vero illum & virum judico prudentiorem quam qui gravius commoveatur, si quid etiam intempestivius aut licentius scribat amicus: & firmiorem amicum arbitror, quam ut ob huiusmodi leves offensas amicus esse desinat. Nam mea sententia, quisquis ob quaslibet causas amicus esse desit, is nunquam amicus fuit. Equidem non satis video, quid habeat illa mea epistola, tam procax aut petulans, ut animum concitare debuerit, primum eruditi, deinde prudentis, postremo amici: & amici, qui sibi moderationis ac lenitatis laudem vendicet, mihi crimen iracundiæ impingens. Sed de epistola vestrum arbitrium esto: certe quod ad animum meum attinet, vix apud Gallos esse puto, qui de Budæo aut sentiant magnificentius, aut prædicent honorificentius, quam Erasmus. Hujus rei testes erunt, Henricus Glareanus, Guilielmus Nescenus, Beatus Rhenanus, apud quos effutire soleo, quicquid esset in animo. Bene vale, clarissime Russee. Mechlinia raptim, 16. Martii, An. 1519.

EPISTOLA CCCXCIV.

Erasmus Rot. Ludovico Viveti S. D.

APUD illustrissimum Ferdinandum in medio colloquio Episcopus Leodiensis exposulavit mecum, quod a Cardinali Croijo non retulerim responsum. Vix occurrebat, quo me purgarem. Nam suspicor eam epistolam illi non fuisse redditam. Ego in culpa, qui eam ipse non reddiderim. Literæ, quas tu mihi reddidisti, plane fuerant resignatæ. Quo sæpius colloqui datur cum illustrissimo Ferdinando, hoc mihi indoles illius magis ac magis arridet. O utinam hæc regio sub tali Principe centum annos florere possit. Nunc, ut apparet, relegatur in Germaniam, cujus lenta consilia nobis magno constabunt. Sed hæc satis relinquamus. Admone tuum patronum, si quid lubeat rescribere Præfuli Leodiensi, quem opinor hic ad quatrimum commoraturum. Bene vale. Mechlinia 17. Martii, Anno 1519.

EPISTOLA CCCXCV.

Budæus Erasmo S. D.

INDIVERTIVS apud Stephanum Poncherium, Archiepiscopum Senonensem nuper factum, pransus sum. Post prandium de te fuit sermo: petere ab eo cæpi an ad te scripsisset; negavit, sed sese brevi scripturum affirmavit. Certe post duos menses vix ei vacavit, tibi & mihi operam dare, cum propter publica & regia, tum propter privata & propria negotia. Quid ad te scripturus sit, quidque tui negotii egerit, nondum plane scio: & malo te omnia ex eo scire, quam ex me, qui rarus sim apud eum. Sermoni nostro affuit Nicolaus Beraldus, homo utraque lingua doctus & tibi amicus, Archiepiscopo jam valde familiaris: qui cum eo in Narbonensem provinciam profecturus est hoc triduo: egoque in eo comitatus ero, nisi quid mihi vel illis contingat, qui capita rerum sunt. Scripsi ad te hoc mense, me epistolam tuam non eo loco numeroque habere, quo tu me habiturum putasti, nec tibi in ea supprimenda paruisse pariterumve esse. Ego nihil dum molestia ob istam tuam offensionem, vel offensionis *εὐχρησιν* passus sum, qui ut jocus libens uxor, ita jocus non levis de causa offendor, malimque me ladi quam ladere: quam rationem in amicitia tuenda, si cum alio inisturum me statui, quanto magis tecum reten-

Am. numerare. Inter tot egrotia lumina, quid ego aliud quam obscurari poteram? & tamen juverit etiam sic obscurari, modo frui liceret iis, qui mihi caliginem offundere videntur. Gallum esse me, nec assevero, nec inficior: sic natus ut Gallus ne an Germanus sim, anceps haberi possit: quanquam apud studiorum cultores minimum habere momenti, par est, regionum discrimina. Quisquis communibus Musarum sacris initiatus est, hunc ego *εμποτάριδα* duco. Ex amicorum literis audio, Budæum nonnihil succensere nobis ob epistolam quandam meam, ut ipsi videtur, aliquanto quam par est, liberiolem. Ego vero illum & virum judico prudentiorem quam qui gravius commoveatur, si quid etiam intempestivius aut licentius scribat amicus: & firmiorem amicum arbitror, quam ut ob huiusmodi leves offensas amicus esse desinat. Nam mea sententia, quisquis ob quaslibet causas amicus esse desit, is nunquam amicus fuit. Equidem non satis video, quid habeat illa mea epistola, tam procax aut petulans, ut animum concitare debuerit, primum eruditi, deinde prudentis, postremo amici: & amici, qui sibi moderationis ac lenitatis laudem vendicet, mihi crimen iracundiæ impingens. Sed de epistola vestrum arbitrium esto: certe quod ad animum meum attinet, vix apud Gallos esse puto, qui de Budæo aut sentiant magnificentius, aut prædicent honorificentius, quam Erasmus. Hujus rei testes erunt, Henricus Glareanus, Guilielmus Nescenus, Beatus Rhenanus, apud quos effutire soleo, quicquid esset in animo. Bene vale, clarissime Russee. Mechlinia raptim, 16. Martii, An. 1519.

EPISTOLA CCCXCVI.

Budæus Erasmo S. D.

AIIS te mihi scripsisse epistolam satis molestam, quam mihi permittis, ut in locum fædum conjiciam: certe te in hoc tibi non assentiar, ne si te quidem eam ob rem infensum habiturus sim, utarque exemplo Augusti, qui Virgilii mandatis extremis non paruit. Existimo te in regustam literas tuas non probasse, quæ dum stylus fervebat, sapere tibi videbantur. Mihi quoque sæpe id accidit. Sed quid agas, ubi humanarum rerum actionumque conditionem perpenderit: *μωροὶ δὲ ἀνθρώποις ἡ τὰ δοκῶντα σοφά*. Velim tamen existimes homini mihi sympliciter τὰ παιγνιώδη ταῦτα καὶ τοι μὴ ὁρῶντα ὅμως ἡδέως εἶναι μὴ τι δὴ φορτικὰ φαίνεσθαι. Rescripsi tibi solita licentia, ne speres hominem me jam quinquagenario proximum ad meliorem frugem castigando redigi posse. Episcopus Parisiensis jam Senonensis Archiepiscopus factus est liberalitate regia, etsi nondum res peracta est. Totus jam est aula, nec nobis licet cum eo loqui. Quodam tamen die, cum in interiori cubiculo Principis esset, dixit mihi se ad te scribere statuisse. Iterum est propediem in legationem Narbonem versus cum amicorum dispensatorum decurione: cum quo etiam ire me Rex iussit, ut numerum sim potius quam ut aliquam operam certam navem in ea provincia: sic enim interpretor. Bis tamen Episcopi domum adii, & in mensa ejus sedi, sed conviviarii multitudo cum eo familiariter colloqui non licuit. Quare quid egeris, aut statueris, nescio. Ἀλλ' ὥστε εἰδὲ πολλῶν ἄγων αὐτὸς σὺν ἄλλων μετ' ἐμῶν κοινολογεῖται περὶ τῶν ἀποδογμῶν. Σὺ δ' ὅσον οἰκείως ἔχεις πρὸς αὐτὸν οὐ τὴν ἡμετέραν σὺ κατέμαθον τὴν ὑπὸ γυνὴς ἐπεσπλημένην. Διῶσται ἐν ἡ πάλιν δοποπείσῃ τὴν γυνῆς τὴν τέτη. Rex mire in literas bonas fovendas & excitandas propensius esse videtur. Sed negotia αὐτοκρατορικά τῶν αὐτῶν ἀπασαν νῦν ἀναχολῶσι, vix ut vacare ceteris rebus posse videatur. Nunc quis sim nescio: quo minus certiore te aliis de rebus facere possim. Ineptiro nunc, nescio quo fæto, cæpi, cum minime vel in animo haberem. Sed quid facerem? ἐμμένειν γὰρ ἐπ' ἀναγκῆς τοῖς ἐπὶ τῶν μαζῶν ὑπηρεκλωμένοις. Ὡς τῆς ματαιότητος τὸ ἀνθρώπινον. Εἰρήσο. Parisiis die Dominico ante quadragesimum jejunium, Anno 1519.

EPISTOLA CCCXCVII.

Erasmus Roterodamus Guilielmo Nesceno S. D.

EX amicorum literis intelligo, isthic Augustinum Nebiensensem Episcopum strenue vociferari in Erasmus, etiam si nondum adducor ut credam. Quod si verum est, longe dissimili negotio sumus utrique occupati, ego dum hic illius candorem laudo, ille isthic me traducit. Compertissimum habeo, barbaros undique inter se conspirasse, nihil intentatum relinquere, quo bonas literas opprimant. Tu cave, ne quid ad nos scribas periculose: nam

Tom. III. Dd 2 li

An. literæ frequenter intercipiuntur, præsertim quæ istinc
1519. veniunt. Siquidem hæ tuæ postremæ redierunt à Zelan-
din. Et ex aliis audio, nescio quid, mihi succensere
Budaum, neque tamen ullam video causam, cur suc-
censeat. Non dubito quin istic (ut par est) fiat pluri-
mi. At vix crediderim esse, qui de Budaio candidius
fontiat, aut honorificentius loquatur, quam Erasmus,
etiãsi major est ille, quam ut nostro egeat præco-
nio. Provocarat ad conflictationem literariam, & mi-
hi visus est liberis jocos impendio delectari: at prox-
imis literis offensus, respondet epistola satis Francica,
ne quid aliud dicam: imo non respondit, τὴν γὰρ ἐν-
πρὸς ἐμῶν; Proinde in hoc argumento disertus esse no-
luimus, etiãsi mihi persuaderi nondum potest, il-
lum irasci serio. Sic illi visum est nostræ lenitatis fa-
cere periculum, aut suo certe animo morem gerere:
nam qui ob leves causas amicus esse desierit, is (mihi
crede) nunquam ex animo fuit amicus. Bene vale, Ne-
sene charissime. Mechlinia 21. Martii, Anno 1519.

EPISTOLA CCCXCVIII.

Erasmus Budaio suo S. D.

AD postremas literas tuas, eruditissime Budaie, nihil
omnino respondeo, satis enim hujusmodi concer-
tationum. Non ambio, ut in talibus argumentis vi-
dear disertus. Nec mihi placet victoria, quæ jactura
necessitudinis emitur. Quid apud te de nobis suspice-
ris, nescio. Illud non dubitem per omnia sacra deje-
rare, neminem hic esse, qui de Budaio ingenio, stylo,
eruditione candidius sentiat, aut honorificentius præ-
dicet quam Erasmus: etiãsi tu neque moraris nostrum
suffragium sat scio, nec hoc eges præcone. Mirum
quam *μολύβδῳ* toto fere terrarum orbe *εὐχρηστῶς*,
& quicquid possunt, suis adjungunt copiis, quo ma-
gis oportet & nos inter nos esse concordēs. De literis,
quæ te videntur offendisse, faciam quicquid voles,
vel aboliturus, vel leniturus: aut si mavis noxæ de-
dam, ut tuo arbitrio pœnas luant. Bene vale. Mech-
linia 21. Martii, Anno 1519.

EPISTOLA CCCXCIX.

Martinus Lutherus Erasmo Roterodamo

SALVTEM. Toties ego tecum fabulor, & tu mecum,
Erasme, decus nostrum, & spes nostra, necdum
mutuos nos cognoscimus. Nonne monstri hoc similitudinem?
imo non monstrum, sed plane quotidianum opus. Quis e-
nim est, cujus penetralia non penitus occupat Erasmus,
quem non doceat Erasmus, in quo non regnet Erasmus?
de iis loquor, qui literas recte amant. Nam satis gau-
deo, quod inter cetera dona Christi, etiã hoc nume-
ratur, quod multis displices: quo ego argumento soleo
discernere dona clementis Dei, à donis irati. Itaque ti-
bi gratulor, quod dum summe omnibus bonis places, non
minus displices iis, qui soli omnium summi esse, & sum-
me placere volunt. Sed ego stultus, qui te talem virum,
sic illotis manibus absque reverentia & honoris præfatio-
ne, veluti familiarissimum aggredior, ignotum ignotis.
Verum, dabis hoc, pro tua humanitate, mea vel charita-
te, vel imperitia. Quandoquidem ego, inter sophistas
consumpta ætate, nec tantum didici, ut eruditum vi-
rum possim per literas salutare. Alioquin quantis jamdu-
dum literis te fatigassem? nec passus fuisset, ut perpe-
suo tu mihi solus loquereris in cubiculo meo. Nunc quan-
do ex optimo Fabritio Capitone intellexi, per nugas illas
indulgentiarum nomen meum tibi cognitum; tum ex præ-
fatione Enchiridii tua recentissima, non modo tibi visa
esse, sed & accepta mea fabulamenta, cogor agnoscere
vel barbarissimis literis egregium tuum spiritum, morum
& omnium locupletatorem: quanquam scio, te prorsus
pro te minima habiturum, quod literis amantem & gra-
tiam me exhibeo, qui abunde contentus es, quod oculis
& apud Deum gratitudine & charitate animas in te for-
vetis, sicut & nos sat habemus, quod ignorantis, summa-

Animum & officia in literis habemus sine literis & corpo-
ris tui conversatione: non tamen patitur & pudor & con-
scientia non gratificari & verbis, præsertim postquam cœ-
pit & nomen meum non latere, ne malignum cuiquam
videri possit & pessima speciei silentium. Ita, mi Era-
sme, vir amabilis, si ita tibi visum fuerit, agnosce &
hunc fraterculum in Christo, cui certe & studiosissimum
& amantissimum, ceterum pro incertitia sua nihil meritum
quam ut in angulo sepultus, communi etiã cœlo & soli
ignotus esset: quod & non segni affectu semper optavi,
ut qui essem mihi belle conscius mea suppellectilis. Et ne-
scio quo fato, longe in contrarium res abiit, ut cogar,
multo pudore pati meas ignominias & infelicem incertitiam,
etiã coram doctis versari & jactari. Philippus Me-
lanchthon prospere agit, nisi quod vix tantum efficere
possumus omnes, ne literarum nimia insania, valetudinis
acceleret jacturam: Ardet pro ætatis calore omnia omni-
bus simul fieri & facere. Tu officium feceris, si per lite-
ras hominem monueris, ut se nobis & bonis literis ser-
vet. Nam hoc capite salvo, nescio quid majus spe nobis
pollicemur. Salutat te Andreas Carolostadius, totus Chri-
stum in te veneratus. Ipse Dominus Jesus servet te in æ-
ternum, optime Erasme, Amen. Verbofus fui: sed co-
gitabis non semper eruditus oportere legi epistolas, ali-
quando cum infirmis infirmandum tibi est. Wittenberga
28. Martii, Anno 1519.

EPISTOLA CCCC.

M. Joannes Borsalus, Decanus Veriensis, Era-
smo Roterodamo S. D.

CVPIDISSIMVS sum jampridem cognoscendi, idque
ex tuis ipsius literis, humanissime doctissimeque præ-
ceptor, quam sis valetudine, & quid quotidie in lu-
cem emittas, quod publice ad bonos & Christo dignos
mores conferat, & sacra Scriptura studiosis sit usus futu-
rum. Post absolutum enim jam secundo Novum Instru-
mentum, video edidisse te in omnes Pauli Epistolas argu-
menta, video in Pauli ad Corinthios duas Epistolas ex-
planatissimam Paraphrasim: lego item summa cum vo-
luptate, nec minori, ut spero, utilitate adauctam studiis
Theologici rationem ac Methodum. Sed hæc tamen aliis
maxima, ut sunt, non immerito videntur, tamen intra
paucos dies scio abs te absoluta esse. Et novi infatigabi-
lem tuam in studiis diligentiam: scio ociosum esse, &
cessare à studiis literarum non posse, quamobrem nihil
dubito, quin plura multo vel conscripseris jam, vel in
manibus habeas, quæ publica studia, præsertim sacra,
adjuvare ac provehere possint. Verum, est quod te commo-
nificandum duxi, ut ubi paululum continget à graviore
opera studiis ocii, aliquot dies impendas ad conscribendam
Euangelicis præconibus concionandi rationem. Instituitis e-
nim jam olim Christianum militem, instituitis Christia-
num item Principem, instituitis præterea & discere &
docere cupientes, conscriptis hoc argumento ac titulo li-
bris elegantissimis: superest ut Euangelicam concionato-
rem recte instituas, quod quidem multo pluribus sit pro-
futurum, tum iis, qui tua institutione edocti, rectius &
majori fruge sint deinceps concionaturi: tum iis, qui ea
ratione multo majori efficacia & fructu sint concionantes
audieturi: ea res mihi & publico omnium, & meo quo-
que nomine privatim erit gratissima. Adscriptus sum e-
nim non ita pridem in pastorum gregis Domini nume-
rum, ut scis: & quo obsecro pabulo vel salubriori vel me-
liori pascere possim commissum mihi Domini mei gregem,
quam Evangelico & Apostolico? Siquidem tua institutio-
ne formatus, id scite prudenterque ministrare noverim.
Impetret hanc rem abs te, obsecro, primum maxima ac
latissime patens utilitas: deinde tua in Christi religionem
propensissima charitas, ut cui juvanda tantum studii ac
laboris impenderis non sine gravissima sumptu, & valetu-
dinis certissima jactura, contemptis etiã tot invidorum
obreviationibus, & apertissimis conviciis, ei hoc tantil-
lum opera ne deneges. Postremo oblandatur istud mea
in te perpetua, postquam te primum nosse, simulque co-
lere

An. lene capâ, observantia. Quod si hac te minus perpetuare possint, cogita quod id te facturum mihi superiori hyeme, cum tuo semper latere vel cum importunitate haterem, sis pollicitus. De valetudine mea cognoscas copiosa ex eo, qui has tibi reddidit, qui Basileæ te abstate proxima convenit. Atque ut nonnihil ex me quoque cognoscas, nactus sum conditionem hanc ampliore aliquanto, & in specie splendidiorem, sed minus quam velim, presertim studiorum causa, liberam, nempè amicam. Scis patronam meam, Annam Boslami, ante menses tres vita defunctam: ei successisse filium Adolphum, tamopere olim a te predicatum, & eum propmodum, aut meliorem etiam predicant, qui penitus habent perspectum. Ego minime sum ambitiosus, itaque nec dum satis infirmam me in penitentiâ cum illa nativam ac familiaritatem, nec sum idonea satis occasio. Bene vale.

M. Joannem Nevium communem hospitem, virum singulari humanitate ac doctrina præditum, M. Jodocum Gaverium, & Jacobum medicum, ceterosque conviciores salutandos cura, quæ, meis verbis. Ex oppido Verisii 28. Martii, Anno 1519.

Verum, quod ferme scribere eram oblitus, veniens nuper à Parisiis quispiam ait audisse se ex ore Cancellarii Franciæ, vocatum te à Gallorum Rege amplissimis conditionibus, & eo profecturum, id quod mihi persuadere nequeo futurum: alii prædicant à Ferdinando Regis Catholicici fratre annuum stipendium pendi satis honestum, id quod malim. Optime vale, præceptor, omnibus bonarum literarum & Christianæ religionis amatoribus unice observande.

EPISTOLA CCCCI.

Erasmus Roterodamus Martino Bruxellenfi S. D.

SIMVL atque volumen allatum fuerit, ad te venit. Nihilò secius quod misisti literis inclusum, in tuos usus erit incolume. Mitto libellum Jacobi Latomi, sane quam eruditum & elegantem, quem nonnulli suspicantur non ab ipso tantum, sed e communi Theologorum consilio confiatum, & in me vibratum: mihi ut Latomus dignus videri potest, ita videtur indignus qui communi Theologorum suffragio scriptus videatur, neque me dignum arbitror, in quem talia scribantur. De cæteris coram: nam subito vocor Antuerpiam, tamen mox rediturus. Bene vale, Martino charissime, Lovania 30. Martii, Anno 1519.

EPISTOLA CCCCII.

Erasmus Roterodamus Christophoro Longolio S. D.

CVM multis nominibus mihi jucunda fuit, eruditissime Longoli, epistola tua, non illa quidem ad me scripta, sed de me, tum hoc præcipue, quod mihi renovavit veterem ingenii tui notitiam, ac spem eloquentiæ nequaquam vulgaris, quam ante complures annos conceperam, ex Oratione panegyrica, qua laudes divi Ludovici, ni fallor, Galliarum Regis admodum adhuc juvenis es prosequutus. Epistolam exhibuit Ruzens urbis Lutetia præfectus, homo tum eruditus ipse, tum eruditionis alienæ mire candidus æstimator. Tantum autem abest, ut ægre feram mihi præferri Budæum, ut in illum pene parcus, in me prodigus laudator fuisse videaris. Abunde multum illi tribuit tuus candor, sed quoties hominis dotes prope divinas contempler, videor mihi videre quiddam majus omni facundia. Mihi vero tantum tribuis, quantum nec agnosco, nec postulo: cui abunde palmarium est ac triumphale, cum viro modis omnibus incomparabili comparari: neque poteras, mea quidem sententia, plenius honestare famam Erasmi, quam si illum faceres ita posteriorem Budæo, ut eum non longo intervallo sequeretur. Majore tamen cum voluptate Budæi laudes legi quam meas, vel quod illius gloriæ sic faveam, ut nullius æque, vel quod quicquid illi possessionis est hone-

stas, id meum etiam esse ducam: non tantum publica illa Rybagaricorum lege, quæ vult inter amicos esse communia omnia, verum etiam peculiaris eorum, quod verbis rite conceptis, & syngraphis obsignatis inter nos jampridem pepigimus, ne alterutri fas sit inficiari. Belle tu quidem me mihi depingis, sed haud scio an omnino meis coloribus. Et tamen ad hanc tabulam ipse mihi nonnihil blandior, non quod illi prius credam, sed quod juvet Apellis manu depingi. Porro cum indicas, quid in me desiderent Critici, non minus cepi utilitatis quam voluptatis. Quanquam ad quædam utcumque tergiversari poteram, nisi tuo judicio tam impense faverem. Nam quod scribis me favere meis viciis, crede mihi non tam favor est, quam vel ineitia, vel potius pigritia. Sic sum, nec possum naturam vincere. Effundo veritatem quam scribo omnia, ac molestior est recognoscendi quam cudendi labor. Jam ut in delectu verborum nolim omnino videri indiligens, ita non arbitror congruere ei, qui res serias persuadere cupiat, in affectandis dictionis emblematis esse morosum aut anxium. Neque vero mirabitur eloquentiæ nostræ rivum alicubi turbidum fluere ac lutulentum, qui cogitarit, per quos auctores decurrat, nimirum sordidos, & impuri sermonis, ut non possit hinc non aliquid limi ducere. Usu venit hoc non raro summis illis eloquentiæ proceribus, ut in Græcorum voluminibus versantes, frequenter imprudentes Græce loquerentur. Illud haud scio an scribæ debeat imputari, quod mihi tribuis immodicam sermonis ubertatem, quæ dos nimirum Budæo peculiaris est. Nam rectus ac nudus orationis ductus, simplici naturæ congruit: nec mirum est humilem esse sermonem cujus humilia sunt omnia, corpus, animus, fortuna. Porro nimis crebras & immodicas digressiones, quas nobis communiter adscribunt Critici (nam sub horum, ni fallor, persona maluisti tuam indicare sententiam) jam mutuis literis uterque alteri objecerat. Cum primis autem demiror, qui tibi succurrerit demirari, cur Galliarum Princeps Franciscus Germanum Gallo, exterum civi, ignotum familiari prætulit. Neutrum alteri prætulit Rex, sed utrumque alteri studuit conjungere. Neque enim cuiquam suo loco cedendum erat, si me in Galliam contulisset. Tantum abest ut Budæo fuerim offecturus. Quod scribis & ditionem & patriam & linguam mihi tecum esse communem, non tam mihi gratulor, quam huic regioni, quam vehementer gaudeo talibus, hoc est, veris semperque duraturis ornamentis in dies magis ac magis illustrari. Proinde nihil optatius mihi possit accidere, quam multos exoriri tui similes, qui nobis in hoc laudis stadio, non modo succedant, sed etiam antevertant, & quicquid est hoc nominis, quod mihi mea peperere studia, suo splendore obscurant. Sed tamen agnoscat, opinor, posteritas, nobisque nonnihil debere se fatebitur, quod parum felici seculo, quod his regionibus, in quibus prorsus extinctæ fuerant & invisæ bonæ literæ, longum & invidiosum certamen sustinimus adversus pertinacissimos meliorum studiorum hostes. Sed utcumque de nobis censebit ætas secutura, volupe est interim optimas literas passim feliciter efflorescere. Bene vale, Longoli doctissime, & in hæc studia ut cœpisti constanter ac feliciter incumbe. Lovania 1. April. Anno 1519.

EPISTOLA CCCCI.

Joanni Episcopo Roffensi Erasmus Rot. S. D.

NIL mihi jamdiu grātius accidit tuis literis, iterum atque iterum exosculatus sum manum istam mihi notam ac familiarem. Auxit voluptatem quod non solum scripseris, verum etiam prolixè scripseris, nam amanter nunquam non soles. De diutino silentio me immerentem accusas: ego sane quamlibet occupatus, subinde tamen interpellavi te meis literis. Verum, ut video non omnia redduntur, quæ dantur reddenda. Libellum, quo adversus Fabrum unicam defendis Magda-

An. *lenam*, degustavi duntaxat. Verum, eorum, qui lege-
 runt, nemo non fatetur te tota causa superiorem. Tan-
 tum dolet quibusdam *Fabrum* senem atque integrum
 virum, tum de studiis benemeritum, durius ut ipsis
 videtur, alicubi perstringi: qua re nihil potest esse
 gratius iis, qui nolunt pristinis studiis, quibus assueve-
 runt, quicquam accedere. Quo quidem nomine male
 audit *Faber* quoque. Sed fieri vix potest, quin in ar-
 gumentis huiusmodi, quæ conflictationem habent, vel
 imprudentibus nobis calamus nonnunquam effervescat.
 Mihi certe nonnunquam usu venit, ut quum mihi vi-
 dear meras blanditias scripsisse, non desint tamen qui-
 bus videar dentatulus. Utcunque hoc habet, *Fabro* ta-
 lem adversarium invideo: à quo ut maxime prosterna-
 tur, tamen habet quo se consoletur, *Aenea* magni
 dextera cadis. Mihi cum qua scabie conflictandum est?
 Cum huiusmodi sycophantis res est, qui quum alias
 non possint nobilitari benemerendo, conspurcanda fa-
 ma aliena venantur gloriolam. *Stephanus Poncherius* E-
 piscopus *Parisenfis*, qui tuum calamum ad hoc Opus
 exstimulavit, jam Archiepiscopus est *Senonensis*, quæ
 res utinam illi tam certam felicitatem adferat, quam
Romano Pontifici certum lucrum est allatura. Is nunc
 mittitur legatus in *Hispaniam*, homo senex, cujus in-
 columitati male metuo: ita me Deus bene amet. Di-
 gnus erat qui quam diutissime Reipublicæ servaretur,
 consiliis suis Regi regnoque profuturus. Is, de quo mi-
 hi scribis, nunquam non erit sui similis, imo nunc ma-
 xime fervet in negotio sycophantico, cui mihi natus
 videtur, & tamen sibi videtur sanctulus. Ego si mihi
 conscius essem vel minimæ portiunculæ tot sycophan-
 tiarum, non auderem ad *Christi* mensam accedere. Pro-
 diit dialogus quidam *Jacobi Latomi*, Theologi *Lova-
 niensis*, quo linguas non in totum damnat; sed ita tra-
 ctat, ut illis quam minimum tribui velit. Tum *Methodi*
 meæ præceptis opponit diversa præcepta, sed interim
 à nomine meo temperans. Etiam si sic graviore nos
 premit invidia, dum quæ in hunc aut illum, dum
 quæ in *Lutherum* stringit, lector ignarus in me
 stringi suspicatur. Hanc immodestam modestiam no-
 stri Theologi commenti sunt. Mihi certe liber multis
 nominibus placuit, atque utinam scriberent usque ad
 satietatem, desinerentque *συκοφαντεῖν* nunc strophis
 quibusdam ita per multos traducor, ut non sit in
 quem certo possim ferrum stringere. Decreveram om-
 nino non respondere libello, sed vicit amicorum
 sententia: quanquam ita respondi, ut videar non re-
 spondisse. Dixeram in *Methodo* mea, bonam Theo-
 logiæ partem esse pietatem mentis & affatum. Id op-
 pugnant *Latomus*, multis verbis demonstrat, non idem
 esse Theologum & pium virum esse. At vereor ne post-
 hac, si pergant, sint qui dicant, non idem esse
 Theologum esse & sapere. Video plane pestem esse
 fatalem, & propemodum Astrologis fidem habeo, qui
 ut corporum morbos, quibus passim nunc laboratur,
 ad syderum effectus referunt: ita putant ab iisdem &
 mentium pestes quasdam exsistere. Sed ô dementiam!
 dum huiusmodi calumniis & nostrum negotium, & a-
 lienum ocium perdimus, videmur nobis ipsis sancti, vi-
 demur Theologi, videmur *Christiani*. Sed ubi interim
 tranquillitas *Christiana*? ubi simplicitas? ubi lusus ille
 felicissimus in campo Scripturarum? Quid autem di-
 gnus imprecet istis *κακογλώσσους*, qui te submonue-
 runt, *Erasmum* tibi non favere. Ego vero te non in-
 ter eos numero, quibus favere debeam, verum quos
 modis omnibus suspicere, ac venerari, atque in his
 præcipue te, quem semper unicum præceptorem ac
 patronum constantissimum habui. Nam quod rarius
 tui mentio fit in literis meis, nihil aliud in causa fuit,
 quam reverentia tuæ celsitudinis: quando tot modis
 mihi maximus occurris, hinc Episcopali dignitate,
 hinc eruditione quadam admirabili, super omnia vero
 vitæ sanctimonia, qua cum paucis nostro seculo, ve-
 teres illos Episcopos refers. In alios plus audeo. Tu
 mihi semper visus es non nisi religiose nominandus,

A præsertim in libris editis: & tamen ausus sum memi-
 nisse tui, cum aliis aliquot locis, tum in *Enchiridii*
 postrema editione, in qua adjectum est *Basili* frag-
 mentum olim à me versum. Sed interim opus aliquod
 circumspecto, sed quod victurum augurari possim,
 quodque tua magnitudine gravitateque non indignum
 videatur, id tuo nomini proprie dicabitur, hoc est,
 per te orbi commendabitur. Quod isthic agitur de re-
 formando, ut loquantur, clero, vereor ne plus satis
 imitentur isti medicorum exemplum, qui primum in-
 aniunt corpus, quod sanandum susceperint. Utinam
Christus tandem expectatus, liberet populum suum
 tam multiplici tyrannide, quæ, ni prospectum fuerit,
 eo videtur evalura, ut tolerabilis sit futurum, vel
Turcarum pati tyrannidem. Sed ut ad librum tuum re-
 deam; optabam nitidius excusum fuisse. Ea in re si
 quid possum præstare, non gravabor. Optarim & istam
 operam in aliud argumentum insumptam fuisse: quam-
 vis hoc quoque tum pium sit, tum elegans. Verum,
 commentarioli, quibus Euangeliorum seriem ac sen-
 sum connectis, quorum gustus olim mihi perplacuit:
 meo iudicio, plus dignitatis attulissent tuo nomini.
 Quum has essem obsignaturus, is, de quo paulo ante
 memini, mutatus, ut conjicio, literis tuis incantatri-
 cibus, legatum ad me mittit *Antuerpiam*, qui de ami-
 citia inter nos facienda mecum ageret. Respondi, si
 faceret ille famæ meæ jacturam, me facile rediturum
 ad pristinam necessitudinem. Ego ut animo *Christiano*,
 ne læsus quidem velim lædere quenquam, ita non sum
 tam levis, ut subito fidam illi, cujus tale sim exper-
 tus ingenium. Imo nunquam fuit amicus, qui sic ami-
 cus esse desit. De *Luthero* scribam alias copiosius. Be-
 ne valeat tua pietas, cui quam commendatissimus esse
 cupio. *Antuerpia* 2. Aprilis, Anno 1519.

EPISTOLA CCCCIV.

*Erasmus Roterodamus Euricio Cordo Ludima-
 gistro S. D.*

V TINAM tam facile liceat omnibus mutuis literis
 ut amore mutuo respondere, non committerem ut
 quoquam in officio viderer inferior: nunc quando unus
 à tam multis laceffor, cogor in altero cedere, præser-
 tim cum præter vicissitudines literarum, quæ mihi non
 minimam temporis adimunt portionem, & tot alioqui
 studiorum laboribus degravare, ne quid imputem inte-
 rim, quod operæ refellendis obrectatorum calumniis
 datur. An aliquos (ut scribis) *Christo* lucrifecerim, ne-
 scio, quanquam à multis hoc nomine mihi aguntur
 gratiæ, certe conatus sum, atque utinam meipsum
Christo lucrificissem. Etiam atque etiam nostræ gratu-
 lor *Germania*, quam video in dies magis ac magis me-
 lioribus literis mansuescere, ac sylvestre ingenium exsue-
 re. Quod *Erfordia* ludum literarium aperis, ut felix
 faustumque sit precor. Academiam multis nominibus
 celebrem, reddes industria tua celebriorem: sed quo
 alacrius verferis in isto munere, fac memineris secun-
 dum Principes & Episcopos, neminem magnificentius
 posse mereri de Republica quam ludi literarii magi-
 strum, si rudibus adhuc, & in quemvis habitum se-
 quacibus animis mentem instillet *Christo* dignam, eas-
 que literas, quæ semper optimo cuique placuerunt.
 Quod si me audies, plus operæ sumes in propagandis
 optimis disciplinis, quam in refellendis harum hosti-
 bus. Ad claram lucem vel suapte sponte evanescunt
 tenebrarum portenta. *Eobanum* ævi nostri *Nasenum*,
 sed callum ac pium, meis verbis salutabis diligenter.
 Bene vale, cordatissime *Corde*. *Lovanio* 17. Aprilis,
 Anno 1519.

EPISTOLA CCCCIV.

Erasmus Rot. Jacobo suo Hornensi S. D.

S ANE quam lubens amplector tuum in nos animum,
 vel ob hoc ipsum quod ultro nos ad amandum pro-

420. **A** vocas, etiam si non parum apud me valeret, vel patria communis, vel litterarum similium idem amor. Nam quod existimas me tibi *Daventria* conspectum, vel hoc argumento facile deprehendes, te vana ludimentis imaginatione, quod cum ego *Daventria* discederem, nondum fluvius, qui urbem præterfluit, ponte junctus erat. Nec *Daventria* discedens, adii *Britanniam*: nam ante decem & novem annos demum vidi *Britanniam*. *Daventria* reliqui, quatuordecim natus annos, nunc ego annum quinquagesimum tertium. Quæstionem, abs te disputatam, nullus adhuc exhibuit. Bene vale, mi *Jacobe*. *Lovanio* 17. Aprilis, Anno 1519.

EPISTOLA CCCCVI.

Erasmus Rot. Joanni Draconi suo S. D.

LAVDVM mearum encomium decantaturus, & styli veniam postulas, & adulationis suspicionem deprecaris. Mihi vero perplacuit dictionis fluxus & perspicuus & facilis: præsertim in juvene: quæ res facit, ut mihi de te raram quandam eloquentiam pollicear. Porro nihil esse causæ video, cur mihi quisquam vel invidetur, vel aduleatur. Quod enim futurum sit adulationis præmium? quanquam autem istiusmodi laudes, quas mihi quorundam vel studium, vel candor tribuit, non levi me onerant invidia: tamen amorem, unde proficiscuntur, non possum omaino rejicere. Atque utinam aliqua ex parte vera essent, quæ tu commoda narras ex meis scriptis orbi *Christiano* contigisse. Nam quis ego sum, ut magnam aliquam utilitatem orbi præstare queam? etiam si conatus sum meum quantulumcunque talentum in Domini mei lucrum impendere. Si successus defuit, voluntas bona non defuit. Quidam nimis odiose reclamant, alii rursus immodice probant. Illorum virulentas obtreptiones non mereor, horum laudes non agnosco. Ego interim me meo metiens pede, neque cresco laudibus plausuque faventium, nec omnino de jicior perversitate obtreptantium, consolans interim me ipsum recti conscientia, ac vigiliarum mearum præmium à *Christo* expectans, si parum grati sunt homines. Quanquam video meos conatus optimo cuique probari, ἀλλὰ πλείονες οἱ κακοί. Quod *Erfordiensis* Academiae publico nomine mihi studium illius ac favorem & in præsentia testaris, & in posterum offers, vehementer fuit gratum à tam inclyta Schola probari: neque enim sic amarent, nisi probarent. Utinam *Eobanum* tam non poeniteat suæ ad nos profectiois, quam ego gaudeo mihi contigisse viri tam eruditi, tam facundi, tam probi, tamque bene morati notitiam: etiam si ipse hominem parum humaniter accepi, videlicet id temporis occupatissimus, quanquam nunquam non sum occupatus. Bene vale, *Dracone* charissime. *Lovanio* 19. Aprilis, Anno 1519.

EPISTOLA CCCCVII.

Joanni Thurzoni, Episcopo Vratislaviensi, Erasmus Roterodamus S. D.

LITERAS tuas, ornatissime Præsul, non minus bonæ mentis, quam doctrinæ, quam eloquentiæ, quam humanitatis præ se ferentes, plane dignas judicabam, quæ in tui nominis gloriam ederentur, nimeam gloriam immodice prædicarent. Nec ita multum abfuit, quin me nitore suo à rescribendo deterruerint, sed malui famæ detrimentum accipere, quam parum humanus videri. Essem autem inhumanissimus, si à tanto Præfule talibus literis provocatus, prorsus obticuissem. Tantum autem abest, ut pudeat me vinci à minoribus, ut vehementer & gaudeam, & glorier, seculum nostrum priscæ barbariei veterum exsuere, & in optimis literis feliciter reflorescere. Neque hic ullam laudis partem mihi vindico, nisi si quos nostræ lucubrationes expergefecerunt ad meliora studia, ne me putes agnoscere laudes, quas mihi candide magis quam ve-

A re tribuis. Porro novum non est, apud *Hungaros* esse præclara ingenia, quando *Janus* ille *Pannonius* tantum laudis meruit in carmine, ut *Italia* ultro herbam illi porrigat. *Jacobi Pisonis*, cujus memoriam mihi refrigeras, tam jucunda est recordatio, quam olim *Rome* jucunda fuit consuetudo: quid enim illo doctius, aut quid festivius? Ego hunc præceptorem magis gratulor serenissimo Regi vestro, quam regnum ipsum. Fuerunt & hic, qui me *Ferdinando* Principi præceptorem dare vellent. Et est adolescens prorsus indole divina, docilitate incredibili, probitati virtutisque natus, ad hæc amabili quadam morum gravitate, sed erat cur me nollem aulæ committere. Is tamen (ut ipse mihi retulit) libellum *De Principis institutione* semper habet in manibus. *Velis* carmen legens, quod proxime mihi redditum est, *Lucani* tubam audire videor: dignus ille, qui magnos Reges decantet, non *Erasmus*. Nunquam auctor tibi fuero, ut quemadmodum scribis, octo dierum itinere, ad hominacionis hujus spectaculum accurras: nam sat scio, & te poeniteret itineris, & ego nonnullam existimationis meæ jacturam apud te facerem. Si quid *Erasmii* visendum, id in libellis nostris conspicatus es. Cæterum, nec ego sum *Lælius*, nec tu *Gaditanus* quispiam barbarus. Quod autem insuper munus adornas? An non hæc tua epistola, qua mihi pectus istud tuum dicas, amplissimum est munus? Mihi certe nullum tui pignus exhiberi potuit charius, maxime quod non gravata sit tua celsitudo tam prolixam epistolam propriis digitis describere. Bene vale, *Lovanio* 20. Aprilis, Anno 1519.

EPISTOLA CCCCVIII.

Guilielmo Cardinali de Croy, Archiepiscopo Toletano, &c. Erasmus Rot. S. D.

REVERENDISIME domine, idemque Princeps clarissime, schedula tua *Laconica* quidem brevitate, sed sensu arguto, mihi speciem acris vegetique ingenii præbuit: nam hic, opinor, permittes *Erasmio*, leonem ex unguiculo æstimare. Felices literæ, si tales habituræ sunt fautores, feliciores, si non faventes modo, verum etiam cultores habebunt. Probe vero divinas libellum hunc reliquorum similem futurum, propius illis simillimus est, hoc est, ineptissimus. Mihi vero nec libuit in hujusmodi nugis seriam operam ponere, & visum est convenire, ut dignum haberet patella operculum. Si tua celsitudo dignabitur *Erasmum* numero clientulorum suorum adscribere, dabimus operam, ne prorsus ignavum aut ingratum allegisse videatur, quam *Christus* Opt. Max. instaurandæ veræ pietati, bonisque literis evehendis diu tueatur incolumem. *Lovanio* 20. Aprilis, An. 1519.

EPISTOLA CCCCIX.

Guilielmus Budæus Erasmo S. D.

SCRIPSI ad te his diebus per scholasticum quendam *Agrippinensem*, hominem humanissimum, & nisi fallor, optimam, epistolam bene longam, in qua inter alia id etiam scribo, ὅπως σοι ἔχει τὰ κατ' ἡμᾶς ἡ τὰ τῆ βασιλείας, ἡ δὲ πάλιν σε πόθ' τοῖς ἡμετέροις ἔγιντο, ut tu statuas ὅπως οὐ ἡ ὅτι χρὴ σεαυτῷ, προσημεδιώσῃς νῦν τύχης: non dubito literas ad te pervenisse, aut brevi perventuras esse, qua est illo *Coloniensis* vultus probitate, qui mihi se eas vel tibi redditurum spondit, vel omnino curaturum ut tibi litera reddantur: quippe qui etiam cupide hoc affectavit, ut ad te literas à me ferret. *Glareanus* τῶτον συνέτισσέ μοι πρῶτον. Cæpio scire quid habeas animi de eo quod ad te scribo ὅτι τῆ βασιλείας, & quomodo accepisti objurgationes meas, & utrum literis meis placatus sis, an exacerbatus potius: quod si est, exspecto τελεσιμωτάτα γράμματα. Verum, illo *Coloniensis* quum ad me venit, in villam abiturum me offendit, nec ante quadriduum rediturum: dixi habere me exemplum unum epistola prælonga, quod ad te missurus eram, statim

An. tim atque ejus exemplum transcribendum curassem. Quo
1519. audito ille hoc munus deposcit me refragante: & quum
ei tandem ea lege dedissem, ut me absente domum re-
ferret id exemplum, quod ipse exscripsisset: quum redii,
inveni domi, non id quod ipse exscripsisset, sed id quod
mi ad te deferendum dederam à me recognitum. Proin-
de si epistolam ad Tonstallum editurus es, sustine quoad
me certior feceris, & ego tibi aliud exemplum mit-
tam emendatum. Vereor enim ne ille in tumultuaria
exscriptione corrupto id scripserit. Tu igitur facies me
certiorem, an opus sit aliud ad te mitti exemplum. Vale.
Parisii 20. Aprilis, An. 1519.

Nomen ejus juvenis Agrippinensis scripsi tum in qua-
dam charta, quam invenire non potui, quum hanc ad
te epistolam scripsi: praeceptor est puerorum aut adolescen-
tulum nobilium, qui Aureliis studuerunt Juri.

EPISTOLA CCCCX.

Erasmus Budeo suo S. D.

DVAS epistolas accepi, eodem ferme argumento,
sed quæ mihi declarent superiorem conflictationem,
incolumi amicitia nostra, inter nos hætenus constitisse.
Mihi prolixa illa epistola non alio magis displicet,
quam quod tuum animum videbatur offendisse: cui jam
ne potes quidem non æquior esse, quando te auctore
servata est, cum ipse eam noxæ dedidissem. Precor ut
ista legatio tibi feliciter cedat, tuoque bono tandem in
gratiam redeas cum aula. Quoties tumultus hos ani-
mo contempler *οὐδὲ ἡ αὐτοκρατορία*, protinus *Horatia-*
num illud venit in mentem *ἡ βασιλεία καὶ λαὸν*.
Bene vale. Lovanio Aprilis, An. 1519.

EPISTOLA CCCCXI.

Erasmus Rot. Philippo Melanchthoni S. D.

QVI me submonuit de tuo judicio neque nebulo est,
neque quadruplator, verum in paucis candidus ami-
cus, utrique nostrum bene volens. Nec est, quod
adversus illum tantopere stomacheris, cum ipse fatear-
is verum esse, quod ille non in tui invidiam, sed quod
forte sic inter confabulandum inciderat, retulit: quan-
quam ille non ajebat tibi displicuisse quicquam in *Pa-*
raphrasi, sed in Novo Testamento, in quo citius ad-
missurus eram tuum judicium, quam in *Paraphrasi*, de
qua nemo facile pronuntiabit, nisi qui vigilantissimis
oculis Veterum omnium commentarios excusserit. Ca-
ve vero me putes aut amicum tam inconstantem, ut
ob quamlibet offensam amicus esse desinam, aut tam
parum assuetum *τῷ κακῷ ἀνέμῳ*, ut hujus aut illius
liberore judicio magnopere commovear. Nec obsto,
quo minus libera sint studioforum judicia, modo re-
cta sint. Proinde rectius tu quidem hoc ordine mihi
dicturus fuisse videris, *Judicia studioforum ut libera,*
ita recta esse decet. At ipse judicium istud tuum rescin-
dis, & calculum revocas. Ad hæc eruditorum judi-
cium, horum præsertim qui Musarum sacra colunt,
non solum rectum, verum & æquum & candidum esse
debet. Vides quantis odiis conspirent quidam adver-
sus bonas literas. Æquum est nos quoque *συγκλητίζεν*.
Ingens præsidium est concordia. Cæterum, illud tibi
persuadeas velim, me *Philippum* ex animo diligere, &
illius felicissimo ingenio non vulgariter favere. Dici vix
potest, quantum arriserit hymnus, quo tu veterem il-
lum *Orpheum* nobis referens, angelos celebras. Le-
gi & *Præfationem*, qua veterem eruditionem prædicas,
fortiter quidem ingentique spiritu, quemadmodum &
juvenem decet, & *Germanum*. Verum, si pateris *Era-*
smum monitorem, malim te plus operæ sumere in as-
serendis bonis literis, quam insectandis harum hostibus.
Digni quidem illi, quos eruditi omnes omni convi-
ciorum genere discerpant: sed hac via, ni fallor, plus
promoverimus. Præterea, certandum est nobis, ut non
solum eloquentia, verum etiam modestia morumque
lenitate superiores illis videamur. *Martini Lutheri vi-*

A tam apud nos nemo non probat, de doctrina variant
sententiæ. Ipse libros illius nondum legi. Quædam
admonuit recte, sed utinam tam feliciter, quam li-
bere. Scripsi de illo, clarissimo Duci *Fridrico*, si-
mul gestiens cognoscere, quoniam animo acceperit Cæ-
sarum Vitas à me sibi dicatas. Bene vale, *Melanch-*
thon eruditissime, totisque viribus adnitere, ut spem,
quam optimam de tuo ingenio, tuæque pietate con-
cepit *Germania*, non æques modo, verum etiam su-
peres. Lovanio 22. Aprilis, Anno 1519.

B MODERARE studiorum labores; quo diu juvandis
literis suppetere possis: nam audio tibi valetudi-
nem esse non prorsus adamantinam. Postremo vel in
hoc vitam cura, ne gratum facias *τοῖς βασιλεῦσι καὶ τοῖς*
σι. Rursum vale.

EPISTOLA CCCCXII.

Erasmus Roterodamus Joanni Schlehta Costele-
cio Bohemo S. D.

A CCEPI Panegyricum tuum verius quam episto-
lam, quæ tanto ingenio tantaque facundia meas
laudes decantat, ut magis illustret encomiasten, quam
me qui laudor. Gaudeo nusquam gentium non esse,
qui faveant melioribus literis, nec faveant modo, ve-
rum etiam colant. Porro sedecim illos annos, quos in
C aula *Vladislai Hungaria Bohemiaque* Regis contrivisti,
non tibi prorsus perisse, vel hæ tuæ literæ satis decla-
rant. Cæterum, ex omnibus laudibus, quas tu acervatim
effundis in me, nihil agnosco præter animum juvandi
mores *Christianos* & recta studia cupidum. Est volu-
ptati mihi, si cui bono fuerunt meæ vigiliæ. Quo-
rundam odia non queo satis admirari, cum hætenus
meis scriptis nemo factus sit vel uno pilo nigrior. Vide-
bam spinosum hoc ac frigidum Theologiæ genus in dies
in pejus vergere: fontes ac veteres illos orthodoxos pene
pro obsoletis haberi. Proinde conatus sum omnes ad
germanam illam Theologiam revocare, non in totum
damnans in scholis recepta studia, sed partim mode-
rans, partim indicans, quid optarem accedere. Siqui-
dem ut mihi non placent, qui bonis literis nihil omni-
no tribuunt, ita non probro hos, qui neotericorum
Theologorum studia prorsus damnant. Demiror autem
impudentiam istius, quisquis est, Canonici *Pragenfis*,
qui tam insignem mendacii telam, velut araneus, ex
sele confinxerit. *Coloniensibus* aliquandiu res fuit cum
eximio viro *Joanne Reuchlino*, mecum neque scriptis,
neque dictis unquam sunt conflictati, tantum abest ut
exusserint meas *Lucubrationes* una cum ipso auctore. I-
mo quoties illac iter feci, sum à primariis viris & ex-
ceptus honorifice, & summa cum humanitate dimis-
sus. Quanquam facile crediderim, & illic esse, qui in-
E ter suos oblatrent *Erasmio*: veluti nuper quidam è sodali-
tione *Predicatorum*, ceu rem compertam inter suos nar-
rabat, *Erasmum Lovanii* vita defunctum, & addebat
sycophanta dignam ipso facetiam, *sine lux, sine crux,*
sine Deus. Narranti, frequenter applausum est à com-
bibonibus Monachis. Quod si non verentur hujusmodi
confingere de me vicino, minus mirum si *Praga* sic
mentiantur. Verum, ex his factis, quæ quotidie
multa designant, conjicere licet, quanta *Erinny* isto-
rum pectus occupavit. Ego magis (ita me *Christus* a-
met) ipsorum vicem doleo quam meam. Nam me sa-
tis consolatur, tum recti conscientia, tum optimi cu-
jusque de me judicium: quando nemini mortalium ad-
huc contigit omnibus placuisse. Prodiit Novum Te-
F stamentum rursum à me non credendis vigiliis nova-
tum, neque mediocri locupletatum accessione. Præ-
fixum est epistolium *Leonis* decimi, quo & veterem
editionem approbat, & ad hanc novam invitat. *Praga*
quid mihi negotii possit esse, non video. Nam quod
polliceris non defore, qui me tuto quo voluero de-
ducant, mihi non placent regiones, in quibus hujus-
modi deductoribus sit opus. Hic vel soli liberum est
ire

* Vide supra Epistolam cccxviii.

An. ire quo velim. Neque vero dubito quin isthic reper-
 1519. turus sim, uti scribis, complures doctrina, pietate-
 que spectatos, quos schismaticorum vitia non inqu-
 nant. At demiror non exsistere, qui totum hoc diffi-
 dium tollant. Præstat iniquioribus conditionibus habe-
 re concordiam, quam æquis diffidium. Vereor equi-
 dem ne pecuniæ studium, ubique bonorum morum pe-
 stis, non sinat coire concordiam. *Paulus* nullum da-
 mnium recusat quo *Christum* lucrifaciat. Tot sunt in
 orbe Cardinales, tot Episcopi, tot Principes; utinam
Christus afflet aliquem horum, ad hoc negotium spi-
 ritu vere *Christiano* capeßendum. *Paulus* si *Roma* præ-
 sideret, sat scio, non modo pateretur aliquid decidi
 fructibus suis, verum etiam auctoritati nonnihil dero-
 gari pateretur, modo hoc precio concordiam emere
 liceret. Quod si non continget nobis conspectus mu-
 tuus, tamen literarum vicissitudine fiet, ut & ego te-
 cum aliquoties confabulans, apud *Albim* tuum spatier,
 & tu mecum apud *Brabantos* victites. Nam quantula
 pars amicitiae est conjunctio corporum? Bene vale, vir
 ornatissime. *Lovanio* 23. Aprilis, Anno 1519.

EPISTOLA CCCCXIII.

Erasmus Hutteno S. D.

Tot studiorum laboribus obrutus, ut mirum sit me
 cuiquam omnino respondere, sæpius tibi respon-
 di, quam tu ad me scripseris, si modo perferuntur quæ
 mittimus: & tamen pertinax silentium meum accusas,
 mecumque delitigas, quasi parum sit hominum, qui
 mecum rixentur. Ingentem voluptatem mihi nuncias,
 quod tali animo sit in me Archiepiscopus *Moguntinen-
 sis*, & tibi talem *Macenatem* gratulari non desino.
 Cæterum, libellum illi dicatum, jampridem meo sum-
 ptu misi per juvenem quendam, una cum literis ad
 te, simulque præfationem ad *Gnolphangum Augustum*.
 Eum ex literis *Rhenani*, intelligo *Basileam* usque per-
 venisse: quid egerit *Maguntia*, nescio. Demiror si
 non peregit mandata, cum addiderim libellum memo-
 riale. Præfiximus libello epistolam eruditam & ele-
 gantem Archiepiscopi, non perinde ut exstaret illius
 erga me favoris monumentum, atque ut alios, tanti Prin-
 cipis exemplo, ad bonarum literarum studium accen-
 derem. Et videor mihi profecisse. Nam clarissimo ju-
 veni *Guilielmo de Croy*, Duci & Episcopo *Cameracensi*,
 Archiepiscopo *Toletano*, denique Cardinali, quanquam
 aliàs satis videretur ad honesta studia propensus, tamen
 ex *Maguntinensis* epistola lecta, non mediocre calcar
 additum videtur. *Aulam* tuam, cum sæpius esset in
 manibus tamen semper excussit hætenus aliquid nego-
 cii, lecturientem interpellans. Quod legi perplacuit:
 quid enim *Hutteni* non placeat? *Febrim* ac *Phalarismum*
 nescio qui curarunt rursus excudendum. At *Febru* *Lo-
 vanii* vetita est distrahi, quod quosdam *imubæ* nomi-
 natim attingere videretur. Alioqui perplacet omnibus.
Phalarismum quoniam adhærebat *Febri*, una cum *Fe-
 bre* exulat, sed *Lovanio* duntaxat: neque enim lon-
 gius se profert hujus Scholæ tyrannis. Susceperant &
 orationem excudendam, nec satis scio, quo consilio
 prorogent. Sed quid ego audio? *Huttenus* totus ferreus,
 in acie dimicabit? Plane video te bello natum, qui
 non calamo tantum & lingua, sed & *Mavortii* armis
 pugnes. Quanquam quid magni, si nunc ausis inter
 tam multos adversus unum pugnare, cum olim *Bona-
 nia* unus tam multos profligaris. Laudo fortem animum,
 sed tamen si me audies, servabis *Huttenum* Musis. Nam
 unde nobis tale ingenium, si quid accidat, quod aver-
 tant superi? Nosti *Martem ἀλλοτρεσάδων*, nec satis
 propitium bonis ingeniis, utpote deorum omnium sto-
 lidissimum. Bene sit, sed tamen si quid acciderit, ipse
 tibi tuis scriptis extruxisti monumentum ære perennius.
 Neque nos tamen defuturi sumus officio nostro. Nam
 si quid *Erasmii* scripta valebunt,

Nulla dies unquam memori nos eximet avo.
Triumphum nondum vidimus. Gratum erat, quod

A. nostro consilio tam diu prefferint: nec dubito quin to-
 tum argumentum sint moderati. Rixarum nullus est
 finis. Ut cæteris omnibus simus superiores: sycophan-
 tiis, mendaciis, convitiis longe vincimur. Non pos-
 sum non ingenue fateri, quod vero verius est. Sed
 præstat hac parte ultro herbam dare, quam turpiter
 depugnare. Neque enim solum perpendendum nobis est,
 quid dignum sit iis, in quos scribimus, verum etiam
 quid nobis dignum sit, qui scribimus. Pulchrius est
 aliquando modestia quam causa superiorem esse, &
 sunt quæ nobis potius agenda sint. Malim ego totum
 mensem in *Paulum*, aut in Euangelium explanandum
 infumere, quam diem hujusmodi rixis conterere. Be-
 ne vale, mortalium charissime. *Lovanio* 23. Aprilis,
 Anno 1519.

EPISTOLA CCCCXIV.

Erasmus Joanni Borsalo suo S. D.

Istvd vero non est epistolam mittere, sed *ἐκδοῦν*,
 tot nominibus oras, obsecras, obtestaris, actionem
 etiam minitas ex pacto, si recusem de ratione concio-
 nandi conscribere, perinde quasi ferreus sim, aut ada-
 mantinus. Quis est ager usque adeo ferox, ut immodi-
 co cultu non exhauriatur? Ego hunc malignum ac ste-
 rilem agellum tot jam annis assidua semente vexo, nec
 ulla lectionis stercoratione farcio, nisi tumultuariæ. Post
 morbos tam graves erat aliquid dandum confirmandæ
 valetudini. Hic adeo nobis non indulimus, ut nec æ-
 grotare vacaverit: tum hæc Quadragesima me pene
 confecerat, ni mutandi coeli, victusque gratia *Antuer-
 piam* me contulissim. Quin & dum aulicus esse cogor
Mechlinia, meisque patronis Episcopo *Leodiensi*, *Tra-
 jectensi*, cæterisque proceribus, & in his tuo *Adolpho*
 observio, mihi dies aliquot perierunt. Postremo tot
 undique missis epistolis obtundor, ut dum his rescribo,
 maxima pars temporis pereat à studiis. Absoluta *Para-
 phrasi* in duas Epistolas ad *Corinthios*, institueram in E-
 pistolam ad *Galatas*, sed hoc agentem Tragediæ quæ-
 dam interpellarunt, quas hic novas, & hætenus inau-
 ditas, nescio quæ *Erinnys* excitavit. *Apologia*, qua *La-
 tomi* dialogo respondeo, vix mihi tridui tempus ab-
 sumpsit: neque enim libuit in ejusmodi tricis multum
 operæ collocare. Quod si illi vacat ejusmodi libros com-
 plures edere, non deerunt qui respondeant. Ego *Veja-
 nius* cedo arena. Video excetram hanc repugnando
 vinci non posse, itaque pugnis valere jussis, in *Chri-
 stiana* lenitatis portum me recipio, adversus malorum
 obtrectiones consolans memetipsum, cum bonorum
 virorum de me judicio, tum animo sibi bene conscio;
 certe quod ad hanc rem pertinet. Pecuniæ studium
 nunquam habuit animum meum: famæ sarcinam lu-
 bens, si queam, posuerim. Vitæ nec tædet, nec sum
 avidus: quodocunque me hinc evocabit imperator *Chri-
 stus*, ipso fretus volens promptusque decedam præsidio
 corporis. Tantum molesta est quorundam insignis in-
 gratitudo, tantumque sycophantiarum virus, ut ni pla-
 ne comperissem ipsa re, nunquam crediturus fuero
 tantum esse mali, non dicam inter eruditos, sed ne in-
 ter homines quidem: tametsi vixerim cum tot natio-
 num hominumque generibus. Literas tuas suspicor *Lo-
 vanium* perlatis esse, atque illinc *Antuerpiam* remissas:
 nam ibi tum agebam: ita factum est, ut non viderim
 qui eas pertulerat. Consilium est mensem hunc ver-
 num fariendis corporis animique viriculis infumere,
 si modo licebit. Mox favente *Christo*, *Paraphrasim* ag-
 grediar, & argumentum quod tu tantopere efflagitas:
 quod ipsum tamen illis scribetur, non *Borsalo*. Novi
 pectus istud tuum, novi ingenium, novi studium. Do-
 mi fontem habes, ut non necesse sit ex aliena cister-
 na aquam petere. Non deerunt qui celebrent Ponti-
 ficum auctoritatem, quam fateor esse debere sacrosan-
 ctam: non deerunt qui *Scoti Thomæque* decreta prædi-
 cent, quæ nec ego sane prorsus improbo. Tu purum
 illum & sincerum *Christum* mentibus tuorum instilla,
 Tom. III. Ec quan-

An. quando id à paucis fieri videmus. Gaudeo tibi fortunam obtigisse cum dignitate conjunctam, tum autem materiam ac segetem oblatam bene merendi de grege Christiano. Felix quidem ocium studiorum, sed huc descendat oportet sapiens ille Platonius, non uni sibi natus. Optimus Princeps Adolphus videtur adhuc veterem illum in nos animum obtinere, quem puer habuit. In hujus propiorem notitiam commodissime temet insinuabis per Petrum Zuipenium Cassiletanum, quo viro nihil adhuc vidi candidius aut amicius. Quod Franciscus Galliarum Rex me tentarit satis amplis conditionibus in Galliam evocare, rumor non omnino vanus est. Tentatum est & retentatum quorundam literis: verum, nihil adhuc audio certum vigilans, neque tam rudis sum rerum humanarum, ut meris promissis pellici queam. Ut Ferdinando præceptor essem, actum est sedulo, cum per alios permultos, tum per Principem Bergensem, & is est Princeps, ut meliorem, magisque docilem, nec optare possim. Sed deterrent me quædam, quæ tuto literis committi non possunt. Bene vale. Lovanio die Paschæ, hoc est, 24. Aprilis, Anno 1519.

EPISTOLA CCCCXV.

Erasmo Rot. Joan. Faber, Vicarius in spiritualibus Constantiensis, S. P. D.

QVOD scribendi officium tot menses intermisi, Erasme doctissime, equidem non causor negocia, quod solent desides, quanquam vere possim, ut qui semper sim occupatissimus. Neque item ulla me cepit Erasmi mei oblivio, quod hanc vera amicitia prorsus ignoret, & ipse vix tam mei sim memor quam Erasmi. Quamvis enim tot montibus, tam immensa viarum intercapedine sejungamur, semper tamen oculis nostris adblandiuntur tua pignora suavissima, monumenta ingenii divina, qua cum intueor, (insueor autem frequenter) Erasimum intueor, nimirum verius quam illi qui te presentem amplectuntur, manusque manibus copulant. Hi faciem corpusculumque adspiciunt, sub quo verus ille habitat Erasmus, quem totus veneratur orbis, & verius tot editi ab eo libri referunt, expressius ostentant oculis quam jugis illa corporis contemplatio. En quam sedulo annitor, ne usquam amici oblivio mihi obrepisse videri possit. Quid igitur meum tam diuturnum excusabit silentium? Id sane quod res est, partim commoratio illa remotior, qua sit ut tabellarii deessent, partim tua mansionis instabilitas. Jam enim in Angliam avolasse dicebaris: confestim Hollandiam petiisse te, rumor erat. Quocirca incassum me scripturum arbitrabar, & interim amiculi aliquot sperare jubebant tuum ad Basileam reditum, sic habebam, tui desiderio impatienter æstuans. Tandem fortuna mihi Constantiæ virum obtulit, in aula Caroli Regis tui, & ut spero etiam nostri, primum, inclitum juxta ac doctum, qui tabellarios & (qua est mira ejus in omnes humanitas) omnem suam operam comiter pollicebatur in literis ad te transmittendis. Ego plurimum gavisus, ad scribendum me e vestigio accinxi. Queris igitur quid agant amici tui? Valemus omnes Deo propitio perbelle, tibi quoque optimam valetudinem precamur omnes, quo pluribus fecundissimi ingenii tui foetura nostram locupletes paupertatem: omnia enim tua ejusmodi sunt, ut antiqua eruditioni non conferri solum, sed anteferri etiam mereantur. Innumera per Germaniam tuas vigilias, tui ingenii imagines contemplantur & legunt, qui lingua, eruditione & pietate tantos fecere progressus, ut jam tibi præceptor, cui omnia referunt accepta, maximo sint ornamento futuri. Innumeri te duce vetustatis ineruditæ squalorem absterferunt, atque magnis itineribus contendunt ad frugem, non modo juniores, quod equidem minus miror, sed grandævi: qui sub tanto literarum imperatore, velut signo dato universa barbarici bellum indicentes, triumphum etiamnum sperant: quandoquidem tanta est eloquentia tua vis, ut barbaros deploratos in tuam pellexeris sententiam, qui jam sero quidem cum Phrygibus molinn-

tar tamen, & bonas horas, quas antehac in nugis interpeffivioribus locarunt, veris literis & vera impertiant Philosophia. Quid attinet de me dicere, quam præsens annis superioribus tuo mellissimo colloquio ita rapuisti, transformastique, ut fere reddideris alium: nam cum olim parum fausta institutioni me dederim, recentiorque Theologia per atatem nimis inhaerim pertinaciter, tu flexanima suadela tua protinus effecisti, ut nulla jam lectione æque delecter ac solida Theologia. Quare non indignaberis, mansuetissime Erasme, quod Beatus Rhenanus, vir doctrina & vita integritate conspicuus, mihi nuper tuum vera Theologia compendium dicavit. Quanquam enim tam insignis dicatura optimo cuique & doctissimo fuisset omnibus modis ambienda, eo tamen minus te ejus institui pudebit, quod non me solum, sed alios haud parum multos ad veteris Theologia studium inflammasti: adeo enim dilucide tuam in sacris Literis eruditionem & ingenium acerrimum indicat absolutissimus ille libellus, ut multos etiam barbaros, antea elegantioris Theologia ex professo hostes, hoc opusculo placaris, tibi quoque reddideris benevolentissimos. Novum Testamentum denuo à te magnifice, quod nihil dubito, locupletatum, cupidius sane exspecto, quam ulla mater filium charissimum peregre redeuntem: nam quicquid uspiam temporam superest ab officii mei occupatissimi molestiis, id omne tuis libris decies perlegendis impendo. Pacæus noster, in quem externa corporis & animi bona ampliter congesti natura, ubi sit, quid rerum agat, scire percipio, cujus consuetudine imprimis jucunda vehementer sum delectatus. Tu vero, Erasme amice, Fabro tuo ignosce: nam studio in te meo & amoris obsecutus, non veritus sum tuis occupationibus obstrepere. Quamvis enim tuas literas cum munera preciosissima amplectar, licebit tamen per me tibi, dummodo amare non desinas, non solum non respondere literis meis, verum ne legere quidem, si ita sit commodum. Vale, Theologorum & omnis doctrina Princeps. Ex Constantia 26. Aprilis, Anno restituta salutis 1519.

EPISTOLA CCCCXVI.

Laurentio Campegio Cardinali Erasmus Roterdamus S. D.

EXIMIE domine, virtutum tuarum insignium & eruditionis rarissimæ fama inflammatus, jam pridem gestio te & nosse propius, & coram adorare. Sed hætenus obstitit partim valetudo, ex diutinis morbis etiamnum tenerior, quam ut eam ausim navigationi molestæ committere, partim quod ante menses aliquot Christianissimi Regis literis evocatus sim in Galliam, cui diutius excusare non licuit: verum, ne nullo interim argumento declararem meam erga te animi propensionem, mitto Novum Testamentum, magnis sudoribus denuo à me recognitum, quod Pontifici Leoni dicatum ipsius hortatu in lucem emisi, quemadmodum illius Breve testatur, additum in Operis frontispicio. Huic initio reclamabant quidam, sed qui aut non legebant, aut non intelligebant. Nunc amplectuntur omnes, exceptis paucissimis, quos pudet resipiscere. Hi nullum non movent lapidem, ut bonas literas passim refflorescentes opprimant. Ad id splendidos prætexunt titulos, hæreseon profligationem, Ecclesiæ defensionem, quum, mihi crede, longe aliud agatur. Mihi certe rebus omnibus omisiss illud unice studio fuit, ut meum ingenium hoc, & qualescunque literulæ Christi gloriæ servirent, ac Ecclesiæ commodis. Homo tamen sum, labi possum. Quod si judicium alicubi defuit, animus certe rectus non defuit. Omnibus nemo hætenus placuit. Mihi satis est quod optimis quibusque placeo. Sed vide, quæso, perversissimam, imo ingratissimam quorundam malitiam. Diffusi libris & argumentis quidam, fycophantiis aggrediuntur: quicquid prodit libellorum, quibus hoc tempore quidam nimium licenter ludunt, mihi impingunt. Prodierat Nemo, nam is est li-

An. 1519. libelli cujusdam ludicri titulus, meum esse calumniantur: & persuaserant, ni auctor iratus, sibi suum Opus vendicasset. Exierant epistolæ quædam ridiculæ, non deerant qui me adiutore scriptas dictarent. Postremo prodiit, nescio quibus avibus, Opus *Martini Lutheri*, auctor mihi tam ignotus est, quam qui omnium ignotissimus, librum nondum perlegi, & tamen initio meum esse dictabant, quum illic nec unus apiculus sit meus. Horum quum nihil adhuc procedat, ipsa re revincente mendacium, dialogi cujusdam suspicionem mihi moliuntur impingere. Is, ut ex argumento satis constat, scriptus est in odium divi *Julii Pontificis* maximi, schismatis tempore, sed à quo incertum, ante quinque annos degustavi verius quam legi. Post reperi in *Germania* apud quosdam descriptum, sed variis titulis: Quidam testabantur *Hispani* cujuspiam esse, sed suppresso nomine, rursus alii *Fausto* Poetæ tribuebant, alii *Hieronymo Balbo*. Ego quid de his conjectem non habeo, subodoratus sum quoad licuit, verum nondum pervestigavi, quod animo meo faceret satis. Ineptiit quisquis scripsit, at majore supplicio dignus, quisquis evulgavit. Ac miror esse qui solo styli argumento mihi obtrudere parent, quum nec mea sit phrasis, nisi prorsus ipse mihi sum ignotus, nec mirum sit futurum, etiamsi qui in oratione nonnihil referrent *Erasmicum*, quum verser in manibus omnium, & referimus fere, in quorum assidua lectione versamur. Neque desunt hic qui jactitent tuam quoque celsitudinem, propemodum in eam suspicionem adductam esse. Quod mihi certe nunquam persuadebitur, donec persuasum erit non esse vana quæ de doctrina prudentiaque ejus admirabili, passim à summis viris prædicantur. Neque quicquam addubito, quin etiamsi quid suspicionis occupasset animum tuum, facile sim excussurus, si coram detur colloqui, id quod aliquando licebit favente *Christo*. Interim obsecro pietatem tuam ut hoc sibi persuadeat, *Erasmum* hujusmodi libellos ab aliis conscriptos, & edendos suppressisse, tantum abest, ut hujusmodi quiddam ipse vel ediderit, vel editurus sit unquam. Nec mirum si isthic sunt qui de me talia mentiantur, quum hic de proximo non pudeat quosdam improbius de me mentiri. Omnibus omnium sycophantiis respondere non possum, hoc quod in me situm est præstabo. Si quid valet hoc ingenium, si quid hæc literæ, si quid industria, id totum *Christo* & illius sponse usibus dicabitur. Id ita esse re ipsa comperies, si quando dignaberis facere periculum. Mitto nunc librum nudum, utpote recentem adhuc ab officina, nec erat spacium adornandi, post dies aliquot mittetur alter convestitus. Cardinali *Eboracensi* clientulum hunc non gravabitur celsitudo tua commendare, cui scripturus eram, nisi interim & volumen, & epistolam hanc putarem ei communem fore. Bene valeat amplitudo tua, cui me totum dedico, confecroque. *Lovanio* 1. Maji, An. 1519.

EPISTOLA CCCCXVII.

Henrico Guldefordo, Equiti Aurato, Praefecto rei equestris Regis Angliæ, Erasmi S. D.

VIR clarissime, multorum sermone cognosco, quam amico sis in nos animo, siue scintillas istius benevolentia ex meis lucubrationibus concepisti, siue ex *Joannis Coleti*, cæterorumque amicorum hausisti sermone. Tu me diligis, quod vere talem esse credas qualem illi prædicarunt. Ego te vicissim amo, quod toto pectore virtuti, quod honestis studiis faveas, quando horum gratia mihi quoque faves, non quod his præditus sim, sed quod tibi persuasum sit, his præditum esse me. Certe recta studia, præsertim ea quæ ad veram faciunt pietatem, provehere semper conatus sum, sed utinam perinde feliciter, ac sedulo. Mundus respicit velut ex altissimo somno expergiscens: & tamen pertinacibus animis adhuc repugnant quidam, veterem in-

A scitiam suam manibus pedibusque, ac mordicus etiam retinentes. Sed hos pudebit amentia suæ, si viderint summos Reges, ac Regum Proceres amplecti, fovere, tueri meliores literas. O miras rerum humanarum vicissitudines! olim literarum ardor penes religionis professores erat, nunc illis magna ex parte, ventri, luxui, pecuniæque vacantibus, amor eruditionis ad Principes profanos, ac proceres aulicos demigrat. Nam quæ scholæ, quod monasterium usquam tam multos habet, insigni probitate, doctrinaque præditos, quam vestra habet aula? An non optimo jure nos nostri pudeat? Sacerdotum ac Theologorum convivia madent vinolentia, scurrilibus opplentur jocos, tumultu parum sobrio perstrepunt, virulentis obtreptionibus scatent: & ad Principum mensas modeste disputatur de iis, quæ ad eruditionem ac pietatem faciunt. Nimirum ad optimi Regis exemplum properant omnes, cujus ut cæteras illas dotes omittam, quas sic habet cum aliis Regibus communes, ut plerisque præcurrat, nulla sit inferior: quid illo ad disputandum argutius, ad inveniendum felicius, ad judicandum sanius, ad eloquendum venustius? Olim oculi literarumque dulcedine captus, ab aulis Regum abhorrebam: at in talem aulam, vel cum tota suppellectile, quæ fere chartacea est, liberet immigrare, ni valetudinis imbecillitas, & ætas jam ingravescentis dissuaderet. Ubi nunc sunt qui jactitant, Principum vigori officere literarum cognitionem? Quis *Henrico* octavo, vel in bellicis rebus dexterior, vel in condendis legibus cordatior, vel in consiliis oculatior, vel in coercenda scelerum licentia vigilantior, vel in deligendis magistratibus, atque officiis diligentior, vel in conciliandis fœdere Regibus efficacior? Equidem aureum quoddam seculum exoriri video, quo mihi fortassis non continget frui, quippe qui jam ad fabulæ mæ catastrophæ accedam: gratulor tamen orbi, gratulor juvenibus, in quorum animis ob officiorum memoriam utcunque superstes erit *Erasmus*. Sed ut finiam, ornatissime *Henrice*, redamo te amantem, proque officiis in me tuis, non vulgaribus, hoc majorem habeo gratiam, quod ea præstiteris nullo unquam à me laceffitus officio. Generosæ dominæ matri tuæ, mihi uno atque altero colloquio cognita, precor omnia læta prosperaque. Istum animum tibi, te nobis servet Opt. Max. *Jesui*. Hunc *Erasmum* pergat tua nobilitas inter suos clientulos ponere, studio certe nulli cessurum. *Antuerpia* 15. Maji, Anno 1519.

EPISTOLA CCCCXVIII.

Anglorum Regi Henrico, ejus nominis octavo, Erasmi Roterdami S. D.

QUEMADMODUM inferior hic mundus, serenissime Rex, pendet à corporibus cœlestibus, atque his præcipue quæ primas tenent inter sydera: ita rerum publicarum ac populi status pendet à Principibus præsertim summis, ac late dominantibus Monarchis, ad quorum ingenia, consilia, mores, affectus, fœdera, dissidia subinde vulgus immutatur: haud aliter quam ad lunæ cursum mare reciprocis æstibus nunc affluit, nunc defluit; aut ad solis motum terra nunc vernat floribus, nunc æstu finditur, nunc fœtibus oneratur, nunc gelu riget. Porro quemadmodum populi voluntas ac studia pendent à nutu regio, ita juxta Sapientis *Hebraei* apophthegma, *Cor Regis in manu Dei est*, qui quoties irritatus est sceleribus mortalium, nonnunquam juxta dictum *Esaia*, *Dat pueros Principes*, ac juxta divi *Job* sententiam, *Sinit hypocritam regni moderari habenas*. Hypocritam autem vocat, qui nomine Rex, re Tyrannum ac prædonem agit. Rursus si quando visum est animum placatum ac propitium testificari populis, tum Principibus mentem immittit regno dignam. Atque hoc sane argumento colligi posse video, post tot malorum procellas tandem æternum Numen nobis esse reconciliatum, quod tales animos immitat horum temporum excellentissimis Regibus, ut

Tom. III.

Ec 2

nihil

An. nihil antiquius habeant quam ea, quæ pacis sunt ac
 3519. pietatis, quæque ad Reipublicæ commodum faciunt. Quanquam tuæ quidem majestati semper hic animus adfuit, tamen hætenus obstiteret factorum procellæ, nunc adjuvantibus & temporum opportunitatibus, non destinas quod optimum est, sed præstas, quod jam olim destinarat animus vere regius. In hanc vero laudem, quanquam à multis egregiis Principibus decertatur, hinc à Leone Romano Pontifice, hinc à Francisco Rege Gallorum, hinc à Carolo Rege Catholico, hinc à N. serenissimo Rege Scotorum: tua tamen majestas, mea sententia, vel hoc nomine præcipuam hujus gloriæ partem meretur, cujus potissimum auspiciis, hortatu, prudentiaque negotium hoc & susceptum est & temperatur. Quum enim Romanus Pontifex, pacis aliqui cupidissimus, de quinquennibus Regum aliquot induciis duntaxat ageret, tua celsitudo pacem, ut spes est, æternam inter tam multos Principes totius orbis potentissimos ærctissimis fœderibus conciliavit. O pectus vere regium, ô mentem excelsam, & Christiano Monarcha cum primis dignam! Quum nemo Regum magis omnibus præfidiis instructus sit ad bellum, tamen omne studium, omnesque vires confers ad pacem orbis faciendam: prudenter perspicuens nihil esse perniciosius, quam Christianos populos mutuis latrociniiis ac bellis inter sese committi, nec ulla re gentem Christianicam æque formidabilem reddi nostræ religionis hostibus, atque Principum ac populorum concordia. Istam vero mentem tibi nequaquam pro tempore sumptam esse, sed prorsus insitam natura, vel illud sat argumenti est, quod in bello Gallico, quod ut invitum, ita pro pietate Christiana suscepas, adeo civiliter, adeoque clementer te gesseris, ut satis liqueret, tibi pacem magis esse cordi, nisi te totius orbis Ecclesiæque Christiana periculum ad arma vocasset, aut ut melius dicam compulisset. Nec his contentus, pacem tua prudentia, tuæque auctoritate, partam, suis artibus ornare studes, ne vel iners aut ociosa videatur, vel luxu ac malarum voluptatum magistra. Latrocinia, à quibus nihil hætenus usquam tutum erat in Anglia, mira severitate compescis, nocentes profligas, ociosis erroribus ditionem tuam liberas, bonis legibus vigorem suum revocas, inutiles tollis, salutare sufficis. Optimarum literarum studia provehis: pietatis disciplinam, quum apud omnes, tum vero præcipue apud Monachos ac Clericos instauras, haud ignarus ab his potissimum manare in plebem morum vel integritatem, vel corruptelam: videlicet modis omnibus hoc agens, ut his præcipuus sit honos, qui maxime præcellunt, vel integritate morum, vel eximia doctrina, vel quod ut pulcherrimum, ita rarissimum est, utroque. His ornamentis existimas longe melius decorari regnum tuum, quam ullis trophæis aut fornicibus. Nec harum rerum auctor es solum aut hortator, verum etiam exemplum. Non enim edicis modo, verum etiam exhibes, imo plus præstas ipse, quam aliis præscribis. Gravis & efficax est Regis auctoritas jubentis, sed dictum mirum, quanto efficacior præstantis quod jubet, ac legum suarum exemplar tota vita ponentis ob oculos. Leges tibi non minantur, at quis vel interpretatos uno te legum observantior? quis incorruptior? quis pactorum tenacior? quis in amicitia constantior? quis æqui justique amantior? quæ civium domus casti, concordisque conjugii tam evidens habet exemplum? ubi reperias optimi mariti magis æmulam conjugem? qui privati penates, imo quod collegium, quæ Academia, viris integritate vitæ, doctrinaque singulari præstantibus, ornatio est usquam quam tua sit aula? Veteres illi Poetæ, seculum, nescio quod, aureum suis fabulis nobis prodiderunt. Atqui hæc quum agit tua celsitudo, quid aliud, quæso, quam seculum vere aureum, nobis reducit, si tamen unquam fuit ullum: ac res tam ardua adeo succedit tuis auspiciis, ut dubium non sit, quin faventibus superis geratur. Quæ regio terrarum nunc non gratulatur Britannia, si fa-

A vet: non invidet, si parum bene vult? Quod hodie An. regnum toto terrarum orbe nobiliter aut celebrius? Nimirum Regis animus est, qui regna nobilitat vel obscurat. Quibus libris, quibus linguis olim est celebrata posteritas, sub Henrico octavo, tanquam in hoc coelitus emissio Principe, sic omni genere virtutum effloruisse Britanniam, ut videri possit renata: quam sic moribus incorruptam reddiderit, ut ab hac vel ipsa Massilia disciplinæ civilis exemplum petere possit: sic pietate pollentem, ut vel ipsi Roma queat esse pietatis magistra: sic abundantem eruditum viris in omni doctrinæ genere, ut huic invidere possit Italia, nisi studiorum æmulatio nesciret invidiam: postremo, cui talis fuerit Princeps, ut omnibus in posterum Principibus imperii gerendi possit esse regula. Deum immortalem, hoc demum est regnum esse, hoc demum est Regem agere, hoc est aulam principalem habere. Olim impenso quodam amore literarum, atque oculi dulcedine, nonnihil abhorrebam à Regum aulis: nunc vero cum animo contemtor, quem Principem ac moderatorem habeat aula Britannica, quam Reginam, quos Proceres, quos à consiliis, quos ab officiis, impendio mihi gestit animus in talem aulam immigrare: nec puderet ambitionis, nisi valetudinis imbecillitas, jam plus etiam quam pro ætatis modo ingravescentis, dissuaderet. Etiam si nihil est, quod hic ambitionis infamiam verear, qui huc & hodie non adspersandis conditionibus, nec ab uno Rege provocer. Equidem natus non sum, fateor, sed insitivus Britannia: & tamen ubi mecum reputo quot illic annos vixerim, quot illi debeam Mæcenates, quot eximios ac sinceros amicos, quantam fortunæ meæ, si qua tamen est, portionem, non minus illi felicitatem hanc gratulor, quam si me genuisset. At nihil interim mihi dictum est de præclaris corporis animique tui dotibus, quas Deo naturæque debemus magis, quam nostræ industriæ, & tamen hæc quoque bona cedunt in felicitatem Reipublicæ, si in Principem probum inciderint. Porro tametsi jam seculis aliquot non ita multum laudis in Regibus tulere bonæ literæ, tamen tua majestas efficiet, ut quemadmodum olim præcipuum decus Regum fuit eruditione præcellere, ita posthac pulcherrimum habeatur, Principem scire literas. Tuæ virtutes dispellent veterem cavillationem, qua dictitant quidam, regii pectoris vigorem languescere studio literarum. Quis enim unquam eorum, qui literas nescierunt, existit te uno in ulla regia functione dexterior? quis attentior ad coercenda flagitia? quis ad consulendum solertior? quis ad prospiciendum oculatior? quis in obeundis rebus præsentior? Et tamen in literis, quas olim felicissime degustavit tua majestas, eo nunc progressa est fortasse non multo studio, sed inaudita naturæ felicitate, ut eruditissimis etiam Theologis miraculo sit sanitas & acumen ingenii tui. Siquidem in disputatione, quam nuper animi causa tua majestas instituit cum acutissimo simul & doctissimo Theologo, defendens, à laicis non exigendam precationem, præter eam, quæ mentis cogitatione Deum alloquitur, Deum immortalem, quem artificem præstitit? Quis invenire poterat argutius? quis colligere nervosius? quis explicare venustius? Omnium autem virtutum & ornamentorum tuorum ceu colophon quidam accedit, quod nemo te uno ad congressum civilior, nemo minus fastus aut supercilii præse ferens, incolumi tamen interim regia dignitate, quoties res postulat. Olim Olympiacis victoriis terrarum dominos in deos evehi, scripsit Horatius. Olim solenni ritu, qui cum laude gessissent imperium, referebantur in numerum divorum. Hæc sunt facinora, quæ vere consecrent immortalitati: sic itur ad astra. Non patientur eruditorum hominum ingenia, quæ tu tot modis ornas ac foves, virtutum tuarum memoriam ulla temporum vetustate obolescere. Græca pariter ac Latina facundia, grata tuis erga se meritis, semper loquetur, apud Britannos fuisse quandam Henricum octavum, qui unus tot heroum dotes ac decora suis retulerit: Ptole-

mei

A **mai** Philadelphi studium erga bonas literas, *Alexandri* magni felicitatem, *Philippi* civilitatem, *Casaris* invictam animi vim, *Augusti* sanitatem, *Traiani* mansuetudinem, *Alexandri Severi* integritatem, *M. Antonini Pii* doctrinam, *Theodosii* pietatem, & si quid aliud in singulis priscorum insigne fuisse legitur. Precamur ut Deus, qui istas dotes largitus est, easdem velit tibi tuisque faustas ac felices esse: qui istos dedit impetus, idem suo favore provehat, beneque fortunet. Sciebam importunius esse, quod huiusmodi neniis tuam majestatem alioquin occupatissimam interpellarem, sed vicit ardor animi in gratulationem gestientis: quum & multorum & certissima praedicatione cognovissem, quod seculum nobis tua virtute foret exoriturum: simulque visum est testari me memorem esse favoris erga me tui, jam non oratione tantum, sed re quoque declarari. Patiatur, oro, tua serenissima majestas inter tam multos eximios, quorum ingenium tua nobilitas illustrat ac fovet, & quorum literae vicissim tuum famulitium exornant, & hunc *Erasmum*, qualis qualis est, annumerari: quam incolumem semperque florentem servet *Christus* Opt. Max. *Antuerpia* 15. Maji, Anno 1519.

EPISTOLA CCCCXIX.

Alberto, Cardinali & Archiepiscopo Maguntinensi, Erasmus S. D.

REVERENDISIME domine, Princepsque clarissime, non dubito quin libellus, quem celsitudini tuae dicavimus, redditus sit eidem. Qui an tuo satisfaciat animo, nescio: meo certe non satisfacit: verum id temporis nihil aliud erat ad manum. Circumspicietur aliud, quod & tuae magnitudini, & meo in te studio magis respondeat. *Richardus Pacam*, qui Regis sui nomine Legatus ad vos venit, praeter alias innumeras dotes, vir est insigni utriusque literaturae peritia praeditus, apud regiam majestatem multis nominibus gratiosissimus, fide sincerissima, moribus plusquam niveis, totus ad gratiam & amicitiam natus: quem si dignaberis propius nosse, scio, gaudebis te à nobis admonitum fuisse. Apud *Anglos* triumphant bonae literae. Rex ipse cum sua Regina, Cardinales ambo, Episcopi ferme omnes toto pectore tuentur, foveant, alunt, ornantque. Rabulis omnibus per Regem impositum est silentium: spero idem fore apud *Germanos*, si tuae amplissimae dignitatis, tuique similibus favor adspirarit: quod ut faciat, etiam atque etiam rogo. Nihil enim non moliantur sycophantae quidam, praesertim hic, ubi barbaries terris excessura videtur extrema posuisse vestigia. Quamquam & hi mitescunt, incipiuntque suam stultitiam agnoscere. *Hutteni* ingenium in dies magis ac magis excoluntur omnes: cui tua celsitudo tam candide favens, multum laudis, imo gratiae sibi parit apud eruditos omnes: quam incolumem diu fervet immortalis *Christus Iesus*. *Antuerpia* 20. Maji, Anno 1519.

EPISTOLA CCCCXX.

Antonio de Bergis Erasmus Rot. S. D.

ORNATISIME juvenis, antehac uno nomine duntaxat amabam te, quod honestis studiis ac moribus delectareris praeter vulgatum morem nobilium: nunc hoc quoque debeo nomine, quod expertus sum mirum patris tui in me studium. Ejus totam spem in tua indole sitam esse, ex illius sermone perspectum habeo: nec dubito quin optimi patris expectationi sis per omnia responsurus. Bonae literae passim efflorescunt, frustra reluctantur veteris inscitiae patroni. Apud *Anglos* triumphant recta studia, Regis, Cardinalium, & Episcoporum auxilio. Rabulis, qui tantum ad maledicendum linguam habent, impositum est silentium. Hic quoniam tales patronos non habemus, saeviant adhuc, & libris quoque grassantur, sed quibus nihil a-

A liud quam suam traducunt stultitiam, ac mentis stoliditatem. Mitescunt tamen & hi paulatim, velut ex gravissima febre resipiscentes; obmutescent etiam, si Principum adspirarit favor. In *Ferdinando* magna spes est: in te quoque non mediocris. *Carolus* abest, *Civilius* non mirum si à literis est alienior, quamquam non adversatur. Cardinalis *Adrianus* bonis literis nunquam admodum favit, etiam si non est adeo devotus hostis, quam sunt quidam, qui se non putant incolumes fore, nisi oppressis bonis literis. Hunc *Richardum Pacam*, serenissimi Regis *Anglorum* Oratorem, eique gratiosissimum, si propius complecteris, gaudebis hominis consuetudine. Est enim praeter mores candidissimos, utriusque literaturae peritissimus. Bene vale. *M. Adriano Burlando* multam ex me salutem dicto. *Antuerpia* 20. Maji, Anno 1519.

EPISTOLA CCCCXXI.

Leonardus Priccardus Erasmo Rot. S. D.

HIC nuper *Cucullatus* quidam inter ejusdem farinae ignobile vulgus disseminavit, Anglum, nescio quem, *Lovanii* Graecas literas profiteri, centuplo *Roterodamo* doctiorem, qui & illius in *Novum Testamentum* editionem, recens excusam, in locum pluribus centum suggillet, errata tua libello jamjam emittendo publicaturus. Non potui equidem huic hominis monstro credere, tametsi miram pra se ferre sanctitatem. Adjecit praeterea, Theologos omnes tibi adversari ac contradicere, eisque certum esse, te communi decreto à schola sua prostigare, nihil in hoc divalia rescripta veritatis, cum Deo magis audiendum sit quam Principibus. Hac aliaque multa,

— Effutit bestius idem, Jactat & in toto verba canina foro. Proinde te, mi suavisime Erasme, per Deum immortalem obsecro, bono esse animo, atque hunc ipsum (quem nunquam penitendis commentariis expressisti) moribus atque invincibili fortitudine referre Hieronymum. Non eris tibi (crede mihi) tantum negotii in hoc desiciendo *alophylo*, quantum illi in *Ruffini* versutias laboris atque vigiliarum fuit insumendum. Para in *Goliam* istum fundam, quod est verbum Dei, & recta caperatum in frontem librato lapidem *Christum*, cujus amore sacras Literas illustrandas suscepisti, superbum ilico prosterne gigantem, confundes & *alophylos* ceteros omnes, Theologos scilicet istos, qui in te conspirasse dicuntur, ad stipulante in hac verba apud *Esaïam* Spiritu sancto; Confusi sunt & erubuerunt omnes simul, abierunt in confusione fabricatores errorum. Vale, desideratissime mi *Desideri*, & qui valeas corpore atque animo, nobis quam primum significato. Ex *Aquisgrano* 23. Maji, Anno 1519.

E *D. Cantor, Vicepraepositus, Schomraide, & alii complures, salutem atque victoriam animis tibi precantur, tuasque literas, aut epistolam saltem praestolantur. Item D. Hasebart, confrater noster, te quoque atque Nevium salutat plurimum.*

EPISTOLA CCCCXXII.

Erasmus Roterodamus R. P. Thoma, Episcopo Dunelmensi, S. D.

REVERENDE Pater, quoniam *Aristoteles* scripsit, multorum amicitias silentio dirimi, nolui committere, ut idem nobis eveniret, praesertim in tanto amico. Mitto *Paraphrasin* in Epistolam ad *Galatatas*, in qua locus est de *Petro, Pauli* voce objurgato, qui mihi nondum fatis à quoquam Veterum explicatus videtur. Non sum ignarus, varios rumores de me spargi. Sentiant philobarbari, erigere sese recta studia, eoque nullum non movent lapidem, sed temporis progressu vincet veritas. Hoc modo te exoratum velim, ne quid temere credas *Erasmi* mastigibus. Nunc fato quodam suo saeviant, at brevi illos sui morbi pudebit ubi resipuerint, quemadmodum evenit *Ajaci*. Bene

E c 3 vale,

An. vale, Pater amplissime, & in *Erasmus* cum te præbere perge, qui semper fuisti. *Antuerpia* 25. Maji, Anno 1519.

EPISTOLA CCCCXXIII.

Erasmus R. P. D. Richardo, Episcopo Wintoniensi, S. P.

REVERENDE Præsul, si unquam placuit tibi animi mei studium in te, hoc tantum præmii reposco, ne quid temere credas sycophantis de me, quibus nunc fatali quadam peste fervent omnia. *Eduardus Lens* si demonstrat argumentis se melius sentire, quam ego sentiam, nunquam offendet animum meum. Cæterum, quod hic, & apud suos, scriptis, dictis, per se, per suos omnia implet inimicis rumoribus, nec suæ famæ recte consulit. Jampridem palam præ se fert plusquam hostilem animum, nullo unquam dicto aut facto laceffit a me. Juvenis est, ardet cupiditate famæ, sed præstabat hanc melioribus auguriis auspicari. Novi prudentiam tuam, quæ non facile pronunciet, præsertim in malam partem. Tempus omnia proferet in lucem. Veritas laborare potest, vinci non potest. Si tua auctoritas consulat *Leo*, ut aut in totum desistat ab istis sycophantiis, quibus seipsum magis traducit quam me, aut argumentis duntaxat mecum certet, illius famæ consuluerit. Nunc enim odio, ceu morbo animi lymphatus, fertur. *Erasmus* olim ambiit tuum favorem, non successit: nunc non orat, ut sibi faveas, sed ut *Leo* tuo. Bene valeat tua pietas, cui me totum consecro, dedicoque. *Antuerpia* 25. Maji, Anno 1519.

EPISTOLA CCCCXXIV.

Erasmo Rot. Gaspar Schalus S. D.

PER tot sylvas latrocinio, per tot urbes pestilentia morbojam infames, ad te grassati sumus, *Erasme*, *Jonas* & ego: & pervenimus dii boni quam in tempore, quam feliciter! *Ejus quantumvis longi & molesti itineris tantum abest ut nos penitus erit, ut in itinere adhuc incerti, ubi unicum margaritarum Christiani orbis delitesceres, sancte conjuraverimus, te extrema India & ultima Thule nos quæsituos, nedum in Brabantia, aut Gallia. Desine tui contemptu laborare, ut contra omnes illi Aristotelici Theologi superciliosa quærent. Si tu te ex ea parte nescis, quam sis magnum hujus seculi ab ipso Christo nobis datum munus: ego te in isto studiorum meorum silentio domi, mecum ex operibus tuis didici: at nunc ex vivis vultibus, ex sermone tam sine affectatione saccharco, tam mellito (quod miraberis, *Erasme*) tantundem pene fructus, quantum alius quis ex aliquo librorum tuorum possit, hausi. Non tibi ingererem has meas ineptias, nisi non minus ardentem, quam comes meus *Jonas* Epistolam tuam habere optarem. Dispercam enim, si a te, etiamsi baculo mineris abigere, avelli possumus, nisi habeamus quod te in nobis in itinere jam, & maxime tunc quum in istam nimis longinquam regionem nostram redierimus, presentem referat. Quid multis verbis hic explicem, quanti hanc profectionem nostram faciam? Ut me Deus bene amet, nollem eam mihi decem Pactolis aut solidis auri montibus commutatam. Vale, magne *Erasme*, & dignare nobis (ut diu etiam expectandus sis) solum rescribere. Iterum vale. *Bruxellis* 28. Maji, à nato Christo Anno 1519.*

EPISTOLA CCCCXXV.

Georgio Spalatino, illustrissimi Saxonie Ducis à Sacris, Erasmus Rot. S. D.

MIHI vero nihil hactenus abs te redditum est literarum, neque tuo, neque illustrissimi Ducis nomine, eoque nonnulla ni delictum fuisset. Vides quanto locorum intervallo dirimamur, & non secus atque in bello, literis intercipiendis advigilant hostes meliorum studiorum: quo magis cavendum, ne cuivis com-

Amittantur epistolæ. Gratissimum mihi fuit nomisma, An. optimi Ducis imaginem mihi referens, vivæ simillimam. Hujus epistolam videre desiderabat reverendissimus Episcopus ac Princeps *Leodiensis*, eam una cum nomismate ad illum misi, nec postea licuit hominem convenire. Quicquid favoris, quicquid benignitatis, quicquid præsidii illustrissimus Dux impendit evehendis optimis studiis, id in me peculiariter collatum arbitror. Nihil in *Jona* conspexi, quod non unice me delectarit. Ita me Deus bene amet, video delectum organum ad *Christi* gloriam illustrandam inter crassissimas horum temporum tenebras. *Schalbi* collegæ doctes magis ex illius literis, quam ex oratione licuit cognoscere. Ego posthac *Georgium Spalatinum* non solum inter præcipuos amicos, verum etiam inter patronos meos observandos scripturus sum, non perinde in chartis, atque ipso in pectore. Bene vale, *Georgi* charissime. *Lovanio* 29. Maji, Anno 1519.

EPISTOLA CCCCXXVI.

Friderico Saxonie Duci Erasmus Roterodamus S. D.

ILLVSTRISSE Princeps, pro studio, quo tuæ celsitudini Cæsarum Vitas à me recognitas dedicavi, jam nunc abunde magnam gratiam relatum existimo, posteaquam amantissimis literis sibi non ingratis fuisse testatur. Nam cum id operis destinarem, nondum mihi perinde prædicatum erat atque nunc est, quanta animi propensione faveres bonis literis, adhuc cum veteris inscitie patronis digladiantibus, sed ita, ut hostes nihil aliud assequantur reluctando, quam quod & nostram illustrent victoriam, & suam denobilitent stultitiam. Quicquid autem favoris, quicquid benignitatis, quicquid subsidii tua nobilitas instaurandis honestis studiis, & evehendis tuendisque studiorum assertoribus impendit, id totum in me collatum esse duco. Neque vero te poeniteat istius animi, non erunt ingratis literæ, quin magis trilingui facundia vindicæ suum immortalis gloriæ consecrabunt. Erit olim *Fridericus* adjutus studiis, quam stemmatum luce nobilior. Ego posthac non verebor & alios ingenii mei foetus tibi dicare, quando feliciter cessit hæc mihi audacia. Celsitudinem tuam patriæ studiis ac pietati quam diutissime incolumem tueatur *Christus* Opt. Max. *Lovanio* 30. Maji, Anno 1519.

EPISTOLA CCCCXXVII.

Erasmus Rot. Martino Luthero S. D.

FRATER in *Christo* charissime, epistola tua mihi fuit gratissima, & ingenii argutiam præ se ferens, & animum spirans *Christianum*. Nullo sermone consequi queam, quas tragedias hic excitarint tui libelli: ne adhuc quidem ex animis istorum revelli potest falsissima suspicio, qua putant, tuas *lucubrations* meis auxiliis esse scriptas, meque hujus factionis, ut vocant, vexilliferum esse. Existimabant quidam sibi datam ansam, qua & bonas literas opprimerent, quas capitaliter oderunt, velut offecturas majestati Theologicæ, quam multi pluris faciunt quam *Christum*: simulque me, quem arbitrantur ad excitanda studia non nihil adferre momenti. Tota res vociferationibus est acta, temeritate, strophis, obtrectationibus, sycophantiis, ut ni præsens hæc spectassem, imo sensissem, nulli unquam auctori fuerim crediturus sic insanire Theologos. Pestem fatalem esse diceres. Et tamen hujus mali virus à paucis ortum, in plures serpsit, adeo ut magna pars hujus Academiæ non infrequentis, ejus morbi contagio lymphata ferretur. Testatus sum te mihi ignotissimum esse, libros tuos nondum esse lectos: proinde nec improbare quicquam, nec probare. Tantum admonui, ne libris tuis nondum lectis ad populum tam odiose vociferarentur, id ipsorum referre, quorum judicium oporteret esse gravissimum. Quin & illud perpenderent, an expediret ea traduci apud plebem promi-

An. 1519. miscuam, quæ rectius libris editis refellerentur, aut inter eruditos disputarentur, præsertim cum uno ore vita auctoris prædicaretur. Nihil profectum est: hucusque infaniunt obliquis imo famosis suis disputationibus. Quoties inter nos de pace convenit? quoties illi ex temere concepta suspiciuncula novos tumultus excitarunt? Et hi cum huiusmodi factis Theologi sibi videntur. Est hoc hominum genus hic aulicis fere invisum: quod ipsum mihi quoque imputant. Episcopos omnes habeo mihi satis æquos, libris nihil fidunt. In solis sycophantiis victoriæ spes illis sita est. Eas ego contemno, recti conscientia fretus. In te redduntur aliquanto mitiores. Eruditorum calamos fortasse timent, sibi male conscii: quos ego sane suis pingerem coloribus, ut digni sunt, nisi me *Christi* tum doctrina, tum exemplum, alio vocaret. Immanes feræ mansuescunt officiis, isti benefactis efferantur. Habes in *Anglia*, qui de tuis scriptis optime sentiant, & sunt hi maximi. Sunt & hic, quorum est eximius quidam, qui tuis favent. Ego me quod licet integrum servo, quo magis profim bonis literis reflorescentibus. Et mihi videtur plus profici civili modestia quam impetu. Sic *Christus* orbem in suam ditionem perduxit. Sic *Paulus* *Judaicam* Legem abrogavit, omnia trahens ad allegoriam. Magis expedit clamare in eos qui Pontificum auctoritate abutuntur, quam in ipsos Pontifices: idem de Regibus faciendum censeo. Scholæ non tam adspersandæ sunt, quam ad studia magis sobria revocandæ. De rebus receptioribus, quam ut subito possint ex animis revelari, disputandum est argumentis densis & efficacibus potius quam asseverandum. Quorundam virulentas contentiones magis conducit contemnere quam refellere. Ubique cavendum ne quid arroganter aut factiose loquamur, faciamusve: sic arbitror gratum esse spiritui *Christi*. Interea servandus animus, ne vel ira, vel odio, vel gloria corrumpatur: nam hæc in medio pietatis studio solet infidiari. Hæc non admoneo ut facias, sed ut quod facis perpetuo facias. Degustavi *Commentarios* tuos in *Psalmos*: vehementer arrident: & spero magnam utilitatem allaturos. Est *Antuerpia* Prior ejus monasterii, vir pure *Christianus*, qui te unice deamat, tuus olim discipulus, ut prædicat. Is omnium pene solus *Christum* prædicat. Cæteri fere aut hominum fabulas, aut suum quæstum prædicant. *Melanchthoni* scripsi. Dominus *Iesus* tibi suum spiritum in dies uberius impartiat ad ipsius gloriam, & publicam utilitatem. Cum hæc scriberem, tua epistola ad manum non erat. Vale. *Lovanio* 30. Maji, Anno 1519.

EPISTOLA CCCCXXVIII.

Erasmus Roterodamus Gaspari Schalbo suo S. D.

OBSECO te, doctissime *Schalbe*, utrum isthuc est rogare, an cogere? vides mihi vix ocium esse ad tuendam valetudinem, vides tot studiorum laboribus obrutum, & tamen efflagitas epistolam? Adeo violenta res est & impotens, amor, præsertim *Germanicus*, cui si coner reluctari, nihil agam. Itaque respondeo tuis literis, sed ita ut verear, ne dicas tibi nihil esse responsum. Quod si brevitatem hanc apud te non excusat misericordia nostri, saltem excusabit publicorum studiorum ratio, quorum jactura distrahor in hæc officia: quæ singulis, quibus præstantur, exigui momenti videntur, mihi tamen, in quem unum agminatim glomerantur, ingentem sarcinam addunt. Quando tu *Jona* non cedis in amando, par arbitror, ut te non minus quam illum redamem. Deplorarem tam longinquam profectioem tuam, totque periculis obnoxiam, nostra causa susceptam, ni tu tibi tantopere gratulareris etiam. Id si iudicio facis, non invideo fructum: sin imaginatione, remedii pars est, non sentire malum. Illud autem quam *Germanice*? Negas te fustibus depelli posse, ni detur, quod in patriam re-
verso præsentem *Erasmum* referat. Os impudens, non tibi fat est, oculos, aures & animum expleffe nostri

A copia, mellitissima uti scribis, ni me totum tecum auferas? & auferas in tam procul diffitam regionem? 1519. Quantulum autem *Erasmi* tecum auferes, si hujus corpusculi imaginem pictam aut expressam ad tuos retuleris? Optimam *Erasmi* partem in libris videre licet, quoties libet, si quid tamen omnino nostri est, quod sit visendum. Bene vale, *Gaspar* charissime. *Lovanio* 30. Maji, Anno 1519.

EPISTOLA CCCCXXIX.

Erasmus Rot. Eobano Hesso S. D.

ADEO placuit tuum ὁδοιπορικόν, ut emendatis, quæ commiserant Typographi, curarim hic rursus formulis excudendum. *Jona*, *Schalbique* conspectus mihi fuit multo gratissimus. Sed interim dum hos huc mit-
B tis, parum consulis meæ famæ, cujus nunquam non facio jacturam ex huiusmodi congressibus. At minitaris te plures etiam horum similes huc missurum. Quoniam hi contigerunt, per quos maxime licuit scribere, ideo scribo parcius. Per alios non satis tuto scribitur, per hos frustra, qui melius omnia coram referent quam ego literis possim. Nollem epistolas meas editas, quas
C adjunxisti tuo carmini, brevi editurus eram, sed locupletatas. Carmen ad Comitem de *Nassau* percupio videre. Favet ille bonis literis, & harum gratia mihi quoque. Sed nostri Principes laudare norunt, nume-
D rare non norunt. Quod tamen mea causa non dico, qui nihil ambio, forte mea contentus. Bene vale, amicorum sincerissime. Jam nunc circumspecte ac delige tibi argumentum aliquod foecundum, in quo declares posteritati quantus sis. In hoc conferes paulatim, quicquid egregium quotidiana lectio tibi suppeditabit. Sed hæc plane memorem admoneo. Rursum vale. *Lovanio* 30. Maji, Anno 1519.

EPISTOLA CCCCXXX.

Erasmus Rot. Antonio Papinio, Abbati Gemblacensi, S. D.

EX Indice Bibliothecæ vestræ, cujus mihi jam pridem facta est copia, intelligo apud vos esse duos codices manu descriptos pervetustos, opuscula divi *Cypriani* continentes. Mihi certe gestit animus hunc auctorem orbi tradere, repurgatum à mendis: deinde discretum ab his, quæ illi falso inscribuntur, quando non alium video inter eos, qui *Latine* scripserunt, qui ad Apostolici pectoris vigorem propius accedat. Ubique sentias loqui pastorem, ac martyrio destinatum. Et huiusmodi viros Theologi sinimus obsolescere, quo magis miremur frigiditas recentiorum nenias. Nihil autem dubito, quin amplitudo tua, ut est veræ religionis observantissima, faveat & piis studiis, & *Cypriano* pietatis magistro. Neque tamen gratis hoc officium flagito: redibit ad vos *Cyprianus*, & redibit non sine
E fœnore, neque patiemur interim, ut posteritas ignoret, cui bonam hujus beneficii partem debeat. Jamdudum pro cervina missa debeo, sed longe plus debiturus pro missio *Cypriano*. Bene vale, Pater reverendissime, cum sancto fratrum tuorum collegio, quorum purissimis precationibus *Christo* commendari cupio. *Lovanio* 1. Junii, Anno 1519.

EPISTOLA CCCCXXXI.

Erasmus Roterod. Jodoco Jona Erphordienfi S. D.

NE pro tam erudita tamque proluxa epistola nullas vices referam, doctissime *Jona*, & inter candidos amicos præcipue, accipe quid mihi visum sit submonere tuam prudentiam. Cum Deo Opt. Max. effet in manu singulis quibusque mortalibus largiri omnia, tamen ad concordiam, quam unice nobis voluit esse commendatam, illi magis visum est idoneum, sic aliis alias dotes impartire, ut necesse foret nos invicem mutuis officiis sublevari: simulque fieret, ut nec sibi quifquam

An. quam plus satis fideret, cum sciret, quicquid usquam
 1519. posset, id totum benignitatis esse divinæ: nec aliud alium contemneret, cum perperderet, Deum magnam beneficiorum suorum partem homini per hominem largiri voluisse. Denique nec beneficium in alterum collatum quisquam aut arrogaret sibi, aut exprobraret adjuto, non ignarus, ministrum & organum esse se largitatis alienæ, non auctorem: & is, qui officium sensisset, sic haberet gratiam homini, ut Deo velut auctori, fontique bonorum omnium, gratias ageret, non solum pro beneficio, quod ab illo per hominem accepisset: verum etiam pro ipso benefico, qui quod voluit, quod potuit benefacere proximo, totum muneris erat divini. Studium igitur omnium commune debet esse, ut aliis alii vicissim beneficiamus, si quid possumus: & ab aliis alii sublevari ne gravemur, si quid egemus. Verum, cum variæ sint dotes Dei, aliæ in alios velut in ejusdem corporis diversa membra distributæ; in eam partem erit cuique potissimum incumbendum, qua senserit se potissimum usui esse posse. Nec enim sufficit, si membrum sis non prorsus ociosum, nisi hac pro sis corpori, qua maxime prodesse queas: præsertim cum quicquid cuique contingit facultatis, in hoc ipsum à Deo sortitus sit, ut in communem conferat utilitatem. Nec satis est talentorum modum expendere, quin & talenti cujusque ratio qualitasque erit expendenda. Ita videlicet futurum est, ut dives ille dominus, sed tamen hujusmodi lucrorum avidissimus, gaudeat domum suam fidelium fervorum usuris magis ac magis locupletari. Qua quidem in re quorundam vel prudentiam, vel felicitatem desidero, qui priusquam sibi satis noti sunt, in genus aliquod vitæ se conjiciunt, ubi nec sibi, nec aliis possint usui esse. Hæc cogitatio, mi charissime *Jona*, protinus incessit animo meo, ubi ex oratione, moribusque tuis, demum & oris lineamentis habituque, mentis tuæ simulacrum conjeci. Quanquam arbitror te tibi non ignotum esse, tamen visum est admonere, ut quando Deus te non agitandis sordidis causis destinasse, sed velut organum quoddam electum finxisse videtur, ad illustrandam Filii sui *Jesu* gloriam, ad mortalium animos in hujus studium inflammandos, ad hanc omnium saluberrimam functionem omnia tua studia conferas, idque mature, dum corpus laborum patiens, dum viget animus. Bene fortunabit tuos conatus, mihi crede, is qui ad hoc muneris te tot egregiis dotibus instruxit, qui pectus dedit veræ pietatis amore flagrans, qui linguam dedit eruditam, ut dissipet, ut evellas, ut plantes, non deerit ista conanti, præsertim si non alio spectes, quam ad *Christi* lucrum. Sit sane magnificum manu mota, supplici benedicere popello: sit resegregia, ministrare sacramenta ecclesiastica, pulcherrimum certe vereque Apostolicum atque episcopale munus est, salutari doctrina multitudinem ad mentem moreque *Christo* dignos adducere. Verum, in hac omnium ut difficillima, ita pulcherrima functione, quos videmus hodie versari passim? Quorum plerisque deest eruditio, nonnullis pectus, sine quo friget omnis eloquentia Christiana, multis naturæ facultas, veluti linguæ plethrum vocale, latera, aut corpus alioqui laborum hujusmodi patiens. Sed age, boni consulamus cum *Paulo* nostro, quod isti moliuntur, modo *Christus* annuncietur, si tamen annuncietur. Bona pars, non *Christum*, sed homines, sed seipsos prædicat. Verum, hæc deplorare non est hujus instituti. Sunt qui *Scotisticas* subtilitates tractant apud imperitam multitudinem, delectis etiam in hoc argumentis quam maxime perplexis, quo magis miraculo sint auditoribus, si nihil omnium, quæ dicuntur, intelligant. Quid autem frigidius? Imo quid inutilius? Alii præter scholastica dogmata, nihil adferunt in concionem: quorum aliquot ejusmodi sunt, ut non referat ea nescire: quædam ejusmodi, ut extra scholas tractata frigeant. Nec defunt, qui, quo curiosis auditoribus faciant satis, undique congerunt, & velut ex variis rhapsodiis centonem concinnant, ex

A Jure Civili, ex Jure Pontificio, ex variis doctoribus, An. ne quid non legisse videantur. Omnis humanus affectus ponendus ei, qui studeat veram pietatem animis mortalium inferere. Prudentior autem es, quam ut sis mihi monendus, efficacius esse ad inferendam hominum mentibus *Christi* philosophiam, si quis admirabilem illam & amabilem veræ pietatis imaginem, quam possit expressissimam, ingerat, quam si insectandis vitiorum formis ac generibus vocem lateraque exerceat. Efficax quædam res ipsa virtutis species, quæ puris oculis ostensa, mox rapit in amorem sui. Immensum est, quot modis aberretur ab honesto, persequi. Rectius ad propositum exemplar se quisque tacitus exigit; nisi quod fuerit hujus generis vitium, ut fallat umbra specieque pietatis: ea conveniet suo loco nominatim etiam prodere, ne quis deceptus erret. Nunc quosdam videas ex arcanis illis hominum confessionibus concionari, sic monstra vitiorum depingentes, ut doceant: sic insectantes, ut aut invidere dicas, aut delectari. Quis autem fructus sit, si quis enumeret, quot modis peccetur libidine? Si quis vociferetur, adulteris plena esse omnia? Magis retulerit, venerabilem illam castitatis imaginem pectoris oculis subjicere: quam ubi conspexisset *Augustinus*, illico cœpit exsecrari formas omnes inhonestæ libidinis. Item in cæteris, quisquis ardere cœperit pulcherrimam *Christiana* pietatis Ideam, simul odisse incipit, quicquid ab hac viderit discrepare. Nec mihi probantur isti, qui quo sibi sanctimonix famam venentur apud plebeculam, feditiose vociferantur in Episcoporum aut Principum vitia: qui clamoribus hujusmodi magis etiam irritantur, cum admonitione tempestita, modesta, civilique sæpenumero corrigantur. Est & pietati sua libertas, sed nunquam non condita melle charitatis. Quoad licet parcendum est iis, qui summa publicæ funguntur auctoritate. Si res poscet sævitiam, magis sæviendum in eos, qui Pontificum, Episcoporum, aut Principum titulis ad suas cupiditates abutuntur, quam in ipsos proceres. Nec temere sæviendum in ordines hominum, adversus illos magis clamandum, qui suis vitiis, ordines alioqui præclaros dehonestant. Utilius enim fuerit ostendere quantum absint à vera religione, qui *Benedicti*, *Francisci*, aut *Augustini* institutum profitentes, ventri, gulæ, libidini, ambitioni, avaritiæ vivunt, quam ipsum vitæ genus incessere. Inutilius sit damnare publicas scholas, quam indicare, quid ab his refecari conveniat, aut quid expediat addi. Ita est humanum ingenium, citius ducitur civilitate, quam austeritate pertrahitur. Non parum autem ponderis addet orationi tuæ, si quæ doces, potissimum ex arcanis voluminibus haurias, si vitæ doctrinæ responderit, si docendi officium nulla gloriæ, nulla quæstus suspitione vitietur. Vim atque *evangelium* addet, si quæcunque doces, amaris ex animo, si ad dicendum, non à computatione, aut profano colloquio, sed ab altissima precatione, te contuleris, ut ad inflammandos aliorum animos, ipse ardens accedas. Sed næ ego hæc nimis multa ad te, à quo magis eram ipse docendus. Bene vale, mi *Jona*. *Antuerpia* 1. Junii, Anno 1519.

EPISTOLA CCCCXXXII.

Budæus Erasmo S. D.

F LUDOVICVS Vives, homo literarum bonarum feliciter studiosus, ut ex ejus sermone intellexi, mire nomini tuo meoque favere, mihi visus est: cujus humanitas singularis & erudita glutinum (ut arbitror) tenacissimum esse poterit in posterum tuenda retinendæque nostræ amicitia, si (ut sunt humana) nonnihil similitudinis, vel suspiciuncula potius inter nos inciderit. Nam hæcenus incidisse τὸ γὰρ κατ' ἐμὲ, nunquam fatebor ne sacerdoti quidem, apud quem animum curare solitus sum. Ut obiter epistola tua respondeam, quam peregre agens accepi, in qua non necessariam contestationem facis, te honorifice de me loqui so-

An. solitum, simul illam tuam tibi φιλοσοφίαν, mihi βεγ-
 1519. χολόγον epistolam, eo demum nomine displicere tibi af-
 firmas, quod me offendisse videatur: à qua suspitione, ut
 semel te deducam, quando mihi nec inficianti, nec affir-
 manti credis, bona mea gratia licet, ut eam officinis
 tuis permittas, si tibi non displicet. Ego enim eam sine animi
 offensione legi. Si nondum me nosti, velim, ut sero sal-
 tem nosse incipias subausteram ingenii mei naturam, qui
 nec observantias probem supparasitaticas, nec amicitias
 ἀμειλιχίας libenter exerceam, sicut amarulentam ira-
 cundiam stylo prodere non didici. Malim immodicus joci
 minisque circumspectus videri, quam alterius vitii infi-
 mulari. Eodem pertinere videtur illud, quod συγκεν-
 ζειν ἡμᾶς opus esse dicis, scilicet ὡπερὶ τὰν αὐτὰ σοι φε-
 ρῶν ἐμῶν, καὶ ἐνδιδόντων γε ἡμῶν διχαρῶς εἰς τὴν τέ-
 τιν ἐπιηρόμεναι τὴν ὡς σωαίνουσιν. Mihi vero iniquo quodam
 fato contigit, ut bellum φιλοβαρβάρους istis olim indictum,
 ferociter etiam commissum, jam prosequi nequeam, nec
 in partes bonorum meo arbitratu incumbere, quarum tu
 auspicia regis: ac tanquam jam in partibus non sim, nec
 hos adjuvo, nec illos infesto, tamen alteros exosus sum,
 & alteris bene cupio. Sed id quid est aliud quam ἐνώσιον
 ἀχθῶν δόξης ad senectutem vergere, quasi in theatro se-
 dentem? Quod autem ad id pertinet, quod scire auebas,
 quid animi haberemus, ut quodam epistolio scripsisti: pu-
 det me τὴν σωείδην τὴν ἡμετέραν ἐξομολογεῖν, tantum
 hoc opto, ut aliquando scire possis, ὅπως μοι ἐχρὶ τὰ
 τὴν ζωηροῦ τῶν οἱ ζωρεῖν τῇ ἡμετέρᾳ φιλολογίᾳ ἡ-
 χοντο. Tu velim ad me scribas, si quid ὁ ὡπερὶ γὰρ
 ἡμετέρας ἐπέσειλὲν σοι. Τὸτο γὰρ κρύβδω ἐμῷ ἐγένετο,
 εἴτε καλῶς ἐχρῆ, εἴτε μή. Τὰ δὲ τῶν ἐχρόμια, τοιαῦτα εἶναι,
 ὥς βέλκον εἶναι ἡγῆμαι ἐν αὐτῇ τῇ γεσφῇ πανσάρκον,
 ἔρρωσο σοι φάναι. Parisiis 10. Junii, Anno 1519.

EPISTOLA CCCCXXXIII.

Thomas Morus Erasmo S. D.

DE puero, cujus causam commendasti mihi, jam ante
 cum patre ejus egeram quam tu scripsisti. Rogaras
 enim pridem me per literas puer ipse, quod sibi persuase-
 rat apud illum meam sententiam momenti aliquid ac pon-
 deris habituram. Tractavi rem diligenter, quid profice-
 rim haud satis certo scio. Respondit mihi pater ejus non
 omnino duriter, & tamen (ut novi hominem ad rem at-
 tentum) opinor respondisse tam commode, magis pudore
 quodam adversandi mihi, quam quod ex animi sui sen-
 tentia loqueretur. Summa erat, de filio se usum confi-
 lio meo, sed interim non obscure significabat, eum se num-
 matum malle quam literatum. At puerum ipsum sic ani-
 matum video, ut non rem paternam tantum, sed ipsum
 etiam patrem, citius retineat quam se divelli patiatur
 à literis, nimirum dignus cujus indoleat talem foveant
 omnes, atque omni ope promoveant. Lovanensem illum
 scholasticum ita collocaui, ut non dubitem quin tibi per-
 petuo sit habiturus gratias. Eruditio ejus perplacet hero,
 qui quum audivisset eum mihi commendatum abs te, ro-
 gavit ultro uti juvenem ipsi permitterem, qua in re ego
 non gravatim illi sum gratificatus, utpote quod aliqui do-
 stinaveram petere. Nam apud me pluribus ministris non
 vacabat locus. Is, dum primis illis diebus esset apud me,
 ostendit mihi opera quedam Lodovici Vivis, quibus neque
 magis elegans, neque magis eruditum quicquam jam diu vi-
 di. Quotum enim quemque reperias, imo adeo quem unum
 ferme reperias usquam, qui tam virente aetate, (nam tu
 eum virente etiamnum aetate scribis esse) tam absolutum
 cyclopadis orbem absolverit? pudet me profecto, mi Erasme,
 mei, meique similitum, qui uno aut altero libellulo eoque
 fere inepto venditamus nos, quum Vivem respicio tam ju-
 venem, tam multa, tam excussa, tam disertis sermonis,
 tam abstruse lectionis edidisse. Magna res est linguarum
 alterutra pollere, ille se probat utraque peritissimum. Ma-
 jus quiddam ac fructuosius praeclaris imbutum esse discipli-
 nis, at quis uno Vive se ostendit aut pluribus instructum,
 aut melioribus? Multo vero maximum est sic bonas artes
 imbuisse discendo, ut in alios easdem possis rursus docen-

A do transfundere. At quis illo docet apertius, dulcius, ef-
 ficacius? Non possum satis admirari virtutes illas, quas in
 declamationibus ejus tu & acute perspexisti & expressisti
 luculenter, potissimum vero (quod in declamando potissimum
 est) non modo illorum historias temporum tam exprompta
 memoria complecti, quam non quivis suarum rerum me-
 minit, verum hominum tot olim seculis functorum fato
 affectus tam praesentes induisse, ut non è libris hausisse que
 declamat, sed vidisse, sensisse, in parte fuisse rerum vel
 prospere vel secus cadentium videatur. Consilia denique non
 ex aliena conditione languidule, sed ferventer admodum
 ex suo ipse metu, spe, periculo, felicitatem metiri. Quod
 si in alterutra tantum parte praearet, esset tamen admi-
 ratione dignum. Nunc vero talem se praeat in utraque, ut
 chamaleonta putes, verso solo simul mutasse colorem. Uri-
 nam expergiscantur, Erasme, atque ad istud Vivis exem-
 plar componant sese quidam, qui nimium ambitiose volunt
 haberi pro disertis, idque eo magis titulo quod alia omnia
 contemnunt, quam quod vel assequantur, vel rite conse-
 quantur eloquentiam, utpote qui ne per somnium quidem
 concipiant ullam Rhetorices imaginem. Hi quum ceteras
 artes negligant, quoniam studiorum nomine cobonestari po-
 stulant? Oratorem profecto vel Rhetorem nemo jure voca-
 bit eum, qui neque veras agat causas, neque declamet
 fictas. Quin Poeta perquam tenuis fuerit atque exsanguis,
 cujus poema nullis Philosophia monitis, nullis Rhetorum
 praeceptis, nullis differendi exercitamentis formetur. Vi-
 ves quum in Rhetorica talem se praestiterit, qualem haud
 ferme jam quisquam qui nihil proficitur aliud, tamen ca-
 terarum artium omnium, quae quidem digna sunt scitu,
 nullam reliquit, in qua non ita versatus est, ut in ea so-
 la aetatem omnem contrivisse censeas. Itaque ut nihil est
 illius quod non mirum in modum delectet omnes, ita me
 profecto quae scripsit in pseudodialecticos peculiari quadam
 voluptate perfundunt. Non ideo tantum (quanquam ideo
 quoque) quod illas ineptas argutias lepidis cavillis eludit,
 validis argumentis oppugnat, inevitabili ratione à funda-
 mentis eruit atque subvertit, sed & praeerea quod ibi vi-
 deo quadam iisdem fere tractata rationibus, quas & ipse
 mecum olim, quum nihil adhuc Vivis legissem, collegeram.
 Quae mihi nunc non eodem nomine placent in libello Vivis, quod
 mea rationes ante arriserint mihi, (solet enim placere, si
 quid afferre alias videmus quod nobis ante in mentem ve-
 nerat) sed quod mihi plando quando quod ante suspectum
 habueram, ne parum apte diceretur, nunc confirmor haud
 infcitum esse, postquam Vivi quoque video placuisse. Jam
 illud me capit ac delectat maxime, quod quum videam
 idem argumentum utrique nostrum animum & cogitatio-
 nem occupasse, tum sic utrique tractatum, ut quanquam
 & fusius ab illo & elegantius, tamen in nonnullis non
 tantum res easdem afferamus, sed propemodum eadem
 etiam verba, sic mihi libenter blandior, quasi cognati
 quippiam syderis, animos inter sese nostros occulta qua-
 piam vi & conspiratione conciliet. Hoc illi gratulor quod
 tantum habet locum apud Cardinalem suum. Spero fore
 ut illius numinis favor iniquitatem fortuna corrigeat, quae
 solet in eos esse pessima: quicunque merentur optima, &
 tanquam literis ac virtutibus invidens, indoctos fere
 atque improbos beneficiis suis evehere. Verum, Cardina-
 lis (cui beandi quemvis tam facilis fero quam ipsi fortu-
 na facultas est) homini tali, quem inter penitissimos ad-
 scivit, cui tantum eruditionis eximia (qua nunc haud
 paulo clarius quam ipso dignitatis fulgore splendet) acce-
 ptum fert, non insigniter esse beneficus, neque pro insi-
 gni sua bonitate volet, neque sine insigni apud posteros
 quoque traditione potest. Vale, mi Erasme charissime,
 quem ego spero fore ut Caleti propediem praesens praesen-
 tem in hoc Regum congressu complectar. Hodie appellat
 Imperator. Cras summo mane Rex in occursum prodi-
 bit, imo fortassis hac ipsa nocte qua jam nunc appe-
 tit. Non credas quanto gaudio non dico Regis ac Pro-
 cerum, sed populi quoque sit acceptus nuncius, per quem
 constabat Imperatorem huc appellere. Iterum vale. E
 Cantuaria pridie Pentecostes, sua II. Junii, Anno
 1519.

Tom. III.

Ff

Quid-

An. 1519. *Quiddam est, mi Erasme, de quo si mihi notus esset Vives, admonerem illum. Nunc quoniam haud certum sum quo animo acciperet ab ignoto tam importunum officium, ipse potes per occasionem submonere, esse in ædibus legum atque item in ejus somnio (quod aliqui multorum superat pervigilatas vigilias) abstrusiora quedam quam ut pateant nisi doctissimus, quum fueris in rem literariam utile, illius omnia quam plurimis intelligi: ei rei vel explicando, vel adjectis in margine brevissimis scholiis, facile mederi fuerit. Addet item plurimum lucis declamationsibus, si brevibus historia summam complexus vel una pagella praeponat. Iterum vale. Anno 1519.*

EPISTOLA CCCCXXXIV.

Albertus Cardinalis Moguntinensis Erasmo S. D.

QUANTUM gravissima sunt, ac omnium nomine maxime necessaria, qua nos cura & sollicitudine multum exercent hoc tempore, Erasme doctissime, ut qui non privati alicujus negotii cura distineamur, sed deligendi totius orbis Imperatoris munere fungi cogamur, tamen interim sumus impigre ac libenter memores. Itaque nihil arduum adeo obversari potest, quod nobis eruditissimarum tuarum literarum, quoties illa, & ubi ubi reddantur, lectionem inturbet. Teque oramus plurimum, ut nos frequenter ad hunc modum interpelles. Jam enim tibi persuade, toties exsultare nos, quoties tuam aliquam epistolam accipimus. Id quanquam in te precipue verum est, tamen non parum interim nobis placet doctorum hominum, undecunque ea accesserit, notitia. Itaque Ricardum Pacæum, invictissimi Anglorum Regis Orationem, commendatum nobis sua primum virtute, qua nec prius fuerat incognita, nimirum eruditorem virorum oratione nobis saepe predicata, deinde Regis sui, & Cardinalis Eboracensis literis, ac tuo postremo testimonio, charum habemus, complectimur cupidissime. Tu perge sacras Literas, & divinam Theologiam admirando illo tuo studio locupletare. Sic enim fiet, ut barbara esse desinat, si qua maxime fuit natio. Ad quod felicitatem tibi omnem, & ex animo successum optamus, nostram ad id opem operamque pollicentes. Huttenum nostrum, vel idcirco, quia amari ab te intelligimus, libenter diligimus. De libello nobis per te dicato, nihil est quod turberis, haud agre tulimus ab alio aliis adscriptum illum quandoquidem nobis tu ante destinaveras. Remitemus & nostrum statim munusculum. Tu interim vale. Ex civitate Imperiali Francfurdia 13. mensis Junii, Anno 1519.

EPISTOLA CCCCXXXV.

Erasmus Rot. Jodoco Jona Erphordienfi S. D.

QUOD tam impense rogas, vir optime, ut tibi Joannem Coleti vitam paucis velut in brevi tabella depingam, hoc faciam lubentius, quod suspicer te tibi quærere egregium aliquod pietatis exemplar, ad quod tuum institutum attemperes. Equidem, mi Jona charissime, ut fateor me cum multis habuisse consuetudinem, quorum integritas mihi valde probaretur, tamen nullum adhuc vidi, in cujus moribus nescio quid adhuc Christiana puritatis non desiderarem, quoties ad horum duorum sinceritatem conferrem aliquem: quorum alterum mihi nosse contigit apud oppidum Artesia, quod vulgo dicitur sancti Andomari, dum huc me pestis, hac sane in parte mihi felix, Lutetia propulisset: alterum in Britannia, quo me Montjoii mei charitas pertraxerat. Lucrum facies, cujus scio te avidissimum, pro uno duos dabo. Prior dictus est Joannes Vitarius Ordinis Franciscani: nam in hoc vitæ genus adolescens inciderat, meo judicio, nulla ex parte posthabendus Colesio, nisi quod ob servitutem instituti, minus multis prodesse poterat. Annos natus erat ferme quadraginta quatuor quum hominem nosse cœpisssem. Ac statim adamare me cœpit, hominem sui multum dissimilem. Erat auctoritatis maximæ apud optimos quosque,

A multis magnatibus gratissimus, corpore procerus & elegantius, natura felici, animo sic excelsus, ut nihil esset illo humanius. Scoticas argutias puer imbiberat, quas nec prorsus improbabat, quod quædam scite dicerentur licet sordidis verbis, nec rursus magni faciebat. Cæterum, ubi contigisset Ambrosium, Cyprianum, Hieronymum degustare, mirum quam præ his illa fastidiebat. Nullius ingenium magis admirabatur in sacris Literis quam Origenis: quumque cavillaret me mirari, quod hominis hæretici scriptis delectaretur, ille mira alacritate, fieri non potuit, inquit, quin hoc pectus inhabitaret Spiritus sanctus, unde tot libri tam eruditi, tanto ardore scripti prodierunt. Quanquam autem illud vitæ institutum, in quod per incitiam ætatis fuerat, vel delapsus, vel pertractus, nequaquam probabat, subinde dictitans apud me, fatuorum esse vitam potius, quam religiosorum, ad nolæ signum dormire, expergisci, redormiscere, loqui, tacere, ire, redire, cibum capere, desinere pastu, denique nihil non facere ad præscriptum humanum, potius quam ad Christi regulam: nihil iniquius esse, quam inter tam inæquales, æqualitatem, maxime quod illic sæpenumero coelestia ingenia, ac melioribus rebus nata, ceremoniis, & constitutiunculis humanis, aut etiam livore sepelirentur: tamen nec cuiquam unquam fuit auctor mutandæ vitæ, nec ipse quicquam hujusmodi molitus est, paratus omnia ferre potius, quam ulli mortalium offendiculo esse, Pauli sui exemplum in hoc quoque referens. Nihil autem erat tam iniquum, quod ille pacis servandæ studio, non summa cum alacritate perpeteretur. Libros divinos, præsertim Epistolas Pauli, sic edidicerat, ut nemo melius teneret ungues, digitosque suos, quam ille Pauli sui sermones. Dedisses initium ex quacunque parte, ille mox totam Epistolam absque ullo lapsu fuisset prosequutus. Ambrosii pleraque tenebat memoriter. Vixque credibile est, quantum item ex aliis orthodoxis veteribus memoria complecteretur. Præstitit hoc illi partim memoria natura felix, partim assidua meditatio. Rogatus à me in familiari colloquio, quibus modis præpararet animum suum iturus ad concionandum. Respondit se solitum in manus sumere Paulum, & in ejus lectione tam diu commorari, donec sentiret incallescere pectus. Illic hærebat, addens igneas ad Deum preces, donec admoneretur esse tempus incipiendi: non dividebat fere conciones suas, quod vulgus ita facit, quasi secus facere non liceat, unde fit ut frequenter sit frigidissima distinctio. Quanquam omnis illa distinctionum cura, frigus addit orationi, & artificii significationem præbens, fidem elevat dicentis. At hic perpetuo quodam sermonis fluxu, connectebat sacram Epistolam cum Evangelica lectione, ut auditor domum rediret & eruditior & inflammator ad studium pietatis. Neque gestulationibus ineptiebat, nec vociferationibus tumultuabatur, sed totus apud se sic promebat verba, ut sentiret ex ardenti ac simplici, sed sobrio pectore proficisci: nec usquam inamorabatur ad tædium usque, neque jactabat sese variis citationibus nominum, quemadmodum nunc è Scoto, Thoma, Durando, nunc ex Juris utriusque libris, nunc è Philosophis, nunc è Poetis centones frigidos confarcinant, quo populo nihil nescire videantur. Totus sermo, quem promebat, erat sacre Scripturæ plenus, nec aliud ructare poterat. Amabat quod loquebatur. Habebat hominem incredibilis quidam ardor pertrahendi mortales ad sinceram Christi Philosophiam. Ambiebat ex hujusmodi laboribus martyrii gloriam. Proinde quemadmodum ex illius familiarissimis cognovi, olim à suis auctoribus impetrarat veniam adeundi regiones, in quibus Christus aut ignoratur, aut impie colitur, se felicem fore judicans, si hæc obiens, martyrii palmam meruisset. At è medio cursu revocatus est, voce velut coelitus audita: Redi Joannes, non desertum est tibi apud nos martyrium. Paruit oraculo, & reperit esse verum, quod

1519. An. quod vox illa prædixerat. Erat illic monasterium fornicularum, in quo sic erat prolapsa omnis religiosæ vitæ disciplina, ut lupanar verius esset, quam monasterium. Et tamen inter has erant quæ sanari possent, & euperent. Has dum crebris concionibus, hortatibusque revocaret ad *Christum*, octo deploratæ ex eo numero conspirabant, & hominem observatum in locum semotum pertrahunt, atque ibi fasciis injectis præfocant. Nec finem faciunt donec casu nescio qui intervenientes, impium facinus dirimunt. Atque ille jam exanimatus erat, vixque revocatus est, ut spiraret: nec tamen usquam hac de re questus est, ne his quidem quos habebat intimos, nec ullum officium prætermisit, quo solet illarum salutem subvenire; imo ne vultus quidem unquam visus est in illas solito tristior. Noverrat auctorem hujus conspirationis, is erat Theologus *Dominicanus*, Episcopi *Morinensis* à suffragiis Episcopus, vir palam impiæ vitæ. Nec huic unquam verbo molestus fuit, tametsi nulli hominum generi erat iniquior, quam qui doctores ac duces pietatis professi, moribus ac doctrina impia populum à *Christo* alienarent. Nonnunquam septies concionabatur uno die, nec unquam illi deerat sermonis eruditi copia, quoties de *Christo* loquendum erat. Quanquam tota illius vita nihil erat, nisi sacra concio. Erat alacer, minimeque tetricus in convivio: sed sic, ut nullam unquam præberet speciem levitatis, aut ineptiæ, luxus aut intemperantiæ multo minus. Miscebat sermones eruditos, plerumque sacros, & ad pietatem facientes. Talia erant colloquia, si quis illum adibat, aut si quem ille viseret. Aut si quo faceret iter, habebat potentes amicos, qui illi in itinere mulum aliquoties, aut equum subiciebant, quo commodiusliceret confabulari, ibi promebat vir optimus exhilarato spiritu, quæ nullis geminis poterant æstimari. Neminem ab se tristem dimittebat, imo neminem non dimittebat meliorem, & ad pietatis amorem animatiorem. Nihil erat in quo sentire possis illum ulli suo commodo servire, non ventri, non ambitioni, non avaritiæ, non voluptati, non odio, non livori, non ullis malis affectibus erat obnoxius. Quicquid acciderat, agebat gratias Deo: nec aliud erat gaudium, quam si quos inflammasset ad studium Evangelicæ pietatis. Nec irritus fuit illius conatus. Complures, tum viros, tum foeminas lucrifecerat *Christo*: qui quantum differrent ab hoc *Christianorum* vulgo, mors arguebat: vidisses enim hujus discipulos summa cum alacritate spiritus mori, & sub mortem vere cygneam canere canticum, ea promentes, quæ pectus afflatum sacro numine testarentur: cum cæteri peractis ceremoniis, & adhibitis solennibus illis protestationibus fidentes, diffidentes, exhalarent animam. Testis est hujus rei Medicus eximius ejus oppidi *Ghisbertus*, ac pertinax veræ pietatis cultor, qui plurimis utriusque scholæ morientibus adfuit. Pertraxerat aliquot & e sui gregis sodalibus, sed pauciores: quemadmodum & *Christus* apud suos non potuit multas virtutes facere; nam illis fere placent qui sua doctrina plurimum commeatus convehunt in culinam, potius quam qui plurimas animas asserunt *Christo*. Cum autem ab omnibus vitiis abhorrebat animus ille purissimus, ac vere templum *Christo* dicatum, tum maxime à libidine, adeo ut odore talium gravissime offenderetur, tantum aberat ut turpiloquium ferre posset. In vitia vulgi nunquam odiose debacchabatur, neque quicquam adferebat e secretis confessionibus: sed ita depingebat honestatis imaginem, ut se quisque tacitus agnosceret. In consiliis dandis mira prudentia, mira integritas, mira dexteritas. Secretas confessiones non admodum volens audiebat, sed tamen in hoc quoque serviebat charitati: anxias ac subinde repetitas confessiones palam detestabatur. Superstitioni ac ceremoniis minimum tribuebat, vescabatur eibis quibuslibet sobrie, & cum gratiarum actione. Vestitus erat nihil ab aliis differens. Solet nonnunquam & valetudinis causa suscipere iter aliquod, si quando senserat corpus humore de-

A gravari. Quodam igitur die, cum perolveret pen- An. sum precum statutarum cum suo sodali, sensissetque 1519. stomachum, fortassis ob pridianam inedia nausentem, ingressus domum proximam sumpsit cibi nonnihil, ac repetito itinere pergebat precari: ibi cum sodalis illius putaret omnia repetenda ab initio, quod primæ horæ precibus nondum dictis sumpsisset cibum, ille alacer negavit quicquam esse admissum, imo Deo nonnihil fore lucri. Antehac, inquit, languidi & segnes precabamur, nunc alacribus animis illi dicemus hymnos spirituales, & ejusmodi sacrificiis ille delectatur, quæ ab hilari datore offeruntur. Ego cum id temporis diversarer apud *Antonium à Bergis* Abbatem B *Bertinicum*, nec nisi post meridiem illic pranderetur, neque meus stomachus ferret tam diutinam inedia, (erat autem tempus Quadragesimæ) præsertim cum totus essem in studiis, solebam ante prandium forbitiuncula tepida fulcire stomachum, quo duraret in horam prandii. Hac de re cum illum consulerem numliceret, ille circumspexto sodali, quem tum habebat laicum, ne quid offenderetur, imo inquit, peccares nisi faceres, & ob cibulum omitteres ista tua sacra studia, tuoque corpusculo faceres injuriam. Cum C *Alexander* Pont. ex uno *Jubilao* fecisset duos, quo questus esset uberior, ejusque dispensationem Episcopus *Tornacensis* præsentem pecunia suo periculo redemisset, summo studio adnitebantur Commissarii, ne forte perderet Episcopus, imo ut lucrum non poenitendum accederet. Hic in primis ad fabulæ partes vocabantur ii, qui in concionibus populo essent gratiosi. Noster sentiens id in scrinia conferri, quo sublevabantur ante pauperes, non improbabat quod offerebat Pontifex, nec probabat tamen. Cæterum, illud improbabat, quod tenues fraudarentur solito subsidio: damnabat stultam eorum fiduciam, qui nummo in scrinium coniecto putarent sese liberos à peccatis. Tandem obtulerunt Commissarii centum florenos ad structuram templi, nam id tum ædificabatur in ejus monasterio, ut si nollet commendare venias Pontificias, D saltem ea taceret quæ officerent. Ibi vir velut afflatu sacro percitus, *Abite*, inquit, *hinc Simoniaci cum vestra pecunia, An eum me putatis, qui ob pecuniam sine suppressurus Evangelicam veritatem? ea si vestro quaestui obstat, mihi major esse debet cura animarum quam vestri compendii.* Cessere tum vigori pectoris Evangelici, homines male sibi conscii, sed interim præter expectationem summo diluculo affixa est excommunicatio, quæ tamen à cive quodam detracta est priusquam multis innotesceret. Ille nihil his minis territus, summa cum animi tranquillitate docebat populum, & *Christo* sacrificabat: nec ullum metum præ se ferebat talis anathematis, quod ob *Christum* prædicatum intentaretur. E Mox citatus est ad Episcopum *Morinensem*, paruit Episcopo suo, venit uno sodali comitatus, nihil ipse de se sollicitus: sed tamen inscio illo cives equitum præsidia collocarant in itinere, ne per insidias interceptus in antrum aliquod conjiceretur. Quid enim non audet auri sacra fames? Episcopus objecit articulos aliquot, quos ex illius collegerant concionibus: ille magno animo respondit, & Episcopo satisfecit. Aliquanto post denuo vocatus est, objecti sunt plures: ubi & ad hos respondisset, rogabat cur non adessent accusatores, ut suo quoque periculo accusarent: se jam his venisse honoris illius gratia, quod Episcopus esset, cæterum, non venturum tertio, si simili modo vocaretur: esse sibi domi melius negotium. Ita suo ingenio relictus est, sive quia deerat ansa nocendi, sive quia timebant populi tumultum, in quo probitas illius habebat optimum quemque addictissimum: etiam si ille tale nihil ambiebat. Jamdudum rogabis, scio, quis hujus viri fuerit exitus. Non solum displicuit Commissariis, sed etiam suis fratribus aliquot, non quod non probarent vitam, sed quod ea melior esset, quam ipsis expediebat. Totus inhabat in lucrum animarum, cæterum ad instruendam culinam, aut extruendos

An. 1519. parietes, ad illectandos dotatos adolescentes segnior erat quam illi vellent: etiam si hoc quoque non negligebat vir optimus, duntaxat si quid ad sublevandam necessitatem pertineret, verum non ut plerique præpostere curabat ista. Imo quendam etiam *Thynnium* alienarat: is erat aulicus, ac prorsus aulicis moribus, foris per omnia cubilia se volvens, passim matrimonia aliena contaminans, & uxorem pro derelicta habens, quam habebat & claro genere natam, & aliquot liberorum matrem. Per occasionem evenit, ut hæc quoque seduceretur: illico rejecit mulierculam primo lapsu, qui sibi tot lapsus ignoverat. Illa tandem longius etiam prolapsa ad extremam devenit calamitatem, præter infamiam, scabiei etiam, quam *Gallicam* vocant, obnoxia. Hic cum omnibus tentatis, quo uxorem marito reconciliaret, nihil ageret, nec durus ille, vel affinium respectu, vel liberorum communium affectu, vel sua ipsius conscientia, qui tot adulteriis, qui suo neglectu occasionem dedisset, flecteretur, reliquit hominem ceu deploratum. Is paulo post ex more, petasionem, aut armum suillum misit. Cæterum *Joannes*, nam tum *Guardianum* agebat, mandarat janitori, ne quid reciperet nisi se vocato. Cum adesset munus, vocatus est: ibi famulis, qui deferebant heri nomine, Referte, inquit, onus vestrum unde attulistis, nos non recipimus munera diaboli. Itaque tametsi non ignorabant illius vitam ac doctrinam esse seminarium egregium Evangelicæ pietatis, tamen quoniam non perinde conducebat proventui culinæ, iussus est deponere *Guardiani* munus, quo nihil ille fecit lubentius: & suffectus est illi quidam, quem ego novi, aliunde adscitus, homo non dicam qualis, aut quam alteri dissimilis, in summa is mihi visus est, cui nemo prudens caletum suum vellet committere: sive hunc obtruserunt, qui cupiebant abesse, sive is visus est ad rem magis idoneus. Porro cum ex ejus convictu subolesceret unus atque alter, qui simili spiritu raperetur ad studium consulendi pietati *Christiana* potius, quam ad augendum penu, relegarunt hominem *Curtracum* in monasterium Virginum: ibi quantum licuit, sui similis, docens, consolans, adhortans, diem suum feliciter obiit, relictis aliquot libellis, quos è sacris auctoribus decerpserat *Gallice*, quos non dubito tales esse, qualis erat hominis vita & oratio. Et tamen audio nunc à nonnullis damnari, qui putant esse ingens periculum, si populus aliquid legat præter ineptas fabulas historiarum, aut somnia Monachorum. Vivit adhuc illius doctrinæ scintilla in multorum pectoribus, quos si conferas cum cæteris, dices hos non esse *Christianos*, sed *Judaos*. Sic contemptim habitus est à suis vir ille singularis, qui si *Paulo* Apostolo collega contigisset, nihil addubito, quin illum suo *Barnaba*, aut *Timotheo* fuerit antepositurus. Habes vere gemmeum *Vitrarium* nostrum, ignotum mundo, celebrem & clarum in regno *Christi*. Nunc *Coletum* huic simillimum accipe. Alterum alteri depinxeram, & uterque alterius videndi desiderio flagrabat, atque hac gratia *Vitrarius* in *Angliam* trajecerat, ac mihi post narrabat *Coletus* apud se fuisse *Minoritam* quendam, cujus colloquio prudenti pioque mirum in modum fuisset delectatus, sed adhibitum alterum quendam ejusdem Ordinis *Stoicum*, qui visus indigne ferre, *Christianum* colloquium interrupit. Ac fortasse *Coletus* hoc nomine plus laudis meretur, quod nec indulgentia fortunæ, nec impetu naturæ, longe alio trahentis, potuerit ab Evangelicæ vitæ studio depelli. Natus est enim è claris & opulentis parentibus, idque *Londini*. Siquidem Pater bis in urbe sua præfecturam summam gessit, quam illi *Majoritatem* appellant. Mater, quæ adhuc superest, insigni probitate mulier, marito suo undecim filios peperit, ac totidem filias. Quorum omnium natu maximus erat *Coletus*, ac proinde solus hæres futurus juxta leges *Britannicas*, etiam si illi fuissent superstites: sed ex omnibus ille superfuit solus, cum illum nosse cœpisssem. Accesserat his fortunæ commodis corpus elegans ac pro-

cerum. Adolescens apud suos quicquid est scholasticæ Philosophiæ, diligenter perdidit, ac titulum assequutus est, qui septem liberalium Artium scientiam proficitur. Quarum nulla erat, in qua ille non fuisset gnariter ac feliciter exercitatus: nam & libros *Ciceronis* avidissime devorarat, & *Platonis*, *Plotinique* libros non oscitanter excusserat, nec ullam Mathematices partem intactam reliquit. Post, tanquam avidus bonarum rerum negotiator, adiit *Galliam*, mox *Italiam*. Ibi se totum evolvendis sacris Auctoribus dedit, sed prius per omnia literarum genera magno studio peregrinatus, priscis illis potissimum delectabatur, *Dionysio*, *Origene*, *Cypriano*, *Ambrosio*, *Hieronymo*. Atque inter Veteres nulli erat iniquior, quam *Augustino*. Neque tamen non legit *Scotum*, ac *Thomam*, aliosque hujus farinae, si quando locus postulabat. In utriusque Juris libris erat non indiligenter versatus. Denique nullus erat liber, historiam, aut constitutiones continens majorum, quem ille non evolverat. Habet gens *Britannica* qui hoc præstiterunt apud suos, quod *Dantes* ac *Petrarcha* apud *Italos*. Et horum evolvendis scriptis linguam expolivit, jam tum se præparans ad præconium sermonis Evangelici. Reversus ex *Italia*, mox relictis parentum ædibus, *Oxonia* maluit agere. Illic publice & gratis *Paulinas* Epistolas omnes enarravit. Hic hominem nosse cœpi, nam eodem tum me Deus nescio quis adegerat; natus tum erat annos ferme triginta, me minor duobus, aut tribus mensibus. In Theologica professione nullum omnino gradum, nec assequutus erat, nec ambierat: tamen nullus erat illic doctor, vel Theologiæ, vel Juris, nullus Abbas, aut aliqui dignitate præditus, quin illum audiret, etiam allatis codicibus: sive hoc laudis debetur *Coleti* auctoritati, sive illorum studio, quos non puduerit senes à juvene, doctores à non doctore discere: tametsi post ultro delatus est doctoris titulus, quem ille recepit magis, ut illis gereret morem, quam quod ambiret. Ab his facris laboribus, Regis *Henrici*, ejus nominis septimi, favore *Londinum* est revocatus, ac Decanus apud divum *Paulum* factus, ut illius præficeret collegio, cujus literas sic adamabat. Est autem dignitas ejus nominis apud *Anglos* prima, tametsi sunt aliæ proventu magis opimo. Hic vir optimus tanquam ad opus vocatus, non ad dignitatem, collegii sui collapsam disciplinam sarfit, & quod erat illic novum, singulis diebus festis in suo templo concionari instituit, præter conciones extraordinarias, quas nunc in regia, nunc aliis atque aliis locis habebat. Porro in suo templo non sumebat sibi carptim argumentum ex Evangelio, aut ex Epistolis Apostolicis, sed unum aliquod argumentum proponebat, quod diversis concionibus ad finem usque prosequeretur: puta Evangelium *Matthæi*, Symbolum fidei, Precationem Dominicam. Et habebat auditorium frequens, in quo plerosque primores suæ civitatis, & aulæ regiæ. Mensam Decani, quæ antea sub hospitalitatis titulo luxui servierat, contraxit ad frugalitatem. Nam cum & ante annos aliquot in totum abstinuisset à cœna, caruit vespertinis convivis. Porro quum serius pranderet, etiam tum minus habuit multos: sed hoc pauciores, quod & frugalis esset apparatus, tametsi nitidus, & brevis accubitus, denique sermones, qui non delectarent nisi doctos ac bonos. Consecrata mensa, mox puer aliquis clara voce distincte pronunciabat caput aliquod ex Epistolis *Pauli*, aut Proverbiis *Salomonis*. Ex eo delectum locum ipse fere repetebat, ac sermonis occasionem sumebat; sciscitans ab eruditis, aut ingeniosis etiam idiotis, quid hoc aut illud dictum sibi vellet. Atque ita sermonem temperabat, ut quantum & pius & gravis, tamen nihil haberet tædii, aut supercilii. Rursus sub convivii finem, cum jam utcunque satisfactum esset, non voluptati, sed necessitati, aliud argumentum iniecit: atque ita convivas dimisit & animo & corpore refectos, ut meliores discederent, quam venerant, & stomachum minime cibis o-

nu-

2519. *Am.* nustum referrent. Impense delectabatur amicorum colloquiis, quæ sæpe differebat in multam noctem: sed omnis illius sermo, aut de literis erat, aut de *Christo*. Si grati confabulonis non erat copia (nec enim quilibet delectabatur) puer aliquis è sacris Libris aliquid pronunciabat. Me nonnunquam & peregrinationis comitem adscivit, nihil erat illic eo festivius: sed semper libellus erat itineris comes, nec alii sermones quam de *Christo*. Impatiens erat omnium sordium, adeo ut nec sermonem ferret solœcum ac barbarie spurcum. Quicquid erat domesticæ suppellectilis, quicquid apparatus in cibis, quicquid in vestibus, quicquid in libris, nitidum esse volebat, de magnificentia non laborabat. Non nisi pullis vestibus utebatur, cum illic vulgo sacerdotes ac Theologi vestiantur purpura. Summa vestis semper erat lanæ ac simplex, si frigus hoc postulabat, interulis pelliceis se muniebat. Quicquid è sacerdotiis redibat, id in usus domesticos œconomo suo dispensandum reliquit: quod erat patrimonii (erat autem amplissimum) ipse in pios usus distribuebat. Nam patre defuncto, cum ingentem pecuniæ vim accepisset ex hæreditate, ne servata gigneret in eo aliquid morbi, novam scholam extruxit in cœmeterio *S. Pauli*, puero *Jesu* sacram, opere magnifico: adjecit ædes magnificas, in quibus agerent duo ludi magistri, quibus amplum salarium designavit, quo gratuito docerent, sed sic, uti schola non capiat nisi certum numerum. Eam distinxit in partes quatuor. Primus ingressus habet ceu Catechumenos. Nullus autem admittitur, nisi qui jam norit & legere & scribere. Secunda pars habet eos, quos hypodidascalus instituit. Tertia, quos Superior erudit. Alteram ab altera dirimit velum quoddam, quod adducitur, ac diducitur, cum libet. Supra cathedram præceptoris sedet puer *Jesus* singulari opere, docentis gestu, quem totus grex adiens scholam ac relinquens hymno salutat. Et imminet Patris facies dicentis, *Ipsum audite*: nam hæc verba me auctore adscripsit. In postremo sacellum est, in quo licet rem divinam facere. Tota schola nullos habet angulos, aut feces, adeo ut nec cœnaculum sit ullum, aut cubiculum. Pueris singulis suus est locus in gradibus paulatim adscendentibus, distinctis spaciis. Quæque classis habet sedecim, & qui in sua classe præcellit, fellulam habet cæteris paululo eminentiorem. Nec quosvis admittunt temere, sed delectus sit indolis & ingeniorum. Vidit illud vir perspicacissimus, in hoc esse præcipuam Reipublicæ spem, si prima ætas bonis rationibus institueretur. Ea res cum constet immensa pecunia, tamen nullum in hujus consortium admisit. Quidam legarat in eam structuram centum libras monetæ *Brisannica*, ubi sensit *Coletus* hac gratia sibi nescio quid juris vendicare laicos, permissu Episcopi sui, eam pecuniam contulit in sacras vestes templi. Reditis totique negotio præfecit non sacerdotes, non Episcopum, aut capitulum ut vocant, non magnates, sed cives aliquot conjugatos, probatæ famæ. Roganti causam ait, nihil quidem esse certi in rebus humanis, sed tamen in his se minimum invenire corruptelæ. Atque ut hoc opus nemo non probavit, ita multi demirabantur, cur magnificentissimas ædes extrueret intra pomœria monasterii *Carthusiensium*, quod non procul abest à regia quæ dicitur *Richemonda*. Aiebat se parare sedem illam suæ senectuti, cum jam impar laboribus, aut morbo fractus cogeretur se submovere ab hominum consortio. Illic erat animus philosophari cum duobus aut tribus amiculis eximiis, inter quos me solitus est numerare, sed mors antevertit. Nam cum ante paucos annos correptus esset sudore pestilenti, qui morbus peculiariter infestat *Britanniam*, & ab eodem tertio repetitus, utcunque tamen revixit; sed ex morbi reliquiis contracta viscerum tabes, qua perierit. Medicus unus hydropem esse judicavit. Anatomia nihil indicavit novi, nisi quod hepar repertum est extremas fibras cirrhis prominentibus hirsutum. Sepultus est ad australe chori latus in suo templo humili sepul-

Au. chro, quod in eum usum jam ante annos aliquot delegerat, inscriptione addita, *Joan. Col.* Finem faciam, *2519.* mi *Jona*, si pauca commemoraro primum de ipsius natura, deinde de opinionibus paradoxis, postremo de procellis, quibus explorata est hominis ingenua pietas, cujus minimam portionem debebat naturæ suæ. Siquidem animo præditus erat insigniter excelso, & omnis injuriæ impatientissimo, ad venerem, ac luxum, ac somnum mire propensus, ad jocos ac facetias supra modum proclivis: hæc ipse mihi fastus est, nec omnino tutus à morbo philargyriæ. Adversus hæc ita pugnavit philosophia, sacrisque studiis, vigiliis, jejuniis, ac precibus, ut totum vitæ cursum ab hujus sæculi inquinamenti purum peregerit. Nam quantum mihi licuit ex illius consuetudine, colloquiisque familiaribus colligere, virginitatis florem ad mortem usque servavit. Opes in pios usus dissipavit, adversus animi celsitudinem ratione pugnavit, adeo ut à puero quoque moneri se pateretur. Venerem, somnum, ac luxum, abstinencia cœnæ perpetua, jugi sobrietate, indefessis laboribus studiorum, sanctisque colloquiis profligavit: & tamen si quando sese obtulisset occasio, vel jocandi apud facetos, vel colloquendi cum sceminis, vel acumbendi in opiparis conviviis, vidisses aliqua naturæ vestigia. Et ob id fere à laicorum consuetudine abstinuit, sed præcipue à conviviis: ad quæ si quando cogeatur, me aut mei similem adhibebat, quo *Latinis* fabulis declinaret prophana colloquia. Atque interim sumpto ex uno tantum genere cibi pusillo, uno aut altero cerevisiæ haustu contentus erat, à vino temperans, quo tamen delectabatur eleganti, sed temperatissime utens. Ita se sibi semper habens suspectum, cavebat ab omnibus, quibus esse posset offendiculo cuiquam. Nec enim ignorabat omnium oculos in se coniectos. Nunquam vidi ingenium felicius, atque ob id similibus ingeniis unice delectabatur: sed ad hæc se malebat demittere, quæ præpararent ad immortalitatem vitæ futuræ. Nulla in re non philosophabatur, si quando se laxaret fabulis amœnioribus. In pueris ac puellis delectabat naturæ puritas, ac simplicitas, ad cujus imitationem suos vocat *Christus*, Angelis eos solitus comparare. Jam ut alteram exsolveram partem, opinionibus à vulgo multum diffidebat, sed mira prudentia hac in re sese attemperabat aliis, ne quos offenderet, aut ne quid labis in famam contraheret, non ignarus quam iniqua sint hominum judicia, quamque prona in malum credulitas, quantoque facilius sit maledicis linguis contaminare famam hominis, quam benedicis sarcire: inter amicos ac doctos liberrime profitebatur, quid sentiret. *Scotistas*, quibus hominum vulgus ceu peculiare tribuit acumen, aiebat sibi videri stupidos, & hebetes, & quidvis potius quam ingeniosos. Nam arguari circa alienas sententias ac verba, nunc hoc arrodere, nunc illud, & omnia minutatim diffecare, ingenii esse sterilis & inopis. *Thoma* tamen, nescio qua de causa, iniquior erat quam *Scoto*. Etenim cum hunc apud illum aliquando laudarem, ut inter recentiores non adspernandum, quod & sacras Literas, & auctores veteres videretur evolvisse, cujus rei suspicionem mihi fecerat *Catena*, quæ vocatur *aurea*, & aliquid haberet in scriptis affectuum, semel atque iterum dissimulavit obticelescens: verum, ubi rursus in alio colloquio inculcarem eadem vehementius, obtutus est me, velut observans serio-ne hæc dicerem, an *εἰρωνεύων* cum animadverteret me ex animo loqui, tanquam afflatus spiritu quodam, quid tu, inquit, mihi prædicas istum, qui nisi habuisset multum arrogantiae, non tanta temeritate, tantoque supercilio definisset omnia: & nisi habuisset aliquid spiritus mundani, non ita totam *Christi* doctrinam suam prophana philosophia contaminasset. Admiratus sum hominis *ἐνθουσιασµὸν*, coepique diligentius ejus viri scripta evolvere. Quid verbis opus est? omnino deceffit aliquid meæ de illo existimationi. Cum nemo magis faveret *Christiana* pietati, tamen erga monasteria, quæ nunc falso nomine pleraque sic vocantur,

An. minimum habebat affectus: eisque aut nihil, aut quam
 1519. minimum largiebatur, ac ne moriens quidem aliquid il-
 lis decedit: non quod invisos habebat ordines, sed
 quod homines suæ professioni non responderent. Nam
 ipsi in votis erat, se prorsus ab hoc mundo extricare,
 sicubi reperisset Sodalitium vere conjuratum in vitam
 Euangelicam. Atque id negotii mihi delegarat *Ita-*
liam adituro, narrans sese apud *Italos* comperisse quos-
 dam Monachos vere prudentes, ac pios. Nec enim
 ille iudicabat esse religionem quam vulgus iudicat, cum
 sit aliquoties ingenii penuria. Laudabat & *Germanos*
 aliquot, apud quos residerent etiamnum priscæ reli-
 gionis vestigia. Dictitare solet se nusquam reperire
 minus corruptos mores, quam inter conjugatos, quod
 hos, affectus naturæ, cura liberorum ac res familiaris
 ita veluti cancellis quibusdam distringerent, ut non
 possint in omne flagitii genus prolabi. Cum ipse castissi-
 me viveret, tamen inter illaudatos, minus erat iniquus
 his, qui tametsi sacerdotes essent, aut etiam Monachi,
 Venere duntaxat peccarent: non quod impuditiæ vi-
 tium non detestaretur, sed quod hos experiretur mul-
 to minus malos, quoties eos cum aliis conferret, qui
 cum essent elatis animis, invidi, maledici, obrectato-
 res, fucati, vani, indocti, toto pectore pecuniæ &
 ambitioni dediti, tamen sibi magnum quiddam esse vi-
 derentur, cum alteros infirmitas agnita redderet hu-
 miliores ac modestiores. Aiebat magis execrandam in
 sacerdote avaritiam, & superbiam, quam si centum
 haberet concubinas. Ne vero quisquam hæc huc ra-
 piam, ut putet leve crimen esse in sacerdote aut Mona-
 cho libidinem, sed ut intelligat alterum genus longius
 abesse à vera pietate. Nulli mortalium generi erat in-
 ferior quam Episcopis, qui pro pastoribus lupos age-
 bant, nec ullos magis execrabatur, quod cultu sacro,
 ceremoniis, benedictionibus, ac veniolis sese vendita-
 rent populo, cum toto pectore servirent mundo, hoc
 est, gloriæ & quæstui. E *Dionysio* cæterisque priscis
 Theologis quædam hauserat, quibus non ita favebat, ut
 usquam contenderet adversus decreta ecclesiastica, sed
 tamen ut minus esset iniquus iis, qui non probarent sic
 passim in templis adorari imagines pictas, ligneas, fa-
 xæas, æreas, aureas, argenteas; item iis, qui dubita-
 rent an sacerdos insigniter ac palam improbus confice-
 ret aliquid sacramentali functione, haudquaquam fa-
 vens istorum errori, sed indignans iis, qui vita palam
 & undique contaminata, præberent causam huiusmodi
 suspicionis. Collegia, quæ multo magnifico sumptu
 sunt apud *Anglos* instituta, dicebat officere bonis studiis,
 nec aliud esse, quam invitacula ociosorum: neque scho-
 lis publicis perinde multum tribuebat, quod ambitio
 profitendi & quæstus omnia vitians, corrumpere sin-
 ceritatem omnium disciplinarum. Ut confessionem se-
 cretam vehementer probabat, negans se ulla ex re ca-
 pere tantundem consolationis ac boni spiritus, ita an-
 xiam ac subinde repetitam vehementer damnabat.
 Cum apud *Anglos* mos sit, ut sacerdotes fere quotidie
 faciant rem divinam, ille tamen contentus erat diebus
 Dominicis ac festis sacrificare, aut certe pauculis die-
 bus extra hos: sive quod sacris studiis, quibus se pa-
 rabat ad concionandum, & ecclesiæ suæ negotiis dis-
 tineretur: sive quod comperiret se majore cum affe-
 ctu sacrificare, si id ex intervallo faceret: haudquaquam
 tamen improbat illorum institutum, quibus placeret
 quotidie adire mensam Dominicam. Cum esset ipse do-
 ctissimus, tamen anxiam hanc & laboriosam sapien-
 tiam non probabat, quæ ex omnium disciplinarum
 cognitione, & ex omnium Auctorum lectione, velut
 anlis omnibus absolvitur: dictitans ita deteri nativam
 illam ingenii sanitatem ac sinceritatem, hominesque
 reddi minus sanos, & ad *Christianam* innocentiam,
 puramque ac simplicem charitatem minus idoneos. Plu-
 rimum tribuebat Epistolis Apostolicis, sed ita suspicie-
 bat admirabilem illam *Christi* maiestatem, ut ad hanc
 quodammodo fordescerent Apostolorum scripta. O-
 mnia fere *Christi* dicta, miro ingenio revocarat ad ter-

A miones, unde & librum instituerat scribere. Quod sa-
 cerdotes etiam occupati quotidie tam prolixas preces
 exhaurire cogerentur, etiam domi atque in itinere ve-
 hementer admirabatur. Nam cultum ecclesiasticum
 magnifice fieri valde probabat. Innumera sunt hodie
 in publicis scholis receptissima, à quibus ille plurimum
 dissentiebat, de quibus inter amiculos solet aliquando
 conferre: apud alios dissimulabat, ne geminum cape-
 ret incommodum: ut & nihil proficeret nisi in pejus,
 & existimationis suæ iacturam faceret. Nullus erat li-
 ber tam hæreticus, quem ille non attente evolveret,
 dicens se plus aliquoties ex illis capere fructus, quam
 ex horum libris, qui sic omnia definiunt, ut frequen-
 ter adulentur Coryphæis, nonnunquam & sibi ipsis.
 B Recte loquendi copiam non ferebat peti è præceptio-
 nibus Grammaticorum, quas asseverabat officere ad be-
 ne dicendum, nec id contingere nisi evolvendis opti-
 mis Auctoribus, sed hujus opinionis ipse pœnas dedit.
 C Cum enim esset & natura & eruditione facundus, ac
 dicendi mira suppeteret orationis ubertas, tamen scri-
 bens subinde labeatur in his, quæ solent notare Cri-
 tici. Atque hac, ni fallor, gratia à libris scribendis
 abstinerebat, atque utinam non abstinuisset: nam hujus
 viri cogitationes, quacunque etiam lingua proditas o-
 ptarim. Jam ne quid defuisse putetur absolutæ *Coleti*
 pietati, tempestates, quibus agitur est, accipe. Nun-
 quam illi bene convenerat cum suo Episcopo, de cu-
 jus moribus ne quid dicam, superstitiosus atque invi-
 ctus erat *Scotista*, & hoc nomine sibi semideus videba-
 tur: quo quidem ex genere cum aliquot noverim, quos
 nolim improbos appellare, nullum tamen adhuc vidi,
 quem, mea quidem sententia, possis vere pureque dice-
 re *Christianum*. Nec admodum gratus erat plerisque
 sui collegii, quod tenacior esset disciplinæ regularis,
 ac subinde quiritabantur se pro Monachis haberi,
 quanquam hoc collegium olim fuit, & in vetustis syn-
 graphis vocatur orientale monasterium. Sed cum jam
 odium senis Episcopi, erat enim non minor annis o-
 ctoginta, atrocius esset, quam ut premi posset, adsci-
 tis duobus Episcopis æque cordatis, nec minus viru-
 lentis, incipit *Coletus* negotium facessere, non alio telo
 D quam quo solent isti, si quando cui exitium moliantur.
 Defert eum apud Archiepiscopum *Canuariensem*,
 articulis aliquot notatis, quos ex illius concionibus de-
 cerperat. Quorum unus erat, quod docuisset non ado-
 randas imagines: Alter, quod sustulisset à *Paulo* lauda-
 tam hospitalitatem, qui enarrans illud ex Euangelio,
Pasce, pasce, pasce oves meas, cum in prioribus duobus
 cum reliquis Interpretibus consentiret, pasce exemplis
 vitæ, pasce sermone doctrinæ, in tertio dissensisset, ne-
 gans convenire, ut Apostoli, qui tum erant pauperes, ju-
 berentur oves suas pascere subsidio temporali, & hujus
 E loco aliud quiddam substituisset: Tertius, quod cum
 in concione dixisset, quosdam de charta concionari (id
 quod multi frigide faciunt in *Anglia*) oblique taxasset E-
 piscopum, qui ob senium id solitus sit facere. Archie-
 piscopus, cui *Coleti* dotes erant egregie cognitæ, pa-
 trocinium innocentis suscepit, è iudice factus patro-
 nus, cum ipse *Coletus* ad hæc aliaque stultiora respon-
 dere dedignaretur. Non conquievit tamen senis o-
 dium, tentavit aulam regiam in *Coletum* concitare,
 atque in primis Regem ipsum, jam aliud telum nacti,
 quod publice dixisset in concione, pacem iniquam præ-
 ferendam bello æquissimo. Id enim temporis adorna-
 batur bellum in *Gallos*, & hujus fabulæ non minimam
 F partem Minoritæ duo agebant: quorum alter, fax bel-
 li, mitram meruit, alter bonis lateribus vociferabatur
 in concionibus in Poetas: sic enim designabat *Coletum*,
 cum is à poeticis numeris esset alienissimus, alioqui
 non imperitus Musices. Hic Rex, egregius juvenis de-
 dit evidens specimen ingenii sui regno dignissimi, pri-
 vatim hortans *Coletum*, pergeret sua doctrina libere
 succurrere moribus ejus sæculi corruptissimis, neque
 subduceret lucem suam temporibus tenebrosissimis:
 se non ignorare quid in illum stimulare Episcopos il-
 los,

1519. An. los, neque nescire quantum ipse fructus attulisset gen-
ti *Britannica* sua vita, sacraque doctrina. Addebat sese
sic cohibiturum illorum conatus, ut aliis liqueret non
impune fore, si qui *Coletum* impeterent. Hic *Coletus*
egit quidem gratias pro animo regio, caeterum, quod
obtulit, deprecatus est, negans se velle, ut cuiquam
pejus esset sua causa, se potius cessurum munus quod
gerebat. Sed aliquanto post data est illis ansa, ut spe-
rarent jam posse confici *Coletum*. A Pascha parabatur
expeditio in *Gallos*: in die Parasceves *Coletus* apud Re-
gem & aulicos mire concionatus est de victoria *Christi*,
adhortans *Christianos* omnes, ut sub Regis sui vexillo
militarent ac vincerent. Etenim qui odio, qui ambi-
tione mali pugnarent cum malis, seque vicissim truci-
darent, non sub *Christi*, sed sub diaboli signis militare:
simulque ostendit, quam res esset ardua, *Christianam*
obire mortem, quam pauci bellum susciperent non o-
dio aut cupiditate vitati; quam vix consisteret eun-
dem habere fraternam charitatem, sine qua nemo vi-
surus esset Deum, & ferrum in fratris viscera demer-
gere. Addidit, ut *Christum* Principem suum imitaren-
tur potius, quam *Julios* & *Alexandros*. Multaque alia
tum declamavit in hanc sententiam sic, ut Rex non-
nihil metueret, ne haec concio adimeret animos mili-
tibus, quos educebat. Huc velut ad bubonem omnes
convolant mali, sperantes fore, ut Regis animus in
illum posset exacerbari. Accersitus est *Coletus* ius-
su Regis; venit, pransus est in monasterio *Francisca-*
norum, quod adharet regiae *Griemsviken*si. Rex ubi
sensit, descendit in hortum monasterii, & *Coletum* pro-
deunte, dimisit suos omnes. Ubi solus esset cum so-
lo, iussit ut lecto capite familiariter colloqueretur, at-
que ita exorsus est juvenis humanissimus: Ne quid te-
mere suspiceris, Decane, non huc accersivi te, quo tur-
bem tuos sanctissimos labores, quibus unice faveo, sed
ut exonerem conscientiam meam scrupulis aliquot, tuo-
que consilio rectius satisciam officio meo. Verum, ne
totum colloquium repetam, quod fere sesquihoram
productum est: interim in aula ferociebat *Bricotus* ex
Franciscano Episcopus, existimans periclitari *Coletum*,
cum per omnia conveniret illi cum Rege: nisi quod
Rex optabat, ut quod *Coletus* vere dixisset, diceret a-
liquando explanatus ob rudes milites, qui secus inter-
pretarentur, quam ipse dixisset, videlicet *Christianis*
nullum esse bellum justum. *Coletus* pro sua prudentia,
proque singulari animi moderatione, non solum animo
regio satisfacit, verum etiam auxit gratiam pristinam.
Ubi reditum est in Regiam, Rex dimissurus *Coletum*,
allato poculo praebibit, & complexus hominem huma-
nissime, omniaque pollicitus, quae sint ab amantissimo
Rege expectanda, dimisit. Jam aulica turba circum-
stans, expectabat exitum ejus colloquii. Ibi Rex o-
mnibus audientibus, *Suns*, inquit, *cuique doctor esto*,
& suo quisque fauceat, hic est doctor meus. Ita dis-
cesserunt quidam lupi, quod ajunt, hiantes, & prae-
cipue *Bricotus*, nec ab eo die quisquam est ausus im-
petere *Coletum*. Habes, *Jodoce*, duos, quos aetas nostra
tulit, mea sententia, vere sincereque *Christianos*, non
tam depictos, quam delineatos, quantum passa est e-
pistolaris angustia. Tuum erit ex utroque decerpere,
quod tibi videbitur ad veram pietatem maxime condu-
cere. Jam si quares utrum alteri praferam, mihi vi-
dentur pari laude digni, cum dissimili fuerint condi-
tione. Siquidem ut magnum erat, *Coletum* in ea for-
tuna constanter sequutum esse, non quo vocabat natu-
ra, sed quo *Christus*: ita speciosior est laus *Vitrarii*,
quod in eo genere vitae tantum obtinuerit ac praesti-
terit spiritus Euangelici: perinde quasi piscis in palude
vivens, nihil trahat de sapore palustri. Sed in *Coletum*
quaedam erant, quae testarentur illum hominem esse:
In *Vitrario* nihil unquam vidi, quod ullo pacto saperet
affectum humanum. Quod si me audies, *Jona*, non
dubitabis hos duos Divorum adscribere catalogo: e-
tiam si nullus unquam Pontifex eos referat in cano-
nem. Felices animae, quibus ego multum debeo, ve-

A stris precibus adjuvate luctantem adhuc in hujus vitae An.
malis *Erasmus*, ut in vestrum contubernium remigrem, 1519.
nusquam postea divellendus. Vale, mi *Jona*. Bene ha-
bet, si tuo desiderio feci satis: nam argumento scio
nequaquam esse satisfactum. Ex rure *Anderlaco* 13.
Junii, Anno 1519.

EPISTOLA CCCCXXXVI.

Erasmus Rot. Petrus Aegidius S. D.

V IDEO te occupatissimum, qui ad quaternas meas
litteras non responderis. Venit nuper ad nos tabellio
quispiam, cum literis ad Joannem Nevium tuis. Abo-
rat *Franciscus* in Britannia cum ille adesset: delata
sunt tandem ad me cum epistola quadam Frobenii,
quam sum apprime exosculatus. Borsalus Decanatus, ut
vocant, nactus est, hac proficiscens in Zelandiam nos in-
visti, te Basileam pervenisse narravit, unde vehemen-
tissime sum gavisus. Et quidni gaudeam, qui quoties tui
fit mentio, gestire, tripudiare & subsilire soleo. Quaso
te, *Erasmè* mi, si quando dabitur occasio, ut Pyladi no,
sic enim me non minus ex animo quam vere nuncupas,
aliquid litterarum mittere ne graveris. Admiratus sum
non parum, quod minime rescripseris, praesertim cum tu
interea temporis bis ad Nevium litteras miseris. Badius
fuit apud nos, viximus genialiter: super Fabro Stapu-
lenfi facta est mentio in convivio, poenitet se unquam *Er-*
asmum irritavisse, nec responsurus est, nisi ad Calendas
Græcas. Paulus Aemilius reliquos historiarum suarum li-
bros formulis excudendos Badio tradidit. Intellego item
Budæum Epistolas colligere, nimirum curabit eas eden-
das, non sine doctorum omnium & admiratione & fru-
ctu. Est apud nos, si superis placet, sycophanta ille Hy-
pistrotus* instar ululae invisus omnibus, is nunc rem agit
alienam prorsus à sua sodalitate, vendit libellos illos suos
ineptissimos, quibus indidit titulum Apologiae, hos mi-
nuituli isti libelliones circumforanei tanquam pracones ven-
dunt: compendiolum autem quantulum est scabiosus &
miser accipit Hypistrotus. Hunc nemo dignatur collo-
quio, nemo vel salutat, nisi fortassis insane quadam &
venefica lena, quanquam ne haec quidem suo nebulonem di-
gnantur commercio. Corradit undecunque potest pecu-
niam, sed nil prater aurum Tolosanum. Dialogus ne-
scio cuius auctoris, prorsus tamen eruditi, de Julio hic
passim venditur: hunc nemo non emat, nemo non habet in
ore, hunc te vidisse maxime vellem, quanquam non de-
biam, quin istic quoque venundetur. Ferdinandus il-
lustrissimus Princeps faustis avibus applicuit, paucis ex
nostratibus comitatus. Ajunt hunc non falsi auctores, co-
mi & affabilis esse ingenio, moribus optimis, & ad mira-
culum usque Latine doctum, nec ineloquentem. Marcus
Laurinus apud me versatus est dies aliquot, de te totus
noster fuit sermo, tota confabulatio, iussit te oppido quam
salvare. Sixtinus ad me litteras misit. De Moro nihil
audio. *Franciscus* ex Britannia Lutetiam periiit. Beatus
Rhenanus si belle valet, impendio gratulor. Bene va-
le, mi *Erasmè*. Uxorcula mea, jam parvulus proxi-
ma, te plus millies salutat. Antuerpia 19. Junii, Anno
1519.

EPISTOLA CCCCXXXVII.

Erasmus Roterodamus Jacobo Banisio suo S. D.

VIR omni decorum genere cumulatissime, audio,
te nova, caque eximia dignitate auctum, quo no-
mine tibi magnopere gratulor: neque dubito quin for-
tuna sit aliquando benignius etiam tuis praclaris vir-
tutibus responsura. Nos hic plusquam *Panicis* tumultu-
libus jactati sumus, adeo Theologi quidam novas exci-
tarunt Tragoedias: neque quicquam tamen aperto *Mar-*
te gestum est: omnia technis, cuniculis, ac strophis
acta sunt. Male habebat istos, negotium linguarum
procedere: metuebant, ne si subsisteret Novum Te-
sta-

* Hochstratum intelligit: vox enim Græca ὑψίστος idem no-
tat quod Belgica Hochstraten.

An. 1519. stamentum, labasceret eorum auctoritas: nihil itaque non tentatum, sed respiscunt. Prodiit Novum Testamentum, venditur, & quidem felicissime. Ausus est quidam & libellum adversus me scribere, sed magno suo malo, mea summa cum voluptate. Triumpharent bonæ literæ, si Principem haberemus domi, qualem habet *Anglia*. Rex ipse non indoctus, tum ingenio acerrimo, palam tuetur bonas literas, rabulis omnibus silentium indixit. Cardinalis *Eboracensis* omnia studia in melius restituit, suaque benignitate passim omnes invitat ad amorem studiorum: nec aliud agit Cardinalis *Campegius*, vir omnium & optimus, & doctissimus. Aula Regis plus habet hominum eruditione præstantium, quam ulla Academia. Video *Germanos* quoque Principes honorem habere literis, tuo, tuique similibus hortatu: nos nondum hoc discere possumus. Serenissimus Princeps *Ferdinandus*, adolescens, ita me Deus amet, ad omnem virtutem natus, nos amat, nostrisque libellis delectatur: ut & ab aliis accipi, & ipse mihi narravit, libellum de Principe semper habet in manibus. Huic me præceptorem dare conati sunt, & ipse videtur id ambire: sed cum alia me deterrent ab aula, tum præcipue valetudo tam imbecillilis, ut nisi temperetur meo arbitratu, mox periclitetur. Mortuus nec Principi sim usui futurus, nunc utcunque prosum calamo. Exiit *Paraphrasis* in duas Epistolas ad *Corinthios*, & in Epistolam ad *Galatas*. Hac certe parte probor, & doctis & indoctis omnibus. Si inciderit commoditas, commendabis me illustrissimo *Saxoniae Duci Friderico*: ei scripsimus nuper, opinor epistolam esse redditam. Bene vale, patrone singularis. Si continget congrédi cum hoc Oratore Regis *Anglorum*, *Richardo Pacao*, si nondum tibi notus est, fac ut hominem cures nosse propius: nihil ejus ingenio candidius, utriusque literaturæ peritissimus est: pro suis virtutibus Regi, Cardinalibusque, atque adeo *Romano Pontifici*, gratissimus est. Rursum vale. *Bruxellis* 21. Junii, Anno 1519.

EPISTOLA CCCCXXXVIII.

Erasmus Roterodamus insigni Theologo Joanni Claymondo S. D.

E GREGIAM illam prudentiam suam, qua semper publicæ famæ præconio commendatus fuit *Ricardus* Episcopus *Wintoniensis*, nullo certiore argumento nobis declaravit, *Claymonde*, non infimum decus ordinis Theologici, quam quod collegium magnificum suis impendiis exstructum, tribus præcipuis linguis, ac melioribus literis, vetustisque Auctoribus proprie consecravat. Nam qua ratione melius mereri potuit de rebus humanis: aut quo monumento rectius nomen suum æternæ hominum memoriæ dedicare? Istuc profecto demum est ecclesiæ columen, istuc est Episcopum agere. Majorem autem in modum gaudeo; *Thomam* Cardinalem *Eboracensem*, Cardinalem *Campegius*, ac ne cæteris commemorandis fiam prolixior, ipsum etiam *Henricum* octavum, Principem nullo hujus ætatis vere regiis dotibus inferiorem, toto pectore huic favere negotio. Quorum ut auctoritas facile coerces oblatrantium improbitatem, ita benignitas abunde supeditat quibus invitatur industria professorum, quæque postulat ocium literarum. Complures regiones vulgare monumentum aliquod nobilitavit. Ingenti *Colosso Rhodus* est celebris: *Caria Mausoli* sepulchro: *Memphis* pyramidibus: *Gnidus* sculptili *Veneris* signo: *Theba* magico *Memnone*. Mihi præfagit animus futurum olim, ut istud collegium ceu templum sacrosanctum, optimis literis dicatum, toto terrarum orbe inter præcipua decora *Britannia* numeretur: pluresque futuros, quos trilinguis istius bibliothecæ spectaculum, quæ nihil bonorum Auctorum non habeat, unde nihil malorum non exulet, pertrahat *Oxoniam*, quam olim tot miraculis visenda *Roma* ad sese pellexit. Quin & illud mihi quidem sagax consilium optimi Præfulis ar-

A guit, quod te potissimum ex omnibus delectum, virum haudquaquam novæ, sed jam olim notæ perspectæque probitatis, novo collegio præfecerit: qui primum possis eas literas & cum dignitate profiteri, deinde possis vel unus esse documento, optimis literis cum optimis moribus maxime convenire. Facit enim paucorum improbitas, ut qui bonis literis parum bene volunt, calumniæ huc studiorum genus corrumpere vitam humanam, & avocare à pietate Christiana. Sunt autem apud nos, præcipue *Germanos*, juvenes aliquot, vita quidem integra, sed qui sic asserant meliores literas, ut in harum hostes, magna libertate velut ἐξ ἀπαξων debacchantur. Equidem non nego veniam dandam ætati, imo etiam genti, præsertim cum tam acerbis odiis irritentur, ut in adversarios nihil possit satis asperum dici. Sed tamen mea sententia, longe plus adferet momenti tua modesta gravitas, & erudita lenitas, hos etiam, qui modo reclamabant, qui arma contra ferebant, in sua castra pertractura, ex infestissimis hostibus fidelissimos milites, ac propugnatores futuros. Plus efficit, qui sua moderatione omnibus commendat bonas literas, quam qui cum pertinacibus harum sycophantis assidue rixatur. Ego quod tandem contumeliæ genus non sum passus ab istis philobarbaris? Quos tumultus excitarunt? quas movere turgædias? quas struxerunt insidias? Mihi sane nec unguis deerant, nec dentes, nec telum, si libuisset uti: neque sum ignarus, quibus modis ejusmodi portenta tractanda sunt: verum, judicavi non solum *Christo* esse gratius, verum etiam ad provehenda rectiora studia conducibilis, aut moderatis rationibus placare reclamantes, aut certe cedere, donec temporis progressu aut evanescat ille stolidi pectoris impetus, aut ipsi respiscant. Nec adhuc me hujus consilii poenitet. Non ausurus eram, doctissime *Claymonde*, te meis literis lacessere, nisi *Cuthbertus Tonstallus*, *Thomas Morus*, *Ricardus Pacaus*, suis literis magno consensu morum tuorum τὸ ὁμογενὲς, ac facilitatem integritati parem prædicassent. Quibus auctoribus fretus, non veritus sum, vel hac manu tibi scribere, qua soleo cogitationum mearum celeritatem æquare. Bene vale. *Lovanio* 27. Junii, Anno 1519.

EPISTOLA CCCCXXXIX.

Erasmus Rot. Tranquillo Parthenio Dalmata S. D.

S CRIPSERAM ex *Antuerpia*, doctissime *Tranquille*, ut si nondum abisses, detinerent te *Lovanii* dies aliquot in reditu meum: aut si id non possent, efficerent certe, ne discederes, ni prius mecum collocutus: me meo sumptu farturum ejus moræ dispendium. Sed abiturientis celeritas epistolam nostram antevertit. Itaque *Lovanium* reversus, pro *Tranquillo* meo geminum carmen reperi, utrumque juxta doctum, sed utrumque sane querulum: quorum alterum testatur abisse te, iratum huic Academix, alterum mihi. In illo nos omnes barbaricæ cujusdam inhumanitatis reos agis: cui volenti nobis edere specimen eruditionis tuæ, literas nobis impartire, locus datus non sit: cum cæteræ scholæ præmiis ad id invitent, quod tu gratis & sponte deferebas. In hoc me, ut hominem *Bataurum*, & à Gratiis alienum, incusas: qui repulerim à colloquio te, quem amor videndi nostri è tam longinquo per itinera difficillima in regionem ignotam pertraxisset. Verum, ego tibi utriusque nomine respondebo: sed meam ipsius causam prius agam. Primum vero verius est, optime *Tranquille*, quod id temporis *Antuerpia* versabar in negotiis quibusdam mihi molestissimis. Sed nunquam adeo sum occupatus, ut *Tranquillum* à colloquio fuerim exclusurus, si *Tranquillum* aut novissem ipse, aut alius mihi simulachrum illius recte depinxisset. Pro juvene docto, candido, modesto, *Danum* aut *Getam* quendam barbarum fastuosumque mihi descripserant ac circumforaneum ardelionem, à quo hominum genere vix credas quantum abhorream. Et ab

Ab iis frequentius impetor quam velim, aut quam ferat studiorum utilitas. Id accidit errore personæ. Nam alter quispiam ejusmodi tum temporis sese venditabat *Antuerpia*. Huic igitur generi salutatorum, & odioso & ocioso, aliquoties domi non sum, interim non vado, aliquando non vigilo, quemadmodum olim non omnibus dormiebat. Quod si parum humanum videtur, ego arbitrator non paulo inhumanius esse, dum horum naniis aurem præbes, tot eruditorum hominum flagitationes negligere, semper aliquid poscentium à nobis, quo juventur recta studia. Quod si quis mihi *Tranquillum*, non dicam suis pinxisset coloribus, sed vel delineasset modo, ultro in tuos complexus advolassem. Atque hætenus quidem mihi patrocinatus sum. Superest ut pro *Lovaniensi* quoque schola nonnihil respondeam. Scis esse maximum ac primum, si quid agas adire in tempore. Tu non poteras magis *ἀναισχος* venire *Lovanium*, bonas literas professurus, cum jam maxime ferveret recens conspiratio quorundam, qui se devovisse videntur diis manibus, ni politiores literas extinctas reddant. Sic enim sibi stultissime persuasere, si contingat his literis auctoritas, suam auctoritatem labefactum iri. Vident autem passim toto orbe, non jam scholas tantum, verum etiam Principum aulas infici hoc novo genere studiorum, quo magis adnituntur, ut *Lovanium* ab hoc contagio tueantur incolume. Res optimo cuique non probatur. Nam tumultus hic ortus est ex initiis vanissimis, nimirum ex falsissima unius aut alterius suspicione. Deinde ut nos pudet etiam in male coeptis parum constantes videri, multo ineptioribus rationibus pergunt exsequi, quam instituerant. Porro tota fabula ab uno aut altero chorago pendet, ne mali hujus invidiam in totam Academiam conferas. Horum pertinacia quibusdam persuasit, quosdam improbitas pertraxit: quidam ad gratiam obsequuntur: quidam spe commodi cuiuspiam, aut incommodi metu, fabulæ non probatæ partem agunt. Magna pars vociferatur, non ob aliud nisi quod multos vociferantes videt. Hæc qui procul audiunt, rem publico consilio geri credunt, præsertim cum splendidi tituli prætexantur, universitatis, rectoris, facultatum. Qui propius spectant fabulam, aut etiam intra prosœnium versantur, intelligunt totam hanc machinam unius atque alterius opera moveri. Ego tumultus hujusmodi vel *Ata Homerica*, vel *Pani* deo poetico, vel *Tisiphona*, aut *Furiarum* cuilibet, vel quod *Astrologi* faciunt, astris parum commode concurrentibus imputare malo, quam multitudini. Suspicio & illud obfuisse tibi, quod nimis ingenue præ te ferebas nostri studium. Et hujus fabulæ choragi se credunt vituperari, si laudetur *Erasmus*. Nec defuere fortassis qui suspicarentur te subornatum, ut in Theologos poetica libertate diceres. Nec ullum adhuc hominum genus vidi, quod æque indulgeat suis suspicionibus. Versiculus hic tuus adagii vice circumfertur *Lovani*,

Cernere non licuit facundi pectus Erasmi.

Quem cur rideant non satis intelligo. Neque enim carmen adeo malum est, ut rideri debeat: nec *Erasmus* usque adeo est infans, ut prodigiosum sit, si quis amicus ei tribuat eloquentiam. Neque enim opinor hic esse tam perverse malos, ut ex hoc ipso voluptatem capiant, quod tibi res parum ex animi sententia successerit. Verum, age, fruantur per nos hac voluptate sua, qualis qualis est, te velim æquiores esse huic nostræ scholæ, cui nec ingenia defunt, nec eruditi juvenes, modo esset ingenii honos, & ni essent qui summa vi melioribus studiis obstreperent: quos semideos si tibi nominatum depingerem, non mirareris, si tales habeat propugnatores pristina barbaries. In hos dictus es nescio quid invektiviarum destinasse, quod quidem mihi adeo non probatur, mi *Tranquille*, ut nec verum esse libeat credere. Digni sunt, inquires. Esto sane, fac vel cruce dignos: at te meminisse volo, quid his dignum sit, qui literas eas profitentur, quæ humanitatis titulo commendantur. *Ludovicum Vivem* fac meo

nomine salutes. Huic gratulor, si nostri meminit: invideo, si non meminit. Nam audio hominem mire gestire gaudio, quod elapsus ab hoc, ut ille ait, barbariei præsidio, ad pristinam studiorum libertatem redierit. Bene vale, *Tranquille* charissime. *Lovanio* 28. Junii, Anno 1519.

EPISTOLA CCCCXL.

Antonius Papinius, Abbas Gemblacensis, Erasmo Roterodamo S. D.

ERASME multis modis amande, perquam lubens mitto volumina Cypriani, quæcumque reperimus in nostra Bibliotheca, toto pectore favens & gloria sanctissimi viri, & tuis irrequietis studiis ac laboribus, quos erundis & castigandis sacris Libris impendis. Christus tuam industriam, nunquam satis laudatam, bene fortunet ac provehat: nam ut isti, qui codices excudunt adeo corruptos, ut nec intelligi, nec legi possint, multorum animos alienant à sanctissimis studiis, ita tui labores complures inflammabunt ad eorundem lectionem. Proinde, doctissime Pater, si qua sunt apud nos tuo laudabili proposito conducibilia, nostra omnia tua sunt. Quin si voles, universa nostra Bibliotheca semel ad te commigrabit, tota tua fidei committetur. Bene valeat tua dilectio, mihi longe charissima. Ex Gemblaco 29. Junii, Anno 1519.

EPISTOLA CCCCXLI.

Guilielmus Budæus Erasmo Roterod. S. D.

SCRIPSERAM ad te nuper per Ludovicum Vivem, hominem (ut mihi ex gemina congressione visus est) doctissimum, & tibi amicissimum. Nunc ad me visendum quum Glareanus venisset, comite Jacobo Ceratino, utraque lingua docto & proficenti, facere non potui quin ad te hoc epistolum darem, quum interim illi præstolari non nollent domi mea. Peregre agens, duo à te epistolia accepi eodem pene exemplo, certe argumento non dissimili. Quod videre tu longam illam epistolam tuam eo demum nomine detestari ac despuere quasi ἀφοδότης dignam: quod tibi me infensum reddiderit, longe falleris opinione in hac re quoque, ut antehac in aliis falsus es, id quod ante discessum meum testatus sum illa scilicet epistola*, cujus est initium, Vidi enarrationem, quam in epistolam meam scripsisti. Quod si mihi ne nunc quidem credis, per me licet ut tuam measque simul chalcographis permittas, idque bona mea venia facturum te affirmo. Neque enim mihi ab hominum doctorum existimatione metuum esse puto: quod quidem eo pertinet, ut invaleseat illa apud acres candidosque lectores opinio: si hac palam fiant epistolarum argumenta, nos non satis bona fide amicitiam coluisse, stylumque exercuisse. Nam ut jocis libenter utor scribens, & immodice fortasse scribens: sic haud illibenti animo, aut certe non iniquo, ludicrosationes perfero, etiam ex ancipiti petitos. Nec quum sim natura φιλοπαίμων, πάντῃ & ἀεὶ τοῖς ἀνδράσι φιλοπαίμων. Quod si vir bonus existimari velim, ἐπὶ πόρῳ δὴ πῶς τὰ ἐν ἐκ ἀχθόμενος δὴ ἔχειν πρὸς τὰ ὀνυμώμενα τε & δεξιῶς ἀντισηπόμενα. Atqui velim ita existimes, me hujusmodi vicissitudines scribendi inter homines quidem rerum callentes, in diversam partem interpretari, atque tu existimare solitus sis. Nam quibus tu labefactari fixam amicitiam putas, aut alios verere ne ita putaturi sint, iis ego confirmari, & πάντῃ πάντως ἐπιχειροῦμαι censo. Cave quenquam existimes à literis alieniorem esse quam nunc sum. Quo fit ut vitam meam minoris dimidio æstimem: nec aliud opto, quam ut ad ingenium meum remigrare mihi liceat quocumque censui mei interitimento. Eximo tibi omnem scrupulum ἀποβολας, quasi ego subiraus sim, ne tu istas contestationes posthac facias parum necessarias, te de me honorifice loqui, & alias hujusmodi. Vale. Parisiis 30. Junii, Anno 1519. Vereor ne nimium morer Glareanum & comitem. Miror cur ad illam epistolam non responderis, cujus superius memini.

* Quæ est cccclxxiii.

EPISTOLA CCCCXLII.

*Erasmus Rot. Leonardo Priccardo, Canonico apud
Aquisgranum, S.D.*

AN. 1519. SCIEBAM, eruditissime *Leonarde*, genus hoc hominum nusquam cessare: summum illis praesidium in mendacibus linguis, atque impudentissimis sycophantiis positum est. Ego vero jam ad ista occallui: tantum admiror homines professione pietatis insignes id sibi permittere, quod omnium maxime cum vera pietate pugnat. Inexpiabile scelus haberi volunt, si carnibus vescantur, & sanctum est fratrem, etiam de ipsis bene merentem, linguae spiculis Tartareo veneno tinctis confodere, cum nullum sit beneficii genus execrabilius. Omnino diis manibus, ut poetice dicam, se devovisse videntur, ni bonas literas funditus exstinxerint: nec se credunt incolumes fore, si bonae literae sint incolumes. Harum causam sibi persuadent meis praesidiis sustineri. Nec ulli tamen odiosius blaterant, quam qui nostra prorsus non legerunt. Ignoscerem imperitiae, ignoscerem ignorantiae, nisi id ipsum ingens esset scelus, re incomperta in famam alterius debacchari. Nec video qua fronte possint inscitiam praetextere, qui se totius orbis magistros haberi volunt. De *Anglo* five *Scoto** non omnino vanum est quod narravit. Is est juvenis & aetate, & suapte ingenio gloriae famelicus: ad eam parandam haec via visa est illi cum primis compendiarum. Quanquam autem ipse sibi *αφθόνως* nihil non tribuit, non tamen usque adeo perfrectae frontis est, ut dicat se melius scire *Grace*, quam *Erasmus*. Jactat libellum, nescio quem, at hujus nulli copiam facit, nisi quem cognovit nobis male velle. Quidvis ab illo citius impetrari potest, quam ut mihi faciat inspiciendi copiam, in quem unum scriptus est. Adeo fidit suo libello, quem tamen nusquam non jactat. Ut-cunque haec habent, organum opportunum sese praebuit Theologis quibusdam, quibus jampridem male cogitantibus, nihil deerat praeter occasionem, juxta *Gracorum* proverbium. Imo sunt qui negant hoc Opus esse illius, sed potius omnium sycophantiarum centonem ac rhapsodiam: huic tamen corniculæ cessuram facti gloriam. Id mihi multis nominibus probabile videtur, quandoquidem paulo ante id factum conspeximus in dialogo *Latomi*: titulus erat unius, conflatura omnium, aut certe multorum. *Anglum* jam pene placidum rursus exasperarat, quod in calce Apologiae, qua *Latomo* respondeo, testatus sim esse quendam ex fucis ac mendaciis conflatum, qui gloriae fame insanus, nihil in me non moliretur: nec ullam addo conjecturam, qua suspicio possit in- quenquam recidere. Nihil enim aliud agebam, quam ut eo schemate deterrerem multos sibi male confcios. At is post sic agere coepit, quasi ejus elogii laudem caeteris invideret. Nondum homo prodit in arenam, & amici cordatiores mihi sunt auctores, ne digner illum unguibus meis, etiam si prodierit: non enim defuturos, qui me quiescente conficiant juvenem famae jejunio praecipitem. Caeterum, quod Theologos aliquos habeam iniquiores, id ex falsissima natum est suspitione. Persuaserant sibi *Lutheri* doctrinam me propugnare niti, cum nec hominem norim, nec libros illius unquam legerim. Intelligunt tandem errorem suum, sed pudet agnoscere, ideo placet illis constantia, ut nec in male coeptis velint *παλιπρωμὲν* & tamen hujus veneni fons ex uno potissimum scatet: qui nisi destiterit, brevi omnibus omnium eruditorum literis celebrabitur, ac toto notus cantabitur orbe. Haecenus complurium cohibui calamum, vereor ut semper possim. Mihi plane pestis quaedam fatalis videtur, quae contagio paulatim in plures spargitur. Itaque gemina lue laboramus, & animorum & corporum: & tamen resipiscunt aliquamulti, praesertim qui nostris legendis attenderint: & spero fore ut tandem emicet ac vincat veritas, quae ut saepenumero laborat, ita nunquam opprimitur. Me vero levius haec

* Is est Eduardus Leus, ad quem Epist. cccclxvi.

A moveant, vel quod, ut olim *Balaam*, his monstris assueverim: vel quod mihi bene conscius sim, speremque *Christo* meas vigilias probari, cui nostrum utcumque defudat ingenium: vel quod conspiciam optimis quibusque nostrum placere studium. Illud mihi molestum est, quod his sycophantiis inficiuntur liberalia studia, quodque nonnullam bonarum horarum partem cogar hujusmodi naeniis, vel audiendis, vel refellendis, impendere. Saepem me pudet istorum nomine, qui cum semidei velint haberi apud vulgus, tumultuantur usque adeo muliebriter, ne quid dicam acerbius. Meum quidem ingenium ab hoc genere contentionis, dici vix possit quam abhorreat: seduloque obmitor, ne verus sit in me mimus ille, *Furor sit laesa sepius patientia*. Video quid mereatur illorum nimium pertinax malitia, sed revocat *Christiana* lenitas, revocat bonorum respectus, quos nolim attactos videri, dum improbos merito taxamus. Nam ut est multitudinis in malam partem prona interpretatio, periculum est, ne quod in paucos Theologos hoc titulo indignos dictum fuerit, in universum ordinem detorqueatur: & quod jure dictum fuerit in paucos praedicatores titulo, re sycophantas, toti ordini conciliet odium, qui plurimos habet ab horum factis ac moribus longe discrepantes. Quod Theologi decreverint me profligare communi consulto, falso falsius est. Bene vale, vir optime, meque dominis meis, collegis tuis, commenda diligenter. *Lovanio* 1. Julii, Anno 1519.

EPISTOLA CCCCXLIII.

Laurentius Cardinalis Campegius reverendo Domino
Desid. Erasmo Roterod. Theologo eruditissimo,
tanquam fratri nostro charissimo.

REVERENDE ac doctissime vir, salutem, &c. Quum studiorum tuorum suavissimus odor, quo Italia omnis ac Occidentalis haec schola tota redolet, me quoque spiritus sui attractu pridem affecerit, indesque apud me angescat, summo laboravi desiderio, virum, qui tantam spirat eruditionem & doctrinam, cognoscendi: measque peregrinationes, & longos errores, quibus pluribus jam annis conficior, nihili habendas ducebam, seduloque accusabam, quod tot tantisque itineribus exhaustis, *Erasmus* nondum mihi cognitum viderem. Quod ut levius ferrem, postquam coram te frui non dabatur, illud enixe laboravi, quod plerique amatorum solent, quibus cum nulla est amica copia, in ejus imagine utcumque sese oblectare gestiunt. Itaque cum praesentia tua & colloquio, desiderio meo facere non possem satis, tuam saepe atque a-vide perquisivi effigiem, qua mihi primo in iis, qua in Hieronymum scripsisti, occurrit: dein in Apologia illa, qua tuam iustitiae causam super illo Psalmi versiculo, Minuisti eum paulo minus, &c. Ultimo denum loco, in paraphrastico sermone tuo in Epistolis Pauli, quibus veluti per gradus ad tui agnitionem deductus, cum majori desiderio inflammatus, nupote dimidiatam & non ex integro tui imaginem conspicias, ejus reliquum miro affectu concupiebam. Quum nescio qua bona fortuna exactissima eruditionis litera abs te mihi deferuntur, qua eodem plane desiderio me videndi te laborantem mihi dicerent: quod certe tanta accepi jucunditate, ut multo minoris amplissima Regum munera mihi habeantur. Nam mea studia quibus a pueritia ad hoc usque aetate incubui, quanquam a tuis, hoc est, a sacris Literis majori quam dis dea pa-coſu intervallo distant: ita tamen tuis & hujus generis reliquis lucubrationibus favere, dulce & gratum adeo habuere, ut nihil a paucis annis citra habuerim, aut gratius, aut jucundius, aut potius quam aliqua in sacris Literis vel audire, vel legere: loqui enim vel scribere tanquam novitius nequaquam ausim. Quo factum est dum tua vel quorundam antiquorum Theologorum scripta, veluti per officii mei rationem, scribendus aveo, & prosequor, tanto jucundiores tua mihi existierint litera, quanto praecipuis meis votis minus exspectata ad-venire: quibus quod primam & alteram tuas in Instru-men-

An. mentum Novum editiones adjunxeris, reliquum profecto
 1519. concupita imaginis tuae mihi obtulisse videris, quo diu-
 rius & jucundius tui desiderium, tecumque colloquendi
 sustinere possim: quod proculdubio facturus es, quousque
 saltem haec tua vigilia & labores inter manus meas erunt,
 erunt autem quoties a publicis laboribus ad privata haec
 solatia subterfugere dabitur. Qui quidem quod eorum
 novitate quibusdam stomachum moveant, hoc ventriculi
 eorum labor, non ingesti vel apparati cibi noxia qualitas
 fecerit: quo minus eorum ingenia mirari aut agere ferre
 debes, quo apertius tibi constat, sanissima etiam labo-
 ranti stomacho insuavia esse. Ego ab hujusmodi offensio-
 ne tantum absom, ut hoc ipsum Instrumentum tuum No-
 vum, quod ad me misisti, propemodum sim voraturus,
 neque enim minorem eruditione pietatem tuam censeo.
 Quamobrem quicquid calumnia aliquorum insania vel
 iniquitas impingere tibi studuerit, dum qua alii licen-
 tiosius scribunt, ad te referunt, nihil est quod cures.
 Satis enim in his, qua publicato nomine tuo proferis,
 spectata est tua probitas, qua tametsi est magna, ea
 tamen minime effugere potest, qua illustra saepe inge-
 nia non potuerunt, hoc est, perversa hominum judicia,
 & malevolas detractiones. Et quod ad dialogum atti-
 net, istud velim mihi nunc credas, me nunquam hoc
 de te dixisse aut affirmasse, aut dubium aliquibus reli-
 quisse, te ejus fuisse auctorem: potui fortassis eam opinio-
 nem sequutus, qua dicis quicquid libellorum prodit hoc
 temporis, quod salem aut aculeum aliquem habeat, tibi
 impingi, id intra me cogitasse, sed humanas cogitatio-
 nes quis videt? aut censuram in eis exercet? nisi qui
 cuncta videt, & veluti ab ipso lapsa arguit. Quare istud
 pro constanti tibi habe, me enim non esse, qui de te, aut
 quovis alio male sentire, multoque minus dicere velim:
 quin studiosis omnibus, tibi que precipue, omnem operam
 meam adeo sincere & jucunde exhibeo, ut eorum inge-
 nia & nomen pro viribus semper provehere nitar: quod
 sedulo in gloriam tuam, & doctrina tua illustrationem
 facio, itemque facturus sum. Quamobrem posthac me
 tui amantissimum habebis, & literarum officio hoc mu-
 tuo junctum, atque eruditionis tuae apprime studiosum:
 quumque evenerit ut in rem dignitatemque tuam ali-
 quid efficere possim, sponte & ultro non committam, ut
 nullum a me officii genus desideretur. Quum vero pro e-
 nata occasione me monueris, omnium studia & diligen-
 tiam in te ornando & juvando superabo, maximaque
 mea erga te benevolentia accesserit charis & suavitas, si
 quoad hic fuero, quod diutius esse non potest, me aliquan-
 do literarum tuarum lepiditate delectaveris. Caterum,
 aliquas gratias pro misso mihi munere tibi agere omnino
 supervacaneum arbitror, cum hujusmodi gratissimis offi-
 ciis tuis nullus verborum apparatus recte respondeat: ani-
 mum itaque meum pro verbis & gratiis tibi addictis-
 simum suscipies, unaque pignoris loco Adamanta anulo
 inclusum, his literis insertum, quem mei mnemosynon
 tenebis. Nuncio vero, qui librum ad me detulit, num-
 mos decem aureos pro viatico dedi, & bene vale. Ex
 Londino 4. Julii, Anno 1519.

EPISTOLA CCCCXLIV.

Erasmus Roterod. Collegio Canoniorum Me-
 tensium S.

ORNATISSIMI Patres ac Domini, ut quisque ve-
 natur quod amat, nonnullorum praedicatione di-
 dici apud vos esse bibliothecam non vulgaribus, sed
 eximiis ac venerandae vetustatis codicibus differtam.
 Et quoniam ex Evangelica lege jubemur suum quisque
 talentum sic in usum publicum conferre, ut usuram
 approbet, qui sortem credidit, ego studium meum ad
 hoc appuli, ut vetustissimos auctores aut in lucem e-
 ruam, & a blattis tenebris vindicem, aut depravatos
 emendem. Etenim ut gravis est jactura nobis interire,
 quod tantis vigiliis summi viri prodiderunt: ita
 non exstare videtur, quod exstat, sic mendis undique
 conspurcatum, ut nec legi possit, nec intelligi. Nec

A dubito quin vestra quoque pietas publicae faveat utili-
 tati, nihilque minus probeat, quam canem illum pra-
 sepi incubantem, de quo est in *Gracorum* proverbiiis,
 praesertim cum ita liceat istam utilitatem aliis com-
 munem facere, ut vobis nihil deteratur. Proinde vos
 oro ne gravemini bibliothecae vestrae indicem ad nos
 mittere, potissimum eos libros recensentem, qui vul-
 go non habentur, aut habentur depravati, id quod u-
 lu venit in omnibus prope vetustioribus. Ex eo deli-
 gam, quos existimem maxime profuturos. Hac in re
 si nostros conatus vestra pietas adjuvabit, primum rem
 faciet Christo gratissimam, deinde splendidissimo colle-
 gio vestro cum primis gloriosam. Neque enim com-
 mittemus, ut vestrum officium ignoret posteritas. In-
 columbes servet vos omnes Christus Opt. Max. domi-
 ni in Christo plurimum observandi. *Lovanio* 14. Julii,
 Anno 1519.

EPISTOLA CCCCXLV.

Laurentio Campegio Card. Erasmus Rot. S. D.

REVERENDISIME Domine, quid posthac non libeat
 Raudere, posteaquam haec temeritas mihi tam feli-
 citer cecidit? Ego id modo ambiebam, ut Operi meo,
 ob novitatem apud quosdam invidioso, si contingeret
 sic in tuam bibliothecam reponi, quemadmodum olim
 libri, qui posteritatis memoriam promereri viderentur,
 in *Apollinis* templo collocabantur, dignitatis nonnihil
 accederet: sic enim futurum, ut eruditissimi Cardina-
 les, P. maximi *Leonis* oraculo subscribere viderentur.
 Neque enim ulla cedrus fidelius servat a carie tem-
 porumque injuria studiosorum hominum monumenta,
 quam talium procerum auctoritas. Nam illud sane le-
 viter metuebam, ne quid apud prudentissimam erudi-
 tionem tuam, & eruditissimam prudentiam valerent
 impudentissimae quorundam sycophantiae, quas ridet
 atque exsibilant, si qui sunt ex media plebe paulo cor-
 datiores. Hoc igitur quum agerem tantum, ecce
 quam ingens lucrum praeter spem obtigit, quam in-
 gentem praedam haec attraxere retia. Primum, tam in-
 signem heroa, & ecclesiae Christianae columnen, plenius
 nosse contigit: deinde, tam eximium patronum, at-
 que etiam, si fas est usurpare quod offers, amicum
 mihi paravi. Utcunque tui simulacrum mihi publica
 fama delinearat, verum, effigiem animi tui longe ple-
 nius expressit *Ricardi Pacai*, qui serenissimo Regi pri-
 mus est a secretis, oratio. Nam is ut egregias tuas
 dotes propius inspexit, ita non vulgaris est pingendi ar-
 tífex, homo nimirum non minus facundus, quam eru-
 ditus. Verum, epistola tua ita te totum mihi repraesent-
 avit, ut mihi viderer antehac tenuem modo umbram
 excellentiae tuae novisse. Magnum quendam & exi-
 mium virum ille descriperat: sed immane, quanto
 majorem te tuae literae declarant: praeter eruditionem
 Pontificio Legato dignam, praeter humanitatem erudi-
 tione summa dignam, raram etiam vitae integritatem,
 sacrarum etiam Literarum amorem ac studium spiran-
 tes. Nam illud immodice cujusdam benignitatis fuit,
 quod eum, qui libros advexit, tot aureis oneraris, vi-
 delicet ut largius etiam potitaret addictissimus *Bacchi*
 mystes, quum ego hominem justo viatico instruxis-
 sem. Caterum anulus, quem digitis tuis detractum,
 ceu sacrum quoddam amicitiae nostrae *μνημόσυλον*, imo
 si tuis verbis utendum est, fraternae charitatis pignus
 ad me misisti, adeo gratus est animo meo, ut recusa-
 turus sim unum illum vel cum universis *Attali* gazis
 commutare. Igneus auri fulgor, mihi tuae sapientiae
 prorsus Cardinalitiae symbolum semper erit, & Ada-
 mantis gratissima lux, nunquam antiquandam nomi-
 nis tui gloriam repraesentabit. Denique si mihi pos-
 set unquam talis patroni oblivio obrepere, suffraga-
 bit memoriam, quidque *Campegio* debeam commo-
 nefaciet. De nostro ingenio vere *Batavo*, deque stu-
 diis nostris non fuit ingratum quod, tam erras aman-
 ter. Siquidem hic est oculus ille Evangelicus, puri

An. candidique pectoris, alienas dotes ex sese metiens: cum
1519. oculo pravo vitiatoque mala sint etiam quæ sunt optima. Nihil igitur, inquires, profecit mea laudatio? profecit nonnihil, certe stimulos addidit, ut posthac alacrius enitar fieri, quod me prædicas esse. Nec enim arbitror ullam ætatem feram ad id, ut quis seipso melior evadat. Quod provehendis egregiis ingeniis favorem propensum tam benigne polliceris, omnium nomine gratias ago, efficiamque pro virili, ut intelligant sese tuæ celsitudini debere. Porro quod in ornando juvandoque *Erasmio* negas te commissurum, ut aliorum quisquam tibi par esse videatur: nimirum ex oculis istum animum tuum, meque cum primis felicem hoc nomine judico. Hæc tumultuante effutivi verius quam scripsi, ne, quando significas tibi celeriter istinc abeundum, meæ literæ tuam amplitudinem non offenderent. Non ero contentus hoc argumento tuam in me benignitatem & meum in te animum declarasse: quod brevi, uti spero, uberiore magisque vivaci monumento docebimus. Bene valeat tua sublimitas, cui *Erasmium*, quantus est, mancipio, dicoque. *Lovanio* 14. Julii, Anno 1519.

EPISTOLA CCCCXLVI.

Erasmus Roterod. Eduardo Leo S. D.

QVOD à me dissentis alicubi, non admodum ægre fero, semper hoc licuit inter eruditos, incolumi amicitia. Quod istis rationibus rem tractas, demirabor si quisquam vir gravis probet, quando nec ipse probat *Joannes Briareus Atensis*, tui, ut par est, amantissimus. In tot millibus annotationum, in tanta sententiarum & ingeniorum varietate, quid novum aut mirum, sicubi vidisses, quod me fefellisset? aut tibi minus placeret, quod mihi non displicuisset? Quis autem probaturus est, quod subito ex amico factus hostis, in absentem scripseris, cum nec ulla laceffitus esses injuria, nec unquam exposulasses cum præfente? quod in veterem editionem scripseris, cum scires adornare me novam? quod Opus tuum per omnia monasteria sparseris, præsertim ubi scires esse qui mihi parum bene vellent? quod iis modo communicaris, quos noveras iniquiores *Erasmio*? quod nunquam provocari potueris, nec *Atensis* auctoritate, ut mihi voluminis tui faceres copiam, imo ne ad hoc quidem, ut voce vel unum proferres locum, quem reprehendisses? quod virulentis conviciis, imo mendaciis, Opus passim adsperferis, (id enim affinant qui viderunt, neque reclamant paginæ quas intercepti) quod nusquam non prædicas ac jactas sexcenta loca abs te reprehensa, nec unius interim facis copiam? Quæso te, unde istud exemplum vel gravitatis vel animi *Christiani*? Si prodesse vis omnibus, cur non edis? Si me docere vis, cur solus non impetro ut legam? Si tibi scripsisti, cur tam late volitat liber? Si diffidis Operi tuo, cur sic ubique jactas? Si fidis, cur tam anxius es, ne quis legat, nisi qui mihi parum sit æquus? Ita dum me traducis apud eos, qui tibi jurati, mihi male cupiunt: nec me reddis meliorem, & illos inficis. Quid quod interim nec tuæ gloriæ, quam hoc tumultu venaris, satis recte consulis? Si statim edidisses Opus tuum, omnes admirati fuissent prodigiosam ingenii tui felicitatem, qui pauculis mensibus tantum *Græcitatibus* & *Hebraïsmis* devoraris, ut tuo judicio nihil sapiat in *Græcibus* *Erasmus*, in *Hebraïcis* *Hieronymus*, si tamen hæc est illius translatio: nam id honoris gratia soles addere, ne parum videre tribuere *Hieronymo*. Imo ajunt, te mox triduo posteaquam *Hebraïssare* coeperas, multa damnasse in *Capione*, nonnulla etiam in *Capitone*. Et fieri poterat, ut summus Pontifex admiratus istud ingenium pene divinum, tibi tradita virgula, totius orbis censuram fuerit mandaturus: nec jam ullus liber aut ederetur, aut legeretur, nisi *Lei* suffragio probatus, nimirum totius rei literariæ *Aristarchi*. Nunc plerique dictitant, te hoc consilio premere præclaras

A istas annotationes, ut me fatis functo, tum demum c-
das, *ἐξήμην* victurus, id est, ingloriam victoriam re-
portaturus, cum nemo sit qui contra certet. Alii prædicant interim undique captare te, quid quisque calumniatur, nec tuum Opus aliud futurum, quam alienarum sycophantiarum rhapsodiam, in qua minima portio sit tui *Martis*. Ita periculum est, ne fiat, ut cum tibi speraris opimam laudem, minus ex tuo libro referas gloriæ, quam *Latomus* retulit ex suo illo frigido dialogo, in quo ferunt totam Theologorum cohortem defudasse. Nec dubito quin tibi valde nunc arrideant quæ scribis, sed cave putes itidem omnibus arrisura, cum claræ luci sese commiserint. Quod juvenis gloriæ fame stimularis, ignoscendum arbitror: at quod ista via grassaris ad gloriam, qui non solum Theologus ac vir bonus, verum etiam sanctulus haberi vis, nulla non improbabat posteritas, etiam si non defunt fortasse, qui nunc applaudant. Atque hanc fabulam jam ferme biennium agis, & adeo dulcescit actio, ut immoriturus videaris. Nec tamen ob ista facta adeo tibi sum infensus, ut cupiam quenquam tibi vel pilo minus amicum esse mea causa, tantum abest ut gravius aliquod malum optem accidere. Sed res nusquam gentium non sparsa est: sic enim undique volitant emissarii istorum, qui novo exemplo simul & mendici sunt & tyranni, ut dictu sit incredibile. Nec ulla est natio, in qua meæ lucubrationes non aliquot amiculos mihi conciliarint; at in *Germania* complures sunt, qui mihi impensius student etiam quam velim. Nec ignoras hujus gentis animos, ingenique violentiam. Nondum enim prorsus exsuerunt nativam illam ferocitatem, quamvis assidue mitefcant humanis literis. Vides quibus libellis confodiant eos, à quibus sunt laceffiti. Equidem multorum styllum partim oratione, partim epistolis cohibui, cohibiturus etiam quantum erit in me. Sed audio quosdam his atrociora minari, quod genus si quid accideret, (id quod Deus avertat) nec ego possem tuo mederi malo, & ut est nunc pro-na hominum suspicio, invidia facti in meum quoque caput recideret. Ita ex tuo malo mihi duplex incommodum nasceretur; primum, ipse dolerem mea causa læsum esse, cui nihil tale velim accidere; deinde, non deerunt, qui suspicentur me connivente factum. Jam, ut spero, nihil hujusmodi futurum, ita contra metuo, ne quid accadat. Si nihil est periculi, amice timui; sin est, amicus præmonui, quo possis, si videretur, aliquo consilio occurrere, quod tuæ prudentiæ videbitur esse commodissimum. Bene vale. *Lovanio* 15. Julii, Anno 1519.

EPISTOLA CCCCXLVII.

Erasmus Roterod. Ulrico Hutteno S. D.

E QVOD *Thoma Mori* ingenium sic deamas, ac pene dixerim deperis, nimirum scriptis illius inflammatus, quibus, ut vere scribis, nihil esse potest neque doctius, neque festivius, istuc, mihi crede, clarissime *Hutteno*, tibi cum multis commune est, cum *Moro* mutuum etiam. Nam is vicissim adeo scriptorum tuorum genio delectatur, ut ipse tibi propemodum invideam. Hæc videlicet est illa *Platonis* omnium maxime amabilis sapientia, quæ longe flagrantiores amores excitat inter mortales, quam ullæ quamlibet admirabiles corporum formæ. Non cernitur illa quidem oculis corporeis, sed & animo sui sunt oculi, ut hic quoque verum comperiatur illud *Græcorum*, *ἐν τῷ ὁσῶν γίγεται ἀνθρώποις ἐσθλόν*, per hos fit aliquoties, ut ardentissima charitate conglutinentur, inter quos nec colloquium, nec mutuus conspectus intercessit. Et quemadmodum vulgo fit, ut incertis de causis alia forma alios rapiat: ita videtur & ingeniorum esse tacita quædam cognatio, quæ facit ut certis ingeniis impense delectemur, cæteris non item. Cæterum, quod à me flagitas, ut tibi totum *Morum* velut in tabula depingam, utinam tam absolute præstare queam, quam tu vehementer cu-

An. cupis. Nam mihi quoque non injucundum fuerit, interim in amici multo omnium suavissimi contemplatione versari. Sed primum *ἡ παντὸς ἀνδρὸς ἔστιν* omnes *Mari* dotes perspexisse. Deinde haud scio an ille laturus sit, à quolibet artifice depingi sese. Nec enim arbitror levioris esse operæ *Morum* effingere, quam *Alexandrum* magnum, aut *Achillem*, nec illi quam hic noster immortalitate digniores erant. Tale argumentum prorsus *Apollis* cuiuspiam manum desiderat: at vereor, ne ipse *Fulvii Rusticæque* similior sim quam *Apollis*. Experiar tamen tibi totius hominis simulacrum delineare verius quam exprimere, quantum ex diutina domesticaque consuetudine vel animadvertere licuit, vel meminisse. Quod si quando fiet, ut vos aliqua legatio committat, tum *deum* intelliges, quam non probum artificem ad hoc negotii delegeris, vereorque place, neme aut invidentiæ incuses, aut cæcutientiæ, qui ex tam multis bonis tam pauca vel viderim lippus, vel commemorare voluerim invidus. Atque ut ab ea parte exordiar, qua tibi *Morus* est ignotissimus, statuta modoque corporis est infra proceritatem, supra tamen notabilem humilitatem. Verum, omnium membrorum tanta est symmetria, ut nihil hic omnino desideres, cute corporis candida, facies magis ad candorem vergi, quam ad pallorem, quanquam à rubore procul abest, nisi quod tenuis admodum rubor ubique subluet, capilli subnigro flavore, sive majoris, sufflavo nigrore, barba rarior, oculi subcæsi, maculis quibusdam interspersi, quæ species ingenium arguere solet felicissimum, apud *Britannos* etiam amabilis habetur, cum nostri nigrore magis capiantur. Negant ullum oculorum genus minus infestari vitiis. Vultus ingenio respondet, gratam & amicam festivitatem semper præ se ferens, ac nonnihil ad ridentis habitum compositus. Atque ut ingenue dicam, appositior ad jucunditatem, quam ad gravitatem aut dignitatem, etiam si longissime abest ab ineptia scurrilitateque: Dexter humerus paulo videtur eminentior lævo, præsertim cum incedit, id quod illi non accidit natura, sed assuetudine, qualia permulta nobis solent ad hæerere. In reliquo corpore nihil est quod offendant, manus tantum subrusticæ sunt: ita duntaxat, si ad reliquam corporis speciem conferantur. Ipse omnium quæ ad corporis cultum attinent semper à puero negligentissimus fuit, adeo ut nec illa magnopere curare sit solitus, quæ sola viris esse curanda docet *Ovidius*. Formæ venustas quæ fuerit adolescenti, nunc etiam licet *ὡς τῆς καλαιᾶς* conjicere: quanquam ipse novi hominem, non majorem annis viginti tribus, nam nunc non multum excessit quadragesimum. Valetudo prospera magis quam robusta, sed tamen quæ quantislibet laboribus sufficiat honesto cive dignis, nullis aut certe paucissimis morbis obnoxia: spes est vivacem fore, quando patrem habet admodum natu grandem, sed mire virenti vegetaque senectute. Neminem adhuc vidi minus morosum in delectu ciborum. Ad juvenilem usque ætatem aquæ potu delectatus est, id illi patrium fuit. Verum, hac in re ne cui molestus esset, fallebat convivas è stanneo poculo cervisiam bibens, eamque aquæ proximiam, frequenter aquam meram. Vinum, quoniam illic mos est ad idem poculum vicissim invitare sese, summo ore nonnunquam libabat, ne prorsus abhorreere videretur, simul ut ipse communibus rebus assueceret. Carnibus bubulis, fæcamentis, pane secundo ac vehementer fermentato libentius vesceretur, quam his cibis, quos vulgus habet in deliciis. Alioqui neutiquam abhorrens ab omnibus quæ vult atem innoxiam adferunt etiam corpori. Lætariorum, & eorum foetuum, qui nascuntur in arboribus, semper fuit appetentior: esum ovorum in deliciis habet. Vox neque grandis est, nec admodum exilis, sed quæ facile penetret aures, nihil habens canorum, ac molle, sed plane loquentis est: nam ad Musicam vocalem à natura non videtur esse compositus, etiam si delectatur omni Musices genere. Lingua mi-

re explanata articulataque, nihil habens nec præceps, nec hæsitans. Cultu simplici delectatur, nec sericis, purpurave, aut catenis aureis utitur, nisi cum integrum non est ponere. Dictu mirum, quam negligens sit ceremoniarum, quibus hominum vulgus æstimat morum civilitatem: has ut à nemine exigit, ita aliis non anxie præstat nec in congressibus, nec in conviviiis, licet harum non sit ignarus, si lubeat uti. Sed muliebre putat, viroque indignum, ejusmodi ineptiis bonam temporis partem absumere. Ab aula Principumque familiaritate olim fuit alienior, quod illi semper peculiariter invisa fuerit tyrannis, quemadmodum æqualitas gratissima. Vix autem reperias ullam aulam tam modestam, quæ non multum habeat strepitus, atque ambitionis, multum fuci, multum luxus, quæque prorsus abest ab omni specie tyrannidis. Quin nec in *Henrici* octavi aulam pertrahi potuit, nisi multo negotio, cum hoc Principe nec optari quicquam possit civilius ac modestius. Natura libertatis atque ocii est avidior, sed quemadmodum ocio cum datur lubens utitur; ita quoties poscit res, nemo vigilantior aut patientior. Ad amicitiam natus factusque videtur, cujus & sincerissimus est cultor, & longe tenacissimus est. Nec ille metuit *παλυσίαν* ab *Hesiodo* parum laudatam. Nulli non patet ad necessitudinis foedus. Nequaquam morosus in deligendo, commodissimus in alendo, constantissimus in retinendo. Si foris incidit in quempiam, cujus vitiis mederi non possit, hunc per occasionem dimittit, diffuens amicitiam, non abruptens. Quos sinceros reperit, & ad ingenium suum appositos, horum consuetudine fabulisque sic delectatur, ut in his rebus præcipuam vitæ voluptatem ponere videatur. Nam à pila, alea, chartis, cæterisque lusibus, quibus vulgus procerum temporis tædium solet fallere, prorsus abhorret. Porro ut propriarum rerum est negligentior, ita nemo diligentior in curandis amicorum negotiis. Quid multis? Si quis absolutum veræ amicitiae requirat exemplar, à nemine rectius petierit, quam à *Moro*. In convictu tam rara comitas, ac morum suavitas, ut nemo tam tristi sit ingenio, quem non exhilaret: nulla res tam atrox, cujus tædium non discutiat. Jam inde à puero sic joci est delectatus, ut ad hos natus videri possit, sed in his nec ad scurrilitatem usque progressus est, nec mordacitatem unquam amavit. Adolescens comœdiolas & scripsit, & egit. Si quod dictum esset falsius etiam in ipsum tortum, tamen amabat, usque adeo gaudet salibus argutis, & ingenium redolentibus, unde & epigrammatis lusit juvenis, & *Luciano* cum primis est delectatus, quin & mihi ut *Morias encomium* scriberem, hoc est, ut camelus saltarem, fuit auctor. Nihil autem in rebus humanis obvium est, unde ille non venetur voluptatem, etiam in rebus maxime seriis. Si cum eruditis & cordatis res est, delectatur ingenio: si cum indoctis ac stultis, fruitur illorum stultitia. Nec offenditur morionibus, mira dexteritate ad omnium affectus sese accommodans. Cum mulieribus fere, atque etiam cum uxore, non nisi lusus, jocosque tractat. Diceret alterum quendam esse *Democritum*, aut potius *Pythagoracum* illum Philosophum, qui vacuus animo per mercatum obambulans, contemplatur tumultus vendentium atque ementium. Nemo minus ducitur vulgi iudicio, sed rursus nemo minus abest à sensu communi. Præcipua illi voluptas est spectare formas, ingenia & affectus diverforum animantium. Proinde nullum fere genus est avium, quod domi non alat, si quod aliud animal vulgo rarum, veluti simia, vulpes, viverra, mustela, & his consimilia. Ad hæc si quid exoticum, aut alioqui spectandum occurrat, avidissime mercari solet, atque his rebus undique domum habet instructam; ut nusquam non sit obvium, quod oculos ingredientium demoretur: ac toties sibi renovat voluptatem, quoties alios conspicit oblectari. Cum ætas ferret, non abhorruit à puellarum amoribus, sed citra infamiam, & sic ut oblati magis frueretur, quam capti-

An. tis; & animo mutuo caperetur potius, quam coitu.
 1519. Bonas literas à primis statim annis hauserat. Juvenis ad *Gracas* literas ac philosophiæ studium sese applicuit, adeo non opitulante patre viro alioqui prudenti, proboque, ut ea conantem omni subsidio destitueret: ac pene pro abdicatione haberet, quod à patriis studiis desistere videretur, nam is *Britannicarum* legum peritiam proficitur. Quæ professio, ut est à veris literis alienissima: ita apud *Britannos* cum primis habentur magni, clarique, qui in hoc genere sibi pararunt auctoritatem, nec temere apud illos alia via ad rem ac gloriam parandam magis idonea. Siquidem plerumque nobilitatem illius insulæ peperit hoc studiorum genus. In eo negant quenquam absolvi posse, nisi plurimos annos insudarit. Ab hoc igitur cum non injuria abhorreret adolescentis ingenium, melioribus rebus natum, tamen post degustatas scholasticas disciplinas, sic in hoc versatus est, ut neque consulerent quenquam libentius litigatores, neque quæstum uberiores faceret quicquam eorum, qui nihil aliud agebant. Tanta erat vis ac celeritas ingenii. Quin & evolvendis orthodoxorum voluminibus non segnem operam impendit: *Augustini* libros *De civitate Dei* publice professus est adhuc pene adolescens auditorio frequenti, nec puduit, nec poenituit sacerdotes ac senes à juvene profano sacra dicere. Interim & ad pietatis studium totum animum appulit, vigiliis, jejuniis, precationibus, aliisque consimilibus progymnasmatibus sacerdotium meditans. Quia quidem in re non paulo plus ille sapiebat, quam plerique isti, qui temere ad tam arduam professionem ingerunt sese, nullo prius sui periculo facto. Neque quicquam obstabat quo minus sese huic vitæ generi addiceret, nisi quod uxoris desiderium non posset excutere. Maluit igitur maritus esse castus quam sacerdos impurus. Tamen virginem duxit admodum puellam, claro genere natam, rudem adhuc, utpote ruri inter parentes ac sorores semper habitam, quo magis illi liceret illam ad suos mores fingere. Hanc & literis instruendam curavit, & omni Musices genere doctam reddidit, planeque talem pene finxerat, qui cum libuisset universam ætatem exigere, ni mors præmatura puellam sustulisset è medio, sed enixam liberos aliquot, quorum adhuc supersunt puellæ tres, *Margareta*, *Aloysia*, *Cecilia*, puer unus *Joannes*. Neque diu celebs vivere sustinuit, licet alio vocantibus amicorum consiliis, paucis mensibus à funere uxoris viduam duxit magis curandæ familiæ, quam voluptati, quippe nec bellam admodum, nec puellam, ut ipse joculari solet, sed acrem ac vigilantem matremfamilias, qui cum tamen perinde comiter suaviterque vivit, ac si puella foret forma quantumlibet amabili. Vix ullus maritus à sua tantum obsequii impetrat imperio atque severitudine, quantum hic blanditiis jocisque. Quid enim non impetret, posteaquam effecit, ut mulier jam ad senium vergens, ad hoc animi minime mollis, postremo ad rem attentissima, cithara, testudine, monochordo, tibiis canere disceret, & in hisce rebus quotidie præscriptum operæ pensum exigenti marito redderet? Consimili comitate totam familiam moderatur, in qua nulla tragoedia, nulla rixa. Si quid extiterit, protinus aut medetur, aut componit. Neque quenquam unquam dimisit ut inimicum, aut ut inimicus. Quin hujus domus fatalis quædam videtur felicitas, in qua nemo vixit, qui non provectus sit ad meliorem fortunam, nullus unquam ullam famæ labem contraxit. Quin vix ullos reperias, quibus sic convenerit cum matre, ut huic cum noverca, nam pater jam alteram induxerat, utramque non minus adamavit, ac matrem. Nuper induxit tertiam, hac *Morus* sancte dejerat se nihil unquam vidisse melius. Porro erga parentes ac liberos, sororesque, sic affectus est, ut nec amet moleste, nec unquam desit officio pietatis. Animus est à sordido lucro alienissimus. Liberis suis semovit è facultatibus, quod illis satis esse putat, quod superest largiter effundit. Cum advocacionibus adhuc aleretur,

A nulli non dedit amicum verumque consilium, magis illorum commodis prospiciens quam suis: plerisque solitus persuadere, uti litem componerent: minus enim hic fore dispendii. Id si minus impetrabat, tum rationem indicabat, qua possent quam minimo dispendio litigare, quando quibusdam hic animus est, ut litibus etiam delectentur. In urbe *Londinensi*, in qua natus est, annos aliquot judicem egit in causis civilibus, id munus ut minimum habet oneris, (nam non sedetur nisi die *Jovis* usque ad prandium) ita cum primis honorificum habetur. Nemo plures causas absolvit, nemo se gessit integrius, remissa plerisque pecunia, quam ex præscripto debent, qui litigant. Siquidem antelitis contestationem actor deponit tres drachmas, totidem reus, nec amplius quicquam fas est exigere. His moribus effecit, ut civitati suæ longe charissimus esset. Decreverat autem hac fortuna esse contentus, quæ & satis haberet auctoritatis, nec tamen esset gravibus obnoxia periculis. Semel atque iterum extrusus est in legationem, in qua cum se cordatissime gessisset, non conquievit serenissimus Rex *Henricus*, ejus nominis octavus, donec hominem in aulam suam pertraheret. Cur enim non dicam pertraheret? Nullus unquam vehementius ambiit in aulam admitti, quam hic studuit effugere. Verum, cum esset optimo Regi in animo, familiam suam eruditis, gravibus, cordatis, & integris viris differtam reddere, cum alios permultos, tum *Morum* in primis accivit, quem sic in intimis habet, ut à se nunquam patiatur discedere. Sive feriis utendum est, nihil illo consultius, sive visum est Regi fabulis amcenioribus laxare animum, nullus comes festivior. Sæpe res arduæ judicem gravem & cordatum postulant, has sic *Morus* discutit, ut utraque pars habeat gratiam. Nec tamen ab eo quicquam impetravit, ut munus à quoquam acciperet. Felices res publicas, si *Mori* similes magistratus ubique præficeret Princeps. Nec interim ullum accessit supercilium. Inter tantas negotiorum moles & veterum amulorum meminit, & ad literas adamatas subinde redit. Quicquid dignitate valet, quicquid apud amplissimum Regem gratia pollet, id omne juvandæ Reipub. juvandis amicis impendit. Semper quidem adfuit animus de cunctis bene merendi cupidissimus, mireque pronus ad misericordiam: cum nunc magis exserit, quando potest plus prodesse. Alios pecunia sublevat, alios auctoritate tuetur, alios commendatione provehit: quos alioqui juvare non potest, his consilio succurrit: nullum unquam à se tristem dimisit. Diceres, *Morum* esse publicum omnium inopum patronum. Ingens lucrum sibi putat accessisse, si quem oppressum sublevavit, si perplexum & impeditum explicuit, si alienatum redegit in gratiam. Nemo lubentius collocat beneficium, nemo minus improbat. Jam cum tot nominibus sit felicissimus, & felicitatis comes fere soleat esse jactantia, nullum adhuc mortalium mihi videre contigit, qui longius abesset ab hoc vitio. Sed ad studiorum commemorationem redeo, quæ me *Moro*, mihi que *Morum* potissimum conciliarunt. Primam ætatem carmine potissimum exercuit, mox diu luctatus est, ut prosam orationem redderet molliorem, per omne scripti genus stylium exercens, qui cujusmodi sit, quid attinet commemorare? tibi præsertim qui libros ejus semper habeas in manibus. Declamationibus præcipue delectatus est, & in his materiis *adoxis*, quod in his acrior sit ingeniorum exercitatio. Unde adolescens etiamnum dialogum moliebatur, in quo *Platonis* communitatem ad uxores usque defendit. *Luciani Tyrannicide* respondit, quo in argumento me voluit antagonistam habere: quo certius periculum faceret, ecquid profecisset in hoc genere. *Utopiam* hoc consilio edidit, ut indicaret quibus rebus fiat, ut minus commode habeant Respublicæ, sed *Britannicam* potissimum effinxit, quam habet penitus perspectam, cognitamque. Secundum librum prius scripserat per o-cium, mox per occasionem primum adjecit ex tempore.

re. Atque hinc nonnulla dictionis inæqualitas. Vix
 1519. alium reperias, qui felicius dicat ex tempore, adeo fe-
 lici ingenio felix lingua subservit. Ingenium præsens,
 & ubique prævolans, memoria parata, quæ cum om-
 nia habeat velut in numerato, prompte & incunctan-
 ter suggerit quicquid tempus aut res postulat. In dispu-
 tationibus nihil fingi potest acutius, adeo ut summis
 etiam Theologis sæpe negotium facescat, in ipsorum
 arena versans. *Joannes Colatus*, vir acris, exactique ju-
 dicii, in familiaribus colloquiis subinde dicere solet,
Britannia non nisi unicum esse ingenium; cum hæc insu-
 la tot egregiis ingeniis floreat. Veræ pietatis non in-
 diligens cultor est, etiam si ab omni superstitione a-
 lienissimus. Habet suas horas, quibus Deo litet preci-
 bus, non ex more, sed è pectore depromptis. Cum
 amicis sic fabulatur de vita futuri seculi, ut agnoscas
 illum ex animo loqui, neque sine optima spe. Ac talis
Morus est etiam in aula. Et postea sunt, qui putent
Christianos non inveniri, nisi in monasteriis. Tales vi-
 ros cordatissimus Rex in familiam suam, atque adeo
 in cubiculum non solum admittit, verum etiam invi-
 tat, nec invitat modo, verum etiam pertrahit. Hos
 habet arbitros ac testes perpetuos vitæ suæ, hos ha-
 bet in consiliis, hos habet itinerum comites. Ab his
 stipari gaudet, potius quam luxu perditis juvenibus,
 aut mulierculis, aut etiam torquatis *Midis*, aut in-
 sinceris officiis, quorum alius ad voluptates ineptas a-
 vocet, alius ad tyrannidem inflammet, alius ad expi-
 landum populum novas techmas suggerat. In hac au-
 la si vixisses, *Hutene*, sat scio, rursus aliam aulam de-
 scriberes, & *misantos* esse desineres, quanquam tu quo-
 que cum eo Principe vivis, ut integriorem nec optare
 possis. Neque desunt qui rebus optimis faveant, ve-
 luti *Stromerus* ac *Coppus*. Sed quid ista paucitas ad tan-
 tum examen insignium virorum, *Montjoii*, *Linacri*,
Pacæ, *Coletii*, *Stocschleii*, *Latimeri*, *Mori*, *Tonstalli*,
Clerici, atque aliorum his adsimilium? quorum quen-
 cumque nominaris, mundum omnium virtutum ac
 disciplinarum semel dixeris. Mihi vero spes est haudqua-
 quam vulgaris, fore, ut *Albertus*, unicum his tem-
 poribus nostræ *Germania* ornamentum, & plures sui
 similes in suam allegat familiam, & cæteris Principi-
 bus gravi sit exemplo, ut idem & ipsi suæ quisque do-
 mi facere studeant. Habes imaginem ad optimum
 exemplar à pessimo artifice non optime delineatam. Ea
 tibi minus placebit, si continget *Morum* nosse propius.
 Sed illud tamen interim cavi, ne mihi possis impinge-
 re, quod tibi minus paruerim, neve semper oppro-
 bres nimirum breves epistolas. Etiam si hæc nec mihi
 scribenti visa est longior, nec tibi legenti, sat scio,
 prolixa videbitur: id faciet *Mori* nostri suavitas. Ve-
 rum, ne nihil ad postremam tuam epistolam respon-
 deam, quam prius excusam legi quam scriptam, Cla-
 rissimi Principis *Alberti* humanitatem ex ipsius etiam
 ad me literis intellexi. Sed qui, quæso, factum, ut pa-
 tera prius ad omnes pervenerit tuis literis quam ad me?
 Certe per neminem certius mittere poteras, quam per
Richardum Pacanum, sereniss. *Anglia* Regis Oratorem,
 five me haberet *Brabantia*, five *Britannia*. Tu, quan-
 tum video, & calamo & ense gnaviter belligeraris,
 nec minus tamen feliciter, quam fortiter. Nam apud
 Cardinalem *Cajetanum* audio te magnam etiam iniisse
 gratiam. *Capnioni* bene esse gaudeo. *Francisci Sichni*
 nomen non finent emori literæ, nisi velint ingratitu-
 dinis postulari. De rebus nostris alias: nunc illud tan-
 tum. Res hic sordidissimis sycophantiis agitur, qui-
 bus artibus ut imparem me fatear, necesse est. Si quis
 est isthic, qui cupiat artem sycophanticam discere, in-
 dicabo illi quendam hujus disciplinæ mirum artificem,
 quem huic rei plane natum dicas. Minus bonus orator
Cicero, quam hic sycophanta: & reperit dociles mul-
 tos apud nos. Nondum tempus est, verum brevi vo-
 bis hominem commendabo, ut quo dignus est, quod-
 que misere ambit, omnium eruditorum literis celebre-
 tur, portentum verius quam homo. Bene vale. *Antwer-
 pia* 23. Julii, Anno 1519.

EPISTOLA CCCCXLVIII.

IN CYPRIANUM.

*Erasmus Roterodamus Laurentio Puccio Car-
dinali S. D.*

IN tam vasta rei literariæ clade, quæ non solum tot
 1519. Egregia Veterum monumenta, vel depravavit, vel
 detruncavit, verum etiam innumeros scriptores immor-
 tali memoria dignos totos absorbit, fortassis ineptius
 videatur, R. Pater, unius aut alterius interitum deplora-
 re, ni *Cyprianus* unus esset multorum instar habendus,
 five spectes eloquentiam, five doctrinam, five pastoris
 dignitatem, five pectus Apostolici spiritus vigorem ubi-
 que fragrans, five martyrii gloriam. Hanc autem
 jacturam haud scio an hoc moderatius ferremus, si to-
 tus nobis interisset. Nunc quoniam ex his fragmentis,
 quæ nobis nescio quis casus superesse voluit, conjici-
 mus qualia fuerint illa quæ perierunt, gravius etiam
 animo discruciamur, quicunque thesaurorum hujusmo-
 di sumus avari. Porro, ut nunc in obscuro sit, quæ
 & quam multa vir ille scripserit, Operum claritas in
 causa fuit, quæ & *Hieronymo* persuasit, ut non duce-
 ret operæ precium lucubrationum illius indicem texe-
 re, cum ipsius ætate & sole clariores haberentur, &
 publicitus omnium manibus tererentur, haudquaquam
 existimans fieri posse, ut tantam lucem ac celebra-
 tem ullus casus, oblivionis tenebris obscuraret; quod
 idem malum nobis usu venit in *Tertulliano*: nam alius
 quispiam casus *Origenicorum* Operum catalogum nobis
 ademit, quem *Hieronymus* sese testatur atrexisse in
 quadam ad *Paulam* epistola, in qua hujus *Adamantii* li-
 bros cum libris *Varronis* confert, quem & ipsum constat
 πολυγραφέα fuisse. Cæterum, cum *Laetantius*
 testetur, à *Cypriano* admodum multa fuisse conscripta,
 rectius perspiciet quanta fuerit ea calamitas, quæ cæ-
 tera nobis ademit, qui reliquiis, quas habemus, notha
 ac pseudepigrapha detraxerit. Etenim ut *Cypriano* cum
 cæteris Scriptoribus est commune, quod ipsius lucu-
 brationibus multa sunt aliorum admixta: ita hoc fuit
Hieronymo felicior, quod hujus voluminibus multa sunt
 interspersa, prorsus indigna lectu; *Cypriano* nihil ad-
 scriptum est nisi doctum, & à magnis viris profectum.
 Proinde nos adeo nihil semovimus etiam hujus gene-
 ris, ut nonnulla ex vetustis codicibus adjecerimus: ne-
 que enim protinus rejiciendum, quod *Cypriani* non
 est. Jam ne quis in hac censura putet nos nihil aliud
 secutos quam somnium animi nostri, *Symbolum fidei*,
 quod in evulgatis pariter ac descriptis voluminibus *Cy-
 priani* titulum hæctenus possidet, inter Opera divi *Hie-
 ronymi*, fertur *Ruffini* nomine. Liber *De singulariari-
 te Clericorum* habetur inter *Augustini* lucubrationes,
 quanquam is an *Cypriani* sit, dubito: certe *Augustini*
 non esse, præter phrasim arguunt ipsæ sacrarum * Vo-
 luminum citationes. De cæteris conjecturam nostram
 suis locis annotabimus. Vitam apparet ex eo libro de-
 cerptam, quem, ut testatur *Hieronymus*, conscripserit
Pontius Cypriani diaconus, in ipso etiam exilio comes
 individuus usque ad ultimi supplicii diem. Nec enim
 mihi verisimile fit, hoc esse volumen illud egregium,
 cujus in Vita *Pontii* meminit *Hieronymus*, quum quod
 existat apud nos, ne libelli quidem vocabulum increa-
 tur. Certe coronidem de translatione corporis ejus,
 ab alio quopiam adjectam esse, clarius est quam ut sit
 admonendum, præsertim cum in ea *Caroli* Imperatoris
 fiat mentio. Jam quod D. *Hieronymus* memorat, octo
 tantum epistolas *Cypriani* ad *Cornelium Romanum* urbis
 Episcopum extitisse, cum in nostris codicibus unde-
 cim, ni fallor, habeantur, fieri potest, ut non omnes
 pervenerint in manus *Hieronymi*, aut, quoniam sit a-
 liquoties, ut in iisdem diversa tractentur argumenta,
 singulæ quæpiam in binas dissectæ sint, id quod nos
 in una certe factum & deprehendimus, & indicavimus.
 Por-

* Sic habetur in utraque Editione Basil. ac Londinensi, *factorum*
 legendum esse quivis videre potest.

An. Porro cum olim *Africa* permultos ediderit eloquentia
 1519 doctrinaque celebres, inter quos sunt in primis *Tertul-
 lianus* & *Augustinus*, tamen vix ulli contigit *Romana*
 dictionis germana puritas, præterquam *Cypriano*. De
 Scriptoribus ecclesiasticis loquor, alioqui *Lactantius* in
 primis erat excipiendus. Nam *Tertullianus* licet den-
 sus & argutus sit in sententiis, sermo tamen difficilis
 est & obscurus, atque etiam incomptior; quemadmo-
 dum indicat *Hieronymus* in epistola ad *Paulinum*, vide-
 licet *Lactantii* iudicio subscribens. Jam in *Augustino*
 subinde lectorem offendit perplexum nescio quid, &
 impeditum atque obscurum, quod in epistolis illi obji-
 cit & *Hieronymus*: at uterque *Cypriano* summas elo-
 quentiæ dotes tribuit; sic enim scribit *Hieronymus* in
 epistola ad *Paulinum*: *Beatus Cyprianus instar fontis pu-
 rissimi dulcis incedis & placidus. Lactantius* autem in
 Præfatione libri quinti *De institutione religionis Christiana-*
na, non solum illi tribuit facilitatem, jucunditatem,
 perspicuitatem, copiam ac nitorem, verum etiam vim
 ac nervos in persuadendo: *Erat enim*, inquit, *ingenio
 facili, copioso, suavi, & quæ sermonis maxima est
 virtus, aperto, ut discernere nequeas, utrum ornatior in
 loquendo, an faciliior in explicando, an potentior in per-
 suadendo quisquam fuerit.* Atque utinam divus *Augu-*
stinus, ut *Afer Afrum*, Episcopus Episcopum, nume-
 ro voluminum præcurrit, ita dictionis elegantia po-
 tuisset assequi: utinamque linguam hujus tam feliciter
 esset æmulatus, quam candide miratur ac prædicat.
 Siquidem is libro *De doctrina Christiana* IV. ex hu-
 jus voluminibus potissimum petit exempla, quibus de-
 monstraret, nullam eloquentiæ partem in *Christianis*
 Scriptoribus desiderari; hunc cum *Ambrosio* subinde
 conferens, quemadmodum *Fabius Marcus Tullium*
 cum *Demosthene* committit. Idem in conflictationi-
 bus cum *Pelagianis* ac *Donatistis*, multa cum reveren-
 tia citat hujus sententias. Non possum equidem infici-
 as ire, quin olim inter orthodoxos Scriptores primas
 tribuerim *Hieronymo*: verum, ubi *Cyprianum*, quem prius
 & carptim & oscitans legeram, propius sum contem-
 platus, prorsus animi dubius reddor, utrum utri præ-
 feram, adeo suis uterque virtutibus summus occurrit.
 Quod si hoc nomine jure præfertur *Demosthenes*, quod
 propius accesserit ad verum illud ac naturale dicendi
 genus, & longius absit ab umbra declamatoria, longe
 præcellit hac parte *Cyprianus Hieronymum*: magis ubi-
 que serius ac minus affectans; cum hic, quemadmo-
 dum & *Tertullianus*, in risu pene sit immodicus, subin-
 de desidens in exspatiationibus, plurimum admiscens
 ex prophana literatura: quæ dotes, si laudi dantur,
 non tam defuere *Cypriano*, quam vel spretæ sunt, vel
 neglectæ. Nihil in hoc reperies, quod ad ostentatio-
 nem ingenii videri possit adscitum, aut quod ullo pa-
 cto vatritiem sapiat, quæ non abest *Hieronymo*. Talis
 ubique sermonis habitus est, ut loqui sentias vere *Chri-*
stianum Episcopum, ac martyrio destinatum. Pectus
 ardet Evangelica pietate, & pectori respondet oratio:
 loquitur disertæ, sed magis fortia quam disertæ: neque
 tam loquitur fortia quam vivit, ut ipse meminit ali-
 cubi. Huic nimirum personæ magis congruebat di-
 gnitas quam lepos, etiamsi locis aliquot declarat sibi
 non defuisse nasum, sicubi res ita postulasset: velut
 ubi falsissime ridet hæreticum quendam, qui negabat
Cyprianum habendum pro Episcopo: deinde cum re-
 fellit eos, qui non immersos, sed adspersione aquæ ba-
 ptizatos in periculosis morbis, non *Christianos*, sed
 clinicos censebant appellandos. Nam hic præter per-
 petuam illam jucunditatem, sanguinis in morem per
 omne corpus sparsam, joci etiam atque diceriis uti-
 tur. In una duntaxat epistola, cujus initium est, *Be-*
ne admones, Donate, nonnihil ludit apparatû pompa-
 que sermonis: unde & *Augustinus* comptæ, jucundæ,
 splendidæque dictionis depromit exemplum. Talem
 Ecclesiæ doctorem, talem *Christiana* pietatis athletam
 nobis dedit rhetorum schola, ne quis sibi stolide pla-
 ceat, quod nihil rhetorices attigerit. Efferrant alii

A quantumlibet eos, quos nobis ediderunt Dialectico-
 rum ac Peripateticorum scholæ, quos nec nos sane
 improbamus, certe primas inter orthodoxos Patres
Cypriano tribuit Papa *Gelasius*, in Decretis, xv. dist.
 cap. *Sancta Romana*. Jam fortassis non abs re fue-
 rit, nonnihil attingere de dogmatis hujus, à quibus
 hodie dissentire videtur Ecclesia, inter quæ cum pri-
 mis jactatum est illud, quod existimaret hæreticos ab
 Ecclesiæ consortio semotos ac schismaticos nihil agere
 baptizando: atqui hæc sententia non uni placuit *Cy-*
priano, verum plerisque omnibus *Africa*, *Numidia*,
Mauritaniaque Episcopis: quod abunde perspicuum
 est ex Actis Synodi *Carthaginensis*, quæ nos adjecimus
 in hac editione. Error erat simplex, non ex ambitio-
 ne malitiave, sed ex hæreseōn odio & ecclesiasticæ
 unitatis amore profectus. Dum enim sedulo vitat la-
 cus hæreticorum contritos, horretque bibere aquam
 de cisterna aliena, incautiore mali fuga, in eum er-
 rorem inciderat. Nec ille repertor fuit ejus erroris,
 sed à majoribus acceptum tuebatur, haud dubie muta-
 turus sententiam, si melioribus argumentis veritatem
 fuisset edoctus; quemadmodum post Episcopi cæte-
 ri priorem opinionem meliore sententia mutarunt. Nam
 testimonia Scripturarum & rationes, quibus illi fuerunt
 in eum errorem inducti, eleganter refellit *Augustinus*
 in libris *De Baptismo* contra *Donatianos*, præsertim li-
 bris tertio, sexto, septimo. Sunt & alia quædam, sed
 hinc ferme profecta, quæ suis locis attingemus. Jam
 quod quidam (ut refert *Lactantius*) homo disertus, sed
 impius, *Caprianum* pro *Cypriano* vocavit, hoc magis
 nobis placere debet vir optimus, quod viro pessimo
 displicuerit, imo cui nihil in *Cypriano* displicuerit præ-
 ter *Christianam* pietatem. Satis enim declarat quid ille
 de *Christo* senserit, qui doctrinam ejus aniles fabulas
 judicavit. Ad hæc, quod huic *Hieronymus* in epistola
 quadam ad *Paulinum* videtur absolutam sacræ Scriptu-
 ræ scientiam detrahare, nihil aliud sensit, opinor, quam
 persecutionum procellis, quibus tum agitabatur Ec-
 clesia, martyrioque præpeditum, non absolvisse in
 explanandis divinis Voluminibus, quod egregie præsta-
 turus videbatur, si licuisset. Nam quæ scripsit, fere
 versantur in locis communibus: unde non pauca de-
 cerpit *Hieronymus*, quoties in iisdem versatur, quem-
 admodum, ut est verisimile, è *Tertulliani* libris multa
 mutuatus est *Cyprianus*, quibus adeo delectatus dedi-
 tusque legitur, ut quoties ab amanuensi codicem
 polceret, dicere solitus sit, *Da magistrum*, nihi-
 lominus ob id ingenio tribuens, quod ab Ecclesia sese
 submovisset, nimirum gnarus vel è sterquilinio legere
 aurum, & intelligens ubique bonum esse quod bonum
 est, ac vitans propheticam imprecationem adversus
 eos, qui pro personarum varietate, vel pro suo magis
 affectu, de rebus judicium variantes: quod bonum est,
 dicunt malum: quod dulce est, faciunt amarum. Sed
 ne celsitudinem tuam pluribus morer, reverende Pa-
 ter, prodit *Cyprianus* & emendatior multo, sublatis o-
 pera nostra mendis; & aliquanto purior, semotis iis
 quæ illi falso tribuebantur; & auctior, adjectis aliquot
 ex vetustissimis exemplaribus, quæ hactenus desidera-
 ta sunt. Postremo, prodit opera *Frobenii* nitidior si-
 mul & augustior: prodibit autem & feliciter, si tua
 auctoritas nostræ favebit industriæ simul & consilio,
 qui laborem hunc tuo nomini dicatum esse volumus,
 non ignari quantum ea labore instaurandæ religioni
Christiana. Quorum enim auspiciis magis conveniebat
 restitui priscos Ecclesiæ doctores, quam vestris, qui
 nunc illorum præcipuas vices geritis? per quos potius
 oportuit asseri scriptorem Apostolis proximum, quam
 per eos qui nobis summates Apostolos repræsentant?
 Quin & illud mihi probe visum est congruere, ut *Cy-*
prianus, cui primum locum tribuit sedis Apostolicæ
 censura, tuis prodiret auspiciis, cui meritissimo inter
 tot ordinis Cardinalitii lumina primas tribuit *Leo* Pon-
 tifex, non minus cordatissimi, quam maximi titulo
 clarus. Celebris est apud *Romanos* *Hannibal Pannus*, qui
 cum

An. cum *Italis* de Romano certavit Imperio: hunc æquum
 519. est haberi celebriorem, qui cum *Romanis* orthodoxis
 felicius quam *Hannibal*, de *Romana* certavit eloquen-
 tia. Ille cum *Scipione* confligit armis, hic cum *Cornelio*
Romano Pontifice sic suscepisse pietatis certamen vide-
 tur, ut ambos virtutibus pares, eodem die, licet an-
 no non eodem, similis martyrii palma decorarit: elo-
 quentiae gloria vicerit *Cyprianus*. Mihi vero peculia-
 ris etiam quædam causa fuit, ut hoc, quicquid est o-
 peræ, amplitudini tuæ dedicarem: quandoquidem non
 licuit alia ratione testari animum memorem officiorum
 haudquaquam vulgarium, quæ primum R. D. *Antio-*
nus Puccius nepos tuus, id temporis Legatum agens
 summi Pontificis apud *Elvetios*, mox tua celsitudo *Ro-*
ma mihi largiter impendit: quam precor ut *Christus*
Opt. Max. dignitati *Romana* Sedis, & Reipublicæ *Chri-*
stiana juvanda, diu servet incolumem. *Lovanio* 31.
Julii, Anno à *Christo* nato 1519.

EPISTOLA CCCCXLIX.

Erasmus Rot. Joanni Episcopo Roffensi S. D.

REVERENDE Pater ac patrone singularis, *Brugis*
 doctor quidam utriusque Juris, Cælaris *Maximi-*
liani Consiliarius quondam, vir eruditus & gravis, nar-
 ravit mihi *Reuchlinum* nostrum *Ingelstadii* *agere, atque
 illic ducentorum aureorum salario *Græce* & *Hebraice*
 prælegere. Hac ratione illic consultum est ab amicis,
 quod tutum non esset agere in patria. Causa, si vera
 narrant, hæc erat: cum periculum esset ne Dux *Wir-*
tenbergenfis, in quem scribit *Huttenus*, *Stocardiam*
 reciperet, *Reuchlinus* civibus aliquot erat auctor, ut
 alio demigrarent, ipse comes illis futurus. Profuge-
 runt illi. *Reuchlinus* mutato consilio mansit, consulens
 suæ suppellectili. Deinde rursus profligato Duce, per
 quosdam amicos impetratum, ne victor exercitus sæ-
 viret in domum *Reuchlini*. Sed cives illi, quos felle-
 rat, reversi exhibebant seni negotium. Nunc sua o-
 mnia eduxit salva, & *Ingelstadii* tranquillam agit vi-
 tam. Hæc nolui nescire te. *Germania* prorsus insanit
 in *Leum*: tantum libellorum prorumpit. Et si *Leus*
 nullo non malo dignus est, tamen optarim eos con-
 quiescere. Scribunt aperte, se non aliter mihi obtem-
 peraturos, nisi quatenus abstineant à convicio gentis
Anglicæ. Minatus sum me posthac *Gallum* futurum,
 nisi definant me tam moleste amare. Adnitar equidem
 quod erit in me. Sed *Leus* consulto fecerit, si ipse a-
 liquo scripto edito studeat illos delinire quos irritavit.
 Audio bellum parari *Dominicanis* & *Romanensibus*. Ve-
 reor ne ex hoc ludo nascatur incendium maximum.
 Bellum indicetur *Dominicanis* & *Romanensibus*, & inter-
 rum sævietur in omnes sacerdotes, exemplo *Bohemo-*
rum. Bene vale. *Lovanio* 2. Augusti, Anno 1519.

EPISTOLA CCCCL.

Georgio Spalatino Erasmus Rot. S. D.

SI quid vacat occupatissimo, & si fas est Theologo,
 audi quod rideas. Adiit me *Petrus Alamirus*, homo
 non infestivus, circiter calendas Augusti, anno 1519.
Lovanii reddidit epistolum ex *Aquisgrano* missum, sed
 affirmans sibi *Antuerpia* esse ingentes epistolarum fa-
 sciculos à summatibus amicis, de rebus haudquaquam
 vulgaribus. Hujus interim voluptatis, dies aliquot lu-
 crum feci: post decem ferme conféro *Mechliniam*,
 salutaturus Episcopum meum nempe *Trajectensem*:
 nam is forte tum aderat. *Ἀγαθὴ τύχη* obviis est
Alamirus, admoneo de epistolis: ait esse in promptu.
 Condicitur locus in templo, simul & tempus. Pro-
 fert multis circumstantibus in templo epistolas quin-
 que, quasdam duplici tunica vacuaque obvolutas, o-
 mnes item communi contextas involucro. Accipio,
 gaudio gestiens. Ac tum quidem contentus ex opi-
 thographia didicisse, quinam essent qui scriberent,
 (nam aderant, quibus cum erat quod agerem) ad

* *Ingelstadii* rectius: quæ supra Epist. cccxix. dicitur *Angelopolis*.

A prandium me recipio. Nam condixeram apud *Joan-*
nem Robbinum decanum ejus templi, virum pruden-
 tia singulari, summa integritate, sed ingenio perquam
 festivo. Is est in quem collegii trilinguis præcipua
 cura inclinata recumbit. Inter epulas quum animad-
 verterem à convivis desiderari rerum novarum aliquid,
 quo tædium discuteretur, promo meas epistolas modo
 redditas, resigno, tua primum venit in manus, in-
 qua flagitas ut tuis literis aliquando respondeam, quas
 ut apparet illustrissimi Ducis, atque adeo publico A-
 cademiæ nomine ad me scripseras. Eas quum non ac-
 cepissem, & tamen ad proximas Ducis tuasque literas
 paucis ante diebus respondiissem, demiror quid tibi
 velis. Tandem inspecio subscriptionem, & reperio
 scriptam ex arce *Adelburgia*, Anno millesimo quin-
 gentesimo decimoseptimo, Idibus Novembris. Mox,
 ut par erat, ingens risus obortus, pro thesauro carbo-
 nes reperimus, pro novis vetera. Ibi frustratus, ape-
 rio literas *Pirkheimers*, has comperio scriptas anno mil-
 lesimo quingentesimo decimo octavo, calendis Octo-
 bribus. Major etiam obortus risus. Resigno literas
Ricardi Sbrulii Foro-Juliani Cæsarii poetæ, reperio scri-
 ptas item decimo octavo, Idibus Novembris. Jam
 me suppedere cœperat. Solvo epistolam *Georgii Be-*
hem, Canonici *Nurembergenfis*, scriptam decimosepti-
 mo die Februarii, anno decimonono. Unus attulit om-
 nes, & ita reddidit, quasi curriculo ex ultima *Ger-*
mania advolasset, sed ita mundas omnes, ac si eodem
 die scriptæ fuissent. O diligentiam? Posthac igitur
 huic mandabis, si quid epistolarum recte servatum ve-
 lis: si quid reddi cupies, mandabis alii. Non dubito
 quin optimus ille *Jonas* cum collega suo, & literas, &
 animum nostrum vobis retulerit. Male me habet,
 quod nomisma, quo illustrissimi Ducis imago mire re-
 præsentabatur, mihi periit una cum epistola. Quum
 enim sensissem Episcopum ac Principem *Leodiensem*
 utriusque videndi percupidum esse, neque tum forte
 haberem in crumena, & ille ad multam noctem tarda-
 ret in intimis consiliis apud *Margaretam*, *Maximilia-*
ni Cæsaris filiam, postridie summo diluculo *Germaniam*
 aditurus, tradidi cuidam, qui nobis una cum Episco-
 po prandentibus adfiterat pocillator, ut illi ostensum
 utrumque mihi restitueret. Post dies complures ex me-
 dico disco, & juvenem abisse cum cæteris in *Germa-*
niam. Nec adhuc Episcopus sese in aulam nostram re-
 cepit, è *Germania* reversus. Mihi tamen magis dolet
 epistolæ jactura, quam nomismatis. *Ricardus Pacani*,
 vir in utraque literatura præcellens, qui in electione
 Imperatoris, nomine serenissimi *Angliæ* Regis legatio-
 ne fungebatur, reversus isthinc, dictu mirum, quo
 pectore, quaque facundia mihi *Federicum* totum de-
 pinxerit, gravitatem viri, prudentiam, integritatem,
 eruditionem, quid multis? omnia magno Principe di-
 gna. Is mea sententia majore cum laude reculavit im-
 perium, quam quidam ambierunt. Et tamen nemo
 melius gerit principatum, quam qui pondus ejus peni-
 tus perpexit. In nos magni nominis sarcina deposita
 est. Superest precari superos, ut nobis cum primis,
 mox toti orbi *Christiani* sit faustum ac felix. Ad pri-
 mum rumorem, qui *Carolo* destinatum imperium nun-
 ciabat, tota hæc regio sese in gratulationem & gaudium
 effundebat pene immodice. Sed ut est rerum humana-
 rum temperatura, non deerat huic voluptati comes do-
 lor. A pestilentia nusquam tuti sumus, quæ locis ali-
 quot inclementissime sævit. Ad hæc magna manus, o-
 pinor, ex his militibus, quorum opera profligatus est
 Dux *Wirtenbergenfis*, obsidet nostra confinia, incertum
 quo duce, cujus jussu, aut quorsum tendens: hoc unum
 facile conjectant omnes, ingentem vim pecuniarum
 flagitari. Multos adhuc terret exemplum *Asperæ*, ante
 biennium internecione vastatæ. Jamque poenitet cle-
 mentiae, qua superiores exercitus dimisimus incolumes.
 Neque desunt qui suspicentur hunc exercitum consilio
 Principum ali, ut sit in promptu quo populum premant,
 si quid graventur audire jussis, & jubentur vix ferenda.

Tom. III.

H h

Sed

An. Sed in his fata viam invenient : me miseræ plebis mi-
 1519. feret, & piget quorundam plus quam *Turcica* tyranni-
 dis. Postremo video rerum summam ad paucos cogi,
 paulatim antiquatis veteris democratiae reliquiis. Si-
 quidem in *Hispania Saracenici* imperii manifesta vesti-
 gia licet hodieque cernere. Nam *Saracenorum* tyran-
 nidem aliquando passâ est ea regio. Utinam illud Prin-
 cipibus queat persuaderi, neminem splendidius regna-
 re, quam qui liberis ac felicibus imperat. *Albertus*
Princeps Maguntinensis humanissimis literis nos orna-
 vit, donoque luculento cohonestavit, quod ego vel
 hoc nomine pluris facio, quod & à cordatissimo Prin-
 cipe & ultro missum est. Nam quæ judicio dantur,
 testimonia sunt verius quam munera. Edimus *Cypria-*
num, emendatum non mediocri sudore : ita me *Chri-*
stus bene amet : deinde auctum accessione libellorum
 aliquot, quos ex vetustissimis codicibus adjecimus;
 adjunximus annotatiunculas aliquot, sed paucas; no-
 tha semovimus à gneseis, & hujus generis adeo nihil
 decidimus, ut nonnihil etiam auctarii addiderimus. Il-
 lustrissimo Principi me meaque studia commendabis,
 & fodalitatem, bonis literis adjuratam, meis verbis fa-
 lutabis diligenter. Amat victoria curam. Bene vale.
Antuerpia 7. Augusti, Anno 1519.

EPISTOLA CCCCLI.

Erasmus Roterodamus Petro Zutpenio Cassile-
tano S. D.

V IDEO plerosque mortales in hac esse persuasione,
 ut felicitatis aut infelicitatis causas è supernis cor-
 poribus petant. Ego vero non arbitror ullum sydus af-
 fulgere cuiquam felicius, quam sincerum ac tuo ac-
 commodum ingenio amicum : contra, nullum adver-
 sus ac funestius, quam fucatum & insincerum sodal-
 em. Proinde stellas observent alii, si lubet, ego in
 terris quærendum existimo, quod nos felices aut infe-
 lices reddat. Cæteri negotium auspicaturi, anxii con-
 siderant qua figura *Venus*, *Jupiter*, & *Mercurius* sese
 contueantur. Ego satius esse duco, perpendere quibus-
 cum agas. Sunt enim quidam sibi tantum prosperi,
 cæteris omnibus inauspicati. Itaque vix ullo sermone
 consequi queam, *Petre* mortalium candidissime, quam
 opimum lucrum mihi putem obtigisse, quum te nactus
 sum amicum, quo non alium optare poteram magis ad
 naturam moreisque meos factum, sculptumque. Antehac
 abunde fortunatus mihi videbar unico *Petro Egidio*,
 quem amiculum ego nolim cum ullo *Pylade* commu-
 tare. Eam felicitatem mihi congeminavit accessio tui,
 adeo similis illi, ut dubitem utrum utri præferam.
 Nam omitto fortunam satis amplam : omitto literatu-
 ram haudquaquam vulgarem : omitto vim ingenii ad
 omnia negotia mirum in modum versatilis : qui pecto-
 ris candor, quæ morum simplicitas, quæ consuetudi-
 nis suavitas, quæ modestia, quæ fides, quæ in offi-
 ciis præstandis promptitudo ? Ubi sunt interim qui
 temporum horum mores ut deploratos damnare solent,
 quando tales animas habent aulae Principum ? Olim non
 ferebam, ingenia literis ac gratis nata pertrahi in Re-
 gum familias : nunc video virtuti rectisque studiis nus-
 quam esse plus honoris quam apud Principes. Omni-
 bus, itaque qui studiorum sacra colunt, expedit, tui
 similes aliquot in aulis versari, ne non sint qui sum-
 mates viros ad favendum literis ac probitati, suis di-
 ctis inflamment, qui ad benignitatem stimulos addant,
 qui submoneant, quibus artibus nunquam intermori-
 turum honestæ famæ decus paretur. Quanto studio-
 rum omnium bono in regia *Britannica* vivere credis *Tho-*
mam Morum, *Thomam Linacrum*, & *Richardum Pa-*
caum ? in *Gallia Guilielmum Budaum* ? quorum felici-
 tati gratulandum, quod in tales Principes inciderint,
 officio habenda gratia, si tales reddunt. Scio tibi ni-
 hil esse dulcius ocio literario, nec deesse in aula, præ-
 ter negotiorum tumultum, quod offendat animi tui
 puritatem : quæ omnia hoc moderatius ferre debes,

A quod sub optimo Principe *Adolpho* meres, qui favorem
 An. erga literas ac viros virtutibus ornatos, à teneris usque 1519.
 unguiculis olim haustum è *Batto* præceptore, in hanc
 usque ætatem retinet, qui nos quoque non ob aliud
 diligit ac tuetur, nisi quod persuasum habet his rebus
 præditum esse me, à quibus longissime absum. Is in-
 telligens quanti referat primam ætatem Principum
 optimo viro formandam committi, filiolum suum *Joan-*
ni Borsalo in gremium tradidit : viro, ut compendio
 virtutes innumeras complectar, *Batti* mei simillimo.
 Talis erat admovendus *Ferdinando* nostro, qua quidem
 in re demiror cessari à nobis, *Midis* opinor quibusdam
 id agentibus, quibus expedit Principes ex sese nihil
 sapere. Ac vereor, ne quis interim ingerat sese, qui
 præceptorem professus, aucupem sacerdotiorum agat,
 ingenti totius populi malo. Ambiunt hanc provinciam
 Theologi, & Theologum esse decet, qui Principem
 instituat, sed vere Theologum, nec avaritiæ, nec
 ambitionis morbo corruptum. Bene vale. *Antuerpia*
 10. Augusti, Anno 1519.

EPISTOLA CCCCLII.

Erasmus Rot. Jacobo Hoochstrato Theologo S. D.

A NTEHAC legenti mihi libellos, quibus tumul-
 tus inter te & *Capnionem* continetur, sæpenum-
 C ro suasisit, ut ad te scriberem, primum *Christiana* cha-
 ritas, deinde studiorum communium professio, ad hæc
 peculiaris quidam favor, quo jam olim inde à puero
 vestrum prosequor Ordinem, postremo non vulgaris
 animi propensio erga te, quem audio moribus esse com-
 modis ac civilibus. Nam literarum nostrarum avidissi-
 mum esse te, vel tua scripta palam clamitant, quæ
 cum nusquam non affectent politiem ac Venerem ora-
 tionis, dubitari non potest, quid de bonis literis sen-
 tias. Neque enim refert, quam feliciter hoc agas : imo
 cum palam sit te sedulo, ac pene dixerim anxie affe-
 ctare, quo minus succedit, hoc magis intelligimus a-
 nimi tui propensissimum studium, alioqui sermonis or-
 namenta videri poterant ultro nolentem secuta. Hæc,
 inquam, mihi subjecerunt stimulos, ut te admonerem,
 quæ & ad tuam dignitatem, & ad Ordinis negotium,
 & ad Reipublicæ *Christiana* tranquillitatem pertinere
 videbantur : sed rursus hinc deterruit non incomper-
 tum mihi mortalium ingenium, quorum admodum
 paucos esse video, quibus feliciter cedat, quamvis a-
 mica, admonitio. Sacra quidem res est consilium, sed
 eadem periculosa. Vetus est, *Consultum male, consul-*
tore pessima res est. At ea nunc est morum corruptela,
 ut bonum etiam ac verum consilium sæpe damno sit
 bene consulenti. Hunc tamen scrupulum exemit ani-
 mo meo Episcopus suffraganeus *Coloniensis*, vir incre-
 dibili morum comitate, suavitateque præditus. Quod
 si is mihi tui simulachrum bona fide depinxit, non
 accipies in malam partem, quæ nos optimo atque a-
 mantissimo pectore nunc admonebimus. Jam olim *Ca-*
pniomis Apologiam magno cum animi dolore legeramus,
 licet carptim, nec eum dolorem dissimulavimus, scri-
 ptis ad *Capnionem* literis, quod tam manifestis convi-
 ciis, tamque impotenter in adversarios debaccharetur,
 qualescunque essent : nam ii mihi tum non minus erant
 ignoti, quam *Capnion* ipse. Idem deplorabam apud a-
 miculos, inter quos erant qui *Capnioni* studentes, sic
 placare conarentur ægritudinem animi mei, ut dice-
 rent, invidiam omnem in eos conferendam, qui cum
 debuissent esse modestiæ, *Christianaque* lenitatis e-
 xemplum, tam virulentis, tamque atrocibus inse-
 ctationibus priores laceffissent, alioqui *Capniomis* in-
 genio nihil esse placidius ac mitius. Dubitanti cre-
 dere, mox ingesserunt scripta *Pepericorni*, scripta
Gratii, scripta *Arnoldi Tongari*, aliaque, quæ nunc
 non necesse est commemorare. De moribus tuis va-
 riabant sententiæ : erant qui prædicarent ipsum te
 moribus esse satis commodis, sed quorundam in-
 stinctibus inflammari : rursus bona pars asseverabat,
 tibi

An. 1519. tibi nullos esse magis in consilio, quam ambitionem & avaritiam, quod & plurimi fieri velles, ob plusquam tyrannicam ingenii ferocitatem, & ob inexplebilem habendi famem, *Judaorum* facultatibus inhiares. Mihi sane semper hic mos fuit, ut in meliorem partem credulitate vergere mallet, quam in deteriorem: ac tum quidem non potui refellere omnia, lenii tamen pro viribus sermonum atrocitate. Aliquanto post evenit, ut & acta legerem totius causæ, & tuus libellus exiret in manus hominum, quo *Benigni* dialogum refellis, quem ipsum tamen non nisi carptim legi. Vis dicam quomodo me affecerit? Eloquar invitatus, sed verissime. Melius senseram de te, priusquam te tibi patrocinantem legissem. Quoties illud mecum inter legendum mussitabam, utinam hic se meis oculis cerne-
 ret? Non excutiam cætera, quæ meum animum illic offenderint, neque de tota causâ quicquam attingo, neque enim mea refert. Certe plurimis in locis animi lenitatem, moderationemque desiderabam, dignam homine *Christiano*, dignam Theologo, dignam *Dominicano*. Quoties indolui, quoties erubui tuo nomine, priusquam Præfationem illam perlegerem? Quid hic mecum cogitarim, quid æstuarim, quid stomachatus sim, placabilius opinor in sinum tuum effundere, si colloquendi copia daretur. Ante dies vero non ita multos, casu nactus sum in aliena bibliotheca jacentem libellum quendam, habentem epistolas aliquot magna libertate stomachantes in te: prima, ni fallor, erat *Capnionis*, altera clarissimi Comitis à *Nova aquila*, tertia *Hermani Buschii*, quarta *Hutteni*: harum omnium amarulentiam nullo pacto ferre potuissem, nisi scripta prius ea legissem, quibus ad hanc intemperiem videbantur efferati. Eas igitur non simplici cum dolore legi, nunc illorum, nunc tuam vicem ingemiscens, subinde metuens, ne bonis & æquis viris tam acerba convicia non omnino in immerentem contorta viderentur: & tamen illos judicabam indignos, à quibus ejusmodi scriberentur, & te cupiebam indignum videri, in quem scriberentur. Nam paucis ante diebus exierant libelli duo, quorum altero oppugnans *Cabalisticam Capnionis*, altero respondes iis qui student *Capnioni*, cujus phrasis tamen magis respicit *Gratum*. Nihil hic rursus attingam, utrius causa mihi magis ardeat: neque enim mihi mandata est hæc provincia, & si mandetur, videor mihi libenter recusaturus: nec tantam mihi arrogo doctrinam, ut existimem me posse pronunciare de causis tam arduis, in quibus identidem hæreseos sit mentio: siquidem in præsentia non ago negotium *Capnionis*, tuum potius ago negotium, & hætenus ago, ut velim te magis in posterum dignitati tuæ consulere, ac decori meminisse: nec dubito quin ipse & perspicias, & memineris, sed haud scio an tibi quoque more hominum usu veniat, ut impetus & calor contentionis oculos tuos avocet alicubi. Nam mihi jam non levis est fiducia, te nostram admonitionem à fraterna dilectione tui profectam, æqui bonique consulturum. Primum de titulo, quem isti vehementer lacerant, ut arrogantiae plenum, me res non admodum movet. Siquidem id videri poterat opificum opera factum, ni constaret te tum *Colonia* præsentem fuisse. Illud minus potest excusari, quod ad singula capitula repetis & inculcas, *Capnion* præco *Cabalistica* perfidiæ. Vix enim cuiquam persuadebitur hoc incipio te factum: quod toto Opere tam subinde repetitur. Quisquis autem credet abs re factum, non dubitabit quo animo sis in *Capnionem*. Atqui cum primis non solum ad dignitatem tuam, verum etiam ad causam tuam attinebat, argumentis duxtaxis ac civiliter rem tractare, neque tam manifestam odii significationem dare. Si *Christiana* pietatis esset, in quenquam conviciis debacchari, in *Celsum* debacchatus fuisset *Origenes*: nam is universam *Christi* doctrinam simul ac vitam non ferendis conviciis laceravit, editis etiam voluminibus: & tamen in hunc nusquam sic invehitur *Origenes*, ut

A tu passim in *Capnionem*, qui, ut ne quid aliud dicam, An. certe nondum damnatus est eorum sententia, quorum 1519. est pronunciare. Nec in hoc laborat *Origenes*, ut *Celsi* dicta in pessimam partem torqueat, aut exaggeret, quod tu mihi passim miro calore videris facere, nihil interim non trahens ad hæresis causam. At dicces, fungor officio meo. Laudo quod fungeris, sed ea moderatione te velim fungi, ut evidens sit omnibus te nihil aliud quam *Christi* negotium agere; longissimeque te subducas ab ea specie, ut videaris defendendæ fidei prætextu vel ambitioni servire, vel avaritiæ, vel ad privatum odium saturandum abuti. Quid enim omnino tam circumspecte scriptum erit, quod B ab irato non possit depravari sinistra interpretatione? Porro qui præ se fert odium animi, protinus sibi fidem abrogat, in causâ etiam justissima: neque dubito quin hæc res in primis obstiterit, quo minus assensus sis, quod, ut putant, venabaris. Inquisitio tibi mandata est, non jus pronunciandi. Quoties autem de *Capnione* pronuncias, præsertim cum lis adhuc sub iudice pendeat, & sub eo iudice, unde negant appellari posse? An non satisfeceris officio tuo, posteaquam tot annos tanto tumultu libellum, nescio quem obscurum, nec ulli forte cognoscendum, nisi tu nobilitasses, infectatus eras? Posteaquam *Romanus* Pontifex, intelligens ejusmodi causæ genus esse, ut magis expediret C obliterari quam longius exagitari, quiesci iussit? Si quis error exstiterit perniciosus *Christiane* pietati, primum eruditorum disputatione diligenter est excutendus, mox indicandus Episcopo. Id ubi factum est abs te, jam Inquisitoris officio functus es. Investigasti, prodidisti quibus oportuit. Non est tibi necesse cælum miscere terræ, & tantas excitare tragoedias. Utinam eam operam, eos sumptus, eos annos prædicando *Christi* Evangelio impendisses: aut plane me fallit animi prælagium, aut major esset *Jacobus Hoochstratus*, quam nunc est, & nomen esset apud optimos quosque gratiosius, aut certe minus invidiosum. Jam vero bona pars odii redundat in Ordinem, quem & D antehac sæpe multis occasionibus gravi invidia laborantem, non oportebat novis odiis degravare. Quin & illud erat tuæ prudentiæ, perpendere, num libellus ille *Capnionicus* haberet aliquid, quod pestem aliquam gravem religioni *Christiana* posset inferre. Nihil autem illic agitur, nisi ne quid præter æquum patiantur *Judæi*. Quorsum autem attinebat tanto spiritu agere, ut *Judæos* in odium adduceres? An quisquam est nostrum, qui non satis exsecretur hoc hominum genus? Si *Christianum* est odisse *Judæos*, hic abunde *Christiani* fumus omnes. Sunt qui cum alia permulta, tum illud in primis adducunt in suspensionem, quod cum tot ubique libri scribantur, in unum illum libellum inquisieris tam odiose. Nihil usquam offendit animum tuum in E libris *Augustini Justiniani*, in libris *Sylvestri Prieratis*, in libris *Thomæ à Vio*, atque in his sunt permulta, quæ non mediocriter offendunt Theologos *Parisienses*: nam ipse degustavi duntaxat. Negant igitur tibi ad *Dominicanos* errores oculos esse, ad unius *Capnionis*, aut eorum qui *Capnioni* bene volunt, oculatum esse te. Hæc dico, non quo *Capnioni* patrociner, sed quo tibi tuisque consulam: nam ille sic est amicus, ut me causæ non admisceam, quod tu tamen videre suspicari. Siquidem hac gratia clarissimum Comitem à *Nova aquila* dictitant abs te plusquam odiose perstrictum in præfatione tua; nec alia de causâ me quoque voluisse attingere in libellis, quos adversus *Cabalam* edidisti. Neque enim me magnopere sublevat ea civitas, qua nomen *Erasmii* supprimis, cum & operis titulum, & locum expresseris, ad verbum recitans, quæ illic scripserim. Sed illud miror in primis, cur nos admiscueris ei negotio, quod & tu vis odiosissimum videri, & à quo sum alienissimus. Utinam mihi tam propitius sit *Christus*, quam ego *Cabala* sum parum propitius: & ad hujus rei mentionem non admodum invitabat disputationis cursus, sed obtorto collo videris affectasse, ac ceu pannum male cohærentem inter-

An. 1519. texuisse. Deinde quam exacerbas omnia, quam seditio-
se detorques quæ scripsimus? Quod ego de me meique
similibus dixi, id tu perpetuo interpretaris dictum in
Ecclesiam: & unum duntaxat adducis locum, qui tibi
videbatur ad calumniam esse cum primis idoneus, cum
ego compluribus locis ejus rei meminerim. Ex horum
collatione deprehendi poterat, quo animo scripsissem
quæ reprehendis. Nam alibi testor me miserescere quo-
rundam, infelici matrimonio male cohærentium, quos
tamen si dirimas, spes non sit fore, ut se contineant
à stupro. Horum saluti volebam aliqua ratione consuli,
si fieri posset, nec id aliter opto fieri, nisi si in hoc
consentiat Ecclesia. Non ego cuiquam præeo, rem
omnem ad Ecclesiam refero. At non potest, inquis,
Ecclesia, quod optas. Primum, non ego definio quid
possit Ecclesia, quod si maxime constet non posse,
tamen à me nihil aliud audis, quam votum charitatis.
Non faveo divortio, sed miseret pereuntium, & optat
sæpenumero *Christiana* charitas, quæ fieri non possunt,
& sæpe pium est optare, quæ tamen non possis effi-
cere. Id ego cum paucis verbis admonuerim, duntaxat
ut annotator, non ut dogmatistes: tu subinde dogma-
tis vocabulum inculcas, quo mihi concilies invidiam.
Et adeo toto corpore contremiscis, quemadmodum
scribis, ad meum sermonem, ut parum abfuerit, quin
præ horrore concideres, & annotatiunculam Ecclesiæ
judicio relictam, totius Ecclesiæ vocas suggillationem.
Hujusmodi jactis fundamentis, multum diversis à no-
stra sententia, in longum protrahis disputationem, ni-
hil non adducens, quo doceas, à divortio non esse
fas instaurare matrimonium: quasi vero nos fugiat quid
hac de re vel senserint olim doctores, vel Ecclesia de-
creverit, sed fieri potest, ut non omnia semel aperue-
rit *Christi* spiritus Ecclesiæ. Et ut Ecclesia non potest
irritare decreta *Christi*, ita potest ad hominum salutem
interpretari commode, quædam interim relaxans, quæ-
dam adstringens pro rerum ac temporum statu. Opta-
bat *Christus* omnes suos esse perfectos, inter quos nul-
lum incideret divortium, tentavit Ecclesia dogmatis
Euangelici vigorem ab omnibus impetrare. Qui scis
an eadem infirmorum quoque saluti consulere studens,
putet hinc aliquid esse remittendum? Non antiquatur
Euangelium, sed ab iis, quibus ejus credita est dispen-
satio, ad salutem omnium accommodatur. Postremo
non antiquatur, quod rectius intelligitur. Verum, hic
non est animus disputationis ingredi labyrinthum, præ-
sertim cum in posteriore editione fere contraxerim
quicquid ad hanc causam pertinet, videlicet annotans
in Epistolæ prioris ad *Corinthios* caput septimum. At-
que hic etiam, vir optime, cogor desiderare modera-
tionem tuam, qui putaris hunc locum exagitandum,
cum non ignorares me novam editionem adornasse,
quam in priore fueram pollicitus. Neque enim verifi-
mile est te latuisse, quod nemo nesciebat, etiam mul-
to antequam proxime reciperem me *Basileam*, nimi-
rum hujus rei gratia. Proinde videberis aut antevertis-
se carpendi studio, aut noluisse perire quod jam con-
scripseras. Ergo, ut dixi, non ingredior hic campum
argumentationis, neque enim id patitur epistola, tan-
tum exoptulo, quod iniquius nos attigeris. Nam quod
ego de commoda interpretatione memineram, vide
quam tu non commode interpreteris, quasi calumnier,
ecclesiam *Christi* decreta antiquare: cum ego senserim
nos, id est, me, meique similes, abuti dogmatum Eu-
angelicorum interpretatione, atque ita fieri, ut vi-
gor Evangelicæ doctrinæ in nostris moribus obsolescat.
Christus, ut exempli gratia loquar, adeo voluit suos
abesse ab homicidio, ut interdixit omne convicium,
nec irasci permiserit. Nos interpretamur, irasci teme-
re. Hac interpretatione fretus, sæpe qui irascitur, ita
sibi blanditur, non temere est quod illi succenseo. Item,
Christus adeo voluit suos abesse à perjurio, ut prorsus
interdixit jusjurandum. Id sic interpretamur, non
jurandum temere. Hoc interpretamento sibi blandiun-
tur, qui passim quamlibet levi de causa jurant. Ad

An. 1519. eundem modum adeo voluit suos abesse à *Judaorum* An.
divortio, qui quamlibet frivola de causa repudiabant 1519.
uxores, ut divortium in totum interdixit. Quid hic
possit interpretari Ecclesia, non pronuncio, vellem pos-
se, quo saluti multorum consulatur, & tamen aliquod
divortium admittit Ecclesia, & plures divortii causas
admittit, quam *Christus* indulserit, & distinxit inter
matrimonium consummatum, & non consummatum:
illud non patitur dirimi, hoc patitur, si intercedat
votum, quod nescio quare vocent solenne. Horum ni-
hil docuit *Christus*, sicut nec de casibus, quibus coit,
aut non coit matrimonium: in quibus nec veteres con-
sentiebant orthodoxi, & Ecclesia, aut certe *Romani*
Pontifices sua decreta mutarunt. Cum viderem *Christi*
spiritum mire pro temporum ratione dispensare suos
afflatus, & animadverterem quanta sit auctoritas Eccle-
siæ, submonebam, si qua fieri posset, ut tot homi-
num pereuntium saluti consuleretur. Nec hic quic-
quam statuo, sed decernendi jus Ecclesiæ defero, ipse
nihil aliud quam monitoris officio functus. Hic te quæ-
so, quid erat quod putares tam atrocibus verbis exa-
gerandum? Nam toties spargis in disputatione, do-
ctorem quendam submurmurare & stomachari adversus
Ecclesiam, imo ream peragere sacrosanctam Ecclesiam,
secus dogmatizare quam sacrosancta prædicet *Romana*
Ecclesia, & periculum esse, ne præstetur fomentum
audacitatis in regimen ecclesiasticum, & in Ecclesiæ
conspiciatur despectum, & carnalia vitia in sui damna-
tionem impudorate sectentur homines. Agnoscis, opi-
nor, tua verba, quæ nemo non judicabit seditiosius
esse dicta, quam aptius, aut moderatius. Nam illa for-
tasse falsa videbuntur aliquibus, cum doctorem illum,
qui cum agis, frigidum tractatorem eloquiorum *Chri-
sti* facis, ipse fortassis plus satis calidus, cum illi nunc
præter phalerata dicta, nunc præter grammaticalem,
ut vocas, sensum nihil tribuis, cum illum noctuam
aut vespertilionem facis, te ipsum opinor, aquilam esse
sentiens. Equidem in rebus divinis minus arbitror cer-
nere me, quam cernat noctua, quæ per tenebras etiam
cernit; & tamen si liberet totum hoc argumentum ju-
sto studio tractare, videres me fortasse non usque adeo
cæcutientem, quam tu videri vis. Verum, & res foret
non unius voluminis, & jam pleraque à nobis attacta
sunt in posteriore editione, quasi prælagientibus fore,
qui locum eum labefactare conarentur. Quanquam nec
illic quicquam assievero, sed Ecclesiæ judicio suam ubi-
que reverentiam & auctoritatem defero: argumen-
tor, non decerno. Quod si dices nefas esse, quæ jam
recepta sunt, ea vocare in disputationem, quid facie-
mus sacrosanctis doctoribus, qui non verentur in dis-
putationem vocare, An Eucharistia sit sacramentum?
An fornicatio simplex sit peccatum? Leviter autem
me movet, quod initio disputationis obiter me taxas,
quod è capite *Matthæi* decimo nono scripserim, le-
gem inductam apud *Christianos*, ne dirimantur ma-
trimonia, bis videlicet tuo judicio peccans: & quod
senserim lege humana inductum, ne dirimantur ma-
trimonia: & quod putarim ex eo loco sumptum, cum
ex quinto ejusdem Evangelistæ capite potius sum-
ptum appareat. Atque ut præpostere respondeam,
si utriusque loci eadem est sententia, quid refert ex
utro sumptum dicatur? imo probabilius erit ex
decimo nono sumptum, ubi nominatim tractatur
negotium divortii, quanquam ego non dixi locum
eum, qui est in codice, sed totum hoc argumentum ubi-
cunque tractetur, locum vocavi: alioqui nec ex
quinto, nec ex decimo nono capite sumptum videbi-
tur, sed potius ex *Paulina* Epistolæ ad *Corinthios* prio-
ris capite septimo. Nam illic mulierem, quæ digres-
sa à viro nolit reconciliari, jubet manere innuptam.
Rursus hic ubi excipitur fornicatio, non videtur in to-
tum adimi jus divortii, sed adstringi magis, quod apud
Judeos æquo licentius erat. Deinde negari non potest
existare Pontificum leges, quæ veteri divortio divulsos
aliis jungi matrimonio, si modo constiterit verum ma-
tri-

Am. trimonium intercessisse. Eas si hauserunt ex Euangelicis literis, non video cur sim reprehendendus, si scripsi legem exstare, quæ vetat dirimi matrimonia. Atque his etiam levius est, quod cavillaris mihi parum proprie dictum, *Mosen Judæis concessisse divortium*, in tam paucis verbis geminum errorem indicans. *Permisit*, inquis, *non concessit*, quasi quicquam inter sit inter *permittere* & *concedere*, nisi quod *permittit*, qui quocunque modo jus facit; *concedit*, qui de jure suo remittit aliquid: unde fit ut posterius verbum sit ad hunc sensum accommodatius. Deinde permittit, inquis, *Moses*, sed auctore Domino, quasi quod *Moses* jussu Dei præscripsit populo, non recte dicatur jussisse, aut quod ex doctrina *Christi* docuit *Matthæus*, improprie dicatur docuisse. Si stylum exercere cupis, quod mihi sane non paulo rectius esse videtur, quam quod quidam faciunt, alieno calamo scribere, malim te in his argumentis versari, quæ minus habeant odii, plus fructus. Aut si res poscit, hujusmodi tractare quæstiones, ita totius negotii phrasim habitumque modereris, ut non solum applaudant aliquot Ordinis tui sodales, sed eruditissimus quisque & cordatissimus lector, atque ipsa etiam posteritas agnoscat pectus vero Theologo dignum. Si causa severitatem postulabit, absit tamen ubique sævitia, maxime vero vitandum, nec ubi suboleat ambitionis aut avaritiæ venenum, multo magis hypocrisis. Habet vera pietas aliquoties indignationem suam, sed charitatis dulcore temperatam. Non est consultum irritare quibus possis mederi, nec alienandi sunt, quos possis lenitate revocare. Nomen hæreseos quo magis est invisum, eo magis ab hoc temperandum quoad licet. Nunc nihil magis est in ore quibusdam. At recte quidem distinguit tua prudentia hæreticum ab hæresi, tum hæresim pro factione impia, ab hæresi errore, qui pertinaciter defensus faceret hæreticum; verum, has subtilissimas distinctiones non intelligit crassum hominum vulgus, cum audit hæreses hujus aut illius, nihil aliud intelligit, quam hæreticos esse, de quibus fit mentio. Nec possunt imaginari, quomodo bellum dicatur *Gallorum*, cum ipsi bellatores non sint. Imo cum publice loquuntur, ubi metuunt observari se, dicunt hæreses *Capnionis*, cum privatim & inter suæ factionis homines, *Capnionem* vocant hæreticum, obliti videlicet eruditæ distinctionis. Adeo vilis est istis aliena fama, qui suam habent charissimam. At te quidem video moderatiorem aliquanto in libellis posterioribus, speroque futurum, ut posthac magis ac magis hac laude te ipsum superes. Consulueris autem non Ordini modo *Dominicano*, verum etiam universo Theologico, si quorundam maledicentiam insulsißimam auctoritate tua reprimas, qui passim in publicis aut privatis prælectionibus, in disputationibus, in conviviis, in conciliabulis, in colloquiis, & quod gravissimum est, in sacris ac publicis concionibus virulentissime deblaterant in linguarum peritiam, in politiores literas, in harum invidiam antichristos, hæreses, & alias id genus tragicas voces admiscentes, cum obscurum non sit quid Ecclesia debeat viris linguarum peritis, quid debeat eloquentibus. Hæc studia non obscurant Theologicam dignitatem, sed illustant: non oppugnant, sed famulantur. Neque enim ideo protinus cum hæresi copulata sit musica, si quis forte musicus huc prolapsus deprehendatur. Damnandus est error hominis, studiis suis servandus est honos. At nimis prolixum sit referre, quam ridiculas fabulas de quibusdam audiamus quotidie, qui dum conantur apud imperitam plebeculam traducere bonas literas, cordatis, doctis, ac probis viris suam produnt impudentiam paræ soliditati. Si Theologia cohonestabit hæc studia, vicissim ab his decorabitur: sin suggillabit & calumniabitur, metuo ne fiat, quod ait *Paulus*, ut dum mutuis moribus sese conficiunt, invicem sibi sint exitio. Hæc si puro sinceroque animo à nobis dicta, simili animo acceperis, non dubito quin futurum sit, ut olim mihi gratias acturus sis pro consilio tum vero, tum

A amico. Non indignaberis, opinor, admoneri ab *Erasmio*, ut nihil aliud, certe natu, ni fallor, grandiore, quando *Moses Feibro* consilium non est adspersum. Vale, pater eximie, meque refer in eorum numerum, qui tuam amplitudinem haudquaquam fecte diligunt. Majorem in modum precor, ut me tuis sanctis precibus *Christo* commendare digneris, qui suo mitissimo spiritu semper animum tuum moderetur. *Antuerpiæ* 11. Augusti, Anno 1519.

EPISTOLA CCCCLIII.

Leoni X. Papa Erasmus Rot. S. D.

B BEATISSIME Pater, exiit jamdudum in manus hominum Novum Testamentum, rursus à me non æstimandis sudoribus novatum, upa cum annotationibus accessione non mediocri locupletatis. Exiit autem felicibus, ut videtur, auspiciis, non modo *Romani* Pontificis titulo, verum etiam *Leonis* vocabulo commendatum, quo non aliud nomen orbi *Christiano* gratius. Antehac quotquot erant vera pietate præditi, venerabantur ut tibi ceu numini consecratum: nunc avidius etiam amplectuntur, ut summi Præfulis oraculo comprobatum. Parum religiosum est, non venerari quod dicatum est religionis antistiti, summæ vero dementiæ sit, si quis homuncio tentet rejicere, quod amplectitur summus *Christi* vicarius: privata temeritate damnare, quod approbat summus divinæ mentis interpret, cujus auctoritati debemus, & quod Euangelio credimus. Nam ipse nihil hic mihi laudis vindico, præter animum juvandi studio nihil vigiliarum recusantem. Tuum est, quod Opus avidissime rapitur ab eruditis omnibus, tuum, quod amatur, quod manibus teritur, quod per hoc passim omnes inflammantur ad sacrarum Literarum amorem. Quos prioris editionis novitas nonnihil offenderat, hi nunc resipiscunt & errorem agnoscunt suum. Qui hætenus è putribus lacunis perturbatam quandam ac frigidam Theologiam hauriebant, nunc è purissimis fontibus *Christi* & Apostolorum haurire malunt. Priorem editionem candidissimus quisque & eruditissimus amplectebatur. Poteram horum suffragiis esse contentus: nam cui non satis sit præcipuis placuisse, quando nulli adhuc mortalium contigit omnium emeruisse suffragia? Hanc mire consentientibus calculis approbant omnes, exceptis perpaucis; quorum alii stupidiore sunt, quam ut possint rectis rationibus coargui: alii superbiore, quam ut velint meliora discere: alii pertinacior, quam ut non pudeat in male cœptis parum esse constantes: nonnulli natu grandiores, quam ut sperent se facturos operæ precium: quidam ambitiosiores, quam ut sustineant videri nescisse quicquam antehac, sed omnes ejusmodi, ut non referat talium ambisse suffragium. Siquidem non inscite dictum est illud *Seneca*, quosdam esse tales, ut pulchrius sit ab his vituperari, quam laudari. Et inter hos vix quisquam est, qui nostra legerit. Metuebant tyrannidi suæ, quidam etiam quæstui, si mundus resipisceret. Quid sibi persuaserint nescio, certe rudibus & indoctis persuadere conantur, linguarum cognitionem, bonasque, quas vocant, literas adversari Theologiæ studio, cum nullis disciplinis ea magis vel ornatur, vel adjuvetur. Hi (ut sunt omnibus Musis & Gratiis iratis nati) sine fine belligerantur adversus studia, sese nostris temporibus ad meliorem frugem erigentia. Summa vero victoriæ spes in meris sycophantiis illis est sita. Si libris agent, nihil aliud quam suam traducunt stultitiam, simul atque inscitiam. Si rationibus conflictantur, nimirum superat manifesta veritas: tantum apud imperitam plebeculam stultasque mulierculas vociferantur, quibus imponere facillimum est, præsertim religionis prætextu, cujus simulandæ miri sunt artifices. Prætexunt horrenda nomina, hæreses, antichristos: jactitant periclitari, nutareque religionem *Christianam*, quam ipsi scilicet suis humeris sustinent, atque his tam odiosis admiscunt mentionem linguarum,

Αν. ἐχόμενον τὸ ἄγαν ἐμοὶ κεχαρισμένης. Οὐ τοσούτον γέ σε τὸ
 1519. ὁπλήμηνον ὑπολογίζετον εἶναι ἀναμνησκέμενος με ταύτης,
 ὅς σε χρεῖω τιμᾶσθαι τὸ δύναντες καὶ περισφιλεῖς τὴν ψυχῇ. Ἀλλὰ
 ὅτι καὶ ἐπὶ τούτοις μοι τιμωκαῦτα ὁπλοκαταστάσεις εἰσὶν ἡ καὶ ἡ
 φίλις θεῶν πεπλημμένη. ὅτι ἐμὲ, (συμβαίνει γὰρ ἂν τοῖονδε
 τί περ ἐν τῷ παιγνίῳ δὲ ἐκείνῳ τὸ ἀληθὲς συμβολῆς ἀπὸ κινή-
 σματι, τῷ ἐν ταῖς ὁπλοκαταστάσεσιν ἡμῶν) τούτο δὲ ἐκπελάσσει δὲ
 ἐμὲ ἱεροδότην ἢ τῷ τυχεῖν, καὶ ὡς ἂν τύχη ἱερουργηθῇ.
 Ὅτι τοῖνυν ἐδὲ ἂν ἐν ἱερῷ τὴν πλημμελέμενον θεὸν ἀντι-
 στερεὸν ἐξιστοῦμαι, ἢ περὶ τῆς ἡμετέρας ἐξομολογήσῃ τε
 καὶ μετνοῖα, ὁμολογούμενον εἶναι ἐν ἡμῖν τοῖς ἐμφιλοσοφῶσι
 τοῖς θεοῖς. Τοῖ γὰρ ἔν, ἀνερὶ περισφιλέσθαι, σὲ μὲν προκαλε-
 μένον ἐμὲ εἰς χαλεπότερον ἢ καὶ φιλοπεπτεότερον τὴν ἀμοι-
 βίαν ἰδέσθαι καὶ ὑποθεῖναι, ἔτις ἀποδέχομαι τὴν δὲ γνώμο-
 σιν καὶ τὴν μισογλήμονα ψυχῇ, ὥς τῇ νεομοθετημένῃ
 ὑπὸ τοῦ ἀμνηστίας κομιδῇ τε δρέσκομαι, ἀφελέειν τε ὑπε-
 ρβύβην αὐτῇ ἐναπομένον. Ἰδοὺ ἔν τὸν βυδαῖον ἔξω τοσπο-
 τῆς τοῖς φίλοις νομίμοις περὶ ἀρχῆς, εἰ καὶ ἄλλον ἢ καὶ τὸ
 δοκίμων σὲ καὶ ἐξελθόντων φίλων. Οὐ μὲν ἄλλω, σὲ οὐκ ὀκνῶ
 ἔγωγε εἶναι φίλιος φρενῶν, καὶ σε δέδοται μίαν δέξιν
 τιθεῖ. Σὺ δὲ καὶ ταύτῃ οἶμαι σὲ ἂν βαρυνθεὶς αἰταμένω
 μοι συγχωρεῖν, ἢ ἐξ μοι σωζομένης τὴν ἀμνηστίας, καὶ ὅτι
 τε βιαζομένης, τότε τοσούτον μεμνησθῇ παρελθούτων,
 ὅσον ἀφελόμενος ἐναντίον ἀπάντων ἂν τὴν ἐχθρῶν ἀντι-
 ἐμῶν τε καὶ σῶν. Ἀτὰρ ἂν ἢ καὶ ὅποι' ἂν δόξῃ τὰ ὑπ' ἐμὲ πο-
 τε καὶ σὲ τε καὶ πρὸς σε γεγραμμένα καὶ ἐρημένα, ταῦτα δὲ
 γεγραμμένα τὸ φιλονεικίας μὲν ἴσως σὲ οἶδ' ὅπως τῇ ψυχῇ
 παρυσίου καὶ τὴν θυμὸν ἀκονισάσης. Ἰσως δέ τις καὶ παρυσίου
 ἐκείνης ἂν τὸ τελευτῶν, (οἷα φίλοις δὲ θυμὸς τὰ ὀρμήματα εἰς
 χεῖρον ἐπιείνεσθαι) σὲ καὶ ἐκείνῳ τὸν δὲ δυσχερὲς φιλονει-
 κίας καὶ ἀμύτης τὴν κακόν, καὶ μὴ τὴν φιλοσοφίαν, ἢς τὸ θεῖον
 ἡμῖν σεπτόν τυγχάνει καὶ σεβασμιον. Καὶ μὲν δὲ καὶ τὰς μά-
 τυρας ἀνακαλεῖσθαι τὴν αὐταλθέαν σὲ ἂν ὀκνοῖω αὐτὸς,
 τὴν τὴν ἐν φιλοσοφίᾳ προαίρεσιν καὶ δυνάμει, καὶ καρδίᾳ
 τὴν ἡμετέραν ἔφορον. Καὶ τοῖς ἐκ ἀδελφῶν ἔγωγε καὶ ὅτι ἐτυχε
 διόμνυθαι εἰσὼς, ἔδεν νῦν, ὡς οἶμαι, πισύσασθαι τὴν ἔννοιαν
 ἡμῶν ἐδεσμίω, εἰ μὴ οἱ φίλοι οἱ σοὶ, τὰ χαλεπὰ καὶ οἱ ἐχθροὶ οἱ ἡ-
 μέτεροι, μᾶλλον δὲ οἱ τὴν ἡμετέραν φιλοκαλίαν δυσχεραίνον-
 τες, πισύσῃ με σιγῇ ἐδόκουν, καὶ τῶν τὸν ὅρον ὀκνῶσιν, δυσ-
 μέντων ἢ καὶ ἀπὸ ὑφορῶμενοι ἐν ἡμῖν ταύτῃ τε ἐφθόμενοι,
 ἐξ ὧν ἡρεσολογούμεθα πρὸς μελετήν. Σὺ γὰρ μὲν, ὡς δαι-
 μόνιος, εἰ τοῖονδε καὶ σοὶ συνοῖσθαι εἰργαζόμενος, καὶ γὰρ
 τὴν ἐφ' αὐτῇ τὴν φιλονεικίαν τὴν χωροῦσιν πόρρω δὲ ἀποχωρεῖν,
 εἰδὲν ἂν εἰ καὶ σοὶ καθαρῶς ἐστὶν ὡς πῶς τὰς φρένας σὲ.
 Οὐ γὰρ ἂν ἐν δέοντι θεῖτό τις τὴν χρῆσιν καὶ προσφιλέστερον ἔχον-
 των, τὸ ἀπομνημονεύειν νῦν ἐκείνα, ἂν ἔγωγε τυχεῖν τε
 δαυμακῶς ἐν τῇ σῇ ἐπιστολῇ, δεξιῶς μὲν καὶ σοφῶς, φιλα-
 λῶς δέ τις ἐμὲ μὲν δυνάμει, καὶ δὲ καὶ πῶς τοῦ δέοντος ἡρεσο-
 λογούμενων, ὡς γὰρ δὲ ὑπὸ τῶν ἀνδρῶν ἀμνηστίας ἀντι-
 ρεῖς οἶοντο. Ἐδὲ γὰρ τοῖς προσηνέσι μᾶλλον λόγος καὶ καλὴ
 λιλία ἐφ' ὧς τὴν ἀφελόμενον με πρὸς βίβλιν, καὶ δύναντες τὸ νόμον
 ἐνδεχόμενον τὸν σόν. Ἐπεὶ εἰ αὐτὸς ἀγωνιστικῶς ἔχων ταύτην ἐ-
 πεχέειν τῇ ἀφελόμενον ἐπεχέειν, θυμοδότη τῇ ψυχῇ καὶ
 χαλεπὸς ἐμπαθέστερον, σὲ ἂν τὸ πρῶτον αὐτὸ πῶς ἐχέειν
 ἔδεν πῶς, εἰτ' ἐκ τῶν ἀγῶν ἀμύτης τὴν δὲ δυοῖν φίλοις ἰλίας
 κακῆς φιλονεικίας ἀνεφάνη ἂν, ἐκείνῳ δὲ πῶς τὸ δίκαιον ἐαυ-
 τῷ πεποιμένῳ ἐκαί, καὶ δίκαιος καδίκως. καὶ μὲν ἔγωγε
 συνήδωμαι μοι ἀντ' ὧν αὐτὸς ἐμῶν ἐφθλῶ ἔσθαι αὐτεξέστι,
 ὅτι καὶ τῇ φιλόφρονι σὲ ἀμνηστίας ἀγνωμόνως ἐπαναπαύσασθαι
 ἐπιεικτέρας ἂν δὴ περὶ ἡμετέρας, εἰ μὴ ταύτῃ πρὸς ἐγκλημα-
 τὴν ἐκείνῃ τῇ ἐπιστολῇ ἐπιδόχαις, πολυπραγμονέειν γὰρ τὰ
 καὶ τὰ ὑπ' ἐμὲ ἀφελόμενον δοκῆναι, ὑπὸ τῶν ἀσυνμέτρων ἐν
 τῷ ἀγωνίῳ. Οὐ γὰρ ἐξαρτός εἰμι τὸ καλ' ἐμὲ ὑπαίτιον, ὡς
 περὶ ἐδὲ ἂν αἰσχυθεῖν ἀναλίσθαι τὰ ἐσφαλμένα μοι ὅπῃ
 παρῆκοι, συγνώμῃ τε ἀφελέσθαι, ὧν ἐφθλῶ ποιῆσαι σὲ
 ἐν δέοντι. Πρὸς τὸν τοῖς ἀλλοῖς καὶ τούτῳ δὲ ἀναίμιλῳ τὸ δεινότη-
 τος τὸ σῆς. ὅτι τὸ νομοθετεῖν μοι φέρειν ἢ καὶ κομίσθαι καὶ
 τεταγμένως ἐπιστήσομαι, καὶ νεβελῶν ὁλαδῶς ἀκροῦσθαι,
 μέγας δὲ καὶ τὴν κερταῖν δυοκαθέλει παθήματα, καὶ μάλιστα τὴν
 ἀπάντων πρὸς τὸ λογισμὸν ἀπαυθαδιαζόμενον. Οὐ γὰρ ἐστ' ὅτι
 τὴν παθῶν ἢ τὴν ὑπὸ τῆς λόγῃ, καὶ δὲ δυσχερέστερον ἐπιθεώρη-
 σαι τῇ ἐγκρατεῖ, τὴν τὴν ἀντι-ἀγωνιστικῆς ὁρμῆς, καὶ ταῦτα ἀφελ-
 ολόγηται πρὸς τὴν δικαιολογίαν δοκεῖν. Σὲ δὲ καὶ ἔργον ἔσθαι
 ὡς φιλότης, καὶ πρὸς νοῖαν ποιήσασθαι καὶ μὴ δοκεῖν σε ἀνεπιει-
 κτέρον τέτα ἀπαλλάξαι τὴν ἀγῶν. Ὅπως καὶ αὐτὸς ὁρῶν σε

Α. καὶ τῇ φήμῃ καὶ δέδοται, ὡς ἐφης, πρὸς τὴν καθήκοντα δὲ Ἀν.
 καὶ ἐμὲ ὡς ἔστιν, καὶ δὲ δοκῆς ἀντι-ἐπιμελεῖσθαι τὴν σῆς. Τί 1519.
 ἂν πρὸς θεῶν, ἐστὶν ὅστις τὴν κοινῶν ἡμῖν φίλων ἐν καλῷ τού-
 τῳ θεῷ. Ὅτι τῶν ὑπ' ἐμὲ γραφῶν ἐφεξῆς ἐπιστολῶν, μία
 μὲν μόνον σὺ τῇ χρεῖσιν καὶ ἡδὴ ἀπηρεχαιωμένη ἐπεξίω ἀπαν-
 τα ταύτης μόρα ἀνδρῶς γὰρ ἐχούσα, πάντῃ πάντως μελῶν, ἐ-
 πηλάσῃ, ἔτι τοῖς παρερμηνεύσας ὡς ἀκατανόητά μοι εἶναι τὰ
 ὑπ' ἐμὲ ἐπεσαλμένα. δυοῖν δὲ τῶν προσφιλέων καὶ ὀνοκῶς ἐ-
 χέειν, καὶ ὅλως ἐμνήσθης καὶ πῶς. Οὐδὲ γὰρ ἐκείνῃ γὰρ ἡ
 πειραγία τὴν πικρίαν τε καὶ ἀτοπίαν ἐπανακυκλῶσθαι τὴν ἐμῆς
 ὁπλοκαταστάσεως, τὴν ἄγαν γλυκυθυμίας ὄζει. Οὐδὲ δὲ τὴν ἀπομνημο-
 νεύειν τὴν ἐν καὶ φιλικῶς ἐχούσιν γεγραμμάτων ἢ ἀπομνημονεύ-
 σης, πισύσασθαι μοι δοκεῖ τὰ καὶ φίλιος τὴν ἀφελόμενον τὸν
 μέγας. σὴ γὰρ ὁ αὐτὸς αὐτὸς εἶναι τὰ καὶ τὴν φίλιαν φήσας, ἀ-
 πιστεύειν καὶ δέδοικας τηλικαύτῃ σὲ τὴν μνηστικῶς κατεργα-
 κῶς, εἴτα τούτῳ ποιεῖν φθάσας ἀναπέσειν οἷα τὴν ἀλλῶς πάν-
 τῃ σὲ εἰς τὴν εἰρήνην ὅπως τῶν εἰρησθαι φθάσας; πῶς γὰρ
 ὅς γὰρ τῇ τὴν ἐγκλημάτων διεξόδῳ ἐντυφῶν δεινῶς καὶ συμ-
 κρολόγως, πάντων τε τῶν ὑπ' ἐμὲ γεγραμμένων ὁπλοκαταστά-
 σεως ἀπελῇ, ἀνεπίληπτον σε πανταχῶς ἀποδεικνύει ἐγ-
 κεχρημένος. Τούτῳ μὲντοι καὶ πέσεις, καὶ ἡ καὶ πέσεις, τὸ καὶ κα-
 μῆς. Ἐγὼ μὲν δὲ, ὡς φίλε, τὴν ἀμνηστίας τὴν ἐμὲ δὲ καὶ
 ἀνομολογούμενον, συγνώμῃσθαι ἀξίω εἰ βαρυνθεὶς τὴν αὐ-
 σήρεσιν σε καὶ ὑπερεκπελῇ ὁπλήμηνον διόλου γὰρ σεαυτὸν ἀναι-
 σήσῃ, μέγας δὲ τὴν παρεξέτρετα τὸν λόγον, εἰ καὶ πάντως γὰρ
 πέπεισμαι ἀληθῆ σε φίλον εἶναι, καὶ ὀνοκῶς ἐχέειν. ἀμφο-
 γὰρ ἴσως πᾶς δεδεκασιμῶν γνώμῃ ὑπὸ πρὸς ἐχέειν, καὶ
 φιλαλῶς ὡς ἔοικεν ἐχόμενης ἐμπαθέστερον, οἷα φίλοι τὰ τὴν
 ἀνθρώπων εἶναι ἀδελφῶν αὐτῶν αὐτῶν δέδια μὴ ἐλαθον τὴν ἐ-
 πιτελεθῶν ὑπ' ἐμὲ μεμνησθαι ἀφελόμενον. ὅτι γὰρ με-
 ταμέλει τὴν ἡμφισβητήμενον, ἔτι εἰμι εἰς τῶν τοσπο-
 παν ἀναδύοι τὰ τὴν ἡμφισβητήσεως, σὲ ἂν φθάνοι καὶ τὸ
 αὐτὸ πᾶσιμα πάλιν καλινδόμενον. Τῶν τε ἂν ἡδὴ ἀντι-
 στήρεως μεμνησθαι με παρέχομαι, καὶ εἰς ἀπὲρ ἂν βάλῃ πρὸς
 θυμὸν καὶ ὀρεγῇ, ἀλλῶς οὐκ ἀπηρεχαιωμένης φύσιν διακρίμα-
 νον τὴν ἀφελόμενον καὶ χαλεπότερας ἀμοιβῆς, εἰς ὃ δὲ πᾶσι συν-
 γε ἡμῶς περικαλῇ, ὁ καὶ χαλεπὸς σωτῆρος. ἔσθαι δὲ σὺν
 θεῷ ὁ ἀμνηστίας νόμος τοσποῖς δὲ κύριος. Ὅποτερ' ἂν
 ἡμῶν τὴν ἀφελόμενον ἐκατέρωθεν ὅτι οὐκ ἀναισθητῶς, οὐτ' ὅτι τὴν
 τὴν ἀφελόμενον δίκην φέρει, καὶ ζημίαν δὲ οὐ μικρὰν προσ-
 οφλέτω, τὴν τὴν κοινῶν φίλων ἐχέειν δεινότητι. Ἰδοὺ δὲ τὴν
 νομοθεσίας σιωπεπικρατεῖσθαι σοι, καὶ σιωπεπικρατεῖσθαι τὸ δόγ-
 μα, καὶ σιωπεπικρατεῖσθαι τὴν βουλῇ σε, τὸ διαχεῖσθαι σε, ὡς ἔλπις,
 καὶ ἀναρῆσαι πάντῃ τὰ ἐγκλημένα. Ὅπως οὐκ ἀναισθητῶς ὧν
 σὺ εἰσηγητῆς γέγονας, πειθανοῦ τινος καὶ κομψοῦ προκαλέσθαι,
 οἷα καὶ τὰ προγεγραμμένα καλῶς θέσθαι. Ἐν Μαρκιανῷ τῷ ἡ-
 μετέρῳ μαμακλήματι πᾶσι δὲ δέκα. Ἐρῶς, ἐκ διαλέ-
 λει δὲ τυχέσθαι πρὸς τὴν. Ex Mariano 15. Augusti, An-
 no 1519.

EPISTOLA CCCCLVI.

Erasmus Rot. Alberto Card. Mogunt. S. D.

E. IN tam immensis studiorum laboribus lassescenti
 nonnunquam non modo calcar, sed & robur addit
 adeo propensus tuæ celsitudinis favor, cui in negotio,
 cum per se omnium maximo, (quid enim majus, quam
 orbi dare Cæsarem?) tum multis etiam difficultatibus
 transversim incurrentibus, vehementer perplexo, vaca-
 verit, & nostras tam inconditas literas legere, & le-
 ctis non indiligenter respondere. Gratias agerem cel-
 situdini tuæ pro tam singulari in hunc homuncionem
 civilitate, ni magis gratulari liberet orbi Christiano,
 cui sapientissimorum Principum, & in his tua præci-
 pue opera Carolus Imperator contigerit: unus hac tem-
 pestate merito vifus idoneus, qui cum tantam Imperii
 molem sustineat, tum Maximiliano succedat. Et for-
 tasse minus erat difficile reperire qui oneris magnitu-
 dini par esset, quam qui Cæsaris demortui virtutibus
 responderet. Omnibus vero summa spes est fore, ut
 Carolus noster avita decora nobis referat, æquetque,
 non enim ausim dicere superet, sed tamen ausim o-
 ptare tacitus. Deinde ea est Caroli felicitas, ut Impe-
 rii titulo, qui superioribus aliquot seculis plus habuit
 juris quam auctoritatis, par responsura videatur pote-
 flas.

An. 1519. flas. Nam complures magnos reddidit commissum imperium, *Carolus* ipsi imperio dignitatem adjunget. Aliis imperii nomen adferebat jus orbis, *Carolus* orbis principatum adseret imperio. Denique ea est ætate, ut propitii numinis præsidio spes sit fore, ut sub eo Principe quam diutissime floreat orbis *Christianus*. Et ejusmodi regnis imperat, ut nemo magis sit formidandus barbaris *Christiana* religionis hostibus. Illud omnium votis optandum à superis, ut hanc eximiam virtutis indolem, quam nunc præ se fert *Carolus*, & servant, & semper in melius provehant, quo profligatis ab omni Republica *Christiana* bellorum impiis tumultibus, *Christi* populus, jugi pace tranquilloque ocio lætus, honestissimis artibus, ac pietatis studiis eximie floreat, aut certe si res ita poscet, concordēs nostrorum Principum vires & arma in *Christiani* nominis hostes convertantur. Quod si quid etiam *Carolo* gratulandum est, duplici nomine cum primis gratulandum arbitror, & quod vestro judicio sit adscitus, & quod *Francisco Galliarum* Rege, tanto videlicet competitore, sit imperii fastigium assequutus, ipse promerens magis, quam ambiens: ut quemadmodum olim *Hectoris* virtus *Achillis* victoriam illustravit, quemadmodum *Turnus* vir fortissimus *Aenea* laudem auxit: ita summus Rex, ejusdem honoris æmulus, *Caroli* gloriam reddiderit illustriorem. Mandatum est, non venditum imperium, & mandatum est ei, qui quam fortissime possit obire: mandatum est ei, qui velit quam sanctissime administrare; nihil superest, nisi ut summus ille Princeps, cui uni cor Regum omnium in manu est, & vestrum judicium, & *Caroli* conatum, & nostrum votum bene fortunet. Ad id omnibus pro sua cuique portione est adnitendum, quando negotium agitur omnium. Non poenitebat antehac libelli, quo quod sit Principis munus utcunque præscribimus, quem libellum *Ferdinandus* noster, adolescens virtuti natus, semper habet in manibus. Nunc etiam magis gaudeo, quod sperem eam, si qua est, utilitatem ad universum orbem perventuram. Etenim quemadmodum plurimum lædit, qui fontem inficit, unde bibant omnes: ita latissime patet illius beneficium, qui pectus instruit omnibus imperaturum. *Richardus Pacans*, optimi Regis Orator optimus, non dubitabam, quin tibi modis omnibus esset placiturus. Atque ille reverfus ad nos, dici vix queat, quantopere sibi gratulatus sit, cui contigisset talem Principem, non minus integritate morum, quam imaginibus majorum, fortunæ dignitate clarum & novissè & vicissim innotuisse. Quam ille gestiens, quam ardenti oratione, plurima cupidissime percunctanti, totum te mihi depinxit. Ego porro, quid dignitatis aut adjumenti possim adferre sacris Literis, alii viderint, nobis certe propositum est, hisce laboribus immori, quos *Christo* non ingratos esse confidimus, vel hoc certe nomine, quod simplici animo in illius gloriam à nobis suscipiuntur. Quid ni boni consulat hanc nostram sedulitatem, qui pauperculæ viduæ quadrantem omnibus omnium divitum muneribus prætulit? Aliis alii benefactis *Christum* demerere student: nos quando nihil aliud possumus, hac illi victima litabimus. Jam vero vide quantum benignitati tuæ, & *Hutteni* nomine debeam, de quo sic mihi præfagit animus, hominem aliquando magnum ornamentum nostræ *Germania* futurum, si modo & Dei præsidio vita suppetat, & tuæ celsitudinis favore non destituatur: nam hanc ingenii lasciviam (ut ita loquar) satis per se corriget ætatis accessio. Quod nihil te commovet error ejus, qui dicato libello, sedulo verius quam prudenter studuit alteri gratificari, ea res mihi animum vere excelsum, & tanto Principe dignum arguit. Munus nondum est allatum: ubi redditum erit, mihi semper ut res quæpiam sacra servabitur, atque etiam ostentabitur, ut tui erga me animi pignus, tuique de me judicii monumentum. Bene valeat tua sublimitas, cui semper commendatus esse cupio. *Antuerpia* 16. Augusti, Anno 1519.

EPISTOLA CCCCLVII.

IN OFFICIA CICERONIS.

Erasmus Rot. Jacobo Tutori S. D.

An. 1519. QVEMADMODUM qui sunt à scorpiis icti, solent ab iisdem remedium petere, ita mihi convenire videtur, *Jacobe* Jurisconsultorum eruditissime, ut qui literis sumus addicti, animi lassitudinem, aut corporis affectionem è studiis gravioribus contractam, ab iisdem studiis, sed amœnioribus recreemus. Etenim qui vere studiosi sunt, per omnem vitam nihil aliud agunt, quamdiu licet illis suo arbitratu vitæ cursum moderari, nec tam intermittunt studia, quam remittunt & relaxant aliquoties ingenium, cessant nunquam, otiantur interdum, sed interim agentes aliquid. Feriantur aliquando, sed sic, ut otii rationem pulchre queant reddere. Et, si libet, cessant etiam nonnunquam, sed ut horum cessatio plus adferat bonæ frugis, quam quorundam negotiosissimæ occupationes. Sic nimirum fortis & gnavus miles (conferam enim exemplum similius) dum in æstivis, aut hybernis agit, aut dum induciæ præstant, ut necesse non sit in acie stare, aut excubare sub pellibus, tamen ita lufibus relaxat animum, ac vires reficit, ut lusus ipsi militiam sapiant. Pugnat ad palum, jaculatur ad scopum, torquet fundam, vibrat hastam, decertat palæstra, concurrat lanceis, torrentem natatu transmittit, armatus in equum infilit. Denique sic feriatur à belli muniis, ut ad ea redeat vegetior. Aliter ludit ganeo, aliter egregius Princeps. Aliter scurra jocatur, aliter vir probus & integer. Ad hoc igitur exemplum cum nuper valetudo flagitaret, ut ingenii corporisque vires diutinis atque immodicis studiorum laboribus fatigatas instaurarem, sarciremque, relicto *Lovanio*, per aliquot *Brabantia*, *Flandria*que, oppida circumvectus sum, quo simul & à libris aliquantisper abessem, & amiculorum eruditorum conspectu, fabulisque, memet oblectarem. Neque sic tamen abesse potui ab adamata bibliotheca mea, quin unum aut alterum libellum, itineris comitem circumferrem, ut si quando forte in vehiculo non contigisset congerro sat commodus, non deesset tamen, cujus colloquio temporis tædium fallerem. In his erant *Officia Ciceronis*, *Lalins* & *Cato*, una cum *Stoicorum* paradoxis. Invitarat autem voluminis exiguitas, haud multum additura sarcinulæ ponderis. Ex hujus lectione, mi *Tutor*, geminum fructum cepi: primum enim pristinae consuetudinis nostræ, qua nihil esse potuit mellitius, memoriam sic mihi renovavit, ut incredibilem animo persenserim voluptatem. Deinde, sic me totum inflammavit ad honesti, virtutisque, studium, ut jampridem nihil tale senserim, nostrates quosdam neotericos legens, qui *Christiani*, *Christiana* philosophiæ mysteria profitentur, & iisdem de rebus, magna, ut nobis videtur, subtilitate differunt, sed æque frigide. Ego quid aliis accidat nescio, mihi quid acciderit ingenue fateor, sive id illorum vitio sit, sive meo. Sic subinde mecum inter legendum cogitabam: Hic cine Ethnicus scribit Ethnicis, prophanus prophanis? At in præceptis vivendi quanta æquitas, quanta sanctimonia, quanta sinceritas, quanta veritas, quam omnia consentanea naturæ, quam nihil fucatum, aut somnolentum? Quem animum exigit ab his, qui gerunt Rempublicam, ut admirabilem virtutis speciem ponit ob oculos, quam multa, quam sancte, imo quam divinitus tradit, de gratis etiam juvandis omnibus, de tuenda amicitia, de immortalitate animorum, de contemptu earum rerum, quarum gratia vulgus hodie, non dicam *Christianorum*, sed Theologorum etiam ac Monachorum, nihil non & facit & patitur? Pudebat interim nostrorum morum, qui sacris Libris edocti, qui tantis & exemplis, & præmiis provocati, doctrinam Euangelicam profiteamur, nec præstamus. Describe nostris Satrapis talem Principem,

An. cipem aut magistratum, qualem describit Cicero, dis-
 1519. peream ni cum sua imagine, ut delirus, ridebitur. Quis nunc Rempublicam nisi spe lucri, aut honoris gratia, capeffit? Quis non ita gerit, ut quæstum facere videatur, ut hostem agat eorum, quibus debuerat etiam vitæ suæ dispendio consulere. Ubi reperias inter Christianos par amicorum ad hanc imaginem, quam proponit M. Tullius? Ubi senes, qui tam infracto animo ferant ætatis incommoda? Ubi tam sancta senum cum juvenibus colloquia? Nunquam antehac magis expertus sum verum esse, quod scribit Augustinus, Ex Ethnicorum beneficiis, acriores addi stimulos ad virtutem quam nostratum, cum subit animo, quam turpe sit, non ea perspicere pectus evangelica luce illustratum, quod perspectum est iis, quibus sola natura scintilla pralucebat. Non prestare nos, qui sub Christi vexillis militamus pietati, qui stipendium immortalitatis ab eodem expectamus, quod præsiterunt ii, qui nihil hominis a rogo superesse, aut suspicari sunt, aut plane crediderunt. Et post ea non desunt crassi quidam, qui studiosos ab huiusmodi libris deterreant, ceu poeticis, ut vocant, ad morum integritatem officientibus. Ego vero dignos censens, quos & omnibus in ludis prælegant adolescentiæ literatores, & sibi legant relegantque senes, quos olim emaculatos tibi dicavi, nunc denuo dico, non solum purgatior, verum etiam auctario cumulat. Siquidem adjecimus libellum De amicitia, alterum De senectute, tertium De paradoxis, atque in omnes annotatiunculas quasdam, breves quidem illas, sed, ni fallor, haudquamquam incommodas; in quibus hoc potissimum agimus, ut quorundam morosam in dicendo superstitionem retundamus, qui ad singulas pene voces reclamant, Non est Latinum, Non reperitur apud probos scriptores. Ad hæc mendas aliquot prodidimus, antehac a nemine, quod sciam, animadversas. Superest, ut quemadmodum mihi in hoc labore versanti Tutor semper ob oculos verfabatur, ita tibi, cum hæc leges, Erasmi in mentem veniat, tui cumprimis & amans & studiosus. Bene vale. Lovanio 10. Septembris, Anno 1519.

EPISTOLA CCCCLVIII.

Budæus Erasmo.

Τὸ φῆς. Τὸ πρὸς ἐγκωμῖα σε τὸ πρὸς τὸν ἑαυτοῦ λήθη
 σε μνηστικὸν καὶ ἐροφίαν ἔχον, θαυμάζω τοῖνον ἐργά-
 σε ἀτεχνῶς διὰ τὴν αὐτοῦ καὶ ἐργονότου τοιαύτην τινὰ ἐροφί-
 ασίαν, ἐν οἷς ὑπ' ἐμοῦ γέγραπτος σὺ πρὸς τὴν ἐγκωμῖαν.
 Vives tibi testis esse potuit, cui epistolam ad me scri-
 psam ostendi ab homine naris emuncta (tametsi nomen di-
 gitato suppressi superposita) ὅς ὑπέμνησέ με, οἷον οὐκ αἰσθα-
 νῆμενον τοὺς καθ' ἑαυτοῦ λόγους, ἐν τοῖς συζητήμασι σε
 διασαρμένους. Quamquam ipse non vidit Ἰησοῦ μίαν εἰς
 τὸ αὐτὸ καθήκον, ἀνδρὸς Ἰταλιώτου δίδοκιμῶν ἐν τοῖς
 μάλα, οὐκ ἐμοὶ μὲν ἐπιστάλῃ, ἀνδρὶ δὲ τινὶ ἢ ἐαυτοῦ
 γνωστῶν καὶ φίλων. Ὅς δὲ τὸ αὐτόγραφον ἐπεμψέ μοι ἑ-
 ταρχῶ. Et cum hac & huiusmodi permulta silentio præ-
 termittenda duxerim, atque etiam oblivione, tu mihi
 dolorem nunc refricisti, ac pene opinionem ex suspitione
 fecisti. Nisi vero supradictis verbis exemplum in te ipse
 statuisse inficiabere, id de te existimandi, quod tibi in
 mentem venisse ais, ut de me eadem in causa existima-
 res. Neque ideo velim ut existimes non gratissimas mihi
 literas illas tuas fuisse Græce scriptas: quibus jam Græ-
 ce respondi, sed tamen ἀμφιλαφῇ μοι ἐνδοκας ὑπέδειξεν
 ἀντικατηγορίας τινὸς μνηστὴρος ἀπολογίας. Πῶς γὰρ οὐ;
 Ὅς γε πάντ' αὐτὰ ὑπ' ἐμοῦ γεγραμμένα ἀνακινῶν, πᾶσαν δὲ ῥη-
 τορικῶς ἐπιμέλειαν τε & περὶ ἐργίαν ὑπερηκόνας, ὁ ποῦδ' αὖ
 σύ γε φέρεας εἶναι με & μὴ λέγειν ἢ ὑπ' ἐμοῦ περὶ ἡμελη-
 μένων, ἐμοῦ γε αὖ ἐν τῇ ἰμῇ ἀπολογίᾳ ἀπὸ τῆς ποῦδ' αὖ
 εἶναι. Novus enim, novus ea fere transmittere in mea de-
 fensione, in quibus proloquendis, styloque prosequendis, aut
 indignationem obrepisse ingenio meo sentio, aut vehemen-
 tiam contentioni transversum me rapuisse. Intelligo me

nonnunquam immodicum, atque ἐκπαθῶς διακείμενον fuisse. An.
 se. Quare aequo animo castigare me ab amico passus sum: 1519.
 quod quidem ad ea loca pertinet, qua tractata mitescere
 nequeunt. Tu autem animum meum nondum pertractas-
 se videre, si tamen ex sententia animi tui potius quam
 ex aliorum loqueris. Jam primum quod dixi, Catapotia
 epistolæ meæ jam, ut spero, vorasti, vide etiam at-
 que etiam ne te commodius interpretari hoc modo ego pos-
 sim. Amaras quidem literas meas fuisse, (identidem enim
 mihi πικρὰν objicis & ἀτοπίαν) sed tamen me sperare
 concoxisse te, aut certe ita devorasse omnem indignita-
 tem illam, ut jam immemor esses injuria, (si tamen inju-
 ria est, ubi animus non fuit injuriam inferendi) præfer-
 tim cum & tu in me satis destomachatus esses, & ex pa-
 gina postrema literarum tuarum viderere mihi amaru-
 lentiam illam meam (sit enim sane quando ita tibi vi-
 detur) placidiore animo ferre, & recordari nolle. Quip-
 pe qui te discentes ingenium meum jam nosse. Deinde
 quam illud δυσφορεῖν με καὶ δυσπαθεῖν διεξέναι πῶς, quod
 πρὸς τὸν λόγον περὶ φέρεας ὡς ἐφύβησον, καὶ ὡσανεὶ δεσπολὸν
 βδελύπη καὶ ἐξουσιαστικὸν, jocos scilicet mecum assuescens.
 Πρὸς τὸ φιλοκαλίας τὸ σῆς, ὃ φιλότατη μοι κεφαλὴ. Πρὸς
 τὸ φιλοκαλίας τὸ ἡμῖν ἀγχαμάλως ὡς οἶμαι περὶ αὐτῶν,
 μή μοι τηλικαύτῃ δόξαν ἀλαζονείας πελάσῃς, ὥς συμφέ-
 ρεσθαι σοὶ δοκεῖν μὴ ἐξίσαι καὶ φιλοπρεπῶς. Audi igitur in-
 terpretationem meam hujus dicti, & aude post ea conque-
 ri, quasi ego non ex aequo tecum agam. Quoniam igitur
 tu immodicum me esse jocorum saepe dixisti, etiam ex pe-
 riculo petitorum (ut ita loquar) & proxime contumeliam
 accedentium, quibus tu ipsis animum adicere non poteris,
 (neque enim istius esse modestia fortasse & gravitatis vi-
 debantur) ego illis tuis literis grandioribus ita me conver-
 beratum jocos tui sentiens ac lapidatum, nihil ut amplius
 dicere potuisses, aut certe sustinuisses, etiamsi stomachi
 res fuisset, non joci, scripsi ego ea simplicitate qua soleo,
 joci te jam mecum assuescere. Religio enim fuit dicere,
 tam te impudenter aut licenter dicacem esse cœpisse, quam
 me esse conquerebare. Amabo te, relege locum, & versa
 intellectum ejus, invenies, ut spero, in me magis quam
 in te dicacem me fuisse. Nisi vero non in me meumque
 caput recidit, quod dixi aut significavi, ex tuo te inge-
 nio migrasse contagio literarum mearum, & jocandi com-
 mercio. At tu id scelus prope cothurnatum fecisti excla-
 matione tragica. Porro autem quod plumbeum te conje-
 ctorem fecisse me criminaris, ni vereretur cicatricem ob-
 ductam refricare, locum hunc explicarem: verum, com-
 monefacere te uno & altero verbo οὐδὲς φθόνος οἶμαι. Μέ-
 μνησέ γοῦν, ὅτε ἐνα τὸ Γαλιέμων ὡσαύτως ἐχρηδοκίλεις,
 ὅτι ἐργάει καὶ ὅποιον διαπερφεύσθαι σοὶ ἔμελλον, quidque in-
 ter nos convenisset: quem omnino ipsum nollem a te nomi-
 natum, πρὸς γὰρ τῷ ἀπαύσει καὶ ἀπείλῃ κυριότητι εἶναι
 ἱερὸς, ἐπὶ δὲ ἐν ἀξιώματι αὐτὸς καθέστηκεν & τάξῃ τὸ ἐνδόξον.
 Καὶ τὸ περὶ γράμματος τὸ ἀπείλει τὸ ἐνδοθεν, ἵνα μὴ σαφέστερον
 φθέρωμαι. Ἐπὶ δὲ τούτοις & τὸ προσφιλῶς ἐχθρῶν ἐστὶν οὗτος
 πρὸς ἐμὲ & σπαραζόντων ἐμοὶ τε & σοὶ. Sed scilicet pericu-
 lo meo res agebatur, non tuo: quare tantum tibi pensi non
 fuit. Quamquam id nondum attingo, in quo parum te
 acutum fuisse jocat sum, id est, parum tui similem. Nam
 illa verba ἐν ᾧ διαπερφεύσθαι σοὶ τὸ ὑφ' ἡμῶν προαι-
 ρεθὲν ἐπεχείρει, non te intellexisse vix credo: præsertim
 cum tu dicta mea ἐμοῦ συνοπτικώτερον excipere solitus sis,
 ut ex iis, qua dixi, liquet. Quod si tibi αἰνιτικῶς μᾶλλον ἢ
 φερέειν δοκῇ τὰ ἐπινενοημένα, φέρε δὲ, ὅταν βεληθῇ, ἀ-
 μαρτέρεον ἐρῶ & σαφέστερον, ἀλλ' οὐδὲν οἶμαι δέομαι. Quod
 πρὸς τὸ διαγελῶν scribis, quasi scilicet verens ne operam
 aut studium ea in re navata imputaturus sim tibi, jam
 te libero illa obligatione si te auctoramenti pudet, non
 etiam legibus amicitia te solvo, qua per me licebit ipsa
 ut sit inter nos perpetua, atque etiam per te quoad tu ex
 tuo animo meum æstimabis, non ex aliorum sententia,
 quantum argumentis conjicio, & hominum relatione. A-
 ge, æstima tecum ipse quam illud φιλικόν, imo quam ἐξ-
 σμολογικόν, & δεξιόν, & κομφόν, de mellitis epistolis Deloi-
 ni & aliorum nostratum, quod injuriarum mecum agis,
 Tom. III. li qua-

An. *quasi φιλοκόλακα te vocarim, vel esse significarim, cum
1519. tamen tu omnium maxime libertate gauderas amicorum.*
Εἰ μὲν ἐξετάζειν τοῦτο εἴτ' ἀληθές ἐστιν, εἴτε μὴ, τὸ μάλιστα
σε χαίρειν ἔηδεσθαι τῷ φίλῳ τοῖς ἐλθούσεσσι. Ἐπεὶ
πόθεν ἀποδοῦναι προσκεκρούμεν ἀπλήλως ἅμῃς γὰρ πῶς οἱ μά-
λιστα πρῶτον φίλοι εἶναι δοκοῦντες, εἰ μὴ ἐξ ὧν ἐλθούσεσσι
σας πῶς τὴν δόξαν, ἐν ταῖς ὑποδοχαῖς γέγραφα. Sed sit sa-
ne nunc verum & pro comperto habitum, quid igitur?
existimastine me tam commodis meis inimicum atque etiam
tam male propitium numen habuisse scribendo, ὡς προ-
κεκρούμεν τοῖς προσυχοῦσιν ἐμπλήλως τε καὶ προπελῶς, καὶ δὴ καὶ εἰς
αὐτὸν λοιδορέμενον φέρεσθαι τῷ φίλῳ ἐμῶν τῷ κορυφαίῳ, ὑπὸ
τῷ ἄγαν ἐκείνης ὁρμῆς εἰς σε ἀπειροδομήν; τί ἐν; ἔτι καὶ
φθίλῳ ἀκροῦσθαι εἶναι τῷ καθάπληκτον γελοῖον καὶ σιωπικῶν ὥστε
καὶ ἄνδρες μοι πάντων προσφιλέστατα διακείμενον τῷ Δηλοῖνον προσ-
εἶναι ἢ ἔπει' ἀξιώσεως ὄντα καὶ τῷ τυχεύοντι, ἐφ' ὧν κολά-
κα ἀπεκάλαν; καὶ γὰρ σε δὴ πρὸς φιλοκόλακα ἀποκαλεῖν ἡδυνά-
μην, μὴ ἔχῃ αὐτὸς τῶν ἀποκαλῶν κολάκα. ὦ ῥῆσά σὺ πρὸς
φίλῳ ἐμοὶ ὅτι ἂν σοὶ ᾤκησῃ. Ὁ πῶς τοῖς τοῖς τοῖς παρ-
πολλὰ ἐτυχες συνελκοῦς διεξοδικώτατα, ἐν ἐκείνῃ τῇ ἱλιάδι
τῷ ἐμῶν ἀμαρτημάτων, ἐξέσθαι σοὶ ἐμὸς γὰρ ἔνεκα καὶ ταῦτα δὴ
συνείρησεν ῥητορικῶς ἐν τῇ τῷ φίλῳ σὲ συνόδῳ, ἄλλως καὶ τῷ αἰ-
κωμῶντι δεινῶς τὰς ὑποδοχὰς ἐμάς. Εἴτ' ὡς ἀξί' ἀνέσθαι τῷ εἰ-
ρημῶν αὐτοῖς δόξω, ἐχόμενον δὴ πρὸς ἐσθλὸν τῷ σὺ τεθείσης
ἀμνηστίας, ἀντεξέτασθαι ἵνα ἡμέτερος ὦν τυχεύων ἀντιπεπονητός
ὑπὸ (καὶ). Τέτλην ἡ γενημένη καὶ ἰσοστάσιος ὄρεσθαι καὶ πάρε-
σοι αἱ ἀμοιβαί, ὅτι ἴση δὴ καὶ ὁμοία ἡμῶς ἀφ' ἑαυτῶν ὥστε
ἀντεκεκλημμένων. Sic fiet potissimum, ut facta pro infectis
habeantur, nec tu in posterum huiusmodi causificari o-
ratorie possis. Πολλὰ παρὰ τὴν ἐμὴν λέγαν ἐν οἷς ἐστὶ καὶ τῶν ὁρ-
φικῶν, cum ne id ipsum quidem τῶν ante quiescere siveris,
quam τοῖς τοῖς feceris ut atrocis contumelia instar esse vi-
deatur. Itane vero, bone vir, id est orator, donare mi-
hi te dices, quod consertis manibus retines & mordicus?
& cum iam omne tuum cum ramentiis tuleris, equum &
benignum litigatorem te predicabis? Jam vero quod ὥστε
τῷ συνοχῆς τῷ ὁμοιότητος ἡμῶν scribis καὶ δὲν συγκαταστήσῃ,
quocumque id pertineat, existimes velim nemini unquam
homini me verbum ea de re fecisse, nisi haecenus, ut di-
ctarim, atque omni corporis animique habitum pra me tu-
lerim, non ita mentes nostras huiusmodi velitationibus
verborum esse commotas aut emotas, ut luxari propterea
confirmata amicitia compages ac dimoveri possent: sed ta-
men hanc simultatis imaginem ita ad verum esse effictam,
ut amicorum studiis & hominum errore pro vera simul-
tate tandem exciperetur. In quo nihil ipse magnopere
providendum mihi ante existimaui, quam tibi cordi es-
se magis genus illud ludicri certaminis sensi atque per-
spexi, quod prapilatis jaculis certisque innocuis edi-
tur. Non quod tibi metueres aut mihi, aut tibi a me
metuendum esset, aut mihi a te, sed quod spectatores de-
lectandos magis duceres, quam expectatione suspenden-
dos tristioris exitus: cuius consilii rationem facile mihi
probasti, posteaquam attentius rem animadvertere ca-
pi. Denique nullam inter nos animorum alienationem,
& ἀξίωσιν intercessisse puto, οἷον δὴ ἔχει ἀφ' ἑαυτῶν δὲ ἑαυτῶν,
ὡς ὅπως ἀφ' ἑαυτῶν. Αἰνέσθαι τὸ κατ' ἐμὴν εἶναι πᾶσι καὶ σε
ἀρετῶν καὶ γέγραφα κακῶς γὰρ ἐδύοικας, quo commo-
dis tuis officerem, aut gloriam istam tuam παμμεγέθη
ἐκπαινεύω, ἐκείνο δὴ ὑπερβαίνει τοῖς ἐχρηματισμοῖς λό-
γοις, ὡς ἐκ μελέων τῶνδε τῷ δόξῃς ἐκπέσεις, Deum me pa-
ρὰ μάχῃ infortunio. Datum est aliquid stomacho, &
humanitatis nonnihil admissum est, & incommode fortas-
se, atque imprudenter de amicitia consultum, dum ju-
gulum existimationis petentium speciem praebeamus, ut
affolet interdum in simulacris pugna, dum concertationis
impetus extra praescripta ludicri, & prae legitimas vi-
ces ac constitutas effertur. Id enim ipsi in septis accide-
re decursum militarium videmus aliquando, & ve-
niam tamen mereri cum blanda satisfactio deprecatur er-
rorem. Neque id inexcusable est quod extemporale fuit,
nec unquam unum diem habuit animo. Ne tum quidem
ita valuisse stomachationem aut contentiunculam ullam
affirmarim, ut evaserit in odium. Id quod ut de me
affirma, sic de te haud dubie conjicio. Quid si mihi ne

A *paenitenda quidem videntur quae scripsimus? Quantum au-
est enim ad confirmationem amicitiae, ab acriore nos con-
tentione citra noxam discessisse? ita ut uterque alterius
animum periclitatus, perspectum se habere pertentatum-
que confidat & latetur. Quod aulicum me factum ca-
villaris, & literarum vicem doles, quasi eam causam
receptam deseruerim, aut prodiderim, ob idque magno
patrocinio litera bona destituta sint, materiam mihi te-
cum jocandi praebeat. Graece tamen scribam, ut liberius
& simplicius acroama praebeam expeditionis aulicae, qua
mihi hoc anno obtigit, haud scio quam propitia providen-
tia. Vale. Ex Marliano 15. Septembris, Anno 1519.*

B *En tibi alteram exomologesim optima fide factam. Post
aliquot dies quam literas tuas accepi, meas ad Herman-
num tuum misi Graece scriptas, sed urbem jam exierat
ob pestem, ita ex urbe relata sunt, & huius illis subditi
animi causa. Mirum est enim quantum delector ad te
scribens. Utrasque tamen eidem homini non committam,
ut mihi in binarum vicem cedant. Vale rursus.*

EPISTOLA CCCCLIX.

*Erasmus Rot. Conrado Schutterani & Laurentio Ethonis
monasteriorum Abbatibus, Provincia
Brisgandia, S. D.*

C *ZASIVS ille nihil facit novi, qui dum sic ubique
prædicat Erasmus, ut ex musca plusquam ele-
phantum faciat, non vobis solum, verum etiam aliis
multis imponit, sed prius ipsi imposuit amor quidam
immodicus. Quanquam hac in parte prorsus ignorat
rerum mearum statum. Nullus est mortalium, qui
libentius abstinet ab aulae commercio, quam Erasmus.
Et illic valere non potest, nisi qui subinde suo fultus
choro, fabulae partem agat. Ego nec factiones am-
bire possum, nec ingerere memet, nec alium cubito
protrudere, nec ignorat vestra prudentia, qualis sit
aula Caesaris, nimirum bellua capitum innumerabi-
lium, adeo ut si mihi incidat aliquid negotii, malim
jactura rei ocio meo consulere, quam persequi. Adsci-
tus quidem sum in ordinem Confiliariorum, sed ita,
ut ne vocatus quidem adsum, tantum abest, ut memet
ingeram. Et tamen non gravabor causam vestram pro
viribus adjuvare, si se dederit occasio, quamquam ci-
tra meam operam non dubito quin sit successura, ni-
mirum iustissima, apud Principem iustissimum. Habet
enim Carolus præter alias egregias dotes, illud vel præ-
cipue dignum Imperio, quod æqui iustique tenacissi-
mus est, & falli quidem potest, corrumpi vero non
potest. Id eo magis confido fore, quod ut scribitis,
jam vos coeperit illius clementia tueri adversus violen-
tiam illius, qui vobis faceffit negotium. Bene valete,
Patres ac domini, cum primis colendi mihi, atque
observandi. Lovanio 1. Octobris, Anno 1519.*

EPISTOLA CCCCLX.

*Erasmus Rot. Stephano Poncherio, Archiepiscopo Seno-
nensi, S. D.*

F *REVERENDE Pater, quum nihil esset magnope-
re, quod te scire vellem, tamen huius humanif-
simi Commendatoris præter spem oblata commoditas
effecit, ut vel salutatrice epistola declararem animum
tui memorem, cui non ignoro quot modis debeam.
Nos hoc coelo tam incommodo vix tuemur valetudi-
nem huius corpusculi: & tamen præter temporis in-
commoditatem tantis tempestatibus pulsati sumus;
quas nobis excitantur hostes bonarum literarum, ut e-
go nihil unquam simile in vita nec legerim, nec audi-
verim, nec expertus sim: tanta fuit omnium in unum
Erasmus conspiratio. Nullis non machinis adorti
sunt, imo totum orbem, quantum in ipsis fuit, in me
concitarunt. Malum primum a paucis ortum, paula-
tim ita serpsit, ut omnes fere denique corripuerit: e-
go sola recti conscientia fretus, libravi memet in tan-
tis sycophantiarum insultibus, quod parum esse Chri-
stianum*

An. *stianum* ducerem, convicia conviciis retaliare. Tandem resipuerunt, & ultro mecum inire concordiam, nescio quandiu duraturam, certe per me non violabitur semel facta pax. Doleo *Fabro* negotium esse cum Episcopo *Roffensi*, viro pio cum primis & erudito, sed eo ingenio ut non facile desinat, ubi semel incaluit in certamine. Utinam in prioribus libris magis temperasset à dictariis: adjecit alteros, hoc est, idem argumentum denuo retexit, quos nondum legi. Quis genius malus turbat studiorum tranquillitatem hujusmodi contentione? Quanto prætabat concordibus animis in *Musarum* campis ludere? Jam unis atque alteris literis *Beraldus* mihi minatur epistolam abs te: ea certe mihi gratissima futura est, quocumque fuerit argumento. Quaecumque tellus habebit *Erasmum*, habebit clientulum tibi addictissimum: id ipsa re declarabo, si continget vel annum adhuc superesse. Bene vale.

Impudens sim, si tibi commendem *Commendatorem*, & *Commendatori* velim esse commendator: cujus opera spero me tibi fore commendatorem, cui cupio esse quam commendatissimus. *Lovanio* 2. Octob. Anno 1519.

Copum Medicum opto bene valere.

EPISTOLA CCCCLXI.

Erasmus Rot. Florentio ab Iselsteyn S. D.

CLARISSIME Princeps. Munus, quod tua benignitas nobis donavit, non uno nomine mihi fuit gratissimum: vel quod à tali profectum heroe, vel quod ultro delatum, nec promerito, nec expectanti. Admonui filium tuæ celsitudinis, raræ cujusdam indolis puerum, ut mihi in referenda gratia sit auxilio. Sic enim videbor retulisse, si effecero ut ille in bonis literis expectationi tuæ respondeat. Recepit facturum, ac mihi sane in hac ætatula jam nunc emicans eruditionis specimen maximam spem præbet talem evasurum *Maximilianum*, ut non solum suo generi, verum etiam ipsis literis bonis sit olim ornamento futurus. *Arnoldus*, ut est pueri amantissimus, ita eum non minus diligenter quam blande curat. Est hic *Conradus Goclenius*, juvenis utriusque literaturæ peritissimus, stylo cum primis felici, sive prosam orationem tractet, sive metri legibus adstrictam, Philosophicæ rei non vulgariter doctus, moribus incorruptis, spectatæque integritatis. Quid multis? Dignus vel ipso *Ferdinando* discipulo. Id tibi meo polliceor periculo, quod si videbitur hic filii familiæ adjungendus, agam cum illo, & agam non minore fide quam si filii mei negotium ageretur: si minus, scito *Erasmum* toto pectore tuum esse. Bene vale. *Lovanio* 2. Octob. Anno 1519.

EPISTOLA CCCCLXII.

Erasmus Rot. Card. Grymanno S. D.

REVERENDE domine, jam anni sunt aliquot, quod *Paraphrasim* Epistolæ ad *Romanos* tui nominis auspicio in publicum emiserim, idque meo judicio satis feliciter, toties interim excusa est typographorum formulis. Avebam scire num meum officium animo tuo gratum fuisset. Nec enim aliam mercedem ambiebam. Literæ, quas aiebat *Andreas Ammonius* abs te scriptas, interciderunt: quare te rogo ne graveris alteris literis testari, num eo officio, tuo judicio satisfecerim. Jam crebris literis me interpellat *Guilielmus Archiepiscopus Cantuariensis*, ut *veritam* *Commentarios Origenis* in *Psalmos*. Horum exemplar si tua habet bibliotheca, non ausim rogare ut huc mittas: tantum oro, ut patiari describi meo sumptu. Non committam ut in eo opere frauderis portione tibi debitæ laudis. Dedi negotium hoc domino *Commendatori*, viro primariis virtutibus cumulo, & ob has suo Principi longe gratissimo. Bene valeat amplitudo tua, cui quam commendatissimus esse cupio. *Lovanio* 2. Octob. Anno 1519.

EPISTOLA CCCCLXIII.

Joannes Slechta Kostelecicus Erasmo Roterdamo S. P. D.

REDITAE sunt mihi literæ tuæ tertio Idus Septembris præter omnem spem: nam cum anno superiori literas meas per famulum bibliopola Lipsiensis, qui Prægæ libros impressos venundando agit, ad te dederam, pollicitus est mihi bona fide literas ipsas ad te usque per certum tabellarium, ubicunque locorum esses, missurum & responsum allaturum: quas cum sibi accepta ab eo fide tradidisset, & per hunc totum annum responsum abs te diu expectatum nullum accepissem, pro persuaso habui literas illas nequiquam ad te pervenisse, sed vel deperditas, vel ad aliquem in via detentas, vel ab aliquo interceptas esse. Tanto igitur nunc mihi gratiores & jucundiores fuerunt, quanto minus sperata venerunt, & quidem à tali amico, qualem ego nimirum inter charos & raros charissimum habeo. Gratulor autem inprimis prosperæ & integræ valetudini tuæ, cupioque ut amuli tui de mortis tuæ commentitio genere diu sic verum loquantur, quemadmodum superiori & præsentī anno hic & apud vos fecerunt: utque ætatem annosi Nestoris vivendo non solum adæques, verum etiam superes. Quod te autem quidam Ecclesiasticorum & potissimum ex Monachis implacabili odio prosequuntur, & canino morsu nunquam clam impetunt, istud apud me mirum non est, cum virtus vitio, & bonum malo semper contrarium sit: boni bonos, scelerati sceleratos amare, & simile simili amicum esse solet: morum namque similitudo (uti nosti) benevolentiam gignit, dissimilitudo vero odium: si non aliquando vitam illorum hypocrisis ceu pallio tectam, ut aliquis Apelles, ad amissum depinxisses, & antisilenos gnathonesque probatissimis argumentis demonstrasses, si traditiones divinas posthabere & inventis humanis literaque interfetrari, & non spiritui adherere non probavisses, amicus & frater charissimus esses. Nam cum veritas male consciis auditu admodum molesta & amara est, nec aliud quam (ut *Comicus Poeta* inquit) odium parit, inde hæc inimicitia & similitudo ceu quibusdam scatebris viventis animi erumpunt. Sed præstat talium fucatam & inefficacem amicitiam longe abjicere & contemnere, quam ei veritate remota turpiter blandiri: certum est enim quod nullius vita sine aliqua reprehensione cuncturrit. Innocuum tamen & absque aculeo stylum tuum esse quis ignorat? cum vitia sola notes, carpas & damnes, personis ubique parcas. Quis tibi igitur pro iis juste succensere poterit, nisi ille qui sibi male conscius de se ista intelligere velit, & hac causa majore laude dignus es, quo animi sanctimoniam & vitæ sinceritatem cum doctrina & sapientia conjunxisti, luce sua aliis lucem afferens, legendoque, scribendo, declarando & instituendo fructus hætenus omnibus producens. Sed nolo de his plura scribere, ne videar eximias virtutes & doctrinam tuam vitamque innocuam oratione mea sterili & jejuna velle comprehendere & clariora reddere, cum hoc aliud nihil esset quam soli lumen & mari aquas addere. Testamentum Novum, quod multorum auctorum præclaris sententiis egregie ac utilissime locupletasti, allatum mihi est cum nonnullis aliis opusculis tuis pridie Idus Maji. Omnes enim libros tuos, quoscunque scripsisti, & Basileæ Joanni Frobenio, viro docto, & in arte chalcographica Dædaleo ingenio prædito, imprimendos dedisti, habeo, mirificeque lectione eorum delector, quibus etiam magna ex parte bibliothecam meam non solum auctam, sed & ornatam reddidi. Prægæ quamvis te nihil negotii habere cognoscam, libenter te tamen cum multis aliis, qui videndi tui magno desiderio tenebantur, & ipse vidiissem, convenissemque: sed cum id nunc partim occupationes tua plurima, partim vero studiorum perpetui & indefessi labores non patiantur, oportebit ut id in tempus aliud magis opportunum & idoneum seponamus, ubi te, cum hic fieri non potuit, alio loco & tempore concedente Domino conveniamus.

Tom. III.

li 2

Quod

An. 1519. *Quod autem patria nostra in alias pergentibus regiones certo comitatu & conductoribus securitatis gratia indiget, mirari id, amice charissime, defines, si ab omni parte arduis & in altum surgentibus montibus vallatam, densissimisque sylvis ac proceris arboribus late circumseptam cognoscas, quales in sylva Hercynia saepe multas videre potuisti: in qua frequentissimi grassatores delitescunt, & aditus viarum obsidentes, saepe multa damna viatoribus minus cautis, maxime vero mercatoribus, inferunt, nonnullos vero non solum rebus, sed & vita, spoliant. Et quamvis fere singulis mensibus ex vicinis urbibus & oppidis infinitos id genus latrones capiant, & vario suppliciorum & mortis genere disperdant, nunquam tamen tam perniciosum & noxium seminarium & extirpari & radicitus evelli potest: sed cum hi damnantur & delentur, protinus alii succedunt: haud secus quam fiebat circa Hydram illam Herculeam, cui adempta capita renascebantur. Scribis mihi postremo non sine certa admiratione, quod attinet ad dissidium illud fidei & religionis, quod a satis longinquo tempore in patria nostra subortum durat: quodque in tanto tempore nullus inveniatur neque ex Ecclesiasticis, neque ex secularibus Principibus, qui illud ad certam aliquam concordiam perduceret: causamque huius non aliam quam pecunia studium arbitraris. Quali ego opinioni tua absque ulla controversia subscribo. Quotus enim nunc quisque invenitur, siue summum Pontificem, siue Cardinales & Episcopos, siue alias Ecclesiasticas personas, siue ipsos Monachos spectes, qui non potius ambitioni & lucris pecuniariis, quam salutis animarum proximorum consulant. Si Salvatoris nostri vitam & doctrinam, qua ipsos cohortatur & admonet, ut bona ista temporaria, caduca, fragilia, & nusquam consistentia contemnerent, religionemque, pietatem, charitatem, misericordiam, & reliquas virtutes amplecterentur, audire & illi obtemperare vellet, certus sum quod nulla esset tam remota & seposita gens vel regio, nulla tam gravis & laboriosa via, ut non eam pro salute proximorum lato & alacri animo susciperent: sicut facere solebat Paulus & ceteri Apostoli, quorum se isti vicarios & successores falso tamen & inani titulo gloriantur. Forsan autem ab re non erit, si tibi & hoc obiter ostendero, cum sit inter nostros tale in fide & religione dissidium, ut cognoscas quot & quam varia sint divisiones & causa ipsius. Nam ne Judaeos & Epicureos, qui animarum immortalitatem negant, similiter & quosdam Nicolaitas commemorem, ex iis enim omnibus non pauci apud nos inveniuntur, totus populus regni huius & Marchionatus Moraviae in tres sectas divisus est. Prima est eorum, qui Romanum Pontificem in omnibus sequuntur & observant, verumque vicarium Christi recognoscunt, quemadmodum faciunt Germani, & cetera nationes eidem cen pastori caula dominica adherentes. Et ex iis est major pars procerum, magnatum, & nobilium. Sunt & nonnulla civitates regia cum monasteriis, olim opulentis, nunc magna ex parte dirutis & despoliatis, variorum ordinum. Alia secta est illorum, qui Eucharistiam sub utraque specie populo dispensant. Cui ex Proceribus pauci, ex nobilitate autem plurimi, civitates vero regia prope triginta adherent. Hi sacramenta Ecclesiastica omnia tenent, similiter ceremonias ac ritus Ecclesia non aliter quam ipsi Romani: in solo autem usu communionis differunt, & quod in sacrificiis sacerdotes illorum Epistolam & Evangelium lingua domestica canunt: & huic utrique consuetudini pertinacissime adherent, asserentes se utrumque literis Concilii Basilicensis (quas vocant passionis) confirmatum & approbatum habere. Ad quod cum aliquando decem magistros Theologos schola Pragensis, iussu Imperatoris Sigismundi, tunc Regis Bohemiae, misissent, & pro articulo illo de communionem sub utraque specie cum Theologis Concilii conflictati essent, ostendissentque communionem talem à Christo esse institutam, & à Paulo Apostolo Corinthiis traditam, ab omnibus deinde priscis doctoribus tam Graecis quam Latinis ad annos circiter mille & ducentos inviolabiliter observatam. Quibus Concilium singulis diligenter perspectis, & rite examinatis, concessit eis praedictum usum &*

A consuetudinem communionis ante memorata: his tamen conditionibus, ut sacerdotes illorum praesentes & futuri Eucharistiam populo communi, ad hoc disposito, sub una, vel sub utraque specie, prout quisque ex fide cuperet, exhiberent, hac prius protestatione utrisque facta, Vos qui sub una specie communicaturi estis, non minus vos accipere credatis quam sub utraque specie: & qui sub utraque specie communicaturi essent, non magis eos accipere quam eos qui sub una specie. In reliquis autem omnibus rebus Ecclesia Romanae ceremonias legitimas observare, & sequi polliciti sunt. Similiter Pontificem Romanum cum successoribus suis pro veris vicariis Christi haberent & recognoscerent, & dictis eorum absque omni repugnatione obtemperarent, cum successoribus suis omnibus: qua se omnia & singula facturos & opere completuros bona fide promiserunt, qua ab ipsis accepta comprobaverunt eis communionem ante memoratam literis Concilii, quas passionis vocant. Sed erant hac ab Eugenio summo Pontifice, qui tunc Romanae praesidebat Ecclesia, literis (quas vocant exsequutoriales) confirmanda & ratificanda, qui huic Concilio imprimis auctoritatem dederat. Postea vero intellectis certis decretis in eodem Concilio contra se, & futuros Pontifices conclusis & determinatis, abolevit & abrogavit omnia in eodem Concilio conclusa & determinata: qua causa neque hac, qua Bohemis in eodem Concilio concessa & approbata fuerunt, literis suis approbare voluit, ne videretur jam dictis decretis Concilii auctoritatem dare. Qua causa neque hoc ab aliis Pontificibus Romanis hactenus obtinere potuerunt, qui cognita in hac parte tam obstinata & immobili Pontificum mente, qui ea, qua Christus instituit, & Ecclesia prisca tenuit, Conciliumque approbavit, confirmare noluerunt, nec eis etiam obedire, nec pro veris Christi vicariis & successoribus Petri habere voluerunt. Et ubi compromiserant majores illorum, quod sacerdotes factionis ipsorum, communicaturi populum sub una vel sub utraque specie, alloquuturi erant populum his verbis, qua ante praefati sumus, jam illa omnia cen falsa abjecerunt: neque aliter ullum ex communi populo, quam sub utraque specie communicare volunt, reprehendentes in hoc vehementer majores suos, qui ad illud Concilium missi fuerant, quod tam stulti & temerarii fuissent, ut tam falsis & iniquis conditionibus à Concilio oblatis assentire voluerint, cum apud doctores veteres Graecos & Latinos apertissime inveniat aliam gratiam dari accipientibus corpus Christi, & aliam sumentibus sanguinem ipsius: & cum ibi donentur differentes gratiae, quomodo hac vera esse possunt, ut percipientes sacramentum illud sub una specie non minus gratiarum accipiant, quam qui sub utraque, neque qui sub utraque sumunt, non plus sumant, quam qui sub una? Hac subdentes, si ista qua commemorata sunt neque ipsi tractatores antiqui sacrarum Literarum docuissent, tamen non erat altera pars sacramenti salutaris populo communi supra institutum Christi ullo modo subtrahenda, cum hoc aliud nihil sit, quam merum sacrilegium: neque plus sapere debuerunt supra illam priscam & sanctam Ecclesiam, qua hoc ad annos prope mille & ducentos inviolabiliter servavit. Et ubi nostri certas causas, & pericula quadam adducunt, propter qua altera pars sacramenti communi populo adempta est, dicunt inde illud inconueniens sequuturum, ut isti sapientiores ipso Christo esse velint, qui nescivit & ignoravit pericula quadam futura circa illam partem sacramenti emersura, qua isti invenerunt & cognoverunt, & istud est supra Christum scire & intelligere. Hac & alia longe plura in tractatibus eorum contra communionem sub una specie conscripta inveniuntur, qua commemorare sicut longum, ita & radiosum esset. Quis igitur tanta dissensionis idoneus apud nos arbiter invenietur? Tertia secta est eorum, quos vocant Pyghardos, hi denominationem à quodam transfuga ejusdem gentis acceperunt, qui huc veniens ante annos nonaginta septem eo tempore quo Joannes Zizka, homo sacrilegus & sceleratus, bellum hic Ecclesiasticis & omni clero indixerat, & bona eorum diripienda invaserat, ei adjunctus infecit imprimis ipsum du-

cem

An. 1519. cem scelerum pestiferis doctrinis, & postea totum exercitum ejus, quem ex latronibus, homicidis, proscriptionibus & reliqua feca perditorum coegerat: qualis seges duravit ad usque tempora Regis Vladislai, qui annis istis proximis vitam cum morte commutavit, maximaque incrementa sub ipso accepit: nam cum gubernacula regni Hungariae suscepisset, plusque ibi quam in Bohemia moratratisset, parum curabat quid hic ageretur, dum modo pace omnes subditi sui fruerentur. Hi de summo Pontifice, Cardinalibus, Episcopis, & ceteris personis ecclesiasticis non aliud sentiunt quam de manifestis antichristis, Pontificem ipsum, nunc bestiam, nunc meretricem illam Apocalypticam appellantes, & cum omnia contra doctrinam & traditionem Christi faciant, quomodo possunt esse alicujus auctoritatis & virtutis in operandis sacris, sed quacunque ab officio eorum prodeunt, neque esse sacra, neque sacramenta, neque benedictiones, sed meras execrationes, abominationes & maledicta. Episcopos & sacerdotes ipsi sibi eligunt laicos rudes, & literarum expertes, uxores & liberos habentes, fratres se & sorores invicem vocant, & salutant: auctoritatem tantum Veteris & Novi Instrumenti ex Scripturis recipiunt. Doctores omnes veteres & neotericos, & libros eorum contemnunt, nec doctrina eorum quicquam tribuunt. Sacerdotes eorum, cum officia missarum celebrant, absque ullis id vestibus sacerdotalibus faciunt, nec ullis circa hac preculis vel orationibus utuntur, praeter solam Dominicam Orationem, qua panem fermentatum consecrant. De sacramentis Ecclesiae, vel parum, vel prope nihil credunt & sentiunt: qui ad haeresim eorum accedunt, coguntur singuli rebaptizari in aqua simplici, nec salem, nec aquam benedicunt, nec de oleo consecrato quicquam tenent: in sacramento Eucharistiae nihil esse divinitatis credunt, sed solum panem & vinum consecratum, signis quibusdam occultis mortem Christi representantem affirmantes: & propterea in idololatriam cadere omnes quotquot coram illo genua flectunt, & incurvant, vel illud adorant: cum in alium finem a Christo sacramentum illud institutum non sit, nisi ad memoriam passionis ipsius recolendam, & non ut hinc & inde circumferatur, aut elevatum a sacerdote videndum ostendatur: quoniam Christus ipse, qui adorandus, & cultu latria honorandus est, sedet ad dextram Dei Patris, sicut in Symbolo fidei Christiana confitetur Ecclesia. Suffragia Sanctorum, & orationes pro mortuis, rem vanam & ridiculam arbitrantur: similiter confessionem auricularem, & poenitentiam pro peccatis a sacerdotibus injunctam. Vigiliis & jejunia, fucum & tectorium esse hypocritarum: festa divae Virginis Mariae, Apostolorum, & reliquorum divorum, inventa esse ociosorum affirmant: dies tamen dominicos, & festum Natalis Dominici, Paschae, & Pentecostes celebrant. Multa esse ut alia illorum portentorum perniciose dogmata commemoranda, si non rationem meliorum & graviorum studiorum tuorum haberem. Si tamen superiores duae factiones ad concordiam reducerentur, posset & ista nefaria secta (quamvis jam plurimum aucta, maxime vero propter vitam sacerdotum nimium dissolutam) opitulante Rege exterminari, vel in meliorem fidei & religionis formam reduci. Sed de his jam diu superque satis. Rogo velis equiori animo ferre hanc meam tam immoderatam loquacitatem, qua erga te non alia causa usus sum, nisi ut factionum nostrarum multiplicum veram & certam rationem acciperes. Litera ista cito ne te contingant prorsus nescio, cum Miniae tela Apollinea passim volitare dicantur. Quae forte Jodocus noster, Rector Academia Erfordienfis, evitare volens, ad quadam sese loca remotiora receperit: nam & litera tua, quas ei ad me mittendas tradideras, ad quatuor menses apud eum retenta fuerunt, non tamen alia causa quam quod fidelem tabellarium, qui huc transiret, non habuit. Cupio te, amice charissime, diu & optime valere, moque, ut cepisti, diligere, & cum opportunum erit nonnihil rescribere, quod & ego me facturum recipio: etiam vale. Ex Arce nostra Koestelecensi 10. Octob. Anno Dominica incarnationis 1519.

EPISTOLA CCCCLXIV.

Erasmus Budaio suo S. D.

An. 1519. LONGOLIUS, homo impense doctus, mihique multis nominibus jucundus, pro literis ad me tuis expostulationem attulit, quod duabus tuis epistolis proximis nihil adhuc responderim. Ex quo conjicio, postremas meas literas tibi non esse redditas, aut tum certe redditas non fuisse. Literas ad Vivetem hodie ab illo accepi, sed nondum legi: nec enim licuit per Longolium. Joannes Coletus, vir optimus, mihique certissimus amicus, Londini periit hydrope. Tu cura, mi Budaee, ut quam rectissime valeas, nosque, ut soles, ames. Lovanio 15. Octob. Anno 1519.

EPISTOLA CCCCLXV.

Erasmus Nicolao Beraldo S. D.

LONGOLIUS ex Anglia reversus tuas mihi reddidit literas. De crabronibus nihil est quod metuas. Epistola illa tua felicissime cessit, Dorpius blandissime respondit. Theologi ultro mecum egerunt de pace, & facta est hac lege, ut sit omnium superiorum amnestia. Dorpius etiam edita oratione testatus est se mutasse sententiam. Proinde de hujus constantia plane confido. Cum ceteris sic convenit, ut tamen observem quid agant. Dabo operam, ne mihi rupti foederis crimen possit impingi, sed excubabo, ne interoscitans opprimar. Scripsi ad te nuper per Augustinum, Medicum Friscum, per quem misi & Dorpii orationem. Saluta Ruzam, Deloium, & Ruellium. Bene vale, doctissime Beralde. Lovanio 15. Octobris, Anno 1519.

EPISTOLA CCCCLXVI.

Erasmus Roterod. Ambrosio Leoni, insigni Medico, S. D.

Quominus expectatae venerunt tuae literae, Ambrosi doctissime, hoc mihi plus voluptatis attulerunt. Sic enim mihi totam illam nostrae consuetudinis memoriam renovarunt, ut eas legens apud Kenotos mihi viderer agere, veteres amicos meos tueri coram & amplecti, Aldum, Baptistam Egnatium, Hieronymum Aleandrum, M. Masurum, te cum primis amicorum omnium suavissimum. Agnosco lepidissimos tuos mores in epistola tua, quae tota jociis ac salibus scatet. O te felicem cui contigerit in pulcherrimis studiis, & in urbe facile omnium magnificentissima, inter patricos & eruditos viros consensescere! cum me meus genius pluribus casibus atque erroribus exercuerit, quam unquam Neptunus Ulysses Homerisum. At ne quid horum tribuas inconstantiae animi, in tanta factorum varietate semper idem ac sui simillimus fuit Erasmus. Nec unquam alius fui, quam sum, sed ita ferebat fabulae ratio, alia subinde erat agenda persona. Et tamen tum demum mihi Pythagoras, ac Proteus objiceret, si nosset omnes fabulae nostrae scenas. Quoties enim post illa me sepelierunt isti, quoties ipse mihi sum superstes? Bonarum literarum hostes me prope singulis annis effeunt, sepeliuntque. Quoties adita mihi Basilea per medios latrones, per medias pestes? Cum quibus monstris mihi luctandum fuit? Qui sudores exantlandi? Diceret Erasmus illum olim vitreum, nunc adamantinum esse factum. Quid faciam? Sic est fatum meum. Tu felicior, cui licuerit in honesto tranquilloque ocio cum philosophia mullare. Nec ullae tempestates inciderunt, quae te a tenore vitae transvortum alio raperent; expectamus avidissime foetus istos non solum Leone dignos, ut tu vocas, verum etiam Ambrosio dignos, ut non minus habeant jucunditatis quam roboris, & Nestorem illum Homerisum, mellita facundia scatentem, nobis referant. Pie tu quidem, quod Nolam patriam tuam illustras, cui

An. 1519. quondam *Maro* noster famam invidebat. Atque utinam prodisset ingens illud Opus adversus *Averroem* impium & τοῖς καλῶς. De problematis rerum naturalium, quod Opus jam olim habebas in manibus, admiror te nihil meminisse, ne de *Gracis* quidem literis, quas jam canescens, & tamen feliciter amplexus es, gravi exemplo, ne posthac quisquam desperet adolescens. Quod mones, ne temere *Abydum*: utinam in tempore monuisses, nunc posteaquam semel me ventis ac fluctibus credidi, horum arbitrio ferar necesse est. Attamen in tantis motibus, quos quotidie novos excitant, in meliora studia conjurati sycophantæ, rationis ac philosophiæ saburra me libro, arteque, quantum licet, cum tempestate pugno. *Turcos* motus nihil est quod formidemus, si modo *Christianos* Principes jungat concordia. Et o pectus vere philosophicum, prædiis ac pecuniis non times, studiis times! ad quorum exitium nihil opus est *Turcis*. Moliuntur isthuc summa vi Monachi quidam ac Theologi. Quotam enim studiorum portionem relinquit, qui præter Sophisticam Theologiam, ac perturbatam legum cognitionem nihil vult sciri, qui linguas explodit, qui semel quicquid est politionis literaturæ damnat? Sed nihil agunt homines impudentissime stolidi. Tota *Gallia*, tota *Germania*, atque ipsa quoque *Britannia*, flagrantibus etiam animis optimas literas amplectitur summo favore Principum, atque etiam præsidio. *Marcus Musurus* Episcopus esse maluit, quam professor, sed huc festinantem *Roma* absorbit: non opinor quenquam apud nos tam impudentem esse, qui velit in isto theatro sui specimen edere, & *Gallus* aut *Germanus* cum *Italis*, imo cum *Musuri* posteris inire certamen, quid nisi sibilos ac risum lucrifactor? Pergratum *Petri Alcyonii* per te novisse nomen, utinam & lucubrationes hominis videre liceret, præsertim quæ vertit ex *Aristotele*. Cupio totum hominem propius nosse, præsertim cum nostra non adspersetur, quod haud faceret, ni foret ingenio longe candidissimo. Lasciam cum alias literis meis, nunc viro meis verbis dices salutem. Est apud *Britannos* vir undique doctissimus *Thomas Linacrus*, tibi jam olim ex *Aldi* nostraque prædicatione cognitus, tuæ professionis, ac ni fallor ætatis. Is idem agit quod tu: multis annis climatas lucubrationes suas vicissim edit in lucem. Prodiit *Galenus* αὐτὸς ὕμνων, tanta fide, tanta luce, tanto *Romani* sermonis nitore redditus, ut nihil usquam desideret lector *Latinus*. Imo nihil non melius reperiatur, quam apud *Græcos* habeatur. Successerunt libri *Theophrastici*, quos scis quales antehac habuerimus. Expectamus proxima foetura libros *Aristotelis* Meteorologicos, non æstimandis sudoribus primum emendatos, deinde felicissime versos. Sunt illi permulta in scriniis, magno usui futura studiosis. His monumentis vir ille consuluit immortalitati sui nominis, his ornat suam *Angliam*, his aulam regiam illustrat, atque ipsum inprimis Principem, cui medicus est primarius. Apud *Gallos* item magnus ille *Guilhelmus Copus* novis subinde libris rem medicam nobis asserit. *Budens* per Jureconsultorum libros obambulans, *Augæ* stabulum repurgat. Gaudent omnes admoneri, soli Theologi nolumus meliora discere. Fac valetudinem tuam, *Ambrosi* doctissime, tueare diligenter, quo & diu prosis optimis studiis, & multis annis senex fene frui possim. Nam ipse præcurrentem te sum assequutus, totus ferme canus. *Aldus* in familiaribus colloquiis non sine voluptate solitus est imitari senis decrepiti balbutiem, qua olim putaret futurum, ut alter alterum consalutarem: *Quomodo vales*, inquit, domine *Erasme*? deinde voce æque balba, sed exiliore, me videlicet agens, respondebat: *Si vales, ego valeo*. Hæc jucunde quidem somniabat, præsertim si sermo accederet de extruenda nova Academia, sed fidem non præstitit. Reliquit nos ante balbam illam ætatem: etiam si me multo grandior erat *Aldus*, annis, ni fallor, plus minus viginti: nam ipse nunc annum quinquagesimum

A secundum, aut ad summum tertium ago. Juvat plura tecum confabulari, optime *Leo*, sed alio me vocant negotia. Tuum nomen semper exstabit in meis Proverbiis, si tamen his ipsis continget exstare. Neque vicissim in tuis lucubrationibus gravaberis *Erasmi* meminisse. Optimum *Baptistam Egnatium* meo nomine salutato diligenter: item *Asulanum* cum sua familia, nominatim *Mannutium*, qui nobis isthic puellus ludebat, cum adesset. Bene vale. *Lovanio* 15. Octobr. Anno 1519.

EPISTOLA CCCCLXVII.

Erasmus Rot. Thoma Lupseto S. D.

B TRIGINTA jam annis nullius mors mihi fuit acerbior, quam *Coleti*: percipio hominis memoriam posteritati consecrare. Sed hoc negotii tu pro tua in illum pietate capeesses, ut me instruas, præsertim si qua sunt, quæ putes mihi non esse cognita. *Longolio* pene totum triduum dedi: placuit omnibus modis, hoc uno dempto, quod nimium *Gallus* est, quum sit nostras. Commigrat isthuc clarissimus adolescens *Antonius à Grimberga*, filius cordatissimi herois à *Bergis*, rara indole, ac probitate, literarum ex animo studiosus, cui nec invisus est *Erasmus*. Valent hic tui *Hermannus Frisius*, ac *Nesennus* cum *Carino*, cæterisque. *Vesculus* nunquam magis fuit in negotio, quam nunc: sed omnia fucate. Mi *Lupsete*, si vis me tibi immortaliter devincire beneficio, cura quavis ratione, ut liber ille ad me perveniat. Exemplar est isthic apud tres aut quatuor, amici agunt ut prematur, & interim hoc me lædunt, quod hic quotidie reddit instructiores suas sycophantias. Nihil enim minus sperandum est, quam ut ille perpetuo premat. Hoc officii si mihi præstiteris, repose vicissim quicquid voles, nihil negabitur. Magnopere gratum feceris, si frequenter ad nos scriperis. Bene vale. *Lovanio* 16. Octobris, Anno 1519.

EPISTOLA CCCCLXVIII.

Erasmus Roterod. Richardo Paceo, Decano apud divum Paulum Londini, S. D.

D VIDEOR mihi dimidiatus vivere, *Coletio* mortuo, quem virum *Britannia*, quem amicum ego perdidici? Tibi gratulor, qui in ejus fortunam successeris. Aveo scire si quid allatum de libris tuis novi. Cardinalem *Campegium* vidi *Brugis*, nam me miro studio accersiverat. Nihil unquam vidi humanius aut sincerius. Rex minabatur responsurum, & item Card. *Eboracensis*, neque quicquam adhuc audio. Facito me certior, si quid est quod mea referat scire. Commigrat in aulam vestram suavissimæ indolis juvenis *Antonius à Grimberga*, Principis *Bergani* filius, nec illiteratus, & ex animo literarum ac litteratorum amans. Non cupio ut ames adolescentem, tantum nosse velis rogo: cognitum amabis, velis nolis, ea est morum & ingenii probitas. Pater, ut scis, apud nos valet suo merito plurimum. E re mea fuerit, si is intelligat, mihi isthic cum filio suo amicos esse communes, & tales amicos, quorum convictu talis evadat juvenis, qualem impensissime cupit senex cordatissimus atque optimus. Nos hæcenus vix tutati sumus valetudinem, cælo tam incommodo. Hibernis his mensibus reliquas Paraphrases absolvemus adjutore *Christo*. Literas tuas jam pridem misere exspecto. Bene vale. *Lovanio* 16. Octobris, Anno 1519.

EPISTOLA CCCCLXIX.

Erasmus Rot. Guilielmo Montjoio S. D.

E XIMIE *Mecenas*, vix mihi tempero quin invideam *Eulæ* vestræ, tot eruditis differtæ, cum nostra præter *Midas* fere nihil habeat, etiam si res ipsa cogit nostros Satrapas literarum habere rationem. Clarissimus Princeps *Berganus*, ex multis cognita sinceritate vestræ

An. 1519. stræ aulæ ac Regis Reginæque dotibus, non alio ma-
luit emandare filium suum *Antonium* dominum *Grim-
berge*, juvenem indole felicissima, ac moribus plane
suo genere dignis: cum primis autem literarum ex a-
nimo studiosum, &, quod tecum habet commune,
faventem *Erasmo*. Hunc quid ego tibi commendem?
quum & illum norim iis rebus præditum, quas tu non
potes non amare. Ducit secum præceptorem suum *A-
drianum Barlandum*, virum haud vulgariter eruditum.
Quod non respondes meis literis, nihil aliud in causa
suspicio, quam solitam tuam hac in re pigritiam. Mors
Coleti tam acerba mihi fuit, ut nullius his annis vigin-
ti fuerit acerbior. Sed quis usus querelarum, aut fle-
tus? ille ad nos redibit nunquam, nos illum sequemur.
Cum Theologis facta pax, quam illi ultro expetierunt:
quam sic admisi, ut nec meo vitio sim violaturus, nec
illis tamen unquam fisurus. Nunquam audita fuit ejus-
modi conspiratio, ex unius hominis bili nata: cujus
etiam opera facta est, quum videret & se imparem
Tragœdiæ, & me recti conscientia fretum non cedere,
imo tandem etiam dentes aliquot nudare; sæviturum
si porro perrexissent. Nos sat prospera valetudine su-
mus, nisi quod ætas semper aliquid decerpit hujus
corpusculi nervis, sed non recusarim immori literis,
Christi gloriam illustrantibus. Si tu solitum in nos ani-
mum non mutasti, fac tuis literis aliquoties *Erasmum*
appelles tuum, ubi ubi terrarum est. Bene vale. *Lo-
vanio* 16. Octob. Anno 1519.

EPISTOLA CCCCLXX.

*Erasmus Rot. integerrimo D. Guilielmo Dan-
castro* S. D.

O nos miseros, qui talem præceptorem, talem pa-
tronum, talem amiserimus amicum? Ploratur
lachrymis amissa pecunia veris, hanc ego jacturam om-
ni lachrymarum genere deplorandam censeo. Sed
quid conferunt singultus? quid ejulatus? ille revocari
non potest, nos illum brevi sequemur. Interim *Coletio*
gratulandum, qui jam securus suo fruitur *Christo*, quem
semper habebat in ore, semper in pectore. Mandabo
literis vitam hominis, si tu tuique similes, quædam
me docueritis, mihi fortassis incognita. Quod ut fa-
cias etiam atque etiam rogo. *Gerardum* oconomum
meis verbis salutato diligenter, erga quem adhuc in-
gratus esse cogor, sic obruor undique. Cum Theolo-
gis ictum fœdus, ipsi ultro flagitarunt, posteaquam
nihil ab illis non tentatum est in meam perniciem, &
vident conatus parum succedere: Si *Christus* pro nobis,
quis contra nos? Bene vale, mi charissime *Guilielme*,
meque *Christo* Opt. Max. tuis precibus commendato.
Lovanio 16. Octob. Anno 1519.

EPISTOLA CCCCLXXI.

Erasmus Rot. Cuthberto Tonstallo S. D.

Cum catalalis ictum fœdus, ipsis id diu flagitanti-
bus: nunquam neque lecta neque audita fuit ejus-
modi conspiratio. Solus (ut ferunt) *Noxus* ille fuit,
qui & olim instigavit *Dorpium*, & hanc totam Tra-
gœdiam excitavit: id pridem suspitione collectum,
jam plane comperi: idem sarciendæ pacis fuit auctor,
ubi sensit & me minari, ni desinerent, & alios ad bel-
lum accinctos, & suam valetudinem ob tumultum pe-
richitari, & in suum caput recidere, quod in meum
moliebatur. Scio tibi non placere meas apologias, sed
tempori fuit serviendum, imo laudares meam lenita-
tem, si negotii nosset atrocitatem. Neque me clam
est vobis auctoribus fieri, ut *Leus* premat suum librum,
nec aliud tamen interim mihi præstatis, nisi ut ille O-
pus edat instructus, ac me fortassis aut mortuo, aut
procul absente. Nihil enim minus sperandum est, quam
ut ille perpetuo premat, quod quotidie retexit, imo
nunquam magis fuit in hoc negotio, quam nunc est.
Mihi tamen non est animus cum vestra pugnare sen-

A tentia. *Dorpius* etiam libello edito testatus est animum
mutasse sese, ac cæteris in rebus talem se præbet, ut
fatis fidam. Cum cæteris initum fœdus, à me quidem
non violabitur, & arma deposui: cæterum excubias
non intermittam. Hac hyeme Paraphrases absolvam,
si *Christus* adfuerit. *Coleti* mortem inconsolabiliter de-
plorarem, nisi scirem nec illi, nec mihi profuturas
lachrymas. Commigrat aulæ vestræ *Antonius à Grim-
berga*, filius primarii viri Principis à *Bergis*, juvenis
natus virtuti, literarum ac literatorum amantissimus,
indole mansuetissima pudorisque plena: huic non gra-
vaberis declarare, quantum faveas probitati. *Longolius*
hic mihi totum biduum absumpsit. Cardinalem *Cam-
pegium* vidi *Brugis*, cœnavi cum eo, mira hominis
humanitas. Placere mores aperti minimeque fucati.
Si fieri possit, cuperem mihi fieri copiam eorum, quæ
notavit *Leus*, nam adornant rursus tertiam editionem,
ab ipso nihil potest extorqueri. De *Roffensis* animo ni-
hil equidem addubito, sed tamen hoc sycophanta ni-
hil nec dolosius, nec improbius. Si quid me jubebis
facere, promptissimum ad omnia reperies. Bene vale.
Lovanio 16. Octob. Anno 1519.

EPISTOLA CCCCLXXII.

Erasmus Rot. Thoma Card. Eboracensi S. D.

QUOD proximas literas meas tua sublimitas non so-
lum boni consuluit, verum etiam alacri lætæque
fronte perlegit, (nam id mihi *Brugis* narravit Cardina-
lis *Campegius*) gratiam habeo maximam: quod nondum
respondit, negotiorum undis imputo. Mihi tamen ma-
ximi muneris instar fuerint celsitudinis tuæ literæ, si
promerear. Ut autem eam rursus interpellarem in cau-
sa fuit hic *Antonius Grimbergius*, clarissimi cordatissi-
mique Principis *Bergani* filius, qui in regiam *Britanni-
cam* commigrat, videlicet hoc agente patre, ut di-
gnus evadat suo genere. Est autem adolescens ingenui
pudoris plenus, nec illiteratus, & literarum ac litera-
torum amantissimus: in summa, ea indole, ut sum-
mam de se spem præbeat, si naturæ felici par accesserit
institutio. Hunc pater ob hoc etiam tenerius dea-
mat, quod omnium liberorum minimus, veluti poste-
ritatis sacra sit ancora. Scit vir prudentissimus quanto-
pere referat, inter quos ætas ea versetur, sic in bivio
virtutum ac vitiorum consistens, ut levi momento huc
aut illuc impelli possit. Persuasum habet, non aliam
aulam esse incorruptiorem, quæ præter Regem hujus
ætatis facile integerrimum, ac Reginam omnis probi-
tatis exemplar, tot habeat viros doctrina præcellentes,
morum innocentia commendatos, gravitate veneran-
dos, prudentia consilioque suspiciendos. Nec ignorat
quibus illecebris aulæ nostræ ad perniciem lubricæ æ-
tatis sint instructæ. Proinde cordatissimus senex istam
aulam ceu scholam unicam delegit, quæ juvenem non
literas solum, verum etiam mores, bono Principe di-
gnos, doceat. Neque enim dubium est, quin juvenis
hic magnis rebus natus, ad longe majora sit evenien-
dus, si vixerit. Nihil addubito, quin ille sit vobis sum-
morum Principum literis diligenter commendatus, ut
plane supervacaneum sit, meam accedere commenda-
tionem. Tamen quando id verecunde significavit ve-
rius quam petiit, visum est celsitudini tuæ paucis illius
imaginem adumbrare. Quanquam eum nemo commen-
daverit efficacius, quam ipsius mores & ingenium cum
primis amabile iis, qui probitatem diligunt cum eru-
ditione conjunctam, quorum tu citra controversiam
antistes es, ac Princeps: quem precor, ut propitius
Deus rebus humanis quam diutissime servet incolumem.
Lovanio 17. Octobris, Anno 1519.

EPISTOLA CCCCLXXIII.

Erasmus Rot. Joanni Draconi, ex urbe Karoli, suo, S.

VT ad epistolam tuam paucis respondeam, huma-
nissime *Draco*, primum, post longam apud *Basileam*

An. 1519. *leam* ægrotationem, denuo periculossime relapso, deinde negotiis ingentibus occupatori quam quisquam credat, *Eobannus* noster voluptatis attulit plurimum, tum lucri non parum, qui ipse vir & admiratione dignus, & amore, te novum amicum mihi conciliavit, licet hac certe parte satis opulentum: & vel unus *Helius* queat *Germaniam* nostram à barbariæ calumnia vindicare. Deum immortalem! quam felix felicitas, quam facilis facilitas in carmine! dicerem in hoc renatum *Ovidium*. Neque sui dissimilis est in oratione soluta. Nam in utroque specimen sui præbuit, idque ex tempore. Tum autem qui morum candor? quæ comitas? quæ facilitas? quam nusquam est affinis iis vitiis, quibus vulgo sunt obnoxii, præsertim apud *Italos*, qui *Poeticen* deamant? quam pia Musa castaque *Christiana* celebrat *Heroidas*? Felicem ter quaterque *Germaniam*, si plures huic simillimi vates exorirentur: & exoriuntur jam aliquot. Sed longe plures exorturos video, si Principes ac primates ingeniis honorem habere cœperint; tametsi jam hoc facit inclutus ille *Saxonia* Dux *Fredericus*, Archiepiscopus *Moguntinensis*, vel citra Cardinalitium galerum maximus ac clarissimus. Unum hoc me male habet, quod *Hessus* noster tantum itineris exantlarit frustra. Quid enim fructus erat? aut quod operæ precium vel totum *Erasmum* vidisse? Meliorem mei partem, si quid in me boni est, jam in lucubrationibus meis conspexerat. Porro, quod superest, quæso, quid habet visendum? Gratum fuit tuum munusculum, animi in me tui symbolum. Bene vale. *Lovanio* 17. Octobris, Anno 1519.

EPISTOLA CCCCLXXIV.

Erasmus Rot. Joanni Episcopo Roffensi S. D.

EXIMIE Præsul, perscripturus eram, ut tua jussu erat reverentia, quæ adnotaram tribus libellis, quibus *Fabri* refellis opinionem. Verum, id serum arbitratus sum, edito posteriori libro, quem sane nondum legi, lecturus tamen propediem. Miseret me *Fabri*: viri nimirum optimi, qui *Lucretia* non mediocri gravatur invidia, præsertim *Dominicanorum*, potissimum ob hoc quod dictus sit favere *Capioni*. Optarim ut tua reverentia contenta sit hac victoria, quam eruditorem suffragiis adeptus diceris, Opus emittitur cupide. Quare posthac quidquid voles committere lubens recipiet excudendum typographus: nam initio mire difficilem sese præbuit, adeo ut vix hominem quiverim perpellere. Cum Theologis facta concordia, ipsis ultro flagitantibus, quod utinam illis prius venisset in mentem, & non lædere maluissent, quam reconciliari. Nunc *Dodonæi* lebetes semel moti, diu tinniunt, præsertim autem Monachorum quorundam mira virulentia, & ad insaniam usque impudens, calumniandi libido. *Jacobus Hoochstratus* agit *Lovanii*, profugus *Colonia* ob pestem: ut alii suspicantur, extrusus à Monachis invidiam ab illo ortam depellentibus. Nihil adhuc molitur, quid in posterum facturus, nescio. De *Leo* pudet queri, precor ut *Christus* illi mentem inserat digniorem & sacerdote, & Theologo. Nunquam magis fuit in negotio, quam nunc est, nec interim quicquam ab illo potest exculpi. *Frobenius* minatur se rursus excusurum typis Novum Testamentum, quare te obtestor, & per tuum sacrorum studiorum amorem, & per tuam pietatem Episcopo dignam, & per nostram amicitiam, & per si quid omnino apud te valet *Erasmus*, ut si totius libri copiam facere non vis, quod tamen summo pere volebam, saltem annotes ea, quæ judicaris alicujus esse momenti, hinc (mihi crede) nulla nascetur trægœdia. Quod si tuæ occupationes obstant, quo minus hoc officium mihi queas præstare, saltem *Moro* detur hæc provincia, vel adjurato, si videtur. Illud certissimum est, *Leum* suas nœnias non perpetuo pressurum. Hoc agit, ut Opus edat instructius, & tamen interim jactat passim se id dare amicorum voluntati, meoque honori, quod premit. Quod si me vita functo librum e-

A vulgari, utriusque deterior erit conditio. Nam neque me docebit aut corriget, & longe odiosius illi respondetur, quam si ipse respondeam. Hac igitur in re, te quæso, fac experiar animum illum in me tuum, quem semper præ te tulisti. Hæc scripsi mœrens ob *Coletii* decessum, qui mihi tam acerbus est, ut his triginta annis nullius hominis mors me discruciarit gravius. Scio bene actum cum illo, qui exemptus ab hoc scelerato pariter atque ærumnoso sæculo cominus fruitur suo *Christo*, quem vivus sic deamabat. At ego publico nomine non possum non deplorare tam rarum *Christiana* pietatis exemplar, tam singularem *Christiana* doctrinæ præconem: privatim autem meo nomine tam constantem amicum, tamque incomparabilem patronum. Quod unum superest, hoc illi parentalium vice persolvam officii: si quid mea scripta valebunt, non sinam ejus viri memoriam apud posteros intermori. Dux *Saxonia* *Fredericus* bis ad me scripsit, eidem meæ respondens epistolæ: hujus unius præsidio substitit *Lutherus*. Id ait se causæ dedisse verius quam personæ. Addit, non commissurum sese, ut in sua ditione opprimatur innocentia, eorum malitia qui sua quærunt, non quæ *Jesu Christi*. Ab omnibus delatum imperium ingenti animo recusavit, idque pridie quam *Carolus* eligeretur, cui nunquam contigisset imperii titulus, nisi *Fredericus* deprecatus esset, clarior honore contempto, quam fuisset adepto. Mox rogatus, quem igitur censeret eligendum, negavit sibi quenquam alium videri tanti nominis oneri sustinendo parem, quam *Carolus*. Ob hunc insignem animum à nostris oblata triginta floren. millia constantissime rejecit. Quumque urgeretur ut saltem decem millia pateretur dari famulis: Accipiant (inquit) si velint, attamen nemo manebit postredie apud me, qui vel aureum acceperit: ac postredie consensu equis subduxit sese, ne pergerent esse molesti. Hoc mihi ut compertissimum retulit Episcopus *Leodiensis*, qui Comitibus imperialibus interfuit. Dux *Wirtembergensis* nuper profligatus bellum redintegrat, receptis aliquot oppidulis. Nos *Carolus* nostrum proximo vere reducem operimur ex *Hispaniis*. Bene vale, reverendissime Præsul, & *Erasmus* hoc etiam magis amplectere, quod *Coletus* avulsus dimidiatum reliquit. *Lovanio* 17. Octobris, Anno 1519.

EPISTOLA CCCCLXXV.

Erasmus Henrico Guilfordo, rei equestris regio præfecto, S.

VIDES, ornatissime *Guilforde*, virtute nihil amabilius, quæ sic omnium animos ad se pellicit, ut nulla incantatio possit efficacius. Siquidem fragrantia honestissimæ famæ, quæ nusquam non divulgat aulam *Britannicam*, præter Regem, omnibus absoluti Principis dotibus egregie cumulatum, & huic simillimam Reginam, tot insuper integris, eruditis, gravibus, cordatisque viris abundare, Principem *Bergensem*, virum in primis prudentem, hoc est, à tergo pariter atque à fronte oculatum, excitavit, ut *Antonium* natu minimum ex liberis, quem natura videtur genuisse virtuti, non alteri scholæ tradendum judicaret: unde rediret, non solum incorruptus ab his vitiis, quibus fere sunt obnoxiiæ magnatum aulæ, verum etiam iis virtutibus instructus, quæ tam claris stemmatis, tantisque negotiorum molibus, ad quas haud dubie vocabitur, dignæ sint. Nihil agam si tibi juvenem commendem. Ea est indoles, ea morum suavitas, is pudor ac probitas, ut optimum quenque protinus in sui amorem rapturus sit. Atque hic quoque sentio mihi *Rhamnusiæ* infensam. Ante complures annos & Regis benignitas, & Cardinalis *Eboracensis* humanitas, me ad aulæ consortium non semel invitavit, eodem provocavit *Guilielmi Montjoii* fidele semper & amicum consilium. Sed mihi læva mens erat, surdo canebatur fabula. Sciebam haud ullam usquam aulam ista esse incorruptiorem, at quis divinare poterat Principis

An. 1519. pis domum tale Musarum domicilium futurum? Nunc id consilium sequar oportet, quod dant ætas ac valetudo. Vobis interim gratulabor istam felicitatem, quando meam infelicitatem deplorare, nihil attulerit fructus. Bene vale, vir ornatissime. *Lovanio* 18. Octob. An. 1519.

EPISTOLA CCCCLXXVI.

Erasmus Rot. Eobano Hesso suo S. D.

JAM arbitrabor mihi probe cognitam *Germaniam*, & quicquid esset insignium ingeniorum peruestigatum. Adamabam ingenium *Beati Rhenani*: exosculabar indolem *Philippi Melanchthonis*: suspiciebam *Capnionis* majestatem: capiebar *Hutteni* delicias. Et ecce derepente *Hessus*, quod antehac in singulis vel amabam, vel mirabar, unus universum exhibuit. Quid enim aliud *Heroides* tuæ quam *Christianum Ovidium* referunt? Cui vel in oratione soluta contingit ea facilitas, quæ tibi in omni carminis genere? Eloquentiam æquat eruditio; & utrumque decorat *Christiana* pietas. Jam in oratione prosa talis es, ut alienus à carmine videri possis. O venam ingenii vere auream! nec à stylo mores abhorrent, quibus nihil candidius, nihil simplicius, nihil potest esse purius. Rara avis, eximia doctrina sine supercilio. Quid superest optandum, mi doctissime *Hesse*, nisi ut egregiis tuis dotibus, quas partim tuis vigiliis, partim cælo debes, *Fortuna* respondeat? Id fiet, si *Germania* Principes ingeniiis honorem habere cœperint; & bellicæ gloriæ hanc quoque meliorem laudis portionem adjunxerint. Tu mihi terra marique visendus eras, & ultro tam immenso, tamque periculoso itinere *Erasmus* petit *Eobanus*, homuncionem visurus fama maligna, sed tamen hac ipsa minorem. Mihi tam insigne lucrum gratulor, qui cum *Hesso* meo tot egregios amicos lucrifecerim, tuam vicem doleo, qui tam levi fructu tantum laboris susceperis. Bene vale, *Germania* nostræ vel præcipuum decus. *Lovanio* 19. Octobris, Anno 1519.

EPISTOLA CCCCLXXVII.

Alberto Archiepiscopo & Principi Moguntino Cardinali Erasmus Roterodamus

SALVTEM plurimam. Suspiciende Præsul, & idem Sillustissime Princeps, redditum est mihi celsitudinis tuæ munus, materia juxta atque opere visendum & insigne, dignum quidem, quod à tali Principe mitteretur, sed haud scio, an dignus *Erasmus* ad quem mitteretur, quem magis convenit vitreis, aut *Samiis*, quam auro celatis poculis bibere. Quod si calix vitreus missus fuisset, tamen mihi inter ea, quæ maxime sunt in deliciis, reponeretur; vel ob id ipsum, quod ab heroe longe optimo profectus fuisset. Commendavit autem mihi non mediocriter munus per se gratissimum *Huttenus* noster, qui docuit appellari poculum amoris, ceu *Gratiis* sacrum, ob id opinor, quod quum velut osculo sibi committuntur, è duobus fiat unum: addit eam inesse vim, ut qui ex hoc biberint, tenacissima quadam benevolentia conglutinentur. Hujus rei periculum facere volens, *Guilhelmo* Cardinali *Croio*, cum hisce diebus inviseret bibliothecam meam, è tuo poculo præbibi, & ille mihi vicissim. Juvenis est longe felicissimus, & cujus indoles non videatur indigna tanta felicitate. Sed doleo serius fuisse redditum. Nuper enim *Theologi Lovanienses* mecum redierunt in gratiam, hac lege, ut illi compescerent obretractrices linguas, quas excitassent, ego pergerem cohibere calamos meorum, quantum esset in me. In eo convivio (nam hic nihil sacrum absque computatione) produxissim tuum poculum si mihi fuisset, ex quo si bibissent singuli, fortasse felicioribus auspiciis coisset nostra concordia; nunc ex epistola, nescio qua, parum bene intellecta, & pejor interpretata, male facta gratia sic dissiliit, ut post brevem tranquillitatem færior etiam tempestas coorta videretur. Nec dubito, quin hæc omnia gerantur artificio *Satana*, cui nihil in-

A visus est, quam *Christianorum* inter ipsos concordia: An. eoque modis omnibus conatur, & vitæ, & studiorum tranquillitatem aliquo pacto turbare, idque facit pietatis prætextu, quo magis etiam noceat. Qua de re, si celsitudini tuæ per negotiorum undas vacaret, sunt quæ mea refert illam scire, ac fortassis ipsius quoque, certe bonarum literarum interest, quibus æquum est, optimos quosque adversus pessimos favere. Primum illud præfandum est, mihi neque cum *Reuchlini* negotio, neque cum *Lutheri* causa quicquam unquam fuisse. *Cabala*, & *Thalmud* quicquid hoc est, meo animo nunquam arrisit. Conflictationes illæ virulentæ inter *Reuchlinum* & hos, qui *Jacobo Hoochstrato* favebant, mihi majorem in modum displicuerunt. *Luthe-* B *rus* mihi tam ignotus est, quam qui ignotissimus, cujus libros nondum vacavit legere, nisi quod carptim degustavi quædam. Si bene scripsit, nihil mihi debetur laudis: sin secus, nihil est, quod mihi imputetur. Illud video, ut quisque vir est optimus, ita illius scriptis minime offendi: non quod probent omnia, opinor, sed quod hoc animo illum legant, quo nos legimus *Cyprianum* ac *Hieronymum*, imo etiam *Petrum Lombardum*, nimirum ad multa conniventes. Libros *Lutheri* editos dolebam, & cum cœpissent primum ostendi libelli nescio qui, pro viribus obstabam, ne ederentur, præcipue, quod vererer, ne quid tumultus ex his oriretur. Scripserat ad me *Lutherus* epistolam bene *Christianam*, mea quidem sententia, & respondi, obiter admonens hominem, ne quid seditiose, ne quid procacius in *Romanum* Pontificem, ne quid arrogantius aut iracundius scriberet, sed doctrinam Euangelicam animo sincero cum omni mansuetudine prædicaret. Id feci civiliter, quo magis proficerem. Addidi, hic esse qui illi faverent, quo magis ad horum judicium sese accommodaret: hæc quidam stultissime sic interpretati sunt, quasi *Luthero* faverem: cum istorum nullus hominem adhuc monuerit, ipse solus admonui. Ego *Lutheri*, nec accusator sum, nec patronus, nec judex: de spiritu hominis non ausum judicare, est enim difficillimum, præsertim in partem pejorem. Et tamen si illi faverem ut viro bono, quod fatentur & hostes: si ut reo, quod juratis etiam Judicibus permittunt leges: si ut oppresso, quod dicat humanitas, & obruto ab his, qui simulato prætextu, devotis animis tendunt adversus bonas literas, quæ tandem esset invidia? modo ne me causæ admiscerem. Postremo, *Christianum* est, opinor, sic favere *Luthero*, ut si innocens est, nolim eum improborum factionibus opprimi: sin errat, velim sanari, non perdi: hoc enim magis congruit cum exemplo *Christi*, qui juxta Prophetæ testimonium, *linum fumigans non exstinxit, neque baculum confractum comminuit*. Optarim pectus illud, quod videtur habere præclaras quasdam scintillas Euangelicæ doctrinæ, non opprimi, sed correctum revocari ad prædicationem gloriæ *Christi*. Nunc *Theologi* quidam, quos ego novi, nec admonent, nec docent *Lutherum*, tantum insanis clamoribus apud populum traducunt hominem, & virulentissimis obretractationibus lacerant, nihil habentes in ore præter hæreses, hæreticos, hæresiarchas, schismata, & antichristos. Negari non potest hic clamatum fuisse apud populum odiosissime, ab his, qui libros *Lutheri* nondum viderant. Compertum est, quosdam nominatim damnasse quæ non intellexerant. Quorum illud est unum: *Lutherus scripserat, nos non teneri ad confitendum peccata capitalia, nisi manifesta, sentiens manifesta, qua nobis consentientibus essent nota*. Id quidam sic interpretans, quasi manifesta essent, quæ palam essent admitta, vociferatus est miris modis, in re non intellecta. Compertum est ab his damnata ut hæretica in libris *Lutheri*, quæ in *Bernardi*, *Augustini*que libris, ut orthodoxa, imo ut pia leguntur: admonui eos initio, ut ab hujusmodi clamoribus temperarent, sed scriptis potius ac disputationibus rem agerent. Primum, non esse publice damnandum, quod non esset

Tom. III.

Kk

lc

An. lectum, imo, quod non expensum, non enim dicam
 1519. non intellectum. Deinde, Theologis indecorum esse, quicquam per tumultum agere, quorum iudicium oporteret esse gravissimum: postremo, non facile debacchandum in eum, cuius vita probaretur ab omnibus. Denique, fortassis non esse tutum attingere talia apud promiscuam multitudinem, in qua sunt multi, quibus valde displicet secretorum peccatorum confessio. Hi si audiant esse Theologos, qui negant oportere confiteri omnia crimina, facile arripient, unde concipiant perversam opinionem. Cum hoc idem videretur cordatissimo cuique quod mihi videbatur, tamen ex hac amica admonitione conceperunt suspensionem, libros *Lutheri* magna ex parte meos esse, & *Lovanii* natos, cum in his nec apiculus ullus sit meus, aut me conscio, aut volente editus: & tamen hac falsissima suspitione freti, citra ullam expostulationem, excitarunt hic multas Tragœdias, quibus adhuc in vita nihil vidi furiosius. Ad hæc, cum Theologorum sit proprium docere, nunc video multos nihil aliud agere, nisi ut cogant, ut perdant, ut extinguant, cum *Augustinus*, ne adversus *Donatistas* quidem, non hæreticos modo, verum etiam sævissimos latrones, probet eos, qui cogant tantum, non etiam doceant. Homines, quos maxime decebat mansuetudo, nihil aliud sitire videntur, quam humanum sanguinem, tantum in hoc inhiant ut capiatur, ut perdat *Lutherus*. Atqui, hoc est carnificem agere, non Theologum. Si se magnos Theologos volunt ostendere, convertant *Judaos*, convertant ad *Christum* à *Christo* alienos, emendent publicos *Christianorum* mores, quibus nihil est corruptius, ne apud *Turcas* quidem. Quo pacto æquum est, ut rapiatur ad poenam, qui primum proposuit disputanda, de quibus in omnibus Theologorum scholis semper est disputatum; cur affligi debet, qui cupit doceri, qui se submittit iudicio *Rom.* Sedis, qui se committit iudicio scholarum, quas Universitates appellant. Quod si se non credit manibus quorundam, qui illum mallent extinctum, quam probum, mirum videri non debet. Spectandi in primis sunt hujus mali fontes. Mundus oneratus est constitutionibus humanis, oneratus est opinionibus & dogmatibus scholasticis, tyrannide Fratrum Mendicantium, qui cum sint satellites Sedis *Rom.* tamen eo potentiae ac multitudinis evadunt, ut ipsi *Rom.* Pont. atque ipsis adeo Regibus sint formidabiles. His cum pro ipsis facit Pontifex, plusquam Deus est: in his quæ faciunt adversus eorum commodum, non plus valet quam somnium. Non damno omnes, sed plurimi sunt hujus generis, qui ob quæstum ac tyrannidem, data opera illaqueant conscientias hominum. Ac perfricta fronte, jam coeperant, omisso *Christo*, nihil prædicare, nisi sua nova, & subinde impudentiora dogmata. De Indulgentiis sic loquebantur, ut nec idiotæ ferre possent. His & ejusmodi multis rebus paulatim evanescere vigor Evangelicæ doctrinæ: & futurum erat ut rebus semper in deterius prolabantibus, tandem prorsus exstingeretur illa scintilla *Christiana* pietatis, unde redaccendi poterat extincta charitas: ad ceremonias plusquam *Judaicas* summa religionis vergebat. Hæc suspirant ac deplorant boni viri, hæc ipsi etiam Theologi, non Monachi, & Monachi quidam in privatis colloquiis fatentur. Hæc, opinor, moverunt animum *Lutheri*, ut primum auderet se quorundam intolerabili impudentiæ opponere. Quid enim aliud suspicer de eo, qui nec honores ambit, nec pecuniam cupit. De articulis, quos objiciunt *Luthero*, in præsentia non disputo, tantum de modo & occasione disputo. Ausus est *Lutherus* de Indulgentiis dubitare, sed de quibus alii prius nimis impudenter asseveraverant. Ausus est immoderatus loqui de potestate *Rom.* Pontificis, sed de qua isti nimis immoderate prius scripserant, quorum præcipui sunt tres Prædicatores, *Alvarus*, *Sylvester*, & Cardinalis sancti *Sixti*. Ausus est *Thoma* decreta contemnere, sed quæ *Dominicani* pene præferunt Evangeliiis. Ausus est in materia Confessionis scrupulos aliquos discutere, sed in qua Mo-

A nachii sine fine illaqueant hominum conscientias. Ausus An. est ex parte negligere scholastica decreta, sed quibus ipsi nimium tribuant, & in quibus ipsi nihilo minus inter se dissentiant; postremo, quæ subinde mutant, pro veteribus rescissis inducentes nova. Discutiabat hoc pias mentes, cum audirent in scholis fere nullum sermonem de doctrina Evangelica, sacros illos ab Ecclesia jam olim probatos auctores haberi pro antiquatis: imo in sacris concionibus minimum audiri De *Christo*; De potestate Pontificis, De opinionibus recentium fere omnia. Totam orationem, jam palam quæstum, adulationem, ambitionem, ac fucum præ se ferre. His imputandum opinor, etiam si qua intemperantius scripsit *Lutherus*. Quisquis favet Evangelicæ doctrinæ, is favet *Rom.* Pontifici, qui hujus primus est præco, cum cæteri Episcopi sint ejusdem præcones. Omnes Episcopi *Christi* vicem gerunt, sed inter hos præcellit *Rom.* Pontifex. De eo sic sentiendum est, quod nulli rei magis faveat quam gloriæ *Christi*, cujus se ministrum gloriatur. De hoc pessime merentur, qui per adulationem illi tribuunt, quod ne ipse quidem agnoscit, nec expedit gregi *Christiano*. Et tamen nonnulli, qui movent has Tragœdias, non faciunt studio Pontificis, sed hujus potestate ad suum quæstum, suamque tyrannidem abutuntur. Habemus, ut arbitror, Pontificem pium, sed in tantis rerum fluctibus plurima sunt, quæ ille ignorat: quædam, etiam si velit, non potest obtinere, sed (ut inquit *Maro*)

Fertur equis auriga, nec audit currus habenas.

Hujus igitur pietatem adjuvat, qui exhortatur ad ea, quæ maxime *Christo* digna sunt. Obscurum non est, esse qui sanctitatem illius incitent adversus *Lutherum*, imo adversus omnes, qui audent adversus ipsorum dogmata mutire. Sed maximis Principibus magis spectandum, quid velit perpetua voluntas Pontificis, quam obsequium improbitate extortum. Jam quales sunt auctores hujus tumultus, possem verissime demonstrare, nisi metuerem, ne dum veridicus esse pergo, videar maledicus. Multos novi familiariter, multi quales sint, editis libris ipsi declararunt, nec in ullo speculo magis relucet imago mentis & vitæ. Atque utinam isti, qui sumunt sibi censoriam virgulam, qua quos velint ejiciant de senatu *Christianorum*, penitus imbibissent doctrinam & affectum *Christi*. Ea non contingit, nisi animis ab omni cupiditatum hujus mundi sorde defecatis. An isti tales sint, id mox experietur, qui cum illis agat de re, quæ ad quæstum, aut gloriam, aut vindictam eorum pertinet. Utinam possim insinuare animo celsitudinis tuæ, quæ super his rebus, & perspecta habeo, & comperta: nam me decet meminisse modestiæ *Christiane*. Hæc eo liberius dico, quod modis omnibus sum à *Reuchlini*, *Lutherique* causa alienissimus. Nec enim ipse velim ejusmodi scribere, nec eam doctrinam mihi arrego, ut ab aliis scripta velim tueri: sed mihi non tempero, quin illud mysterium aperiā, istos longe alio tendere, quam præ se ferant. Jam pridem male habet istos efflorescere bonas literas, efflorescere linguas, reviviscere veteres auctores, quos antehac exedebant tineæ, pulvere opertos, mundum ad fontes ipsos revocari. Timent suis lacunis, nolunt videri quicquam nescire, metuunt, ne quid ipsorum majestati decedat. Hoc ulcus cum diu presserint, nuper tamen erupit, dolore vincente dissimulationem. Antequam exirent libri *Lutheri*, jam magnis studiis hoc agebant, maxime *Dominicani* & *Carmelita*, quorum utinam plurimi non essent sceleratiores, quam indocti. Ubi libri *Lutheri* prodissent, velut anam nacti, coeperunt linguarum, bonarum literarum, *Capnionis* ac *Lutheri*, imo & meatum causam, eodem fasce complecti, non solum male offerentes, verum etiam male dividentes. Primum enim, quid rei bonis studiis cum fidei negotio? deinde, quid mihi cum causa *Capnionis* ac *Lutheri*? Sed hæc arte commiscuerunt, ut communi invidia degravarent omnes bonarum literarum cultores. Porro, rem non sincero animo geri, vel ex hoc licet conjicere: cum ipsi fateantur nullum esse,

An. esse, neque veterum, neque recentium auctorum, in quo non reperiantur errores, etiam hæreticum facturi, si quis pertinaciter defendat, cur cæteris omisissis, in unum tantum, aut alterum inquirunt tam odiose? Non inficiantur in multis errasse *Alvarum*, in multis Cardinalem sancti *Sixti*, in multis *Sylvestrum Prieratem*, de his nulla mentio, quia *Dominicani* sunt. In unum *Capnionem* clamatur, quia linguas callet. In *Lutherum*, quem isti putant nostris literis præditum, cum eas tenuiter attigerit. Multa scripsit *Lutherus* imprudenter magis, quam impie, quorum hoc istos habet pessime, quod *Thoma* non multum tribuit, quod minuit quæstum veniarum, quod Ordinibus Mendicantium parum tribuit, quod scholasticis dogmatibus non tantundem defert quantum Evangeliiis, quod negligit humanas disputatorum argutias. Hæ nimirum sunt hæreses intolerabiles. Sed his dissimulatis, prætexunt invidiosa apud Pontificem, homines, tantum ad nocendum, & concordem, & callidi. Olim etiam reverenter audiebatur hæreticus, absolvebatur si satisfaciebatur: si convictus persistisset, extrema poena erat, non admittebatur ad catholicam & ecclesiasticam communionem. Nunc alia res est hæreseos crimen, & tamen, ob quamlibet levem causam, statim hoc habent in ore, *Hæresis est*. Olim hæreticus habebatur, qui dissentiebat ab Evangeliiis, ab articulis fidei, aut his, quæ cum his parem obtinerent auctoritatem. Nunc si quis usquam dissentiat à *Thoma*, vocatur hæreticus, imo si quis à commentitia ratione, quam heri sophista quispiam in scholis commentus est. Quicquid non placet, quicquid non intelligunt, hæresis est, *Græce* scire, hæresis est, expolite loqui, hæresis est, quicquid ipsi non faciunt, hæresis est. Fateor grave crimen est viciatæ fidei, sed non oportet quidvis trahere in quæstionem fidei. Et qui tractant fidei negotium, debent ab omni specie ambitionis, quæstus, aut odii, vindictæque procul abesse. At quid isti præ se ferant, quis est qui non videat? quorum cupiditati si semel licentiæ frena laxentur, passim incipient sævire in optimi cujusque caput. Postremo, minitabuntur ipsis Episcopis, atque ipsi etiam *Romano* Pontifici. Quod non recusabo, quo minus falsum videatur, nisi jam à quibusdam fieri videmus. Quid ausit Ordo *Dominicanorum*, ut ne quid aliud adferam, *Hieronymus Savonarola*, & *Bernense* facinus, admonere nos debet. Non renovo Ordinis infamiam, sed admoneo quid sit cavendum, si illis successerit quicquid temere tentarint. Quicquid adhuc diximus, extra causam *Lutheri* est, de modo tantum ac periculo disputamus. Causam *Capnionis Romanus* Pontifex ad se recepit. *Lutheri* negotium delegatum est *Academiiis*, quicquid hi pronuntiabunt citra meum periculum fuerit. Ego semper cavi, ne quid scriberem obsceni, ne quid seditiosi, ne quid alienum à doctrina *Christi*: nec unquam sciens, vel magister erroris, vel auctor tumultus fui, omnia passurus citius, quam seditionem excitaturus. Hæc tamen certis de causis volebam esse nota celsitudini tuæ: non ut illi consulam aut præeam, sed ut si conentur adversarii bonarum literarum abuti prætextu dignitatis tuæ, certius possit hisce de rebus, quod optimum sit, statuere: quæ, mea sententia, quo magis abstinebit ab hac causa, hoc rectius consulet suæ tranquillitati. Methodum celsitudini tuæ dicatam recognovi, & auctario non mediocri locupletavi.

Te incolumem ac florentem in æternum servet *Christus* Opt. Max. *Lovanio* 1. Novembris, Anno 1519.

EPISTOLA CCCCLXXVIII.

Erasmus Rot. Joanni Slechta Bohemo S. D.

Ad prolixam epistolam tuam, optime *Slechta*, paucis in hoc tantum respondebo, ut intelligas eam mihi & redditam fuisse & perlectam; nec enim aliud in præsentia sinunt occupationes meæ. Ad obrectatorum voces, quando beneficiis etiam efferantur, jam

pridem obsurdum. Antehac existimabam me rerum humanarum mediocrem tenere peritiam, qui diversis regionibus, cum variis hominum generibus egissem consuetudinem: sed hujusmodi belluas inter *Christianos* reperi, ut nunquam fuerim crediturus, ni magno meo malo comperissem. Verum, posteaquam illi sui dissimiles esse non possunt, nos nostri similes esse studebimus, neque desinemus pro nostro talento bene mereri de omnibus, quod quidem in nobis erit. Fortasse sic Deo visum est, ut hoc modo luamus commissam nostram, quibus illum frequenter offendimus. Ignoscam illis, ut ille vicissim ignoscat mihi: nam vitæ sanctimoniam, quam mihi tribuis oratione, utinam aliquando sua benignitate mihi tribuat *Christus*, omnis auctor sanctimoniarum. Quod nostris lucubrationibus oblectas ocium tuum, facis tu quidem amice, facturum etiam utiliter, si modo nostra legas cum judicio, neque enim dogmata scribimus: deinde si tum denique sumes in manus *Erasmum*, cum non adest meliorum voluminum copia. At sane totam istam regionem nobis admodum graphice depingis, ut plus prope videam in oratione tua, quam conspecturus fuerim, si isthic annos aliquot egissem. Quod vestra *Germania* passim latrocinii est obnoxia, partim opinor in causa esse reliquias priscae feritatis: partim quod regio dissecta est in tot ditiones, ac minutos Principes, quorum nemo velit alteri concedere: partim quod nulla gens crebrius belligeratur stipendio conductæ, ita latrociniiis exercendis bello se parant, & bello defuncti, belli reliquias exercent: jam cum nulla res sit tam incommoda, quin alicui sit commodo, quibus ex deducendis hospitibus, aut negotiatoribus quæstus est, hi nonnunquam procurant ne tutum sit iter, ne ipsorum auxilio non sit opus. Ac mea sententia consultius esset hujusmodi malis occurrere prudentibus consiliis, ne committerentur, quam punire commissam. Qua commeatus esset frequentissimus, via liberari posset arborum densitate, ac vicis, villis, & arcibus communiri. Profecto non parum indecorum mihi videtur, non idem præstare *Germanas* urbes ac Principes in suis regionibus, quod *Elvetii* præstant in sua, populari consilio freti. Sed his malis fortasse medebitur *Carolus* noster Princeps, ut summus, ita justitiæ cultor maximus. Cæterum, quod ad fidei dissidium attinet, levior esset calamitas, mea sententia, si idem error haberet omnes, nunc bona pars non solum diffidetis, ut ajunt, ab Ecclesia Catholica, verum etiam variis erroribus inter vos digladiamini. Nam quod *Judaos* habetis admixtos, id fortasse commune est cum *Italia Germanique* reliquæ partibus, sed præcipue cum *Hispania*. Quis autem crederet adhuc superesse, qui stultitiam *Epicuri* profiterentur, negantes animas nostras superesse post obitum? Passim & hic videre est, qui sic vivant, quasi non credant superesse quicquam à morte, sed nemo tam demens, qui hujus doctrinæ, vel dux esse velit, vel comes. Quemadmodum & *Nicolaitas* reperias permultos, quibus uxores sint cum multis communes, sed hujus dogmatis nulla est professio, etiam si *Plato*, nobilis auctor, ab hac sententia non abhorruit. Sed obsecro te, mi *Slechta*, an istos non pudet appellari hæreticos? Nihil hoc nomine probrosum, quo tamen ipso videntur indigni. Quid enim credit, qui negat immortalitatem animarum? Quid tribuit Evangelio, qui vult uxores esse promiscuas? Illud mihi mirum videri solet, nihil excogitari posse tam prodigiosum, quin suos reperiat sectatores. *Pythagoras* interdixit mortalibus esum fabarum, & reperit qui abstinere. Fuere qui docerent esse pium, ut filii parentem necarent longævum, & inventus est populus, qui id solenniter fateretur. Fuere qui dicerent impium esse quicquam possidere suum, & exorti sunt, quemadmodum testatur divus *Augustinus* in *Catalogo Hæresiarum*, qui in ocio degentes, mendicato viverent, ac cæteros velut impios à suo consortio semovebant, qui suis laboribus pararent unde uxores alerent ac liberos. Erant qui *Juda* proditori ferrent acceptum,

Tom. III.

Kk 2

or,

An. 1519. orbis redempti salutem, nec defuerunt discipuli, qui illum pro summo divo colerent. Fuere qui totos dies ore sonarent Psalmos innumeros, nec interim quicquam aliud agentes: nec defuerunt hujus insaniae sequaces. Fuere qui dicerent impios eos, qui caste colerent matrimonium, iis etiam sceleriores, qui postulabant uxores esse communes, & hi titulum suo gregi dare potuerunt. Fuere qui suaderent pium esse, si parentes liberos suos vivos exurerent, & inventi sunt quibus persuaderetur dogma tam impium. Adeo credulum est genus mortaliū, & tanta est ingeniorum varietas. Equidem opinor, si quis exoritur nunc, qui doceat religiosum esse, si viri nudi cum foeminis nudis saltent in foro, non defore sectae suos discipulos ac patronos. Quo magis est circumspiciendum iis, qui auctoritate pollent, ne quid doceant instituantve, quod non quadret ad Christi regulam. Sed hujusmodi portentis, ut par est, omisissis, demonstras totum Bohemia regnum atque etiam Moravia Marchionatum in tres sectas esse divisum. Utinam, mi *Slechta*, pius aliquis artifex ex ista triade monadem faceret. Sed dum quisque privatim suis studet commodis, nec publica bene habent, nec privata, neque fere quisquam ingeniosus invenitur, nisi ad ea, quae sunt Philosophiae vulgaris, quae, ut ferunt, moderatius apud Turcas habent, quam apud nos. Non loquor de articulis, quos ad fidem pertrahimus, sed de iis, ex quibus ceu fontibus scatet Evangelica pietas, videlicet de contemptu pecuniarum, de contemptu honorum, de moderatione affectuum, irae, odii, invidiae. Quibus cupiditatibus si quis serviat, quæso quid confert fidei professio? Si plus apud nos valet avaritia, si plus ambitio, si libido sceleratior, si odium saevius, si livor nocentior, si obrectatio venenatior, quorsum attinet profiteri Christum, in hoc factum hominem, ut ab his rebus nos avocaret? Hæc mihi dicenti qui succensere volet, succenscat Jacobo Apostolo, qui diligenter ac pluribus verbis hæc disserit in Epistola sua. Sectam igitur, quam tu primo loco recens, sic velim esse primam, ut unicam esse cupiam. Quid enim magis accedit ad imaginem coelestis hierarchiae, quam ut digestis ordinibus summa redeat ad unum, aut quæ res utilior ad excludenda mundi dissidia? Si Princeps quispiam tyrannidem moliatur, precibus, hortatu, doctrinaque & auctoritate Romani Pontificis componetur. Tyrannum agit Episcopus aliquis, erit unde subsidium imploret populus. Existit aliquis, qui daemoniacam invehat doctrinam, supererit Romanus Pastor, qui de puris Evangelicæ Philosophiæ fontibus depromat digna dispensatore & vicario Christi. Quod sicubi non respondebit summus ille Præsul, primum fieri non potest, ut qui omnibus præsidet, satisfaciatur omnibus: deinde nostrum est, quantum licet, omnia in bonam partem interpretari. Præterea bonam partem eorum, quæ sunt, non ipsi Pontifici, sed iis, quibus ipse necessario fedit, imputare debemus. Ad hæc meminisse convenit, illum hominibus præsidere, sed hominem: neque diu constare posse mutuam concordiam, nisi quemadmodum illius lenitas nobis obsecundat in multis, ita nos vicissim illi pro tempore morem geramus, præsertim cum id habeat Apostolica doctrina, ut improbis etiam ac morosis Principibus obtemperemus, quatenus licet, incolumi pietate. Atque hac in parte, mea sententia, magis peccat secunda factio, quod odiose rejicit judicium & consuetudinem Ecclesiæ Romanæ, quam quod existimat pium esse, sub utraque specie sumere Eucharistiam. Atque utinam hic Eugenius maluisset indulgere concordiae publicæ, quam suis privatis affectibus, si tamen vera sunt, quæ refert epistola tua. Quamquam hic Bohemii, si me in consilium adhibuissent, auctor eram futurus, ut tametsi probabilis est hac in parte illorum opinio, tamen obtemperarent potius, quam contenderent, præsertim cum ab hac consuetudine staret maxima pars orbis Christiani. Tametsi, ut dicam ingenue quod sentio, demiror cur visum sit immutare, quod à Christo fuit institutum, quum causæ, quas adse-

A runt, non admodum graves videantur. Porro factionem Pygadicam longius abesse à regula pacis Evangelicæ minus mirandum est, quum, ut scribis, ab auctore scelerato profecta sit. Nam si ideo Antichristus est Pontifex Romanus, quod aliquando contigit Pontifex impius, aut si ideo meretrix est Ecclesia Romana, quod aliquoties habet Cardinales, aut Episcopos, aut alioqui ministros improbos, eadem opera, nullis Episcopis, nullis Pastoribus, nullis Regibus obtemperaremus: ut ne dicam interim, quod hac fenestra aperta, ut cuique hic aut ille esset invisus, ita impius haberetur. Quanto probabilior est Augustini sententia, *Ministri moribus non vitari donum Dei, quod nobis per sacramenta confertur, etiam si gravissimas pœnas illi daturi sunt sacerdotes, si moribus impiis efficiant, ut inter idiotas & infirmos male audiat nomen illud adorandum Domini nostri Jesu Christi.* Quod si illi refractis omnis pudoris repagulis, pergant palam esse scelerosi, ut aliqua ratione coercendi sunt, ita neque cujuslibet est illos inceslere, nec armis rem geri placet, ne semel admissum exemplum violentiæ, sæviat in innoxios. Quod sibi Sacerdotes & Episcopos eligunt, non abhorret à consuetudine Veterum. Sic electus est S. Nicolaus, sic Ambrosius, sed nondum edita formula electionis Canonice, quemadmodum olim & Reges à populo designabantur. Deinde crebri tumultus populares effecerunt, ut res paucorum arbitrio transigeretur. Cæterum, quod indoctos eligunt & literarum expertes, tolerabilius esset, si vitæ pietas pensaret eruditionis inopiam. Nunc gemina calamitas est populi, si non minus impii sunt, quam indocti. Jam quod se vicissim fratres ac sorores appellant, non video cur debeat reprehendi. Atque utinam eadem appellatio mutæ charitatis perseveret apud omnes Christianos, sic uti mores non dissentirent à verbis. Quod minus tribuunt doctoribus, quam divinis voluminibus, hoc est, plus deferunt Deo, quam hominibus, recte sentiunt: sed quod horum auctoritatem ubique rejiciunt, tam iniquum est, quam si ubique reciperent. Jam tametsi non abhorret à vero, Christum & Apostolos in quotidiano vestitu consecrassent, tamen impium est contemnere, quod non absque salutari consilio post à Patribus est institutum. Ceremoniæ sunt, sed his ceremoniis commendatur populo divina mysteria. Et si nihil aliud, quorsum attinet in ea re dissentire, quæ citra negotium potest observari? Nisi Pontifex Romanus hoc illis permitteret, ut ad antiquitatis memoriam suis ritibus uterentur, quemadmodum Græci & Mediolanenses suos concedit ritus, à nostris multum diversos. Quod si istis tantopere placet Dominica precatio, ea & nostri sacrificii pars est. Ut stultum est nihil admiscere sacris præter unam precatorem, ita non recte faciunt qui quaslibet, quorumlibet nœnias admiscunt. Jam quæ de sacramentis sentiunt absurdiora sunt, quam ut aures piæ ferre possint, nisi quod è tantis malis hoc boni possumus excerptare, ne nos rebus bene institutis, ad quæstum, aut inanem gloriam, aut etiam tyrannidem abutamur. Vigiliis ac moderata jejunia, demiror qua fronte contemnant, quum ea nobis toties Apostolicis verbis commendentur, quamquam ad hæc malim hortatu duci homines, quam imperio trahi. Porro de festis diebus non multum abest istorum opinio à seculo Hieronymi. Nunc in immensum accrevit festorum turba, quum nullis diebus plus scelerum committat vulgus: & quod est inhumanissimum, coguntur esse ociosi totos dies, qui non aliis redivitis alunt uxores ac liberos, fortassis etiam parentes, quam opera diurna. His indicare ferias, nec dare quicquam, quid est aliud, quam eos ad famem adigere? Sint crebra festa, sed in templis, ad quæ divitibus liceat accedere, sed ita ut pauperibus liceat vivere. Saltem illud concederetur, ut peractis sacris redeant ad sanctos labores. Quid enim sanctius quam manuum labore prospicere liberis ac familiæ? Nunc ad cujuslibet supersticiosum affectum instituitur festus dies, imo fere videmus hoc studio esse quibusdam Episcopis, ut singuli singulos festos dies addant Calendario, quo vel hoc monumento suum

An. nobilitent episcopatum. Verum, ut est obedientiae po-
 1519. pularis, observare quod à Proceribus Ecclesiae prosci-
 bitur: ita horum erat prudentiae, non temere consti-
 tutionibus hujusmodi, vel gravare populum, vel ma-
 le consulere moribus publicis. Haecenus è tuis literis
 morbum cognovimus, nunc utinam medicina fidelis
 & efficax possit excogitari: & arbitror posse, si mo-
 do boni gravesque viri huc totis incumbant studiis,
 praesertim cum *Carolus* habeamus Caesarem, ad ea
 quae sunt *Christiana* religionis toto pectore propensum:
 cum *Leonem* habeamus in primis mitem & exorabi-
 lem. Pulchre coibit concordia, si pars utraque non-
 nihil concesserit alteri. Fortasse finitimarum regionum
 querelae faciunt, ut plerique istorum abhorreant à do-
 minatu Pontificis *Romani*, quod se clamitent incle-
 menter expilari, premique, saevitia eorum, per quos
 geruntur Pontificia negotia. Sed aut ego plane fal-
 lor, aut facile impetrabitur ab ingenio *Leonis* clemen-
 ti juxta ac pio, ut & perplexas superiorum temporum
 rationes omittat, & in posterum etiam, quam mini-
 mum ab illis exigat, praesertim si sese sincero pectore
 illi ceu patri crediderint. Satis amplum lucrum esse
 ducet si propulsato diffidio pacem & concordiam pa-
 raverit. Adjungat sese ad hanc rem Caesaris auctori-
 tas, quem Monarcham opinor agnoscit & *Bohemia*.
 Caeterum, quod attinet ad ordinationes & sacramenta,
 nullo modo oportet à reliquis orthodoxis dissentire.
 Et fortassis de recentiorum definitionibus remittentur
 aliqua. De ritibus facile condonabitur aliquid, etiam-
 si magis probarim, ut omnes ubique *Christiani*, & ri-
 tibus, & precibus iisdem uterentur. Nunc immodi-
 ca varietas est, dum pro suo quisque affectu haec com-
 miniscitur, & alius aliquid addit repertis. Quin &
 illud, mea sententia, complures populos conciliaret
 Ecclesiae *Romanae*, in quam nunc velut in caput quod-
 dam colliguntur omnes, si non passim quaelibet sic de-
 finiantur, ut velimus ad fidei negotium pertinere; sed
 ea duntaxat, quae evidentè expressa sunt in sacris Li-
 teris, aut sine quibus non constat ratio salutis nostrae.
 Ad haec pauca sufficiunt, & pauca citius persuadentur
 pluribus. Nunc ex unico articulo sexcentos facimus,
 quorum aliqui tales sunt, ut citra periculum pietatis,
 vel nesciri possint, vel ambigi. Atque sic est mortalium
 ingenium, quod semel definitum est, tenemus mordi-
 cus. Porro philosophiae *Christiana* summa in hoc sita
 est, ut intelligamus omnem spem nostram in Deo po-
 sitam esse, qui gratis nobis largitur omnia per Filium
 suum *Iesum*. Hujus morte nos esse redemptos, in hu-
 jus corpore nos infitos esse per baptismum, ut mortui
 cupiditatibus hujus mundi, ad illius doctrinam & exem-
 plum sic vivamus, ut non solum nihil admittamus ma-
 li, verum etiam de omnibus bene mereamur: & si quid
 inciderit adversi, fortiter toleremus spe futuri praemii,
 quod omnes pios haud dubie manet in adventu *Christi*:
 ut ita semper progrediamur à virtute in virtutem, ut
 nihil tamen nobis arrogemus, sed quicquid est boni
 Deo transcribamus. Haec potissimum sunt animis ho-
 minum inculcanda, sic, ut velut in naturam transeant.
 Quod si qui volent circa naturam divinam, aut circa
 hypostasim *Christi*, aut sacramenta quaedam abstrusio-
 ra rimari, quo magis attollant mentem in sublime, &
 à rebus humilioribus abducant, haecenus liceat, ut non
 statim quod huic aut illi visum fuerit, cogantur omnes
 profiteri. Quemadmodum ex loquacibus syngraphis ci-
 tius nascitur controversia, sic ex plurimis definitioni-
 bus nascitur diffidentia. Neque pudeat nos ad quaedam
 respondere, Deus novit quo modo id fiat, mihi satis
 est, quod credo fieri. Scio *Christi* corpus, & sangui-
 nem purum, pure à puris esse sumendum, qui hoc sa-
 cro sanctum signum ac pignus esse voluit, & suae er-
 ga nos charitatis, & *Christianorum* inter ipsos concor-
 diae. Excusiam igitur meipsum, num quid sit in quo
 mihi male conveniat cum *Christo*, num quid sit cum
 proximo diffidii. Caeterum, quomodo illic sint decem
 Prædicamenta, & quomodo transubstantietur panis,

A verbis mysticis, & quomodo corpus idem possit esse An.
 sub tantilla specie, ac diversis locis, meo judicio, haud
 multum conducit ad profectum pietatis. Scio me re-
 surrecturum, hoc enim omnibus promisit *Christus*, qui
 primus omnium resurrexit: caeterum, quale corpus fu-
 turum sit, aut quomodo possit idem esse, quod toties
 in aliud atque aliud redactum est, ut non improbarim
 suo tempore moderate vestigare, ita minimum condu-
 cit ad veram pietatem in his multum operæ ponere.
 Nunc his atque id genus aliis innumeris argutationi-
 bus, quibus se jactitant quidam, avocantur hominum
 mentes ab iis, quae sola faciunt ad rem. Denique plu-
 rimum habebit momenti ad orbis concordiam stabilien-
 dam, si profani Principes, sed praecipue *Romanus* Pon-
 tificex, absint ab omni specie tyrannidis & avaritiae.
 Nam facile resiliunt, cum vident paratam servitutem,
 quum intelligunt se non invitari ad pietatem, sed ca-
 ptari ad prædam. Si nos innoxios, si nos beneficos
 fenserint, facillime sese credent nostrae fidei. Igno-
 scam, ut rogas, loquacitati tuarum literarum, sed si
 tales saepe miseris, nam assueta facilius ferimus. *Joda-
 cus* *Jonas* hoc ipso tempore mecum erat, cum Acade-
 miae suffragiis rector designaretur, quo viro vix aliud
 quicquam vidi melius. Bene vale, vir egregie. *Lovanio*
 1. Novembr. Anno 1519.

EPISTOLA CCCCLXXIX.

Joannes Turzo, Episcopus Vratislaviensis,
 Erasmo Roterodamo S. D.

E XPLICARI nequit, Erasme doctissime, quantum me
 tua litera oblectarunt, licet vix septimo tandem men-
 se ad me pervenerint: quibus sane ut antea nihil mihi
 fuit optatius, ita revera nec acceptius quicquam evenire
 poterat. Proinde eas ipsas obvius (ut ajunt) manibus
 excepi, exceptas & legi cupide, & lectione earum etiam
 num obfaturari nequiquam possum. Fuerant, fateor, sapif-
 sime magna admodum tum admirationi, tum delectationi,
 Erasmi doctissimi ad alios scripta doctissima, formulis li-
 terariis alienaque manu excusa: jam vero voluptati &
 gaudio nihil reliqui factum est, ubi autographum erudi-
 tissimi ac omnibus dotibus ornatissimi viri conspiciamus.
 Erunt itaque tua litera mihi selectissimi ac preciosissimi
 muneris loco. Non est autem, charissime Erasme, quod
 meas literulas verius quam literas tantopere collaudes:
 novi egomet me, atque intra meam perquam libenter me
 pelliculam contineo. Verumtamen quam inhumani opti-
 mo jure valeam judicari, nisi tibi pro ea etiam re gratias
 agerem, tam essem impudens, si tuas predicationes agno-
 scerem. At tu quomodo tibi non injurius videri possis,
 qui laudes, quibus te universus propemodum orbis veris-
 sime prosequitur, nimia (ni fallor) hac in parte hujus
 modestia, tantum abest ut admittas, ut contra maxime
 averferis, declinesque. Debentur profecto tibi longe ma-
 jora, praesertim cum tui unius patrocinio omnium hone-
 stissimarum disciplinarum nitor, multo jam barbarici si-
 tu & squalore obtenebratus, resplendescat: tum sincera
 quoque illius Theologia puritas, & sanctissima studia, pro-
 pe ad interitum redacta, te parente, te duce, veluti re-
 nata, toto orbe reflorescant. Quod ad me attinet, tua
 nimirum litera, totque tui vigilantissimi juxta ac sanctis-
 simi labores, me tibi obstrictum efficiunt, atque nullo non
 momento tui ingerunt memoriam, quantumvis nihil pror-
 sus mei apud te sit, quod hujus hominis recordationem vi-
 cissim tibi possit asferre. Igitur ut amoris & observantia
 mea singularis in te studium tibi etiam atque etiam ma-
 gis fiat cognitum, atque interim ob oculos obversetur Tur-
 zonis tui memoria, munus tibi misso, non magni sane pre-
 cii: quatuor, inquam, horologia, vitreis vasculis exigua,
 pulvisculoque paulatim delabente, horas dimittentia:
 quorum usus, opinor, clepsydram nostro seculo aequat: hac
 sane crebro obversata atque tractata, te nostri in horas
 poterunt admonere. Adjunxi praeterea auri puri nativi-
 que quatuor particulas, sive ramenta, è subterraneis spe-
 cibus, adeoque ex ipsis terra visceribus, in ditione mea

An. diæceseos, qualia vides nuper eruta, nempe ut auri vi-
 1519. vax vis te immortalitate dignissimum declaret: ad hac
 tegmentum sacro tuo capiti ex murium Ponticorum exsu-
 viis, quas nostrates Sabellinas pelles, etiamnum usurpa-
 ta voce, cognominant. Debebunt equidem hæ pelles, dum
 caput hoc tuum & grata mollicie demulcebunt, & fove-
 bunt caloris temperie, mentem in te amorem, aut testari,
 aut comprobare. Ego adeo hac tibi mitto, non quia te,
 qui Regum & potentissimorum Principum muneribus exor-
 naris quotidie, similibus longeque præstantioribus carere
 arbitrer: sed ut amoris mei, & propensissima observantia
 studium, quemadmodum præmonui, tibi fiat compertius.
 Verum, quicquid est huius, quod mitto, ut lubens & gra-
 to animo accipias vehementer oro. Id quod futurum con-
 fido, si animi mei benevolentia, atque profusissima in te
 propensione, non precio munusculum aestimaveris. Nam
 si pro tuis meritis ornandus sis, vix certe totius orbis opes
 & copia, nedum Dynastæ cuiuspiam facultates, tue di-
 gnitati satis sunt factura. Quod superest, charissime E-
 rasme, maxime omnium opto, me, ut cœpisti, amare per-
 gas, beneque ac felicissime valeas. Datum Vratislaviæ
 1. Decembr. Anno 1519.

Joannes Turzo, Episcopus Vratislaviensis, manu pro-
 pria scripsit.

EPISTOLA CCCCLXXX.

Erasmus Rot. Joanni Robino, Decano Mechli-
 nensi, S. D.

VIR eximie, vides humanæ vitæ scenas. Quid fa-
 cias? Non aliter constat hæc fabula. Paulus glo-
 riatur se victum esse Jeshu Christi; Ruigerus gloriari
 potest se victum esse collegii trilinguis. Dissimulent
 quantumlibet, hoc collegium illos pessime habet. At-
 que hæc auguria mihi portendunt, olim florentissi-
 mum futurum. Sic natum est Romanum Imperium; sic
 crevit Hebraeorum gloria; sic orta, sic propagata, sic
 constabilita Christiana religio. Nulla res egregia, nisi
 difficilibus initiis nata est. Argumentum omne cogno-
 sces ex Barptolemaeo, qui fuit non modo spectator, ve-
 rum etiam affinis periculo. Ut sunt res humanæ non
 usquequaque puræ, etiam si quid commissum esset, ta-
 men humanitatis vestræ fuerat aliquousque favere Pro-
 fessori. Nunc & tali, & innocentissimo, multo minus
 debetis deesse. Doctior an inveniri possit nescio, cer-
 te diligentior, ac moribus purior, vix invenias.
 Utimur eadem mensa; & inter pocula quidvis garri-
 mus. Ille tot modis fuit laceffitus: hunc enim stu-
 dio expetunt, ne quid offendant magis masculos. Nec
 unquam tamen audiavi illum quicquam impotentius lo-
 quentem. O pectus vere Christianum! Modo cum
 Paulo contuli Ruigerum, qui hac certe parte vincit,
 quod qui Paulum affligebant, errabant, nimirum ali-
 eni à professione Evangelica. Hi proceres Christiana
 doctrinæ, prudentes, de composito hæc designant.
 Inhibuerunt & Nefenum, aggressum Geographiam Pom-
 ponii Mela. Qui si domi suæ lupanar aliquod insti-
 tuisset, tolerandus erat. O sanctam Academiam, si
 cum aliis conferatur, sed dignam aliis, quorum arbi-
 trio temperetur! Mihi multis modis videtur hoc me-
 reri Ruigerus, ut illi salarium, quod jam aliqua por-
 tione est auctum, augeatur usque ad octodecim libras.
 De Professore Latino prospectum est, ni fallor, ex a-
 nimi vestri sententia. De Hebraeo non possum judicare,
 sed consulam eos, qui sine dubio possunt. Excellen-
 tiam tuam incolumem fervet Jeshu Optimus Maximus.
 Lovanio 1. Decembr. Anno 1519.

EPISTOLA CCCCLXXXI.

Erasmus Roterodamus Thoma Lupseto S. D.

Ex literis magni cuiusdam amici, sed qui idem Leo
 non sit inimicus, cognovi, istic late sparsum esse ru-
 morem, & ita sparsum, ut plerisque fidem quoque fe-
 cerit, hic mea, meorumque opera fieri, quo minus

A Eduardo Leo librum suum, quem jam olim adversum Au-
 me parturit, aliquando parere liceat, & typographis
 obstetricantibus edat in lucem. Imo nos minis ter-
 ritare hominem, ne quod scripsit ausit evulgare. Jam
 ista & πολέμῳ κενῶ mirari non debeo, quibus ut pene
 quotidianis jam pridem oportuit assuevisse. Illud admi-
 ror, quinam sint istius omnium impudentissimi rumo-
 ris auctores. Non enim adduci possum, ut credam
 Leum, qualis qualis est, usque adeo perfrixtæ frontis
 esse, ut ista sustineat affirmare, nimirum ipse sibi pro-
 be conscius, rem longe secus habere. Neque enim
 tam stupide credulus sum, ut mihi quisquam, vel per-
 suaserit, vel persuasurus sit, Leum perpetuo pressu-
 rum egregias illas suas vigilias, annis jam aliquot de-
 sudatas, ipem immortalitatis suæ, & unde potissimum
 famam suam voluerit auspicari. Compertum habebam
 eum harum rerum parciorum esse, quam ut passurus
 sit, tantum operæ atque olei sibi perire. Nec intan-
 tum sum obetæ naris, etiam si minime suspicax, plane-
 que simplicis ingenii, ut mihi non suboleret, quid a-
 geret ille. Et si meus stupor hoc minus potuisset de-
 prehendere, tamen non deerant, qui submonerent,
 primum hoc venari Leum, ut si quid mihi accideret
 humanitus, aut si quis casus in regionem longinquam
 avocaret aliquo, tum demum ille, non tutius modo,
 verum etiam felicius, ederet suas notationes γλυκεί' ὀπώ-
 ρα φύλακα & ἐκλελοιπότε. Novit ille verum esse, quod
 vulgo dicunt, non remordere mortuos. Fortassis & apud
 Quintilianum legit, (nam videtur & bonas literas al-
 quando degustasse) si quis mentiri velit, in neminem id
 posse fieri tutius, quam in vita defunctos. Deinde non
 ignorat, tamen si stimuletur famæ gloriæque siti, quam
 ingens ipsi scœnus hæc dilatio sit allatura. Siquidem
 dum interim undique captat, quid quisque calumnietur,
 in conviviis, aut in conciliabulis, quid suggerant
 Dominicani, aut Carmelita, quid notarint Baccalaurei
 Theologiæ candidati, (nam his datum erat negotium,
 ab istis, qui post non fraudabuntur sua laude) quid Li-
 centiati, quid Magistri nostri, si qui sunt, qui mihi
 parum æqui videntur, arroserint: dum subodoratur,
 quid ego aut alius pro me respondeat: dum inter re-
 legendum quædam displicent, quæ primus ille scri-
 bentis calor nimium commendarat auctori: dum ani-
 mus ac fortassis odium identidem novum aliquid indi-
 cat, quod calumniatur, quando dolor, non solum e-
 loquentes, verum etiam ingeniosos facit, & juxta Sa-
 tyricum, absoluit indignatio versum, quem natura ne-
 gat. Postremo dum ex quotidiana lectione, subinde
 nonnihil adjicit auctarii, nimirum fit, ut Opus exeat
 non solum locupletius, atque instructius, verum etiam
 emendatius. Nam ipse mihi fassus est in proximo col-
 loquio, se totum fere Opus à capite, quod ajunt, us-
 que ad calcem, retexuisse, multa refecuisse, ut jam à
 posteriore Novi Testamenti editione supervacanea, tum
 pleraque mutasse, in nonnullis à seipso dissentire, re-
 diligentius pensitata. Porro quod ista facit, postea-
 quam decretum est belligerari, nec admiror admodum,
 nec indignor magnopere. Suum agit negotium, for-
 tasse jus belli permittit, ut nihil non machineris in
 eum, quem velis opprimere. Verum, in hoc illius pru-
 dentiam nonnihil desidero, quod in eo, de quo modo
 dixi, colloquio, serio mihi fassus, sibi totum Opus re-
 texti, tamen urgebat ut sibi crederem asseveranti, nun-
 quam futurum, ut librum eum evulgaret. Hoc scili-
 cet consilio sumpserat operam in retexendo, uti re-
 textum premeret. Veritatis ut simplex, ita constans
 est oratio, nec ullis frequentius accidit σφάλμα μνημονι-
 κόν*, quam iis qui non loquuntur ex animo. Nisi for-
 te non fuit ille memoriæ lapsus, sed meus stupor hanc
 illi fiduciam addidit, ut existimarit me protinus cre-
 diturum, primum rem tam incredibilem, deinde tali
 auctori. Proinde cum mihi persuasum esset, omnino fu-

* In utraque Editione Basileensi & Londinensi μνημὸν minus recte
 legebatur.

1519- futurum, ut ille quod scripserat evulgaret, & adeo
persuadum esset, ut nec hi mihi diversum persuadere
potuerint unquam, quibus ego nihil non soleo crede-
re, atque hac una in re dissentire ab his, quibus-
cum libentissime consuevi sentire: neque nescirem
quantum illi commodi, rursus mihi quantum incom-
modi foret allatura mora, imo quanto meo periculo,
quantaque illius spe prorogaretur Opus, quis non desi-
deraret in me sanam mentem, si quod isti jactitant,
modis omnibus obniterer, ne liber exiret in manus ho-
minum? Mihi semper fuit eadem & mens, & oratio,
ut optarim quamprimum evulgari quicquid esset ope-
ris. Si proferre possunt ullam epistolam, in qua secus
sentiam, si producere, qui me secus loquentem au-
dierit, vicerunt. Sed hujusce rei non possum alium
magis idoneum testem adducere, quam *Leum* ipsum.
In primo congressu, cum à proxime relicta *Basilea*,
venissemus in colloquium, idque in ædem divo *Petro*
sacram, quemadmodum rebus parum pacatis, belli
duces solent in locum aliquem utrisque tutum conve-
nire, atque ille jactaret plusquam trecenta loca sibi
notata, quæ nemo posset diluere, ne res exiret in ra-
biem & in contentionem, cum *Christianus* omnibus,
tum vero præcipue Theologis indecoram, proposui ut
è tribus unum eligeret. Primum, ut quod maxime di-
gnum esset animo *Christiano*, quodque dignum nostra
vetere necessitudine, in qua professus esset se talem
fore, ut tametsi novus amicus, nulli tamen veterum
fide, atque officio cederet, communicaret suas anno-
tationes. Nam eam voluminis partem, quæ nostras
annotationes complectebatur, licet esset excusa typis,
nondum tamen editam esse, nec futurum ut ederetur,
nisi toto Opere absoluto. Adhuc integrum esse, muta-
re chartas aliquot, non illud quidem jam absque jactu-
ra pecuniæ, sed mihi longe chariorem esse famam
meam, ac publicam studiosorum utilitatem, quam pe-
cuniam. Proinde si quid indicasset, quod alicujus ef-
fet momenti, me farturum, sed ita, ut nihil interim
mihi suffurarer alienæ laudis, ingenue testaturum cum
honorifica nomenclatura *Leici* nominis, cui fructum
illum deberet lector. Hanc conditionem adeo æquam,
ut his quoque probaretur, quos tum suspicabar, post
comperi, mihi neutiquam æquos esse, cum ille toto
corpore renueret, ad id quod erat proximum descen-
di. In rem præsentem utrique veniremus, & colla-
tis utriusque voluminibus negotium viva voce transi-
geremus. Ita nihil fore scrupuli, cur timeret exem-
plari suo. Quod cum nec ipsum placeret, coepi pro-
vocare, ut Opus suo meoque periculo publicaret, ni-
hil enim aliud superesse, quando jam liber ipse prope-
modum esset editus: mihi non item, cum in exem-
plaria non pauca propagatus, legeretur à conjuratis
duntaxat, & me rumor per illum, illiusque fautores
jactatus, magis etiam gravaret, quam si fuisset editus
liber, ut semper auget fama quod dissipat, præsertim
si quid sit affine malis. Quod si ipsum vel sumptus,
vel opera deterreret, me meopte impendio, meoque
periculo curaturum, ut excuderetur. Ad hæc si quid
addubitaret de mea fide, sibi servaret antigraphum,
quo mox coargui possem, si quid esset à me vel addi-
tum, vel omissum, vel immutatum. Hæc opinor sic
esse gesta, *Leus* ipse non inficias ibit: alioqui vel il-
lud arguerit me nihil fingere, quod *Leus* aliquando a-
micis communibus, simulatque jam gustum Operis ce-
pissent, magnopere deterrentibus ab editione, per li-
teras questus sit se per me provocatum ad editionem.
Theoderico Alufteni semper suasi, ut si *Leus* traderet
exemplar, excuderet, me volente id facturum. Cum
comperissem illum *Antuerpia* egisse cum duobus typo-
graphis de publicando libro, nec processisset, norunt
omnes quam indigne tulerim quod institutum erat, ad
nihilum recidisse. Mox accito typographo, quanto
possum studio ago, ut pactionem instauraret, sed *Leus*
mutata sententia, seise jam subduxerat. Rumor spar-
erat, ab illo volumen esse missum *Coloniæ*, ut illic e-

deretur. Scripsi duobus amicis, sinerent edi, tantum
curarent, ut mihi mature fieret voluminis excusi co-
pia. Nam illud ab iis jactabatur, qui *Leo* favent, sic
excusum iri librum, ut inter mihi male volentium ma-
nus volitans, post annum demum à me deprehenderetur.
Et multis conjecturis adducor, ut id verum esse
credam, eas alias fortasse adducam. Jam producere
possum quibus testibus receperim me effecturum, ut
Theodericus librum excuderet, quo possit ipse *Leus*
præesse castigationi. Appellent qui volent *Galfredum*
Lei fratrem, per quem velut *igulū* quempiam, ali-
quoties mecum collocutus est, quoties per hunc pro-
vocavi ut ederet. Postremo jam dicebatur transegisse
cum *Michaele* typographo *Antuerpiensi*, nihil esse in
mora, nisi quod dubitaret, quo animo esset id latu-
rus: Respondi, ut maturarent, mihi vehementer pro-
bari. Hæc literis mea manu scriptis docere in prom-
ptu est. Et post hæc, quæ tandem impudentia est dis-
sipare vanissimam fabulam, me modis omnibus adniti,
ne liber evulgaretur? Jam de minis quoque paucis di-
cam, in quo non solum demoror impudentiam, ve-
rum etiam insignem ingratitudinem istorum. Senferam
quosdam mihi impensius etiam quam ipse cuperem fa-
ventes, nescio quid submoliri, ut in *Leum* atrocibus
libellis inveherentur, atque etiam si pergeret, non ca-
lamo tantum, sed fuste rem gererent. Quorum utrun-
que, uti ne fieret, cum quantum in me fuit obnixus
essem, inimicitias denunciando ei, qui rem tam barba-
ricam, & literis indignam, mea causa fuisset aggressus,
non tamen ita fesus sum illorum ingeniis, ac promissis,
quin *Leum* quoque super hac re commonefaciendum
esse putarem, ne quid accideret incauto, quod pariter
& illum offenderet, & bonarum literarum cultores
invidia gravaret. Nam quod ad me pertinet, pu-
to neminem esse, qui vel mea legerit, vel mecum a-
liquam egerit consuetudinem, quin perfectissimum
habeat me nihil æque detestari, quam exempla libelli
famosi, aut violentiæ. Itaque sic mecum reputabam,
si quid esset periculi, amice monui; si nihil est, ami-
ce timui. Nec dubitabam, quin hanc admonitionem
esset boni consulturus. Quod si hoc officium meum
secus interpretatur, malo tantisper hoc officii perisse
mihi, quam illum scire, quantum mihi hac sane in
parte debeat. Proferat epistolam, quam illi proxime
scripsi, ea docebit quod simpliciter & amanter monui,
eadem docebit me illum ad editionem Operis provo-
casse, non deteruisse. Imo non ob aliud in illum tan-
topere stomachabantur amici mei, nisi quod tam inso-
lenter ubique jactaret suum librum, nec ederet tamen.
Neque vero me fecellit, qua techna hic *Leus* sit usus.
Cum nondum esset satis instructus ad editionem, vo-
luit hoc interim gloriæ lucri facere, quasi in gratiam
meam premeret Opus. Rursus ubi jam gestiret animus
edere, sibi que videretur utcumque adornatus, quirita-
ri coepit, se per me provocari ad edendum, ne quid
offenderet suos amicos, qui tantopere deterrebant ab
edendo. Proinde si quos posthac audieris eadem gar-
rientes, dic illis meis verbis, eos aut vehementer fal-
li, aut impudentissime mentiri. Denique si cui hæc,
quæ dixi, nondum persuadent, in promptu est expe-
rimentum. Etiam nunc tradat *Leus* librum, & nisi
curaro vel *Basilea* excudendum, idque nullo ipsius sum-
ptu, credant omnes me hætenus obstitisse, quo mi-
nus ederetur. Atque ut manifestum mendacium forti-
ter rejicio, ita quod verum est, ingenue fatebor. Cum
facile suspicarer futurum, ut hoc Opus adpersum esset
variis contumeliis, vel quod scirem *Leum*, utcumque
nunc affectus est, prorsus inimico animo negotium hoc
suscepisse, id quod ubi res postulabit clarissimis argu-
mentis evinceamus: vel quod ipse sæpius efflagitanti,
atque urgenti, cur tantopere caveret, ne liber, quem
in me scripisset, mihi omnium uni communicaretur,
cum ejus copiam faceret tam multis, tandem respon-
dit inesse quædam, quæ mihi bilem essent motura,
quasi vero non indignius esset, si aliis de me scriberet,
quæ

An. quæ mihi coram non auderet proferre: vel quod una
 1519. atque altera annotatio, quam mihi forte contigit intercipere, satis declararet, quale futurum esset reliquum Opus: admonui ut argumentis, non contumeliis; rationibus, non conviciis rem ageret. Ita tum illi fore simplicem in scribendo laborem, tum mihi in respondendo. Nunquam enim offensum iri me, etiam si mille locis à me dissentiret; imo gratiam habiturum quod nostram industriam sua industria adjuvaret. Sin admisceret convicia, geminum utrique fore, tum laborem, tum incommodum. Siquidem illum in periculum venturum, ne vir parum modestus ac gravis haberetur, me rursus gemino malo constrictum iri, qui si responderem conviciis, viderer illi non dissimilis, sin minus, fortasse plerisque viderer agnoscere, quæ ille in me congestisset. Opinor hoc consilium nulli probo non videri & prudens & amicum. Et tamen hoc animo semper fui, ut qualis qualis esset liber, quamprimum exire in lucem optarem, quidvis passurus citius, quam quorundam insulsiſſimas gloriolas. Nec enim sum tam iniquus *Leo*, quam quidam existimant. Scio quid possit gloriæ stimulus, quam violentum calcar habeat ambitio laudis, quid valeat juventæ calor, præsertim in eo, qui nunc primum famæ stadium sit ingressus. Ad quid enim non adigat nominis immortalitas, cum non fabulosum sit, quod de *Heroftrato* proditum legimus? Adest ingenium non aliter avidum gloriæ, quam naphtha flammæ; nec deerant exempla, quæ, juxta *Flacci* proverbium, oleum adderent camino. Nam ut ne commemorem vetera, videbat quantum si non laudis certe famæ sibi nuper parasset *Ortunius Gracius*, ex una aut altera qualicunque conflictatiuncula. Intelligebat esse verum, quod scripsit *Pindarus*, bello nobilitari viros, & quos tranquillitas obscurat, tumultus illustrat: nec fugerat illum, opinor, illud *Gracorum* proverbium, ἐν τῇ διχομασίᾳ καὶ δουλείᾳ πολέμαρχοι perspiciebat, & longam, & difficilem esse viam ad parandam gloriam, scribendis libris innotescere mundo, nec admodum dissimilem *Hesiodia* illi. Vidit aliam magis etiam compendiarium ea, quam tibicen ille apud *Lucianum* indicat discipulo, nimirum ut artis suæ specimen præberet iis, qui jam omnium judicio probati tibicines haberentur: Sic enim compendio fore, ut horum suffragiis commendatus, quorum judicio plurimum tribueret vulgus, per universam *Craciam* illustris evaderet. Honeſtam sane viam indicavit ille tibicen, sed quæ nonnullis nondum satis compendiarium videtur. Malumus insinceram gloriam, quam quæ verior, sed serius contingat. Qui taxat aliena scripta, primum uno statim anno tantundem nominis assequitur, quantum ille multorum annorum vigiliis sibi paravit. Deinde vulgo doctior habetur, qui reprehendit. Postremo non defunt, qui admissio subdant calcar, qui currentem incitent, qui acclament, qui mellitissimum illud εὖγε succinant, qui applaudant, qui medio in cursu frigidam suffundant, qui

Crescentem tumidis inflent sermonibus utrem.

Hæc faciunt, ut etiam si quid juvenilius scriptum esset à *Leo*, non admodum ægre laturus sim, modo ne nimium diu torqueat nos ista parturiens, pollicitans, jactitans, minitans, obtreſcitans, & rem ad seditio-nem vocans. Quod si meo consilio parens meminerit ubique modestiæ *Christiana*, magisque spectarit, quid ipso dignum sit, quam quid cupiant quidam, qui alienis ingeniis abutuntur ad lædendum subolescentia meliora studia, non solum apud studiosos, verum apud me quoque gratiam non mediocrem inibit. Cur enim mihi turpe ducam, si in tot millibus locorum, quæ vel restitui, vel explicui, cernat aliquid, quod meos oculos alio properantes suffugisset, aut deprehendat in quo à me dissentendum putet? Non hac lege scripsimus annotationes, ut cæteris jus esset ademptum, vel addendi, si quid præterea queat aliquis animadvertere, vel corrigendi, sicubi nos essemus hallucinati, non solum homines, verum etiam & ingenio perquam

A exiguo, & eruditione vix mediocri. Id etiam si non An: essem testatus, tamen nemini debebam usque adeo vi- 1519. deri arrogans, ut cum ipse non dubitem locis aliquot à probatissimis doctoribus, *Ambrosio*, *Augustino*, *Hieronymo*, *Cypriano* dissentire, cæteris præscribam legem, ne quis à me dissentiat. Nunc clara voce testor, me velle jus hoc primum mihi ipsi integrum esse, deinde alios ad hoc studium provoco, atque invito, tantum abest ut deterream. Atque hæc fortassis non legerat *Leo*. Nam memini cum in colloquio quodam me graviter admoneret, ut testarer alicubi in Præfatione, me non hoc animo edidisse Novum Testamentum, quod nollem à *Gracorum* lectione usquam dissentiri, moxque respondissem jamdudum id mihi non semel testatum esse in prologis, aiebat sese præteritis Præfationibus, ad rem properasse. Atqui si idem, inquam, faciant cæteri quod tu, quid retulerit fuisse testatum? Illud mihi videor meo jure sumpturus, neminem ante me vel plura, vel diligentius annotasse. Ut ne dicam interim quod in eo Opere non profiteor me quicquid est scitu dignum annotaturum, sed ea duntaxat, quæ ad lectionis sinceritatem faciunt. Quod si cui videbitur, diverſorum generum annotationes complecti, non continuo me vicerit, nisi in eodem argumento se præstiterit copiosior. Et tamen sic faveo piis studiis, ut non à *Leo* tantum, verum etiam ab omnibus vinci cupiam. Ad *Christi* gloriam, ad publicam utilitatem eorum, qui deamant sacras Literas, hoc quicquid est laboris desudavi, cur repente mutatus inviderem iis, quorum gratia tantum vigiliarum exantlasser? Imo cur mihi ipsi invideam, si quis suo sumptu me velit docere vel plura, vel rectiora? Quæſo, quid hic est, quod vel mihi *Leo* indignetur, vel ego sim illi iniquior? Si non probat argumentum susceptum, cur ipse voluit in eodem argumento versari, & cum res fere tota pendeat à *Græca Latinaque* linguæ peritia, cur mihi non concedat utriusque linguæ aliquanto, opinor, peritiori, quam ille sit, quod ipse sibi permittit, nuper *Græca* linguæ rudimentis initiatus, nec eo progressus adhuc in lingua *Latina*, ut mecum, opinor, dedignetur uti jure cõmmuni: deinde cur mihi non permittat in Novo Testamento, qui sibi nihil non permittit in Veteri, idque nuper degustatis *Hebraeorum* literis, præsertim cum à me stet tot probatorum exemplarium consensus, tot orthodoxorum auctoritas, ille præter hodie vulgatos *Hebraeorum* codices, & lexica quædam, nullis pene præſidiis nitatur? Postremo cur mihi jus non sit hoc facere, hortante & approbante *Leone* Pontifice Maximo, quod ipse sibi sumit auctoritate propria? Neque vero hæc dico, quod parum comprobem *Lei* industriam, sed quo declarem neutri causam esse, cur alteri vel invideat, vel indignetur. Etenim qui contendunt nefas esse quicquam immutare in vulgatis nostris codicibus, prorsus insaniunt, ut abunde docuimus in *Apologia*, qua Novo Testamento præfati sumus. Sin quædam in Opere meo non probat, quorsum opus erat hac belli specie, quorsum tot oblatratibus, tot furfuris, tot sycophantiis, tot obtreſcetricibus epistolis? cum ego ultro provocarim ad hoc officium, priusquam *Leo* attigisset *Græcas* literas, aut suspicarer futurum etiam ut attingeret. Non sum tam impudens, ut factum improbem, ad quod provocavi, viam modumque facti, nullus opinor cordatus, aut gravis homo probaturus est, quando nec illi visus est hac in parte *Leo* æquum facere, cui nihil non æquum videri solet, quod bonis literis, & *Erasmio* adversetur. Quod si rectam rationem maluisset adhibere in consilium, quam iram, aut odium, aut livorem, aut ambitionem, aut alium his similem affectum, neque me læſisset dux & organum factus sycophantis, qui nunc nescio quo fatali sydere regnant, & sibi gloriam peperisset, ut uberiorem, ita etiam verioriorem. Primum enim, cum difficillimum sit prodesse, lædere facillimum, ab illo potius quam ab hoc debebat parandi nominis auguria sumere. Nunc cum au-
dito

An. dito *Lei* nomine, antehac obscuro, rogabunt hospites, quid hominis est *Leus* iste? Respondebitur, is qui primus omnium exstitit *Erasmomastix*. Ut ingeniosius, ita plausibilis est novum aliquod Opus gignere, quam in alienis libris ingeniosum ac doctulum velle videri: praelarius est auctorem esse novi cujuspiam Operis, quam in alienis Operibus *Momum* quendam agere; etiam si *Momus* reprehendit duntaxat, non etiam calumniatur, liber verius, quam contumeliosus. Quis autem ferat eum convivam, qui in epulo accumbens magna cura gravique sumptu apparato, dissimulet si quid lautum sit, ac tantum degustatis omnibus, damnet & exprobrat convivatori, si quid deprehenderit, quod parum palato respondeat? Quanto civilius sit, convivatorem illum vicissim domi tuæ lautioribus epulis accipere. Proinde si rem ingenue, si *Christiana* lenitate gessisset, nemo probus non probasset hominis industriam. Egissem & ipse gratias, ac laudibus applausissem. Jam si vel ingenii vis, vel ætatis calor ad bellum pertraxit, proximum erat, ingenue bellum gerere: virtute, non technis: viribus, non insidiis: aperto *Marte*, non dolis. Qui cædem, incendium, qui internecionem moliantur hosti, prius missis fecialibus expostulant, rem repetunt, conditiones præscribunt, quæ si præstentur, arma non recusant deponere. At *Leus* coram amicis nulli cessurum professus, subito factus est inimicus, nec læsus unquam, nec expostulatione facta. Immo cur in odium mei factus est amicissimus iis, de quibus antea pessime & loquebatur, & sentiebat? Id si inficiabitur, est in promptu, quo possit redargui. Deinde cur in præsentem mutus, in procul absentem ferox ac formidabilis esse coepit? cur captato etiam tempore ad lædendum magis accommodo, cum sciret hic exulceratam rem, ob quorundam conspirationem, in eo ulcere, velut unguis exstitit, ac ceu noxius humor buboni sese adjunxit? Cumque cerneret linguæ morbum apud nostrates *ἰσχυρὸν*, cur primus impulit *Dodonum* lebetem amicus nemini cessurus, princeps & auctor tinnitus perpetua reciprocatione in orbem obambulatori? Cur veterem editionem calumniatus est, cum sciret me novam emittere? Ab-eram hac de causa *Basilea*. Nunciabar, ut eram, ægrotus, fortasse rumor, ut solet, rem auxit, & mortuum esse sparserat. Hic subito fortis *Leus* totam hanc regionem, ac suam *Angliam* sexcentis illis locis implebat. Quod si hæc simplici animo facta sunt, cur reverso non exhibuit, quod sine fine jactitat apud omnes? Si me mihi voluit ostendere, (sic enim ille loquitur) cur uni non sit legendi copia? Si sibi scripsit, cur in tot exemplaria propagatus liber, per multas etiam provincias, volitat inter manus conjuratorum: apud quos esse tantum fidei demiror in re sycophantica, cum hodie vix usquam reperias, qui in re quamlibet honesta fidem præstet. Si scripsit omnibus, cur non edidit? Si decrevit premere, cur sic ubique jactitat, cur tam multis impartit: denique cur rexit toties, ac recudit? Si verum erat quod antea prædicabat, nihil esse cui posset responderi, cur non vel in pauculis locis ausus est periculum facere? cur nunc à seipso in multis dissentit? Si fudit libro suo, cur totus est in hoc, ne veniat in manus meas? Si diffidit, cur tot fumos ubique spargit? Si cupit edere, cur tam anxie celat? Cur non utitur conditione toties delata? Cur quiritur apud suos, quod ad editionem provocem? Quid sibi vult ista perplexa inconstantia, *Volo, nolo, nolo, volo*? Si simplici, puroque animo hæc fiunt, cur iis potissimum ostendit, quos novit mihi male velle? Quibus hic non videtur ob aliud bene velle, nisi quod mihi male volunt. Cur his solis negat, quos scit mihi certos amicos esse? Sic enim ipse mihi percunctanti, cur *Thomas Moro* non faceret copiam sui libri, respondit, eum mihi sinceriter amicum esse. Et tamen is est amicus communis, licet *Leo* *ὁμόπαλος* quoque, in quo videlicet ille *πλεονεξία*. Adeo satis idonea causa visa est illi negandi, quod mihi ex animo esset amicus. Sed in-

terim locupletat & emendat Opus suum. Non improbo, sed interim quod verum est, ingenue fateatur. Ne fingat se premere in gratiam meam, quod in suum commodum differt. Ne simulet se à me provocatum ad edendum cogi, cum ipse id facere gestiat? Sed interim tamen non peripicit, quod dum auget Opus suum, imminuit Operis gloriam. Si statim edidisset factis jactatum Opus, nemo non credidisset rem ipsius *Marte* gestam. Nunc periculum est, ne plerique clament, prodire cornicem *Aspicam*, plumis alienis sese venditantem, ut etiam si quid præstiterit, minima gloriæ portio sit ad ipsum reditura. Jam mihi vide quæso te, quam nec illic sibi recte consulit. Expectat ut casus aliquis me tollat è medio. Quid? An vir fortis tum demum prodibit in aciem? & opima spolia feret? ovationem ac triumphum aget? ac non metuit potius ne, quod est turpissimum, dicatur & ipse cum larvis luctari? Quid unquam laudis retulit *ὁ ἐχθρὸς* *ἰσχυρὸς*; Sed esto, maluit iste tutam quam gloriosam victoriam. At vereor, ne hoc quoque in diversum illi cadat. Nec enim dubito, quin pro uno *Erasmo* plures sint exorturi, qui *Leo* respondeant inclementius, quam ego fuerim responsurus: qui tot contumeliis hinc atque hinc laceffitus, nondum ab instituto vetere potui depelli, quo decretum est non committere, ut quisquam meis scriptis fiat ater, etiam si non defuerunt, qui me libris editis petulantissime prosciderint. Ab aliis repertum est novum genus libelli famosi. Conspiratum est agminatim ab iis, qui se devoverunt diis manibus, ni funditus perdant & bonas literas & veterem Theologiam, ut nusquam non blaterent in *Erasmo*, in computationibus, in foris, in conciliabulis, in pharmacopoliis, in curribus, in tonstrinis, in fornicibus, in privatis ac publicis lectionibus, in scholasticis diatribis, in sacris concionibus, in arcanis colloquiis, in secretis admissorum confessionibus, in bibliopoliis, in tabernis pauperum, in aulis divitum, in palatiis Regum, apud supersticiosos senes, apud crassos *Midas*, apud indoctam plebeculam, apud stultas mulierculas, per quas, serpentis illius exemplo, aditum sibi parant ad fallendos viros, nusquam non penetrantes, nihil non mentientes, quo me videlicet de omnibus bene merentem in publicum odium vocent. Ad hoc sanctum negotium alunt suos emissarios, non minus diligenter instructos ad inficiendos animos simplicium & imperitorum, & constabiliendum regnum diaboli, quam *Christus* suos Discipulos instruxerat ad prædicandum regnum Dei. Ad hoc munus Evangelicum, Evangelicis viris potissimum sunt usi, quos hodie mundus simul & mendicos alit, & tolerat tyrannos. Quod ego sane nolim in communem ullius Ordinis invidiam rapi, sed in eos duntaxat recidere, qui sibi tyrannidem quandam usurpantes, opprimunt bonos, ac mansuetudine *Christiana* præditos. Adsciscunt & auxiliares copias eorum, qui vel frusto panis ad quodvis facinus conducì possunt. Quem non subornarunt ad agendam hanc fabulam? Cujus ingenio aut morbo non sunt abusi? Et hujus fabulæ sunt auctores, qui de sarcinda pecuniæ jactura tam superstitiose disputant, nec diffitentur graviores esse jacturam ereptæ famæ, quam pecuniæ. Si quis ausit mutire in sophistas Theologos, si quis in *Carmelitarum*, aut *Dominicanorum* superstitionem tentet verbum jacere, protinus coelum terræ commiscent. Vociferantur periclitari ecclesiam *Christi*, superos atque inferos inclamant. Ipsi cum tanta malitia, tanta pertinacia, tanta conspiratione mentiantur adversus eum, qui studet omnibus prodesse, lædere neminem, sanctuli videlicet sibi videntur, & pii. In famosum libellum capitalis est actio. Isti talium sibi conscii, non dubitant protinus illotis animis, ad sacrosanctam *Christi* mensam accedere. Et satis esse credunt, si suis viciis utcumque blandiantur. Quasi vero desit sicariis, & parricidis, quo sibi sua facinora utcumque excusent. Age, confiteamur, si videtur, quantum horum scelus absit à bello famoso, aut etiam ab homicidio. Quisquis auctor

An. est famosi libelli, primum unum hominem scelere con-
 1519. taminat, isti tot faciunt auctores alienæ infamiæ, quot
 hominum linguas inficiunt, & infectis abutuntur. Il-
 le suo periculo scribit, hi quoniam prætexunt sancti-
 moniam, laudem etiam sibi venantur ex maleficio. Il-
 le quoniam palam profitetur hostem, in totum fere si-
 bi fidem abrogat; isti cultu venerandi, in locis sacris,
 pro doctrina *Christi*, spargunt venena linguæ in im-
 merentem. Ad hæc libello famoso, etiam si incertus
 est auctor, tamen quoniam certa crimina objicit, re-
 sponderi potest, quod à Cæsaribus aliquot etiam fa-
 ctitatum legimus. Hi quoniam & multi, & sparsim,
 & fere clanculum obtreant, nescias quid cui respon-
 deas, & vulnus sentis, nec licet auctorem vulneris de-
 prehendere. Quod si quando deprehenduntur, ibi in
 promptu est status inficialis, etiam si rhetoricen nun-
 quam didicerunt, *Non dixi, non ita dixi, secus rela-
 tum est quam dixi.* Jam ut maxime deprehendas om-
 nia, quis possit cum tam multis delitigare? Quid
 quod vix ullus libellus tam late spargi potest, quam
 istorum calumniæ; qui sic per orbem terrarum obam-
 bulant, ut olim non æque Apostoli; quibus nullus est
 thalamus tam abditus, in quem non penetrent; qui
 non aliter permixti sunt toti mundo, quam sanguis &
 succus per corpus universum diffusus. Quid quod infam-
 iæ libellum nonnunquam excusat necessitas, nimi-
 rum ubi territur tyrannus, quem objurgare nulli sit
 tutum. Isti vociferantur in eum, qui cunctis obuius,
 & expositus, paratus est omnibus rationem reddere.
 Nihil cuiquam charius est, quam sua vita. Et tamen
 bonis viris, hac quoque charior est fama, qui vitam
 eripi patiuntur, famam eripi non sinunt. Hanc igitur
 qui destinata malitia eripit, nonne nocentior est fici-
 rio, aut etiam venefico? Sceleratissimum homicidii ge-
 nus est, venenum in lingua non in pyxide circumferre.
 His injuriis cum hætenus nunquam percelli quiverim,
 ut obliviscerer modestiæ *Christiana*: imo ne ad hoc
 quidem, ut de studiis bene mereri desinerem, non e-
 rat quod vereretur *Lem*, etiam si quid scripsisset pro-
 cacijs, aut juvenilijs. Jam istarum rerum non sum
 insolens, & pulchrius, atque etiam fortius arbitror alie-
 nam petulantiam ferre, quam referre. Nec interim
 defunt tamen, qui mihi procacitatis morbum conentur
 impingere, quod alicubi attingam communes homi-
 num mores, quod à probatis ac receptis auctoribus
 alicubi dissentiam, quod cum stomacho quædam reji-
 ciam. Si dissentire contumelia est, quis unquam scrip-
 sit, qui non alicubi dissentiat à cæteris? Si contume-
 lia est taxare in genere mortalium vicia, cur in publi-
 cis concionibus depingunt, & evulgant arcanorum fla-
 gitiorum mysteria? quod à me tamen nusquam est fa-
 ctum. Porro sicubi videor stomachantior, expendere
 decuit, unde stomachus ille nasceretur. Sævit in *Tur-
 num Aneas*, sed pietati datur quod sævit. *Pallantis*
 occisi balthæus vicit nativam *Anea* clementiam. Vi-
 debam sacrosanctos Ecclesiæ doctores, partim pro an-
 tiquatis & obsoletis haberi, haberi depravatos, con-
 fusos, conspurcatos: Videbam Evangelicam doctrinam
 pene obrutam commentatiunculis hominum, & hujus
 libros mendarum vepribus ac zizanijs obsitos. Ni-
 mirum hic pietas, non ingenium me vehementem fe-
 cit. A tam profundo lethargo non poterat leni pla-
 cidæque voce mundus expergefieri. Si quid igitur hic
 stomachatus sum, non admodum me poenitet. Ubi
 vero videor immoderatus incanduisse, quoties priva-
 tam injuriam à me depello? Malim hoc animo prædi-
 tus esse, quam istorum adsimilis, qui ad *Christi* inju-
 riam lenes & placidi, tantum non insaniunt, si de pri-
 vato lucro, si de gloria vel unciolam detrahas. Hæc
 pluribus ad te scripsi, ut hac epistola, seu clypeo quo-
 piam, impudentissimas istorum nœnias facile propulses.
 Sed quis tandem erit istiusmodi sycophantiarum aut
 modus, aut finis, aut pudor? Quando desinent huic
 excrescæ nimium fortunæ suæ repullulare capita? Quis
 noxius daemon, quæ *Erinys*, quis malus genius pestem

A hanc invexit *Christianorum* studiis? Nam mihi plane An.
 videtur fatale quoddam esse malum, quod tam late 1519.
 grassetur. Dicas *Aleto*, quæ paulo ante Principes ac
 populos impijs bellorum tumultibus miscebat, sese
 vertisse ad studiorum exitium. Bellatur inter eruditos
 pene perniciosius linguis & calamis, quam hætenus
 inter Principes bellatum est ferro. Et ô Deum im-
 mortalem! ubi interim Musæ sorores? Ubi harum so-
 dales simplices Gratia? Parum erat, si lues hæc pro-
 fanas duntaxat disciplinas corripuisset. In ipsas etiam
 invasit literas, quæ nos solæ poterant docere *Christia-
 nam* concordiam, quæ nostros animos ab omni cupi-
 ditatum tumultu tranquillare. Hic unicus portus no-
 bis erat relictus, in quem nos ab hisce rerum humana-
 rum undis ac tempestatibus reciperemus. Quis nescit
 quam variis malis tota hominis vita sit obnoxia? Ab
 his quo nonnunquam refocillari liceret, patebat nobis
 divinæ Scripturæ paradisus. Hic dabatur per amœna
 virecta reptare ociosis. Hic è purissimis fontibus, las-
 si pectoris æstus refrigerare. Hic aura liberiore re-
 spirare, hic dulcissimos animi fructus undelibet decer-
 pere. Hic gratissimos flosculos ungui spiritus demete-
 re. Sed unde serpens ille noxius huc etiam irrepsit,
 ac felicissimum ocium vento discordiæ corruptit? Quis
 salubribus herbis, noxium aconitum admiscuit? Quis
 limpidissimas scatebras, malo toxico viciavit? Quis sa-
 lutiferas arbores, lethalibus forbis adulteravit? Pro cha-
 ritate, pro modestia, pro lenitate, pro candore *Chri-
 stiano*, livor, odium, ira, contentio, ambitio, stu-
 dia temperant. At interim ubi purus ille & Euange-
 licus oculus, ubi judicat livor? Ubi charitas, quæ de
 malis etiam bene mereri studet, quando dictaturam
 gerente odio, qui bene merentur pro officio repor-
 tant maleficio? Quis sano judicio locus est, ubi bi-
 lis dictat, exsequitur furor, urget temeritas, absolvit
 cæcitas? Porro quis malorum finis, ubi litem ex lite
 ferit, malum è malo propagat contentio? Quomodo
 vincet veritas, ubi summam rerum versat ambitio?
 Quid autem recte dictum erit illi, qui iratus, qui in-
 videns, qui corruptus hoc animo librum sumit in ma-
 num, ut venetur, quod carpat? immo qui præjudi-
 cans sibi, prius damnavit quam legeret. Et video rem
 plane à conspiratis ac devotis, immo plusquam gla-
 diatorijs animis geri. Itaque pene in animo est, ab-
 solutis *Paraphrasis in Paulum*, quod adspirante *Chri-
 sto* facturus sum his hybernis mensibus, in posterum
 mihi canere & Musis, imo *Christo* magis. Descen-
 dat alius qui volet in arenam, ego cum hujusmodi
 monstris satis mihi videor luctatus. Expedit non-
 nunquam deploratæ malitiæ cedere, cum nec officii
 fructus est ullus, & irritati mali gravius lædunt. Sed
 nos querelæ finem faciamus oportet, cum illi suæ ve-
 sania nullum faciant finem. Illa querela iustissima mi-
 hi tecum communis est, quod mors ademit *Joannem
 Coletum*, mihi sincerissimum amicum, tibi singularem
 patronum, præceptorem ac potius parentem. O ve-
 rum Theologum! ô mirum Evangelicæ doctrinæ
 præconem! Quanto studio vir ille imbiberat philo-
 sophiam *Christi*! quam avide hauserat pectus ac spi-
 ritum divi *Pauli*! Ut cœlesti doctrinæ, totius vitæ
 puritate respondit! Quot annos ille gratis populum
 docuit, & hoc suum *Paulum* referens? Nunquam
 mihi tam familiare, aut non serium cum illo collo-
 quium fuit, quin ab eo discederem melior, aut cer-
 te minus malus. Quo magis tibi, *Lupsete*, adniten-
 dum, ut tantum præceptorem, qui cum tot annos
 domesticam consuetudinem egeris, & eruditione re-
 feras, & pietate. Bene vale. *Lovanio* 13. Decembris,
 Anno 1519.

EPISTOLA CCCCLXXXII.

Erasmus Rot. Nicolao Præposito Edano S. D.

VIR eximie, scribit ad me bibliopola quidam *Mo-
 guntinus* sibi excudi nescio quid libelli de antiqui-
 ta-

An. 1519. tate agri *Moguntini*, in quo prædicat visi molem quandam quæ vocetur *Drusiana*, de ea si quid habes, aut in commentariolis tuis, aut in memoria, majorem in modum te rogo, ut nobis impartias. Bene vale. *Lovanio* 19. Decembris, Anno 1519.

APPENDIX.

AVDIO vacare ædes quasdam vicinas scholæ, & in tua manu propemodum esse situm, cui debeant cedere. Neque nescit tua prudentia, quam incommodè habitet *Nicolaus Busciducum*, quantaque felicitatis portio sit bene habitare, nec est necesse hominem vobis omnibus notissimum commendare. Rogo itaque, si citra tuum incommodum potes optimo viro commodare, ut tui similis esse velis, eodem officio me quoque tibi devincturus. Rursum vale. Anno 1519.

EPISTOLA CCCCLXXXIII.

Erasmus Rot. Joanni Fabro, Vicario Episcopi Constantiensis, S. D.

OPECTVS amicitiae natum, nec tumultus negotiorum, quibus undique distringeris, neque tanta locorum sejunctio potuit amiculi memoriam excutere, præsertim à quo sis tam indiligenter cultus. Etenim *Basilea* quum essem, adeo nullum mihi vacuum tempus faciebant edendorum voluminum meorum curæ, ut aliquando vix vacarit resalutare tam eximium amicum ac patronum, quem omni genere officiorum prosequi par erat. Egregiæ cuiusdam humanitatis erat, nostris fastidiis ignoscere, nunc etiam magnifice gratias agis. Sed ut sic ad tuam epistolam non minus eruditam quam prolixam respondeam, quemadmodum *Basilea* salutantem resalutare soleo: ex laudibus, quas mihi tribuis effusissimas, nihil decerpam, præter animi impendio majore quam iudicio, meo nomini faventem. Quod *Beatus Rhenanus Methodum* meam tuo nomini inscripsit, facile boni consulerem, si prius ille me de suo consilio certior fecisset, quam ego hoc libelli *Alberio Præsuli Moguntinensi* dedicassem. At nostra dedicatio jam exierat in vulgus, prius quam *Beatus* exemplar accepisset, cui tum non addideram epistolam nuncupatoriam, quod nollem in Novo Testamento duas legi dedicationes, ne quis cavillaretur me de una fidelia duos parietes linere voluisse. Atque ita temperaram libelli filium, ut vel separatim legi posset, vel illius Operis pars esse: quod quidem testor in ipso statim Operis limine. Proinde consilium hoc, mea sententia, non satis auspiciato venit in mentem *Beato Rhenano*, præsertim quum ipse premat in scriniis suas lucubrationes, quibus possit se pariter ac suos illustrare rectius quam alienis. Quanquam hic quoque laudarem etiam *Beati* studium, nisi fuisset infelix. Magis enim fortunæ quam illius animo reor imputandum. Cæterum quod nunc parum ex animi sententia cecidit, alias nostra cura sarcietur. Neque prorsus committam, ut nostram amicitiam ignoret posteritas, si quid tamen mearum nænarum ad posteros unquam perveniet. *Richardus Pacius* bellissime valet, floret ac triumphat apud suos, optimo Regi longe charissimus, cui primus est à secretis, quod munus cum primis optimum est apud *Anglos*. Is nuper hac iter fecit, à Rege legatus, ut salutatis *Margarita & Ferdinando*, adesset electioni Cæsaris. Cujus conspectus mihi tam jucundus fuit, ut nullius æque multis jam annis. *Thomas Morus* est Regi à consiliis, atque item *Coletus*: *Thomas Linacrus* à cura valetudinis. Ipse Rex felicissime philosophatur. Regina literas amat, quas ab infantia feliciter didicit. Quis non cupiat in tali aula vitam agere? Bene vale, vir eximie. *Lovanio*, Anno 1519.

EPISTOLA CCCCLXXXIV.

Erasmus Rot. Gerardo Noviomago Episcopi Ultratrajectini à sacris S. D.

AMICORVM candidissime, aurigam nacti sumus, non minus temulentum, quam erat meus famulus.

A Itaque *Lovanium* pervenimus aliquanto ante nonam horam, non sine periculo: nam is currus, qui nos anteibat, subversus est. Vehementer arrisit illa literarum tuarum pars, qua significas reverendissimum *Jacobum Calkarem*, Ordinis *Dominicani* isthic provincialem, nostri studiosum esse. Nam ego palmarium puto, placuisse viro tanto, quantum tu nobis eum describis, & ipse facile credo optimæ fidei auctori. Cæterum vix animus queo inducere, ut ille sese ad nostras nugas legendas demittat. Locum inspexi, atque omnino res sic habet ut ille narrat. Candorem hominis exosculor qui reperit quo locus ille defendi posset, si pro &, scribatur aut. Sed adversus alienigenas aut impios.

B Quanquam idem sensus consistebat, manente conjunctione, &: siquidem cum dicimus, hic non habet honorem, nisi doctis, ac probis, nihil vetat quo minus diversi sint docti, ac probi. Verum, ille recte voluit addita luce, caliginem amphibologiae discuti. Memineram historiæ de Tribu *Benjaminide* pene usque ad interneccionem extincta. Sed primum arbitrabar generalem orationem constare, etiam si unum aut alterum eximatur: sicuti non ideo falsum dixit *Paulus*, *Omnes in Adam peccaverunt*, si credamus *Mariam & Christum* à peccato fuisse immunes, quanquam fateor non consistere, si dialecticus summo, quod ajunt, jure tecum agat: deinde, mihi non visum est istud proprie belli nomine censendum, sed potius animadversionis; nisi forte cum *Moses* ob vitulum aureum tot hominum milia trucidavit, bellasse videtur. Postremo mihi satis erat, quod nos semper inter nos belligeramur, illi aut nunquam, aut rarissime. Ad persuadendum facit exaggeratio, ut, *nunquam*, positum sit, vice, *fere nunquam*: quemadmodum *Paulus*, cum ait, *Omnes quæ sua sunt querunt*, non omnes sensit esse tales, sed intelligi voluit perpauca esse, qui Evangelium sincere tractarent. His tergiversari poteram, ut nemo non ingeniosus est ad defensionem sui: nisi quod non libet à tam eximio viro dissentire. Itaque proxima editione locus is mutabitur. Fac me illi quam diligentissime commendes. Nam homini cupio propius esse notus. A te nihil meo nomine peto præterea, nisi ut pergas tui similis esse. Bene vale. *Philippo Monijoio*, omnium quos in vita viderim candidissimo, cum uxorcula meis verbis salutem dices. Reverendissimo dices, quæ nunquam non dices. *Lovanio*, Anno 1519.

EPISTOLA CCCCLXXXV.

Erasmus Rot. Martino Bruxellenfi S. D.

NON queror, quod mihi parum tribuas, sed hoc nomine parum tribuis, quod *Leicus* annotationibus meas præters, quasi vero ille scripserit annotationes. De *Luthero* movent stultam ac perniciosam Tragediam. Id postea sentient, non quod *Luthero*, sed quod *Christiana* faveam tranquillitati. Utcunque scripsit *Lutherus*, certe hic tumultus nulli cordato placet. Sortem tuam merito ferres graviter, nisi cuique mortalium, ubique fatis esset quod ferat. Commode ferendo, facillime lenies necessitatem, quæ vitari non potest. Nam servitutem mutare, fortasse durior, non est consilii. Non desero vos, sed fatigatus studiorum immodicis laboribus, obambulabo, verum non procul à *Lovanio*, ne me conficiat Quadragesima. Spero Regis adventum his pudendis tumultibus finem impositurum. Roga nostrum *Lutzenburgum*, ut cras ad prandium veniat familiariter, & tu una cum illo, si possis: nam velle sat scio. Bene vale, charissime *Martine*. E musco nostro, Anno 1519.

EPISTOLA CCCCLXXXVI.

Erasmus Roterod. Martino Bruxell. S. D.

TOT obruor laboribus studiorum, ut, si maxime cupiam, non vacet adire te. *Joannes Hagius* abjurat se esse auctorem famosi libelli. Ego suspicor *Leum* auctorem.

An. Storem esse, aut certe instigatorem, ni me mea fallit
 1519. divinatio. Res leviter me movet, mihi ipsi bene con-
 scium: sed si possim certum scire qui sit, fiet ut sit
 aliis exemplo, quisquis est ille *Sasana* organum. Tu
 fac te sacris Literis oblectes, absque contentione, quæ
 tuam tranquillitatem turbat, & meis negotiis non mul-
 tum adfert momenti. Cras eo *Antuerpiam* empturus
Hebraicum volumen, nisi quid variat animi tui senten-
 tia. Bene vale, *Martine* charissime, ætate fili, sacer-
 dotio frater, & istos homunculorum tumultus magno
 animo despice, nixus cœlesti *Christi* præsidio. Anno
 1519.

EPISTOLA CCCCLXXXVII.

Erasmus Roterodamus Martino Bruxellensi S. D.

VIDE num aptum munus miseris, trumenulam
 non habenti pecuniam. Reperi in mea bibliote-
 cula *Gregorium Nazianzenum*, & ab *Hieronymo* lauda-
 tum, non minus pium, quam eruditum ac facundum.
 Eum ratus tibi placiturum, ad te ire iussi, vel *avrida-*
gov, vel mei in te studii quaecunque symbolon. Tu
 perge tuam ætatem florentem, atque indolem non vul-
 gare, utrunque Dei donum, in sanctis studiis exer-
 cere, sed ita ut simul hoc agatur quod legitur. Bene
 vale, charissime mihi, ætate fili, presbyterio frater,
 nosque precibus tuis *Christo* commenda. Anno 1519.

EPISTOLA CCCCLXXXVIII.

Erasmus Rot. Martino Bruxellensi S. D.

CHARISSIME frater, acceptis tuis literis non re-
 spondi, protinus decreveram visere te. Verum,
 semper novis occasionibus sum prohibitus. Oro te, ne
 quid animum tuum discruciet hæc tragoedia plane fa-
 talis, tuus dolor mihi prodesse non potest, obesse po-
 test certe tibi. Omissis hujusmodi nœniis oblecta te san-
 ctis studiis, & philosophia *Christi*, quæ gaudet bonis,
 & tolerat malos. Puto me habiturum Vetus Testamen-
 tum *Hebraicum Antuerpie*. Si non mutasti sententiam,
 curabo ut ematur: sin secus est animus, describe quid
 velis fieri. Bene vale in Domino, mi *Martine* charissi-
 me. Anno 1519.

EPISTOLA CCCCLXXXIX.

Erasmus Roterod. Ludovico Vivi S. D.

QUID te felicius, eruditissime *Vives*, qui gratiam
 ineas etiam maledicendo, quum nos & benedicen-
 do nobis odium & invidiam conciliemus. Conati su-
 mus veræ pietatis ac religionis aperire fontes, adnixa
 fumus rem Theologicam, plus satis prolapsam ad ar-
 gutas magis quam necessarias quæstiunculas, priscae
 majestati pro virili restituere, & sic in me debacchantur
 Monachi quidam, quasi sacrilegium admiserim, quum
 tu tam gratos & commodos experiaris sophistas, irri-
 tabile, ut vulgus existimat, hominum genus. Proinde
 posteaquam res tibi tam feliciter cessit, perge qua coe-
 pisti, studiis ad meliora revocandis invigilare. *Parisiensis*
Academiae candorem ac civilitatem jam olim sum admi-
 ratus, quæ tot annos *Faustum* tulerit, nec tulerit solum,
 verum etiam aluerit, evexeritque. Cum *Faustum* dico,
 multa tibi succurrunt, quæ nolim literis committere. Qua
 petulantia solitus est ille in Theologorum ordinem de-
 bacchari? Quam non casta erat illius professio? Neque
 euquam obscurum erat, qualis esset vita. Tantum
 malorum *Galli* doctrinæ hominis condonabant, quæ
 tamen ultra mediocritatem non admodum erat progressa.
 Hujus *Academiae* procures non ferunt trilingue colle-
 gium, gratis adjuvans publica omnium studia, gratis
 ornans non solum hanc scholam, verum etiam univer-
 sam Principis ditionem. Non ferunt Professores mori-
 bus inculpatissimis, professione casta, doctrina longe
Faustina præferenda. *Parisiensis* *Academia*, certe in hæc
 literarum genere, quod sibi proposuit, semper primas

A tenuit, & tamen gaudet undecunque sibi contingere An.
 literaturæ politioris accessionem. Datur locus quidvis 1519.
 quacunque mercede profitentibus. Hic *Guilhelmo Ne-*
seno, *Pomponii Mela* geographiam profiteri gratis ag-
 gresso, nihilo remissioribus studiis obstiterunt, quam
 si parasset totam hanc urbem incendio miscere. Ante an-
 nos non ita multos frigeat hæc schola, nunc bonarum
 literarum commendatione facta celebrior, mirum quas
 cristas erigit, quod attollit supercilium, quam medi-
 tatur tyrannidem. Sed hoc quicquid est tragoediæ duo-
 bus aut tribus acceptum ferimus. Quos etiam si non
 queant mitescere, tamen obruent tandem in dies magis
 ac magis invalescentia rectiora studia, præsertim si tu
 te in hoc bello *Camillum* quandam præbeas. De *Budeo*
 tametsi nihil novi prædicas, tamen hominis amicissimi
 verissimis laudibus sum unice delectatus. Ille vero nun-
 quam *Erasmum* ab se alienabit, etiam si atroces inve-
 ctivas in nos scripserit; tantum abest, ut illa literarum
 velitatio queat animos Gratiarum nodis conjunctissimos
 divellere. Habes epistolam Laconicam, sic enim soleo
 pro *Lucullianis* cœnis *Diogenicum* reponere convivium.
 Verum, hoc non animo, sed occupationibus imputabis.
 Bene vale. *Lovanio*, Anno 1519.

EPISTOLA CCCCXC.

Erasmus Roterod. Paulo Voltzio S. D.

DIFFICILE mihi sit tibi dare consilium in ea re,
 in qua nescio qua parte pedem tuum torqueat cal-
 ceus. Si quod vitæ genus nosti, quod eam præbeat
 tranquillitatem, quam animus tuus, ut auguror, hu-
 manorum tumultuum pertæsus, suspirat, indica mihi,
 jungam me tibi. Jamdudum enim satur sum omnium
 quæ video geri, veluti fato quodam. Sed vereor ne in
 omne vitæ genus sequantur nos molestiæ. Quare si du-
 rare potes in isto vitæ genere, malim te tranquilla-
 tem istam ab animo petere potius quam aliunde. Si non
 potes, precor ut *Christus* Opt. Max. velit esse faustum
 ac felix, quicquid agis. Molitur & *Oecolampadus* fu-
 gam. Et *Wimphelingus* portum suum spectat, ut scri-
 bit. Ego solus relinquo in his fluctibus. *Coletus* præ-
 cessit, *Christus* addidit mihi *Satanam* eximium, qui re-
 bus omnibus omissis, totus in hoc est, ut orbem in me
 concitet, natus ad seditionem. Et tamen mihi interim
 laborandum est, ne vapulet. Mi *Voltzi*, nunquam e-
 ram crediturus, tantum veneni esse in pectoribus hu-
 manis. Et tamen sacrificat frequenter. Minatur exitium
 omnibus, qui audeant bene loqui de *Erasmio*: etiam si
 de ipso nihil loquantur mali. Bene vale, Pater & ami-
 ce in *Christo* charissime. Anno 1519.

EPISTOLA CCCCXCI.

Erasmus Godschalco Rosemundo, Lovanienfium Aca-
demia moderatori, S. D.

INVITVS te toties interpello meis literis. Sed hoc
 tamen utrique nostrum est commodius. Conticue-
 rat ad tempus *Frisius* ille Prædicator, pridem *Moria*
 nostræ interpres, nunc *Antibarbarorum*, nullis conviciis
 non debacchans in nomen ac famam meam. Et putat se
 recte facere, vel hoc argumento, quod in scriptis meis
 Monachos attigerim, quanquam ubique abstinens ab atro-
 cibus illis, quæ tamen heu nimium frequenter, atque uti-
 nam falso, de illis narrat vulgus, nuper etiam in frequenti
 convivio Card. *Sedunensis*, semperque nominibus par-
 cens atque etiam ordinibus. Nisi forte totum Ordinem
Dominicanorum lædi putant, si quis queratur sibi à *Do-*
minicano quopiam factam injuriam. *Hieronymus* nonne
 Monachorum & Monacharum vitia depingit ipse Mo-
 nachus? Si non est fas ullo pacto attingere Monacho-
 rum vitia, ne sacerdotum quidem aut aulicorum lice-
 bit. Sed in hos isti velut è plaustris magna licentia vo-
 ciferari solent. In *Antibarbaris*, quid aliud illis impin-
 git *Battus*, quem facio loquentem, nisi odium politio-
 ris literaturæ? An non hoc ipsi vel me tacente decla-
 rant,

Ab.
1519.

rant, ubique tam odiose concionantes in lingua ac
bonas literas? multum hic certe diffidentes à summo
Pontifice, qui in suis ad me *Brevibus* ait, eas & dici,
& esse bonas, multum à Synodo proxima *Lateranensi*,
quæ totos quinque annos tribuit his studiis. Nec post
interdicit, si modo non nihil studii gravioris admiscea-
tur. Jam cum fateatur se ideo lacerare me, quod atti-
gerim Monachos, nonne palam declarat animo vindi-
candi sese hoc facere? Quid autem turpius, quam ad
ultionem abuti templo, abuti suggesto prædicandæ
Christi gloriæ destinato, abuti plebis imperitæ credu-
litate? Et hæc eo turpius fiunt quod fiant in hac ce-
lestri Academia, & in oculis vestris: quasi vobis au-
ctoribus, aut certe approbantibus. Quid jam erit sin-
cerum, si sermo divinus nobis vertitur in telum, quo
jugulemus proximum? Ingens flagitium est, si quis
indigne sumat corpus Dominicum. At plus exitii re-
dit ad multos, si quis adulteret sermonem Euangelic-
um. Si læsi sunt, est alia ulciscendi via citra injuriam
sacræ concionis. Jam hoc opinor erit quibusdam vo-
luptati, si mihi senferint aliquid ægre esse. Ego qui-
dem & majora tuli, & adhuc ferre possum: mentiar
tamen, si dicam me nihil hisce rebus commoveri. Mi-
nus indigne feram si me feriat mulus, aut homo fu-
riosus: sed tamen malim non feriri. Ut vitæ, ita fa-
mæ alienæ dominus est, qui suæ contemptor est. Cui-
vis in proclivi est lædere. Et absit ut ego vicissim,
quid hac in parte possim, velim experiri. Cum tot dies
agerem *Colonia*, nulli verbo questus sum, fretus tua
oratione, quod diceret te sperare futurum, ut in po-
sterum conflesceret *Egmondanus*. Nam ab hoc *Frisio*
nihil expectabam novæ tempestatis. His malis aucto-
ritas tua vel verbo potest finem imponere. An debeat,
ipsa viderit. Ego debere arbitror, si non mea causa,
certe publicæ tranquillitatis gratia. Antequam perfice-
rem hanc epistolam, prænus cum *Maximiliano* Abba-
te *Middelburgensi*, quoniam erat in proximo, adii per
occasionem Priorem *Dominicalium*. Is negavit se scire
quid ille dixisset, sed tamen vultu, gestu, totoque
sermone declaravit, se conscio ac volente hæc fieri.
Postridie ejus diei venit ad me *Frisius* ille veluti pur-
gaturus sese, juvenis mire confidens, & qui sibi vi-
deatur nihil loqui nisi gemmas meras, meros flosculos,
& oracula mera. Is fassus est se in die divæ *Catharine*
plura dixisse, quam mihi fuerat delatum. Et in pur-
gationem sui mira confidentia proposuit quædam tam
stulta, ut stultissimum fuerit respondere. Tametsi re-
spondi tribus verbis. *Egmondanus* in auspicando *Paulo*
precatus est, ut quemadmodum *Paulus* ex Ecclesiæ
persecutore factus est Ecclesiæ doctor, ita conver-
tantur aliquando *Lutherus* & *Erasmus*. Quid fiet istis?
Nihil magis optent, quam ut aliqua ratione molesti
sint. Et male habet illos, quod *Lutheranus* non sim, ut
re vera non sum, nisi serviat gloriæ *Christi*. Scio me
esse linguæ licentioris: nullus tamen audivit me pro-
bantem *Lutheri* doctrinam. Libros illius nunquam stu-
dii legere, præter paucas pagellas, easque degustatas
verius quam lectas. Disputationibus vestris adversus
Lutherum semper constantissime favi: sed multo magis
scriptis, maxime *Joannis Turenholii*, qui doctè & sine
affectibus disputavit, ut audio. Cum exurerentur li-
bri, nemo me tristiores vidit. Constanter fassus sum,
mihi displicere in eo permulta. Scripsi privatim mul-
ta, & dixi multa, quæ illum ab hoc seditioso scriben-
di genere compescerent: & *Lutheranus* vocor. Hi jo-
ci, si vestræ placent Academiae, sum is qui possim
ferre. Nam id malo quam ulcisci. Sed mea sententia
præstiterit rem aliis rationibus agi. Imputat mihi *Vin-*
centius tumultum *Hollandicum*, quod illic post stultis-
simam concionem propemodum fuerit lapidatus à ple-
be, cum ego nulli *Hollando*, neque bene scripserim
de *Luthero*, neque male. Bene vale in *Christo*, Ma-
gnifice D. Rector. Anno 1519.

EPISTOLA CCCCXCIII.

Guilielmo Montjoio Erasmus Rot. S. D.

V NICE *Mecenas*, antehac gratulatus sum *Anglia* An.
tuæ, quæ tot haberet viros egregia probitate, 1519.
parique doctrina præditos: nunc propemodum invide-
re incipio, quæ sic efflorescat omni genere studiorum,
ut omnibus regionibus laudem præcipiat, ac penè te-
nebras offundat. Quanquam ista laus haud ita nova est
vestræ insulæ, in qua constat & olim eximios viros
existisse. Declarant id vel Academiae vestræ, quæ ve-
tustate nobilitateque cum vetustissimis ac celeberrimis
certant. Deamo *Richardum* Episcopum *Wintoniensem*,
qui magnificentissimum collegium suo sumptu propriè
dicavit bonis literis. Magis autem exosculor egregium,
ac prorsus heroicum animum *Thoma* Cardinalis *Eborac-*
ensis, cujus prudentia schola *Oxonienfis*, non solum
omni linguarum ac studiorum genere, verum & mo-
ribus, qui deceant optima studia, condecorabitur. Nam
Cantabrigienfis Academia jampridem omnibus floret or-
namentis, præside *Joanne* Episcopo *Roffensi*, qui nulla
in parte non egregium agit Præfulem. Cæterum hujus
laudis præcipua portio regio pectori, velut horum con-
siliorum fonti, debetur. Cum tot regnis ac Regibus
altissima pax est, atque, ut augurari libet, æterna. Pel-
luntur nocentes, vigent bonæ leges, evolvuntur opti-
mæ literæ. Rex ipse hisce rebus omnibus non solum
auctor est, ac dux, verum etiam exemplum primus
ipse præstans quod præscribit. Nulli mortalium magis
ex animo bene volo quam tibi, & tamen parum abest,
quin invideam tuæ celsitudini, quæ tantis bonis frua-
tur sine me quondam commodorum & incommodo-
rum socio. Quodque gravius est: interim dum tu tot
nominibus felix es, mihi cum teterrimis quibusdam
non hominibus, sed portentis conflictandum, in quo
me hercle lubens experirer, quid possit eloquentia, ni
me *Christianus* pudor, ceu *Pallas* quæpiam *Homericæ*,
jam capulo manum admoventem, capillos vellicans re-
vocaret. Bene vale. *Antuerpia*, Anno 1519.

EPISTOLA CCCCXCIII.

Erasmus Aloisio Marliano, Episcopo Tudenfi, S. D.

M A J O R E M in modum gaudeo, reverende Pater,
amplitudinem tuam nobis esse redditam, ne nul-
lus mihi patronus sit in aula, posteaquam oblit *Sylva-*
gius, nec rediit *Barbiri*. Neque enim dubito, quin
eum animum sis præstaturus *Erasmio*, quem hæcenus
semper præstitisti: quem ipsum non tam mihi præsta-
bis, quam optimis studiis, quibus quoniam impense
faveo, multos habeo qui mihi non favent. Mitto *Apo-*
logiam, qua respondeo iis, qui me traducebant apud po-
pulum, quod vertissem, *In principio erat sermo*. Vel
ex hac re licet illorum stoliditatem malitiosam agnos-
cere. Qui has perfert, est *Huttenus* ille facundissimus
Eques, & Orator bellacissimus, juvenis candidissimi
pectoris, & tuo dignus amore, nisi plane fallor. Pro
consilio tuo tum amico, tum prudenti, quod ex *Bar-*
birii literis accepi, gratiam habeo, & animus est se-
qui. Adissem ipse te; sed adhuc tenella est valetudo,
nam æstus superior, quem *Phaethon*, opinor, rursus ad-
motus solis curtui nobis invexerat, me propemodum
confecit. Bene vale. Anno 1519.

EPISTOLA CCCCXCIV.

Erasmus Rot. Guilielmo Budæo S. D.

K ΑΙ πολλοὶ ὡς σε ἀπαγγέλλουσι, φίλτατε Βυδάε, ὅτι
αὐτὸς τρίτον ἤδη οἶμαι χρόνον ἀπείλησεν ἡ μέλειος θαν-
μάζειν σε διὰ τὸ τοῦτον χρόνον σιωπῆσαι, ἔδεν δὲ συνενομεῖν
ὡς θνητοῦ σου, τὴν ἑωπὶαν ἀρχομένην, Vidi enarratio-
nem quam, &c. τάς μὲν ἴδιαι, ἔδεν ἄλλοι μοι αὐτίον εἶναι,
οἱ μὲν, ὅτι τὴν φίλιαν τὴν ἡμετέραν, ὡς κτῆμα τιμιότατον
ἐπὶ πολλῶν ποιῶν, μάλλον ἢ παρὸς ὅτιαν ἡγάμεθα, μάλιστα
L1 3

Αν. ἀν' ἀξίαι μὲν, τοιαύτην δοκεῖν παρ' ἡμῖν
 1519. ἀληθῶς εἶναι, πάντ' ἐπὶ πέπρωται, τὸ ἐστὶν ἀκέραιον τε καὶ εἰλι-
 κερὴν. Οὐ γὰρ νομίζω πρὸς τὸ σωτὴρ καὶ σωτηρεῖν, τὴν ἡμε-
 τέραν ὁμόνοιαν δεῖν πως Λοδοβίκου Βιδέως, ὡς περ κοινῆς ἡμε-
 τέρων ἀμφότερων, ἀλλὰ μάλλον χρημάτωντων χαλεπότερον καὶ μελεότε-
 ρον παιδεύειν, ἵνα καὶ ἀλλοῖς ἔτω φιλικῶς ἔχῃ πρὸς ἀλλή-
 λους δοκῶν. Τῷ γὰρ ἐμαυτῷ γε θυμῷ, αἱ παιδείαι καὶ καὶ
 σκώμματα, ἐνίοτε μὲν ὑδαμῶς ἀκνίστα, αἱ δὲ παιδείαι με-
 γα, ὑδαμῶς ἀναγέρων ἐπώποτε προσέφερον. Οὐκ ἄχθομαι
 λοιδορίας ταῖς εἰς ἐμὲ, ἀλλὰ φοβέμαι τῇ φήμῃ σου, καὶ καὶ
 αὐτῇ ἐμῇ εἶναι ἡγῆμαι, ἐπὶ δὲ πάντ' αἰνῶς καὶ φιλία. Ἀλ-
 λά μὴ καὶ αὐτὸς ὁ Βιδέως, δεικνύσαντ' ἐμὲ τὴν ἐπιστολὴν
 σου, μετὰ τὸν τρόπον ἐθαύμαζεν, ὑδαμῶς, ὡς ἔφη, πιστῶς
 τοιαύτῃ γραφῇ Βιδέως πρὸς Ἐρασμον, εἰ μὴ αὐτῆς αὐ-
 τοῦ ἡμετέρου ἀναγνώστης ἡρόμην. Καὶ δὲ εἶπέ μοι πρὸς τὸ χα-
 λῶν, βέλτερος Βιδέως, τί ἀποκρίνεται ἂν ἴς πρὸς τοιαύτῃ,
 καὶ μόνον σκαίως, καὶ ἐχθρῶς λεχθῶς δοκῶν, ἀλλὰ καὶ ἀ-
 καίως, καὶ ἀπροσδιόντως, ὡς ἔπ' εἶπεν. Πρῶτον δὲ ἐγεγρα-
 φῇ πρὸς ἀντιπερὶ ἡμῶν, πάντ' ἔργων καὶ γυναικῶν περὶ πᾶ-
 ραι, καὶ πρὸς χερσίν, ὡς φαίνεται, εἶναι, δηλονότι ὑδαμῶς
 περὶ τὸ ἐφύλαττε καὶ μνήμης τῆς μακαρίας, ἥ σὺ γε σκεδὴν
 καὶ ἐπιμέλειαν ἴσως προσεθήκεις. Τὸτο δὲ μὲν λεχθῆναι καὶ ἀ-
 πλῶς ἀφ' ἑαυτοῦ ὡς περ εἰς φόρον καὶ ὑβριν ῥιφθῆναι, ἐμὲ δὲ
 αἰνίζαμην, καὶ Βιδέως ἐξ ὑπομνημάτων καὶ ἐλέγχων, εἰδὲν
 ἄλλο, λόγιον καὶ πεπαιδευμένον εἶναι. Πρὸς τέτοις εἰς πεδίον
 τὸ ὅτι οἶδα πῶς ἀποστραφείς ἐγκαλεῖς ἐμὲ φθόνῳ καὶ τυραν-
 νίδι, ὡς ἀπαρξάμενος ἐμποδίζοντα καὶ καλῶν καὶ καλῶν
 τοῖς καλῶν ἀνδρῶν, ὅμως δημοσίῳς ἤδη καὶ κοινῇ ἡγο-
 μῶν, ὑποπλάζων μεταξὺ, τὸ ἐμὲ παροισιολογίας πε-
 ρεῖται. Πάλιν αὖτις ἐρωτῶ, τί πρὸς ταῦτα ἀπεκραινάμην,
 αὐτὸ φασὶ δεικνύειν, ὅτι ἐγὼ εἰς τὸ ἐπαίνον σου γέγραφα, ταῦ-
 τὰ σε διεσπάρηκα πρὸς ὑβριν ἐμῶν δόξων. Πῶς δὲ φθο-
 νεῖς καὶ βασκαίνεις ἐνοχλῶ τοῖς ὅποιον χρημῶν ταῖς παροι-
 μίαις, ὡς καλῶν ἐν τῇ θαλάσῃ ἀλιεύειν, ὁ εἰς τὸτο αὐτὸ
 τούτῃς πόντος ἐξαντλήσας, ὡς μάλλον κοινῶς ἀπαρξί καὶ δη-
 μοσίᾳ ἡμετέρῃ. Ἡ πῶς ἐμποδῶν εἰμι τοῖς ἐκδιδῶν τὰ αὐ-
 τῶν συγγραμμάτων, ὁ ποῦτος ποῦτος ἐπὶ ῥύνας, ὅτι τοιαύ-
 τῳ σκεδὴν καὶ ἀμύχαν, ὁ μὲν ὡς ὦν, καὶ μόνον τοῖς τυχεῖν,
 ἀλλὰ καὶ τοῖς ὀπῶν καὶ τὸ Ἐρασμῶν ὄνομα ὀπῶν καὶ ὀπῶν,
 εἴτις πάντως ἐστὶν ὄνομα τῶν. Πολὺ βέλων οὐκ ἔδοξε,
 πρὸς ταῦτα πάντως ὀπῶν, ἥ πρὸς τὸ ἐπ' ἀποκρινό-
 μῃν μᾶλλον, ἐρεθίζον ἴσως καὶ ἐξοργίζον τὸ φίλον, ἥ εἰδὲν
 πρὸς ἐπ' ἀποκρινόμενον, γέλωτα παρέχον τοῖς φιλοσώμ-
 μοις, τάχα καὶ τὸτο τὸ δημοσίᾳς εἰς ἡμᾶς καθολογούμε-
 νοις, ὁ μὲν τὸ τρέγον αἰνῶν, ὁ δὲ τὸ κόσμινον ὑποπλάζον.
 Οἶμαι γὰρ ἰσχυρῶς ἀφ' ἑαυτοῦ τὸ κατ' ἐμὲ, πόσας ἐδοκίμασας
 ἡ μυριάδας ἐτῶν μεμελέτηκα τὰ νῦν παρ' ἐμὲ ἐπαδῶν, ὡς
 φῆς, ἐκδιδῶν, εἰ καὶ σαφὲς καὶ φανερόν ἐστι τοῖς ἐμοὶ πλη-
 σίαις, καὶ οἰκοῦν ἐγνωκί ταῦτα, ὅτι πάντ' εἰς θάτερον μέ-
 ρος ἀμαρτάνω, πάντ' ἄρ' ἀμελεῖ καὶ αὐτοῦ ἀμαρτάνω
 ἐκχέων μᾶλλον ἢ τίς ἀφορρᾶ ἐκ καὶ ἀτελῇ ὄντ', ἥ γὰρ
 λεῖψαν καὶ τὸ ἀρκῶν δίκην. Ἐν τῷ τῷ μέρει σὺ ἐγὼ παι-
 δωτότερος εἶναι νομίζω, ἀλλὰ σε φημι δυσχερέστερον ἄμα
 καὶ φρονιμότερον εἶναι. Αὐτὸς γὰρ ἴσως πλείονά σε γράφω, ἀλ-
 λά καὶ χέρον. Αὐτὸς θάσων ἐκλήκω, ἀλλ' ἐμὲ πολὺ τε-
 θνηξόμην. Ὅπως σὺ βραδύνῃ μὲν ἐν τῷ τίλειν, ἀλλὰ τί-
 τες ἀδύνατον. Περὶ τῶν μὲν τοῦτα. Περὶ δὲ τῶν Γερωνύ-
 μου καὶ Ἀρεοπαγιτῶν, καὶ μνημῶν ἀμαρτήματ' συγνώμην, καὶ
 διδάμναι ἀμείνων καὶ ἐκὼν ἀποδέχομαι, καὶ τὴν παροιμίαν, ἴσον
 ἴσῳ ἀποφείροντες σε, εἰ καὶ κλοπῆς ἡμῖν θανάτῳ καὶ ἐκ-
 δίκῃς, πρὸς τοῖς πάλαι, ὡς περ καὶ τὸ νῦν. Οὐδὲ ἀγνοεῖς εὐ-
 οἶδ' ὅτι, πάντ' κελτῶν, ἐχρηματισμένως Ἀρεοπαγιτῶν κα-
 λῶν. Τάχα δὲ μὴ ταῦτα πῶς ἐπικρῶς λεχθέντα δόξεται,
 καὶ μόνον αὐτότως, εἴτις φῆς, ἐν τοῖς ἐμοῖς πρὸς Τούσσων
 γραμμάτιν αὐτότως καὶ σὺ ἐν καίρῳ λεχθῶν δοκεῖ σοι τῷ τῷ
 ἀπάντων κελτῷ καὶ ἀφ' ἑαυτοῦ, ἐμὲ γὰρ ἐπιτρέψαντ', ἀλλὰ
 καὶ ταῦτα ἡ ἐπαπορῶν, τὸτο δηλονότι ὑποπλάζον, ἀλ-
 λὰ καὶ ἐπαινεῖς με, καὶ σκεδὴ σοι, εἰδὲν ὅτι θυμῷ γεγράφθαι,
 εἰ καὶ τὸ ἐκείνο ἐγκώμιον σὺν ἔλαθεν ἐμὲ, μυκίτερος καὶ σφοδρῶς
 ἔχον. Ἀλλ' ἵνα δὲ ἀνυποκρίτως λέξωμαι, ἐπιφανέστατα βε-
 βῶ, ὡς περ ἡδομαι ἐπαινεῖσθαι παρ' ἀνδρῶν ἐπαίνων ἀξίως,
 ἔτω τῇ πρὸς πῶς τῷ ἐγκωμίων σου, ἐκ ἀν' ἀδῆμονήσας, εἰδὲν
 χετλῶσαι. Διὸ εἰ ταύτης δειρογασίας ἡ μάλλον χετλῶσαι
 μετάνοιά σε ἔληφεν, καὶ μέλλομαι ἀν' ἀποδέχων, τὴν ὅλῃ δω-
 ρεῖν. Ὅσον δὲ ὡς ἀδίκως ἐπὶ τῷ μετρίῳ τῷ ἐμῷ

Α. ἐκ ἀπεδεξάμην τὰ πρὸς σὺ ἐγκώμια, τὸτο σὺ ὄγκον καὶ δυσ-
 1519. κολίαν ἐμῶν δὴ, κελτῶς κατενέγκην ἐμαυτῶν, εἰ δοκῇ, ἐκ 1519.
 καὶ κολοφῶν, ἐν ᾧ σὺ δῆθεν ἐσηκῆς ἐμὲ. Καὶ τίς ποτε ἀγα-
 νακτεῖ πρὸς ἐμὲ, ὅταν λίαν καὶ ἐπιφθόνως ἐπληθῇ. Τίς καὶ
 μάλλον τὴν σωφροσύνην ἀγαπᾷ καὶ τὰ διδόμενα ἐκ ἐπιγινώ-
 σκοντ' εἴτα γυνὸς Ἐρασμοῦ, καὶ εἰδὲν ἄλλο, εἰς τὴν φεγγ-
 κίαν ἀφικνήσομαι, εἰ σὺ τῷ ἐπαίνῳ σε κόσμον ἀφελῆς. Ἐν-
 ταῦθα δὲ φῆς, ἐκ οἶδα τί ἐπῆρξαι ἐν τοῖς γραμμασί σου ὅτι
 ἐγὼ μόλις δύνω ὅλ' ἐκ σκεδῶν. Τί τὸτο καὶ ἐμὲ δύναμαι ἐκ-
 λῶν, ἀλλὰ μέμνημαι σε λόγοις πάντ' σαφέσι γεγράφθαι. Δε-
 δόχθαι σοι παύσασθαι καὶ πρὸς γράμματα, ἀμφότερων ἑνεκα, σὺ
 τε καὶ ἐμὲ. Τὸτο γὰρ ἐκ οἶδα καὶ ὁ Δαυὶδ ὁ ἐκ τῆς κωμῶδίας, σκεδῶν
 ἀν' οἶμαι. Οὐδὲ ἐτι τέλ' ἀλλὰ καὶ τῷ ἀκαίρῳ, κακίως
 πάντων ἐγκλήματ', δίκην μοι γράφεις καὶ τὸ Δία, ὅτι πρὸς
 τὰ ἔως ἀσφαλῆς ἐπηγγελμένα, καὶ ὡς τύπῳ εἶπεν κατ' ὄναρ
 μόνον ἀποδέχθαι, οὐδὲν σαφὲς ἀπεκρίθην, ὅφειλόν μὲν
 ἐν, καὶ τὰ διαγγέλια. Ἐξέστιν οἶμαι, ἐπὶ τῷ ὅτι ἡμῶν, καὶ
 παρῆς τύχης, εἰ οὕτως δοκεῖ, ἀγαπᾶν, ὅποιά τις οὐκ ἔ-
 παρξῇ καὶ ὑπαρξῇ, μάλιστα ὅτι παρξίτε, ὡς περ πρὸς
 ἴτε, ἐμὲ τὴν δυνάμειν τὴν ὑμῶν ἀποδεχομένην, ἔως ἐ-
 πώποτε δευθῆντ' ἐμὲ καὶ ἀνῆλθοντ' ἐμὲ. Ὅμως γὰρ
 μέμνημαι διὰ γραμμάτων νυκτεῖας, ἵνα μὴ ἀγαν σκεδῶν
 τὸτο τὸ πρῶτον, ὑποπλάζον ὅτι ἐμοὶ καὶ λίαν αὐτῷ μέλει.
 Καὶ διὰ τὸ μὴ ταῦτα ἀγανακτεῖς μοι, καὶ τῶν ἐτι πικρότερος
 εἶναι, καὶ ὀπῶν πρὸς τὸ ἀρεσκῆς μὲν, πρὸς χολῆς τῷ ὑπὲρ
 τὸ λίαν μοι φεισάμενος, καὶ τάχα τῶν ἐμῶν, εἰ μὴ σὺ
 τὴν ἀλεξίκακον καθάρειν εἰς ἐμὲ ὡς παρξάντ'. Τέτοις ὅμοιον
 καὶ ἐκείνῳ, ὁ γράφεις ἔως ἐπὶ τῷ ὅτι δῆθεν συμπαίξω ἐμῷ,
 ὡς ὅπως ὄντ', καὶ τῷ Ἐρασμῶν ἀνῆλθον Βιδέως, ἥ εἰς ἐ-
 γὼ καὶ τολμῶμαι ἀνῆλθον, εἰ μὴ καὶ μικρὸν εἰδισμέν'.
 Τὸ ἄλλο πρὸς τὸ μὲν λέγειν βασιλῆος ἴς ἡ σαλῆς πρὸς
 δῶλον ἀλὼν ἡν. Καὶ ταῦτα σὺ γράφεις φίλ' πρὸς φίλον,
 ταῦτα γράφεις αὐτὸς περὶ τῶν εἰς τὸτο πεδίον. Ταῦτα
 γράφεις ὁ φιλοπαίγμων, καὶ φιλοσώμμων, καὶ μετὰ μὲν δυσ-
 χερῶν τὰ ὀπῶν ἀνῆλθοντ' ἐμῷ, ταῦτα γράφεις ὁ πρὸς
 καλ', καὶ τὸ χαλῶν μύτης. Τοιαῦτα δὲ παῖδας καὶ λιθοβο-
 λῆς εἰς ἐμὲ, καὶ πρὸς τὰς ἀπειλὰς μετὰ δῶν, λόγους μάλα
 μελιχρῶς θέλων ἐμῷ καφάλλ'. Οὕτως δὲ γράφεις. Ἡν ὁ-
 μοίαις ἐκ μαγίαις, ὁ δαίμων ὁ σὺς κακὸς ἀγλ' ἐκ καὶ φέρ', ἐκ
 γέρειν τὸ καλῶν ἀρεσκῆς, καὶ τὸ βέλων ἀμῶν εἰς τὸ μόνον
 γράμμων θεολόγων, ποῦτος καὶ σοὶ βουλοδοκῶν, ὡς ὁ-
 μελῶν λέξω. Καὶ γὰρ, ἐν τῷ μέρει ἐξ ὅτων βελῶν φασὶ καθήμε-
 ν', θεάσομαι σε ἐκείνῳ ἀνταγωνίζοντ', ἀπολαύων δη-
 λονότι φίλ' φίλ' κακῶν. Πρὸς σκεδῶν ἐμὲ λέγειν, ἐν οἷς
 εἶναι, καὶ γράφεις πρὸς τὸ Δελοῖν καὶ τὸ Ρυζαῖν. Οὐχ ὅσον τὸ
 φιλοκόλῳ ποιῆς ἐμὲ τὸν ἐν τοῖς μάλιστα φίλοις ἐλθόντοισ
 χαίροντ'. Οὐ πρὸς μὲν τῇ φιλίᾳ τὸ κολακῶν, ἥτις ἡ πρὸς
 τῷ φίλῳ λοιδορίᾳ ἐντυφῶν. Ἐπεὶ δὲ εἰς μόνον ἐμὲ τοιαύ-
 τα παῖδας, καὶ φιλίαις μάλα οἰκείως, ἡ ἑτερόν τι εἶναι δοκῇ
 πρὸς τὸ παρξί τέτοις καὶ τῷ συκοφαντίας ἐγκλήματ' μοι εἰσενέ-
 κεις, ὅτι τούτων τινὰ ἐκ τῶν γραμμάτων σου πρὸς τὸ
 φῆς, ἔλεξα ἀντὶ τῷ φήσεις ἀν', ὡς δῆθεν πρὸς ῥωμαίους,
 πολὺ ἀφ' ἑαυτοῦ ἐν τῇ λογοποιᾷ πότερον φήσεις τις λέ-
 γης τὸτο, ἢ λέξεις ἀν' τὸτο. Αὐτὸ γὰρ τὸτο δῆμονον, καὶ λέ-
 γον, ὅτι ἐμοὶ περὶ τοῖς, ἐκ δῆμονον ἐμοὶ. Ταῦτα καὶ τοιαῦτα
 πολλὰ αὐτὸς μὲν ἀναγνώσκων ὑδαμῶς ἀναγνῶν, πάντα εὐ-
 τὴν ἐμῷ τὰ ἀπὸ φίλου. Φοβέμαι δὲ, μὴ τις ἀπ' ἑαυτοῦ καὶ
 ἥτις οἰκεί' τῷ τῷ χαλῶν χερσὶ καὶ ἄλλῃ τρέπων τὰ ὑπὲρ σε
 φεγγῶν πεπαιγμένα, χέρον, ἡ ἐγὼ γὰρ θέλω πρὸς
 Βιδέως λάβῃ γνώμην. Αὐτὸς γὰρ ὅτι φοβέμαι τι, ὅτι κινδύ-
 νωμαι. Οὐκ ἐν ἐμῷ, ἀνδρῶν λογιότατος, βέλων ἔστω δο-
 κεῖ, εἰ ταῦτα σκεδῶν καὶ μετὸς χερσὶ παρξί, πάντως εἰσάσαν-
 τες, ταῖς μέλαις καὶ ταῖς χαλῶν, τῇ φιλίᾳ καὶ φιλολογίᾳ
 περὶ τῶν, εἰς τὸ ὑπὲρ γράφωμεν πρὸς ἀλλήλους. Ἐπὶ τέτοις
 αἰνῶν εἰς τὸ ἀπάντων πρὸς τῶν ὀπῶν εἰρημένων καὶ πε-
 ποιμένων. Ἐρῶσα.

NON admodum mihi placuit, quod in una qua-
 piam epistola tua videris literarum causam velle
 deferere, postquam in aulam es cooptatus. Imo mea
 sententia nunc maxime patrocinandum est iis literis,
 quas tu per omnem vitam & adamasti vehementissime,
 & coluisti sic ut vix alius diligentius, & fortissime de-
 fendisti. Dabit hoc aulae dignitas, ut nunc magis pro-
 desse queas honestissimis studiis, praefertim merenti sub
 eo

An. 1519. eo Principe, cui cum primis videtur esse studio, ut hoc studiorum genus quam honestissimum reddat: fortasse nec otium negabitur absolvendis eruditissimis lucubrationibus, quas olim instituisti. An tu mediocri praesidium existimas paratum nostris studiis, posteaquam *Morus & Ricardus Pacans* regio famulatio sunt adscripti? *Thomas Linacrus* otium ad edenda, quae nunc partim vides edita, quod domi desiderabat, in aula reperit. Permagis refert, in quam aulam immigres: nunc video tales, ut praeter his ipsae etiam scholae frigeant. Tu modo fac paulisper assuescas, non dubito quin mox futurum sit, ut fatearis tibi calcar additum ad culturam Musarum: neque multum negotii fuerit, ut coalescas: iis luctandum est, quos tenues & obscuros recipit aula. Tu & clarus imaginibus, & re lauta, & literarum stemmatis nobilissimus in aulam venis, nec venis nisi rogatus ac pertractus. Quod si nobis esset aula similis, non dubitarem me illi committere, quamlibet reclamante valetudine atque etiam aetate. Rursum vale, *Budae* charissime. Ut *Deiomo* me excuses, qui non rescripserim, etiam atque etiam te rogo. *Ruzeo* respondi, quum Legatus ageret apud *Leonios*. *Lovanio*, Anno 1519.

EPISTOLA CCCCXCV.

Erasmus Roterod. Petro Aegidio suo S. D.

QVANDO QUIDEM in rebus humanis adeo nihil est perpetuum, ut ne diuturnum quidem aliquid esse possit, non perinde discrucari debes, optime *Petre*, quod patrem amiseris, quam gratulari tibi, quod talem habueris. Quaeso te, circumfer oculos tuos per omnes familias tuae civitatis, ac teipsum consule, num alium patrem tibi deligere velles, etiamsi quis deus hoc largiretur, ut liceret. Aut ego fallor, aut non alium optares tibi, quam contigit. Et ille potest inter felices numerari, si quid omnino felix est in hac vita. Si beatum est diu vivere, pervenerat ille usque ad annum octogesimum, integris membris, vigentibus adhuc oculis, ut nec scipione, nec conspiciillis oculariibus esset opus, vix prima canities coeperat capillorum nigrorem adspargere. Et quod est omnium felicissimum, quemadmodum est rarissimum, totus illi constabat animus. Quod si fortunatum est bonis avibus fortiri conjugium, & ea res illi bis successit: secundum autem hoc fuit felicius, quod optimo viro tot liberos optimos dedit. E quibus tam multos vidit, non modo superstites, verum etiam adultos omnes, & ad aliquem honestum vitae gradum provectos. Et quemadmodum ipse sic universam aetatem egit apud cives suos, ut nunquam ullo foedo rumore famae candorem adsperserit, ita sic instituit suos omnes, ut nullus esset, cujus ipsum poeniteret aut puderet. Quid patre tuo sanctius? Quid matre integrius? Quam ille deamabat conjugem, quam illa venerabatur etiam maritum? Et tamen non semper ex optimis nascuntur optimi. Quam non fuit illi molesta mors, quum se videret in talibus liberis superstitem fore? Porro quoties mellitissimum nepotulum, filium tuum, *Nicolaus Nicolaum* exosculabatur, ne mori quidem sibi videbatur. Opes habebat non tam amplas, quam iustas, & quod his temporibus rarissimum est, sine fraude quaesitas. Artem delegerat, quae citra dolum lucri tantum suppeditabat, quantum & alendae familiae, & pauperibus etiam, in quos erat liberalissimus, sublevandis sufficeret. Liberis reliquit, quod ad mundum victum cuique satis esset, etiamsi nihil aliunde accederet. Gessit magistratus aliquot civiles, gesturus majores ac plures, si quid ambisset. Quos gessit, ita gessit, ut nemini quicquam esset, quod de illo quereretur. Domesticam discordiam, non secus ac pestem aliquam exsecrabatur. Ac nec cum civium quoquam illi fuit unquam controversia. Tanta erat morum commoditas. Decedebat de suo jure potius, si videret concordiam aliter constare non posse. Nullus ex ore illius audivit unquam sermonem vanum, ob-

A scenum, aut oblectatorium. In tam frequenti civitate nullum habebat inimicum. Plerique defunctum non secus ac patrem lugebant, praesertim inopes. Quanta vero tolerantia pertulit acerbissimos cruciatus dierum complurium. Nulla enim mors violentior, quam quae accidit ex obturatis urinae viis. Moriturus nihil aliud mandavit liberis, quam concordiam & studium pietatis. Haereditatem reliquit ita distributam, ut nihil referret, quis quam portionem delegisset. Nec ullus exstitit, qui diceret sibi deberi teruntium. An non ingratus merito videaris, si talem parentem lugeas? Fruere potius illius felici memoria, & ab hujus vitae fluctibus in immortalitatis portum delato gratulare. B Perge illum referre morum integritate, quemadmodum antehac fecisti, ac filium jam nunc à teneris annis ita fingito, ut avum, quem nomine refert, referat & vitae sanctimonia, patrem ac patruum etiam eruditione. Jam nunc Evangelicae Philosophiae decreta, veluti lac animi, combibat. Jam nunc utriusque literaturae semina hauriat, & parentem amabili balbutie, Graece, Latineque salutet. Sic tibi contingat, mi *Petre*, cum optima conjuge tua *Cornelia* feliciter senescere, & ex optimis liberis honestissimam capere voluptatem. Bene vale, amice incomparabilis. *Lovanio*, Anno 1519.

EPISTOLA CCCCXCVI.

Erasmus Rot. Thoma Moro suo S. D.

NAE ad istius exemplum perversissimo judicio videmus esse patrum vulgus. Corpori liberorum anxie prospiciunt, animi possessionibus neglectis, cum frustra, imo cum suo malo possideat opes, qui nesciat uti. De puero nec ago gratias, nec tu novi quicquam fecisti, cum nunquam non sis tui similis. De *Lodovici Vivis* ingenio gaudeo meum calculum cum tuo consentire. Is unus est de numero eorum, qui nomen *Erasmii* sint obscuraturi. Nec alii tamen magis faveo, & te hoc nomine magis amo, quod huic tam candide faves. Est animo mire Philosophico. Heram illam, cui sacrificant omnes, litant perpauca, fortiter contemnit. Et tamen tali ingenio, talibus literis non potest deesse fortuna. Non alius magis idoneus, qui profliget Sophistarum phalangas, in quorum castris diu meruerit. Adero *Calesti* si valetudo suppetet, ut amicis omnibus extremum complectar, ac vale dicam. Bene vale, amice incomparabilis. Anno 1519.

EPISTOLA CCCCXCVII.

Erasmus Roterod. Henrico Grunigio, Decano Embricensi, S. D.

E BREVIS epistola tua paucis me non pauca docuit. In primis virum esse te melioris literaturae, non vulgariter peritum: deinde singulari modestia atque humanitate praeditum: postremo, benevolentem *Erasmio*, quem admoneas tam amice, neque male de ipso sentientem, qui tam simpliciter admoneas, nimirum intelligens, eum multum abesse ab ingenio vulgarium hominum, quos offendere solet officium, quo vix aliud praestari potest amicis. Quare posthac nomen tuum mihi scribetur inter selectos amicos. De loco mutato plane tuae subscribo sententiae, & primo quoque tempore fartietur, non sine honorifica tui mentione. Res agebatur per tumultum. Nec vacabat in tam vasto mari historiarum excutere singula. Debeo tibi, vir optime, plus etiam debiturus, si quod facis, facias frequenter. Bene vale. *Lovanio* 7. Martii, Anno 1520.

EPISTOLA CCCCXCVIII.

Erasmus Rot. Francisco Chiragatto, Protographae Apostolico, S. D.

HUMANISIME *Chiragatte*, si frater esses mihi, quaeso quid posses amantius? Diploma mihi vehementer

An. 1520. **A** menter placet, sed nunc incertum, an hic sim diutius commoraturus, nam vocor in *Galliam*. Itaque ne quid huc mittatur, nisi literis meis significavero. Et fortassis intra menses paucos adero *Roma*: interim cura, ut te offendamus alacrem. *Edwardus Lens* emisit in melibrum, plenum conviciis, non sine dedecore meo, sed majore suo. Ei nunc respondeo, sed absque conviciis. Id in causa fuit, ut tibi scriberem parcius. Bene vale. Scio quantum debeam Reverendo Præfuli *Sylvestro* patrono tuo. Non ero ingratus, qua licebit. Rursum vale. *Antuerpia* 15. Martii, Anno 1520.

EPISTOLA CCCCXCIX.

Erasmus Roterod. Sylvestro Episcopo Wigornensi S. D.

REVERENDISSIME Præful, exspectabam ut me vocares ingratiſſimum, quod pro veteribus tuis in me officiis nullam retulerim gratiam. Nunc ô inauditam humanitatem, etiam pristinis tuis in me meritis, sane cumulatiſſimis, novos adjicis cumulos. Redditiſſimum est mihi exemplar diplomatis. Magnopere placuit. Nihil fingi potuit amantiſſimum, aut magis ex animi mei sententia. Sed hac de re, ne quid ad me mittatur amplius, donec scripsero, quo velim mitti: nam spero futurum, ut ipse *Roma* facras istas manus tuas deosculer, idque brevi, nisi *Caroli* nostri reditus adferat nobis nova consilia. Et scio, & memini quid debeam celsitudini tuæ. Sed si ea nosset quibus rerum procellis obruar, non solum daret veniam, verum etiam misereretur nostri. Si vixero adhuc annum, testabor me scire, quantopere tibi sim devinctus. Bene valeat tua sublimitas, cui me totum ut debeo ita dedo, dicoque. *Antuerpia* 15. Martii, Anno 1520.

EPISTOLA D.

Erasmus Rot. Card. Laurentio Campegio S. D.

REVERENDISSIME D. Mitto libellum tuo nomini dicatum, quaecunque grati in te animi documentum. Quid facerem? Non dabatur occasio commodior. Sed in posterum, ut spero, dabitur. Nunc mihi cum monstris compluribus res est, non *Herculi*, sed semihomuncioni. Spero fore, ut ante paucos menses *Romam* olim adamatam revisam, nisi si quid novi consilii *Caroli* nostri ex *Hispania* reditus adferat. Faxit Deus, ut eos incolumes offendam, quos maxime cupio. Bene vale. *Antuerpia* 15. Martii, Anno 1520.

EPISTOLA DI.

Erasmus Roterod. Aloisio Marliano, Episcopo Tundensi, S. D.

Ex amicorum aliquot literis, neque vulgariſſimum, neque levium, sed haud scio, an amoris nimium solliciti, cognovi isthic per nescio quos clancularios obtreptatores, subinde spargi novos rumores, ac suspiciones, me favere *Luthero*: mihiſſimum tribui nescio quos libellos maledicos, quos audio isthic subinde novos provolare, aliunde alios. Scio temporibus his regnum esse calumniæ, nec ulla tempestate plus licuisse effreni maledicentiæ: sed tamen apud eruditos, cordatos & graves viros, inter quos te vel in primis numero, non oportet esse locum hujusmodi delationibus. Admonuerat me pridem tua prudentia, etiamſi memorem, ut ajunt, monebat, ne me admiscerem *Lutheri* negotio. Adeo me non admiscui, ut summis viribus obnixus sim, ne res in hunc locum progrediretur, quo minime volebam. Tantum initio priusquam viderem, quorsum tenderet *Lutherus*, non probavi seditiosos clamores apud populum. Suasi, ut res inter eruditos libris transigeretur. Malebam *Lutherum* correctum quam extinctum: aut si perdendus erat, malebam absque magno orbis tumultu confici. Hoc consilium etiam nunc probaret *Romanus* Pontifex, si pernosset quibus modis hic res geratur, & quo studio plurimæ nationes proſe-

A quantur *Lutherum*. Sed illud fuit commentum quorundam Monachorum, quibus non aliter charus sum, quam bonæ literæ, ut me volentem nolentem involverent *Luthero* negotio. Qui *Luthero* favere videntur, modis omnibus conati sunt me in suas partes attrahere. Qui *Lutherum* insectantur, conati sunt me in illius factionem propellere, passim in publicis concionibus debacchantes in nomen meum odiosius aliquanto, quam in ipsum *Lutherum*. Ego tamen nullis machinis à statu mentis dimoveri potui. *Christum* agnosco, *Lutherum* non novi, *Ecclesiam Romanam* agnosco, quam opinor à catholica non dissentire. Ab hac nec mors divellet, nisi illa palam divellatur à *Christo*. Seditionem semper exhorruui, atque utinam eadem mens esset *Luthero*, ac *Germanis* omnibus. Video in plerisque regionibus *Cisalpinis* plurimos esse, qui fato quodam favent *Luthero*. Ac mire fit, ut *Lutherum* hostes sublevent, ipse vicissim hostes, quasi mutuo colludentes. Nemo magis officit *Luthero*, quam ipse sibi novis subinde & odiosioribus libellis. Rurſus quidam tam indocte, tam stulte, tam seditiose vociferantur apud populum, ut & seipsos faciant omnibus invisos, & *Lutherum* commendent affectibus hominum, & Pontificis causam gravent, quemadmodum solent gravare clientem mali patroni. Laudo eos qui favent *Romano* Pontifici, cui nemo pius non favet. Quis enim non faveat ei, qui proximus imitator *Christi*, totum se impendat salutem populi *Christiani*? sed optarem illi cordatiores patronos. Isti nihil aliud quam esuriunt *Lutherum*, nec mea refert, elixum malint, an assum. Certe quod me negotio admiscerent, quod ad me nihil attinet, & impie faciunt, & parum prudenter: citius enim *Lutherum* conficerent me non admixto. Atque hac in re cogor in *Aleandro*, viro alioqui tum humanitate non vulgari, tum eruditione singulari præditi, desiderare prudentiam tam periculoso negotio dignam: si modo vera sunt, quæ de illo scribuntur ac prædicantur. Fuit olim inter nos arctissima familiaritas, commendavi eum proficiscentem in *Galliam* literis meis, ubique apud omnes de homine honorificentissime prædicavi, etiam scriptis: suspexi doctrinam hominis, mores amavi, quanquam eos habet ille suos, nec male videbatur convenire inter utriusque genium. Habebat in mandatis, ut modis omnibus eos etiam pelliceret, qui ante fuissent factionis *Lutherana*, tantum aberat ut summus Pontifex quinquam innoxium cuperet alienari. Sed hujus ingenium, per se non inhumanum, alio perpulit quorundam instigatio. Atqui commodius illi successurum erat *Lutheranum* negotium, opinor, si suos favores cum meis conjunxisset. Habuisset in re pia fautorem: in re Pontificis, certe non adversantem. Jactitant *Lutherum* hausisse pleraque ex libris meis, quid hoc mendacio impudentius? cum primus statim articulus refellat manifestariam istorum vanitatem. Ubi significo, quicquid agimus esse peccatum? ut ne commemorem innumeros alios, quibus affine nihil omnino reperitur, ne in ludicris quidem meis. Et tamen olim hæretici ex Evangelicis & Apostolicis literis hauriebant sua venena. Interim loquor perinde, quasi ille scripsisset aliquid hæreticum, atque illud è meis scriptis hausisset. Dicitur non agnoscere quosdam libellos: fortasse faperet si nullos agnosceret, siquidem hoc persuadere quærat: sed quibuscunque auxiliis ille scribit, certe in omnibus libris, qui illius titulo circumferuntur, non est ulla syllaba mea: hoc quamlibet sancte deſerare non dubitem. A multis jam annis, non mihi tantum perspecta est tua singularis prudentia, perspectus animus in me candidus & amicus, nota est omnibus tua auctoritas. Proinde te rogo, ut adversus istiusmodi malitiosas calumnias patrocineris innocentia nostræ. Excutiantur omnia, quæ secretissimis etiam literis effudi in sinum amicorum, fortasse liberius pro meo ingenio, quam expediat nonnunquam: excutiantur quæ inter pocula etiam solemus effutire: nihil comperietur, nisi me maluisse *Lutherum* correctum quam extinctum, quum

Ab. quum adhuc spes esset fore ut sese verteret ad meliora. 1520. Et nunc quoque malim rem sopiri, quam magno orbis tumultu exacerbari. Mallem à malis bona secerni, quam odio quorundam, quæ mala videntur, optima perire. Postremo suadeo, sic esse vitandam *Lutheranam Scyllam*, ne præcipites eamus in *Charybdim* diversæ factionis. Hæc si videntur digna supplicio, habent reum confitentem. Ego certe non alio animo feci, quam ut consulerem, & *Romani* Pontificis, & Theologorum dignitati, & publicæ *Christiana* ditionis tranquillitati. Nullum adhuc *Lutheri* librum, quamvis pusillum, legi totum: nullum illius paradoxum unquam defendi, vel joco. Quorundam indoctos & seditiosos tumultus, nec probo, nec quisquam vir probe cordatus hic probat. Quorsum tendant video, nimirum in exitium bonarum literarum & ad stabiliendam suam tyrannidem. Sic igitur fugio *Lutherum*, ut hos tamen probare non possim. Pauci sunt, sed hi multos concitant. Non damno ordinem, sed ipsi suo ordini pessime consulunt. Habes, ornatissime Præsul, totam animi mei tabulam, quod si quid isthic jactatur, quod repugnet religioni *Christiana*, quod turbet publicam tranquillitatem, quod adversetur dignitati Sedis *Romanae*, certo certius habeto, non esse profectum ab *Erasmo*, quocunque titulo circumfertur. Id ita esse tempus, nihil non proferens in apertum, olim declarabit: & nunc paratus sum quocunque argumento testificari, me nec unguem latum velle discedere ab iis, qui consentiunt cum Ecclesia catholica. Scio quidvis esse ferendum potius, quam ut publicus orbis status turberetur in pejus, scio pietatis esse, nonnunquam celare veritatem, eamque neque quovis loco, neque quovis tempore, neque apud quovis, neque quovis modo, neque totam ubique promendam. Neque quenquam eruditum fugit esse quædam recepta, vel paulatim obrepente consuetudine, vel adulatione Jurisconsultorum recentium, vel temerariis definitionibus Scholasticorum, vel arte denique technisque Principum, quæ præstaret rescindi: verum, illud erat prudentiæ *Christiana*, sic tentare remedium, ne sinistre tentatum morbum non tolleretur, sed exacerbaretur, ac pro morbo mortem acceleraret. Nec enim ausim pronunciare, an aliquo pacto *Christianis* probanda sit *Platonis* sententia, qui permittit sapientibus illis custodibus, ut populum ipsius bono fallant mendaciis, quandoquidem veris ac philosophicis rationibus contineri promiscua multitudo non potest, ne prolatur in deterius. Illud semper cavi, ne aut tumultus essem auctor, aut novi dogmatis asseverator. Rogatus sum à multis ac magnis, ut me *Luthero* adjungerem: rescripsi me fore *Lutheri*, si ille sit in parte catholica. Rogarunt ut præscriberem fidei regulam, rescripsi me non nosse aliam fidem, quam Ecclesiæ catholicæ. Hortatus sum illos, ut se *Romano* Pontifici reconciliarent, & querimonias illorum dilui. *Lutheri* libellis primus omnium obstiti, ne excuderentur. Mox egi cum homine, ut abstineret à seditiosa scriptione. Semper enim hunc exitum metui, majora moliturus, ni me, præter alia, religio quædam deteruisset, ne forte imprudens repugnarem Spiritui *Christi*. Hortatus sum & hortor multos, ut abstineant à libellis famosis, præsertim anonymis, quibus tantum irritant animos hominum, male consulentes non solum *Christiana* paci, verum etiam illi cui videntur favere. Monere possum, cogere non possum. Mundus plenus est officinis typographicis, plenus Poëtastris & Rhetoristis. Quid isti tumultuentur, ut mihi in manu non est, ita iniquissimum sit mihi imputari temeritatem alienam. Atque hæc sane in parte minus sum iniquus *Hutteno*, etiam si supra modum discrucior, illud ingenium, illam in utroque genere dicendi felicem venam, non dedicatam esse felicioribus argumentis: siquidem is suam phrasim, suumque titulum ubique præferens, neminem alium gravat invidia, præterquam seipsum. Isti cum sibi fidem abrogant, dum ceu diffusi causæ, non audent addere verum nomen, tum innoxios eosque multos degravant in-

vidia. Jam isthic adessem una cum illustrissimo *Ferdinando*, si certum scire potuissem vos adhuc esse *Wormaciae*. Sed mirum quam hic nihil est certi, ne apud Proceres quidem aulicos. Bene vale, Præsulum decus, & aulæ Cæsareæ non infimum ornamentum. *Augustino Scarpinello* scripsi pridem, ei quæso uti meis verbis salutem dicas, atque etiam *Severo* viro mitissimo, maleque respondenti suo nomini. *Lovanio* 25. Martii, Anno 1520.

EPISTOLA DII.

Erasmus Lavino Algorio S. D.

INCIDERVNT nonnulla præter spem, quæ reditum nostrum in dies complusculos remorantur. Itaque quod iter ingressurus admonui, visum est rursum inculcare literis. Vide ne committas, ut absentia nostra te segniorem ad studia reddidisse videatur, quæ potius debet acuere. Nimirum quo plus tibi vacat temporis ab obsequiis, quibus præsentis soles inservire, hoc par est attentius incumbere literis. Hæc certe spe te reliqui *Lovanii*, magis tuo commodo consulens, quam meo. Dabis igitur operam, ne me hæc fallat ratio, ac modis omnibus cavebis, ne quid reversus offendam, quo reditus meus minus lætus esse videatur, nosti illud *Terentianum*, *Ita ut sit domini ubi absunt*. Item illud: *Malo coactum, qui suum officium facit, tantisper cavet dum id rescitum iri credit: si sperat fore clam, rursus ad ingenium redit*. Illud te dignius est: *Is, quem beneficio adjungas, ex animo suum officium facit, præsens absensque idem eris*. Mihi semper placuit hæc *Missionis* ratio, tuæ partes erunt adniti, ne me hujus animi pœniteat. Non aliter quam pestem fugito quorundam consortia, in quos vere competit illud *Menandri*, *Φθίειεν ἢ ὅτι χερσὶ ὀμυλίου κακίαι*. A *Carini* latere digitum latum ne discedito. Is annis quidem haud ita multo major est te, sed ea morum integritate, tanta siti literarum, ut vix alterius convictu queas evadere vel melior, vel eruditior. Natura dedit ingenium felix; quo nomine ut tibi gratulari possumus, ita laudari non debes, ni naturæ bonitatem, veluti solum felix, tua excolas industria, dedecus ingens reportaturus, si tute tibi defuisse videaris. Neque te clam est quid abs te expectent parentes optimi, neque nescis quid debeas *Marco Laurino*, qui te mihi prorsus affectu paterno commendavit. Ut ne commorem interim quid mihi debeas, qui te semper habuerim non famuli, sed filii loco. Certe auge quoque expectationem multorum, quod cum *Erasmo* familiariter convixeris. His omnibus non potes, nisi summo studio respondere, & nunc ætas est ut maxime docilis, ita laborum patiens. Alios à studiis arcet nummorum, librorum, aut præceptorum inopia, tibi quum nihil horum non suppetat ex amicorum benignitate, nisi talem te reddideris, qualem oportet, non erit quod prætexas, culpa omnis in te unum recidet. Hæc tam multa quum satis opinor inflamment te ad studium egregiæ probitatis atque eruditionis, tamen hoc quoque calcar addere debet animo non degeneri, quod *Lovanii* vides tot pueros, tot adolescentes, non minus feliciter quam ardentem ambire laudem literaturæ bilinguis. Postremo par est, ut gentis paternæ cognomento respondeas, ne, quod abominor, existant aliquando, qui πάγκαλον per jocum vertant in πάλγκαλον, unius elementi depravatione, ex *omnibono* (nam id sonat gentile cognomen) *omnimalum* facientes. Quin huc potius manibus pedibusque connitendum, ut hoc cognominis non fortuito, sed numinis alicujus consilio tibi contigisse videatur. Hæc tam diligenter admoneo, non quod diffidam ingenio tuo, sed quod iis, quibus vehementer ex animo bene volumus, etiam tuta timere soleamus. Si quid isthic allatum est literarum, quas intelligis non esse magni momenti, eas servato in reditum meum. Sin quid erit, quod prorogari non expediat, nec continget per quem certo mittas, ipse huc advolato. Bene vale. *Antwerpia* 13. Aprilis, Anno 1520.

Tom. III.

Mm

EPI-

EPISTOLA DIII.

Erasmus Rot. Thome Moro S. D.

An. 1520. **S**PERABAM meas literas aliquid ponderis habituras fuisse apud *Brixium*. Sed ecce prodiit ac proficit hic *Antimorus* ejus, qui liber, vellem auctoris ipsius causa, cui faveo ob animum ejus vel in bonas literas, vel in me (quod ejus declarant scripta) propensum, aut perpetuo latuisset, aut certe *Brixius* fuisset imitatus tuorum epigrammatum modestiam ac civilitatem: quæ & ipsa tamen optassem nunquam potius essent edita, quam ut hic tumultus tragicus inter vos fuisset excitatus, non sine dispendio bonarum literarum: quas non video posse consistere, nisi adversus tam pertinacem barbarorum conspirationem illas defendat eruditorum numerus, junctæque umbone phalanges. Verum, quando fieri non potest, ut quod factum est fiat infectum, cupio vehementer, ut malum germen, quod parum faustis avibus enatum est, opera nostra curetur, ut si radicitus evelli non possit, saltem ne serpat latius. Quod ut ego, mi *More*, cupiam, non *Brixii* tantum causa, cui valde faveo, me movet: verum etiam, cui multo adhuc magis faveo, tua. Non quod arbitrer esse periculum; ne *Antimorus* ejus quicquam officiat famæ tuæ, quæ utinam non plus noceat ipsius: sed plane metuum, ne si tu respondendo talionem in illum regefferis, fiat ut quod nunc de illis sentiunt omnes, idem posthac de utroque sentiant. Scio quam difficile sit, ad tam aculeatum undique libellum respondenti temperare à conviciis: & tamen si quid eam in partem pecces tu, nemo qui te norit, tam facile putabit ignoscendum tibi, quam ignoscet *Brixio*. Nam ut nihil interim de utriusque eruditione dicam, tua certe conditio, tua dignitas, ac rerum usus exigit, ut ejusmodi rixas non minus ineptas, quam virulentas, negligas potius, quam ut conviciis accurate retalies. Audio quotidie quid post editum libellum eruditi loquantur de *Brixio*: quæ ut de illo non libenter audio, ita de te multo minus audire velim. Quamobrem quum sentiam, quam arduum sit tam virulento libello laceffitum, sic attemperare responsum, ut nihil indulgeas affectibus: optimum certe censeo, si rem totam, ita ut meretur, negligas, atque contemnas. Neque vero hoc tibi consulerem, optime *More*, si quicquam esset in *Antimoro*, quod tibi sic labem adpersisset ullam, ut operæ precium sit eam curare abstergendam. Sed omnia plane sunt ejusmodi, ut inter legendum quisque respondeat sibi. Nam omnes vident *Brixium* id in te reprehendere, quod tam temere tamque præpropere edideris tua epigrammata, quæ tu nec adhuc edidisti: cum pleraque tibi ante annos plus viginti scripta sint, omnia ferme ante annos decem. Vident illum vellicare pro erratis tuis, quorum alia sunt exscribentis, alia typographi, & in his pleraque talia, ut nisi damnatis summis auctoribus reprehendi non possint. Vident epigrammata tua, quæ feceras in *Chordigera*, jam olim esse scripta flagrante bello: nec fuisse causam *Brixio*, ut nunc tot annis post initam & confirmatam pacem, bellicum tumultum renovaret. Vident *Brixium* in Epitaphio *Abydonii* ludere manifesta calumnia dissimulantem quod dissimulari non potest, illic opera data affectatam carminis ineptiam. Cæterum qua parte infectatur id carmen, quo tu gratularis auspiciis regnum ineuntis Principis, usque adeo nemo doctorum in *Brixio* non desiderat animi calamiq; moderationem, ut ego non pessimus, ut scis, amicorum patronus, haud alium inveniam colorem illius excusandi, quam quod ita senserit *Britannicarum* Rerum ignorantia: quas si compertas habuisset, neque scripsisset ea, & vel iratus fuisset falsus, Regem abs te laudibus vere regis magnifice laudatum esse. Hæc, mi *More*, cum omnes & sentiant, & fateantur, quid restat causæ cur te torqueas respondendo, hoc est, rem, quod ajunt, actam agas; non alio fructu, quam ut venias in periculum, ne famæ jacturam, quam nunc solus apud

A eruditos patitur *Brixius*, tibi facias aliqua ex parte communem, si forte (quod haud facile vitare possis, ubi calamus, ut fit, incaluerit) respondeas inclementius, & convicia repenses conviciis. Non minima portio tuarum laudum est, ingenii lenitas, perpetuaque morum suavitas, unde nolim ego quicquam decedere. Sin tibi decretum est diversa ingredi via, (nam audio librum tibi adversus eum jam in manibus esse) velim te excuses tantum, & malevolentiae crimen, provocatoriæque petulantiae, sic abs te depellas, ut in adversarium non regeras, ac ratione pugnes, non jurgiis, illius invidiam tua cumulaturus modestia: tamen, ut sic quoque rem geras, multo certe malim tacere te, utque tota res obliteretur silentio. Quod ut ilico fieri non potest, ita paulatim poterit, te ut spero volente. Scripseram *Brixio*, ut *Antimorum*, quam tum audiebam eum meditari, premeret: & si fuisset in tabellario diligentia, persuasissem, si vera scribit *Brixius*. Verum (quod ex ejus responsione vides) liber jam erat sub prælo, priusquam meam videret epistolam. Abs te vero, mi *More*, mihi plus profecto, quam à *Brixio* polliceor: cui cum videam persuasurum fuisse me, si meæ ad illum literæ venissent in tempore, dubitare non debeo, quin abs te facile sim impetraturus, ut mea causa tantum impetres ab affectibus tuis, ne eum, qui & me amat, & vicissim amatur à me, magis etiam oneres novis libellis. Ab alterutro profisciscatur oportet hujus contentio-
B nis finis, nisi litem alterna reciprocatione perpetuam esse velis. Et tua dignitas, tuique mores hoc postulant, ut abs te potius sit hujus rei initium. Crede mihi, mi *More*, tamen si *Brixius* hac in re ita se gessit, ut nunc fortassis etiam ipsum poeniteat, & si res esset integra, non sit facturus: neque enim quisquam tam felix est, ut omnibus horis sapiat: tamen is est, quem si nosces propius, hominis tum ingenio, tum literis delectareris, neque quenquam alium facile reperiess, quem judicares amore tuo digniorem. Neque debes ab omnibus tam sedatos affectus exigere, quam omnes ferme pro cæteris factis tuis, proque spectata jam diu prudentia prorsus expectant abs te. *Brixius* quanquam in *Chordigera* sua quædam scripserat, in quæ tu laceffitius prius, jure potueris acerbius etiam, præsertim ut tum res erant, rescribere: tamen postquam epigrammata tua lepore quodam omnibus ablandientia, omnium risus excitassent in illum, mirari non debes, si juvenis natura vehemens, famæque appetens, aliquantulum à consideratione sui facti dolore quodam animi totus in tuos versus averfus, sibi putavit injuriam fieri, quam se non animadverteret, neque merito, nec idoneo tempore vindicare. Scio te non tanti facere paucula illa epigrammata, quæ lusisti in illum, quin pati possis, ut in meam gratiam aboleantur, qui nisi monuisses scro, hoc tua sponte curabas olim, quum totum librum non libenter audires proditurum in publicum. Igitur efficiam, ut è tua voluntate, cum posthac excudetur liber, omittantur illa, atque vicissim, ne propagetur *Antimorus*: ita fiet ut si nihil accedat alimenti, ignis iste paulatim emoriatur. Quod si tam obfirmato animo decrevistis litem hanc persequi, tamen per amicitiam nostram, neque novam, neque vulgarem, precor etiam atque etiam dispicias, ut rem tractandam putēs. Ego, si detur optio, te (ut dixi) tacere malim, ac rem plane contemnendam contemnere. Id si fieri non potest, quod proximum est optarim, ut quod & hætenus abs te curatum est, eruditione tantum & causa, non etiam maledicentia vincere pergas: ut quoniam alterum amicum habere me video, non nihil hoc infelici casu mutilum; alterum saltem, qui mihi sic est charus, ut unum omnibus habeam potiore, possim perpetuo servare integrum, felicius futurus, si utrumque liceat. Etenim quum nihil sit homini preciosius fido bonoque amico, par est nullius rei jacturam quam amicitie ducere graviolem. Hæc scripsimus in mediis turbis, in quibus nos non ignoras versari. Bene vale, amicorum sincerissime. *Amnerp.* 26. Aprilis, An. 1520.

EPI-

EPISTOLA DIV.

Bilibaldus Pirckheimerus Erasmo Rot. S. P. D.

AN. 1520. **S**UVM officium facit affinis iste meus, Erasme amicitissime, quod te colit, ac subinde meo nomine salutat. Probe enim novit qua te prosequar benevolentia, poterimus ejus opera in mittendis literis uti, qua nescio quo facto, aut tardissime redduntur, aut etiam penitus interciunt. Din enim nullas abs te accepi, quamvis ipse aliquoties scripserim, & nisi ex Epistolarum tuarum farragine te mihi respondisse deprehendissem, ne nunc quidem id scirem. Quam vero fideliter & mea tibi reddita fuerint, vel Alamiri nostri diligentia satis declarat. Caterum infusissimam invectivam Eduardi Lei legi, imo verius vidi. Quis enim sustineat legere librum tam sine mente, sine fronte, sine literis, sine omni dote humana? Legi & tuam Apologiam, qua tamen pollicetur responsionem ad illius annotationes. Scire cupis quid sentiam? Vellem omnino tacuisses, aut ita homini, ut dignus erat, respondisses. Sed periculum erat, ne silentio objecta videreris agnoscere. Quasi vero optimus ac doctissimus quisque non confestim intellecturus fuerit cuncta, qua ille furiosus & impotens sui evomit, meras esse sycophantias & impudentissima mendacia. Habet suam faciem veritas. Et iste rabiosulus adeo apud se non est, ut ipse frequenter prodat seipsum. De improbis vero & mendicis, nulla tibi debebat esse cura. Quanquam qui inter hos sunt paulo minus stolidi, sentiunt ac damnant hominis prodigiosam arrogantiam, inscitiam, ac virulentiam: quam execrantur etiam ii, qui tibi parum bene volunt, & indignantur propugnatori levo, magis quam Leo, qui causam suam tam infelicitate egerit, ut satius fuerit quiescere. Utinam igitur posteaquam tibi non esse silendum censueras, ementita & ficta modestia immodestissime respondisses, & cuncta rhetorices spicula contra tam purulentia ac tartareo veneno tincta convicia scelerati capitis distinxisses. Sed volebas modestia memor esse, nec malum pro malo reddere, sanum profecto propositum & a nemine bono non laudandum. Verum, si ita perpetuo feceris, quid tibi ab amulis expectandum sit cogita, si viderint cuius audaci ac stolido impune esse Erasmo maledicere, & capiti tuo illudere. Quare te per tuam gloriam, ac per nostram amicitiam obtestor, ne posthac quemvis rabulam responsione tua dignum censeas, aut si omnino respondendum duxisti, non per te ipsum, sed per coquum quempiam, aut stabularium, respondeas. Agnosce te ipsum, qui major es, quam ut cum talibus in eam palestram descendas, ex qua victor etiam nil nisi ignominiam referre possis. Quod ni ita feceris, sycophantarum turba tandem obruere necesse est. Nunquam enim quiescunt isti, sed assidue contra optimum ac doctissimum quemque, necnon veritatem ipsam debacchantur. Nec mirum, quo pacto enim benedicerent, qui nil nisi maledicere didicerunt? Quorum animus, ingenium, mores ejusmodi sunt, ut longe praestet ab illis vituperari quam laudari, maleque quam bene audire. Caterum cum sint infantes ipsi, ut animi veneno desit oratio, cum sint inertes, ut nolint interim abesse a suis voluptatibus, postremo cum metuant, ne minus colligant casorum, indies accrescente adversus eos orbis odio, non mirum, si quarunt talem histrionem, qualis est Leus, qui personatus & instructus alienam agat fabulam, & infamem gloriam praemis loco ferat? Hunc oportet nec frontis habere quicquam, nec cordis, sed tantum linguam effrenem, ac meretriciam procacitatem. Quo quidem in genere Leus iste vincit omnes quotquot antehac prodierunt in proscenium, quos tamen aliquot spectavimus insigniter impudentes. Quis enim non intelligit, a quibus consultus sit iste calceus? Sed Leus induit acturus pro multis fabulam, hoc est, orbi exhibiturus teterrimum monstrum ex inscitia, arrogantia, vanitate, virulentia, impudentiaque conflatum. In summa tale quale depinxisti in libello, quo respondes Latomi dialogis, mira quidem brevitate, sed ut nihil fieri possit absoluius. Quenquamque contemplabaris animo cum illa scriberes, certe tua descriptio aptissime congruit cum ima-

A gine Operis Leici. Et in hoc uno visus est mihi aliquid humanae mentis habere, quod agnovit imaginem suam. Scio te non imperitum esse pictorem. Sed nemo poterat Leum exprimere rectius, quam expressit seipsum. Totus ille sibi placuit, & se totum expressit. Quod si tu predicasses hominem ad insaniam usque gloriosum, usque adeo sibi placentem, ut miretur non verti in rosam, quidquid calcaverit, se unum admirantem, sibi pulchrum, sibi doctum, sibi sanctum, cum nulla omnino re bona sit praeditus, nec quicquam habeat in pectore, praeter venena, quamquam verissima dixisses, tamen fortassis non omnes erant tibi credituri. Nunc ipse Leus se talem expressit. Ego, mi Erasme, plurimum fido tua simplici probitati, vix tamen eram crediturus tantum stultitiae, tantum arrogantiae, tantum fuci, tantum stoliditatis, tantum malitiae esse in illo pectore humano. Si tamen iste Leus homo discendus est, ac non potius teterrima bellua. Si quisquam fuisset nequior, si quisquam insanior, hunc sibi delegissent hujus provinciae, quam jam pridem agunt, proconsulem. Neque enim novum est quod agunt. Vetus hoc istis studium est, insignium virorum famam contemnerare, & optima conantibus obistere. Nam ut vetustiora praeferamus, quae pars orbis ignorat, quam perversis, quam sycophanticis, quam sceleratis machinationibus vexaverint inclytum, & optime de Germania, optime de literis meritis Capnionem? Ut interim fileam spurcissima convicia, quae in eximium illum ac vere generosum novae Aquilae Comitem, quae in nobilem Huttenum, denique in me, & omnes Capnionis amicos evomerunt; quid non moliti sunt in optimum Jacobum Fabrum? Nam quae adversus Lutherum jam pridem machinantur, forsitan tacere praestat, ne me quoque, quod jam diu egere, sub amicitia illius praetextu in ius rapiant, ac de crimine heresis causam dicere cogant. Verum, id nullus ignorat, eo temeritatis illos progressos esse, ut & Pontifici summo, ad quem praecipue hujusce rei cognitio spectat, negotium hoc, quod cum tum in manibus habere sciebant, extorserint, & priusquam ille sententiam tulisset, hereseos condemnaverint auctorem. Caterum per Gratias quid aliud tot sycophantiis, probris ac conviciis effecere, quam quod suam stoliditatem parem malitiae traduxere, seque Deo pariter ac hominibus reddidere invisos? Siquidem eo res illorum culpa deducta est, ut jam nihil magis placeat bonis omnibus, quam quod istis maxime displicet, isque optimus esse videatur de quo ipsi possime sentiunt. Male igitur virtute, qui dignus sis visus, quem impurissimi sycophanta per sceleratissimum histrionem Leum virulentis suis maledictis incescerent. Haud enim majori laude extolli poteras, quam ut talium ornareris vituperiis, nec unquam bonis & eruditis placeres, nisi Leo Leique similibus indoctis hypocritis displiceret. Ne quid igitur, Erasme, commovearis, si invidi & vere miseri homines se ipsos torqueant, & suo fungantur officio, idque faciant quod nunquam non faciunt. Talia enim vera virtutis tibi iacta sunt fundamenta, talem probitatis & eruditionis consequutus es estimationem, ut eam nullus livor, quamvis edax, valeat abolere. Tantos denique ac tales undique tibi conciliasti amicos, ut etiam tacente te defendere, & a sceleratorum rabularum injuriis & contumeliis vindicare possint & audeant. Sed te laudare desinam, ne Leus rumpatur invidia, cui precor lentum ac longum exitum, quo dignissimus est. Si tamen prius commemoraro, a quo crimine te nuper defenderim. Conveneramus plerique, ac inter cetera de te sermo incidit. Cumque nonnulli te inique summis extulissent laudibus, sanctissimus quidam, qui forte aderat, ex Mendicorum genere Theologus, laudes tuas admodum moleste ferebat, ac subinde concutiens caput, nescio quid secum cornicabatur. Id sentiens rogo, nunquid esset quod in te minus probaret. At ille vultu ad gravitatem composito, multa esse respondit, quae quis merito in te reprehenderet. Cum adigi non posset, ut unum proferret, tandem importunitate mea subactus, Tametsi decreveram silere, inquit, tamen quando me urges, ne quis me putet invidia stimulatam dixisse, quod dixi: Erasmus ille vester, & quem tantis effertis praconiis, libenter comedit gallinas: idque non aliorum rela-

Tom. III.

Mm 2

14,

An. tu, sed cum hominem Basileæ cognovissem, duobus hisce
 1520. oculis conspexi. Tum ego, *Furtivas ne, an emptas?* Em-
 ptas, ait ille. Longe, inquam, perniciosior est vulpecula il-
 la sceleratissima, qua mihi quotidie e corte gallinas rapit,
 nec unquam persolvit precium. Rogabam num vesci gal-
 linis poneret inter flagitia. Maxime, inquit. Nam est
 gula vitium, & eo gravius cum assidue & a devotis com-
 mittitur. Adjeci, forsitan diebus quibus fas non est. Non,
 inquit, sed nos sacros viros ab omni epularum lautitia
 abstinere decet. Atqui, bone Pater, ni fallor, inquam,
 bland farre, aut hordeo tantum saginasti aqualiculum,
 (nam obessor erat) & si gallina, quibus ventrem farisisti,
 adhuc pipare possent, vel exercitus ac tubarum strepitum
 vincerent. Vide quam strenue impiam ac nefariam de-
 funderim *ὀψιδοφάγλου*. Sed tu me forsitan nugas agere
 existimas, ego tibi etiam per sanctam hypocrisin me ve-
 ra scribere paratus sum dejerare. Sed ne cuncta tua lau-
 dare videar, habes qua & ego non injuria reprehendam.
 Nampe quod Leo tam divino viro fueris impedimento,
 quo minus semestri tempore, somniando, seu potius pasto-
 ris illius instar bibendo, literas Hebræas & Græcas o-
 mnes devoravit. O felicem Ecclesiam, si illi suum dulce
 otium reliquisses. Nunc, opinor, habet quod agat in extre-
 mam usque senectam. Sed oportet nos esse faventes homi-
 ni, quibus nonnihil laudis alicubi visus est adspargere.
 Quod nisi agnoverimus, vereor ne nos omnes appellet mor-
 tuium omnium ingratisimos. Quare nostrum erit quoti-
 annis Leico nomini, aliquo panegyrico gratificari, do-
 nec fassetur officium hoc esse satis abunde repositum. Quod
 in superiorem Germaniam te venturum esse significas,
 multis de causis probo consilium. Nam praterquam quod
 hic minus a talibus vespis, qualis est Leus, infestari po-
 teris: non sine ingenti animi oblectatione conspicias, qua-
 les quantosque undique tibi conciliaveris amicos. Invita-
 rem te ut primum ad nos accederes, nisi hic pestis recrue-
 sceret, egoque fugam circumspicerem. Sed brevi de-
 futuram spero: nam summa diligentia occurritur malo.
 Sub Caroli Regis adventum te expectamus: interim lues
 grassari desinet. Ex veteri enim instituto primum novi Re-
 gis conventus hic celebrari consuevit. Ostendi Alamiro
 aliqua nostra cubacula, quibus te accipiam, non inamua-
 na; ipse regia esse dicebat. Quin & hoc polliceor, ultra
 gallinas gallos gallinaceos, filios ac filias gallorum me ab-
 undè appositurum. Tu interim bene vale, Erasme ami-
 cissime. Etiam atque etiam memineris, te longe felicio-
 rem esse contumeliis invidorum, quam laudibus amico-
 rum, quas nunquam tam agre ferrent isti, nisi certo cer-
 tius cognoscerent, te eruditione ac probitate immortalita-
 tem etiam viventem induisse. Iterum vale. Norimberga
 30. Aprilis, Anno 1520.

Tuus Bilibaldus Pirckheimerus.

Cum hac scripsissem, certior factus sum, Oecolampa-
 dium nostrum vigesimo tertio Aprilis Monachum esse fa-
 ctum in monasterio Servatoris juxta Augustam, Ordinis
 S. Brigide, in quo mulieres primas tenere consueverunt.
 Utinam sibi rectius consulisset.

EPISTOLA DV.

Erasmus Roterodamus Thoma Moro S.

Non ignorabam, optime Mōre, consilium istud
 vestrum, quantumlibet incommodum mihi, ab
 animo amantissimo proficisci, atque ideo non potui
 non boni consulere. Quanquam interim sedulo testatus
 sum vos Leo consulere, non mihi. Perspectum erat ho-
 minis ingenium, hujusmodi Tragœdiis natum. Satis
 ardebat sua sponte, & tamen habebat qui quotidie o-
 leum adderent camino. Ac sæpenumero mecum admi-
 ratus sum, vobis non itidem animadversam Lei natu-
 ram, qui familiarius cum eo vixeritis. Nec unquam
 eam pacem accepi, imo cum pacificus ille Pacam, o-
 ptimo quidem animo, sed consilio mihi parum felici,
 reversus e legatione Germanica, conaretur nos in gra-
 tiam redigere, pertinacissime reclamavi, testificans
 eam pacem nullum alium fructum adferre, nisi quem

A ego maxime fugerem. Nec enim alia re magis offen-
 di à Leo, quam rumore libri adversum me scripti, quem
 ille cum fine fine jactaret, nunquam tamen ederet,
 paucis tantum juratis communicans, quo sic me voca-
 ret in invidiam, ut interim nec me doceret quicquam,
 nec ipse posset refelli. Nec alia mea fuit oratio apud
 ipsum Leum, quam fuerat apud Pacam. Sed quum
 perspicerem vobis concordii consilio sic esse decretum,
 malui non servire meis commodis, quam pugnare cum
 animis vestris. Etenim quum nunc talis prodierit li-
 ber, ut iis etiam modis omnibus displiceat, qui ha-
 ctenus illi favebant, ut hoc organo in meam perniciem
 abuterentur: quos ludos nobis præbuisse sacer ille li-
 ber, qui per paucos juratos amicos & crassos Abbatu-
 los circumferebatur, nec ostendebatur, nisi initiatis,
 quum hic, in quo non ab uno adjutus est, tot ineptiis
 scateat? Cujus rei si libet facere periculum, confer
 hæc quæ edidit orbi, cum iis quæ scripsit selectis ami-
 cis. Sed hæc sera jam sunt. Cæterum, quod hortaris,
 ut meminerim Christiana modestiæ, sane memorem
 mones: etiam si non dubito futuros, qui modestiam
 hanc, vel ignaviam, vel formidinem, vel aliud quid-
 vis interpretentur. Jamdudum aggressus sum illi re-
 spondere. Exiit Operis aliqua pars, ea (ni fallor) doce-
 bit, me Leum magis vincere moderatione animi, quam
 eruditione. Ut hic mundus mihi gratiam referat, nec
 anxie postulo, nec admodum exspecto. Verum, admi-
 C ror quorundam dementiam, qui posthabitis rebus o-
 mnibus, unum illud devotis animis agunt, ut quam
 minimum fructus e meis vigiliis ad studiosos perveniat.
 Atque hunc vitæ suæ fructum opimum esse ducunt, si
 commodis omnium obstant. Bene vale cum tuis o-
 mnibus, vir immortalitate dignissime. Antuerpia 2.
 Maji, Anno 1520.

EPISTOLA DVI.

Erasmus Roterodamus Richardo Episcopo Winto-
 nienfi S. D.

D REVERENDE Præsul, quod Eduardus Leus tam
 manifestis convitiis debaccharus sit in famam meam,
 dici non potest quam displiceat probis omnibus. Nec
 enim tam mihi nocuit quam omnibus bonarum studio-
 sis literarum, quorum utilitati defudat hactenus no-
 strum ingenium. Tot amicorum literis, tot monitis
 meis non potuit deterri, quo minus suæ non minus
 quam meæ famæ maculam inureret. Exiit liber malis
 avibus, nonnullo detrimento nominis mei, sed multo
 majore ipsius. Ad convitia respondimus moderatius
 quam vellent quidam. Ad argumenta sic respondimus,
 ut ille nunquam sit responsurus, sat scio, & tamen u-
 bique tempero à convitiis. Nec his contentus Leus,
 adornavit, ut ajunt, alterum libellum multo etiam viru-
 E lentiore, quem misit Lutetiam excudendum. Non
 audit amicorum sana consilia, nec unquam finem fa-
 cturus est, nisi tua auctoritate coerceatur. Atque uti-
 nam id esset factum antequam hoc incendium erupis-
 set. Subornavit Londini Cartusensem quendam, opinor,
 nomine Joannem Batmanson, juvenem, ut e scriptis
 apparet, prorsus indoctum, sed ad insaniam usque glo-
 riosum. Quod si Leum ab his furiosis tumultibus com-
 pescuerit auctoritas tua, non meis tantum studiis con-
 sulet, sed etiam Eduardi, qui nunc & suum perdit o-
 cium & meum. Bene vale. Lovanio 5. Maji, Anno
 1520.

EPISTOLA DVII.

Erasmus Roterodamus Beato Rhenano Sleis-
 diensi S. D.

F Quid scribis, optime Beate, verius esse video
 quam vellem. Sed illud demiror, cur ea potissi-
 mum efflagitent amici mei Germani, quæ me degra-
 vant invidia. Scis enim quam non dextris avibus exie-
 rint Epistolæ, quas tu primum edendas curasti: at
 quan-

An. quanto pejoribus illa Farrago, cujus editionem partim
1520. extorsit amicorum flagratio, partim ipsa necessitas: cum
viderem accinctos, qui quod habebant epistolarum mearum vel invito me essent publicaturi. Atque id facturos sese jam palam literis ad me suis minitabantur. Quod ne fieret, fasciculo ad te misso, delectum atque etiam emendandi jus tibi credidi, si quid inesset, quod vel offecturum famæ meæ videretur, vel exacerbaturum vehementer cujusquam animum. Nec dubito quin tu sedulo pro tua in nos benevolentia sis amici sinceri functus officio. Et tamen illic etiam inventum est, quod apud quosdam plane tragicas iras excitavit. Quare decretum erat in totum ab hoc genere scripti desistere, præsertim cum nunc res undique miris tumultibus agitentur, ac multorum animi sic odiis sint exacerbati, ut nihil tam blande, nihil tam simpliciter, nihil tam circumspecte possis scribere, quod non rapiant in calumniam. Ego quum adolescens atque etiam virili ætate, plurimas scripserim epistolas, vix ullam tamen in hoc scripsi, ut ederetur. Exercebam stylum, fallebam ocium, nugabar cum amiculis, stomacho morem gerebam: denique nihil aliud hic fere quam ludebam, nihil minus expectans, quam ut hujusmodi nœnias describerent & asservarent amici. Nam Sena cum essem, humanissimus ille Piso, qui tum Regis sui nomine Oratorem agebat apud Julium Pontificem, reperit apud bibliopolam quendam prostantem codicem Epistolarum Erasmi, sed manu descriptum, emit ac mihi misit. In hoc tametsi erant permulta, quæ fortasse non indigna videri poterant quæ servarentur, tamen offensus tam inopinato casu, totum, quantus erat, Vulcano dicavi. Huc reversus comperi similes libellos apud complures adservari, in aliquot exemplaria transfusos. Et hic quicquid à notis impetrare potui, Vulcano tradidi. Sed expertus sum tandem mihi rem esse cum excetra. Hoc igitur consilio passus sum exire quasdam, ut vel satiati desinerent flagitare cæteras, vel ipsi certè desisterent ab edendi consilio, cum perspicerent me huic negotio manus admolitum esse. Ad hæc, exirent certe cum aliquo delectu, minusque depravatæ quam apud multos habebantur descriptæ: denique minus haberent aloes. Hoc consilio Farraginem recognovi; quædam explicui, quæ quidam sinistre fuerant interpretati; quædam expunxi, quibus animadverteram quorundam offensos animos, nimium profecto teneros atque irritabiles; quædam mitiora reddidi. Ac rursus horum temporum ratio fecit, ut me ejus consilii poeniteret. Jampridem magnis odiis flagrabant studia tuentium linguas ac bonas literas, & istorum qui stultissime sibi persuadent, suis commodis decedere, quicquid accrescit proventui melioris literaturæ. Mox Lutherana tragoedia in tantam exarsit contentionem, ut nec loqui tutum sit, nec tacere. Rapiuntur in diversum omnia, etiam quæ optimo scribuntur animo: ne tempus quidem perpenditur, quo scripsit aliquis, sed quod suo tempore recte scribebatur, transferunt in tempus incommodissimum. Proinde scripseram diligenter Frobenio nostro, ut hoc Operis mei perpetuo premeret, aut servaret in aliud tempus, aut certe in reditum meum proferret: Paraphraseon Opus acceleraret, quo neminem offendi adhuc comperissem. At ille, ut mihi quidem frequenter est, levæ mentis, omnibus ut scribunt posthabitis, Epistolarum Opus adproperavit, jamque me inscio ad quadragesimum primum senionem pervenit, neque quicquam remoratur editionem, præter præfationem & coronidem. Negat autem se diutius pressurum Opus; etiamsi ipse fortasse graver aliquid addere, citius emissurus ἀνέφαλον ac μέγρον Opus, quam tantam impendii jacturam accepturus. Scilicet mos homini gerendus est, & ipse fortasse famæ dispendium aliquod faciam, ut illius compendio consulatur. At quando quod volui obtineri non potest, tui, mi Beate, candoris erit, advigilare ut Opus exeat quam minima mei nominis invidia. Non satis memini, quas epistolas mi-

A scriam. Atque ea gratia jussi, ut per juvenem eum, per quem misi priorem Novi Testamenti partem, remitteret quod excusum esset ex Epistolis. Quod quo consilio gravatus sit facere, non queo satis conjectare. Hac igitur in re, te per amicitiam nostram obtestor, eruditissime Beate, ut quod ego facturus eram, si licuisset, tu facias, vere alter ego: atque omnibus modis sic agas, ne isthic Erasmus abfuisse videatur. Neque vero te moveat tantulum damni, quod erit in aliquot chartis mutandis suscipiendum. Mihi totum istud quicquid erit dispendii volo imputari. Frobenium immunem esse jubeo. Ego lucrum esse deputo, quoties pecuniæ jactura, famæ consulitur. Pecuniolam illam facile sarciemus alicunde. Famæ laboranti non facile succurritur. Cui si nihil etiam immineret periculi, tamen arbitror animi esse Christiani, pro viribus adniti, ut sic studeamus omnibus prodesse, ne quenquam vel imprudentes offendamus. Fit autem hoc nescio quo meo malo fato, ut ab his ad quæ videbar natura compositus, in alium campum longe diversum me fortuna depellat, sive vitæ spectes institutum, sive studiorum genus. Etenim ne singula commemorem, cum viderer ad fsum hoc ac liberum orationis genus esse natus, quod in concionibus, consultationibus, aut etiam declamationibus adhiberi solet, in collectaneis proverbiorum, in scholiis & annotationibus bonam studii portionem contrivi. Cæterum ad epistolas scribendas, fortasse non ita valde videri poteram ineptus, verum alioqui multæ res erant, quæ me ab hoc genere deterrebant. Primum, si epistolæ carent veris affectibus, neque vitam ipsam hominis repræsentant, jam Epistolæ nomen non merentur. Quales sunt Seneca ad Lucilium, atque adeo inter eas, quas olim scripsit Plato, quasque ad Apostolorum (ut apparet) imitationem, scripserunt Cyprianus, Basilus, Hieronymus, Augustinus, perpaucae sunt, quas non libros rectius appellaris quam Epistolas. Porro, quas nobis reliquit, nescio quis Bruti nomine, nomine Phalaridis, nomine Seneca & Pauli, quid aliud censerì possunt, quam declamatiunculae? Verum autem illud Epistolarum genus, quod mores, quod fortunam, quod affectus, quod publicum simul & privatum temporis statum, velut in tabula repræsentat, ejus generis fere sunt Epistolæ Ciceroni, Plinii, & inter recentiores Aeneæ Pii, aliquanto plus habet periculi, quam historia rerum nuper gestarum: periculosa (ut inquit Placcus) plenum opus aleæ. Proinde si quid edendum sit in hoc genere, nulli velim auctor esse ut ipse vivus edat, sed Tironi cuiquam hoc det negotii. Quamquam hic in edendis patroni sui monumentis, plus studii quam judicii creditur adhibuisse. Sive laudes, sive vituperes aliquem, non deerunt qui offendantur. Ut ne commemorem esse quosdam, qui ne laudari quidem sustineant libris editis: sive quod dedighentur à quovis nominari, sive quod vereantur, ne cui veniant in suspicionem φιλονεικίας. Quo magis admiror divum Bernardum Epistolas suas evulgasse, in quibus tot nomina carbone notantur. Nunc si quis Jacobita, aut Carmelita meminerit, vel suppresso nomine, nisi multa cum honoris præfatione, res videtur digna lapidatione. Jam & illud est incommodi, quod ut sunt res mortaliū, ex amicissimis nonnunquam redduntur inimicissimi, & contra, ut & illos laudatos, & hos doleas attactos. Postremo, ne famæ quidem auctoris satis consulitur, quod plerique ex una quapiam Epistola totum æstimant hominis ingenium, cum aliquoties scribamus uvidi, nonnunquam dormitantes, interrim lassī, interrim etiam ægroti, aut aliud agentes, nonnunquam à lieño stomacho, frequenter ad ejus, cui scribimus, vel captum, vel judicium, orationis habitum attemperantes. Unde fit ut imperitis veniamus in suspicionem inconstantiae, cum ea varietas, ætati, affectui, personis ac rebus in diversum mutatis, sit imputanda. Hæc cum alium quamlibet felicem ab edendis epistolis merito deterreant, me tamen illud peculiariter dehorta-

An. batur, quod cum mihi semper fortuna non solum hu-
 1520. milis fuerit, verum etiam constanter iniqua, neque is
 vitæ tenor, ut eam velim aut possim ab omni crimi-
 ne vindicare, non erat cur vellem utriusque multa
 superesse vestigia. Atque hæc ratio fortassis & illos
 moveret, ad quos scribimus, qui quod per literas, vel-
 ut in sinum effutiant amiculi, nolint omnibus prodi,
 cum sint qui nati Gratiis iratis, nihil non interpreten-
 tur in pejorem partem. Sæpenumero fit, ut quod in
 convivio, aut inter candidos homunculos dictum, gra-
 tiam habet; si idem loco non suo dicatur, atroces ex-
 citet tragoedias. Hac quidem de causa pauciores ad-
 misimus ex his quibus respondemus, & tamen ali-
 quot adjecimus, præsertim eruditorum: partim quod
 me piguerit laboris, quem *Angelus Politianus* fere su-
 mit, in repetendo argumento Epistolæ cui rescribit:
 partim quod ut addas argumentum, tamen aliquid lu-
 cis ac vitæ videtur deesse, ni prius legas eam, ad quam
 responderetur. Habes totius consilii mei rationem. Ni-
 hil superest, nisi ut primum te rogem, ut in delectu
 animum istum vere amicum exeras: deinde superos
 precer, ut tuum iudicium, meumque obsequium ve-
 lint esse felix, non solum mihi, qui sodalium affecti-
 bus repugnare pertinaciter non possum, verum etiam
 illis, qui hoc obsequii, majore studio quam iudicio à
 nobis extorserunt. Bene vale. *Lovanio 27. Maji, An-
 no 1520.*

EPISTOLA DVIII.

Erasmus Rot. Alberto Card. Magantino.

SVBINDE motis alis isthuc advolaturio, reverende
 Præsul, ac Princeps longe clarissime, sed semper
 aliquid oboritur quod hic me alliget. Exspectatur in-
 dies *Carolus* noster, adornatur sub Calendas Junias con-
 gressus duorum Regum, *Galli & Angli*, mirifico fa-
 ne apparatu, admoneor, ne desim. Interim umbram
Erasmi mitto, nam tuæ celsitudinis effigies apud me
 est. Minimum igitur abfuerit, quin totum habeas *E-
 rasmm*. Potiorem imaginem mei, si quid tamen mei
 probum est, habes in libris expressam. Corporis effi-
 giem insignis artifex expressit ære fusili. Etiam si quid
 adhuc superest *Erasmi*, id totum sibi suo jure vendi-
 care poterit tua celsitudo, cui sum & semper futurus
 sum addictissimus, quæcunque corpusculum hoc habi-
 tura est regio. Eandem florentissimam quam diutissi-
 me servet *Christus* Opt. Max. *Lovanio 14. Junii, An-
 no 1520.*

EPISTOLA DIX.

Erasmus Rot. Joanni Oecolampadio S. D.

V TINAM tibi contingat, quod expetis, optime
Oecolampadi, id si scirem, haberes me comitem,
 sed vereor ne te sequatur hoc tædium. Sic est vita
 mortalium, ab animo petenda est tranquillitas. Index
 in *Hieronimum* jam nimium nos torquet expectatus.
 Valetudini tuæ etiamnum succurri potest, quando æ-
 tas est integra, mihi his laboribus immoriendum est:
 cui si fuisset vel paululum fortunæ cum hoc animo
 conjunctum, non impune sic imponderent mundo, isti,
 nescio quid addam. Seditionem non amo. Cætera
 præstabo pro viribus. Jam adesset in *Germania*, sed
 remoratur me Regum conventus. Exspectatur indies
Carolus. Rex *Anglus & Gallus* adornant colloquium in
 litore *Caleti* sub Calendas Junias. Monet *Cantuariensis*
 ut adsim. *Lutheri* libri pene arserant in *Britannia*. Nec
 erat remedium. Attulit remedium amicus quidam
 humilis, sed in tempore vigilans. Non sum is, qui
 possim judicare de *Lutheri* scriptis. Sed hæc tyrannis
 mihi nullo pacto placet. Bene vale, charissime *Oeco-
 lampadi*. *Leo* respondi tribus libellis intra menstruum
 fere tempus. Et obiter alia sunt acta. Nunc aggre-
 diar, imo aggressus sum *Paraphrasim* in duas Epistolas
Petri, hoc malo, quam rixari cum rabiosis. Tædet

me horum *Christianorum*, imo *Phariseorum*; ego ma-
 lim esse *Publicanus* mihi displicens. *Lovanio 14. Junii, 1520.*
 Anno 1520.

EPISTOLA DX.

*Clarissimo viro Georgio, Haloini Cominiisque Domino,
 Erasmus Rot. S. D.*

M IHI vero vehementer jucundum fuit, quod ani-
 mo nondum excidit amicus *Erasmus*, quem e-
 pistola quoque digneris vir tantus. Locus, qui te mo-
 vet in *Moria*, quo sensu dixerim quædam vere esse,
 perspicuus erit, si memineris fabulæ *Platonica De spe-
 cu, atque in hoc natis*: qui rerum umbras pro veris re-
 bus admirantur. Quæ sensu comprehenduntur vere
 non sunt, quoniam neque perpetua sunt, neque sem-
 per eodem modo sunt. Sola vere sunt, quæ contem-
 platione mentis comprehenduntur. Id cum *Plato* mul-
 tis locis inculcat, tum *Aristoteles* in libris rerum ultra-
 mundanarum testatur. Et *Paulus* Epistolæ ad *Corinth.* II.
 cap. IV. *Non contemplantibus*, inquit, *nobis qua viden-
 tur, sed qua non videntur. Quæ enim videntur tempo-
 ralia sunt, quæ autem non videntur aterna sunt.* Ut au-
 tem omnium perfectissime est Deus, quia simplicissi-
 me est, longissimeque abest à crassitudine rerum sen-
 sibilium: ita quæ ad illum proxime accedunt, verissi-
 me dicuntur esse. Sic verius est anima quam corpus.
 Quamquam autem Philosophus abducens sese à rebus
 sensibilibus meditatur contemplationem rerum intelli-
 gibilium, tamen iis non fruitur perfecte, nisi cum a-
 nimus expeditus organis materialibus, per quæ nunc
 agit, totam vim suam exerit. Porro tametsi sunt vi-
 res quædam, quas exercet animus per organa minus
 materiæ obnoxia, veluti cum intelligit, cum memi-
 nit, tamen dubium est apud Philosophos, an mens,
 quam *Græci* vocant *ψυχή*, omnino quicquam agat in cor-
 pore, nullo corporis organo. Quod hæcenus nemo
 tuo satisfacit animo, nec inter hos qui conscripserunt
De ratione paranda lingua Latina, nec ex his qui nunc
 complures libris proditis testantur, quantum assequuti
 sint in lingua *Latina*, fortasse nec ipse *Cicero* satisfac-
 ciet animo tuo, ut non defuerunt, quibus *Maro* visus
 est solæcus, & barbarus *Livius*. Ego nec hos probo,
 qui neglectis in totum præceptionibus, ex auctoribus
 petunt loquendi rationem: nec hos, qui præceptis ad-
 dicti, non versantur in evolvendis auctoribus. Præce-
 pta volo esse pauca, sed optima: quod reliquum est,
 arbitror petendum ex optimis quibusque Scriptoribus,
 aut ex eorum colloquio, qui sic loquuntur ut illi scri-
 pserunt. Hæc via si cui non placet, non video quid
 superfit, nisi ut ad magicas ineptias, & polygraphias
 ridiculas confugiamus: quas non videmus adhuc cui-
 quam usui fuisse. Porro quod eorum, qui scribunt ho-
 die, videtur impurior oratio, fortasse in causa sunt au-
 res eorum ad quorum iudicium scribimus: fortassis
 quod subinde cogimur in barbaris auctoribus, quibus
 plena sunt omnia, versari: haud scio an & illud, quod
 orationi vere *Romana*, ne apud *Romanos* quidem, honos
 habeatur, atque ob id segnius huic rei datur opera.
 Alium anguem in herba latentem ego non video. Ci-
 tius accederem tuæ sententiæ, si quis exoriretur qui
 sine ullis præceptis mere *Latine* scriberet. Adest isthic
Ulrichus Huttenus, linguæ *Romana* delictum, juvenis
 nobilis, eruditus, & humanus, cum eo melius hanc
 quæstionem tractabis. Ipse adero post biduum, si vi-
 res sinent: nam à morbo vix adhuc satis firmus sum.
 Ea res in causa fuit, ut hanc epistolam dictaverim,
 non scripserim. Bene vale, vir clarissime. *Lovanio 21.
 Junii, Anno 1520.*

EPISTOLA DXI.

Erasmus Rot. Germano Brixio S. D.

D VM curru vehor *Antwerpiam*, forte obvisus eques
 quispiam *Anglus* tuas mihi literas reddidit, quas
 tu

tu tertias esse significas. Expostulas quod non rescripserim, sed gravius etiam, quod istuc me non receperim, & nisi me purgem gravioribus argumentis, vis in periculum venire me, ne videar exolos habere *Lusitanos* amicos omnes. Postremo non recusas cum *Moro* redire in gratiam, me quidem auctore, contentus hoc praepudicio meo, quod illum eruditione praecellat. Sic enim interpretaris verba quaedam mea, nescio quae, quae scripseram ad *Beraldum*. Ad quae ut paucis respondeam, (sic enim postulat temporis angustia) Si vidisses, eruditissime *Brixii*, quantum negotii mihi fuerit in refellendis, tum aliorum, tum *Lei* calumniis, si videres sarcinas epistolarum, quibus legendis aliquoties vix suppetit otium, si laborem, quem assidue colloco describendis, emendandis ac recognoscendis libris, fat scio, quae tua est humanitas, facile veniam dares nostro silentio. Ad haec accessit adversa valetudo, ex aestu contracta, quae me graviter afflixit, & adhuc habet imbecillum, & aliqua ex parte sui juris. Deinde nullus occurrit, qui se diceret istuc iturum. Jam finge pigritiam in causa fuisse, quo minus scripserim. Non itatim oportuit colligere, mihi exolos esse, quibus non respondeo. Omnes redamare possum, rescribere omnibus non possum. Vix alium sincerius amo quam *Budam*, & tamen illius literis semel atque iterum provocatus, nondum respondi. Caeterum non minus mihi in votis erat frui dulcissima consuetudine *Budai*, tua, *Beraldi*, *Deloini*, *Rufei*, *Ruellii*, *Lascaris*, *Pauli Amilii*, *Cypriani*, quam vos estis cupidi videnti hujus corpusculi, uti scribis. Sed ex transverso repente incidit *Lei* tragoedia. Cui rei dandus erat fere sesquimensis. Ad haec reditus *Caroli* nostri, quaedam item negotia *Hispanica*, coegerunt me vertere consilium, non animum. Nec ita tamen sum pollicitus me venturum, quin hujusmodi casus exceperim, quos semper oportet tacite exceptos esse. Porro quicquid humanitatis mihi decreveratis praestare, non minus libenter debeo, neque minorem habeo gratiam, quam si jam usus essem. De dissidio, quod meo magno dolore tibi cum *Moro* incidit, decreveram accuratius ad te scribere, nam *Moro* jam hac de re scripseram non indiligenter. Verum, haecenus non licuit. *Beraldo* paucis scripsi, ne malum utonque natum glisceret in pejus. Nec tamen id factum est volente *Moro*, cui videbam usque adeo non esse formidabilem tuam *Antimorum*, ut quemadmodum scribunt, ipse eam curaverit excudendam formulis, idque suadentibus aliquot optimis simul ac prudentissimis amicis, inter quos nonnullos esse scio, qui tibi ante libellum editum favebant: nunc in diversum mutati, desiderant in te civilitatem, humanis literis dignam. Neque ideo volui rem inter vos componi, quod existimarem periclitari *Mori* famam, ob hujusmodi libellum, quem hic pene nulli legunt; certe neminem adhuc audivi qui laudaret: aut quod diffiderem *Mori* viribus, si veniendum esset in certamen: sed quod existimarem hoc ad publicam studiorum dignitatem pariter atque utilitatem pertinere, si bonarum literarum mystae inter se consentirent, nec abessent a Musis Gratiae, praesertim cum tam acerbis odiis undique conspiraretur adversus ordinem nostrum. Ocio *Mori* consulere volui magis quam famae, siquidem major est ille omnium eruditorum calculis quam ut ejusmodi cavillatiunculis possit obscurari. Tuae vero famae cum primis consultum volebam, cui favere non vulgariter, quamque indies in majus ac melius augescere cupiebam. Existimabam hoc & ad *Gallia* quoque laudem pertinere, ex qua nihil adhuc prodiit, quod omnium iudicio tantum habeat amarulentiae, quantum tuus in *Morum* libellus. Provocavit te *Morus*, sed provocatus, sed tamen id fecit longe civilius quam tu respondes, quod tui quoque fatentur *Galli*. Et ille scripsit in bello, tu tot jam annis rebus pacatissimis, nec edidit tamen ille quod scripserat. Sed amicis extorquentibus indulgit, si modo recognoscerent. Nec mirum est in homine poeti-

co, si veris affingat aliquid, attollendae rei gratia, An. nec foedum est admodum amore patriae hallucinari. Hoc tantum tibi impingit *Morus*, tu quam atrociter hoc moliris, ut illum apud Regem deferas, veluti paternae laudis suggillatorem. Nam quae de carminis viciis notarat, non erant digna tragoedia. Jam non excutio qualia sint, quibus illum vicissim taxas, nec enim est animus cum amico *Brixio* depugnare, nec opus est *Moro* nostris praesidiis, cujus mihi potius est opus suppètiis. Imo ne iudex quidem cupiam esse inter duos amicos, ne alterius iacturam cogar facere. Proinde magnopere miror, mi *Brixii*, quid tibi venerit in mentem, ut verba, nescio quae, mea ex meis ad *Beraldum* literis sic interpretareris, quasi meo praepudicio, palmam eruditionis tibi detulerim. Ego cupiebam utrumque perpetuo amicum, nec erat consilium alterum alienare meo calculo, praesertim cum adhuc inter vos ferveret contentio. Non satis memini quid scripserim *Beraldo*, illud ausim dejerare, me nihil minus sensisse, quam quod tu interpretaris. Illud sentiebam, quando de literis certamen erat, non oportuisse aliam captare laudem ex eo certamine, quam ut eruditione vinceret, utique si posses. Ostendi quid tibi conandum fuerat, non quid esses assequutus. Quod si ego maxime tuam doctrinam *Morica* praetulissem, tamen arbitror te modestiorem, ac prudentiorem, quam qui velles agnoscere. Non pronunciaui uter esset doctior, nec est necesse ut pronunciem, & haud scio an meum sit de *Mori*, tuaque doctrina cenforem agere; quid alii censeant scio. Tua non admodum multa vidi, neque cominus eruditionis tuae feci periculum. *Mori* plura legi, & cum eo fuit intima familiaritas. De illo sentio, quod nemo non sentit, qui pernovit hominem. Ingenium est prorsus incomparabile, memoria felicissima, dicendi facultas promptissima. A puero feliciter imbibit *Latinas* literas, *Gracas* juvenis, idque sub doctissimis praceptoribus, cum aliis, tum praecipue *Thoma Linacro*, & *Guiselmo Grocino*. In sacris Literis eo progressus est, ut nec magnis Theologis sit contemnendus. Liberales disciplinas non infeliciter attigit. In Philosophia ultra mediocritatem progressus est. Ne quid interim dicam de professione Juris praesertim *Britannici*, in qua ille vix ulli cedit. Prudentia rara & inaudita: quas ob res Rex cordatissimus non conquievit, donec hominem ad penitissimam suam consilia pertraxerit. Itaque, mi *Brixii*, plane friget cavillum illud tuum, quod subinde repetis, in *Morum*. Nullus est illi tam inimicus, quin prudentiae laudem affatim tribuat. Nam quod ubique videri vis *Morum* ex alto despicere, ac velut pro delectamento habere, venerator ne parum probaturi sint graves & eruditi viri. Nam ut te numero inter eximios, ita non video qua parte *Morus* sit tibi contemnendus, siue fortunam spectes, siue naturae dotes, siue ingenium, siue mores, siue quodcumque doctrinae genus. Et quo magis admiror *Mori* dotes, quod ego non facio solus, hoc magis cupiebam inter vos convenire, tua magis causa quam illius, imo mea quoque causa, ne qua res nostram amicitiam obnubilaret. Quod factum est infectum fieri non potest, caeterum optarim hoc quicquid est tumultus aboleri. Quod autem credis vix fieri posse, ut tua *Antimorus* obsolescat, aut ego plane fallor, aut nullus est iterum editurus, si tu conquiescas. Illud multis displicet, quod *Morum* rursus attigisti in praefatione quadam, cum ille ad tuum libellum nihil adhuc responderit. Sed ut finiam, optime *Brixii*, si vis me hoc agere cum *Moro* ut jungat vos amnestia, pergam id facere, quod coepi. Sin expectas ut *Morus* tibi supplex sit, plane falleris. Ut illius animum sentio, feliciter gesserò rem, si hoc ab illo impetrem, ut nolit te odiosius impetere, idque ut fiat, arbitror & ad communem studiorum dignitatem, & ad tui nominis honestatem pertinere. Quod adjicis animum ad res Theologicas, nostrasque Paraphrases habes assidue in manibus, non possum non probare tuum consilium.

An. Edidimus proxima foetura Paraphrasin in Epistolas *Petri* tri duas, & unam *Juda*. Hoc agentem morbus oppressit, sed paulatim reviviscimus. Bene vale, *Brixii* doctissime. Saluta amicos omnes nominatim. *Antwerpia* 25. Junii, Anno 1520.

EPISTOLA DXII.

Erasmus Rot. Georgio Spalatino S. D.

ALEXANDER, juvenis longe candidissimus; reddidit mihi tuas literas exoptatissimas, una cum duobus nominatis, optimi Principis tui vivam imaginem nobis referentibus. Quo sane dono magis sum exhilaratus, quam si mihi misisset auri talentum *Atticum*. Ille se mihi misit argenteum & aureum, ego me vicissim illi mitto æreum. Utriusque meritis respondet materia. Quid enim in isto Principe non aureum? qui pro magnitudine animi plusquam heroica, contempsit ultro delatum imperium; qui pro singulari fide & integritate sua nullis præmiis vinci potuit, quo minus ei decerneret imperium, quem oneri ferendo judicasset unum omnium hujus ætatis Principum maxime idoneum; qui tantam auri vim à nostris oblata pertinacissime respuit; qui mira quadam prudentia dexteritateque inaudita ditionem suam ornat ac locupletat, idque nulla finitimorum injuria, sed omnium potius publico bono: qui nova schola rem *Christianam* auxit, quam annis perpauca ex rara frigidaque, omni linguarum ac literarum genere florentissimam reddidit, ea moderatione favens optimis studiis, ut tamen non sit veteris doctrinæ patronis quod de illo querantur. Ingratissimæ literæ, nisi hujus herois merita monumentis consecrent nunquam intermorituris. Debeo illi privatim permultum, sed multo plus publico studiorum nomine. Atque utinam ea felicitas mihi contingat in vita, ut inclytum Principem cum Academia florenti videre liceat. Ni fallor, hoc autumnus sum aditurus *Germaniam*, adnitar invisere vos, si modo tuto liceat. Interim optimi Ducis imaginem inter ea reponam, quæ mihi sunt charissima, mecumque circumferam semper in deliciis habiturus. Scripsi nuper *Philippo Melanchthoni*, sed sic, ut eadem opera putarim me scripsisse *Luthero*. Precor ut *Christus* Optimus Maximus *Lutheri* stylum & animum ita temperet, ut plurimum adferat fructus Evangelicæ pietati, mentemque meliorem det quibusdam, qui cum ignominia *Christi* suam quærunt gloriam, qui cum illius jactura suum quærunt lucrum. In castris eorum, qui *Lutherum* oppugnant, multos video, qui mundum spirant magis quam *Christum*. Et tamen utrinque peccatur. Utinam *Huttenus* temperasset stylo suo, cujus ingenium amo unice. Optarim *Lutherum* ab istis contentionebus aliquantisper conquirere, ac rem Evangelicam tractare pure, non admixtis affectibus, fortasse res aliquanto melius successerit. Nunc & bonas literas degravat invidia nobis exitiabili, ipsi infrugifera. Et periculum est, ne publica morum corruptela, cui nemo non fatetur opus fuisse publico remedio, ceu pestis exagitata, magis ac magis sese confirmet. Nec semper est proferenda veritas. Et magni refert, quomodo proferatur. Bene vale, vir optime, meque Principi tuo commendatum facito. *Lovanio* 6. Julii, Anno 1520.

EPISTOLA DXIII.

Erasmo Rot. Hermannus Buschius S. D.

CONVENIT me Moguntia famulus tuus, è Basilea reversus, ac continuo abiturus, à quo intellexi, me absente Apologiam tuam cum literis Spiræ mihi redditam, adversus Eduardum Leum hominem levissimum, hoc est, improbissimum, qui hoc ista egregia editione sua consequutus est, ut universis, quibus saltem aliquod hominis est cerebrum, maximo sit ridiculo, & in proverbium venerit, non minus quam Scarabeus ille, qui maximo suo malo Aquilam quæsit: bis terque habeo gra-

tiam, doctissime Erasme, quod me tuo isto elegantissimo munere dignatus es, utinam possem tam ulcisci nebulo- nem istum carnificem tuum, quam te amo, Erasme, videres procul dubio, ex ipsa scriptura non vulgare Buschii odium adversus hanc furiam, nulla certe alia quam tui causa. Sed ò diis gratia, quod tu non Buschii, sed nec cujusvis alius copis ad tui defensionem indiges, satis superque annis domesticis auxiliis toti barbarorum factioni (necum uni Leo) futurus. Christus te nobis sospitet, vir clarissime, publico omnium studiosorum bono natum, quod etiam ita facturum eum, tam certo mihi polliceor, quam ille maledicorum omnium certus erit ultor, & maxime eorum, qui sub nomine ac specie religionis nihil magis quam unum id agunt, quo veram omnem religionem evertant. Duos priores libros tuos jam legeram, forte apud Wangiones repertos, ex quibus animadverti te tertium adjecturum. Legam igitur avidissime cum domum rediero, & ideo quoque non paulo maturius repesam domum. Ex tempore hac scripsi, alioqui nec meditatus satis probus scribendi artifex, quamobrem hic quæso censuram remitte. Vale athleticæ, in Lei omnium bipedum nequissimi pudorem, si modo ingenuitatis tantum is habet, ut pudere possit. Moguntia ex adibus domini Marquardi de Huttenstein, viri nobilissimi, omnium studiorum, studiosorumque, & imprimis tui ac Capitonis amantissimi, qui me rogavit, ut quam accuratissime suis tibi verbis salutem adscriberem, seque tibi non secus ac summo cuspium Pontifici reverenter commendat. Saluta etiam isthic Nefenum mihi, & Martinum Dorpium, quem totus nunc amo, postquam intellexi totum te amare. Sed jam satis est ineptiarum. Vale iterum. Moguntia 7. Julii ante exortum solem, Anno 1520.

EPISTOLA DXIV.

Erasmus Rot. Mathia, Illustrissimi Saxonia Ducis Georgii à decimis, S. D.

FELICITATEM istam tibi gratulor, vir ornatissime, qui tandem manumissus ab ociosis & odiosis aulae negotiis, decreveris in optimis studiis consensescere. Alberti, Ducis bellicæ rei peritia clari, quondam adolescens nomen duntaxat accepi in *Hollandia*. Pridem quum apud *Anglos* agerem, Georgii Ducis mirificam quandam imaginem mihi depinxit illius Cancellarius. Atque cum hujus oratione mire consentiebant publicæ famæ suffragia. Porro *Friderici* Ducis virtutes plus quam heroicas, non solum ex nostrorum Principum prædicatione, verum etiam ex ipsius ad me literis ac xeniis nuper cognovi. Reddidit mihi *Henricus Eppendorpius*, rara indole juvenis, & ipsa fronte generis sui nobilitatem præ se ferens, tuo nomine tres argenti infecti massulas, ut è vestris venis sunt effosæ, quarum minima rubebat, maxima livebat, media pallebat. Majorem in modum me delectabat rei novitas, nunquam antea conspectæ. Tametsi, quod scribis me percupidum fuisse venarum vestrarum, scito mihi nunquam antehac in mentem venisse vestra metalla. In præsentia nihil est ad manum, quo tuam pensam munificentiam, nisi quod tibi mitto *Erasmum* plumbeum, ipse plus quam luteus, aut si quid luto vilis. Porro cur mihi tuum nomen invideris, admiror, quod in literis tuis nusquam adscriptum reperi. Hoc ubi nactus ero, inter amicos haudquaquam postremæ fortis adscribam. Bene vale. *Lovanio* 30. Julii, Anno 1520.

EPISTOLA DXV.

Erasmus Rot. Petro Mosellano S. D.

REDITAE sunt mihi literæ, quibus deploras editam epistolam tuam, ego vero non hanc tantum editam doleo, plus officit mihi studium quorundam *Germanorum*, quam odium hostium. Quæso, quorum attinebat evulgare epistolam, quam scripseram Archiepiscopo-

An. 1520. *piscopo Maguntino?* Plus nobis sapiunt hostes, qui celant omnia, & clam conspirant, nos nihil tegimus. Adornamus alteram editionem epistolarum omnium, ne quis rursus excudat, ut excusae sunt, quaedam abjiciamus, quaedam molliamus. Epistola, quam *Luthero* scriptam isthic ediderant, delata est, ad *Leonem*: alia quaedam loca ad alios descripta sunt, ut eos in me provocarent. Quis docuit istos cacodemones hanc artem conspirandi? Honorem istum tibi gratulor, & auctam fortunam gaudeo. De *Oecolampadio* sciebam ex ipsius literis. Principi tuo scribam, si dabitur oecum. Adorno protectionem in *Germaniam*. *Leo* nihil intentatum reliquit quo me subverteret, sed nihil illi successit: nemo probes apud *Anglos* mihi non favet. In superioribus literis tuis videbare nonnihil blandiri *Hephaestio*: sed is est unus qui *Naxum* instigavit, quique nunc est hujus Tragediae caput, homo mire virulentus ac pertinax: tales esse solent qui emergunt e sterquilinio. Vidi quaedam epigrammata scripta in *Leo*, sit sane dignus ille, vel suspendio, sed tamen malim argumentis per graves viros oppugnari hominem, quam istiusmodi conviciis. Bene vale. *Levanio* 31. Julii, Anno 1520.

EPISTOLA DXVI.

Erasmus Roterodamus Hermannus Buschius S. D.

MISERET me tui, doctissime *Buschi*, qui bonas horas in *Lermis* pugis male contriveris. Inter tot futiles libellos, quos nobis evomunt typographorum officinae, dispeream si quicquam adhuc prodiit indoctius, aut etiam stolidius, denique virulentius. Rident hominem cum suo glorioso diuque jactato libello docti omnes, execratur optimus quisque etiam apud *Anglos*, nec ipsis germanis, quos habet eleganter eruditos, probatur. Displicet etiam his, quorum gratia hanc agit fabulam. Exhibetur ab universo theatro, & tamen homo sibi pertinacissime placet, unus sibi plaudat, imo putat aleam pulchre cecidisse, quod cum *Erasmio* sit congressus, quod doctis ac bonis viris stomachum moverit, quod subito innotuit orbi. Habet Abbatem unum egregie stolidum, habet *Standicum* multis titulis insignem, primum Minoritam, deinde Theologum, postremo Episcopum, horum duorum suffragio contentus est. Abbatis nomen adhuc filebitur. Porro *Standiciani* ingenii gustum tibi dabo. Non cupit, opinor, ipse celari, quod publice magna hominum celebritate designavit. Concionabatur in coemeterio *divi Pauli, Londini*. Cumque sermonem exorsus esset à charitate, subito pudoris omnis simul & charitatis oblitus, coepit debacchari in nomen ac famam meam, testatus imminere *Christiana* religionis *παρολβελα*, nisi novae translationes omnes subito de medio tollerentur. Negavit rem diutius ferri posse, posteaquam *Erasmus* ausus esset corrumpere Evangelium *divi Joannis*, qui cum Ecclesia tot annis legisset, *In principio erat verbum*, nunc novam lectionem induceret, *In principio erat sermo*. Hic existimabat sibi datum esse telum, quod nullo pacto mihi liceret effugere. Addebat, *Augustinum* alicubi magis probare vocem *verbi*, quam *rationis*, & rationes adducere cur ita sentiat. Verum eas, inquit, rationes *Græculus* iste non intelligit. In hanc sententiam cum multa stolidia & *ἀπεροδιόγιστα* deblaterasset, coepit homo facundus movere affectus, deplorare sortem suam, se cum esset tot annorum doctor, & hactenus semper legisset *In principio erat verbum*, nunc huc redigi, ut cogatur legere *In principio erat sermo*, suspicans fore, ut hac tam flebili querimonia lachrymas excuteret populo. Mox magnis obtestationibus obsecravit urbis praefectum, (nam is ex more aderat) magistratus omnes, & universam civium multitudinem, adessent in tanto discrimine religioni *Christiana*. Credebat se divinitus dicere, & tamen nulli placuit. Quotquot aderant vel mediocriter eru-

A di, demirabantur hominis stultitiam: è vulgo An. 1520. quibus erat ingenium festivius ridebant illius nugas, nihil ad thema propositum pertinentes: qui natura erant severiores, indignabantur quod talibus blateramentis impleteret aures plebis, multo aliud expectantes. Evenit, ut eodem, opinor, die pranderet in aula regia. Id simul atque senserunt duo quidam, quorum alter coelebs est, & sic linguarum trium, ac veteris doctrinae gnarus, ut in *Scoticis* argutis nemini cedat eorum, qui nihil aliud didicerunt, aut tractant in omni vita: alter conjugatus est, sed ingenio coelesti, aulicus uterque: protinus accumbunt in eadem mensa, haud satis commodi commensatores *Standicio*. Nomina filebuntur ad tempus. Continuo ne quid temporis periret, sic ingressus est alter: Mihi perjurandum est, quod tua pietas coepit operam dare legendis *Erasmii* commentariis, nimirum captans hominem, qui si negasset se legisse, statim objecisset, cur igitur publice damnas quod non legeris? Id praesentiens *Standicius*, Fortassis, inquit, tantum legi, quantum mihi in animo est legere. Tum alter, non dubito, inquit, quin legeris: nam hodie nominatim etiam locum quendam taxasti, in Annotationibus illius in *Joannem*. Ille rursus ambigue respondit, subindicans tamen se legisse. Euge, inquit, aveo scire quibus argumentis, aut quibus auctoribus nitatur *Erasmus*. Nec enim dubium est, quin hujusmodi rebus fretus, sit ausus mutare locum. Hic cum ille teneretur medius, sic elusit impudens. Nihil moror, inquit, illius auctores, aut rationes, mihi satis est, quod scripsit *Augustinus*, Dei Filium aptius explicari per *verbum* quam per *rationem*, cum *λόγος* utrunque significet *Græcis*. Assentior, inquit alter, de *ratione*, sed quid istud ad *sermonem*? Nec enim *Erasmus* vertit *In principio erat ratio*: sed, *In principio erat sermo*. Tum ille, eadem, inquit, est vis *sermonis* & *rationis*. Imo longe diversa ratio est, inquit alter, & tu parum prudenter facis, qui nec lecto loco, nec intellecta re, sic debaccharis publicitus in famam viri de studiis bene meriti. Hic dejerat *Standicius*, quicquid dixisset, bona zelo dixisse se. Verum, non meminisse ubi Dei Filius in sacris Literis dictus esset *sermo*. Mox alter, At ego, inquit, qui nec Theologus sum, nec sacerdos, tibi redigam in memoriam, proferens illud, *Omnipotens Sermo tuus Domine*, &c. Passus est homo legi *omnipotens Sermo*, sed non legi, *In principio erat Sermo*. Risit omne convivium hominis acumen. Post hæc deflexit sermonem ad argutiam sophisticam, in qua statim ab altero exceptus est, qui *Standicius* non minus superat hoc doctrinae genere, quam ille bonis literis est inferior. Ab hoc quoque cum esset dejectus, in sua ipsius arena, vide quo deflexerit: Si tibi, inquit, tantum est animi, age conscendito suggestum, & adversum me concionator. Tum ille, Non sum, inquit, tam stultus, ut hæc apud stultas mulierculas & indoctam plebeculam velim effutire. Quod si mihi videretur, non dubitarem publicitus docere, quod hodie concionatus es tu, semihæreticum esse. Hanc vocem cum abominaretur *Standicius*, alter pergens, Quod summum, inquit, Pontifex bis approbavit suo diplomate, id palam hæreseos insimulare, utrum hoc hæresim sapit, an non? Cum ad hunc modum acceptus esset homo, tamen neque puduit, neque resipuit. Verum, aliquanto post apud Regem unice cordatum, apud Reginam feminam juxta prudentem ac piam, adstante frequenti corona doctorum ac nobilium virorum, religiose procubuit in genua. Expectabatur aliquid magni à Monacho, à tot annorum Theologo, ab Episcopo, denique à sene: ibi vernacula suæ gentis lingua, qua nonnihil valet, collaudatis Regis ac Reginae majoribus, quod semper Ecclesiam Catholicam adversus hæreticos ac schismaticos religiose defendissent, hortatus, imo per omnia sacra obtestatus est eos, ut pergerent suorum progenitorum esse similes, adesse tempora longe periculossima, prodisse novos *Erasmii* libros, quibus ni fortiter obfisteretur, deploratam esse *Christi* religionem. Hic,

211.
1520.

sublatis in coelum & manibus & oculis, coepit obsecrare. *Christum*, dignaretur ipse suae sponsae optulari, si nemo mortalium succurreret. Hæc atque huiusmodi cum mira religionis specie dixisset, & forte adstarent utrique; à quibus ante sic fuerat acceptus in convivio, hunc ad modum ingressus est profanus ille. Collaudavit R. Patris tam piam ac religiosam orationem, & facta imitatione nonnihil etiam de gestu *Standiciano* referens, precatus est Deum Optimum Maximum, ut quemadmodum loqueretur, ita & sentiret, nec animos ab oratione diffideret. Sed vereor, inquit, ne si res attentius excutitur, compariamus illum longe aliud agere, quam præ se ferat oratio. Simulque iussit, ut posteaquam iniecisset eam sollicitudinem animis tantorum Principum, simul etiam indicaret, quanam essent in *Erasmi* libris, unde metueret exitiales hæreses, & perniciose schismata. Hic protinus homo confidens pollicitus est id se facturum. Et rem in digitos porrectos dispartiens: Primum, inquit, *Erasmus* tollit resurrectionem. Deinde nihili facit sacramentum matrimonii. Postremo male sentit de Eucharistia. Hæc oratio cum prima specie nonnihil commovisset animos religiosissimorum Principum, patronus ille meus ampliter collaudavit *Standicum*, quod distincte simul ac dilucide rem oculis subiecisset, nunc nihil aliud restare, quam ut probaret ea quæ belle proposuerat. Ille nihil etiam cunctatus, hoc quoque se præstaturum esse confirmavit. Et exorsus à pollice, Primum, inquit, quod tollat resurrectionem, probō sic: *Paulus* in Epistola ad *Colossenses* (nam adeo versatus est senex Theologus in *Paulo*, ut quod habetur in Epistola ad *Corinthios* priorē, somniaret esse in Epistola ad *Colossenses*) scribit hunc in modum: *Omnes quidem resurgemus, sed non omnes immutabimur: sed Erasmus* hanc ecclesiasticam lectionem sustulit, & è suis *Græcis*, legit hunc in modum: *Omnes quidem non dormiemus, sed omnes immutabimur*. Palam est igitur ab illo tolli resurrectionem. Quis crederet huic homini esse cerebrum? In annotationibus recehseō diversam lectionem, nec ullam rejicio, quum auctorum probatissimorum aliam alii sequantur, iidem nonnunquam diversas. In contextu id verito, quod solum reperiebam in libris *Græcorum*. Jam cum resurrectionis tot locis apud *Paulum* comprobetur, quid insanus dici poterat, quam sublata esse resurrectionem, si uno in loco mutata fuerit vox resurrectionis? Nam symbolum fidei *Christiana* dum profitetur resurrectionem mortuorum, num ideo cogit omnes mori, ut resurgant? Quasi vero lex Pontificia dum jubet deponere officium, cui contigit Episcopatus, illud senserit, Cuicunque contigerit Episcopatus *Roma*, ei, si non habeat, parandum esse officium, quod possit deponere. Verum, ubi patronus ille meus, re tota dilucide explanata, sic hominis stoliditatem oculis omnium subiecisset, ut idiotis quoque & mulierculis esset perspicuum, nihil esse peccatum à nobis: nec ipse Theologus, quamvis effrons, haberet quod contra hisceret: tamen quoniam juxta *Luciani* præceptum arbitrabatur *adversus omnes*, ne tacitus omnino porrigeret herbam, falsus est esse verum, & hanc lectionem recenseri à veteribus orthodoxis, & nominatim ab *Hieronymo*, sed hoc, inquit, *Hieronymus* reposuit ex *Hebraeo*. Audierat vir egregius, *Hieronymum* quædam ex *Hebraeorum* fontibus restituisse in Vetere Testamento, & putabat idem habere locum in *Paulinis* Epistolis. Eam vocem *Standicii* non passus est perire cœlebs ille Theologus, cujus supra memini. Sed flexis nonnihil genibus, ac præfatus honorem, idque præter morem suum, Quæso, reverendè Pater, inquit, ne gravare repetere nobis, quod modo dicebas: nam eram parum attentus. Ille stolidam vocem clarius etiam ac pluribus verbis deprompsit, laudem opimam ex eo dicto sibi pollicens. Hic alter quo redderet omnes magis attentos, Haud leve, inquit, proposuit argumentum R. P. Sed tamen conarer nonnihil respondere, si modo regis majestati non esset molestum audire. Mox Regina velli-

ans Regem, iussit audire, tum ille sic vultu composito, ut cogitabatur, & nonnihil perplexus videretur; Profecto, inquit, non satis video, quibus rationibus isti argumenta possint occurrere, aut quid responderi debeat pro ipsius dignitate. Neque enim opinor R. P. usque adeo declinare, ut existimet eas Epistolas præsertim *Hebraice* scriptas fuisse, cum paterique sciam, à *Paulo Græce* scriptas esse. Quod autem fuisset illud *Hieronymi* consilium ex *Hebraeo* voluminibus mutatis publicam lectionem, cum ex fontibus id fieri soleat, cumque nemo testetur has Epistolas ulli vias *Hebraice* descriptas? Atque cum rem satis per se stultam, atque absurdam, sic iteravit, sic imprefit, sic innoxit, sic inculcavit, ut Rex pro sua nobili humanitate, misertus tantæ stoliditatis, apud tales viros prodiret, sic hominis pudori succurreret, ut alio verius diversum sermonem iniecerit. Sic triumphavit *Standicum* in primo capite. De reliquis nulla mentio. De mihi per *Melas*, optime *Dasthi*, an putas istum facinus esse, quod isti non sint ausuri, cum non veretur perfrecta fronte sic calumniari de nihilo, idque apud summos Principes, apud quos omnis obreptatio debebat esse capitalis, tum in corona non vulgariter eruditorum hominum? Quisquis enim audiebat sublata à me resurrectionem, imaginabatur à me negari, quod ego tot locis testor basim & caput esse nostræ fidei. Nec enim ulla in re diligentius verfor, quam in asserenda corporum resurrectione. Non deerat Romæ nocendi voluntas, sed iudicium non erat. Hæc tria tela sibi stulte delegerat, ut si persuasisset me male sentire de Eucharistia, clerum universum in me concitaret. Si de matrimonio, matitos & uxores, imò totum hæcorum ordinem ad lapides animaret. Si de resurrectione, Principes ac populos omnes *Christiani* hominis in meum exitum armaret. At de resurrectione quod calumniabatur, res ipsa loquitur non modo vadium esse, verum etiam insaniam. Porro matrimonii adeo non detraho, ut apud *Loventenses* in publica schola Theologorum satis odiose notatus sim, quod in declamatiuncula quadam generis suasorii plus satis tribuerim matrimonio. Nam quod alicubi disputo, An divortio possit succurri male cohærentibus infelici coniugio, nihil facit contra matrimonii dignitatem. De Eucharistia nunquam, ita me Deus amet, quivi divinare quid sibi voluerit *Standicius*, cum mihi nulla aliā quam cogitatio venerit in mentem, nisi digna sacrosancto illò mysterio, tantum abest ut quicquam secus dixerim, aut scripserim. Atque hæc audet sacerdos in sacerdotem; Theologus in Theologum, senex in senem, præterea professor Apostolicæ vitæ, postremo reverendus in *Christo* Pater: *Cæsares* leges ita statuunt, ut calumniator, qui falso crimen intendit, ipse pœnis obnoxius sit, quas daturus erat delatus, si commoverisset. Hic tria crimina simul intendit, ut atrocissima ita falsissima, idque apud eos Principes, apud quos etiam de rebus compertis religiose loquendum esset. Ex quò facile est conjicere, qualia sint, quæ apud suos sedales in computationibus deblaterant. Si quis *Ajætem* imitatus in porcos convivii ac telis stæviat, hunc *Ajamemnonem* appellans, illum *Ulysses*, aut *Meneleum*, nemo post haberet fidem homini qui tam luculenter insanisset semel. At hic, qui tot ac talibus viris testibus sic insanisset, quasi re bene gesta, plaudat etiam sibi, magnæque auctoritate de causis fidei pronunciat. Quis autem refert utrum à morbo corporis, an ab animi vicio proficiatur insaniam? Hoc est ab humoribus viciantibus organa animi, an ab odio, stoliditate, superbia, invidia, cæterisque malis viciantibus animi iudicium. Et tales fere comperimus omnes istos, qui bonas literas impugnant, nunc *Capitulum*, nunc *Lutherum*, nunc *Romanum* Pontificem, nunc alia atque alia prætexentes nomina, sed eandem agentes fabulam, licet variatis personis ac scenis, non solum indoctos, verum etiam dementes. In *Standiciana* fabula ne syllabam quidem affixi, quædam etiam prudens

An.
1520.

re-

An. reticui. Et hujus generis sexcentas possem referre. Sed
 1520. unam addam in praesentia, quæ nonnihil ad hanc rem
 facit. Nomen interim tacebitur, etiam si ille monitus
 à me, ut desisteret in meum nomen deblaterare, per-
 rexerit sui similis esse: tacebitur & Ordo, est enim ex
 hoc genere, quod vulgo dicunt *Mendicantium*. Nam
 video totum Ordinem commoveri, si quis *Carmelitam*,
 aut *Dominicanum* attingat, haud etiam scio, stultius
 ne an iniquius. Nam qui minus totus sacerdotum or-
 do commoveatur, si quis narret se læsum à sacerdote,
 suppresso etiam nomine? Atque in hunc ordinem isti
 quotidie seditiosissime declamant apud populum, &
 suos ordines non patiuntur nominari sine honoris præ-
 fatione, ut si querar mihi pecuniam furto sublatam à
Carmelita, totus Ordo mecum agat injuriarum. Atque
 hæc faciunt quidam, etiam si quis verum dicat, imo
 veri partem aliquam, nec omnia referens quæ novit,
 & nomini interim civiliter parcens. Sed ut ad rem re-
 deam: cum apud hunc Theologum, ac religionis pro-
 fessorem (ipse tacitus agnosceret me nihil mentiri) nar-
 rassem me majorem in modum admirari, quid *Standi-
 sio* venisset in mentem, cum me de Eucharistia calu-
 mniaretur, cum nihil esset in libris meis, unde posset
 ansa prehendi calumniæ, pollicitus est se locum indi-
 caturum. Qua quidem ex re protinus intellexi, nego-
 tium hoc inter istos ex composito geri. Ego vicissim
 pollicitus sum, id quod præstiti, me demonstraturum
 locum non intellectum, si ille lectum ostendisset. Per-
 legit ille curriculo, sic ut sibi duntaxat legeret. Ac mox
 librum occlusum semovit, veluti jam constaret me scri-
 pisse, non esse definiendum in synaxi esse verum *Chri-
 sti* corpus: cœpit mecum argumentari, testans sese ne-
 scio quid libelli etiam super hac re conscripisse, unde
 speraret opimam gloriam. Negavi me adversus inanem
 aerem agere velle pugilem, nisi prius docuisssem illi lo-
 cum non intellectum. Juravit sic esse ut ajebat. At tanto
 minus ego credebam, maxime cum jam argumentis
 certissimis hominis insignem stoliditatem comperisssem.
 Eorum unum atque alterum recensere fortasse non ab
 re fuerit. Multis conjecturis suspicor huic à sui Ordinis
 sodalibus datum negotium, ut ex omnibus meis libris
 enotaret, quæ possent arrodi: id sedulo conatus est
 homo prorsus ignarus *Latini* sermonis, & in literis
 Theologicis sane quam tenuiter eruditus, judicio nul-
 lo, arrogantia magna, ingenio tali, ut ni cuculla com-
 menderetur, etiam vulgo pro morione posset haberi,
 toto vultu naturæ stoliditatem clamitante. Quodam
 igitur in loco cum excusans *Thoma* lapsus, adjecisssem
 virum indignum esse, qui in ea incidisset tempora, si-
 gnificans videlicet, atque etiam exprimens *Thoma* di-
 gnum fuisse feliciore seculo, cum ipsi nec ingenium,
 nec industria defuisset: noster Theologus gravissime
 de me questus est, clamitans blasphemiam non feren-
 dam, qui *Thoma* tantum ac tam sanctum virum ap-
 pellassem indignum: opinor si ipsum dixisssem virum
 pistrino dignum, sibi laudi vertisset, quod virum di-
 gnum appellassem. Nec erat querimoniarum finis, do-
 nec incideret in Theologum quendam, qui cum *Latine*
 sciret, suspicatus id quod erat res, postularet sibi
 demonstrari locum, ac tandem ostenso loco risit assu-
 tim. Eaque res pene in vulgi fabulam exiit, & adagio-
 nem. Sed mecum coram expostulavit serio, quod alicui
 videretur agnoscere libellos famosos. Id cum mihi vi-
 deretur absurdum, qui sic abhorream ab hoc genere,
 ut nemo magis, & flagitarem, quoniam argumento id
 diceret, protulit locum, ex epistola ni fallor ad *Thoma*
Lupescum mea, in qua scripsi, quod libellum famosum
 aliquoties excuset necessitas. Existimabat me defende-
 re libellum famosum, prætextu necessitatis, sed tamen
 pro sua civitate falsus est, hoc aliquo prætextu defen-
 di posse, quod addiderim aliquando. At non intellexit
 stolidus ille censor, me illic exaggerandæ rei gratia
 conferre detractionem quorundam, qui privatim &
 publice, mendacius etiam incessant famam alienam, cum
 libellis famosis veluti cum facinore atrocissimo, pluf-

quam capitali: & ex circumstantiis demonstro, illorum
 oblationem aliqua ex parte minus mereri veniam, 1520.
 quam libellum famosum, quod hunc aliquando excuset
 necessitas: veluti cum monendus, aut territandus est
 tyrannus, quem monere coram non sit tutum, cum
 tamen id sit à Republica: sed isti cum tuto possent ad-
 monere, tamen nec monito, nec audito me, famam
 incessant mendaciis. Itaque non illic magis faveo libel-
 lis famosis, quam faveret homicidio qui stuprum cum
 homicidio conferret, & ita conferret, ut diceret hac
 parte gravius esse cæde, quod homicidium non læde-
 ret nisi unam hominis partem, eamque deteriore, *stuprum*
 & animum & corpus conspurcaret. Mox pol-
 licitus est sese locum indicaturum, in quo pronuncia-
 rem, Virginem matrem conceptam absque peccato o-
 riginali. Rursum promisi me declaraturum locum non
 intellectum, si ille lectum ostendisset. Et indicat lo-
 cum, in quo cum adduxisssem unum atque alterum te-
 stimonium ex *Chrysostomo* & *Augustino*, in quibus vide-
 rentur aliquo modo peccatum actus tribuere Virgini,
 his verbis claudio sermonem, *Et nos facimus eam im-
 mune prorsus ab omni peccato*. Hoc illi visum est pro-
 nunciatorie dictum, cum intulerim nos non recte libe-
 rare eam ab originis peccato, si tanti viri recte tribuunt
 illi peccatum actionis. Atque hic errorem suum lubens
 agnovit, videlicet dissentiens à *Scoti* sequacibus. Post
 hæc ventum est ad locum longe periculosissimum, is
 est Epistolæ ad *Corinthios* prioris capite undecimo. Vix
 tandem extudi ut mihi liceret videre locum, ostendit,
 sed marginem manu prætegens, ea depulsa, scriptum
 reperi: Vide quam perniciose scribit hic de re, de qua
 toties pronunciavit Ecclesia. Vide, inquam, quam tu
 stulte scribis ista in locum non intellectum. Multaque
 cum admiratione sciscitari cœpi, quid illum offende-
 ret. Prima pars habebat, *Thoma* opinionem eorum,
 qui negabant sub Eucharistia esse verum *Christi* corpus,
 hæreticam appellare. Cæterum eorum sententiam, qui
 negabant *Christum* his verbis consecrasse, *Hoc est cor-
 pus meum*, refellere quidem, at non appellare hæreti-
 cam. Rogabam nunquid hac in parte displiceret, nega-
 bat. Sequitur autem, in omnibus accedendum est ju-
 dicio Ecclesiæ, licet hic sermo videatur non consecran-
 tis, sed panem jam consecratum porrigentis. Rogabam
 ecquid hic improbaret, negabat. Sequitur, *Mihi in
 totum videtur consultius, de rebus hujusmodi, qua certis
 Scriptura sacra testimoniis doceri non possunt, sed ab hu-
 manis pendent conjecturis, non adeo fortiter asseverare,
 ut nostram opinionem oraculi vice haberi velimus*. Roga-
 bam nunquid hic reprehenderet, hærebat, urgenti tan-
 dem respondit venenum subesse in his verbis, *in totum*.
 Demiratus causam, vix tandem percunctando exculpssi
 illum non intellexisse quid *Latinis* sonet *in totum*. Cum
 enim ego sensisssem abstinendum esse à temeraria asse-
 veratione, non solum in hac materia, verum etiam in
 omnibus cæteris, ille somniabat *in totum* significare,
 in utraque parte, quæ præcesserat, meque suggillare
 sententiam Ecclesiæ, quæ definisset in Eucharistia
 verum esse corpus *Christi*. Ego videns insignem ho-
 minis stoliditatem, admonui, literas ut disceret, nec
 pergeret taxare libros, à quorum intellectu procul ab-
 esset. Hujus generis fere sunt, qui oblatrant meliori-
 bus studiis, qui quicquid ipsi non didicerunt *poetricam*
 appellant. Insignis naturæ stupor, magna literarum in-
 scitia, judicium nullum, quod si qua scintilla sit inge-
 nii, si quid eruditionis, sic livore, odioque sunt obce-
 cati, ut minus videant quam talpæ. Et hi sunt reveren-
 di Rabbini, *Sal terra, lux mundi*, quorum arbitrio fu-
 mus *Christiani*, aut secus: qui nobis post Apostolos,
 novos dictant articulos fidei, qui sic nobis pronuntiant
 oracula, veluti dii, nec dignantur nobis hominætilis red-
 dere suæ opinionis rationem. Sat habent dixisse, *Error
 est, suspectum est, hæresis est*. Et hæc audent freti con-
 juratis suis phalangibus, freti populi stultitia, freti tem-
 poribus his, in quibus adeo licet audacia pro sapientia u-
 ti, ut non alias magis, freti corruptis animis utriusque
 Tom. III. N n 2 ditio.

An. ditionis Principum, quorum magna pars quoniam ad
 1520. tyrannidem spectat, blanda mavult audire, quam salu-
 bria; mavult suis affectibus accommoda, quam recta
 consilia. His præsidiis regnat istorum stoliditas, at-
 que utinam in literarum exitium tantum. Si succedit
 istis suis conatus, actum fuerit de doctrina Euangeli-
 ca: populus *Christianus* serviet istorum libidini, quibus
 neque frons est, neque mens. Ab hospite tuo non mi-
 nus claro, quam humano, libens accipio salutem, non
 ut summus Pontifex, quemadmodum tu ludis, sed ut
 infortunatus homuncio, verum qui prodesse *Christianis*
 studiis velit magis quam possit. *Nescius* tædio stolidif-
 simarum tragœdiarum, quas hic quidam agunt sine fi-
 ne, ad vos se recepit. *Dorpius* optimis studiis semet
 oblectat. Idem nos agimus, quod quidem licet. Bene
 vale, doctissime *Bnschi*. *Lovanio* 31. Julii, Anno 1520.

EPISTOLA DXVII.

Illustrissimo Saxonia Duci Georgio Erasmus S. D.

LLLUSTRISIME Dux, *Alberti* patris tui laudem
 in re bellica non vulgarem, olim apud *Batavos*
 etiamnum adolescens accepi, verum universas ingenii
 morumque tuorum dotes, animi celsitudinem vero di-
 gnâ Principe, raram prudentiam, sobrietatem, mo-
 derationem, mentis incredibilem vim, iudicium per-
 spicax, breviter amabilem quandam omnium virtutum
 harmoniam, sic mihi pridem apud *Anglos* depinxit vir
 optimus ac modestissimus Cancellarius tuæ celsitudinis,
 ut protinus in amorem tui sim inflammatus. Non po-
 tuisti paterni nominis gloriam magis illustrare, quam
 superando quicquid ille præclarum habuit & eximium.
 Neque vero mediocre decus adjunget tuis laudibus a-
 pud posteros, quod nunc cum illustrissimo Duce *Fri-*
derico certamen longe pulcherrimum susceperis, cujus
 auspiciis feliciter efflorescunt apud *Germanos* optima-
 rum literarum studia. Quam paucis ille annis ex quam
 frigida Academia quàm celebrem reddidit? Aut ego
 plane fallor, aut hæc erit apud posteros inter illius
 laudes non minima portio, quod linguarum ac poli-
 tioris literaturæ præsidiis rem *Christianam* quum orna-
 rit, tum juverit. Atque in hoc gloriæ stadio non
 committis ut patrele videaris inferior. Tuis nimi-
 rum auspiciis, tuaque munificentia *Lipsiensis* Academia,
 jam olim celebris ac solennibus illis studiis florens,
 nunc politioris literaturæ, ac linguarum accessione per-
 te sic est ornata, ut vix ulli cæterarum cedat. Tua
 benignitas excitavit atque evexit ingenium *Petri Mo-*
sellani, juvenis magnæ jam eruditionis, sed spei lon-
 ge maximæ. Eadem *Henricum Stromerum*, virum in-
 tegræ summaque singulari prudentia jam pridem
 spectatum, allexit in istam urbem, ut & scholæ de-
 cus esset, eximie doctus medicus, & civitatis senator
 gravissimus. Eadem *Simonem Pistorium*, ordinarium
 Juris Professore, ornat ac fovet. Eadem *Georgium à*
Breytenbach, virum non minus clarum Juris professio-
 ne, quam generis imaginibus. Atque optimi Principis
 exemplum imitatur senatus pene universus cum magi-
 stratibus cæteris, optimis studiis ac virtutibus hono-
 rem modis omnibus habens: quos omnes tam procul
 semotos à nobis, tamen ex amicorum literis, publicæ-
 que famæ præconio cognovi. Prorsus judicarem feli-
 cissima studia, nisi discordia nonnihil vitarentur. Ita
 visum est fatis, ne quid sit in rebus humanis tam un-
 dique felix, ut non aliquo nævo contaminetur. Utrin-
 que video peccari. Qui veterem studiorum rationem
 mordicus tenent, parum comiter excipiunt hæc nova
 studia, & pro hostibus ducunt eos qui summam adfe-
 runt utilitatem. Rursus veterum literarum instaurato-
 res malunt irumpere, velut omnia depopulaturi, quam
 civilitate sese in hospitium & amicitiam insinuare. Sed
 ut utroque peccare fateor, ita multo incivilius agunt,
 qui rabiose depellunt meliora studia, suis ipsorum
 commodis invidentes: neque quicquam habent in ore
 præter hæreses, schismata, & Antichristos, in nugis

A atroces tragœdias excitantes. Erit igitur hoc quoque
 tuæ prudentiæ, Princeps illustrissime, hoc studiorum
 diffidium tua prudentia componere. Id fiet, si suam
 quisque professionem ornet citra contumeliam alienæ.
Henricus Eppendorpius, rara indole juvenis, reddidit
 mihi massam argenti rudem, è tuis metallis effosam,
 quæ mihi non minus fuit grata, quam si talentum *Ar-*
ticum auri misisses. Quanquam mihi nihil non erat
 preciosissimum futurum, quod à tali Principe venisset.
 Enitar ne penes hominem ingratum hoc beneficii col-
 locasse videaris. Celsitudinem tuam quam diutissime
 florentem nobis, ac bonis studiis servet *Christus* Opti-
 mus Maximus. *Lovanio* 31. Julii, Anno 1520.

EPISTOLA DXVIII.

Erasmus Rotterod. Thoma Cardinali Eboracensi S. D.


TANTO itinere me contuleram *Caletium*, tot dies
 illic commoratus sum, ut celsitudinis tuæ collo-
 quio fruerer; verum, hoc mihi inviderunt occupatio-
 nes, quas tametsi semper scio esse maximas, tamen id
 temporis majores esse videbam, quam ut auderem à
 prima salutatione, prolixiore colloquio interpellare.
 Pro singulari favore, quo me hæcenus prosecuta est tua
 benignitas, habeo gratiam, quanquam hoc officii non
 tam mihi præstat, quam bonis studiis, quibus meæ
 defudant vigiliæ. Cupiebam aliquo monumento te-
 stari animum & memorem & gratum, sed hæcenus
 voluntati nostræ defuit commoditas. Et tamen inte-
 rim qualicunque libello utcunque declaravi propensio-
 nem animi mei. Eum spero pro solita tua mansuetu-
 dine non adspernaberis. *Germania* velut cæstro percita
 fremit ac sævit in *Leum* sexcentis libellis. Obsisto li-
 teris quantum possum. Negant se unquam parcituros
Leo, genti parcituros, atque hæcenus tantum mihi
 morem gesturos. Mihi consultum videtur, ut *Leus* ali-
 quo scripto placet *Germanos*, quos odiosis in me con-
 vicis irritavit. Ego vicissim adnitar, ut hujus tragœ-
 diæ sit finis. Qui has reddit *Christophorus Palaeologus*
 Monachus est montis *Sina*, vir probatorum hominum
 testimonio, claro genere natus, ac mere *Christianus*,
 atque ut ipse ex familiari consuetudine comperi, pro-
 bus, modestus, nec infacetus. Cupit nonnihil num-
 morum colligere, sublevando monasterio suo, quod
 nimirum vere dictum experitur *Hesiodo*, noxam esse
 malum vicinum; adeo à *Sarracenis* finitimis expilatur.
 Hic messis illi fuit admodum sterilis, vel quia tenacio-
 res sumus, vel quia vehementer ubique frigere cœpit
 res indulgentiaria. Sperat isthic fore aliquanto ubero-
 rem. Nec dubito quin futura sit, si tua celsitudo dex-
 tro nutu faverit. Et favebit, uti spero, vel causæ piæ,
 vel homini probo. Non enim ausim postulare, ut a-
 pud tantum Heroa, hujus homunculi commendatio
 pondus ullum habeat. Bene vale. *Antuerpia* 7. Augu-
 sti, Anno 1520.

EPISTOLA DXIX.

Erasmus Budao suo S. D.

AMICORVM optime simul & eruditissime. Si *Mo-*
rus, & *Brixius* essent à me alienissimi, tamen ve-
 hementer dolerem literarum nomine, quod duo tam
 insignes Musarum mystæ, tam virulentis libellis sese
 concinderent, magno studiorum incommodo, magno
 gaudio eorum; qui jampridem cum melioribus literis
 bellum gerunt. Nunc quum uterque sit amicus, alter
 etiam conjunctissimus, dici non potest, quam acerbè
 feram hoc dissidii inter eos incidisse, quorum utriusque,
 & ingenium adamo, & gloriæ faveo. Uterque strenuè
 contemnit alterum: verum, ex mutuo contemptu quid
 oriri potest, nisi simulas semper gliscens in pectus? Egi
 studiosissime cum *Moro*, ut silentio rem dissimularet: &
 persuaseram, ni *Brixius* tam seditiose exagitasset eum
 locum, de Rege laudato, non sine suggillatione filii,
 ut quidem interpretatur *Brixius*. Non est res ludicra
 rem





An. rem habere cum *Jove*, quem evocasse parum rite con-
 1520. ceptis precibus exitio fuit. Non quod *Moro* quicquam
 sit ab hoc suo metuendum, cui ob eximias dotes uni-
 ce charus est; tamen *Brixius* declaravit animum per-
 dendi *Mori* cupidum. Quod *Brixius* scripsit in *Morum*,
 cum omnium iudicio sit plusquam satis, tamen odio
 illius non satisfacit. Nusquam non arripit occasionem
 insectandi *Morum*. Neque quicquam exit illius, in quo
 non multis verbis illum impetat, cum ille tamen nihil
 adhuc responderit. Demiror quis sic instiget animum
Brixii. Obsecro te per Musas, ut vestra auctoritas ju-
 venilem istum *inducias* coerceat. Non hic ago *Mo-*
ri mei negotium: nam si pergat hanc contentio, cre-
 de mihi, fortasse famæ nonnihil auferet *Brixium*, at
 gloriæ nihil. Bene vale, *Budae* charissime. *Antwerpia*
 9. Augusti, Anno 1520.

EPISTOLA DXX.

Erasmus Roterodamus Conrado Goclenio S. D.

EQVIDEM existimabam antehac voluptatis dun-
 taxat gratia, Priscis tantopere laudatam vitam ru-
 sticanam. At me res ipsa docuit non perinde jucun-
 dam esse ac salubrem. Pene perierat *Erasmus* in urbi-
 bus; adeo sine fine nauseabat stomachus. Jam non uno
 cum medico mihi res erat, praescriptæ potiones, ca-
 tapotia, clysteres, pulvisculi, unguenta, balnea, em-
 plastra, quid non? Nec interim vacabat ægrotare, ita
 negotiis subito exortis aliunde vocabar alio. Itaque
 compositis sarcinis conscendo equos; famulus rogat,
 quo me conferrem; ubicunque, inquam, arridebit
 coelum blandum ac salubre. Vix hic biduum egeram,
 febris aufugerat in malam rem, stomachus valebat.
 Plane mihi visus sum hoc rure repubescere, adeo ni-
 hil non concoquit stomachus, pridem imbecillis. Ni-
 hil unquam in vita feci, mi *Gocleni*, cujus me minus
 poenituerit. Deamo te qui tam graviter rem geras in
 professione linguæ *Latina*, tuaque doctrina pariter &
 ingenio exornes Collegium *Basilianum*. Felix juven-
 tus nostra, quæ in hoc seculum inciderit. Prorsum in-
 viderem, nisi toto pectore faverem utilitati publicæ.
 Quo magis obstrepunt *οἱ πόλεμοι*, hoc magis ac ma-
 gis gliscit ardor juvenum, spretis illiteratis literis, ad
 meliora grassantium. Video, quid mereatur istorum
 improbitas. Sed tu quod temporis eras perditurus, aut
 certe malè collocaturus, rixando cum malis rabulis,
 hoc bonis studiis juvandis impende. Vis tibi common-
 stremsplendidum ac magnificum vindictæ genus? Fac
 ut teipsum præbeas & inculpatis moribus virum, & se-
 dulum ac diligentem optimarum literarum Professo-
 rem. Nulla ratione possis istos citius ad suspendium
 adigere, quo sane dignissimi sunt, qui publicis bonis
 tantopere discruciantur, non aliis modo, verum etiam
 sibipsum invidentes. Excusatus enim invidet *γελῶν γελῶν*
ταῖς ἀρεταῖς τοῦ ἀνδρός. At his in manu est iisdem frui
 commodis, quibus alios juvari macerantur. Illud in
 primis mihi semper in utroque vestrum placuit, quod
 ut mores abfint ab omni turpitudine, ita casta est &
 professio, neque casta solum, verum etiam modesta.
 Quid enim sensuri sunt cordati viri, quum audient *Lo-*
vani poetices ac rhetorices professionem nec obscœ-
 nitatis habere quicquam, nec maledicentiæ: Theolo-
 gicas lectiones, ac sacras etiam conciones, mendacis-
 simis conviciis sic esse fermentatas, ut exsecrentur &
 idiotæ. *Moro* depinxeram tui imaginem, adeo nihil
 affingens de meo, ut quædam etiam prætermiserim.
 Malo enim ut hoc nomine mecum expostulet, ubi mu-
 tua consuetudine uterque alteri noti fueritis. Miro
 quodam desiderio teneretur videndi tui. Cum scribes ad
 eum, gratulaberis illi & dignitatis & fortunæ accessio-
 nem. Nam quum antea Regi tantum esset à consiliis,
 nuper nec ambiens, nec expetens, ultroneo favore
 Principis humanissimi & Eques auratus factus est, &
 mitius habet apud *Britannos*, cum honorificum impri-
 miis, tum etiam salarii non poenitendi, quod appella-

A tur à thesauris. Bene vale. *Brugis* 12. Augusti, An. An.
 no 1520. 1520.

EPISTOLA DXXI.

Erasmus Roterod. Equiti aurato Sebastiano de Rotenhan,
Reverendiss. Card. Moguntini à consilio, S. D.

CONSUETUDINIS multo jucundissimæ, quæ mi-
 hi tecum fuit *Moguntia*, memoriam tua mihi re-
 novavit epistola, non abhorrens à tuis moribus, vir
 omni doctrinæ genere multo clarior, quam majorum
 imaginibus, quibus tamen es cum primis clarus. Si-
 quidem hoc ipsum visum est eximii cujusdam candoris
 argumentum, quod inter tot Principum negotia, in-
 ter armorum strepitum, in mentem venit amicus *E-*
rasmus. Sed utinam argumentum auspicius tibi con-
 tigisset ad me scribendi, quam *Edwardus Lens*, qui
 quum tibi videatur impudens, sibi videtur pulchrè for-
 tunatus, qui paulo negotio sibi famam pararit, quam
 adeo misere sitiebat, ut si non aliqua nocuisset, mor-
 tuus esset. Ego magis admiror quorundam pertinax
 studium, qui rebus omnibus omisiss, nihil intentatum
 relinquunt, nullum non movent lapidem, quo literas
 meliores, sat feliciter subolescentes, obruant, atque
 interim, nec sua vetera sat gnaviger tuentur, nec di-
 scunt nova. Porro miris technis & cuniculis rem agunt,
 nunc hunc, nunc illum histrionem subornantes. Quan-
 quam nec hi *Leo* favent, nisi quod quocunque pacto
 mihi male volebant. Ad eam rem nullus displicet sa-
 telles. Quid mihi Philosophia præstet nescio, illud
 certe mihi præstat animus bene conscius, ut hujusmo-
 di mortalium insanos conatus perpeti malim quam imi-
 tari. Jam quod vir tantus tuo quoque nomine mihi
 suppetias adversus *Leum* polliceris, si *Germanorum* de-
 sint auxilia, ut humanitatem tuam incredibilem am-
 plector, ita officium plane recusio. Absit, ut *Leo* ta-
 les viri tantum habeant honoris, ut agminatim illum
 impetant stylo suo. Opto illis magnificentiis aliquod
 argumentum. Nos in ea re totum sesquimenssem per-
 didimus, idque mihi videtur plus satis: sic enim ille
 scripsit, ut nullis æque displiceat, atque iis, qui ma-
 xime consultum volebant ejus honori. Hanc laudem
 tulit etiam ab iis, qui mihi male volunt. Nemo fuit
 arrogantius indoctus. Et tamen hoc ille certamen ap-
 pellat. Quod mihi *Seneca* versibus ominaris nominis
 immortalitatem, de mea apud posteros opinione, vi-
 derint superi, modo bene sit iis studiis, quæ nos *Chri-*
sto commendant. Quis enim non perspicit mundum
 patulatum ad barbaram quandam tyrannidem tendere?
 Parturit jamptidem, quid pariturus sit nescio. Nos ut
 (si liceat) prodesse cupimus, ita tumultus auctores es-
 se nolumus. Bene vale, nosque tuo Principi commen-
 da. *Lovanio* 13. Augusti, Anno 1520.

EPISTOLA DXXII.

Thomas Morus Erasmo Rot. S. D.

DILATVS ac procrastinatus Palgravi nostri, qua-
 tidie iturientis, discessus effecit, ut & meas literas,
 & aliorum, serim multo quam ant ego volebam, aut in-
 debebas, acciperes. Videbatur enim commodissima rala-
 turus ad te meas, qui tuas ad me attulisset: sic necesse
 fuit, prioribus presentes addere, quibus constare tibi di-
 lationis ratio possit, simul uti quid nunc agatur apud nos
 intelligas: qui si unquam alias, nunc maxime in mero-
 re & periculo versamur, multis undique morientibus,
 omnibus fere, qui *Oxoniz*, qui *Cantabrigiz*, qui *Lon-*
dini sunt, intra paucos dies decumbentibus, amissis plu-
 rimis, optimis, atque honestissimis amicis: atque in his
 (quod tibi quoque dolori esse doleo) *Andrea* nostro *Am-*
monio, in quo & litera, & omnes boni magram feve-
 re iacturam. Is valde sibi videbatur adversus contagio-
 nem, victus moderatione munus, qua factum putavit,
 ut quum in nullum pene incideret, cujus nos tota fami-
 lia laboraverat, neminem adhuc e suis id malum attinge-
 ris.

An. rit, id quod & mihi, & multis præterea jactavit non
1520. admodum multis horis antequam exstinctus est: nam hoc
sudore nemo nisi primo die perit. Ego, uxorque, ac li-
beri adhuc intacti, reliqua familia tota revaluit. Hoc
tibi affirmo, minus periculi in acie, quam in urbe esse.
Nunc, ut audio, scire Caleti incipit, quum nos eo ex-
trudimur, legatione funduri, tanquam parum sit, in
contagione vixisse, nisi sequamur etiam. Sed quid fa-
cias, quod fors feret, ferendum est. Ego animum mihi
in omnem eventum composui. Tu vale. Raptim Londino
19. Augusti, Anno 1520.

EPISTOLA DXXIII.

Erasmus Rot. Thoma Lupseto S. D.

VT acerbus mihi fuit rumor de morbo tuo, mi
Lupseto, ita vehementer gaudeo te nobis revivi-
fcere. Coleti nostri vitam Epistola complexus sum, si
parum graphice videbitur expressus, tibi partim im-
putabitur, qui me parum ad plenum instruxeris viri
coloribus, quod quidem nemo te melius poterat. Por-
ro quod ad ejus viri formam velutique præscriptum
vitam instituis, non possum non vehementer probare,
modo delectum adhibeas. Probum quidem exemplar
tibi proponis, sed in optimis præcipua sunt imitanda,
nec ea tamen nisi accommoda. Nec enim omnibus
omnia congruunt. In illo præcipuum erat, quod sin-
ceram Christi philosophiam è purissimis Evangeliorum
haustam fontibus gratis impartiri populo: ut non abs-
que numine videatur illi contigisse gentile cognomen.
Siquidem Coheleth Hebrais dicitur concionator, quem
Græci vocant ecclesiasten. Eam ad rem si te toto studio
contuleris, aut ego plane fallor, aut Colesio non infe-
rior evades. Cæterum quod illius exemplo tibi cœnis
in totum interdici, equidem non approbo, nec in il-
lo probabam. Quod si sentis corpori tuo pro vigore
ætatis frenis opus esse, mea sententia felicius hoc præ-
stabit moderatus usus cibi potusque, quam multa per-
petuæque inedia. Bona continentiae pars est, certo ani-
mo velle continere: huic si accesserit vehemens & as-
siduum studium sacrarum Literarum, non erit opus car-
nificina jejuniorum, quæ fortasse premunt luxuriam
juventutis, sed ita premunt, ut senectuti tradant va-
letudinem invalidam, atque ita coercent corporis ca-
lorem, ut lædant animi vigorem. Optimæ matri tuæ
precor Mercurium dextrum ac propitium, quæ cum
tot monstris linguacissimis sola depugnat sua lingua:
quod si mihi hic decem essent isti similes propugnatri-
ces, liceret in utramvis dormire aurem. Profecto u-
nam arbitror dignam quæ repubescat. Optimo patri
multam ex me salutem dicito. Cura ut quam optime
valeas, charissime Lupsete. Saluta Gujhelmos duos pa-
ri candore præditos, Gonellum & Dancastrum. Præ-
terea Gerardum quondam Coleti œconomum. Brugis
23. Augusti, Anno 1520.

EPISTOLA DXXIV.

Erasmus Rot. Joanni Turzoni, Episcopo Vratisla-
viensi, S. D.

CVR ita visum est superis, ut tanto intervallo dis-
jungant montes & flumina, quos tanta copulat
charitas animorum? Epistola tua * post sextum demum
mensem mihi reddita est, una cum munusculis. Quo-
rum nihil non fuisset gratissimum, etiam si minimi præ-
cii fuisset, vel hoc nomine, quod à tali Præsule, sed
multo magis quod à tali animo proficisceretur. Nunc
& præcii magnitudine, & ipsa novitate, & auctoris
titulo commendabantur, sed in his tamen nihil mihi
tam charum est visum, quod epistola tua non supera-
ret, quam jam alteram accepi, tuis istis articulis de-
scriptam, tuo isto ingenio conditam, quo magis etiam
refert imaginem animi tui, Deum immortalem qua-
lis! Faxit Deus, ut istud pectus imitentur complures
Episcopi, Procuresque, & imaginibus suis tam exi-
* Quæ est cccclxxix.

A mium decus adjungant, & auctoritatem suam bonita-
tis ac sapientiæ cumuleat accessione. Quam ardentem
virtutis amorem spirant illæ tuæ literæ, quantam sitim
eruditionis Christianæ? Ad hæc quantum candoris,
quantum modestiæ præ se ferunt? Quis credat hæc,
à tanto Præsule, à tanto Principe scribi? Nihilo e-
nim minus mirabilis est mihi tuus iste animus, quod
me præter meritum admiraris, siquidem hic error in
persona est, non in re. Hoc erras, quod Erasmus
esse credis id, quod non est: sed non in hoc erras,
quod ea veneraris & expetis, quæ falso tibi persun-
des in nobis esse. Adnixa sumus mundum nimis ad
scholasticas argutias prolapsi, ad Veterum fontes re-
vocare, ac plus satis fidentem Judaicæ ceremoniis, ad
veræ pietatis studium accendere. Atque utinam hic
meus conatus tantum fructus attulerit aliis, quantum
nobis attulit invidiæ. Meum incommodum multo le-
vius ferrem, si cum multorum commodo viderem con-
junctum. Sed hoc viderit ipse Christus, qui, ni fallor,
certe hunc animum probaturus est. Jam ut in tuis
munusculis etiam nonnihil philosopher, gratulor tuæ
ditioni, è cuius venis aurum tam elegans ac purum
eruitur, sed tu beatior, qui è divinorum Voluminum
longe felicioribus venis, tam avidè scruteris aurum
Euangelicæ sapientiæ, quo locupletes gregem tuæ fi-
dei concreditum, velut opulentus quispiam paterfam-
lias, è divite thesauro proferens nova ac vetera, mul-
tum dissidens ab Episcopis plerisque, qui pulcherri-
mam functionis suæ partem in sordidos quosdam re-
legant, nec probatos, nec exploratos, quum ad id
muneris neminem oporteat admitti, nisi quem erudi-
tio Christiana, quem morum integritas, quem rerum
usus, ac prudentia non vulgaris commendet. Duobus
horologiis inscriptum erat, Festina lente, atque hanc
quidem inscriptionem audit pulvisculus ille per minu-
tissimum foramen lente defluens, hæc me scribente:
sed magna celeritate vita nostra avolat, & advolat mors
nihilò legnius, etiam si non defluat arenula. In altero
horologio ostendebat mortis imaginem: quæ utinam
tibi, mi Turzo, lenta veniat, digno profecto qui sis im-
mortalis, non tantum longævus, nisi hæc esset fortu-
næ invidia, ut si quid existerit in rebus humanis exi-
mum, id quam ocysime tollat è medio. Quod omen
abs te velim quam longissime abesse, quem & ex tuis
literis, & ex aliorum prædicatione, tam multis ac ra-
ris animi dotibus præditum esse video, ut generis cla-
ritudo, ut opes, ut pontificia dignitas, minima portio
sit tuorum ornamentorum. Pileum non poterit mihi
esse usui, nisi domi. Nam & magnificentius est, quam
ut conveniat homini tenui, (nisi forte & hic erras, ut
putes Erasmus esse aliquid) & alienius à more hujus
regionis. Olim, juxta proverbium, bonos viros dece-
bant omnia, nunc non nisi potentes omnia decet: ta-
men fervabitur, & in hoc potissimum, ut Turzoni me-
moriæ mihi refricet. Aureum numisma multos exer-
cuit, aliis conjectantibus esse tres Noe filios ex Arca
revertentes, & ex altera parte Columbam olivæ ra-
mum deferentem: aliis duces duos, qui medium ca-
ptum ducerent, & aquilam lauri ramum in coronam
deflexum gestantem. Subscriptionem nullus adhuc le-
gere potuit, neque Græcus, neque Latinus, neque He-
braus. Video quam sim ingratus, qui pro tot donariis,
proque epistola, tam eleganti, tam amica, præter fri-
gidum epistolium nihil rependam, sed alias dabitur oc-
casio: interim cura ut recte valeas, Præsul optime.
Lovanio 31. Augusti, Anno 1520.

EPISTOLA DXXV.

Erasmus Rot. Nicolao Buscidenensi S.

OMNES beatitates nostrum beent Beatum, qui no-
bis Tertullianum dederit, illum sic adamatum à
Cypriano, sic laudatum ab Hieronymo. Sed utinam in-
tegrum & emendatum dare potuisset. Plurimum ta-
men

men debemus illius industriae, qui quod non prae-
 373. tit. Mihi haecenus degustare licuit veritas quam lege-
 re. Habet ille hancem suum quoddam orationis ge-
 nus, quod laud scio an eo seculo plausibile fuerit apud
Africam, tatheti nobis subdurus videtur. Id quod non
 dissimulavit nobis *Hieronymus*, qui tribuit illi densita-
 tem in sententiis, sed adiungit difficultatem in co-
 quendo. Ceterum quae non admittunt peccatis illud
 semper ardens, tam exactam Scripturarum cognitio-
 nem, tamque promptam memoriam: idque prae-
 his temporibus, quum nulla adhuc esset solennis Theo-
 logiae professio, nullae scholae, nullae diatribae, nulli se-
 re factorum Volantium interpretes? Hæc quum con-
 templet, mihi *Nicolaus*, disputet me nostrorum tempo-
 rum. Habet tamen hoc vicium, quod in *Origene* damnat
Hieronymus. Nonnunquam vim facit Scripturis, id-
 que impudentius etiam quam *Origenes*: nam hic ple-
 runque disputat & inquit, *Tertullianus* asseverat ac
 pugnat. Hujus generis est illud, quod hunc *Christi*
 sermonem, *Qui dimiserit uxorem & duxerit aliam*,
maechatur, sic interpretatur, quasi non damnetur di-
 vorium, nisi quum ideo repudiatur uxor, ut ducatur
 alia quæ magis adblandiatur. Porro quod egressus sit
 ab Ecclesia, quanquam excusari nec debet, nec potest,
 tamen elevat erimen *Hieronymus*: Hic, inquit, quum
 usque ad mediâ ætatem presbyter Ecclesiae perman-
 sisset, invidia postea & contumeliis clericorum *Roma-
 nae* Ecclesiae, in *Montanum* dogma delapsus est. Atque
 ut misericordia dignus est, qui simpliciter errat, ita
 omnis hæresis exsecranda est piis membris, quæ cum
 indubilli perverbia conjuncta est. Sed tamen ut in ve-
 nientis aliud alio lethalius, ita in hæresibus alia pestilen-
 tior alia. Propius autem abesse videntur à pietate,
 quæ immodico quodam Evangelici vigoris studio plus
 exiguunt quam oportet. Quales erant, qui semel ba-
 ptisimo loti adeo volebant abhorre ab omni turpi-
 tudine, ut relapsos in crimen aliquod insigne nunquam
 reciperent in contubernium Ecclesiae: quo severitas
 hæc ecclesiastica censuræ, ceteros deterret à pec-
 cando. Nec enim hos, opinor, judicabant excluden-
 dos à regno celorum, quod submoverentur à foribus
 Ecclesiae, quas frequenter ingrediuntur ii, quos Deus
 secludet à suo consortio. Sed poenitentiae remedium,
 quod alii lentiores temporarium esse patiebantur, illi
 volebant esse perpetuum, idque putabant conducere ad
 continentium in officio reliquum gregem. A quorum
 opinione quam minimam abfuit divus *Augustinus*, qui
 semel lapsus post satisfactionem aperit Ecclesiae januam,
 relapsus non aperit, ne dilutior fieret Ecclesiae discipli-
 na. Sic Veteres illi commoti exemplo verbisque *Chri-
 sti*, & Apostolorum pudicitiam ubique laudibus vehen-
 tium, dignitatem improbant, virginitatem exige-
 bant: quum *Pavulus* eum recipi jussit in Ecclesiae so-
 cietatem, qui patris uxorem habuerat, & *Christus* non
 exigit à suis coelibatum, sed dicat: *Qui potest capere*,
capiat. His annumero eos, qui considerantes, quam
 res sit impia, quamque immanis, bellum, simul videntes
 pacem & concordiam in sacris Literis ubique sic prædi-
 catam, pronunciarunt nullum esse bellum licitum in-
 ter *Christianos*. Atque excessus hujusmodi propemo-
 dum excusatur etiam in orthodoxis, quoties aut de-
 terrent à diversis viciis, aut adhortantur ad ea quæ
 procul ab sunt ab iis, quæ vitari cupiunt. Quod face-
 re solent ii, qui virgam incurvam non inflectunt in
 rectum statum, sed in diversam partem detorquent,
 ut redeat in rectitudinem. Atque hujus formæ mihi
 videntur plerique errores *Tertulliani*. Quorundam er-
 rores adeo fuerunt prodigiosi, ut ipsos etiam puderet,
 qui profitebantur. Qualis fuit insania verius quam er-
 ror *Simonis*, & *Mechandri*, qui se prædicabant summam
 Dei virtutem; tum *Basilius* cum suo portentoso *A-
 braxa*, præterea *Nicolaitarum*, quibus placebant uxores
 omnium communes. Addantur his *Ophitis* cultores
 serpentis qui decepit *Evam*: *Judaisæ*, qui *Juda*,
 proditori *Jesu*, salutem humani generis ferunt acce-

ptam. Mox evanuerunt *Cerinthi* & *Valentini* somnia. An.
 Evanuerunt deliramenta *Montchæi*. Evanuit *Monta-* 374.
 nus cum suo Paracletico. *Ariolysitarum* vix nomen quis-
 quam novit. Existerunt autem hæreses pestilentissi-
 mæ, sed quæ non poterunt altas radices agere, quod
 palati pugnant cum fide Scripturarum, quarum in-
 convulsam auctoritatem magno consensu semper eccle-
 siæ toto terrarum orbe receperunt. Qualis est eorum,
 qui negabant *Christo* fuisse corpus humanum, rursum
 qui detrahebant animam humanam: qui negabant esse
 vere passum, qui negabant eum natum ex virgine, qui
 dicebant resurrectionem esse peractam resurgente *Chri-
 sto*, nec expectandam aliam mortuorum resurrectio-
 nem. Sed nulla majores excitavit in orbe tumultus
 quam *Arianorum*, quod ea nec portentosa palam absur-
 da profert, & ut erant docti, Scripturarum testimo-
 niis fitti videretur. *Pelagianorum*, quod ad liberum
 attinet arbitrium, etiam hodie licet vestigia quædam
 deprehendere. Sed bona pars omnium hæreseon &
 Philosophorum placitis orta videtur. Quo magnis mi-
 randum est, quod nunc negant hæreticos revinci pos-
 se, sine prædiciis *Aristotelica* philosophiæ. Nimirum
 aut ea philosophia multum habet sanctimoniam, aut
 præclari sunt artifices, qui illa sic norunt uti. Sunt
 & nunc hæreses quædam scholasticæ, de quibus for-
 tasse præstaret non ita pertinaciter contendere, ut or-
 bis tumultu misceatur: præsertim quum nec magno-
 pere conducant ad bonam vitam, nec officiant gloriæ
Christi. Sed est hæresis quædam, quæ quanquam hæ-
 resis vocabulum non mereatur, tamen maximam per-
 niciem adfert vitæ mortalium, ac plurimum officit
 Evangelicæ auctoritati, quum ii, qui profitentur phi-
 losophiam *Christi*, qui se gerunt pro summis ducibus
 ac proceribus totius populi *Christiani*, palam tota vi-
 ta, totis studiis, totis conatibus, nihil aliud doceant,
 quam ambitionem plusquam theatricam, avaritiam in-
 satiabilem, voluptatum aviditatem inexplebilem, bel-
 lorum furias, ceteraque, quæ sacra Litera detestantur,
 quæ ab ethnicis etiam philosophis improbantur. Non
 ista loquuntur quidem, sed efficacius est ista vivere
 quam loqui. Quod nuper in colloquio significabas,
 te cogitare de deponenda tyrannide tua, non pro-
 bo tuum consilium. Posteaquam productus es in
 proscenium, peragenda est fabulæ pars, quam tibi
 Choragus injunxit. Si vir bonus es, ut mihi persuasum
 est esse te, non tibi displicebit tuâ conditio, quod
 videtur humilior, sed hoc nomine placebit, quod in
 ea liceat plurimum prodesse Republicæ. Offendunt
 te temporum horum tumultus. Sed interim quod bo-
 ni naucteri solent, ventis obsecundandum est, donec
 redeat serenitas. Neque enim hæc tempestas erit
 diuturna, uti spero. Bene vale, *Nicolae* charissime. Ex
Andetlaco 31. Augusti, Anno 1520.

EPISTOLA DXXVI.

Erasmus Roterodamus Guilielmo Burbanco S. D.

Is demum vere amat, qui gratis amat. At tu *Erasmus*
 immerentem, tam constanter, tam ardentem amas, ut
 vix quenquam invenias, qui sincerius, aut pertinacius,
 aut vehementius amet promeritum. Roma à me nullis
 provocatus officiis, quo affectu completi cœpisti? Nec
 interim vel tantillum refrigit in me tua gratuita bene-
 volentia, cum tot jam annis nullum id genus officio-
 rum intercesserit, quibus inter amicos solet ali reno-
 varique charitas, alioqui consuetudine solita languescere.
 O pectus amicitiae candoriquæ natum, quod ego
 ni redamem, tum non deprecor quo minus omnes me
 dicant adamantem gestare in pectore, aut si quid ada-
 mantem durius. Atque hic quoque, juxta proverbium,
 gratia gratiam parit. Afflavit tibi *Montjois* aliquid sui
 in me animi, & utriusque studium tot mihi in una fa-
 milia amicos excitavit, ni fallor. Quid enim aliud in
 causa esse conjectem: nam quæ dos, aut quod officium
 meum sic inflammasit *Thoma Lovellii*, Juris Pontificii do-

An. doctoris, in me studium? Aut quæ res eruditissimi viri
1520. *Roberti Tonicii* tam non vulgarem benevolentiam conciliavit? Unde *Francisci Philippi*, summæ spei juvenis, tam singularis erga me favor? Quid autem commemorem non novum quidem illum, sed hoc spectatiorem amicum, *Franciscum* medicum? Quid doctorem incomparabilem *Samsonem*, cujus ingenio nec optari quicquam potest purius aut amicus? Quid *Gonellum* illum, non amicum, sed prorsus animæ dimidium meæ? Quid *Clementem*, cui *Morus* amoris in me sui scintillulas aliquot afflavit? Quid *Ricardum Pacum*, qui mihi plane *Pyladem* quendam, non tam pollicetur, quam præstat? Quid *Cuthbertum Tonstallum*, cum quovis Præscorum conferendum, quorum non ita multa paria celebravit antiquitas? O me divitem! O domum illam augustam ac felicem! O vere splendidum Cardinalem, qui tales viros habet in consiliis, cujus mensa talibus luminibus cingitur! Sed quam isti præter meritum amant *Erasmum*, tam alii quidam præter meritum averfantur. Et utinam malevolentia non esset foecundior propagatio. Verum, mihi potius est paucioribus placuisse, sed egregie probis, quam multis istorum similibus, qui fere aut stolidi sunt, & indocti, aut manifesti livoris & invidentiæ morbo obnoxii, aut ea ingenii perversitate, ut nemini omnino bene velint, sibi propemodum ipsis invidentes: sed obrectatoribus mentem meliorem precemur. Apud amicos, tu fac nomenclatorem agas, ac nominatim singulis ex me salutem dicito. Bene vale, vir integerrime. *Lovanio* 1. Septemb. Anno 1520.

EPISTOLA DXXVII.

Erasmus Rot. Bilibaldo Pirckheimeri S. D.

NON deerant, *Bilibalde* clarissime, qui mihi darent idem consilium, quod tu nunc prudenter quidem, & amice, sed tamen sero das. Deus avertat, ut ullius hominis virulentia sic me à statu mentis dimoveat, ut laxatis maledicentiæ habenis debaccher in famam alterius. Quid enim hoc aliud sit, quam cum insaniēte insanire? & sic alienam ulcisci malitiam, ut ipse fias malus? Atque utinam is sim, qui juxta doctrinam Apostolicam, benefactis malefacta vincam. Certe decreveram obticescere, sed ab eo proposito duo tresve quædam res avocabant. Primum verebar, ne si ipse dissimularem, pro uno me multi existerent, qui *Leum* multo inclementius acceperant, quam ego accepi. Qui etiam si durius, aut eruditius aggressi fuissent hominem, tamen haud scio an rem æque apposite fuerint tractaturi; fortasse quidam ignari, quam nihil sapiat, quamque & apud suos contemptus sit *Leus*, plus illi tribuissent, quam meretur. Et ut est hominis ingenium, hoc ipsum palmarium ac triumphale judicasset, si pluribus celebribus & eruditis viris movisset stomachum. Mihi tota hominis natura, & omnes negotii circumstantiæ penitus erant cognitæ. Deinde toto biennio miris cuniculis egerat hoc, mirus his in rebus artifex *Leus*, ut esset Annotationum suarum incredibilis apud omnes expectatio. Scribebat sexcentas epistolas, ad hunc usum habebat amanuenses aliquot: primus excipiebat advenas, præsertim *Anglos*, eos convivii faciebat suos: mox arte confectis mendaciis implebat, sed miram interim modestiam simulans, quo majore cum fide læderet famam proximi. Abeuntes omni mendaciorum genere dimittebat onustos. Quibusdam ostendebat etiam si quid esset in Annotationibus specie fronteque plausibilis. Monasteriorum favorem xenii, cibo, vinoque redimebat, præsertim horum, quæ sciret apud populum opinione sanctimoniam commendata: habebat omnibus locis, in quos hujus fabulæ scenas fuerat partitus, quorum nemo non strenue erat in negotio. His rebus tandem effectum est, ut hi quoque redderentur solliciti, qui me probe norant, & se *Leum* nosse putabant. Itaque si nihil respondissem, periculum erat, ne ad menses aliquot,

alienatis complurium animis, periret nonnulla pars fructus, quem tot vigiliis venabar. Nam meæ gloriæ An. jactura sane leviter movisset animum meum. Cur enim verear aliquam famæ partem *Christianis* studiis impendere, qui vitæ bonam partem impendam? Proinde sic *Leo* respondimus, ut & illi stultissime speratam gloriam detraxerimus, & veterem nostram modestiæ laudem tueremur. Habes, optime *Bilibalde*, consilii mei rationem, cujus me nondum admodum poenitet; etiam si nullius temporis jactura me gravius affecit, quam illius sesquimensis, quo *Lei* nānias non minus inamœnas, quam indoctas ac virulentas, & legimus, & refellimus. Porro, quod vereris ne hæc mea lenitas multorum invitet maledicentiam, ego gravius esse periculum arbitror, ne si maledicentia maledicentiam invitet, nullus sit insaniendi finis, quando jam propemodum res in rabiem exiit. Hoc consilio Deus vetuit, ne quis de *Cain* sumeret vindictam, ne reciproci vindictæ vicibus nullus tandem esset finis. Utcunque res habet, ego Sycophantarum turba malui obrui, quam committere, ut hanc gloriam amittam, neminem adhuc scriptis meis factum esse nigrum. Nam *Leus* sibi imputet oportet, si qui male de illo sentiunt. Porro, quod suspicaris *Leum* subornatum histrionem, ut Monachorum ac Theologorum partes ageret, quamquam facile credam hujus actionem gratam fuisse quibusdam, qui male volunt bonis studiis, tamen magis arbitror illi potissimum in consilio fuisse proprium ingenium, ad hæc natura propensum. Non alium fuisse prædicant, qui novere puerum: semper sævus erat ac vindex, omnibus invidebat, non ferebat quenquam parem, multo minus superiorem, solus haberi in precio volebat, gloriarum sitientissimus, suæ sententiæ mire pertinax. Talis erat puer, talis adolescens, talis juvenis, talis nunc etiam vir est, nisi quod cum ætate fere solent accrescere vitia. Atque utinam vel senex fiat aliquando sui dissimilis. Quod mihi plurimos non minus doctos quam potentes amicos gratularis, quod nominis immortalitatem recte factis partam, quod me livore majorem facis, nimirum facis amanter, mi *Bilibalde*, dum amicum, undique impetentibus Sycophantarum machinis, periclitantem, ut tu putas, blanda consolatione sublevas. Ego istam immortalitatem nihil moror. Recte facta non agnosco, tantum adnifus sum aliqua ex parte mea industria prodesse studiis publicis, & ad sinceram amplectendam *Christi* doctrinam excitare mortalium animos. At vereor ne res in diversum exeat. Hactenus ad scholasticam ac disputatricem Theologiam frigeabant ac nauseabant piæ mentes, & mox ad Evangelicæ veritatis gustum coeperant hilarescere; sed tanta contentione conspiratum est ab iis, qui suam gloriam *Christi* gloriæ præferunt, ut verear ne res in diversum exeat. Et hæc geruntur per eos, qui vulgo habentur lux mundi, habentur sal terræ. Nunc sanctum ac pium est in sacris concionibus pro veritate Evangelicæ, improbis mendaciis, veluti de plaustris debacchari in famam proximi. Et o perversam malitiam, in odium quorundam & in gratiam Principum, quorum favorem captant, ea prædicant apud populum, quæ ipsi apud se damnant! Novos libros rejiciunt, sed qui bonis literis, quas cane pejus oderunt & angui, conditi sunt; verum, quid isti interim suis novis libris nos doceant, in præsentia nec vacat, nec libet referre, & tamen pudet meminisse, quod illos non pudet scribere. Jam de *Luthero* nihil aliud dicam, nisi quod in præsentia solum impune licet, mihi vehementer dolere, tale ingenium, quod videbatur futurum insigne quoddam organum ebuccinandæ veritatis Evangelicæ, sic exasperatum esse rabiosis quorundam clamoribus. Fabulam de *Ἰερὺβόφω* calumniatore risi satis, & tibi tam bono patrono xenium debere me fateor. De dulci felicique *Lei* ocio, false tu quidem jocularis, sed tamen extra jocum, utinam ille vel nunc ad suum ocium redeat expertus *Martii* aleam. Sed dicitur magno conamine redintegrare.

An. 1520. **grare bellum**, fretus Abbate quodam longe stolidissimo, qui solus illius nœnias appellavit sacras Annotationes. Quis credat illi micam esse mentis sanæ, quem non pudeat re tam turpiter gesta, rursum in arenam prodire? Quod si facit, certum est non colluctari posthac cum illa scabie. Docti complures è *Germania* miserunt ad me fasciculos epistolarum, seu potius voluminum, quibus *Leum* frustulatim discerpunt. Eas omnes sic pressi, ut nec legendas cuiquam dederim, si ve quod cupiam hujus tragoediæ finem esse, si ve quod nolim *Leum* videri tanti, ut in illum tot ac tales viri stylum suum acuant. Quare sicut arbitror plane esse, ita plane ludum ac jocum esse cupio, quod minitaris *Germaniam* illi panegyricis annuis litaturam. Nam id si fiat, ipse sibi plane Deus esse videatur. In adornanda profectioe *Germanica*, plane *Calippidem* agimus. Regiam tuam cupide videbimus, si modo citra magnum itineris dispendium liceat. Mihi vero vel tugurium quavis regia splendidius erit, quod habeat *Bilibaldum*. Sed ais pestem sub *Caroli* Principis adventum desitutam. Quis vates istuc futurum prædixit? Quod scribis ab *Oecolampadio* factum, jam ex illius literis subodorabar futurum. Id si ve judicio fecit, si ve animi morbo, quando mutari non potest, precandum est, ut illi ac nobis quam optime vertat. Video res humanas sic undique corruptas, ut nullis unquam seculis existimem plus licuisse impudentiæ, plus licuisse stoliditati, plus licuisse sceleris. Et nonnunquam libet aliquo profugere, sed vereor ne quocunque me vertero, sequatur molestia. Proinde tutius arbitror mali remedium ab animo potius, quam à loco aut vitæ instituto. Bene habet, quod *Christus* in tanta vitiorum caligine nobis Evangelicæ doctrinæ scintillas reliquit. Bene vale, vir ornatissime. *Lovanio* 5. Septemb. Anno 1520.

EPISTOLA DXXVIII.

Erasmus Rot. Gerardo Noviomago S. D.

BRGIS non admodum mihi placebas. Optarim te videre vultu illo nitido ac florulento. Etiam atque etiam te rogo, ut per tuam facundiam intelligat optimus Præsul, munus ipsius mihi longe gratissimum esse, quanquam hæcenus non vacavit gratias agere. Et malim id agere libello victuro. Dixeram me nonnihil abhorrere à præbendis, ne mihi res sit cum capitulis. Nunc huic quoque incommodo videor dispexisse remedium. Male metuo misero *Luthero*. Sic undique fervet conjuratio, sic undique irritantur in illum Principes, ac præcipue *Leo* Pontifex. Utinam *Luthernus* meum sequutus consilium, ab odiosis illis ac seditiosis abstinuisset. Plus erat fructus, ac minus invidiæ. Parum esset unum hominem perire: si res hæc illis succedet, nemo feret illorum insolentiam. Non conquiescent donec linguas ac bonas literas omnes subvertent. Jam *Capnionem* rursus aggrediuntur, tantum odio *Lutheri*: qui me dissuadente nomen illius suo negotio admiscens, & illum degravavit invidia, & sibi nihil omnino profuit. Disputavit *Eckius*, *Hochstratus* promiserat nescio quos syllogismos, quibus omnes cedere cogerentur. Disputabant atque etiam scribebant *Lovanenses*. Expectabatur judicium *Academix Parisiensis*, & ecce res derepente in Bullam & in fumum exitura videtur. Excusa est Bulla formidabilis, sed quam Pontifex vetuit publicari. Vereor ne res in gravem tumultum exeat. Qui hæc suadent Pontifici, dant illi, mea sententia, consilium, non dico quam pium, sed certe periculosum. Res è pessimis fontibus primum orta est: deinde pessimis rationibus hucusque provecta. Ex odio bonarum literarum & stoliditate Monachorum primum orta est hæc tragoedia. Deinde magnis conviciis, malitiosis conspirationibus huc vefaniæ res progressa est. Quo tendant nulli dubium est, nimirum ut oppressis his literis, quas illi nesciunt, impune regnent cum sua barbarie. Ego me huic tragoediæ non misceo.

A Alioqui paratus est vel episcopatus, si velim in *Luthernum* scribere. Mihi dolet sic obrui doctrinam Evangelicam, nosque cogi tantum, non doceri: & doceri ea, à quibus abhorrent & sacre Literæ, & sensus communis. Bene vale, clarissime *Gerardo*, & quid valeas scribe. *Lovanio* 9. Septemb. Anno 1520.

EPISTOLA DXXIX.

Beatissimo Patri Leoni, ejus nominis decimo, Erasmus Roterodamus S. D.

TAMETSI non metuebam, beatissime Pater, ne tua bonitas impelli posset ad lædendum infontem, aut tua prudentia temere crederet improborum calumniis; tamen quoniam eam video tot negotiis ex toto undique orbe inundantibus pulsari, simulque confidero inauditam quorundam improbitatem, qui conjurarunt in bonas literas, nusquam cessare, nihil non audere, nullum non movere lapidem, arbitratus sum nonnihil mea referre, hac veluti antidoto præmunire sanctitatem tuam, oculatissimam quidem illam, sed pariter occupatissimam. Esse video, qui quo magis communirent factionem suam, conati sunt causam bonarum literarum, causam *Reuchlini*, meamque causam cum *Lutheri* causa conjungere, cum his nihil sit inter se commune. Atque id semper tum oratione, tum scriptis editis testatus sum. *Luthernum* non novi, nec libros illius unquam legi, nisi forte decem aut duodecim pagellas, easque carptim. Ex his, quæ tum degustavi, visus est mihi probe compositus ad mysticas literas, Veterum more explanandas, quando nostra hæc ætas immodice indulgebat arguris magis quam necessariis quæstionibus. Bonis igitur illius favi, non malis, imo gloriæ *Christi* in illo favi. Ferme primus omnium odoratus sum periculum esse, ne res exiret in tumultum, à quo sic abhorruī semper ut nemo magis. Proinde minis etiam egi cum *Joanne Frobenio* Typographo, ne quid Operum illius excuderet. Scripsi tum crebro, tum diligenter amicis, admonerent hominem, ut in scriptis meminisset *Christiana* mansuetudinis, serviretque semper Ecclesiæ tranquillitati. Et cum ipse prior ad me scripsisset ante annos duos, amanter admonui, quid illum vellem evitare, cui consilio utinam ille paruiisset. Eam Epistolam audio delatam ad tuam Beatitudinem, in odium opinor mei, cum magis favorem tuæ sanctitatis mihi conciliare debuerit. Quid enim illic omitto, cujus non illum admoneam? Civiliter quidem id facio, sed ita citius proficitur, quam austeritate, & ignoto scribebam. Posteaquam formam ac ceu regulam homini præscripseram, ne quid offenderet admonitionis libertas, subijcio: *Hæc scribe, non ut te admoneam quid facias, sed ut quod facis, perpetuo facias*, videlicet imaginans illum jam sponte sua facere, quod illum facere volebam. Quod si mihi placuisset ea scribendi ratio, qua prius utebatur *Luthernus*, quid opus erat illi tot verbis novam formam præscribere? Ex tamen hunc locum scio quosdam impudenter ad calumniam detorsisse, sed magis illud quod adjeceram, hic esse plures illi faventes. Id sane vere scripseram. Bonis illius hic favebant plurimi, non aliter quam ego favebam. Hoc illum scire volui, non ut his fretus pergeret seditiose scribere, sed ut ad formam à me præscriptam moderaretur stylum, si vellet horum favorem esse perpetuum. Nomen Episcopi *Leodiensis* quomodo admixtum sit demiror apud *Lipsienses*, qui nescio quo consilio epistolam arcanam evulgarunt, cum *Basilea* non fuerit additum. Illud verissimum est, illi nihil prorsus unquam fuisse rei cum *Luthero*, nihilo magis quam mihi. Quod si maxime nomen fuisset additum, non alio sensu fuisset additum, quam modo sum interpretatus. Eam epistolam scripsimus ferme ante biennium, & res nondum ad hanc acerbiterat processerat, & ad disputationem erat provocatum. Si quisquam vel inter popula audivit me *Lutheri* dogmata tuentem, non recusum vocari *Lutheranum*. At non impetii meo stylo

An. hominem. Primum refellere non poteram, nisi prius
semel atque iterum attente legissem. Ad id mihi non
erat ocium, plus satis occupato meis studiis. Deinde
videbam rem esse supra modulum eruditionis & inge-
nii mei. Ad hæc nolebam Academiis, in hoc occu-
patis, suam præripere gloriam. Postremo metui tot
potentium virorum odium in me provocare, præser-
tim cum nemo mandasset hanc provinciam. Quare si
quid isthic me calumniantur bonarum literarum ho-
stes, in tua prudentia, meaque innocentia mihi cer-
tum est præsidium. Non sum tam demens ut contra
summum Christi vicarium ausim quicquam, qui ne pe-
culiari quidem Episcopo meo velim adversari. Non
sum tam ingratus, ut tuæ in me plus quam paternæ in-
dulgentiæ non respondere laborem. Hoc meum qua-
lectunque est ingenium, Christi gloriæ, gregisque
Christiani tranquillitati serviet. Quilibet erit hujus ad-
versarius, is & meus erit. *Luthero* ne tum quidem pa-
trocinabar, cum utcunque liberum esset favere. Tan-
tum impetendi modum improbam, non *Luthero* con-
sulens, sed auctoritati Theologorum. Videbam rem
ex odio linguarum ac bonarum, ut vocant, literarum
nata. Videbam acerbis odiis, & seditiosis apud po-
pulum clamoribus rem geri, quibus nihil aliud efficie-
bant, quam ut nobilitarent opera *Lutheri*, & vulgus
hominum ad aviditatem legendi provocarent. Si prius
refellissent *Lutherum*, & animis hominum exemissent,
deinde libros exussissent, totum *Lutherum* citra tumultum
orbis abolere poterant, siquidem id merebatur quod
isti prædicant. Libera ac generosa ingenia doceri gau-
dent, cogi nolunt. Hoc consilium pro Theologis ad-
versus *Lutherum* faciebat, nisi quidam perperam inter-
pretarentur. Deceveram hyemare *Roma*, consulturus
in locis aliquot bibliothecam tuæ sanctitatis. Sed hi
Principum congressus me remorati sunt, in proximam
hyemem spero me adfuturum. S. T. incolumem tuear
Christus Optimus Maximus. *Lovanio* 13. Septem-
bris, Anno 1520.

EPISTOLA DXXX.

Erasmus Rot. Francisco Chiregatta S. D.

ANIMVM istum tam candidum, tam propensum,
& expostum, si non exosculer, sim quovis *Geta*
inhumanior. Fortassis paucis æque dolet hic *Lutheri*
tumultus, ac mihi, quem utinam aut initio potuissem
excludere, aut nunc componere. Sed res tota, ut est
nata malis initiis, per Monachos quosdam suum agen-
tes negotium, ita malis progressibus ad hanc usque ra-
biem deducta est. Impius sit, qui non faveat *Romani*
Pontificis dignitati, sed utinam sciat ille quantum of-
fendat illi stolidi quidam, qui sibi videntur eam pul-
chre tueri. Crede mihi, si quid credis, nulla res ma-
gis commendavit *Lutherum* affectibus populi, quam
horum stolidi clamores apud populum. Et interim nul-
lus illorum refellit *Lutherum* libris editis, quod ut fa-
cerent semper hortatus sum. Videbam enim una hac
via *Lutherum* opprimi posse, si talis esset, qualem illi
traducebant. Nam qui hæcenus adversus *Lutherum* scri-
psimus, nec his satisfaciant, qui *Luthero* pessime vo-
lunt. Ac vide sceleratum consilium quorundam, qui-
bus invidior sum ipso *Luthero*, non quod illi faveam,
id enim sciunt secus habere, sed quod faveam bonis
literis, quibuscum illi jam olim belligerantur, sed quod
Theologos ad fontes revocarim, sed quod admonue-
rim quibus in rebus sita sit vera religio. Cum Bulla
prodisset, quæ jubet eos prædicare adversus *Lutherum*,
inter pecula fecerunt huiusmodi decretum duo tresve
alii, ut me cum *Luthero* traducerent apud
populum. Hic est quidam *negotius*, vir indignus cujus
nomen mandetur literis, homo indoctus, natura fa-
tus, ac *Mercho* stultior, & sensu communi carens,
effrons, muliebri procacia lingue, qui relictis rebus
conibus tantum blaterat in *Erasmum*, nec unquam pu-
descit aut lassescit. Est alter candido pallio, sed ater

animo, stolidus ac furiosus, adeo morosus, ut toti sit
gravis Academiæ. Hic cum publicaret Bullam, plura
dixit de me in concione, quam de *Luthero*. In publi-
ca lectione semper conjunxit nomen *Lutheri* cum meo:
imo in quadam lectione *Fabrum Stapolensem* perstrin-
xit. Cum enim dixisset nos non concordare, adjecit,
Nunquam, inquit, *convenit inter hæreticos*. Hunc se-
quuti duo è sodalitate *Dominicali*, tam scurriliter de-
bacchati sunt in nomen meum apud populum, ut res
ad tumultum spectaret, etiam me dissimulante, & A-
cademiæ proceres, quanquam alioqui mihi non admo-
dum æqui, cogerentur illis imponere silentium. Idem
factum est *Anversie*. *Brugis* erat Minorita quidam à
suffragiis Episcopi *Tornacensis*, à vino lippus, qui to-
tas horas deblateravit apud populum in *Lutherum* & *E-*
rasmum, subinde nos bestias, asinos, grues, stipites
appellans, nec quicquam tamen refellens. Cum in al-
tera quadam concione palam dixisset in libris meis
esse quædam hæretica, quidam è magistratu doctus
adiit hominem, rogavit quid esset in libris meis ta-
le. Vide quid hic responderit scurra Episcopus:
Non legi, inquit, libros *Erasmi*, volui legere Pa-
raphrases, sed *Latinitas* erat nimis alta. Timeo igitur
ne possit labi in aliquam hæresim propter altam *La-*
tinisatem. Tales sunt fere omnes qui clamant in *Lu-*
therum, & qui, ut ipsis videtur, defendunt Sedem
Romanam, cujus dignitati nemo non favebit, sed hos
rabulas nunquam ferent cordati viri: quos si nosset
Pontifex, ita ut nos novimus, in nullos magis sæ-
viret quam in istos. Utinam esset mihi tantum au-
ctoritatis apud Pontificem, quantum est sincerum ani-
mi mei studium erga illius dignitatem, dedissem con-
silium, & ipsi conducibilius, & orbi salubrius. Cla-
moribus ac terroribus fortassis hoc fiet, ut malum ad
tempus prematur, sed mox majore perniciæ eruptu-
rum. His rationibus efficietur, non ut pauciores *Lu-*
thero faveant, aut melius de *Romano* Pontifice sentiant,
sed ut cautius dissimulent. Hactenus certe vidimus
fieri, ut horum minis ac vociferationibus irritati, &
acrius faverint, qui antea frigide favebant, & favere
coeperint, qui antea parum erant æqui. De me nihil
est periculi. Nunquam ero neque magister erroris,
neque dux tumultus. Et tamen vix credas, quibus mo-
dis invitatus sim, ut me vel paululum *Lutherano* nego-
tio admiscerem, cujus si spem ullam facere voluissem,
Lutherana res longe secus haberet. Sed absit hæc co-
gitatio ab animo *Erasmi*. Hactenus prædicavi quie-
tem & concordiam, hæcenus laboravi *Christo*. Et in-
stat vitæ terminus, non relinquam institutum, nec a-
mittam coronam: rabulas hos, dedecora Ordinis sui,
Christo judicandos relinquo, quanquam se magis læ-
dunt quam me, sic passim ab illis alienatur populus.
Nunc edimus omnia Opera *Augustini* castigata & scho-
liis illustrata. Hoc confecto declarabo, quam mihi
displiceant homines seditiosi, quam ex animo faveam
Sedi *Romane*, etiam si illa hujus vermiculi favore non
eget. Cui hoc etiam favebunt impensius optimi qui-
que, si illa sinceris animis favebit gloriæ *Christi*. Nec
enim aliis ornamentis oportet esse splendidum sum-
mum *Christi* vicarium, quam quibus excelluit ipse
Christus. Literas tuas accepi resignatas, caute fac igitur
ut scribas. Proxima hyeme videbis me *Roma*, mo-
do vita suppetat ac valetudo. Bene vale, patrone o-
ptime. Episcopo *Wigornensi* me commendabis dili-
genter. *Lovanio* 13. Septemb. Anno 1520.

EPISTOLA DXXXI.

Erasmus Rot. serenissimo Anglorum Regi Henrico VIII. S. D.

SERENISSIME Rex, cum non minima pars vitæ
sac felicitatis humanæ sita sit in bonis literis, quo
magis impetuntur hoc tempore à stolidissimis quibus-
dam, hoc magis sublevandæ sunt favore præsidio-
que Principum, erga quos non sunt ingratae futuræ.

Præ-

An. 1520. Præcipue vero favendum iis studiis, quæ conducunt ad pietatem, *Christique* Principis nostri gloriam. Hac in re utinam animum majestatis tuæ cæteri quoque Reges ac Proceres imitarentur. Quanquam sunt qui id faciant, & spero brevi futuros complures tuæ pietatis æmulos. Minimum esse fateor quod ego possum in literis. At tamen ita *Christus* sit mihi propitius, ut ego quicquid adhuc scripsi, aut scripturus sum, in illius gloriam & scripsi, & scripturus sum. Certe hæcenus industriam nostram probant optimi quique, & in his summus ipse Pontifex. Conspirarunt tamen aliquot, quibus, nimium assuetis veteri vappæ, non placet nostrum mustum. Pauci sunt, & stolidi, sed tamen devotis animis conjurarunt, adeo ut vel periculo suæ salutis, cupiant extinctas bonas literas, quas dolent ubique tam feliciter reflorescere. Ab his suspicor instigatum *Edwardum Leum*, ut in nos debaccharetur, cum ipsi non auderent prodire in proscenium, juvenem gloriæ cupidum & sibi placentem subornarunt, ut pro ipsis fabulam ageret. Qui utinam aut aliter scripsisset, aut *Anglus* non esset. *Edwardo* nihil debeo, sed tamen animo *Christiano*, melius illi volo, quam ipse vult sibi. *Anglia* debeo, quantum non alteri nationi. Mitto Celsitudini tuæ libellum, quo illi respondeo, sed absque convitiis: quem si vacabit inspicere, videbit quam res ipsa *Lei* pollicitis non respondeat. Non redibit ad convitia, si suo volet honori consultum. Argumentis non arbitror unquam responsurum. Ea in re perdidit dies ferme quadraginta. Quod temporis utinam collocare licuisset in Opus aliquod, quo vel tuam egregiam virtutem posteritati commendassem, vel *Christi* gloriam pro mea virili illustrassem. Precor ut *Christus* Optimus Maximus generosos juxta ac pios conatus majestatis tuæ suo favore semper in majus meliusque provehat, mihi que tantum velit ætatis superesse, ut aliquando liceat declarare quantopere sciam me debere benignitati tuæ vere regiæ, quæ dignabitur *Erasmum* extremum clientulum suum solito favore prosequi. *Antuerpia* 14. Septembris, Anno 1520.

EPISTOLA DXXXII.

Franciscus Craneveldius Erasmo S. D.

NON possum non agere tibi gratias, vir undecunque doctissime, quanquam ineptioribus meis literis pro tuo illo nuper in me collato beneficio, cujus erit apud nos sane memoria sempiterna, quod ego tanti æstimo, ut ne *Crocus* quidem opibus redimi patiar. Quod inquis beneficium? Quod me ad suavissimum illum *Morum tuum*, imo nunc nostrum deduxeris, apud quem post tuam abtentionem frequens fui, vocante quidem illo, cujus ego non tanti facio τὰς τεταπίζας ὑπὲρ τὰς ἐν Σικελίᾳ, quanti eruditionem, humanitatem, liberalitatem. Proinde plurimum tibi debere me profiteor, cupioque tibi grati animi signa demonstrare: deinde plurimum mihi dolet, quod quæcum adestes Brugis, tam raro te inviserim, frivolis quibusdam negotiis occupatus, ut occasionem illam multa simul optimaque discendi, sic è manibus elabentem, non vel mordicus apprehenderim. Memini quid tu dixeris de *Flandricis moribus*, sed velim tibi persuadeas me totum esse tuum, nec iis ipsis esse contaminatum. *Morus abiens* δακτύλιον χρυσεῖον donavit uxori meæ, in quo verbis Britannicis γράσανται, Bona voluntate censei omnia. Mihi vero vetusta nomismata dedit, aureum, argenteumque: in altero est *Tiberii effigies*, in altero divi *Augusti*. Quæ te scire volui, quia pro his etiam tibi me debere gratiam semper confitebor. Vale, & me, si quid possum, utere. Brugis 19. Septembris, Anno 1520. *Fervinus noster* valet, & suo nomine salutem adscribi voluit.

EPISTOLA DXXXIII.

Erasmus Roterod. Petro Manio, ex Ordine Dominicani, S. D.

MIHI sane non uno nomine grata fuit tua epistola, vir optime, sed varius quidam casus cam

A mihi nunc eripuit, nunc restituit, unde factum est, An. 1520. ut hæcenus illi non responderim. Principio cum redederetur, vix erat vel legendi ocium, post ubi non-nihil daretur ocii, inter literarum fasciculos ita delituit, ut mensibus aliquot diu multumque quæsit, non quita sit inveniri. Tandem ultro non quæsit ad manus venit, & ut inquit *Ovidius*, non inventa, reperta est. Eam rursus seposui in primum ocium, quod obtingeret. Rursum periit, nec divinare possum quo pacto. Proinde ne suspicere mihi tuas literas parum fuisse gratas, aut me adeo fastidiosum, ut pigeat hominis, licet ignoti, tamen, ut ego conjicio, probi & eruditi, literis respondere, ex mea memoria petam, quod eram ex epistola petiturus. Primum, si satis commemini, commemorabas, quanto studio, quanto applausu, quantaque gratulatione totius populi, sed præcipue eruditiorum, sit acceptus publica concione *Martinus Dorpius*, & hujus laudis portionem aliquam in me conabare transfundere, quasi ille, quod talis vir evasisset, nonnihil deberet meis lucubrationibus. Deinde narrabas isthic esse complures, qui mea summo studio complecterentur, rursus esse nonnullos, qui pari odio averfarentur & *Erasmum* ipsum, & *Erasmii* libros: atque in hoc numero quondam fuisse te quoque priusquam nostra legeres, verum, evolvendis ac pensitandis nostris voluminibus, sic esse transformatum in alterum hominem, ut nullius scriptis æque delecteris, atque unice jam adames illum prius execratum *Erasmum*. Sub hæc veluti jam familiaritate nonnulla mecum contracta, duo quædam rogas: primum ne quid *Græci* sermonis admisceam scriptis meis, ne lector ejus linguæ rudis alienetur; deinde ne patiar ut *Gallia* sibi me asserat, sed ingenue fatear *Bataviam* esse *Germania* partem, videlicet ne tanta gloria fraudetur. Ad quæ, ut paucis idque præpostero respondeam ordine; Primo mihi non admodum referre videtur, quo quisque sit loco natus, & inanem quandam gloriam arbitror, si civitas aut natio se jactarit, quod unum aliquem genuerit, qui suis studiis non patriæ præfidiis magnus ac celebris evaserit. Justius gloriatur quæ magnum fecerit, quam quæ genuerit. Atque hæcenus ita loquor, quasi quicquam sit in me, de quo possit sibi placere patria. Mihi satis est si non pudeat illam mei, quanquam *Peripateticus* non prorsum improbat ejusmodi gloriam, quæ calcare addere possit ad honestarum rerum æmulationem. Hujusmodi si quid esset in me, optarim ut non *Gallia* modo ac *Germania* me sibi utrinque vendicarent, sed singulæ regiones, singulæ urbes *Erasmum* sibi certim assererent: utilis esset error, qui tam multos ad honesta provocaret. An *Batavus* sim mihi nondum satis constat. *Hollandum* esse me negare non possum, ea in parte natum, ut si *Cosmographorum* picturis credimus, magis vergat ad *Galliam* quam ad *Germaniam*, quanquam extra controversiam est, totam eam regionem in confinio *Gallia Germanique* sitam esse. Quod aliquoties nonnihil *Græcismi* meis scriptis admisceo, non solum id facio doctorum pene omnium exemplo, sive veteres, sive recentes expendas, sed etiam multo, ut opinor, moderatius cæteris, nunquam certe sine causa. Sunt quædam, quæ nisi *Græce* dicantur, aut emphasis vim, aut allusionis jucunditatem, aut schematis gratiam perdunt. Quin incidunt interim, quæ nolim protinus à quovis intelligi. Et haud scio an expediat passim aliquid adspergi sermonis *Græcici*, quo magis omnes compellantur etiam ad linguæ, multis modis necessariae, cognitionem. Etenim si par esse judicas ideo me in totum abstinere à *Græcis*, quod sint à quibus non intelligar, eadem opera vetabis, ne *Latine* scribam, quod plurimi sint qui *Latine* nesciunt: & tamen non inficior esse locum, ubi charitas se demittit ad captum simplicium, verum, iis quatenus sit indulgendum, non est hujus temporis persequi. Semper illis est adnitendum, ut ad meliora proficiant. Porro complures esse vehementer infensos nobis nostrisque studiis, etiam si tu

non scripsisses, tamen quotidianis rumoribus abunde discimus. Neque enim isthic solum, verum etiam passim in omnibus pene oppidis, atque hic denique *Lovanii* tui Ordinis sodales, & horum symmachi *Carmelita*, tam stolidè debacchantur apud imperitam multitudinem in optimas literas, nonnunquam & in nomen *Erasmi*, ut me sane pudeat referre, quæ illos non pudet dicere. Atque hæc imputarem privatæ stoliditati paucorum, nisi id tam passim facerent, ut ex composito facere videantur, tam impune, ut patrum plebique consensu geri sit verisimile. Nam si non pudet vomere tam insulas nenas, tam vana, tam atrocia convicia in his concionibus, quæ doctrinæ Evangelicæ dicata sunt, quid censes illos effutire apud stultas mulierculas, apud deliros senes, apud supersticiosos idiotas, apud simplices adolescentulos, quibus gravis est & oraculi instar istorum auctoritas. Atque utinam, mi *Petre*, contingat omnibus, quod tibi scribis usu venisse. Id non tam mea proprie referret, quam publice vestri Ordinis, cui tales rabulæ non levem concitant invidiam, ut ne commemorem interim, quod & populum detractionis tabe inficiunt, qua non alia lues capitalior, & sacri sermonis elevat auctoritatem. Bene habet, quod, uti scribis, jam victus es, expugnatus es, transformatus es. At mecum interim quam belle agitur, in cujus immerentis famam, ut est conjectandum, digna atque indigna loquutus es. Qui religionem absoletam profitentur, hoc diligentius oportet à linguæ virulentia temperare, quod hac ratione, ut facillimum est lædere, ita difficillimum est mederi: & tamen fere videmus, qui piaculum esse ducunt vesci carnibus, aut aliter cingi, morbum hunc longe sceleratissimum pro ludo habent. Sunt hic duo vestri sodalities, alter Theologus, alter Theologiæ candidatus, quos si velim ulcisci, non alia via magis conveniat, quam mandando literis, quæ illi, mire sibi placentes, quotidie vociferantur in nomen & studia mea, in quibus nihil omnino sapiunt. Est & *Carmelita* quidam Theologus Coryphæus, quem nunquam sui pudet, cum quotidie videat se publice rideri ab omnibus. Jam quemadmodum magnopere faveo gloriæ *Dorpii* mei, quem ob eximias ingenii, doctrinæ, facundiaque dotes, ne tum quidem odisse poteram, cum à malis choragis adversum me subornaretur: ita non video quid illinc mihi debeat laudis, nisi fortasse quod olim adolescentem hortatus sum ad meliora studia, & lucubrationibus meis vel incenderim nonnihil illius studia, vel adjuverim. Aut ego fallor, aut illi succedet, quod nos parum feliciter conati sumus. Bene vale, meque tuis precibus *Christo* commenda. *Lovanio* 1. Octob. Anno 1520.

EPISTOLA DXXXIV.

Erasmus Rot. Jacobo Vilingero, Romani & Hispan. Regis Thesaurario, S. D.

Quod de nomine duntaxat tibi notus ad te scribo, vir incomparabilis, non debes imputare meæ impudentiæ, sed tuæ ab omnibus prædicatæ humanitati. Quod si me ab impudentiæ crimine non absolvis, certe levius damnabis, si cogitaris hanc improbitatem ab humanitate profectam esse. Nam ut sic auderem, extorserunt à me huius egregii viri *Joannis Fabri* preces, vel merita potius. In quo cum tot egregias dotes perspexerim, raram morum integritatem, eruditionem laud quamquam vulgarem, iudicium acre, fidem & humanitatem incredibilem, existimabam me gratiam etiam initutum apud tuam celsitudinem, qui tibi hominem efficerem notum, aut si jam notus est, efficerem notiozem, qui pro tua singulari probitate, proque fide erga Principem, soles impense favere iis, quorum virtutibus intelligis ornari simul & fulciri monarchias: inter hos vel me auctore pones hunc *Joannem Fabrum*, si quid omnino iudico, non vulgare decus Ordinis sui: qui vel citra nostrum officium se tibi suis dotibus abunde commendabit, ubi propius hominem in-

spexeris. De meipso non video quid possim polliceri, Animum certe ac studium fidemque pollicor, si qua in re voles *Erasmi* in te observantiam explorare. Bene vale. *Lovanio* 3. Octobr. Anno 1520.

EPISTOLA DXXXV.

Mercurio Gustiniano, Cancellario summo Romani & Hispan. Regis Caroli, Erasmus Rot. S. D.

MAGNIFICE vir, ex aliquot familiaribus congressibus comperio hunc *Joannem Fabrum* Ordinis *Dominicani*, multis eximias dotibus præditum, religione nequaquam fucata, iudicio prudentiæque singulari, eruditione solida, quarum rerum commendatione *Cæsari Maximiliano*, virtutum omnium, ut fautori candido, ita iudici exacto, cum primis charus fuit. Convenit autem, opinor, ut quemadmodum *Carolus* noster in avitum succedit imperium, ita virtutum etiam avitarum hæreditatem capeat. Porro quod petit, non solum æquissimum est, verum etiam facillimum, videlicet ut idem munus quod habuit apud *Cæsarem Maximilianum*, apud hunc retineat. Atque id ut fiat, ad publicam rei Christianæ pertinet utilitatem, mea sententia, simulque sacri imperii dignitatem. Id cuiusmodi sit, ex ipso rectius cognoscet. Scio mihi non fuisse multum consuetudinis cum celsitudine tua, sed hanc fiduciam mihi præbet, partim animus istius ad omnes res honestas omnibus expositus: partim quod confidam fore, ut quemadmodum te successorem habemus eximii viri *Joannis Sylragii*, omnibus ornamentis parem, aut etiam superiorem: ita hac quoque in parte sis illum relaturus, ut *Erasmo* favcas, qui nihil aliud agit in hac vita, quam ut suis studiis *Christi* gloriam ac bonas literas provehat. Si qua in re poterò vel tibi, vel *Cæsare* maiestati usui aut ornamento esse, nihil defugiam, quod modo præstare possim. Bene vale, vir omnibus modis eximie, cui quam commendatissimus esse cupio. *Lovanio* 4. Octob. Anno 1520.

EPISTOLA DXXXVI.

Erasmus Rot. Alberto Cardinali Moguntino S. D.

GESTIENTEM advolare isthuc in tuos complexus, hæctenus aliquot negotiola detinuerunt, verum, si posthac cœlum dabitur commodius, adero brevi *Colonia*. Epistolam, quam tuæ celsitudini de *Luthero* scripseram, editam doleo. Ego certe bono animo scripseram, sed non in hoc scripseram, ut ederetur. Neque cuiquam à me fuit exemplaris copia. Includeram eam literis ad *Huttenum* obsignatis, admonens, ut si videretur expedire redderet in tempore: sin minus, premeret, aut aboleret. Quo magis admiror, quo consilio factum sit, ut & ederetur per typographos, nec tibi redderetur. Si hic casus fuit, fuit infelicitissimus: sin perfidia, plusquam Punica fuit. Utinam hic *Joannes Faber*, Ordinis *Dominicani*, tuæ celsitudini tam esset commendatus, quam merentur hominis eximie dotes, ingenium promptum & expeditum, iudicium excussum, eruditio solida & abstrusa, lingua felicissima, mores candidi facilesque. Video tyrannidem quorundam nimium succedere. Nec aliud mihi succurrit, quam precari, ut res tota cedat in gloriam *Christi*, ut cunque cedet nobis. Bene vale, meum decus. *Lovanio* 8. Octobris, Anno 1520.

EPISTOLA DXXXVII.

Erasmus Rot. ornatiss. Præsuli ac Principi Leodienfi

SALVTEM P. Ornatissime Præsul, qui has reddidit, *Joannes Faber*, Theologus insignis, Ordinis *Dominicani*, cupit tuæ celsitudini commendatus esse, ac mea sententia dignus est qui sit. Erat *Maximiliano* *Cæsari* cum primis charus ob egregias dotes, quibus præditus est. Eruditio est recondita, ingenium promptum ac versatile, lingua felicissima, mores faciles candidique, ani-

animus, ut mihi videtur, integer. Gratus est multis *Garatius* Principibus. Et tamen habet qui illi male volunt: ut nunquam caret æmulis virtus emittens. Optime sentit de tua celsitudine: apud quam existimat me nonnihil valere. Si quid valeo, id totum est humanitatis tuæ, non meriti mei. At spero fore, ut hominis virtutes impetrent, etiam si mea non impetret epistola. Impetrata est à Principe pensio, me quidem non ambiente, sed hoc est gratus Principis optimi munus, & tibi tuique similibus plus debeo. Quorundam inmodicam licentiam sic gaudeo coerceri: ut verear ne successus hic animet bonarum literarum otiosos, ad opprimenda meliora studia, non enim dicam doctrinam Evangelicam. Bene valeat tua celsitudo. *Lovanii* 8. Octob. Anno 1520.

EPISTOLA DXXXVIII.

Erasmus Rot. D. Gabrieli Oshnso Carinsensi S. D.

A STUDII ac negotiis vix erat ocium scalpendis, ut ajunt, auribus: tamen mitto tibi tuos verficulos, ne queri possis ulla in re non morigerum animo tuo fuisse *Erasmum*, vere tuum in *Christo*. Scio quam multa mala doceat ocium. Proinde malo te istiusmodi opellis transmittere tempus, quod datur à sacrorum pensis vacuum, quam ad deteriora prolabi. Attamen longe satius erat, è sacris Libris *Christi Paulique* imaginem vivam & efficacem pectori tuo penitus imprimere; quam plumbo, ære, chartisve exprimere. Quod ipsum arbitror te facere, mi *Gabriel*, nec istam industriam tuam aliud esse quam felicitis ingenii luxuriam: quam in suo *Nepotiano* laudat etiam *Hieronymus*. Non arbitror à *Christo* nato seculum fuisse malitiosius. Quo minus oportet vos poenitere instituti vestri, me mea fata in has procellas abripuerunt. Nec tacere mihi licet, nec digna *Christo* loqui. *Christus* clamat, *Confidite*, ego vici mundum: Mundus videtur brevi clamaturus, *Ego vici Christum*, adeo pro dotibus Evangelicis palam regnat ambitio, voluptas, avaritia, audacia, vanitas, impudentia, livor, malitia, etiam inter hos qui se lucem ac salem hujus mundi profitentur. Revisam vos, ut primum licebit. Interea salutabis optimum patriarchen vestrum, œconomum, & eum qui nos obiter, magno, ut apparebat, affectu salutabat. Bene valentem & ad cœlestia semper anhelantem te servet ac provehat *Christus*, unica spes piarum mentium, mi frater in *Christo* charissime. Ex *Anderslaco* 12. Octob. Anno 1520.

EPISTOLA DXXXIX.

Erasmus Rot. Godschalco Rosemundano, Lovanienfis Academia moderatori, S. D.

NON arbitror necesse, ut te commonefaciam officii tui, cujus partes sunt, non solum hoc præstare, ne quis per te ipsum lædatur, verum etiam ne cui liceat alterum injuria afficere. Quod *Nicolam Egmondanum*, sive ex tuo, sive ex Pontificii diplomatis mandato multa dixit in *Luthero*, nihil arbitror ad me pertinere: sed quod præter omne mandatum, ac præter Pontificis mentem, qui cupit & illos allici, qui hactenus steterunt à *Luthero*, tantum abest ut quendam alienum velit involvi, pene plura dixit in me & falso & præter meritum meum, opinor auctoritatis simul & integritatis esse tuæ, hominem ab hujusmodi linguæ petulantia compescere: præsertim cum res sit exempli pessimi, & ordini Theologico atque huic celeberrimæ Academiæ, meo judicio, non mediocriter dedecorosa: nisi forte munus istud non generis publicis hujus scholæ commodis, sed paucorum affectibus. Atqui isthuc est servum non rectorem agere. In natali divi *Dionysii*, in æde divi *Petri*, in publica concione cum exorsus dicere de charitate, subito & præter decorum in me detorsisset sermonem (nam casu interveneram) præter alia multa illud in os dixit,

A me magnopere favisse *Luthero*: cum ego ab initio constantissimo testatus sim, id quod res erat, mihi cum *Luthero* nihil esse commercii, nisi quod est cuivis *Christiano* cum quovis ejusdem professionis. Doctrinam Evangelicam & Apostolicam agnosco. Cæterum nulli mortalium tantum tribuo, ut illius dogmatis per omnia velim addictus esse: tantum abest, ut ejus causam meo periculo tuendam susciperem, cujus libros non legeram, & adhuc esset in incerto, quid esset scripturus in posterum. Id cum libris etiam editis publice testatus essem, non potuit cuiquam esse obscurum. Ex gustu quem ceperam, ex degustatis verius quam lectis aliquot *Lutheri* paginis, amavi in illo dotes quasdam, ex quibus conjiciebam illum esse posse egregium organum *Christi*, si ad hujus gloriam dotibus suis uti vellet. Cumque passim de illo multa prædicarentur atrociora, quædam etiam manifesto falsa, optabam illum, si parum bonus esset corrigi potius quam perdi: id si est favere *Luthero*, ingenue fateor, me nunc quoque favere homini, quemadmodum arbitror & *Romanum Pontificem* illi favere, simulque vos omnes, si modo vere Theologi, imo si *Christiani* estis. Siquidem ille præscriptis diebus satis multis, invitat ad resipiscentiam. Cæterum populus cum audit favere, nihil aliud intelligit quam me sentire cum illo in his, quæ damnantur ab aliis. Addebat quod erat impudentius, me non solum favisse, sed enixe etiam conatum defendere, atque ipsum irrississe tantum videlicet heros: quod in literis ad Card. *Maguntinum* scriptis, meminerim *Carmelita* cujusdam, qui quod *Lutherus* scripsisset, non oportere sacerdoti confiteri capitalia peccata omnia, sed manifesta duntaxat, nimirum sentiens manifesta, non quæ populo essent nota; sed quæ illi qui admisisset indubitata, quod genus sunt homicidium, adulterium, furtum, & quod nunc in peccatis esse desit, virulenta obtrectatio: sic detulisset apud populum, quasi docuisset licere in confessione reticere quædam admissa criminalia. Atque istud non ex me somniam, sed ex quodam vestri ordinis præcipuo cognoveram, cujus nomen, cum erit opus, proferam tibi. Ac nunc quoque affirmant esse verissimum, quod scripsi. An is defendat *Lutherum*, qui dicat locum aliquem perperam intellectum. Si *Lutherum* refellere pium est, nimirum intelligere necessarium est. Agnosco mediocritatem, vel potius tenuitatem meam: non mihi tantum eruditionis arrago, ut possim de aliena fide pronunciare: nec tantum auctoritatis vendico, ut velim: nec tantum est ocii, ut vacet *Lutheri* libros evolvere: nec tam sum demens, ut in re tam odiosa velim probare aut improbare, nisi libris illius omnibus à capite usque ad calcem, quod dici solet, diligenter lectis ac relectis. Damnatur ubique præceptum judicium, sed potissimum in exitium hominis: denique nec tam stultus sum, ut ultro me tam odioso negotio involvam, cui in omnem vitam sit serviendum, cum liceat ociosum spectatorem agere: & tamen obtuli vobis organum styli mei, si modo vos me idoneis argumentis instrueretis. Quanquam hæc res, non tam stylium poscit, quam judicium & sacrarum Literarum absolutam peritiam, denique animum ab omnibus humanis affectibus liberum. Hæc cum sic habeant, vides quam impotenter factum sit ab *Egmondano*, qui prius de me verba fecerit, quam de *Luthero*. Nec id satis, cum articulos aliquot recitaret in diplomate damnatos, venissetque ad articulum de Confessione, repente *ἔγω γὰρ*, quod ajunt, *sunt*, inquit, *qui dicunt hanc confessionem institutam non à Christo, sed à Patribus*. Hoc, inquit, *falsum est, videlicet me denotans, quod in apologia, qua Leo respondeo, disputem hanc consistendi rationem esse constitutionis humane: & ita disputo, ut Egmondanus non sit refutaturus, tametsi nihil desinio*. Mox cum atrocissimis verbis exaggerasset errores *Lutheri*, rediit ad intermissum de me sermonem. In hos, inquit, *prodigiosos errores incidit Lutherus, ob studium rerum novarum*. Et cum ante usque ad vomitum multorum

An. blaterasset de novis ac veteribus: *Harere*, inquit, *ve-*
 1520. *teribus*, *fugite nova*, *adherete veteri Evangelio*, satis
 aperte denotans Novum Testamentum: quasi vero ego
 dederim novum Euangelium, ac non potius vetus
 & instaurarim, & illustrarim. Quid multis? Adeo vir
 egregius, & religionis columen, incanduit inter hæc,
 ut toto vultu furorem animi sui testaretur. Nec erat
 facturum infaniendi finem, nisi vidisset passim alios ri-
 dentes, alios indignantes, & obsibilantes, alios inter
 se mussitantes. An non hæc erat bella fabula, digna
 quam talis histrio, cum suo candido pallio, in loco
 sacro, apud viros eruditos ageret? Nec his contentus,
 die Dominico proximo, eadem ferme repetens me
Antuerpiam profecto, bellum adjecit elogium: *Et illi*
quoque, inquit, *venient aliquando ad palam, ni desti-*
terint. Omitto nunc quæ blateravit in Theologicis,
 ordinariis, ac publicis lectionibus in me & in *Frabrum*:
 diceret non Theologum loqui de cathedra, sed de
 plaustro temulentum. Hæc videt tua prudentia, quam
 sint impotenter dicta, etiam si favissem *Luthero*, cum illi
 utcumque liberum esset favere, nondum judicata causa:
 nunc nemo me audivit vel inter pocula tuentem ullum
Lutheri dogma, cum non deessent magni Theologi,
 qui non vererentur affirmare nihil esse in *Luthero*, quin
 per probatos auctores posset defendi. Sed istis bilem
 movent duæ epistolæ, quarum alteram ipsi scripsi *Luthero*,
 alteram Card. *Moguntino*. Verum, obsecro, prior il-
 la quid habet nisi civilem admonitionem? cui si vir ille
 parvisset, res ad hunc tumultum progressa non fuisset.
 At in ea scribo, quod hic haberet complures fautores:
 & sane habebat plurimos, sed ita faventes, ut ego il-
 li favebam: non quod probarent universa, sed quod
 plurima, cuperentque pura sinceraque esse omnia. Id
 scripsi non quo illum animarem ad seditiose scriben-
 dum, à qua re illum in eadem epistola deterrui: sed
 ut conaretur horum iudicio satisfacere, vitatis his, de
 quibus admonebam: quod si fecisset, & Pontificem
Romanum habuisset fautorem. In posteriore epistola
 quid aliud ago, quam ut moderatis rationibus cum *Luthero*
 ageretur potius, quam sævitia ac violentia: ne-
 que dederetur *Dominicanorum* libidini, sed æquis ju-
 diciis vinceretur: quod sentirem Card. à nonnullis ad
 hoc instigari, ut illum sua potentia opprimeret, cum
 magis expediret revinci. Erant aliæ causæ permultæ,
 cur hoc faciendum duxi, quas præstat coram exponere.
 Hoc non erat probare quæ scribit *Lutherus*, sed im-
 probare modum ac viam, qua illum conabantur oppri-
 mere. In ea sententia sum etiam hodie. Nunquam pro-
 bavi, nec probaturus sum quenquam sic clamoribus apud
 populum opprimi, priusquam libri sint lecti &
 excussi, priusquam admonitus sit qui errat, priusquam
 redargutus sit argumentis & sacræ Scripturæ testimo-
 niis. Si hoc est favere *Luthero*, favent illi magni viri,
 sed cordati, qui tamen negotium susceperant adversus
Lutherum, & hos tibi proferam cum erit opus. Imo
 favisse videtur illi *Romanus* Pontifex in Bulla, quæ tamen
 magis sapit quorundam *πλοχουεγέμων* sævitiam, quam
 mite nostri *Leonis* ingenium, qui & spacium indulerit,
 & admonuerit, ut adversus *Lutherum* prædicarent, haud
 quaquam id sentiens, ut illum Antichristum appellarent,
 sed ut divinæ Scripturæ testimoniis diversa docerent, si
 quid ille perperam docuisset. Hoc enim, opinor, est
 Theologis prædicare: nam ut aliquem è suggestu ma-
 gna voce belluam voces, aut Antichristum, nihil opus
 est Theologo, cum idem possit scurra quilibet. Consi-
 lium meum non omnino fuisse malum, fortassis exitus
 ipse docebit. Ego facti vestri non sum Deo rationem
 redditurus: quocumque consilio res cœpta est, precor
 ut verat in gloriam *Christi*. Admonui ut primum di-
 ligenter legerentur scripta *Lutheri*, deinde libris edi-
 tis ac disputationibus refelleretur, & omissis conten-
 tionibus, veritati consuleretur, nec populus ad hujus
 fabulæ theatrum admitteretur: quid factum sit, ipsi
 scitis. Tot sunt millia rabinorum, tot sunt qui sibi dii
 videntur: nullus exstitit, qui *Luthero* sobrie docteque

A responderet, five inscitia fuit in causa, five ignavia, An:
 five metus, quorum nihil competit in probos Theo- 1520.
 logos. Qui hætenus scripserunt adversus *Lutherum*,
 nec vobis probari scio: quorum primus fuit *Sylvester*,
 proximus Minorita quidam, tertius *ἀνώνυμος*, etiam si
 præ se fert Ordinem *Dominicalem*, nec dissimulat se
 capere salarium annuum à Rege *Gallorum*. Sunt & alii,
 quorum libelli non prodierunt: nec opinor aliud sen-
 sisse Cardinalem *Dertusensem*, qui jubet illi doctrinali-
 ter obsisti, hoc est, non clamoribus seditiosis, sed do-
 ctrinæ sacræ præfidiis opprimi, si sanari nolit, aut non
 possit. Ingenia generosa doceri cupiunt, cogi non fe-
 runt; cogere tantum, tyrannorum est: cogi tantum,
 avarorum. In bello non est speciosa quævis victoria.
 Confulebam dignitati gloriæque Theologicæ, volebam
 illos verum ac plausibilem referre triumphum. Si ma-
 xime favissem Ordini vestro, si maxime fuisset infen-
 sus *Luthero*, quod aliud dedissem consilium, quam de-
 di? Libris exurendis *Lutherus* fortassis eximetur è bi-
 bliothecis, an ex animis revelli possit, nescio. At id
 poterat, si meo consilio fuisset obtemperatum. Hoc
 consilium, si vobis non placebat, tamen mihi fraudi
 esse non debuit, qui bono animo suaferim *Alberto* Car-
 dinali bene de me merito, cui me putabam hoc officii
 debere. Et suavi literis obsequatis, nihil minus suspi-
 cans, quam fore ut evulgarentur, & audio evulgatas
 priusquam Card. redderentur: nec tamen editas, ut à
 me scriptæ sunt, vel illud arguit, quod in his (ut ajunt)
 appello *Lutherum* nostrum, quod à me certe nunquam
 fuit additum. Quod additurus non fueram etiam si meus
 fuisset: sed ad *Carmelitam* nostrum redeo. Multum
 ἐκατολογῶ de vitandis novis, de adhærendo veteri-
 bus, suspectum habere oportere, quicquid esset no-
 vum, adhærendum Veteribus, tenendum vetus Evan-
 gelium. Hæc quid sibi vellent plebs idiotarum demi-
 rabatur, eruditorum nemo nesciebat dici in linguas,
 ac Novum Testamentum à me recognitum. Porro,
 quod ad linguas attinet, insignem injuriam ille facit
 summo Pontifici, qui tanto studio curat, ut literæ
Græcæ *Roma* doceantur. Quod ad Novum Testamen-
 tum attinet, satis illi debuit esse, quod *Leo* decimus
 nostram industriam comprobavit, cujus auctoritatem
 vult valere plurimum, quoties facit ad ipsius affectum.
 Si levis est illi Pontificis auctoritas, in comprobandis
 nostris, cur illi gravis est in damnando *Luthero*? Ne
 commemorem interim stultissimam Battologiam novo-
 rum, ac veterum, ad quam plerique risum tenere non
 potuerunt. Nam ille nova appellat, quibus ipse non
 assuevit. Ita huic novus erit *Hilarius*, novus *Cyprianus*,
 novus *Hieronymus*, novus etiam *Augustinus*. Nihil ve-
 tus præter in scholas decantata dogmata, & glossam
 ordinariam cum additionibus. Imo huic vetus erit, quod
 novum est, novum quod vetus. Nos vetera instaura-
 mus, nova non prodimus. Detestati sunt impudens ho-
 minis mendacium, cum diceret *Lutherum* horrendos
 illos errores hausisse è novis, cum ex vetustis scripto-
 ribus hausit, si quid hausit, ut prædicant qui illius
 legere libros. Sed fortasse negabit se mihi injuriam ef-
 se, qui nomen meum non expresserit. Certe iis notis
 designavit, ut nemo studiosorum non agnosceret. Quic-
 quid meretur *Lutherus*, mihi non placet ut istiusmodi
 clamoribus populus ad seditionem concitetur, cum res
 inter doctos transigi possit: sed quid de hoc statuatis,
 vestræ prudentiæ relinquo: verum, in loco sacro, in
 concione sacra, apud promiscuam multitudinem palam
 mentiri de homine immerenti, imo benemerenti, mi-
 hi videtur nihil aliud esse, quam elevare auctoritatem
 sacræ concionis, quam expedit non minus esse puram,
 quam synaxim ipsam, fraudare populum suo fructu, &
 hujus Academiæ dignitatem obscurare. Arbitror mihi
 pro meis vigiliis multo aliud deberi præmium. Quod
 si maxime essem in aliqua culpa, tamen quoniam ad-
 sum ipse, & sine periculo coargui possum, non debe-
 bam traduci apud populum, cui vindictæ jam nimium
 assuevit *Egmondanus*. Forte narratur inter pocula, quod
 hic

An. hic aut ille de illo dixerit, ille postmodum semet ulci-
 1520. scitur in concione. Ac rursus inter pocula celebratur
 triumphus applaudentibus sympotis aliquot ejusdem
 farinae. Quanquam quod ad meam injuriam attinet,
 non admodum ægre fero: sed illud vobis consideran-
 dum est, an conducatur moribus populi, ut assuescat
 hujusmodi obrectationibus, quæ paulatim etiam dul-
 cescent, posteaquam serpsit venenum: an expediat hu-
 jus Academiæ publicæ utilitati, cui fortassis amplius
 faveo, quam quidam qui sibi videntur favere maxime.
 Nec enim Principis benignitas hanc instituit Acade-
 miæ, ut illic suaviter agerent tres aut quatuor, sed
 ut in totius ditionis utilitatem hic floreant omnia ho-
 nestæ studia. Videlicet in gratiam *Egmondani* exsula-
 bit poetria; sic enim ille vocat poetice, cujus adeo
 rudis est, ut ne nominare quidem possit: & locus da-
 bitur sycophanticæ, etiam dicato collegio. Sed ne te
 prolixioribus onerem literis, magnifice Rector, si sto-
 lidis istiusmodi clamoribus impolueris silentium, con-
 suletis non tam mihi, quam tranquillitati publicæ stu-
 diorum, quam moribus populi, quam auctoritati sa-
 crarum concionum, quæ blateramentis hujusmodi pro-
 fanantur, quales quales nos sumus. Sin aut non vultis,
 aut non potestis, ipse fortassis experiar remedium, nam
 satis diu videor mihi tulisse hominis istius furias, quas
 scio nemini vestrum placere: sed quidam abutuntur hu-
 jus ingenio, veluti malo nodo malum adhibentes cu-
 neum. Hæc malui scribere, quod id esset utrique com-
 modius: cras si vacabit, & tua valetudo patietur, co-
 ram plura, tum dicam, tum audiam. Bene vale. *Lo-
 vanio* 18. Octob. Anno 1520.

EPISTOLA DXL.

Thomas Morus D. Erasmo Rot. S. D.

ACCEPI, mi Erasme, literas ab Ventfordo, quas
 per eundem tabellarium protinus ad te transmittio:
 ex quibus hominem facile deprehendes antiquum adhuc
 morem obtinere. Non petam ut ignoscas, quod tuas ape-
 rari: vides enim ut scripta tibi, sic mihi inscripta sunt,
 nec dubito quin eodem errore ad me contra scripta sint,
 quæ sunt inscripta tibi, quarum ego legendarum tam a-
 vidus eram, ut resignare non libuerit. Si quid in his vi-
 deris quod me putabis velle scire (quod ego certe non pu-
 to) significa. Opinor ad te perlatas, quibus te certiore
 facio de recepta tabula, de qua rursus, ac milites, mi
 Erasme, rursus, tibi ago gratias. De Petro tuo postquam
 ivit in Angliam nihil audio. Utinam tuum vere dignum
 Rege munus, aliquid tibi ab Rege conciliet boni. Felici-
 ter tibi cedat, quod injunxit αὐτοκράτορ, nam ipsi succe-
 dit nihil, imo per Deum omnia. Tuum consilium probo,
 qui non vis Principum negotiosis nugis implicari: & me
 plane amas, quam isdem optas ut extricer, in quibus
 hæc credas quam invidus verborum: neque potest quicquam
 esse odiosum, quam hæc est legatio. Nam & relegatus sum
 in oppidulum maritimum & sola & calo injucundum,
 tum domi qui meapte natura vehementer ab litibus ab-
 horream, etiam cum lucrum adferunt, quantum neces-
 se est hic adferant tadium, quam veniant comitante da-
 mo. Sed Dominus benigne pollicetur omnia repensurum
 Regem. Cum recepero, faciam ut scias. Interim vale,
 tu fortassis ultro non optas. Eduardo Leo multam ex me
 salutem dicit, & Palgravo nostro, si rediit. Iterum
 vale. Caletio 25. Octobru, Anno 1520.

EPISTOLA DXLI.

Erasmus Rot. Joanni Reuchlino S. D.

REVERENDVS Cardinalis *Sedunensis*, cum nuper
 apud eum pranderem, narrabat te vita defunctum
 esse. Mihi non libebat credere, quia non erat e re li-
 terarum verum esse. At mox lætiora nuntiavit alii,
 quæ precor ut nobis sint perpetua, vir optime, idem-
 que doctissime. Vides fatalem esse Tragediam, quæ
 nunc agitur, cujus qualis sit futura Catastrophe incer-

Atum. Qualis qualis est futura, precor ut cedat in glo-
 riam *Christi* & in rem Evangelicæ veritatis. Ego hu-
 jus fabulæ spectator esse malim, quam histrio, non
 quod recusem ob *Christi* negotium aliquod subire dis-
 crimine, sed quod perspiciam negotium esse supra meam
 exiguitatem. Utinam tam possem præstare quod est
 optimum, quam opto. Non dubito quin tibi adsint
 graves & amici consolatores, qui tibi omnem ægritu-
 dinem adimant, si quam animo concepisti, ut mea
 consolatione non sit opus. Altius infixus es animis bo-
 norum virorum quam ut hinc ullis *Jacobitarum* obtre-
 ctationibus queas revelli. Res est invicta veritas. Et
 tacita bonorum judicia perpetuam obtinent auctori-
 tem, etiam apud posteros suum habitura pondus. Mi-
 hi semper studio fuit *Lutheri* causam à tua bonarum-
 que literarum causa sejungere, quod ea res & nos vo-
 caret in communem invidiam, & illum ne tantulum
 quidem sublevaret. Sed aliis aliter est visum. Me quo-
 que tanta onerant invidia, ut parum abfuerit, quin
 & ipse fuero impetitus ab istis, qui in bonas literas
 ac doctrinam Evangelicam conjurarunt. Obscurum non
 est quid agant illi. Id quo magis succedat, prætexunt
 splendidos titulos, irritant mitissimum Pontificis inge-
 nium, ut illius malo suis consulant commodis. Utinam
 qui bonas literas colunt (nam in has tendunt isti) tam
 concordēs essent ad honestarum rerum defensionem,
 quam isti devoti sunt ad subversionem honestissimorum
 studiorum. Si *Germanis* nostris placuisset civitas, ad
 quam ego semper amplectendam hortatus sum, res
 fortasse non processisset huc tumultus. *Anglus* ille Epi-
 scopus, quo non alius in ea gente vel eruditior vir,
 vel Præsul sanctior, sic te deamat, ut non ferat à quo-
 quam laudari te parcius. Habet in animo visere te æ-
 state proxima. Bene vale, *Capsion* charissime. *Colonia*
 8. Novemb. Anno 1520.

EPISTOLA DXLII.

Conr. Pentingero, Casareo Consiliario, Erasmus S.

SCIEBAM tibi non esse vacuum tempus legendis
 quorumlibet literis, vir eximie, nec mihi multo
 plus ocii fuit ad scribendum, tamen huc impulit me
Joannes Faber, Theologus ex Ordine *Dominicali*, quem
 equidem, quo propius contemplatus sum, hoc magis
 experior esse virum longe dissimilem quibusdam ejus-
 dem sodalitiis: nam præter eruditionem solidam, præ-
 ter morum integritatem, atque etiam comitatem, com-
 peri non mediocriter valere & judicio, & consilio. Fre-
 quenter inter nos commentati sumus de ratione com-
 ponendæ hujus *Lutherana* Tragediæ, sine magno or-
 bis tumultu. Quem enim bene volentem rebus huma-
 nis non commoveat hoc fabulæ exordium, cui nisi
 prospectum fuerit, periculum sit, ne in Catastrophen
 exeat *Christiana* religioni periculossissima. Ex leviori-
 bus initiis sæpe nata sunt horrenda mundi diffidia. Ac,
 mea sententia, hic quoque verum est, quod scripsit
Marcus Tullius, *Pacem vel iniquam, bello aequissimo po-
 tiorem esse*. Ac jam nunc fabula longius progressa est,
 quam velim, & tamen adhuc opinor malum esse me-
 dicabile, certe sanabilius est, quam si quibus coepit
 auctibus longius etiam provehatur. Sic autem sanari
 cupiam, ne malum ad tempus suppressum, post ma-
 jore cum discrimine recrudescat, quod solet usu veni-
 re medicis, qui potionem propellunt febrem, non ante
 purgatis venis, unde febris scatet, aut qui cicatrice
 obducunt vulnus, nondum satis educto pure. Quibus-
 dam videtur optimum factu, ut res omnis sævitia coer-
 ceatur, à quibus nec *Faber* admodum dissentit, nisi
 metueret, ne parum feliciter cedat austeritas. Ait non
 satis esse fortiter huc tendere, quo vocat animi volun-
 tas, plurima circumspectiunda sunt. Primum ut sic con-
 sulatur dignitati & auctoritati *Romani* Pontificis, cui
 merito favent omnes, ut *Christi* vicario summo, qui
Christum ex animo diligunt, ne quid jacturæ patiatur
 Evangelica veritas. Neque dubito, quin hoc animo
 sit

An. sit *Leo* noster, ut tum demum se gloriosum esse putet, si doctrinam Principis sui viderit ubique florere. Negat hoc tantum esse spectandum, quid mereatur *Lutherus*, aut si qui *Luthero* favent, sed quid conducatur publicæ orbis tranquillitati. Magni refert, qui manum admoveant huic malo, & quibus remediis curetur. Admiserunt enim sese huic negotio quidam, qui læva sedulitate malum exasperant, atque conduplicant, non tam Pontificis auctoritati, quam suis commodis consulentes. Breviter sic agunt, ut non minus lædant optimas literas ac linguas, quam *Lutherum*. Neque æquum est, ob *Lutheri* causam lædere innoxia, imo sanctissima studia, nec expedit sine causa plures in *Lutheri* negotium involvere. Addebat, esse perpendendum, quo fonte natus fuisset hic tumultus: nimirum ex odio bonarum literarum, quas nunc malitiosa versutia conantur admiscere *Lutherano* negotio, quo nimirum eodem telo conficiant utrosque, licet multum inter sese semotos. Ita fieri, ut multi sint infesti *Lutheri* oppugnantibus, non ob aliud, nisi quod iidem tendant huic cuniculis in bonas literas, atque hoc odio commoti nonnulli favent *Luthero*, qui non erant alioqui fautori. Ostendebat non sine magno dolore, quam paucis annis, quam late sese sparsisset hujus mali contagium. Sibi non ignotos esse *Germanorum* animos, qui ducantur citius, quam cogantur. Nec rem abfuturam à periculo, si nativa gentis ferocitas sævitia quorundam exasperetur. Videmus, inquit, hætenus pertinacem *Bohemiam*, & ab hac non admodum abhorrentes finitimas regiones. Sævitia sæpius hætenus tentatum est, neque quicquam promotum, diversis utendum remediis. Odium *Romani* nominis penitus infixum esse multarum gentium animis, opinor, ob ea quæ vulgo de moribus ejus urbis jactantur, & ob improbitatem quorundam, qui nonnunquam Pontificis negotium, non ex illius, sed ex suo gerunt animo, & sibi gerunt magis quam illi, quum nec Pontifici sit gerendum, nisi quatenus illius auctoritas servit *Christo*, gregique *Christiano*. Video rem hætenus multo aliter esse tractatam, quam viri prudentes putarint esse tractandam. *Lutherus* etiam si vera scripisset omnia, tamen eo modo scripsit, quasi veritati suum fructum inviderit. Contra qui se huic negotio transversim ingesserunt, sic gesserunt rem apud populum, ut etiam si causam habuissent optimam, tamen illi plurimum obfuerint sinistro patrocínio. Admonitus est *Lutherus*, ut stylum verteret & atrocitatem temperaret, scribit in dies, ut audio, sæviora. Admoniti sunt hi, ut moderatioribus rationibus rem agerent, quidam sic egerunt, ut cum *Luthero* colludere viderentur. Est autem genus hominum, mi *Pentinger*, quod publico malo faginatur, cuique rebus tranquillis male est. Hi nihil magis affectant, quam ut res mortalium sursum deorsum misceantur. Tum *ὁ δὲ διχομασὶν καὶ διδοικαὶδης πολεμαρχαί*. His placet sævis modis negotium hoc obrui magis quam finire, nec laborant quanto orbis malo, modo ipsorum bono: mea sententia nihil agetur in hac causa, si qui rem tractant, alium scopum sibi proponunt quam *Christi* gloriam. Saxum illud hinc atque hinc tundi potest, loco moveri non potest, cui inscriptum est illud mysticum elogium, *Novus Dominus qui sunt ipsius*. Quicquid à spiritu *Christi* proficiscitur, non potest humanis præfidiis opprimi, quantumvis prematur: quicquid humanis consiliis tentatur, temporarium est, quantumvis ardentibus studiis agatur, quantumvis operoso molimine ad perpetuitatem communiatur. Mei similium non est de Pontificum diplomatis judicare. Erant tamen, qui in Bulla, quam attulit nuncius Pontificius, mansuetudinem illam desiderarent, dignam eo, qui mitissime *Christi* vices primarias gerit in terris, dignam hujus *Leonis* ingenio, multo hætenus placidissimo, quod tamen ipsi non imputant, sed instigatoribus. Jam ut hac, inquit, sævitia maxime aboleantur libri *Lutherani*, ut ipse etiam tollatur è medio, metuedum est, ne malum exasperetur magis quam finiatur, & pro uno sublato exoriantur plures, donec res ad

A certamen & schisma deducatur. Breviter hæc tempestas insignem aliquem artificem desiderat, qui negotii cursum moderetur, ut nec fluctibus obruatur, nec illidatur vadoso littori, & ita, quod ajunt, devitet *Scyllam*, ne rapiatur in *Charybdim*; ita malum hoc amputet, ne qua possit excetra repullulascere. Censet igitur *Faber* noster, rei summam arbitris doctis, integris, & ob omni suspicione alienis delegandam, non quod *Romanus* Pont. sit cogendus in ordinem, & alieno subijciendus arbitrio, sed quod existimet illius pietatem, hoc sponte volentemque facturam, si cognorit ad publicam *Christiana* religionis tranquillitatem conducere. Sed hujus consilii viam ipse tibi copiosius exponet coram: quæ si probabitur, adjunges tuæ prudentiæ consilium, ut in *Wormacia* conventu statuatur aliquid, quod omnibus bonis approbetur. Quanquam non dubito quin hic *Joannes Faber* sit tibi pro suis meritis commendatissimus, tamen etiam atque etiam oro, ut tuo in illum studio, nonnihil etiam accedat ex mea commendatione. Non potes *Erasmus* alio officio magis devincire. Ubi nunc sunt, qui clamitant *Erasmus* parum æquum huic Ordini? Talis animus, talis eruditio, tales mores mihi vehementer placent, sub quocunque pallio. Bene vale. *Agrippina* 9. Novembr. Anno 1520.

EPISTOLA DXLIII.

Erasmus Rot. Jodoco Jona S. D.

VIR optime, epistolas in *Leum* scriptas, etiam si ille meretur acerbiora, supprimendas duxi, quum aliis de causis, tum ob hoc præcipue, ne illum poneremus in aliqua factione, quum eum nec adversarii nostri agnoscant. Venit huc *Hieronymus Aleander*, satis peritus trium linguarum, sed factus, ut apparet, ad hanc tragoediam. *Lovanii* primum aliquot *Lutheri* libros incendit, in ipso Cæsaris discessu, mox idem fecit *Leodii*, idem in crastinum parat *Colonia*. Mihi non levius succensent, quam ipsi *Luthero*, quod existiment me unum obistere, quo minus ubique totus *Lutherus* aboleatur, quum ego me multis de causis nunquam admiscuerim causæ *Lutherana*. Faveo bonis studiis, faveo veritati Evangelicæ: id vel tacitus faciam, si palam non licet. Dabit aliquando *Christus* tempora sereniora. Hæc paucis scripsi, mi *Jona*, ne nihil scriberem, quum sese offerret grammatophoros, quondam vestræ peregrinationis comes. *Gasparem Schallbum*, *Draconem*, *Hessum*, ac reliquos amicos jube salvere multum meis verbis. *Agrippina* 11. Novembris, Anno 1520.

EPISTOLA DXLIV.

Erasmus Rot. Joanni Oecolampadio S. D.

EPISTOLAM, sive libellum potius tuum nondum perlegi totum. Ad obsignatas literas mihi longe gratissimas tribus verbis respondebo, velut occupatissimus. Absit, mi frater, ut ego quenquam ab instituto sancto deterream, nedum te, qui jam per ætatem, & tibi notus es, & vitæ genus non ignorabas. Tum optabam ex animo, ut quod ageres feliciter succederet; nam literis tuis suspicabar tale quiddam tibi esse in animo, nunc gratulor succedere. O vere felicem & Evangelicam philosophiam, id serio meditari, ut animus omnibus hujus mundi cupiditatibus defæcatus, expeditus ac liber hinc avolet, evocante *Christo*. De *Phariseis* bona verba. Hos denotabam, qui nunc prætextu religionis oppugnant veram religionem, & nobis miris technis odiose faceffunt negotium, quorum tædio liberet vel in solitudinem aliquam demigrare si liceat, & omnino facerem, ni me corpusculi imbecillitas prohiberet. Proinde suspicionem istam prorsus ex animo rejice. Neque enim dubito, quin tua prudentia gregem purum & integrum delegerit. Metaphrasim tuam in *Ecclesiasten* recepi, sed nondum legi. Proximis

An. ximis literis scribam quid de ea sentiam. *Capito* totus
1520. est alicus, & succedit illi res, sed nonnihil vereor,
ne quid illū inescet hic mundus, si unquam alias,
perversissimus. Neque quicquam interea possumus ni-
si optare optima. Bene vale, frater in *Christo* charissi-
me! *Agrippina* 11. Novembris, Anno 1520.

EPISTOLA DXLV.

Erasmus Richarda Sbrulio suo S. D.

PARVM humanus videatur, qui succedat vel im-
modice amanti. Proinde non possum non ignosce-
re tuis carminibus, eruditissime *Sbruli*, sane quam ele-
ganter, sed nimis amanter de me mentientibus. Ne-
que dubio, quin carminum horum candori, animi
candor respondeat. Ingenii tui venam, non minus
sinceram quam felicem, ac benignam, primum ex eo
carmine perspexi, quod sic ex tempore lusum *Lovanii*
reliqueras. Jamque utriusque animus utrique notus e-
rat, quum neuter alteri de facie notus esset. Sed fami-
liaritas, quae mihi tecum intercessit *Agrippina*, non pa-
rum magnam accessionem adjunxit meae de te existi-
mationi, quum ea res fere soleat opinionis jacturam a-
liquam adducere. Sed heus tu, optime *Sbruli*, ama-
tuum *Erasmus* quantum voles immodice, modo præ-
dices parcius. Nosti verus illud Jurisconsultorum ada-
gium, *Nec omnia, nec passim, nec ab omnibus*. Ut
non est injucundum laudari a viro laudato, ita non ex-
pedit apud quosvis prædicare, quæ tuus in nos amor
suggerit animo tuo, ut ne dicam interim quod quæ-
dam in me non competunt. Minus nos gravat qui de-
trahit quod adest, quam qui tribuit quod non habemus.
Tu vero quoties amoris cestro percitus bonis lateribus
declamas, & omni genere armorum depugnas adversus
eos, qui minus *Erasmus* tribuunt, quam tua vellet in me
benevolentia, quæso, quid aliud efficis, quam ut illos
irrites ad pejus etiam de me prædicandum, & me de-
graves invidia, cujus nonnulla fortasse portio in te quo-
que derivetur? Ego jampridem ut obrectationibus as-
suevi, ita laudum gloriæque sum satur, ingenue pro-
fitemens me nihil scire, quod possum præsto. Si non asse-
quor quod conor, tamen in rebus honestis & arduis,
vel conatus laudi dari solet: si quid labor, sic me con-
solor, Homo sum, & hæc culpa cum nemine mihi non
communis est. Si quis me superat, gratulor publicæ
studiorum utilitati, neque mihi turpe duco, si cum
ipse multos præcurrerim, existat aliquis qui me vicif-
sim antevertat. Nec ideo pilo futurus sim doctior, si
me profitear omnia scire. Nec ob hoc sum indoctior,
si cum *Socrate* fatear me nihil omnino scire. Quan-
quam omnino quota cognitionis portio est omnis no-
stra scientia? Nam de mea nihil dicam. Ego meam
fabulam propemodum peregi. Superest ut addam,
Valete & plaudite. Gaudeo passim exoriri, qui meum
nomen, si quod tamen est meum nomen, sint obscu-
raturi. Omnibus his precor, ut res optime succedat,
sed tibi cumprimis, *Sbruli* candidissime, quem utinam
Cæsaris nostri benignitas inaureret. Bene vale. *Agrippi-
na* 13. Novembris, Anno 1520.

EPISTOLA DXLVI.

Erasmus Rot. Paulo Ritio S. D.

LIBELLVS tuus, eruditissime *Riti*, me paulo æquio-
rem reddidit negotio *Caballistico*: quanquam ante-
hac non eram admodum infensus, siquidem ignoscen-
dum arbitror, ut humanum vitium, si quisque faveat
iis studiis, in quibus & plurimum insumpsit temporis,
& se præcipue valere confidit. Cæterum istos quis
ferat, qui quicquid non intelligunt tam acerbis, tam-
que pertinacibus odiis persequuntur? Neque vero uno
nomine mihi placuit Opus. Eruditio, quæ tibi perpe-
tua est, hic mihi non potuit esse nova. Sed imprimis
arrisit candor ille & perspicuitas, quæ rem ita

A ponit ob oculos, ut cæco quoque possit esse conspi-
cua. Arrisit animus iste Gratiis & amicitiae natus, *Agrippina*
qui tanto studio tuetur hominis eruditissimi innocen-
tiam, adversus impudentissimos sycophantas. Arrisit
denique te, hoc est absoluto veroque philosopho,
digna moderatio: qua sic fortiter patrocinaris am-
co, ut à convitiis in adversarium temperes, magis re-
putans quid te, quam quid illo dignum esset. Nam
brevitati non perinde faveo, cum mihi licet occu-
patissimo perlectum Opus famem sui reliquerit. Be-
ne vale, doctissime *Riti*. *Agrippina*, Anno 1520.

EPISTOLA DXLVII.

Laurentio Campegio Card. Erasmus Rot. S. D.

DECRETVM erat hyemare *Roma*, cum aliis de
causis, tum ut locis nonnullis Pontificiae biblio-
thecæ præfidiis uterer, apud nos enim sacrorum Vo-
luminum *Græcorum* magna penuria. Nam *Aldina* offi-
cina nobis præter profanos Auctores adhuc non ita mul-
tum dedit. Sed hi crebri Regum congressus, à qui-
bus mea referebat non prorsum abesse, nos hic remo-
rati sunt. Itaque quod nunc non liquit, *Christo* faven-
te in proximum annum moliemur. Mihi libebit vel
totum hoc ætatis, quod superi volent superesse, *Ro-
ma* peragere: ubi bonis studiis non solum tranquillitas
est, verum etiam honos. Hæc regio tametsi mitescit
ingenium. Et habet antiqua barbaries pertinacissimos
suae factionis propugnatores. Ac mea sententia pecca-
tur utrinque. Qui favent melioribus studiis, malunt
ut hostes irrumpere, quam ut hospites paulatim in so-
cietatem & amicitiam coalescere, malunt veteres co-
lonos suis finibus depellere, quam commutatis utrin-
que bonis, utrisque consulere. Contra, qui sibi stul-
tissime persuaserunt se bonam estimationis suæ par-
tem amissuros apud populum, nisi funditus exstinxer-
int eas literas, quas ipsis nec didicisse contigit, nec
vacat discere, tam virulentis, tam stolidis conviciis in
eas debacchantur publice, privatim, etiam in sacris
concionibus: ut me pudeat recensere, quæ illos non
pudet apud promiscuam multitudinem designare, in
linguas, in bonas literas, quas tanti faciunt, tum o-
ptimi quique Principes, tum ipse *Leo* summus antistes
non religionis modo, sed & eorum studiorum, quibus
intelligit, *Christianam* philosophiam, vel illustrari,
vel propagari, vel constabiliri. Atque hæc agunt de-
votis animis conjurati, & quod est sceleratius, ad rem
exsecrandam abutentes sacris concionibus: quas magis
refert ad publicos mores puras esse, quam sacrosan-
ctam Synaxim. Siquidem hanc qui indigne tractat, uni
sibi perniciosus est. Cæterum qui loci auctoritate, qui
populi docilis credulitate, non ad *Christi* gloriam, sed
ad suos affectus abutitur, & multorum animos, divinæ
doctrinæ pabulum expectantes, fraudat & inficit suo
veneno, & sacrae concionis elevat auctoritatem. At
isti non contenti in optimas literas digna atque in-
digna dicere, sæpenumero non verentur è sacro sug-
gesto famam eorum incessere, quorum industria pu-
tant hæc studia provehi: inter quos cumprimis po-
nunt *Erasmus*, qui si negem me favere politioribus
literis, plane mentiar: sed tamen ita faveo, ut ve-
lim eas servire gloriæ *Christi*. Hujus fabulæ præci-
pui sunt actores quidam è sodalitate *S. Dominici*: qui
Ordo ut multos & olim habuit, & nunc, opinor,
habet viros eruditione pietateque præstantes: ita mi-
rum videri non debet, si in tot hominum millibus exsi-
stant illorum multum dissimiles. Hi adscitis sibi nonnul-
lis ex eorum grege, qui se nescio quare *Carmelitas* ap-
pellant, me sibi fingunt hostem, cum nemo magis fa-
veat veræ religioni. Veneror & exosculor *Christianam*
pietatem, in quocunque cultu, in quocunque pallio se-
se protulerit veris indicis, sive pullo, sive candido, sive
lineo, sive laneo, sive fusco, sive flavo. Quod si quando
per occasionem aliquid dicitur in vicia Monachorum,
Tom. III. Pp non

non magis æquum est eos commoveri, quam ordo sacerdotum commoveretur, quoties aliquis præscribens boni sacerdotis imaginem, ostendit quantum ab hac absit sacerdotum vulgus, aut Principes, quoties illorum vitia tanguntur. Atqui si cui ordini parcendum est, imprimis parcendum erat Sacerdotali, quem ipse *Christus* instituit, & cuius ipse pars fuit. Parcendum erat majestati Principum, quæ sæpius irritata, gravem perniciem excitat mortalibus. Atque ut in totum mihi placet, nullum omnino ordinem seditiosius lædere, ita nimium sibi tribui postulant, qui cum sibi nihil non permittant in alios, palam etiam ac publicitus mentientes in famam alienam, eaque vertentes in hæreses, aut certe odiosissime calumniantes, quæ nec intelligunt, non patiantur ordinem suum nominari, nisi cum honoris præfatione: & totus *Damianus* Ordo conjuret in eum, qui inter amiculos quærat sibi furto sublatam pecuniam, aut constupratam uxorem, ab ejus Ordinis sodali. Divus *Hieronymus* quot locis depingit vitia Monachorum ipse Monachus? Ut satyrico sale defricat Monachorum ac virginum vitam? & tamen huic non succenset *Paula*, non succenset *Eustochium*. Neque mihi tamen unquam sumptum, quod sibi sumit *Hieronymus*. Nullum ordinem incesso, nullius nomen perstringo, cum ipsi frequenter a meo nomine non temperent. Tantum locis aliquot demonstro, quibus in rebus sita sit vera religio: nec usquam attingo ea dedecora, quæ vulgo narrantur a multis, non sine pudore eorum qui vere favent illorum instituto. Hic igitur est fons ac seminarium hujus totius Tragediæ immedicabile odium linguarum, ac bonarum literarum. At subinde variantur scenæ, variantur histriones & personæ: sed tamen eadem agitur fabula. Hinc illa tempestas in *Joannem Reuchlinum*, & fidei defendendæ prætextus, cum revera nihil aliud quam uni stomacho vindicta peteretur. Cum res nondum satis ex animi sententia succederet, & prodissent, malis ut videretur avibus, scripta quædam *Martini Lutheri*, statim istis crevit animus, existimantibus sibi telum esse porrectum, quo simul & linguas, & literas poliores, & *Reuchlinum*, & *Erasmus* conficerent. Non dico hunc animum fuisse Theologis omnibus, sed hoc fuisse consilium primis illis hujus fabulæ auctoribus, vel illud testatur, quod aliquot ejus farine, mox passim velut ex composito dato signo, miris modis vociferari cœperunt in optima studia, *Lutherani* nominis, quod quam odiosissimum reddere conabantur, communi invidia degravantes, clamantes ex his literis nasci hæreses, schismata, Antichristos, quæ videmus plurimum & decoris & præsidii religioni nostræ contulisse: quod & *Brevibus* suis fatetur *Lea* summus Pontifex, & si literis suis non testaretur, tamen ipsa re testificatur, pullos magis ornans fortunis atque honoribus, quam viros harum literarum peritia præstantes. Porro cum me non fugeret, quorsum illi tenderent, nimirum ut res natura disjunctas uno fasce involverent, & dictis ac scriptis, privatim ac publice testatus sum, nihil esse commune *Reuchlini* cum causa *Lutheri*, nihil mihi cum utroque, nisi quod plusculum erat cum *Reuchlino*, qui cum mihi unum aut alterum intercesserat colloquium, & commune studium provehendi linguas ac bonas literas, & ex hujus libris olim nonnihil didici, cum *Lutherum* mihi, ne de facie quidem unquam sit notus, nec eo progressus sit in linguarum aut peritioris literaturæ peritia, ut hujus causa quicquam pertineat ad eorum studiorum fautores. Hæc opinor non ignorabant isti: sed quærebatur ansa, qua privatim odium suum possent ulcisci. Ea quoniam non data est, ægre ferunt: & nihil non comminiscuntur, quo me apud ignaros rei, vel in odium, vel in suspensionem adducant. Primum una aut altera præfatio *Lutheri* libris admixta, paulo *Lutimor*, satis erat illis argumenti, *Lutherum* mea opera adjutum fuisse in conscribendis suis libellis, in quibus ne apiculus quidem est meus. Quasi vero defint *Wittenberge*, qui possint *Latine* scribere: ne quid dicam de

reliqua *Germania*. Hic ipsi sciunt me nihil confingere, & multa silentio præterire, ne quos offendam animis irritabiles. Sub hæc prodiit epistola quædam ad *Lutherum* mea: mox altera ad Cardinalem *Moguntinum*, utraque typis excusa. Quæ quidem in re non quæo satis admirari consilium quorundam, qui statim evulgarunt, quod ego cæra obsignatum scripseram uni legendum. Unde mihi suspicio est id factum inimicorum opera, undique captantium unde possint lædere. Nam ea, quam scripseram Card. *Moguntino*; prius excusa circumferebatur vulgo, quam obsignata ad illius manus perveniret. Prior illa primum inter Episcopos & aulicos hic circumferebatur: quæ videlicet plane convinceret *Erasmum Lutherana* doctrinæ fautorem esse. Deinde *Romano* etiam Pontifici delatam ex *Hieronymi Aleandri* literis colloquioque cognovi: cum ea magis declararet me non favere scriptis *Lutheri*: nisi quis perperam interpretetur omnia. Ex universis *Lutheri* libris non perlegi duodecim pagellas, atque eas etiam carptim: & tamen ex his degustatis verius quam lectis, videbar mihi deprehendere dotes naturæ raras, & ingenium pulchre accommodum ad explicandum juxta veterem morem arcanas literas, ad suscitandum Evangelicæ doctrinæ scintillam: à qua & publici mores orbis, & scholæ nimium jam indulgentes argutis magis quam necessariis quæstiunculis, vehementer prolapsæ videbantur. Audiebam eximios viros probatæ doctrinæ probatæque religionis sibi gratolari, quod in hujus viri libros incidissent. Videbam ut quisque esset integerrimis moribus, & Evangelicæ puritati proximus, ita minime infensum *Luthera*. Porro vita prædicabatur, & ab iis, qui doctrinam non ferebant. Cæterum de spiritu viri, de quo solus Deus potest certo judicare, malui, sicut par est, in bonam partem esse propensus quam in malam. Postremo mundus veluti jam perterritus hujus doctrinæ nimium urgentis ad humanas vel commentatiunculas, vel constitutiunculas, sistere videbatur vivum illum, ac purissimum laticem ex Evangelicis & Apostolicis haustum venis. Ad hoc præstandum, mihi videbatur ille, & natura compositus, & accensus studio. Sic igitur favi *Luthera*, bonis illius favi, quæ in illo vel videbam, vel esse credebam. Imo non illi favi, sed gloriæ *Christi*. Et tamen in eodem videbam, quæ mihi nonnullam sollicitudinem ac suspitionem incuterent. Proinde cum ille me suis literis ultro provocaret, statim arrepta occasione, diligenter admonui, quid ab illo vitari vellem, ut correctum ac purgatum illius ingenium, magno cum fructu, magnæque cum gloria simul ac lucro *Christi*, instauraret nobis Philosophiam Evangelicam jam pene frigescentem. Quod si præstitisset, non dubitarem fore, quin hujus propositi *Luannem* ipsum haberet in primis fautorem, cui nihil arbitror esse antiquius, quam *Christi*, cujus vices interim gerit, gloriam, & gregis concrediti salutem. Vide, quælo, an hæc sit epistola, *Luthero* faventis: si quid ille scripsit adversus doctrinam aut pietatem *Christianam*. Quoniam in illius scriptis mox offenderat nescio quid sævum & austerum, nec satis refovens mansuetudinem spiritus Evangelici, admonui ut ad exemplum *Christi* & Apostolorum cum omni mansuetudine doceret ea, quæ ad veram pietatem attinent. Id quo majore cum fructu posset, admonui ut parceret *Romano* Pontifici: cujus auctoritatem expedit haberi sacrosanctam, parceret Principum celsitudini, qui conviciis attracti, aut intempestivius admoniti, non solum non redduntur meliores, sed exacerbati perniciosas aliquoties excitant tempestates, sitque ut & monitori sua pereat auctoritas, interrim & vita, & monito suus fructus. Siquidem ut veritati nunquam fas est adversari, ita celare nonnunquam expedit in loco. Semper autem plurimum refert, quam in tempore, quam commode & attemperate eam proferas. Quædam inter se latentur Theologi, quæ vulgo non expediat efferri. Et sæpe sanar admonitio tempestiva, blanda ac civilis, quos perderet sæva & intempestiva objurgatio. Non enim hic adducam, quod *Blasius* perpexisse videtur, multitudinem pro-

An. miscuam, & imperitam, non posse contineri in officio, nisi nonnunquam fucō doloque bono fallatur. Sed ea res ut virum integrum desiderat, ita desiderat egregie prudentem. Admonui, ne scholas aut ordines omnino contemneret, sed civiliter admoneret, quid mutari vellet: ut in his, quæ longo usu magis, quam recto iudicio recepta sunt, densis ac solidis argumentis uteretur potius, quam asseverationibus. Et quoniam non ignorabam ingenium *Germanicum*, neque nescirem cum quorundam scriptis immodice mordacibus irritari, admonui, ne conviciū convicio regeretur: sed aut in totum negligeret, aut argumentis responderet: à maledictis omnino temperaret. Ad hæc quoniam verebar ne tanta libertas exiret in tumultum, admonui, ne quid arroganter aut factiose vel diceret, vel faceret. Postremo excuteret animum ipse suum: de quo meum non esset iudicare, ne quid esset corruptus, ira, aut odio, aut inani gloria, quæ mediis etiam pietatis officiis solet insidiari. Quod qui his obnoxius esset affectibus, non videatur idoneus præco Philosophiæ *Christiane*. Obsecro, quid hic omisum est, de quo fuerat admonendus *Lutherus*? Hæc cum sincero & amico scripserim animo: tamen non defuerunt apud *Germanos*, qui hanc epistolam *Luthero* impingerent, velut illius doctrinæ fugillatricem, quam altera pars calumniatur ut à fautore scriptam. At quosdam hoc ipsum male habebat, quod homini responderim. Quasi vero mihi vitio vertendum sit, etiam si *Sultani* literis provocatus, illi respondissem: præsertim cum ille nihil de suis dogmatis mihi communicaret. Alios male habebat; quod tam civiliter respondissem. Sed isti non animadvertunt, quam suo quisque ingenio blandiatur, quam amara per se res sit admoneri. *Lutherus* mihi nec de facie notus erat, ut nec adhuc est, librorum illius nihil attigeram præter paucas pagellas. Res nondum erat progressa in hanc contentionem: tantum à paucis reclamabatur, quos omnes suspicabantur suum agere negotium. Flagitabatur disputatio, flagitabantur iudices. Et qua fronte ego primum ignotus, deinde nulla præditi auctoritate, deinde nimis quam tenuiter doctus, sumpsissem in illum supercilium censorium: aut quæ spes fuisset illum laturum me, aut qui fructus expectari poterat, nisi ut hominis styllum tandem in me acuerem objurgando? Hoc ipsum parum civile, ultro admonere non consulentem. Nec eram ignarus quanto plus soleamus proficere civili blandaque admonitione, quam objurgatione sæva. Non mihi sumo tantum ingenii, tantum eruditionis, ut ausim de aliena fide pronunciare, ni plane quis repugnet articulis receptissimis. Quid alii sibi sumant, ipsi viderint. Sunt qui me negent aliud esse quam Grammaticum. An ego nihil aliud sim, in præsentia non disputo: illud extra controversiam est, illos aliud esse. Sed ad rem. An isti tulissent Grammaticum de hæresi pronunciantem? Quod si maxime superisset eruditio, non possem illius libros refellere, nisi semel atque iterum perlectos, nisi excussis locis auctorum, unde hauserat sua dogmata. Et hausit pleraque ex Veteribus, quos si nominatim ubique citasset, bonam invidiæ partem defugisset. At mihi vix erat otium mea legendi, & si quid oculi superesset, malim, ut ingenuè dicam, Veteribus evolvendis impendere. Jam cum & eruditi multi, & scholæ etiam hanc provinciam sibi capefferent refellendi *Lutherum*, quæ fuisset impudentia, memet ingerere transversum, aliisque & iudicandi auctoritatem, & victoriæ gloriam præripere? Cæterum, quos illud offendit, quod post præscriptam docendi formam adjeci, *Hæc non admoneo, ut facias, sed ut quod facis, perpetuo facias*, mihi videntur admodum imperiti rhetoricæ civilitatis, qua mitigare soleamus admonitionis austeritatem. Quis enim non novit hæc schemata? Sed ego jamdudum memorem moneo, doctum doceo, & sus *Minervam*. Nimirum jam imaginabar illum sua sponte facere, quod ab illo fieri volebam. Alioqui si nihil in eo displicuisset, stultum erat tot verbis aliam scribendi formam præscribere. Et isti

A sic interpretantur: Scribe seditiose, scribe hæretice. Et tamen si maxime talis fuisset *Lutherus*, ne potuit quidem hoc dictum aliter intelligi, quam juxta formam præscriptam. Jam & illud perversè interpretantur, quod addiderim, & hic & apud *Anglos* non paucos esse, qui libris illius faverent, quasi voluerim illum animare ad audaciam: cum potius hoc egerim, ut illum hortarer ad moderatius circumspectiusque scribendum, quo magis satisfaceret bonorum virorum iudicio, & ea scriberet, eaque moderatione scriberet, quæ piorum & eruditorum favorem perpetuum mererentur. Sic athletic propositis favoribus addimus animum, non ut negligentius certent, sed ut bonorum favori respondeant.

B Nec interim satis animadvertunt quidam, quod in eadem epistola tractem duplex argumentum, alterum de clamoribus in bonas literas, & harum professores, alterum de vociferationibus in *Lutherum*. In priore prorsus ac palam ab illis dissentio; in posteriore me nec iudicem facio, nec adversarium, nec patronum, tantum admoneo quid velim à *Luthero* vitari. Jam in epistola ad *Cardin. Moguntinum* quid aliud ago quam ne per vim opprimatur, causa non cognita: ne ea fenestra aperiretur quibusdam dampnandi, quod non refellunt, & haud scio an etiam intelligant? Et tamen in eadem ingenue fateor, mihi quædam in *Luthero* displicere. Hactenus favebam *Luthero*, ut nollem illum dedi quorundam libidini, qui quovis prætextu tendebant ad subvertendas bonas literas: sed tamen non ita favebam, quin divinorum Voluminum testimoniis revinci, quin argumentis refelli vellem, si refelli mereretur. Generosa ingenia doceri cupiunt, cogi non ferunt. Docere Theologorum est, cogere tantum tyrannorum est. Ita favebam *Luthero*, ut corrigi mallet, quam perdi; revocari, quam extinguere, si quid erraret. Et errant quotquot hactenus scripserunt, si modo Canonice Scripturas excipias. Hoc animo puto & hodie Theologos omnes probos favere *Luthero*. Imo hoc animo video & ipsum esse *Leonem Pont. Maximum*. Amavit libros & ingenium *Tertulliani Cypriani*, in dogmatibus non consensit. Amavit *Origenis* ingenium *Hieronymus*, à damnatis opinionibus abstinuit. *Tychonis* libris & ingenio videtur delectatus *Augustinus*, procul interim abhorrens ab illius factione. Nec tamen hæc velim esse fraudi *Luthero*. Ego de illo in neutram partem pronuncio, suos habet iudices. Ut mea laudatio nihil illum sublevaret: ita nolim illum gravari, si quid secus de illo sentio. Tantum ostendere volui, quantum absum ab eo quod mihi impingunt. Primus illius libellos suspectos habui, ne quid tumultus gignerent. Primus obstiti, ne *Basilea* cuderentur, & obstiti non leviter, primum oratione minisque præfens, mox absens literis. Et crebro & diligenter admonui, nunc per literas, nunc per amicos, quid ab illo vitari vellem, idque feci tanta libertate, ut amicorum epistolis admonerer, ne talia passim loquens qualia scriberem, plurimorum *Germanorum* animos à me alienarem: cum horum nihil facerent Theologi, qui se credebant fortiter adversari *Luthero*. Nemo fraterne monebat hominem, nemo deterrebat, nemo docebat, nemo refellebat. Tantum vociferabantur, exortum novum hæreticum, qui doceret, non esse necesse confiteri omnia commissa capitalia. Mox venturum *Antichristum*. De causa nunquam pronunciaui, modum impetendi duntaxat improbabam, ut præproperum, ut indecorum, ut inclementem, ut inutilem.

F An continuo favet parricidio, qui nolit parricidii reum damnari, nisi cognita causa? An hosti favet, qui monet quo pacto possit hostis opprimi minimo dispendio militum, imo qui monet tentandum, an hostis sine *Martis* alea possit ad deditionem adigi? Si bene consulit Republicæ qui mavult hostem servari quam perimi, qua fronte reprehendunt, qui idem velit à Theologis fieri? Et hæc loquor, fingens interim quod mihi non constabat, *Lutherum* erroris esse magistrum. Et tamen sic admonui, quid mihi videre-

An. 1520. tur optimum factu, ut nihilo fecius liberum aliis facerem, suo uti consilio, si magis probaretur. Videbam hoc ulcus non sine periculo tangi apud plebem promiscuam, in qua plurimi sunt, quos onus confitendi male habet, nullum libentius excussuros, si sensissent Theologum, ac probatæ vitæ virum, in hac esse sententia. Et tamen incertum est etiamnum, an in scriptis suis hoc senserit *Lutherus*. Deinde quid aliud quam nobilitabant ejus libros ejusmodi clamoribus, ante perpaucis notos, & eos irritabant ad legendum, qui nunquam alioqui fuerant lecturi? magna cum utilitate bibliopolarum: qui tanto feliciter distrahebant suos codices, quanto isti vociferabantur impotentius. Atque interim nec populum docebant, nec *Lutherum*. Unde doctoris titulo gloriabantur, nisi ut doceant? Qualis qualis erat *Lutherus*, certe humanius erat sanare, quam extinguere. Olim pro convictis etiam maleficis intercedebat Episcoporum auctoritas. Tantum abesse debent ecclesiastici viri à perdendi libidine. *Augustinus* pro *Donatistis*, qui haud scio, perniciosiores ne fuerint hæretici, an sæviores latrones, quos sciebat insidiari suo capiti, apud Imperiales præfectos intercedebat, ne faviretur in illorum corpora. Nimirum vir optimus eos resipiscere cupiebat, perire nolebat. Superesse volebat, qui possent resipiscere, & superesse volebat etiam suo periculo. Olim audiebatur hæreticus, etiam cum reverentia, id quod ex *Augustini* libris palam est, & tamen tum temporis hæretici convicti, & in errore persistentis, poena nihil aliud erat, quam semotio à communione orthodoxorum. Nunc nulla proscriptio sævior est, quam hæresis crimen. Et tamen nihil facilius habent in ore isti, nescio qui, qui munus Episcoporum sibi vendicant, quorum aliquot scio his esse moribus, ut mihi ne pilo quidem viderer melior, si sua sententia me pronuntiarent orthodoxum, ut ingenue quod sentio dicam. Laudatur sapientum quorundam consilium, qui sceleratissimis etiam ignosci cupiebant, quod negarent perpendendum quid illis esset dignum, quorum factis nullum satis dignum supplicium excogitari poterat, sed quid postulare dignitas *Romani* nominis, quid suaderet utilitas publica. *Paulus* ubique parcat pseudapostolis, ne provocati gravius etiam læderent teneram adhuc, ac recentem Evangelicam doctrinam. Quanto minus conveniebat sic illico sævire in eum, cujus vita prædicabatur ab omnibus, cujus scriptis tot egregii proceres, tot eruditi, tot pii delectabantur? Quod si *Lutherus* talis fuisset, qualem illi videri volebant, nullum poterat dari consilium, quod magis & gravaret illum, & Theologorum victoriam illustraret. Illi totum *Lutherum* cupiebant extinctum. Quod si hominis vel error, vel pertinacia merebatur extrema remedia, quæ tandem tentatis omnibus adhiberi solent membris deploratis, nimirum hac ratione totus *Lutherus* aboleri poterat, si prius exemptus fuisset ex animis hominum, mox etiam è bibliothecis, idque citra tumultum orbis *Christiani*. Ex animis eximi poterat, si dogmata illius solidis argumentis, ac divinæ Scripturæ testimoniis refellissent ii, quos & eruditio non vulgaris commendabat, quosque spectata vitæ integritas vindicabat à suspitione corruptelæ. Gravis est, ut esse debet, apud omnes *Christianos Romani* Pontificis auctoritas, sed ea quo plus habet ponderis, hoc magis circumspiciendum, ne privatis affectibus quorundam nimis indulgeat, hoc minus illi sunt contemnenda doctorum ac piorum hominum tacita judicia. Siquidem illud non verebor in genere dicere, nullos magis officere Pontificiæ dignitati, quam qui illi vel stulte favent, vel corrupte. Quis enim nescit *Romano* Pontifici esse, quo vel perdat, vel terreat quos velit? Sed quod unquam fuit Imperium tam instructum, quod solus metus reddiderit diuturnum? Ipse Deus amari quoque voluit, non solum timeri. Proinde, ut dicere coeperam, quo gravior est ac latius patens Pontificis auctoritas, quo res est atrocior, hoc erat mea sententia lentius ac mo-

deratius agendam. Hoc si solus fuisset, non eram, An. opinor, reprehendendus. Nunc hac in parte video mecum sentire, si qui sunt cordati, non hic solum, verum etiam *Roma*, non tantum apud profanos, verum etiam apud Theologos, atque adeo apud ipsos *Dominicales*. Ex his, quibus damnatus *Lutherus* placet, sic damnatus non placet. Non enim hic excutiam quales sint, per quos potissimum agitur hoc negotium, non referam pro damnatis *Lutheri* dogmatis, qualia nobis inferant, fortassis ut nunc sunt res mortalium, longe tutiora, sed si quis pietatis Evangelicæ negotium spectet, non paulo perniciosiora, quæ nec ii ferunt Theologi, qui alioqui *Lutherum* omni machinarum genere adorantur. Hoc igitur meum consilium hætenus modo favit *Luthero*, ne præter meritum, ne præter jus, ne per tumultum, ne magno orbis tumultu opprimeretur. At multo magis favere videbatur dignitati *Romani* Pontificis, auctoritati ordinis Theologici: cujus & judicia oportet esse gravissima, & mores quam maxime sedatos, & ab omni suspitione stultitiæ, invidentiæ, avaritiæ, ambitionis, odii, adulationis, cæterarumque cupiditatum, quæ nobis iudicium adiungunt, remotos. Ut nemo minus favet *Romano* Pontifici, quam qui favet imprudenter, qui favet corrupte: ita nemo magis officit nomini Theologico, quam qui hoc agunt, ut Theologos faciant, vel adulatores, vel tyrannos. *Moses* non dubitavit sequi consilium *Isidoro* loceri, & mihi pro fideli consilio indignantur, cui tamen per me liberum erat non parere. Si verum audire cupimus, sit cuique liberum suam dicere sententiam, sit venia vel male consulenti, modo id fiat animo sedulo. Quod si huic præmium est mitra, illi magnum malum, quæ spes est, cognoscendæ veritatis? Ex tot Academiis dux duntaxat damnarant aliquot *Lutheri* paradoxa. Nec hæ prorsus inter se consentiunt, imo nec alterius Theologi inter sese prorsus consentiunt. Expectabatur sententia *Parisiensis* Academiæ, quæ semper in re Theologica non aliter principem tenuit locum, quam *Romana* Sedes *Christiana* religionis principatum. Cum hujus expectaretur iudicium, an mihi fraudi esse oportuit, etiam si favissem quibusdam *Lutheri* dogmatibus? Nunc nihil unquam illius tutatus sum, etiam cum liceret, tantum illorum præcipitatum ac tumultuosum iudicium improbavi, qui displicuerunt & iis, qui *Luthero* adversabantur. O novum *Lutheranum*! primus *Lutheri* libros hætenus certe damnavi, quod viderentur spectare tumultum, à quo ego semper & constanter abhorruì, primus obstiti, ne lucubrationes illius ederentur, pene solus omnium illius libros non legi, solus nihil unquam illius sum conatus defendere, ne inter pocula quidem, ubi quod effunditur, in vino scribi solet. Semper hortatus sum, ut qui possent, disputarent adversus *Lutherum*, scriberent adversus *Lutherum*. Id ubi *Levani* coeptum est, constanti vultu probavi, quod utinam non fecissent præpostere. Exiit earum Academiarum præjudicium adversus *Lutherum*. Prodiit Bulla terrificæ *Romani* Pontificis titulo. Exusti sunt codices. Clamatum est apud populum. Res odiosius agi vix potuit. Bulla visa est omnibus inclementior, quam pro lenitate *Leonis* nostri, & tamen hujus sævitie non parum additum est ab his, qui rem exsecrabantur. Nullus interim vidit *Erasmum*, aut inquietum, aut solito tristiorum. Quæ *Sylvester Prieras* scripserat adversus *Lutherum*, à nemine hætenus audivi probari, vel ex eorum numero, quibus *Lutherus* est invisissimus. *Augustinus* Minorita minus etiam placuit quam *Sylvester*. De *Thoma Rodagino*, quoniam degustavi duntaxat, nihil interea dicam. Unus erat *Levani* vir, Scholasticæ Theologiæ non vulgariter eruditus, nec veteris illius rudis, nomine *Joannes Turenholm*, is publice multis diebus disputavit adversus aliquot axiomata *Lutheri*, & disputavit ut Theologum decuit absque conviciis. Idem scripsit super hoc argumento libellum, nec dubito quin ea moderatione scripserit, qua disputavit. Nemo vehementius adniscus est, ut is libellus publi-

Ab. blicaretur, quam ego. Hæc nimirum ageret, qui *Lutherus*? aut quid ab illo sperem præmiorum, ut ab eo stare velim adversus doctrinam Evangelicam? aut adversus Ecclesiam Romanam, quam opinor à Catholica non dissentire? aut adversus Pontificem Romanum totius Ecclesiæ Principem, qui nec Episcopo meo peculiari velim adversari? Non sum tam impius, ut dissentiam ab Ecclesia Catholica, non sum tam ingratus, ut dissentiam à Leone, cujus & favorem, & indulgentiam in me non vulgarem sum expertus. Postremo non sum tam imprudens, ut obstitam ei, cui nec Regibus tutum est obistere, etiam si illius causa mihi parum probaretur, præsertim cum nulla spes esset boni fructus. Si corrupti mores Romana curiæ postulant ingens aliquod ac præsens remedium, certe meum aut mei similium non est hanc provinciam sibi sumere. Malo hunc, qualis qualis est, rerum humanarum statum, quam novos excitari tumultus, qui sæpenumero vergunt in diversum, atque putabatur. Qui mare admittunt in novas lacunas, sæpe falluntur, quod semel admissum, non ea fertur, qua destinaret admissor, sed quo lubuit proripit sese, magno malo finitimorum. Ego sciens nec fui nec ero magister erroris, nec ullius tumultus vel dux, vel comes sum futurus. Affectent alii martyrium, ego me non arbitror hoc honore dignum. Scio me quibusdam invisum, non quod *Lutheranum* sum, nam hoc ipsum indignantur, quod *Lutheranum* non sum, sed iis qui nullis placent nisi stultis mulierculis, idiotis, & superstitionis. Nec prorsus aliis displicet *Erasmus* nisi quibus displicent bonæ literæ, & Evangelica veritas, hoc est, quos alit, ac ditat populi stultitia. Hæc pluribus ad te scripsi, ut si qui forte sunt isthic, qui me vocant in suspensionem, ne quid commovearis istorum calumniis, illud certissimum habens, ac persuasissimum, *Erasmum* & fuisse semper, & semper futurum Romana Sedis, cui scio me multis nominibus obligatissimum, cum primis studiosum, habiturum pro adversario quisquis illi adversatur. Atque utinam *Germani* maluissent prudentem aliquam rationem excogitare, negotium hoc *Lutheranum*, & ex dignitate *Romani* Pontificis, & ex publica tranquillitate, componendi, quam procacibus ac seditiosis libellis, ulcus hoc per se satis atrox exasperare. Multorum gravium ac prudentum judicio, videbatur res feliciorum exitum habitura, si per graves, doctos ac sedatos viros majore moderatione, minore sævitia, fuisset acta, hoc est, si *Leo* Papa maluisset hac in re suam sequi naturam, quam aliorum affectibus indulgere. Sed ut cunque res coepta est, precor, ut *Christus* Optimus Maximus det exitum felicem omnibus, ipsi gloriosum, *Leoni* splendidum & honorificum, cujus gloriæ pro mea virili nunquam sum defuturus, si quid tamen hæc valebunt literæ. Bene vale. *Lovanio* 6. Decembris, Anno 1520.

EPISTOLA DXLVIII.

Erasmus Rot. Christophoro Hegendorfino Lipsio S. D.

TAM ego absūm ab *Ulyssæ*, quem me facis in literis tuis, quam tu procul abes à *Thersite*, cui te confers. Doctrinæ laudem, quam ad invidiam usque mihi tribuitis, toties jam frustra deprecor. Humanitatis & candoris laudem libens agnoscerem, si per occupationes & fortunæ malignitatem tantundem præstare possem, quantum cupio. Eruditione volens cedo quibuslibet, humanitatis officiis quod superior nonnunquam, necessitas est in causa, non natura. Si *Philippus Melanchthon* duxit uxorem, quid superest, nisi ut illi bene ominemur? quando quod factum est, rescindi non potest. Quorsum igitur attinet nunc amicorum colligere sententias? Quod isthic agit *Eckius*, hoc hic quidam agunt majoribus etiam studiis. Sed hujus fabulæ semper decreveram esse spectator, sic, ut nec, si bene cesserit, mihi laudis aliquid postulem, nec, si secus,

A reprehendi possim, fata viam invenient. Cæterum, quod in *Eckium* schedis affixis ludunt, multis modis mihi displicet. Primum, exemplum periculosum est, quod in quemvis illico possit recidere. Deinde quid stultius, quam eos provocare, quos non possis coercere? Postremo quid minus decorum *Germanis*, quibus præcipuam laudem olim peperit bellica virtus, quam anonymis libellis pugnare, quorum interim suspicio multos gravat innocentes, cum adversariorum causam reddant etiam meliorem. Ut armis rem gerere, nisi cum urget necessitas, non est mei consilii: ita libellis pugnare, nimis ineptum, nec satis viris dignum iudico. Magis illud ad rem pertinebat, circumspicere rationem aliquam, qua sine tumultu totum hoc negotium possit componi. Nunc *Lutherus* eos provocat, qui etiam si malam causam haberent, quod ego non iudico, ne possint quidem opprimi. Et interim bonas literas degravat invidia, in quas crabrones hos immittit, vix tolerabiles, etiam cum res illis male succedunt. Quis autem feret gestientes victoria? Aut ego nihil video, aut alio tendunt quam ad *Lutherum*. Musarum aciem expugnatum properant. Non reculavero videri vanus, nisi res ipsa mihi fidem arroget. Bene vale. *Lovanio* 13. Decemb. Anno 1520.

EPISTOLA DXLIX.

Erasmus Rot. Augustino Scarpinello Neapolitano S. D.

TALE iter hostibus eveniat, quale mihi contigit huc revolanti. Qui venti, qui nimbi, quæ inundatio? Parum absuit quin in ipsis montibus naufragium fecerimus, nam equis erat navigandum. Equus famuli vix enatavit incolumis, nos enim alieno periculo maluimus sapere. *Aragonia* Regina jam progressa *Aquisgrano* sesquimilliarium, coacta est in urbem redire cum suis. Ego vir fortis turpe ducens, si velut victus redirem unde veneram, hospiti meo risui futurus, homini hominum qui vivunt humanissimo: is est *Leonardus Priccardus*, qui nullis precibus quiverat impetrare, ut eum diem adhuc darem amicis cupientissimis: pertendo quo coeperam. Quid enim conviciorum in me non dixisset ille, si quod tantus amicus, nec solus, quod dies Dominicus, qui ferias impetrat & ab agricolis, non impetrasset, ventus & imber extorsissent. Totum ferme iter equitavimus soli, latronem nullum vidimus, etiam si multos terrebant sævi rumores. Tu vero quid isthic rerum geris? Jamne satis *Germanice* spiras? Quomodo te beant æstuaria *Germanica*? O te felicem, qui in media bruma fruaris æstate! Sed quid tandem agit amasius tuus *Cicero*? Quæ spes habet te fore, ut ille totus aliquando reviviscat? Verum, etiam atque etiam vide, ne sic adames *Marcum Tullium*, ut cum *Hieronymo* flagris liventes scapulas referas. Rides somnium? at expertus ille somnium esse negat. Sed ego, mi *Augustine*, serio jam laudo studium tuum, qui totus in *Cicerone* verferis. Quod idem si fecissem, fortasse meliorem gratiam retulissent ingenia candidiora, quam nunc referunt quidam, quibus benefacere periculosissimum est. Brevi me reddam vestro contubernio, interim salutabis meis verbis mitissimum *Severum*, congeronem tuam, & insignem heroæ *Aloysium Maria-nam Tudensem* Episcopum. Bene vale. *Lovanio* 13. Decembr. Anno 1520.

EPISTOLA DL.

Francisco Craneveldio, Urbis Brugensis à consiliis, Erasmus Roterod. S. D.

NIMIRUM hoc est, quod vulgo dici solet, unica filiola mihi duos conciliavi generos. Agis mihi gratias, cujus opera tibi contigerit *Morus* tam candidus amicus. At ille mihi vicissim gratias agit, per quem contigerit nosse *Craneveldium*. Sciebam illico, quæ morum & ingeniorum est similitudo, nascituram

An. inter vos amicitiam, si modo uterque alteri innotuisset. Talium amicorum, ut est cum primis preciosa, ita rarissima est possessio, praesertim hisce temporibus, quo magis est propaganda, atque etiam tuenda. Commigravit isthuc *Petrus* cognomento Amicus, juvenis moribus ingenioque longe candidissimo. Complures annos egit cum *Agidio Buslidio*, cujus liberos instituit, cui non aliter charus fuit, ac filius, ob fidei vitaeque sinceritatem. Is nunc venatur fortunam aliquanto benigniorem, ac mea sententia dignus est amplissima. Est utriusque linguae pulchre peritus, ad hanc in Juris studio nec paucis annis, nec infelicitate versatus. Postremo notarius est haud malae fidei. Nihil addubito, quin ipsius dotes sint hominem abunde commendaturae. Sed tamen existimat se bonis omnibus commendabiliorem etiam fore, si vestro gregi adscribatur amicus. Equidem non recuso meum nomen rursus in tuo scribi diario, si quid officii collocaveris in hominem mihi charissimum: sed tamen arbitror fore, ut quemadmodum antehac, ita nunc quoque geminam ineam gratiam. Amici veteres hic non desinant esse sui similes, conspirant, mussant, oblatrant, minitantur: mihi imputant, quod *Lutheri* negotium non tam atrociter succedit quam vellent. *Carmelita Egmondanus* in sacris concionibus, in praedicationibus publicis, subinde me lapidat, atque interim ridetur etiam à suis *Carmelitis*: cum me citante comparuisset pridem apud Rectorem hujus Academiae, tantum conviciorum mendacissimorum congeffit in os meum, ut paratus fuerit me sacrilegum, aut parricidam, aut peculatorem, aut quidvis aliud facere, si illi venisset in buccam. Atque ita sibi vir fortis videbatur: Rectori, ac mihi, id quod erat, furiosus videbatur. O prodigiosam linguae petulantiam in Theologo, in Monacho, in sene! Ad primam hominis petulantiam coeperat mihi bilis moveri, sed mox magis libuit hominem ridere, quam refellere. Tandem huc evasit longa rixa, si vellem scriptis testari *Lovanii* probos & sinceros esse Theologos, si vellem *Lutherum* meo stylo confodere, tum nos fore fratres, non alia lege fore concordiam. Respondi, ut ipsi se potius praestarent, quales vellent haberi. De *Luthero* respondi, mihi non esse in animo nunc admisceri causae tam odiosae, cui me nunquam admiscuissem: nam quod mihi non placebat illum impeti clamoribus apud populum, sed potius libris editis esse refellendum, hoc consilium adversus *Lutherum* pro Theologis facere: sic enim totus poterat aboleri, si prius exemptus fuisset ex animis hominum, cum nunc libri tantum eximantur è bibliothecis, ipse maneat infixus animis. Plurimum habere ponderis Pontificum Bullas, sed apud eruditos viros longe plus valere libellum bonis argumentis, ac Scripturae divinae testimoniis, non cogentem, sed docentem: generosa ingenia facile duci ratione, non perinde cogi imperio. Nec enim hoc tantum esse spectandum quid mereatur *Lutherus*, sed qua ratione potissimum liceat huic mederi malo. Deinde non videri æquum, ut ego me ultro negotio admiscerem, cujus initium à me non esset natum: magis autem convenire, ut ipsi, qui fabulam hanc agere coepissent, peragerent, ipsi telam, quam essent orsi, absolverent, ipsi mortarium alliatum, quod intrivissent, exederent. Alioqui cur ego potius in *Lutherum* scribam, quam quivis alius? Quod si infanum sit omnes Theologos in unum scribere, & à paucis id praestari possit, maxime congruere, ut illi in eum scriberent, qui in illum disputassent, qui in concionibus illum proscidissent, qui suo praedicio prius illum condemnassent, quam summus ipse Pontifex. Nam si quid stylo valerem, nec solum valere me, nec hanc rem elegantia geri, sed eruditione, quam ipsi sibi potissimum vendicarent. Ad hæc crudele videri posse, me stylo confodere hominem, jam prostratum, fuscum, atque etiam exustum. Præterea nettutum quidem esse, irritare in caput meum hominem, nec edentulum, nec mutilum, & qui plane, quod libri

A testantur, foenum habeat in cornu: neque mihi confultum esse, tot Principum *Germanorum*, tot eruditorum hominum odia in me sine causa concitare. Quinetiam temerarium videri, si mihi provinciam fumerem, quam nemo cum auctoritate delegasset, praesertim cum videam tot Monachorum ordines, tot scholas malle spectare fabulam hanc, quam agere: fortassis ob id, quod addubitent, cujusmodi futurus sit exitus. Nec enim abest à periculo, ne catastrophe futura sit tumultuosa, ni res moderatioribus consiliis componatur: sed quicumque futurus sit exitus, precor ut cedat in gloriam *Christi*. Fortassis aliqui me dixerint avidum gloriae, qui bello confecto accurrissem, rerum ab aliis gestarum laudem mihi vendicaturus. Postremo me non esse usque adeo mihi ignotum, ut tenuis Theologus, vel magis Grammaticus, ut ipsi solent dicere, tam arduam provinciam mihi fumerem, quæ & summum Theologum, & auctoritate praeditum postulare. Neque enim libet suspicari, hoc agere quosdam animo non sincero, ut posteaquam scriptis in *Lutherum* libris *Germanorum* animos in me provocassent, hoc odio protinus in meum exitium abuterentur. Addebam hoc laboris mihi frustra sumi: quid enim momenti sit habiturum meum iudicium apud eos, quos duarum Academiarum sententia, quos summi Pontificis diploma non permoveret? Horum si nihil esset, tamen refelli non posse, quod non semel atque iterum à capite ad calcem usque perlegeris, *Lutherum πολυχέρον* esse. Porro mihi vix ocium esse meis ipsius libris recognoscendis. Suos potius ederent libellos, quos jam paratos haberent *Latomus* & *Tarenholtus*, utrique docti, alter etiam non prorsus infacundus. Tandem *Egmondanus* hoc erat futurus contentus, ut si nollem pugnare cum *Luthero*, saltem testarer illum esse victum à *Lovanienfibus*. Respondi, non deesse qui hoc praedicarent: mihi nondum satis liquere eum esse victum, priusquam prodierint illorum argumenta: neque enim speciosam esse victoriam, aut magnopere praedicabilem, praesertim Theologis, bullis & favillis vincere. Sic ab eo colloquio tantum non consputus discessi. Nunc nescio quomodo rursus irritati, videntur in hoc conspirasse, ut me concionibus suis conficiant. Cum essem *Caletia* in Regum congressu, *Dominicanus* quidam juvenis, sibi placens & confidens, *Phormionem* esse diceret, hebdomadas aliquot in me debacchatus est *Lovanii*, non aliter quam è plaustris lapidans me conviciis. *Morian* interpretabatur populo, juxta sensum Cacologicon. Tandem me dissimulante indictum est homini silentium, sed posteaquam quicquid libuit effutiverat. Nuper rursus coepit etiam atrocius, irritatus libello *Antibarbarorum*, quem non intelligit: rursus, iterum atque iterum tacere iussus nondum sibi temperat. Tandem nudiustertius alter quidam *Dominicanus*, reversus, ut ferunt, è *Gallicia*, prodiit in concionem, & nihil conviciorum non congeffit nominatim in *Erasmum*, tam petulanter, ut omnibus etiam laicis displiceret. Et, ô novam Theologorum lenitatem! hæc ferunt æquis animis, qui vocem unicam matæologi, oblique tortam in *Carmelitam Egmondanum*, magnis tragœdiis exagitarunt. Nemo non intelligit hæc fieri Theologis quibusdam partim conniventibus, partim etiam instigantibus. O telum Theologis dignum! Coram non expostulant, à tergo mordent, conspirant clanculum, per tales scurras suam agunt fabulam. *Nicolaus Egmondanus* cum publice auspicaretur Epistolas *Pauli*, admiscuit bellam facetiam, *Paulum* è sævissimo persecutore factum esse mansuetissimum Euangelii præconem. Ita precandum, inquit, ut *Lutherus* & *Erasmus* ab erroribus suis convertantur: quasi mihi plus esset negotii cum *Luthero*, quam sit ipsi *Egmondano*. Visum est hoc illis bellum sophisma, sed inter pocula natum, si *Lutherum* & *Erasmum* eodem iugo copulassent, perinde quasi taurum jungas damæ. Miraris fortasse jamdudum, cur te hisce neniis onerem. Sic lubitum est, cum amico mi-

scere

An. Scire fabulas, & quicquid est nugarum in tuum sanctum
 1520. effundere. Sed admiror cur Ordo, cui prae ceteris fa-
 veo, ac verius fortasse quam ipsi favet sibi, potissi-
 mum huiusmodi tragedias delectetur: quasi tot exci-
 tatis tumultibus, primum de conspectu disparat Vir-
 ginis, deinde *Florentia* per *Hieronymum Sacmarolam*,
 mox *Berna* per alios longe sceleratissimos, rursus in
Joannem Capnionem per *Jacobum Hegestratum*, & alios
 in Comitum *Neve aquila*, virum toti Germania cha-
 rissimum, non satis invidias sibi condant, nisi demum
 tam seditionis in me clamoribus magis etiam irritent in
 se odia bonorum omnium: nam probis displicet tanta
 petulantia, etiam iis, quibus fortasse non placet *Era-*
smus. Ac me fingunt hostem, a quo nunquam sunt lae-
 si, imo pro benefactis malam referunt gratiam. Quum
 saeviret in illos *Capnion*, unis atque alteris literis illum
 admonui, ne laderet Ordinem, sed in eum duntaxat sae-
 viret, a quo fuerat laesus. Rursus cum optimo iure
 offensus *Hermannus Neve aquila* Comes excluderet om-
 nes *Dominicanos* a colligendis casibus, diligenter egi
 cum illo per literas, ut sineret illos: atque ille, ut di-
 gnum est vere generoso excelsoque pectore, neglexit
 contumeliam, ac remisit vindictam, atque hanc gra-
 tiam nunc referunt mihi. Totum Ordinem existimant
 esse laesum, si quid dicatur in Monachos improbos,
 perinde quasi nulli sint improbi; cum illis potius de-
 buerint indignari, qui suis moribus dedecorant Ordi-
 nem: imo si quis describat formam boni Monachi, se
 notari putant: quod si iure faciunt, merito succense-
 bunt *Chrysostomo*, qui homilia quinquagesima & aliquot
 sequentibus, sic depingit ideam vitae monasticæ; ut
 nemini non multa succurrant, qui cum nostri tempo-
 ris Monachis habuerit commercium: *Fora*, inquit, fu-
 gientes, & civitates, & medios tumultus, in montibus vi-
 tam eligerunt, cum presenti commune nihil haberent, ni-
 hil sustinentem humanum, non secularem tristitiam, non
 dolorem, non curam, non pericula, non insidias, non in-
 vidiam, non zelotypiam, non absurdos amores, non aliud
 quicquam huiusmodi: deinde quum de vilitate victus
 ac vestitus, de laboris industria, de hospitalitate, de
 sacro studio, multa dixisset, mensæ quoque sermones
 depingit hunc in modum: *Es si vis*, inquit, *illorum*
discere mensam, accede propius, & cum experieris, talia
aromatizes: Omnia missa & jucunda, & spiritali odoris
suavitate plena, nullum turpe verbum illa possunt ora e-
 mittere, nihil scurrile, nihil asperum, sed omnia castis
 digna. Mox ubi virulentas prophanorum obrectatio-
 nes commemorasset *Chrysostomus*, subiecit: *Horum au-*
tem ora rivis comparanda sunt, melle manantibus & pu-
ra diffundentibus fluentia. Rursus homilia proxima: *Adi-*
gramus igitur ad illos, inde sciemus mensam apponi boni
innumerabilibus suavissimam, nunquam deficientem, a
solicitudine liberam, invidia, livore, & omnis pestis im-
munem, & bona spe refertam, & multa statuentem tro-
phæa: non est illic tumultus, non morbus, non ira, omnia
tranquillitas, omnia pax. Hæc illis sunt eradenda, nisi
 malunt sui esse dissimiles, at non hæc solum; verum
 omnia, quæ *Hieronymus*, quæ *Bernardus* de vera reli-
 gione prodidere scriptis. *Expedi*, inquit, *ut val-*
gus de Monachis optime sentiat: id verum est fortassis;
 si modo probi sint: sed magis expedit ut tales sint,
 quales haberi volunt. Alioqui magna perniciēs est, si
 sub prætextu religionis imponant orbi. Expedit ut de
 pastoribus suis bene sentiat populus, ut de Episcopis,
 de magistratibus: at in hos isti, quoties libuit, licen-
 tissime debacchantur. Verum de his jam nimis mul-
 ta. Si me audies, quam minimum te istiusmodi tra-
 gœdiis admiscebis. Bene vale, vir optime. *Lovanio*
 18. Decembris, Anno 1520.

EPISTOLA DLI.

Erasmus Rot. Thoma Bedello S. D.

DE Præfatis optimi in me studio, ut rem mihi lon-
 ge gratissimam, ita minime novam nuncias: sed

quod toties objurgas me, qui nihil ab illo petam, fa-
 cis inclementer, mi *Bedello*. Imò jam pridem oro, ut
 ingens aliquod sacerdotium conjiciat in caput meum.
 Non dubito quia ille sit huic corpusculo superstes fu-
 turus, sed tamen in rebus humanis certi nihil est. Ve-
 rum, ne nihil impudenter faciam, in præsentia cupe-
 nam mihi rursus numerari anni venturi pensionem, aut
 certe syngrapham mitti, per quam hic, aut apud *Ita-*
los recipiam. Adorno enim profectorem in proximam
Quadragesimam, sed æstivaturus *Basilea*, fortassis illinc
 repetiturus *Italiam*, nisi quid exstiterit in hoc Prin-
 cipum conventu, quod me remoretur. *Pantus* non ni-
 si semel lapidatus fuit, hic ego quotidie lapidor *Domi-*
nicanorum & *Carmelitarum* conviciis, idque & nomi-
 natim, & in publicis concionibus. Sed nihil aliud ef-
 ficiunt, nisi ut populus etiam intelligat, illos agitari
 malis furis. Archiepiscopo, unico *Macerati* meo,
 multam ex me salutem dicito, post hunc doctori *Wel-*
les, & humanissimo œconomo. Bene vale, mi *Pyla-*
das. *Lovanio* 31. Decembris; Anno 1520.

EPISTOLA DLII.

Erasmus Rot. Andrea Cnophæ, Sacerdoti optimo, S. D.

Ex tribus epistolis, quas ais te mihi scripsisse, duas
 duntaxat accepi. Primum nemo dabatur, per
 quem respondorem. Tandem *Colonia* offerebat se ne-
 scio quis: is cum semel atque iterum me frustra con-
 venisset, non reversus est, desperans opinor: nec ta-
 men id accidit mea culpa, sed nec oculi dabatur tan-
 tum, nec solitudinis. Atque ut ingenue dicam, quo-
 niam nihil videbam in tuis literis, quod magnopere
 flagitaret responsum, non eram rescripturus, nisi tu
 tot obtestationibus, tot obsecrationibus mecum age-
 res. Mentem istam tam piam, tamque avidum *Chri-*
stiana doctrinæ studium, vehementer exosculor: nam
 utrumque testatur epistola tua. Quæ quidem res hoc
 plus laudis meretur in te, quod hæc facis inter eos,
 qui, ut scribis, magis agunt negotium ventris quam
 mentis, ad hæc vicinus *Rutenis*, quos intonsos & im-
 pexos appellas, ob morum, opinor, cultusque barba-
 riam: ut enim recte dictum est, cum egregie probum
 esse oportet, qui *Athenis* probus esset: ita qui vicinus hæ-
 reticis, non defecit à fide Catholica, qui permixtus
 barbaris, gulæ ventrisque mancipiis, totus vivit ho-
 nestis studiis, nec ullo malorum contagio corrumpi-
 tur, is insigniter bonus sit oportet. Porro si ex me
 quæras consilium, nihil audies, nisi ut quod facis,
 strenue pergas. Nam ipsissimam viam mihi videris in-
 gressus, qua perveniat ad veram felicitatem: neque
 enim dubito, quin huc quoque pro virili contendas,
 ut quos possis ad tuos mores adducas. Atque adeo de-
 miror, cum multi sint ubique pastores, neminem ex-
 oriri, qui clementissimi pastoris exemplum imitetur,
 quem non piguit ob unam ovem erraticam, tantum
 malorum perpeti. Decimas qui petant, video permul-
 tos, qui sitiant animarum salutem, prope nullos. Hic
 Monachorum plena sunt omnia, ubi nihil est discrimi-
 nis, & messis ampla. Quin *Rutenos* magis adeunt, eos-
 que sua doctrina, suæque sanctimonia, revocant ad
 caulas Ecclesiæ? Hic fulciunt Ecclesiam, cui magis
 oneri sunt, quam usui. At ubi res poscit ingenue ger-
 maneque *Christianum*, qui pro lucro *Christi* subeat ca-
 pitis periculum, ibi nusquam apparent: ita dum suis
 quisque commodis studemus, negligitur populus *Chri-*
sti. Ac, prohi dolor! nostri mores partim in causa sunt,
 quo minus multi se conferant ad factionem nostram.
 Legunt Evangelicam & Apostolicam doctrinam, &
 vident ab hac vitam nostram longe lateque discrepare;
 non jam loquor de vulgo, quod tale fere est, quales
 sunt ii qui præfunt, sed de proceribus Ecclesiæ, de
 sacerdotibus ac Monachis. Bona pars servimus quæstui,
 aut ventri, aut gloriæ, aut tyrannidi. Fidei nomen
 prætextus tantum est. Hoc illos alienat, quos oportet
 bar mansuetudine, tolerantia, & officiis allicere: sed

Ab. tamen bona quædam spes habet animum meum, postea
 1520. quam video & isthic esse, qui sic flagrent amore do-
 ctrinæ Euangelicæ. *Paraphrases* absolvimus in omnes
 Epistolas, præter eam, quæ fertur ad *Hebræos*. Addi-
 dimus *Paraphrasim* in Epistolas *Petri* duas, *Juda* u-
 nam, & *Jacobi* unam. Brevi daturi quod superest E-
 pistolarum Apostolicarum: sic enim visum est amicis
 eruditis. Non displicuit carmen tuum, quo mihi be-
 ne precaris: at ego tibi vicissim absque carmine, sed
 sincerissimo pectore precor immortalitatem. Bene va-
 le, vir optime, meque tuis precibus *Christo* commen-
 da. *Louanio* 31. Decembris, Anno 1520.

EPISTOLA DLIII.

Thomas Morus Erasmo suo S. D.

TAMETSI mihi nunquam fuit obscurum, Erasme
 omnium dulcissime, quanto intervallo iudicium tuum
 antecellat meum: nunquam tamen illustrius inclamavit,
 quam in hoc consilio, quo tibi Leoque suavisimus, ut li-
 bellus ejus perpetuo premeretur: te censente contra, ut
 tum potius edere sineretur, dum expectabatur assidue,
 ut aliquando posset ea finire fabula, quam sopita fama
 paulisper, post exiret tamen, nova suscitata tragedia.
 Itaque perpulimus verius, quam persuasimus, ut in ea
 pacta concederes, qua quum tu te neges infregisse, *Leus*
 sancto sese servasse dejeret, interim tamen perpetuo fere
 rumpebantur: per virum vero, quando rex me tam pro-
 cul agente gerebatur, altero in alterum congerente rege-
 renteque vicissim omnia, certo dijudicare non possum: do-
 lere tantum cogor, illud consilium tantum apud utrum-
 que valuisse, ut pax iniretur, quod valiturnum non erat ut
 servaretur. Maluissim enim tum libellum editum, quum
 minus irritatis animis poterat edi mitius, quam ut nunc
 demum adanctis odiis emitteretur acerbior. Prodisit enim,
 sed amarior aliquanto quam vel sperassem, vel in rem
 fuisset studiosorum, in quibus desideratur ea modestia,
 quam vel idiotas invicem non præbere pudefceret. At ti-
 bi certe, mi Erasme, convenit, si causas, quas allegat, ha-
 buist, non mirari, si amarulentius affectum suum tam
 insigniter offensum effuderit: sinelusus est aliqua figura ve-
 ri, sic quoque convenit ignoscere. Neque enim nos quis-
 quam segnius credita movent quam cognita. Non es vel
 admonendus, opinor, vel hortandus, ut exhibeatur abs-
 te vere Christiana modestia, cujus labor in tota re uni
 desudat Christo, qui tibi solus ob oculos debet obversa-
 ri: a quo solidiorem tanto referes gratiam, quanto ma-
 gis hic referre mundus, neque ingratus curat, neque
 gratus potest. In cujus immensa commoda, quum tot in-
 commoda perpessus sis, quum tot laboribus valetudinem
 detriveris, ut bona promoveres studia, tamen apud in-
 vidios, eosque tibi propemodum uni debentes, quicquid
 habent literarum, si quid habent bonarum, mala pro bo-
 nis referas, eo similior es Christo, quem non aliter pos-
 sis imitari fidelius, quam si maledicta retalias benedix-
 sis, sicut incitasti benefactis. Vale, Erasme, animo meo cha-
 rissime. *Londino*, Anno 1520.

EPISTOLA DLIV.

Erasmus Rot. Thoma Moro S. D.

QVÆ tibi narrata sunt de concertatiuncula, quæ
 mihi fuit apud hujus Academiæ Rectorem, cum
Nicolao Egmondano, nec omnino vera sunt, neque ta-
 men nihil habent veri: sic enim solet rumor, & auge-
 re quod gestum est, & variare fabulas: neque vero
 mihi tam inimicus est, ut patiar illum mendaciis tra-
 duci. Rem igitur ut habet accipe. Quandoquidem
 video vobis isthic tantum esse ocii, ut quid hic in-
 eptiamus vacet cognoscere. Ubi literis exposulassim
 apud hujus Academiæ Rectorem, quod *Egmondanus* in
 concione nos perstrinxisset, rescripsit ille: Si placeret
 ipsum audire coram sua verba sonantem, fortasse rem
 posse componi. Respondi, me nihil detrectare, tametsi
 non essem nescius, ab illo *mundi vix* proditurum.

Convenimus, confedit Rector, huius ego dexter affe-
 di, sinister ille. Nec erat inanis ordo, noverat *Eg- 1520.*
mondani mores; ac de me sibi falso persuaserat cum
 esse, qui possem irritari: proinde medius confedit,
 quo pugnam dirimeret, si forte *λογομαχία* ad ungues
 ac pugnos efferveret. Rem igitur paucis exponit Re-
 ctor. Ibi composito ad miram, sed ridiculam gravitatem
 vultu, inquit *Egmondanus*. Ego nulli feci injuriam in
 sacris concionibus, si *Erasmus* se putat læsum, pro-
 ferat, sum illi responsurus. Rogabam, an putaret ullam
 atrociorē injuriam, quam hominem immerentem in
 publica concione traducere mendaciis: ibi continuo com-
 motus homo, & relicta quam oeperat persona, ma-
 gis etiam purpurascens, (nam rubebat & antea, erat e-
 nim tempus pomeridianum.) Et cur, inquit, tu nos
 traducis tuis sacris libris? In libris, inquam, meis nus-
 quam est nomen tuum. Nec in concionibus, inquit,
 meis auditum est nomen tuum. Negavi libros meos
 esse sacros, in quibus aliquando narrem etiam somnia
 mea, nihilque non nuger, non idem licere in sacris
 concionibus. Præterea longe minus, inquam, scripsi
 de te quam res habet. Tu de me publice mentitus es,
 dicens fuisse *Luthero*, cui nunquam favi in eum sen-
 sum, in quem tua dicta interpretatur populus, & ipse
 sentis. Ibi jam non commotus, sed furenti similis:
 Imo, inquit, tu es auctor horum omnium, tu es ver-
 sipellis ac veterator, & nihil non intorques cauda
 quadam. Atque his similia multa evomuit verius
 quam dixit, quæ illi tum suggerebat splendida bi-
 lis. Sensi & mihi concitari stomachum, jamque
 vox quædam eruperat, sermonis non satis temperati
 procemium, non quidem *racha*, sed aliud quiddam,
 quod pejus oleat quam sonat. Sed repressi me illi-
 co, fatius ducens, & meæ (nam parum valebam) &
 Rectoris parcere valetudini, cui & ipsi cum medicis
 reserat, postremo stultum & indecorum ratus adver-
 sus furentem furere: itaque subridens verti me ad Re-
 ctorem: Possem, inquam, testari de insigni contume-
 lia, possem regerere convicia: appellat me versipel-
 lem, liceret ipsum vicissim appellare vulpem: appel-
 lat me duplicem, possem ipsum appellare quadrupli-
 cem: ait me cauda contorquere omnia, possem dice-
 re illum lingua sua inficere omnia: sed hæc nec viris
 digna sunt, ac vix etiam mulieribus. Agamus argu-
 mentis, fingeme. Hic ille protinus interpellans magno
 clamore nautico: Non fingo, inquit, nolo fingere,
 hoc vestrum est, vos poetæ fingitis, ac mentimini
 omnia. Jam magis ridere libebat, quam indignari.
 Si fingere non vis, inquam, da igitur. Nolo, inquit,
 dare. Fac, inquam, ita esse. Non faciam, inquit. At
 pone ita esse, inquam. Non ponam, inquit. Sit igitur
 ita, inquam. At non est, inquit. Quid igitur, in-
 quam, vis me dicere: Dic, inquit, ita est. Vix Re-
 ctor impetravit, ut sineret me loqui. Ut verum sit,
 inquam, me in libris meis quædam scripsisse secus quam
 oportet, non tamen hoc erat tuum, ad animi tui vin-
 dictam abuti sacri loci, sacre concionis auctoritate, &
 populi simplicis credulitate. Poteras vicissim in me scri-
 bere, poteras me in jus vocare. Nunc non tam mihi fa-
 cis injuriam, quam toti huic Academiæ, quam toti po-
 pulo, quam sacre concioni, quæ longe aliis fabulis di-
 cata est. Hic quum deesset homini quod responderet,
 alio ut solet deflexit. *Ja*, inquit, optares tibi similem
 auctoritatem. Quam, inquam, concionandi? annuit.
 Atqui, inquam, & olim sum concionatus, & arbitror me
 posse meliora dicere, quam audio te aliquando proferen-
 tem. Quin igitur, inquit, facis? Quia puto me, inquam,
 majus operæ precium facere scribendis libris, tametsi
 tuam industriam non improbarem, si modo doceres ea
 quæ faciunt ad bonos mores. Ibi venit homini in men-
 tem, quod scripsissem in literis ad Rectorem (legerat e-
 nim) hæc mihi immerenti, imo bene merenti, indigne
 fieri. Ubi, inquit, tu bene mereris? Fatentur, inquam,
 hoc plurimi, me non male meritum de bonis literis. *Ja*,
 inquit, sic vos eas appellatis, sunt malæ literæ. Et in
 fa-

facris, inquam, Literis multa restitui. Imo, inquit, multa falsasti. Cur igitur, inquam, approbat *Romanus* Pontifex suo diplomate? *Ia*, diplomate, inquit: quis vidit tuum diploma? subindicans à me confictum esse. An postulas, inquam, ut diploma per singulos circumferam, aut in foro exhibeam? Exhibui *Atensi*, vidit *Dorpius*. *Ia*, *Dorpius*, inquit, additurus & in illum aliquid convicii, ni Rector illum suo vultu compescuisset. Videbis & tu si voles, inquam. Nolo, inquit, videre tua. Cur igitur damnas, inquam? Cur in *Luthero* damnando tantum apud te valet Pontificis auctoritas, in meis probandis pluma levior est? Hoc sermone omisso, coepit commemorare, jam velut affectum moturus arte Rhetorica, quantis honoribus affecissent me Theologi *Lovanienfes*, priusquam in eos scripsissem. Quid non fecimus, inquit, tibi? Cæterum de virulentis obrectationibus, quibus me laniarat *Egmondanus*, etiam priusquam *Lovanium* commigrarem, nulla mentio. Respondi non esse mei moris extenuare cujusquam in me beneficium, cæterum me hætenus Theologorum beneficio non admodum usum fuisse. Ibi nescio quo pacto factus mitior. Verum, inquit, quia non potuimus. Ergo, inquam, ne imputes, quod non præstitistis. Nam quantum potueritis male faciendo sensi, officii nihil expertus sum, nisi quod me vocastis ad actus, quos vocatis, & convivia quædam solennia, à quibus nemo magis abhorret quam ego: tantum abest, ut existimem me hoc nomine multum debere vobis. Vos me ultro invitastis ad amicitiam, ego ut nunquam ambii, ita nunquam dedi ansam dirimendæ. Ex hoc sermone venit homini in mentem, de facta inter nos amicitia, uno ipso nondum satis placato, cum nemo stolidius læsisset, quam ille. Putant hoc esse religionis *Colophonem*, ut illis supplices sint, etiam qui non ferendis injuriis sint affecti: tantum abest ut quenquam ipsi reconcilient, aut juxta doctrinam Evangelicam benefaciant ei qui læserit. Bene mones, inquit, jactas inter nos factam fuisse concordiam; Quid? an non fuit, inquam? Nonne compotavimus splendide in Collegio *Falconis*? (Constitit hoc prandium ejus domus moderatori non mediocri pecunia. Et quoniam erat dies *Mercurii*, tantum piscium erat paratum uni *Egmondano*, quantum satis esset quatuor athleticis) nonne proposita pacis conditio, ut utrinque deleret offensas omnes amnestia? Negavit ille fortiter, quod tot testibus actum erat. Rector interpellans ita moderatus est litem, ut fateretur inter omnes *Christianos* esse aliquam concordiam, cæterum eam pacem non fuisse numeris omnibus absolutam. Ego arridens rogabam, quata compotatione pax Theologica absolveretur. Me simplicem arbitrari, vel sine compotatione confici pacem inter bonos. Hinc rursus aliud illi venit in mentem. Recte admones, inquit, tu nos habes ludibrio, & traducis tanquam ebrios. Expostulante me, ubi vocassem eum ebrium. Scribis, inquit, me fuisse uvidum à prandio largiore, quid hoc aliud est, quam esse ebriosum? Hoc, inquam, neque te nominato scripsi, & narro ab aliis dictum: nam tui *Carmelita* hoc lemmate te excusabant, ne quis gravius ferret, quod dixeras uvidus à prandio largiore. *Ia*, tui, inquit, indignans opinor, quod tui dixissem, non *vestri*. Quod si maxime, inquam, edidissem nomen, quid erat flagitii, si quod tu publice ausus es dicere, ego simili libertate retulissem? nunc honoris tui gratia supprimo nomen tuum, & rem atrocem civiliter narro. Dixeras *Fabrum* ac me, qui nunc pugnaremus inter nos, olim pugnatures in profundo tartaro. *Ia*, inquit, hoc ab aliis audisti. Verum, inquam, at non ab uno, sed aude tu negare dictum? Obtulit, qua quidem in re primum sum admiratus novum hominis pudorem. Mox in alium campum exspatiatus, negavit se unquam facturum finem vociferandi in *Lutherum*, donec illum confecisset. Respondi, per me licere illi vociferari usque ad illum diruptionem, modo ne in me blateraret: neque me queri, quod in *Lutherum* clamasset, sed quod in me: quod ipsum, si illi usque adeo cordi esset, pergeret, ni-

hil tamen lucri facturum, nisi ut esset bonis omnibus ludibrio, quandoquidem in ea concione vidissem passim omnes ridentes. Hic ille, *Ia*, inquit, illi tui erant. Quam mei sint, inquam, nescio, plerosque ne de facie quidem noveram. Inter cætera crimina objecit & hoc, quod allegarem epistolas illustrium virorum, qui mihi nonnihil tribuerent; significans eas à me confingi, nec ullos esse qui mea probarent, cum ego ferme totum hoc epistolarum genus premam: simulque indicans nihil oportere probatum haberi, quod ipso calculo non esset commendatum. Hinc conjicere licet simul & modestiam hominis, qui sibi tam parum tribuat, & simplicem pureque *Christianum* animum, qui nihil mali non suspicetur de proximo. Cum inter cætera dixissem, non debere videri mirum, sicubi querar nonnihil de Theologis in libris meis, cum *Joannes Standitius* Minorita, Theologus, Episcopus à sancto *Asino*, apud Regem ac Reginam *Anglia*, multis proceribus & eruditis adstantibus impudentissime me detulerit tribus nominibus, primum, quod tollerem resurrectionem: deinde, quod nihili facerem sacramentum matrimonii: præterea, quod male sentirem de Eucharistia: cum in omnibus libris meis, nihil magis asseram quam resurrectionem, ac matrimonium, edita declamatione sic prædicarim, ut Theologi putarint errorem esse hæreticum, quod matrimonio plus satis tribuerim: postremo, cum de Eucharistia nusquam neque scripserim, neque locutus sim, nisi sicut decet, id est, summa cum reverentia. *Ia*, inquit, hæc omnia fortasse sunt vera. O vocem impotentis animi, sibi que nihil non indulgentis! cur hæc potius in me vera essent, quam si quis dicat *Egmondanum* compilasse sacrarum ædium gazophylacium? quam incantasse morituros, uti sibi traderent hæreditatem, frustratis hæredibus? quam ad quæstum prodidisse, quæ audivit in arcanis confessionibus? Hæc fortasse probabilius in illum competerent, quam quæ volebat ille videri non abhorrentia à veris in me. Huic divo committant parentes liberos suos ut imbibant veræ religionis femina. Quid tibi nunc referam singula? quicquid quocunque casu dicebatur, rapiebatur in occasionem convicii, non aliter quam solent pueri rixantes, ac mulierculæ procaces, quicquid dixeram regerebat in diversum. Obiciebat epistolam ad *Lutherum* scriptam. Illic, inquam, moneo quid debuerit vitare. Imo, inquit, doces eum scribere. Etiam hoc videbatur male habiturum hominem, si *Lutherus* aliquanto melius scripsisset: adeo illum perire cupiebat, non corrigi. Sed illud nullo modo concoquebat, quod adjecissem, *non admonero quid facias, sed ut quod facis perpetuo facias*. Hic cum excusarem civilitatem Rhetoricam, qua negamus nos admonere, cum maxime admonemus, rursus incanduit. Pulchre, inquit, dixti, hoc vere Rhetorum est, omnia fucare, fingere, mentiri. Arridens fassus sum aliquando mentiri Rhetores, sed interim mentiri nonnunquam & Magistros nostros. Rursum cum dicerem me consuluisse dignitati Theologorum, respondit: Nobis hanc curam relinque, nos prospiciemus. Cum adderem exurendis *Lutheri* libris, eum e bibliothecis eximi posse, ex animis non item. *Ia*, inquit, ex animis: ibi etiam tu posuisti. Cum nihil inter nos conveniret, adeo ut si dicerem literas bonas, ille continuo vocaret malas: si librum castigatum, ille falsatum: si me dixissem alienum à factione, ille protinus caput factionis appellaret, negaturus & intra oleam esse duri quicquam, aut extra juglandem esse duri quicquam, si quid tale affirmassem, Rector interfecans rixam jam nimis longam, negavit hæc esse digna Theologis: se lubentius auditurum, si quid faceret ad concordiam faciendam. Age, inquam, quando negas eam concordiam unica compotatione potuisse coire, quid superest ad consummandam? Hortante Rectore dixit: ut facias famam nostram abs te læsam. Ubi, inquam? in epistolis? annuit. Illis, inquam, jam evulgatis mihi non est in manu quod petis, quanquam illic nullius famam læsi. Ergo palinodiam, inquit, cane. Quam? Scribe *Lovanii* sinceros & probos esse Theologos. Id, inquam,

An. quam, haud unquam negavi, sed quos ego taxavi, si
1520. mihi praebebunt probam materiam, magnifice de illis
scribam. Hic irritatus: Et tu, inquit, si nobis prae-
bueris bene loquendi materiam, bene de te loquemur.
Tu styllum habes, nos linguam habemus. Taxas, in-
quit, nos quod tibi oblatremus à tergo, audeo tibi in
os dicere. Nec mirum, inquam, tu quibus es mori-
bus, auderes etiam conspuere os boni viri. Negavit
se adhuc esse tam contumacem. Hoc sermone inter-
rupto Rector admonuit, ut de *Luthero*, quod erat ca-
put, ageretur. Age, inquit, scripsisti pro *Luthero*,
nunc scribe adversus illum. Hic inficiatus me scripsis-
se pro illo, sed pro Theologis potius adversus illum,
cum excusassem multa, ocium, imperitiam, metum,
inter alia prætenui suspicionem crudelitatis, si scævirem
stylo meo in hominem prostratum ac victum. Imo
hoc ipsum, inquit, scribe *Lutherum* à nobis victum
esse. Respondi non deesse qui hoc vociferarentur, vel
me tacente. Præterea magis fore decorum, si ipsi suam
celebrarent victoriam, qui peperissent. Postremo mi-
hi non constare, quod cum vicissent, cum libri illo-
rum nondum prodissent in lucem. Sub hæc desperans,
versus ad Rectorem ait, nonne prædixi nos nihil actus-
tos? Quamdiu, inquit, detrectat scribere adversus *Lut-
therum*, tam diu habebimus eum pro *Lutherano*. At
isthoc, inquam, nomine tu mihi *Lutheranus* eris, qui
nihil scribas adversus illum, neque tu solus tantum,
sed innumeri tecum. Atque ita non dicto, sed signifi-
cato vale, Rectori non mihi, discessit: quemadmo-
dum qui in gladiatoria schola vulnus præter certaminis
leges acceperunt, cæteris quidem dant dextram, ei à
quo læsi sunt non dant. Habes fere summam illius
præclari colloquii, quod illi tamen visum est admodum
blandum, cum hoc ageretur, ut me pelliceret eloquen-
tia sua ad insectandum stylo meo *Lutherum*. Neque
passus est ille sibi perire hujus conflictationis gloriam.
Jactitavit apud compotores suos, quam fortiter obsti-
tisset in os *Erasmo*. Rector eadem suis denarrans, non
sine risu, negavit se unquam crediturum fuisse, mihi
tantum esse temperantiæ. Quanquam non hinc mihi
laudem hanc arrogo, qui prorsus insanus fuisssem, si
cum illo contendissem. Et tamen est unus aut alter
hoc sceleratior. Nam hic ut molestus est & pertinax,
ita minus habet fuci, semper sui similis. Talem ajunt
fuisse puerum, talem magistellum, talem baccalaureum,
talem Theologiæ Professore, qualis nunc est *Carme-
lita*. Ne *Vulcanus* quidem hunc recudat, neque refingat
Mercurius. Sibi tamen videtur præcipua basis *Chri-
stiana* religionis, & Ordinis *Carmelitici* decus. Tam ju-
cundus est huic Academiæ, quam sunt fici in oculis.
Sed vomica hanc nemo potest excutere. Bene vale,
mi More. *Lovanio*, Anno 1520.

EPISTOLA DLV.

Thomas Morus Erasmo, viro optimo atque doctif-
simo, S. D.

ANTIMORVS, mi Erasme, Brixii jam diu Londi-
ni fuerat, priusquam tua ad me litera pervenirent.
Mirabar aliquantulum, quam rem tam valde velles,
cur de ea tam sero scriberes: nisi aut Antimorus forte se-
rius aliquanto pervenit isthuc: aut ideo fuisti segnior,
quod donec accepisses me libellum parare contra, putasti
fore, ut ejus librum, utpote auctori potius quam mihi no-
xium, neque plane dignum tui responderetur, mea sponte
contemnerem: id quod ego profecto, mi Erasme, fecissem;
nisi amici quidam & doctissimi simul & prudentissimi sua-
ssent aliter, quibus Brixius etsi magis irrisus est quam in-
visus, tamen haudquaquam ita charus erat, quam est, ut
video, tibi. Nam ego jam ferme biennium, quum audi-
vissem eum moliri talia, atque in animo haberem ad eum
ipse scribere, idque quum potuissem amantissime: simulque
ea consulere, qua magis aliquanto in rem ipsius fecisse fu-
rat, quam qua nunc intemperanter fecit: intellexi interea
nuncin e Lutetia certissimis, adeo hominem in abruptum

A ferri suis affectibus, ut nullis amicorum suavis potueris
cohiberi, non Beraldi, non Lascaris, non Budæi (vides qua-
lium virorum) consiliis retrahi. Non Deloini demum viri
tanti, non reverendissimi Cardinalis, qui nuper illic obiit,
auctoritate commoveri. Sic intabescebat ulciscendi libidi-
ne, & tanquam Narcissus amore quodam suorum ipse ver-
sum deperibat misere, quos tamen quotidie novos velut è
cænis exceptam sobolem in mensam nunc Deloini, nunc
Cardinalis circumferebat exosculans: nec semper inde la-
tus referebat domum, quum à viris doctis & gravibus
audiret interdum talia, qualia, si sapuisset, ipse dixisset si-
bi. Quorum mihi multa cum alii scripserunt illinc, tum
Joannes quidam natione Græcus, homo Latina lingua jux-
ta doctus ac sua, probis moribus, & indubitata fidei plu-
rima retulit coram: quibus quum sentirem Brixium im-
potentius abripi, quam ut attraheri pateretur, mutavi
consilium, atque a scribendi voluntate destiti. Simul co-
gitabam, etsi hæcenus indulgeret animo, ne penitus vellet
tacere: tamen quoniam in eam rem tam multum studii,
tam multum impendebat temporis, in quo non erat absti-
mile veri, primum illum animi calorem, ac velut impe-
tum quendam, qui subitis rebus imponit, spacio & mora
defervere, jociis eum luserum ac salibus; à jurgiis vero,
conviciis & calumniis omnino temperaturum sibi, ne mo-
rito judicaretur importune maledicus, si acerbius in pace
laderet, quam laesus esset in bello: tum quoniam ante an-
nos septem Chordigeram ejus legeram, qua tamen multis
& inventionis æconomia, & sermonis viciis abundabat,
pra se ferebat tamen specimen ejus ingenii, quod annis
posset (quos nunc accessisse videbam) aliquando maturefce-
re: sperabam eum doctum aliquid atque excussum editu-
rum, quod me quoque, in quem edebatur, oblectaret, quæ
jocus aliquanto liberior non admodum solet offendere. At
ubi prodiit præclarus iste Brixii partus Antimorus, Mo-
rycho plane moroteros, veneno quovis virulentior, & in-
doctior ipsa Chordigera, nihil aliud quam, ut par erat,
irrisi, illud interea mecum *ἡτοιμασέναι, χυρὸν ἔχον*
εὐγὸν ἀνδραγαθίας. Et hercle quemadmodum *Ætnæ* carbonem
exusserunt Empedoclem, ita carbonem isti, similem capta-
tem gloriam, ustularunt Brixium, ac reddiderunt carbo-
ne quovis atriores: eoque nec omnino quicquam responde-
re statueram. Verum, aliis aliter visum est, quorum ego
judiciis in meis rebus magis fidebam quam meo: hi quan-
quam faterentur neminem esse literatum usquam, cui non
factura sint nauseam, tam insulsa, tam virulenta deliria:
calumnias ejus censabant, etsi perabsurdas atque ineptas,
ad hac nec obscuras, si quis attendat satis proram pappi-
que negotii, non fore tamen satis liquidas multis, qui for-
tasse legerent ejus Antimorum, quum neque Chordigeræ,
neque meorum epigrammatum facultas futura sit. Suase-
runt igitur, ut hac omnia in unum librum cogerem & lo-
toris pariter subicerem oculis: Tum ut meo scripto nego-
tium nonnihil illustrarem, sic ut legenti nihil requiratur
amplius, nisi judicium suum. Vides, Erasme charissime,
quid nos ad rescribendum compulsi. Quamobrem non ne-
cesse habeo tuis respondere rationibus: quando nisi alio mo-
perpulissem alii, fuerim ipse tibi semper ὁμολογῶ. At
quod tibi video persuasisse Brixium, negligentia tantum
tabellarum tui contigisse, quo minus effeceris, ut ille perpe-
tuo prefferis Antimorum suum, vehementer, mi Erasme, do-
mior, id sit acceptum tanquam probatum tibi. Quid nō
credam, inquis, quando Beraldum atque Budæum utran-
que tam spectata fidei testes producit in judicium. Produ-
cit, Erasme, non nego fidei tanta viros duos, ut utriuslibet
fides in quantavis re facere fidem possit. Quid abstat, in-
quis, ergo quin quod ait Brixius vicerit? Hoc enim, mi
Erasme, quod quum duos testes producat, utranque pro-
ducit auritum, oculatum vero neutrum, quum plus in
judiciis valeat oculatus testis unus, quam auriti decem.
Quid enim aliud possunt testari Beraldus ac Budæus,
quam sese ex ipso audivisse Brixio, Antimorum illo aut
illo die fuisse sub pralo? Hoc enim significat Brixius,
quum se dicis illis editionem Antimori indicasse ali-
quos ante diebus, quam tuam legisset epistolam. Ergo
tu Beraldo credes & Budæo, sed cui interim credent il-
li?

An. li? an non ipsi Brixio? Videsne nunc, Erasme, speciosum istud testimonium, quem ne ego heri vidi ad vos adferri vespere, ut exiret denique in suffarminatam Cantharam? Ut illud omittam interim, quod nullos anquam testes potest producere, non ante sibi lectam epistolam tuam, quam vidisset excusam, quum potuerit acceptam dissimulare, ut ista causa post apud te liceret uti integra. Præterea quum Antimorus ejus constet quaternionibus non plus octo, qui totidem diebus solent excudi, nec dimidium ex Brixii verbis colligitur peractum esse quum tuas literas legeret, in angustum sane compingit illos aliquot dies, quibus ait se Beraldo & Budæo indicasse editionem. At cur, inquis, fingeret istud Brixius? Adeo tibi mirum videtur, si vel animi causa fingat homo poeticus? Quanquam suberat etiam causa, cur fingeret: nam quum uterque frequenter admonuisset, ne tam ineptum libellum, ac muliebriter jurgiosum ederet, volebas fortassis experiri, an eodem animo accepturi forent quum fecisset, quo tam saepe consulissent ne faceret. Accidit enim nonnunquam, ut quod ne fiat obstitimus acriter, dum res est integra: id ubi in eum locum venit, ut non possit corrigi, patiamur, & vitium, quoad licet, verbis integramus. At ego, mi Erasme, quo vere videre possis, quanto verius Morus tibi paratus sit obtemperare quam Brixius, quanquam quum tua ad me venient litera, liber non quidem sub pralo esset, sed totus esset excusus: atque id docere possim non duobus auribus testibus, qui ex me audierint, sed oculatis plusquam decem, qui suis viderint oculis: imo testibus, opinor, oculis ipsius tuis, utpote ad quem librum ante hanc epistolam pervenisse non dubitem: quanquam ad ejus editionem tot amicorum consiliis urgeret, tamen ubi tuas literas acceperim, cujus unius apud me sententia omnibus omnium calculis præponderat, non sum imitatus Brixium: cui quum sit, ut scribis, crumena semper are gravis, tamen tanti fecit monitionem tuam, cujus, ut ait, natus observat, ut non sustinuerit tantillum sumptus impendere, quo libellos illos universos coemeret, atque in ignem semel conjiceret: ut tantas ejus ineptias nomen illud Brixii, cujus illustrandi desiderio nimis quam misere fuit, infamaturus omnium subduceret oculis. Ego vero, mi Erasme, præter eos duos, quorum alterum jam ad te miseram, alterum ad Petrum Ægidium, atque alios quinque, quos vendiderat typographus, (nam quum primum prostarent ac cæpissent auide flagitari, tua commodum intervenit epistola) cæmi universos, eosque clausos adseruo, ut priusquam aliud innovetur ex me, possimus, imo possis potius ipse tecum statuere, quid a me velis fieri. Quamobrem tu te nunc, mi Erasme, etiam atque etiam dispice in ejus amici causa quid statuas, qui quicquid statues obtemperare constituit. Nam quod suades, ut quicquid in Brixium scripseram omittatur, quum epigrammata mea denuo continget excudi, atque ut Antimorus Brixii vicissim non propagetur amplius: ego, mi Erasme, quod ad Brixium pertinet, multis mihi videtur conjecturis colligere, magis tenerum ejus in suos versus animum, quam ut abduci patiatur ab eo studio se, quo charissime futura sua, quoad ejus fieri potest, procurat eternitatem. Mea vero epigrammata nunquam admodum animo placuerunt meo, id quod & ipse mihi, Erasme, conscius es: cui & quibusdam aliis nisi liber ille arrisisset amplius, quam adblanditus est mihi, nusquam fortassis exstaret hodie. Nunc vide ut rerum vices inversæ sunt. Si conditione cantum esset inter nos, ut ex epigrammatis meis tibi liceret, quacunque velles transfigere, modo ne jus in pauca quapiam sit, qua mihi liberet excipere, jam quos in versus solos tu ex pacto ferrum stringeres, eos ego solos exceptione defenderem. Adeo mihi cæperunt adblandiri, postquam eos video multis commendari virulentia atque inepta versificatione Brixii. Nec tamen istud dico quo minus tibi quidvis liceat in mea, cui quidvis etiam licet in me. Jam quod ais eum esse Brixium, quem si pernossem intimum, eum sentirem talem, quo nemo sit amore meo dignior: equidem, mi Erasme, non me pro tanto viro gero, ut tam tenui quenquam conditione videam, quem indignum censeam amore meo,

A modo ne sit improbus, qui non amari debeat a quoquam: An. coque Brixium facile assentior non indignum esse, qui ma- 1520.
jorum sit amore virorum dignus quam ipse sum. Nam omnino videtur aliquanto plus habere, non dico superbia, sed plane generosi cujusdam spiritus & magnificentie, quam ut ad pusillam hanc atque humilem indolem meam possit usquequaque congruere, nisi in amicitia tam male copulari vellem, quam male inaequales veniunt ad aratra juvenci. Nec tamen eam, mi Erasme, te consulente recusem, qui me vel ad patendum præstantioribus facile possum componere. Certe quod ad eruditionem ejus attinet, studiosum esse credo, & non omnino stupidum, tum quem aliquando alium reddet usus. Caterum, in hi, qua edidit hætenus, ut vere dicam, id quod etiam docere possum, neque solæcismis caret, neque numeris satisfecit, & ingenio frequenter magis labitur, quam ut puero concedi possit. Et tamen qualis est, non tanti me met facio, ut me illi posse censeam eruditione conferri, quum tu, mi Erasme, vel amore cecutiens, vel (quod verius certe puto) quadam erga me civilitate præferas. Et ut ingenue dicam, adeo illum non odi, ut postquam animo nunc defecatiore sum factus, adamem etiam literarum gratia. Verum, in causa quid fieri velis expende diligentius priusquam imperes. Nam plane si non respondero, putabor multis hujus ineptissima rixæ præbuisse causam, & nihil quicquam provocatus, tamen probris, diris & execrationibus infectatus illum: quod non minus fuisset inhumanum, quam nunc falsum esse docui, si tu librum patieris exire: in quo, quod secundo loco mones, ut si omnino decretum sit emitte, curandum mihi sit, ut (quod hætenus me præstitisse dico) eruditione tantum videar & causa Brixium non etiam conviciis vincere. Ego, mi Erasme, ut eruditione contentus sim si Brixio compar sim, ita causa non dubito quin longe sim superior, quantumvis suam Brixius asserat bonam, facilem, vincibilem, quod principium ex arte solet adhiberi ad defendendam noxiam. Conviciis profecto facile me vinci patiar, quo armorum genere nunquam pugnare statui. Et tamen fieri potest, ut quod mihi mea facit injuria nihil acerbum videri, idem aliis, cui non idem rei sensus est, judicet esse mordaculum. Quod si fors acciderit uspiam, non adeo reverebor equitatem lectorum: quin & in me quoque, mi Erasme, quantumcunque gravem personam tuus nobis imponat amor, qui magna de me fingit omnia, tamen dum adhuc inter mortales versor, nondum plane relatus in divos, ut in re ridicula rideamus, non verebor, inquam, quin aliud & in me condaturus sit humanus lector humanis, quos hominum nemo prorsus excussit, affectibus. Vale, mi Erasme charissime.
Quum Caletium venerimus, quo Rex propediem adornabit iter, spero fore ut coram his de rebus commitemur plenius. Nam omnino in hoc Regum conventu te exspecto, atque ita Brixium: nam & Regina Gallorum aderit, cui cum sit a secretis Brixius, non poterit, opinor, abesse. Ita quod ad me attinet, facile rem compones ex sententia tua, nam etsi nulla de causa sic egit in me, ut plane declaraverit nihil ad meam perniciem præter vires defuisse sibi: tamen quando tu, mi Erasme, plus es mihi quam dimidium mei, plus apud me valebit in Brixio, quod sit amicus tuus, quam quod inimicus meus. Iterum vale. Londino, Anno 1520.

EPISTOLA DLVI.

Erasmus Rot. Thoma Moro, Serenissimi Regis Anglorum a thesauris, S. D.

F MAJOREM in modum probo laudoque mentem istam tuam, More clarissime, qui nulla re magis gaudeas ditescere quam fidis ac sinceris amicis, nec a libi præcipuam hujus vitæ delectationem ponendam esse ducas. Aliis cautio summa est, ne gemmis adulterinis deludantur; tu talium opum contemptor, abunde locuples tibi videris, si tuis possessionibus accesserit amicus neutiquam fucatus. Nec ulli suavior est alea, latrunculi, venatio, musica, quam tibi cum a-

Amico docto ingenuoque libera confabulatio. Hoc opum genere cum vehementer abundes, tamen quoniam sciebam homini avaro nihil esse satis, & mihi tibi que jam sæpe successit feliciter, unum etiam tibi traditurus sum in manum, quem tu totum totus, totoque pectore potes amare. Is est *Conradus Goclenius*, gente *Wesphalum*. Qui populus ut vulgo rudior habetur, ita multos nobis dedit summis ingeniis minimeque vulgari doctrina præditos. Non aliud genus mortalium, laboris patientius, fide morumque sinceritate, simplici prudentia, & prudenti simplicitate potissimum commendantur. Scis nuper institutum *Lovanii* trilingue Collegium: in eo publice *Latinas* literas, maxima cum laude, summo totius Academiae fructu proficitur, ea morum integritate, comitateque, ut literas, quas docer, etiam apud illos reddat gratiosas, qui prius averfabantur. Ingenium argutum, quod feliciter sui specimen præbuit, etiam in his disciplinis, quas solenniter tradunt in scholis publicis. Sales habet, sed prorsus *Atticas*, ac lepidis fabellis, vel tecum certare queat. In carmine peculiarem quandam habet gratiam, nusquam non dilucidus, nusquam non dulcis & amoenus. Nec est ullum argumentum tam inamabile, quod illo tractante non mitescat. In prosa oratione, sic est sui similis, imo sic est sui dissimilis, ut illius soluta legens, putes eum prorsus alienum esse à carmine. Ad amicitiam plane factus videtur. Quam si semel cum eo coieris, non est quod metuas, ne quis casus eam dirimat. Hoc usu venit in his, qui vel natura perfidi sunt, vel impotentibus affectibus. Siquidem istiusmodi solent, ad enatam occasionem desciscere, & amicitiae legibus neglectis, animo suo morem gerere. Hic neque gloriae est appetens, neque injuriæ admodum vindex, neque voluptatis ullius immodice avidus. Invidere quid sit, ne per somnium quidem unquam intellexit, tantus est ingenii candor. Quod ad vitæ consuetudinem attinet, nihil eo facilius, nec magis alienum ab omni morositate. Cæterum à lucro nihil hoc aversius, tametsi fortuna adhuc tenuis est, nec aliud suppeditans quam victum mundum, & suppellectilem literariam. Quod si nostri Principes, prophani pariter atque ecclesiastici didicissent egregiis ingeniis habere suum honorem, quemadmodum apud *Italos* habetur, *Goclenius* noster totus aureus esset. Sed tamen expurgantur. Jam enim fere nullus est magnatum, qui non curet suos liberos bonis literis diligenter instituendos, licet inter aulicos Proceres nemo literas calleat, præter unum *Georgium Haloinum*, cui cultæ hæcenus præter invidiam nihil fructus attulerunt: quanquam, ni fallor, brevi plurimum dignitatis sunt allaturæ. Jam spero futurum, ut simul atque *Goclenium* propius cognoscat, ab utroque mihi gratiæ agantur, quod nuper accidit in *Francisco Craneveldio*, qui unum sic te totum possidet, ut illi propemodum invidiam. Bene vale. *Anderlaap*, Anno 1520.

EPISTOLA DLVII.

Erasmus Rot. D. Godschalco Rosemundo, Lovanienfis Academiae Rectori, S. D.

MAGNIFICE Rector, non dubito quin tu scias id, quod nemo nescit, quam seditiose debacchatus sit in nomen meum alter quidam *Dominicanus*, priori illi rabulæ succenturiatus, à nullo convicio temperans, atque interim manifeste mentiens. Quid enim istos pudet? Ubi usque ad suam satietatem, & omnium ~~nauseam~~ deblaterasset, tandem scurra facetus jussit orare Deum pro me, ut aliquando converterer ad meliorem mentem: hæc nisi fierent vel instigantibus, vel conniventibus Theologis quibusdam, non auderent tam scurrili uti petulantia in Academia tam celebri, idque in sacris concionibus, atque etiam sine fine. Nihil admiror hæc audere *Dominicanos*, illud admiror, hæc probari Ordini Theologico. Ille non poterat ferre unam vocem mætaeologi, tortam oblique in *Egmon-*

danum: & hæc seditiosa, hæc plus quam scurrilia pertiuntur æquis animis, ac, ni fallor, incitant. Hæc scilicet placuit illis ratio conficiendi *Erasmi*. Quod si ego pariter cum illis insanirem, nonne tumultus egregius nasceretur? Hic animus sibi bene conscius, & graviora potest perpeti, sed interim quale est hoc exemplum petulantiae? & quem exitum habiturum? & quam speciosus hic est ludus sub *Christi* natalem? Non tam sum insanus, ut velim cum *Dominicanorum* populo depugnare: illos, quales quales sunt, Deo judicandos relinquo. Ego nec Monachorum sum hostis, nec Theologorum: nisi forte *Christianorum* omnium hostis est, qui in illorum moribus aliqua non probat. Si quid habet adversum me Theologica Facultas, exponat mecum, proponat quid velit. Sum paratus reddere rationem studiorum meorum omnibus sobriis, nam cum *Egmondano* colloqui, non est colloqui: vere dixit *Mimus* ille, *Cum absente loquitur, cum chrio qui litigat, sed multo magis, qui cum furioso litigat*. Tumultus hic scurrilis displicet etiam laicis, quo minus addubito, quin displiceat etiam tibi viro optimo: sed tua lenitas, in me, imo in hanc totam Academiam, crudelitas est. Ejus officium erat, vel me tacente, toti monasterio, imo concionatoribus omnibus à tali petulantia silentium indicere. Alter vetitus erat sub poenis gravissimis. Quis unquam exegit vel minimum? Hæc quid sibi velint, intelligunt & pueri. Posthac non erit tuae magnificentiae molestus, spero te functurum officio tuo: sin minus, mihi est animus, qui ista flocci non faciat. Quod si quis tumultus exstiterit, imputabitur iis, qui vel dissimulaverunt, vel faverunt exordiis. Tu certe dissimulare non potes. Bene vale, magnifice Rector, & si quid me facere voles, impera, experieris obsequentissimum. *Lovanio*, Anno 1520.

EPISTOLA DLVIII.

Erasmus Roterdamm Godofredo Rhode Stegrio S. D.

Vt serius ad tua scripta responderim, *Rhode* charissime, turba me literis atque etiam libellis interpellantium fecit, ne quam inhumanitatis, aut fastidii suspicionem de me concipias. Ingeris mihi meos labores, qui utinam aut tam utiles essent orbi, aut tam felices auctori, quam sunt numerosi. Sed quam mihi displicui in tuo speculo, tam tuum mihi placuit ingenium. Neque enim illic te minus vidi, quam meipsum, ac libentius tuam faciem contemplatus sum, quam meam. Placuit ingenium sanum ac felix, sobrium, nihil habens ineptiae, placuit candor ac modestia, placuit phrasia nec affectatione molesta, nec inanibus verbis redundans. Jam illud etiam vehementer sum admiratus, te in carmine, quo vix aliud legibus adstrictius, tam commode quod sentis eloqui, præsertim cum argumentum tractes & jejunum & inamoenum. Et haud scio an hoc consilio sumpseris sterilem & infelicem materiam, quo major esset ingenii tui gloria, qui potuoris elephantum è musca facere: nam illud mihi displicuit, quod immeritis & immodicis laudibus, nihil aliud quam oneras *Erasmi*. Quanquam hoc jam adeo solenne est generi poetico, ut ceu jure præscriptionis id recte facere videantur. Quod nisi fortuna tam iniqua essem, ut nemo possit à me ullum sperare officium, fortassis existerent qui sua suspitione non minus te gravarent, quam me: te qui me laudibus captasses, me qui laudibus hujusmodi delectarer. Quo magis miseret me tui, qui tantum laboris absque fructu susceperis, quandoquidem ne illud quidem gratiæ rediturum est à me, quod invicem sibi præstant ac referunt jumenta, mutuum scabentia. Ne tamen nihil omnino rependam officii pro tam candido animi tui in me studio, consulo, ut posthac bonas horas in melioribus libris colloques, nec unquam in manus sumere velis *Erasmi* naenias, nisi quum nihil est bonorum voluminum: ad hæc si quando voles exercere stylum & exercere venam ingenii tui, de-

An. deligas argumentum feliciter. Vale, mi Rhode, tam ha-
biturus Erasmus faventem, quam tu de bonis literis
bene mereberis. *Levanio*, Anno 1520.

EPISTOLA DLIX.

Erasmus Ror. Richardo Pacao S. D.

SERO mihi redditum est tuum epistolium, jam ne
confundente equos. Cupiebam tecum colloqui, &
fortassis adhuc dabitur. Ex animo gratulor tibi nova
dignitate aucto, cujus meritis nunquam par fortuna
responderit. Si non dabitur colloqui, commendo tibi
negotium non tam meum quam literarum. Quod enim
molitur *Leus* & *cordes*, non ad me proprie perti-
net, fortassis ad vestram *Britanniam* pertinet, cujus
nonnihil refert, opinor, ut laudem suarum preconem
habeat honestum. Scio perpusillum esse laudis, quod
illi ex meis lucubrationibus accessit, tamen hoc ipsum
illi *Leus* invidere videtur. Theologi novum *paraphrasin*
commenti sunt adversus Collegium trilingue. Id cuius-
modi sit ex *Mori* literis cognosces. Bene vale, patro-
ne singularis. *Amierpia*, Anno 1520.

EPISTOLA DLX.

Erasmus Roterod. Leontio suo S. D.

BONI consulam audaciam tuam, qui ignotus ad igno-
tum scripseris, si tu vicissim boni consulueris, quod
occupatissimus tam parce respondeam, ut prope nihil
respondeam. Quod Musarum cultor es, magnopere
laudo: quod assidue depugnas cum amulis, non pro-
bo. Negligendi sunt, qui vinci non possunt: & ita
sunt haec studia commendanda, ne tamen odiose da-
mmentur, quibus alii magis capiuntur. Certe non expē-
dit irritare crabrones. Caterum, quae nos scripsimus,
non in hoc scripsimus, ut invehantur templis, sed ut
domi legantur. Atque isto tuo studio immodico, nihil
aliud mihi quam invidiam paris. Ego nihil honoris
istiusmodi promereor, alioqui ne promeritis quidem a-
periantur templa, nisi à rogo, ut ajunt. Ac mea qui-
dem sententia, plus efficies, si quod operæ sumis in
rixando cum adversariis, fortasse deploratis, id infumas
crudiendae publi, aut juvenibus spei melioris. Felicius
irrepent bonae literae, quam irrumpent: ac facilius
coalescent, si civiliter semet infinent ut hospites,
quam si irruant ut hostes. Nos quod possumus, gratis
ac libenter impartimus: si quis adferet meliora, non gra-
vate cedimus. Porro cum clamoribus rabulis certamen
non nisi coacti suscipimus, imo ne coacti quidem.
Porro vita nostra nihil habet memorabile, nisi quod
opinor fortunam nulli constantius infensam fuisse.
Proinde tu, si me audies, aliud argumentum tibi quae-
res, imo quodvis aliud citius tibi fumes quam hoc.
Bene vale. *Bruxellis*, Anno 1520.

EPISTOLA DLXI.

Bilibaldus Erasmo

S Recte fecit necessarius ille meus, quod te Antuer-
piae convenit, & meo nomine salutavit. Probe enim
novit, quanta te benevolentia prosequar. Poterimus &
ejus opera in mittendis litteris uti, qua nescio quo fato
aut tardissime consignantur, aut penitus intercidunt. Diu
enim nullas à te accepi, quamvis aliquoties scripserim: &
nisi ex Epistolarum tuarum farragine, te meis respondis-
se, deprehendissem, ne nunc quidem id scirem. Quam
vero fideliter & mea tibi reddita fuerint, plane Alamiri
nostri diligentia ostendit. Caterum, investivam Angli-
lens, nec non responsionem tuam legi. Scire cupis, quid
sentiam? Vellem ut omnino tacuisses, aut ita homini,
ut dignus erat, respondisses. Sed periculum erat, ne si-
lendo obiecta agnosceres. Quasi optimus ac doctissimus

1 Hæc epistola ejusdem est argumenti cum XIV. paucis tantum
hinc inde mutatis.

2 Eduardi Lei.

A quisque non confestim intelligeret, cuncta hæc meras sy-
cophantias, & impudentissimam esse mendaciam. De impro-
bia vero & invidiosa nulla cura habenda erat. Etiam
ignarus, cum tibi haud silendum censebas, ementita &
ficta modestia immodestissime respondisses, ac junctis Rhe-
toricis specula contra tam fœda ac terribilia discrimina
construisti. Sed voluisti tui memor esse, nec malum pro ma-
lo reddere. Sanum equidem consilium, & a nemine bo-
no non laudandum. Verum, si ita facere perges, quid ti-
bi ab amulis expectandum sit, cogita, cum impudentis-
simo cuique impune maledicere & capiti tuo illudere lice-
bit. Te igitur horreo, ac ob amicitiam nostram obtestor,
ne dehinc unumquemque Nebulonem responsione tua di-
gnum confas: aut si omnino respondendum videatur, non
per te, sed coquum aliquem aut fabularium id fac. Ma-
jor tu es (atiam si illi molestissime laudes tuas ferant) quam
ne cum talibus in eam palestram descendas, oc qua etiam
vultor, nihil nisi ignominiam referre possis. Etenim nō
ita feceris, Sycophantarum turba tandem obruaris neces-
se erit. Te enim ac tales sunt *κλέσορες* illi, ut nec un-
quam quiescere valeant, sed semper contra optimum quema-
que ac veritatem ipsam debacchantur. Quapropter longa
præstat, ab illis vituperari quam laudari, ac male quam
bono audire, qui ad tacendum sunt impotes, ad loquen-
dum vero penitus inepti. Quid mirum igitur, si tandem
hominem juxta cordis sui desiderium invenerunt, qui per-
ditiæ eorum improbitatem ac detestandam dicacitatem
terribilia nugarum coluvione ac nefando verborum leno-
cinio fucaret? Quis enim tam insulsus esset ac hebes, qui
non cerneret, venerandos Magistros nostros calcem hunc
confuisse; probum vero illum virum induisse? Unde non
immerito majori excandescis indignatione, cum egregios
illos Magistros aliquantisper durius tractas, quam cum
Scripturam sanctam (ut illi volunt) perversis. Et hoc fa-
cis charitas illa non ficta, quæ sub religionis & modestia
prætextu etiam lenonibus turpiora audet. Et tu obiter mi-
raris invenire, qui insanienti Euge illud accinant; cum
ego majori admiratione ducerer, si non multos sui similes,
ac ejusdem farinae reperiret. Nam, per immortalem Deum!
cui boni Nebulones isti nunquam pepercerunt? Atque ut
vetustiora præteteramus, quis ignorat quam perversis tech-
nis & sceleratis machinationibus optimo & doctissimo Ca-
pioni illuserint? ut interim fletam probra & convicia,
quæ in Generosum Novæ Aquilæ Comitum, Hurtenum,
me, & omnes Capnionis amicos eructaverint. Quinimo
invidia exagitati nec à sui Ordinis abstinent hominibus.
Nam præter cetera quid intentatum reliquere, ut divam
Mariam Magdalenam assertori suo Fabro eriperent, ac
cum turpissimis scortis in olivum lupanar detruderent?
cum tamen potius deceret in re tam dubia eam sequi opi-
nionem, quæ ad pietatem accederet propius. Quæ vero
contra Lutherum ausi sunt, forsitan tacere præstat, ne
nos quoque sub amicitia illius prætextu in jus rapiant, ac
de crimine hæresis causam dicere cogant: id enim jam
pridem machinati sunt. Verum, hoc nemo ignorat, eo te-
meritatis illos progressos esse, ut & Pontifici summo, ad
quem præcipue hujus rei cognitio spectat, causam, quam
tamen eum in manibus habere sciebant, extorserint, &
priusquam ille sententiam tulerit, auctorem de hæresi
condemnaverint. Caterum, per immortalem Deum! quid
aliud tot sycophantiis, probis & conviciis effecere, quam
quod semetipsos traduxere, & Deo pariter ac hominibus
reddidere odiosos. Eo siquidem illorum culpa res deducta
est, ut non solum vulgo præclarum Theologia vocabulum
ludibrio habeatur, sed & Theologi ipsi (de personatis lo-
quor) quibusvis scurris & nebulonibus improbiore censean-
tur, ac is optimus esse videatur, de quo ipsi pessime sen-
tiant. Male igitur virtute, qui dignus visus es, in quem
impurissimi hallucinatores spurcissima sua effutirent male-
dicta. Haud enim majori laude affici poteras, quam dum
tam scelesse vituperaris, nec nunquam bonis & eruditiss
placeres, nisi tam indoctis & pessimis his displiceret hypo-
critis: qui & optimum Capnionem longe magis virulen-
tis ornarunt conviciis, quam si eum vel ad colum usque
contumeliosissimis suis extulissent laudibus. Ne igitur,
Q9 3 Era-

An. Erasme optime, movearis, si invidi & vere miseri ho-
 mines seipsos torqueant, & suo fungantur officio, quod-
 que semper facere consueverunt, assidue faciant. Nam
 talia vera virtutis tibi jacta sunt fundamenta, ut illa
 nec Livor ipse evertere queat: Talem probitatis & eru-
 ditionis consequutus es existimationem, ut eam nec omne
 evum abolere valeat: Tales denique ac tantos tibi undi-
 que peperisti amicos, ut etiam tacentem te defendere, &
 a sceleratorum rabularum injuriis & contumeliis vindi-
 care possint & audeant. Quemadmodum nuper à me fa-
 ctum memini. Cum enim in multorum doctissimorum
 conventu tui mentio incidisset, ac plerique te tuque
 summis extulissent laudibus, sanctissimus quidam, qui
 tunc aderat, Theologus ex Mendicorum & eo Ordine,
 qui vulgo perdocti habentur, sibi ipsis vero nihil videntur
 ignorare, admodum moleste his laudes ferebat, ac quas-
 sato capite, nescio quid secum submurmurabat. Tum
 ego, nunquid esset, quod in te minus probaret, quæsi-
 vi. At ille, vultu ad severitatem composito, multa esse respon-
 dit, qua quis merito reprehenderet: inter cetera vero
 pessimo & haud ferendo flagitio te esse obnoxium. Cum-
 que ego vehementius instarem, ut tam horrendum scelus
 elicerem, ille vero pertinaciter negasset, forsitan ut de-
 tractoris culpam evitaret, tandem importunitate mea
 subactum, Tamen tacere, inquit, ac tam immane faci-
 nus occultare institueram, cum tamen ita me urges,
 haud ultra silere, sed veritatem dicere compellor: Era-
 smus libenter comedit gallinas: idque non aliorum relatu
 didici, sed cum hominem Basileæ cognovissem, gemino
 hoc obitu conspexi. Tum ego, suffragatus ne, an coem-
 ptas? At ille, emptas ait. Longe igitur, inquam, dete-
 rior est vulpecula illa scelestissima, qua mihi quotidie ex
 villa gallinas rapit, nec unquam pretium persolvit. Sed
 ad hoc responde, obsecro, Num inter peccata censetur,
 gallinis vesci? Et ille: Maxime, cum à devotis sit ho-
 minibus, idque assidue. Forsitan diebus prohibitis, in-
 iuriis. Imo & concessis, respondit. Sacrum enim virum
 ab tanta epularum lautitia abstinere decet. Atqui, bone
 Pater, ni fallor, inquam, nec farre nec hordeo talem
 saginasti aqualiculum, (nam obesor erat) & gallina, qui-
 bus ventrem farsisti, si pipare possent, etiam tympanorum
 & tubarum strepitum multitudine sua exsuperarent. Ri-
 sere qui aderant, quod tam strenue opidoquaylav defendis-
 sem. Sed tu me forsitan nugas agere existimas. Ego
 vero tibi etiam per sanctam Hypocrisin, me vera scribe-
 re, jurare sum paratus. Ceterum, ne cuncta tua lauda-
 re, aut nimium tibi tribuere videar, habeo etiam, qua
 non injuste reprehendam, nempe quod tali viro impedi-
 mento fueris, quo minus litteras Græcas & Hebræas
 tantum non somnando, aut pastoris illius instar bibendo
 hauseris, ac Magistris nostris operam navando, tamen
 conviciando longe melius pessimas horas collocaveris.

Quod vero in superiorem Germaniam te venturum pol-
 liceris, laudo. Præterquam enim quod minus ibi à Theo-
 logicis infestaberis vespis, non sine ingenti animi tui ob-
 lectione conspicias, quales quantosque tibi undique con-
 ciliaveris amicos. Invitarem te, ut ad nos accederes, nisi
 postea hic gliscere inciperet, quam tamen brevi deservi-
 turam spero, ita ut cum Serenissimo Rege nostro, quem
 indies expectamus, secure ad nos venire possis. Nam ex
 veteri Caesarum instituto primus novi Regis conventus
 Norimbergæ celebrari solet. Ostendi Alamiræ nostro
 cubicula, quibus te excipiam, luculenta: ipse Regia di-
 cebat. Quin & hoc polliceor, non solum gallinas me ti-
 bi abunde appositurum, sed & illarum sobolem, filios ac
 filias, nec non gallos gallinaceos, & de omni genere mu-
 sico cuncta, qua manducari solent, volatilia cæli. Tu
 interim bene vale, Erasme optime, ac iterum memine-
 ris, te felicem invidorum contumeliis esse, qui nunquam
 laudes tuas tam moleste ferrent, nisi certo certius cognos-
 cerent, te eruditione ac probitate immortalitatem, &
 quidem viventem, induisse. Gulielmus Nefenus tibi
 Læti scripta misit. Iterum vale. Norimb. Anno 1520.

EPISTOLA DLXII.

Erasmus Roterod. Obrectatori suo pertinacissimo S. D.

EST illud quidem omnium, qui Christo nomen de-
 derunt in baptismo, pro sua virili referre Princi-
 pem ac doctorem suum, qui maledicentibus non vi-
 cissim maledixit, sed pro probris amarulentis, saluta-
 rem doctrinam rependit, præcipue tamen eorum, qui
 doctrinam ac vitam Theologicam profitentur. Cæte-
 rum, ab hac forma immane quantum absunt, mi Bucenta,
 qui pro benefactis rependunt maleficium, qui fra-
 trem etiam bene merentem, lethali linguæ veneno sine
 fine confodiunt. Posteaquam Lovanium commigraras,
 non destitisti passim in Erasmi famam debacchari, nul-
 la unquam quamlibet levi injuria lacesitus. Ac mihi
 quidem primum non libuit credere. Res enim vide-
 batur indigna, non dicam sacerdote, non dicam Evan-
 gelico præcone, non dicam Theologo, non dicam Mo-
 nacho, sed omnino viro. Siquidem mulierum est, sed
 procacium ac stultarum, linguæ telo ulcisci affectus
 suos. Mox ubi tam multa hinc atque hinc referren-
 tur, quid alibi dixisses in conviviis, quid alibi in mo-
 nasteriis, quid alibi in plaustris aut navibus, ita qui-
 dem credidi vera, quæ narrabantur, ut tamen totum
 hoc quicquid esset rei negligendum esse ducerem. Et
 tu interim mihi blandus occurrebas, amice compella-
 bas, videlicet existimans ad me non pervenire, quod
 tu nusquam non spargeris. Tandem cum me à solenni
 prandio, quod celebratum est apud Augustinenses, vul-
 tu perquam amico rogares, quid tibi mandarem abitu-
 ro in Hollandiam, mandavi tibi fraternam charitatem,
 hætenus non satis abs te curatam, videlicet civiliter
 ac blande submonens, ut aliquando defineres ista lin-
 guæ petulantia teipsum traducere magis quam me, &
 simplicium animos malis venenis inficere, quæ post
 resorbere non possis. Nam scorpius admotus vulneri,
 retrahit ad se venenum, quod infixit caudæ spiculo.
 Nec alioqui periclitatur, nisi qui ictus est. Hic quem
 semel venefica lingua percusseris, mederi non potes:
 & late serpit malum, semper plures arripiente conta-
 gio. Posteaquam bene monitus deteriora sequutus es,
 impetravit à me Christiana charitas, ut adirem cubicu-
 lum tuum, idque tu fatebaris, insolens. Admonui
 privatim, ac libere quidem, sed tamen amanter, ut
 linguam istam in usus meliores flecteres. Ex eo collo-
 quio scis quam multis argumentis deprehenderim cras-
 sissimam planeque pudendam inscitiam tuam, cum ta-
 men totus esses occupatus in annotandis periculosis er-
 roribus meis, etiam usque ad hærescos crimen, inter-
 ea nec intelligens ea quæ scripseram. Videlicet huc
 desperationis ventum erat, ut periclitanti religioni
 Christiana Bucentes cogeretur admoveere manus. Si-
 quidem cum ipse Thomam excusans, imo laudans scri-
 pisset illum indignum qui in ea secula incideret, ni-
 mirum sentiens illius ingenium dignum fuisse seculo fe-
 liciore: tu Deum atque hominum fidem passim implo-
 rabas, quod tantum Ecclesiæ doctorem, eumque rela-
 tum in album divorum, cum primis autem Dominica-
 lis instituti, appellassem virum indignum. Cum alicu-
 bi studens exaggerare morbum obrectationis, addu-
 xissem exemplum libelli famosi, ceu mali capitalis, ut
 ex collatione demonstrarem, quantum esset sceleris,
 sic conjuratis linguis, famam immerentis incoffere: tu
 putabas à me probari libellum famosum, quasi vero
 probet homicidium, qui deterrens ab adulterio, do-
 ceat hoc juxta circumstantiam aliquam esse gravius
 homicidio. Cum adductis aliquot ex Augustino Chry-
 sostomoque locis, quibus videntur Virgini Matri tribue-
 re affectum humanum, affinem alicui peccato, subje-
 cisses, Et nos facimus eam prorsus immunem ab omni
 peccato, nimirum sentiens nos non recte illam liberare à
 peccato originis, si illi vere tribuunt peccatum ab ipsa
 commissum, tu interpretabaris me definire, quod Vir-
 go Mater fuisset immunis à contagio primorum paren-
 tum,

An.
1520.

rum, quod si definissem, nihil erat periculi. Est enim ea opinio, ut favorabilior: ita mihi sane probabilior. At interim non intelligebas homo acutus, me in diversum potius ratiocinari. Hic facile satisfactionem accipiebas, daturus veniam etiam si dissensissem à iudicio Ecclesiae, modo *Thoma* sententiae subscripsissem. Cum ego citassem è *Thoma* commentariis, quod opinionem eorum, qui negabant sub Eucharistia esse verum *Christi* corpus, appellaret haereticum, ceterum eorum sententiam, qui negarent *Christum* his verbis consecrasset, *Hoc est corpus meum*, refelleret quidem, ceterum errorem vocaret, non haereticum. Moxque adicerem mihi videri tutius in totum, si proceres Ecclesiae de hisce rebus, quae nec certis testimoniis Scripturarum, nec argumentis solidis doceri possent, non ita definirent, ut opinionem suam vellent haberi pro oraculis: tu iudicabas illic esse ingens periculum, videlicet lapsus inscitia sermonis *Latini*, has voces in totum interpretans in utraque parte quae praecesserat, cum *Latinis in totum sonet in genere*, hoc est non solum in hac materia, verum etiam in aliis similibus, nimirum secundae parti, de qua tunc agebatur, quae nec argumentis, nec testimoniis certis doceri potest. Et adjeceras in margine tua manu, *vide quam perniciose hic scribit de re, de qua toties pronuntiavit Ecclesia*, videlicet indicans me negare, verum esse corpus. Ac mihi quidem expositulanti, quod tu tam calumniose scriberes in locum lectum quidem, at non intellectum, perquam false scilicet respondebas, tibi jus esse scribere in tuo libro quae velles. Quasi vero non sit idem jus aliis in chartulis suis scribere, quae lubeat, aut quasi qui deferuntur ob libellum famosum, ideo vocentur in jus, quod in alienis chartis scripserint. Et tamen hoc festivum apophthegma adeo tibi arridebat, ut in proximo colloquio idem iterum repetieris, juxta illud vulgatum, *dis ὡς τοὺς τοὺς καλὰ*. Atque haec tam insigniter stulta brevi colloquio deprehendi, te ultro proponente, ceu bella quæpiam, & quae refelli non possent. Nec dubito quin multo stultiora fueris propositurus, nisi te maluissem amice corrigere, quam callide expiscari. Atqui quae haecenus feceras erant ejusmodi, ut vel arctissimam amicitiam possent dirimere: ego tamen nulla necessitudine tibi junctus, nisi qua *Christianus* jungitur *Christiano*, pro tanta malevolentia reposui officium, sperans fore, ut aliquando resipisceres. Admonui serio, tanquam frater fratrem, ut hoc operæ, quod sumeres in reprehendendis alienis libris, quos non intelligeres, impenderes discendae grammaticæ, discendis bonis literis, quarum inscitia, tam foede passim labereris, nec ea cerneres, quae cernunt & pueri. Admonui, si quid offenderet, me coram vel objurgares, non autem traduceres apud alios immerentem. Et videbaris non adspernari monitionem amicam verius, quam blandam. Haud multo post prodiit Bulla, ut ferebatur, adversus *Lutherum*. Ea de re cum nulli mortalium verba fecissem, tu subito reversus ad ingenium, coepisti vociferari, me diplomati Pontificio obistere, opinor insignatus à quodam, cujus utinam non tam niger esset animus, quam est candidum pallium. Jam vel *Paulo* auctore debebam ingenium tuum habere pro deplorato, qui semel atque iterum frustra monuissem, sed quoniam juxta *Paulum* eundem, *Charitas omnia sperat*, rursus adii te, solus expositulavi cum solo, paulo quidem liberius, sic enim res poscebat, sed tamen amanter. Hic tu inficiatus, quod sciebam esse verissimum, causabaris aliud, videlicet à me scriptas ad Cardinalem *Moguntinensem* literas, quibus perstrinxissem Ordinem vestrum. Nec pudit te fateri, literas eas tibi non fuisse lectas, ob quas tantopere stomacharere, nihilo verecundior illo sodali tuo *Nicolao Egmondano Carmelita*, qui cum digna atque indigna vociferatus esset in Novum Testamentum à me recognitum, ubi *Lovanium* commigrassem, & hominem à prandio subinde rogarem, ut coram indicaret quae offenderent in Opere meo, respondit homo

A simplex, sibi nunquam Opus lectum fuisse. Obticui, An. suspiciens illum non esse tam ignarum Dialectices, quin intelligeret, quid ex talibus praemissis colligerem. Odiostissime clamaverat venturum Antichristum, nec legerat unquam quod damnabat. Sed de epistola mox; interim ordinem rei gestae persequar. Ac tum quidem ubi te commonefecissem officii tui, discessi, nec admodum sperans te fore meliorem, nec tamen omnino desperans. Paucis post diebus *Joannes Faber*, Ordinis tui sodalis, cui utinam tam similis esses eruditione, moribus, prudentiaque, quam es similis cuculla & pallio, retulit mihi, quemadmodum te super hac re admonuisset, vel objurgasset potius: nam illi forte rem ut habebat exposueram. Respondisti, si verum ille narrabat, te posthac *Erasmo* fore certissimum amicum, si noxiam hanc remitterem. Cumque subjecisset ille, se nolle mihi referre pro certis incompta, dextra data confirmabas fore, quod pollicereris. Haec cum mihi persuasisset esse verissima, coepit obsecrare per *Christianam* charitatem, sinerem exorari me, tecumque redirem in gratiam. Ego vero semper ad concordiam facillimus, respondi me non solum velle condonare quicquid esset admissum, verum etiam oblivisci. Haec si vera non sunt, certe à me ne syllaba quidem afficta est, ita narravit vir natu grandis, sacerdos, Theologus, & in suo genere pulchre doctus, à concionibus *Caesaris*, Prior monasterii *Augustani*. Scribat ipse me inter vanissimos, si verbum hic mentior. Cum à me nihil esset ortum novi, tamen tu protinus relapsus es ad ingenium tuum, importune, opportune, nusquam non exercens linguae virulentiam in eum, qui & monuerat tam amice, & ignoverat tam clementer. Cum *Dordraci* nescio quid tumultus accidisset tibi post concionem, & curriculo te *Lovanium* recepisses, nondum satis promptus pro fide capitis subire periculum, clamatbas, ut ajebant, hoc quoque mihi meisque literis imputandum, cum mihi *Dordraci* nemo mortalium sit notus, imo cum de *Luthero* nulli tum scripsissem apud *Hollandos*, neque bene, neque male. Nec his contenta animi tui virulentia, ante paucos dies natali sancti *Thoma Aquinatis*, subornatus est juvenis Ordinis tui, qui bello commento meam infamiam cum *Thoma* gloria misceret. Edidicerat adolescens, centonem verius, quam orationem, quam non intellectam, velut psittacus recitaret. Quam enim intellexerit, vel hinc promptum est colligere, quod cum referret ex *Horatio*, *Feruntque summos fulmina montes*, quanta potuit voce pronuntiavit, *Feruntque summos f. m.* Rursum pro illi *antistites* recitavit illi *antistes*, nimirum, ut *Pranestinis* est ciconia conia, & rustico illi *Psantino*, rabo est arrabo. Ac ne ceteros lateret, quis esset auctor tam bellae fabulae, tu proximus adstabas suggesto, suggerens, *feriunt, & antistites* esse dicendum. O mirum & auspiciatum sancti *Thoma* Encomium; illi tributa est eloquentia, nobis adempta. Quis non videat hoc è media esse Rhetorica? Sic *Plutarchus* *Gracos* Duces cum *Romanis* comparat, sic formica camelo comparari solet. Quid autem impudentius, quam juvenem à *ναλφάετον* pronunciare, quid ego vel sapiam in Theologia, vel valeam eloquentia? *Bucentes* est insignis Theologus, fidei propugnator, & *Erasmus* nihil sapit in re Theologica. Quantus impostor est *Erasmus*? Scribit *Paraphrases* in Epistolas Apostolicas, scribit Annotationes in Novum Testamentum. Respondit Theologis aliquot, tamen ignarus omnis Theologiae. Ego mihi, ut non vendico eloquentiam, ita minimum summo in Theologia. Sed non adeo me poenitet eruditionis meae, mi *Bucenta*, ut velim cum tua permutare, qui quantum in hoc ipso genere quod proferis valetes, satis ipse declarasti, cum in scholis audiremus te tua pleraque de scheda pronunciantem, atque id etiam ægre, quaedam non admodum feliciter respondentem. Sic tu *Thoma* discipulus celebras illius festum diem, quemadmodum olim *Lindii* sacra faciebant *Herculi*, aut *Graci Baccho*, quae non videbantur rite peragi, ni

An. si conviciis agerentur. Et postea miraris, quod corda-
 1520. ti viri, quod opulentæ matronæ non mittant liberos
 suos in vestram hierarchiam, ubi rudibus annis tales
 discant artes, te præceptore, priusque discant maledi-
 cere proximo, quam possint dicere. Quod si *Thomas*
 tam sanctus est, quam vos eum vultis videri, non du-
 bium, quin oderit obtrectationem, & Deo, & piis
 omnibus invisam: quod si putatis illum huiusmodi pa-
 negyricis delectari, in quibus sic ipse laudatur, ut la-
 ceretur fama fratris, pessime nimirum de illo sentitis.
 Hoc exemplum tam irreligiosum, cum auditores reli-
 qui, pedum suppositione, sibi testarentur displicere,
 tamen neque te, neque tuos discipulos Evangelicæ reli-
 gionis professores puduit, sed velut in re bene gesta,
 sibi vicissim arridebant, etiam antequam illa præclara,
 atque meditata proloqueretur vester pſitacus, videli-
 cet ne quis nesciret hoc communi consilio geri. Suc-
 censes mihi, quod alicubi dissentiam à *Thoma*, cur non
 magis succenses, quod alicubi dissentiam ab *Hieronymo*,
 ab *Ambrosio*, ab *Augustino*? Quod si læsus est *Thomas*,
 quod diversum ab illo sentiam, quin me refellendo po-
 tius, illius honorem vindicas? Id quoniam non facis, fa-
 tis fateris te non posse. Et qua fronte clamitas illum
 nihil scire Theologiæ; qui locis aliquot plus sapit,
 quam ipse *Thomas*, vestra sententia sic omnium pri-
 mus, ut nemo non longo sequatur intervallo? Hic igitur
 cum nolueris latere, te esse choragum hujus fabu-
 læ, nemini dubium esse potest, cujus instinctu sic de-
 bacchati sint in publicis concionibus cæteri tui sode-
 les, *Moria*, & *Anisbarbarorum* interpretes, suæ stulti-
 tiæ præcones, dum meam cupiunt traducere. Sed
 jam ad epistolam Card. scriptam redeo, quæ te sic ir-
 ritavit, cum antea non blaterares in me, nisi in con-
 viviiis, navibus, & vehiculis, nunc veluti lymphatus
 nusquam non agas tuam personam, subornatis etiam
 aliis quasi ad maledicendum tu non sis multis par. Pri-
 mum, quid agitur in tota illa epistola, nisi ut *Lutherus*
 corrigatur potius, quam exstinguatur, ut refellatur po-
 tius, quam ut conjurationibus opprimatur, ut mundus
 doceatur magis, quam ut cogatur tantum? Atque id
 erat à dignitate ordinis Theologici, è dignitate *Roma-*
ni Pontificis, è tranquillitate populi *Christiani*. Non-
 dum id temporis *Romanus* Pontifex interposuerat au-
 ctoritatem suam. Et sciebam quid agerent quidam,
 qui nihil affectant, nisi tyrannidem. Itaque literis ob-
 signatis Principem amicum, optimeque de me meri-
 tum admonui, ne quis illius auctoritate posset abuti.
 Qui eam epistolam evulgarunt, an inimico animo fe-
 cerint nescio, certe rem inimicam fecerunt. Tale
 consilium non veritus fuisset ipsi *Leoni* Pont. Max.
 dare, si data fuisset occasio, nec dubito, quin fuisset
 illi placitum. Certe res ipsa docet, non fuisse stultum
 aut inutile, ac vereor, ne posthac magis ac magis id
 experiamur. Verum, hoc te quidem leviter movebat.
 Illud tibi visum est intolerabile, quod Ordinem ve-
 strum attigerim, quod *Berna* meminerim. Nec enim
 potui non ridere cum diceres, Ordinem vestrum tot
 annos constituisse, quasi ego sim illum subversurus. Per
 me quidem stabit Ordo tuus, atque etiam florebit us-
 que ad finem mundi. An ideo totus Ordo læsus est,
 quod scripserim esse aliquos, qui affectarent tyranni-
 dem? Tot estis millia monasteriorum, hominum innu-
 meræ myriades, & omnes vocabuntur ad arma, si quis
 per occasionem queratur, de uno alterove ejus sodali-
 tatis? Si quis compertum habens sacerdotem effutisse,
 quod dictum sit in arcana confessione, sodalem admo-
 neat, ne se temere cuivis credat, quod reperiantur,
 qui parum tenaces sint silentii, num universi clama-
 bunt sese læsos? Et tamen hoc, quod à me scriptum
 est, adeo secretum non est, ut vulgo passim hoc &
 sciant & querantur homines. Porro quod *Savonarola*,
 & *Bernensis* facinoris memini, non factum est in o-
 dium Ordinis, quod illic etiam testor, nec odiose, ne-
 que multis verbis, sed ita res, quam tum agebam, po-
 stulabat. Quid autem accidisset etiam si data occasio-

An. ne meminissim? An mundus ignoraturus erat, si solus
 1520. ipse siluissim? Secus est si nullum Ordinem licet attin-
 gere. At vos ipsi Principes, Magistratus, Episcopos,
 Abbates, palam ac libere incessitis, nonnunquam etiam
 seditiose, neque putatis æquum, ut quisquam vos ea
 de causa in jus trahat, quod intactis personis rem inse-
 ctemini. In nullos libentius invehimini, quam in pa-
 stores Dominici gregis custodes. Pauci dies sunt, quod
Antuerpia Monachus quidam, parceretur Ordini, moni-
 tus à magistratibus, ut doceret Euangelium, à seditio-
 sis clamoribus abstinere, in publica concione dixit:
Jubent, inquit, predicem Euangelium, at isthuc audi-
re licebit à parochis vestris, etiamsi pridie dormierint
cum magno scortio. Hoc non minus obscœne dictum
 quam seditiose, sibi ignoscunt, nec putant injuriam
 Ordini factam, quem haud dubie *Christus* instituit. Et
 tu meditaris actionem læsæ majestatis, si quis per oc-
 casionem attingat *Dominicanum*, aut *Carmelitanum*? Si
 cuiquam titulo parcendum erat, *Christiani* titulo par-
 cendum erat, neque levis est causa, ne detur ansa im-
 piis exprobandi nobis vicia nostra: Et tamen historiæ
Christianorum in literas mittunt *Christianorum* dedeco-
 ra, ne à nominibus quidem abstinentes. Cur virginum
 ordo non discerpit libros *Hieronymi*, qui sic depingat
 virginum vicia? Cur Episcopi non discerpunt libros
Cypriani, qui tam atrociter invectus est in suorum
 temporum Episcopos, turpem quæstum, usque ad u-
 furas exprobrans? An ut olim religiosum erat vel no-
 minare deos quosdam, ita non licebit loqui de *Domi-*
nicanis, aut *Carmelitanis*, nisi cum honoris præfatione?
 Dicebat ille tuus discipulus, etiamsi vera essent, ta-
 men essent ob honorem Ordinis tacenda; cur ergo qui-
 dam, qui tantum honoris haberi volunt Ordini suo, in
 alios nominatim etiam, ac palam mentiuntur? Id esse
 verissimum plurimis exemplis docere possum. Ego tot
 modis laceratus, nullius *Dominicani*, aut *Carmelita* no-
 men scriptis meis perstrinxi: *Predicatorio* Ordini præ-
 cæteris etiam faveo, vel ob hoc, quod minus onera-
 tus est ceremoniis. Ne tibi quidem ipsi concessurus
 sum, ut quanquam in *Thoma* verba juraris, veris *Do-*
minicanis impensius faveas, quam ego. Nec sum tam
 iniquus, ut quod ab his aut illis committitur imputem
 Ordini. Et adeo non imputo, ut frequenter & illis
 parcam, à quibus sum odiosissime provocatus, ne quid
 lædam Ordinem immerentem, persuasum habens, quæ
 faciunt isti, optimo cuique ejus Ordinis improbari. Et
 tamen id faciunt multi, tamque impune, ut homini
 suspicioso videri possint Procerum jussu facere quod fa-
 ciunt. Et post hæc me fingis hostem Ordinis, qui ve-
 rius illi faveo, quam tu, cum tuis sodalibus? An pro-
 tinus vindicaveris honorem Ordini tuo, si me dehone-
 staris, aut illum candidum feceris, si me feceris ni-
 grum? Si vere studes Ordinem tuum commendare bo-
 nis omnibus, fac ut easdem dotes renovet, quibus o-
 lim & natus est, & propagatus, & commendatus or-
 bi: Vitæ integritatem, sanctimoniam non fucatam,
 contemptum mundi, doctrinam Evangelicam, mani-
 fuetudinem *Christianam*. Hæc sectantibus, favebunt,
 applaudent, bene ominabuntur omnes. Nunc quæ
 dedecora subinde nova vulgo narrantur de vobis? Quas
 passim audimus querelas? quæ flagitia? Quæ utinam,
 aut essent ficta, aut certe carerent fide. Porro quam
 non studeam Ordinis ullius infamiae, vel hinc potes in-
 telligere. Atroces iras in vos conceperat eximius ille
 Princeps *Hermannus Comes à Nova Aquila*, quod præter
 meritum attactus esset literis *Jacobi Hochstrati*. Quod
 si vir ille perstitisset in eo quo cœperat animo, res vi-
 debatur haud mediocri cum periculo Ordinis vestri
 conjuncta. Ego literis non indiligenter scriptis, per-
 suadere conatus sum amico, ut eam contentionem re-
 mitteret. At ille quidem pro sua vere generosa man-
 fuetudine remisit. *Hermannus Buschius*, vir doctus jux-
 ta ac facundus, indicarat mihi, sibi esse in manibus O-
 pus, quod ex ipso titulo conjectabam fore non parum
 mordax in Ordinem vestrum. Egi diligenter cum ho-
 mine,

An.
1520.

mine, ut verteret consilium, & exiit Opus, sed retexit, ac multo moderatius, mutato etiam titulo. Est alter quidam ea facundia, eaque doctrina praeclatus, ut plane victurum augurarer, quicquid scripturus esset. Is aggressus erat *Prædicatorum & Carmelitarum* insignia dedecora in literas mittere. Non conquivi donec hominem abducerem à sententia, partim iniquum esse ducens, horum aut illorum commissam in Ordinis infamiam vertere, partim inutile iudicans, si mundus talibus fabulis inficeretur. Sunt enim quaedam flagitia, quae tutum non sit commemorasse, quod genus sunt prodigiosae libidinum formae, incantamenta, veneficia, sortilegia, aliaque id genus, quae vestri nonnunquam è secretis confessionibus discunt, quidam etiam imitantur. Vides, mi *Bucenta*, quam geram hostilem animum in Ordinem tuum? At fortasse causaberis hæc esse conficta, imo supersunt qui me refellant. Et posteritas intelliget me minus vero dicere, proditis epistolis, quas nunc celant amici. Sed quereris unum atque alterum resillisse ab instituto vestro ob lectionem librorum meorum, eosque bene nummatis. An isthuc verum sit, nescio. Fortassis illi propius contemplati vitam quorundam, vertere sententiam, animadvertentes mores non per omnia respondere cultui, quod nuper summatis atque optimis viris accidisse notius est quam ut sit referendum. Illud fateor, admoneo locis aliquot, minimam religionis partem esse in cibis, cultu, aut similibus ceremoniis, summam esse in purgatis affectibus, & officiis charitatis. Sanctissimum esse votum, quod *Christo* vivimus in baptismo, hoc esse maxime præstandum, quod exigitur ab omnibus. Hoc qui præstet, non esse magnopere, cur aliam desideret professionem. Admonui juvenes ne se temere conijciant in huiusmodi vitae labyrinthum, priusquam, & sibi noti sint, & intelligant, quibus in rebus sita sit vera religio. Damnavi eos, qui circumneant mare & aridam, ut quos possint irretiant, vel ob quæstum, vel ob ambitionem, vel aliam aliquam ob causam his etiam scelerationem. Quod si quis huiusmodi monitis, factus circumspiciat abstinent ad tempus, ut ingenue fateor, nihil me poenitet. Si quem mea scripta reddidissent alieniorem à *Christo*, dolerem (ut vere fateor) inconsolabiliter, ac meos ipse libros odissem. Cæterum si quis abstinent instituto, cujus suscepti mox poenituisset, non est quod doleam: atque hæc vestrum erat inculcare, quæ nos admonuimus. Nam si probi estis, mavultis, opinor, pauciores, modo vere pios, quam multos qualescunque, nihil enim dicam aliud in præsentia. Malo decem bene abstinuisset ob monita mea, quam unum male irretitum fuisse opera mea. Quod si hæc occiderentur omnibus, fortasse pauciores existerent, qui suis moribus dehonestarent professionem suam, nec audiremus passim tam multos frustra deplorantes, se capistro præbuisse caput. Fortasse, ne tu quidem istius Ordinis esses, sed pro libris tractares stivam, aut aliud quippiam aptius ingenio corporique tuo. Quod si cupitis quam plurimos in gregem vestrum allicere, date operam, ut incessus, ut oculi, ut sermo, ut mores, ut facta veræ religionis indicia præ se ferant. Audiamus passim exempla, quomodo in mediis deliciis sobrie vos gesseritis, quomodo voluptatem obviam fortiter spreveritis, quomodo lucro posthabueritis pietatem, quomodo vestrae gloriæ prætuleritis gloriam *Christi*, quomodo *Christiana* lenitate pertuleritis injuriam, quomodo male merentem officiis obrueritis, quomodo pro veritate tuenda divitum ac Principum simultati vos exposueritis. Date operam, ut quisquis miscuerit vobiscum sermonem, melior discedat à colloquio, quisquis vobiscum egerit convivium, sobrietatis exemplum auferat, quisquis vobiscum aliquid humanorum negotiorum tractaverit, sentiat vos meliores populo, minus avidos, minus morosos, minus fucatos, minus perfidos. Denique ubique agnoscant Evangelicam illam simplicitatem,

in factis pariter ac dictis vestris. Nunc non libet referre, quam his diversa de vobis vulgo commemoventur. Atque hæc celari poterant, nisi quidam seipsum proderent in publicis concionibus. An putatis populo non esse sensum communem? An universos è tuo tuique similibus aestimas ingenio? Sapit & vulgus ingenio, sapit experientia rerum, sapit congressu doctorum hominum, sapit lectione voluminum. Quid putatis illi venire in mentem, ubi conspiciat Theologum insignem sacra veste, in loco sacro, è suggesto Ecclesiastico, unde expectatur Evangelica doctrina, impotenti odio, virulenta lingua debacchari in famam proximi, oculis ardentibus, labiis spumantibus, voce immani, toto denique corporis habitu livorem & odium præ se ferente? Si vera essent omnia quæ dicerent, tamen populus non est adeo stupidus, quin intelligat ea non suo loco dici, intelligit ex animo proficisci neutiquam pio, quæ tam inimice dicuntur. Itaque fit, ut etiam si quid recte doceant, minus illis habeatur fidei. Quis enim credat ei, quem videat non esse sui juris, sed servum & addictum esse affectibus? Quid autem cum, quod non raro fit, audiunt etiam manifesta mendacia? nam huc usque rapit quosdam animi cæcitas. Utinam audiretis, quæ passim inter se murmurent mulieres ac viri, talibus concionatoribus non paulo prudentiores: Quid, inquit, an hac de causa venimus in templum, ut ociosi audiamus, quid hic aut ille stomachetur in alterum? Nos domi relictis negotiis huc accedimus, ut audiamus *Christum* nobis loquentem è pectore sacerdotis, ut domum redeamus meliores, ut aliquid sacrae doctrinae, aliquid bonæ consolationis domum reportemus, & in templo discimus lacerare famam proximi, ac domum referimus odii, livoris, & obtreccionis materiam. In conviviis, apud focum renovatur contentio, aliis in aliam partem discedentibus. Quid opus erat hæc à templis peti, quæ nobis plus satis domi nascuntur? cur nobis subinde narrant, esse qui corrigant *Magnificat*, qui corrigant *Precepcionem Dominicam*, qui corrigant *Evangelium sancti Joannis*? Si quid in his male habet, quin ipsi inter se corrigunt potius, quam nos ad lapides provocant, & inter concordantes seditionem concitant? Nos istos alimus, ut animos nostros confirmet in fide, & per hos vocamur in dubium? Alimus eos ut ex illis dediscamus nostra vicia, & discamus Evangelicam doctrinam, & ab his discimus, quod est omnium pessimum, linguæ virulentam obtreccionem. Si tales sunt isti, non committam illis liberos meos, nec illis credam arcana pectoris mei: nec enim silentium præstant bona fide, nec recte consulunt, qui non ducuntur iudicio, sed feruntur cæcis affectibus. Hæc audimus, mi *Bucenta*, quotidie etiam à nautis, ab aurigis, à mulierculis. Nec est quisquam vir bonus, cordatusque, quin intelligat horum querelam esse iustissimam. Ita res in diversum exit, ut dum alienam famam incessitis, vestrae noceatis. Quid enim aliud lucrifacitis istiusmodi blaterationibus, quam odium optimi cuiusque? Quot amicos, haud adspersandos, vobis ademit ista petulantia? plures adeptura ni respiscitis. Circumspice mihi, & vide, num quisquam vir doctus, aut integer faveat istiusmodi petulantiae. Habet hoc obtreccatio, ut etiam si fidem faciat, tamen auditor pejus sentiat de eo, qui narravit. Quemadmodum proditorem odit Princeps, etiam si dignum fraude putat eum, qui proditus est. Sed huiusmodi senatusconsulta vobis nascuntur inter pocula, & putatis ob placitum, quod duobus aut tribus compotioribus placuit. Pessime sentitis de genere humano, si creditis hæc probatum iri omnibus. Nondum adeo mundus obscuruit ad omnem naturæ sensum, nondum sic exsui omnem affectum Evangelicæ pietatis. Si sincere, si libere doceretis Evangelicam veritatem, & ex officio consequeretur odium, pertineret ad vos illa *Christi* consolatio: *Beati, cum vos oderint homines.*

Tom. III.

Rr

Nunc

An. Nunc optimus quisque à vobis redditur alienissimus, 1520. ob viciolum exemplum. Hæc tibi venient in mentem, *Bucenta*, nisi malles odium in consilium adhibere, quam rationem. Cum obambulas per monasteria, etiam *Carusianum*, & humaniter acceptus, jam debebas, id quod illi exspectant, aliquid vicissim depromere è sacris studiis quæ proferis, ex arcanis illis contemplationibus, quibus illi putant Theologos identidem cum Deo colloqui, quod ipsos inflammet ad amorem vitæ cœlestis, quod impleat eos consolatione spiritali, quod semen aliquod ac scintillam Evangelicæ charitatis infigat; tu sacerdos *Dominicanus*, Theologus, denarras historiam *Erasmi*, vera falsis permiscens, ac indecore blaterans, quicquid in fortunam, quicquid in vitam, quicquid in doctrinam, vel fingi, vel dici possit. Nec te cohibet ab obtrechando, etiam cum vides hæc tristibus vultibus à cunctis accipi, imo cum audis omnes reclamantes. Quid autem credis pios illos patres de te suspicari, cum hæc audiunt, quid inter se queri? Fortuna mea talis est, ut ipse jure possim, & solem multa de ea queri. Verum, nulli in manu est, sibi fortunam fingere. Et arbitror plus esse laudis, invita fortuna eluctari ad virtutem, & blandientem etiam rejicere, quam si mihi dormienti contigisset amplissima. Nec deerat occasio, nec ignorabam viam, qua pararetur fortuna lautior, si mihi placuisset tanti emere, quanti video à multis emi. Neque vitam meam omnibus libero viciis, præsertim actam juveni. Doctrinæ minimum mihi tribuo, etiam si neque te, neque tui similes patiar doctrinæ meæ censores. Tu putas atrox convicium, si me Rhetorem, aut Poetam dixeris. Ego neutrum agnosco titulum, sed qui intelligunt, quantum eruditionis reconditæ, quantum ingenii, quantum eloquentiæ sit Poetis ac Rhetoribus, hi tales voces porcorum esse putant, non hominum. Contemnite quantum voletis Poetiam, adeo vobis ignotam, ut ne nominare quidem recte possitis, ex eodem ligno citius duos fingeres *Thomistas* præclaros, quam unum tolerabilem Poetam, aut Rhetorem. Verum, hoc est ejusmodi, ut iis frustra dicatur, qui Musas omnes habent iratas. Atqui si has horas, quas sumis fratri tuo traducendo, collocares in evolvendis bonis Auctoribus, aut certe in evolvendis *Ambrosii*, *Hieronymi*, *Augustini*que voluminibus, multo minus tibi placeret tua doctrina, & minus displiceret aliena. Possem & ego inquirere in fortunam tuam, in vitam ac doctrinam tuam, olfacere sicubi convomisses mensam, sicubi contuprasses Vestalem, & quod aliud facinus olim juvenis designasses, aut etiam nunc designares: sed absit, ut in tantum degenerem à doctrina *Christi*: absit, ut sic exsuam omnem *Christianum* pudorem, & id faciam, quod nec Ethnicici faciunt, ingenii paulo sanioris. Quidam nimis impudenter impingunt mihi calamum mordaciorem. At qui sapiunt, quique vere judicant, fatentur neminem multis seculis odiosius impetiturum, quam *Erasmum*, nec ullius tamen stylum magis incruentum fuisse, nec alium civilius taxare vicia mortalium, nec magis pepercisse nominibus ac personis, etiam si nec nomini meo, nec personæ paritum est à multis. Quod si ideo nos impetis, quod offenderim Ordinem vestrum, primum fateris te vindictæ libidine rapi, non duci ratione, cum tuæ professionis sit, etiam pro maleficio beneficium reponere. Præterea vindictæ genus tibi deligis, omnium damnatissimum, ac viris etiam indignum. Dux ille Ethnicus ferula castigavit, qui hosti malediceret, quam ad pugnandum esset conductus. Et tibi non aliud telum est, quam maledica lingua, qua valent improbæ mulieres. Ad scribendos libros salutiferos, mancus es: ad prædicandam *Christi* philosophiam, elinguis es: ad obtrechandam *Erasmo*, disertus es & copiosus. Atque interim *Saulum* imitaris, sed impium adhuc, subservis & animos addis aliis, qui *Erasmum* in concionibus lapident. Atque hoc est res tur-

pior, quod ad ulciscendos privatos affectus abutimini An. 1520. religione, & auctoritate sermonis Evangelici, ac mavultis cœlum terramque misceri igni, quam non obsequi vestris studiis. Sed hoc tantum impietatis est, illud etiam imprudentiæ, quod dum mihi vultis vulnusculum infligere, ipsi vestræ famæ longe gravius vulnus infligitis. Scio quosdam melius coepisse sentire de me, posteaquam viderent me tibi tuisque sodalibus tantopere displicere. De vobis certe nemo non sentit pejus, utcumque de me sentit. Cum nuper adires illum vere Theologum, qui sic in scholastico genere valet, ut *Latetia* non alia quam doctrinæ commendatione primum meruerit locum, tamen bonarum literarum ac linguarum præfidiis insuper est instructus, ut tui dissimillimum officii gratia salutare, tam impotens erat animi tui odium, ut vix dicta salute, statim erumperes in furiosa in me convicia. Quodnam ob meritum meum? quod is pro sua humanitate pridie apud me coenasset, cum nec in coena, nec in colloquio, quod mihi cum illo satis diuturnum fuit, ulla fuisset tui mentio. Sic homo civilis primam illam salutationem pessimo maledicentiæ omine reddidisti inauspicatam. Nec veniebat in mentem, quam malam inires gratiam apud duos peritissimos earum literarum, quibus ego semper ut favi, ita nonnihil etiam profui. Nec hoc odio tuo sat erat, totum convivium insulsißimis conviciis condiebas, usque ad omnium etiam tuorum fastidium: nam & hi questi sunt linguam istam tuam procacem, & effrenem, nullo remedio posse compesci. Vis audire quantum tua promoveris petulantia? Sic alienasti doctos illos abs te, ut negaverint se unquam credituros fuisse, te tam impotenter esse maledicum ac virulentum, ni tu re ipsa fecisses fidem. Rogabam an ne mihi quidem. Nullus, inquebant, mortalium hoc nobis persuasurus erat, nisi res ipsa persuasisset. Ac tibi nihil aliud precabantur, quam mentem saniozem. Similis erat exitus *Antuerpia*, cum in celebri convivio bonus ille *Dominicanus*, à melle cognomen habens, cum nihil eructet, præter merum tel, negaret esse sceleratiorem hæreticum in his regionibus, quam esset *Erasmus*, quibus auribus putas eam vocem acceptam? Quis non detestatus est hominis insaniam, præsertim ex his, qui libros meos legerant? Quis autem non detestatur, & tuam illam vocem, *Pessilens ille Lutherus*, & pessilentior *Erasmus*; nam ex hujus uberibus suxit, quicquid habet ille veneni? Qui libros utriusque legerunt, quid aliud cogitant, quam te hominem esse omnium, qui vivunt, impudentissime vanum, petulantissime maledicum, furiosissime impotentem? Imo qui te non norunt, & audierunt in navi aut curru disputantem de fide catholica, rogant, quis sit ille *Dominicanus*, facie nitenti, risu *Sardonico*, validis lateribus, sed inepta lingua, qui tam disertus sit ad maledicendum *Erasmo*? Quid hic responderi soleat utinam audires aliquando, videresque te tuis pictum coloribus. Ego tibi sum hostis Ordinis tui, qui admoneo quibus rebus Ordinis dignitati oporteat consulere; tu, qui tua lingua tuisque moribus de honestas Ordinem tuum, idque passim nullo delectu, neque temporis, neque loci, neque personarum, columnen es Ordinis. Ego nulli omnino sum infensus Ordini, neque *Franciscano*, neque *Carmelitico*, neque *Dominicali*, neque *Nautico*, neque *Aurigariorum*, sciens in unoquoque probos inveniri. Ut in quocunque pallio, quocunque titulo placet pietas, ac morum integritas, ita nusquam non displicet omnibus bonis improbitas. Quod si maxime essem hostis Ordinis tui, nullum gravius malum optarem illi, quam aliquot tui similes. Quæso tuæ vocis arbitrio erimus *Christiani*, qui nunquam ex animo cogitasti, quid sit esse vere *Christianum*? Undique proditis inscitiam vestram, undique mores multum abludentes à professione, undique pectoris purulentiam, & nobis acceptum fertis, si pejus de vobis sentit mundus? Videmus passim tuos sodales ab idiotis, atque etiam à mulierculis refelli, magno-

An. magnoque dedecore, sic obturari os, ut non habeant, 1520. quod respondeant. Et quoniam vos debacchamini in vitam aliorum, vicissim & illi passim vestrorum Bacchanalium mysteria proferunt, materia nimium felici. Cum *Antuerpia* seditiosis clamoribus civitatem, ex omni nationum genere conflata, ad seditionem concitaretis, iterum atque iterum vetante magistratu, quantum favoris *Luthero*, quantum odii vobis conciliastis? A me nullus amicus vestra opera factus est alienior, quosdam etiam novos veteribus addidit vestra in me maledicentia. At à vobis quantus numerus bonorum & eruditorum est alienatus? Quot homines poenituit suæ in vos liberalitatis? Quanto pluris habitus fuisset *Jacobus Hochstratus*, si aut non scripsisset in quenquam, aut non scripsisset tam amarulente? Quæso, quid lucrificet *Nicolaus Egmondanus*, tam impotenter, imo tam stolidè toties in me deblaterans? Quam vero decorum erat illud sacerdoti, Theologo, *Carmelita*, denique seni, tam odiose deblaterare in Opus, quod fatebatur sibi nunquam esse lectum, fortasse nec intellecturus, si legat? Quis autem puerorum non risit hominem, cum frequenter in concionibus stultissime debaccharetur in Poetiam, (sic enim ille vocavit) in Rhetoricen, in linguas à laudatissimis viris tantopere & laudatas, & expetitas? Quam hoc dignum illius candido pallio, quod cum cæteri Theologi ad concordiam invitarent, ille solus dissidium maluit? Rogatus quid illum offenderet, respondit, quod scripsissem Novum Testamentum. Rursum interrogatus, quid tum postea? ergo, inquit, omnia nostra nihil sunt. Bellum enthymema, periit videlicet universa Theologia, si incolumi Translatione Vulgata, quædam facta sunt, vel emendatiora, vel dilucidiora. Et is jactat quod talibus enthymematis ipsius non digner respondere, cum ipse non digne- tur apologiam legere, qua diluo quicquid hujus generis objici possit. Scilicet non satis erat omnibus scripsisse, nisi cum singulis causificatoribus, imo cum fungis & caudicibus totos dies ociosus disputem. Quod erat specimen religionis, cum in Theologica & ordinaria professione publice diceret, me cum *Fabro* pugnare, & olim pugnuros in profundo tartari? Non puduit ejusmodi virus effundere in *Fabrum*, hominem senem, eruditum, ac perpetua vitæ sanctimonia cunctis venerabilem, & tamen non intelligebat, qua de re mihi cum *Fabro* esset controversia: id enim ipse suo sermone prodebat. Quis fuit illi tam favens in eo auditorio, cui non displicuerit vox tam impotens? Quis illi judicabat esse sanum caput? Qui erant amicissimi, sic excusabant, quod à convivio dixisset. Sic fortasse leno poterat excusari, non Theologus. Cum omnibus bonis displiceret homo, sibi tamen displicere non potuit. Jam vero ut exhiberet suis camelum, quod ajunt, saltantem, addebat auspicaturus Epistolas *Pauli*: *Paulum olim persecutum Ecclesiam Dei, sed è lupo factum ovem. Idem, inquit, orandum ut eveniat in Luthero & Erasmo.* O lepores Atticos! ô cavillos qui non multum absint à caulis! Cum passim rideretur, cum exhiberetur, tamen nulla fere lectione non aliquo scommate perstrinxit caput meum, idque fecit etiam in concionibus. Cum evulgaret Bullam editam adversus *Lutherum*, meque forte fortuna conspexisset in concione, subito relicto argumento quod instituerat, plura dixit in *Erasmum*, quam in ipsum *Lutherum*, nec erat finis, nec modus, subinde repetebat intermissum sermonem; cumque passim inter se nutarent ac riderent auditores, tamen ille toto vultu testificans impotens odium animi, maledicum sermonem abruptit verius, quam finivit. Ea de re cum expostularem apud Academiæ Rectorem *Godschalcum*, ejusmodi conviciis, imo mendaciis debacchatus est in faciem meam, ut ea vix *Balaatro* diceret *Nomentano*, quæ senex seni, sacerdos sacerdoti, Theologus Theologo, idque apud Academiæ moderatorem. Ajebat me versipellem, duplicem, au-

An. 1520. ctorem omnis tumultus *Lutherani*, nihil non fingere, me infixisse *Lutherum* animis hominum, me falsasse multis locis Novum Testamentum, significabat me fictis uti diplomatis, finxisse epistolas eruditorum virorum ad me honorifice scriptas, cum pleraque suppressam pudore. Quid non? More procacium muliercularum nullum verbum non rapiebat in occasionem convicii. Forte dixeram, *finge ita esse*, pro eo quod erat, *pone ita esse*. Ibi commotus homo: Nolo, inquit, fingere, hoc vestrum est, vos fingitis, ac mentimini omnia. Memineram per occasionem Rhetoricæ civilitatis, qua nonnunquam negamus nos monere eum, quem tamen monemus, ibi ceu telum nactus: Verum, inquit, sic Rhetores omnia mentiuntur, fingunt ac dissimulant. Nihil dici poterat, quod ille non verteret in occasionem convicii. Tandem ubi satis esset debacchatus, suæque naturæ obsecutus, ubi usque ad satietatem faciem meam maledictis conspuisset, tandem urgente Rectore, proposuit condiciones pacis duas, alteram ut canerem palinodiam eorum, quæ scripsissem in Theologos *Lovanenses*, ac *Stefichorum* imitatus scriberem, *Lovanii* sincere (nam hoc verbi tum illi placuit) ac probos esse Theologos. Quasi si id scripsissem, ipse protinus alius haberetur, quam semper fuit: Alteram, uti scriberem adversus *Lutherum*. Hæc si reciperem, ac præstarem, tum nos fore fratres: sin recusarem, se perpetuo habiturum me pro *Lutherano*, quasi non ipse eadem ratione censendus esset *Lutheranus*, qui nihil adversus illum scripserit. Hujus discipulus prior *Antuerpiensis* pileo violaceo doctor, excusans sese apud magistratus, quod seditiose clamasset in *Lutherum*, negavit se legisse *Lutheri* libros, sed admonitum literis *Nicolai Egmondani* dixisse, quæ dixisset. Eodem tempore proceres monasterii *Dominicalis* sic indecore gesserunt sese, ut omnium bonorum animos ab se alienarent. Quorum de numero quidam laicis aliquot audientibus, Utinam, inquit, mihi liceret dentibus meis demordere gulam *Lutheri*, nihil vereretur ore adhuc cruento accedere ad corpus *Christi*. Quis bonorum est tam iratus *Luthero*, ut non oderit sacerdotem hæc evomentem? *Standicii* fabulam tibi coram narraui, qui tam stolidè gessit se apud cordatissimum *Anglia* Regem, ac prudentissimam foeminam Reginam, ut ipsum etiam Principem puduerit sic delirari apud se. Sed quid ego metior arenam? Quotidie passim hujusmodi permulta designantur à quibusdam Ordinis vestri sodalibus, tam stulta, tam impudentia, ut nisi publice multorum oculis & auribus ingererent ipsi, nemo sit narranti crediturus. Cum his factis sibi pii videntur, & frequenter adeunt sacram *Christi* mensam, ac postea mirantur homines ab sese alienari, perinde quasi mundus nihil haberet præter belluas. Ac prorsus ita se gerunt, quasi malint esse formidabiles improbitate, quam modestia ac pietate commendati; nec satis animadvertunt, quam malus sit diuturnitatis custos metus. Sed ut aliquando claudam prolixam epistolam, quanquam tot modis abs te sum affectus contumelia, mi *Bucenta*, tamen expertus Domini lenitatem in me peccantem, illum pro viribus imitabor. Teque etiam atque etiam admoneo, hortorque, ut omisso maledicendi studio, discas benedicere, parces tibi, parces Ordini tuo, magisque spectes quid docet doctrina *Christi*, quam quid præscribat *Egmondanus* compotor, quid probaturi sint cordati gravesque viri, potius quam quid inter pocula unus aut alter applausor ejusdem farinae comprobet. Quanquam istam effrenatam linguæ petulantiam detestantur & sui gregis sodales, mihi quidem parum bene volentes, sed qui hoc intelligunt ad sui Ordinis dedecus atque incommodum pertinere. Ego non tam irascor tibi, quam misereor: atque hoc magis misereor, si tibi nondum es miserabilis. Bona pars salutis est, morbum suum agnoscere. Si natura tibi negavit ingenium, ut evadas egregie doctus: si linguam, ut sis probus

Am. 1520. concionator: si stylum, ut libris editis queas orbi prodesse, certe conandum ut vir bonus sis. Ac vir bonus esse coepit, qui malus esse desuit. Malus est, qui proximo maledicit. Bis malus est, qui de bene merente dicit male. Si prodesse non potes ob inopiam ingenii, linguae, doctrinae, consilii, iudicii, saltem da operam, ne quem laedas. Fortassis aliqua venia debetur iis, qui cum multis modis profuerint, alicubi dederunt malum. At deploratae cuiusdam malitiae est, cum nulla ex parte sis utilis, totum conatum tuum vertere in perniciem aliorum. *Lutherus* ille tuo praconio pestilens, tamen tibi quoque non mediocrem attulit utilitatem, coactus es illius libros legere, è quibus non pauca didicisti, coactus es & veterum auctorum aliquid attingere. Per hunc mundus cognovit *Silenos* istos inverfos, qui videbantur esse pietatis columnina, qui videbantur nihil nescire, cum ab utroque longissime abessent. Atque ut joco vera loquar, multis conciliavit fortunam lautiores, speras & ipse fortasse mitellam aliquam, vociferationis tuae praemium. Debes nonnihil & pestilentiori *Erasmio*, dum hujus libros studio carpendi volvis, correxisti nonnihil infantiam tuam, neque pauca didicisti, quae te fugiebant, quamlibet magistrum nostrum. Haec admonitio quoniam ab animo fraterno proficiscitur, mihi certe profuerit apud *Jesum Christum*; tuum erit dare operam, ut tibi quoque sit utilis, erit autem si bene monenti parueris. Bene vale. Anno 1520.

EPISTOLA DLXIII.

Erasmus N. Viro Praepotenti S. D.

An. 1521. **V**IR clarissime, celsitudinis tuae literae nos offenderunt occupatissimos literariis laboribus, & redditae sunt per hominem prorsus ignotum, cujus nullam faciebat mentionem epistola. Et tamen viaticum erat illi à me sarcinendum, quod se praedicaret à praedonibus alicubi spoliatum. Has ob causas nunc brevius rescribo, brevi per *Fucaros* scripturus copiosius, si quid dabitur oculi, aut si id te velle sensero. Librum jam ante sex menses acceperam per duos *Bohemos*, tamen nondum vacavit perlegere, ac de dissidio mihi sat diligenter scripserat *Joannes Slechta**. Quae sane res non mediocriter excruciauit animum meum, qui semper faverim cum omni paci concordiaeque inter mortales omnes, si fieri possit, tum maxime inter *Christianos*. Quum enim Deus, juxta Prophetarum testimonium, regnare gaudeat in latitudine populi, cumque videamus *Christiana* religionis pomœria usque adeo contracta in arctum, quis non discrucietur animo, hoc ipsum, quod superest, tot opinionum morbis, tot morum corruptelis esse viciatum, tot sectis divisum atque distractum? Egi super hac re nonnihil cum Cardinale *Campesio*, viro nec indocto, nec inhumano, cum apud nos esset, ac post cum Nuncio quodam Pontificio. Uterque sat benigne respondit, bonam spem ostendens sarcinendae concordiae. Mihi majorem etiam spem facit hujus *Leonis* nostri clemens ac pacis cupidissimum ingenium, si modo suo mallet uti ingenio, quam quorundam affectibus obsecundare, qui nec illius dignitati mea sententia consulunt, & publicam orbis utilitatem suis privatis commodis posthabent. Porro quod à me ceu regulam quandam petis, cui scribis plus auctoritatis fore apud tuos, quam si *Romanus* Pontifex obviaret sua fulmina: me jamdudum abhorrentem à negotio, cui nec auctoritate par sim, nec eruditione, magis etiam deterret. Et haud scio, an ullo queas argumento tunc magis alienare ab eo ad quod conaris invitare. Quis enim ego sum, ut de aliena fide pronunciem, aut decernam aliquid, praeter id quod decrevit ac sequitur Ecclesia Catholica? Quod si mihi constaret perperam aliquid decretum esse ab Ecclesia *Romana*, fortasse rogarem, aut reverenter admonerem, si daretur occasio, absit autem, ut mihi quicquam decernendi fiduciam arrogem. Ego studiis meis nihil a-

* Vide Epistolam cccclxiii.

liud conatus sum, quam ut bonas literas pene sepultas apud nostrates excitarem, deinde ut mundum plus satis tribuentem *Judaicis* ceremoniis, ad verae & Evangelicae pietatis studium expergefacerem. Postremo, ut studia Theologiae scholastica, nimium prolapsa ad inanum quaestiuicularum argutias, ad divinae Scripturae fontes revocarem. Nihil unquam asseveravi, semperque fugi dogmatistae personam, praesertim in iis, quae jam essent inter articulos nostrae religionis recepta. Tamen si fateor quaedam esse definita per Theologos quosdam, quae, mea quidem sententia, poterant absque jactura pietatis Evangelicae relinqui in medio. Quod igitur praescribam, vir optime, non habeo, quod optem, habeo. Optarim enim primum istam omnem regionem sibi conjungi *Christiana* concordia, deinde cum ceteris omnibus citra controversiam habere pacem ac societatem perfectam. Ac jam quidem, si non maxima, certe optima regni pars agnoscit publicam Ecclesiae concordiam. Ad haec, prodigiosam *Nicolaitarum* factionem, etiam vulgus isthic, ut audio, execratur. Superest sola *Pygardorum* factio reconcilianda. Ejus rei conficiendae bonam video spem, si per vos, Pontificem, ac Principes aliquot, ad eruditos aliquot spectataeque integritatis viros, negotium hoc deferatur, exclusis ab hoc albo istis, qui nulli negotio sese non admiscunt, cum longe aliud profiteantur, non quod illos oderim, si modo praestarent quod profitentur: sed ex his videmus passim existere, qui sic clamoribus, tumultibus & adulationibus agunt, ut ipsis videtur, Pontificis negotium, ut, mea quidem sententia, nemo magis officiat Pontificis dignitati. Sic enim vociferantur, ut idiotis etiam putentur insanire. Nec ulli magis affectibus populi commendarunt *Lutherum*, quam qui odiosissime vociferati sunt in *Lutherum*. Hi timent nescio quid, & ob id omnem movent lapidem, quo regnum suum stabiliant. Hos igitur ab hoc arbitrio velim omnino semoveri. Quod si res ageretur mansuetis ac moderatis rationibus, sperarim fore, ut & *Leo* Pontifex auferret laudem clementiae pastoralis, & isti laudem vel fructum potius obedientiae *Christiana*. Nec enim ullo modo probandi sunt, qui *Romanum* Pontificem, vel exacerbant conviciis, vel oblationibus traducunt. Etenim si *Petrus* merito objurgat eos, qui glorias, hoc est, viros publica potestate praeditos adspernantur, etiam si sint Ethnici, quanto minus impetendus est, cui primam auctoritatem deferunt omnes ferme Ecclesiae? Neque enim jam disputo, unde illi delata sit haec auctoritas, certe quemadmodum olim multis presbyteris adhuc aequalibus unus eligebatur Episcopus, ne schisma nasceretur, ita nunc ex omnibus Episcopis expedit deligi unum Pontificem, non solum ad excludenda dissidia, verum etiam ad temperandam tyrannidem aliorum Episcoporum, si quis forte suos opprimeret, ac Principum prophanorum. Neque vero nescio, quae vulgo querelae jactentur de Sede *Romana*; sed quemadmodum inconsultum est statim credere, quod spargitur rumore populari; ita videtur iniquum quicquid *Roma* geritur, imputare *Romano* Pontifici. Multa geruntur illo inscio, nec enim unus potest omnia cognoscere, multa illo invito & reluctante. Atque ut nunc sunt res humanae, si *Petrus* ipse *Roma* praesideret, cogeretur, opinor, ad quaedam connivere, quae nequaquam probaret in animo suo. Sed haec utcunque habent, longe plus ageretur moderatis precibus, aut rationibus, aut blandis querelis; quam obtreccationibus, aut scriptis amarulentis. Quod si hoc merentur nostra commissa, ut mundus magno tumultu castigetur, & si necesse est ut veniant scandala, certe ego curabo, ne per me veniant. Me nullus habebit, neque magistrum erroris, neque ducem tumultus. Quod libri *Lutheri* apud vos habentur in manibus, uti scribis, non admodum doleo, si modo sic legantur ab istis, quemadmodum à me legi solent. Si quid inest boni, decerpo: si quid mali, transilio. Nec in praesentia dicam, quid de hoc viro sentiam. Tantum illud dicam, maximam

Am. ximam hujus tragoediae partem, natam esse ex immo-
 1521. derata cupiditate quorundam Theologorum, maxime
Dominicanorum & *Carmelitarum*, de quibus in prae-
 sentia me piget plura scribere. Unum illud dicam, si
Leo sciret, quae nos videmus & audimus, aut prorsus
 me fallit mea de illo opinio, aut haberet illis pro sua
 sedulitate non optimam gratiam. Cum *Luthero* mihi
 nihil intercedit, praeter *Christianam* amicitiam. Quod
 uti verissimum est, ita saepenumero sum testatus. Ego
 nec auctor illi sum, nec patronus, nec actor, nec ju-
 dex. Nec eadem scripsimus, opinor, nec eodem mo-
 do. De spiritu illius nolo, nec meum est ferre sen-
 tentiam. Nec illius admodum multa legi, videlicet
 meis studiis abunde distentis. Nihil illius unquam nec
 impugnavi, nec defendi, tantum alicubi in illo desi-
 deravi plusculum mansuetudinis Euangelicae; nec ta-
 men probavi saevitiam ac tumultum istorum, qui libris
 illius nondum lectis stultissime vociferabantur apud po-
 pulum, *asinum*, *gruem*, *spitem*, *haeticum*, *Antichri-
 stum*, *pestem orbis* identidem illum appellantes, cum
 interim nec docerent hominem meliora, nec refelle-
 rent: nec aliud effecerunt suo tumultu, quam ut plu-
 res emerent, ac libentius legerent *Lutheri* libros.
 Nunc Bulla* prodita, quae nec ipsa potuit animos po-
 puli a *Luthero* alienare, quanquam supra modum ter-
 ribilis est, conjurati quidam, foedereicto inter pocula,
 semper illius nomen cum meo conjungunt in concio-
 nibus publicis, quo videlicet me degravent invidia
 communi: quem ob id hostem judicant, quod alicu-
 bi scripserim eos non recte facere, qui sic argutiis *Scot-
 ticiis* incumbunt, ut non attingant fontes divinae sa-
 pientiae; quod aliquoties a *Thoma* dissentiam in Anno-
 tationibus meis; quod admonuerim adolescentes non
 esse pellicendos ad vincula vitae monasticæ, priusquam
 & sibi noti sint, & intelligant quid sit religio; quod
 admonuerim veram pietatem non esse sitam in cere-
 moniis, sed in affectibus animi; quod defendam bo-
 nas literas, quibus illi jam olim indixere bellum. Cum
 rogantur a concione, quid offenderint in libris meis
haeticum, respondent se non legisse, sed tamen pe-
 riculum esse propter obscuram *Latinitatem*. Haec re-
 spondent iidem & Theologi & Monachi, & scurræ,
 & nonnunquam Episcopi. Per hujusmodi rabulas de-
 fenditur majestas Pontificia, fulcitur Ecclesia. Sed
 populus passim incipit sapere, & ni melioribus ratio-
 nibus rem agant, non video quid sint effecturi. Quod
 hortaris, ut *Luthero* me jungam, id facile fiet, si il-
 lum videro in parte Catholicae Ecclesiae. Non quod
 pronunciem illum ab hac alienum, neque enim meum
 est damnare quenquam. Domino suo stat ille aut ca-
 dit. Quod si res deveniet ad extremum tumultum,
 ut utroque nutet Ecclesiae status, ego me interim in
 solida illa Petra figam, donec rebus pacatis liquebit
 ubi sit Ecclesia, atque illic erit *Erasmus*, ubicunque
 erit Euangelica pax. Haec habui, vir eximie, quae mi-
 hi in praesentia venerunt in mentem, ne qui tuas red-
 didit, omnino vacuus abiret. Epistola tua nec diem
 habuit nec annum adscriptum. Bene vale. *Lovanio*
 28. Januarii, Anno 1521.

EPISTOLA DLXIV.

Erasmus Roterodamus M. Conrado Goclenio S. P.

Amo profecto *Melchiorum*, & precor illi Musas o-
 mnes propitias, ὄντως βαδίζτω. Sic innotescet bo-
 nis, ac fortunam sibi parabit. Nec est quod cogitet
 de suffugio, sed de progressu. Tantum caveat, ne
 det ansam improbis. Cum *Lodovico* civiliter exerce
 amicitiam. *Neseno* si quid scribis, caute scribe. Ille
 sane mihi fuit amicus infelicissimus. Nihil continet;
 nec dispicit, quid, quando dicendum. Nec prodest
 bonis literis; nec causae *Lutherana*, nec suis discipu-
 lis. Is demum sapit, qui novit hoc seculo sapere. Vix
 etiam fidas tibi ipsi. Spero me isthic adfuturum in
 Quadragesima, nisi hi tumultus obstabunt, qui viden-

* Quae data Roma apud D. Petrum xvii. Kal. Julii, An. 1520.

tur imminere. *Verdunii* epistola mire delectavit, si ta-
 men ille tantum potest. Additurus eram Operi nostro, 1521.
 sed erat cur non fecerim. Miror quod *Hilario* dederis
 aureum, nam erat illi satis viatici ex me, & ex *Petro*
Egidio, de meo. Scripsissem plura, sed hic parum
 videbatur notus, per quem scribo. *Campensi* gratulor.
 Decebat ut ego senex jam particeps essem vestrarum
 felicitatum, sed video meos labores plane fuisse *Her-
 culanos*. Bene vale. *Basilea* 6. Febr. Anno 1521.

EPISTOLA DLXV.

Erasmus Rot. Guilielmo Budae S. D.

EN, *Budae* charissime, quasi parum esset malorum,
 ita praecipuum e *Guilielmorum* numero fatorum ade-
 mit invidia. Perit enim, ut scis, *Guilielmus Crojus* Ar-
 chiepiscopus *Toletanus*, & perit veluti flosculus tener
 in ipso exortu succisus, simulque nos docuit, nihil ef-
 se satis firmi praesidii in rebus fortunae arbitrio subje-
 ctis, qua de re librum abs te conscriptum ex hoc, qui
 has reddit, cognovi. Quid optari poterat a fortuna,
 quod illi non affatim fuerat ultro largita? Generis an-
 tiquissima stemmata, tum patruus, sic apud *Carolam*
 nostrum gratiosus, ut penes unum propemodum vi-
 deatur esse imperii summa: aetas virens, nondum enim
 egressus erat annum vigesimum tertium: corpus vege-
 tum ac firmum: tam multiplex dignitas, ut in illo vix
 eluceret majestas galeri Cardinalitii: morum mira faci-
 litas, candorque: toto pectore favebat bonis studiis,
 nec oderat *Erasmus*. Certe *Vives* noster *Mecanatem*
 amisit, qualem posthac haud facile nanciscetur. Is mi-
 hi legit proximas tuas ad se literas. Si mihi *Brixius*
 aequae ac *Morus* esset ignotus, tamen dolerem studio-
 rum rem tam parum bene succedere. Nunc quum
 uterque sit amicus, quum utriusque faveam ingenio,
 non potero sine summo dolore spectare concertatio-
 nem istam, quae vereor ne nimium excandescat: nam
 epistola *Mori*, quam opinor te vidisse priusquam eam
 mihi *Morus* ostendit *Caletii* jam typis excusam, talis
 est, ut ego, qui nonnullis videar mordax, ad hanc col-
 latus, prorsum edentulus sim: & tamen mihi prope-
 modum pollicitus est se pressurum, si *Brixius* con-
 quiesceret. Amabam & festivum *Hutteni* ingenium:
 id *Lutherana* tempestas Musis eripuit. Qui hanc red-
 dit literas, *Guilielmorum* unus est, qui candide favent
Erasmio, qui quum ex me didicisset cujusmodi vir es-
 ses, ambire coepit, ut tibi innotesceret. Ac profecto
 dignus est, mea sententia, quæm tua digneris amici-
 tia: festivum ingenium est, mores nivi, summa in
 rebus gerendis dexteritas, literarum, ut est amanti-
 mus, ita nequaquam rudis. Postremo, non nomine
 tantum tui similis est. Cura, mi *Budae*, ut quam re-
 ctissime valeas, nam hoc caelo tam putri, in his stu-
 diorum laboribus, imo in his tædiis & rabularum ob-
 strepentium & pisculentorum dierum vix satis tuemur
 valetudinem. *Lovanio* 16. Febr. Anno 1521.

EPISTOLA DLXVI.

Erasmus Nicolao Beraldo S. D.

QVANTUM apparet ex *Budae* nostri ad *Vivem* li-
 teris, fieri non potest, quin *Morus* ac *Brixius*
 pergant inter se conflictari. Amo utriusque ingenium,
 malim aliud par spectare commissum; sed quod nobis
 in manu non est, fatorum arbitrio permittamus. Tuis
 literis provocatus, scripseram *Hæro* Decano, & ille sic
 obticescit, quasi sit offensus officio meo. Quod si est,
 fac mihi hominem reconcilies, cui me volebas concili-
 are. Tanta hic est rabies quorundam Monachorum
 adversus bonas literas, ut jam tædia sint verius quam
 studia. Ego *Dominicanorum* conviciis lapidorum quoti-
 die, in publicis etiam concionibus, quæ si paterer
 pro negotio fidei, non cesserim vel ipsi protomartyri
Stephano. Semel ille lapidatus, finem invenit malis;
 & faxis ille durat at impetitus est, ego nec uno in

An. 1521. loco, nec semel lapidor mendaciis & conviciis lethali veneno tinctis: atque hæc dum agunt, ipsi semet prout ac traducunt populo. Ac tales se præstant, quales si ego descripsissem, vix quisquam fuerat habiturus fidem, nunc ipsi fidem faciunt. Et tamen tanta est cæcitas, ut vel suo malo lædere cupiant. *Lutherus* maxima invidia gravat & nos & bona studia. Nemo nesciebat Ecclesiam fuisse gravatam & tyrannide, & ceremoniis, & decretis humanis ad quæstum repertis. Jamque multi remedium, vel optabant, vel meditabantur, sed sæpe parum dextre tentata remedia vergunt in pejus, fitque ut dum non succedit jugum excutere volentibus, in acerbiorum servitutem retrahantur. Utinam vir ille, aut prorsus abstinuisset, aut rem inmoderatus simul & circumspectius tentasset. De *Luthero* nihil laboro, sed *Christi* gloriæ faveo: nam quosdam sic accinctos video, ut si his succedat res, nihil super sit, nisi ut Evangelicæ doctrinæ scribatur epicedion. Bene vale, *Beralde* doctissime. Saluta patronos communes *Ruseum* & *Deloium*, nam *Budæo* scripsi. *Hermanno Friso* summæ spei juveni multam ex me salutem dicito. *Lovanio* 16. Febr. Anno 1521.

EPISTOLA DLXVII.

Erasmus Roterodamus Laurentio Bartholino Abbati S. D.

NON semel ipse mihi displicui, *Bartholine* optime, quod istam indolem tuam, virtuti ac bonis literis natam, non fuerim majore cum humanitate complexus, cum apud nos esles una cum *Longolio*. Sed ad hujusmodi officia præstanda magis deest nobis ocium quam animus. Quis autem non admet istud ingenium tuum tam avidum eruditionis, ut *Italus* homo per tot barbaras regiones peregrinari volueris, non tam *Ulyssea* cujusdam prudentiæ comparandæ gratia, qui mores hominum novit & urbes, quam ut cum viris doctrinæ opinione celebratis congregederis. Inter quos nescio quis tibi persuaserat esse numeratum *Erasmum*. Quanquam autem hac parte plane sciam te frustratum expectatione tua, tamen illud, opinor, profecisti, ne posthac tam facile credas, vel laudatoribus istis, vel obrectatoribus. Sed interim exosculor *Italia* candorem, quæ favet exterorum ingeniiis, cum ipsi nobis invidemus. In digressu petieras à nobis, ut disjuncti mutuis epistolis colloqueremur. Prior itaque læcesso, tametsi in præsentia, nec admodum vacabat scribere, nec erat argumentum aliquod serium. Fac recte valeas, & quid agas ut sciam. *Lovanio* 1. Martii, Anno 1521.

EPISTOLA DLXVIII.

Mercurinus Cattinarius, Caroli Cæsaris Cancellarius, Erasmo Rot. S. D.

PRÆSTANTISSIME vir, *Heri* reddita mihi sunt litera tua, quibus vereri te ostendis, ne aliqua obrectatorum suborta sint adversus te calumnia, teque, quantum potes, excusas, purgasque. Inprimis facere non possum, quin pro ea, quam de me habes, opinione ac fiducia plurimas tibi gratias agam. Credo enim potuisse te semper facile colligere, qui mens esset in te animus, & sane talis, quo promptiorem amicus quisquam ab altero sperare non auderet. Certe quantum in me fuit, non solum tuas excusationes libens accipio, verum etiam id effecere, ut quum antea aliter de te, atque scribis, cogitare non possem, nunc vero illud ipsum videar intueri. Nihil enim unquam fuit, quare te unicum bonarum literarum in *Germania* lumen, ac qui labores omnes tuos, vitamque ipsam, ad ornandam illustrandamque orthodoxam fidem contulisti, in hisque dies & noctes desudas, credere deberem latum unguem à sacrosanctis ejus institutis discedere, aut ullo modo aliter sentire: bonosque omnes dicere possum cognovisse me ejus esse sententia. Quod si forte quid te in suspicionem vocaverat, quod tamen non

A usque adeo mihi compertum est, esse potuit stylus quorundam librorum, qui ad tuum maxime declinare videbatur, qui tamen & incerto auctore editi erant, & ut brevibus dicam, heretici nihil in se continentes. Quare eo animo esse debes, ut omnino tibi persuadeas, te apud bonos non solum alienum ab omni suspitione, sed daturos nos etiam obnixè operam, ut si quid quorundam inhaesisset animis, in dies liberior evadas: tibi que me semper eum futurum, qui & te ipsum, & labores tuos quanti faciat, malit te re ipsa, quam verbis experiri. Vale. *Wormacia* 5. Aprilis, Anno 1521.

EPISTOLA DLXIX.

Aloisius Marlianus, Episcopus Tudenis, Erasmo Rot. S. D.

QVANTI aut ego te fecerim, aut ab aliis fieri voluerim, abunde & tu nosti, & hi qui mihi aliqua cum necessitudine, tum consuetudine conjuncti sunt: namque tantum amicitia tribui nostra, qua a tua singulari virtute, summoque meo in te studio proficiscebatur, ut in te agendo & ornando nullum unquam officium prætermiserim, cum conjunctam tecum me omnem causam & fortunam habere putarem. Quapropter cum in *Hispania* essemus, curavi ut ad te *Barbirius* utriusque nostrum amantissimus scriberet, ne emeritus, & extra omnem aleam positus quotidie in theatrum depugnaturus descenderes, neve toties fortunam tuam experireris, cum sat tibi gloria & fama tua consulisses, quod te facturum literis tuis recepisti: agre enim ferebam cum iis te quandoque congregi, quibus à te vinci pulchrum esset, quodque te populorum & imperitorum fluctibus objiceres. Cum vero ex *Hispania* rediissemus, & te *Bruxellæ* convenissem, oravi ne quid tibi commune cum *Luthero* esset. Fuere enim eo tempore qui te plane alieno animo à *Luthero* non fuisse (inepti sane homines) suspicarentur. Tu autem quod rogabam, ita pollicitus es te facturum, ut ego aliis id fore de te non minus, quam de me pollicerer. Invaluit postea in dies etiam atque etiam magis fatalis ista *Lutheriana* calamitas, qua multorum animis ita infedit, ut non plures supersint qui infici posse videantur: unde deplorandam tempestatis nostra conditionem puto, in qua longe majora mala quam remedia videamus. Nam nec mala perpeti, nec remedia ferre possumus, cum hi nunc homines reperiantur, qui fabulis & deliramentis potius capiantur, quam veris rationibus detineantur. Ab *Aleandro* vero nostro, homine ut reor tibi cum communibus studiis, tum mutuis officiis conjunctissimo, & veteri amico, ea de te tantum audiavi, qua de seipso dici vellet. Modestus est profecto, quod admiror in tanta linguarum multiplicitate, & bonarum artium varietate, humanus & suavissimis vir moribus: est præterea ea animi moderatione, ni fallor, ut non deteriora in alios dicat, quam de se vellet audire. Quod vero *Lutherum* & *Germanos* plerosque à scribendo quantum in te fuit deterrueris, rem te dignam fecisti, dum tantum prodesse te *Reipublicæ* & religioni velle ostendisti quantum posses. Aliorum autem non magis acta probo quam tu probes, cum furere illum eorum remedia coegerint. Aggrediendus profecto alia via erat. Ego ne me nihil fecisse putes in *Luthero* orationes duas scripsi, quarum una mitior, altera post libros illos ab eo novissime editos acrior fuit, non tamen ut hominem damnatum, sed damnatam causam vellem, salvamque *Rempublicam* & religionem illo salvo cuperem. Eas ad te mitterem nisi nos ad redeundum parati essemus, cum redierimus coram de multis agemus, qua nunc nec licet nec libet scribere. Interea rem & dignitatem ita tuebor tuam, ut nec meam ego, nec tu, si hoc loco esses, tuam tueri magis velles. Si autem à te fieri quicquam potest, vel ad compescendos hos motus, vel ad sedandam hanc seditionem, quantum vel gratia vel auctoritate vales, contende. Eam enim immortalitatem, quam tu queris, & tua tibi scripta pollicentur, addita hac pietate facillime consequeris. *Augustinum* Scar-

An. Scarpinellum, & Severum tuis verbis salutavimus, hi
1521. literas, quas ad eos te dedisse scribis, mirantur, & agre
ferunt sibi non fuisse redditas, cum eas maxime optarent.
Habnisti tamen eos tui nominis acerrimos defensores. Va-
le. Wormacia 7. Aprilis, Anno 1521.

EPISTOLA DLXX.

Erasmus Roterodamus Aloisio Marliano, Episcopo
Tudensi, S. D.

INGRATISSIMVS sim mortalium, quotquot ubivis
sunt, omnium, Præful ornatissime, ni tuum in me
animum, ni tuum erga me studium agnoscerem. Por-
ro lævæ mentis sim, si tuis consiliis graver obtempe-
rare, cum non alius sit cujus consiliis, vel libentius,
vel felicius obtemperet Cæsar ipse. Temporum ho-
rum calamitatem non possum non imputare fati, nec
video remedium, ni Deus aliquis *δοσι μνηστῆς* exoria-
tur, qui tragœdiæ finem imponat. De *Aleandri* in
me animo, & à pluribus, & à gravioribus mihi nun-
ciatum est, quam ut potuerim omnino diffidere, &
tamen reclamationis eruditio, reclamationis vetus no-
stra familiaritas, nec alioqui facile recipio in animum,
quod gratiarum solvat nodum. Gaudeo te mecum non
probare istos, qui tam stolidis rationibus impugnant
Lutherum, ut & causæ noceant suæ, & se traducant:
& Pontificis dignitati pessime consulant, & multos læ-
dant innoxios, & quod est omnium gravissimum, mul-
titudinem ad seditionem provocent. Tum vero magis
subscriberes meæ sententiæ, si spectares oculis, si hau-
reres auribus, quæ isti stultissime quotidie designant.
Orationes tuas cupidissime legam, de quibus jam *Cu-
berti Tonstalli* præjudicium habeo. Nec dubito quin
in ea præstiteris, quod in aliis tuis lucubrationibus so-
les, nimirum eruditionem eximiam pari cum prudentia
conjunctam. Ex amicorum literis intelligo, eum, qui
me suis literis admonuerat suspicionis isthuc obortæ,
plus fati de me sollicitum fuisse. Scribunt enim nihil
fuisse sinistræ suspicionis, nisi de oratione quadam, cui
in frontispicio præfixus est titulus, *Didymi Faventini*.
Styli nitorem, ac sales obiter inperfos in causa fuisse,
ut quidam eam mihi assererent, sed levi duntaxat su-
spicione. Ea post ad me missa est. Ilico rursus suspicio-
nem hominum, cum eadem in calce prodatur & cognomen
verum Auctoris, sed *Grace*. Quod etiam si non
fuisse adscriptum, tamen me nequaquam fefellisset Au-
ctor. Quidam submonuit, consilium quoddam exisse
Colonia cujusdam, qui putaret rem sic esse componen-
dam, ut & Pontifex auferret laudem clementiæ, &
Lutherus obedientiæ. Nec defuisse, qui suspicaren-
tur, hoc à me profectum. Erat quidem istud exhibi-
tum nobis, cum ageret Cæsar *Colonia*, sed manu de-
scriptum, nec adhuc editis libris, qui plurimorum a-
nimos à *Luthero* alienarunt, ferebatur autem esse cujus-
dam ex *Ordine Dominicalium*. Et ut ingenue dicam,
mihi tum non displicuit. Quod si Principibus magis
placet severitate rem conficere, precor ut hoc felicius
sit, quod illis magis arridet: felicius, inquam, rei
Christiane, non hominum quorundam rationibus, qui-
bus ea cordi sunt, quæ sunt hujus mundi. Vale, pa-
trone incomparabilis. *Antwerpia* 15. Aprilis, Anno
1521.

EPISTOLA DLXXI.

Erasmus Roterodamus Guilhelmo, Pastori civitatis
Gruningensis, S. D.

DE juvene revocato, non est quod mihi gratias a-
gas, vir egregie, ob hoc nihil promereor laudis,
sed impius eram futurus, & *Christiana* charitatis im-
memor, si, cum per occasionem liceret, puero non
consuluissem. Poculum inauratum, tuo nomine red-
didit vir longe candidissimi pectoris *Goswinus*, nec
potuit non esse gratissimum munus, quod ab optimo

A viro profectum, per optimum redderetur, nisi quod An.
unum illud vereor, ne ille mei studio tibi vellicarit 1521.
aurem, ut id faceres, cum mihi ne in somnis quidem
unquam tale quicquam in mentem venerit. Ex ejus-
dem literis, simul & oratione cognovi, quanto studio
isthic omnia obeas munia, quibus olim fungebantur il-
li non titulo tantum Episcopi. Præluces omnibus in-
tegritate vitæ, pascis assidue gregem tuum Evangelica
doctrina, ac tales adsciscis tibi sacerdotes, qui morum
innocentia, qui sacra eruditione, & ornent Ecclesiam
tuam, & apud populum tuas vices gerere possint, sic
ut nihil opus sit hoc novo genere Prædicatorum, quos
Christus non instituit, sed pastorum oscitantia invexit
in mundum. Qui si ubique tui similes fuissent, non
jam orbis teneret lupum auribus, quem neque ferre
potest, nec quomodo excutiat videt. Non te popu-
lus compotorem habet, sed doctorem, sed consolato-
rem, sed hortatorem, sed admonitorem, sed consul-
torem fidissimum & amantissimum experitur. Atque
adeo non deglubis gregem tuum, ut de tuo etiam lar-
giter opituleris egeitate pressis; nec tibi congeris opes,
sed ingenti studio properas ad brabium illud immorta-
litalis, quod bona fide tibi redditurus est summus ille
pastor, princeps pastorum omnium, qui gratis animam
impendit ovibus suis. Quantumvis multas opes con-
gesserit homo in hac vita, tamen non potest non pau-
perimus hinc exire, cui nihil omnino rerum conge-
starum licet efferre. Ille demum dives exit, qui tali-
bus rationibus abunde communitus exit. Rationes sunt
interim, sed bonæ fidei est, qui cum nobis res est.
Nec periculum est, si rationes in immensum accre-
scant, dives est in omnes, à quo præmium expecta-
mus. Mihi & illud arguit tuam pietatem, quod in sa-
crario bibliothecam adornas, iis potissimum Auctoribus
refertam, quorum scripta spirant Evangelicam charita-
tem. Quales sunt *Origenes*, *Chrysostomus*, *Cyprianus*,
Ambrosius, *Augustinus*, *Hieronymus*: ex horum lectio-
ne sentimus nobis inflammari pectus ad amorem rerum
cœlestium, ad contemptum eorum, quorum cæca cu-
piditate susque deque miscentur res mortalium; cum
ab istorum, quos scholæ solennes nobis dederunt, lectio-
ne surgamus frigidi, nonnunquam & fide minus soli-
da, quam attuleramus. Jam mensam tuam non solum
commendat frugalitas, sed condiunt etiam è sacris Li-
bris petitiæ fabulæ, quæ pascant animos talium epula-
rum famelicos. Proferunt in medium suum quisque
flosculum, è pratis divinatorum Voluminum decerptum;
alius eructat aliquid mellei succi, quem apiculæ in-
morem, per omnes arcanæ Scripturæ flosculos obvoli-
tans, exfluxit. Nec finis tuam mensam contaminari
virulentis fabulis, quæ livorem & odium sapiunt.
Quam vero graviter imposuisti nuper silentium duo-
bus, qui se jactant sacros Evangelii præcones, cum
multa non minus impudenter, quam amarulente cœ-
pissent evomere in *Erasmum*: ut pestilentem sermo-
nem interrumpere, rogabas, num legissent libros
meos, fassi sunt se nunquam legisse. Mox subjiciebas
te demirari, qua fronte sic deblaterarent in hominis
doctrinam, cujus libros non legissent. Ubi vero nec
hæc admonitione coerceretur illorum stoliditas, jam
vino quoque facta petulantior, negabas tibi placere
convivas, qui talibus fabulis mensam tuam conspurca-
rent; aut sermonem mutarent, aut mensam. Et isti
sunt, qui seditiose vociferantur apud populum in pa-
stores, ut ipsi vocant, seculares, à quibus magis oportebat
ipso sobrietatis ac moderationis exemplum petere.
Faxit Christus Optimus Maximus, ut tui similes
exsistant ubique plurimi, quo vel mundus extraordina-
rium hoc ac vagum doctorum genus fastidiat, vel ipsi
cogantur sese ad veræ pietatis studium ab ocioso luxu,
& luxurioso ocio recipere. Bene vale. *Lovanio* 30. A-
prilis, Anno 1521.

EPISTOLA DLXXII.

Erasmus Roterodamus Jodoco Jona S. D.

An.
1521.

Hic jam diu rumor est constans, Jona charissime, te Wormacia Martino Luthero continenter adfuisse: nec dubito quin tua pietas hoc egerit, quod ego fueram acturus, si contigisset adesse, ut hæc tragedia moderatis rationibus sic sopiretur, ne posthac posset majore cum orbis malo rursus erumpere. Quod equidem demiror non esse factum, quum ea res vehementer cordi fuerit optimis viris, qui, sicuti dignum est animis vere Christianis, cupiebant esse consultum Ecclesiae tranquillitati, quæ nisi concordia sibi jungatur, Ecclesiae vocabulum amisit. Quid enim est aliud nostra religio, quam pax in Spiritu sancto? Porro Christi Ecclesiam, quoniam adhuc pisces bonos & malos eodem reti complectitur, & zizania mixta tritico ferre cogitur, & olim magnis viciis laborasse, testantur veteres orthodoxi, subinde deplorantes corruptissimos mores eorum ordinum, unde conveniebat ingenue pietatis exempla proficisci. Tum quam Ecclesia Romana & olim degenerarit ab Evangelicæ puritatis studio, vel Hieronymus satis arguit, qui eam ex Apocalypsi Babylonem appellat, vel divus Bernardus in libris, quibus titulum fecit De consideratione. Quanquam non defuerunt, & ex recentioribus celebrati nominis Auctores, qui publicam instaurationem Ecclesiasticæ disciplinæ flagitarent. Verum, haud scio an unquam Ecclesiae Proceres tanto studio, tamque palam inhaverint hujus mundi commodis, quæ Christus docuit oportere contemni, quam hodie videmus. Nec minus erant collapsa sacrae Scripturæ studia, quam mores. Divinæ Literæ servire cogeantur humanis cupiditatibus, populi credulitas in quæstum paucorum vertebatur. Ad hæc ingemiscebant pia mentes, quibus nihil est antiquius Christi gloria. Eaque res effecit, ut initio, tantum undique favoris habuerit Lutherus, quantum non arbitror seculis jam aliquot ulli mortaliū contigisse. Siquidem ut facile credimus quod vehementer optamus, existimabant exortum hominem, qui purus ab omnibus hujus mundi affectibus, tantis malis remedium aliquod adferre posset. Nec ego prorsus desperabam, nisi quod statim ad primum gustum opusculorum, quæ Lutheri nomine prodire cœperant, plane verebar ne res exiret in tumultum, ac publicum orbis diffidium. Itaque monui per literas, tum Lutherum ipsum, tum amicos illius, quorum auctoritatem arbitrabar apud illum valituram; qui quid illi dederint consilii nescio, certe sic tractata res est, ut periculum sit, ne male tentatis remediis, malum nobis conduplicetur. Ac vehementer demiror, mi Jona, quis Deus agitaverit pectus Lutheri, dum tanta calamitatis licentia, in Romanum Pontificem, in scholas omnes, in philosophiam, in Ordines Mendicantium inveheretur. Quod si vera fuissent omnia, id quod ajunt longe secus habere, qui scriptorum illius censuram agunt, provocatis tam multis, quis alius exitus expectari poterat, quam hic quem videmus? Lutheri libros hactenus non vacavit legere, sed ex his quæ degustavi, quæque recitantibus aliis, nonnunquam obiter hausi, quanquam de veritate sententiarum, quas adferebat, fortasse non erat meæ mediocritatis pronunciare, certe modus & ratio negotii aggrediendi, mihi neutiquam probabatur. Quum enim per se res sit amara plerisque veritas, quum per se seditiosa res sit, longo usu recepta convellere, consultius erat rem, suapte natura acerbam, tractandi civilitate lenire, quam odium odiis addere. Quorsum igitur attinebat paradoxis agere, atque ita proponere quædam, ut prima specie magis etiam offenderent, quam propius ac fixius inspecta? Nam quædam etiam obscuritate velut affectata molesta sunt. Quorsum attinebat tam atrocibus conviciis sævire in eos: quos si sanare cupiebat, imprudentiæ, sed totius orbis malo provocare, impie-

A tati tribuendum erat? Porro quum prudentis œconomi sit dispensare veritatem, hoc est, promere, cum res postulat, & promere quod satis est, & cuique promere quod sit accommodum, ille tot libellis præcipitatis, simul effudit omnia, nihil non evulgans ac cerdonibus etiam communia faciens, quæ solent inter eruditos ceu *μυσικά & ἀπὸρρητα* tractari: ac frequenter impetu quodam immoderato, mea quidem sententia, fertur ultra justum. Quod genus est, quum satis esset admonuisse Theologos, plus satis illos admiscere philosophiæ Peripateticæ, vel Sophisticæ magis, ille totam Aristotelis philosophiam animi mortem appellat. Habet Evangelicus ille Christi spiritus prudentiam suam, habet civilitatem ac mansuetudinem suam. Sic ipse Christus Judæorum affectibus semet attemperavit. Aliud loquitur turbis crassioribus, aliud discipulis, quos & ipsos diu tolerans, paulatim adducit ad intelligentiam philosophiæ coelestis. Hoc consilio jubet suis, ut primum poenitentiam prædicent, & imminens regnum Dei, de Christo taceant: Sic Petrus in Actis Apostolorum, non contumeliosa, sed miti & amanti concione, tantam multitudinem primitias addit Ecclesiae. Non vociferatur in eos, qui Christum occiderant, non verbis atrocibus exaggerat illorum impiam insaniam; quum probabile sit in eo numero fuisse, qui Christum ad mortem impulissent. Sed velut illos sublevans, ait, hoc consilio divino sic esse peractum: mox etiam sceleris impietatem in ipsum seculum rejicit, *Salvamini*, inquit, *a generatione ista prava*. Non regerit in illos convicium, à quibus dicti sunt esse musto madidi, sed moderatis rationibus excusat, novi spiritus energiam esse, non vini; profert Joelis testimonium, quod sciebat apud illos plurimum habiturum ponderis. Ac nondum Christum pronunciat Deum & hominem, hoc mysterium suo servabat tempore. Interim virum justum appellat, Dominum ac Messiam pronunciat, idque ex auctoritate Dei, quem religiose colebant & illi, ut ex Patre cognito, Filio conciliaret favorem. Ad hæc quum ostenderet de Christo non de David dictum, quod illi de David interpretantur, sermonem offensurum præmitigans, *Viri*, inquit, *fratres, liceat audenter dicere ad vos de patriarcha David*. Sic Paulus omnia sit omnibus, ut omnes Christo lucrifaciat, suos instituens, ut cum omni mansuetudine doceant, non alienantes quenquam morum & orationis asperitate, sed mansuetudine vincentes etiam morosos, & asperos. Quanta civilitate Christum prædicat Atheniensibus, illorum vicia in seculum ipsum rejiciens: *Et tempora quidem*, inquit, *hujus ignorantia despiciens Deus*. Ipsos honesto gratoque prologo, *Viros Athenienses* appellat. Nec sævis verbis exagitat impium cultum dæmoniorum, sed oratione civili, superstitionis illos insinuat, qui plus cohererent quam oporteret. Titulum aræ forte conspectum torquet in argumentum fidei, demutatis etiam & amputatis verbis aliquot: nec adhuc Christum aliud appellat, quam virum, per quem Deus statuisset conferre salutem universo mortaliū generi: nec apud hos profert Prophetarum testimonia minimum habitura ponderis, sed Arati testimonio cum illis agit. Quanta cum urbanitate causam suam apud Festum agit, & Agrippam. Sic Augustinus refellit furiosos Donatistas & plusquam insanos Manicheos, ut & citra rei meritum sæviat, & charitatis dulcedinem ubique admisceat, salutem illorum sitiens, non exitium. Hæc docendi mansuetudo, hæc dispensandi sermonis divini prudentia cepit orbem, & quod nulla unquam arma, nulla philosophiæ subtilitas, nulla rhetorum eloquentia, nulla vis aut ars potuit humana, sub Christi jugum misit. Quo magis nos oportet, si prodesse cupimus, ab omnibus conviciis temperare, præsertim si adversus quos agimus, publica præmineant auctoritate. Paulus honorem deferri vult magistratibus, etiam Ethnicis: & veluti *παλιμδῆ*, quod Mosaisco palamque scelerato Pontifici maledixisset. Vult servos Christo initiatos religio-

An.
1521.

An. ligiosius etiam obsequi dominis Ethnicis quam antea fecerant: vult uxores à professione *Christi*, magis etiam esse morigeras maritis impiis, non ob aliud, nisi ut commoditate morum pellicerent omnes ad amorem Evangelicæ doctrinæ. Cui pia mens est, utique nihil aliud quam prodesse studet, aut tacens, si nulla spes sit profectus, aut ita premens ac dispensans veritatem, ne pro remedio, morbi vim exasperet. *Brutus* indignatur *Ciceroni*, qui suis concionibus & scriptis irritaret eos, quos irritatos non posset opprimere. *Platon* non displicet fucus, ac dissimulatio in Philosopho, rei publicæ moderatore, modo technis in populi bonum abutatur. A *Christiano*, fateor, decet omnem abesse fucum: sed tamen incidit aliquando tempus, quum recte tacetur veritas; & ubique magni refert quo tempore, apud quos, & quibus modis ea promatur. Medici fideles non statim ad extrema remedia decurrunt, prius ægrotum corpus levioribus pharmacis præparant: atque ita dosin temperant, ut sanent, non obruant. Nec istos audio, qui ajunt, graviorem esse morbum hujus seculi, quam ut levibus remediis sanari queat. Præstat malum, juxta *Gracum* proverbium, finire ut est, quam non dextris remediis exagitari. Neque vero nego, nonnumquam Deum, bellis, pestilentis, afflictionibus emendare suum gregem; non est tamen piorum inferre bellum, aut afflictionem impiam, si Deus aliquando malum alienorum vertit in bonum suorum. Crux *Christi* salutem attulit mundo, & tamen execramur eos, qui illum ad crucem adegerunt. Mors Martyrum illustravit pariter & confirmavit Ecclesiam Dei, tamen damnata est eorum impietas, per quos hoc bonum nobis contigit. Multi minus essent mali, si divitiis essent spoliati. Non tamen est probi viri, quenquam spoliare suis, quo illum reddat meliorem. Porro quum omnis novitas pariat tumultum, etiam si quis vocet ad meliora, si quid diffidebat à receptis, erat ea specie proponendum, ut quam minimum diffidere videretur. At ajunt, *Lutherum* aliquoties, quum eadem doceat, quæ cæteri, tamen verbis ipsis id videri conari, ut diversissima videatur adferre. Jam ut sunt hominum mores ad pejora proclives, sic erat medendum horum vitiis, ut aliis non præberetur ansa licentius peccandi. *Paulus* sic prædicat libertatem Evangelicam adversus perniciosam Legis servitutem, ut addat, *tantum ne libertatem occasionem detis carni*. Sic dehortatur à frigidis operibus Legis, ut incessanter adhortetur ad opera charitatis. Fortassis erant, qui simplici studio favebant, ad meliora vocandis ordinibus ac Proceribus Ecclesiæ. Sed haud scio an sint qui per hanc occasionem inhiant opibus Ecclesiasticorum. Qua re nihil arbitror sceleratius, ac publicæ tranquillitati perniciosius. Etenim si ideo fas arbitrantur invadere facultates sacerdotum, quod quidam suis ad luxum, aut alioqui ad res parum honestas abutuntur, nec civibus, nec magnatibus aliquot erit satis firma rerum suarum possessio. Belle vero consultum rebus humanis, si impie tollatur à sacerdotibus, quo pejus abutantur homines militares, qui sic sua profundunt, nonnumquam & aliena, ut nulli mortalium sint usui. Ne ipsos quidem audio, mi *Jona*, qui dicunt *Lutherum* adversariorum intolerabili procacitate provocatum, non potuisse tenere *Christianam* modestiam. Quomodocunque sese gerebant alii, qui talem susceperat personam, debebat omnibus neglectis sibi constare. Denique erat ante prospiciendus exitus, quam sese in puteum hunc demitteret, ne contingeret, quod in Apologis accidit *Capro*. Etiam in piis rebus, stultum est aggredi, quod non possis absolvere; præsertim, si conatus parum felix, pro captatis commodis summa adfert incommoda. Videmus rem in eum deductam locum, ut ego sane nullum videam bonum exitum, nisi *Christus* arte sua temeritatem quorundam vertat in bonum publicum. Excusant illum quidam quod alieno impulsu coactus, primum scripserit atrocius, deinde non commiserit sese clementissimi *Leonis* judicio, & *Caroli* Cæsaris longe optimi mansuetissimi-

An. que Principis fidei. At cur illi magis libuit istis auscultare, quam aliis amicis, nec indoctis, nec rerum imperitis, ad diversa vocantibus? Jam plerique illi, qui tavebant, cujusmodi quæso præsidis illum tueri conabantur, ridiculis libellis ac minis inanibus. Quasi vero istiusmodi nugæ, aut terreant adversarios, aut delectent bonos viros, ad quorum judicium negotium omne fuerat attemperandum, si modo voluissent suæ fabulæ felicem esse catastrophem. Nunc quantum malorum agmen hæc temeritas dedit, bonarum literarum studia, ac multos bonos viros non mediocri degravat invidia, qui initio parum erant iniqui *Luthero*, vel quod sperarent rem secus ab illo tractandam, vel ob hostes forte communes. Accidit enim nescio quo casu, ut qui initio negotium facebant *Luthero*, hostes essent bonarum literarum, & ob id harum cultores minus iniqui erant *Luthero*, ne adjutis adversariorum partibus, hostium vires adversum sese confirmarent. Tametsi utcunque res habet, priorem oportuit esse curam religionis, quam studiorum. Atque hic, mi *Jona*, coactus sum aliquoties desiderare specimen Evangelici pectoris, quum viderem *Lutherum*, sed magis hujus fautores, hoc arte quadam affectare, ut alios involverent odio ac periculoso negotio. Quid enim attinebat *Capnionem*, satis hætenus oneratum, graviore onerare invidia? Quid opus erat mei nominis toties invidiosam facere mentionem, quum res id nequaquam flagitaret? Admonueram *Lutherum* privatis & obfignatis literis, mox *Lipsia* sunt excusæ. Admonueram Card. *Moguntinum* obfignatis literis, ne temere *Lutherum*, cujus adhuc caula plerisque bonis erat plausibilis, quorundam libidini dederet. Evulgatæ sunt formis, antequam reddita. *Bilibaldus* suis ad me literis queritur, epistolas quasdam circumferri excusas, quas nemo unquam illi reddidit. In his hortatur eum, ut persistat in eo quod cœperat, quo scilicet volentem nolentem pertrahant in hujus factionis consortium. E meis libris, quos scripsi, priusquam somniarem exorturum *Lutherum*, odiosa quædam decerpserunt, & in *Germanicam* versa linguam publicarunt, quæ viderentur affinia quibusdam *Lutheri* dogmatis. Et amici videri volunt, qui hæc faciunt, quum capitalis inimicus nihil possit hostilius. Non erat tantundem ad lædendum ingenii, iis qui mihi pessime volebant. Hoc telum illi porrexerunt inimicis meis, ut jam in publicis concionibus prædicent, quæ mihi congruant cum *Luthero*. Quasi vero veritati non sit utrinque affinis falsitas, si prætergrediare lineam. Ego fortasse alicubi moneo, non esse temere suscipienda vota, nec probare istos, qui domi relicta uxore, & liberis, quorum & vitæ & pudicitie consultum oportuit, currunt ad divum *Jacobum*, aut *Hierosolymam*, ubi nihil erat illis negotii. Moneo, juvenes non esse pelliciendos ad vincula religionis, priusquam sibi noti sint, & norint quid sit religio. *Lutherus*, ut ajunt, in totum damnat omnia vota. Alicubi queror, onus confessionis, quorundam laqueis aggravatum. *Lutherus*, ut ajunt, docet rejiciendam omnem confessionem, ut perniciosam. Alicubi docui, primum optimos auctores legendos, addens, ex *Dionysii* libris non tantundem fructus percipi, quantum tituli videantur polliceri. *Lutherus* hominem ineptum vocat, ut accipio, & omnino lectu indignum. Bella vero congruentia, si quod ego per occasionem vere dixi ac moderate, alius depravet, ultra septa transfiliens. Iniquissimis autem legibus mecum agetur, si præstare cogar, ne quis in posterum etiam scriptis meis abutatur; quæ felicitas ne *Paulo* quidem Apostolo contigit, si hujus Collegæ *Petro* credimus. Quamquam, ut ingenue dicam, si præscissem hujusmodi seculum exorturum, aut non scripsissem quædam, quæ scripsi, aut aliter scripsissem. Sic enim prodesse cupimus omnibus, ut, si fieri possit, neminem lædamus. Sparguntur libelli conjuratorum, in quibus pingitur & *Erasmus*. Mihi vero nullum noæn invisius, quam conjurationis, aut schismatis, aut factionis.

An. Tota hæc, qualis qualis est, fabula me dehortante co-
 1521. pta est, certe modum constanter improbante. Meæ
 literæ nulli factioni servierunt unquam, quam *Christi*,
 qui communis est omnium. Quid hoc ingenio, quid
 his literis valeam, nescio, certe conatus sum & cupio
 prodesse non modo *Germanis*, sed *Gallis*, *Hispanis*, *Bri-*
cannis, *Bohemis*, *Rutenis*, atque adeo *Turcis* quoque,
 ac *Saracenis*, si queam. Tantum abest, ut factioni tam
 periculose me voluerim unquam admiscere. Atque in-
 terim prudentiam etiam desidero in his, qui hujusmodi
 technis quenquam allici posse credunt in castra sua. Si
 quem cordatum virum alienare vellent, qua ratione id
 potius facerent? Satis autem declarant *ovium* esse, quod
 ajunt, *Θνησκίων*, quum in re tam periculosa, talibus fi-
 dunt præfidiis. Ac misere vereor, ne res hæc apud reliquas
 nationes ingens dedecus adferat nostræ *Germania*, quem-
 admodum vulgus hominum solet, paucorum stultitiam,
 universæ nationi imputare. Tot igitur atrocibus libel-
 lis, tot fumis, tot formidabilibus minis, & ampullis,
 quæso, quid aliud actum est, nisi ut quod ante dispu-
 tabatur in scholis, velut opinio probabilis, posthac
 sit articulus fidei, & jam vel Evangelium parum tu-
 tum sit docere, dum exulceratis omnibus nihil non
 rapitur ad calumniam? Poterat *Lutherus* magno cum
 fructu *Christiani* gregis tradere Philosophiam Euange-
 licam, poterat edendis libris prodesse mundo, si ab
 his temperasset, quæ non poterant non exire in tu-
 multum. Meis quoque lucubrationibus bonam captati
 fructus partem detraxit. Ne disputationes quidem in
 scholis liberæ sunt, quæ solent esse liberrimæ. Si fas
 esset odisse quenquam ob privatas offensas, neminem
 magis læserunt *Lutherani*, quam me. Et tamen opta-
 rim illo salvo, hoc longe perniciosissimum dissidium
 componi, & iis rationibus componi, ne post gravio-
 re cum periculo erumpat, quemadmodum solent male
 curata ulcera. Dices mihi, charissime *Jona*, quorsum
 mihi texis istam jam seram querelam? Primum ob
 hoc, ut quanquam res longius progressa est, quam o-
 portuit, tamen etiamnum advigiletur, si quo modo
 tantus tumultus sopiri queat. Habemus Pontificem
 suapte natura clementissimum, habemus Cæsarem mi-
 ti placabilique præditum ingenio. Id si fieri non po-
 test, nolim ut tu te huic negotio admisceas. Amavi
 semper in te præclaras *Christi* dotes, quo magis cupio
 te servari negotio Evangelico. Quo magis amabam
Hutenici venam ingenii, hoc magis doleo nobis ere-
 ptum per hos tumultus. Quis autem non excrucietur
 animo, si *Philippus Melanchthon*, juvenis tot eximiis do-
 tibus instructus, per hanc tempestatem publicis eru-
 ditorum votis adimeretur? Quod si quædam offend-
 unt in his, quorum arbitrio res humanæ temperan-
 tur, censeo suo Domino relinquendos. Si æqua præ-
 scribunt, par est parere: Sin iniqua, sanctum est to-
 lerare, ne quid deterius accidat. Si seculum hoc, to-
 tum *Christum* non fert, est tamen aliquid eum quate-
 nus licet prædicare. Hæc, quæ tecum nunc ago, mi
Jona, velim agas cum *Philippo*, aut si qui sint alii
Philippo similes. Antè omnia censeo vitandum esse dis-
 sidium, nulli bono non perniciosum. Et ita sancta
 quadam vafritie temporis serviendum, ne tamen pro-
 datur thesaurus Evangelicæ veritatis, unde corrupti
 mores publici possent restitui. Fortasse rogabit aliquis,
 num alio sim animo in *Lutherum* quam fuerim olim.
 Imo eodem sum animo, semper optavi, ut mutatis
 quibusdam, quæ mihi displicebant, pure tractaret
 Evangelicam Philosophiam, à qua nostri seculi mo-
 res heu nimium degenerarunt. Semper correctum
 malui, quam oppressum. Optabam illum sic tractare
Christi negotium, ut Ecclesiæ Proceribus, aut pro-
 baretur, aut certe non reprobaretur. Sic amari cupie-
 bam *Lutherum*, ut palam ac tuto posset amari. Nec
 alio sum animo in meos rabulas, quam in illum, si
 tam pie prædicariat *Christum*, quam impie sunt in
 me debacchati, obliviscar quæ patrarunt in me, &
 exosculabor studium in *Christum*. Non odero blate-

rones, si coeperint esse *Christi* præcones. Bene vale.
Lovanio 10. Maji, Anno 1521.

EPISTOLA DLXXIII.

*Absolutissimo Theologo, Lodovico Bero, Basilea apud
 collegium divi Petri præposito, patrono & ami-
 co incomparabili, Erasmus Rot. S. D.*

ERVDITISSIME vir, belle nobis consuluit *Luthe-* An.
 1521. *rus*, qui furiosis quibusdam bonarum literarum oso-
 ribus optatissimum telum porrexit, quo sæviant in ca-
 pita bonorum virorum, qui simplici animo favebant Eu-
 angelicæ doctrinæ, & in optimas literas. Aut ego plane
 fallor, aut ille fabulam optimam non optime agit ha-
 ctenus. Egregius vindex Evangelicæ libertatis, quam
 ita tentavit, ut verear ne pro simplici jugo, geminum
 sit nobis ferendum, ac nobis usu veniat, quod solet
 iis, quibus dum parum dextre conantur effringere car-
 cerem, duplicantur compedes, quique pharmaco pa-
 rum commode adhibito morbum exasperant. Atque
 ipse quidem fortassis in tuto est, at tanto atrocius hæc
 fanaticæ belluæ ac devoti hostes melioris eruditionis
 sæviunt hic in optimum quemque. Putant enim ad
Lutheri factionem pertinere, quicunque faverit Euan-
 gelicæ Philosophiæ, aut politiori literaturæ. Me in
 omnibus concionibus, in convivis, in colloquiis sic
 lapidant conviciis, ut nec ipsi *Stephano* cessurus videar.
 Ille semel obrutus finem malorum invenit. Ego sine
 fine lapidor à tot examinibus rabularum, interim ta-
 men bene merens de ipsis. Res acerbitate *Lutherano-*
rum, & stoliditate quorundam, qui sedulo magis quam
 prudenter, huic malo mederi conantur, in eum lo-
 cum deducta est, ut ego sane nullum videam exitum,
 nisi res humanæ magno tumultu misceantur. Quis ca-
 codæmon hoc pessimum semen miscuit rebus morta-
 lium? Adnixus sum cum essem *Colonia*, ut *Lutherus*
 auferret laudem obedientiæ, Pontifex clementiæ. Ex
 placebat Regibus quibusdam consilium. Et ecce In-
 cendium Decretalium, Captivitas *Babylonica*, assertio-
 nes illæ nimium fortes reddiderunt malum, ut vide-
 tur, immedicabile. Sic mihi videtur agere *Lutherum*,
 quasi servari nolit. Rursus adeo stolide quidam ge-
 runt rem apud populum, quasi cum *Luthero* collu-
 dant, & in causâ Pontificis prævaricentur. Quod u-
 num superest, mi *Bere*, precor ut *Christus* Opt. Max.
 omnia vertat in bonum; solus enim ille potest. Jam-
 pridem isthuc ituriebam, sed erant & sunt quæ me
 adhuc remorantur. Spero me adfuturum autumnis
 proximo. Interim *Christus* servet te cum tuis omni-
 bus incolumem. *Lovanio* 14. Maji, Anno 1521.

EPISTOLA DLXXIV.

*Guilielmo Waramo, Archiepiscopo Cantuariensi, totius
 Angliæ Primati, Erasmus S. D.*

DE animo in me tuo diligenter mihi scripsit *Za-*
charias Frisius, quondam famulus ac discipulus
 meus, nunc cliens tuæ celsitudinis, juvenis probus,
 ac fidus, planeque dignus, quem tua benignitas ad
 majora provehat. Ab *Italo* tandem extorsimus pecu-
 niam, nec sine negotio, nec sine dispendio. Nolu-
 it aurum dare, sed stuferos, eosque vix dedit, ac ple-
 rosque monetæ improbata. Summam decimavit, pro
 centum florenis nostratibus dedit nonaginta, pro quin-
 quaginta quadraginta quinque. Sic mihi deciduntur
 quindecim floreni. Non est negotiator, sed concilia-
 tor, quo genere hominum non aliud sceleratius. Ipse
 nunc laborat scabie *Gallica*, sub malo medico non sine
 vitæ periculo. Vicarius illius eodem tenetur morbo,
 tum animi, tum corporis. Cum mala scabie mihi res
 fuit: sed tamen per amicos avulsi pecuniæ partem. Tuæ
 prudentiæ fuerit posthac dispicere quibus committat pec-
 uniam, nam hæc fuit pessime collocata. Primus ille æ-
 stus nos validissima febris affecit, sed semel duntaxat. Nec
 adhuc vacavit ægrotare aut medicis uti, ita distringor
 ne-

An. necessariis laboribus. Aula Cæsarea solvit primam pen-
sionem pro sex mensibus exactis, hoc lætum est au-
spicium. Siquidem ingens favoris argumentum est,
cum hæc dat aliquid præter verba. Nec defunt qui
faveant in aula, sed præstat agere quod ago. Et va-
letudo fit in dies imbecillior, etiamsi animo nihil dece-
dit. Ingentes turbas excitavit *Lutherus*, nec video
finem, nisi *Christus* nostram temeritatem ita vertat,
quemadmodum noctua solet *Atheniensium* stulta consi-
lia bene fortunare. Vellem *Lutherus* aut tacuisset quæ-
dam, aut aliter scripsisset. Nunc vereor ne sic vite-
mus hanc *Scyllam*, ut incidamus in *Charybdem* multo
perniciosiores. Si istis, qui ventris ac tyrannidis suæ
causa nihil non audent, res succedit, nihil superest,
nisi ut scribam epitaphium *Christo* nunquam revicturo.
Actum est de scintilla charitatis Evangelicæ, actum est
de stellula lucis Evangelicæ, actum de vena coelestis do-
ctrinæ. Adeo turpiter isti adulantur Principibus &
iis unde spes est commodi, cum summa injuria *Chri-
stiana* veritatis. Ego sic rem omnem tempero, ut ne-
que desim omnino bonis literis & gloriæ *Christi*, ne-
que me seditionibus admisceam. Affulget aliquid bo-
næ spei ab æquitate *Leonis* nostri, fore ut ille *Christi*
gloriam habeat sua potiore, vel potius, ut intelli-
gat se tum demum fore Pontificem gloriosum, si ni-
hil non conferat ad illius unius gloriam. Quod tam
solicite metuis ne quid mihi desit, agnosco paternum
quendam tuum in me affectum. Sed non facile premi-
tur egestate, qui didicit parvo contentus esse. Quan-
quam nunc satrapes quispiam mihi videor, alens duos
equos curatiores quam sit ipse dominus, & duos famu-
los domino suo elegantiores. De sacerdotio quod pol-
licetur tua benignitas, vereor ne per harpyias non li-
ceat. Tot enim adsunt isthic vultures, qui multis
mensibus præsentiant cadaver futurum. Optarim oc-
casionem dari, qua liceat adhuc semel frui conspectu
colloquioque tuæ celsitudinis, & fortasse dabitur a-
liquando. Vitam longiorem nec deprecor, si do-
net *Christus*, nec anxie desidero. Tantum ætatis op-
tarem accedere, ut & animum in te gratum posterita-
ti queam testatum facere, & mortalium animos ad
sinceram *Christi* philosophiam magis etiam excitare.
Hoc animo puto me maiorem gratiam initurum apud
Iesum Principem nostrum, quam si ter divi *Petri* li-
mina nudis pedibus perrepitarem. Bene valeat tua sub-
limitas, cui cupio commendatissimus esse. *Antuerpia*
24. Maji, Anno 1521.

EPISTOLA DLXXV.

Erasmus Rot. D. Conrado Goclenio S.

VELIM te meminisse de domo conducenda, quæ
mihi sit commoda, & hortum habeat. Potes hac
de re communicare cum *Dorpio*. Nam etiamsi petam
Germaniam hoc autumno, ob nomen, tamen cuperem
istic habere nidum paratum. Mitto librum, quem
petit *Rutgerus*. Reddes epistolas *Helvetio*. Bene va-
le. 8. Junii, Anno 1521.

Accipe ab hoc *Snaphano* camisiam imperfectam,
quam mihi misit uxor *Frobenii*. Videtur enim hic il-
lam sibi qualificasse.

EPISTOLA DLXXVI.

Erasmus Rot. M. Conrado Goclenio S.

HIC *Thomas Grevii* mihi numeratur inter amicos
Pyladeos; si continget illum sedere *Lovanii*, di-
gnaberis illi dare fidele consilium de recte collocando
puero. Fortasse non erit locus in Collegio. Magis,
opinor, expediet, si commendetur alicui probo, qui
duos aut tres bonos juvenes privatim instituit. Bene
vale. Anno 1521.

EPISTOLA DLXXVII.

Erasmus Rot. Richardo Pacao S. D.

Ex officina *Frobeniana* scribunt eruditi quidam *Poly-
dori* Proverbia majusculis formulis excudi, charta
tam insigni, ut non aliud Opus dignatus sit *Frobenius*
majore vel honore vel cura. Addet Opus de rerum in-
ventoribus, simili dignitate; idque facit hortatu, imo
impulsu meo. Nam ille plane remiserat Opus *Antuer-
pianum* per *Hieronymum* filium, nec ullis rationibus ad-
duci potuit, ut aggredereetur. Exhibet utrunque pro-
ximo mercatu *Francfordiensi* bonis avibus. Eat nunc
Polydorus, & credat susurronibus, qui jactitant me in-
videre illius gloriæ. Intellego *Morum* è Consiliario
Regis factum esse Thesaurarium, quod munus cum
honorificum est, tum salarii non poenitendi. Ut vi-
deo, tam feliciter illi succedit aula, ut me illius mi-
sereat. Sed me recreat, quod iterum fui videndi spem
aliquam facit in mensem Augustum. Verum, illud, mi
Pacae, me male cruciat, quod de commentariis *Roma*
relictis nihil audio. Quæso ne quid te sumptus mo-
veat, quo minus huc referantur: non fiet tuo dispen-
dio, reddetur impendium, vel ad assensum. Si redeat
modo secundus liber *Antibarbarorum*, cæterorum ja-
cturam facile patiar. Bene vale. Ex rure *Anderlaco*
11. Junii, Anno 1521.

EPISTOLA DLXXVIII.

Erasmus Rot. Ludovico Episc. Tornacensi S. D.

NAE mihi magnopere felix fuit, reverende Præful,
illa mea ad *Petrum* amicum epistola, quæ quidem
effecit, quod ego vix ausurus eram concipere votis, ut
tua celsitudo literis humanissime scriptis suum erga me
studium testaretur, & singularem illam naturæ tuæ bo-
nitatem, veræque pietatis studium jam multorum præ-
dicatione mihi non incognitum, ceu viva quadam ima-
gine repræsentaret. Suffraganeo tuo facile ignoscerem,
quod alieno impulsu talia dixisset in famam meam apud
populum, si vel levis esset injuria, vel eam gereret per-
sonam, cui venia deberetur. Nunc quid atrocius, quam
in populari, imo in sacra concione manifestis conviciis,
atque adeo mendaciis, cessere famam hominis imme-
rentis, imo benemerentis, & quo nihil apud *Christianos*
detestabilius hæreseos crimen impingere? Atque hæc
facit Monachus, senex, Theologus, & Episcopus: de-
nique tuas, hoc est, laudatissimi Præfulis, vices gerens.
Quis autem est scurra tam perfrictæ frontis, qui re-
sponsurus sit impudentius, quam ille respondit rogatus
quid offendisset in libris meis hæreticum? Non legi, in-
quit, libros *Erasmi*, Paraphrases habebam in animo lege-
re, sed visa est *Latinitas* tam profunda, ut metus sit, ne
in hæresim aliquam posset prolabi. Ita se purgabat ma-
gnificus ille Theologus apud hominem egregie corda-
tum, neque vulgariter eruditum. Cæterum quod au-
thoritas tua literis admonuit hominem, ne posthac ita
petulanter debacchetur in nomina eorum, qui bene
merentur de sacris studiis, functus es tu quidem officio
boni Præfulis, sed aliis magis ista ratione consultum est,
quam mihi. Utinam *Scorpius* iste venenum, quod in-
fixit auditorum simplicium animis, ad se posset retra-
here. Ex amicorum literis didici, Monachum quendam
apud *Christianissimum Galliarum* Regem in concione
magis etiam insanisse: qui dixerit jam adventurum An-
tichristum, cum exstiterint quatuor præcursores, Mi-
norita nescio quis in *Italia*, *Lutherus* in *Germania*, *Ja-
cobus Faber* in *Gallia*, *Erasmus* in *Brabantia*. Hæc qui
audent, nonne summos Principes, aut pro stupidis ha-
bent, qui nihil intelligant, & credant omnia: aut pro
pessimis, qui virulentis mendaciis oblectentur: aut pla-
ne contemnunt? Sed tamen ad ista, quoniam pene quo-
tidiana sunt, par est me jam pridem occalluisse: præ-
sertim cum videam illos insanis tumultibus nihil aliud
efficere, quam ut stoliditatem suam cum pari inscitia

An. malitiaque conjunctam, prodant orbi. Equidem an-
1521. utilitatis aliquid attulerim sacris studiis nescio, certe
conatus sum enixissime: ut si videor indignus gloria,
saltem his contumeliis dignus videri non possim. Ar-
gumentum Operis, quod mihi suppeditat tua pietas,
etiam si maxime probaretur, tamen in praesentia non
vacabat aggredi, in adornanda tertia Novi Testamenti
editione, & recognoscendis divi Augustini libris, oc-
cupatissimo. Sed de hoc post consultabitur, cum se
dabit otium. Interim demiror, tuam amplitudinem hoc
e nostris lacunis petere, cum domi habeas uberrimum
optimarum rerum fontem, *Jodocum Clitoveum*. Quod
offers omne studium & officium tuum, nihil in praesentia
peto, nisi ut pergas favere melioribus literis
ac sacris studiis, & *Erasmum* inter tuos adscribas.
Habebis clientulum & amantem, & minime onero-
sum. Bene vale. Ex rure *Anderlaco* 17. Junii, An-
no 1521.

EPISTOLA DLXXIX.

Paulus Bombasius Erasmo Roterodamo S. D.

QVOD tam negligenter & raro ad te scribo, mi Era-
sme, noli aliam causam putare quam assiduum &
confusam quandam negotiorum congeriem, a pristino illo
studio nostro penitus abhorrentium, quae per plures jam
annos ita me distraxerunt, ut pene ab omni doctrina &
humanitate abstraxerint, & ad nescio quam amoviam
adegerint. Cui ut non solum contra genium meum ser-
vire, sed etiam placere modis omnibus studeam, *divo-
nia* vis me cogit, ne scilicet in tanta bene gerenda rei
occasione, mihi ipsi defuisse curiosum vulgus judicet, me-
que levitatis arguat, etate interim (ut vides) labente,
nec facultatibus adeo crescentibus, ut earum non peni-
teat, ipsisque bonarum literarum jactura compensari pos-
sit. Quanquam non ita mecum maligne agitur, ut ad
professoriam linguam redeundum fore timeam. Nam re-
ditus annuos ad cccc. ducatos nullis sacris additis, nec
fortuna, sed industria mea acceptos forendos auxi, quos
nunquam ex literario illo ocio sperare ac ne somnare
quidem mihi licuisset. Quibus si tecum aliquando li-
bere frui possem, *Craesi Thesaurus* non inviderem, ju-
staque mihi daretur ab ineptis istis ac parum liberali-
bus curis missio. Quare ut *Hercules* ad liberandum
Thesea, ita & tu ad Bombasium vinculis redimen-
dum, non ad inferos ut ille, sed ad liberiores hanc
& magis claram ceteris lucem te conferas rogo & ob-
secro; si modo eum me esse censes, quem in studiis so-
cium habere non te peniteat, vel certe studiorum tuo-
rum admiratorem. Complures magnos viros hic esse sci-
to, qui tua fama impendio favent, tibi que adversus
quoscumque patrocinantur. Leonem decimum maxime
propitium habes, cui quoties tua ad quoscumque litera
ostenduntur, eas avidissime legit & candidissime lau-
dat: novissimas ad me tuas postquam sibi per Cardina-
lem patronum meum delatas legisset, diebus aliquot post
repetiit, ac *Sadoletus* & aliis doctis legendas dedit. In
quibus hoc unum, meo utique judicio, peccare visus fui-
sti, quod nimis multa de N. cum tua eo jam perve-
nerit fama, ut quoscumque de te sermones plus invidia
quam judicii praeseferentes floccifacere possis, praeser-
tim Leone Pontifice bene adeo de te sentiente, ut Hi-
spanum nescio quem in scripta tua procaciter invectum,
sicut audio, monuerit ne quid in posterum edere ve-
lit, quod nomen tuum proscindat, & si veritati adef-
se libeat, id eo temperamento faciat, ut nihil odio aut
livori dedisse videatur. Quem cum tu in ejus causa
tam justa & pia silens, adeo benignum habeas, quid
futurum putares si pro eo vel potius veritate ipsa, quam
Lutherani isti novis rebue studentes ac haereses, jampri-
dem explosas & extinctas, importune excitantes, impiis
modis convellere ac penitus demoliri nituntur, arma su-
meres, & strenue ut nosti decertares? Quod plerique
de te expectabant, & monstra ista uni tibi quasi fato
quodam, ut magnus & immortalis fieres, destinata fuis-

sa loquebantur. Contra quae ego te hortaver, si puta-
rem me quicquam in hac praesentia causa tibi notissi-
ma, scire, quod te lateat. Hoc unum certe scio, re-
liquos omnes labores, quos hactenus vigilando & scriben-
do sumpsi, omnino steriles fuisse, praeterquam hic unus
esset. Nec ignoro quid paucissimum ab hoc unum deter-
reat animum, non dico plurimorum offensiones, quas non
sine periculo subire necesse esset, sed quorundam stultorum
immodicam petulantiam, qui quasi de industria prava-
ricantes dum optimam per se causam juvare satagunt,
ei vel maxime obsunt, & optimos quosque ab ea tu-
tanda summovent, sibi caute prospicientes, ne cum eis
pariter insanire videantur. Quorum ineptos furores non
tanti ego faciendos putarem, ut qua mea partes essent
oblivis viderer. Quod scribis expedisse hanc rem per
alios viros, & aliis rationibus agi, plures jam tecum
sentiant, & ego semper in hac sententia fui. Sed a-
dum ne agatur, potius quam remedia excogitentur a-
liqua. Postquam te Basileam venisse audio, a negotiis
meis impetrare conabor, ut per ea crebrioribus te lite-
ris meis appellare, atque adeo interpellare mihi liceat.
Hactenus dum Lovanii fuisti, cogitans quantum spacia
interesset, vix animum inducere potui, ut aliquid ad
te scriberem. Nunc operam dabo ut nugaturum mearum
te nunquam peniteat, quas vel occupatissimus ad satu-
ritatem usque tibi suggeram. Epistolam Joannis primam
vetustissimis characteribus scriptam in Vaticana biblio-
theca tandem reperi, cujus versus capituli quarti hi
sunt: Ἀγαπητοί, μὴ παντὶ πνεύματι πιστεύετε, ἀλλὰ δοκιμά-
ζετε τὰ πνεύματα εἰ ἐκ τοῦ θεοῦ εἰσιν, ὅτι πολλοὶ ψευδοπροφη-
ταὶ ἐξελθόντες εἰς τὸν κόσμον ἐν τέτταρτον γινώσκουσιν τὸ πνεῦμα
τοῦ θεοῦ. Πᾶν πνεῦμα, ὁ ὁμολογεῖ ἰησοῦν Χριστὸν ἐν σαρκὶ ἐληλυ-
θέντα, ἐκ τοῦ θεοῦ ἐστὶν καὶ πᾶν πνεῦμα, ὁ μὴ ὁμολογεῖ τὸν ἰη-
σοῦν, ἐκ τοῦ θεοῦ οὐκ ἐστὶν. καὶ τὸ τοῦτο ἐστὶ τὸ πνεῦμα ἀλη-
θινόν, ὃ ἐκχεῖται, καὶ ἡ λοιπὰ. Item ex quinto: Ὅτι τρεῖς
εἰσιν οἱ μαρτυροῦντες, τὸ πνεῦμα, καὶ τὸ ὕδωρ, καὶ τὸ αἷμα,
καὶ οἱ τρεῖς εἰς τὸ ἓν εἰσιν. εἰ τὴν μαρτυρίαν τῶν ἀνθρώπων λαμ-
βάνομεν, ἡ μαρτυρία τοῦ θεοῦ μείζων ἐστὶν. ὃ καὶ αὐτὴ ἐστὶν ἡ μαρ-
τυρία τοῦ θεοῦ, ὅτι μεμαρτύρηται ἐπὶ τῇ ᾠῇ αὐτῇ. ὁ πιστεύων
εἰς τὸ ὕδωρ καὶ τὸν αἵμα, ἔχει τὴν μαρτυρίαν ἐν αὐτῷ. ὁ μὴ πι-
στεύων τῷ θεῷ ψεύδεται πεποιήκει αὐτόν, ὃ καὶ πεπιστεύκει ἐπὶ
τῷ μαρτυρίαν, ἢ μεμαρτύρηκεν ὁ θεὸς ἐπὶ τῇ ᾠῇ αὐτῇ. καὶ αὐ-
τὴ ἐστὶν ἡ μαρτυρία ὃ καὶ αἰώνιον. καὶ ἡ λοιπὰ. Hac in
quibus ab impressis codicibus dissideant, non est quod a
me docearis. Si quid erit in quo judicium mentis exqui-
res, non tam in his quam in plerisque aliis, super quibus
doctorum altercatio est, nihil tecum dissimulanter vel
missitabunde agam, sed, ut me nosti, parrhesiastes ero.
Vale, & me cohorti doctorum commendatum redde. Ex
urbe Roma 18. Junii, Anno 1521.

EPISTOLA DLXXX.

Erasmus Roterodamus Leveno, Abbati Monasterii
S. Bavonis Gandavi, S. D.

QVAE praeter meritum obtingunt, hoc plus solent
habere precii, & quae praeter expectationem ob-
veniunt, solent esse gratiora. Nonnunquam & au-
ctor magnificus precium addit suo muneri. Nihil au-
tem tam per se vile est, quod non eximie charum red-
datur, si proveniat ab animo amico. Quot igitur no-
minibus mihi putas gratum fuisse munus tuum, Praesul
egregie, quod per insignem virum *Cornelium*, Advoca-
tum a fisco, misisti, adeo non expectanti, ut si de
coelo delapsum fuisset, non potuisset magis inexpect-
atum accidere. Nam quod ultro mittitur, quod
immerenti, quod nec per somnium expectanti, non
potest non ab amicissimo pectore proficisci. Et
munus per se gratissimum verbis etiam commendas.
Negas esse munus, sed animi symbolum. Ais non
ditandi causa missum, sed salutandi gratia. Ample-
ctor igitur istum animum tuum, & agnosco quid de-
beam. Ut pariter te redamem, tamen hoc calculo
vinces, quod me prior ad amicitiam provocaris. Nam
in ea consuetudine, quae mihi tecum fuit *Gandavi*, ac
Der-

EPISTOLA DLXXXIII.

Erasmus Richardo Pacae salutem.

AN. 1521. **V**TINAM huic fabulæ, quam nobis parum auspica-
to exorsus est *Lutherus*, Deus aliquis *ὁ θεὸς ἡμῶν*
vix felicem imponat finem. Dedit ipse telum hostibus
suis, quo confoderetur; atque ita rem gessit quasi ser-
vari nollit, frequenter & meis literis, & amicorum
vocibus admonitus, ut styli mucronem temperaret.
Tanta est enim in eo acerbitas, ut etiamsi omnia ef-
sent verissima, quæ scripsit, tamen res non potuerit ha-
bere felicem exitum. At vereor ne *Jacobita* & Theo-
logi quidam¹ parum moderate sint usuri victoria sua:
præsertim *Lovanenses*, quos habet privatum quoddam
in me odium, & nacti sunt ad eam rem organum longe
accommodatissimum, *Hieronymum Aleandrum*. Is satis
insanit suapte natura, etiamsi nullus instiget; nunc ha-
bet instigatores, qui possint etiam moderatissimum in-
genium ad insaniam adigere. Provolant undique libelli
virulentissimi,² hos omnes mihi tribuit *Aleander*, cum
ego multos nescirem natos, priusquam ex illo cogno-
scerem. Agnovit *Lutherus* suos Libros apud Cæsarem,
& tamen ex his mihi³ tribuitur *Captivitas Babylonica*.
O me⁴ fecundum, qui tot libellis scribendis suffice-
rem, cum interim difficillimo labore⁵ reconcinnem
Novum Testamentum, castigem *Augustini* libros, præ-
ter alias studii portiones. Dispercam si in omnibus
Lutheri Libris est unica syllaba mea, aut si ullus⁶ mo-
dicus liber me auctore prodiit. Imo deterreo sedulo.
Nunc hoc agunt, ut doceant *Lutherum* quædam hausisse
ex Libris meis, quasi non plura hausierit ex Epistolis
Paulinis. Nunc demum sentio hoc consilium fuisse
Germanorum, ut me volentem nolentem pertraherent
in *Lutheri* negotium. Inconsultum mehercule con-
siliū: qua re me potius abalienassent. Aut quid ego
potuissē opitulari *Luthero*, si me periculi comitem
fecissē, nisi ut pro uno perirent duo? Quo spiritu il-
le scripserit non queo satis demirari, certe bonarum
Literarum cultores ingenti gravavit invidia. Multa
quidem præclare & docuit, & monuit. Atque utinam
sua bona malis intolerabilibus non vitiaffet. Quod si
omnia pie scripsisset, non tamen erat animus ob verita-
tem capite periclitari. Non omnes ad martyrium fa-
tis habent roboris; vereor autem, ne si quid inciderit
tumultus, *Petrus* sim imitaturus.⁷ Pontificis ac Cæ-
saris bene decernentis sequor quod pium est; male⁸ sta-
tuentis fero quod tutum est. Id opinor etiam bonis
viris licere, si nulla sit spes profectus. Ac rursus Li-
bellum de *Julio* mihi impingunt; adeo nihil relinquunt
intentatum, quo lædant non tam me quam bona stu-
dia, quæ nollent⁹ isti sic efflorescere. Sed de me vi-
derit *Christus*, cui semper meæ servierunt literulæ. Po-
steaquam *Lutherus* abiit in favillas†, undique sibi lau-
dem vindicant Prædicatores ac Theologi quidam non
admodum sinceri. Videndum est cordatis Principibus,
ne jus laxetur istis sæviendi in innoxios & de Religio-
ne *Christiana* bene merentes; neve ita feramur odio in
ea, quæ male scripsit *Lutherus*, ut è bene dictis fru-
ctum amittamus. Cetera¹⁰ cognosces è *Mori* literis.
R. D. Cardinali, Patrono ac Domino meo incompa-
rabili, me facies, quam potes, commendatissimum.
Bene vale, *Pacae* Clarissime. *Bruxellis* 5. Julii, An-
no 1521. *Erasmus* tuus.

* Hanc epistolam (ab eruditiss. J. G. Meelio in Appendice ad Hoto-
manorum Epist. editam) ex chirographo Clarissimi Kortholt, quod
pro sua humanitate nobis transmisit, aliquanto emendatiorem hic
exhibemus, ut ex sequentibus patet. 1. In Appendice cit. p. 427.
sic legitur, parum moderati, sim. 2. Ibid. quos. 3. Ibid. p. 428. tri-
buit Captivitatem Babylonicam, ut referatur ad Aleandrum. 4. Ibid.
fecundum, minus recte. 5. Ibid. reconcinnarem. 6. Ibid. maledicus.
7. Ibid. Pontifices ac Cæsares bene decernentes sequor, quod pium est.
8. Ibid. statuentes. 9. Ibid. illi. 10. Ibid. cognosce, perperam.
† Ejus libri ex mandato Caroli V. Wormaciæ fuerant combusti.

EPISTOLA DLXXXIV.

Erasmus Roterod. Danieli Taispillo, Episcopo Gebel-
densi, Episcopi Morinensis a suffragiis, S. D.

REVERENDE Pater, mox ut *Bruxella* mihi red-
ditæ sunt tuæ literæ, accersivi ad colloquium *E-*
gidium Buslidium, virum adeo propense faventem bo-
nis literis, ut suis etiam damnis faveat. Exosculatus
est animum tuum, qui cum honestis studiis, tum *Bus-*
sidiani nominis gloriæ tam ex animo consultum vel-
les. Legit autem & tuas ad me, & *Agathii* ad te li-
teras. Placuit ingenium, & cupit hominem accersi,
præsertim cum morum etiam integritate commende-
tur, idque abs te viro bonis omnibus commendatissi-
mo. Proinde de statu negotii, non placet secus quic-
quam illi scribi, quam res habet. Academia *Lova-*
nienfis frequentia nulli cedit hodie, præterquam *Pari-*
siana. Numerus est plus minus tria millia, & affluunt
quotidie plures. Collegium domi paucissimos alit, præ-
sidem unum, cui rei familiaris cura delegata, professo-
res tres, & duodecim, opinor, adolescentes, atque hos
gratuito. Extra hos paucos capit domus, qui suo
sumptu vivunt apud præfectum ac professores. Audi-
torium est, ut in hac Academia, satis frequens; ali-
quoties non pauciores habens trecentis. Placebit illi
cælum hoc nostrum, nec displicebit gentis humani-
tas. Collegii locus & honestus est, nec inelegantis
structuræ. Salarium pro modo reddituum satis amplum,
pro rationibus professorum, ut ingenue dicam, nimis
angustum est, sed pro respectu personæ aut industriæ,
possit exsecutorum arbitrio augeri nonnihil. Et lice-
bit illi extra ordinem profiteri, seu *Græce* malit, seu
Hebraice. Erit illi res cum viris probissimis optimæ-
que fidei. Et bona spes est fore, ut brevi ex Princi-
pum liberalitate crescant Collegii proventus, præser-
tim si tu tuique similes suum favorem adjunxerint.
Pium est opus, magnoque olim ornamento futurum,
& huic Academia, & *Carolo* Principi. Prima laus
debetur clarissimo viro *Hieronymo Buslidio*, qui totum,
quod habebat, huic negotio dedicavit, fraudatis etiam
fratribus. Nec fraudabuntur tamen sua laude, qui
pulcherrimum hoc institutum copiis auxiliariis adju-
verint. Non enim poterit latere posteritatem, quod
trilingui facundia celebrabitur, nec minima famæ por-
tio redibit ad illos, qui primi professionem hanc, olim
futuram longe clarissimam, fuerunt auspiciati. Quod
si quem non movet humana gloria, certe pium est am-
bire laudem apud *Christum*. Advolet igitur te aucto-
re *ἀγαθὴν τὴν* tuus *Agathius*. De *Luthero* infidiis in-
tercepto atque extincto vanus rumor huc quoque per-
venerat. Omnibus modis tentatum est *Wormacia*, par-
tim minis, partim blanditiis, ut suos libellos, quos a-
gnovit omnes, Cæsareæ submitteret majestati: id ubi
non quitum est impetrari, per caduceatorem Cæsaris
publica fide *Wittenbergam* reductus est, dato ad hoc vi-
ginti dierum spacio. Mox ex mandato Cæsaris, qui
vehementer infensus est *Luthero*, sive instigantibus a-
liis, sive sedulo quodam ac propenso fidei *Christiane*
studio, libri *Wormacia* combusti sunt. Excusum est &
Lovanii terribile edictum in ultionem eorum, qui non
paruerint Cæsareæ voluntati. Bene vale. Ex *Anderla-*
co 5. Julii, Anno 1521.

EPISTOLA DLXXXV.

Joannes Lodovicus Vives clarissimo viro D. De-
siderio Erasmo Roterod. præceptori suo
colendiss. S. D.

NVNC primum renunciat mihi *Laurentius Decanus*,
Stephanum comitem iturum isthuc: si quid vellem
mandare, discessurum eum hinc cras sub solis ortum; ita-
que accipies à me, quæ in mentem nunc veniunt. Nam
habebam in animo literas tibi scribere longi subsellii, ut
ait ille, si tabellarium invenissem, à quo essem submo-
nitus

An. ^{1521.} *nitus tempestive. Lovanio pridie quam illinc abirem, de-*
di regis Lillii literas ad te, μετὰ παρορμητικῶν τινῶν cre-
do esse redditas. Et significabam tibi, me iturum postri-
die Antuerpiam, ubi inveni Joannem tuum in conven-
tu mercatorum; quem paulo post requisivi, ut ad te scri-
berem: jam nusquam erat, miratusque sum nihil eum
attulisse mihi abs te. Cumque Antuerpiæ non convalesce-
rem, veni Brugas, ratus me non mansurum hic supra
hebdomadas duas: jam sextam hic ero; usque adeo infi-
xus habebat hic morbus: maxima tamen pars abiit; &
quod restat, non me magnopere terret; sed cum hic ha-
biturus desedi, manebo hic Regem, & Morum, ut vi-
deam quo pacto sit mihi vivendum posthac. Pecunia Re-
gina me huc usque alui, & alo. Moro scripsi me proli-
xe colloquuturum cum eo, cum venerit; suspicari potest
quid velim; sed non aperte quicquam, quum nollem te
inconsulto; tamen si consilium tuum propemodum novi, ut
parem deum ad vitam studiosam, undecunque queam;
quod, cum alia praestitero omnia, non est in manu mea
praestare: quod si in eo solo sita est fortuna, non est suæ
quisque fortunæ faber, ut dicebat Appius. Habes qua
hactenus egerim, quaque sim brevi acturus; scio qua sub-
eat animum tuum cogitatio. De Augustino quid? sex
libros habeo paratos, hoc est, recognitos; nam alii per-
multi sunt scripti; quos sex possem mittere, si, qui ex-
scriberet, haberem. Caterum, si non mittantur hoc Augu-
sto, mittentur antehyemem, ut spero. Scit Deus quantum
eares me angat; sed vis me Θεομαχῆν; malui differre Au-
gustinum, quam vel immori labori, vel evadere inutilem
aliis laboribus oppressum morbis, & sine ullo instrumento
vite. Hac enim recuperare difficile possem semel amissa;
illum dilatum facile erit in manus sumere, cum volam.
Rogo te etiam atque etiam, ut si non vel tempori, vel
forti, vel fato imputandam hanc culpam censes, mihi
saltem hanc facias hujus errati gratiam, siquidem per
me erratum: πῶς ποτὶς οὐδὲ παρορμητικῶς αἰῶνας, qua inter
legendum occurrerunt: fac ut per hunc eundem, qui has
ad te pertulit, rescribas nobis, si modo vacat: & si scri-
pto aut non potes, aut non vis, verbo certe effice, ut de
tua valetudine statuque rerum tua mortalium tum intel-
ligam, quas ego non minus charas habeo, curoque, quam
meas. Vale, preceptor omnium charissime. Brugis 10.
Julii, Anno 1521.

EPISTOLA DLXXXVI.

Erasmus Rot. Guilielmo Taleo suo S. D.

QVANDO defines queri, me tuum nomen è Gui-
lielmorum catalogo submovisse? Quantumvis ab-
est à catalogo Taleo, certe ab animo nunquam abfuit.
Monumentum amoris in me tui, quoquo me confero,
mecum circumfero. Et utinam aliquando contingat ad
veterem illam redire vitæ consuetudinem, & quam
Porraria primum sumus auspiciati, mox apud Britannos
renovavimus, feliciter consummemus. Utinam casus
aliquis, tuo quidem bono, in hanc nostram Braban-
tiam te propellat. Est Lovanii coelum, quod vel Itali-
co quondam adamato præferas: non amicum modo,
verum etiam salubre. Nusquam studetur quietius. Nec
alibi felicior ingeniorum proventus. Nusquam profes-
sorum major aut paratior copia. Hæc commoda si te
huc non pelliciunt, certe tanti est pestem Britannicam
effugere, quæ, ut audio, isthic parcit nemini. Bene
vale. Brugis 13. Augusti, Anno 1521.

EPISTOLA DLXXXVII.

Erasmus Roterod. Petro Barbirio S. D.

AMANTISSIME tu quidem, mi Barbiri, subin-
de me provocas ad amicitiam cum Theologis
Lovaniensibus adglutinandam, sed plane currentem,
quod ajunt, incitas. Nemo me vivit amicitiae vel cu-
pientior vel tenacior; sed nescio quis malus genius in
causa sit, ut cum his aut non cocat, aut cocat infir-
ma. Ego inapte natura simplici sum animo, & ami-

* Ita legitur in Edit. Londinensi; forsân tuarum.

A cos diligo magis quam colo. Cujus rei tu potes opti-
mus esse testis, qui videris quam indiligenter colue-
rim eximium illum virum Joannem Sylvagium, Cæsa-
ris Cancellarium, tibi mecum communem Mecanatem.
Nec aliter colui Archiepiscopum Cantuariensem, Mont-
joium, & Cardinales, quos habebam Roma faventissi-
mos. Et tamen, si detur occasio, quæ requirat officium
meum, nihil amicorum gratia sim recusaturus. Sed
sunt in hoc numero, quos longe difficilius sit coluisse,
quam Monarcham aliquem præpotentem: atque ii sunt
ea vitæ professione, quam summa decebat morum fa-
cilitas, comitas, atque etiam candor, si mores pallio
responderent. Cum Joanne Atensi, cumque cæteris
mihi facile convenisset, si placari potuisset unus aut
alter Carmelitici Dominicalisque sodalitii Theologus.
Hi ad quamvis levem suspicionem, aut quodvis dictum
alicunde seu vere, seu falso delatum instaurant Tragœ-
diam. Et ut ingenue, quod verum est, fatear, sum na-
tura propensior ad jocos quam fortasse deceat, & lin-
guæ liberioris, quam nonnunquam expediat. Metior
enim aliorum animos ex meo. Nec toties falsus pos-
sum ab ingenio meo recedere. Quæso, quid habebat
editio Novi Testamenti, cur in hoc quidam sic atro-
citer vociferarentur, ac Martinum Dorpium in me sub-
ornarent, qui stylo lacefferet Erasmm? Commigra-
vi, ut scis, Lovanium. Sic enim tum visum est Cæ-
sari. Ego ut omnibus esse cupiebam amicus, ita nul-
lius ambiebam amicitiam. Atensis opera provocatus
sum à Theologis ad amicitiam. Eam simpliciter am-
plexus sum, oblitus omnium quæ prius in me facta
dictave fuerant. Ita rebus aliquandiu satis tranquillis,
ortum est trilingue Collegium. Ea res male habebat
quosdam, præsertim Nicolaum Carmelitam. Et omni-
no mea sententia subversuri fuerant rem tanto orna-
mento futuram ditioni Principis, tanto usui publicis
studiis, ni conatus illorum cohibuisset Adrianus Card.
Dertusensis. Sic enim accipio. Huic ego negotio certe
palam ac libere favi, nec ob aliud favi nisi quod fave-
rem publicæ studiorum utilitati. Alioqui nihil istic
mihi metebatur, etiamsi sevissem aliquid. Quoniam
autem intellexeram illos potissimum offensos Novo Te-
stamento, multis mensibus in eo sudabam emendando.
Tum quoniam videbam Joannem Atensem, sic omnes
præcellere judicio doctrinaque, quemadmodum præ-
minebat auctoritate, ut ex hoc uno cæteri possent æ-
stimari, cum hoc egi, teste Nicolao Momenfi, apud
quem tum egeramus prandium, ut in eo negotio me
sua cura fideque adjutaret: professus me quidem hoc
sedulo agere, ut Opus exiret tale, ut nullus eruditus
ac pius merito possit offendi, studium quidem & affe-
ctum esse pium, cæterum vires impares esse tanto ne-
gotio. Proinde illum me sibi devincturum summo be-
neficio, si moneret, quæ judicaret esse corrigenda. Id
cum multis verbis agerem, respondit ille, sibi jam
emptum esse codicem, sed nondum esse perlectum,
perlecturum tamen, nec secus acturum mecum, quam
cum proprio fratre: nam hisce verbis tum usus est.
Eaque verba semel atque iterum repetiit. Ac primo
colloquio, quod mihi fuit cum Nicolao Egmundano, ro-
gavi hominem, libere moneret si quid offenderet in
eo Opere, initurum apud me summam gratiam. Ni-
hil aliud ille respondit, quam sibi librum nunquam
esse lectum. Idem aliquoties egi cum Latino, frequen-
tius etiam cum Dorpio. Tandem appetebat tempus ut
ob secundam Editionem peterem Basileam. Paulo an-
te Atensis ad cœnam vocat. Aderat Egmundanus & Lo-
dovicus Vives. A cœna indico Atensi me intra paucos
dies abiturum Basileam. Rogo, obsecro, obtestor, ut
amanter admoneat si quid judicaret esse mutandum:
præsertim si quid officere posset bonis moribus aut fi-
dei Catholicæ. Ille respondit, sibi totum Opus esse le-
ctum, ac videri pium juxta atque eruditum. Hic ego,
malim, inquam, admoneri quam laudari. Admonitio
proderit, laus ista nihil profuerit. Nunc integrum est
corrigere, posthac non licebit idem. Ad hæc cum ille
repe-

An. repetisset laudes ante tributas: Si isthæc, inquam, 1521. ex animo dicis, cur tam atrocibus clamoribus quidam infectati sunt hoc Opus primum editum? Tum ille, priusquam, inquit, legissem Opus, multa erant ad me delata: sed eo perlecto comperi rem secus habere. Quæ scripsisti mihi magnopere placent, quæ scripturus sis nescio. Ad hæc respondi, me non dubitare, quin si primam Editionem probaret, hanc esset multo magis probaturus. Hortatus est denique me, ut meis sanctis laboribus (sic enim loquebatur) pergerem provehere religionem Christianam. Hac oratione tanti viri fretus, abii *Basileam*. Absolvo partem Operis, in qua plus erat periculi, nimirum Annotationes. Redeo. Accurrit *Atensis*, accurrit *Dorpius*, cum tamen Chirurghi iudicassent me laborare peste. Hæc erant argumenta constantis adhuc amicitiae. Trado *Dorpio* partem voluminis excusam, hac lege, ut si quid offenderet, indicaret. Adhuc enim integrum esse mutare, licet cum iactura pecuniae; donec Opus intra typographi parietes premeretur. Mox manavit ad me rumor de *Leo*, qui trecenta loca taxasset in Novo Testamento, horrenda, periculosa. Evoco hominem ad colloquium, offero præter cæteras hanc conditionem, ut si quid haberet quod esset cum morum aut fidei periculo conjunctum, communicaret, me correcturum, nondum enim exisse librum in manus hominum, idque cum honorifica mentione nominis *Leici* qui monuisset. Recusavit ille. Res acta est cum *Atensi*. Is tergiversatus est, suspicans, opinor, rem in Tragœdiam exituram. *Leo* respondi-
mus; successit *Latomii* libellus, haud scio quo consilio editus, strophis obliquis me petens. Respondi civiliter, atque etiam, ut quidam interpretati sunt, abjecte. Scis quam non quiverim percelli, ut cum *Dorpio* descenderem in certamen, cujus ingenium unice diligebam. Neque multo secus affectus eram erga *Latomium*, qui tum nec à Gratiis, nec à Musis videbatur alienus. Sed nescio quis malus genius non passus est amicitiam nostram coalescere. Interim in concionibus subinde perstringebar apud promiscuam multitudinem. Tandem *Atensis* in frequentissima schola talibus conviciis lapidavit me, ut plane spes esset *Erasmum* aut dolore moriturum, aut aliquo sese abditurum. Itum est ad magnates, ut hos in odium mei pertraherent. Emissi sunt qui passim in me deblaterarent. Tantis odiis res acta est, ut quemlibet, etiam lenissimi ingenii, in rabiem posset agere. Tandem malis avibus prodierunt aliquot libelli *Lutheri*. Hic totus est renovatus tumultus. Convenit inter illos suspicio, hos libros mea opera scriptos, ob unam aut alteram præfationem paulo Latiniorem. Datum est negotium Baccalaureis, ut colligerent errores meos. Ac mox errorum plena erant omnia, totos modos errorum subito collegerunt. Nec ullius interim admoneor ego. In Collegiorum conviviis nullus erat sermo nisi de erroribus *Erasmi*. Dum finis nullus esset, extundo ab *Atensi*, ut ipse cum uno aut altero docto, notet aliquot locos, quibus offenderentur. Notavit perpaucos *Atensis*, sed haud magni momenti: notavit aliquot *Dorpius* minoris etiam momenti. *Atensis* testatus se nihil addubitare, quin optime sentirem, tantum petiit ut explicarem, propter infirmos. Explicui, & libellum illi *Dorpioque* tradidi. Probavit *Atensis* omnia. Tantum addi cupiebat, *Confessionem hanc, ut nunc exercetur, à Christo fuisse institutam*. Ejus dogmatis, quoniam mihi non constabat, auctor esse nolui. Deinde cum *Atensis* recusaret auctor fieri ejus negotii, & jam murmur conquievisset, visum est & ipsi ut res silentio transmitteretur. Rursus quum incrudescere in dies Tragœdia *Lutherana*, jam palam esset illos aliquid magni mali moliri in me, exposulavi cum aliquot primoribus, quid esset monstri quod alerent. Solus *Egmondanus*, ut est liberior, nam hoc certe habet boni, falsus est in causa fuisse suspensionem de libris *Lutheri*. Ego demirans, tales viros, tali fundamento superstruere tam odiosam tragœdiam, doceo id quod erat res,

A illic ne syllabam quidem esse meam, aut me conscio An. seu volente scriptam. Interea provolarunt undique nu- 1521. gacissimi libelli, quibus mire sibi plaudunt *Germani*. Nihil prodibat quod non mihi tribuerent. Tandem *Atensis*, opinor, intellecto suspicionis errore, per eum, qui tum erat Gymnasiarcha, perque hospitem meum *Joannem Nevium Hontiscotannum*, agit de facienda concordia. Præbui me facillimum: tametsi tot modis læsus, quum ne muscam quidem ipse læserim. Coiit foedus in Collegio *Falconis*, hac lege, ut omnium præteritorum esset oblivio. Illi sarcirent pro sua virili famam meam, quam tot modis læsissent, ego cohiberem calamos amicorum eruditorum, quod quidem esset in me. Et ecce paulo post prodiit farrago quædam epistolarum, quas è fasciculis aliquot electas ediderant *Basilea* quidam amici *Germani*, quorum & fidei sæpe numero magno meo malo credidi, & studiis avidis verius quam prudentibus nimium sum obsequutus. In his inerant versus aliquot quibus offendeantur, præsertim *Carmelita*. Et ecce subito nova tempestas atrocior priore. Atqui volumen illud epistolarum sex ferme menses excusum fuerat, antequam de facienda concordia cœpisset agi. Vides, optime *Barbiri*, me nequaquam sprevisse iudicium Theologorum *Lovanien-
sium*. Tametsi non erat, cur illos potius quam alios Operis mei censores facerem. Vides per me non stetit quo minus inter nos constiterit amicitia Christiana. C Deinde quum *Lutherana* Tragœdia semper in pejus glisceret, mire quidam conati sunt me illi admiscere. Ego vulgato etiam scripto ante biennium testatus sum nihil omnino rei mihi esse cum *Luthero*, nullam agnoscere factionem, nisi Christianam, si tamen ea dicenda est factio. Atque interim mira rabie lapidabar in publicis concionibus, in publicis professionibus, à *Carmelita Dominicalibusque* quibusdam, nonnunquam etiam nominatim. Hæc perpeti judicavi potius, quam cum tanto examine colluctari. Porro quod scribis istic suspensionem extinctam, me favere *Luthero*, non miror, sed miror unquam ortam fuisse. Utinam tam immunis essem ab omnibus vitiis quam sum ab hoc alienus negotio: non dubitarem vel citra confessionem emori. Initio dici non potest quam multi qualesque viri *Luthero* faverint. Ego è pauculis pagellis degustatis, visus sum mihi subodorari rem exituram in tumultum. Et mihi sane adeo est invisâ discordia, ut veritas etiam displiceat seditiosa. Primus omnium admonui hominem literis, ut rem Evangelicam, Evangelica mansuetudine moderationeque tractaret. Et adeo illi non addidi animos, ut crebris epistolis & *Lutherum* ipsum & amicos *Lutheri* deterruerim, ne pergerent qua cœperant via. Atque hac in re tam fui diligens, ut quorundam literis admonitus sim, si mihi non placeret *Lutheri* negotium, certe dissimularem, ne tot nobilium atque eruditorum animos ac stylum in me concitarem. Si *Lutherus* Evangelico spiritu scripsit, quod adhuc affirmant plurimi, meus tamen metus non fuit impius, qui timuerim publicæ concordiae: Sin secus, primus omnium obstiti pro viribus, ne libri illius evulgarentur. Si tibi narrem, à quibus, & quibus modis sollicitatus sim, ut adjungerer negotio *Luthero*, quibus technis quidam conati sint me pellicere, quibus odiis quidam huc me conati sint propellere, tum demum intelligeres quam mihi displiceant dissidia. Videbam me iacturam facturum amicorum, quos & plurimos & non vulgariter eruditos habebam in *Germania*. Non ignorabam quam pertinacibus odiis me infectarentur quidam apud nos, odio bonarum literarum. F Perspiciebam esse tutius in alteram factionem secedere. At mihi stat, semperque stabit sententia, vel membratim discerpi potius, quam fovere discordiam; præsertim in negotio fidei. Occinunt multi, qui *Luthero* favent, illud Evangelicum, *Non veni mittere pacem, sed gladium*. Equidem ut mihi videre videor esse quædam in Ecclesia recepta, quæ magno Christianæ religionis bono mutarentur, ita nihil placet quod hujusmodi

modi tumultu geritur. Si communicato inter ipsos con-
 filio docti libellis obfignatis utriusque ditionis proce-
 res admonuissent, quæ judicassent ad Euangelicæ do-
 ctrinæ sinceritatem attinere, fortassis & ipse fuisset u-
 nus, qui sedulo quod potuisset consuluissem. Nunc
 quid furiosius quam rem tantam maledicis libellis &
 clamoribus agi? Quo quidem in negotio primum utrin-
 que peccatum est, mea sententia, nimium calidis con-
 siliis hinc atque hinc res gesta est. Nuper exiit liber
Thoma Card. Cajetani, in totum abstinens à personis,
 à conviciis omnibus temperans, nudis argumentis &
 Auctorum testimoniis rem agens, non minore cura
 quam ingenio. Hujusmodi volebam vel sexcentos scri-
 bi adversus *Lutherum*: qui rem illustrent, non excitant
 tumultum. Nullus enim est qui non cupiat doceri.
 Quod si diversa pars parum meminit modestiæ, no-
 strum tamen erat meminisse. Imo hoc erat non mode-
 stiæ, sed prudentiæ, cavere quod nostram causam læ-
 deret, adversariorum adjuvaret. Id si fuisset initio fa-
 ctum, aut ego fallor, aut res non processisset huc tu-
 multus. Nec aliud imputare possunt *Erasmus*, nisi quod
 primum improbavit seditiosis clamoribus impeti *Lu-
 therum*, præsertim apud populum: sed ita tamen im-
 probabam, ut illis esset liberum quantum vellent vo-
 ciferari. Cum eruditis aliquot, qui nunc feruntur non
 omnino alieni à *Luthero*, jam mihi intercesserat studio-
 rum nomine contracta necessitudo, priusquam orbis
 audisset *Lutheri* nomen. Porro, quod dicitur quædam
 hausisse è libris meis, mihi in manu non erat præstare,
 ne quis scriptis meis in posterum abuteretur, quando
 hoc nec Evangelistæ, nec Apostoli præstare potuerunt.
 Scripsi eo seculo quæ tum videbantur ad bonos mores
 conducere: fortassis quædam scripturus circumspicius,
 si præscissem exoriturum hoc seculum plusquam tra-
 gicum. Loci communes, quibus fere declamabam, fa-
 ciunt adversus eos, qui, neglectis fontibus sacrorum
 Voluminum, nimium inhærent quæstiunculis sophisti-
 cis verius quam Theologicis: qui neglectis iis, quæ
 sunt veræ pietatis, plus æquo fiderent ceremoniis, &
 plus haberent *Judaismi* quam *Christianismi*: qui præ-
 postero judicio ea plurimi facerent, quæ minimum ha-
 bent momenti, minimi, quæ plurimum. Frequenter ca-
 lamo belligerabar adversus bella, quibus multis jam se-
 culis subinde mundus colliditur, non minore pernici-
 e morum quam dedecore *Christiani* nominis. Et hæcenus
 nemo compertus est, qui ex meis libris factus sit pilo
 deterior. Multi gratias agunt, quod ad gustum veræ
 pietatis expurgari coeperint. Seditionem & obscœ-
 nitatem in scriptis semper diligentissime cavi. Ab as-
 severatione tempero, monitor esse malens quam dog-
 matistes. In his articulis, qui damnantur in *Lutheri* li-
 bris, nihil video quod illi mecum conveniat, nisi for-
 te quod à me moderate suoque loco dictum est, ille
 dicit immodice. Quod genus est, si ego fortassis ali-
 cubi scripsi, minus fructus ex *Dionysio* colligi, quam
 ex *Origene* aut *Chrysostomo*, ille scribit *Dionysium* Au-
 ctorem esse ineptum ac pestilentem. Si hoc est con-
 gruere, congruet vinum aceto. Sed dices, Hæcenus
 non scripsisti quicquam adversus *Lutherum*. Id quo mi-
 nus fecerim, duo præcipue fuerunt in causa, ocii pe-
 nuria, & imperitiæ propriæ conscientia. Distorquebar
 meis studiis, adeo ut sæpenumero valetudo laboribus
 immodicis periclitaretur. Et videbam longe aliud esse
 hortari ad studium bonarum literarum, invitare ad bo-
 nos mores, annotare aliquid in lectione sacrorum Vo-
 luminum: aliud rem fidei in orbis totius theatro tra-
 ctare. Videbam utrinque partes sic accensas studiis, ut
 alteri, nisi magnis vociferationibus, satisfieri non pos-
 set: alteram sic instructam & copiis & dentatis libel-
 lis, ut malim *Elvetiorum* lanceis objici, quam horum
 stylis confodi. Habent enim multos, quorum literæ vî-
 deantur apud posteros victuræ. Et tamen fateor in cau-
 sa fidei vitam etiam negligendam, si modo facultas re-
 spondisset animo. Certe non concedo *Latomo*, ut illi
 magis displicuerit hoc orbis diffidium quam mihi: præ-

fertim cum hoc fermento vitata sit ubique fere dulce-
 do studiorum. Ut insanum sit omnia probare quæ scri-
 psit aut scripturus sit *Lutherus*, ita non placet, Aucto-
 ris odio damnare quæ vera sunt, ea depravare quæ re-
 cta sunt. Si scribit adversus *Lutherum*, qui subinde vo-
 cat illum asinum, stipitem, bestiam, cacodæmonem,
 Antichristum, nihil erat facilius, quam in illum scribe-
 re. Ego ex omnibus illius lucubrationibus vix duode-
 cim legi pagellas. Neque enim vacat, & si vacaret,
 malim hoc ocii in vetustis Auctoribus collocare. Et ta-
 men vix quenquam adhuc reperi, qui se dicat poenite-
 re legisse libros illius, etiam si multa displiceant. Quid
 multis? Tale negotium est, ut difficillimum sit ita sa-
 tisfacere hominibus, ut nusquam prodas Evangelicam
 veritatem. Res non solum absolutam eruditionem, ve-
 rum etiam singularem prudentiam, desiderat; non si-
 ne auctoritate. Et video non defuturos qui provinciam
 hanc & possint & velint suscipere, Episcopos, Cardi-
 nales, Reges denique. Quicquid incendio, quicquid
 diplomatis Principum effici potest, abunde confectum
 est. Sed hæc utinam perinde mutarent animos homi-
 num, ut coercent linguas. Si pium est nocere causæ
Lutheri, fortassis magis illi nocui, quam quisquam eo-
 rum qui odiosissime reclamarunt, quique hominem con-
 viciosis libellis prosciderunt. Primum, violentum
 illum ac seditiosum scribendi modum, constanter,
 & ab ipso statim initio, palam & apud amicos &
 apud inimicos *Lutheri* improbavi. Non destiti & ser-
 monibus & scriptis epistolis dehortari plurimos, ut ab
 ea factione sese abstinerent. Nullis studiis adduci po-
 tui, ut vel paululum ipse memet admiscerem. Hæc,
 opinor, plus fregerunt vires ejus factionis quam quo-
 rundam tumultus. Hæc adeo non ignorat *Germania*,
 ut toto hoc anno nullus eorum, qui *Luthero* favere cre-
 duntur, verbum ad me scripserit, nemo inviserit, ne-
 mo salvere jusserit, cum antehac officiis hujusmodi
 propemodum occiderint. Quin, ut ex amicorum lite-
 ris accipio, *Lutherani* in suis professionibus subinde me
 perstringunt, clamitant *Pelagianum*. Erat quod mihi
 succenserent, si unquam in castris illorum fuisset, si
 hujus negotii hortator fuisset. Nunc præter causam
 succensent, cum semper ab hac tumultuosa scripture
 ad Evangelicam modestiam provocarim. Nec audio ma-
 gnos alioqui viros, qui dicunt morbum fuisse gravio-
 rem, quam ut levi pharmaco sanari possit. Turbandum fuisse
 corpus efficaci remedio, quo mox succederet sanitas.
 Hoc si verum est, ego per alios fieri malim quam per
 me. Si commerentur hoc corrupti mortalium mores,
 non deerit Deo *Nabuchodonosor*, per quem flagellet po-
 pulum suum. Ut tale nihil video factum ab Apostolicis
 viris, ita mihi non placet quicquam per tumultum ge-
 ri. *Christus* ejecit vendentes & ementes è Templo, sed
 suis idem nunquam mandavit: quibus docendi munus
 delegavit, non pugnandi. In summa, mihi ut semper
 placet concordia, ita hic quoque malim pacem aliquan-
 tulum inquam, quam bellum æquissimum. Atque uti-
 nam sedatis animis utrinque incumbatur in hoc, ut
 in Evangelica veritate consentiamus, priusquam ad pro-
 pagandam religionem properemus. Verum ea res non
 vulgo proditis libellis, sed obfignatis secretisque con-
 siliis esset agenda. Exquirendum, unde hic affectus
 tam late occuparit animos hominum. Fortasse sic faci-
 lius tolleretur hoc malum, si fontes unde scatet tol-
 lerentur. Verum, hoc à Monarchis proficiatur o-
 portet. Ego perfectis his, quæ proximis nundinis exi-
 bunt, aggrediar aliquid, non tam adversus *Lutherum*,
 in quem abunde detonatum est conviciis, si quid his
 rebus proficeretur, sed magis ad compescendum hoc
 diffidium. Jam scio dices, *Sic itur ad bellum*. Uti-
 nam, mi *Barbiri*, vere posset hoc in me dici. Sed
 vereor ne propemodum ante tempus adhuc venerim.
 Adeo sese condensant, nec loco cedunt conjuratæ
 phalanges. Næ ego præclarum interim operæ pre-
 cium fero qui utrinque lapidor? Apud nostros falsissi-
 mo titulo traducor *Lutheranus*, apud *Germanos* male
 Tom. III. T t au.

An. audio, ut *Lutheranae* factionis adversarius. Sed utinam vel
1521. vitam, non modo famæ jactura queam hanc perniciosissi-
mam tempestatem vertere in tranquillitatem. Ego
nullum exitum video, nisi *Christus* ipse velut *Son* *mun-*
us, felicem catastrophon imponat infelici fabulæ. At-
que interim cum propemodum obfurdierim ad *Luthe-*
rani vocabulum, nondum satis intelligo quid sit esse
Lutheranum. Si *Lutheranus* est, quisquis *Lutheri* li-
bros legit, legit & *Latomus*. Sin *Lutheranus* non est
qui legit ut refellat, aut damnet, qui *Lutheranus* erit
qui hoc animo legit, ut si quid inest, quod faciat ad
bonam mentem, excerpit, si quid erroris, detestetur
ac rejiciat? Sin *Lutheranus* est, qui omnia illius & scri-
pta, & scribenda, citra exceptionem tuetur ac probat,
talis adhuc nemo mihi compertus est, nec arbitror
quonquam esse tam infani cerebri. Ego sane nec *Hie-*
ronymo, nec *Augustino* sic addictus esse vellem, vix
etiam ipsi *Paulo*, ut aliquid dicam *corruptelam*. Cæ-
terum ego, qui nec lego libros illius, nec defendo quic-
quam, quo pacto fingor *Lutheranus*? Si orthodoxus
est, quisquis maledicit *Luthero*, gratulandum est popu-
lo Christiano. Sed vereor, optime *Barbiri*, ne com-
plures sint, qui magnis conviciis insectantur in *Luthe-*
rani leviam quædam: quod genus sit, *Quicquid agit*
justus, peccatum esse: cum ipsi non credant, id quod
est totius fidei nostræ basis, videlicet animum superes-
se à morte corporis. Sed tamen video duas rationes,
quibus *Lutheranus* videri queam. Primum, si *Luthe-*
ranus est è cuius libris hausit occasionem erroris, si ta-
men aliquid hausit ex meis. Sed hac ratione *Luthe-*
ranus erit *Paulus*, è cuius scriptis plura hausit quam ex
meis. Unde enim hæretici veteres hauserunt errorum
suorum semina, nisi è sacris Libris? Et tamen nullus hoc
imputat horum auctoribus. Ad hæc, si *Lutheranus* est,
qui quocunque modo favet *Luthero*, & favet haud du-
bit, qui hortatur ad meliora, qui correctum cupit: hoc
nomine plane *Lutheranus* fui quondam, & sum adhuc,
& esse puto quotquot sunt vere Christiani. Quis enim
non malit fratrem suum emendatum quam extinctum?
Sed ut sit tandem harum natiarum finis, Quando tu
defines nos torquere desiderio tui: Quando reddes no-
bis tuum conspectum? Utinam te videam in tua *Paria*
narratum. Dispeream, nisi malim illic agere inter gen-
tes ignotissimas, quam hic inter rabiosas obtrectatio-
nes. Qui morbus olim Monachorum latebris familia-
ris, nunc in ipsas Regum aulas penetravit. Nulla est
compotatio, in qua non acribus studiis decertetur de
Luthero. Mox ad *Erasmum* rixa defecit. Deum im-
mortalem! quid ibi non dicitur ab iis, qui tantum sapiunt
in hoc negotio, quantum de pictura Camelus? Et nul-
li clamant fortius. Hoc mali debeo *Germanicis* amicis.
Equidem ex animo faveo *Germania*. Dicit non potest
quam in dies efflorescat ingeniis felicissimis: in me pro-
pensioribus studiis, quam vel promerebar, vel postu-
labam. Sed optarem quorundam amicitias, mihi ali-
quanto fuisse auspiciores quam fuerunt. *Britannia* vul-
go male audit, quoties de fide agitur. At illic tales a-
micos, tam fidos, tam constantes, tam prudenter fa-
ventes reperi, ut meliores ne optare quidem potuissem.
Bene vale, & cura ut quam primum ad nos venias *Hispa-*
nienfibus ducatis onustus: nam hic mira auri fitis. Quan-
doquidem video glebas illas aureas, quas nobis polliceri
soles in *Paria*, simillimas montibus aureis *Persarum*.
Brugis 13. Augusti, Anno 1521.

EPISTOLA DLXXXVIII.

Erasmus Roterod. Hieronymo Frobenio S. D.

Mihi gratias agis, mi *Hieronyme*, quod ex literis
meis propensior in te factus sit patris animus. Sed
in te situm est, ut sit propensissimus. Id fiet, si te ve-
re filium esse declares, & ex animo rem patris adju-
ves. Non mirum, si quando cessant operæ mercena-
riæ. At tu dum patrem adjuvas, tuum ipsius agis ne-
gotium. Nunc ætas est laborum omnium patiens; ea

est rebus honestis exercenda. Quod datur vacui tem-
poris, hoc impende honestis studiis, & evolvendis bo-
nis Auctoribus. Fuge consortia nepotum & ociosorum,
abduc te à juvenilibus voluptatibus, & veris dotibus
temet instrue. Quod si facias, non deerit tibi neque
gloria, neque pecunia: sin scelus, & ego te frustra
commendavero patri, & ipse tibi parum bene consu-
lueris. Sed absit ut hoc eveniat. Confido, mi *Hiero-*
nyme, te talem futurum, qualem optamus utrique.
Bene vale, & saluta *Erasmium* puerum, ut audio,
speci optimæ. *Brugis* 14. Augusti, Anno 1521.

EPISTOLA DLXXIX.

Erasmus Roterodamus Richardo Paceo S. D.

De nostris commentariis nihil audio, mi *Paceo*,
quæ res gravius excruciat animum meum, quam
quum in litore *Dovariensi* semel periret universa res pec-
uniaria. Cui debeam hanc imputare jacturam nescio,
certe tuo animo nec libet imputare, nec possum. Li-
brum, quem Regia majestas conscripsit adversus *Luthe-*
rum, vidi tantum in manibus *Marini* Nuncii Apostolici.
Vehementer aveo legere. Nec enim dubito quin dignus
sit illo longe felicissimo ingenio, quod mire valet, ubi-
cunque sese intenderit. Olim prodigiosæ pietatis ha-
beatur, & Divorum dignum Catalogo, si Princeps
copiis & armis depulisset hostes à cervicibus *Christia-*
norum. At *Henricus* octavus ingenio, calamoque, pro-
pugnat pro *Christi* sponsa, satis declarans, quid præ-
staturus sit, si res arma flagitarit. At interim quod
nunc præstat, ut mea sententia multo difficilius est, ita
laudem solidiorem magisque propriam illi pariet. Nam
bellicæ rei laudem fortuna partitur in multos, sæpe-
numero multo maximam partem sibi vendicans, hic
quoniam res omnis animi præsidii geritur, quicquid
laudis est, uni proprie debetur *Henrico*. Quotquot co-
limus aut amamus bonas literas, ingratis simus, ni
tale ingenium veneretur atque exosculemur, quod mi-
ris modis ornat commendatque studia nostra. Porro
confido fore, ut hoc pulcherrimum planeque rarissimum
exemplar multos Principes provocet ad æmulationem.
An non pudebit posthac sacerdotes, Monachos, Epi-
scopos, nihil scire rei Theologicæ, quum viderint
Regem tantum, juvenem, tot negotiis districtum, eo
progressum in cognitione sacrarum Literarum, ut libris
editis periclitanti *Christiana* religioni patrocinetur? Nec
addubito quin id aliquanto felicius illi successerit,
quam nonnullis qui antehac in eodem stadio vires suas
periclitati sunt. Sed hac de re certiora scribam, ubi li-
brum devoraro, cujus legendi me mira quædam tenet
aviditas. Nam Cardinalis *Eboracensis* pollicitus est, se
facturum mihi copiam. Vehementer erat molestum,
quod tu abesses ab hoc comitatu. Id tulissem mode-
ratus, si vel epistola nos invisisses. Memento, mi *Pa-*
cee, in cujus locum successeris, & quid nobis promise-
ris. Exspecto enim ut efficias, ne *Coletum* magno-
pere desiderem. Tu majus etiam quiddam es polli-
citus. Abunde satisfeceris & meis votis, & tuis pro-
missis, si per te licebit recipere nugas, quas apud te de-
posuimus *Ferraria*. Bene vale, vir ornatissime. *Brugis*
23. Augusti, Anno 1521.

Marcus Laurinus, Decanus apud sanctum *Donatianum*
hospes meus, tui amantissimus, rogavit ut suis verbis
tibi multam salutem adscriberem.

EPISTOLA DXC.

Erasmus Roterodamus Gulibello Waramo, Archiepiscopo Cantuariensi, S. D.

Ubi cognovissem Card. *Eboracensem Brugis* cum *Cesa-*
re congressurum, eo me contuli, quo complures
amicos illic & viderem & complecterer: quibus mihi
nihil in vita, neque charius, neque dulcius. Bona quæ-
dam spes habebat animum meum, adfuturum & Epi-
scopum *Roffensem*, sed ea fefellit. Librum, quem Rex
An-

An. 1521. *Anglia* scripsit adversus *Lutherum*, vidi tantum, nondum accepi, tametsi jam saepe promisit Card. *Eboracensis*. Id suspicor ejus negligentia factum, cui datum erat hoc negotium. Quis non exosculetur ejusmodi Principis animum, qui sic & ornet nostra studia, & religionem defendat? Olim summa pietas erat, si Reges armis tutati fuissent tranquillitatem *Christianam*. Hic ingenio calamoque propugnat, satis declarans, quid praestaturus sit, si res arma postulaverint. Confido fore, ut hoc pulcherrimum exemplum, & caeteri Principes studeant aemulari. Ac tandem, opinor, pudebit sacerdotes ac Monachos nihil scire sacrarum *Litterarum*, posteaquam viderint tantum Principem in his studiis eo progressum esse, ut libris etiam editis *Catholicæ* religioni patrocinetur. Ex Procerum praecipue *Montjosi* narratione, certo persuasum habeo, librum ipsius *Marte*, quod ajunt, confectum esse. Nec dubito quin illo felicissimo ingenio sit dignissimus, quod mire valet, quocunque sese intenderit. Qua de re plura scribam, ubi volumen perlegero. Video tempestatem esse multo periculosissimam, in qua mihi sentio cursum sic esse moderandum, ut nec *Christi* negotium deferam, hominibus adulando, nec me frustra in discrimen aliquod conjiciam. *Lutherus* veluti malum Eridis misit in mundum, cujus nullam omnino partem non turbatam video. Nemo non fatetur vehementi quadam medicina fuisse opus *Ecclesiæ* nimium collapsis moribus, sed video prope modum usu venire, ut pharmacum, parum dextre adhibitum, morbi vim exacerbarit, verius quam expulerit. Atque utinam verum esset, quod invictus *Danorum* Rex *Christiernus* mihi simile quiddam dicenti respondit, ludens opinor, levibus pharmacis nihil agi, sed illud esse remediorum efficacium, ut primum corpus omne concutiant. Ego certe nullum exitum video bonum, nisi *Christus* ipse nostram temeritatem bene verterat, quemadmodum ferunt *Minervam Atheniensium* *Διοσκυλίαν* bene fortunare solitam. Mihi, cui semper placuit tranquillitas, non potest hic orbis tumultus non esse molestissimus. Accedit his, quod *Lutheri* negotium, tametsi longe semotum à bonis literis, tamen non mediocri invidia gravat nostra studia. Id casu quodam sic accidit, quod antequam *Lutherus* exoriretur, jamdudum acerrimum bellum esset cum hoc hominum genere, qui nunc potissimum oppugnant *Lutherum*. Hi sunt Monachi quidam ac Theologi jejuna illi ac perturbata doctrina nimium tribuentes. Ac nunc quidem certatim omnes impetunt *Lutherum*, velut olim *Hectorem* jacentem *Græci*. Sed hæc *Scylla* nobis ita vitanda est, ut ne deferamur in *Charybdim*. Urgent quidam, ut nonnihil scribam in *Lutherum*. Ubi me extricare ab his, in quibus nunc mire distringor, id autem fiet brevi, accingar ad legendos omnes *Lutheri* libros, & eorum qui scripserunt adversus hunc. Neque enim temere res est tentanda. Hoc facto, conabor efficere, ut nec Pontificis *Romani* dignitati, nec *Christiana* religionis tranquillitati videar defuisse pro mea quidem virili. Nos hic magnis studiis apparamus bellum in *Gallos*. Pontifex totus in veteres amicos irritatus nobis sese adjunxit. Et interim *Turca Hungariam* populatur armis. Precor, ut *Christus* Opt. Max. servet amplitudinem tuam nobis incolumem. Reliqua cognosces ex *Thoma Hallesio*, Episcopo *Elphinensi*, quem semper expertus sum ex animo mihi faventem. *Brugis* 23. Augusti, Anno 1521.

EPISTOLA DXCI.

Erasmus Roterod. Thoma Linacro S. D.

NON sine magno animi dolore audio ex amicis, valetudinem tibi factam incommodiorem: homini mehercule digno cum primis, quem nec senectus attingat unquam, nec morbus ullus. Sed quando hac lege nascimur omnes, nec sunt ullo pacto exorabiles *Parce*, enitendum est, ut qua licet etiam à fati ipsi nobis simus superstites. Porro ut æquioribus animis cedunt è

rebus humanis parentes, qui viderint liberos suos ad aliquem vitæ statum evectos: ita nonnihil est editis vigiliis nostris, interim ceu prægustare, quid posteritas de nobis sit judicatura. At tu, si mihi permittis, ut libere tecum agam, sine fine premis tuas omnium eruditissimas lucubrationes, ut periculum sit, ne pro cauto modestoque crudelis habearis, qui studia hujus seculi tam lenta torqueas expectatione tuorum laborum, ac tam diu fraudes desideratissimo fructu tuorum voluminum. Fortasse terret te nostrum exemplum, sed etiam atque etiam vide, dum studiosius vitas nostram culpam, in diversum deflectas. De me quicquid tibi audes polliceri, scito semper fore promptissimum. Bene vale, vir optime, idemque doctissime. *Brugis* 24. Augusti, Anno 1521.

EPISTOLA DXCII.

Erasmus Roterodamus Joanni Schudelino, Literatori Memingensi, S. D.

GABRIEL *Stendelinus*, homo mihi multis nominibus charus, facile effecit, ut boni consulerem quod ignotus me tuis literis interpellaris. Plus ille potuit apud *Erasmum*, nimirum ut, occupatissimus licet, si non rescriberet, certe resalutaret eum, à quo sic esset ad amicitiam provocatus. Quod istic, ut ais, tantum tribuitur meis lucubrationibus, si vera prædicas, gaudeo meas vigilias bonis aliquot addere calcar ad studium vitæ melioris, posteaquam adeo multos ad odium mei provocarunt. Tu fac, mi *Joannes*, ut gnave in-cumbas in provinciam, quam hætenus magna cum laude diceris obire. Neque perinde studio tibi sit digladiari cum veteris inscitæ *Hyperaspistis*, atque ut rudi docili-que ætati melioris eruditionis ingenuæque pietatis seminarium infundas. Si Principes non admittunt sana consilia, si *Ecclesiæ* Proceres auctoramenta mundi præferunt *Christi* præmiis, si Theologi Monachique jam diu nimis adamatam Synagogam non possunt relinquere, si populus à consuetis non potest avelli, superest tamen hæc una via, quæ spem bonam faciat fore, ut mundus aliquando sese referat ad frugem meliorem, si vinum novum in utres novos indatur. Emerget olim hæc seges, ac vel citra certamen opprimeret hos non minus indoctos, quam indociles. Recte instituendis pueris, & in lucem edendis Veterum scriptis, paulatim evanescet istorum irreligiosa religio, & illiteratæ literæ. Hac igitur grassare, ac bene vale. *Anderlaco* 4. Septembris, Anno 1521.

EPISTOLA DXCIII.

Erasmus Rot. Petro Barbirio S. D.

AVRULA quædam bonæ spei nobis hic affulsit, ut aliquando te ad nos recipias: quæ utinam nos non fallat. De pensione utinam tam feliciter peragas negotium, quam agis lente. *Joannes Caninus* sui similis esse perseverat. Ille noster, cui utinam non esset tam niger animus, quam est candidum pallium, seipsum quotidie superat. Jamque homo tam furit palam, ut nulli sit tolerandus. Ut enim omittam alia permulta, nuper in professione publica, quum ventum esset ad eum locum, *Omnes quidem dormiunt, sed non omnes immutabimur*; hic, inquit, *Erasmus* adfert hæresim, ponit enim contradictoriam ejus quod servat *Ecclesia*. Primum, ut demus, id quod est secus, hæreticam esse lectionem, quam habent omnes libri *Græci*, hic adeo consentientes, ut nusquam magis: non ego adfero hæresim, qui verito tantum, nihilo profecto magis quam adferebat *Hieronymus*, quum verteret libros *περὶ ἀρχαῶν* *Origenis*. Nunc cum in Annotationibus doceam & olim duplicem fuisse lectionem, quod declarat & *Hieronymus*, & is cujus exstant commentarioli in omnes Epistolas *Pauli*, cum *Thomas* utranque lectionem recensens scribat in ea lectione, quam *Græci* sequuntur, non esse sensum hæreticum, non puduit

An. senem illum, Theologum & *Carmelitam*, tam rabio-
 1521. sam vocem emittere in ordinaria lectione & Theolo-
 gica, perinde quasi stipitibus loqueretur, non homini-
 bus. Non dignatur legere quod scripsimus, & tamen
 non pudet pronunciare de re incognita. Tantum au-
 dierat fortassis inter pocula, quid ego vertissem. Et hic
 se credit videri dialecticum, quod meminerit contra-
 dictoria. Atqui dispicere debebat, non quid verba pri-
 ma fronte sonarent, sed quomodo essent accipienda,
 & ad quas personas accommodanda. Postremo ut an-
 cept sit lectio, non periclitatur tamen Ecclesia, etiam-
 si quid ignoret de modo resurrectionis: velut an omnes
 sint morituri, cum de temporis modo noluerit nos scire
Christus. Qualis est in lectione, talis est in scholis,
 adeo ut multos alienet à studio sacrae Theologiae suis
 morosis moribus. Utinam rediret Card. *Derinsensis*, &
 hujus impotentiae modum imponeret. *Sinnica* respondi-
 mus, liber nunc excuditur *Lovanii*. Scriptio illius et-
 iam *Aleandro* displicuit, cum in initio nonnihil arris-
 set. Nos ejus operae, ne dolo dicam, poenitet. No-
 vum Testamentum à me non credendis laboribus casti-
 gatum & auctum tertio excuditur *Basilea*. Sed quando
 finis harum Tragoediarum? Ut nihil aliud, certe inter-
 rim perit illa serenitas *Christiana* mentis: & vulgus stu-
 diosorum alienatur à sacris Literis. Tu cura ut recte va-
 leas, alioqui te mortuum, quod Deus avertat, injuri-
 reum peragam: quando non nisi magno meo damno
 mori potes. Ex *Anderlaco* 23. Septembris, An. 1521.

EPISTOLA DXCIV.

*Erasmus Roterodamus eruditissimo Paulo Bomba-
 fio S. D.*

QVID ego audio, *Bombasi*? *Leo Pont. Max.* maxi-
 mus ille *Leo*, legit eas literas, quas ad te sic ne-
 glectim ac familiariter scripseram? Quid illi venit in
 mentem, ut talibus nugis mentem & oculos admo-
 veat? Nec legit modo, verum etiam repetitas viris e-
 ruditis ostendit? Nec istas tantum legit, quas tibi scri-
 pseram, verum etiam quas aliis amiculis? Ego vero
 in talium amicorum sinum omnia libere secureque so-
 leo deponere, quicquid fuerit vel curarum vel nuga-
 rum. Occidi si vera praedicas, praesertim quum ipse
 nesciam, quid in hujusmodi literis garrierim. Quod
 tibi visus sum in eis plus satis verborum fecisse de *N.*
 non putabam mihi dispiciendum quid tali scriberem a-
 pice. Certe in literis, quas ipsi Pontifici scripseram,
 ne verbo quidem illius facta est mentio. Alioqui si rem,
 ut habet, nosset, diceret me satis parce de illo questum
 esse. Sed tamen hic quicquid est mali, κακογλώσσος
 quibusdam imputo, qui miris technis studuerant utri-
 usque animum ab altero alienare. Nec me sefellit co-
 matus sceleratissimus, sed sero sensimus utrique. Quod
 tantas opes tibi pararis *Roma*, easque liberas, nec sa-
 cris obnoxias, nec alii cuiquam quam tuae industriae
 acceptas ferendas, tametsi tua virtus longe majora pro-
 merebatur, tamen ut nunc sunt tempora, gratulor ti-
 bi felicitatem istam, qui gravissimum illud onus pau-
 pertatem excusseris. Nunc video te circumspectare vi-
 tae genus liberum ac tranquillum, ad quod te velut in
 portum aliquem tutum & quietum recipias. Atqui
 nonnihil vereor ne tibi veniat usu, quod de *Mustela*
 narrat *Horatius*, cui non licuit exire pastam, cum ma-
 cra repisset in cameram frumentariam, & tamen ad-
 nitendum censeo. Sed ubi potius id speres, quam *Ro-*
 ma? Nam *Bononiam* omnibus modis tibi fugiendam
 censeo, vel ob *Spartam* arrosuros. Quanquam scis *Sci-*
 pioni *Carceromacho* nostro, ne *Roma* quidem contigisse
 libertatem, quam vir ille sic adamabat, ut nemo ma-
 gis. Nos quanquam infra censum tuum sumus, tamen
 desimus de *Mercurio* queri. Est unde suppetat mun-
 dus victus. Est unde nonnunquam & aureolus decidi
 possit egenti amico. Tantum abest, ut cuiquam cogar
 esse gravis. Honores non ambio, praesertim tanti ve-
 nales. Si gratis, aut certe non magno impendio con-

tigissent, & si contigissent in tempore, non censue-
 rim omnino rejiciendos, vel ob hoc ipsum, quod ut
 nihil aliud, certe illud praestant, ne quorumlibet im-
 proborum contemptui simus obnoxii. Qua quidem in
 re, sicut in caeteris omnibus, plus vidit *Morus* quam
 ego: nam is Eques auratus Regi optimo & à consiliis
 est, & à thesauris; quorum utrumque & liberum est
 satis & honorificum imprimis, ut jam & bonis factus
 sit amabilior, & improbis formidabilior. Nam ea sunt
 tempora, ut ne tam insignis quidem naturae bonitas,
 tam inaudita morum suavitas, possit omnem effugere
 invidiam. Epistolam, quam *Basileam* miseras, recepi. *Cor-*
nelium, quem tibi & *Aleandro*, ni fallor, commendaram,
 B *Alexandria* à *Gallorum* praefidiis spoliatus est, & literis
 & pecuniis, & vestibus. Mox nudus coniectus in car-
 cerem. Tandem data optio, utrum vellet abiire nudus
 an pendere. Sic ille lineo duntaxat indusio tectus *Bas-*
ileam pervenit. Illic dies aliquot refocillatus, tectus
 est veste *Germanica*, additus aureolus ad viaticum.
 Hoc ornatu ad nos venit, rursus instruendus viatico.
 Ajebat te simul & Cardinalem *Campegium* scripsisse.
 Si quid erat seriae rei, non gravaberis eadem de re de-
 nuo scribere. *Hispanus* ille, de quo scribis, *Jacobus Sin-*
nica est, qui in primam Novi Testamenti editionem
 gloriosissimo libello debacchatus est. Prima facie miris
 fumis sese ostendit. Ubi propius contemplatus sis, ne-
 bulas meras esse dixeris. Ei respondimus apologia *La-*
conica. Cujus operae sane nos jam poenitet. Nam Opus
 est ejus generis, ut & *Aleandro* displiceat, nec meae
 famae fuerit offecturum duntaxat apud aequos & erudi-
 tos. Et tamen respondimus non solum breviter, sed et-
 iam civiliter: non quod ille mereretur, sed quod nos
 haecenus defensam moderationis laudem noluerimus a-
 mittere. Neque nescio, neque non memini, mi *Bom-*
basi, quantum debeam *Leonis* in me animo, jam ar-
 gumentis compluribus mihi comperto. Nec in hujus
 causa tam filui quam tu credis. Primum, adnissus sum,
 ne oriretur hic tumultus: mox, ut ortus consopiretur:
 postremo, ut jam late vagatum incendium, quam mi-
 nimo publicae tranquillitatis incommodo compescere-
 tur. Id enim existimabam maxime referre & ad *Roma-*
ni Pontificis dignitatem, & ad hanc Tragoediam ita
 finiendam, ut non iterum erumperet semel coercitum
 malum. Ubi nec hoc satis succederet quorundam o-
 pera, sibi potius privatim, quam publico bono consu-
 lentium, multos partim literis meis, partim oratione
 revocavi, ne se huic fabulae admiscerent. Caeterum,
 quo minus haecenus libris editis cum *Luthero* pugna-
 rim, plurimae sunt causae, quas hic non est necesse
 percensere: sed illa praecipua fuit, quod mihi prorsus
 defuit ocium legendi, quae scripsit *Lutherus*. Adeo
 meis recognoscendis sum intentus. Et vides quam ille
 sit πολυγλωσσος. Nec solus est, centum habet manus.
 Nec erat satis illius libros semel evolvere, iterum at-
 que iterum erant revolvendi. Ne id quidem satis. Mul-
 ti passim adversus illum edunt volumina, quorum ni-
 hil non inspiciendum mihi, si cupiam suscepto negotio
 satisfacere. Ut ne commemorem interim, dum ad haec
 vocor, non satis habere loci proverbium illud, ἡ ζω-
 νων ἐς πείραν. Res est periculi plena, & in alio studio-
 rum campo magis sum exercitatus. Ad haec jam par
 erat mihi tot libris editis defuncto dari missionem, quo
 liceret per ocium posthac studiis frui. Flagitabat hoc
 aetas ingravescent, promerebantur haecenus juvandis
 publicis studiis exhausti labores. Hoc negotium tale
 est, ut ei, si semel ingrediar, sit per omnem usque vi-
 tam serviendum. O mi *Bombasi*, proclive dictum est,
 F *Scribe adversus Lutherum*. Sed ad hoc pluribus rebus
 est opus, quam ad plaustrum fabricandum, ut inquit
Hesiodus. Video quam varia, quam morosa sint homi-
 num judicia, praesertim hoc seculo, quo vix aliud
 χαλεπωτέρον. In multis articulis Cisalpinæ scholæ
 dissentiant à Transalpinis. Atque adeo ejusdem scho-
 læ Theologi aliud sentiunt in diatribis publicis ac
 libris, aliud in veris colloquiis. Ad haec perdiffi-
 ci-

Ant. cile est sic temperare stylum, ut ita tuearis homi-
 1521. num dignitatem, ut non alicubi lædas gloriam *Christi*: ita placeas Principibus *ἀρχαῖς*, ut non alicubi displiceas Principi *Christo*. Quod si malum hoc libellis obrui potest, in dies emergunt librorum examina, ut *Erasmio* nihil sit opus. Si clamoribus, non defunt *Seniores*. Incendiorum ubique fuit affatim. In edictis nihil terribilamentorum est omisum. At vereor ne his rationibus malum ad tempus prematur potius, quam extinguatur, mox erupturum majore cum periculo. Quod ego sane abominor, & vehementer opto ne fiat. Nulla regio magis ex animo favet Pontificiæ dignitati, quam hæc nostra. Sed huic vehementer offecit invisum quorundam patrocini-
 um. Nisi sic insanissent illi, res huc progressa non fuisset. Imo si nunc quoque tacerent tres modo menses, totus cum suis libellis frigeret *Lutherus*, ac ne tantulum quidem ob illum mutaretur in rebus humanis. Sum totus in recognoscendo Novo Testamento, aliisque nonnullis meis lucubrationibus, urforum exemplo paulatim lambendo formans rudes ingenii mei footus. Sed brevi spero, continget ocii plusculum. Egi diligenter cum *Hieronymo Aleandro*, daret mihi facultatem legendi quæ scripsit *Lutherus*. Nam hodie Sycophantarum & Corycæorum plena sunt omnia. Pernegavit se id posse, nisi nominatim impetraret à summo Pontifice. Primum igitur hoc mihi velim impetres *Brevi* quopiam. Nolim enim dari ansam τοῖς πανηγόις, ἰδενὸς αὐτὸν δεομένους. Publicæ tranquillitati sic semper ex animo favi, ut perpauca magis. Evangelicæ veritati confirmandæ, vel animam libens impendero. Nec ignoro quantum privatim etiam debeam inauditæ Pontificis in me benignitati. Quod si mihi continget adhuc tres aut quatuor annos vivere, aut immoriar conatibus, aut efficiam ut ille dicat me fuisse hominem non omnino ingratum. Meretur hoc illius eximia bonitas, ut omnium eruditorum literis celebretur. Id alii credo facient felicius, nemo certe quam ego studiosius. Et si natura negabit eloquentiam, peccus & ardor animi suppetabit. Sunt qui pulchre putent consultum illius rebus, si illum reddiderint quam maxime formidabilem, ego magis adnitari ut orbis *Leonem* amet potius quam metuat. Verum huic officio nisi me servet ipse, non video quæ possim esse incolumis; adeo devotis animis in nos conspirant *καταέγροι* quidam. Blaterant nominatim in me, in publicis lectionibus sacrisque concionibus, traducunt apud populum, deferunt apud Principes. Subornant qui libellis famosis editis proscindant nomen meum, imo ficas & venena minitantur. Neque cuiquam obscurum est quid ausint isti. Non dubitem omnes diras imprecari capiti meo, si quisquam est *Lutheri* tam exiguus libellus, quem totum perlegerim: si in omnibus quæ illi tribuuntur, aut in illius patrocini-
 um circumferuntur, ulla syllaba mea est, aut me volente scripta. Si ullum unquam illius dogma conatus sum defendere. Et quorundam tanta est perversitas, ut ea quoque mihi tribuant, quæ *Lutherus* in conventu Cæsaris agnovit pro suis. Nuper in frequenti convivio, quidam rogavit me, quod esset initium Captivitatis *Babylonicae*. Ad id respondere mihi sane perquam difficile fuit. De nulla re minus cogitarem. Post roganti cur id quæreret, fassus est quosdam fuisse suspicatos, hoc Opus esse meum, quod initium esset, *Velim nolim*, non admodum abhorrens ab exordio Panegyrici mei, quo *Philippo ex Hispaniis* reverso gratulor, qui sic incipit, *Velis nolis*. Bella conjectura. *Aleander* indicavit mihi tribui duos libellos, quorum alteri titulus est *Eubulus*, alteri *Lamentationes Petri*. Emoriar si unquam mihi fuerat auditus titulus, antequam ille protulisset. Priorem necdum quivi transire. In altero sic tractor, ut si sciam auctorem, sim illi gratiam non optimam habiturus. Et tamen in hujusmodi libellis vituperari malo quam prædicari. Conantur hoc quidam persuadere, *Lu-*

theranum pestem ex hisce regionibus esse natam, quo scio nihil esse falsius. Jam quidam male feriat de-
 cerperunt è libris meis, unde *Lutherus* videatur hausisse suorum errorum occasionem. Quin potius ea colligunt ex Evangeliiis & Epistolis Apostolorum, ex *Augustino*, *Bernardo*, atque adeo ex ipso *Thoma*? Unde veteres hæretici plerique collegerunt occasionem erroris, nonne è sacris Voluminibus perperam intellectis? Non verebor universam provocare *Germaniam*, & si qui sunt alibi qui *Luthero* favent, si docere possint, *Lutherum* uno verbo per nos fuisse adjutum in omnibus libris, quos hætenus edidit, imo si proferant epistolæ, quas his de rebus scripsi etiam tum, quum adhuc spes esset *Lutheri* ingenium & calamum servitutum gloriæ *Christi*. Hæ declarabunt me modis omnibus obnixum fuisse ne nasceretur hæc Tragedia. Tametsi mihi non probabatur omnino quod instituerant adversarii, & multa videbam recipi, quæ præstabat mutari. Amicitiam, quæ mihi cum *Aleandro* jam non nova fuerat, linguæ venenatæ pene diremerant: nam ad has artes ingenium ac mentem habent. Nunc redeprensæ, mutavit animum *Aleander*, sed voces missas magis optat quam potest revocare: proinde, doctissime *Bombasi*, si *Leo* decimus non desit innocentiae meæ adversus hos Sycophantas impudentissimos, ego pro virili non deero neque sinceritati religionis *Christiana*, neque ipsius dignitati. Adhuc anceps animi sum an *Basileam* sim aditurus. Jam annos totos il-
 luc eo, sed semper exoritur, quod hic me remoretur. Nunc plane decreveram iter capeffere, ut *Basilea* peractis quæ vellem, *Romam* totus commigrarem, illic quod reliquum est ævi, inter eruditissimos homines, inter locupletissimas bibliothecas transacturus. Jamque iter ingredi cœperam; nam hæc rusticatio æstiva me reddidit aliquanto firmiorem, sed bellum atrox, undique gliscens in dies, deterruit. Et tamen adhuc gestit animus, & fortassis audebo jacere aleam, præsertim huc vocante *Aleandro*, cujus consilio in rebus gerendis, non minus tribuo, quam iudicio in literis. Interim frui tuis opibus, ac me sodalem expecta, si modo tumultus hic Principum conquiescant. Card. *Campegio*, & tuo patrono Card. Sanct. quatuor me diligenter commendabis. Bene vale, patronorum fidissime, & amicorum integerrime. Saluta mihi *Franciscum Chiregatum*. Ex rure *Anderlaco* 23. Septembris, Anno 1521.

EPISTOLA DXCV.

Erasmus Roterod. Bernardo Buchoni, Frisio, Decano in Haga Comitibus, S. D.

*V*IR optime, quum *Lovanii* diu languissem, ac valetudinis recreandæ gratia rus migraturus, sarcinas chartaceas componerem, nihil erat schedarum quod non excusserim, nec tamen occurrit libellus mihi creditus, quem tamen scio me studio seposuisse, ut esset in tuto. Nec dubito quin sit, sed in promptu non esse doleo. Quod quidem non raro nobis solet accidere, ut ea maxime pereant, quæ diligentissime cavimus ne perirent. Brevi opinor rursus è rustico fiam urbanus, ac rursus excutiam opes meas. Certe dolerem tibi perire quod amas, quum mihi nulli sit usui futurum. Quod *Frisiorum* natio bonas literas amplectitur, sane novum non est, ut quæ nobis jam pridem *Rodolphum Agricolum*, *Langium*, & *Canterios* dederit. Quod homines, opibus ac stemmatis clari, non existimant liberos suos dignos successionem rerum ac nominis, ni studiis honestis excoluerint animum, ut novum est, ita vehementer gratulandum est horum temporum felicitati. *Lovanii* coelum est perquam amœnum, nec usquam studetur quietius. Juventus nusquam magis ardet in bonas literas. Et succedit res multis mira felicitate, frustra reluctantis veteris inscitiae mystis. Meum consilium utinam tibi tam felix esse possit, quam ego sedulo cupiam dare. Tantum

An. indicabo nomina, tuus erit delectus. Agit nunc Lo-
 1521. *vanii Jacobus Ceratinus*, vir utriusque literaturæ pul-
 chre doctus, moribus probis & integris, quod scio te
 non minus spectare, quam eruditionem. Eum pestis
 ac bellum, duo maxima vitæ humanæ mala, *Tornaco*
 expulerunt: nam illic in Collegio linguarum, quod
 institui cœpit, profitebatur. Est *Hermannus Westphalus*.
 Is agit in Collegio *Lilienti*. Juvenis probus qui-
 dem, & undiquaque doctus, sed præcipue indefatiga-
 bili diligentia in formanda, curanda, erudienda ado-
 lescentia. Est in eodem Collegio *Adrianus Snesionius*,
 præter exactam utriusque literaturæ peritiam, & Phi-
 losophiæ gnarus, & Juris Cæsarei non ignarus, mo-
 ribus mire candidis. Est *Rutgerus Rescius*, Græca lin-
 guæ professor in Collegio novo, quod instituit *Hiero-
 nymus Buslidius*, qui doctrinam non vulgarem incredi-
 bili quadam modestia, planeque pudore quodam vir-
 gineo condecorat. Est *Conradus Goclenius*, vir acri ju-
 dicio, doctrina minime triviali, industria indefatiga-
 bili, animo excelso, moribus mira comitate ac jucun-
 ditate conditis, fide certissima, rerum etiam commu-
 nium prudentia valens, quæ fere solet in studiorum
 cultoribus desiderari. Est *Adrianus Barlandus*, vir nul-
 lo fuco, sincerus & amicus, prompta quadam ac pura
Latini sermonis facilitate; & in hoc genere complures
 jam annos exercitatus. Est *Melchior Trevir* in Colle-
 gio *Castrensi*, moribus inculpatissimis, in Philosophia
 pene detritus, Theologiæ vetus jam cultor. Sed his
 doctibus adjunxit utriusque literaturæ non vulgarem
 peritiam. Est *Lodovicus Vives*, vir undeque doctis-
 simus. Sed is, opinor, abhorret ab istiusmodi provin-
 cia. Sunt autem non ii solum, sed & alii permulti,
 cæterum mihi non perinde cogniti. Horum, quos re-
 censui, nomine non dubitem fidejungere. Ex his quem-
 cunque delegeris, non male collocaveris amici tui pue-
 ros. Eximium *Nicolaum Everardum*, *Hollandia* Præsi-
 dem, vicissim meis verbis salutabis, quem virum uti-
 nam fata nobis quam diutissime servant, Reipublicæ
 natum, si quis est alius. Scribam illi propediem:
 nam in præsentia duos onerabam epistolis, alterum
 qui in *Hispaniam*, alterum qui *Romam* transcurrat.
 Bene vale, vir honorande in Domino. Ex *Anderlaco*
 24. Septembris, Anno 1521.

EPISTOLA DXCVI.

Fabritius Capito Erasmo Rot. undecunque doctissimo,
 Christianissimoque, S. P.

SCRIPSI nuper satis prolixè, & fortassis variegatè, de
industria. Nam ea nobis cautione opus est inter tot
 insidias. Exemplum istud tuum est, qui ad me omnia
 prudenter & circummunite. Quod consilium tuum am-
 plector, ingenium istud referre nequeo. Sum etiam fer-
 me viribus parum integris, & mira occupatione exhan-
 ctus, nam aulicus sum. Lutherani omnia furiosius, in-
 solentius, arrogantius; mordicus quemlibet arripiunt;
 & in faciem barbara cum impudentia conviciantur;
 præter se omnia ingenia publice contemnunt. Quibus in-
 tercessi pridem, ora vi ne impetu in illum modum veheren-
 tur, ne contumeliose suam causam tuerentur, & imprimis
 sum obtestatus, abstinerent captare minutias ex auctoribus
 reprehendendas: nam vehementer aqua hominum judi-
 cia ab illis tantum supercilium abalienat. Spero fore, ut
 honestius deinceps tui mentionem habeant: non est pro-
 fessio, qua te non perstringunt apud suos, & in publi-
 cum sua factionis principem statuunt præpostera ratione.
 Libere fateor, mihi stomachum concitarunt, gloria no-
 minis tui studiosissimo. Modestius tecum, ut dixi, sub-
 inde agent, quantum video. Caroli Regis sententia olim
 longe alia erit. Glapionis apophthegma comprobo. Chri-
 stus finem indubie faciet his malis. Nam Evangelium
 dicendum & legendum nemo prohibere poterit; combu-
 rendis libris nihil efficitur, nec aliud non pauci exoptant,
 quam ut se propter veritatem Procures Ecclesia perditos
 eant, tum ajunt causam suam firmatam: interim vero

A videri ambigam, tanquam sine sanguinis testificatione.
 Libelli famosi ex animo displicent: excitabunt semel or-
 bem ad occurrendum, quod nolim cito fieri, ne perperam
 fiat. De Carolostadio scimus mutatam sententiam Re-
 gis. Ducunt apud nos uxores presbyteri annuentibus Prin-
 cipibus, aut certe dissimulantibus. Meus ille à Wor-
 matia reversus recepit sacra legenda. Nuper dixit se in-
 telligere, fidem non vocari in discrimen, sed nummis &
 potentia deperiturum quippiam; magnificeque se promit-
 tit rebus communibus adfore. Atque unus est & Prin-
 cept. Multi vero nihil earum rerum intelligunt, quo fit
 ut atrocius sevant. Non est dies, quo non instet
 B de te sibi conciliando. Nam subodorat vim latentis veri-
 tatis, quam tu primus in lucem eruisti. Scribe semel at-
 que iterum, quid ei faciendum, nam videtur li-
 brum cum aliud affectat modo, tanquam certissimum ma-
 li remedium. Intellexit constitutiones plerasque nimium
 impudentes, & mutandas curaret, quantum in eo si-
 tum esset, modo sic tametsi Princeps est, &
 insolentissimis adulatoribus obnoxius: præterea educatus,
 ut solent. Iussit ut excusarem neglectum tui, quod pu-
 dori & reverentia tribuit, non insincero animo. Mire
 timet famulos libellos, quibus tam confirmatur in factio-
 nem monachalem, quocirca omnes diligentissime moneo,
 ei ut parcant. Quod si me ames, obsecro significes, quid
 me velis conari, dum sic habeam obsequentem Princi-
 pem, a quo discedam quantocius aperuerit suum erga bo-
 na studia iniquiorem animum. Contendam & ipse pro vi-
 rili in publicum profuisse. Vale, & Aleandrum ne la-
 cessas. Devoranda nobis multa videntur. Fata viam in-
 venient. Vale. 14. Octobris, Anno 1521.

EPISTOLA DXCVII.

Erasmus Roterod. Stanislaus, Episcopo Olmucensi, S. D.

MIRO quodam affectu prosequerbar germanum
 tuum *Turzonem* Episcopum *Vratislaviensem*, il-
 lius literis amantissimis ad amicitiam provocatus, quum
 neuter alterum in vita vidisset, imo quum ille nostram
 imaginem conspexisset in meis lucubrationibus, ac vi-
 cissim mihi sui pectoris ideam in unis atque alteris li-
 teris expressisset. Quo mihi fuit acerbior ejus viri
 mors, non tantum ob id, quod ipse tantum patronum
 & amicum amisisset, etiam si nullam ego jacturam in
 rebus humanis graviorem esse judico, quam amici pro-
 bi, verum multo magis, quod tantum ornamentum
 Ecclesiæ mors præmatura terris eripuisset. Ut olim
 πολλοὶ μὲν νεκροφύγοι, παῦροι δὲ τε βαύχοι, ita hisce
 temporibus non omnes Episcopi sunt, qui mitras ge-
 runt. Atqui hinc certissima spes est fore, ut floreat
 Christi regnum, quod quotidianis votis ut adveniat
 optamus omnes, si viri tui similes, non solum majo-
 rum imaginibus, verum etiam Christi dotibus insignes,
 admoti gubernaculis Ecclesiæ, quicquid habent vel
 fortunæ, vel dignitatis, vel ingenii, id omne confe-
 rant in commoda gregis concediti, & in lucrum ejus,
 cui reddituri sunt omnes rationem. Hunc mœrorem
 mihi si non ademit, certe leniit tuæ celsitudinis epi-
 stola, quæ declarat te velut alterum *Turzonem* doctri-
 næ morumque similitudine vere germanum, fratri de-
 mortuo in Erasmi amandi vices successisse. Lætor ut-
 cunque fartura damni; sed utinam contigisset eam pos-
 sessionem longe preciosissimam conduplicari, ut nec tu
 fratrem optimum desiderares, & ego pro uno patrono
 duobus fruerer. Primus illius obitum obnunciavit *Brux-
 cella Hieroslaus Lascanus* Polonorum Legatus: ægre
 credebam, licet affirmanti. Mox *Zanderum* præpositus
Vratislaviensis mihi reddidit animum, confirmans se
 ex amicorum literis certo scire *Turzonem* convaluisse.
 Sed idem paulo post diversis acceptis literis, ex falso
 gaudio me in verum ac certum luctum conjecit. Sed
 hæc est non ignota jam fatorum invidia, quæ pul-
 cherrima quæque tantum ostendunt terris, deteriori-
 bus ad tædium usque relictis. Quod operam suam mi-
 hi tam propense offert tua benignitas, magis conve-
 nit,

THE NEW YORK
PUBLIC LIBRARY

TILDEN, LENOX AND
TILDEN FOUNDATIONS



Ab. nit, ut meam tibi offeram, tantulus clientis patrono
 1521. tanto. Favorem ac studium amplector: quo mihi nunc
 sic opus est, ut nunquam alias æque, adversum quos-
 dam odiose conjuratos in bonas literas, & repellat
 gestientem veterem illam ac germanam Theologiam.
 Quorum tanta est improbitas, ut tunc nonnunquam
 mearum vigiliarum propemodum poeniteat. *Velim*,
 mihi multis modis optatissimum, nondum videre li-
 cet. Is epistolam reliquit apud anticos, munusculum,
 quod animi in me tui pignus esse voluisti, ipse tradi-
 turus, quum dabitur congruere. Pro sacris tuis mani-
 bus, epistolam sæpius exosculatus sum, tua manu,
 ut testaris, descriptam. *Christus Opt. Max.* celsitu-
 dinem tuam nobis servet incolumem. *Basilea* ... No-
 vembris, Anno 1521.

EPISTOLA DXCVIII.

Erasmus Stanislao, Episcopo Olomucensi, S. D.

Vix superiores literas ad te meas obsignaram, *Ve-*
lius ad acceptum adventus nostri rumorem, *Ba-*
fileam revolat, (nam forte *Friburgum* jam commigra-
 rat) munusculum tuæ celsitudinis exhibet, atque adeo
 sic modis omnibus commendat, ut mihi non minus
 fuerit gratum, quam si longe majoris fuisset precii.
 Ipse *Velius* mihi factus est longe charior quam ante
 fuerat, ex degustatis ingenii monumentis, ob incre-
 dibilem morum comitatem, quum hoc fere genus ho-
 minum soleat alienius esse à sensu communi. Visus est
 & multo felicior, quam existimaram. Primum ipse
 cultus magnificus, ac nitidus, fortunam arguit satis lau-
 tam. Deinde corporis species declarat, rara numinis
 indulgentia, ingenio felicissimo domicilium æque fe-
 lix contigisse. Non abs re ille tuam amplitudinem sic
 veneratur ac prædicat. Veneratur autem non secus ac
 numen aliquod, prædicat effusissime. Porro quod tu
 talem virum tam arcte complecteris, tam largiter fo-
 ves, non minus est laudandum iudicium tuum, quam
 benignitas. Proinde non possum non utranque alteri
 gratulari, tibi talem alumnum ac virtutum tuarum
 præconem, illi tam egregium *Mecanatem*. Rursum
 valeat tua sublimitas, cui me modis omnibus commen-
 do. *Basilea* 22. Novembris, Anno 1521.

EPISTOLA DXCIX.

Bilibaldo suo Erasmo S. D.

ORNATISSIME vir, postremæ literæ tuæ mihi
 redditæ sunt, confabulanti *Aleandro*. Nam cum
 forte agebamus *Lovanii* in eodem diversorio, is mihi
 sæpius de te verba fecit, & ita fecit, ut tibi videre-
 tur favere. Nam ostendit diploma, quo liberareris ab
 ista molestia. Ista querela, mi *Bilibalde*, tibi cum
 multis est communis. In me non simplex exitium mo-
 lluntur. Equidem demiror, quis Deus *Lutheri* animum
 moderatus sit, ut tot amicis à provocando Pontifice
 deterrentibus semper acerbiora scripserit. Magis au-
 tem demiror malitiosum quorundam studium, qui vo-
 lentes nolentes conati sunt aliquot in suam sententiam
 pertrahere: quasi cuperent perire cum multis. Quid
 enim aliud quæsiere talibus libellis, quam exitium?
 Qui sic scribunt, qui sic minantur, debebant habere
 paratas copias, si voluissent esse incolumes. Vide ve-
 ro quantum promoverint. Bonas literas depravarunt
 invidia, & optimus quisque, qui maxime favet Euan-
 gelicæ veritati, affinis est suspicioni periculosa. In-
 gens orbis dissidium excitatum est inter omnes, for-
 tasse duraturum in multos annos, & semper in pejus
 progressurum. Pro sinistre tentata libertate duplica-
 tur servitus: adeo ut ne vera quidem liceat tueri. Por-
 rectum est relum sceleratissimis quibusdam, quo se ul-
 ciscantur adversus optimum quemque. Inusta est non
 levis nota *Germania*, ut solet paucorum temeritas uni-
 versitati imputari. Desiderabant in nobis prudentiam
 & consilium, & qui vel armis solemus esse formidabi-

les, contemnimur & à contemptissimis, ut qui nec An.
 mentem habeamus, nec arma. Nobiles aliquot hic mi- 1521.
 nitantur Sacerdotum opibus, quasi huc spectet finis
Lutherana fabulæ, & ita Collegia omnia conciliant ad-
 versæ parti. In me nihil adhuc tentatum est palam,
 nisi quod *Lovanii* potissimum prædicatores quidam me
 mendacissimis conclusionibus infamant apud populum:
 apud Principes variis titulis deferunt. Quidam cogunt
 ut scribam adversus *Lutherum*, cui non est ocium ul-
 lum, ut versigam illius libellos. Nihil ego video me-
 lius quam illi hæc re mittere. Tibi suaserim, ut pro
 tua causa scribas ipsi *Leoni*. Est ingenio mitissimo, &
 favet vitis studitis. Apud *Aleandrum* ea de re loqui-
 tus sum, quæ sint in rem tuam, quæque puto esse ve-
 ra. Bene vale. *Basilea* 29. Novembris, Anno 1521.
 Raptim.

Isti quibusdam *Germanis*, quibus toto pectore fide-
 bam, minimum reperi fidei.

EPISTOLA DC.

Erasmus Roterod. Andrea Alciato S. D.

ERVDITISSIME vir, *Bonifacius Amerbachius*,
 candidus ac bene vocalis præco laudum tuarum,
 non tantum sua prædicatione, quam nunquam de te
 non honorificentissimam facit, verum etiam ostensis
 lucubrationibus tuis, quas habet in deliciis, effecit,
 ut vehementer suspicere cœperim eruditionem tuam
 pro modo ætatis pene incredibilem, & mores niveos,
 omnibusque Gratiis refertos. *Pyrrhi* nostri mors tuihi
 fuit acerba. Amabam hominis ingenium sic ut vix ul-
 lius æque: nam mihi cognitus est à puero. Et illius
 gratia magis avebam adire *Médolannum*, ni stolidus
Mavors tumultu vesano misceret omnia. Scripserat
 enim mihi, se nescio quid habere mearum nugarum,
 quas ipse non meminisset me scripisse. Eas ego cer-
 te cupiebam auferre, non ob aliud, nisi ut abolerent.
 Nam *Germani* quidam stultissimo consilio nunc nihil
 non evulgant, quantumvis lædant hominis famam.
 Quod sollicite mones de declamatione tua in literis ad
Bonifacium, ipse caveram diligenter, adeo ut nec le-
 gendam cuiquam dederim excepto uno amico, sed
 spectatissimæ fidei. Quare hæc de re in utramvis au-
 rem dormias licebit. Bene vale. *Basilea* 14. Decemb.
 Anno 1521.

EPISTOLA DCI.

Erasmus Rot. Matthæo Cardinali Sedunensi S. D.

SV MVVS utrique in negotio toti. Et utinam prospe-
 re succedat quod agitur. Imo utinam in *Christi* glo-
 riam æque cedat quod agimus omnes. *Paraphrasim* in
Mattheum, quam te auctore suscepimus, videbis excu-
 sam nundinis proximis, si modo *Christus* vitam suppe-
 ditabit. Assumus & Novo Testamento tertio jam re-
 nascenti. Video seculum hoc esse malum & periculo-
 sum. Quid alii moliantur nescio, certe ego cupiam, si
 liceat, omnibus satisfacere. In *Lutherano* negotio for-
 tasse plus præstiti, quam quidam, qui se jactant mira
 præstitisse. Apud nos quædam linguæ, magnæ qui-
 dem, sed nimium faciles, sparserunt me *Coryphaum* esse
Lutherana factionis; verum ipsa *Germania* multo ali-
 ter sentit, non sine meo periculo. Ego licet homun-
 culus misellus & peccator, tamen faveo gloriæ *Chri-*
sti, & ob hunc iis qui ejus gloriam promovent. Nec
 opes ambio, nec honores, voluptates multo minus,
 quas scio etiam si diligerem, mihi brevi relinquendas.
 Atque utinam per istas negotiorum procillas liceat ti-
 bi nihil aliud agere, quam quod solum erat agendum.
 Et tamen quantum licet scio te favere *Christo*, proin-
 de favebis & *Erasmo*. De Pontifice *Leone* cœpit hic
 rumor spargi, quem plane velim esse vanum. *Germania*
 nos exceperit, ut solet; nidor hypocaustorum me pro-
 pemodum exanimavit. Sanctitatem tuam incolumem
 ac florentem diu servet Dominus *Iesum*. *Basilea* 14. De-
 cembri, Anno 1521.

EPI-

EPISTOLA DCII.

Erasmus Rot. Polydoro Vergilio S. D.

An. 1511. **O**TE hominem inclementem, cui parum est visum quod *Edwardus Lens* me Novi Testamenti recogniti gloria spoliasset, nisi tu bonam laudis partem ex *Adagiorum* Opere debitæ pergeres adimere. Nam id multis verbis agere videris in præfatione, qua librum semi-Paganum ac semi-Christianum lectori commendas; cuius ego successibus adeo non invideo, ut cum *Joannes Frobenius* ab excudendo vehementer abhorreret, ego compulerim verius quam impulerim, ut Opus quam nitidissimis formulis chartisque daret in lucem. In tantum enim abest, mi *Polydore*, ut tuo nomini, tuisque studiis invideam, ut ob veterem inter nos ædam vitæ consuetudinem, & adamatam ingenii tui festivitatem, vix alii faveam æque. Sed inclementius est etiam, quod hujus argumenti, primum apud *Latinos* tractati, laudem sic tibi vendicas, ut mihi coneris cenodoxias simul & livoris suspicionem impingere: cum vix alius sit, qui vel candidius, vel impenius faveat bonarum literarum cultoribus, à quibus etiam obscurari voluptati est. Adeo non hoc molior, ut cujusquam officiam nomini. Porro tu mihi sic charus es, ut haud dubitaturus sim vel de meo largiri plus gloriæ, quam tu quereris me mihi præter jus vendicare. Cæterum, quod in prima editione, nulla sit facta *Polydori* mentio, mirum esse non debet, cum id temporis nullus adhuc mihi notus esset *Polydorus*, præter eum quem in Tragediis *Polymnestor* obtruncat, & auro vi potitur. Atqui hic me putas *αὐτὸν*, negans esse verisimile, quod ajo, cum præfatio *Matthiæ Schurerii* testetur, antequam meum *Adagiorum* libellum excuderet, se tuum formulis expressisse. Quid scripserit *Schurerius* nescio, illud negari non potest, libellum *Adagiorum* meum decem annis excusum fuisse *Lutetia*, per *Joannem Philippum*, priusquam *Schurerii* nomen audissem. Quanquam quid hoc ad rem pertinet? Etenim cum ille nec tuum libellum primus excuderit, nec meum; nimirum hæc ratio non magis arguit, uter nostrum alterum præcesserit, quam juxta proverbium, in albo lapide amussis alba. Et tamen cum inter prandendum olim incidisset inter nos hac de re cavillatio, demonstravi, unde posses elenchum petere, videlicet inde, unde ipse me comperissem antevertisse duntaxat editione. Cum adhuc uterque alteri essemus ignoti, jam annis aliquot meus ille, qualis qualis est, libellus terebatur studiosæ juventutis manibus, cum me pestilentia non solum *Lutetia*, verum etiam *Colonia* constanter sæviens, compulit *Lovanium* profugere. A quo quidem loco, tamen si perquam amœno, cur animus meus ceu fatali quodam præfagio semper abhorruerit, nunc demum intelligo. Hic *Lucas* quidam *Sauromata*, Theologus, mihi, dum illic agerem, satis familiaris congerro, non aliam opinor ob causam iniquior nostris studiis, nisi quod ipse multis annis parum feliciter laceffisset Musas iratas, rumore late sparserat, inter combibones suos, me corniculæ exemplo convestire me plumis alienis, jam olim *Polydorum* quendam eleganter hoc argumentum tractasse, me nihil aliud esse quam plagiarium, ac simium illius. Hæc cum accepissem, & quid esset rei prorsus ignorarem, dedi negotium juvenibus aliquot, qui librum perquirerent *Vergilii Polydori*. Cum nusquam prostaret, nondum enim, opinor, deportatus erat ex *Italia*, tandem mihi casu repertus est in Bibliotheca clarissimi viri *Hieronymi Buslidii*; nam is, ut erat omnium librorum emacissimus, ex *Italia* secum detulerat. Gavissus inopinata præda, confero diem & annum, quem ex more solent annotare typographi: nam meus absente me excusus est *Lutetia*. Eum comperio exisse ex officina *Joannis Philippi* Anno M. D. die Junii 15. quemadmodum testatur epistola *Fansti*, quam typographus ab illo extorserat ad Operis

A commendationem, quam tamen ante librum absolutum scriptam oportuit, tuum exisse in *Italia* tribus mensibus serius. Quod si quis proferat editionem antiquiorem ea, quam nobis dedit *Joannes Philippus*, id quod scio neminem facturum, non erit tamen causa cur me quisquam insimulet furti aut plagii: nam fieri potuit, id quod plane crediderim accidisse, ut cum eadem res eodem ferme tempore utrique veniret in mentem, neque tu de *Erasmio*, neque ego de *Polydoro* somniarim. Itaque si quid est laudis ex invento argumento, uterque sibi possit vindicare, citra alterius injuriam. Hæc quum à me joco dicta sint in convivio, (nam te plane credebam jocari) tuum erat serio conferre primam editionem tui libelli, cum prima mei, priusquam hac præfatione insimulares amicum & simplicem, & tuo nomini faventem, livoris simul & plagii. Sed age, finge tuam editionem antevertisse, finge me non latuisse, finge me tam avidum gloriæ, ut amicum non verear compilare, quæso quid laudis erat argumentum invenisse? Neque enim nos gignimus proverbia, sed recensemus. Artis Medicæ, Astrologiæ repertoribus multum gloriæ tribuitur, quantum autem laudis debetur ei, qui è publicis pratis pauculos flosculos, nulli non obvios, decerpserit, & in calathum conjecerit? In tractando fortasse nonnihil est laudis, in colligendo perpussillum est gloriæ. Quod si qua est, ea *Græcis* debetur, qui multis ante nos seculis parœmiologias nobis reliquerunt. Præterea cum tua ex Auctoribus vulgatissimis collegisses, cur tu mihi potius citandus eras, quam illi è quorum fontibus hauserant, quos tu potissimum sequeris. *Beroaldum* nusquam cito, *Politianum* cito, quod is quosdam Auctores legisset, mihi nondum lectos. Jam accipe & aliud argumentum, si tua legissem, tantus plagiarium nullum tuorum prætermissem. Nunc in tuis erant quædam non adspernanda, quæ in meis non erant. Jam vero quod scribis me præter multitudinem nihil addidisse, non satis intelligo, quid sibi velit: in prima editione enumerabantur adagia ferme octingenta, cum tu citra ducenta confisteres: nec unquam auxi minuta illa collectanea, nisi semel, anno M. D. VI. cum *Lutetia* adornarem iter in *Italiam*. Nam ad preces amici *Badii*, parantis rursus edere, adjeci proverbola plus minus viginti, idque ex acervo multorum, quem paraveram in *Venetam* editionem. Ac tua rursus eodem anno sunt excusa *Mediolani* per *Joannem Anglum*. Porro in editione *Aldina*, cum *Chiliadas* aliquot adferam, non video cur debeat contemni multitudo, præsertim in eo argumento, quod potissimum constat industria colligendi, præsertim cum pleraque contraxerim, aut è *Græcorum* fontibus, aut è Scriptoribus, non tam vulgo protritit, quam est *Perottus*, aut *Beroaldus*? Cæterum an in tractando, nihilo te sim superior, alii judicent. Ego cupiam sic efflorescere literas, ut me à tergo relinquant omnes, non modo *Polydorus*. Verum, hæc cum manifestiora sint, quam ut negari queant, ubinam est ista veritas, quam in præfatione scribis procul eminere? quaque fretus boni consulis, quod ego callidus dissimulatur conatus sim in gloriæ tuæ possessionem irreperere? Sic te amo, mi *Polydore*, sic tuæ gloriæ faveo, ut non graver vel dimidium totius laudis tibi largiri, siquidem hoc tibi foret usque adeo cordi, nisi sic tibi vindicares, ut nec tu mihi sis gratiam habiturus, & ego non candidus in amicum, sed alienæ gloriæ furunculus viderer posteritati, si tamen hæc leget posteritas. Utinam omnes eruditorum centuriæ sic faverent Operi tuo, quemadmodum nos favemus. Mihi certe multa arriserunt, præsertim in Opere *De rerum Inventoribus*. Vel hinc colligas licet, quam non fuerimus iniqui tuo libro. *Frobenium*, ut dictum est, abhorrentem ab editione perpuli. Præfationem tuam, qua me suggillas, ad me miserant, velut execrandam: remissi, jussique, ut bona fide, sicut abs te fuerat descripta, excuderetur: deleverant mentionem *Lei*, quam tu de illo sane quam honorificam

An. facis: iussi ut reponerent. Utrum hæc sunt faventis, an non? Non eget tua prudentia meo consilio. Tamen illud tibi suaferim, mi *Polydore*, ut posthac in edendis lucubrationibus tuis *Thomam Morum*, *Cuthbertum Tonstallum*, *Thomam Linacrum*, *Gnilielmum Latamerum*, homines vere doctos & amicos adhibeas in consilium. Bene vale, doctissime *Polydore*, ac rem literariam strenue adjuva. *Lovanio* 23. Decembris, Anno 1521.

EPISTOLA DCIII.

Erasmus Roterod. Theologis Lovaniensibus S. D.

REVERENDI Patres, ac domini plurimum observandi, quoties considero & ordinis Theologici gravitatem, & meam innocentiam, vel merita potius in sacrarum Literarum cultores, si libet gloriosius aliquid dicere, non libet credere quæ ad me deferuntur. Et tamen deferuntur à tam multis, tamque gravibus viris, ut non possit omnino videri vanum, quod tot ac talium auctorum consensu probatur. Referebat hoc omnium, ut istarum Tragediarum, quæ jam annis aliquot inter nos aguntur, magno vestro meoque incommodo, tandem finis aliquis esset. Quid ego promeritus sim vigiliis meis, posteritas æquior judicabit: quid *Lovanii* sim passus à quorundam petulantissimis linguis nulli potest obscurum esse. Nunc audio rursus instaurari Tragediam, per quosdam, ducibus & auctoribus *Vincentio* & *Iatomo*, quorum alterum male habet epistola ad Cardinalem *Moguntinensem*, in qua videor illi perstringere Ordinem *Dominicalium*: alterum offendit consilium quoddam nullo auctore vulgatum, de componenda Tragedia *Lutherana*, quod à me profectum esse quidam male suspicaces dictitant. Primum epistola tum scripta, cum nondum, neque vestra condemnatio prodisset, neque Pontificis censura, nihil aliud agit in summa, quam ut *Lutherus* corrigatur potius, quam ut magno orbis tumultu perdatur. Eam epistolam obfignatam miseram ad quendam Cardinalis consiliarium, illi jus faciens redderet si videretur expedire, sin minus, exureret. Is & sero reddidit, & priusquam redderet, excudendam curavit, mutatis etiam verbis aliquot, ut audio. Cum enim ego scripsissem de *Luthero*, ille mutavit de *Luthero* nostro. Quod res tumultuosis clamoribus statim ageretur apud promiscuam multitudinem, neque tum probabam, neque nunc probo. Et hoc plus habet ponderis apud omnes *Parisiensium* censura, quod sero prodierit. Nullum ordinem, nec læsi unquam, nec odi. Malos odi, quacunque veste tegantur. Ut autem ordo sit honestissimus apud omnes, id in ipsis situm est, non in me. Quod si istis cordi est magni fieri apud omnes, eas dotes sibi parent, quæ famam honestam, quæ auctoritatem ac favorem conciliant. Sin intelligunt se minoris fieri quam vellent: ea mutant, unde detrimentum opinionis nasci senserint. Hactenus de epistola. Consilium illud non est à me profectum, sed à *Dominicano* quodam Theologo, non vulgariter erudito. Id cuidam Principi fuit exhibitum, ut expenderetur an placeret, & exhibitum fuit ante vulgatam Captivitatem *Babylonicam*, cum res esset adhuc sanabilior. Id quoque nescio quo casu vulgatum est à *Germanis*, qui haud scio quo consilio nihil non habent palam. Ac mihi quidem tum exhibuit *Dominicanus* ille, qui non negabit esse suum, nec mihi displicuit omnino ut ingenue dicam. Non enim hoc agebat, ut rescinderetur sententia Pontificis, aut vestra, sed ut hominum persuasione satisfaceret, qui clamitabant, & adhuc clamitant, *Lutherum* auctoritate opprimi. Nec læderetur auctoritas Pontificis, si volens aliquid remitteret de sua severitate, ob publicam tranquillitatem. Atque id consilium placuit etiam Regibus, nisi Captivitas, alique huic similes libelli complurium animos alienassent. In consultationibus liberum est unicuique dicere suam sententiam, opinor. Et pium est tranquillitati publicæ consulere, modo id fiat incolumi-

A Pontificis dignitate. Quod si fas non est, qua fronte, An. cum *Lutherus* esset *Wormacia*, magnis studiis hoc ipsum 1521. agebatur per viros laudatissimos, idque cum laude? Ita si meum esset hoc consilium, ut non est, tamen non video cur mihi sit excitanda Tragedia. Nunc habet auctorem suum, quem non pudebit fateri. Meministis quantum tragediarum mihi concitatum sit ex falsissima suspitione, cum primum prodissent Opera *Lutheri* ob præfatiunculam paulo politiolem, cum & verissimum sit & à me crebro testatum, in omnibus illius libris nullam esse syllabam me conscio aut volente scriptam. Imo semper hunc exitum timui, & idcirco modis omnibus conatus sum hominem ab hoc scribendi genere detertere. Nunc cavendum est prudentiæ vestræ, ne denuo ex suspitione simili lædatis proximum. Homicidii genus est, famam hominis impetere. Quo magis demiror quid sibi proponat *Vincentius*, qui nusquam de me cessat maledicentissime loqui, opportune, importune, lacerare nomen *Erasmi*, lapidare me conviciis. Quod si ego talis essem, qualem ille falso prædicat, tamen tanta linguæ procacitas indecora sit & sacerdoti, & Monacho, & Theologo, pestilens etiam vestræ Academiæ, ne hujus exemplo confuscant & in innoxios sic debacchari. Nec alia re pejus consulere potest Ordini suo. Nam virulentam & impotentem maledicentiam improbant & ii, qui mihi male volunt. Porro eos qui sunt alieni, non alienat à me, qui mihi bene volunt, hos offendit. Sunt autem ubique non pauci qui nobis bene cupiunt, haudquaquam exambitis favoribus, sed utilitate studiorum nobis devincti. Quod si ego velim meo calamo tam insolenter uti, quam ille sua lingua, nonne res in manifestam rabiem exiret? Nonne scandalo essemus & *Christianis*, & *Christiani* nominis hostibus? Sed ille me contemnit, quasi non pluribus nominibus illum vicissim possem contemnere, si contemnere nos invicem esset *Christiani* pectoris. Aut quasi meum sit, digladiari cum talibus, qualis ille est, si res agatur ingenii præfidiis. Quod si certandum sit linguæ virulentia, impudentia, procacitate, facile reperietur mulier aliqua, quæ cum tali hominum genere congregiatur. Sed ut mittamus *Vincentium*, à quo, qualis qualis est, vinci me non patiar, si bonis rebus mecum certet, hoc est, si quid adferat, quod magis conducatur ad *Christi* gloriam veramque pietatem: à *Iatomo* invitatus diffideo, vel ob eruditionem non prorsus adspernandam, vel ob quaecunque commercium cum Musis amoenioribus; & invitatus credo, quod tamen à multis audio, præsertim cum à me nunquam sit læsus. Illud nobis vel sero cavendum est, ne mordentes invicem, consumamur alteri ab alteris. Seditiosa nunquam mihi placuerunt. Neque *Reuchlini*, neque *Lutheri* factioni me unquam admiscui, *Christi* gloriæ pro mea virili semper favi. Vestræ Academiæ nihil attuli, neque dedecoris, neque incommodi. *Lutheranis* libellis obstiti plusquam quisquam mortalium: non quod nesciam illum pleraque bene monere, sed quod intelligam satius esse bene tacere quam finistre tentare remedia. In omnibus, quæ illi sive vere, sive falso inscribuntur, non est ullus apex meus. Libellos maledicos, qui undique provolant, utinam prohibere possem vel mea causa. Nam omnes me gravant invidia, quidam etiam infamant, ac magis lædunt qui laudant, quam qui maledicunt. Illud certissimum est in his omnibus nihil esse meum. Et de quorundam auctoribus est mihi nonnulla suspicio, de plerisque, nec suspicari possum unde prodierint. Sollicitatus sum à multis etiam magnatibus, ut prodirem in partes *Lutheri*. Sensi & alia quædam, hic non referenda. Rejeci manibus ac pedibus. Ab adversariis præsertim Monachis tam atrociter sum impetitus, ut etiam si fuisset antea inimicus *Lutheri*, odiis potuerim impelli ut illi adjungerer. Rursus sentio *Lutheri* fautores hoc omnibus studiis egisse, ut technis me pertraherent in hoc certamen, quod si non possent, vi nolentem volentem pertraherent. Nihil horum me dimovere potuit ab instituto meo. Excus-

Ap. tiantur omnia scripta, dicta etiam joco inter pocula
 1521. effusa, nihil aliud comperietur, quam mihi displicuisse
 subitos ac seditiosos clamores apud populum, & placuisse
 rem absque tumultu orbis transigi. Si aliis placuit
 diversa ratio, precor ut *Christo* sit felix, sed adhuc
 qualis sit futurus exitus nescio. Si in me situm
 esset, cras esset hæc sedata tempestas. Si mihi non est
 vobiscum arcta amicitia, per me non stetit. Coepit
 erat in *Falcone*, comprobata erat superiorum malorum
 oblivio, etiam si quicquid erat malorum, in meum re-
 ciderat caput. Nec enim *Joannes Ateus* ambisset con-
 cordiam, ni sibi conscius fuisset, se vana suspitione
 deceptum mihi movisse eam tragœdiam. Nec video
 quid obstiterit quo minus coaluerit illa pax, nisi quod
 non esset satis placatus *Egmondanus*. Nec video cur
 ille mihi sit infensus, nisi quod pro maledictis, quæ
 in me ingessit etiam antequam vidisset, non egerim
 homini gratias. Quod si hoc est consilium quorundam,
 ut me quovis modo petant, animis etiam gladiatorii
 ac fictis criminibus, primum videant ne hoc non sit
 illis, tam secundis ventis successurum quam putant, &
 si succedat, videant ne non tam felix futurum sit quam
 sibi pollicentur. Postremo si decreverunt prorsus abo-
 lere *Lutherum*, paulo melius succedet, si me non ad-
 misceant. Quicquid tamen molientur alii, me nemo
 divellet à petra *Christi*, nullus involvet ulli factioni.
 Quod si fuisset *Lutheranus*, nihil aliud dicam, res il-
 lius melius haberent. Sed absit ut aliud sim quam *Chri-
 stianus*. Hactenus in illum non scripsi. Verum est, si
 non prodest mihi metus periculorum, si præter alias
 causas innumeras, oculi penuria, senectus, corporis im-
 becillitas, certe proferit imperitia rei Theologicæ, quam
 isti mihi summam tribuunt, & ego magna ex parte ag-
 nosco. Postremo cum tres Academix damnarint *Lut-
 herum*, cum summus ipse Pontifex fulmen suum in
 eum torserit, cum suum addiderit Cæsar, quid habi-
 tura sit momenti meæ censuræ accessio, vermiculi po-
 tius quam hominis? præsertim cum undique tam mul-
 ti prodeant vestro judicio doctissimi, qui scribant in
Lutherum? Et tamen pro mea virili non deero, neque
 tranquillitati Ecclesiæ Catholicæ, neque veritati Evan-
 gelicæ, neque dignitati *Romani* Pontificis, cum licebit.
 Et fortassis plus adferam momenti, quam ii qui putant
 his tumultibus rem posse confici. Illud nobis viden-
 dum, ne sic oderimus *Lutherum*, ut illius odio perda-
 mus & ea quæ sunt optima: & ita serviamus dignita-
 ti nostræ, ut non lædamus auctoritatem Evangelicæ
 veritatis: & ita faveamus hominum gloriæ, ne quid
 officium gloriæ *Christi*. In me interim si quid habe-
 ris, ne agite conviciis, quemadmodum nuper apud *Re-
 ctorem Rosendunum* egit *Egmondanus*, & nunquam
 non agit *Vincennius*. Argumentis agite, & satisfaciam vo-
 bis per omnia. Quod si voletis officiis certare, non
 patiar me vinci. Sin erunt qui malint maleficiis con-
 tendere, non contendam quidem in hoc genere vince-
 re, sed tamen conabor meam innocentiam defendere,
 nec puto defutura præsidia *Christi* ac bonorum viro-
 rum. Bene valete, domini reverendi, & fratres in *Chri-
 sto* observandi. Ex *Anderlaco*, Anno 1521.

EPISTOLA DCIV.

*Erasmi Roterodami Nicolao Everardo, Hollandia
 Præsidi, S. D.*

Si patriæ pietas apud me parum valeret, tamen vel
 tui unius charitas me facile posset, non dicam in
Hollandiam, sed ad quamlibet procul semotam pertra-
 here regionem. Sed jam diu iturientem, ac subinde
 profectioem adornantem, semper aliquid exortum
 novæ remoræ non sinit hinc avelli. Neque enim con-
 silium est, insulam istam alias adire quam æstivis men-
 sibus. At æstas apud vos adeo brevis est, ut aliquan-
 do nulla sit, priusque sentiamus eam abire quam sen-
 serimus advenisse. Nunquam æque mihi compertum
 fuit nos cælo vivere, potius quam cibus. Totam hanc

A æstatem rusticatus sum, nec unquam quicquam cessit
 felicius. Tanto redditus sum vegetior hoc cælo pu-
 riore, ut alium esse dicas. Neque tamen minus faveo
 meæ *Hollandia*, quod tam male conveniat cum cælo.
 Imo miram quandam animo persentio voluptatem,
 quum animadverto illam cæteris rebus uberem, præ-
 clavis etiam ac posteritatis memoria dignis ingeniis di-
 tescere. Quoties enim illi sum gratulatus *Martinum
 Dorpium*, qui nostratum Theologorum unus, schola-
 sticam Theologiam cum melioris literaturæ peritia,
 qui solidam sapientiam cum vera eloquentia conjun-
 xisset? At his diebus nos invisit *Hermannus Lethman-
 nus* patria *Gaudanus*, qui, nisi fallor, *Dorpium*, aut æ-
 quabit, aut vincet etiam, nisi quod *Dorpius* assiduo
 studio seipsum quotidie vincit. *Hermannus* quum an-
 tequam stadium Theologicum ingrederetur, feliciter
 esset auspicatus *Græcarum* ac bonarum, ut vocant, li-
 terarum notitiam, ita se gessit in hoc cursu *Sorbonicæ*
 Theologiæ, ut omnium punctis primas meruerit, id-
 que in ea schola, quæ sine controversia in hoc stu-
 diorum genere semper primas tenuit. Neque vero
 tantum est instructus argutiis illis, quibus in scholis
 velitantur, nihil Conciliorum, nihil historiarum, ni-
 hil veterum Theologorum non excussit, atque adeo
 habet in promptu. Ingenium velox ac rapidum,
 discendi aviditas inexplebilis, judicium præsens & ex-
 peditum; quodque in hoc genere rarum est, nihil
 habet arrogantiae, nihil bilis, nihil supercilii. Mira
 comitas, mira modestia. Audit patienter quoslibet.
 Cedit etiam inferioribus. Plerique ubi metam illam
Sorbonicam contigerunt, perinde quasi jam defuncti
 sint omni studio, in ocium sese recipiunt, aut negle-
 ctis libris, sacerdotiis accumulandis invigilant. Hic
 tanta cum laude Theologiæ lauream assequutus, tam
 avide versatur in evolvendis optimis Auctoribus, qua-
 si non dimissus à studio, sed nunc demum admissus
 sit ad seria studia. Sic autem amplectitur has huma-
 niores literas, ut suæ professionis tamen non sit de-
 fertor. Proinde me quidem magna quædam spes ha-
 bet, aut hunc, aut neminem fore, qui veterem ac
 novam eruditionem sic misceat ac temperet, ut utrius-
 que generis sodalibus abunde satisfiat; siquidem an-
 num vix attigit trigésimum. Et est corporis valetudo
 prospera, quæ hoc magis pollicetur vivacitatem, quod
 ipse victus sit temperatissimi: si tamen hoc homini
 perpetuo licebit apud *Hollandos*. Neque dubito quin
 huic similes complures sint exorturi, si modo hæc
 regio didicerit habere honorem eximiis ingeniis, &
 intellexerit, quanto viorem ac vivaciorem gloriam
 sit hinc latura. Non tibi commendo *Hermannum*: non
 enim dubito quin tibi notior sit quam mihi, neque
 me præterit, quo studio soleas ejusmodi prosequi;
 tantum rogo, ut eum & reliquis *Hollandia* nostræ pro-
 ceribus commendare studeas. Sic citius sibi parabit
 opinionem apud universos, si primorum suffragiis
 commendabitur, & eorum judicio probabitur, qui
 apud omnes sunt probatissimi. Ipse quidem non am-
 bit gloriam, sed hoc magis promeretur. Et ad pu-
 blicam utilitatem pertinet, ut de viris optimis opti-
 me sentiat & populus. Satis feliciter ubique gliscebant
 bona studia, quamlibet obstrepentibus ranis, nisi *Lut-
 herana* Tragœdia exorta turbasset omnia. Et qua-
 si hoc parum sit mali, vereor ne, nisi Deus aliquis
 hos in dies gliscentes bellorum tumultus
 componat, non turbentur modo, verum etiam ex-
 stinguantur. Totus orbis *Christianus*, velut in duo
 divisus, exitiabili bello inter sese committitur. Duo
 Principes, ut summi ita juvenes, magisque animi
 magnitudine feroces, quam usu rerum callidi, devo-
 tis animis, alter in alterius perniciem imminentes,
 orbem secum in fata trahunt, atque interim ô Deum
 immortalem, ubi *Romani* Pontificis auctoritas? Ea
 quum quæstus negotium commendatur, potest & an-
 gelis & demonibus imperare, hic nihil potest apud
 filios suos à tam pernicioso bello coercendos? Ubi
 nunc

AD. nunc isti nimium vocales Ecclesiastæ? Hic aut linguam
 1521. non habent, aut habent adulatricem. Fortassis olim dicet Carolus noster, *Non putaram bellum rem esse tam pestiferam*. Sed hoc dictum nimio nobis constabit. Cæterum nos his in rebus nihil aliud possumus, quam à superis optare meliora. Si nostra aula decem haberet tui similes, melius cum rebus humanis ageretur. Sed ut ad studiorum causam redeam, posteaquam *Lutheranum* negotium confectum est, quod utinam recte confectum sit, eo redeunt unde cœperant. Palam in concionibus & lectionibus publicis damnant linguas ac politiores literas, in *Erasmum* nominatim magnis conviciis debacchantur quidam. Nec video profecto, quid sibi proposuerint. Etenim si hoc agunt, ut populus intelligat in istis ordinibus esse homines impudenter maledicos, hoc jam persuasius est populo, quam ut ipsis expediat. Sin illud agunt, ut juvenes à bonis literis alienos, ad suæ theologiæ studium allecunt, non poterant eos magis detertere, quam hujusmodi moribus. *Lutetia*, *Cambrigiæ*que sic floret Theologiæ studium, ut nunquam alias æque. Quid in causa? Nimirum quod sese accommodant seculo aliò se flectenti, quod has meliores literas, vel vi irrumpere conantes, non repellunt ut hostes, sed ut hospites comiter amplectuntur. Quod *Lozanii* frigent Theologorum scholæ, (nam hoc queruntur quidam) mihi non possint imputare, qui neminem unquam verbo sim dehortatus. Sed paucorum rabiosa pariter atque indocta maledicentia probos animos alienat. Porro quod à paucis fit, omnibus imputat vulgus, quum videat hæc toties tam impune fieri, quum tantas excitarint tragœdias, quæ unam voculam à *Græcæ* linguæ Professore dictam, quæ tamen ad nullius contumeliam pertinebat. Vehementer probo, quod maledicis libellis opposuerint Cæsaris edictum, etiamsi nullus istorum queritur de libellis plus quam famosis, quos ut audio subinde novos *Colonia* profert *Pfeffercornus*, neque clam est quorum impulsu id faciat. At oportebat eadem opera linguis hujusmodi, sceleratioribus etiam quam sint libelli famosi, Cæsaris edictum aliquod opponere. Alioqui præclare cum bonis viris agetur, si talibus scurris, quibus præter impudentiam & linguam maledicam nihil est, impune erit publicitus inceslere famam alienam; & aliis fas non erit libris editis, qua licet, suæ famæ patrocinari. Indignantur si quis in epistola queratur apud amicum, quod ipsi publice designant apud populum. Equidem cupiam sic tueri me ut alios non lædam, sed si quis sic hominem impetat, ut suam vitam tueri non possit, nisi vitam adimat impetenti, leges hoc illi imputant qui causam dedit. Dices, in jus voca. Quo tandem? Nec Principem, nec Episcopum agnoscunt judicem. Pseudomonachi, quorum libidine res temperantur, sic se gerunt, ut ab his subornari videantur. Priores aut favent, aut in hos jus non habent. Quærendus igitur illorum vicarius, ut vocant. Atque interim is, qui hodie debacchatus est apud populum, alibi prandebit. Proinde his rebus freti scurræ, nihil non audent. Vix credas, quam his factis suis alienant à se multitudinem omnem, sed præcipue primarios cordatosque viros. Hoc ubi sentiunt, mihi videlicet imputant malum, quod ipsi sibi suo jumento accersierunt. Ego tumultus istorum vel ridere possum, tantum doleo culpa hominum male audire Theologiam, malo fermento vitari studiorum dulcedinem, ac publicos infici mores. Bene vale, vir ornatissime. Ex *Anderslaco*, Anno 1521.

EPISTOLA DCV.

Erasmus Roterod. Guilielmo Budæo S. D.

CVM proxime *Brugis* essem in celeberrimo Cæsaris comitatu, in uno saltu multos cepi lepores, ut habet proverbium, hoc est, complures amicos eadem opera salutavi, sed imprimis non minus humanum quam magnum, hoc est non minus amandum quam reverendum, Cardinalem *Eboracensem*, quam Regis sui nomine legatione fungentem *Carolus* noster plane regia quadam

A munificentia excepit. Aderant *Cuthbertus Tonstallus*, *Thomas Morus*, ac *Guilielmus Montjoius*, præter alios in-
 An. 1521. numeros, quos ideo non commemoro, quod sciam eos tibi adhuc incognitos. *Thomas Morus* magnam spem animo conceperat, ut *Caleti* in *Gallica* legatione te complecteretur. Cardinalis adventus hoc nomine mihi fuit jucundior, quod sperabam fore, ut tumultus ii, qui inter summates orbis Principes magno generis humani periculo vertuntur, hujus prudentia atque auctoritate componerentur. Verum, ut nunc res habent, non video quid sperem, nisi *Θεός τις ἄπο μηχανῆς φάσι*, nostra consilia vertat in melius. Sed hi Regum motus non dirimunt Musarum fœdera. Sunt quorum rationibus conducit, non optime convenire Cæsari & *Galliarum* Regi. Hi dissidii seminarium subjiciunt arte nimirum tyrannica, ut dum nos mutuis dissensionibus opes nostras attenuamus; ipsi suam stabiliant tyrannidem. Divinas, opinor, quos sentiam. Utinam hoc providant utrique Principes, ne post emittant vocem illam seræ prudentiæ, nimioque emptæ, *Non putaram*. Est quod *Moro* gratuleris: nam Rex hunc, nec ambientem, nec flagitantem, munere magnifico honestavit, addito salario nequaquam poenitendo: est enim Principi suo à *Theauris*. Ea functio apud *Britannos*, ut est splendida cum primis atque honorifica, ita non admodum est obnoxia, nec invidiæ, nec molestis negotiis. Erat competitor, homo sat gratosus, qui sic ambiebat hoc muneris, ut non gravaretur suo victu ciboque gerere. At Rex optimus hic certissimum in *Morum* favoris argumentum dedit, qui non ambienti salarium etiam addere maluerit, quam gratuitum magistratum admittere. Nec hoc contentus Princeps benignissimus, Equitis aurati dignitatem adjecit. Neque dubitandum est, quin illum sit amplioribus ornamentis aliquando cumulaturo, quum sese offeret occasio. Siquidem cœlibes evehere longe proclivius est Principibus. At *Morus* sic est admixtus ordini conjugum, ut nec uxoris obitu sit emancipandus. Priorem enim, quam virginem duxerat, extulit, & hanc viduus viduam duxit. Sed hunc Principis animum hoc magis gratulor *Moro*, quod quicquid huic accesserit vel auctoritatis vel gratiæ, id existimem bonis studiis accedere. Quibus ille sic favet, ut si pares essent animo facultates, non deesset apud *Britannos* felicibus ingeniis candidus ac benignus *Mecenas*. Solent aulæ Principum idem facere quod Medici, qui corpus sibi traditum primum inaniant, mox implent ac vegetant. Nec dubito quin *Moro* nostro simile quippiam acciderit hætenus. Quid tibi venerit usu, tute melius nosti. Et tamen illius benignitatem senserunt ingenia, quum adeo non abundaret illi quod largiretur, ut ære gravaretur alieno. Nec hac parte solum ornat studia, quod ipse doctissimus candidè favet doctis omnibus, verum etiam quod universam familiam honestissimis literarum studiis excolendam curat, novo quidem hætenus exemplo, sed quod brevi plures, nisi fallor, sint imitaturi: adeo feliciter succedit. Habet filias tres, quarum maxima natu *Margareta*, jam nupta est juveni, primum beato, deinde moribus integerrimis ac modestissimis, postremo non alieno à nostris studiis. Omnes à teneris annis curavit imbuendas, primum castis ac sanctis moribus, deinde politioribus literis. Filiabus tribus quartam adjunxit puellam, quam benignitatis gratia alit, ut illis sit sodalis. Habet privignam mira forma raroque ingenio puellam, annos jam aliquot nuptam, juveni non indocto, sed cuius moribus nihil sit magis aureum. Habet filium ex uxore priore, natum annos plus minus tredecim, ex liberis natu minimum. Ante annum visum est *Moro* mihi specimen aliquod exhibere, quantum in literis profecissent. Jussit ut omnes ad me scriberent, & quidem suo quisque *Marte*: nec argumentum est suppeditatum, nec in sermone quicquam est correctum; etenim cum illi schedas obtulissent patri castigandas, ille velut offensus incommoda scriptura, jussit, ut eadem accuratius ac purius describerent. Id ubi factum est, ne
 Tom. III. V v 2 syll-

An. syllaba quidem mutata, literas obsignatas ad me misit. 1521. Crede mihi, *Budae*, nihil æque sum admiratus. In sensibus nihil erat ineptum, aut puellare: sermo talis, ut sentires esse quotidie proficientium. Hunc chorum amabilem una cum sponis duobus domi habet. Nullam illic videbis ociosam, nullam ineptiis muliebribus occupatam. Illis *T. Livius* est in manibus. Nam eo progressæ sunt, ut Auctores huiusmodi legant & intelligant citra interpretem, nisi si quod incidat verbum, quod me quoque fortassis, aut mei similem fuerat remotorum. Uxor, ingenio magis ac rerum usu quam eruditione valens, mira dexteritate moderatur omne collegium, *εργασίας* cuiuspiam vicibus fungens, pensum cuique præscribens atque exigens, neque sinens cessare quenquam, nec frivolis occupari. Soles in literis tuis subinde queri, quod tua causa male audiret philologia, quæ tibi duo mala conciliaffet, valetudinis, ac rei familiaris dispendium. At *Morus* hoc agit, ut omnibus nominibus, & apud omnes bene audiat, hoc literis debere se prædicans, quod prosperiore sit valetudine, quod optimo Principi, quod suis & exteris charus & graciosus, quod re lautiore, quod sibi, quod amicis jucundior, quod patriæ, quod cognatis & affinibus utilior, quod ad aulæ commercium, quod ad procerum convictum, quod ad omnem vitæ consuetudinem accommodatior, denique quod superis gratior. Primum male audiebant studia, quod sensum communem adimerent addicto cultori. Nulla est profectio, nulla negotia tam multa, tam ardua, quæ libellos *Moro* de manibus excutiant, & tamen vix alium reperies, qui magis sit omnibus omnium horarum homo, qui ad obsequium facilius, ad congressus magis obuius, in colloquio magis alacer, quique tantum veræ prudentiæ cum tanta morum suavitate conjunxerit. Quibus rebus factum est, ut quum ante paucos dies literarum amor ad omne vitæ vel præsidium, vel ornamentum haberetur inutilis, nunc nemo pene sit magnatum, qui liberos ut majorum imaginibus dignos agnoscat, nisi bonis literis eruditos. Quin & Monarchis ipsis bona regaliū decorum pars abesse videtur, in quibus literarum peritia desideretur. Jam neminem fere mortalium non habebat hæc persuasio, sexui foeminino literas, & ad castitatem & ad famam esse inutiles. Nec ipse quondam prorsus ab hac abhorruī sententia, verum hanc mihi *Morus* penitus excussit animo. Etenim quum duabus rebus potissimum periclitetur puellarum castitas, ocio, ac lascivis lusibus, ab horum utroque literarum arcet amor. Nec alia res melius tuetur famam integram, quam mores incontaminati. Nec ullæ firmitus castæ sunt, quam quæ iudicio castæ sunt. Neque vero improbo consilium eorum, qui manuariis operis propiciunt pudicitiae filiarum. Verum nulla res sic totum puellæ pectus occupat, ut studium. Atque hinc præter hoc fructus quod animus ab ocio pernicioso prohibetur, hauriunt optima præcepta, quæ mentem ad virtutem & instituunt & inflammant. Multis simplicitas & rerum incitiae pudicitiae iacturam attulit, priusquam scirent quibus rebus tantus thesaurus periclitaretur. Neque video cur maritis sit metuendum, ne minus habeant morigeras, si doctas habeant, nisi si qui tales sint, ut ea velint exigere ab uxoribus quæ non sunt exigenda à probis matronis. Imo mea sententia nihil est intractabilius incitiae. Certe hoc præstat animus cultura studiorum exercitatus, ut intelligat æquas probasque rationes, videatque quid deceat, quid expediat. Atqui propemodum persuasit, qui rem docuit. Ad hæc quum iucunditas firmitasque conjugii magis ab animorum benevolentia, quam corporum amore proficiatur, multo tenacioribus vinculis junguntur, quos ingeniorum quoque charitas copulat. Magisque veretur maritum uxor, quem agnoscit & præceptorem. Nec ideo minus habebit pietatis, quia minus habet superstitionis. Equidem malo talentum auri puri, quam tria talenta multo plumbo scoriaque viciata. Audimus passim alias mulierculas sic à concione redeuntes, ut præ-

A dicent mirifice fuisse concionatum qui dixit, ac vultum Ap. hominis graphice depingunt. Cæterum neque quid dixerit, neque quale sit, quod dixit, recensere possunt. Hæc tibi totam pene concionem ordine referunt non sine delectu; si quid stulte, si quid impie, si quid extra rem effutiit Ecclesiastes, quemadmodum hodie non raro fieri videmus, id norunt vel ridere, vel negligere, vel detestari. Atque hoc demum est audire sacras conciones. Cum huiusmodi demum vere iucundum est convivere. Plurimum enim ab istis dissentio, qui conjuges non in alium usum habent, quam ad obsequium voluptatis, quam ad rem magis appositæ sunt semifatæ. Pectus habeat oportet, quæ familiam contineat in officio, quæ liberorum mores fingat ac formet, quæ marito per omnia satisfaciatur. Cæterum cum proximo colloquio illud objecissem *Moro*, quod si quid humanitus accideret, fore ut gravius discrucietur earum desiderio, in quibus instituendis tantum insumpisset operæ; respondit incunctanter, Si quid acciderit, quod vitari non potest, malim eas mori doctas, quam indoctas. Moxque mihi venit in mentem, *Phocionis*, ni fallor, apophthegma, cui bibituro cicutam cum uxor acclamaret, mi vir, innocens morieris: Quid, inquit, ais, uxor, an me malles nocentem mori? Interim illa cogitatio subiit animum meum, ut vos duos ceu duces quosdam eximios in hoc laudis genere componam, veluti si quis *Camillum* committat cum *Scipione Africano*. Tu & pluribus annis & iniquiore seculo cum literarum hostibus es conflictatus, hoc certe calculo *Moro* superior. Cæterum quod tu in filiis tantum ac fratribus ausus es moliri, hoc ille non dubitat, & in uxoribus & in filiabus facere, fortiter contempta novi exempli invidia. Quo nomine vicissim ille te præcellit. Tu rursus libris editis utriusque literaturæ proventum magis auxisti quam ille, copiosius etiam, uti nobis pollicemur, in posterum aucturus, si modo cœperis opes tuas è scriniis depromptas in populum elargiri. Quanquam & à *Moro* magnum aliquid expectat juvenus, quod ille multum adhuc absit à senectute, & patrem habet, non minorem arbitror annis octoginta, mire virenti senectute, ut vix alium reperias, qui bellius gestet ætatem. Unde licet & *Moro* longævitatē ominari. Video qua in re plurimum adjuvanti possis adferre *Græcicis* studiis, nimirum si copiosissimo Lexico nobis non tantum recenseas vocabula, verum etiam idiomata, & *Græci* sermonis tropos non quibuscumque notos & obvios explices. Est quidem, fateor, hoc argumentum humiliter & infra tuam dignitatem, sed arbitror esse boni viri, publicæ utilitatis gratia semet aliquo usque demittere, quod à sapienti suo exigit *Plato*. *Alexander* jam diu apud nos est, sed huius hætenus nobis maligna fuit copia, quod fateretur in hoc *Lutherano* negotio, in quo sane fortem ac strenuum virum se præbuit. Hoc ubi defunctus erit, imo quia jam prope defunctus est, licebit aliquoties hominis consuetudine frui, non minus amœna, quam erudita. *Vives* in stadio literario non minus feliciter quam graviter decertat, at si satis ingenium hominis novi, non conquiescet, donec omnes in tergo reliquerit. Amo vos omnes, quod *Brixium* vestro consilio viceritis, & illum amo, quod se amicorum iudiciis permiserit. *Morus* adeo nihil molietur hostile, ut ne meminerit quidem superioris conflictatiunculæ. Valde mihi placuit, quod ad exemplum tuum, sese bilinguis epistolis exercet: nec dubito quin illi sit successurum quod tu sane juveniliter, sed felicissime primus es ausus, & apud Gallos & hoc seculo. Ejus literis non minus humanis quam eruditis respondebo, si quid dabitur ocii. Hæc scripsimus ex rure *Anderlacensi*, quando tuo exemplo provocati, cœpimus & ipsi rusticari, sed utinam liceat & tuo exemplo ædificare. Utcunque habet, sic mihi successit hæc rusticatio, ut posthac singulis annis eam sim repetiturus. Bene vale. *Anderlaco*, Anno 1521.

EPISTOLA DCVI.

Erasmus Roterod. Guilielmo Montano S. D.

AN. 1521. **Q**uo sincerior est tuus in nos affectus, vir clarissimo, quoque tu nobis es *Mecenas* amicio, hoc magis doleo, me tibi non esse perinde felicem amicum, quam animi tui candor iste promerebatur. Scribis isthic per nescio quos spargi rumorem, me *Lutherana* factionis non solum fautorem, sed adiutorem etiam, ac propemodum auctorem esse: & hortaris ut me purgem, edito adversus *Lutherum* libro. Quod cum non minus impudens mendacium sit, quam si quis dicat *Erasmum* alatum esse, paucis aperiam fontem, unde rumor iste manarit. Sunt hic aliquot mihi plusquam capitaliter infensi, quod linguas ac bonas literas credar in ipsorum regnum invexisse. Hi & antequam *Lutheri* nomen audisset orbis, undique telum aliquod quærebant, quo suum dolorem ulciscerentur. Itaque qui rumorem hunc primi genuerant, nondum sibi persuaserant quod aliis persuadere conati sunt. Idem *Hieronymum Aleandrum*, Nuncium Apostolicum, hominem apprime doctum, mihiq; vetere ac jucundissima necessitudine conjunctum, miris mendaciis in me conati sunt irritare. Volitabant libelli nescio qui maledici hinc atque hinc. Horum suspicionem *Germani* quidam ut ab se depellerent, in me derivarunt. Quid multis? persuaserant homini, ut acri simplici ingenio prædito, ita credulo, me parum amice de ipso & sentire & loqui. Nec defuerunt qui coalescentem amicitiam novis subinde delationibus discinderent. Cæterum hoc habe tibi quovis *Sibylle* folio certius, in omnibus *Lutheri* aut *Lutheranorum* libris, nec unam syllabam esse meam, aut me conscio scriptam. Nec favi, nisi forte favet, qui dehortatur ab instituto: qui pro viribus obstat, ne libri illius exeant in vulgus. Primus enim omnium præfagii futurum, ut hæc res exiret in gravem orbis tumultum. Nec cum *Luthero*, nec cum ullo *Lutherano* foedus clancularium inii: & adeo non addidi cuiquam animos, ut omnes, quos potui, tum dictis tum scriptis deterruerim ab instituto periculoso. Tantum improbavam quorundam præcipientes tumultus, præsertim apud populum, priusquam satis appareret quorsum iret *Lutherus*. Nemo non fatetur disciplinam ecclesiasticam longe prolapsam esse à sinceritate Evangelica, populum *Christianum* multis modis gravatum esse, conscientias hominum variis tricis illaqueatas. His malis *Lutherus* bonis ac doctis videbatur remedium aliquod allaturus. Et passim faventibus omnibus, solus exstiti monitor, ut stylum verteret, ac negotium tractaret Evangelica mansuetudine. Nemo te melius novit, quam mihi semper cordi fuerit pax, quam invisum bellum. Itaque si *Lutherus* omnia vere scripsisset, mihi tamen magnopere displiceret seditiosa libertas. Ego vel falli malim in nonnullis, quam tanto orbis tumultu pro veritate digladiari. Et in hujusmodi contentionibus, post cruentas rixas re discussa, tandem comperitur aliquoties eadem esse partis utriusque sententia, de verbis modo dimicatum fuisse. Evangelicæ doctrinæ, *Christique* gloriæ semper favi, bonis literis hætenus favi, ut servirent gloriæ *Christi*. Dolebam plus satis tribui Theologiæ argutrici: veterem prorsus aboleri molestum erat. Hic fuit scopus lucubrationum mearum. Nec hujus instituti me poenitet. *Lutherum* exoriturum, quæ potui divinare, qui meis scriptis abuteretur? Jactant enim illum quædam è meis libris hausisse. At quo pacto queam præstare, ne quis meis scriptis abutatur, cum plurimi sint abusi libris Evangelicis? Et tamen si quis Deus mihi prædixisset, hoc seculum exoriturum, quædam aut non scripsissem, aut aliter scripsissem: non quod perniciose scripserim, sed quod non omnia quovis tempore recte dicuntur. Atque ego sane hoc animo sum, ut ne *Turci* quidem cupiam offendere, si liceat. *Germani* fremunt in me, quod adveser *Luthero*, & isthic, ut video, sum *Luthe-*

A *rannus*? Ita veluti *Mercurium* quispiam versatilis, alius sum hic, alius isthic. Nec technis quorundam, nec pollicitis, nec odiis aliorum unquam perpelli potui, aut potero, ut alius sim quam *Christianus*. Male sit omnibus, qui gaudent diffidiorum vocabulis. Si *Lutheranus* est, qui tuetur quicquid *Lutherus* scripsit, aut scripturus est, quid me dementius, si *Lutheranus* haberi velim, quam illius libros non legam? Aut quid esset causæ, cur me conjiciam in factionem tam periculosa? Risi vero satis censorum istum, qui ex colloquio deprehendit, *Lutherum* nihil aliud esse quam caudicem ac stipitem, omnis Theologiæ rudem. Utinam vir ille tantum haberet moderationis, quantum habet eruditionis Theologicæ. Et utinam tam studuisset concordie *Christiane*, quam se declaravit aliquid posse in sacris Literis. Sed interim ubi iudicium illius qui apud vos habetur, & est, rei Theologicæ callentissimus, qui palam in regia pronuntiavit *Erasmum* non minore intervallo relinqui à *Luthero* in scientia sacrarum Literarum, quam ille ab *Erasmio* vinceretur eloquentia? Et qua fronte nunc me volunt committere cum *Luthero*, qui hætenus me blaterarunt nihil aliud esse quam Grammatistam? Sed finge, nihil scire *Lutherum*. Quid tum postea? Bellum vero entymema illius, qui, ut scribis, placido vultu te intuens, subindicavit, si *Lutherus* esset indoctus, à me profectos illius libros. *Germania* tot viris eruditis & eloquentibus abundat, & ego tam longe semotus solus illi adfui scribenti. Quid opus erat ad ista tam stolidia respondere? Sed magnates sunt qui ista dicunt. Sed neque stemmata, neque torques addit sapientiam. Præstaret istos in conviviis de venatu loqui, potius quam de his rebus, quas non intelligunt. *Lutherus* suos libros agnovit omnes apud Cæsarem. Ego nihil unquam edidi, cui non apposuerim nominis mei titulum. Nec unquam aliena mihi vendicavi, nec mea titulis alienis supposui. Ab obscenitate, à seditione, à periculosa asseveratione semper abstinui, Ecclesiæ iudicio mea semper submissi, doctorum hominum consiliis libenter auscultavi, paratus etiam nunc sarcire, si quid offendit doctos & graves viros. Excipio paucos, qui & impotentis odii, & parum integri iudicii sui, manifesta dederunt argumenta. Mihi nunquam fuit animus pugnare cum Ecclesiæ primatibus. Si præscribent quæ facient ad gloriam *Christi*, lubentes amplectemur. Sin erit quod nobis merito displiceat, modo ne sit palam impium, tolerabimus. Habent illi dominum suum, cui stant, aut cadunt. Et arbitror fas esse tacere quod verum est, si non sit spes fructus. Sic *Christus* tacuit apud *Herodem*. Nec sum tam temerarius, ut pugnare velim cum edictis summorum Principum, tantillus vermiculus. Si poscent à me consilium, & volent id licere tuto, dabo pro mea simplicitate, si non prudens, certe fidele. Non de nihilo est, quod hic affectus tot gentium animos occupavit, ac subinde repululat malum. Fortassis magis expedierit, imitari prudentes Medicos, qui saniem omnem repurgant, priusquam vulnus obducant cicatrice, qui è venis ejiciunt morbi materiam, potius quam illos qui febrem vi depellunt mox recursum. Si non poscent à me consilium, conquiescam, & quatenus licet serviam Evangelico negotio; & si quid secus agatur quam vellem, precabor *Christum*, ut animos illorum vertat ad meliora. Porro quod scribis, mihi in manu esse, totum hunc tumultum componere, utinam vera prædicaret tua celsitudo. Ne exorta quidem fuisset hæc Tragœdia. Clamitant hic mihi non esse calamum. Imo calamus est, sed innumera sunt quæ dehortantur. *Lutherum* vocare fungum, perfacile est; idoneis argumentis tueri causam fidei, mihi certe difficillimum. Et hætenus non admodum successit aliis. Et tamen ad hoc negotium lubentius accingerer, si certus essem quosdam, qui sub prætextu fidei mundi causam agunt, usus sua victoria in rem *Christiana* religionis. Tametsi hoc animo petemus *Basileam*, ut absolutis quæ sunt in manibus, aliquid moliamur quod conducat huic diffidio sopiendò,

An. certe testemur animum nostrum. Nec tamen video
 1521. quorsum attineat me tam arduum suscipere negotium,
 quum sint docti, magni, graves, summa auctoritate
 præditi, qui jam provinciam aggressi sunt. Argutum
 vero lemma proferunt isti, qui dicunt, *Qui tacet, com-
 sentire videtur*. Si tacent qui non scribunt, ingens con-
 sensus est. Et tamen ita tacui, ut *Lutheranos* omnes
 in me concitarim. Sed ut finiam, optime *Mecenas*,
 nihil est quod dubites de tuo *Erasmo*, neque pietas,
 neque religio, neque mores, neque tranquillitas pu-
 blica, meis literis lædatur. Innocentiam præstare pos-
 sum, linguas hominum in manu non habeo. Qui talia
 blaterant reddituri sunt rationem Deo, vel temerita-
 tis, vel malitiæ. Si hominibus parum approbare pos-
 sum meos conatus, certe confido me *Christo* approba-
 turum. Et si hoc seculum parum erit gratum labori-
 bus meis, posteritas erit æquiore judicio. Postremo
 est aliquid vel unius *Christi* calculum tulisse. Hæc scri-
 psi raptim ex tempore, forte oblato tabellone. Scri-
 bam alias accuratius. Ex *Anderlaco*, Anno 1521.

EPISTOLA DCVII.

Erasmus Rutgero Rescio suo S. D.

Ni tam atrox esset contumelia, mi *Rescio* doctissi-
 me, prorsus auctor tibi futurus sim, ut vel ini-
 quis conditionibus pacem admitteres. Nunc cum ejus-
 modi sit contumeliæ genus, ut nemo non detestaturus
 sit, si quid ejusmodi commisisset herus in suum man-
 cipium, cujusmodi malitiosa conspiratione designarunt
 ii, quorum partes erant omnem injuriam à frugi scho-
 lasticis depellere, non ausim, ut facias, suadere, quod
 tamen tuo bono factum esse cuperem. Mira vero ty-
 rannis, ipsi quum ne voculæ quidem ullius injuriam
 ferant, postulant, ut tu tam insignem contumeliam
 miffes, ac propemodum etiam ultro veniam postules,
 ne quid scilicet illorum decedat dignitati. Res erat di-
 gna quæ posteris innotesceret. At ego puto generosius
 esse vindictæ genus, si, quemadmodum hæctenus feci-
 sti, *Græca* literaturæ professionem, quam maxime co-
 honestes & integerrimis tuis moribus, & docendi vi-
 gilia. Quod si non impetras hoc ab animo tuo, ut
 litem remittas, id quod ego nolim abs te flagitare,
 quando famæ res agitur, fac ita litiges, quemadmo-
 dum hæctenus est à vobis litigatum. Nam quum pro-
 xime essem *Lovanii*, sic obesus, rubicundulus & a-
 lacer eras, ut mihi lite non macerari, sed saginari vi-
 dearis. Et habes te dignum adversarium *Joannem Ca-
 labrum* Medicum, qui te pallore macieque refert; ex-
 cepta ætate adeo tui non dissimilis, ut periculum sit,
 ne cui videaris litigare cum patre. Quanquam vir ille,
 mea sententia, non peccavit malitia, sed obsequio.
 Bene vale, *Rescio* charissime. *Anderlaco*, Anno 1521.

EPISTOLA DCVIII.

*Lodovico à Prato, Præfetto Gandavensi, Erasmus
 Roterodamus S. D.*

Vir non uno decorum genere clarissime, quum
Antonius Clava frequenter ad me scribat, nec ullo
 in argumento illum destituat mirabilis illa *Suadela*,
 quam illi natura insitam auxit usus & eruditio: tamen
 nullam causam egit unquam vel ardentius, vel copio-
 sius, quam proximis literis: mecum majorem in mo-
 dum expositulans, quod immemor veteris promissi ni-
 hil adhuc scripserim celsitudini tuæ, sic de me meri-
 tæ, quotidieque merenti. Facit ille quidem amice,
 quod exstimulat ad scribendum, tametsi nihil opus e-
 rat stimulo, si per immensos studiorum labores liceret
 hac in parte vel animo meo, vel amicorum votis ac
 meritis respondere, sed amicus erat facturum, si argu-
 mentum etiam epistolæ suppeditasset. Animum istum
 tuum vere generosum, ac majorum tuorum clarissimis
 imaginibus dignissimum, & olim in adolescente *Lova-
 nii* degustaram, & nunc frequenter ex complurium

A prædicatione disco. Porro vix quisquam isthinc ad nos
 venit, quin multa memoriter narret, quanto studio,
 quanta facundia, quantis lateribus passim agas causam
Erasmi. Maximi optimique patroni solent in pessimis
 adhiberi causis, & ingens patronus magno reo conve-
 niebat. Ego vero quum infimæ fortis sim, & causa sit
 adeo bona, ut qui negotium faceffunt, hoc ipso no-
 mine multam mihi gratiam debeant, quo me in jus
 vocant, tamen & adversariorum improbitas, conden-
 satæque phalanges, & horum temporum infelicitas,
 quibus nihil non licet audaciæ, impudentiæ, hypocri-
 si, quæstui, ambitioni, adulationi, faciunt, ut magni
 Proceres humilium clientulorum facillimas causas age-
 re cogantur. Olim, ut habent apologi, membra con-
 spirant adversus ventrem: nunc è diverso ventres ad-
 versus reliquum corpus conjurati bellum gerunt: qui-
 bus si pessime velim, nihil magis optarim, quam hanc
 ipsam, quam habent, mentem. Quo magis isti blaterant
 in bonas literas, hoc magis ac magis ubique efflore-
 scunt. Cum *Luthero* nihil unquam mihi fuit negotii,
 nisi quod est cum quovis homine *Christiano*. Hujus
 causam nemo magis sublevat, quam qui illam omni-
 bus machinis impugnant: ac miris modis dum illum
 atrocissime traducunt, & hostem commendant affecti-
 bus populi, & sibi conciliant odium. Quod ni *Luthe-
 rus* se suis ipsius telis confoderet, in dies atrociora scri-
 bendo, plurimum debebat hostium suorum stoliditati.
 Illud video, si *Scyllam* hanc effugerimus, restare *Cha-
 rrybdim*, quæ semel universam *Christiani* populi liber-
 tatem absorbeat. Evangelicæque doctrinæ scintillam
 omnem exstinguat. Quis enim feret hoc stolidum ho-
 minum genus, quod hæctenus fucis ac malis artibus ty-
 rannidem exercuit in *Christi* gregem, quorum gulæ,
 fastui, libidini, avaritiæ nihil est satis? Sed utinam
 Deus, aut det illis mentem meliorem, aut eos aliquo
 releget, ne diutius obstrepant Evangelio *Christi*. Nos
 infracto animo, quod semper egimus, agimus, bonis
 literis ac veræ pietati pro nostra virili consulentes, sic
 tamen ut odiosis tumultibus nos nequaquam admiscea-
 mus. Prodesse cupimus, & præstat quiescere, ubi nul-
 la spes profectus arridet. Cæterum, ut finiam episto-
 lam, scito me probe scire, quantopere debeam tuo isti
 in me animo, declaraturum officia tanta non prorsus
 penes hominem ingratum & immemorem esse deposti-
 ta, si quando sese dederit opportunitas. *Christus* Opti-
 mus Maximus te nobis, tibi animum istum quam diu-
 tissime servet. Salutem dices amicis omnibus, nomina-
 tim *Antonio Clava*, quo nihil candidius, nihil amicus,
 & *Guilielmo Valo*, plane digno, quem *Guilielmorum*
 meorum adscribam catalogo, cui nuper unum detra-
 xit fatorum invidia Cardinalem *Croium*, in quo brevi
 declaravit fortuna, quid in utramque partem valeat.
 Vidimus repente ad summum dignitatis fastigium eve-
 ctum, ac subito ceu flosculum *Parcarum* pollice suc-
 cisum. Bene vale, vir clarissime. Hæc ex tempore,
 ne *Clava* rursus acrius etiam mecum litiget. *Lovanio*,
 Anno 1521.

EPISTOLA DCIX.

Erasmus Rot. Hermannio Frisio S. D.

ERVEDITISSIME juvenis, ostendi *Moro* in literis
 tuis locum, qui ad illum attinebat: ille simulatque
 gustarat phrasim, totas perlegit, & amare coepit in-
 genium tuum. Amo *Brixii* ingenium non vulgariter,
 phrasim admiror, sed utinam exerceret utrumque in
 argumento plausibiliore. Contemnit, ut scribis, ille
Morum: atqui vereor, ne sero sentiat illum sibi non
 fuisse contemnendum: illud curandum *Brixio*, ita sty-
 lum temperet, ut non solum eruditus, verum etiam
 vir bonus & æquus habeatur. Consulat amicos suos gra-
 ves & eruditos, *Budaum*, *Deloium*, *Ruseum*, &
Ruellium, potius quam juvenilem animi impetum. *Bri-
 xius* interpretatus est dictum, nescio quod, ex meis
 ad *Beraldum* schedis, quasi ipsi priores tribuerim in
 cru-

An. eruditionis laude: nec sum adeo indoctus, nec adeo *Moro* 1521. *ro* amicus, ut non perspiciam, quid inter eos intersit: imo volebam illum Musarum praesidiis certare, non conviciis. Et confido me hoc à *Moro* impetraturum, ut & ille premat, quæ jam adornavit dentatiora, quam ut vel à *Moro*, vel in *Brixium* scribi velim. Etiam atque etiam te rogo, hortare *Brixium*, ut in alio potius argumento suum ingenium exerceat, ita rectius consulat suæ famæ. Bene vale. Saluta *Beraldum* meo nomine diligenter. *Lovanio*, Anno 1521.

EPISTOLA DCX.

Joan. Lodovicus Vives Erasmo Roterodamo,
præceptoris suo, S. D.

PROGRESSO mihi cum Card. Crojo ad fines ditio-
nis nostri Principis, Erasme mi longe doctissime &
optime, libuit proximam ingredi Franciam, & parvis
paucisque itineribus Parrhisios ire: ut & eos inviserem,
qui ex vetere mea familiaritate atque amicitia illic su-
persunt, & novos mihi adsciscerem amicos, quibus cum
presens verbis conjunctioneque vita, & absens suavissime
litteris oblectarer: illud perincommode rebar accidisse,
quod eo tempore adversum pseudodialecticos scripsissem,
eosque nominatim Parrhisienses, unde non dubitabam,
quin multos illius nota homines, quos modo sophistas ap-
pellant, animo parum in me propitio sensurus essem. Ve-
rum re ipsa longe aliud sum expertus, quam ipse mihi
nimis profecto meticulosa & suspicaci cogitatione consinxe-
ram. Venio Parrhisios de via non fessum, sed oblectatum,
& amicis per famulum significo me adesse. Convolvant ad
me frequenter, salutant officiose, gratulantur adventui.
Ducunt & illi ad me alios postmodum ac reliquis diebus
maximi nominis sophistas. Inter colloquendum, ut sit,
mentio statim de illorum studiis, mentio de meis. Ego
dissimulare sedulo & occultare epistolam ad Fortem, &
aderat quidem ipse, quam infansu nimis avibus putabam
prodisse mihi. Ibi Fortis de epistola ad se mea tacere
diutius non potuit. Arrisere omnes, & non solum se il-
lam fassi sunt boni consilere, sed habere quoque mihi
gratiam non parvam, quod id opera in ridiculis dementi-
is confutandis locarim. Ingenia Parrhisiensium longe ali-
ter nunc sapere, quam quum ipse ibi studerem philoso-
phia. Tamen nonnulli fabula se adhuc & confessui ac-
commodant, nec exsueri omnino vel audent, vel sustinent
personam pridem tam favorabilem, & actionem adeo
plausibilem: esse inter Hispanos, qui sui exemplo magnum
ad res meliores momentum afferant: Joan. Poblacionem
totius matheseos esse callentissimam, & polioribus li-
teris feliciter: idem fecisse Franciscum Mellum, idem
Gabrielem Aquilinum: idem se facturum pollicentem esse
Joannem Enzinam juvenem omnium acerrimum, ut in
commentis illis, disputatorem. Mille huic artes, si quis
similibus congregiatur armis, impetendi, mille repen-
di, toridem evadendi, elabendi, eludendi. Dixerunt
multa, vidi ipse plura in Martino Lusitano propinquo
sui Regis, cujus merita mentio totam sibi epistolam po-
stularet, qui gustato illo sophistatum amore, ita sa-
porem illum exhorruit, ut nativa huic & vera humana
eruditionis se totum tradiderit, ne dicam, an immergeret?
hoc credo, quo melius amatorem illum à palato elueret
isto dulcore. Magnos habet in istis disciplinis progressus,
in quibus quod suspicabatur me aliquid valere, mirum
qua me benevolentia, quo animo, quo favore prosecutus
sit. Longum esset enumerare qui homines & quos honores
mihi habuerint, ob eandem de ingenio meo opinionem.
Nec solum principes nobilesque viri, qui vita ac generi
congruas disciplinas suscipiunt, & consecretantur, sordes
relinquunt sordidius, sed etiam præcipui illius Academia
Theologi. Vix enim credas quantum sit illorum cander,
quanto interpretentur melius omnia, quam multi quos
nostri. Ignorans aliquid, dolet hoc eis, sciuntibus non
invident, discentes etiam excitant. Convivatus sum cum
istis, & quidem frequenter, & suaviter. Ad mensam
tertio verba sermo statim de te varium, multum etiam sub-

Alatu mensis. O mi Erasme, dicerem omnia, si patereris An.
se in epistola ad te laudari. Utinam ad alium scriberem. 1521.
Tacendum itaque erit invito, quid illi dicant de Hiero-
nymo sua opera sibiipso restituto, quid de Novo Testa-
mento sua integritati reddito, labore longe Christianæ
pietatis utiliore, quam qua sunt intra mille annos in scho-
lis clamata; quantum admirentur Paraphrases, id est,
Paulum apertum divina illa sua eloquentem sensa; quan-
tum Adagiis, Copia, & aliis prophanis Operibus suis
delectentur, & proficiant: ut Moria sit omnibus in deli-
ciis, neminem offendant, nimirum quod majestas illorum
Theologorum durior & fortior est, quam aliorum. O
me rusticum & incivilem, quod de his taceam, te du-
rum, qui judeas! Sed erit locus, in quo non parebo tibi.
BIllud nunc feres velis nolis, nulla te illos ex parte
spectare, unde non occurras summus, admirabilis, ab-
solutus. Possum tibi plures quam decem ex hominibus
ordinis illius nominare, qui suam tibi omnem operam,
diligentiam, favorem, studium pollicentur, & deferunt:
nihil se tua causa non facturos, suas esse tibi apertas do-
mos, si illuc iveris, paratas facultates, familias, opes,
amicos. Precantur te, atque hortantur ut pergas, ni-
hil indoctorum obgannitibus expavescens, de Christiana
religione bene mereri, & in universum de studiis omni-
bus, se dare operam ne in concertationibus Theologicis
nugentur disputantes. Et ita se res habet. Si quis ar-
gumentum ad Sorbonam afferat de Suisetis contextum
araneis, corrugant protinus frontem & reclamant specta-
tores, atque explosionibus resant, rejiciuntque à schola.
CQuin & in altercationibus philosophicis, si quis anigma-
tistes instructus veniat, pronunciatum multis syncategore-
matis onasto, & quod Ethrusco indigeat conjectore, re-
alias mire ad pullatam scholasticorum turbam gratiosa,
is nunc clamoribus, sibilis, explosionibus, pertamultuose
ex diatriba ejicitur. Non dubito quin his gaudeas, pro
amore in bona studia tuo, qua profecto mihi jucundo fue-
runt spectaculo. Quanquam res illa publica nondum po-
tuit genus illud Sphingum à se avertere. Et hæc qui-
dem, qua dixi omnia, pertinent ad oblectamentum, ad
voluptatem animi mei, quam cepi Parrhisii non exi-
guam. Illud certe non ad eam solam, sed ad fructum
quoque peregrinationis mea vel maximum fecit, quod
Budæum jam olim tuum, nunc meam, imo vero nostrum,
videre mihi & alloqui contigerit. Proh Christe homi-
nem cujusmodi, siue quis ingeniam spectet, siue erudi-
tionem, siue mores, siue, quod postremum in illo homine
est, fortunam: qua quum in eo sit splendidissima, mini-
ma tamen, & obscurissima est, si cum magnitudine ca-
terarum dotium claritateque conferatur. Natus est lo-
co nobili in primis, estque in ordine suo honestissima di-
gnitate, ab ultima stirpe gentis ad eam deducta; tum
etiam opibus instructus, qua natalibus non sint pudenda.
ECeterum hac parte censendus ille non est: nam cetera
illa, ut solaria quadam sidera, stellam hanc fortasse ge-
nerisque obscurant. Gaudeo me ad te scribere, & de Bu-
dæo: nam hujus laudes exserta & clara voce prædicant
libri, quos edidit, & ipse admirari celebrareque non
cessas hominis virtutes, quas malim multo de te audire,
quam ipse narrare. Quam multa legit, & quam mul-
tum multa? Omnia, qua in hunc diem scripsit, abunde
ostendunt, quum nihil illi sit non lectum, nihil tamen il-
lum legisse nisi accuratissime. Memoriam quis non ad-
miretur? Bibliothecas mediusfidius dicat hominibus petam,
non petam. Ita sunt illi omnia in numerato, historia,
fabula, antiquitates, res omnes, verba omnia. Latine
sic scribit, sic loquitur, ut non sit cur magni nominis non
haberetur acate Ciceronis, si tunc vixisset. Græcè ve-
ro, ut proficentur Græci ipsi posse ab illo doceri se lin-
guam suam. Philosophia quum esse illum peritissimum
clamant volumina quinque De Arte, tum vero quantum
teneat, nemo facile crediderit, nisi qui eum propius spe-
ctavit, & ex interiore, quod aiant, vita novit. Quem-
admodum sit in Auctoribus versatus, nolo quisquam sciat
me dicente, sed magistris Annotationibus in Pandectas
Jaris, & libris De Arte. Quod Opus ejus Hermolao
omnes,

An. omnes, Picos, Politianos, Gazas, Vallas, cunctam
 1521. Italiam pudefecit; ita ut non minus prudenter illud,
 quam vere scripserit Tonstallus homo doctissimus, fore,
 ut derisui habitus esset Budæus, si Opus De Asse ante-
 quam ederet, professus fuisset se scripturum. id enim
 pseudus, ôsis inêxavê, μωμωαδ τὰυτὸ ἰσὺν ἔστιν ἢ μωμ-
 ωαδ. Quid ego de moribus loquar? Quid non est in eo
 summum & suspiciendum, facilitas ne, & humanitas,
 tum etiam equitas? an pietas in divos & mortales? Ad-
 tus patebat homini ad amplissimam fortunam apertissi-
 mus, si vel latum unguem sustinisset ab exactissima illa,
 & suis omnibus numeris perfecta virtute discedere. Hanc
 pratulit omnibus fortuna promissis, omnibus blandimentis.
 Nunquam splendore opum perstrictus ab equo sanctoque
 oculos deflexit. Scis tu hac omnia esse vera, & eloquen-
 tia tua non majora illa quam sint, facis, nescio an pos-
 ses, ita jam ad summam pervenere, sed certe ornas, &
 sic rem se habere persuades. Diligis tu atque adeo a-
 mas Budæum. Est tibi unus ille in his Cisalpinis terris,
 quem per paucos Italarum non praferas. Sic de illo sen-
 tis, sic colis, venerarisque ingenium, & studia ejus: il-
 le vicissim te, non quo gratiam referat, sed quod ita sen-
 tit, Principem te literarum hujus aetatis pradicat, in fa-
 stigio locat eruditionis. Ingenium, doctrinam, monu-
 menta tui religiose colit. Fama ac nominis tui studio-
 sissimus est. Pergite vos amare mutuo, vos colere, vos ad-
 mirari. Duo estis corpora, sed in iis unicus est animus.
 Quo spectaculo potest esse gratius aliquod studiosis omni-
 bus aut jucundius? Nam quod tecum epistolis lusst pau-
 lo, ut videbitur forsitan iis, qui vos non norunt, acer-
 bius, & contra id, quod vestram amicitiam decebat,
 multa ut tum ex utroque vestrum, tum etiam ex re ipsa
 intelligo, in causa fuerunt. Primum quod uterque occa-
 sionem queritabat prolixè ad alterum scribendi, nec sem-
 per de laudibus. Nam id perpetuum longumque non po-
 test esse: aut si potest, est tamen suus cuiusque rei mo-
 dus. Quumque eloquentia ipsa sine aliquo velut antago-
 nista jaceat, libuit initio vos levibus quibusdam stimulis
 invicem pungere. Quid enim est Orator, si vel solus di-
 cat, vel non ab alio sollicitetur, atque excitetur? tor-
 peat necesse est, langueatque. C. Erucium scribit Cice-
 ro, negligentissime Roscium Amerinum accusasse, quod
 neminem suspicaretur fore, qui responderet. Itaque pri-
 mum de Operibus vestris injecta mentio, campus dicendi
 non angustus: nam scripsistis plurima, & eruditissima,
 & qua sunt in manibus studiosorum omnium frequentia.
 Dumque alter ab altero cur quicque fecerit rationem po-
 seit, ac uterque consilia scriptorum explicat, leviter
 vel a se avertit, vel in alterum rejecit, quod alter si
 non improbabat, certe ita factum esse mirabatur. Hinc
 prima origo concertationum. Puduit utrumque non ap-
 probari alteri, per omnia. Et dum longius repetitis con-
 silia, & consiliorum causas, prodiit tua ad Fabrum A-
 pologia, qua velitationem paulo magis accendit, dum
 tu Budæo nimis videris, aut certe videri fingeris, ne
 pergas aliis scriptis Fabrum impetere, tibi contra nimis
 quam paucus modicusque existimare. Hinc progressum
 est ad illa, qua quidam jam nimia, jam atrocia, &
 intolerabilia judicant, quum tibi, quod unum Bu-
 dæus satis sibi esse putat, nunquam amicitia claustra vi-
 deantur excessisse. Ac ne mihi quidem rem totam at-
 tentius perpendenti; nam & libere uterque est locutus,
 confusus simplicitati amicitia: & joci illi, qui extraneis
 armati ac dentati existimantur, amicis inermes sunt,
 non vulnerant, non mordent, ac vix etiam pungunt, sed
 titillant solum. Nam & animus, quo dicebantur, nihil
 minus cupiebat, quam ledere: & ipsa dicta, si non mel,
 certe nec fel habebant, sed salem, & lusus, quales ipsa
 quoque dictat amicitia; etiam non ex vulgari nota, sed
 ex precipua illa & germana, cujusmodi inter Cicero-
 nem & Atticum Brutumque fuit, qui sese plerumque non
 absimilibus epistolis lacebant. Certe de Budæi erga te
 animo, tametsi eum tibi exploratissimum perspectissimum-
 que esse sat scio, tamen nihil non ausim tibi polliceri. O-
 stendit ille mihi literas ad se à furiis quibusdam, nam

A sic melius quam homines nominare) scriptas, qui divi-
 dere vestros animos, & ex unico duos facere moliebantur,
 suspiciones afferebant sinistre detortas, & semina
 jactabant discordiarum ex ipsius Alectus sinu petita. Di-
 xi qua mihi pro tempore videbantur, ut Budæi animus,
 si quid forte ex tanto veneno acerbium concepisset, lenire-
 tur, ac placaretur. Sed nihil mea oratione opus erat:
 nam ille quum erga alios omnes tenacissimus est suscepta
 amicitia, nec facile ab amicitia etiam laceffitus injuria
 discedit, tum vero te ita in animo suo amoris ac vene-
 rationis radicibus defixit, ut nulla inde vi revelli queas.
 Spondeo tibi pro illo, ut illi pro te feci, amicitiam ve-
 stram perpetuam fore, qua literis, qua studiis omnibus
 B haud dubie gratissima semper futura est, ac utilissima.
 Nec hujusce rei auderem sponsor esse, nisi vos tali pru-
 dentia praeditos esse scirem, ut rebus ipsis sitis semper ma-
 gis credituri, quam rumusculis, quam obrectatoribus,
 quam amicis consulentibus, idque pravo aliquo inductis
 affectu. Sed hu de rebus satis. Spero vos tam feliciter
 faustaque fundamenta jecisse vestra amicitia, ut vi sua
 stet perpetuo, nec dirui aut labefactari machinis ullis pos-
 sit. Redeo ad peregrinationem meam. Putarunt amici
 grande piaculum fore, si quindecim dies cessarem à pra-
 legendo, ita mecum agere ceperunt, ut & Parrhisii a-
 liquid clamose nugarer. Placuit. Ac ne quid esset se-
 rium, somnium delegimus, in quo si dormitasset, non
 C viderer discedere à decore. Itaque jacens ac subinde
 dormiens somnium illi somniavi Scipionis, à quo exci-
 tatus paravam confestim digressum. Multa me illinc a-
 vocabant, sed retinuerunt aliquandiu amici tam veteres
 quam novi, moleste officiosi, qui mihi tot convivium, tot
 comessationibus crudelitatem jam pepererant: & fuisset res
 longius progressa, ni reddita mihi peropportune fuisset à
 Cardinale epistola, qua subito revocabar. Ea lecta jussi
 illos cum suis jentaculis, prandii, merendū, cœni, cum
 suis pinsulū, & artocreis parvū, magnisque, quam opti-
 me valere: dieque postquam illinc discessi quinto, qui
 diva Trinitati fuit sacer, perveni Brugas effedo vectus,
 postridie hac ad te scripsi. Vale etiam atque etiam, &
 D salve, mi praeceptor. Brugis, Anno 1521.

EPISTOLA DCXI.

Erasmus Roterodamus Joanni Lodovico Vivi S. D.

SUBTRISTEM me ac lassulum, mihiq; non nihil
 displicentem, tua me mirum in modum exhilaravit
 epistola, Lodovice doctissime, quæ felicissimum istud
 tuum iter sic depinxit atque ob oculos posuit, ut mi-
 hi tecum viderer peregrinari. Næ te prospero quo-
 dam sydere natum esse oportuit, cui tam feliciter suc-
 cesserit, quod perfuga velitatus sis in veteres commi-
 litones tuos sophistas, praesertim Luteria, ubi quod
 E hujus disciplinae veluti regnum & arx quædam esse vi-
 debatur, periculum erat ne lapidareris, aut crabro-
 num aculeis confodereris. Profecto gratulor publico
 successui studiorum, sed privatim etiam gratulor Aca-
 demiae Parisiensi, ob pristinam consuetudinem illic an-
 nis aliquot non insuaviter actam. Quid autem post-
 hac non sperandum, posteaquam Sarbona spretis lepto-
 logiis, solidam ac veram Theologiam amplectitur?
 Gaudeo revocari Musas, antehac prorsus exules à pu-
 blicis Gymnasiis. Quas tamen sic recipi velim, ut bar-
 bariem ac frivolas tricas tantum discutiant, non etiam
 obruant disciplinas cognitu necessarias, atque ad has
 perdiscendas conducent etiam, tantum abest ut offi-
 ciant. Neque enim solis bonis literis vacandum, quod
 F quidam apud Italos nimis ethnice faciunt, qui postea-
 quam Jovem, Bacchum, Neptunum, Cynthium, Cyl-
 lenium, versibus aliquot insulserunt, absolute docti si-
 bi videntur. His literis tum demum suus est honos,
 quum aliis disciplinis gravioribus, veluti condimentum
 admiscuntur. Cæterum illud sæpe mecum admiror,
 quum omnes ferme totius orbis Academiae, veluti re-
 sipiscentes, ad sobrietatem quandam componant sese,
 apud solos Levanienfes esse, qui tam pertinaciter oblu-
 eten-

An. 1521. Etentur melioribus literis, praesertim quum nec in hoc sophistico doctrinae genere magnopere praecellant. Narravit mihi ante annos tres *Joannes* Episcopus *Roffensis*, vir unus vere Episcopus, vere Theologus, in Academia *Cantabrigiensis*, cui Cancellarius est perpetuus, (sic enim illi vocant summum ac perpetuum scholae antistitem) pro sophisticis argutationibus, nunc sobrias ac sanas inter Theologos disputationes agitari, unde discedunt non solum doctiores, verum etiam meliores. *Oxonienfis* Academia, Monachorum quorundam opera nonnihil oblectata est initio, sed Cardinalis ac Regis auctoritate coerciti sunt, qui tantum bonum clarissimae ac vetustissimae scholae invidebant. De *Italia* quid attinet commemorare, in qua semper regnarunt haec studia, sed pene sola, si medicinam, & juris peritiam excipias. Academia *Complutensis* non aliunde celebritatem nominis auspicata est, quam a complectendo linguas, ac bonas literas. Cujus praecipuum ornamentum est egregius ille senex, planeque dignus qui multos vincat *Nestoras*, *Antonius Nebrissenfis*. In *Germania* tot fere sunt Academiae, quot oppida. Harum nulla pene est quae non magnis salariis accersat linguarum professores. *Colonia* nescio quo fato, nunquam in precio fuerunt mansuetiora studia, quod illic, ut audio, regnant examina *Dominicalium* ac *Franciscanorum*. Certe semper liberum fuit cui liberet profiteri, vel mercede. *Lovanii* quibus tumultibus obstitere Proceres, ne quis quamlibet honestam disciplinam profiteretur, vel gratis? Quibus modis conspiratum est adversus rem magno & ului & ornamento futuram, non solum Academiae, sed toti regioni? Prodata est nova vetus constitutio. Adhibita est totius Academiae auctoritas, imploratum est praesidium aulae regiae. Acciti sunt ad suppetias magistratus prophani. Postremo ad lictores ventum est. Nullus non est motus lapis, nihil intentatum relictum est. Ipse hujus tumultus non tantum testis, sed & pars aliqua fuisti. Nec aliud agebatur tanto rerum molimine, quam ne quis politionibus literis adjuvaret Academiae studia, praesertim quum & honestissima essent, quae docebantur, & professores tam sanctis essent moribus, & tam caste profiterentur, ut aliquoties in concionibus audiantur minus ad bonos mores facientia. *Lutetia* licuit *Fausto* profiteri, quoslibet Poetas, usque ad naenias *Priapeas*, idque more, ne quid aliud dicam, *Faustino*. *Lovanii* non licuit *Neseno* enarrare geographiam *Pomponii Mela*. *Roma* ipsa, *Mediolanum*, ut de caeteris taceam gymnasiis, ingentibus praemiis ambit & evocat eos qui linguas doceant. Nos trilingue collegium, ex munificentia *Basilidianorum* institutum, non minus utilitatis allaturum omni generi studiorum, quam ornamenti toti huic ditioni *Caesareae*, sic machinis omnibus oppugnavimus, ut majore studio fieri non potuerit. Et tamen haud scio an usquam gentium magis invalescant literae politiones, quam hic; ut plane mihi videre videar illud *Horatianum*, *Duris ut illex*, & caetera; nam carmen agnosco. Porro quod scribis istuc plerisque tam magnifice sentire de lucubrationibus meis, equidem ut agnosco candorem *Gallica* gentis erga me, ita vereor ne hic sane nonnihil de tuo in me studio sis admensus, metuoque ne quando poeniteat me sprete *Gallia*, toties tam magnificis conditionibus ad se provocantis. Sed nescio quibus pedicis hic alligor, atque ab his potissimum retineor, quorum odiis expelli poteram. Non licet arena cedere, nec ullus est pugnarum finis. Nulla me res invitavit, ut *Lovanium* commigrarem, nisi coelum salubrius, & locus amoenior. Et ad rixas inexplicabiles mihi videor venisse. *Budonem*, quem tu meritis magnificis laudibus vehis, soleo nonnunquam & apud *Germanos* meos ad invidiam usque jactare, qui cum negare non possint eum esse summum in omni literarum genere, solent causificari, summum quidem esse, sed unum. Atqui hoc, inquam, nomine *Gallia* vincit nostram *Germaniam*, quae nullum ha-

A bet *Budeo* parem, tametsi permultos habet mediocres; An: nonnullos supra mediocritatem. Velitationis illius, qua 1521. conflictati sumus, jampridem oblitus sum, tantum abest ut commovear. Et erga *Fabrum* eo sum animo, ut ingrata mihi narret, qui secus de illo praedicat, quam dignum est integerrimo doctissimoque viro. Cardinalem *Croium* quum aliis multis de causis mihi charissimum, hoc etiam nomine amo, quod & te nobis restituerit, & a crudelitatis periculo subduxerit. Bene vale, *Lodovice* doctissime, & cura ut te quam primum hic hilarem ac lubentem videamus. *Lovanio*, Anno 1521.

EPISTOLA DCXII.

B *Erasmus Rot. Petro Wichmano, Canonico Anderlacenfi, hospiti suo, S. D.*

QVI deplorare solebas fidem misere labefactatam per *Lutheranos*, eidem gratulari debes feliciter revalecenti. In natali divi *Augustini* quidam hic concionatus est, vir *ιστορηστικῆ* cultu spectabilis. Is inter multa, quae divinitus dixit, mire restituit dignitatem quatuor Ordinum, quos vulgo *Mendicantium* appellant, simulque confessionem, quorum utrumque nonnihil videbatur opera *Lutheranorum* coepisse labascere. Dignitatem Ordinum sic restituit: *Augustinus*, inquit, *fuit fons ille in paradiso, unde prodierunt quatuor amnes, hoc est, quatuor Ordines Mendicantium, sua doctrina, sanctisque moribus irrigantes & facundantes universam superficiem terra, hoc est, universam ecclesiam*. Si *Christum* dixisset fontem, quatuor fluvios quatuor Evangelia, non omnino fuisset absurda allegoria. Nunc quid *Augustino* cum illis Ordinibus? Porro quod addebat de irrigando foecundandoque, complures boni viri optabant esse verum, risere permulti. Confessionem ita restituit: *Augustinus*, inquit, scripsit multos libros *De confessione*, in quibus confitetur quaedam pene frivola, veluti quemadmodum aliquando contemplatus sit, non sine voluptate, araneam venari muscam. Hoc, inquit, arguit nihil esse tam minutum, quin oporteat confiteri. Primum, *Augustinus* illic utitur *Confessionis* vocabulo, ut est anceps, & ad gratiarum actionem, & ad confessionem culpae. Atque in eo Opere, plus laudis sibi tribuit, quam agnoscit culpae. Neque confitetur sacerdoti, sed Deo. Et tamen ille concionator haec dicens, vulgata voce est usus, quae populo nihil aliud declarat quam eam confessionem, quam sacramentalem vocant Theologi. Hujusmodi cum multa dicant publicitus apud frequentem multitudinem, mirantur se non haberi pro diis. Tertium fortassis ad me pertinebat, qui in declamatione plus aequo tribuere videor matrimonio. Quidam, inquit, damnant coelibatum. Imo nisi nos coelibes fuissetis, jam *Christiana* fides esset extincta. Olim nemo fere dicebat pro concione, nisi dispositis notariis, qui sermonem exciperent. Quod si fieret hodie, Deus bone, quae fabulae nascerentur! Qui talia dicunt in celeberrima civitate *Brugensi*, quae tot habet eruditos, tot & sine literis felicia sanique judicii ingenia, quid censes eos dicere in pagis, quid in conviviis? O columnas orthodoxae fidei! Hoc te nescire nolui, ne dicas tibi nihil communicatum eorum quae hic geruntur, sed plura coram. Bene vale. *Brugis*, Anno 1521.

EPISTOLA DCXIII.

IN HILARIVM.

F *Erasmus Roterod. Joanni Carondileto, Archiepiscopo Panormitano, S. D.*

NISI prius inane nomen fatorum est, Praesulum An: ornatissime, equidem arbitror hoc mihi prorsus in 1522. fati esse, ut identidem in hoc genus labyrinthos revolvam, unde molestiae tædique sit plurimum, gloriae quam minimum. Etenim quantopere sudandum sit ei, qui vetustos Auctores temporum ac librarium culpa, sed multo maxime sciolorum, & audaculorum temeritate,

An: tate, non uno modo depravatos emendare conatur, ut
 3522 nemo sentit, ita nemo credit, nisi qui periculum ipse
 fecerit. Verum, illud mihi magni cuiusdam, & excel-
 si animi videtur, publicitus bene mereri de omnibus,
 vel citra spem reddituræ ad benemerentem gratiæ: por-
 ro, excelsioris etiam animi est, planeque *Regium*, ut
 ait ille, *male audire quum benefeceris*. Quod mihi jam
 toties usu venisse ferrem iniquiore animo, nisi perspi-
 eerem idem, cum omnibus qui sua industria conati
 sunt insignem utilitatem adferre rebus mortalium, tum
 ipsi divo *Hieronymo*, quo viro nihil habet orbis *Latini*
vel doctius vel sanctius, accidisse. Plurimum su-
 doris compereram in emendando *Hieronymo*, sed plus
 in *Hilario*: cujus talis est sermonis character, ut etiam-
 si res per se dilucidæ tractaret, tamen esset & intel-
 lectu difficilis, & depravatu facilis. Nunc quid cen-
 ses fuisse negotii, quum res non modo difficillimas,
 verum etiam inexplicabiles, illa sua phrasi differit, ve-
 rius quam explicat? Et tamen vix in alium Auctorem
 plus sibi permisit eruditulorum temeritas: idque potis-
 simum in libris *De Trinitate* & *Synodu*: in quibus quo-
 niam tractantur periculose de rebus divinis difficulta-
 tes, oportebat summam adhibere religionem, nec api-
 cem ullum immutare. Siquidem ex collatis variis exem-
 plaribus, deprehendimus alicubi librorum initiis addi-
 tas præfatiunculas, rursus in fine coronides, in medio
 pannos assutos, alicubi, quod *Hilarius* suo more fue-
 rat prolocutus, sciolum aliquem absolutius & eviden-
 tius conatum explicare. Nonnullis paginis viginti aut
 triginta versus erant assuti. Jam vero quoties incide-
 bant loca, quæ videbantur ab opinionibus inter ortho-
 doxos receptis diffidere, plus quam viginti locis phar-
 macum admiscuerant, maxime quoties disputat de do-
 loribus, aut cruciatibus, quibus affectum fuit corpus
 & anima Domini nostri *Jesu Christi*. Id facit, cum
 aliis aliquot locis, tum præcipue libro *De Trinitate* de-
 cimo, sed ita perplexe, ut aliquoties plane videatur
Christo tribuere corpus & animam nullis obnoxiam
 molestis affectionibus. Ad id docendum, quum adhi-
 beret collationem, de telo aquam aut ignem ictu vio-
 lento penetrante sine vulneris sensu, propterea quod
 corpus, in quod sit impetus, non sit capax vulneris,
 etiam si teli nativa vis est vulnus infligere, de suo pa-
 renthesin admiscuit quispiam, si tamen id apte compa-
 ratur. Rursum quum paulo post subjeceret: *Habue-
 ris sane illud Domini corpus doloris nostri naturam, si
 corpus nostrum id natura habet, ut calcet undas, & su-
 per fluctus eas, &c.* Nimirum ex hac dissimilitudine
 colligens *Jesu* corpus etiam in sensu doloris nostris cor-
 poribus fuisse dissimile, sic ab illis correctæ fuerat scri-
 ptura: *Habueris sane illud Domini corpus (ex peccato)
 doloris nostri naturam, si corpus nostrum id natura ha-
 bet, ut calcet undas (suapte natura, sine mirabili
 adiutorio Dei) & super fluctus eas, &c.* Ac paulo
 inferius, quum divus *Hilarius* scripsisset: *Et homo ille
 de Deo est, habens ad patiendum quidem corpus, &
 passus est, sed naturam non habens ad dolendum*: Sic
 erat correctus, hoc est, depravatus locus: *Et passus
 est, sed (imbecillum ut nostra ex peccato) naturam
 non habens ad dolendum*. Aliquanto post, ubi scripse-
 rat *Hilarius*: *Fatitur ergo humana existimationis opi-
 nio, putans hinc dolere quod patitur*, sic quod scriptum
 erat emendabant: *Putans hinc (tanquam in carne pec-
 cati) dolere, quod patitur*. Similiter in calce secundi
 libri quum hunc in modum esset scriptum: *Hic ergo
 Spiritus Sanctus expetendus est, promerendus est, ea
 deinceps præceptorum fide atque observatione retinendus*,
 intertexuerant, *promerendus est, adorandus est, veriti-
 mimum*; ne quis suspicaretur illum sensisse Spiritum
 Sanctum non esse adorandum, quum multis modis do-
 ceat Patrem & Filium adorandum, de Spiritu nihil
 tale pronunciet, videlicet quia non incidit, aut quia
 nondum hoc id temporis erat exacte definitum. Mi-
 rum autem, cur iidem non corruerint & hujus Ope-
 ris finem, ubi constanter sic scriptum est: *Patrem seu*

A *licet te nostrum, Filium tuum una tecum adorem, & An.
 Spiritum Sanctum tuum, qui ex te per unigenitum Fi- 1522
 lium est, promerear*. Nam hic quoque, quum pro-
 nunciet Patrem & Filium adorandum, Spiritum San-
 ctum nihil aliud quam promerendum dicit. Hoc genus
 appendices, plus quam triginta locis comperimus addi-
 tas in *Hilario*, tametsi nos exempli causa unum atque
 alterum locum duntaxat in medium attulimus, ne mo-
 lesti simus lectori. Rursus admiror non & illud esse
 correctum, quod scribit Spiritum Sanctum ex Patre
 esse per Filium, ac non potius ab utroque proficisci;
 imo in uno quodam exemplari id correctum compe-
 ri, per eum mutato in cum eo. Quænam est ista te-
 meritas in libris alienis, præsertim Veterum, quorum
 B memoria nobis, ut esse debet, sacrosancta est, quum
 ipsi absint à periculo, quemvis, utcumque visum fue-
 rit, radere, expungere, addere, demere, mutare,
 supponere? An hoc agitur, ne quis putet in Veterum
 libris esse quicquam erroris? Atqui laterem, ut ajunt,
 laverit, quisquis isthuc conetur. Hanc felicitatem
 Deus solis divinis Voluminibus peculiarem esse voluit.
 Alioqui nemo, quantumvis eruditus & oculatus, non
 labitur, non cæcutit alicubi, videlicet ut omnes se
 meminerint homines esse, & à nobis cum delectu,
 cum judicio, simulque cum venia legantur, ut homi-
 nes. Quod si quid in his occurrerit, quod speciem ha-
 bet erroris, quum aliud senserit qui scripsit, non erat
 C contaminanda scriptura, sed scholiis adjectis scrupu-
 lus amovendus, quod plerisque in locis conatur *Petrus
 Lombardus*, adducens simul & exponens aliquot locos
 de dolore ac metu *Christi*, libro *Sententiarum* tertio,
 distinctione decima quinta. Non fert Epigrammati-
 cus ille Poeta cum, qui velit ingeniosus videri in li-
 bro alieno. Quis autem ferat istos, qui tantum sibi
 sumunt, ut ubiubi lubitum fuerit, pro germana scri-
 ptura suos assuant pannos? Civilitatis est, commode
 quod scriptum est interpretari. Cæterum mutare suo
 quæque arbitratu, quod scriptum est in Veterum li-
 bris, temeritas est, ne dicam impietas. Et tamen hoc
 factum deprehendimus & in *Ambrosianis* libris, non
 D uno in loco. Si mutata scriptura consulendum est Scri-
 ptoris periculo, hoc in recentiorum libris potius fieri
 conveniebat, quos antiquitas nondum statuit extra ju-
 diciorum aleam, nec mors adhuc ab invidia vindicat.
 Nunc erga Veteres pene superstitione candidi, in ho-
 rum libris, qui nostra scribunt ætate, quædam etiam
 recte scripta depravamus, omnia incommode interpre-
 tamur, quasi talis interpres non reperturus sit & in
 E *Paulinis* Epistolis, quod ut erroneum, ut de hæresi
 suspectum, ut scandalodes, ut irreverentiale possit ca-
 lumniari. Sed his interim omissis, præstat ut de sin-
 gulis *Hilarii* Operibus judicium nostrum paucis ape-
 riamus. Duodecim libros *De Trinitate* scripsit exsul in
 Phrygia, quo relegatus erat factione *Saturmini* cujus-
 dam Episcopi *Arelatensis* Imperatore circumvento. Si-
 quidem *Ariana* factio tam late radices egerat, sic in-
 valuerat, ut mundus aliquandiu nutaret anceps, utram
 in partem sese inclinaret, præsertim quum per *Constan-
 tium Augustum*, exiliis, direptionibus, minis ac ter-
 roribus compellerentur accedere partibus *Arianorum*.
 Qua de re velut indigna queritur apud Cæsarem *Hila-
 rium*, homines novo exemplo cogi ad fidem, magis
 quam persuaderi: largiens interim illud, quod *Aria-
 norum* fides esset sincera. Quin & ipse locis aliquot
 testatur se diu filuisse, vel quod in tanto mundi dissidio
 nonnihil ambigeret etiam illius animus, vel quia quum
 F spes non esset meliorem partem posse vincere, satius
 esse duceret, silentio consulere quieti, quam intempe-
 stiva audacia publicum orbis malum non tollere, sed
 exacerbare. Videtur autem tota vi admissus, ut in hoc
 Opere declararet atque exsereret, quicquid ingenio,
 quicquid eloquentia, quicquid sacrarum cognitione Li-
 terarum posset. Videmus enim hoc ferme, ut egregiis
 pictoribus ac statuariis, ita claris Scriptoribus studio es-
 se, ut in uno quopiam Opere exactum aliquod & ab-
 solu-

An. solutum artis suae specimen relinquant, unde posteritas
 1522. aestimare valeat quid praestare potuissent, si summis vi-
 ribus adniti voluissent. Id affectasse videtur *Virgilius*
 in opere *Georgicon*, *Ovidius* in sua *Medea*, *M. Tullius*
 in libris *De Oratore*, *Augustinus* in *Civitate Dei*, *Hie-*
ronymus in *Commentariis* quibus explicat Prophetas, *Tho-*
mas Aquinas in materia *Eucharistia*, *Bernardus* in *Can-*
sico. Magis autem ad hunc conatum extimulamur, si
 contingat argumentum, non solum amplum, ac ma-
 gnificum, verum etiam novum, ac non perinde pro-
 tritum. Siquidem operis amplitudo, praeterquam quod
 capax est magnificae tractationis, etiam dignitatem ex
 se praebet, & novitas addit gratiam. Veteres autem
 parcissime de rebus divinis philosophabantur, neque
 quicquam audebant de his pronunciare, quod non es-
 set aperte proditum his literis, quarum auctoritas no-
 bis est sacrosancta. Sed huc primum perpulit *Joannem*
Euangelistam Cerinthianorum & *Ebionitarum* impia te-
 meritas, ut arcana quaedam de *Christi* divina natura li-
 teris mandaret: post *Arianorum* curiosa subtilitas ad
 majorem necessitatem adegit orthodoxos, videlicet ut
 De protensione naturae divinae, De super-creatione
 Filii, De adoptione in nomen Dei, tum autem, *ἐν*
τῷ ὁμοίῳ, καὶ τῷ ὁμοίῳ, magnis contentionebus differe-
 rent, ac denique definirent. Subinde necessitatem hanc
 deplorat sanctissimus vir *Hilarius*, haudquaquam igna-
 rus quam periculi plenum sit, quam parum religio-
 sum, de rebus ineffabilibus eloqui, incomprehensibi-
 lia scrutari, de longe semotis à captu nostro pronun-
 ciare. Sed in hoc pelagus longius etiam proventus est
 divus *Augustinus*, videlicet felix hominis ingenium,
 quaerendi voluptate, velut aura secundiore, aliunde a-
 lio proliciente. Moderatior est & *Petrus Lombardus*,
 qui sententias alienas recitans, non temere de suo ad-
 dit: aut si quid addit, timide proponit. Res tandem
 usque ad impiam audaciam progressa est. Sed Veteri-
 bus sit venia, quam precantur, quos huc adegit ne-
 cessitas. Nobis qua fronte veniam poscemus, qui de
 rebus longe semotissimis à nostra natura, tot curiosas,
 ne dicam impias, movemus quaestiones; tam multa de-
 finimus, quae, citra salutis dispendium, vel ignorari
 poterant, vel in ambiguo relinqui? An non habiturus
 est consortium cum Patre, & Filio, & Spiritu San-
 cto, qui nesciat ad Philosophiae rationem expedire,
 quid discernat Patrem à Filio, quid ab utroque Spiritu
 Sanctum, quid intersit inter Filii nativitatem à
 Patre, & Spiritus profectionem? Si credo quod tra-
 ditum est, esse tres unius naturae, quid opus est ope-
 rosa disputatione? Si non credo, nullis humanis ratio-
 nibus persuadebitur. Atque hujusmodi periculosa cu-
 riositas, fere nobis à Philosophiae studio nata est: id
 quod non uno in loco testatur ille inter *Latinos* Theo-
 logos multo omnium doctissimus *Tertullianus*, quan-
 quam & ipse Philosophiae cumprimis callens. *Socrates*
Atheniensis, cujus est illud celebratum Apophthegma,
Quae supra nos, nihil ad nos, Philosophiam à contem-
 platione rerum naturalium, in mediam hominum vi-
 tam deduxit, frequenter usurpans illud *Homericum*,

Ὅτι τοι ἐν μεγάροις καὶ τὸ ἀγαθόν τε τίτληται.

Et tamen de naturis syderum, de motu coelestium or-
 bium, de fulminibus, de ventis, de iride, deque si-
 milibus rebus, quoniam ad id initia cognitionis suppe-
 ditant, vel sensus ipsi corporum, vel effectuum expe-
 rientia, multa certo deprehenduntur, & in primis ju-
 cunda cognitio est, & in admirationem simul & amo-
 rem opificis subvehit; attamen quoniam vir sapiens
 animadvertit in hujusmodi studio totam aetatem homi-
 nes desiderare, neglectis interim his quae propius ad nos
 pertinent, à contemplatione rerum naturalium omne
 studium ad mores devocavit. At ea, quae nos scruta-
 mur, quae definimus, interdum nec sacris Literis pro-
 dita sunt, ut si comprehendere non possint, certe credi
 debeant: nec ullis rationibus idoneis probari, nec co-
 gitatione concipi, nec similibus adhibitis adumbrari,
 ut sunt, possunt. In quibus vestigandis, quum à feli-

A cissimis ingeniis summa vi diu desudatum fuerit, hic An.
 demum est extremus profectus, ut intelligant se nihil 1522.
 scire: & adeo ad vitae pietatem nihil faciunt, ut nus-
 quam magis habeat locum illud *Pauli*, *Scientia inflat*,
Charitas adificat. Quod supercilium, quas contentio-
 nes, quos tumultus, quae mundi dissidia videmus ex
 hujus generis inscita scientia scatere? Quumque tam
 fugax sit vita nostra, interim ea negligimus, sine qui-
 bus nulla spes est cuiquam assequendae salutis. Nisi
 condonaro fratri quod in me peccavit, mihi non con-
 donabit Deus quod in ipsum admisi. Nisi mundum cor
 habuero, non videbo Deum. Hoc igitur totis studiis
 B agendum erat, hoc meditandum, hoc urgendum, ut
 livore, ut invidia, ut odio, ut superbia, ut avaritia,
 ut libidine purgem animum. Non damnaberis si ne-
 scias, utrum Spiritus à Patre & Filio proficiscens, uni-
 cum sit Principium, an duo: sed non effugies exi-
 tium, nisi curaris interim habere fructus Spiritus, qui
 sunt charitas, gaudium, pax, patientia, benignitas,
 bonitas, longanimitas, mansuetudo, fides, modestia,
 continentia, castitas. Ad haec igitur vertenda est, huc
 intendenda praecipua studii nostri cura. Non quod in
 totum damnandam existimem, vel Philosophiae in tres
 partes dissectae, vel rerum ultra-mundanarum vestiga-
 tionem, modo adsit ingenium felix, & absit definien-
 di temeritas, absit pervicacia, & concordiae pestis,
 vincendi pertinax libido. Summa nostrae religionis pax
 C est & unanimitas. Ea vix constare poterit, nisi de
 quam potest paucissimis definiamus, & in multis libe-
 rum relinquamus suum cuique judicium; propterea,
 quod ingens sit rerum plurimarum obscuritas: & hoc
 morbi fere innatum sit hominum ingeniis, ut cedere
 nesciant, simulatque res in contentionem vocata est,
 quae postquam incaluit, hoc cuique videtur verissi-
 mum, quod temere tuendum suscepit. Atque hac
 in re adeo modum nesciere quidam, ut posteaquam
 nihil non definierant de rebus divinis, novam etiam
 in his, qui nihil aliud sunt quam homines, *ἑρηναι*
 D commenti sint: quae quidem plus quaestionum, & a-
 trociores tumultus excitavit orbi, quam olim *Ariano-*
rum temeritas. Sed pudet *Rabinos* quosdam alicubi
 non habere quod respondeant. Imo hoc demum est
 eruditionis Theologicae, nihil ultra quam sacris Literis
 proditum est, definire: verum, id quod proditum est,
 bona fide dispensare. Multa problemata nunc rejiciun-
 tur ad Synodum *oikoumenikē*, multo magis conveniebat
 quaestiones ejusmodi in illud rejicere tempus, cum,
 sublato speculo & aenigmate, videbimus Deum de fa-
 cie. Sed haec aliubi forte tempestivius dicentur, nunc
 ad id, quod erat institutum, revertor. Erat quidem hoc
 argumentum splendidum inprimis, ac tali tuba di-
 gnum: erat novum, quod, nisi fallor, *Hilarius*, *Latino-*
 E *rum* primus, eloquentiae suae gladium strinxit in *A-*
rianos. Ea quoque res illi plurimum famae conciliavit,
 praecipue quod res esset cum hoste nobili. Nam non
 dubito, quin apud *Gracos*, praeter *Athanasium*, plures
 idem fecerint. Sed hoc erat illius aetatis, praeter sacras
 Literas neminem nominatim citare, praesertim si quid
 hausissent à *Gracorum* fontibus. Id enim veluti suo ju-
 re sibi vindicabant. Alioqui mihi candidi pectoris vi-
 detur, non dissimulare per quos profeceris. Sic autem
 moderatur orationem in toto hoc Opere, quasi suapte
 industria singula eruerit à sacris Voluminibus. Quan-
 quam autem optassem tali ingenio, tali facundiae,
 tali pectori, feliciorem magisque frugiferam mate-
 F riam: tamen hinc quoque non mediocris erit fructus
 Lectori, quod pleraque loca, quae multum habebant
 obscuritatis, apud *Joannem* & *Paulum* explicet, mea
 sententia, non minus feliciter, quam accurate. Por-
 ro, quod *Hieronymus* in epistola quadam ad *Paulinum*,
 de doctis censuram agens, *Hilarium* scribit *Gallica-*
 no attolli cothurno, cum alioqui *Gracorum* floscu-
 lis ornatus incedat; frustra legi ab imperitioribus,
 quod interdum longis periodis involvatur: quanquam
 ubique suum quoddam dicendi genus habet *Hilarius*,
 Tom. III. X x 2 ta-

An. tamen in hoc Opere præcipue verum est. Rem enim, ut est probabile, mutuatus à *Græco*, addidit *Gallicam* grandiloquentiam, quum *Græci* peculiaris sit erudita simplicitas, & oratio venusta dilucidaque magis ardeat, quam grandis & operosa. Neque raro desidet in locis communibus: quod genus sunt, periculosissimum de rebus divinis verba facere. Deploratum esse, cui pudor est in consilio, ut intellectum etiam errorem pertinaciter tueatur, Scripturam divinam non esse detorquendam ad nostros affectus, sed nostram sententiam ad Scripturæ regulam emendandam. Frequenter autem affurgit ad floridam quandam ac theatricam sublimitatem, præsertim quum incidunt loca, quæ facile splendent tractata: veluti, De fabrica universi, De natura corporum coelestium, De concordia discordia elementorum, De scatebris fontium, De cursu annuum, De vicibus accessus ac recessus maris, De variis terræ foetibus: neque raro usque ad tragica schemata attollitur, prosopopeias & apostrophas, quibus vel hæreticos, vel Deum ipsum alloquitur. Et haud scio, an hæc grandiloquentia *Gallorum* ingeniis sit peculiaris. Habet hujusmodi quiddam & *Sulpitius Severus*: habet & *Encherim* etiam hoc elaboratior, sed cura feliciore, si quid tamen ego judico. Nec degenerat ab hac phrasi *Gwilhelmus Budæus*, vir inter hujus ævi scriptores celeberrimus: adeo sublimis, ut tubam sonare credas, non hominem: adeo feliciter elaboratus, ut eruditum lectorem nunquam fatiet, trivialiter literatos procul submoveat. Porro sermonis obscuritas, tamen si partim inde est, quod frequenter orationem diversis è membris contextam, vix tandem longo circuitu absolvit: tamen illud etiam officit orationis perspicuitati, quod in argumento, per se subtilitatibus involuto, laudem etiam affectavit argutiæ, nonnunquam & copię: quod idem in *Asse* fecit *Budæus*. Cæterum hoc incommodi fit levius, si assueveris. Quemadmodum enim quosdam loquentes ægre intelligas, nisi sæpius audieris: & quemadmodum musicæ genus ob hoc ipsum minus delectat, quia novum est, & insolens; ita quoniam suus cuique stylus est, fit assuetudine familiarior, ac proinde jucundior. Siquidem & *Titus Livius*, quo non alius jucundior, ad primum gustum subauferitur est. Id autem potissimum evenit in his Auditoribus, in quibus præter id quod quisque suum quendam habet gustum peculiarem, accedit cura, & subtilitatis affectatio. Quales mihi præcipue videntur inter Oratores *Quintilianus*, inter Poetas *Horatius*. Apparet hoc sensisse divum *Hieronymum*, qui in epistola ad *Romanum* Oratorem, scribit hunc in modum: *Hilarium, meorum Confessor temporum & Episcopus, duodecim Quintilianii libros & stylo imitatus est, & numero*. Difficillimum est autem eum, qui vel artis præcepta tradit, vel de rebus natura subtilibus argumentatur, curam expoliendi sermonis cum perspicuitate conjungere. *Quintilianus* præter has difficultates, etiam brevitate affectavit. Mihi vero, Veterum dictionem variam consideranti, videtur vix ullos provinciales feliciter reddidisse *Romani* sermonis simplicitatem, præter aliquot, qui *Roma* à pueris sunt educati. Nam & *Textulliano*, & *Apulejo*, suus quidam est character, & in decretis *Afrorum*, quæ multa refert *Augustinus* contra *Petilianum* & *Cresconium*, deprehendas anxiam affectationem eloquentiæ, sed sic, ut *Afræ* agnoscas. Subobscurus ac submolestus est nonnunquam & *Augustinus*, nec omnino nihil *Africanum* habet *Cyprianus*, cæteris licet candidior. Nec mirum si *Gallus* refert *Gallicum* quiddam, si *Pænnus Punicum*, quum in *Livio* nonnullos offendat *Patavinitas*. Fere fit autem, ut major sit affectatio in his qui linguæ cuiuspiam muncipes sunt, quam qui cives: qui advenæ, quam qui indigenæ. Nimirum hinc est, quod anus illa *Theophrastum* hospitem appellasse legitur, ut nimium *Attice* loquentem. Quanquam mihi quidem videtur divo *Hieronymo* per ἀκρολογία dictus imitatus, qui reddidit, aut expressit. Reddit enim aut exprimit paren-

tem nata proles, potius quam imitatur. Sed natura verius in foetu, nunc patrem, nunc matrem, nunc avum aut aviam, nunc materteram aut patrum imitatur. Ad hæc, in imitando conatus est, in reddendo effectus. Nec semper reddimus quod imitamur, & nonnunquam imprudentes reddimus aliquid. Alioqui ut forte non ineptum sit æmulari stylum *Quintilianii*, ita superstitiosæ cuiusdam diligentię merito videatur, præsertim in argumento dissimili, librorum etiam numerum parem affectasse. Cæterum ut in copia dissimilis est *Hilarius Quintiliano*, (nam rem eandem subinde aliis atque aliis verbis repetit & inculcat) ita in ordinis imitanda cura pene anxius est, nec parum temporis consumens in pollicendo quid dicturus sit, & in repetendo quid dixerit, (qua quidem in re similior est *Aristoteli*, quam *Quintiliano*) multum in reperiendis transitionibus, quibus inter se partes concinne contextat: multum in excusando, si quando per occasionem incidens attactum est, quod juxta promissum ordinem alio loco tractari debuerat. Duobus nominibus refert *Plinium*, qui scripsit Historiam mundi: primum, Præfatione tam elaborata: deinde, quod primum librum totius Operis elenchum esse voluit, qui illi, ut apparet, postremo loco scriptus est. Atque hætenus quidem de Opere, cui titulus est, *De Trinitate*: cui succedit liber *De Synodis*, idem argumentum aliter tractans. Refert enim in quibus Episcoporum conventibus damnata sit hæresis *Arianorum*. Hunc scripsit ad *Galliarum* Episcopos, gratulans illis quod in tantis mundi tumultibus ab *Ariana* factione temperassent. Hunc, ut ipse testatur, vertit è *Græco*, sed hac libertate, ut ubique neglectis verbis sententiam modo reddat, & ubi locus invitat, aliquid de suo admisceat; quam libertatem sibi permittit, & in *Psalms* scribens, quemadmodum mox suo dicemus loco. Porro, quum hic recitet sententias synodicas, tamen defensionis periculum deprecatur: non perinde, opinor, quod illis, quibus hæc scribebat, diffideret, aut quod quædam non satis approbaret, sed religione quadam asseverandi, quam nos paulatim sic dedidimus, ut nihil pudeat. Sic enim fere res mortalium à parvis initiis ad majora proficiunt, donec in vitium usque luxurient. Divus *Hilarius* in calce libri duodecimi, nihil audet de Spiritu Sancto pronunciare, nisi quod Spiritus Dei est; nec hoc ausurus, nisi legisset apud *Paulum*: non audet creaturam dicere, quia nusquam legerit in sacris Literis. Hæc professio non satis esset hoc seculo, quia plura nos docuit Veterum necessaria diligentia, sed citra necessitatem nos longius evehimur. Olim fides erat in vita magis quam in articulorum professione. Mox necessitas admonuit, ut articuli præscriberentur, sed pauci, & Apostolicæ sobrietatis. Deinde hæreticorum improbitas adegit ad exactiorem divinorum Voluminum excussionem, pervicacia compulit, ut quædam ex auctoritate Synodorum definirentur. Tandem fidei Symbolum in scriptis potius quam in animis esse coepit, ac pene tot erant fides, quot homines. Creverunt articuli, sed decrevit sinceritas: efferebuit contentio, refrixit charitas. Doctrina Christi, quæ prius nesciebat λογισμαζίαν, coepit à Philosophiæ præditiis pendere: hic erat primus gradus Ecclesiæ ad deteriora prolabantis. Accreverunt opes, & accessit vis. Porro admixta huic negotio Cæsarum auctoritas, non multum promovit fidei sinceritatem. Tandem res deducta est ad sophisticas contentiones, articulorum myriades proruperunt. Hinc eventum est ad terrores ac minas. Quumque vita nos destituat, quum fides sit in ore magis quam in animo, quum solida illa sacrarum Literarum cognitio nos deficiat; tamen terroribus huc adigimus homines, ut credant quod non credunt, ut ament quod non amant, & intelligant quod non intelligunt. Non potest esse sincerum quod coactum est, nec Christo gratum est nisi quod voluntarium. Meminit hujus Operis divus *Hieronymus*, in epistola ad *Florentium*, hisce verbis: *Et prolixum valde librum*

De

An. De Synodis sancti Hilarii, quem ei apud Treviros manu
1522. mea ipse descripseram, ut mihi transferas peto. Jungitur huic liber, quem scripsit adversus Constantium Augustum, Arianae factioni faventem: sed hic est, ni fallor, quem scripsit in eum jam vita defunctum. Fortiter enim conviciatur, cum ceteri ad eundem duo, quorum alterum scripsit vivo, alterum etiam porrexisse creditur, blandius loquantur. Meminit hujus rei divus Hieronymus in Catalogo: Est ejus, inquit, & ad Constantium libellus, quem viventi Constantinopoli porrexerat. Est alius in Constantium, quem post mortem ejus scripsit. Haec tenus Hieronymus. Quod autem durius scripsit in mortuum, pietati datum est: quod blandius egit cum vivo, Christiana prudentiae fuit: quae mavult moderari malo, si liceat, quam exacerbare. Sed horum librorum mihi nullus videtur haberi perfectus. Quum enim exactum quiddam & operosum polliceantur, non praestant id quod pollicentur, sed veluti subito obticescunt. Ob affinitatem materiae jungitur his epistola, quam scripsit adversus Auxentium, quem Mediolani de Ariana haereseos consortio reum peregit: Auxentii epistola subnectitur, qua se purgat, Valentiniano & Valenti Augustis. In his evolvendis, illud obiter subiit animum meum, fortasse non defuturos, qui mirentur, quod quum tot libris, tanto studio, tantoque molimine, tot argumentis, tot sententiis, tot anathematis agatur, ut credamus Filium esse verum Deum ejusdem essentiae; sive, ut aliquoties loquitur Hilarius, ejusdem generis, aut naturae cum Patre, quod Græci vocant οὐσίον, potentia, sapientia, bonitate, aeternitate, immortalitate, cæterisque rebus omnibus parem: de Spiritu Sancto interim vix ulla fiat mentio; cum tota controversia de cognomine veri Dei, de cognomine hominii, de æqualitate, non minus pertineat ad Spiritum, quam ad Filium. Imo nusquam scribit adorandum Spiritum Sanctum, nusquam tribuit Dei vocabulum, nisi quod uno aut altero loco in Synodis refert improbatos eos, qui Patrem, Filium, & Spiritum Sanctum auderent dicere tres Deos: sive quia putarit tum magis patrocinandum Filio, cujus humana natura faciebat, ut difficilius persuaderetur Deum esse, qui idem esset homo: & hunc Ariani divinitate spoliare tentabant, quum de Spiritu Sancto nondum esset agitata quaestio: sive hæc Veterum religio fuit, ut licet Deum pie venerarentur, nihil tamen de eo pronunciare auderent, quod non esset aperte traditum in sacris Voluminibus. In quibus ut aliquoties Filio tribuitur Dei cognomen, ita Spiritui Sancto nusquam aperte; etiam si post orthodoxorum pia curiositas idoneis argumentis comperit e sacris Literis, in Spiritum Sanctum competere quicquid Filio tribuebatur, excepta Personarum proprietate: sed ob impervestigabilem rerum divinarum obscuritatem in nominibus tribuendis erat religio: de re divina nefas esse ducebant aliis verbis loqui, quam sacrae Literae loquerentur, & publica Ecclesiae traderet auctoritas, Spiritum Sanctum legerant, Spiritum Dei legerant, Spiritum Christi legerant. Didicerant ex Evangelio, Spiritum Sanctum non seungi à Patre & Filio. Docentur enim Apostoli baptizare in nomine Patris, & Filii, & Spiritus Sancti. Servant trium Personarum consortium solennes illae preculae, ex antiquissimo Ecclesiae ritu nobis relictæ, breves juxta ac doctæ, in quibus Pater rogatur per Filium, in unitate Spiritus Sancti. Pater frequentissime Deus vocatur, Filius aliquoties, Spiritus Sanctus exserte nunquam. Atque hæc dixerim, non ut in dubium vocem, quod nobis è divinis Literis Patrum orthodoxorum tradidit auctoritas, sed ut ostendam, quanta fuerit Antiquis religio pronuntiandi de rebus divinis, cum sanctius etiam eas colebant, quam nos, qui huc audaciæ prorupimus, ut non vereamur Filio præscribere, quibus modis debuerit honorare matrem suam. Audemus Spiritum Sanctum appellare Deum verum, ex Patre Filioque procedentem, quod Veteres aliquandiu non videntur ausi: sed iidem

A non veremur illum subinde nostris sceleribus ex animi An.
nostri templo deturbare, perinde quasi crederemus 1522.
Spiritum Sanctum nihil aliud esse quam inane nomen. Quemadmodum plerique Veterum, qui summa pietate colebant Filium, tamen hominum dicere verebantur, quod ea vox nusquam in sacris Literis haberetur. Adeo prior fuit Ecclesiae profectus in puritate vitæ, quam in exacta cognitione divinitatis; nec unquam plus accepit dispendii, quam quum in eruditione philosophica, demum & in opibus hujus mundi quam maxime promovisse videbatur: non quod per se malæ sint opes, sed quod plerumque involvant hominem curis hujus mundi. Nec per se mala est eruditio, sed plerumque gignit factiones ac diffidia. Prætexitur fidei catholice defensio, & interim admiscunt sese affectus privati, & sub Christi titulo Satana negotium agitur. Non quod tale quippiam suspicer de Hilario, quale certo comperimus in quibusdam hujus ætatis; sed tamen quum viveret, homo erat: non carebat humanis affectibus: falli poterat, corrumpi poterat. Ejectus erat, ac damnatus erat per Saturninum: apud Phrygas Barbarie nobiles exulabat annos aliquot: urgebat modis omnibus Ariana factio. Hæc aliaque permulta poterant etiam boni viri affectibus imponere, sub specie pietatis. Non inficior execrandam hæreticam pervicaciam, si sanari non possit. Sed illud interim cavendum, ne erroris unius odio, devolvamur in alium errorem, eamque servemus animi moderationem, ne similtas nobis persuadeat, esse pravum, quod rectum est; esse dulce, quod amarum est, & contra. Id si nulli fere Veterum non aliqua ex parte accidit, equidem non deprecabor hominis ociosi notam, qui hæc admoneam. Tertullianus dum nimis acriter pugnat adversus eos, qui plus satis tribuebant Matrimonio, delatus est in alteram foveam, damnans quod Christus approbavit, & exigens quod Christus non exegit, sed suavit. Hieronymus tanto ardore pugnat adversus eos, qui Matrimonium efferebant, cum injuria Virginitatis, ut ipse sub iniquo Judice vix possit suam tueri causam, si reus fiat parum reverenter tractati conjugii ac digamiae. Montanus dum ardentius oppugnat illos, qui passim dignis & indignis aperiebant Ecclesiae fores, plus satis laxata severitate disciplinae ecclesiasticae, in diversum incidit malum. Divus Augustinus adversus Pelagium toto studio dimicans, alicubi minus tribuit libero arbitrio, quamtribuendum putant qui nunc in scholis regnant Theologici. Possem hujus generis exempla permulta commemorare, etiam ex recentioribus, sed præstat, opinor, in re odiosa non esse admodum copiosum. De Hilario nunc agimus, qui tum ob vitæ sanctimoniam, tum ob insignem eruditionem, tum ob eloquentiam admirabilem, ævi sui lumen fuit. E Quanto stomacho sævit in Arianos, identidem impios, diabolos, blasphemos, satanas, pestes, antichristos eos appellans, jam enim leve est hæretici cognomen? Et tamen probabile est inter Arianae factionis homines fuisse, quibus persuasum esset, hoc, quod de Christo prædicabant, verum ac pium esse. Dogma magnis ac multis auctoribus nitebatur: suffragabantur in speciem aliquot loca Scripturae divinae: nec deerant rationes, quæ nonnullam veri speciem præ se ferrent. Accessit Cæsaris auctoritas, & præter hanc ingens subscribentium numerus, cui merito fuisset accedendum, si semper melior pars esset quæ major. Postremo, certamen erat de rebus longe semotis ab humani ingenii captu. Monendum ac docendum ego censuissim, si quis cum Ario sensisset, non autem protinus appellasset satanam aut antichristum. Etenim si hæc torquenda sunt in eum, quisquis errat alicubi, quid faciemus, præter tot egregios Ecclesiae doctores, ipsi huic Hilario, qui tot locis sentire videtur, Christo fuisse corpus, quod doloris capax non esset: famem, sitim, lassitudinem, aliasque hoc genus affectiones non fuisse naturales in eo, sed assumptas? Nam hoc plane scripsit exponens Psalmum LXVIII. qui in Synodo pronun-

An. nunciat anathema in illum, qui negaret solum Patrem
 1522. innascibilem Deum dici, quasi Spiritus Sanctus aut Deus
 non sit, aut nascatur & ipse à Patre. Ac ne quis cause-
 tur in Synodis *Hilarium* recitorem esse tantum senten-
 tiarum, non etiam auctorem, dicit eadem suo nomine
 libro *De Trinitate* XII. asseverans solum Patrem Deum in-
 nascibilem esse: solum Filium genitum, non creatum:
 Spiritum Sanctum sic proficisci ab utroque, ut nec na-
 tus dici possit, nec tamen admittendus sit in nominis
 consortium: quod quidam Filio tribuebant, creaturam
 illum appellantes, cum nos non minus exsecremur crea-
 turæ nomen in Spiritu Sancto, quam in Patre aut in Filio.
 Et quum alias, tum libro *De Trinitate* octavo, magna
 contentione defendit, nos quoque cum Filio & Patre
 unum esse natura, non adoptione, neque consensu tan-
 tum. Rursus ejus Operis libro tertio, sed magis libro
 decimo, sic loquitur de corpore *Christi*, ut sentire vi-
 deatur *Mariam* Virginem præter concipiendi, gestan-
 di, & pariendi ministerium, nihil addidisse de suo,
 quum orthodoxi credant *Christum* ex opificio quidem
 Spiritus, sed ex substantia virginei corporis conce-
 ptum. Quin & alia loca sunt, quæ civilem & com-
 modum requirant interpretem. Quam autem legem
 in se statuit, qui sic sævit in alios? Hæc nequaquam
 ideo nobis dicuntur, ut sanctissimi doctissimique viri
 gloriam obscuremus, famamque suggillemus, sed ut
 hujus temporis Episcopos ac Theologos admoneamus,
 ne quid tale finant ipsis subrepere, quale videmus
 summis alioqui viris accidisse. Primum, Euangelicæ
 simplicitatis est, fratrum facta scriptaque candide in-
 terpretari: deinde, si quis lapsus est qui dissimulari
 non potest, non illico sæviendum in eum qui lapsus
 est, quum nemo non labatur, sed adnotandum, ut ho-
 mine salvo tollatur error: denique, sic est admonen-
 dus proximus, quemadmodum nos admoneri cupere-
 mus, si quid accidisset humanitus. Nunc videmus
 quosdam, qui in alienis libris nihil non calumniantur,
 qui rabie quadam desæviunt in famam proximi, quum
 in ipsorum libris reperiantur manifestæ blasphemix in
Christum. Sit hoc vanum, nisi reipsa doceam in li-
 bellis quorundam, qui jam annis aliquot hinc atque
 hinc multi provolarunt, Pontificiæ majestatis *εὐσεβεί-
 ηται*, esse quædam, quæ dum impense tuentur homi-
 nis dignitatem, apertam habent contumeliam in *Chri-
 stum*. Hoc nisi res evicerit ipsa, sim ego vanus au-
 ctor. Non damno studium illorum, qui sobrie defend-
 unt Pontificis auctoritatem, adversus quorundam se-
 ditiosam petulantiam: tamen magis optarim sic efflo-
 rescere *Christi* gloriam, ut totius mundi gloriam ob-
 scuret, etiam, si fieri possit, *Petri* & *Pauli*, non modo
Romani Pontificis. Sic enim obscurati, vere fuerimus
 gloriosi, si nos ex nobis nihil essemus, sed *Christus* ef-
 fet omnia in omnibus. De paucis interim loquor, qui
 dum immodice student homini suam asserere dignita-
 tem, non satis consuluerunt dignitati *Christi*, cui soli
 debetur omnis dignitas. In his quum sibi ignoscant
Mevii, tam feroces, tam immites, tam iniqui sunt
 adversus alios. Quod illic iudicium esse potest, ubi
 tam impotens est odium? Semper quidem ventilandus
 est gladius sermonis Euangelici adversus omnes errores
 impios, & omni, quod ajunt, pede standum adver-
 sus hæreses suppullulantes: sed illam oportet primam
 esse curam ne reperiatur in nobis, quod in aliis in-
 sectamur: deinde, ne corrupti privatis affectibus, quod
 bonum est, dicamus malum: quod dulce, amarum:
 quod lucidum, tenebrosum. Est enim hoc pertinaciæ
 plerisque mortalium ingeniis insitum, ut quod semel,
 quocunque casu pronunciaverint, nunquam tueri desi-
 nant, etiam si compererint sese perperam pronuncia-
 sse. Primum pudor obstat, is per contentionem proficit in
 pervicaciam, pervicacia tandem exit in rabiem: ita fit,
 ut dum utrinque crudefcit pugna, utrinque veritas a-
 mittatur. Schismaticus error dicitur, si quis Pontifi-
 ci *Romano* nonnihil detrahat auctoritatis. Cæterum cur
 nemo commoveatur, quum huic quidam plus nimio tri-

A buunt, insigniter impudentes, & turpiter adulantes? An.
 Si displicet falsitas, cur non ubique displicet? Deni- 1522.
 que cur asseverans Virginem matrem immunem à pec-
 cato originis, apud *Dominicales* hæreticus est, apud
Scotistas orthodoxus? An non hæc palam testantur cor-
 ruptum iudicium? An istud est sermonem divinum *εὐ-
 δοτομεῖν*; nam verbo *Paulino* libenter utimur. Sit igitur
 purus ac simplex ejus oculus, qui parat ex oculo
 fratris festucam ejicere, semperque nobis ob oculos
 versetur illius lenitas, qui quum solus omnium vacaret
 omni errore, tamen non exstinguit linum fumigans,
 nec baculum fractum comminuit. Sed hæc quoque
 tempestivius alias differuntur. Proximus his locus ha-
 bet Commentarios in *Mattheum*, sic enim appellat *Hie-
 ronymus*; alii Canonem appellare maluerunt, ob id, o-
 pinor, quod carptim titulos aliquot exponat. Nec du-
 bito quin hoc Opus verterit ex *Origene*, adeo per omnia
 sapit *Origenis* & ingenium & phrasim. Quum enim il-
 lic multa præclara doceat, quæ plane clamitant aucto-
 rem ad unguem absolutum in divinis Literis, tamen ali-
 quoties in allegoriis supersticiosior est, interim & vio-
 lentior, nimium in hoc intentus, ut destruat histori-
 cum sensum, quasi locus non sit allegoriæ, illo incol-
 lumi. Nonnunquam in connectendo (nam & in hoc
 occupatus est) videtur aliquoties ingenio luisse potius
 quam rem seriam tractasse. Videmus autem inter in-
 numeras dotes, hoc vitii *Origeni* fere in omnibus scri-
 ptis esse peculiare, qui vir utinam haberet multos cæ-
 terarum virtutum suarum æmulos, ut hac in parte
 quosdam habuit etiam *Latinos* sectatores. Porro, Com-
 mentarios, quos edidit in *Psalmos*, *Hieronymus* admonet
 ex *Origenis* Commentariis imitatos esse verius quam ver-
 sos, præsertim quum ipse nonnulla de suo addiderit.
 Ea quæ sint, prudens lector non difficile deprehendet.
 Sunt enim ferme ex his, quæ tot libris differuerat ad-
 versus *Arianos*. Quod autem ipse nusquam indicat
 quem sit sequutus, non opinor ideo factum, ut dissi-
 mularet per quem profecisset, sed ut *Origeni* nomi-
 nis invidiam vitaret. Quod idem ubique facit *Ambro-
 sius*. Meminit hujus Operis *Hieronymus* in præfatione
 secundi libri in *Micheam*, citans *Hilarium*, qui quadra-
 ginta ferme versuum millia ex *Origene* verterit in *Psal-
 mos* ad sensum. Mirum autem quo consilio *Psalmos* ali-
 quot sibi sumpserit interpretandos, prætermittis reliquis,
 nisi forte quia non contigit plenum Opus *Origenis* nan-
 cisci. Scripsit autem, quemadmodum recenset *Hierony-
 mus*, in *Psalmum* primum & secundum, dein à quin-
 quagesimo primo usque ad sexagesimum secundum, &
 rursus à centesimo decimo octavo usque ad extremum.
 Atqui nos plus habemus, quam recenset *Hieronymus*,
 videlicet præter duos primos à *Psalmis* quinquagesimo
 primo usque ad sexagesimum nonum, rursus à centesi-
 mo decimo octavo usque ad finem, nisi quod ultima
 pars abesse videtur in exemplaribus, extrema (ut su-
 spicor) pagina, in manu descriptis codicibus, vel re-
 vulsa, vel detrita: quæ fere perire solet non aliter
 quam (quod est in proverbio) extrema faba. Ex qui-
 bus illud colligitur, quod in *Psalmos* scripserat *Hila-
 rius*, non totum pervenisse ad *Hieronymum*. Nam *Ca-
 talogum de claris Scriptoribus* edidit, *Hilarium* mortuo,
 ne quis causari possit, *Hilarium* addidisse quædam O-
 peris, post editum *Hieronymo* Catalogum. Atque in his
 testatur sese ex nonnullis accepisse, quod scripisset
 Commentaria in *Canticum Canticorum*; verum negat
 hoc Opus sibi conspectum fuisse. Nobis plura etiam
 interciderunt, videlicet Epistolæ, quas scripsit ad diver-
 sos. Item liber Hymnorum: nam epistola, quæ super-
 est ad *Apram* filiam, nihil habet *Hilarii*, hymnus mul-
 to minus, in quo ne carminis quidem ratio constet,
 quum *Hieronymus* alicubi testetur illum carmen scri-
 psisse. Nos tamen utrunque addidimus, ne gustus
 deesset, si quis forte vellet de his rebus judicare. De-
 clarat hoc phrasim & compositio sermonis *Hilarii*,
 in carmine non infelicem fuisse. Et fortassis aliquot
 Hymni, quos hodie canit Ecclesia, non indoctos, sed in-

incerti auctoris, illius sunt: veluti Hymnus *De ligno crucis*, cuius initium, *Crux fidelis: De Joanna Baptista*, cuius initium, *Ut queant laxis*. Desideramus & Commentarios in *Job*, quos, ut indicat ibidem Hieronymus, ex Origene vertit ad sensum. Et exstat quidem inter Origene reliquias liber *Job* enarrator, cuius phrasibus nihil habet affine cum *Hilariano* charactere. Quin & præfatio testatur, idem Opus ab aliis nonnullis fuisse versum, sed neque bona fide, neque docte, dum ex bene *Gracis* reddunt male *Latina*, quum ipse, qui hæc præfatur, re ipsa declarat se fuisse hominem, qui nec *Latine* sciret, nec ingenio aut eruditione valeret, sed qui tanto plus haberet arrogantiae, quanto minus habebat peritiæ. Desideramus & eum librum, quem scripsit adversus *Salustium* præfectum, sive contra *Dioscorum* medicum, in quo videtur omnes ingenii facundiaeque vires exseruisse. Declarat id divus Hieronymus, in epistola ad *Magnum* oratorem: *Brevi*, inquit, *libello*, quem scripsit contra *Dioscorum* medicum, quid in *litteris* posset, ostendit. Desideratur & liber adversus *Valentem* & *Ursacium*, historiam *Ariminenfis* & *Seleucienfis* Synodi acta continens, nisi forte hic Synodorum libro admixtus est. Atque hætenus quidem de singulis ejus viri lucubrationibus attigisse satis est. Nunc in genere de laudatissimi viri dotibus pauca libabimus. Ac primum de vitæ sanctimonia quid attinet dicere, quum auctoritas ecclesiastica jam olim eum divorum catalogo adscripserit? Quanquam alioqui & omnes viri libri mirum quendam pietatis ardorem spirant. Quanta vero fuerit nominis illius auctoritas, vel hinc licet conijcere, quod divus Hieronymus, qui pene contempsit *Augustinum*, nec ita multum tribuit *Ambrosio*, toties tanta cum veneratione citat *Hilarium*, alibi vocans eum *Orbis* *Dencalionem*, alibi *Latini sermonis tubam*, alibi *Latina eloquentia Rhodanum* appellans: nec uno in loco adversus calumniantes, quod ipse *Origenis* uteretur, hujus exemplum veluti clypeum objicit, cui plenissimum testimonium reddit in epistola quadam ad *Marcellam*: *Tantum*, inquit, *virum*, & *temporibus suis disertissimum*, reprehendere non audeo: qui & confessionis sua merito, & vita industria, & eloquentia claritate, ubique *Romanum nomen* est, prædicatur. Quid hoc elogio plenius? Nec minus honorifice meminit ejus, in *Commentariis*, quibus enarrat *Esaïam*: *Sanctus*, inquit, & eloquentissimus martyr *Cyprianus*, & nostri temporis confessor *Hilarinus*, nonne tibi videntur excelsa quondam in seculo arbores adificasse ecclesiam Dei? Quin & divus *Aurelius Augustinus* non sine præfatione honoris auctoritatem *Hilarii* citat, in libris *De Trinitate*. Cæterum *Hebrai sermonis* prorsus rudis fuit *Hilarius*, unde si quid ex his attigit, aut ex *Origene* hausit fontibus, aut parum feliciter attigit: siquidem enarrans *Psalium* quempiam, admonet *Bresish* rectius verti in *filio*, quam in *principio*: quemadmodum refert Hieronymus in *Annotationibus*, quas scripsit *De Traditionibus Hebraeorum in Genesim*, quum reclamet *Septuaginta* Interpretum auctoritas: ad hæc *Symmachi* ac *Theodotionis*, qui magno consensu verterunt *ἐν δέχῃ*, reclamet & ipsa sermonis *Hebrai* scriptura, quæ *Bresish* habet, quod *Aquila* interpretatur *ἐν νεφελίδι*, id est, in capitulo, non *Baben*, quod interpretatur in *filio*. Dicitur autem & caput initium cujusque rei. Qua quidem in re, non injuria quis desideret in *Hilario* constantiam, qui quum non uno in loco mire prædicet *Septuaginta* Translatorum auctoritatem, à qua nefas putat latum, ut ajunt, unguem discedere, in hac voce non dubitaverit dissentire. Suspicio autem locum, quem notat Hieronymus, esse in *Commentario*, quo enarrat *Psalium* secundum: nam illic obiter annotat *Bresish* *Hebrai* sonare tria, in *principio*, in *capite*, & in *filio*. Quumque vox ea varie reddita sit ab interpretibus, ille putat ab auctoritate *Septuaginta* non esse recedendum. Sed insignius etiam lapsus est in *Osanna*, quam vocem in *commentariolo*, quem scripsit in *Matthæum*, sic docet *Hebrai* sonare, *Sanctificatio domus David*,

quum nihil sit in hac dictione, quod ullam habeat af-
 finitatem cum hoc interpretamento, siquidem *Hebrai* *redemptio* dicitur *Phedush*, domus *Beth*. Porro, *Davidem* quum sit eadem vox *Latinis*, *Gracis*, & *Hebrais*, hic non esse insertum, per se liquet omnibus, quemadmodum alicubi docet Hieronymus. Porro *Gracis* litteras tenuiter attigerat, si quidem Hieronymo credimus: cuius verba super hac re subscribam ex epistola quadam ad *Marcellam*, qua explanat *Psalium* centesimum vicesimum sextum: *Nisi*, inquit, *quod non ejus culpa adscribendum est, qui Hebrai sermonis ignarus fuit, Gracarum quoque Litterarum quandam anulum ceperat, sed Heliodori presbyteri, quo illo familiariter usus est: ex quo ea qua intelligere non poterat, quomodo essent ab Origene dicta quærebant. Qui, quoniam in hoc Psalmo Commentarium Origene invenire non potuit, opinionem magis insinuare suam, quam inscitiam voluit consiteri, quam ille sumptam claro sermone differuit, & alienum errorem disertius exsequutus est. Hætenus Hieronymi verba recensuimus, in quibus dum sedulo patrocinator *Hilarii*, satis odiose tractat *Heliodorum*, præsertim quum id quod adfert, nihil aliud sit quam divinatio. Sed, ut obiter hic patrocinemur *Hilario*, mihi non sit verisimile, virum tantum usque adeo fuisse credulum, ut in enarrandis divinis *Litteris* totus pependerit ex alieno judicio: nec adeo rudem *Græca* *Literaturæ*, ut non potuerit ipse sensum deprehendere, præsertim in *Origene*, cuius sermo mire perspicuus est: id quod facile conjectari potest ex his quæ *Latine* versa supersunt. Quanquam non satis video, quid hic usque adeo divum Hieronymum offenderit. Nam quod adfert, varias Veterum interpretationes ex *Hebrao*, nihil ad *Hilarium* pertinet, qui semper ex professo sequitur *Septuaginta* versionem, qui hoc loco transfulerunt *ἐν τῇ νεφελίδι*. Cæterum quod ait *Hilarium* interpretatum *filios excussorum*, *Apostolos*, quod iussu sint pedum pulverem excutere in eos, qui non recepissent Evangelium, si quis attentius legerit *Commentarium Hilarii in Psalmum*, *Nisi Dominus adificaverit domum*, comperiet aliquanto secus habere. Nam, mea sententia, vocat *Apostolos* ac *Prophetas excussorum*, hoc est, *impiorum filios*, qui sua culpa rejecci sunt à Deo, & excussi in execrationem, ob pertinacem incredulitatem. Cæterum quod obiter duobus verbis meminit *de pulvere pedum excusso*, non huc pertinet, ut *Apostoli* dicantur excussi, sed ut *pulvis excussus* in incredulos *Judaos*, significet ipsos ob pertinaciter rejectam Evangelii gratiam excussos in reprobam mentem: id quod clarius etiam explicat *Commentarius in Matthæum*: *Et signo*, inquit, *pulveris pedibus excussi aeterna maledictio relinquatur*. Referrem & ex *Psalms* ipsius *Hilarii* verba, nisi longum esset ac molestum lectori, præsertim in *Præfatione*. Proinde res ipsa loquitur hic Hieronymus, aut memoria lapsus esse, aut *Hilarii* *Commentarium* parum attente legisse. Jam quod probat Hieronymus *Marcella* commentum, quæ scripserit *Apostolos* fuisse *filios excussorum* potius, quam *excussorum*, equidem non video quid sibi velit, nisi forte quemadmodum *Graci* dicunt *ἐν τῇ νεφελίδι*, id est, *medicorum filii*, pro *medicis*; ita dicti sunt *Apostoli excussorum filii*, pro *excussis*: alioqui successores *Apostolorum* potius vocandi erant *excussorum filii*, si recte nomine *excussoribus* intelliguntur *Apostoli*. Nec absurdum est tamen *excussos* dici, qui se excusserint; quemadmodum loti dicuntur, qui se laverint; & cenati, qui cenaverint. Sic enim dicitur & *pulvis excussus*, & homo seu pes excussus, quemadmodum dicitur adpersa labe homini, & homo labe adpersus. Hæc obiter attingere visum est, non in hoc tantum ut patrociner *Hilario*, verum etiam ut intelligamus olim non fuisse religionem sanctissimis viris, à quamlibet magnis auctoribus dissentire. Præterea summos etiam viros aliquoties dormire, quemadmodum hic dormitavit Hieronymus in *tachando Hilario*. Amicus uterque, sed omnibus amicior esse debet veritas. Nunc ad illud, quod institueramus,*

An. ramus, sese recipiat oratio. Quamquam facile crediderim illum non ad plenum scisse *Gracas* literas. Etenim quod ad orationis concinnitatem attinet, felicius est in his quæ ex sese, suoque, quod ajunt, Marte scribit, quam in his quæ vertit, quum in his quæ vertit, densior ac sanior sit in sententiis: idque suspicor in causâ fuisse, ne quid susciperet vertendum, nisi cum hac libertate, ut suo arbitratu redderet sensum, omisis etiam aut additis quæ videntur. Nam id tutius semiperitis ejus sermonis unde transferunt. Sumpsit idem juris sibi *Pogius* in vertendo *Diodoro Siculo*: sumpsit sibi *Ruffinus* in vertendis pene singulis quæ transulit, præsertim in libris *Origenis*, & *Eusebii Casariensis* historia. Verum hæc non est libertas interpretis, sed licentia potius contaminantis aliena scripta. Quamquam *Hilarinus* nusquam interpretem proficitur, præterquam in Synodis, nihilo magis quam *Ambrosius*, qui sua fere hausit ex *Origenis* lucubrationibus. Mihi lapsus videtur ex occasione *Graci* sermonis, quum distribuens suam cuique personæ proprietatem, æternitatem assignat Patri, imaginem Filio, usum Spiritui Sancto. Fortasse *Græce* legit, τὸ χεῖρόν, sive χεῖρόν, atque ea dictio *Græcis* dicta est χεῖρ & χεῖρ, hoc est, ab utendo: unde & χεῖρος dicitur comis & commodus ad vitæ consuetudinem: χεῖρος inutilis. Cæterum χεῖρόν, sive χεῖρόν *Græcis* non tam sonat usum sive utilitatem, quam bonitatem, comitatem, suavitatem, sive, ut frequenter vertunt, benignitatem. Potentia Patri tribuitur, sapientia Filio, bonitas Spiritui Sancto. Quem locum citat *Augustinus* in Opere *De Trinitate*, nonnihil laborans in exponendo quid sibi velit nomen *us*. Cæterum utcumque hoc habet, quum divus *Hilarinus* non admodum *Græce* calluerit, tamen operæ precium est videre in *Psalmis*, quam anxie philosophetur in dictionibus *Græcis*, nunc proprietatem & emphasim diligenter indicans, nunc quirans, à *Latino* interprete non satis commode redditam *Græci* sermonis sententiam, nunc amphibologiam amovens ex verbis *Latinis*, *Græci* sermonis præsidio. Et ubi sunt interim isti, qui negant in *Literis* sacris ullum esse usum *Græcarum* literarum? Ubi sunt isti *Cameli* verius quam homines, qui blaterant ex *Græcis* *literis* nihil aliud oriri quam hæreses? Et quum hæc vociferentur in publicis concionibus, mirantur si quibus videntur elleboro egere. Quin & translatio, qua utitur, diversa est ab hac, quæ nunc vulgo recepta est. Porro, quum *Cypriano* sua sit translatio, quum *Augustino* sua, quum *Ambrosio* sua, quum *Hilario* sua, quum *Tertulliano* sua, ab omnibus diversa, satis apparet olim nullam fuisse communem omnium. Minutiora fortasse videbuntur, quam ut sint indicanda, voces quasdam & orationes esse huic peculiares, præter publicam consuetudinem *Latine* loquentium. Nam his pronomibus, *sui* & *suis*, durius subinde utitur. Item *tecum*, & *cum illis*, usurpat pro eo quod erat, *juxta tuam*, *juxta illorum opinionem*. Nam *intimare* pro *significare* reperitur & apud alios, sed recentiores. *Disproficit* aliquoties usurpat pro *degenerat*, sive *in pejus proficit*. *Zabolus* pro *diabolo* non apud hunc tantum invenitur, & ex antiquitate ductum videri potest: quæ non solum in dictionibus compositis, verum etiam extra compositionem *ζα* usurpabat pro *δια*. *Græcas* aliquot, aut *Hebraicas* voces usurpat nonnunquam juxta *Latinam* inflexionem, nonnunquam juxta *Græcam*. *Rheumam* alicubi dicit pro *rheumate*, quasi dicas, *rheuma rheuma*, ut *musa musa*. *Pascham* alicubi dicit & *mannam*. Rursus alicubi dicit *diapsalmam*, & *diapsalma*, alias *diapsalma* & *diapsalmatis*. Est ubi manifestarium deprehendas solæcismum, sed quales solent nonnunquam & eruditissimis obrepere, adeo ut & in *Ciceronis* libris unum atque alterum deprehendas, ne quis continuo mendum esse suspicetur, & rasuram pareret. Referrem aliquot exempla, nisi suis locis annotassem in spacio marginali, quamquam & alioqui non difficile cuius fuerit ex *Elencho* reperire. Enarra

A *Psalmum* centesimum vicesimum quartum, scribit hunc in modum: *Postque conversio fit propheta, retributionem à Domino ei qui ab iniquitate manus abstinerit imprecans: Bene fac Domine bonis & rectis corde, probitatem & voluntatis & facti in utroque significans*. Sic enim subjecit significans, quasi præcessisset: *Postque conversus propheta, retributionem imprecatur*, &c. Et hujus generis sunt ferme cæteri: sive hoc accidit humano lapsu, quales deprehenduntur & in *Cicerone*: sive à *Græcis* mutuatus est, qui sic paternum casum ponunt absolute, quemadmodum nos ablativum, & rectum casum usurpamus interdum loco paterni. Hoc vitium, quod ἀναπόδοτον *Græci* vocant, potissimum accidit his, qui longo circuitu vix tandem absolvunt orationem, quique magis circa rem, quam circa verba sunt intenti. Quod genus, si quis dicat, *Non licuit ad te scribere*: post multis in medio interjectis, tandem subjiciat, *variis negotiis occupatus*: quasi præcessisset, *Non potui ad te scribere*. Hoc à Veteribus factum nos citra culpam imitatur, dicentes: *Non sum id nescius: Quoties ejus diei mihi venit in mentem: Id annus mihi indicium fecit*: Perinde quasi pro *Nescius sum*, dixisses *Nescio*: pro *Venit in mentem*, *Recordor*: pro *Indicium fecit*, *Indicavi*. Similis locus est, sed hoc evidentiore, in enarratione *Psalmi* centesimi quadragesimi primi: *Corpus enim quod cruci affixerant contuentes, potestatem anime, qua se signis & factis Deum probaverat, nemo querebat*. Hic rursus contuentes, positum est pro eo quod erat, *dum continentur*. Atque hæc exempli gratia retulisse suffecerit. Sed næ ego insigniter impudens, qui lectorem avidum, tam loquaci præfatione remorer à lectione divini Operis. Desinam igitur, si prius unum illud abs te petiero, Præfulum optime, ut hoc quicquid est laboris, tuo dicatum nomini, mei erga te studii pignus ac monumentum esse velis. Quid præstiterimus, aliorum esto judicium. Certe magnis sudoribus adnixa sumus, ut *Hilarinus*, unicum illud *Galliarum* lumen, aliquanto castigatior ac nitidior exiret in manus hominum. Prohibet autem & gratiosior, si tuus accesserit favor, cujus prima est apud omnes auctoritas, cujus integra sinceraque judicia, nulli non perspecta sunt. Nimirum respondes egregiæ *Carondiletica* gentis indoli, cujus felix fecunditas, nobis præter eximium illum *Burgundia* cancellarium multos dedit, quorum ego quinque novi, viros non minus humanos quam integros, omni-que genere ornamentorum cumulos. Vides igitur quid vener, nimirum ut ex *Carondiletici* nominis splendore, nonnihil favoris conciliem *Hilario*, quem oportet omnibus sacræ doctrinæ studiosis esse commendatissimum. Video enim quosdam præ novis libellis, qui nunc undique provolant, veteres auctores fastidire: in tantum, ut & *Origenem* & *Hieronimum* veluti sexagenarios, quod est in proverbio, de ponte deturbandos existiment. Ego vero ut non arbitror adspernandum, si quid horum temporum ingenia, vel excogitarint, vel instaurarint: ita mentis est improbæ, vetustati non suum deferre honorem: ingrata vero etiam, eos rejicere, quorum industriæ tantum debet orbis *Christianus*. Quid enim nunc possemus in sacris *Literis*, nisi *Origenis*, *Tertulliani*, *Chrysostomi*, *Hieronimi*, *Hilarii*, *Augustini* monumentis adjuti? Ego vero nec *Thoma* nec *Scoti* libros in totum antiquandos esse duco. Scripsere suo seculo, multaque nobis è Veterum libris hausta, subtilius excussa tradiderunt. Cæterum nec istorum incivilitatem approbo, qui huic auctorum generi tantum tribuunt, ut bonis literis feliciter ubique repullulantibus obstrependum putent. Variæ sunt ingeniorum dotes: multæ seculorum varietates sunt: quod quisque potest, in medium proferat: nec alteri quisquam invidet, qui pro sua virili, suoque modo conatur publicis studiis utilitatis aliquid adjungere. Veteribus debetur reverentia, præsertim quos præter eruditionem & eloquentiam, vitæ quoque commendat sanctimonia; sed ita, ut cum judicio

An. legantur: recentioribus debetur candor; ut absque in-
vidiā legantur, nec sine delectu tamen. Absit autem
ubique rabiosa contentio, pacis & concordiae pestis:
nec absint à studiis Gratiae, quas Musarum comites
non temere finxit antiquitas. Amplitudinem tuam diu
nobis incolumem servet is, sine quo nihil esse potest sal-
vum, Praesuldm ornatissime. Basilea 5. Januarii, An-
no à natali Christi 1522.

EPISTOLA DCXIV.

Erasmus Rot. Bilibaldo S. D.

Nec ego poteram secus de tuo prudenti candore
susplicari, mi Bilibalde, sed erant qui me literis
admonerent, ut te placarem. Utinam Deus immittat
animis Principum orbi salutifera consilia. Pudet me
horum tumultuum. Dicis Phaethontem admotum cur-
rui solis. Et interim nobis videmur Christiani, & agi-
mus de Rhodo. Stunicam semper contempsi. Vellem
autem quosdam Lutheranos negotium Evangelicum tra-
ctare prudentius. Nunc in summo tumultu sum, quod
instent nundinae; post scribam copiosius. Bene vale-
bis interim. Basilea 8. Januarii, Anno 1522.

EPISTOLA DCXV.

Vives Erasmo.

EXSPECTATISSIMAS tuas literas accepi his diebus
superioribus, qua mihi, quod abs te essent, non porne-
runt esse non gratissima: quod vero nec te valere, nec
res tibi ex animi tui sententia procedere significarent,
maxima medius fidius molestia me, seu maestitia potius,
affecerunt. Voluissem, quum hic novissime fuisti, mecum
esses collocutus, narrares tibi qua audivi: etsi ea ipse
nec vera esse puto, nec verisimilia; sed ut magis quo-
rundam animos haberes exploratos, quos tibi incognitos
non esse sat scio: & qua forsitan si ex me audisses, minus
nunc rumoribus istis, quos in Germania quoque dissipa-
tos scribis, moverere. Lutherum te hic existimari
certum est; sed ab eisdem, quos ipse, quum adesses, non
ignorabas, si quid esset odii & invidia plenum, tibi solitos
impingere; nec faciliorem viam existimant minuenda fa-
ma atque existimationis tuae, quam si te cum Luthero
conjugant. Qui hac conantur, non sunt illi quidem mul-
ti, sed assiduo clamant, & inculcant, nihilque omittunt
quod ad hoc persuadendum putent facere; & maxime vel-
lent persuasum Caesari ac Principibus, tamen hoc, quan-
tum intelligo, non aperte agant, neque directe, sed obli-
que, & per occasionem: in aula sunt Theologi aliquot Pa-
risienses; hi quod in te probant solum est, quod de Lu-
thero semper te pronunciasse dicunt ambigue: sed isti fa-
cile te ferunt, modo Lutherus opprimatur. Est Augu-
stinianus quidam tractus per hosce dies ex Antuerpia
Bruxellam in jus; eo convolarunt o χωλός η̃ ο κάμηλ &
istos audio criminose quibusdam convitiis locutos esse de
te; quod jam faciebant, antequam Lutherus nasceretur;
nunquam sic Orestes insaniuit aut Hercules, ut isti duo,
sed incredibiliter saxicida: cujus omnia, siue loquatur
quid, siue agat, mera sunt saxa; homo dignior traga-
dia, quam illi veteres. ο άγγελ & Pωμαϊ, homo aper-
to pectore, neque sua, neque aliena celat; queritur, af-
fectum se multis injuriis abs te, sed non posuisse tamen ve-
terem amorem: dixitque Ducem Albæ tibi esse infensum,
quod in Hispaniam scripseris ad Barbirium, Hispanos
Luthero favere, ut credantur Christiani: quod credibi-
le non est, nam non puto te id scripsisse; & quamvis per
jocum scripseris, quis ea potuit ad illum perferre? deinde
ipse collocutus sum cum ejus filio, qui narrabat patrem
incedisse nonnunquam in sermonem de te, nullam tamen
ejus dicti fecisse mentionem; quo tamen esset animo, non
potuisse cognoscere; nam ipse in neutram partem ulla pro-
debat signa: & est hic sodalis κήρυξ, non taciturnus, si
quid comperisset: nam neque tacuit hac duo: prius, di-
xisse te Antuerpiæ bibliopola, ut venderet libros Luth-
eri, nihil veritus diploma; alterum, Lutherum, quum, ut
recantaret, incitaretur, respondisse non id esse sibi inte-

gram inconsultis iis, quibus auctoribus & impulsoribus ne-
gotium hoc suscepisset; suspicari se te esse inter reliquos, &
de primis unum nominatum; hic est omnis fons rumoris
in Germania sparsus, quem tu etiam, quum adesses, fere
totum videras: nam qui de te sic sentiebant, ante tan-
quam de Christiano, aliis nominibus non addito, in ea-
dem adhuc sunt sententia; ac plane fama vires acquirit
eundo; nebula hac est, quam ipse procul spectans ingen-
tem putas, aliter dicturus, si propius admotam cerneret,
& tangeret; nec mirum, homines de rebus, qua procul
aguntur, sic mentiri, quum hic quotidie narrentur nobis
Bruxellæ & Mechliniæ agi, qua ne sunt quidem unquam
cogitata. Itaque commoveri te hisce vocibus nihil oportet:
qui hic te Lutheranum vocant, & qui in Germania
minime Lutheranum, utrique idem sunt, & eandem
rem agunt; sed pro qualitate & theatri & spectatorum
mutant personam, in invidiam tamen conantur trahere,
& munitum omni alia parte hac tentant invadere. Anti-
cis tuis amicis vellem scriberes, qualis tibi calumnia per
sceleste inimicos homines intentetur, ut ad Deloium:
& si tibi quicquam est amicitia cum Caesareo Confessore,
cui fides in aula non minor quam Christo: & ipse eo ibo
post solutum Augustinum, ubi calore meo non parum hu-
jus nebula dissolvam; nam neque me infimum omnium
censet, & ago ut sim de familia Ferdinandi: sed hoc Har-
pocrati, ne si emanarit, impediri possit; άγγελος si com-
mode posses per occasionem honorifice nominare, redderes
ὄλον σὸν nam questus est mihi, te non retulisse gratiam
αὐτῷ τῷ ζῇ in Stunicam: intelligis puto: vide quibus mo-
veatur, aut potius quid de te sentiat, quum tantopere
cupit laudari abs te: isti vero alii mordent acius mori-
turi, ut quadam bestia; nam hanc juventutem constat
eos non habituros, qua tota est tua, hoc est, bonorum stu-
diorum, & Christi. Saxicidam collega oderunt, & fe-
runt, tantos spiritus sumpsit ingressu hujus domus Came-
racensis, & arbitrantur eum plurimum posse, quod pne-
rum sceleretur. O homines umbris exterritos! quasi vel
quem sequitur, aliquid possit; velille, quantum dominus
potest, possit. Decretum animi tui est, quale semper fuit,
Christianum: & indubie paratum est tibi à Christo in-
gens illius & copiosum pramium, quandoquidem tam ma-
la tibi ab hominibus referuntur gratia: tamen etsi quantum
ad hos spectat, prout fueris tui studiosus vel secus novus
Pontifex, leniet, aut asperiores reddet horum voces; sed
quaso te, vis in communem bonorum hominum sortem re-
cusare? per Christum rogo te etiam atque etiam, mi E-
rasme, ne te angas animo, ne precipites senectutem tuam,
demissis in imum pectus istis rumusculis: nam cui & Chri-
stus ipse, & boni omnes, & innocentia conscientia tanto-
pere favent, non est à malis nocere facile: tibi enim, quum
culpa vacaveris, qua est una bono viro in vita prestan-
da, quem tibi exitum statuatur Deus, curandum non est:
sed ego haccine tibi? Varamum, & Thaleum, & Mau-
ritium habeo auditores, & charos, sed commendatione
tua priores illi erunt chariores, & hic postremus: si moda
charior potest esse. De Augustino absolvi tredecim libros,
septem sunt recogniti & transcripti: sex alii premuntur
aliquandiu; interim aliquid accrescit, juveniliter statui
mihi tam brevem diem, non expenso negotio tam longo,
& vario, & recondito, usque adeo multis historicis rebus,
fabularibus, naturalibus, moralibus, theologicis referto,
qua tu non ignoras; explicarem rationem totam labo-
ris mei, nisi ad te scriberem: peto à te ne agre feras
paulo serius expectatione tua mitti, modo omnia Augu-
stino indignum opus exeat. Verberasti animum meum il-
lo tuo verbo, Non ero tibi toties flagitando molestus:
videris enim nolle me posthac admonere utilitatis meorum
studiorum; incitatio enim ista tua, & etiam, ut tu vo-
cas, efflagitatio, quid aliud est quam calcar, quod me
alioqui cessantem, ad egregia opera stimulat? & efflagi-
tationem hanc nominas? quid ergo praeceptoris vocabis mo-
nita? vis esse tam in amicos & discipulos civilis, ut mor-
rore eos afficias, quum vident secum velut cum leviter
notis, aut tibi paribus, agere: nondum & agendo & di-
cendo potuit tibi Vives persuadere, te nihil posse facere
Tom. III. Y y sibi

An. *sibi molestum, nisi quum, ne sis molestus, times. Tale est illud in superscriptione, Amico meo observando; nec observando, sed etiam, si diis placet, in primis observando. Si posthac ad hunc modum permiseris istum sive Joannem, sive Livinum scribere, rejiciam literas. Cui observandus ego sum, is non est Erasmus: per omnia jura amicitia, & universa tua in me beneficia, & si qua sunt mea in te officia, te precor, ut me utaris familiaris. Gaudeo te sic esse in Germania exceptum; quanquam mihi nihil novi id fuit. Gaudeo quoque habere te istic Vellium, cujus, ut puto, exstat carmen de te genethliacum felicissimum mea sententia: saluta eum nobis, si ita tibi videtur; & Buschium, simul & Rhenanum, si istic adest. Mauritius salutem tibi plurimam; salvebis & a Joanne Clemente, qui non ibit in Italiam ante proximum ver: is dicit multum doluisse, quod se inscio profectus sis Basileam; nam si rescisses, comitatus essete, & mansisset istic hyemem totam. Agebam de conducendo aliquo, quum commode me Franciscus bibliopola submonuit, missurum se quam primum istuc ad te nescio quos libros: si quid vellem perferri, adjuncturum se reliqua sarcina; itaque jussu est illi committere septem libros recognitos jam a me: incipiat excudere Frobenius, si sic tibi videtur, decem alios usque ad decimum quintum mittam haud dubie ante Quadragesimam. Reliquum per Franciscum ipsum, quum ibit ad mercatum Francfordiensem. Ex istis septem poteris cognoscere, si quid modo vacat legere alienum, quam rationem commentariorum sum secutus; etiam si reliqui prater octavum, nonum, decimum, & decimum octavum minus habent & operis & opera; quoniam non ita sunt varii; & magnapars eorum, quae in illis tractat, passim est cuivis obvia. Cura, rogo te, ut excudantur aliquot centena exemplarium istius operis a reliquo Augustini corpore separata: nam multi erunt studiosi homines, qui Augustinum totum emere vel nolent, vel non poterunt, quia non egebunt, seu quia tantum pecunia non habebunt. Scis enim fere a deditis studiis istis elegantioribus prater hoc Augustini opus nullum fere aliud legi ejusdem auctoris. Vale iterum atque iterum, mi optime preceptor. Lovanio 19. Januarii, Anno a Christo nato 1522.*

EPISTOLA DCXVI.

Erasmus Bilibaldo suo S. D.

NIHIL mihi fuit tuis literis gratius, ornatissime Bilibalde. Nunc ut occupatissimus, paucis agam quod volo. Nemo nescit, quantum bonae literae debeant Frobenio, qui solus omnium suo damno nostris studet compendiis: sed ut sunt nequeis, plerique infidantur homini propemodum conjurati, ut illum perdant. Ubi quid novi operis prodit, quod putent fore vendibile, mox unus atque alter suffuratus ex ipsius officina exemplar, excudit ac vendit minimo. Interim Frobenius immensam pecuniam impendit in castigatores, frequenter & in Exemplaria. Huic iniquitati facile succurreretur, si fiat Imperatorium interdictum, ne quis librum, primum a Frobenio excusum, aut cui sit aliquid ab auctore additum, excudat intra biennium. Tempus longum non est, & officina Frobeniana vel ob hoc favore digna est, quod nihil ex ea prodit ineptum aut seditiosum. Excuditur nunc Paraphrasis in Evangelium Joannis, Ferdinandi dicata; cujus partem ad te mitto, ut ostendas, si videbitur commodum. Non dubito, quin res facile possit impetrari. Referet tamen, si id fiat quam primum. Si non est commodum, ut fiat per te, poteris aliis mandare. Adest enim, ut audio, Jacobus Spiegel, mihi cum primis amicus, homo candidus; adest Episcopus ac Princeps Teramensis, Nuncius Apostolicus, qui pro sua humanitate mihi semper favit unice. In hoc negotio, mi Bilibalde, mihi nec feritur, nec metitur, & tamen Frobenius ac literarum causa libenter & hic tibi debebo, qui multis aliis nominibus tibi sum obstrictissimus. Si diploma Caesareum non statim poterit ex-

pediri, saltem sciamus impetratum esse, ut in his undinis Frobenius possit uti titulo. Summus Pontifex ad me diploma plenam honoris ac benevolentiae misit. Jurat illius Secretarius, non esse vulgare, sed vere omnia ab ipso Pontifice dictata. Bene vale, vir hujus seculi decus. Basilea 27. Januarii, Anno 1522.

EPISTOLA DCXVII.

Erasmus Roterodamus Nicolao Wastenvo, Praeposito Bernensi, S. D.

VIR ornatissime, ex degustata brevi colloquio tuae humanitate mirum quoddam tui desiderium me cepit post abitum hinc tuum, adeo, ut in animo fuerit Bernam visere, quo diutius & propius frui liceret tuae suavissima consuetudine. Et contigerat lepidissimus viarum vel dux, vel comes, pro vehiculo futurus Henricus Glareanus; tandem nobis, id quod gaudeo, redditus est Gallis; sed nondum licebat abesse ab hoc pistrino, & si maxime licuisset, non erat tutum me committere itineri, donec tepent hypocausta, ad quorum vel levem odorem statim relabor in morbum. Adventus Glareani nostri tantum alacritatis nobis attulit, ut mihi videar revixisse. Hoc nomine mihi videntur habere cor Elvetii, quod hunc virum magni faciunt: nam unus optime meretur de juventute suae gentis, semina bonae mentis & honestae eruditionis jaciens apud suos, olim in felicissimum proventum eruptura. Mittam ad te Paraphrasin in Mattheum, si modo fuerit perfecta ante abitum Glareani. Ubi refrixerint hypocausta, licebit istam urbem visere. Interim mutuis epistolis confabulabimur. Bene vale. Basilea 7. Martii, Anno 1522.

EPISTOLA DCXVIII.

Bilibaldo suo Erasmus S. D.

VTINAM sicut alter alteri συμπάσμεν, & alter alterum consolamur, ita nobis invicem mederi liceret. Quanquam mihi sane minima dolorum pars est corporis morbus. Ego mihi, teste Christo, conscius, me nihil ambire eorum, quae sunt hujus mundi, volens emigravero ex hoc domicilio, simulatque evocaverit ille noster Imperator; neque detrectem tamen interim vel immori piis laboribus, si modo fructum aliquem adferre liceat Jesu Christo. Sed videmus imbecillitatem, vel potius infelicitatem nostram, videmus hoc seculum prodigiosum, adeo ut nesciam, cui parti me addicam: nisi quod conscientia mea satis confidit apud Judicem Jesum. Qui sub nomine Pontificis, nescio quod, agunt negotium, sic urgent omnes laqueos veteris Tyrannidis, ut videantur addituri citius multa, quam quicquam detracturi. Rursus, qui sub nomine Lutheri praese ferunt vindicationem Evangelicae libertatis, nescio quo spiritu rem gerunt; certe multi se admiscunt, quos malim non admisceri, si meum esset negotium. Interim exitalibus dissidiis ubique scinditur charitas Christiana. Interim in suspensio sunt hominum conscientiae. Qui propensi sunt suapte natura ad licentiam, facile arripiunt occasionem e libris Lutheranis. Qui modestiores sunt, inter sacrum & saxum haerent; hinc vident argumenta probabilia, & sensum naturae; illinc vident auctoritatem Principum ac turbam innumerabilem. Quorsum autem res sit evasura, nescio; ego coactam & extortam fidem non magni facio. Gravis est auctoritas Bullarum, gravior diplomatum Caesaris; sed ista fortasse cohibebunt ad tempus linguas hominum, an animos vertere possint, nescio. Utinam Deus placatus nobis hoc immittat animis Principum, ut concordibus & sinceris animis, nec alio spectantibus, quam ad gloriam Christi, scrutentur hujus mali fontes, & remedium aliquod efficax ac duraturum adhibeant, idque quam minimo orbis tumultu, hoc est, quam minimum convulso Reipublicae statu. Quid multis? res eo delapsa est, ut omnino succurrendum sit

fit populi *Christiani* libertati. Adeo multa irreperunt paulatim in publicos mores, & ceu praescriptiones vim legis inevitabilis occuparunt. De Conciliis non ausim aliquid dicere, nisi forte proximum Concilium *Lateranense* Concilium non fuit. Multum item sumpsit Scholarum auctoritas paulatim aucta, quae nunc suas definitiones propemodum pro articulis fidei haberi postulant. Jam qui sub umbra *Romani* Pontificis cauponantur, partim nimium sibi vindicarunt, partim eo insolentiae progressi sunt, ut omnibus fuerint intolerabiles. Quae paulatim collegere robur, non possunt subito convelli; & Magnatum auctoritatem palam contemnere; nec tutum est, nec utile, mea sententia. Nunc ex una parte res agitur Bullis, & edictis, minisque: ex altera licentiosis, ne dicam seditiosis, libellis. Quod si Principes, aliis rebus occupati, non possunt his animum advertere, demiror non exsistere bonos viros, qui prudenti consilio tantis malis occurrant. Mea res non admodum agitur; instat vitae meae terminus: sed morientis etiam est, bene velle rei *Christiana*; si modo recte persuasum est nobis, *Christum* esse caput immortale totius Ecclesiae. Alius consulit suis privatis commodis: alius metuit, ne perdat quod habet: alius abhorret à tumultu, & quiescit; sed interim gliscit periculosum incendium. Me quorundam malevolentia tantà gravavit invidia, ut frustra sim conaturus, si quid tentem. Theologi quidam, sentientes renascentibus per nos antiquis studiis suae auctoritati paulatim aliquid decedere, etiam priusquam *Lutheri* nomen audisset orbis, nihil non moliebantur in me; his *Lutherus* telum porrexit, quo nos conficerent: tametsi semper abstinui à *Lutherano* negotio, nisi quod hortabar sedulo, ut aliter scriberet, si vellet proficere. Successit *Aleander*, & ante *Lutheri* nomen hoc faciens *Erasmo*, quod figulus figulo, natura excelsus, ferox, irritabilis, cui nihil neque lucri, neque gloriae satis est: hunc quidam implerunt falsissimis mendaciis, & sic instigarunt hominem, ut nihil haberet pensi, quid de me praedicaret, etiam apud summos viros, modo perderet. Et tamen apud me dejerabat, non vivere quenquam amiciores *Erasmo*, quam esset ipse. Discedens reliquit *Organa* sua probe instructa, duos Theologos *Lovanenses*, *D. Caracciolam* Episcopum *Leodiensem*, hominem linguae nimium facilis, & *Hispanum* nescio quem in aula *Caesaris*, suspicor esse Episcopum *Motensem*. Habet *Roma* *Sunicam*, hominem omnium iudicio insanum, & ad maledicentiam natum. Is exhibuerat *Leoni* libellum, qui continebat sex myriades haereseon decerptas è meis lucubrationibus, & jam causa periclitabar, nisi mors intercepisset *Leonem*, alioqui non infensum *Erasmo*. *Lutherani* mihi palam minantur libellos maledicos; & *Caesari* propemodum persuasum est, me fontem & caput esse totius *Lutherani* tumultus. Atque ita magnifice periclitor utrinque; de omnibus bene meritus. Decreveram aliquid scribere, non adversus *Lutherum*, sed de concordia; verum, video partes ambas sic ardentes, ut praestet quiescere. Quamquam vellem jam ante duos annos in me scripissent *Lutherani*; levassent me gravi invidia. Consului doctissimos Theologos, si quid esset in nono cap. Epist. ad *Romanos*; negant quicquam esse mali; nisi hoc istis malum videtur, quod aliquid tribuam libero arbitrio, tametsi perpusillum. Bene vale, vir clarissime, nosque, quod soles & facis, ama. *Basilea* 30. Martii, Anno 1522.

Non vacavit relegere epistolam; quare ignosce.

EPISTOLA DCXIX.

Vives Erasmo.

EPISTOLAM tuam accepi *Basileae* scriptam pridie *Nonas Februarias*: & accepi non resignatam prorsus, sed signo ita luxato & obscurato, ut facile esset deprehendere, fuisse apertam in viam. De Civitate Augu-

stini gaudeo seorsim edi, & habeo tibi ingentem gratiam, qui hoc curaris: sed velim etiam, & cum reliquis *Augustini* Operibus excudatur, ne desit hoc membrum corpori suo; quod credo *Frobenium* facturum, ut & separatim aliquot, & conjunctim aliquot imprimat. Voluissem lectis nonnullis paginis in iis libris quas misisti, iudicium ad me sententiamque tuam perscripsisses, ut scissem quid vitandum mihi, quid sequendum, quid tenendum esset; ego enim in hoc Opere brevitati, quantum potui, studui placere: incurrerunt quidam loci, in quibus id praestari non potuit, ut quum erant res non admodum Theologis nostris cognita: sicut historia, fabula, Philosophica, praecipue Platonica. Ideo in octavo, & decimo libris longior fui forsitan quam oportebat: tum ut recondita illis aperirem & proferrem, tum ut Platonica prorsus non ignorarent, viderentque haec nihil Aristotelicis cedere, & inciperent alios quoque magnos Auctores velle cognoscere: nec tamen omnia conjecti qua potuissem; multo plura praetermisi quam attuli: in aliis libris facile institutam servavi brevitatem, quoniam historia ex sacris Libris petita notiores sunt, etiam vulgo, quam ut debeant fusius explicari; & theologica argumenta non sum multis exsecutus, attigisse contentus, alioqui nullus fuisset modus: nec gloria tam serviri, quam forsitan putas; etsi nonnihil quoque est ei datum: sed neque tempus, neque Operis ratio magnopere me de gloria siverunt cogitare; plus enim voluissem temporis ad Opus quod totum aura tribueretur & nomini. Deinde nescio quo pacto commentarii nisi sint in sacras Literas, non habent genium illum, qui magnum excitare nomen possit: Opus ingentis gloria totum futurum est Auctoris ipsius; non debet in alium scribi. Verum, ita est a nobis, quantum licuit, elaboratum, ut non dissidam fore, quin Lector me & tibi, quae auctore Opus suscepi, & *Augustino*, & gloria servire voluisse cognoscat; quae jacatus sum in interpretem non omisi, & alioqui in praefatione, etiamsi non monuisses, erat animus ostendere, cujusmodi homines in *Augustinum* scripserunt; idque faciam & propinabo illos Lectori bellissime ridendos; tum in Opere ipso interspergo velut flosculos eorum commentariis, & *Passavantii* additionibus, quorum Lector suavi odore reficiatur, minusque sentiat viae molestiam. Ex iis, quae nunc mitto, cognosces quam ego illorum invidiam metuum: vitam *Augustini* male ipse adderes; nam ego non confido meo iudicio eam collecturum, quo tu soles omnia; & injuriam fecero sancto, si quid tu de illo esses scripturus, ipse scriberem; ineptisque meis in causa forem, quo minus vita illius, eloquentia tua illustrata, veniret ad posteros: ego vero te potius rogo atque hortor ut eam scribas. Mitto hic decem libros ab octavo ad decimum septimum; reliquos quinque sub Pascha, aut paulo post missurus: confecti sunt maxima ex parte, nunc recognosco; & in chartam mundiorum describendos statim curabo: autographum servabitur apud me in sanctuariis; neque enim nescio quam à me damnose peccaretur *Frobenio*, si cui facerem copiam; sed velim quoque ut is vicissim neminem admittat ad lectionem eorum quae excuderet, prius quam absolverit totum Opus, nec id dico sine magna causa. Video te semper omnia vita tua praesidia in innocentia ponere; quae una fretus magnus ille Orator, & in reipublica procellas tempestatesque ingressus, facile se similitates omnes contemnere profitebatur: & profecto fieri aliter nequit, quo minus Deus tibi bene velit, ut qui cogitas non esse hanc avi nostri breviter dignam, ut ob eam tuendam tumultus & tragedias excitemus. De *Aleandro* non dubito ita esse ut scribis; tametsi ipse cum *Leodio* rediret *Bruzellam*, juravit mihi, se dignitatem tuam apud Magnates omnes semper esse tutatum: nunc ad *Hispaniam* cucurrit ad novum Pontificem, de quo omnes optima & maxima sperant, atque ominantur; faxit Christus, ut is creatus sit in remedium tantorum malorum Ecclesiae suae. Quod istic metuant tibi amici ne aliqui stringant in te styli aciem, hoc, ut Cicero respondit, Tom. III. Yy 2 be-

An. beneficium est. Quid enim amplius & copiosius, quam
1522- Erasmo, & pro Erasmo dicere? O quam facilis, &
quam non vera modo, sed etiam verisimilis est defensio
innocentia! tu quam vitam conscientia tua maximorum
omnium testi approbas, diffides te aliis approbaturum vel
inimico iudici, ut ille Scipio. De Monacho nigro doleo
te tam sero in sententiam meam venisse: illud verissimum
est, vitandum amicum qui obesse potest, prodesse non po-
test. Stunicam longas in te parari & atroces inuectivas
narravit mihi Vergara, recitavitque illius epistolam mis-
sam ad se Roma, qua id se facturum minatur; epistola
est Hispane scripta, qua respondet literis Vergaræ Lati-
nis. Nam id miratur Vergara illum vulgari sermone
rescribere Latino talem epistolam: nec Thralo, nec Pyr-
gopolynices scripsissent nondum cum aliquo Hispano. De
Stunica sum collocutus, quin odisse se illius mores dicar,
arrogantiam, jactantiam, maledicentiam, invidentiam,
supra quam explicari possit & credi. Scripsit etiam viru-
lentissimum librum in Fabrum; is liber animos multorum
irritavit, alienavitque ab eo amicos plerosque: quin &
ajunt illum non posse pati aliquos esse inter se amico animo;
laborare semper & anniti, ut eos non tantum disjungat,
sed etiam committat: hoc dixerunt mihi, quos ipse ex
conjunctissimis infestissimos inimicos reddiderat. Megæ-
ram dicas, non hominem: ab hujusmodi moribus prædito
magna laus est vituperari, cui placere nemo possit, sine
suspensione similitudinis morum: mihi unicus ille versiculus
venit in mentem, quo te cohorter,

Tu ne cede malis, sed contra audentior ito.
Forſan longe aliter dicerem, si istic essem, sed tamen non
suademus, quod nos faceremus in simili rerum statu col-
locari, sed quid faciendum esset: peracta tibi est majora
ex parte vita fabula; quod superest, plausui da totum,
non spectantium modo & presentium, sed Christi, cui
tot labores sunt tibi desudari, sed conscientia tua: & si
quid spectantibus quoque tribuis, posterorum potius, quam
presentium. Illi enim sublata invidia, certisque affecti-
bus, purum te verumque Erasimum considerabunt, reddent-
que meritis tibi laudes, tanto copiosius quanto iniquiores
tibi tui seculi homines fuerunt, virtusque tua minus est
ab his cognita, inter quos versabatur, quod Socrati vi-
demus contigisse: rogo te etiam atque etiam, ne te affli-
ctes; cogitesque, si te unum spectes gloriamque tuam, te
satis vixisse, & interesse jam tua posteritati: arguere e-
nim ex nonnullorum bonorum iudiciis potes, qualis de te
apud nascituros populos futurus est sermo: quod si reputes,
pro lucro deputabis id quod posthac viues, viuesque secu-
rus & latus; atque id demum erit vivere sine anxietate,
sine sollicitudine; facietque te atas tua, multis canis mu-
nita, multorum latrantium contemptorem; & ipse velut
fatis exemptus, & in excelsis quodam existimationis bono-
rum hominum positus loco, infra te videbis omnia. Sed
ego jam incipio obliuisci ad quem scribo. Credo te acce-
pturum à Moro literas per Clementem, qui his proxi-
mis diebus profectus est in Italiam, transiturus Basileam,
ut dicebat. Postremis ad me literis Morus nihil de mor-
bo suo scribit, credo revaluisse: nam prioribus jam se
convalescere significabat. Initio Quadragesima veni Bru-
gas, quod Quadragesima Lovanienſis incommoda mihi
est semper in oppido tam mediterraneo, ubi pisces nec edi-
mus nisi jam putres, & non ad stomachum meum para-
tos: paucis antequam venirem diebus obierat nobis Pe-
trus Laurinus, quod dolui haud sane mediocriter. De-
canus te salutatur, qui superiore hebdomade profectus est
Bruxellam: narravitque mihi salutari te ab Abbate S.
Bavonis Gandensis, qui hisce Calendis Januariis para-
vit tibi in adventum tuum strenas aureas, nescio quid
rerum, pecuniam credo. De Ferdinando nihil adhuc pro-
cedit, & ut lente ac frigide id ambio, nescio an procedet.
Dux Albæ offerebat non contemnendam prorsus conditio-
nem, si per fratres rescire licuisset: cupiebat enim ille im-
pense nepotes illos suos, quos habet in Hispania ex primo-
genito filio, à me erudiri: cumque ageret de mittendo ad
me cubiculario quodam suo, qui rem mecum transigeret,
offerretque ducentos aureos ducatos annuos mercedis nomi-

A ne, intervenit Frater quidam Dominicanus, rogatque An.
Ducem utquid Lovanium manderet? se postredie iturum 1522
eo. Nihil, inquit Dux, opportunius; quæso te, loquere
cum Vive, & ex eo cognosce, an vellet hac mercede in-
stitmere nepotes meos; & simul nobilis quidam Bertran-
dus, is qui te Anderlaci invisi, dat ei literas ad me,
quibus certior de toto negotio scirem: venit Frater Lovan-
nium, colloquitur mecum plus decies, nec da Duce ver-
bam utlam, nec literas Bertrandi reddit. Dux ubi me
videt cunctari, aut admonitus forsitan à Fratre me recusa-
re, præstat jam hinc pueri Severum Monachum: ignarus
ego hanc rem omnium, veniò Bruxellam, ibi expo-
nitur Bertrandus, quod epistola sua nihil responderim:
cui malum, inquam, epistola? Serio, inquit, cui episto-
la? Serio, inquam: tunc narrat, multis presentibus,
tunc ordine, quorum plerique affirmabant se interfuisse, cum
Dux illam manderet Fratri, se dolere impendio, quod con-
ditionem suam adsperserat: fuisse futurum ut nusquam ma-
gis ex animi mei mei sententia vixissem, quam secum,
hoc est cum hominibus mei amantissimis, jam integrum
non esse mutari: quod inter Ducem & Severum conve-
nisset. Bona, inquam, verba: ego scilicet aliquid adspers-
narem, quod mihi à Duce offerretur? cum semper avi-
disissime quaerim occasionem aliquam ostendendi, quam
essem animo in Ducis obsequium propensissimo. Agere me
illis gratias de ejusmodi in me animis, & non tam agre
ferre interceptam eam conditionem, quam animum sceler-
atam Fratri: & hac patimur à fratribus, quid facturi
ab aliis? jam non contenti eruditionem impetere, etiam
in fortunas nostras invadunt. Deus ipse vindex erit. Va-
le etiam atque etiam, mi præceptor. Brugis 1. Aprilis,
Anno 1522.

EPISTOLA DCXX.

Stanislaus Turzo, Episcopus Olmucensis, Des.
Erasmo Roterodamo S. D.

NON possum non confiteri, mi doctissime Erasme, in-
credibili me cumulari, tum voluptate, tum gaudio,
quoties in mentem venit, venit autem sapissime, tua er-
ga me eximia charitatis beneficium, in quo tam benigne
te exhibes, ut me eundem in sinum tuum dulcissimum ro-
cipias, quo germanum meum Episcopum Vratislaviensem,
morte mihi nimis matura ereptum, sancte & amanter
complexus fueras, quemadmodum litera tua, candidissi-
me ad me recens scripta, abunde testificantur: quas ego
tanti aestimo ut nullam manus, quantumvis preciosam, ma-
gis. Nam quid mihi carius obvenire potuit, quam ut
me ille magnus seculo nostro Erasmus, ille adeo Era-
smus, omnium disciplinarum lingua utriusque sine ulla
exceptione facile princeps, in amorem suum volens ac lu-
bens admisit, nulla plane mei noticia, nullo etiam di-
gno officio præcedentibus, sed sola Casparis Velii persua-
sioncula motus, aut verius ingenua illa humanitate sua,
qua ex equo, pene in omnes bonis literis deditos utitur.
Quid igitur non gestiam, quid mihi ipsi non magnopere
gratuler, tantum boni, quantum nunquam mererim,
sponte evenisse? Jamdudum certe ego Erasmus, quasi
numen quoddam, cælitus nobis missum, colo, observo,
admiror. Et quoquo proficiscor, comitem semper ad latus
habeo, ut cujus doctissimis pariter & sanctissimis lucubra-
tionibus non doctior solum, sed etiam quotidie melior fio.
Nunc vero postquam ad illa omnia amor quoque mutuus
accessit, sic me maximus ille Servator saluum esse velit,
ut nesciam ullis verbis, quantum nomini tuo faveam, ex-
primere: verum, hoc tamen petere non omitam, (scis enim
quantum sollicitus est Amor) ne me per oblivionem ex
tuo sinu dimittas; vicissim ego diligentem charitate com-
plectar immortalis, faciamque promptissime, tui nominis
gratia, omnia, qua gratus quisquam & amori constans
facere posset ac debet. Casparem nostrum Velium, mi-
hi jam olim diu, ob ingenium, literasque, & ob multa
item officia unice commendatum, cum tu quoque commen-
datione diligenti prosequeris, adjiciam libenter ad priora
corollarium, ut intelligat, quam non sterilis fuerit tam
magni

*Ad magni & gravissimi viri commendatio. Adatto in presen-
tia Amplissimi tui exiguum pignus mea erga te obser-
vantia, quod pro tua humanitate gravo accipies animo,
Nam ista videretur quatuor aurea bonorum Imperato-
rum. Sic enim accipit te plurimum ejusmodi verba, ex
vatuſtate nobis relictis, oblectari. Si quid præterea est,
in qua tua charitati gratificari possem, exigo, aut fac ut
intelligam, & factum puta. Vale feliciter. Datum 10.
Aprilis, Anno 1522.*

EPISTOLA DCXXI.

Erasmus Rot. Episcopo Palentino S. D.

REVERENDE Præsul, quod apud Cæsarem tua
vocis testimonio tam candide & defenderis & or-
naris *Erasmum*, hoc mihi fuit gratius, quod & præter
spem obtigit & meritum. Sed interim nostra, qui libros
edimus, nihilo meliore est conditio, quam olim fuit hi-
strionum, qui in prosceniis fabulam agebant populo.
Illis erat ediscenda fabula, meditanda actio, nihil non
faciendum uti theatro satisfacerent: populo, inquam, illi
promiscuo, vere bellæ multorum caput, in quo
paucis eadem placent, nec iidem semper eadem, de-
nique cujus magna pars studio potius quam judicio du-
citur. Ab horum pollice pendet miser ille saltator, ad-
orat plebeculam, & quum nihil non fecerit, felix si-
bi videtur, si impetravit ut stet fabula. Quod si exhibi-
latur, arbor quærenda suspendio: Sane de libris nec
minus varia, nec minus morosa judicia, nec minus cor-
rupta studiis. Hoc nomine nostra fors iniquior, quod
hæc damus nostro sumptu, quum histrionibus sua fue-
rit merces. Et illi, si non succedat saltatio, tantum ri-
diculi sunt: nos si displicemus, hæretici. Mihi sane
studio fuit non tam placere quam prodesse omnibus.
Et succedebat, ni hæc novi Evangelii tragœdia inter-
currisset, quæ miro quodam orbis pene totius favore
coepta est agi, sed actibus semper deterioribus in tu-
multuosam ac rabiosam catastrophem exiit; mihi pri-
mus statim ingressus displicuit, vel ob hoc quod vide-
rem in seditionem exituram. Ego vero veritatem sedi-
tiosam nunquam probavi, tantum abest ut hæresim. Et
tamen sunt isthic qui, reclamante ipſorum conscientia,
me faciant *Lutheranum*, nimirum illud agentes, ut me
suis odiis volentem nolentem protrudant in castra *Lu-
theri*. Me vero ab Ecclesiæ catholicæ consortio nec
mors distrahet, nec vita. Quam sim *Lutheranus* ipſi
Lutherani declarant, qui me publicis conviciis ac libel-
lis dentatis fortiter impetunt. Nolim autem hoc lau-
dis ferre, quod à *Luthero* desciverim: habear & nunc
Lutheranus, si unquam fui. Quanquam initio Mona-
chorum quorundam seditiosi clamores mihi non proba-
bantur, qui non solum in *Luthero* muliebribus con-
vitiis debacchabantur, verum etiam in linguas, in omnes
bonas literas invehebantur: me vero nominatim in pu-
blicis concionibus impudentissime lacerabant. Novi
Pontificis docta prudentia, & provida sinceritas, si-
mulque divinus quidam nostri Cæsaris animus me in
summam spem vocat, fore ut hæc pestis sic tollatur,
ne quando possit reviviscere. Id fiet si radices ampu-
tentur, unde hoc mali toties repullulat. Quarum una
est odium *Romana* Curia, cujus avaritia ac tyrannis
jam coeperat esse intolerabilis. Et aliquot humanæ
Constitutiones, quibus *Christiani* populi libertas grava-
ri videbatur. His omnibus citra tumultum orbis Cæ-
saris auctoritas & novi Pontificis integritas facile mede-
bitur. Ego tamen nihil sum, tamen pro mea virili non
desum neque deero officio meo. Tantum Cæsaris cle-
mentia jubeat salarium meum esse perpetuum, atque
adversus quorundam odium sartam tectamque meam
existimationem curet: efficiam ut illam non poeniteat
hujus consilarii. Bene valeat tua sinceritas, cui hunc
hominem, quantulus quantulus est, totum dedico. *Basileæ* postid. Paschæ, seu 21. Aprilis, An. 1522.

EPISTOLA DCXXII.

Erasmus Rot. Lodovico Coronello S. D.

An.
1522.

VIR eximie, *Lodovicus Vives* mihi tuas virtutes
obiter denarrans nonnihil accenderat animum
meum cupiditate amicitia tecum incundæ, sed hanc
scintillam *Lodovicus Berus* vehementer excitavit, ple-
nis, ut ajunt, tibiis, magnoque affectu depingens mi-
hi felix istud ingenium tuum, non solum in litteris
Theologicis absolutum, verum etiam in disciplinis Ma-
thematicis eleganter excultum. Nunc vero rarus quidam
animi tui calor, & erga me nihili hominem studium
plane *Christianum*, ex *Guidonis Morillon* literis cogni-
tum ac perspectum fuit, ut majorem in modum do-
leam, me mihi talem amicum ante professionem meam
non aliquo saltém pacto conciliaſſe. Gestiebat animus
isthuc advolare ante Cæsaris professionem. Contem-
pſiſſem valetudinem sic crebris morbis nuper afflictam,
ut ægre vitam sustineam. Contempſiſſem itineris ma-
gnitudinem, neglexiſſem studiorum labores, qui nunc
in manibus meis sunt, ac prælis *Probenianis* excudun-
tur; contempſiſſem & alias causas quasdam, haudqua-
quam contemnendas, sed in primis terrebat me iter,
nunc solito magis infame latrocinii. Jam crebro felici-
ter transcurri. Quod si quid accideret, actum esset de
Erasmo. De *Prefatione* ac *Paraphrasi* quod tam aman-
ter admones, summam habeo gratiam. *Prefationem*
neglectim adjeeci, in gratiam typographi, qui quere-
batur vacaturas aliquot pagellas, ni adjeciſſem aliquid
nugarum. Qualis qualis tamen est, meus est foetus,
vel, si mavis, abortus. Non oportet sic execrari hære-
sim ullam, ut hujus odio non ausinus admonere quæ
recta sunt. Neque enim *Hieronymus* ideo veretur effe-
re laudibus virginitatem, quod *Marcionista* damnarint
nuptias. Nec ideo non suadet monogamiam, quod di-
gamiam damnarint *Tertullianus*. Si periculum est Evan-
gelia vulgo legi, cur in vulgatissima lingua prodiderunt
Apostoli? Nec arbitror quicquam esse periculi, si laici
sic legant sacros Libros, quemadmodum illic præscribo.
Quid *Lutherus* doceat nescio, *Paraphrasim* in *Mattheum*
magis ex auctoritate *Matthæi Cardinalis Sedunensis* sus-
cepi, quam ex meo judicio, quod in *Prefatione* non
dissimulo. In Apostolicis Epistolis si tuo judicio magis
satisfacio, argumentum in causa est potius quam ego.
In *Metaphrasi* sensus bona fide redditur, in *Paraphrasi*
licet etiam de tuo addere quod auctoris sensum expla-
net. Quid autem juris sit *Paraphrasi*, facile perspi-
ciet, qui *Themistium* cum *Aristotele* contulerit. Est enim
Paraphrasi non translatio, sed liberius quoddam com-
mentarii perpetui genus, non commutatis personis. Sed
utinam mihi liceat coram tuis amicissimis monitis eru-
diri, & ad exactissimi judicii tui regulam attemperare
stylum. Miror isthic esse aut adeo stultos, aut tam im-
pudenter mendaces, qui me prædicent fautorem esse
Luthero. Exordium hujus fabulæ mihi semper displicuit,
quam videbam in seditionem exituram, etiam si
nonnulla spes erat hominem sese versurum ad saniora
consilia. Nec placebant seditiosi clamores quorundam
rabularum apud populum. Nunc *Lutherani* sic rem-
gerunt ubique, quasi servari nolint. Hic adeo *Luthero*
non sum, ut alii, qui favent *Luthero*, literis me ro-
gent, ne quid scribam in illum, alii minitentur mihi
libellos dentatos, quos utinam emisissent in me ante
biennium, profecto gravi invidia me liberaſſent. Sunt
Lovanii duo aut tres, quos privatum odium instigat in
me, quod olim impenſe faverim bonis literis, quas il-
li judicant incommodas suo instituto. Non est autem
clementiæ Cæsareæ, hominem *Christi* gloriæ, & ipsius
dignitati laborantem, talium odiis dedere. Si *Luthero*
vel tantulum faviſſem, nolo jactare quid potuerim in
Germania. Sed ego vel decies mortem oppetiero,
quam ut periculosi diffidii sim vel auctor, vel adjutor.
Id jam intelligit *Germania*, & faxo brevi intelligant
omnes, quanta sinceritate me gesserim in hoc negotio.

Y y 3

Quare

An. Quare confido fore, ut tua æquitas adversus hujusmodi impudentes calumnias mihi patrocinetur. Bene vale. *Basilea* postridie Paschæ, id est, 21. Aprilis, Anno 1522.

EPISTOLA DCXXIII.

Erasmus Rot. Joanni Carondieto, Archiepiscopo Panormitano, S. D.

REVERENDE Præful, admoneor amicorum literis, ut isthic adsum ante Cæsaris abitum, sed hic, qui has perfert, narrabat sic accelerari profectionem in *Angliam*, ut verear ne frustra etiam scripserim. Sequar tamen si sensero Cæsarem isthic diutius hæsurum. Sed interim te rogo, si videor meis laboribus aliquam utilitatem attulisse bonis literis, adjuva tuo favore causam meam, ut mihi pensio sit incolumis, & Cæsaris favore defendar adversus quosdam impudentissimos sy-cophantas. Hic ita me gero, ut omnes *Lutherani* vehementer oderint, conviciisque lacerent, quidam etiam libellis me proscindant. *Erasmus* nec fidei *Christiana*, nec Cæsaris gloriæ unquam deerit. Quid multis? Efficiam, ut illum nunquam poeniteat hujus consilii. Olim quadrupedes ob damnum datum noxæ dedebantur, sed vehementer iniquum, ut ego ob datam publicitus utilitatem dedar quibusdam noxiis bestiis, vel potius livori, quæ pestis est quavis vipera nocentior. Amplitudinem tuam incolumem servet Optimus Maximus *Jesus*. *Basilea* die *Mercurii* post Pascha, sive 23. Aprilis, Anno 1522.

EPISTOLA DCXXIV.

Erasmus Roterod. Andrea Alciato S. D.

ALII quoties hominem certum nacti sunt, solent omnibus de rebus copiosius scribere, ego vero vel ob hoc ipsum puto mihi scribendum parcissime, quod *Bonifacium Amerbachium* nactus sum grammatophorum, quo nihil obtingere potuit vel fidei spectatoris, vel utrique nostrum amicus. Quorsum enim opus est literis, quum hic rerum mearum nihil ignoret? De libello etiam atque etiam jubeo te esse securum. *Pyrri* nostri mortem ut ex animo doleo, ita pectus istud tuum tam amicum exosculor, qui non passus sis amici memoriam interire. Ante annum *Germani* quidam mihi nimium amici rursus excuderunt ingens volumen epistolarum, inter quas sunt quæ vereor ne mihi gravem conflent invidiam, præsertim hoc sæculo, quo nihil non rapitur in suspicionem aut calumniam. In aula Cæsaris vix subsisto per quosdam, qui me *Lutherana* factionis auctorem jactitant, non quia hoc suspicentur, quod ipsi quoque sciunt esse falsissimum, sed partim ut me quocunque titulo lædant, partim ut volentem nolentem in *Lutherana* castra protrudant: quod tamen nunquam efficient. Rursus hic apud *Germanos* iidem illi sophistæ, qui mihi male volunt, apud *Lutheri* studiosos atrocem rumorem dissipant, me magnis ac sævis voluminibus oppugnatum, atque adeo funditus subversum ire omnes *Lutheranorum* arces. Fremunt igitur hi quoque in me, jamque libellos dentatos habent in promptu, quibus me proscindant, & quod est paradoxon, quos *Romanus* Pontifex & Cæsar pronuntiavit hæreticos, iis ego sum hæreticus, ni velim esse hæreticus. Est *Roma Stunica* quidam *Hispanus*, qui nunc alterum librum conviciis onustum evomuit in me. Sed utinam ante biennium in me scripsissent *Lutherani*, certe gravi liberaissent invidia. Ego nullis procellis dimovebor ab instituto meo. Nisi mihi utrique essetis ex animo egregieque chari, utrunque alteri invidere, *Alciatum Bonifacio* & *Bonifacium Alciato*. Emoriar si quicquam unquam vidi hoc juvene purius, aut sincerius, aut amico amicus. Nunquam animo suo fatiscit in prædicandis laudibus *Alciati* sui. Utinam ejus eximiis dotibus non noceat fatorum invidia. Futurus est aliquando magnum *Germania* suæ ornamen-

Atum. Novi te, qui tuus est candor, hominem tibi jam pridem & notum & charum omni officiorum genere prosequuturum, alioqui rogarem impense, ut ex mea commendatione nonnihil adjungeres tuæ in illum benevolentia. Bene vale, vir excellentissime, & *Erasmi* nomen inter eos scribito, qui tibi ex animo bene cupiunt. *Basilea* die *Veneris* post Pascha, hoc est, 25. Aprilis, Anno 1522.

EPISTOLA DCXXV.

Vives Erasmo.

BLITERAS tuas, quas scripsisti XIII. Cal. Aprilis, accepi Nonis Majis, nescio quemadmodum tam lente perlatas. Cancellario reddidi quas ad eum scripsisti; qui ubi legisset superscriptionem inter resignandas eas revivens, ad nos conversus (aderat enim *Narcisus medicus*) erravit, inquit, D. Erasmus in nomine; nam scripseras prius *Guilielmum*; deinde hoc deletum, superscripseras *Mercurinum*: sed haud dubie mihi subrisus ille non tam ex ea causa videbatur oriri, quam ipse pretendebat, quam gaudio tuarum ad se literarum: tum legit duplicem, ut mihi quidem videbatur, epistolam; alteram non scriptam manu tua, nec litera Italica, eamque legit priorem: dehinc quam vel tu, vel aliquis tuorum scripsit; & legit attente, nec persuntorie; tum quasivit ex me, an quid aliud ad se scripsisses? negavi aliud me ad eum habere: atqui, inquit, haec litera aliquid videntur aliud significare: respondi, me id nescire: loquitur hic, inquit, de via quadam, nec explicat quæ sit; quasivit *Narcisus*, quomodo valeres: respondit ille, te calculo affectum scribere; tum subticuit, atque ita eo salutato abiit. Nondum venerat *Cardinalis Leodiensis*, venit noctu; postridie cum ad eum essem profectus, inveni eum in vestibulo domus parantem ire ad Cæsarem, reddidique literas tuas, quas visus est accipere libens, dixitque se lecturum: & conscendens mulam, resignavit eas; cepitque legere: illinc rediens offendi *Hilariu* nostrum pulsantem nostras fores, qui nuntiavit te bene valere; quod equidem gaudeo non mediocriter. De adventu huc tuo nihil dicebat se habere certi, præterquam quod non dubitaret te haud diu absuturum: multi te cupiunt adesse; etiam ii qui plurimum possunt in hac aula, ac penes quos putatur esse censura ingeniorum ac studiorum; nisi facinus omnibus faciunt, & vehementer simulatas gerunt voluntates, quod in nulla aula novum est, nec in hac rarum. Hodie loquar *Coronello*, quem nondum conveni, ex quo huc venit: si quid ex eo cognovero, quod credam tua interesse abs te non ignorari, addam his literis, si modo non misero; sin misero, scribam per alios. Vergara salutatur te, qui narravit mihi, *Hispanum* quendam, qui nunc agit *Romæ*, *Mirandam* nomine, scripsisse de tribus aut quatuor locis *Annotationum in Novum Testamentum* tuarum, sed modestissime ac honorificentissime, monens potius id agit, quam reprehendens, aut objurgans: Opus aiebat sibi esse dicatum; dicebant hic in aula esse qui haberent: si nancisci possum, dabo huic *Hilario* ad te. *Coronello* sum locutus, & quidem prolixè, ita ut illud didicimus. Primum recensuit occupationes suas in *Lutheranos*; ideo dicebat se non potuisse rescribere tuis literis, quas mihi ostendit, responsurum se antequam *Brugis* abeat. Vereri judicium & censuram tuam, propterea non posse expedire rationem aliquam responsionis. Versari se in angustia & inopia rerum ac verborum; sed verborum potius: te, si ita sentis, ut mihi est locutus; & dejeravit se ex animi sententia loqui, alterum *Hieronymum* aut *Augustinum* putat, seque studiosissimum tui nominis esse ait; admiratorem tuorum monumentorum, quæ purissima esse & Christianissima prædicat, depugnatum pro illis non secus ac pro *Evangelio Christi*. Tum ego; Qui sunt igitur qui illum cen *Lutheranorum* incesunt? Nulli, inquit, sunt, nihil jam loquuntur, sunt stupidi qui ita judicant. Hac confabulationis summa; diremit nos hora cæna. Libellum *Mirandæ* non habent *Bruxellæ*: dicunt esse, si possum, alicunde eum tibi expiscari.

an. piscator. Hodie venit ad me famulus quidam Leodien-
 1522. sis Hispanus, qui olim mihi ministravit, narravitque
 Leodiensem tradidisse literas tuas Dominico cuidam Ita-
 lo, quem hic apud eum Aleander reliquit, ac suspicor
 esse Aleandri propinquum. Hic Dominicus ubi legisset
 literas, dixit iis qui aderant, Erasmus excusat, cum
 nemo accuset: & queritur de Aleandro, cum hic bono-
 vissime semper de illo sit locutus, ac literas scripserit Pon-
 tifici benevolentia in eum plenissimas. Pratenfis hodie aut
 eras profecturus est in Britanniam Legatus perpetuus; di-
 xique mihi, Leodiensem ostendisse sibi tuas literas, es-
 seque sollicitum quod ager significares te scripsisse. Can-
 cellarium tibi impendio favere dixerunt mihi homines
 etiam ex vulgo aula. Has literas vides centonibus cog-
 mentatas: nam ut quicquid cognoveram, ita scribe-
 bam; sed in huiusmodi moris quibus certior de omnibus
 fuit, quam accuratas illas, in quibus nihil sit præter ci-
 vilitates. Cum apud me esset heri Hilarius, venit ad me
 Hispanus, de Leodienfi familia; narravitque ipso Hi-
 lario audiente, nullum hodie vivere sub cælo hominem,
 cuius Leodienfis sit amantior, quam tui; habere semper
 Opera tua in manibus, lectitare sedulo & admirari, pro-
 pugnare te, si quis calumniatur, non secus quam aras &
 focos: se crebro canis & prandiis interfuisse, ubi excita-
 do de te mentione, ita te, tumque nomen, & eruditionem
 adversus Italos quosdam defendisset, ut facile appareret,
 te illi esse quam charissimum. Hilarius tuus diligentissimus
 fuit in requirendis responsis ab iis ad quos scripseras: sed
 genius huius aula est miras dilator & procrastinator.
 Augustinus meus adventu amicorum antecorun depositus
 est tantisper e manibus, ubi primum hinc abierint, con-
 volabo Lovanium, ibi quam citissime addam extremam
 manum; desunt enim quinque libri tantum: nam Fro-
 bemius habet XVII. Commendo tibi Hilarium hunc, con-
 discipulum olim Parisiis meum, quem arbitror aliqui
 tibi esse commendatissimum. Vale. Brugis 20. Maji,
 Anno a Christo nato 1522.

EPISTOLA DCXXVI.

Erasmus Rot. Ennio Episcopo Verulano S.

REVERENDE Præful, fasciculus ille una cum tuæ
 celsitudinis epistola bona fide redditus est. Qua
 quidem ex re multiplicem cepi voluptatem. Primum,
 quod ex eo cognovi quædam, quæ mea referebat scire.
 Deinde, quod hinc perspexi quam ex animo mihi bene
 velit Matthæus Cardinalis Sedunensis, tametsi non hoc
 argumento nunc primum illius in me studium didici.
 Postremo, quod obiter cæu novum lucrum accessit ani-
 mus iste tuus, tam propensus ad benemerendum de
 nobis; quum antehac te tantum de nomine notum ha-
 buerimus. Amplector utraque manu quod offers, &
 habeo gratiam. Porro de me, quoniam nihil aliud pos-
 sum, illud certe polliceor, animum memorem & gra-
 tum, qualem debet habere fidus clientulus erga domi-
 num ac patronum optime meritum. Bene vale. Basi-
 lea 21. Maji, Anno 1522.

EPISTOLA DCXXVII.

Erasmus Rot. M. Conrado Goclenio S.

ACCEPI tuas literas. Georgium, opinor, jam vi-
 disti, ex quo cognovisti rem. Dic illi non sacer-
 doti, ut si decrevit abire, quod tamen ego non pro-
 bo, & dappin. Prima coitio * Nebulo magnus est.
 Veniat huc bonis avibus sub proximis nundinis. Non
 decrit illi bona conditio. Sed tamen ego malim non
 solvi chorum, multis de causis. Alius erit exitus, quam
 patatur. Loquor de bonis literis. Scripseram de Cera-
 sino. Saltem ille veniat. Σίγα, φρόνι, νῆφε, ἀνίστ, &
 δάψιν, & ἱππάρω. Basilea postridie Trinitatis, seu 16.
 Junii, Anno 1522.

* Aliquid decit.

EPISTOLA DCXXVIII.

Erasmus Rot. Petro Barbirio S. D.

ACCEPIMVS sarcinas & librorum & epistolarum An.
 1522. quas istinc misisti. Apud Mattheum Card. Sedu-
 nensem eris mihi epistolæ vice. Pro tam singulari il-
 lius in me studio, video quantum debeam. Si frater
 esset, qui posset amantius? Dolet quod Stannicam di-
 gnatus sim unquam responso. Et huic successit Caran-
 za non edentulus. Blasphemias ridet omnes, & ne-
 mo non indignatur Stannica, qui in florilegio hæc e-
 vulgarit, quæ causam adjuvant Lutheranam, ut ipsis
 quidem videtur. Antehac negabant istuc iter esse tu-
 tum, & ego sic eram affectus, ut non essem aptus iti-
 neri. Quin hæc quoque scribo graviter afflictus calcu-
 lo, quoniam jam aliquot diebus sat commode valui.
 Et sum affixus libris excudendis, ut non liceat abire
 ante finem Augusti. Tum si valetudo erit vel medio-
 cris, advolabimus. Saluta mihi millies amicos omnes,
 Pacanum, Fabrum, Præpositum Vratislaviensem, Her-
 mannium Frisium, cujus ingenium ego unice amo,
 Landavum Bavarum. Scribam brevi omnibus, ubi da-
 bitur certior tabellarius, & valebo melius. Basilea
 25. Junii, An. 1522.

EPISTOLA DCXXIX.

Erasmus Jodoco, Senatus Mechliniensis Præsidi, S. D.

AUDIO & profecto gaudeo ex animo, vir eximie,
 summam auctoritatem Lutherani negotii excel-
 lentia tuæ esse commissam, quem ego novi præter ab-
 solutam jurisprudentiam virum integris moribus sum-
 maque præditi æquitate. Nam ut danda est opera,
 quo Lutheri factio sopiatur, ita cavendum est ne boni
 viri, & suis laboribus de studiis publicis benemeriti,
 dedantur quorundam privatis odiis. Nicolaus Egmondan-
 nus, nemo est Lovanii qui nesciat, quam sit homo perti-
 nacis & vindicis animi, si conceperit odium in aliquem.
 Et cum illo mihi jam vetus & capitale odium inter-
 cessit, etiam antequam mundus sciret natum Lutherum,
 ob linguas ac bonas literas, quas ille plusquam capitali-
 ter odit. Et quum sibi permiserit, ut me toties in
 concionibus & lectionibus suis, manifestis mendaciis
 perstringeret, nec ab hæreseos convicio temperans:
 tamen ferre non potest, quod apologia quædam, taci-
 to etiam ipsius nomine, calumniam falsissimam à me
 depello. Nunc ut audio in omnibus convivis, Mechli-
 nia in publica concione, me una cum Luthero hære-
 seos notavit. Hoc certe non habet in mandatis, nec
 à Cæsare, nec à Pontifice, ut istis modis ulciscatur
 odium animi. Mihi nihil unquam fuit negotii cum
 Luthero, nisi quod semper dehortatus sum ne perge-
 ret talibus libellis concitare mundum, vaticinans jam
 tum hoc futurum quod videmus evenisse. Ego & hic
 & isthic partim dictis, partim epistolis, multos alie-
 navi à factione Lutherana. Nec ulla res magis deiecit
 Lutheranorum animos, quam quod palam editis libris
 declaravi me adhærere Pontifici Romano, & Lutheri
 negotium improbare. Quod si favissem Luthero, sicut
 isti jactant, non defuissent præsidia Principum. Nec
 adhuc affectus iste tam extinctus est in animis homi-
 num, quam isti putant, & quam nos cupimus. Sunt
 hic plusquam centum millia hominum, qui oderunt Se-
 dem Romanam, & Lutherum magna ex parte probant.
 Vide autem quam inique mecum agetur, si quum ego
 perdiderim amicitiam tot eruditorum Germanorum,
 quum Lutheranos omnes in me provocarim, qui nunc
 amarulentis libellis in me debacchantur, isti victoria
 sua, quam mihi non minima ex parte debent, abutan-
 tur in caput meum, & ideo traducar ut hæreticus,
 quia mihi placent bonæ literæ, & non placent mores
 Egmondani, qui nulli fere bono viro placent. Scripsit
 ad me Cæsarea Majestas, scripsit Joannes Glapion, scri-
 psit Archiepiscopus Panormitanus, Episcopus Palen-
 sis,

An. nus, Cancellarius *Mercurinus* literas humanitatis ple-
 1522. nas, hortantes me ut pergam meis laboribus promo-
 vere rem literariam. Scripsit ad me præter alios do-
 ctos *Matthæus* Card. *Sedunensis*, scripsit Card. *Mogn-
 tinus*, cumque his alii permulti agentes gratias, om-
 nemque favorem ac liberalitatem pollicentes, quod in
 negotio Ecclesiæ eum animum præstem, quem illi vo-
 lebant. *Sedunensis* offert etiam quingentos ducatos an-
 nue, & viaticum honorarium, si velim adire *Romam*.
 Quid autem inhumanius, quam quum ego me fecerim
 hostem *Lutherana* partis, cum mihi pax sit cum sum-
 mis orbis Principibus, discerpi ab uno *Carmelita*? Tot
 annis vixi *Lovanii*, cur tum non impingebant mihi er-
 rores meos? Imo *Atensis* omnia mea sine exceptione
 probavit. Deinde quum rogatu meo notasset duo aut
 tria loca, respondi & satisfeci per omnia. Nunc ab-
 sente Cæsare parant abuti auctoritate sua in me, & ul-
 cisci vetus odium suum. Exiit nuper libellus Collo-
 quiorum. In hoc clamat *Egmondanus* esse quædam
 hæretica. Primum in Colloquiis non trado dogmata
 fidei, sed rationem loquendi. Nec est ibi quicquam
 tale, sed ille ex suo odio interpretatur. Non damno
 illic indulgentias, nec usquam alias, sed quidam irri-
 det sodalem suum, qui quum esset nugacissimus nuga-
 tor, putaret sese bullæ præsidio posse pervenire ad
 cælum. Confessionem etiam approbo, tantum puer
 dicit, suo animo satis fore, confiteri Deo, si idem vi-
 sum esset proceribus Ecclesiæ, & tamen fatetur sese
 confiteri etiam sacerdotibus. Quasi non sit satis puero
 obtemperare primatibus Ecclesiæ in confitendo, aut
 quasi *Christus* non sit unus ex proceribus Ecclesiæ, aut
 quasi mihi constet esse articulum fidei hanc confes-
 sionem esse institutam à *Christo*. Et tamen hac in re sen-
 sum animi mei semper submissi iudicio Ecclesiæ. Qui-
 dam illic dicit se odisse pisces, & miratur quod Præ-
 fules voluerint obligare nos ad esum piscium sub pœna
 gehennæ. Et tamen qui hoc dicit, fatetur sese *Epicu-
 reum* esse. Quanquam nec hoc mihi liquet, an Ponti-
 fex hoc animo fuerit, ut excepto scandalò & contem-
 ptu, voluerit nos adstringere ad esum piscium sub pœ-
 na æternæ damnationis. Nescio an agant adversum me
 ex edicto Cæsaris. Certe edictum illud postremum huc
 non pervenit, nec unquam publice aut privatim fuit
 exhibitum. Quare tōquæso, vir egregie, ut tua æqui-
 tas istorum odium & acerbiter temperet. Quod ad
 me pertinet, scio quid agant, cuperent me protrudere
 vel nolentem in factionem *Lutheranam*, id quod nun-
 quam efficient. Sed illud videndum an expediat me
 eo propellere. Erit hoc *Lutheranis* gratissimum, si
 quid in me fecerint atrociter. Si quid habent adver-
 sum me, primum admoneant: fortassis ita responde-
 bo, ut illis abunde satisfaciam. Non est hic ludendum
 temere in libros alienos. Sunt infinita hominum mil-
 lia, qui non oderunt *Erasmum*, quod ex libris meis
 profecerint. Et possem turbare mundum si velim, ve-
 rum citius moriar quam sim futurus auctor novi tu-
 multus. Hoc animo quum sim, tanto iniquius fuerit
 committere, ut impune dedar implacabili odio unius
 aut alterius. Si mecum agatur civiliter, efficiam ne
 quis in me desideret officium hominis *Christiani*. Ego
 semper studui prodesse omnibus, neque quisquam ma-
 gis abhorret à diffidio. Non ago nunc causam *N. B.*
 nam nescio quid ille confessus sit. Illud scio, non fuisse
Antuerpia virum moribus incorruptioribus, & gratio-
 rem civibus, magisque necessarium Reipubl. in insti-
 tuendis pueris. Nec de collega illius pronuncio, nam
 illius causam, quod ad *Lutherum* attinet, non novi. Il-
 lud scio, virum esse pulchre doctum, multarum lin-
 guarum peritum, moribus sinceris, nisi quod est lin-
 guæ liberioris. In hunc *Egmondanus* haud dubie sævior
 fuit, quod privatim ab illo fuisset læsus. Nemo nescit
 hoc agere *Hochstratum* & *Egmondanum*, ut linguas ac
 bonas literas exstinguant, & in harum professores po-
 tissimum quærunt ansam. Mea sententia rectius fece-
 rint, si sint contenti sua victoria, nec excitent in orbe

A plures tragœdias. Mundus utcunque feret sibi ereptum
Lutherum, linguas ac bonas literas eripi nunquam feret. 1522.
 Sed pluribus verbis onero magnificentiam tuam, quam
 etiam atque etiam rogo, ut sua prudentia, suæque æqui-
 tate moderetur aliorum impetus. Et si quid est tale
 quale rumor huc attulit, non patiatur *Erasmum*, de o-
 mnibus bene merentem, odio duorum hominum dedi.
 Dubium non est quin idem velit & Cæsaris clementia,
 & summi Pontificis pietas, & publicus bonorum affectus.
 Bene valeat tua magnificentia, vir eximie, & *Erasmum*
 inter tuos clientes adscribito. *Basilea* 14. Julii, An. 1522.

EPISTOLA DCXXX.

Vives Erasmo.

B ABSOLVI tandem, Christo gratia, xxii. Lib.
 de Civitate Dei, quorum quinque postremos, qui
 reliqui erant, per hunc juvenem Coloniensem mitto cum
 epistola nuncupatoria ad Regem Britannia, cum præfa-
 tione, & de veteribus interpretibus, postremo de Go-
 this: qua quatuor initio Operis ponentur: sunt enim cen-
 premia quedam. In præfatione ipsa paucula quedam at-
 tingimus de immensa tuarum laudum materia; utinam
 tam eleganter & docte, quam vere quam ipse sentio ma-
 gnifice, ea tu leges prius quam imprimantur, & censura
 tua omnia temperabis, addes & mutabis, qua videbun-
 tur, modo ne minora facies quam diximus, alioqui nihil
 futura; tum si quid erratum non modo in Græcis & or-
 thographia, sed etiam vel in historia, vel fabula, vel
 philosophia, vel theologia, vel dictione, tibi omnia trado
 emendanda, approbaturus non secus, qua in hoc egeris O-
 pere, ac si fecissem ipse, & habiturus maximi beneficii lo-
 co, videlicet quod & me docueris, & mea reddideris me-
 liora. Annotatiunculas nil dubito quin marginibus addi-
 derint, secuti meum exemplum ex primis duobus aut tri-
 bus libris, vel etiam suum, ut sunt ea in re exercitiores.
 Tum Indicem colligere non erit difficile, de quo tibi jam
 aliis scripsi literis per Georgium. Si significabis mihi quid
 me velis de Colonienfi libro facere, quandoquidem jam
 mihi non est admodum usui futurus, nisi forte alias ut
 rursus accuratius hoc idem Opus edatur, velim iterum ad
 antiqua exemplaria August. conferre: voluntatem de hoc
 tuam curabis mihi perscribendam. De pecunia rem totam
 tui & Frobenii arbitrii facio; tu ipse scis, ut non sim ejus
 avidus, & mihi vivendum est iniquissimis temporibus, &
 in regione ubi sumptus magni, & questus nulli, duntaxat
 ingenio liberaliore digni; si quid miserit, curet per certum
 aliquem, & sine dilatione mihi reddendum: plura hic non
 loquor, ne suspiceris me morem mutasse meum, quem tu
 scriptis etiam editis testificatus es; sed fac memineris
 etiam tui: scis quid mihi mutuaris, cum hic essemus. Ve-
 nio ad literas tuas, quas accepi nudius (ut puto) quartus
 aut quintus, datas abs te postridie Trinitatis, missas mi-
 bi ab Antuerpia. Nam tuum istum, per quem jubes me
 Opus mittere, non vidi, nec huc venit. Petrus Ægidius
 scripsit Corrado illum diversis itineribus ac lentius redi-
 turum ad vos, quam rem nos in presentia vitandam duxi-
 mus: nec Carolus, qui se profecturum dixerat, cum ad-
 set Georgius, satis certus est cum discedet. Itaque hunc
 Joannem Andernachum conduxit Corradus, & cum eo
 transiit, quemadmodum credo te ex ejus literis intel-
 lecturum. Nam mihi nec querere, nec ejusmodi curare o-
 cium fuit occupatissimo in postremo Opere ac præfationibus
 recognoscendis adornandisque, deinde corpore nonnihil af-
 fecto. De Stunica nihil multis diebus audiui; spero tibi
 non defutura studia digna studiis, ingenio, eruditione,
 probitate tua. Libellum Carramæ misi ad te per Geo-
 rgium; sed video jam tibi transmissum. Particulam tua-
 rum literarum ostendam doctori Jodoco per occasionem:
 quod fecissem, etsi non monuisses. Jubes me literas nescio
 quas Mauritio tradere. Ego vero ut neque juvenem tuum,
 ita nec literas vidi ullas tuas, præterquam ad me scri-
 ptas: non dubito quin Petrus Ægidius curarit, quod me
 jubeas. Mauritius abest in Britannia. Habes hic binas à
 G. Thaleo, qui percipit ex te scire, an tibi sint, quas ad
 te

An. se in Quadragesima dedit, reddita. Saluant te Crana-
veldius, Laurinus, & Fevinus nostri; tui etiam. Vaul-
terus Consiliarius Flandriae, & Ruffaldus noster, qui
negotii tui non est immemor, etiam hodie ad patrem ea
de re scripsit. Potes huius revertenti aliquot codices dare
ex impressis, si ita videbitur, ad me ut perferat. Salva-
bunt a nobis istic tui & eo nomine nostri quoque; ac in-
primis Frobenius cum tota familia. Vale. Lovanio 14.
Julii, Anno 1522. A Moro accepi his diebus binas, qui-
bus significat se optime valere, Superis gratia.

EPISTOLA DCXXXI.

Bilibaldo suo Erasmus S. P.

DVREO nostro gratulor ex animo. Dignus est ar-
tífex, qui nunquam moriatur. Coeperat me pin-
gere *Bruxella*: utinam perfecisset. Nos eodem in sta-
tu fuimus, quo ille, malo ex re nihili nato. Per sentien-
tiam animo voluptatem quandam, quod ex hoc turbu-
lentissimo seculo migraturus essem ad *Christum*. Gliscit
in dies hæc pestis; nec ullum video exitum. Scripse-
ram Pontifici consilium meum, sed *Eccius* scribit, suum
consilium maxime placuisse, seque apud Pontificem
valere plurimum. Ego me ab his contentionibus ab-
duco, & ad tranquilliora. In Paraphrasibus tractandis
videor mihi fieri melior: & nemo læditur. Gravamina
reddidit mihi *Sylvius Agranus*, sed nondum perle-
gi. Si tu recte vales, est quod magnopere gaudeam.
Ut video, alius sibi sumpsit partes reddendi libros
meos *Ferdinando*, ut aliquid ab eo extorqueret. Mihi
post, libellos inauratos. *Ferdinandus* & literis humanif-
simis gratias egit, & centum florenos aureos dono
misit. Emoriar, mi *Bilibalde*, si crediturus eram, in
universis *Germanis* esse tantum inhumanitatis, impu-
dentiae, vanitatis, virulentiae, quantum habet unus
libellus *Hutteni*. Tot testimoniis ornatus est à me.
Toties per me suo Cardinali ac cæteris Principibus
commendatus est. De nullo candidius sentiebam & lo-
quebar. Nunquam à me verbo læsus est. Imo cum
hic esset, obtuli colloquium, si quid esset rei seriae:
detuli ei officium, si quod à me præstari vellet. Ni-
hil minus expectabam, quam hunc assultum ab *Hut-
teno*. Multis conjecturis adducor, ut credam *Henricum
Eppendorpium* huius fabulae artificem; adeo ille sub-
ito factus est *Huttenianus*. Ego tamen non desinam ef-
se similis mei. Nondum statui, an velim illi respon-
dere. Fūrit, nec habet, cujus iacturam faciat. Fugi-
tat ac latitat nunc apud *Helvetios*, non absque pericu-
lo. Fovet illum *Zwinglius Thurregii*, sed clam. Bene
valeat meus *Bilibaldus*. Reliqua cognosces ex *Agra-
no*. *Basilea* 19. Julii, Anno 1522.

EPISTOLA DCXXXII.

S. P. N. Adriano Sexto designato Pontifici Era-
smus Roterodamus S. D.

ALIVS hic, beatissime Pater, universam rhetori-
ces suppellectilem in hoc depromeret, ut tibi di-
gnitatem istam, qua major in terris homini non po-
test contingere, gratularetur. Ego vero non sumam
ullam hac in re operam, ut qui certo sciam, quam
ægre munus hoc præter omnem expectationem de-
latum susceperis. Et fortassis ineptus videar, si inde
tibi gratuler, unde tu suspiras & ingemiscis, non igna-
rus quam difficile sit istam provinciam sic obire, ut
functionem tuam approbes principi *Christo*, cui mox
omnium gestorum reddenda erit ratio: præsertim his
temporibus, quibus totum *Christiana* ditionis corpus,
utraq; sui parte, tantis malis laborat, etiam si non
accederent *Turcarum* atroces minæ, atque adeo jam
non minæ tantum. Sed quo minus est causæ, cur pri-
vatim gratulemur tibi, hoc impensius publice gratu-
lamur orbi *Christiano*. Nam hæc rerum humanarum
tempestas talem omnino requirebat naclerum. Mul-
tis enim argumentis in spem vocamur, futurum ut
provinciam divinitus delegatam non alii geras quam *Je-*

A su *Christo*, & huius gregi. Qui utinam promereatur, An.
ut tuos sanctissimos conatus bene fortunare dignetur, 1522
fine cuius favore inanis est omnis conatus mortalium.
Studii erga te mei, ceu pignus quoddam, nunc mit-
to *Arnobium*, qui tum forte erat in manibus, quum
huc nuncius omnium lætissimus adferretur, *Adria-
num* Sextum rerum gubernaculis admotum, uberius
ac plenius idem declaraturus, ubi se dederit opportu-
nitas. Mihi probe nota est & meæ conscientiae sin-
ceritas, & tui ingenii prudens æquitas. Sed tamen
quoniam video, quantum hoc seculo possunt malæ lin-
guæ, visum est tuam sanctitatem adversus harum vi-
rulentiam, velut antidoto quopiam, præmunire: ut si
quid delatum fuerit de *Erasmio*, aut plane rejiciat, aut,
si quid dubitabit, suspendat sententiam, donec meam
acceperit defensionem. Nihil enim addubito, quin a-
pud te iudicem æquissimum sim istorum calumniis a-
bunde responsurus. Hoc quum scirem te tua sponte fa-
cturum, tamen quorundam improbitas, qui nusquam
non cessant, fecit ut, si non rogarem, certe submone-
rem. Hactenus in re *Christiana* animum præstiti di-
gnum orthodoxo, eundem præstaturus usque ad extre-
mum vitæ diem. Si neutri parti causam meam proba-
re potero, certe *Christo* conscientiam hanc confido me
probaturum. Sit hoc non è tripode, quod ajunt, sed
ex sinceri pectoris oraculo dictum. Huius epistolæ bre-
vitatem pensabit prolixior in *Arnobium* præfatio. S. T.
diu nobis servet omnium Servator Dominus *Iesus*, qui
tibi suas vices gerenti semper adesse dignetur. *Basilea*
1. Augusti, Anno 1522.

Hæc epistola missa est priore diplomate missa qui-
dem, sed nondum reddito.

EPISTOLA DCXXXIII.

IN ARNOBIVM.

Adriano, huius nominis VI. Pontifici Romano nuper
electo, Erasmus Rot. S. D.

QVVM facile divinarem, beatissime Pater, quanta
gaudiorum ambitione strepituque *Roma* foret ex-
ceptura longe gratissimi Pontificis adventum, præfer-
tim tot jam mensibus desideratum, ratio mihi quæsit
est, ut inter tot millia gratulantium, inter tot accla-
mantium & applaudentium agmina, inter tubarum
voces & bombardarum tonitrua, tamen humilem,
exili voce, denique procul etiam absentem, non omni-
no mutum agnosceres *Erasmum*; ut quondam tuæ do-
ctrinæ Theologicæ auditorem, & integritatis admira-
torem, ita nunc tuæ sollicitudinis Apostolicæ ovicu-
lam. Sic *Zachæo* pusillo quæsitum sycomori præsidium,
ut videret *Iesum* & ab eodem videretur. Imo non tam
hæc ratio mihi quæsitæ est quam ultro oblata. Beni-
gnitas enim Domini *Iesu*, cujus peculiari voluntate
ad istuc muneris adscitum esse te persuasum est omni-
bus, quum pollicita sit inventuros eos qui quæsis-
sent, mihi non quærenti, organum, ni fallor, aptissimum
obtulit, quo tibi gratulationis officium, haud quidem
vulgari more perolverem. Obtulit enim *Psalterium
Davidicum*, digitis *Arnobii*, peritissimi Psalmistæ,
mea sententia dulcissime resonans. Et si quid faciunt
ad magnificentiam, tædarum ac funeralium flammæ,
habet hoc organum non solum efficacem & amabilem
piis auribus tinnitum, verum etiam habet & ignem
suum, habet suas & faculas, de *Christi* igne lucentes,
quem ille venerat sparsurus in terras. Hoc ut longe
magis decorum est vere Theologo & integerrimo
Pontifici, ita non dubito quin sit & multo gratius fu-
turum animo tuo, quam lituorum cantus, aut tormen-
torum æneorum crepitus, aut inconditæ populi tu-
multuantis acclamations. Sed ne molestus sim æni-
gmatis, rem ut habet simpliciter eloquar. Eodem fer-
me tempore, quo huc rumor omnibus lætissimus alla-
tus est, te magno consensu Cardinalium adscitum ad
Pontificii *Romani* culmen, missi sunt ad nos è venera-
bili collegio ac disciplinæ regularis nomine cum primis
Tom. III. Zz com-

AN. commendato, quod, inter *Wormaciam Vangionum* ci-
 3522. vitatem, & *Spiram Nemetarum* urbem situm, vul-
 go dicitur *Frankental*, Commentarii in *Psalmos Davi-*
dicos, *Arnobii* titulum præ se ferentes. Qui mitte-
 bant, non confidebant placituros, vel quod jejuni vi-
 derentur, vel quod impolito sermone passim manife-
 stariis solocismis scatentes. Verum simulatque, de-
 gustandæ lectionis gratia, unam atque alteram pagel-
 lam evolvissem, sensi protinus non illam esse vulga-
 rem infantiam, sed expolitissimam impolitiem, & co-
 piofissimam breviloquentiam. In verbis duntaxat esse
 parsimoniam ac neglectum, in sensibus amplissima splen-
 didissimaque esse omnia. Quoque sum altius ingres-
 sus, hoc magis mihi crevit Operis admiratio, ut pla-
 ne sentirem mihi thesaurum quempiam insignem obla-
 tum, sed, ut *Pauli* more dicam, in vasculo fictili. Ce-
 pit me semper, fateor, in Auctoribus etiam sacris ser-
 monis mundities, & offendit balbuties. At utinam no-
 bis contingant plures, qui de mysteriis Scripturarum
 sic balbutiant, ut hic *Arnobius*, tanta luce, tanta eru-
 ditione, tam foecunda brevitate, tanta denique sancti-
 monia. Sed ne sermonis inconditi, multisque locis so-
 loci præjudicium, Operis auctoritatem eleve, præfer-
 tim apud eos qui ex orationis vitiis, prudentiam etiam
 aut eruditionem æstimare solent Scriptoris, priusquam
 aggrediar de laudibus Auctoris & Operis dicere, pri-
 mum illud lectorem admonitum volo, quicquid hic est
 solocismorum, non esse profectum ab incitiis, sed à
 judicio, nec homini imputandum, sed tempori. Quum
 enim *Arnobium* eloquentiæ professione clarum fuisse
 constet, etiam antequam fidei nostræ mysteriis initia-
 retur, quumque *Lactantius* discipulus satis declaret,
 quam non infans fuerit ille præceptor, quumque ca-
 techumenus scripserit eloquentissimos libros adversus
Gentes, *Tertullianum* imitatus, quemadmodum hunc
 imitatus est *Lactantius*, non potest imperitiæ videri,
 quod in hoc Opere tot solocismi comperiantur, præ-
 sertim adeo manifesti, ut vix *Holcot* & *Bricot* solocif-
 set crassius. Nec est, quod hinc suspicemur hunc *Ar-*
nobium esse diversum ab illo, cujus Opus adversus
Gentes, etiam ob orationis elegantiam laudatur. Idem
 scripsit, sed non scripsit iisdem. Illud Opus scripsit
 eruditus, hoc scripsit vulgo. Constat autem apud *Hi-*
spanos, *Afros*, *Gallos*, reliquasque *Romanorum* Provin-
 cias, sic sermonem *Romanum* fuisse vulgo communem,
 ut *Latine* concionantem intelligerent etiam cerdones,
 si modo qui dicebat, paululum sese ad vulgarem di-
 ctionem accommodasset. Declarant hoc conciones ac
 disputationes quædam *Augustini* apud populum habi-
 tæ, quas ex ipsa re constat non ab *Augustino* scriptas
 fuisse, sed à notariis exceptas, qui non solum retu-
 lerunt in scriptum quod dicebatur, sed etiam quod
 agebatur. Quos si quis postulet sibi ceu digito com-
 monstrari, unde hujus rei possit experimentum cer-
 tum capere, legat disputationem *Augustini* cum *Ma-*
ximino, & conferat initium disputationis à notariis ex-
 ceptum, cum ejus Operis fine, quem ipse descripsit,
 quod *Maximinus* se subduxisset disputationi. Legat
 duas conciones, quibus expurgat famam de clericis
 suis sparsam in populo; Legat orationem, qua ex po-
 puli suffragiis sibi designat Episcopum successurum, &
 in levioribus negotiis futurum vicarium; Legat can-
 tionem adversus *Donatistas*, quam vulgo canendam lin-
 gua vulgari descripsit. Hæc si quis conferat cum his
 quæ scripsit eruditus, veluti *De Trinitate*, *De Civita-*
te Dei, facile colliget quantum interfuerit inter ser-
 monem eruditorum & imperitiæ multitudinis. Ac ne
Roma quidem eo tempore, quo maxime florebat ea lin-
 gua, omnes loquebantur quemadmodum loquebatur
Cicero. Et jam tum vulgus usurpabat sibi quædam suo
 jure, quæ docti damabant. Dixerit aliquis, Quid ve-
 nit in mentem *Arnobio*, viro facundissimo, ut hos Com-
 mentarios plebejæ linguæ committere voluerit? Pri-
 mum, olim nihil erat popularius *Psalmis Davidicis*,
 adeo ut hinc & arator aliquid modularetur ad stivam,

A & naclerus ad clavum, & nauta ad remum, & fos-
 for ad glebam, & textor ad flamen, & uxor ad co-
 lum. Denique infantes hinc aliquid gestirent canere
 nutrice, priusquam fari nossent. Tanta amor olim
 habebat omnes hujus divinæ musicæ, quam nunc ple-
 rique fastidiunt etiam sacerdotes. Proinde voluit *Ar-*
nobius ab omnibus intelligi, quod videbat cantari ab
 omnibus. Perfuasit hoc illi *Christiana* charitas, quæ
 studet prodesse quam plurimis. Maluit balbutiens utili-
 tatem adferre multis, quam eloquentiæ laudem aufex-
 re apud paucos. Et hanc linguam popularem intelli-
 gebant & eruditi, ut nec illis periret fructus mysticæ
 cognitionis, quo percepto non oportet orationis pha-
 leras efflagitare. Adjiciam & alteram causam ex mea
 suspitione, ut ego quidem arbitror, non improbabilem.
 Refert divus *Hieronymus* in Appendice quadam,
 quam attexit *Chronicis Eusebii Casariensis*, hunc *Ar-*
nobium, quum Ethnicus adhuc in civitate *Sicca* juveni-
 tutem institueret ad declamandum, in somniis adactum
 fuisse ut flagitaret baptismum. Quumque non impe-
 traret ab Episcopis quod petebat, quod illis persua-
 deri non posset illum sincero animo velle profiteri re-
 ligionem, quam hæcenus impugnasset, elucubravit
 adversus pristinam religionem luculentissimos libros,
 atque his tandem velut obsidibus datis, pietatis foedus
 impetravit. Porro, ne quid suspicionis etiam hæreret
 in animis simplicium *Christianorum*, qui superbam il-
 lam & artificio fucatam eloquentiam vel oderant, vel
 habebant suspectam, in his Commentariis deposuit om-
 nem rhetorices strepitum, seseque ad infimæ ple-
 bis orationem dejecit, quo declararet sese toto pecto-
 re *Christianum* esse. Nam Opus hoc suscepit jussu duo-
 rum Episcoporum, *Rustici* & *Laurentii*, quemadmo-
 dum ipse testatur sua Præfatione. Atque hoc factum
 obedientiam vocat, ut conjectura sit, aut cateche-
 menum loqui, aut certe recens *Christianum*. Proin-
 de si quis reputet, quibus ista scribat *Arnobius*, non
 debet videri solocismus, si quid inciderit diversum à
 consuetudine loquentium emendatius, imo solocismis
 erat nisi sic fuisset loquutus. Veluti si quis vulgo *Ro-*
manorum hodie loquatur, quemadmodum olim loquu-
 tus est divus *Gregorius*, quum adhuc esset sermo po-
 pularis incorruptior; aut si quis apud *Hispanos* verba
 faciens, secus loqueretur quam habet publica illius gen-
 tis consuetudo, duplex incommodum lucrifaceret: pri-
 mum, non intelligeretur ab iis quibus loqueretur: de-
 inde, ut Barbarus offenderet ac rideretur. Quare Scri-
 ptoris hujus exemplum nihil suffragatur his, qui quum
 scribant literatis, & ea lingua quæ temporibus his ni-
 hil habet commercii cum populo, tamen laudi quoque
 sibi verti volunt, quod ineptis sensiculis, sermonis ine-
 ptiam vincunt. Nam præcipua vis eloquentiæ in re-
 rum inventionem sita est. Quamquam nunc quoque non
 est fastidienda in Scriptore *Christiano* munda simplici-
 tas, modo sicut absunt phaleræ, lenociniaque, sic
 absint & sordes. Neque enim *Arnobius*, si nunc scri-
 beret, iisdem uteretur solocismis, sed aut plane *Galli-*
ce scriberet, si vulgo *Gallorum* scriberet, aut pure *La-*
tine, si scriberet literatis. Nimirum hujus generis erat
 Apostolorum sermo, quo nobis Novum Testamentum
 literis prodiderunt. Sic tum aurigæ loquebantur &
 nautæ. Talis erat sermo, quo primum in linguam *La-*
tinam translati sunt Novi Testamenti libri, in quibus
 si qui solocismi nunc offendunt aures literatorum,
 magis adscribendi sunt illorum temporum receptæ con-
 suetudini, quam interpretum imperitiæ. Sed ut tum
 expediebat sic scribere, quia populo scribebatur, ita
 nunc ineptum sit affectare solocismos, qui nec illite-
 ratis prosint, & literatos offendant, & rem obscurant,
 & auctoritatem Scriptoris elevent. Cæterum ut satis
 constat, populum corrupisse *Romani* sermonis purita-
 tem, ita verisimile est apud alias nationes, aliisque tem-
 poribus aliter fuisse corruptum. Certe duo quædam de-
 prehendimus in hisce Commentariis, quæ divus *Aure-*
lius Augustinus testatur ætate sua vulgo corrupte so-
 lere

Ad. lere pronunciari. Nam in Commentario *Psalmi* centesimi tricesimi octavi, *ossum* pro *os*, unde ducitur paternus casus *os*, & multitudinis casus *ossa*: & *floriet* pro *forebit*, non semel ab hoc positum est, & ita, ut satis appareat non esse casu factum: & quum dixisset *os*, velut interpretans populo, adjecit, id est, *ossum*. Utriusque rei meminit divus *Aurelius Augustinus* in Opere, cui titulum indidit, *De doctrina Christiana*. Siquidem libri tertii capite tertio scribit hunc in modum, de vocibus ambiguis differens: *Nam quod scriptum est, Non est absconditum à te os meum, quod fecisti in abscondito*, non elucet legenti, utrum correpta litera *os* pronunciet, an producta. Si enim corripiat, ab eo est quod sunt *ossa*; si autem producat ab eo quod sunt *ora*, intelligitur numerus singularis. Sed talia linguæ præcedentis inspectione dijudicantur. Nam in *Græco* non *σῶμα*, sed *ὄστρον* positum est. Unde plerumque consuetudo loquendi vulgaris utilior est significandis rebus, quam integritas literata. Mallem quippe cum Barbarismo dici, *non est absconditum abs te ossum meum*, quam ut ideo esset minus apertum, quia magis *Latinnum* est. Idem libro secundo capite xiii. de vitiis sermonis disputans: *Illud*, inquit, *etiam quod jam auferre non possumus de ore cantantium populorum, Super ipsum floriet sanctificatio mea, nihil profecto sententia detrahit. Auditor tamen, peritior mallet hoc corrigi, ut non floriet, sed forebit diceretur; nec quicquam impedit correctionem, nisi consuetudo cantantium*. Ex his colligere licet hos Commentarios & *Africæ* fuisse scriptos, & priscis illis temporibus: fortassis præstiterit & alios aliquot barbarissimos indicare, quo minus offendantur præmonitus lector, quum inciderint, neve statim mutet scripturam à librariis depravatam suspicans. *Panitemini* verbum non raro usurpat deponentaliter. Item *tribulantes* frequenter ponit pro iis qui affliguntur, non qui affligunt. Similiter *confundentes* pro *erubescences*, quasi *tribulari* & *confundi* deponentia verba sint, non passiva. *Hoc flos*, & *hoc ros* constanter pronunciat genere neutro, nimirum ad formam *os oris*. Carendi & utendi verbo adjungit accusativum. *Hæc manna manna* inflectit, ut nos *Anna Anna*. *Græcorum* exemplo sæpenumero nominativum ponit absolute loco ablativi, velut in Commentario *Psalmi* centesimi decimi quarti, & *Psalmi* octogesimali quarti. Nonnunquam adjungit casum, non quem recipiunt ea verba quibus utitur, sed quem admittit verbum quod circumloquitur, veluti *Psalmi* octogesimo octavo, *Memor esto Apostolos pro memente Apostolos*. *Adtropare* dixit alicubi, voce nimirum id temporis vulgata magis quam proba, pro eo quod erat *per Tropologiam* applicare. Hanc vocem *paratrara*, quæ *Tertulliano* peculiaris est, nonnunquam & apud hunc invenies, qui ut ætate præcessit *Arnobium*, ita gentis ejusdem fuit. His non dissimilia quædam obvia sunt in libris *Augustini*, maxime iis, quibus loquutus est apud populum, velut *subdiacones* & *diacones*, & *baptismus* genere neutro. Hæc referre visum est, ne cui fordescat Opus eruditum juxta ac pium, ob hæc & hujusmodi sermonis vitia, quæ apud eos, quibus tum scribebat, adeo vitia non erant, ut si secus dixisset, habitus fuisset barbarus. Poteram mutata phrasi & adjectis paucis exiguo labore totius Operis gloriam in me transferre; sed primum, illud semper alienissimum fuit à moribus meis, alieni meriti gratiam mihi suffurari. Deinde, visus est *Arnobius* indignus, qui hac portione laudis apud posteros fraudaretur. Interciderunt illi laudati libri, quibus pugnat adversus Gentes. Saltem hoc superfit illius toties *Hieronymo* laudati ingenii monumentum. Atque hujus quidem Operis in *Catalogo Scriptorum illustrium* non meminit *Hieronymus*. Fortassis in causa fuit, quod is liber, ut vulgo scriptus, tantum in *Africa* circumferebatur, aut notior erat, omniumque manibus tritior, quam ut *Hieronymus* putaret recensendum. Ita rebus nonnullis nimia celebritas oblivionem induxit. Hæc nimirum occasione nunc de-

A sideramus titulos Operum *Origenis*. Simili casu fuisse *Arnobium* ignoraturi libros *Tertulliani*, nisi nuper aliquam partem felicior studiis Deus prodidisset. Proferam & aliud argumentum, unde præter styli conjecturam possis antiquitatem Scriptoris colligere. Aliquot hæreticorum per occasionem meminit, *Manichæi*, *Novati*, & *Arii*; sed nullius, cujus ætas posterior fuerit ætate *Arnobii*. Nam *Arianam* hæresim apparet hujus ætate te fuisse exortam. Floruit enim sub Imperatore *Diocletiano*, circiter annum orbis redempti trecentesimo vigesimo nonum. Cæterum nec *Donatistarum*, nec *Pelagianorum* meminit, quum utraque pestis hæc exorta sit in *Africa*, quorum priores hoc defuncto, iam admodum sene, exortos apparet; alteros ætate *Augustini* constat existisse. Ex tamen *Arnobius* hic uno atque altero loco disputat *De libero arbitrio*; ubi non tacuisset *Pelagium*, si ille fuisset antiquior. Quum igitur demonstratum sit in his, quæ sola poterant ostendere, nihil esse quod debuit quenquam offendere, quum & Auctorem tantopere nobis commendet *Hieronymi* auctoritas, quum Opus ipsum tanta commendet antiquitas, nunc paucis aperiā quæ me tantopere rapuerint in hujus voluminis admirationem. Primum illud in confesso est, inter omnes sacræ Scripturæ libros, nullum esse mysteriis abstrusioribus plenum, quam librum *Psalmorum*, nec alium esse majoribus tenebris opertum verborum ac sententiarum. Atqui in tali argumento simul & brevem esse & dilucidum, quod hic utrunque mire præstat, mihi videtur hominis pariter & exquisitæ facundiae, & penitus intelligentis rem de qua loquitur. Nullus enim paucis explicat, quæ parum intelligit. Nullus tam obscura tam dilucide posset efferre, nisi dicendi rationibus omnibus exercitatus. Nusquam est præfationum ac digressionum ambagibus molestus, sed ubique præclarus artifex festinat; & in medias res, non secus ac notus auditorem rapit, quod in *Homero* laudavit *Flaccus*. Nec usquam est ambitiosus in citandis sacrorum Voluminum testimoniis, sed totus sermo velut ex emblematis ac tessellis arcanae scripturæ concinnatus est; ac frequenter ita contextit *Psalmi*, quem exponit, versus aliquot, ut paucis verbis additis, etiam illa lucem habeant, quæ non interpretatur, sed ita refert, ut perpetui sibi que cohererentis sermonis tenor suam habeat gratiam. Jam quod in perspicuis etiam argumentis difficillimum est, sic docet aperte, ut nihil sinat frigere ab affectibus. Plus indicat oratio quam loquitur, ac properans multum & cogitationum & aculeorum relinquit in animo, ut nescias utrum prius in te efficiat, ut intelligas, an ut rapiaris. Jam hoc non solum est eruditi, verum etiam amantis quod docet. Si quid incidit, quod ex reconditis antiquarum rerum historiis, aut ex eorum libris, quid de naturis animantium, aliarumve rerum scribere, petendum erat; nihil est tam abstrusum apud *Ethnicos*, aut sacros etiam Scriptores, quod hic paucis verbis non indicet, nihil interim ostentans aut jactitans varietatem eruditionis, quod in nonnullis etiam magni nominis Scriptoribus sæpe nobis molestum est. Sed rem vere sacram Apostolica quadam simplicitate sinceritateque tractat. Nec congerit aliena, nec usquam vim facit divinæ Scripturæ, sed quicquid adducit, ei loco natum esse dicas. Maluit enim optima referre quam plurima. Porro, quum à jocis abstineat, quos argumenti severitas non patiebatur, tamen sentias per totam dictionem fusam esse perpetuam quandam festivitatem & jucunditatem. Nusquam ipse languet aut dormitat, & semper alacritate dictionis sublevat ac recreat lectorem. Sic incipit, ut illico reficiat: sic properat, ut non possit somnus obrepere: sic finit, ut sitientem adhuc & plura cupientem dimittat. Jam quum in *Tertulliani*, *Origenis*, ac omnium pene Veterum libris quædam admixta sint, quæ aut manifestum habent errorem, aut suspecti dogmatis sunt, hic sic ubique temperat calamus, ut nihil usquam compererim, quod ulli hæresi sit affine: nam quod scribit in Commenta-

Aut. rō *Psalmi* decimi quarti: *Iesus autem immaculatus s-*
352. l. m. uirginem ante ingressus, ipsum tabernaculum a-
ntentis carnalibus liberavit: Non sensit de maculis, quæ
 ante ingressum *Christi* fuissent in *Maria*, sed quæ in
 aliis feminis esse consueverunt, à quibus *Christus* suam
 matrem servavit immunem, & auxit castitatem potius
 quam violavit. Quin & Ecclesie *Romane* videtur hoc
 honoris deferri, ut extra catholicam Ecclesiam sit,
 qui sit ab hac alienus, quæ totius Ecclesie teneat prin-
 cipatum, quæque *Petrus* Apostolorum principem me-
 ruerit habere pastorem. Locus est Commentario cen-
 tesimo sexto: & in Commentario *Psalmi* centesimi tri-
 cesimo octavi docet eximiam quandam potestatem *Pe-*
tro tributam à *Christo*, quem ter negaverat, hanc du-
 bic loquens de potestate pascendarum ovium. De Vo-
 tis aliquoties meminit, sed his duntaxat, quibus in ba-
 ptismo *Christum* professi, mundo satanæque renunciavi-
 mus, non quod arbitrer illum reliqua vota contem-
 pisse, sed quod hæc, ut sunt, præcipua duxerit. Nec
 dubito quin in his Commentariis, *Origenis* industria
 fuerit adutus, qui in nullum opus divini Scripturæ
 frequentius edidit Commentarios quam in *Psalterium*:
 nam locis aliquot declarat se *Græca* calluisse. Sed inte-
 rim tixerit mihi quispiam, Quid hic gratiæ tibi postu-
 las, qui nihil largiris de tuo? Non recuso quo minus
 tota laus sit penes *Arnobium*, modo quam plurimum
 utilitatis hinc manet ad veræ pietatis candidatos. Et ta-
 men est aliquid prodidisse librum antehac obscurum,
 atque etiam ob dictionis vitia contemptum. Est ali-
 quid huc perpulisse *Joannem Frobenium*, ut suo sumptu,
 suoque periculo novum Opus excuderet suis formulis:
 non enim semper æque feliciter illis cadit editionis a-
 lea. Postremo, vix quisquam credat quantum fuerit
 negotii in castigandis erroribus scribæ, quod ut face-
 rem, sæpe totus *Psalmus* erat relegendus, ut illinc sub-
 odorarer lapsus occasionem. Erant observandi familia-
 res huius Operis sollecissimi ac barbarissimi. Alicubi res
 plane *Delium* quempiam natatorem postulabat, aut *Sil-*
lyllam potius. Huius generis unum exemplum dabo,
 Commentario septuagesimo septimo, scriba non intel-
 ligens sic pinxerat, quod aures infaciens. His verbis
 quum nihil omnino significaretur, diuque me torfise-
 rem, divinavi id quod res est, scriptum fuisse, quod
 aures infaciens. Nam in plerisque scripturis figura hu-
 jus literæ non multum abhorret ab r. Itaque scriba
Græce prorsus ignarus, & *Latine* minimum doctus, ex
aures fecerat *aures in*. Item Commentario cente-
 simo quinto scriptum erat, *Suscipiat regulam peniten-*
tia, excluso nova ita ut centesimum quintum Psalmum, &c.
 Nos ex conjectura restitimus, excluso *Novato*, sive
Novatiano: nam uterque fuit ejusdem hæresis, nec ad-
 mittebat poenitentem. Novum igitur Opus novo Pon-
 tifici, sanctum ac theologicum Opus integerrimo Theo-
 logo Pontifici dedicamus. Id, uti spero, tua sancti-
 tas hoc libentius accipiet, quod hoc munusculo nihil
 veniamur, (sumus enim nostra, quamvis tenui, fortuna-
 ta contenti) nisi ut hoc Opus tuis auspiciis exeat in ma-
 nus hominum, hoc nimirum uberiores pietatis fructum
 allaturum, si tuo calculo fuerit comprobatum, quem
 ad istud dignitatis fastigium non ambitio, non ullus fa-
 vor humanus, sed, ut confidimus omnes, propitii Numi-
 nis voluntas evexit, ut esset non minus optimus inte-
 gritate, quam maximus auctoritate, qui hos impios
 orbis *Christiani* tumultus, jam heu nimium diutinos,
 ac semper in pejus gliscentes, aliquando componat. Vi-
 demus duos præcipuos orbis monarchas insensis animis
 inter se conflictari, vix ullam esse portionem orbis no-
 stri immunem à bellis, à cædibus, à prædationibus.
 Et quanquam religio *Christiana*, quæ olim omnes mun-
 di plagas occuparat, nunc *Europa* angustiis minor sit,
 tamen hæc quoque sectarum ac schismatum perniciosiss
 diffidiis misere dissecta est. Atque interim sic tumultu-
 antibus imminet *Turca*. In rebus tam afflictis, ma-
 gna quædam spes habet animos bonorum omnium, fo-
 re, ut discussis tempestatibus, per te nobis serenitas

Ae tranquillitas redeat. Pollicentur hoc nobis quum
 aliæ res permultæ, tum eruditio tua non vulgaris, dein-
 de ista morum integritas à primis annis ad hanc usque
 ætatem spectata cunctis. Præterea, senectus ista, quæ non
 sinet te alio spectare, quam ad gloriam *Christi*, ac pro-
 fectum *Christiane* pietatis. Postremo, summus cum Cæ-
 sare *Carolo* consensus, cujus auctoritas ac potentia hoc
 præstabit, ut possis etiam efficere, quod optimum esse
 judicabis. Certe ad tantam corruptissimorum morum
 luem emovendam validis incantamentis est opus, ac ve-
 nefico quodam artifice, qui incantet sapienter. Eam
 ad rem nos organum aliquod novum perreximus, non
 quod desisset *Psalterium Davidicum*, sed quod apud ple-
 rosque jaceret. Habet hæc, ut ferunt, humana musi-
 ca, ut affectus hominum aut concitet, aut moderetur,
 si quis artifex certas harmonias apte modulatur. *Ti-*
motheus folius fertur *Alexandri Macedonis* animum
 ad bellum certis modis accendere. *Pythagoras*, spon-
 dæos ad *Phrygiæ* modum occinens, amore lymphat-
 um adolescentem ad gravitatem immutavit. Simile
 quiddam fecisse narratur *Empedocles*, qui certis modis
 Musices adolescentem jam ira percitum & in cædem
 ruentem, ad sanitatem revocarit. Et quanquam fabu-
 losa videntur, quæ de *Mercurii* atque *Orphi* cithara
 prodidere Veteres, tamen hæc ipsa figmenta nata sunt
 ex artis miraculis. Certe *Terpandrum* atque *Arionem*
 apud *Lebtyos* atque *Ionios* multis & gravibus morbis,
 harmoniis musicis mederi solitos, narrant rerum gesta-
 rum scriptores. *Ismenias Thebanus* apud *Bæos* multis
 Ichiatricis cruciatum, apto modulamine exemisse legi-
 tur. Nam quod ait *Virgilius*,
Frigidus in pratis cantando rumpitur anguis,
 ut à Poeta dictum contemni poterat, nisi nostræ quo-
 que literæ meminissent venefici incantantis sapienter,
 & aspidis furdæ. *David* sua cithara succurrebat *Sauli*,
 quoties à spiritu Domini malò agitabatur. Quod si
 tantam vim habet humana musica ad mutandas affe-
 ctiones corporum & animorum, quanto credenda est
 efficacior cœlestis hæc ac divina Musica ad purgandos
 animos nostros à morbis spiritualibus, ac spiritibus hu-
 jus seculi malis. Ingens morbus est ambitio, pessimus
 spiritus est livor & odium, atqui hujusmodi pestibus
 maxima pars *Christianorum* tenetur, nec his sæpe libe-
 ris, quos oportebat aliis mederi. Prophanis olim erant
 & verba & voces, quibus animi dolorem lenire pos-
 sent, & magnam morbi deponere partem; & *Christi*
 Musica non habet verba & voces, quibus excantemus
 animis nostris amorem rerum fluxarum, & incantemus
 amorem rerum cœlestium? *Pythagoras* habuit modos,
 quibus juvenem amore furentem ad sobrietatem revoca-
 ret; & *Christianus* Psalter non habet modos, quibus
 Principes, insanissimis bellis sic inter se sine fine tamul-
 tuantes, ad pacis amorem revocet? Sed ipsi prius no-
 bis hæc Musica medeamur oportet, quam aliorum mor-
 bis mederi paremus. Nulla est Scripturæ sacræ pars,
 quæ non habeat efficaces modos, modo ne velut aspidem
 furdæ obturemus aures nostras, ne penetret in animos
 nostros divinæ vis incantationis: sed mea sententiâ nulla
 efficacior, quam *Psalmorum*, in quo divinus ille Spi-
 ritus secretissimas suorum mysteriorum delicias nobis
 reconditas esse voluit, ac modos quosdam efficacissi-
 mos reposuit, quibus transformaremur in affectum
Christo dignum, tantum adsit, qui scite moveat hu-
 jus Psalterii chordas. Hoc peculiare munus est E-
 piscoporum ac Sacerdotum. Et tamen sibi quisque
 psalter esse possit, aderit moventi chordas, & arca-
 nam vim adspirabit intus, si modo purus & ardens ad-
 sit animus, hoc est, si purgatæ mentis aures. Utinam
 tua sanctitas nobis referat illum hujus Musices peri-
 tissimum *David*, qui non solum ipse modulatus est,
 sed & alios cantores multos instituit. *David* autem ty-
 pum gerebat *Iesu Christi* psalter nostri, qui nablo cor-
 poris sui in cruce tenso, nihil vulgare aut terrenum
 sonuit, sed harmoniam Patri gratissimam, & nobis
 efficacissimam modulatus est. Quam suave sonuit illa
 cha-

An. charitatis chorda. Pater, ignosce illis, quia nesciunt. 1522. quid faciunt! Habet & mundus organa sua, sed quæ inferne reddunt sonitum inamabilem. Quid enim loquitur iræ fides? *Ulciscere, spolia, ejice, occide.* Quid sonat ambitionis nervus? *Dilata ditionem, nec jurisjurandi, aut pietatis sit ratio, quoties agitur de imperio.* Quid crepat avaritiæ chorda? *Vides nemini bene esse, nisi qui plurimum possidet, per fas nefasque congere, rape, serva.* Quid sonat luxus ac libidinis chorda? *Hic suaviter vive, quid post hanc vitam habiturus sis incertus.* Sic pessimam harmoniam reddit livoris & obtruncationis chorda. Hæc nimirum est mundi Musica, quæ modis hujusmodi pessimis incantat nobis pestiferas cupiditates, ac Sirenum in modum male dulcibus cantilenis nos pellicit in perniciem. His modis ebrii lymphatique sic belligerantur, tumultuantur, ambimus, rapimus, irascimur, ulciscimur, mordemus invicem, ac mordemur. Sed ille cœlesti Musica tactus erat qui dixit: *Quam dilecta tabernacula tua, Domine virtutum, concupiscit & deficit anima mea in atria Domini!* Rursus ille: *Factum est cor meum tanquam cera liquefcent in medio ventris mei.* Afflaverat Apostolos hujus harmoniæ vis, quum ajunt: *Domine, quo ibimus? verba vita habes.* Suavissimus autem ac modulatissimus concentus est, quoties è charitate, pudicitia, sobrietate, modestia, cæterisque virtutibus, concors quædam varietas resonat. Habet modulos suos pro argumento diversos hæc Musica. Sunt quibus flebili, sed Deo gratissimo, cantu deploramus peccata. Sunt qui nobis animos ac robur addant ad fortiter resistendum diabolo. Sunt alacres ac læti, quibus gratias agamus Deo pro suis in nos beneficiis. Sunt quibus consolemur ac deliniamus afflictum. Denique nihil malorum habet hæc vita, quod non facile feramus, si, quemadmodum *Coloss.* scribit *Paulus*, nos invicem doceamus, & commonefaciamus cantionibus ac laudibus, & cantilenis spiritualibus cum gratia cantes in corde nostro Domino. Et quicquid egerimus sermone aut facto, omnia in nomine Domini Jesu faciamus, gratias agentes Deo & Patri per Filium. Erit autem hæc Musica gratior Deo, si frequens chorus concordibus animis ac vocibus moduletur. Sed ut ad *Psalms Davidicos* redeam, nemo potest hujus modulationis sentire dulcedinem, nisi sensum mysticum perceperit. Quid est enim alioqui quod plerique Monachi ac sacerdotes tanto cum tædio *Psalms* hos sonant? Nimirum quia spiritu canunt, non mente. Quod si quibus non vacat prolixos aliorum commentarios evolvere, horum fastidio succurret *Arnobius*, qui sæpe *Psalmo* ipso brevior est, ut qui hujus commentariolum legit, simul & *Psalum* cecinerit & didicerit. Sit igitur hæc præcipua cura sacerdotibus, ut semel intelligant, quod quotidie recinunt: ita fiet ut plus capiunt solatii ex uno *Psalmo*, quem intellectum mente cecinerint, quam ex quadraginta spiritu decantatis. Illud in primis oportet esse persuasissimum psalterii nostri, sic visum esse Spiritui Sancto, & optimo consilio visum, arcana sapientiæ cœlestis hujusmodi figurarum involucris obtegere. Eruendi mysterium ipse *Christus* in Evangelio, & Apostolica literæ viam nobis aperiunt. Horum vestigiis ingressi, veteres orthodoxi reliqua nobis prodiderunt; sed mea sententia nemo sanctius *Arnobio*. Quanquam is potissimum occupatus est in sensu explicando, qui pertinet ad Evangelicam historiam, ut, quemadmodum scribit *Paulus* Apostolus, ex fide in fidem magis in nobis confirmetur scientia *Christi*, dum quicquid in Evangelicis literis gestum legimus, in *Psalms* prædictum conspicamus. Atque hæc sane pars in tractando difficillima est, qua recte comperta, facile vel ex sese reliquos sensus addivinant, qui in mysticis literis sensus habent exercitatos: qua de re nonnihil attigimus in Commentario, quo nuper explanavimus *Psalum*, *Quare fremuerunt gentes?* Sed, ut aliquando finiam, beatissime Pater, orat & expectat illud abs te cum primis populus *Christianus*, ut arrepto *Psalterio Christi*, melodiam aliquam

A vere Apostolicam incinas, quæ Principum ac populorum animos jungat *Christiana* concordia, quæ perniciosas opinionum pugnas discutiat, quæ ad cœlestium bonorum amorem inflammet, regno cœlesti destinatos. Non gratulor tibi dignitatem istam, non gratulor patriæ, atque etiam diocesi mihi tecum communi, cui nunc primum contigerit Romanum habere Pontificem. Non ambio ut apud te mihi prosit, vel patriæ aspiritas, vel vetus inter nos consuetudo: sed orbi *Christiana* gratulabor, si, quod fore confidimus, ita tractatus munus istud Apostolicum, ut mundus intelligat tandem Roma contigisse Pontificem, cui *Christi* gloria nihil sit antiquius, quique *Petri* ac *Pauli* spiritum referat verius, quam titulos: qui *Christi* vicarium sic gerat, ut orbis sentiat *Christi* spiritum in illo versantem, & agentem. Audi et, mihi crede, populus veri pastoris vocem, ac prompte sequetur grex *Christi* vestigiis præeuntem, neque gravatim agnoscat Apostolicam potestatem, si senserit Apostolicam pietatem. Hæc conanti precor ut adspiret Dominus *Jesum* Pastorum Princeps, Amen. *Basilæa* 1. Augusti, Anno 1522.

EPISTOLA DCXXXIV.

Vives Erasmio.

C IN maxima sollicitudine sum & ero, donec factus fuero certior, an sit vobis redditum quod reliquum eras libri: id mihi per juvenem quendam Coloniensem, Corradi consilio, 15. die Julii, quoniam de professione aliud statuerat Carolus, quam dixisset cum hic eras Georgius. Nihil superest mittendum per Hilarium, quem nondum vidi: dicunt profectum Antuerpiam, & rediturum brevi. Per eum cogito hanc epistolam mittere, quam scribo non omnino confisus, aut sanus, sed paulo liberior dolore quam his diebus fui. Nam ex quo Augustinum perfecimus, nunquam valui ex sententia: proxima vero hebdomade & hac, fracto corpore cuncta, & nervis velut lassitudine quadam & debilitate dejectis, in capua decem turres incumbere mihi videntur indiscendo pondera, ac mole intolerabili: isti sunt fructus studiorum, & merces pulcherrimi laboris; quid labor & benefacta juvant? Quod de puerpera dicis, tam belle in me congruit, ut quarto die postquam Augustinum deposui de manibus, novum librum instituerim, adeo, inquit, avis pascitur opere: sed crede mihi, totos duos aut tres menses reparandis ingenii viribus volo impendere, ut ea per quietem & cessationem revocentur, sicut in novulis. Cupio videre Caranzæ quem in modum responderis: & alia quæ deoeris istic conscripisse multa inprimis & magna. In Caranza plane eras falsus; nam imposuerat mihi facus epistola, quam solam ex toto legeram opera. Literas tuas ad Morum ac Cantuariensem mihi hodie in Britanniam, brevi accipient; nam eo nunc redeunt frequenter ex mercatu Antwerp. Gratulor tibi favorem amplissimi ordinis, ingenium & eruditionem tuam ita propensam, si modo verum est quod hic narravit mihi quidam à Corrado auditum, de annua pensione oblata tibi honestissime. miror te invidere gaudium hoc mihi amantissimo tuo, ut ejusmodi ad me solum non scribas: cum vero vel ipse minus gauderem quam alii, vel si tacendum esset, non possem continere; sed utcumque sit, tuis omnibus incrementis, & felicitate meritis tuis digna lator, undecumque resciam: ex te mallet, quo certior esset in certiore nuncio latitia: pecunia ego quidem, approbabitur tamen mihi quicquid in Frobenius statueris; si quid mittitis, jubete quam primum reddi. Si quid vis ad Vergaram scribere, mitte bas ad me. Proximo mense cogito in Britanniam transmittere: si quid mandas, scribe per N. cum redibis à mercatu Francfordiensi: simul te oro per eundem mittas mihi literas aliquas ad amicos illic tuos commendatitias, saltem ut sciant me amicum esse tuum, quo me pluris faciant: etsi non est consilium manere ibi supra tres menses, aut ad summum quatuor; quæ de re puta me tibi loquutum esse Brugis. Me tenet tantum scholæ meæ redire, ut quidvis facturum sim citius quam ad bas redire forderi, & inter

An. inter pueros versari. Ruffaldus salutat te impensissime, qui dicit se brevi cum patre congressurum, & a presente impetraturum, ne tibi solutio hac diutius differatur. ὁ δὲ αἰχλυνὰ πάντα mirum de rebus omnibus silentium: favor bonorum in te ardentior, quam unquam ἡ πολλοὶ τῶν παρῶντων ἐσιώπων, ἃ οἱ παρῶντες θανάτῳ σκοπῶσι μόρον. Spero te viventem adhuc visurum studia hominum in te, qualia meritis tuis debentur, & interfuturum tua posteritati; istis te debes temporibus servare. Nam narravit nobis te affligere valetudinem tuam immodicis studiis. Hic omnes tui te impatienter jam desideramus & precamur Deum, ut incolumem te nobis reddat. Hic apparamus Bellum majoribus animis quam gerimus; atque utinam utrinque fieret minoribus: aliquot Hispanorum milium milia dicuntur in Britanniam applicuisse, ut admisceantur ordinibus Britannis; multum de Pontifice novo speratur. Hactenus perfrixit; putant fore ut incalcescat hoc Caesaris congressus, qui ad litus Cantabricum appulit 16. die Julii. Vereor ne ille non tam se esse Pont. Rom. meminerit, quam veteris hujus juris in se, ut pristina auctoritatis pondere in sententiam hujus trahat; quod si illi, qui sit & non qui fuerit, in mentem veniat, spes est magna pacis: sed hac relinquamus factis. De Graphæo & aliis rebus puto ad te scribi per Petrum Ægidium, & alios qui sciunt. Nam ego domi semper abditus nihil audio; aut tam sero, ut citius sit istuc perlutum, quam ad me. His diebus vacationum Clava venit Gandavo huc, tantum ut Græcum aliquem audiret. Vide studium senis, & non erubescimus juvenes dormire. Vale etiam atque etiam, mi praeceptor. Lovanio 15. Augusti, Anno 1522.

EPISTOLA DCXXXV.

Erasmus Rot. Georgio Duci Saxonia S. D.

ILLVSTRISSE Princeps, per jucundum accidit, quod me tuis humanissimis literis sis dignatus, quum ego tam neglecte scripsissem celsitudini tuæ, nimirum occupatissimus, ac præterea valetudine adversa. Hoc orbis periculosissimum diffidium displicere tibi non est mirum, cui enim non displiceat, qui sit animo Christiano præditus? Atque utinam hic veris studiis advigilent Principes, ut tantum malum sopiatur, & ita sopiatur ut non repullulascant. Nam utris sit imputandum, fortasse jam serum sit disputare. Lutherus, quod negari non potest, optimam fabulam suscepit, & Christi pene aboliti negotium summo cum orbis applausu coeperat agere. Sed utinam rem tantam gravioribus ac sedatioribus egisset consiliis, majoreque cum animi calamique moderatione: atque utinam in scriptis illius non essent tam multa bona, aut sua bona non vitiaisset malis haud ferendis. Et tamen hic gravius peccant Lutherani quidam quam ipse Lutherus. Nunc quoniam atrocibus odiis res utrinque geritur, periculum est, ne oppresso Luthero simul pereant tot bona, quæ nolum aboleri: tum autem ne pars victrix invehat nobis quædam, quæ nulli Christum amantes ferre poterunt, quæque cessura videantur in grave detrimentum gloriæ Christianæ, & Evangelicæ sinceritatis. Etenim si libere loqui fas est apud Principem non minus prudentem quam humanum, mundus indormiebat opinionibus scholasticis, constitutionibus humanis, nec aliud audiebat quam de Indulgentiis, de Compositionibus, de Potestate Pontificis Romani. Hæc etiam si essent indubitata veritatis, tamen non multum faciunt ad Evangelicum vigorem, non animant nos ad contemptum hujus mundi, non accendunt ad amorem rerum cœlestium. Atqui hæc potissimum sunt inculcanda. Non est spernenda Pontificis auctoritas, sed in unum Christum omnis est transferenda gloria. Atque his præsidii regnabant quidam, qui non quærent ea quæ sunt Jesu Christi, sed cum Demade, quem notat Apostolus Paulus, diligunt hoc seculum. Ab hoc somno prorsus erat expergefaciendus orbis, & scintilla vigoris Evangelici resuscitanda. Sed utinam id fa-

ctum esset ea mansuetudine curaque, qua decuerat. An. agi negotium omnium sanctissimum. Admiscuerunt se huic negotio Monachi quidam ac Theologi parum sobrii, qui stultis, indoctis, ac seditiosis clamoribus malum hoc exagitarunt, & ex malo pessimum, ex minimo maximum reddiderunt. Nam initio nihil periclitabatur præter quæstum Indulgentiarum. Et quemadmodum Lutherus multa scribit, quæ plurimorum aures ferre non possunt; ita illi permulta invehunt, quæ boni doctique vident offectura pietati vere Evangelicæ. Et tamen qui hæc scribunt, non agunt Christi negotium, neque Pontificis, sed suum, imo studio privati commodi, & Pontificis officiunt causæ, & Christi gloriam obscurant. Hi nec ea sinunt probari in Luthero, quæ sunt Christianissima, nec de suis quicquam remittunt, sed prioribus etiam addunt duriora. Quoniam igitur perspiciebam, utranque partem impotenti quodam impetu rapi transversam, non admodum me admiscui huic tumultui, nisi quod satis declaravi, mihi nihil esse fœderis cum Lutheranis, neque quicquam magis displicere quam seditionem. Quanquam & alias videbam me imparem tam periculoso negotio, etiam si fuisset otium legendi quæ scribunt hinc atque hinc. Erant enim legenda omnia. Ad hæc jam ætas hæc & valetudo à gravioribus studiis missionem flagitat. Nunquam tam acerbe scriberem in Lutherum, quin diversæ parti viderer dilatus. Porro quum jam nunc mihi dira minitentur Lutherani, neminem prius discernerent quam Erasmus, si prodirem in aciem. Satis libellorum est in Lutherum, si hac via posset obui. Et sunt qui in hac arena me longe plus valent. Postremo semper in hac fui sententia, tragœdiam hanc nulla ratione melius consopiri posse quam silentio. Idem sentiunt qui sunt inter Cardinales ac Magnates cordatissimi. Prodiit sævissima Bulla à Pontifice. Nihil aliud quam exacerbavit incendium. Sequutum est sævius etiam Caesaris edictum, qui totus in hanc rem propensus est. Ea res linguas quorundam & calamos coercescit, at non mutat animos. Laudatur quidem pius Caesaris animus, sed judicium hujus rei adscribunt iis, quibus eruditi non multum tribuunt. Cæterum ego nunquam dubitavi quin ille libellus serenissimi Regis Angliæ, non sine causa abs te laudatus, ipsius, cujus habet titulum, ingenio Martique, quod ajunt, sit elaboratus. Habet enim Princeps ille ingenium mire felix ac versatile, quod incredibili modo valet, quocumque sese intenderit. Et stylum olim puer non indiligenter exercuit, etiam ad me scriptis epistolis aliquot. Tum ante paucos annos disputationem conscripsit Theologicam, An laicus obligaretur ad orationem vocalem, & in scholasticorum Theologorum libris versari gaudet, & in conviviis aliquid de re Theologica differere solitus est. Nonnunquam in multam noctem profertur contentio literata. Habet Reginam eleganter doctam. Quod si qua in parte fuisset adjutus in eo libro, nihil erat opus meis auxiliis, quum aulam habeat eruditissimis pariter ac eloquentissimis viris differtam. Quod si stylus habet aliquid non abhorrens à meo, nihil mirum aut novum, quum ille puer studiose volverit meas lucubrationes, huc provocante clarissimo viro Guilielmo Montjoio, discipulo quondam meo, quo tum ille sodali studiorum utebatur. Duos Lutheri libellos ad me sane frustra misit tua celsitudo, rudem ejus linguæ qua scripti sunt. Quanquam ajunt eos hic diu fuisse circumlatos antequam per te mitterentur. Mihi stultissimum videtur, eos provocare, quos non possis vincere. Quanquam admonere Principes & Episcopos officii sui, quoties locus ipse præbet occasionem, nec inutile sit, nec alienum ab exemplis probatissimorum Scriptorum. Facit hoc subinde Hieronymus, facit Chrysostomus, & Bernardus. Semper fuerunt Episcopi, & semper erunt, & fortasse sunt hodie, qui dulci fortuna ebrii, nec meminerunt, quid sit Episcopum agere. Et quod in genere dicitur, non debet verti in cujusquam contumeliam, modo ne id fiat seditiose aut atro-

An. trociter, semperque dulcedo *Christiana* charitatis mi-
1522. tiget admonitionis austeritatem. Non est minuenda
 Pontificum auctoritas, sed ea benefactis optime & pa-
 ratur & servatur. Totum hoc malum, aut certe ma-
 gna ex parte, nascitur ex nobis, qui quum toto pe-
 ctore mundum amplectamur, tamen sub *Christi* titulo
 tyrannidem gerimus: quod si vere hoc essemus, quod
 videri volumus, mundus totis studiis ut patres ample-
 cteretur, nunc ut tyrannos odit & recalcitrat. Exspe-
 ctamus quo vocet hic novus Pontifex. Is ostendet for-
 tassiam viam aliquam finiendi hujus mali, quod late tot
 regiones occupavit, ac plurimorum animis penitus in-
 fixum est. Ego, quantum aetas, ingenium, vires & o-
 tium patietur, non deero causae fidei, & concordiae
Christiana, quod haecenus quoque pro mea virili feci.
 Erit illud, illustrissime Princeps, tuae prudentiae, cu-
 rare ne haec, quae liberius ad te scribo, mihi fraudi
 sint apud alios, qui nihil non rapiunt ad calumniam.
 Illustrissimam celsitudinem tuam incolumem ac floren-
 tem diu servet Opt. Max. Dominus *Iesus*. *Basilea* 3. Se-
 ptembris, Anno 1522.

EPISTOLA DCXXXVI.

Erasmus Rot. Conrado Heresbachio S.

NAE tu minimum abes à beatitudine, doctissime
Conrade, qui tantula re beari possis. Scribis enim
 te fore protinus beatum, si contingat *Erasmus* hospes.
 Mira vero felicitas, quam invidas *Constantia*, cæte-
 risque oppidulis, quae dignatus sum, ut scribis, mea
 praesentia. Imo ipse meam ipsius infelicitatem deplo-
 ro: qui tot malis onustus sum, ut quoquo locorum me
 conferam, non solum ipse mihi molestus sim, ob mor-
 bi inclementiam ac valetudinis incommoditatem, ve-
 rum iis etiam molestus esse cogor, quibus cuperem ef-
 fe jucundissimus. *Constantia* nihil aliud quam aegrota-
 vi apud hospitem *Joannem Botzemum*, hominem prae-
 ter eruditionis & integritatis dotes adeo festivum, ut
 vel mortuum possit exhilarare. Episcopus ipse *Constan-*
tiensis, vir profecto mitis, probus & integer, nihil hu-
 manitatis in me praetermisit. Pari comitate complexus
 est me *Emmius* Episcopus *Verulanus*, Nuncius Apostoli-
 cus. Accurrit & *Hymelbergius*, homo moribus mire
 candidis, alique permulti. Etsi nihil horum fuisset,
 comitem habebam multo omnium lepidissimum, meo-
 que animo charissimum, *Beatum Rhenanum*. Quando
 non ridet *Beatus*? cujus ingenio dispeream si quid ad-
 huc vidi civilius aut argutius. His omnibus nihil aliud
 quam molestiam attuli, quo sane nomine mihi morbus
 etiam erat molestior, quanquam per se molestissimus.
 Utinam tam bene mihi conveniret cum hypocaustis ac
 vitis, quam convenit cum caelo & ingeniis. Tan-
 dem praeter omnem spem, vinum nactus *Burgundia-*
rum, re ipsa comperi, quicquid haecenus mali fuit,
 ex hujus regionis villis esse natum. Proinde nisi *Bur-*
gundia huc mittet vinum, certum est adire *Burgun-*
diam. *Arnoldus* Comes vere talis qualem tu depinxi-
 sti, semel dignatus est coenare nobiscum. Nec te ro-
 gabo ut *Erasmium* nobis sic instituas, ut & optimis
 parentibus & te praetore dignus evadat, neque viam
 praescribam qua id facere oporteat, ne vel de tua fide,
 vel de prudentia tua parum magnifice sentire videar.
 Tantum illud dicam, te isto officio non minorem gra-
 tiam initurum apud me, quam apud ipsos parentes,
 quibus tamen, ut par est, unice charus est puer, ac
 praeter affectum, quem in te gerit uterque, nosti quam
 neuter sit fordidus aut illiberalis. Non abhorret ani-
 mus à visendo *Friburgo* ante brumam, sed deterrent
 hypocausta & vina. Jam demigravi in alteras aedes,
 & novus paterfamilias esse coepi. *Henricus Glareanus*,
 quod illi felix faustumque sit, habet uxorem ex animi
 sui sententia. Brevi saltabitur & canetur hymenaeus,
 habes quod homini gratuleris. Certe vir est, mea sen-
 tentia, quo vix alium reperias sinceriores, planeque
 dignus, cui non solum hoc conjugium, sed omnia

A prorsus felicissime cedant. Bene vale, literarum opti-
AA marum optime professor. Salutabis meis verbis omnes,
 qui isthic bene volunt *Erasmio*. *Basilea* 18. Octobris,
 Anno 1522.

EPISTOLA DCXXXVII.

Erasmus Rot. Francisco Archiepiscopo Ebrodunensi S. D.

ANTE dies non multos scripsi per *Conradum* bi-
 bliopolam *Germanum*, qui domum habet *Lutetia*,
 & tibi, & *Budaeo*, & *Brixio*, & *Beraldo*. Omnes sibi vindic-
 cant laudem impetrati diplomatis regii, quod mihi cer-
 te fuit gratissimum, gratius tamen futurum, si Rex sua-
 pte manu subscripsisset. Sed ajunt me ne sic quidem
 satis tuto istuc posse commigrare, quod dicant impro-
 bos, si quis forsitan in illorum manus incidat, nihil
 commoveri diplomatibus ullis, apud probos mihi non
 fore opus. Sed multa sunt quae me hic adhuc remo-
 rantur: primum valetudo, quae me *Constantia* mire
 affixit. Nam eo me contuleram, *Romam* profecturus
 si licuisset, multis affirmantibus in rem meam futu-
 rum, si me novo Pontifici exhibuissem: deinde ist-
 hinc adferebantur saevi rumores, omnia bellis ac peste
 conflagrare undique. Tum nullum iter esse tutum.
 Post nactus vinum è *Burgundia* coepi melius habere,
 ut intelligas *Galliam* fato quodam esse mihi salutiferam.
C Interim expectamus aurulam aliquam pacis ex hoc
 Pontifice, statimque post brumam toti cum totis far-
 cinis commigrabimus in *Galliam*. De pensione *Caesa-*
ris, quae jam tota hujus anni debetur, excusant, nec
 ulli sua pensio solvitur, adeo totos nos ad ossa usque
 deglubunt satrapae, belli quam pacis amantiores. De
 diplomate putabam me tantum debere *Budaeo* & tibi,
 nunc *Beraldo* & *Brixio* bonam hujus gratiae portio-
 nem sibi vindicant. Postremo video me Card. quoque
Lotharingo debere, cui certe debeo libenter, sed maxi-
 me Regi, qui gaudio gestiens, dixerit *Budaeo*, brevi
 in *Gallia* futurum *Erasmum*. Spero futurum, ut ali-
 quando declarem vicissim & meum animum erga tam
 benignum Principem. Amplitudinis tuae studium er-
 ga hunc homuncionem lubens amplector. Conabor
 pro mea virili, hominis ingrati crimen effugere. Red-
 dita simul est & *Dionysii Coronii* epistola tuae benigni-
 tatis alumni, perquam arguta sane & accurata, sic ut
Budaei simium possis agnoscere. Ei non vacabat in
 praesentia respondere, variis laboribus occupato. Cel-
 situdini tuae precor omnia laeta, Praeful ornatissime.
Basilea 10. Novembris, Anno 1522.

EPISTOLA DCXXXVIII.

*Erasmus Roterodamus Ferdinando, Caroli Caesaris
 Germano,*

SALVTEM plurimam. Serenissime Princeps, ne
 Celsitudinem tuam plurimis & arduis negotiis oc-
 cupatissimam diutius remorer, agnoscis, opinor, *Era-*
smum illum, cujus *De Principe* libellum etiam mihi
 reddidisti commendatiorem, posteaquam tua lectione
 dignatus es. Inpraesentia nihil peto, nisi ut si prome-
 reor, veterem in me tuum favorem obtineas, praeser-
 tim hoc seculo longe turbulentissimo. Nec hoc in
 aliud peto, nisi ut vestro praesidio bonae literae, do-
 ctrinaeque Evangelicae vigor indies magis ac magis
 polleat apud *Christiani* nominis professores. Non enim
 ambio dignitates aut salaria, mea nimirum humilitate
 meaque tenuitate contentus, sed *Christi* gloriam sitio,
 cui tua serenitas, ut non minus favet, ita plus potest
 prodesse. Ego certe pro mea virili haecenus integra
 fide, sinceraque conscientia, sum adnitus ut prodessem.
 Superioribus mensibus *Paraphrasin in Mattheum*, im-
 pulsu *Matthaei* Cardinalis *Sedunensis* susceptam, invi-
 ditissimo Caesari *Carolo* fratri tuo nuncupavi. Ique li-
 teris, pro sua mansuetudine humanissime ad me scriptis,
 testatus est hoc studium meum sibi gratissimum fuisse.
 Nunc in manibus est *Paraphrasis in Joannem*, quam
 cum

An. cum multorum hortatu sum aggressus, tum præcipue
 3522. Cardinalis Moguntini, & Præsulis eximii Joannis Episcopi Roffensis apud Anglos viri sanctimonia doctrinaque incomparabili: quod hoc Evangelium plus habeat obscuritatis quam cætera, non tantum ob sublimitatem rerum divinarum de quibus tractat, verum etiam ob sermonis ænigmata quibus involutum est. Hoc, quicquid est laboris, decretum est tuo dicare nomini, qui doctrinam Evangelicam non solum profiteris, quod est omnium commune, verum etiam aves cognoscere, studeas vita ac moribus exprimere. Porro tuum istud pulcherrimum exemplum plures imitabuntur spero, si tua pietas, & religiosum erga sacras Literas studium nulli fuerit ignotum. Qui has reddit, Jacobus Spiegel, avo tuo paterno Cæsari Maximiliano Secretarius fuit, ut fidissimus, ita cum primis gratus: eleganter doctus, & stylo felici, ac præter has dotes impense favet ac provehit Evangelica studia: quem tuæ Celsitudini commendarem, si vel ipse possem aliquid, vel ille talis esset ut egeret ullius commendatione, quem scio suis ipsius virtutibus fore commendatissimum, nimirum iidem quibus Maximiliano, acerrimi iudicii Principi, placuit. Tua serenitas sibi polliceatur ab Erasmo, quicquid ab humili quidem sed fido mancipio præstari poterit. Eam jugiter florentem servet Opt. Max. Jesus Christus, qui vestra consilia bene fortunet, in Reipublicæ salutem, & in Dei gloriam. Basilea 29. Novembris, An. 1522.

EPISTOLA DCXXXIX.

Adrianus VI. Papa Erasmo Rot.

DILECTE fili, salutem & Apostolicam benedictionem. Literas tuas, tam eas quas manu tua ad nos exarasti, quam eas quibus in fronte Commentariorum Arnobii excusis labores tuos nobis nuncupas, semel atque iterum legimus perlibenter: tum quia abs te veniebant, quem ob egregiam eruditionem semper plurimi fecimus, tum quia singularem quandam in nos, & religionem nostram, pietatem præ se ferebant. Nam de Arnobio, etsi eum per gravissimas occupationes nondum nobis perlegere licuit, ex iis tamen quæ hucusque quasi raptim de eo libavimus, tum ex veneranda ejus vetustate, reisque, de qua agit, argumento, & tua denique commendatione, persuasum habemus, non posse eum non esse optimum Auctorem. Quod vero scribis, vereri te, ne aliorum odiis & insusurationibus Lutheranae factionis nomine sis nobis suspectus, bono in hoc te esse animo volumus. Licet enim, ut verum fateamur, nomen in hac re tuum ab uno forte vel altero, tui non multum studio, nonnihil apud nos delatum sit: ex natura tamen nostra & instituto, adde etiam ex eo quod gerimus officio, non faciles præbere aures solemus ad ea, quæ de doctis & virtute præditis viris finis nobis referuntur; quos quanto scimus excellentiore doctrina præditos, tanto videmus esse invidia moribus magis obnoxios. Pro ea tamen qua te prosequimur charitate, proque fama & vera gloria tua desiderio te hortari non omitimus, ut contra novas istas hereses stylum istum, qui tibi Dei benignitate felicissimus contigit, exerceas, cum multis de causis tu provinciam hanc tibi potissimum à Deo reservatam reputare merito debeas. Inest enim tibi magna ingenii vis, varia eruditio, scribendi promptitudo, quanta nostra memoria paucissimis aliis, ne dicamus nullis: præter hac vero apud eas nationes, unde hoc malum orsum est, summa auctoritas & gratia, quibus sane dotibus ad ejus honorem, & Ecclesia fideique defensionem uti debes, qui eas tibi sola sua benignitate elargitus est. Quod ea potissimum de causa à te fieri cupimus, ut & his, qui te super re Lutherana suspectum reddere conantur, hoc demum pacto silentium imponas: & labores tuos, quos locupletandis politionibus literis, & expoliendis sacris diu impendisti, hac tam sanctissima opera, qua nulla Deo gratior, nulla veris catholicis optatior, nulla te & ingenio, eruditione, eloquentiaque tua dignior esse potest, exornes. Cave enim expectes tibi tota vita tua datum iri occasionem, qua vel majus Deo obsequium,

A vel uberius nationi tua, imo universa Reipublica Christianæ beneficium impendere possis: quam si non minus
 1522. stolidas rusticasque quam malignas istas hereses, à Martino Lutero, non quidem inventas, sed à priscis hæresarchis, quos Catholica Ecclesia ac sanctissimi Patres, divino Spiritu proculdubio afflati, sæpius condemnarunt, acceptas quasi ab inferis denuo erutas: quæ tot animas fratrum tuorum quotidie subvertunt, & universa confundunt,urbationibusque replent: Hieronymi tui, Augustini, & aliorum sanctorum Patrum zelum exemplaque imitatus, lucidissimis rationibus, & sanctæ Scripturæ auctoritatibus confuderis, sustuleris, explores. Multa quidem, Erasme, magno studio magnoque successu antehac scripsisti, quæ licet permagnam doctis omnibus utilitatem attulerint, tamen præ hoc Opere, ad quod te hortamur, & quod hominum abs te consensus expectat, minus necessaria: cum illa doctis tantum profint, hoc vero in communem omnium Christianorum pacem & tranquillitatem (qui fere nunc in hoc seculo est Evangelica doctrinæ finis) Deo adspirante sit redundaturum. Quod quum ita sit, non debes, fili Erasme, tu qui à puero ad hoc ætatis, quasi per omnes gradus eas artes quasunque tractasti, semper aliquid meditando & scribendo juvisti, ad hanc rem isti professioni, isti ætati debitam diutius subsistere: cum idem in te ad scribendum vigeat tenor, iudicium longe sit firmitus, doctrina vero (ut par est) etiam locupletior accesserit quam prius: neque vero provinciam hanc rationabiliter declinare queas, quod forte ex modestia tua te huic rei imparem dicas. Nam præterquam quod contrarium & omnes norunt, & rei habet veritas, aderit tibi in hac laboranti Deus, cui in hoc servies: aderit & iustissima fidei causa, quæ adversus hæreticorum impetum & insidias ad extremum semper victrix fuit, & proculdubio etiam nunc erit; licet Deus iustissimo iudicio propter gravissima hominum scelera, maxime Ecclesiasticorum, Ecclesia sua naviculam in his fluctibus nonnihil laborare permittat. An putas eundem Deum sponsam suam Ecclesiam, quam precioso sanguine suo sibi acquisivit, & cum qua usque ad consummationem sæculi se futurum pollicitus est, nunc deserturum, & non potius confuturum eos, qui superbos intellectus suos contra Dei scientiam, & contra catholicam veritatem extollere non verentur? quibus iudicium jam olim non tardat, & perditio illorum non dormitat. Vidi, inquit Propheta, impium superexaltatum super cedros Libani, & transivi, & ecce non erat; quæsi, & non est inventus locus ejus. Quod proculdubio etiam Lutero & suis, nisi respicerint, cito eveniet. Qui ut ipsi sunt carnales, & dominationis contemneres, ita omnes sui similes reddere student. An igitur contra istorum insaniam stylum tuum convertere dubitabis, quos Deus jam à facie sua projecisse, & in reprobum sensum manifeste tradidisse conspicitur, ut dicerent, docerent, atque agerent quæ non conveniant: quibus universa Christi Ecclesia perturbatur, innumerabiles animæ æternæ damnationis reatu cum eis involvuntur? Exsurge, exsurge in adiutorium causæ Dei, & præclaris dotibus ingenii, quas ab eo accepisti, in ejus honorem, sicut hucusque fecisti, utere! Cogita in te positum esse, cum Dei adiutorio, ut magna eorum, qui per Lutherum subversi sunt, pars in rectam viam redeat: qui nondum ceciderunt, stabiles permaneant: qui vero vacillantes, ac lapsi propinqui sunt, à labendo penitus præserventur. Quæ res quam grata Deo, & veris catholicis jucunda futura sit, tu ipse facile æstimare potes. Qui etiam meminisse debes dicti illius beati Jacobi Apostoli, quo asserit eum, qui fratrem suum à veritate errantem converterit, & peccatorem ab errore via sua revocaverit, servare illum à morte, & operire multitudinem peccatorum. Nobis certe dici non potest, quam acceptam rem facies, si tua opera fiet, ut qui pessima ista hæresi infecti sunt, sponte potius suarespiciant, quam censoria sacrorum canonum, legumque imperialium virga percuti expectent. Quod quam à nostra natura sit alienum, tu ipse, uti credimus, ex eo tempore quo simul in jucundo literarum otio, & privata adhuc vita, Lovani

An. nūc degimus, optime nosti. Quod si rem hanc, quam salutis creditarum nobis ovium Christianæque tranquillitatis desiderio, tanto studio abs te poscimus, plenior adhuc obsequio augere cupis; fac, transacta hyeme, & aere Romano, qui aliquot jam mensibus peste laborat, purgato, ad nos quamprimum venias, sed incolumis, sed latus. Juvabit enim non parum te ad hoc opus, quod tam prestare debes, quam potes, magna, quos hic habemus, librorum copia, & frequens nobiscum, & cum pluribus aliis piis & doctis viris de hac re commentatio. Nos vero vicissim dabimus operam, & brevi cum Dei auxilio, ut ne te istius itineris, aut tam sancti laboris peniteat. Prout dilectus filius magister Joan. Faber, vir zelosus, & egregie doctus, tuique amantissimus, & magnus laudum tuarum ubique praeo, tibi usua voce, vel scriptis latius explicabit. Cui eandem, quam nobis habiturus es, fidem adhibebis. Datum Romæ apud sanctum Petrum sub annulo piscatoris, 1. Decemb. An. 1522. Pontificatus nostri anno primo.

EPISTOLA DCXL.

Erasmus Roterodamus Henrico Stromero Medico S. D.

VIR eximie, quoniam πολλὰς φιλίας ἡ ἀπροσηγορία δέλευσεν, hisce literis certe salutem dicere volui meo Stromero, testatumque facere, tui memoriam apud me nondum intercidisse, nec unquam intermorituram. De P. Mosellano quid actum sit scire cupio; scripserat enim ad me prolixè de suo ad nos adventu, atque interim ne rumusculus quidem adfertur de homine. Scripserat item Illustrissimum Ducem Georgium destinasse mihi munus regale, nam hoc usus est verbo. Ego sane ab eo Principe ut non promereor, ita non expecto munus, quanquam nec alias admodum avidus munerum captator: Sin est aliquid, nolim optimi Principis benignitatem & ipsi perire & mihi. Bene vale. Basilea 5. Decembris, Anno 1522.

EPISTOLA DCXLI.

S. P. N. Adriano Sexto Erasmus Rot. S. D.

BEATISSIME Pater, pietatis in te meæ, promptæque erga Sedem istam obedientiæ pignus, iterum mitto per publicum nuncium civitatis Basiliensis, si forte libellus, quem pridem misi, redditus non est. Tum aliud ad manum non erat, ubi sese uberius obtulerit occasio, non defuturus sum officio meo. Nihil his temporibus potest esse turbulentius, in quibus difficillimum sit omnibus satisfacere. Ego certe hactenus satisfeci conscientiæ meæ, quam spero me Christo etiam approbaturum. Neque simplex est rerum tempestas; armis, opinionibus, studiis, factionibus, odiis, convulsa sunt omnia. Mundus unum te spectat, qui rebus humanis serenitatem reducas. Si tua Sanctitas jubeat, audebo secretis literis indicare consilium meum; si non prudens, certe fidele, quo malum hoc sic extingui possit, ut non facile repullulet. Nec enim magni refert, sic opprimi violentia, ut mox erumpat majore cum periculo, quemadmodum solent male curata ulcera. In magnis tempestatibus à quovis etiam se moneri patiuntur, quamlibet periti, gubernatores. Nec Moses repudiavit Ferro consilium, etiamsi ego Ferro non sum; sed tamen apud Horatium Davus fidele consilium impartit hero suo. Si quid erit quod probabitur, licebit uti. Si nihil erit, quoniam præter duos nos nemo cognoscet, nullo periculo res obliterabitur. Nos humiles videmus & audimus fortasse quædam non adspernanda, quæ summos viros fugiunt. Inprimis illud cavendum censeo, ne privata quorundam odia lædant publicum orbis & Christi negotium, & sic vindicetur hominum auctoritas, ut non prodatur auctoritas Jesu Christi, qui solus est heri & hodie ipse & in secula. Nos olim quædam liberius lusimus, sic tum ferebat temporum tranquillitas, non suspicantes hoc se-

culum exoriturum. Nunc, quoniam video rem Christianam in grave discrimen adduci, modis omnibus ad vigilandum est, neque quicquam omnino dandum privatis affectibus. Nolim ominari male. Tamen video plus imminere periculi, quam vellem, aut quam multi intelligant. Utinam Christus omnia vertat in bonum exitum. Civitas hæc Basilea, multis dotibus eximie florens, peculiari quodam studio ducitur erga Sedem istam, cum ob multa, tum ob Synodum quondam hic habitam. Proinde digna est, meo judicio, favore Sanctitatis tuæ, præsertim quum quod petit, nec iniquum sit, nec difficile. Hoc jussus sum adscribere, quum nihil esset opus. Si tua Sanctitas dignabitur obedientiæ meæ periculum facere, injungat quod volet; nisi promptus & alacer parvero, ne numeret Erasmus inter suos. Spiritus Domini Jesu dirigat animum tuum & omnes tuos conatus ad salutem orbis ac Dei gloriam. Basilea 22. Decembris, Anno 1522.

EPISTOLA DCXLII.

Erasmus Roterodamus Jacobo Landavo Bavaro S. D.

QUANQVAM semper sum occupatissimus, nunquam tamen quam nunc occupator; nihilominus quum hujus Reipublicæ Magistratus admonuisset, se peculiarem nuncium istuc emandaturum, præfationem tuam, qua in Stunicam velitaris, ἀνδρὶ perlegi; non agam interim, Landave, gratias pro isto tuo in me animo, sed optarim posse referre. Exolcutor autem supra quam dici potest, felix istud tuum ingenium, ac dicendi venam ingenio parem; quo magis indignor stupidis istis rabulis, quorum improbitas facit, ut ad hujusmodi rixas devocentur ingenia rebus nata melioribus: tum autem quanquam à nullo vicio longius absum, quam invidiæ, tamen Stunica, ita me bene ament Musæ, stylum istum & operam invideo. Me plus quadragies poenituit, quod unquam scabiem istam attrectarim, & stat sententia posthac quidvis perpeti potius, quam adversus istum verba facere. Literas tuas utraque mihi redditas scito; nam quod ad posteriores non responderim nihil aliud in causa fuit, quam ocia penuria, major quam quisquam credat. Magnam temporis partem sibi poscit valetudo, subinde adversa; cæterum in libris edendis, tantum est negotii, ut vix duo sufficiant Hercules. Accedit ad hæc tantum ex omnibus plagis epistolarum, ut huic uni negotio par esse non possim, si maxime coner. Erat mihi tuus error magnopere jucundus, qui mihi tam copiosam pariter & argutam epistolam peperit. Non enim te consulebam an Stunica respondendum esset, sed te civiliter submonui, ne quid adversus illum scriberes, nihil aliud quam crabronem irritaturus. Siquidem hoc est quod ille Thraso sitit, ut multorum literis quocunque modo celebretur: dignior est qui versificatorum næniis velut asinus ab apibus exagitetur. De libello tuo quid fieri velis non significas. Nec ex eo quivi intelligere, an Apologias, quibus semel atque iterum Stunica, mox Caranza respondi, legeris. Suspicio enim per bibliopolam Claudium istuc advectas. Non satis conjectare potui, quid ordinis sequutus sis in tuo libello, certe frater tuus, qui descripsit, plurimum peccavit in orthographia: utcunque de hoc libello statueris, illud tibi suaferim, ne si quando voles in lucem exire Opus, quod instituisti de contextu quatuor Evangeliorum, contamines illud Stunica nomine, aut aliud ullum Opus, quod victurum existimes. Quis enim profectus? An ut ille pudeat? Saxo citius ruborem suffuderis. An ut respiscat? Deploratum est ingenium. An vero ut orbis norit portentum esse natum? Hic isti fructus erit optatissimus, si contingat. Quod autem hominem, palam insanientem in me, tulit Roma, satis conjeci, quanta sit istic quorundam integritas: nec me clam est, quorum instinctu hoc fecit, tamen si homo natura maledicus est, & huic fabulæ natus.

Tom. III.

Aaa

Porre

An. Porro quod hunc senex ille Cardinalis, cui cognomen
1522. à cruce, gentilis amplectitur, suoque contubernio dignatur, quid aliud quam quod dicitur, dignum patella operculum? *ἢ τὸ δέχσθαι* meliora libet ominari; certe quod ad me pertinet, scio illum quorundam in me odiis nondum fecisse satis. Sunt enim tres Furiae apud nos, quae odio bonarum literarum excitant hanc Tragediam, *Jacobus Hochstratus Dominicanus*, *Vincentius Alcmariensis* ejusdem sodaliti, *Nicolaus Egmondanus Carmelita*: Est quem his merito annumeres, hoc nocentior, quod recte facit omnia, & aliorum fruitur vel abutitur magis infamia. Hi, quoniam invisi sunt bonis omnibus, & in dies redduntur invisiores, multum profuere factioni *Lutheranae*. De *Roma* adeunda non est quod causas suggeras, una est justior quam vellem excusatio, aetas ingravescens, corporis imbecillitas, ad haec renum calculus, capitale jamque nimium familiare malum. De epistolis tuis quod mones haecenus à me curatum est, & in posterum curabitur. *Athanasium*, *Reuchlino* interprete, *Latinum* ad te mittam per hunc, si quivero nancisci, simulque *ῥητορικῶν* tui *Reuchlini*. *Joannes Frobenius* tuus est, & tibi cupit esse commendatus. Bene vale. *Basilea* 22. Decembris, Anno 1522.

EPISTOLA DCXLIII.

Erasmus Rot. Joanni Botzemo S. D.

HODIE reddita est epistola 14. Novemb. per Academicos. Non erat opus ea diligentia, in reddendo tantillo munere, tanto Praefuli, praesertim quum nihil esset illic quod ad illum proprie pertineret. Alio argumento, si dabitur occasio, testabor meum erga illius celsitudinem studium. Nec hoc faciam fecte, sed ex animo, nec ab illo quicquam ambio, nisi mutuam benevolentiam, & commune studium erga rem Evangelicam, quae ad omnes pertinet; cui non dubito quin ille optimus Praeful faveat, quantum haec tempora patiuntur. *Paraphrasim in Joannem* destinavi *Ferdinando*, quod in *Matthaeum Carolus Caesar* etiam literis ad me scriptis testatus sit, sibi fuisse gratissimam: quanquam id non ex illius modo literis, sed multorum aliorum cognovi, *Gattinarii* Cancellarii summi, *Glapii Franciscani*, qui nihil apud Caesarem non poterat dum viveret, Episcopi *Palantini*, qui & ipse diem obiit, *Georgii Haloini*, *Antonii Sucqueti*, quo nihil habet haec aetas candidius, *Joannis Carondileti* Archiepiscopi *Panormitani*, ut ne commemorem alios privatos amicos. Qui putant se idem valituros in negotio *Christi*, quod ad omnes nationes, ad omnia secula pertinet, quod valent in computatione Theologica, disputatiuncula scholastica, longe falluntur. Res est efficax & invieta veritas, sed Evangelica prudentia dispensanda. Ego sic odi diffidium, sic amo concordiam, ut verear, ne si inciderit articulus, citius deserturus sim aliquam veritatis portionem, quam turbaturus concordiam, si quid tamen ego possum. Concionator iste certe vir bonus, magis profuerit rei Evangelicae, cui sine dubio favemus omnes, si columbinæ simplicitati addat Evangelici serpentis prudentiam. Experietur hoc, & damnet meum consilium, nisi compererit esse verum. Quid agant dii selecti, quid dii minores, quanquam illa quoque variis è locis ad me perferuntur, non est meum, hoc est infimæ plebeculae judicare. Ego in hac fabula meas sane partes sinceriter peragam, de exitu viderit ipse choragus *Christus*. Gaudio te mearum literarum pharmaco sublevatum, sed demiror vos *Constantienses*, ex tam levi rumore concipere morbum tam atrocem. Quo animo si ego essem, non *Constantia*, sed in *Hollandia* natus, ad quem quotidie talia mendacia perferuntur, jam pridem mortuus essem. Hoc scito, duos illos Theologos, qui privatis odiis non in me, à quo nunquam fuere verbo laesi, sed in bonas literas, quas semper defendi, debacchati fuerant, nunquam fuisse modestiores, quam nunc sunt.

A Hic Pontifex *Adrianus* erat extrema ancora, ea postquam fefellit, despondent animum. Imputant hoc *An.*
1522. cuidam Theologo, qui me amat etiam ignotus ignotum, quem ajunt apud Pontificem posse omnia. Pontifici, veris rationibus agenti *Christi* negotium, adero modis omnibus, pro mea quidem quantulacunque portione. Nec dubito quin ut est senex doctus, praeterea rerum plurimarum usu peritus, sit responsurus nostrae expectationi. Si quid fefellerit, ego certe non ero seditiosus. Nunc ad extremam concionatoris interrogationem: An totum Evangelium sit deferendum? Primum hi maxime deserunt, qui male defendunt; deinde quam lente suam doctrinam *Christus* prodidit? **B** Quid autem infanias quibusdam istis, qui nunc videri volunt Evangelici? Admonui amicum tibi non incognitum de epistola Episcopi *Constantiensis* vexata. Nunc exiit nugamentum longe dementissimum. Demiror quid isti cogitent, aut quid sibi velint. *Crombergius* bis mecum est colloquutus, & valde placuit hominis modesta prudentia. *Hustenum* non vidi, nec hoc tempore videre cupio. Optime illi volo, si bene velit sibi. Mihi est aliud quod agam. Scripsi tibi simul & *Fabro*. *Beatus* adhuc abest. *Eppendorpius* raro nos visit; alioqui sui similis. Salutabis amicos omnes meis verbis, in primis Medicum, cui nondum ullam retuli gratiam, quanquam, ut *Graci* dicunt, omnino *ἠέμνημαι*, Concionatorem *Dominicanum*, *Hymelbergium*. Medici & Concionatoris nomina scire cupio. Ex tuis gratiis precor, ut tibi grata contingant omnia, quae dicis aut facis; semper sis voluptati tuis, tui vicissim tibi: semperque contingat adjunctis Gratiis inter Musas canere. Habes ad pleraque, sed epistola scripta mox à prandio, quum *Baccho* sumus afflati verius quam Musis. *Basilea* 25. Decemb. An. 1522.

EPISTOLA DCXLIV.

Erasmus Rot. Petro Barbirio S. D.

AMICE incomparabilis, scripsi per *Morillonum* nostrum amicum vere candidum, ex quo multa cognosces de statu tui *Erasmi*, qui plane periit, si perire est ad mortem tendere. Scripsi nuper sed paucis *Romam*, quod incertum esset, an illic esses futurus. Nam mihi semper fuit suspicio, Pontificem *Adrianum* non aditurum *Romam*, vel ante autumnum, vel sine Caesare. Nunc non aequum est te nescire, quo fato perierit tuus haecenus abs te defensus cliens. Excudebatur hic praeter alia quaedam Novum Testamentum tertio recognitum ac locupletatum; & quanquam semel atque iterum me crudeliter accepisset *Germania*, tamen quemadmodum asina dicitur per medios ignes succurrere foetibus suis, ita ego cupiebam etiam capitis mei periculo adesse Operi meo, quod haud dubie male tractatum fuisset nisi ipse adfuisset. Itaque quum daretur comitatus frequens militum, qui tum dimissi à Caesare repetebant domum, ausus sum me itineri committere. Nam rure *Anderlacensi* sic convalescebam, imo sic quodammodo repubueram, ut nihil non auderem forticulus. Sic ante ruinam, juxta Sapientis dictum, solet attolli cor. Hac in re jam illud maximum fuit infortunium, quod subita data occasione discesseram nondum colloquutus cum *Joanne Glapione*, quem expertus sum mihi vere & ex animo amicum. Expetiverat ille colloquium meum, & ego vehementer cupiebam congredi cum eodem: sed dum ille nostras aedes adierat, ego forte aberam *Amuerpia*, colligens messem pensionariam. Interim ille Caesarem sequutus est *Valencia* profugum in bellum *Tornacense*. Itaque desperata colloquendi commoditate huc profectus sum, hoc me consolans, quod sperarem fore, ut absolutis his, quae erant in manibus, redderem me patriae ante Caesaris abitum; & ecce statim *Wormacia* ad nidorem hypocaustorum coepi languere: id mali discussit equitatio, & *Spira* dies aliquot curavi corpusculum, apud ejus Ecclesiae Decanum. Rursum *Basilea* ad odo-

odorem hypocausti cepit me non pituita, sed mera pestis. Vicit & hoc mali natura. Olfeci tertio, & incidi in morbum capitale, qui me complures menses habebat: huic junctus erat atque etiam successit calculus, qui adeo non deserit me, ut in dies inclementius impetaret. Nec est finis, nec intervallum, partus partum excipit, perpetua est superfoetatio. Nixus sæpe cum magno vitæ periculo. Cruciatus talis est, ut hac de causa mortem non timeam, & sæpe invideam iis qui peste aut quarceris laborant febribus. Ante dies quindecim pene in partu perii, calculus erat ingens, stomachus plane collapsus, ne nunc quidem potest restitui. Totus *Erasmus* nihil est præter pellem & ossa. His rebus factum est, ut quum intelligerem mea maxime referre adesse in *Brabantia* ante Cæsaris abitum, tamen per valetudinem non licuerit. Perveneram usque ad *Sletstadium*, hoc est itinere bidui, sed febris, oborta ex æstu, coegit me redire domum: quod ipsum ægre potui, quatrduo refocillatus apud *Beatum Rhenum*, literis tamen rem egi ut potui. Facile divinabam *Caracciolum* & *Aleandrum*, quos mendacissimæ linguæ fycophantarum in me concitabant, moliri adversum me in aula Cæsaris: & erat nescio quis in aula mihi infensissimus, quis sit nondum olfacere potui, suspicor *Hispanum* esse, & ajunt esse magnæ apud Cæsarem auctoritatis. Sed *Paraphrasis in Matthæum* renovavit Cæsaris in me favorem, commodè rem adjuvantibus, *Glapione*, Episcopo *Palantino*, cæterisque fautoribus. Nam Cæsar cum apud *Anglos* pranderet cum Rege, orta forte mentione de *Erasmio*, honorifice loquutus est de me, meosque labores magnopere commendavit. Et certis argumentis compertum habeo Regem *Angliæ* mihi favere ex animo. Porro Cardinalium ordo latis declaravit se mihi favere, qui *Stunica* libellum, quem inscripsit vero titulo *blasphemius*, edicto vetuit excudi, clam excusum vetuit distrahi. Cardinalis *Sedunensis* jam iterum atque iterum offert annue quingentos ducatos de suo, præter honorificum viaticum. Cardinalis *Moguntinus* amantissime simul & honorificentissime sæpius ad me scribit. Nec omnino video mihi ullum periculum, nisi à quibusdam pseudomonachis. De *Egmondano* facile divinabam fore quod evenit, ut profecto Cæsare inciperet suam exercere tyrannidem. Statim orsus est in me vociferari, & *Mechlinia* in publica concione monuit populum, ut caverent ab hæresi *Lutheri* & *Erasmii*. In conviviis passim jactabat *Erasmum* esse hæreticum pejorem *Luthero*, ac diraminabatur si adesset. Est alter qui tectius lacerat, sed nocentius. Tu, mi *Barbiri*, æstimas illum ex antiquis illis moribus, qui mihi quoque placebant, quum adhuc esset in humili statu: posteaquam afflavit fortunæ aura, ita sublatis sunt animi, ut Theologis etiam quibusdam sit invisus, non modo candidis omnibus. Religiosum Principis animum vehementer laudo: sed si fuisset satis edoctus de toto negotio, non commisisset rem tanti momenti, homini fatuo & furioso, *Egmondan*, & collegæ alteri huic simillimo, quorum uterque pejor odit linguas ac bonas literas quam anguem. *Carmelita* in nullos magis sævit quam in meos, & amantes bonarum literarum, aut à quibus læsus erat, jactat se mortuum mundo. At nihil est vindictæ appetentius. In *N.* probum & doctum juvenem plane phalarismum quendam exercuit, quod illum aliquando vocarit *fatuum*. Nec id potuit homo furiosus dissimulare, quum in publico perageretur palinodiæ fabula. Alterum semel dimissum, retraxit, & in carcerem conjecit, virum quo nemo melior *Antuerpia*: opinor tibi notum esse. Quid de *Luthero* senserint, nescio, apud me certe nihil tale declararunt, sed strenue odierunt quosdam *Dominicanos* & *Carmelitas*, qui sic profecto gerunt sese, ut nemo bonus eos non exsecratur. Fatereris ipse verum esse quod dico, si coram adesses. Illud est *Carmelita* decretum, rem austeritate conficiendam esse. Sed hanc fortassis exerceri decet in eos, qui palam defendunt *Lutherum*, apud nos nemo talis

est. Odium Monachorum ac Sedis *Romana* conciliavit illi aliquem favorem apud totum populum, & plebrosque magnates. Si hic affectus tam atrociter puniendus est, sunt hic & apud nos ducentes centum millia hominum, qui sic affecti sunt, nec alia re opus est nisi duce. Miscet se huic negotio sub honesto prætextu aliena rapiendi libido, & privatum dolorem ulciscendi cupiditas. *Basilea*, Anno 1522.

EPISTOLA DCXLV.

Erasmus Rot. Joanni Glapioni S. D.

Ego vero te, mi *Glapion*, hoc nomine vel unice Egratulor optimæ mentis Cæsari, quod talem virum habet à consiliis. Spem enim certissimam concipio futurum, ut unus nullis hujus mundi cupiditatibus corruptus consulas ea potentissimo Monarchæ, quæ faciant ad publicam orbis utilitatem, & ad gloriam *Christi*, quemadmodum hætenus, ut spero, facis. Cæterum pro studio isto in me tuo jam pudet toties gratias agere. Contemptis rebus omnibus, valetudine, prolixo itinere, latrociniiis, iis quæ nunc in manibus sunt & excuduntur, denique scrinio rerum mearum, quod nunc demum *Francfordiam* perlatum, nondum ad me pervectum est, istuc cupidissime advolassem, ita me benè amet Dominus *Jesum*: sed verebar ne posteaquam omnia fecissem, istuc non offensurus essem Cæsaream Majestatem, quæ dicebatur jamdudum hære in littore, nihil expectans nisi faveptes ventos, qui soli non agnoscunt Cæsarem. Cupiebam & *Calesii* salutare *Mæcenates* aliquot meos, quos conjectabam illic cum Cæsare adesse. Si quid est in quo possim gratum facere Principi meo, aut illius dignitati, aut religioni *Christiana* consulere, tribus verbis per hunc juvenem fidelissimum scribito. Ego sane sum is qui filere norim. Jam aggressus eram nonnihil libelli *De finiendo negotio Lutherano*, sed valetudo interruptit omnia studia. Interim oratione literisque permultos temperavi, mire *Luthero* addictos. Epistolis etiam editis declaravi mihi nihil unquam fœderis fuisse cum ullo *Luthero*, sed seditiosum negotium mihi semper displicuisse. Jam hoc toti *Germania* sic notum est, ut nullus impendio *Lutheranum* mihi bene velit, quidam minitentur dentatos libellos, alii lacerent convitiis, *Pelagianum* appellantes & *palponem*, non Evangelicæ doctrinæ præconem. Me certe neque vita neque mors distrahet ab obedientia Ecclesiæ, & à sinceritate fidei *Christiana*. Sed tamen illud, vir optime, tecum expendas velim, quam inique mecum agatur, qui quum tantis meis sudoribus prodesse studuerim publicis studiis & religioni *Christiane*, quum semper dehortatus sim *Lutheranos* ab hoc seditioso negotio, qui nullis rationibus, nullis odiis aut terroribus percelli potuerim, ut in eam factionem vel tantulum concederem, quum magnos tumultus hic excitare potuissem, si talis essem qualem isti me prædicant, nunc dedar quorundam privatis odiis discerpendus, & eo redigar, ut nec isthic mihi sit tutum vivere, nec in *Germania*: hic propter *Lutheranos*, qui nescio quid magni tumultus moliri dicuntur; isthic propter duos aut tres mihi privatis de causis infensos. Mea vena, quam tu divinam appellas, sane quam exilis est. Et tamen ea qualis qualis est, servitura est gloriæ *Christi*, & sequundum hunc dignitati Principis mei. Et his laboribus annos adhuc aliquot sufficere poteram, si daretur tutum ac tranquillum otium. Sed non me fugit, quantis odiis quidam in me debacchantur, quidque moliantur, nimirum illud agentes, ut me nolentem volentem protrudant in castra *Lutheranorum*, quod tamen nunquam efficient. Citius occident *Erasmum* quam corrumpant, & sic illos ulciscar, ut meam sinceritatem quam maxime probem omnibus. Hæc vindicta suffecerit animo *Christiano*. Mihi vehementer arridet *Brabantia*, & præsertim rus illud *Anderlavense*, si Principis clementia jubeat mihi pensio-

An. nem meam esse perpetuam, meque tucatur adversus istos quosdam, qui prætectu religionis ulciscuntur privatum suum odium: id quam sit atrox vel hinc conicias licebit, *Senatusconsultum factum est Colonia inter Dominicanos, ut omnes libri, ab Erasmo conscripti, ejicerentur à totius Ordinis bibliothecis.* At inter hos est *Evangelium & Hieronymus.* Et sunt *Lovanii* qui vetus in bonas literas odium jam palam præ se ferunt. Horum temeritas quoniam tendit ad manifestam seditionem, auctoritate Principis ac Præsulum esset coercenda. Si quid incidat in quo sit redarguendum dogma *Lutheri*, faciant idoneis argumentis, & apertis Scripturarum testimoniis. De aliis, quos non damnavit, neque Scholarum, neque Pontificum, neque Principis auctoritas, taceant, nec Evangelii cathedram contaminent stultis ac virulentis obrectationibus. Mihi quidem est animus & tuendæ fidei *Christiana*, & ornandæ dignitatis *Cæsareæ* percupidus; sed ut præstare queam quod cupio, bona ex parte ipsi *Cæsari* in manu est, cui summa rerum in manu est. Non ambio apud illum ingentes fortunas, tantum ocium præstet ac tranquillitatem, ego modis omnibus efficiam, ut illius majestatem nunquam pœniteat hujus consiliarioli. Non vis me fidem habere dictis, sed factis, sic enim scribis. Ego hoc nisi brevi præstitero, scribito nomen *Erasmi* inter vanissimos. Quum hæc scriberem, nondum apud me certum aliquid de itinere statueram: sic enim animus istuc propendit, ut si vel paululum accesserit momenti, sim hunc meum *Dromonem* sequuturus. Tu fac interim factis amicis agas, tuisque sanctis consiliis faveat *Dominus Jesus.* Pontificis primatum satis jam asseruerunt, *Cajetanus, Sylvester & Eccius*, ut mea opera nihil sit opus. Nam *Catarinus* rem non perinde dextre tractat. De Sacramentis quid sentiam jam carmine declaravi, quod additum est libello cui titulus *Cato.* Exstat eadem de re libellus Regis *Anglia*, quem *Roma* & hic quidam falso suspicantur esse meum. O suspensiones mihi prosperas, si locum commutarent, hoc est, si id suspicarentur *Angli* quod suspicantur *Germani!* Opinor conjecturam natam ex stylo: nam Rex adhuc puer, nihil diligentius legit quam meas *Lucubrations*, è quibus fortasse contraxit nonnihil malæ phraseos, si quid tamen habet meum. Sed næ ego incivilis, qui præstantiam tuam tot negotiis obrutam epistola tam loquaci detineam, ipse occupatissimus. Valebis, & ages amicum. *Basilea, Anno 1522.*

EPISTOLA DCXLVI.

Erasmus Bilibaldo suo S. P.

An. VEHEMENTER gratæ fuere tuæ literæ, vel ob hoc, quod alacritatem quandam præ se ferebant. Nos his feriis natalitiis calculus dolori conjunctus, quem Colicum vocant, penissime liberarat ab his vitæ malis. Et adhuc adeo dejectum est hoc corpusculum, ut verear ne non perficiam, quod est in manibus, *Aërorem* opus. Non metuo mortem: satis enim diu vixi. Optarem aliud mitius mortis genus. Nunc quot mortes habet unius calculi partus? Et quoties regustanda mors? Sed Dei voluntati nos subijciamus oportet. *Clemens* Septimus magnis promissis *Romam* vocat; Illustrissima Domina *Margareta* & *Cæsar* in *Brabantiam*, alioqui periit pensio, quæ jam plus quam biennium non solvitur. Hic fremunt in me *Lutherani* ingeniosiores. Et *Lutherus* ad suos scribit nobis parum amicos. *Roma* quid sit futurum, satis divino: sunt enim illic, qui gladiatoris animis mihi certum exitum moliuntur. Ac jam pene peregerant ante mortem *Adriani*: cui cum scripsissem consilii mei partem, ab ipso rogatus literis secretis, mox sensi mutatos duos. In *Brabantia* furiosis datus est gladius, qui me pejor oderunt quam *Lutherum.* Hic nihil aliud, quam ægroto. Invitat jam sæpe Rex *Gallie.* Sed videbor ad hostem fugisse; id inimici suadebant *Cæsari*, qui adhuc satis favet *Erasmo.* Rex *Anglus* sic urget

A ut scribam adversus *Lutherum*, ut videatur indigne laturus, si pergam negare. Quid hoc seculo turbulenter? Feceris pergratum, si reliqua, quæ isthic aguntur, perscripseris, deque *Lei* nostri gestis. Ut *Lutherus* omnes inimicos suos nobilitat ac ditat! Demirr quis sit exitus futurus hujus consilii, & apparatus ad bellum, quod sit undique. Concurrent montes, opinor. Deus nostros tumultus vertat in bonum publicum. De fusili *Erasmo* recte conjecturas. Felicius provenire solet ex materia cupro stannoque temperata. Et *Terminus*, qui à tergo est, obstat, quo minus facies feliciter exprimatur. Id velim istos tentare. Gaudeo *Dnro* nostro contigisse futorem suum, cui ex me multam dices salutem, & item *Vatenbulio.* Hoc ægre scripsi, manibus adhuc à morbo vacillantibus, ipso nuntii digressu submonitus. *Fabro* nostro precor omnia felicia. Scribe de singulis. *Jodocus*, Orator Regis *Polonia*, nondum accepit *Precationem* *Dominicam*, quam opinor isthic jam prostare. Bene vale. *Basilea 9. Januarii, Anno 1523.*

EPISTOLA DCXLVII.

Erasmus Roterodamus Bernardo Episcopo Tridentino S.

R EVERENDE Præsul, næ iste tuus animus tam pius ac benignus dignus est aliquo, qui & ingenii dotibus & corporis viribus possit respondere. Hæc ætas, magis autem valetudo, semper in pejor vergens, reddit me ad omnem convictum inutilem. *Clemens* Septimus humanissime *Romam* vocat: *Cæsar* invitat ut redeam in *Brabantiam.* Rex *Gallie*, montes aureos pollicens, invitat ad se. At vereor ne Rex calculus me brevi transmittat in alterum mundum. Nec tamen recuso quod offert tua benignitas. Si vixero usque ad *Paſcha*, tentabimus an possim ferre laborem professionis. Id si succedit, cupio videre *Italiam.* Et obiter videbimus tuum regnum. Servet amplitudinem tuam *Dominus Jesus* incolumem & *Erasmo* faventem. *Basilea 16. Januarii, Anno 1523.*

EPISTOLA DCXLVIII.

Adrianus VI. Papa Erasmo Rot.

D ILECTE fili, salutem & Apostolicam benedictionem. Reddita sunt nobis his proximis diebus literæ tuæ undecimo *Calend. Januarii, Basileæ* ad nos datæ, cum altero exemplari, eleganter & sumptuose apparato, *Arnobii* tua opera castigatæ, & sub nostro nomine in lucem emissæ, propterea quod nondum certior factus esses, an quod primo miseras ad manus nostras pervenisset. Quibus duabus rebus vere ex animo, & plus quam credibile queat, in Domino letati sumus. Nam & munus ipsum tale est, ut quantum ex longa epistola tua opera præscripta credere, & ex paucis quæ hæcenus per diversas occupationes in illo legere potuimus, odorari licet, vel per se ipsum, nedum ex eo quod abs te probatum & odium sit, magnopere docti omnibus placere debeat: & litera ipsa tantam animi tui sinceritatem, religionem, zelum Dei, pietatem, ergaque nos, & hanc beati *Petri* sedem, devotionem & observantiam præ se ferunt, ut si qua unquam ex minus amicis de te delationibus (quales excolentibus viris nunquam deesse solent) irreperire potuisset animo nostro sinistrior de tua integritate suspicio, eam omnem hæc litera penitus sustulisset: omninoque credas ex illis ad eam benevolentiam, qua te, tum ob patriam studiorumque & viæ communionem, tum ob multiplices ingenii & nature dotes, quas bonorum omnium largitor in te collocavit, semper sumus persequuti, maximum pondus accessisse. Summopere vero in illis gratum fuit, quod nobis consilium pollicearis tuum, quo temporum istorum turbulentia atque confusio sic, ut ais, extinguatur possit, ut non facile repulset. Teque in Domino hortamur, & quam maxime possumus serio, & in abundantia charitatis requirimus, ut quantum tibi Dominus donaverit, nobis

An. modum ac rationem aperire satagas, quibus tetrum hoc
 1523. malum (dum adhuc medicabile est) de medio nationis
 vestre auferri valeat. Quia re nihil est sub Sole
 quod ardentius desideremus; neque id quidem, quod nostra
 auctoritas atque potentia (quod ad nos privatim attinet)
 hac secula tempestate nonnihil periclitari videatur: quippe
 quarum mentem non modo nunquam concupiverimus,
 verum etiam nullo delatas vehementer reformidaverimus,
 plaus (Deum testatur) recusaturi, nisi inde Dei offensam,
 & conscientia nostra lisionem veriti fuisset: sed quod tot
 millia animarum Christi sanguine redemptarum, & cura
 vestra pastoralis creditarum, idque vestra secundum carnem
 nationis, sub spe Evangelica libertatis, re autem vera
 diabolica servitutis recta in perditionem trahi videamus.
 Quanto vero & citius & secretius nobis huiusmodi
 tuum consilium potest feceris, tanto Deo majus obsequium,
 & nobis rem gratiorem prestiteris. Celeritate enim propter
 commune periculum, secreto vero propter tuum, cuius
 incolumitatem ut nostram cupimus, opus est. Et quamvis
 jam dudum ad te pervenisse credamus literas nostras
 prioribus tuis, cum quibus alterum exemplar
 Arnobii ad nos dederas, respondentes, in quarum calce
 te invitabamus, ut, transacta hyeme, & aere Romano
 te praesentis pestis contagione repurgato, ad nos veniret,
 magnamque ex his postremis literis fiduciam conceperimus,
 te ei desiderio nostro morem gesturam: omittere tamen voluimus, quin id ipsum & per
 has nostras abs te etiam instantius deposceremus; nisi forte
 tibi evidentissime constaret, te istuc plus quam apud nos
 Deo obsequi, & Ecclesiae suae prodesse posse. Eo enim
 causa contra rationem propositumque nostrum, quo Dei honorem,
 & Ecclesiae suae edificationem, posthabitis omnibus
 privatis affectibus, quarimus, futurum esset, si te ex
 uberiori melle avocarem. Alioquin vero scito, te nil nobis
 gratius, quam si ad nos veneris, & cito veneris, (quatenus
 tamen id sive incommodum tuum fieri valeat) prestare posse;
 nobisque amano cura fore, ne timeris ac laboris te
 tui poeniteat: veluti prioribus literis promissimus, & hisce
 repromissimus. Non est autem cur ob alterutram
 dictarum causarum venire differas, cum jam & hyems
 declinare incipiat, & pestis contagio adeo facta sit
 exigua, ut in tanta urbe prope nulla videri possit.
 Nos quoque istius civitatis, & ob illius nobilitatem, ergaque
 hanc sedem devotionem, & ob tuam intercessionem,
 commendatissimum habemus, brevique expeditum ad ipsam
 civitatem cum ejus nuncio revertetur. Datum Romae apud
 sanctam Petrum sub annulo piscatoris, 23. Januarii, Anno 1523. Pontificatus nostri anno primo.

EPISTOLA DCXLIX.

Adriano Sexto Erasmus Roterod. S. D.

BEATISSIME Pater, qui has perfert, ut mihi visus est utcunque certus, ita praeter expectationem oblatum est à prandio, postridie diluculo profecturus. Itaque parum abfuit, quin consultius ducerem, ad tantum Principem, de re tam ardua nihil omnino scribere, quam ex tempore scribere. Tamen quoniam utroque diplomate (nam utrumque redditum est) sic urget, obtestatur, ac propemodum adjurat tua sanctitas, ut si quod habeam consilium his tumultibus sedandis, pro mea virili conferam, & tua compulsus auctoritate, & tua vere Pontificia mansuetudine fretus, vel ex tempore scribam, scripturus copiosius, simul atque dabitur & ocium, & grammatophorus certior. Tutius simul & commodius erat hæc coram agere, planeque erat animus, quo sane quam amantissime invitat tua benignitas. Sed cogor edictis sævissimi tyranni parere. Cujus, inquires? longe Mezerio & Phalaride crudelioris, Calculus illi nomen est. Atque istuc quidem remisit se pestis, remisit hyems, sed longum est iter, ut jam tutum sit per nivolas Alpes, per hypocausta, ad quorum solum odorem exanimor, per fardida & incommoda diversoria, per acria vina, ad quorum gustum ilico periclitor. Si valetudo suppeteret, tutius

esse iter per Galliam, verum id fiet, ubi volet Dominus. Interim Dominum Jesum testem facio hujus conscientiae, me quicquid scripturus sum, simplici sinceroque animo scribere. Nemo mortalium leget hanc epistolam nisi nos duo, si quid placet, utere; si quid displicet, puta non esse scriptum. Utinam adessent mihi praesidia, quae mihi tribuis ad coercendum hoc dissidium, non dubitarim hujus vitae iactura publicis mederi malis. Primum stylo vincor à multis, nec hæc res stylo geritur. Eruditio longe est infra mediocritatem, & si qua est, ex vetustis Auctoribus hausta est, ut aptior sit concioni quam pugnae. Jam hujus homunculi quæ possit esse auctoritas? An apud hos valeat auctoritas Erasmi, apud quos nihil habet ponderis auctoritas tot Academicarum, tot Principum, ac summi denique Pontificis? Gratia si qua fuit, aut sic refrigit, ut pene nulla sit, aut prorsus interiit, aut in odium etiam versa est. Qui antea sexcentis epistolis describebar, Ter maximus heros, Princeps literarum, Sydus Germania, Sol studiorum, Antistes bonarum literarum, Vindex sincerioris Theologiae, nunc aut sileor, aut longe diversis coloribus depingor. Nihil moror inanes illos titulos, quibus nihil aliud quam gravabar. Quibus conviciis multi nunc debacchantur in caput meum, quam amarulentis libellis incessunt, quibus minis teritant? Nec enim defuerunt qui mihi exitium denunciarent, si quid me commoverem. At interim alii clamitant, mihi convenire cum Lutherano, clamitant, me nihil in illum scribere: sed qui vehementer favent Lutheri fremunt, me nimium frequenter incessere Lutherum, & amarulentius quam decet. Quiritatur hoc ipsum Lutherus in suis ad amicos epistolis. Late patet Germania, & abundat excellentibus ingeniis. Nec hanc tamen solum hic habet affectus; non ausim scribere in quam multis regionibus, quam penitus, popularibus animis sit infixus Lutheri favor, & odium Pontificii nominis. Porro vix credat aliquis, quanta sit ingeniorum pervicacia, constantiam vocant ipsi. Nec abhorret ab his bona pars eorum, qui deamant politiores literas. Hæc dolens ac gemens refero, beatissime Pater, & utinam vana. Cum omnibus eruditis erat mihi jucundissima sodalitas, hac sola possessione videbar mihi felix; pene mori maluissem quam tot amicitias renunciare, ac mundi prope dixerim odium concitare in caput meum. Et tamen hoc malui quam videri factiosus, nec adhuc hujus animi me poenitet. Non hic commemorabo quantam tragœdiam, fortassis immedicabilem, potuerim excitare, si quorundam affectibus me præbuissem. Malo fraudari hæc gratia, quam arcanum effutire. Nec hoc nomine mihi posco gratiam, quod à maleficio temperavi, utcunque diversa pars pietatem appellat. Si valetudinis ac senectutis excusatione tantum conquievissim in hoc negotio, habenda opinor erat gratia: nunc tot epistolis, tot libellis editis testatus sum me esse alienissimum à foedere Lutherano, omnem spem mei ademi omnibus, ac ne nominis quidem mei prætextu passus sum illos uti apud vulgus. Publice dehortatus sum à seditioso negotio, privatim quoscunque potui vel coercui, vel revocavi, vel certe moderatus sum. Neque nihil profeci, sunt qui mihi pro fidelibus monitis agunt gratias. Quoties palam Lutheri maledicentiam detestatus sum? Quis tulit indignius quam ego, Regis Anglorum nomen tam irreverenter attactum? Atque interim dum hæc ago apud Germanos, Roma traducor furiosis ac plus quam famosis libellis: In Brabantia non jam in conviviis tantum ac vehiculis, sed in publicis concionibus ac solennibus prælectionibus prædicor, hæreticus, hæresiarcha, schismaticus ac falsarius, hæc neque raro facta sunt, neque clam ut ignorari possint. Sciscitetur à populo tua sanctitas, audiet à quovis, illorum nomina. Habet Lutheri factio quosdam, qui sic promovent illius causam, quasi devoverint seipsos, nisi illam modis omnibus subvertant. Et isti tibi videntur Pontificis causam humeris suis sustinere.

Aaa 3

Jactant

An. Jaçant nihil esse pestis in libris *Lutheri*, quod idem **2523** non sit in meis. Nec ullus adhuc articulus proferri potuit, qui mihi cum *Luthero* conveniat. Sed isti interpretantur quædam, verum, sed depravatissime, suspicantur, sed malitiosissime. Sic ego centum locos colligam ex *Paulinis* Epist. qui congruunt cum his quæ damnata sunt in *Lutheri* libris. O grave exemplum eorum qui sibi credi postulant in negotio fidei! Quid enim isti aliud proficiunt, nisi quod dum palam serviunt suis privatis affectibus, & fidei causam perdunt, & sibi auctoritatem abrogant, & vulgi odium in Pontificem exacerbant. Multa scripsi priusquam suspicarer *Lutherum* esse natum, aut priusquam quicquam somnaret hoc seculum exoriturum. Præcipitavi, fateor, pleaque omnia. Nam hoc mihi viciū est genuinum, doctorum tamen ac præsertim ecclesiæ judicio me semper submissi. Multos rogavi, monerent, si quid inesset in lucubrationibus emendandum, & qui tum vel obticuerunt, vel approbant, exorto *Luthero* damnant quod approbaverant. Nihil non calumniantur, sub omni lapide, quod ajunt, cubat scorpius, hoc suspectum, hoc scandalosum, hoc irreverenter dictum. Et quum nullius Academix, nullius Episcopi censura, in me prodita sit, tamen quidam privata auctoritate clamitant hæreticum, hæresiarcham. Quem animum quantumvis constantem hæc injuriæ non propellerent in factionem? Me tamen nulla vis à recto deflectere potuit. Et tamen sic primum impulsus est *Arius*, sic *Tertullianus*: quare dispiciat tua Sanctitas, an hunc animum dignum judicet, qui dedatur quorundam impotentibus odiis, tum an hoc expediat negotio quod est in manibus. Qui bene volunt Pontificiæ causæ, dant operam, ut ex hæreticis reddant orthodoxos, ut alienatos revocent, vacillantes confirment; quod tua quoque Sanctitas non minus prudenter, quam *Christiane* fieri suadet. At isti religionis & ecclesiæ nutantis *Atlantes*, vacillantes impellunt, amicos alienant, ex orthodoxis faciunt hæreticos, bene dicta depravant. An non merito deplem senectutem meam, quæ velut in picem mus, ut ajunt, in hoc seculum inciderit? Multos evexit ac ditavit *Lutherus*, nonnullis profuit esse *Lutheranis*. Mea conditione quid infelicius, qui dum omnium commodis meo victu sumptuque noctes ac dies inservio, nihil aliud refero præmii, quam quod utrinque dilaceror? Sed ostendit tua S. horum malorum remedium. Confer, inquis, te *Romam*, aut scribe quam odiosissime in *Lutherum*, indicito bellum omnibus *Lutheranis*. Primum quum audio, confer te *Romam*, quid aliud sit, quam si quis cancro dicat, Vola: Respondit cancer, Da alas. Dicam & ego, Redde juventutem, redde bonam valetudinem. Utinam hic esset mihi minus justa excusatio. Prolixum esset commemorare causas, quæ mihi persuaserunt ut hætenus manerem *Basilea*: illud semel ausim dejerare, si quid viderem utilius Reip. *Christiana*, me vel cum vitæ periculo facturum fuisse. Nunquam defuit perficiendi voluntas, sed proficiendi spes. Quid autem stultius, quam movere malum bene quiescens, si nihil speres, nisi majus incommodum? Etiam atque etiam te rogo, permittas hanc veniam oviculæ tuæ, ut aliquantisper liberius loquatur apud suum pastorem. Ut liceat per valetudinem, quid profecturus sum *Roma*? Abfuturus sum à consortio *Lutheranorum*. Jam nunc absūm maxime: nihil enim mihi cum illis commercii. Itaque mihi quidem nihil est periculi ab illis, quod ad animum attinet. Porro quod attinet ad illos corrigendos, citius profecero vicinus quam procul remotus. Quid faciet medicus ægrotis, si se procul abducatur? Quum hic increbuisse rumor me *Romam* accersitum, qui statim fremitus exstiterit jaçantium me isthuc ad prædam advolare? Quid igitur habiturum est ponderis, si quid isthinc scripsero, præmiis corruptus, quemadmodum isti sibi persuaserunt? Agam isthic, aut scribam fortasse tutior, at isthuc est mihi consuluisse, non causæ. Si moderate civiliterque scripserim in *Lu-*

A *therum*, videbor cum illo ludere: sin ipsius stylum **An.** imiter, si bello laceffam *Lutheranos*, quid aliud quam **1523** crabrones irritaro? Hætenus, fateor, alui quibus potui modis doctorum hominum amicitiam: sic enim video me plus proficere. Sed hætenus, inquires, nihil audio præter querimonias, consilium exspecto. Et hæc, quæ hætenus dixi, consilii pars est. Cæterum ut aggrediar, Video multis placere ut malum hoc sanetur austeritate, sed vereor ne rerum exitus doceat olim, hoc inconsultum fuisse consilium. Plus enim video periculi quam vellem, ne res exeat in atrocem cædem. Non jam disputo quid istis dignum est, sed quid expediat tranquillitati publicæ. Latius scripsit hoc malum, **B** quam ut sectione aut unctione sanandum sit. Fateor, sic olim apud *Anglos* Regum potentia oppressa est factio *Wiclevitarum*, sed oppressa verius quam extincta. Et tamen quod tum in eo regno licuit, quod totum ab unius nutu pendet, nescio an hic liceat in tam vasta regione, inque tot Principes dissecta: certe, si stat sententia, carceribus, flagris, confiscationibus, exiliis, censuris, mortibus obruere malum hoc, nihil hic opus fuerit meo consilio. Quanquam video tuæ mansuetissimæ naturæ diversum placere consilium, qui mederi malis quam punire. Id fuerit non admodum difficile, si omnibus adesset idem animus, qui tibi, ut **C** sepositis, quemadmodum scribis, privatis affectibus sinceriter consultum vellent gloriæ *Christi* & salutis populi *Christiani*. Quod si suo quisque commodo privatim intentus est, Si Theologi suam auctoritatem undique fartam tectam haberi postulant, Si Monachi suis commodis nihil patiuntur decedere, Si Principes omne jus suum mordicus retinent, difficillimum fuerit in commune consulere. Primum erit explorare fontes unde hoc malum toties repullulat, his ante omnia medendum. Tum autem non inutile fuerit, si rursus ostendatur impunitas his, qui ex persuasionem aut impulsu alieno errarunt, vel potius omnium malorum superiorum *causa*, quæ fato quodam accidisse videntur. Si sic quotidie nobiscum agit Deus omnium obliviscens **D** admissorum, quoties ingemuerit peccator, quid vetat quo minus idem faciat Dei vicarius? Et tamen interim per magistratus ac Principes coerceantur novitates, quæ minimum faciunt ad pietatem, plurimum ad seditionem. Optarim, si fieri possit, & libellorum procedendorum licentiam cohiberi. Ad hæc præbeatur mundo spes mutandorum quorundam, quibus non injuria se queritur gravari. Ad libertatis dulce nomen respirabunt omnes. Huic modis omnibus consulendum erit, quatenus salva pietate licet, consulendum est explicandis hominum conscientis, sed interim nihilo fecius consulendum dignitati Principum & Episcoporum. Verum hæc dignitas æstimanda est his rebus, in quibus **E** vere sita est illorum dignitas, quemadmodum æstimanda est & populi libertas. Dicet tua Sanctitas, Qui sunt isti fontes, aut quæ sunt ista mutanda? Ad harum rerum expensionem censeo evocandos è singulis regionibus viros incorruptos, graves, mansuetos, gratiosos, sedatos affectibus, quorum sententia —

EPISTOLA DCL.

Erasmus Rot. Marco Laurino, Collegii S. Donatiani apud Brugas Decano, S. D.

NAE tū plurimum debes *Hilario* nostro, qui tibi sævis rumoribus exanimato, quemadmodum scribis, subito reddiderit animum: sed esse qui rumores hujusmodi mendacissimos spargant, vel ob hoc non debet esse mirum, quia jam novum non est: præsertim quum mundus alat tot ociosos, quibus hoc unice studio est, ut quod istis proclive est, & solum superest, homines de publicis studiis, deque religione *Christiana* benemereri conantes, linguis veneno tinctis confodiant, & vel hac ratione ad breve tempus discrucient animos eorum, qui ut publicis commodis gaudent, ita favent utilitati publicæ, sua industria consulentibus.

Ve-

Verum illud admiror, esse qui rumoribus istiusmodi commoveantur, maxime jam toties experti, quam vanos fuisse docuerit rerum exitus. Mirum autem videri non debet, si homines, qui nec per somnium quidem unquam intellexerunt quid sit pudescere, audent mentiri de tam procul absente, quum in proxime vicinum soliti sint novas subinde comminisci fabulas. En casus senarium effudit. Arbitror rem jambo denato dignam. *Lovanii* tot annos egi, quoties *Bruxellam* aut *Mechliniam* me contulisset, totos decem dies minatus iturum me priusquam irem, isti, quos nihil pudet, iactabant me fugisse metu. Denique quum rusticans *Anderlaci*, qui locus est & celeberrimus, & *Bruxella*, ubi *Cæsaris* est regia, proximus, valetudini consulerem, pene quotidie in urbem adequitas, ac *Lovanium* quoque subinde recurrens, videlicet latitabam istis. Ac frequenter eodem tempore *Lovanii* decumbebam febri immedicabili, & juxta *Bruxellam* delapsus ab equo perieram apoplexia, quum multis annis gratia *Christo* non valuisset rectius quam id temporis valebam. Sed intra septem annos, quoties isti me extulerunt, quoties profligarunt, quoties variis malorum generibus affligerunt? O plus quam *Phalarides* ac *Mexentios*! Non satis est semel occidisse miserum *Erasmum*, nisi toties tot malis excarnificent, tot exitiis extinguant? Nec interim tot suppliciis, tot mortibus saturare possunt crudelem animum. Ubi est interim illud *Joannis* Apostoli, *Qui odit fratrem suum homicida est*? An non satis declarant isti, quid sint facturi, si tuto liceat, qui toties occidunt lingua, quoniam ferro non queunt? Et tamen dies ille non potest procul abesse, quo verum erit dixisse, *Vixit Erasmus*. Nec ullus est casus non exspectandus mihi, qui possit homini accidere. Quin mirandum etiam hoc corpusculum per se invalidum, nunc ætatis etiam accessione imbecillius, tot morbis, tot malis, tot laboribus sufficere. Quod ego sane devotionibus istorum, & aris debere me puto, sic volente Deo, ne tam crudeli voluptate cito potiantur. Jam ubi me tandem diris modis confecerunt, tum sæviunt in libros meos, perinde atque in liberos charissimos, ut in his veluti redivivus, vel superstes magis, crudelius etiam inteream. Hos quoties præfixo *thra* damnarunt, quoties ultricibus flammis exusserunt? Quo minus adfuerim in conventu *Wormaciensi*, five ut nunc doctis vocari cœpit *Berbetomagensi*, quo certe fueram invitatus, partim in causa fuit quod nollem involvi negotio *Lutherano*, quod tum vehementer anceps erat: partim quod facile divinarem in tanta Principum frequentia, tantaque varii generis hominum colluvie non defuturam pestem, quum *Colonia* non fuisset immunis ab eo malo, quum illic primum ageret *Cæsar*. At mortuo Principe *Civerio*, nescio quid conati sunt deferre quidam apud *Cæsarem*: sed adeo impudenter, ut nemini bono cordatoque persuaserint. Atque ego submonitus amicorum literis, ilico scriptis ad aulæ primores epistolis ita fumum illum discussi, ut omnes mihi non minus amanter quam honorifice responderint. Inter quos erat illustrissimus vir *Mercurinus Gattinarius*, summus *Cæsaris Maxim.* Cancellarius, Card. *Sedunensis*, *Marlianus* Episcopus *Tudensis*, *Hieronymus Aleander* tum Nuncius Apostolicus: nam alios data opera non nomino. Solus Episcopus *Leodien-sis* dies aliquot remoratus nuncium, tandem exclusus negotiis verbis duntaxat respondit. Ubi redisset *Cæsar Bruxellam*, vix ullus erat dies quin per medium forum ac præter aulam obequitarem, in aula frequenter versarer: idque non admodum ex more meo, ac propemodum magis habitabam *Bruxella* quam *Anderlaci*. Quotidie salutabam Episcopos, quanquam alioqui neutiquam ambitiosus in talibus officiis. Prandebam cum Cardinale, confabulabar cum utroque Nuncio; visabam Oratores, & illi me vicissim *Anderlaci*. Nunquam in vita minus latui, nec unquam magis versatus sum in oculis hominum. Et erant interim ex istis blateronibus, qui descriperant in *Germania*, *Erasmum* abdi-

tum alicubi latitare. Nec id factum prius rescivi, quam huc me recepissem. Rursus quum *Cæsar* ageret *Bruxellam*, una cum Rege *Danorum*, & adesset id temporis *Britannici* Regis nomine Legatus *R. D. Thomas* Card. *Eboracensis*, si me domi tuæ tantum continuissem, sed ipse quam latitassem, quum frequenter omnes aut certe præcipuos aulæ Proceres haberes convivas, inter quos sedebam, omnibus, ut opinor, gratissimus. Nunc quoties foris prandebam, aut cenabam apud optimates, atque etiam apud *Danorum* Regem, qui me vel quotidianum victorem optabat. Quo non obequitabam frequenter & te comite? In qua magnatum celebritate non adfui: nunc in aula *Cæsaris*, nunc in familia Card. *Eboracensis*, nunc apud alios atque alios, etiam si frequenter invitatus non ibam? sum enim natura domi amantior, & hoc vitæ genus postulant etiam studia nostra: atque uti tum latitabam, ita postea fugi. Sex totos menses adornaveram iter *Basileam*, idque palam omnibus. Quandoquidem hoc nomine maturius etiam numeravit *Cæsaream* pensionem thesaurarius, quod dicerem mihi iter esse *Basileam*. Neque causa latebat, nimirum eadem, ob quam toties & ante *Basileam* invisi, prius quam istos heroes timerem. Excusum fuerat prius volumen *Novi Testamenti*, supererant Annotationes. His adesse cupiebam, non solum ut exirent emendatiores, verum etiam ut paulatim pro re nata, vel immutarem aliquid, vel adderem: nam in hoc scripti genere, redit Auctori labor actus in orbem, cui nunquam exhausti satis est. Cupiebam autem hac editione, quæ tertia erat, postrema desungi. An hæc levis causa videtur? Videatur sane, sed istis ventribus, qui tamen ob convivium opiparum non dubitarent vel *Basileam* usque pedibus advolare. Mihi certe ea causa non minus cordi erat quam Regi *Gallorum* ditio *Mediolanensis*. Jam ad iter eram accinctus, nec quicquam obstabat nisi viarum discrimina. Exspectabatur igitur tutus commeatu. Interea diversis locis colligebatur pecunia, qua gratia & *Lovanii* sex dies sum commoratus, nimirum & illic latitans, quemadmodum soleo, in diverforio, quo nemo se confert hospitum, adeo ut frequenter non sit locus. *Pandocleo* symbolum est imago Viri sylvestris. Forte fortuna tum aderat *Hieronymus Aleander*, qui cum suaviter viximus, nonnunquam & in mediam usque noctem producentes literatas fabulas. Convenerat inter nos, ut si contingeret tutum iter, una discederemus. Eodem reversus aliquot post diebus, etiam tum offendi *Aleandrum* molientem abitum, quemadmodum moliebat. *Bruxella* didiceram *Franciscum Sychinum* ducem postridie *Tena* futurum, cui tum pulchre conveniebat cum *Cæsare*, quomodo nunc conveniat nescio. Is dies erat natalis & meus & Apostolorum *Simonis* & *Juda*: quo quidem die accidit quiddam natali meo dignum, hoc est, fatale. *Dominicus* quispiam, ille, ut opinor, interpretes *Moria*, conficionatus fuerat in templo divi *Petri* hora septima, homo confidens, ac sibi mire placens: *Phormionem* quempiam dixisses è comœdia. Videbatur non è suggestu sacro, sed prorsus è plauastro loqui. Totam ferme horam debacchatus in nomen *Erasmi*, subinde jungens nomen *Lutheri*, videlicet ut populus suspicaretur mihi cum illo multum esse negotii: sed præcipue destomachatus est, quod diceret me *Augustini* quoque libros velle corrigere, in quibus nihil intelligerem. Promisit sese copiosius eadem de re coneionaturum à prandio, tum enim fecundi calices faciunt istos disertiores. Harum rerum ignarus quum venissem in templum adfuturus summo sacro, salutavit me *Maketus* homo comis & illius *Academiæ* vetus alumnus. Rogat quid accidisset quod tam mane fuisset in templo, nimirum hora septima, idque præter morem meum. Qui mane, inquam? Aderas, inquit, in concione. Risi & intellexi, quod mihi novum non erat, rabulam quempiam apud populum blaterasse. Erat autem is theologicæ laureæ candidatus, & hac ratione præbebat sui specimen, se non futu-

An. futurum hoc indignum honore. Redeo domum sum-
 1523 pto prandiolo conscensus equos: nam hora secunda
 decreveram abire. Offendo *Aleandrum* inambulantiem,
 cui sæpe narraram multa de blateronum ejusmodi im-
 pudentia, sed ille non poterat unquam credere. Pro-
 inde jubeo ut si fidei meæ vellet facere periculum,
 mitteret aliquem è suis ad templum *Dominicalium* ho-
 ra prima: nam illic erat peragendus veteris comœ-
 diæ postremus actus. Mittit ille è suis quempiam ad
Bucentam, omnium Theologorum, quos *Louanium* in-
 tra quinquaginta annos habuit, stultissimum; *Corebum*
 quempiam dicas. Denunciat (nam verba propemo-
 dum excepi) ne blateret in famam cujuspiam, sed do-
 ceat Euangelium; quoque magis deterreat, admiscet
 auctoritatem summi Pontificis, quam illi mire reve-
 rentur, quoties illis est commodum ac bonum. Subor-
 no qui auscultent: nam mihi erat abeundum ob comi-
 tes accinctos. Hi post perscribunt hominem questum,
 quod per quosdam non liceret obsequi suo spiritui. U-
 bi *Tenam* venio, *Franciscus* quidem dux non aderat,
 nec exspectabatur, sed aderat magna vis militum, par-
 tim peditum, partim equitum, partim medii generis,
 qui prædam bigis deportabant, una cum claudis ac fau-
 ciis, qui sibi parum caverant in bello. Hos habui co-
 mites itineris usque ad *Spiram*: illic transmisso *Rheno*,
 relinquo illos ad sinistram: horum frequentia hæste-
 nus contigit iter tutissimum. Decretum erat quam mi-
 nimum viæ dispendium facere. Solent enim officii
 gratia more *Germanico* convenire sodalitates, qua re
 nihil jucundius quum vacat, sed properanti & fesso,
 tum itineris negotiis occupato, nihil inutilius. Interim
 dum salutamur & salutamus, equi neglecti morbum
 contrahunt, aut siti pereunt. Itaque ab oppido *Dura*,
 recta transcurro *Sychimum*, relicta ad lævam *Colonia*
Agrippina. Eo die jejuni sedimus in equis totas no-
 vem horas, gnaviter interim equitantes, quod extre-
 ma via longior esset opinione, parumque tuta ob mon-
 tium ac collium flexus. Postridie venimus *Confluen-
 tiam*, hora ferme decima. Quum illinc quoque gesti-
 rem abire tacitus, nescio quo casu rescivit eximius vir
Matthias, ejus urbis Officialis, homo totus bonis libris
 ac virtuti deditus. Is (quod fore divinaram) nos vo-
 lentes nolentes domum pertrahit, confluunt sodales.
 Illic primum & didici & vehementer sum admiratus in
Germania fuisse, qui mihi nescio quid metuerent. Sed
 hunc *παῖδόν θόρυβον* ridens etiam illis ademi. Narra-
 bant & Episcopum mei conveniendi desiderio teneri:
 nam & *Colonia* me vocarat ad prandium, sed excusavi
 coelum pestilens & incommodum, nimirum prius ha-
 bens consulere valetudini, quam obsequi Principum
 voluntati: verum is tum aberat. Porro, quoniam vi-
 debam mihi per amicos salutatores non permissum iri,
 ut eo die me illinc explicarem, ne totus sine linea pe-
 riret dies, à prandio complures epistolas scripsi diver-
 sis amicis, per humanissimum virum *Carolus Harstum*,
 qui me officii gratia fuerat eo comitatus. Prius quam
Moguntiam pervenirem, in itinere cognovi *R. D. Card.*
Moguntinum abesse: itaque solum *Capitonem* ad collo-
 quium evocavi. Simulatque vero & hunc abesse co-
 gnovi, accingor itineri. Comites è suis famulis arma-
 tos obtulit eximius juvenis *Marquardus* ab *Haskeino*,
 Canonicus Ecclesiæ *Moguntina*, qui nuper mortuus est,
 longa alioqui vita dignissimus. Id quum recusarem,
 quod ea res frequenter etiam invitat prædones, pue-
 rum suum comitem addidit. *Wormacia* dum adornatur
 prandium, *Herwannus Buschium* ad colloquium evo-
 co, virum nec vulgariter eruditum, & mihi vetere ne-
 cessitudine conjunctissimum. Dum is diu frustra quæ-
 situs non invenitur, diutius in hypocausto desideo,
 non sine magno meo malo. Quum enim antea semper
 bellissime valuisssem, illic sensi valetudinem infici, præ-
 dore magis quam calore. Adeo mihi male convenit
 cum hypocaustis *Germanis*, cui cum ipsis hominibus
 tam belle convenit. Gratularer illis rem tot modis
 commodam, si mihi liceret communiter frui. Sed ta-

An. men primam hanc corporis affectionem labor equita-
 tionis excussit. Volabamus enim *Spiram* verius, quam
 equitabamus, & plane pegafos habebam, qui nunc
 quoque devorant dominum suum. *Spiram* ubi ventum
 est, ventum est autem admodum sero, recta me con-
 fero una cum equis ad ædes *Thoma Truchses*, ejus Ec-
 clesiæ Decani, sive quia ille sic crebris ad me literis
 jussierat, sive quia noveram omnia diverforia militibus
 undique differta, qui illic ferocius agere solent, quam
 in bello, ita ut fortes decet viros. Apud hunc quoniam
 Canonicos aliquot cœnantes offendi, accubui pariter.
 Tepebat & illic hypocaustum, licet abesset nidor. Ili-
 co rediit illa jam nimis nota corporis affectio. Ita-
 que decretum erat in totum abstinere à deliciis *Germa-
 norum*. Illic biduum refocillato corpore, *Argentora-
 tum* pervenio. Nec hic decreveram commorari, sed
Jacobus Spiegel, Cæsaris Secretarius, vir eruditus ac mo-
 ribus plus quam niveis, quem insalutatum præterire
 non audebam, me prodidit sodalitis, cui nuper ac-
 cesserat *Lucas Bathodius*, & hoc in amore cæteris ve-
 hementior. Datus est his dies unus, & item alter.
 Inde *Sleisstadium* me confero comitantibus aliquot, in-
 ter quos erat *Bartholomæus Latomus*, *Trevir*, singula-
 ri morum & ingenii dexteritate juvenis, qui *Friburgi*
 moderabatur Collegium Philosophicum. Hinc rursum
 nos honoris gratia *Colmariam* usque produxerunt ali-
 quot è sodalitis, inter quos erat *Beatus Rhenanus*, qui
 me postridie *Basileam* usque prosequutus est. Quid ego
 tibi hic, mi *Laurine*, *Thrasonem* referam, commemorans
 quanto studio sit mihi reditum gratulatus senum opti-
 mus ac sanctissimus Episcopus *Basiliensis*, qui nunc quo-
 que missis subinde xeniis & epistolis testatur suam er-
 ga me pietatem: quanto magistratus hujus civitatis,
 quanto cæteri vel ecclesiæ, vel studiorum Proceres,
 copiosius etiam declaraturi studium animi sui, ni tali-
 bus officiis ubique præ me feram me nequaquam capi?
 Et adeo non latuit *Germaniam* adesse me, ut prævo-
 lante rumore, dies aliquammultos illic fuero, ante-
 quam advenirem. Et interim isti nugones jactabant
 me demigrasse *Wittenbergam*. Quid enim istos pudet?
 Erat interim *Basilea* sat prospera valetudo, donec fri-
 gerent coenacula. Cæterum ubi perspicerem jam aliis
 esse frigus intolerabile, passus sum semel atque iterum
 incendi moderate, sed ea civitas magno mihi consti-
 tit, mox orta pituita pestilens. Pituitæ successit cal-
 culus, adeo subinde recurrente malo, ut nullus esset
 dies, quin aut conciperem, aut parturirem, aut pa-
 rerem, aut à partu decumberem, quemadmodum so-
 lent puerperæ. Stomachus interim sic collapsus, ut
 nullo remedio posset restitui. Mihi natura lethalis est
 inedia, & calculi nixus, qui sæpe biduum durabant,
 nihil minus patiuntur quam cibum. Itaque quum dol-
 or esset quavis morte gravior, tamen non minus erat
 à stomacho collapsio periculi. Quid multis? tantum
 hic erat calamitatis, ut vel *Nicolao Egmondano* fuerit
 satis futurum. At interim corporis quamlibet magnis
 malis non cessit animus infractus. Præter alia multa
 absolvi Annotationes in Novum Testamentum: ag-
 gressus sum & absolvi intra duos ferme menses *Para-
 phrasim in Mattheum*: eam absolutam mitto Cæsari,
 excepta est magno totius aulæ favore. Exhibuit eam
Joannes Glapion in facello, præsentibus aliquot aulæ
 primatibus, inter quos erant *R. P. Episcopus Palantinus*,
 quorum candidissimo testimonio meæ lucubrationes
 vehementer Cæsari commendatæ sunt. Protinus agno-
 vit Cæsar *Erasmum*, qui quondam patri *Philippo* por-
 rexisset *Panegyricum*, ipsi pridem librum *De Principe*
Christiano: ac munus sibi gratum fuisse, literis etiam,
 non minus amanter quam honorifice scriptis, testatus
 est. Testati sunt idem literis suis humanissime scriptis,
 quum alii complures, tum ipse *Glapion*, *N. Episcopus*
Palantinus, *Mercurinus* Cancellarius, *Georgius Halo-
 nus*, *R. P. Joannes Carondiletus* Archiepiscopus *Panor-
 mitanus*, *Antonius Suketus* inter Consiliarios auctorita-
 tis præcipuæ, *Maximilianns* inter Secretarios primi
 no-

An. 1523. nominis. Quum plerisque pensiones vel adimerentur, vel decurtarentur, mihi polliciti sunt meam incolumem ac solidam futuram, jubentes ut majora etiam à Cæsaris benignitate sperarem in posterum. Quin ipse Cæsar paulo post cum *Anglorum* Rege convivium agitans, ultro fecit honorificam mei mentionem, satis declarans quo esset in me animo. Id certo cognitum habeo ex his qui mensæ adstabant. Scio jamdudum rides *Δεγεωσιμὸν* meum, sed huc me compellit sycophantarum impudentia: & tamen aliquanto minus narro, quam res habet, tantum abest ut quicquam admentiar. Nam nec te fugere puto, quam non sim hujusmodi gloriolarum appetens. Verum, illud interim calumniantur quod tam diu hæserim *Basilea*, quod ante Cæsaris abitum non adfuerim, quamlibet invitatus amicorum literis. Hic vellem equidem, ornatissime *Marce*, mihi causam esse minus justam quam est. Apud Cæsarem nihil agebatur, nisi de fortuna vel constabilienda quæ contigerat, vel augenda, & ego jam parta plane contentus eram, & *Basilea* me non fuisse ociosum res ipsa loquitur. Quid si hoc negotium mihi pluris fuisset, quod ad publicam utilitatem pertinebat, quam quod mihi privatim conducibile fuisset, num essem reprehendus? Ad summos honores vocabar: hoc enim non unis ad me literis testatus est *Glapion*, & tot argumentis compertum habebam Cæsaris erga me studium, & metu scilicet abstinebam. Quod si tale periculum ostensum fuisset istis mundo mortuis, ut alatis pedibus hiantes advolassent? Ego si quid erat quod hic metuebam, nihil aliud erat, quam ne cum *Lutheranis* conflictandi negotium ab eo mihi delegaretur, cui negare fas non fuisset: non quod faveam seditioso negotio, qui sic ab omni diffidio naturæ quodam instinctu abhorream, ut si mihi pro latifundio lis esset suscipienda, citius rem deseram quam jus meum persequar. Sum enim vere vitis ac ficus illa apologetica è libro *Judicum*, quæ per legationem arborum vocata ad imperium, bellumque gerendum, respondit se non posse deserere naturæ suavitatem, ac bellicis turbis involvi. Erat hoc à magnis, sed falso, persuasum Cæsari, me cum primis huic provinciae gerendæ esse idoneum, cum nemo deligi potuerit magis inutilis. Videbam undique multos accinctos ad hoc negotium: agnoscebam quam essem impar tantæ provinciae, etiam si fuisset natura compositus ad tam odiosas pugnas: videbam alia multa quæ dissuadebant, de quibus, opinor, magis expedit nunc siluisse. Et tamen ne hæc quidem tam multa deterruissent me à reditu, nisi me violentus ille tyrannus compedibus suis vinctum detinuisset. Quis iste tyrannus, inquires, quum *Elvetia* tyrannos nesciat? *Phalaris*, inquam, ille calculus, cujus utinam mihi liceat esse tyrannicidam. Et hoc tamen contempto *Sletstadium* usque profugeram: sed sic affectus ex itinere, ut primum *Brisaci* apud *Henricum Gallinarium*, ejus loci parochum, biduo refocillarim corpusculi lassitudinem, ac febrim lenierim. Deinde apud *Beatum* amicum omnium candidissimum refocillatus quatrimum, ægre me *Basileam* receperim, sed hic quoque apud *Gallinarium* refocillatus: verum interim obfirmato animo, ut si rescissem *Carolus* diutius apud nos commorari, fartis viribus retentarem iter. Ubi per famulum, quem in hoc præmiseram, cognovissem certum diem, ad quem Cæsar destinasset navigare, is erat Maji primus, qui tum proxime imminebat, exclusus à spe videndi Cæsaris, continui me *Basilea* menses aliquot, haudquaquam indulgens ocio. Interea quum eruditorum hominum literis *Romam* invitarer, & complurium, & eorum quibus fidere tuto poteram: sed præsertim R. Card. *Sedunensis*, qui frequenter per alios, sed bis propriis literis amanter, magnoque studio scriptis, hoc agebat: in quibus præter omnem favorem, præter omnes spes, de suo pollicebatur quingentos ducatos annue, præterea viaticum non sordidum: & eodem provocaret literis humanissime scriptis *Syl-*

An. 1523. *vester* illè *Prieras*; cœpi & de *Roma* adeunda cogitare, si quo pacto tyrannus ille meus daret commeatum. Et erant alioqui permulta, quæ me *Romam* prolicerent. Optimorum librorum, & eruditissimorum hominum copia: tot amici veteres, inter quos erat & *Ricardus Pacans* tum illic agens, & *Paulus Bombasius*, & *Joannes Faber*, & *Georgius Sauromanus*, Præpositus *Vratislaviensis*, juvenis ad unguem doctus, ac maximis rebus natus, & *Hermannus Phrysius*, juvenis olim magnus, & nobilis inter eruditos futurus. Tot novi, inter quos *Coricius*, vir candidissimi pectoris, & *Landa-vus* olim futurus inter Scriptores nobilis, nisi me plane fallit animi præsagium. Omitto nunc tot Cardinales, quorum maxima pars mihi impense favet, ut ex amicorum literis cognovi: quidam etiam suis ipsorum literis animum erga me suum testati sunt. Si quis addubitabit de mea fide, productæ literæ docebunt, me modestius quam pro re loqui. Itaque quamquam dissuadentibus amicis omnibus *Constantiam* adii, comitantibus ultro duobus amicis, *Henrico Epphendorio*, præter generis claritatem, ac literas, moribus suavissimis, ac *Beato Rhenano*. Excepit nos omnes hospitio clarissimus vir *Joannes Botzemus Abstemius*, ejus loci Canonicus: quo quidem homine nihil adhuc vidi comius, aut candidius; diceres Musis & Gratiis natum. Domum habet, quæ Musarum domicilium videri possit; nusquam non præ se ferens aliquid nitoris & elegantiae: nusquam muta, sed undique loquacibus picturis alliciens ac remorans oculos hominum. In aula æstiva, quam, ut ait, mihi paraverat, proxime mensam, stabat *Paulus* docens populum. In altero pariete sedebat *Christus* in monte, docens suos Discipulos: tum Apostoli per juga proficiscentes ad Euangelii prædicationem. Secundum fumarium consistebant Sacerdotes, Scribæ, & Pharisei, cum Senioribus conspirantes adversus Euangelium, jam subolefcens. Alibi caneabant novem Sorores *Apollinis*: alibi Charites nudæ, simplicis benevolentiae, & amicitiae non fucatae symbolum. Sed quid ego persequar totam illius domum epistola depingere, cujus nitelas, cujus delicias vix decem diebus perlustrare possis? Sed in totis ædibus undique ornatissimis nihil est ornatus ipso hospite. Musas & Grantias magis habet in pectore, quam in tabulis: magis in moribus, quam in parietibus. Primo statim adventu, rogaram hominem, ne quem vocaret ad convivium, quod & ego natura paucis delector: & tum sic eram affectus, ut ego potius essem aliis molestiae futurus, quam ut multorum convictu possem hilarescere. Primum lassus de via; deinde adeo gravidus, ut nulla scrophæ æque; denique partui proximus: præsentimus enim & hoc, non aliter quam puerperæ. O vere miseram prudentiam! Aderat tum forte R. D. *Hugo, Constantiensis* Episcopus, vir heroica corporis proceritate, comitate singulari, homo sincerus & absque fuce, absque supercilio: non militaris, ut fere solent apud *Germanos*, sed vere sacerdotem agens. Is ilico rescivit adventum meum, & honoris gratia volebat accersere: sed submonuit hominem *Botzemus*, parceret valetudini meæ, se indicaturum, quando id commodum esset futurum. Atque hic geminam humanitatis laudem promeruit Episcopus. Humanitatis erat, quod offerebat officium, sed majoris humanitatis erat, quod oblatum patiebatur recusari. Quidam enim indignantur, seque contemni putant, nisi per omnia observias, vel tuo malo: misit tamen œconomum suum, qui mihi perdicibus aliquot donatis deferret, quicquid rerum haberet domus Episcopi: & usi sumus assidua liberalitate Præfulis. Post dies aliquot enixus sum; sed sic, ut nunquam majore cruciatu. Languebam igitur è partu, sic ut nec mihi, nec aliis essem jucundus: alioqui nihil déerat ad summam voluptatem. Deum immortalem quod hospitium, quis hospes, quam belli homunculi, quam nitidus apparatus, quæ fabulæ, quæ lectiones, quæ cantiones! O mensæ coenæque deum! Non inviderem diis poeticis suum nectar & ambrosiam,

An. si valetudo fuisset aliquanto secundior. Adblandiebatur & ipse loci situs. Imminet enim *Constantia* lacus mire spaciosus, in longum simul & in latum ad multa passuum millia porrectus, nec minus interim amoenus. Addunt gratiam montes nemorosi undique sese ostentantes, quidam eminus, quidam è propinquo: nam illic *Rhenus*, velut in *Alpium* confragosis ac præruptis locis delassatus, tanquam amœno diverforio refocillat sese: per cuius medium leniter delabens, apud *Constantiam* recipit sese in suum alveum, recepto simul & nomine; quanquam totus lacus semper maluit nomen suum debere civitati, *Bregantinus* olim dictus, qui nunc *Constantiensis* appellatur, donec ei, quæ nunc *Constantia* vocaretur, *Bregantio* nomen esset. Dicitur & piscosus esse, & profunditatis vix credendæ, adeo ut alicubi summa aqua ab imo fundo absit cubitis centum. Nam ajunt, ingentium montium moles aquis hujus tegi. Is, qui præest sodalities *Dominicalium*, vir integerrimus, doctrinaque solida, sed in concionibus sacris admirabili quadam facundia, donavit nobis ex eo lacu piscem ingentem, quam *Trotam* appellat vulgus, munus Regi dignum, si apud nos datum fuisset. *Rhenus* relicto ad dextram lacu, paululum præterlapsus urbem *Constantiam*, veluti ludens ac lasciviens insulam facit, quam occupat insigne monasterium Virginum: ac mox in sese coiens lacum efficit minorem, quem, incertum quamobrem *Venetum* appellant. Ab hoc justo alveo volvitur, plerunque vorticosus, sed utcunque navigabilis usque ad oppidum, olim Cameram imperialem, nomine *Schiffhusiam*, ob trajectum, ut opinor, prius quam illic pons esset. Nam haud procul inde sunt cataractæ, per quas se præcipitat magno fragore *Rhenus*: quanquam & alias frequenter cataractis intercisus, & saxis impeditus, parum aptus est navigiis usque ad *Basileam*. Sed interim *Constantiam* recurrit oportet narratio, quæ civitas nulla re magnopere celebris est, quam ecclesia perquam vetusta, nec ineleganti: tum Synodo illic olim habita, præsidebat Cælare, sed præcipue *Joanne Hus* illic exulto. Missitabantur undique xenia, è locis etiam procul distitis. Alius vinum aliquod insigne mittebat, alius aviculas, alius pisces, alius aliud. Magistratus honorario vino misso gratulatus est nobis. Canebant è propinquo diebus aliquot publici tibicines: nam hoc quoque solet honoris hospitibus quibusdam præstari. Quod si convivas quoque nosse cupis, assidue erant præter *Beatum* & *Eppendorpium* *Joannes* medicus, homo juvenis quidem, sed insigniter ingeniosus ac doctus, ac perinde sobrius & modestus. *Michael Hymelbergius*, quem ut tibi paucis depingam, pudore, modestia, doctrina, suavitate morum, alter *Rhenanus* est. Aderat & *Vannius* concionator, vir Evangelicæ sinceritatis. A partu postquam nonnihil virium collegimus, horulam dabamus amicis salutatoribus, sed electis, & commendatis, nec enim licebat omnium affectui morem gerere. Episcopus pro sua humanitate cupiebat, quicquid poterat honoris exhibere: sed ab hospite submonitus est, me hominem esse modici cibi, vel nullius potius: abhorre à tumultuosis conviviis: ne quem mea causa vocaret: ne quid apparatus adjungeret quotidianiano. Paruit, & sodalitem illam nostram duntaxat accepit prandio. Ab hoc dimissus honorificentius quam ego sane promerebar, invisimus R. P. *Ennium* Episcopum *Verulanum*, tunc illic Nuncium Apostolicum, (nam jam ante cojerat inter nos mutuis literis amicitia) qui tanta cum alacritate nobis occurrit, ac si quispiam alicujus precii ad se venisset. Confedimus soli, variis de rebus confabulantes: est enim vir apprime prudens; & quoniam in multorum Principum negotiis diu versatus est, singulari præditus judicio. Augebat & ætas æqualis, & morbus communis, mutuam benevolentiam: nam & ipse calculo fuerat obnoxius, eadem ex causa collecto malo, nimirum ex vinis earum regionum, tenuibus, acerbis, asperis, crudis, crudelibus & inamœnis. Mutato vino desierat la-

borare, aut certe laborabat levius. Communicabat & alia remedia, ex *Mediolano* missa. Adornabat & ipse iter in *Italiam*, neque quicquam obstabat, nisi *Breve Pontificis*, quod in singulas horas expectabat, me cupiebat itineris sui comitem. Ac mihi quidem gestiebat animus, quum non longius abesset *Tridentum*, quam itinere sex dierum, ut aiebant: nam illac erat eundem ob Cæsarianorum & Gallorum diffidia: sic enim nunc fruimur Monarchis. Invitabant *Alpes* è propinquo arriidentes, dehortabantur amici, sed frustra, ni calculus violentus rhetor persuasisset, *Basilea* repetita, revolare in nidum. Interim dum *Abstemius* hospes innectit morandi causas, dum verba dant nautæ, (nam erat animus *Schiffhusiam* usque navigio devehì, quod diffiderem me ferre posse jactationem equestrem: sic eram affectus) commorati sumus *Constantia* fere tres hebdomadas. Tandem quum nautæ nullum faciunt mentiendi finem, idque suo vel jure vel more, ita robur addidit, & concensis equis hora octava, pervolvimus *Schiffhusiam* ante tertiam pomeridianam. Ubi reditum est *Basileam*, visum est gustare vinum *Burgundiacum*, quod mihi multum recusanti, ante dies complures donarat vir humanissimus *Nicolaus Diesbach*, Decanus, ac designatus Episcopus *Basiliensis*, quem nunc Coadjutorem vocant. Primo gustu non admodum adlubescibat palato, cæterum nox arguebat indolem vini. Sic enim subito recreatus est stomachus, ut mihi viderer renatus in alium hominem. Atque ego sane semper imputaram malum hoc vinis quibusdam, quæ pleraque quum cruda, acrida, & ob hoc inimica stomacho sint, tamen facile penetrant in renes, eoque crudam materiam secum deferunt. Ad hæc quasi per se parum sint infelicia, malis pharmacis viciant, calce, alumine, resina, sulphure, sale: nam aqua, quam largiter addunt, minimum est malorum. Quid multis? pleraque digna sunt, quæ bibantur ab hæreticis. Nam hoc ego tormenti satis esse putarim ad quodvis maleficium puniendum. Et tamen reperiuntur qui tam miseris villis dignentur inebriari. Gustaram & ante vina quædam apud *Burgundiones* nata, sed ardentia & austera; hoc erat colore gratissimo, *Pyropum* esse diceret, sapore nec dulci, nec austero, sed suavi; nec frigidum, nec ardens, sed humidum & innoxium; stomacho sic amicum, ut nec copia largior multum offenderet: & quod in vinis subrubris rarum est, mediocriter solvebat alvum ob genuinam, ut conjicio, vim humiditatis, quam explicat in stomacho. O felicem vel hoc nomine *Burgundiam*, planeque dignam, quæ mater hominum dicatur, posteaquam tale lac habet in uberibus! Non mirum si priusci mortales pro diis colebant, quorum industriâ magna quæpiam utilitas addita est vitæ mortalium. Hoc vinum qui monstravit, qui dedit, quanquam monstrasse fat erat, nonne vitam dedit verius quam vinum? Advectum est & aliud vas priore non inferius, nisi quod auriga plus satis diluerat aqua. Alterum obsignatum erat gypso: licebat exhaurire, non licebat infundere, hoc non item. Et idcirco illud advectum est, non omnino plenum, hoc plenum usque ad summum, & hoc ipsum prodidit cœnocleptam, quo se probare voluit bonæ fidei vectorem. Atque interim qui nummum suffurantur, pendunt: qui rem simul tollunt & vitam, impune ludunt. Itaque, mi *Laurius*, facili negotio possum adduci, ut totus demigrem in *Burgundiam*. Ob vinum, inquires? Imo malim vel ad *Juvernus* usque migrare, potius quam vel semel experiar calculum. Hoc certe literis meis debeo, ut quocunque terrarum me vertam, nusquam mihi defuturi sint amici. Certe totius *Germaniæ*, quæ latissime patet, nullam arbitror esse civitatem, quæ non cupide sit exceptura *Erasmus*, si quo lubeat commigrare. Nec admodum mentiar, si idem prædicem de *Italia* & *Gallia*. Certe ad nonnullas invisendas, humanissimis literis sum invitatus, & quas adhuc invisi, vel *Constantiam*, vel *Sloftadium* proficiscens, atque inde rediens, vino misso, quod

ex

AN. ex more novis hospitibus honoris gratia donari solet, AN. 1523. mihi gratulatæ sunt: quo quidem honoris genere in tantum non delector, ut frequenter mandarem amicis, curarent, ne quid tale fieret: non ob id solum, quod existimem honoris hoc aliis deberi magnatibus, non *Erasmo*, humili modis omnibus homunculo; verum etiam quod hæc officia lassis, aut alioqui occupatis, nonnunquam impedimenta sunt verius, quam ornamenta. Jam porro, quandoquidem gloriosum è Comœdia militem agere cœpi, quid tibi commemorem tot epistolas honoris gratia, vel ab eruditis viris, vel à magnatibus, è longinquis etiam regionibus huc missas, non sine munere? Quid referam doctos homines, quosdam etiam dignitate præminentes, huc non ob aliud è longinquo profectos, quam ut viderent *Erasmum*? Quibus non ambigo quin usu veniat, quod *Græcorum* proverbio dicitur, *Thesaurò sperato carbonem reperiis*. Sed qualis qualis ego sum, hæc certe coarguunt rabularum istorum impudentem vanitatem; qui, ut scribis, istic jactarant, mihi nusquam in *Germania* tutam esse sedem; & ideo opinor quoties aliquo me confero, solitus sum impetrare fidem publicam. Cæterum quo minus multas urbes invisam, quod vel animi gratia fecissem nonnunquam, etiamsi ad id per literarios labores daretur ocium, tamen hypocausa prohiberent, quæ quidem hic fervent totum annum, vix tribus exceptis mensibus: & locum, quem mihi *Basilea* paravi, mecum circumferre non licet. Nec hoc minus impudens mendacium erat, quo me jactabant hic *Basilea* domum esse mercatum, & jus civitatis redemisse, videlicet isthuc nunquam rediturum. Ut omnia mihi placeant in *Germania*, sicuti placent pleraque: certe res una propellit hinc, nimirum communis omnium hypocausorum usus, quo fit ut solus habitem; ac nec alios liceat invisere, sine valetudinis meæ periculo; nec aliis me liceat invisere citra incommodum, qui non minus offenduntur frigore meo, quam ego illorum calore. Illud verum est, esse *Basilea* qui mihi ædes dono obtulit, quadringentis florenis aureis emptas, in quibus nunc versor. Sed ego nec emi, nec donum oblatum accepi. De civitate ne per somnium quidem est unquam cogitatum. Quidam non infimæ auctoritatis apud *Turecos*, semel atque iterum mecum egit per literas, ut illic jus civium acciperem. Ego demirans cur hæc ageret, respondi me velle civem esse totius mundi, non unius oppidi. De *Gallia* adeunda, quod eam mihi velut unicum asylum superesse dictitabant, non omnino de nihilo nata est fabula. Persuasum habebam vinum esse causam morbi mei; nec dum intellexeram tale vinum cominus à *Burgundia* suppeditari posse: & si potuisset, ferebantur hic tum varii rumores, metum injicientes, ne non essemus hic omnino futuri bellorum expertes. Tale si quid accidisset, ne *Burgundia* quidem potuisset siti meæ succurrere. Verum, illud, ut dixi, quum ignorarem, & rumores hujusmodi scrupulum injicerent, cœpi leviter de *Gallia* adeunda cogitare, quæ vel mediis in bellis vini copiam suppeditaret. Hac de re quum mentionem fecissem apud R. P. *Franciscum* Archiepiscopum *Ebrodunensem*, qui tum hic legatione fungens, nos semel atque iterum invisit; ultro pollicitus est ille, se curaturum à Rege suo diploma, quo tutius eo liceret proficisci, si ita visum fuisset. Juvenis humanissimus gestiens, ac sibi gratulans, apud mensam regiam, quod *Basilea* vidisset *Erasmum*, egit de diplomate; aderat autem id temporis R. D. Card. *Lotharingia*. Rex lætus etiam indulgit quod petebatur. Deinde, ubi *Budaum* vidit, quem adscivit inter intimos aulæ primores: *Hæu!* inquit, *Budæ*, mox habebimus *Fabrum* in nostra *Gallia*. Quum *Budaus* respondisset, *Fabrum* non abesse à *Gallia*; Rex intellecto nominis errore, *Erasmum*, inquit, *Erasmum* volebam dicere. Nam diploma paratum est, quo tuto veniat. Invitabat quidem me vetus illud *Gallia* hospitium, quæ mihi nunquam non fuit jucunda. Invitabat quod ante annos sex, magnificis conditionibus me re-

A vocavit: quas si tum accepissem, ut nihil aliud dic am AN. certe non tam diu digladiandum mihi fuisset cum ali- 1523. quot stolidis matæologis *Lovanensibus*; nec mihi calerent aures hujusmodi furiosis *Tragœdiis*, quibus hic fervent omnia. Et res esset aliquanto, quam nunc est, amplior, aut certe minus angusta: fortassis & valetudo melior, qui toties ob hæc vina, & nidorem hypocausorum, sum de capite periclitatus. Invitabat & illud, quod in *Gallia* versans multo propius abfuturus essem à *Brabantia*, quo vel in bello transcurrere licuisset, ob notitiam & privatam amicitiam eorum, qui civitates hinc & hinc obtinent, quæ sunt in confiniis. Unum obstabat, bellum inter tres Reges, quorum uni, nempe *Carolo*, jurejurando etiam addictus sum: alteri, nimirum Regi *Anglia*, pluribus nominibus sum obstrictus, atque adeo toti illi nationi: tertium, videlicet *Galliarum* Regem, ob tam propensum in me studium, non possum non amare. Sperabam autem vel hujus novi Pontificis opera, brevi pacem inter eos coituram. Quanquam ad me quidem nihil attinebat bellum, ut qui non adirem *Galliam*, illuc ducturus exercitum, aut aliquid magni muneris apud Regem ambiturus; sed cum eruditis amiculis inter *Mulas* ac literas suavius victurus quam hic vivebam. Itaque diploma jam multos menses apud me est, nec usus sum. Dices, cur non huc potius? Quoniam istic omnia fervebant bellis; ferebatur esse rerum omnium ingens penuria, sed præcipue vini *Gallici*, cujus istic vel in pace ægre est copia, si quis *γνῶσκον* desideret. Et erat furiosis quibusdam datus gladius, quibus nec collegam esse libebat, nec adversarium. Et jam satis mihi videbar conflictatus cum monstris quibusdam, quæ quum prodesse nec velint, nec possint, tamen in hoc unum vacant totam ætatem, ut vel male loquendo negotium facebant bonarum literarum cultoribus. Denique semper è *Gallia* brevissimus fuisset transcursum ad vos, si quid invitasset. Hactenus rem habes paucis, sed absque fuce. Jam quod scribis à nonnullis audisse te, quod etiam apud *Germanos* audirem male, fortasse verum est: nec mirum, quum nusquam absint homines maledici. Equidem do pro viribus operam, ne quis meo merito de me male dicat. Cæterum si mihi sperem tantam felicitatem, quæ nemini hactenus contigit, ut efficiam, ne quis omnino de me male loquatur, tum vere tempus esset in proprium expuendi finem. *Roma Stunicam* habet: habet & *Germania* nonnullos, qui nesciant bene dicere. Audio queri nonnihil quosdam impense *Lutheranos*, ut vocant, quod dilutior sim, quod blandior Principibus, quod nimium pacis amans. At ego, ut verum fatear, malim in hanc peccare partem: non tantum quia tutius, verum etiam sanctius. Placeat sua cuique sententia. E Sunt & in altera parte, qui me data opera suspectum reddere conentur, quasi mihi cum *Lutheranis* sit fœdus. Sed hujusmodi rumores, qui studio finguntur, utrinque quemadmodum temere nascuntur, ita facile evanescent. Et habent hoc sane à priscis moribus quidam, ut ad hujusmodi rumusculos mire commoveantur. Pridem late sparsus erat hic fumus, libros meos exustos esse in *Brabantia*, idque auctore R. P. *Jacobo Hochstrato*, veteri meo, si non familiari, certe amico: & commentum tam impudens, homines etiam literati, defultoriis epistolis distulerant. Sensi ilico technam quorundam, quos ego sane nescio quo nomine debeam appellare, nonnulli *Lutheranos* vocant; videlicet hoc agentium, ut me hominem simplicem & credulum, in *Jacobum Hochstratum* irritarent; in quem si scripsissem impotentius, cogerer in ipsorum castra transire. O callidum consilium! Mox ipsa res docuit, tale nihil vel cogitatum fuisse apud nostros. Successit huic rumor etiam atrocior, ex literis velut è *Roma* missis. Additum erat nomen hominis *ἀξιώσιμος*. Rem ut compertam scripsit, magno cum dolore, quidam vir illic gravis & eruditus ad *Buxemum* meum. Is pene exanimatus ad me

An. perscripfit, meos libros *Roma* publicitus Pontificis vo-
 1523. ce condemnatos esse. Risi protinus, & agnovi supe-
 riori simillimum commentum. Nimirum illud ageba-
 tur, ut homo rerum imperitus & credulus, hoc facto
 provocatus, lingua calamoque Pontificem incessem,
 quo facto cogerer ad ipsos transfugere. Cæterum quam
 id commentum fuit impudens, non solum compluri-
 bus literis è *Roma* scriptis testatum est, verum ipsius
 Pontificis *Brevi* nuper ad me dato, quo certe nullum
 adhuc accepi vel amantius scriptum vel honorificen-
 tius. Quanquam quod ad laudes quidem attinet, sic
 interpretor, me admoneri qualis esse debeam, non
 depingi qualis sim. Certe à tali Pontifice vel probari,
 vel amari non moleste fero. Ac ne *Breve* parum habe-
 ret apud me ponderis, submonuit me literis suis qui-
 dam è Pontificio famulatio non infimus, quum Pon-
 tificex sensisset diploma scriptum esse dilutius, quod is,
 qui deformarat exemplum, propter amicitiam, quam
 habet mecum non vulgarem, parcius de me scripsis-
 set, ipsum sua voce pleraque dictasse. Atque iisdem
 literis idem amicus sacerdotium non adspernandum of-
 fert, quod jam possidet, cessurus ubi velim. Nec est
 quod hic clamitent, me præda corruptum deferere ve-
 ri patrociniū. Fatebor hoc esse verum crimen, si
 unquam acceperō munus ullum huiusmodi: quod ta-
 men si caperem, non facerem absque multorum exem-
 plo. Quicquid mihi fortunulæ est, id totum fuit ante
Lutherum orbi cognitum, & obtigit non ambient.
 Dimidium obtrusit recusanti R. Archiepiscopus *Can-*
tuariensis, dimidium ultro detulit Cæsaris *Caroli* beni-
 gnitas. Huic etiam si quid decedet, minuendis sum-
 ptibus augebimus censum. Si præmiis ad hoc bellum
 pertrahi potuissē, jam olim pertractus essem. Deter-
 ruit me perpensa, hinc negotii magnitudo, hinc vi-
 rium mearum imbecillitas. Audi nunc tertium, utro-
 que impudentius. Sparserant summum Pontificem ne-
 scio quid libelli scripsisse in me, eum à multis esse
 conspectum. Suboluit illico techna: nimirum agit hoc
 factitius ille Pontifex, ut me provocet ad calami lin-
 guæque petulantiam. At ego ex Apostolicis literis di-
 didici, Principi meo non maledicere, sed bonum vene-
 rari, malum ferre, si frustra sim moniturus. Habet
 & diversa pars fabulas suas, in qua nonnulli sunt, qui
 sic agunt partes *Romana* Sedis, ut si conentur extrema,
 magis nocere non possint. Hi nuper rumorem spar-
 rant, *Basileam* multos confluere *Lutheranos* mei con-
 sulendi gratia: atque adeo *Lutherum* ipsum hic lati-
 tare. Is rumor hic me nequaquam gravabat, ubi quam
 plurimi sunt qui norunt esse falsissimum: atque uti-
 nam verum esset, omnes *Lutheranos*, pariter & *Anti-*
Lutheranos, consilii gratia ad nos confluere, vellentque
 meis parere consiliis: res humanæ paulo melius, opi-
 nor, haberent. Multi me salutandi videndique gra-
 tia conveniunt, nonnunquam gregatim, ac plerunque
 ignoti: nullus unquam apud me professus est se *Lut-*
heranum esse: nec mihi datum est negotium hoc in-
 quirendi, & divinus non sum, neque mihi quisquam
 hoc nomine notus aut commendatus esse cœpit, quod
Lutheranus esset. Antequam dissidium hoc hucusque
 incrudesceret, cum omnibus ferme *Germania* doctis
 habebam literariam amicitiam, mihi sane perquam ju-
 cundam. Horum nonnulli refrixerunt in me: quidam
 prorsus alienati sunt: nec desunt qui se palam hostes
 profiteantur, & exitium denuncient. Habebam item
 cum multis consuetudinem, qui nunc sæviores sunt in
Lutherum quam vellem, imo quam expedit ipsi cau-
 sæ. Nec ideo submoveo quenquam ab amicitia mea,
 si paulo propensior est in *Lutherum*: nec ideo renun-
 cio cuiquam amicitiam, si ferocior est in *Lutherum*,
 quum uterque quod facit, bono studio faciat. Sic e-
 nim interpretor, cum in amico, tum in viro non ma-
 lo. Venerunt *Basileam*, quos ajunt suspectos, quod
 sentiant cum *Luthero*: hoc totum mihi volo imputari,
 si vel unus me vocante huc sese contulit; & nisi apud
 amicos satis testatus sum, hoc mihi vehementer esse

A molestum. Quod si qui sese huc conferunt hujus aut
 illius factionis, qua fronte me incusant, qui *Basilea* nec
 custos sum portarum, nec ullum gero magistratum?
 Fuit hic *Huttenus* paucorum dierum hospes, interim
 nec ille me adiit, nec ego illum: & tamen si me con-
 venisset, non repulissē hominem à colloquio, vete-
 rem amicum, & cujus ingenium mire felix ac festi-
 vum, etiam nunc non possum non amare. Nam si
 quid illi præterea negotii est, nihil ad me pertinet.
 Sed quoniam nec ille ob adversam valetudinem pote-
 rat ab hypocaustis abesse, nec ego ferre, factum est
 ut neuter alterum viderit. *Crombergius Francisci* gener-
 bis me convenit; cujus indoles & oratio me certe mi-
 rum in modum delectavit. Declaravit enim hominem
 simplicem, fucique nescium, magno tamen ingenio
 præditum. Sed hoc colloquium nec longum fuit, nec
 caruit testibus. Imo si *Lutherus* adesset ipse, libenter
 miscerem cum homine colloquium, amanter & libere
 moniturus eum de multis, tametsi sero fortassis, nisi
 quod juxta *Paulum*, omnia sperat *Christiana* charitas.
 Odi dissidium ut non aliud malum æque: non tantum
 ex doctrina & institutione *Christi*, verum etiam occul-
 ta quadam naturæ vi: quo magis discrucior, reputans
 hoc seculum sic undique fermentatum, & publicis &
 privatis odiis, ut vix usquam sit sinceræ amicitiae ve-
 stigium. Nec hos amare licet, quos meritissimo amas:
 C nec ulla mundi plaga vacat hujus mali contagio. Altera
 pars contemni non potest: altera contemni non
 vult: utraque videtur si non in ore, certe in pectore
 habere *Homericum* illud. Et haud scio an alterutra
 possit opprimi sine gravi bonarum etiam rerum ruina.
 Nec enim negari potest, quin multa monuerit *Luthe-*
rus, quæ corrigi sit in rem *Christianam*, quæque mun-
 dus diutius ferre non poterat. Atque in hanc quidem
 publicam orbis tempestatem, satis infelicitate incidit
 hæc ætas mea, cui jam velut emeritæ debebatur o-
 cium, fruituræ sicut par erat pristinis studiorum labo-
 ribus: saltem liceret hujus fabulæ spectatorem esse,
 præsertim quum & ipse sim inidoneus histrio, & tam
 multi undique ultro semet ingerant in proscenium.
 D Verum, id quo minus liceat, utrinque sedulo procura-
 tum est, dum in hac parte sunt qui me primum tech-
 nis prolicere, mox vi rapere student in sua castra: rur-
 sus in altera parte sunt, qui modis omnibus conantur
 in hostium copias propellere: non ob aliud, nisi ut
 hac via perderent, quem linguis, bonis literis, ac ve-
 teri Theologiæ fortiter patrocinantem, de gradu de-
 jicere non poterant. Itaque factum est non mea quidem
 culpa, sed perverso quorundam studio, ut utraque in
 parte habeam quosdam mihi parum propitios: siqui-
 dem in parte altera sunt, qui meum silentium favorem
 invisæ partis interpretentur. Rursum, inter eos, qui
 E *Luthero* favent, sunt qui fremant & indignentur, quod
 ob animi timiditatem, ut ajunt, causam Evangelii de-
 feram; nec deferam solum, verum etiam moliar ali-
 quid ad constabiliendam causam Pontificum, sive ut
 isti vocant papisticam. Verum aliis quidem jam sæpe-
 numero respondi. Nunc lubens egerim cum *Luthera-*
no quopiam, sed cui sit aliquid æquitatis. Opinor e-
 nim me causam meam & illi probaturum, ex his quæ
 ipse mihi largietur. Primum enim percunctabor illum,
 quid sentiat de *Luthero*. Utique respondebit virum ef-
 se sanctum, & Evangelicum, *Christiana* pietatis in-
 stauratorem. Deinde rogabo, num huic similes sint
 F quos habet sibi devotos. Confirmabit haud dubium sic
 esse. Mox percunctabor, ecquid exemplum sit Evan-
 gelicum technis & vi in suam factionem quenquam
 pertrahere, præsertim quum non ignorent hanc pro-
 fessionem non esse minus periculofam, quam fuerit o-
 lim *Christiani* nominis? *Judaorum* erat obambulare ma-
 ria & terras, ut unum profelytum illicerent in nassam
 legis. Apostoli neminem humanis artibus allecebant,
 & celabant *Christi* nomen professos, donec urgeret ar-
 ticulus profitendi. Hæc dicere possem, si professio *Lut-*
herana factionis nihil aliud esset quam professio doctri-
 næ

1523. **Aut.** nã Evangelicæ, & si quis eam apud istos aliquando clam professus esset. Nunc qualis sit illa professio aliis judicandum relinquo. Certe qualis qualis est, me infcio nata est, & me dehortante progressa, etiam usque ad eos gradus, intra quos adhuc maxima ex parte mundus applaudebat fabulæ. Interim sequuta est Captivitas *Babylonica*, Abrogatio *Misilæ*, totius *Hussitica* doctrinæ defensio; præter alia, quæ *Saxonica* lingua conscripta, me nec lectorem admittunt. Et tamen hæcenus quum multis aliis de causis, tum hac præcipue, quod intelligerem negotium esse majus mea cognitione, de dogmatibus *Lutheri* nihil pronunciaui: tantum editis aliquot epistolis testatus sum me prorsus alienum esse à fœdere *Lutheranorum*; & in scriptis illius, quæ mihi legere contigit, desiderare plusculum *Christiana* modestiæ, & optare minus amarulentæ. Hic rursus appellabo illum *Lutheri* amicum, num censeat hoc facinus, quod ille magno sui capitis discrimine, magno aliorum aggreditur, præclarum esse ac multa laude dignum. Respondebit, opinor, prorsus Apostolicum esse, ac memoria dignum immortalis. Age, utar permissio. Quis igitur non judicasset me mortalium qui vivunt omnium arrogantissimum, qui tantum laudis mihi vindicasset, ubi ne tantulum quidem promerebar? Imo quis non censuisset me quovis *Oreste* infanior, si falsissimam gloriam capitis mei periculo voluissim emptam? Jam erat plerisque Monarchis ac Præsulibus persuasum, me totius *Lutherana* doctrinæ fontem esse, auctorem, propugnatorem, & *Atlantem*: imo libros, qui nomine illius circumferuntur, *Lutheri* titulo, meos esse. An ego tacitus tantam gloriam mihi tribui pati debebam? Clamat *Joannes*, *Non sum ego Christus*, an me conveniebat obticescere? Sed nimum, inquiunt, multis epistolis hoc testaris. Imo tam multis epistolis vix adhuc persuadeo quibusdam; adeo mendacium hoc impudentissimum erat infixum animis plurimorum. Jam quod ad modestiam & maledicentiam attinet, rursus percunctabor *Lutheranum* meum, an expediat *Lutheri* doctrinam quam maxime propagari in orbe, summisque & infimis quam commendatissimam fieri? Nimirum respondebit, hoc imprimis expedire. Cur igitur quidam indignantur *Erasmo*, qui duas res vellet abesse à libris *Lutheri*, quæ potissimum & fidem abrogant, & optimi cujusque animum alienant, arrogantæ speciem, & maledicentiam immodicam? Et tamen hæc ita sunt insigniter manifesta, ut qui quam amicissime defendunt, non habeant colorem quem adferant, nisi sic commeruisse peccata nostra, ut per tam acerbum objurgatorem scorpionibus cæderemur. Mihi certe primum *Lutheri* spiritum nonnihil suspectum reddidit illa scriptorum ferocia, & nusquam non parata convitia. Nec dubito quin aliis quamplurimis idem usu venerit quod mihi. Si *Lutheri* doctrina sancta est, quam multos credis ab ea alienatos eo libello, quo respondit *Anglorum* Regi, quo Principe vix alius hodie vivit omnibus regis dotibus ornatior, nec alienior à tyrannide, nec gratiosior apud suum populum; nec apud quem bonæ literæ, & egregia virtus magis sit in precio. Liceat hoc citra adulationis suspensionem testari de eo, à quo nec accipio quicquam, nec ambio. Hoc certe negari non potest, Regem pio animo scripsisse, & si quid convitiatorum admiscuit in *Lutherum*, præterquam quod ipsius exemplum posset prætexere, scripsit in eum, in quem persuasus erat longe atrociora competere. Et tamen si quid in eo libello est alienum, suspicor esse dictoria quædam acerbiora. Itaque si *Lutherus*, collaudato pio Regis studio, rem solidis argumentis fortiter peregrisset, non violata regia dignitate, rectius, opinor, consulisset suæ causæ, de qua nunc cum *Lutherano* quopiam perinde loquar, quasi sit optima. Quid autem inutilius quam convitari summis Principibus, quibus facillimum est ea contemnere, & in promptu est, si libeat, ἀντιμαρτυρία. Ego nec amore, nec odio cujusquam mortalium, sciens prodam

A. veritatem Evangelicam. Ferunt Monarchæ liberam An. admonitionem, seditiosam petulantiam non ferunt. 1523. Hæc in hoc tantum dixerim, ut perspicuum sit, quam nec *Lutheranis* dederim occasionem, cur in me merito sæviant. Non quod illos metuum, si suo vitio ferantur in me potius, quam mea culpa: sed quod velim æquitatem meam omnibus esse probatam. Nam provolant hinc atque hinc aliquot epistolæ, ceu velites, nescio quid minitantes: & inter has una non parum spirans veneni, etiam ante confertas manus. Sed hic volo rursus ut adsit mihi *Lutheranus* ille, quem ut æquiores delegi judicem hujus causæ. Indignandi causæ sunt hujusmodi: Videbar in epistolis alicubi nescio quid ostentare spei, si liceret, & si daretur ocium, me non defuturum tranquillitati rei *Christiana*, & dignitati Sedis Apostolicæ. Quid hæc promissio facit adversus *Lutherum*? Sed fingant me scripsisse, nescio quid, adversus illum, quod adhuc sane verum non est, quum totus orbis ultro acuat stylum in illum; cur uni mihi indignentur, si me commoveam jussus ab his, quibus vix tutum est non obsequi? Sed illud mihi concedet, opinor, judex meus, *Lutherum* non esse tam perverse iniquum, ut quum ipse sibi permittat, non solum ab omnibus Ecclesiæ doctoribus dissentire, verum etiam à Conciliorum decretis, indignetur, si quis alicubi ab ipso dissentiat: seque læsum existimet, si quis à convitiis temperans, sacrarum Literarum testimoniis, quibus ille tribuit plurimum, ac solidis rationibus inquirat veritatem. Nam huc ipse provocat omnes, nec alio provocat *Romanus* Pontifex, quam ut *Lutherum* solidis rationibus, ac Sacræ Scripturæ testimoniis coarguatur. Proinde non erat æquum minitari, prius quam vidissent qua ratione, quaque moderatione scripsissem. Irritabat autem multos ridicula suspicio, quæ persuaserat libellum, quem Rex *Anglorum* scripserat adversus *Lutherum*, meo *Marie* compositum esse; cæterum titulum Regis additum, quo magis gravaretur *Lutherus*. Et hac de re tam stulta scribebant ad me serio magni Principes, & amici docti, conantes expiscari veri professionem. Quod si vicisset stultissima suspicio, videlicet in meum caput iisdem leporibus lussisset *Lutherus*, quibus nunc ludit in Regem. At ego interim annis aliquot non videram *Britanniam*: & quum *Calestii* salutarem Regem innumeris aulicis præsentibus, ne cogitabatur quidem de scribendo adversus *Lutherum*, sed potius de componendo diffidio. Nondum enim exierat Captivitas *Babylonica*. Porro, libellum non prius rescivi scriptum esse, quam vidi excusum, idque *Brugis*, quum illic Card. *Eboracensis* ageret de rebus componendis inter Cæsarem & Gallum. Obsidebam ostium R. Card. fabulas inter illius Proceres, & expectans ut ad primam occasionem illum salutarem. Tandem prodit *Marinus Caracciola*, Nuncius Apostolicus, libellum manu gestans. Rogo num liceat aperire. Annuit. Lego titulum duntaxat, & quod Rex in ima margine primæ paginæ suapte manu subscripserat: ac quoniam tum non licebat pluribus, aridens reddo librum. Invideo, inquam, *Luthero* talem adversarium. Ille primum ringebatur magis quam ridebat. Ubi sententiam eandem dilucidius expressissem, respondit: Et ego gratulor *Rom.* Pontifici talem defensorem. Interea quum mihi quoque libellus esset certo ac sæpenumero promissus, nescio quo casu non redditus est: suspicor ob abitum Card. opinione celeriores. Est enim & hoc regium. Erat tamen destinatus libellus, quem Rex suapte manu notaverat, pro *D. Erasmo*. Is missus mense Augusto, anno, juxta *Romanam* supputationem, millesimo quingentesimo vicesimo primo; redditus est *Basilea*, mense Februario, anno millesimo quingentesimo vicesimo secundo: nec unquam mihi licuit legere libellum regium, nisi ex editione miserabili *Argentinenfi*; eoque perlecto, mox perlegi & *Lutheri* responsionem. Tantum mihi constat de libello, nec præterea pilus ullus. Nec unquam olfacere potui, si cujus opera Rex illic

Adjutus esset. Plane phrasis ipsius est, & ingenium habet ad omnia felix & expeditum: & tamen si quid voluisset uti doctorum auxiliis, habet aulam differtam viris disertis & eruditis. Cæterum in epistola quid aliud laudavi, quam animum Regis? aut quid aliud laudare poteram, non lecto libro? Hic exspecto sententiam mei *Lutherani*, an æquum sit, hujus suspitionis tam inane somnium mihi obesse apud viros Evangelicos. Audi nunc aliud crimen: Impingitur mihi, quod ante quatuor annos non discefferim e proscenio, dicens, *Valete & plaudite*: nimirum mea gloria, meoque præmio contentus, quod linguas consecrarim Theologiæ, quod sophisticas ranas e scholis profligarim, quod contemptis ceremoniis ad fontes sacræ Scripturæ sim adhortatus: hic certe plus laudis mihi tribuunt quam ego agnosco. Sed ex hoc proscenio discedere non licet, nisi choragus ille noster jusserit. Et tamen sic hæc agam fabulam, ut illa sublimia *Roscius* & *Æsopis* relinquam: denique comœdum esse mihi magis libet, quam tragœdum. Ex voce, *lateribus*, arte meipsum metior. Sed obstat, inquit, reliquum fabulæ peracturis. Audiamus igitur & hæc crimina. *Romanam*, inquit, Ecclesiam adhuc magnificat & agnoscit. *Romanum* Pontificem adhuc coli jubet. Scribit neminem bonum unquam subtraxisse sese hujus regno. Hæc, aliaque permulta sunt in illorum literis. De regno nusquam memini. Alicubi scripsi, pios omnes ubique favere dignitati Pontificis. Quis autem non faveat ejus dignitati, qui virtutibus Evangelicis Christum nobis repræsentet? Et hoc addo, quoties aliquid tribuo dignitati Pontificis. Nemo vero nescit quibus in rebus sita sit vera dignitas *Romani* Pontificis: nec hoc uno in loco declaratum est in lucubrationibus meis. Ego vero doctus ex Evangelicis & Apostolicis literis, etiam ethnicis Principibus aliquid tribuendum esse didici, nisi palam impia jubeant. Ad hanc regulam nullius Episcopi dignitatem contemnendam esse censeo. An non impium est contemnere bonum Episcopum? Sed depingunt quem velint contemni. Et quis est, inquit, *Romanus* Pontifex, an non exustor Evangelii, inimicus Dei, seductor totius *Christiani* populi? Si de tali Pontifice loquuntur, à me nullus unquam probatus est. Et tamen si quis talis esset, non est meum illos de folio præcipitare. Vivit adhuc *Christus*, & habet in manu flagellum, quibus tales exturbet e templo. Sed non est spes, inquit, sequuturum meliorem *Leone*. Primum, ego non sum judex *Leonis*: habet ille suum Judicem, cui stat aut cadit. Si præcesserunt tot boni, cur non est spes aliquem posse sequi priscis illis adsimilem? Nam de hoc nihil pronuncio, ne cui videar assentari. *Christus* ipse per impium Pontificem adjuratus respondit, nec prorsus obticuit à *Pilato* jussus loqui. *Paulus* quomodo agit causam apud *Festum*, *Felicem* & *Agrippam*, videlicet appellat tyrannos, mancipia diaboli, servos peccati, hostes Dei, mox æternis ignibus addicendos? Nunc vide quid isti responderint, civilitatem meam excusantibus. Sic, inquit, diceret *Erasmus*, Antichristus es Papa: seductores estis Episcopi: *Romana* Sedes vestra abominabilis est Deo: aliaque in hanc sententiam multa, his etiam odiosiora. Non probant *Erasmii* civilitatem, nisi prius hæc præfati, tam videlicet Evangelice. Primum, illud quæram ex meo iudice, an putet æquas hujusmodi leges, quas mihi præscribit: deinde, an putet utiles negotio *Lutherano*. Si hæc scriberem in bonos Pontifices, nonne videar injurius? Si in malos sic debaccharer, quid aliud quam irritarem crabrones in meum multorumque malum? Superest adhuc unum crimen omnium maximum; in *Paraphrasi*, qua explico nonum caput Apostoli *Pauli ad Romanos*, tribuo minimum quiddam libero arbitrio, videlicet sequutus *Origenem* & *Hieronymum*. Principio quum *Paraphrasis* sit commentarii genus, quum profitear me in plerisque sequi probatos ac priscos interpretes, quid admissum est piaculi, si sequor alicubi *Origenem* & *Hie-*

ronymum, Auctores, ut arbitror, in sacris Literis non adspernandos? Atque id factum est antequam *Lutherus* prodidisset dogma suum, sive *Wicleviticum*. Quicquid facimus sive boni sive mali, esse necessitatis absolutæ. Nam mea *Paraphrasis* excusa est *Lovanii*, anno millesimo quingentesimo decimo septimo; & aliquot mensibus erat *Antwerpia* scripta, prius quam excuderetur. Atque interim quidam appellatur *totus Erasmus*, quod *De libero arbitrio* mecum sentiat, & à *Luthero* dissentiat: sed tamen huic datur venia, quod juvenis bonæ spei brevi sit aliter sensurus. Hic rursus appello meum æquum judicem, quum hoc scripserim ante proditum *Lutheri* dogma, quum idem sentiant omnes Theologi, tum veteres, tum recentes, *Origenes*, *Hieronymus*, *Chrysostomus*, *Hilarius*, *Arnobius*, *Scotus*, *Thomas*, cur ego, velut auctor hujus sententiæ, vocor in jus? & cur qui dissentit à *Luthero* vocatur *Erasmianus* potius quam *Hilarianus*, aut *Hieronymianus*? præsertim quum eam quæstionem non susceperim pertractandam in *Paraphrasi*, sed obiter transilierim, quemadmodum fecit ipse *Paulus*, qui non dignatur illic respondere percunctatori improbo? & tamen vide, lector, quanto minus illic tribuam libero arbitrio, quam tribuant vel veteres, vel recentiorum scholæ. Suspicionem enim hæc esse verba, quibus offenduntur ex capite nono. Quum enim proposuissem improbam quæstionem objectam Deo, quæ conatur illi impingere injustitiam; imo, inquam, nonnihil est in voluntate conatuque situm: licet hoc ita sit exiguum, ut ad Dei gratiam beneficentiam nihil esse videatur. Nemo damnatur, nisi sua culpa: nemo servatur, nisi Dei beneficio. Eo dignatur quos vult, sed ita, ut sit de quo gratias agas, non sit quod queraris. Hæc in *Paraphrasi*. Videbam hinc *Scyllæ* periculum illiciens ad fiduciam operum, quam ego pestem religionis maximam esse fateor. Illinc videbam *Charybdis*, malum etiam formidabilius, quo nunc non pauci tenentur, dicentes, Obsequemur animo nostro; sive torquemus nosipfos, sive indulgemus animo, tamen eveniet quod semel statuit Deus. Itaque sermonem meum moderatus sum, ut minimum quiddam tribuerem libero arbitrio, ne fenestram aperirem tam capitali socordiae, ut abjecto omni conatu vitæ melioris, quod suo animo collubitum fuerit quisque faceret: & tamen hæc scribebam, ignarus fuisse quenquam, qui funditus tolleret omnem liberi arbitrii vim; quod dogma, etiamsi mihi constaret esse verum, nolim tamen nudis verbis in vulgus serere. Nunc quis nescit de Fato disputatum inter Philosophos, ante *Christum* natum? & hinc ad nos venerunt quæstiones inexplicabiles, *De præscientia*, *De prædestinatione Dei*, *De libero hominis arbitrio*, *De futuris contingentibus*: in quibus arbitror optimum esse, non admodum anxie versari, quando abyssus est impervestigabilis. Malim ea inculcare, quæ nos hortantur ad modis omnibus conandum optima: nihil tamen interim nobis arrogantes, etiamsi quid esse nostrum possit, sed totum iudicium deferentes *Christo*, cum bona fiducia de illius benignitate potissimum concepta. Pronunciet hic igitur meus ille judex, an mihi, velut auctori, debeat imputari, quod nemo veterum ac recentium non dixit? An æquum sit mecum hac de re litigare, cum potius agendum sit cum tot hujus sententiæ auctoribus, qui rem ex professo tractant, quum ego obiter in *Paraphrasi* paucis attigerim? Fieri potest, ut quoniam non satis teneo omnia *Lutheri* dogmata, imprudens & in alium quempiam lapidem impingam: quod si contingat, num protinus in me fremet illius amici? Tot sunt ubique qui magnis clamoribus, qui libris editis in *Lutheri* doctrinam destomachantur: & mihi uni hiscere non licebit, si quid parum arrideat? Saltem hoc concedant homini, ut vere scribunt, meticulo, parum erudito, nullius in hoc rerum genere iudicii, ut tot probatorum virorum iudiciis subscribat alicubi, & in tumultu tam periculoso tacitus in eorum discedat sententiam, quorum auctoritatem tot seculis se-

1523. An. sequutus est orbis *Christianus*. Si quis *Erasmus* non potest amare ut *Christianum* infirmum, sumat in eum quem volet affectum: ego alius quam sum esse non possum. Si cui *Christus* impartit grandiora dona Spiritus, & sibi fidit, utatur in *Christi* gloriam. Mihi magis interim cordi est humilia sectari, modo tutiora. Non possum non exsecrari dissidium: non possum non amare pacem & concordiam. Video quanta sit in rebus etiam humanis obscuritas: video quanto facilius excitetur tumultus, quam sedatur: & didici quot sint artes satanae; nec meo ipsius spiritui ausum per omnia fidere: tantum abest, ut de alieno spiritu possim certo pronunciare. Cupiam omnes in hoc conitari, ut victore *Christo* coeat inter omnes Evangelica concordia, & excluso tumultu veris rationibus consulatur hinc sacerdotum dignitati, hinc populi libertati, quem Dominus *Iesus* liberum esse voluit. Huc euntibus pro sua virili non deerit *Erasmus*. Ceterum si cui magis placet omnia miscere, me certe nec ducem habebit, nec comitem. Prætexunt energiam Spiritus. Saltent igitur bonis avibus inter Prophetas, quos afflavit Spiritus Domini. Me nondum corripuit iste Spiritus: ubi corripuerit, fortasse dicar & ipse *Saul* inter Prophetas. Non dubito quin jamdudum dicas, Quorsum ista tam multa, tam putida? Nimirum huc, ne posthac talibus rumusculis vel tantillum commovearis, etiam si nullus accurrat *Hilarius*, qui te exhilaret, animumque reddat. Utrique viduae ceterisque amicis multam ex me salutem annuntiabis. Simul atque se remiserit hyems provolabimus è nido. Quonam, inquires? Ad vos, si pacis affulserit serenitas. Sin minus, illuc ubicunque fuerit paratior salutaris vini copia. Nam *Roma* pestis odiose ludit, nec minus sævit *Lucretia*. Bene vale, vir optime. *Basilea* 1. Feb. Anno à *Christo* nato 1523.

EPISTOLA DCLI.

Ferdinandus, Dei gratia Princeps & Infans Hispaniarum, Archidux Austriæ, Dux Burgundiæ, &c. Imperialis locum tenens generalis, Erasmo Roterodamo S. D.

HONORABILIS ac erudite sincero nobis dilecto. Accepimus literas tuas ex *Basilea*, quibus, qua ad nos de laudabili opere Paraphrasis in Joannem, a te composito, scripsisti, intelleximus, eaque nobis gratissima, & summa jucunditati fuere. Et cupimus ac affectuose te hortamur, in ejusmodi dignis, & maximis laudibus, & praconiis extollendis laboribus, & vigiliis perseveres & persistas, illamque Paraphrasim impressioni ad communem doctarum & proborum utilitatem & commodum, quamprimum per ocium licuerit, exhibere cures, & unam ad nos transmittere: quod erga te, ubi occasio fa obtulerit, omni benignitate & clementia nostra, in quibuscunque poterimus, recognoscere & rependere studuimus, & meritorum ac vigiliarum tuarum immemores non erimus. Datum in civitate Imperiali Nuremberga 15. Februarii, Anno 1523.

EPISTOLA DCLII.

Stanislaus Turzoni, Episcopo Olomucensi, Erasmus Roterodamus S. D.

ORNATISSIME Præsul. Quo jucundior nobis fuit *Felis* doctissimi simul & humanissimi viri consuetudo, fuit autem jucundissima, hoc abitus illius est molestior. Non erat quod magnopere referret scribere: noluimus tamen hominem absque nostris literis abire, quibus testificaremur animum ad omnia paratissimum officia, quæ humilis sed devotas eliens debet optimo optimeque merito patrono. Hybernis mensibus pestilens quædam pituita me graviter affixit dies complures, moxque ex intervallo repetitum gravius etiam atque diutius habuit. Sub Quadragesimæ tempus jam firmissimum calculus renum subito dejecit.

A Hujus nimirum corpusculi domicilium, nunc hac nunc illac collabens, admonet inquilinum suum, propediem fore emigrandum; quod mihi propemodum etiam optabile duco, quum videam hujus seculi tragedias, quas nobis quorundam excitat contentio, dum alteri nescio quibus consiliis asserere conantur Evangelicam libertatem, alteri regnum suum validioribus etiam præfidiis stabilunt. Equidem videre mihi videor quibus modis absque tumultu consuli possit religioni *Christiana*. Verum, ad eam fabulam opus esset Principibus, qui sincero pectore faverent commodis publicis, & gloriæ summi Principis *Iesu Christi*, ante cujus tribunal sistendi sunt omnes quamlibet potentes Monarchæ. Ego cum nullo *Lutheranorum* unquam ullum foedus inire sustinui, sed semper eos revocavi ad consilia moderatiora, nimirum metuens ne res in seditionem exiret. Et tamen sunt qui me impudentissime etiam in aula Cæsaris traduxerint ut *Lutheranum*. Hic fremunt in me *Lutherani*, quod ab eo dissentiam, meumque nomen in publicis professionibus suis facerant, libellos insuper dentatos minitantur. Itaque utrique parti sum hæreticus. Exiit *Novum Testamentum* jam tertio à me recognitum & locupletatum. Exiit *Paraphrasis* nova in *Evangelium Matthæi*, cum cæteris in omnes *Epistolas Pauli*. Urgent complures, maxime Principes, ut scribam adversus *Lutherum*. Ego, si liceat, pugnare malim adversus mundum pro gloria *Christi*. *Luthero* non defuturi sunt antagonistæ. Bene valeat tua celsitudo. *Basilea* 21. Martii, Anno 1523.

EPISTOLA DCLIII.

Erasmus Roterodamus Petro Barbirio, Adriani Pontificis à Sacris, S. D.

PVLCHRE nobis depingis sanctissimum Pontificis animum. Eam epistolæ partem, mi *Barbiri*, magna sane cum animi voluptate legi. Edam brevi cohortatiunculam ab his impiis contentionibus ad *Christianam* concordiam. In ea sic exprimam pium & sincerum Pontificis propositum, ut sperem eam commendationem ad negotium conficiendum non mediocre momentum habituram, præsertim si *Germani* senserint ejus animum non abhorreere à submovendis his, quæ gravant etiam pios homines, quæ illaqueant conscientias omnium ob quæstum paucorum. Denique si senserint eum nec in *Lutherum* fore judicem inclementem. Nam quæ *Lutherus* scribit de tyrannide, avaricia, turpitudine *Romane* Curiae, utinam, mi *Barbiri*, essent falsa. Ego adhuc misere metuo ne res exeat in tumultum. Prætexitur Evangelica libertas, verum non omnes eodem spectant. Sunt qui hoc furo quærant insanam licentiam ferviendi carnis affectibus. Sunt rursus qui invident opibus sacerdotum, & sunt, qui ut sua fortiter profundant, vino, scortis & alea, ita rapinis inhiant alienorum. Sunt denique, quorum res in eo statu sunt, ut tranquillitas illis tuta non sit. Sunt in his tamen aliqui, qui cuperent absque tumultu, si fieri possit, corrigi, quæ in Ecclesiam parum utiliter irreperunt. Rebus itaque confusis, ut solet in incendio, quisque rapit quod affectat. In primis igitur cavendum, ne tumultus semel exoriat, quod audio factum *Erphordia*, ubi singulis diebus occiduntur aliqui. Apud nos, tametsi stulta inclementia *Egmondani* & illius collegæ, quidam indigne tractati sunt, tamen gaudeo nondum ventum ad manus, alioqui finem necit mutua laniena. *Cornelius Eoen*, vir optimus, ut audio, fuerat restitutus per aulam, eum arte retraxerant in arcem quandam: ibi convicissent illum hæreticos, (nam hic *Egmondanus* feliciter argumentatur quam in scholis) verum illico liberatus est per *Hollandia* Procures. Hic hæreticus erat, quod ausus sit cum *Egmondano* disputare. *Cornelius* restitutus est, sed diu passus indigna: nunc demum restitutus est & *Nicolaus* noster vir integerrimus. Nec dubito quin his succurrerit Pontificis æquitas; rectius tamen factura, si

1523. An. tales, qui suis moribus, cunctis & bonis & malis infecti sunt, exarmaret, praesertim in tam arduo negotio. Quæso te, *Carmelitam* istum tanta armare auctoritate, quid aliud erat quam furioso tradere gladium? Ego constanter sic me geram, ut exitus declaraturus sit, me nihil aliud spectare, quam *Christi* gloriam, & publicam utilitatem. Nuper quoniam oblatum erat *Præpositus* quidam, *Canonicus* apud divum *Donatianum Brugis*, homo certus, sed mox abiturus, scripsi plus quam ex tempore Pontifici, satis libere & haud scio an temere, certe animo sincero. Vix erat ocium relegendi quod scripsissem. Bona spes est illius humanitatem boni consulturam hanc simplicis animi fiduciam. Hic mihi visus est parum certus, unde paucioribus ago, plura scripturus ubi contigerit cui tuto possumus fidere. Bene vale, vir optime. *Basilea* 17. Aprilis, Anno 1523.

EPISTOLA DCLIV.

Vives Erasmo.

DE ratione ne fallatur Frobenius, res sic habet: *Franciscus* dederat, antequam liber exiret, xx. aureos florenos, sub finem *Januarii* dedit sex; hanc summam ipse accepi, tum & tres libros: aiebat jussum esse à Frobenio dare mihi xxxii. florenos aureos, sed ex his detraxisse octo, qui debebantur tibi. Qua ille de me ac meo nomine ad vos scripsit, nihil me moverunt: nemo magis est, si qua est fides, imperitia mea conscius meipso, nec minus dissimulatus; idcirco leviter angor gloriam non contingere, cum non meruisse sciam. Ita velim mihi propitium Christum, ut credo affectum me nominis opinionem meritis majorem, & tam immodice favere mihi famam sapenumero admiror. Itaque quod ille dixit, non agre fero, cum in hac parte felicius succedat, quam optare me par est, incorruptius mea astimantem. Quid, quod si maxima mihi met ipse de me persuasissem, & me optimos ac doctissimos libros scribere arbitrarer, non ignore tamen peculiarem genii favorem esse, à quo vita monumentis literariis inspiratur: & fortunam esse, qua rebus precium & aternitatem donet; nosque consilia prestare, non eventa: ideo sapientius esse, postquam qua in manu sua sita sunt, quam possit industrie ac diligenter disposuerit, fortuitis æquabilem se præbere: siquidem aliud in vita præstandum non est bono viro, præter culpam. Hac quidem me consolarentur, si in vera eruditione ac sapientia obscurus essem: nunc autem & clarior sum, quam plerumque vellem, ne meam à rebus omnibus inopiam tam multis spectarent, ac scirent: & imperitiam meam tantam esse video, ut illam profiteri præ pudore cogor, ut quod alii deprehensuri sunt, ipse minore culpa præ me feram. Scripsi tamen primum ætatis calore impulsus, deinde quia tenet insanabile multos scribendi cacoethes: sed meum sanabo, ut spero; nam simul ut primum emisero librum, quem his diebus ad *Reginam Angliæ* composui, in longas me abdam ferias, & ocium innoxium; tum quod hoc ad pinguem vitam beatamque compendiosius, tum ne me toties voce prodam mea, velut forex, & lacessam fortuna atque existimationis aleam: postremo, quod, ut *Appius* consulebat, satius est cessare, quam nihil agere. Tum nemini facessam negotium ex istis, qui nomina nostra quæstibus suis metiuntur & censent. Et hac quidem ut maxime verum *Franciscus* scripserit. Nam aut ita sit, tempus, ut spero, declarabit, & potest Frobenius ab *Hilario* sciscitari: De *Augustino* scio illum vendidisse plurima exemplaria, & ipse novi qui emerint: qui vero de *Londino* audet tam impudenter mentiri? Ubi ipse fassus mihi est se paucis diebus supra triginta *Augustini* exemplaria distraxisse, certe *Lupsetus* negabat se in *Anglia* vidisse *Augustinum* ullum meum venalem: in eadem *Anglia* supra quadringenta mea *Somnia* affirmavit mihi vendidisse se. Forsan non vendibile putat nomen, quod confert cum tuo aut *Budæi*. Quid? nusquamne est hic alius, quem socium sibi Frobenius adjungat? O miseram ingeniorum gloriam, si aliter consta-

Atura non est, nisi ejusmodi nebulonibus libuerit! Ego vero & gloria jam nunc & studiis omnibus renuncio, si hac necessario eundum sit. Pudet literaria conditionis, si exiturus liber non sit, nisi illiteratorum avaritia approbetur: ut *Kemponum* & *Brechtorum* & *Torrentinorum* plena sint omnia! *Ciceronem* vix unus habeat. Nunquam *Deus immortalis* tam inique cum studiis egerit, ut aliter exserere se nequeant, nisi per N. quæstum: quem ego puto in me esse inclementiorem, quod cum *Antuerpiæ* me aliquot dies latitando elusisset, nescio cujus pecunia, qua de ratione supererat, gratia, dixi ministris illius, defessum esse jam me perferendis ipsius prestigiis & elusionibus, quibus me tam impudenter ludificaretur. Valeat gloria, si tantam importat servitutem, ut unicum verbum loqui libere non sinat, cum ii, qui gloriam non sectantur, dicant quicquid libet. Vellem scripsisses, an sit Frobenius illa *Opuscula* impressurus; alioqui significa per primas literas; mittemus alio. Neque vero tam me immodice ipse amo, ut cum damno Frobenii velim ex ejus officina prodire quicquam meum: non est sic ille de me meritis; itaque ne putet me sibi iratum fore, si mea non ediderit, faciat quod maxime in rem suam esse credit. Sed nimio plura de nugis, & de te. De titulo: ego vero sexcentos commiserò in scribendo solécismos bene adultos, etiam *Egmondano* ridiculos, modo ne *Basileus* unum in dando: non tam misere *Grammaticos* metuo. *Romæ* non dubito quin sis omnia reperturus commota & turbata, praesertim *Rhodo* capta. De *Turca* timent omnes, ne impetum convertat in *Siciliam* & *Italiam*. De *Budæi* munere non tam letum est, quam de valetudine ejus triste; ad illum his diebus scripsi. Quum hac scripsissem, factis literis amicorum certior, *Opuscula* mea non esse à Frobenio excusa, & N. dicere te auctore rejectum à Frobenio librum, qua de re scripturum te mihi per famulum, quem paucis diebus huc mittes; & quanquam non magni tua refert, quid ipse de hoc facto credam: tamen, si qua est mihi apud te fides, velim existimes me illud non credere, non & si quis dixisset spectatissima fidei, quanto minus à N. profectum: tantum adjeci, ut scires N. nondum mutasse mores. Si dicam me non aliquantum doluisse, mentiar; sed minus forsitan quam alii ejusmodi rebus soleant. Ex tuis literis aliqua erat spes; nam scribebas Frobenium libentius mea impressurum, si N. acciperet societatem, quasi subsignificares impressurum: nunc intelligo, nec me, nec mea esse tanti, ut in tanta librorum varietate locus sit tam exiguo libro ullus, nisi ad primam præconis vocem vendatur: & si illud vendibiliorem fecisset Frobenii officina, ut *Somnium* fecit, & in *Germania* tam lata tamque diserta * studiis, in qua quid non distrahitur? *Opuscula* quaedam mea curavit istic *Beatus* edi, quorum ne unum quidem exemplar hic vidimus. Equidem falsum me opinione comperio. Nam qui ut me non in orchestra sedere sciebam, sic ad quatuordecim adscendisse jam vel arbitrabar, vel cupiebam, nunc in plebejis de postremis me esse sentio. O quam vere censu distinguuntur ordines, etiam hujus civitatis! Hem hucine reciderunt illa tam magnifica, *Clarissimus* & undiquaque doctissimus. Sed hac quoque viderit fors: cum qua qui nimium habent negotii, hi demum felicissimi sunt. Ego nulla ratione subtrahere me potui *Hispanico* itineri, quod puto me cras aut perendie ingressurum; quod velis *Christus* mihi prospere succedere: per *Britanniam* profisciscar, & ibi, & in patria, amici in te hominis officium præstabo. *Christum* precor ut te servet diutissime incolumem, & letum: ubicunque fuero, illinc te de meis rebus certior rem faciam. Vale, mi præceptor, & memineris semper amicitia nostra: meque *Christo*, cui tam gravior servis, commenda. *Beatum* saluta mihi, & Frobenium. *Brugis* 10. Maji, Anno 1523.

* Differta videtur legendum.

EPISTOLA DCLV.

DE RATIONE VERAE THEOLOGIAE.

Rever. in Christo Patri, ac D. D. Alberto S. R. E. Titulo
S. Chrysogoni Cardinali Moguntinensi, ac Magde-
burg. Archiepiscopo, Principi Electori, Prima-
rii, &c. Administratori Halberstadien-
si, Marchioni Brandenburgensi,
Erasmus Roterodamus S. D.

An. * **Q**UOD Paulus Apostolus non improbat quidem nup-
tias, verum denunciat fore, ut qui sese involve-
rint matrimonio, habituri sint afflictionem juxta car-
nem, videlicet eas sollicitudines subindicans, quas pa-
rentes fumere coguntur in gignendis, alendis, edu-
candis, elocandis, provehendisque liberis, mihi vide-
tur ad nos quoque pertinere, qui tametsi corpore ste-
riles, tamen subinde pro liberis aliquid librorum gigni-
mus, nisi quod nostra conditio videri potest haud pau-
lo durior. Siquidem illis nihil aliud denunciat Pau-
lus quam afflictionem carnis. Nos duplex sequitur affli-
ctio carnis & spiritus. Neque enim hæc facimus me-
diocri dispendio, tum rei, tum valetudinis, quanquam
hæc quidem quota portio sunt, si ad animi curas ex-
pendantur? Proinde non solum hoc nomine miserior
est conditio scribentium, quam gignentium, quod du-
plici sarcina gravatur, verum quod in utroque genere
nostra præponderant incommoda. Quanto facilius est
mulieri concipere foetum, quam nobis idoneum argu-
mentum? Quanto minore periculo illa enititur, quam
nos edimus? Quod si quæ parit infelicitate, hoc est,
foetum mutilum, aut alioqui monstrosum, vulgus non
puerperæ imputat, sed vel astris, vel vitio corporis,
vel casui, vel Deo. Si quid in ingenii nostri foetibus
vitii conspicitur, nulla venia est, nobis solis imputa-
tur, qui genuimus, & ob foetum vocamur in capitis
periculum. Adde quod mulier ob eundem partum,
non nisi semel experitur *Lucina* nixus, nos toties eun-
dem foetum parturire cogimur. Ac mihi sane evenit
plerumque (nam de cæteris non pronuncio) quod puer-
peris solet, quæ dum præpropere matres esse student,
aborfu foetum immaturum ejiciunt; vel potius, quod
nonnullis animantibus, quæ quoniam informes massas
edunt, coguntur diu lambendo fingere quod pepere-
runt, quo quidem in genere sunt urfi. Hoc vitii sic
mihi video cum nonnullis esse commune, ut tamen
ipse culpam meam hic insigniter agnoscam. Sic sum,
ferre gestandi tædia non possum. Ita fit, ut dum ce-
lerius studeo liberari à labore, sæpius idem labor sit
devorandus. Adde his, quod qui gignunt corpore,
puellam unam uni gignunt sponso. Quæ si tacta sit
cui placeat, non refert, quam placeat cæteris. Nos
populo gignimus, hoc est, belluæ multorum capi-
tum, cujus oculis quum diversa placeant, ne fieri
quidem potest, ut per omnia placeas, etiamsi gi-
gnas, quod suapte natura formosissimum sit. Huic
tam moroso proco nobis serviendum est. Quod his
sane temporibus longe difficillimum est, in quibus
sic variant hominum studia, ut quod uni parti blan-
diatur, necesse est ut alteri vehementer displiceat.
Ac sæpe fit, ut non aliam ob causam displiceat, aut
placeat liber, nisi quod displicet, aut placet Auctor.
Quin & illud accedit nobis incommodi, quod cum
proci soleant ambire favorem parentum, nobis ex-
ambiendus sit favor multitudinis, cujus utilitati no-
stro victu servimus; hac in parte aliquanto infeli-
ciores histrionibus, (satis enim de puerperis dictum
arbitror) qui cum mercede conducti saltent, nemo
tamen unquam habuit theatrum tam morosum aut
iniquum, ut lapidetur actor, si parum feliciter cesserit
actio. Extrema calamitas est exsibilari atque ex-
plodi è proscenio. Nobis capitis nostri periculo per-
agitur fabula, idque nostro etiam sumptu. Scio, di-
cet jamdudum tua Celsitudo, Ohe! satis jam pa-
rabolarum, rem paucis expedi. Faciam: Jam anni

A complures sunt, quod hunc libellum; *De ratione An-
Theologia*, rudem adhuc emissem, sic ut commen-
tarius verius esset quam liber. Quum autem sic et-
iam incultus inveniret procos, quibus placeret, ada-
didi cultus nonnihil, & adjecto tui nominis lenoci-
nio, velut dote quadam eandem filiam rursus eloca-
vi. Id quum semel atque iterum factum, tuo, ni
fallor, genio satis feliciter cesserit, hoc demum An-
no 1523. revocavi sub manus, ac tantum impensum
est operæ, ut jam propemodum inter libros nume-
rari possit. Quanquam quod legitur, quod teritur
manibus studiosorum, id totum tui genii esse duco.
Quod si quibus displicet, horum temporum fati im-
puto, in quibus sic ardent hinc atque hinc contra-
ria studia, ut nihil scribi possit tam insulse, aut et-
iam impie, quin inveniat, qui pollice faveat: rur-
sus nihil tam feliciter, aut circumspicte, ut reme-
dium sit adversus sycophantæ morsus. Fuit hoc in-
felicitatis meæ, ut mea senectus in hoc seculum in-
ciderit. Orandus est Dominus *Jesus*, ut, qui so-
lus id potest suo Spiritu, animos *Christiani* populi
vertat in amorem pacis & concordie. Etenim quam
diu spiritu nostro tumultuabimur, quo magis adni-
temur nosmet explicare, tanto magis involvemur.
Quam aliis arrideat hoc seculum, nescio, mihi cer-
te magnopere displicet. Sic fervent partium studia,
ut non possit esse sincerum judicium. Jurgiorum &
rixarum plena sunt omnia. Penitus sublata est illa
libertas ac suavitas studiorum, imo neglectis bonis
Auctoribus, nihil placet, nisi quod seditionem sa-
pit. Interim quanta clades concordie *Christiana*.
Quam vix usquam reperias. Peram illam ac sim-
plicem amicitiam non aliquo fermento vitiatam?
Conjuratos reperias, amicos nequaquam. Quid au-
tem est nostra religio, si tollis pacem? Nimirum
ea rerum facies erit, quasi si tollas solem è mun-
do. Malim ego vel olitor esse tranquillitate *Chri-
stiana* fruens, ac spiritus Evangelici simplicitate
gaudens, quam terque quaterque maximus Theolo-
gus; hujusmodi dissidiis involutus. Ego certe quod
ad me pertinet, hoc ago totis viribus, ut hoc fer-
mentum ex intimis animi mei fibris revellam, me-
que restituam simplicitati, tranquillitque spiritus
Evangelici, meque componam in eum habitum men-
tis, quo bona cum fiducia comparere possim apud
tribunal *Jesu Christi*, quo fortasse cras, aut peren-
die sim accersendus. Quanquam omnibus eodem ve-
niendum est, neque cuiquam hæc vita longa po-
test esse, etiamsi esset certa. Nunc quum incerta
sit, sic oportet omnes vivere, quasi eadem nocte
sit à nobis anima reposcenda. Lubens autem ad-
horter omnes, ut seriis studiis pro se quisque a-
gat quod ago. Gradus aliquis fuerit ad faciendam
concordiam, si quisque sincere, ac veluti coram
Deo, suum animum expurget à fermento odii, li-
voris, & contentionis. Simplex oculus nihil spectat ni-
si gloriam *Christi*. Qui concionantur apud populum,
sermonem Evangelicum pure sincereque tractent, nul-
li quidem assentantes, sed interim, quantum fieri
potest, temperantes ab his, quæ spectant ad seditionem
magis quam ad ædificationem. Absit adversus pro-
ximum, aut etiam iniquum judicium. Sic unusquisque
de scriptis alienis pronunciet, ut vellet pronunciari de
suis. Cæterum eorum, quæ necessario cogantur om-
nes credere, definitio contrahatur ad paucissima, quod
quidem licebit salva sinceritate professionis *Christiana*.
Reliqua vel prohibeantur inquiri, vel suo cujusque ju-
dicio relinquuntur. Ea res non solum efficiet, ut post-
hac exoriantur pauciora dissidia, verum etiam ad id
conducat, ut religio *Christiana* facilius per omnes orbis
nationes propagetur. Tum autem corrigantur ea, de
quibus jampridem mundus merito queritur. Etenim si
judex ille impius in Evangelio *Lucæ* non omnino con-
tempnit interpellationem oppressæ viduæ, quanto mi-
nus oportet negligere clamorem eorum, pro quibus sati-

AN. guinem suum fudit Dominus *Iesus Christus*? neque enim
 1523. pro magnatibus raptum mortuus est, & humiles ac pu-
 fillos sibi peculiariter habet curæ. Hos omnium primos
 allegit, per hos ortum ac proVectum est regnum Euan-
 gelicum. Hæc fient etiam absque tumultu, si Monar-
 charum ac Principum auctoritas, semotis interim hu-
 manis affectibus, toto pectore servierit utilitati publi-
 cæ, & gloriæ Principis omnium *Iesu Christi*, sique
 submoveantur ab hoc negotio, quos mundus jam ni-
 mium diu tulit, suæ gloriæ, sui ventris, suæque ty-
 rannidis negotium agentes, qui regnum suum non pu-
 tant posse consistere, si populus quicquam habeat vel
 mentis, vel cerebri. Pullandus est igitur communi-
 bus precibus *Iesus Opt. Max.* ut hanc mentem u-
 triusque status primoribus impartiat, inter quos tu
 ut præcipuum locum tenes, ita plurimum adju-
 menti poteris adferre ad restituendam Ecclesiæ tran-
 quillitatem. Quod te gnaviter facturum, atque etiam
 facere confido. Bene vale. *Basilea* 1. Junii, Anno
 1523.

EPISTOLA DCLVI.

Cutbertus Tonstallus, Londinensis Ecclesiæ Mini-
 ster, Erasmo Rot. S. D.

DICI non potest, quantopere sum gavisus, lectis tuis
 literis, præsertim his, quibus tum ad Regem, tum
 ad Legatum scriptis, his te suspicionibus liberas, quas
 de libello à *Luthero* in Regem edito, tanquam aliquid
 inesset tuum, hic subortas esse nonnulli tibi retulerunt:
 non quod animis hominum tam alte infederat hæc suspi-
 cio, ut tuis literis fuit revellenda: quandoquidem sic
 totus liber contumeliis scatet, sic singulis pagellis *Luthe-*
ranum virus spirat, ut ex qua officina prodierit ille ipse
 lectus prodas: verum ea re sum latatus vehementer, quod
 ex his intellexi tibi cum *Lutheranis* male convenire, te-
 que à Pontifice Maximo rogatum, ut congregandi cum
Luthero provinciam susciperes, jam exoratum prope in
 procinctu esse. Id quod omnes amici tui magnopere & ex-
 spectant & cupiunt, ut cum illo *Proteo*, imo verius *A-*
theo, tandem congregiare. Ceterum ex *Luthero*, in-
 quis, & *Lutheranis* male audiam. At non pejus quam
Deus ipse, quem ille malitia omnis auctorem facit, dum
 liberum tollit ab hominibus arbitrium, atque omnia sta-
 tis necessitatibus legibus fieri prorsus contendit, ut liberum cui-
 quam non sit, si velit bene facere. Et *Christi* causa inje-
 cta probra plus tibi laudis nimirum parient, quam omnia
 omnium quantumvis elaborata encomia, quocirca nihil
 est, quod eo nomine terreare. Mihi quidem videris hoc
 patria tua imprimis debere, qua nisi quamprimum oc-
 curratur, pestilente hac contagione, sese latius sparsura,
 si nemo obviam prodat, insci periclitatur. Nemo un-
 quam in sacris eruditus Literis eorum, qui hæcenus fue-
 rant, sua ætate perniciosam ortam heresim vidit, quam
 non impugnavit. Quo quæso nomine tuus *Hieronymus*
 celebris habetur, quam quod hereses sui temporis acer-
 rime confutavit. Non illum sacri *Moseos* & *Proph-*
etarum libri ad *Hebraicam* veritatem restituti, non mul-
 tiplices commentarii magnis desudati laboribus, clariorem
 reddiderunt, quam quod adversus *Helvidium*, *Jovi-*
nianum, *Luciferianos*, *Vigilantium*, *Pelagianos* in
 arenam sese dedit. Ubi major *Origenis* elucet eruditio,
 quam contra *Celsum*? Ubi major *Basilii*, quam contra
Eranium? *Cyprianus* dum contra *Demetrianum*,
Novatianum & *Novatum* acriter invehit, quantam
 laudem retulit? Quanta *Hilario* contigit *Constantium*
 impugnanti? Qua vero *Augustinus* contra *Pelagium*,
 contra *Julianum*, contra *Arianos*, contra *Manichæos*,
 contra *Gaudentium*, contra *Petilianum*, contra *Fau-*
stum, contra *Fulgentium* scripsit, tantopere illius viri
 sanctum ardorem exprimunt, ut nesciam, an ejus vel
 flagrans in Dei Ecclesiam charitas, vel magna in sacris
 Literis eruditio, ex ullis aliis scriptis sit dilucidior. Por-
 ro, quis unquam in Ecclesia paulo eruditior, post ortam
 novam heresim reticuit? Ea demum vera militiæ *Christia-*

na est, hereses expugnare. An barbaros in fines nostros
 irrumpentes, paucillumque abigentes præda, persequi pul-
 chrum putamus: hereticos de religione atque aris nobis-
 cum decertantes, equo animo ferimus? quando multo
 est præclarior de his quam de illis victoria: quod his de-
 victis æternus in cælis datur triumphus, illis summotis,
 brevis admodum in hac vita gloriola. Te vero vel ma-
 xime movere debet, quod quam multis lucubrationibus
 in Ecclesia utilitatem sumptis, gloriam parasti, præripe-
 re tibi *Lutherani* parant, dum in suorum numero falso
 te recensent. Adde, quod amuli, si qui sunt, qui tuam
 corroduunt famam, quando non alio magis nomine tibi
 nocere possunt, in illam factionem te adscribunt. Quan-
 tus autem accedit stimulus? quod *Adrianus summus Pon-*
tifex & tuus conterraneus, & de grege Domini tam sol-
 licitus, tantopere te invitat, ut eam provinciam desumas,
 ad quam cum illius atque omnium iudicio videris inpri-
 mis idoneus, tum etiam non rogatus sponte nomen dare
 debes: cum eas hereses suppullulare videas, quibus tan-
 dem adultis tota ruet Ecclesia. Neque enim una aut
 altera perniciofa novitas ingeritur: sed ad ingentem *Wi-*
clesitarum hereseum catervam nova accedunt arma, nem-
 pe convitia, contumelia, probra, lingua veneno tincta,
 ut plane videri possit venenum aspidum sub eorum labiis
 ebullire. His telis Ecclesiam, quam alia ratione non pos-
 sunt, expugnare parant. Quæ autem ab Apostolis insti-
 tuta post Christum incarnatum in Ecclesia catholica sem-
 per observata sunt, istis universa displicent, traditiones
 sanctorum Patrum, Ecclesiæ ritus, sacra omnia, in quo-
 rum locum quid ipsi statuerere velint, nondum inter eos
 convenit. Omnes namque Christianos viros juxta ac fo-
 minas ex equo sacerdotes esse, Stoica quadam morosophia,
 contendunt, omnes etiam ex equo Reges: nam eo tendit
 libertas illa Christiana, quam nullis hominum legibus as-
 serunt obnoxiam. Quo quid aliud, quam anarchiam pa-
 rant: tametsi Germaniæ Principes nondum id persen-
 tiunt. Tentatum id aliquando à *Wiclesianis* in hoc re-
 gno fuit, coactumque ab his conjuratorum exercitum,
 commissio pralio, vix tandem regia potestate fufum fuga-
 tumque annales nostri testantur. *Lutherus* De abrogan-
 da Missa, quam nunquam intellexit, libellum est ausus
 edere. Quid tandem superest amplius? nisi si de abo-
 lendo Christo scribere destinavit: nam huc hominis insa-
 nia tendere videri potest: quandoquidem divam *Virgi-*
nem ab ejus sequacibus jam explosam audimus. Tanta-
 ne impietas ultra sustinenda est? Per ego te *Christi* tot
 exhaustos mortali corpore labores; per illum sanguinem,
 quem in mundi pretium moribundus profudit; per illam
 gloriam, quam in cælis decursa hac vita expectas, te
 obsecro atque obtestor, Erasme, imo vero te orat atque
 obtestatur Ecclesia, ut cum hac hydra tandem congregia-
 re. Aude tantum, & orbis spondet tibi victoriam.
 Quantum etenim tibi culpa non abs re impingi potest, si
 tua patria periclitanti, si Ecclesia collabenti, quamprimum
 succursurus non advolas? tantum immortalis gloriæ te
 manebit, si abs te patria tua conservata religio, si tuis
 lucubrationibus Ecclesia suffulta erit. Denique, illi ipsi
 labores, quos in sacris Literis exornandis sumpstisti, non
 parum te excitare debent: quando quas tu multis sudo-
 ribus expellere curasti, sædis heresibus ab istis pollutas vi-
 des, qui non impoliti sermone cupiunt ipsi videri. Quo
 fit, ut nitorem in sacris Literis plerisque invisum reddant.
 Quæ quæso in re melius animam, jam per atatem sensim
 deficientem, ponere potes, quam dum *Cerberum* istum,
 diro latratu in omnes ecclesiasticos ordines insultan-
 tem, gladio spiritus abactum in antrum suum coges?
 Id quod te facturum eo magis confidunt omnes, quod
 ipse nuper edito libello, expectationem jam omnium
 de ea re concitasti. Vale. *Londino* 7. Julii, Anno
 1523.

EPISTOLA DCLVII.

Erasmus Rot. Henrico Anglia Regi S. D.

AN. 1523. SERENISSIME Rex, de tuæ Majestatis in me studio *Thomas Morus* mihi scripsit rem longe quidem gratissimam, sed minime novam. Quo magis intelligo mihi totis viribus adnitendum, ut & meritis & votis tuæ Majestatis aliquando satisfaciam. Sunt hic magni rerum motus, vel parturitiones potius, quid parituræ nescio, nec simplex diffidium est. Oblique moluntur qui favent Cæsari, contra qui Gallo. Quin & *Lutherani* videntur novos sumpsisse spiritus; contra, Principes sæviunt. *Christus* det felicem exitum. Venit ad te *Lucas* medicus, æternæ salutis artifex, cum tua Majestas comiter accipiet, meque numerabit inter eos, qui ipsi cupiunt & optant omnia læta feliciaque. Molior aliquid adversus nova dogmata, sed non ausim edere, nisi relicta *Germania*, ne cadam, priusquam descendam in arenam. Bene valeat tua Majestas. *Basilea* 4. Septemb. Anno 1523.

EPISTOLA DCLVIII.

Erasmus Roterodamus M. Conrado Goclenio S.

QVVM per *Hilarium* expectem literas tuas, mi *Gocleni*, non est quod nunc magnopere scribam. Ne quid te cruciet aliorum successus, sed expecta feliciora. Quanquam non video cur istius fortunæ te magnopere poeniteat. De *Vive* miror. Scripsit mihi se cogitare de reditu in *Brabantiam*. Quod si verum est, opinor sexaginta libras propositas esse pro sexaginta Angelatis. Ajunt etiam *Parisiis* exustum esse quendam. Sævit & *Ferdinandus* mire in *Lutheranos*: in ejus aulam *Faber* meus, *Constantiensis* Vicarius, adscitus est ingenti salario. Gratum fuit, quod scripsisti de rebus novis. Non dubito quin *Spongia* jam ad vos perlata sit. *Huttenus* excessit è rebus humanis 29. die Augusti: cujus morte periit magna ex parte meæ *Spongia* gratia. Tumultus rerum undique coorians cogit nos hic adhuc sedere hanc hyemem. Quod si literas nuper à *Roma* allatas maturius accepiissem, jam iter ingressus fuisset. Hæc hyems, ut spero, dabit finem malis. Gallo male metuo. Faveo Principi meo, sed nullum video finem, si procedat Imperii dilatatio. *Εγέλασα τὰ τοῦ Ἀνδρονίου συμπlicitatem*. Venit huc ut emeret libros, deponeret τὸ *ῥῆμα*, denique & τὸ γὰρ μὲν, nec habebat obolum. Admoneo te, ne cum hoc inauspicato criminum genere multum habeas commercii. Admonui & olim, ne valde implicareris τῷ *Γερμανόν* amicitiiis; sunt equus *Sejanus*. Bene vale, ac magno animo perage Musarum negotium: fortuna aliunde affulgebit. De *Francisco* rursus admoneo, ne quid rerum mearum illi committas. *Basilea* 25. Septembris, Anno 1523.

EPISTOLA DCLIX.

Erasmus Bilibaldo suo S. P.

CAPITO scripsit ad me, queri nescio quid *Varenbulium** ob librum carius emptum à *Compergio*. Jube illum esse bono animo. Efficiam, ut isthuc, quicquid est, bene pensetur. Misi plumbeam imaginem, videlicet ineptiens apud amicum. Cupio scire, de ea quid sit actum. Spero *Fabrum*, *Constantiensem* Vicarium, sic moderatum auctoritatem suam, ut non prodatur *Christum* Phariseis, Scribis, & Pontificibus. Vellem hos quoque plus sapere in generatione sua. Moneo sedulo, & proficio nonnihil, minus tamen quam vellem. Tu nos amare perge. Nos nostri dissimiles nunquam erimus. Bene vale cum tuis omnibus, vir clarissime. *Basilea* 21. Novembris, Anno 1523. Refoluta nostrum *Apellem*.

* Is *Vatenbulius* dicitur sup. col. 744. lit. B.

EPISTOLA DCLX.

Erasmus Roterodamus Henrico octavo, Regi Anglia, S. D.

INVICTISSIME Rex, scio quantum habeat momenti ad conciliandam muneri gratiam, ut in tempore detur, neque me fugit hoc meum munus duplici nomine intempestivum esse, vel quod sero redditur, videlicet posteaquam per omnes orbis regiones sparsum manibus populi teritur; vel quod offertur bellicis rebus occupatissimo. Sed non contigit antehac certus aliquis per quem mature mitterem; & libens totius officii mei gratiam perdidero, si hac jactura liceat redimere Monarcharum inter ipsos concordiam. Nunc in tam atrocibus, tamque diutinis rerum humanarum tumultibus, non modo studiorum me tædet aliquando, verum etiam vitæ. Sed his malis Deus aliquando finem dabit, si nos promereamur. Mitto primam manum libelli *De libero arbitrio*, adversus *Lutherum*. Nondum est absolutum Opus, immo per valetudinem, quæ me ad mortem usque afflixit, & labores, quibus explicabam cætera, quæ erant in manibus, vix tantum potui. Si gustus Operis probabitur Majestati tuæ, cæterisque doctis, absolvemus, & alicubi excudendum curabimus: nam hic, opinor, nullus est typographus, qui ausit excudere, quod verbulo attingat *Lutherum*, contra Pontificem licet scribere quidvis. Hic est præfens *Germania* status. Itaque ut tuto isthuc pervenirent quæ mitto, emandavi rursus famulum proprium ac fidelem, sed Majestati tuæ non ignotum. *Christus* Opt. Max. res tuas bene fortunet, Rex invictissime. *Basilea*, Anno 1523.

EPISTOLA DCLXI.

Erasmus Roterodamus Christophoro Episcopo Basiliensi S. D.

QVAMVIS præter assiduos studiorum labores, à quibus non ignoras mihi nullas esse ferias, & aliis quibusdam occupationibus distringerer, ut interim ne renovem de valetudine morboque jam nimium familiari veterem querelam, tamen obsequi cupiens tuæ voluntati, cui sic libens gratificarer, ut nemini mortalium lubentius, percurri verius quam perlegi librum abs te missum. In libello *De statu & officio Episcoporum* fortassis multos offendet & styli simplicitas, & sermonis elegantia, quandoquidem hoc seculo nihil fere vendibile est, nisi quod & Musarum myrothecia redoleat. Alioqui non caruit ingenio *Cartusianus* ille; & oratio, tametsi non est omnino *Latina*, tamen est dilucida. Cæterum, quod ad alterum libellum attinet, in argumento tam copioso, propterea quod in literis Evangelicis & Apostolicis, in libris Prophetarum, imo in omnibus utriusque Testamenti voluminibus tam multa leguntur de pastoribus, videbatur auctor fuisse jejunis, cujus obscuritas quoque obfectura fuerat operis gratiæ, etiamsi materiæ fecunditatem utcunque tractandi felicitate exæquasset: certe multa, quæ ceu seria repetit ex *Brigide* revelationibus, nunc eruditus omnibus risui futura scio. Adeo decrevit hominum credulitas. Libellus Episcopi *Berithensis*, mihi olim cogniti, non est indoctus, sed nimium sapit jura Pontificia, quo nomine nunc certe displiciturum plerisque scio: quanquam & præterea jejunis est, & inelegans. Proinde vix invenietur, qui hæc suo periculo excudat. Quod si tua celsitudo mallet rem agi suo periculo, non foret consultum me præfationem addere Operi, propter varias utriusque partis suspensiones. *Lutherani* fremerent quod rem Papisticam adjuvarem, diversi suspicarentur me taxare voluisse Præfules ac sacerdotes. Utriusque factionis studia sic ardent, ut non optem altius admisce-ri seditioso negotio. Expectamus quo se vertat studium & animus hujus Pontificis. Qui si videbitur vere spectare *Christum*, totis viribus adiutabimus, si quid

An. tamen possum tantulus homuncio. Decrevimus hic ad-
 1523. huc commorari, usque ad Martium: sic enim jubet
 necessitas, non ociosi tamen interim futuri. Nam,
 præter alia, divi *Hilarii* libros magnis sudoribus emen-
 davimus, & si vires dabit *Christus*, librum *De ratione*
concionandi absolvemus: quem olim à me promissum
 crebris literis efflagitat optimus Præsul *Joannes Roffen-*
sis Episcopus, per veterem amicitiam nostram, per-
 que constans & & perpetuum suum erga me studium
 obtestans. Accedent & alia quædam. Illud in literis
 tuis repetitum, *tuis qui sunt non est*, magno animi cum
 dolore legimus. Suspicio enim celsitudinem tuam ad-
 versa valetudine discrucari. Quo nomine mihi quidem
 es charior, sed malim esses jucundior. Nam recte qui-
 dem dicitur *hominum amores nonnunquam malorum so-*
cietate conciliari. Cæterum ego majoribus malis dignus
 sum, tua ista integritas tranquillitatem omnem prome-
 rebatur. Verum hæc est lex humanæ conditionis. Ve-
 limus, nolimus, marcescit hoc corpusculum, & collabi-
 tur hoc domicilium, sed ea res non admodum molesta
 est tui similibus, ornatissime Præsul, quorum animus
 ob vitæ sanctimoniam semper floret in *Christo*, cui *Paul-*
us cupit propius conjungi, & à corporis sarcina libe-
 rari. Hæc vita etiam si maxime bona contingat, tamen
 ad æternitatem quid aliud est quam momentum? Quam-
 quam alioqui quid habet, -cur optari longa debeat,
 nisi ut diu liceret prodesse quam plurimis? Mitto cel-
 situdini tuæ libellum *Lutheri De quatuordecim spectris*,
 qui magnopere probatus est, etiam ab his qui doctri-
 næ illius omnibus modis adversantur. Scripsit enim
 hunc priusquam res ad hanc rabiem esset progressa.
 Atque utinam vir ille sic amicorum monitis potuisset
 ad moderatiora revocari, quemadmodum quorundam
 odiis efferari. Quod si quid etiam hic insit mali, no-
 vit tua prudentia aurum è sterquilinio legere. Novi
 mores & ingenium hujus Pontificis, etiam domestica
 consuetudine: nec dubito quin multa sit correcturus
 in Ecclesiæ moribus: Videlicet dispensationum immo-
 dicam licentiam, sacerdotiorum immensam conge-
 rlem, præscribet cultum decorum Clericis, palam fa-
 cinorosos non feret, coget ad frequenter sacrifican-
 dum. Atque hæc quidem ut aliquem habent gradum
 ad speciem religionis, ita nescio an in his sita sit vis
 veræ pietatis. Habebit omnes dicto audientes propter
 auctoritatem Cæsaris, cui per omnia geret Pontifica-
 tum. Cardinales, etiam hi qui illi male volunt ex ani-
 mo, dissimulabunt ac ferent, donec regnum *Romane*
Sedis jam nonnihil labefactum constabilet. Deinde
 huic non diu victuro qui succedet, suo rem geret ar-
 bitrio. Nec mihi sane placet tolli primatum illius Se-
 dis, sed optarim eam esse illius disciplinam, ut omnibus
 præluceat ad Euangelicam pietatem enitentibus, quem-
 admodum aliquot jam seculis palam exemplo tuo do-
 cuit, quæ *Christi* doctrinæ prorsus adversantur. Bene
 vale, Præsul optime. *Basilea*, Anno 1523.

EPISTOLA DCLXII.

Erasmus Rot. Senatui Basiliensi S. D.

Et scio & memini quot quantisque nominibus vobis
 jam pridem obætatus sim, nobiles ac præstrenui
 Domini, nec ignoro quam ob facultatum mearum te-
 nuitatem solvendo non sim: tamen facit hoc mihi jam
 pridem explorata certissimis argumentis vestra singula-
 ris humanitas, ut nullis lubentius debeam quam vobis.
 Nec me deterret à petendo, quod is sim qui non pos-
 sim ullam referre gratiam, nisi vestra bonitas ad exem-
 plum æterni Numinis sic interpretetur, esse relatum,
 quod agnoscit, meminit, ac prædicat is qui accipit.
 Alioqui qui dicere potest, *Referam*, sed cum scœnore,
 non accipit beneficium, sed scœneratur. Non inficior
 ex usu Reipublicæ esse, ut legum, scitorum, ac ma-
 gistratuum auctoritas sit inviolata; sed hic *Benedictus*
 bibliopola, ut accipio, non ulla contumacia, sed sim-
 plici errore prolapsus est in mulctam. Et quod erat hu-

A jus causæ caput, duxit mulierculam uxorem. Solet u-
 bique faveri conjugio. Juvenis est tenui re. Erit bona
 spes dotis, si vestra benignitas mulctam remiserit. Me
 jam pridem vobis obligatissimum, reddetis obligatio-
 rem, ac mecum alios multos cives vestro non indignos
 favore, qui me ut *Benedicti* causam agerem hortati
 sunt, exitum etiam felicem pollicentes, vestra nimi-
 rum humanitate freti. Ego nullas beneficii vices pos-
 sum polliceri, tamen si quis me submonuerit, qua in
 re queam ordini vestro clarissimo gratificari, sentietis
 promptam certe voluntatem mihi non defuisse. Precor
 ut Dominus *Jesus* vos omnes servet incolumes, ac be-
 ne fortunet Rempublicam vestram, & publice & pri-
 vatim. *Basilea*, Anno 1523.

EPISTOLA DCLXIII.

Erasmus Roterod. Christophoro Episcopo Basiliensi S.

INTEGERRIME Præsul, ante dies octo decreve-
 ram adire te, duce *Lodovico Bero* tuæ celsitudinis
 ex animo observantissimo: sed illi visum est inhumana-
 num senectutem tuam prolicere è vapore hypocausto-
 rum, & ego non ausim me rursus illi committere, to-
 ties expertus pestem mihi esse præsentaneam. Quod si
 hic cœli tepor patitur te abesse à vaporariis, cupide
 fruar conspectu colloquioque tuæ pietatis. Mihi jam
 diu res est cum calculo, malo jam olim quidem ni-
 mium familiari, sed quod nunc aut sæpius recurrit,
 aut majore cum periculo. Fœminæ sterilescunt ætate:
 me senectus reddit fœcundior: aut enim concipio,
 aut pario, aut parturio. Sed partus est viperinus, &
 vereor ne quando parentem interimat. Certe semel at-
 que iterum gravi periculo sum enixus. Quod si quan-
 do parum favente *Junone* & *Lucina* niti cœpero, vi-
 xerit *Erasmus*. Ajunt hunc morbum esse cognatum po-
 dagræ, qui cum audio & doleo tuæ celsitudini subin-
 de rem esse. Uterque gaudet recurrere, sed hic meus
 habet periculum præsentius. Si quid offendit in *Pa-*
raphrasi, quam nuper edidimus in *Matthæum*, etiam at-
 que etiam rogo ut digneris indicare. Nam Opus jam
 tertio excuditur. Cupimus enim sic moderari no-
 stra, ut omnibus bonis prosint & placeant, si qua
 fieri possit. Bene valeat tua sanctitas, cui *Christus*
 Optimus Maximus largiri dignetur omnia tranquilla
 lætaque, sicut ista tua meretur integritas. *Basilea*,
 Anno 1523.

EPISTOLA DCLXIV.

Erasmus Rot. Sylvestro Prierati S. D.

QUOD tua pietas scribit de epistola malum olente
 tumum, quid sibi velit non satis intelligo. Tibi
 certe multis modis gratiam habeo, & quod aperte
 scribis & quod amanter, quæ mea referebat scire: &
 quod viam indicas, qua possim effugere quod denuncias
 periculum, videlicet si explicem quædam loca: plus
 etiam tibi debiturus si dignatus fuisses ostendere quæ
 sint illa loca. Nil esset novi, aliquid erroris inveniri
 in libris meis, quum nec *Hieronymus*, nec *Augustinus*
 vitare potuerit, præsertim in tanta varietate judicio-
 rum: certe hoc animo semper fui, ut sciens non fue-
 rim passurus esse quicquam in libris meis, quod pugna-
 ret cum orthodoxa doctrina. *Lovanii* tot annos egi,
 nec amicus nec inimicus Theologus ullus unquam indi-
 cavit aliquid tale, quum frequenter illos rogarim, ut
 admonerent libere si quid esset. Quod *Stunica* sic pa-
 lam insanit *Roma*, tametsi me non fugit quorum in-
 stinctu fiat, tamen vide quale exemplum invchat. Fin-
 ge in libris meis esse quædam intolerabilia, quod tan-
 dem exemplum est tam furiosis libellis scurrili impuden-
 tia debacchari in nomen hominis, certe adhuc à nullo
 condemnati? Est *Lovanii Carmelita*, homo plane fatuus
 & furiosus ac parum doctus, & unus prædicator huic
 simillimus: hi soli moliuntur in me, & velim nolim fa-
 ciunt

An. 1523. ciunt me *Lutheranum*, quum ego primus omnium dehortatus sim à calido facinore. Dicam arrogantius, sed vere, si vel uno epistolio declarare voluisssem, me vel tantulum favere *Luthero*, vidisses erectissimos animos totius *Germania*, quæ certe latissime patet. Nec defuissent Principum præsidia. Ego tot convitiis quorundam provocatus, tot aliorum blanditiis sollicitatus, nunquam dimoveri potui à veneratione *Romana Ecclesiæ*. *Aleander* nihil non facit adversus *Lutherum*, at si pernosces rem omnem, solus *Erasmus* plus fregit vires & animos illius factionis, quam omnia *Aleandri* molimina. Tot epistolis privatis ac publicis repressit *Lutheranos*, quum multa necessaria docuerit vir ille, sed mihi nullo pacto placet dissidium. Id an vobis isthic persuasum sit, nescio, certe *Lutherani* hic intelligunt, qui mihi uni imputant, quod illis non succedit; jamque dentatis libellis in me debacchantur tanquam in adversarium, & vere sum. Tametsi malim mala separari à bonis, quam utraque simul perdi. Vide igitur quam gratiam mihi rependunt, qui tam improbis fycophantiis impetunt caput meum, imo quam male consulunt suo negotio. *Lutheri* factio nondum tam extincta est, quam vos isthic creditis, atque utinam esset. Hæc enim perdit omnia studia nostra. Sunt innumera millia hominum, qui odio Sedis *Romana* magna ex parte favent *Luthero*: nec aliud expetunt quam ducem aliquem. Me nec angelus, nec homo faciet seditiosum, tamen isti strenue laborant ut faciant. Habemus Cæsarem propitium, cujus salario gaudemus consiliarii nomine, de hoc certus sum. Habeo & hic Principes, ac Reges aliquot mihi faventissimos: Cardinales item & Episcopos aliquot. Quæso ut per *Stannicas* & similes fycophantas liceat mihi orthodoxum esse. De te nunquam male sensi. Fortassis in epistola ad *Hochstratum* dixi in tuis & Card. *Cajetani* libellis, quædam non probari Theologis *Parisiensibus*. Tunc ille nihil scripserat præterquam adversus Concilium *Pisanum*, neque tu quicquam nisi pauca adversus conclusiones *Lutheri* primas. De vestris Operibus non est meum ferre sententiam: quid autem sentiant eruditi, nos hic melius audimus, quam vos isthic. Hæc ægre dictavi amanuensi meo, sic affectus calculo & stomachi dejectione, ut tæderet etiam vivere. Optarim esse *Roma* vel dispendio dimidii bonorum meorum, & adero si valetudo patietur. De Pontificis in me animo nihil addubito. Non est is qui soleat talibus calumniis præbere aurem. Ego curabo ne quid boni viri in me desideretur. Bene valeat tua pietas, cui me totum commendo. *Basilea*, Anno 1523.

EPISTOLA DCLXV.

Erasmus Rot. Polydoro Vergilio S. D.

ERVDITISSIME *Polydore*, decreveram tecum prolixis epistolis confabulari, sed incommode incidit, ut mihi præter *Livinum* eodem tempore quatuor bajuli forent epistolis onerandi, iisque prolixis, quorum unus petebat *Romam*, alter *Galliam*, tertius *Francfordiam*, quartus *Saxoniam*: quare *Laconismo* utendum est. Primum scis exemplar, quod miseris, non esse apud *Frobenium*, sed apud *Franciscum*. Egi cum *Frobenio* de editione Operis, vel Operum potius. Ait, si majusculis excudat, fore volumen ingens, nec sexcentos aureos suffecturos in sumptus, & metuit aleam in vendendo. Nam *Germania* nunc insanit in ea quæ sapiunt *Lutheranum* quiddam. Alioqui est pulchre animatus ad gratificandum utrique nostrum, & ipse efficiam ut sit animatior. Est triplex excudendi ratio: Nonnunquam totum negotium *Frobenius* suscipit suo periculo: hoc aliquoties facit in minoribus voluminibus, in quibus minus periculosa est alea. Nonnunquam tota res agitur periculo alieno, ipse tantum pro opera sua paciscitur mercedem. Nonnunquam res fit communi periculo sociorum. Jam in pactione operæ *Franciscus* mercedem offert oppido quam iniquam. Nunc age-

Atur *Francfordia* an res vel unius *Francisci*, vel sociorum communi periculo possit agi. Et quid actum sit perscribam ubi *Frobenius* è mercatu redierit. Spero rem futuram ex animi tui sententia. Mihi videris consulte facturus, si primam illam præfationem totam re-texas. Primum faciet hoc ad Operis commendationem ob novitatem. Deinde faciet ad opinionem utriusque nostrum, quod insunt in illa priore quædam, quibus ego quidem non offendor, sed tamen suspicionem præbent eruditibus alicujus inter nos æmulationis. Præterea mihi videtur magis ingenuum, totum Opus Provverbiorum uni dicare, nunc accessionem dicas alii. His de rebus tua prudentia statuet quod videbitur optimum, ego simpliciter indico meam sententiam. De *N. perfidia* satis dici non possit. Videris cum illo expostulasse. Et audi quomodo me sit ultus: *Antuerpia* sparsit rumorem, meam imaginem cum omnibus libris meis exustam esse *Roma*, & ideo me nunc scribere in Papam. Et persuasit multis hæc prodigiosa mendacia. Immo *Clemens* septimus ultro misit ad me diploma honorificentissimum, cum florenis aureis ducentis. Et ego eodem tempore edidi libellum *De libero arbitrio* contra *Lutheranos*: sic *Roma* sum exustus, sic scribo contra Papam. Si nancisci possis negotiatorem, qui quinquaginta volumina ad se reciperet, cætera facile conficerem cum *Frobenio*. Bene vale. *Basilea*, Anno 1523.

EPISTOLA DCLXVI.

Erasmus Rot. vener. Collegio Virginum Macabeiticarum apud Coloniam Agrippinam salutem in Christo Jesu, Virginis filio, ac virginum omnium corona.

*** S**EMEL atque iterum tragematis ac dulcissimi mis sis provocat me pietas vestra, Virgines optimæ, ut aliquo scripto thesaurum vestrum, quem sane preciosissimum tenetis, celebrem, & vobis vestrum propositum commendem, nimirum lucrum facere vultis illud, Venamini, ut pro xeniis, quæ delectant palatum, recipiatis ea quæ pascant animum. Pia captatio est, sancta aviditas est, prudens & quæstuosa commutatio, planeque digna sapientibus Virginibus, si modo is essem qui possem pro corporali semente spirituales messes reponere. Non erratis in affectu, sed erratis in delectu. Quod optimum est diligitis, sed non eum diligitis, qui possit sanctissimis votis vestris satisfacere. Ne tamen simpliciter ingratus videar: Gratulor vobis, sanctissimæ Virgines, istum animum, nihil aliud sitientem, quam gloriam Sponsi vestri, qui non solum in seipso, sed etiam in Sanctis suis gloriosus est. Est quidem ille gloriosus in omnibus Sanctis, sed præcipua illius gloria est in martyribus & virginibus. Hæc sunt preciosissima monilia, quibus superbit, seseque jactat Ecclesia Christi, quæ non novit, nisi in Sponso suo gloriari. Varia sunt ornamenta, variæ sunt deliciae Sponsi vestri, septus est diversis virtutum gemmis, immensis flosculorum generibus, sed in rosis martyrum, in liliis virginum potissimum oblectatur. Quam multos pertraxit ad Evangelii professionem sanctorum martyrum fragrantia? quam multos virginum exemplum? Nec ullis Ecclesiæ majorem habuit honorem, quam his qui sua corpora volentes tradiderunt carnificum immanitati pro gloria Christi: proximus honos habitus est his, qui se sponte castraverunt propter regnum Dei. Quanto ardore olim cursitatum est à Christianis ad martyrum cineres? quam sacrosancta fuit illorum apud omnes Christi cultores memoria, quum quotidie cursitaretur ad carceres velut ad loca consecrata, quum oscula figerentur catenis, quibus fuerant alligati, quum gladius servaretur inter sacras reliquias, quo fuerant interfecti. Quin horum afflictiones palmas appellat Ecclesia, horum mortes natales vocat, supplicia triumphos nominat, nec in his celebrandis quicquid lugubre, sed omnia plena gaudii, plena gratulationis, plena tripudii. Nec in ullo argumento

An. se magis ostentavit eruditorum hominum eloquentia, quam in celebrandis martyrum ac virginum laudibus. Hic *Prudentius* lyrico carmine vicit *Pindari* eloquentiam, vicit *Horatii* suaviloquentiam, hic *Græcorum* pariter ac *Latinorum* tuba nescio quid grandius ac divinius intonuit heroico carmine; hic *Ciceronis* copiam superarunt *Chrysostomus*, *Cyprianus*, *Ambrosius*, *Hieronymus*, alique plures quam ut numerandi sint. Nimirum materię magnitudo suppeditabat eloquentię vires, & ardor pectoris addebat vehementiam & alacritatem. Quoties ad martyres ventum est, & virgines, jam velut afflati numine nescio quid grandius humano modo sonant. Quam igitur felix vestrum Collegium, cui contigit utrumque quod in Ecclesię mundo præcipuum est. Servatis fragrantissimas illas rosas septem fratrum Macabæorum, & matris, cujus fecunditas non marito genuit, sed Deo, feliciter illa quidem virginittis jacturam tot filiorum martyrio sarfit. Non genuit virgo, hoc enim uni foeminarum datum est, sed virgines genuit & martyres. Virginitatis exemplum ex se præbere non potuit, sed ad virginitatem instituit filios, ad martyrium cohortata est. Virginitatis communis gloria non contigit matri & filiis, sed in martyrii negotio, tanto major laus est matris, quod spectatrix suppliciorum in singulis filiis passa est, quicquid in illorum corpora potuit carnificum crudelitas. Hoc fortius est, quam semel supplicii finire dolorem. Habetis, optimæ Virgines, in iisdem adolescentibus & castitatis exemplum, & martyrii lauream, habetis lilia mixta rosis, utrumque decus cum altero certat, nec alterum tamen ab altero obscuratur. Sed utrumque alterius accessione fit illustrius, velut quum ebur, quemadmodum ait ille, corrumpitur ostro. Est autem tam ambiguum glorię certamen, ut ego non ausim pronuciare, si res in contentionem vocetur, utrum alteri præferri debeat, in *Christo* fuit utrumque consecratum, sed plus debemus illius cruci quam virginitati. Beatos pronuciavit, qui se castrassent propter regnum Dei, sed crucis imitationem exegit. Ac persecutionis quidem tempore, magna quædam res est, animus pro Dei gloria semper paratus ad omnia mortium genera. Sed habent tempora suas tranquillitates. Et licet nonnunquam carnificem effugere. Quod si vigeat certamen extremum, mors corporis & cruciatuum finis est, & felicitatis initium, virginibus longum ac perpetuum est certamen cum hoste domestico, quem nec occidere possis, nec effugere. Ac sæpe legimus illecebris superatos, qui terrore mortis superati non poterant. Sed martyrii flos non enitescit, nisi post mortem, virginitas etiam in hac vita suum habet candorem, suam habet fragrantiam, suam habet gratiam ac dignitatem. Nimirum hoc est lilium Evangelicum, de quo loquitur Sponsus vester *Iesus* in Evangelio: *Amen dico vobis, quod Solomon in omni gloria non fuit amictus, sicut unum ex istis.* Adeo virgo magnificentius ornatur earum rerum contemptu quam copia: ac decentius ornatur sacro velamine, quam ulla foemina, sericis, auro, gemmis, aut purpura. Tot habet ornamenta, quibus commendatur oculis Dei, quot ornamenta mundi contempsit amore Sponsi sui; pro gemmis ornatur virtutibus, pro purpura charitate, pro auro sapientia, pro fucis animi simplicitate, pro sericis modestia. Non obfuscatur vestium sordibus, pudicitię candor lucet etiam in vultu, in oculis, totoque corporis habitu angelica quædam puritas, ac nitor senii nescius, veluti hic medians, quod omnes expectant post hanc vitam, qui pie vixerunt in *Christo Iesu*. Animus incorruptus vigorem suum transfundit in corpus, quemadmodum mens, vitiis infecta, quodam modo relucet in ipsa corporis specie. Olim non fenescunt piorum corpora, quoniam his imperabit animus, qui senium nescit ut mors, ita & senium ex peccato est. Quod si res poscat martyrium, quinam paratiores futuri videantur, quam ii, qui spretis omnibus hujus mundi blandimentis, se totos consecrarunt *Iesu*

A Sponso cœlesti, qui carnem suam crucifixerunt cum vitiis & concupiscentiis, qui voluptatem etiam ultro abdicarunt in gratiam Sponsi; cujus unius causa multi cupiunt hic perpetuo vivere. Quid trepidabit virgo ad manus percussoris? Requiret opes, delicias, fastum, luxum, voluptates? At his omnibus jam olim renuntiavit. Quæ nihil amet in hoc seculo, quæ mortua mundo, sola *Christo* vivit, nonne libens emigrabit ex hoc corpore, quo propius jungatur adamato Sponso? Etenim quæ vere virgo est, cogitat quæ Domini sunt, ut sit sancta corpore & spiritu. Neque enim hujus nominis dignitas competit in eam, quæ licet corpus habeat intactum viro, attamen animus impuris cogitationibus cum corruptore colloquium habet. Colloquuta est prima virgo *Eva* cum serpente, & hinc omnium malorum origo, oculos habebat impudicos, quos pomi blandientis illecebris adulteravit. Nolite hanc mutari virginem, quæ corrupta excidit à sinceritate, quæ est in *Christo*. Altera virgo sit vobis in exemplum, quæ colloquuta est cum angelo, & hinc initium omnis salutis. Habent mundi virgines suas sodales, habent ornamenta, habent lusus, habent cantiones & choreas. Sed hæc tantisper habent, donec ætatis florem marito prostituerunt. Verum hæc omnia *Christi* virginibus ut interna sunt, ita sunt & perennia. Illæ posito ferto virginali flaminium accipiunt matronale, servitutis indicium, at virgines, Deo dicatæ, semper velatæ sunt Sponso suo, ne videantur à mundo. Est enim zelotypus amator, non patitur suas delicias oculis prophanis prostitui. Quæ maritis velantur, servitutem humanam profitentur. Nec semper est maritorum lene imperium. Sæpe pro maritis contingunt domini, stulti, morosi, difficiles, procaces, inclementes, aleatores, ebriosi, profusores, percussores. Accedit his cura rei familiaris, cura liberorum, negotia affinium, orbitas, viduitas. Nec enim simplex est afflictio carnis, quam *Paulus* denunciat iis, qui conjugium expetunt. Denique quicquid hic malorum aut calamitatum solet accidere iis, quæ nubunt sponso mortali, huic in totum subducæ sunt, quæ nupscent immortali Sponso *Iesu*. Nec est tristis aut inamœna res virginitas, habet in Literis divinis sua viridaria, in quibus cum optimis Sponsi fodalibus spaciatur, *Tecla*, *Cecilia*, *Eustochium* **, aliisque innumerabilibus, habet sua ferta spiritalia ex variis virtutum flosculis concinnata, habet & unguenta sua, quibus vicissim trahunt ad se sponfam † ac trahuntur, dicentes, *Curremus post te in odore unguentorum tuorum*. Habet citharas suas & psalteria, habet cantilenas & hymnos suos, quibus jugiter psallunt in cordibus suis, modulantes, Domino gratias agentes, laudantes, obsecrantes, nonnunquam & suspirantes, si quando sese subduerit Sponsus, declinat ille nonnunquam ac transit, non ut deferat, sed ut amorem redintegret. Quid habent mundi virgines, quod ad hæc solatia conferri possit? Proinde agnoscite, Virgines, vestram felicitatem, & non invidetis mundo suas delicias. Agnoscite dignitatem, & ne expectetis sordida mundi commercia. Adhærete Sponso vestro, in hoc simul habetis omnia, quæ vere læta sunt, aut magnifica. Animet vos ad constantiam domesticum exemplum sanctissimorum juvenum, qui gaudent etiam corporum suorum pignora servari in tam sacro Collegio, illi mori maluerunt, quam gustare carnem suillam. Vos putate carnem esse suillam quicquid ingratum est Sponso vestro, si fueritis æmulatrices pulcherrimi certaminis, eritis & consortes gloriæ, opitulante Sponso vestro *Iesu*, qui vivit & regnat in omnia secula. Amen. *Basilica*, Anno salutiferæ Incarnationis 1523.

* Imitari haud dubie rescribendum.

** Lege *Eustochio*.

† Repone *Sponsum*.

EPISTOLA DCLXVII.

Erasmus Ror. Matthaeo Cardinali Sedunensi S. D.

An. 1524. **E**XIMIE Domine, mihi prorsus evenire video, quod *Herculi* ferunt usu venisse Veterum fabulae. Etenim dum hic pugno cum *Lutheranis* veluti cum hydra multorum caputum, istinc adrepat cancer, qui pedem mordicus arripit. Rursus *Stunica* toties vetitus emittit suos libellos, ac me velim nolim *Lutheranum* facit. Male mecum agitur, si ab utraque parte dilaceror. Cum hydra pugnare abunde magnum erat negotium. Scio & memini, quod tua sublimitas & amanter suaserit, & prudenter senserit, ut me *Romam* conferam: atque id quidem agebam. Sed interim minimum abfuit, quin in alterum mundum demigrarim. Et talis est morbus, ut me semper ad eum diem pararim. Adrepam tamen ubi coelum erit mitius, vel moriturus *Roma*, praesertim si tuum patrocinium adierit adversus istos, qui, mihi crede, magis obsequuntur suis privatis affectibus, quam consulunt dignitati Sedis Apostolicae. Quid enim potest fieri gratius huic factioni, quam si *Stunica* persuadeat orbi, etiamsi falsissimum est, *Erasmum* per omnia sentire cum *Luthero*? Ego nallum adhuc articulum video, in quo mihi cum illo convenit. Et tamen quae objicit *Stunica*, decerpta sunt ex libris editis ante auditum *Lutheri* nomen. De Monarchia Pontificis nunquam dubitavi, sed an haec Monarchia fuerit agnita tempore *Hieronymi* aut exserta, dubito alicubi ex occasione loci, nimirum in scholiis meis quae edidi in *Hieronymum*. Sed ut alicubi noto quod videtur facere ad hanc opinionem, ita rursus aliis locis annoto in iisdem scholiis, quae faciunt ad diversam opinionem. Et tot aliis locis voco *Petrum* principem Apostolici ordinis; Pontificem *Romanum*, vicarium *Christi*, & Ecclesiae principem, tribuens illi potestatem secundum *Christum* maximam. Haec dissimulat *Stunica*, ea duntaxat excerpens quae torqueri possunt ad calumniam. Bulla *Leonis* & edictum Caesaris non fulminant in ea quae praecesserunt, sed in futurum. De Confessione obiter adnotaram, hanc mihi videri natam ex secretis consultationibus: cum hanc dico, intelligo hanc confessionem, quae nunc fit cum suis circumstantiis omnibus. Et tamen eam fateor amplectendam tanquam a *Christo* institutam, non negans interim institutam a *Christo*, sed addubitans. De Matrimonio sic disputo, ut fatear me recipere Matrimonium inter sacramenta proprie dicta, quod tamen veteres Theologi non faciebant. Et id mihi scriptum est ante annos septem in Novo Testamento. Haec sunt praecipua capita *Stunica*, in quibus nihil est quod mereatur istam tragœdiam, praesertim quam haec scripta sint antequam quisquam somniaret *Lutherum* exoriturum, quum nihil asseverem, quum semper meum sensum submiserim iudicio Ecclesiae, quum in posterioribus editionibus multa vel deleverim, vel moderatus sim, quae videbantur posse praebere occasionem improbis, quibus praeter occasionem nihil est opus. Doctrinam meam non contendam ut approbem omnibus, æquis ac bonis confido me approbaturum. Ex animo faveo gloriae *Christi*. Et in utraque parte video quod mihi displiceat, in altera multum mundani spiritus, in altera multum seditiosi. In his tumultibus si quid vidissem melius consilio quod sequutus sum, haud dubie sequuturus eram. Quingentos ducatos, quos tua benignitas mihi in singulos annos offert, jam mihi acceptos interpretor, non minus obnoxius quam si recepissem. Amplitudinem tuam cupio quam felicissime valere. *Basilea* 19. Januarii, An. 1524.

EPISTOLA DCLXVIII.

Erasmus Roterod. Paulo Bombasio S. D.

TVVM tam diutinum silentium, mi *Bombasi*, non mediocrem sollicitudinem injicit animo meo, num

A satis salvae tibi res sint. Hic toties ob calculum periclitor, sed pene usque ad vitae desperationem mense Julio, qua parte anni soleo sat commode valere. Porro feriis natalitiis *Jesu Christi*, sic totum mensem agrotavi, ut mors fuerit in votis, vita tædio. Quis enim non mallet semel mori, quam toties regustare mortem longe atrocissimam? Et tamen interim emisimus multos libellos. Nec enim aliter decet *Erasmum* mori. Rex *Galliarum* montibus aureis allicit ad se. Non audeo ire, ne videar me conferre ad hostem Caesaris, cui juratus sum Consiliarius, nec ignoras quantus sim belligerator. Neque interim tamen penditur pensio, nec pendetur, opinor, ni redeam in *Brabantiam*. Atque illic praeterquam quod omnia tumultus plena sunt, gladius datus est *Carmelita* cuidam simpliciter furioso, qui mihi pejus vult quam *Luthero*, idque ob linguas & bonas literas feliciter apud nos subolescentes, quam isti vellent. *Roma* quidam me faciunt *Lutheranum*, in *Germania* sum *Antilutheranissimus*, nec in quenquam magis fremunt quam in me, cui uni impunt, quod non triumphant. Dispeream, ni malim emori, quam tantum odiorum in me conflare. Opinor te scire quam criminoso libello sit in meum caput debacchatus *Huttenus*. Sed praeter hunc multi libellos habent in procinctu, ad primam occasionem emisuri, si quid scripsero adversus *Lutherum*. Et tamen urgentibus undique Regibus & amicis aggressus sum negotium, quo scio me nihil aliud profecturum, quam ut renovem illorum tumultus: nihil illis pertinacius. Et sunt innumerabiles, ut vix credas. Atque interim in hoc interregno *Stunica*, ut audio, *Roma* reversus est ad suam tragœdiam; sic habent fata tui *Erasmi*. De hoc Pontifice mirifice praesagit animus, & adrepam istuc si potero, vel semivivus. Scribe quid rerum geras, meque tuo patrono commenda, quem confido affuturum nostro negotio. Scribunt mihi, Pontificem esse amico in me animo. Bene vale. *Basilea* 19. Januarii, Anno 1524.

EPISTOLA DCLXIX.

Erasmus Bilibaldo suo S. P.

PRIOREBUS literis tuis jam respondi, quibus nunciabas *Leum* adesse, ac de *Dureri* tabulis censuram egisse. An meas acceperis, non satis quivi ex tuis literis intelligere. De rebus $\pi\chi\chi\acute{o}\lambda\omega\nu$ scito, te mihi quidem tuto scribere, si modo tuto commiseris literas, quod antehac bene successit. Quod *Clemens* Septimus foedus adversus *Gallos* renunciat, non satis intellexi, nam renunciat qui nunciat, & renunciat qui rescindit. Nihil minus decet quam Pontificem, qui pater est omnium, cum hoc aut illo ferire foedus, sed æquam omnibus oportebat inter omnes componere concordiam. Et hoc omnibus bonis viris optandum est. Et *Galli Christiani* sunt. Imperii titulo minus faveo, quod videam esse perennem fontem bellorum. Sed ista $\theta\epsilon\acute{o}\varsigma$ $\epsilon\nu$ $\gamma\acute{\eta}\nu\alpha\varsigma$ $\kappa\acute{\epsilon}\tau\alpha\iota$. Verissimum est quod scribis, *Lutherum* plurimos evchere; ille creat Canonicos, Episcopos, Cardinales, atque etiam ditat plurimos, velint nolint. Sed rursus multos dejicit ac spoliatur, quorum de numero sum ego, cui per *Margaretam* ac Caesarem promittitur pensio Consiliarii, sed in patriam reverso. Verum illic regnat *Egmondanus* homo furiosus, armatus gladio, qui me duplo pejus odit quam *Lutherum*. Habet collegam *Franciscum Hulstium*, mirum hostem bonarum literarum. Primum conjiciunt homines in carcerem, ac post quaerunt quae objiciant. Ista Caesar nescit, quae tamen operæ pretium esset illum scire. Interim mihi debentur quingenti floreni aurei. Periclitatur & altera pensio resignatae Praebendae. Iterum atque iterum magnis promissis *Romam* invitor, ut avoleam. Cancer volabit, ego vix vivo, & haec scribenti nunciatur mors *Wonaci* ex calculo. Humanissimo *Varnbulio** curabimus ut satisfiat, cui & ipse plurimum

* Supra col. 744. lit. B. dicitur *Vatenbulius*, & col. 773. lit. E. *Varenbulius*.

Ani. rimum debeo. Pontifex hic deputavit sex Cardinales
 x524. eruditissimos, qui de rebus *Lutheranis* respondeant. Addunt & illud: *Germania* Principes implorasse auxilium Pontificis adversus *Lutherum*. Itaque sperant rem brevi confectum iri. Nec dubito, quin inter hos sex præcipuus sit *Cajetanus*, etiam si mox, ubi hæc scripseram, audio eum esse in *Hungaria* legatum. De fili *Erasmo* scripseram, ex quo conjicio, literas eas non fuisse redditas. Si artifex quispiam plumbeum archetypum exprefferit purgatis angulis, felicius esset fusio. Deinde, materia mixta ex ære & stanno felicius reddit imaginem. Postremo, si solus *Erasmus* absque *Termino* funderetur, opinor melius cederet; nam densitas saxi & aggeris, qui est à tergo, obstat, quo minus bene reddatur facies & collum. Licebit utrumque experiri. Si bene cesserit, fundat ac vendat suo bono. Si mihi miserit aliquot exemplaria felicia, quæ donem amicis, numerabo quod volet. Bene vale, patrone magne. *Basilea*, postridie Dominicæ Quinquagesimæ, id est, 8. Februarii, Anno à *Christo* nato 1524.

EPISTOLA DCLXX.

Clementi Septimo Erasmus Roterod. S. D.

BEATISSIME Pater, oratione vix consequi queam, quantum animo gaudiorum conceperim, ubi primum rumore, mox Card. *Campegii*, & eruditorum hominum literis cognovi, ex illa clarissima *Medicinium* familia *Clementem* VII. rerum gubernaculis admotum, talibus animi corporisque dotibus præditum, quales hæc undique turbulentissima tempora postulabant: quæ ut ante me publicæ tranquillitatis amantissimum majorem in modum discruciant, ita mihi protinus gestire coepit animus, nescio quid novæ felicitatis præfagiens, adeo ut magis liberet publice gratulari orbi *Christiano*, quam privatim tibi. Auxit hoc gaudium meum, quod ex amicorum literis liquido cognovi, quam tua Sanctitas amanter sentiret de *Erasmo*. Longum esset hæc ab initio repetere, nec tuæ occupationes prolixum sermonem patiuntur. Illud ausim dejerare apud *Christum* mentis nostræ conscium, si pernosset tua Sanctitas, quanta fide, quantaque constantia me gesserim in hoc negotio, qui nec magnorum Principum sollicitationibus, nec amicorum eruditorum illecebris, nec rursus quorundam Theologorum ac Monachorum odiis, qui me ob insectas apud nos & evectas linguas ac bonas literas pejus oderunt quam *Lutherum*, perPELLI quiverim, ut seditioso negotio me adjungerem, & adversus Sedis istius dignitatem conspirarem: quantum etiam nunc odiorum ac minarum sustineam hac ipsa de causa apud *Germanos*, judicaret me indignum, in quem iste *Stunica* toties debaccharetur impune, furiosis ac famosis libellis, non sine dedecore istius urbis, nec sine invidia Pontificii nominis. Nam almæ urbis *Roma* titulum ubique jactat, quum constet illum hæc facere contra edicta Card. adversus jussa *Leonis* & *Adriani*. Crede mihi, beatissime Pater, qui istum histrionem ad tales sycophantias natum subornant, parum recte consulunt, vel Pontificio nomini, vel negotio publicæ tranquillitatis, sed privatis ipsorum odiis morem gerunt, & in hoc aliena abutuntur infania. Decerpit ex omnibus libris meis, quos edideram ante *Lutheri* nomen auditum, frustula quædam, quæ depravat & in pessimam interpretatur partem, sed tam impudenter, ut nullo respondente tamen lector paulo æquior hominis mentem exsecratur. Plura reperiam in libris *Hieronimi* & *Bernhardi*, si libeat ad istum modum calumniari. Quum illa scriberem, nihil minus suspicabar, quam hoc seculum exoriturum. Quod si scissem, multa aut siluisssem, aut aliter scripsissem, non quod impia sunt, sed quod qui mali sunt, nihil non rapiunt in occasionem. Atque hac de causa ante annos duos in posterioribus editionibus multa sustulimus, ut talibus ansam eriperemus, li-

Abenter & cætera mutaturi, si quis fraterne monuisset. An. Sed hac de re copiosius scripsi Card. *Campegio*, simul 1524. ex tempore quædam respondens ad *Stunica* postremas calumnias. Ego semper me meaque omnia submissi judicio *Romane* Ecclesiæ, non repugnaturus, etiam si inquam de me ferat sententiam. Nam omnia patiar potius, quam ut sim seditiosus. Sed hoc mihi certior est fiducia, tuæ Sanctitatis æquitatem non passuram, ut paucorum insanis odiis dedar. Mitto hujus in te animi pignus *Paraphrasim in Acta Apostolorum*, quæ tum forte excudebatur. Eam destinaram Card. *Eboracensi*, quo ego jam pridem amantissimo patrono utor. Sed verò consilio dicabitur illi liber, qui nunc in manibus est, *De libero arbitrio* adversus *Lutherum*, quod illi suspicor etiam gratus futurum. *Cæsar* & *Margareta* revocant in *Brabantiam*. Rex *Gallus* montibus aureis invitat ad se. Me vero nihil avellet à *Roma*, nisi mors, aut calculus morte crudelior, si modo sensero tuam istam æquitatem adversus iniquos calumniatores mihi præsidio futuram. Doctrinam non confido me omnibus approbaturum: certe fidem, ac sinceritatem conscientiæ, plane confido me bonis & æquis omnibus declaraturum. Precor, beatiss. Pater, ut Dominus *Iesus* te velit esse novi & aurei sæculi vindicem & instauratorem, id quod vehementer & optamus & futurum confidimus omnes, qui hæc dissidia merito displicent. *Basilea* 13. Febr. Anno 1524.

Crede mihi, tua S. superabit omnium Pontificum gloriam, si hos bellorum & opinionum tumultus composuerit: alterum efficiet, si se præbuerit æqualem Principibus omnibus; alterum, si spem fecerit se vel le mutare quædam, quæ salva pietate mutari possunt.

EPISTOLA DCLXXI.

Erasmus Rot. Jodoco Gavero, viro præter Juris professionem undequaque doctissimo, S. D.

JOANNIS *Nevii* communis amici nunciata mors quemadmodum mihi gravem moerorem attulit, ita attulit & salubrem admonitionem. Non enim possum non graviter ferre tam singularis amici jacturam, præsertim quum ipse multis nominibus esset vita longissima dignissimus. Rursum, tam subita mors admonet nos omnes, ne quis in eo statu velit vivere, in quo nolit mori. Ex amicorum enim literis intelligo, illum cum amicis hilariter ac jucunde cœnasse: mox quum adscenderet gradus illos, à me toties calcatos, (nam demigrarat in cubiculum meum) subito morbo correptum ad horam ferme decimam, nec ab hoc paroxysmo vixisse, nisi sex horas. Quanquam haud scio an ista mors possit videri subita, cum illi tot annis res fuerit cum paralyfi. Ac mea sententia nimium indulget medicinæ, cujus ipse non erat ignarus: nam quæ pars est liberalis eruditionis, in qua vir ille non fuerit felicissime versatus? Tanta erat ingenii dexteritas. Proinde in familiaribus colloquiis soleo nonnunquam illud in illum jacere, Ingenium *Nevii* male habitare. Profecto dignus erat animus ille feliciori domicilio. Rursum indigna mens erat, quæ curis humilioribus inquinaretur, sed semel irretitus explicare sese non poterat. Jam quæ linguæ felicitas, quam prompta, quam parata dicendi facultas, si de re seria dicendum esset? Qui lepos, quæ argutia, si jocos aut salibus ludere libuisset? Tum qui morum candor? quæ convictus suavitatis? Quam erat amicus amico? Quam arcani crediti continens? Quam non sordidus? Unum in eo desiderabam, ne nullus esset nævus in *Navio*. Tenacior erat simultatum quam ego volebam: eas non facile quidem concipiebat, sed semel conceptas ægre ponebat. Hac una de re nonnunquam inter animos tam concordēs erat, ut scis, aliqua discordia. Non poteram illi persuadere, quam facile nonnunquam graves inimicitias comis appellatio solveret, quamque verum esset illud *Græcorum* proverbium, πολλὰς φίλων ἀποχρηνοεῖα διέλυσεν. Solebam illi occinere fabulam de *Joanne*

An. *ne Coletus*, viro perenni hominum memoria digno. Pef-
 8524. fime illi conveniebat cum patruo, viro admodum fene-
 ac præfactis moribus. Lis erat non de lana caprina,
 nec de asini, quod ajunt, umbra, sed de magna sum-
 ma pecuniarum, ob quantam vel filius bellum indi-
 ceret patri. *Coletus* pransurus apud R. P. *Guthelmum*
Archiepiscopum Cantuariensem, junxit me sibi in cym-
 ba. Interea legebat ex *Enchiridio* meo remedium ira-
 cundiae, nec tamen indicabat cur ea legeret. Accu-
 bitus ordo forte sic dabat, ut *Coletus* sederet e regio-
 ne patris, vultu subtristi, nec loquens, nec prandens.
Archiepiscopi vero rara quaedam est hac in re dexte-
 ritas, ut curet, ne quis parum hilaris sit in convivio,
 sermones ad omnium affectus attemperans. Per eum
 itaque injectus est sermo de collatione ætatum. Hinc
 orta est inter mutos confabulatio. Denique patruus
 senum more gloriari coepit, quod tantus natu, tanto-
 pere polleret viribus. A prandio nescio quid seor-
 sim agitatum est inter illos. Ubi *Coletus* mecum re-
 petisset cymbam: Video, inquit, *Erasme*, te felicem
 esse. Ego admirabar, cur hominem infelicissimum di-
 ceret felicem. Ibi denarravit, quam atroci animo fue-
 rit in patruum, adeo ut propemodum statuisset omni-
 bus *Christiana* modestiæ repagulis refractis, & eogna-
 tionis affectu contempto, manifestum bellum suscipe-
 re cum patruo. Eaque gratia cepisse meum *Enchiri-
 dium* in manus, ut iracundiæ remedium quæreret, &
 profuisse. Mox ex ea qualicunque confabulatione,
 quæ orta est in prandio, utrinque dilutam amarulen-
 tiam, sicut mox *Archiepiscopo* sequestro facile res
 omnis inter eos composita sit. Hujus generis exem-
 plis apud illum commemorandis non admodum pro-
 movebam. Sed hunc naturæ nævum, quot eximiis
 virtutibus ille pensabat? Hic non pergam te consolari,
Jodoco, virum juxta prudentem ac doctum, ob mor-
 tem amici. Sciebas enim te habere mortalem, quem-
 admodum ille dixit de filio, Sciebam me genuisse
 mortalem: & ab omni philosophia videtur alienus,
 qui miseri ducit mori natum, quam nasci moritu-
 rum, quum utrunque pariter secundum naturam sit
 hominis. Verum, dictu mirum, quam vulgus exsecra-
 tur subitam mortem, adeo ut nihil frequentius, nihil
 vehementius apud Deum ac divos deprecetur, quam
 mortem subitanam & improvisam. Subito mori piis
 pariter atque impiis commune est. *Herodes* repente
 percussus ab Angelo periit. *Heli* sacerdos, vir pius, è
 sella prolapsus obiit. Horrendum est male mori, non
 subito. Atque hic superstitiosus mortalium timor si-
 bi vana fingit remedia, simulacrum *Christophori*, cer-
 tas preculas ad Virginem matrem, voces ac notulas
 quoddam magicis non dissimiles. Qui tantopere for-
 midant subitam mortem, quanto rectius facerent, si
 à superis precarentur bonam vitam? Quid enim stul-
 tius, quam vitæ correctionem differre in mortem.
 Quam vero paucos corrigit longa ægrotatio? si ta-
 men ullos corrigit. De nemine quidem desperandum
 est, sed tamen sero discit *Christianismus*, qui jam
 quod discit, exercere non potest: sero confessionis
 remedium adhibet, quum jam in summis labris est
 anima. Da mihi, inquit, veram contritionem &
 puram confessionem ante mortem. Et hoc petunt non-
 nunquam à diva *Barbara* aut *Erasmo*. Obsecro, quid
 aliud isti petunt, quam, liceat mihi male vivere, & da
 tu bene mori. Nolunt odisse commissâ suâ nisi sub
 horam mortis, volunt frui peccatis suis quam diu va-
 lent. Alioqui dicerent *Christo*, non *Barbara*, Da mihi
 nunc odium peccatorum omnium, da salutiferum de
 commissis dolorem, da ut mihi semper amara sit re-
 cordatio superiorum malorum, da dum valeo sic con-
 fiteri semel ut posthac non sit opus confessione. Qui-
 dam illud etiam nominatim à Deo flagitant, quo ge-
 nere mortis mori velint, & quot menses decumbere.
 Quanto *Christianus* est nihil interim aliud curare, quam
 ut sic instituamus vitam, ne quandocunque dies ille su-
 premus advenerit, opprimat nos imparatos, reliqua Nu-

A minis arbitrio relinquamus? Novit Deus quid cuique An.
 maxime expediat. Una nascendi ratio est omnibus: 1524.
 Moriendi mira varietas. Eligat ille quodcunque volue-
 rit. Non potest male mori qui bene vixerit. Quod si
 pio homini deligere fas esset mortis genus, nullam ar-
 bitror magis optandam, quam subitam, quæ velut à
 medio cursu bonorum operum repente subvehat in cœ-
 lum. Jam ægrotanti, ac velit nolit corpusculi malis
 servienti, quantum perit temporis ab officiis pietatis?
 Non studet, non docet, non concionatur, non visit æ-
 grotos, non laborat manibus, unde sublevet fratris ege-
 ritatem, imo potius interim aliis onerosus est, quos chà-
 ritas nollit gravari. Narrant *Theodoricum Prædicatoris*
 sodalitii, qui *Lovani* diem suum obiit, virum, ut scis,
 B habitum & pium & integrum, quum sentiret corpus-
 culum gravari lassitudine, unde conjiciebat morbum
 sequuturum, solitum inter suos dicere, Utinam Deus,
 ubi visum ipsi fuerit, hinc me subito tollat, ne diutino
 morbo gravis sim fratribus meis. Adeo vir bonus non
 vult cuiquam in vita molestus esse, ut ne morte qui-
 dem sua velit ullum gravari. Quod optarat contigit.
 C Eo die, quo defunctus est, bis fuerat concionatus, pere-
 gerat rem divinam, interfuerat solenni Liturgiæ, ac-
 cumbebat in prandio, sub finem prandii petiit abeun-
 di veniam, dicens se sentire nescio quid nausæ. Ab-
 iit solus in cellulam, creditus est quiescere. Ubi diu
 non prodiret, ingressi sunt fratres, & reppererunt in le-
 cto vestitum ac mortuum, sed dormienti similem. Quis
 eam mortem non judicaret felicior, quam lentam
 ægrotationem? Sed absunt ceremoniæ, aqua sacra, ce-
 reus sacer, signum crucis, turba acclamantium aut etiam
 ejulantium. Non dicam hic, quod hæc aliquoties nihil
 aliud quam mortis molestiam conduplicant, illud tan-
 tum respondebo, quod sic baptizatus est *Eumuchus* ille
Candaces Reginæ. Nec aliter arbitror baptizatos quos
 baptizavit *Paulus*. Num ideo noster baptizatus felicior,
 quia tot ceremoniis peragitur? Miserum est, inquit,
 mori solum. Atqui morienti sufficit unus Angelus, qui
 animulam elapsam deferat in cœlum. Adhuc nonnun-
 quam qui solatio sint morienti, sed frequentius adsunt
 D qui dolorem addant ac desperationem. Uxor morosa,
 liberi inobedientes, sodales alicuius, temulentia, ac scor-
 rationum, concubina, inimicus qui læsit. Nosti senato-
 rem illum *Mechliniensem*, sodalem & æqualem *Bogardi*
 medici, nam uterque vixit usque ad decrepitam ætatem.
Gronfellus autem ille superabat etiam aliquot annis, ut
 ex ipsorum colloquio didici. Hujus hospitio sum usus
 aliquandiu *Mechlinia*. Ibi ex filiis cognovi, quum jam
 decumberet (nam senio periit verius quam morbo) co-
 gnatos apud ipsum pernoctare volentes, jussit abire cu-
 bitum: *Nihil*, inquit, *opus mea causa quenuquam grava-
 ri; facile vel solus morior, nimirum paratus quandocun-
 que me vocarit Deus.* O vocem vere *Christiano* di-
 E gnam! Quum agerem *Roma*, narrabant *Saxonem* quen-
 dam cum sodalibus aliquot eo religionis gratia venisse,
 quumque surrexisset à poenitentiario, apud quem exo-
 neraverat conscientiam suam, procubuit genibus flexis
 ad altare quoddam, sic innitens scipioni suo complo-
 sis manibus orans. Hujus sodales quum vellent abi-
 re, mirantur quid ille tam diu moraretur in precibus.
 Quum ille finem non faceret, vellicant hominem ad-
 monentes esse tempus abeundi, & reperiunt mor-
 tuum, sed prorsus oranti similem. Narrant & *Phy-
 sici* subitam ac vehementem affectus mutationem pa-
 rere mortem, quod ferunt usu venisse mulieri, cui
 moerenti, quod falso rumore persuasum esset filium in
 bello perisse, repentinam mortem attulit filius præter
 expectationem salvus ingressus domum. Idem videtur
 huic accidisse. Præcesserat ingens dolor de commissis.
 Successerat ingens gaudium ex absolutionis fiducia.
 Hinc mors subitanea. *Mortuus est*, inquit, *sine lux,
 sine crux, sine Deus.* At quis eam mortem non optaret
 ut longe felicissimam? Nullum Apostolorum, aut vete-
 rum illorum, quos *Christus* unice charos habuit, legimus
 morbo perisse, sed omnes fuisse *subdantes*, quemadmo-
 dum

1524 An. dum fuit ipse Dominus. Atque ego quidem arbitror hoc mortis genus, magni muneris loco illis donatum fuisse. Tota vita impendebatur Evangelio, mors ipsa plurimum habebat gloriæ, minimumque cruciatus. Quid enim martyr mortis lætius, minusve luctuosum? Tum quam multi morbi sunt, qui vincat virgas, ungulas, secures & cruces? Quot annis multos discruciat podagra? Quot excoriatio renum ac vesicæ? Quot calculus, meus carnifex? Quæ crux conferenda est cum pleuritidis cruciatu? Leges quum maxime sæviunt, dissecant vivum in quatuor partes, priusquam attingant vitalia. At ego crediderim minus sensurum cruciatus, si cui membratim corpus dissecetur, quam qui sentit calculum sub imis costis, ac circa venarum, quas miseraicas appellant medici, angustias sævientem. Quanquam medici veteres inter extremos cruciatus, qui subitam mortem adferunt, primas tribuant calculo vesicæ. Qui fortassis hoc est acerbior, quod fere sit immedicabilis, nisi velis remedium morte crudelius, atque ipsam plerumque mortem. Certe huic proximum malum est renum calculus, quum sævit acerbius. Me vero tam subinde repetit, tamque capitaliter adoritur, ut si quis odit *Erasmum*, merito jam inimicus esse desinere debeat, nimirum odio tot malis saturato. Porro cruciatum tam immitem secum adfert calculus, ut quamvis validum ac robustum corpus intra triduum nonnunquam interimat, & si se remittat dolor, in hoc remittit, ut mox atrocius sæviat. Quid hoc est aliud quam frequenter regustare mortem? Quis autem euperet reviviscere, paulo post iterum moriturus: proinde graves auctores non sine causa repentinam mortem summam vitæ felicitatem dixerunt. Hujus exempla multa commemorat *Plinius lib. 7. cap. 53*. Sed multo plura quotidianæ vitæ casus suppeditant. Quanquam inter hos feliciores videntur, qui vehementi gaudio subito efflarunt animam. Sed longe felicissimi, qui post multos annos feliciter actos, in re jucunda pariter atque honesta subito defecerunt. Quemadmodum accepimus quibusdam rem divinam facientibus aut concionantibus, aut coelestium rerum contemplationi intentis repentinam mortem accidisse. Sunt qui feliciter existimant bene vivere quam diu: Sunt rursus qui longævitate in maximis bonis numerant. Ego me inter felices numerare non possum. Vix enim arbitror quenquam vivere, qui minus debeat fortunæ. Tametsi bonam malorum partem, ut ingenue loquar, meæ ipsius incogitantia debeo. De longævitate queri non possum, jam enim non procul absum ab anno LX. quantum ætatis si quis astrologus aut chiromantis mihi juveni promississet, nunquam fuero crediturus. Ac tum etiam mihi videor vivacior, quoties me confero cum his qui paucioribus vixerunt annis. Ante diem morior, si me conferam cum divo *Hieronymo*, si cum *Varrone*, qui, LXXX. agens annum, scripsit libros *De re rustica*, & ita scripsit, ut ex his videatur adhuc alacri animo fuisse, & sensisse studiorum dulcedinem. Cum his potius me confero, qui cum tanto me præcesserint eruditione, tanto paucioribus annis vixerunt. Non jam loquar *Lucanos* & *Persios*. *Virgilius* anno LI. periit. *Ovidium* non multo major. *Cicero* anno LXIV. Et hæc ingenia inter homines numero. Magis nos movent exempla viciniore. *Laurentium Vallam* pono inter eos, qui sempiternam posteritatis memoriam promeruerunt: videtur ante senectutem obisse diem. *Hermolaus* ad justam senectutem pervenit, sed multo ante decrepitam excessit ætatem. *Picus Mirandulanus*, *Angelus Politianus*, quæ sui seculi decora, viginti adhuc ætate perierunt. Si Veterum monumenta revolvam, comperies multos in literis celebres viros, ad multam ætatem vixisse, hæc nostra memoria perpauca reperias, sive hoc imputandum mundo vergenti ad senium, sive quod nunc eruditio majore dispendio comparatur. Veniam ad illos, quos mihi ante annos non ita multos videre contigit. Quum primum adirem *Italiam*, jam perierat *Philippus Beroaldus Bononiensis*: cujus memoria tum ma-

re celebris erat & gratiosa, & tamen ille decessit me, An. ut nunc sum, natu minor. Hujus cognatum, eodem 1524 nomine & cognomine referentem illum, vidi *Roma*: juvenem moribus candidissimis, stylo & eruditione non inferiorem illo majore, judicio multorum, ut & mihi visum est, etiam superiorem. Hunc juvenem fata è terris eripuerunt. *Bononia* primum videre contigit *Scipionem Carteromachum*, reconditæ & absolutæ eruditionis hominem, sed usque adeo alienum ab ostentatione, ut ni provocasses, jurasses esse literarum ignarum. Cum eo post *Roma* fuit mihi propior familiaritas. Et decessit haud multo major annis quadraginta duobus. *Patavis* neminem vidi celebrem, mortuorum tantum commemoro, præter *Raphaelem Regium*, hominem admodum natu grandem, sed cruda viro viridisque senectus. Erat tum, ut opinor, non minor annis LXX. & tamen nulla fuit hyems tam aspera, quin ille mane hora septima adiret *M. Musurum*, *Græce* profitentem, qui toto anno vix quatuor intermittebat dies, quin publice profiteretur: juvenes hyemis rigorem ferre non poterant, illum senem, nec pudor, nec hyems abigebat ab auditorio. *Musurus* autem ante senectutem periit, posteaquam ex benignitate *Leonis* coeperat esse Archiepiscopus; vir natione *Græcus*, nimirum *Cretensis*, sed *Latina* linguæ usque ad miraculum doctus, quod vix ulli *Græco* contigit præter *Theodorum Gazam*, & *Joannem Lascarem*, qui adhuc in vivis est. Deinde totius Philosophiæ non tantum studiosissimus, vir summis rebus natus, si licuisset superesse. Quodam die quum domi ipsius cœnaturus essem, & adesset pater seniculus, qui nihil nisi *Græce* sciebat, jamque in *chernibe*, ut sit, alius alii deferret, ego, ut finirem moram inutilem, arrepta patris manu, dixi *Græce*, *ἡμῶν δὲ οὐ γέγοντες*, mire exhilaratus senex, lavit mecum. Quanquam id temporis haud multo major eram *Musuro*. *Musurus* autem amplexus *Zachariam* juvenem eximie doctum, & *ἡμῶν*, inquit, *δὲ οὐ γέγον*. *Venotia* vidi *Paulum Canalem Patricium*, juvenem summis rebus natum, nisi mors illud ingenium terris invidisset. Is phthisi periit me illic agente. *Aldus*, hospes meus, multis post annis periit, haud multo minor annis septuaginta, sed tamen animo ad literas mire juvenili. *Petrus Cottam* uno prandio vidi, & audiui tantum, ætate florenti, pari modestia atque eruditione virum. *Roma* vidi *Petrum Marsum* longævum potius quam celebrem. Non multum aberat ab annis 80. & florebat animus in corpore non infelici. Mihi visus est vir probus & integer, neque potui non mirari industriam. In tanta ætate scribebat commentarios in librum *De senectute*, aliosque nonnullos *Ciceronis* libellos. Licebat in eo perspicere vestigia veteris seculi. Ibidem cognovi & amavi *Petrum Phadrum*, lingua verius quam calamo celebrem: mira erat in dicendo tum copia, tum auctoritas. Magna felicitatis pars est *Roma* innotuisse, ille primum innotuit ex *Seneca Tragedia*, cui titulus *Hippolytus*, in qua repræsentavit personam *Phadra*, in area, quæ est ante Palatium Cardinalis *Raphaelis Georgiani*. Sic ex ipso Cardinale didici, unde & *Phadro* cognomen additum. Is obiit minor annis, ni fallor, quinquaginta, dictus fui seculi *Cicero*. *Hieronymum Donatum* tantum videre contigit per occasionem. Nec post data est congregiendi facultas: senex erat, sed florentissimo corpore, vir ob raram ingenii dexteritatem, non solum ad literas, verum etiam ad omnem publicorum munerum functionem appositus. Procul abest ab *Italia Britannia*, sed eruditorum hominum æstimatione proxima est. Quam multos hic ex vetere sodalitia desidero. Primum *Andream Ammonium Lucensem*, Deum immortalem quanta ingenii dexteritate, quam fideli memoria præditum! Tum animus quam erat excelsus, quam alienus à livore, quam alienus à sordibus. Hunc, & suis dotibus & omni Principum applausu florentem, maximis rebus destinatum subita mors interceptit, natu minorem annis quadraginta. Cujus equidem decessum non pos-

An. possum non dolere, quoties in mentem venit, quam
 1524. mihi fuerit jucunda ejus familiaritas. Erat hujus so-
 dalitatis & *Joannes Sixtinus Frisius*, qui non multo
 post obiit, sed illo major, cæterum corpore, quod,
 nisi si qua morbi vis incidisset, in *Nestoris* ætatem du-
 rare potuisset; ingenium erat ad omnia versatile, me-
 moria prompta, tenaxque. Præter Juris utriusque scien-
 tiam, quam habebat loco viatici, in nulla disciplina
 non feliciter versatus. Successit his *Joannes Coletus*,
 qui decessit anno ferme quinquagesimo tertio. Hujus
 eximias dotes quid oportet recensere, quum eum in
 literis meis latis depinxerim, idque ex vero: nam ho-
 minem multis annis domesticè novi. Haud multo post
 periit *Guilielmus Grocinnus*, præter Theologiæ professio-
 nem, in omni genere disciplinarum usque ad morosi-
 tatem exacte versatus. Is tamen ut ad multam vixit
 ætatem, ita nihil scriptum reliquit. Attractus paraly-
 si plus minus annum ipse sibi superstes fuit. Ex *Germanis*
 amicis nullum desidero præter *Joan. Capnionem*, qui
 florenti quidem senectute, sed tamen iusta, defunctus
 est. Poterat adhuc diu succurrere publicis studiis, nisi
 sic visum esset superis condere quædam animantia, quæ
 nihil aliud quam lædant; Bos arat, equus gestat, ovis
 pascit. Quid faciunt crabrones, cynomyæ, viperæ &
 cantharides? His accessit publica bellorum tempestas.
 Utinam liceret *Huttenum* in hoc catalogo ponere.
 Nunc circuitu facto redeo *Lovanium*. Illic triduum
 frui sum consuetudine *Christophori Longolii Brabanti*:
 nam *Mechlinia* natum ajunt. Is nuper periit *Patauii*,
 natus annos plus minus triginta. Juvenis ad literas na-
 tus, & in his mature feliciterque institutus, inter nobi-
 les futurus, si licuisset vivere. Postremus omnium nos
 reliquit *Navius*. Sic solent milites nobilium ducum
 commemorare fata, & ex illorum exemplis sibi propo-
 nere quid possit accidere. Nos itaque restamus. Quid
 dixi, restamus? Ego, nam de me loquor, ultra colum,
 quod ajunt, vivo. Felix si cum eorum quæ expertus
 sum memoria liceret repubescere. Verum, hoc ut vo-
 tum est ἀνιμώλιον, nam *Homerico* verbo libenter uti-
 mur, ita nihil me torquet. Volens sequor, quo vocat
 communis naturæ cursus. De vitæ spatio nihil queror,
 ultra spem contigit; quanquam poteram annos aliquot
 in amicorum favoribus, quos industria mearum lucu-
 brationum mihi per universum orbem non paucos pa-
 ravi, conquiescere, nisi veluti mus, quod *Græco* prover-
 bio dicitur, in picem, in hoc tragicum seculum inci-
 dissem. Quo minus obtigit hic felicitatis, hoc confido
 melius mihi futurum in altero seculo. Et tamen mihi
 fui infelix potius quam aliis. Sunt qui sibi nati, sibi vi-
 vunt, omnibus incommodi, sibi solis felices, neque cui-
 quam benefaciunt nisi quum moriuntur. Ne tum qui-
 dem deest animus incommodandi. Onerant posteros
 parentalibus, precibus, sacris, vestibus, ceremoniis, no-
 larum strepitu, ut vel mortui negotium facebant vivis.
 Ego malim *Herculanis* immori laboribus. De mortis
 genere, quo non aliud cruciabilius, sic me consolor,
 quod nihil habet omnino contagii, cum leviora etiam
 corporis vitia, quod genus sunt lippitudo, aut linguæ
 balbuties, afficiant convictorem: cui cum calculo res
 est, solus dolet, solus periclitatur. Nullus autem est
 cruciatus tantus, quem humana natura non ferat, si
 affueverit, præsertim si adsit fortis animus. Nec mu-
 liebriter dictum est apud *Euripidem* ab *Electra* *:

Οὐκ ἔστιν ἔδὲν δεινόν, ὡς εἰπὼν ἔπ' ὅ,

Οὐδὲ πᾶθ' ὅ, ἔδὲ συμφορὰ δεινὰ τ' ὅ,

Ἦς σὺν αὐτῷ ἀραὶ ἀχθ' ἀνθρώπου φύσις.

Porro, quod ad animum attinet, non solum sic cogi-
 to, mitius reddi malum, si quis ferat æquo animo
 quod vitari non potest: verum etiam hoc Evangelicæ
 debeo Philosophiæ, quod corpusculum hoc totum se-
 mel dedidi *Christo*, non aliter quam ægrotus ac de vi-
 ta periclitans se credit medico ungenti, proluenti, se-
 canti, urenti, persuasus quod quibuscunque modis il-
 le tractaverit hoc animæ domicilium, salutis meæ cau-
 sa facturus sit. Nihil illi præscribo, tantum servet, ac

* In *Oreste* vers. 1.

A faciat quod velit. Scio illum nihil velle, nisi quod no-
 bis est optimum. Cæterum ab his remoris, quæ non
 1524. patiuntur alios æquo animo superstitionibus dicere, *Vale-
 te & plaudite*, jam propemodum sum liber. Et juve-
 nis cibum ac potum semper ita sumpsi, ut pharmacum.
 At sæpenumero doluit, non licere sine cibo potuque
 perpetuo degere. *Veneri* nunquam servitum est, ne
 vacavit quidem in tantis studiorum laboribus. Et si
 quid fuit hujus mali, jam olim ab eo tyranno me vin-
 dicavit ætas, quæ mihi hoc nomine gratissima est. Ab
 ambitione semper abhorui, cujus rei nunc me sup-
 pœnitet. Tantum honoris accipiendum erat, quan-
 tum sat erat ad vindicandum à contemptu. Sed nec
 B tum poteram imaginari, tales esse belluas sub humana
 specie, quales experior: & nunc ambire serum est,
 quod obire non possim. Senectus solet ad rem atten-
 tos reddere. Hujus morbi ne tantulum quidem adhuc
 attigit animum meum. Atque utinam sic liceat mo-
 derari sumptus, ut morienti nec proprium æs nec alie-
 num superfit, præterquam quod huic ubicunque repo-
 nendo corpusculo sit satis. Porro famæ sarcinam utinam
 liceat & antequam corpus deponere. Tantum abest
 C ut me gloriæ pœniteat, si quid tamen omnino est glo-
 ria. Nulli sunt affectus privati, puta liberorum aut
 parentum, qui me remorentur in vita. Omnes amo
 ex æquo, qui *Christum* diligunt. Nonnihil mihi lu-
 ctandum fuit cum animo meo, ut erga eos, qui scien-
 tes volentes, destinata malitia, nihil commérito, imo
 bene merito oblatrant, obtrectant, atque etiam exi-
 tium moliantur, fumeret affectum pure *Christianum*.
 Impetravimus & hoc, ut non solum non cogitemus
 de vindicta, sed ne male quidem precemur. Vide-
 mus hanc lenitatem etiam in militibus, quum certa
 mors urget, quanto magis hunc affectum nobis præ-
 stare debet Evangelica Philosophia? Nunc aliquan-
 tulum in hoc luctor, ut certam fiduciam animo con-
 cipiam de salute. Atque hac de re frequenter ipse
 D mecum confabulor, nonnunquam & cum eruditis a-
 micis communico. Nec adhuc sit satis, nec à *Lu-
 theranis*, nec ab *Antilutheranis*. Itaque mihi nihil vi-
 detur consultius, quam hanc securitatem modis omni-
 bus ambire precibus ac benefactis à *Christo*, usque
 ad supremum vitæ diem, ac tum hujus quoque rei
 judicium illi permittere: sic tamen, ut quam est mi-
 nimum spei ex nostris meritis, tam sit plurimum fi-
 duciæ ex illius immensa erga nos charitate, eque
 promissis adeo benignis. In hac philosophia nunc
 versor, eruditissime *Gavere*, ad quam te quoque hor-
 tarer, nisi scirem te virum juxta pium ac doctum,
 jam olim hæc omnia fuisse meditatam. Incusas in-
 commodam valetudinem, nec injuria quereris. Erat
 E istud ingenium omnino dignum meliore domicilio,
 sed vide ne multum adjiciat mali, morbi imagina-
 tio. Deinde medicis uti laudo, indulgere non lau-
 do. Salutabis diligenter veteres congerrones nostros,
Joannem Paludanum, *Theodoricum Alnstensem*, *Jo-
 annem Armentheriensem*, & *Petrum Curtium*, qui in
Navii vices successerunt. Cumque his totum sodali-
 tium trilingue. *Basilea* 1. Martii, Anno à *Christo* na-
 to 1524.

EPISTOLA DCLXXII.

Erasmus Rot. Udalrico Hutteno S. D.

F HENRICVS *Eppendorpius* nostri non instudiosus,
 certe tui amantissimus, subindicavit mihi te non
 satis amico in me animo esse, adeo ut nescio quid
 mordacioris scripti mediteris. Quod ego sane eo ma-
 gis sum admiratus, quod de meo in te animo, quem
 hætenus in te gessi, ut si in quenquam alium amanti-
 simum, nihil adhuc immutarim, etiamsi pristinam fa-
 miliaritatem nobis invidit ad tempus fortuna: nec de-
 dignatus sum te alloquio quum hic adesces, sed huma-
 nissimis verbis per *Eppendorpium* rogavi ut abstine-
 res, si tantum esset salutatio, propter invidiam, qua

Tom. III.

Ddd 2

gra.

Ap. gravatus sum jamdiu usque ad capitis periculum. Quod
1524. autem consilium est lucrificare invidiam, quum nihil
prosis amico? Ego te, mi *Huttene*, in tali statu si fuisset
Huttenu, ultro rogassem *Erasmum*, ne sibi frustra
accideret odium. Et tamen admonui *Eppendorpium*, si
posses abesse ab hypocaustis, quæ ego nullo pacto
ferre possum, mihi non ingratum fore tuum colloquium.
Fortasse non sunt mea in te officia, quæ commemorem,
& si qua essent, ineptum sit ea à me commemorari.
Hoc possum vere prædicare, me veteris benevolentiae
semper fuisse tenacissimum. Nec unquam *Huttenu* à me
vel dicto vel facto fuisse læsum. Ego sum hujus animi,
ut tantam amicitiam, quantam inter nos conciliarunt
bonæ literæ, vix etiam parricidium dirimere debeat.
Sunt fortasse qui te instigent in me, hoc agentes ut
tuo stylo abutantur ad animi sui saturandum odium.
Quod si feceris, illud scito, primum facies in immerentem,
non enim dicam bene meritum, certe in tibi benevolentem:
deinde rem facies *Jacobo Hochstrato*, *Nicolao Egmondano*,
aliisque compluribus, quos tu pro summis hostibus
ducis, longe gratissimam; ceterum summo opere
molestam bonarum literarum cultoribus, quorum te
profiteris propugnatorem. Quomodo repubescent illa
portenta, si senserint *Huttenu*, illam sic adamatam
Erasmum ingenii venam, illum toties prædicatum
Erasmum stylium, in *Erasmum* stringere? Quare fuerit
hoc tuæ prudentiæ, priusquam tollantur signa, priusquam
rauco crepent cornua cantu, priusquam tuba terribilem
bello sonitum *taratantiara* dicat, veluti missis patre
patrato ac feciale, secretis literis ad me libere & amice
perscribere, quid de me tibi delatum sit, aut quid omnino
sit quod exulceret animum tuum. Nam ipse, ita me
Deus bene amet, non possum divinare. Non dubito quin
tibi per omnia sim satisfacturus, nisi prorsus alius esse
cœpisti quam olim fueris. Utinam, mi *Huttene*, non
haberes alios hostes quam *Erasmum*. Utinam haberes
quicquid hic inimicus tibi optat, puta hoc tibi de tripode
dictum. Jam si te ab instituto revocare non potest, nec
veteris amicitiae religio, nec studiorum communium ratio,
nec hostium voluptas, cogita hoc non mediocriter ad
tuam quoque existimationem pertinere. Quis enim non
desideraturus est humanitatem & genere & literis
dignam in *Huttenu*, si nulla laceffitus injuria ferrum
lethali veneno tinctum stringat in amicum? Nec
fortasse defuturi sunt, qui perpendentes quo in
statu res tuæ sunt in præsentia, suspicentur istis
artibus prædam undecunque peti, & periculum est
ne apud multos hæreat conjectura, nimirum in
profugum, obæratum, & ad extremam rerum
omnium inopiam redactum. Non es ignarus, quæ
fabulæ vulgo de te ferantur, neque rescis
quamobrem tibi succenseat, quidque tibi minitetur
Comes *Palatinus*, qui de famulo tuo sumpsit
capitis supplicium. Proinde nolim interpreteris
hanc meam admonitionem vel à metu, vel à mala
conscientiâ proficisci potius quam ab amore tui,
meque nunc meum negotium agere magis quam tuum.
Ut odiosissime scribas, primum nec horum malorum
insolentem impetes, nec omnino mutum. Deinde ut
obticescam, tamen gravius læseris tuam ipsius
existimationem quam meam. Quare etiam atque etiam
vide, mi *Huttene*, ut hic tuam prudentiam in
consilium adhibeas, potius quam obsequare
levissimorum hominum cupiditati. Bene vale.
Basilea in die Parasceves, sive 25. Martii, Anno 1524.

EPISTOLA DCLXXIII.

Erasmus Rot. ad N. De la Rosche S. D.

Ex amicorum literis ac prædicatione cognovi, vir
ornatissime, sed præcipue *Michaelis Gillis* & *Guidonis Morillonis*,
quam candide de nostris studiis sentias. Id quidem
mihi novum non est, quandoquidem ante multos
jam annos, quum apud clarissimum parentem

A tuum Cancellarium tum agerem nescio quid, quo tem-
pore tu novus eras maritus, sensi favorem erga me
tuum propensum ac benignum. Sane in omnibus mundi
regionibus meæ lucubrationes mihi tam multos, tam
insignes amicos pepererunt, ut si præterea nihil acce-
deret, tamen hoc nomine mihi potuissim abunde felix
videri, ni mea senectus in hoc seculum non uno mo-
do turbulentum incidisset. Quantus sim osor belli,
quam pacis amans, declarant quum omnes libri mei,
tum pacis undique profligatæ querimonia, quæ jam,
ut audio, *Hispanice* loqui didicit: itaque propemodum
vitæ tædet, quum video duos florentissimos orbis Mo-
narchas tot jam annis inter se feralibus bellis confictari,
sic ut nulla mundi pars immunis sit à malorum con-
fortio. Accessit alterum diffidium pene immedicabilius,
novi ac veteris Evangelii, quod malum in dies gliscit
ac latius serpit, frustra obnitentibus tot Monarchis,
tot Ecclesiæ proceribus, tot scholis, tot viris eruditis.
Omnino fatale quiddam est, à quocunque Deo profi-
ciscitur hoc quod videmus. Ego quum in utraque par-
te viderem quod mihi displiceret, & neutra pars sese
accommodaret ad concordiam, decreveram conquiescere,
& ab utrisque castris abstinere, interea, quod unum
poteram, *Christum* Opt. Max. obsecrans, ut eam tempe-
statem aliquando nobis verteret in tranquillitatem.
Nec tamen omnino cessatum est à studiis, sed in his
potissimum argumentis versatus sum, quæ neutram
partem magnopere offenderent. Etenim præter alia multa,
absolvi *Paraphrases* omnes in Novum Testamentum,
excepta *Apocalypsi*, quæ nullo modo recipit
Paraphrasten, vix etiam interpretem, ut jam illam
hoc labore dignam ducerem: & satis successit hoc
consilium aliquamdiu. Nunc dum utrique parti pro
mea virili consulere laboro, factum est ut utrinque la-
pidari cœperim. *Egmondanus* cum suo sodalizio fortiter
me clamavit hæreticum & *Lutheranum*, nec ulla syl-
laba docere potuit, quod clamabat, nisi quia non scriberem
in *Lutherum*. *Roma Lerneum* malum *Stunica*, nec à
Leone, nec ab *Adriano*, nec à Cardinalium collegio
compesci potuit, quin aliquot virulentos libellos subinde
furtim emoveret: cui nuper etiam *Clemens* Septimus,
dira molienti, ægre quietem indixit. In *Germania* jam
pridem gestiebant me stylo confodere, qui se jactant
Euangelicos, quum nihil sint minus, nulla injuria
irritati, nisi quod libris editis testatus fuissim, id quod
res erat, me alienum esse à factione *Lutherana*. Id eo
feci, quod quidam meo nomine abuterentur apud ignaros,
quum non ignorarent rem secus habere. Sed continuit illos
reverentia quædam hominis, quod ipsi, quantumvis iniqui,
non negant, de studiis publicis tantopere meriti. Tandem
Huttenu huc appulit, qui instigatus ab infanis aliquot
strinxit in me mucronem calami sui, congerens quicquid
criminum poterat in quemquam confingi: huic respondimus
Spongia, ille periit. Post hunc exortus est alius illo tum
indotior, tum rabiosior, cui nondum respondimus; & con-
sultius arbitror negligere, quandoquidem audio non
paucos alios accinctos ad hujusmodi vipereos libellos
in me jaciendos. Ab hoc genus intemperis nec Cæsar
nec Pontifex potest me tueri. Nec enim isti deos verentur,
nec homines. Tales propugnatores quosdam habet hoc
novum Evangelium, tam stultos & insanos, ut ipse
Lutherus & *Melanchthon* cogantur in eos scribere.
Quamquam isti nec suos *Episcopos* reverentur, & nostros
mirum quam adspernentur. Hic nullus est tam vilis aut
sordidus, quin audeat licenter convitia jacere in opti-
mum quemque, neque pudet quicquam, neque metuunt
quemquam. Jam tempus erat, ut studiis meis fruerer,
& in has turbas incidit mea senectus, quæ quum
præter solita senum incommoda crudelissime vexetur
calculo, tamen hæc sit minima malorum portio.
Nec interim licet fugere. In *Brabantia* scis quot
annis digladiatus sim cum Theologis, qui pejus oderunt
bonas literas quam *Lutherum*. Nec ignoras quibus furiis
datus sit gladius. *Roma* solus *Stunica* scri-

An. scribit, sed in uno *Stunica* multa sunt portenta. In *An-*
 1524. *glia* summos & certissimos habeo amicos, sed illic ne-
 scio quo pacto non libet vivere. Ad *Gallios* ingentibus
 promissis invitator, sed obstat bellum. Calumniaretur ali-
 quis me ad Cæsaris hostem descivisse, quanquam mihi
 nihil rei cum bello, neque fuit, neque erit unquam.
 Cæsaris ero ubicunque vixero. Itaque spe pacis hæsi-
 mus hic aliquamdiu, cujus adhuc nullam auram afful-
 gere doleo. Audio Cardinalem *Columensem* istic adeste
 Legatum, cujus dexteritas, nam hominem novi
Bruxella, utinam saltem inducias inter Monarchas im-
 petret. Difficile est simul & cum *Turcis* imminenti-
 bus, & cum *Gallis*, & cum *Lutherano* populo, qui in dies
 se latius spargit, bellum gerere. Adest hic Cardinalis
Campegius cum delegatione componendi *Lutherani* ne-
 gotii, vir in primis eruditus & humanus, sed, ut ego res
Germanicas video, vereor ne nihil agat. Etenim si res
 agatur sævitia, periculum est, ne civitates sese muniant
 confederatione. Si tentent dissidium moderatis con-
 ditionibus finire, nullam ego spem video, futurum ut
 aut hæc pars, aut illa sit vel tantillum de suo jure re-
 missura. Libris nihil agitur apud illos: nam adversus
Lutherum scriptos nec audet quisquam excudere, nec
 a tibi excusos legit quisquam. Utinam ita visum sit Prin-
 cipibus, publica auctoritate citraque tumultum corri-
 gere, quæ merito corrigi deberent. Sed dum suo quis-
 que commodo privatim servit, negligitur utilitas pu-
 blica. In hoc seculum mea senectus, veluti mus, quod
 ajunt, in picem, incidit. Interim antiquantur bonæ di-
 sciplinæ, negliguntur bonæ literæ. Me certe satietas
 habet omnium studiorum, postquam video tantam ho-
 minum ingratitude, ut qui ex meis libris didice-
 runt sermonis copiam, certatim in me stringant cala-
 mnum. Hæc visum est in amici sinum effundere. Nihil
 habeo quo me consolet, præter bonam erga *Christum*
 conscientiam, cujus gloriæ toto faveo pectore. Bene va-
 le. *Bafil.* pridie Paschatis, hoc est, 26. Martii, An. 1524.

EPISTOLA DCLXXIV.

Erasmus Roterodamus Magistratui Argentinenfi S. D.

MAGNIFICI ac splendidissimi Domini, & amo &
 veneror pietatem vestram, quod favetis Evan-
 gelio, pro quo provehendo ego jam tot annis tantum
 exhaustio laborum, tantumque sustineo invidiæ, ab
 his qui magis student suis commodis quam gloriæ *Chri-*
sti. Quanquam alius alia via studet hoc efficere. Sed
 huic sanctissimo negotio sese admiscet quidam, qui
 subvertunt hoc quod agunt alii. Est apud vos quidam
Scottus typographus, qui, præter alia, nuper evul-
 gavit libellum *Hutteni* in me tam insulsum, ut sum-
 moperè displicuerit etiam ipsi *Luthero* & *Melanchtho-*
ni. Nec hoc satis fuit; rursus clam excudit eundem
 libellum, cum investiva cujusdam parum sobrii, sed
 talem ut & bonis literis, & Evangelico negotio, plu-
 rimum sit offecturus. Ego quod ad me pertinet, ma-
 num non verterim, & scio hanc rem vobis visum iri
 meliorem vestra cognitione: sed tamen istud etiam at-
 que etiam videndum est, ne hæc licentia dissimulata,
 tandem erumpat eo, ut perniciem adferat Reipublicæ
 vestræ. Certe Evangelico negotio non parum obfue-
 rit, si videant homines per occasionem Evangelii, Rei-
 publicæ disciplinam fieri deteriorem. Si cupitis co-
 gnoscere qualis sit ille libellus, accersite *Hedionem* aut
Capitalem. Non invideo *Scotto* suum quæstum. Et
 scio eum, qui scripsit, alieno instinctu scripsisse. Quod
 si vestra prudentia judicabit hoc dissimulandum, æquis-
 simo animo feram. Attamen pro meo erga bonas lite-
 ras & erga rem Evangelicam affectu sincerissimo, vi-
 sum est hoc admonere, quod fortasse nonnihil etiam
 ad vestræ civitatis commodum attinet. Dominus *Je-*
sus Reipublicam vestram bene fortunet, vosque omnes
 servet incolumes, generosissimi ac splendidissimi viri,
 quorum amplitudini jam olim multis nominibus sum
 devinctissimus. *Basilea*, Dominica Passionis, id est,
 27. Martii, Anno 1524.

EPISTOLA DCLXXV.

*Erasmus Roterodamus Joanni Carondileto, Archiepiscopo
 Panormitano, S. D.*

Vt eadem opera & ad tuas & ad Illustrissimæ Do- An.
 minæ *Margaretæ* literas paucis respondeam, non 1524.
 sunt fumi, quos ostendunt *Galli*, sed jam olim *Pon-*
cherius Episcopus *Parisiensis*, quum Legatum ageret
Bruxella apud *Carolum* Regem nondum Cæsarem, præ-
 ter Regis benignitatem suo nomine offerebat supra im-
 pensas omnes quadringentos coronatos aureos, pollici-
 tus interim ocium meum & libertatem mihi incolumem fore. Jam hæc absentia non debet vocari absentia, in qua tantum voluminum edidi, quod istic manens perficere non potuissem. Et tamen discedenti thesaurarii promiserant pensionem fore in tuto. Porro quod addit tua sublimitas, ne videar ad hostem descivisse, risi, ut verum fatear, quasi *Erasmo* sit quicquam negotii cum bello. Immo hoc pro viribus ago, ut conveniat inter Monarchas. Causam cur me toties vocarit Rex *Gallia* per nuncium aperuit: Decrevit *Lutetia* Collegium instituere trilingue, quale est *Lovanii*. Ei rei volebat me esse præfectum. Excusavi tamen, memor videlicet quantum invidiæ, quantumque tumultum sustinuerim istic à Theologis nonnullis ob Collegium *Bursidanium*. Et tamen famulus meus, è *Gallia* reversus, certis argumentis docuit illic thesaurariam esse paratam mille librarum. Ego fiscum Principis mei nondum admodum gravavi: nam ex eo pensio non nisi semel soluta est. Altera quæsitæ est arte, nullo fisci dispendio. Hic magno vivo, præsertim ob crebras ægrotationes, quanquam & alioqui parum frugi pecuniarum dispensator. Jamque non parum æris alieni contraxi, ut si per valetudinem abire liceret, per creditores fortasse non liceat. Quare, si fieri potest, velim, ut huic famulo numeretur saltem unius anni pensio, ad sublevandam inopiam meam. Mitto Cæsaris literas, quæ idem hoc cupiunt. Quanquam ego & cum pensione, & sine pensione, Cæsaris ero, neque vobis de re tantilla futurus sum frequenter molestus. Hoc anno crebro quidem, sed præcipue mensibus Julio & Decembre, sic me tractavit meus carnifex calculus, ut mors fuerit in votis, vita in desperatione: nulla enim mors potest esse calculo crudelior. Et tamen hæc tragediæ *Lutherana* sunt mihi ipso etiam calculo molestiores. Audebo apud hominem amicum & illud effundere, nonnihil dissuasit mihi reditum præsens temporum status. Scis quanta mihi fuerit digladiatio cum Theologis quibusdam ob bonas literas ante *Lutheri* exortum. Et jam gladius datus est duobus acerrimis bonarum litterarum osoribus, *Hulsto* & *Egmondano*. *Egmondanus* qualis sit norunt omnes, & quam hostili sit in me animo multis modis declaravit, hodieque declarat. Scripsi multos libros ante cognitum *Lutheri* nomen. Et tamen in his nihil adhuc inventum est, quod cum *Lutheranis* consentiat. Tametsi facile est inimico decerpere, quod calumniatur: & res agitur isthic prorsus ordine Theologico. Homo, cui male volunt, rapitur in carcerem, ibi inter paucos transigitur negotium, & innoxius debet indigna pati, ne quid illis decedat auctoritatis. Ubi tota aberratum est via, clamant, Favendum est negotio fidei. Hæc res tametsi non tantum valuit apud me, ut deterreret à reditu, tamen, ut ingenue dicam, fecit minus alacrem ad repetendam *Brabantiam*, maxime cum absente Cæsare non multum præsidii sit in aula. Cardinalis *Campegius* adest *Nuremberge*, destinatus componendo *Lutherano* dissidio. Me jam ternis literis amantissime evocavit usus opera mea: quanquam quid ea profectura sit nescio, nisi quod video senectutem meam, cui debebatur ocium, objici furis, & dum omnibus benefacere studeo, utrinque discerpi. Si potero me excusare Card. posteaquam refrixerint hypocausta *Germanica*, advolabo, & si licebit hic dissolvere æs alienum, quo præter morem meum

Ddd 3 sum

An. sum involutus. Amplitudinem tuam *Christus* Optimus
1524. Maximus diu fervet incolumem. *Basilea* die *Mercurii*
post Pascha, id est, 30. Martii, An. 1524.

EPISTOLA DCLXXVI.

Honorabili Domino Joanni Canio, sive de Hondt,
Canonico Curtracensi, S. P.

QUVM alteræ vestræ jam obsignatæ mansissent ali-
quæ apud me, venerunt literæ à *Flandria* scriptæ
à *Mschaele* quodam *Bentino*, quæ nunciabant, te inimi-
cissimo esse in me animo, ac juvenem quendam, qui
nescio quem meorum libellorum haberet, acriter objur-
gasse, quod hæretica legeret, addens, meos libros esse
pestilentiores *Lutheranæ*, teque sperare brevi futurum,
ut ego cum meis libris comburerer. Non dubito quin
hæc sint conficta, nisi tu aut plane versus es in alium
hominem, aut prorsus ignores quantum malorum hic
sustineam à *Lutheranæ*. Ego puto, mortem esse levio-
rem his quæ patior. Et si novissem statum hujus con-
jurætionis, maluissem ad *Turcas* demigrare, quam huc.
Aliter judicavit *Adrianus* Pontifex de libris meis, qui
Theologis frustra de me blaterantibus imposuit silen-
tium. Aliter Cardinales, qui *Sinnica* talia de me scri-
benti indixere silentium; quod nuper iterum fecit *Cle-
mens* VII. Aliter Cardinalis *Campegius*, qui nullius o-
peram magis implorat adversus *Lutherum*, quam meam.
Aliter ipsi *Lutherani*, qui in neminem magis fremunt
quam in *Erasmum*. Hoc te scire volui, ne quid erres in
nobis. Bene vale. *Basilea* post Pascha, Anno 1524.

EPISTOLA DCLXXVII.

Erasmus Bilibaldo suo S. P.

DOLEO tibi rem esse cum podagra. Si *Luciano* cre-
dimus, solent hoc tempore hujus Deæ mystæ re-
dire ad suas cantiones. Hoc magis irascor morbo tuo,
quod nos privat dulcissimis tuis literis. Nos aliquot dies
expatiabimur in *Burgundiam*, absterfuri situm, quem
diutino otio latebrisque contraximus. Exspectamus,
quid isthic agatur, si quid tamen agitur. Qui has red-
det, prædicat sibi nescio quid affinitatis tecum interce-
dere. Alioqui non eram scripturus. Bene vale, vir o-
ptime. *Basilea* 14. Aprilis, Anno 1524.

EPISTOLA DCLXXVIII.

Erasmus Rot. Abbati cuidam S. D.

NI SI mihi prædicata esset tua singularis humanitas,
reverende Pater, verituras eram ne me protinus
clamares impudentem, qui ignotus ad ignotum, tan-
tillus ad tantum scriberem, idque de re quæ minimum
ad me pertinet; sed pietas facile dabit veniam huic au-
dacie, quam docuit Christiana charitas. *Ambrosius Sy-
tagrius*, Parochus Ecclesiæ *Rihen*. periclitatur, ne ad fa-
mem ipsi res redeat, adeo nescio quorum delationibus
in illum irritatus est reverendus Pater *Andreas Abbas*
Maris-stella. *Ambrosius* mihi coram satisfecit de eo quod
delatus est in concione dixisse, in genealogia *Christi*
esse peccatrices. Id *Hieronymus* scripsit in *Christi* glo-
riam & nostri consolationem. Et habet testem popu-
lum, quod hic nihil impie dixerit, nisi impie scripsit
Hieronymus. Mi videtur *Ambrosius* vir minime malus.
Non sine sumptu nactus est hoc sacerdotium, magno
impendio illic ædificavit, non poterit submoveri, nisi
intolerabili dispendio. Est gratus suo populo. Et
qui mutant, ut sunt res humanæ, fere mutant in de-
terius. *Baticam* & vetus proverbium est, *Dedi malum*
& accepi: nunc fere licet dicere, *Dedi malam & ac-
cepi pejorem*. Si quid hætenus gestum est ab *Ambrosio*
secus quam oportet, id vestris monitis facile sarciet.
Quæ tua pietas est, debes hoc dissidium inter *Ambro-
sium*, & R. P. *Maris-stellæ*, velle componere:
quæ tua auctoritas est, facillime poteris. Non dubito
quin *Ambrosius* sit omnes concordie conditiones liben-

ter amplexurus. Id ad me recipio. Hac in re si tua
humanitas nostri respectu sublevarit *Ambrosium*, liben-
ter amplitudini tuæ sum hoc nomine debiturus: sin est,
cur judices iniquum esse quod peto, tamen *Erasmum*
numerabis inter eos, qui tuæ pietati cupiunt modis o-
mnibus gratificari, quam Dominus *Iesus* diu nobis in-
columem servet. *Basilea* 15. Maji, Anno 1524.

EPISTOLA DCLXXIX.

Erasmus Roterodamus *Nicolao Everardo*, *Hollandiæ*
Præsidi, S. D.

ORNATISSIME Præsides, allatus est huc libellus cu-
jusdam, etiam sine nomine noti ac celebris, joco-
ne ac serio scriptus incertum, auctorem tibi notum es-
se scio. Primum miro verborum ambitu reddit ratio-
nem, cur maluerit *Hollandicæ* scribere quam *Latine*,
quasi inter nos certamen sit, uter alterum superet facun-
dia *Romani* sermonis, aut quasi lector non statim conje-
cturus sit, quare gloriosus Juris utriusque doctor malue-
rit vulgari lingua scribere, nimirum ut *Erasmum* apud
vulgus traduceret non responsum. Ne illud quidem
obscurum, quid hominem impulerit ad hoc ineptiæ,
nimirum urebat illum magnificus ille titulus, quem
nescio qui libello suo præfixerant. Quasi mihi præ-
standum sit, quem quisque titulum addat *Erasmo*. Cer-
te non ignorat etiam ipse, me neque de libello edito,
neque de titulo somniasse unquam, priusquam iste rem
proderet. Jam facile succurret cuivis, quare non præ-
fixerit nomen suum, quanquam plerique, ut ait, non
ignorarent, quis esset auctor tam elegantis libelli. Ni-
mirum ambiebat frui gloria sine invidia. Apud eos,
quibus arrisisset sycophanticus libellus, dixisset in au-
rem, meus est. Si quis parasset ultorem calamum,
ad inficiale causæ statum confugisset. Verum, ne in
his ineptiis multum temporis teramus, ad ipsum argu-
mentum properabimus, quod tale est ut undique cla-
mitet parentem suum, videlicet *Nicolauum Egmondan-
num*. Nec enim alius tam ridiculas nugas pro seriis
effutire potuisset. Et agnosco quæ soleat respondere,
ut hinc gloriosus doctor præter *Hollandicæ* facundie
laudem non ita multum gloriæ sit relaturus. Principio
mira dexteritate tractat locum communem. Absur-
dum illi videtur si quis reprehendat aliquem sui Ordinis,
hoc est, si Monachus Monachorum vitia carpat, aut
Theologus, Theologorum; sacerdos, sacerdotum.
Cur igitur *Hieronymus* Monachus tam multa scripsit
in malos Monachos? Cur toties in sui ordinis homines
stomachatur *Bernardus*? Cur in malos Episcopos tam
acriter invehitur *Cyprianus*? Imo cur toties Prophetæ
sæviunt in pseudo-Prophetas? Cur toties *Paulus* Apo-
stolus in pseudo-Apostolos, *Judas* in *Judeos*, *Chri-
stianus* in *Christianos*, damnans & traducens illorum stul-
titiæ, levitatem, contentiones, ebrietates, ocium,
incestum? Si communis ordo imponit silentium, ne-
fas esset *Christiano* quicquam dicere in depravatos *Chri-
stianorum* mores. In bonos male dicere, cujuscunque
sunt ordinis, scelus est. Cæterum nemo majore cum
fide reprehendit malorum vitia, quam qui ejusdem est
ordinis. Videtur enim apud hunc plus valuisse veritas,
quam ordinis favor. Alioqui videri poterat odiodiver-
si ordinis vituperare quæ recta sunt: Veluti si *Franci-
scanus* reprehendat vitia *Dominicalium*, etiam si id fa-
ciat recto animo, tamen non carebit suspitione livoris.
Si huc spectat reprehensio, ut emendentur qui citra
nominis injuriam notantur, quos potius optemus cor-
rectos quam qui nobis sunt conjunctissimi? Nisi forte
vitio dandum existimat, si quis ægrotanti cognato phar-
macum admoveat. Ipse *Nicolaus Egmondanus* cur *Brux-
ellæ* sæviit in suos *Carmelitas*, ob nescio quæ mulie-
bria, non solum jurgiis, verum etiam carceribus &
flagris, adhibitis ad id profanis licitoribus, ne res pos-
sit esse clam? utique respondisset hic, Se, quo magis
faveret ordini suo, eo minus ferre eos qui moribus ir-
religiosis dedecorarent ordinem. Et hæc qui facit, non
pa-

patitur ut sacerdos ac Theologus verbum jaciatur in via sacerdotum ac Theologorum, quum interim nullius nomen perstringatur, ut utilitas admonitionis ad omnes perveniat, infamia ad neminem. Cur igitur ipse toties e cathedra Theologica, eque suggesto, manifestis mendaciis debacchatur in nomen *Erasmi*? Et tamen is locus, quo videtur offensus, modestissime loquitur de Monachis ac Theologis. Est enim, ni fallor, in Paraclesi, habens hunc in modum: *Neque enim consentaneum est, quum baptizatus sit ex aqua communis Christianorum omnium, in quo prima Christiana philosophia professus est, quum sacramenta cetera, denique quum primum illud immortalitatis ad omnes ex aqua pertineat, sola dogmata in paucos istos esse relegenda, quos hodie vulgus Monachos aut Theologos vocat: quos ipsos tamen, tametsi minima quapiam portio sunt ad populum Christiani nominis, tamen hos, inquam, ipsos optarim majorem in modum, esse quod audiunt. Vereor enim ne inter Theologos reperire liceat, qui multum absint a suo titulo, hoc est, qui terrena loquantur, non divina; & inter Monachos, qui Christi paupertatem & mundi contemptum profitentur plustquam mundum, reperias. Hic palam est, nec ordinem a me damnari, nec cuiusquam perstringi nomen. Quod si nullus est inter Monachos suo titulo non respondens: Si nullus inter Theologos hoc indignus nomine, merito stomachatur in me gloriosus doctor, cum suo *Carmelitana*. Habes ad unum libelli caput: in quo sibi mire placuit, non modo propter eloquentiam, verum etiam ob facetiam, nam videtur sibi mire festivus simulata modestia. Præterea quod inibi scribo, neminem esse submovendum à lectione sacrorum Voluminum, quo minus quisque quod potest illinc hauriat: ait me parum animadvertisse, quod scriptum est in Evangelio *Joannis*, *Puteus altus est, & in quo haurias non habes*. Ego vero & illius loci probe memineram, sed quoniam *Samaritana* verba referuntur ad Christum, non putabam hic esse, quod ad Sacram Scripturam pertineret: nisi placet hic sensus, *Puteus divina Scriptura altus est, & Christus non habet quo hauriat*. Eadem opera possumus probare Christum esse maleficum, quia in Evangelio legimus, *Si hic non esset malefactor, non tradidissent eum tibi*. Olim altior erat puteus, priusquam exorta lux Evangelica discussisset umbras & involucria Legis, & tamen vulgus legebat sacros Libros. Nunc posteaquam Dominus *Iesus* derivavit aquas Evangelicæ sapientiæ per omnes plateas, quicumque fidem habet, habet quo hauriat. *Judei* non submovebant à lectione *Geneseos*, *Cantici*, & *Ezechielis*, quum in his voluminibus sit plurimum obscuritatis, nisi usque annum trigessimum. Profuit Eunuchus legisse Prophetam *Esaiam*, quem non intelligebat: Profuit *Augustino* Pagano legisse *Paulinas* Epistolas, quas nondum intelligebat, & *Christiano* arceatur à sacris Libris? Porro, quomodo velim sacros Libros legi ab idiotis, explico in appendice Præfationis in *Matthæum*. Ea legenda fuit glorioso doctore, priusquam occineret mihi locum ex *Joanne*, quem si parum intellexit ac ridicule citavit, mirum non est, diligentius, opinor, versatus in *Aconursis* ac *Baldar*. Quod si non aptius citat leges suas quam Evangelium, male agitur cum illius clientibus. Illud magis mirandum, *Carmelitam* tantum Theologum tam stolidis argumentis instruxisse suum histrionem, nisi quod ille nihilo melioribus soleat uti in schola Theologica, non sine risu Baccalauorum. Et hic sibi doctor videtur admodum factus, veluti commiserans meam cæcitatem, qui non viderim locum tam evidentem in *Joanne*, in quo talpæ fuerunt omnes retro Theologi, quorum nemo perpicere potuit, hic interdici *Christianis*, ne legant Evangelium, quod *Christus* voluit universis nationibus esse commune. At fortasse corarius aliquis rectius legat Evangelium, quam vel doctor hic, vel hujus instructor Theologus, qui sic interpretantur Evangelium. Quis non intelligat istos sacras Literas ideo velle paucis esse notas, ne quid cedat ipforum auctoritati quæstuique. Hoc ulcus olim exacerbavit Jureconsultos, evulgatis diebus fastis ac ne-*

fastis: Nunc, ut videtur, urit Theologos quosdam, & hoc magis urit quo sunt illis tam avariores, tum ambitiosiores. Sed audiamus argumenta reliqua, quibus magnus ille Theologus instruxit suum advocatum. Obicit ex *Altis* Eunuchum *Candaces* Reginae, qui dixerit, rogatus an intelligeret, *Quinam possim, nisi aliquis dux via mihi fueris?* *Ethiops* erat, aulæ barbaricæ Præfectus, alienus à religione *Judaica*, non mirum si minus intelligebat prophetiam de morte *Christi*, quæ nondum erat divulgata. At eundem locum si nunc legas, hanta, facile suspicabitur de *Christo* loqui. Et tamen *Ethiops* ille laudatur, quod legerit sacros Libros, & quoniam in literis arcanis venabatur *Christum*, promeruit illum discere. Hoc exemplum tale est, ut nullum magis idoneum adduci potuerit accendendis omnium animis ad lectionem sacrorum Voluminum. Adjicit & illud, quod *Christus* turbis loquebatur in parabolis. Verum idem dixit, *Nihil occultum quod non revelabitur, & quod in aure audistis predicabit super lecta*. Parabolæ pro tempore adhibitæ sunt, sed mortuo Domino scissum est velum, & patent omnia mysteria. Alioqui si turbis nihil est proponendum, nisi in parabolis, nefas erit idiotis exponere Evangelium, peccarunt Evangelistæ, qui mysteria doctrinæ *Christi*, lingua omnibus nota vulgaverunt. Nam eo tempore, etiam corarii, & nautæ *Græce* *Latineque* loquebantur, quemadmodum nos *Hollandice*. An quia *Christus* imperitæ ac juxta malitiosæ multitudini loquebatur per parabolas, quod sic expediret ad negotium redimendi generis humani, ideo populus initiatus *Christi* mysteriis nihil audiet nisi parabolas? Quod si videtur æquum, legant igitur parabolas Evangelicas, quod ipsum vetant isti, nimirum sibi ipsis contrarii: sed extra jocum, si a paucis petenda est sacrarum Literarum sententia, ubi est illud *Esaiæ* vaticinium, *Et erunt omnes docibiles*; citat ex Epistola *Petri*, quod in Epistolis *Pauli* nonnulli quædam intellectu difficilia depravarent in suam perniciem. Non damnat *Petrus*, quod legerentur Epistolæ *Pauli*, sed quod detorquerentur, quemadmodum & cæteræ scripturæ. Si ideo vulgus submovendum est à lectione sacrorum Librorum, eadem ratione Theologi submovendi sunt, quod omnes hæretici, quorum plerique fuere doctissimi, depravant quæ legunt, ad confirmationem perversorum dogmatum. Nisi forte, *Arianus* non sunt hæretici: nisi *Origenista* non sunt hæretici. Nihil enim dico de *Duthero* istis centies hæretico, cujus peculiare dogma est, in disputando nihil admittendum esse, præter Literas sacras. Atqui *Carmelita*, ne in Theologicis quidem scholis, recipit Scripturæ Sacræ testimonium. Etenim quum sic ratiocinantur Baccalaurei, *Hoc dixit Christus apud Matthæum, ideo ita conclusio mentitur*: ille clamat, *Ista est argumentatio Lutherana, professor me non responsurum*. Ubi igitur valebunt sacræ Literæ, si ne inter Theologos quidem habent locum? Nimirum ibitur ad fontes, hoc est, *Carmelitas* duos, ex quibus posteri discant, eos hæretice argumentari, qui argumententur ex sacris Voluminibus. Sed ut omittis jocis ad rem redeamus, si ideo populus non debet legere sacras Literas, quas vulgaverunt Apostoli ut legant omnes, eo quod sunt qui abutantur, nec *Egmondanus* bibit vinum, quo tamen unice delectatur, quod plurimi sint ubique, qui vino abutantur. Imo nemo concionabitur in templis, quod illic multi doceant hæresim, quidam seditiones excitent, alii adulentur Principibus, nonnulli mendaciis infament proximum. Id si fiat, ubi regnum *Egmondani*? ubi tyrannis, quam jactat etiam? Postremo, si ideo nulli fas erit gestare pallium *Carmeliticum*, quod eo plures abutantur, mutandum erit *Egmondano* suum pallium. Hoc est acumen eorum, qui nolunt populum attingere Libros sacros: quos si vulgus non intelligit, quibus acceptum ferendum potius quam istis qui quotidie docent populum? Ergone tot annis docuerunt nihil scire? Et hic est profectus Evangelicus, ne quis norit Evangelium? Tandem in epologo concludit probabile esse

An. esse Theologos rectius intelligere Scripturas Sacras quam laicos, quasi hoc negarim, si in genere loquaris, aut quasi vetuerim ne laici discerent à Theologis. Obicit quod alicubi taxans præpostera judicia, dixerim, *Si Franciscanus pro cinericea veste sumeret nigrum pallium, metueret ne demon quispiam vivum abriperet in variata.* At idem non metuit committere adulterium, aut incestum, aut alia crimina, quæ pugnant contra præcepta Dei. Non laudo eos, qui temere mutant vestem, sed damno præpostera ac superstitiosum iudicium. Horrent violare constitutiones hominum, & ludum esse ducunt violare præcepta Dei. Hic decerpit quod volebat, & omisit quod explicabat nodum. Vicit igitur gloriosus doctor, & currum triumphalem merito adornat, si gravius peccat *Benedictinus*; quum per occasionem pro nigra veste sumit fuscam, quam quum adulterat sacrata virginem. De prædicatoribus qui commodum venantur ex prædicatione, utinam falsum esset quod scripsi. Et tamen quod in genere dictum est, ad nullius contumeliâ pertinet. Hoc si nemo scripsit ante me, par est ut feram hujus admonitionis invidiam. Si nulli tales sunt, dignus sum ut ridear, qui operam hanc inanem sumpserim. Quod si gloriosus doctor nullum novit talem, adspiciat suum *Carmelitam*. Verum doctor jam ab asinis ad equos, hoc est, à Theologis ad Principes defiluit. Sensit Cæsarem minari *Turcis*, & hinc sibi speravit magnam gloriam. Si sunt qui hunc sermonem, *Nolite omnino resistere malo*, huc trahunt, ut putent, nec *Turcis* resistendum, *Christo* imputent, non mihi. Is est auctor eorum verborum. At ego sic interpretor hæc verba in Annotationibus, ut nemo possit detorquere: interpreto enim, *resistere malo*, id est, mala ratione. Eat nunc venerabilis doctor, & dicat Cæsarem recte facere, si *Turcas* malis rationibus impetat. Nunc vero ab asinis in canes defiluit. Obicit ex privatis ad quendam literis, quod parum honorifice meminerim duorum honorabilium virorum *Egmondani* & *Hulsti*. Res ipsa docuit quam sint honesti, alteri est adeptus gladius, alter vix effugit iudicium. *Egmondanum* novi: verum non ego solus. Et populus novit non minus stultum quam insanum. *Hulstum* vidi tantum, sed & hunc nosse potui, quem admodum novimus *Phalaridem* ac *Neronem*. Hi quum tribus verbis leviter attacti sint in Epistola privatim scripta, quid erat necesse libello vulgato traducere, quorum famæ tam tenere metuit? Postremo taxat quod scripserim de publicanis, qui exigunt à populo, non quantum iussit Princeps, quod ipsum iniquum est, sed quantum ipsi volunt. Hic ille putat me dicere, Principum exactiones esse injustas, ut me reum peragat læsæ majestatis. Et certe tales sunt nonnunquam Monarcharum exactiones. Atqui ego quod grave est, iniquum dixi: quemadmodum *Virgilius* dixit, — & iniquo pondere rastris: & iniquum iudicem dicimus, non qui injuste iudicat, sed qui rigidus est, parumque favens reo. Sic æquas condiciones appellamus, quæ ex humanitate temperatæ sunt: iniquas, austeras, & nihil de jure remittentes. Sic iniquum vocavi quod exigunt Principes à populo, quod per se satis molestum sit hoc pendere, etiam si nihil addat redemptorum rapacitas. Vide quantum periculum est scribere *Latine* iis qui *Latine* nesciunt. Hic existimat se mihi movere magnam invidiam apud Cæsarem, si persuasum sit illi, me non probare Principum iniquas exactiones. Imo nulli magis Cæsaris odio digni sunt, quam qui probant iniquas exactiones, ex quibus fere non multum redit ad Cæsarem. Vectigal & tributum Principibus debitum probat *Paulus*. Censum persolvit ipse *Christus* Cæsarium Cæsar. Quid hoc ad me? Ego publicanos monui, non Cæsarem. Atque Cæsarem ipsum liberius super his admonui in libello *De Principe Christiano*: eum Cæsar amplexus est, *Ferdinandus* edidit, & uterque mihi gratias egit, nimirum uterque doctior isto doctore, & isto Theologo *Christianior*. Magna vero Theologorum felicitas, ut nos pro hæreticis habeant, si stolidus ali-

quis *Carmelita*, aut *Baldicus* doctor, nesciat *Latine*. Quin potius cedunt feliciori seculo, quo seeminæ *Latine* sciunt. Hæc intransitu notavi, vir eruditissime. Equidem gratulor Ecclesiæ Christianæ talem *Atlantem*. Gratulor *Hollandiæ* nostræ, quæ viros habeat tam sapientes. Et huic libello quærit typographum ut audio. Deus illi servet suam mentem. Bene vale. *Basilea* 15. Maji, An. 1524.

EPISTOLA DCLXXX.

Georgius Saxonie Dux, &c. Erasmo Rot. Theologo

SALUTEM, Gratiam & Favorem. Cum nobis in feriis Pentecostes redderetur Epistola tua, etiamnum in-
 B scriptione carebat, eamque is, qui portavit, à Mosellano addendam fuisse ostendit. At ea perlecta, aperte intellexi, nulli alteri quam mihi destinata. Scribis autem tecum aliquoties jam literis me tui provocaveris, nihil tamen responsi à me tulisse, quæ res tibi offensa aliquam suspicionem afferat. Ego vero rescripti ad omnes literas tuas; quas quidem acceperim, & ut recognoscas, quas acceperim, mitto hic una tibi exemplum posterioris responsionis meæ, posterioribus literis tuis destinata. A quibus si interea aliquas alias dedisti, scito mihi non esse redditas: quod si enim reddita essent, non profecto committerem, ut in hoc genere officium meum desiderare posses, præsertim cum hac mea perpetua sit consuetudo, ut neminem, ne humilissimum quidem, sine responso dimittam, si modo ea, quæ scribuntur, digna sint responso. Quod pœnitet te laudis, quam quibusdam effusius quam pro merito tribueris, etsi non injuria ejus te pœnitet, tamen ita ego statuo: Nisi hoc modo illos ipsos, quos dicis, tractasses, istisque produxisses falsis commendationibus, quam nunc tibi indignitatem ostenderunt, eandem te ab illis jamdiu experturum fuisse. Hæc nimirum sunt illa præclara virtutum actiones, quæ ab hoc doctrina fonte ducuntur. Hæc opera charitatis, quam tradit Lutherus, & alii, qui se plusquam Evangelicos jactitant, litera potius quam spiritui adherentes. Hæc fides & integritas plusquam Germanica, quam illi generose ubique ostentaverunt. Quod si hi, qui capita hujus factionis haberi volunt, tales sunt, quales ceteri, quæ membra sint, facilis est conjectura. Equidem Epiphendorpium, si quid hujusmodi votis proficeretur, optatim aliunde vita sua ortum, nec ex hac nostra terra produsse; cui cum ornamento esse debeat, ita se bonus vir comparavit, ut magis ejusdem labes & macula sit. Cum enim animo repeto, quibus tu illum virtutibus descriperis, videtur mihi haud aliud exquisitis hominis perditis ejusdemque profligata conscientia pudorifque exemplum excogitari posse. Jam vero utinam ante triennium hanc tibi mentem Deus dedisset, ut à factione Lutherana te sejunxisses, ut edito aliquo adversus illos scripto, plane nihil tibi cum ipsis commune esse, & dis-
 E sensionem gravem intercedere testatus esses. Quanto enim facilius fuerat inardescentem etiamnum flammam restringere, quam nunc, postquam in ingens adeo incendium evasit, extinguere? Ea itaque culpa, ut dicam quod sentio, ad te vel imprimis pertinet; si enim tu, dum tempus ad eam rem ferebat, necdum tam multi hoc malo correpti erant, hunc in Lutherum animum sumpsisse, quem nunc pra te fers, descendissesque in arenam, & ibi seriam & veram pugnantis personam gessisses, non esset quod laboraremus. Quia autem tu hactenus ita cum illo pugnavisti, ut apertum ei bellum nunquam intentaris, sed ex occulto tantum eum petieris, idque leniter, & cum prope in modum, quasi qui dedita opera ferire nolueris, diversa est hominum consequuta opinio. Quippe pars hostem Lutheri esse te, pars cum eodem colludere & in speciem simulare disensionem, re ipsa vero consentire existimaverunt; quem tu errorem & opinionem à te si amotam cupis, etiam atque etiam opus habebis, ut quamprimum te aperias, prodeasque tandem, & cum Luthero aperte con-
 F grediendo sententiam tuam orbi testatam reddas, simulque Ecclesiam à nefandissima hæresi vindices; quod si feceris, omnes te dignitati Ecclesiæ defuisse ac Evangelicæ sinceritati, & tui ipsius officii nullam rationem habuisse, omnes

An. omnes una voce clamabunt. Mosellanus noster diem suum
1524. obiit, sed nimirum ante diem. Fuit enim is vir summum
Lipsiensis Gymnasii decus. Atque utinam Deus ita com-
parasset, ut ille diutius meam liberalitatem experiri po-
tuisset; certe vix quicquam optatius mihi accessurum fue-
rat: sed cum aliter de eo statuit, necesse est a quo animo
feramus ejus mortem; demusque operam, ut aliquem in
ipsius locum suggeramus, qui & ipse Academiam meam
Lingua Græca & literarum literis illustret, & nostra ter-
ra homines ad virtutum & officiorum munera instruat.
Cujus generis si quem nosti, qui tamen omnino a factio-
ne Lutherana sit integer, eum cupio ad me mittas: fa-
cies enim in hoc nobis rem gratam, & illi non peniten-
dam. Bene vale. Ex Dresden 21. Maji, Anno à Chri-
sto nato 1524.

EPISTOLA DCLXXXI.

Vives Erasmo.

Ex Britannia discessi mense Aprili tantum ad ducendam
uxorem, jussu a Principibus & Cardinale eo redire
ad finem mensis Septembris; quod faciam, ni necessitas
aliqua & vis major impediatur, aut causa maxime ponti-
ca: ita enim sunt homines illi de me meriti, ut iniquum
sit me non obsecundare eorum voluntati, quum illi mul-
tis in rebus indulgeant mea. Feris Eucharistia subjeci
cervicem jugo muliebri, nondum mihi quidem gravi, &
quod cupiam adhuc excutere, sed eventum Deus vide-
rit. Hactenus nec mihi factum displicet, & iis omnibus,
qui nos norunt, mirifice placet; ut ajunt, nihil hic esse
multis annis actum tanta omnium approbatione. De illis
hominibus, in quos οἱ φίλοι οὐ ἐγκαλέουσιν, malum deplora-
tum: sed propemodum ἐν τέτοις χρόνοις ἀναγκάων, quibus
pessimum iere omnia: ἀλλὰ τὰντα ἐρανόθεν. Tu nisi agas quid
minime convenit, nihil egeris: sin egeris, corrumpes, quod
est in illo malum optimum. Omnia difficultates, in quas
te nomen implicat suum, ut non videaris posse cum decore
cessare, quin publicis rebus publica persona interponaris,
nullo tanto temperamento, quin aliter utros offendas, & for-
sitam utrosque. Fac memineris versum Ennii de Maximo.
Salutaris à Claymondo, & fere illa Academia nihil au-
divi multis diebus gratius quam Opera tua nostris quo-
que Hispanis esse cordi: spero fore, ut illis & simili-
bus assuefacti, mansuescant, exsuantque barbaricas ali-
quos de vita opiniones, quibus acuta quidem ingenia,
sed ignorance humanitatis, sunt imbuta, quas alii aliis
velut per manus tradunt. Nunciatum erat nobis in Bri-
tannia, te in Burgundiam migrasse, ut vino illo pu-
ro ac generoso curareris à calculo; alii te in Britanniam
venturum affirmabant: & audiui à quodam, fuisse te
indubie venturum si esses accersitus, quod utinam illic
rescisses, ea te res non diutius fuisset remorata, venisses
gratus optatusque Regi, Cardinali, & toti nobilitati:
sed si id statuis, incipe simul aliquid ἐκείνων μελέσθαι, a-
lister nonnullis corrugabis frontes, quorum imprimis conve-
nit tibi esse exporrectas: sed non dubito quin hisce de re-
bus, ut prudens potest, ita copiosius scripserit ad te
Morus. Me vero, mi praeceptor, scis paratissimum esse,
si qua in re possum tibi esse usui, quanquam vires exi-
guae, sed voluntas ingens. Frobenium mihi salutabis,
& Rhenanum. Vale etiam atque etiam, mi domine.
Brugis 16. Junii, Anno 1524.

EPISTOLA DCLXXXII.

Erasmus Roterodamus Christophoro Episcopo Basiliensi S. D.

REVERENDE Præsul, dum ego decanto miseri-
cordias Domini, corripuit me illius misericordia;
sed morti non tradidit me, licet nunquam fuerim mor-
ti vicinior. Exemplar primæ manus ad te mitto. Id
poteris aliquot diebus apud te retinere, quo per ocium
perlegas. Dignaberis admonere nos, si quid addi aut
mitti, si quid aliter tractari velis. Priusquam enim

* Jussus scribendum puto.

A Frobenio committamus excudendum, Opus sub incur-
dem revocabimus, ac reddemus paulo expolitius, for-
tassis etiam copiosius. Si videbitur, addemus præfa-
tiunculam, quæ facelli abs te instituti faciat mentio-
nem. Porro quemadmodum tuæ sanctissimæ volunta-
ti hac in re libenter sumus obsequuti, ita cupimus o-
mnia fieri ex animi tui sententia. Dominus Jesus ho-
norabilem senectutem tuam foveat sua clementia. Ba-
silea 20. Junii, Anno 1524.

EPISTOLA DCLXXXIII.

IN LEXICON.

Erasmus Roterodami Græca literatura candidatis S. D.

B CRESCENTEM, inquit Horatius, sequitur cura pe-
cuniam. Idem multo magis usu venit in liberali-
bus studiis. Quo plus hauseris, hoc sitias magis. Fa-
cit hoc felicissimus Græcarum literarum profectus, ut
Lexicon jam toties auctum nobis prodierit, nec desinat
tamen efflagitari. Debetur omnibus gratia, qui pro
sua quisque portione non nihil contulerunt. Quanquam
nulli minus debere puto, quam ei, qui, quo crescerent
paginae, multa hujus generis adjecit, Ἀσπὸν nomen pro-
prium, & Κόνεον nomen insulæ. Utinam Guillelmo
Budæo vel libuisset, vel vacasset huic negotio nonnul-
lam temporis portionem decidere, præsertim in anno-
tandis Græcorum tropis & idiomatibus. Nec enim est
alius Græcanica suppellectilis ditior. Maino non parum
debemus, ac male precamur invidiæ febri, quæ stu-
diosis eam utilitatem reddiderit maligniorem. Habes,
Lector, in hoc volumine quicquid diversis locis ac tem-
poribus ab aliis fuerat additum, ne his quidem præter-
missis, quæ nescio quis ociose, ut diximus, adjecerat.
Ad summam autem prius editorum accessit ingens vo-
cabulorum numerus, ex optimis Auctoribus selectus
per Jacobum Ceratinum, qui, quod est rarissimum,
exactam utriusque literaturæ peritiam cum incredibili
modestia copulavit. Hujus accessionem cum confer-
rem cum aliorum auctariis, quæ in proxima Gurmuni-
si editione fuerant addita (nam hanc Ceratinus noster
non viderat) miro modo vix ullam vocem ab hoc an-
notatam comperi, quam illi priores occupassent. Pau-
peris est numerare pecus, sed pauperius est numerare
dictiones. Satis multas adjecit Ceratinus, sed ingen-
tem fateberis thesaurum, si expendas quod accessit po-
tius quam numeres. Hic mihi obstrepet aliquis, opi-
nor: Os impudens, quid tu præfaris in labore alieno?
Dicam: Ceratinus impulsu nostro laboris hoc suscep-
erat, alioquin à nullo magis abhorrens. Qui nisi tam
procul abesset, haberes præfationem aliquanto minus
jejunam. Quanquam & ipsi dictiones adjecimus non-
nullas, adjecturi permultas, si vel paucorum dierum
ocium contigisset. Scimus hoc laboris genus esse mi-
nime gloriofum, præsertim quum pauci reputent,
quot Auctores sint excutiendi, ut voces aliquot ab aliis
præteritas feligas. Verum, hoc plus debetur illis gratiæ,
qui publicæ utilitatis gratia non detrectant ingloriam
ac molestiæ plenam industriam. Veterem Indicem,
qui verso dictionum ordine ex Latinis indicabat Græ-
cas, omisimus velut inutilem, ac nihil aliud quam one-
rantem volumen: Primum, ille, qualis qualis erat, mu-
lus erat, nimirum tantum eas dictiones complectens,
quas Aldus prima dedit editione. Qui si perficiatur, du-
plicari voluminis magnitudinem necesse est. Nec tamen
hujus ullum usum video, nisi si quis meditetur Græce
scribere. Atqui ea facultas ex Auctoribus petenda est,
quæ ex Dictionariis infeliciter peteretur. Aldus ipse
quondam à me rogatus, cur Indice tam operoso pari-
ter & ocioso duxisset onerandum esse codicem, nihil
aliud respondit, quam hac difficultate deterritus fuisse
editionis æmulos. Proinde nemo minoris æstimet hoc
volumen, cujus sarcinæ non nihil detractum est, uti-
litati multum accessit. Bene valete. Basilea 1. Julii,
Anno 1524.

EPISTOLA DCLXXXIV.

Bilibaldo suo Erasmus S. P.

An. 1524. **V**IR ornatissime, scripsi nuper per eum, qui fustiles imagines reddidit, simulque significavi, tuas literas hæcenus bona fide mihi redditas fuisse, quod videreris aliud suspicari. *Clemens* Septimus misit ad me diploma honorificum, cum honorario munere ducentorum florenorum, quos non accepissem, nisi nominatim expressisset, se misisse ob *Paraphrasin* inscriptam. Pollicetur & in posterum magnifice. Cardinalis *Campagnus* misit ad me proprios nuntios, quibus respondi, quæ mihi videbantur pro publica concordia facere. Quamquam, ut nunc agitur hæc fabula, ego nullam video catastrophem. Ita me *Iesus* bene amet. Res in dies serpit latius. Neutra pars agit de componendo diffidio: imo plerique nihil aliud agunt, quam ut oleum addant camino. In *Hollandia* mea passim fugiunt *Monachæ*, ac nubunt in Domino. *Carmelita* ille ex-auctoratus est & à *Cæsare* & à Pontifice. *Hulsius*, illius collega, vix effugit capitis supplicium. Studia foelicissime procedunt, frustra frementibus Theologia. Me clamant hæreticum; sed nemo credit illis. Scripsit ad me *Martinus Lutherus* per *Joachimum* quondam satis humaniter: cui non sum ausus pari humanitate respondere propter sycophantas. Respondi tamen paucis. *Melanchthon*, ut audio, cupiebat colloqui nobiscum; sed non audebat me gravare invidia. Ego certe eam invidiam contempsissem. Est juvenis ingenii candidissimi. *Argentorati* magnus est tumultus, etiam in Senatu. Noster Magistratus coepit moderatius favere *Lutheranis*: timent exemplum *Argentinensem*. *Oebani* libellus rursus exiit, per auctorem recognitus, & ni fallor, auctus: nondum vidi. Exiit & Epistola *Alberti* omnium stultissima. Ea non dubito quin sit *Busebii*, tametsi stylum, quantum potuit, dissimulavit: sed novi penitus illius ingenium. Is homo semper à me amanter cultus, ne verbo quidem unquam à me læsus est. Hujusmodi muscæ perdent unguentum & Evangelii & bonarum literarum. Hicce præstigiis delectatur *Epphendarpus*. Gaudet lædere, & vult me scire; sed sic, ut apud alios possit inficiari. Posthac non est animus talibus nænis respondere. *Roma* excusi sunt clam duo libelli *Stunica*: in quorum altero defendit Interpretem à solocismis, quos illi impegeram: sed interim dissimulat innumeros, quos tueri non poterat. Et hos quadraginta, opinor, sic tuetur: *Græca* est *ἀνελκὴρ* igitur Interpretes recte dixit, *manicata*: quia licet fingere nova vocabula. Aut reddidit figuram, aut *Hebraicum*: igitur non commisit solocismum. Nam in *Græca* est *ἐν τῷ*, ergo bene vertis, *per ten*, in *Adm*. In altero prodit, quid ex ipsius Annotationibus castigari, tacito ipsius nomine, quasi parum fuisset, illi libro respondisse, nisi totum Opus Annotationum inauspicato nomine contaminarem. *Roma* rideatur ab omnibus: & tamen homo sibi plaudit. Promittit enim, se non conquieturum, donec *Erasmus* agnoscat unum *Stunicam* præ cæteris exstitisse, qui ipsum vincat non solum in sacris Literis, verum etiam in prophanis. Pontifex tamen vetuerat excudi: nec audent vendere. *Clemens VII.* misit Legatum in *Angliam* quendam *Minoriam* Archiepiscopum, qui pacem indiceret Principibus: sed nihil egit. Itaque magnam pecuniæ vim à Rege oblatam recusavit accipere. Arbitror *Anglia* Regem jam trajecisse. Sic imus in *Turcas*. Jusserat *Cæsar* mihi solvi pensionem: sed excusant belli onera. Promittunt tamen cum scenore redeunti. Libens aliquo demigraro vel ob invidiam, qua me gravat amicitia *Frobenii* apud Typographos. Nondum statui; sed statuum brevi. Quando rumor Libelli *De libero arbitrio* sparsus est, ne quid suspicentur atrocius, opinor esse satius edere: nam ego rem ea moderatione tracto, ut

sciam, nec ipsum *Lutherum* indignaturum. Invisus *Bisuntinus*; sed affecti pituita vix revolavimus in nidum. Ubi revixissemus, sic adortus est calculus, ut nunquam antehac periculosus. Utor nonnunquam terebinthino. Balneis, quoniam non assuevi, non audeo me credere. Bene vale, vir incomparabilis. *Basilea* 21. Julii, Anno 1524.

Nasti manus tui mancipii.

EPISTOLA DCLXXXV.

Erasmus Rot. Joanni de Hondt, Canonico Curtracensi, S. D.

VIR optime, doleo te meis literis commotum fuisse. Nec in te quadrabat, nec *Bentino* fuit unquam apud me multum fidei. De suffraganeo quid dicat non laboro, qui *Brugis* bis in publica concione debacchatus est in nomen meum. Mitto ad te literas *Barbirii* posteriores, nam priores non accepi. In his testatur se infcio factum, quod alii numerata est pecunia. Ex quibus fructibus reddet, si (quod metumendum est) non obtineat sacerdotium? aut quos illius hæredes ego persequar? patitur tantum jacturæ nostra amicitia, sed nunc non patitur fortuna. *Cæsar* debet sexcentos florenos aureos ex pensione. Neque quidquam accipiam, nisi redeam in *Brabantiam*. Et fortasse ne tum quidem numerarent. Et interim excusavi me Regi *Galliarum* offerenti *Theaurariam*, ut minimum quingentorum coronatorum. O aulam nostram semper famelicam! Hæc scribo, ne posthac iterum fiat quod factum est, & pro tua humanitate adjuves, ut quamprimum redeat ad me dara *Molendino* pecunia. Bene vale. *Basilea* 26. Julii, Anno 1524.

EPISTOLA DCLXXXVI.

Erasmus Rot. Zacharia Doitaro Frisio S. D.

ISTVM animi tui erga meos candorem lubens exocularer, mi *Zacharia*, si tua fortuna par esset tui virtutibus. Nunc non opus erat tuas facultates, medicres ut arbitror, gravari impendiis, præsertim quum *Livino* non deessent pecuniæ, & à me in mandatis haberet, ne quid te gravaret sumptu. Non possum non vehementer amare senectutem *Thoma Lovelli* in linguis ac bonis literis reserescemtem, quum vultus hominum hoc ætatis soleat congerendis pecuniis inhiare. Munus, quod mittis, adeo gratum est, ut si centum *Marcas* misisset, non fuerint futuræ gratiores, quamquam non sine pudore accepi. Sed quis auderet recusare quod sic datur? *Πάντα*, inquit, *κονὰ φίλων*, & do non de meo, sed de patrimonio *Christi*, cujus, quum sit omnium commune, dispensator sum, non dominus. Hic nimirum animus est Evangelicus, & tibi, mi *Zacharia*, talem amicum gratulor, ita me Deus amet, ex animo. Egerrime cariturus sum *Livino*, tamen quoniam jam grandescit, nolui illi perire ætatem in obsequiis meis. Itaque decreveram illum mittere *Lovanium* meo sumptu, ut aliquot annis totus vacaret honestissimis disciplinis, ad quas est natura compositus. Nolim tamen illum esse scribam Cardinalis, ne pereat in aula. Si patietur eum *Lovani* studere cum suo ex fratre sororis nepote, non improbo. Sin minus, me certe improbante rem gesserit *Livinus*. Bene vale, *Zacharia* charissime. Saluta diligenter *Andream Smithium*, cui fortasse non vacabit scribere. *Basilea* 8. Augusti, Anno 1524.

EPISTOLA DCLXXXVII.

Erasmus Rot. Senatui Argentinensi S. P.

MAGNIFICI Proceres, ne vos diu teneam, Estistic *Joannes Scottus* typographus, qui pridem excudit libellum *Ulrici Hutteni*, in me scriptum, plenum manifestis mendaciis, addidit picturas odiosas. Nec

Ab. Nec hoc contentus, rursus clam eundem libellum, cum invektiva cuiusdam, in quo quicquid scurra aude-
 1524. ret in scurram dicere, congerit in me. *Me desertorem esse Evangelii, me corruptum pecunia bellum gerere ad-
 versus Evangelium, me frusto panis conducì posse ad quid-
 vi.* Quid oportet recensere? totus libellus, præter in-
 sana convitia, nihil habet. Ea res vehementer displicuit ipsi etiam *Luthero & Melanchthoni*, qui intelligunt nullos homines magis officere negotio Evangelico, quam tales. Expostulantibus amicis cur talia faceret, uterque respondit atrociter, minitans etiam acerbiora. Tandem, ut audio, monitus est etiam per aliquos ex magistratu, ne quid in posterum auderet simile. Ille contempto jure publico, quod detestatur libellos fa-
 mosos, contempta vestra civitatis saluberrima neces-
 sariaque constitutione, denuo excudit eundem libel-
 lum. An ego bene meritus sim publice de studiis, omnes norunt; pro Evangelio provehendo plurimum laborum & invidiæ sustinui. Omnia recusavi quæ mihi Principes obtulerunt, ut scriberem adversus *Lutherum*, imo mea malui perdere, quam ad affectus quorundam scribere, contra meam conscientiam. Tantum isti foederi nolui dare nomen, quum multis aliis de causis, tum ob hoc quod quædam in libris *Lutheri* non intelligerem, quædam omnino non probarem, præsertim cum in ista conjuratione viderem quosdam esse, quorum mores & molimina mihi viderentur longissime abesse à spiritu Evangelico. Nullus unquam à me læsus est, vel quia faverit *Luthero*, vel quia parum faverit. Nec typographus, nec libelli auctor unquam verbo à me læsus est. Non est vulgare crimen, accepta pecunia prodere Evangelium *Christi*. Si vestra æquitas non finit furem impunitum, hoc multo sce-
 leratius, tam petulanter impetere famam, vita quoque chariorem; si plectitur qui dat alapam alteri, quid commeretur qui sic debacchatur in famam hominis? Non postulo ut vestra celsitudo habeat rationem ætatis meæ, aut meritorum meorum erga publica studia, non favoris quem semper gessi erga civitatem istam, cui scio me plurimis officiis obligatissimum; tantum hoc admoneo prudentiam vestram, ut prospiciatis, quo tandem evasura sit talium hominum licentia, si quicquid libitum est impune licuerit. Si favetis Evangelio, isti perdunt Evangelium. Si favetis tranquillitati publi-
 cæ, isti nihil aliud sunt quam feminaria seditionum. Si vobis displicet legum publicarum contemptus, ut opti-
 mo jure displicet, omnes omnium gentium leges inter atrocissima crimina ponunt libellos famosos. Res ob-
 scura non est. Auctor facinoris uterque agit *Argentorati*, & profitentur factum. Nec ullum facient finem infaniendi, si possint vestra lenitate semper abuti. Ego meam injuriam possum ferre, sed hujusmodi libelli conciliant vestra civitati, cui ego ex animo bene vo-
 lo, non mediocrem invidiam, apud bonos viros ac Principes, quorum plerisque non sum invisus. Bene valete, generosissimi ac splendidissimi viri. *Basilea* 23. Augusti, Anno 1524.

EPISTOLA DCLXXXVIII.

*Erasmus Rot. Augustino Scarpinello, Ducis Mediola-
 nensis apud Anglos Oratori, S. D.*

Sic insculptus est animo meo *Scarpinellus* ille candi-
 diffimus & gratiarum antistes, ut ipse mihi citius excidero, ne tu putes opus, ut ullis argumentis mihi refrices tui memoriam. Voluptati fuit quod famu-
 lus meus nunciavit te bene valere. Nam *Wormaciense* Concilium, ut memini, conciliat tibi nonnihil adver-
 sæ valetudinis, & video multos Principum legationi-
 bus dum nimium immorantur immori. Sed quis te ge-
 nius adegit in *Britanniam*? Quomodo nos fata distra-
 hunt? Præfulem *Theatinum* attraxit *Roma*; ego fa-
 ctus sum *Elvetius*, tu *Britannus*. Utinam *ὀλέχευσον* te
 remittat *Britannia*. Miseret me *Mediolani*, præter tot
 bellorum calamitates, nunc sævissima peste laborantis.

A Plura scripsissem, sed ut vos *Mercurii* subinde alio at-
 que alio devolatis, verebar ne meæ literæ te istic non
 essent reperturæ. Verum ubicunque futurus est meus
Augustinus, precor illi fortunam eruditione non vulga-
 ri, moribusque sanctissimis pariter & candidissimis di-
 gnam. Nos vicissim, quæcunque exspectat regio, *Scar-
 pinellum* intimis animi recessibus penitus infixum cir-
 cumferemus. Bene vale. *Basilea* 30. Augusti, Anno
 1524.

EPISTOLA DCLXXXIX.

*Erasmus Rot. Hajoni Hermanno Frisio, juveni
 cum primis eruditio, S. D.*

B AMICE candidissime, sic age, sic pergito ranam
 agere, donec imperavero tibi silentium. Quid e-
 nim mihi tam eruditus, tam amicis epistolis possit acci-
 dere jucundius? Sed ut tribus verbis ad singulas epi-
 stolæ tuæ partes respondeam: *Lazarum Bayssium* gau-
 deo vehementer hoc præstitisse in vestibus, quod *Bu-
 dam* in asse. Cum primis autem exosculor hominis can-
 dorem cum exquisita conjunctum eruditione, quod
 inter literatos rarissimum est. Sciebam lænam esse ge-
 nus vestis, & suspicabar respondere *χλαίην*, verum vi-
 tabam dictionem primum minus notam, deinde anci-
 pitem. Penulam hybernā noverunt omnes. Mutabo
 tamen hunc locum ubi librum *Lazarum* videro, quod e-
 quidem opto ut quam primum fiat. Quod ad *ἀναξυρίην*
 pertinet, arbitrabar subligar idem esse quod braccas,
 aut aliquid certe simillimum, legeram apud *Juvenalem**,
 ni fallor, & subligar *Acci*. Cæterum utcunque hoc ha-
 bet, si quis errasset in vocabulo vestis, an hoc tibi vide-
 tur protinus conviciis exagitandum? Ac plane demiror
 si quis hodie de prisca vestium nominibus certo queat
 pronunciare, quum me vivo toties mutatas videam ve-
 stimentorum formas. Criticos istos, de quibus scribis,
 rideo, qui si vicissim ederent sua, invenirent fortassis &
 ipsi censores suos. Et tamen æquo animo patior mihi
 laudem detrahi, qui mihi nihil laudis arrego. Alicubi,
 sicut opinor, scripsi *Budam* cum *Hermolao* & *Politia-
 nis* certamen sustinere, & fortasse ἐν τῇ γῇ γράφειν ἑλ-
 λωσι primas illi tribui. Nec adhuc video quenkum
 qui tantum etiam possit ex tempore. Nam frequenter
 ad me scribit quavis de re totas *Gracas* aut semi-*Gracas*
 epistolas, idque ex tempore. Cæterum, quum essem
 in *Italia*, doctos omnes veneratus sum, nec quisquam
 à me contemptus est. *Angeli Colicii* nomen ne audivi
 quidem unquam, unde miror quod ille repererit inve-
 ktivæ argumentum. De *Italorum* ingeniis semper can-
 didissime & sensi & prædicavi. Ne *Casaliū* quidem
 novi, qui utinam docuisset certam Proverbiorum in-
 terpretationem, quam in me desiderat. De mali corvi
 malo ovo refero quod est in *Gracorum* commentariis,
 de cornicis oculis torquebar, & consulto uno aut alte-
 ro, nihil indipisci potui quod mihi satisfaceret. Nec
 mihi puto ignominiosum, si quis quid reperiat exa-
 ctius, in tanta rerum tum turba, tum obscuritate. De
 sene illo nihil admiror, eo ingenio natus est, ut ipse
 sibi literas invidet. Talis fuit ante annos xxv. nec
 morbus hic solet ætate reddi mitior. Cæterum quod
 addidit de *ἀνέσ*, quod sonet remitte, & *ἀφες*, cui re-
 spondeat *dimitte*, frivolum esse vel illud arguit, quod
Luca capite quinto & septimo, idem interpres, qui
 alias gaudet verbo *dimittendi*, ἀφίονται vertit *remis-
 tuntur*, non *dimittuntur*. Rursus in *Cantico Zacharia*,
 in remissionem peccatorum, Græce est ἀφίος. Iterum cap.
 3. eis ἀφες. Rursus *Levici* 25. annus remissionis dici-
 tur ἀφίος, non ἀνίος. Idem crebro comperies
Deuteronomii 15. Iterum apud *Ezechielem* cap. 46. ἀφε-
 sis est, non ἀνέσις. Ex his satis liquet quam non spectarit
 interpres quod senex iste ceu rem arcanam prædicat.
 Sed inepte facio qui colligam loca, ubi ἀφες verterit
 remissionem, quum nusquam vertat aliter. Secunda ad
Corinth. 8. ἀνέσις vertit remissionem, sed remissionem intel-
 Tom. III. Licet 2 ligis

* Satyr. vi. vers. 70.

An. *ligit relaxationem vita*, potius quam *condonationem peccatorum*. Cæterum demus aliquid interesse inter *doctos* & *doctos*, an ideo loquendum erat male *Latine*, *dimitte* pro *remitto*, quum sint tot voces *Latine*, *condona*, *ignosce*, *remitto*? Vides quam isti non serio cogitent de sacris Literis. Quod præcipito lucubrationes meas, ipse jampridem confessus sum hoc peccatum, & poenas de me fumo. Nunc excuduntur Epistolæ *Hieronymi*, in quibus plurima loca correxi. Ante annum exierant Proverbia, non paucis in locis vel locupletata vel castigata. Et est parata rursus editio nova. Id polliceor me facturum quamdiu vixero. Hæc nos molimur in publicam utilitatem studiorum, destituti codicum & eruditorum hominum adminiculis, dum interim isti, in tanta rerum copia, sibi habent quicquid habent. Si censent nihil edendum, in quo sit quod possit reprehendi, proferant nobis aliquem *Italum*, qui hoc præstiterit. *Theodorus Gaza* in nonnullis locis jure reprehensus est à *Trapezontio*, nec puduit eruditissimum virum ea mutare. *Hermolam* in præfatione *Themistii* vertenda, velut in ipso portu, quod ajunt, impegit insigniter. *Laurentius Valla* nonne locis aliquot evidenter labitur? Ne commemorem *Valas*, *Pios*, *Beroaldos* & *Raphaeles*. Dolet istis in vulgus spargi, quæ sibi magnis laboribus compararunt. Agnosco vocem isto sene dignam. Tanto magis optare debuit, ut fierent vulgo communia, ne periret tot annorum industria. Ego vero nunc mihi videor frui laboribus meis, postquam senex vincor à tam multis juvenibus: in hoc enim suscepi tantum vigiliarum. Sunt qui pro officio reponunt maleficiam; fateor, & experior in dies magis. At non est æquum ob ingratitudinem quorundam frustrari cunctos. Vel ingratum benefecisse bono viro dignum arbitror, sed multo magis *Christiano*. Nihil edunt isti, sed interim, ut ajunt, non decipiunt quenquam. Quis decipit? is ne qui locum depravatum indicat, & ubi non succurrit vetustus codex, addit suam conjecturam? An parum debent studiosi divinationibus *Hermolai Barbari* in *Plinium*? Nec ista molimur absque veterum exemplariorum præfidiis, ubi nancisci licuit, ne errent, qui me nihil aliud putant quam divinatorem. In *Seneca* fefellit nos amicus quidam, qui quod susceperat, præstare vel noluit, vel non potuit: (nam ipsi huic editioni non adfuimus) qui sentiens male navatam operam, exemplar denique mea manu notatum sustulit. *Pannonium* illum tot millia mendarum sustulisse ex naturalibus Quæstionibus *Seneca* sane gaudeo: nam in hoc Opus nullum erat exemplar vetustum. Tantum ad aliam editionem contulimus, neque quicquam mutavimus, nisi quod palam esset librariorum incuria depravatum. Divinationes margini adjecimus, quarum aliquot, ni fallor, ille non improbabit. Itaque si mendas prodidit, meas non prodidit. De *Plauto* apud *Aldum* castigato quadraginta aureis, næ iste modeste mentitus est: viginti duntaxat coronati numerati sunt, nec aliud susceperam quam castigationem versuum confusorum, idque præstiti in his in quibus carminis genus erat perpetuum. De mendis tollendis nihil receperam. In *Cypriano*, ubicunque suppetebat auxilium vetusti codicis, non dormitatum est, & vident totos libros additos, non modo versus. Si quid erratum est incuria typographi, præstare non potui qui tum agebam in *Brabantia*. In *Suetonio* nihil à me depravatum est, sed vetustissimi codicis fidem sequutus sum, nec ideo præclusa est via iis, qui plus utilitatis adferre possunt. Ex istorum igitur industria, si proferant sua, tantum abest ut ignominiam metuum, ut laudis etiam mihi nonnihil sim arrogaturus, certe hoc, quod istis dormitantibus calcar subjecerim. De styli formula nunquam fui superstitiose sollicitus. Sat est, si utcunque, non spurce loquens, intelligor. Quam vero veterem *Latini* sermonis formulam in me desiderant, quum inter veteres Scriptores tam multa sint phræcos discrimina? Quid convenit *Seneca* cum

A. *Quintiliano*? Quid *Quintiliano* cum *Cicerone*? Quid *Valerio Maximo* cum *Salustio*? Quid *Livio* cum *Quinto Curtio*? Quid *Ovidio* cum *Horatio*? Non obsto quominus alii mirentur dictionem *Pontani*, ego præter orationis non inane fluxum & verborum tinnitum, nihil in illo magnopere suspicio. *Marullus* mihi videtur nihil aliud sonare quam Paganismum. Et ob hoc ipsum fortassis istis gratior est *Marullus* quam *Mantuanus*. Oderunt *Christi* nomen, quod nostra barbaries utinam perinde sinceriter ac vehementer amplecteretur. Verum quid hæc ad rem? Ut palatorum ita ingeniorum semper fuere diversa judicia, nec ideo non cuique libera. Bella vero facetia de porrophago, quasi toties utar hac dictione, aut quasi utar tam inscite. Quod alius hoc, alius illud in me desiderat, bis morose faciunt. Primum qui ab uno requirant omnia. Denique qui requirant hoc à Scriptore quod non proficitur. Mihi satis est si in argumento suscepto sic verborum, ut præcurram superiores. Etiam si nominasset istum qui *Aleandrum Erasmus* præfert in omnibus, nihil erat periculi. Nam & ipse plurimum tribuere solco *Aleandro*, præsertim in literis, nihiloque magis me lædi puto, si doctior est, quam quod ditior est, aut formosior: nisi forte me tam invidum existimant, ut ægre laturus sim, si quis me sit sanctior. *Aleander* si amicus est, ego certe hominis ingenium amo, mihi quoque privatim gratulor, meum esse ducens quod habet amicus. Sin parum amicus, tamen gratulor publice studiis: nam spes est illum aliquando divitem istum eruditionis thesaurum orbi communicaturum. Quid audio? Negant *Hecubam* & *Iphigeniam* à me versas, sed alicubi repertas mihi vindicasse? Ubi repertas? In *Italia*? Jam *Badius* excudebat antequam adirem *Italiam*. Apud nos? Quis aliquid hujusmodi vidit? Bene habet quod supersunt adhuc qui mihi semper adfuerunt ista molienti, *Johannes Paludanus*, *Montjoins*, *Thomas Mornus*, *Thomas Linaccer*, *Guilhelmus Grocinus*, *Guilhelmus Latamernus*. Aliena pro suis usurpare non est *Erasmicum*, qui in cæteris satis declaravi meam ingenuitatem, adeo nihil alienum mihi vindicans, ut æquo animo feram me passim meis pennis vulnerari. Si parum respondent quæ vertimus in Proverbiis, causam nemo melius reddet quam *Aleander*, qui me vidit ex tempore tantum scribentem in hoc Opere, quantum illi excudebant. Excudebant autem singulis diebus senionem, hoc est geminum paginarum ternionem. Si videor aliquanto felicior in tragædiis, quam in Adagiis, causa in promptu est. Quum verterem tragædias, hoc tantum agebam, quanquam & tum sæpenumero centum versus unico impetu transtuli. In Adagiis eadem celeritate verti carmina qua profam. Postremo, quod me negant orthodoxum, ad id crimen respondebo, si isti nobis definierint, quid sit orthodoxus, & suum *Christianismum* proferant. Si non est orthodoxus, qui reprehendit aliquid in Episcopis aut sacerdotibus, nec *Hieronymus*, nec *Cyprianus* erit orthodoxus. Quis autem exspectabat, ut isti in me desiderarent pietatem? Cæterum quis divinasset hoc seculum exoriturum? *Romana* Sedes nulli potius acceptam ferre debet suam calamitatem, si qua est hic, quam istis qui sic adamant profanas literas, ut minus habeant *Christianismi*, quam illi ipsi quorum libris immoriuntur. Hæc morosis censoribus & malignis arroforibus responsa sunt, quorum odium te crebra contentione nolim exacerbare. Benevolorum catalogum libenter legi. Inter quos nullius nomen agnosco, præterquam *Sadoleti*, *Alcyonii* & *Coricii*. Loca, de quibus amanter admones, jam ante tres annos mihi restituta sunt, sed non ista tantum, ô bone. *Mindeffo* scribam si quid dabitur oculi. Posthac igitur exspectabo tuas literas *Grace* scriptas, quas scito mihi fore gratissimas. Video te feliciter quidem esse progressum, in hoc studiorum genere, verum immori te nolim, sed suaserim adjungere animum ad Philosophiæ studium. Novi enim

An. enim quantum abest à Christianismo, qui in bonis li-
 1524. teris, velut ad scopulos Sireneos consenscunt, præfer-
 tim apud Italos. Patavii sanctius vivitur, & habes vi-
 cinos Venetos, inter quos complures invenies citra pro-
 fessionem egregie doctos, præcipue Leonicum. De-
 creveram plane hybernare in Italia, sed pestilentia
 dissuasit. Excuditur nunc liber *De libero arbitrio*. Hic
 non me fugit quos crabrones irritarim in caput meum,
 qui Christum & Evangelium habent in ore, Satanam
 in pectore. Lutherus etiam ipse conatur illos cohibe-
 re, sed nihil agit. Bene vale. Basilea 31. Augusti,
 Anno 1524.

EPISTOLA DCXC.

Erasmus Rot. Theodorico Hezio S. D. N. Adriani
 Audum Secretario S. D.

MITTO ad te collationem *De libero arbitrio*, quam
 his diebus edidi, non ignarus quam non veria-
 rer in mea arena, quantamque tempestatem concita-
 rem in caput meum, attamen declarare volui, mihi
 certe promptam voluntatem non deesse. Favor Lu-
 thberi in dies latius serpit. Jam Galli quidam magis in-
 faniant quam ulli Germani. Omnes habent in ore quin-
 que verba, *Evangelium, verbum Dei, Fidem, Christum,*
 & *Spiritum*. Et tamen hic tales video multos, ut non
 dubitem quin agantur spiritu Satanæ. Utinam hic tu-
 multus à Luthero excitatus, veluti violentum pharma-
 cum, adferat nobis aliquid bonæ sanitatis. Texuif-
 sem tibi longam historiam rerum, quæ hic geruntur
 per Lutheranos, ut vocantur, quum hoc etiam co-
 gnomine sint indigni, si vacasset. Cura valetudinem
 tuam, vir optime. Basilea 2. Septembris, Anno 1524.

EPISTOLA DCXCI.

Erasmus Roterodamus Francisco Molino, Episcopo
 Condoniensi, S. D.

V TINAM saxum essem quemadmodum scribis, vel
 advolverer istuc, si non ob aliud, certe fruiturus
 tuis istis longe candidissimis moribus. Nunc totus sum
 vitreus, aut si quid vitro fragilius. Nihil moror epi-
 scopas, quas promittit regia Majestas: exhaurirent me
 præsentē pecunia, quæ satis exigua est: onerarent me
 ære alieno, involverent curis, eriperent hanc liberta-
 tem, sine qua non viverem triduum. Et thesauraria
 episcopatus est. Novi hoc corpusculum, novi hunc
 animum. Jam unum atque alterum mensem non sen-
 si cruciatum calculi. Id vino debeo, quod nuper sum
 nactus. Rex totus est in rebus bellicis, quem tu quo-
 que cogis sequi, & instat hyems. Sunt & aliæ cau-
 sæ, quæ mihi propemodum persuadent, ut expecte-
 mus hirundinem. Interea per literas confabulabimur.
 Hyems, uti spero, sedabit istos bellorum æstus, tum
 isthic nidulabimur *Alcyones*. Regi Christianissimo non
 desines me commendare, cui coelibatum accessisse do-
 leo, quasi parum haberet malorum tanta bellorum
 tempestas. Virtus ejus promerebatur fortunam secun-
 diorem. Bene vale. Datum Basilea 2. Septembris,
 Anno 1524.

EPISTOLA DCXCII.

Thoma Card. Eboracensi Erasmus Rot. S. D.

SERENISSIMI Regis tuamque sequutus auctori-
 tatem, protinus & absolvi & edidi libellum *De libero*
arbitrio, facinus audax in Germania, ut nunc quidem
 res habent. Temperavimus à conviciis, ne merito
 possint irritari. Quod si, ut solent, contumeliose re-
 sponderint, seipfos gravabunt, non me. Jam aliquot
 libelli provolarunt in caput meum, sed spero hoc il-
 lis non semper impune fore. Opus hoc nemini volui
 dicare. Clamassent ilico me conductum in gratiam
 Principum hæc scribere, itaque & magis illos provo-
 cassent, & Operi derogassent fidem: alioqui vel tibi

A dedicassent, vel summo Pontifici, qui misso diploma-
 re humanissime, atque etiam ducentis florenis aureis, 1524.
 egit gratias pro inscriptione Actorum. Non arbitratus
 sum hanc occasionem dandam malis, qui vel sine oc-
 casione maledicunt. *Livium* meum tuæ celsitudini
 placere gaudeo. Apud me sat feliciter processit in ut-
 traque literatura. Caterum amplas fortunas illi dare
 non possum. Natus est ad liberales disciplinas, &
 quanquam mihi vehementer necessarius erat, tamen
 magis habui rationem commodorum illius, quam inco-
 rum. Potest adjuvare studia cognati tui in Academiâ
Lovanensi. Amplitudini tuæ facillimum erit illum di-
 tare, tantum id rogo, ut illi relaxes satis ocii ad lité-
 ras, quo doctior evaserit, hoc futurus est utilior, tum
 tibi, tum tuis. Mitto libellum *De libero arbitrio* celsi-
 tudini tuæ, alterum regię Majestati, cui dignaberis
 me semper commendare. Quod in *Laviniam* contule-
 ris, in me collarum arbitrabor. Promisso munere ago
 gratias. Datum Basilea 2. Septembris, Anno 1524.

EPISTOLA DCXCIII.

Erasmus Rot. Hieronymo Aleandro, Archiepiscopo
 Brundusino, S. D.

VIR eximie, rursus quereris, quod te literis meis
 traducam. Imo jam tribus aut quatuor locis in lu-
 cubrationibus meis honorificentissimam facio tui men-
 tionem, quæ res apud Germanos mihi summam con-
 flavit invidiam. Quod olim nonnihil questus sum per
 literas apud amicos, novum videri non debet, quum
 non ignorarem, quam hostiliter me primum impete-
 res. Vidi literas, quas scripseras *Leodienfi Episcopo*, quæ
 me præter causam satis odiose attingebant. Mox ani-
 mum tuum iniquiorem in me magis exacerbavit atra-
 tus ille omnium qui vivunt sceleratissimus ac menda-
 cissimus: cujus tamen res erant in eo statu, ut potue-
 rim illum verbo perdere. Itaque & tu fugitabas col-
 loquium nostrum, & Præsul ex eo tempore factus est
 parum amicus. Nec enim nescio quæ dixerit in con-
 cilio *Wormaciensi*, nec hodie sui dissimilis est. Porro
 quæ tu passim prædicares de me *Agrippina*, etiam *Pol-
 lioni* & *Ungari* mihi narrabant in viis obvii. Certe ille
 tibi notus, qui jamdudum est patriarcha novæ eccle-
 siæ *Argentorati*, nunc etiam novus maritus, nihil non
 vel scripsit, vel narravit. Quin ex *Glapione* cognovi
 quam atrociter detulisses me apud Cæsarem, idem hic
 narravit præter cæteros Episcopus *Argentinenfis*. Por-
 ro quod postea sublevaris, habeo gratiam, & hoc pã-
 triarcha mihi narravit, sed sic ut eam laudem sibi ven-
 dicaret. Nec obscurum est mihi quam odiosas censu-
 ras de me ferant eruditi quidam *Roma*, quibus tamen
 leviter commoveor. In eruditione facile cedo omni-
 bus. Certe apud nostros barbaros tempore parum fe-
 lici, non omnino infelicitè promovi recta studia, quæ
 tibi quoque non parum debent, nec tu minus illis.
 Quod si voles nos tuis etiam lucubrationibus adjuva-
 re, videbis *Erasmum* candidum applausorem tuæ glo-
 riæ. Nec dubito quin inter nos pulchre conveniret,
 si liceret convivere. Est istic *Angelus* nescio quis,
 qui scribit invectivas in me: sunt qui vocent *Luthe-
 rum Erasmianum*: sunt qui nimis impudenter jactant
Hecubam & *Iphigeniam* à me non versas, quum tot
 sint qui viderint me sudantem in hoc pistrino: sunt
 qui dicant me in *Hieronymo* tantum divinasse, quum
 frequenter citem vetusta exemplaria, quæ ubi desti-
 tuunt, sic divino, ut admoneam lectorem, non fal-
 lam. In *Cypriano* versus à typographis omissos mihi
 imputant: nam non aderam editioni. In *Seneca* qui-
 dam, ut scribunt, emendavit tria millia mendorum
 in Opere *De naturalibus questionibus*. In hoc Opere
 non succurrebat ullum exemplar vetustum. Et totum
 hoc negotium commissum erat cuidam, cui creditu-
 rus eram etiam vitam meam, is rem absente me pessi-
 ma fide gessit. Ubi sensit me queri, sustulit exemplar
 meâ manu notatum, ne convinceretur. Epistolæ *Hie-
 ronymi*

An. *ronym* modo sunt rursus editæ, plurimis locis emen-
 1524. datis. Præcipitandi culpam agnosco, nec possum in-
 ficiari, sed interim provehantur studia: si quis adfe-
 ret climatiore, non habet cur in me debacchetur, qui
 quod potui præstiti. *Errasmus Roma* vocor, quasi ve-
 stri Scriptores, non dicam *Pios & Beroaldos*, sed *Her-*
molans Barbarus & Politianus nusquam lapsi sint. Fin-
 gunt me hostem *Italia*, quum nemo candidius prædi-
 cet de ingeniis *Italorum*. Quadraginta aureis condu-
 ctus male castigavi *Plantum*, imo pactus coronatis vi-
 ginti, tantum cursim perlegi, ut distinguerem versus,
 ubi genus carminis esset perpetuum, de mendis tol-
 lendis nihil receperam. Itaque quisquis hic præstite-
 rit operam, nihil habet rei mecum. Aliaque permul-
 ta dicuntur istic à morosis censoribus, in quibus non-
 nulla sunt quæ videntur abs te profecta. Nam quod
 quidam te mihi præfert in omnibus, etiam in re Theo-
 logica, non arbitror ad meam ignominiam pertinere,
 non hercule magis, quam quod ditior es, aut formo-
 sior. Hoc ipsum abunde gloriosum est mihi, vel con-
 ferri tecum. Sed de his jam nimis multa. Esto li-
 berum cuique suum de me iudicium, modo me pa-
 tiantur esse orthodoxum. Hæc liberius ad te scripsi,
 nactus notum ac certæ fidei *χαρμηλοφόνον*. Sit igitur
 inter nos omnium illorum *αἰωνία*, & senties *Erasmum*
 constantem & candidum tuæ gloriæ fautorem. Bene
 vale. *Basilea* 2. Septembris, Anno 1524.

• EPISTOLA DCXCIV.

Erasmus Rot. Joanni Matthæo Giberto, Clementis VII.
Datario, Episcopo Veronensi, S. D.

SCRIPSI pridem per *Ennium* Episcopum *Verula-*
num, nec dubito quin, ut vir ille semper nostri se
 declaravit amantissimum, præstiterit, ne vel fidem, vel
 diligentiam in ipso possum desiderare: attamen quo-
 niam in rebus humanis varii casus incidunt, nactus
 hunc mihi probe notum *Hermannum Blavium*, ejus-
 dem epistolæ exemplar mitto denuo. In prioribus li-
 teris erratum erat in titulo tui nominis. In iisdem ad-
 junxeram quædam manu mea, satis libere, sed quæ
 dicas non omnino temere dicta, si spectes statum *Ger-*
mania, quam vix possum oratione depingere. Mite-
 scerent, opinor, si mox quædam relaxarentur. Si res
 tentetur sævitia, nescio quem exitum sit habitura: &
 tamen sunt complures in hac fabula, qui nihil aliud
 conari videntur, quam ut omnia tumultu misceant.
 Mitto libellum *De libero arbitrio*, & eadem ferme æta-
 te è musico factus retiarius in arenam prodeo, qua *Pu-*
blius Mimographus prodiit in scenam. Hoc laboris ne-
 mini visum est dicare, quanquam eram submonitus ut
 dicarem Cardinali *Eboracensi*. Clamassent illico, me
 conductum aut aliquid venantem, in gratiam Principi-
 pum hæc scribere. Itaque & Operi detraxissem fidem,
 & irritassem crabrones satis sua sponte infanientes.
 Absque convitiis rem tracto, ut si illi conviciis agant,
 evidentius sit quo spiritu agantur. Non me fugit,
 quantum tempestatum excitarim in caput meum. Sed
 certum est omnia persequi potius quam dare nomen
 huic conjurationi, in qua video multos tales, ut nec
Lutherus eos ferat. Repererunt novum dogma, ut
 obsistentes Euangelio, sic enim illi loquuntur, furio-
 sis ac mendacibus libellis, absque titulis, aut falsis ti-
 tulis obruant. Habent suos quosdam typographos, ha-
 bent distractores huic negotio devotos. Jam aliquot
 tales libelli provolarunt in caput meum, exspecto quo-
 tidie plures. Admonui tamen Senatum *Argentensem*
 & *Basiliensem*, ut horum sceleratam audaciam coer-
 ceant. Uterque promisit se digna. Minus illorum si-
 cas metuo quam libellos. Nihil enim facilius, quam
 quodvis crimen in hominem confingere. Nihil au-
 tem his temporibus tam impudenter fingi potest, quin
 inveniatur plurimos, qui arrideant, ob infana partium
 studia. Ab his intemperis, nec Pontificis auctoritas,
 nec Cæsaris potestas nos potest defendere. Rursus ea

est quum ætas hæc, tum valetudo, ut nec Cæsar, nec Pontifex me beatum reddere queat. Quisquis enim
 nunc episcopatum aut dignitatem dederit, nihil aliud
 dederit quam farcinam mox emorituro. Eoque magis
 adnitendum est mihi, ut hac in re sinceram præstem
 conscientiam, in quo sciens non fallam. Quod si pars
 utraque jus suum mordicus tueri pergat, vereor ne ta-
 lis oriatur pugna, qualis fuit inter *Achillem & Hecto-*
rem, inter quos pariter feroces ira fuit capitalis, quem-
 admodum ait *Flaccus*, ut ultima divideret mors. Scri-
 psit ad me *Nicolaus Marvillanus*, *Clementis* animum
 nescio quibus de causis alieniorem factum ab Academia
Lovanienfi, proinde rejicere preces ambientium con-
 firmationem veterum privilegiorum. Primum, hic il-
 lud velim præfari, vir clarissime, hac in causa mihi nec
 meti, nec feri: tamen qui huc instigant Pontificem,
 fortassis servientes privatis affectibus, mea sententia
 non optime consulunt illi. Satis odii constat illi. Pontificio nomini, etiam si nihil accedat. Nihil au-
 tem odiosius, quam revocare quod majorum benigni-
 tas indulgit, quæ potius dilatarum consuevit. Et decet
Clementem suo nomini respondere. Adde quod hæc
 Academia est unicum ornamentum Cæsareæ apud nos
 ditionis, sic florens omni genere studiorum, ut non
 cedat *Parisiensi*. Nec ulla minus infecta est *Lutherano*
 negotio. Nec enim illi debet imputari, quod *Nico-*
laus Egmondanus causam Pontificiam infelicititer gessit.
 Quid enim aliud faceret homo natura fatuus, nec ad-
 modum doctus, moribus inamoenis, præfracti animi,
 impotenti impetu, nec alio spectans quam ad suum
 commodum. Itaque quod evenit, futurum prædixe-
 ram *Aleandro*, pernoveram enim hominis ingenium.
 Huic *Adrianus* Sextus misso diplomate imposuerat si-
 lentium de me: nam in prælectionibus publicis, in
 concionibus deblaterabat, quæ nec *Orestes* furens di-
 ceret in quenquam: nunc *Adriano* mortuo cœpit de-
 nuo gannire, sed ridetur ab omnibus. *Clemens* in di-
 plomate suo pollicetur animum, quem nunc habet,
 constantem: ego vicissim polliceor, quicquid officii
 præstare potest addictissimus filius optime merito pa-
 tri. Bene vale, vir eximie, & istum candidissimum a-
 nimum in me tui favorem obtine. Ubi se dabit oppor-
 tunitas, nos vicissim dabimus operam, ne penes ho-
 minem omnino ingratum collocasse videaris tuum offi-
 cium. Datum *Basilea* 2. Septembris, Anno 1524.

EPISTOLA DCXCV.

Erasmus Rot. Georgio Duci Saxonie S. D.

ILLUSTRISSE Princeps, quod hætenus tuæ
 Celsitudinis hortatibus non paruerim, quum alia
 multa, tum duo præcipue in causa fuere: primum,
 quod non solum me viderem & ætate & ingenio im-
 parem huic periculosissimo negotio, verum etiam
 quod miro quodam naturæ sensu ab hujusmodi gladi-
 atoris pugnis abhorrerem. Quid enim his libellis, qui
 nunc undique provolant, agitur, nisi quod agi solet
 in arena gladiatoria? Deinde quod perpenderem *Lu-*
therum, qualis qualis est ejus doctrina, quoddam esse
 necessarium malum, in undiquaque corruptissimis Ec-
 clesiæ rebus, atque ex eo pharmaco quamvis amaro
 ac violento optabam, ut aliquid bonæ sanitatis nasce-
 retur in corpore populi *Christiani*. Nunc quum com-
 perio plerisque hanc meam moderationem interpreta-
 ri collusionem cum *Luthero*, cum quo nihil unquam
 mihi fuit secreti fœderis, simulque cum video sub
 prætextu Euangelii, subnasci novam gentem, proca-
 cem, impudentem & intractabilem, breviter talem, ut
 nec *Lutherus* ipse ferat, quanquam illi eadem impro-
 bitate, qua contemnunt Episcopos & Principes, con-
 temnunt & *Lutherum*, prodimus in arenam eadem fer-
 me ætate, qua *Publius* Mimographus prodiit in sce-
 nam, quæ res quam mihi sit futura felix nescio; cer-
 te opto ut Reip. *Christiana* sit felix faustaue. Mitto
 tuæ Celsitudini libellum *De libero arbitrio*, de quo vi-
 di

An. di pridem tuam eruditissimam epistolam. Addidit mihi suis literis calcar serenissimus *Anglia Rex*, & *Clementis VII.* sed longe vehementius istorum quorundam rabularum improbitas, qui nisi coerceantur, simul & Euangelium & bonas literas subversuri sunt. Ego Phariseorum tyrannidem tolli cupiebam, non mutari: quod si servandum est, malim Pontifices & Episcopos, quales quales sunt, quam istos quosdam sordidos *Phalarides*, illis omnibus intolerabiliores. Exspecto tuæ Celsitudinis iudicium, cui precor omnia felicia. *Basilea 4. Septembris, Anno 1524.*

EPISTOLA DCXCVI.

Erasmus Cutherto Tonstatio, Episcopo Londoniensi, S. D.

VERBORUM ne videar improbus & obstreperus, si toties agam gratias, quoties tu provocas, ut debeam. Jacta est alea. Exiit libellus *De libero arbitrio*, moderatissime quidem ille scriptus, sed qui gravissimos tumultus, ni fallor, sit excitaturus. Jam aliquot libelli provolarunt in caput meum. At tamen timent, oderint dum metuant. Retexui pleraque. Cuperem ut per ocrum perlecto libello scriberes mihi sententiam tuam, ut soles, amice. *Joannem Damascenum* hic nusquam potui nancisci. Non misi aurum, cujus scio tibi domi esse vim immensam, sed novitatem. Sic fluxit in terræ venis ut vides. Si quid mihi accideret humanitus, perisset. Nunc in tuto posui. Dum istuc ageret meus famulus, sic periclitatus sum calculo, ut plane sperarem malorum finem. Nunc vinum natum novum, unum atque alterum mensem meliuscule habeo. Rex *Galliarum* incredibili est in me affectu. Expector. *Thesauraria Turonensis* parata est, *τὸ ὑλάχιον* quingentorum coronatorum. Præmisi *Hilarium* meum. Sed dum cogito Regem esse totum in bellis, instare hyemem, valetudinem aliquanto commodiorem, sed quæ quamlibet facili occasione posset periclitari, postremo dignitates ejusmodi mihi nihil aliud esse quam bovi elitellas, propemodum decrevi hic hybernare. Accedit & illud, si quo nunc migrarem, clamarent omnes *Lutherani*, me cessasse metu. Præstat in primo fremitu adeste. Si cupis tuum Opus excudi, agam cum *Frobenio*. Nondum enim egi serio. Bene vale, Præsulum optime. Datum *Basilea 4. Septembris, Anno 1524.*

EPISTOLA DCXCVII.

Erasmus Roterodamus Guilhelmo Archiepiscopo Cantuariensi S. D.

AMPLISSIME Præsul, arbitror tibi redditam imaginem pictam, quam misi ut aliquid haberes *Erasmii*, si me Deus hinc evocaret. Mense Aprili graviter periclitatus sum pituita, vix convalueram, successit calculus, tam atrociter, ut omnino sperarem malorum finem. Nunc aliquanto commodius habeo. Hac seribo, quo magis mihi gratuleris, cui scio meam incolumitatem anxie cordi esse. Siquidem, ut scribis, me periclitante conuectis, & rursus, me victore, recipis animum. Quod me jubes esse forti animo, si mihi cum una acie dimicandum foret, utcunque sustinerem belli molem, nunc cum triplici exercitu res est. *Roma* quidam, qui literas Ethnicas adamant, misere mihi invident, quemadmodum literis suis significant amici. Theologi quidam ac Monachi nihil non moluntur quo me perdant. Sed nulli fremunt insanius, quam isti qui se *Lutheranos* appellant, quum horum intemperias detestetur etiam ipse *Lutherus*. *Clementis* Septimus misit honorificum Breve cum centum angelatis, majora pollicens: *Synica*, qui nullum insaniendi finem videbatur facturus, silentium imposuit. Regum amicitiam hactenus alui. Rex *Galliarum* *Franciscus* incredibili est in me affectu. Rursus vocor in *Galliam*. Parata est jam pridem *Thesauraria Turonensis*, ampli proventus; sed tales sarcinas nihil moror, & libertatis

Aavidus, & brevi moriturus. Amat ac favet *Ferdinandus*, qui jam sæpe scripsit, ac nuper misit centum aureos. *Polonia* mea est, & apud *Hispanos* fato quodam incipio esse graciosus. A *Lutheranorum* arena lubens abstinuissim, idque hactenus totis viribus sum conatus, sed jam pridem ab amicis spes erat injecta Pontifici ac Regibus, fore ut aliquid ederem, eamque spem & ipse utcunque pollicitis abieram. Si nihil prodisset, habuissim illos insensos, quibus visus fuissim obtrudere palpum. Simulque, quoniam rumor libelli prodituri jam apud omnes sparsus erat, *Lutheranos* habuissim iniquiores, qui vel metu me premere libellum prædicassent, vel atrocius aliquid quam res habet expectassent. Certe sic obturavero os istis, qui Principibus omnibus hoc persuadere conantur, mihi per omnia convenire cum *Luthero*. Hoc quidam conantur odio mei, quo me Principibus reddant invisum, quidam ut meo periculo causam *Lutheri* reddant vincibiliorem. *Hieronymum* ad te mitto, nondum poterat compingi ob recens atramentum. Sacerdotum nihil moror, modo Deus velit te mihi superstitem esse. Accepi his decem libras, alteras quas ex *Porkino* reddidit *Hispanus Duffa*, ni fallor: alteras attulit huc *Franciscus Baxmannus*, nactus isthic ex bibliopola quodam, quum nihil rerum mearum illi velim committi. Pro aucta pensione habeo gratiam. Male sit istis bellis, quæ nos toties decimant. Atqui arbitrabar pensiones esse liberas ab exactionibus. Equum accepi non admodum pulchrum, sed bonum, caret enim omnibus peccatis mortalibus, excepta gula & accedia: & ornatus est omnibus virtutibus boni Confessoris, pius, prudens, humilis, pudicus, sobrius, castus, & quietus, neminem mordet, nulli occalcitrat. Suspicio ministorum vel dolo, vel errore factum, ut alius equus veniret pro eo, quem tu mitti jusseras. Nihil mandaram famulo de equo, nisi si quis forte daret ultro bellum & commodum. Et tamen pro animo tuo summam habeo gratiam. Ego de vendendis equis cogitabam, quando jam eques esse cessi. Famulo meo succenseo, qui injussu meo hoc ausus est, cujus incuria pervenit huc equus longe deterior. Quod aliquid boni promittis extra conspectum malorum, quid sit non satis intelligo. Si Deus dederit vitam, fortasse proximo vere fruar alloquio celsitudinis tuæ. Vehementer gaudeo, Epistolas *Hieronymi* feliciter abspexas, nam in his plurima restitui. Cætera quoque volumina sequentur, si convenerit inter typographos: nam res est immensi sumptus, nec unius hominis. Dominus *Jesus* te servet incolumem, optime *Adocenas*. *Basilea 4. Septembris, Anno 1524.*

EPISTOLA DCXCVIII.

Erasmus Rot. Joanni Episcopo Roffensi S. D.

REVERENDE Præsul, moerens ac dolens hoc verbum legi in epistola tua, *Utinam vivum me reperias liber*, &c. Auxit famulus dolorem, qui nunciavit affligi te adversa valetudine. Nihil indulges isti corpusculo. Suspicio magnam tuæ valetudinis partem nasci ex loco. Nunc enim medicum agam si pateris. Mare vicinum, & lutum subinde maris decessu nudatum, eosum exasperat. Et habes bibliothecam undique parietibus vitreis, qui per rimas transmittunt auram subtilem, & ut medici loquuntur, colatam, pestilentem raris & imbecillis corpusculis. Nec me fugit quam assiduus sis in bibliotheca, quæ tibi paradisi loco est: ego si in tali loco commorarer tres horas, ægrotarem. Magis conveniret cubiculum pavimento ligneo, & parietibus undique ligno contabulatis. Spiran enim latores & calx noxium quiddam. Scio pie viventibus mortem non esse formidabilem, sed totius Ecclesiæ refert, talem Episcopum esse superstitem in tanta bonorum inopia. Quomodo valeat *Erasmus* non perinde refert. Id tamen si cupis cognoscere, Calculo nunquam sum gravius periclitatus, quam mense Ma-

AN. MAJO. Nactus aliud vinum, jam mensem unum aut alterum mitius habet me calculus. Gratularis mihi triumphos, quomodo triumphem nescio, certe triplex sustineo certamen; Cum Paganis illis *Romanensibus*, qui mihi misere invident; Cum Theologis quibusdam ac Monachis, qui nullum non movent lapidem ut me perdant; Cum rabiosis quibusdam *Lutheranis*, qui fremunt in me, quod unus, ut ajunt, remorer ipsorum triumphos. Remoror autem, quod nolim capitis mei periculo profiteri totam *Lutheri* doctrinam, in qua multa sunt quæ non assequor, multa de quibus ambigo, multa quæ, etiamsi tutum esset, non auderem profiteri, propter conscientiam. Optarim ex hoc tumultu, quem *Lutherus* excitavit, velut ex amaro violentoque pharmaco, nasci bonam aliquam sanitatem Ecclesiæ. Et tamen quum video quorundam malitiosos mores, qui nunquam non crepant nomen Euangelii, prælagit animus infelicem & cruentum exitum. Factio crescit in dies latius, propagata in *Sabaudiam*, *Lotharingiam*, *Franciam*, atque etiam *Mediolanum*. Tumultuatur & *Burgundia* nobis proxima, per *Phallicum* quendam *Gallum*, qui è *Gallia* profugus, huc se contulit, homo rabula, effreni tum lingua, tum calamo. Cessit hinc, nec opinor rediturum, sic rem gessit, ita quondam solent Euangelii præcones. Admoveram manum Operi, quod efflagitas, nec solus efflagitas, sed morbus extrema minitans, & alia quædam quæ inciderunt, coegerunt intermittere. Huic negotio sumam hanc hyemem volente Deo. Quanquam decreveram posthac à contentiosis dogmatibus abstinere, & vertendis *Græcis* ac profanis argumentis, sed ad mores non infrugiferis, ocium fallere. At in ratione concionandi cogor quædam indicare, quæ perperam fiunt à quibusdam concionatoribus, tum attingere aliquot Theologorum dogmata, tuis tamen auspiciis accingar. Edidi libellum *De libero arbitrio*, haudquaquam nescius quam non versarer in mea arena. Sed Principibus jam data spes erat, apud quos me videbam per inimicos periclitari, eam ego spem literis confirmaram. His visus fuisset dare verba, si nihil prodisset; & *Lutheranis* odiose provocantibus visus fuisset metu conticescere, & atrocius aliquid expectantes, acrius, quam sæviunt, sævissent. Nec defuissent qui me jactassent ex pacto silere, quod jam intelligerem sparsam per nescio quos Epistolam, qua *Lutherus* mihi deferebat pacem: sed hac lege, si non ex professo impugnarem ipsius dogmata, etiam sicubi nomen ejus aliquo dicto perstrinxissem. Sic erat in fatis meis, ut hoc ætatis ex musico fierem gladiator. Dominus *Iesus* conservet te, Præsul optime & patrone unice. *Basilea* 4. Septembris, Anno 1524.

EPISTOLA DCXCIX.

Erasmus Roterod. Pacao suo S. D.

PLANE confido, qui tui est ingenii candor, mi *Pacae*, te perpetuum amicum futurum: nec ob id descisces ab amicitia, quod tanto sis felicior. Atque utinam sis multo etiam felicior. Si commentarii nostri jam advecti sunt, ut puto, fac diligenter recondas, aut, quod malim, apud *Morum* deponas, donec reposcam. *Linacrum* fac in amicitia retineas, & si fieri potest etiam *Grocium*. Non hæc scribo, quod vel metuam aliquid, vel quicquam ab illis expectem commodi, sed quod tales viros perpetuo velim amicos. Non egent illi meis præconiis, illud tamen ausim dicere, nec inter *Anglos* esse, qui de illis vel senserit magnificentius, vel prædicaverit honorificentius, quam *Erasmus*. Et non libet meminisse, quid uterque, haud scio quorum instinctu, in nos molitus fuerit, id quod ipsa re comperi, non suspitione conjeci: quanquam olim jam idem olfeceram. Sed homines sumus, ego semper ero mei similis, & huic injuriæ tot opponam illorum benefacta. *Linacri* feci honorificam mentionem in scholiis *Hieronimianis*. Nil magnum sit, si contempnam, contemptus; si oderim, odio habitus. Illud lite-

ris est dignius, officiis certare, non odiis. Apud Cardinalem *Eboracensem*, quoties inciderit commoditas, fac *Pacuum* agas. Cura ut recte valeas. *Basilea* 4. Septembris, Anno 1524.

EPISTOLA DCC.

Erasmus Roterod. Richardo Bero, Abbati Glasconienfi, S. D.

OLIM persuasus à *Richardo Pacao*, qui mihi, quum ageremus *Ferraria*, sæpe prædicabat tuam erga literas benignitatem, venabar & ipse notitiam amplitudinis tuæ. Verum ea venatio mihi parum successit, fortassis ob hoc, quod uterer cæco duce, videlicet *Bernardo* illo *Andrea Gallo*, quondam *Arturi* Principis optimi non optimo præceptore. Itaque quoniam eram cæcus, quia non noveram amplitudinem tuam, & cæco duce sum usus, factum est ut ambo in foveam deciderimus. Præterea facellanus tuus, qui prodierat ut nos salutaret, multa odiose disputabat de libro quem adferebam: putabat enim esse argumenta *Hieronimi*, quæ tractassem stylo politiore, quasi divus *Hieronymus* mihi non satis polite loquatur. Verteram è *Græco* quæ nunc vides addita Novo Testamento *Græce*, ut tum erant. Mea versio posteaquam displicuit tibi, cœpit & mihi displicere. Alioqui addidissem supremam manum, & nisi tu dissuassisses, edidissem. Sed magis ipse mihi displicui, qui præter ingenium ac morem meum captassem amicitiam tanti Patris. Nihil enim improbius hoc hominum genere, qui sordide captant potentes, ut aliquid abradant vel ab invitis, nec hic animus ab ullo mortalium genere magis abhorret. Et fortasse tua amplitudo suspicatur me è sordidorum istorum esse numero. Ego tamen te nunquam amare desii, vel ob *Richardum Pacuum* dimidium animæ meæ, cujus studia tua liberalitas olim adjuvit, vel ob *Zachariam Frisum*, virum integerrimum, mihiq; multis nominibus charissimum, qui tuam erga se humanitatem suis ad me literis nunquam desinit prædicare. Quod in tales amicos collatum est, in me collatum arbitror. Precor ut *Christus* amplitudinem tuam diu fervet incolumem. Datum *Basilea*, octava S. *Augustini*, sive 4. Septembris, Anno 1524.

EPISTOLA DCCI.

Erasmus Roterodamus Tonefio, Consiliario Cardinalis Eboracensis, S. D.

VIR ornatissime, Non injuria me objurgat per literas *Guilhelmus Burbancus*, quod te tam candidum amicum, tam fortem patronum, tam insigniter eruditum hominem, nunquam hæcenus salutarim epistola. In causa est, quod dum & amicis & inimicis cogor respondere, quorum ingens est numerus, nullum temporis spacium mihi vacuum relinquitur. Cæterum eximias ingenii tui dotes, ac singularem quendam in me favorem, *Thomas Morus*, auctor, ut scis, & gravis & facundus, mihi non semel prædicavit. Scio, mi *Tonefi*, agnosco & memini, agoque gratias, libentius, si queam, relaturus. Ubi plus oculi dabitur, pluribus tecum agam. Interim precor ut quam bellissime valeas. Datum *Basilea* 5. Septembris, Anno 1524.

EPISTOLA DCCII.

Erasmus Roterodamus Regi Angliæ Henrico VIII. S. D.

INVICTISSIME Rex, non ignorabam, quam essem ineptus arenæ gladiatoris, semper in amoenissimis Musarum hortis versatus. Sed quid non audeam tuæ felicissimæ Majestatis fretus auspiciis? Jacta est alea, exiit in lucem libellus *De libero arbitrio*, audax, mihi crede, facinus, ut nunc res habent *Germania*. Expecto lapidationem, & jam nunc aliquot rabiosi libelli provolarunt in caput meum. Sed consolabor me ipsum, exemplo Majestatis tuæ, cui non parcit istorum

rum immanitas. Decretum erat & alioqui facere ad
 1524. quod per literas hortaris, & religioni *Christiana* juvan-
 dæ immori; sed tamen alacrior id faciam, posteaquam
 tua Majestas currenti, quod ajunt, calcar addere digna-
 ta est, cui precor felicitatem perpetuam. Datum *Ba-*
filea 6. Septemb. Anno 1524.

EPISTOLA DCCIII.

Erasmus Ros. Philippo Melancthon S. D.

SI *Pelicanus* in tempore ostendisset mihi tuas ad i-
 psam literas, *Joachimus* non redisset istuc absque
 meis literis. Sic enim videbantur ad illum scriptæ ut
 crederes à me legendas. Quidam amicus ad me scrip-
 sit te huc quoque perventurum fuisse, ni metuisses ne
 me graves invidia. Ego vero, mi *Melancthon*, eam
 invidiam facile contempsissem. Nam quod *Hutteni*
 colloquium deprecabar, non invidiæ metus tantum in
 causa fuit: erat aliud quiddam, quod tamen in *Spongia*
 non attigi. Ille egens & omnibus rebus destitutus quæ-
 rebat nidum aliquem ubi moreretur. Erat mihi glo-
 riosus ille miles cum sua scabie in ædes recipiendus, si-
 mulque recipiendus ille chorus titulo *Euangelicorum*,
 sed titulo duntaxat. *Sletstadii* multavit omnes amicos
 suos aliqua pecunia. A *Zwinglio* improbe petiit, quod
 ipse *Zwinglius* mihi suis literis perscripsit. Jam amaru-
 lentiam & glorias hominis nemo, quamvis patiens,
 ferre poterat. Imo nisi *Wittenberga* tam procul abes-
 set, non dubitarem istuc proficisci dies aliquot, cum
Luthero ac tecum communicaturus. Porro ne scribe-
 rem persuasit illa prima ad *Lutherum* epistola, magno
 meo periculo edita. Hæc enim dedit anam *Aleandro*,
 jampridem iniquo in me animo, ut me perditum iret,
 conatus *Leonis* animum irritare in me, simul *Leodien-*
sis Episcopi, qui prius pene deperibat, ut ita loquar,
 in *Erasmum*. Nam ipse *Leodien-sis* ostendit mihi lite-
 ras, quas ad eum à *Roma* scripserat *Aleander*, satis odio-
 se me attingentes. Quum itaque viderem apud istos
 nihil esse clam, judicavi rectius cohibere calamum.
 Quin & exemplar epistolæ, quam *Lutherus* ad me
 scripsit per *Joachimum*, habetur *Argentorati*, non
 dubito quin brevi proditurum. Ediderunt in odium
 mei tuum de me iudicium, rursus *Lutheri* duas epi-
 stolas. Hujusmodi nœniis famelici quidam & sordidi
 typographi prospiciunt rei culinariæ. Addiderunt epi-
 stolam meam ad *Joannem Fabrum*, plusquam ex tem-
 pore scriptam, quæ tamen declarat, quam non in-
 citem quenquam ad sævitiam, aut ad prodendum Eu-
 angelium. Verum de his alias. Perlegi locos omnes,
 in quibus perspexi tuum istud ingenium non minus
 candidum quam felix, quod ego semper tum suspexi,
 tum amavi, sed magis etiam utrunque facere cœpi
 posteaquam illa legi, tantum abest ut me ejus operæ
 poeniteat, quanquam inter legendum scrupulis aliquot
 offendebar, de quibus voluissim tecum communica-
 re si coram licuisset. Video dogmatum aciem pul-
 chre instructam adversus tyrannidem *Pharisaicam*: sed
 in his quædam sunt, quæ, ut ingenue fatear, non
 assequor; quædam ejus generis, ut etiam si tutum
 esset, nollem profiteri propter conscientiam; quæ-
 dam ejusmodi, ut sine fructu videar professurus. Et
 tamen isti fremebant in me, quod non profiterer ea
 quæ vel non intelligebam, vel non probabam, idque
 contra meam conscientiam, summo capitis mei peri-
 culo, nec mei solum, verum etiam amicorum, qui-
 bus magis metuo quam mihi. Dices, cur igitur non
 statim impugnabas quæ displicebant? Quia favebam
 negotio renovandæ libertatis *Euangelicæ*, & spera-
 bam *Lutherum* admonitum moderatioribus consiliis u-
 surum. Itaque clamores Theologorum, quoad potui,
 compescui, Principum sævitiam cohibui, quod &
 hodie facio. Causam bonarum literarum semovi à
 causa *Lutheri*; captabam occasionem, ut *Euangelio*
 sine tumultu consuleretur, aut certe sine gravi tu-
 multu. Ne adhuc quidem ullam prætermitto occa-

Am. sionem, scribens ad Cæsarem, aliosque Principes, *Ga-* Am.
malielem quendam agens, optansque felicem aliquem 1524.
 fabulæ exitum. Pontifici *Adriano* liberius scripseram
 super hoc negotio. Postea senseram me periclitari, non
 quod impeteret ipse, sed quod adversus impetentes de-
 fineret tueri. Nec satis tutum erat illi, quamvis blan-
 dienti, fidere. Scripsi tamen & *Clementi* satis libere;
 scripsi *Card. Campegio*. Nescio qualis sit vestra Eccle-
 sia, certe hæc tales habet, ut verear ne subvertant
 omnia, & huc adigant Principes, ut vi coerceant si-
 mul & bonos & malos. Habent semper in ore *Euang-*
gelium, *verbum Dei*, *fidem*, *Christum* & *Spiritum*; si
 mores spectes, illi longe aliud loquuntur. An ideo
 depellimus dominos, Pontifices & Episcopos, ut fera-
 mus immitiores tyrannos, scabiosos *Othillones* & *Phal-*
licos rabiosos? nam hunc nuper nobis misit *Gallia*. Di-
 ces, olim *Euangelium* habebat suos pseudo-Apostolos,
 qui sub pietatis titulo negotium agebant ventris. Ve-
 rum hos interim tenere sovent hi proceres *Euangelii*,
Capito; cujus vafricies mihi semper oboluit; *Hedio*,
 qui scurram impurum, ex occasione meorum literarum
 per quas debebat dare poenas, sublevavit, misericor-
 diam appellans, quod haberet uxorem & teneros li-
 beros. Nec aliud agit etiam nunc, quam ne quid de-
 trimenti capiat res & fama nebulonis. *Oecolampadius*
 cæteris paulo modestior est, & tamen est ubi in illo
 quoque desiderem *Euangelicam* sinceritatem. *Zwin-*
glius quam seditiose rem gerit. Ne quid interim com-
 memorem de aliis. Non assentiuntur vobis, nec inter
 se consentiunt, & postulant ut ipsorum auctoritati
 freti, ab omnibus orthodoxis Patribus & Conciliis de-
 ficiamus. Tu doces errare eos, qui imagines ut rem
 impiam ejiciunt; *Zwinglius* quantas turbas concitavit
 ob imagines? Tu doces vestem nihil ad rem facere;
 hic complures docent cucullam omnino excutien-
 dam. Tu doces Episcopos & Episcoporum consti-
 tutiones ferendas, ni pertrahant ad impietatem; hi
 docent omnes esse impias & Antichristianas. Quid
 insanius hoc negotio, quod hic coeperant ante bien-
 nium auctore docto quodam, aut certe socio. Nosti
 fabulam de porcello, cujus occasione factus est infelix
 ille *Sigismundus*. Et tamen mihi parum amicum a-
 manter excusavi apud Episcopum *Basiliensem*, hono-
 rifice de illo prædicans, quum ille nusquam non bla-
 teraret in me: quum interim mensa mea & cubiculum
 pateret vocato simul & invocato, nec usquam verbo
 læderetur à me. Admonitus quod nusquam cessaret vi-
 brare linguam in me, provocavi blande ut coram ad-
 moneret si quid offenderet, me satis facturum, noluit.
 Quum scripisset libellum, in quo taxaverat aliquot è
 magistratu, idque multi jam rescissent, non sine illius
 periculo, clam admonui blandissimis & amantissimis
 literis, ut caveret. Quum discessisset hinc, & adhuc
 lingua sæviret in me, scripsi blandam & amicam epi-
 stolam. Tandem exiit epistola nomine *Erasmi Alberi*,
 quam promiserat ille *Jacobs*, ut scias rem ex com-
 posito geri. Dissimulavit stylum imitatus quædam
 tua. Sed ut nihil aliud sit, toties contemptim repe-
 titus *Erasmus* satis arguit auctorem. Et videtur ex
 tuo colloquio factus ferocior, jactans se discipulum
 ejus quem docet *Lutherus*. Nihil jam dicam de puri-
 tate vitæ illius, de castitate linguæ, de profusione,
 de fraudatis creditoribus. Quomodo isti commendant
Euangelium hoc novum? Atque hic est ille amicus
 nunquam à me læsus, semper candide prædicatus,
 & ad intimam familiaritatem admissus. De *Capito-*
ne sunt multi qui pessime sentiunt, & ego non opti-
 me suspicor; certe ex illius ædibus scabiosus ille prodiiit
 ad excudendum rabiosum libellum. *Thrafonem Plano-*
dorpium semper habuit in deliciis, deinde sic excusavit
 sese, tum anxie, tum apud omnes, ut illa ipsa excusa-
 tio mihi augeret suspicionem. Uni fidebam *Hedioni*, de
 quo nondum pessime sentio. Miseram ad illum exem-
 plum epistolæ tuæ, quam scripseras, ni fallor, *Hymelber-*
gio, in qua mirabar non dum pendere quem noveras

Ante duodecim annos, &c. Non erat additum nomen, sed qui miserant, subindicabant nescio quid de *Thrasone*. Id mihi *Hedioni*, non ob aliud, nisi ut caveret; ostendit *Capitoni*, *Capito* glorioso militi. Hinc furit ille, gladios & laqueos minitans. *Zwinglium*, amice monitus à me, rescripsit admodum fastidiose: Quæ tu scis, inquit, non conducunt nobis; quæ nos scimus, non conveniunt tibi: quasi ille cum *Paulo*, raptus in tertium cœlum, didicisset arcana quæpiam, quæ nos terrestres fugerent. Quosdam novi viros optimos, qui per hoc negotium facti sunt deteriores. Ut ne jam commemorem istos perditissimos, quemadmodum tu quoque vocas, quibus nihil est cum Evangelio. Tales video multos, præsertim hic; ut si probarem omnia quæ scribit *Lutherus*, nollem huic factioni dare nomen. Effet illis intervendum, & subinde numerandum viaticum, nam hoc solum habent Evangelicum, quod semper egent plerique. Cum *Phalisco* fuit mihi congressiuncula perbrevis: ejus historiam scripsit cuidam *Constantiensis*. Exemplum clam ad me perlatum est. Nihil vidi vanius, nihil gloriosius, nihil virulentius. Sunt ibi interdum decem versus, in quibus ne syllaba quidem vera est. Idem edidit libellum de *Parisiensibus* & *Pontifice*. Quantum illic infictiarum, quantum ineptæ virulentiae, quam multa nominatim traducti? & tamen ipse solus non apponit nomen suum. Idem, ut audio, auxit stolidum *Alberti* judicium, quod nondum videre licuit. Visi sunt *Constantia* & alii duo libelli, quos in me scripsit. Et proficitur novum dogma, sic traducendo, qui obfistunt Evangelio, inter quos me numerat, & *Balaam* passim appellat, quod *Adrianus* Pont. invitarit me ut mitterem consilium. Mihi partem, sed displicuit. Obtulit decanatum, simpliciter reculaui; voluit mittere pecuniam, rescripsi ne mitteret obolum. Sic sum *Balaamus*. Et qui tales sunt, postulant ut, contemptis omnibus doctoribus, fidamus ipsorum spiritui, quum interim ipsi inter se non consentiant. Qui possim mihi persuadere illos agi spiritu *Christi*, quorum mores tantum discrepant à doctrina *Christi*? Olim Evangelium ex ferocibus reddebat mites, ex rapacibus benignos, ex turbulentis pacificos, ex maledicis benedictos: hi redduntur furiosi, rapiunt per fraudem aliena, concitant ubique tumultus, male dicunt etiam de benemerentibus. Novos hypocritas, novos tyrannos video, ac ne micam quidem Evangelici spiritus. Si *Luthero* essem addictissimus, magis etiam istos odissem quam nunc odi, ob Evangelium quod suis moribus reddunt invidiosum, ob bonas literas quas extinguunt. Quantum manifestorum mendaciorum est in libello *τὸ ψευδὲς*, quæ vir Evangelicus scribit contra suam conscientiam, non ob aliud, nisi ut urat. Et hoc senatusconsultum inter istos Patres factum est, ut *Erasmum* libellis obruant. Quibus si respondeam, præclarum facinus, ut sceleratissima confictatione alamus aliquot sordidos ac famelicos typographos non uno dignos suspendio. Quantum impietatum, quantum mendaciorum est in illo libello *Alberti*, si leve videtur, quod *Hieronymo* sic contempto addit etiam perfidiæ crimen? Ego prohibeo nuptias, ego defeci ad Papistas, qui voco illos R. P. ego curro cum fure, ego bellum gero cum Evangelio. Sed facessat hæc querela. Miraberis cur emiserim libellum *De libero arbitrio*. Sustinebam triplex agmen inimicorum. Theologi & bonarum literarum ofores nullum non movebant lapidem ut perderent *Erasmum*, quum quod attacti essent libris meis, tum quod Collegium illud florentissimum invexerim *Lovanium*, eamque regionem totam infecerim linguis ac bonis literis: sic enim illi loquuntur. Hi Monarchis omnibus persuaserant, me juratissimum esse *Luthero*. Itaque amici, videntes me periclitari, spem præbuere Pontifici & Principibus, fore ut aliquid ederem in *Lutherum*. Eam spem & ipse pro tempore alui. Et interim isti non expectato libello coeperant me libellis la-

cessere. Nihil igitur restabat, nisi ut ederem quod An. scripseram, alioqui & Monarchas habuisssem infelices, quibus visus fuisssem dedisse verba; & isti tumultuosi clamassent me metu premere, & atrocius aliquid expectantes impotentius sævissent. Postremo, quoniam Epistola *Lutheri* jam est in manibus, qua pollicetur se cohibiturum calamum in me, si conquiescam, viderer ex pacto non edere. Ad hæc qui *Roma* profitentur literas Ethnicas, ipsi Ἑθνικώτατοι, mire fremunt in me, invidentes, ut apparet, *Germanis*. Itaque si nihil edidisssem, præbuisssem ansam & Theologis, & Monachis, & illis *Romanensibus* figulis, quorum *Alpha*, ni fallor, est *N*. ut facilius persuaderent Pontificibus ac Monarchis quod persuadere conabantur; postremo, hos furiosos Evangelicos habuisssem iniquiores. Nam ipse rem tractavi modestissime. Et tamen quod scribo non scribo adversus animi sententiam, quanquam ab hac quoque libenter discessurus, ubi persuadebitur quod rectius est. Sed interim, inquis, addis animos tyrannis ut sæviant. Nemo diligentius dehortatus est à sævitia, nemo liberius, quam ego. Et si Papisticæ sectæ essem addictissimus, tamen dissuaderem sævitiam, quod hac via latius spargitur. Proinde perspicuens hoc *Julianum*, vetuit occidi *Christianos*. Theologi credebant, si *Bruxella* combuisssem unum atque alterum, fore ut omnes emendarentur; ea mors multos fecit *Lutheranos*. Sed isti quidam vociferantur, obrui Evangelium, si quis obfistat ipsorum vesaniae. Non ad hoc valet Evangelium, ut peccemus impune, sed ne peccemus, etiam si liceat, impune. Verum hisce de rebus plus satis. Misit ad me *Campegius* Card. vir profecto singulari humanitate, qui mecum ageret de multis, & inter cætera de te alio quopiam evocando. Respondi, me optare quidem tuum istud ingenium esse liberum ab istis contentioneibus, sed desperare te suscepturum palinodiam. Hæc tuo freris ingenio effudi in sinum tuum, mi *Philippe*; tui candoris erit curare, ne spargantur ad improbos. Quum *Joachimus* hic adesset, sic eram à morbo languidus, ut vix ferrem ullum colloquium ob stomachi debilitatem: & incommode accidit, ut eodem tempore me obrueret Baro quidam *Polonus*, de quo lege catalogum nostrum auctum. Si voluisset manere, fuisssemus plura confabulati. Sed tecum omnia, si advenisses. Bene vale. Raptim *Basilea* 6. Septemb. Anno 1524.

EPISTOLA DCCIV.

Philippus Melanchthon Erasmo Rot. S. D.

NON injuria quereris de moribus eorum, qui Evangelium hoc tempore profitentur, mi Erasme. Nam & hi, qui dignitatem tuam adlatrarunt, obliti mihi plane & humanitatis & religionis videntur; debebatur enim sic merito de Republica, & tali astate, melior gratia: & si qui in Ecclesiis, seditiosis concionibus multitudinem concitant, in literas sæviunt, & civilem disciplinam universam labefaciunt, sibi regnum parant, non Christum docent. Dissimilissimus horum *Lutherus* est, nec raro deplorat, privatis cupiditatibus prætexi religionis vocabulum, ab his quoque, qui cum Pharisaico Pontificis regno bellum gerere videri volunt. Quanquam autem his malis vehementer commoveatur, tamen quum hac scandala excitari à diabolo judicet, in hoc ut opprimatur quoquo modo Evangelium, negat se debere παλινδρομεῖν, aut publicam causam deserere. Tu vero improborum quorundam vitiis ita offendi videris, ut causa quoque & doctrina succenseas. Fortasse tibi consilii ratio constet, verum ego metuo necubi hac ratione Evangelium periclitetur. Neque enim negare potes, quin Evangelii doctrinam complectatur *Lutheri* causa. Nam cum in summa disputationes *Lutheri* omnes partim ad liberi arbitrii questionem pertineant, partim usum ceremoniarum contineant, de priore jam olim animadverti te dissidere, at de posteriore magna ex parte convenit, quæ quum tuo judicio sit aliqua Evangelii pars, videndum tibi certe ne patiari opprimi.

Qui-

An. Quidam ex Philosophis dicere solebat, dextra se tradere
1524. philosophia praecepta, verum hac sinistra excipi a discipulis.
Fit hoc multo verius in theologicis. Sed est iniquissimum
doctrina imputare, quicquid peccant auditores. Quare
te rogo, mi Erasme, primum ne credas, Lutherum cum
sis facere quorum merito reprehenduntur mores, deinde
ne doctrina propter cuiusquam stultitiam aut temeritatem
iniquior sis. De Lutheri animo licet conjecturam facere
nullo negotio. Nam ut Pontificis causam omittam, cer-
te nunc declarat quantum abhorreat a crudelitate, at-
que ambitione, & seditiosis consiliis omnibus, cum ma-
gno capitis famaeque discrimine, se nova cuidam factioni
sanguinariorum doctorum opponit. Tu catalogum texis,
ubi colligis improbissimos omnium bipedum, quos cum Oe-
colampadio & similibus conjungas, queso, quid oportuit?
Ego integra conscientia dogmata Lutheri non possum da-
mnare, facturus id etiam fortiter, si cogant sacra Literae;
quod siue superstitionem, siue stultitiam alii interpretentur,
mea nihil refert. Certe nec hominum auctoritate, nec
scandalis ullis revocari me ab hac sententia patiar. Quod
ad diatriben De lib. arb. attinet, equis animis hic acce-
pta est: tyrannis enim fuerit vetare quenquam in Ecclesia
sententiam de religione dicere; debet id esse omnibus li-
berrimum, modo ne privati adfectus admisceantur. Per-
placuit tua moderatio, tamen alicubi nigrum salem ad-
sperseris. Verum non est tam irritabilis Lutherus, ut
devorare nihil possit. Proinde pollicetur se in respondendo
pari usum esse moderatione. Forsan autem multis pro-
fuerit, diligenter excuti locum De lib. arb. quorum si
conscientiis servitur, quid attinet ad publicam causam
privatos affectus adferre? Jam ubi iracundia animum
transversum rapere coeperit, non video qui tanto negotio
satis facere possit. Mihi Lutheri erga te benevolentia
perspecta est, ea spem facit simpliciter responsurum esse.
Vicissim officii est tui, mi Erasme, cavere ne qua ma-
jore invidia hac causa per te gravetur, cui primum sa-
cra Litera suffragantur non obscure: deinde, quam ipse
nondum damnaris, ut contra conscientiam etiam facturus
videare, si oppugnes vehementius: postremo, scis proban-
das esse non contemnendas prophetias. Apud me tuto de-
pones, quicquid ad me scripseris. Malim enim emori
quam fidem fallere. Jam hoc volo tibi persuadeas, reli-
giosissime te a nobis coli & amari. Nescimus hic amisi-
mus, hominem fidum & tui valde amantem, quo casu
vix aliud in vita mihi acerbius accidit. Lutherus te re-
verenter salutat. Noli esse molestus tibi longiore epistola,
alioqui plura scripturus. Vale felicissime. 30. Octobr.
Anno 1524.

Utinam impetrari abs te possit, ut veritas Aeschini &
Demosthenis ἀντιπάλους λόγος.

EPISTOLA DCCV.

Ferdinandus, Dei Gratia Princeps & Infans Hispania-
rum, Archidux Austriae, Dux Burgundiae, &c.
Imperii locum tenens Generalis, &c. S. D.
Desiderio Erasmo Sacrae Theol. Profess.

*HONORABILIS dilecte. Si colligis à silentio tui
oblivionem, falleris. Nos enim tui habemus memo-
riam, & merito quidem, qui hac & majori dignus es
memoria: quod autem interpellamus rarius, tute in causa
es. Nec enim libet peccare in commoda publica, sanctis
tuis lucubrationibus obstrependo, quas avidae vel legimus
ipsi, vel audimus à prelegendibus. Habemus enim & no-
minis tui & vigiliarum tuarum studiosissimos pracones, quos
minime arbitramur iudicio falli. Hi quicquid librorum
ex te nascitur nobis offerunt, scientes nos, quando per o-
cium, quod à publicis negotiis suffuramur, licet, cum
nemine libentius quam cum Erasmo loqui, à quo non ha-
refes, non schismata, non Antichristos audimus, nec,
quam impudentissimi tui calumniatores impingunt, adu-
lationem deprehendimus, sed mansuetudinem, modera-
tionemque illam tuam vere Christi plantis respondentem
agnoscimus. Et simul ubi oportet virgulam quoque censo-
riam, qua ostendis, qui deceant & vere Christianos Pon-

A tifices & Principes mores, quod cum non facias seditiose, An.
adulator non esse judicaris, sed ab impiissimis hereticis, 1524.
levissimis apostatis, perfidissimis desertoribus, memineris
id tibi jure evenisse, non quidem commune cum Regibus
& Principibus, ne nostri ordinis rem agere velle nos putes,
sed cum illis sanctissimis tuis Patribus, quos ut felicissime
imitatus es ubique, non potes non referre hac in parte.
Non ignoras, quas ignominias illi, quos cruciatus, qua tor-
menta, qua convicia ipsis tormentis & mortibus acerbiora
sustinuerint, donec adveniret dies ille, qui eripuit illos
malis. Sic reposta est merces in caelis operum tuorum.
Sustine igitur & viriliter age, donec cum Paulo tuo con-
summaveris cursum, quod te alicubi optare videmus. Nos
autem ut id fiat serius precamur. Quo abundare liceat
B iis auctoribus & Doctrinis, qui Christianae professioni pro-
xime accedunt. Tu enim non solum repurgatos dedisti a-
liques sanctos Patres, qui depugnarunt adversus Ecclesiam
vastantes hereticos, sed etiam hac tempora nostra, qua
impurissimi haesarcha infelicia reddiderunt, & seditiosissi-
mi quisque perturbant, cum paucis (ut horum numerus
semper minor est) adjuvas, non tam obscure, quam Catho-
lice quid sentias, & fieri oporteat, indicans. Servet itaque
te Christus, & det nobis ille occasionem, ut aliquid benevo-
lentie tibi impartiri queamus. Nam si quid ejus alias accepi-
sti, id certe pro merito minimum fuit, neque agnovimus
hoc adulationem, ut illi tibi impingunt falso, sed sancta tua
studia in communem usum promovere volumus. Et hodie
si non eam, qua dignuses, eam saltem qua opus erit nostra
C benevolentiam offerimus. Irenaeum avidius expectamus.
Et quid à te fieri cupimus ex Frobenio cognosces. Datum in
civitate nostra Vienna die 12. mensis Octob. An. 1524.

EPISTOLA DCCVI.

Erasmus Roterodamus M. Conrado Goclenio, Latina
Lingua Professori in Collegio Basiliensi, S. D.

ERVEDITISSIME Gocleni, Franciscus Berckman bi-
bliopola Antverpiensis debet mihi, praeter cetera,
tredecim florenos aureos, quos mihi detraxit in summa
meo nomine Frobenio numeranda; detraxit autem, hoc
nomine, quod tantum librorum tradidisset meo jussu
Guidoni Morillono. Constat autem literis Guidonis ne pa-
ginam quidem vel ad ipsum Guidonem, vel ad uxorem
ejus pervenisse. Quare eam pecuniam in te transfero,
teque pro me creditorem constituo, liberaturus te à
periculo literis, si quid ille contradicat: nam hic res
est extra controversiam. In hujus rei fidem hanc syn-
grapham mea manu scripsi, & sigillo subnotavi. Ba-
D silea 13. Octobr. Anno 1524.

“ Erasmus Roterodamus hoc chirographo testor
“ Franciscum Berckmannum bibliopolam mihi
“ debere tredecim florenos, quos detraxit mi-
“ hi in ratione cum Frobenio, pro libris, quos
“ tradidisset Guidoni Morillono, quum charta
“ non sit tradita; item Tertullianos septem, aut
“ illorum precium, quos acceptos à Frobenio mi-
E “ hi non reddidit. Hæc ipse apud me confessus
“ est, nec potuit negare, convincendus testimo-
“ nio utriusque Frobenii, & literarum Morillo-
“ ni, quas illi exhibui, & exemplar mihi Nicolao
“ Basiliaducensi. Hujus debiti jus transfero in
“ Joannem Campensem Professore Linguæ He-
“ braicae Lovanii. In ejus rei plenior fidem
“ hæc mea manu scripsi, & annuli signum ap-
“ preffi. Basilea 4. Octob. Anno 1524.

EPISTOLA DCCVII.

Erasmus Rot. Antonio Brugnario in monte Bellicardi S. D.

F SIGNIFICAS te quater ad me scripsisse, primam
& ultimam epistolam accepi, duæ mediæ redditæ
non sunt, quare noli scribere nisi per certissimos nun-
cios. Amplector animum in me tuum perlibenter. Be-
fontis cum nemine mihi fuit odiosa contentio, neque
quenquam sensi à me alienatum. Tristis abii ob valetu-

Tom. III. Fff 2 di-

Ant. dicens oppido gravem. Et tamen iste rumor huc perlatus mire exhilaravit quosdam valde *Lutheranos*. Quid istic doceat *Phallicum*, aut quid rerum gerat, nescio. Utinam hoc præstaret quod proficitur: proficitur enim Evangelium, at ego nunquam vidi hominem confidentius arrogantem, aut rabiosius maledicum, aut impudentius mendacem: breviter talem comperi, ut cum talibus, nec amicitiam habere velim, nec inimicitiam. Nec ipsi *Lutherani* ferre potuerunt hominis insatiabilem petulantiam. Sæpe objurgatus est ab *Oecolampadio*, etiam literis, sæpe à *Pellicano*, sed nihil profectum est, tanta morbi vis. Cum illo nunquam disputavi, sed direm-disputationem, qua cum aliis quibusdam altercabatur. Volebam enim cum illo expostulare eor me vocasset *Balaam*, quod dictum, à *Bleto* quodam negotiatore jactum in me, sic arrisit *Phallico*, ut me passim appellaret *Balaam*, quum mihi nullus adhuc teruncium potuerit obtrudere hoc titulo ut scriberem in *Lutheranum*. Proinde discere volebam, quid homini in mentem venisset, ut hoc nomine me dignum judicaret: nam cætera convitia, quæ quotidie in me deblatant, neglexeram. Vix decem verbis velitati sumus, rogabam quare censeret Sanctos non invocandos, an quia non expressum esset in sacris Literis, annuit. Jubebam ut demonstraret evidenter per sacras Literas, Spiritum Sanctum invocandum. Si Deus est, inquit, invocandus est. Urgebam ut demonstraret e sacris Literis, semel atque iterum testatus me disputandi gratia loqui, quum hic planè de re conveniret. Siquidem hoc tantum agebam, ut illius enthymema refellerem, quo conabatur evincere, ideo non invocandos Divos, quod hoc e sacris Libris doceri non posset: protulit locum ex Epistola *Joannis*, *Et hi tres unum sunt*. Respondi, eum locum non sentire de eadem natura, sed de consensu testimonii, & quod additum est, de sanguine, aqua & spiritu, non patitur aliam interpretationem. Præterea pars illa de Patre, Verbo, & Spiritu, in vetustis codicibus olim non habebatur, nec citatur ab his qui maxime pugnant adversus *Arianos*, puta *Athanasio*, *Cyrillo* & *Hilario*. Mox omissa disputatione, nam imminerebat nox, expostulavi cum eo abiens, sed paucis. Hac de re scripsit ad amicos suos mire gloriosas epistolas, quarum una ad me transmissa est à *Constantia*. In hac aliquando sunt decem versus, in quibus nec una syllaba vera est. Non potuit ille probare Spiritum Sanctum dici Deum, quod tamen ex *Paulo* probari potest, & tamen si probasset, non vicisset me. Nec enim meum est dogma, Sanctos invocandos esse, quanquam ineptiunt, qui rem à primordiis Ecclesiæ traditam, & suapte natura piam, tragediis exagitant. Quod si mihi tum notus fuisset, qualis experimento compertus est, nunquam dignatus fuisset illum alloquio; & si casu fuisset obvis, deflexissem. Sunt enim quidam adeo finistri, ut vel occurrere sit infelicitatis pars. Unde metuo ne vestra civitati magnum aliquod imminet malum, posteaquam istuc devolvit avis tam inauspicata. Felicitate fugit e sua *Gallia*, verum hic reliquit libelli insigniter iocundum, non appposito quidem suo nomine, sed nemo non clamat *Phallicum* esse. Scripsit, ut ajunt, alterum *Gallice* in me, qui latitat inter manus conspiratorum. Magistratus *Basiliensis* observat, si possit deprehendere Typographum. Hæc jactavit *Lugduni* *Eosthoringius* quidam sculptor imaginum. Idem detulit aliquot *Phallici* apophthegmata, quorum alterum erat, *Uxorem Frobenii plus tenere Theologia quam Erasmus*: Alterum, *Malim, inquit Phallicus, in dies mori cum martyribus, quam non nocere fama Erasmi, ubicunque potero*. *Phallico* facile fiam magnus Theologus, si passim infulsero, Pontificem esse Antichristum, Constitutiones humanas esse hæreticas, Ceremonias esse abominationes, aliaque hujus generis. Hunc stomachum in me concepit, quod in *Spongia* dubitem de *Lutheri* spiritu: præterea quod scripserim, quosdam sordidos & impuræ vitæ, se jactitare nomine Evangelii: deinde quod *Adriano* promiserim consilium, quo


fic extinguatur incendium *Lutheranum*, ne facile reddaccendatur. *Phallicus* interpretatur me velle extinguere Evangelium, at ego sentiebam de rescindendis hujus mali fontibus, & hac de re scripsi nonnihil *Adriano*, & item *Clementi*, & Cardinali *Campegio*, & *Cæsari*: sed ut video, illi malunt vulgaribus uti remediis, manicis ac fasciculis. Res in dies serpit latius, quis sit exitus futurus viderit Deus, ego Principes quod potui semper à sævitia coercui, excepta seditione. Nec Evangelium est quicquid isti docent, & docendi modus nonnunquam seditionem movet, non Evangelium. Ego faveo Evangelio, sed isti Evangelio non adjungar, nisi videro alios Evangelistas, aliumque populum, quam adhuc video. Provolant libelli famosi sine titulis, & istos mire probat *Phallicus*, & applaudunt cæteri quibque, quasi mendaciis & flagitiis defensandum sit Evangelium, quasque huc valeat Evangelium, ut hujus prætextu peccemus impune. Post invadent scrinia nostra, & dicent, sic *Aegyptios* spoliaverunt *Israelitæ*, & post facinus invenient novum dogma. Si *Lutherus* nosset *Phallicum*, non dubito quin in eum stricturus sit stylum. Et hi sunt qui nobis jactitant spiritum Evangelicum. Equidem quid *Christus* sibi velit nescio, cæterum ut commodissime interpreter, suspicor hoc esse consilium illius, ut sacerdotes, hujus mundi commodis ebrios, atque his altum indormientes, per talia portenta cogat expergisci. At tamen quicquid hætenus in me blateravit *Phallicus*, non minus vane quam virulente, facile condonabitur hominis morbo, modo posthac sumat mores Evangelii præcone dignos. Sed harum nænarum plus satis, alias plura quum vacabit. Egi cum hoc cenopola de tribus vasculis dimidiatis, uno veteris vini, duobus novi. Vinum, quod emit *Decanus*, mihi mirifice profuit: unde, ex quo coepi bibere, carui calculo, is nunc dicitur abesse. Tu velim adjutes, ut mittatur elegans, aptumque stomacho meo, non laboro de precio, si vinum sit quale volo. Vetus, ut absit ab acore, novum maturum, non dulce, non acerbum, mediocri colore, colore leviter rubido. Cenopola propemodum scit quale cupiam. Bene vale. *Basilea* 27. Octobris, Anno 1524.

EPISTOLA DCCVIII.

Jacobus Sadoletus, Episcopus Carpentoracti, Erasmo Rot. S. D.

LEGI tuas literas libenter: scripta enim simpliciter & candide sunt, plena erga Deum pietatis, in hunc vere summum & optimum Pontificem observantia: cujus admodum est propensa tuis commodis omnibus voluntas. Habeoque gratiam Bonifacio, mire probo & erudito juveni, qui tibi occasionem dedit ad me scribendi, & mihi respondendi tibi: quanquam enim intus mihi in animo inclusus residebat tui amor, debitus ille quidem præstantibus virtutibus tuis, non erapisset tamen etiamdum is in actum, si non Bonifacius suis amicissimis officiis hanc salutationem literariam inter nos conciliasset. Pontificis in te uberius fuisset liberalitas, ni his difficillimis temporibus ipse quoque ad angustias redactus esset: tanta est rerum omnium perturbatio, & quotidianorum sumptuum, impendiorumque effusio, ut sustinere agere possit. Sed erit locus aliquando & ornandi & augendi tui. Librum tuum adhuc non legi: nam neque dum habui ejus potestatem, & eram maximis occupationibus impeditus: certus sum attamen similem eum esse reliquorum tuorum, quæ mihi plurima & lecta & probata sunt. Tibique ego in eo magnopere gratulor, quo ingenio tuo præstanti & singulari ocium suppeditatum est, quo facile posses tua doctrina præclara monumenta in posteritatem propagare, ex quibus tuum nomen perpetuum futurum sit. Quamobrem quod te solus jam Deus beatre possit, ut tu ipse scribis, hic jam deficientem, agnosco pietatem tuam & summo opere laudo: illud non accipio, te ut deficientem debeas appellare, cujus virtus memoria omnium seculorum celebrabitur sempiterna: qui fru-





An. *fructus nisi postea est longe celestibus premiis, ta-*
men a te usitatum est. contemnendum. Ego, quod
meum est, si quid obtineo auctoritatis & gratia, quod
quidam perquam pusillum est, tibi tamen totum ita polli-
ceon & defero: ut si tunc agendum tua causa quippiam,
nihil tibi meo studio & opera futurum sit paratius. Vale.
Ex Urbe 6. Novemb. Anno 1524.

EPISTOLA DCCIX.

Erasmus Rot. Rudbertus a Mosham, Decano Patavienſi
in Bavaria, S. D.

HAERET animo vultus tuus humanitatis tuæ in-
 dex, memini frequentium colloquiorum & offi-
 ciorum tuorum, non excidit venationis fragmentum
 abs te verſum, mea quidem ſententia feliciter: deni-
 que totus *Rudbertus* ſic præſens eſt animo meo, ut
 poſſim illum vel coloribus exprimere. Solum illud non
 memini, quod ambierim ſalutare Card. *Gurconſem*.
 Non contemno proceres Eccleſiæ, ſed ſic eſt inge-
 nium meum, nihil minus ambio quam tales ſalutatio-
 nes, præſertim apud *Germanos*. Hic ſi quid ineptii,
 ſcias me plane gratificatum animo tuo. Eam ſaluta-
 tionem ſi peridi, nihil eſt quod me magnopere mo-
 veat. Quotidie ſalutor à ſordidiſſimis, qui extorta
 etiam pecunia, me rident, aut traducunt inter ſuos
 cumbibones. Et tamen nihil eſt quod ego ſane que-
 rar de Card. Exhibuit plus humanitatis quam exſpe-
 ctabam. An *Germani* Principes non ſoleant quenquam
 indonatum dimittere, viderint alii. Me certe non of-
 fendit ea novitas, niſi quod ſalutato *Frederico* Duce
Saxoniæ, poſtridie *Georgius Spalatinus* in lecto decum-
 benti detulit materiam veſtis Damascenam, quum ego
 nihil minus ſomniarem. Quoque magis credas quod
 ſcribo, recordare me tres hebdomadas egiffe *Colonia*,
 nec eo tempore quemquam *Germania* Principem à me
 ſalutatum. Omnibus ſi queam prodeſſe cupio, ſervire
 nemini: quod ſi ſerviendum eſſet, plus factus experior
 in una opera typographica *Germania*, quam in decem
 Episcopis *Angliæ* aut *Galliæ*. Ne ob id quidem ſum
 pilo alienior à ſinceris *Germania* amicis, quod in mul-
 tis & fidem & animum memorem deſidero. Hæc ideo
 reſero, ne quid ſuſpiceris me alieniorem factum ulla
 de cauſa. Amicorum mentionem vides quam liberali-
 ter fecerim in libris noſtris, videlicet obſequens illo-
 rum affectui potius, quam meo iudicio. Ex his vides
 quam pauci perſiſterint in amicitia, quam multi verſi
 in hoſtes. Et tamen horum culpa non tantum valet
 apud me, ut minus amem *Bilibaldum* cæterosque can-
 didos amicos. Porro quod in literis meis nulla tui
 mentio facta eſt, primum excepto nomine te totum
 animo tenebam, deinde ſe nulla dabat occaſio. Et
 ſunt qui nolunt in ſcriptis meis nominari, horum que-
 rimoniaſ nonnunquam audio. Quod te ab aulæ ſervi-
 tio extricariſ, hoc magis probo, quod id feciſti ma-
 ture. Efficiam igitur poſthac, ut nec *Laurino*, nec *Bi-*
libaldo invidas, ſi tamen hæc appellanda eſt invidia.
Laurinum à puero novi, à *Bilibaldo* multo plus acce-
 pi lucis, quam dederim. Quod me adhortariſ ad for-
 titer agendum, multo gratiſſimum eſt, etiamſi id mea
 ſponte faciebam. Tantum dolet quorundam infantiſ
 peſſum ire tum Euangelium, tum bonas literas. *R. D.*
E. mihi per te reſcriptam eſſe memoriam, fuit vehe-
 menter gratum. Si medicus *Antonius Caſſoviienſis* has
 reddiderit, rogo ut juvenem cognoscere veliſ, cogni-
 tus placebit, ſat ſcio: diſceſſit hinc meo magno dolo-
 re. Bene vale. Datum *Basilea* 12. Novemb. Anno 1524.

EPISTOLA DCCX.

Ferdinando, Caroli Caſaris germano, Erasmus S. D.

ILLVSTRISſIME Princeps, tam propenſum ſubli-
 mitatis erga me tuæ favorem, quem & ipſa re com-
 peri, etiamſi denuo literis amantiſſime ſcriptis non
 fuiſſes teſtificatus, tamen ut oblivicer non erat paſ-

Aſura multorum hominum prædicatio, tum autem & An. 1524.
 eruditorum virorum epiſtolæ, ex quibus quotidie diſco,
 quam candide tua ſublimitas faveat ſtudiis no-
 ſtris. Nunquam me poenitebit mearum lucubratio-
 num, poſtquam tantus Princeps eas dignatur oculis
 atque auribus ſuis, quam felicitatem utinam prome-
 reantur. *Lutheranorum* convitia facile negligo, ſed
 utrinque lapidari durum eſt. Eſt *Lovanii* præter cæ-
 teros *Nicolaus Egmondanus Carmelita*, homo, quod ne-
 mo neſcit, ſtolidus ac furioſus; is in prælectionibus, in
 convitiis, in concionibus, non deſinit deblaterare in
 me, quicquid illi collibuit. Ridetur à doctis, ſed non
 omnes è vulgo noverunt hominis morbum. *Adrianus*
 Pontifex, diplomate miſſo, impoſuerat illi ſilentium.
 Eo mortuo rurfus inſanit. Si quæriſ odii cauſam, il-
 le pejus odit linguas ac bonas literas, quam decem
Lutheros: & collegium trilingue, quod nunc floret
Lovanii, magno totius ditionis Cæſaræ tum commo-
 do, tum ornamento, mihi velut auctori imputat. Hinc
 illæ lachrymæ. Cæſar procul abeſt. Si tua Celſitu-
 do tribus verbis admoneat Illuſtriſſimam *D. Margare-
 tam*, ut ſuo nomine jubeat illum rabulam ſilere, fa-
 ceret mihi rem magnopere gratam, nec minus utiliſ
 publicæ tranquillitati. Quanquam ille, quum viſum eſt,
 nullius auctoritate permovetur: ridetur, neſcit pude-
 ſcere: monetur, contemnit: objurgatur, fit ferocior.
 Tale ingenium ſolis ſuſtibus corrigi poterit. Quem-
 admodum in magnis tempeſtatibus difficiliſſimum eſt
 moderari clavum ac vela, ita his undique turbulentiſ-
 ſimis temporibus arduum eſt tenere moderationem,
 quam tua ſublimitas mihi tribuit: certe adnixus ſum,
 ut in hoc negotio puram conſcientiam præſtem *Jeſu*
Chriſto: quem quotidie precibus meis ſollicito, ut tibi
 dotes iſtas egregias ſemper in majus ac melius augeat,
 ſimulque donet ſerenitatem tuis virtutibus dignam: ut
 ſub duobus fratribus, quibus multis jam ſeculis nihil
 orbis habuit ſublimius, effloſcant & *Chriſtiana* reli-
 gio, & recta ſtudia, & publica tranquillitas, quæ mi-
 hi magno rerum diſcrimine nutare videntur. Vetus
 adagium eſt, *malum conſilium peſſimum eſſe ei qui de-*
dit: verum in tantis rerum motibus, vix tutum arbi-
 tror, etiam bonum conſilium dare. *Lutheranorum* ne-
 gotium latiſſime pervagatum eſt, & in dies propagat
 ſe latius. Proinde metuo ne vulgaribus remediis, hoc
 eſt, palinodiis, carceribus, & faſciculis non ſumus ad-
 modum profecturi. Hæc de re ſubmonueram inviſtiſ-
 ſimum Cæſarem, fratrem Illuſtriſſimæ Celſitudinis tuæ,
 per *Glaponem*. Submonueram & *Adrianum* Pontifi-
 cem. Submonui *Clementem*, & hujus Legatum *Cam-*
pegium. Si quædam mutarentur, quæ nullo religio-
 nis diſpendio, nulla publici ſtatus convulſione mutari
 poſſunt, idque fieret ex auctoritate Pontificum, Epi-
 ſcoporum & Principum, mundus, opinor, inciperet au-
 ſcultare, & ſpes eſſet paulatim redituram concordiam.
 Nunc utraque pars mordicus tuetur ſua. Et vereor
 ne in utraque parte ſint, qui ſuum commodum prius
 habeant negotio *Chriſti*. Equidem non ſum is, qui in
 re longe periculoſiſſima, ſummis Monarchis conſilium
 dare poſſim; certe quod poſſum, Deum aſſidue de-
 precor, ut Eccleſiæ mundique Principibus impartiat
 ſpiritum ſuum, ſimulque populorum corda conver-
 tat ad ea quæ ſunt veræ pietatis, & *Chriſtiana* pa-
 cis. Quod ad nos attinet, quamdiu quicquam ſpiritus
 calebit in hoc corpuſculo, non deſinam pro viribus
 ſervire publicis commodis, ſi non magno ſucceſſu,
 certe magna cum animi ſinceritate. Det Deus, qui
 ſolet & poteſt hominum mala vertere in bonum, ut
 ex hoc violento amaroque pharmaco, quod per *Lu-*
therum concuſſit orbem, velut corpus undiquaque cor-
 ruptum, naſcatur aliquid bonæ ſanitatis, in moribus
Chriſtianorum. Idem tuam Illuſtriſſimam Amplitudi-
 nem ſervet incolumem. *Basilea* 20. Novembris, An-
 no 1524.

EPISTOLA DCCXI.

Erasmus Rot. Jacobo Wimphelingio S. D.

^{An. 1524.} **S**I meus Wimphelingius recte valet, est quod vehementer gaudeam. Nos mediocri valetudine sumus, & aliquanto prosperiore quam solemus. Vides me ex musico retiarium esse factum. Sic erat in fatis meis. Tu, vir optime, ne macera te hujus seculi tumultibus; fruire conscientia benefactorum tuorum. Scito Erasmus ex animo tuum esse, cui si nihil scribes, non referet, modo ames, vel redames potius, quod non dubito quin facias. Saluta Sapidum, qui cum suadeo ut veterem retineas amicitiam, in qua si quid peccatum est, humanitatis tuæ fuerit hoc hujus seculi fatis imputare. Bene vale, mi charissime frater. Basilea 25. Novembris, Anno 1524.

EPISTOLA DCCXII.

Erasmus Rot. Paulo Voltzio Abbati S. D.

HA BEO gratiam, quod mihi mortuo bene precaris, relaturus etiam, si quando tu mori voles. Rumores istiusmodi plane rideo. Cæterum ex animo dolet, tantum esse malitiæ inter Christianos. Ego quantum in me est, servio commodis omnium, lædo neminem, idque facio meo victu, quod ajunt, imo magno etiam dispendio. Et tamen præter alias contumelias toties efferor. Tibi Gallus sacrificulus nunciavit, se pede calasse tumulum meum. Et apud Heidelbergam Anglus quidam sparserat se interfuisse funeri meo, addidit me conditum in eodem sepulchro, in quo jacet Lachnerus Frobenii socer. Et antea in Flandria jactatum erat, me quodam horribili mortis genere periisse. Alii sparserant in Brabantia, meos libros una cum imagine Roma publicitus exustos fuisse. Hæc qui fingunt non ignorant fucum ilico prodendum esse, sed interim fruuntur exultatione malorum, ac dolore bonorum. Hac mente quid esse potest sceleratius? Si Satanas ipse viveret inter nos, quid facere posset se dignius? Et hæc faciunt Christiani, hæc sacerdotes, hæc Monachi, hæc Dominici Franciscique nepotes. Fit autem contra, præsidio Dei, ut nunquam melius habeam, quam quum isti me rumoribus affligunt pessime. Quum ante annos tres agerem Anderlaci, alibi decideram ab equo & fregeram cervicem, alibi perieram febri, alibi correptus apoplexia subito reliqueram vitam. Atqui intra annos quatuor nunquam prosperiore valetudine fueram usus quam id temporis. A discessu sparsum erat, Roma libros meos publice condemnatos, auctore Adriano Sexto. Cæterum eodem tempore missum est ab Adriano diploma honorificum: sequutum est honorificentius: accessit tertium quod illis rabulis indiceret silentium, me nihil ambiente. Quum maxime jactarent officium dedicati Arnobii fuisse ingratum Adriano, supervenit epistola, declarans fuisse multo gratissimum. Atque hæc diplomata prius perlata sunt in Brabantiam, ubi sæviebat rumor, quam ad me. Rursus eodem tempore quo sparsum erat, sub Clemente libros & imaginem Erasmi Roma exustam, supervenit diploma non sine promissis ac munere honorario. Postremo his aliquot mensibus, quibus me sepelierunt, ea fuit valetudo, ut tribus annis non fuerit firmior, & arbitror repertam viam, qua posthac levius crucier calculo. Et tamen aliquando futurum est, ut isti verum divinarint. Ego nec mortem opto vitæ tædio, nec horreo, fretus Dei misericordia. Interim urgebimus propositum de omnibus bene merendi, lædendi neminem, quantum sane licebit in hoc seculo longe turbulentissimo. Nulli factioni me nec addixi, nec addicturus sum. Illud tamen ago, agamque sedulo, ut hanc tempestatem aliqua serenitas excipiat. Nec interim me movet jocus tuus, quo me scholarum ἀμφίβιον appellas in ὁμιλοχρησσία. Sim ἀμφίβιος factionibus, modo ne sim ἀμφίβιος Christo.

A Unde vero iste novus titulus *Exabbas*? Memini quid olim mihi dixeris de deponenda tituli sarcina. Atqui si vis omnem molestiam fugere, dimigrandum è vita. Quanto Erasmus te prudentior, qui sarcinas istiusmodi toties oblatas perpetuo fortiter contempsit? Nunc etiam Exconfiliarius Cæsaris, quandoquidem ex pensione, præter honorifica verba, nihil dum ad me redit ex quo reliqui Brabantiam. Et tamen gratia superis, nihil deficit. Arbitror jam vidisse te libellum *De libero arbitrio*, *De modo orandi Deum*, *De misericordia Dei*, & ideo non mitto. Servet pietatem tuam Dominus Iesus. Basilea 25. Novembris, Anno 1524.


EPISTOLA DCCXIII.

Joachimus Camerarius Erasmo Roterodamo S. D.

ETSI non putavi hactenus me quicquam ad te scribere oportere, quum mea ipsius causa, tum pulcherrimarum tuarum occupationum respectu; ne & ipse meam infantiam de nihilo proderem, & qua in parte minime deberem, mei officii parum rationem habuisse viderer: tamen posteaquam mihi Philippus Melanchthon duos locos è tua epistola, quam paucos ante dies abs te scriptam accepit, quod in ea mei mentio habita esset, recitavit; mutavi sententiam, & mei hac in parte cura abjecta, & humanitate tua animique facilitate fretus, quia non posse me salva fidei mea existimatione, tuaque erga me benevolentia, ea in quibus mei memineras tacita præterire videbam, tibi meis literis (sic enim est dicendum) obstrepere statui. Quod ipsum perquam paucis à me est factum, ut vel hoc modo, si quid alioqui peccatum à me esset, corrigerem ac emendarem. Ego tibi, vir clarissime, magnas ago gratias, quod tanti me feceris, quem ex uno isto congressu, ne quid de me acerbius dicam, contemnere certe poteras, ut nondum mei oblitus, salutem in literis optimi & eruditissimi viri, meique amantissimi adscripseris. Magni istud mihi beneficii instar est, neque minus eo mihi placeo, quam quod ad te confabulatum, & de quibus voluissim rebus communicatum nuper sum admissus. Quo in amplissimo merito commemorando mire intellexi te modestum fuisse, qui non dubitatis scribere, parum te liberaliter nos ac cumulate tractasse. Quid ergo potuit mihi abs te tua suavissima consuetudine tribui gratius majusve? Aut quid ego, etiam si improbum esse juvet, in te requirere possem, inve isto colloquio desiderare, quam uno Sarmata Barone minus fuisse, claro & magnifico illo quidem viro, sed mihi tum parum commodo? Itaque, Erasme, hoc tibi persuadeas, & tuam benignitatem, qua in me suscipiendo & tractando es usus, apud amicos superbe ostentasse, & nunc missam abs te salutem decoris & ornamenti loco jactare salere. Neque metus est fore ut mihi hoc nomine irascere, quum ad te pradicandum ac celebrandum non mediocriter hoc quoque pertineat, alios ex tua gloria splendore & lumine illustrari. Sic ergo mihi tuum preconium accommo- do, ut & ego eo crescam, & de summa tuarum laudum nihil tamen detrahatur, nonnihil fortassis accedat. Hæc, quia omnino scribendum ad te fuit, satis habui, ut vides, attigisse, ne vel commemorando prolixius tibi molestus essem, aut prætermittendo difficiliter meum tibi studium & amorem erga te probarem. Nam si te non amem, suspiciam, venerer, nimium malus sim, Erasme. Hoc enim tua meretur eruditio, doctrina, bonitas. Si vero etiam odio prosequar, tuique nominis hostem agam, quantum flagitium designasse jure videri debeam? Ego vero conscientia recti hac in re contentus, neque pradico (apud te præsertim) studium & observantiam erga te meam, neque sum anxius in omnium mortalium calumniis refellendis. Videoque etiam ineptum futurum, si hoc facere velim: quasi vero & tua plurimum referat, quo quisque extrema classis homo in te animo sit, aut hominum opinionibus ab ullo satisfieri posse confidam. Sed quorsum hæc, inquis, tam longe petita exordia? Eo nimirum, Erasme, quod nescio quid suspicor, de tua erga me voluntate esse immutatum, quorundam prave curio-
sorum



IOACHIMVS CAMERARIVS.



Ab. forum sinistra diligentia vitio, & labore, (veniam enim
1524. nunc ad rem) qui & Lutheri & tuam epistolam, quas
ego utrique suam fidelissime allatam in manus dedi, evul-
garunt, ipso Luthero dolente, Philippo & me gemen-
tibus. Quid, inquis, suspicare, aut quem me esse censes?
Da veniam, Erasme,

Res est solliciti plena timoris amor.

Quod si temere, qua in epistola ad Melanchthonem de
publicatis literis legi, statim post mei nominis factam
mentionem apposta sunt, tamen hac mea sollicitudine a-
morem erga te meum fecero testatorem. Si qua in parte
vero, id quod putare non lubet, metnere cogor, tua er-
ga me benevolentia impulsit, eam resistere ac confir-
mare. Principio sic existima, Erasme, meaque fidei cre-
de, quas tibi literas, si Basileam pervenissem, a Martino
Luthero acceperam adferendas, primo omnium homi-
num adspiciendas praesentem praesenti in manum, ut
supra dixi, dedisse: quaque a te rescripta fuere, eas
Luthero fide optima reddidisse: neque nudam interim
chartam, tuoque modo termino insignem, cuiquam, uno
Philippo excepto, prius ostendisse, quam Luthero re-
versus Wittenbergam obtulisset. Nam ut fuit ipse cura
eorum, qui me a pueris educarunt, sic institutus, ut di-
dicerim, mentem, manus, oculos, ab alienis rebus con-
tinere: ita meapte natura a secretorum scriptorum in-
spectione semper abhorruim: quod judicare indignum fa-
cere eum, qui cognoscere vel per summum nefas co-
naretur, a quibus chartarum complicatione, & ce-
ra gemmaque admuntione tantopere summovertetur. Hu-
jus quoque seculi licentissimam vesaniam, cum ob alios
furores saepe sum detestatus, tum ob hanc scelestam petu-
lantiam, quod jam nihil in seris ac scriniis reponi, nihil
amicis credi, nihil denique in animi penetralibus versari
tuto possis, humana improbitate omnia perquirente & e-
ruente, qua se potissimum in arcanorum scriptorum ex-
ploratione nostro tempore occupat & fatigat. Proinde ut
primum aliqui nunc offensos se lasosque existimant, non
solum eorum, a quibus lesi videntur, literas ad se missas
proferunt, ac palam, id est, typis excusas sexcentis
exemplis recitant: sed etiam aliorum ista offensione inter-
posita peruestigant, unde suo inimico vel ex una litera o-
dium apud eos, qui legant, constari possit. Homines, ut
Cicero inquit, & humanitatis expertes, & vita com-
munis ignari. Qui igitur tali sum ingenio sensuque pra-
ditus, sustinui scilicet (singam enim jam te ejus facinoris
me insimulare) qua mea fidei tradita commissaque essent,
per summam ignominiam prodere, neque ipse mea con-
scientia reprehensionem saltem vereri, nec orbis terrarum
me tua dicam iudicia refugere volui? Qua hac sit im-
manis audacia ac perfidia, quam ego semissis homo in a-
nimum meum sim passus insidere? Jam fac ab omni ho-
nestatis intuitu aversum, tam obstinate dedisse operam ut
improbis essem, in profecto potuisti animadvertere: nec
dubito quin id factum abs te sit, tamen etiam vano me-
tu, quod saepe repetere visum est, infestor: potuisti, in-
quam, animadvertere epistola Lutheri, de qua scribis,
signum, dum tibi allata a nobis fuit, saluum & integrum
esse reliquum. De tua vero (nam & ejus similem esse for-
tunam audio, id est, in multa exempla descriptam ma-
nibus vulgi teri) Lutherum idem perspexisse vi τὰς μύ-
σας iurejurando sanctissimo tibi affirmo. Nisi fortassis illas
ποικίλας & (φεγγίδων λύσεις ex Alexandri arte didicisse
me censes. Jam fortassis non ignoro quorum aut culpa, aut
stulta sedulitate, qua & ipsa profecto culpa est, accide-
rit, ut ista litera nuper exierint. Sed nec sum tam mei
defendendi cupidus, ut excusatione aliorum accusationem
complecti velim: nec arbitror mea simplicitatis esse, quod
compertum non habeam pro meo commodo ex hominum
sermone & rumusculis quibusdam formare. Quapropter,
Erasme, si hac in causa aliter nos in animum tuum indu-
xisti atque nos sumus, quod tamen, ut saepe dixi, mini-
me habeo pro certo, sed timeo: peto abs te ut istam co-
gitationum tuarum opinionem, ceu falsam, verisimilem
tamen in hac hominum vanitate, corrigas: mihi que cre-
das, tuarum esse laudum, nominis, honoris studiosissimum:

A neque unquam velle committere, ut aliter de te sentiam, An-
loquar, faciam, quam tua dignitatis ratio ferat ac exi- 1524.
gat: quam tamen rem, ut tua gloria ponderis nihil ad-
jicit, sic a me, nisi omnis officii immemor ac desertor per-
hiberi malim, magnopere praestari par est. Vale, vir
clarissime. Wittenb. 30. Novembris, Anno 1524.

Qui meas literas tibi attulit genere nobilis est ex Mei-
sis, olim Mosellani sectator, egregius juvenis: cum tibi
commendarem, nisi arroganter & superbe facere ducam,
qui tantum juris mihi sumam, ut aliis mea commenda-
tione accedere apud te aliquid posse sperem. Quamquam
& hic ipse se sua virtute pulcherrime commendabit.

EPISTOLA DCCXIV.

Erasmus Rot. Philippo Melanchthoni S. D.

S I hic adesses, mi Philippe, ac praesens spectares fa-
bulam, tum magis dicas, me non sine causa queri de
moribus quorundam, qui tumultuantur Euangelii ti-
tulo. Nam quod in me sic promeritum, dictis, libel-
lis, ac picturis debacchantur, æquissimo ferrem ani-
mo, si quod meæ famæ detrahitur, accederet Euan-
gelico profectui: nunc horum temeritas officit opti-
mis studiis, & perdit causam Euangelii. Nec dubi-
to, quin hujusmodi portentis indignetur Lutherus.
Cæterum hi Lutheri auctoritatem fortiter negligunt,
quoties videtur commodum. Et fit nescio quomodo
in utraque parte; Nemo gravius læsit causam Pontifi-
cis, quam qui fortissime digladiabantur pro Pontifice;
Nulli magis offecerunt Luthero, quam qui vehemen-
ter videri volunt Lutherani. Scio quantus sit artifex
Christus, qui novit humanos tumultus in suum suo-
rumque bonum vertere. Eoque lubens abstinuif-
sem ab hac Tragœdia, si licuisset. Equidem ut tumultus
auctor esse nolo, ita, quantum invitabit proficien-
di spes, non defuturus sum Euangelico negotio. Quid
Luthero suus dictet spiritus, ipse viderit. Te non sum
vehementer adhortatus ad palinodiam, vel ob id quod
scirem me hoc operæ lusurum. Non sum iudex alie-
næ conscientiae, nec dominus alienæ fidei. Certe o-
ptabam tuum ingenium, ut est natum bonis literis,
ita iisdem perpetuo fuisse dicatum. Non defuissent a-
ctores isti Tragœdiæ, quæ quo casura sit incertum
est. Absit ut Evangelicæ doctrinæ succenseam, sed in
doctrina Lutheri multa me offendunt: illud imprimis,
quod quicquid suscepit defendendum, ibi impendio
vehemens est, nec unquam facit finem, donec perfe-
ratur ad hyperbolen: eam admonitus adeo non miti-
gat, ut omnia reddat περὶ ὁμιλίαν. Nam arroganti-
am fortassis aliquis interpretabitur bonæ conscientiae
fiduciam, & amarulentiam nostris meritis imputabit:
ac plane ne dicam dolo, sic undique corrupti mores Chri-
stianorum flagitabant immitem aliquem castigatorem.
At ego libertatem ita malebam temperatam, ut Pon-
tifices etiam ac Monarchas ad hujus negotii confor-
tium pelliceremus. Hic semper fuit scopus meus, nec
alio specto nunc quoque; Lutherus quo spectet ne-
scio. Admonui per literas Hedionem, sermone Oe-
colampadium & Pelicanum, idque non semel, ut ex
communi consilio doctrinæ suæ rationem redderent
Card. Campegio, quo profecto nullus Legatus optari
poterat æquior aut humanior. Surdis cecini fabulam.
Nec Clementem quidem opinor tam aversum ab Euan-
gelii sinceritate restituenda reperturi sumus, quam
existimant quidam. Nihil horum istis persuaderi po-
tuit. Tantum hoc agunt, ut res quoquo pacto fer-
pat, & egregium Euangelii profectum interpretan-
tur, si pauci Monachi sint exonerati cuculla, inter
quos utinam non sint multi, quibus expedit intra
cancellos detineri; si sacerdotibus aliquot prospectum
fit de uxore; si è duobus templis exactæ sint imagi-
nes. Ego sic cupiebam restitui sacerdotum religio-
nem, ut nihil decederet auctoritati: sic consuli bo-
nis ingeniis, quæ Monachorum ceremoniis insepe-
liuntur, ut non aperiretur fenestra malis ad licentius
pec-

An. peccandum: denique quæ longo jam usu inveterave-
 rant, sic paulatim corrigi, ut non omnia tumultu mi-
 1524. scerentur, utque libertas Evangelica possit esse omnium
 gentium communis. *Lutherus* tantum colligit è rebus
 quæ mala sunt, & ita pugnat tollere quod offendit,
 ut non satis caveat aliud malum gravius. Utcunque
 Deus aliquis vertat statum mundi, nunquam defutura
 sunt, de quibus queraris. Hæc mitigari possunt, tolli
 penitus non possunt. Quantumvis annuum influit in
 mare, quantumvis decedit aquæ pluvix, semper ta-
 men ad nativum saporem redit; ut ne dicam inte-
 rim nonnunquam remedia ipsis morbis esse atrociora.
 Quid hoc dissidio pestilentius? quot locis quam atro-
 ces tumultus exorti sunt? & expectamus his atrocio-
 res. An tanti videtur habere templum absque imagi-
 nibus, aut aliquid immutasse de ritibus Missæ? Jam ut
 largiamur esse vera quæ docet *Lutherus*, ut sunt ubi-
 que mali plurimi, quibus ad omne facinus nihil deest
 præter occasionem, quid inutilius ad *Christianam* pie-
 tatem, quam hæc audire vulgus indoctum, hæc instil-
 lari auribus adolescentum, Pontificem esse Antichri-
 stum, Episcopos & sacerdotes esse larvas, constitutio-
 nes hominum esse hæreticas, confessionem esse pestife-
 ram, opera, merita, conatus esse voces hæreticas, nul-
 lum esse liberum arbitrium, sed omnia necessitate ge-
 ri, nihil referre qualia sint homini opera? Hæc à non-
 nullis nuda circumferuntur, & ab improbis in pessimam
 partem rapiuntur. Hic scio negabis imputanda *Luthe-
 ro*, quæ quorundam stultitia committuntur, quos tu
 merito portenta vocas, & bipedum nequissimos. Ve-
 rum hæc portenta foveant, quos *Lutherus* ut Euan-
 gelicæ doctrinæ proceres amplectitur. Genuit olim Euan-
 gelium novum hominum genus mundo. Nunc quales
 gignat hoc Evangelium non libet referre. Fieri potest
 ut isthic sint aliusmodi, certe quos hic novi tales fere
 sunt, ut malim cum Papistis habere commercium quam
 cum illis, si quis contractus mihi pangendus esset. Po-
 stremo, quos olim novi optimos, quosque dixissem
 virtuti natos, video factos deteriores. Qualis qualis re-
 rum status est, periculosissima res est movere Camari-
 nam hujus mundi. *Plato* quum Rempublicam philoso-
 phicam somniaret, vidit multitudinem absque menda-
 ciis non posse gubernari. Absit à *Christianis* menda-
 cium, attamen non expedit omnem veritatem quovis
 modo prodere vulgo. Utinam *Lutherus* tam posset Pon-
 tifices ac Principes ad Evangelicæ pietatis studium con-
 vertere, quam fortiter in illorum vitia debacchatur.
 Quo animo sit in me, non ita valde laboro: præsertim
 in hoc negotio, in quo non est fas multum valere af-
 fectus privatos. Multa de me scripsit amicis suis non sa-
 tis referentia animum in me, quem tu prædicas. Quæ
 omnia me ne tantillum quidem commoverunt, quem-
 admodum nec tuum de me iudicium effecit, ut minus
 amarem ingenium tuum. Quamvis atroces etiam con-
 tumelias laturus sum, modo floreat Evangelium *Chri-
 sti*. *Carlostadius* hic fuit, sed clam: edidit sex libellos
Germanice scriptos, in quibus docet in Eucharistia ni-
 hil esse præter signum corporis & sanguinis Dominici.
 Ea res graves tumultus excitavit *Berna*. Hic duo typo-
 graphi, qui excuderunt, pridie conceptæ Virginis con-
 jecti sunt in carcerem. Suspicio enim hunc unum ef-
 se eorum, quos tu vocas *Doctores sanguinarios*. De
Sylvio multos hic mecum fefellit suspicio. *Alberus* ille
 censor *Erasmi* isthic agit ludi literarii magistrum, in
 oppido *Smach*, opinor. *Oecolampadius* non annu-
 mero portentis illis, nec huic similes, etiam si permul-
 ta sunt, quæ merito de his queri possim. Hactenus de
 nemine magnificentius vel sensi, vel prædicavi, quam
 de *Oecolampadio*; tamen & hic professus amicum can-
 didissimum, non solum dictis aliquot in colloquiis &
 in concionibus me perstrinxit; verum etiam in libellis
 suis aliquoties attingit oblique, idque adeo præter cau-
 sam. Ais isthic *διατρέχω* meam æquisimis animis ex-
 ceptam: at non itidem excepta est ab *Oecolampadio*,
 qui respondere cœpit priusquam esset edita. Offensus

erat mea exomologesi, quasi in hac notarim ipsius con-
 fessionem, quum illam nunquam legerim. Certe quum
 illa scriberem, ne somniabam quidem de *Oecolampadio*.
 Posses hic alia multa commemorare, sed ejusmodi fa-
 cile contemno. Et in amicitias ad multa connivendum,
 quanquam in his, qui profitentur Evangelicam sinceri-
 tatem, oportebat hæc etiam abesse. Video te sollicitum,
 ut mihi moderate respondeat *Lutherus*. Imo patere il-
 lum suo respondere more. Quod ego moderate rem
 gessi, neque præter morem meum, neque sine certo
 consilio feci. Ille si hic multum sui dissimilis fuerit,
 clamabunt sycophantæ colludere nos, rem inter nos
 ex composito geri. Proinde malo illum servire causæ,
 quam mihi. Si quid in diatriba nigri falis adpersum
 est, quemadmodum tibi videtur, ad *Phallicos* & huic
 similes pertinet, id quod etiam testor alicubi. Alio-
 qui erant in assertionem *Lutheri* quædam, quæ non im-
 merito magnis conviciis poteram exagitare, sed malui
 causam agere susceptam. In aliis argumentis nonnihil
 dedimus humanis affectibus, in hoc negotio nulla con-
 tumelia me depellet à recto. Videris autem sollicitus,
 ne, si pergam, hæc causa, majore gravata invidiâ, si-
 mul cum Evangelio periclitetur. Atqui *Lutherus* in
 literis suis existimat, omnino nihil esse momenti, si ve
 adsim, si ve adverfer. Illud polliceor, me nunquam scien-
 tem arma sumpturum adversus Evangelicam veritatem.
 Et ideo veritus sum hactenus etiam illa labefactare, quæ
 displicebant in *Luthero*, ne simul ruerent & alia pro-
 bata. Quin illud per omnem occasionem molior, ut
 ex hoc amaro violentoque pharmaco, quod *Lutherus*
 mundo porrexit, nascatur aliquid bonæ sanitatis in mo-
 ribus Ecclesiæ. Fortasse nostri mores meruerunt tam
 inclementem medicum, qui sectionibus & usturis cu-
 raret morbum. Hic seditiosi quidam vociferantur in
 meam inconstantiam, quum nullus omnium possit, vel
 unum proferre locum, in quo mihi non constem. Si
 piaculum existimant, alicubi dissentire à *Luthero*, qui
 nescio an sibi ubique constet, cur sibi permittunt ubi-
 cunque commodum fuerit à *Lutheri* dogmatibus dissen-
 tire? Non hic in medium adferam colloquiorum & com-
 potationum fabulas; nonne *Oecolampadius* apud *Sichi-
 num* edidit libellum, in quo scribit non esse periculum,
 si quis Missam appellet sacrificium? Id sic execratur
Lutherus, ut malit decies mori. Quo tumultu *Zwin-
 glius* exegit Divorum imagines? Adversus hos, ut audio,
 libellum etiam acrem scripsit *Lutherus*. *Argentorati*, nec
 ibi tantum, publice docuerunt, nec ulla disciplinas, nec
 linguas esse discendas, præter unam *Hebraicam*. Adver-
 sus hos acerrime scripsit *Lutherus*. Quid hic commemo-
 rem de *Carlostadio*, quum sordidi quidam nobis respon-
 deant, *Nos non servimus Luthero, sed Evangelio*? Scri-
 psit istud quidem, sed scripsit humano spiritu, scripsit in
 gratiam *Melanchthoni*. In horum nonnullis, mi *Phi-
 lippe*, video tam impotentes spiritus, ut si res illis suc-
 cesserit, verear ne *Lutherus* etiam ipse desideraturus sit
 Episcoporum ac Pontificum tyrannidem. Quis enim
 coerceat istos, qui nec Pontificibus auscultant, nec
 Principibus, nec Magistratibus, nec ipsi denique *Luthe-
 ro*? Unum Evangelium occinunt, sed cujus ipsi
 volunt esse interpretes. Fortasse & hoc tolerabile, si
 quemadmodum à Veteribus dissentiant, ita inter se
 consentirent. De tui animi sinceritate nihil addubito,
 quin sedulo facias quod facis. De *Lutheri* animo, mul-
 ta sunt quæ suadent ut dubitem; etsi non ausim o-
 mnino meo iudicio fidere, videor tamen mihi ex scri-
 ptis animum hominis non minus deprehendere, quam
 ex convictu. Est ardens ac vehemens ingenium *Luthe-
 ri*, agnoscas ubique *Pelida* stomachum cedere nescii.
 Neque tu nescis quantus sit artifex hostis humani gene-
 ris. Accedit huc tantus negotii successus, tantus fa-
 vor, tantus applausus theatri, quantus vel modestissi-
 mum ingenium possit corrumpere. Jam mihi vide, do-
 ctissime *Melanchthon*, ei navi, quæ se tali tempestate
 commisit, quam validis ancoris, quanta saburra, quam
 fido clavo sit opus, ne depellatur à recto cursu. Hic
 oculis

1524. An. oculis perspicimus, quos spiritus tollant quidam, si vel pauxillum successerit. Si constet ratio conscientiae, nihil est quod mihi metuum, quamlibet, ut isti jactant, pusillanimis. Senectutem ac valetudinem, nec Cæsar, nec Pontifex mihi potest adimere. Est unde aliam hoc corpusculum. Dignitates & opes nihilo magis ambio, quam equus elumbis graves farcinas. Gloriæ jam olim sum satur, si quid omnino est gloria. Nec defuerunt pericula, quæ vel *Θεοῦ πλάγχυν* possent terrere. Et hæc omnia qui contemnit, dicitur meticolus. Tu non avelleris à sententia tua, quam imbibisti; & ego contra animi sententiam ea profitebor, quæ mihi præter infamiam certissimum adferant exitum? Nihil mihi facilius quam hanc vitam contemnere, quæ perpusilla superest, eaque tot morbis obnoxia, ut mors possit esse in votis, si possim hanc conscientiam probare Christo. Nec alio spectavit mea vel cunctatio, vel moderatio, quam ut utrique parti prodessem. Odi seditionem, & à sævitia semper & constanter dehortatus sum Principes. Si salvis hominibus queam jugulare vitia, videres quantus sim futurus carnifex, *ἀφ' ἐσίας δ' ἐξάρμην*. De fide tua nihil addubito, tametsi jam toties deceptus ab his, quibus vel decem vitas eram crediturus. Sed quicquid scribitur, vel *γραμματοφῶρον* perfidia, vel alio quopiam casu profertur: si colloqui licuisset, plura effudissem in sinum tuum. Illud unice cupio, ut apud vos religiose & colatur & ametur Evangelium; de me non admodum laborabo. *Neseni* mortem acerbissime tuli. Erat amicus candidus & constans, etiamsi mihi minime felix. Prædicatur apud omnes *Germanorum* fides, quo nomine *Britanni* non perinde bene audiunt: at hoc fuit fatum meorum, ut apud *Britannos* mihi contingerint amici multo sincerissimi, apud *Germanos* longe dissimiles aliquot: nec enim ex paucis æstimo universos. De Orationibus *Demosthenis* & *Æschini* Latine vertendis, demiror te mecum agere, quum nemo vivat, opinor, hodie, qui hoc magis præstare possit quam tu. Mihi nunc alia sunt in manibus, & hæc provincia tuam ætatem magis decet. Bene vale. *Basilea* 10. Decembris, Anno 1524. Vereor ut legas has extemporarias notulas.

EPISTOLA DCCXV.

Erasmus Roterodamus Henrico Stromero Aurbachio Medico S. D.

RISI falsissimam epistolam tuam, quanquam interim risum ridens Sardonium. Refricuit mihi jocus tuus *Mori* mei dictum quoddam non illepidum: nam editis libris *De Copia*; *Emisit*, inquit, *Erasmus utranque Copiam*, quid itaque sibi reliquum fecit præter summam inopiam? Ita profecto nunc habere desii liberum arbitrium, posteaquam emisi in vulgus. Optabam esse spectator hujus fabulæ, non quod Ecclesiæ negotio pro mea virili pigeret adesse, sed quod viderem esse rixam de paradoxis, nescio quibus: tum autem divinabam futurum, ut si me admiscerem actioni fabulæ, nihil aliud quam rem exasperarem, meo pariter & causæ malo. Postremo, considerans vitam *Christianorum* undique corruptissimam, etiamsi pessime sensissem de *Luthero*, tamen propemodum judicabam illum *ἀναγκαῖον κακὸν εἶναι*, quod qui tolleret, tolleretur id quod hoc statu temporum esset optimum. Verum, illud erat in fatis meis, ut hoc ætatis ex musico fierem retiarius. Deplorat *Laberius* Mimographus quod annos natus sexaginta, *Cæsaris* auctoritate protractus esset in scenam, ut qui domo egressus erat Eques *Romanus*, rediret histrio. Ego idem ferme ætatis ex cultore Musarum fio gladiator. *Vesanius*, qui semper versatus fuerat in arena, excusatione senectutis meruit missionem, & armis *Herculis* ad postem fixis latet abditus agro. Ego semper in campis Musarum versatus, in hanc cruentam pugnam protrudor, non aliter licuit. Clamitabant Sophistæ,

A *Convenit inter Erasmus & Lutherum, nemer aliterum* *impetit*. Principum expectationem diutius fallere non erat tutum. Odiose provocabant quidam *Lutheri* amici, sed ipsi etiam *Luthero* infelicissimi, ut si me continuissem, visus fuisset istorum minis territus filuisse. Quin & epistola *Lutheri*, quam per *Jochimum* ad me miserat, jam habebatur *Argentorati*, nec dubium quin brevi proditura. In ea pollicetur, se non stricturum in me calamum, sed hac lege, si abstineam à dogmatis ipsius ex professo labefactandis, quemadmodum hætenus feceram. Hie nondum satis liquet, utrum mihi futurum fuerit turpius metu, an ex pacto quietem agere. Itaque jacta est alea, sed sic ut ne verbum quidem præter animi sententiam scripserim. Quod ais me male audire apud Sophistas, nihil novi nuncias, nec ullam unquam cum istis pacem vel spero, vel ambio. Cæterum quo *Luthero* in me sit animo, quum res agatur fidei, plane leviter æstimo. Quam autem non magnifice de me sentiat, multis epistolis ad amicos scriptis declarat, in quibus facit me cæcum, miserabilem, ignarum *Christi*, alienum ab intellectu rei *Christiana*, rudem spiritus, adhuc affixum literæ. Sed mirum non est, si sic de me judicat, qui neminem Veterum non magnifice contemnit præ se. Utinam quod habere se proficitur, vertat ad Ecclesiæ tranquillitatem. Ego quod semper egi, non desino persequi, ut cum bonis literis floreat sincera pietas, nec hic ulla mihi prætermittitur occasio, si liceat proficere. Sed *Lutherana* pars in dies magis ac magis exacerbat animos Principum. Diverfa pars tantum vulgaribus utitur remediis, carceribus, palinodiis, confiscationibus, & fasciculis, quibus non video quid profecturi simus in hoc malo, quod tam late pervagatum est, & in dies se profert longius. Nisi scirem Deum moderari res humanas, ac frequenter fabulam, à nobis pessime coeptam, in optimam ducere catastrophem, non divinarem alium exitum hujus rei quam cruentissimum. *Carolsadim* hic fuit, sed vix *Oecolampadio* salutato. Edidit sex libellos, duo, qui excuderunt, nudius tertius conjecti sunt in carcerem, jussu magistratus, ob id potissimum quod, ut audio, doceat in Eucharistia non esse verum corpus Domini. Hoc nemo fert. Indignantur laici sibi eripi Deum suum, quasi nusquam sit Deus nisi sub illo signo. Docti commoventur verbis Scripturæ sacræ & Ecclesiæ decretis. Hæc res excitabit nobis magnam Tragediam, quum Tragediarum plusquam satis sit. Perlongum fuerit, si hic recenscam quid hic agatur. Scis *Tigurinos*, omnes Divos ejecisse è templis; *Walsbutenses* etiam è vitreis fenestris privatarum ædium. *Phallicus* in monte *Bellicardi* regnat pro sua libidine. Sed næ ego ineptus, qui hæc ad te, qui prius, opinor, hæc audis quam hic fiant. Bellus vero jocus istorum qui jactant me detrectare martyrium; quasi mihi multum hujus vitæ super sit, aut quasi calculus non tale malum sit, ut quamvis mortem faciat optabilem: an martyrium detrectat, qui sincere quod sentit proficitur? Affirmas te mecum sentire de libero arbitrio. Non statim Evangelium est quicquid isti docent, & non raro docendi modus aut docentis mores excitant tumultus. Ego quum nihil ambiam in hac vita, sic moderabor mea, ut prosum omnibus, quod quidem licebit, & Principibus, & Pontificibus, & Phariseis, & Sophistis quamlibet in me iniquis, & rabulis Euangelicis. Fortasse gratia quæ negatur vitæ, reddetur memoriæ, apud *Christum* certe nihil officii perire potest. Quum hæc scriberem, epistola tua ad manum non erat, proinde non miraberis si minus ad omnia respondi. Bene vale, vir optime. *Basilea* 10. Decembr. Anno 1524.

Priusquam has obsignarem, forte venit ad manum epistola tua. Festivum est quod narras de medico, nec multum aberravit à scopo tua divinatio. Et

Tom. III. G g g 12

1524. An. tamen est hic Ecclesiastes, qui in singulis concionibus aliquid differit contra libellum meum apud promiscuam multitudinem. Quam vir sit fortis *Lutherus* nescio. Hic nobis hoc novum Euangelium gignit novum hominum genus, præfractos, impudentes, fucatos, maledicos, mendaces, sycophantas, inter se discordes, nulli commodos, omnibus incommodos, seditiosos, furiosos, rabulas, qui mihi adeo displicent, ut si quam nossem civitatem ab hoc genere liberam, eo demigrarem. De libero arbitrio nihil scripsi præter animi sententiam; in multis aliis à *Luthero* dissentiebam, sed verebar impugnare, ne fructus hujus tumultus mea periret opera. Et isti stolidi jactitant me sentire cum *Luthero*, cæterum metu dissimulare. Egregius vero futurus sim martyr, si in gratiam talium nebulonum mentiar in caput meum. Sunt apud nostrates plurimi, qui favent *Luthero*, quod si præcisssem hujusmodi rabulas prodituros, statim initio professus fuisset me factionis hujus hostem. Utriusque juvenis, à *Duba* & ab *Hambitz*, indoles mihi vehementer placuit, nec defuturus sum officio meo, sicubi queam illis esse commodo. Rursum vale. Anno 1524.

EPISTOLA DCCXVI.

Erasmus Roterodamus Joachimo Camerario S. D.

ODI valetudinem hanc, non tam ob id quod me discruciat, quam quod per eam non licet erga amicos humanitatis obire munia: adeo durius est inhumanum fieri quam infelicem. Ac frequenter accidit, nescio quo fato, ut complures simul inundent, ac propemodum obruant. Itaque fit non raro, ut eodem tempore mihi sint literis onerandi, hic qui *Romam*, ille qui *Galliam*, alius qui *Britanniam*, alius qui *Brabantiam*, alius qui *Germaniam* adeat. Porro quum tu adesses tam erat imbecilla valetudo, ut ægre ferrem laborem promendæ vocis: adeo ut non solum Comiti *Polono* ad convivium vocanti excusarem, verum etiam amicitiam cœnare mecum repulerim. Proinde cogor hujus infelicitatis non modo pigere, sed pudere quoque. Quod autem malum in vita durius accidere potest, quam quod habet cruciatum cum pudore conjunctum? Et sunt quidam, qui nostram excusationem, multo quam vellem justiore, non recipiunt. Tu vero, mi *Joachime*, quum te tam frigide acceptum, tam candide interpreteris, nimirum probas mihi simplex tuum ac benignum ingenium. Jam vero quando non solum boni consulis, quod à me fuerat excusandum, verum etiam tam accurate gratias agis, pro brevi colloquio, pro salutariuncula literis ad *Melanchthonem* scriptis adjecta, & hanc ceu non vulgarem quandam humanitatem ingenii tui, ut in te vehementer amo, ita doleo in tam paucis inveniri nunc, ex eorum numero qui Musarum sacra colunt. Non enim oportet Gratias à Musis abesse. At quosdam his temporibus videre est, qui pro tribus Gratiis treis Furias addidere Musis. Tanta est morum barbaries, tanta scriptorum amarulentia. Porro, quemadmodum in hac causa mihi declaras insignem naturæ tuæ bonitatem, ita dum literarum evulgatarum suspensionem abs te depellis, probas mihi quantum & ingenii felicitate & dicendi facultate polteas. Nihil enim abs te prætermisum est, quod bonus orator ad talem causam adferre debuerit. Itaque scito, mi *Joachime*, hic te mihi nihil aliud persuasisse, quam te causam etiam non optimam optime posse tueri. Nam mihi quidem, priusquam tu verbum faceres, persuasum erat hic nihil esse commissum tua culpa, nec illa suspicio culpæ, quam tu deprecaris, idè *nam* unquam venit in mentem *Erasmio*. Et jam satis divino qui sunt illi, quorum stultam sedulitatem tu notas. Nec eram questurus hac de re apud *Melanchthonem*, nisi causa, quam illic agebam, eguisset & hoc argumento. Siquidem edidere jam pridem epistolam *Luthero* ad *Pellicanum*, ediderunt judicium *Adelanothonis*, qua de te ne-

A mini verbo sum questus. Qui tuas reddidit, plane non An. eguit tua commendatione, nimirum ipsa, quod ajunt, 1524. fronte præ se ferens ingenium imaginibus dignum, ac præterea propensam quandam in me benevolentiam. *Nesenum* nobis præreptum doleo, sed gaudeo te enataste, nam ajunt in communi fuisse periculo. Bene vale. *Basilea* 11. Decemb. Anno 1524.

EPISTOLA DCCXVII.

Erasmus Rot. Francisco Molino, Episcopo Condoniensi, S. D.

HAERES, ut scribis, meus *Hilarius*, utinam haberet tantum mentis quantum habet bonæ mentis. Mandaram etiam scripto, ut ante Septembrem isthic pararet mihi nidulum: nihil meminit, ebrius, opinor, voluptate repetitæ *Gallia*, quam unice amat. Rursum scripsi me non venturum ante proximum ver. Interea, si ipsi esset felix *Gallia*, frueretur: sin minus, recurreret huc, mihi futurus usui, sibi fortasse nulli incommodo. Venit cum aliquot extortis ac supervacaneis epistolis, mox in *Galliam* revolaturus. Si tua benignitas vult illi benefacere, & si videbitur dignus, ne committat illius manibus multum pecuniæ, sed prospiciat de sacerdotio, quod non possit prodigere. Novi hominis ingenium, non odi. Narrat tuam excellentiam decrevisse huc advolare. Id tamen suspicor abs te joco dictum, tamen quando sic asseverat *Hilarius*, non video causam, cur tantum suscipias iter. Fortassis in Septembri commissurus eram hoc corpusculum itineri. In hyeme non faciam, nisi decrevero mori: ne in ver quidem possum aliquid certi promittere. Bellum incrudescit, qualis sit futura valetudo incertum. Multa alia possunt exoriri, quæ consilium si non mutant, certe impediunt. Hæc non ideo scribo, quod tuus conspectus non sit mihi futurus multo jucundissimus, sed quod nolim tantum amicum frustra & sumptu & itinere fatigari. Quod scribis de hircundine in niveis quæsitæ, Deus avertat omen. Bene vale. *Basilea* 12. Decemb. Anno 1524.

EPISTOLA DCCXVIII.

Erasmus Rot. Georgio Duci Saxonia S. D.

ILLVSTRISSE Princeps, accepi ternas jam à Celsitudine tua literas, unas 21. Maji scriptas, quibus inclusum erat earum exemplar, quæ meis primis, ni fallor, ad te literis respondebant. Tertiæ nuper redditæ sunt, quibus significas tibi redditum libellum *De libero arbitrio*. Priores multum habent stomachi, quod non olim prodierim in arenam adversus *Lutherum*, quasi, si id fecissem, res non fuerit hucusque progressura. Ad eas tum paucis, & ex tempore respondi: verum, quando comperimus non raro fieri, ut literæ interceptantur, (quemadmodum nunc deprehensum est nec meam epistolam fuisse redditam, qua primis tuis ad me liberis responderam, nec tuam, cujus exemplar nuper misisti) repetam argumenti summam. Quum primum *Lutherus* aggrediretur hanc fabulam, totus mundus illi magno consensu applausit, inter quos arbitror & tuam fuisse Celsitudinem: certe favebant Theologi, quos nunc habet insensibilissimos, favebant & Cardinales aliquot, ne quid dicam de Monachis. Susceperat enim optimam causam adversus corruptissimos Scholarum & Ecclesiæ mores, qui eo progressi fuerant, ut jam res nulli bono viro tolerabilis videretur. Deinde adversus hominum quorundam genus, ad quorum deploratam malitiam suspirabat orbis *Christianus*. Quis autem tum divinare poterat, negotium hoc hucusque progressurum? Si mihi *Daniel* quispiam hoc fuisset vaticinatus, non habuissem illi fidem. Arbitror ne *Lutherum* quidem ipsum sperasse hujusmodi successum. Et tamen antequam *Lutherus* quicquam edidisset, præter axiomata de indulgentiis Pontificis, ac tantum una aut altera pagella circumferretur inter fautores, deterrui ab in-

An. incepto, simul & *Lutheri* doctrinam imparem judicans
 1524. huic negotio, qui nunc bellando bellator factus est,
 & divinans rem in seditiones ac tumultus exituram:
 quum id temporis esset mihi arctissima familiaritas cum
 his, qui magnis studiis applaudebant hujus exordio fa-
 bulæ, nemo tamen meum animum vertere potuit, ut
 probarem institutum. Certe fabulæ actionem palam &
 constanter apud omnes improbavi. Adeo ut quum sen-
 tirem me apud *Brabantos* agente, *Frobenium* instigan-
 tibz doctis, quorum erat *Capito*, libellos aliquot *Luth-
 heri*, typis excudisse, literis illi denunciari, fieri
 non posse ut amicitia mea uteretur, & talibus libellis
 contaminare pergeret suam officinam. Nec his conten-
 tus adjeci coronidem libello *Colloquiorum*, qui tum *Lo-
 vanii* excudebatur, in qua clare testificatus sum, me à
Lutherano foedere esse alienissimum. Itaque *Lutherum*,
 quandoquidem prior ad me scripserat, clam admonui,
 ut rem sincero gereret animo, eaque moderatione quæ
 deceret Evangelii professorem. Nec Cæsaris animus
 adhuc abhorreere videbatur à *Lutheri* doctrina. Tan-
 tum Monachi quidam & commissarii vociferabantur,
 quorum quæstui videbatur aliquid decedere. Horum
 insanis tumultibus potissimum effectum est, ut ex par-
 va scintilla tantum surgeret incendium. Quo magis re-
 vocabam *Lutherum*, hoc ille sæviebat acrius. Rursus
 dum diversam partem studeo compescere, hoc retuli
 gratiæ, ut jactitarent me sentire cum *Luthero*. Dices,
 cur non prodibas in aciem, postquam jam incrudue-
 rat malum? Habebam hanc de me ipse opinionem, ne-
 minem esse minus idoneum ad hoc negotium quam me.
 Nec arbitror hanc esse falsam animi persuasione. Cæ-
 terum qui hoc jactitabant apud Cæsarem aliosque
 Principes, per me potissimum opprimi posse *Lutherum*,
 nequaquam simplici animo id faciebant. Iidem enim
 prædicabant, me nihil scire rei Theologicæ, & adhuc
 prædicant. Quid igitur agebant isti? nimirum ut *Era-
 smum* inermem tot dentatis belluis objicerent, totiuf-
 que negotii invidiam in meum caput derivarent. Quam
 vero laudem hinc retulisset? Videlicet ut me præbe-
 rem Theologorum scribam, qui sibi vindicassent eru-
 ditionis gloriam, elocutionis tantum mihi concessis-
 sent. Nec unquam illorum animis eram facturus satis,
 nisi conviciis ac jurgiis debacchans omnia tumultu
 complexsem, ac tantum sævissem calamo in *Lutherum*,
 quantum illi fervebant odiis. Quin & illud agebant,
 ut qui prius cum *Luthero* sensissem, viderer hanc vel-
 uti palinodiam canere. Sic enim proponebant; Scri-
 pisti pro *Luthero*, scribe nunc adversus *Lutherum*. Æ-
 qua vero conditio, ut prius mentirer in caput meum,
 deinde calamum meum dederem in servitutem morosis
 ac cerebrosis quibusdam, mihique plusquam capitali-
 bus hostibus, quod nunquam esse desinent, nisi pos-
 steaquam desinent odisse bonas literas. Id facient ad
Gracas, ut ajunt, Calendas. Jam nisi omnia istorum
 placita defendissem, dedissem memet illorum odiis.
 Novi hoc hominum genus. Ita quid aliud erat futu-
 rus *Erasmus*, quam istorum carnifex? Nec dubium
 quin illud statim evenisset, quod nunc videmus eve-
 nisse, ut quotquot impendio faverent *Luthero*, favent
 autem ubique plurimi, aut amici nobis esse desinerent,
 aut, quod experior in nonnullis dudum intimis, ex
 amicis verterentur in hostes capitales. Nulla est re-
 gio, in qua mihi meæ lucubrationes non plurimos ami-
 cos conciliarant: & hac possessione mihi sat beatus vi-
 debar in fortuna quamlibet tenui. Ea possessio longe
 charissima æquo animo fuerat deponenda, simulque
 consequebatur, ut bonarum literarum osoribus, me
 præsidii amicorum destitutum & inermem objicerem,
 vel potius utrinque dilacerandum præberem. Hic me
 consolaberis Pontificum & Cæsaris præsidio: An isti
 mihi succurrent, qui nulla vi possunt efficere, quo
 minus contumeliarum & criminum plenis libellis lapi-
 dentur ipsi? Quod ad divitias attinet, est unde alam
 hoc corpusculum. Cæterum quisquis huic valetudini
 atque ætati dignitates dederit, non dicam bovi clitel-

las, sed equo vetulo & elumbi sarcinam imposuerit, An.
 sub qua concidat. Jam audio, quod ajunt quidam, si-
 dei Catholicæ vitam etiam impendendam. At me ter-
 rebat exemplum *Oze*, cui parum feliciter cessit, vo-
 luisse labanti arcæ succurrere. Non est cujusvis, nu-
 tanti fidei humeros supponere. Ipse *Hieronymus* dum
 oppugnat hæreticos, vix cavet quin incidat in hære-
 sim. Quid igitur mihi metuendum erat, quum aliis
 rebus nato, tum ad hanc arenam nequaquam instru-
 cto? Nec dubitabam, quin ex tot Theologorum ag-
 minibus, ex tot Episcoporum collegiis essent proditu-
 ri, qui rem tam arduam & vellent suscipere, & possent
 præstare. Nec me fefellit mea divinatio. Quam mul-
 ti, quantique viri coorti sint in *Lutherum* vides. Quæ-
 so, quid his effectum est? Accessit terribile Pontificis
 edictum, terribilius Cæsaris, denique carceres, con-
 fiscationes, palinodiæ, fasciculi, incendia: nihil his
 rebus video profectum, nisi quod malum in dies serpit
 latius. An igitur istos vel tantulum commovisset pyg-
 mæus *Erasmus* in arenam profiliens, qui tantos gigan-
 tes negligunt? Me quidem præter dogmatum hyper-
 bolas vehementer offendit in *Lutheri* libris amarulen-
 tia, cum pari conjuncta arrogantia, quanquam nunc
 succedunt illi, ad quos collatus *Lutherus* modestus vide-
 ri queat. Et tamen vix ausus sum meo fidere judi-
 cio, quoties meo cum animo reputabam, tot homi-
 num millia in *Lutheri* favorem consentientia, inter
 quos si nihil me moveret turba, plurimos noveram in-
 genio felici, magnoque judicio præditos, nec vulgari
 doctrina, postremo mihi semper antehac visos inte-
 gros ac pios homines. Proinde sæpe mecum demira-
 tus sum, quid isti viderent in scriptis *Lutheri*, quod
 tam pertinacibus studiis amplecterentur ac tenerent
 mordicus. Et tamen ex his nullus repertus est qui
 mihi per omnia satisfecerit, si quando incidit familia-
 ris conflictatio. Verebar itaque nonnunquam ne mei
 stuporis esset, qui ea non perspicerem, quæ illi vel-
 uti perspicua, tanta cum fiducia, tantoque consensu
 tuerentur. Non est igitur quod quisquam reprehendat
 meam cunctationem, quum lentius cunctatus sit
 divus *Hilarius*, antequam in *Arianos* stringeret cala-
 mum. Illi diu siluisse non erat collusio, sed religio;
 me vero & alia religio commovebat. Non raro me-
 cum suspirare soleo, perpendens quo tandem esset pro-
 lapsa *Christiana* pietas. Mundus instupuerat ceremo-
 niis: mali Monachi regnabant impune, qui laqueis
 inexplicabilibus involverant hominum conscientias.
 Theologia, ad quas tricas sophisticas reciderat? Jam
 definiendi temeritas in immensum processerat. Ne
 quid hic commemorem de Episcopis, aut sacerdoti-
 bus, aut his qui nomine *Romani* Pontificis exerce-
 bant tyrannidem. Itaque sic mecum cogitabam: quid
 si morbi nostri meruerunt tam inclementem correcto-
 rem, qui malum, nullis malagmatis aut unctionibus
 sanabile, sectionibus & usturis sanet, & Deus ita vo-
 luit abuti *Luthero*, quemadmodum olim abusus est
Pharaonibus, *Philistæis*, *Nabuchodonosoribus* & *Roma-
 nis*? Videbatur enim tantus successus non absque nu-
 mine geri, præsertim quum bona pars hujus fabulæ
 per homines sordidos ac prodigiolæ tum malitiæ,
 tum stultitiæ geratur. Huc igitur appellebam ani-
 mum, ut exitum hujus tragœdiæ *Christo* committe-
 rem, hoc tantum agens interim, ut quos possem a-
 vocarem ab additione factionis, & utranque partem
 sollicitarem, ut, si fieri posset, ad æquas conditio-
 nes utrique descenderent, atque ita paulatim sarcire-
 tur concordia. Ad id conficiendum videbar mihi
 exordia non omnino pessima excogitasse: id primum
 tentatum est in Concilio *Wormaciensi*, mox idem egi
 apud Cæsarem, deinde apud *Adrianum* Sextum, &
Clementem Septimum, postremo apud hujus Legatum,
 Cardinalem *Campegium*. Tentati sunt & *Lutherani*
 negotii procures si possent mitescere. Hos comperi
 mire præfractos, adeoque non faciles ad remittep-
 dum aliquid de coeptis, ut in dies superioribus adderent

An. 1524. acerbiora. Ac Principibus adversæ partis videbatur hoc esse decretum, ut diffidium hoc sævitia compe-
 fcerent. Ad hoc consilium etiam si justum ac verum
 esset, tamen perspiciebam non opus esse mea opera.
 Sit sane conjiciendus in ignem; qui pugnat adversus
 articulos fidei, aut si quid aliud magno Ecclesiæ con-
 sensu receptum est, ut cum illis parem habeat aucto-
 ritatem: at æquum non est, ut quivis error igni pu-
 niatur, nisi accedat seditio, aut aliud crimen, quod
 leges capite puniunt. Neque enim ad hoc valere de-
 bet Evangelii prætextus, ut impune peccetur, sed ne
 omnino peccetur, etiam si per leges liceret impune.
 De potestate Pontificis in multis articulis Theologi Pa-
 risienses dissentiunt ab Italis, & alteram partem errare
 necesse est. Neutra tamen alteram ad ignem vocat. In
 multis dissentiunt qui Thomam sequuntur ab his qui
 adhærent Scoto: & utrosque fert eadem schola. Nunc
 magnopere vereor, ne vulgaribus istis remediis, hoc
 est, palinodiis, carceribus, & incendiis, malum ni-
 hil aliud quam exasperetur. Bruxella primum exusti
 sunt duo: tum demum cœpit civitas favere Lutheri.
 Si lues hæc dimanasset ad paucos, posset utcunque
 amputari: nunc adeo late pervagata est, ut ipsis etiam
 Monarchis existimem metuendum. Non hæc eo spe-
 ctant, ut censeam hoc malum esse negligendum, sed
 ut doceam vulgaribus remediis non esse exasperandum.
 Quem movet illa palinodia, incendii metu extorta?
 Deinde unus aut alter affectus supplicio, quid aliud
 quam irritat tam numerosæ factionis animos? Age, fin-
 gamus his remediis opprimi posse malum, quid refert
 opprimi, mox vehementius repullulaturum? Ac mihi
 quidem nonnulla spes esset, Pontifices ac Principes ad
 æquas condiciones flecti posse, si remitteret fortassis
 nonnihil & Lutherus: verum hic Lutheranos quosdam
 video, de quibus mihi nulla spes est æquis legibus au-
 scultaturos. Itaque quod superest, pura conscientia ve-
 nor occasionem, si queam aliquid adferre momenti ad
 faciendam publicam concordiam: & si non licet præ-
 stare quod optimum est, certe quod optimum est non
 definimus assiduus à Christo votis flagitare. Utinam hic
 nobis volare dignetur, non Minerva noctua, sed Christi
 columba, quæ quorundam temeritatem nobis vertat in
 bonum exitum. Hæc integer & ago & opto, utracun-
 que pars vicerit, ego non fruor victoria, hinc brevi de-
 migraturus. Verum, id faciam æquiore animo, si vide-
 ro Christi causam ferre palmam. Lutherus porrexit orbi
 pharmacum violentum & amarum. Id quale quale est,
 optarim ut aliquid bonæ sanitatis gignat in corpore Chri-
 stiani populi, tot malis undique corruptissimo. Sunt a-
 lia, quæ non satis tutum est literis committere, quæ si
 nosset tua Celsitudo, non scripsisset mihi duas tales epi-
 stolas, quibus longe dissimiles scribunt Pontifex, Cæsar,
 Ferdinandus, & Rex Angliæ. Nec tamen offendor inge-
 nuitate tua. Sic tibi persuaserat aliquis, & religiosus qui-
 dam ardor erga fidem Catholicam talia tibi dictabat. Alio-
 qui prædixum erat illud, *Utinam ante triennium hanc*
tibi mentem Deus dedisset, ut à factione te sejunxisses, &
ita sejunxisses, ut edito aliquo adversus illos scripto, &
cætæra. Imo, quod admonet illustrissima Celsitudo tua,
 jam factum est ante annos quatuor, & multo plus
 factum est quam tu exigis. Nunquam me illi factioni
 adjunxi, maluique tot amicorum jacturam facere, quam
 vel paululum admisceri factioni, quæ tum erat ubique
 plausibilis. Quot libellis, quot epistolis testatus sum,
 mihi nihil fuisse rei unquam cum Lutheri? Quot locis
 non diffimulo me ab illo dissentire? Tametsi veterem
 cum eruditis amicitiam, quoad licuit, alui, sed sic ut
 dogmatibus illorum non accederem. Hanc meam civi-
 litatem laudavit etiam Pontifex Adrianus & Card. Cam-
 pejus, nimirum intelligentes hoc expedisse causæ. For-
 tasse non defuturi sunt, qui moderationem meam, qua
 in Collatione sum usus, calumniantur, quum ea vehe-
 menter probetur, tum eruditis permultis, tum Regi An-
 glorum, & hujus Cardinali. Ea moderatio magis gra-
 vat Lutherum quam omnia convicia. Videor nonnullis

A sero descendisse in arenam. Utinam tam feliciter de-
 scendissem, quam descendi mature. Res ipsa declara-
 bit, me nusquam defuisse causæ Ecclesiæ. Erat in rem
 studiorum, Mosellannum quam diutissime nobis esse su-
 perstitem, sed hujus mortem hoc æquiore animo fero,
 quod huic tumultuosissimo seculo subtractus est. De
 successore suspicor jam esse prospectum, quandoqui-
 dem jam vetus erat epistola, qua id à me postulas. U-
 triusque linguæ sic peritum, ut possit Mosellano succe-
 dere, difficile est reperire, sed longe difficilius, qui,
 quod addis, prorsus sit alienus à factione Lutherana.
 Si quis tamen occurret qualem optas, significabo. Ha-
 ctenus ad duas epistolas tuas priores. Nunc ad extre-
 mam: Collationem nostram tuæ Celsitudinis calculo
 comprobari sane gaudeo. Veniunt à multis epistolæ,
 huic meo labori gratulantes. Sunt qui fatentur sese
 hoc libello lecto mutasse veterem sententiam. Scribunt
 etiam Wittenberga æquissimis animis exceptum. Hic ta-
 men fremunt. Quidam in singulis concionibus aliquid
 jaculantur in eum libellum. Accepi libellum De votis,
 & cœpi legere, video loquacissimum esse. Sed illi jam
 accurate respondit Jodocus Clitovens Theologus Pari-
 siensis. Arbitror libellum De modo orandi jam isthic
 esse, alioqui misissem, & fortasse mittam, si qui has
 reddet, tantum sarcinæ volet recipere. Precor ut Do-
 minus Jesus illustrissimam Celsitudinem tuam diu ser-
 vet incolumem. Basilea 12. Decembris, Anno 1524.

EPISTOLA DCCXIX.

Erasmus Roterod. Joanni Casario S. D.

ERAT suspicio, sed levis, te nonnihil offensum li-
 teris, quibus liberius jocans respondi ad quæstionem
 tuam, De publicano justificato, ne quid tu putes acer-
 bius ad me delatum. Quod amicum tam magnifico
 elogio decoraris, ut diceres eum sibi contrarium esse,
 habeo. sane quam debeo gratiam. Blaterant idem &
 inimici, quod tu amicus de me prædicas. Sed interim
 nullus existit, qui potuerit vel unum argumentum
 proferre, in quo fuerim mihi contrarius, quum tot
 existent meæ lucubrationes, quumque hæ ab iniquissi-
 mis sycophantis excutiantur. Idem scribo quod olim
 scribebam, idem ago quatenus licet, ac diligentius a-
 go quam vos putatis. Ego peperit ovum, Lutherus ex-
 clusit. Mirum vero dictum Minoritarum istorum,
 magnæque & bona pulte dignum. Ego posui ovum
 gallinaceum, Lutherus exclusit pullum longe dissimil-
 limum. Nihil miror ab istis ventribus talia dicta. profi-
 cisci, te demiror cum illis sentire. Atqui tu ipse possis
 esse optimus testis, me violentiam Lutheri semper im-
 probasse, metuentem ne res in cruentos tumultus exi-
 ret. Optares me prorsus filuisse. Quid ego audio? An
 ideo racendum prorsus erat de superstitione, de sophi-
 stica, de pseudo-Episcopis, de malis Monachis, ne
 quis hæc alio rapiat quam oportet? Quis divinasset
 apud Germanos latere talia portenta, quæ nunc vide-
 mus exoriri? Huc videbantur, inquis, tendere tua
 scripta. Quo, ad factionem? ab hac semper abhorruim.
 Ad seditionem? hanc nunquam non sum detestatus.
 Ego processit usque ad littus. An ideo videor mihi con-
 trarius, si me nolo præcipitem dare in fluctus? Doles
 me male audire. At ego vicissim doleo, esse tam mul-
 tos inter Christianos, qui de benemerente loquuntur
 male. Quiescere non licuit. Utrique parti placere non
 poteram. Ne Jovi quidem, ut ajunt, hoc datum est,
 ut placeat omnibus, sive pluat, sive sereno vultu ar-
 rideat. Attramen levius malum esse duco, male audire
 apud istos, quam cum insanis quibusdam furere. For-
 tassis ipse rerum exitus efficiet, ut melius audiam. Cer-
 te cordatissimi quique in utrisque castris jam nunc ap-
 probant meam & moderationem & integritatem. Est
 aliquid, mi Casari, in tali tempestate non depelli à re-
 cto cursu. Id magis diceres si totam fabulam pernos-
 ses, quæ hic agitur. Male audio apud sordidos quos-
 dam, quos ipse etiam odit Lutherum, ut applausores in-

An. 1524. incommodos. At melius audio apud Pontificem, Cæsarem, *Ferdinandum*, Regem *Angliae*, aliosque proceres, apud quos falsissimo delatus eram, ut *Luthero* foederatus. Ego vero vel utrinque lapidari malo conviviis quam in hac conjuratione magnificum ducem agere. Factioni non adero, Euangelio non deero. Offendit istic quosdam mea διατριβή. Atqui *Melanchthon* scribit eam *Wittenbergae* æquissimis animis exceptam, nec ipsum *Lutherum* magnopere offensum. Istos deos quis placabit? Misericordiam meam tibi placuisse vehementer gaudeo. De libero arbitrio cum vacabit feres sententiam, nos reverenter excipiemus. De negotio typographorum, binas accepi literas; quod in prioribus volebas, jam ultro egeram; quod in posterioribus, omnino futurum est, nisi quid inciderit, quod vitari non potest; quanquam ego me rebus istorum figulorum non magnopere admisceo. Annos plusquam duos hic ago, semotus à *Frobenio*, nisi quod benevolentia sumus conjunctissimi. Vivo meo sumptu. Pro decem mensibus, quibus apud illum egi, solvi centum & quinquaginta aureos. Literæ, quas nolebas incidere in manus *Frobenii*, per illum mihi redditæ sunt, & is, qui *Frobenio* reddidit, μυσηώτερον narrat quam erant in literis, satis apparebat literas fuisse resignatas. Quod tamen à *Frobenio* non esse factum certo scio. Nihil illo sincerius. Stultum est nunc scribere quod nolis prodi. Velum templi scissum est, efferuntur omnia, etiam quæ sacerdoti dixeris in sacramentalissima confessione. Caveat sibi quisque, Dominus venit. Benevale, vir optime. *Basilea* 16. Decembris, Anno 1524.

EPISTOLA DCCXX.

Erasmus Rot. Paulo Voltzio Abbati S. D.

ET tibi tua crux ferenda est, ô bone, si vis regnare cum *Christo*, à qua nec pedum quamvis venerabile, nec mitra bicornis, nec anuli te liberabunt. De paupere regno lis est. Etsi maximum esset, scio tuum animum his rebus non magnopere commoveri. Re comperisti, ne tyrannos quidem esse liberos, quibus regnum etiam cum libet deponere non licet. Constantiter recusavi thesaurariam *Turonensem*. Res erat & liberrima & paratissima, proventus τελαρχισον quingenti coronati. Nolo bos clitellas. Utrum tu sceptrum tuum cum ea conditione commutasses? Etiam si pensio designetur satis æqua, non semper penditur quod pangitur: quodque est omnium gravissimum, qui quærunt lædere crimen prætexunt lux malitiæ, ut probum accedat damno gravius. Epistola, qua scribis te ternas misisse literas, mihi tertia reddita est. Itaque una duntaxat periit. De *amphibio* suspicabar quod scribis, nisi quod non satis divinabam, quid sibi vellet scholarum. Nam ἀμφίβια dicuntur animantia, quæ in utroque vivunt elemento, veluti *Crocodili* & *Phocæ*; deinde irata *Grammatica* scripseras ἀμφίβιο pro ἀμφίβιο. De vita mea, quam mihi longævam precaris, viderit *Christus*, ego sciens nec ad dextram deflectam, nec ad sinistram. Istorum tumultus quorsum evasuri sint nescio. Ab his ego jam non iudicio tantum, verum etiam religione abstineo. Quid si Deus per istos corrigere vult nostram in malis pervicaciam? *Melanchthon* scribit nostram διατριβήν etiam *Wittenbergae* æquissimis animis exceptam. Fremunt stolidi. *Thrasymachus* & *Eubulus* non audent proferre caput, utrinque lapidandi si vel prospexerint. Seculum est, in quo nec bene loqui licet, nec male. Opto tibi gaudium & pacem in Domino, Pater reverende. *Beatum* nondum vidimus, nec arbitror brevi venturum. Habes ad epistolam tuam μάλα Λακωνικῶς. *Basilea* 18. Decembris, Anno 1524.

EPISTOLA DCCXXI.

Erasmus Rot. Lodovico Vivi S. D.

DIATRIBAM meam *Philippus Melanchthon* scribit æquissimis animis acceptam *Wittenbergae*, sed ita ut

A non dissimulet se metuere causæ *Lutheranae*, quam ait An. eum Euangelio conjunctam, si perrexero. De victo- 1524. ria, mi *Vives*, quæ futura sit, gemitus orbis si vindicetur à quibusdam, rem ipsam divinas. Urgeor utrinque, dici vix potest quam odiose, sed in utraque parte video futuros intolerabiles si vincant. Hic res plane spectat ad seditionem, & aliquot δυνασταί me conantur volentem nolentem huic involvere negotio, nihil profecturum, nisi ut utranque partem in me provocem. A tanto Rege, à tali Regina laudari vehementer gratum est, sed quid isthuc πρὸς τὴν ἀλφίτα; belle disputo, sed hic magno fumat culina. *Montanus* ne verbum quidem mandavit, aut scripsit, opinor subitum *Livini* discessum fuisse in causa. Quem dicas novum meum coluctatorem non satis intelligo, nisi forte dicis *Othonem Brunsfeldium*, quem ipse *Lutherus* magis exsecratur quam ego. Et hoc tamen infanior est *Phallicus*. Horum insolentiam coercuerunt magistratus gravissimis minis, alioqui impotentissime debacchaturorum in me. In *Hieronymi* scholiis, si non omnia, certe permulta castigavi. Habebam id temporis plurimos instigatores, adiutorem neminem. O me rudem ingenii *Germanici*! Erratum de *Laberio* nuper deprehendi, dum certior esse cupio de ætate: tametsi antea quoque subdu-bitabam. *Linacri* mortem acerbius ferrem, ni reputarem quantis cruciatibus subductus sit. De *N.* scripsi non quantum ille meretur, omnibus *Eurybatis* ac *Phrynon-dis* sceleratior, sed quantum meæ modestiæ tuæque prudentiæ satis esse judicavi. Hic sedulo dissuadet *Frobenio*, ne quid tuorum excudat. Et *Frobenius*, duntaxat hac in re, absque illius præsidio nihil potest. Nam apud *Germanos* vix quicquam vendibile est præter *Lutherana* ac *Antilutherana*. Mea tamen adhuc satis favorabilia sunt, vel hoc argumento, quod *Frobenius* tam multos habet æmulos magno suo dispendio. Cæsaris edictum, quod deterret æmulos, hujus non faciunt ipsi qui nobis dant Cæsarem: imo vendunt Cæsaris nomen. Ego jam pridem gestio quopiam ab his figulis demigrare. *Frobenius* mihi serio questus est, se ne unum quidem Opus *De civitate Dei* vendere *Francfordia*; idque eo vultu dixit, ut plane credam hominem nihîl fingere. Vides etiam in *Musarum* rebus regnare fortunam. Ego illic nihil non suspicio, nisi quod brevitatis, quam tibi olim commendavi, reddidisset librum vendibiliorem. Atque hoc negotium *Frobenius* suscepit à me non persuasus, sed compulsus. Et res est non exigui sumptus. Miseret me boni viri, nimiumque sinceri, cui pseudocheus ille miris technis imponit. Si *Civitatem* illam vel prælegendo, vel alia quapiam ratione posses vendibiliorem reddere, sublevares hominem. Ego nullam video viam, nisi ut totus *Augustinus* emendatus prodeat. In hoc velim te adjuvare, suscepta aliqua portione laboris. Nos tametsi jam lassî, non defuturi sumus officio nostro. Ex animo, mi *Vives*, gaudeo tibi *Britanniam* esse prosperam, quod ut tibi proprium ac perpetuum sit precor. Benevale. *Basilea* 27. Decembris, Anno 1524.

EPISTOLA DCCXXII.

Erasmus Rot. Eustachio Andrea, Monacho Cluniacensi, S. D.

F RATER in *Christo* charissime. Singularis tuus in me affectus, quem non tam oratione quam fronte, quod ajunt, ipsa, quam oculis, quam toto vultu loquebaris, facit ut non possim te non redamare, nisi velim haberi omnium inhumanissimus. At vereor ne tibi usu venerit, quod de *Ixione* narrat fabulæ, qui pro *Junone* nubem amplexus est. Superest autem, ut nostros labores, quibus tam impense faves, precibus tuis adjuves: te vero in amicorum numerum perquam lubens recipio, non defuturus officio meo, si quid exstiterit in quo possim tibi gratum facere. Salutabis mihi duos fratres humanissimos *Jureconsultos*, quorum in colloquio nostro inciderat mentio: præterea doctissimum

An. 1524. mum juxta & humanissimum doctorem, qui mihi olim notus *Mechlinia*, me salutavit *Besontii*. Nam præter nomen nihil illius excidit mihi. Tu fac sic invigiles honestis studiis, ut ordini tuo possis & ornamento esse, & usui. Abbatis dignitas non est quidem ambienda, sed ea tamen ultro sequetur virtutes tuas. Bene vale. *Basilea* 27. Decembris, Anno 1524.

EPISTOLA DCCXXIII.

Erasmus Rot. Leonardo, Officiali Archiepiscopi Besontini, S. D.

VIR egregie, levius odissem hanc valetudinem, si mihi tantum adferret cruciatum, non etiam amicis gravem redderet, ac molestum. Tolerabilior enim esset, si dolorem haberet absque pudore: nunc non tam pigeat morbi, quum apud vos essem, quam pudebat, quod vestro in me affectui longe humanissimo deesse coactus sum. Et haud scio, an sint non eadem humanitate præditi qua vos estis, qui meam calumnientur calamitatem, & infelicem necessitatem interpretentur inhumanitatem. Post abitum, hic diu langui, magnæque victus moderatione, sensim ac paulatim revixi. Ubi sum factus paulo firmior, aperuit se calculus, qui latuerat in insidiis: eum ejeci, sed cum summa vitæ desperatione, post aliquanto commodius habere coepi, reperta aqua ex adipso cocta, qua vinum diluo: quod si amarum est, dulcescit; si acidum, corrigitur; si austerum, mitescit; si acerbum, fit lenius; si ardens, refrigeratur. Nescio quid rumoris huc allatum est, discessum isthinc nostrum sequutam esse famam, nos esse *Lutheranos*. Verum ad hos tumultus jam occallui. Utinam utraque pars huc incuberet, ut Euangelica sinceritas vere floreret apud omnes: non deesset stylus meus. De confirmanda Missa magna sedulitate tumultuatur *Bietricius*: at mihi res cordi non est, & præstat hoc seculo non dare ansam improbis tumultuandi. Habetis isthic in propinquo novum Euangelistam *Pharellum*, quo nihil vidi unquam mendacius, virulentius, aut seditiosius. Mihi videtur esse tempus, ut Episcopi cum Principibus serio conferant sua consilia, quo diffidium hoc, quod in dies serpit latius, sic componatur, ne facile repullulascit. Nam vulgaribus remediis, hoc est, palinodiis, carceribus & falciculis video nihil profici nisi in pejus. Commendabis me diligenter D. Archidiacono & hujus Officiali, præterea *Francisco* Thesaurario, *Desiderato*, cæterisque dominis & amicis meis. Bene vale. *Basilea* 29. Decembris, Anno 1524.

EPISTOLA DCCXXIV.

Erasmus Rot. Christophoro Truchses†, Baroni in Walpurg, S. D.

CLARISSIME juvenis, nihil mihi *Carolus* meus secum attulit ex *Italia* gratius, quam quod præter expectationem attulit. Attulit enim imaginem tui, quam isthic è vivo desumptam, sic mihi repræsentavit orationis velut penicillo, ut me quoque, perinde quasi te coram intuitus essem, in virtutum tuarum amorem simul & admirationem rapuerit. Ut enim optimo jure sapientum calculo damnantur, qui fortunæ beneficio divites, animum habent omnium rerum inopem, qui corporis forma conspicui sunt, quum mentem habeant nullis virtutibus exornatam: & qui natalium stemmatis sese venditant, quum alioqui nihil habeant nobilitatis præter imagines, multo justius autem damnantur qui vestes ac domos habent opulenter splendidas, quum animus ignavia acediaque squaleat: qui pulchro corpore, mentem circumferunt vitiis foedam: qui majorum imaginibus morum culpa, labem ac tenebras offundunt: Ita merito laudantur hi, qui sese veris, bonis

† Fuit is Frater Ottonis Truchsesii Cardinalis Augustani, & patruus Gebhardi Truchsesii Archiepiscopi Colonienfis, atque obiit Paviæ in Italia anno 1535. ex Tunetana expeditione rediens. Vide Chytræum in *Saxonia* lib. xxvi. p. m. 726.

A ac perpetuis ornamentis sic locupletarunt, expolierunt, & illustrarunt, ut ea minima sit in ipsis pars nobilitatis, quam vulgus totam esse nobilitatem existimat. Precor ut is, cui decet acceptum ferri, quicquid veri boni nobis obtigit, istum animum tibi fervet, semperque in majus provehat. Magna hodie invidia laborant bonæ literæ, nuper etiam nobilitas coepit hujus extræ malum sentire. Verum omnis hæc invidia vertetur in favorem, si multi tui similes exstiterint. Mediocris enim felicitas livori obnoxia est, cæterum juvenis pudica, divitiæ sine luxu, nobilitas sine supercilio, morum integritas cum eruditione non vulgari conjuncta, superat omnem invidiam. Videmus quot egregiis viris ceu stellis luceat *Britannia*, quot exoriantur in dies, qui majorum gloriam obscuraturi videantur, nisi quod hoc est illustrare verius quam obscurare. *Germania* nondum fortassis habemus quod magnopere gratulemur, sed tamen exorti flosculi quidam insignes, mirificam quandam pulcherrimi proventus spem pollicentur. Istam mentem, mi *Christophore*, tibi proprie gratularer, nisi multos viderem *Germanica* nobilitatis juvenes pari cursu tecum ad istam laudem contendere, ut jam merito toti *Germania* gratulari debeamus, & exemplum in dies ad plures dimanaturum confidimus. Erit profecto tum vere clara, generosa, illustris, ac suspicienda nobilitas, quum pro chartis & alea tractabit optimos Veterum libros, pro scortis amplectetur virgines camœnas, pro bellis ac latrocinis, sanctissimæ leges ac philosophiæ decreta cordi erunt. Virtute nihil amabilius, sed nescio quid illi decoris & gratiæ accedit, si fortunæ quoque bonis multitudini commendetur. Libebat quidem pluribus exstimulare currentem licet, sed vix hoc etiam vacavit scribere per studiorum occupationes. Tu dabis operam, ut in dies minus egeas cujusquam exhortationibus, nosque, qui tuæ virtuti applaudimus, justiore habeamus causam tibi gratulandi. Bene vale. *Basilea*, Anno 1524.

EPISTOLA DCCXXV.

Erasmus Rot. Gaspari Hedioni S. D.

PRECOR ut novum matrimonium vobis sit felix. Miseram tibi literas ad magistratum scriptas, tanquam amico, cui uni omnium fidebam toto pectore. Quoniam autem nolebam te vel minima invidia gravari, monui, ut si malles premeres rem, sic ut nemo rescisceret, videlicet quo mihi esset integrum quid vellem statuere. At tu nec tacuisti quod agebatur, nam *Frobenio* certe communicasti, & *Scotum* tua opera sublevasti, ne daret pœnas. Non hæc dico quod offensus sim, scio te quicquid fecisti sincero animo fecisse, & Euangelicam lenitatem amplector. Verum ista lenitas interim in me crudelitas est. An tibi lenitas videatur, si quis sicario aut latroni subveniat ne capiat, post majore audacia plures occisurus? Non est neganda venia, sed respicienti, sed converfo. Istum adeo non poenitet insanire, ut ferox minitetur se sceleratiora ausurum. Diligendus est inimicus, sed in hoc ut fiat alius. Non amat autem qui finit impune peccare, si queat obsistere. Quo vehementius amat pater, hoc acrius cohibet peccantem filium. Misericordia fuisset si mox editis *Hutteni* sycophantiis dedisset pœnas, non addidisset insaniam insaniam. Sed monitus, inquis, clam à consule cavebit. Quam tenere consultum est illius honori, qui tale facinus orbi publicavit, ut clam admoneretur. An spes est tale portentum verbis castigatius fore? Vix emiserat *Othonis* furias, coeperat iterum excudere, & præterea rabulæ nescio cujus libellum, & fecisset nisi fuisset coercitus. Et tamen illinc depulsus, dedit nobis epistolas *Othonis* bellas scilicet, quæ Euangelia quoque vocent in dubium. Ad data est pictura seditiosa. Si pingebant Prophetas *Baal*, cur addiderunt crinem attonsum, vertices rasos, lineam vestem, mitram horum temporum: & me pinxerunt pileo sub mento religato, serico imposito humeris, & bra-

An. brachiis è pallio porrectis: sic enim fere color, præsertim domi, & hoc cultu eram quum me salutaret Otho. Hæc ego quidem rideo, sed tamen indicant istorum, quos tu sublevandos putas, perversissimam voluntatem. An vos creditis talibus præfidiis processurum Evangelii negotium? Magis metuo ne talium stulta malitia, & malitiosa stultitia, subvertat cum bonas literas, tum Evangelium, si fieri possit, & vos vestramque civitatem aliquando pertrahat in grave discrimen. Scitis, inquis, habet uxorem & teneros liberos. Num ista excusatio videatur iusta, si scriniis meis effractis sustulisset aurum? Non opinor. Et tamen hoc quod facit longe sceleratius est. Nisi forte putas mihi famam esse viliorum pecunia. Si deest unde alat liberos, mendicet. Pudet, inquis. Et huiusmodi facinorum non pudet? Prostituat uxorem, & ad calices vigilanti naso stertat adultero. Nefarium, inquis. Magis nefarium est quod facit. Nulla lex punit capite qui uxorem prostituat, at capitalem poenam denunciant omnes iis qui libellos edunt famulos. A me nunquam verbo lætus est, nisi lædi se putat, quod Frobenius excudit bonos Auctores, dum iste nobis nihil dat, nisi furiosas nœnias. Sunt in orbe tot veteres, tot novi libelli, aut restituat veteres, aut prodat novos. Solus ille typographus non habet unde alat uxorem & liberos, nisi suis libellis confundat omnia? Et me fautorem habiturus est, si proferat quæ pro sint publicis commodis. Nam ego typographorum pecuniis non egeo, gratia superis. Gratis faveo bonis studiis, tantum abest ut verum sit quod de Frobenio scripsit iste rabula. Sed longe vanius est quod jactat de præda. Ex Lutheri causa teruncius ad me non rediit. Nihil non respui, ne forte imprudens repugnarem Spiritui Christi, nec unquam illius commendatione factus sum pilo ditior. Foveris illum Evangelici, qui tanquam draco rabidus dudum emerfit ex antro, & ebrius licentia putat suis furiosis minis cessura omnia. Qui primum invexerunt mundo Evangelium, tales fusciferos non dignati fuissent alloquio. Capito, novi Evangelii Episcopus, non habebat alias delicias, quibus se oblectaret, quam perditissimi decoctoris convictu, ne quid addam. Nihil inimice suspicor de Capitone, quem exceptis dogmatibus semper habui pro amicissimo, & cui semper me præbui amicissimum. Et tamen sunt qui putent illum non esse alienum ab hac tragoedia. Non est tam simplex, ut non intellexerit technas decoctoris, & furias scriptoris. Diu filuit dum aleretur hoc monstrum, tandem admonuit de rebus gravibus, videlicet, quod aliquid attigissem de libero arbitrio, priusquam Lutherus scriberet de libero arbitrio. Deinde quod alicubi scripserim, Legem Moysi cohibere manus, Evangelium etiam animam. Imo, inquit, Lex intendit in totum hominem. O graves admonitiones amici post acceptas tales plagas! Non licet exponere quod docet Christus, Dicitur est antiquis, Non occides, hoc est cohibere manus. Ego autem dico vobis, Qui irascitur, &c. hoc est cohibere animum. Explica Legem, idem est cum Evangelio. At ego cum Christo loquor, de Lege nondum explicata. O piaculum talibus libellis expandum, & quidem per tales amicos, quibus etiam decem vitas crediturus eram, si decem habuissim! Quid agam pro Evangelio nolim quosvis scire. Fingunt me timidum, homines ad omne facinus præcipientes. Si mihi constaret conscientia, si conspicerem fructus Evangelicos, viderent me non esse timidum. Egregius Evangelii profectus, si ex una civitate ejectæ sunt imagines, utinam ejicerentur animorum idola, quæ prodigiosiora video penes istos qui jactant Evangelii titulum. Olim amore Evangelii, qui habebant uxores, relinquebant ultro. Nunc floret Evangelium, si pauci ducant uxores bene dotatas. Non hæc dico, quod simpliciter improbem matrimonium sacerdotum, si fiat ex necessitate, si cum auctoritate majorum, si absque seditione, si sincero animo. Nunc vereor ne multi ducant uxorem, non ob aliud nisi quod non licet majorum legi-

bus. Scio quam sit impurus quorundam coelibatus. An. Verum an uxore ducta protinus confutum est castitati? Quid si sacerdos, qui prius habebat concubinam, nunc habeat uxorem cum pellice? Et tamen apud omnes Papistas (sic enim isti vocant) semper libertinæ professus sum, matrimonium non esse pernegandum sacerdotibus in posterum ordinandis, si continere non queant, nec aliud dicerem si cum summo Pontifice agerem, non quod non præferam continentiam, sed quod nullos pene videam qui servant continentiam. Sed interim quorum opus est tanta sacerdotum turba? nulli fui auctor ut duceret, sed nec ulli fui molestus volenti ducere. Si Monachus cum cuculla simul deponeret omnem malitiam, non obsterem, quo minus qui vellet abjiceret. Nunc passim abjiciunt temere, nulla-que majorum auctoritate, qui ex malis Monachis fiunt deteriores laici. Nec aliud his præstat mutata vestis, quam ut impunitius patrent quicquid animo collibuit. Sunt, fateor, quorum indolem melioribus rebus natam premit cuculla. Sunt rursus eo nati ingenio, ut decem cucullis coercendi sint potius quam suo tradendi arbitrio. Certe multos alebat cuculla, qui nunc veniunt in periculum, ne magistra egestate discant tollere unde non oportet. Quid autem dicas de his qui proventa ætate, dissuadentibus amicis, scientes, prudentes, volentes, dediderunt sese cucullæ? Saltem istos pudeat inconstantia. Nunc ut præclarum facinus jactant, & alios ad suum exemplum pertrahunt. Sed his de rebus alias. Valebis in Christo. Basilea, Anno 1524.

EPISTOLA DCCXXVI.

Lutherus Erasmo.

GRATIA & pax à Domino nostro Jesu Christo. Jam satis diu filii, optime Erasme, & quamvis expectarem, ut tu major & prior silentia rumperes, tamen cum frustra expectarim tam diu, ipsa puto charitas me cogit incipere. Primum nihil causor, quod alieniorem te erga nos habueris, quo magis tibi esset integra & salva causa tua contra hostes meos Papistas. Denique non agra tuli admodum, quod editis libellis, in aliquot locis pro illorum gratia captanda, aut furore mitigando, nos acerbissime momorderis & perstrinxeris. Quando enim videmus nondum esse tibi à Domino datam eam fortitudinem, vel & sensum, ut monstris illis nostris libere & fidenter occurras nobiscum. Nec ii sumus, qui à te exigere audeamus id, quod vires & modum meum superat. Quin imbecillitatem meam, & mensuram doni Dei, in te toleravimus, & venerati fuimus. Nam id plane non potest negare totus orbis, quod litteræ florent & regnant, per quas ad sinceram Biblicorum lectionem venitur, donum etiam Dei in te esse magnificum & egregium, de quo gratias agere oportuit. Proinde ego quidem nunquam optavi, ut deserta aut neglecta mensura tua, nostris castris miscereris, cui negotio, etsi ingenio & eloquentia multum prodesse posses, tamen cum non adsit animus, tutius erat in tuo dono servire. Hoc solum timebatur, ne quando per adversarios adducereris, editis libellis in dogmata nostra grassari, & iam nos necessitas urgeret, tibi in faciem resistere. Compescimus sane aliquos, qui jam paratis libris te in arenam trahere volebant, atque ea ratio fuit, ut & Hutteni expostulationem optarim non editam: multo minus tuam Spongiam, in qua, nisi fallor, tu ipse jam sentis, quam facile sit de modestia scribere, & in Lutero immodestiam arguere. Sed difficilimum, imo impossibile, præstare, nisi dono spiritus singulari. Credas igitur, vel non credas, testis est Christus, ex animo me tibi condolere, tot & tantorum odia vel studia esse in te irritata. Quibus ut non movear (quod tua est humana virtus tantum molibus impar) credere non possum. Quamquam & illos forte moveat justus zelus, ut sibi videantur indignis modis à te provocati. Et (ut libere fatear) cum tales sint, qui tuam acerbicatem, & simulationem, quam tu prudentiam, & modestiam velis intelligi, pro sua quoque infirmitate ferre nequeant, habent certe ob quod merito

An. ^{1524.} viso indignantur, nihil habituri, si fortiores essent animi. ^A
^{1524.} Quamvis tamen & ego irritabilis, irritatus fuerim sapius, ut acerbius scriberem, tamen hoc non feci, nisi in pertinaces, & indomitos. Ceterum clementia & mansuetudo mea erga peccatores & impios, quantumvis insanos & iniquos, arbitror, non modo teste mea conscientia, sed multorum experientia, satis testata sit. Sic haecenus styllum cohibui, utcumque pungeres me, cohibitorum etiam scripsi, in litteris ad amicos, quae tibi quoque lecta sunt, donec palam prodires. Nam utcumque non nobiscum sapias, & pleraque pietatis capita, vel impie vel simulanter damnes, aut suspendas, pertinaciam tamen tibi tribuere non possum, neque volo. Nunc autem quid faciam? utrinque res exacerbatissima est. Ego optarem (si possem fieri mediator) ut & illi desinerent te impetere tantis animis, sinerentque senectutem tuam cum pace in Domino obdormire; id sane facerent, mea quidem sententia, si rationem haberent tua imbecillitatis, & magnitudinem causa, qua modulum tuum jam dudum egressa est, perpenderent. Praesertim cum res eo pervenerit, ut parum sit metnendum periculum nostra causa, si Erasmus etiam summis viribus oppugnaret, nedum si aliquando spargit aculeos & dentes, tamen rursus tu, mi Erasme, si illorum infirmitatem cogitares, & a figuris illis Rhetorica tua falsis & amaris abstineres, ut si omnino neque potes, neque audes nostra asserere, intacta tamen dimitteres, & tua tractares. Nam quod illi morsiones tuas iniquius ferunt (etiam te iudice) nonnulla causa est, scilicet, quod humana infirmitas cogitat, & male metuit auctoritatem, & nomen Erasmi, & longe aliud sit ab Erasmo semel esse morsum, quam ab omnibus Papistis semel esse commotum. Haec volo dicta, optime Erasme, in testimonium candidi in te animi, ut qui optet tibi dari à Domino spiritum dignum nomine tuo, quem si distulerit tibi Dominus dare, interim à te peto, ut si aliud prestare non potes, spectator sis tantum Tragœdia nostra, tantum ne copias adjungas adversariis, praesertim ne edas libellos contra me, sicut nec ego contra te edam. Deinde eos, qui Lutherano nomine se peti queruntur, homines esse tui meique similes cogites; quibus opus est parcere & ignorare, & ut Paulus ait, Onera invicem portare. Satis morsum est, nunc providendum est ne consumamur ab invicem, quod eo esset miserabilis spectaculum, quo certissimum est, neutram partem ex animo male velle pietatis, & sine pertinacia sua cuique placere. Boni consule meam infantiam, & in Domino bene vale. Anno 1524.

EPISTOLA DCCXXVII.

Erasmus Bilibaldo suo S. D.

An. ^{1525.} ACEPI meum Bilibaldum, primum fusilem, cum anulo & literis, nunc etiam pictum ab Apelle. Respondi pridem per quendam impudentissimum planetam, qualibus nunc impletur mundus. Dedi blaphardos septem, quæ res illi verat male, pollicitus largiora, si bona fide perferret. Is, ut video, verba dedit. Quæ isthic geruntur, ubique fient brevi, nisi quis Deus prospexerit. Huc omnino provocant Evangelici, vel reclamante Luthero. Plane quidam tendunt in exitium rerum & disciplinarum omnium. Cuperem huius tumultus foelicem exitum. Lutherum plane contemnunt, postquam coepit esse moderator. A Durrero cuperem pingi; quidni à tanto artifice? Sed quid potest? coeperat Bruxella carbone, sed jamdudum excidi, opinor. Si quid ex fusili & memoria sua potest, faciat in me, quod in te fecit, cui addidit aliquid obesitatis. Pharmaco tuo nondum ausus sum uti. De meis scribam brevi. Nam auriga, qui tuas reddidit, postridie mane abiturus, post coenam renunciatur abire. Et idcirco nolui multum scripturae periclitari. Bene vale. Basilea, Octava Circumcisionis, sive 8. Januar. Anno 1525.

EPISTOLA DCCXXVIII.

Erasmus Rot. Joanni Oecolampadio S. D.

EQUIDEM de vobis non pronuncio, relinquens vos An. Domino, cui statis aut caditis. Sed illud reputo, ^{1525.} quid sentiat de vobis Cæsar, Pontifex, Ferdinandus, Rex Angliæ, Roffensis Episcopus, Card. Eboravenfis, alique complures, quorum auctoritatem contemnere mihi tutum non est, gratiam inutile. Ne commemorem greges Monachorum ac Theologorum, qui quamvis levi de causa renovant suas Tragœdias. Hi, qui vos, quod non ignoras, pro hæresiarchis & schismatum auctoribus habent, quid dicturi sunt, quum in tua præfatione legerint, Magnus Erasmus noster? præfertim quum ipsa res nullam daret occasionem nominandi mei. Si scripisssem in Esaiam, aut si tu De libero arbitrio, erat cur nostri faceres mentionem. At sunt, inquis, qui suspicantur inter nos male convenire: nec convenit, nisi quod privatam amicitiam nunquam cuiquam recusavi: ut igitur istorum nescio quorum suspicioni medearis, ego periculosam suspensionem mihi renovabo, vel potentissimorum Principum, vel hostium implacabilium, qui tandem ab edito libello De libero arbitrio, mitiores esse coeperant? Et hanc in re tanta justissimam sollicitudinem appellas morositatem. Verum, erat tuæ prudentiæ, mi Oecolampadi, cavere, quod nec tibi est usui, & me gravatum intolerabili invidia plus etiam aggravat. Nec defuturi sunt qui suspicentur hæc abs te non simplici animo fieri, ut vel falsa Principum ac populorum suspitione abutami ad stabiliendam causam vestram, vel me talibus strophis ulciscamini. Ego verò ut tantam malitiam de te suspicari non possum, ita non possum non desiderare prudentiam tuam hac duntaxat in parte. Optimum erat hoc temporum statu à vobis nec laudari, nec vituperari. Quod si non queat obtineri, fuggillari malim, quam prædicari, præsertim noster. Nullius benevolentiam adspernor, & arbitror haecenus me sic moderatum esse mea, ut nullus, quamlibet Luthero addictus, queri possit me violasse leges amicitiae pristinae. Cæterum intempestiva benevolentia nihil à similitudine differt. Si cæteris amicis tuis gratum est calamo tuo celebrari, quemadmodum prædicas, nihil obsto; meum certe animum non ignorabas, qui te monuerim, ne quem tuorum onerares invidia. Et ego nec eos amicos gravare soleo, qui gravari cupiunt. Sunt qui flagitant à me, ut ipsorum nomen inter amicos meos celebrem: at magis illis consulo quam ipsi sibi. Quare si me credere vis, animum tuum eum esse in me, quem prædicas, delebis nostrum Erasmus, & istam laudem servabis alteri loco. Non sum tam suspiciosus, ut si quid in Pelagianos dicatur, existimem ad me pertinere. Tantum mundorum concoxi, & tamen nemo non intelligit illic abs te petitum Erasmus, qui modo nostram legerit præfationem. Noluisti mutare quod dixeras apud populum, laudo constantiam; imo si quid illic excidisset, id erat calamo corrigendum. Carolus meus ridiculo errore venit ad te, iussus ire ad Pellicanum, ut ex eo disceret, num res sic haberet ut erat delata. Ei de Pharello nihil mandaveram, nec laboro quam sit ille tibi familiaris, nisi quod interim ob istiusmodi familiaritates periclitatur præter alios N. juvenis optimus, & Constantia N. homo candidissimus, qui nunc implorant opem nostram, quorum monita si pridem audissent, non venissent in periculum. At istis non possum succurrere apud Pontificem aut Principes, si persuasum habuerint me vestrum esse. Bene vale in Christo. Basilea 25. Januarii, Anno 1525.

EPISTOLA DCCXXIX.

Bilibaldo suo Erasmus S. P.

VIR clarissime, jam bis scripsi, licet paucis. Primas suspicor non esse redditas. Erat Minorita, qui cu-

An. cucullum excusserat; sed improbitatem non excusse-
 1525. rat. Dedi septem *blaphardos*, pollicitus largiora, si
 hic fidem hominis comprobassem. Talibus erroneis
 nunc plena sunt omnia. Scripsi rursus per negotiato-
 rem quendam. Anulum, & fusilem *Bilibaldum*, mox
 & pictum foelicissima *Dureri* manu, accepi. His u-
 trumque cubiculi mei parietem ornavi, ut quocunque
 me vertam, obversetur oculis *Bilibaldus*. Utinam scri-
 pssisses, quid haberent argumenti nugaces isti libelli.
 Suspitor ex *Argentorato* venire. Nam *Epphendorpius*
 apud quosvis etiam jactat, se scripsisse in me. *Orho-*
ms furias nosti. Hoc tantum nunc licuit scribere, mi
Bilibalde, vix à morte restituto, imo verius alteri
 carnificinae servato. Parturii totos decem dies: tan-
 dem prodiit calculus ingens. Jam desperatus. Ita
 subinde se variat morbus, ne sit remedium. Scribam
 brevi copiosius. Scripsi pridem *Roberto à Mosheym**,
 & *Joachimo Camerario*, quem audio nunc esse *Bam-*
berga. Si potes, isthinc cura ut epistolae ad istos per-
 veniant. *Durero* salutem plurimam. *Basilea* 5. Febr.
 Anno 1525.

EPISTOLA DCCXXX.

IN PLINIVM.

Stanislao Turzo, Olmutzensi Episcopo, Erasmus
Roterodamus S. D.

HABENT hoc egregia magnorum artificum ope-
 ra, Praeful ornatissime, ut non solum nobilitent
 auctores suos, quorum auspiciis impendisse nata sunt,
 aut quibus dicata fuerant, verum etiam omnes, qui-
 cunque vel in absolvendo, vel in faciundo portionem
 aliquam industriae suae contulerunt. Quorundam etiam
 aemulatio quamvis parum felix, tamen illustris fuit.
 Quis enim hodie nosset *Mausolum Cariae* regulum, aut
 hujus conjugem *Artemisiam*, quis *Scopam*, *Bryacem*,
Timotheum, *Leocharem*, aut *Pisim*, nisi *Mausoleum*
 opus longe celebratissimum his omnibus famam dedis-
 set immortalem, cum ipsum sese ab injuria temporis,
 exedentis omnia, vindicare non potuerit? Nullum ho-
 die vestigium exstat operosi tabernaculi quod condidit
Moses, aut celeberrimi quondam templi quod *Hiero-*
solymis extruxit *Solomon*, *Esdras* restituit, & tamen
 semper victurum est in hominum memoria nomen lau-
 dati *Beleschelis*, & *Hyram Tyriorum* Regis. Quin &
 ipse *Solomon*, quamlibet aliis quoque nominibus in-
 clytus, bonam magnamque gloriae suae partem nobili
 debet aedificio: solidior autem veriorque gloria con-
 tingit ex his monumentis, quae vitae mortalium in-
 signem aliquam adferunt utilitatem, quam ex *Egy-*
ptiarum Pyramidum molibus, quae praeter opulentiae
 barbaricae stultam & ociosam ostentationem nihil ha-
 bent, aut ex *Labyrinthis*, *Colossis*, nodis inexplica-
 bilibus, muscis, regentibus quadrigam, *Dodonais* lebe-
 tibus, heptaphonis porticibus, aliisque id genus ar-
 gumentis, quae delectant quidem artis & ingenii mi-
 raculo, sed praeterea nullo juvant usu. Hujusmodi
 famam pariunt auctoribus suis verius quam gloriam.
 Nobilitatus est suo tauro aeneo *Perillus*, sed ut praes-
 titerit obscurum esse. Plus itaque verae laudis pro-
 meruerunt, qui exstructis pontibus, portibus, ther-
 mis, & aquae-ductibus, utilitatem cum operum ma-
 gnificientia conjunxerunt. E quibus omnibus, si quod
 est praestantissimum eligas, quid ad hoc opus, quod
 nobis vivum ac spirans ingenii sui monumentum reli-
 quit *Plinius*? Imo non opus est, sed thesaurus, sed
 vere mundus rerum omnium cognitu dignarum. Pro-
 inde non mirum si unum tot viros nobilitavit, hodie-
 que nobilitat. Nemo fuit tam obscurus, quin illu-
 stris esse coeperit, posteaquam huic operi manum ad-
 movit. Perierat nobis hoc divinum munus, ni certam
 à summis ingeniis advigilatum esset, ut ex ruinis
 pene deploratis orbi renasceretur. Inter hos prima ci-
 tra controversiam laus debetur *Hermolao Barbaro*, non

* Epist. dccix. ubi dicitur *Mosham*.

A tantum ob id quod primus omnium facinus longe pul- *An.*
 cherrimum ausus sit aggredi, verum etiam quod cae- 1525
 terorum nemo unus plura restituerit. Ac ne lon-
 gum texam catalogum, inter plurimos, qui *Barbari*
 exemplum sunt aemulati, non instrenuam operam hic
 nobis navavit *Guilhelmus Budaeus*, vir, praeter absolu-
 tam eruditionem, exquisitae diligentiae. Post hunc
Nicolaus Beraldu, homo supra peritiam humanarum li-
 terarum, Mathematices etiam pulchre callens, quod-
 que hic vel praecipuum erat, sani judicii, non mi-
 nore studio quam religione versatus est in hoc labo-
 re. Nuper omnium postremus *Joannes Casareus*, in
 omni genere literarum exercitatissimus, non infeli-
 cem operam praestitit. Atque horum omnium qui-
 dem industriae debemus, quod *Plinium* habemus mul-
 to quam antehac emendatiorem. Caeterum ut in pi-
 cturis quibusdam artis exquisitae, semper oculis con-
 templantium offert sese novi quippiam, quod admiren-
 tur, ita in emaculando *Plinio* versantibus, nunquam
 defuturum est quod faciendum sit. Festiviter quidem
 dictum est à *Plauto*: *Negotii sibi qui volet vim compa-*
rare, navim & mulierem hac duo comparato. Nam
 nullae res magis duae plus negotii habent. Idem serio
 vereque dici potest, nunquam ei defuturum negotium,
 qui in *Plinio* restituendo velit operam sumere. Ut
 enim nihil aliud, certe typographorum incuria facit,
 ut in probatissimis quibusque Scriptoribus, semper e-
 ruditis viris retexenda sit, ut ita dicam, tela *Pene-*
lopes, quandoquidem illi quotidie plus depravant sua
 socordia, quam eruditorum diligentia possit reponi.
 Nonnullorum operum ea divinitas fuit, ut omnium
 artificum manus, inimitabili quadam artis eminentia
 deterrent, vel à supplendo quod erat inchoatum,
 vel à faciundo quod erat depravatum. Inter *Apellis*
 opera duae potissimum *Veneres* celebrantur à Scriptori-
 bus, altera emergens è mari, unde & *ἀναδυμένη* dicta,
 altera quam *Cois* inchoavit, illam etiam superaturus,
 nisi mors invidisset operi nascenti. Prioris inferiorem
 partem corruptam nullus inventus est qui posset refi-
 cere: posteriorem imperfectam nemo potuit ad praes-
 scripta linamenta perficere. Quo magis probata est
 artificum modestia, hoc magis detestanda est quorun-
 dam temeritas, ne dicam impietas, qui *Plinianum*
 opus, omnibus omnium sculptorum ac pictorum ope-
 ribus anteponendum, sic vel describendo vel excuden-
 do corruperunt, ut devotis animis in tam eximii Scri-
 ptoris exitium conspirasse videri queant. Atqui id
 ne fieret, oportuit Regum esse curam, quum nullus
 sit liber dignior qui Regum manibus teratur, quod
 non ex alio citius hauriatur rerum omnium cognitio.
 Quid autem magis decet orbis Monarchas, quam cae-
 teris antecellere prudentia? Prudentia vero, quae rebus
 periclitandis colligitur, non solum misera est, quem-
 admodum vere scripsit ille, propterea quod magno
 multorum malo paratur, verum etiam dispendiosa,
 ut plerumque sero contingat. At istas moras nihilo
 magis fert Respublica, quam navis in mari pericli-
 tans nauclerum imperitum donec proficiat. Praesens
 enim periculum artificem jam promptum requirit.
 Itaque Monarchas non vacat ullam vitae portionem
 amittere, nec pueros esse licet, etiam si sint im-
 berbes, animi canities adsit oportet: ea non aliun-
 de rectius colligitur, quam ex hoc opere, quod tan-
 to compendio rerum docet universitatem. Mundum
 docet *Plinius*. Quid autem absurdus, quam impe-
 rare mundo, & nescire quid sit mundus? Nec est
 quod excusent publica negotia. Talibus negotiis di-
 strictus haec ex tot librorum millibus scripsit *Pli-*
nus. Certe par erat, aliquam horarum partem, quae
 pereunt in alea, in tam frugiferam, nec minus ju-
 cundam lectionem decidere. Verum ut quo coe-
 pi pergam, quo detestabilior est depravatorum te-
 meritas, hoc eruditos omnes pro sua quenque viri-
 li, majore religione admoveere manum oportet ope-
 ri restituendo. Superstitio quidem est nihil hic au-
 Tom. III. Hhh de-

1525. ^{Aut.} dere, quum tam multis hic ausus felicissime cesserit. Temeritas est ex qualibet levi conjectura expuncta veterem scriptura novam inducere. Religio est seorsum annotare si quid probabilibus argumentis deprehensum est, & eruditis ad ulteriora pervestiganda; veluti gradum jacere. Atque utinam in hoc pulcherrimum negotium conspirarent omnes rei literariæ proceres, ut quisque quod deprehendit in medium conferat, donec *Plinium* haberemus absolutum. Non leve præmium ostenditur, vel unus locus restitutus promerebatur honestam apud studiosos nominis memoriam. Is est *Pliniani* nominis splendor, ea est Operis tum gratia, tum utilitas. Benemerebatur de publicis studiis, si tua auctoritas *Velium* taum, aut si qui sunt *Velii* similes, ad hanc provinciam extimularit. Nos ex vetustissimo quodam codice, sed, ut fere sunt, depravatissime scripto, non pauca restituimus, quæ citra subsidium exemplaris corrigi non poterant, quæque hætenus à nemine fuerant animadversa. Hoc dictum ne fide careat, præstabit hic locus libri XII. cap. III. *Æthiopia forma, ut diximus, nuper allata, &c.* Item libro XIII. cap. XXIII. *Apes quoque nunquam desore, &c.* Rursum libro XVIII. cap. VI. *Verumque consistentibus latifundia, &c.* & cap. XXI. *Omnesque ea differentia sunt in octavis partibus signorum, &c.* Sed ineptum sit recensere quicquid correctum est, hæc in hoc indicavi, quo lector collatis his locis cum omnium editionibus perspiciat ad hunc modum plurima feliciter restituta ex fide vetustissimi codicis, quæ nullis conjecturis potuissent restitui. In cæteris item ita vigilatum est, ut meo periculo non dubitem polliceri, nunquam hæcenus exisse *Plinium* feliciter tractatum. Accessit officinæ *Erobenianæ* majestas nitorque, qui vir mihi literis illustrandis natus videtur. Jam quo commendatior etiam *Plinius* exiret in manus hominum, hoc operæ tuo nomini dedicare visum est. Scio quantum debeam incomparabili viro fratri tuo *Turzoni*, quondam Præsuli *Vratislaviensi*, qui me tam procul semotum & splendidis xeniis, & amantissimis literis ad amicitiam provocavit. Ab hoc ære alieno non liberat mors creditoris. Memoriam perfolvendum, quod ipsi perfolvere non licuit. Successisti in germani locum, jam semel atque iterum laceffens ad amicitiam. Est tibi res, amplissime Præsul, cum homuncione plane vitreo. Subinde periclitor. Proinde si Deus dederit vitam longiorem, hanc arram esse putato, quæ adeo non liberat, ut obstrictiorem etiam reddat debitorem: sin minus, hoc erit argumentum mihi facultatem defuisse, non animum hominis grati memorisque. Amplitudinem tuam fervet Dominus *Jesum*. *Basilea* 8. Februarii, Anno ab orbe redempto 1525.

EPISTOLA DCCXXXI.

Honorabili viro D. Joanni de Hondt, Canonico Curtracensi, Erasmus Rot. S. D.

MINIMUM aberat, quin te liberarem onere pensionario. Et nunc ægre revivisco, si reviviscere sit servari in novos cruciatus, vel mortes potius. Sit Dominus benedictus, cui sic visum est purgare *Erasmum*, hic flagellans ut parcat in æternum. *Benitum*, de quo scripseras, hic duxit uxorem. Expostulavi cum homine quod sic infecisset juventutem: falsus est hoc esse verum, & risit suaviter. Expectat ut aliquo vocetur in oppida *Gallorum* proxima, quemadmodum in montem *Bellicardi* vocatus est *Pharellus* ad prædicandum Evangelium hoc novum, cujus hic mirus est successus. Jam multi repudiaverunt Baptismum, & revocarunt Circumcisionem. Missam abominantur plurimi: sunt qui publice doceant in Eucharistia nihil esse nisi panem & vinum. Velum & cuculla deponitur passim. Nubunt & ducunt uxores Monachæ & Monachi. Jam mihi tutum non est hic diutius vivere. Mores istorum, qui hic docent, magis mihi displicent, quam ipsa dogmata. *Benitum* reviset suos in Quadragesima,

^A ut confirmet suos in fide. *Barbirum* petiit *Galliam* in comitatu *Aleandri*, nunc Archiepiscopi *Brundisini*, paupertate, ut autumo, coactus. Itaque decrevit nunc raptò vivere. Me certe nimium tractarunt familiariter. Olim detrahit è pensione Cæsaris XL. ni fallor, florenos: id quoniam ob amicitiam, nunc invadit hanc quoque pensionem, fretus nova facilitate. Mitto syngrapham hanc more solito vacuam. Non graveris numerare pecuniam vel *Petro* *Egidio*, vel *Marco Laurino* Decano, aut huic *Francisco* Canonico *Animerpiensi*, si forte tibi ipse literas reddiderit. Bene vale. Datum *Basilea* 11. Februar. Anno 1525.

EPISTOLA DCCXXXII.

Erasmus Roterod. Maximiliano Transsylvano S. D.

^B ^C ^D ^E ^F **L**ITERAE, quas *Beatus* noster ex *Hispaniis* attulit, sero mihi redditæ sunt. In causa erat, quod quum ipse pertæsus navigationis terrestri itinere peteret suos, non exemerit è vidulo quæ ad me pertinebant: itaque delatæ sunt in *Brabantiam*: inde per multas ambages tandem *Sleisadinum*. Respondi tamen omnibus, quibus amici jusserant me scribere. Literas mihi *Norbergam*, ut per *Michaelem Giliu* tibi notum deferrentur in *Hispaniam*. Nec unquam scire licuit, quid de illis epistolis sit actum. Intervallum est ingens, & mira ubique, præsertim his temporibus, in resignandis, intercipiendis, ac premendis epistolis perfidia. Non arbitror mihi tecum ullam fuisse consuetudinem, nisi quod *Bruxella* quum agerem ante annos, opinor, quatuor, à multis prædicabatur singularis quædam tua humanitas & ingenii candor eximius. Verum, istud pectus niveum, planeque Gratiarum ac Musarum domicilium, sic mihi repræsentavit ac patefecit epistola, ut multis jam annis nihil legerim libentius. Nam dictionis erat tanta felicitas, ut me propemodum deterruerit à respondendo. Attamen perficui faciem, & respondi sic ex tempore. Eas tibi non esse redditas ex *Beati* literis intelligo. Nunc quod superest expediam paucis. Jusserat Cæsar, ut mihi pensio solveretur extra ordinem. Illustrissima D. *Margareta* respondit, Si redirem non solum pensionem esse numerandam, sed majora collaturam sese. At vereor ne etiam si redeam, audiam, *mox, cras, redi, ubi eras*. Rex *Galliarum* incredibili affectu detulit opimas condiciones, proxime *Theaurariam Turonensem*, sexcentorum coronatorum annui census. Recusavi omnia, non sine multorum amicorum offensa. *Clemens* Pontifex, unice affectus in me, quod ipsa re comperio, nihil non offert. Dices, cur non redis huc? Non licuit per occupationes studiorum; & si per has licuisset, valetudo non dabat commeatum. Aliquanto rarius me nunc repetit calculus, sed longe periculosius, ut hoc non sit ægrotare, sed crebro mori. Hypocausta *Germanorum* fervent toto anno, vix exceptis Junio & Julio: ad horum odorem quum exanimer, per hæc tamen eundum est, aut ferendus æstus Junii, aut Julii, aut etiam Augusti. *Italiam* valde desiderabam, ob medicorum & pharmacorum copiam, valetudo vetuit. Et tamen res hic nunc sic habent, ut omnino sit demigrandum aliquo. Jam non ignoras quam immedicabili odio teneantur isthic in me Monachi ac Theologi quidam, quorum coryphæus *Egmondanus Carmelus*. Huic *Adrianus* imposuerat silentium diplomate: vix tacuit. A morte illius, silentium illud multa maledicentia pensavit. Quibus si res successerit de *Lusbero*, nemo poterit istos ferre victores. Si Cæsar adestet, nihil esset periculi, nunc quid in aula sit præsidii nescio, præsertim homini qui non sit aulæ familiaris. Præsul ille magnus utinam tam comis esset officiis, quam est dictis benignus. Cum illustrissimo Comite *Hochstratæo* exigua mihi fuit consuetudo. Et habet, ut fertur, uxorem sic religiosam, ut superstitioni sit proxima. Apud tales plurimum valere solent pietatis histriones. Episcopus *Leodiensis* dicitur anceps amicus, ob *Aleandrum*, qui eorum blandus est, ab-

An. absens, ut audio, alius est. Et habet fratrem apud
 1525. *Loodienses* hoc perniciosiorem, quod omnia potest dis-
 simulare, id quod non potest *Alexander*. Scripsi nunc
 per Canonicum quendam *Antuerpiensem*, juvenem,
 nomine *Franciscum Dilt*, per eum huc redeuntem po-
 teris tuto quæ voles scribere. Quæ spes sit de pensio-
 ne nescio: procuracionem negotii commisi *Panormi-*
tano & *Craneveldio*, quo nihil est apud nostros candi-
 dius. Nolim te gravari rebus meis, tamen si se daret
 opportunitas, adjutabis quod agitur. *Ferdinandus* fre-
 quenter ad me scribit amantissime. Is nunc illustrissi-
 mæ Dominæ scripsit, ut *Carmelita* debacchanti in no-
 men meum imponat silentium, quem hominem nihil
 omnino pudet. Reverso *Francisco*, ex literis vestris sta-
 tuemus quid sit faciendum. Bene vale. *Basilea* 24. Fe-
 bruarii, Anno 1525.

EPISTOLA DCCXXXIII.

Erasmus Roterod. Jacobo Sadoletto S. D.

QVIS esse possit tam moestus, Reverende Præsul,
 quem illæ literæ tuæ non exhilararent, tam aman-
 ter, tam candide scriptæ? In his nivei pectoris tui, cu-
 jus antehac umbram modo quandam è conjecturis, æque
 multorum prædicatione perceperam, totam effigiem
 non aliter quam in speculo contemplari licuit. Quo
 fane nomine, non minus debeo *Bonifacio*, quam tua
 modestia se illi debere profitetur. Equidem optarim esse
 aliquid in me quod isti tuo in me favori respondeat, cer-
 te in amando *Bonifacio* non erras, cujus ingenio nihil ha-
 bet *Germania* sincerius puriusque. Evaderet ad summam
 auctoritatem, nisi sic abhorreret ab aulis Principum,
 & à Reipublicæ muniis obeundis, qui tamen fortassis
 aliquando volens nolens eo protrahetur, quandoquidem
Plato, qui non admittit ad tractanda civitatis guberna-
 cula nisi Philosophum, negat idoneum esse gerendo
 magistratui, nisi qui nolens ac detrectans suscipit. A-
 gnosco Pontificis in me pietatem, & illius in me animo
 copiosius sum responsurus, simulatque me hinc in tutum
 recepero, id quod nunc molior. Hi Monarcharum con-
 flictus mire diluciant animum meum, per quos nec
 Pontifice, nec Cæsare, nec Rege *Gallorum* frui licet.
 Post tantas tempestates *Christus*, ut spero, dabit ali-
 quam serenitatem. Ocium, quod mihi grularis, sup-
 peditat hic animus contemptor honorum, ac parvo con-
 tentus. Non admittit animus tuus *deficientis* vocabu-
 lum. Qualis sit mei memoria futura apud posteros, imo
 an ulla omnino futura; equidem committo superis, pla-
 ne corpusculum hoc collabitur: quod tamen in aliquot
 adhuc annos poterat servire animo, nisi tam subinde im-
 peteretur à calculo, malo tam crudeli, ut mortem,
 qua nihil terribilius, faciat optabilem. Si durum est se-
 mel mori, quanto durius toties mori, & rursus in no-
 vos ali cruciatus? Adversus hæc mihi solida minimeque
 diluta philosophia opus est. In omnibus agendæ sunt
 gratiæ Domino, qui sic temperat hominum mala, ut
 & ferri queant, & tolerantibus vertantur in bonum.
 Pro *Botzemo* sublevato, par est ut & ipse tibi gratias a-
 gam. Videbar enim mihi quodammodo & ipse in ejus
 causa periclitari, non ob id tantum quod amicus sit,
 verum etiam quod illi Catalogum omnium *Lucubrati-*
onum mearum dicarim, haudquaquam facturum, si me
 levis aliquis suspicionis odor tenuisset, illum ab ea fa-
 ctione stare, quam damnat Ecclesia. Ante biennium
 mensum totum usus sum illius hospitio, liberrimis fa-
 bulis hoc omne tempus inter nos transactum est. In-
 terea frequenter nos visit *Basilea*. Est natura simplici,
 omnis fuci ignarus, tum me nihil unquam celavit arca-
 norum. Ne verbum quidem ullum excidit illi, unde
 posset deprehendi, quod illi nunc quidam objiciunt.
 Vir est plane Musis & Gratiis natus, nec arbitror il-
 lum unquam de ullo novo dogmate cogitasse, nec un-
 quam fuit de illo rumor hujusmodi, etiam si forte qui-
 dam nonnihil suspicati sunt, sed hi parum æqui. Est
 illi vetus necessitudo cum nonnullis viris mea sententia

A optimis, nisi quod additiores sunt doctrinæ *Lutheri*: An-
 cum his ita pristinam alit familiaritatem, ut tamen non
 1525. admisceat se conspirationi. Accepit nonnunquam *Lu-*
theranos, sed idem frequentius accepit acerrimos hostes
Lutheri. Atque ut nunc habent res *Germania*, vitari
 non potest, quin aliquando consuetudinem habeas cum
 hujusmodi. Ego simili comitate non paucos revocavi
 à factione damnata, & jam passim redduntur literæ,
 quibus declarant se persuasos libello *De libero arbitrio*
 ab hoc *Lutheri* dogmate descivisse. *Bazemus*, ut te-
 cum aperte fabuler, collegarum aliquot, nec collegii
 coryphæum habet satis æquum: qui iniquiores illi sunt
 ob causas, ob quas potius illis charior esse debebat,
 nisi sic natura comparatum esset, ut nonnunquam in
 bonis etiam ac magnis viris plus valeat affectus quam
 B judicium: & in collegiis fere *Germanicis* gratiores
 sunt, qui venantur, qui convivantur, qui student con-
 gerendis pecuniis, quam qui se bonis literis dedicarunt.
 Possem tibi narrare, quorum opera subornata sit hæc
 fabulæ, sed prolixum sit, & nihil attinet quenquam at-
 tingere, posteaquam Pontificis æquitas, tuaque seduli-
 tas, calumniæ periculum depulit ab amico. Si mihi con-
 staret quenquam esse perversæ factionis, ne verbo qui-
 dem illi suffragarer, hunc animum semper præstaturus
 sum, quemadmodum præstiti. Verum si quis contem-
 C pletur statum horum temporum, præsertim apud *Ger-*
manos, consultius judicabit dare operam pelliciendis his,
 qui per occasionem aliquantulum vacillarunt, quam a-
 lienandis, qui sic afflati sunt aliquo contagio, ut facile
 sanari queant. Quin & illud cavendum censeo, ne, ut
 est hominum malitia, sub prætextu religionis & asse-
 rendæ fidei vexentur innoxii: neve qui huic aut illi ma-
 le volunt, aut fortunis inhiant, publicæ causæ favora-
 bili titulo abutantur ad privatas & impias cupiditates
 suas. *Bonifacius* nobis rursus ex *Avenione* rediit, do-
 ctoris titulo coruscus. Magistratus hic illi detulit pu-
 blicam Juris professionem, atque ille suscepit. Is suis,
 opinor, literis aget tibi gratias. Priusquam obsignem
 epistolam, addam quod rideas. Solent familiares mei
 dicere, *Jacobi* nomen mihi parum esse felix, quod tres
Jacobi libellis editis in me debacchati sint: Primum
Jacobus Faber Stapulensis, qui cum tamen mihi nun-
 quam dissuta est amicitia, quod errorem suum agno-
 scat, certe non redintegravit pugnam. Huic successit
Jacobus Latomus. Post hunc rursus exortus est *Jaco-*
bus Stunica, homo natus ad hujusmodi sycophantias. At
 ego me feliciorem arbitror uno *Jacobo Sadoletto*, quam
 viderem infelix etiam si decem *Jacobi* tales in me scri-
 berent. Bene valeat T. R. D. Datum *Basilea* 25. Fe-
 bruarii, Anno 1525.

EPISTOLA DCCXXXIV.

Erasmus Roterod. Friderico Nauſea Franconi, Card.
Campegii à Consiliis, S. D.

REDITVS est tuus libellus, qui vel hoc nomine
 fuit gratissimus quod à *Nauſea* veniret homine mi-
 hi longe charissimo: vellem tamen istud operæ tibi in
 argumento feliciore sumptum fuisse, etiam si consilium
 ut erat conceptum processisset. Quo magis nunc fri-
 get tuus labor, postquam abrogatum est quod tractas.
 Qui parum feliciter navigarunt, solent aliis non infe-
 liciter cavere, ne veniant in periculum. Ad parandam
 famam plurimum habebit momenti, si deligas argu-
 mentum fœcundum & plausibile, quod utcunque tra-
 ctatum, suis ipsius dotibus commendari possit lectori.
 Scripsit ad me *Cochlaus* epistolam singularis cujusdam
 in te studii plenam. Nunc non vacat pluribus tecum.
 Sed brevi efficiam, ut posteritas etiam norit *Erasmo*
 cum *Nauſea* non vulgarem amicitiam intercessisse. In-
 terim cura ut quam rectissime valeas. Collegæ tuo
 meis verbis salutem annunciat. Datum *Basilea* 15.
 Martii, Anno 1525.

EPISTOLA DCCXXXV.

Erasmus Rot. Cornelio Bergensi S.

An. 1525. **A**MICORVM sincerissime, quas fugas, quas latebras, quos labyrinthos tu mihi narras? Obruor quotidie literis honorificentissime scriptis, à Pontifice, à Cardinalibus, ab Episcopis, à Legato *Campegio*, à Cæsare, à *Ferdinando*, à Rege *Anglia*, à Ducibus, à Baronibus. Invitor amplissimis conditionibus, offeruntur dignitates & Episcopatus; plane Rex essem, si juvenis essem. An tu credis istis execrabilibus fucis, qui nihil aliud possunt quam maledicere? Et tam impudenter mentiuntur, ut à cordatis viris pro insanis habeantur. Mihi tuum epistolum fuit longe gratissimum, vel hoc nomine quod me docuerit, meum *Cornelium*, vetustissimum pariter ac sincerissimum amicum & congerronem, adhuc incolumem esse. Si rediero hoc verè, id quod futurum arbitror, hilariter computabimus favente *Christo*. Interim mandavi *Petro Agidio*, ut aliquid libellorum ad te mittat. Servet te Dominus bene valentem, mi *Corneli* suavissime, cum tuis omnibus. Quid noster *Jodocus*? num adhuc tractat vetus corium? Sed coram ridebimus affatim. *Basilea* 26. Martii, Anno 1525.

EPISTOLA DCCXXXVI.

Erasmus Roterodamus Georgio Saxonia Duci S. D.

ILLVSTRISSE Princeps, Accepi Celsitudinis tuæ literas postremas, pridie *Valentini* scriptas, quibus nihil accidere potuit jucundius. Currentem tu quidem incitas, sed tamen juvat incitari à talibus heroibus. Acceperam paulo ante & alteras prius missas. Ante dies aliquot scripsi paucis per *Haubitzium*. *Græca* linguæ Professore exspecto ad Pascha. Ipse nihil hac de re scripsit ad me. Sed alter quidam eruditus, & utrique intime notus, scribit illum non abhorreere à suscipienda provincia. *Græca* literaturæ peritia longe superat vel tres *Mosellanos*, nec inferior, ut arbitror, *Romana* linguæ facundia. Nihil possim certi polliceri prius quam huc venerit. Ego quanquam hac ætate, cui jam debebatur missio, nequaquam defuturus sum officio meo, modo tua Celsitudo reliquique Principes hoc interim agant, ut hæc victoria cedat non quorundam vix hominum insanis cupiditatibus, sed gloriæ *Christi*, *Christianique* gregis salutis, cui vel vitam hanc lubens impendero. Bene valeat Illustriss. T. D. *Basilea* 26. Martii, Anno 1525.

Literas ad *Pistorium* & *Emserum* inclusi tuis, hoc consilio ut tutius istuc perveniant. Non enim habebam certum, sed *Frankfordiam* misi alicui committendas.

EPISTOLA DCCXXXVII.

Erasmus Roterodamus Henrico Stromero Medico S. D.

AMASTI *Mosellannum*, & quemadmodum non sine causa amasti, ita non sine causa mortem hominis acerbe tulisti: eum dolorem tametsi ratio, ni fallor, ac tempus jamdudum vellenit, vel exstinxit, tamen si quid superest reliquiarum, en novum remedium. Adest *Jacobus Ceratinus*, jussu Principis per meas literas evocatus, ut in locum *Mosellani* succedat. Vix sperabam hominem amplexurum oblatam conditionem, nam *Lovaniis* sollicitabatur ad capeffendam *Græca* linguæ professionem in Collegio trilingui. Jam ut paria sint salaria, certe *Lovaniensis* Academia celebritate vix ulli cedit, nisi forte *Lutetiana*, in qua nunc mire regnant *Sophistæ* barbari, frigent jacentque recta studia. Est aliquid in loco magnifice exstructo habere sexcentos auditores, idque continenter, & inter hos magnorum Principum filios. *Ceratinus* dotes è familiarissimis colloquiis, æque scriptis penitus cognitas & compertas habeo, alioqui non tanta fiducia commen-

A darem illum tibi, viro exactissimi judicii, præsertim An. toties jam pudefactus commendandi facilitate. Moribus 1525. est sincerissimis & ad amicitiam appositis, adeo ut non minus videatur natus Gratiis quam Musis. Certe tibi non dubito quin sit futurus charissimus, si modo non mentitur proverbium ὁμοιον ὁμοίῳ φίλον. Quando fata non sinunt nos conjungi, per *Ceratinum* alterum *Eratinum* fiet, ut & tu me complectaris, & ego tibi fiam devinctior. Confido Principis benignitatem hoc curaturam, ut nec me poeniteat evocasse *Ceratinum*, nec ipsum, meis hortatibus fuisse obsequutum. Id quo fiat cumulatus, tuus candor tuæque auctoritas plurimum adferet momenti. Illud velim considerare Principem **B** quam prolixo itinere huc venerit *Ceratinus*, non sine gravi sumptu, atque hinc rursus istuc longa est profectio. Erat illi quidem justum viaticum, & tamen si latrones hunc exonerarint pecuniæ sarcina, aut si quis alius exortus fuerit casus, ut opus sit auxilio, quod dederis huic mutuo, à me petes, aut à *Frobenio*; illico reddetur ubi voles. Hoc summis viribus agunt *Sophistæ*, ut funditus perdant bonas literas, nobis contra machinis omnibus obnitendum est impiis conatibus; hic certe vir ero. Ante paucos dies rursus enixus sum partum viperinum. Nec hoc corpusculum audeo medicis hifce, ne quid aliud dicam, *Elveticis* committere: nam meus *Antonius*, cui uni me tuto poteram committere, hinc abiit in suam *Hungariam*. Sperarem salutem, si quis adesset *Stromeri* similis. Bene vale. *Basilea* 8. Aprilis, Anno 1525.

EPISTOLA DCCXXXVIII.

Erasmus Roterodamus Georgio Duci Saxonia S. D.

ILLVSTRISSE Princeps, quod tua Celsitudo mihi mandarat de Professore, aliquanto felicius succedit quam audebam optare. Venit huc meis literis evocatus *Jacobus Ceratinus*, de quo scripseram, *Græcæ* literaturæ tam exacte callens, ut vix unum aut alterum habeat *Italia*, qui cum dubitem hunc committere, nec in *Latino* sui dissimilis est. Ad hæc *Philosophiæ* non ignarus. Postremo ea ætate atque ingenio, ut si Deus illi vitam addiderit, certissima spes sit eum honestissimis studiis omnibus summam utilitatem pariter & ornamentum allaturum esse. Proinde quando tua Celsitudo singulari benignitate est usa in fovendo provehendoque *Petro Mosellano*, erga *Ceratinum* par est ut in tantum vincat seipsum, quanto hic *Mosellano* superior est, præsertim in his literis, quas istic profitebitur. Magnæ doctrinæ fuit *Mosellannus*, spei majoris, & amabam unice hominis ingenium, nec falso dicunt odiosas esse comparationes, sed hoc ipsa causa me compellit dicere, longe alia res est. Decreveram in commendationibus esse cautior, semel turpissime deceptus ab eo quem nosti, sed in tradendo *Ceratino* nihil me movet hic scrupulus, cujus mores candidos ex intima familiaritate perspectos habeo, cujus exactam eruditionem, cujus felicissimum ingenium, judicium acre, non solum ex familiaribus colloquiis, sed & scriptis plurimis compertissimum habeo. Quo magis gratulor Celsitudini tuæ, cui contigit homo dignus, in quem genuinam illam suam humanitatem ac benignitatem bene collocet. Gratulor autem & *Academiæ Lipsiensi*, cujus studia, quæ ob *Mosellani* mortem jam, ut audio, mire refrixerunt, Musis bene fortunantibus sic instaurabit *Ceratinus* noster, ut nihil addubitem; quin aliarum *Academiarum* vel invidiam sint excitatura, vel, quod malim, æmulandi studium. Hujus vel gloriæ vel utilitatis summa, tuæ illustrissimæ Celsitudini feretur accepta. Verum enimvero, ne quid dissimulem, habet unum hoc vitium *Ceratinus* noster, immodice modestus est, sic verecundus, ut pene putidulus sit: quamobrem & illi gratulor qui in eum inciderit Principem, cujus prudentia domi certissimum habet judicium, cujusque benignitas non exspectat flagitatorem, sed ultro benevolentia provocat, si quem perspexerit favo-

hinc favore dignum. Haftenus de *Ceratinio*. Ad proximas literas Celsitudinis tuae respondi tribus verbis, inclusis ad *Pistorium* & ad *Emserum* literis quo tutius perferantur. Nunc hoc tantum addam; sit posthac inter nos omnium querimoniarum ac suspicionum finis, quem admodum civilissime scribit tua Celsitudo, cui me totum trado dedicoque. Bene vale. Datum *Basilea* 8. Aprilis, Anno 1525.

EPISTOLA DCCXXXIX.

Erasmus Rot. Martino Hunno Medico S. D.

Ex literis humanissimi viri *Stromeri* cognovi quanto studio, non sine gravi sumtu, pertuleris literas meas. Scio & memini quantum humanitati tuae debeam. Misisses munusculum aliquod per hunc *Ceratinum*, virum utriusque literaturae doctissimum, successurum in vicem *Mosellani*, sed prorsus erat incertum an istae iter esset facturus. Si viderit vos, & si dignabimini illum cognoscere, reperietis exacte doctum, moribus omnis fuci nescius, nec alio naevo deformatum, nisi quod immodice modestus est. Scriberem aliquando *Eobano*, sed annus est antequam perferantur literae, si tamen perferuntur. Interim aperiuntur ac resignantur omnia. Huc profecit fides Euangelica. Expectamus *Eobani* lucubrationes. *Beatus Rhenanus* hodie tandem rediit *Sleisadio*, vosque jubet salvere plurimum. Vale, mi *Hunne* charissime. *Basilea* 9. Aprilis, Anno 1525.

EPISTOLA DCCXL.

Erasmus Bilibaldo suo S. P.

OPINOR jam redditum Opus *Chrysostomi Gracum*, cui praefationem ad te praefiximus. Si has reddat *Jacobus Ceratinus*, rogo, ut hunc velut alterum *Erasmum* amplectaris. Vir est ita callens *Grace*, nec minus *Latine*, ut posset cum dignitate vel in quavis *Italia* parte profiteri, tum moribus plane niveis, sed adeo modestus, ut pene putidulus. Nec aliud habet vitium, si tamen hoc vitium est. Hunc iussu vel flagitatione potius *Georgii* Principis per literas evocavi, non admodum sperans futurum, ut hanc conditionem non adspernaretur. Nam & apud suos amplis praemiis ad publicam professionem invitabatur. Succedet *Petro Mosellano*, sed decem *Mosellanis* eruditior; etiam si *Mosellani* doctrinam & ingenium haud vulgariter adimabam. Alius fortassis indigne ferret, quod juvenes praecurrunt senem; ego magnam capio voluptatem, quoties video minores eo profecisse, nonnihil etiam adjutos nostris lucubrationibus, ut his, quos habuere praecceptores, possint ipsi vicissim praecipere. In *Ceratinum* itaque si quid officii collocaris, gratius mihi futurum est, quam si in me ipsum contulisses. Non deest illi viaticum, nec deerit, nisi contigerit obiter spoliari. Id si accadat, (quod avertat Deus) me sponforem accipe, si quid illi mutuaris. Plura scriberem, sed vehementer incertum erat, an *Ceratinus* esset isthac facturus iter, quod tamen ille videbatur cupere, vel tui videndi gratia. Saluta *Risium* ac *Durerum*. Nuper rursus enixi sumus viperinum partum, atque etiamnum anceps est valetudo. Bene vale, vir ornatissime. *Basilea* 9. Aprilis, Anno 1525.

EPISTOLA DCCXLI.

Erasmus Rot. Natali Bedda, Theologo Parisiensi, S.

ACCEPI per *Franciscum Deloium* felicitis memoriae loca per te subnotata ex *Paraphrasi* nostra in *Lucam*, qua quidem diligentia tua adeo non sum offensus, ut vehementer optem te idem facere in reliquis *Paraphrases*, sed praecipue in *Annotationes* meas. Nil enim malim quam e libris meis tolli, quicquid inest vel erroris, vel offendiculi. Quum adornarem secundam editionem Novi Testamenti, suppliciter & obni-

xe rogarum pie recordationis *Joannem Atensem*, tum *An. Lovaniensis* Academiae Cancellarium, ut admoneret si quid offenderet. Pollicitus est. Perlectum Opus citra exceptionem comprobavit, ut pium & eruditum. Quum respondissem me moneri malle quam laudari, nam id esse utilius, etiam atque etiam confirmabat suam approbationem. Idem rogavi *Latomum*, qui nunc lacerat, quod tunc poterat corrigere, si quid offendeat. Item *Ludovicum Berum*, *Christophorum Episcopum Basiliensem*, *Joannem Episcopum Roffensem*, aliosque permultos: tantum laudarunt. Ego tamen ex Opere, tantorum virorum calculis approbato, multa sustuli, multa correxi, pleraque reddidi mitiora. Nunc apparo quartam editionem, quod si non gravaberis indicare, quid merito possit offendere doctos ac bonos, apud me sane magnam inieris gratiam, idque scriptis etiam testatum efficiam, mihi tuum officium fuisse gratissimum. In quo si candidum praestabis & integrum, exosculabor sinceritatem *Christiano* Theologo dignam: sin asperius & inimicitius id feceris, tamen boni consulam. Sed moderatio conducibilior est etiam nomini Theologico, quod nunc apud plerosque male audit ob quorundam odiosam morositatem, & omnia carpendi petulantiam. Quid enim dicturi sunt cordati doctique viri, quum legant *Petri Sutoris* libellum, quondam *Sorbonici* Theologi, nunc Monachi *Carinsiani*? Quantum ibi maledicentiae, quantum fastus, quantum stuporis & inscitiae. Nihil toto Opere crepat nisi *Theologastros*, *rhetorculos*, *sciolos*, *asellos*, *italasistas*, *insanias*, *temeritates*, *errores*, *scandala*, *haereses*, *blasphemias*. Et interim tractat argumentum, in quo nihil intelligit, plane vetus proverbium nobis referens, *Sutor ultra crepidam*. Assumit pro certis partim manifesto falsa, partim controversa: hanc translationem Novi Testamenti esse *Hieronymi*, hanc esse proditam afflatu sancti Spiritus, hanc ut talem ab Ecclesia receptam esse. Assumit me in hoc vertisse, ut mea translatio cum auctoritate legeretur, exclusa veteri. Ex his hypothesebus ceu compertissimis colligit, omnes translationes recentiores esse scandalosas, haereticas & blasphemias. At non videt hanc contumeliam recidere in *Thomam*, *Bedam*, & *Lyranum*, qui frequenter citant diversam lectionem, nec reprobant, sed interpretantur. Etenim quod in toto blasphemum est, blasphemum & in parte sit oportet. Nec sentit se, dum ista loquitur, blasphemum esse in Pontificem, qui nostrum laborem suo diplomate comprobavit. Ne quid dicam de *Adriano VI.* qui adeo non damnavit meam industriam, ut adhortatus sit, ut idem facerem in Veteri Testamento, quod fecissem in Novo. Quid loquar de Episcopo *Roffensi*, qui mihi non semel gratias egit, testificans se plurimum fructus ex hoc Opere meo cepisse, de *Tonskallio* Episcopo *Londoniensi*, deque aliis innumeris virtute pariter ac doctrina praestantibus viris? Plane sentio *Sutori* nostra non esse lecta. Quid autem impudentius quam sic debacchari in alienas lucubrationes, nec legisse quod proscinditur convitiis? Exigit ut proferam vel unum doctorem, qui legerit, *In principio erat Verbum*. Atqui in *Apologia* istuc dilucide expedivi. Flagitat, ut proferam unum locum, in quo lapsus sit doctor aliquis ob interpretis solocismos. At ego in *Annotationibus* meis multos tales indicavi. Sunt innumerae ubique, qui non oderunt *Erasmum*, nec desunt sana sobriaque judicia. Quid isti dicturi sunt, obsecro, quum legent tales libellos, e *Sorbona* profectos? Quos equidem non ignoro vestrum doctissimo cuique non placere, sed interim ob paucorum stultitiam vocantur in contemptum & odium boni Theologi. Edidit & in *Brabantia* libellum *Dominicanus* quidam, sed tam indoctum ac stupidum, ut nulla sus possit quicquam indoctius: sic manifestis mendaciis scatentem, ut nullus scurra possit impudentius. Ad ista connivent Theologi, nec interim perpendunt, quos risus, quantum odium sibi concilient. Quod ad *Annotationes* tuas

An. respondi, mihi *Nicolaus Beraldo*, ut tibi copiam faciat. Bene vale. *Basilea* 28. Aprilis, Anno 1525.

EPISTOLA DCCXLII.

Erasmus Rot. Caelio Calcagnino S. D.

LIBELLVS tuus *De libero arbitrio*, mi *Caeli*, usque adeo mihi placuit, ut editurus fuero in tui nominis gloriam, nō me locus unus offendisset, in quo suspicionem quorundam, qui me dictitant hoc spectaculo delectari, quod hactenus tacitus consertisque manibus viderim aprum illam, ferum devastantem vineam Domini, sic refers quasi non fueris ab eadem alienus. Et poterat locus verbis tribus mutatis corrigi, verum religio fuit vel tantillum mihi permittere in alieno libro, faciam tamen si tu iusseris. Cæterum, video illud esse fati mei, ut dum utrique parti consulere studeo, utrinque lapider. Istic & in *Brabantia* sum *Lutheranus*, at in tota *Germania*, in qua vivo, adeo sum *Anti-lutheranus*, ut in neminem mortaliū ii, qui valde favent *Luthero*, magis faviant quam in me, nec alii magis imputant quod de Pontifice non agant triumphum, quam mihi. Hoc verum esse facile crederes, si præfens audires convitia, minasque, quibus impetor, si picturas infamatrices, si libellos criminofos ac furiosos potius legisses, qui hic subinde provolant in caput meum. Atque hoc odium non nuper coepi promereri prodita *Diatriba De libero arbitrio*, sed ante triennium, tot epistolis, tot libris editis testatus mihi non probari *Lutheri* fabulam, adhuc dicor consertis manibus spectare tantum. Præter alios & ipse *Lutherus* respondit nostræ *Diatriba*, nec dubito quin odiosissime; nondum enim liber allatus est: & interim Theologi Monachique, quorum implacabile odium in me concitaram, ob pro vecta bonarum literarum studia, quas istæ pecudes multo pejus oderunt quam *Lutherum* ipsum, tam pertinaciter ac stolidè debacchantur in me, ut ni mihi fuisset animus adamantinus, vel horum odiis potuerim in castra *Lutheri* propelli. Nescio an vos putetis rem esse ludicram, verum nemo credat, quam hoc negotium late propagatum sit, quamque gentium pene omnium animos occuparit. Tot eruditorum hominum amicitia videbar mihi *Craso* beatior. Hanc felicitatem æquo animo deposui, meque nudatum omnibus præfidiis inermem ac destitutum objeci tot furiosis, quorum tyrannidem mundus diutius ferre non potest, nec feret. Et tamen illi non ignorant, quantam cladem ipsis inferre potuerim, si vel digitum porrigere *Lutheranis* voluissim. Atque interea, quoties decernitur honos Theologis, nihil sapit *Erasmus*: at quum est gravandus invidia, solus poterat totum hoc incendium extinguere suo calamo. Quin in hanc invidiam vocat *Pius* ille *Carpensis*, qui, ut scribunt, *Roma* in omnibus conventiculis, in omnibus conviviis deprædicat, *Erasmum* nec esse Philosophum, nec Theologum, nec quicquam omnino tenere solidæ doctrinæ. Cur ille vir tacitus consertisque manibus spectat hunc aprum ferum depopulantem Domini vineam? Cur nullus hoc audet *Roma*, quod ego sum ausus in media *Germania*, solo præmio rectæ conscientiæ contentus? Neque enim me jam hinc brevi emigraturum vel Cæsar, vel Pontifex beare potest; imo ne hoc quidem præstare valent, quo minus proscindar rabiosis libellis, etiam ab istis ventribus, qui se jactant favere *Romano* Pontifici, quum nulli magis officiant nomini Pontificio. Quo in statu sumus hic, bonâ fide referet qui has tibi reddit, in hoc à me legatus, ut quædam amicis aperiat, quæ literis committere, ut perlongum est, ita nec tutum; per hunc itaque poteris tuto rescribere. Commisi illi quiddam de studiis nostris, in eo non gravaberis impartire consilium tuum, si quid desiderabit. Quid agat *Leonicenus* Medicus, quid *Paniceatus*, quorum utrunque vidi *Ferraria*, scire capio, & *Rhodiginum* amo, tametsi me locis aliquot taxarit in suis collectaneis. Verum non sum is, qui nihil possim

A devorare. Te non novi, nisi quod suspicor esse illum, An. qui me semel in ædibus *Richardi Pacai* salutavit oratione tam copiosa, tamque disertâ, ut ego plane viderer mihi mutus. Bene vale. *Basilea* 13. Maji, Anno 1525.

EPISTOLA DCCXLIII.

Erasmus Rot. Felici, Episcopo Theatino, S. D.

REVERENDE Præsul, humanitatem & indolem tuam jam pridem amavi, nunc gaudeo Pontificis favore fortunam tuis virtutibus respondere, simulque gratulor *Hovio* meo, cui contigerit in tali familia locus. Apud me non poterat crescere nisi fortassis in literis. Et spero illum suis obsequiis promeriturum, ut tuo favore dignus videatur. Certe ad hoc non desinam hominem adhortari. Qui sit hic rerum status, malo te ex hoc tabellario cognoscere, quem ob negotiola quædam istuc emandavi meo sumptu. Nam inter famulos nullum habeo fideliorē, cui te rogo ut faveas, si quid erit opus. Intricatus est enim labyrintho cuidam, vir alioqui fortuna tranquillissima dignissimus. Dignaberis & *Erasmum* in tuorum clientum catalogum adscribere, certe fide studioque non facile cuiquam cessurum. Precor tibi omnia felicia, quo videlicet modis omnibus sis quod diceris. Datum *Basilea* 13. Maji, Anno 1525.

EPISTOLA DCCXLIV.

In COELIVM, De libero arbitrio.

Des. Erasmus Rot. ornatissimo Floriano Motino S. D.

EN tibi rursum *Laconismus* etiam superiori contra-ctior, quum tu me tam liberali, tam diserta, atque etiam festiva provocaris epistola, ut mihi bonam tædiorum partem excusserit, quorum nunc ipse temporum status abunde multum ingerit, etiam si propitius esset calculus, & nihil haberet molesti senectus, nihil assidui studiorum labores, denique si nihil aliunde inveheret ægritudinis hæc vita tot malis obnoxia. Auxit epistolæ tuæ gratiam *Caelii* libellus *De libero arbitrio*, brevis quidem ille, sed expolitus, satis præ se ferens, quanto studio vir ille versetur in adytis philosophiæ. Hactenus nihil illius videre contigit. Ipsum, ni fallor, semel duntaxat vidi *Ferraria* in ædibus *Richardi Pacai*. Salutavit me summa quidem cum humanitate, sed oratione tam diserta, tamque fluenti, ut ego prorsus viderer elinguis. Hæsitavi, fateor, aliquandiu, utrum libellum flagitantibus Typographis traderem, an premerem. Video, mi *Floriane*, & apud vos esse sinistre suspiciosos homines, quales apud nostros perpetior. At nihil tale perpeterer, nisi prorsum inversus esset ordo hujus fabulæ. Utinam ista suspicio demigraret in *Germaniam*, & picturæ famosæ, libellique furiosi, qui subinde provolant in caput meum, istuc deferrentur. Nunc hic periclitor ut hujus factionis oppugnator, apud *Italos* ac *Brabantos* gravius etiam periclitor ut adjutor. Nonnulli me calumniantur incedere medium. Inter *Christum* & *Belial* incedere medium, magna fateor impietas est. At inter *Scyllam* & *Charybdim* medium tenere cursum, arbitror esse prudentiam. Nihil unquam magis detestatus sum quam seditionem, nec adhuc ulla in re mecum pugno. Proferi nolo quod non assequor, aut de quo dubito, aut quod non probatur animo meo. Nec ab istis unquam prædicor Theologus, nisi quum invidia gravandus sum. Quoties agitur de consortio gloriæ, procul absum ab albo Theologorum. Sed regium est undique male audire quum omnibus beneficias. Vivit *Christus* Agonothetes noster, qui te servet incolumem, vir optime. Datum *Basilea* 16. Maji, Anno 1525.

EPISTOLA DCCXLV.

Erasmus Rot. Antonio Paccio, Episcopo Pistoriensi, S. D.

An. 1525. **R**EVERENDE Praeful, quum penitus infixi sum animo meo tua in me nequitiam vulgaria officia, tamen haec ab officio literarum temperavi, quod officii potius esse ducerem tuam amplitudinem tot negotiis occupatam non interpellare supervacaneis epistolis. Sed quum oblato nuncio rogarem *Lodovicum Berum* praepositum, mihi singularem patronum, ecquid vellet mandare *Romam*, orta mentione tui nominis, obnixè rogavit, ut te tribus verbis salutarem: quem incolumem esse gaudeo vehementer, bonaque ipse sumus, fortunam, quae coepit evehere dignitatem tuam, aliquando tuis virtutibus responsuram, quibus ex teipso maximus es, velit nolit fortuna. Nobis haec cum calculo & oblatratoribus tantum res fuit, nunc incidit ea tempestas, ut superiorum malorum penes simus obliti. Quum volet Dominus, & quum promerebimur, hic rerum tumultus aliqua serenitate commutabitur. Affulsit enim aurula quaedam pacis inter Monarchas faciendae: id si contingat, fortassis sub autumnum isthuc adrepemus. Rogarem, nisi confiderem te id sponte facere quod soles, ut *Erasmo* clientulo tuo favcas. *Berum*, opinor, ad te scribet, tametsi pudet haec filuisse, & veretur magnitudinem tuam. Certe ex animo te suspicit, amatque, si quis alius. Ei precor omnia fausta laetaque. *Basilea*, feria quarta post Pentecosten, sive 8. Junii, Anno 1525.

EPISTOLA DCCXLVI.

Erasmus Rot. Natali Bedda S. D.

NON sum is, vir optime, qui soleam de quoquam opinionem sinistram concipere, ni res ipsa palam comperta cogat in diversam sententiam. Delationibus istis vulgaribus nihil moveor, suspiciones nihil moror, ac ne injuriis quidem mediocribus & humanis perturbor. Negligo, dissimulo, excuso, suspendo sententiam, donec manifesta pravitas, saepius deprehensa, compellat me dicere, *Non putaram*. Neque quicquam arbitror magis indecorum homini *Christiano*, quam quum post temere susceptam diuque totam de proximo suspensionem, post impetitam multis conviciis innoxii famam, tandem expertus cum longe alium esse, quam imaginatio sinxerat, dicit, *Non putaram*. Itaque quanquam ante complures annos solitus sum à multis accipere literas, parum amicam de te mentionem facientes, tamen nihil me commoverunt quo minus *Beddam* bonum Theologum ac bonum virum judicarem. Eam opinionem auxerunt *Beraldi* mei literae, cujus iudicio sane tribuo plurimum. Proinde, quanquam in tuis literis erant adpersa quaedam, quae subindicarent te non optime sentire de me, tamen quoniam mihi persuasum est ista tibi scribi sincero puroque animo, ne tantulum quidem offenderunt, nec te mihi velילו reddunt ingratiorem. Toties in hac epistola sum tibi charissimus frater, nec tamen collegam agnoscis nisi sympresbyteron, *συμπρεσβυτερον* non agnoscis, quum tamen hoc tituli mihi non inviderint, nec *Leo*, nec *Clemens*, ac ne *Adrianus* quidem, magnus sine controversia Theologus. Si non agnoscis collegam Theologum, nisi insigniter doctum, ne sympresbyteron quidem agnosces, nisi eximie pium. At ego sane longius absum à pietate, quam ab eruditione, licet in studium pieratis quam eruditionis propensior. Indoctos recipit Deus, impios non agnoscit. Sunt & alia quaedam, quae videntur non carere figura, sed mihi persuasum est, ingenium tuum ab huiusmodi strophis longissime abesse: quod si secus habet, mea nimirum opinio plurimum abest à vero. Alioqui si maxime affinis essem talibus cavillis, non arbitror tuam prudentiam his vel le uti erga eum, qui simpliciter ac pure scripisset,

A. nec alium te velle praebere, quam is te existimasset. An. 1525. Videris autem tibi persuasisse, *Erasmum* esse quendam sitientem mundanae gloriae, ingenii pertinacis & indocilis, ad haec scribendis libris inutilibus intentum, non satis cogitare de his quae pertinent ad vitam futuram. Scis ipse, vir egregie, nihil esse difficilius, quam iudicare de spiritu alieno, quum *Paulus* non ausit etiam de seipso iudicare. Verum, ista fortasse tibi persuasit delator aliquis, ut his temporibus ubique regnant malae linguae. Et fieri potest ut imprudens & inscius foveam aliquid istorum vitiorum, quae mihi tribuis. Hoc igitur profectus attulit mihi tua reprehensio, ut ipse mihi coeperim esse suspectus, circumspiciens nunc ubi laterent in me morbi tam pestiferi. Homo sum, & humani nihil alienum à me puto. Quod ad gloriam attinet, fateor olim juvenis pulchrum esse duxi laudari à viris laudatis; verum, ubi cognoscere coepi, quam molestum onus esset fama, nihil magis in votis habui, quam eam si liceat totam abjicere, vel eo, ubi, quod ajunt, cervi deponunt sua cornua. Quid autem habet hoc gloriae genus expetendum, tot calumniis, tot obtreptionibus, tot criminationibus fermentatum? Aut quod animal me vivit infelicius, si pro tot exhaustis laboribus nihil aliud mercedis refero, quam famam in hoc seculo, quae tanto plus aloes habet quam mellis, si quid tamen omnino mellis habet? Nemo sui probus est iudex, fateor. Mihi tamen, quum alioqui scateam vitiis, videor non insigniter affinis huic morbo, vel hoc argumento. Quum nondum exortus esset *Lutherus*, magnae rerum tranquillitate florent studia bonarum literarum, videbar mihi beatus amicitias tot eruditorum hominum, ut ingenuè fatear quod res habet, laudibus nunquam sum magnopere delectatus, immodicis etiam offendebar. Quod si valde delectassent illi *Germanorum* applausus, si libens audissem *Princeps literarum*, *antistes studiorum*, *vindex vera Theologia*, *syndes ac decus Germania*, nunc his detractis excruciarer. Nunc vero nequaquam mihi displiceo, quum illis ipsis nihil aliud sim quam *Erasmus*, propemodum etiam gaudeo me ab invidiosis illis laudibus esse liberatum. Quin & rabiosos libellos, quibus ab his impetor, quos pridem habebam laudum mearum immodicos praecones, videor haecenus sat moderate tulisse. Quum scirem mihi nunquam fore pacem cum quibusdam male auspicatis ingeniis, quae me propter bonas literas habent invisum, tamen malui me prorsus exarmatum utrinque lapidandum exponere, quam in hac factione, quae latissime regiones & aulas occupavit, esse coryphaeus & satrapes, & haecenus nec blanditiis, nec minis, nec convitiis utriusque partis loco moveri potui. Fortassis hanc aliquis cautionem vocabit potius quam constantiam. Imo videbam me tutiorem futurum fuisse, si me in *Lutheranam* factionem coniecissem; noveram enim quae multi nesciunt. Hic conscientia me revocavit, non metus. Dignitates adeo non ambii, ut etiam ultro oblatas constanter recusarem: & hic animus, quem haecenus praestiti, tibi videtur sitire gloriam mundanam? Et tamen admonitionem tuam in optimam partem accipio, nec patiar me frustra monitum esse. Mortaris me ut legam *Gersonem*, & huic similes Auctores humiles, quo mihi vilescam. Ego quemadmodum nullum Scriptorem soleo contemnere, ita in scholasticis istis, quos vocant, praeter orationis filum fere nihil humile video, qui passim ostentant *Aristotelicam* & *Averroicam* Philosophiam, cui *Scorus* multum etiam addidit supercilii. *Gersonis* opuscula quaedam legi juvenis, nec omnino displicuit. Ceterum quum neotericos hos Scriptores in manus summo, nescio quo pacto minus mihi displiceo, nec ulli libri magis deiciunt ac pudefaciunt superbiam meam, quam Evangelistarum ac Apostolorum. Scio magnum & arduum esse negotium domare spiritum hominis, & hoc sane jam pridem molior, etiam si tu suspicaris mihi non esse vacuum colligere animum ad ea quae sunt verae pietatis, propterea quod subinde novos libel-

An. bellos excudam. Nec mirum est ita tibi videri, qui
 1525. fortasse stylum non perinde exercueris, eoque difficil-
 limum & operosissimum esse credis, quod exercitato
 facillimum est. Ego vero jam hoc annos aliquot serio
 totoque pectore ago, ut hanc conscientiam *Christo* ju-
 dici approbem, meque pro viribus in eum diem paro,
 quem hæc ætas ac valetudo persuadent minimum ab-
 esse. Ac videor mihi nonnihil profecisse auxiliante
Christi gratia, quam in hoc implorare non desino:
 nam in dies exspecto diem illum animo tranquilliore.
 Nec ulla colloquia mihi gratiora sunt, quam quæ hoc
 studium meum vel promovent, vel excitant. Itaque fe-
 re versor in his argumentis, quæ juvant etiam hoc ani-
 mi propositum, tantum abest ut impediant. Quod ge-
 nus sunt, *De misericordia Domini*, *De modo orandi*,
De moderanda lingua, quod nunc excuditur, & *Com-
 mentatiuncula in Psalmos aliquot*. Ac plane sic meditor
 subducere memet à scribendis libris, quemadmodum
 veteranus athleta paulatim sese recipit in ocium, præ-
 cipuumque studium huc confero, ut quod hætenus
 editum est repurgem ac dedolem, præsertim in his
 quæ pertinent ad fidem ac pietatem *Christianam*. Mi-
 hi certe semper fuit hic animus, ut excitarem bona-
 rum studia literarum, eaque conciliarem studiis ve-
 stris: partim ut inciperent & bonæ literæ sonare *Chri-
 stum*, quæ quam apud *Italos* hætenus nihil aliud quam
 Paganismum crepent, ipse non ignoras: partim ut ex
 accessione linguarum ac politioris literaturæ, nonni-
 hil fructus ac lucis adjungeretur studiis hætenus in
 scholas receptis. Qua quidem in re meo iudicio vehe-
 menter peccatum est utrinque, dum & qui bonas lite-
 ras adamant, hostiliter insectantur diversa sequentes:
 atque hi rursus hospites bonas literas, unde poterant
 utilitatem capere, non recipiunt in consortium, sed
 inciviliter explodunt, damnant ac rejiciunt priusquam
 noverint. Quod ad dogmata scholasticorum attinet,
 semper quantum licuit ab his abstinui, videlicet mihi
 conscius quam non esset meæ mediocritatis, in rebus
 arduis dogmatisten profiteri meo pariter ac multorum
 periculo: quantum in isto studiorum genere valiturus
 fuerim nescio, certe naturæ vis alio rapuit. A factio-
 nibus sic semper abhorruui, ut favorem suum profiten-
 tes aliquanto diligentius cohibuerim, quam rejeci ca-
 lumniantes. Ita factum est hætenus, ut si quid errat
 aut periclitatur, solus erret ac periclitetur *Erasmus*.
 In Novo Testamento nihil aliud proposueram, quam
 instaurare sinceram lectionem, & addita luce discute-
 re quædam, ad quæ videbam multos impingere. Ne-
 que quicquam minus erat in animo, quam mutare vul-
 gatam interpretationem: imo veterem translationem
 addidissim *Græcis*, quamvis dissidentem, ni me docti
 quidam amici consiliis improbis verius quam felicibus
 huc protrussissent reclamantem. Porro quod quædam o-
 biter admoneo, Deum testor, simpliciter existimabam
 me rem facere Deo gratam, ac rei *Christiane* necessariam.
 Atque hoc ipsum mihi visus sum eo temperamento fecisse,
 ne quid hinc seditionis oriri posset: certe id conatus
 sum sedulo. Videbam multa esse prolapsa, & erant tem-
 pora tranquilla. Quis enim suspicaturus erat hanc fata-
 lem tempestatem exorituram in orbe? Proinde quam tua
 charitas judicat mea scripta, ni corrigantur, esse peri-
 culosa religioni *Christiane*, tam judicabam esse periculo-
 sum rei *Christiane*, si dissimulassim illa quæ tum admo-
 nuui. Si fuit error, in iudicio fuit, non affectu. Nec hic
 tamen unquam fissus sum meo sensui, nec me transver-
 sum rapuit applausus hominum. Et adeo non gravatus
 sum me submittere Deo, quod ut faciam amanter ad-
 mones, ut etiam omnibus pene hominibus me subjece-
 rim. Atque ea res mihi nonnullis in locis præbuit an-
 sam erroris, in quem non impegissem, si meo iudicio
 plus tribuissim quam aliorum. Quem enim monitorem
 non eram auditurus, qui non solum *Athensem*, *Latomum*
 ac *Dorpium*, sed *Leum* etiam, Theologiæ, quod post
 compertum est, plane rudem, obnixè rogarim, ut ad-
 fect mihi sarcienti præcipitatem Novi Testamenti editio-

nem, & hac de causa in intimam familiaritatem admi-
 ferim, quæ sane res mihi parum feliciter cecidit. Et inte-
 rim videris in me suspicari pervicaciam hoc argumen-
 to, quod à duobus viris non elinguis, nec indoctis,
 nec stupidis, de multis non temere admonitus, nusquam
 tamen agnoscam lapsum meum. *Stunica* ac *Leum* elin-
 gues non esse fateor, imo profiteor esse linguacissimos:
 cæterum quam non sunt stupidi aut indocti, ipsorum
 scripta te docebunt, si modo legas integer. At plane
 suspicor te gravioribus rebus occupatum, ad ista frivo-
 la non descendere. Atqui hoc facere erat tuæ mode-
 stiæ, mi *Bedda*, priusquam de nobis conciperes atrocem
 suspensionem. Quis scurra scurrilior *Stunica*? Quot lo-
 cis ostendo illum nescire quid loquatur? Et tamen non
 paucis in locis tali sycophantiæ gratias ago, quod ad-
 monuerit, tametsi nihil debetur gratiæ, ne recte qui-
 dem monenti, si id morbo facit, non iudicio. *Leus Sim-
 nica* tum indoctior est, tum virulentior, & tamen ubi-
 cunque bene monet agnosco officium: quod ideo
 suspicaris me nunquam fecisse, quia nostra non legi-
 sti: aut si legisti, aliud agens legisti. Atque ut ingenue
 fatear, demiror tales Scriptores vobis placere. Si quid
 asperius scripserunt, ais facilem esse veniam. An apud
 vos sit facilis venia nescio, apud Deum scio difficilem
 futuram iis, qui tot mendacia, tot calumnias, tot fu-
 mos, tot glorias effundunt in famam proximi. Doceo
 C *Leum* in his quibus impetit me quædam asserere palam
 hæretica. Nec habet quenquam tam amicum in *Ang-
 lia*, qui ausit hæc defendere. *Leo* ipsa *Anglia* impo-
 suit silentium, nec ullis magis displicuit illud opus,
 quam qui illi tum natura, tum benevolentia sunt con-
 junctissimi. Quod si prodisset frigidus ille libellus,
 quem primum scripserat, & clam vices descriptum
 sparserat per amicos, quos ronchos, quas sannas exci-
 tasset? Inerant illic manifestæ blasphemix. Nam is,
 quem edidit, maxima ex parte est aliorum. Dices me
 somniare. Imo librum illum habebam antequam mea
 responsio esset absoluta. *Stunica* apud *Hispanos* habe-
 tur, ut est, pro homine ut glorioso ita parum corda-
 to, cujus sycophantiæ quam placuerint Pontifici, fa-
 tis declarat quod toties est illi impositum silentium,
 primum à *Leone*, mox à cœtu Cardinalium, rursus
 ab *Adriano*, iterum à Cardinalibus, postremo à *Cle-
 mente* serio, ut ni quievisset, conjiciendus fuerit in
 vincula. Primum nec *Stunica*, nec *Leus*, erat is, qui de-
 buerit sibi censuram in me sumere. Quibus si non de-
 fuisset doctrina, tamen fide carebant, qui tam impo-
 tens odium præ se ferebant, qui tantum spirabant ina-
 nis gloriæ. Fateor obtemperandum esse monenti, sed
 ei qui possit recte monere, sed ei qui commode mo-
 net. Quis autem sese credat Chirurgus ferrum & ignem
 admoventi, si manifestis notis præ se ferat studium oc-
 cidendi si possit? Quis hauriat pharmacum à medico
 porrectum, qui præ se ferat animum perdendi ægro-
 tum, non medendi? Multo vero sit infanior, qui se
 committat talem animum adferenti cum imperitia se-
 candi aut medicandi. Multa laudata correxi ex me,
 quid facturum si quis doctus amice monuisset? Et ut
 agnoscas quantum absim à pertinacia, quædam coac-
 tus sum eradere, quæ monitore *Leo* mutaveram.
 Quem si secutus fuissim in omnibus, legeretur in li-
 bris meis quod palam esset hæreticum: non loquor de
 dogmatibus scholasticis, sed de articulis fidei. Ac ne
 multa commemorem, hoc ipsum quod tu reprehendi-
 dis, *Iesum* nulli mortalium debuisse obedientiam, ex
 F *Caranza Stunicaque* didici, quanquam illi multo idem
 inculcant odiosius. Et sunt alia his magis impia, si
 vacabit illorum calumnias & nostras Apologias legere.
 Et horum calumniæ pondus habent apud vos, quum
 tot Episcoporum, tot Theologorum atque etiam *Roma-
 ni* Pontificis iudicio, leve sit pondus. Aliud est, in-
 quis, probari ab amicis, aliud judicari ab inimicis,
 qui nodum etiam in scirpo quærunt. Cæcus quidem
 est amor vehemens, at multo cæcius odium: sed in-
 genium hominis multo propensius est in odium quam
 in

An. in amorem. Qui mea probarunt, quid erat cur tanto-
 3525 pere cæcutirent amore mei, qui me non ob aliud dil-
 ligunt quam ob labores meos, nec ullis in rebus egent
 mei? His, quum sint in re Theologica doctiores sex-
 centis *Leis* ac *Stunicis*, diffidam, & subijciam me ju-
 dicio istorum, qui vesanum & impotens odium in me
 præ se ferunt? Si Theologis credendum est, Theolo-
 gi sunt & illi. Verum, ex his quidam damnant inimi-
 ci, quod probant amici. Utrum igitur iudicium
 apud me plus valebit? Imo cur valeat apud quenquam
 talium iudicium, qui cum affectu mutant sententiam,
 & ex eodem ore frigidum efflant & calidum? Quum
 ederem primum Novum Testamentum, aderant affi-
 due *Capito* & *Oecolampadius*, quorum uterque tum vi-
 debatur & vir pius, & Theologus eruditus, utcu-
 que nunc res mutatae sunt. *Berui* vicinus frequenter
 nos invisebat, quem, opinor, & tu numeras inter Theo-
 logos. Cur hic, qui haud indiligenter legit mea, non
 vidit ista perniciofa, quæ tuam sollicitudinem exani-
 mant? Est ille quidem amicus, sed amice liber, nec
 ignorat me liberis amicis delectari. Post primam edi-
 tionem commigravi *Lovanium*, ultro receptus sum in
 amicitiam Theologorum, quum nihil minus ambirem.
Carmelita Egmundanus hoc Opere prodito vociferatus
 fuerat me esse Antichristum: quum ventum esset in
 privatum colloquium, rogabam ut admoneret si quid
 esset corrigendum, nullum officium mihi fore gra-
 tius. Respondit sibi Opus nondum esse lectum. Ob-
 nixe rogavi *Atensem* non semel, ut moneret si quid
 offenderet, nam mihi esse animum juvandi rem *Chri-*
stianam, non lædendi. Eadem rogavi *Latomum* &
Dorpium. *Atensis* recepit se facturum. Sub disces-
 sum vocavit me ad cœnam. A cœna repeto veterem
 sermonem. Ait se perlegisse totum Opus, videri si-
 bi tum eruditum, tum pium. Rogabam ut libere di-
 ceret quod sentiret, me moneri malle quam laudari:
 monitionem profuturam, laudes non item. Etiam at-
 que etiam repetens confirmavit quod dixerat, & hor-
 tatus est ut *sanctis meis laboribus*, sic enim ille tum lo-
 quebatur, pergerem prodesse Reipublicæ *Christiana*.
 Hoc ut excluderet, captionem adjecit, *quid scriptu-*
rus sis nescio, quod hætenus scripsisti, perplacuit. Respon-
 di me daturum omnia meliora, quod quidem, ni fal-
 lor, præstiti. Et hic erat illius Academiae caput, si-
 ve spectes auctoritatem, sive doctrinam. Reversus
 sum, pesti, ut putabant medici, obnoxius, certe tri-
 bus carbunculis insignis. *Atensis*, alique Theolo-
 gi vetante me accurrunt ad salutandum. Tranquilla
 omnia, donec *Leus* ordiretur suam tragœdiam. Ubi
 per morbum licuit, evocavi *Leum* ad colloquium, pro-
 posui æquissimas conditiones, ut vel ostenderet suas
 annotationes, vel mecum conferret, si quid diffideret,
 vel ederet denique. Nihil horum illi placebat. De-
 nique vel *Atensem*, mihi jam parum æquum, faceret
 iudicem. Nihil horum placuit. Decreverat eo fumo
 frui, quod trecenta loca notasset, quæ premeret in
 gratiam meorum amicorum. Contuli privatim cum *A-*
tensi, ut moneret si quid esset alicujus momenti. Nam
 Opus meum nondum exisset totum, & me mutatis
 aliquot chartis malle pecuniæ dispendium accipere
 quam famæ. Idem egi cum *Dorpio*, *Latomoque*. An-
 notationes, hoc est, dimidium Operis mecum advexe-
 ram è *Basilea*, eas mox dedi *Dorpio* legendas. Perle-
 git & annotavit quædam, sed quæ nihil ad fidem at-
 tinebant. Mox tradidi *Atensi*. Nemo quicquam ad-
 monuit. Dum hæc aguntur, prodiit Opus, quod
 diutius premi non poterat, sine gravi jactura typo-
 graphi. Interim incrudescibat *Leis* tragœdia, & ut
 fit, alius aliunde grunniebat. Ubi non esset finis ob-
 trectandi, rursus adii *Atensem*, admonens ut daret ne-
 gotium aliquot eruditis, *Dorpio*, aut *Latomo*, aut ho-
 rum similibus, qui notarent quæ jure offenderent: nam
 meum non esse magni pendere, quid quivis magi-
 stellus arroderet. Factum est: notavit *Atensis* quæ-
 dam, ac *Dorpius* nonnulla: respondi, sic enim conve-

nerat. Satisfactum est illis in omnibus, hoc uno ex-
 cepto, quod non addidissim, hanc confessionem in-
 stitutam à *Christo*. Respondi non esse meum affirma-
 re quod probare non possem, submittere tamen me
 meum iudicium auctoritati Ecclesiæ: hoc interim mi-
 hi satis esse. Jam adornabatur editio tertia. Nul-
 lum non rogavi, cui crederem esse aliquid iudicii, ut
 admoneret si quid offenderet, præsertim in decretis
 Philosophiæ *Christiana*. Comprobarunt multi, nemo
 monuit hætenus. *Adrianus* Cardinalis per *Barba-*
rium suum denunciavit, ut idem facerem in *Vetere*
Testamento, quod fecissem in *Novo*, nec meminit
 ullius Tragœdiæ: non facturum, opinor, si sensit de
 meis laboribus quod tu sentire videris. Adornatur e-
 ditio quarta, & paratus sum à quovis admoneri, vel
 semidocto. Dices Theologorum esse iudicium. Quæ-
 so, an *Joannes* Episcopus *Roffensis* non videtur tibi
 Theologus? Equidem ut fateor vestram Academiam
 esse præcipuam in re Theologica, ita credebam & in
 aliis esse Theologos. Jam *Lodovicum Berui*, *Agidium*
Delphum, & *Hermannus Lethmannus*, inter vestræ
 scholæ proceres sunt, cum his omnibus diligenter
 egi. Scripsi *Prierati*, indicaret quibus locis offenderet-
 tur, obmutuit. Et hic est animus, quem tu putas præ-
 fractum & intractabilem. At *monitus*, inquis, non
 agnoscis culpam. An postulas, ut à quovis admonitus,
 illico clamem cum pueris vapulaturis, *Ignosce, pecca-*
vi? An vis me culpam agnoscere ubi culpa non est?
 An is, qui pro viribus studet prodesse, videtur indi-
 gnus quem doceat Theologus? Præcipua causa cur
 cupere adire *Galliam* erat, ut cum aliquot vestrum
 privatim communicarem. Obstabant quum alia mul-
 ta, tum præcipue bellum inter *Cæsarem* & *Galliam*,
 in dies magis ac magis incrudescens. Vocabar ad am-
 plam & paratam fortunam etiam regis literis. At mi-
 hi subolebat me per occasionem vocari ad contentio-
 nem, quantumvis alia prætexebantur. Contemsi for-
 tunam amore tranquillitatis. Rixarum jam pridem
 sum satur. *Berquinum* tantum ex literis cognovi, ex
 his mihi videtur vir prudens ac modestus. Eum ta-
 men nunquam desii hortari, ut à contentionibus abs-
 tineret. Si quid accidit Episcopo *Lodovienfi* tristius,
 equidem vehementer doleo: nam olim mihi talis vi-
 sus est, quales optarem multos esse Præsules. Ego
 nullum adhuc Episcopum vel ulla gravavi invidia,
 vel à recta semita deduxi. Quod mihi tua charitas
 metuit, ne quando sim in eadem sorte futurus, in
 qua *Faber*. Ego magis vereor, optime *Bedda*, ne
 quando vos sitis in eadem sorte futuri, in qua nunc
 sunt Theologi *Germania*, quorum tanta hisce tempo-
 ribus est auctoritas, ut si quid reprehendant, ob hoc
 ipsum placeat, quod ab illis damnatum est. Non hoc
 dico minitans: optarim omnia florere studia, sed
 præ cæteris Theologiæ. Nunc video misere collabi
 omnia, totamque rem *Christianam* ad *Turcarum* bar-
 bariem tendere. Verissimum est Theologos apud
 plerisque male audire. Imo graviiori odio laborat no-
 men Theologicum apud omnes quam quisquam credat.
 Nec tantum apud vulgus, verum etiam apud Princi-
 pes. Hujus mali quorundam morositas & improbi-
 tas causam dedit, ut libere dicam quod sentio. Fa-
 teor iniquissimum esse ex paucorum moribus æstima-
 re totum ordinem, sed tamen ita fit vulgo. Et pau-
 corum improbitas nonnunquam plus valet quam cæteri
 omnes, quorum alii dissimulant, alii rident, aliis non li-
 bet repugnare, alii favore privato adsunt, alii pertra-
 huntur in eandem insaniam, veluti contagio quodam.
 Mihi nemo persuasurus erat inter Theologos esse ta-
 les vomicas, nisi re ipsa compertissimum haberem.
 Quis credidisset in *Standisio* tantum esse stultitiæ,
 quantum ipse coram omnibus prodidit: accusans me
 apud Regem & Reginam *Anglia*, circumstante pro-
 cerum ac doctorem corona, ipse flexis genibus ac sub-
 latis in coelum manibus, quod negassem resurrectionem,
 quod sustulisset matrimonium, quod perperam

1525. An sentirem de Eucharistia? Quum urgeretur ad probandum quæ proposuerat, meras insanias effutivit, adeo ut ipsum Regem puduerit illius nomine. Deinde quam furiose clamatum sit in locum, *In principio erat Sermo*, perspicuum fuerit, si vacabit nostram ea de re *Apologiam* legere, jam non semel editam. Jam olim sine modo, sine fine fuit apud nostros *Nicolaus* ab *Egmonda* Carmelita. Quoties vociferatus est in publicis concionibus, nihil interesse inter *Erasum* & *Lutherum*, nisi quod *Erasmus* esset major hæreticus? Quoties apud populum & in publicis prælectionibus iussit ut caveant ab hæresi *Lutheri* & *Erasmi*? Quoties iussit orari pro nobis ut resipisceremus? Quoties in conviviis, in vehiculis, in navibus appellavit *Erasum* hæreticum, hæresiarcham & falsarium? Quum apud Rectorem *Academæ Lovaniensis* flagitarem, ut nobis unum articulum proferret in *Luthero* damnatum, quem ego vel joco defendissem; protulit ex Epistola quadam ad *Moguntinum* Cardinalem, in qua scripseram, ipsum publicitus damnavisse quod non intellexerat: *Lutherus* enim scripserat, *Non esse necesse consiteri, nisi manifesta crimina*, sentiens de his quæ sine dubitatione sunt capitalia, quod genus sunt homicidium & adulterium: ille sic interpretatus est, quasi sensisset de facinoribus palam admissis. Hoc non erat defendere *Lutherum*, sed illius arguere præcipitem maledicentiam, qui pronuntiaret priusquam intelligeret. Scio quid postea *Lutherus* scripserit de *Confessione*: verum, id temporis non aliud ediderat. Quibus de rebus si plura libet cognoscere, lege nostram *Apologiam*, de reprehensio loco *Pauli*, *Omnes quidem dormiemus*. Lege Catalogum posterioris editionis. Nec desinit quotidie stultitia, impudentia ac maledicentia superans seipsum. *Adrianus* Sextus imposuerat illi silentium misso diplomate. *Ægre* siluit, sed mox à morte Pontificis rediit ad ingenium. Nuper *Ferdinandus* scripsit amicitie diligenter, ut illi rabulæ obturaret os. Ridetur ab omnibus, habetur pro insano, in est, nec tamen resipiscit. Quum essem *Calestii* in conventu Principum, *Dominicanus* quidam *Lovanii* sesquimensalem debacchatus fuerat in nomen meum, plulquam scurriliter & suo suggesto. Quum is vix esset coercitus per Rectorem, subornatus est alter qui præter omnem expectationem debaccharetur in templo divi *Petri*. A prandio quum quæreretur, jam alio demigrarat. Reversus ille prior quum essem *Lovanii*, mane fortiter debacchatus fuerat in me, pollicitus se plura dicturum à prandio: & dixisset, ni *Aleander*, qui tum aderat, per me admonitus, homini denunciaffet silentium. Suffraganeus Episcopi *Tornacensis* totas horas debacchatus fuerat in me *Brugis*, nomen meum conjungens cum *Luthero*, nos subinde clamitans esse grues & bestias, in libris meis esse quædam hæretica. Quum digressum è suggesto doctus quidam excepisset, rogans ut commonstraret aliquem locum hæreticum: negavit se legisse libros meos, *Moriam* voluisse legere, verum, se metuere, ne ob styli sublimitatem prolaberer in aliquam hæresim. Tales scurræ sunt in causa, ut populus male sentiat de Theologis. Qui boni sunt, non probant quidem istorum insaniam, sed interim tales ferunt, aut etiam foveant, non animadvertentes interim invidiam in ipsos recidere. Est *Lovanii* quidam *Vincenius* ab *Haerlem*, *Dominicanus*, homo simpliciter stupidus, nullius iudicii. Is quum digna atque indigna blateraret in me, conveni hominem, rogavi proferret quæ offenderent. Vix eblanditus sum ut faceret. Deum immortalem! nulla scropha proferret stultiora quam ille tum protulit. Ne unum quidem locum intellexerat omnium quæ carperat. Is nunc edidit libellum adversum me ficto quidem titulo, sed ita tamen ut nolit eam gloriam sibi perire. Equidem antehac pessime sentiebam de homine, sed nemo persuasisset, quenquam in toto ordine tam stultum, tam stupidum, tam indoctum, tam mendacem, tam impudentem esse, nisi suo libello nobis

A ipse fecisset fidem. Non dubito quin is libellus jam ad vos transvolavit. Quorsum autem attinebat *La-1525* *tomum* in Dialogis suis sic obliquis strophis in me ludere, scurræ quam Theologo similiorem? Et hæc quum ipsi designent, admirantur decrefcere gratiam & auctoritatem Theologici nominis. Quod facinus non auderet is, qui isthic corrupit mea *Colloquia*, addita præfatione mei nominis titulo? Qui rem norunt, confirmant esse quendam *Lambertum Campestrum*, *Dominicanum*: excudit quidam cognomen habens à grosso morfu, seu grandi bolo. Si non vacat inspicere nugamentum, lege Catalogum meum posterioris editionis, & demiraberis prodigiosam hominis dementiam. Et hæc fiunt in vestra Academia, ubi non licet excudere *Paraphrases Erasmi*. Jam hic libellus *Petri Sutoris* quam præ se fert esse hominis, qui magis egeat exorcista quam medico. Et tamen ille vobis approbantibus excusus est, nisi mentitur titulus. His parata est apud vos venia, quum in nostris erratis, multi ex musca faciant elephantem? An creditis tales libellos ad Academiam vestram dignitatem nihil attinere? Neque vero me clam est, quæ probra, quæ virulenta convitia jam olim jaculantur in me quidam vestræ sodalitates; nihil opus edere nomina, quæ nec te fugiunt, & multis nimium nota sunt. Quid autem sinceri iudicii expectes ab istis, quos totos occupavit impotens odium? Quod si adferant ad Epistolas *Paulinas*, plura damnabunt in illis quam in meis lucubrationibus. Tales non ferunt alienam superbiam, quod ipsi sint superbissimi: & quemadmodum *Diogenes* pede premens culcitram *Platonis*, & dicens se calcare factum illius, audivit, *Calcas quidem, sed alio fastu*: ita isti nostram insectantur superbiam, sed alia superbia; nostram pertinaciam, sed alia pertinacia; nostram præcipitantiam, sed alia præcipitantia. Itaque quemadmodum nos ut homines labi possumus in scribendo, ita illi labi possunt in iudicando; imo non possunt non labi qui odium habeant in consilio. Sunt enim complures, præsertim jam provectioris ætatis, quibus nihil placere potest, quod sapiat aliquid politioris literaturæ, quodque discrepet à saliva, quam imbibere pueri, nec considerant verti seculum, cui par est ut nos accomodemus. Sunt qui natura morosi, nec admodum felici iudicii, à caprilibus veniunt ad ludum, ac ob rei familiaris inopiam, destituti bonis Auctoribus & ocio, tantum ea discunt quæ solent in scholis tradi, quorum permulta, quam infelicitè tradantur, ipse non ignoras: & inter pueros consenescent, apud quos regnant, & nutu ac renutu imperant quod volunt, non obtemperantes minis teritant: itaque nemine reluctante, quicquid volunt rectum autumant, eosque mores transferunt in vitam communem, alieni ab omni civilitate, ac propemodum etiam sensu communi carentes, semper imaginantes sese inter pueros ac discipulos versari. Tales igitur quum odium etiam secum adferant ad iudicandum, quid unquam probaturi sint? Præsertim quum tot sint tituli reprehensionis, hoc est derogativum honori Sanctorum, hoc est irreverentialiter dictum in magistros nostros, hoc est contra laudabilem consuetudinem, hoc est suspectum de hæresi *Valdensium*, hoc est vicinum errori Pauperum de *Lugduno*. Quid omnes commemorem? Sexcenti sunt, qui tot laqueos adfert secum, qui ingenium morosum & calumniosum, qui odium erga bonas literas & auctorem, quis effugere poterit illius retia? Sæpenumero sese miscet affectus humanus gloriæ, quoque videantur ingeniosi, carpunt etiam frivola, & depravant quod rectè dictum est. Quid multis? dum colligendi articulos nullus est neque modus, neque finis, res plane tandem exit in morbum articularem. Atqui isthuc non est hæreses excludere, sed hæreticos facere. Sic cœpit *Arianum* incendium, sic *Tertullianus* egressus est ab Ecclesia. Quas tragœdias excitarunt quidam ob libellum obscurum

An. *Capnionis*. Cum *Berquino* mihi nihil est rei, sed ta-
 1525. men, si me pateris aliquam veri partem in sinum tuum
 effundere, quid opus erat hoc inter articulos notare,
 quod scripsit, à concionatoribus rectius invocari Spiritum
 sanctum quam *Mariam* Virginem? Fit, inquis,
 injuria laudabili consuetudini. Ut laudabilis sit hodie,
 certe Veteres hanc laudabilem consuetudinem nescie-
 runt. *Hieronymus* in singulis pene præfationibus com-
 mentariorum, quos scripsit in Prophetas, meminit de
 invocando auxilio Spiritus divini, de invocanda *Ma-*
ria non meminit. Verum, ut donemus esse laudabi-
 lem, quid peccat qui ostendit quod sit laudabilius?
 Quale vero est ob hujusmodi nánias virum talem in
 vitæ famæque discrimen vocare? Quanto præstiterat
 ad talia connivere? Vos laboratis gravi odio pene apud
 omnes, & illi habent suos fautores: itaque res tan-
 dem exit in factionem ac tumultum. Quod si Ponti-
 fici placeret anxia talium inquisitio, non imposuisset
 silentium *Stannicis* & *Prieratibus*. Theologi *Lovanien-*
ses, dum ferveret *Lei* tragoedia, varios articulos ex li-
 bris meis collectos miserant *Adriano* tum Cardinali,
 mox Pontifici, nec dubito quin odiose, quum in ar-
 ticulis etiam *Lutheri* quædam aliter recensuissent quam
 ille scripserat: Et tamen vir ille, mihi tum non ad-
 modum æquus, judicavit eos esse momenti levioris
 quam ut hinc esset suscitanda tragoedia. Sæpe fit, ut
 dum nimium tendimus funiculum, rumpamus. Aut
 ego plane fallor, aut civili modestia plus efficeretur.
 Nunc dum utraque pars nusquam vult alteri de suo
 jure concedere, dum sua quisque tueretur mordicus, &
 atrociter impugnat aliena, tumultu miscentur omnia.
 Ab articulorum censuris, à clamoribus ventum est ad
 Bullas, ventum est ad incendia librorum, tandem ad
 exustiones hominum: Quæso, quid profectum est? Ag-
 gitur hic nunc cruenta fabula non sine meo periculo.
 Quis exitus futurus sit nescio. Amo charitatem tuam,
 quæ tam anxie timet animæ meæ salutem. Ego vero
 nullum in animo sentio scrupulum è scriptis meis,
 quod quidem ad mores ac fidei sinceritatem attinet,
 in quibus adhuc nihil video vel obscenum, vel im-
 pium, vel seditiosum. Et tamen fieri potest, ut im-
 prudens alicubi lapsus sim. At si tam anxie metuis il-
 lius salutem, qui quum simplici animo prodesse studeat,
 alicubi labitur: Cur non magis metuis illorum salutem,
 qui sceleratis calumniis, qui manifestis mendaciis, qui
 virulentis conviciis sic debacchantur in fratrem, à quo
 læsi non sunt? Hanc diabolicam insaniam tu leni ver-
 bo zelum vocas: Cur non eadem lenitate interpreta-
 ris quod accidit mihi? Illos excusas, quod sibi vi-
 deantur propugnare veritatem: Cur non itidem ex-
 excusas nos, qui non paulo modestius pugnamus pro ve-
 ritate quam isti faciunt? Quæso, *Sutoris* libellus quid
 aliud spirat quam glorias, quam fastus, quam perti-
 naciam, quam hominem sibi supra modum huma-
 num placentem, quam effrenem petulantiam? Cur
 non illum admones ut sibi vilescat, qui sic totus tur-
 get? Quantum autem aberret à vero, fortassis alias
 docebitur. Cur huic collegæ tuo non præstas ean-
 dem sollicitudinem, quam præstas mihi? Quod mihi
 præstas, habeo gratiam: quod de illo securus es, de-
 miror. Ego scribo libros infrugiferos Ecclesiæ, &
 sine talibus libellis, quales scribit *Sutor*, collaberetur
 domus Dei? Mihi metuis ne desit ocium curandi cœ-
 lestia, & hi, qui talia scribunt, versantur in tertio
 cœlo. Admises nescio quid de his qui incumbunt
 Poetis, quod scriba sic depravarat, ut legi non pos-
 sit. Adolescens adamavi Poeticen, quam ego puto
 vel præcipuam portionem liberalis eruditionis. Nec
 me poenitet ejus animi. Utinam quod feci, fecissem
 aliquanto felicius. Nunc me non incumbere Poetis,
 libri mei, ni fallor, satis declarant. Quod si illis me-
 tuimus qui nonnihil ex politioribus literis admiscunt
 studiis suis, ne desit ocium curandæ salutis: cur non
 magis idem metuimus iis, qui bonam ætatis partem,
 immo totam ætatem in *Aristotelicis* & *Averrois*, in

A *Scoticis* labyrinthis, in sophisticis argutiis, in quæ- An.
 stiunculis supervacaneis conterunt? Sed sic est homi- 1525.
 num ingenium, suis quisque studiis blanditur, mini-
 mum tribuens his, in quibus intelligit sibi nihil laudis
 esse sperandum. Hunc affectum cæteris facile ignoscimus;
 an Theologos deceat nescio, qui vel ipso titulo
 nescio quid divinum profitentur & majus humanis af-
 fectibus. Hortaris me ad exemplum divi *Augustini*.
 Nihil hic dicam cujusmodi sint illius *Retractiones*,
 certe multa prætermisit quæ non retractavit, quum
 sint retractatione digna. Et tamen ultro totus in hoc
 sum, ad quod me hortaris. Nihil deest præter regu-
 lam, ad quam mea castigem. Relegas me ad *Gerso-*
 nem, *Gratianum*, reliquosque doctores scholasticos,
 quos ego sane nunquam in totum contemni. Verum
 in horum quoque libris non pauci deprehenduntur er-
 rores, ut jam maxime inter sese consentiant; quod
 diffidium quum sit insigne, tamen abs te negligitur,
 ut leviculum quiddam. Ne dogmata quidem schola-
 stica censeo contemnenda, præsertim quæ in Conciliis
 approbata sunt. Nam quædam è scholasticis conten-
 tionibus in Concilia rejecta sunt: verum, non opinor
 his tantum esse deferendum, ut non liceat citra con-
 tentionem de iisdem differere, præsertim si incidat
 occasio. Si de illis nemo disputasset, non fuisset se-
 quuta comprobatio. Quid si exoritur aliquis, qui
 circa eadem exploratius aliquid aut exactius adferat?
 Si modesta est disputatio, cur non videntur ferenda?
 fortasse discussa re sequetur approbatio. Loquor de his
 dogmatibus, quæ non ita multum attinent ad nego-
 tium fidei. Si recentioribus quædam patefacta sunt do-
 no Spiritus, quæ tam multis seculis fugerant tot Ec-
 clesiæ lumina, hoc est, si *Gerson* aut *Occam* vidit,
 quod nec *Chrysostomus*, nec *Basilius*, nec *Ambrosius*,
 nec *Augustinus*, nec *Hieronymus* vidit, quid obstat
 quo minus & hodie Spiritus idem suggerat huic aut
 illi quod hætenus fefellit? Cur non hic servatur illa
Pauli lex, ut si quid cuiquam alteri revelatum fuerit,
 prior taceat & auscultet? Nunc velut ex insidiis pro-
 feruntur scholastica dogmata, non aliter quam *Tenedia*
 bipennis, nec quisquam dignatur docere simpliciter er-
 rantem. Imo quum sæpenumero fiat, ut qui carpitur,
 licet aliis verbis idem extulerit quod habent dogmata,
 tamen à quibusdam parum candidis Theologis vocetur
 in calumniam, quod non iisdem ac totidem vocibus
 dogma retulerit. Jam sunt quidam usque adeo moro-
 si, ut nihil omnino probare queant, nisi quod ipsi fa-
 ciunt. *Petrus* de his, quæ didicerat à *Christo*, rationem
 reddidit cuilibet poscenti, cum omni mansuetudine ac
 tremore: & Theologus dedignatur rationem reddere
 de scholasticis dogmatibus, immo nec fert de his quam-
 vis modeste disputantem? Nulla gravior auctoritas quam
 E Scripturæ canonicæ; & tamen de hujus sensu, quum
 semper disputatum sit, tamen hodie quoque fas est dis-
 putare. De hoc vero genere dogmatum non licebit
 hiscere, quum tamen magni referat, à quibus, quo
 tempore, qua occasione sint prodita? Sunt enim quæ-
 dam inter hæc ejus generis, ut, in morem pharmaco-
 rum, expediat mutari pro tempore. Si ideo abstinendum
 est à Veterum lectione, quod in his quædam in-
 sperfa sunt, quæ recentiorum accurata discussione re-
 probata sunt, nec *Petrus Lombardus*, nec *Thomas*, nec
 Scotus deberent legi, quod in his quoque posteriores
 non pauca deprehenderunt errata. Et fortasse nos se-
 quutura ætas, nonnulla deprehendet in *Tariareti* aut
 F *Sutoris* libris, quæ merito damnet. An hic ad schola-
 sticorum dogmata, velut ad sacram ancoram, confugie-
 mus? Probarem, si sibi constarent ea dogmata, nec
 cum suis sectis ac seculis variarent. Regnavit aliquan-
 do *Alexander Halensis*; successit *Thomas*, successit *Scotus*;
Albertus habuit suum seculum, *Gerson* suum; flo-
 ruit aliquando factio *Realium*, ut vocant; nunc re-
 gnat fere *Nominalium*. Dices Veteres legendos quidem,
 sed cum judicio. Nec ego unquam aliter legi *Hiero-*
nymum: At quid prohibet & vestra dogmata legi cum
 Tom. III. lii 2 ju.

judicio? Quæ si maxime nitantur auctoritate Concilii, ut fas non sit refellere, certe huc profecerit disputatio, ut eruditi provocentur ad eorum confirmationem, semper excludo pertinacem ac seditiosam contentionem. Tyrannicum est prodere legem, cuius aut non possis, aut nolis reddere rationem, præsertim docili & discendi cupido. Quod si Theologorum dogmata solida sunt & inconvulsa, quorsum attinet eis tam anxie timere, ut ad omnem suspensionem commoveamur? At vereor, eruditissime *Bedda*, nihil enim celabo sincerum amicum, ne sint in scholis, qui serviant laboris sui compendio, verius quam metuant Ecclesiæ *Christi*. Nec enim pauci sunt Theologi, præsertim seniores, qui adeo versati non sunt in priscis doctoribus, ut nec *Petrum Lombardum*, nec Scripturas Canonicas unquam totas evolverint. Et tamen hi potissimum in scholis præsentent: ubi si juniores aliquid adferant ex *Augustino*, *Hieronymo*, aut *Cypriano*, aut etiam ex *Græcis* Interpretibus, commoventur, quod sibi videantur non sine periculo famæ vocari in alienam arenam, in qua tyrones habeantur, quum in sua sint exercitissimi. Malunt itaque damnare quod non didicerunt, quam videri hæc nescisse quicquam quod dignum cognitu fuerat. Quosdam autem non solum pudet, verum etiam piget hæc discere, quæ nostra ætas non dicam gignit nova, sed refert vetera, quæ est rerum humanarum omnium vicissitudo. Porro qui hoc animo sunt, iis optimo jure gratissimum est hoc compendium, ut explosis linguis, explosis bonis literis, neglectis priscis Scriptoribus, tantum ea tradantur in scholis quæ ipsi didicerunt, ac docuerunt annis jam compluribus, nec aliunde fiat in scholis conflictatio, quam ex receptis in ea schola dogmatibus. Ac mea sententia nihil necesse est idem fieri in scholis publicis, quod sit in lusu latrunculorum, chartarum, aut alexæ: nam illic nisi conveniat de legibus, non erit lusus. In Diatribis literariis nihil est periculi si quis quid novi adferat quod non sit indignum studiis. Imo in hoc institutæ sunt scholæ, ut semper aliquid compertius adferatur. Cæterum ut à junioribus non debet contemni seniorum auctoritas, nec oportet illos veluti sexagenarios de ponte dejicere: ita non decet seniores juniorum invidere profectui, non profecto magis quam parentes molestie ferre, si viderint suos filios forma & viribus antecellere. Sed ad nostrum negotium redeamus: Si non est fidendum priscis orthodoxis, nec medioximis, nec his qui nunc scribunt, ad quam regulam emendabimus quod scriptum est? Primum jubet ut desinam scribere: id quidem si nolim, ætas ac valetudo flagitat; nec abhorret animus ab ocio. Malim esse spectator actionis alienæ, quam actor fabulæ. Et tamen interim appellor multorum flagitationibus, ut pergam in hoc stadio. Verum hic mihi canis Prophetiam cantionem, *Popule meus, qui te beatificant, hi te seducunt*, hoc enim habet tua epistola. Si populares essent qui me ad scribendum provocant, & pro libris editis gratias agunt, etiam si forent, ut sunt, plurimi, tamen æquum esset paucorum judicium anteferre. Nunc non modo multi sunt, verum etiam eruditi, probi, ac dignitate præminentes. Eruditorum epistolis habeo differta scrinia. *Paraphrasin in Matthæum* scripsi præter animi propositum hortatu Cardinalis *Seidenstædts*. Scripsit ad me non semel Cardinalis *Volaterranus*, excitans studia mea, homo doctus. Scripsit frequenter Cardinalis *Eboracensis*, eandem cantilenam canens. Scribit frequenter *Joannes* Episcopus *Lincolniensis*, & *Cuthbertus* Episcopus *Londoniensis*, homo, præter summam vitæ sanctimoniam, egregie doctus & cordatus. Nihil interim loquor de summo illo *Maccenate* meo, Archiepiscopo *Cantuariensi*, nec eo vulgariter erudito. Nuper allatæ sunt literæ à Rege *Angliæ*, quæ efflagitant impense ut aliquid scribam in *Psalmos*; alteræ à Regina, quæ poscit *Institutionem Matrimonii*. Nec infrequenter ad me scribit Cardinalis *Campegius* nunc Legatus, longe aliam cantionem oc-

cinens quam tu. Nec semel huc provocatus sum literis Pontificis, hujus, inquam, *Clementis*. Sed desinam recensere Principes, quum possim multo plures referre: verum haud scio an omnes cupiant in hac fabula nominari, & nihil necesse est. Tu scio flagitabis Theologos, alioqui non defines occinere, *Popule meus*, & cætera. Possem hic nominare complures Baccalaureos, sed insigniter doctos: horum judicium rejicies, velut inferioris subsellii. Doctores haud libenter commemoro, quod videam quosdam tam impotenti odio, ut nec illos ferant, qui melius de me sentiant quam ipsi. Et tamen aliquot jam non admodum volens nominavi: *Joannes* Episcopus *Roffensis* jam pridem à me flagitat libros *De ratione concionandi*, minitans, obtestans, ac propemodum cogens. Et in hoc uno tres, ut ita loquar, personas habes, virum insigniter integrum, pium Episcopum, ac Theologum haud vulgariter eruditum, ni fallor. Easdem personas nec tu negabis in *Adriano* Pontifice fuisse, nisi quod eruditione ac dignitate præcelluit. Is, ut dixi, ultro adhortatus est Cardinalis, ut quod in Novo Testamento fecissem, idem facerem in Veteri: & idem Pontifex laborem *Arnobii* impensum collaudavit, adhortans ad similem industriam. Nullus adhuc mortalium exstitit qui me juberet quiescere, præter unum te. Nunc finge mihi esse ingenium modestissimum maximeque tractabile: utris auiscultare par est, tot egregiis viris atque etiam Theologis, an uni *Bedda*, cujus ego sane judicium nequam contemno? At non arbitror te tuo ipsius judicio tantum tribuere, ut unicum horum omnium suffragiis anteponi postules. Et tamen ne hoc quidem gravabor facere, si mihi rationibus persuaseris tuum consilium esse utilius. Nam contemptis omnium judiciis, unius auctoritati tam facile cedere, levitati citius quam modestiæ tribueretur. Hic fortasse dices esse communicandum viva voce cum Theologis. Id hæcenus feci, vir egregie, cum omnibus, quibuscum licuit. Nec enim exiges, opinor, à me, ut ad *Sinnica Leique* regulam lucubrationes meas emendem, quas nunquam non submissi judicio Ecclesiæ. Quis autem suspicaturus erat *Suorem*, hæcenus ignotum orbi, è suo antro tales latratus editurum? Gratum est quod indicas locos, in quibus videor tibi periculose scripsisse, *De Cleri calibatu*, *De votis Monachorum*, *De jeuniis*, & *interdicto esu carniæ*, *De festorum observantia*, *De consiliis Evangelicis*, *De Libris sacris in vulgarem linguam transferendis*, *De legibus humanis*, *De horis Canonicis*, *De fidelium divortio*, *De Symbolis Ecclesiæ*, denique de horum similibus non paucis. In his quid vos offendar nondum scio. Certe quum illa relego, nihil video cujus me poeniteat, etiam si mox mihi sit emoriendum, ita me Deus bene amet. Imo torquet diversus scrupulus animum meum, quod in his, quæ necessaria judicabam admonere, fuerim meticulosior quam res poscebat. Quod si candidus & integer nostra legas, videbis me nusquam contemnere scholasticorum dogmata in his titulis, quos tua charitas recensuit. Mundus prorsum indormiebat mandragoræ. Regnabat impune *Pharizæismus*. Summa pietas habebatur quæstus, pro religione regnabat superstitio. Monachorum improbitas eo processerat, ut orbis diutius ferre non posset: nec mediocriter erant prolapsa studia. De Collegiis interim, de Præfulibus, de iis qui Curia *Romana* nomine celebrantur, nihil dicam, nec tua tamen prudentia nescit quid suspirem. Ista fortasse poscebant alium monitorem: Fateor. Sed quorum id maxime intererat, ad tantam Ecclesiæ perniciem conniventes, ne quid offenderent, maluerunt de *Salve Regina*, & *Regina celi latere*, suscitare tragoedias. Et tamen in his ipsis mirum est ubique me moderationis meminisse, quum in aliis nullus esset modus impudentiæ. Epistolam ad Episcopum *Basiliensem*, in qua tracto quædam ejus generis, *Lodovicus Berus* meo rogatu bis attente perlegit antequam ederetur. Quod mutari iussit, mutavi. Rogabam ut in censendo deponeret a-

micum, sumeret censoris animum. Promisit se facturum. Episcopus est vir integerrimæ vitæ, nec vulgariter doctus. Ejus jussu excusa est Epistola: nam alioqui mihi non erat in animo id facere. Scripseram enim non in hoc ut ab omnibus legeretur, sed ut temperarem motus quosdam, qui tum hic exoriebantur ab istis Evangelicis, ut vocant. De jurando quid *Faber* aut *Lutherus* scripserit non observavi, nec satis habeo compertum quid damnarit *Constantiense* Concilium, ego differens nihil assevero: certe peccare quisquis jurat, id à me nec scriptum est, nec cogitatum: hoc scripsi, ubi necessitas est jurisjurandi, ibi esse infirmitatem humanam, quod ipse, ni fallor, non negas. Si dignatus es legere *Stanica* blasphemias, ne graveris legere nostras *Apologias*. Exstat de coelibatu apologia. Mihi non constabat Ecclesiæ decreto vetitum, ne sacri Libri vertantur in linguam vulgarem. Quod si verum est, hætenus ubique peccatum est adversus hoc decretum. Etenim me puero legebantur Libri sacri, versi *Gallice* ac *Germanice*. Et arbitror hujusmodi constitutiones veluti pharmacum ad temporum rationem accommodandas. Edixit Pontifex ne quis legat libros *Lutheri*: & tamen leguntur à vobis. Quamquam ego nihil sacrorum verti in linguam vulgatam, neque quenquam hortatus sum ut faceret. Cæterum qua moderatione velim id fieri, satis declaro in appendice, quam præfixi *Paraphrasi in Matthæum*. Nam quod existimas hunc rusticorum tumultum ex hujusmodi libris esse natum, res, mi *Bedda*, longe secus habet. Natus est partim ex seditiosis quibusdam concionatoribus, sed multo magis ex quibusdam susurronibus ad movendos tumultus natis. Sunt & aliæ causæ graviores, quas literis committere non expedit. De *Cantico Canticorum* vertendo, aut *Ezechiele*, miror cur memineris, quum ipse, quod quidem memini, nihil tale scripserim. Vereris autem ne mihi officiat *Berquini* studium. At quum ille me incio verterit mea, non arbitror æquum, ut apud vos, quos oportet in judicando summam præstare moderationem, ob sit mihi alterius odium. Quid autem opus erat ex aliena versione æstimare mea, quum ipsi libelli unde verterat exstarent? Potuit enim fieri ut interpres aliquid addiderit de suo, quo me pertraheret in causæ consortium. Utinam quemadmodum vertit *Encomium Matrimonii*, vertisset & diversam partem à nobis editam, quæ dissuadet matrimonium. In *Precazione Dominica*, & in *Symbolo fidei*, non arbitror ullum esse verbum, quo merito quis offendatur. Et quemadmodum libuit illi vertere *Enchiridion militis Christiani*, utinam ita visum fuisset vertere *Diatribam* nostram de libero arbitrio, ac libellum de modo orandi Deum. *Enchiridion* primum editum est *Lovanii* ante annos viginti duos. Florebat id temporis illic *Adrianus*, ejus Academiæ princeps: legit eum librum ac probavit. Neque quisquam exortus est, qui quicquam reprehenderet in eo libro, nisi quod nuper apud *Hispanos*, quum quidam *Hispanice* versum cuperent excudere, obstitit nescio quis *Dominicanus*, proferens duo loca, alterum in quo viderer negare ignem Purgatorii, alterum in quo scripserim Monachismum non esse pietatem. Ad utrumque elegantissime respondit *Lodovicus Caronellus*. Responsio est apud me. De præfatione ad *Volizium Abbatem*, audio quosdam nonnihil fuisse questos. Quum igitur *Encomium Matrimonii* nihil aliud sit quam declamatio, quæstionem tractans circumstantiis implicitam, quum in cæteris mea sententia ne verbum quidem sit, quod quenquam possit offendere, demiror quænam sint ista, ad quæ gravissimus, ut scribis, vester confessus sic obstupuerit? Ais enim, *Obstupere omnes*. Videtis, opinor, inter *Fabrum* & me plurimum esse discriminis. Ille fortiter asseverat, ego nihil aliud quam disputo, judicium aliis ubique deferens. Quid faciam omnibus hominum suspicionibus? Tot sunt myriades articulorum damnatorum, tot dogmatum scholasticorum agmina, tot scandala, tot affinitates, tot suspiciones,

tot mortalium sectæ, tot favores, tot odia, tot infama capita, ut impossibile sit omnibus placere. Hætenus animum sincerum præstiti. Hoc fateris ipse si hic adesses. Si tam essem inanis gloriæ cupidus quam suspicantur quidam, imo nisi toto pectore odissem factiones & hæreses, poteram vel tot blanditiis allici, vel tot technis irretiri, vel tot minis ac furiosis libellis *Luthero* faventium percelli, vel tot diversæ factionis odiis, calumniis, obrektionibus, ac non minus furiosis libellis protrudi in castra *Lutheranorum*. Quibus si me adjunxissem, res nunc essent in eo statu, ut Theologorum censuræ non essent habituræ malum pondus. Scio dices hoc magnificentius à me dictum. Possim aliquid dicere magnificentius, & tamen verissime. Nec me poenitet hujus animi: & spero Deum auxilio futurum, ut sit perpetuus. Si vos putatis hunc animum dignum, quem iniquis cavillationibus insectetur *Sutor* & hujus similes, incessant, ipsi videritis. Rem facietis ut multis eruditis viris, multis Episcopis atque etiam Principibus, & summo Pontifici vehementer ingratam, ita *Lutherana* factioni gratissimam, quam vero commodam ordini vestro, declarabit exitus. Si malletis meminisse quid deceat Theologos universos, quam quid flagitet paucorum morositas, polliceor *Erasmum* talem, in quo nihil hominis *Christiani* & pacifici queat desiderari. Loca, quæ tua charitas indicavit relegenda, nondum relegi, mox tamen id faciam. Et si dabitur spatium, huic epistolæ subnectam quid ex his proferim. Si quid mittes scriptorum, ne mittas, nisi pot hominem egregie certum: nam in itinere resignantur atque etiam describuntur omnia. Epistola tua nullum habebat ceræ vestigium, aut signaculi. Et amanuenses qui describunt, evulgant exemplar. Hoc tibi cavendum erit, quandoquidem hæc res inter nos agitur sincera charitate. Si non contingit certus, ipse potius mittam meo sumptu, qui tuas annotationes huic adferat. Imo si se verterit horum temporum forma, ipse me conferam ad vos. Nam nulla res mihi magis cordi est, quam ut meæ *lucubrationes*, quandoquidem premi non possunt, sic elimentur, ut cum fructu *Christiana* religionis legi possint. Nulla monendi libertate me poteris offendere. Tantum illud cavendum, ne quid per discipulos & fautores tuos, ut esse hominum ingenium, hinc nascatur tragediæ, priusquam utroque nostrum velit. Nec integritatem, nec modestiam unquam in me desiderabis. *Sutores* non feram. Bene vale, frater in *Christo* charissime. *Basilea*, Festo Corporis Dominici, sive 15. Junii, Anno 1525.

Saluta, si commodum est, *Gervasium*. *Beruspædic* valet, si quisquam nostrum recte valet in hoc rerum statu.

EPISTOLA DCCXLVII.

Erasmus Roterodamus Maximiliano Transylvano S. D.

NUPER respondi binis literis tuis, vir humanissime, sed eodem argumento & ab eodem simul redditus. Istum tuum in me animum dici vix possit, quantopere exoculey, quamque mihi videar beatus amicus tam candidi accessione. Negas te passurum ut amore vincaris. At ego si nulla spes erit victoriæ, saltem illud efficiam, ne videaris vicisse non contra certantem. Verum hæc alias. Quod scribis de me actum in consilio te casu præsentem, suspicor esse vetus. Nam illustrissimæ Dominiæ literas pridem accepi, quæ continebant quod ais tum ibi decretum. Scripserat ad amitam suam *Cæsar* ex *Hispaniis*, ut mihi pensio extra ordinem numeraretur. Id consilii dederat *Raffaellus* *Cæsar*is à thesauris, declarans se paratum numerare pecuniam, si D. *Margareta* juberet. Ad Calend. Septemb. debebuntur octingenti floreni aurei, hoc est pro quatuor annis. Lenta solutio nescio quid mihi profectura sit, nisi forte in campis *Elysii* opus erit pecunia. Nam corpusculum hoc toties pulsatum ariete calculi, quotidie magis ac magis attenuatur & exarescit. Itaque brevi futurum arbitror, ut quum abjecero

An. *φας* fiam nova cicada. Quo minus isthuc advolarim, nihil aliud obstitit, quam hypocausta nondum refrigera-
 1525 rata, & esus piscium; nam eundem erat Quadragesimæ tempore: & ad piscium vel odorem periclor. Habeo diploma Pontificis, verum in diversoriis malim vitare offendiculum. Post Pascha hoc ipsum agente me, subito exortus est hic fatalis tumultus agricolarum, qui facit ut hic hæreamus, nescio quam tuto, inter *Scyllam* & *Charybdim*, ut ajunt. Magistratus hujus urbis in hoc negotio prudentissime se gessit, præcipue Consul mihi proxime vicinus. Non fuisset tutus à periculo quorundam *Lutheranorum*, ni gratiosus essem plerisque in magistratu, nec ingratus Episcopo. Erit *Basilea* conventus aliquot Principum & agricolarum, illic agetur, si moderatis rationibus hic cruentus tumultus queat componi. In tam incerto rerum omnium statu nihil certi possum statuere. Per *Livinum* quondam famulum meum miseram fasciculum epistolarum, quas Cardinales, Reges, ac Principes, ad me dederant. Existimabat enim *Cranenveldius* eam rem fore præsidio adversus sycophantas: has agricolæ, in quos incidit famulus, eripuerunt. Per *Gallias* dispendiosum esset iter, ac totum equestre, quum ego jam desiderim eques esse, quum hætenus equitatio mihi semper remedio fuerit, adversus omne morborum genus. De Præfulis Omniportuensis in me studio nihil addubito, verum utinam tam beneficus esset quam est *χρυσόλογος*. Nec de *Leontini* animo multum addubito, nisi quod scio illum in Concilio *Wormaciensi* dixisse quædam in me palam inimica. Conjectas facile quorum instinctu hoc fecerit. Et hi habent apud eum sibi proxima necessitudine conjunctos. Deinde Theologus quidam, qui *Lovanii* rerum potitur, *Dorpio* præsentem, quædam effudit, quibus declarabat *Leontinum* parum amanter de me sentire. Quanquam is dicitur hujusmodi moribus, ut norit quædam interdum pro tempore comminisci. Cum Comite ab *Hochstraten* mihi non multum fuit consuetudinis. Et videtur sane vir humanus ac moderatus, tamen hujus quoque voces quædam ad me perlatae sunt parum honorificæ. Verum, scio non esse quibuslibet delationibus credendum. De superioribus illis compertum habeo. Neque me præterit hominum animos in horas mutari, nec diffiderem aulae præfidiis, si per hanc valetudinem & ætatem possem ulla in re esse usui rebus aulicis. Nunc adeo vitreum est hoc corpusculum, ut quamvis levi de causa periclitetur, brevi, ni fallor, collapsurum. Absque pecunia non vivitur, sed tamen magis me commovet Theologorum quorundam ac Monachorum improbitas, quam ratio pecuniaria. Scribis hos facile compesci posse. Atqui hoc non potuit Pontifex *Adrianus*, qui diplomate misso silentium indixit *Carmelita*. Siluit ægre, sed à morte *Adriani* abunde pensavit hoc silentium, & in dies vociferatur infans. Nuper *Vincentius Dominicus* Theologus, per quendam ex *Anglia* profugum *Antwerpia* excudit libellum *Taxandri* titulo, indoctum, infulum, mendacem, impudentem, insanum, ut à nullo talis scribi potuerit, præterquam ab illo *Corabo*. Conatus est ante annos aliquot edere, sed vetitus est à Vicario suo. Nullus est *Lovanii* doctus, quin sciat illius esse partum. Hæc quum homines stolidissimi audiant isthuc impune, quæ mihi præfidia promittis ab aula? Illustrissimus Princeps *Ferdinandus* scripsit amicitia suæ, ut curaret mihi solvendam pensionem, deinde ut *Carmelita* similibusque rabulis imponeret silentium. Et scripserat satis accurate. Epistola redacta est Archiepiscopo *Panormitano*. An ea per illum aliquo bono consilio suppressa sit nescio. Perit *Martinus Dorpius*, qui solus ingenue favebat rectoribus studiis, nec perinde atque cæteri detestabatur quicquid ullo pacto *Lutheri* dogmatibus est affine, ea res effecit, ut illius favor non multum adferret momenti, nec ita multum tribuebat pseudomonachis. Emisit & *Latomus* tres libellos strophis obliquis in me ludens, quos gustavi duntaxat. Facile divino quorsum hæc tendunt. *Lutetia*.

A excusum est opus cujusdam *Petri Sutoris*, Theologi *Sorbonici*, & Monachi *Cartusiani*, quo nihil adhuc legi demeritius. Pontifices *Roma* imposuerunt silentium *Stenica*. Et isti suscitant nobis tales tragoedias contemptis omnibus. Optarim omnes Monachos esse tales, ut promererentur omnium bonorum favorem. Nunc ob quosdam intolerabiles plerique veniunt in publicum odium, etiam boni. Hic passim diripiuntur & incenduntur monasteria, dissipantur Monachi, sacra virgines constuprantur, nullum discrimen est bonorum ac malorum. Civitates, quæ moderatiores sunt, acceperunt monasteria in suam fidem, his legibus, ut obtemperent magistratui, ne quem alant, nisi inibi professum, ne novitios recipiant infcio magistratu, ne quem detineant, qui reddita ratione velit exire, ne detineant quod illi, qui discedunt, intulerunt, ne se misceant parochiis, aut monasteriis virginum. Errones, qui per omnes terras vagari solent cum fictis Priorum syngraphis, excluduntur ab ingressu civitatis. Hæc an pia sint non pronuncio: certe mitiora sunt, quam quod patiuntur reliqua monasteria. Et habemus hic hoc hominum genus mitissimum, nisi quod adhuc muscant, & expectant *Esdræ* aliquem. Verum hæc alias, aut fortasse coram, si Deus voluerit. *Guido Morillonus* jam semel atque iterum ita scribit ex *Hispania*, quasi mox repetiturus *Brabantiam*. Scire cupio an redierit. A *Cranenveldio* nihil allatum est literarum. Hinc non movebo pedem, nisi receptis amicorum literis, cui rei conducetur, si res ita postulet, proprius nuncius. Vellem tibi nonnihil esse necessitudinis cum *Moro*, cujus mores discas ex *Cranenveldio*. Jam illi de te scripsi nonnihil. Seculum hoc habet rarissimos amicos candidos. Hoc arctioribus vinculis adstringenda est bonorum amicitia. Bene vale, *Maximiliane* charissime, cum tuis omnibus. Saluta mihi Principem *Haloinum*, ac reliquos amicos. Datum *Basilea* 2. Julii, Anno 1525.

EPISTOLA DCCXLVIII.

D *Erasmus Roterodamus Hadriano Barlaudo S. D.*

DORPUM studiis ereptum acerbissime ferrem, si nostro dolore possit huc revocari. Nunc nos ad illum properamus, ille ad nos redibit nunquam. Mortuus est omnibus rebus bonis florens, & optimum putant esse tum mori quum dulcissimum est vivere. Erat futurus magnus si vixisset; verum, nunc felicius magnus est apud *Christum*, uti spero. Solus propemodum erat æquus politioribus literis, quas quidam miro studio conantur opprimere, mea sententia non satis recte consulentes suis etiam studiis, quæ sola florere cupiunt. Siquidem, ut res ipsa docebit illos, obrutis manuscriptioribus literis, etiam illa collabentur, quibus sedulo magis, quam prudenter prospiciunt. Res felicius succederet, si veterum studiorum proceres bonas literas, veluti postliminio sese recipientes in pristinum locum, comiter in hospitii contubernium reciperent: adferrent hospites aliquid bonæ rei, quid ab hostibus futurum sit nescio: ac vicissim bonæ literæ sese civiliter in contubernium disciplinarum, quæ jam occupaverunt scholas, insinuarent. Nunc quorundam improbitas facit, ut utrisque suis pereat fructus. Per universam *Germaniam* simul cum bonis literis omnia fere studia lapsa sunt. Nulla Theologorum auctoritas. Monachi & sacerdotes publico laborant odio. Faciunt enim mali, ut bonis etiam sit male. Video res humanas ad *Turcicam* quandam barbariem tendere. Et fortasse sunt Principes, quibus hic status non displiceret. Agitur hic per rusticos cruenta fabula, quæ sit futura catastrophe nescio. Hanc epistolam extorsit *Adrianus à Rivo*, tui studiosus. Ex eo cognosces *Germania* res omnes. Bene vale, *Barlaude* charissime. Saluta *Joannem Borsalum*, si adest. *Basilea* 2. Julii, Anno 1525.

EPI-

EPISTOLA DCCXLIX.

Jacobo Sadoletto, Episcopo Carpentoratenſi, Eraſmo Rot. S. D.

An. 1525. **C**OMMENTARIUM tuum in *Psalmum quinquageſimum* nondum perlegi, ſed tantum carptim deguſtavi, nec enim haecenus plus licuit per occupationes. Mox totum avidiſſime devorabo. Primo ſtatim guſtu mire me cepit candor ac facilitas ſimplicitaſque dictionis, cum ſumma pietate conjuncta. Nihil abſte prætermiſſum, quod ad eruendos explanandoſque Prophetæ ſenſus pertinet, qui *Græcos* etiam nonnunquam conſulis, interim & *Hebræos*. Si tales libellos nobis ſubinde mittat *Roma*, confido futurum, ut plerique mortales aliquanto melius ſentiant de veſtra urbe, in qua perſpiciant eſſe viros, qui libros arcanos non eloquenter ſolum, verum etiam ſanctæ pieque tractare norint. Etenim qui iſthic bonas literas profitentur, quanquam in ſuo genere ſtudiorum excellunt, tamen in hunc uſque diem ad rei Theologicæ cognitionem haud ita multum contulerunt. Geſtio libellum hic typographis excudendum committere, quo latius per orbem ſparſus plures accendat ad ſtudium pietatis: ſed ſcrupulum injicit libello annexa excommunication, quam arbitror tamen nihil aliud ſentire, quam ut iſthic *Calvus* à damno vindicetur. Alioqui quum officina *Calvin* non poſſit omnibus mundi regionibus ſupeditare, videtur hoc non ſine gravi ſtudiorum jactura futurum, ſi liber, magnam utilitatem allaturus, ſit ab uno duntaxat *Romano* typographo petendus. Arbitror *Carolus* meum re feliciter geſta ſeſe ad reditum accingere. Hic agitur miſera cruentaſque fabula, cujus utinam Dominus det felicem cataſtrophem. Nos ſubita tempeſtate deprehenſi inter ſacrum & ſaxum, ut ajunt, hæremus, non ſine gravi discrimine. Utinam nunc liceret *è Tybri* bibere. Scurræ quidam Monachi non deſinunt in me libellis rabioſis debacchari, quidam etiam anonymis. De penſione Cæſaris nulla ſpes eſt, ni redeam in *Brabantiam*. Atqui hic ventus neque navigare finit, neque ancoram figere. Mihi bona ſpes in *Clementis* pietate. Bene valeat tua R. D. *Baſilea* 2. Julii, Anno 1525.

EPISTOLA DCCL.

Coelius Calcagninus doctiſſ. viro Eraſmo Rotodamo S. D.

QUOM ad Piſtophilum ſcriberem de libero arbitrio, nihil minus cogitabam, quam ut *Commentarius* ille in lucem unquam prodiret: aut certe in manus tuas perveniret. Hoc enim unum tum mihi propoſitum fuit, grati animi teſtimonium dare homini de me bene merito, qui tuam De libero arbitrio *Diatriben* protinus ad me dediſſet, quom eam beneficio *Floriani Montini** viri ornatiffimi ex *Germania* accepiſſet. Noverat enim me, tum omnium tuarum lucubrationum eſſe ſtudioſiſſimum, tum maxime hoc genere delectari, quod ad reprimendam retundendamque inſolentiam *Lutheranam* pertinebat. Quod quom multi hæcenus oſcitanter & quaſi aliud agentes tentaverint, in eam audaciam hominem, alioqui ad turbas natum, perduxerunt, ut ſolus ſibi ſapere videatur: rejeſtiſque in ordinem omnibus antiquis & pridem receptis *Scriptoribus* ſolus in ſacras *Literas* cenſuram exerceat: damnataſque olim opiniones, & veterum *Patrum* decretis exploſas hæreſes in lucem promoveat, pertinaciter defendat, animis inculcet, ut proſecto ſatius fuerit hanc anagyrin non attingere, quam attactu irritare. Certe *Hercules* quom in *Hydrum* certamen ſuſcepiſſet, non prius ſibi ceſſandum exiſtimavit, quam eam ferro ac flamma prorſus confeſciſſet: ego quoque illud ſemper judicavi opportunum, aut *Lutherum* prorſus negligi, aut prorſus convinci oportere: nihil enim medium videbam. Comparaverat ille ſibi ab initio multum exiſtimationis, quod intrepide ac perfricta fronte mores noſtra

* *Montini* perperam editum *Epist. DCCXLIX.*

A atatis perſtrinxiffet, quod purpuratos *Patres*, quod ſummi *Antiftitis* majeſtatem ſædiſſime ſugillaſſet, & quaſi 1525. pudenda patris, impiorum liberorum more, retexiſſet. Ea res aures exſpectationemque plurimorum excitarat, quaſi amore virtutis ac veritatis & nimio juvandi mortales ſtudio vir ingenuus prolaberetur: præſertim quom ſui adhuc moribus modeſtiam prætenderet: tantum enim abeſt, ut ſua illa placita, qua tum pariebat, quom alia multo immaniora, majoribuſque monſtris implicata parturiret, pertinaciter defenderet, ut ea potius meliorum iudicio ac ſacroſanctæ piorm *Eccleſia* ſubjiceret. Dicam tibi, vir optime: Impoſuerat mihi pene vir ille, ut poſtea cognitum eſt, fucatus ac verſipellis; animamque ita induxeram, bonum virum *Lutherum* eſſe, & qui facilius falli poſſet quam fallere; ſed in taxandis moribus, ut ego quidem fateor, vix jam ferendis, nimis incitatum, nimis ardentem. Dabam & hoc hominis ingenio, *Chriſtiani* nominis & noſtra pietatis immodice ſtudioſo, quem æſtrum religionis & zelus *Dominici* cultus ita arroderet, ut *Evangelici* & *Apoſtolici* præceptis obliſtis aliquanto plus ſtomacho daret quam expediret. At poſtquam prodigioſam illam ſcenam aperuit, & veterem *tragædiam* *Joannis Huſ*, ſentinamque illam omnem *Boemice* pravitateſ evomit, & obſoletam in lucem fabulam revocavit, Di boni, quam diverſa facies priori illa apparuit? Nam pro modeſtia quantum ex homine perſpicacia? pro religione quantum ambitionis? pro ſimplicitate quantum perſuaſionis erupit? Imprimis, quaſi à *Veſta* convellere pietatem exorſus, vim afferre *Evangelio* & enarratoribus omnibus fidem detrabere conatus eſt, ut uni ſibi locus relinqueretur. *Sacramentis* ita auctoritatem ademitt, ut vix uni aut alteri dignitatem ſervaverit; ordines ſacerdotii omnes pares eſſe voluit, ut non eſſet ad quem provocaretur à *Martini* dictatura; deſunctorum memoriam inanem & meras nugus; voluntatem mortalium neceſſitate obſtrictam; & alia id genus innumera, quorum vel memoriam animus reformidat. Scio tamen *Lutherum* hac commentitiis conſiciſque rationibus ex ſacris *Literis* confirmare ſolere: quas *Zeno* nis more *Achilles* putat, quod nemini ſane mirum videri oportet. Neque enim deſuerunt unquam antiquis hæreticis ſplenia, quibus ulcera ſua prætegerent. Quid, quod certi homines, & ii quidem *ἀξιόπιστοι*, mihi retulerunt, *Lutherum* ea non ſemel ſtrophæ uſum eſſe, ad aucupandam nominis gloriam, ſubornaffe ſcilicet ac ſummiſſiſe ſibi adverſarios, dicam an pravaricatores? qui dein de congreſſi, ingenii faſces ſummiſſerent, & ſe vi rationum expugnatos proſtiterentur, nec inviti in *Lutheri* dogma concederent. Hac eſt videlicet illa *Alexandri Pſeudomantis* jactatio: qui adverſarios ſuos, quibuſcum ſemel caput conſuliſſet, gloriabatur à ſe, quantumvis ferocientes, pacatos melioresque dimittere. Scio fore qui dicant, facile eſſe in *Lutherum* verbis invehi & convitiis debacchari, eumque nunc ſeditioſum, nunc barbarum, nunc monſtrum appellare, aliſque ſædiſſimis titulis debonellare: ſed non facile eſſe rationibus & argumentis hominem expugnare: id quod ego longe ſecus exiſtimo: nam *ἀπλὸς ὁ ἀληθὴς λόγος*, τὸ ὃ *ἰσχυρὸν πολὺ μορφῶν*. Nam ut ſit *Proteus*, ut ſe vertat in omnia rerum miracula, hoc mihi ſat eſt, certum & exploratum habere, hunc eſſe *Proteum*, & ita elabi, ut non facile nodo teneatur. Fac *Chryſippum* ſuos in me ſortas coacervare, quos ego diſtinguere & diſſipare non poſſim: Fac etiam, ſi lubet, aliquem *ſophiſtarum* mihi tria capita, aut certe cornua affigentem: An iccirco me vel *Geryonem* vel *Cippum* putabo? certe *Diogenes*, quom eum quidam non eſſe hominem argumento collegiſſet, nec teneret, quomodo *paralogiſmum* dilueret, A me, inquit, incipe. Proinde ſi magnus ille argutator *Lutherus* pulverem mihi ob oculos conjecerit, vel meras praſtigias fecerit, nihil eſt, quod eum propterea majorem melioremve putem. Quom forte quidam *Callipidem* admiraretur, ejuſque artem extolleret apud *Ageſilaum*, Quidni, inquit, ego noverim *Callipidem* diceliſtam? Sic *hiſtriones* appellabant *Lacones*. Sane non plaris fuerit apud me *Lutherus*, vel *ſophi-*

An. phista, vel praestigator. Cur enim non hac nomenclatura
 1525. exornem eum, qui per fucum damnata & obsoleta olim
 dogmata instaurare nititur: recepta autem, & tot seculis,
 totque magnis assertoribus comprobata, & quasi per ma-
 nus tradita, convellit? An non hoc abunde Lutherum
 impostorem ostendit, qui Nazianzeno, Nysseno, Da-
 mascono, Basilio, Chrysostomo, Hieronymo, Gre-
 gorio, Augustino depulsi, se unum enarratorem Eu-
 angelii ostentat, sibi que haberi uni fidem velit, ceu ve-
 ro ejus lampas illorum omnium lumina praestringat. Quo-
 rum quisque quo propior fuit florenti Ecclesia, hoc am-
 plius haurit ex fonte caelestis Spiritus, sine quo nemo potest
 ad veritatem aspirare. Fac enim hinc stare tot tamque
 excellentes sancta pietatis proceres. Ajant illi, neget Lu-
 therus, obsecro, quis tam cornea & pradura fronte est,
 qui Lutheri credendum, illis fidem abrogandam cen-
 seat? Atqui aliquis dixerit, eadem sentis cum illis Lu-
 therus, aliter potius tradunt quam aliud. At hoc
 ipsum est, quod mihi scrupum facit, quod me dubium
 habet, quod mihi suspectum Lutherum reddit, ut non
 aliter, sed aliud plane dicere videatur, qui has umbras
 mihi objicit, qui sua hac commenta verborum involucris
 contorquet, ut de eo Euripidis illud inverti possit, ὁ μὴ
 λυγρὰ, ἀνδρῶν, οἷμα ᾗ, ἢ ὁ μὴ λυγρὰ. Scitum est il-
 lud vetus, ἀμαδῆσεσθαι πῶς εἶπε, ἢ ἀμαδῆσεσθαι. Et illud
 Apostoli nos satis monere potuit, ut ab hoc hominum ge-
 nere caveamus: Si Angelus, inquit, è coelo aliud vo-
 bis euangelizaverit, quam accepistis, anathema esto.
 Ceu mihi parum constet, non aliter Synodo Ariminensi
 ab Arianis belle olim illud fuisse hoc verborum prate-
 xu, quom nefarii illi vocarent in disquisitionem, an Chri-
 stus foret Patri ὁμοούσιος, rogantes bonos, sed parum cau-
 tos Patres, Christo ne an homousio fidem habendam
 putarent. At illi ignota voce circumscripti ὁμοούσιον pa-
 lam detestabantur, Christum autem Deum profitebantur:
 qua res in causa fuit, ut acta in Synodo Ariminensi ma-
 jore deinde & cautiore Patrum conventu rescinderentur.
 Proditum est memoria ex Arianis quendam fuisse invi-
 ctum alioqui certatorem apud omnes, qui vel rationibus
 humanis, vel arte syllogistica niterentur: facile autem
 cessisse, si quando sibi res fuit cum eo, qui parum doctri-
 na, multum autem fidei haberet, qui nihil in se, in
 Domino autem multum fiducia locasset. Hac ego ratione
 tam facile puto Lutheri argutationes & ἀγδοῖα sub-
 verti posse, ut & ipse se ultro victum fateatur, & tan-
 tum barbarum, quantum excitatum est ad hanc diem,
 momento resideat. Quod si tanta illa hominis temeritas
 per suos gradus procefferit, & decretoriis periodis assur-
 rexerit, non dubito, quin posthac Evangelii libros sit
 abjuraturus, quasi rem ab indoctis exscriptam, & à sim-
 plicibus receptam. Quin & Christum ipsum adserturus
 sit more Maomethico, non verum hominem, sed simu-
 lachrum & spectrum quoddam oculos fallens & sensibus
 illudens. Nam ut Cicero vere scribit, qui semel vere-
 cundia fines transverit, eum bene ac naviter oportet ef-
 se impudentem. Et tamen homini tam inauspicata do-
 ctrina, si Dis placet, non desunt sectatores atque adeo
 admiratores in tota praesertim Germania, qui Lutheri
 ferme acclamant, qua suo Epicuro Lucretius:

— Deus ille fuit, Deus, optime Memi,
 Depulit ex animo qui monstra metusque deorum,
 Quare religio pedibus subjecta vicissim
 Obteritur, nos exaequat victoria coelo.

Quom vero ex nobilissima illa Provincia clarissima sem-
 per ingenia effluxerint, quom proventus vera religionis
 maximum inde incrementum acceperit, mirum est pro-
 fecto, quomodo tam repente ad insanias hominis, neque
 docti, neque admodum acuti, ut mihi videtur, à con-
 stitutis olim & confirmatis Patrum decretis desciverit:
 nisi, ut suspicor, id factum sit, non tam studio & amo-
 re Lutheri, quam, ut video, abs te persape testatum,
 odio Theologorum & Monachorum quorundam, qui sibi
 titulo religionis regnum & tyrannidem paraverant, quo-
 rum votum fuit, in hominum aequos animos & bona graf-
 fari: hoc itaque modo factum est, ut è carbonaria in

A calcariam precipitaverint, quom à Monachorum avari-
 tia ad Lutheri impietatem perfugerint, & hanc qui-
 dem multo nocentior: illa enim fortuna bona, hac bo-
 na animi atque adeo anima periclitantur. Puto & id-
 circo conatum hunc Lutheri quibusdam blandius arris-
 se, quod ille ab officio & observantia Pontificis aliorum-
 que Principum homines devocabat, & humanum quo-
 dammodo genus manumittebat: quis vero est, qui non
 libenter jugum excutiat, & libertatem amplectetur? pra-
 fertim quom ad libertatem etiam indulgentia accedat.
 Nec enim vult Lutherus quengquam de actionibus suis
 admodum anxium esse. Siquidem ad salutem & aeterni-
 tatem promerendam fidem & sanguinem Christi sufficere.
 B Lasciviant igitur homines, obsonentur, pergracentur, in
 Venetum, in cades, in rapinas, ut lubet, effervantur &
 paratum tamen iis caelum, parata immortalis felicitas,
 si fides inconcussa maneat, & in sanguine Christi spes
 certa subsidat. En qualem artificem sibi adornavit an-
 gelus nequitia, quam callidum, quam pellacem? Certe
 Maomethes non alia persuasione usus magnam orbis par-
 tem subvertit. Ab Epicuro, quo non alius Philosopho-
 rum plures discipulos in sententiam traxit, neminem an-
 quam auditorum descivisse accepimus, prater Metrodo-
 rum nescio quem. Illecebat scilicet ille optimus delicia-
 rum magister advenientes: illectos autem novis semper
 blanditiis retinebat, utpote qui unicuique ex sua natura
 C pruritu voluptates admetiretur. Adde quod homines na-
 tura φιλόκατοι sunt, sed & iidem ἀψύχοι esse solent, &
 erunt propediem, ni me fallit opinio: nec enim qua ma-
 la sunt diu placere possunt. Instigator ille populi Athe-
 niensis quom bene consulenti comminaretur, eum male
 mulctatum iri, si quando populus despere coepisset: At
 tu, inquit ille, si quando resipuerit. Idem hoc videor
 commode in Lutherum torquere posse, cui pro ea, quam
 invexit, doctrina plus nimio gravem mercedem Germa-
 na natio dudum persolvit: sed illud non incommode cecidi-
 dit, quod eadem Germania eadem aetate, qua nobis hoc
 monstrum tulit ad religionis & morum exitium, rursus
 ad morum & religionis instauracionem Erasimum nobis
 D dedit, virum ea ingenii magnitudine, ac literatura,
 qua non unum hoc tantum seculum possit illustrare. Ha-
 bet igitur non modo quod compenset, sed quod etiam
 objiciat. Quo mihi improbius nonnulli facere videntur,
 qui viro tanti candoris, tam excellentis doctrina, notam
 inurere non erubescunt, quasi & ipse cum Lutheri fa-
 ciat, & sit quodammodo ejusdem factionis vel antesigna-
 nus, vel popularis. Adversus hosce homines acerrime per-
 saepe reclamavi, & justas pene inimicitias suscepi. Quod
 & in libello De libero animi motu obiter feci, atque hoc
 libentius, quod edita Diatriba, jam locum omnem suspi-
 cionibus improborum sublatum videbam: nec enim jam te
 E illo spectaculo, quod oppugnabas, oblectari poterant insinu-
 lare, nec furtim arma hostibus subministrare, quos recta
 fronte impeteres. Nam quod epistolae, & aliis tuis com-
 mentariis, Lutheri fabulam non probari abs te asseveras,
 & tibi votum consulendi utrique parti testabare, sic inter-
 pretabantur, quasi alia manu panem ostenderes, alia lapi-
 dem absconderes, & quod duos parietes de eadem fidelia
 adlinens, utrinque plausum aucupareris: qui vero vel mo-
 destissime, vel parcissime de te obloquebantur, ii te qua-
 si cessatorem arguebant, quod tantum incendium excita-
 tum videres, quantum non alius prater Erasimum pos-
 set extinguere, & tamen, quasi ea res per jocum gere-
 retur, aut nihil ad te pertineret, insinuatibus manibus fla-
 grantes aras deorumque focos spectares: horum ego vo-
 F culas in eo libello κατ' ἠθοροῖαν in medium adduxi, ab
 omni ego hujuscemodi suspitione prorsus alienus: nam mi-
 hi dii mentem meliorem, quam ut de viro tam illibata
 probitatis & tam eximii candoris, pro cuius existimatio-
 ne tuenda toties acris bella depugnassem, tantum nefas
 aut cogitarem, aut cogitatum certe proderem. Illud
 itaque, mi Erasme, certum persuasumque habeto, me
 tua bonitate, sinceritate, pietate, nihil exploratius ha-
 bere, aut testatius: si quid est tamen eo in libello, quod
 aut aures tuas offendas, aut quod tibi videatur malevo-
 lis

AN. 1525. *lis dare ansam posse male cogitandi, expunge, dele, interline, immuta, ut lubet; fac denique ut nulla latebra supersit, in qua navis ullus delitescat. Caterum illud fuit permolestum, quod fato quodam tuo utrinque exercearis, & Lutherani & Antilutherani juxta in te saeviant: at tu bono animo esto, & recta conscientia premio contentus, tanti puta tum apud homines illustrem fieri, tum apud Deum cælum promereri. Sane Hercules ille, tertia luna natus, non prius ad deos abiit, quam monstra illa quodam suo fato proposita vicisset. Alioqui illud nosti βασιλὺν εἶναι διπρότερον κακῶς ἀνδρῶν. Quod de Pio Carpeni significasti, non minus ingratum fuit quam novum: est omnino cum homine mihi longa & vetus consuetudo ex eo usque tempore, quo ille juvenis, ego admodum puer, Petreto * Mantuano, Philosopho primi nominis, operam dabamus tunc dialectica proficenti: eo Principe nihil humanius, nihil modestius agnovi, tantumque aberat, ut bene merentibus obtemperaret, ut multo sepius vir bonus dissimilissimis, id est, indignis faveret: ob id non potest mihi non mirum videri, eum adeo à suis moribus degenerasse, ut in te tam acerbe, tamque immerenter invehatur, quem qui non amat, aut invidet, aut quid amandum sit, non intelligit. Et licet mihi non plura de tua probitate quam prudentia pollicear, facit tamen singularis amor erga te meus, ut te hortor & moneam, ne faciles admodum aures susurrionibus & delatoribus prebeas, quos qui non castigat, irritat, ut vere predicabat Domitianus. Adde, quod si quid aliquando pro vero insusurrant, id novo aliquo additamento semper augent, & exasperant. Tum magnis & illustribus viris certum est nunquam invidos & obretatores defuisse. Sicut enim inter aves nonnulla sunt obscoena, semper male occinentes: ita quadam male nata & pessime educata ingenia, nunquam desinunt bonis allatrare: horum voces sinamus praterfluere, eaque astuationibus suis relinquamus. Nam si iis vacare lubeat, nihil erit nobis agendum praterca. Atqui non potest hoc hominum genus à nobis liberalius tractari, quam si eos sinamus in sinu gaudere, & sine sanguine imaginarium sibi triumphum adornare. Na tu nimium facilis sis, aut certe irritabilis, si adversus quosdam illiteratissimos homines, qui obtusissimum in te stylum perstrinxerunt, manum moveas. Sane eadem opera te putaverim asino; si in te ruditum extulerit, talionem ferre posse. Parce enim, & honor sit auribus tuis, si quid vel familiarius, vel forte licentius dixerō. Multa itaque injuria mussitanda sunt, vel potius, ut tu scribis, devoranda. Plerumque convivendum est, ne quasi in procinctu sit nobis quotidie ad arma excurrendum. Literas vero tuas non nuntius quidem ille, quem legatum abs te in Italiam scribis, sed nescio quis terra filius mihi reddidit, quem tamen ego cælo demissum putavi, quod tam grato, tam optato officio perfunctus sit. Sane mihi jucundissimam occasionem sublatam dolui, percunctandi de te, de studiis, de re familiari. Nihil enim inexploratum reliquissim, nihil suppressissim, quod ad Erasmus meum pertinere existimassim. Dii boni, quam blande, quam jucunde, quam delicate nuntium illum excepi! certe ut plusculos apud me dies foret neque petaso, neque penula pepercissim. Sed postquam nescio quis deus hanc mihi voluptatem invidit, dabo operam, ut tuas legens literas, & meas ad te scribens, frequenter hoc detrimentum sarciam. Leoniceus medicus jam menses aliquot hunc vitam minimum absolvit, vir ad aternitatem natus, quem ego ultimum herorum & aurei seculi reliquias appellabam. Ex illa enim atate, qua magnum habuit ingeniorum proventum, & Hermolaos, Politianos, Picos, Merulas, Domitios nobis tulit, hic ultimus decessit jam prope centenarius, integris, quod mirum videri possit, adhuc sensibus. Multa scripsit, multa vertit è Græcis, multa in Sylva medica jam conclamata nobis restituit. Adversus barbaros medicos perpetuas inimicitias exercuit: quin & Plinium, à quo propositio frustra hominem saepe*

* Vel potius Perreto. Is est Petrus Pomponatius, Philosophiz Professor longe celeberrimus in Academia Patavina. De eo plura Cl. Bayle in Lexico Hist. Critico.

A *deterui, inclementer nimis semper insectatus est. Denique, quod paucis contigit, vivens posteritatem suam vidit: ejus obitum acerbe tuli; tum privato nomine, fuerat enim mihi praeceptor, tum publico: videbam enim rem Latinam ejus morte insignem plagam accepisse. Una res mihi solatio fuit, quod Joannes Manardus, vir Græce & Latine doctissimus, rem medicam & naturæ arcana iisdem vestigiis prosequitur, cujus rei specimen dare possunt epistole, quas proximo edidit: eas puto in manus tuas pervenisse, quod si nondum pervenisse significaveris, dabo operam, ut quamprimum ad te perferantur. Scripsit ille quidem alia plurima digna immortalitate, sed vir minime ambitiosus ea nondum publicam materiam fecit: hoc superstitie minus Leoniceum desideramus. Ipse etiam Rhodiginus longum valere dixit rebus humanis: quom enim audisset ad Ticinum casum penè ad internecionem Gallorum exercitum, & potentissimum Regem in manus hostium venisse, ex quo spes ejus omnes pendebant, ita animum despondit, ut agritudini impar fuerit: utinam ad ea, qua scripsit, tantundem judicii & laboris attulisset: nam & te minus offendisset, & doctis impensius satisfecisset. Sane fuit vir ille bonus & vere Christianus, & multa mihi amicitia conjunctus, utpote cui unum etiam ex libris Antiquarum Lectionum nuncupatim dicaverit, sed qui se unum haberet in consilio, & amicorum admonitionibus agre manus daret: ceterum in studia & lucubrations ad penitentiam usque assiduus. Paniciatus, vir bonus & probe doctus, vivit ac valet: eum tuo nomine salutavi, is eodidem verbis tibi salutem repōnit. Illud non potui non mirari, quod in extrema epistola addidisti, te scilicet adhuc memoria tenere sermonem illum, quo te affatus sum in adibus Richardi Pacæi, quom obiter Ferrariam venisses: quo loco quom de Aspendio ciharista sermo incidisset, & quid inus, quid extra canere foret, perquireretur, tu protinus tuorum Adagiorum librum, tum primum Venetiis excusum, è sacciperione protulisti: atque ex eo tempore cepi Erasmi ingenium doctrinamque admirari; nec fere unquam inter doctos de Erasmo incidit mentio, quin ego mutuatam illam adlocutionem prope solenniter in memoriam revocaverim. Testis mihi Richardus Pacæus ille doctissimus, & ad doctissimorum studia provehenda plane factus, cui sapiens ejus officii gratia multam gratiam debere testatus sum. Jam mihi videor ad omnia fere capita tua epistola cumulate respondisse: illud unum reliquum est, ut memineris te habere in Italia Cœlium, hominem tui nominis tuæque gloria studiosissimum, de quo tibi omnia sine discrimine large ac magnifice polliceri possis. Bene vale. Ferraria 6. Julii, Anno 1525.*

Quom scripsissem has inanissimas nugas, & certum tabellarium expectarem, cui litera tanto credi possent, nuntius tuus ex Urbe rediens supervenit omnium mihi optatissimus, quem quo vultu exceperim, quid de tumultu Germanico sentiam, quam te extra incendium istud videre cupiam, qua mea fuerit sententia de nuperima tuorum Adagiorum impressione, si modo res in hanc diem integra foret relicta, ipse locupletius coram enarrabit, quam vel ego brevi possim perscribere, vel literis audeam committere. Illud certum persuasumque habeto, me ac fortunas meas omnes prorsus, quales quales illa sint, summota omni legitima formula atque exceptione, tui esse mancipii. Rursus bene vale.

EPISTOLA DCCLI.

F *Erasmus Roterodamus Natali Bedda, Theologo Patavensi, S. D.*

EGREGIE vir, Responderam epistolæ tuæ, miseram Argentoratum, ut illinc transmitteretur ad vos, sed quum nullus inveniretur idoneus, rediit ad me. Hunc nuntium privatim conduxi mea pecunia, qui tuas Annotationes ad me perferat. Libros Augustini, quibus explicat sermonem Domini in monte habitum, sciebam me legisse, quam diligenter in-

Tom. III. Kkkk ceræ

An. certus. Ubi cœpissē tuo hortatu legere, comperi
 1525. margins omnes notulis manus meæ plenas. Deinde in
 Annotationibus meis, quas scripsi in caput *Matthæi*
 quintum & sextum, frequenter hinc cito testimonia.
 Unde miror unde suspicatus sis, mihi Opus illud non
 fuisse lectum. Scripsit hos quidem libros eleganter &
 accurate, sed tantum presbyter, nec adhuc perinde
 exercitatus in sacris Literis, quanquam feliciter jam
 meditans divinæ Scripturæ tractationem. Ex hoc O-
 pere multa corrigit ipse, & resident nonnulla, quæ
 lectorem candidum & æquum requirunt. Unde non
 sum arbitratus anxie mihi laborandum, ne nusquam
 ab eo dissentirem. Relegeram pene totum, nec ani-
 madverti quicquam periculosi lapsus in meis. *Gerson*
 non est in mea bibliotheca, sed aut emam, aut ali-
 cunde rogabo. Videbis me fatis docilem, si contingat
 monitor διδακτικός. Sunt variæ dotes hominum, nec ea-
 dem via tendunt omnes ad scopum felicitatis. Ego me
 puto semper hoc egisse, quod vos agitis, licet non
 eadem ratione. Et nisi hæc fatalis tempestas fuisset
 exorta, non prorsus infelicitate conatus eram, ut re-
 florescerent linguæ cum bonis literis, simulque vete-
 res orthodoxi cum divinæ Scripturæ fontibus revoca-
 rentur. His temporibus quoniam video nihil scribi
 posse, quod non offendant aliquos, decrevi quiescere,
 totus in hoc, ut quæ vulgata sunt nec revocari pos-
 sunt, repurgentur, quo, quantum fieri potest, careant
 offenculo. Ad hanc rem qui mihi dignabitur ferre
 suppetias, apud me summam inibit gratiam. Si parum
 videbitur proxima editione mutare quæ offende-
 bant, non gravabor esse severior iudex in lucubrationes
 meas, quam *Augustinus* fuerit in suas. Tantum ne no-
 dus quæretur in scirpo, sed ea duntaxat indicentur,
 quæ sunt alicujus momenti. Nec agam tergiversato-
 rem in explicando, aut in defendendo, nec mihi in-
 dulgebo in corrigendo. Sunt dogmata quædam con-
 troversa, quod genus est, *Pontificem esse superiorem*
Concilio universali. Sunt quædam obscura & incogni-
 ta, quale erat illud, *De non vertendis Libris sacris in*
linguam popularem. Sunt quædam ejusmodi, ut multis
 scrupulus torqueant ingenium, de his non videtur im-
 pium disserere, vel ut aliquid plenius & exactius in-
 veniatur, vel ut submotis offenculis confirmetur
 quæ decreta sunt. Ad hæc consideranda est temporum
 ratio. Utinam non pigeret attentius legere meas lu-
 cubrationes, nec enim dubito quin id integer facturus
 sis. Non potui hunc onerare graviore librorum farni-
 na, tamen indicem omnium misi. Tertiæ editioni
 Novi Testamenti addidi Apologias aliquot novas, quas
 facile percurres. Respondi *Stunica* conclusionibus &
 articulis. Ego me Catholicum esse puto, non tan-
 tum ob id quod pacem habeam cum Pontifice, cum
Casare, cum *Ferdinando*, cum Episcopis meis, ve-
 rum etiam quod *Lutherana* factio neminem magis odit
 quam *Erasmum*. Quod si id est in fatis meis ut utrin-
 que lapides, tamen adnitar, ut *Christo* prober, in cu-
 jus diem me paro toto pectore. Is te servet incolu-
 mem, domine & frater honorande. *Basilea* 24. Au-
 gusti, Anno 1525.

EPISTOLA DCCLII.

Erasmus Rot. Germano Brixio Antissiodorensi S. D.

OTE terque quaterque felicem, *Brixii* charissime,
 qui te semper intra Musarum septa continueris,
 nec unquam attigeris spineta Theologorum. Quam ti-
 bi inviderem istuc ocium, ni sic mihi charus esses, ut
 tua commoda plane pro meis ducam. Hoc seculo nec
 bene scribere tutum est, nec male, & mira est Ra-
 binorum conspiratio. *Lutherus* dum omnia conatur no-
 vare, subvertit omnia, & pro sinistre tentata liberta-
 te conduplicavit nobis servitutem. Videor mihi non
 omnino læva mente fuisse, quum tot modis efflagita-
 tus abstinere à *Gallia*. Hunc exitum præfagit ani-
 mus. Jactantur hic blandi rumores de adamantina Re-

A gum concordia, quos equidem optarim esse veros, ve-
 rum ut sint vereor, quoties mecum reputo τὸ τῷ αὐτῷ
 1525. κατόρθω & τῇ ἰσχυρίᾳ ingenium. Hic agitur fabula mi-
 re cruenta, quam καὶ ἑσπερίῳ habitura nescio. Mihi
 res humanæ videntur tendere ad *Scythicam* quandam
 barbariem, & omnium liberalium disciplinarum πανο-
 λειρίαν. Mihi jam ὁ βίος ἐκτετέλεσται, vobis ætate flo-
 rentibus τὴν δαδὸν χίαν trado. Cadunt passim οἱ ἑπτὰ μυστῶν
 σοφιστῶν, *Longolius Patavii*, cujus apud me est oratio
 mire elaborata in *Lutherum*, *Roma* nuper periit *Ba-*
pista Casalius; in *Anglia Linacrus*, apud vos *Deloivus*,
Lovanii Dorpius, qui favorem erga recta studia jam au-
 debat profiteri: frementibus μισοῦσίν οἱ omnibus, ac for-
 tassiss ea res illi fuit exitio. *Deloivus* mentionem fecimus
 in libello qui brevi perferetur ad vos, quanquam ele-
 gantissimo carmine tu quidem optimi viri memo-
 riam immortalitati consecrasti. Hunc γεγραμματοφύρον
 proprie mihi conduxi, ut istinc amicorum literas huc
 perferat. Per eum tuto scribas licebit. Bene vale,
 & quid agas fac ut sciam. *Basilea* 25. Augusti, Anno
 1525.

Budaum mihi salutabis diligenter, si fors mihi non
 vacabit illi scribere.

EPISTOLA DCCLIII.

Erasmus Roterodamus Ludovico Berquino S. D.

ARBITROR te bono animo facere quod facis, *Ber-*
quino eruditissime, sed interim me plus fatis de-
 gravatum oneras magna invidia, libellos meos vertens
 in linguam vulgatam, & eos ad Theologorum cogni-
 tionem referens, inter quos scio multos esse integros
 & candidos, sed paucorum morositas sæpenumero vin-
 cit multorum modestiam. Equidem quum natura ab-
 horream à contentione, nunc ob ætatem ac valem-
 tudinem magis desidero quietem, in eum diem me
 parans, qui jam longius abesse non potest. Video fa-
 tales orbis tumultus, video rem Theologorum & his
 adversantium in manifestam rabiem exisse. Proinde
 quando perspicio me nihil profecturum, quietus meum
 ipsius negotium ago, *Christo* commendans suam Eccle-
 siam, qui solus novit, & potest hominum inconsulta
 consilia in bonos exitus vertere. Fortasse tu rectius
 consulueris rebus tuis, mi *Berquino*, si concertatio-
 nem semel sopitam non instaures. *Papilio* noster nos
 reliquit, & ante hunc *Deloivus*. Hic agitur sanguinaria
 fabula, quem exitum habitura nescio. Nos hic hære-
 mus inclusi, quam tuto, *Deus* novit. Arbitror foreorem
 regiam jam in *Hispanias* profectam. Volitant rumo-
 res aureum seculum pollicentes: At ego nondum vi-
 deo satis idonea procœmia, nec ausim scribere quod
 mihi præfagit animus. Nihil igitur expectabis eorum,
 de quibus epistola bene longa mecum egeras, postea-
 quam scena rerum inversa est. Hunc juvenem meo æ-
 re conduxi, qui mea perferret, vestra huc referret.
 Si quid est quod mea referat scire, scribe, ac bene
 vale, vir optime. *Basilea* 25. Augusti, Anno 1525.

EPISTOLA DCCLIV.

Erasmus Roterodamus Joanni Selva, summo Presidi
Senatus Parisiensis, S. D.

VIR clarissime, mitto libellum adversus rabiōsam
 debacchationem *Petri Sutoris*. Eum ut tuo nomi-
 ni dicarem *Nicolaus Beraldu* in causa fuit, qui non se-
 mel in suis ad me literis eximias dotes tuas depingens,
 hortatus est ut id facerem. Profecto demiror tales li-
 bellos impune excudi *Intestia*, præsertim ex auctori-
 tate Senatus & approbatione Theologorum, si tamen
 non mentitur præfatio. Verum ita fit, talia per u-
 num aut alterum geruntur, cæteri connivent, velut
 ad ipsos non pertineat. Quid sceleratius eo qui corrup-
 pit mea *Colloquia*? Dissimulatum est. Non obscurus
 est auctor. *Dominicanus* est, nomine *Lambertus Cam-*
pester: qui excudit, dicitur *Petrus* à grandi morfu. Et
 im-

impunitas invitat ad audendum majora. Prodiit *Antuerpia* libellus quorundam *Dominicanorum*, sed ficto titulo, quo nihil fingi potest insulsius, indoctius, mendacius, impudentius, infanlius. Ob huiusmodi portenta totum Monachorum genus venit in odium publicum. In *Germania* multa virginum ac Monachorum monasteria crudeliter direpta sunt. Quidam magistratus agunt moderatius. Ejecerunt eos duntaxat, qui illis non essent professi, & vetuerunt novitios recipi; ademerunt illis curam virginum, & jus alibi concionandi quam in suis monasteriis. Breviter, absque magistratus permissu nihil licet illis agere. Videntur huc spectare, ut ex monasteriis faciant parochias. Existimant enim has conjuratas phalanges & tot privilegiis armatas diutius ferri non posse. Plura scripturus eram, sed incertum erat an jam redisset ex *Hispaniensis* legatione. Commendo tibi causam bonarum literarum, & meam, si quid videor hisce studiis profuisse. Bene vale. *Basilea* 25. Augusti, Anno 1525.

EPISTOLA DCCLV.

Erasmus Rot. Guilielmo Budao S. D.

OTE superis charissimum, *Budae* doctissime, siquidem in hisce tumultibus fatalibus ocium tueri licet. Fabulae partes per singulos obambulant. Prima turba erat de bonis literis. Hic suas partes egit *Reuchlinus*, nonnihil etiam *Erasmus*. Mox ad fidei negotium devoluta est actio. Hic primas egit *Lutherus*, non incruentae fabulae princeps. Saltarunt & Reges suam portionem. Rex *Danorum* exsulat, vester, heu dolor, *Hispaniarum* est hospes. Nuper prodierunt in scenam nobiles & agricolae. Actio fuit mire sanguinaria. Ea nunc recrudescit, quae sit futura catastrophe nescio. A *Gallia* non sine causa sic abhorrebat animus; aliquid praesagiebat magni mali futurum. Quamquam hic haeremus non absque gravi periculo. Nec est quo fugiamus. Et si esset, haec valetudo indicit ocium. Atque interim tamen, homo sexagenarius, cogor retiarium agere, & cum tot monstris congregari, vel casurus, vel occisurus. Hic nuncius certissimus est, a me proprie conductus: per eum scribe quid agas. De nobis ex *Beraldo* cognosces caetera. Bene vale. *Basilea* 25. Augusti, Anno 1525.

EPISTOLA DCCLVI.

Erasmus Roterod. Antonino Medico S. D.

POST epistolium, quod e *Francfordia* miseras, nihil isthinc venit literarum. Librum, quem tuo iussu dicaram *Theaurario*, per *Carolus* meum misi *Oenipontem*. Illinc scio transmissum *Budam* una cum literis meis. Huc aura rumoris ingrata pertulit, & istuc pervasisse fatales hosce tumultus, non absque gravi periculo damnoque *Theaurarii*. Quod si verum est, multis nominibus doleo, & quod ille vir optimus sit indigna passus, & quod tui patroni calamitas ad te quoque pertineat, & quod mea dedicatio fortasse nihilo plus habitura sit gratiae, quam in luctu musica: sed belli multa inania. Tuae literae, ut spero, nuncium adferent laetius. Posthac mutum habebitis *Erasmum*, posteaquam *Linguam* emisit. Spero tibi res isthic esse prosperiores, quam ut huc te debeam revocare. Et si essent minus prosperae, vix ausim ob tumultus, qui nobis dira minantur. Erit gratum cognoscere quid valeas, agasque. *Basilea* 28. Augusti, Anno 1525.

EPISTOLA DCCLVII.

Bilibaldo suo Erasmo S. P.

QVOD semper ad moderatiora consilia votum*, pars altera vocavit timiditatem; altera collusionem cum *Lutheranis*: nunc cum utraque pars mordicus tueretur sua, & adeo nihil remittit de jure suo, ut prioribus & jam occupatis nonnihil etiam addat, res eo pro-

* Forfan vocem.

gressa est, ut solus Deus tempestatem rerum humanarum in tranquillitatem possit vertere. Nusquam non pervagatur fatale malum. Ajunt Archiepiscopum *Flammariam* profligatum. *Carolus Campegius* sese recepit in *Italiam*, cessit & *Ennius* Episcopus *Verulanus*. Archiepiscopus *Salisburgium* obsidetur. Hic rursus rusticorum & nobiles in armis sunt, alter alterius internecionem minitantes. *Basileenses* conati sunt, compositis rebus, sanguinis effusionem excludere; sed inanis sumpta est opera. *Ferdinandus* agit apud *Wirtenbergenses*, exspectatur *Friburgi*, an venturus nescio. Est civitas *Brabantiae*, satis ampla frequensque, *Sylvam-Ducis* appellant, hic populus ejecit *Minoritas* & *Dominicanos* omnes. Eam nunc obsidet *Margareta* Caesaris amita. *Antuerpia* quidam ausi sunt extra civitatem concionari, nec veritus est illo populus confluere, contemptis omnibus Caesaris, *Margareta*, & Magistratuum edictis. Itaque tota civitas illa fervet periculoso tumultu. Aguntur excubiae nocturnae diurnaeque. Castigatis *Busciducensibus*, vereor ne impetatur *Antuerpia*. Utraque civitas est opulenta. Proceres invitabit praedae magnitudo, cui nunquam non inhiant, sic ut sufficiat quaevis levis occasio. Apud *Hollandos* meos aliquot damnati sunt haereseos: in hos saevitur. *Hulstus* pridem exarmatus, denuo per Caesarem armatus est. Is erat solus profanus Inquisitorum coryphaeus. Maxima populi pars apud *Hollandos*, *Zelandos* & *Flandros* scit doctrinam *Lutheri*, & odio plusquam capitali fertur in Monachos: qui cum plerique sint mali, tamen pro his nunc belligerabimur: qui si vicerint, actum erit de bonis omnibus. Incipiunt nunc ferocire. *Lambertus Campester* *Lutetia* corrumpit mea Colloquia, erro *Dominicanus*. *Petrus Sutor* *Carthusianus* edidit libellum in me *Parisiis*, simpliciter insanum: cui respondimus, non responsuri, ni praefatio *Gallica* testaretur, auctoritate Theologorum excusum. *Lotharii* sceleratissimus nidus est quorundam *Dominicanorum*. *Vincentius*, homo rudentibus aut stiva natus, nunc Theologiae Doctor, ante annos aliquot scripserat librum in me, eum ut liceret edere, profectus est ad suum *Vicarium*. Is omnino vetuit, ne tale facinus auderet. Conquievit, sed aegre. Nunc tandem exiit liber, quo nil fingi potest barbarius, insulsius, indoctius, mendacius, impudentius, infanlius. In eo laboratum est a quatuor: *Vincentius* addidit sua venena: *Cornelius Juvelandus** bonam operam partis** confecit: Tercius quidam† expolivit, additis aliquot flosculis: *Godefridus Toxander* famam Operis in se recepit. Ad haec connivent Theologi *Lotharienses*. *Latomus* tres emisit libellos, in quibus miris strophis me petit. Huic respondit *Oeculampadius*. Ajunt titulum esse, *Elleborum*: nondum enim vidi. Vereor ne hic tumultus citius in *Italiam* transvolet, quam exspectet Pontifex. Nos interim non agnoscimus manifestam iram Dei, provocantis nos ad poenitentiam, sed *Aegyptiorum* exemplo tot plagis admoniti, nihilo redimur meliores. Multis in locis dure tractati sunt Monachi, verum plerique cum sint intolerabiles, alia tamen ratione corrigi non poterant. Tot privilegiis, tot exemptionibus, tot phalangibus armati sunt. Civitates aliquot moderatioribus consiliis utuntur, permittunt exire, qui reddita ratione cupiunt mutare vitae genus, his datur aliquid undervivant ab ipsis monasteriis, etiamsi nil intulerunt, ceu longae servitiae† merces. Jubentur abire, qui illis professi non sint, nec licet illis suas colonias aliunde alio mittere, quemadmodum solent. Nec fas est novitios sufficere, nisi permissu Magistratus. A curandis virginum collegiis arceantur. Nec permittitur illis concionari, nisi in suis monasteriis, idque consuetis duntaxat horis. Qui simul omnes volunt

Tom. III. Kkk 2

* Lege *Duvelandus*, ut habetur Epist. CCCXII. & CCCXXIII.

** Responde, operis partem.

† Is *Guallertus* dicitur in eadem Epistola.

‡ Vox hihili, segnitia omnino scribendum.

mutare cultum, permittitur. Qui nolunt, coguntur tamen obedientiam jurare Magistratui in his, quæ pertinent ad Reipublicæ commodum. Ita futurum arbitrantur, ut aut nullos habeant Monachos, aut habeant magis sobrios. Vacua monasteria vertentur vel in parochias, vel in pædagogeia. Nec posthac passuri sunt, ut à quoquam suscipiantur vota perpetua, quæ vocant, qui minor sit triginta sex annis. Tota cura transferetur huc, ut sint probi pastores. Quod si contingit, non erit magnus numerus Monachorum. Aliquot monasteria relinquentur, sed insignia, & extracivitatum mœnia, imo procul in agris, quo sese graviter exerceant opere manuario. Cultuum infinitam varietatem omnino tollendam autumant. Nec ferunt anniversaria conventicula, quæ illi *Capitula* vocant, nec exemptiones, quibus abutuntur ad impune peccandum, sed erunt subditi suis Episcopis ac Magistratibus, quemadmodum cæteri sacerdotes & laici. Hæc an probanda sint, in præsentia non disputo; certe, minore tumultu coercebatur malorum Monachorum tyrannis, & bonis Monachis consulatur, imo juvenibus omnibus, ne in talium servitutem posthac dedant sese. Quod populari tumultu geritur, infelicem habet exitum. Quod pro sua quisque libidine genus vitæ mutat, improbis fenestram aperit ad nequitiam. Si res ageretur Pontificis & Episcoporum auctoritate, rectissime fieret. Nunc certe proximum est, ut Magistratus auctoritas excludat confusionem, & ita consulat bonis, ut malis non detur peccandi licentia. Utinam omnes essemus veri Monachi, hoc est, mundo mortui. Verum, hos populos conjuratos, hos fomites mundus non videtur diutius laturus. Et quanquam immane videtur, quod rustici monasteria quædam diriperunt, tamen huc istorum improbitas provocavit, qui nullis legibus corrigi possunt, ut ipsi inter sese connivent. Scripseras mihi de poculo, quod dono misisset Episcopus *Olmucensis*: cujus tamen in posterioribus literis non memineras. Id autem datum est, mihi quidem inscriptum, sed quoniam *Beatus* acceperat literas ab *Olmucensi* de phiala inaurata missa, & item à *Velio*, cum mihi nil esset scriptum, nec data esset Episcopo occasio, cur mihi mitteret aliquid, tradidi poculum *Beato*, suspicans *Conpergium* errasse in nomine. Si quid habes hac de re compertius, scribito. *Ptolomæum* tuum nondum vidi: sed tamen curabo ut habeam. Hic neminem invenio qui sciat ex gypso fundere imagines. Itaque maluissimè archetypum apud te manere. *Linguam* emisimus, ut fatearis posthac *Erasmum* elinguem fore. Calculus jam aliquanto mitius me tractat, posteaquam asluevi vinum omne diluere aqua ex glycyrrhiza decocta. Sed tamen corpusculum hoc in dies attenuatur & exarescit. Brevi, ni fallor, abijcietur hoc syphar, & exsiliet nova cicada. *Martino Dorpius* nos antevertit; periit & *Linacrus* in *Anglia*, *Longolius* *Bononia*, & *Baptista Casalius* *Roma*, & *Franciscus Delainus* *Lucretia*, magnus bonarum literarum patronus. Hic sesquimensem perpetua duravit pluvia, ut quasi parum sit, commaduissimè imbre cœlesti; stant in propectu nobiles & agricolæ, congressuri, quo magis madescant mutuo sanguine. Saluta *Durerum* artis *Apellæ* principem, & *Paulum Ritium*: cujus Catapotio sum usus hodie feliciter. Non sumo, nisi quantum est: dimidium, nisi aut minus etiam, & tamen solvit, alvum citra molestiam. Exspectamus *Erasmum*, illa felicissima *Dureri* manu pictum, simulque literas tuas. Bene vale. Datum *Basilea* 28. Augusti, An. 1525.

Agnoscis manum tuam, &c.

EPISTOLA DCCLVIII.

Erasmus Rot. Francisco Calvo, Bibliopola Romano, S. D.

AGO tibi gratias publico studiorum nomine, quod officina tua jam aliquot elegantes libellos nobis dedit, exspectamus avidi reliqua promissa. Qui has perfert vir bonus est, & aliquandiu meruit apud *Fro-*

benium: cum tibi volui notum esse, si forte ejus opera possit tibi usui esse. R. P. *Sadoleti* libellum in deliciis habeo, verum, illius aureum dictionis flumen considerans, video quam meus rivus sit & turbidus & exilis. Posthac ad hoc exemplar, meum quoque styllum conabor attemperare. Precor ut ista molienti tibi propitius ac benevolus sit *Mercurius*. Bene vale. *Basilea* 31. Augusti, Anno 1525.

EPISTOLA DCCLIX.

Erasmus Roterod. Petro Barbirio S. D.

VIDERIS in amicitia refrigerare, qui non respondeas. Quod ad me pertinet, nostra amicitia nunquam intermoriatur. Soles polliceri montes aureos, saltem illud præsta ne me spolies mea pensione, quod mihi videris meditari, nec obsit mihi quod uni tibi toto pectore confisus sim. De fide tua nihil addubito, sed tamen vereor ne candore pecces, quo soles nimium frequenter delinquere. *Aleandrum* tum amo, tum suspicio, sed quidam illum instigant in me, suggerentes falsas suspiciones. Et absens alius est quam præsens. Tuæ igitur prudentiæ fuerit cavere ne quid apud illum effutias, quod & amicitia nostra sit indignum, & illius inimicitiam in me exasperet. Corpusculum hoc in dies collabitur, exarescit ac deficit: auguror haud procul abesse diem, quo syphar hoc abijciam, & exsiliam nova cicada, *Christi* laudes feliciter cantatura, posteaquam in aerem puriorem ac liberiores evolavit. Tum pensio *Curtracensis* tua esto. Nunc inclementissimum fuerit *Erasmum* clientem tuum enecare fame. *Gallus*, qui has reddit, vixit aliquamdiu apud *Frobenium*, mihi videtur vir probus: *Roma* factus est Hypodiaconus, nec ultra datum est progredi, quod titulo careat. Cupit vel absolvi, vel admitti ad ulteriora. Non onero te commendatione, si quid tamen officii collocaris in eum, videris in virum bonum collocaturus. Bene vale, patrone magne. Reliqua cognosces ex meis ad *Hovium* literis. Datum *Basilea* 31. Augusti, Anno 1525.

• EPISTOLA DCCLX.

Erasmus Roterod. Polydoro Vergilio S. D.

ORNATISSIME *Polydore*, Opera tua sunt eleganter ac feliciter excusa. De pacti conditionibus ideo cupiebat nosse *Frobenius*, quod nihil exspectet ab *N.* nisi meras technas. Ille artifex auferet lucrum, *Frobenio* dabuntur verba. Nec mea magnopere refert, nisi quod bene volo viro, omnium, quos unquam viderim, optimo. Et meo suavis suscepit negotium. Postremo cuperem illum sic tractari, ut ad alias lucubrationes tuas reddatur alacrior. Me certe semper habebis pro tuis in me meritis tuæ gloriæ faventem. De *Moro* quod scribis, arbitror nihil esse. Si quid offensum fuit ob nescio quas causas, levis erit offensio, & ille ne gravium quidem injuriarum solet meminisse: scripsi tamen homini diligenter, non tam ut vos reconciliem, quam ut mutuam amicitiam confirmem. *Aequum* est enim & vehementer cupio, ut quoniam me jam olim in amicorum tuorum numerum dignatus es recipere, communis sit inter nos etiam amicorum possessio. Si continget eertus aliquis, per eum scribam copiosius. Hic agitur crudelis & cruenta fabula. Agricola ruunt in mortem. Quotidie sunt conflictus atroces inter proceres & rusticos, adeo in propinquo, ut tormentorum & armorum crepitas ac prope cadentium gemitus exaudiamus. Nos hic quam simus in tuto, tu conjectato. Fatale malum est, mira celeritate pervagans omnes mundi plagas. Cardinalis *Campegius* metu tumultus cessit ex *Hungaria*. Archiepiscopus profligatus est. Cardinalis *Saliburgensis* jam pridem obsidetur. Legatus Episcopus *Verulanus* cessit metu ex *Elvetiis*. *Colonia* fuere motus nonnulli. In *Brabantia* malum incruduit. Principes tantum agunt vulgaribus remediis. Metuo ne magis exasperent malum, sed *Christi*

An. *Christus* insignis artifex solus potest hanc fatalem tempestatem vertere in laetos exitus. Sunt qui non sinunt simultatem, quæ mihi cum *Leo* fuit, consensescere, sed antiqui vulneris cicatricem refricant. Dabit operam humanitas tua, ut hoc quoque utamur, fruamur, quemadmodum scribis, amicis communibus. Bene vale. Datum *Basilea* 5. Septembris, Anno 1525.

EPISTOLA DCCLXI.

Erasmus Rot. Nicolao Montensi Decano, & Cancellario Academia Lovaniensis, reliquisque Theologis, S. D.

HONORANDI fratres, libellum tam indoctum editum esse non minus vestra causa doleo quam mea. Ex literis interceptis, & ex *Anglia* huc missis, compertum habemus, qui sint actores hujus insanæ fabulæ. *Godefrido Taxandro* datus est titulus: *Cornelius Duvelandus* scripsit maximam partem. Ex libro *Vincentii*, quem in me scripserat, sunt addita multa. Adjuvit & *Gualternus* quidam. Collegi LXX. manifesta mendacia in tam exiguo libello. Quid dicent docti cordatique, quum talia legent? Ego hic Pontificis & Regum hortatu belligeror adversus *Lutheranam* factionem, non minus ferocem quam potentem, haud absque mei capitis periculo, & isthic mihi fuscitantur tales tragœdiæ. Habebam in manibus quædam, quæ videbantur aliquam hujus mali partem oppressura, verum edere non erat tutum, nisi loco commutato. Id quod hætenus per valetudinem & occupationes non licuit, nunc per cruentos rerum tumultus non licet, etiamsi per cætera liceret. Non possum vobis describere statum *Germaniæ*, cæterum pro rebus præsentibus gessi me sincerissima conscientia, sicuti decet hominem *Christianum*, qui semper expectat supremum vitæ diem, quem mihi scio esse in proximo. Idem agimus vos & ego, licet via diversa. Quod si sic oppugnor ab his, quorum partes pro viribus adjuvo, cur me diversæ partis obicio furori? Vos fortasse speratis malum hoc suppliciis opprimi posse, utinam utcunque compositum esset. At ego nullum video finem, nisi malo minime vulgari, remediis neutiquam vulgaribus occurratur. Si meis consiliis initio fuisset obtemperatum, fortasse res non exisset in hanc rerum omnium confusionem. Quid prodest uisura & sectio, quum totum corpus occupat febris? malum in venis est, quod nisi pharmacis eluatur, nulla spes est sanitatis. Morbus oppressus ex intervallo recurret majore cum periculo. Coeperat *Ferdinandus* uti violentis remediis, mutavit sententiam. Si *Cæsar* adesset, fortassis idem faceret. Non hæc dicuntur in favorem *Lutheranorum*, aut plebis male tumultuantis, sed in favorem publicæ tranquillitatis. Scripsi quædam, quæ offendunt *Egmondanum*, sed utcunque habent superiora, desinat ille, ego obliviscar omnium. Hoc utrumque nostrum magis decet, ne qui brevi sistendus sum ante tribunal *Christi*; illum qui Theologi ac Monachi personam sustinet, ac me fortasse brevi sequuturus, & quis novit an etiam præcurus. Est mihi pax cum Pontifice, cum *Cæsare*, cum *Ferdinando*, cum Card. cum Regibus, cum orthodoxis Episcopis, cum uno *Egmondano* & *Vincenzo* pax coire non potest. Est mihi bellum irreconciliabile cum universis *Lutheranis*, satis erat ab una parte impeti. Hæreses & schismata non possum amare, bonas literas non possum odisse: nec tamen inimicus sum protinus illi, cui non placent bonæ literæ, modo ne nimium obstrepat iis qui diligunt. Toties dixi & repeto, si quid offenditur in libris meis, quod merito offendit aures animosque vestros, indicate & mutabitur, & habebitur gratia. Dissentimus inter nos verbis potius quam sententiis, quod idem evenit *Stoicis* & *Peripateticis*. Ego paratus sum omnem animi rancorem deponere, non aliter quam si sum hodie moriturus. Si qui sunt inter vos qui pacem adspernantur, hæc epistola me liberabit apud *Christi* tribunal. Bene valete. *Basilea* 6. Septemb. Anno 1525.

EPISTOLA DCCLXII.

Vives Erasmo.

EPISTOLA hæc tanto erit brevior, quod nesciebamus An. an te in iter jam dedisses, ut rumor vulgarat: pri-¹⁵²⁵ mum te jam esse *Coloniæ* ante *Calendas Septembris*. Is resedit & excitatus est alter, ex literis tuis, ut ferunt, ortus, te hic adfuturum ad *Calendas Octobris*: quicquid statueris, precor tibi feliciter evenire. Ad postremas tuas literas respondi, dedique epistolam *Petro Ægidio*: nil dubito quin sit reddita, duntaxat mercatu hoc *Francfordiensi*. Opuscula *Frobenius* si non statuit imprimere, velim remittat. *Augustinum* audio excudi. Velim certius id à te cognoscere. Idque si ita sit, mittam ad *Frobenium* pauculas aliquot recognitiones meas in *Commentaria Civitatis breves* admodum, ut nec ternionem impleant. *Britannos* scito fecisse pacem cum *Gallis*: putò esse tempus hoc, si quod aliud, commodissimum tibi veteribus amicis revisendum; ego illuc non cogito ante proximum annum. Qui has ad te perferet, est *Genuensis* quidam negotiator, tui multo observantissimus, & cupidissimus videndi tui. Utinam quod commodo tuo fiat, brevi te videamus hic valentem ac latum. Vale. *Brugis* 20. Septembris, Anno 1525.

EPISTOLA DCCLXIII.

Bilibaldo suo Erasmus S. P.

ORNATISSIME *Bilibalde*, volupe est te recte valere. Scripsi per *Frobenium*, per quem expecto tuas literas. Nullus mundus vacat ab hoc tumultu. Quo sit evasurum hoc *Euangelium*, nescio. Mihi certe peperit certum exitium, quod ad hujus mundi felicitatem attinet. De *Ceratino* doleo, & metuebam ne suum commendatorem pudefaceret, oblitus monitorum. Sic fere sunt novi *Euangelici* Professores. *Christus* omnia vertet in suam gloriam. Tuas mihi reddidit hic juvenis, mire modestus ac placidus. Saluta *Durerum*, & medicum. *Basilea* 20. Septembris, Anno 1525.

EPISTOLA DCCLXIV.

Erasmus Roterod. Margareta Regine Navarra S.

NON semel adhortati sunt me literis suis tuarum virtutum admiratores, ut in hac malorum procella, consolandi gratia, nonnihil scriberem *Celsitudini* tuæ. Itaque quum hic, qui has perfert, vir doctus & nobilis, præter omnem spem esset oblatus qui recta peteret *Hispanias*, sed mox hinc avolaturus, apud me dubitavi, utrum satius esset filere prorsus, aut brevem & inconditam epistolam mittere. Vicit hunc pudorem ac trepidationem singularis quidam meus in te affectus. Jam pridem enim & admiratus sum & amavi tot præclara Dei dona in te, prudentiam vel philosopho dignam, castimoniam, temperantiam, pietatem, infractum animi robur, & mirum quendam rerum omnium fluxarum contemptum. Quis enim hæc non suspiciat in tantæ Regis sorore, quæ vix reperias in sacerdotibus ac Monachis? Hæc nequaquam commemorarem, nisi certum scirem, te nihil horum tuis viribus tribuere, sed laudem omnem transcribere Domino bonorum omnium largitori. Proinde magis gratulandi studio, quam consolandi, sumimus hanc operam. Ingentem esse calamitatem fateor, sed nihil est tam atrox in rebus humanis quod dejiciat animum vere innitentem saxo illi immobili, quod est *Christus Jesus*. Si roges unde te norim, qui nunquam viderim, ex depicta tuæ *Celsitudinis* imagine compluribus es nota, quibus nunquam contigit videre te: at mihi tuum animum viri probi & eruditi multo expressius suis literis depinxerunt, quam ullus pictor colorum fucis, corporis effigiem possit exprimere. De fide vero mea nihil est quod dubites, ut laudo proboque notam, ita non as-

An. 1525. sentor potenti: nihil enim ambio præter amorem mutuum. Regem *Christianissimum* jam pridem redamabam verius quam amabam, quem ille ultro tot modis ad amandum provocavit. Talem heroinam, talem viraginem non possum non amare in Domino. Cæsari non modo studium, verum etiam pietatem debeo, nec id uno nomine, primum quod sub illius ditione natus, deinde quod illi jam annis aliquot sim juratus Confiliarius, verum utinam istam victoriam potius è *Turcis* retulisset. Quanta fuisset orbis felicitas, si duo primarii orbis Monarchæ, concordibus animis junxissent arma sua in perduelliones ditionis *Christiane*. Ardentissimis votis id optabamus, sed obstiterunt, opinor, hominum peccata, quo minus Deus nos eo favore dignaretur. Hactenus non potui toto pectore Cæsari meo gratulari victoriam quantumvis magnificam, sed bona spes est brevi futurum, ut hunc fatalem tumultum, undecunque accidit, non minus vobis vestraque *Gallia* gratulemur quam Cæsari. Talis artifex est ille, qui res hominum arcanis quibusdam consiliis moderatur, neque raro mortalium mala, jam rebus deploratis, subito vertit in lætissimos exitus. Hanc mihi spem præbet in primis exorabilis Dei clementia, quem jam arbitror nobis factum esse propitium: deinde partim Cæsaris ingenium, cujus mansuetudo vel æquat vel superat ipsam fortunæ magnitudinem, partim *Christianissimi* Regis mira dexteritas. Imo confido jam inter eos solidam & adamantinam concordiam initam esse. Confirmarunt hanc spem meam literæ Celsitudinis tuæ, quas ad illustrem *Polonia* Baronem *Joannem à Lasco* miseras in *Hispaniam* adornans profectionem. Nam is mecum in unis ædibus vivit, qui cum mihi jure amicitiae communia omnia. Declarabant enim te non solum infracto animo ferre fatorum iniquitatem, verum etiam verbis quibusdam bene ominantibus recreabant sollicitudinem nostram. Ea spes si nos non fefellerit, tum non modo Cæsari & vobis, sed universo orbi *Christiano* gratulabimur. Hic erat mihi duplici nomine petenda venia, primum quod ultro scribere sum ausus tam potenti dominæ, deinde quod ex tempore, quod vix sibi permittit plebejus amicus erga amicum: verum, hunc omnem scrupulum excussit animo concepta de tui pectoris inaudita humanitate fiducia. Servet te Dominus *Jesus* & incolumem & omnibus vere bonis florentem in ipso. Datum *Basilea* 28. Septembris, Anno 1525.

EPISTOLA DCCLXV.

Erasmus Roterod. Guilielmo Budæo S. D.

ORNATISSIME *Budæe*, næ tu homo es crudelis, qui calamitoso insultes etiam, tantum abest, ut consolatione lenias ægritudinem. Exprobras cunctationem, tergiversationem, comperendinationes. Levius miser est, qui non sua culpa, sed fatorum iniquitate miser est. Tibi certe gratulor istud beatissimum ocium, quod precor ut aliquando plenum contingat, quo jam ex *Asse* felix sis. Hic *Petrus Tossanus* juvenis est honesto loco natus, indole felici, & ingenio perquam liberali, summæque spei. Ardet amore *Græcicarum* literarum. *Basilea* solus proficitur *Glaucanus*, sed egestas obstat, quo minus possit vel animo suo, vel hujusmodi auditoribus satisfacere. Scio tibi juvenis ingenium oppido placitum, & si novi tuam humanitatem, vel nullo rogante facturus es quod dignum est tanto literarum antistite. Cætera cognosces ex *Tossano* nostro. Bene vale. Datum *Basilea* 2. Octobris, Anno 1525.

EPISTOLA DCCLXVI.

Erasmus Roterodamus Michaeli Budæ, Episcopo Lingonensi, S. D.

REVERENDE Præful, epistola tua verbis adstricta, sed admirabilem sententiarum vim comple-

Actens, arguit mihi sanum ac integrum ingenium tuum, prudentia non vulgari præditum. Posteaquam semel emissâ *Lingua* linguax esse desui, meditor *Laconismum*, idque tuo quoque exemplo. Nam hoc seculo albæ gallinæ filii sint oportet, qui scribant quod nullos offendant. Et utinam mutum esse liceret. Exortum est novum dogma, in Eucharistia nihil esse præter panem & vinum. Id ut sit difficillimum refellere, fecit *Joan. Oecolampadius*, qui tot testimoniis, tot argumentis eam opinionem communiit, ut seduci posse videantur etiam electi. Pro cithara mihi suscipienda falx est, nisi silendo velim pro illis tulisse pedariam sententiam videri. *Linguam* fane gaudeo tanto viro non displicuisse. Sed quorsum attinebat bajulum tot aureis onerare? Non erat meus famulus, sed quatuor coronatis erat conductus, ut perferret ac referret mandata. Qui has perfert, *Petrus Tossanus*, juvenis honesto loco apud suos natus, indole liberali, nec trivialiter eruditus, flagrat amore *Græcæ* literaturæ, & hic frigent studia omnia. Nihil petit, tantum volui ut eum cognosceres. Pro tuo in me studio tam propenso, sed præter omne meritum meum, alias agam gratias. Dominus amplitudinem tuam servet incolumem. *Basilea* 2. Octobris, Anno 1525.

EPISTOLA DCCLXVII.

Erasmus Roterod. Natali Beddæ S. D.

SANE gaudeo & ipse, non redditam epistolam illam prolixam, sine altera, quandoquidem videtur offendisse animum tuum. Eam uni tibi scripseram, tantumque de tua humanitate mihi persuaseram, ut te crederem nostram libertatem, aut si mavis licentiam, boni consulturum. Est quidem præcipuum officium amicitiae, monere, quum res poscit, amicum, verum oportet hoc officium inter amicos esse mutuum. Et tua quidem singularis eruditio me non eget monitore, tamen sæpe etiam est olitor valde opportuna loquutus. Denique qui sedulo monet, licet frustra moneat, tamen hoc nomine collaudandus est, quod prodesse voluit. Gratissimæ sunt annotationes quas mittere dignatus es, utinam misisses & illa quæ tantopere offendunt in epistola ad Episcopum *Basiliensem*: simulque librum, cujus editionem moliris. Nuncius erat certissimus, mihi que proprie sat æqua mercede in hoc conductus. Quanquam & quod huic *Conrado* bibliopolæ commiseris, tuto ad me perveniet. Præstat tamen ut quæ mittes obvoluta tunica & funiculis obligata obfignes. Pauxillum est laboris. Ægre lego manum amanuensis tui, sed tamen lego. Minus esset negotii, si tantum ea notares, quæ pertinent ad negotium doctrinæ *Christiane*, quæque credas excusari non posse. Primus articulus est, *Non omnes, quæ Paulo adscribuntur, Epistola, illius esse citra controversiam dicenda sunt*: hoc non video cur debeat reprehendi, nisi forte putas Epistolas ad *Laodicenses*, & ad *Senecam*, esse sine controversia *Pauli*. Ut maxime vero detorqueamus hoc dictum meum ad *Hebræis* scriptam Epistolam, lege Apologiam, qua *Jacobo Fabro* pridem respondi, & non negabis orthodoxos multos de Auctore hujus Epistolæ vehementer dubitasse: nec ulla Ecclesiæ auctoritas vetat hactenus dubitare; nisi forte continuo *Pauli* est, quod *Pauli* titulo legitur in templis. Verum, ibi multa leguntur alia, de quibus dubitare nefas non est. Attamen si hæc quoque non pigebit annotare, mihi non erit ingratum. Quod si dignaberis tribus verbis indicare quid te moveat, existimabo conduplicatum officium. *Bernus* fatetur se epistolam illam, posteaquam fuerat edita per typographos, denuo legisse, notatis aliquot locis, sed quæ nullius essent momenti, nisi accederet interpret iniquus. Oravi ut tertio relegeret, ac promisit se facturum. De pessimo consilio scribis magno eum stomacho. Quale fuerit consilium hoc non refert. Certe vides me non refugisse severa etiam judicia Theologorum, ubi contigit. *Beri* integritatem

AD. 1525. tem hic norunt omnes. Fucum in eo suspicari, ne ad-
huc quidem possum. De doctrina si minus possum ju-
dicare, vos ipsi iudicatis, qui illum habuistis dignum
prima laurea. Nec video quid illa epistola suffragetur
Lutheranis. Jam dogmata *Lutheri* regnabant. Et hic
per seditiosos quosdam, summo contemptu & insulta-
tione consuetudinis Ecclesiasticæ, inducebatur sarco-
phagia, ducebantur uxores, aliaque multa fiebant ad-
versus Ecclesiastica instituta. Huic seditiosæ temerita-
ti opposui illam epistolam, & profeci, eaque primum
excitavit fremitus *Lutheranorum* in me: quos insanisse
oportuit, si epistola pro ipsorum conatibus facit. Ve-
hementer laudo cœlibatum, sed, ut nunc habet sacer-
dotum ac Monachorum vita, præsertim apud *Germa-
nos*, præstaret indulgeri remedium matrimonii. Quo-
tusquisque est in orbe, qui jejuna? Quam multi sunt,
qui vescuntur carnibus quum libet? Et arbitror plures
bene jejunatos, si jejunium persuaderetur potius quam
præciperetur. Nihil tamen horum mutari volo præ-
ter auctoritatem Ecclesiæ. Nec ea mutatio damnat
Patrum instituta, sed admonet, forte pro horum tem-
porum moribus variandum esse remedium. Id si non
placet Ecclesiæ Proceribus, nihil habent *Lutherani*
quod erigant cristas, quum censeam nihil esse novan-
dum, nisi interveniente Ecclesiæ auctoritate. Sed de-
sino, ne rursus molestus sim mea copia. Quanquam
solent reis plures infundi clesydre, quam actoribus.
Expedita res est accusare, sed multiloqua defendere.
Facile mihi persuades ut tibi fidam, quanquam si ve-
rum est, *Beri* consilium fuisse tam infelix, cui tuto
fidendum est? Affirmas te non falsurum. At falli po-
tes, opinor. Ego hætenus melius sensi de Theologis
Sorbonicis, arbitrans unicuique illorum tuto fidi, non
unui cuiquam. *Jodocum Clithoveum* semper amavi: can-
didus tamen erat facturus, si *Dionysium* asserens, cum
Valla potissimum dimicasset, qui hujus sententiæ pri-
mus auctor exstitit. Verum non sum is, qui talia non
queam concoquere. *Petro Sutori*, si tantum tibi tribuit,
utinam persuasisses, ut aut non ederet talem librum,
aut moderatius scriptum ederet: nihil enim adhuc le-
gi illo vel indoctius, vel furiosius. Respondi homini,
huc adhortantibus amicis, nec ullius rei me magis pœ-
nituit, quam illius operæ. Audio librum illius conspui
ab omnibus doctis ac bonis, etiam si nemo respondisset.
Suades ne talibus respondeam, & utinam suasisses in tem-
pore. Verum, illi prius suadendum erat ne sic indecore
debaccharetur in proximum, non sine detrimento no-
minis Theologici, si quid mihi credis. Novam Tragœ-
diam cæteris omnibus atrociorē nobis hic peperit *Car-
olstadius*, persuasit in Eucharistia nihil esse præter pa-
nem & vinum. Eam sententiam libellis aliquot editis
confirmavit *Zwinglius*: Proxime *Oecolampadius* tanto
studio, totque machinis argumentorum, idem agit, &
tanta facundia, ut seduci possint, ni vetet Deus, etiam
electi. Hæc civitas vacillat, sed sic ut videatur sanabi-
lis. Cogor itaque posthabitis meis omnibus in hoc cer-
tamen descendere, quanquam impar tam arduo negotio.
Si liber ad vos pervenerit, intelligetis vobis expedien-
da arma, nec articulis tantum agendum, sed persuasio-
ne. Misissimū librum, sed unicum duntaxat habebam,
nec hic palam venditur. Vale, frater in Christo mihi
semper venerabilis. Datum *Basilea* 2. Octobr. An. 1525.

EPISTOLA DCCLXVIII.

Erasmus Rot. Petro Barbirio S. D.

PATRONE magne, miseram *Carolam* meum *Ro-
mam*, is, quoniam tu aberas, literas ad te missas re-
tulit; eas cum his accipies. Etiam atque etiam te ro-
go, mitte quam primum literas testimoniales de non
residendo: alioqui scribit *Joannes Caninus* utrosque nos
futuros in periculo. Miror te in hac re sic cessare,
neque id nunc primum tantum. De pensione Cæsaris
nulla spes, ni redeam. Hic cara omnia, quæstus omni-
no nullus. Soles polliceri montes aureos e *Parisi*, sal-

Atem glebam unam mittito. Novi quantus sis artifex. An-
Fac amicitiam eloquentia tua confirmes inter me & *Aleandrum*. Admiror hominis eruditionem, ingenium
amo: sed sunt in orbe tot malæ linguæ, quæ suffun-
dunt frigidam. Ego meam emisi *Linguam*, posthac
Erasmum habebis elinguem. Misi *Hovio* meo codicem
unum. In litera n. pag. ultima, facie priore circa fi-
nem, pro *millia ducatorum*, legendum, *millia talen-
torum*. *Carolstadius* quum hic clanculum latitaret, spar-
sit libellos *Germanice* scriptos, quibus contendit in
Eucharistia nihil esse præter panem & vinum. Per-
suasit illico plerisque. Hujus sententiam *Zwinglius* jam
editis aliquot libellis confirmavit. *Batauni* quidam an-
te annos quatuor egit idem epistola, sed sine nomine,
quæ nunc excusa est: verum *Oecolampadius* quum ead-
em hic quotidie concionaretur, movit multis stoma-
chum, etiam iis qui non oderant *Lutherum*. Tandem
emisit libellum tam accurate scriptum, tot argumen-
tis, tot testimoniis instructum, ut possit vel electos
in errorem pertrahere. Liber tamen hic excusus non
est, nec publice venditur. In hanc arenam ego pro-
trudor, multo aliis rebus natus. Et interim dum omis-
sis rebus meis hoc ago, non absque capitis mei peri-
culo, ii pro quibus depugno, alii aliunde confodiunt
me libellis furiosis. *Latomus* prælegit tres libellos *Lo-
vanii*, subinde jaculans aliquid in caput meum, sup-
presso quidem nomine, sed quid referebat? citabat ver-
ba mea. Eos libellos post edidit miris strophis differ-
tos. Eodem ferme tempore excusus est libellus in me,
plenus criminibus & scurrilibus conviciis, sed quo ni-
hil fingi poterat stultius, indoctius, & insulsius. Hu-
jus rei laus in multos est distributa *Dominicanos*; *Go-
defrido* cuidam *Taxandro* nebuloni vanissimo datus est
titulus, *Cornelius* quidam *Duvelandus* composuit, *Vin-
centius* addidit suas nœnias ex libro quem pridem in
me scripserat, sed à Vicario vetitus est edere, *Gualte-
rus* quidam addidit flosculos ex *Margarita Poetica*.
Hoc facinore confecto, alius alio profugerunt, *Vin-
centius* ad inferos. Hæc non ex me somnio, sed mis-
sum est ad me exemplar epistolæ, quam *Cornelius* scri-
pserat *Leo*: nam illi munus hoc præclarum dicavit,
ea docet quæ dico esse vera. *Petrus Sutor*, quondam
Theologus *Sorbonicus*, nunc Monachus *Cartusianus*,
Lutetia edidit libellum simpliciter furiosum in tralati-
stas & bonas literas. Ei respondi, & pœnitet tantum
honoris habitum illi belluæ. Cura ut inaureris, tan-
tumque congeras prædarum, ut nobis utrisque suffi-
ciat. Gestiebam nunc evolare in *Italiam*, calculus e-
nim mitius me habet, sed quædam explicari non po-
tuerunt. Interim obrepfit hyems nunc etiam præpro-
pera. Bene vale. *Basilea* 3. Octobr. Anno 1525.

EPISTOLA DCCLXIX.

Erasmus Rot. Baptista Egnatio S. D.

SALVE plurimum, vir optime idemque doctissi-
me. Doleo tibi ob meas nugas exhibitum nego-
tium. Non eram anxius de excudendis *Adagiis*, quum
hic haberem *Frobenium* semper paratum. *Franciscus*
per literas crebro questus fuerat me nihil mittere lu-
cubrationum mearum. *Adagiorum* Opus, quoniam
apud *Asulanum* primum erat natum, misi ut inibi re-
nasceretur, si modo ipsi commodum esset. Sin mi-
nus, per eundem, qui attulerat, remitteret codicem.
Hic nihil erat causæ, cur vel tria commutarentur ver-
ba. Remisi *Carolam* meum, ut adferat mihi *Chrysosto-
mi Commentarios in Acta Apostolorum*. Dignaberis pro
tua humanitate dare operam, ne circumveniamur. Id
fiet, si doctus aliquis exploret an codex sit plenus, & an
emendate scriptus. Hic *Joannes à Lasco Polonus*, illu-
stri loco natus apud suos, brevique summus futurus,
moribus est plane niveis, nihil magis aureum aut gem-
meum esse potest. Totus *Hieronymus* jam denuo ex-
cusus est; multa restitui, quæ prius suffugerant. Pau-
ca quædam expugnare non potui: quorum illud unum
est

An. est in præfatione, quam præposuit *Ezechieli* verso, de
 1525. phagolædoris & *Senecii*. Si quid habes imperti; pote-
 rit adjici in fine, aut initio: nam Opus non est exitu-
 rum nisi post menses aliquot. Scio te non morari glo-
 riam, sed tamen meum fuerit curare, ne bene meri-
 tus sua laude fraudetur. *Ambrosium Nolanum* nobis ac
 studiis ereptum doleo, sed quandoquidem omnibus se-
 mel est moriendum, ille nec vixit incommode multos
 annos, nec infelicitate mortuus est. Precor illi Deum
 propitium, & inter piorum animas quietem perpetuam.
 Bene vale. *Basilea* 3. Octobr. Anno 1525.

EPISTOLA DCCLXX.

Erasmus Rot. Hieroslo à Lasco, Polonia Baroni, S.

VIR clarissime, quod scribis de mittendo equo,
 ne si *Cyllarum* quidem miseris, aut *Pegasus*, pos-
 ses è limace facere equitem, ne verisimile quidem est
 te huc equi causa missurum famulum, posteaquam hinc
 advocatus est frater. Itaque divino eas literas scriptas
 priusquam decretum erat revocare germanum. Ejus
 convictus quoniam mihi tam fuit jucundus, ut vix
 aliud in vita jucundius, non potest non esse molestif-
 simus illius abitus. Ejus suavissima consuetudine prope-
 modum repubueram. Nec enim à superis optare pote-
 ram quenquam meis moribus magis appositum. Imo,
 ut melius dicam, ipsius mores tales sunt, ut omnibus
 possint congruere. Mitigat hunc meum dolorem, pri-
 mum quod non omnino præter expectationem accidit.
 Semper enim divinavi futurum, ut hinc cito distrahe-
 retur. Deinde quod non ignorarem fatorum iniquita-
 tem. Si quid obigit bonæ felicitatis, mox eripiunt.
 Si quid incidit mali, hæret tenacissime, nec excuti
 potest, nec avelli. Porro juges studiorum occupatio-
 nes obstiterunt, ne quid fructus ille vicissim ex meo
 convictu reportaret. Minitabamur subinde, sed iden-
 titem è transverso obortum negotium interpellabat co-
 natus nostros. Malebat & ipse diutius Musarum ocio
 frui, sed *Plato* putat sapientem vel invitum ad Reipub-
 licæ commoda rapiendum esse. Magis itaque libet
 vestræ *Polonia* gratulari, quam meum privatum deplora-
 rare incommodum. *Linguam* meam non displicuisse
 Clariss. D. Cancellario, vehementer gaudeo ac triumpho
 serio. Non miraberis autem si posthac senseris
Erasmum elinguem esse. Propitius aliquis deus feliciter
 explicet tuam Celsitudinem ex istis tæcis, quibus
 te scribis involutum. Novi quantus sis *Hercules*, sed
 plurium exemplis declaratum est, quam non sit tutum,
 hostem quamvis humilem contemnere. Bene vale. *Ba-
 filea* 3. Octobr. Anno 1525.

EPISTOLA DCCLXXI.

Erasmus Roterod. Leonardo Casimbrotto S.

Leonarde charissime, quod *Adagiorum* nego-
 litium vos omnes sollicitos circumegit, agnosco *Caroli*
 mei ingenium. Multum ille pulveris movere solet
 in quamlibet levi negotio. *Adagia* nunc excuduntur
 in officina *Frobeniana*, quæ res hic me nunc remora-
 tur, alioqui isthuc advolaturum cum hoc Barone *Po-
 lono Joanne à Lasco*, juvene citra arrogantiam erudito,
 citra supercilium magno ac felici, sed moribus adeo
 candidis, amicis, jucundis, ut per ejus amabilem con-
 sætutudinem pene repubuerim, alioqui jam morborum,
 laborum, & obrectatorum tædio marcescens. Quid
 ego audio? adeone tibi sapiunt pepones & melones
Italia? Vereor ne jam & asinis inideas. Ubi propius
 cognoris *Italia* dotes, fateberis esse quod sit peponi-
 bus dulcius. Sed ut memorem admoneam, memine-
 ris, optime *Leonarde*, te non ea causâ istuc profectum
 ut hybridis locupletes *Italiam*, sed ut eam literarum
 opibus spoliis, ea præda ditaturus olim tuam *Flan-
 driam*. Cum Musis & Gratiis tibi nunc res est, qui-
 bus quam conveniat cum *Cypride*, tu videris. Solent
Brugæ tuæ gignere ingenia felicissima, planeque *Atticæ*

A simillima. Tibi vero contigerunt ejusmodi naturæ do-
 tes, ut inter felices etiam videre felicissimus. Hæc
 protinus magnam de te spem concitarunt. Eam ve-
 hementer confirmasti studiis tuis hætenus feliciter tra-
 ctatis. Nunc vero posteaquam adisti *Patavium*, lo-
 cupletissimum ac celeberrimum optimarum disciplina-
 rum emporium, facile divinas, quam nihil plebejum
 aut mediocre tui de te expectent. Nec dubito, quin
 nisi parum mihi perspectum est tuum ingenium, sis
 omnem de te spem, licet amplissimam, amplioribus
 literarum mercibus superaturus. Non deerunt qui pos-
 sint *λεοναρδιοποιεῖν*, sed illud munus est tuum, & isto
 dignum ingenio, ut eruditione tua quam plurimos gi-
 gnas tuæ *Flandria* discipulos, qui te moribus inculpa-
 tis, qui doctrina singulari, qui facundia non vulgari
 referant. Utinam hæc liceret coram in tuis hortis,
 quos equidem tibi non invideo, sed doleo mihi tecum
 non esse communes. Quod Juris Cæsarei studium am-
 plecteris, quum aliis multis de causis approbo, tum
 illa nominatim, quod longissime abest à rixis Theolo-
 gorum, quibus nunc fervent omnia, sicut me prope-
 modum tædeat studiorum omnium. Et mihi videris ad
 tractandam Rempub. esse natura compositus. Commen-
 do tibi tuam pubem omnem, id si vel impetro, vel fru-
 stra peto, quæso ut, quod tua sponte facis, me illis vi-
 cissim commendes, & horteris meo quoque nomine,
 ut parentum patriæque expectationi, ut præceptoris
 eruditioni, studioque respondeant. Discruciatum ani-
 mum meum tuus catalogus. *Lupsetus* semper fuit ani-
 mus meus. *Pacans* talis mihi perpetuo fuit amicus,
 qualis *Orestis Pylades*. *Petri Bembi* felicissimum inge-
 nium, quum ex fama, tum etiam scriptis cognovi.
Reginaldum Polum sic mihi depinxit suo calamo *Lup-
 setus*, ut nullus *Apelles* posset expressius. *Becichemi*
 nomen primum tuis è literis didici. *Baptistam Egna-
 tium* jam olim ex familiari convictu novi, virum ab-
 solute doctum, integrum, candidum, & vere amico
 amicum. O te felicem, cui datum est tantis felicitati-
 bus frui! Et me miserum, quem ætas, morbus, & ad
 hæc nescio quis genius malus alligat huic pistrino!
 Libebat diutius tecum nugari, sed cogor & aliis scri-
 bere. Onera *Carolus* huc rediturum. Bene vale. *Ba-
 filea* 4. Octobr. Anno 1525.


Miror si hæc tam extemporaria poteris legere, ni-
 si quod agnoscis meas notulas.

EPISTOLA DCCLXXII.

Erasmus Rot. Reginaldo Polo Anglo S.

THOMAS *Lupsetus* suis literis te totum, ornatissime
Pole, sic depinxit, ut mihi notior esse non posses,
 si menses aliquot domesticam tecum egissem consue-
 tudinem. Corporis figuram effingit pictor, & auri-
 bus nonnullam hominis partem discimus; at intimæ
 dotes animi, multo preciosissimæ, non nisi diutino
 convictu deprehenduntur. Ea pars epistolæ mihi pro-
 fecto magno fuit solatio. Gaudeo enim his deploratis-
 simis temporibus exoriri, qui bonarum literarum ac
 pietatis causam, & tueri possint, & ornare. Non hic
 occinam laudes tuas, tantum gratulor tibi tam insignia
 benignissimi Dei dona, quæ dignabitur in te servare,
 semperque in majus ac melius provehere. Quam im-
 pensè te amet *Lupsetus*, satis ipsa declarat oratio, quæ
 nihil aliud spirat quam incredibilem quandam benevo-
 lentiam, adeo ut me quoque rapuerit in amorem tui.
 Miramur quum magnes chalybem ad se trahit: Quis
 autem tam ferreus est, quem iste tot dotium in uno
 concentus non ad amorem pelliciat? Si *Carolus* meus
 redisset maturius, fortassis jam isthic adesset. Non
 poterat optari comes itineris vel dux commodior quam
 obtigit, hic *Joannes à Lasco* Baro *Polonia*; cujus quam
 hætenus fui convictu felix, tam nunc abitu discrucior.
 Amabis, fat scio, tui simillimum. Clarissimæ majorum
 imagines, dignitates amplissimæ, spes ampliores, in-
 genii mira vena, eruditio neutiquam vulgaris, ne tan-
 tu-





Au. 1525. tulum quidem addunt illi supercilii. Et adfunt isthic, quorum consuetudine possim vel rejuvenescere, *Richardus Pacens Pyladens* amicus, *Thomas Lupsetus*, quem semper filii loco dilexi, nunc ut patronum amo, *Leonardus Casimbrotus*, homo moribus plane niveis, doctus, & olim inter claros futurus. Tu in primis, mi *Pole*. Sed alligant hic me fata mea. Quid enim aliud incusem? Quando coram frui non licet, dulcissimum esset diutius per literas tecum confabulari, ni mihi nunc eodem die onerandi fuissent tres bajuli, quorum unus adit *Galliam*, alter *Brabantiam*, tertius hic est *Carolus* meus, quem sic accepistis, ut lubenter istuc recurrat. Itaque boni consules literas sic ineptas & inconditas, quas ne relegere quidem vacat. Bene vale. *Basilea* 4. Octobr. Anno 1525.

EPISTOLA DCCLXXIII.

Erasmus Rot. Andrea Critio, Episcopo Plorensi, S. D.

ILLVSTRIS Baro, *Hieroslam à Lasco*, quum hac iter faceret, exhibuit mihi libellum quendam tuum pedestri simul & equestri pugna cum *Lutheranorum* exercitu confligentem. Rursus ejus frater germanus, ac vere germanus, hoc est, simillimus, nuper exhibuit epistolam, rei gestæ historiam exponentem, admixtis etiam versibus aliquot, ex quibus intellexi, te simul & in Musarum pratis, & in rhetorum palæstris, & in Theologorum adytis non infeliciter versatum esse: denique tam candido præditum ingenio, ut nostras etiam lucubrationes vere *Batavas* non dedignatus sis attingere. Hoc exemplum quoniam hodie rarum est in Episcopis, misi dono librum *Cutberti Tonstalli* Episcopi *Londoniensis* in *Anglia*, qui nuper Legatus ivit ad Cæsarem *Carolus*: is homo est vitæ inculpatissimæ, utriusque literaturæ ad unguem doctus, nec ullius honestæ disciplinæ rudis. Sciebam enim te gavisurum, quum perspiceres istud exemplum Episcoporum in dies ad plures dimanare. Simulque hoc agebam, ut quemadmodum illum habeo mihi faventem, sic ut non alium mortalem impensius, hac ansa qualicunque præbita, memet in tuorum etiam clientum numerum insinuarem: nam constantius diligar ab utroque, si vos quoque ambos mutua notitia, mutuaque benevolentia, ex morum & studiorum similitudine conciliata, copularit. Hæc scripsimus sic ex tempore, dum illustrissimus *Joannes à Lasco* parat equos conscendere, qui multos homines, & inter hos *Erasmus*, hic occidit, tantum sui desiderium reliquit abiens, cum quibuscunque habuit consuetudinem. Bene valeat T. R. D. *Basilea* 5. Octobr. Anno 1525.

EPISTOLA DCCLXXIV.

Erasmus Roterod. Friderico Nauſea S.

GRATVS fuit libellus quem misisti, gratior epistola tam elaborata, non quod laudibus illis delecter, quas tu prodige verius quam liberaliter in me effundis; imo ne legere quidem eas sustinuissem, ni mihi persuasum haberem eas ab ingenii tui singulari quodam candore, & immodico nostri studio proficisci. In posterum tamen, mi *Nauſea*, te rogatum velim, ut exercendo stylo quæras aliud argumentum. Scripsi de tuo negotio Cardinali *Campegio*, sed paucis; nec enim opus fuit pluribus, nec mihi vacavit plura scribere. Huc si te contuleris, inuenies malum illud agreste mitius ac sanabilius. Detractione sanguinis remissit se febris. Cætera te coram, quod utinam fiat brevi. Interim bene vale, charissime *Nauſea*. *Basilea* 9. Octobris, Anno 1525.

EPISTOLA DCCLXXV.

Erasmus Rot. Paulo Bombasio S. D.

SALVE *Cræse*, nisi mavis esse *Midas*. Extra jocum, mi *Bombasi*, gratulor tibi fortunam auctam, sed

A magis gratulor prosperam valetudinem, quæ mihi longævam viridemque senectam *Bombasi* mei pollicetur. *Carolo* meo tam amanter datam operam gaudeo, simulque gaudeo hac occasione mihi compertum Cardinalis, patroni tui, erga me non vulgarem favorem: nam antehac vix tibi credebam. Nunc nullum erat ocium, itaque necesse est, ut mihi apud illum prolixæ epistolæ vicem commodes. Sub autumnum rursus moliebar iter in *Italiam*, sed nuncii serius redierant, & hyems ante tempus huc incubuit. Bene vale, patrone magne. *Basilea* 9. Octobris, Anno 1525.

EPISTOLA DCCLXXVI.

Erasmus Rot. Jacobo Apotello S. D.

VIR ornatissime, si tibi videtur impudens; quod ignotus ad ignotum scribo, imputabis bonam hujus culpæ partem *Iusto* consobрино tuo, qui sua facundia huc me perpulit, subornatis etiam deprecatoribus, ne detrectare possem quod rogabat. Quod si & illius improbitatem & meum obsequium boni consulis, gaudebo per hanc occasionem auctum esse amicorum meorum catalogum. Consobrinus tuus mihi videtur natus rebus gerendis, promptæ nec impolitæ linguæ, pudore sic temperato, ut non offundat dicenti tenebras. Erit aliquando magnus, si tuus favor illi fuerit perpetuus. Bene vale. Datum *Basilea* 9. Octobris, Anno 1525.

EPISTOLA DCCLXXVII.

Erasmus Rot. Danieli Benedicto Mediolanensi S.

AMANTEM non redamare, *Daniel* optime, vix ferarum est. Amas *Erasmus* ex libris cognitum, ego redamo *Danielem* ex humanissimis modestissimisque literis non ignotum. Dictus est *Daniel* vir desideriorum, quid itaque mirum si desiderius *Desiderium* desideras? Sed quid narras? Cæteri quietis desiderio relinquunt Principum aulas, & tu velut è fluctibus temet in aulam velut in portum tranquillum contulisti? *Nauſea* sui similis est, tantum me faciens ubique suis laudibus, quantum esse me immodice amanti persuasit amor. *Montini* lepidissimis literis nescio an vacet nunc respondere. Jocatur ille in crisma sanguinis, verum ea crisis orco dedit agricolarum plus minus centum millia. Nunc remisit se paroxysmus, & *Nauſea* si venerit, reperiet malum aliquanto medicabilius. Bene vale, & noster esto, debes autem, si *Nauſeam* sic diligis. Datum *Basilea* 10. Octobr. Anno 1525.

EPISTOLA DCCLXXVIII.

Erasmus Rot. Maximiliano Transsylvano, Caesaris Secretario, S. D.

ORNATISSIME *Maximiliane*, exemplar literarum, quas ais te ex *Sylva-Ducali* misisse, redditum est, priores non recepi. Quoties exosculor istud pectus in tuis literis tam amicum & candidum, mi *Maximiliane*? De pensione non sum anxius. Scio quam ista semper esuriat aula, vere pertusum dolium. Quod tu suspicaris factum, ego futurum sciebam. Novi quæ sint ista portenta. Et me miseret tum aulæ, tum *Academiæ*. Jam pridem hoc agunt quod agunt. Sciunt ipsi mihi nihil esse cum ulla factione, & hoc illos habet male. Legerunt *Spongiam* meam satis liberam, legerunt *Liberum arbitrium*. Et si hic adessent, audirent amicas *Lutheranorum* de me voces, quanquam legerunt *Hutteni* & *Othonis* libellos, satis testantes quanti me faciant. Demum hic si quid tumultus oriretur, primus impeterer. Verum istos nullius facinoris neque pudet, neque piget, modo lædant recta studia. Video res humanas ceu fatorum impulsu tendere ad *Scythicam* barbariem, ego quoniam opitulari non possum, quod unum possum, conscientiam hanc puram & integram approbabo *Christo*. Brevi mittam famulum proprium

Tom. III.

LII

&

An. & insigni fide, per eum scribam de singulis copiosissime. Interim vivat Maximilianus meus suaviter ut dignus est. Basilea 8. Novemb. Anno 1525.

EPISTOLA DCCLXXIX.

Erasmus Rot. Joanni Heemstadio, Cartusiano juxta Lovanium, S. D.

Mox à literis tuis redditus obtrigit qui peteret *Babantiam*, itaque mitto epitaphium, ex tempore quidem, sed non absque cura factum: quod nolim adsperneris, nisi *Conradus Goclenius* judicavit rejiciendum. Si displicet, mittetur aliud elaboratius: nam *Dorpii* memoriam etiam habeo sacrosanctam. Deplorarem mortem illius præproperam, quæ tot egregias dotes, tot amplissimas spes incidit; sed nunc hujusmodi seculum est, ut nulli bono bene esse possit, & si felicissimum esset seculum, nihil tamen felicius quam vivere cum *Christo*. Ad optimi patris *Joannis Delphi* mentionem sum vehementer exhilaratus. Ut semper floret, quamvis in defecto corpore, purus & integer animus. Ei multam ex me salutem dices & amanter & diligenter. *Dorpii* memoriam non patiar intercideri, si quid mea scripta valebunt. Sancto tuo sodalicio me commendabis, cui precor omnem in *Christo* felicitatem. Habes, amice suavissime, epistolam epitaphio similem, properabat tabellio. Basilea 8. Novemb. Anno 1525.

EPIGRAPHUM
MARTINI DORPII.

Martinus ubi terras reliquit Dorpius,
Suum orba partum flet parens Holandia,
Theologus ordo luget extinctum decus,
Tristes Camcenæ candidis cum Gratiis
Tantum patronum lachrymis desiderant,
Lovaniensis omnis opplorans schola
Situs suum requirit, ô mors, inquisiens,
Cruclis, atrox, seva, iniqua & invida,
Itan' ante tempus, floridam arborem secans,
Tot dotibus, tot spebus orbas, omnium
Suspensa vota? Premite voces impias,
Non perit ille, vivit, ac dotes suas
Nunc tuto habet, subductus avo pessimo.
Sors nostra flenda est, gratulandum est Dorpio.
Hæc terra servat mentis hospitium pia
Corpusculum, quod ad canora buccina
Vocem, resignans optima reddet fide.

EPISTOLA DCCLXXX.

Vives Erasmo.

PALÆSTRITAM te fecerunt isti, volueris, nolueris; sed sic ἀνταγωνιστὴν vincis, ut spectatores cognoscant te ei parcere, quem potueris prosternere: & sic conveniebat, ne in se traherent victoriam illi, quorum plausus esset orbis geminus. Regi est heri tuus liber redditus De libero arbitrio: ex quo inter sacra legit pagellas aliquot, & ostendit sibi perplacere: ait se perlecturum; indicavit mihi locum, quo dicit se impense delectatum, quoniam deterres homines ab immodica perscrutatione adytorum divina illius majestatis. Regina etiam mirifice de hoc opusculo, etiam loco, diligit; jussitque hic tibi salutem suis verbis adscribi: simul agi gratias, quod vir tantum & de tanto argumento loquuturus, ita te demiseris, & rem tractaris tanta modestia. Quid Rex cupiat te in Psalmos annotare, cognosces ex Montjoio, cui Rex peculiariter scribendum mandavit; simul significavit mihi, se expetere colloquium tecum: de quo non dubito quin ageris cum Moro, ut est apud eum multus & gratiosissimus: ex ejus literis id intelliges. Quam feliciter agerent literæ, si hac procella non incidisset! O illum tuum novum colluctatorem imprudenter præferendum! dum vel ingenuus, vel argutus, vel nominis dulcedini indulget, dictu facile quantum obfuerit optima cause, pro qua primum prodierat, ut non sibi solum fidem abrogaret, sed para-

A tam objeceris invidiam iis omnibus, qui aliquid ausi sunt mutare de dictis illis melioribus. Gandeo te recognovisse Epistolas Hieronymi; nam in illis erant quedam μνημονικά ἀμαρτήματα, quæ in tua epistola ad me, Publium *Mimographum*, pro D. *Laberio* itidem *Mimographo*. Sed hæc quis est agnoscat, non ignoscat in ista eruditione & tot elegantissimis doctissimisque ingenii monumentis: verum ego tua omnia sic vellem exacta, ut nullam reperiret ansam vel ipse *Momus*: equidem cum te admonerem, sic ipse admoneri videor, vel reprehendi potius, ut illi qui *Catonem* reprehenderunt. *Linacer* reliquit homines magno doctorum omnium mœnore, quibus omnibus bene cupiebat, & favebat ex animo, plusque apud eum valebat opinio ingenii & eruditionis, quam suspicio similitudinis, οὐκ ἔστιν ὅτι πᾶντα. Editur liber ejus De emendata constructione, in quo meministi tui honorifice, ut sentias eum non amasse modo, sed etiam reveritum te. *Franciscus Berckmannus* rogat me, ut libellos meos recognoscerem, quos cuperet apud *Frobenium* imprimi: nunc scriptum est mihi, eum nescio quid causificari, *Frobenio* non vacare. Miseret me tui, cui toties fuerit cum ejusmodi homine negotium. uab' ἡ οἷμαί ἔγχαρος mendacium in Colloquiis: querendus mihi erit alius, ne toties cogar huic homini succensere ab eo falsus. Si *Frobenius* vult resipere mea imprimenda, libens ad eum mittam, modo ne admisceat se *Franciscus* negotio: sin secus, invenies alium. Etiam miror tam raros nunc prodire Veterum libros excusos in Germania: ista vel pro *Luthero*, vel in *Lutherum* excusserunt de pectoribus studiorum omnem aliarum literarum curam, tanta est spectanda pugna istius dulcedo. Vale, mi domine. Londino 13. Novemb. Anno 1525.

EPISTOLA DCCLXXXI.


Nicolao Everardo, Hollandia Præsidi.

ORNATISSIME Præses, solent Comici tumultus fere in matrimonium exire, atque hinc subita rerum omnium tranquillitas. Verum hanc catastrophem plerumque nunc habent Principum Tragediæ, non admodum lætam populo, sed tamen bellis potiore. Malebat ille compilari quam venire. Similem exitum habitura videtur *Lutherana* Tragedia. Duxit uxorem *Monachus Monacham*; & ut scias nuptias prosperis avibus initas, diebus à decantato hymenæo ferme quatuordecim enixa est nova nupta. *Lutherum* nunc mitior esse incipit, nec perinde sævit calamo. Nihil est tam ferum quod non cicuret uxor. Ego sedulo hortor utramque partem, ut æquis conditionibus jungant fœdus, & insana prælia dirimant. Vis scire quantum proficiamus? Quantum solent ii, qui inter duos armatos ira vinoque furentes intercedunt dirempturi, & utrinque vulnerantur. Opinor te legisse *Apologiam* meam advertus *Sutorem*. Quis credidisset tam stupidum animal latere inter Theologos & *Cartusianos*? Ex tamen hoc portentum habet Theologos applaudentes. Si venduntur isthic * defultorii libri *Jodoci Clithovei*, quæso ut legas in *Antiluthero* 3. libri cap. primum, num. 3. nam *Bedda* literis indicavit, eum locum ad me pertinere; quod si verum, quis non intelligit in illo pediculo capite nullam esse micam sanæ mentis? Et tamen hujusmodi nebulones *Lutherus* armavit in nos. Nullum video finem, nisi si quis *Deus* à machina, quod ajunt, apparens fabulam explicet. *Lutherana* factio nunquam sustulit majores spiritus: & altera pars adeo nihil remittit, ut indies adstringat priora vincula. Habent novum dogma, sed simpliciter insanum, totos hos tumultus exortos ex linguis & bonis litteris. Hoc jam Principibus aliquot persuaserunt. Quoniam te videre aliter non licet, per litteras saluto *Dorpium* amissimus ante diem. Hic longe supra centum millia rusticorum interfecta sunt, & quotidie sacerdotes capiuntur, torquentur, suspenduntur, decollantur, exuruntur.

† Rumorem fuisse vanum fatetur ipse Erasmus Epist. dccc.

* Clariss. Bayle ad oram Diss. Crit. T. 1. p. 649. annotat, sic se conjectura restituisse, cum in Autographo legatur *begularii*.





An. runtur. Non negò necessarium remedium, quamvis im-
1525. mite, sed *Germani* magis novimus malefacta punire
quam excludere.

Tibi, uxori tuæ, tuisque liberis precor omnia læta.

Qui has reddet est *Franciscus Dilft*, quondam con-
victor meus; juvenis honesto loco natus, moribus mi-
re civilibus: quem cupio ut digneris cognoscere.

Datum *Bas* 24. Decembris, An. 1525.

ERASMV ROT. vere tuus.

Ex tempore manu propria.

Non vacabat relegere, ignosce.

EPISTOLA DCCLXXXII.

Erasmus Rot. Roberto Aldrisio Anglo S. D.

Si memor es nostræ pristinæ consuetudinis, & si mo-
res antiquos obtines, unum officium mihi præstes
velim, quod abique tuo sumtu præstare poteris. In
collegio Regali sunt Opera *Seneca* descripta in mem-
branis. Ex his multa subnotaræ in codice meo. Edi-
tionem commendaræ *Germano* cuidam, quem habe-
bam pro amico fidissimo; is absente me pessima fide
se gessit in excudendo Opere. Et ne deprehenderetur,
optimam exemplaris partem sustulit. Hoc dedecus mi-
hi fariendum est. Quare te rogo, charissime *Aldrisi*,
sume volumen Operum *Seneca* à *Erobenio* excusi, & com-
mitte aliquibus bonæ fidei, qui denuo adscribant in
margine quæ discrepant. Eum codicem sic notatum
mittito ad *Thomam Morum*, ut per eum ad me ve-
niat. Libros *Naturalium Quaestionum* scio editos. Eam
collationem ego peragam. Dignus est *Seneca* hoc stu-
dio, debes tu quoque nonnihil studiis publicis; mihi
præter mutuum amorem debes nihil. Reponam quic-
quid in hoc negotium impenderis vel ad assen, & in-
super dabo operam, ne prorsus in sterilem fundum istam
officii sementem fecisse videaris. Magnopere velim
istuc quam primum fieri. Saluta mihi veteres sode-
les, *Phannum*, *Omfridum*, *Vachannum*, *Gerardum*,
Nicolaum & *Joannem Siburgum* bibliopolas. Tibi sit
pax & felicitas. Datum *Basilea* 25. Decembris, An-
no 1525.

Sunt istic pervetusta quædam exemplaria, præser-
tim in collegio divi *Petri*. Adjuva nos una cum *Frobenio*,
si quid potes, non lacesces ingratos officio.

EPISTOLA DCCLXXXIII.

Erasmus Roterod. Petro Barbirio S. D.

PER *Livinum* famulum meum intelligo *Joannem*
Molendinum recepisce dimidium pensionis hujus
anni à *Joanne de Hondt*, idque auctoritate tuarum li-
terarum, quibus significaras te hac in re placasse ani-
mum meum. Et ni in tempore meas literas attulisset
Marcus Laurinus Decanus *Brugensis*, devorasset to-
tam. Et postea scribis inter nos amicitiam fore perpe-
tuam. Vetus proverbium est, *usque ad arum*, sed ve-
tustius exemplum, *usque ad pecunias*. Quid te crude-
lius si nudo vestimenta detrahis, & spoliatum spoliis?
Tū scis quam simplici fiducia, quam sincero pectore,
totum hoc negotium tuæ crediderim fidei, cui pari
fiducia crediturus eram & vitam. Inter *Lutheranos* fe-
re qui mihi erant juratissimi, nunc sunt hostes plus-
quam capitales. Quod si me fallit *Barbirius*, nulli post-
hac mortalium crediturus sum. Atqui pollicebaris ex
Paria glebas aureas, & nunc detrahis tantillas micæ?
Sed extra jocum, mi *Barbiri*, de Cæsaris pensione
nulla spes, ni me domum recipiam, & si redeam,
nescio an sint præstaturi quod pollicentur. Nosti Co-
micum illud, vel aulicum potius, *mox, cras redi, ubi*
eras? Et meum ingenium non ignoras, quam non im-
probis sim appellator. Debetur jam in tres annos pen-
sio. Et hic magno vivo, crede mihi, non possum mi-
noris quam sexcentis florenis aureis. Alo familiam, fa-
mulos tres, & equos. Semper aliquis est in legatione,
& valetudo in dies fit deterior. Mense Junio plane pe-

rieram, nec unquam majore desperatione sum enixus. An.
Satis accisæ sunt meæ res, etiam si nihil decidatur. 1525.
Scio me debere tibi quicquid est hoc fortunæ, sed bo-
ni *Mecanatis* est augere beneficium, non eripere quod
dederit. Scribunt amici parum bene consultum illi
pensionem, me esse homuncionem *ἰσχυρόν*, te isthic ver-
sari in frequentibus pestilentibus. Quod si tertium vel-
uti tibicinem supponas rem fore firmiorem. Est apud
me *Livinus* cognomento *Algoet*; id est, *omnibonus*,
servivit mihi plus quinque annos, in hunc velim trans-
ferri pensionem, si quid nobis accideret humanitus.
Et est aliqui juvenis bona quapiam fortuna dignus.
Sic profecit in utraque lingua in bonis literis ac disci-
plinis, ut me præcurrat. Denique *Gandavi* natus est,
ut hoc ad commendationis cumulum adjiciam. Facies
mihi rem vehementer gratam; si hoc quamprimum
expedias. *Morillonus* scripsit de precibus priviariis,
permisi ut meum nomen transferat in fratrem tuum *Ni-*
colaum. Accepi proximam foetura *Stunica*. Homo
plane certat cum *Pasquillo*, vereque *Lutheranus* est;
qui re ipsa docet, nihil habere ponderis constitutiones
Pontificias, qui tot edictis vetitus, nihilo secus peragit
suam fabulam. Decretum est posthac hominem negli-
gere cum suis neniis. Hic singulis diebus Evangelici
novi jaculantur aliquid rabiosi libelli in caput meum.
Non possum iniquius ferre, quando nuper in Pontifi-
cem emisertur quædam, quæ nullus scurra evomeret
in lenonem. Cogor edere libellum *De libero arbitrio*,
quando jam rumor sparsus est, ne putent esse aliquid
atrocius. Doleo Pontificis Legatum nihil egisse apud
Anglos. Demiror quid sibi velint Monarchæ. *Hezinum*
saluta mihi diligenter, ac reliquos item amicos. *Basi-*
lea, Anno 1525.

EPISTOLA DCCLXXXIV.

Erasmus Rot. Natali Bedda S. D.

Ex literis, quas *Petrus Richardus* scripsit ad *Lodov-*
icum Berum, intelligo nescio quid sinistri rumoris
isthuc delatum, de protectione mea *Bezontina*, cui
videtur ille fidem habuisse. Id jam mihi novum non
est, nec vobis certe debebat esse. Non tamen patiar
illum, quem virum bonum arbitror & simpliciter er-
rare, diutius errore teneri. Historia protectionis *Be-*
zontina sic habet, neque enim quicquam velaffingam,
vel detraham veris: *Fericus Carondiletus*, frater Archi-
episcopi *Panormitani*, & Archidiaconus Ecclesiæ *Be-*
zontina; crebro suis literis invitavit, ut ipsum invise-
rem, imo si videretur, ut totus ad ipsum commigra-
rem. Tandem cum invitaret coeli amœnitas, & ver-
na rerum facies, consensit equis veni *Burentricum*, ut
obiter salutarem venerandum illum senem, & totius
virtutis exemplar, *Christophorum* Episcopum *Basilien-*
sem. Ejus affectui unum duntaxat diem dedi, qui me
non erat dimissurus, nisi in reditu pollicitus fuisssem
moram longiorem: pollicitus sum, & inde profectus,
comitantibus me præter meos famulos, *Theobaldo* pa-
store *Burentracensi*, *Richardo* Capellano R. D. *Nicolai*
Coadjutoris Episcopi, & *Feriotto* ejusdem loci sacerdote.
Ex *Clara valle* comitatus est nos etiam hospes diverso-
rii publici. Quum jam non procul abesssemus à *Bezontio*,
occurrit nobis sacerdos quidam, qui deducta do-
mina quadam, nos item comitabatur. Hunc quum vi-
derem velle præcedere, suspicabar *Theobaldum* illi in-
dicasse nomen meum. Jussi revocari, & mandavimus,
ne spargeret rumorem me adesse, priusquam ipse vel-
lem hoc sciri. Multis enim horis eo die federamus in
equis, & erat æstus vehemens, & novi concursus il-
los molestos saluatorum. Cupiebam eam noctem da-
re refocillando corpusculo. Decubui nonnihil ante
cœnam. Sub noctem apposita est cœna. Inter cœnan-
dum supervenit Officialis Archidiaconi cum altero
quodam ex Archidiaconi familia. Gratulantur adven-
tui, & indicant Archidiaconum abesse in sua Abba-
tia. Cæterum mandasse suis, ut si forte venirem ipso

An. 1525. absente, tota domus aperiretur mihi, donec ipse accurreret. Missi sunt qui Archidiacono nunciarent me adesse. Missi sunt & inscio me qui nunciarent idem Officiali R. D. Archiepiscopi *Bezontini*: nam aberat & ipse. Postridie aderant duo, quorum alter erat Juris doctor, mihi quondam notus in aula Cæsaris, alter ejus civitatis magistratus, affinis Archidiaconi. Diu hæserant ante fores. Rogabam qui essent, & quid velent. Respondum est eos venisse salutandi gratia, sed non audere compellare me, ne quid adferant molestiæ. Jussi eos accersi, & salutatus resalutavi. Mox audito sacro adii domum Officialis Archidiaconi, ut ibi laterem, donec adveniret Archidiaconus. Eo statim venit *Franciscus*, ejus Ecclesiæ Thesaurarius, juvenis nobilis & magnificis dotibus præditus. Salutavit humanissime, multam alacritatem præ se ferens. Illic jussi parari prandium, sed cum exceptione, ne quid præter pullum gallinaceum apponeretur, aut ne quis conviva admitteretur. Hæc feci consulens valetudini meæ. Nemo venit præter *Theobaldum* comitem, & *Desideratum* ejus Ecclesiæ Canonicum, virum pium & doctum. Cœnavimus apud Thesaurum*, Officiali tantum & *Theobaldo* adhibitis. Cœnantibus supervenit ludi magister. Post cœnam ejus Ecclesiæ cantor. Postridie vidimus aliquam civitatis partem, & pransi sumus apud *Antonium* Archidiaconi procuratorem. Aderant, Thesaurarius, Officialis, *Theobaldus*, & unus sacerdos mihi parum notus, videbatur tamen nostri studiosissimus. Interim venerat Archidiaconus & item Officialis Archiepiscopi. Archidiaconus conabatur me pertrahere ad cœnam Officialis reversi. Excusavi lassitudinem, & coegi Archidiaconum cœnare mecum apud suum Officialem. Jam rumor dimanarat ad omnes adesse *Erasmum*. Magistratus misit magnam vini & avenæ copiam, honoris gratia. Pransi sumus apud Archidiaconum, frequentiore jam convivio: nam aderat uterque Officialis, *Desideratus*, & unus aut alter præterea ex Canonicis, simulque is magistratus, qui me primum salutarat. Sæpe missi sunt pisces eximii, & vinum hippocraticum, nunc ab illo, nunc ab illo: xenia mihi inutilia. Sic duos aut tres dies egimus, ut nusquam ageremus convivium, nisi vel apud Archidiaconum, vel apud Officialem Archiepiscopi proxime vicinum. Et quanquam sedulo clamabam non esse mihi spem vitæ, nisi brevissima essent & frugalissima convivia, tamen dum nonnihil obsequor affectibus illorum, sensi obrepentem pituitulam, malum mihi nimis notum. Magistratus cupiebat honoris mei gratia apparare splendidum convivium, & fecisset, nisi clamasset me serio periclitari. Canonici interim exhibebant quicquid poterant honoris. Exhibebant & promittebant perpetuo præbendam duplicem, & item domum, & ad hæc pecuniæ nonnihil. Magistratus offerebat centum coronatos annuos. Respondi me non minus debere illis, quam si accepiissem omnia quæ offerebant. Cæterum, me non alio consilio venisse *Bezontium*, quam ut inviserem veterem amicum Archidiaconum, quem si certo præscissem esse in Abbatia, ne venturum quidem fuisset *Bezontium*. Et si maxime vivendum esset *Bezontii*, malle me illorum affectu frui, quam uti beneficio, vel quod essem contentus mea fortunula, vel quod charior esset mihi libertas, quam pecunia. Adhibiti sunt iterum atque iterum pueri pho-nasci, cum cantoribus cæteris, qui nobis essent solatio. Interim morbus paulatim eo profecerat, ut si vellem vivere, abstinendum fuerit ab omnibus conviviis. Tribus quatuorve diebus cibum sumsi in cubiculo, prandium erat unum ovum, aut paullulum pullastræ contusæ. Pro vino erat aqua cum saccharo decocta. Ipsum etiam Archidiaconum exclusi à colloquio, sic postulabat valetudo. Tandem ubi paroxysmus febris, nam ea sese adjunxerat, esset aliquantulum remissus, molitus sum abitum, ne illic decumbens essem alienis molestus: sciebam enim morbum fore lentum,

* *Leges Thesaurarium.*

A ut solet. Ergo quum jam utcumque ferrem colloquium, An. 1525. jussi accersi præcipuos amicos & egi gratias. Archidiaconum negotia quædam avocarant, mandarat tamen abiens diligenter, ut tota domus mihi pateret, serviretque. Postridie manè, jubeo parari equos, simulque mando ut vitetur turba deducendum. Egresso cubiculum adfunt tres aut quatuor salutatores, quorum unus erat Theologus *Franciscanus*. Conscendo equum, egresso portam domus adest præter alios aliquot *D. Antonius* Decanus in monte *Bellicardi*, & idem Canonicus *Bezontinus* salutat amantissime. Dum prætereo domum Officialis Archiepiscopi, adest ipse in mula, simulque Thesaurarius. Hi frustra recusantem officium per mediam civitatem prosequentes ad duo millia passuum deduxerunt. Insidebam equo parum magnifico, sed mihi tamen commodo. Officialis diligenter egit mecum, ut conscenderem mulam suam, duceremque *Basileam* usque famulum comitem, qui mulam reduceret. Vix impetravi ne fieret. Ita perveni *Basileam*, nec offensus à quoquam, nec offenso quoquam, nisi quod valetudo fuerit in causa, ut & amicis fuero molestus, quibus volebam esse voluptati, & mihi non licuerit frui consuetudine eorum, quorum gratia veneram. Habes totam rem ut est gesta, ne syllabam quidem affinximus, ne quid tamen videar suppressisse, subjiciam rumores consequutos abitum meum. Quidam è monte *Bellicardi* scripserat *Theobaldo*, nescio quos pertulisse rumorem, me cum pessima omnium gratia discessisse *Bezontio*. Demirans quid hoc esset monstri, jussi ut inquireret. Inquisivit, & reperit aliquos erroneos *Lutheranos*, qui nusquam non vagantur, fuisse *Bezontii* cum adessem: eos offensos mihi ob *Spongiam*, recens tum editam adversus *Huttenum* Evangelii protectorem, nonnihil blaterasse in me. Erant autem *Germani*, per hos sparsum vanissimum illum rumorem. Deinde *Theobaldus* idem venit *Basileam*, expiscatus sum quid esset? respondit nihil esse, nisi blateramenta quorundam abjectissimorum hominum, qui inter sordidos ea sparserant. Paulo post idem *Theobaldus* adiit *Bezontium*, & negotium quoddam citra difficultatem mea commendatione impetravit ab Archiepiscopo. Reversus est, interrogavi, quid rei fuisset; respondit, nihil prorsus esse præter unius aut alterius *Lutherani* sordidi blateramenta. Excussi famulos & comites, si quid contentions fuisset ipsis cum quoquam. Negabant sibi quicquam fuisse verborum, nisi cum sordidis illis erroneis *Lutheranis*. Atque ut nunc sunt res humanæ, nusquam proficiscor, nisi rumor multos commoveat, nec discedo nisi magno concursu, qua re mihi nihil est molestius. Et in tam diversis studiis, fieri non potest, quin sint qui spargant aliquid sinistri rumoris. Verum hujusmodi rumores ut de nihilo nascuntur, ita mox evanescent. Quid autem est mala lingua nocentius? Ea pestis nullo seculo magis regnavit, quam hisce temporibus. Felix esset, qui morsus omnes posset effugere, hac ætate nullus id posset, qui jam fama celebris sit. Hæc cum verissima sint, multisque testibus comprobare queam, nescio quid sibi velint illa verba, quæ ipsi acciderunt *Bezontii*. Mihi nihil aliud accidit quam dixi: proinde hæc verba facile declarant aliquem sceleratæ linguæ hominem isthuc pertulisse rumorem atrocem, ac mendacem. Id neque novum, neque mirum est. Certe Theologi non erat talibus commoveri, aut si quid commotus esset, mandare literis, veluti certum ac persuasum. *Basilea*, Anno 1525.

EPISTOLA DCCLXXXV.

Erasmus Rot. Germano Brixio S. D.

I N *Chrysostomo* vertendo videre mihi mirificum artificem præstitisse, illiusque copiam tua copia superasse. Proinde si parum faverem tuæ gloriæ, mi *Brixii*, cui, ut debeo, faveo plurimum, certe favorem hunc præstarem vel auctori *Chrysostomo*, vel Operi tam salutifero.

An. ro. Exemplar mihi bis redditum est cum epistola tua. 1525. Verum in diariis typographorum primam occupat paginam quaestus. Et id quod vertisti, jam ante fuerat verum utcumque, quod te non opinor fugere. Ad hæc totus *Chrysostomus* hic nuper excusus est magna pompa. Et ut ingenue dicam, mihi non est visa satis idonea tui nominis celebrandi occasio, quanquam habes in te, vir eruditissime, quo non modo tibi celebritatem augeras, (jam enim peperisti) verum etiam alios ex obscuris reddas illustres. Certe efficiam ut intelligas me occasione non defuisse. Id fiet si videtur, absolutis Annotationibus, quo in pistrino nunc verfor *ad hoc ad*. Vertam, adspirante *Christo*, lucubrationes aliquot *Chrysostomi* nondum editas aut versas à quoquam. His adjungam quod misisti non sine testificatione laudum tuarum, post dabitur opportunitas ut totus *Chrysostomus* à *Frobenio* excudatur cum maiestate. Hic curari poterit ne tuus labor unquam intercitat. Quod prius dixi, fiet ante Pascha, si vita dabitur. In altero tu potes auxilio esse tum mihi, tum *Frobenio*. Multa sunt parum feliciter ab aliis translata. Multa nondum prodierunt. Ego nactus sum commentarios in *Acta*, quæ plane notha sunt. Item in Epistolam ad *Romanos* *Yngis*. Rursum in Epistolam ad *Hebraeos* nothos & versos. Item in Epistolam ad *Philippenses* Homilias duas, sed nothas, ni fallor, quas jam edidi *Latinas* factas. Præterea contra *Judaos*, & duodecim ferme Homilias intactas. Postremo, in Epistolam ad *Corinthios* posteriorem. Si quid præterea nancisci poteris nondum verum, verte, aut si quid verum, confer & adjectis scholiis annota lapsus vel interpretis, vel librariorum, ita vendibilis fiet Opus. Habes consilii mei rationem, si quid habes melius sequar. Proinde fac ut animum tuum sciam quam primum. Non desino provehere rem literariam, quanquam video seculum hoc ad *Scythicam* quandam barbariem tendere, usque adeo nulla in parte quicquam *Yngis*. Clarissimo viro *Joanni Lascari* magnopere gratulor, primum incolumitatem, deinde convictum tuum, etiam si hunc tibi magis etiam gratuler. Si nihil scripseris, tamen faciam quod dixi, favente Domino. Querelam illam de typographis, tamen si justam, sed veterem, tibi cum multis communem, satius existimo dissimulare. Utinam liceret aliquando coram miscere fabulas, mi *Brixii*. Vale cum gratissimo tibi sodali tuo. Demiror si ille amicus non iter adhuc disputat è cavea. Bene vale. *Basilea*, Anno 1525.

EPISTOLA DCCLXXXVI.

Erasmus Rot. Othoni Brunfelsio S.

NAE tu prodigiosum somnium animo concepisti. *Petrus Sutor*, quondam Theologus *Sorbonicus*, nunc Monachus *Cartusianus*, in *Campania Gallia*, scripsit in me volumen rabiosissimum, vociferans omnes translationes novas esse hæreticas & blasphemias, linguas ac bonas litoras esse fontem omnium malorum. Ei respondi, sed sic ut præter unum illum neminem lædam; ne responsurus quidem, ni liber dicatus esset sodalitati *Sorbonica*, & excusus ex auctoritate Theologorum *Luætie*. In re vero adeo nihil meditatur, ut eruditum quendam ac facundum hominem, quem amici scribunt tuo in me libello respondere, crebris jam literis per omnia sacra sim obtestatus, ut si non orsus esset, ne ordiretur, si esset, aboleret in gratiam meam, si me vellet amicum. Utinam hujusmodi contentiones aniles, ut vocas, displicuissent tibi priusquam libellum tuum ederes, ac potius in consilium adhibuisses prudentiam, quam quosdam, qui ex alienis incommodis sua venantur commoda. Atque utinam *Huttenus* magis auscultasset meis literis, quas non unas amanter ad illum scripseram, ne tali libello edito, & utriusque nostrum opinionem læderet, & stolidis quibusdam, literarum hostibus spectaculum ederet gratissimum: Quod mihi condonas omnia, quæ habes adversum me, non video

A quid tibi debeam isto sane nomine. Nam à me nunquam fueras læsus, & longe alium esse judicabam, priusquam libello proderes animum tuum. Consulueris rei tuæ, si istam animi ferociam vertas ad moderationem ac mansuetudinem *Christianam*. Nam hæc ipsa tua conciliatrix epistola quantum habet minarum, ne conviciis quidem vacans, tantum concepta vana suspicione ex nomine *Sutoris* & *Cartusiani*. Erat hoc vel mediocris prudentiæ, rem certius cognoscere, priusquam ad minas aut convitia descenderes. Ego nullius amicitiam sum unquam adspersus, neque quisquam à me læsus est ad inimicitiam. Cæterum difficile est amicitiam tueri cum tam ferocibus & irritabilibus ingeniis. *Christi* animam, quem polliceris, tibi gratulabimur, si præstiteris. Officia tua nec ambio, nec adspersor. Satis amicum putabo, si tibi ipsi præstiteris amicum. Satis officiorum fuerit, si non lædas famam alienam, quod solum potes, & facillimum est, hoc præsertim tempore. Bene vale. *Basilea*, An. 1525.

EPISTOLA DCCLXXXVII.

Erasmus Roterodamus Hieronymo Emsero S. D.

SCRIPSI super prolixam & ni fallor, molestam epistolam; nunc nihil erat quod scriberem, nisi quod qui has perfert, *Jacobus* est *Ceratinus*, homo tam *Græcanica* literaturæ callens, ut possit vel in media *Italia* profiteri, nec seipso inferior in literis *Latinis*; ad hæc modestia pene immodica, moribusque plane niveis, & ab omni furo profus abhorrentibus; hunc iussu Principis evocavi, magis optans quam sperans fore, ut conditionem acciperet. Itaque posteaquam hæcenus feliciter cessit quod egimus, tuæ quoque partes erunt adniti, ne me poeniteat hac in re Principis voluntati gessisse morem. Perlegi libellum tuum, in quo quum mihi cætera placeant, tamen illud admiratus sum, cur illi tribuas suaviloquentiam, quum mea sententia nihil illius phrasi sit inamœnius. In calce præscribis Monachis ac sacerdotibus leges mutandæ in melius vitæ, quas utinam amplecterentur. Nunc neutra pars semet accommodat ad faciendam concordiam, sed addit potius utraque tumultuandi materiam. Monui per literas non semel, tum *Cæsarem*, *Ferdinandum*, aliosque Principes, tum Pontificem & Legatum *Campegium*, rem feliciter cessuram, si subtraherentur hujus mali seminaria, verum adhuc videor mihi surdis canere. Imo propemodum ut *Lutheranus* traducitur, qui velit Pontifices, Episcopos, Sacerdotes, ac Monachos meliores esse quam sunt. Vale. *Basilea*, Anno 1525.

EPISTOLA DCCLXXXVIII.

Erasmus Rot. Benedicto Jovio Mediolanensi S. D.

EVIDEM humanitatis laudem, quam tu mihi pro tua humanitate affatim tribuis, non gravarer agnoscere, si mihi per valetudinem & assiduos studiorum labores, quos pene superant literarum officia, liceret eam præstare, quibus & vellem, & debeo. Cæterum quis posthac ut *ἀπορον* admiraturus est, τὸ, ἐν μύσας ἐλέφαντα, quum tu, si Musis placeat, ex *Erasmo* verè *Batavo* facias *Varronem*? Quid enim mihi cum illo commune, nisi forte senectus & *πολυγραφία*? Satis feliciter excitaram apud *Germanos* linguarum ac politiorum literarum studia, nec omnino maligne respondit industria theatri nostratis applausus, (nec enim *Italæ* agebatur hæc fabula) nisi fatalis hic tumultus ex transverso fuisset obortus, qui primum dissidiis, & insanis conflictationibus commiscuit omnia, nunc ad multam humani sanguinis inundationem progressus. Quis homo, ut nihil sit aliud, non ingemiscat tam late vagantem humanæ tranquillitatis calamitatem? Tolerabilius esset malum, nisi ruina noxiæ partis multos innoxios involveret exitio. Fit interim quod solet in publico incendio, sibi quisque quod potest rapit. At vereor ne Principes quidam hoc fatali malo abutantur

An. 1525. ad suam tyrannidem. Sunt populi, quos mundus jam pridem gravate fert, & subinde meditatur excutere. Qui primum erant pauci bonique velut *Aegineta*, nunc plurimi simul & pessimi totum orbem occuparunt, permixti sunt plebi, invasere magistratus, penetrarunt in aulas Principum. Si coneris unum quempiam ulcisci, condensant sese phalanges. Ab his primum orta est hæc tragœdia odio meliorum studiorum. Hi nunc insultant & jactitant, ex linguis ac politioribus literis malum hoc esse natum, & inveniunt Principes, quibus hoc persuadeant. Et me clamitant novandorum studiorum auctorem & antesignanum; quod mihi quidem in totum inficias ire nec licet, nec libet. Horum tyrannicos spiritus, & effrenatam audaciam, ni deus aliquis compescat, video bonis literis & harum cultoribus famem & exitium instare. Verum hanc nimis prolixam querimoniam præstat missam facere. Neque *Nonnum*, neque *Germanum* illum scholasticum usquam vidi, & *ἀρχὴν* apud *Gracos* usurpari pro *prorsus*, aut *omnino*, nunquam apud me dubium fuit. Nec enim uno in loco sic positum invenio, nec mihi verisimile est, hoc fugisse *Politianum*. Verum, ni fallor, aut eam sermonis formam apud probatum aliquem Auctorem repererat, aut visum est exprimere *Græcam* figuram; quod veteres eruditi solent non illibenter facere. Sed non arbitror huic sermonis tropo respondere *τὴν ἀρχὴν*. Etenim cuius rei ne initium quidem aliquod coeptum est, ea omnino non fit *τὴν ἀρχὴν*, nisi quod in *Gregorio Nazianzeno* semel invenio, οὐ γὰρ ἐδὲ οὐκ *τὴν ἀρχὴν*, at non sine negatione: *τὴν ἀρχὴν* absque negatione, præterquam apud *Joannem*, nusquam reperio: quod si recte loquitur, quod est extremum dicturus, τέλος, congruenter ex multis quod est primum dicturus, recte dicit *τὴν ἀρχὴν*. Nescio an videris tertiam Novi Testamenti editionem. In ea paulo accuratius hisce de rebus disputo. De orthographia quarundam dictionum non soleo cum quoquam contendere, præsertim quum ea nec apud omnes nec omnibus seculis fuerit eadem. Verum est tamen eam esse probatissimam, quæ proxime refert originem, nisi publicus consuetudinis consensus reclamet. Adfero malim quam affero, & tamen non ausim dicere *herpyllum* pro *serpillo*. Quæ differis de antiquitatibus mihi quidem voluptati fuerunt, nec mihi solum, sed eruditis etiam aliquot, quibus hanc ob causam tuas literas communicavi, præsertim *Beato Rhenano*, viro quum undiquaque doctissimo, tum hujus quidem generis adprime curioso. Nobis non vacat istiusmodi deliciis oblectare animum. Sane recreavit me in literis tuis *Alciati* mentio, qui, quod est rarissimum, cum eruditione tam varia, tamque non vulgari, & singularem prudentiam & admirabilem ingenii candorem copulavit, ingens olim decus futurus & studiis & patriæ, si fortuna dotibus illius aliqua saltem ex parte responderit. Bene vale. *Basilea*, Anno 1525.

EPISTOLA DCCLXXXIX.

Erasmus Rot. Matthia Laurino, Domino de Watervliet.

Ex *Marci Laurini* literis cognovi, quod mihi fuit longe gratissimum, te recte valere, veteremque tuam in me benevolentiam, nec locorum, nec temporum intervallo posuisse. Quorundam male auspicatorum hominum improbitate laborant bonæ literæ, & qui his provehendis navarunt strenuam operam, lapidantur à picis, graculis & corvis, ego cum primis. Quod ni essent boni ominis aves, quæ funestis obstreperent, prohibeant superi, quod isti videntur ausuri. Quare tibi, vir generose, non meo tantum, verum etiam literarum ac publico studiorum nomine gratias ago, quod adversus istos blaterones optimam causam & prudenter & feliciter tueris. Rursus apud *Hispanos* tantos excitarunt tumultus mendici quidam, ut nec à Cæsare, nec ab Archiepiscopis compesci quiverint. Tantum valent clamoribus. Tota spes illis

est in maledica lingua. Nisi me revocaret *Christiana* modestia, & ni vererem, ne dum improbis digna reponendo, lædam probos, sentirent qualem artificem provocassent. Miror autem istos nullum moliendi finem facere, quum toties male cesserit conatus. Quid enim aliud efficiunt, nisi quod exacerbant publicum in ipsos odium. Metui volunt, non amari, quo quid esse potest magis tyrannicum? Tyrannus qui timetur à multis, multos metuat oportet, & mendici volunt & Regibus esse formidabiles, eo progressæ sunt res humanæ. Cura ut quam optime valeas. *Basilea*, An. 1525.

EPISTOLA DCCXC.

Erasmus Rot. Thoma Lupseto S. D.

QVID ego nunc tibi gratias agam, *Lupsete* charissime, pro tuis tam fidelibus officiis; quasi vero quicquam novi feceris? De Proverbiis excudendis non eram anxius. Sed hic est *Caroli* mei genius, in re quamlibet levi multum pulveris movet. *Commentarios in Acta*, *Chrysostomi* desiderabam, sed ille maluit redire vacuus, puer tenellus, & omnis laboris impatiens. Nunc curatum est ut equo redeat. Tu tantum vide ne liber sit mutilus, aut mendosus. Spero *Pacannum* nostrum jam convaluisse: male sit istis legationibus ac relegationibus: illud ingenium Musis erat natum; ve reor autem ne nonnullam mali partem addiderint *ἀφροδισια*. Periclitatur & *Philippus Melanchthon* eodem insomniæ, ut ferunt, morbo, cui *Fredericus Dux* moriens legato reliquit mille florenos aureos. *Lutherus* duxit uxorem, puellam mire venustam, ex clara familia *Borna**, sed ut narrant indotatam, quæ ante annos complures vestalis esse desierat. Quin & ipse *Lutherus* pallium & barbam Philosophi posuit, fratrum hortatibus huc adactus. Vivit mecum *Thomas Greius*, una cum filio natu minimo, is negat quicquam novi fieri in *Anglia*: metus obstat. Agriculorum tumultus utcunque sedatus est, sed cum hydra res est, uno malo resecto, suppullulant alia. Magna rerum novarum molimina, sed nullam video certam spem pacis. O te felicem, cui datum sit, omnium rerum securo, in Musarum viretis ludere! Ego hac ætate, cui missio dari solet, cogor retiarium agere, imo cogor cum bestiis depugnare, solus cum multis, exarmatus cum iis, quæ non tantum dentibus & unguibus, sed & venenis armatæ sunt. *Lutherum* tam ferum, ut ajunt, aprum in me provocavi. Habet ille librum *ἀντίμαχον* paratum, nec satis conjecto, quo consilio premat tam diu. *Carolstadtus* hic clam sparsis libellis aliquot, *Germanice* scriptis, persuasit in Eucharistia nihil esse præter panem & vinum. Is error tanta celeritate corripuit animos omnium, ut ad naphtham flamma tardius transvolet. Eam persuasionem duobus libellis editis confirmavit *Hulricus Zwinglius*; nuper etiam *Oecolampadius* edito libello tam operoso, tot machinis instructo, ut provinciam difficillimam traderet responsuris. In hoc certamen ego protrudor, ad quævis natus citius quam ad agones. Atque adeo dum hæc ago, nihilo scius sum *Lutheranus*, & famosis libellis proscindor. *Latomus* edidit simul tres, sed à nomine meo temperans, hæc est tota civilitas, verum miris strophis ludit in caput meum. Rem ipsam frigidius tractat quam vellem, aut expectabam, nam causæ faveo. *Vincentius*, *Duvelandus*, *Godefridus*, *Gualternus*, quatuor *Dominicani*, clam eundem libellum emiserunt, plenum conviciis plusquam scurrilibus, sed quo nihil fingi poterat indoctius, aut stultius. *Lutetia* profiliit liber *Petri Sutoris*, quondam *Rabini Sorbonici*, nunc Monachi *Cartusiani*, *μαίνεται ἀτίχως*, cui respondi, sed poenitet operæ. In *Lutherum* nihil adhuc ediderunt præter articulos, in me libris debacchantur, satis declarantes, quanto pejus oderint bonas literas quam *Lutherum*. Hanc gratiam mihi retulerunt pro quorum castris depugno cum hostibus, non abs-

* Scribendum, *Boria*, vel à *Bore*; ut recte monet Clariss. Bayle *Dict. Crit.* T. 1. p. 646.

An. abſque capitis mei periculo. In cujus comitatu nunc
1525. adefſt *Carolus* meus, eſt *Joannes à Laſco*, *Polonia* Comes, ſummo apud ſuos loco natus, brevisque ad res maximas evehendus; cæterum, præter eruditionem haudquaquam vulgarem, moribus eſt adeo facilibus, candidis & amicis, ut mihi jam vita cœperit adlubeſcere, ex ejus domeſtico convicſtu veluti repubefcenti. Verum hæc eſt fatorum invidia. Si quid mali eſt, hæret ſine fine, nec poteſt excuti: Si quid obtigit boni, quæ rara avis eſt, ilico rapitur vix deguſtatum. Quidam Procerum per literas à me petiit, ut inclytæ Reginæ aliquid ederem de ſervando conjugio, captæ, ut ſcribunt, libello, quem edidi, *De comparatione virginis & martyris*. *Vives* illi dicavit, *Virginem*, *Uxorē & Viduam*, unde miror quid præterea deſideret. Attamen illi geram morē, ubi pugnam hanc de Euchariftia depugnvero. *Carollſtadius* poſt longos errores reverſus eſt *Wittenbergam*, & *καλινωδῆος* receptus eſt in Eccleſiam illam. Vide clementiam Evangelicam. Bene vale. *Baſilea*, Anno 1525.

EPISTOLA DCCXCI.

Eraſmus Rot. Joanni Sucqueto S. D.

DESTITUIT nos *Antonius Sucquetus* frater tuus, vir ornatiffime, patronus *Eraſmi* candidiffimus, ac bonarum literarum invictiffimus propugnator, cujus mortem, nobis alioqui multis nominibus acerbiffimam, ob id aliquanto moderatius ferimus, quod confidimus te pro tua humanitate in germani vices ſucceſſurum. Id ut faceres te etiam atque etiam rogarem, niſi mihi perſuaſum eſſet, tibi eam provinciam jamdudum ſponte ſuſceptam eſſe. Sunt complures *Lovanii*, velut in hoc conjurati, ut Collegium *Buſſidianum*, unicum noſtræ regionis, imo totius Cæſaræ ditionis, ornamentum, ſublaturum cuperent: eique miris cuniculis exitium moliuntur, unde quum omnibus publice pariter ac private proditura eſt ſumma utilitas, tum aulæ Cæſaris prodibunt eruditi Secretarii, cordati Conſiliarii, Legati facundi, Proceres non tantum imaginibus nobiles; denique Principes, qui, ſi videatur, poſſint Oratoribus citra interpretem reſpondere; poſtremo gravioribus illis diſciplinis, atque adeo cunctis bonis artibus plurimum lucis ac dignitatis accedet. Si non eſſet inſtitutum tale Collegium, nihil prius erat curandum Cæſari, quam ut ſuis impendiis inſtitueret. Nunc rem egregiam, aliena benignitate datam, non deſunt qui conentur amoliri. Quorſdam impellit ingenii ſtoliditas, alios amor quæſtus, nonnullos livor, ſunt qui ſubſerviunt alienæ voluntati: quare te rogo majorem in modum, ut quod *Antonius* feliciter orſus eſt, tu gratia & auctoritate tua, quam tuo merito vales in aula plurimum, perficias, ut hoc Collegium ſit omnibus aulæ Proceribus quam maxime gratioſum. Reditus adhuc tenues ſunt: vix alunt Profeſſores, eos augebit Principum ac divitum liberalitas, te tuique ſimilibus rem provehentibus. Ego vero non hoc tantum mihi de te polliceor, vir clariffime, verum, nihil dubito quin totum *Antonium Sucquetum* ſis nobis præſentaturus. Quid enim illius ingenio magis niveum, quid amico amicus, quis in officio promptior, in conſilio fidelior, quis juſti tenacior, quis fucis, fraudibus, & injuſtitia infenſior? quanta pietas citra ſuperſtitionem? quam perſpicax ſanumque judicium, multum abhorrens à vulgi judiciis? Quanta dexteritas in rebus gerendis, quot dotes, quot ornamenta in uno viro perdidit aula Cæſaris? quanto ſtudio id agebat, ut liberi, quos habebat aliquot, mire patriam indolem referentes, honeſtiſſimis diſciplinis jam inde à teneris inſtituerentur? Maximum natu deſtinat Theologiæ, proximum ſtudio Juris, tertium, admodum puerum, bonis literis dedicarat. Et hic fraternas vices geras oportet. Quum erit commodum ſalutabis mihi *Joannem* bombardarum opificem, vicinum tuum, veterem amicum meum, qui cum olim arma commutavi, in

amicitiæ ſymbolum, nec id multo congruentius, quam An. fecerunt *Quancus* ac *Diomedes*. Dedi *Euchiridion*, no- 1525. ſti librum jam olim per omnes orbis plagas volitantem, *Latine*, *Gallice*, *Germanice*, *Hiſpanice*, *Tuſce* loquentem: ille contra dedit gladiolum, quo non magis adhuc ſum uſus, quam ille libro. Bene vale. *Baſilea*, Anno 1525.

EPISTOLA DCCXCII.

Eraſmus Roterodamus Franciſco Sylvio S. D.

JAM unis atque alteris literis me provocas, *Franciſce* chariffime, iſſque prolixis. Et jure deſideras in me tam ampliter abs te prædicatam humanitatem, ni, quod tibi nunc facio, nonnunquam facerem & Cardinalibus, non deſidia, ſed ocii penuria. Certe candorem iſtum tuum amo & exoſculor. Quantum opera mea promoverint bonæ literæ nescio. Illud ſcio mihi per quorſdam peſſimam referri gratiam, id quod ego magna ex parte tumultibus hiſce fatalibus imputo. Felices, quibus interim licet ſpectatores agere; ego hac ætate, cui conveniebat quies & tranquillitas, pertrahor in arenam gladiatoriam vel caſurus, vel occiſurus, imo potius ſimul & jugulaturus & jugulandus. Mundus parturit miram rerum immutationem, in hoc confinium mea ſenectus parum feliciter incidit. Quantum augurari licet, videntur omnia tendere ad *Scythicam* barbariem. Ego jam curſu deſeſſus *Beraldo*, *Brixia*, tibi, veſtrique ſimilibus trado lampada. *Deloim* deſtituit bonas literas. Nuper & *Papilio* nos reliquit. Dices male penſatam epistolam tuam, non ob id tantum quod pro copioſa recipis exilem, verum etiam quod pro tam expolita ſimpliciter rudem. Si ſpectes ſcriptum, non reſpondi *Franciſco*, ſin animum, planè reſpondeo, ſemperque reſponſurus ſum. Video fere fieri, ut iis, qui ducuntur amore politioris literaturæ, parum conveniat cum Theologis, ac viciffim Theologi non ſatis æqui ſint melioribus ſtudiis. Principum diutina diſſidia tandem matrimonio quopiam componi ſolent: utinam exoriretur aliqua nympha, quæ vos mutua benevolentia jungeret, magisque florent utriusque gentis ſtudia: nunc dum utrique alteris obſtrepunt, collabuntur omnes diſciplinæ. Bene vale. *Baſilea*, Anno 1525.

EPISTOLA DCCXCIII.

Eraſmus Roterodamus Cutherto Tonſſallo, Epifcopo Londonienſi; S. D.

ISTVD tam pium ſtudio, tam flagrantem erga Eccleſiam Dei zelum, non poſſum equidem non vehementer probare, Præſul cumprimis obſervande: nec dubito quin iſtum mentis impetum judicio ſuſceperis: at mihi meique ſimilibus circumſpiciendum eſt, ne, quod ſcribit Apoſtolus, zelum habeamus, ſed non ſecundum ſcientiam; ac, juxta *Parmenoni* Cornici dictum, metuendum ne nimium calidum hoc ſit modo. Siquidem video quibuſdam uſu venire, ut dum majore ſtudio quam judicio rem gerunt, non ſolum una cum zizaniis evellant triticum, quod *Chriſtus* in Evangelio fieri vetuit, verum etiam pro zizaniis evellant triticum; dum vel prius damnant quam intelligunt, vel quod pie dictum eſt interpretatione depravant: idque videri volunt zelum religionis, & hæreſeum odium, quum hæc præcipua ſit peſtis & pietatis & concordia. Sic qui vehementer amant quempiam, nihil in eo non laudant: qui vehementer oderunt, nihil non damnant. In *Lutheri* ſcriptis quædam audio reprobari, quæ, ſi ſobria collatione inter eruditos & integros diſputarentur, nonnihil conferrent ad ſpiritualem & Evangelicum vigorem, à quo mundus nimium proſecto degeneravit: idque eorum opera potiſſimum, qui apud *Italos* Jus Pontificium profeſſi ſunt, magna quidem cum laude, tum ingenii, tum indiſtriæ, ſed utinam pari fructu veræ pietatis. Conſtitutiones hominum, quoniam imperitæ multitudini fere parantur, hoc agunt,

An. 1525. **gunt**, ut minus peccetur: *Christi* Philosophia longe altius vocat, & aliis rationibus ingreditur. Fateor esse verissimum, quod tu non minus eloquenter quam erudite differis, priscos Ecclesiæ proceres nusquam magis declarasse, quid ingenio, doctrina, facundiaque valuerint, quam in conflictibus adversus hæreticos, nec aliunde plus veræ laudis retulisse: & huc me provocas splendidis sane exemplis, *Origenis, Basilii, Cypriani, Hieronymi, Augustini*: verum ubi me cum his confero, me miserum, protinus, ut *Homerice* dicam, *καρὰν καὶ κάμνωσαν θυμὸς*. Utinam eas vires, quas mihi sermone tribuunt multi, re itidem dare possint. Hoc unum polliceor, me pro mea qualicunque portione non defuturum Ecclesiæ negotio. Utinam de exitu rei tua te fallat divinatio, mihi non admodum sagaciamdudum idem subolet: quod si eveniat, vereor ne pro excussis Pontificibus, Episcopis & Principibus, fordidos quosdam dominos recipiamus multo illis inclementiores. Nam *ἀναρχίαν* jampridem mussant ii quos Anabaptistas vocant: aluntur & alia dogmatum monstra, quæ, si proruperint, efficient, ut *Lutherus* propemodum orthodoxus videri possit. Mussatur & illud, baptismum nec in adultis, nec in parvulis esse necessarium. Quod si persuaserint, id quod moliantur quidam, in Eucharistia nihil esse nisi panem & vinum, non video quid nobis reliquum faciant de sacramentis Ecclesiasticis. Exstitit aliud infantiæ genus, Prophetæ volunt videri, sed ridentur ab omnibus. Nulla quidem adhuc exorta est secta, quæ de *Christo* prædicet impie: multis tamen hic opinionum tumultus addidit animos, ut ausint non solum de *Christi* divina natura blasphema loqui, verum etiam de Scripturæ totius auctoritate dubitare. Ita fit, quoties semel effractis repagulis sese in licentiæ campum effudit hominum temeritas, nullum facit infantiendi finem, donec omnia secum involvat exitio. Istis, ut verissime scribis, omnia displicent, sed quidam è diverso omnia mordicus retinent, nec ea quidem mutari volentes quæ perperam irreperunt in Ecclesiam, & unde scatet præcipua *Christiani* populi corruptela. Quumque dicimus illis, vehementer iniquum esse ob hominum vitia convellere quæ recta sunt, respondere solent, ut sunt linguaces, eos, quorum arbitrio gubernatur Ecclesia, nec Dei timore, nec Scripturarum admonitu, nec Principum auctoritate, tot jam seculis hætenus corrigi potuisse, nec aliam esse viam medendi, nisi perturbatis omnibus. Utraque pars ad se trahit funiculum contentionis. Malum hoc immedicabilius reddit Principum pertinax discordia, quod ita velim radicitus extirpari, ne ad tempus repressum, paulo post majore exitio rebulliat. Restituendæ Ecclesiæ formam nobis depingit liber *Esdra*. Bona spes esset, si Dominus nobis talem Principem mittere dignaretur, qualis fuit *Esdras*; talem Pontificem, qualis fuit *Josue*; talem Prophetam, qualis fuit *Aggeus*; talem populum, ut dum reclamant impiis dogmatibus, correctæ mala vita, bonis operibus ædificet civitatem ac domum Dei: sic enim legimus, *Una manu faciebat opus, & altera tenebat gladium*. Ædificantium enim unusquisque gladio erat accinctus renes, & ædificabant, & clangebant buccina. Nunc si in clamoribus aliquot Theologorum ac Monachorum parum sobriis, si in armis & copiis Episcoporum & Cardinalium tota spes nostra est, demirabor si per ea poterit sanari malum, unde præcipua scatet occasio mali. Sed nondum promeremur, ut afflatu Spiritus expurgantur orbis primates. *In Domino confido, qui non irascitur in perpetuum*: & nunc merito cum Psalmographo dicere possumus, *Reppulisti nos, & destruxisti nos*: utinam liceat & illud accinere, *Iratus es, & misertus es nostri*. Illud certe licet, *Commovisti terram, & conturbasti eam, sana contritiones ejus, quoniam mota est*. Sed næ ego insigniter impudens, qui hæc ad te. Dominus pietatem tuam sospitet ac prosperet in ævum, Præsul ornatissime. Datum *Basilea*, Anno 1525.

EPISTOLA DCCXCIV.

Vives Erasmo.

DE Francisco* nimis multa: non est ille tanti. *An.* Frobenio iniquum esset postulare, quod foret ei damnosum. *1526.* Mea Opera non distrabi, mirandum non est; quippe non solum carent genio, sed etiam ingenio, & peritiâ, & nomine, denique iis rebus omnibus, quibus commendari libri solent: quæremus alium, cui minus doleamus nos imposuisse, quam Frobenio, excudendis monumentis tuis præclare de literis merito; mihi vero præclaram ipse videor famam consequutus, si quod in epistola tua scribis, ex animi sententia dicis, & non das meis auribus: nec aliam gloriam quero, quam tibi & tui similibus, si qui modo sunt, placere; quæ enim potest esse major? aut quid magnificentius? unus Plato instar est mihi totius populi Atheniensis, (inquit poeta ille & musicus) mihi cane & Musis: cujus judicio verius possint atate hæc accommodari illa, quam tuo? Quocirca supervacanea est illa admonitio in extrema tua epistola, Nos bene fortunantibus Musis ac Gratiis, amicitiam perenniter tueamur: non sum tam negligens, ut pariar elabi amicitiam usque adeo decoram mihi atque honorificam; consertis eam manibus, sicut dicitur, retinebo: nam de te nihil addubito. Ante quartum diem *Christo* adjuvante dabome in iter Britannicum: illinc scribam ad te longius; nunc enim nihil est descriptione dignum. De pace puto isthuc esse jam perlatum; hoc est, de quiete & vocatione ad flagitia, si qua erant per belli angustias exclusa, aut intermissa: utinam contingat pax à *Christo* animis nostris & Ecclesiæ suæ, illa quam mundus dare non potest. Dissecta omnia tanquam factionibus, sed catastrophe approbata *Christo*, & ab illo uno expectandus plausus: etiam *καὶ οὐκ ἔστιν οὐδὲν ἐν ἀνθρώποις, & quod quis miretur magis, utrunque*. Salutat te multo officiosissime *Fevinus* noster. Vale plurimum, praeceptor optime. Brugis 14. Febr. Anno 1526.

EPISTOLA DCCXCV.

Erasmus Roterodamus Laurentio Campegio Cardinali S. D.

Ex literis tuis superioribus ingentem animo lætitiâ conceperam, quod intelligerem *Clementem VII.* ex illa fatali Medicum familia rerum gubernaculis admotum: quem tametsi non cognorim, nisi ex tuis *Pacati* que literis, tamen mirum est quam mihi mens non læva, ut arbitror, nescio quid magnæ felicitatis præfagit. Hoc gaudium mihi conduplicarunt posteriores literæ tuæ, quæ significant te in nostram *Germaniam* delegatum, ut hos infelices temporum tumultus auctoritate tua sapientiaque componas, qui nulli bono non gravissimi sunt: mihi sane etiam usque ad vitæ tædium displicent. Quanquam autem vere provinciam suscepisti plenam difficultatis ac molestiarum, tamen bona spes est tuam istam ingenii dexteritatem & parem humanitati prudentiam, difficultatem omnem superaturam, præsertim *Christo* sanctos conatus tuos bene fortunante. Atque utinam hic modo possimus aliquid adferre momenti, nulli negotio libentius immoreremur. Verum, hoc corpusculum per se quidem imbecille, sed senectute fit imbecillius in dies. Toties impetit crudelissimus calculi dolor, ut ad quamvis occasionem periclitè de vita. Porro mense Julio & diu & gravissime laboravi, sic ut nulla spes esset vitæ: sed multo etiam gravius ad natalem *Christi*, sic ut mors in votis esset, vita in desperatione. Nulla enim mors acerbior esse potest hoc cruciatu. Quibus malis sic afflictæ fractæque sunt hujus corpusculi vires, ut summa vitæ moderatione vix subsistam. Itaque jam pridem equos meos vendidi, desperans in posterum me laturum agitationem. Jam si quid adesset virium, hoc tempore non poteram occurrere Celsitudini tuæ, quum iter esset

* Berckmanno, bibliopola Antuerpiensi; de quo vide Epist. dccv.

An. per hypocausta, ad quorum nidorem exanimor, si vel uno prandio feram. Quæ res me cogit ut *Basilea* in propriis ædibus habitem, quæ aulam habent cum fumario. Idque non sine gravi meo sumptu, nec minus gravi cura. Postremo, usque ad dimidiatam Quadragesimam non potero abesse ab his, quæ nunc simul & scribuntur nobis, & à typographis excuduntur. Decevi tamen hac ætate fœriarum nonnihil à studiis gravioribus sumere. Itaque si valetudo fuerit mediocris, ubi desierint fervere *Germanorum* hypocausta, libens isthuc me conferam, nisi quid inciderit quod alio revocet. Nam Cæsar & illustrissima *Margareta* revocant in *Brabantiam*, ut adsim in legatione, quam adornant *Romam*, ad exhibendam obedientiam novo Pontifici. Nec interim tamen meam operam ulla in re desiderabis, quæ quidem à me præstari queat. Mihi nulla est apud *Germanos* auctoritas, gratiosus aliquando fui. Verum ea gratia tota periit, posteaquam coepi adversari Euangelio: sic enim loquuntur isti. Tantum odii mihi confluxi, ut emori maluerim. Sed hoc quoque malim, quam à concordia Ecclesiæ in factionem aliquam me conjicere. Eruditio vero infra mediocritatem est. Et tamen non solum hoc ipsum, quod nobis domi est, libenter conferemus in hoc negotio, verum etiam doctos amicos in consilium adhibebimus, qualem hic unum habeo potissimum, *Ludovicum Berrum*, præpositum in Collegio divi *Petri*, virum & corporis & animi præclaris dotibus præditum, summæ apud suos auctoritatis, & ob generis claritudinem, & vitæ integritatem, & eruditionem non vulgarem. Nam *Parisiis* in Theologorum laurea quondam primum locum promeruit. Mihi tamen interim cavendum, ne discerpar à *Germanis*, ne dicam manis, priusquam reliquero *Germaniam*. Nam sunt plurimi, qui se jactant Euangelicos, quum sint diabolici potius, parati ad omne facinus. Et nescio quo pacto in me præcipue fremunt, mihi imputant quod non triumphant, sic enim illi loquuntur. Et jam libelli aliquot provolarunt, alios habent in procinctu, quos minantur. Non dubito quin tua prudentia sit optimis consiliis rem aggressura, quam arbitror melius successuram, si summam æquitatem præ te feras: ostendasque te magis mederi velle huic malo quam opprimere, nec sic velle revellere zizania, ut simul eradicet & triticum, nec recusaturum mutare quædam, quæ sine jactura dignitatis Apostolicæ, & pietatis Evangelicæ mutari possunt ac debent. Interim conquiescent à tumultuosus libellis, ac molitionibus seditiosis, donec ex auctoritate Pontificis ac Principum statuatur quod publicam concordiam fœciat, & fœctam confirmet. Late patet *Germania*; rem divinam feceris, si hanc reddideris pacatam. Hæc scripsi per eum, qui mihi literas tuas reddidit ex *Augusta*: reddidit autem pridie cathedræ *Petri*, quas dederas *Roma* Calendis Februarii. Simul atque certum cognovero ubi fuerit tua sublimitas, scribam copiosius tua humanitate fretus, & mittam si quid erit parati, per fidum ac certum, qui si non dabitur, mittam famulum proprium. Eodem die scripsi Pontifici *Clementi*, ac misi illi suam paraphrasim. Ad quem si scribes, ut scribis sæpe, rogo moneas illum ut *Stunica* insaniam coerceat, qui dum suo morbo obsequitur, & quorundam privatis affectibus, lædit causam Pontificis. Te incolumem ac florentem servet Deus Opt. Max. *Basilea* 21. Februarii, Anno 1526.

EPISTOLA DCCXCVI.

*Erasmus Rot. Joanni Henckello, Maria Regina
Ungaria à concionibus, S. D.*

QUEMADMODUM non potest animus vere *Christianus* non ingemiscere, considerans quo prolapsi sint mores *Christi* nomen profitentium, quam pene fuerit antiquatum Euangelium, quam prope nihil fidei charitatisque reliquum fuerit, præter nomen ac titulos, ad hæc quam in angustum contracta sit ea profes-

A fio: ita non potest non exhilarari, quoties audit Deum in viris doctis, integris, & dignitate præminentibus; innovare spiritum suum bonum, quod ea res nobis velut ostensa luce, desperationis tenebras abigat, & in spem bonam vocet, fore ut justissima Numinis ira versa in misericordiam, exoriantur Euangelistæ, qui disjectas, palantes ac dissipatas oves revocent ad salutiferam *Christi* pascua, & ad ecclesiasticæ concordie caulas reducant. Frequenter enim Deus in Prophetis, irritatus populi sui sceleribus, minitatur illi Principes pueros, & tales sacerdotes qualis est ipse populus, & spiritum in Prophetis mendacem: Contra propitiatus, veluti felicitatis summam pollicetur, Principes cordatos, legum ac religionis tenaces, pastores fideles, Prophetas veraces. Nec ego sane aliunde natum arbitror, quod hactenus plerisque in locis videmus solo titulo *Christianos*, adeo rudes & ignaros suæ professionis, ut ne Symboli quidem Apostolici sententias teneant, aut saltem illud intelligant quid in baptismo professi sint. A veritate aures avertimus, & ideo misit nobis Deus doctores, non qui lingua medica sanarent ulcera nostra, sed qui pruritus & scabiem affectuum nostrorum commode scalperent. Quam vero potens res & amabilis sit Euangelium, declarant hæc tempora, quibus conspiciamus orbem ad auditum Evangelii nomen, velut è lethargo expergisci, ac veterum excutere. Quid si mundus videret in Euangelistis mores & animum Evangelicum? Nunc videmus multis in locis exortos novos prophetas, homines fere humiles, contentos ac juxta mundum etiam infames, qui validis clamoribus, magnificis pollicitis *Christianum* orbem, iis, quæ carnis sunt, ceremoniis & humanis præscriptis, veluti mandragoræ, quod ajunt, altum indormientem excitarunt, excitatum bona ex parte ad se rapuerunt. Atque initio quidem ut in proscenium venit, etiam bonis viris plausibilis erat fabula, donec prædicabatur majestas & auctoritas incomparabilis Scripturæ divinæ, donec inculcabatur fiducia omnem in Deum transferendam, damnabatur fiducia virium humanarum, præferebatur optabile nomen Evangelicæ libertatis. Quin & ea, quæ magna libertate velut è plaustro dicebantur in curiam *Romanam*, in Episcopos prophanos, in Monachorum jam non tolerabilem tyrannidem, in Theologos sophisticos, & absque *Christo* doctos, satis frequenti cum applausu excipiebantur, & impavidum hominis pectus in eos qui pro diis habentur, bonæ conscientie signum interpretabantur. Quin insuper addebat nonnihil læti ominis ipsum *Lutheri* cognomen, quod *Germanorum* lingua *repurgatorem* sonat. Id habet ex patris opificio, qui rudes æris massas officina sua repurgat. Augebant theatri favore, inepti tumultus quorundam, qui protinus moliebantur exhibilare coeptam fabulam, vociferationibus apud populum, censuris, articulis ac debacchationibus in bonas literas ac linguas. Ii quoniam & ante gravi odio laborabant apud eruditos ac bonos, *Lutheri* causam reddebant favorabilem. Jam & illud arguebat, hoc negotium aliquo numine geri, quod quo magis in adversum nitebantur conjuratæ phalanges & his favens Monarcharum potentia, hoc latius serpebat malum. Exultis aliquot promittebant sibi finem totius tumultus. Hoc erat Monachorum consilium. Hic plane nobis usu venit quod *Herculi* in hydra. Damno crevit pestis, & à sævitia duxit opes animumque nostra. Ego inter applausores & exhibilatores medius ex multis conjecturis divinavi rem in seditionem exituram, nec fefellit vatem sua divinatio, multo plus vidimus malorum quam metuimus. Utraque pars tendebat in diversum funiculum contentionis. Altera Pontificum constitutiones æquabat Euangelio, altera vociferabatur esse pestem *Christiana* pietatis. Itaque *Lutherum* ante annos quinque literis privatim scriptis admonui, ut ad tam periculosum negotium, si suo fideret spiritui, adhiberet animum modis omnibus incorruptum. Ac meo quidem hortatu

An. scripsit quædam plausibilia, veluti in Psalmos alios
 1526. quot, in Precationem Dominicam, De quatuordecim
 spectris; sed his incredibili celeritate perfectis, pro-
 volarunt alii super alios libelli, quorum novissimus
 quisque violentissimus erat. In his me vehementer of-
 fendeat, præter arrogantiam, insatiabilis quædam
 conviciandi libido, non absque specie scurrilitatis,
 & compertum habeo eum per leves quosdam homi-
 nes ad hæc incitari, simpliciter indignos, quorum
 vel in coquendis oleribus consilium admittat. Et ad
 talium susurros stringit petulantem calamum in Re-
 ges, & in homines publicitus de omnibus bene me-
 reri cupientes, velut oblitus in quo theatrum quam per-
 sonam sustineat, quam fabulam agendam suscepit.
 Hæc hominis intemperantia fecit, ut inciperem de
 spiritu illius vehementer esse sollicitus, mihi que gra-
 tulari quod in eam factionem nec blanditiis pellici,
 nec odiis protrudi potuerim. Non desinam tamen
 optare lætum aliquem exitum hujus Tragediæ, un-
 decunque natæ, quomodocunque progressæ. Vide-
 bam enim fore ut si victoria cederet quorundam affe-
 ctibus, Lutheri ruina multas res optimas secum trahe-
 ret in exitum: veluti nunc videmus ubique frigere
 linguas ac bonas literas, quas intolerabili degravavit
 invidia. Jacent præci Scriptores, Theologia scho-
 lastica, quam correctam optabamus, non extinctam,
 obsolescit. Emoriuntur fere omnes disciplinæ libe-
 rales. Denique ipsum Evangelii nomen factum est
 apud multos invidiosum, adeo ut vix illa profiteri li-
 ceat quæ docuit Paulus. Tyrannis illorum, quos vide-
 batur oppressurus gladio spiritus, quod est verbum
 Dei, exasperata est, non sublata: & adeo non conti-
 git sperata libertas, ut bonis jugum sit aggravatum,
 pessimo cuique laxatæ habenæ. Una spes adhuc su-
 perest. Quænam, inquis? Dicam pro mea quidem sa-
 pientia, quæ perquam exigua est. Si forte meruit hoc
 mortalium impietas, ut per tales homines, perque tam
 sævum Chirurgum curaretur, quando malagmatis, po-
 tionibus & emplastris sanari non poterat, spero futu-
 rum ut quos Deus affixit rebelles, consoletur respi-
 scentes. Solet enim nonnunquam populi sui peccata
 per Philistæos, & Holophernas & Nabuchodonosoras emen-
 dare, & ut est omnipotens artifex, impiorum mali-
 tiam in Ecclesiæ suæ bonum, inque suam gloriam ver-
 tere. Sic & venena data nonnullis cesserunt in re-
 medium, & interdum hostis gladius cum vulnere de-
 dit sanitatem à medicis desperatam. Legimus & vipe-
 ram complexu suo veterem ac deploratam podagram
 à morbo liberasse. Plus valet Dei bonitas quam casus.
 Morbus erat ingens & inveteratus, nec quicquam hic
 poterant levia vulgariaque remedia; datum Ellebo-
 rum jam pridem torquet intestina totius orbis, adeo
 ut periculum sit ne pereat in remedio, quod multis
 accidit. Utinam cœlestis ille medicus dignetur ex his
 malis donare populo suo aliquid bonæ sanitatis. *Chari-
 tas juxta Paulum omnia sperat.* Hanc spem ego non-
 dum omnino deposui, fretus nota Domini misericor-
 dia, qui non solet suis irasci perpetuo, sed pacisci cum
 tentatione exitum, ut possimus sustinere. Nam quod
 in me nuper tam scurriliter debacchatus est, idque si-
 ne causa, quum mea *Diatriba* civiliter absque convi-
 ciis disputaverit, leviter feram privatam contumeliam,
 modo publicum *Christiana* religionis negotium, ut opta-
 mus, succedat, & Evangelium *Christi* vere regnet in
 conscientiis omnium mortalium, ac nobis apud homi-
 nes ingloriis, glorificetur, laudetur, triumphet apud
 universos adorandum nomen Domini nostri *Jesu Chri-
 sti*: idque quo magis speremus facit, quod videmus
 aliquot in locis exoriri novos Evangelistas, qui placi-
 de, prudenter, & Evangelico spiritu prædicent Eu-
 angelium, nec in dextram, nec in lævam declinantes:
 quibus sic placet veritas Evangelica, ut displiceant
 tumultus, luxatæque rerum compages, quique do-
 ctrinam suam vitæ integritate, ac morum lenitate com-
 mendent, nec misceant Evangelistæ personam cum

A persona scurræ. Non hic te prædicamus, vir optime, Au-
 sed misericordi Deo pro dotibus amplissimis, quas in te 1526.
 contulit, & per has in te *ἡμεῖς* gratias agimus, ex
 animo gratulantes inclytæ Reginæ *Maria*, foeminae,
 ut audio, tum piæ, tum prudenti, vel toti potius *Un-
 garia*, in qua hoc impensius optamus florere *Christia-
 nismum*, quo magis patet eorum incurfionibus qui
Christiana ditioni male volunt. Porro quod meis quo-
 que studiis tantopere faves, (id enim intelligo ex *An-
 tonini* mei literis) amo candorem tui pectoris, quo fa-
 ves, ut ille scribit, omnibus, qui modo spem aliquam
 bonæ frugis de se præbeant. Ego nescio quo spiritu
 afflatus, pro modulo gratiæ mihi donatæ, coeperam
 B Theologiam scholasticam nimium nimiumque prola-
 psam ad argutias humanas, ad fontes revocare. In hoc
 dedimus Novum Testamentum, & aliquot insignes
 C Auctores. Addidimus Paraphrases, quo segnibus etiam
 consuleremus, & fastidiosos alliceremus obvia facilita-
 te: nec omnino male successit, nisi tempestas hæc fa-
 talis fuisset consequuta: quæ si Deo volente mota est,
 licet per improbos, tamen speramus futurum, ut *ἡ
 μηχανὴ τοῦ Θεοῦ* præter expectationem imponat lætam
καταστροφὴν. Id citius confido futurum, si plures exo-
 riantur Evangelistæ tui similes, & si Monarchæ suas
 cupiditates submiserint Evangelii gloriæ. In Paraphra-
 sis, quando has dignaris tua lectione, comperi la-
 psus aliquot typographorum incuria commissos, quos
 partim curavimus sarcindos, videlicet in *Matthæo*,
Luca & *Joanne*; nam hi tres nunc rursus excusi sunt.
 Mitto igitur simul & quos in his deprehendimus erro-
 res, & quos in aliis, nisi quod illa minutula neglexi-
 mus. Tantum licuit in præsentia, vir ornatissime. U-
 bi tuæ literæ fuerint redditæ, pro viribus adnitæ effi-
 cere, ne videaris hominem ingratum & inhumanum
 ad amicitiam provocasse. Dominus *Jesus* te servet in
 æternum. Datum *Basilea* 7. Martii, Anno à *Christo*
 nato 1526.

EPISTOLA DCCXCVII.

Erasmus Roterod. Friderico Nausea S. D.

QVI decoxerunt, re quidem opitulari non possunt,
 attamen consilio juvant alios, ne profusiores sint
 quam oportet: & qui diu cum tenaci morbo collucta-
 ti sunt, optime commonstrant aliis, quomodo vel vi-
 tari malum, vel sanari queat: & qui fregerunt navim,
 solventibus ostendunt vitanda pericula. Itidem ego *Nau-
 sea* charissime, non ignarus quam periculosus sit mor-
 bus, scribendi cacoethes, admoneo te, ut aliquot annos
 des evolvendis ac revolvendis bonis Auctoribus: ex his
 ubi jam maturuerit dictio, felicius expones teipsum
 nasuto fastidiosoque mundi theatrum. Neque quodvis ar-
 gumentum erit arripiendum, sed deligendum aptum
 ingenio tuo, tuisque viribus, hoc pacto continget tibi
 gloria, fortasse serius aliquanto, sed solidior ac viva-
 cior. Hoc consilium si tibi placet, olim & mihi gra-
 tias ages, qui dederim, & tibi gratulaberis, qui sis ob-
 sequutus. Si non placet, tamen hunc animum tuis com-
 modis haud vulgari more faventem non poteris non bo-
 ni consulere. Magistratui *Francfordiensi* consulto non
 scripsi, quemadmodum volebas, vel quia mortuo patre
Craonis nullus in eo mihi notus est, vel quia ne levis
 quidem erat causa cur te illi commendarem. Non ex-
 pedit autem hoc officii genus inutiliter profundere, sed
 in suum usum servare consultius est. Ubi tale quid in-
 ciderit, experieris *Erasmum Nausea* sui causa nihil re-
 cufare. Exspecto per literas tuas quid agat *Roma* Car-
 dinalis *Campegius*. *Florianus* abiit Legatus ad *Moscovi-
 tas*. Bene vale. *Basilea* 8. Martii, Anno 1526.

EPISTOLA DCCXCVIII.

Erasmus Rot. Joanni à Lasco, Polonia Baroni, S. D.

SI tibi feliciter cessit tua demigratio, clarissime Co-
 mes, est profecto cur levius doleam. Mihi sane
 tuus

tuus abitus multis nominibus fuit infelix: ut enim re-
 1526. liqua taceam, mensibus aliquot mihi sudandum erat,
 ut domum hanc, tua magnificentia corruptam, ad pri-
 stinam frugalitatem revocarem. Deinde totum pene
 autumnum & hyemem cum calculo mihi fuit collu-
 tandum. His quasi parum esset, tantum molestiarum
 aliunde accessit, ut facile senserim genium meum bo-
 num abesse. Non audebam te remorari, quum iussu
 Regis ad magna negotia vocareris, tametsi suspica-
 bar id fore quod accidit. Certe minoris hic expecta-
 ses literas certiores. *Carolus* huc rediit, adferens my-
 robalanos, sed succo jam absumto. Questus est ob
 eam protectionem tantum temporis perisse studiis suis.
 Agnoscis novam temporis parsimoniam. Ablegavi ho-
 minem in *Angliam*, ne situ torpescat. De nuncii tui
 reditu nihil adhuc audimus, tantum ex *Antonini* me-
 dici literis intelligo, Linguam & Supputatorium codi-
 cem redditum quibus volebamus. Quod hortaris ut
 scribam Regi *Sarmatia*, nondum decrevi an expe-
 diat. Hic ne musca quidem erat quæ peteret *Vene-*
siam. Et incertum quidem erat quis orbis te habe-
 ret, *Hispanus* ne, an *Gallicus*, an *Sarmaticus*. Itaque
 verebar ne literæ, serius reddita, nihilo plus apud Re-
 gem haberent gratiæ, quam apud Cæsarem sera con-
 solatio. Scribam tamen, te quidem auctore tam au-
 spicato, si quid dabitur oculi. Semper abhorruit in-
 genium meum ab arena gladiatoria, nec mihi pla-
 cuit unquam retiarium agere: nunc, ita fati vi-
 sum, cogor etiam *ῥητομαχεῖν*. *Lutetia* misit nobis li-
 brum *Petri Sutoris*, quondam Theologi *Sorbonici*, nunc
 Monachi *Carthusiani*, in quo nihil crepat, nisi hære-
 ses, hæresiarchas, blasphemias, & schismata. Huic
 respondi, penè oblitus meæ solitæ civilitatis. Et li-
 ber erat excusus cum auctoritate. Eodem tempore
 venit censura *Bedde*, præcesserant tres libelli *Latomi*,
 mox famosus libellus quatuor scurrarum *Dominicano-*
rum. Denique præter expectationem provolvit li-
 ber *Lutheri*, in quo superat se ipsum omni genere pe-
 tulantiæ, cui nunc ex parte respondimus. Nam an-
 te mercatum vix mihi dabatur dies duodecim. Vi-
 deor olfacere è *Lutheri* scriptis, *Pelicanum* è nostris
 colloquiis quædam per literas illi significasse. Qui pe-
 ne concitavit hic alteram tragœdiam. Sparserat ru-
 morem, ipsum de Eucharistia idem sentire quod ego.
 Scripsi ad eum hac de re literas expostulatrices, sed
 absque nominis indicio; ex *Pellicani* literæ per *Berum*
 & *Cantiunculam* nonnullis ostensæ sunt, quin & in se-
 natu lectæ, tandem versæ *Germanice* longe lateque
 sparşæ non sine dolore meo. Respondit per literas *Pe-*
licanum. Rescripsi, desineret scribere, si quid vellet,
 adiret me. Venit. Rogabam hominem quid sibi vel-
 let suis epistolis. Ille varie tergiversabatur. Urgere
 coepi. Tandem utcunque confessus est se dixisse, quod
 idem sentiret quod ego. Rogabam quid igitur senti-
 ret, quod mihi esset cum ipso commune: post multas
 tergiversationes, respondit in Eucharistia esse corpus
 & sanguinem Domini; Idem, inquit, tu sentis? Ni-
 hil amplius, inquam. Credis illic esse tantum in signo?
 Non, inquit, sed arbitror adesse virtutem *Christi*. Per-
 gebam, Non credis illic adesse substantiam corporis?
 Fassus est se non credere. Post hæc rogabam, an eam
 opinionem fuisset unquam apud me professus. Fassus
 est id quod erat, nunquam id factum. Mox percun-
 ctabar, an unquam audisset eam sententiam ex me.
 Negavit audisse, & adeo non audierat, ut sæpenu-
 mero diversam audierit. Pergebam, Tu profiteris,
 inquam, apud alios, me sentire tecum, quumque hæc
 dicis, interpretaris apud animum tuum, te hæcenus
 sentire mecum, quod credas ibi esse corpus Domini,
 & qui te audiunt, intelligunt me tecum sentire, quod
 docuit *Oecolampadius*. Nunc audio circumferri illius
 epistolas duas, quibus nihil insulsius vidi. Accitus est
Tigurum, ut illic doceat literas *Hebraicas*. Is erit
 postremus Evangelicorum, cui quicquam sim sisurus.
 Quum exisset liber *Oecolampadii De Eucharistia*, se-

natus, rei novitate nonnihil turbatus, privatim consu-
 luit me, præpositum *Berum*, *Bonifacium* & *Cantiun-*
culam. Is odor simul atque pervenit ad illos: erat au-
 tem res mire cordi, *Zwinglio*, *Oecolampadio*, *Capito-*
ni ac *Pellicano*: mox huc advolavit epistola *Capitonis*,
 quæ nobis auctoritatem adimeret. Erat paratus & li-
 bellus famosus, qui pressus est, quidam suspicabantur
 & illum fuisse *Capitonis*. Talibus præfidiis nititur Euan-
 gelium. *Faber Stapulensis Gallia* profugus agit *Argen-*
torati, sed mutato nomine, quemadmodum *Comicus*
 ille senex, *Athenis Chremes* erat, in *Lemno Stilpho*.
 Sed quid tuam Celsitudinem hisce næniis onero? *Bea-*
tus Rhenanus excudit nescio quid annotatiuncularum
 in *Plinium*, eas, opinor, tibi dedicabit. Posteaquam co-
 gnitum erit ubi confederis, prolixioribus epistolis te-
 cum agam. Hanc commisi ventis, si qua forte ad te
 transvolet. Priusquam hæc literas obsignarem, red-
 dita est epistola tua Calendis Februarii scripta, qua
 significas perisse nuncium, teque in patriam revolare.
 Utinam apud nos tam inconstantes epistolas expecta-
 ses à tuis. Alioqui nec abs te, nec à *Polo* quicquam est
 redditum, præter epistolam tuam, quam attulit *Caro-*
lus meus, & hanc postremam. Geminum feci hujus
 epistolæ exemplar, quorum alterum misi *Francfor-*
diam, alterum *Constantiam*. Hanc artem docuerunt
 me Cardinales, si quid sit rei seriæ. Bene vale. *Bas-*
ilea 8. Martii, Anno 1526. Saluta *Palatinum* germa-
 num ac cæteros amicos.

EPISTOLA DCCXCIX.

Erasmus Roterodamus Reginaldo Polo Anglo S. D.

ORNATISSIME *Reginalde*, ex literis *Poloni* Co-
 mitis intelligo quod jam pridem ad me scripserit,
 tuasque literas suis adjunxerit. Magna felicitate me
 fraudavit, quisquis fuit ille malus genius, per quem
 stetit, quo minus ad me perlata sint. Nihil enim
 isthinc allatum est, præter literas, quas attulit *Carolus*
Harsus à *Polono*, & has, quas hodie recepi ab eodem
 scriptas Calendis Februarii. Si jam rediit *Lupsetus*, ei
 dices *Chrysostomum Græcum* esse redditum, sed titulo
 tantum *Chrysostomum*. Itaque sperato thesauro, jux-
 ta proverbium, carbones reperimus. Dices & illud,
Hieronymum vix sub Calendas Martias fuisse absolu-
 tum, & ex illius literis videbatur *Lutetia* non tam
 diu commoraturus. Quare faciam quod volet, mo-
 do sciam ubi locorum degat. *Longolius* & *Leonicus*
 hic distrahuntur. Doleo *Longolium* immatura morte
 præreptum studiis, quanquam in me videtur iniquior,
 idque sine causa. Excepi eum *Lovanii* qua per occu-
 pationes & valetudinem licuit humanitate. Episto-
 lam illius *Gallia* Regis Orator ad me miserat: eam
 honoris ipsius gratia, ita me bene amet *Christus*, cu-
 raram edendam, tantum abest ut me offenderit. In
 his, quæ prodierunt, apparet anxia *Ciceroniana* dictio-
 nis affectatio, sed interim frigentibus interdum sen-
 tentiis, subolet juvenilis quidam amor gloriæ. Ma-
 lueram prodidisse commentarios illius, licet minus ex-
 primentes phrasim *Ciceronis*. Id si tu curaris, non
 mediocrem, mihi crede, gratiam inibis apud Senatum
 populumque studioforum. *Leonardum Casimbrotum*
 tibi commendo. Saluta rursus *Marmeducum* meum.
 Has literas vento commisi, mittens *Francfordiam*.
 Ubi dabitur certior aliquis scribam copiosius. Bene
 vale, studiorum decus, *Pole* charissime. *Luthers* of-
 fensus mea *Diatriba*, modestissime disputante, scripsit
 in me magnum volumen, quale nemo scriberet in
Turcam. Huic ex parte respondimus. Nam sero
 volumen illius nacti sumus. Ego ille pacis & quie-
 tis semper amantissimus, cogor esse retarius, nec
 hoc satis, cogor *ῥητομαχεῖν*. Sed de his alias. Da-
 tum *Basilea* 8. Martii, Anno à *Christo* nato 1526.

EPISTOLA DCCC.

Erasmus Rot. Michaeli, Episcopo Lingoniensi, S. D.

REVERENDÆ Præsul, nihil erat novi quod scriberem, sed qui has perfert, extorsit ut aliquid scriberem, expertus, opinor, tuam benignitatem. Nihil erat quod mitterem, præter aliquot libellos è *Plutarcho* versos, & responsionem adversus *Lutherum*. Totus *Hieronymus* absolutus est satis feliciter. *Adagia* magnis sudoribus aucta & emendata: aggressus eram *Precepta conubialia*, quod à me flagitaret Regina *Anglia*, foemina tum pia, tum erudita, sed eum laborem interrupit præter expectationem provolans liber *Lutheri*, quo respondet meæ *Diatriba*, sed tam virulente, tam scurriliter, atque etiam malitiose, ut in neminem hætenus insanius, quam mea *Diatriba* modestissime disputavit absque conviciis. Quicquid Ecclesia *Wittenhergensis* potuit vel eruditione, vel maledicentia, id totum in eum librum collatum est. Volumen est plusquam justæ magnitudinis, & vertitur in linguam *Germanicam*, quo cerdones & agricolas in me concitet, nam apud eos mutus est *Erasmus*. Miro studio curant, ne liber ad me perveniret ante nundinas *Frankfordenses*, quo sparso sine mea responsione *Lutheri* libro, triumpharent menses aliquot impune. Sed forte quidam amicus è *Lipsia* misit, verum tam sero, ut ad legendum, respondendum & excudendum vix superfuissent dies duodecim. Scio te non crediturum, sed hic credunt qui viderunt. Reliquæ parti respondebimus accuratius. Aliis rebus eram natus, sed ita satis visum est, ut *Erasmus* hoc ætatis, qua solent gladiatores donari rude, non solum cogatur cum reti prodire in arenam, verum etiam *ὀφθαλμῶν*, hoc est, cum bestiis depugnare; quid enim illo *Sutore* furiosus? In *Luthero* demiror duas tam diversas personas: quædam ita scribit, ut spirare videatur Apostolicum pectus: rursus in dictis, in fannis, in conviciis, in salibus, quem non vincit scurræ? Magno animo contemnit Cæsares & Pontifices, & ad levissimorum abjectissimorumque hominum susurros sic debacchatur in quemlibet, velut oblitus quam agat fabulam, & quam personam induerit. Hic libellis editis docemur in Eucharistia non esse corpus & sanguinem Domini substantialiter. Ego rogatus sententiam à magistratu, respondi me nihil aliud credere, quam quod definisset Ecclesia Catholica. Id responsum male habuit hos Evangelistas novos, qui misere cupiebant sententiam suam obtinere. Hic quum stare à *Luthero*, qui hac in parte dissentit ab istis, tamen illum instigarunt, ut quicquid habet veneni in me effunderet. Hæc nimirum sunt Evangelica stratagemata. Et tamen quum huiusmodi monitis depugnantem me laceffunt *Sutores* & *Bodde*, videlicet utraque pars sic agit suam fabulam, quasi non sint felicem exitum. His literis si tibi molestus sum, imputato huic juveni, quem tua liberalitas docuit, quamvis ociosas extorquere literas. Bene valeat T. R. D. Datum *Basilea* 13. Martii, Anno à *Christo* nato 1526.

EPISTOLA DCCCI.

Erasmus Rot. Francisco Sylvio S. D.

DE conjugio *Lutheri* certum est, de partu maturo sponse vanus erat rumor, nunc tamen gravida esse dicitur. Si vera est vulgi fabula Antichristum nasciturum ex Monacho & Monacha, quemadmodum isti jactant, quot Antichristorum millia jam olim habet mundus? At ego sperabam fore, ut *Lutherum* uxor redderet magis cicurem. Verum ille præter omnem expectationem emisit librum in me, summa quidem cura elaboratum, sed adeo virulentum, ut hætenus in neminem scripserit hostilius. Quo devenit *Erasmus* ille pacificus? hac ætate, quæ solet gladiatoribus impetrare rudem, cogitur in arena mirmillonem agere, &

A quod est durius, *ὀφθαλμῶν*. O te non semel felicem, An. cui licet mustitare cum Musis! Datum *Basilea* 13. Mar. 1526. tii, Anno 1526.

EPISTOLA DCCCII.

Erasmus Rot. Francisco Cigalino Medico S. D.

EVIDEM gratulor bonis literis ac sacris Voluminibus, quod Medicis quoque coeperint esse curæ, atque isto sane nomine mihi charior eris, cui locum haud postremum in amicorum catalogo destinavi. Cæterum occupationes studiorum, quibus obruor, in causa sunt, ut ad tuam copiosam disputationem strictim ac *Λακωνικῶς* respondeam. Primum, non statim superioris receptæque translationis reprehensio est, si quid aliter à nobis vertitur, non profecto magis, quam quum interpretes orthodoxi diversam adferunt lectionem, quod quidem faciunt non raro, exponentes utranque, neutram re improbant. Deinde, susceperam illic vertendos *Græcos* codices, non castigandos, nec paucis in locis præfero *Latinorum* translationem *Græca* lectioni. Fuisssem autem impudens, si professus interpretem, aliud vertissem quam haberet codex *Græcus*, præsertim exemplaribus consentientibus. Multo vero impudentior, si id fecissem, quum è regione *Græca* posuerim, quæ me statim coarguerent, etiam si *Græcorum* interpretatio non coargueret. Id quod accidit frequenter ei, qui vertit Commentarios in Epistolas *Pauli* falso *Athanasii* nomine, quum sint *Theophylacti*. Contextum enim vertit juxta Vulgatam Editionem *Latinorum*, cui sæpe non quadrat interpretatio. Atque hoc quidem loco fateor præpositionem *ἐν*, in nonnullis *Græcorum* codicibus non addi, quum in emendationibus addatur. Atqui non poteram in versione nisi unicam lectionem reddere. E duabus igitur eam sequutus sum, quæ magis arridebat animo meo, quæque codicum emendationum & interpretum *Græcorum* enarratione commendabatur, quod supererat in Annotationibus erat agendum. Quod si legis ea, quæ calumniantibus hunc locum ante annos quinque respondi, aut satisfactum fuisset tuæ questioni, aut habuisses uberiores argumentandi materiam. Quæ scribis de pace piorum, cui comes est justitia, mihi tecum pax est; nisi quod *pacis* vocabulum in Apostolicis literis fere sonat *reconciliationem*, & iis, qui recipiebantur in Ecclesiæ communionem, dicebatur dari *pax*. Atque hunc in sensum interpretantur *Pauli* salutationes, gratiam & pacem subinde precantes. Si legeris meam in *Lucam* Paraphrasim, videbis me tibi jam tum *ὁμολογῶν* fuisse. Quoniam autem in coelis non erat peccatum, quod dirimeret amicitiam, sed tantum laus & gratiarum actio, Angeli canunt, *Gloria in excelsis Deo*: cæterum hominibus venerat ille, qui pacificat omnia quæ in coelis, quæque in terris, aboliturus peccata mundi, pax canitur in terris. Hætenus, opinor, mihi tecum convenit, restant duo scrupuli, de dictione quæ facit tres partes, è duabus, & de præpositione *ἐν*. Ex *Origene*, *Latine* verso per interpretem parum auspiciatum, nihil evincis, nisi ex ipsa enarratione liquet quid legerit. At tale nihil habet locus, qui profertur, primo libro *Origenis* contra *Celsum*. Locum enim, quem refert ex *Origene*, nescio unde hauseris; nec enim quicquam habemus *Origenis* in decimum caput *Matthæi*: nam Homiliae, quæ feruntur hujus nomine in *Lucam*, alterius cujusdam esse videntur, & tamen ille locus hætenus pro me facit, quod legit in hominibus addita præpositione, & quod semel appellas *pax* *bona voluntatis*. Hoc vide ut memineris. Jam ex *Chrysostomo* utcumque verso quid colligis? De distinctione nihil memipit, legis *hominibus bona voluntatis*. Immo scias hæc verba ab interprete fuisse addita. Sic enim habet codex *Græcus*, *πῶς ὃς οἱ ἀγγελοὶ ἐλεγον, δόξα ἐν ὑψίστοις Θεῷ, ὃς ἰπὶ γῆς εἰσέρχεται, πῶς ὃς οἱ ἀποστόλοι πάντες τῶτο ἀντιγυνοῦντο, &c.* In nunc, & crede libris in aliam linguam transiis. Verum, quo perspicuum fa-

An. faciam, *Chrysostomum* legisse quemadmodum nos vertimus, adscribam locum ex Commentariis in Epistolam ad *Colossenses*, quo declarat hæc *Pauli* verba, *Sive quæ in terra, sive quæ in cælis, diu tæto διακρινόμενοι λέγομεν, δόξα ἐν ὑψίστοις Θεῷ, καὶ ὑπὸ τῆς χάριτος αὐτοῦ, ἐν ἀνθρώποις διδομένη* id est quæ a hominibus datur, ut in *Colossensibus* 3. καὶ ἐν τῇ μέτειχά ἐστιν ὁ ἰσχυρὸς. Ad hæc *Theophylactus*, & legit, & interpretatur juxta nostram sententiam: Pacem enim hanc volens intelligi Dei Filium, de quo *Paulus Ephes. 2. Ipse est pax nostra, quæ fecit ex nostrisque membris*, subjicit hæc verba, *αὐτὴ ἐν ἡ εἰρήνῃ ἡ ὧς τῷ Θεῷ ὑπὸ τῆς χάριτος αὐτοῦ, ἐν ἀνθρώποις διδομένη, τὰ ἐν ἀνθρώποις τῷ Θεῷ*. Nec dubito quin plura testimonia proferre queam, si major esset *Græcorum* voluminum copia. Sed jam arbitror te placatum de lectione distinctioneque *Græcorum*, à qua non oportebat fidum interpretem discedere, præsertim quum nostra versio non fugillet publicam *Latinorum* editionem. Restat ut si quid superest scrupulorum discutiamus. Qui factum est, inquis, ut istam lectionem nemo veterum *Latinorum* attigerit? Equidem arbitror illos idem legisse, quod nos legimus, nec illorum sententiam à nostra discrepare, utcunque verbis dissonant. Nihil hic adferam coactum aut detortum, sensus communis probabit quod dicam. Nec enim opus est commento quod adfers, ut *διδόναι* proferatur dandi casu ut respondeat nostro genitivo, qui vertitur in ablativum: quemadmodum dicimus, *mulier egregia forma*, & *mulier egregia forma*: nihil enim simile est apud *Græcos*, sed *Græcorum* dativo respondet noster ablativus, quem quidam septimum casum esse volunt, per quem significamus modum aut instrumentum, ut cum dicimus, *ἐπέταξέ με ἔσθω*, id est, *percussit me gladio*, aut *ἐδίδάκτό με μεγάλη διφρασύνη*, id est, *excepit me summa humanitate*: proinde quod hic adfers, nullo modo consistit. Primum docui hoc loco *διδόναι* esse non ἀγαθὸν θέλημα, ut non ad hominem, sed ad Deum potius pertineat: quam vocem *Hieronymus* putat à Septuaginta novatam, quo commodius, quod sentiebant, explicarent, videlicet gratuitum Dei favorem erga nos. Hanc *Latinus* interpretes aliquando vertit *beneficium*, velut i *Corinth. 10. Ἄλλ' ἐκ τῆς πλείστης αὐτῶν διδόνου ὁ Θεός*. Et *Psalm. 68. καὶ δίδου καλός*. Sed quid ego hæc, quum sacri Libri fœteant hac dictione? Tres igitur particulae ad eundem sensum pertinent: *Christus* in terris nato, venerat tempus, quo Deus statuerat sibi per Filium reconciliare mundum: pro hac admirabili bonitate Dei, Angeli canunt, *Gloria in excelsis*: nulla enim re magis innotuit Dei benignitas, quam quod Filium suum dederit pro nobis redimendis: per cujus mortem quoniam abolenda erant gratis peccata mundi, addunt, *et in terra pax*, jam diruta maceria, quæ separabat cælum à terra. Cæterum ne quis existimaret promitti pacem humanam, aut hominum meritis debitam, addunt, *in hominibus bona voluntas*: ut hæc particula per appositionem referatur ad proxime præcedentem: perinde quasi roganti cuipiam, unde ista nova pax terris è responsum esset, non est pax vulgaris, nec hominum benefactis reddita, sed nihil aliud est ista pax abolens peccata, quam gratuitus Dei favor erga suos electos. *Christus* autem sic dicitur pax, quemadmodum justitia nostra, & peccatum, pro eo quod erat, pacificator, justificator, victima pro peccato, quo tropo videntur *Hebraei* delectari, quoniam & *Latini* dicunt, *Hic est mea mors*, *Hic est mea vita*. Quod autem dixit *in hominibus*, non refertur ad pacem, sed ad *διδόναι*, quasi dicas erga homines favor. Sic alibi Pater velut Angelorum cantilenam explanans, *Hic est*, inquit, *Filius meus dilectus*, in quo mihi complacui, *ἐν ᾧ διδόνου*: per illum enim coepit *διδόναι* erga nos, qui *Christus* per baptismum inserimur, efficiturque cum illo filii Dei, fratres *Jesu Christi*. Et convenit sermonis tropus, in quo complacitum est mihi, & in hominibus *διδόναι*. Ostensum est, distinctionem trium particula-

num esse apud *Græcos*: demonstratum est, addi præpositionem *ἐν*, quæ si abest, idem tamen esset sensus, licet sermo durior: declaratum est, pacem Dei distinctionem à pace mundi: indicatum est, eundem esse sensum, sive legas *pacem bonæ voluntatis*, sive *pacem bonæ voluntatis*, quemadmodum dicimus *urbem Romanam*, & *urbem Roma*. Ex quibus probabiliter colligitur, orthodoxos *Latinos* idem legisse quod nos legimus, nec à *Græcis* sensu disfidere, sed verbis duntaxat. Hæc tam evidentia, tam multa, si nondum satisfaciunt vitiligatoribus, sequantur vulgatam lectionem, quam non fugillo, sequantur *Bede*, *Lynani*, & *Hugonis* interpretationem, qui ob *Græci* sermonis imperitiam non intellexerunt quid sibi vellet vox *διδόναι*, nec mihi postulent esse fraudi, si *Chrysostomi*, si *Theophylacti* piam ac probabilem opinionem communicavi, relinquens liberum suum cuique judicium. Tibi vero duplici nomine debere me fateor, primum quod tua disputatio me provocarit, ut rem attentius inspicerem, deinde quod amicorum meorum numerum auxeris nomine nequaquam poenitendo. Superest ut *Erasmii* quoque nomen inter eos ponas, quos ex animo tuos esse putas. Habes epistolam fortasse breviorē quam velles, sed quam fatearis prolixam, si scias quanta mihi sit oculi penuria. Bene vale. *Basilea 15. Martii, Anno 1526.*

EPISTOLA DCCCIII.

Erasmus Rot. Guilhelmo Budæo S. D.

MAGNAM profecto voluptatem mihi nunciarunt *Jacobi Tossani* literæ, ex quibus cognovi, te, quod ego semper ut faceres optavi, tandem aggressum: videlicet in lucem dare *Græca Latinaque* linguæ observationes, quæ tam accurata, tamque diutina probatissimorum Auctorum lectione collectæ, non dubito quin plurimum utilitatis allaturæ sint utriusque literaturæ studiosis. Interim & *Janum Lascarem* istic adesse gaudeo, quem tamen optarim gratiore compede vinctum apud vos detineri. Audio jam ad senium vergenti rem esse cum podagra. Emisimus jam quartum Novum Testamentum cum Annotationibus, in quibus relegendis comperi me locis compluribus honorificentissimam tui facere mentionem. Scio tibi plus deberi laudis, nec ignoro nihil opus nostram lucernulam in tuæ gloriæ solem intulisse. Denique non inficiabor, aliquid lucis accessisse meis lucubrationibus ex tui nominis splendore. Quare non est quod mutuum officium abs te reposcam, optarim tamen ut in tuis lucubrationibus, præsertim iis quas cum primis immortales maximeque manibus hominum terendas auguraris, admisceas non tam laudem mei quam benevolentis in *Erasmii* animi significationem. Non enim desunt qui te parum candide de nobis sentire suspicentur. Hanc suspicionem penitus abolitam esse velim, non tantum nostra causa, sed multo magis publico studiorum nomine, ad quæ provehenda magnopere refert, ut qui huic negotio navant operam, inter sese mutua benevolentia fœderentur. Audio *Christianissimum Regem* impense favere rectoribus studiis, quem si currentem, ut ajunt, exstimuletis, confido rem felicissime cessuram. Crede mihi, non alia res magis offuscat istius *Academici* gloriam, quam quod juvenus, vix gustata grammatica, rapitur ad sophisticam, easque disciplinas, quibus armantur ad palæstram scholasticam. Sunt illæ quidem ad judicandum conducibiles, at linguarum cognitio simpliciter est necessaria: Absque dialectices peritia multi recte judicant, citra sermonis cognitionem nemo potest vel intelligere quod audit, aut legit. Initio reclamabunt nonnulli, verum is tumultus mox consilescet. Juventutem omnem habemus pronam. Seniores, qui publicitus obstreput, clam affectant hanc accessionem studiorum. Declarant hoc *Hugoberti* libelli, qui prodeunt in dies cultiores, testantur & *Sutoris* & *Beda* scripta. Quin & ipse *Clisbovius* aliquan-

M m m 3 to

An. to politius scribit solito. Neque negligit styli mundi-
 1526. tiam *Latomus*. *Longolius* ante diem nobis ereptus, præ-
 claram opinionem reliquit apud *Italos*, quod fuerit
Ciceronianus. Et tamen neminem ex illis prodire vi-
 deo, qui vere referat *Ciceronem*, nisi bractea dunta-
 xat orationis, ac verbulis aliquot selectis. Qui mihi to-
 tum *Ciceronis* pectus refert, is vere *Ciceronianus* est.
 Est *Roma* chorus eruditorum, qui vix ferunt nomen
Germanorum, aut *Gallorum*. Habent coryphæum &
 incitorem tibi non ignotum, cujus animo ut nulla
 satis est gloria, ita non fert præter ipsum laudari queri-
 quam nec deorum, nec hominum. Hos habeo ob hoc
 etiam iniquiores, quod in epistolis ad te meis alicubi
 scripserim, tibi certamen esse cum *Hermolais* & *Bar-*
baris, atque adeo *Petris*. Verum hos quo minus ha-
 bemus æquos, hoc arctioribus gratiarum vinculis inter
 nos jungi decet. Bene vale. *Basilea* 23. Martii, Anno
 1526.

EPISTOLA DCCCIV.

Francisco Chiregato, Episcopo Interamniensi,
Erasmus Rot. S. D.

REDITAE sunt mihi literæ tuæ, quas è *Vatica-*
no miseras Idib. Januariis, sed resignatæ, quod
 nunc fere fit in omnibus. Ajebant id factum ab *Hi-*
spanis, opinor, iis, qui juxta *Rhetos* nescio quid arcis
 occuparunt. Excusatio diutini silentii tui fuit mihi
 longe gratissima, non quod ullam officii partem in te
 desiderarem, qui præter omne meritum hunc homun-
 culum ultro tot officiis oneras, sed quod declararet sin-
 gulare quoddam erga me studium ac benevolentiam,
 qui nec inter tot negotiorum undas excidere potuerim
 animo tuo. Publicæ orbis calamitates, quas tua de-
 plorat pietas, neminem non discruciant, nisi plane sit
 impius, ac prorsus hominis sensum exsuerit. Ac de pa-
 ce quidem inter Monarchas facienda jampridem bona
 spes est, sed nimium lenta torquet animum nostrum.
 At fieri video quod solet in corporibus exulceratis, ubi
 vomitam unam aut alteram utcunque sustuleris, erum-
 pit aliunde malum. Sed de rebus Monarcharum nec
 ego quicquam scribere possum, quod te fugiat, & si
 possim, non satis tutum arbitror. Perlongum est iter,
 fides nulla, hominum studia varia. Agricoliarum mo-
 tus fere coerciti sunt, sed immitti remedio. Sic postula-
 bat morbi magnitudo. Quanquam ea pestis subinde
 meditatur recrudescere. Sed provisum, opinor, ne re-
 rum novarum avidis liceat quod licuit. Verum altera
 lues, quæ fere jam *Europam* omnem pervasit, multo
 gravior est quam bellorum rabies: quod hæc tantum
 grassetur in fortunas & corpora; illa, violata pietate,
 sublata concordia, totum hominem demittit orco. Vi-
 detur tamen solito mitior, resipiscunt multi, pleri-
 que favent frigidius: qua quidem in re nihil laudis
 mihi vindico, tametsi sic in me fremunt, qui vehe-
 menter addicti sunt huic factioni, quasi præcipuam
 quandam ad id navarim operam. Etenim ut de cæteris
 taceam, *Lutherus* nuper in me scripsit ingens volumen,
 diu multoque studio elaboratum, sed ita fermentatum
 amarulentiis, scommatibus, & calumniis, ut antehac
 in neminem scripserit hostilius. Meæ responsionis par-
 tem ad te mitto; mittam & ipsius volumen, si quem
 nactus ero, qui tantillum sarcinæ volet suscipere. Au-
 get nobis spem finiendi mali, vehemens inter ipsos dis-
 sidium. *Lutherum* cum aliquot suis defendit in Eucha-
 ristia esse verum *Christi* corpus, alii plerique fortiter
 reclamant. Res agitur utrinque dentatis libellis. Ap-
 ud *Elvetios* decreta est publica disputatio ad Pente-
 costen in oppido, cui nomen à balneis, *Baden*. Quid
 ea nobis paritura sit nescio. Quo minus succedat res,
 in causa sunt quidam homines inauspicati, qui tamen
 sibi videntur totam Ecclesiam suis humeris sustinere.
 Hi sub prætextu defendendæ pietatis suis affectibus
 morem gerunt. Quum enim linguas ac bonas literas
 multo pejus oderint quam totum *Lutherum*, hoc miris

A technis agunt, ut quocunque modo lædant eos, qui hoc
 studiorum genus provehunt. Interim dum ego cum
 factione potenti non absque capitis mei discrimine di-
 gladior, *Lovanii* quidam emisit in me tres libellos, sed
 suppresso meo nomine. Mox quatuor *Dominicani* scur-
 ræ, meo quidem expresso nomine, sed suis dissimula-
 tis, emiserunt librum undique scatentem criminosis men-
 daciis, & conviciis plusquam scurrilibus. Eo facino-
 re patrato fugerunt alius alio. *Lutetia* rursus *Domini-*
canus quidam corrumpit mea *Colloquia*, & addidit Præ-
 fationem meo nomine, in qua damno meipsum. Is
 scurra *Lugduni* declaravit suam pietatem. Suffuratus,
 ut scribunt, *Mæcenati* suo trecentos coronatos aureos
 profugit. Deprehensus est suaviter potans inter aliquot
B scorta. Nuper ibidem *Petrus Sutor*, Theologus & *Car-*
tusianus, emisit in me librum justæ magnitudinis, in
 quo nihil crepat nisi temeritates, hæreses & blasphemias,
 non ob aliud nisi quod verti Novum Testamentum,
 in usum privatæ duntaxat lectionis. Idem nunc
 emittit librum, cujus initium duntaxat vidi, sed tale,
 ut præ se ferat plane rabiosam maledicentiam. Et ta-
 men nugacissimæ nugæ sunt, de quibus suscitatur tantas
 tragœdias. Per hos mihi nullum relinquitur ocium a-
 gendi quod & meus optat animus, & vestra suadet pie-
 tas. Quanquam autem difficillimum est cum tam po-
 tenti factione bellum gerere, difficilius autem cum u-
C traque acie depugnare unum & utrinque confodi, ta-
 men mihi certum est citius immori malis, quam ab Ec-
 clesiæ consortio deficere. *Christus* dabit & vires, &
 præmium. Si coram liceret, plura effunderem in si-
 num tuum, quod utinam aliquando contingat. To-
 tum hunc autumnum & hyemem cum pituita & calculo
 luctati sumus, sub ver coepimus respirare. Tibi precor
 omnia, moribus istis candidissimis digna, reverende
 Præsul, mihi que cumprimis colende. Datum *Basilea*,
 ipso die Paschæ, sive 1. Aprilis, Anno 1526.

EPISTOLA DCCCV.

Erasmus Roterodamus Reverendo Gulielmo, Patri
Carusæ magne, S. D.

QUOD tua pietas, ut audio, lectione dignatur meas
 lucubratiunculas, quo minus istuc promerentur,
 hoc magis prædicandus est animi tui candor, qui sem-
 per veræ probitatis comes esse solet. Multum quidem
 hoc nomine tibi debeo, sed aliquanto plus, quod hunc
 homuncionem, majora quam pro viribus molientem,
 precibus apud Deum tuis subleves. Plurimum vero
 debiturus, si non gravabitur tua charitas admonere,
 si quid in scriptis meis offendit animum tuum. Equi-
 dem non admodum soleo vel obtrektorum conviciis
 macrescere, vel faventium applausu pinguescere, ta-
E men olim undique meis auribus obstrepens, illud *dy*,
 quanquam non tantum valuit, ut me mihi excuteret,
 tamen aliquanto securiorem minusque vigilantem red-
 didit. Universum *Germania* theatrum certatim applau-
 debat & bene dictis & male dictis *Erasmi*. Sed longe plus
 attulissent utilitatis duo tresve fidi monitores, quam
 multa laudantium millia, quorum immodicus favor
 mihi præter invidiam non video quid fructus pepere-
 rit: nisi quod nunc inverfis rerum humanarum scenis,
 illi ipsi, quibus tum eram Deus, rabiosis libellis meum
 nomen proscindunt: non ob aliud nisi quod *Luthera-*
na factioni nomen dare noluerim, neque cum his sen-
 tire, qui sic inter se dissentiunt. Jam enim adornabant
 triumphum, si *Erasmus* dux ipsorum castris accessis-
F set: & quicquid malorum nunc patiuntur, mihi potis-
 simum imputant, qui remoratus sim Evangelii succes-
 sum: quum ego semper egerim quod nunc ago, si se-
 det opportunitas, ut hæc rerum humanarum tempe-
 stas, quæ prope totam *Europam* concussit, *Christo*
 moderatore pariat nobis aliquid tranquillæ serenitatis.
 Novit enim omnipotens artifex nostram dementiam in
 bonos exitus vertere. Interim temeritatis poenas à
 meipso exigo. In divo *Hieronymo* tantum impendi cu-
 ræ,

An. 1526. ¹⁵²⁶ ræ, ut jam existimem minimum esse, quod desideret. Lector etiam parum candidus. Idem non semel jam præstitimus in *Adagiis*, in *Paraphrasibus* exorsi sumus, in cæteris item facturi. Quod si mihi solum hoc agere licuisset, tamen abunde multum erat negotii. Nunc Pontificum ac Regum auctoritate protrudor in arenam gladiatoriam; hac ætate, cui velut emeritæ rudis dari solet. Nihil profuit tot causas allegasse, senectutem, valetudinem, vires impares, testabar me nihil aliud profecturum, quam ut irritarem crabrones. Quid non? Frustra omnia. Sumendum erat rete, prodeundum in arenam, quamlibet aliis rebus nato. Sic auspiciatus sum pugnam, ut civilis non possem, edita *Diatriba*. Quid profecerim, declarat *Lutheri* responsio, in qua seipsum multo superat intervallo; nihil enim unquam scripsit amarulentius, aut hostilius. Et apud diversam partem adeo mihi non profuit, factionem quum armis, tum linguis & calamis formidabilem in meum caput provocasse, ut interim dum cum hostibus pro Theologis cominus manus consero, ab iis, quos defendendo, perniciosius impetar, quam ab illis, quos oppugno. Verum ut nulli minus fuit causæ, cur impeteret me, quam *Petro Sutori*: ita nullus catholicæ professionis impotentius in me debacchatus est. Nihil opus est pluribus verbis, si librum hominis legisti. Consilium erat non respondere. Sensi protinus ingenium gloriæ famelicum, cuique non in aliud quæsitum esset ocium vestratis instituti. Et utinam hic animo meo paruissem potius, quam consilio cujusdam, cujus eruditioni prudentiæque tantum tribuebam, ut nequaquam inducerem in animum, illum quicquam suasurum, quod non magnopere, tum ad me privatim, tum ad religionem publice pertineret. Vix absolveram *Apologiam*, ita me cepit pœnitudo, quod illum dignatus essem responso, ut nunquam mihi fuerim ipse magis iratus. Quis enim alicujus precii, judicive, dignatus fuisset talem librum sua lectione, qui quum nihil doceret, tam scurrilem haberet loquacitatem? Nunc habet ille quod unum venabatur. Volitat per orbem *Petri Sutoris* nomen, quod antehac *Lutetia* quoque fuit obscurum. Hoc quoniam successit ex animi sententia, scripsit antapologiam, adeo scurrilem ac rabiosam, ut in priore libro probus ac sobrius videri queat. Nondum vidi totam, quatuor duntaxat quaterniones, à typographo etiamnum excudente extortos, quidam amicus ad me misit. Ex hoc gustu ceu Leonem ab unguibus, ut ajunt, non difficile fuerit æstimare. Multa præfatus, non ipsi vertendum esse vitio, si causam hanc verbis asperioribus & risu tractet, hoc est, si scurram agat & scycphantam, primum detrahit mihi laudem omnem eruditionis Theologicæ: quum ipse disputans apud viros doctissimos probatus sit, ego, quod sciat, nullum in ea professione gradum sim adeptus: quasi qui me excusserunt, Theologi non sint, aut quasi soli Theologi nomen promereantur, qui juxta viam, ut vocant, *nominalium* de difficultatibus quibusdam, quæ soleniter in scholis agitantur, idque magis ad ostentationem quam ad pietatem, sint exercitati: juxta quam regulam, nec *Cyprianus*, nec *Ambrosius* in hujus cognominis honorem recipietur, quanquam ab ejusmodi digladiationibus animi judicium me subduxit verius, quam ingenii deterruit inopia. Sed tituli gloriam æquissimo animo posuerim, qui mihi non ambitus, sed obtrusus est. Certe *Sutori* debebam esse Theologus, qui tam multa docui, quæ fugerant istos subtilissimos, qui tot locis commonstro lapso Veterum excellentissimos, *Augustinum* & *Ambrosium*? ne reliquos commemorem recentioris antiquitatis scriptores, *Thomam*, *Lyranum*, *Carenssem*, &c. Verum hæc ludicra sunt; aggreditur omnem fidem mihi detrahere, si quid de iplo dicam male, perinde quasi liber, quem evulgavit, vel tacente me, non satis declaret ingenium ac mores Auctoris. Id agit his argumentis, Ait *Erasmus* esse blasphemum hominem, non tantum in omnia mortaliū genera, verum etiam in divos omnes, atque in

ipsum adeo Deum. Nunc audi tam nefandi criminis probationem. *Moria* (nam hoc ulcus jam olim obdutum refricat) alicubi jocatur Casus, qui priscis Deus erat, fuisse repertorem artium: ast ubi Casus, ibi nulla sapientia. Hinc colligit, sibi magna ex parte deberi artium inventionem. Ex hoc *Sutor* ita ratiocinatur, *Deus scientiarum dominus est*, & *Erasmus harum inventionem tribuit Moria*, blasphemus igitur est in Deum. Mox quicquid exaggerari potest in veram blasphemiam detonat in me. Hic quam multa sunt inepta, præter hoc quod *cantici mystici* verba detorquet ad artes humanas, quum sensus sit Deo nihil occultum esse, nec quod illius scientiam fugiat. Blasphemiam in Virginem matrem sic arguit: Alicubi dixi, fuisse coitum quendam inter Deum & Virginem, & *Gabrielem* fuisse pronubum hujus conjugii. Primum hic *Sutor* non intellexit mentem meam: neque enim loquor de conjunctione divinæ & humanæ naturæ in unam hypostasim, neque de conjugio *Christi* sponsi & sponsæ Ecclesiæ: sed id significo quod subnotat *Hilarius*, Deum Patrem denuo Filium suum quodam modo genuisse ex Virgine: hic *Gabrielem* adhibitum ajo *paranympum*, quem *Latine pronubum* appello: Spiritum sanctum hoc muneri expleffe, quod in aliis solet actus seminis. At clamat ille, coitum in sacris Literis non aliter usurpari, quam pro carnali congressu maris & foeminæ. Esto, sed ne quis possit imaginari vulgarem coitum, addo *quendam coitum*. Hanc stultam calumniam circumfert per omnes divos & omnem hominum conditionem. Tantum ad me delatum est: hæc exordia declarant, quæ dicturus sit, posteaquam in operis progressu *Sutor* incanduerit. Nec tamen satis causæ video, cur hæc te scire velim. Etenim quod ad me quidem attinet, fera querela est: quod autem ad vos, frustranea. Jam Opus illius prostat, nec auctoritate vestra permovebitur, qui Theologorum jam bis contempsit. *Natalis Bedda* conatus est illum in editione prioris libri ab intemperantia calami revocare, non quod illi curæ sit mea fama, sed quod intelligeret magno dedecori futurum, si mundus sciret talem scriptorem è *Sorbona* prodisse. Quod de *Bedda* dico non somnio, ipse literis ad me suis perscripsit. Quanquam non ille solus est, cui displicet *Sutoris* ingenium; sunt in Theologorum ordine plurimi, quibus vehementer displicet, quosque pudet ejusmodi sodalis. Tales enim Theologi non medentur hæresibus, sed ex orthodoxis faciunt hæreticos, quod tamen illi nunquam in me licebit, etiamsi sexcentis libris in me debacchetur. An ille cessurus est auctoritati vestræ, quum sic insectetur Opus, quod *Romano* Pontifice auctore suscepi, quod eodem approbante perfeci, pro quo mihi tot Episcopi, tot Theologi gratias agunt? Et tamen hoc quicquid est rei, nolui te latere, ut si meo nomini consulere non potestis, saltem aliqua ratione, vestra prudentia, vel ordinis honori, vel ipsius salutis prospiciat. Me posthac, quoniam perspicio rem in manifestam exisse rabiem, mutum laceffet. Bene vale, & hunc peccatorculum Domino clementissimo tuis precibus commenda. *Basilea* 7. Aprilis, Anno 1526.

EPISTOLA DCCCVI.

Erasmus Rot. Martino Luthero S. D.

SERO reddita est tua epistola, quæ si maxime venisset in tempore, nihil me commovisset. Non sum usque adeo puerilis ingenii, ut tot vulneribus inflatis plusquam capitalibus, placer una aut altera facetiola, palpoque deliniam. Cujus ingenii sis jam orbis novit, stylum vero sic temperasti, ut hæctenus in neminem scripseris rabiosius, immo, quod est detestabilius, malitiosius. Hic videlicet tibi succurrit, te peccatorem infirmum esse, quum alias postules tantum non pro Deo haberi. Es homo, ut scribis, vehementi præditus ingenio, & argumento tam insigni delectaris. Quin igitur istam admirabilem *deivum* jam pridem effunde-

bas

bas in Episcopum *Roffensem*, aut in *Cochleum*, qui te nominatim appellant & conviciis laceffunt, quum mea *Diatriba* civiliter disputarit? Quid autem faciunt ad argumentum tot scurrilia convicia, tot criminosa mendacia, me *atheum* esse, me *Epicureum*, me Scepticum in his quæ sunt *Christiana* professionis, me blasphemum esse, & quid non? præter alia multa quæ retices. Quæ quidem hoc levius fero, quod nihil horum est, in quo mea remordeat conscientia. Nisi *Christiane* de Deo deque divinis Literis sentirem, non optarem vel in crastinum mihi proferri vitam. Si causam vehementia, qua soles, egisses, citra furiosa convicia, pauciores in te provocasses: nunc plusquam tertiam voluminis partem his occupare libuit, dum tuo morem geris animo. Quam mihi cesseris, res ipsa loquitur, qui tot manifesta impingis crimina, quum *Diatriba* nec ea voluerit exagitare, quæ mundus ipse novit. Imaginaris, opinor, *Erasmus* nullos esse fautores, sunt plures quam credis. Atqui non refert adeo quid nobis duobus accidat, mihi præsertim hinc brevi migraturo, etiam si mundus universus applauderet: illud mecum optimum quemque discruciat, quod tuo isto ingenio tam arroganti, procaci, seditioso, totum orbem exitiabili diffidio concutis, bonos viros, ac bonarum literarum amantes, objicis furiosis quibusdam *Phariseis*, improbos ac novarum rerum avidos ad seditionem armas, breviter sic tractas Euangelii causam, ut sacra prophanaque omnia commisceas, quasi studio tibi sit, ne tempestas hæc aliquando vertatur in lætum exitum, in quam occasionem ego semper intentus fui. Quid tu mihi debeas, quid retuleris præmii, non excutio. Privatum est illud quicquid est, publica calamitas me discruciat, & omnium rerum immedicabilis confusio, quam nulli debemus, nisi tuo isto impotenti ingenio, bene consulentibus amicis intractabili, levibus quibusdam tenebrionibus ad quidvis flexili. Quos eripueris è potestate tenebrarum nescio, in hos tamen tam ingratos debebas calami tui mucronem stringere, potius quam in moderatam disputationem. Optarem tibi meliorem mentem, nisi tibi tua tam valde placeret. Mihi optabis quod voles, modo ne tuam mentem, nisi tibi Dominus istam mutaverit. *Basilea* 11. Aprilis, quo tuæ redditæ sunt literæ, Anno 1526.

EPISTOLA DCCCVII.

Erasmus Roterodamus Bernardo, Episcopo Tridentino, S. D.

REVERENDE Præful. Quum existimem me non minus debere tibi, quam si omnia accepissem, teneremque, quæ multa pariter ac magna, tua benignissima voluntas ultro nihil promerenti desert, quumque tu singularem istum erga me favorem in dies novis cumules officiis, non magnopere sollicitus sum, quomodo tibi gratias agam. Id enim nimis est vulgare, malim occasionem mihi dari, qua specimen aliquod edere liceat grati in te animi: eam si neque tu dederis, neque fortuna objecerit, ipse tamen alicunde accipiam, idque, ut spero, brevi. Interim te rogo ut Illustrissimi Principis erga me studium ac benevolentiam alere non graveris, atque identidem excitare. Qui has reddit, juvenis est notæ spectatæque probitatis; causam habet justissimam, quo certior mihi spes est, tuam amplitudinem illi non defuturam. Quid rei sit non prius audies quam tibi narraro fabulam, quam nuper apud *Senecam*, haudquaquam pessimæ fidei auctorem, legi; fortassis non in hac tantum causa profuerit meminisse. *Philippum, Macedonum Rex, Alexandri Magni* pater, sed veris animi dotibus utcunque laudato filio major, inter bonos Principes numeratur, sed nulla re celebrior, quam æquitate civilitateque morum: is habebat militem manu fortem, sed animo pravum, cujus in multis expeditionibus utilem expertus operam, subinde ex præda aliquid illi virtutis causa donarat, &

hominem venalis animæ crebris auctoramentis accenderat ad rapinas, non aliter quam ex fera canibus aliquid extortum objicitur, quo sint acriores in venatu. Hunc militem, forte navi fracta, in possessionem cuiusdam *Macedonis* tempestas impulerat. Quod ubi nunciatum est *Macedoni*, collegit hominem, refocillavit semianimem, multisque diebus summa cum humanitate tractavit; postremo discedentem instruxit viatico. Interea miles crebro dicebat hospiti suo, Referam tibi gratiam, videre tantum mihi contingat Imperatorem meum. Et quod pollicitus est, præstitit, venit ad Regem, naufragium exposuit, auxilium tacuit. Ac protinus petit à Rege prædium illius *Macedonis*, à quo receptus, recreatus, sanatus, & viatico adjutus fuerat; commentus est nonnihil causæ adversus hominem benemeritum. Hoc erat referre gratiam promissam. Favebat Rex strenuo militi, miserebatur naufragi, credidit ingrato. Quid multa? Donavit quod petebatur. His modis peccant & æqui Principes, præsertim in bello. Non absolvam narrationem, nisi recitaro sententias aliquot, quas hoc loco interferit *Seneca*. Multa, inquit, Reges, in bello præsertim, opertis oculis donant. Non sufficit homo justus armatis cupiditatibus. Non potest quisquam eodem tempore & bonum virum & bonum ducem agere. Quomodo tot millia hominum insatiabilia satiabuntur? Quid habebunt, si suum quisque habuerit? Expulsus *Macedo* non tulit tacite hospitis ingratiissimi perfidiam. Regi per literas breves, sed liberas, rem omnem significat. At Rex optimus id factum nihilo levius tulit, quam is qui fuerat expulsus: nihilque moratus, *Pausania*, id erat militi nomen, mandat, ut è vestigio restituat hominem in pristinam possessionem. Quid præmii debebatur impio militi, ingrato hospiti, avidissimo naufrago, impudenti postulatore? Inscribi oportuit fronti illius stigmata, ingratum hospitem testantia. Fortassis hoc exemplum non omnino simile est huic negotio, sed tamen hinc admonendus est optimus Princeps *Ferdinandus*, ne quis ad consimilem modum ipsius bonitati imponat. Justissimum est animadverti in eos, qui semet addixerunt impietati, quanquam qui leviter afflati sunt, magis sanandos censeo, quam puniendos. Cæterum hic prudentia Principis vigilet oportet, ne sub prætextu justitiæ, fiat injuria innocentibus: multi exorientur, qui sub titulo pietatis studebunt ulcisci quibus male volunt, plures inhiant prædæ, nec effugiet calumniam quisquis habet aliquid. Tota *Basilea* novit hunc juvenem perpetuo non solum alienum fuisse ab his factionibus, quod tamen hic rarum ac mirum est, sed semper averlatum fuisse hoc hominum genus. Et tamen duobus feudis spoliatur. Reliqua ex ipso cognosces. Non metuit sub quocunque iudice causam suam dicere; tanta est innocentis animi fiducia. Reliqua non gravaberis vel ex clarissimo viro *Joanne Fabro*, vel ex ipso cognoscere. Amplitudinem tuam incolumem servet *Jesum* Opt. Max. *Basilea* 16. Aprilis, Anno 1526.

EPISTOLA DCCCVIII.

Erasmus Rot. Hadriano Barlando S. D.

PALVDANI mortem duabus de causis fero moderatius, eruditissime *Barlande*, vel quod ad eam ætatem pervenerat, cui nihil jam in hac vita dulce poterat expectari, vel quod huic seculo subductus est, in quo optimo cuique pessime est. Porro quod in demortui locum suffectus es, non tam tibi gratulor istud quicquid est vel honoris, vel compendii, quam ipsis studiis, quibus opera *Paludani* jam olim haud multum accedebat, per te melius expolientur, huic rei natum. Est in quo velim operam tuam mihi commodes, nec tam studium curamve requirit causa quam fidem. Sunt *Levani* qui plurimum possunt apud Episcopum, cui scribo, cæterum quam amico in me sint animo nescio ob quosdam illi familiares. Divinas, opinor, quos

An. quos judicem. Hos velim celatum hoc negotium. Mit-
to literas apertas, ut ex his rem intelligas: eas obli-
gnatas reddes Episcopo *Tornacensi*, simulque exstimu-
labis, ut quam primum id fiat. Si quid erit, quod per
me fieri voles, vicissim impera. *Basilea* 20. Aprilis,
Anno 1526.

EPISTOLA DCCCIX.

Erasmus Rot. Petro Aegidio S. D.

JOANNES *Frobenius* à fratre tuo numeravit mihi qua-
dringentos coronatos aureos, præterea nihil, quæ
quidem moneta hic damnosa est, damnosior futura si
me alio conferam. Sed nunc nulla pecunia transfertur,
nisi lucro negotiatorum ac damno nostro. De reliquo
facies uti scribis tibi in animo esse. Non alio animo
liberavi te deposito, *Petre* charissime, nisi ut te sub-
levarem hac sarcina, quam mihi semper visus es gra-
vatim ferre, nec alioqui satis callens id genus nego-
tiorum: deinde ut nostræ necessitudinis tranquillitati
simul & perpetuitati consulerem; non quod magno-
pere metuerem ne per ullam occasionem interiret,
quanquam vitreæ sunt res omnes mortalium, nihil au-
tem amicitia fragilius: verum, non arbitratus sum esse
committendum, ut ulla nubecula nostræ familiaritatis
jucunditatem contristaret. Quare te rogo ne tu alior-
um interpreteris atque ego feci. Epistolam stratage-
matum à multis lectam esse doleo, nam ipse diversum
mandaram. Nec erat exitura, qualis missa est. Ut
maxime vero talis exisset, quam tandem infamiam
adpersisset tibi, si lector didicisset impositum fuisse
naturæ tuæ bonitati ab eo, qui nulli non imponit?
Quod negas tibi datum *Tertullianum*, nisi pro quo nu-
meraris, plane fallit te memoria. Quum apud te pran-
derem, mox *Basileam* profecturus, *Pseudocheus* attulit
scriniolum dulcariis refertum, & *Tertullianum* unum,
dissimulans de reliquis. Ejus habendi quum uterque
videremini cupidi, (nam aderat *Nicolaus Sylvaducensis*)
dolebam unum tantum allatum esse, quo minus liceret
utrique gratificari. Tibi tamen donavi, nisi malletis
codicem inter vos esse communem. Ejus generis fere
sunt, quæ respondes ad cæteras querimonias. Quare
te rogo, mi *Petre*, ut omissis istiusmodi næniis, ac
profundæ oblivioni traditis, ea commentemur inter
nos, quæ mutuam alant augeantque benevolentiam.
Ego pro virili cavebo, ne quid admittam, cur mihi
jure succenseas. Tu vicissim omnes istas suspiciunculas
procul ejicias ex animo. Non obsto quo minus *Poly-
doro* sis amicus: nam mihi hæcenus animum haud-
quaquam inimicum præstat, tantum *ἡμεῖς δὲ μέμνηομεν*.
Utcunque erunt fata nostra, tu suaviter oblecta te
cum tuis, quibus omnibus una tecum precor felicitatem
perpetuam. Datum *Basilea* 21. Aprilis, Anno 1526.

EPISTOLA DCCCX.

Thoma Cardinali Anglia Erasmus Rot. S. D.

ANIMVM meum inter tot rixas ac rabiosos libel-
los, qui virulentiores in me provolant ab iis, quo-
rum partes defendo, quam ab ipsis *Lutheranis*, non-
nihil fatiscentem, crexerunt amplitudinis tuæ literæ
tam amanter scriptæ, ut non solum favorem ac stu-
dium mihi jam olim perspectum compertumque, ve-
rum etiam pietatem in me quandam præ se ferrent.
Arbitror istuc jam perlaturum *Lutheri* librum in meam
Diatribam scriptum, sed sic ut hæcenus in neminem
scripserit hostilius. Scripseram nihil tam indomitum
esse quod non domarent uxores. Multum hic me mea
fefellit opinio. In ipsis nuptiis hunc librum tam immi-
tem scripsit, in quo sibi videtur adeo temperasse ca-
lamum, ut protinus ab edito libro, literis ad me scri-
ptis, propemodum postulet, ut ipsi gratias agam, quod,
amicitiæ nostræ respectu, tam multis in locis mihi
pepercerit, dejeratque, & mihi persuasissimum esse vult,
Lutherum in *Erasmum* candido esse animo. Sic illum

A cicuravit uxor. Opinor & nostræ responsionis par-
tem esse perlaturam, quam tum ex tempore coactus
sum effundere, ne gloriarentur impune, prostratum
esse *Erasmum*. Cum excetra rem habet, quisquis cum
hac factione dimicat. At mihi plus negotii est cum
diversa parte, cui Pontifex *Adrianus*, cui *Clemens* jam
iterum indixit silentium, cui Cæsar severo ac minac
diplomate idem præcepit, sed frustra omnia. Audio
isthic librum *Colloquiorum* distrahi veritum, quod nec
Lovanii, nec *Lotetia* quisquam attentavit, quum illic
sint devotissimi bonarum literarum hostes, & ob has
mei quoque. Quod omni remediorum genere occur-
ritur pesti in dies magis ac magis gliscenti, vehemen-
ter probro. Verum, illud interim Principum auctori-
tas prudentiaque curet oportet, ne dum evellimus
lolium, lædatur triticum, dumque corrupta secamus
& urimus, offendatur quod sincerum est. Inter Mo-
nachos ac Theologos, qui sese ingerunt in hoc nego-
tium, multi sunt stupidi, & adeo nullo judicio, ut
propemodum sensu careant communi. Et sunt qui pe-
jus oderunt bonas literas, jam ubique feliciter efflore-
scentes, quam totum *Lutherum*: sunt qui quæstum
ac gloriam ex innocentium injuria non dubitent aucu-
pari: sunt qui livori & odio privato sub plausibili de-
fendendæ religionis titulo serviant. Hi quum pene pu-
blico mortalium odio laborent, suis moribus causæ,
quam agere se simulant, officiant. Nihil autem minus
expedit ad hoc malum consopendum, quam linguarum
ac bonarum literarum causam involvere negotio *Lu-
therano*, quæ nulli non placent, nisi qui vacant homi-
nis sensu: quantum autem adferant, & utilitatis, & or-
namenti, Reipublicæ jam ipsa res loquitur. Nimis ma-
gna est multitudo eorum, qui *Luthero* dedere nomen,
etiamsi non protrudantur in illius castra innoxii. Plus
satis est istorum, qui palam & ingenue profitentur im-
probatam doctrinam, etiamsi non impellantur eo va-
cillantes, & alienentur qui sanari poterant. Audivi
provinciam hanc delegatam illi, cui tam valde displicet,
In principio erat Sermo: quod si à talium arbitrio
pendebit res, nullus erit *Erasmi* liber non dignus in-
cendio, etiamsi ab *Augustino* scriptus titulum habeat
Erasmi. Ita futurum est, ut quicquid ad politiorē
sincerioresque doctrinam attinet, eximatur usui pu-
blico, ac rursus nobis obrudantur, *Ebrardus*, *Florista*,
Hugutio & *Catholicon*, ni vestra prudentia, moderatio-
que, quæ talium opera cogitur uti, impotentes illo-
rum affectus coerceat. Si nihil esset in libris meis,
quod nullo pacto posset reprehendi, nimirum essent
omnibus *Hieronimis* & *Augustinis* felicior: præsertim
quum isti tot titulos ceu laqueos habeant, quibus
quotidie novos addunt, ut nihil tam pie tamque cir-
cumspecte scribi possit, quod non aliqua pateat calu-
mniæ, si displicuerit: displicebit autem quibusdam vel
hoc nomine, quod Græcitatem habeat, vel phraseos
elegantiam. In *Colloquiis* meis nihil est, vel obscæ-
num, vel impium, vel seditiosum. Plurima sunt quæ
refert juventutem scire, ne se temere in vitæ genus
præcipitent, unde sese non queant explicare, ne cur-
sitent *Compostellam*, domi relicta uxore ac liberis, quos
curare præstiterat, aliaque innumera, quæ ipsi debe-
rent in concionibus admonere populum. Fortassis, quæ
varietas est humanorum ingeniorum, tetrico cuiquam
displicebit aliquid dictum amoenius, erit quod in su-
spicionem rapiat morosior, verum adversus talium ca-
lumnias nulla cautio est. Indecorum est, inquiet ali-
quis, seni ad istum nugari modum. Atqui laudantur
vetuli literatores, qui se demittunt ad puerorum bal-
butiem, ut illos ad discendas literas alliciant. Com-
mittat amplitudo tua *Colloquiorum* libellum alicui per-
legendum, qui *Latine Græcque* sciat: non dicam *Tho-
ma Moro*, aut *Cutherto Tonstallo*, amici sunt, quan-
quam uterque sic est amicus *Erasmio*, ut veritatem ante-
ponat, sed alii cuiquam, nec in odium, nec in favorem
notabiliter propenso. Si deprehendantur impia, me
quoque suffragante eripatur juventuti; Sin offendunt
Tom. III. N n n levio-

Ani. leviora quædam, poterunt ex bonorum virorum judicio corrigi, quo penes juventutem maneat utilitas.

Nuper *Dominicanus* quidam tergo importavit in *Angliam* libellos famosos in me scriptos à quatuor scurris ejusdem Ordinis, sed fictis nominibus, plenos impudentissimis mendaciis; illi invenerunt emptorem, & mea *Colloquia* ejiciuntur è bibliopoliis. Venditur *Colloquiorum* meorum libellus per scurram *Lambertum Campestrum*, qui nuper compilato patrono suo fugit *Lugduno*, falsatus. Ad hæc connivent isti, quid non facturi, nisi tua æquitas eorum audaciæ frenum injece- rit? Hoc autem non jam mea tantum refert, quantum ad causam, quæ nunc agitur, pertinet. De Eucharistia librum exorsus intermisi, non quod mutarem propositum, sed quod metuam, ne per occasionem recrudescat ille tumultus, quem anno superiori vidimus. Habet *Oecolampadius* plebem maxima ex parte faventem, in Senatu non paucos. Equidem gratiam habeo maximam, quod omnem benignitatem polliceris, si me reddam *Anglia*; verum, adeo vitreum est hoc corpusculum, ut ob mutatum cubiculum, ob aurulam, aut quamvis levem occasionem periclitetur. Alioqui permulta hortabantur, ut hinc me amolirer. *Adrianus* Pontifex magnis promissis invitabat in *Italiam*. In *Gallia* quoties parata etiam fortuna sum invitatus, multis argumentis Regis singularem in me affectum testantibus? Qui me invitant in *Hispaniam*, confirmant nullam esse regionem, in qua nomen *Erasmii* sit favorabilius, vel apud Monarchas, vel apud Ecclesiæ procures, vel apud literarum antistites. Illustrissimus Princeps *Ferdinandus*, cujus ingenium peculiari quodam affectu diligo, jam semel atque iterum literis humanissimis non sine munere ab his periculis evocat in tutum. *Andreas Critius* Episcopus *Ploensis*, vir eleganter doctus, scripsit ad me Regis & regni procerum nomine, magnisque promissis invitavit ad ocium huic senectuti debitum. Idem fecere *Poloni* quidam alii, splendidis etiam muneribus honoris gratia missis. Hæc non scribo gloriose, non enim jacto merita mea, sed illorum humanitatem prædico, quorum propensissimis in me studiis, per valetudinem frui non licet. Et tamen hinc aliquo vel prorependum est. Quod scripsi de libello *Colloquiorum*, fortasse *Carolus* meus perperam ad me detulit, & tamen nihil obfuerit celsitudinem tuam super hac re fuisse monitam. Prorsus enim huc tendunt quorundam studia, ut omnem politio- rem literaturam involvant huic rerum incendio. Quicquid erit elegantius, aut Græcitate conditum, suspectum appellabitur, & ad cognitores revocabitur, qui tempus extrahent & frustrabuntur venditorem pariter & emptorem. Sed adversus istorum molitiones ista tua singularis prudentia, vel nullo monente, vigi- labit: & humanitatis studiis abunde magnum præsidium erit apud tuam humanitatem, quæ tam benigne sese effundit in omnes, præsertim eruditione probitateque commendatos, ut omnem invidiam, quæ semper magnæ felicitatis comes esse solet, bonitatis magnitudine superaris. Deus te nobis quam diutissime servet incolumem. *Basilea* 25. Aprilis, Anno 1526.

EPISTOLA DCCCXI.

Erasmus Rot. cuidam S.

FILI charissime, Biennium fere est, quod mihi redditus est libellus *Hollandice* scriptus absque titulo, qui mihi suspicionem iniecit esse patris tui, cui consulto non respondi, perspicuus ex ea contentione nihil boni fructus rediturum ad lectorem, ad me dedecoris nonnihil, ad patrem multo amplius. Ad hæc videbatur ineptum populi lingua scribenti respondere *Latine*, nihiloque minus ridiculum, quam si quis accusatus apud plebem, in senatu respondeat. Auspice- tur mecum amicitiam melioribus avibus, & inveniet *Erasmum* ad omnia Gratiarum munia promptissimum. Hoc nomine mihi charior erit, quod amplectitur, ut

A scribis, *Græcis* literas. Germano tuo gratulor, gratulor An. & tibi, non tam sacerdotium istud honorificum, quam ingenium, quod ex epistola tua deprehendi, sanum sum- mæque spei. Patri tuo salutem ex me mutuam renun- ciabis. Bene vale. *Basilea* 29. Aprilis, Anno 1526.

EPISTOLA DCCCXII.

Erasmus Rot. Nicolao Hispano S. D.

EGO vero, clarissime juvenis, & tuum istum erga bo- nas literas amorem, & animum in me tam candi- dum, lubens amplector atque exosculor, etiam atque etiam exhortans, & currentem, quod ajunt, exstimu- lans, uti qua cœpisti pergas, & priscam *Hispania* tuæ gloriam instaurare, & clarissimis majorum tuorum imaginibus literarum decus nunquam intermoriturum adjungere. *Pindarus* in *Dithyrambis* studet elegantia carminum abolere probum, quod vulgus in *Bæotos* jacere solet, φάγομεν, inquit, βοιωτῶν ὕμνῳ quo fa- cilis erit ingenii, doctrinæ, facundiæque laudem, qua quondam *Hispania* non cessit *Italia*, postliminio revo- care, & si quid stribiliginis invexit *Gothorum* aut *Sa- racenorum* incurfus, abstergere. Istius regionis fertili- tatem, ac temperiem, vel ex *Plinio* licuit cognoscere. Gentis humanitatem in dies experior uberius. Sed ani- mus quidem hic per omnes terras volitare potest, cor- pusculum vero non solum fatiscit, verum etiam col- labitur. Et tamen homo sexagenarius, tum hac vale- tudine, cogor novus fieri gladiator, & falce sumpta in arena, vel cadere, vel occidere, Gratiis & Musarum viretis natus potius quam gladiatoris. Et utinam cum *Huttenis* aut *Lutheris* tantum mihi res esset, nunc plus exhibet negotii pars ea, cui me propugnato- rem pro virili præbeo. Sunt enim qui vel incolumi *Luthe- ro* vellent extinctas linguas ac politiores literas. Tam impio facinori prætexitur zelus tuendæ religionis *Chri- stiana*. Tertiam sectam nobis peperit *Italia*: Magnis contentionibus depugnant quidam, submovendos ex albo doctorum omnes, qui non referunt phrasim *Cice- ronianam*; quam ut fateor omnium optimam esse, ita non probo eos qui huic rei serviunt. Sanctius *Caranza* mihi copiose prædicatus est ab *Alphonso Ulmetano*: pro- inde quum me tam diligenter invitas ad hominis omni- bus dotibus ornatissimi amicitiam, næ tu plane, quod ajunt, ἡ ἰσχυρὸν εἰς τὸ πείθειν. Sit igitur hæc epistola, manu mea descripta, pignus ac monumentum fœde- ris, auspicio Gratiarum ac Musarum inter nos initi, quod nullus unquam genius malus, aut hoc etiam no- centior mala lingua, poterit dirimere. — *Hic murus athenæus esto*. *Caranzam* meo nomine salutabis & aman- ter & reverenter, blandeque monebis hominem, amet quam volet effuse, sed prædicet parcius, ob linguas fascinatrices. In hoc certamine non cedam. Saluta *Morillonum*, *Beatum Arnoldum*, *Joannem Almanum*, quibus nunc non vacat scribere. Bene vale, *Nicolae* charissime. Datum *Basilea* 29. Aprilis, Anno 1526.

EPISTOLA DCCCXIII.

Erasmus Rot. Jo. Carondileto, Archiepiscopo Panor- mitano, S. D.

FATEOR me non minus debere tibi, Reverende Præsul, quam si quicquid petebamus obtigisset. Si Cæsar pernoisset totius hujus negotii circumstantias, non solum indignum me judicaret qui frauder pensio- ne, verum etiam ultro deferret amplissima præmia. Declarant hoc *Lutheranorum* fremitus, declarant eor- um libelli, præcipue *Lutherus* ipse fatetur ingenue, neminem magis fregisse spiritus & impotentiam hujus factionis quam hunc homunculum, senem & valetudi- narium, idque in ea *Germania* parte, in qua maxime regnat hæc conspiratio. Id non ignorant isti, sed tanta vis est livoris & odii, ut malint me secedere in castra *Lutheri*, videlicet telum captantes, quo me bonæque li- teras lædant. Atqui legimus Ethnicos homines veterem simul-

An. 1526. simultatem tantisper posuisse, donec communi magi-
stratu perfunderentur, ne privatum odium officeret
Reipublicæ commodis. At isti me summo capitis mei
periculo dimicantem cum instructissimis copiis, idque
in ipsorum castris, à tergo confodiunt. Arbitror pru-
dentiam tuam non fugere, quam non simplices sint
N. & N. alioqui res ipsa cogeret me illos paucis de-
pingere. Sed qualescunque sunt, in hoc tam periculo-
so negotio sudanti debebant auxilio esse, quem nunc
hostilius insequuntur, quam ipsum *Lutherum*. Quid
isti non calumniabuntur, qui loco ex Catalogo meo
prolato conati sunt animum tuum à me avertere? Et
dictis, & picturis, & libellis per totam *Germaniam* spar-
serant *Lutherani*, me præmiis magnatum corruptum,
in illorum gratiam scribere, & cauponari verbum Dei.
Sic occupabant mihi detrahare fidem & auctoritatem,
si quid scriberem adversus *Lutheri* dogmata. Eam igitur
famam coargui, non tam mea privatim referebat,
quam publicæ causæ Ecclesiæ. Quid enim profuisset
adversus illos scribere, quibus persuasum fuisset me pe-
cunia corruptum scribere? Nec infulmavi tuam am-
plitudinem avaritiæ. Nam quum esset necesse referre
multos qui nihil dedissent, hoc pacto præfatus sum:
*De Principibus illud mihi præfandum est, me quibusdam
non minus debere qui nihil dederunt, quam qui dede-
runt: & ad tui nominis mentionem statim subijcio,
Præstitit ille totum quod venabar, nempe favorem ac be-
nevolentiam.* Num hæc videtur oratio suggillantis?
Et tamen ut hæc dicerem coegit necessitas; nec alio
consilio feci mentionem Cardinalis *Leodiensis*. Tan-
dem ut excluderem omnem suspicionem, subijcio: Non
hæc commemoro quod me poeniteat benignitatis Prin-
cipum. Meis scriniis accrevisse credo, quicquid acces-
sit honestis studiis. In horum profectum captavi Prin-
cipum favorem. Non eget quidem monitore tua per-
spicacissima prudentia: sed tamen quoniam expertus
sum quorundam in calumniando tum artificium incre-
dibile, tum studium indefatigabile, visum est tibi
vellere aurem. Si certa spes solvendæ pensionis fuisset
ostensa, conatus fuisset adrepere. Nunc nihil certi
promittitur. Et me jam piget istarum dilationum:
quarum istos nulla capit satietas. Si valeret corpuscu-
lum hoc, non deesset pensio. Nusquam non invitor à
maximis orbis Monarchis, missis etiam ultro muneribus,
ceu promissorum arrhabonibus. Ego tamen excu-
sans omnibus, Cæsaris esse persevero, valetudinarius
quidem & absens, sed ea tamen in re voluntati illius
inserviens, in qua & ego possum nonnihil, & ille cupit
maxime. Dabit aliquando tempus occasionem, per
quam hic animus plenius innotescet Cæsari, simulque
quorundam perversa studia, conantium Cæsaris in me
benignitatem intervertere. Quod si ne id quidem con-
tinget, nos tamen nihilo secius in officio persistemus,
Christo agonotheta freti, qui precor ut te servet inco-
lumem. *Basilea* 30. Aprilis, Anno 1526.

EPISTOLA DCCCXIV.

Erasmus Rot. Joanni, Episcopo Lincolnensi, S. D.

REVERENDE Præsul. Quicquid tua benignitas
largiri voluit, bona fide perlatum est. Decem an-
gelatos accepi per *Morum*, rursus alteros decem an-
no proximo. Hoc constat ex literis tuis, quibus ta-
men annum non soles adscribere. Quod *Livino* datum
est, recepi, per quem miseram Epistolas *Hieronymi*.
Item quod proxime *Carolo*, videlicet libræ *Sterl.* quin-
que. Porro quod aliquoties scripserim amplitudini
tuæ, declarant & tuæ ad me literæ. Et tamen fieri
potuit, ut aliquot epistolæ meæ fuerint interceptæ, aut
certe non redditæ. Id hisce temporibus novum non
est. Bene habet quod animum hunc gratum ac me-
morem nemo potest intercipere. Lubens misissem to-
tum *Hieronymum*, verum quum hic *Carolus Harstus*
istuc proficisceretur, Opus nondum erat absolutum,
nec semper dantur idonei, per quos talia mittam. Si

A legeris librum, quem in me scripsit *Lutherus*, ac re-
sponsonis meæ partem, intelliges cum qualibus exce-
tris mihi res sit. Sed intolerabilius, quod dum pugno
cum factione non solum numero, gladiis, ac literis,
verum etiam venenis instructissima, ab iis, quorum par-
tes propugno, à tergo confodior. Quanquam hoc quo-
que perpeterer, nisi vereretur ne victoriam hanc *Christo*
partam intercipient mali Monachi; qui veterem ty-
rannidem cupiunt instauratam. Quibus si res successerit,
væ bonis literis & harum cultoribus, sed præci-
pue *Erasmio*. De *Colloquio* quod admonet tua pietas,
mihi gratissimum est. Sunt hominum variæ sententiæ.
Habet *Anglia* quosdam amicos doctos juxta ac pruden-
tes, quibus hoc Opus vehementer arrisit, quod exi-
stiment nonnihil & ad *Latini* sermonis facultatem, &
ad traducenda perversa vulgi judicia conducere. Sunt
alii rursus ingenio tetrico, quibus nihil placet joco-
sum. Si vacabit amplitudini tuæ perlegere libellum,
sentiet præter eruditionem plurima illic esse quæ per-
tinent ad rectam adolescentum institutionem. Addita
est voluptatis illecebra, ad inescandam ætatem, quæ
dulcibus capitur citius quam salutiferis. Nihil illic ob-
scenum, nihil impium, nihil seditiosum. At lusus,
inquiunt, non convenit huic ætati. Imo pietas est
quum senes balbutiunt cum pueris, quo eos ad discen-
das literas allecent. Illud male habet pseudo-Mona-
chos, quod monentur adolescentes ne se ante tempus
præcipient in ejus vitæ labyrinthum, aliaque quæ non
conducunt ad quæstum pseudo-Monachorum, sed fa-
ciunt ad salutem juventutis. Et tamen tuo jussu à *Col-
loquio* desinam, & si quid videbitur corrigendum, ad-
monitus corrigam. Hoc tempore nihil scribi potest,
quod non pateat calumniæ, nec raro fit, ut dum agis
circumspectissime, utramque partem offendas, quum in
utraque sint qui pariter insaniant. De *Ambrosio* nihil
fiet hoc anno: res stat non per me, sed per socios
Frobenii. Sed *Irenæum* illum vetustum dabimus, ante-
hac nunquam excusum, & alia quædam, si Deus do-
naverit vires. Servet te Dominus, optime Præsul.
Datum *Basilea* 30. Aprilis, Anno 1526.

EPISTOLA DCCCXV.

Erasmus Rot. Polydoro Vergilio S. D.

IN excudendis ingenii tui monumentis non esse satis-
factum animo tuo, vehementer dolet tum mihi, tum
Frobenio. Id enim magnopere studebamus utrique. Li-
teræ tuæ videbantur hoc præscribere, ne recederetur
ab exemplari. Itaque diligenter hortatus sum, ut sum-
ma fide versarentur in eo negotio, ac subinde in ipso
Operis progressu inculcavi eadem. Confirmabant id
fieri, nisi sicubi manifestarius esset calami lapsus. Præ-
erat castigationi *Sigismundus Gelenius*, vir utriusque
linguæ non vulgariter doctus, probæque fidei. Tuum
exemplar asservari jussi. Mihi nihil mandaras: & re-
ligio erat in Opere alieno vindicare tantum juris. A-
lioqui non piguisset hanc operam pro tanto amico su-
mere, etiam si quid fuisset gravius. *Basilea* mihi asy-
lum? Monachorum ista vox est. At veniat huc ex
istis quisquam, qui ausit in *Lutherum* quod ego au-
deo. Isti intra vallum tuti eminus convicia jaculantur
in hostem, ego in ipsis hostium castris manus cum illis
confero. Tua benignitas semper officia officiis accu-
mulat, meque jam olim multis nominibus obæratum
reddit obligatiorem. Dedisti quo paretur equus, uti-
nam dare possis quo reparetur eques. Frequenter nos
exhilaras, pollicens tuum adventum. Utinam quod
promittis tuo commodo facias aliquando. Artificem
illum nosse satis est, ne possit imponere, sed interim
possis abuti. Bene vale. Datum *Basilea* 30. Aprilis,
Anno 1526.

De pace hic frequens rumor, sed neminem video
gratulantem, ut aut vanus sit rumor, aut pax non
admodum plausibilis.

EPISTOLA DCCCXVI.

Erasmus Rot. Leonardo Casimbrotto S. D.

AN. 1526. **O** PINOR te jam pridem effugisse τὴν βελιμίαν, de qua proximis literis questus es. Certe minus erit tibi metuenda, quum tempus sit peponum ac melonum. Accepi epistolum, quod scripsit *Baro Polonus* te nuncio, adesse qui huc adornaret iter. Alteras literas, quas prædicat se misisse, non accepi. Qui has reddit est *Hieronymus Frobenii* filius, juvenis modestus & candidus. Venatur istic vetusta exemplaria seu precio, seu precario, seu furto, seu rapto. Hac in re tu poteris illi bonam navare operam: quod ut facias, te majorem in modum rogo. Simul enim & studia juveris, & officium penes homines neutiquam ingratos collocaris. Per hunc non literas, sed volumen exspecto. Ego totos menses duos perdidi, dum epistolas recipio & rescribo. Cupio scire quid agas. Si quis istic forte est, qui petat *Poloniam*, committe illi hoc epistolum, haud magna jactura peritutum, si fors ita evenierit. Si juvat experiri quanta felicitas sit versari in officina typographica, habes qui cum agas. Bene vale, *Leonarde* charissime. Saluta Comitum *Germanum*, cui scripsi per *Carolam*. *Basilea* 1. Maji, Anno 1526.

EPISTOLA DCCCXVII.

Erasmus Roterodamus Joanni Baptista Egnatio Veneto S. D.

IN λαιδοροφάγοις & *Seneciis* sequutus sum auctoritatem tuam, *Baptista*, vir non minus optime quam doctissime. Verti *Latine* priores aliquot paginas in *Galeno*. Nihil comperi mendosius, quæ res animum meum triplici nomine discruciat, & studiosorum, & tanti Auctoris, denique & ipsius *Afulani*, qui in hoc male consuluit rei suæ, si famam negligit. Qui præfuit emendationi, videtur vix satis tenuisse prima *Græci* sermonis elementa. Pro humanitate, quam *Baroni Polono*, meoque *Carolo* exhibuisti, gratiam habeo maximam, quamquam dum in tuis ad me literis tantopere prædicas elegantiam *Caroli*, arbitror errorem esse personæ. *Polonus* erat expolitus, in *Carolo* meo nunquam animadverti sermonis insignem elegantiam. Qui has reddit *Hieronymus* est *Frobenius*, *Joannis Frobenii* filius. Præter aliam negotiationem cuperet huc secum avehere si quid istic esset veterum codicum, quos evulgari sit in rem studiosorum. Nolim te gravari officio, poteris tuo consilio plurimum hac in re commodare juveni, nec inhumano, nec ingrato. Doleo *Longolium* ereptum studiis: quamquam in me videtur habuisse nescio quid stomachi, certe præter meum meritum, qui de illo semper optime tum sensi, tum prædicavi. Videmus non esse prorsus anile somnium, quod *Homerus* scripsit de *Lisis* & *Ate*. Quanta celeritate per capita Regum ac populorum cucurrit *Ate*, bellorum furis miscens totam pene *Europam*. Quam vero lente procedit quod agunt *Lise*? Quam diu disputatum est de foederis conditionibus. Et adhuc pendere videntur omnia. Audimus pacem, non videmus. *Lutherana* febris paroxysmus remissior est, recrudescit alterius partis accessio. Una factio diducta est in quinque, aut sex. Utinam mihi licuisset in Musarum viretis consensescere, nunc sexagenarius protrudor in arenam gladiatoriam, & pro lyra teneo rete. Bene vale. *Basilea* 6. Maji, Anno 1526.

EPISTOLA DCCCXVIII.

Fortissima Elvetiorum Nationi in Concilio Badensi Erasmus Rot. S. D.

QUUM mihi non deesset animus unice propensus ac promptus ad id, quo me quum vestra omnium voluntas, quibus ex animo bene volo, præsertim eodem non minus amanter quam instanter vocante incl-

Ato hujus urbis Senatu, cui nihil non debeo, tum ipsius negotii pietas invitabat, domini & amici mihi semper observandi: tamen ut nihil aliud fuisset, hæc valetudo plusquam vitrea, & ad quamvis levem occasionem periclitans, justiore quam ipse vellem præbuit excusationem, quo minus isti coetui vestro liceret interesse. Quanquam absque me spiritus *Jesu* suggeret cordibus vestris salutifera consilia, ut omnes sitis unanimes in sana doctrina Ecclesiæ Catholicæ. Unum tamen erat, de quo pietatem vestram per literas admonere visum est, videlicet, quod ea res non minus vestra omnium referat, quam mea. Sparsum est ante paucos dies libellus, cui titulus *Erasmi & Lutheri opinio de Cæna Domini*, de quo difficile sit pronunciare, utrum plus habeat stultitiæ, an malitiæ. Quum in singulis paginis iteretur nomen *Erasmi*, ipse, qui scripsit, nusquam est ausus apponere nomen suum, nisi quod in calce subjicit nomen fictitium, quod ipsum statim argumentum est malæ conscientiae. Deinde vehit me magnificis laudibus, hoc est, afficit honorifica contumelia, sic laudans prudentiam & eruditionem meam, ut persuadere conetur, quasi faveam dogmati, quod jam olim damnatum est ab Ecclesia Catholica, quasi societas erroris valeat adversus veritatem. Ac plane stultissimis argumentis conatur persuadere, me aliud celare in corde quam velim profiteri, cujus rei causam vult videri timiditatem: præterea colligit è libris meis loca quædam impudentissime depravata, & ad suspicionem detorta. Sed hujus Scriptoris stultam insaniam brevi libello edito depingam, fortassis intra sex dies. Nunc ne quem in ruinam trahat nominis mei fumus, quem artifex iste conatus est oculis simplicium offundere, illud modo vobis, egregii domini, testatum esse volo, me non recusare quo minus habear omnium hæreticorum princeps, si in meis lucubrationibus, quas scripsi plurimas, vel unus locus inveniri queat, qui de Eucharistia secus sentiat, quam hæcenus nobis præscripsit ex auctoritate divinarum Scripturarum Ecclesia Catholica; aut si quisquam mortalium audivit me probantem opinionem *Wiclevitarum*, quam nunc renovant quidam. Hoc mihi satis est apud homines. Testor autem Deum, qui solus novit corda hominum, atque hunc mihi precor iratum, si unquam desedit in animo meo sententia, quæ pugnat cum ea, quam hæcenus magno consensu defendit Ecclesia Catholica. Quid aliis revelatum sit ipsi viderint. Mihi nullæ rationes hæcenus persuadere potuerunt, ut discederem à præscripto Ecclesiæ. Nec hic metus est humanus, religio est, ac metus iræ divinæ. Isti impudenter obijciunt timiditatem, quum ipsi non audeant suis libellis nomen suum adscribere; & fortes sibi videntur, quod famosis furiosisque libellis, ac subinde novis opinionibus miscent orbem dissidiis. Si dissentit, inquit, cur non scribit contra? Quasi consentiat quisquis non scribit in adversum, aut quasi desint qui scriptis repugnent. Sunt isthic in Concilio qui viderunt quod exorsus eram scribere adversus opinionem *Carolfadii*, noveruntque causam, quamobrem quod coeperam intermiserim; nec is ignorat causam, qui hujus libelli fuit, vel auctor, vel instigator. Qui tales emittunt libellos plusquam famosos sine loci, typographi, auctorisque vero titulo, nec famosos tantum, verum etiam dissidiorum & hæreses disseminatores, etiam apud Ethnicos puniebantur capitis supplicio. Et quod apud illos erat capitale facinus, nunc quorundam ludus est, qui sibi videntur Evangelicæ doctrinæ propugnatores. Habetis, magnifici domini, animi mei sententiam, bona fide declaratam. Proinde si quis ob sceleratum illum libellum impegerit, mihi non poterit imputare: meo sum officio functus. Cæterum vestræ justitiæ fuerit, curare ne levibus ac fatuis impune sit ad istum modum ludere cum periculo, tum vitæ, tum famæ alienæ, non sine perniciæ Reipublicæ. Precor ut Dominus *Jesus* bene fortunet quod agitis, domini mei semper amplectendi. Datum *Basilea* 15. Maji, Anno 1526.

EPI-

EPISTOLA DCCCXIX.

Erasmus Rot. Hilario Bertulpho S. D.

An. 1526. **I** NVITAVI te proximis literis, ut ad nos te conferras, quod si à Gallicis lotis non potes avelli, saltem per literas instrue nos quomodo gratulandum sit Francisco, Regum optimo, ad suos reduci: idque quam primum. Facile discas ex aulicis quæ scriptu digna sunt. Multis quidem duriores videntur coiti foederis leges, sed Deus omnia vertet in bonum exitum. Quæso te, pollicitator, ubi sunt Calendæ Latina? Bene vale. Basilea 16. Maji, Anno 1526.

EPISTOLA DCCCXX.

Erasmus Rot. Francisco Molino S. D.

D ISCRVCIABAR animo jam tum quum Regum optimus Franciscus sub hyemem peteret Mediolanum, videlicet magnum aliquod malum præfagiente. Cæterum ubi nunciatus est exitus belli, non aliter dolui, quam si meæ fortunæ meaque incolumitas cum illo periclitarentur. Paucos quidem video sibi pacem hanc gratulantes, opinor, quod legibus durioribus coisse videatur, eoque verentur ne parum firma sit. At ego spero Deum, admirabilem rerum humanarum moderatorem, omnia versurum in bonum exitum. Scit ille quid nobis expediat, & illius auspiciis frequenter prosperior nobis est calamitas quam successus. Rex posthac tenacior erit pacis, nec facile bellum admittet. Optarim tamen hanc mentem illi minoris conituisse. Certe bonitas illius erat perpetua felicitate dignissima, nisi quod hæc quoque felix erit, ut spero, infelicitas. Gaudeo velut *ἄνθρωπος ἀνθρώπων* exstitisse, qui furiis quibusdam, in exitium bonarum literarum ac vigoris Evangelici perniciem conspiratis, frenos injiciat: nam Pharisæi istis ac Romanensibus nulla crudelitas satis esse posset. Mihi semper pacis avidissimo cum tot copiis uni congregiendum. Cum hostibus melioris literaturæ jam olim bellum gero, non incruentum, & hanc ob causam cum Monachis ac Theologis non paucis, qui putant lædi majestatem ipsorum, si quis quid sciat, quod ipsi nesciunt. Lutherus aliorum instinctu, qui tamen ab eo dissentiant de Eucharistia, sic scribit in me, ut nullum amicitiae locum relinquerit. Pars Carostadiana primum rumoribus, mox etiam libello Germanice scripto insimulant me, quod cum Carostadio sentiam: id si profitear contra conscientiam meam, hoc profitebor, quod mihi nondum ipse persuasi. Sin minus, & cum hac acie dimicandum erit. Inquisitionis summa apud Anglos commissâ est Standisio Franciscano, tu conjicito cætera. Lovanii Nicolao Montensi Theologo, cui junctissimus est Egmondanus, qui nec Pontificis edicto jam bis missio, nec Cæsaris diplomate diligenter scripto cohiberi potest, quo minus jaculetur in me convicia, sed levia, nimirum identidem hæreticum appellans. Nec mitior est excetra Lutetia. Hispaniam habeo satis propitiam exceptis Monachis. Roma Paganum illud eruditorum sodalitium jam pridem fremit in me, ducibus, ut ferunt, Aleandro & Alberto quodam Principe Carpenfi. Exhibitus est Clementi liber plenus furiarum in me, incerto auctore, qui tamen mihi certissimus est, in quo quædam aperit mysteria, non projicienda porcis, ex adorabili Talmud. Et quum Racha ad eum ferme modum exponat, quo ego sequutus Augustini & Chrysostomi auctoritatem, nisi quod ille Nomen esse vult, quod illi vocant Interjectionem, exspatiatur in locum communem: in quo dicit demirari se, quum Germania tot hominum millia trucidarit ob impietatem, Erasmus adhuc vivere, qui sic docuerim Germaniam. Ipsos Lutheranos nunc in me scribere quanquam impiissimos, quod meam impietatem ferre non possint, qui Mariam Jesu matrem spoliari sua virginitate, Filium Dei sua divinitate, quod ausus sim sine Talmud exponere sacras Literas, quod Romanum Pontificem appellari.

Epist. DCCCXIX. --- DCCCXXII. 938

A scortatorem, lenonem, & Antichristum. Diceres hominem lymphatum, adeo blaterat quicquid illi dictavit splendida bilis. Ad hæc, exorta est nova secta *Ciceronianorum*, quæ non minus incruduit quam *Lutheranorum*, vetus quidem, sed per *Longolium* innovata. Tot acies mihi sustinendæ sunt, & uni, & inermi, quum ab aula ficulnum, ut ajunt, sit præsidium. Jam alius quidam nuper in tribus libellis, in quibus pulchre præstruxit viam Theologicæ tyrannidi, eo deducit rem, ut dicat per baptismum omnes Reges venisse in jus Ecclesiæ, & ab Ecclesia, hoc est, ab Episcopis & Monachis regno submoveri posse, quod tamen in Pontifice quantumvis pestilente fieri nolunt. Eo crevit istorum audacia. Et tamen quoniam utraque pars habet suas furias, magna cautio adhibenda est, ne dum altera coerceatur, alteri frena laxentur ultra quam oportet. Bene vale. Basilea 16. Maji, Anno 1526.

EPISTOLA DCCCXXI.

Erasmus Roterod. Jacobo Tuffano S. D.

M AGNUM officium est, eruditissime Tuffane, rei bonæ admonuisse quempiam. Itaque gratiam non mediocrem iniit apud me Nicolaus Episcopus, juvenis mire candidus, quod suis literis significavit & eruditionem istam tuam Budeana proximam in utraque lingua, & candorem quendam propensumque favorem erga nostra qualiacunque studia: nam eruditionem his temporibus gratulari licet permultis, quum candorem animi non perinde probes in omnibus, quem certe in Longolio nonnunquam desidero, quum me semper habuerit eruditionis ingenique sui tum fauorem propensissimum, tum præconem haudquaquam malignum. Sed undecunque concepit ille hoc in me stomachi, doleo virum ante diem ereptum, liberalibus studiis, vel ornandis, vel provehendis. Quasi parum sit in orbe factionum, revixit nova factio *Ciceronianorum*, nimirum quo Budeum & Erasmus submoveant ex albo doctorum, & è manibus hominum excutiant. Ut fateor Ciceroni primam in dicendo laudem deberi, ita puto ridiculum, tota vita nihil aliud agere, quam ut Ciceronem unum exprimas. Quanquam nec hi *Ciceroniani* sunt, qui neminem lectione dignantur nisi Ciceronem. Faber Stapulensis hac iter faciens consternavit animum meum, nuncians Budeum, Galliarum decus, & studiosorum delicias, fato functum esse: quem rumorem esse vanum vel hinc conjicio, quod Nicolaus Episcopus, in literis ad me suis hujus mentionem faciens, de morte non meminit. Sit hæc epistola, quamvis brevis ac negligenter scripta, Chirographum inter nos initi foederis nunquam interrumpendi: nam in præsentia nec plura licuit, nec aliter. Saluta mihi Brixium, Beraldum, & Franciscum Sylvium, Cyprianum & Badium. Mitto ad te præludium Galeni, qui totus Græcus prodiit ex Aldi officina, versum à nobis; conferes & judicabis nuncubi recte divinaverimus: nam plane divinandum erat; nihil adhuc vidi depravatus. Bene vale. Datum Basilea 16. Maji, Anno 1526.

EPISTOLA DCCCXXII.

Matthæo Giberto, Episcopo Veronensi, Datarie Pontificis, Erasmus Rot. S. D.

A GNOSCIT trilingue Collegium, quantum debeat amplitudini tuæ, cujus favore consequutum est quod optabat, & largiter & gratis. In hujus beneficii consortium me quoque recipit, cujus commendationem existimat non omnino frustraneam fuisse. Ego vero non invitatus tibi & hoc nomine debeo, cui nihil non debeo. Jam me pudor hortabatur ut aliquando desinerem te flagitatricibus epistolis interpellare. Verum, unum quiddam adhuc abs te petere ut debeam suadet mea pietas, ut ausim tua invitare humanitas. Juvehis hic Livium, cognomento Algotium, cujus supplicatorium libellum mitto, inservivit mihi fere septem

Annos, eo præditus ingenio, eoque progressus in bonis literis, ut spem haudquaquam vulgarem de se præbeat; honesto loco natus, sed in re tenui ob matris fecunditatem, quem mihi jam olim in filii vicem adoptavi. Non ausim hoc flagitare ut gratis impetret, tametsi non gravarer hoc totum imputari mihi. Illud non dubito, quin libenter præstatura sit tua benignitas, ut res æquo precio transigatur cum his qui præsumunt istius generis negotiis. Sub plumbo cupit expediri. Hæc est Pontificis Maximi *Clementis* felicitas, ut possit, bonitas, ut velit omnibus prodesse. Tandem inter Monarchas facta concordia est, quam utinam Deus pacis velit esse perpetuam. Altera pestis remissior est, partim quod ipsi duces se vicissim bellis intestinis conficiunt, partim quod Principes atque etiam magistratus, & optimi quique cives hac in re strenuam navant operam, non jam pietatis ergo tantum, verum etiam exemplo docti, quo spectarit fucatus ille titulus Evangelicæ libertatis. Quid ego præstiterim ex aliis audire te malo, & si isthuc perlatus est *Lutheri* liber, quem in me scripsit, poterit ex parte testis esse. Scio quas excetras in me provocarim. Id facile negligerem, nisi pars altera haberet aliquot, qui pertinacioribus studiis incumbant in meam perniciem, quam quisquam diversæ factionis. Cum omnibus Monarchis, Principibus & Episcopis, mihi non modo pax est, verum etiam amicitia non vulgaris, id quod non tantum literis amantissime scriptis, verum etiam muneribus ultro missis declarant: sed sunt aliquot jam olim devoti bonarum literarum hostes, præsertim ex antiqua gente Monachorum ac Theologorum, qui hoc miris technis magnaue contentione agunt, ut elegantiores literas cum *Lutheri* negotio permisceant, simulque privatis odiis, religionis prætextu serviant. Nimirum hoc erat hujus tragœdiæ procœmium, itaque ad caput redit fabula. Atqui mea sententia magis expediebat huic negotio, non vocare in hujus causæ consortium Linguas ac politiores literas multis gratissimas, nec irritare calumniis innocentes, qui sic amant hæc studia, ut impietatem exsecrentur: denique nec impellere vacillantes, nec eos alienare, qui retineri in officio poterant. Abunde est eorum, qui factiosa dogmata palam & ingenue profitentur, ut nihil opus sit falsis delationibus innoxiorum ac suspiciosus insimulationibus. *Lovanis* sic vivunt, ac profitentur Linguas ad id destinati, ut nec *Momus* habeat quod reprehendat. Atque id ipsum quosdam habet pessime. Mallent illos *Lutherissare*, quo detur occasio culpam hominum in studia conferendi. Indignantur me pugnare adversus *Lutherum*, mallent pro *Luthero* scribere, ut sit telum quo me conficiant. *Lutheri* librum rabiosa maledicentia plenum, quem nuper in me sparsit, nemo *Lutheranorum* legit avidius, quam quidam qui videri volunt Ecclesiæ nutantis atlantes, nec ullus scurra libellos edit tam famulos ac furiosos in me, quin illis probentur. A me nihil tam pie scribi potest, quod non calumni-entur. Hi, quibus Pontifex imposuerat silentium, sic agunt, quasi jusserit eos magis insanire quam antea fecerant. Jactitant hujusmodi voces, *Scimus animum Pontificis, quicquid ille scribit*. Unde hæc illis fiducia nescio. Misit Cæsar edictum satis minax ac severum, quod amici me incio impetraverunt. Tergiversantur, citius redituri in gratiam cum *Luthero* quam mecum. Multa scripsi ante *Lutherum* notum, nullum adhuc dogma possunt ostendere, in quo cum *Luthero* consentiam. Suspiciones tantum adferunt, ac depravationes, plerunque vero manifestas calumnias. Quod si quid etiam inesset incircumspectius dictum, præstiterat istiusmodi causationes in aliud tempus rejicere, & hoc, quod nunc est in manibus, agere. Non credas quanto odio laborent isti apud optimos quosque, à quibus sic timentur, ut ipsi magis timeant: nihil autem opus erat odium accersere vel ex insectatione mei, qui ut nullam habeo factionem, ita plurimos habeo faventes, præsertim magnates, vel ex insimulatione

bonarum literarum, quas nemo non amat, nisi suilli generis, cui molestum est amaricinum. Arbitror has querimonias esse molestas auribus tuis. Sed quæ tibi molestum est audire, mihi longe molestius est perpeti, licet vix centesimam partem commemorem eorum quæ isti designant. Equidem spero omnia recte fore, attamen vereor ne incidant tempora, quæ sero fidem faciant, hic quoque vigilandum fuisse, ne privati quorundam mores & odia, publicum malum, cui mederi student, exasperent. Ego sane per infamiam ac bonam famam, per ignominiam & gloriam, per vitam & mortem pergam *Christo* Domino meo, & illius sponsæ Ecclesiæ, præstare sinceram conscientiam. Successum & præmium ipse dabit, qui solus potest. Reverend. Amplitudinem tuam incolumem servet Omnipotens ille custos. *Basilea*, postridie Pentecostes, hoc est, 21. Maji, Anno 1526.

EPISTOLA DCCCXXIII.

Erasmus Bilibaldo suo S. P.

VIR clarissime, Libellum tuum *De Encharistia* lecturus sæpe, nunquam hætenus licuit perlegere, tot obruor undique tragœdiis. Strages agricolarum sic in spem victoriæ erexit animos omnium. Sunt *Roma* quidam Pagani, qui pessime volunt *Germanis* omnibus: sed duo præcipue mihi peculiariter infensi, qui nunc extrema moliuntur denuo, quum id facere nunquam cessarint. Pontifex bis misit mandatum ad *Academiæ Lovaniensem*, ut blaterones illos coercerent, & per Rectorem totius Academiæ nomine fieri cœptum: reversus *Latomus* cum suo collega presserunt rem. Interim is, cui commissæ fuerat exsecutio, Theologus est, persuasus à *Latomi* collega, quo nullum animal sceleratius vivit; scripsit clanculum *Datario*, quod mutarit consilium, excusaret se Pontifici. *Datarium* clam missis literis probavit factum, probavit prudentiam, & promisit silentium. Venit edictum *Cæsari* admodum severum; & hoc eluserunt. Impe-
trarunt ab aula edicti interpretationem, hoc est, irritationem. Habet *Jodocum* Præsidem Senatus *Mechliniensis*, hominem plusquam capitaliter infensum bonis literis. *Bedda* misit ad me plusquam ducentos articulos damnabiles, ex libris meis collectos, nullius momenti. *Lodovicum Berquinum*, Præfectum & Consiliarium regium, iterum conjecerunt in carcerem, non ob aliud, nisi quod libellos quosdam meos vertisset *Gallice*. Mater bis scripserat, ut expectarent Regis reditum; delegati nihilo secius progressi pronunciaverunt eum Hæreticum. Articuli sunt ad me missi, qui nihil aliud declarant, quam impudentissimas illorum sycophantias, & crassissimam inscitiam: quibus respondi. Rex ubi rediit, & quid esset actum cognovisset, misit caduceatorem, denuncians illis, se velle cognitorem illius causæ fieri; scripsit per alium, se vitam ac mortem *Berquini* ab ipsis reposciturum, si quid esset factum. Quid deinde factum sit nescio. *Jacobus Faber*, qui metu profugerat, non ob aliud, nisi quod verterat Evangelia *Gallice*, revocatus est in aulam. *Roma Verpus* quidam, quem nosti, qui misere invidet omnibus doctis *Germania*, exhibuit libri partem olim in me scripti, nisi quod adjecit quædam ex hoc temporum statu. Furiose nomen suum dissimulat. Inter cætera dicit se mirari, quod in *Germania* tot hominum millibus cæsis, ego supersem, qui sic docuerim *Germaniam*. Deinde dicit, *Lutheranos*, quamquam impiissimos, ideo scribere in me, quod impietatem meam ferre non possint, qui *Virgini Mariæ* detraxerim suam virginitatem, *Christo* suam divinitatem, aliaque his furiosiora. In *Hispania* Monachus quidam scripsit ad me librum plenum laudibus, sed virulentis aculeis respersum. *Lutherus* sic scripsit, ut nullum amicitiae locum reliquerit, & tamen videtur sibi mire coercuisse stomachum. Dum adversus *Lutherum* pugno, scio me juvare partes quorundam, qui me

An. 1526. me mallent extinctum, quam ipsum *Lutherum*. Liber tuus *De Eucharistia* vehementer arridet Anti-*Lutheranis*, *Oecolampadianis* mire displicet. Hoc diffidium, si tantum læderet nocentes, tolerabilius esset; nunc illis dissidentibus erigunt caput quidam, qui nullo bono bene volunt. Optassem eam materiam fuisse translatam in aliud tempus, aut saltem fuissent in vero concordēs. Mihi non displiceret *Oecolampadii* sententia, nisi obstaret consensus Ecclesiae. Nec enim video quid agat corpus insensibile, nec utilitatem allaturum si sentiretur, modo adsit in symbolis gratia spiritualis. Et tamen ab Ecclesiae consensu non possum discedere, nec unquam discessi. Tu sic dissentis ab *Oecolampadio*, ut cum *Luthero* sentire malis, quam cum Ecclesia. Citas autem illum reverentius alicubi, quam erat necesse, quum aliorum auctoritatem potuisses adducere. Ubi extricare me aliquantulum, perlegam totum librum tuum, deinde dilucidius intelliges quid sentiam, si tamen pateris me de tuis ferre sententiam. Has literas pro tua prudentia non communicabis quibuscumque, faciesque me de iis, quæ isthic geruntur, certiores. Vale. *Basilea* 6. Junii, Anno 1526.

Georgius Saxoniae Dux crebris literis perpulerat me, ut mitterem qui *Mosellano* succederet; nisi *Jacobum Geratinum* egregie peritum utriusque literaturæ. Res non optime successit. Fortassis incidit in suspicionem, quod non satis abhorreret à doctrina *Lutheri*. Si vacat isthic profitendi locus, fac ut sciam. Nam *Sigiswundo* decretum est, hinc non discedere. Pro *Ptolomæo* tuo & *Dureri* libello jam gratias egi; nunc pictum *Erasmum* exspecto.

EPISTOLA DCCCXXIV.

Senatui Parisiensi Erasmi Rot. S. D.

MAGNIFICI domini, justitiæ principes, quæso ut occupationes vestras & gravissimas & sanctissimas patiamini paucis interpellari. Vivo adhuc *Francisco Deloio* Natalis *Bedda* notarat ex mea in *Lucam* Paraphrasi loca quædam quibus offendebar, quæ licet mihi non communicasset, sed apud alios sparsisset, tamen pro officio gratias egi, precans ut in aliis idem faceret, me curaturum, ut nusquam in me desideraret officium hominis *Christiani*. Deinde misit alias aliquot, sed nudas propositiones; egi gratias, sperans fore ut res inter nos *Christiana* transigeretur. Ad complures modestissime responderam. Mox ut ex literis deprehendi animum hominis exulceratum, misi responsiones meas ad sacratissimam facultatem, ut viris nec odio nec invidia corruptis traderent cas legendas, & si judicarent illic esse, quæ sinceritati doctrinæ *Christiane*, aut piis moribus officerent, admonerent fraterne, me vel correcturum, vel explicatione curaturum, ne quis ad illa posset impingere. Quum autem mea responsio nihil habeat stomachi, *Bedda* hoc ipso offensus, quod ausus sim vel privatim respondere, extorto aut simulato consensu facultatis emisit librum in me & *Fabrum*. Qualis sit *Fabri* causa nescio, pro me respondeo, in censuris *Bedda*, quibus taxat meas *Paraphrases*, esse plusquam centum mendacia calumniasque tam manifestas, ut digitis, quod ajunt, sentiri possint, vel à calceariis & fabris. Saltem debebat exspectare judicium sui collegii, non præire. Sed odio præceps edidit suas calumnias, magno tam celebris Academiae, magno Theologici nominis, magno demum suæ famæ dedecore; nec minore gaudio *Lutheranorum*, aut si qui sunt *Lutheranis* peiores. Ego cum illis, quos Theologi damnant, in acie stans depugnabam, libri testantur: & hoc agentem, idque jussu Cæsaris, Pontificis & aliorum Principum, non sine capitis mei periculo, *Sutor* & *Bedda* furiosis libellis adoriuntur à tergo. Hoc est vere favere *Lutheranis*. Emiseram unicam responsionis partem adversus *Lutherum*, alteram adornabam, quæ nunc mihi vix perfici poterit ante nundinas proximas. Quid au-

tem dicent *Lutherani*, ubi legerint *Bedda* censuras undique scatentes impudentibus mendaciis, & *Sutoris* furias? Sunt isti, inquit, Theologi, qui damnarunt *Lutheri* dogmata? Tales sunt, quorum censuris homines adiguntur ad ignem? Talibus *Atlantibus* nititur Ecclesia Romana? Nam, ut sunt hominum mores, ex his qui libros emittunt, præsertim auctoritate publica, fere æstimantur cæteri. Si zelo pietatis ducuntur, cur in me, qui pro pietate depugno, longe virulentius debacchantur quam in ipsum *Lutherum*? In meis libris aliquid erroris humani deprehendi posse non nego, nullus adhuc tamen errorem damnatum potuit ostendere: & qui id hostili studio conati sunt, præter suspiciones & calumnias nihil adferunt. Certe hunc animum semper præ me tuli, qui paratus esset corrigere, si quid excidisset, quod vel pietati, vel hominum moribus officeret. Idque hæcenus feci sedulo, si quis monuit, quod esset alicujus momenti. Ordinem Theologicum semper sum veneratus, eos, qui vere Monachi sunt, tum amo, tum suspicio, nec apud ullos malim ætatem agere, nisi corpusculi obstaret imbecillitas. Admonui quædam in scriptis meis ad Theologos quosdam ac Monachos pertinentia, quæ judicavi tum ad Ordinis dignitatem, tum ad omnium salutem pertinere. Et ob id quidam vociferantur schismata & scandala. Si mihi schismata placerent & factiones, non tanta perpessus essem ac perpeterer, ne essem talium rerum confors. Malui namque solus ab utriusque partis infanioribus dilacerari, quam esse tutus in parte damnata. Quid autem futurum est tandem, si tales libelli, quales scribit *Sutor* & *Bedda*, excudentur *Lutetia*, exclusis aliorum scriptis? Illis licebit venenum effundere, nobis non licebit adhibere antidotum? Quid fructus referat juvenus, quæ *Lutetiam* confluit ut eruditior ac melior domum redeat, ex istiusmodi scriptis, in quibus nihil est præter amarulentiam, & impudentes calumnias? Scio paucos esse *Lutetia* Theologos, quibus *Sutoris* & *Bedda* placeat amarulentia. Quid autem inutilius ad victoriam, quam eos in castra *Lutheri* protrudere, qui à *Luthero* dissentiant, & si consentirent, possent totam renovare tragediam? Istiusmodi odiis hæresiarcha factus est *Arim*, ab Ecclesia recessit *Tertullianus*, hostis Ecclesiae coepit esse *Wiclevus*. Theologorum est vel mederi, vel coarguere hæreticos. At istud est hæreticos facere, non coarguere: nec hoc est sopire excitatum per *Lutheranos* incendium, sed injecto in caminum, ut ajunt, oleo magis excitare. Illud etiam magis arguit impotens odium *Bedda*, quod quum ego privatim ad propositiones ab ipso notatas responderim, easque legit, ille tamen non exspectato Theologorum judicio præcipitavit suas censuras: præsertim quum ad complures ita responderim, ut ostenderem quædam à me correctæ proxima editione, quæ tamen typographorum errata fuerant, non mea; quædam ita refellerem, ut nihil illi superesset nisi manifesta calumnia. Super his visum est admonere vestrum augustissimum collegium, ut cognito periculo, vestra prudentia, vestraque tum auctoritas, tum æquitas consulere dignetur vel istius Academiae, vel Theologici nominis dignitati, vel juventutis saluti, vel studiorum tranquillitati. Satis hucusque processit maledicentiæ rabies, seditio-num parens. Notavi loca quædam præcipua ex *Bedda* censuris, quæ si manifestam habent & vanitatem & calumniam, sicut habent, aut prohibete isthic spargi venena, aut finite nostra invehi antidota. Si veris argumentis volunt eos revincere qui defecerunt à sinceritate *Christiana*, habebunt me commilitonem: Sin odio cæci nihil aliud student quam quovis pacto lædere, modestius esse duco, à senatu juris & æquitatis principe flagitare præsidium, quam rabire cum rabientibus. Hæc de *Bedda* & *Sutoribus* duntaxat loquor, non de cæteris Theologis. Venerabile vestrum collegium servet Dominus *Jesum*. Datum *Basilea* 14. Junii, Anno 1526.

EPISTOLA DCCCXXV.

Erasmus Roterod. Francisco Molino S. D.

An. 1526. **E**XSTIMVLOR quorundam literis, ut aliquo scripto gratuler *Christianissimo* Regi incolumem ad suos reditum. Mihi quidem animus est promptissimus ad Regi tam amanter de me sentienti quacunque occasione gratificandum. Cæterum nondum satis constat consilii ratio, num expediat hoc argumentum attingere, quod vix tractari poterit, sic ut neminem offendas: deinde subdubito quam hoc meum officium sit gratum futurum animo regio. Quod si tua prudentia censet esse suscipiendum, cautus incedam per ignes, suppositos cineri dolo. Sed prius illud à vobis curatum velim, ut vel epistola de summa rerum edocear. Non enim tutum est quod populi rumusculis jactatur in literas mittere. Si isthic adest *Hilarium Bertulphus*, poteris eum ad me mittere, relaturum ad vos libellum etiam formulis excusum, si videbitur: nam id mihi promptius ac facilius, quam antigraphum parare manu descriptum. Hoc quo fiet maturius, futurum est gratius. Ignoscas, in præsentia non vacabat pluribus tecum agere, cui precor omnem felicitatem. Datum *Basilea* 15. Junii, Anno 1526.

EPISTOLA DCCCXXVI.

Erasmus Roterod. Francisco Galliarum Regi, hujus nominis primo, S. D.

Quo gravius diutiusque nos dis cruciavit superiorum temporum calamitas, *Franciscæ* Regum *Christianissime*, hoc magis exhilaravit nos tandem reddita serenitas. Meum quidem animum non simplex habebat molestia, nam & publice dolebat, duos præcipuos *Christiana* ditionis Monarchas inter sese commissos esse, non sine gravissimo totius orbis malo, haud aliter quam ubi luna cum sole commissa periclitatur genus mortalium: & privatim angebar, ejus Regis, cujus propensum in me studium multis argumentis cognitum ac perspectum haberem, animo summisque virtutibus fortunam non satis respondisse. Itaque quemadmodum erat non simplex dolor, ita nunc multiplici perfundor gaudio, quod divino favore receperit *Gallia* Regem, orbis tranquillitatem, eruditorum ac bonorum chorus patronum. Merebatur quidem ista tuæ naturæ benignitas, ingenii simplicitas, & animi vere regia celsitudo perpetuam in omnibus felicitatem; nam tuæ Majestatis felicitas quum orbi publice, tum privatim multis eruditis & optimis viris felicitatem attulisset. Quamquam autem nonnullis pax ista severis, ne dicam iniquis conditionibus videtur coisse, tamen confido futurum, ut summus ille rerum humanarum moderator, suis arcanis & inscrutabilibus consiliis, omnia vertat in lætum exitum. Novit ille, & solus novit quid nobis expediat, solus artificio suo divino & potest & solet hominum inconsculta consilia in eventus lætos ac bonos perducere. Si *Christianos* Monarchas firma junget concordia, minus audebunt *Turcae*, & in ordinem cogen-
tur, qui nunc huic Regi, nunc illi, utcunque commodum fuerit, blandientes, non alia re magis quam vestro diffidio potentes sunt. Hac ratione, simul & optimis studiis & Ecclesiæ jamdudum malis intolerabilibus laboranti poteritis mederi. Nunc utraque pars habet aliquot cerebroso, ac nullius judicii rabulas, qui clamoribus & furiosis libellis incendium hoc exagitant. Sunt *Parisiis* aliquot inauspicata ingenia, nata in odium bonarum literarum ac publicæ tranquillitatis, quorum præcipui sunt *Natalis Bedda*, & *Petrus Sutor* Monachus *Cartusianus*. Hi scriptis non minus indoctis quam virulentis propinant seipso mundo deridendos, plusquam scurrilibus conviciis debacchantes in *Jacobum Fabrum* & me. Ridetur à doctis & cordatis, sed interim & apud imperitos ac simplices lædunt famam nostram, & studiorum fructum à no-

A bis tot vigiliis expetitur intervertunt. *Faber* pro se respondebit. Quod ad me pertinet, in censuris *Bed-* 1526.
de possum ostendere centum manifesta mendacia, calumniasque tam insignes, ut si res esset lingua populari prodita, olitores & calcearii possint judicare, hominem non esse sani cerebri. Mitto loca aliquot paucis notata: & isti sunt qui pronunciant de hæresi, ad quorum delationem boni viri pertrahuntur in carcerem, & in ignem conjiciuntur, quos quocunque modo malunt extinctos, quam ipsos convinci de calumnia. Si licebit illis tam manifeste mentiri de nobis, idque libris editis: contra nobis non licebit depellere calumniam, quid erit illa quondam celebris Academia nisi spelunca latronum? Hæc audacia si *Phariseis* illis cedat impune, nullus bonorum virorum futurus est in tuto. Prætexunt fidei titulum, sed revera aliud agunt, moluntur tyrannidem, etiam in capita Principum; huc tendunt per cuniculos. Nisi Princeps ipsorum voluntati per omnia paruerit, dicitur fautor hæreticorum, & destitui poterit per Ecclesiam, hoc est, per aliquot conjuratos pseudo-Monachos ac pseudo-Theologos. Hoc illos moliri per cuniculos, ipsorum scripta declarant. Proinde consultum fuerit initiis succurrere. Non loquor de omnibus Monachis ac Theologis, sed de quibusdam, quorum indocta improbitas plus valet, quam aliorum docta modestia. Missi sunt ad me articuli, per nescio quos delegatos ex libris meis decerpti, quos venterat *Lodovicus Berquinnus*, non ita multo saniores quam sint censuræ *Natalis Bedda*. Ob hos vir optimus periclitatur. Perit *Papilio*, non sine gravi suspitione veneni, perit *Franciscus Molinus* ac *Dubletus*, periclitatus est *Michael Arantius*, bis impetierunt *Berquinnus*: nunc *Fabrum* & *Erasmum* aggrediuntur. In libris meis colligunt suspiciones & calumnias, nullum adhuc locum ostendere potuerunt, qui dogma habeat pugnans cum fide *Christiana*. Pium est, seditiones & impia dogmata ab Ecclesia secludere; sed impium est, hos in impietatis vocare crimen, qui pugnant pro pietate Euangelica, & eos in castra hostium propellere, quos vident pro ipsis adversus hostes dimicare. Sed istorum tyrannis quomodo coerceri poterit, alias demonstrabo, si tua *Christianissima* Majestas id clam fieri volet: nam ita res succedet felicius. Interim illud rogo, ut tuæ Majestatis auctoritas aut coerceat furiosos *Sutores* & *Beddas*, ne talibus mendaciis infament bonos, aut efficiat ut patiantur nostras defensiones excudi legique *Parisiis*. Iniquissimum enim fuerit, illis licere venena sua spargere, nobis non licere admove-
re antidota. Scripsi liberius edoctus à multis regiam Celsitudinem tuam simplicibus minimeque fucatis delectari. Quod scripsi docebo verissimum esse, ac me quoque tacente res ipsa loquitur. *Christianissimam* Majestatem tuam incolumem ac florentem servet Omnipotens. Datum *Basilea* 16. Junii, Anno 1526.

EPISTOLA DCCCXXVII.

Bilibaldo suo Erasmus S. P.

DE *Philippo* facile satisfactionem accipio. *Nesennus* erat vehemens & constans amicus, sed mihi infelicissimus. Is, uti suspicor, instigavit *Lutherum*, ut sic scriberet in Regem *Anglia*, & in *Cochleum*. *Oecolampadio* curavi protinus reddendas literas tuas. Quid ille moliatur nescio. Quod meministi de literis ac munere Ducis *Georgii*; literæ jampridem redditæ sunt ex *Baden*, ubi fuit disputatio: de munere nihil audio. *Compergius* misit duas pelles *Gabellinas*, sed epistola *Bonifacio* missa mentionem facit fasciculi albarum pellium. Forte *Polonus* mutato consilio servavit per alium mittendas. *Alberto Durer*o quam gratiam referre queam, cogito: dignus est æterna memoria. Si minus responderet effigies, mirum non est: non enim sum is, qui fui ante annos quinque. Jam fere biennium est, quod sub *Februarium* laborans calculo sic concussus sum vomitionibus, ut ex hoc tempore semper decreverit corp-

An. 1526. pusculum, quod ante solet post morbum sarciri. Aliquot menses sat commode valueram; sed præter expectationem velut ex insidiis obortum est aliud malum. Mirus urinæ fluxus, primum sine dolore, mox cruciatus, velut ex locis exulceratis, cum fluxu materiæ, veluti gypsæ, mira copia. Medici non plus adferunt spei, quam muscæ. Aut vesicæ calculus, aut exulceratio mors erit. Dabit Dominus, ut spero, tolerantiam. Memoriam mei vobis amicis commendo. Alias copiosius: hoc nunc tantum licuit. Bene vale. Basilea 30. Julii, Anno 1526.

In quibusdam de Eucharistia ego velut parum eruditus subdubitem, nisi me confirmaret auctoritas Ecclesiæ: Ecclesiam autem voco, consensum populi Christiani per universum orbem. Literas, quas scripsi Duci Georgio, cuperem quam celerrime ad eum perferri.

EPISTOLA DCCCXXVIII.

Erasmus Roterodamus Georgio Duci Saxonia S. D.

ILLVSTRISSE Princeps, accepi literas tuæ Cel- situdinis, una cum his quæ mea causa vertenda curaveras, quorum nihil non fuit gratissimum, qua de re scribam alias per ocium, nunc quod solum licuit, significare visum est Illustrissimæ Cel situdini tuæ. Sub Cal. Junias mihi per nuncium hujus civitatis publicum, in hoc proprie conductum, epistolam ad concilium Badense, in quo nuper fuit disputatio, causam ipsa, cujus exemplum ad te mitto, declarabit epistola. Inde reversus nuncius attulit epistolas & schedas modo dictas, sed præterea nihil. Quum nihil audiremus de poculo, quod tua benignitas nec promerenti, nec expectanti se misisse scribit, rogare coepimus nuncium, unde recepisset eas literas, ait à quodam, ut apparebat, docto, qui venerat ad hoc concilium, alioqui prorsus ignotum. Suspicabamur venturum per Copergam. Is ante paucos dies misit huc xenia quædam ex Polonia missa, nec ullam in literis facit poculi mentionem. Si quo casu poculum apud te mansit, bene res habet. Ego enim jam ejus muneris fructum percepi, videlicet tuæ erga me benevolentia. Sin missum est, non committendum est ut tibi simul & mihi pereat. Si hæc epistola reddetur in tempore, poteris ad nundinas Francfordienses significare cui commiseris. Hoc tantum in præsentia licuit scribere, ut valetudine & laboribus oppresso. Precor ut Dominus Illustrissimam Cel situdinem tuam prosperet in omnibus. Datum Basilea 30. Julii, Anno 1526.

EPISTOLA DCCCXXIX.

Vives Erasmo.

Ego ad te literas dedi ex Britannia bene longas multas de rebus, more meo; dolebam, si non crederem esse ad te perlatas: tuas jam pridem nullas accepimus; occupationibus id tuum adscribo. Nam tibi iter tuum recta eunti de semitis novæ ἀνακταί. Itaque cogere paulisper desistere, ut molestiam dimoveas, qua iter remoratur. Possem referre tibi præclara aliquot hominis illius facinora; verum malim non agi inter vos de vita, sed de sententia: reliqua κατὰ τὴν ἀσθήνην ἐνδείχεται. Olim ad te destinaveram scribere, sed nescio, quemadmodum excidit, ut libros omnes tuos cures, dum vivis, redactos in certos aliquot tomos excudi. Non dubito, quin aliquid tibi tale in mentem multo antea venerit, & hoc animo moliaris: sed eo facies celerius, cum intelliges alios quoque impense cupere: multa sunt tuorum Operum editiones atque impressiones, si è vita discedas, ut tibi est, ac nobis omnibus discedendum, priusquam omnia collegeris, & qua sit postrema judicii tui mens declaraveris, qua & te profitearis stare, & alios velis idem facere, quicumque sunt tecum sensuri, magnopere timeo, ne magna sequatur Operum tuorum confusio ac perturbatio, unde periculum sit, ne pereat tibi tua gloria; sed hoc fortassis ad te leve: sed certe fructus quoque

A studiorum tuorum, cum habebit Lector incertus, quid An- demum ipse vel probaris, vel improbaris; nam nunc 1526. qui editiones distinguunt, utcumque sensum animi sui deprehendunt: posteri vero, quibus editiones separare non licebit, confundentibus omnia typographis, maxima monumentorum tuorum utilitate frustrabuntur: adde ita, qua ut alia alio deferuntur, complura sunt abs te edita, quorum titulos ne audiverunt quidem homines tui nominis perstudiosi, & qui plurimum se per Opera tua profecisse sentiunt, ac præ se ferunt: inter quos sunt nonnulli, qui ex me querunt quo sine existimem introdu- etam abs te disputationem illam ἱεροφαιρία, de Voto, & Vi præceptorum in opere tituli Puerilis, & quod videtur pueris scriptum rem tantam neutiquam intellectu- ris: respondeo quadam, quis ut illis satisfaciam, nescio, mihi utique non satisfacio: nam alienissima videtur mihi & loco & personis illis dissertatio, ἢν δὲ οὐκ ἔστιν τὸ πρῶτον τῆς ἐπιστολῆς. Itaque non videtur fuisse faciendum; præsertim cum offensione multorum evitetur τινῶν sed nihil dubito, quin tibi facti tui pulcherrime constet ratio, quam non gravaberis primis literis, quas ad me dabis, uno aut altero verbo subijcere ad eximendum & meum & meorum amicorum scrupulum. Curtius venit heri Lovanio: narrat Vincentium tuum & Gotfchalcum agere animam. Egmundano multa & dira esse; anginam comminatum, & comminari atrociora in dies: itaque vereor ne non tollat; tum & Latomum Cameraci vivere, quanta ruina Academia, prostratis tot & talibus columnis? Rhenano & Frobenio tuo multam ex me salutem, simul & Cantuinculæ, si isthic adsit. Salvebis à Laurino. Cura valetudinem tuam, mi præceptor, & nos ama. Brugis 6. Augusti, Anno à Christo nato 1526.

EPISTOLA DCCCXXX.

Erasmus Roterodamus Guilhelmo Copo Medico S. D.

MAGNO affectu desideravi tuam præsentiam, medicorum disertissime Cope, in hac affectissima valetudine. Ex quo coeperam diluere vinum aqua ex glycyrrhizo decocta, mitius me tractavit calculus, & jam mihi gratulabantur amici tanquam libero. Verum hoc Julio proximo subito obortus est fluxus quidam vehemens urinæ, non sine laceratione viarum, primum absque magno dolore, post unum aut alterum diem sequutus est cruciatus, quasi calculus hæreret in vesica, qui non posset expelli. Effluebat interim mira vis urinæ gypsæ, veluti pus quoddam. Territus consului medicos, quos hic habemus dignos hoc populo, qui non admodum vivit medice, nec bibit modice. Nihil adferebant spei. Alius suadebat thermas Badenses, alius divinabat aliud. Itaque medicos dimisi, committens me Domino. Et cruciatus quidem ille mitior est, materiæ quoque vis aliquanto minor. Apparet tamen exulcerationem aut scabiem esse organorum urinalium. Ajunt Thomam Linacrum hoc malo mortuum esse. Quando per valetudinem & bellorum minas mihi non licet te visere, majorem in modum te rogo, ut scripto mihi digneris succurrere. Monachi ac Monachorum similes Theologi quidam devotis animis conspirasse videntur, ut libros Erasmi excutiant è manibus hominum, ut posthac legamus libros Beddæ, Sutoris, & similibus. Leu, ut suspicantur, apud vos & Hispanos ἀπαγορεύων, his furiis perstrenuam navat operam: nec cessat tuus Aleander, nisi mentiuntur multi. Quis sit horum tumultuum futurus exitus nescio. Solus cum tot monstris pugnare non possum, ni Principes interponant auctoritatem suam. Pontifex imposuerat silentium Lovaniensibus blateronibus. Impe- trarunt clam à Datario veniam exsequendi suum officium, me tamen non læso. Interposuerat severissimum edictum Cæsar, eo exhibito, accurrerunt Mechliniam, & impetrarunt ab aula edicti interpretationem, quæ prorsus irritabat quod Cæsar scripserat. Papilio & Molinus periit. Berquinus in carcere dispu- Tom. III. Ooo tat

An. tat cum Theologis. Rex satagit rerum suarum, pre-
1526. cor ut Deus omnia vertat in lætos exitus. Qui has
perfert, omnino voluit tibi commendari. Quid sit
negotii melius ex ipso cognosces, est enim *Mercuria-*
lis, ἡ φλυαρώδης μέγας, audies quidem, ἀλλὰ μὴ πιστεύεις.
Gratum erit si miseris remedium, & si quid erit in
aula, quod mea refert scire. Bene vale cum conjugē
& liberis. *Basilea* 27. Augusti, Anno 1526.

EPISTOLA DCCCXXXI.

IN IRENAEVM.

Erasmus Rot. Bernardo, Episcopo Tridentino, S. D.

EN tuis, ornatissime Præsul, auspiciis in lucem pro-
ducimus magnum illum Ecclesiæ propugnatorem,
ac pro sui nominis augurio pacis ecclesiasticæ vindi-
gem *Irenæum*: nam εἰρήνη *Gracis* pacem sonat, & in
Euangelio Dominus beatos pronunciat εἰρηνοποιεῖς, id
est, pacificos, quoniam, inquit, filii Dei vocabuntur.
Deus enim non est dissensionis auctor, sed pacis, qui per
Filium suum pacificavit ea, quæ in coelis & quæ in
terris. Contra, qui diffidiis orbem concutiunt, paren-
tem suum referunt, qui primus sevit discordiam inter
Deum & hominem, ac salutiferam Evangelicæ doctri-
næ segetem vitiavit, clam inspersis zizaniis: noctur-
num opus aptumque Principi tenebrarum. Utinam in
his Ecclesiæ tumultibus, quibus nec in annalibus legi-
mus unquam exortos vel graviore, vel latius divaga-
tos, quanquam latissime se sparserat *Arianorum* hære-
resis, exoriantur aliquot *Irenæi*, qui spiritu Evangeli-
co mundum redigant in concordiam. Nam libri, qui
nunc utrinque provolant, ejusmodi ferme sunt, ut citius
novum excitent incendium quam vetus restinguant.
Verum, hoc per *Christianos* Principes faciet Dominus,
postquam nobis ad meliora conversis ex irato cœperit
esse propitius. Ad *Irenæum* meum redeo. Cur enim
non meum appellem, quem pene sepultum, absterfo
quantum licuit situ, luci restituimus, indignum profe-
cto qui perpetua oblivione obsolesceret? Spirant enim
illius scripta priscum illum Evangelii vigorem, ac phra-
sis arguit pectus martyrio paratum: habent enim mar-
tyres suam quandam dictionem seriam, fortem, ac ma-
sculam. Fuit vicinus Apostolorum temporibus, quum
adhuc martyrum triumphis floreret Ecclesia: nam
puer audivit *Polycarpum* in *Asia*, *Polycarpus* autem *Joan-*
nis Evangelistæ fuit discipulus, à quo & Episcopus *Smyr-*
næis datus, notus & aliis Apostolis discipulique, qui
viderant & audierant Dominum, ex quorum relatione
multa solitus est commemorare, quæ literis prodita non
sunt. Hujus viri de *Christo*, deque *Christi* discipulis ser-
mone *Irenæus* puer avidissimis imbibit auribus, ac pe-
nitens inscripsit cordi suo, sic ut senex etiam horum
omnium vividam ac præsentem retineret memoriam,
quemadmodum ipse multis verbis testatur in his, quæ
scripsit ad *Florinum*. Referuntur autem *Ecclesiastica Hi-*
storia libro v. cap. xx. Manebant eo seculo veterum Ec-
clesiæ charismatum manifesta vestigia, quandoquidem
ipse lib. v. refert se multos audisse fratres in Ecclesia,
quibus esset donum prophetiæ, qui Dei mysteria enar-
rarent, qui linguis omnibus loquerentur, qui secreta
hominum proferrent non ad ostentationem, sed ad uti-
litatem. Et alibi docet fuisse, qui invocato *Jesu* nomi-
ne morbos ac dæmones profligarent. Habes *Irenæi*
commendationem ab antiquitate. Accipe nunc pieta-
tis & integritatis testimonia, quæ quidem hoc sunt
speciosiora, quod eo seculo promerenti contigerunt,
quo laus hæc fere suppliciis ac mortibus erat emen-
da. Nunc delicata res est *Christiani* nominis professio,
quum nec facultatibus, nec corporibus ullum à perfe-
ctore periculum est. *Irenæus* igitur, presbyter Eccle-
siæ *Lugdunensis*, ad componendum Ecclesiæ dissidium
Romam mittitur, ubi tum præsidebat *Eleutherus*; mit-
titur autem martyrum epistolis magnifice commenda-
tus, & quod Evangelii zelo præmineret, & quod di-
gnitati presbyterii morum integritate responderet: un-

A de dignus est habitus qui *Photino* sive *Pothino*, (variant An.
enim in nomine codices) *Lugdunensis* Ecclesiæ Præsu- 1526.
li, qui natus annos fere nonaginta martyrium peregit,
subrogaretur. Ecclesiasticæ concordie tam fuit stu-
diosus, ut cum *Victor Romanus* Pontifex multas Eccle-
sias amputasset à communione, quod in celebratione
diei Paschalis, & in observatione jejuniorum, morem
obtinerent à *Romana* consuetudine diversum, magna li-
bertate *Victorem* reprehenderit, quod præter exem-
plum eorum quibus successerat, tam facilis esset ad
amputandas Ecclesias, non in fide, sed in ritibus quibus-
dam diffidentes. Refert hæc fusius *Ecclesiastica Historia*
liber v. cap. xxiv. Hæc *Irenæus*, quum nunc *Ptolemæi*
B quidam ex quamlibet frivolis nugis, hæreseon & schi-
smatum excitent calumniam. Sed unde pietatis illius
certius argumentum proferam, quam ex ipsius scriptis,
quæ spirant pectus Euangelicum, & martyrii (ut ita lo-
quar) candidatum? Nunc de doctrina paucis accipe. E-
loquentiæ nec studiosum nec peritum sese fatetur ipse
præfans in primum librum. Ac non affectatam quidem
ab eo facile crediderim, ignoratam ne credam, facit
ipse sermonis cursus, in rebus tam spinosis ac perple-
xis, imo fastidii plenis, dilucidus, digestus, ac sibi
cohærens, nisi quod mihi nondum satis liquet *Græce*
ne scripserit an *Latine*, etiam si magis arbitror *Latine*
scripsisse, *Græci* tamen sermonis peritiorem. Itaque fi-
C guris *Græci* tanquam suo jure abutitur *Latine* loquens,
veluti *noceri* pro *ladi*, quemadmodum *Græci* dicunt
βλάπτειν, ἔχοντες, id est, habentes, pro valentes; cu-
jus generis aliquot annotavimus in spaciis marginum,
ne lector iis offenderetur. Certe liberalium disciplina-
rum omnium peritissimum fuisse constat. *Tertullianus* e-
nim in libro, quem scripsit adversus *Valentinianos*, indi-
cans quos in eo Opere fuerit sequutus, hunc in modum
loquitur: *Ut Justinus Philosophus & martyr, ut Mil-*
tiades Ecclesiarum Sophista, ut Irenæus omnium doctri-
narum curiosissimus explorator. Quin & *Eusebius Cæsa-*
riensis in *Catalogo Scriptorum illustrium*, qui circa *Sote-*
ris ætatem Ecclesiam Dei vita simul & scriptis illustra-
D runt, quum ventum est ad *Irenæum*, dicit, *Et præcipuus*
Irenæus, quorum omnium ad nos Apostolica fidei & sanæ
doctrina præclarissima monumenta perlata sunt. Floruit
autem potissimum *Commodi* temporibus. Cæterum,
posteaquam ordo nos vocat ut de tam egregii viri
scriptis aliquid dicamus, dolor quidam subit animum
meum, quod ex tot laudatissimis monumentis hoc
Opus solum, ut videtur, remansit incolume. Scri-
psit enim librum ad *Blasium* De Schismate, alium
ad *Florinum* presbyterum ab Ecclesia prolapsus, De
Monarchia, sive quod Deus non sit conditor malo-
rum: nam *Blasius* eodem errore teneri videbatur, qui
prius *Polycarpi* discipulus, post in hæresim *Valentinia-*
E nam devolutus est. Scripsit autem & De *Ogdoade* li-
brum, quem eximie probat divus *Hieronymus*. Hic est
cui affixit obtestationem ad Scribas, quam & nos præ-
fiximus huic Operi. Hæc tantum viderat *Eusebius*. *Hie-*
ronymus addit volumen breve *Contra Gentes*, rursus aliud
De disciplina. Item ad *Martianum* fratrem De Apo-
stolica predicatione. Denique librum variorum tracta-
tum. Ex his tam multis viri lucubrationibus solum
hoc, quod nunc damus, seculorum invidia reliquum
esse voluit. Quod utinam sic dare licuisset, quemad-
modum ab illo proditum fuit. Primus & secundus,
quoniam fere occupantur recensendis monstrosis hæ-
reticorum & vocabulis & opinionibus, alicubi torse-
runt nos, quos nemo nisi patientis stomachi poterit
absque tædio pervolvere. Tribus exemplaribus sumus
F adjuti, uno quod *Roma* descriptum illinc ad nos mi-
sit egregius studiorum patronus *Joannes Faber*, duo-
bus è monasteriis commodato præbitis. Ex *Tertulliano*
paucā restituimus, quod illic plus etiam erat deprava-
tionis in vocabulis, non pauca conjecturis sumus asse-
cuti, quæ, si parum certa videbantur, in margine
tantum annotavimus. Solis autem Scripturarum præsi-
diis pugnat adversus catervam hæreticorum, quorum prin-

An. 1526. princeps fuit *Simon* ille *Samaritanus*, Magiae peritus, qui se Deum summum ausus est praedicare, & *Selenem* sortum suum persuasit esse summam mentem; & hic impostor *Roma* statum meruit cum hac inscriptione, *Simoni sancto Deo*. Hujus discipulus *Menander*, non in nomine *Jesu*, sed in nomine suo baptizabat, negans cum *Simone*, mundum hunc à Deo conditum, sed ab Angelis, quem errorem è *Platonis* Philosophia videntur hausisse. Post hunc *Saturninus Antiochenus* dicebat hunc mundum conditum non à summo Deo, sed à septem Angelis. Hos sequutus *Basilides Alexandrinus* in majorem erupit insaniam, praeter alia dogmata portenta, summum quendam Deum invehens, & ficto nomen aequè fictum imponens, *Abraxas*, qui *Valentino* seminarium insaniae prae buisse videtur. Nam quos ille coelos vocabat, hic dixit *aiōvas*. Dehinc *Nicolaus*, turpitudinis doctor, cum superioribus negat mundum hunc à Deo conditum. Quin & *Ophita* monstrosa quaedam somnia de *Aeonibus*, & eorum praecipuo *Isidoro* prodiderunt. Successit his *Carpocrates* Gnostico- rum auctor, aperte magiam exercens, ac daemones *παίδες* jactans, quale quiddam de *Socrate* legimus. Sequutus est hos *Cerinthus*, negans mundum à Deo conditum, mentiens *Christum* ex *Joseph* semine natum, Legem non à Deo, sed ab Angelis latam. Huic contrarius *Ebion* sic adstruit Legem, ut subvertat Euangelium. Talibus portentis successit *Valentinus* omnium portentuosissimus, *Platonica* Philosophiae sectator, vir alioqui doctrina pollens, juxta atque eloquentia. Ambiebat Episcopi dignitatem, sed indigne ferens sibi praelatum alium, qui in tormentis confessus fuit nomen Domini, ad turbandam Ecclesiam vertit ingenium, totam doctrinam *Christianam* ad confictas voces & perplexas fabulas pertrahens. Hujus impiis inventis nonnihil addiderunt *Ptolemaeus* & *Secundus*, aucto videlicet *Aeonum* numero, sic tamen ut in quibusdam ab eo dissentirent. Eadem cum *Valentino* docuit *Heracleon*, sed novitate pronuntiationis videri studuit diversa tradere. Post hunc *Marcus* & *Colarbasus*, alioqui non degenerantes à *Valentino*, rem mire ridiculam commenti sunt, omnia fidei mysteria ad *Gracum* alphabetum pertrahentes. Successit his *Cerdon* impietatum lernam secum trahens. Duos enim deos finxit, alterum bonum, alterum saevum, à saevo mundum creatum. Legem in totum repudiabat: solum Euangelium *Lucae*, nec id totum, recipiebat. Apostoli *Pauli* Epistolas nec omnes nec totas probabat. *Alta Apostolorum* & *Apocalypsin* ut falsa rejiciens, docebat *Christum*, boni Dei Filium, in phantasmate tantum venisse, nec vere passum, nec vere natum, Resurrectionem animae probans, carnis negans. Hic dum aliquando confiteretur errorem, & rursus clam, interdum & palam doceret impia, tandem convictus, veluti deploratum membrum à communione fratrum resectus est. In hujus impietatem successit *Marcion*, genere *Ponticus*, Stoicæ Philosophiae studiosus, Episcopi filius, ob stupratam virginem ejectus ab Ecclesia, qui tamen post interdixit nuptias *Christianis*. *Cerdonis* ac *Marcionis* blasphemam doctrinam excepit *Lucanus* quidam, ob id obscurus, quod nihil innovavit ex eorum doctrina quos sequebatur. Sed *Apelles*, *Marcionis* discipulus, quo se faceret novae factionis auctorem, multa ex magistri dogmatibus reprobavit, sed sic ut nihilo famiora substitueret. Hic allegavit nobis puellam nomine *Philumenem*, cui fingeat adesse Propheticum spiritum, quam tamen *Augustinus* scripsit à *Severo* quodam inductam, haud scio quid sequutus: nam *Eusebius* & *Tertullianus* in hoc, quod narro, consentiunt. Inter hæc portenta latuerunt *Potitus* & *Basiliscus*, qui *Marcionem* sequuti, duo rerum principia tradiderunt. *Syrenus* magis etiam delirans, tria principia sive tres naturas induxit. Hos omnes sequutus *Tatianus*, ex *Iustini* discipulo factus hæreticus, *Valentini Marcionisque* pestifera dogmata revocavit; discipulum habuit *Calistionem*. In tam longam seriem se porrexit illa detestanda lues à *Simone* Mago profecta: dictuque mirum quam ægre desuit. Jam

A enim *Valentini* nomen erat extinctum, quum tamen non deessent *Valentiniani*. Nec omnino finis videbatur futurus, nisi venisset *Montanus*, qui cæteris omnibus abrogavit auctoritatem, se prædicans esse Spiritum Sanctum à *Christo* promissum, qui deduceret in omnem veritatem. Quanquam & *Manichæus* nonnihil erroris ex *Basilide* videtur hausisse. Accidit autem hic, quod solet in febris vehementer tenaci, quæ nunc est remissior, nunc acrior, nunc in aliam atque aliam speciem sese vertit, nec desinere potest, donec in phrenesim, aut in aliud malum præsentius exeat. Adversus hæc portenta scripsere *Iustinus*, quem aliquoties citat *Irenæus*, *Miltiades*, *Proculus*, & *Tertullianus*. Cujus libros, quos eruditissimos scripsit adversus *Valentinianos* & *Marcionem*, præterea de hæresibus & hæreticorum præscriptis, si quis legere non gravabitur, rectius intelliget hos *Irenæi* libros. Jam mihi videor satis præfatus, ornatissime Præful, quod ad hujus Operis rationem attinet, & tempus erat finem imponere prologo. Quod quidem faciam, si paucis aperuero, quæ cogitatio subierit animum meum in hoc argumento versantis. Non enim queo satis admirari consilium inscrutabile Dei, qui miris modis sponsam suam Ecclesiam vindicarit, purgarit, erudierit, everxit, illustrarit; in quibus omnibus nihil est non alienissimum ab humanis consiliis, quemadmodum ipse loquitur per *Esaiam* hominibus: *Non enim cogitationes meae, cogitationes vestrae; neque via mea, via vestra, dicit Dominus: Quia sicut exaltantur caeli a terra, sic exaltata sunt via mea a viis vestris, & cogitationes meae a cogitationibus vestris*. Quemadmodum igitur ipse Dominus descendens è caelis viam aperuit in coelos, & accepta forma servi paravit sibi dominium omnium quæ in coelis quæque in terris, ac per summam ignominiam consequutus est æternam gloriam, patiundo devicit hostem, morte promeruit immortalitatem: sic pusillum & imbellem gregem suum alienissimis à mundi ratione præsidii provehit. Per imperitos confutavit mundi sapientiam, per paucos subegit omnes mundi nationes, per imbecilles prostravit tyrannorum potentiam, per imbelles expugnavit omnem munitionem attollentem sese adversus Deum, per ignotos & humiles obscuravit universam mundi gloriam, per oves domuit leones, per columbos abegit serpentes. Et passus quidem est in oviculas suas satanam & mundum hunc totis artibus ac viribus suis insurgere, verum arcanis suis consiliis omnia mala vertit electis suis in bonum. Solus enim ille Rex Regum novit & uti bonis & abuti malis in suam gloriam & Ecclesiae salutem. Infremuit adversus paucos & humiles *Christi* discipulos *Judaorum* zelus, *Phariseorum* supercilium, sacerdotum auctoritas, tum Regum legibus & copiis armata potentia, magorum præstigiæ, Philosophorum eruditio, hæreticorum seditio. Tot machinis satanas oppugnabat ovile *Christi*. Sed Domino temperante conatus & actiones hominum, suppliciis ac mortibus crevit & invaluit Ecclesia, impiorum Philosophorum oblationibus confirmata est Evangelica Philosophia, præstigiæ magorum illustrarunt *Christi* divinam virtutem in discipulis operantem, schismaticorum molimina, piorum concordiam arctius junxerunt, ac velut in phalangem rede- gerunt, hæreticorum impia dogmata ad scrutandum arcanas literas compulerunt. Itaque factum est, ut dum *Judei* zelo Legis, sed non secundum scientiam, pugnant adversus Euangelium, certius cognoverimus antiquatas esse Legis umbras, & illustrata est Evangelii gloria. Rursus dum persequutor ignominii, cruciati- bus, ac mortibus conatur fidem in *Christum* extinguere, fidem auxerit, charitatem accenderit, spem reddiderit firmiorem, & piorum tolerantiam dum exercet, illustrarit. Postremo, dum hæreticorum argu- tionibus agitur, magis uti didicit armatura divina- rum Literarum, & confirmata est impugnata veritas. Primus Ecclesiae congressus fuit cum *Judeis*, quorum utinam non exstarent & hodie reliquæ. Hic strenuum propugnatorem Evangelicæ libertatis præstitit Apo-

At. stolus *Paulus*. Magiæ principem *Petrum* dejecit. Secundus fuit cum Philosophis & hæreticis, qui fere Philosophiæ præfidiis bellabant adversus Evangelium. Horum impressiones, post Apostolos exceperunt viri doctrina facundiaque præcellentes. Nec ideo damnanda est Philosophiæ sobria cognitio, quod à Philosophis fere natæ sunt omnes hæreses, quum per Philosophos item oppressæ sint. *Valentinus* Philosophus oppugnaverat Ecclesiam, sed *Justinus* Philosophus, & *Irenæus* Philosophus defendit. *Marcion* Philosophus impetiit veritatem, sed *Tertullianus* Philosophus confecit hostem. *Celsus* Philosophus blasphemias evomuit in *Christum*, sed *Origenes* melior Philosophus ex illius blasphemis illustravit *Christi* gloriam. *Libanius* Sophista defendit idololatriam, sed hoc facundior *Chrysostomus* asseruit verum Dei cultum. Idem fecit Orator *Symmachus* quod *Libanius*, sed hunc confodit potentior Orator *Prudentius*. Itaque bona quædam spes habet animum meum, fore, ut hanc Ecclesiæ tempestatem Dominus inscrutabili suo consilio vertat in bonos exitus, excitetque nobis *Irenæos* aliquot, qui compositis diffidiis pacem orbi restituant. Hunc interim *Irenæum* velut omnis fausti loco læta fronte dignaberis accipere, Præsul optime, tui nominis auspiciis in lucem prodeuntem. Id ut facerem non tam mihi persuasit singularis quidam, ac ut gratus, ita perpetuus animi in me tui favor, quam uno omnium ore prædicata morum tuorum integritas, cum admirabili prudentia parique humanitate conjuncta. Sed nulla laus Episcopo dignior, quam quod ubique studes paci concordiaque *Christiani* populi. Atque hæc quidem in te virtutes hoc sunt admirabiliores, quod ætate florenti *Nestorem* quendam, ut ita loquar, præstas, tum illustrissimo Principi *Ferdinando*, tum Ecclesiæ *Christi*. Nec ignota, nec tuas dotes prædico, sed pro donis in te collatis, & Deo gratias agimus, & nobis gratulamur. Amplitudinem tuam bonis omnibus augeat is, à quo solo proficiscitur vera felicitas. Datum *Basilea* 27. Augusti, Anno 1526.

EPISTOLA DCCCXXXII.

Erasmus Rot. Petro Egidio S. D.

JUVENIS ille, qui petiit abs te tuas ad me literas, ut rem certam nunciavit *Corneliam* tuam in fata concessisse. Non libuit illi credere, quantumlibet affirmanti rem tam tristem. Si verum est, non dubito quin repetiturus sis matrimonium, nec dissuadeo, illud tamen te rogo, si modo tantum permittis *Erasmio*, ut in hoc intervallo te serves alienum ab omnibus ineptiis adolescentiæ. Novi tuum ingenium, juvenis es, fateor. Nondum ista magnopere dedecet ætatem istam, tamen non ita multum abes ab anno quadragesimo, sed cogita, quam multorum liberorum sis pater, & quos mores postulet ista muneris publici dignitas, præsertim, cum, ni fallor, Deus te majoribus negotiis destinavit. Hic ego, ne quid dissimulem, meam quoque rem ago. Malim mihi dimidium mearum rerum perire quam talem amicum. Et video quid acciderit. N. posteaquam ex marito prociis esse coepit, sic immutatus est, ut non credas eundem esse, nec amicitia veteris, nec studiorum meminit. De *Hieronymi* libris concinendis & Archiepiscopo *Cantuariensi* transmittendis, opinor tibi fuisse curæ. Neque de linteis, quæ mittit *Dilfus*, quæque tu mercatus es, quicquam huc allatum est, expectamus nunc per fratrem & hæc, & *Prudentium*, & *Senecam*, & quod supererat ratiunculæ. Qui has reddit, est is, qui me pinxit, ejus commendatione te non gravabo, quanquam est insignis artifex. Si cupiet visere *Quintinum*, nec tibi vacabit hominem adducere, poteris per famulum monstrare domum. Hic frigent artes, petit *Angliam* ut corradat aliquot Angelatos, per eum poteris quæ voles scribere. Bene vale. *Basilea* 29. Augusti, Anno 1526. Saluta D. Cantorem.

EPISTOLA DCCCXXXIII.

Erasmus Rot. Francisco Asulano S. D.

NIL jam diu nobis accidit, *Francisco* charissime me, jucundius, quam quod totus *Galenus* ad nos venit, ex tua munificentia. Auctor per se gratiofus est, mihi vero peculiari quodam vel sensu vel iudicio adamatus: nec omnino falsum est, quod Philosophus ille dixit, *Dulcissimam esse rem, accipere*: tamen hic mihi plus voluptatis attulit animus in me tuus, etiamnum memor veteris amicitia, quam vel donum ipsum, vel Auctoris gratia. Aut me fallit animi præfagium, aut hæc editio conciliabit tibi non parum & nominis & compendii. Æmulos non est quod verearis, ut sit hic qui velit, non est qui possit. Utinam detur occasio referendæ gratiæ, nam reponere malim quam agere. Interim adnitar, ut quicquid è tua prodit officina, quanquam nihil non est gratiosum apud viros eruditos, fiat gratiofus. Felix juvenis, quæ in hoc seculum incidit: nam repubescendi votum mihi sit ἀνεμώλιον. Potes & meum nomen isthic reddere vendibilis, si lucubrationes meas aliquot, pias præsertim, tua digneris officina: Quales sunt, *De misericordia Domini*, *De modo orandi*, *Commentarioli in quatuor Psalmos*, *Paraphrases in Novum Testamentum*. Paraphrases tamen te nolim attingere, nisi misero quædam loca castigata. Mittam autem simul atque cognovero tuum animum. Patri, fratri, reliquæque familiæ multam ex me salutem dices. Bene vale. *Basilea* 3. Septembris, Anno 1526.

EPISTOLA DCCCXXXIV.

Erasmus Rot. Ferico Carondileto S. D.

ORNATISSIME vir, quam propenso favore sit in me R. D. *Panormitanus* frater tuus, ex complurium amicorum literis cognovi. Verum, plus illic valet quorundam dolosa improbitas quam paucorum bonitas. Ex tuis literis, amantissime scriptis, multum accepi solatii. Sed hæc valetudo me reddit inutilem ad hominum convictum, & pudet etiam me quod tuis ædibus ægrotatione mea tantum attulerim molestiæ. Calculus versus est in aliud malum, sed immedicabilis. Nota mala levius feruntur, hoc est eo molestius quod ignotum. Deinde pistirino typographico sic alligatus sum, ut pedem discedere non liceat. *Frobenius* rursus orsus est Novum Testamentum. Si quid ista bibliotheca haberet veterum exemplarium, præsertim in Evangelicis & Apostolicis Epistolis, pergratum facies si miseris. Dabitur hoc pacto occasio celebrandi & tui collegii, & tui proprie nominis. Nunc illud quæso fac ut abs te impetrem. Habebam tria vasa vini *Burgundiaci*, ea rebar in hanc hyemem suffectura, quorum unum, unde bibo, tendit ad vappam, alterum dum aperio, comperio prorsus in vappam versum. Servabis *Erasmum* tuum, si huc vel pusillum vasculum miseris vini subrubri, non ardentis, sed generosi, veteris tamen. Hoc negotium dedi nostro *Biatricio*, qui meo sumptu curabit huc advehendum. Si quid erit, in quo vicissim possim tibi gratificari, nihil sum recusaturus. Deus te servet incolumem. Datum *Basilea* 7. Septembris, Anno 1526.

EPISTOLA DCCCXXXV.

Erasmus Rot. Hieroslaeo a Lasco, Palatino Syradiensi, Polono, S. D.

VIR clarissime, *Matrimonium Christianum*, extremam ingenioli nostri foeturam, mitto, non fratri tuo, qui cœlibatum amplexus est, sed tibi, qui das operam, ne pereat humanum genus: nec tam ob id mitto, quo te doceam quomodo debeas uti matrimonio, nihil enim addubito quin in eo sanctissime verseris: quam ut nos admoneas, si quid illic prætermisum

sum est, aut aliter tractatum quam oportuit. Nam tibi fortassis non minus ineptire videbor, qui de matrimonio præcipiam, quam Philosophus ille visus est insanire *Hannibali*, qui de bello disputabat, quum bello nunquam interfuisset. Expectabimus igitur tuum iudicium, priusquam adornemus alteram editionem. Diutius tecum fabulari cupientem revocant occupationes. Precor tibi tuisque perpetuam felicitatem. Datum *Basilea* 9. Septemb. Anno à Christo nato 1526.

EPISTOLA DCCCXXXVI.

Erasmus Rot. Andrea Critio, Episcopo Plocensi, S. D.

ORNATISSIME Præsul, quum hic γεγραμμενός-
εἴς forte fortuna fuisset oblatus, relegi tuam epistolam & prolixam, & αὐτόγεγον, non tam ut responderem, quum nihil daretur ocii, quam ut eam voluptatem, quam initio ex earum lectione ceperam, mihi renovarem, simul & in valetudinis, & laborum, & publicæ tempestatis solatium; sunt enim eruditæ, & alacres, & candidæ. Sentias illic Musas omnes conjunctas esse cum Gratiis. In carmine pariter atque in oratione soluta probari nec *Ciceroni* contigit. Tu sic pangis carmen, quasi nihil aliud agas: sic texis orationem liberam, ut quanquam ad historicam sublimitatem assurgis, nihil tamen obstrepat poeticae licentiæ. Quo vero magis deploras te à literis, quibus tibi natus videris, ad Episcopi munus, reique publicæ functiones pertractum, hoc nos impensius gratulamur orbi *Christiano*, cui nulli sunt magis utiles, quam qui reluctantes à Philosophiæ dulcissimis studiis, ad patriæ consulendum revocantur. Et tamen inter istas quoque negotiorum undas, licebit aliquoties aliquid ocii tuis Musis succidere. Ad laudes, quas tuus candor largiter nobis tribuit, nihil habeo quod respondeam, nisi me hoc plus debere tuo in me studio, quo minus agnosco quæ prædicantur. Equidem adnixus sum ut nostra *Batavia* mitesceret commercio bonarum literarum: nec id solum, verum multo magis ut bonæ literæ, quas scis hæcenus apud *Italos* fere paganas fuisse, consuescerent de Christo loqui. Ea res quanquam mihi peperit gravem invidiam, tamen satis feliciter successerat, nisi hæc tempestas fatalis incidisset, quæ nunc orbem *Christianum* versat, agitatque. Edideram *Diatribam*, quod intelligerem me non alia ratione liberari posse à tenacissima suspitione, quam isti Principum animis infixcant: sed disputavi tantum. *Lutherus* sic respondit, ut antehac in neminem virulentius, & homo suavis post editum librum per literas dejerat se in me esse animo candidissimo, ac propemodum postulat, ut ipsi gratias agam, quod me tam civiliter tractarit, longe aliter scripturus, si cum hoste fuisset res. Et interim cum tali gladiatore commissum, Theologi quidam, sed præcipue Monachi, densatis phalangibus me adoriantur, animis tam devotis, ut *Luthero* favere cœperint, quod sit in me fuerit debacchatus. Et ut scias rem de composito geri, simul orsi sunt fabulam in *Hispania*, in *Italia*, in *Anglia*, in *Brabantia*, in *Gallia*, in *Hungaria*, in *Polonia*. *Latotia* quatuor libri sunt in me proditi, plane fortes, ne quid dicam gravius, vix à Rege possunt cohiberi. Eludunt edicta Cæsaris, eludunt edicta Regis ac Senatus. Nulla pudoris, nulla juris ratio, quod libuit sanctum est: quorum intemperias nisi Principum auctoritas coerceat, excitabunt orbi gravius incendium, quam unquam excitavit *Lutherus*. Quod me ab his *Germania* fluctibus isthuc velut in portum tranquillum amanter invitas, ut liceat per valetudinem, perque leges arenæ gladiatoriae, in qua nunc versor novus *Mirmillo*, vereor ne isthic non reperiam omnia tam tranquilla, quam esse vel vestra causa optarim. Et tamen optimo Regi ac Reginae, quorum in me favorem & ex aliorum amicorum literis cognovi, non minus me debere fateor, quam si tota benignitate, quam offerunt, essem usus.

Interim illud est molestissimum, quod literariam quoque consuetudinem nobis adimunt, partim terrarum spacia, quæ nos dirimunt, partim labores mei, qui *Milonem* etiam possint delassare. Quare te rogo, vir optime, ne meum erga te animum ex his inconditis ac frigidis literis velis æstimare, cujus declarandi fortassis alias dabitur opportunitas. Interim mihi gratulor talem amicum ac patronum, tuasque literas, ceu pignus charissimum nunquam intermorituræ benevolentiae, servo reconditas inter ea, quæ mihi sunt preciosissima. Dominus *Jesus* amplitudinem tuam servet incolumem, semperque in majus ac melius provehat. Datum *Basilea* 9. Septembris, Anno 1526.

EPISTOLA DCCCXXXVII.

Erasmus Rot. Christophoro à Schydlovietz, regni Polonia Cancellario, S. D.

NUNC demum mihi mea *Lingua* minus displicere cœpit, posteaquam video tibi tantopere placuisse. Quod quidem si vir omni virtutum & ornamentorum genere absolutus, tantummodo literis testificatus fuisses, erat abunde satisfactum votis meis: nunc non hoc fuit contenta tua singularis humanitas, epistolæ testimonium, musærum insignium testimonio confirmavit. Redditum enim est bona fide, horologium aureum, cochleare aureum, & fuscina aurea, mihi congruebant lutea, sed hæc erant digna tuo vere aureo ingenio moribusque candidissimis. Habeo quod ostentem; nam erunt fortassis, qui causabuntur vulgare jam esse literis efferre quemlibet: at vulgare non est, talia mittere munera, pro quibus, vir clarissime, quum, ut debeo, maximam habeam gratiam, tamen non minorem habeo, quod auctoritas tua nomen nostrum adversus quorundam male linguacium calumnias defenderit. Quo tamen officio non me solum tibi devinxisti, sed omnes etiam bonarum literarum studiosos. Adversus has belligerantur, qui male volunt *Erasmum*. Tuis auspiciis *Lingua* nostra fuit felix, *Frobenius* felicissime vendidit, quum jam ter excuderit. Et interim à multis aliis fuit excusa. Hoc non fuisset factum, nisi multis placuisset. Bene vale. Datum *Basilea* 9. Septembris, Anno 1526.

EPISTOLA DCCCXXXVIII.

Erasmus Roterdamus Jacobo Pisoni, Præposito, &c. Hungaro, S. D.

NAM tu, doctissime *Piso*, morem antiquum obtines, candidus in amiculum, nisi misericors appellari mavis. Accepi duas epistolas tuas, cum duobus nominibus, aureo *Gratiani* Cæsaris effigiem referente, argenteo *Herculis*. Gratum animi tui symbolum, sed epistolis nihil accidere potuit suavius, jucundius, mellitius. Eas frequenter apud amicos ac mecum relego, quoties libet tædium ex animo exspuere, quod in tantis laboribus, tantoque rerum tumultu necesse est interdum obrepere, præsertim adversa valetudine, ne quid incussem senectam. De tuo in me studio nihil dubitabam, etiamsi nihil scribebas, non potest *Piso* nisi *Pisonem* agere. Attamen gaudeo me doceri literis tuis, quot quantisque nominibus tibi debeam, cui debeo libenter. Objurgat me frequenter suis literis *Velius*, quod cessem aliquid nuncupare Episcopo *Olmucensi*, & post dicatum *Plinium* exigit libellum meo *Mario* confectum. Edidi nunc *Institutionem Marimonii*, verum, hoc argumentum ante annum à me stipulata fuerat Regina *Britannia*. Est animus in posterum à talibus argumentis in totum abstinere. Forsitan non conveniret tam sancto Præfati dicare profanum argumentum. Nactus sum aliquot libros *Chrysostomi Græcorum*, ex his versos illi dicabo nonnullos, si *Velius* censuerit. *Irenæum* emisi, sed per *Joannem Fabrum*, qui suppeditavit exemplar, non licuit alii dicare quam Episcopo *Tridentino*. Quare monebis *Velium*, ut me

An.
1526.

doceat quid existimet illi gratissimum, quo simul & ipsi toties me provocanti, & fratris optimi memoriz satisfaciam, quod ego certe cupio vehementer. Quod si tales libellos boni confulet, quales sunt *De modo orandi*, aut *De misericordiis Domini*, deligetur aliquod argumentum quam minime invidiosum. Sin *Græca* mavult, dabimus volumen mediocre. Doleo res apud vos esse turbatas, eoque sum brevior. Ad reliquas literarum tuarum partes, ubi dabitur certus tabellio, simulque cognovero ubi terrarum agas, respondebo. *Ursinum* amicum tui simillimum ex me salutabis diligenter. Et fortassis hæ nundinæ *Francfordienses* adferent à vobis aliquid literarum. Bene vale. *Basilea* 9. Septembris, Anno 1526.

EPISTOLA DCCCXXXIX.

Erasmus Roterodamus Bernardo, Episcopo Tridentino, S. D.

REVERENDE Præsul, ex superioribus amplitudinibus tuæ erga me officiis perspexi singularem quandam naturæ bonitatem: ex proximis vero literis, quibus me tam amanter consolaris, pietatem etiam erga me tuam agnovi. Utinam & tuis dotibus & meis laboribus contigisset seculum felicius. Non eram ausurus tuo nomini dicare *Irenæum*, quamvis probatum Auctorem: nec enim hoc officium omnibus perinde gratum est, neque quicquam magis fugere soleo quam captatoris opinionem; nisi tantum apud me valeret *Joannis Fabri* tum iudicium, tum auctoritas, per quem nunc mitto librum, sed rudem. Recentior enim est, quam ut compingi possit. Si gratum est quod fecimus, erit quod mihi gratuler: sin minus, mihi certe levius succensebis, qui tam insignis amici voluntati morem gesserim. Opto tibi felicitatem perpetuam, ornatissime Præsul. Hunc Laconismum me docent immensi studiorum labores. Nunc enim quantum mihi retexuntur Annotationes in Novum Testamentum. Datum *Basilea* die *Mercurii* ante *Michaelis*, sive 24. Septembris, Anno 1526.

EPISTOLA DCCCXL.

Erasmus Rot. Nicolao Vario Marvillano S.

MULTA quidem nova quotidie nobis gignit hic *Africa* nostra, *Nicolae* charissime, sed quædam ejus sunt generis, ut nec tibi gratum arbitrer futurum legere, nec mihi tutum scribere. Quod nuper accidit accipe. Ad duodecimum Calend. Octobris, evocatus amenitate coeli, secesseram in hortum, quem *Joannes Frobenius* satis amplum & elegantem meo commercatus est hortatu: nam ibi soleo pomeridianis aliquot horis, vel somnum obrepentem arcere, vel assiduitatis tædium fallere, si quando invitat aeris temperies. Post deambulationem conscenderam domunculam hortensem, jamque coeperam aliquid ex *Chrysostomo* vertere, quum interim vitreas fenestras feriret fulmen, sed tacitum ac lenè. Primum suspicabar oculorum esse errorem. Quum rursus semel atque iterum effulsisset, demiror ac prospicio, si se vertisset cælum, contractisque nubibus pluviam ac tempestatem minaretur. Ubi nihil video periculi, ad librum redeo. Mox auditur sonitus, sed obtusior. Ad eum modum Poetæ narrant *Jovem* ludere, si quando est hilarior. Siquidem longe aliud fulminis genus erat, quo gigantum moles disjecit, ac *Salmonæa* & *Ixionem* demisit in tartara. Paulo post emicat plus fulgoris, & audio fragorem horribilem, cujusmodi fere crepitus audiri solet, si quando fulminis ictus impiegit vehementius in aliquid solidum. Etenim quum agerem *Florentia* eo tempore, quo *Julius* Pontifex terrenus *Jupiter* tonabat ac fulminabat adversus *Bononiam*, magnam dici partem & tonabat vehementer & fulminabat, magnaue vis imbrium ruebat. In secessu sedens ad exonerandam alvum, quum horribilis fragor insonuisset, territus sub-

A duxi me, & ad cæteros redii. Aut me plane fallit, inquam, animus, aut post hunc crepitum audietis aliquid parum læti nuncii. Et ecce non ita multo post, venit chirurgus nuncians in collegio virginum tres ictas; quarum una mox exanimata est, altera prope modum exstincta, tertia sic afflicta, ut negaret esse spem vitæ. Ad similem itaque sonitum surrexi, & prospicio, quæ sit cœli facies. Ad lævam erat serenitas, ad dexteram conspicio novam nubis speciem, velut è terra sese proferentis in sublime, colore prope modum cinericio, cujus cacumen velut inflexum sese demittebat. Dixisses scopulum quempiam esse, vertice nutantem in mare. Quo contemplor attentius, **B** hoc minus videbatur nubi similis. Dum ad hoc spectaculum stupeo, accurrit famulorum unus, quem domi reliqueram, anhelus, admonens, ut subito me domum recipiam, civitatem armatam in tumultu esse: nam is mos est huic Reipublicæ, ut sicubi fuerit exortum incendium, confestim armati procurret ad tuendas portas ac mœnia. Nec satis tutum est armatis occurrere: ferrum enim addit ferociam animis, præsertim ubi nihil est periculi. Hortus autem, in quo studebam, erat pone mœnia. Recurro domum, multis obviis armatis. Aliquanto post rem totam didicimus, quæ sic habebat: Paucis ante diebus in unam turrim earum, quibus mœnia ex intervallis muniuntur, delata fuerant aliquot vasa pulveris bombardici: ea quum magistratus jussisset reponi in summa camera turris, nescio quorum incuria reposita sunt in imam turrim. Quod si vis pulveris in summo fuisset, tectum modo sustulisset in aera, reliquis innocuis. Ac miro casu per rimas illas speculatorias fulmen illapsum attigit pulverem, moxque vasa omnia corripuit incendium. Primum impetus incendii tentavit an esset oneri ferendo, possetque totam molem in altum tollere. Idque testantur qui viderunt turrim juxta partes imas hiantem semel atque iterum, sed rursus in se coeuntem. Ubi vis ignis sensit molem esse graviolem, quam ut totam posset subvehere, eo conatu relicto, totam turrim in quatuor partes immani crepitu dissecuit, sed tanta æqualitate, ut amussi Geometrica factum videri posset, ac per aera aliam alio sparsit: ipse pulvis accensus in altum se recepit, qui flamma consumpta cinericiæ nubis præbebat speciem. Vidisses immania fragmenta turris, avium ritu, volitare per aera; quædam ad ducentos passus deferri, qua dabatur liberum aeris spatium; alia civium domos longo tractu demoliri. Non procul à turri magistratus curarat exstruendas ædículas, in quibus habitarent mulierculæ, quæ corpore quæstum facere malunt, quam nere aut texere. Hæ lateris unius impetum exceperunt. Tantus autem erat fragor, tamque subitus, ut qui erant in propinquo putarent, rupto cœlo, mundum in chaos abiturum. Nec ridiculum putabatur quod vulgo dici solet, *Quid scilicet calum rnat?* In agris multi sunt ruina oppressi, multi sic membris vel truncati vel afflicti, ut miserandum spectaculum præberent obviis, è quibus ajunt extinctos numero duodecim, misere vexatos quatuordecim. Sunt qui credant hoc ostento quiddam portendi in futurum; ego magis *ἰσχυρῶς* quam *προφῆτης* nihil aliud arbitror significari, quam incogitantiam eorum, qui casum eum non usque adeo rarum non præcaverint. Nec mirum si pulvis ille levissimus disjecit saxum ædificium: etiamsi turrim eam undique ducentorum pedum cinxisset paries, ignis ille subitus ac vehemens disiectis obstaculis omnibus, erupisset in suum locum. **F** Quid autem vento mollius? Et tamen inclusus terræ cavis boreas, nonne montes totos concutit, terram hiatu diducit, & interdum campos spaciosos in collem erigit? Quis hoc machinarum genus excogitavit? Olim artes ad humanæ vitæ usum repertas diis attribuit antiquitas, veluti medicinam *Apollini*, agricoltionem *Cereris*, vitis culturam *Baccho*, furandi artificium *Mercurio*. Hujus inventi laudem non puto cuiquam deberi, nisi vehementer ingenioso cuiquam, nec minus scelerato cacodæmoni.

An.
1526.

Si

An. Si quid tale comminisci potuisset *Salmonens* ille, po-
1526. tuisset vel ipsi *Jovi* medium unguem ostendere. Et
tamen hic nunc *Christianorum* atque adeo puerorum
lulus est. In tantum apud nos decrevit humanitas,
accrevit immanitas. Olim *Corybantes* tympanorum &
tibiarum strepitu homines compellebant in rabiem: ha-
bet enim ille sonitus miram vim ad commovendos ani-
mos. At horribilius sonant nostra tympana, nunc ana-
pæstis, nunc pyrichiis perstreptentia. At his nunc pro
tubis *Christiani* utimur in bello, quasi illic non satis sit
esse fortem, sed oporteat furere. Quid autem dixi de
bello? Utimur in nuptiis, utimur diebus festis, uti-
mur in templis. Ad furiosum illum sonitum procur-
runt in publicum virgines, saltat nova nupta, ornatur
festi diei celebritas, qui tum est maxime lætus, si to-
to die per urbem obambulet plusquam *Corybanticus*
tumultus. At ego arbitror apud inferos non alio orga-
no celebrari dies festos, si modo sunt illic ulli. *Plato*
putat magni referre, quo genere *Musices* uteretur ci-
vitas, quid dicturus si hanc *Musicam* audisset inter
Christianos? Jam hoc *Musicæ* genus, quod simul & fla-
tile est & pulsatile, in templis solenne, quibusdam
non placet, nisi bellicam tubam longe superet, & im-
manis ille sonitus auditur à sacris virginibus dum res
divina peragitur. Nec id satis, sacrificius vocem ad
tonitruum fragorem effingit, nec alii magis placent ali-
quot *Germania* Principibus. Adeo nostris ingeniis ni-
hil est dulce, quod non sapiat bellum. Sed desino ca-
τυρίζειν. Bene vale. Datum *Basilea* 26. Septembris,
Anno 1526.

EPISTOLA DCCCXLI.

Erasmus Roterodamus Theobaldo Fetsichio S. D.

Quo graviolem bonis literis calamitatem minitatur
hoc seculum longe tumultuosissimum, hoc impen-
sius adnitendum est iis, qui perspectum compertum-
que habent, absque linguarum ac politioris literaturæ
conditura, frigidas, mutas, ac pene cæcas esse reli-
quas disciplinas omnes, nec florere Respublicas, nec
liberalem esse vitam; breviter vix hominem hominem
esse. Accipio penes vos esse rarum veterum codicum
thesaurum; quantopere vero vel tu, vel ornatissimus
vir *Wolphangus* ab *Affenstein* faveatis studiorum nego-
ciis, jampridem & famæ præconiis & eruditorum ho-
minum literis cognovi, tum quam propensa sit utrius-
que erga studiorum cultores humanitas. His rebus fre-
tus & *Hieronymus Frobenius* non dubitavit isthuc profici-
fici, nec ego veritus sum te meis literis appellare. Ac
mihi quidem præfagit animus hanc vel audaciam, vel,
si quis malit, fiduciam nobis feliciter esse cessuram. Ne-
mini potest obscurum esse, quot jam annos *Joannes*
Frobenius, quantis vigiliis, laboribus, impendiis, or-
narit eximios Auctores, idque longe majore sua gloria
quam lucro. Habet domi virum utriusque literaturæ
doctissimum, parique fide præditum, quod ego sane
non in postremis numero. Mihi præterea vel immori
libebit huic negotio, tam utili, tamque pio. Proinde
meo iudicio non alius dignior vestro favore quam
Frobenius, nec per aliam officinam melius consultum
fuerit præclaris Auctoribus; denique, vix in alium æ-
que gratum memoremque collocaveritis vestrum offi-
cium. Porro, --- si quid mea scripta valebunt, hæte-
nus cum *Virgilio* licuit dicere, utinam & illud adjice-
re liceat, *Nulla dies unquam memori vos eximet aeo*.
Certe dabitur opera pro viribus, ne posteritas ignoret
cui debeat hanc literaturæ vetustioris accessionem. Be-
ne vale cum clarissimo Præfecto *Wolphango* ab *Affen-*
stein. Datum *Basilea* 5. Decembr. Anno 1526.

EPISTOLA DCCCXLII.

Budæus Erasmo S. D.

Hec tu, jam primum de Græcis illis nostris La-
tinisque Observationibus velim immutatam opinio-

A. nem. Principio quicquid id est, totum in Græco pro-
pemodum sermone consumitur: quo nomine dimidium
ferme concepta opinionis, ut decedat æquum est: deinde
Tuffanus, homo nimium nominis nostri studiosus, ex sui
animi sententia, & nostra fortasse pollicitationis temeri-
tate, rem mediocrem majoribus modulis metiri te vo-
luit. Hoc capite quantum detrahere debeas, ex hominis
studio immodico, & ex epistolari licentia alienum fa-
ctum pollicendi, tibi ipsi æstimandum relinquo, ex Tuf-
sanique benignitate circumcidendum pro eo quantum est,
quod efficere posse mediocritatem meam nosti. Denique id
inceptum, quod in orsu speraveram plansum assequutu-
rum, nominisque nostri jam senescentis memoriam acri-
ter refricaturum, præcipue ob huius ætatis studium, quod
in literas Græcas propensius jam incubuit, id nunc æquan-
te posse diffido juvenutis expectationem præcupidam, ut
audio, & gestientem. Id adeo menses jam ut octo sche-
das meas sit jam squalidas excutere pigeat, tametsi na-
visiter & strenue primordia inchoaveram. Quas utinam
ipsas habere pro derelicto possem sine metu ignominia: pro-
fecto libentius nihil quam huius fascem molestia, quem
imprudenter mihi collegi, in trivio aliquo in mediove re-
liquissem, ab alio tollendum, quem labor ille juvaret.
Refrigit enim intercapedine non longa amor Operis, concidi-
tque spiritus contentionis, qui laboris sensum tollebat.
Ita sit ut jaceat bona pars Operis prima manu formata.
C. Imo vero sylva rerum, qua copiose inter commentandum
subierant, nil nisi congeries sit incondita, quam in ordinem
digerere nunquam constitueram, ne is labor insuper com-
mentationi accederet. Neque id utique magnopere ad rem
pertinere arbitror, ut quidem res nata est. Scribendi te-
norem interpellavit & abruptit mea in aulam profectio.
Tum inde me regressum una aut altera commentatiuncu-
la, & deinde lectio non injucunda, ab ea cogitatione aver-
terunt: & obeunda tamen aliquando hac erit mihi fun-
ctio, si quo pacto inertiam segnitiamque excussero. Ne-
que vero tui similis si cupiam esse, possim, ut subinde spi-
ritus animique alacritatem instaurem ad alias atque alias
arumnas hujuscemodi exhaustiendas. Neque à curis fa-
miliaribus perinde feriato esse licet. Nonnihil etiam tem-
poris quotidie Reipublica impertiendum. Quocirca desines
non expectatione tua, (neque enim ea in re falli potes) sed
commemoratione prolixiore supra modum nos onerare. Ve-
rum, quod me parum candide de te sentire quosdam suspi-
cari scribis, non temere illi quidem fortasse, sed tamen
opinionem falsi sunt. Sapiusculæ enim non obscure tui inter
homines familiaritate mihi conjunctos, me tibi id non suc-
censere non posse: Quod occasionem nactus, libenter ipse
facis, ut Gallica ingenia cavilleris ut tarda, ut stupida,
ut levia, ut stolidia. Id quod quum multis in locis fecis-
se distiteris, ignosci tamen tibi per me quidem licebit,
E. falsisque joci & facetiarum studio condonari, nisi etiam
consulto, & meditato, & pene ex professo id fecisse videri
non nolueris. Mirum quantum tibi placuisse ante videris
in Epistolam ad Galatas, quam tibi cordi fuerit, quam
ad stomachum tuum illa fecerit viri sanctissimi reprehensio
Galatarum, nusquam ut majorem fructum laboris
quam in eo loco tulisse ipse videre, certe quidem eum
locum εἰως τυγχάνεις παραφράσας, ὥς τὸ μὴ ὑπὸ τῆς
δοξολογίας καὶ τῆς τιμικαυτὰ Γαλατῶν εἰρημίας. ὑπὸ τῆς ἱερο-
νύμου ἐστὶν ὅπῃ ἐξηγημένα, σύγχε ἐπὶ τὰς Κέλτας τὰς ἐφ' ἡμῶν
χαίρεις παροχέουσας, τὴν δὲ θέν, ὡς οἶμαι, τῷ ἀγαν φιλο-
σκηπτικῷ καταχρησάμεν, τῷ σῶ. ὡς ἡ πολλοὶ φάσκουσιν,
ἐμὲ ἢ συνκατατιθεμένων, ἐκόντε τῷ Κελτικῷ καὶ ἐν προαιρέσει
περοσκερικῶς. καὶ τὸ φιλαπεχθῆμον ἢ καὶ τῆς ἐχθρῆς ὑπα-
λαν, ἀσμένως εἰς τὰς φράγους ἀπερειαμένον, ὅπῃ ἂν τύχῃ
ὑποθέσῃ. Et Hilarii quidem de Gallis elogium præcla-
rum in monumentis tuis, ne quando interiret, consecra-
re voluisti, διγνωμόνως credo καὶ φιλαληθῶς. Quod nun-
quam, ut opinor, faceres, nisi tam bardos adhuc Gal-
los esse judicares, ut figuras tuas non intelligerent. Ne-
que enim ultro provocare nostros & laceessere in mentem
utique tibi venit, non tantum tibi ocii est à seriis rebus
scribendis, ab aliisque nationibus tantum est requietis.
Equidem quod ad me attinet, quicquid eo nomine que-
stus

An. stus sum, publicam vicem magis quam privatam questus
1526. sum: qui te & Ironem & Momum perferre satis didi-
cerim, quum interim non minus me a quo usus sis, etiam-
si aliter aliquamdiu existimasti. Ut ad rem redeam,
catenus de te sentire me palam non dissimulavi, ne me
nihil commoveri publica vice putes. Præterea vero quod
incommodius de te dixerim nego omnino esse quicquam,
nisi si quid excidit contra animi sensum, quod ancipitem
interpretationem haberet, apud eos quidem qui ceca a-
mulationis fomites residere in animis nostris censent, pri-
ma quaque aura rumoris in flammam exarsaros. Hic si
commemoranda duxissem qua de te deque tuis scriptiste-
stificari sine fūco verborum solitus sum, (idque tuo meri-
to, & veritati potius quam amicitia serviens, ne me
tibi ea velle imputare arbitreris) aut te ingratum esse
convincerem, qui adhuc dissimularis, aut malignum esse
rumorem ostenderem, qui in alteram tantum partem nun-
cius ad te ierit. Quid vero dua epistola Græcæ, quas
ad te ante biennium scripsi, quibus te adsciscere, isthinc-
que evellere conatus sum, in utram tandem partem ἐπι-
σημῶναι σοι ἔδοξεν; benevolentia an contra? quam ego
operam ad te scribendi ipse mihi depoposceram, ne sis ne-
scius, verius quam imperata ultro ab Rege defunctus sum.
Qua in re συνοιδῶ σοι, ὡς οἶμαι, ἀγνωμόνως διακειμένην,
qui ita suspiciose mecum egisti postea, ut tuam volunta-
tem ac propositum per alios resciscerem, non per epistolas
tuas. Et qui in aliorum sinu arcana tua secure depone-
bas, mecum ita agere instituisti, quasi cum amulatore.
Atqui si τὰς ἀκρίβειας ἐκείνων τὰς σὺς hic proferre volu-
issem, confessionem tibi expressissem dissuta amicitia, ut
parcissime loquar. An id erat amulatoris factum, te in
prioris partes cooptare, aut minimum in aquas? A quo
quis tandem præter amicum non metueret sibi? qui qui-
dem alieni animi probitatem non ex suo ipse animo esti-
maret. At tu ancipitis me fidei amicum nimirum exi-
stimasti, aut discingi temere & sapius solitum, in cuius
sinu condere veritus sis, qua tibi tum cordi erant. Sed
enim ἄλλος μεμψιμοιρίας. Verum responsum oportuit taci-
ta expositulatiōni tuæ. Hic tamen velim existimes me ver-
bis magnopere temperasse. Nam si rumoribus auscultan-
dum censerem, credo te non ignorare ultro citroque ru-
mores commeari solere, nec minus hic quam isthic loqua-
ces eos esse. τὰ μὲν γὰρ κατ' ἐμὲ ἕως ἔχει ὡς καὶ τοπρεῶτον,
τόγε καὶ τὴν τ' γνώμης διάθεσιν. καὶ μὲν δὴ καὶ ἐμαυτὸν σοι
τὸν αὐτὸν παρέξομαι ἐπιεικῶς, ὅπῃ ἂν τύχης δέοι. καὶ ἐπὶ
ἐμοί. ἐφ' ᾧ γὰρ δὴ καὶ τὸν αὐτὸν ὁμοίως αὐτὸς σεαυτὸν μοι ἀντι-
παρέξῃ. Id quod eo pertinet quod περὶ ἐξαλείψεως τῆς ἑω-
ψίας scripsisti. De Ciceronianorum choro ita plane tecum
sentio, ut subscribere paratus sim si res ita tulerit. Quam
hominum consensionem in invidiam coniecit, offensumque
jam apud omnes reddidit illius Coryphæi insolentia, quem
tu mihi notum esse dixisti: qui Philalazonis cognomento
in Italia & ubique auctus est, ut audio, præsertim recen-
ti illo cantico & parnassio, quod sibi ipse uni, quasi philo-
calia filio, alternis vocibus cecinit personis sub heroicis.
Is Gallos Germanosque Scriptores pro potestate numeris
expunxit decora merentium, addito elogio. Ciceroni au-
tem usque eo ad unguem similis esse meditatus est, ut elo-
quentia Latinæ parentem etiam superaverit ac longe re-
liquerit, duntaxat in ea parte, qua ad commendationem
sui pertinet. Marcus enim Tullius laudes suas decanta-
vit, eamque ob causam saepe stomachum & curia, & sub-
sellis, & amicis suis movit, tametsi veras laudes
meritasque pradicabat. Hic longe impudentius suas &
immeritisimas depradicavit. Id quod sane mirum est im-
pune eum tulisse ab eorum amicis virorum principum,
quorum hominem non puduit nomina ad rem tam absurdam,
tam putidam edendam utenda sibi sumere. Longolium
olim nostrum luctuosius desiderassem, nisi ipse noster esse
animi destinatione desisset. Vale. Parisiis, postridie libe-
ralium nostrorum aut natalis immortalitatis nostra. Quo
die Deum fruge colimus, Dominumque in fruge agnosci-
mus si frugum bona sumus. Epistolam autem tuam decimo
Calendas Aprilis scriptam Soteriis accepimus. Quo die
solenne est funere Servatorem nostrum efferre, grata pia-

que commemoratione ab eo nobis salutis comparata. Ac-
cepi autem ad multam noctem, & castello suburbano re-
diens ubi tum erat Aula. Vale rursus, & cave existi-
mes in hac epistola me quippiam animo exulcerato scri-
psisse. Ne vivam si tantulum suberat similitudo. Αὐτὰρ
ἐλθόντες ἐκ τῶν τυχεύοντων ὄντες, ut si quisquam est alter
μὴ κρυψίνων ἐν δ' ἐόντι. Parisi. 26. Decemb. Anno 1526.

EPISTOLA DCCCXLIII.

Erasmus Rot. Joanni Fabro S. D.

EQUIDEM non possum non boni consulere, quod
tantus amicus bono facit animo, & jam sera fuerit
expositulatio; fortasse tamen in futurum profuerit ad-
monitio. Tu quidem pro tuo erga me studio magnifi-
ce prædicas *Erasmus*, & hoc nomine territas novis
hisce factionibus studentes: at interim duplex accerfis
incommodum, simul & crabrones per se plus satis in-
sanientes irritans, & in me hominem nudum & in-
rem provocans potentem factionem, multis quidem
aliis præfidiis instructam, sed nullo formidabiliorem
quam maledicis libellis. Vides quam hostiliter in me
scripserit *Lutherus*, nullo convicio laceffitus, quid fa-
ceret irritatus? Eum librum studio summa cura elu-
cubavit, ne periret, simulque cum illo viverent mea
crimina. Is liber jam decies excusus est variis locis.
Scio dices esse negligendum, quicquid à talibus im-
pingitur. Id quum nec magnates aufint Ecclesiæ, jux-
ta potentes ac felices, quomodo jubes hoc me facere,
cui nec ea fortuna est, ut maledicum deterreat, nec ea
vitæ sanctimonia, ut nulla criminis suspicio in me hæ-
reat? Quid autem non audeat in me jacere *Lutherus*
magis irritatus, quum placidus & ut videri vult, ami-
cus, non veritus sit mihi toties ingerere, quod cum
Luciano non credam esse Deum, cum *Epicuro* credam
Deo non esse curæ res mortalium, quod irrideam sa-
cras Literas, quod hostis sim *Christiana* religionis? Et
tamen ipse literis, quarum exemplar ad te mitto, sic
mecum agit, ut propemodum sibi postulet agi gra-
tias, quod præter morem naturamque suam sic in me
stylum temperarit. Quin & amici illius serio mirantur
Lutherum tam moderate respondisse, quum esset tam
atrociter laceffitus, nimirum *Diatriba*, quæ nullum
habet in quenquam convicium. Arbitror esse boni vi-
ri, etiam falsam infamiam metuere. Quid his ingeniis
suaviter? Nihil ab istis tam atrox confingi poterit, quod
factio non sit approbatura. Et sunt artifices ut calu-
mnam reddere possint probabilem. Nec unquam sic
eluuntur magna crimina, quin hæreat in animis homi-
num aliquod suspicionis vestigium, quoque gravius
& impudentius est quod fingitur, hoc citius invenit
fidem: cogitant enim multi, aliquid sublit oportet,
quod ausus sit illum de re tam atroci infimulare. Ve-
rum ut maxime vita propellat suspicionem, quid dicet
posteritas, quæ calumniam leget, nos non noverit?
Et vident rem in eo statu esse, ut nisi perstiterint, in-
columes esse non possint, eoque nihil non facturi, ne
loco depellantur. Porro quanquam ipsi sic rem ge-
runt, quasi nolint vincere, tamen videmus hanc luem
in dies longius ac latius serpere, ut si mihi sit hinc
fugiendum, non videam usquam tutum præsidium. Jam
ut sit qui corpus tueatur, adversus libellos rabiosos
omnino nullum est remedium. *Lutherus* decreverat
dissimulare meam *Diatribam*, quod & ipse fatetur, sed
amici quorundam jactantia irritati, per literas exsti-
mularunt hominem, ut me prosterneret, si vellet fa-
ctionem subsistere. Inter hos fuit, ut ferunt, quidam
olim tibi charissimus ac tuæ benignitatis alumnus. Et
tamen si unius *Caris* jactura consopiri posset hæc tem-
pestas, non recusarem meipsum Reipublicæ impende-
re, ac lucro ducerem, si privato meo malo mederi
queam publico. Nunc mihi malum accersitur, &
adeo non medemur publico, ut magis exasperetur.
Nec alias ob causas scripsi *Diatribam*, nisi ut Princi-
pum voluntati morem gererem, deinde ne quem late-
ret,

An. ret, me à factione *Lutherana* esse alienissimum: id enim referebat, tum mea, tum omnium. Alioqui sciebam me nihil aliud profecturum, nisi ut *Lutheri* calamum lacefferem, ad confirmationem impugnati dogmatis. Statim in initio clamabam Theologos ac Monachos adjuvare causam *Lutheri*, non sum auditus. Mox ostendi viam finiendi mali, rejectum est consilium. Egi tertio per literas cum *Adriano* Pontifice, conjicio non placuisse consilium, vel ex hoc quia nihil respondit. Et videmus quo res evaserit. In *Gallia* gnaviter infaniunt *Beddaici* quidam, censuris, articulis, carceribus, incendiis, libellis: optarim vel sic posse cohiberi pestem, sed exitus rei docebit, his modis nihil aliud quam exasperari malum. Factio his potissimum praesidiis nititur: Concionibus alliciunt ac retinent populum, professione linguarum ac bonarum literarum suam faciunt juventutem, eosque, qui hoc genere studiorum impense delectantur: plebem inescant amore libertatis; nec mediocre momentum est in typographis: ad omnia maximo illis adjumento est, odium pene publicum in quosdam malos Monachos & sacerdotes *Epicureos*, & Theologos cerebroso: nam de probis non loquor. Habent ex nobilitate, praesertim inferiore, multos proniores, quod inhient facultatibus Ecclesiasticorum: fortassis erunt & Principes aliquot, qui publicam hanc rerum tempestatem vertent in suum commodum, quemadmodum solent quidam ex naufragiis aut incendiis aliorum augere rem familiarem. Quod si pergamus dentatis libellis, carceribus ac mortibus exacerbare malum, vereor ne tandem sequatur rerum omnium miseranda confusio. Praeludia vidimus. Pontifex cohibuit suos, ne pergerent stringere calamum in *Lutherum*, & sapit. *Itali* finent nos inter nos digladiari, nostraque fruentur infania: tempus est ut sapiamus & nos, ac seposito privati commodi studio, Reipublicae negotium agamus ex animo, memores nos omnes in eadem esse navi, quae perire sine communi omnium exitio non potest. Et gravius est & latius patet malum quam ut vulgaribus remediis sanari queat. Si flagites quibus utendum censeam, res ista majus ingenium meo requirit, & tamen meum consilium, quale quale est, si serio postulent Monarchae, non gravabor impartiri, modo id fiat occulte. Videmus qualibus libellis mundum impleant *Lutherani*. Neque multo saniora sunt, quae scribuntur contra à quibusdam Theologis. Ex talium libellorum collisione quid aliud quam gliscit incendium. Idem fit ex concionibus utriusque partis, sic utrinque insanitur conviciis, trahiturque contentions funiculus. Si submoveantur è ludis factiosi, & succedant qui probatas ac necessarias literas dedoceant, nihil agetur. Disputandi nullus est finis. Concionatores improbatæ partis essent submovendi, praesertim aliquot praecipui, in horum locum succederent integri viri, qui nihil attingerent contentiosorum dogmatum, sed ea duntaxat traderentur, quae sine controversia facerent ad pietatem & ad bonos mores. Ludi literarii, & professio linguarum committeretur iis, qui liberi ab omni studio partium docerent utilia pueris. At nunc quidam dum impotenti odio feruntur in *Lutherum*, moliantur exitium & optimis literis, & harum studiosis, protrudentes in castra *Lutheri*, quos oportebat allicere. Interim saevitur & in innoxios sub titulo pietatis. In seditionis auctores merito saeviendum est, sed ita ut quantum fieri potest, nec laedantur innocentes, nec alienentur sanabiles, & multitudini parcatur. Et fortasse praestiterit à civitatibus ubi malum invaluit hoc impetrare, ut utrique parti suus sit locus, & suae quisque conscientiae relinquatur, donec tempus adferat occasionem concordiae. Interea temporis parata sit atrox poena seditionem tentantibus. Interim ipsi statim corrigamus quaedam, unde hoc malum pullulat, & reliqua Concilio generali serventur. Sed de his alias copiosius, vel coram potius, si videro tibi rem esse cordi. Interim hoc te rogo per nostram amicitiam, ne pergas istos crabrones in me irritare, ni

velis *Erasmum* extinctum. Agnosco tuam in me benevolentiam, nec inficior me debere, verum, illud adjiciet prioribus tuis in me officiis tua prudentia, ne studium amici pectoris idem efficiat quod moliantur inimici. Quidam, mei parum prudenter studiosi, impetrarunt à Cæsare severum ac minax interdictum adversus quosdam rabulas *Lovanenses*. Atqui nulla re poterant magis in me provocari. Nec fieri potest ut subsistam, ni Monarcharum singulari perspicuoque favore fulciar, quando coepi prodire in arenam, nec res jam potest dissimulari. Dices, quid tibi fiet, qui recusas dignitates? Merito recusato sarcinas homo tam imbecillis, ut vix meipsum sustineam. Sed audi fabulam: *Ruffus* quidam ordinis *Senariis*, quum jam inter coenam incaluisse vino, imprecatus est *Augusto* Cæsari, ne rediret incolumis ex ea peregrinatione quam apparabat, & adjecit vocem ebrio dignam, Idem hoc optare tauros ac vitulos omnes. Servus, qui illi stabat à pedibus, postridie monuit herum quae dixisset inter pocula, suavit ut occuparet atque ipse se deferret. Occurrit descendenti Cæsari, falsus est se pridie malum in illum habuisse animum, nunc optare, ut quod illi precatus esset in ipsius caput & liberos recideret. Cæsar, ut erat mira clementia, ignovit. Tum *Ruffus*, Atqui, inquit, nemo credet te mecum redisse in gratiam nisi aliquid dederis: & petiit summam, quam vix à propitio crederes impetrandam. Cæsar dedit, & adjecit, Quod ad me attinet, dabo operam ne unquam tibi irascat. Nec hoc contentus, pro servo, qui monuerat herum, numeravit precium, ut manumitteretur. Ea quidem res feliciter successit *Ruffo*, cui Cæsar clementiam benignitate cumulavit. Proinde non opinor improbam fore spem, si à propitio Principe mihi promitterem aliquod favoris argumentum, cujus ostentatione fidem omnibus facerem, me *Ferdinando* charum esse. Nec dubito quin ille hoc pro sua naturæ benignitate libenter facturus sit, si tu modo submonueris. Argumentum primum insigne sit oportet, deinde ejus generis, ut in usu quotidiano possit esse. Sunt apud me jam aliquot Principum donaria, quae mihi charissima sunt, non tam ob precium, quam ob id quod testificantur Principum erga me studium, quibus placuisse non infimam laudem duco. Hic *Henricus* totus ex te pendet. Scio te curaturum ne spes illum fallat sua. Saluta *D. Lucam* & *Cantiunculam* & adest, & *Jacobum Spiegelium*. Illustrissimo Principi precor omnia digna ipsius dotibus. Bene vale. *Basilea*, Anno 1526.

EPISTOLA DCCCXLIV.

Erasmus Roterodamus Claudio Cantiuncula, Legum Doctori, S. D.

DISPEREAM, ni isti tuo felici ocio invideo, cui tales epistolas scribere liceat, quum mihi ne legere quidem vacet scriptas. Næ tu, mi *Cantiuncula*, copiole, splendide, graviter omnia; nihil desiderari potest absolutissimi rhetoris, nisi quod assumis, & ad vala prorsus, nec vera: sive huc te rapuit calor quidam, & vehemens causæ studium, ut id facile factu putes, quod admodum cupis factum; sive usque adeo cæcutis amore mei, ut musca tibi videar elephantus. Ego nihil nescio, quem utraque pars judicat, & vere judicat nihil scire? Ego solus possum quod nec Cæsar, nec Pontifex, nec tot Theologorum possunt examina? Meæ unius auctoritati cedet orbis, quem commingunt etiam Theologorum canes? Et ita provocas ad excludendum schisma, quasi jam dudum non regnaret incendium. Sic accusas silentium meum, quasi hæcenus non sim ausus mutire adversus hanc orbis tragoediam, aut quasi non tentarim bellum hoc æqui's legibus componere, frustra quidem, at non citra meum periculum. De Eucharistia coeperam nonnihil antequam tuæ literæ redderentur; quas nondum legi, tanta est ocii penuria, sed à prandio prælegit Comes *Lascanus*. Librum *Oecolampadi* nondum vacavit legere. Sed tu videris

Tom. III.

Ppp

hoc

hoc agere, ut in me recipiam auctoritatem de causa universa pronunciandi, quum utraque pars gladiatoris animis tendat in alteram, & utraque laboret intestinis dissidiis. Finge mihi suppetere ocium, finge non deesse doctrinam tantæ causæ parem, quam tandem fructus spem ostendis? Pronunciabo secundum Theologos? utrum Cisalpinos an Transalpinos? secundum partem adversam? utrum pro *Lutheranis* an *Zwinglianis*? Nam *Carolstadtus*, ut audio, recepit palinodiam. An rebus utrinque temperatis æquus arbiter componam litem? Quid profecturus, nisi quod solent ii qui capitales hostes conantur interventu suo dirimere, ut utrinque confossus cadam? Hæc interim ad tuam declamationem, in qua probo mirorque ingenium ac facundiam tuam, & boni consulo tam amicum de me tuum errorem. Cæterum malim delegisses aliud argumentum exercendo stylo: nam istiusmodi me laudibus onerant, qui extinctum volunt. Cætera coram ubi voles, sed horis pomeridianis, nam reliquo tempore nihil licet amicis decidere. Bene vale. *Basilea*, Anno 1526.

EPISTOLA DCCCXLV.

Erasmus Rot. Conrado Pelicano S. D.

DEMIROR quamobrem tibi visum sit istiusmodi epistolis ociose loquacibus, multaue congerentibus, & tuum perdere ocium, & mihi facessere negotium. Lingua disertus es, non calamo: quare si quid habes, coram posthac agito. Polueram dimidium suspicionis, at tu totam eam renovas. Profigeris tibi placere sententiam *Carolstadtii*, nec inficiari potes te dixisse *Polono* me tecum sentire. Id si verum esset, queri poteram violatum amicitiae jus; nunc quum sit falsissimum, quæ potest esse injuria atrocior? Minitaris mihi calamum *Zwinglii*, quasi metum decem *Zwinglios*, si mihi res esset cordi. Quod autem dedecus mihi narras? An mihi dedecori futurum sit, si verear oppedere decretis Ecclesie Catholice? An vos mihi præscribetis quid debeam scribere? An mihi non licet, quod licet *Luthero*, qui, nisi fallor, totis copiis vos adoriatur? An creditis nullos hic in vos stricturos calamum? Si quod agitis ex Deo est, confirmabitur oppugnando: si non est, pium est pugnare cum impietate. Quorsum autem attinent minæ? Apostoli persuadebant, & vos vultis cogere ad euangelium vestrum? Jam finge, nihil me velle scribere, non poteras efficacius huc impellere, quam spargendo rumorem me vobiscum sentire, & interminando ne scribam. Vester *Pharellus* simile mendacium instillavit in aurem *Anglo* nostro, me recte sentire, sed non audere profiteri. Et hæc audet instillare auribus hominum, conscius quam acris mihi fuerit de omnibus fere *Lutheri* dogmatibus cum ipso contentio. Atqui quod *Pharellus* vocat recte sentire, Cæsares & Pontifices vocant hæreticum esse. *Lutherus* non dissentit ab Ecclesia Catholica? Quum videro aliam Ecclesiam hæc, quam sequor, meliorem, designam eam vocare Catholicam: at non dum video. Optabam ex hoc violento pharmaco aliquid nasci boni fructus, sed hunc proventum, quem hactenus vidimus, probare non possum, nec placent remedia morbo duriora. Quantum sanguinis humani jam fusum est. In *Hollandia* mire fervet carnificina per quosdam magis instructos ad exurendum quam disputandum, obambulatione per cæteras regiones. Et hæc tantum præludia sunt malorum. Cæsari pax erit cum *Gallis*. Nec ulla Principum coibit amicitia nisi hac conditione, ut extinguatur factio *Lutherana*; & Cæsar sibi non videatur esse Cæsar, ni id perficiat. Ego decem ambiguos articulos dissimulare malim, quam tantis malis præbere ansam. *Christo* non possum præscribere quid debeat facere; si sic illi visum est punire nostram impietatem, Dominus est, faciat quod vult. Me si vellet adiutorem, aut organum, afflaret animum meum, quemadmodum olim excitavit *Pharaonem*, *Cyrum* & *Nabucodonosorem*.

forem. Doles epistolam sparsam. Malim non factum, attamen moderatius fero quod ea diluit rumorem per te sparsum, id quod abs te ipso factum oportuit, quam epistola non habebat tuum nomen. Posthac ne mecum agas loquacibus epistolis. Scribe *Bero* si libet, aut ipsi *Luthero*. Coram audiam te iurgantem, minitantem, conviciantem pro tuo arbitratu. Bene vale. Anno 1526.

EPISTOLA DCCCXLVI.

Erasmus Roterodamus Conrado Pelicano S. D.

PRO quinque ficis habeo gratiam centuplicem. Opto tibi tuos omnes amicos manere incolumes, mihi satis est, si nemini est data ansa justa in me fremendi. Mallem epistolam illam non esse sparsam, nec hoc per me factum est, & tamen quocunque pacto erat depellendus periculosus ac falsus rumor. Quidam indignantur quatuor illis consultoribus, & jam, ut audio, spargitur epistola, suspicantur esse *Capitonis*, elevans illorum auctoritatem. Ajunt & libellum famosum parari in eisdem. Hæc nimirum sunt artes Euangelicæ. Nos nulla de re consulti sumus, nisi an *Oecolampadii* libellus haberet aliquid, cur non esset publice vendendus. Ad id respondi, nulla *Oecolampadii* contumelia. Ille in his, quæ docuit, non est usus meo consilio, imo me fortiter contempsit. Quare si quos offendit, aut si quid timet, non arbitror æquum ut contra meam conscientiam pro illo depugnem. Quam autem relegationem mihi minitaris, an quia nolo discedere a publico iudicio, consensuque Ecclesie, quum interim mihi diversa sententia persuasa non sit? Vos inter vos digladiamini. *Zwinglius* & *Oecolampadius* adversus *Lutherum* & *Pomeranum*, & rursus *Balthasarus* adversus illos, adversus te *Pharellus*, & tam discordi factioni memet adjungam periculo capitis mei, imo potius animæ? Si quid mali vobis obtigerit, vobis ipsis imputate. Ego semper vaticinatus sum fabulæ sic actæ fore parum felicem exitum. *Zwinglius* alicubi citat locum ex *Paraphrasi*. Tanti me facit nunc, qui prius scripserat me nihil scire? *Oecolampadius*, ut audio, in concione taxavit oratorem, me, sic interpretantur, notans. Notat & in libello *De Eucharistia*, quo respondit *Bilibaldo*. In præfatione vero *Esaie* onerat me invidiosa laude. Taxat & in commentariis in Epistolam *Joannis* suppresso nomine, sed recitatis meis verbis, quum is locus a me mutatus esset, nec mea verba sat candide interpretatur. Dixeram quantum hic est mundorum, indicans eam Epistolam esse *Joannis*, quod hujusmodi gaudeat iterationibus, ille refert, quasi damnarim ociosam polylogiam. Egregius vero amicus, in cujus gratiam profiteri debeam sententiam apud *Lutherum* hæreticam. Quam belle vero *Zwinglius* citat locum, in quo utor verbo *consecrandi*, & tamen colligit me aliud sentire quam loquor. Puto magistratum hunc non fore tam stultum, ut omnes ejiciat hinc qui dissentiant ab *Oecolampadio*. Nihil erat in tota epistola tua, quod mihi non magnopere displicuerit. Bene vale. *Basilea*, Anno 1526.

EPISTOLA DCCCXLVII.

Erasmus Rot. Conrado Pelicano S. D.

EVANGELII vigor non abolet morales virtutes, sed perficit. Nec ignoras quantum abhorreat non dicam a virtute, sed prorsus ab omni humanitate, prodere amicitie arcanum, quandoquidem execramur etiam illos, qui post diremtam amicitiam efferunt quod amicis creditum erat, & qui generosioris ingenii sunt, nec illis, quos maxime invisos habent, sustinent objicere, quod ex amicitie pristina fiducia cognoverunt. Ego te vel unum his moribus esse judicabam, ut tuto quidvis arcani possem committere, nec alium mihi delegeram cui conscientie meæ secreta crederem. Quo magis admiror, quid acciderit, ut ea de me spareris,

An. ris, quæ nec dixi, nec cogitavi unquam. Instillas
1526. clanculum in aurem optimi juvenis, me de Eucharistia idem sentire quod tu sentires. Hunc injectum aculeum ille secum ablaturus erat in suam patriam, ni forte fortuna casus iniecisset inter nos huius rei mentionem. Et haud scio an nunc quoque suspicionis non-nihil de me secum abstulerit. Ac primum quidem quum illum audirem, suspicabar te nihil aliud sentire, quam soles apud me profiteri. Damnabas eos, qui auderent profiteri illic non esse nisi panem & vinum. Nec aliud opinatus sum unquam de te, nisi proximo colloquio, quum velut afflatus & alius factus absque fuco declarabas animi tui sententiam: eam quum jam palam profitearis, spargis ac dictitas me tecum sentire, idque tam palam facis, ut tuus sermo genuerit etiam rumorem, cujus te auctorem esse, jam nulli ferre obscurum est. Nec dubito quin similia scribas amicis. Ego vero ne in priore quidem sententia tecum sensi: censebas enim, profitendum in synaxi esse corpus Domini, cæterum quomodo sit illic, Deo, qui novit omnia, committendum esse. Ego vero hoc tuæ sententiæ adjiciebam, mihi istuc videri simplicius, quod ita vitarentur varii difficultatum labyrinthi, si fas esset homini *Christiano* ab eo dissentire quod Conciliorum auctoritas, quod omnium Ecclesiarum ac gentium consensus tot jam seculis comprobasset. Ad id semper negavi me posse animum inducere, præsertim quum Euangelicæ & Apostolicæ literæ tam evidenter nominant, corpus quod datur, & sanguinem qui effunditur: quum hoc mirifice congruat ineffabili Dei erga genus humanum charitati, ut quos redemit sanguine & corpore Filii sui, eos voluerit ejusdem carne & sanguine modo quodam ineffabili pascere, & hac arcana Filii præsentia ceu pignore consolari, donec rediret gloriosus & omnibus conspicuus. Hæc me redderent propensio-rem ad Ecclesiæ Catholicæ sententiam, etiam si nihil esset definitum, nec in hanc partem, nec in illam. Nunc quis furor esset, si ego non vererem pronuntiare, ibi nihil esse præter panem & vinum? Soleo cum amicis eruditis, maxime quum absunt infirmi, libere commentari de quibuscumque, inquirendi studio, nonnunquam & tentandi causa, interim animi gratia, hac in re fortasse simplicior quam par est. Sed agnoscam etiam parricidii crimen, si quisquam mortalium vel serio vel joco audivit ex me hanc vocem, in Eucharistia nihil esse præter panem & vinum, aut non esse ibi verum corpus & sanguinem Domini, quod nunc quidam libellis editis propugnant. Imo *Christum* ipsum mihi precor parum propitium, si ista sententia unquam infedit animo meo. Nam si quid volatili-um cogitationum aliquando tetigit animum meum, facile discussi, considerata Dei erga nos inæstimabili charitate, perpen-sis divinæ Scripturæ verbis, quæ *Lutherum* etiam ipsum, quem vos omnibus scholis, Pontificibus, orthodoxis, & Conciliis antefertis, coegerunt profiteri, quod profitetur Ecclesia Catholica, à qua tamen solet libenter dissentire. Scio quam levis sit apud vos Conciliorum auctoritas, ego vero nec Ecclesiam *Romanam* contemno, multo minus quum illa habet sibi consentientes omnes Ecclesias. *Paulus* nec Angelum audiendum putat qui prædicet aliud Evangelium. Ecclesia mihi persuasit Evangelio credere: eadem magistra didici Evangelii verba interpretari. Hactenus cum omnibus *Christianis* adoravi *Christum* pro me passum in Eucharistia. Nec adhuc video quicquam cur debeam ab hac opinione recedere. Nullis humanis rationibus abduci potero à concordii sententia *Christiani* orbis. Plus enim apud me valent illa quinque verba, *In principio creavit Deus cælum & terram*, quam omnia *Aristotelis* cæterorumque Philosophorum argumenta, quibus docent mundum carere initio. Quid autem adferunt isti, cur tam impiam tamque seditiosam sententiam profitear? Rationes stupeæ sunt, semel sustulit carnem ne esset offendiculo, non admirati sunt, non adoraverunt Apostoli. Jubemur esse spi-

A rituales, quasi caro sic exhibita officiat spiritui. Caro An. est, sed nullis obnoxia sensibus, & tamen hoc ipsum 1526. pignus est divinæ erga nos charitatis, solatium est expectationis. Literæ divinæ pro nobis faciunt: habemus, *Hoc est corpus meum quod pro vobis datur: Hic est sanguis meus qui pro vobis effundetur*. Ubi legunt isti, *Hoc non est corpus meum, sed signum corporis mei: Hic non est sanguis meus, sed signum sanguinis mei*. Quum maxime se torquent, ægre docent ex aliis locis rei vocabulum accipi posse pro signo rei: quanquam ne hoc quidem simpliciter. De tabula dicimus, *Hic est Hæctor qui occidit Patroclum*, sed nemo nescit in pictura non esse verum *Hæctorem*: verum esse potest quicquid dixit *Christus* esse. Jam ut evincant quid ponderis habet hæc ratiocinatio, *Sic accipi possunt hæc verba, igitur sic accipienda sunt*. Quorsum autem proficit illis tot veterum orthodoxorum citatio? Utcunque torquent, involvunt ac faciunt illorum dicta, nullum locum adducunt, qui palam loquatur, ibi non esse corpus & sanguinem Domini. Hortantur ad spiritua-lem communicationem corporis & sanguinis Domini, quid mirum si hoc commendant, quod in utriusque sumptione potius est, & quod nisi accedat, perniciem adfert sumtio carnalis? Obsecro te, quid hic est cur deficiam ab eo, quod tot seculis docuit & usurpavit Ecclesia Catholica? Scis me in nullo dogmate per omnia sentire cum *Luthero*, nisi quod nimium vere taxat corruptos hominum mores: & hic ob *Carolfianum*, qui à suo ipsius dogmate jam descivit, recedam à communionem Ecclesiæ Catholicæ? Si tibi stuprum aut furtum confessus essem ut amico, quam esset adversus omnes amicitiae leges, hoc cum amici periculo vel apud unum effutisse? Nunc quum apud omnes spargis crimen omnium capitalissimum, quod nec lingua mea unquam sonuit, quamvis libera, nec animus unquam concepit: quo tandem nomine donandum est quod facis amice Euangelice? An ad persuadendum quod nuper ipse coepisti credere, visum est abuti nominis mei auctoritate? Quæso te per *Christum*, hoc-cine est Euangelicum, tam impium, tam atrox facinus comminisci in amicum, quo plures pelliceres in novam sectam, quasi jam sectarum sit parum? Si pium est quod asseveras, non habes quo id persuadeas, nisi vanissimo commento, *Erasmus* idem sentire quod tu sentis? Et si tanti est apud vos mea auctoritas, cur nihil valet in tam multis, in quibus à vobis dissentio? Si tuus animus vacillat, ut solebas profiteri, qui nihil tribuis auctoritati Pontificum & Conciliorum, meum animum hactenus confirmavit Ecclesiæ Catholicæ consensus. Si tibi persuasum est in synaxi nihil esse præter panem & vinum, ego membratim discerpi malim, quam idem profiteri quod tu profiteris, & omnia perpeti malim, quam tali flagitio, contra meam ipsius conscientiam admisso, ex hac vita demigrare. Nec hic justissimam expostulationem verbis atrocibus exaggero: res ipsa satis habet Tragœdiæ. Si micam ullam habes Euangelici spiritus, sanabis quos istis susurris vanissimis infecisti. Patiar apud omnes effutire te, quicquid unquam in familiaribus colloquiis vel sobrius, vel uvidus, vel joco, vel serio dixi, non patiar autem ut istius dogmatis me vel auctorem facias, vel comitem, quod mihi nunquam fuit, nec in ore, nec in corde: ita mihi contingat nunquam à *Christo* sejungi, Amen. *Basilea*, Anno 1526.

EPISTOLA DCCCXLVIII.

Erasmus Rot. Simoni Pistorio S. D.

TANTVM suspicionum & querimoniarum undique nobis gignit hoc seculum exulceratissimum, ut nec vacet, nec libeat omnibus excusare. Quanquam ego Principi tam pio tamque cordato vehementer optarim per omnia satisfacere. Itaque licet obrutus laboribus ad tuam epistolam respondebo paucis, tu quod deerit, de tuo candore, tuaque facundia

Tom. III.

Ppp 2

sup-

1526. **AN.** supplebis. Epistola, *Thermopolin* missa, pijs omnibus placuit, sed vehementer offendit *Leonem Judæum Tigurinum*, qui libello, *Germanice* per typographos vulgato, proficitur se auctorem ejus libelli, quem detestatur epistola mea; addidit epistolam ad me manuscriptam multo virulentiorē, qua ad pugnam gladiatoriam provocat, verum obticui. Porro quod sic meam causam apud Principem egeris, ut diceres me nunquam ex animo discessisse ab Ecclesiæ præscriptis, quid sibi velit, mi *Pistori*, non satis intelligo, qui nunquam vel ex animo, vel præter animum ab Ecclesiæ placitis diverterim. Verum, oportet distinguere constitutiones Ecclesiæ, quædam sunt Conciliorum generalium, quædam ex re-scriptis, quædam Episcoporum peculiare, quædam *Romani* Pontificis, sed instar plebisfictorum, quales sunt constitutiones *Camera*. Rursus ex synodicis quædam perpetuæ, quædam ad tempus datæ. Item quædam inviolabiles, ut puta nixæ divinis Literis, quædam ejus generis, ut pro rerum præsentium statu possint mutari. Quoties autem admoneo de mutandis constitutionibus, de his sentio quæ citra pietatis jacturam mutari possunt. Nec id tamen usquam suadeo faciendum, nisi ex auctoritate Procerum. Atque ut ingenue quod res est fatear, quum incrudesceret hic tumultus fatalis, plane eram in hac opinione, ut mutatis aliquot constitutionibus, illa tempestas ad aliquam tranquillitatem redigeretur. Ne quid interim loquar de viciis quæ prætextu religionis irrepsērunt in Ecclesiam, adeoque invaluerunt, ut propemodum Evangelici vigoris scintillam exstinxerint. Hoc quid sit, non omnes intelligunt. Principes recte faciunt, dum cavent ne publici status compages laxentur. Verum, hoc conscientia negotium est. Nunc posteaquam video neutram partem alteri velle concedere, nihil aliud quam precor, ut Dominus det felicem exitum; non enim video quis alius id possit. Multi putant supplicii & legibus hoc malum sopiri posse, & fortasse sopietur, sed ad tempus; & si perpetuo possit, non cessabunt tamen tacita murmura, judiciaque conscientiarum. Nec vacillaret auctoritas Ecclesiæ, si quædam per Ecclesiæ Proceres ex causis gravibus mutarentur, quod jam toties factum est à majoribus. Venio nunc ad consilium hujus urbis magistratui exhibitum, cujus antigraphon ex archetypo mitto, si quid forte de suo addiderunt qui evulgarunt. Mitto simul & ad *Glareanum* literas in hoc scriptas, ut per illum excusarer Senatui, priusquam à Consulibus adirer. Nihil egi. Suspicio hoc à quibusdam *Lutheranis* subornatum, hac arte, ut si suaderem ipsis accommoda, haberent me sibi obnoxium, sin minus, conflarem mihi civitatis hujus grave odium. Summis enim viribus hoc tum contendebant quidam, ut hic omnia fierent quæ fieri videmus *Tiguri*: promissa est mihi silentii perpetua fides. Ita temperavi consilium pro civitatis præsentis statu, nam uni Reipub. datum est, ut nec excitarem hic tragœdiam, non mihi tantum periculosa, nec auctoritatem Ecclesiæ permetterem quorumlibet arbitrio. Et tamen hoc consilium utcumque temperatum adeo placuit Consuli, ut prefferit tres menses, ne exhibiturus quidem, ni quidam ecclesiastica partis efflagitasset. Certe ex eo consilio nihil hic innovatum est, nisi quod omnia moderatius acta sunt quam cœperant. De *Lodovico Bero*, plane lapsus es in nomine. Nam is vir & pius est & doctus, ab omnibus istorum dogmatibus dissentiens, sed à nullo magis quam de Eucharistia. Nam is præfedit in concilio *Badensi* ecclesiastica partis nomine. *Capitonem*, opinor, volebas dicere, cujus nulla laus est in illis literis. Quod scripsi, neutram partem mihi videri sobriam, non incessitur Ecclesia, sed quidam qui plus obtrudunt nobis quam necesse sit credere. Id in quosdam Theologos ac Monachos dictum est, non in Ecclesiam. Veluti Transalpini volunt nos profiteri, Pontificem *Romanum* unum esse potiorē universis Ecclesiis ac populo *Christiano*. Habent & Cisalpini quosdam articulos, quorum aliquot ego nolim defendere, & tamen ni id face-

A rem vociferarentur. Proinde non dixi me in neutra parte esse, sed neutri addictum esse. Addictus autem est, **AN.** 1526. qui servit in omnibus. Nec opinionibus tantum esset serviendum, sed moribus etiam & ingeniis, quæ comperio corruptissima in nonnullis, qui magnis clamoribus videri volunt agere negotium Ecclesiæ. De libris *Lutheranis*, non prorsus hinc arcendis, videbatur id temporis esse satis pro hujus Reip. statu. Si Ecclesia permitteret usum sacramenti sub utraque specie, ne tantulum quidem incommodi video: nam id aliquando *Bohemis* permiserat Ecclesia. Nec probo tamen, ut quisquam hac gratia turbas excitet in populo *Christiano*. Ego nec sacerdotibus permitto conjugium, nec **B** Mo-chis relaxo vota, ni id fiat ex auctoritate Pontificum, ad ædificationem Ecclesiæ, non ad destructionem. Eo percellere pueros ac puellas inhumanum arbitror, & pium eximere fraude captos. In primis optandum esset, sacerdotes & Monachos castitatem ac coelestem vitam amplecti. Nunc rebus adeo contaminatis, fortasse levius malum erat eligendum. Hæc opinio si non placet Ecclesiæ præfectis, pro somnio ducatur. Quod scribis de quorundam impia licentia, nullus homo per me factus est ad talia animatior, sed aliquam multos coercui. Tu *Paganismum* times, ego *Judaismum* jam omnia fere video occupasse. Si sacri pariter ac prophani, si magni cum parvis sinceris animis converteremus nos ad Principem fidei nostræ *Christum*, & agnoscentes sua quique mala, concordibus votis illius misericordiam implorarem, brevi videremus horum tumultuum felicem exitum. Nunc dum plerique privatis commodis intenti sunt, ne publicis quidem recte consulitur. Quod ob unum aut alterum deprehensum male sentire videris de *Gracis* literis, vehementer alienum est & à prudentia tua, & ab ingenii tui candore. Eadem opera sentiendum esset de omnibus bonis literis. Quod autem inter harum professores initio complures non fuerint alieni à *Luthero*, partim in causa fuit quorundam improbitas, qui multis annis *ἀσπονδον πόλεμον* terra marique gesserunt adversus hoc studiorum genus apud nos reforescens. Longa est fabula. De *Reuchlino* meministi. Plura nos vidimus. De illo nostro non queo satis demirari, quid homini venerit in mentem, nec ulla res unquam æque mihi præter expectationem objecta est. Quid hoc ad *Gracas* literas, sine quibus cæca est omnis eruditio? Quæ mihi proximis nundinis, arbitror esse perlata: Scripseram enim & illustrissimo Principi, & *Emsero*, & tibi. Poculum erat gratissimum, uberius tamen delectatus sum laudatissimi Principis testimonio. Quod mihi longam vitam optas, optime *Pistori*, jam potior eo quod optas. Diu vixi, si tamen vixi. Medici nihil pollicebantur opis, & si polliciti fuissent, non admodum illis fiderem. Itaque relictis illis *Christo* me commisi. Is sive longum, sive breve volet esse quod superest vitæ, æqui bonique consulam. De *Luthero* coercendo etiam si certa spes esset, & si maxime par essem isti negotio, & si non minus liberet quam vacaret, tamen per quosdam ut video conjuratos non licebit. *Lutetia* misit nobis quatuor libros hoc anno, simpliciter famosos ac palam insanos. Res, ut suspicantur, geritur ex consensu sodalitiæ Theologici, non quod omnes ista probent, sed pars, ut fit, improbius vincit meliorem. Subornant ad hanc fabulam agendam aliquot gloriosos, ac plane sensu communi carentes, in primis *Sutorem Carusianum* & *Beddam*. Quidam Oratorem agens apud Cæsarem, *παρά-περὶ ἑδίων* scripsit virulentissimum librum in me, ac, ni fallor, jam edidit, quum in *Britannia* nunquam præ se tulerit, quod animus esset in me scribere. Excitarant & illic tumultum Monachi *Salamantini*. Sunt aliquot etiam *Roma*, qui scribunt in me præter *Synicas*. Unum libellum ad me misit is qui scripsit *Albertus Pius*, alter sine titulo missus est per amicos. Nondum enim editus est, sed volitat per manus aulae Pontificiæ, quo nec *Orestes* furiis agitur scriberet quicquam furiosius, nec me fugit quis sit auctor. Sermo

An. 1526. **NO** cum moribus congruit, nam mihi domesticæ notus est. Habet & Hispania Simicas alteros, ut ne quid de *Lovanio* dicam. Omnes ad objurgandum & calumniandum diserti sunt. Sub has nundinas suscepimus laboris penum quam pro valetudine gravius. Nam præter alia recudimus Novum Testamentum, Annotationesque magnis accessionibus locupletamus. Arbitror enim *Hieronymo*, Proverbis, & huic Operi propemodum justam curam esse datam. Et tamen si viriculæ corpusculi sufficient, absolvemus quod orsi sumus in *Lutberum*, etiam si nihil tam sancte tamque circumspicte scribi potest à me, quod non calumnientur quidam, devotis animis hoc agentes, ne quid fructus ex meis libris redeat ad Lectorem, nec aliud agentes quam ut victus contumeliis concedam in castra *Lutheranorum*. Quod nunquam efficient, donec propitius Dominus mihi mentem hanc esse patietur. Atque illud, mi *Pistori*, tuo Principi audacter de me pollicitor, me, quod dicere coeperam, nec ex animo, nec præter animum unquam vel accessisse, vel accessurum ulli damnatae factioni; nec me aliud agere in meis lucubrationibus, quam ut linguas ac bonas literas gravioribus disciplinis adjungerem, ut scholasticam Theologiam, apud multos ad Sophisticas contentiones prolapsam, ad divinæ Scripturæ fontes revocarem, ut in moribus hominum minus esset ceremonialium, in animis plus pietatis, ut Episcopi & sacerdotes sui meminissent officii, ut Monachi vere id essent quod dicuntur, denique ut perversissima de plerisque rebus judicia eximerentur ex animis hominum, quibus jam orbis instupuerat. Hæc me perspicit agere, qui sobrius & integer mea legit. Cæterum, si isti eodem animo legerent *Chrysostomi*, *Hieronymique* scripta, quo mea legunt, plura reperirent, quæ reprehenderent, quam in meis reperiunt. Bene vale. *Basilea*, Anno 1526.

EPISTOLA DCCCXLIX.

Erasmus Rot. Petro Mornyco, Abbati Sancti Sulpitii, S. D.

An. 1527. **D**OLOREM, quem abitus hinc tuus nobis attulerat, tua non simplex utilitas abunde mitigavit. Primum quod mature feliciterque temet incendio subduxeris: nam hic pestilentia nemini pepercit, diuque circumfiliit ædes nostras, ac tantum non infiliiit. Deinde quod in celeberrimam Academiam te contuleris, omnique studiorum genere florentem, neque dubito quin toto pectore disciplinis optimis incumbens, abunde compensaturus sis, si quid antehac per ætatis incogitantiam cessatum est, ut ad tuos velut avidus negotiator, bonarum literarum mercibus locuples redeas. Habet ista civitas ut Musas, ita & Sirenas, quemadmodum audio. Hortarer te, ut, obturatis adversus Sirenarum cantus auribus, Musis virginibus adhæreres, ni mihi spectata esset tua singularis continentia. Hæc scripsi studiis enectus, & in hoc tantum, ut scires te nobis nondum excidisse. *Basilea* 11. Januarii, Anno 1527.

EPISTOLA DCCCL.

Mercurinus Gattinarius, Caroli Cæsaris Cancellarius, Def. Erasmo Roterodamo S. D.

HOC nomine jam mihi placeo, quod video aliquid peculiare cum tanto viro me habere commune. Scribis enim, vir tot nominibus egregie, equiore animo hinc decessurum, si hoc orbis dissidium in optatam tranquillitatem conversum tibi videri contigerit. Utinam hoc ipsum mihi conspiciere liceat. Nihil enim jam ardentioribus votis opto, nihilque ferventioribus studiis assequi contendo. Quod si omnes omnium Christianorum Principum, atque etiam Pontificum animos ad id Cæsareo similes haberemus, nihil certe vera felicitatis in Christiana Republica esset desiderandum. Veruntamen malo quodam facto

A adversante, dum suis quisque privatis commodis (si tamen ea commoda dici possunt) pertinaciter studet, Rempublicam undique labefactatam videmus. Nolo tamen adhuc animum despondere. Spero enim breviter futurum, ut non modo componatur dissidium, verum & corrigantur mala, unde hic tumultus pullulavit. Quod vero ad te attinet, scio quam laboret mundus invidia, quam sit antiqua iniquorum omnium in bonos ac pios, & barbarorum in eruditos conspiratio. Tibi vero, qui præter Dei gloriam, & publicam salutem nil quaris, quid malorum lingua obesse poterunt, dummodo quod facis, perpetuo facias, hoc est, bonas literas, rectioraque studia, & veram pietatem promovere semper cures: atque utinam mihi liceret aliquo non vulgari symbolo, quis sit meus erga te animus, declarare. Videres profecto voluntatem vere sinceram, idque sedulo, ut intelligas, faciam. Ad Academiam Lovanensem scribo, quod ex incluso literarum mearum exemplo legere poteris. Miror profecto tantorum virorum petulantiam, atque impudentiam: sed gaudeo tibi accidisse, quod sapius jam mihi contigit. Vidi enim quam plurimos qui me pertinacissimis odiis insectabantur, & à Cæsaris aula sublatum capiebant, ipsos prius è vivis sublato. Quod duobus ex adversariis tuis contigisse audio. Sic Deus suis favere solet. De libello Eduardi Lei nihil adhuc audivi: tamen si sciam hominem nescio quid calumnia in te jamdiu moliri. Id tamen quicquid erit, nequaquam illi in Hispania edere licebit, nisi prius mature visum, & examinatum sit. Id enim summo studio apud Hispanos cautum est, ne cuiusvis sua somnia excudere liceat. Utinam idem servaretur apud Germanos. Tu fac bono animo sis, tuæque consulas valetudini: atque ad me sapius scribas. Ex Oppido Vallisoleti 10. Februarii, Anno 1527.

EPISTOLA DCCCLI.

Vives Erasmo.

EXSPECTANTI mihi abs te quotidie literarum aliquid, seculum pene præterit: & multa ad te scribendi occasiones è manibus elapsæ, dum aliquid semper puto recepturum me, cui respondeam; nam bis aut ter scripseram, & de tuo silentio suspicari coger, vel non esse tibi literas redditas, vel occupatissimum te fuisse: siue hoc ipsum in causa fuit, cur non scripseris, siue quid aliud: ego vero aequi ac boni facio, modo & recte valueris, & nostri non omnino obliviscere; idque satis mihi est recordatione tua consignatum esse tuo in pectore. Ut id vero literis quoque ac velut syngrapha testificare, nihil laboro. Quid istuc de rebus tuis adferatur Lutetia, nescio: nam Decanus ait se habere tuas literas, quibus conquereris & ἐν τῇ περὶ γράμματος atque nobis quotquot illinc veniunt scholastici, mirificum favorem nunciant omnium erga te, & eorum qui infensissime erant odisse soliti. In Hispania Enchiridion tuum cepit loqui nostrati lingua, & quidem secundo populo, qui solebat esse in potestate & ἀδελφῶν. Idem cogitant facere de Paraphrasibus. Vehementer mirantur quidam vel huc non redire te, vel certe in Galliam proficisci; ἵνα ἡδὴ ὅσον βίον διατρίῃς, οἷόν τινα εἴναται ταῦτά μοι λέγονται. Vellem consuleres quieti tuæ senectutis. Nam istius temporis, quod ætati tuæ restat, magnus erit pietati ac literis usus, te libenti ac lato; exiguus, commoto & conturbato. Amabo, mi Præceptor, si quid vidisti eorum Operum, quæ te absente edidi, perscribe ad me sententiam tuam, imo vero magistri & patris reprehensoriam admonitionem; nam nihil est quo me magis sentiam proficere, duntaxat cum reprehensio venit à prudenti amico: nec imprudentis quidem aut inimici nocet. Utinam propius adesses, & consulere liceret te & ἀγαθὴν χεῖρα. In Britanniam propediem proficiscar, Christo secundo: si quid mandas, significas, & curabis; & si nihil peculiaris scripseris, illa καθολικῶς, quæ tu mandata cupis, non ignoro: dicta puta. Cura valetudinem tuam, & nos ama. Salvebis officiosissime ac reverendissime à Laurino & Fevyno tui. Vale. Brugis 18. Martii, Anno 1527.

PPP 3

EPI-

EPISTOLA DCCCLII.

Erasmus Rot. Roberto Aldrisio S. D.

AN. 1527. **S**VB Quadragesimam demum redditus est nobis tuus *Seneca*. Non erat necesse mittere codicem, poterant omnia describi in schedis. Bibliophylaces collegii Regalis dederunt tibi verba. Habent in minore bibliotheca aliud volumen in membranis descriptum; ut agnoscas, habebat sententias per ordinem literarum digestas, & in medio sententiam eandem disticho, sed indoctissimo, comprehensam. Inerant & initiales literarum coloribus & auro depictæ. Ex libro *De beata vita* plurimum emendaram. Si vacaret posses ex eo notare quæ dissentiant, notato per numerum versu editionis *Frobeniana*, & adscripta lectione, quam habet codex, reliqua per nos fierent. Doleo tibi tantum laboris susceptum non magno fructu. Sciebam codicem, qui habebat libros *Epistolarum*, nihil habere frugis. Non ausim amplius abuti tua bonitate, si tamen posses hoc tædium decoquere, faceres mihi rem magnopere gratam, nec penes ingratum hominem collocaris officium, si viam indicaris reponendæ gratiæ. *Thomas Moro* te commendavi non indiligenter. De quorundam ingratitudine vetus est querela. *Regium est autem audire male, quum feceris bene*. Posteritas magis agnoscet, quanquam nunc etiam agnoscunt optimi quique, Cæsar, *Ferdinandus*, Pontifex, Cardinales, Reges, Duces, Episcopi, & literis honorificentissime scriptis, & muneribus opimis. Tenebriones modo quidam oblatrant, nihil profecturi, nisi quod sibi malum accersunt. Res alium habebit exitum quam credunt multi. Sed quicumque erit exitus, nos bonam ac fidelem operam literis & Christo navabimus. Bene vale. *Basilea* 24. Martii, Anno 1527.

EPISTOLA DCCCLIII.

Erasmus Rot. Valentino Furstero suo S. D.

Si præstas eum animum, quem tua pollicetur epistola, *Valentine* charissime, & tibi & tuis omnibus consulueris. Memento nullam ætatem magis idoneam discendis optimis moribus ac disciplinis, per omnem vitam usui futuris, quam istam, qua nunc flores. Verum ut est optima, ita scito fugacissimam esse, nec semel elapsam unquam recurrere. Præcipuam studiorum partem impende historiographis & ethicis. Prioris generis sunt *T. Livius*, *Vitæ Plutarchi*, *Cornelius Tacitus*: Posterioris, libri *Ciceronis De officiis*, *De amicitia*, *De senectute*, *De Tusculanis questionibus*, & *Plutarchi* libri *De moribus*. Ex his enim potissimum ea prudentia colligitur, quæ decet virum in Republica versantem. Et habet ea lectio non minus voluptatis, quam utilitatis. Saluta mihi nostrum *Erasminum*, sodalem tuum. Bene vale. *Basilea* 24. Martii, Anno 1527.

EPISTOLA DCCCLIV.

Erasmus Roterod. Polydoro Vergilio S. D.

Quo non penetrant linguæ fascinatrices? Quas nos, mi *Polydore*, non alia ratione melius ulcisci possumus, quam ut amicitiam, quam isti rescissam vellent, vinculis quam arctissimis adstringamus. Videbis *Homiliæ* tibi dicatas, nunc rursus excusas cum dignitate, quo magis etiam urantur, quos cruciat nostra concordia. Quod sedulo agis *εὐγνωστοῖν* inter *Lenm* & me, pro isthoc animo *Christus* tibi referet promissam beatitudinem. At præscribit ille parum æquas pacis conditiones. Ostendat ille quæ perperam scripserim in ipsum, ego vicissim ostendam quæ ille perperam scripsit in me. Tum post mutuam palinodiam coeat amicitia. Verum, hoc esset non sarcire gratiam, sed renovare similitatem. Optimum fuerit *μη μνησικακήσαι*, sed illa *Græcorum ἀμνησία* prorsus omnium veterum injuriarum abolere memoriam, ac scripto quopiam amico

A testari positam esse similitatem, & animos *Christiana* junctos concordia, quod factum est inter *Jacobum Fabrum* ac me. Quod mihi cum tot portentis dimicandum est, agnosco feroque fatum meum. Cum summis mihi pulchre convenit. *Clemens* Septimus bis jam misit ducentos florenos, nihil non pollicens. Cæsar nuper ad me scripsit amantissime cum suo Cancellario. Regum, Cardinalium, Ducum, Episcoporum literis honorificentissime scriptis habeo plena scrinia. A multis veniunt & munera nequaquam vulgaria. A tenebrionibus velut à cimicibus ac pediculis mordeor: nam his nec Cæsar, nec Pontifex potest imponere silentium. Tuti sunt suis tenebris. Sed nihil aliud efficiunt nisi quod traducunt seipfos. Nos rectum clavum tenebimus usque ad extremum vitæ terminum: de eventu viderit *Christus*, hujus fabulæ choragus. De libello excudendo egi cum *Frobenio*, respondet se paratissimum, ea lege qua excudit *Adagia*. Bene vale, patrone magne. *Basilea* 24. Martii, Anno 1527.

EPISTOLA DCCCLV.

Erasmus Roterodamus Jacobo Fabro S. D.

AV DIO tibi tuoque *Gerardo Ruffo* datum negotium à Rege *Christianissimo*, ut *Chrysostomi* Commentarios in *Acta Apostolorum Latine* verteretis. At idem Opus jampridem apud me est à *Venetia* deportatum, eleganter descriptum. Rursus idem habetur in *Anglia*. Jam annus est quod coeperam illud vertere. Cæterum quoniam subdubitabam de fide tituli, seposui. Nunc quum ederem alia quædam *Chrysostomi* verba, adjunxi tres *Homiliæ*, quas ante verteram, quo gustum darem eruditis, ex quorum judicio vel absolverem Opus, vel omitterem. Hoc quum esset jam factum, ex *Brixii* literis cognovi quod modo dixi: quæ si venissent uno mense citius, ad te misissem quod verteram, totamque provinciam vobis lubens cessissem; & nunc si libet hoc ipsum, quod editum est, vestrum facio, ne quid hic casus vos remoretur à bene cœptis. Præter *Homiliæ*, quas edidi novas, habeo Commentarios *Chrysostomi* in Epistolam ad *Romanos*, in utramque ad *Corinthios*, in Epistolam ad *Galatas*. Verum hæc eo minus habitura sunt gratiæ, quod in *Theophylacto* totus fere *Chrysostomus* est, exceptis digressionibus. Opto tuæ senectuti lætam tranquillitatem. *Ruffo* tuo plurimam ex me salutem dicito. Optimo Præfuli cupio esse quam commendatissimus. *Basilea* 24. Martii, Anno 1527.

EPISTOLA DCCCLVI.

Erasmus Roterodamus Joanni Carondileto, Archiepiscopo Panormitano, S. D.

REVERENDE Præsul, jam pro tuo erga me studio gratias egi, quas certe debeo maximas. Nunc non ago causam meam, quam habeo pro derelicta, sed studiorum causam tibi commendo. *Mechlinia* Carmelita quidam *Paschasius*, ut ex multorum literis accipio, publicitus è suggesto debacchatur in linguas ac bonas literas, & nominatim in Collegium trilingue, quod instituit *Lovanii* vir omnium seculorum memoria dignus *Hieronymus Buslidius*. Agant hoc quod habent in mandatis, pugnent adversus hæreses: at bellum gerere cum his literis, sine quibus omnes reliquæ disciplinæ mutæ sunt, mancæ sunt, cæcæ sunt, plurimum abest ab animo tum Cæsarum, tum Pontificis. At *Philippus Melanchthon*, inquit, & alii nonnulli *Græce Hebraice*que periti faverunt improbatæ factioni. Ista non studiorum est culpa, sed hominum, sed longe plures favent *Luthero* qui neque *Græce* sciunt, neque *Latine*. Multo plures his literis instructi pugnant cum *Luthero*. Certe *Lovanii* nullus est ex hoc genere non alienissimus à re *Lutherana*. Hæc res fortasse vobis levicula videtur: at periculum est ne, si Monachis liceat impune quicquid libet, res erumpat in majorem tumultum.

An. 1527. multum quam quisquam credat. Per universum terrarum orbem gratiosae sunt bonae literae, quarum utilitatem jam nemo non sentit, habent magnos patronos. Sint igitur isti sua contenti victoria, nec optimas literas alienae causae involvant. Si submovenda est professio linguarum, quod his instructi quidam faverunt improbatæ sectæ, eadem ratione submovenda est Theologiae professio, quod multi Theologi propugnatores existerunt & in dies existunt hujus factionis. Submovendus Monachismus, quod innumeri Monachi stant à *Luthero*. Ut facillimum, ita fuerit optimum primos istorum impetus retundere. Quod si facere non gravaberis, omnes studiorum cultores tibi reddes addictissimos. Mitto ad te exemplaria postremarum Cæsaris ad me literarum, item *Mercurini* Cancellarii & *Card. Campegi*. In quem, inquires, usum? ut intelligat tua prudentia, meam fidem & studium in negotio pietatis, probari summis utriusque status Principibus, nec vel tantulum commovere quorundam impudentissimis blaterationibus. Et confido fore, ut aliquando magis perspicuum fiat, qua sinceritate versatus sim in hoc rerum tumultu. Servet amplitudinem tuam Dominus. *Basilea* 30. Martii, Anno 1527.

EPISTOLA DCCCLVII.

Erasmus Roterodamus Alfonso Valdesio S. D.

VENERUNT ad me, licet fero, cum aliis literæ Cæsareæ Majestatis amantissime scriptæ: nec minus humanitatis habentes, *Mercurini Gattinarii*, cujus prudenti juxta ac fideli consilio certum est obtemperare. Tuum admirabilem in me favorem ac studium, ornatissime juvenis, tot jam argumentis habeo perspectum & exploratum: quod si mihi facultas esset par animo, sentire te tantum officiorum haudquaquam penes hominem ingratum collocasse. Hoc tantum in præsentia scribere licuit. Patronis omnibus pro me gratias ut agas, te magnopere rogo. Bene vale. Datum *Basilea* 31. Martii, Anno 1527.

EPISTOLA DCCCLVIII.

Alfonso Fonseca, Archiepiscopus Toletanus, Hispaniarum Primas, &c. Desiderio Erasmo Roterodamo S. D.

ITA est plane, Erasme doctissime, quemadmodum ad te amici detulerunt. Faveo laudi tue ex animo, idque re ipsa (quoad licuit) testatum hætenus feci: facturus item posthac, etiamsi nulla abs te mihi gratia profecta esset, nedum posteaquam brevi illo tuo autographo omnem operam nostram, quam in tui gratiam insumseram, fere mihi pensatam sentio. Videbar antehac publicam bonarum literarum causam nullo persone respectu tuari, nunc privatam etiam tuam cogor suscipere literis tuis invitatus. Exortus erat jamdudum de libris tuis (ut scribis) apud nos tumultus, sed ludus quidem ille fuit, prout quo pacto nunc nobis omnia sursum deorsum miscet fatalis hac *Erinny*: qua cum universum orbem Christianum, veluti dato ab inferis negotio, opinionum dissidiis commovendum suscepisse videatur: tamen nescio quo pacto provinciam adhuc nostram quiescere patiebatur, donec tandem invenirentur, qui operam illi commodantes, tibi negotium facefferent, atque ea ratione nostram nobis securitatem turbarent. Sed aderit Deus, quem spes est finistros conatus ita repressurum, ut pacatior nobis succedat ex tempestate tranquillitas. Ita nobis & Cæsaris animus, & bonorum in te tuendo consensus certa fide spondere videntur. Tu fac eam præstes tum fortitudinem, tum moderationem, quam sublimes ista ac plane heroica dotes pollicentur, ut invictus semper & excelsus animus, firma Christi fide fiduciaque subnixus, nihil in suam ipsius sinceritatem ac mansuetudinem ab humanis injuriis licere patiar. Indignum quidem est, ex his te studiis assidue in periculum vocari, unde maximi ingenii laudem, & industria fructum consequi oportebat:

A tamen vetas jam id est suprema virtutis fatum, ut facile ubique adversarios inveniat, & qua sedem dignitatemque in cælis tam longe habeat, hic veluti exsul & peregrina tractetur. Nec vero est quod propterea animo deiciaris, aut hominum de te expectationem destituas, sed contra vehementius sanctis laboribus & lucubrationibus incumbas, ne qui signum piis Christianisque studiis tanta felicitate sustuleris, causam deserere per animi imbecillitatem videare. Rem omnem ut apud nos geratur, ex literis Jo. Vergaræ nostri fassus intelliges. Quicquid ille meo nomine ad te scribit, a me scriptum putato, id enim præstabimus multo etiam cumulatius. Caterum de nobis non est, quod nunc tibi studium & auctoritatem nostram imposterum polliceamur, cum jam non ad rem modo ipsam, sed ad constantiam etiam nostram pertineat, ne tibi ullo loco deesse videamur. Vale. Vallisoleto 24. Aprilis, Anno 1527.

EPISTOLA DCCCLIX.

Erasmus Roterodamus Mercurino Gattinario, Cæsaris Cancellario, S. D.

Vt ad alteras quoque literas tuas tribus verbis respondeam, clarissime vir, Si quid est felicitatis, hoc optarim tibi mecum esse commune, cujus integritas, pietasque singularis digna profecto erat perpetuo rerum successu: verum non hoc tantum evenit, ut duos illos, quos Cæsaris interdictum nominatim expresserat, mors terris eripuerit: nam *Vincentius* tympanite cruciabili malo periit: *Nicolaus Egmondanus* * jam nulli tolerabilis in vomitu suffocatus est, quum paulo ante inambulans, jussisset abire mulierculam, quæ solet adesse ministerii gratia, quod diceret se velle persolvere pensum horariorum, ut vocant, precum: verum etiam *Natalis Bedda*, qui furiosum pariter ac famosum librum in me scripsit, per *Gallorum* Regem cohiberi coepit. Illud plane prospicio, nisi Principes quorundam stolidos & impotentes spiritus auctoritate sua coerceant, excitabunt nobis novam tempestatem, quum hæc incipiat esse mitior. Non obscurum est, quæ res summorum Principum dissidia tot jam seculis vel excitet, vel alat, miror si ipsi non sentiant; & si, quum sentiant, dissimulant, magis etiam miror. Verum, his rebus cœleste Numen dabit felicem exitum. Tuum erga me studium, vir ornatissime, tam constans & candidum jam olim expertus sum, quanquam majoribus in dies argumentis declaras, quantopere faveas & optimis studiis & pietati Christiana, in qua provehenda, tuendaque, si nihil aliud, certe animum sincerum fortemque præstabo usque ad extremum halitum. Exemplar epistolæ, quam misisti *Lovanienfibus*, ad me nondum perlatum est, ex amicorum tamen literis accipio quod narras: quanquam ab istis eluduntur omnia. Subornant alios, mille cuniculis rem agunt. Negotium duorum arte geritur. *Egmondano* mortuo existit *Lovanii Franciscanus* quidam, qui in publicis prælectionibus subinde perfringit nomen meum. Hoc genus hominum neminem metuit, & si quid immineat periculi, mutant sedem, & in tuto sunt. Quumque non in aliud proficiant, nisi quod sibi mortalium odium exasperant, tamen veluti furiis lymphati pergunt. Sed hæc quoque *Christus* Opt. Max. omnia vertet in bonum finem. Quid *Hispania* *Leo* permissura sit nescio, hoc unum scio, initurus est malam gratiam apud Regem suum, Cardinalem *Eboracensem*, aliofque innumeros Episcopos, Proceres ac doctos *Anglia*. Et profecto fuerat è gloria regionis illius, si mundus nesciat illic esse natum tam à Gratiis alienum ingenium. Fragmentum epistolæ *Cuthberti Tonstalli*, cui *Leo* in Legatione successit, his inserui, quo magis cre-

* An non hic, de quo sequens Epitaphium?

Hic jacet Egmondus,
Telluris inutile pondus;
Dilexit rabiem,
Non habuit requiem.

An. credas meis verbis. Legem, quæ coerces edendi im-
 1527. probitatem, vehementer approbo: verum, illud interim
 cavendum, ne lex optima vertatur in exemplum pef-
 simum, id quod *Lutetia* fieri cœptum erat. Aliquot
 conjurati, calumniis ac mendaciis licentissime debac-
 chantur in quolibet. Si quid respondisses, vetabatur
 excudi. Verum, quo minus hoc cuiquam liceat in *Hi-*
spania, cavebit tua inprimis, tum Archiepiscoporum
Toletani & *Hispalensis* vigilantissima prudentia. Opta-
 bam pluribus tecum agere: quandoquidem video tuam
 humanitatem, quamvis occupatissimam, adeo æqui
 bonique consulere literas nostras interpellatrices, ut
 horteris etiam ad crebrius scribendum: sed redeo ad
 arenam gladiatoriam. *Hyperaspisten* nostrum, & *Dia-*
tribam arbitror vidisse te. In *Hyperaspiste*, quoniam
 exclusus spatio temporis hoc Opus intra paucos dies
 tumultuanter absolvi, pollicitus eram reliquam dispu-
 tationis partem. Equidem malebam aliis in argumen-
 tis operam collocare; sed *Lutherus* editis libellis ja-
 ctat me non respondere, quasi vero nihil responderim,
 gestiuntque *Lutherani*: hortantibus igitur amicis ag-
 gressus sum liberare fidem meam. Bene vale, Patro-
 ne magne, cum optimo Principe. *Basilea* 29. Aprilis,
 Anno 1527.

EPISTOLA DCCCLX.

*Serenissimo Polonia Regi Sigismundo, ejus nominis
 primo, Erasmus Rot. S. D.*

Utrum calamum in manus sumpsi, *Sigismunde* Rex,
 hujus ætatis Principum insigne decus, multa pro-
 tinus occurrebant, quæ deterrent a scribendo. In-
 primis enim parum mei pudoris videbatur, si tantil-
 lus homuncio, tantum heros, si ignotus, si ultro, si
 nullo pene argumento compellarem. Et ut ex Vete-
 rum Annalibus tradit *Plinius*, *Tullo Hostilio* male cef-
 sisse, quod *Jovem* evocasset; ita non semper tutum
 fuit appellasse summos orbis Monarchas, quos oportet
 adire, non solum in tempore, verum etiam religioso.
 Ad hæc vix pium videbatur, Principem, tot, tam
 gravibus Reipublicæ negotiis, sed imprimis sarcindæ
 Regum concordie intentum, literis non necessariis ap-
 pellare. Verum, has omnes remoras facile discussit,
 vel insignis ista naturæ tuæ bonitas, qua, meo qui-
 dem animo, non minor es, quam ipsa regni magnitu-
 dine: vel ardor quidam in te meus, ac singularis quæ-
 dam virtutum tuarum admiratio, quam non solum ex
 famæ clarissima buccina, verum etiam ex ornatissimi
 viri, *Joannis à Lasco*, tum colloquio, tum literis con-
 cepi; nunquam enim, dum hic ageret, illi *Sigismun-*
du Rex non erat in ore, nec aliud crepant illius ad
 nos epistolæ, quam *Sigismundi* laudes: vel harum de-
 nique orbis tempestatum tædium, & ingens tranquil-
 litatis desiderium, quod nos tam lenta spe discruciat,
 nimium expertos non esse vanam fabulam, qua *Home-*
rus depinxit *Aten*, & pedibus, & oculis celerem, *Li-*
tes contra lusciofas & claudas. Lubens & alacer *Si-*
meon ille senex emigrabat è vita, posteaquam vidisset
Christum Domini. Videor & ipse mihi æquiore animo
 relicturus hunc mundum, si Dei benignitate, Principi-
 pumque consiliis, publicis hic rerum tumultus feda-
 retur. Ad hoc negotium tam pium, tamque divinum,
 quoniam audio Majestatem tuam summa prudentia,
 parique studio conniti, tanto vehementius instigavit
 animus, ut auderem currentem, quod ajunt, incita-
 re, quanquam tua pietas, divinitus, ut opinor, affla-
 ta, non eget ullis hominum stimulis. Solet autem
 Deus plerumque in rebus deploratis, velut ex machi-
 na, subito proferre quempiam singulari virtute præ-
 ditum, qui res undique turbatas reducat in tranquill-
 tatem. Sic *Romanis* eo redactis, ut auro salutem redi-
 merent, repente exortus est *Camillus*. Rursus eorun-
 dem rebus ad extremam desperationem spectantibus,
 exstitit *Scipio Africanus*. Sic *Hebraeis*, intolerabili diu-
 tinaque servitute pressis apud *Egyptios*, productus est

A *Moses*. Sic periclitanti *Susanna*, præter omnium ex-
 1527. AII. spectationem exstitit *Daniel*, innocentie vindex, ac
 malitiosi facinoris coarguter. Atque utinam mea vota
 rata faxit Deus Opt. Max. Utinam hanc bonam spem
 velit non esse vanam. Titillat enim animum meum
 nescio quid læti ominis, Deum tandem, ira versa in
 misericordiam, te designasse, Rex sanctissime, qui
 tantas rerum undas, tua pietate, tua prudentia, tua
 auctoritate componas. Hanc spem auget nobis, quod
 in alio nemine perspicimus tot dotes, ad tantum ne-
 gotium conficiendum necessarias. Nam ut omittam
 regni vires, ne commemorem tot res arduas, velut
 B adipirante Deo, felicissime gestas, quibus nuper acces-
 sit inclyta de *Scythis* victoria, tria potissimum requiri
 videntur in eo, qui tantos rerum humanarum motus
 sit compositurus; pietas, excelsus animus, & pruden-
 tia. Pietatis nomen duo complectitur, amorem pa-
 triæ, & studium religionis. In utroque genere sum-
 ma tua laus eluxit. Siquidem in regni tui commodis
 procurandis, servandis, augendis, ornandis, & con-
 stabiliendis, tanta vigilantia, studio, curaque semper
 es usus, ut præter ætatis rationem, nullum unquam
 laborem defugeris, qui vel juvenem deterrere potuis-
 set. Olim optime de Republica meritis deferrebatur
 hic titulus, *Pater patria*: & habebat is titulus aliquid
 C Regis aut Imperatoris nomine magnificentius. Hujus
 inscriptionis honorem tua Majestas multis nomini-
 bus promeretur, ac possidet multo gloriosius impres-
 sum mentibus hominum, quam si columnis aut statuis ef-
 fet expressus. Porro non minorem tibi curam esse *Chri-*
stiana Religionis, declarat totius vitæ tuæ integritas.
 Ad hæc templa divorum ingenti munificentia structa,
 locupletata, ornataque. Postremo *Prussia*, quoniam
 hæresi corrumpi cœperat, in potestatem accepta, ac
 emendata. Tali animo non possunt non vehementer
 displicere hæc Principum tanta dissidia. Qui si tan-
 tum inter se conflictarentur, esset tamen bellum, non
 dicam civile, sed plane parricidiale. *Plato* civile bel-
 lum esse putat, quod *Græci* gerunt adversus *Græcos*.
 D At *Christianus Christiano* propius junctus est, quam ci-
 vis civi, quam frater fratri. Nunc hæc Monarcharum
 inter ipsos conflictatio *Turca* viam aperuit, ut pri-
 mum *Rhodum*, nuper etiam *Ungariam* invaderet. Fuit-
 que nimium felix crudelitas, altius etiam ad nos pe-
 netratura, nisi concordia junctis umbonibus obstiteri-
 mus. Quem *Christiani* pectoris hominem non ista dis-
 crucient? Verum, iis etiam atrocius est, quod, dum
 Principes inter se dissidiis tumultuantur, funditus pe-
 rit Religio *Christiana*, laxatis etiam rerum compagi-
 bus, confusoque publici status ordine, ut qui parere
 debebant, postulent imperare majoribus. Nec hic
 E simplex discrimen est. Utraque pars ut habet quæ-
 dam non adspernanda, ita mixti sunt etiam illis, qui
 sub Ecclesiæ vexillis militare videntur, quos apparet
 victoriam *Christo* debitam ad se rapturos, nisi summo-
 rum Principum auctoritas, & illorum insanos tumul-
 tus coerceat, & rapinam prohibeat. Ita fieri poterit,
 ut ex hoc amaro pharmaco, quo torquetur mundus,
 aliquid bonæ sanitatis consequatur, ac victoria cedat
 non hominibus, sed Ecclesiæ Principi *Christo*, cui
 debetur omnis gloria: qui fortassis ideo passus est has
 rerum humanarum procellas incidere, ut quosdam
 mundanæ prosperitatis abundantia, velut ebrios, ad
 F *Christiana* mentis sobrietatem expergefaceret. Hujus
 animi dicitur & Cæsar *Carolus*, ut ex literis eorum, qui
 sunt illi proximi, cognovi. His de rebus plura literis
 committere, nec satis tutum arbitror, nec necesse.
 Quandoquidem singularis tua prudentia novit quid si-
 gnificem. Hactenus de pietate. Animi vero celsitudo
 non tam elucet in fortiter gerendis bellis, aut profe-
 rendis regni finibus, quam in his contemnendis, quæ
 nemo contemnit, nisi vere sublimi sit animo. Quis-
 que superior est eo quod potest negligere, quoties id
 suadet utilitas Reipublicæ. Quem ira aut vindictæ cu-
 piditas ad bellum urget, is inferior est affectu suo.
 Quem

1327. ^{An.} Quem ambitio prolicit ad pugnam, inferior est eo quod ambit. Cæterum, qui publicam utilitatem anteponit his rebus omnibus, is demum vere sublimi excelsoque est animo. In necessariis bellis, quæ multa cum *Valachis*, *Tartaris*, *Moschis*, *Prussisque*, non minus feliciter quam fortiter gessisti, plane regiam animi celsitudinem declarasti: sed longe sublimioris animi sunt argumenta, quod cum *Moschis* toties debellatis, inducias habere, quam armis regionem opulentissimam in ditionem tuam redigere maluisti, quum id esset in proclivi, quumque huc procerum cohortatio provocaret, quodque quoniam odio schismatici nominis pacem nonnulli negarent coire posse, non gravatus sis induciarum facere prorogationem. Nec tua refert, quam in partem vulgus hoc tuum factum interpretetur. Prior est apud te publica regni tranquillitas, & *Christiani* sanguinis parcimonia, quam vel armis paranda tantæ ditionis accessio, vel vulgi de te existimatio. Nam, ut eleganter dixit ille, *Vere regium est*, hoc est, excelsissimi cujusdam animi, *male audire, quum bene feceris*. Nec recusasti cum *Turcis* inducias suscipere, libenter etiam cum *Scythis* foedus initurus, nisi feræ potius quam homines, non desinerent sceleratis incursionibus vexare ditionem tuam: quorum efferam & intractabilem immanitatem, à tuorum fortunis ac cervicibus depellere, pietas est verius quam bellum: & si bellum est, ejus est generis, ut quoniam vitari nullo modo potest, non absque nefario scelere prætermitteretur. Ad hæc quum tibi toties adversus *Prussios* bellanti, feliciter ceciderit Martis alea, tamen amore pacis, maluisti *Prussia* Duci nonnullam ejus provinciæ portionem concedere, quam totam armis, quod tibi tacillimum erat, tuo subjugare imperio. Ejusdem celsitudinis erat & illud, quum *Germania* Principes decem millia peditum, duo equitum millia misissent Duci suppetias adversus *Polonos*, non passus es tuos, longe numero superiores (erant enim equitum sexaginta millia) cum paucioribus congregi, tantum octingentis tuorum hoc negotii datum, ut qua proficerentur *Germani* milites, commeatum aut præriperent, aut interciperent. Ita factum est, ut & illi fame moniti, domum se reciperent, & tua clementia sanguinis humani jacturam vitarit. Quid ego nunc commemorem, quod post *Christiernum* Regem ditione pulsus, ultro delata *Norvegia Suetiaque* regna constanter recusasti, ne tuis, hac occasione, belli materiam accereres? Non sunt vetera quæ narro, sed illud recentius, quod nuper extincto *Bohemia Hungariaque* Rege, qui tibi fuit ex fratre nepos, cum ad te successio propinquitatis etiam jure pertinere videretur, adeo non ambisti, ut missis Oratoribus, admonueris illos, eum sibi Regem adficerent, quem suæ regioni maxime profuturum judicarent, te tua sorte contentum esse. Nec his contentus, simul ut intellexeras res inter *Ferdinandum* & *Joannem*, qui regni titulum usurparat, ad arma spectare, misso Cancellario tuo, spectabili ac magnifico, *Christophoro à Schydlovietz*, castellano & capitaneo *Cracoviensi*, quem virum habes unum omnium & prudentissimum & integerrimum, effecisti ne prius bellum susciiperetur, quam omnibus tentatis, quæ bellum possent excludere. Hæc arguunt animum vere sublimem, & omnibus mortalium rebus excelsiorem. Quanquam ex iisdem jam arbitror perspicui singularem quandam tuam prudentiam, quam in te, tum ætas, tum plurimarum rerum usus absolvit. Dulce quidem bellum inexpertis, sed ille per tenebras ac procul cernit, qui pacem iniquam anteponit æquo bello. Quod si Principes tuum exemplum sequuti, contentis privatis affectibus, velut è sublimi quadam specula deflecterent oculos ad pietatem, hoc est, ad *Christi* gloriam, & gregis *Christiani* salutem, priusque ducerent publicam orbis tranquillitatem, quam, nescio quæ, privata commoda, quæ & crebro fallunt, & ut non fallant, nimio emuntur: primum ipsi concordia juncti multo felicius ac magnifi-

^{An.} centius regnarent, & *Turcam* facile depellerent à *Christianorum* cervicibus, & hoc exitiabile diffidium Ecclesiæ, bonis rationibus componerent. Nunc verebræ ne sint, qui pietatis inopia, publicum malum conentur in suum privatum bonum vertere, aut ob animum veræ celsitudinis expertum, non possint publicæ tranquillitatis studio quicquam de suo jure concedere, aut ob rerum imperitiam, malint bellum quam pacem, quum bellum nunquam sit suscipiendum, nisi quum citra crimen impietatis vitari non potest. Quod si Principes hæc sinceris & *Christianis* agerent animis, adesset ipse *Christus* consiliorum ac foederum prospicator, daretque rebus lætiorem eventum quam ipsi queant optare. Nunc ut pleraque bella, vel ira, vel ambitio, vel alius quispiam privatus affectus suadet potius, quam pietatis, aut Reipublicæ respectus: ita foedera videmus infirma temporariaque, quodque gravius, sæpenumero seminarium præbent bellis. Illud optare magis possum quam sperare, quod tamen arbitror ad conservandas Principum amicitias, & rerum publicarum tranquillitatem cum primis facere, si Principibus persuaderi possit, ut ditiones procul diffitas recusent. Quantum enim calamitatum invexit *Gallia*, toties petitus ac repetitus *Mediolanum*? Quid esset eo regno florentius, si *Neapolin*, si *Longobardiam*, si *Insubriam* olim neglexisset? Ut naves quædam majores sunt, quam ut gubernari possint, ita difficillimum est ditionem ultra modum latam feliciter administrare. Id vero multo difficilior, si ditionis portiones longis intervallis distractæ sint. Jam augendæ ditionis cupiditas finem non habet, ut nonnullis tale quiddam usu venire videatur, quale solet iis, quibus studium est sacerdotia sacerdotiis accumulare. Quicquid enim emolumentum ex mediocribus corraserunt, hoc in majus aliquod absumunt, ac multorum fructus una Episcopi dignitas absorbet, & hujus quoque proventibus emitur Archiepiscopi titulus. Demum Cardinalitii nominis gloria, quot dignitatum, quot Abbatiarum census devorat! Hæc nimirum sunt argumenta parum sublimis animi, nullum posse pati se majorem. Ille demum magnus excelsusque est, qui nec inferiores fastidit, nec superioribus invidet, hoc agens, non ut quam latissime regnet, quod sceleratis etiam aliquando dedit fortuna, sed ut quod sortitus est regni, quam optime administret. Verum quoniam nunc successio regnorum, partim affinitate, partim cognatione transit ab aliis ad alios, optare, ut dixi, facilius est, quod arbitror optimum, quam sperare. Jam nec pium est, nec animi mei, quem *Christus* totius Ecclesiæ suæ præsidem esse voluit, ejus auctoritati quicquam detrahere: tamen si verum fateri volumus, & ipse felicius ageret, & summi Principes minus frequenter hujusmodi bellis inter se conflictarentur, si bona ipsius pace persuasus, cum nullo Monarcha foedus iniret, sed ex æquo se patrem præstaret omnibus. Nunc ex hujusmodi foederibus, toties istis, rescissis, repetitis, relictis, quantam vidimus ac videmus exoriri materiam, vel excitandi bella, vel alendi? Quid hic attinet exempla ab annalibus repetere, quum his annis viginti, tam multa conspexerimus oculis nostris? Sed ego jamdudum abutens tua lenitate, Rex invictissime, septa, quod ajunt, transilio: itaque desinam, hoc ardentissimis votis comprecans, ut Deus nostri miseretur, tuis sanctissimis conatibus det exitum, ista pietate, ista animi celsitudine, ista prudentia dignum. Tuamque Reginam Bonam, optimo Regi junctam, diu felicem servet, & regno, & Reipublicæ *Christiana*. Datum *Basilea* 15. Maji, Anno Domini 1527.

EPISTOLA DCCCLXI.

Erasmus Rot. clarissimo viro Christophoro à Schydlovietz, &c. regni Polonia Cancellario, S. D.

LENTIVS inter nos commeant epistolæ, vir ornatissime, quanquam tua satis mature pervenit, scripta
Tom. III. Q99 ad

An. ad Cal. Martias reddita est ante Idus Majas : nam su-
 1527. spicor vos novum annum auspicari à Paschali die. Do-
 minus in Euangelio beatos pronunciat pacificos, quo
 in negotio quoniam tu nunc optimi Regis jussu ver-
 saris, precor ut quod agis succedat, multosque tua
 prudentia reddas beatos : hac de re scripsi nonnihil &
 inclyto Regi *Polonia Sigismundo*, jam semel atque ite-
 rum ornatissimi juvenis *Joannis à Lasco* literis provo-
 catus. Id enim tanto studio à me contendit, ut exi-
 stimem eum non sine causa sic esse animatum. Hæc
 ætas Principes habet fere juvenes, quo magis oro, ut
Deus Sigismundum nobis diu servet incolumem, cujus
 pietas, animi magnitudo, singularisque prudentia, ac
 plurimum rerum usus, salubribus consiliis plurimum
 prodesse poterit, & Principum commodis, & Reipu-
 blicæ tranquillitati. Munera tua plane tuo digna sunt
 animo, sed tamen in ratione tuorum in me merito-
 rum, novissimam pene lineam occupant. *Antoninum*
 meum tibi charum esse gaudeo; nullum adhuc inge-
 nium expertus sum illo candidius, nisi talis esset *Joan-
 nes à Lasco* Præpositus *Gnesnensis*, ut ne fingi quidem
 possit quicquam amabilius, cujus equidem amicitiam
 in præcipua meæ felicitatis parte duco. Habes episto-
 lam mea manu, sed vereor ut legas. Languēbam ad-
 huc à vehementissima diarrhœa. Dominus te servet
 incolumem. Datum *Basilea* 16. Maji, Anno 1527.

EPISTOLA DCCCLXII.

*Erasmus Rot. ornatissimo viro Joanni à Lasco, Pra-
 posito Gnesnensi, S. D.*

QVAE misimus bona fide reddita profecto valde
 gaudeo : nam ea res habebat me sollicitum, ut
 nunc est incredibilis hominum perfidia, dum ubique
 de fide disputatur. Nonnihil etiam metuebam ne quid
 tibi tuique fecus quam vellem accidisset. Enchiridion
 apud *Hispanos* vulgari sermone versum est & excusum
 ingenti Monachorum tumultu, verum is impegit in
 potentes *Erasmi* patronos, in quibus erat & *Cæsar*,
 cujus epistolam, ni fallor, ad te misi proximo merca-
 tu. *Beato Rhenano* protinus tuas literas perferendas cu-
 ravi : nam agit *Seletstadii* profugus hinc & pestis & dis-
 fidiorum odio. Non dubito quin & hujus & *Glareani*
 libellum jam acceperis. *Glareanus* suum publice præ-
 legit. Regi, quando toties huc provocas, scripsi, sed
 exemplum ad verbum descriptum his inclusi, ut si vi-
 deatur premas : difficile est enim Regibus scribere,
 veruntamen, quod te nescire nolim, hujus rei men-
 tionem feci in literis ad *Christophorum* Cancellarium
Cracoviensem. Aliquot ex hostium numero perierunt;
Lovanii Egmundanus Carmelita vomitu præfocatus,
 quum ipse paulo ante publice vociferatus esset in *Joan-
 nem Navium*, quod paralyti correptus, intra sex ho-
 ras efflasset animam. Periit & *Vincencius* Dominica-
 nus, in quem est una mea epistola, titulo pertinacis-
 simi obtreptatoris; periit & *Rosmundus*, vir melior
 quam pro vulgari sorte Theologorum, perierat ante
Dorpius noster. *Colonia* periit *Jacobus Hochstratus*,
 coryphæus hujus Tragoediæ, qui tamen in morte di-
 citur nonnullis verbis prodidisse parum sinceram con-
 scientiam. His omnibus precor Domini misericordiam.
Jacobus Faber hinc honorifice revocatus est in *Galli-
 am*, cesserat enim metu, & est Regi charissimus. Is
 quoque, quem *Bedda* destinarat holocaustum, vir bo-
 nus est, ut audio, & Regi cum primis charus, quem
 Rex noluit vi subducere periculo, sed passus est causam
 agi, donec ipse veniret *Lutetiam*. Habes exemplum,
 quod nisi crebrius edatur, insilient tenebriones in ca-
 pita Principum, fidei propugnandæ titulo. Utinam Rex
 in cæteris omnibus perinde felix fuisset. Cur hunc
 amicum Regis, absente Principe, decreverint immo-
 lare, præcipua causa fuit, quod *Paraphrases*, & alios
 aliquot libellos meos *Gallice* versos, pararet edere : sic
 enim sibi persuadent quidam pseudo-Monachi, si *Era-
 smus* coeperit vulgo loqui, retegantur nostra menda-

A cia, quibus illum apud mulierculas & idiotas hætenus An.
 invisum reddidimus. Res enim ipsa coarguet vanita- 1527.
 tem nostram, declarans eum esse alium quam nos de-
 pinxeramus. Itaque nihil arbitror esse conducibiliu
 vel ad illorum prodendam malitiam, vel ad meam i-
 nocentiam approbandam, quam ut ea, quæ scripsi, c
 recte vivendo præsertim, versentur in populi man-
 bus. Neque id fugit istos *Pharisaicos*, eoque magi
 conspiratione hoc agunt, ne qua id fiat. Verum omni
 istorum conatus pene videmus in diversum caderi
 Quamquam istud tuum ingenium dignum est, quo
 melioribus occupetur argumentis, etiamsi neminer
 arbitror id posse præstare felicius. Illud arguit mit
 B singularem quendam animi in me candorem, quod
 contempta omni invidia, cupis omnibus mortalibu
 esse notissimum, quanti me facias, nec recusas discipu
 li titulum, modo talis habearis, qui *Erasmi* causa ni
 hil non sis tum passurus, tum facturus. Ego vero, m
Joannes, nimis impudens fuero, si juvenem summi
 natum rebus, & jam nunc nullo non doctrinæ gener
 me superiorem, patiar credi meum discipulum : sed ta
 men homo sim insigniter ingratus, si tam amantem
 tam constantem, tam candidum patronum patiar obli-
 vionis tenebris obliterari. Refert enim hoc omnium
 ut tam rarum benevolentiae exemplum ad postero
 transeat, præsertim his temporibus, quando nulla sunt
 C amicorum juga, nisi quæ conföderavit conspiratio.
 Verum utinam adesset is scriptis meis genius, ut quo
 tuis meritis dignum est possint efficere, vel in hunc
 usum optarim mihi temporariam *Ciceronianam* felicitate
 tis usuram. Certe deligetur argumentum per se plau-
 sibile, & addetur à nobis plusculum in expolienda di-
 ctione curæ, quo magis ad posteros transeat. Id qu
 minus antehac sit factum, ut ingenue dicam, religio
 quædam obstitit, qua me per tuas literas liberatum
 esse gaudeo. *Glareanus* unus sustinet hic causam disci-
 plinarum, frequenti auditorio proficitur tuum libel-
 lum; alii, quamvis eruditi, vix habent sex auditores
 nec id constanter, hic habet sexaginta, & in dies cre-
 D scit numerus. Arbitror hoc esse tui genii, nam omni-
 no præter hujus Academiæ morem est. Primum in
 hoc gratificaberis homini, si adolescentes aliquot, alio
 fortassis literarum discendarum gratia profecturos, ad
 hunc mittas : nam quoniam inhabitat collegium, præ-
 dagogum agat oportet annis aliquot. Miror in literis
 tuis nullam esse *Hieroslai à Lasco* mentionem, utrique
 tamen ex me salutem dices plurimam : nam & *Stansi-
 slaum* isthic adesse gaudeo è *Gallia* reducem. Cura va-
 letudinem tuam diligenter. Datum *Basilea* 17. Maji,
 Anno 1527.

EPISTOLA DCCCLXIII.

*Erasmus Roterodamus Andrea Critio, Episcopo
 Ploens, S. D.*

ORNATISSIMÆ Præsul, Libellum tuum degu-
 stavi verius quam perlegi, nec dubito quin totus
 sit placiturus ubi totum perlegero. Video strenuum
 propugnatorem Ecclesiæ, verum non arbitror tuam
 istam prudentiam egere monitore : alioqui vel admo-
 nerem, vel rogarem, sic depugnaret adversus hostes
 publicæ tranquillitatis, ut victoriæ gloria non homi-
 nibus cedat, sed *Christo* : nam quemadmodum in pu-
 blico civitatis incendio multi solent esse, qui prædæ
 intenti commune malum vertunt in privatum bonum :
 F ita in hoc orbis fatali tumultu, non dubito quin vi-
 deas plurimos in hoc intentos, ut ad se rapiant victo-
 riam, uni *Christo* debitam. Ex hoc tam violento phar-
 maco, quod fortasse *Deus* corrigendis vitiis nostris
 immisit, tantoque motu concussit totum Ecclesiæ cor-
 pus, optarim aliquid bonæ sanitatis proficisci. Nunc
 quis erit fructus, si qui præsunt Ecclesiæ, quorum non
 pauci sunt tales, ut ipso propemodum mundo videan-
 tur mundaniores, eos habeamus aliquanto quam ante-
 hac fuerunt profaniores : si Principes, præsertim hosce
 mi-

Ad. 1527. minutos, ex praeda rerum ecclesiasticarum ad luxum & aleam instructiores: si Monachos, quorum tyrannidem jam olim suspirat orbis, posthac habeat ex victoria ferociore? Non quod non arbitrer inter hos esse viros pios, prudentes & eruditos, sed inter eosdem nimis multos videmus, qui ventri suo serviunt, non *Jesu Christo*; & dum suo quisque ordini valde favet, negligitur ordo *Christi*. Accidit, ut video, tibi, quod & proverbio dici solet, Dediti malum & accepisti, qui ἀλμυρὸν γαστήρημα, nihilo commodiore permutasti. De libertate frustra tibi blandiris. Semel aulæ frenum momordisti; sessorem perferas oportet. Quanquam est istud è re publica, ut homines eruditi ad publicam auctoritatem functionemque pertrahantur. Dulce quidem est ocium studiorum, sed homo non sibi nascitur tantum, verum etiam patriæ. Habes à *Lasco* miserabile spectaculum, quod iis, qui *Erasmo* male volunt, citius possit esse in deliciis quam tibi, nisi forte pictor vestris blanditus est affectibus. Nam istam imaginem inscio me suffuratus est. Utinam imago, quam lubricationibus meis expressi, probetur tibi tuique similitudinem iudicio. Hæc ad literas tuas, quas tu vento commiseras, quemadmodum scribis, vix aliæ celerius pervenere. Opto R. T. Amplitudini felicitatem in Domino perpetuam. Datum *Basilea* 17. Maji, Anno 1527.

EPISTOLA DCCCLXIV.

Erasmus Rot. Francisco Hasseltensi Franciscano S. D.

HONORANDE in *Christo* frater, Audio te frequenter in tuis prælectionibus nomen meum perstringere. Quod si verum est, moneo ut memineris quid Ordine vestro dignum sit. Scis nec Pontifici, nec Cæsari probari tales insectationes, quod uterque satis declaravit, etiam scripto. Scis inutiles esse hoc statu rerum, quo meum caput pro negotio fidei tot expono periculis. Ego nullius ordinis sum hostis, vestrae vero congregationi, quoniam cæteris est incorruptior, semper unice favi. Si quid scriptis admoneo, pro vobis facit, non contra vos, qui talia non probatis. Quod si cupitis pristinum orbis favorem vobis instaurare, his rationibus id faciatis oportet, quibus eum primum peperistis. Peperistis autem vitæ sinceritate, non conspirationibus, aut obtrectationibus. Quos tumultus tui sodales moverunt in *Hispania*? Quid profecerunt? Exacerbant omnium odium. Idem accidit in *Polonia* & *Ungaria*. Ego, nisi *Christum* haberem præ oculis, & si te fortassis non possum lædere, possem Ordinem tuum lædere magis quam credas. Ad quod tamen nunquam provocabor. Quo minus decet vos ad hoc lacessere. Jampridem clanculariis consiliis libros meos emovistis è bibliothecis, in quibus locum habent aliorum virulentæ calumniæ. Hoc dissimulavi, nec magni facio. Si pietatis negotium agetis sincere, Dominus prosperabit quod agitis: sin agetis technis & callidis conspirationibus, omnia, crede mihi, recident in diversum. Dominus tecum. *Basilea* 18. Maji, Anno 1527.

EPISTOLA DCCCLXV.

Erasmus Roterodamus Andrea Zebridovio S. D.

FACIT hoc tum amicitia non vulgaris, quæ mihi jampridem cum ornatissimo Præsule *Andrea Crio*, mutuis conglutinata literis, intercedit, tum eximia quædam & tali digna avunculo indoles tua, quam mihi suis literis admodum graphice depinxit *Leonardus Coxus*, adolescentiæ tuæ formator, ut te vel salutare sim ausus, vel ad optimorum studiorum amorem incitare, licet id quidem currentem, ut ajunt, si modo vera scribit *Coxus*, cujus apud me fides est gravissima,

Nil opus admissio subdere calcar equo.

Verum ut in isto pulcherrimo stadio, *Zebridovi* charissime, semper teipsum alacritate superes, habes per multa, quæ debeant animum tuum accendere. Primum

A enim ista tam felix indoles nihil de te non eximium An. pollicetur: nonnihil etiam expectationi addit *Coxus* in- 1527, stitutor, hoc est probæ materiæ probus artifex. Ad- do jam quod fortuna, quæ dum est iniqua, multorum generosos conatus retardare solet, tuo subservit ingenio, tum ampla, tum obvia. Sed illud in primis non te patietur segnescere, quod exemplar habes domesticum tibi prælucens, in quo, velut in speculo, virtutis & eruditionis absolutissimam imaginem, cernis expressam, *Andreas Andrea*, nepos avunculo respondeas oportet. Exigit efflagitatque hoc abs te genus tuum, exposcit idem patria. Maeste igitur animi *Zebridovi*, fac indefatigabili studio contendas ad hujus laudis palmam. Aderit conanti Deus, qui in hoc ipsum te tantis naturæ fortunæque commodis ornavit, ut opulentæ forti dignam industria tua jungeres usuram. Memineris optimam ætatis portionem esse fugacissimam, nec unquam recurrere semel elapsam. In præsentia non licuit tecum pluribus. Bene vale. Datum *Basilea* 21. Maji, Anno 1527.

EPISTOLA DCCCLXVI.

Erasmus Rot. Leonardo Coxo Anglo S. D.

VTINAM, mi *Coxe*, tam esset in proclivi rescribere omnibus, quam est redamare quotquot nobis bene volunt. Verum studiorum labores plusquam totum tempus sibi vindicant, in tantum ut nec ægro- tare vacet, nec mederi corpusculo, tantum abest ut liceat omnium epistolis respondere. Epistola tua, proxime scripta, fuit undique jucunda, præterquam duabus partibus, quarum altera laudibus immensis oneras me verius quam ornas, etiam si hoc quoque molestiæ leniit animi tui candor, unde certum habeo quicquid istud est erroris proficisci: altera nuncios *Justi* nostri valetudinem adversam, cui viro, ut promeretur, optarem omnia esse prosperrima. De fracto scapulae ossæ, pridem ipse mihi scripserat. An aliud accesserit malum nescio, per hunc grammatophorum nullas ab eo literas accepi. Ecclesiastæ *Cassoviensis* animum satis admirari non possum, censeo fortunam amplectendam, vel ob id quo pluribus prodesse queas, vel ob hoc ne pessimo cuique sis contemptui. Et si qui dignitate præminent non possunt omnia corrigere, quæ geri conspiciunt vel à populo, vel à Principibus, tamen non parum malorum possunt excludere. Si nos invisat, reperiet nihil aliud, quam pro thesauro carbones. *Joannis à Lasco* tale sum expertus ingenium, quotidieque experior, ut vel hoc uno amico mihi videar sat beatus. *Anianum* nostrum apud te vivere gaudeo. Habes felicem materiam, artifex probus, quem quidem ἀσφαλὲς αἰὲν ἐπὶ. *Crispi*, jam commutato nomine *Plocensis* Episcopi, literis respondi. Oportet istam Ecclesiam Deo charam esse, cui perpetua serie contingere tres tales Episcopi, qualis unus vix multis annis contingere solet aliis. *Copia* ante menses sex rursus edita est, multis modis à me locupletata, quam editionem ad te mit- tam, si hic non gravabitur sarcinulam. De *synere* quod quæris sic habet res: Ante annos ferme vigin- ti quum *Sena* fingerem ingenium *Alexandri* Archie- piscopi *S. Andrea*, fratris hujus, qui nunc *Scotia* re- gnum tenet, nactus sum *Aulum Gellium* pervetustæ editionis, & ni fallor, primæ. Mihi videbatur cæ- teris quas videram emendatior. Illic & *Græce* & *Latine* habebatur *synere*. Quanquam autem ex in- terpretationes quæ initium habent ab *Id* est, non sunt *A. Gellii*, tamen ejusmodi videntur, ut arbi- trer ipsum nihilo melius fuisse sua redditurum. Nunc etiam in *Aldina* editione video scripturam utranque mutatam, pro *synere* repositum *συνήμων*, & metri qui- dem constat ratio, verum an germana sit lectio nescio. Ego suspicabar *synar* talem esse vocem qualis est piper. Nihil tamen hætenus apud Auctores comperi quod mihi satis arrideat. Nam *cynnara* naturam non describit *Plinius*, nisi quod hujus gustu cervum ait

Tom. III.

Qqq 2

me-

An. mederi sibi, pabulis toxicis gustatis. *Hesychius* refert
1527. *cynarum*, quem alii *κυνόσατον* appellant. Verum, hoc
quoque *ἰδὲν πρὸς ἐπὶ*. Proinde mihi videtur optimum
eam vocem eradere, id quod editione novissima factum
arbitror. *Zebriovio* tuo scribam, si quid omnino dabi-
tur ocii. Datum *Basilea* 21. Maji, Anno 1527.

EPISTOLA DCCCLXVII.

Erasmus Rot. Medico cuidam S.

EVM, qui tuas reddidit, nondum alloquutus sum. Quum
huc veniret eram occupatissimus in *Origene* verten-
do, cujus fragmentum in *Mattheum* nacti sumus:
quum rediret, obortus erat intolerabilis dentium cru-
ciatus, adeo ut nec loqui possem, nisi exasperato ma-
lo, propter haustum aerem. Media æstate passi hic
fumus hyemem. Pro commonstrato remedio gratiam
habeo maximam, etiam si mihi non cum arenulis, sed
cum saxis res erat, unde medici *λίθωσι* appellant. Ve-
rum, hoc malum in aliud est commutatum, quod per-
petuam habet molestiam, sed dolore tolerabiliore. Id
ni factum esset, jam ab his tumultibus liber esset
Erasmus. Fuit apud nos *Gervasius* Theologus vere can-
didus, cujus colloquium mihi magno fuit solatio.
Claudio Felici multam opto felicitatem. Quod me a-
mantissime consolans adversus hominum invidiam, vel
malitiam potius, scito me non tam mea causa dolere
quam *Christiane* religionis nomine, quæ tales habet
& doctores & propugnatores. De me meisque studiis
viderit *Christus*. Et utinam præter *Beddam* ac *Suto-
rem* nullus esset eadem infectus malitia. Reverendo
Præsuli tuo meis verbis plurimam dices salutem. Bene
vale. 23. Maji, Anno 1527.

EPISTOLA DCCCLXVIII.

Erasmus Rot. Nicolao Cannio S. D.

QUANTA est felicitas Astrologorum, *Nicolae* cha-
rissime, qui ex astris norunt sibi dies & horas for-
tunatas eligere. Si biduo serius hinc abisses, habuisses
facundum viæ comitem, qui tibi *πεζέδοντι* pro vehi-
culo fuisset. Totus enim scatet fabulis lepidissimis, &
ut scis, maxima laboris pars, est laboris imagina-
tio. Extrusi tamen ocyus hominem tua causa, nec
is dubitat, quin te intra triduum sit assequutus.
Novit, opinor, tuam celeritatem ubique *βραδέως*
αὐδόντι. Multis de causis cuperem te, mi *Can-
ni*, quam primum ad nos recurrere. Scis enim quam
ægre caream opera tua, præsertim in describendis
Gracis. Verum quoniam tibi res erit cum mari nau-
tisque nihilo mari mitioribus, nonnunquam & per
regiones iter futurum est latrocinii infames, nullum
certum diem tibi præscripsi. Facit tamen tua mihi
frequenter aliis in rebus perspecta fides, ut confidam
te nusquam cessaturum, nisi si qua urgeat necessitas.
Malo enim te serius, sed incolumem, redire, quam ob
celeritatem vel te periclitari, vel mea negotia non re-
cte peragi. Ita fugias, ait proverbium, ne præter ca-
sam. Et paucioribus amicis per te scripsi, *ὅτι ταῦτα*
μᾶλα Λακωνικῶς, quod nihil fere rerum mearum tibi
sit incognitum, quodque tuæ prudentiæ non medio-
criter confidam: semper enim, ut nosti, te amici
loco magis habui quam famuli; non falles, opinor,
hanc meam de te fiduciam. In revisenda *Hollandia*
nolim te profectionis dispendium facere. Quid enim eo
te vocet, nisi computationes aliquot, quæ nec in-
genio tuo, nec valetudini conveniunt? Est aliquid vi-
dere illam doctorum omnium literis celebratam *Br-
tanniam*, & ad morum civilitatem simul & prudentiam
conducat, cum tot *Anglia* magnatibus, cum tot eru-
ditissimis viris fuisse congressum, quorum tamen hu-
manitas singularis, cave ne te reddat negligentem, aut
audaculum, sed, utcunque illi se submitunt, tu sem-
per fac ut tuæ modestiæ memineris. Heroes illi non
semper hoc animo sentiunt, quod vultu præ se ferunt.

A Ut olim cum diis, ita nunc cum summatibus viris reli-
giose loquendum est. In recipiendis munusculis (nam
est ea gens non minus liberalis, quam parca *Braban-
tia*) veteris proverbii memineris, *ἔτε πάντα, ἔτε πάν-
τη, ἔτε πάντα πάντων*. A beatis ac sinceris amicis si quid
ultro deferetur, accipito, sed cum grati animi testifi-
catione. A mediocribus aut frigidis amicis si quid
offeretur, excusato, sed civiliter. Est enim plus ar-
tis bene recusare beneficium, quam bene accipere.
Sunt tamen qui quum parum sint amici, tamen palam
fiunt inimici, si recuses quod offerunt. Interpretan-
tur enim aut muneris exilitatem contemni, aut se esse
invisos: horum animo cedendum est, sed oratione
quam maxime plausibili. Absit autem ut usquam præ-
te feras sordidum animum, & hujusmodi prædularum
avidum: quod nisi me prorsus fallit mea de te opinio,
vel non monitus eras facturus. Alioqui malim de meo
sumas decuplum. Nec convenit ut admodum horreas
fretum *Caletense*, *ζῶον θαλάσσιον*, ac propemodum in
fluctibus natum, si modo satis olim contemplatus sum
tuum *Amstelredamum*. Est sane quum molesta tum
sumptuosa trajectio, sed ut brevis, ita non admodum
infamis naufragiis. Et si quid illic erit molestiarum,
olim meminisse juvabit. Sed transmissio mari, aliud te
periculum excipiet tibi fortasse gravius. Nosti pro-
verbium, *βάταν ἐπὶ πύλιν*. Cæterum *θάρος*, equi sunt
prudenterissimi; norunt viam, nec egent calcaribus:
tantum illis permittite frenum, non desistent currere,
donec te quo conducti sunt, vel sarcinæ in morem,
pervexerint. Cum populo facile tibi conveniet, si
polypum imitaberis, aperi caput, da dextram, cede
locum, arride quibuslibet, sed ita ne cuiquam fidas
ignoto. Inprimis cave ne quicquam ejus regionis con-
temnas damnesve. Est enim ea gens mire *φιλόπατρις*,
nec id sine causa. Habet enim eximiam regionem,
quanquam omnes in admiratione rerum patriarum *φι-
λαντοι* sumus. Solent enim quidam inciviles illico da-
mnare, si quid insolitum viderint, ut nulla fere pla-
cet musica, nisi cui assuevimus. Hæc quum magna
ex parte te monuerim abeuntem, & si non monui-
sem tamen sperarem te pro tua prudentia functurum
officio tuo; tamen posteaquam & hic tam certus obtigit,
& aliquid ocii datum est, visum est inculcare denuo,
ne quid excidat. Nihil enim nocet interdum & me-
morem monuisse. Precor ut alacris ac re bene gesta
ad nos quam primum redeas, teque tuis Musis reddas,
ut hoc dispendiolum vigilantia sarcias. Bene vale, &
si quem forte nactus eris in itinere certum *γραμματο-
φύρον*, fac paucis perscribas, si quid erit, quod nostra
referat scire. Datum *Basilea* pridie Ascensionis Domi-
nicæ, sive 29. Maji, Anno 1527.

EPISTOLA DCCCLXIX.

Erasmus Rot. Tielmanno à Fossa S. D.

FERREIS xeniis ad amicitiam provocatus, charta-
ceis respondeo, non quidem æreis aurea, sed ta-
men accepta pensans deterioribus. Adeo vero non ad-
spersatus sum hoc qualecunque munusculum, ut hinc
etiam collegerim te sincerissimo animo de meis mori-
bus quam optime sentire. Alioqui solent & qui pre-
ciosa mittunt multis verbis precari veniam, quod me-
ritis inferiora mittant. Itaque munusculi tui vilitas,
mihi precium ipsius auxit, & isti tam benevolo pecto-
ri me profiteor adstrictissimum esse, id quod hoc epi-
stolio, veluti syngrapha legitima, singulis & univer-
fis contestatum esse volo. Opto tibi prosperam valetu-
dinem. Datum *Basilea* pridie Ascensionis, hoc est,
29. Maji, Anno 1527.

EPISTOLA DCCCLXX.

*Guilhelmo Waramo, Archiepiscopo Cantuariensi, Era-
smus Roterd. S. D.*

VEREOR ne tuam reverendam amplitudinem lite-
ris ac nunciis meis obruam: sed præter expectatio-
nem

An. neam incidit quiddam, ut hic famulus meus *Nicolaus* 1527. *Cannius*, mihi maxime necessarius ac fidelis, fuerit isthuc mittendus, non sine gravi meo incommodo. Scripsi nuper misique *Hieronymum* inauratum, quæ volumina si perlata sunt, vehementer gaudeo. Toties enim exerior summam in huiusmodi rebus hominum perfidiam. Hic omnia videntur ad res novas spectare, ac metuo cruentos tumultus, tam late radices agunt hæ factiones, nemo credat, nisi viderit. Mea senectus in hæc tempora satis infeliciter incidit. Ab Ecclesia non possum recedere. Et diversa pars habet populum, cui foederatus esse nolim. Monachi ferocientes exasperant hanc Tragœdiam in suum malum. Et ille vestras in *Hispania* strenue navat operam, oblitus suæ legationis: quum sciat me gratum Cæsari & *Hispania* primatibus. Mala mens, malus animus. *Roma* turbatissima sunt omnia: nec epistolis patet iter: putant foedus Cæsari cum Pontifice coitutum. Hoc quam diu permittunt Principes, ut Pontifex nunc cum hoc, nunc cum illo pangat ac repingat foedus, vereor ne nunquam futura sit pax in orbe. Pontifex deberet esse pater æquus omnibus. Sed Principum ambitio, odiaque, hæc aut non vident, aut si vident, affectibus suis obtemperant potius quam rationi. Vereor ne non liceat hic diu sedere: verum hæc *Christo* sunt committenda. Cætera, si vacabit, cognosces ex hoc *Cannio* famulo meo, quem experieris minime vanum, aut futilem. Dominus te conservet incolumem. *Basilea* pridie Ascensionis, sive 29. Maji, Anno 1527.

EPISTOLA. DCCCLXXI.

Erasmus Rot. Ludovico Vivi S. D.

VIDEO te factum *ζῶν ἀμφίβιον*, nisi mavis dici *Mercurius* superis deorum gratus & imis. De silentio meo multas tu quidem causas recte conjectas, unam addere debueras, quod aliquoties data non redduntur. De Colloquiis demiror tanto patrono vel in pessima causa deesse rationes, nunc inter pueros talia disputantur, & ὁ ἡμιόλιος sua pueris scripsisse videtur, tam scripsit pueriliter, postremo grandescunt pueri. Itaque jam adultis magis seria conveniebant. Verum, ut ingenue dicam, perdidimus liberum arbitrium. Illic mihi aliud dictabat animus, aliud scribebat calamus. Tua mihi valde probantur, maxime quæ de matrimonio. Sed affectas extemporalitatem, quæ tibi sane felicior est, quam multis exactissima cura. Si tamen eum impetum velles moderari, magisque servire iudicio Lectoris, cui agitur fabula, quædam essent molliora. In matrimonio durior videbaris in uxores, opinor in tuam te magis comem esse. Et de scabie nimis multa. Quod tuorum libenter facis mentionem, habes cum *Cicerone* commune, & sane pietatis est; sed invidum est hominum ingenium, alienos laudari ferunt lubentius. Habes meum iudicium, sed de quo tibi vicissim liberum est facere iudicium; obsequium certe probes oportet, qui iusseris. Per hunc rescribes quæ voles. Bene vale. *Basilea* pridie Ascensionis, sive 29. Maji, Anno 1527.

EPISTOLA DCCCLXXII.

Erasmus Rot. Germano Brixio S. D.

OFFICIUM in eum tibi tantopere probari sane majorem in modum gaudeo. Id enim non segnibus votis optabam, verum haud sine metu. Bene cecidisse volupe est. Commentarium in Epistolam ad *Galatas* jam absolvi; addam fragmentum *Origenis*; neque plura licebit hisce nundinis, eo quod non parva temporis portio deceditur in absolvendo *Hyperaspista*. Obstrinxi fidem meam, & hanc magnis convitiis efflagitant amici, non ferentes adversariorum insolentissimas insultationes. Nonnihil etiam operæ dandum *Ambrosio*, qui nunc totus prodit emendatior. Veniet ad te *Babylas*, sed *Grace* loquens, ut per te discat *Latine*.

A *Oecolampadius* satis novit *Grace*, *Romani* sermonis rudior, quanquam ille magis peccat indiligentia quam imperitia. Quod de illo tibi narravit *Lupsetus*, per alios quosdam audaculos factum est, in uno duntaxat Opere, cui titulus, *Commentarius in Matthæum imperfectum*, per hunc factum non esse compertissimum habeo. Hoc facinus per me traducetur, tacitis Auctoribus, ne simili fide tractent cæteros Auctores, quos multos excudunt. Iidem excuderunt *Prudentium*. Nunc adornant *Ciceronem*. Me quidem applausorem habiturus es, non concertatorem. Ad id præstandum in vertendis *Gracis* quod tu præstas, etiamsi mihi non deesset eruditio, deest ocium, defunt qui recognoscant, qui hallucinantem admoneant. Miror in postremis tuis literis nullam esse *Lascaris* mentionem. Si recte valet, facile ponam meam suspicionem. Tantum in præsentia licuit, alias prolixius confabulabimur. Bene vale. Datum *Basilea* postridie Pentecostes, sive 10. Junii, Anno 1527.

EPISTOLA DCCCLXXIII.

Erasmus Rot. Friderico Nausea Ecclesiaste S. D.

M IHI jam pridem exciderat datus annulus, quamquam non exciderat animo, *Fridericus*. Næ tu dignus es maximis, qui sic attollis minima, rectissime iudicans, si munusculi precium animo utriusque metiaris. Opto ut in omnium sanctissimo negotio feliciter verferis, nusquam oculos à *Christo* dimovens, ut illi soli tota cedat victoria. Nec enim magni refert opprimi *Lutherum*, si victoriam intercipient *Pharisei* quidam, qui gloriæ ventrique suo serviunt, non *Iesu Christo*. De *Roma* diri rumores adferuntur, qui sive veri sunt, sive falsi, nullam video spem pacis inter Monarchas. Sed *Christus* omnia vertet in bonum exitum, utinam mature. Hoc scripsi, ne dices nihil esse rescriptum: non enim vacabat pluribus. Bene vale, *Nausea* charissime. *Basilea* postridie Pentecostes, sive 10. Junii, Anno 1527.

EPISTOLA DCCCLXXIV.

Erasmus Roterod. Henrico Aduceatori à Schaffenburgio S. D.

S I Medicus essem, mihi primum essem, cui nunquam non res est cum immanissimo calculi malo. Quum legamus multos eruditissimos viros plane cæcos fuisse, demiror te levius incommodum tam impotenti animo ferre, quod non cernas nisi propius admota; quod vitium si verum est, comperi in plerisque qui ingenio præcelluerunt, quanquam alii levius, alii magis obnoxii sunt. *Alexander, Jacobi Scotorum Regis* filius, quem, opinor, nosse te ex Adagiis, adeo laboravit hoc malo, ut ni naso contingeret librum, nihil cerneret. Proinde si naturæ vitium est, noli pugnare pharmacis, sed adhibe vitrea conspiciilla in hoc attemperata, ut qui pene cæci sunt, cernant etiam procul diffita. Nec tamen omnia congruunt omnibus oculis. Eltgenda sunt è multis, quæ convenient. Sin casus adduxit vitium, leniri potest variis remediis, quæ norunt & Chirurghi. Sed præcipuum est fuga eorum quæ lædunt oculos, inter quæ est studium à cœna, & ad lucernam. Proderit assuevisse, ut, quum licet, auribus studeas potius quam oculis. Tantum nunc licuit ad tuas literas. Bene vale. *Basilea* postridie Pentecostes, sive 10. Junii, Anno 1527.

EPISTOLA DCCCLXXV.

Erasmus Roterod. Guilhelmo Budæo S. D.

QUOD polliceris de *Graci* sermonis Observationibus, quanquam de spe dimidio decidimus, tamen hoc ipsum cupide expectabimus. Illud te latere nolui, huc allatos Commentarios eodem argumento: mihi nondum videre contigit: *Bentinus* habet, & asseverat

An. rat esse non vulgariter eruditos, nomen Auctoris sup-
 1527. preffit, negat tamen esse *Budæum*. Vide ne quis tua
 scrinia compilarit: nam ea suspicio mihi protinus in-
 cidit in animum. Orta est nova quæstio, cui locum
 dedit libellus *Leonardi Portii*, opinor, cujusdam *Vi-*
centini, *De ponderibus ac mensuris*, adeo consentiens
 cum *Asse* tuo, ut nemo dubitet quin alteruter alterum
 compilarit. Quod te scribis offensum ob *Gallos* parum
 honorifice attactos, nihil unquam magis accidit præ-
 ter omnem expectationem meam. Ego fere erga natio-
 nes omnes alba, quod ajunt, sum amissis: attamen si qua
 est in quam sim animo propensior, *Gallia* est. Atque
 hoc nomine non semel male audii, tum apud nostros,
 tum apud *Anglos*, tum præsertim, quum vobis male con-
 veniret cum *Julio*, patrocinantibus summo pastori *Br-*
tannis. Lege *Panegyricum*, quo *Philippo* Principi ex *Hi-*
spaniis reduci gratulor. Et tamen hic affectus naturæ
 videtur, non iudicii. Nulla siquidem natio mihi fuit æ-
 que sterilis atque *Gallia*, si liberalem amicorum bene-
 volentiam submoveas ab hac ratione. Quod præfatus
 in Epistolam ad *Galatas*, attingo *Gallos*, non affectatum
 esse docet illud, quod rem paucioribus verbis ac mol-
 lioribus propono quam fecit *Hieronymus*. Et hoc re-
 tulisse faciebat ad indicandum quid illa Epistola habe-
 ret peculiare. Deinde quod nostri *ἀνοήτους* verterunt,
insensati, ego mitiore verbo reddidi. Nec prorsus ex-
 spectabam, ut ea res ullum offenderet *Gallum*, nedum
 te, quem à teneris unguiculis cum Philosophia versa-
 tum, oportebat ab istis vulgaribus affectibus esse libe-
 rum. Et etiam si quid esset dictum durius in *Gallos* ho-
 rum temporum, quæ natio est non aliquo notata pro-
 verbio? *Pindarus* & *Plutarchus*, proverbio de sue *Bæo-*
tica, videntur etiam delectati, quum uterque *Bæotus*
 esset. Nunc annos, opinor, ferme esse mille sexcen-
 tos, quum *Galli* migrantes in *Asiam* fecere *Gallo-Gra-*
ciam: & incertum è qua *Galliarum* parte venerint. In
 illorum temporum *Gallos* si quid dictum est, an vi-
 debitur hoc ad universam *Galliam*, quæ tam late pa-
 tet, pertinere? An non & hodie, *Normani*, *Cenoma-*
ni, *Britones*, & *Picardi* vulgo male audiunt apud vos?
 An putas eos, qui nunc *Romam* incolunt, esse præcor-
 um illorum *Romanorum* posteritatem? Magis arbitror
Gottos esse ac *Vandalos*. Tanta proluvies incursionum
 confudit omnia. Et quisquam hoc ad huius seculi *Gal-*
los pertinere credit, quod olim dictum est in *Gallos*?
 Hæc si tibi non satisfaciunt, saltem illud vel injurato
 mihi credas velim, nihil minus in animo fuisse, quam
 ut *Gallicam* nationem attingerem. Cætera tu, ut vo-
 les, interpretaberis. Cæterum, hic te serio stomachari
 majorem in modum admiratus sum. Ut alibi sim *Iron*
 ac *Momus*, hic saltem non fui. Quod commemoras
 tua in me officia, præsertim ea quibus conabar nos
 hinc evellere, ego te quæ plurima fando

Enumerare vales nunquam, Budæe, negabo

Promeritum, nec me meminisse pigebit amici.

Cæterum, mihi nunquam fuit in animo commigrare
 in *Galliam*: si fuisset, accepissem conditiones, quas
 præfenti præfens obtulit non semel *Stephanus Ponche-*
rius, mihi commodiores quam si Rex dedisset thesauri-
 arii munus, quam provinciam an tibi depoposceris ne-
 scio. Certe de Regis animo fueram edoctus, prius-
 quam verbum ad me scriberes. Quem *ἀντιστοιχόν* mihi
 narras nescio. Si quis fuit, nulli fuit detrimento. Nec
 obscure tamen indicavi animum meum, sed mihi non
 credebatur. Et vertere solum, non erat in rem meam,
 sollicitari per tantum Regem erat honorificum. Po-
 stremo, nolim *Budæi* opera in ejusmodi negotiis hu-
 milioribus abuti, quantumvis ista vulgo splendida vi-
 dentur. Non sum tam levis, ut ob quorumlibet ser-
 mones animum mutem erga tales amicos; novi quan-
 ta sit aliorum futilitas, aliorum invidentia, qui nullos
 bene concordēs ferre possunt. Unus est, quem si no-
 minem, ipse fateberis esse candidum ac sincerum. Is
 audit te in convivio aulico, multis audientibus, de-
 disse significationem nonnullam stomachi in me tui.

A Desiderabas in me constantem in amicitis tuendis ani-
 mum. Verum ea vox non erat inimici, sed amici ex-
 1527. postulantis. Quanquam hoc laudis, si qua laus est,
 mihi videor jure vindicaturus, quod vix alius, amicit-
 iæ semel initæ, tenacius adhæret, quæ res mihi sæ-
 penumero luculentæ fraudi fuit. *Ænigma* de *Philala-*
zonis non satis intelligo, nisi quod suspicor aliquem
 libellum ab *Italia* venisse præconem militis gloriosi.
 Ad nos nihil istiusmodi perlatum est. Allatus est ta-
 men libellus *Nazarii* cujusdam *Neapolitani*, mire or-
 natus testimonio duorum Pontificum, sed multo ma-
 gis *Egidii* Cardinalis *Viterbiensis*. Illic agnovi phra-
 sim *Philalazonos*. *Georgius Sauromanus*, juvenis egregia
 indole, parabat excudere nescio quid scripti. *Albertus*
Carpensis, nam is ejus sodalitatis princeps, expunxit quic-
 quid erat additum in laudem *Erasmi*. Non hoc impu-
 to *Alberto*, sed illi, qui nec Deum, nec hominem quen-
 quam laudari patitur præter seipsum: nam hunc *Al-*
bertus, ut audio, facit plurimi. De *Longolio* miror si po-
 tuit ab amicitia tua discedere. Sed ille satis magnam
 laudem tulit, periit *Ciceronianus*. Et tamen illius *Ci-*
ceroniani lucubrationes paucissimi legunt; nostras næ-
 nias *Batavas* nemo non legit. Quod scripsi *ἐξ ἀλλήλων*,
 communium studiorum causa potissimum
 scripsi, quod ut pergratum erit si feceris, ita si quid
 obstitit quo minus fiat, me amico prætermittes.
 C Hæc ægre in summo dentium cruciatu. Bene vale.
Basilea 22. Junii, Anno 1527.

EPISTOLA DCCCLXXVI.

Vives Erasmo.

A LIQVANDO tandem literarum aliquid abs te;
 qua ut expectatissima ac desideratissima, sic etiam
 gratissima fuerunt; & hoc gratiores multo, quam admo-
 nitio illa, imo verius scribendi institutio, geminam mihi
 ob oculos personam posuerit, præceptoris eruditione, pa-
 tris affectu. De Colloquiis recte habet, mihi plane jam
 pridem satisfactum abunde est, vel ipso facto tuo, quod
 mihi & aliis plurimis majoris erit momenti ac roboris,
 quam multa aliorum & accurata rationes. Illudque à
 primo valere apud me debere existimaui, quod Pompe-
 jo scribis M. Tullius: Nec si ego quid tu sis secutus, non
 perspicio, idcirco minus existimo te nihil nisi summa ra-
 tione fecisse. *Ἀλλὰ τί μοι ἐξ ἀλλήλων*, aut quorsum de il-
 lo? Liberum arbitrium non perdidimus, quod tu asserue-
 ris: non facile credas, quantopere sentio adjuvari me
 admonitionibus tuis, quantamque de eis ipsis tibi gra-
 tiam habeam; & etiam atque etiam te rogo, ut ita per-
 gas facere, cum quid aliud meum videris: nihil ego
 beatius esse censeo, siue in hoc scriptorum genere, siue in
 reliqua universa vita, quam admonitorem aliquem ha-
 bere amicum & prudentem; utinam esses frequentior.
 Sed ut consilii mei rationes & causas cognoscas, scito fes-
 sum me ab Augustino venisse ad Opus illud conscriben-
 dum, cum omnino statuissem aliquid Regine mittere:
 itaque non vacavit stylum expolire, si modo expolire po-
 tuissem, quantumlibet essem conatus. Tum rationem ha-
 bui quibus scribebam, nempe feminis, & potissimum cui
 dicabam; ita enim demisi me, ut illa me intelligeret,
 cui Opus concinnabam; & cui me studebam approbari.
 Sed vere illud dicit Horatius ac scite, Tres mihi con-
 vivæ: ita nulla est phrasis nec bona adeo, qua non ali-
 cui displiceat; nec mala, qua non placeat: permulti ita
 censuerunt probare se vehementer in eo Opere simplicita-
 tem dictionis, & inaffectionem; nam sic loquebantur:
 F verum ego, neque enim aliter fas est, malim me Erasmo
 approbari ut athletam Hercules, quam universo consensu
 spectantium. Itaque parebo posthac consilio tuo. Misto ad
 te libellum quendam meum, in quo insunt nonnulla magis
 aliquanto a cura scripta; & de hoc sententiam ad me
 tuam perscribes, cum vacabit, cum licebit: oportet me se-
 mel verecundia terminos transgressum, bene ac gnaviter
 esse impudentem. Feminas ais à me durius tractatas: hoc
 tu dicis, homo qui nobis Hieronymum restitueris? quid
 mn-

An. 1527. muliore effrenius? Si paulum modo habenas remittas, ibi vero nullus erit modus, aut moderatio. Sed patrocina-
bitur eadem oratione Cato & mihi, & Legi Oppia. Neque vero illa sunt mihi vel exempli causa, vel rei augenda dicta. Sed quod cum ad modum existimem illis vivendum; & indubie facient, si duarum rerum meminerint, Christianas esse se, ac eundem hominem unam-
quamque ipsarum, & suum maritum esse. De scabie quan-
to Hieronymus plura, & apertiora? si modo qua de sca-
bie loquaris, intelligo; nam non satis assequor, uti nec il-
lud *ὡς ἀμφότες ζῶσι*. Meorum libenter facio mentionem: quotusquisque non facit? An non Seneca? non Quinti-
lianus? non Cæcilius? Tacitus etiam soceri vita iustum
volumen dicavit. Ter omnino, ut arbitror, meorum me-
mini, bis matris, semel socrus. Sed nec socrum dico es-
se, neque tum adhuc erat: in hac veritate sum addu-
ctus, & mea sententia digna historia, non minus quam
permulta, qua ab aliis memoria sunt tradita: in matre
excusat pietas; & id feci modice, veritus invidiam; &
non ignarus hominum fere ingenia libentius maledicen-
tiam audire, quam laudes. Communionem illam cum
Cicerone risi suaviter: protinus venit mihi in mentem
illa quoque apud Martialem,

Quod scribo carmen Musis & Apolline nullo.

Itaque habeo duas. Haftenus ad tuam epistolam. Jam
de actis Hispaniæ in rebus tuis. Misi ad te nuper, qua
mihi erant illinc ab Alphonso Vervefio scripta: credo
esse tibi reddita; nam data fuerunt Erasmo Esqueto,
qui solet ad te alia, sicuti audio, permulta transmitti-
re: qua, si non accepisti, longa esset retexenda fabula?
Summa tamen hac erat, delatum esse nomen tuum a
mendicantibus ad summum Quaestorem, Archiepiscopum
Hispalensem, itum esse in consilium & disquisitionem in
Quadragesima: ibi nihil esse aliud actum, quam audi-
ta contra te fratrum crimina: pro te vero Orationes duo-
rum Benedictinorum, & fratris Dionysii Augustiniani,
& mediam quandam Castelli cuiusdam Minoritæ.
Itaque ampliatus esse te in diem postridie Ascensionis
Domini. Huic consilio erant designati ex universa Hispa-
nia selecti doctissimus quisque, & minimum corruptus
affectu: inter eos, Vervefius homo *γυνόλος Ἑσπερινός*.
Puto Coronellum, Lermam, Dionysium non defutu-
ros studiosissimos tui, hoc est, vera pietatis, atque erudi-
tionis. Aderunt etiam Episcopi, quos eo mittet Caesar.
Hac tibi fusissime exposui. Postea accepi literas à Ver-
gara, Scepero, & Vervefio: qua in illorum literis ad
te pertinent, ea curavi tibi in hac epistola describi. Sce-
perus hac: Hic magno animo Monachi bellum adversus
Erasmum susceperunt. Id moluntur, in id vigilant, ut
omnium Erasmi librorum lectio Hispanis interdicator.
Obstamus interea studiosi aliquot, qui Cancellarium pre-
cibus fatigamus, ut doctissimi & optimi viri patrocini-
um suscipiat: & facit id sane, sed aliorum id munus est.
Praest inquisitioni (ita vocant) reverendissimus D. Hispa-
lensis, vir sane bonus, & qui horum impetum aliquan-
diu compressit; sed satisfacere omnibus nequit, & mira
est illorum rabies. Jam aliquot diebus publice quoque le-
gi in cænobiiis destitum est, ut in Erasmo singuli quid
excuderent. Prolati sunt aliquot articuli, quos illi here-
ticos & schismaticos vocant. Tuetur Ludovicus Coro-
nellus, adest Canariensis Episcopus, & alii aliquot. Nos
interea dolemus, opem quod ferre afflictiis rebus minime
queamus: nam confestim magnum audentibus periculum
immineret. Sed quid ego hoc apud te hominem Hispanum,
qui hanc tyrannidem satis cognitam habes? Nolo ergo ad
te longior esse; nam abunde tibi omnia narrabit D. Lu-
dovicus Pratenfis. Vergara vero est recentior, nempe
ex ante diem pridie Idus Aprilis cum Sceperi litera da-
ta sint mense Februario. Is ergo ad hunc modum: In E-
rasmum conspirarunt nuper Monachi nostri, non omnes
quidem, sed plerique. Quo enim quisque istorum ordo
longius abest a mendicitate, hoc minus illi est iniquus.
Res ad magistratus relata est, atque haftenus qui-
dem summo cum Erasmi favore procedit. Princeps meus
hominem sibi penitus tuendum suscepit. Favet illi etiam

A Caesar apertissime. Favent magistratus ipsi, favent deni-
que boni omnes. Adversarii quoniam vident nihil sibi hac
contentione nisi commune odium quari; paulatim jam
frigere incipiunt, libenterque, quantum existimo quod
cum bona omnium pace fieri liceret, factum mutarent.
Vervefius inclusit fasciculo meo hasce omnes literas, quas
ad te transmittam, ut intelligas non eum esse, qui tibi
in suspicionem venire debeat, tanquam non satis bona fi-
de tibi faveat, aut causam tuam pravaricandus sus-
ceperit, de quo narrant mihi omnes qui ex Hispania
veniunt atrocissimas similitudines susceptas illi esse cum fra-
tribus tua causa: nec ullum simplicius, aut sincerius, do-
ctrinam tuam vel amplecti, vel tueri: & est aliqui con-
cionator, uti ajunt, primi nominis, mira gravitate mo-
rum, & vita inculpatisima, homo dignissimus; quem
propius cognoscere & amare velis, & referre, sicut a-
micus noster solet dicere, in Calendarium amicorum tuo-
rum, illorum, inquam, selectissimorum, ac precipue
nota; & quidem loco honestissimo: adducitur ad vene-
rationem tui, & ad te defendendum ornandumque, quan-
tum pro virili potest; non alia utilitate aut ratione, quam
quod doctrinam tuam censet derivatam ex vero ac puro
fonte Christianæ pietatis. Noli, quaeso te, spernere ta-
les patronos optima illius causa, quam suscepisti. Recen-
tissima sunt Alvari litera negotiatoris illius, qui tibi pen-
siones tuas ex Anglia solebat mittere: is nunc duxit uxo-
rem Burgis Hispaniæ; scribit pronunciatum iri ante quin-
decim dies, ut est hominum opinio ac spes, pro te & uxo-
re *τὰ ἑδελφῶν* & eos, qui doctrina tua favent, postu-
lasse a Quaestore, ut in Thomæ ac Scoti Opera inqui-
ratur: velle se horum placita ad examen revocare, sit
ne aliquid contrarium vel mysticis Literis, vel veteribus
nostra religionis Scriptoribus: postulant de eo sibi jus dici,
& ut hæresin damnari; qua hac de re accipiam ab aliis
certius atque explicatius, faciam te certiore. Simul
misi mihi Alvarus Hispanam epistolam Vervefii ad Mi-
noritam quandam magna in Hispania auctoritatis ac no-
minis: ea epistola circumfertur per Hispaniam, & legi-
tur cum maxima omnium approbatione; est elegantissime
scripta nostra lingua: eam ego in Latinam converti, tan-
tum intelligi ut abs te possit. Vale plurimum, mi prae-
ceptor & pater. Brugis Festo Margaretæ, sive 13. Ju-
lii, Anno à Christo nato 1527.

EPISTOLA DCCCLXXVII.

Serenissimo Principi Ferdinando, Pannonia Bohemique
Regi, &c. Erasmus Roterodamus S. D.

Si Principis sic de me meriti, sic in me affecti, suc-
cessibus non toto pectore gratularer, Ferdinando Rex
inclyte, merito dicar homo hominum ingratisimus:
rursus si illius prosperitas mihi non esset vehementer
jucunda, à cujus felicitate magna ex parte pendet to-
tius rei Christiana felicitas, plus quam impius haberi
debeam. Quanquam enim omnis humana felicitas ab
auctore Deo proficitur, tamen plerumque per bonos
Principes recreat, sublevatque populum suum pro-
pitius, per malos affligit offensus. Hic igitur nihil
promereor laudis, si facio quod non fecisse summum
scelus sit. Hoc mihi dolet, quod Celsitudini tuæ quid
ultra vota propensamque animi voluntatem præstare
queam, non videam, nimirum hac ætate atque hac
etiam valetudine, quæ per se onus esset intolerabile,
etiam si senectutis incommodum non accederet. Cer-
te quicquid his ingenii viriumque reliquiis præstari po-
terit, id constanter ad extremum usque vitæ diem præ-
staturus sum, opitulante Deo, qui pro sua bonitate,
& sine nobis, Majestatis tuæ res actionesque in Chri-
stiane ditionis commodum & Ecclesiæ concordiam
prosperare dignabitur, id quod nos votis ardentissimis
optare non desinimus. Pro favore, quem per literas a-
mantissime scriptas defers, quanquam tu quidem hic
nihil facis novi, gratiam habeo maximam. Basilea 16.
Julii, Anno 1527.

EPI-

EPISTOLA DCCCLXXVIII.

IN AMBROSIVM.

Des. Erasmus Roterodamus Joanni à Lasco, Archiepiscopo Gnesnensi, S. D.

An.
1527.

PRISCI mortales, ornatissime Præsul, quod æternum cunctisque venerandum esse volebant, numini cuiquam dedicabant, ut vel religio petulantiam hominum deterreret ab injuria. Exemplum hoc à lucis ac templis paulatim demigravit ad studia, ut si quid novi operis pararetur editioni, celebri cuiquam gratiosoque nomini consecraretur. Id tot jam seculis adeo receptum est, ut adversus rationis exactores, vel sola sufficiat præscriptio. Illud tamen ineptum videri potest, quod quidam aliena dicant viris primatibus, nec aliena modo, verum etiam ea, quibus ipsorum opera nihil prorsus accessit, nisi forte quod eadem depravatio reddiderunt. Alioqui quum nunc novorum librorum γόγγυα, ut habet vetus Comœdia, pene nos obruant, mihi præclarius esse facinus videtur, veterum Auctorum monumenta, temporum injuria scribarumque temeritate collapsa, restituere, quam nova cudere volumina; præsertim quum quod sua ætate vere dixit *Ecclesiastes*, nihil esse novum sub sole, & scribendi plures libros nullum esse finem, in hoc seculum multo verius dici possit: Inter præfatos autem Ecclesiæ doctores *Latinos*, vix alium arbitror esse digniorem, cujus essent integræ lucubrationes, quam divum *Ambrosium*. Hoc & ex animo dictum videri velim, & citra cujusquam contumeliam. Sit linguarum ac scripturarum peritior *Hieronymus*, sit elaboratoris phraseos *Hilarius*, sit in quæstionum nodis explicandis argutior *Augustinus*, aliis item dotibus excelluerint alii, sed quem mihi dabis, qui pari sinceritate tractet sacras Literas, qui cautius vitarit suspecta dogmata, qui sic ubique gerat *Christianum* Episcopum, qui sic spiret paterna viscera, qui summam Præsulis auctoritatem cum summa mansuetudine junxerit? Ubique sentias illum hoc affici quod loquitur, & adest dictioni modesta quædam ac pia jucunditas, gratæque civitas. Est quem non omnino sine causa *Doctorem mellissimum* vocant. At hic, juxta nomen suum, vere cœlesti manat *Ambrosia*, dignus qui sit quod dicitur *Ambrosius*, hoc est, immortalis, non solum apud *Christum*, verum etiam apud homines. Quantum autem sudoris exhaustum sit in hoc restituendo, dum collatione veterum codicum emendantur depravata, restituantur amputata, refecantur assuta, reponuntur *Græca*, quæ vel aberant prorsus, vel figuris nihil significantibus fuerant addita, tuæ prudentiæ fuerit æstimare. Ut autem tam insignem Ecclesiæ doctorem tui nominis auspicio potissimum veluti renatum in lucem prodire vellem, cum primis in causa fuit *Joannes à Lasco*, te patrum non minus morum ornamentis quam nomine referens: nam juvenis senem sic exprimit, ut in eo veluti renatus videri queas. Is tui simulachrum quoties mihi depingebat oratione, toties agnoscebam in narrante imaginis expressæ antitypon. Adeo dum patrum depingit, seipsum depingebat imprudens. Hunc mihi convictorem pauculos licet menses contigisse, non in postrema felicitatis parte pono. Utinam mihi liceret per adulationis invidiam prædicare Dei doctes, quas in illo & amavi, & veneratus sum. Illud non possum non fateri, senex juvenis convictu factus sum melior, ac sobrietatem, temperantiam, verecundiam, linguæ moderationem, modestiam, pudicitiam, integritatem, quam juvenis à sene discere debuerat, à juvene senex didici. O gentem pietati natam! Nec alio nomine mihi videtur felicior *Polonia*, quam quod talem Regem, talem sortita sit Archiepiscopum, quorum insignis pietas pari studio certat hos fatales bellorum & opinionum tumultus componere, prolapsosque *Christiani* populi mores instaurare. Quumque eo processerit tua veneranda senectus, ut merito possit à negotiis

A impetrare dimissionem, tamen ad Ecclesiæ patriæque An. commodanda juvenis es. Hic igitur veteris Pro- 1527. verbii venit in mentem, *ὡς αἰεὶ τὸ ὁμοίον ἀγείναι* *θεὸς ὡς τὸ ὁμοίον*. Itaque visum est pulchre congruere ut proficeretur *Ambrosius* Præsul ad Præsulem, claris natalibus insignis ad nobilissimum, pius ad pietatis antistitem, eruditus ad eruditionis eximium patronum, virgo & virginitatis præco facundissimus ad omnis pudicitiae exemplar incomparabile, denique pacificator ad Episcopum pacis ac tranquillitatis publicæ studiosissimum, cui rei dicas *Ambrosium* divinitus fuisse datum. Hoc agebat illa facunda lingua quum *Liguria* consularem ageret Præsidentem, sedabat tumultus, farciebat concordiam non minus accurate quam dextre ac feliciter; nec id solum in his regionibus, ubi fungebatur magistratu, verum etiam quoties res apud alios spectabant ad seditionem, *Ambrosius* veluti peritus ac felix nauclerus ad sedandam tempestatem accersebatur. Ac, ne multa commemorans, plus æquo præfationem extendam, Quum extincto *Auxentio*, qui foverat *Arianos*, *Mediolani* per Episcopos ageretur de Præsule subrogando, tantaque studiorum variantium contentione flagrarent comitia, dum pars *Ariana* factionis, pars orthodoxorum flagitat Episcopum, ut res ad extremos tumultus tendere videretur, *Theodosius*, Cæsarem piissimus, eo legat *Ambrosium*, ut rerum exitiales motus componeret. Is dum pro delegato munere templum ingressus, singulari facundia suadet concordiam, subito cuncta populi modo dissidentis studia in unum conversa sunt, jamque junctis vocibus suffragiisque concordibus, *Ambrosium* Episcopum flagitant. Multa causatur ille, se prophanæ functionis hominem esse, sacrarum rerum imperitum, nondum sacro lavacro renatum, quum *Paulus* vetet etiam neophytum ad Ecclesiæ gubernacula admoveri. Sed hic frustra facundus erat. Quo vehementius ille detrectat, hoc magis accenduntur populi studia. Quid multis? Imperator perspicuens divinitus geri negotium, populi constantem approbat voluntatem. *Ambrosius*, frustra reluctans, pro Præsidente consulari fit Præsul infulatus, pro fascibus sumit pedum, ante præfectus gregi Dominico, quam in gregem Dominicum cooptatus: exitiabile diffidium exstinguitur, & Ecclesiæ sua redditur concordia. Sed quod *Insubrium* uni gratulamur Ecclesiæ, hoc jamdudum optamus Ecclesiæ Catholice, videlicet ut exoriatur aliquis *Ambrosio* similis, qui paribus auspiciis hunc miserandum orbis tumultum, quo nulla ætas vidit quicquam perniciosius, redigat in tranquillitatem. Saltem talis quispiam nobis exoriatur ex Pontificum, Theologorum, aut Monachorum ordine, qualis tunc prodiit *Ambrosius* è classe catechumenorum, æque prophano magistratu. Magnum pondus habet morum integritas, magnam habet auctoritatem conjuncta mansuetudine constantia, denique plurimum valet eloquentiæ copulata prudentia. Sed hoc malum non simplex, hæc lucus, quæ non solum Ecclesiam tot opinionibus discidit, verum etiam Principum animos implacabili diffidio committit, hominem requirit datum cœlitus, cujus auctoritatem reveretur populus, cujus constantia cedat & Principum sublimitas. Nulla ex victoria armis parta plus laudis tulit *Theodosius*, quam quod ab *Ambrosio* se vinci passus est. *Babyle* parum feliciter cessit, quod Imperatorem, impia cæde funestatum, templo prohibuit; imo feliciter cessit ipsi, qui Præsulis auctoritatem sua morte confirmavit. At *Ambrosio* cessit felicius, qui summa constantia suam tuens auctoritatem ipsum etiam Cæsarem *Christo* lucrificavit, ac pulcherrimum exemplum omnibus Monarchis edidit, quanta sit Episcoporum dignitas, si modo vere sint quod audiunt. Nec dubito, quin tales simus habituri Principes aliquot, qualis fuit *Theodosius*, si tales haberemus Episcopos, qualis erat *Ambrosius*; & haberemus, opinor, nisi populi mores alienarent benigni Numinis favorem. Quoque magis liqueat quod dicimus, primum rem, deinde personas expendamus. *Thessalonice* qui-

quidam è comitatu Cæsaris, per populi tumultum fuerat interfectus: Cæsar, ira dissimulata, plebem ad ludos *Circenses* evocat; ibi repente circumfusa militibus inermi multitudine, promiscue sævitum est in noxios juxta & innoxios, poenaeque non meritis est data, sed furori. Id factum hodie justum videri posset. Quoties enim in bello trucidantur, quibus, ex pacto deditionis, erat promissa incolumitas? Quoties oppido capto, sævitur propemodum atrocius in immerentes, quam in nocentes? & sævitiam excusat odium criminis. Hæc de re. Jam mihi cogita *Ambrosium* unius civitatis Episcopum, quæ tum, ut opinor, minus erat ampla, minusque frequens, quam nunc est, nullis aliis armatum præfidiis, quam quæ decent Episcopum, lingua, precibus, & vitæ sanctimonia: ex adverso considera Cæsarium illius temporis potentiam, cui si conferas horum temporum ditionem, eam duntaxat, quam Cæsaris titulus addit electis, (nam *Carolus* & sine Cæsaris titulo Principum maximus est) rem vix seriam esse dicas: & tamen talis Episcopus talem Cæsarem, ob præcipitatum vindictæ jus, ab ecclesiæ foribus submovit, exprobrans crudelitatis immanitatem, docensque illum a consortio *Christiani* gregis alienum esse. Reversus est in regiam Cæsar, agnoscens æquissimum esse, ut *Christi* legibus cedat humanæ potentiae fastigium. Ibi post sex menses, mœrore lachrymisque tranfactos, per *Ruffinum* aulae præfectum agit, ut anathematis vinculo solveretur, quo saltem feriis natalitiis, nam instabant, liceret interesse. Nihil agit *Ruffinus*, ipse Cæsar impatiens non iræ, sed mœoris, adit *Ambrosium*, non in templum, ne iterum repelleretur, sed in locum, quem *Græci* domum saluatoriam appellant: nam ibi forte tum sedebat Episcopus omnibus expositus, si quis quid vellet consulere. Patienter fert objurgantem, nec prius absolvitur, quam, præter solennem poenitentibus satisfactionem, etiam legem adversus edictorum Imperialium sævitiam polliceretur. Illico prodita lex, ut si qui per edictum Cæsaris juberentur occidi, in tricesimum usque diem proferretur executio, quo spacium esset cognoscendi, locusque daretur vel *Christiana* elementiae, vel necessariae severitati: mox posito Regis diademate, Cæsaris personam exsui, poenitentis suscepit, humi prostratus, ac lachrymis ubertim effusus rigans solum, supplici voce precatus est Domini misericordiam. Cui hæc non viderentur in Cæsare plusquam satis? Sed manē dum auditurus, quod & invictam Episcopi constantiam, & Cæsaris non fucatam pietatem magis illustret. Quum ex more munus detulisset ad altare, rediens constitit intra cancellos. Id videns *Ambrosius*, per diaconum percunctatur, cur ibi moraretur. Respondenti, Ut videam peragi mysteria, rursus misso diacono renunciavit, ut agnosceret suum locum, nam eum, in quo consisteret, esse sacerdotibus designatum. *Purpura*, inquit, *Imperatorem facit, sacerdotem nequaquam*. Quid expectas? ut Cæsaris victa lenitas tandem excandescat? Nequaquam, verum excusat se quod non in contemptum loci restiterit illic, sed quod quoniam *Constantinopoli* reperisset hunc morem, ut Cæsar intra cancellos videret peragi mysteria, credidisset idem esse receptum *Mediolani*. His placide dictis, abiit in locum præscriptum. Nec eo contentus, ubi reversus est *Constantinopolim*, etiam quum invitaretur ut intra cancellos ex more consisteret, dum peraguntur mysteria, negavit se facturum, addens, se neminem nosse, qui vere sciret Episcopum gerere præter unum *Ambrosium*. O nostri seculi prolapsos mores! Si nunc dignetur Princeps quilibet templum adire, exstruitur illi tabernaculum altari sublimius: & intra cancellos non modo consistunt Proceres aulae, verum etiam sordidi negotiatores, quos *Cicero* vix recipit inter honestos cives; decanos & ecclesiæ primores è sellis suis deturbant. Quanto minus fastus addebat *Theodosio* sceptrum ac diadema, quam istis addit, sordido quæstu, nec semper justo, pauxil-

lum partum pecuniæ? Simili constantia restitit *Justina Augusta*, minitanti ut aut *Arianos* reciperet, aut iret in exilium. Ille vero nihil pavescens, *Non pro-*
dam, inquit, *lapis gregem mihi commissum*. Hic occide si libet. Sed nemo potest *Ambrosium* agere, nisi qui pro pietate mori paratus est. Imo difficillimum est cuiquam vere sacerdotem agere, qui libenter aliud est quam sacerdos. Onera sunt verius quam ornamenta, quæ libertatem adimunt cum dignitate, fitque nonnunquam, ut dum utrumque voluit esse, nec Principes sint, nec sacerdotes. Sed desino, ne *Vitæ Ambrosiana* videar historiam texere. In hoc diverticulum me deduxit horum temporum miseranda calamitas. Nunc ad institutum revertimur. Quem admodum singularis quædam hujus viri integritas, cum summa constantia parique mansuetudine conjuncta, fecit, ut nec regali fastigio cederet, nec malorum improbitati succumberet, gratus autem esset ac venerandus etiam alienis, ac parum amicis; ita nullius unquam scripta latius inclaruerunt, aut minus obnoxia fuerunt invidiæ quam hujus. Quibusdam sero contigit sua gloria, nonnullis diu luctamen fuit cum æmulis, complurium labores penitus intercederunt. Ne quid horum accideret *Ambrosio*, causam ego præcipuam arbitror, perpetuam quandam in scriptis omnibus moderationem, quæ nec in redarguendis hominum vitiis obliviscitur *Christiana* mansuetudinis, (dicas eum dolere, non irasci) nec usquam excurrit in levitatis aut ostentationis speciem, ut ubique pectus vere *Romanum*, imo *Christianum* agnoscat. Erant qui *Cyprianum* verterent in *Caprianum*; *Origenes* ne mortuus quidem hydram invidiæ potuit effugere; *Hieronymo*, ad extremum usque vitæ diem, amarulenta cum æmulis rixa fuit; *Tertullianus* bis perierat, primum depravatione, deinde situ, nisi nuper *Beatus Rhenanus* eum luci reddidisset. Idem evenerat propemodum *Iranæo* tam indigno qui periret. *Ambrosius* à nemine non honorifice citatur, etiam ab hæreticis: tanta erat nominis auctoritas vivo, quæ vix aliis à rogo contigit. Alius fortasse disertius laudavit Virginitatem, sed hujus mellita facundia virgines ex ultimis mundi regionibus, hoc est, è *Mauritania Mediolanum* pellexit, ambientes illic sacro velo decorari. Alius fortasse vehementius disputavit, sed hic grandem illum cetum in ecclesiæ sagenam pertraxit, *Augustinum*. Unus *Hieronymus*, quanquam illum aliquot locis multa cum honoris præfatione citat, tamen alicubi minus candide de libris ejus sentire videtur. Siquidem in Præfatione in *Didymi* librum *De Spiritu sancto* ab ipso versum, taxat libellos cujusdam *De Spiritu*, ex *Græci* bonis *Latinos* non bonos; in quibus nulla vis sit argumentorum, sed tantum orationis facies exquisitis hinc inde coloribus pigmentata. Rursus, in Præfatione, qua præfatur in Homilias in *Lucam*, recitante *Ruffino*, (nam Opus hoc intercidit) taxat illum in Commentariis in *Lucam*, ut verbis ludentem, sententiis dormitantem, denique *Græcorum* plumis sese venditantem. Verum si hoc vere scripsit in *Ambrosium*, ut inimicus hoc exprobrat *Ruffinus*, si ve in alium, certe à nomine temperavit, quod ipsum venerandæ cujusdam auctoritatis est argumentum. In *Catalogo Scriptorum*, nec laudat eum, nec vituperat; *Ne in alterutram*, inquit, *partem aut adlatio in me reprehendatur, aut veritas*. Ac ne lucubrationes quidem illius recenset, quod tamen in aliis solet. Ex quo divinare licet *Hieronymo* quædam in *Ambrosii* libris displicuisse, quæ ob singularem hominis auctoritatem suppressere maluerit quam evulgare. Nec ea res quicquam officit gloriæ sacri doctoris. Nam & *Hieronymus* erat homo, & nihil est humanum ex omni parte beatum, nec eadem placent omnibus. Illud confitendum, at non improbandum, quod pleraque, quæ scripsit *Ambrosius*, hausit è *Græcorum* Commentariis, præsertim *Origenis*; sed ita, ut quod sanum esset exciperet, quod à sinceritate doctrinæ catholicæ alienum, aut contentiosum, dis-

Am. simularet, nec errorem proferens, nec auctorem pro-
 1527. dens, quorum alterum non erat tutum, alterum invi-
 diosum. Quod in illo comprobatur etiam divus Hiero-
 nymus Epistola ad Pammachium & Oceanum: Nuper,
 inquit, sanctus Ambrosius sic Hexameron illius com-
 pilavit, ut magis Hippolyti sententias Basilique sequeretur.
 Rursus ad Pammachium & Marcellam: Ha-
 bui, inquit, Ambrosium, cuius pene omnes libri Ori-
 genis sermonibus pleni sunt. Nec Ciceroni quisquam vi-
 tio vertit, quod in philosophicis argumentis Græcos se-
 queretur, non ut interpres, sed ut imitator. Nec erat
 corniculæ furtum, quod Græcorum nomina, quæ ple-
 raque tum apud Latinos magna laborabant dogma-
 tum improbatorum invidia, pressit, sed cauti pastoris
 omnem offendiculi dissidiique materiam excludentis.
 Porro, dicendi character nec flaccidus est, nec hu-
 milis, quo nomine taxare videtur libellos *De Spiritu*
Sancto Hieronymus, excusante *Augustino*, quod rem li-
 cet grandem, tamen subtilem docenti, non laudanti
 conveniret oratio demissior: sed habet interim suos a-
 culeos, ubi res postulat, propius tamen accedens ad
 argutam jucunditatem, quam ad divinam illam & affe-
 ctus pene tragicos, in quos interdum exardescit *Hie-*
ronymus & *Hilarius*. Ac plerumque totus fere sermo
 ex variis sententiarum generibus, velut ex tessellis,
 contextus est, quo dicendi genere supra modum de-
 lectatus videtur *Seneca*. Hoc non minus creber est
Ambrosius, sed tamen mollior, ut frustra reclamante
Fabio, qui vult orationem esse veluti luminibus distin-
 ctam, non velut emblematis compactam, frequen-
 ter & divisionem, & argumentum, & transitum, &
 conclusionem sive clausulam argumentationis per sen-
 tentiam efferat. Interdum totus apparatus collectio-
 nis, hoc est, propositio, assumptio, ratio, confir-
 matio, expolitio meris constat sententiis. Passim ac-
 cinuntur epiphonemata, vixque alius crebrius aut fre-
 quentius utitur sententiarum genere, quas appellant
reimata, in quibus latet aliquid arguti sensus, quod
 quum non exprimitur, intelligitur, ob hoc ipsum
 gratius, quia dictum obscurius. Porro, densitatis fa-
 tigationem ac tedium excludit varietas, tam felix, ut
 naturæ rem esse dicas, non affectationis, quod hoc di-
 cendi genus à puero imbiberat. Nonnunquam can-
 dem sententiam aliter atque aliter variatam repetens,
 velut infigit animis, quod elabi non vult. Interim
 plurimum addit jucunditatis, illa paucis verbis modu-
 lata brevitatis. Nusquam enim sermo longis ambagi-
 bus vix tandem absolvens periodum, obcuritate mo-
 lectus est, quod in *Augustini* scriptis offendit *Hiero-*
nymus; sed commatibus & colis, concentu nonnun-
 quam, numero plerumque jucundus, tinnulus, &
 compositus incedit. Horum omnium non pigeret ex
 ipsius libris exempla proferre, nisi non solum perlon-
 gum videretur, verum etiam hic intempestivum. *Aug-*
ustinus in libris *De doctrina Christiana* quædam hujus
 generis commoatavit. In summa, hæc rhetorices
 imperitis frustra dicerentur, peritis in proclivi fuerit
 animadvertere, præsertim si legant hujus libros *De*
Virginibus & Viduis: nam hic velut in argumento
 plausibili magis expromit, ne dicam ostentat, dictio-
 nis ornamenta. Igitur *Ambrosium* si minus omni ex
 parte restitutum, certe multo minus depravatum de-
 dimus. Superest ut huic conatui faveat *Roma*, quæ
 genuit *Ambrosium*, faveat *Liguria*, quæ Præsidem
 meruit, faveat *Insubria*, quæ Præsulem adscivit, de-
 nique faveat quæcunque patet orbis *Christianus*, insigni
Christiana pietatis doctori. Vixit *Insubribus*, sed scri-
 psit omnibus. Proinde hoc quicquid est studii nostri,
 Præfulum sanctissime, si tua celsitudo comiter appro-
 barit, alios, qui plus quam ego præstare valent, ad si-
 milem industriam extimulabit. Bene vale. Datum *Bas-*
ilea 13. Augusti, Anno 1527.

EPISTOLA DCCCLXXIX.

Erasmus Rot. Margareta Regina Navarre S. D.

Obtinendor quorundam objurgationibus verius
 quam exhortationibus, Regina pietate morum
 quam generis stigmatibus ac diademate clarior, quod
 homo plusquam obrutus negotiis, non appellem meis
 literis Majestatem tuam, præsertim quum nulla scri-
 bendi detur occasio, nec arbitror tibi per occupatio-
 nes dari otium, ut legas supervacaneas epistolas. Nam
 ad epistolam, quam eorundem impulsu pridem misi,
 præter unam salutationem nullum omnino responsum
 accepi. Narrant te nuper scripsisse per quendam *Pa-*
lonum, quem in itinere mors intercepta: quod an ve-
 rum sit nescio. Optarim rerum prosperitatem quo-
 rundam pietati respondere: sed novit ille, qui mode-
 ratur omnia in bonum eorum quos diligit, quid ex-
 pediat nobis, & quum illi visum fuerit, omnia re-
 pente vertet in lætum exitum: quumque maxime
 desperabit humanum consilium, tum maxime sese a-
 periet inscrutabilis Dei sapientia. In quo qui fixerit
 ex animo spei suæ ancoram, huic nihil accidere po-
 test quod non sit vere prosperum. Hæc igitur Deo
 committamus oportet. Tibi vero magis convenit gra-
 tias agere quam exhortationis admoveere stimulos, ut
 quod facis, bonas literas, ac viros sincere *Christum* a-
 mantes, adversus quorundam malitiosam improbita-
 tem tueri pergas, qui jam nunc profecto plurimum
 debent & vere *Christianissimo* Regi fratri tuo, & reli-
 giosissimæ pariter & prudentissimæ dominæ hujus ma-
 tri. Quibus omnibus precor multam à Domino *Jesu*
 felicitatem. Si quid erit quod per me fieri voles, e-
 quidem nullum defugiam laborem. Datum *Basilea* 13.
 Augusti, Anno 1527.

EPISTOLA DCCCLXXX.

In BABYLAM CHRYSOSTOMI.

Des. Erasmus Rot. Nicolao Marvillano, Collegii
 Basilidani apud Lovan. Præsidi, S. D.

Merito mihi Proverbium illud ingesseris, *Ni-*
colae doctissime, *Salatij idæ*, qui tantillam
 ceu guttam mittam ad fontem linguarum, nisi nos
 moneret Evangelium, habenti dandum esse quo magis
 exuberet. Visus est autem mihi hic *Chrysostomus*, quam-
 vis exiguus, libellus multis nominibus dignus, qui tuo
 Collegio prælegatur; adeo singulari quodam artificio
 summam pietatem cum admirabili copulat eloquentia,
 ut non aliud exemplum accommodatius mea sententia
 adolescentibus, tractatione thematum exercendis pro-
 poni queat. Quid enim habent *Aphthonius*, *Lysias*,
 aut *Libanius*, quod cum hoc argumento, non dico
 pietate, quam habet propriam, sed vel elegantia di-
 ctionis, vel argutia rationum, vel copia denique con-
 ferri possit? Quid autem utilius isti ætati, quam ut
 linguam simul & eloquentiam protinus imbibant ex his
 Auctoribus, quorum oratio non minus *Christum* spirat
 quam *Demosthenem*? Argumentum simplex est: *Baby-*
lus, Episcopus *Antiochenus*, à Cæsare, quod cum im-
 pia cæde contaminatum conatus sit à templi penetra-
 libus arcere, occisus est, sepultus extra civitatem, ac
 multo post tempore in urbem translatus. Hoc the-
 ma, quod nec varium est, neque quicquam habet am-
 plum aut insigne, mirum est quibus depingat eloquen-
 tiæ coloribus, quibus ingenii opibus locupletet hic ve-
 re aureus artifex. Novi multos huic literarum generi
 deditos, quibus nihil arridet, nisi quod à *Christo* sit a-
 lienissimum, quanquam Ethnicos Auctores ob sermo-
 nis elegantiam professoribus legendos arbitror, potius
 quam adolescentibus prælegendos. Qua quidem in re
 semper exosculatus sum animum tuum, cui studio fuit,
 hac quoque ratione, linguarum peritiam doctis pariter
 & indoctis commendare. Quanam, inquires? ut
 ex isto celeberrimo Collegio parentes reciperent suos libe-

An. 1527. liberos, non solum linguaciores, verum etiam magis pios meliusque moratos. Siquidem ut optimarum etiam rerum novitas non caret invidia, vulgus hominum solet mores imputare studiis, etiam si non hinc proficiantur. Eodem nomine vix dici possit quantum amem & professores, qui sedulo cavent, ne quam anam calumniandi porrigant τοῖς μισογλώτοις. Quid illorum moribus incorruptius, aut modestius? Religionis professores esse dicas, non linguarum. Nullius professionem suggillant, quod à nonnullis fieri videmus, gravi literarum detrimento, quum non in hoc instauratur linguarum peritia, ut hactenus receptae disciplinae profligantur, sed ut purius faciliusque discantur; nec ideo discimus linguas, ut loquamur tantum, sed ut eruditissimos Auctores rectius intelligamus. Ad id quantopere conducatur exacta linguarum peritia, jam olim satis cognitum habens, nuper compertius habere coepi. Nam res ipsa me docuit, quod nunquam eram crediturus, hasce calumnias, quibus nuper inauspicati quidam tumultuati sunt, maxima ex parte protectas ex inscitia *Latini Gracique* sermonis. Id protinus agnosceret, qui legerit ea, quae *Natali Bedda* respondimus. Quum igitur tam ingens utilitas à vobis omni studiorum generi conferatur, prudenter & illud curae habetis, ut commode dextreque detis beneficium. Perit enim frequenter dantis vitio beneficium, quia dare nescit. Quanquam autem aequissimum erat, ut velut in pilae lusu, sic etiam in beneficio, dantis & accipientis mutua commoditas sibi respondeat; tamen ut parentum ita doctorum est, aliquamdiu ferrè eorum, quos instituunt, vel fastidium, vel ingratitudinem, donec aetas & rerum usus illos doceat, quantum munus acceperint. Hoc pacto futurum est, ut qui nunc oblatrant his studiis, post utrisque manibus applaudant. Omnium autem pessime de studiis merentur, qui ad novitatis ac petulantiae invidiam addunt etiam impietatis suspicionem, quales aliquot habet *Germania*. A quibus omnibus quoniam hactenus singulari vigilantia abstinuistis, favore divino Collegium habetis longe florentissimum, florentius etiam habituri, si, qua coepistis, perrexeritis. Nec dubito, quin hujus pulcherrimi fructus gratissimus quidam census, ad sanctam illam *Hieronymi Bussidii* mentem perveniat, qui nihil dubito quin propitii Numinis afflatu hujus praeclari muneris auctor fuerit nostrae patriae. Neque nihil hic attulere momenti tua monita. Professoribus optimis, cum toto φιλογλωσσῶν choro, meis verbis salutem dicces. Datum *Basilea* 14. Augusti, Anno 1527.

EPISTOLA DCCCLXXXI.

Erasmus Rot. Maximiliano à Burgundia S. D.

CLARISSIMUM Principem patrem tuum, *Maximiliane* charissime, admodum puerum & novi jam olim & amavi, eo quod prae se ferret indolem eximiae mansuetudinis, minimeque ferocis, ac vicissim illum semper expertus sum animo in me propenso. Ea benevolentia mutua una cum annis accrevit in utroque nostrum. Proinde mihi gratissimum erat, paterni erga me favoris memoriam tuis amantissimis literis refricari. Sed vehementius etiam gaudeo, quod intelligo te patri etiamnum superstiti in hunc affectum successisse. Siquidem epistola tua, neququam impolita, spirat non solum benevolentiam erga me minime vulgarem, verum etiam pietatem quandam, qualem vel filius debet patri, vel discipulus praecatori. Hanc opinor ex utriusque parentis affectu traditam, nam & aviae fui charissimus, auxit *Joannes Borsalus*, vir juxta morum integritate ac literatura commendabilis. Quo certe nomine mihi videre felicius etiam Regibus nonnullis. Habes enim domi, unde duo quaedam praecipua bona consequi possis: Pietatem erga Deum, quae vel sola beatum reddit hominem, ac liberalem eruditionem in omnem usque vitam magno tum usui tum ornamento futuram, non tibi modo, verum etiam

genti tuae licet imaginibus clarissimae, totique patriae. An. 1527. Non parum decoris addes generi tuo, si huc contenderis, ut pietate bonisque literis nobilior sis, quam majorum stemmatis. Lucubrationes meas, quibus oblectari te scribis, optarim esse tales, ut harum lectio tibi tantum adferat utilitatis, quantum ista tua mereatur indoles. Certe hoc conatus sum, an assequutus nescio, ut rudem aetatem non minus ad pietatem allicerem, quam ad eruditionem. Sed quod meis lucubrationibus deest, hoc facile exaequabit sarcietque doctissimi praecceptoris industria. Precor autem *Christum* Opt. Max. ut istam generosam indolem tuam, jam nunc velut in herba nihil mediocre pollicentem, omnibus dotibus *Christiano* Principe dignis instruat ac locupletet. Hoc interim habe mei in te amoris chirographum, quo me convenire possis si quid fefellerit. Ubi scribes patri, quaeso ut illi meo nomine salutem adscribas, & diligenter & amanter. Datum *Basilea* 23. Augusti, Anno 1527.

EPISTOLA DCCCLXXXII.

Erasmus Roterodamus Roberto Aldrisio, literis ac moribus ornatissimo, S. D.

SIGNIFICATIVUM est mihi per homines minime vanos, ἀλλὰ πᾶν ἀξίον, *Londini* quendam non Theologum, sed Tyrologum opinor, è suggesto cum primis celebri, quod vulgus appellat *Crucem divi Pauli*, seditiosa temeritate lapidasse nomen *Erasmi*, impietatis ac falsi crimen impingentem, quod in Evangelio *Joannis* cap. VII. pro eo quod Ecclesia legit, *Nondum enim erat Spiritus datus, quia Jesus nondum erat glorificatus*, verterim, quod habent *Graci*, subtracto Participio, *Nondum enim erat Spiritus Sanctus, quia Jesus nondum erat glorificatus*: idque non absque summo catholicae fidei discrimine, ne rursus incipiant omnes credere Spiritum creaturam, qui non fuerit ab aeterno, sed in tempore coeperit esse. Hæc ille blatero summa petulantia, parique stoliditate detonabat apud eruditos viros, apud primores urbis, ac frequentissimam civium multitudinem. Nec dubito quin ipse adfueris, ut soles à tali mensa, quod dici solet, non libenter abesse. Ego sane lubens tam impii facinoris immanitatem rejecerim in errorem, aut inscitiam, nisi non quadraret hoc excusationis genus. Primum in Theologum, deinde in Ecclesiasten, postremo in eum locum, quem nemo conscendit, nisi praeamonitus ac meditatus tali digna auditorio. Certe priusquam illic profiliret, debebat inspicere, quid super hac re scripsissem in *Annotationibus*. Illic ostendo *Gracos* omnes summo consensu legere quod ego verti, & indico sensum orthodoxum, ne quis labi posset. Jam finge, quod nec verum est, nec verisimile, vocem illam, *datus*, à *Gracis* malitiose detractam, quum nullum suppeteret exemplar, an volebat, ut ego, *Gracorum* voluminum interpretem professus, adderem de meo quod *Graci* non habebant? Si detractum esset, utique detractum esset ab *Arianis*, nunc in eorum libris hæc reperimus, qui summa vi pugnant adversus *Arianos*: nominatim de *Chrysostomo* loquor & *Theophylacto*. Et si quid tale fuisset depravatum ab *Arianis*, orthodoxi non hic siluissent tam impiam fraudem, quemadmodum alias diligenter produnt corruptelam; si quid tale deprehenderint. Quis autem unquam *Arianus* protulit hunc locum ad defensionem sui dogmatis? Et si quis protulisset, nonne statim fuisset extibilatus? nam locus ipse sui interpretis est. Praecessit enim, *Hoc autem dicebat de Spiritu, quem accepturi erant credentes*. Et mox sequitur, *Nondum enim erat Spiritus, quia Jesus nondum erat glorificatus*. Vides hic non de natura Spiritus, sed de dono & de energia loqui Evangelistam. Nec enim aliter dictum est, *Nondum erat Spiritus*, quam si dicas, *Nondum erat dies*. At nunquam non est dies, sed intelligimus illic non fuisse diem. Quid autem hoc tropo vulgatus, ut dicamus non esse

An. solem, quoties obiectus nubibus non apparet nobis? Item quum negamus esse aquam, quoties nondum in tantum accrevit, ut sit navigandi facultas? Sic Evangelista de discipulis loquitur, *Nondum erat Spiritus*, id est, nondum acceperant exundans illud donum Spiritus, de quo loquitur Propheta. Hæc omnia declarat annotatio, docens & ad sensum minimum interesse utrum addatur *datum*, an non addatur. Nec his contenta, declarat certissimis argumentis etiam *Augustinum* legisse, quemadmodum legunt *Græci*. *Augustini* verba, quæ illic recito, sunt hæc: *Sed quid est, quod ait, Non erat Spiritus datus, quia Iesus nondum erat glorificatus? In evidenti est intellectus. Non enim non erat Spiritus Dei, qui erat apud Deum, sed nondum erat in eis qui crediderant in Jesum.* An ex his verbis non satis liquet, *datus*, non ab *Augustino* lectum, sed à scriba additum? Si nihil huius admonuissem, tamen, si vel micam habuisset *Christiani* pectoris Ecclesiastes, debebat inspicere paratum locum, priusquam tant atroce calumniam evomeret in fratrem suum, & tot millium animos vipereo toxico inficeret, quibus etiam si vellet in posterum mederi non posset. En habes auctorem insignem & ὁρθόδοξον *Augustinum*. Quid si idem legit *Hieronymus*, cuius hæc verba referuntur in glossa ordinaria, *Non quod nunc non esset Spiritus Sanctus, dicente Salvatore: Si autem in Spiritu Dei ejicio demonia: sed qui erat in Domino, nondum notus, in Apostolis morabatur.* Hic *Hieronymus* non repetit *datus*; & si repetisset, non erat locus quæstioni. Nam non datum fuisse discipulis Spiritum signo visibili, quemadmodum post resurrectionem insufflavit in eos, & post ascensionem misit illum in linguis igneis, extra controversiam est. Sed quoniam dixit *non erat*, videlicet in discipulis, periclitabatur ne discipuli viderentur caruisse Spiritu Sancto, usque ad *Christi* resurrectionem. Eam absurditatem amolitur, interpretans *non datus*, pro eo quod erat, palam & exuberanter effusus. Et aliquanto post in eadem glossa, *Nondum ergo erat Spiritus in Apostolis, nec de ventre eorum fluebant gratia spirituales, quia nondum fuerat Dominus glorificatus.* Nec hic additur *datus*. Habes, præter *Græcos* omnes, duos præcipuos Ecclesiæ *Latinos* doctores. Et sane quum illa proderem, nondum eram nactus *Latinum* exemplar, quod cum horum *Græcarum* lectione consentiret. At nuper nactus sum ex bibliotheca *Constantiensis* Ecclesiæ duos codices, in quorum altero habebatur *Græca* lectio sincera, in altero scriba quispiam manu recentiore *datus* addiderat in spatio, quod versus dirimit. Nec dubito quin centies germana scriptura reperiri queat, si quis excutiat vetustos codices. Nec id mihi fuisset difficile tactu, sed non expectabam exoriturum qui hinc moveret calumniam. Adjeceram in *Annotationibus* & illud argumentum, quod apud *Græcos* hac sermonis parte non additur articulus, tantum est *πνεῦμα*, & apud nos non est *sanctus*, quod indico apud *Græcos* adjectum à scribis, quemadmodum apud nos Participium *datus*: ut hinc liqueat illic fieri verba, non de natura Spiritus, sed de dono sive gratia; nec de quavis, sed de illa largissima effusione, qualis nec in Prophetis fuerat. Nec causari possunt hic *Græcorum* codices depravatos, quum hæc, ut dixi, legantur in libris orthodoxorum. Porro, ne quis perfrecta fronte dicere posset hos quoque depravatos, obstat illorum interpretatio, quæ declarat quid legerint. *Theophylactus* sic inter cætera loquitur: *Quia igitur tunc quidem non erat operatio Spiritus, sed erat danda, propter hoc, inquit, quia nondum erat Spiritus Sanctus, hæc est, non versabatur in Judæis, nec apparebat per operationes.* Et aliquanto post: *Erat & in Prophetis Spiritus virtus, & in Apostolis ante crucem, sed non sic, ut post assumptionem largius & copiosius, ut fluminibus comparari debnerit.* Itaque merito Evangelista dixit, quod *nondum fuerat Spiritus Sanctus*; hoc est, nondum ita largiter effusus. Hæc palam arguunt quid ille legerit. Nec mirum si sæmel atque iterum

A inter exponendum dicit *Spiritum datum*, quum id senserit Evangelista. Certè contextus non habet *datus*, & in his verbis recitat contextum absque *datus*. *Chrysostomus Græcus* apud me non erat, & in hujus Commentariis interpres constanter addidit *datus*; nec id hoc tantum loco fecit, verum ubique infulcit *Latinorum* editionem. Sed quid attinet hujus citare verba, quum *Theophylactus* ex hujus fontibus hauserit quicquid commentatus est in hunc locum? Porro, si scriptura fuisset ab *Arianis* depravata, nequaquam dissimulasset *Chrysostomus*, qui nullam prætermittit occasionem refellendi illorum dogmata. Sed quid tandem erat cur *Arianus* quispiam locum viciandum putaret? An ut persuaderet Spiritum Sanctum post *Christi* mortem demum fuisse creatum? Nullus hæreticorum unquam sic insipit; erant qui quum maxime blasphemis furerent in Deum, dicerent Filium esse creaturam Patris, Spiritum Sanctum creaturæ ministrum, sed utrumque fatebantur esse creatum ante omnem creaturam reliquam. Nec *Arianis* negabant Prophetas afflatu Sancti Spiritus futura prædixisse. Atqui hoc illis negandum erat, si sensissent Spiritum Sanctum creatum post *Christi* mortem. Nullus igitur hæreticus ex hoc loco poterat sui dogmatis confirmationem arripere: quod si potuisset, haud dubie non defuisset qui hoc tentaret, quum illi nihil non soleant ad impiæ causæ victoriam pertrahere.

C Quod autem est istud horrendum discrimen, quod hic metuebatur? Nihil oriri poterat, nisi quod studiosi quidam erant intellectu Participium *datus* apud *Græcos* non exprimi, sed subaudiri. Nos enim publicam Ecclesiæ lectionem intactam reliquimus, nec ullus codex habet nostræ rasuræ vestigium. Et si quid hic discussione dignum erat, non conveniebat hæc fabula tali theatro. Sed quid magni tandem confectum est, quod *Latini* scribæ addiderunt Participium *datus*? Ademerunt ansam *Arianis*? Docuimus, hunc locum illorum dogmati non posse patrocinari. Sed dum hoc vitant unde nihil erat periculi, in aliud verum majusque discrimen devoluti sunt. Quodnam istud? Ne labascant totius Testamenti Veteris auctoritas. Qui sic? Quod non sit ab auctore Spiritu Sancto profectum. Qui potuit enim, si Spiritus non erat cuiquam datus ante *Christi* mortem? Quanto igitur præstiterat scripturam germanam ut erat, & apud *Græcos* in fontibus, & apud *Latinos* in rivulis, relinquere, quam privata auctoritate, ne dicam temeritate, addere vocem, quæ tanti discriminis præbere posset occasionem. Ut autem intelligas esse verum quod dico, periculum, quod isti jactant, nullus Veterum metuit, quia nullum erat: & de hoc, quod ostendo, solliciti sunt omnes, & *Chrysostomus*, & *Theophylactus*, & *Augustinus*, quod ex ipsorum liquet Commentariis. Minor autem erat occasio *Manichæis*, Veteris Testamenti libris auctoritatem detrahentibus, si legissent, *Nondum enim erat Spiritus*, & subaudissemus in discipulis; illi, inquam, copiosus Spiritus, qui fluminis ritu exundavit, juxta *Johannis* testimonium, quam quod legitimus, *Nondum erat datus*. Si interpres, explicandi gratia, Participium addidisset, haberent quod utcumque causarentur, si modo tradidissent Ecclesiæ novam lectionem: nunc hic quoque impudenter calumniantur, quum, intacta vulgata lectione, bona fide vertendum susceperim quod in Novo Testamento legunt *Græci*, sive recte legant, sive non recte: nisi forte succenscebunt & illis, qui nuper Verus Testamentum *Latine* verterunt è *Græcis*, quod *Græcorum* exemplaria, plurimam à nostra lectione dissimantia, quam *Latinos* codices sequi maluerunt. Cæterum quando constat hoc scribarum temeritate factum, non auctoritate publica, neque per interpretem, multo impudentior est calumnia. Si sic vertisset interpres, aut si Ecclesiæ consensu fuisset additum Participium, nimirum ita legeret *Augustinus* & *Hieronymus*, & consentirent vetusti codices. Utinam autem in hoc tantum loco possemus scribarum audaciam in jus vocare. Nimis compertum est, quantum

1527. tum sibi permiserint in divinis Libris. Proinde nemo mihi objiciat, in *Didymo* ab *Hieronymo* verso, aut in *Chrysostomo* *Latine* loquente, frequenter addit *datum*, quum videamus id constanter ab interpretibus aut scribis factum, ut vulgata insulciant lectionem, crebro reclamantibus commentariis, & *ἐκείνους* loquentibus, ut dicas aliud sonare citharam, aliud cantoris vocem. Jam fingant me tradidisse *Latinis Theodotionis* editionem, num falsi crimen intenderent, si multa dissentirent ab Ecclesiastica lectione; an potius malae fidei dicam scriberent, qui quod ille *Græce* vertit, non reddiderim *Latine*, quamvis eum auctorem non agnoscat Ecclesia, quum agnoscat eos, quos sum sequutus? Postremo, cur hunc unum locum incessendum putarunt, quum innumera sint loca, in quibus *Græcorum* orthodoxorum codices à nostris dissentiant? Immo in hoc ipsum hic mihi labor sumtus est, ut ex dissonantia codicum studiosi vel deprehenderent germanam lectionem, vel dilucidius intelligerent quod scriptum est. Jam cur magis accusatur qui vocem subtraxerit, quam qui addiderit? Utrumque pari severitate vetuit Spiritus Sanctus, ne quid vel adderemus, vel detraheremus. Itaque qui de Participio *datum* subtracto calumniantur, cur silent de addito nomine *sanctus*? Porro, cur existimem hanc vocem *sanctus* adjectam à scribis *Græcorum*, illud me movet, quod prior loco, *Hoc autem dixit de Spiritu*, apud *Græcos* additur articulus *ὁ ἅγιος πνεῦμα*, ut non possit accipi nisi de Spiritu Sancto, etiamsi non adjunxeris *sancti* cognomen, quumque bis legatur apud *Græcos* *sanctus*, *Latini* codices summo consensu, neutro loco addunt epitheton. Et convenientius erat non addere. Quamobrem? Quia non loquitur hic proprie de natura aut sanctimonia Spiritus, ut sanctum distinguat ab impio spiritu, sed de modo donati Spiritus. Et tamen ne quis de alio spiritu, quam de unico illo Dei Spiritu posset accipere, prior loco additus est ab Evangelista articulus, quem secundo non addidit, quum de eodem loquatur Spiritu, *ὁ πνεῦμα*, quo clarius demonstraret modum donandi Spiritus. Ad id declarandum, adeo nihil conducebat articulus, ut officeret etiam nonnihil. Facile quæ dicimus intelligent *Græce* periti, si locum attentius expenderint. Rem paucis habes, mi *Roberte Aldrifi*. Nunc mihi considera quanta fuerit istius Ecclesiastæ stoliditas. Utinam hanc solam liceat incusare. Primum, quid attinebat apud promiscuam multitudinem refricare, fuisse quosdam impios, qui dicerent Spiritum Sanctum non fuisse ab æterno? is enim error mille jam annis adeo sepultus est, ut vel in Theologorum scholis hæc agitare supervacaneum videri queat. Multo minus id congruebat apud multitudinem illiteratam, ex variis etiam nationibus conflata, in qua potest fieri ut sint, qui ne de Deo quidem admodum magnifice sentiunt. Verum, illud etiam stupidius erat, quod non intellexit hunc locum nihil facere ad *Arianorum* impium dogma, quum hinc neque confirmarint unquam quod docent, neque confirmare potuerint: nec videt se, dum inanem metuit umbram, in veram foveam incurrere. Quid igitur isti credemus in mentem venisse, ut sic proderet eruditibus omnibus suam stultitiam? Existimabat hoc postulare loci celebritatem, ut aliquid novum minimeque protritum adferret in medium: nam id fere solet esse studio, quibus delegatum est ex eo suggesto dicendi munus, præsertim qui recentes è schola tument persuasione scientiæ. Mihi vero probabile est illum ne legisset quidem locum, sed à combibone quopiam fuisse submonitum, ut hac calumnia sibi pararet opinionem singularis doctrinæ. Si falsi crimen est, ex *Græcorum* libris vertere quæ dissident à nostra editione, cur hunc unum locum imperiit, quum tot locis idem potuisset objicere? Minus impudenter reprehendere poterat, quod Novum Testamentum è *Græco* Voluminibus translatum prodiderim. Id si donat, justius eram accusandus falsi crimine, si aliud, quam *Græci* codices habent,

1527. vertissem: si hoc quoque reprehendit, quod *Græcorum* lectionem prodiderim *Latinis* qui *Græce* nesciunt, præterquam quod declaravimus alias hoc multis de causis utile fuisse, dicam etiam necessario factum, ob *Chrysostomi*, *Basilii*, *Athanassi*, *Cyrilli*, *Gregorii*, aliorumque Commentarios, qui crebro non congruunt nostræ lectioni. Et quod à me factum est in Novo Testamento ex auctoritate *Romani* Pontificis, idem factum est apud *Hispanos*, impendio curaque *Francisci* Cardinalis *Toletani*, in Veteri Testamento, ex ejusdem Pontificis auctoritate: quibus quum esset exemplar ætatis vetustatis, spectataque fidei, exhibitum è bibliotheca *Vaticana*, à quo jussi sunt non recedere: idem habebat ille codex probatus, quod omnes mei, quos non paucos habebam in consilio quum illa scriberem. Eligat nunc iste calumniator, utrum malit *Romanum* Pontificem in jus trahere, an mihi dicam scribere, quod bona fide reddiderim quod habent incredibili consensu codices *Græcorum* omnes. Ac, ne vel imperitus quispiam novitate sermonis possit offendi, in Annotationibus submovi scrupulum. Hæc quum ita habeant, hoc est, quum *Græcorum* codicum summus sit consensus, quum ita legant *Augustinus* & *Hieronymus*, quum eadem lectio exstet in vetustis aliquot *Latinorum* codicibus, quærendum an Ecclesiæ jus sit aliquid addendi detrahendive sacris Voluminibus, etiamsi quid occurrat quod hæreticis ansam præbeat. Hoc si semel recipitur, quam multa fuerant addenda, detrahenda, mutanda? Delendum erat apud *Joannem*, *Pater major me est*, aut addendum erat, *secundum humanam naturam*. Delendum & illud, *Ut cognoscant te solum verum Deum, & quem misisti Jesum Christum*, aliaque complura, quæ rapiunt *Ariani* ad impietatis suæ defensionem. Item, quoties in Scripturis fit mentio de Spiritu Sancto, addendum Dei cognomen, quod in sacris Voluminibus nusquam evidenter apponitur. Rursum quum Dominus dicit, *Ne Filium quidem hominis diem extremum scire*, addendum est, *secundum humanam naturam*, aut aliquid simile. Breviter, hic erat evidens ab *Arianis* periculum, in *datum* omissio nihil erat periculi. Quum omnes hæreses sua dogmata afferant ex sacris Literis perperam intellectis, quis erit mutandi finis? Quid autem hac cautione profecerimus, nisi ut ex divina Scriptura faciamus *Leibiam* regulam, ad nostras opiniones flexilem, potius quam coarguentem, si quid à vero discrepat? Et id juris si sibi sumant orthodoxi, aut idem concedere cogentur hæreticis, aut nihil agent Scripturarum testimoniiis. Proinde, quemadmodum Ecclesia non habet jus instituendi nova sacramenta, ita multo minus jus habet condendi novam scripturam. Quod si negatum est hoc jus Ecclesiæ, uter falsarius est, qui id bona fide reddit, quod habent & Orientis & Occidentis Ecclesiæ, an qui mutat germanam scripturam? Levissimus scrupus est in *Nondum spiritus erat*, sed in mutanda scriptura summum est discrimen. In scribas igitur, qui locum hunc auctoritate privata vel temeritate potius depravarunt, vociferari debebat potius quam in me. Diceret, absque sensus detrimento poterat addi verbum *datum*. Immo nec omnino sine detrimento, ut jam demonstratum est, & aliam foveam periculosiorem aperuissem. Jam quum nullum crimen sit atrocius, quam si quis prudens vitiet Scripturam Canonicam, non oportuit apud tam celebrem conventum præcipiti lingua quicquam effutire, quod non haberet compertum. Locus ipse *Paulo* facer, præ se fert majestatem quandam. Semper adsunt ex more urbis præfecti, quos illi *Majores* vocant, adsunt doctores, nonnunquam & Episcopus, præter numerosam promiscuam multitudinem frequentiam: hæc, si quid habuisset humanæ mentis, monere debebant hominem, ne cum loci tam celebri contumelia, simul & eruditus proderet suam malitiam, ne dicam stoliditatem, & imperitorum animos lethali veneno inficeret: nam qui seps, quæ aspis, quæ vipera lethalius habet venenum, quam lingua calumnatrice,

trix, inflammata, ut ait *Jacobus*, igne gehennæ? quod semel infusum in animos nulli *Psylli* possunt exsurgere, nulla *Marforum* incantamenta possunt educere. *Scorpius* post vulnus inflictum, si admoveas, resorbet suum virus; hic etiam si quis velit, non idem licet. Ex viperæ carnibus conficitur theriaca, præsens adversus venena antidotum: at si omnes maledicorum linguas contundas, nihil adferent remedii. Age, si ex eo suggesto venerando apud splendidissimum hominum cœtum dixisset *Erasmus* vinosum, nonne cuncti, quibus erat aliquid sobriæ mentis, detestati fuissent hominis intempestivam petulantiam, etiam si credidissent esse verum? Quanto magis id fecissent, si scissent illum mentiri? Quid igitur putas secum cogitasse doctos, qui sciebant eo loco tam atrox crimen impingi falso, quod si vel in convivio fecisset, scelus erat piaculare? Et fortassis ille sibi blanditur, putatque se clarum facinus designasse: & haud scio an eodem ore, quo venenum efflavit, & Evangelium prædicavit, eodem die contigerit sacrosanctam *Christi* carnem & sanguinem. Ipsa sceleris cogitatio mihi horrorem incutit. O miserum hominem, si non veretur cum tali conscientia ad sacratissimam mensam accedere, miseriorem, si sic excæcatus est, ut suam non cernat miseriam! Inhorrescimus, crucis imagine nos ipsos munimus, si quis nominet diabolum. At qui talibus calumniis & proximum rodit, & auditorum conscientias inficit, & fraternam charitatem exstinguit, is vere diabolus est, & quovis satana nocentior, id agens unde, velut ex eo quod habet pessimum, ille nomen invenit. Quid tali linguæ cum Evangelio? Quid tali ori cum *Christiana* concordiæ symbolo? Quid tali pectori cum hospite *Christo*? Fortasse negabit, ut solent quibus quicquid volunt sanctum est, sibi reclamare conscientiam. Quasi non & adulteri, & sicarii suis vitiis blandiantur. Olim qui sacris concionibus fungebantur apud populum, suo periculo dicebant. Applaudebatur & acclamabatur recte dicenti, jactatione manuum significabatur auditorii favor. Contra, suppositio pedum, sibila, fannæ, tumultus præsto erant, si quid secus quam oportuit dixisset Ecclesiastes. Nam hi mores olim à theatris profanis in Ecclesiasticas conciones demigrarant. Nunc populus tacitus & quietus audit quicquid adfertur. Quo gravius peccant, qui *Christiani* cœtus abutuntur patientia, digni nonnunquam qui non sibilis, sed ruderibus ac putribus ovis è suggesto deturbentur. Certe tales oportebat Episcopis ac Principibus publicitus dare poenās, in aliorum exemplum. A quibus ubi populus discet pietatem, si à talibus tali loco discit quod est omnium sceleratissimum? Si quid levioris offensæ inciderit cum proximo, Evangelium jubet dilato donario properari ad reconciliationem, & isti talis facinoris sibi conficii accedunt ad longe sacratius altare, quam erat illud *Mosaicum*. Idem exigunt ab aliis restitutionem, si quis in pauxillo nummorum fraudavit proximum: & qui proximi famam tali loco, tali auditorio, tali calumnia sauciavit, securus accedit ad illud etiam Angelis horrendum mysterium. Quis enim unquam istius generis vel dicto, vel scripto placare studuit eum, quem læsit, etiam si compererit, & omnibus notum sit, esse manifestam calumniam? Metuunt ne quid decedat auctoritati si fateantur errorem. At istuc metuendum erat quum properarent ad calumniam, quum suam malitiam vulgo prodere cogitarent. Qui privato convivio contristavit fratris animum, jubetur cum illo redire in gratiam; quique privatim dicit fratri, Fatue, reus pronunciatur concilio: & is, qui tanta hominum frequentia, in loco tam celebri, in concione sacra detonat in proximum, hæreseos & sacræ Scripturæ falsatæ crimen, quasi purus putus accedit ad synaxim, nec errore cognito, cogitat de eximendo veneno, quod tot hominum auribus infudit. Talibus ingeniis quid esse potest deploratius? Quam adferent excusationem? Inscitiæ? Profitentur se doctores Evangelicos. Et ut maxime sint imperiti litera-

rum, norunt hoc & idiotæ, non esse pronunciandum de iis quæ non intelligunt: nec temere credendum calumnianti, nec ad effutiendam calumniam oportere esse præcipitem. Verum in hanc profundam cæcitatem traxit miseros livor & odium, & inscitiae comes arrogantia. Hæc ad te scribere visum est, *Aldris* charissime, quo tuis fiam literis certior, quis fuerit ille tam impudens rabula, quo nomine, quo cognomine, quo statu, quo die gesta res. Quorsum, inquires? Dicam. Est animus edere catalogum hujusmodi nominum aliquot, qui tam insigniter suæ stoliditatis ac malitiæ dedere specimen, non solum ut intelligat mundus, quæ portenta nonnunquam sub illo tragico cultu lateant, fruantur nominis immortalitate quam ambiunt malefactis, & omnibus sint exemplo: verum etiam ut editis singulorum nominibus, in neminem alium prorogetur invidia suspicionis. Id enim nonnulli morosiores queruntur suis ad me literis, dum, suppressis nominibus propriis, Theologi aut Monachi factum refero, totum adspersi ordinem, quum nominibus editis soli gravarentur, qui sua stultitia meruissent, nunc & ad immerentes devolvi suspicionem. Horum sententiæ tametsi non accedo, neque enim apud æquos imputatur ordini, si quid hic aut ille commisit indignum ordine, & apud iniquos edito nomine plus ordini conflatur invidiæ: neque quisquam veterum ab insectandis clericorum, sacerdotum, monachorum ac virginum vitiis abstinuit, ne gravaret ordinem invidia, quanquam hic quoque censeo servandam modestiam: tamen hæc illorum voluntati sum obsequutus, ut brevi libello suis coloribus depingam nonnullos, & publicitus & insigniter insanientes, nec ullum facientes modum. Dabo gustum argumenti, quo magis intelligas quid dicam. In *Colloquio De fide*, in quo committitur Orthodoxus cum quopiam suspecto de hæreseos crimine, habentur hæc verba sub Orthodoxi persona: *At religio est tecum mensam habere communem*. Suspectus respondet: *Atqui id solent medicis, quo melius observent, quid affectent aut peccent agros*. Rursum Orthodoxus: *Sed vereor ne videar favere hæreticis*. Ad hoc Suspectus, *Immo nihil est sanctius, quam favere hæreticis*. Hæc postrema verba decerpta proferunt quidam, ut doceant *Erasmus* hæretica scribere. An non hoc horrendum dogma, nec uno puniendum incendio? Quis hæreticus tale quicquam ausus est proferre, quis tyrannus ausus est profiteri? nam nec ipsi hæretici docent hæreticis esse favendum, sed negant sese esse hæreticos. Idem ajunt qui favent impiæ factioni, Solus *Erasmus* docet hoc esse sanctum, adeo ut nihil sanctius. At homines omnibus pecudibus stupidiores, si parum animadvertunt quæ præcedunt de medicis, saltem illa poterant intelligere quæ sequuntur sub persona Orthodoxi. Quis sic? Respondet Suspectus: Nonne *Paulus* optavit anathema fieri pro *Judeis* plus quam hæreticis? An non favet ille, qui studet, ut quis ex malo fiat bonus, ex mortuo vivus? Ad hæc Orthodoxus, Maxime. Tum Suspectus, Sic fave, nec erit quod metuas. Hæc quum sint tam dilucida, ut vel cæco possint esse perspicua, tam crassa, ut vel à suis queant intelligi, tamen ab istis non percipiuntur. Ne vero me putes hic conviviorum narrare fabulas. Imo tales articulos Proceres duorum ordinum publicitus detonant in sacris concionibus, proferunt scriptis, jactant publicis disputationibus, exhibent condemnandos, & his nugis faceffitur negotium Archiepiscopis, ac Cæsari. Quumque hæc ipsi magno tumultu moliantur in diversis regionibus, contempto doctorum ac bonorum omnium judicio, tamen meis scriptis imputant, quod minoris fiant apud vulgus, quam vel solent, vel cupiunt. Absit ut ego in quenquam ordinem stringam aciem styli. Verum si mihi esset is animus, ut omnes ingenii facundiaque vires in rem tam sceleratam intenderem, ne centum quidem invektivis tantum dedecoris conflarem ordini, quantum isti suis intemperis conciliant. Quis enim non

non crederet à me talia confingi, nisi ipsi suis factis fidem facerent, quum ipse, ita me bene amet *Christum*, nec de inimicis praedicata fuerim crediturus. At interim quam male sentiunt isti de Episcopis ac Principibus, deque populo, quibus audent hæc tam stolidam ingerere? Nonne videntur totum populum habere pro fungis, quibus omnino nihil sit humanæ mentis? Episcopos autem ac Principes, aut tam injustos arbitrantur, ut protinus in ipsorum gratiam non cognita causa damnent ea, quæ pie scripta sunt: aut tam indoctos, ut hæc qualia sint non perspiciant: aut tam timidos, ut mendicantium aliquot metu, simul & *Christum* offendant, & se toti mundo reddant invidiosos. *Pilatus* diu restitit *Judeorum* flagitationi, quum ibi Pontificum, Scribarum, Phariseorum, Seniorum ac promissionum multitudinis concursus esset insania: & *Christiani* Praefules, *Christiani* Principes cedent aliquot male auspicatorum hominum improbitati? Habes unum articulum plus quam hæreticum; audi similem, apud eisdem publico tumultu jactatum. In *Enchiridio militis Christiani*, declarans quantum valuerit Apostolorum simplex, sed virtute Spiritus efficax, prædicatione, scribo hunc in modum: *Hæc est illa vera germanaque Theologia, quæ olim Philosophorum superciliosa, & Principum sceptrum Christi iugo subiecit.* Vides hic quicquam non pie dictum? Scio non vides, nimirum luciosus. At isti *Lyncei* viderunt execrandam impietatem. Quam, inquit? Scribit, inquiunt, nusquam esse veram Theologiam nisi in *Germania*, quæ maxime omnium scatet hæresibus. Non intelligunt *germanam* esse dictam pro *græcorum*, nec animadvertunt quum illa scriberem, scripsi enim ea ante annos viginti quatuor, nullam hæreseos mentionem fuisse apud *Germanos*. Nimirum hoc est fieri Theologus absque Grammatica. Nihil hic fingo, acta sunt hæc publicitus in concionibus, & scriptis in publicum datis; scio locum, tempus & personam. Edentur ubi tempus erit; interim rogo lectorem ne ob huiusmodi facta de quoquam bono *Franciscano* aut *Dominicano* pejus sentiat. Quibus hæc placent, boni esse non possunt, & scio multis displicere. Accipe tertium articulum ab iisdem exagitatum. In *Enchiridio militis Christiani*, admonens, ne quis se temere præcipitet in aliquod vitæ genus, cui non sit idoneus, sed prius exploret, & quale sit institutum, & qualis sit ipse tum animo, tum corpore, scribo hunc in modum, *Monachatus non est pietas, sed vitæ genus, pro suo cuique corporis ingenique habitu, vel utile, vel inutile.* Quid hic est, quod vel *Momus* possit carpere? At isti videntur errorem hæreticum. Scilicet sic loqui debueram: *Quicumque vult esse saluus, fiat Monachus: omnis enim Monachus pius, nec impius esse potest qui sit Monachus, quum plerisque Christianorum sint impii.* At quo sermo magis pateret calumniæ, Monachatum verterunt in religionem: tam enim sunt imperiti, ut religionis vocabulum existiment idem declarare quod *Monachismus*: ut quoties in Literis sacris prædicatur religio, & religiosi probantur, videantur ipsi celebrari. Si dixissem, matrimonium non est pietas, virginitas non est pietas, sacerdotium non est pietas, sed est vitæ genus quod huic convenit, huic non convenit, pie fuisset loquutus; sed impium est idem de *Monachismo* dicere. Imo si dixissem *Christianismus* non esse pietatem, æquis animis tulissent, & faterentur plurimos esse *Christianos* impios, quum tamen nulli liceat non esse *Christianum*, solum Monachi nomen non patiuntur attingi. Si *Christianismus* est professio vitæ *Christiana*, *Christianismus* non est pietas: alioqui quisquis baptizatus esset, idem esset pius. Sin *Christianismus* est ea præstare, quæ profitemur in baptismo, summa pietas est *Christianismus*. Ita si *Monachismus* est observatio trium votorum, supra *Christianismus* communem, magna pietas est *Monachismus*. Sin est professio tantum eorundem votorum cum his quæ adhærent voto obedientiæ, cuiusmodi sunt lana, linum, color, cingulum coriaceum, aut cannabeum, calcei aperti, aut integri, pisces, ova, legumina,

Monachismus nec est pietas, nec à *Christo* institutus. Ah. Quid autem erat periculi Ecclesiæ, quia scripsi genus esse vitæ, non temere cuivis suscipiendum? Ne pauciores essent Monachi? Faxit hoc *Christus*, modò sint meliores: nullum enim vitæ genus optabilius ex animo *Christum* diligentibus. Sed, pro dolor, eo prolapsi sunt hodie mores, ut nullis fere cedat felicitas hoc institutum, quam quibus pietas cordi non est; & illic mundum inveniant, quibus in mundo mundanis esse non licuit. Si quis huic nomini favet, optima atque adeo unica ratio est, & placandæ invidiæ, & pristini favoris recuperandi, si se totos conferant ad studium veræ pietatis. Quartum addam. In Academia quadam cum primis celebri, quidam inter Theologos præcipuus jactabat se reperisse telum, quo conficeret *Erasmum*. Diximus alicubi, *Hieronymum* caruisse gloria perpetuæ virginitatis. Idque ex ipsius scriptis liquere. At ille protulit locum ex libello *Hieronymi* ad *Eustochium* de custodia virginitatis; *Virginitatem non tantum offerimus, sed servamus.* Hic exultabat victor. Quid habent, inquit, *Philerasmii*, quod ad hæc respondeant? Ipse *Hieronymus* fatetur se servare virginitatem, at nemo servat quod non habet. Applaudere combibones aliquot ejusdem farinae, docti cachinnum vix tenere potuerunt: nam constat *Hieronymum* illic non loqui de sua virginitate, sed de pudicitia sacrarum virginum, quam negat se suscepisse prædicandam in eo libro, quod id à multis aliis esset factum, quos mihi recenset nominatim; sed præcipuum esse propositum ostendere, quibus modis debeat servari ne pereat. An non ille Theologus, qui nondum didicerat quid *Latinus* sonaret *servare*, dignus erat qui servaret porcos? Servat qui eripit periturum: servat qui custodit etiam res alienas: servat fidem, aut præceptum, qui non violat: denique servat qui cavet. Ita *Flaccus*:

Hic fossa est ingens, hic rupes maxima, serva: sed Græce loquens magis quam Latine. Jam quemadmodum pictor dicitur eos committere, quorum confictum pinxit, & scriptor aut narrator hoc facere, quod oratione repræsentat; ita *Hieronymus* ait se servare virginitatem, cujus servandæ rationem ostendit. Audio quendam alium de nihilo gravem fuscitasse *Tragediam*, quod pro *Veteri Testamento*, scripserim *Vetus Instrumentum*, quod arbitror in meis scriptis ad summum bis inveniri. Hic metuunt ne posthac pereat è mundo Vetus ac Novum Testamentum. Nec intelligunt ad eum modum aliquoties loqui divum *Hieronymum*, nec legisse videntur *Augustinum*, qui docet aptius dici *Instrumentum* quam *Testamentum*. Idque verissimum est, quoties non de re, sed de Voluminibus verba sunt. Nam Testamentum esset, etiam si nullum existeret scriptum: quum enim Dominus diceret, *Hic est calix Novi Testamenti*, nullus erat liber Novi Testamenti proditus. Itidem Testamentum Vetus erat prius quam *Moses* conscriberet *Pentateuchum*. Porro tabulas & codicillos, in quibus pacta descripta sunt, *Instrumenta* vocant. De quo si quis dubitat, legat *Pandectarum* lib. xxii. illic inveniet titulum *De fide Instrumentorum*: nec tamen reprehendendus qui codices appellat *Testamentum*, videlicet per figuram Synecdochen. Non animadvertunt autem se, quum hic in me debacchantur, in *Hieronymum* & *Augustinum*, Ecclesiæ columnas, debacchari. Hæc ad gustum satis sunt. Sed heus! pene fugerat quod est omnium gravissimum. In *Colloquio De fide* dicuntur bruta fulmina, quæ montes & maria feriunt, sed irritis ictibus. Hic sublimes quidam brevi nominandi, dicunt contemni Pontificis excommunicationem, nec animadvertunt hæc dici ab hæretico, qui sibi videtur non recte excommunicatus: quem tamen corrigit Orthodoxus, respondens ad jocum de fulgure ex vitro, certe territat & hoc: subindicans etiam injustam excommunicationem formidandam homini pio. Deinde quum sub hæretici persona dicitur, *solum Deus habet falmen quo feriatur animam*: id sic corrigit Orthodoxus, *quid si Deus est*

Ad. est in suo Vicario. Et hæreticus nihil aliud respondet, quam *utinam sit*. Hic nec sub hæretici persona quicquam dicitur, quod idem non possit ab Orthodoxo dici in sententiam excommunicationis non recte latam. Hujus generis habeo permulta, ac præterea non pauca, minus quidem evidentis stultitiæ, sed quæ nihilo minus habent malitiæ. Ubi interim fraterna charitas, ubi pudor humanus, ubi sinceritas *Christiana*? Si talia nobis exempla produntur ab iis qui profitentur Philosophiam Evangelicam, quid expectabimus ab imperita multitudo? Si sal insulsum est, imo si verum est in venenum, unde condietur populi stultitia? Unde petetur antidotum, si medici porrigunt venena? Ego profiteor & semper professus sum honorem suum deberi Theologis, summo in precio fuisse jam inde ab Ecclesiæ primordiis Monachos, idque jure optimo. Quis enim non veneretur eos, qui nobis ex sacris Literis monstrant iter ad æternam felicitatem? Quis non osculetur eos, qui nobis inter tot veteris Paganismi vestigia, puriorem *Christianismum* exhibent? Verum ista facta Deum immortalem quantum absunt ab illis favorabilibus titulis? Tolerabilius erat, si me tantum læderent: nunc & fructum pietatis intercipiunt, quem multi se fatentur ex meis capere lucubrationibus, & auditorum animos exitiali calumniæ veneno inficiunt, & pernicioso exemplo sollicitant ad rem omnium maxime nefariam. Denique, non sibi modo constant odium apud eruditos quosque ac pios, verum etiam, ut sunt nunc hominum judicia, ordini suo non parum invidiæ lucrificiunt. Quorum improbitas, si nec lenitate mea, nec tot apologiis placari potest, efficiam tandem ad quod me compellit *Christiana* Lex, depellam à me calumniam, & seniores sine fine peccantes coram omnibus coarguam, declarans & meam innocentiam, & illorum plus quam *Judaicam* malitiam: postremo, ordinis invidiam in ipsos auctores avertam. Si, nullo læso, queam meis mederi vulneribus, nihil magis optarim: verum quando hoc per istos non licet, æquum est eis imputare, qui nos huc compulerunt. Bene vale, mi *Roberte* in *Christo* charissime. Gaudeo tibi contigisse patronum, ingenii candore, vitæque sanctimonia tui similem: cujusmodi Præsules utinam plurimos haberet orbis *Christianus*. *Basilea* 23. Augusti, Anno 1527.

EPISTOLA DCCCLXXXIII.

Erasmus Roterodamus Joanni Borsalo, Decano Zandeburgensi, S. D.

AMORIS in me tui, non extincti quidem, sed tepidioris suspicionem conceperam ex literis *Martini Dorpii*, & arbitror te scire, de quo sentiam. Verum ea suspicio non descenderat alte in pectus meum, & homo quum sim, istiusmodi humanis affectibus facile ignosco. Certe voluptati est te convaluisse, vel revixisse potius. Scripsi *Maximiliano* sicuti volebas, tametsi parum certus, an is esset filius *Adolphi* Principis *Veriani*. Opto te quam prosperrime valere. *Dalum Basilea* 24. Augusti, Anno 1527.

EPISTOLA DCCCLXXXIV.

Erasmus Rot. Guilhelmo Waramo, Archiepiscopo Cantuariensi, S. D.

VNICVM meum in *Christo* decus ac præsidium, partim ex literis tuis, partim ex his, quæ famulo mihi narranda commiseras, dilucide perspexi plusquam paternam tuam erga me pietatem. Idem utriusque votum est. Verum obstat præsens temporum conditio. Nondum ab acie licet discedere. Sed brevi fortasse licebit, ut minore intervallo dirimamur. Interim jubeo te bono esse animo. Tumultus hi plane fatales sunt. Me non citius deficiet animus, quam vita. Is, quem nosti, totius hujus Tragœdiæ, & quæ mota est *Latetia*, & quæ nunc fervet vel fuit potius in *Hispa-*

nia, auctor est; homo natus ad hujusmodi sycophantias, nec alia re celebris inter mortales. Verum apud *Hispanos* præcipue mendicantes agunt hanc fabulam, faventibus mihi Episcopis ac doctis præcipuis, præter aulæ studia. Res habebit, ut spero, prosperum exitum. Pecunia pensionaria nondum pervenerat ad *Petrum Egidium* circa finem Julii, nunc arbitror redditam. Amplitudinem tuam incolumem servat Omnipotens. Datum *Basilea* 24. Augusti, Anno 1527.

EPISTOLA DCCCLXXXV.

Erasmus Rot. Richardo Sperchefordo S. D.

Ex *Linacri* Syntaxi, quam dono misisti, curabo ut fiam bene Grammaticus, tu cura ut ex *Chrysostomo*, quem tibi vicissim dono mitto, fias bonus Ecclesiastes, & certemus inter nos, mi *Richardo*, uter suo munere dexterius utatur, hac lege, ut is plus alteri debeat qui plus fructus ex accepto munere tulerit. Bene vale in *Christo*, cui me tuis interpellationibus commenda. Datum *Basilea* 24. Augusti, Anno 1527.

EPISTOLA DCCCLXXXVI.

Erasmus Rot. Joanni Cochleio S. D.

SCIEBAM errore factum de mutato editionis ordine, & si studio factum esset, res levioris est momenti, quam ut ob id minus jucundus sis amicus, tantum abest ut sim offensus. *Thomam Morum* tibi factum amicum gaudeo. Decet enim, ut, si juxta proverbium amicorum communia sunt omnia, sint amicorum & ipsi communes amici. Quod peninsulam *Cymbricam* cogitas, precor ut bene vertat. Iter perlongum est, & gens fera dicitur, & instat hyems, præterea Cæsar molitur generale Concilium. Habeo libellos, quibus continentur omnia acta inter Cæsarem, *Galum*, *Venetos*, & Pontificem, excusa *Compluti* per *Cancellarium Mercurinum*. Verum si te urget res & allucit bona spes, mitius feram tui desiderium, quem tamen mallet abesse propius. Si Episcopi pugnarent pro regno *Christi*, non pro suo, alacrioribus animis capesseremus hanc militiam. Et tamen interim compescenda est improborum seditiosa temeritas, donec Deus afflet Principum animos. Horum tumultuum nullus unquam erit finis, nisi quædam mutentur, sed ea sunt ejusmodi, ut nulla spes sit fore, ut recipiant. Quare tibi nihil in isto negotio possum consulere, nisi ut spectes non hominum, sed *Christi* negotium, magisque sis intentus servandis hominibus, quam puniendis. Plura literis committere nec vacat, nec tutum est. Bene vale, frater & commilito in Domino charissime. Datum *Basilea* 25. Augusti, Anno 1527.

Optimo *Nausea* multam ex me salutem dicito.

EPISTOLA DCCCLXXXVII.

Erasmus Roterodamus Joanni Canio, Canonico Curtracensi, S. D.

PRO tuo solito in me studio gratiam habeo maximam. Quod pecunia tamdiu mansit apud *M. Laurinum* mihi luculento damno fuit, quod tamen nulli possum imputare, nisi moribus aulæ. Si fuisset apud *Schetum*, ille curasset ne quid detrimenti caperem. *Petrum Barbirium* arbitror irato *Mercurio* natum, qui tot annos versatus in aulis Monarcharum, Cæsaris, *Romani* Pontificis, idque apud *Hispanos*, ubi glebæ fluvii que ferunt aurum, tamen nudus ad nos redierit. *Nicolaum Barbirium* enataste salvum non mea tantum causa gaudeo: nam scribis hoc mea quoque referre. Tibi precor omnia tuis digna virtutibus. *Barbirium* mihi debet bonam pecuniam, optarim ut mature ditefcatur, quo posset solvere. Datum *Basilea* 25. Augusti, Anno 1527.

Posthac, si commode potes, ne cui des pecuniam, nisi cui jussit *Erasmus Schetus*. Is rectius curabit, ut quam

Ab. quam minimo dispendio ad me perveniat, homo non
1527. optime *Latinus*, sed tamen optimæ fidei.

EPISTOLA DCCCLXXXVIII.

Erasmus Rot. Tielmanno à Fossa S. D.

DEXTRO *Mercurio*, pro tam neglecto brevique
epistolio, duas epistolas accepi, alteram justam,
alteram, quæ breve volumen videri posset. Utraque
mihi fuit gratissima, multis quidem nominibus, sed
præcipue ob sincerum pectoris in me tui candorem,
imo non in me, sed in eas potius dotes, quas in me
credis esse, non meas. Quid enim est nostrum, sed
si quid est, Dei est. *Heliam* optimum senem nobis
ereptum doleo, cœlis redditum gaudeo. Quid enim
illo candidius aut integrius? Proximis suis ad me lite-
ris subscripserat, *Helias tuus*, *barbarus*, *decrepitus*,
vivum cadaver, quasi præfagiens imminere mortem.
Illud *vivum cadaver* mihi displicuit, eaque gratia no-
vissimis literis objurgavi hominem, qui templum san-
cti Spiritus appellaret cadaver, quum nulli magis vi-
vant quam qui sic moriuntur. Respondit ille non ca-
lamo, sed re. Gratum est quod mihi depinxisti tuæ
familix simulacrum, gratius quod fortuna tuo respon-
det animo, qui liberos tuos cures sancte educandos,
sed ita ut unum duntaxat dicaris negotiationi. Quare
quum octo liberos habeas, eosque tam sancte instituas,
frustra mihi offerst tuas fortunas communes, non enim
sum tam impius, ut tam pie collocandis facultatibus
quicquam detraham, animum totum amplector atque
exosculor. Superest ut hanc amicitiam, e ferreo mu-
nusculo natam, adamantinis vinculis adstringamus. Do-
minus *Jesus* bene fortunet res tuas cum tota familia.
Basilea 27. Augusti, Anno 1527.

Sobio ex me salutem plurimam.

EPISTOLA DCCCLXXXIX.

Erasmus Rot. Georgio Duci Saxonie S. D.

ILLVSTRISSE Princeps, lubens accepi libel-
lum, lubentius tuæ Celsitudinis literas. Mirto nunc
alterum librum *Hyperaspista*, si quis erit qui tantum
velit suscipere sarcinulæ. An pro suo merito tractave-
rim *Lutherum*, tuum esto iudicium. Illud possum ve-
re dicere, mihi jamdiu nihil fuisse molestius, quam
istius hominis gloriosas nœnias perlegere. Nam hoc
tædium erat devorandum, si voluissim illi serio respon-
dere: neque me clam est, quos fremitus ille liber sit
excitaturus, quod hæc ausim in ipsorum regno. Ita-
que ni me Principes suo favore sublevent, vereor ut sub-
sistam, non tantum ob *Lutheranos*, quantum ob quos-
dam titulo *Antilutheranos*, re *Lutheranissimos*, qui vi-
ctoriam *Christo* debitam conantur ad se trahere. Opto
serenissimæ Celsitudini tuæ perpetuam felicitatem.
Datum *Basilea* 1. Septembris, Anno 1527.

EPISTOLA DCCCXC.

Erasmus Roterodamus Marco Laurino S. D.

PRO officiis in me tuis studioque si gratias agerem,
viderer arbitrari novum aliquid accidisse, quum tu,
mi *Laurine*, quod olim facere instituisti, nunquam non
facias. An isthic fideant Monachi nescio, certe in
Hispania tantos excitant tumultus, eosque subinde no-
vos, ut nec à Cæsare, nec Archiepiscopis *Toletano* &
Hispalensi compesci quiverint, liberum genus, quod
nec sacris, nec prophanis, nec divinis, nec humanis le-
gibus parere novit. Soli rustici potuerunt illos hic in
ordinem redigere, quorum tumultus tam mihi semper
displicuit, quam ipsis male cessit, eumque exitum
semper divinaram. Fratri tuo scripsi ut volebas, de
pensione Cæsarea nullam video spem nisi rediero. Nam
res semel acta est in concilio, & mihi ex eo concilio
D. *Margareta* nomine responsum est, & pensionem &
alia me digna parata, si rediero. Quare non arbitror

fratrem tuum, quamvis vocalem & strenuum patro-
num, hac causa fatigandum. Cæsar bis iussit numerari
pensionem nobis extra ordinem, sed facilius illi pare-
tur jubenti fieri exactionem quam solutionem. Soro-
res tuas incolumes esse gaudeo, sed miror quid cogi-
tent. An decreverunt perpetuam viduitatem? Si
quando nupturæ sunt, nunc nubent tempestivius, ni-
si fortasse tu meditaris novum collegium *Brigidentium*.
Monetæ mutata æstimatio conflavit mihi non medio-
cre dispendium. *Livinus* frequenter ad me scribit.
Tibi cum sororibus tuis precor omnem in Domino
felicitatem. Datum *Basilea* 1. Septembris, Anno
1527.

EPISTOLA DCCCXCI.

Erasmus Rot. Georgio Duci Saxonie S. D.

ILLVSTRISSE Princeps, quum hanc responsio-
nem appararem, Celsitudinis tuæ literæ, multum diu-
que quæsitæ, noluerunt ad manum venire. Ita fere
fit, ut quod maxime quæritur, fugiat maxime, & in-
terdum diligentius seponendo perdimus quod in primis
ad manum esse volebamus. Proinde ex his, quæ me-
moriam teneo, respondeam oportet. Scripseram ante
dies aliquot de literis tuis redditis sine poculo, sed pau-
lo post civis quidam *Basiliensis* mihi reddidit, ex fide
cujusdam negotiatoris *Argentiniensis*, quod & chirogra-
pho meo testatus sum. Erat profecto munus & ma-
gnificum & elegans, verum eo non perinde sum dele-
ctatus, atque animi in me tui jam ab omni suspicio-
ne defecati, vereque benevoli tam insigni testimonio.
Nec mediocre solatium in his fatalibus turbis attulit
illa Celsitudinis tuæ epistola, tam amica, tam alacris
& candida. Nec semel legi literas, quibus *Luthero*
provocanti respondes, mire festivas, ingenuas, inge-
niosas, & quod est *Christiano* Principe dignum, se-
veritatis habent satis, sed longè plus clementiæ. U-
tinam Dominus immutet mentem illius, & obtem-
peret admonitioni tuæ saluberrimæ, qua claudis epi-
stolam tuam. Ego profecto nunquam satis admirari
potui hominis spiritum & ingenium. Si malo perver-
soque spiritu ducitur, quid unquam exortum est exi-
tiabilis Ecclesiæ Catholicæ? Sin bono, in multis de-
sidero fructus evangelici spiritus, ne dicam in omni-
bus. Sin mixto, qui potest duorum spirituum tantus
esse vigor in eodem pectore? Multa quidem irrepre-
sunt in vitam *Christianorum* vicia, jam non ferenda,
quædam sic abierunt in consuetudinem, ut pro virtu-
tibus habeantur. Itaque piis hominibus multa displicent,
quæ mutata vellent, si citra tumultum orbis fie-
ri queat, cujus animi scio Cæsarem esse. Sed *Luthero*
displicent omnia. Verum ista factio, etiam si nemo
scriptis oppugnet, etiam si Pontifex & Cæsar con-
ni-veant, ultro dissipabitur, tanta est inter ipsos discor-
dia, ne commemorem mores hujus populi, quem no-
bis gignit hoc evangelium, minime evangelicos. Super-
est ut Principum auctoritate pollens sapientia, sic coer-
ceat seditiosam *Lutheranorum* licentiam, ne altera ex par-
te surgat periculosius incendium, de malis Monachis lo-
quor, & nonnullis ejusdem farinae Theologis, qui qua-
les apud vos sint nescio, apud *Hispanos*, *Ungaros*, *Polonos*,
Anglos, *Brabantos*, sed præcipue *Gallo* ex conspiratione
miram orsi sunt tragediam, adversus bonas literas, &
me per quem putant hæc studia vel excitata, vel adjuta.
Vicissent clamoribus & libris sycophanticis, nam hisce
præfidiis fidunt, ni Principum ac Præfulum auctoritas
impotentes illorum & centauricos motus cohibuissent.
Quod idem ante paucos dies Rex *Christianissimus* fecit
in *Gallia*, cujus fabulæ si tua Celsitudo partem aliquam
volet cognoscere, poterit ex his quæ misimus *Hiero-
nymo Emsero* tuæ benignitatis alumno. Non enim ausus
sum Illustrissimam Celsitudinem tuam, Reip. negotiis
occupatissimam, tam loquacibus nugis obtundere. Quam
instructus sim adversus *Lutherum*, aut quid simus pro-
fecturi libellis nescio. Nam *Diatriba* mea quid aliud
Tom. III. Sff effe-

efficit, nisi ut ille suum dogma magis etiam confir-
maret? Certe pro meis quantuliscunque viribus non
decreto Catholicae concordiae, cui & vitam debeo. Hy-
peraspis pars altera jam dudum exisset, sed oborta quo-
rundam, de quibus modo dixi, per omnes mundi pla-
gas, conspiratio coegit, relictis, quae erant in manibus,
libris & epistolis, praesenti malo occurrere: nam hac
tempestate Lutetia misit nobis quinque volumina in me
scripta, furiosis calumniis plena. Idem in aliis quoque
regionibus adornabant. Et tamen utrique negotio fa-
tisfecissem, ni mense Junio talis morbus occupasset hoc
corpusculum alioqui caducum, ut medici nihil vel o-
pis vel spei sint ausi polliceri. Itaque solius Dei praesi-
dio fretus vivo, victurus donec illi visum fuerit. Re-
cipiam nunc in manus quod coeptum erat, &, si Do-
minus dabit aliquid virium, absolvam brevi. Exemplar
literarum ad tuam Celsitudinem Lutheri, & tuae Celsi-
tudinis ad illum, misi in aulam Anglicam. De Profes-
sore quem miseram, scripsi rem omnem Emsero. Quod
tua benignitas studio provehit linguas ac bonas literas
mihi longe gratissimum est, quod ut perpetuo facias
te majorem in modum rogo. Illustrissimam Celsit. T.
incolumem ac bonis omnibus florentem servet Omni-
potens Dominus, qui per vos sedatis hisce tumultibus,
Ecclesiae suae pacem & tranquillitatem restituere digne-
tur. Datum Basilea 2. Septemb. Anno 1527.

EPISTOLA DCCCXCII.

Erasmus Roterodamus Alfonso Archiepiscopo To-
lano S. D.

Id re comperi verissimum esse, reverende Praesul,
Id quod scribit Apostolus Paulus Corinthiis, Deum,
qui toties in Scripturis pollicetur se non defuturum iis,
qui spei suae sacram ancoram figunt in ipso, esse bo-
nae fidei, ac praestare quod promisit. Quanquam enim
patitur suos variis afflictionibus exerceri, variis impro-
borum infectionibus vel purgari, vel explorari, ta-
men ita temperat afflictionum magnitudinem, suam-
que vicissim gratiam opitulatricem, ut non sinat eos
opprimi malorum undis, sed rebus etiam deploratissi-
mis addit laetum exitum. Et in ipso interim certami-
ne pro sua bonitate, laborum asperitatem solatiolis qui-
busdam admixtis subinde lenit mitigatque: quo pondus
tentationis humana imbecillitas possit sustinere, quod
significanti verbo dixit *ὑπομένετε*, quasi dicas *tolerando vincere*. Alioqui qui posset hac animula, hoc
corpusculum natura tenerum, nunc etiam senio, mor-
bis, &, quae maxima malorum pars est, taedio fractum,
tot tumultibus & infectionibus par esse, nisi divi-
na bonitas crebris lenimentis fatiscentem humanae na-
turae infirmitatem sublevaret. Praecipuum quidem in
rebus adversis solamen est, bene sibi conscia mens, &
aeterni praemii spes. Verum ille frequenter & per ho-
mines pios suggerit aliquid solatii. Hujus enim beni-
gnitati acceptum fero tuam, eximie Praesul, episto-
lam humanitatis & Christiana pietatis plenam, ex qua
tantum cepi voluptatis, ut quum me reperisset labo-
rum ac malorum taedio prope delassatum, tamen o-
mnem molestiae sensum repente absterferit ab animo,
vigoremque & alacritatem reddiderit. Porro quem-
admodum minus me discruciat privatus dolor, quam
publica rei Christiana calamitas, ita magis me recreat
communis populi felicitas, quam mea, si qua est, com-
moditas. Quantula est enim hujus homuncionis jactura,
quod ad corpusculum & famam attinet, praesertim si
spectes rerum omnium universitatem? Profecto non
multo major, quam apud nos unius culicis. Sed quis
ex animo favens Christi gloriae non vehementer doleat,
eo recidisse rem Christianam, ut qui tot modis profi-
tentur perfectum Christianismum, tam impudentibus
calumniis, tam evidentibus mendaciis, tam malitio-
sis artibus, tanta pertinacia debacchentur in eos, qui
pro suo modulo dimicant pro vera pietate? Si haec fa-
ciunt qui se jactant mundo mortuos, quid expectan-

dum à cæteris? Quo magis autem gratulor Hispaniae
studiorum ac religionis profectibus feliciter efflorescen-
ti, hoc acerbius fero publicam felicitatem istis tumul-
tibus contaminari, quam ego solidam ac perpetuam
esse cupiebam. Quin videre videor periculum, uti-
nam ne fallat animi praesagium, ne ista velitatio exeat
in bellum cruentum. Novimus enim artes Satanæ,
qui nunquam gravius laedit Christianam religionem,
quam quoties transfiguratus in angelum lucis, religio-
nis furore grassatur in publicam concordiam, quam uti-
nam liceat vel hujus capitis jactura redimere. Cæte-
rum ex adverso recreor animo, quoties reputo talibus
tantisque viris esse cordi Christi sinceræque pietatis ne-
gotium. Quanquam enim tuus animus, quem mihi
tua depinxit, expressit, ac representavit epistola, sic
placuit, ut vix alterius magis; sunt tamen alii complu-
res tuae sublimitati, si non pares, certe similes, à qui-
bus frequentes ad me convolant epistolæ: quorum pri-
mus est Guillelmus Waranus, Archiepiscopus Can-
tuariensis, qui sic angitur meis malis, sic recreatur
successu, ut pro se sit minus sollicitus. Quicquid il-
le habet, tam mihi commune est, si velim uti, quam
est quod domi in scriniis habeo conditum. Id mihi
pluribus experimentis cognitum est, & objurgor,
quod non utar ipsius benignitate. Proximus est Lan-
rentius Cardinalis Campegius, quo nihil optari potest
sincerius aut amantius. Tertius Joannes Episcopus Ros-
sens, quem arbitror è scriptis tibi notum esse. Quar-
tus Joannes Episcopus Lincolnensis, cujus amantissi-
mas literas quotannis bis accipio. Quin & ipse Car-
dinalis Eboracensis non raro literis suis humanissime
scriptis me dignatur. Porro Cusbertus Tomhallus, nunc
Episcopus Londoniensis, vobis, opinor, non ignotus,
ut qui nuper istic legatione functus sit, animus meus
verius est quam amicus. Nec hic mea merita prædi-
co, sed illorum potius admirandam humanitatem. Si-
miles horum habet & Gallia, sed præcipue Michael-
lem Bodetum, Episcopum Lingoniensem. Ab Rege Gal-
lorum, à Rege Britannia, à Duce Georgio, aliisque
Principibus tantum redditur epistolarum, ut aliquan-
do respondere non vacet. Porro literis eruditorum ho-
minum, quorum permulti dignitate quoque præminent,
vix sufficiunt scrinia. Ne quid interim commemorem
de Cæsaris ac Ferdinandi, nunc Ungariae Regis, aman-
tissime simul & honorificentissime scriptis epistolis.
Hæc me vocant in optimam spem, fore ut hi fatales
rerum tumultus aliquando conspiciantur, atque hæ tra-
gœdiæ in lætam exeant catastrophem. Talis nimirum
artifex est Christus, qui novit sponsam suam dejectioni-
bus erigere, angustiis dilatare, oppugnationibus com-
munire, mortibus vivificare, ignominii glorificare.
Quod si me vivo continget, libentius & alacrius hinc
decedam. Sin aliter visum est illi, non dubitabo quin
optimum sit quicquid illi placuerit. Proinde quod me
tua hortatur pietas, ut in his, quæ patior, constantem
& infractum animum præstem, quanquam eram id mea
sponte facturus, adspirante Christo, tamen tanti Præ-
sulis voce confirmatus idem faciam posthac & diligen-
tius & alacrius. Quæ defers per eximium Theolo-
gum Joannem Vergaram, hoc mihi sunt gratiora, quo
minus promereor, eoque magis istam tuam inauditam
benignitatem exosculor. Ea quoniam scio à sincera
promptaque benignitate deferri, arbitror me nihilo
minus debere quam si quicquid oblatum est accepis-
sem. Nec dubito quin pari candore meum quoque
animum sis aestimaturus, ut quicquid à me gratiæ re-
ferri poterat si liceret, id relatum existimes. Certe si
quid existerit occasionis, qua tibi meo vel officio vel
industria gratum facere queam, nihil fecero luben-
tius. Dominus Jesus amplitudinem tuam servet inco-
lumem. Datum Basilea 2. Septembris, Anno 1527.

EPISTOLA DCCCXCIII.

Erasmus Rot. Francisco Vergara S. D.

AN. 1527. IN praesentia, *Francisce* charissime, vix tantum erat locii, ut te vel resalutarem, pro tam copiosa, docta, amica, festiva epistola. Et si maxime fuisset ocium, poterat me sic undique scatens omnibus Musarum & Gratiarum ornamentis oratio à scribendo deterrere. Quis credidisset huc usque progressuras *Graecanicas* literas, ut adolescentes scriberent epistolas tam feliciter ἑλληνίζοντας; an expectas ut senex invidiam juvenibus? Adeo non invideo, ut vix aliunde capiam plus voluptatis. Qui erga juventutem subolescentem paternos gerunt affectus, iis ad hunc modum obscurari vincique gratissimum est. Hujus sane gaudii sensum toto pectore percipio. Visum est epistolae tuae exemplar mittere *Lovanium* ad Collegii trilinguis, quod ibi florentissimum est, professores, quo magis illos estimularem. Gratulor tibi, ornatissime adolescens, & auctor vestrae *Hispaniae*, ad pristinam eruditionis laudem, veluti postliminio reflorescenti. Gratulor *Compluto*, quod duorum Praesulum *Francisci* & *Alphonfi* felicibus auspiciis sic efflorescit omni genere studiorum, ut jure optimo πάμπλετον appellare possimus. Hoc tibi persuade, mi *Francisce*, nihil istoc tuo in me animo gratius, nihil epistola jucundius accidere potuisse. Habet, ut jocularis, *Hispania* & nunc suum *Geryonem*, monstrum τρισημάτων, sed habet eadem auspiciatissimum *Geryonem* in tribus ornatissimis fratribus μίαν ψυχὴν. Hoc tantum licuit in praesentia. Nolim existimes tibi responsum esse, sed tantum salutationem redditam. Bene vale, μετὰ τῆς φιλολόγων ἀπάντων. Datum *Basilea* 2. Septemb. Anno 1527.

EPISTOLA DCCCXCIV.

Erasmus Rot. Joanni Vergara S. D.

ABSOLVIMVS secundum *Hyperaspista* librum, quod facere non poteramus, nisi prius diligenter perlectis *Lutheri* scriptis, in quibus tantum est scommatum, sannarum, conviciorum, gloriarum, insultationum, ovationum, ac triumphorum, ut me minimo minus tædio enecarint & priusquam chartæ calamus admovent. Profectus illic sensimus αἰμυρόν λόγον, ut habet proverbium, nec ullum absinthium amarulentius. Dedimus *Ambrosium* totum cum majestate excusum, multoque castigatiorem. Addidimus *Commentarios Chrysostomi in Epistolam ad Galatas*, Latine per nos loquentes. Præterea *Homilias aliquot Origenis in Matthaeum*, partem ejus Operis, quod nos habemus αἰκίφαλον, imo vix dimidiatum. Dedimus & alia quædam minutiora. Hos labores exantlatos excepit alius labor, respondendi amicorum & inimicorum epistolis, quæ fasciculatim ex omnibus propemodum orbis regionibus huc perferuntur. His tædiis, his laboribus, *Vergara* dulcissime, tantum non enecto, tandem & tua reddita est epistola, tam amica, tam elegans, tam candida, tam festiva, ut omnem lassitudinem è corpore pariter atque ex animo depulerit. Juncta erat epistola Archiepiscopi *Toletani*, quo patrono te vel inprimis felicem judico, licet alioqui tot egregiis dotibus felicissimum. Utinam nostra *Germania* multos tales haberet Episcopos. Qui splendor orationis, sed inaffectatus, quæ sententiarum gravitas, ut tota spirat heroicam majestatem cum modestissimi Praesulis humanitate conjunctam? Ex animo loquor, neque convenit ut apud te fucus utar, cujus ingenio nihil est simplicius candidiusque: sed utraque jam farcinas adornante *Frobenio* reddita est. Quare carptim ad aliquot epistolæ tuæ partes respondeam oportet, alias libenter tecum quam loquacissime confabulaturus. *Alphonsum Vervefium* ex amicorum literis intelligo longe alium virum quam liber ille præ se ferebat. Itaque satius reor totum hoc quicquid est querelæ consopire, & *Christianam* ami-

citiam melioribus auspiciis inter nos jungere. Næ tu An. mihi τῆς πτωχότητος ἑγώνων Tragœdiam luculenter depinxisti, quæ nunc à turbulenta protasi ad turbulentiores ἑπίτασιν incaluit, superest καταστροφή, quam opto felicem non tam mihi quam *Christiana* pietati. Non enim dimicamus pro privatis hominum commodis, sed pro *Christiani* gregis publico bono: neque ventribus quibusdam improbis suam tyrannidem asserimus, sed hoc molimur, ut in omnibus regnet ac triumphet *Christiana* charitas: nec id facere desinemus, quando negotium, recto ut arbitror judicio susceptum, sincera conscientia facere pergitur. Quod isthic nunc agunt, conati sunt ante annos undecim, & non successit. Atque adeo pridem simul in omnibus mundi partibus, ut intelligas de composito rem geri, tentarunt eandem fabulam, sed nusquam non explosa est, præterquam isthic. Demiror huic hominum generi tantum licere, ut & Cæsari, & Pontifici, & Archiepiscopis auctus sit oppedere. Et interim jactatur illa sacrosancta obedientia, tertium votum, quum soli nec divinis nec humanis legibus pareant, sed quod volunt sanctum haberi postulent: de improbis loquor, atque utinam in pauciores hæc competant. Jactatur vox Apostolica, Oportet obedire Deo magis quam hominibus, sed eadem nunc est *Lutheranorum*. Et revera isti religiose Deo serviunt, sed illorum exemplo, de quibus scribit *Paulus*, quorum Deus venter est. Qui libros meos isthic *Hispanice* loqui doctos excudunt, utrum studio mei faciant, an odio, parum liquet, mihi certe movent gravem invidiam. Ex hoc fonte nata est & *Latetia* non levis Tragœdia, quam ex aliis amicis partim, partim ex libro, quem ad te mitto, cognosces. Id cur tantopere horreant non difficile est conjectu. In concionibus, in conviviis, in colloquiis, in navibus, in vehiculis, in sutrinis & textrinis, in sacris confessionibus deprædicare solent *Erasmum* esse hæreticum longe pestilentiores *Luthero*, ac persuaserunt multis idiotis, adolescentibus, seniculis, ac mulierculis. His præsidis promittebant sibi certam victoriam. Quod si *Erasmus* incipiat loqui populari lingua, detegatur istorum malitiosa vanitas, & tales habebuntur quales sunt: Hinc nimirum illæ lachrymæ. Porro quod fingunt me collussisse aut colludere cum *Luthero*, contra suam ipsorum conscientiam impudentissime mentiuntur. Sciunt enim neminem invisiorem *Lutheranis* quam *Erasmum*. Quod si pernegarint, coarguet illos servum Arbitrium *Lutheri*, quo nihil unquam scripsit hostilius: rursum duo libri *Hyperaspista*, quorum posteriorem nunc emisimus. Certe in hac *Germania* parte, nullus adhuc ausus est adversus istos calamo χεῖρ, quod utinam mihi vertat bene. Ubi vident utrinque fufum sanguinem, & ademtam foederis farciendi spem, ubi vident meo partim periculo rem *Lutheranam* inclinare, me conjuratis phalangibus adoriantur in ipso conflictu periclitantem. Hæc est τῆς ψευδομονάχων civilitas. Qua resciant *Luthero* nihil accidere posse gratius, nec Ecclesiæ tranquillitati pestilentius. Hæc est illorum pietas. Postremo, sciunt hos tumultus displicere *Romanis* Pontificibus, Cardinalibus, Archiepiscopis, tot Principibus, tot eruditis, atque ipsi demum Cæsari: Hæc est istorum obedientia. Quod ajunt meos libros *Latetia* publico judicio damnatos, aut legi prohibitos, impudens est mendacium, quum omnia mea prostent *Latetia*, & nuper *Colloquia* sint illic excusa à *Colineo* typographo, quum nulli libro sint magis infensi. Sed librum, quem scripsit in me *Bedda*, Rex edicto publico vetuit distrahi: tametsi Rege deluso clam distractus est. Et ob eandem causam quum *Bedda* venisset in aulam regiam, nescio quid agens almæ facultatis nomine, jussus est illic manere donec responderet ad ea quæ scripsisset: ille multa causans, ac in omnia se vertens, vix postridie dimissus est, sed hac lege, ut quandocunque vocaretur sisteret sese. Ex eo libro quidam eruditus ac probus Regi charissimus decerpit duodecim propositiones, easque cum mea responsione *Gallice* verbas exhibuit, quæ quam

Tom. III.

Sff 2

Re-

Regi placuerint declarabit exemplar epistolæ, quam mitto. Is, quem pene ad ignem adegerant, quod quædam mea vertisset *Gallice*, causam agit adversus *Beddam*, tres priores Monachos, qui in innocentem, ut scribunt, pronunciarant sententiam hæreseos definitivam: & exustus erat, nisi Senatus, mater regia, & Rex ipse forte tum appellens in *Galliam*, furoris incursum inhibuissent. Is, inquam, quem destinarant mactationi, nunc apud Judices à Rege delegatos reos peragit, *Beddam* hujus sceleris satellitem, & priores ad hoc facinus subornatos, & ipsam denique sacratissimam facultatem, quæ clam, ut rumor, inservivit huic negotio: Actor ex reo promittit sibi certam victoriam, quamvis habet gravem adversarium atque immortalē, ut plane vercar tandem hominis fortitudo in nervum erumpat. Hoc tamen in exemplum putavi referendum, alioqui, mihi crede, si tantum istis liceret ad lædendum bonos, quantum libet, brevi futurum, ut in ipsos Principes & Episcopos insiliant. Et si quid esset agendum de componendis Ecclesiæ rebus, illud in primis esset agendum, ut Mendicantium ordines subicerentur suis ordinariis, quemadmodum cæteri Clerici, mox omnes ad unum genus redigerentur. A multis illud jam olim, utinam vane, prædictum est, ex illis orituram Ecclesiæ perniciem. Jam enim quot tumultus excitarunt, nunc dissidiis, nunc conspirationibus. Verum de his alias. Etsi tum gratus esset animo meo, tum huic ætati ac valetudini congruentius, & fortassis conducibilius studiis, ab istis gladiatoriiis pugnis feriatum esse, tamen quando video hoc esse fatum meum, boni consulo, quod hi tumultus me vivo exoriuntur, qui post obitum meum exorti gravius læsissent & famam meam & publica studia. Itaque mihi persuadeo hæc non sine mente geri, nec sine *ummine Divum*, ut ait ille: si duntaxat hætenus favebunt Primates ne tumultu conjuratorum obruar, reliqua facile expediam, modo detur respondendi facultas. Et hoc animo sum, ut nolim in libris meis residere, quod pugnat cum *Christiana* pietate. Quod si Monachi rem gerent ea qua decet modestia, maximam à me inibunt gratiam: sin, quod scio factum & futurum, suo more peragent, tamen hostium animo malo abutar bene, & illorum maleficium vertam in publicum beneficium. Novi quanta sit istorum *γαστρολόγων* improbitas, & ipse scis *Hispanos* vehementi fervidoque præditos ingenio. Itaque spero Primatum prudentiæ futurum curæ, ne quid ex studiorum collisione nascatur dissidii, quod vestræ regionis tranquillitatem felicissimam minuat. Experientia docti sumus ex quam frivolis initiis aliquando nascantur sævissimæ tempestates. Tota hæc *Lutherana* tempestas ex levioribus initiis huc usque incurruit. *Dominicani* commendabant impudentius Indulgentias Pontificias. *Lutherus* opposuit articulos. *Sylvester* inepte respondit: *Lutherus* acriter restitit. Mox Monachorum aliquot, quibus hinc opima messis, clamores ad populum, me ne id facerent reclamante: pro bono consilio, audiivi male. *Lutherani* lapidabantur, & linguæ cum bonis literis. Decreverant enim eodem fasciculo complecti quicquid oderant. Quo processerit Tragedia videmus. Adeo mihi non placent ejusmodi turbæ, ut malim unius mei, si fieri queat, jactura, redimi serenitatem, quam mea causa suscitari tempestatem, tantum abest, ut mea culpa velim. Satiùs arbitror Pontificis auctoritatem huic negotio non admisceri. Quis enim magis timet Monachos quam *Romani* Pontifices? Aut quis Pontificem animosius contemnit, quam ipsis visum est, quam Monachi? Hætenus habui *Romanos* Pontifices & Cardinales aliquot satis faventes. Sed *ὁ ἀρχιεπίσκοπος* habet suas excetras, qui nihil non audent, & plurimum valent apud Pontificem. Præterea fervet illic Paganismus quorundam, quibus nihil placet nisi *Ciceronianum*: ac non *Ciceronianum* appellari, multo probrosum esse ducunt quam appellari hæreticum. Hos dicta mirum quam infensos habeam, quod non exprimaam *Ciceronem*, quem haud


scio an quisquam istorum exprimat. Ego certe nec affecto, & si affectarem tractans rem *Christianam*, ridiculus essem. Jam non semel istos placavi, nec gravabor iterum placare. Bonos fere placatos habeo, tamen si quorundam simplicitati imponitur, quidam metu vel silent, vel cum cæteris vociferantur, ne veniant in suspicionem. Malitiosi quidam nunquam placabuntur. Si hoc est bellum cum istis gerere, ea monere quæ pertinent ad veram pietatem, ad mortem usque gessero bellum. De memoria mei, deque lucubrationibus, viderit *Christus*. Intercidere multa meis immortalitate digniora. Si mundi finis instat, ut Prophetæ quidam affirmant, non est tanti pro tantillo spacio depugnare: si mentiuntur Prophetæ, tamen arbitror instare tempus, quo minus est futurum licentiæ personatis quibuldam, quam hætenus fuit. Mihi quidem adversus omnes casus sufficit bona conscientia. Hæc nonnihil habent austeritatis. Reliqua tua epistola tota melle saccharoque scatet, eruditissime vir. Quanta cum animi voluptate legi, linguas ac bonas literas tam feliciter in *Hispania*, quondam fecundissima magnorum ingeniorum genitrice, efflorescere, quum apud *Germanos* refrixerint, adeo ut professores salario publico conductos nemo velit audire? Quanto gaudio sum exosculatus omni decorum genere cumulatum Præsulis erga me studium ac benevolentiam, atque adeo benignitatem tam effusam & obviam, in hominem nihil promeritum? Quoties gratulatus sum vestræ regioni tales religionis antistites, talem studiorum successum, tam felicem eruditorum proventum? Equidem non teneor vitæ cupiditate, tamen quum hæc animo contempler, lubet interdum repubescere. Nihil addubito quin ista polliceatur ex animo, benigniora præstaturus quam pollicetur, sed immensum est iter, & valetudo plus quam vitrea, nec video cui vobis usui esse possem hac ætate, atque adeo hac valetudine. Crebris epistolis inquit nunc huc, nunc illuc, non adspernandis conditionibus, sed ut olim mihi fortuna defuit, ita ego nunc defum fortunæ. Ad hæc in acie stanti moriendum est, ad eam rem accommodatissimus mihi est *Frabenius*, arma pugnantis suppeditans. Epistolam tui fratris adeo feliciter *ἡλωζισαν* & ipse legi libenter, & eruditis, qui mecum habitant, legendam tradidi, misurus eam & *Levanium* ad Collegii trilinguis Professores, quo sic illis addam calcar. Nec dubito quin illos sit redditura alacriorēs; cavebo tamen ne excudatur ejus injussu qui scripsit. Non vacabat nunc illi rescribere, nisi forte salutariunculam. Et *Bernardo Tevari* video quantum debeam. Salsissime jocatur *Franciscus* in *Geryonem* quendam in *Hispania*, tricorporeum, unico animo, sed pessimo in *Erasmum*. Valeat ille portentosus *Geryones*. Istius *Geryonis* emine delector, quum video tres ornatissimos fratres eundem animum habere *ὡς ὁ ἑκάστος ἐξ ἑαυτοῦ*. *Tevari* multam ex me salutem dicio: nam *Franciscum*, si nihil aliud licebit per occupationes, certe salutabo. Habes carptim ad præcipuas epistolæ tuæ partes: verum in tantis occupationibus malim sic scribere quam nihil omnino scribere. Bene vale. *Basilea* 2. Septembris, Anno 1527.

EPISTOLA DCCCXCV,

Erasmus Rot. Carolo, Romanorum Imperatori semper Augusto, S. D.

Ut fateor me tunc Majestati plurimam debere gratiam, Cæsar invictissime, quum privatim meo, tam publice studiorum nomine, quod me suo favore benigniter sublevare non est gravata: ita vehementer optarim, ut ista tua virtus, quæ potentissimos Reges domat, subigitque, parem habeat vel auctoritatem, vel felicitatem in domandis quorundam improborum tumultibus. Ego Pontificum ac Principum, sed præcipue tuæ Majestatis præsidio fretus, *Lutheranam* factionem, quæ utinam non tam late pateret, totam in me concitavi,





An. magno sane capitis mei discrimine: cujus rei si quis fidem requirat, testabitur *Lutheri* servum Arbitrium, quod in me plusquam hostiliter scripsit; testabuntur *Hyperaspiste* libri duo, quibus illi respondeo. Nunc quum *Lutherana* res incipit declinare, idque ex parte mea opera meoque periculo, cooriantur isthic quidam simulato religionis prætectu, ventris tyrannidisque suæ negotium agentes; nos enim pro *Christo* pugnamus, non pro commodis hominum: & *Hispaniam* tot alioqui nominibus felicissimam incompotis tumultibus reddunt irrequietam. Ex istiusmodi præludiis videmus aliquando gravissimas oriri tempestates. Certe *Lutheranum* hoc negotium ex multo levioribus causis ortum est. Quod ad me pertinet, non desinam usque ad extremum halitum *Christiana* pietatis causam tueri; tuæ vero Majestatis ac pietatis fuerit constanter ac perpetuo favere iis, qui sinceriter ac fortiter propugnant Ecclesiam Dei. Sub *Christi* tuique signis milito, sub iisdem moriar, sed æquiore moriar animo, si prius videre liceat tua potentia, tua sapientia, tua felicitate, tranquillitatem redditam tum Ecclesiae, tum universo populo *Christiano*. Quod ut per te nobis largiatur *Christus* Opt. Max. orare non desino, qui tuam Majestatem servare dignetur, semperque in melius provehere. Datum *Basilea* 2. Septemb. Anno 1527.

EPISTOLA DCCCXCVI.

Erasmus Rot. Stephano Gardinario S. D.

GRATISSIMUM fuit, mi charissime *Stephane*, mihi per literas refricari tui memoriam, non opus erat tot indicis, hæbat animo illa imago quam *Lutetia* videram, adeo ut nunc penes coloribus possim exprimere: agnosco nunc eandem ingenii dexteritatem & in literis & in gravioribus negotiis obeundis, quam *Lutetia* præstabas in œconomicis. Nec tuæ literæ minus recrearunt meum animum abs te scriptæ, quam tum lactucæ delectabant palatum meum arte tua decoctæ. Gaudeo nobis patronum esse communem, & hoc magis tibi pariter ac mihi gratulor, quod intelligo cum primis te apud illum esse gratiosum. Nunc erant onerandi literis qui peterent *Saxoniam*, *Poloniam*, *Hungariam*, *Italiam*, *Hispaniam*, *Brabantiam* & *Angliam*, quare paucis tecum agere oportuit. Quoniam autem vix paucis licebat scribere, onerabo te negotio salutandi omnes, *Franciscum* medicum, *Tonesium*, *Burbanum*, *Petrum ab arenis*, cum cæteris qui nobis bene volunt. Bene vale, & auspicio tui nominis ad æterni præmii coronam emerendam enitere. *Basilea* 3. Septembris, Anno 1527.

EPISTOLA DCCCXCVII.

Erasmus Rot. Rutgero Rescio S. D.

RES erat levior quam ut ejus gratia negotium faceres exsecutoribus. Ab illis nihil erat perscriptum, & bene tibi volebat qui significarat, nimirum hoc agens ne loco movereris; quod quidem à me curatum est. Nec tamen ea causa tam nullius est momenti, quam tu vis videri. Non admodum prolixa vox est uxorcule, verum ea vox multa secum trahit. Omitto affectus uxorios, curam liberorum, studium augendæ rei, aliaque permulta, quæ profitendi intentionem remittunt ac refrigerant, etiam si non extinguunt, certe à collegii contubernio te semovet uxor; ad quod exemplum si cæteros item invitet quæstus, quo proclives sumus omnes, jam collegium non erit collegium, sed sordida quæpiam schola. Uxorem fortasse duxisti inconsultis exsecutoribus. Dices, Cur non protinus amoverunt? Non erat paratus qui succederet, & prudentes haud facile novant, ubi res est tolerabilis. Hæc civilitas illorum benignitasque, mi *Rescio* charissime, magis extimulare debet animum tuum, ut & susceptæ professioni, & talium virorum iudicio simul & expectationi respondeas. Habes, ut audio,

A frequens auditorium, hoc nomine tibi gratulamur, An. verum & optamus, & speramus tua diligentia futurum, ut habeas multo frequentius. Offeruntur aliunde magnificæ conditiones. Quid, quod isthuc ipsum quodammodo debes, non solum exsecutoribus, verum etiam ipsi professioni, quæ te ornavit, quæ tibi clarum celebrequè nomen peperit, & fortassis uxorem dedit? Nec hic tantum spectandus est quæstus, sed multo magis honesta fama, quæ multa commoda, quamvis non affectes, secum trahit. Quod amplissimis promissis invitaris in *Galliam*, scis qualia vulgo ferantur *Gallorum* promissâ, nec ignoras quid acciderit *Aspico* cani. Sed donemus conditiones non minus certas esse quam magnificas, memineris hujus etiam commodi portionem non minimam te isti debere collegio. Quare te rogo, mi *Rescio*, literas, quæ te ornarunt, vicissim ornare contende diligentia dexteritateque profitendi. Certa cum *Goclenio*, certa tecum. Id magis tua refert quam studiorum, sive perseveras isthic, sive quo alio te vocat aura fortunæ. Epistola tua sapiebat nescio quid *ἐπιστολὴ καὶ δίκαιον*. Si delectat litigare, cum improbis potius & Musarum hostibus litigandum censeo. Tibi cum humanissimis viris res est, quibuscum nemo potest litem suscipere, nisi difficilis & iniqui lucrifaciat opinionem. Illi te non movebunt loco, nisi gravis aliqua causa urgeat, idque multo minus facient, si non tantum vigilantia docendi, verum etiam morum integritate professionem & collegium honestes. Nec tu, quæ tua est probitas, deferes illos temere. Quod si quid inciderit quod merito vos dirimat, id fiet & amicitia nostra & fama tua ineolumi. Quod ego sane spero non futurum. Concordia mutua, studio profitendi, & morum civilitate vincetis quicquid est hostium felicissime. Hæc ut ab amantissimo tui profecta, tu simili accipies animo. Dulcissimam conjugem tuam resalutabis ex me diligenter, ac pubem honestissimorum studiorum alumnam. Bene vale. Datum *Basilea* 7. Octobris, Anno 1527.

EPISTOLA DCCCXCVIII.

Erasmus Rot. Joanni Bibliopogo Dano S. D.

VIDES *Homerum* esse vatem minime vanum. Si fluctus & matrimonium sunt tibi prospera, est quod vehementer gaudeam. Vix credas quantum tuo *Dilso* debeas, adeo sincero affectu, primum missis literis, mox præsens re, honoris tui rationem habuit. Quo magis debes illi benevolentia fideque respondere. Agit apud nos, cum Musis agitans consuetudinem. Placavit propemodum omnes, apud quos tui desiderium reliqueras, haud dubie placaturus omnes, si tam præsto fuisset facultas quam adest voluntas. Exhaustus huc venit, adeo ut ipsi propemodum opus sit benigno creditore, tantum abest ut illi possim aliquid detrudere. Proinde tuas literas exspecto & *κενὰς*, sed te meque dignas, quæ simul & *Bibliopogum* & *Dilsum*, & *Roterodamum* omni sollicitudine liberent. Id eo facies copiosius, si perscripseris vitæ fabulam, idque quam primum. A *Christiarno* *δῶρον δαρεῖν* exspectavi, imo nihil exspectabam. Hic *Dominicanus* quidam palam duxit uxorem, instigante, ut ajunt *Decretales*, diabolo, adeo vetulam, ut *Hecuba* soror esse possit. Quin & *Suffraganeum* ille *Augustinensis* cæcus calcam ambit, procus septuagenarius. Ni te hinc propere abripuisses, erat & de me nonnihil spei, te quidem conciliatore. Verum alias plura nugabimur. Vale & scribe. Datum *Basilea* 7. Octob. Anno 1527.

EPISTOLA DCCCXCIX.

Erasmus Rot. Francisco Vergara, Gracarum litterarum apud Complutum Professore, S. D.

NAB tu, charissime juvenis, *Virgiliani Daretis* imaginem nobis refers, *Entellum* jam senio fessum ad certamen provocantis, qui me literis & jucunde

An. 1527. prolixis & feliciter græciffantibus, ad respondendum, quo verecundius invitas, hoc acrius impellis, non alia re magis violentus, quam quod vim admoveere times: ut hoc minus mihi liberum sit tibi negare, quod pro tua singulari modestia pateris me tibi, quamvis avide cupienti, negare, videlicet amorem amore superans. Quanquam hæc similitudo plurimum habet dissimilitudinis. Neque enim *Erasmus* hoc unquam fuit in literis quod *Entellus* in cestibus: neque res hæc tustibus nodosis geritur, sed amoenis Musarum flosculis, & levibus calamis: neque qui vincitur atrum vomit ore cruorem, sed amabilem haurit eruditionem: neque liventia vibicibus, tumentiave plagis membra refert, sed animum accessione doctrinæ ornatorem. Hoc certe convenit, quod senex à juvene florentissimo provoco, licet quidvis potius quam sedens & ociosus, sed plane desudans tumultuanque licet in diversissimo studiorum genere. Quanquam ut video me ad triplex vocari certamen, amoris, laudis, & eruditionis: ita perspicio mihi cum tergemini fratribus rem esse, hoc magis invictis quod distrahi nequeant: nam hac arte tres *Curatios* fratres unus vicit *Horatius*. *Joannes* frater tuus in suis ad me literis, jocatur quidem lepidissime, sed nihil vetat jocando dicere verum, rursus *Hispanias* habere suum *Geryonem*, sed auspiciatissimum, tricorporeum quidem, sed unanimem. Primum igitur quod ad eruditionis laudem attinet, adeo non venturus sum tecum in certamen, ut etiam si detur ocium, reddatur juvenus, nihil aliud quam gratulaturus sim, & tibi privatim istam felicem indolem, omnia summa de se pollicentem, & publicitus *Hispania* vestra, tanto successu, priscam eruditionis gloriam sibi postliminio vindicanti. Quæ quum semper & regionis amoenitate fertilitateque, semper ingeniorum eminentium ubere proventu, semper bellica laude floruerit, quid desiderari poterat ad summam felicitatem, nisi ut studiorum & religionis adjungeret ornamenta, quibus adspirante Deo sic paucis annis effloruit, ut cæteris regionibus quamlibet hoc decorum genere præcellentibus vel invidiæ queat esse, vel exemplo. Quod autem in hujus laudis portionem aliquam & me vocat tuus candor, mi *Vergara*, non sum tam impudens, ut agnoscam quod tribuis. Nostratum ingenia fortasse nonnihil, vel juvi, vel excitavi, quanquam hoc ipsum excitasse nonnunquam juvisse est: Vos istam felicitatem secundum Deum debetis laudatissimæ Reginarum *Elisabeta*, *Francisco* Cardinali quondam, *Alonso Fonsecca*, nunc Archiepiscopo *Toletano*, & si qui sunt horum similes, quorum auctoritas tuetur, benignitas alit fovetque bonas artes. Proinde in supputatione debita gratiæ non patiar hic mihi ullum poni calculum, in gratulationis consortium perquam lubens veniam, & quidem ex æquo, si pateris. Siquidem hic animus propemodum *Stoicus* mihi semper adfuit, ut non multo propensior fuerim in unam regionem quam in aliam, sed universum mundum mihi patriæ loco duxerim: & sic affectus sum erga rectissimas literas, ut quoscunque sensero his vel deditos, vel præditos, eos proximo cognationis habeam gradu. Cæterum ut peculiariter me recreet hæc *Hispaniarum* felicitas, duo præcipue faciunt; alterum quod communi Principe gloriamur *Carolo* rerum domino, alterum quod tot jam argumentis compertum habeam, quam candide, quam amanter meis commodis faveant *Hispanorum* ingenia. Quo quidem nomine hoc magis illis debeo, quo minus agnosco me promeritum. De meis videor mihi nonnihil certe meritis: nam sunt quibus videar eximie meritis. Sed de patria queri, ac veluti parentem in jus trahere fortasse pium non sit, etiam si jure possis. Illud certe, quod scribis, dilucidius est, quam ut inficiari possim, *Hispaniam*, imo quamvis aliam nationem gratiorem experior quam meos, de quibus tamen queri non liber. Non est novum exemplum, vetus est, mi *Francisce* vetus, ut qui laboribus *Her- culanis* magnam aliquam Reipublicæ conferunt utili-

tatem, cum excetra colluctentur. Quicumque tale quippiam animo concipit, immortalitatem spectet oportet. Quanquam hæc hydra solet acrius in illos sibilare, qui vel novam, vel insolitam aliquam commoditatem adferunt, vel veterem instaurant; ac revocant. Hanc igitur belluam nos vobis tradimus aliquanto mitiorem, etiam si quo magis inclaresces benefactis, ut pulcherrime cœpisti, hoc infestius, mihi crede, senties *Lernæum* monstrum. Cæterum ne nobis hæc gratulatio de vestris *Hispaniis* nulla sit ægritudine vitata, curatum est pridem à *Stunica*, mox ab istis qui novam orsi sunt isthic tragœdiam. Nullus enim adhuc exstitit, vel *Hollandus*, vel *Brabantus*, vel *Flandrus*, vel *Zelandus*, qui nomen meum cruento stylo peteret, quod toties fecit amarulente *Stunica*, ne verbo quidem unquam à me laceffit, & ægre Pontificum & Cardinalium auctoritate coercitus, neque quisquam apud ullam nationem ausus est, quod audio, quosdam istius regionis *norvegicus* moliri. Atqui hoc ipsum arguit istic esse fautores *Erasmii*, quales alibi nusquam. Quæ res enim istos tumultus excitat, nisi vehemens amicorum studium? Frequenter enim gravius me lædunt amici supra modum laudantes, quam inimici detrahentes. Priusquam *Hispanice* loqueretur *Enchiridium*, minus quidem celebris ac plausibilis erat apud *Hispanos Erasmus*, sed minus invidiosus. Ac meo quidem commodo neglecto, facile tulero invidiam, sed illud vereor, ne quorundam improbitas istam *Hispania* vestra tranquillitatem serenitatemque aliqua turbationis nube suffucet. Tantum de certamine eruditionis. Venio nunc ad certamen laudum, quas tuus candor hic certe immodicus, tam largiter in me profundit, ut si agnoscam, sim impudentissimus: si referam, quamvis inferiora meritis tribuero, tamen verear ne mea prædicatio fide careat, si sic laudatus laudem, potiusque videar par pari referre voluisse, quam admirari virtutes tuas. Ne tamen frustra me laudasse videaris, non me mihi, sed teipsum, mi *Francisce*, laudibus istis non mediocriter commendasti. Declarant enim te vehementer amare res honestissimas, quas in me putas esse, & aut iisdem dotibus esse præditum te, quas de me prædicas, aut earum ingenti teneri studio. Superest ut tibi primum gratias agam, quod sic amanter erras de me: deinde gratuler juveni, jam nunc tot ornamentis decorato: denique currentem, ut ajunt, excitem, ut in isto pulcherrimo stadio graviter currentes quotidie teipsum superes. In tertio porro certamine, nimirum benevolentia, non patiar me superari, quando hic vinci nulli non turpissimum est, eo quod nulli non est in manu vincere. Prorsus *Erasmii* nomine sim indignus, si tam amabilis *tegetis* possim non *averegi*. Quid enim aliud tota illa tua spirat epistola, nisi meram benevolentiam, meros amores, meras gratias? Quid enim referam quantopere me delectarit facundus ille vestra *Hispania* genius? Quam pulchre depinxit istum prodigiosum *Geryonem*, & sophista, pseudotheologo & leguleio conflatum? Mihi quidem jam vel ætas ab istis gladiatorii concertationibus missionem impetrare debebat, verum aliter visum est superis. In arena moriendum *Erasmio*, ad quidvis nato potius quam ad conflictum. Jam olim haud incruentum bellum nobis est cum phalangibus eorum, qui in suæ tyrannidis exitium arbitrantur efflorescere politiores literas. Nec enim simplex est exercitus. Alii prorsus nolebant quicquam politioris literaturæ reviviscere, ne quid ipsi nescire viderentur. Rursus alii mitiores *Romanam* linguam utcunque latu-ri videbantur, *Græcam* & *Hebraicam* nullo pacto recipiendam arbitrabantur. Est & illud hostium genus, quod nuper cœpit ex insidiis erumpere. Hos male habet, bonas literas sonare *Christum*, quasi nihil sit elegans, quod non sit Ethnicum. Istorum auribus lepidius sonat, *Jupiter optimus maximus*, quam *Jesus Christus redemptor mundi*: & patres conscripti jucundius sonat, quam *sancti Apostoli*. Pontanum in cœlum tol-
lunt

An. lunt laudibus, *Augustinum* & *Hieronymum* fastidiunt. An. 1527. At ego malim unam odam *Prudentii* modulantis *Iesum*, quam navem onustam versibus *Pontanicis*, cuius aliqui nec eruditionem, nec facundiam contemno. Apud hos prope turpius est non esse *Ciceronianum*, quam non esse *Christianum*, quasi vero si *Cicero* nunc revivisceret, de rebus *Christianis* non aliter loqueretur, quam ætate sua loquebatur, quum præcipua pars eloquentiæ sit apposite dicere. Nemo negat *Ciceronem* dicendi virtutibus excelluisse, quanquam non omne dicendi genus convenit personis vel argumentis quibuscumque. Quid sibi vult ista *Ciceroniani* nominis tam odiosa jactatio? Dicam paucis, sed velut in aurem. Hoc sūco tegunt Paganismum, qui charior est illis *Christi* gloria. Me non admodum pœnitet ē *Ciceronianorum* albo eradi, modo scribar in albo *Christianorum*. Si quis nobis virtutes *Ciceronianæ* dictionis cum *Christiana* pietate conjunxerit, hunc ego vel decem præferam *Ciceronibus*. Ego tantum abfui semper ut *Ciceroniana* phraseos figuram exprimerem, ut etiam si possem assequi, malim aliquod dicendi genus, solidius, adstrictius, nervosius, minus contum, magisque masculum. Quanquam aliqui leviter mihi curæ fuit verborum ornatus, etiam si mundiciem, quum ultro præsto est, non adsperner. Nunc adeo non vacat expolire quod scribo, ut crebro nec relegere liceat. Sint germani si libet *Ciceroniani*, quibus per ocium licet trimestrem operam unis, nec his prolixis, literis dare. Mihi nonnunquam uno die liber absolvendus est. Illis itaque probro dent isti, quod non exprimant *Ciceronem*, qui id sedulo quidem, sed parum feliciter affectant. Postremo, si fas est fateri verum, nec istorum, qui nihil mirantur præter *Ciceronem*, quisquam adhuc *Ciceronem* feliciter nobis refert. Nihil enim moror inanem orationis bracteā, & decem verba hinc atque illinc ex *Cicerone* emendicata: totum *Ciceronis* pectus requiro. Hæc, mi *Francisce*, non eo spectant, ut alius sit magis proponendus eloquentiæ candidatis quam *Cicero*, sed ut istos rideam simios, quibus nihil pulchrum, nisi quod *Ciceronem* refert, quum nulla fuerit unquam forma tam felix, in qua nihil desideres. Ut formæ pictor, ita dictionis rhetor absolutum exemplum à multis petat oportet. Verum hæc fortasse rideri poterant; hos novi Evangelii tumultus, quis absque summo dolore, suo cum animo reputare queat? Et in tantis rerum omnium dissidiis, non solum non sumus ingeniosi ad excogitandas componendi hos miserandos ac nefarios motus, rationes, quin potius ad se quisque nitentes contendimus funiculum donec rumpatur, & repertis subinde novis dissidiorum seminariis, oleum, quod ajunt, camino suggerimus. Si saltem Monarcharum animos jungeret *Christiana* concordia, utcunque spes esset, Ecclesiæ tempestatem posse sedari: nunc quid nobis super sit non video, nisi divinas aures assiduis fatigare precibus, ut ipse velut *ὁ πρῶτος* exortus, his tragœdiis lætam addere *καταστροφὴν* dignetur. Si nosse cupis, quam sim strenuus retiarius, lege duos *Hyperaspistæ* libros; dices *Esernium* commissum cum *Pacidiano*. Epistolæ finem imponam, si te paucis, licet memorem, admonuero, non alia re melius *Geryones* istos superari posse, quam perpetua docendi vigilantia, morum civilitate, & concordia. Sunt enim qui gravem invidiam constarunt bonis literis linguæ petulantia, graviores *τῶν καὶ νῦν τῶν δόγμων ἁπλοῖα*, dum & majore studio professiones alienas infectantur, quam suam exornant, & τῇ ἀρετῇ prætexunt τὴν φιλολογίαν. Emicante politionis literaturæ gloria, ultro evanescent istorum inanes fumi, & experti linguarum fructus, mitigabunt invidentiæ sibi, quique nunc obstrepunt, paulatim in studiorum societatem coalescent. Si scire cupis quid agamus, præter alia totus *Augustinus* in manibus est, in quo vix credas, quantum portentorum comperimus: exhibit, ut opinor, alia facie. Lubens misurus eram tibi dono *Paraphrases*, sed hæc nisi per bibliopolas mitti

non poterant, quorum in præsentia nulla data est copia. Quin & has literas ventis committo. *Bernardi* 1527. *no Tovar* multam ex me salutem vicissim dicito. Audio *Sanctium* oblitum veteris contentions, amico in nos animo esse. Quod si verum est, ei me diligenter commendabis. Si certum cognovero verum esse quod ad me scripsit quidam, dabitur à me opera, ut & monumenta prisca conflictationis aboleantur. Imputabitur hoc *Ata*, quæ, ut scripsit *Homorus*, *πῶς οὐκ οὐκ*. De cætero nullum officium sinceri amici in me desiderabis. Datum *Basilæ* 13. Octobris, Anno 1527.

EPISTOLA DCCCC.

Erasmus Rotterodamus Carolo Duci Sabaudia S. D.

SICUTI vehementer disruciunt animum meum, illustrissime Princeps, hi furiosi & bellorum & opinionum tumultus, à quibus vix ulla *Christiana* ditionis intacta est portio: ita magna cum animi voluptate gratulor tuæ *Sabaudia*, quæ primum Dei favore, deinde tua singulari tum pietate, tum prudentia, sic ab horum malorum contagio mansit hætenus immunis, ut vicini quoque vestro fruuntur bono. Cæterum hanc felicitatem vobis gratulari, vulgaris fortassis, at non prorsus ingrati officii fuisset, opinor: nunc his literis appello Celsitudinem tuam illustrissimam, non ob id tantum ut illi gratuler, verum etiam ut quod illi gratulor perpetuum esse possit. Non morabor autem te longa præfatione, rem paucis expediam. Ex crebris amicorum literis cognovi istuc esse quendam ordinis *Franciscani*, multis egregiis dotibus præditum, ad prædicandum Dei verbum, quo sane nomine & veneror hominem, & illi gratulor: sed eundem non tantum in convivii & colloquiis, quod fortassis erat negligendum, verum & in sacris concionibus petulanter debacchari in nomen meum, nec ullum hujus rei vel modum facere, vel finem. Primum ista facit præter exemplum sanctissimi viri *Francisci*, qui non maledicendo, sed bene vivendo laudem assequutus est, & apud Deum & apud homines. Deinde præter meritum meum, qui constantissime perstiterim in parte Ecclesiæ Catholicæ, magno etiam capitis periculo conferens manus cum *Luthero*, quod istis ignotum esse non potest, quum exstet *Diatriba* nostra, & huic respondens *Lutheri Seruum Arbitrium*: rursus huic respondentibus duo libri mei, *Hyperaspistæ*. Insuper, præter sententiam Pontificum ac Cæsaris, qui non semel suis edictis ac literis istiusmodi clamoribus imposuere silentium, meamque pietatem & honorificentissimis literis testati sunt, & muneribus etiam amplissimis, ultro delatis, honorarunt. Verum si sibi quidam valde *Franciscani* videntur, quod nudis pedibus, cingulo canna-beo, cinericea veste *Franciscum* referunt, si Pontificum & Principum auctoritatem pro nihilo ducunt, si leve crimen apud eos videtur, quod commilitonem in eadem acie cum hoste fortiter pugnantem linguis confodiunt: saltem illud perpendere debebant, quam inutile sit quod faciunt, & ad publicam Ecclesiæ tranquillitatem, & ad ordinis ipsorum commodum, cui mire sibi favere videntur, & fortasse plus satis, licet sedulo magis quam prudenter. Homo sum, & dono Dei hætenus nec illectamentis, nec odiis, ab Ecclesiæ consortio depelli potui. Sed quid si victa tam pertinacibus odiis humana imbecillitas se desineat in partem deteriore, non cogitant quas procellas illis possim excitare? Quid magis optant addicti *Luthero* quam extinctum *Erasmum*? Quod si *Lutherum* isti putant capitalem hostem, sicut est, ordinum suorum, cur id agunt, quo nihil illi possit accidere gratius? An non oppugnat Ecclesiam, qui propugnatorem Ecclesiæ, cui suppetias ferre par erat, in ipso conflictu, linguarum spiculis à tergo confodit? Porro quod diu conati sunt mundo persuadere, mihi clam cum *Luthero* convenire, ut semper fuit falsum, ita res ipsa nunc declarat esse falsissimum. Sed æque falsum est quod

ja-

An. 1527. jactant, in libris meis esse, quæ pietati adversentur. Nullus adhuc exstitit qui vel unam sententiam impiam ex meis libris proferre potuerit, quum id aliquot inimico studio conati sint. Et si quid excidisset istiusmodi, quod nec ab *Hieronymo*, nec ab *Augustino* vitari potuit, quum animus vacet impietate, monendus eram, non apud populum traducendus. Nullus autem istorum unquam vel dicto vel scripto monuit. Quod si, dum in *Lucubrationibus* meis ago negotium sinceræ pietatis, per occasionem admoneo quædam, quæ ipsi interpretantur officere suo instituto commodisque, vel ipsi judicent, utrum æquius sit, *Christi* negotium cedere commodis & institutis humanis, an contra. Ista ratione & Sacerdotes, & Episcopos, & Cardinales, & Pontifices, & Principes, denique *Christianos* omnes oportebat mihi infensos esse, quum nullum sit hominum genus, quod non interdum admoneam. Quis fit autem ut cæteris placatis, plerisque etiam gratias & agentibus & referentibus, isti soli vociferentur? Nullus ordo unquam meis scriptis attactus est. Tantum indico præpostera vulgi judicia, commonstrans, quibus in rebus sita sit germana pietas, nullius perstringens nomen, quum ipsi sic debacchantur in nomen meum; damno nonnunquam eos qui fiunt humanis ceremoniis, neglectis iis quæ juxta *Christi* doctrinam vere faciunt ad pietatem. Taxo fortassis eos, qui pluris faciunt regulam *Francisci* quam Evangelium *Christi*. Moneo quosdam, qui pueros simplices, artibus illectant ad professionem instituti sui, inficiis & invitis parentibus. Noto eos qui se tuos arbitrantur ab unguibus dæmonum, si sepeliantur in cuculla *Francisci*, etiam si nunquam studuerint imitari vitam *Francisci*. Hæc sunt quæ quosdam illorum urunt, quum sint & ad pietatem conducibilia, & admonitu necessaria. Jam fingant quod non est, me petulantius aliquid in eos dixisse, quum convenit ut ad ultionem privati doloris abutantur & verbo Dei, & auctoritate loci, & gregis *Christiani* patientia? Sunt leges, sunt iudices, sunt mille modi, quibus liceat injuriam, vel depellere, vel rependere. Iste locus longe aliis rebus consecratus est, quem non decet humanis, ne dicam improbis, affectibus contaminare. Quum meæ lucubrationes toto volitent orbe, quum omnium in manibus versentur, quis Pontifex, quis Episcopus, aut quis omnino auctoritate præditus pronunciavit in me sententiam damnantem, quum eas laudarent aliquot, quorum est *Leo* decimus, *Adrianus* sextus, *Clemens* septimus? Id quum constet esse verissimum, undenam istis hæc auctoritas, ut pro suo arbitratu in quemcunque libitum fuerit pronuncient apud imperitam multitudinem, quam & fallunt mendacio, & inficiunt odii, livoris & obtreptionis contagio, pro salutifero doctrinæ Evangelicæ pabulo, simplicium animis inferentes diffidorum & malevolentiae venenum? Ex talibus initiis oriuntur interdum gravissima rerum incendia, quæ quidem hoc difficiliter restinguntur, quo levioribus exordiis paulatim obrepserunt; quemadmodum medici prædicant febres insanabiles esse, quæ sensim ex minutissimis causis invaluerunt. Primum enim res agitur clanculariis obtreptionibus, deinde publicis clamoribus, mox hinc atque hinc gliscentibus studiis erumpit incendium. Talibus ac prope levioribus initiis ortum est hoc *Lutheranum* incendium, quo nunc bonam orbis *Christiani* partem conflagrasse videmus, ingenti cum animi nostri dolore. Quod si istis licebit quicquid libet, quo tandem eruptura est impunita maledicentia? Vereor ne tandem infiliat & in Episcopos, & in Principes. Proinde non hic meam tantummodo causam ago, Princeps illustrissime, sed pietatis etiam & auctoritatis Evangelicæ, quæ talibus blateramentis labefactatur, sed publicæ tranquillitatis, quam initio literarum tuæ Celsitudini, tuæque *Sabaudie* gratularbar, & perpetuo gratulari cupio. Quod si tua prudentia judicat hoc ad se nihil attinere, non gravabor hoc beneficium in solidum illi debere. Sin perspicit, non

An. 1527. minus ad Evangelii sinceritatem ac publicam tranquillitatem referre, quam ad meam privatam existimationem, per geminam pietatem tuam, & quam habes in Deum, & quam geris erga patriam, rogo, ut re ex his qui norunt exacte cognita, tuæ Celsitudinis auctoritas admonet Ecclesiasten, ut, memor suæ professionis, ea qua decet sinceritate prædicet Evangelium *Christi*, nec illud improbis in proximum immerentem, imo benemerentem, vociferationibus profanet, violetque. Si quid habet adversum me, moneat, doceat, convincat; deinde, si videbitur, vociferetur apud populum. Neque vero hæc mihi temere credita sunt. Quod iste facit istic, illius sodales fecerunt apud *Hispanos*, *Polonos*, *Ungaros* & *Gallos*; ut obscurum non sit rem de composito geri. Rectius & suæ famæ & pietati consulent, si me pro re *Christiana*, quantum Dominus dedit, laborantem adjuvent, potius quam incessant maledictis, & commilitonem suum, cominus confertisque manibus cum hoste communi dimicantem, protegant clypeis suis, potius quam telis confodiant. Optabam amcenior quopiam argumento scriptionis ad tuam Celsitudinem illustrissimam initium auspiciari: verum hanc materiam nunc nobis præbuit *Franciscanus*; commodiorem aliquando dabit Dominus, si quid exstiterit, in quo liceat illi quovis modo gratificari, quod ego sane tam cupide facturus sum, ut nihil libentius. Eandem Illustrissimam Celsitudinem tuam cupio quam optime valere, cui me totum dedo, dedicoque. Datum *Basilea* 14. Octobris, Anno 1527.

EPISTOLA DCCCCI.

Erasmus Rot. Ludovico Vivei S. D.

FASCICULVS literarum, inter quas erant unæ *Versesii* ad te, quem miseras Calend. Junii, mihi redditus est sub Calend. Octobris. Fortasse commiseras *Francisco* bibliopolæ: nam is solet res amicorum ad eum curare modum. Te mihi inter certissimos amicos numerari recte conjectas. Verum quo rarius scribam quam tu velles, non id tantum in causa est. Frequenter aberrant literæ, interceptiuntur, hærent alicubi, ut nihil referat scripsisse, dum aut non redduntur, aut sero redduntur. Nec te semper idem orbis habet *ἡ ἀποφύγιον*, nunc natans apud *Britannos* & *νομήης χάριν*, nunc nidulans & *ῥογόνων* apud *Brugenses*. Porro scribendis epistolis enecor, aut si quod est verbum atrocius. Libellos tuos inter immensos labores vix degustavi, adeo subinde excutiuntur è manibus. Alias scribam certius iudicium, quandoquidem ταύτην ἀποφύγιον imponis *Erasmio*, pene dixerim asino. *Augustinum* excuditur cum dignitate summa. Negant tamen tuum volumen hoc tempore excusum iri, quod omnes socii abundant libris. Si quid correctum velis, aut adjectum, poterit adjici. Verum hic, mi *Vives*, nolim te superfluis onerare volumen. *Alardus* clamat in textu multa parum attente recognita, sed hominem novi. Sunt in quibus ipse dormitasti, sed admodum pauca. De typho meministi. Ea potes refecare, nec addere nisi digna cognitu & ad rem pertinentia. Hoc & typographis erit gratius, & lectori jucundius, & tibi gloriosius. Sat maturaris si miseris ad nundinas *Argentinenfes*. *Laurinorum* consuetudinem tibi quamvis amicissimo, propemodum invideo. Nos in hoc pistrino confenescimus, vel immorimur potius, tametsi subinde meditantes fugam. Bene vale. *Basilea* 15. Octobris, Anno 1527.

EPISTOLA DCCCCII.

Erasmus Roterod. Monacho cuidam S. D.

MVNVS CVLA tua mihi fuere gratissima. Ego valeo quantum valere potest senex valetudinarius, & immodicis obrutus laboribus, quantis vix & juvenis & validus sufficeret. De corporis tui bona valetudine non tam gratulor, quam doleo te de animi

1527. ^{An.} valetudine queri. Non enim in nobis situm est, quomodo valeamus corpore, cæterum ut recte valeat animus, magna ex parte in nobis situm est. Vereor ne imponant tibi quorundam præstigiæ, qui jactant hodie splendidis verbis libertatem Evangelicam. Crede mihi, si rem propius nosset, minus tæderet te istius vitæ. Video genus hominum exoriri, à quo meus animus vehementer abhorret. Neminem video fieri meliorem, deteriores omnes, quotquot ego sane noverim, ut vehementer doleam me quondam in libris meis prædicasse libertatem spiritus, quanquam id bono animo feci, nihil minus suspicans quam hujusmodi populum exoriturum. Optabam sic aliquid decedere ceremoniis humanis, ut multum accresceret veræ pietati. Nunc sic excutuntur illæ, ut pro libertate spiritus, succedat effrenis carnis licentia. Civitates aliquot *Germania* implentur erroribus, desertoribus monasteriorum, sacerdotibus conjugatis, plerisque famelicis ac nudis. Nec aliud quam salatur, editur, bibitur, ac subatur; nec docent, nec discunt; nulla vitæ sobrietas, nulla sinceritas. Ubique sunt, ibi jacent omnes bonæ disciplinæ cum pietate. Plura tibi super his scriberem, si tutum esset literis committere. Tot annos laudabiliter in isto sodalicio vixisti, jamque, ut scribis, ætas tua vergit ad vespem, fortasse me novem aut octo annis minor. Agis in loco commodissimo, cælo saluberrimo, multum solationum adfert eruditorum hominum confabulatio: nec deest bonorum librorum copia, nec deest ingenium. Quid in hac vita potest esse suavius quam in hujusmodi pratis ociantem, jam veluti prægustare vitæ cœlestis felicitatem, præsertim hac ætate, hoc seculo, quo nihil potest fingi turbulentius, aut calamitosius. Novi quosdam, qui fumo libertatis decepti deseruerunt suum sodalitium. Mutato cultu duxerunt uxores, interim egeni, exsules, suis, quibus erant chari, detestabiles: tum in eo statu rerum, ut etiam si qui sint qui illis bene velint, tutum non sit benefacere. Jam quomodo sit affecta illorum conscientia, novit Deus, & quomodo intus placeat nova sodalitas, ipsi viderint. Quænam est hæc libertas, ubi non licet dicere preces? non licet sacrificare? non licet jejunare? non licet abstinere à carnibus? Cogita quid talibus possit esse miserius, etiam in hoc seculo? Si quis sit juvenis, si dives posset, aliquot annis frui commodis hujus mundi, si quid tamen est hic commodorum. Nunc aliena ætate hæc facere, dementia verius est quam stultitia. Sed onerant constitutiones, invidiæ, & similia. Quicquid istius generis est, levissimum est, si bonus adsit animus. In altera parte plus malorum perpetiendum fuerit. Itaque Deus det meliorem mentem istis, qui fabulis hujusmodi turbant animi tui tranquillitatem. Emoriar si vel tantillum roboris haberet hoc corpusculum, ut saltem vivere possit, ni malim isthic tecum agere quam in palatio Cæsaris esse primus Episcopus. Sed ignoras pariter & tuam felicitatem & hujus seculi miseriam. Nec est quod spectemus Concilium. Sero veniet, obstante Principum diffidio, & si fuerit institutum, sedecim annis agetur de rebus longe aliis quam de ceremoniis. Proinde, mi charissime in Domino frater, & per veterem imo perpetuam amicitiam nostram, & per *Christum* oro, obsecro, obtestor, ut istud tædium penitus excutias ex animo, nec aurem præbeas exitalibus hominum fabulis, qui nihil opitulaturi sunt tibi, sed irrisuri potius, ubi te in foveam pellegerint. Si toto pectore contemneris hujus mundi fallaces præstigijs, totum te *Christo* dedideris, in sacris Libris, in meditatione vitæ cœlestis totus verferis, crede mihi, abunde multum solationum invenies, & ista tædiola, quæ commemoras, non aliter quam fumus evanescent. Si monitorem audieris, nisi comperieris esse verum quod dico, mecum expostulato. Dominus repleat cor tuum omni consolatione spirituali, amice & frater in Domino charissime. Datum *Basilea* 15. Octobris, An. 1527.

EPISTOLA DCCCCIII.

Erasmus Roterod. Alfonso Manrico, Archiepiscopo Hispalensi, S. D.

^{An.} 1527. **R**EVERENDE Præsul, mitto responsum typis quidem excusam, at non editam, nisi quid aliud cen- fuerit auctoritas tua, cui per me licebit & istic edere, si videbitur. Videbam opus aliquot exemplaribus, quo certius judicarent ad hoc delegati, nec mihi suppetebat tanta scribarum copia. Multorum igitur amanuensium vice, sum usus uno typographo. Non queo satis admirari quid istis hominibus venerit in mentem, ut hujusmodi rationibus & meis stultiis & Celsitudinis tuæ negotiis molesti sint, turbentque *Christianam* tranquillitatem: non poterant alia via magis seipsos traducere. Ante paucos dies scripsi copiosius. Opinor jam redditas literas, quandoquidem eas exemplari gemino misimus. Quin & illud demiror, Cæsarem, quum ipsius auctoritate fretus meum caput omnibus periculis objecerim, nunc permittere, ut pro officio, tantum non bestis objiciar. Mihi per Cæsarem non licuit timere factionem revera formidandam, & nunc Cæsar eos metuit, quibus ego meo periculo præstiti, ut minus metuant. Verum, ego non desinam quod homine *Christiano* dignum est agere. Tua Celsitudo faciet, quod *Christiana* pietati maxime videbitur conducere, cui precor omnem in *Christo* felicitatem, me totum illi dedicans. Verbis consequi nequeam quanto cum animi dolore videam Regum iras incrudescere, quorsum evasuras incertum. Agnosco divinam iram per Monarcharum ætus in nos sævientem, nec respiscimus. Hæc res magis discruciat animum meum, quam stolidi Monachorum tumultus. Dominus omnia vertat in bonum exitum. Datum *Basilea* 15. Octobris, Anno 1527.

EPISTOLA DCCCCIV.

Erasmus Rot. clarissimis fratribus Amblardo & Lodovico Alardetis S. D.

ARDORI quidem animi vestri, Juvenes ornatissimi, sat scio, literæ quamlibet prolixæ, perbreves videbuntur: at meis occupationibus epistola quamlibet brevis, non potest non esse prolixa. Sane pudet me jam semel atque iterum tam neglecte, tamque paucis scripisse, haudquaquam ignarum quid debeatur, & isti vestro in me tam singulari studio, & ingenii fortunæque ornamentis, quibus pariter estis cumulativissime locupletes. Ac plane vereor, ne quoniam vix quisquam crediturus sit, quantis distringar laboribus, quanquam vix supersit tantillum temporis, quod valetudini corpusculi, jam non senio tantum & valetudine caduci, detur, tam malignas tamque inconditas epistolas, vel fastidio meo, vel ingratitude, vel desidiæ tribuatis. Illud certum scio, si cognitum haberetis, quas studiorum moles hic homunculus sustineat, admiraremini me quicquam omnino scribere. Mihi non admodum probatur vestrum consilium, ut illustrissimi Principis auctoritatem adversus Ecclesiastæ petulantiam implorem: vel quia res videtur levior, quam ut hinc sollicitandus esset Dux tantus: vel quia solet istorum hominum improbitas, si obnitare, veluti torrens injectis obicibus altius intumescere, quum neglecta citius conquiescat, vel ipsis vociferando delassatis, vel defessis auditoribus. Multo minus autem ardebat consilium de Ecclesiasta longa epistola compellando. Jam expertus sum hinc illos cristas tollere, si quis eos dignetur scripto. Quippe rati se formidabiles esse, magis ferociunt. Si placide modestèque scribas, formidini tribuunt, & tollunt animos. Sin pro illorum dignitate, quid aliud quam crabrones irritaris? Veruntamen quando mihi persuadeo, vestram prudentiam hoc non sine causa tantopere velle, scripsi utrique, sed ita ut

Tom. III.

T t t

vo-

An. vobis in manu sit, epistolam utramque vel reddere, 1527. vel premere: Vos enim hoc certius quid hic expediat, statuere potestis, quod omnes negotii personarumque circumstantias, utpote praesentes, optime no-
stis. Porro meis ad illustrissimum Principem literis, quoniam Laconicae sunt, si quid deest, vestra supplebit eloquentia. Nam mihi etiam si fuisset ocium, tamen congruentius ac tutius esse judicavi, cum Monarcha paucis agere, ne bis offendam, si illum & ingratius & verbosius onerarem literis. Quum enim *ἡμεῖς* per vos, *ἡμεῖς* per causae naturam non liceat, saltem *ἐλάττω* cum heroe colloqui visum est: cujus singularem prudentiam, quum ex multorum praedicatione, tum ex illo potissimum perspicio, quod in tantis rerum undis undique circumfremantibus, perpetuo suam ditionem, tranquillam quietamque servavit, ut nec bellico furori, nec impietatis contagio locus iste hic patuerit. Hanc tantam felicitatem magnopere gratulor vestrae Sabaudiae, Christum Optimum Maximum comprecans, ut eandem liceat & orbi Christiano toti gratulari. Sed plane video futurum, ni Principum auctoritas quorundam coarceat improbitatem, ut isti *καταγεται πολιαι*, graviores excitent tumultus quam haecenus excitant isti novi Evangelii praedicationes. Ab infectandis politioribus literis primum exorta est haec tragedia, & si pergunt, ut instituerunt, videtur ad caput rediturus circulus. At qui rectiora studia diligunt, mea sententia magis illa promoverint, si quod operae sumunt in rixando cum amulis blateronibus, impendant excitandis, expoliendis, erudiendis, fovendisque spei melioris ingenii. Nam isti numero, phalangibus, syncretismo, improbitate, clamoribus, adde si libet fucis ac malis artibus, prorsus invicti sunt: nec alia re quam fustibus ac fame domari queunt. Sic vir clarissimus Hermannus à Novaguila Comes adegit Jacobum Hochstratum ad abjectam & scurrilem palinodiam, cujus exemplar apud me est. Quibus, inquires, praesidiis? Non argumentis, non æquis rationibus, non monitis, non minis, non conviciis; nihil enim horum non frustra tentatum fuit: sed quibus praesidiis? Caseis & ovis, quorum in ditione Comitum colligendorum jus istis ademptum fuerat. Itidem donec suam fabulam agerent rustici, mirum quam se contraxerint intra restam, qui nunc feroces exerunt cornua. Principum auctoritatem adeo non agnoscunt, ut illis imperent citius quam pareant. Ab Episcoporum jure multis bullis exemptissimi sunt, & horum tamen functionem usurpant, excipiendis Confessionibus, ac praedicando Evangelio. Uni Romano Pontifici nonnunquam auscultant, sed quum est commodum, quoties id non est, à nullis fortius contemnitur quam ab istis. Et interim jactant nobis illam sanctam obedientiam, quum nec divinis, nec humanis legibus obtemperant. Haec, fateor, non in omnes competunt. Sunt & inter illos prohi, sed ut nupium pauci, ita sic aliorum tyrannide pressi, ut quod sunt, esse non liceat. De his coercendis alii viderint: certe nostrum est pro viribus instaurare puriorem Christianismum, una cum optimis literis; quas res si nobiscum amplectentur, & suis commodis & publicae tranquillitati consuluerint: Sin existimant cum iis, quae suat optima, suum institutum parum convenire, vel ipsi perspiciunt, opinor, æquum esse, ut deteriora cedant melioribus, humana divinis. Isti malunt esse formidabiles quam amabiles, & certe sunt quod optant; & hinc ferociunt, haud reputantes, quam infidus sit diuturnitatis custos, metus. Me mirum quam contemnunt, quidni contemnant Erasmus, qui Caesaribus & Archiepiscopis audent oppedere? Verum si mihi tanta esset libido referendae contumeliae, quantam istis adest inferendae, fortasse satius erat illis provocasse Monarcham aliquem quam *μολόγαμνον Erasmus*. Sed de his fortasse nimis multa, quae tamen mihi pluribus non sine causa differa sunt, quo vestra prudentia rectius consulat, quibus rationibus cum Gracis sit agendum. Precor ut Dominus tam

amabile jugum fratrum, ad optima concordium, An. perpetuo servet incolume. Datum Basilea 18. Octo- 1527. bris, Anno 1527.

EPISTOLA DCCCCV.

Erasmus Roterodamus Bilibaldo Pirckheimero S. D.

A. Tuo, mi Bilibalde, calamo nunquam metui, jam pridem expertus & prudentem tuam civilitatem, & animum in amicitia tuenda constantissimum, verum, illud me male habebat, Oecolampadium meum nomen praeter causam suis libris admiscere, quum ex me sciat, mihi ingratum esse ab eo nominari, ingratius vituperari, ingratissimum laudari. Nec tamen ille finem ullum facit. Hujus rei nihil unquam imputavi meo Bilibaldo: nam multa dolent, quae nulli possumus imputare. De silentio tuo praeter solitum, si nonnihil dubitavi, mirum videri non debet, quum & ipse scias quantae sint humanorum animorum mutationes, Euripum dicas, quot artes, quae improbitas linguarum, praesertim hoc seculo. Hujus tamen suspiciunculae, quamlibet levis, non omnino me poenitet, quae literas tuas desideratissimas extorsit. Quod me revocas ab Apologia, agnosco prudens & amicum consilium, nec id tuum unius est, sed omnium fere cordatorum, qui mihi bene volunt. Verum, hoc est fati mei, pluribus tamen obticui quam respondi. Certe Sutori respondisse semper poenitet, quod tamen magni amici impulsu feci. Dorpium toties ad ingenium redeuntem vici. Si Lei tragicas molitiones, & Stunica fumos ex Hispaniis, quia parum succedebat, Romanos translatos pernoses, minus improbares factum. A Luthero quietem agere per Principes non licuit. Lateranensi Theologi quidam per eum quem noster olim orsi sunt suam fabulam, quam nunc eodem impulsore renovaverunt subornato Bedda, cui respondi. Qua de re mihi omnes amici gratulantur, haec esse prodita me vivo: nam expectabant in dies mortem meam. Ubi vident vivaciorem quam vellent, impatientia victi profluerunt in proscenium, impune, ut putabant, peracturi suam fabulam, Erasmo sepulto. Idem quidam in Hispaniis confiato rursus libello sycophantico tantum tumultus ibi concitavit, ut res & Caesarem, & aulam, & Archiepiscopos, & Academias exerceat. Tantum valet illud stolidum animalculum ad diffidia natum. Quamquam nec hic illi res succedet, licet habeat septem Monachorum ordines ab ipso stantes. Nec ita multum temporis operae in his rixis colloco. Longe plus datur epistolis, interdum nec jucundis, nec necessariis. Facile credo quod scribis de Ecclesiasticis: nam video populum exoriri, à quo vehementer meus abhorret animus: de catastropha magnopere metuo. Perit concordia, charitas, fides, disciplina, mores, civilitas. Quid superest? Juvenis ille gloriosus, de quo scribis, magnum malum accersit tibi, nec facit finem. Quum totius Huttenicae tragediae fuisset auctor, abusus familiaritate nostra, miratur si Principi scripsi, ut illud ingenium ab illis nugis ad honestam aliquam functionem avocaret. Calculum tibi mitiorem gratulor. Meus mutatus est in aliud morbi genus perpetuum, sed tolerabilius. Ego medicis valere jussis, Deo me commisi. De Alberti Dureri nomine celebrando mea sponte cogitabam. Tamen admoneri gratum est. Jam isti podagrae mea quoque causa male precor, per quam tibi non licuit epistolam tuam absolvere, quum tuarum prolixissima quaeque mihi soleat esse jucundissima. Caesarem ornare te pro tuis meritis sane gaudeo, utinam & morbum queat auferre. Haec ad tuas ad me literas. Nunc ad epistolam, qua veluti *ἑρμηνεύς* de Oecolampadio, cujus negotii me judicem esse nolui: nihilo secius tamen licuit ex ea summam capere voluptatem, non tantum ob id quod lepidissimis scateat jocis, sed quod te quoque hilariter vivere declaret. Ex ea didici, quod nesciebam, me rursus ab illo attractum. Opinionem illius longe meliorem nunquam dixi. Illud inter amicos

An. cos dixi, me posse in illius sententiam pedibus discere, si probasset eam auctoritas Ecclesiae; sed ad-
1527. cecidi, me nullo pacto ab ea posse dissentire. Ecclesiam autem voco totius populi *Christiani* consensum. An idem dixerint Hypocritae, quorum meministi, nescio. A me certe sine fūco dictum est & ex animo, nec unquam de Eucharistiae veritate vacillavi. Quantum apud alios valeat auctoritas Ecclesiae, nescio, certe apud me tantum valet, ut cum *Arianis* & *Pelagianis* sentire possim, si probasset Ecclesia quod illi docuerunt. Nec mihi non sufficiunt verba *Christi*, sed mirum videri non debet, si sequor interpretem Ecclesiam, cuius auctoritate persuasus credo Scripturis Canonicis. Fortasse plus vel ingenii, vel roboris est aliis, ego nulla in re tutius acquiesco, quam in certis Ecclesiae iudiciis. Rationum & argumentationum nullus est finis. Agnoscit tua prudentia, quibus epistolae tuae verbis per haec responderim. Plura tecum libebat quidem, sed minime licebat. Excuditur totus *Augustinus*. Hoc oneris quum semper recusarim, tamen obruditor humeris meis. Bene vale. Datum *Basilea* 19. Octobris, Anno 1527.

EPISTOLA DCCCCVI.

Erasmus Rot. Martino Bucero S. D.

SATIS tu quidem rhetorice causam agis *Capitonis*, verum, video te, licet alioqui facundum caufidicum, non satis instructum ad hoc patrocinium. Si conjecturarum & argumentorum aciem proferrem, intelligeres tibi meditandam aliam orationem. Verum ego jam rixarum sum satur, & in eos, quos ex animo dilexi, non facile moveor. Quid eques gloriosus ausit, aut non ausit, ipse viderit, nisi quod nimium subinde redit ad hunc ludum. *Capitonem* ei fabulae non admiscebo, nisi seipsum rursus admiscuerit, nec arbitretur me tam stupidum ut non intelligam quid agatur: sed his de rebus ipsi scripsimus. Porro, quod tuam vestraeque Ecclesiae causam agis, arbitror satius esse nihil respondere, quod res, etiam si vacaret discrimine, verbosissimam orationem desideret. Tantum ad quaedam carptim & paucis accipe. Qui de linguis detulerat, is est, cuius fidem ne tu quidem contemneres, nec male de te sentit. Verum, in te nihil unquam concepi sinistri animi, quod quidem attinet ad privatos affectus. Agunt isthic qui blaterabant, omnes disciplinas esse repertas à cacodæmonibus. Certe ubicunque regnat hoc hominum genus, quocunque nomine censendum, jacent, frigentque studia omnia. *Norenberga* conducti sunt ex ærario civitatis qui profiteantur, non est qui audiat. Colligis tu quidem mille conjecturis, cur Ecclesiae vestrae non dederim nomen. Verum, scito primum ac potissimum omnium, quod me ab isto consortio revocavit, fuisse conscientiam, cui si persuaderi potuisset à Deo proficisci quod agitur, jam olim in vestris castris militarem. Proximum est, quod videam in isto grege multos alienos ab omni sinceritate Evangelica. Mitto rumores & suspiciones, de compertis experimento loquor, atque adeo meo malo compertis, nec in vulgo tantum, verum etiam in his qui videntur esse aliquid, ne dicam proceres. De ignotis non est meum judicare, mundus late patet. Novi quosdam optimos, priusquam huic professioni sese addicerent, quales nunc sint nescio: certe aliquot comperi factos deteriores, nullum meliorem, quantum humano iudicio perspicui potest. Tertium, quod animum meum deterruit, est ista tanta inter primores negotii dissensio. Ut enim omittam prophetas & Anabaptistas, quam amarulentis libellis inter se conflictantur, *Zwinglium*, *Lutherum* & *Osander*? Principum saevitiam nunquam probavi, sed hanc quorundam mores irritant, quum oportuerit sanctitate commoditateque morum commendare Evangelium, si apud vos esset quod jactatis. Ut enim de aliis taceam, quorsum attinebat, ut *Lutherus* ad eum modum scurraretur in *Anglia* Regem, quum negotium tam arduum suscepisset favente mundo? Non cogitabat quam

A personam sustineret, non reputabat totius orbis oculos in unum coniectos? Et hic est huius negotii coryphaeus, cui non admodum succenseo, quod me tam scurriliter tractavit, quod Evangelii causam prodidit, quod Principes, Episcopos, pseudo-Monachos, pseudo-Theologos in capita bonorum virorum immisit, quod servitutem, quae jam erat intolerabilis, conduplicavit, id vero discruciat animum meum. Et videbor mihi videre seculum cruentum ac sanguinarium, si pars irritata respirarit, quod plane nunc facit. Dices nullam esse turbam, quae non habeat admixtos malos. Certe Procerum erat praecipuam de moribus curam agere, mendaces, perjuros, ebriosos, scortatores, nec alloquio dignari.
B Nunc longe secus fieri audio, ac propemodum video. Si maritus comperisset uxorem magis morigeram, si praceptor discipulum magis obsequentem, si magistratus civem magis tractabilem, si conductor operam fideliorum, si emptor venditorem minus subdolum, erat magna Evangelii commendatio. Nunc quorundam mores faciunt, ut & qui primum amore pietatis & odio Pharisaismi favebant huic negotio, nunc frigeant, & Principes dum vident subnasci populum *atavilov*, ex erroribus, profugis, decoctoribus, nudis, miseris, plerisque etiam malis collectum, execrantur, & ii qui initio bonam spem conceperant. Haec non sine gravi dolore commemoro, non solum ob id quod prospiciam rem sinistre tractatam in pejus cessuram, verum etiam quod haec faba tandem in meum cudetur caput. Quidam enim iniquiores, meis imputant scriptis, quod Theologi scholastici, quod Monaehi nonnullis in locis minoris fiant quam vellent, quod jacent ceremoniae, quod negligitur regnum *Pontificis Romani*, quum non sit obscurum, quo fonte malum hoc profilierit. Illi nimium tendebant funiculum, qui tunc rumpitur. Pontificis auctoritatem propemodum anteponebant *Christo*, ceremoniis metiebantur totam pietatem, confessionem in immensum arctabant, Monachi regnabant impune, jam manifestum Pharisaismum meditantes. Evenit tandem ut, juxta proverbium, ruptum sit *τὸ καλῶς διὰ τὸν νόμον*. Nec aliter evenire potuit. Ac misere metuo ne idem eveniat olim Principibus, si pergant & ipsi suum funiculum plus æquo tendere. Rursus ut altera pars instituebat actionem suae fabulae, non potuit alius exitus esse, quam videmus. Et utinam non videamus atrociora. Oportebat autem huius negotii duces, si *Christum* pro scopo haberent, non solum à vitiis abstinere, verum etiam ab omni specie mali, nec ullum offendiculum dare Evangelio, & illa studiose vitantes, quae, quanquam licent, non tamen expediunt. In primis ab omni seditione cavendum erat. Si rem sincere ac moderate tractassent, accessisset Principum & Episcoporum favor: nec enim omnes deplorati sunt. Nec erat quicquam temere convellendum, nisi parato quod melius succederet in locum deterioris. Nunc qui abjecerunt preces horarias, nihil orant. Multi qui posuerunt vestem Pharisaicam, in cæteris deteriores sunt quam antea fuerant. Qui contemnunt constitutiones Episcoporum, nec Dei praeceptis obtemperant. Qui negligunt delectum ciborum, gulae ventrique indulgent: longa tragedia est, quam partim audimus quotidie, partim accipimus ab aliis. Missam abrogari mihi nunquam placuit, etiam si sordidum hoc & quaestuarium sacrificulorum genus semper displicuit. Et erant alia quae citra tumultum mutari poterant. Nunc quibusdam nihil omnino placet quod receptum est, quasi subito novus mundus conditus posset. Semper erunt quae sint piis hominibus ferenda. Si quis ideo putet Missam in totum abrogandam, quod complures hac abutantur, tollenda est sacra conicio, quam prope solam recipitis. Idem sentio de Invocatione divorum, deque Imaginibus. Exigebat epistola tua prolixiorē responsionem, sed hoc ipsum meis occupationibus perlongum est. Audio te praclaris dotibus praeditum ad praedicandum Evangelii verbum, ac moribus etiam civilioribus quam sint mul-

ti. Quare velim tuam prudentiam vel nunc dare o-
peram, ut constantia moderationeque doctrinæ, &
morum integritate res utcumque coepta perveniat ad
exitum Euangelio dignum. Ad hoc habebitis me
pro viribus adiutorem. Nunc tametsi machinis omni-
bus impetunt Monachorum phalanges ac Theolo-
gi quidam, nulla tamen res efficiet, ut hujus animu-
læ jacturam sciens faciam. Erit tuæ prudentiæ non
spargere hanc epistolam, ne quid hinc tragoediæ na-
scatur. Si liceret coram, plura commentaremur. Bene
vale. *Basilea* 11. Novembris, Anno 1527.

EPISTOLA DCCCCVII.

Erasmus Rot. Collegio Sorbonico S.

EVIDEM expertus novi quam non sit tutum ru-
moribus credere, celeberrimi Patres; sed pariter
expertus novi, quam non sit tutum rumores subnascentes negligere. Erit igitur hoc æquitatis vestræ, ut si
falsum est quod huc fama pertulit, existimetis hanc
epistolam vobis scriptam non esse. Sin verum est, ro-
ganda est mihi vestra sinceritas, ut sepositis interim
affectibus privatis, non gravemini scriptum hoc atten-
te legere: quod nisi me prorsus fallit animus, non tam
ad me privatim pertinet, quam ad vestri collegii di-
gnitatem, ac publicam etiam studiorum religionisque
tranquillitatem: res adeo non est clam, ut vulgo quo-
que jactatam *Lutetia*, complures amici perscribant,
nonnulli isthinc huc profecti voce referant, *Natalem*
Beddam ingentem articulorum acervum ex omnibus
meis lucubrationibus collectum ad vestram cognitio-
nem detulisse, quorum aliquot jam vestra sententia
perculosos ferunt. Primum illud testor coram Deo,
qui scrutatur cordis humani sinus, mihi invisam esse
omnem impietatem, & quicquid discindit concordiam
gregis *Christiani*, totoque pectore abhorre ab his
qui sibi contrahunt discipulos, quos non agnoscit Ec-
clesia *Christi* sponsa. Id & constanter & sat idoneis ar-
gumentis arbitror me declarasse. Siquidem hoc seculo
non defuissent mihi vel sodales, vel discipuli, nisi toto
pectore detestarer omnem hæresim ac schisma. Jam
ut ne commemorem quid operæ præstiterim in hoc
negotio privatim Ecclesiæ Catholicæ, nulli potest ob-
scure esse, quod libris editis declaratum est, me
sincerum & constantem militem præstitisse negotio fi-
dei. Clamitant hoc *Alberi*, *Othonis*, *Leopoldi*, &
ipsius *Lutheri* libri in me virulentissime scripti. Contra
meus *De Eucharistia* libellus, & duo libri *Hyperaspis-
ta*. Qui demiror si vos taceant, quum prostent & ist-
hic venales. Itaque jure quis miretur & illud, me fa-
ctionum omnium adversarum odium meruisse, si ve-
strum favorem emereri nequeam. Adversus malitiam
calumniandi nihil est tutum, & fieri potest ut in scri-
ptis meis aliquid impium exciderit. Certe animus va-
cat impietate, paratus jugulare quicquid officit sincer-
itati religionis. Proinde qui conspirant in me devotis
animis, in quem conspirant nisi in commilitonem suum,
& causæ; quam tueri se prædicant, propugnatorem?
Cui gratificantur? nisi his quos ipsi judicant Ecclesiæ
perduelliones, cujus causam produnt privatis affecti-
bus. Porro, quum vestra prudentia norit, quanta sit
humanæ linguæ vanitas, quantumque venenum, præ-
sertim hisce temporibus, magis credere debet ipsis fa-
ctis, quam delatorum susurris; aut si testes quærit,
eos potius audire, qui me propius norunt, quorum est
Ludovicus Berm, mihi quidem non inimicus, qui nulli
mortalium est inimicus, sed vestræ sodalitati addictis-
simus: ad hæc vir doctus juxta ac pius. Is è propin-
quo novit, & quid agam, & quo sim animo. Cæte-
rum, quo gravior est istius ordinis auctoritas, hoc
oportet in judicando majorem esse tum æquitatem, tum
mansuetudinem: minimeque decet, ut ista dignitas
serviat privatis hominum vel stultorum, vel improbo-
rum affectibus. Mihi cum nullo unquam ordine bel-
lum fuit, nec, ut spero, futurum est, tantum abest,

A ut adversus eum Senatum, cujus oraculis prima sem-
per tributa est auctoritas, arma moveam. Quod *Nata-
li Bedda* respondi, nunquam existimavi ad vestram
sodalitatem pertinere; verum ita mihi persuaseram, &
adhuc arbitror, illum utcumque extorta edendi libri
potestate, vobis insciis suos affectus admiscuisse. De
cujus animo quid querar? Primum literis meis huma-
nissime provocatus, ut res inter nos *Christiana* mode-
ratione transigeretur, emisit librum plenum evidenti-
bus calumniis, mendaciis & blasphemis: res in aper-
to est, dissimulari non potest. Jam hoc ipsum facinus
quam indecorum ei qui Theologi & cognitoris perso-
nam gereret? Quem si mea urit responsio, sibi debe-
bat imputare, qui ne monitus quidem, atque etiam ro-
gatus, a tali scribendi genere temperavit. Indocti, stu-
pidi, fatui convitium feram, impius nisi sim, dici non
patiar, nec adeo pati debeo, ne quis exemplo meo
fiat impius. Verum, utcumque poterat hoc factum pri-
mo calori, ceu furori cuiquam condonari: ubi mea re-
sponsione commonitus est, quantum aberrasset ab of-
ficio hominis *Christiani*, quæso, num ullum pudoris
aut poenitentiae signum dedit? num fratrem sic tradu-
ctum studuit reconciliare? Quicum si vel levis offen-
sa intercederet, juberetur munus ante aram relinque-
re, ac prius habere reditum in gratiam quam sacrificium.
Nunc quum talibus libellis impetere proximum,
nihil levius sit homicidio, & aliquot circumstantiis
etiam gravius, quum frequenter interim accedat ad
sacrosanctam Domini mensam, adeo non cogitat de
reconciliando fratre, ut calumnias addat calumniis,
vestram etiam auctoritatem in suarum intemperiarum
consortium pertrahere moliens, quasi parum hactenus
peccatum sit, nisi suum dedecus adspersat pluribus.
Atqui vestræ gravitatis est, o viri præclari, talibus
ingeniis mederi, non favere; nisi quod hoc ipsum est
vere favere, mederi. Quum igitur *Bedda* præceps fe-
ratur ulciscendi studio, videtis cujusmodi sit hujus ne-
gotii fons. Neque me clam est, isti camino unde ad-
datur oleum. *Edwardus Lem* in *Hispania* sparsit librum
in me scriptum, multo indoctiorem, magisque syco-
phanticum quum fuit ille prior, quem *Lutetia* quon-
dam edidit, non absque *Bedda* præsidio, ni fallor. Ea
res addit animum Monachis quibusdam, qui me sibi
stultissime fingunt hostem, quum ipsi sibi sint hostes
acerrimi. Primum orsi sunt Tragoediam in aula Cæ-
saris. Is impetus facile coercitus est. Rursus eandem fu-
riosis apud populum clamoribus instauravit *Salamanca*
Franciscani. Motus hic Præfulum auctoritate vix sedat-
us est. Tandem exstitit *Petrus a Victoria*, *Dominica-
nus*, qui *Burgis* concionatur, habet fratrem in vestro
Collegio. Is tantum excitavit tumultum, ut se jacta-
rent nec Cæsaris, nec Præfulum edictis obtemperatu-
ros, illo fretos, oportet obedire Deo magis quam ho-
minibus. Itaque Principes quum viderent rem specta-
re ad seditionem, nec aliter posse componi, permise-
runt ut Archiepiscopo *Hispanensi* exhiberent articu-
los, per viros eruditos minimeque suspectos discuti-
endos. Exhibiti sunt aliquot ex libro *Lei* decerpti, sed
quibus nihil potest esse stultius aut malitiosius. Misif-
sem illos cum meis responsionibus, ni prorsus judicaf-
sem indignos vestris auribus. Et hic est *Lem*, quem
Bedda pronunciat absolutum Theologum, quum,
quod constar, nunquam pedem posuerit in schola
Theologica. Id nec ipse *Lem* potest inficiari, & si
inficietur, scripta satis arguant. Hujus insulis convi-
ciis, quæ me dehortante prodidit, quoniam respon-
di, licet longe moderatius, quam ille provocarat, hoc
agit, ut quovis pacto dolorem ulciscatur suum, non
se purgans, quod non potest, sed ad lapides provo-
cans. Ingenium videtur concitandis dissidiis natum.
In primo tumultu, quem excitavit *Levanij*, nec meis
inimicis placuit, & suis amicis apud *Anglos* vehemen-
ter displicuit. Talis fuit illius fabulæ catastropha.
Hujus tumultus quis sit exitus futurus nescio, certe
complures ex *Hispania* scribunt, Monachos illos nihil
aliud

aliud proficere, quam quod sibi lucrifaciunt plurimum
 35-7. odii apud eruditos ac Principes, meumque nomen red-
 dunt celebrius & gratiosius: quamquam nec ego moror
 hanc celebritatem, & istos cuperem omnibus suo me-
 rito quam gratiosissimos esse. Verum, ita visum est il-
 lis, vi, clamoribus, improbitate, sycophantiis, con-
 spirationibus rem gerere. Ego fiducia bonæ conscientie
 securus, tantum hoc doleo, me si non causam,
 certe occasionem dare *Christianorum* dissidiis: quæ si
 mea culpa nascerentur, gravi cum onere conscientie
 diem supremum expectarem, qui non potest abesse
 longius, cuique me quotidie paro. Nunc quum hæc,
 me renitente pro viribus, aliorum vitio contingunt,
 non possum quidem non dolere malum publicum, sed
 moderatius fero, reputans hæc ex Dei voluntate fie-
 ri, qui & me talibus modis purgari velit, & illorum
 improbitatem mundo innotescere, quo facilius liceat
 illis mederi. Interim ego quod Deo gratum esse ju-
 dicabo, præstabo, eventum illius arbitrio committens.
 Non itaque dubito, quin illorum auctores tumultum
Beddæ & hujus sodales instigent, ut susceptam fabu-
 lam adjuvent. Videtis, sapientissimi viri, fontem &
 seminarium hujus negotii, unde quid potest scaterere
 dignum pietate *Christiana*? Atqui hæcenus ea fuit
 istius fama collegii, ut mundus longe aliud expectet
 judicium, quam *Lens* aut *Bedda* prodidit. Nec ar-
 bitror mihi tale quicquam à vobis metuendum, nisi
 prorsus me mea de vobis fallit existimatio. At è di-
 verso dum reputo quale sit hoc seculum, quantum
 nunc liceat audaciæ linguisque maledicis: ad hæc
 quum probabiliter conjecto & in isto senatu sedere,
 qui *Bedda* vel opinioni consentiant, vel odio subser-
 viant; rursus alios invidiæ metu, alios odio barbarum
 conquirere, itaque fieri frequenter, ut pars deterior
 vincat meliorem: non abs re visum est his literis &
 vestræ dignitati, & meæ quieti, quantum in me est,
 consulere. Quod si hic metus vanus est, tamen vo-
 bis ingratus esse non potest, ut qui partim ab odio
 dissidiorum, partim ab ordinis istius reverentia pro-
 ficiscitur. Etiam atque etiam rogo, boni consulat ve-
 stra sinceritas, si videor liberius quod sentio proloqui.
 Vestrum erit, hoc non arrogantiae, sed simplicitati
 bonæque conscientie signum interpretari. Absit hoc
 consilium à tam gravi collegio, ut in gratiam *Bedda-*
rum, *Sutorum*, aut pseudo-Monachorum (nam probos
 unice semper amavi) cogitetis me turba articulorum
 obruere, nec lecta responsione mea, nec expenso lo-
 co, nec habita personæ, quam loquentem facio, ratio-
 ne, nec collatis quæ præcedunt aut sequuntur, nec
 ulla reddita ratione, quare videatur impium quod scri-
 ptum est. Non enim hoc judicium est eruditorum,
 sed potius lapidationis genus. Et si id jus esset aucto-
 ritatis vestræ, longe tamen aliud est jus *Christiana*
 charitatis, quæ vasculum contractum non comminuit,
 nec linum fumigans exstinguit. Videtis qua mansue-
 tudine sit usus *Augustinus*, etiam in deploratos hære-
 siarchas; in eos qui vel à majoribus traditum errorem
 acceperunt, vel arte in fraudem illecti, vel persuasio-
 ne in impium dogma inducti sunt, vult omnem exhi-
 beri lenitatem, docendos arbitrans, non objurgandos.
 In me vero, qui pro meis viriculis studui prodesse stu-
 diis bonarum literarum, ac profectui religionis, qui
 constanter ab omnibus abstinui factionibus, qui pro
 Catholica Ecclesia eos in me provocarim, quos habe-
 bam addictissimos, qui corpusculum hoc & animum
 hunc omnibus expoli periculis, talibus debacchari
 modis, quibus jam cepit *Bedda*, alique nonnul-
 li moliantur, pape quantum abest ab exemplo *Chri-*
stiana lenitatis! quantum ab opinione, quam hæcenus
 orbis *Christianus* habuit de vestro collegio! Hu-
 jusmodi tumultu divus *Augustinus* nec hæresiarchas op-
 pressi vult, ne se prædicent vi victos, non veritate
 convictos. Fortasse, nihil facilius quam *Erasmus*
 obruere, nec hinc vobis continget admodum splendi-
 dus triumphus, si tot heroes conjuratis animis calicem

unum oppresseritis, etiam si non sum usque adeo desti-
 tutus amicis, quam opinantur quidam: at res invicta
 est veritas, & inexpugnabilis *Christus* veritatis patro-
 nus, adversus quem stimulum jactare calces durum est.
 Ista auctoritas, ista eruditio, iste consensus in eos po-
 tius expromendus est, qui vestra dogmata palam de-
 testantur, qui civitates & regiones vobis adimunt, si-
 bi adjungunt: à quibus demiror vobis esse tantum o-
 cii, ut sententiosis vel ambigue prolaris, vel recte
 propositis, nisi quod aliter quam solent hodie loqui
 scholastici, plerisque depravatis etiam vacetis excu-
 tiendis. Imbecillis est *Erasmus*, fateor, sed est potens
 veritas, contra quam absit ut vester consensus aliquid
 moliatur. Quod si fieret, majore periculo vestræ exi-
 stimationis fieret quam meæ. Etenim si sexcenti Ju-
 dices pronunciarent, poculum esse æreum quod esset
 aureum, Judicum auctoritas non efficeret, ut aurum
 verteretur in æs, nec jacturam sentiret poculi dominus,
 sed ipsi Judices auctoritatis suæ jacturam facerent. Ne
 quæso commoveamini, non tam male de vobis sentio,
 ut existimem adversus evidentem veritatem proluturos
 sententiam. Quanquam sunt in vestro consensu *Bedda*
 similes aliquot, qui vel imperitia sermonis quod di-
 ctum est non intelligunt, vel odio corrupti credunt
 esse falsum quod est verissimum: sed arbitror & inte-
 gros & eruditos falli posse, si de nuda sententia, alicun-
 de decerpta, sine collatione locorum pronunciare co-
 nentur. Dabitur exemplum, Pro suo quisque corpo-
 ris affectu, vescatur quibus velit modo sobrie parce-
 que, super omnibus gratias agens Deo. Hanc senten-
 tiam si quis ita proponat nudam, velut ex *Erasmii* li-
 bris, Primum imperitus *Latini* sermonis offendetur,
 existimans me affectum corporis dixisse libidinem, ut
 quisque vescatur, quod corpus appetit, quum ego af-
 fectum dicam habitum ac valetudinem corporis. Id
 esse verum declarat quod sequitur, pro commoditate
 corporis. Ad hæc in eodem capite multis verbis ex-
 cipio fratris offendiculum. Hoc ignorat ille qui de
 nuda sententia pronunciat. Ad hæc non *Erasmus* ista
 dicit, sed *Paulus*. Hoc qui nescit, existimat me da-
 mnare constitutiones Ecclesiæ de discrimine ciborum.
 Hic etiam quamlibet doctus, deceptus damnabit quod
 non intelligit. Atqui ea sententia temporibus Aposto-
 lorum usque ad ætatem *Augustini* pie dici poterat,
 quum, ut opinor, Ecclesia nullum eduliorum genus
 cuiquam interdiceret. Itaque quum lector intelliget
 sub persona *Pauli* dici, nec ad hæc tempora pertine-
 re, quum videbit idem ab Apostolo locis compluribus
 tradi, quod ego explano, nonne dicet absurde mihi
 velut impium impingi, quod ab Apostolo pie dictum
 est, ac sentiet æquum, ut aut absolvar cum Aposto-
 lo, aut mecum dampnetur Apostolus? Hoc autem quum
 tam crassum sit, ut etiam nauta possit intelligere, quid
 sentient de illo iudice? Quid? Nisi illum insigniter aut
 indoctum fuisse, aut improbum. *Paulus* de se & *Chri-*
stianis dicit, *Miserabiles sumus omnibus hominibus*.
 Idem scripsit, *Faciamus mala ut eveniant bona*. Rur-
 sus, *Inanis est prædicatio nostra, inanis est & fides no-*
stra. Quid his vocibus magis impium, si separatim
 proponantur, non habita ratione personarum, nec
 collatis his uade ea pendent? At nihilo verecundius
 quædam è meis scriptis decerpi jam evidentius est,
 quam ut quisquam ignoret. Et sane miror quid isti
 cogitent. An credunt in mundo pro hominibus esse
 fungos, prorsusque perisse mortalibus sensum commu-
 nem? Non vident quale sit hoc seculum? An putant
 omnes ilico pro cœlesti oraculo habituros, si audie-
 rint, *Bedda* Theologus sic judicavit? Fortassis ita co-
 gitant, Vociferabimur omnes simul, & clamoribus
 obruemus homunculum. Monachorum genus non alie-
 ter per orbem sparsum est, quam humor per corpus
 humanum: in publice, privatim, clam, palam, fin-
 gent, obstreperant, obtrebantur, ille unus est, nec
 quicquam potest nisi *Latine*, & si quid respondebit,
 opprimemus, si quid legetur, à paucis legetur: Nos,
 Tit 3 pau-

An. paucitate contenta, turba numeroque superabimus. At
 1527. ego favente Christo efficiam, ut istam malitiosam ini-
 quitatem etiam vulgus hominum pernoverit, ut jam
 nosse coepit. Sed fingant oppressum *Erasmm*, an pu-
 tant neminem exoriturum, qui adversus tam tyranni-
 cam malitiam tueatur innocentiam? Ut cessent homi-
 nes, non cogitant Deum hæc videre, qui malitiosa
 consilia plerumque vertit in capita molientium? Absit
 ut hujusmodi cogitatio execrabilis corripiat sacratissi-
 mam facultatem, tantum admoneo, ne talia cogitan-
 tium affectibus serviens elevet auctoritatem suam, quæ
 ad ædificationem valere debet, non ad destructionem.
 Doctores estis, Theologi estis, nihil à vobis exspe-
 ctatur, nisi vere doctum ac Deo dignum. *Joan. Ger-
 sonensis* recte monet *Romanum* Pontificem, ne passim,
 ne temere vibret fulmen anathematis, ne duobus mo-
 dis veniat in contemptum, vel assuetudine, si nimium
 crebro fulminet; vel judicio, si feriat immerentes.
 Hactenus multum ponderis habuit hæc vox, *Sic judi-
 cavit facultas Theologica Parisiensis*. Verum hæc au-
 thoritas gravitate æquitateque judiciorum tuenda est,
 idque eo diligentius, quo seculum hoc proclivius est ad
 auctoritatis humanæ contemptum. Per me quidem si
 liceat, nihil decedet istius senatus majestati, malim
 aliquid accedere: qui si quid notabit quod vere sit im-
 pium, ipse confodiam errorem meum: Sin talia pro-
 feret judicia, qualia sunt pleraque *Bedda*, indocta,
 iniqua, cæca, nihil spirantia, nisi odium impotens &
 destinata lædendi malitiam, existimabo non facultatis
 esse sententiam, sed *Beddaicorum*. Hæreticus esse
 non possum nisi velim. Porro quum nec sim, nec esse
 velim, enitar efficere ne habear, confidoque *Christum*
 adfuturum certissimum innocentiae vindicem. Si jun-
 ctis studiis pariter negotium pietatis egerimus, fave-
 bit conatibus nostris immortalis Ecclesiæ Sponsus: Sin
 mutuo contemptu, mutuis obrectationibus, nos in-
 vicem laceraverimus, quid superest, nisi ut, juxta
Pauli dictum, mutuis moribus consumamur? Abunde
 satis tumultuum est in orbe, satis dissidiorum, & ar-
 ticulis calumniosis plena sunt omnia, adeo ut illa quo-
 que veniant in contemptum quæ contemnere fas non
 erat. Quanto rectius vertemus nos ad *Christianam* sin-
 ceritatem, sufferentes invicem, & adjuvantes potius
 infirmos, quam opprimentes? Quibusdam hoc unice
 studio est, è meis decerpere lucubrationibus, si quid
 ad *Lutheri* dogmata queat detorqueri, ac perversis ar-
 tibus etiam illa depravant, quæ ex diametro pugnant
 cum illius dogmatibus: quanto fuerit utilius ad *Luthe-
 ranam* factionem extinguendam, si decerpant quæ pa-
 lam illius dogmatibus contradicunt, quorum ingens
 ubique turba in scriptis meis obvia est: tum ea quæ
 sic dicta sunt, ut ancipitem habeant speciem, in di-
 versam interpretentur partem? Fortassis expediret ad
 quædam per incuriam elapsa connivere. Sunt quæ ne-
 glecta non lædunt, exagitata graves suscitant tragœ-
 dias. Hoc si non putatis dandum meritis meis, saltem
 detis causæ, quæ nunc agitur, detis auctoritati vestri
 senatus, detis hominum de vobis existimationi, ut si
 fieri non potest quin istic sedeant *Bedda*, saltem fiat,
 ut mundus intelligat, non omnes esse *Beddas*: quan-
 quam & ipsum *Beddam* lubens recipiam in amicitiam
Christianam, si se conferat ad magis sobria consilia.
 Satis superque hactenus datum odiis est, & gloriis.
 Quoniam igitur quæ peto, pertinent non solum ad
 existimationem meam, verum etiam ad publicam Ec-
 clesiæ causam, & ad vestræ facultatis auctoritatem,
 non committetis ut plus apud vos valeant quorundam
 impotentes affectus, quam sincera bonorum & erudi-
 torum judicia. Quod autem peto hoc est, ut, si fie-
 ri potest, res inter nos privatis ac fraternis admonitio-
 nibus transigatur. Etenim si quid in scriptis meis in-
 est erroris, nemo poterit efficacius mederi quam ipse,
 si fuero commonitus. Id si fieri non potest, ut in ju-
 dicando absint privati affectus, sed *Christiana* charitas
 adhibeatur in consilium, vestraque auctoritas *Christo*

A serviat potius, quam hominum odiis & compendiis. An.
 Ne gravemini legere locum unde decerpuntur quæ
 1527. *Bedda* nimium articulifex defert. Ne pigeat circum-
 spicere, ad quod tempus, ad quam personam perti-
 neant quæ dicuntur: deinde ne sit molestum evolvere
 quæ respondimus, hoc est, cognoscere penitus rem
 priusquam edatis sententiam, ne cæcum prodeat judi-
 cium, quod vobis majori dedecori sit futurum quam
 mihi. Si quid erit vere impium, habebit impietas me
 cum primis vindicem. Ita nec ego lædar, & causæ
 pietatis recte consuletur, nec vestra auctoritas expo-
 netur linguis hominum. Videtis quam rem non ini-
 quam petam, haud petiturus, si vestram contemnerem
 auctoritatem, quemadmodum faciunt isti qui favent
 novis dogmatibus. Rursum non petiturus, nisi sci-
 rem quantum valeat, etiam inter probos, improborum
 pervicacia. Si Monachis bene consultum vultis, con-
 sultite illis, ut omiffis istis malitiosis molitionibus, con-
 ferant sese ad eam vitæ sinceritatem, qua tantum or-
 bis favorem promeruerunt. Nulla re citius mitiga-
 bunt invidiam, quam istis tumultibus magis exaspe-
 rant. Si contemtis hominum judiciis rem gladiato-
 ria vi gerere destinant, cogitent hujusmodi consilia
 nec Monarchis fuisse prospera. Misi responsiunculas
 ad quosdam articulos, quos audio jam vestro judicio
 periclitatos, quo de cæteris certius judicetis. Eas le-
 gere non gravabimini. Misi & libellum *Supputatio-
 num*, indicatis locis, quo vobis quærendi laborem adi-
 merem. Precor ut Dominus *Iesus* animis vestris in-
 spiret ea consilia, quæ & digna sint isto Collegio sa-
 cratissimo, & Reipublicæ *Christiana* salutifera. Repe-
 tam quod initio dixeram: Si rumor vanus hæc per-
 tulit, existimetis hæc vobis scripta non esse. Officio
 meo non defui: si quid orietur tumultuum, aliis im-
 putabitur. Datum *Basilea* 12. Novemb. Anno 1527.

EPISTOLA DCCCCVIII.

Erasmus Rot. Senatus Parisiensis S. D.

D Si negotium hoc privatum ad me tantum pertine-
 ret, ornatissimi Judices, jure fortassis alicui vide-
 rer improbus, qui & tantillus homunculus, & nullo of-
 ficio vobis commendatus, Senatum ut multo omnium
 augustissimum, ita plurimis gravissimisque negotiis oc-
 cupatissimum, non verear interpellare. Verum, quo-
 niam arbitror & vestram prudentiam facile perspe-
 cturam, id, de quo scripturus sum, magis ad publi-
 cam studiorum ac religionis tranquillitatem, & ipsius
 Theologicæ facultatis dignitatem pertinere, quam ad
 meam unius existimationem, non arbitratus sum alio
 magis confugiendum esse, quam ad vestram auctorita-
 tem, velut ad sacram ancoram, extremumque justi-
 tiæ præsidium. Ne vero vos longiore morer proce-
 mio, *Natalis Bedda*, qui nuper & impotenter & in-
 feliciter edito libro sic debacchatus est in me, ut
Rex Christianissimus, mox ubi rem cognovit, vetue-
 rit codices divendi, haud dubie vetiturus excudi, si
 tempestive monitus fuisset, majore etiam ut accipio
 impetu, sed alia via coepit agere male auspiciatam fa-
 bulam, impotenter iratus quod ad tam impudentes ca-
 lumnias ausus sim respondere: quasi in illius gratiam
 debuerim agnoscere opiniones & blasphemias, quæ mi-
 hi ne per somnium quidem unquam venerunt in men-
 tem, quum summa sit impietas impietatis crimen ag-
 noscere, nisi culpam agnoscas. Nec hic tamen in-
 simulo facultatem, cujus permisso liber excusus est:
 non enim dubito quin *Bedda* post insciis illis suum
 stomachum admiscuerit. Sic autem temperavi respon-
 sionem, ut sciens nec verbum ullum protulerim ad-
 versus meam conscientiam. At si non potui meam
 tueri innocentiam, nisi illius in calumniando vani-
 tatem & impudentiam aperirem, sibi debebat impu-
 tare qui provocavit, non mihi: cui liberum non e-
 rat obticescere: præsertim quum ego literis aman-
 tissime scriptis hominem ad negotium *Christiana* mo-
 de-

AN. destia transigendum toties invitari, omnia polli-
 1527. cens quæ sunt viro pietatis & concordiae studio di-
 gna. Nunc quum illius calumniae sint evidentiores
 quam ut dissimulari queant, nova via molitur vindi-
 ctam, & hominem plus satis concitatum infligant qui-
 dam, ut hoc organo suum dolorem ulciscantur. Con-
 gessit ingentem acervum articulorum, talium plane,
 qualibus scatebat ille liber à Rege damnatus, quos non
 ipse decerpit è libris meis, sed à magistris aliquot
 decerptos accepit: nam ipse mea nunquam legit, quan-
 tum sane divinare licet. Eos ad facultatem Theologi-
 cam detulit condemnandos, & jam accipio periculi-
 tatos aliquot. Equidem hoc animo sum, ut si quid im-
 pie dictum comperiat in scriptis meis, nolim mihi
 gratiam ejus erroris fieri. Verum, quid est tam circum-
 specte scriptum, quod non depravare queat calumnia,
 dolis & odiis armata? Hæc felicitas nec *Augustino*,
 nec Apostolis contigit. Porro, nisi *Bedda* prorsus dis-
 sideret suæ causæ, responderet saltem ad quædam lo-
 ca, tam impudenter calumniosa vanaque, ut res ma-
 nibus, quod ajunt, sentiri possit. Nunc hoc omisso,
 quod in primis curatum oportuit, vim parat, concit-
 at facultatem, ut articulorum turba, suffragiis & au-
 ctoritate me opprimat. Nec tam male vel de meipso,
 vel de sacratissima facultate sentio, ut illius judicium
 pertimescam. Cur enim id facerem, quum hoc pri-
 dem ab illis flagitarim? Sed *Bedda* judicia quam cæca
 sint odio, satis declaravit ipse. Et is in eo confes-
 sus habet multos ipsi addictos, quosdam vel invidiæ metu,
 vel quietis amore obticescentes; si quis quid æquius
 adferat, mox audit, *Lutherano* pejor: nonnullos po-
 litioris literaturæ rudes, qui nostra non intelligunt.
 Jam qui & integri sunt, & docti, tamen falli possunt.
 Decerpitur sententia nuda, quæ sola videtur impia,
 cui si jungerentur quæ præcedunt ac sequuntur, esset
 pia. Proponitur sub nomine *Erasmi*, quæ dicitur sub
 persona *Pauli*, aut Evangelistæ; confertur ad hujus
 temporis Ecclesiam, quum congruat Ecclesiæ priscæ.
 Exempli causa, *Paulus* dicit de se & *Christianis*; *Mis-
 serabiles sumus omnibus hominibus*. Quid magis im-
 pium, si nihil addas? Verum, si addas, quod addit *Paulus*,
Si non est resurrectio mortuorum, pia vox est. Item
Paulus dicit, *Eseia non commendat nos Deo*. Hoc pie
 dicebatur ab Apostolo illis temporibus, quibus *Chri-
 stianus* erat periculum à *Judaico* delectu ciborum, &
 quibus nondum Ecclesia ullum cibi genus interdixe-
 rat. Hanc sententiam aliis verbis sub persona *Pauli* in
 Paraphrasi explanatam sic interpretantur, quasi nunc
Erasmus doceat, contemtis Ecclesiæ constitutioni-
 bus, cuivis licere vesci quibuscumque, quod ego ne so-
 mniavi quidem hætenus. Hæc qui nescit, damnabit
 eam sententiam, quæ mea non est, sed *Pauli*, simul-
 que pro me damnabit Apostolum. Ex hoc exemplo
 cætera conjiciet vestra prudentia. Harum molitionum,
 quoniam fons ac seminarium est odium, ira, livor, &
 ulciscendi cupiditas, quid aliud hinc nasci poterit, ni-
 si tumultus ac dissidia, quum horum malorum in or-
 be sit jam plus satis: magisque conveniret, ut me pro
 viribus tuentem Ecclesiæ concordiam suo favore sub-
 levarent, ejusque Collegii, quæ semper hætenus sum-
 ma est habita, auctoritas serviret gloriæ *Christi*, non
 affectibus *Beddarum*, *Sutorum*, & quorundam falso
 nomine Monachorum; qui quum in sola improbitate
 fiduciam collocarint, nihil respondent ad ea, in qui-
 bus tam insignis calumniæ redarguuntur, sed impro-
 bis conspirationibus ac tumultibus rem aggrediuntur,
 non ob aliud magis infensum nobis, quam quod nolu-
 mus in castra *Lutheranorum* discedere? Quicquid hæ-
 tenus per *Beddas* ac *Sutores* insanitum est, non arbi-
 tratus sum ad Theologicam facultatem pertinere, cu-
 jus auctoritati semper detuli plurimum, semperque de-
 laturus sum, si modo liceat. Verum si talibus modis
 pergant obruere, non dicam me, qui nihil sum, sed
 veritatem ac pietatem, qualibus olim *Judei* oppresse-
 runt *Jesum*, efficiam ut mundus intelligat, ea, quæ

A velut impia, damnantur ab istis, esse *Christiana* pieta- An.
 tis, & aut non fuisse intellecta, aut malitiose deprava- 1527.
 vata: rusticanam ac simplicem veritatem sic exponam
 oculis hominum, ut textoribus etiam ac textricibus sit
 conspicua. Quæ ex re quantum illis sit accessurum glo-
 riæ nescio. Optarem negotium hujus esse generis, ut
 meam innocentiam salva illorum auctoritate tueri pos-
 sim. Impietatis crimen nemo pius debet agnoscere.
 Et si mihi liceret agnoscere, non expedit aliis, quos
 hæc opinio vel in errorem illiceret, vel in errore con-
 firmaret. Hic igitur si vestra auctoritas, quæ major se-
 cundum Regem in isto regno non est, molitionibus
 istis tumultuosus ac malitiosis imponat silentium, pri-
 mum consuluerit & studiorum quieti, & religionis
 B *Christiana* tranquillitati, denique Theologicæ faculta-
 tis dignitati, si vestro hortatu se digna gesserit. Jam
 quo minore negotio rem omnem cognoscatis, mitto
 responsiunculas ad articulos aliquot, qui jam in con-
 fessu *Sorbonico* dicuntur periclitari: simulque mitto li-
 brum, quo *Bedda* calumniis respondeo, locis indicatis,
 quo magis sint in promptu. Si vestra auctoritas in-
 compositos tumultus cohibuerit, erit magnopere gra-
 tum. Sin & illam negligent, hujus calumniæ malitiam
 suis coloribus accuratissime depingam, ac Regi *Chri-
 stianissimo* mittam. Nec dubito quin is, ut est veræ
 pietatis sincerissimus amator, ac dissidiorum osor, sit
 C aliqua ratione quietem indicturus istis, qui in gratiam
 quorundam stolidorum pseudo-Monachorum, sub ti-
 tulo religionis ac pietatis, veros hostes agunt religionis
 ac pietatis. Augustissimum vestrum Senatum incolumem
 florentemque semper tueatur ille per quem Reges
 regnant, & Judices justa decernunt. Datum Basilea
 14. Novembris, Anno 1527.

EPISTOLA DCCCCIX.

Erasmus Rot. Natali Bedda S. D.

VEREOR ne hoc operæ sumam inaniter, tamen
 charitas, quæ, juxta *Paulum*, omnia sperat, hor-
 tata est, ut vel sic experiar, an lucrifacere possim
 fratrem meum. Jam enim, mi *Bedda*, libet in te con-
 templari, non quod tu factis ac scriptis expressisti,
 sed quod *Christianus* frater es, quod sacerdotio ac Theo-
 logiæ professione Collega. Obsecro te, quis Spiritus
 agitatur animum tuum, ut in gratiam *Lei*, qui similem
 telam orsus est in *Hispania*, & in doloris tui vindictam,
 redeas ad veterem fabulam, & improbitate tua tuo-
 rumque, etiam Collegio tuo, quod semper hætenus ha-
 bitum est venerandum graveque, labores tuæ temeri-
 tatis labem affricare? Patent omnibus tot insignes tuæ
 calumniæ, tot manifesta mendacia, tot impudentes
 blasphemiae, quibus proximum tuum immerentem &
 D ad amicitiam provocantem impetisti. Et hujusmodi
 flosculis ornatus incedis, nec te abdis, nec pudet in
 publicum prodire, nec cogitas de reconciliando fra-
 tre, & fortassis audes etiam cum isto animo, horres-
 co referens, parricidiali, ad sacrosanctam illam Eu-
 charistiam ac synaxim accedere, & illo ore sumere
 coeleste symbolum pacis, qui talē suscitatur diffidium.
 Qui convenit Eucharistiæ cum tanta maledicentia?
 Qui synaxi cum tam impotentibus odiis? Humanum
 est, inquit ille, peccare; quanquam sic peccare, an
 humanum dici possit, nescio. Humanum est in medio-
 criâ prolabi mala. Hoc quod tu sciens, prudens, perverso
 & obstinato animo facis, sceleratius est homicidio,
 execrabilius est veneficio. Sed sit humanum semel vel
 temulentia, vel furore, sic in fratrem fuisse debaccha-
 tum, certe diabolicum est perseverare. Jam mala ma-
 lis addere, pessima peioribus aggerare, obsecro te per
 baptismum tuum, quo nomine donabimur? Si quid in
 te frontis esset, certe prius à calumniis ac mendaciis
 te purgare debebas, notioribus quam ut dissimulari
 possint, quam ad novas calumnias accingereris. Nunc
 adeo tibi non displices, ut ultro etiam supremam po-
 testatem, hoc est, regiam incuses, per quam non li-
 ceat

An. ceat administrare iustitiam. At si iustitiam administra-
 1527. ret tibi Rex, vir egregie, tu præmia ferres, quæ so-
 lent calumniatores & sycophantæ, quæ publicæ tran-
 quillitatis hostes. Mi frater, misere timeo salutem ani-
 mæ tuæ. Et quanquam me tibi fingis hostem, te cer-
 te plusquam hostem exsuperior; tamen, ita me *Christus*
 bene amet, hostis & talis me miseret. Redi ad cor,
 mi frater, resipisce; præstat recurrere, quam decur-
 rere in præcipitium. Si contemnis hominum de te ju-
 dicia, si me spernis, de tua salute sollicitum, saltem
 reverere Deum, cordium inspectorem, & omnium
 perversarum molitionum ultorem. Utinam mihi esset
 exorcismus, aut incantatio quæpiam, qua tibi istum
 spiritum detestabilem queam excantare. *Saulum* agita-
 bat spiritus Domini malus, sed ex intervallis, & in-
 cinente cithara *David*, discedebat. Tu sic perseveras,
 ut semper ruas in deterius, ut metuum ne vel *Davidi-*
ca cithara animi tui furor non possit deliniri. Certe
 optarim mihi citharam insigniter efficacem, ut isti
 tanto malo tuo mederi queam. Video enim te in felle
 amaritudinis, & in obligatione iniquitatis esse. Quan-
 do unquam *Augustinus*, quem tu videris magni face-
 re, sic debacchatus est in *Donatistas*, aut *Circumcel-*
liones, ut tu debaccharis in *Erasmum*, amicum, fra-
 trem, denique sui capitis periculo dimicantem adver-
 sus eos, quos ut hostes Ecclesiæ detestaris? In cuius
 scriptis nihil adhuc inveniri potuit, quod esset im-
 pium. Tantum de ratione loquendi, aut de verbis non
 intellectis, aut ex malitiosa depravatione calumnia est.
 Et hic tibi placet exemplum *Lei*, qui primo suo favo-
 re nec meis inimicis placuit, & iis magnopere displicuit,
 quos habebat in *Anglia* amicissimos. Nec adhuc satis
 quisquam credat apud *Anglos*, illum hoc agere quod
 agit in *Hispania*. Et eum vocas absolutum Theolo-
 gum, qui nunquam attigit limen Scholæ Theologicæ.
 Tantus est tibi, non ob aliud, nisi quia odit *Erasmum*.
 Et suspicor priorem illum librum bona ex parte fuisse
 tuum, quem *Parisiis* excudit. Blandire tibi, voca
 quam voles zelum fidei, crede mihi, manifestus furor
 est, *Satana* est energia: *Christi* Spiritus longe alia pro-
 fert, charitatem, gaudium, pacem, patientiam, be-
 nignitatem, bonitatem, longanimitatem, mansuetu-
 dinem, fidem, modestiam. Qui possit ab hominis
 pectore tantum calumniarum, tantum mendaciorum,
 tantum blasphemiarum proficisci, nisi *Satana* spiri-
 tu esset occupatum? Tantum ad cor redi, mi *Bed-*
da, *Misericors est Dominus, & multa miserationis*: si
 clames ad illum, impartiet tibi spiritum suum bonum,
 qui deducet te in terram rectam. Ego quod admissum
 est, facile condonabo, sic interpretans tibi Dominum
 præcepisse, ut mihi malediceret, quemadmodum olim
 præceperat *Semei*, ut malediceret *David*. Sic fortassis
 illi visum est purgare me. Et si quid forte acerbius in
 te scripsi, non gravabor petere veniam, & farcire pro
 mea virili. Omnes boni uno ore profitentur, se ex
 nullo libro plus cepisse fructus, quam ex meis Para-
 phrasibus. Id Opus tu maxime impetis. An non sen-
 tis hanc esse suggestionem illius Serpentis, qui invidet
 hominum salutem? Quin potius te præbes organum Spi-
 ritui *Christi*? Jactas te propugnatorem Ecclesiæ. At
 quibus tandem modis possis vehementius Ecclesiam
 oppugnare, quam eum calumniis opprimendo, quem
 adversariæ factiones ducunt pro hoste capitali, & no-
 va diffidia in orbe suscitando? Scio quod tibi blandian-
 tur affectus tui. Sed crede mihi, nihil est mendacius
 odio, nihil vanius ira, nihil fallacius invidia. Crede
 mihi, inquam, mi *Bedda*, pessimis consultoribus au-
 scultas. Sobrius charitatem, & *Christi* Spiritum in con-
 silium adhibe, & perspicies in quod barathrum te ra-
 pere laboreat *Satanas*, falsa pietatis imagine deludens
 animum tuum. Nonne vides quantum sit in orbe dis-
 fidiorum? Et tu, quasi parum sit, tam atrocem ordiris
 Tragediam. Si victus injuriis deficerem ad hostes Ec-
 clesiæ, unde repeteret Deus hanc animulam nisi abs-
 te? Quod hactenus perstiti, non est mearum virium,

A sed divini muneris: & ejusdem præsidio perfistam uti-
 que in finem, uti spero. Quis autem tam atrocibus
 contumeliis tamque perpetuis non delassaretur? Id si
 fieret, nonne vides quem tumultum excitare queam?
 Nec reputas quam late pateat hoc malum, quod nunc
 suscitatus? Non est tam inops amicorum *Erasmus*, quam
 tu credis. Et ut maxime sit imbecillis, non cogitas
 quam sit res potens & invicta veritas? Non perpendis
 quam plerique sint propensi ad contemptum auctori-
 tatis & conciliorum *Romani* Pontificis & vestræ? Quid
 isti dicent, quum viderint prodire examen articulo-
 rum, ad quos jam respondi, perinde quasi nihil sit re-
 sponsum? Quum videbunt argutationes de verbis, de-
 pravationes ac malitiosas suspiciones? Equidem dabo
 operam, ne sim causa tanti mali, ac ne occasio qui-
 dem, si queam. Eoque rursus me offero ad omnia quæ
Christiana lenitatis sunt ac modestiæ. Quod si furdus
 ad omnia monita pergis hoc incendium excitare, ego,
 qui mihi nullius impietatis sum conscius, impietatis
 calumniam fortiter à me depellam. Eventus mihi non
 poterit imputari. Hæc epistola me liberabit, & apud
 Deum, & apud homines. Orabo Dominum, ut det
 tibi mentem meliorem, qui si meas preces exaudierit,
 & illius bonitati gratias agam, & tibi gratulabor, nec
 libebit superiorum malorum meminisse. Vale. Da-
 tum *Basilica* 16. Novembris, Anno 1527.

EPISTOLA DCCCCX.

Erasmus Theologo cuidam Hispano Sorbonico S.

R E C T A consilia Deus suo favore prosperat, per-
 versas hominum molitiones plerunque vertit in
 capita molientium. Jam multi sunt anni, quod Mona-
 chi quidam titulo, quum re nihil sint minus, me sibi
 fingunt hostem, non ob aliud, nisi quod ex reflor-
 scentibus bonis literis, eque *Christianismo* spirituali,
 pristinum vigorem meditante, sibi persuadeant nonni-
 hil decedere vel commodis suis, vel auctoritati, quum
 vix alii chariores sint veri Monachi, hoc est, purissimi
Christiani, quam mihi. Isti jam pridem mihi male
 cogitabant, nec deerat, juxta proverbium, improbis a-
 liud omnino quam occasio. Hanc illis porrexit apud
Hispanos, ut significant amicorum literæ, *Edwardus*
Leus, illic Regis *Anglia* nomine pacis legatione fun-
 gens, & præter sui Regis animum excitavit exitiosis-
 simum incendium. Idem olim egit *Lovanii*, totam
 illam, quod quidem in ipso fuit, Academiam discor-
 diæ veneno inficiens, re tam infelicitate gesta, ut nec
 meis inimicis placuerit, & suis etiam amicissimis su-
 pra modum displicuerit, exceptis pauculis idiotis, qui
 studio non judicio ducebantur. Nec ad aliam rem in-
 genium illius natum, factum, sculptumque videtur,
 quam ad ferenda diffidia. Quoniam autem meis A-
 pologiis necessario declararam hominis malitiam cum
 insigni inficitia conjunctam, annis aliquot ille preffit
 dolorem, tamen interim moliens librum in me: non
 quo sua defenderet, nec enim potest, sed quo novas
 ingereret calumnias, idque adeo clam, ut apud *An-*
glos nunc nemo mihi credat hæc scribenti quæ gerat
 in *Hispania*. Nec dubito quin per *Gallias* iter faciens
 virus suum apud malitiæ socios sparserit. In *Hispania*
 vero quum reperisset Monachos quosdam mihi male
 cogitantes, communicare coepit librum sycophanti-
 cum, multo stolidiorem quam fuerat ille prior: & fin-
 git se velle edere, quod nunquam tamen facturus est;
 optarim factum. Illic erant tituli terribiles, contra sa-
 cro-sanctam Dei Trinitatem, contra *Christi* divinitatem,
 dignitatem & gloriam, contra Spiritus Sancti divinita-
 tem. Erant indices rem miris præstigiis ob oculos po-
 nentes. His rebus Monachi sustulerunt animos. Et
 primus impetus factus est in aula Cæsaris per *Domin-*
icanos. Is auctoritate Procerum pressus est. Rursus
Salamanca per *Franciscanos* vitæ, ut habentur, pro-
 batoris renovatus, tanto tumultu, ut aut victuri, aut
 in pugna occubituri viderentur. Clamatum in con-
 cio-

An. cionibus, blateratum in privatis colloquiis, publicitus
 1527. affixi articuli, provocatum ad disputationem, nosti
 ejusmodi tragediarum actus. Is motus ægre per Cæsarem & Archiepiscopos aliquot temperatus est verius quam cohibitus. Tandem exstitit *Petrus Victorienſis Dominicanus*, qui *Burgis* præſidens ſuo ſodalitio concionatorem agit, tuus ut audio germanus. Is tanta vehementia orſus eſt fabulam, ut clamarent, *hic non audiendos neque Cæsarem, neque Præſules, ſed Deo obediendum potius quam hominibus*. Quid multis? Res omnino ſpectabat ad ſeditionem. Itaque viſum eſt Cæſari ac Præſulibus, ut vociferari deſinerent, articulos exhiberent, ſi quos haberent adverſantes fidei. Interim abſtinerent à publicis clamoribus. Ægre obtemperatum, ſed illud ſilentium privatis obſectationibus abunde penſabant. Ibi conſpirant ſeptem Monachorum genera. Exhibiti ſunt articuli, non ſolum impudentes & vaniſſimi, verum etiam tractatu periculoſi ob imbecilles, qui nec apud *Hiſpanos* deſunt, vel ob *Judaismus*, vel ob *Paganismus*. Res agi cœpit, ſed mox negotium in furioſum exiit tumultum, tandem peſtilentia ſubito oborta diremit ſynodum. Nec tu mihi pilo minus charus es, quod habes fratrem huius negotii ducem. Ex amicorum enim literis intelligo, te virum eſſe ſingulari & doctrina & æquitate præditum, ſperoque futurum, ut fratrem ad ſaniora conſilia revoces. Porro, non dubito quin qui in *Hiſpania* hanc ordiuntur tragediam, iſtius Collegii clam implorant auxilia, quo conjunctis copiis vi opprimatur *Erasmus*. Hoc conſilium imprimis quam non ſit animi *Chriſtiani* perſpicit tua prudentia. Ac de me quidem levis fortasſe jactura fuerit. At vereor ne hinc novum aliquod oriatur diſſidium, quum ego ſemper pacis concordiaque fuerim & patronus & hortator. *Sutor* & *Bedda* ſibi perſuadent *Erasmus* hominem eſſe nihili. At is in omnibus regionibus habet ſibi plurimos etiam potentes ſtudiis ſuis devinctos. Ineptum quidem dictu, tamen dicendum, habeo ſcrinia plena Regum, Cæſaris, Card. Archiepiſcoporum, Episcoporum, Ducum, Magnatum & eruditorum literis amantiſſime ſcriptis. In *Hiſpania* vero quosdam adeo fervidos patronos, ut coactus ſim illis ſcribere, ne contentione ſtudiorum moveant exitiale diſſidium, ſinant potius *Erasmus* fluctibus dedi, fortasſis à ceto quopiam excipiendum. Ex quantulis initiis quanta videmus oriri incendia! In *Hiſpaniis* hætenus tranquilla res erat, & ſummo otio florebant ſtudia. Nunc hanc tempeſtatem per *Leum*, ut ſcribunt, invexit Monachorum improbitas. Nec interim aliud lucrifaciunt quam odium bonorum & riſum. Ex tam malis fontibus, quid boni poteſt oriri rei *Chriſtiana*? *Leus* quovis pacto molitur vindictam. Idem eodem ſpiritu agit *Bedda*. Non reſpondet ad quæ oportuit, ſed ad eoſdem articulos aliter digeſtos redit, credens omnia fore proſpera, ſi veſtra cenſura damnarit aliquot: nec cogitat quam parum nunc orbis tribuat iſtiusmodi cenſuris, multo minus tributurus, ſi perſpexerit tam malitioſa iudicia, quam ſunt *Lei* & *Bedda*, cujus furori Collegium veſtrum mederi decuit magis quam inſervire. Quid enim illum pudet, qui talem librum dedit orbi legendum, non exſpectato Collegii iudicio? Nec juſſus premere preſſit, ſed eluſit Regis edictum, curans ut in *Germaniam* ſpargeretur, & iſthic clam diſtraheretur. Ad hæc, quum meæ ſupputationes ob oculos omnium poſuerint hominis inſcitiam cum pari malitia conjunctam, non cogitat de purgando, ſed articulos aliquot decerptos ex acervo calumniarum, & *Gallice* verſos, miſit in aulam regiam, quos in hoc delegerat, ut proceres, mulierculas, denique totam *Galliam* in me concitaret, quemadmodum calumniatus antea fuerat titulum *Anglia* Regi tributum. Nunc eoſdem articulos vobis ingerit, ſcilicet in ordinem digeſtos, ut novi videantur, perinde quaſi nihil ſit reſponſum. Hæc quum malitioſis artibus ac perversis animis gerantur, quid obſecro poſſunt gignere niſi magnum malum? Quod ne oriatur, ſedulo quidem enitar, certe illud effi-

A ciam ne mihi poſſit imputari: non enim rependam Alii
 malum malo, nec meum privatum dolorem, publico
 Eccleſiæ detrimento ulciſcar. Impietatis uti crimen non
 admittam, ita calumniam non feram. At finge me nec
 velle, nec poſſe quicquam contra niti; non decerunt
 tamen qui rem hanc rapturi ſint in occaſionem ac ma-
 teriam contentionis. Quid autem eſt *Chriſtianismus*, ſi
 pax abſit? Ubi vero pax, ſi abſit charitas? Quæ por-
 ro charitas, ubi cuncta tantis odiis, tantis conviciis,
 tam impudentibus & indoctis calumniis geruntur? Vi-
 demus ex quantulis initiis quantæ tempeſtates exo-
 riantur, quam facile jacens malum moveatur, quam
 difficile motum conſopiat. Hoc graviffimum *Lutheri*
 B incendium unde natum, unde huc progreſſum, niſi
 ex *Beddaicis* intemperis? *Martinus* propoſuerat A-
 phoriſmos diſputandos de Condonationibus Pontificiis: &
 eas non minus impie quam impudenter deprædicabant
 ptochotyranſi quidam, qui ſpe lucri nihil non audent:
 horum intemperis *Lutherus* oppoſuit ſua problemata.
 Indignabantur, quorum res agebatur. Miſſa ſunt ad
 C *Leonem* X. Reſpondit *Sylveſter Prieras* tam feliciter,
 ut ipſe Pontifex indixerit illi ſilentium. Succedere
 quorundam Monachorum vociferationes apud popu-
 lum, nihil habentes in ore præter hæreſes, blaſphe-
 mias & ſchiſmata. Viſa narro. Nulla res magis concia-
 liavit omnium favorem *Luthero*. Quod ſi de Condo-
 nationibus ſobrie, ſicut erant propoſitæ, diſputatum
 fuiſſet, nunquam hæc lues ſic occupasſet orbem. Quid
 autem tam pie, tam circumſpecte ſcriptum eſt à quo-
 quam, quod non queat calumniari, qui mentem ha-
 beat, qualem ſpirant ſcripta *Bedda*? Nos ſcripſimus ſty-
 lo non Rhetorico, ſed paulo mundiore, non quod ſcholaſticum
 damnemus; habet & ille ſuum uſum; ſed ille nec ubivis
 congruit, nec omnibus arridet. Studui-
 mus & politionis literaturæ ſtudioſos, velut eſca qua-
 piam, ad amorem ſacrarum Literarum allicere. Jam *Bed-
 da* talem phraſim non intelligit: hoc ipſa res clamat.
 Non eſt opus argumentis. Deinde in Paraphraſi ſer-
 vamus decorum perſonæ loquentis, nec reſpicimus ad
 D hæc tempora, ſed quod *Chriſtus*, aut Apoſtoli ſuis tem-
 poribus docuerunt; conamur explanariſ dicere. *Bedda*
 quæ rhetorice dicta ſunt examinat ad dogmata ſchola-
 ſtica, imo *Sorbonica*, quæ illic quotidie naſcuntur nova,
 nec agnoſcit tropos, nec perſonas, nec tempora. Quid
 hoc calumniandi ſtudio perversius? Sceleratiſ etiam
 eſt, quod decerpit hinc atque hinc mea verba, præ-
 termiſſis arte, quæ meam ſententiā explanant, & ex-
 cludunt calumniam. Interdum pro meis verbis ſuppo-
 nit ſua, prætermittit, addit, utcunque viſum eſt appo-
 ſitum ad calumniam. Verbi cauſa, Divus *Hieronymus*
 exhortans Clericos ad contemptum divitiarum, in hanc
 loquitur ſententiā, *Partem cum Domino non poteſt ha-
 bere, qui aliquid poſidet præter Dominum*. Si maligne
 E quis interpretetur, nonne proſus Clericis omnibus
 adimit proprietatem? Rurſum, quid odioſius illo de
 matrimonio? *Quale bonum hoc eſt, quod comparatione
 deterioris probatur*? Quas hic blaſphemias intonaret,
 ſi quid tale reperiretur in ſcriptis meis? Item quum *Ba-
 ſilius* exhortans divites ad liberalitatem, ait, *illos rem
 alienam occupare*; quid ſeditioſius dici poterat, ſi hoc
 examines non ad exhortationis legem, ſed ad dogma-
 tum vigorem? Huius generis ſententias ter mille col-
 ligerem è probatis auctoribus, ſi res ita poſtularet. Sed
 omnium impudentiſſimum eſt, quod impingit mihi,
 quæ nec ſcripſi, nec ſomniaſi. Et vides quam ſint ex-
 citata mortalium iudicia: periit illa populi ſimplicitas,
 F Quondam ſatis erat, ſic iudicavit *alma facultas*: nunc
 utinam ſaltem rationibus & ſcripturis auſcultarent.
 Dices, cum talibus non argumentis, ſed ſaſciculis
 agendum. Fortasſis iſtud dictat lex humana, ſed lex cha-
 ritatis aliud dictat. Illa de nemine facile deſperat.
 Multi ſimpliciter errant, multi ſic leviter afflati ſunt,
 ut facile poſſint ſanari. Et ſi ducum nulla ſpes eſſet,
 tamen ob alios nondum deploratos expediret, illos
 certis & evidentibus argumentis, & ſcripturis ef-

1527. *ficacibus coargui. Equidem optarem Romani Pontificis auctoritatem plurimum habere ponderis ad ædificationem Ecclesiæ, sed vides quo sit prolapsa. Nec ulli magis offererunt illius auctoritati, quam qui nimis impudenter illius auctoritatem exaggerarunt. Idem dicere licet de Monachis. Ipsi sibi detraxerunt quod æquum erat, dum plus æquo tribui postulant. Ita, juxta proverbium, Rumpitur dum nimium tenditur funiculus. A vobis mundus aliquid eximium & homine majus exspectat. Eam opinionem omnibus impressit primum istius Collegii celebritas, deinde tot anni in studio Philosophiæ sacrisque Literis defudati. Nunc vero, ô viri divini, depromendum est illud eximium, & homine majus. Requirit hæc tempestas insignes nauticos; poscit hic morbus eximios medicos; ne in frivolis consumatis operam vestram. Ista facultas Christo militare debet, non servire privatis hominum affectibus. Artem & auctoritatem vestram adversus eos expromite, qui vestræ dignitatis arcem ex professo palam oppugnant, & apud multos jam labefactarunt, qui vestra dogmata libris editis detestantur: non in eum qui suis vulneribus pro virili tuetur eadem quæ vos, qui paratus est confodere, si quid vere impium in scriptis ipsius comperiatur. In bellis militi, ob bene navatam operam, præmium à ducibus esse solet: Mihi in hoc bello, ob sedulo navatam operam, à vobis, qui hujus militiæ duces estis, hoc erit præmium, ut calumniis ac mendaciis Sutorum ac Beddarum opprimar? Evangelico gradu & spiritu Christi res hæc agenda est, non arte sycophantica. Sapientia vincit malitiam. Malitia nihil aliud quam propagat malitiam. Absit autem ut vestra auctoritas cujusquam malitiæ serviat adversus piam sedulitatem. Jam mundus & Principes magna ex parte intelligunt hunc esse pseudo-Monachorum tumultum, hoc agentium ut simul cum *Luthero* linguas ac bonas literas obruant, quas ut non didicerunt, ita & discere piget, & nescire pudet. Etiam si pium sit utrumque, tamen ad alterum ante tempus properant. Spirat adhuc ille, ne dicam regnat in animis plurimorum. Habet qui profitentur, qui propugnent, qui vestram auctoritatem elevent ac traducant apud omnes, nihil libentius amplectentes quam quod vestris suffragiis damnatum est. In hos estote viri potius quam in *Erasmum*, qui in castris vestris sub iisdem signis militat, qui non sine sanguine cum his dimicat, quos vos pro capitalibus ducitis hostibus. Et tamen fieri potest, ut adversus impietatem pugnans ipse alicubi labar in impium dogma: nam id usum venit, & *Hieronymo*, & *Cypriano*, & *Ambrosio*, & *Augustino*, si quis exactius exquirat. Tale si quid accidit, vel inscitiae, vel impudentiæ potest adscribi, malitiæ non potest. Id ego, si quis commonstraverit, docueritque, veluti partum supposititium lubens jugulabo. Si quid parum intellectum, interpretabor. Id fiet primum inconcussa *Christiani* charitate, deinde majore cum fructu, postremo cum vestri ordinis dignitate, cujus existimationem undequaque sartam tectam haberi prorsus est e re *Christiani*: eam oportet rectis rationibus commendare, non odiis aut calumniis. Sunt qui fingant me parum faventem dignitati ordinis Theologici, quod alicubi revocem ab immodico studio questionum non necessariarum, quod adhorter ad fontes divinatorum Voluminum, ad cognitionem linguarum, & *Bedda* scilicet consulit illius dignitati, qui talem librum emisit in lucem. Loquor enim proprie de libro, quem in me scripsit, de cæteris alii judicent. Erat e dignitate vestri Collegii, primum in eo non esse *Bedda*, proximum non tantum valere. Quod si decretum est illius omnia, seu recte, seu perperam facta, tueri, jam omnes intelligent studio non judicio rem geri; quod absit ut eveniat. Jurata est vobis concordia, sed in honestis. Jurata est mutua dignitatis defensio, sed istis rationibus maxime læditur vestra dignitas, quæ si tyrannica est, non Theologica, quidvis est potius, quam dignitas. Ac fortasse res non est omnium communis, fama ta-*

An. 1527. *men erit communis omnium. Quo magis advigilandum integris, ne quid Collegii nomine prodeat, quod illius parum respondeat existimationi. Mihi quidem ignotus est istius Collegii status, sed partim ex horum temporum habitu, partim ex aliis facile conjecturam facio: in omni consensu semper fuerunt, qui studiis & improbitate rerum summam sibi vindicant, nec temere fit, ut melior pars vincat: Per illos primum res privatim decernitur, mox excluduntur integriores, adhibentur idonei; præfatio commendat concordiam, adduntur minæ; hic, inquit, apparebit, qui sint *Lutherana factionis*. Si quis dixerit aliquid æquius, mox audit à frementibus, *Luthero* pejor. Sunt ingenia modesta, quæ malunt quiescere quam cum talibus contentionem suscipere: Sunt qui in gratiam privatam defleant à sua sententia: Sunt qui metuant aut sperent aliquid, eoque premant quod judicant optimum: Sunt qui non intelligant, quod nude proponitur? Sunt qui iisdem affectibus excæcati sunt, quibus *Bedda*: Sunt quos utcumque sanos clamor ac tumultus aliorum, ita ut fit, agit in furias. Ita non fit, sed extorquetur senatus consultum. In quo prodendo rursus qui extorserunt, admiscunt affectus suos, aliis vel insciis, vel coniventibus. Et hoc dicitur Collegii decretum. Hæc nequaquam ad te scriberem, nisi mihi doctorum hominum literis persuasum esset, te virum esse magno rectoque judicio præditum, eoque curaturum, ne quid isthic geratur secus quam oportet. In me certe nulum hominis *Christiani* desiderabitur officium. Malitiosas calumnias non feram, etiam si sex *Romani Pontifices* subscribant vestræ sententiæ. Nec enim Pontificum, nec vestra auctoritas valere debet ad opprimendam veritatem & innocentiam. Idem ages apud *Petrum Vindobonensem* fratrem tuum. Ita continget vobis speciosa victoria, si vincat *Christus*, si superet charitas, multoque melius mereberis deque Collegio tuo, deque fratre, quam de *Erasmio*. Spiritus cœlestis inspiret animis vestris quæcumque pia, quæcumque sancta, quæcumque ad *Christianam* amicitiam conducibilia. Bene vale. Datum *Basilea* 29. Novembris, Anno 1527.*

EPISTOLA DCCCCXI.

Erasmus Roterod. Joanni Card. Lotharingæ S. D.

Ne sublimitatem tuam præfatione morer, Dum nos hic pro viribus agimus ut extinctis diffidiis Ecclesiæ suæ restituatur tranquillitas, *Natalis Bedda* novos molitur tumultus. Urit hominem primum quod liber, quem in *Jacobum Fabrum* scripserat, edicto regio suppressus est, etiam si non est suppressus: deinde quod ego respondens & meam innocentiam & illius impudentiam sic omnibus ob oculos posui, ut in speculo non possit evidentius. Itaque prorsus animo gladiatorio parat vindictam, non se purgans, quod non potest, sed easdem calumnias alia specie rursus ingerens. Habet in *Sorbonico* Collegio quosdam ipsi addictos, nusquam enim non habent similes labra lactucas; alii vel territantur minis, vel odio contentionis quiescunt. Interim *Bedda* cum suis satellitibus rem gerit ex animi sui sententia. Agitur fabula, *Erasmi* nomine, non *Fabri*, quum uterque petatur. Habet sexcentas propositiones e Paraphrasibus decerptas, quod Opus non ob aliud sic odit, nisi quia plurimos excitat ad pietatem: eas, ut narrant, ad facultatem defert, & in aliquot jam audio pronunciatum. Sed quomodo proponit artifex? Omittit quæ rem explicant, quæ calumniam excludunt, addit de suo quæ faciunt ad calumniam: proponit velut à me dicta hoc tempore, quæ dicuntur ab Evangelistis aut Apostolis, & ad Ecclesiæ primordia pertinent. Ita sub meo nomine damnantur quæ *Christus* & *Paulus* docuerunt. Nec immerito. Nihil enim magis adversatur *Bedda* similibus studiis, quam Evangelicæ doctrinæ sinceritas. His fucis imponi potest etiam eruditus & integris. Quumque ad pleraque responsum sit evidentissime, tamen ille sic proponit, quasi

An. nihil omnino sit responsum. His artibus sperat futu-
 1527. rum, ut exclusis libris meis, ipse Deus habeatur. Huius energia mysterii proficiscitur à pseudo-Monachis, qui bonas literas pejus oderunt, quam ullam hæresim aut magiam, utcunque dissimulant. Ex his autem molitionibus, pessimis è fontibus originem ducentibus, pessimis artibus tractatis, quid aliud nasci potest, quam ingens orbis malum? Qualis est arbor, tales sint fructus oportet. Radix huius arboris est pessima, livor, odium, ulciscendi rabies; Rami, improbitas, malitia, calumnia, impudentia, vanitas. Hi quos fructus porrigunt, nisi venenatos? Id ut tuto faciat, admiscere conatur suis intemperis auctoritatem Collegii Theologici, quum sanctissima pars ejus Collegii dampnet & improbet hominis tumultuosam impotentiam, si liberum cuique sit quod sentit dicere. Et si totum Collegium talia judicia proferret qualia sunt *Bedde*, non sine gravi auctoritatis suæ iactura id faceret. Nec lubens elevarim ejus Collegii dignitatem, sed impietatis calumniam nemo pius debet perpeti. Proinde si Regia Majestas istiusmodi malitiosis conspirationibus indicat silentium, simul recte consuluerit & regni sui, & studiorum & Ecclesiæ tranquillitati, quam non alia ratione melius tuebuntur, quam si proferant judicia doctissimis & optimis Theologis digna. Et ego sane malim bonas horas, & operam, aliis in rebus collocare. Sudamus enim in *Augustino*, ut emaculatio justaque cum dignitate prodeat in manus hominum. Hoc officium si tua Celsitudo præstiterit, maximus tamen huius beneficii fructus ad Rempublicam pertinebit. Regia Majestas sic instrui poterit; nunc orbem undique diffidiis esse sectum, etiam si nihil accersamus: id potius agendum, ut æquis rationibus hæc mala sopiantur, quam ut privatis affectibus excitentur novi tumultus; magisque convenire ut tam celebris facultas vires suas expromat in professos hostes, quam in commilitones suos, & medeatur omnibus quibus potest, potius quam ut sanos alienet; & huius auctoritatem oportere servire *Christi* gloriæ, non *Beddarum* privatis affectibus. Id nulli magis expedire quam ipsi facultati. Calumnian- di nullum esse finem, præsertim si ira & livor adhibeantur in consilium. Postremo, non statim damnandum librum, in quo erroris aliquid invenitur, quum in probatissimis Ecclesiæ doctoribus complures inveniantur. Ad quosdam lapsus humanos præstat connivere, ex quibus agitatæ crebro major lues nascitur. Jure mihi succenseret tua sublimitas, si meum privatum negotium ageretur. Commodum publicum, sat scio, non negliget tua singularis pietas, cui precor omnia prospera. Si plenius super hisce rebus edoceri voles, ex *Gervasio* Theologo poteris rem omnem cognoscere, cui & doctrina non vulgaris & iudicium integrum adest. Datum *Basilea* 30. Novembris, Anno 1527.

EPISTOLA DCCCCXII.

Erasmus Rot. Antonino Medico S. D.

QVVM animus iste tuus plusquam *Pyladem* superet omnia Regum munera, tamen tu non desinis novis subinde certare muneribus, & minitaris nescio quid tale, tantumque, ut à me contemni non possit. Hoc mihi credas velim, *Antonine*, istud tuum peccatum mihi tribus regnis esse preciosius. *Georgius* bona fide reddidit omnia. *Hieroslaus à Lasco* precor ut felix sit tua fortitudo, cui tamen non nihil metuo, ne in nervum. *Alexius Turzo* mihi abunde satisfecit, si provocationem meam æqui bonique consuluit. *Severinus Olpejus* hinc discessit mense Septembri, onustus meis literis, quanquam & per *Frobenium* scripseram in mercatum, quæ perlata sint, nec ne, nondum habeo certum. Regi cordatissimo non displicuisse literas, gaudeo; editas esse, nec probo, nec improbo: opinor vobis constare consilii vestri rationem. Mallem præfationes & versiculos omisso, non ob aliud, nisi quod laudant invidiosus. De munere extorquendo nolim agi: vide-

A bor enim hoc aucupatus, quum nihil minus cogitarim. An. Hac in re sum obsequutus animo *Joannis à Lasco*, ite-
 1527. rum atque iterum eadem ad me scribentis. *Joanni Henkello* nunc consulere serum est, superest precari ut quod factum est feliciter cedat. *Pauli Crescentii* nihil ad me pervenit, præter animum, quem è tuis cognitum literis lubens amplector, sicut & *Samborkii*, & *Hofii*, & *Georgii Warneri* & *Langi*, quorum nonnullos mihi commendavit *Lascanus*, quibus omnibus alias mutuum animum declarabo. Nunc nec vacabat, nec expediebat plura scribere; iter longum, nuncius nescio quam certus. Vix credas, mi *Antonine*, quam tibi grater tam benignum, tam candidum patronum, præsertim hoc rerum statu turbulentissimo. Ei scripsi tribus verbis, reclamante pudore meo. Impudentiæ causam in te transferas oportet. *Beddam* adeo non pudet suæ vesaniæ, ut ordiatur Tragœdiam multo hac infaniorum. Nisi istos urget extremum fatum, nescio quid sibi velint. *Joannis Leopoltani* candorem exosculor, quem utinam plures imitarentur. De funere vertendo vereor ne non succedat. Irritabuntur quos non possumus compescere. Quicquid est Tragœdiarum, vel in *Gallia*, vel in *Hispania*, hoc fonte nobis scaturit. Quin & illud videndum, ne quid hinc discriminis ad eos redeat, quibus auctoribus aut consiliis hoc procuratum est. Optimæ conjugii tuæ precor omnia læta. Linteum dono missum auro gratius est, quod præter mittentis affectum, commendat etiam ipsa novitas. *Josephum* tuum, si veniet, cupidissime videbimus. Hic pestis recruduit: reliquit nos nuper *Joannes Frobenius* paralyti correptus. Dederat morbus quædam sui præfagia, sed puduit virum nimium fortem ægro- tare. Bene vale, mortalium charissime *Antonine*. *Basilea* 9. Decembris, Anno 1527.

EPISTOLA DCCCCXIII.

Erasmus Rot. Christophoro à Schydlovietz, Palatino, & Capiteano Cracoviensi, regni Polonia Cancellario, S. D.

NON caret quidem egregia virtus vel laude, vel præmio suo, etiam si præclaris conatibus non responderit eventus, qui soli Deo est in manu; nos tamen eramus feliciores futuri, nisi plus valuisset regnandi dulcedo, quam æqua rectaque consilia. Prorsus experimur esse verissimum, quod ante tot annorum milia scripsit *Homerus*, *Cibi, potus, cantionum, chorearum, & omnium rerum quamvis natura dulcium, homini satietatem oboriri; solius belli, rei omnium tristissima, nullam esse satietatem*. Quid hoc aliud esse dicam, vir eximie, nisi Deum à nobis aversum, Principum quorundam animis infedabilem ardorem pugnandi immittere? Quid autem malorum abest huic seculo? Quæ mundi regio non aut patitur bellum, aut parat? Ubi non sævit pestilentia? Ubi non laboratur inopia? Nec tamen tot afflicti modis agnoscimus Deum, flagellis ad resipiscen- tiam provocantem; sed perinde quasi rebus integris, epulamur, jungimus matrimonio, digladiamur, & de proferendis regni pomeriis contendimus: spero tamen opera tua, ac tui similitum, optimique Regis *Sigismundi* dexteritate res humanas in tranquilliorum statu- tum aliquando reponendas. Quod scribis, epistolam meam, tum ipsi Regi, tum regis proceribus omni- bus magnopere placuisse, gaudeo sane, nec *Joannis à Lasco* consilium, nec meum obsequium successu caruisse. De munere non est quod satagat tua benignitas. Jam dudum teneo quod captabam, si placuit, si pacis studium commendavit. Pro tuo erga *Antoninum* meum studio gratiam habeo maximam. Sic enim is vir me suis virtutibus sibi devinxit, ut quod officii tua sublimitas in illum contulerit, lubens passurus sim imputari mihi. Dominus te servet incolumem, vir modis omnibus clarissime. Datum *Basilea* 12. Decembris, Anno 1527.

EPISTOLA DCCCCXIV.

Erasmus Roterod. Petro Tomitio, Episcopo Cracovienfi, S. D.

NEC ocium, nec argumentum ad te scribendi suppetebat, amplissime Præsul, pudor etiam dehortabatur: sed tuus *Anthonius* tam graphice tantoque affectu mihi depinxit effigiem pectoris morumque tuorum, ut si dicam te mihi ignotum esse, plane mentiar: sim autem ab omni pietatis & humanitatis affectu alienissimus, si talem Præfulem non venerer, suspiciam, & amem ex animo. Cæterum *Anthonio* meo non minus gratulor, quod patronum nactus est, cujus auspiciis possit in his rerum humanarum undis & honestam & tranquillam vitam degere. Sic enim amplexus hominis longe candidissimi, ut magis hilarescam si quid illi bonæ rei obtigerit, quam si mihi obtigisset. Leve est, si jam gratuler tibi dignitatem istam, quam fortunæ tuæ non debes, sed præclaris animi tui dotibus; nec te dicam hoc nomine felicem, quod serenissimo Regi sis inter primos, & gratus & charus, quandoquidem hoc ille iudicio facit potius quam affectu. Seculo nostro rei publicæ *Christiana* gratulor, cui si tui similes multi contingerent Episcopi, citius hæc rerum tempestas in serenitatem verteretur. Habet tua Celsitudo epistolam plusquam *Laconicam*, quam tamen fatereris esse prolixam, si nosles, quibus distringar laboribus. Precor amplitudini tuæ Rever. prospera faustaque omnia. Datum *Basilea* 12. Decembris, Anno 1527.

EPISTOLA DCCCCXV.

Carolus divina clementia Romanorum Imperator, designatus Augustus

HONORABILIS, devote, dilecte: Fuerunt nobis tuae literæ duplici nomine jucundissime, & quod tua erant, & quod ex his intelleximus, *Lutheranorum insaniam* declinare: quorum alterum debes tu quidem singulari nostra erga te benevolentia: alterum vero non tam nos tibi debemus, quam universa *Respublica Christiana*, quum per te unum id assequuta sit, quod per *Cæsares, Pontifices, Principes, Academias*, atque per tot viros eruditissimos hætenus obtinere non valuit. Unde tibi & apud homines immortalem laudem, & apud superos perpetuam gloriam nequaquam defuturam, & quam lubentissime videmus, & hanc tibi felicitatem contigisse ex animo gratulamur. Superest, ut provinciam hanc, feliciter à te susceptam, pro viribus ad finem usque perducere adnitaris: nos enim tuis sanctissimis conatibus omni auxilio & favore nunquam defuturi sumus. Cæterum, quod scribis de his, quæ in tuas *Lucubrationes* apud nos tractari coepta sunt, moleste admodum legimus: nam videris nostro in te animo ac voluntati quodammodo diffidere: quasi nobis presentibus quicquam adversus *Erasmum*, cujus *Christianam mentem exploratam habemus*, esset statuendum. Ex inquisitione enim, quam in tuis libris permisimus, nihil est periculi, nisi ut si quid humani lapsus in his inveniatur, tu ipse amanter monitus, id vel corrigas, vel ita explanes, ut nullum offendiculum pusillum relinquant, & hac via tuis *Scriptis immortalitatem* pares, & obrectatoribus ora occludas. Si vero nihil calumnia dignum repertum fuerit, vides quantam gloriam tibi, tuisque *Lucubrationibus* assequuturus es. Bona itaque animo te esse volumus, tibi que persuasum, summam nos tui honoris atque existimationis rationem nunquam non habituros. Pro quiete *Reipublicæ*, quod in nobis fuit, hucusque nos strenue prestitisse, non est cur aliquis dubitare debeat. Quid in presentia prestemus, quidve deinceps prestituri sumus, ea malumus operibus declarare. Hoc unum à te petimus, ut tuis precibus adiones nostras omnes Christo Optimo Maximo semper commendes. Vale. Ex Civitate nostra *Burgensi*, die 13.

Decembris, Anno Domini 1527. Regni nostri Roman. ni nono. An. 1527.

CAROLVS.

Inscriptio à tergo hæc erat, *Honorabili, docto, devoto, nobis dilecto Des. Erasmo Roterodamo, Consiliario nostro.*

ALPH. VALDESIVS.

EPISTOLA DCCCCXVI.

Erasmus Roterod. Alphonso Vervefio S. D.

Si mea causa tantum laboris, tantum invidiæ susciperes, frater in Domino honorande, optimo jure te plurimi facere deberem, ni vir essem insigniter vel excors qui non intelligerem, vel ingratus qui non agnoscerem tam singulare tuum in me studium; nunc quum omnia tum facias, tum patiaris, non tam mea causa, quam studio pietatis ac veritatis, multo pluris te facio, mi *Vervefi* charissime, fateorque me tibi longe plus debere, quippe qui sic affectus sim in hoc negotio, ut malim pietatem vincere quam *Erasmum*. Si *Christo* cesserit victoria, me victorem esse judicabo, posteaquam vicerit ea pars, cui toto pectore faveo. Itaque gratias ago duplici nomine, quum meo cui tam amicam navas operam, tum pietatis cujus causam gnauiter ac dextre propugnas. Quin & recreor tuo de me iudicio, quod falli, ne possim suspicari, vetat ista tua singularis vel integritas, vel eruditio. Utinam ordinis tui modestiam imitarentur & cæteri, qui sibi persuadent, sese & *Christianam* religionem & existimationis suæ dignitatem improbis obrectationibus, scurrilibus conviciis, ac seditiosis vociferationibus tueri posse, quasi non sedeant in cœlis qui talia mortalium consilia deridere soleat atque subfannet. Ad articulos jam ante menses sex erat parata responsio, cujus aliquot exemplaria misimus amicis. Inimicos ut modestia quoque superem, admones tu quidem amanter, ac mihi visus sum pulchre moderatus stylum, primum qui nullius ediderim nomen, deinde nusquam debaccher conviciis, nisi forte convicium non est, quum illi nominatim impingunt, quod pugnem adversus divinitatem, dignitatem & gloriam *Christi*, & convicium est, quum eam appello impudentem calumniam. Istiusmodi portenta nihil omnino civilitatis merebantur. Quod datum est, datum est partim amicorum affectibus, partim modestiæ *Christiana*. Et tamen arbitror futuros, quibus hæc *Apologia* videatur dentatior: tantum honoris sibi deberi putant. A nominibus edendis & ipse abhorreo, nec me fugit quibusdam id optabile esse, quovis pacto innotescere. Sed interim impune debacchantur in nomen meum in publicis prælectionibus, in quibus effutunt tam inerudita, ut ab adolescentibus rideantur. Monui literis unum atque alterum, sancte dejerant à se nunquam nisi honorifice factam mei nominis mentionem. In hoc negotio sic vigilant in multis regionibus *Franciscani*, qui se vocant *Observantes*, ut satis appareat rem de composito geri. Nec tamen proficiunt, nisi quod cordatis ac bonis in dies redduntur magis invisi, non sine meo dolore, qui semper illorum integritati faverim. Hoc consilium videtur illis mire callidum. Clanculum submovent libros meos è bibliothecis, etiam quos illis dono dederam, clanculum obtrebant, in prælectionibus subinde perstringunt, à scriptis abstinere, scientes & mihi calamum esse. Nunc non est quia illos ulciscar. Si urgeantur, negant se dixisse, aut aliter dixisse dejerant; quid illis facias? Postremo, qui non potest excusari, aliquo relegatur ubi dicat atrociora, nec ullum tamen illorum unquam offendi in vita. Ex multis malis, quæ *Lutherus* invexit *Germania*, saltem hoc decerpit boni, quod hoc hominum genus habet aliquanto moderatius. Quod scribis *Hispaniam* à sectis immunem vivere sub *Romano* Pontifice, vehementer gratulor, & hoc magis quod experiar, quanta sit infelicitas tot opinionibus dissecari. Quod si quemadmodum vos vivitis sub Pontifice, ita Pontifex cum

An. cum suis viveret sub Christo, optarem omnibus eandem felicitatem. Nunc multa vident, qui Christi gloriam vere diligunt, ad quæ suspirent. Quid enim aliud nunc licet? *Enchiridion* ab Archidiacono *Alcorano* versus antehac ignorabam. Nec est scrupus eximendus. Idem ille sentit quod ego, licet aliis utatur verbis. Fatetur eos fremere ne comperiantur mentiri de me, si *Hispanico* loqui coepero. Hoc est quod ego voco invidiam. Vellem idem factum in *Misericordia Domini*, in *Commentariis in Psalmos quatuor*, in *Matrimonio Christiano*, & in *Paraphrasis*, quæ non tractant contentiosa. *Declamationem in laudem Matrimonii* lusimus in exemplum generis *Deliberativi*. Quædam eruditis tantum scripsimus, quæ verti nolim; sed ipsi scripsimus Archidiacono. Hæc ad epistolam 13. Decemb. Anno 1527. scriptam.

EPISTOLA DCCCCXVII.

Erasmus Rot. Henrico Botteo, L.L. Doctori, Officiali Burgenſi, S. D.

VIR in Domino charissime, quemadmodum de tam singulari vestro in me amore gaudeo, ita vos inani mœrore contristatos doleo. Toties efferor, toties mihi superſum, interim paratus ad utrumque quum Domino viſum fuerit. *Joannes Frobenius*, vir ornandis studiis natus, nos reliquit, non sine dolore meo: sed tamen dum morbi genus, (erat enim paralyſis) dum hoc ſeculum turbulentiffimum cogito, magis gratulari libet erepto, quam deſlere abreptum. Orſus erat ingenti ſumtu totum *Auguſtinum*, nec optabat longiorem vitam, quam donec abſolviſſet. Sed Deus illi, ut ſpero, melius aliquid providit quam optabat. Officinæ tamen molem *Hieronymus* filius & ego ſuſtinemus. Non excidit liber *De ratione concionandi*, ſed ſemper aliquid tranſverſum incidit, quod alio propellat animum. Et vix credi poteſt, quantum negotii nobis faceſſat *Auguſtinus*. Jam non ſolum cum *Hispanicis* phalangibus mihi res eſt, verum multo capitalius bellum cum aliis, *Bedda* nullum non movente lapidem, ne videatur vir bonus. Attamen admoneri me gaudeo. Te cum omnibus, qui mihi bene volunt, in *Chriſto* quam optime valere cupio. Datum *Baſilea* 22. Decembris, Anno 1527.

EPISTOLA DCCCCXVIII.

Erasmus Rot. Georgio Smotzero, J. V. Doctori, S.

ORNATISSIME Doctore, Ut quod accidit non mediocriter doleo, ita gaudeo caſum incidiffe, per quem id, quod accidit, reſciſcerem. Scripſit ad ſuos veteres ſodales *Ruffus Guardianus Franciſcanorum*, apud *Rubeacum*, ſciſciculum literarum mearum, *Thannis* in diverſorio publico repertum, eumque traditum in manus ſenatus ejus oppidi. Hoc cognito miſimus eo proprium nuncium. Per eum didicimus eas literas à ſenatu Præpoſito traditas, qui inſpiceret ſi quid ineſſet quod ad Rempublicam attineret. Is Præpoſitus, nam hic adest, fatetur nihil omnino in eis repertum, quod ullo modo contingeret Principum negotia. Nihil ſecius literas ad Concilium *Enſiſhenſe* fuiſſe miſſas; ſive hoc odio mei, ſive nimia quadam diligentia, ſive inſcitia factum eſt, in præſentia non diſputo. Tot ſciſciculos epistoſarum ac libellorum, & in *Angliam*, & in *Galliam*, & in *Hiſpaniam*, & in *Poloniam*, & in *Brabantiam* mitto quotidie, ac viciffim accipio à *Cæſare*, qui me agnoſcit pro ſuo Conſiliario jurato, à *Rege Ferdinando*, à *Rege Angliæ*, ab Archiepiſcopis & Card. nunquam tamen incidit caſus tam inauſpicatus: non enim ſoleo literis committere, quod ullo modo turbet Reipublicæ commoda. Proinde quando nec ignotus ipſe, nec ad ignotos ſcribo, erat hoc civilitatis, ubi literas à me proſectas vidiffent, ad me remittere, non quibuſlibet inſpiciendas exhibere. Sal-

Atem quum ſingula excuſſiffent, nihil erat opus ad vos **A**mittere, non ſolum cum injuria mea, verum etiam eorum, ad quos ſcribo. Res enim ejuſmodi ſunt, ut mea magnopere retulerit perlata fuiſſe ſcripta, nec ullum commodum hinc illis proficiſci poſſet, mihi vero ſummum eſſet incommodum, ſi per aliorum manus aberrarent. In mediis etiam bellis aliquid datur religioni literarum, præſertim ſi nihil eſt quod ad hoſtem pertineat. Sed utcunque hæc acta ſunt à *Thanneniſibus*, te majorem in modum rogo, curet humanitas tua, ne hic nuncius iſtic diutius hæreat; ſed quicquid eſt chartarum, diligenter obſignatum ad nos referat, ut per alium eo perveniant quo volo. Ex oratione Præpoſiti *Thanneniſis*, non ſatis liquet quæ fuerint, ſed tamen conjicio eſſe ſciſciculum, quem proxime commiſi cuidam *Antonio Bletz Elvetio*. In eo erat epistoſa una ad Senatum *Parieſem*, una ad facultatem Theologiæ, una ad *Natalem Beddam*, una ad *Theologum Hiſpanum Sorbonicum*, una ad *Gervafium Theologum*, una ad *Card. Lotharingia*, una ad *Lodovicum Dominum Berquinii*, una ad *Germanum Brixium*, una ad *Lvinum* quondam famulum meum, una ad *Archiepiſcopum Cantuarienſem*: erat libellus typis excuſus ad *Archiepiſcopum Hiſpanem*: erant duo codicilli eodem argumento, alter ad Senatum *Parieſem*, alter ad facultatem Theologicam, & aliquot exemplaria alienarum epistoſarum, ſi recte divino. Precor ut huc omnia redeant, ſaltem illud quod in manibus veſtris reſidet. Sin eſt aliud quippiam, quæſo ut huc remittatur, quando ſcio nihil à me ſcriptum quod ad vos pertineat. Hoc officio reddes me tibi devinctiſſimum. Et ſi quid incidit, in quo tibi viciffim queam gratificari, ſenties hominem nec immemorem, nec ad referendum officium ſegnem. Hanc epistoſam alteri addidi, quod acceperam, Præfectum iſtinc jam diſceſſiſſe: quod ſi verum eſt, conſido rem tua dexterritate facile perfectum iri, præſertim quod, quantum ad vos attinet, nullius ſit momenti. Bene vale. *Baſilea* 27. Decembris, Anno 1527.

EPISTOLA DCCCCXIX.

Erasmus Rot. Georgio Saxonia Duci S. D.

ILLVSTRISſIME Princeps, Nihil erat hoc tempore magnopere dignum, de quo tuam Celſitudinem interpellarem, ſed ad ſcribendum invitavit opportunitas tabellarii, tum certi, tum huc mox reſcuſuri. Quæ commoditas nobis nimium raro contingit, quo minus amittendam exiſtimavi. Proximis autem nundinis miſimus Illuſtriſſimæ Celſitudini tuæ, ſecundum *Hyperaſpiſta* librum, una cum literis, quæ an perlata ſint necne, nondum certo cognoscere licuit. Vix enim dici poſſit quanta nunc ſit hominum in huiuſmodi negotiis tum improbitas, tum perfidia. Quare ſi tuæ Celſitudini non erit moleſtum, mihi magnopere gratum fuerit, ſi dignabitur tribus verbis indicare, num reddita ſint quæ miſimus, deinde an probata ſint tuo iudicio, quod apud me plurimum habet ponderis. Non enim ejuſdem eſt parere & iudicare, quemadmodum ait *Socrates* ille *Platonice*. Hoc unum ſcio, nihil unquam mihi fuiſſe moleſtius, quam tam prolixæ conviciorum & gloriarum rhaſodiæ reſpondere, cujus vel lectionem devorare, patientis erat ſtomachi. Hæc tam nova tempeſtas deſiderat aliquem inſignem artificem, qui prudentia, auctoritate & ingenio tantos componat motus. Qualem adhuc prodire neminem, & miror & doleo. Theologi tot ſyllogiſmis, tot problematibus inſtructi, tantum, ut appareat, intra ſcholæ parietes Theologi ſunt. Nunc certe, ſi unquam alias, tempus erat, reconditam illam & humana majorem ſapientiam proferre. Porro, Epicoſci quidam videntur aliud agere, Monachi plerique de ventre ſolliciti ſunt magis quam de Euangelio. *Cæſar* & *Ferdinandus* videntur ad ſeveritatem velut ad ſacram ancoram ſpectare, & proſecto huc provocant qui ſub

An. 1527. Euangelii nomine quicquid libet, sibi licere volunt; at vereor ne res cadat in deterius. Prædandi studium multos excitabit etiam in immerentes, & quisquis habet aliquid, affinis erit periculo. Qui nihil habent, his erit bene, nimirum ex malis alienis, ut sit in bello. Atque hinc existet omnium rerum confusio. Si malum subito tolli nequit; saltem arte mitigandum est ad tempus, donec morbus admittet medicantis manum. Dura est sectionibus & cauteriis uti, quum pene major corporis pars occupata morbo est. Damnoſa medicina est, quæ plures perdit quam servat. Si quod in utraque parte vitiosum est, prudenti moderatione tolleretur, auctoritate consensuque Principum, res, opinor, haberet minus cruentum exitum. Oro ut is, qui novit quid expediat generi mortalium, Principum animis inspirare dignetur ea consilia, quæ nobis veram pietatem cum sancta concordia restituant, quando præter vota nihil aliud nobis superesse video. Agit hic *Christophorus Carlevisius*, juvenis præter imaginum commendationem, & eruditione non vulgari, & morum senili quadam maturitate ornatissimus, ut præter ætatem & faciem nihil habeat juvenile; sic addictus honestissimis studiis, ut quicquid voluptatis adolescentes alii solent ex conviviis, alea, & amoribus venari, hic totum ex libris petat. Quibus rebus, quoniam singularem quandam spem de se præbet, lubitum est tuæ ditioni gratulari. Ab hoc missus est, qui has perfert, per quem tua illustrissima Celsitudo dignabitur significare si quid me scire volet, quam incolumem ac florentem tueatur Deus. *Basilea* 30. Decembris, Anno 1527.

EPISTOLA DCCCCXX.

Gulielmo Waramo, Archiepiscopo Cantuariensi, Erasmus Roterodamus S. D.

AMPLISSIME Præsul, ac benignissime studio-
rum meorum *Mæcenas*, erupit tandem in apertum vetus illa in me conjuratio Monachorum ac pseudo-Theologorum, hoc agentium ut libros meos excutiant e manibus hominum, sed mihi crede, non habebit successum. Multis regionibus simul aggressi sunt hoc negotium; devotis animis; sed ubique reppererunt potentes, qui conatibus illorum furiosis obfisterent. Habeo ferme quicquid notarunt in libris meis, & sane gaudeo non alia posse produci ab his, qui plusquam hostilibus animis ad calumniam detorquent omnia. Si vacabit legere libellum, cognosces quibus mendaciis & syco-phantiis mecum agant. In hoc tumultu vetus ille tragœdiarum artifex velut *Androclides* fortem agit virum, oblitus suæ legationis, idque quum non ignoret me Archiepiscopo *Toletano*, præter alios aliquot Episcopos, multis Aulæ Proceribus, atque ipsi etiam Cæsari non ingratum esse. Demus aliquid in libris meis esse, quod poterat dici circumſpectius; certe nihil impium possunt ostendere. Quod autem exemplum hoc est, ex malitiosa conspiratione per universum orbem, clamoribus insanis & furiosis libellis unum hominem aggredi? Hoc non est defendere fidem, quo titulo isti se venditant, sed novos tumultus excitare, quum barbarum undique sit plus satis. Excitavi plurimos ad bonarum literarum studium, quin & Theologorum studia tot lucubrationibus meis, vel excitavi, vel adjuvi. Si quid inest humani lapsus, poterat dari negotium aliquot integris ac doctis viris, ad quorum iudicium corrigerentur ea quæ jure offenderent. Verum non offenduntur erratis; aliud est quod illos urit. Ex linguis ac bonis literis, undique feliciter efflorescentibus, vident suam opinionem apud omnes decrescere; nec mirum, qui tot jam annis adversus optima studia summa vi belligerantur, quæ si voluissent amplecti, nec aliorum dignitatem obscurassent, & suam illustrassent etiam; nunc torquet illos invidia. Per omnes orbis nationes *Erasmi* qualiacunque scripta teruntur manibus, *Sutorum* & *Beddarum* libri ridentur à pueris. Est & aliud

ulcus. In libris meis nonnunquam admoneo Theologos, ut omiſſis quæſtionibus ſophisticis adeant fontes Scripturarum, evolvant sanctos Ecclesiæ doctores, & indico loca quædam, in quibus lapsi sunt ob linguarum ac vetustatis incitiam. Similiter & Monachos admoneo, quibus in rebus sita sit vera religio. Id istos male habet, malebant antiquum Theologorum ac Monachorum regnum manere, verum, hoc non expediebat populo *Christiano*. Ex meis libris nec hæresis, nec diffidium ullum est natum, isti suis clamoribus suscitant hos tumultus. Sed intra paucos annos videbis scenam rerum humanarum inversam, & eam moderationem, quam perpetuo sequutus sum in scriptis meis, amplectentur. Vociferantur isthic in *Colloquia* mea, quum vix alius liber sit conducibilior ad eximendas animis hominum stultas de rebus opiniones. Erit autem illud prudentiæ Principum, hos tumultus inconditos auctoritate sua compescere, alioqui in gravius incendium exituros quam hætenus excitatum est à *Lutheranis*. Habent titulos honestos, quibus hoc faciant. Satis est barbarum in Ecclesia, etiam si non queramus novamurbationum materiam, & abunde est nobis negotii cum iis, qui palam profitentur ac scriptis defendunt ea, quæ docet *Lutherus*, etiam si non facessamus negotium iis, qui nobiscum pugnant adversus *Lutherum*. Deinde, quoniam Cæsar habet in animo quædam in Ecclesiam recepta in melius restituere, quod absque frequentissimo Principum concilio fieri non potest, præstat, si quid est ejusmodi rerum, in illud differre tempus. Nunc, quantum licet, paci studendum est, & excludenda diffidiorum materia. Postremo si maxime scriberem secus quam oportet, non expedit istiusmodi clamoribus, calumniis, conspirationibus, libellis rabiosis, mederi lapsibus hominum: nam talibus modis *Lutheranum* negotium ex minimis initiis ad hoc incendium, quod nunc late per orbem divagatur, exacerbatum est. Hujusmodi titulis si Principes istorum impetus fregerint, mox consileſcet eorum tumultus; Sin indulserint illorum impotentibus odiis, res eo proficiet, ut quum Principes volent eos compescere non queant. Hi fatales orbis motus non absque numine videntur orti, modisque non credendis huc usque progressi. Arcanum est Dei consilium, quid moliantur homines studiis videmus, quid moliantur Deus nobis incertum: novit malitiam ac stultitiam mortalium in suam gloriam & in bonorum salutem vertere. Proinde mihi semper erit curæ, ut illi præstem sinceram conscientiam; de exitu viderit ipse. Si tua sublimitas cupiet amplius de iis, quæ hic geruntur, cognoscere, ex his quæ mihi *Bedyllo* secretario tuo licebit. Dedi negotium *Petro Egidio*, ut ad te mitteret divi *Hieronymi* volumina posterioris editionis pulchre concinnata, an fecerit nescio. *Basilea*, Anno 1527.

EPISTOLA DCCCCXXI.

Erasmus Rot. Antonino Medico S. D.

UT tu candore temet usque superas, qui sic exag-
geras tantilla mea in te officia, tua longe majora dissimulans. *Ursinus* aliquam partem suæ tragico-comœdiæ, seu potius comico-tragœdiæ, pridem ad nos perscripsit, bonam partem rejiciens in *Joannem Fabrum*, qui cum hætenus mihi non contigit colloqui. Nec interea scire potui, quo se contulerit: nam videbatur ancipitis esse consilii. Res *Ungaria* tam esse turbulenta, vel tua causa doleo, cui cupio, sicuti mereris, fausta tranquillaque esse omnia. Quoniam meum requiris consilium, dum res Principum in ancipiti sunt, nulli me vehementer addicerem, certe neminem offenderem. Scribunt huc *Beddam* cum pseudo-Monachis aliquot graviter rem gerere. Quendam in ignem pertracturus erat, ni Senatus ac Rex intercessissent. Verterat is quædam *Gallice* ex meis Lucubrationibus, adeo putant actum de maiestate sua, si *Erasmus* loquatur lingua vulgari. Nunc apud mulierculas, quas de-

An. 1527. demonstrarunt, & apud idiotas blaterant quæcumque lubet. Quod si vulgus legeret mea, perspiceret illorum insignem impudentiam. A *Tarzone*, significas opinor *Alexium*, nihil accepi neque boni, neque mali, nisi quod arbitror hominem meum studium boni consilere. Ab *Henkello* per hunc nullas accepi, ne in nundinis quidem proximis. Quod Episcopen recusat, non dubito quin illi constet sui consilii ratio, tamen ut nunc res sunt mortalium, præstat esse subulcum quam suum. Rogo, quid erat seriae rei, ut huc tanto itinere professionem adornaretis? An ut *Erasmus* videretis morientem? Morior enim, mi *Antonine*, quotidie. In *Galeno*, etiam si maxime possem quod cupis, non vacat. In arenam gladiatoriam retrahor. *Hippocratem* male versus non est quod imputes *Calvo*: nam is nihil aliud est quam typographus, alioqui indoctus. *Martino Dobregasto* precor omnia læta, cui si quid à me præstari queat officii, non gravate fecero. Fucatis amicis fidendum quidem non est, sed tamen abutendum censet *Cicero*, saltem ut parcius lædant. Nec omnino vanum est quod scripsit *Ovidius*,

Sæpe etiam vere capis simulator amare.

Andrea Critii, mutato nomine, nunc *Plocensis* Episcopi, libellum accepi, cum ipsius literis, tametsi brevibus. Optimæ conjugii tuæ felicitatem opto plurimam. Pestis aliquot ex medicis nostris absumsit, & in his *Sylverbergium*. Vale. Anno 1527.

EPISTOLA DCCCCXXII.

Erasmus Rot. Joanni Emstedio Carusiano S. D.

QUAM huc ætatis pervenerim, vir integerrime, tamen ipsa re comperi, me mihi nondum satis notum esse. Siquidem existimabam me tum Philosophiæ præceptis, tum diutina peneque perpetua malorum ferendorum assuetudine, satis instructum adversus istos vulgares, ac prope quotidianos casus, quos à mulierculis etiam videmus moderate ferri. Cæterum, amici *Joannis Frobenii* mors inopinata sic afflixit animum meum, ut moerorem nullis avocamentis potuim eximere præcordiis. Jam tempus, quod acerbissimis etiam doloribus mederi solet, adeo non leniit ægritudinem, ut paulatim magis ac magis increverit dolor, quemadmodum solet lentum & insidiosum quoddam febris genus obrepere, quo non aliud ajunt immedicabilius esse. Exedebat me reluctantem cura, penitus medullis insita. Tanto potentius est quod conglutinavit animi inductio, mutuaque benevolentia, quam quod natura conjunxit. Quam hic mecum litigavi, quibus conviciis meam mihi mollitiem exprobravi? Ubi nunc est, inquam, ille rhetor, qui splendidis dictis solet aliorum moerorem vel eximere, vel objurgare? Ubi Philosophus ille *Stoicus*, domitor humanorum affectuum? Ubi Theologus, qui docere consuevit, piorum hominum mortem non luctu lachrymisque, sed gratulationibus plausuque prosequendam esse? Quid multis? Nusquam me magis puduit mei. Nunquam enim antehac expertus sum quantam vim haberet sincera amicitia, ac mutuus animorum nexus. Fratris germani mortem moderatissime tuli, *Frobenii* desiderium ferre non possum. Non irascor dolori meo nimirum justissimo, sed immodicum nimisque diuturnum esse indignor. Porro, quemadmodum non erat simplex amor, quo vivum prosequer, ita nec erepti simplex me cruciat desiderium. Magis enim amabam illum ob liberalia studia, quibus ornandis provehendisque vir ille factorum providentia datus videbatur, quam ob animum in me propensum, moreque candidissimos. Quis enim tale non amet ingenium? Solus erat amico amicus, tam simplex ac sincerus, ut etiam si quid voluisset simulare aut dissimulare, non potuisset repugnante natura: tam promptus & alacer ad benemerendum de omnibus, ut indignis etiam ex ipso beneficii quippiam accessisse gauderet. Unde & furacibus ac decoctoribus erat & gratus & idoneus. Ere-

ptam furto, aut à malæ fidei debitoribus interceptam. An. 1527. pecuniam, easolet alacritate commemorare, qua lucrum præter spem objectum, alii. Fide tam incorrupta, ut in neminem magis congruat illud, *Dignus qui cum in tenebris mices*: atque ut ipse fraudem nemini machinabatur, ita de nullo tale quicquam suspicari poterat, tametsi non raro delusus. Quid esset invidiæ morbus, nihilo magis imaginari potuit, quam ii, qui cæci nascuntur, animo fingere possunt, quid sit color. Offensas, quamvis capitales, prius condonabat, quam rogaret is qui offenderat. Nec ullius omnino injuriæ poterat meminisse, contra nullius quamlibet vulgaris officii poterat oblivisci. Atque hic sane, mea sententia, melior erat interdum, quam expediebat vigilantibus patrifamilias. Admonebam interdum ut in sacros amicos esset qualem esse deceret, in impostores verbis duntaxat benignus esset, interim sibi cavens, ne damnum cum ludibrio lucrifaceret. Arridebat humaniter, sed surdo canebam fabulam. Vicit omnia monita naturæ candor. Mihi vero quas non tendebat insidias, quas non venebatur occasiones, ut aliquid obtruderet muneris? Nec unquam vidi lætior, quam quum vel dolo perfecisset, vel precibus impetrasset, ut aliquid acciperem. Hic adversus hominis captiones erat mea Rhetorica, quam ad excogitandum colorem, quocitra molestiam amici, recusarem quod ingererebat: tamen enim illum videre non sustinebam. Si forte papius ad vestem erat emtus per famulos meos, ille subodoratus, me nihil suspicante jam solverat. Nec ullis precibus adigi potuit ut reciperet. Arte simili fallendus erat, si voluisset illum eximere damno. Tale cunctamen inter nos fuit assidue, longe diversum à vulgi moribus, dum alter hoc agit ut abradat quamplurimum, alter agit ut det quam minimum. Ne quid omnino daret, efficere non potui; certe moderatissime illius benignitate usum esse me, testabitur, ut arbitror, omnis illius familia. Mihi quicquid laborum suscipiebatur, amore studiorum suscipiebatur. Hic cum ille cohonestandis, illustrandis, provehendisque natus videretur, nec ullum defugeret laborem, nullas vigiliis, satis magnum quæstum esse ducens, si bonus Auctor cum dignitate prodiret in manus hominum, qui potuissent in hominem sic animatum prædonem agere? Si quando nobis ac cæteris amicis ostendebat primas paginas magni cujusdam Auctoris, ut gestiebat gaudio, quæ vultus alacritas, qui triumphus? Diceret illum jam tum totius operæ fructum cumulatissime percepisse, nec aliud expectare præmium. Non hic attollam *Frobenii* laudes aliorum vituperatione. Nimis notum est, quos Auctores quam mendose, quam fordide excusos nobis typographi, quidam etiam à *Venetia Romæque* miserint. Ex hujus autem domo paucis annis, quæ volumina, quanta cum dignitate prodierunt? Eoque suam officinam à contentiosis libellis, unde quæstum haud mediocrem fecerunt alii, semper immunem servavit, ne literas ac disciplinas aliqua contaminaret invidia. *Hieronymum* bis excuderat. Ab *Augustino* pari cum dignitate rursus excudendo, quum amici complures, in quibus & ipse, deterrent, tamen totum animum sic huc appulerat, ut inter familiares subinde dicere solitus sit, se non optare longius vitæ spacium quam quod absolvendo sufficeret *Augustino*. Primum ac secundum Tomos vidit absolutos; pium erat hominis votum, & erat animus ille dignus immortalitate, sed aliter visum æterno Numini, cujus in abdito sunt consilia, quæ nobis scrutari fas non est, reprehendere nefas. Ætas erat provectior, sed valetudo ita prospera, vegeta, ut per omnem vitam nunquam morbo decubuerit. Ante annos sex è summis gradibus in solum lateritium decedit, casus erat plus quam lethalis, convaluit tamen, sed ut solet, mali reliquiis in corpore residens, utcunque dissimulabat ille: tam erat animi generosi, ut puderet dolere. Anno priusquam moreretur, corripuit illum gravissim-

1527. An. viissimus cruciatus circa talum dextri pedis. Ibi praeſto erant Medicorum officia, quæ nihil aliud quam exasperabant malum, dum de morbi genere dissentientes, alii aliud admovent remedium, nec deerant qui auctores essent pedem refecandum esse. Tandem aliunde venit Medicus; qui dolorem hactenus sedaret, ut & tolerabilis esset, & somni cibique sumendi permitteret facultatem. Demum ita confirmatus est, ut bis equo proficisceretur *Francfordiam*, malo in dextri pedis digitos relegato, quos solos flectere non poterat, cætera valens. Tum à me, tum à Medico frequenter monitus, ut rarius prodiret in publicum, aut vestitu contra frigus munitior prodiret: non obtemperavit, pudendum esse ratus, si quicquam omnino pristinae consuetudinis omittens, morbi speciem præ se ferret. Jam & duos manus dextræ digitos stupor occuparat, morbi imminuentis præludium. Dissimulavit & hoc, parum virile ducens quicquam morbo concedere. Denique dum in sublimi agit nescio quid, correptus, ut est probabile, vi morbi, in pavementum decidit pronus, non sine gravi cranii vulnere. Delatus in lectum nec oculos attollebat, nec ullum sensus indicium dedit, nec ullam omnino vitæ significationem, nisi quod manum sinistram movebat, nam dextrum latus omne dissimulata paralyſis stupefecerat. Ita biduum consopitus, sub mortem experrectus est, ægre paulum diductis oculi sinistri genis, lingua tamen immobili, nec supervixit ultra sex horas. Ita noster *Frobenius* rebus humanis exemptus, ad vitam transiit feliciter, uxori, liberis, amicis, acerbo luctu, toti civitati notisque omnibus gravi sui desiderio relicto. Ob hujus mortem decebat omnes, qui colunt bonas literas, pullatos, lachrymas & luctum sumere, apio, flosculisque sepulchrum ornare, lymphas adspargere, odores adolere, si quid talibus officiis proficeretur. Certe illud erit gratitudinis, ut omnes defuncto bene precemur, memoriamque laudibus debitis celebremus, Officinæ *Frobenianæ* faveamus, quæ non solum non cessabit ob heri sui decessum, sed summa vi adnitetur, ut quod ille instituit semper in majus meliusque provehatur. *Basilea*, Anno 1527.

EPI TAPHIUM

JOANNIS FROBENII

Per Def. Erasmus Roterodamum.

ARIDA Joannis tegit hic lapis ossa Frobeni,
Orbe vires toto, nescia fama mori.
Moribus hanc niveis meruit studiisque juvandis:
Quæ nunc mæsta jacent orba parente suo.
Rettulit, ornavit veterum monumenta sophorum,
Arte, manu, curis, ære, favore, fide.
Huic vitam in cælis date numina iusta perennem,
Per nos in terris fama perennis erit.

Ejusdem in eundem Græce.

Ω Δ' Ιωάννης καθ' ὅδε τυπογραφῶ Φροβένιου,
Οὐδέν' ἄλλω πλέον ἐφείλετο λόγων ἀνδράσμων.
Μὴ νεκρὸν θρηνεῖτε, ζῆτε δὲ πνέει, πνέσων αἰεὶ,
Τῆτε ψυχῇ, τῆτε φήμῃ, τοῖς τε βιβλίων λειψάνοις.

EPISTOLA DCCCCXXIII.

Erasmus Hieronymo Emsero S. D.

NON tam gaudeo meam excusationem à vobis recipi, quam hoc, quod recusavi, fuisse postulatam. Senectutem & morbos tibi mecum communes esse doleo, quanquam longe crudelius malum est calculus sorore podagra. De nomine tuo præterito jam putabam tibi satisfactum esse. Sic res habet ut scripsi: quum scriberem *Spongiam*, prorsus ignorabam abs te quicquam in *Lutherum* editum. Et si scissem, non protinus odi, quorum non facio mentionem. Quamquam hoc seculum tale est, ut interdum mihi sane non satis tutum sit, etiam amicissimos pro-

A dere scriptis, propter linguas fascinatrices. Miror ubi cessarit tuus cognatus: nam librum cum literis 10. Januarii scriptis, reddidit 14. Cal. Aprilis. Redditus erat casu liber *Lutheri*, sed adeo sero, ut ante nundinas, ad legendas illius loquacissimas nœnias, ad relegendam *Diatribam* meam, ad scribendum & ad anti-grapha recognoscenda, ad excudendum & castigandum vix superfuerint dies duodecim. Incredibile dico, nisi quod multis testibus res acta est. *Frobenius* sex prælis excudebat singulis diebus tres ogdoadas paginarum. Et tamen *Lutheri* codex offendit me jam diutinis laboribus delassatum, præterea ex perpetua pene ægrotatione languidum. Nullum enim coelum inimicius huic corpusculo, quam quo vix unquam caruimus à fine Julii ad hunc usque diem. Cur ita properarem, in causa fuit, quod quum idem Opus simul excuderetur & *Augustæ*, & *Argentorati*, & *Norimbergæ*, tamen incredibili studio curabatur ab istis ne quid ad meas manus perveniret. Videlicet hoc venabantur, ut ad proximas usque nundinas triumpharent impune. Id ne fieret, respondi Operis dimidio. Reliquum nunc est in manibus. Quod absolutum est ad te mitto, in quo reperies nomen tuum, sed absque præfatione honoris, quam illic ob certas causas nulli tribuo. Si amicitiam æstimas amore mutuo, non patiar me abs te vinci; Sin prædicatione nominis, ne hac quidem parte defuturus sum officio meo, simulatque se dederit opportunitas. In carmine tuo mihi placuit & perspicuitas & splendor non sine nervis. In usurpandis *Græcis*, uteris magna libertate, corripiens ultimam in *disdiapason*, producens primam in *Catholico*, quanquam idem aliquoties facit *Prudentius*. Nec hujusmodi libellis, nec sævitia quicquam profecturi sumus. Hic me verum fuisse vatem, rei declarabit exitus; adeo late serpsit malum. Laudo tamen quod Principes gnaviter coercent seditiosos. Quid mea *Diatriba* civilis? Quid profecit tamen, nisi quod *Lutheranos* excitavit ad majorem insaniam? Id non ignarus futurum, tamen morem gessi Regi & Card. *Angliæ*, Pontifici & doctis aliquot amicis, non tacens interim quid esset sequuturum. Nihil expectabam à *Luthero* moderatum, tantum malitiosæ calumniæ non expectabam. Occupant sibi passim bonas literas, quo videlicet hoc prætextu constabulant suam factionem, & tandem obruent hæc quoque studia. Quales furias habeat *Lutetia*, declarabit *Apologia*, qua *Sutori* respondeo. Et *Natalis Bedda* notavit plusquam ducentos articulos in *Paraphrasibus* meis, quorum hic est periculossimus, quod exponens angeli verba, *Invenisti gratiam*, scripserim, non est hoc tui meriti, sed favoris divini. Mitto carmen *Andrea Cretii* Episcopi *Polonia*. De *Cerastino* miror te nihil scribere. Audio Duci non perinde fuisse gratum atque ego sperabam: est tamen vir egregie linguarum peritus ac bonus, nec sine meo sumtu fuit evocatus, quod tamen non eram facturum, nisi Princeps toties efflagitasset. Cupiebam plura in sinum tuum effundere, sed cum *Luthero* rixandum est, quæ res illi vertat male. Demiror quid ille tibi proposuerit, simul & scurram agens & Evangelistam. *Basilea*, Anno 1527.

EPISTOLA DCCCCXXIV.

Erasmus Roterodamus Joanni à Lasco, Præpositi Gnesnensi, S. D.

Amo tuam istam prudentiam, vir ornatissime. Non mediocris est malis ingeniis bene uti, & ex noxiis animantibus utilitatem capere. Habeo quosdam, qui vehementer amant, interdum meo magno malo. Malim qui prudenter amant. De regia epistola gaudeo tuum consilium mihi fuisse felix, uberius gavissurus si felix fuerit & Reipublicæ. Animus iste tuus mihi tam addictus non potest mihi non esse gratissimus, haud tamen desinam te monere, videas ne quam tibi studium mei vehementius conciliet invidiam. *Glareanum* exhi-

An. 1527. exilaravi commonstrata literarum tuarum parte. Sa-
tagit, ut nunquam alias æque, proinde munus hoc
non male collocavit tua benignitas. De *Beato* ne sis
sollicitus: est quod dicitur, quanquam amoris erga
se tui *μνησάμενος* non adspernabitur. Libellum isthic ex-
cusum vix credit, adeo misere cupit quod scribis esse
verum. *Hierosolai* fortitudinem objurgarem, nisi jam
serum esset. Congeminavit sollicitudinem meam tua
quoque valetudo non satis prospera: nec hanc positu-
rus sum, donec tuis literis cognovero lætiora. Quem-
admodum mihi gratissimus futurus est tuus conspectus,
ita nonnihil sum sollicitus, quomodo te tractatura sit
Hispania: non paucos enim absorbet. Nec mirum vi-
deri debet, si tam preciosæ, tam charæ, tam raræ
possessioni anxie metuo. Nollem cum Rege impro-
bius agi de munere, ne cui videar hoc venatus: nam
hoc intelligo quibusdam esse cordi. De ducentis flore-
nis facies quod tibi commodum judicabis. Ad me
nihil dum perlatum est. Literas & isthic refrigescere
doleo, quum apud *Brabantos* & apud *Hispanos* felicissi-
me floreat. Bellorum nullum video finem, adeo cru-
descent Principum iræ. De *Roma* rursus capta crude-
lis ad nos adfertur rumor. Opto vanum esse. Hic pe-
stilentia rursus aliquot abripuit, mitior tamen quam
autumno proximo. *Joannem Frobenium* amicum incom-
parabilem paralytis nobis ademit. Primum dextri pe-
dis gravissimo cruciatu diu torquebatur, sic ut nulla
mors crudelior: eo per medicum audacem magis quam
eruditum consopito verius quam profligato, coepit ef-
se feroculus, & amicis admonentibus, ut domi se con-
tineret, vitaret frigus, arrisit, non obtemperavit. Ita
ex alto nescio quid tollere parantem morbus obortus in
humum dejecit. Casus ipse ad mortem satis erat, post
biduum ægre alterum oculum sustulit, jam agens ani-
mam. Hujus viri decessus me non vulgariter affectit,
præsertim quum *Augustinus* totus ferveat sub prælis
non paucis. *Hoffo* lubens bene faxim si quid queam.
Nunc tamen non erat scribendi ocium. Opinor cæte-
ros amicos ad te scripturos. Quæ misi proximis nun-
dinis, videntur ad te nondum perlata. Item quæ scri-
psi per *Severinum Olpejum*, qui se prædicabat istuc
proficisci. Dicavi tuo patruo *Ambrosium*. An hic mihi
mens læva fuerit, ex te scire cupio: nam diu fluctua-
bam anceps animi. Quam tragediam mihi quidam,
quavis vipera nocentior, orsus sit in *Hispania*, cui præ-
ludit *Bedda*, & nunc cupit catastrophem addere, di-
sces ex epistolis & libello, quem addo. Harum rerum
nihil spargat tua prudentia ante tempus. Suaferam huic
nuncio *Georgio* ut hic maneret, verum, maluit isthuc
recurrere, quam hic ociosus terere tempus. Bene va-
le. *Basilea*, Anno 1527.

EPISTOLA DCCCCXXV.

Erasmus Hermanno Comiti à Nova aquila S. D.

An. 1528. QVAM male timui ne te absorberet *Hispania*, tam
vehementer gaudeo quod nobis redieris, non so-
lum incolumis, verum etiam prosperiore valetudine:
sic enim accipio, quanquam quod accidit juxta *Cale-
tium*, si tamen accidit, permolestum est. Libellum
tuum à me diligenter lectum opinor tibi redditum una
cum literis meis: nam tu quidem fueras ingressus iter,
tamen famulus tuus ajebat se celeriter sequuturum.
Non dubito quin apud *Hispanos* acceperis pseudo-Mo-
nachorum tragediam, de qua scire cupio si quid ha-
bes. Per hunc poteris tuto scribere: est enim à nobis
proprie missus ut eat *Antnerpiam* & huc recurrat. Ab-
sit finistrum omen, sed tamen quæ videmus hic rerum
præludia, nescio quid tempestatis minitantur. Nec vi-
deo quo fugiam. Et Regis & Archiepiscopi literis aman-
tissime scriptis invitor in *Angliam*; sed illic non video
mihi sedem commodam. Hoc vere fortassis vos invi-
sam. Si fors aberis *Colonia*, cura ut illic tuas hic repe-
riat literas, neque enim diu commorabitur in *Braban-
tia*. Rex *Ferdinandus*, ut fertur, evulgavit edictum,

A non dicam injustum, sed certe severum. Opto quidem An.
ut optimo Principi sit felicissimum. Sed opto magis 1528.
quam spero. Bene vale, vir clarissime. *Sobinum* exocula-
tum valde doleo. *Basilea* 3. Januarii, Anno 1528.

EPISTOLA DCCCCXXVI.

Erasmus Roterod. Maximiliano à Burgundia S. D.

C LARISSIMUM virum Principem *Veriensem* pæ-
trem tuum, *Maximiliane* charissime, dum adhuc
inter nutricum sinus reperet, & nosse coepi & amare:
jam tum enim in illo relucebat generosa quædam indo-
les, ac placidum minimeque ferox ingenium. Atque
ille vicissim non obscuram benevolentis in me animi si-
gnificationem dabat. Is affectus inter nos cum ætate
semper accrevit. Non esse vanum quod narro, satis, opi-
nor, declarabit epistola puero scripta, quæ tot jam
annis in hominum manibus versatur; nec dubito quin
eam studiose legeris, nec legeris modo, verum etiam
igniculos quosdam ad bonas literas ac pietatem ex ea
conceperis. Quo mihi jucundius fuit ex optimi viri
Joannis Borsali, tuæ pueritiæ formatoris, epistola co-
gnoscere, te sic affectum tum erga literas honestissi-
mas, tum erga me measque lucubrationes, ut videre
non minus in paterni erga me animi, quam in paternæ
ditionis hæreditatem successor esse paratus. Hoc certe
nomine gratulor optimo Principi, gratulor tibi, gra-
tutor optimis studiis, quæ claris ingeniis cordi esse coe-
perint, vicissim & vestras imagines illustraturæ, & il-
larum ornamentis illustrandæ. Nunc enim licebit eam
sperare felicitatem, quam *Plato* solet optare, quum
Principum filii, prius educantur philosophiæ quam im-
perio. Precor ut *Christus* Opt. Max. istam egregiam tuam
indolem servet illibatam, semperque provehat ad feli-
ciora. Scripseram ante complures menses, eæ literæ
sinistro casu interciderunt nescio quorum perfidia.
Quam jacturam audio te permolestè ferre. Accessit hoc
infelicitatis, quod hic periit archetypum. Occupatissi-
mus itaque vix hæc ex tempore scripsi, superioris
argumentum ex memoria retexens, brevi daturus co-
piosorem epistolam, si hanc velut arrhabonem boni con-
sulueris. Vide ne aulicæ delicæ tibi studiorum & in-
tegritatis amorem excutiant. Bene vale. *Basilea* 4. Ja-
nuarii, Anno 1528.

EPISTOLA DCCCCXXVII.

Erasmus Roterodamus Georgio Duci Saxoniæ S. D.

S ERENISSIME Princeps, Librum *Hyperaspista* se-
cundum una cum literis redditum esse gaudeo,
magis autem gaudeo tuæ illustrissimæ Celsitudini non
displicuisse. Nec laborum, nec contumeliarum me tæde-
ret, si viderem aliquem eximium fructum exoriri. Mi-
hi sufficit *Christus* ad omnium compensationem, quæ
possunt in hac vita accidere. Accepi *Lutheri* literas ad
illustrissimam Celsitudinem tuam, & illius ad illum *La-
tine* versas. Rursus *Emseri* responsum adversus *Luthe-
rum* Latine versam. Nullas accepi literas, ad quas non
responderim. Sed non omnia perferuntur, quæ tradun-
tur: id quod nimium sæpe experior, non sine gravi
meo incommodo. Qui has reddidit, habebat epistolam
tuæ Celsitudinis ad *H. Epiphendorpium*, cujus inscriptio
habebat *Basilea* nomen, quum ille jam annis aliquot a-
gat *Argentorati*, nec unquam interim viderit *Basileam*,
id quod te fugere demiror. *Emserum* nobis ereptum do-
leo, ad feliciora translatus gaudeo. Scripsimus ante
paucos dies, sed paucis: premit enim nos præter alia
divus *Augustinus*, qui nunc totus excuditur cum summa
dignitate. Nascuntur in dies novæ tragediæ, quis sit
exitus futurus nescio. Licet optima precari, nec quid
aliud nobis superfit video, rebus undiquaque turbatis-
simis. Illustrissimam Celsitudinem tuam cupio quam
optime valere, cui me totum addico dedicoque. Da-
tum *Basilea* 16. Januarii, Anno 1528.

EPISTOLA DCCCCXXVIII.

Erasmus Rot. Hieronymo Viromando S.

An. 1528. **E**PISTOLA tua, Viromande charissime, mihi longe fuit gratissima, quippe quæ nihil haberet non lætum ac festivum. Hoc ipso statim nomine mihi jucundus esse cœpisti, quod te Hieronymi Bussidii profiteris alumnum. Deinde non vulgariter me delectavit ipsa literarum elegantia, sanitas & argutia, sed multo magis amicus animus, quem in illis spirantem sensi. Sed multo jucundissimum fuit, quod ex his intelligo clarissimum juvenem, in quo Maximiliani Caesaris erga studia favor ac liberalitas quodammodo superstes est, ad Brixinensem dioecesim esse designatum, præsertim quum eo sit in nos animo, quo tu mihi persuades esse. Quales patronus utinam hic alicubi vicinus esset. Nam hinc jampridem cogito, quanquam hæc valetudo manere non suadet modo, verum etiam cogit propemodum. Hactenus hic fui utrique civium statui gratissimus, nunc sentio me quibuldam ad novas res nimium spectantibus obolere. Sed terret me primum itineris longitudo, deinde locus nimium alpestris, quæ porro vix gignat nescio. Nam mihi cum acribus istis villis ob calculum pessime convenit, Burgundiacis utor, iisque subrubris. Scripsi reverendo Præsuli, sed aliquanto ferius. Tot enim labores, tot tragœdiæ interciderunt, ut ipse mihi pene exciderim. Cupio te quam optime valere. Datum Basilea 3. Februarii, Anno 1528.

EPISTOLA DCCCCXXIX.

Erasmus Roterodamus Georgio Duci Saxonie S. D.

SERENISSIME Princeps, nec mihi vacabat scribere, (minus fortasse vacat Celsitudini tuæ prolixas epistolas legere) nec erat magnopere quod scriberem. Cæterum, quoniam hunc nactus eram Franciscum Dilectum, juvenem apud suos non solum claro & opulento, verum etiam honesto genere prognatum, cujus ingenium sincerum vereque generosum diutino convictu cognitum ac perspectum habeo, visum est per eum saltem illustrissimæ Celsitudini tuæ salutem adscribere. Quem si dignaberis tuo colloquio, poteris ex eo de rebus meis omnibus certior fieri, quas ille melius novit quam ego ipse, & est summæ fidei, minimeque vanus. Meo malo sum expertus, quam non sit tutum omnia literis committere. Dominus fervet felicem ac florentem illustrissimam dominationem tuam, cui me totum offero. Datum Basilea 5. Februarii, Anno 1528.

EPISTOLA DCCCCXXX.

Sigismundus, Dei gratia Rex Poloniæ, magnus Dux Lithuanie, Russiæ, Prussiæ, ac Masoviæ, &c. Dominus & hæres.

REDITAE nobis fuerunt litera tua, Erasme doctissime, Calend. Junii scripta, ex quibus facile perspeximus te vere cum esse, qui diceris, hoc est, virum præter summam eruditionem ac prudentiam, tum integerrimum, tum publicæ tranquillitatis concordiaque Christianæ studiosissimum; quod etsi nobis dubium nunquam fuit, vehementer tamen apud nos confirmavit eam de te opinionem epistola hac tua, in qua plane agnoscimus animum istum tuum vere Christianum, nec dubitamus quin ubique sis tui similis, seu ludicra tractes, seu seria. In primis vero tibi gratias agimus non vulgares, quod nos tali ornaveris elogio, quale veremur ut in nos tam plene quam tu videri vis competat. Nam etsi nobis maxime cordi est, ut & Rempublicam Christianam, adeo inclinam, pro virili nostra juvemus, & regna nostra tranquilla atque ab illa dissidiorum lue, qua nunc sursum ac deorsum fertur Germania, incontaminata servemus: tamen quod hactenus id nobis feliciter cesserit, Deo potius acceptum ferimus, quam ut inde nobis laudem aliquam

A aut arrogemus, aut petamus. Imo etiam hoc ardentioribus votis Domini misericordiam imploramus, ut quem admodum nos, regnaque nostra hactenus integra illa servavit, ita adhuc servet in posterum, quousque illius visum fuerit voluntati: alioqui nobis frustra facturi videmur omnia, nisi ille cœpta nostra fortunet. Non potest autem hoc tuum erga nos officium nobis non esse gratissimum, qui quum semper alioqui magnifice de te senserimus, tum vero hac humanitate tua provocati, tanto etiam libentius tibi, si quo modo possimus, gratificabimur, quanto tu nos literis tuis fecisti apud omnes homines commendatiores: quod equidem præstare possumus multo cumulatius, si forte adduci possis ut te huc ad nos conferas: sed quum ex tui studiosis intelleximus, frustra idem tentasse alios Principes, qui magnis hactenus, tum precibus, tum premiis, te sibi adungere cupiebant, veremur ne & nobis frustra sumeretur hac opera. Ut tamen interim habeas aliquod nostra erga te benevolentiam gratique animi argumentum, mittimus honorarium munus, quod in præsens grato animo suscipias: deinceps uberiores ex nobis fructum benevolentia & favoris nostri habiturus. Vale. Datum in oppido nostro Piotrocono 19. Mensis Febr. Anno Domini 1528. Regni nostri vigesimo secundo.

EPISTOLA DCCCCXXXI.

C Petrus Episcopus Cracoviensis Erasmo Roterod. S. D.


ETSI mihi jamdudum ante cum ex tuis perdoctis lectionibus, tum etiam ex Antonini medici relatione, & notus eras, & charissimus, nunc tamen literis tuis ultro in amicitiam tuam provocatus, tanto te impensius amaro cœpi, quod nullis meis de te meritis, sed sola humanitate tua adductus, non gravatus sis inter tot labores & vigilias tuas incomparabiles, non minus elegantius quam humaniter ad me scribere, unde quantum tibi debeam, quanti hanc tuam amicitiam faciam, non facile dixerim. Accipe igitur, Erasme doctissime, hoc à me homine occupatissimo Laconicum, quidem, sed integerrimum animi erga te mei responsum, nempe, eum esse me & futurum semper, qui nulli in te amando, & tuam istam eruditionem suspicienda, cedat: quique felicitatis loco habeat, si qua in re gratificari tibi possit. Tu modo ea benevolentia, qua cœpisti, me complecti non desinas, & munusculum hoc, quod tibi mittimus in pignus & testimonium amoris nostri mutui, grato accipias animo. De Antonini tui adversa valetudine, equidem molestum est scribere, id malim ut ex aliis cognoscas. Vale optime, vir eruditissime, & sis felix. Ex conventu generali Piotrocoviensi 20. Feb. Anno Domini 1528.

EPISTOLA DCCCCXXXII.

Erasmus Roterodamus Richardo Paceo S. D.

VIX me capio præ gaudio, vir ornatissime, quod audio te ex turbulentissimis illis negotiorum undis, patriæ dulcissimæ, Musisque patria dulcioribus esse redditum. Gratulor autem pristinis tuis studiis & Hebraicas accessisse literas. Nunc te non morabor pluribus. Hunc Quirinum meum, quo nemo alius mihi servivit amantius, ob certa negotia emandavi in Angliam, quorum duo præcipua sunt: Alterum, ut sceleratissimi impostoris rapinis aliquando finem imponam; Alterum, ut quoniam Archiepiscopus Cantuariensis simulque Regia Majestas literis amantissime scriptis me invitant in Angliam, dispiciat cum amicis, an id commode fieri possit: nam hinc fortassis migrandum erit, velim, nolim. Utrunque cognoscere poteris ex hujus juvenis narratione, quem tibi commendo, mi Paceo, non ut famulum, sed ut filium mihi charissimum, si qua forte in re fuerit opus officio tuo. Opto tibi perpetuam felicitatem. Datum Basilea 20. Februarii, Anno 1528.

EPI-





EPISTOLA DCCCCXXXIII.

Erasmus Rot. Felici, LL. Doctori, S. D.

An. 1528. **M** IHI quidem gratissimum fuit tuæ vocis patrocini-
 num, celeberrime Doctor, eoque nomine me
 plurimum debere profiteor humanitati tuæ: sed vehē-
 menter admiror unde ista linguarum petulantia, seu
 verius pestilentia? Ego *Burgundiones* semper judicavi
 viros graves & integros: unde istuc hominum loqua-
 cium lolium? nisi quod suspicor Pseudeuangelicos,
 qui nusquam non oberrant, & istic tales rumores fere-
 re. Res sic habet: Eram valetudinarius ut fere sem-
 per, tum etiam itinere fessus & calculo gravidus: cor-
 pusculi imbecillitas abhorrebat ab esu piscium, ani-
 mus tamen cupiebat vitare omnem offensionem pro-
 ximi. Id significans aliquoties inter amicos dixi per-
 lusum, stomachum quidem esse *Lutheranum*, animum
 vero *Christianum*. Ab homine sic affecto, ut tum eram,
 nec Deus nec Pontificum leges exigunt esum piscium.
 Et ad hæc habeo diploma Pontificis, quo mihi liceat
 sine omni exceptione vesci carnibus diebus quibuscun-
 que. Quod si non haberem, tamen edendi causam ha-
 beo justiore quam vellem. Nihilo secius, quum
 istic gravissima febris tenerer, à piscibus quidem &
 vino abstinui, nec tamen usus sum carnibus, ne quem
 offenderem. Hic erat ille animus *Christianus*. Sto-
 machi tantus erat cruciatus, ut subinde vomitu le-
 vandus esset. Hic erat stomachus *Lutheranus*, ut jo-
 cabar. Itaque cum morbo conscendi equos, & hic
 decubui fere mensem. Tantum à me tributum est
 stultorum maledicentiae. De visceribus beatæ Virgi-
 nis sic habet res: Prandebam apud procuratorem Ar-
 chidiaconi; à prandio famulus hospitis dixit gratias
 bene longas, poterant videri brevis Missa. Ibi *Kyrie*
eleison, ibi *De profundis*, ibi *Pater noster* aliquoties.
 Quid non? Tandem videbatur finisse, nosque respon-
 dimus, *Amen*. Quum interfiluisset, ego putans nihil
 superesse, verti me ad convivas & hospitem, acturus
 gratias, quum præter spem famulus addidit, *Et beata*
viscera Maria Virginis. Ibi pudefactus, indicans gra-
 tias fuisse vel absque illa coronide satis longas, ludens
 dixi, Hoc decrat, *beata viscera*, haudquaquam in
 contemptum Virginis; sed significans eam gratiarum
 actionem ex farragine quadam diversarum rerum esse
 conflata. Quam pius cultor fuerim Virginis decla-
 rant orationes duæ olim editæ, *Paan & Obsecratio*.
 Item *nova Missa*, quam nuper edidi ab Archiepisco-
 po *Besentino* comprobata. Et hæc sunt argumenta,
 quibus me faciunt *Lutheranum*: nam is rumor etiam
Lutetiam perlatus est, ut *Bedda* mihi suis literis signi-
 ficavit. Neque quicquam addubito quin ab istis Pseu-
 deuangelicis sit ortus, qui nihil in me non moluntur,
 quod cum ipsis nolim insanire. Officium tuum
 ex nobili doctoque juvene *Christophoro Carlebitzio* co-
 gnovi, qui si huc redisset, per eum scripsissem accu-
 ratius. Hæc ex tempore scripta commisi quibusdam
 mihi forte oblati. Res non aliter habet quam scripsi.
 Id te scire volui, quo sis instructior adversus lingua-
 ces. Opto te quam optime valere, vir egregie. Da-
 tum *Basilea* 21. Februarii, Anno 1528.

EPISTOLA DCCCCXXXIV.

Erasmus Rot. Petro Bembo S. D.

GRAVI profecto sollicitudine liberarunt animum
 meum, ornatissime Bembe, R. Præfulus *Jacobi*
Sadoleti proximæ literæ, quibus significavit te multo
 antequam oriretur illa *Roma* procella, *Patavium* ve-
 lut in portum quietissimum confugisse, atque isthic
 inter Musas honestissimo simul ac jucundissimo frui
 ocio. Qua quidem felicitate dignissimus erat & *Sado-*
letus, nec male congruebat, ut quorum est unus ani-
 mus, esset communis item tranquillitas. Sed aliter vi-
 sum superis. Ille tamen putat se parvo decidisse cum

A fortuna, quod omnium facultatum, in quibus nihil
 erat bibliotheca neque preciosius, neque charius, ja-
 ctura redemerit incolumitatem. Nos hic urget tempe-
 stas nihilo mitior *Romana*. Siquidem illa rapuit opes,
 nos spoliatur his, quæ piis omnibus sunt, ut esse de-
 bent, omnibus pecuniis chariora. Verum hanc Træ-
 gœdiam te malim ex hoc grammatophoro cognoscere.
 Is est *Carolus Utenhovius*, juvenis mihi domestico con-
 victu eoque diutino cognitus penitusque perspectus.
 Nihil illo comperi multis annis sincerius, modestius,
 aut amico amicius. Hunc literarum amor & coram
 exosculandi viros tui similes cupiditas pertraxit in *Ita-*
liam. Quare te rogo, quod alioqui scio te tua sponte
 facturum, ut pro tua solita in omnes humanitate, si
 quid opus erit, illi commodos, vel consilio, vel au-
 thoritate tua: nam pecunia non eget. Et tamen hoc
 ipsum, quod peto, nullo tuo incommodo feceris. Opto
 te quam prosperrime valere. Datum *Basilea* 22. Fe-
 bruarii, Anno 1528.

EPISTOLA DCCCCXXXV.

Erasmus Rot. cuidam S. D.

QUEM AD MODUM natura nullum creavit venē-
 num, quin apposuerit remedium, vir clarissime:
 ita Deus improborum conatibus semper objicit ali-
 quem, per quem non statim liceat illis quicquid libet:
 sunt enim aliquot eo ingenio, ut non in aliud natos
 dicas, quam ut bonis faciant male. Ex amici nostri
 literis intellexi quam amanter quamque prudenter ad-
 fueris meo negotio; quod officium si mihi tantum præ-
 stares, ingratus essem, ni tuam istam humanita-
 tem & amplecterer & prædicarem. Nunc quum hoc
 operæ non tam mihi, quam studiis publicæque
 tranquillitati tribuas, etiam pietatem tuam exoscu-
 lot. Atque utinam contingat aliquando cum oppor-
 tunitate facultas, ut tuis in me meritis aliqua ex par-
 te respondeam. Bene vale. Datum *Basilea* 26. Februa-
 rii, Anno 1528.

EPISTOLA DCCCCXXXVI.

Erasmus Rot. Thoma Moro S. D.

IN tot molestiis, quibus undique circumvallor, plu-
 rimum attulit solatii serenissimi Regis epistola hu-
 manissime scripta, qua me invitat in *Angliam*, omnia
 pollicens benignissimo digna Principe. Admonet quod
 olim scripserim, in *Anglia* senectuti meæ sedem dele-
 gisse. Nunc vero, tui *Moro*, res in eo sunt statu, ut
 mihi sepulchri locus sit circumspiciendus, ubi vel mor-
 tuo liceat quietum esse, quando, ut video, non con-
 tinget hoc unquam vivo. Omnes divinant magnos re-
 rum motus imminere. Anabaptistarum hæresis medi-
 tatur erumpere, quæ latius sparsa est quam quisquam
 credat. Tragedias meas cognosces ex hoc *Quirino*
 meo, juvene mihi perspectæ fidei, quem, quoniam
 novit omnia mea, in *Angliam* præmittendum arbitra-
 tus sum, ut per eum dispiciam cum amicis quid fieri
 possit, aut quid expediat. Egissem gratias Regiæ be-
 nignitati, sed quoniam tot laboribus pene exanimato
 nihil erat ocii, malui ad tantum Principem nihil scri-
 bere quam negligenter. Si videbitur, tu melius illi
 declarabis animum meum, nec ignarum, nec imme-
 morem tam eximie benignitatis, quam mihi toties
 offert, nihil promerito. Opto te cum tibi charissimis
 quam bellissime valere. Datum *Basilea* 28. Februarii,
 Anno 1528.

EPISTOLA DCCCCXXXVII.

Erasmus Roterod. Catarina Regina Anglia

GAUDIUM & pacem à Domino nostro *Jesu Chri-*
sto, Regina clarissima, multo tamen pietate,
 quam regni, licet amplissimi, consortio felicius, præcla-
 ra quædam felicitas est apud homines ex nobilissimis
 Tom. III. Xxx 2 simul

simul & potentissimis Regibus prognatam esse, Regi florentissimo matrimonio junctam esse, verum hæc nihil sunt, si ad eximias animi tui dotes conferantur. Illa contingere non solum multis, verum interdum & malis. Hoc rarissimum exemplum, foeminam in deliciis aulicis natam & educaram, ea fortunæ indulgentia, quæ solet etiam bene institutos mores corrumpere, spem omnem, omne solatium, in sacris precationibus, in divinorum Voluminum lectione reponere. Hæc sunt vere clara stemmata: hoc diadema quod te gloriosam reddit coram angelis Dei. Utinam hoc exemplum à Regina petant saltem viduæ, quæ dum oblitæ præcepti *Paulini* in deliciis agunt, *viventes mortuæ sunt*. Quid memoro viduas? Utinam imitentur virgines, quæ mundi pompis ac voluptatibus omnibus repudiatis totas sese *Christo* sponso dedicarunt. Utraque debes ei, qui fons & auctor est bonorum omnium, quique pro sua ineffabili benignitate facit, ut ea, quæ nobis videntur mala, quia naturæ molesta sunt, juxta *Pauli* doctrinam cedant in bonum iis, qui diligunt Deum, secundum propositum illius vocati sancti. Quin interdum & animorum vitia, quæ vere mala sunt, divina quadam arte vertit vel in tutelam, vel in argumentum pietatis. Quisquis autem vere diligit Deum, spei totius ancoram fixit, non in sterilibus rerum fluxarum arenis, sed in solida nullisque rerum undis mobili petra, qui est *Christus Jesus*, sponsum piarum animarum, sic communis omnium, ut nulli nuptæ suus sponsum tam sit proprius ac certus, quam ille est proprius ac præsens singulis: in hujus sinum quisquis se plena fiducia conjecit, omnemque solitudinem in illum unum transfudit, cui scit se curæ esse, is in mediis rerum tumultibus & quietus est, & deliciis fruitur: Deliciis, ad quas collata quæcunque mundus hic habet suavia, nautea mera est, ut ait ille. Igitur anima, quæ se totam tradidit huic sponso, non minus agit gratias in adversis, quam in prosperis. Quanquam si vera loqui velimus, quid est adversum, nisi quod nobis obstat ad æternam felicitatem properantibus? Quid prosperum, nisi quod eo conducit? *Christus* nobis & sponsum est, & dominus, & medicus. Sponsum, quia charitate nostri pertractus in mortem, æterno foedere nos sibi, se nobis devinxit: Dominus, quia sanguinis sui precio nos asseruit à tyrannide satanæ: Medicus, quia servator est, & solus efficaciter medetur malis hominum, mortem depellens, vitæ restituens. Sæpe magis propitius est, quum immittit amara, quam quum delinit dulcibus. Novit ille, quid expediat nobis, nec cessat, nec dormit in cura suorum. Nos sæpenumero prospera judicamus, quæ sunt adversissima: pro adversis ducimus, quæ sunt prosperrima. Nostrum est obsequium, sponsi judicium. Omnis prosperitas ab hoc est, à quo nisi proficiscitur, prosperitas dici non potest. Ab eodem piis venit adversitas, hanc nobis vertit vel in remedium, vel in pietatis lucrum: illa solatur infirmitatem nostram ut possimus sustinere, hac explorat coronatque fidem nostram. Humano quidem sensui blandior est prosperitas, sed sæpenumero salubrior est atque etiam lucrosior adversitas. Non est aditus ad coelestem gloriam nisi per crucem. Communis est omnium via: sive Reges, ut ait poeta Lyricus, sive inopes sumus coloni. Sua cuique crux tollenda est. Hæc eo mihi scribuntur, inclita Regina, ut de his tibi magis gratuleris, quæ ut sunt longe preciosiora, ita nec eripi possunt invitæ. Oportet virtutem sibi notam esse. Quum enim omnis virtus sit gratuitum Dei donum, quomodo tuebitur quod accepit, aut quomodo gratias agat divinæ benignitati, qui nescit quid acceperit? Sponsum in *Canticis* minatur sponsæ, si se cognoverit. Non se cognoscit anima, quæ sibi tribuit quod non habet; non se cognoscit, quæ suis adscribit viribus, quod sponsi liberalitati ferendum erat acceptum; non se cognoscit, quæ se feliciorum putat hisce commodis externis, quam arcanis illis Spiritus Sancti donis; quæque gravius angitur creptis opibus

corporeis, quam thesauri coelestis amissione. Sed quo dilabitur calamus? gratulari decreveram, & admonitor fio, quum sciam ultro currenti in pietatis stadio, & in sacrarum Literarum campis assidue versanti, nihil opus esse vel calcaribus, vel monitis. Si liber, quem tuæ Majestatis nomini dicavi, promeruit, ut ipsum digneris auribus oculisque tuis, laboris hoc mihi feliciter susceptum interpretabor. Sin est quod offendar, non gravabor hoc editione proxima corrigere. Dominus *Jesus*, fons omnis lætitiæ, perpetuo & incontaminabili gaudio serenet animum tuum, inclita Regina, & unicuique pietatis exemplum. Datum *Basilea* 1. Martii, An. 1528.

EPISTOLA DCCCCXXXVIII.

Erasmus Rot. Joanni Valdeso S.

ORNATISSIME juvenis, tantum officiorum in me contulit & confert germanus tuus *Alphonsus Valdesus*, ut amare debeam quicquid quocumque modo ad illum pertinet. Tu vero, ut audio, sic illum refers & corporis specie, & ingenii dexteritate, ut non duo gemelli, sed idem prorsus homo videri possitis. Itaque æquissimum arbitror, ut ambos pari prosequar amore. Audio te deditum liberalibus disciplinis, ut istam indolem virtuti natam omni genere ornamentorum expolias, ad quod sane quid attinet hortari te, quum tua sponte curras in hoc pulcherrimo stadio? Gratulari magis convenit & applaudere. Illud habeto pro certo, me nullius magis esse quam germani tui, nec minus esse tuum quam illius. Bene vale. *Basilea* 1. Martii, Anno 1528.

EPISTOLA DCCCCXXXIX.

Erasmus Rot. Lazaro Bayso S. D.

ONERARE laudibus immodicis, si cui bene volunt, adeo doctis solenne est, mi *Baysi*, ut refellere, sic agnoscens. Itaque statui posthac quicquid est istiusmodi, silentio concoquere. Gratus tamen est mihi tuus candor, quem olim literis suis *Hermannus Phrysius* mihi depinxit. Quoniam recusas quod abs te peto, recusos vicissim quod à me petis, ut in turbam eorum, qui studiorum meorum æmuli sunt, recipiaris. Imo inter amicos primarios primas tenebit *Baysius*. Nos nostro seculo fabulæ partem egimus, nunc æquo animo cedimus felicioribus. Theologorum inconditos tumultus non queo satis admirari. Scripsi super hac re Senatui Parlamentari & sacratissimæ facultati. Quod ajunt, apud me *Christum* damnare vota, nil mirum, quum *Bedda* tot evidentissima mendacia mentitus sit in uno libello. Si mavis istic edi libellum tuum *De vasculis culinariis*, eo quod adfis, & frons occipitio sit prior, probabo. Sin isti cessant, curabimus hic excudi, modo mittas exemplar abs te recognitum. De vasculis amplector bonam voluntatem Reverendissimi Cardinalis. Cæterum, quæstor obliviscetur, accusabit aurifices qui sefellerint. Hic certe solent *arbitri Begdini* Principum famuli. Ne pilus quidem vasculorum acceptus est. Scribam ubi recepero. *Michael Bentinus* præmissa uxore, uxoris matre, & hospite quodam, adhæc & puero, quum paucis diebus in solis ædibus versaretur, eadem pestilentia sublatus est. Sequutus est illum protinus is, qui in castigandi vices successerat. Nos vero reliquit & *Joannes Frobenius* mœrore meo immedicabili, nam uxor jam alteri nupsit. Gratulor tuis studiis istum *Macenatem*, non minus benignum quam potentem, quem mihi tecum communem esse factum gaudeo. Tuum erit submonere si quid erit in quo possim illi gratum facere. Bene vale. *Basilea* 1. Martii, Anno 1528.

EPISTOLA DCCCCXL.

Erasmus Rot. Quirino Toleio suo S. D.

GRAVIMVS ut has literas reperires apud *Marcom Laurinum* ex *Anglia* revertis, in qua non dubito, quin

An. 1528. quin ea fide, studio, curaque rem gesseris, ut & tui similis fueris, *Quirine* charissime, & meæ de te fiducia responderis. Fallere præceptorem turpe est, sed turpius fallere amicum fidem. Scis ut tibi nihil unquam apud me, nec occlusum fuerit, nec obsignatum, ne earum quidem rerum, quas alii non unis clavibus à famulorum, imo non à famulorum tantum, verum etiam à filiorum oculis submovent. Facile conjecto te diutius hæsisse apud *Britannos*, novi quam ubique cunctator sit *Montjoies* meus, non tantum in similibus negotiis, & quam ægre dimittat clientem summus ille purpuratus: *ὁ δὲ μὴ διαπαύσῃ*. Verum eam moram fac ut nunc celeritate sarcias, nisi si quid existerit novæ rei quod te remoretur in *Flandria*. Jamdudum enim & mea studia, & domus in te inclinata recumbens, desiderant tuam præsentiam. Ne tamen usque adeo properes ad nos, ut non amanter simul, ac diligenter salutes amicorum meorum vetustissimum *Antonium Clavum*, candidissimum *Guilielmum à Vala*, fortissimum patronum *Jacobum à Prato*, quem tamen ut opinor apud *Anglos* reperisti. Paucioribus enim scripsi, partim quod nihil rerum mearum te latet, partim quod considerem te mihi apud amicos epistolæ quamlibet loquacis loco futurum. *Hollandiam* interea non secus ac litus Sirenium fugito. Difficile est lotum semel gustatam relinquere. De pensione *Curtracensi* diligenter explora rem omnem, & quodcumque consilium tibi tempus & occasio suggerit, sequitor. Negotii summam tuæ fidei prudentiæque permitto. Illud cave, ne præter viaticum necessarium, quicquam pecuniarum, aut annulorum deferas per viam, sed quo tutius ad nos redeas, deponito tuas quoque, si quas habebis, pecunias apud eos quos designavi, nisi forte mihi quoque diffidis. Non sum *Trapezista*: recipies à nobis summam integram minimeque arrosam solita fide, tibi que jam sæpenumero perspecta. Bene vale. Datum *Basilea* 12. Martii, Anno 1528.

EPISTOLA DCCCCXLI.

Erasmus Rot. Archidiacono Alcorano S. D.

ET AM longinquo non perferri quæ mittuntur nihil emiror, vir ornatissime, quum frequenter intercipiantur, quæ mittuntur è proximo. Nullas abs te literas accepi præter has *Palentia* scriptas quinto Cal. Decembris, Anno millesimo quingentesimo vigesimo septimo, quod certe meminerim: unum atque alterum tuarum ad alios literarum exemplum recepi, ex quibus abunde cognovi & quanto *Christiana* pietatis amore flagrares, & quam candide nobis faveres, quod idem tamen ex amicorum literis compluribus didiceram. Pietatis in te studium exosculor, pro singulari tua in me benevolentia gratiam habeo, ut par est, maximam. Quod si iudicio facis, ut facere non dubito, bona spes est te perpetuo tui similem futurum. *Enchiridion* nostrum perquam eleganter *Hispanico* loqui multorum literis cognoveram, cujus opera id factum esset nunc primum didici. Nonnihil mihi hoc nomine placeo, quod opusculum illud vir tantus tua cura dignatus sis. Utinam autem tantum utilitatis adferret, quantum optamus utrique, non me poeniteret invidiæ, quæ semper bonarum rerum comes esse solet. Quod si vera prædicant tuæ simul & amicorum literæ, non solum non doleo, verum etiam gaudeo, tibi que gratiam habeo, non pro celebritate mei nominis, cui studere te scribis, (malim enim omnium ignotissimus esse, quam habere famam invidiæ fermento temperatam, & absque invidia, quanta sit sarcina gloria, si tamen hæc est gloria, ac non potius celebritas, plus satis expertus sum) sed pro favore pietatis. Cæterum quando bene successit, optarim juxta *Græcorum* proverbium, quod monet, *Τελὸς ἢ οὐκ ἐστὶν ἐλπίς, ἢ ἐλπίς*, aut non edendas esse, aut edendas, ut & alia quædam mea loquantur *Hispanice*, duntaxat ea quæ conductura videntur ad pietatem: quod genus opinor esse librum *De misericordia Domini, De matrimonio Christia-*

A no, *Paraphrases, Commentarios in quatuor Psalmos*, An. 1528. & si qua sunt hujusmodi, quæ per commodum interpretem tractata possunt conducere moribus hominum: nam hic quoque nonnihil habet momenti interpretis dexteritas. Quædam scripsimus excitandis studiis, nonnulla corrigendis vulgi judiciis, multa doctis tantum legenda dedimus. De te nihil receiveram, nisi quod modo dixi. Tamen rumor adferebatur & scriptis & voce quorundam, istic excudi *Colloquia*, & *Linguam*, & nescio quæ alia, in quibus ut nihil sit impium, quemadmodum arbitror non esse, tamen suum quæque locum ac tempus habent. Verissimum est quod ad amicorum quandam prudenter scribis, quosdam, qui victorie spem collocarunt in maledicentia, nolle *Erasmum* loqui vulgata lingua, ne deprehendatur illorum vanitas, qui clanculum & apud idiotas facundi sunt. Ex hinc illorum fremitus. Igitur in re consentimus, quamquam auctorem versionis antehac non noveram. Et si novissem, non dubitarem de studio. In *Gallia* quidam vir bonus, doctus & magnus, idem tentavit, ac prorsus eodem, ni fallor, animo, sed parum bene cessit tum illi, tum mihi: nam ille bis periclitatus est de capite, ac plane perierat Monachorum clementia, nisi Rex illi subvenisset: ego adhuc cum Theologis, imo potius cum *Beddaicis* gladiaturam exerceo. In uno *Bedda* sunt tria Monachorum millia. Nusquam non sunt improbi Monachorum greges, nusquam tamen hoc potuerunt, quod potuerunt in *Hispaniis*. Quæ res facit, ut non liceat vobis absolutam gratulari felicitatem, cætera sat fortunatis. De exomologesi quod mones amanter, recipio me facturum prima quaque occasione, quamquam id jam toties à me factum est, & priusquam exiret ille libellus, & posteaquam editus est. Non considerant homines quid illic susceperim tractandum, nec quibus, quo tempore, qua regione scripserim. Quid autem proficiet appendix, si non legetur, aut si studio calumniandi legetur? Quid istic agatur nescio, hic plures sanavit ille libellus, quam aliorum scripta, qui sibi videntur impensissime favere confessioni. Morem tamen geram tuo consilio. Dominus te sospitet in omnibus, vir clarissime. Datum *Basilea* 15. Martii, Anno 1528.

EPISTOLA DCCCCXLII.

Erasmus Rot. Joanni Maldonato S. D.

SCITO tuam epistolam prolixam mense Septembri, Anno millesimo quingentesimo vigesimo sexto scriptam, qua rerum istic gestarum texis historiam, mihi redditam esse, ac fuisse multis nominibus gratissimam, cui responsum est à me copiose. Verum, intelligo tibi querelam istam, de non perlatis quæ traduntur, cum multis esse communem. Misissimè rursus exemplar, si jam serum esset, & fortasse jam recepisti. Mittam tamen si postulas. Depingis unum veteratorem, qualem utinam essent pauciores, nunc hominum istiusmodi nusquam non abundant *γέγραφα*. Istud demiror, istic illis tantum licere, quantum adhuc alibi nusquam licet. Nos pietatis causam animo sincero peragemus usque ad extremum halitum, de exitu viderit *Christus*. Nos hinc adornamus sarcinas. *Jacobum Osorium* pariter redamare possum, quid præterea gratiæ possum reponere non video. Est autem non meo tantum sed omnium amore dignissimus, qui majorum stemmatis, & literarum & pietatis studium adjunxerit, & his omnibus pulcherrimum imposuerit colophonem, gloriæ contentum. Habes epistolam *αὐτοῦ*, pro utriusque nostrum animo perbreve, pro meis occupationibus satis prolixam. Bene vale. Datum *Basilea* 15. Martii, Anno 1528.

Osorio amabili salutem ex me plurimam.

EPISTOLA DCCCCXLIII.

Erasmus Rot. Gratiano Hispano S. D.

An. 1528. **E**ODEM tempore duas epistolas tuas accepi, Gratiane gratissime, sed perbreves & eadem ferme sententia. Altera diem habebat Calend. Decemb. altera v. Idus Januar. Duas illas priores scito mihi nondum esse redditas: opinor venturas. Clarissimum virum D. Joannem Emanuelem jam pridem fama mihi commendavit, prudentia singulari præditum, suoque merito, tum gratia, tum auctoritate, plurimum in aula Cæsarea valentem: cujus in me favorem animumque propensum libenter amplector. Si quid erit in quo putabis me posse illi quicquam gratum facere, non graveris submonere, senties voluntatem certe paratam. Quod scire cupis de ætate, arbitror me nunc annum agere, in quo M. Tullius decessit. Valetudo mediocris esset, ni tot annis res esset cum calculo. In diem vivo, paratus de præsidio decedere, quandocunque vocarit Imperator. Herum tuum ex me salutabis & amanter & reverenter. Bene vale. Basilea 15. Martii, Anno 1528.

EPISTOLA DCCCCXLIV.

Erasmus Roterodamus Francisco Dilso S. D.

Si tua *Ulyssea* peregrinatio tibi feliciter cessit, quam πολλῶν ἀνθρώπων ἰδὲς ἄστεα καὶ νόον ἔγνως, est quod tibi magnopere gratuler. Historiam omnem exspecto per Hieronymum Frobenium, per quem tuto poteris quidvis. Certum est omnia tentare cum Berckmanno prius quam aggrediar extremam tragoediam. Si dabitur oportunitas, hic exseras tuam rhetoricam, hominique persuadeas ut malit mecum officiis certare quam malefactoris. Nosti locos & tractandi rationes. Petrum Aegidium salutabis meis verbis diligenter, nihil enim erat quod scriberem, præsertim quum tu multarum epistolarum instar esse possis. Reverso meo Quirino Talezio ad iter accingar. Exspectabis hospitem, sed minime gravem. Mari, fratribus tuis ac fororibus precor læta omnia. Tu cura sciam quid valeas. Datum Basilea 18. Martii, Anno 1528.

Erasmio Scheto me diligenter commendabis: ei dabis libellum *De Pronunciatione* meo nomine. Quod scriberem nihil erat.

EPISTOLA DCCCCXLV.

Hermano Archiepiscopo Coloniensi Erasmus Roterodamus S.

QUVM multæ me res crebro sunt hortatæ, clarissime Princeps, tum ornatissimi viri Hermani à Nova Aquila Comitis semel atque iterum exstimulavit oratio, ut te studiis meis vel omnium potius impense faventem, quoniam coram non dabatur, scripto aliquo compellarem. Verum, id meditantem retrahebat pudor, interpellabant occupationes, deterrebat tuæ dignitatis splendor ac majestas. Nunc quoniam paululum ab occupationibus respirare dabatur, & pudorem, & reverentiam excussi contemplatione singularis istius humanitatis, quam ipse quidem expertus non sum, sed ex multorum, minime levium, hominum prædicatione cognovi: eam si mihi proprie præstares, tamen ingratus essem, nisi tanti Præfulis benevolentiam agnoscerem: nunc quum faveas ne de facie quidem noto, neque quicquam unquam promerito, sic interpretor, celsitudinem tuam non Erasmo favere, sed quum optimis studiis, tum Christianæ pietati: quod illis restituendis ac provehendis, huic tranquillandæ stabilien-dæque, videar aliquam operam impendisse, quam felicem nescio, certe sedulam: nam & bonæ literæ propemodum expectatione felicius per omnes orbis regiones effluerunt, & complures, qui prius fuerant a facris studiis alienissimi, correpti sunt horum amore.

A Quid multis? Res pulchre succedebat, nisi quorundam seditiosa improbitas, dum repente novum mundum dare nobis conatur, diffidiis opinionum, & contentiosis dogmatibus pene luxasset rerum publicarum compages, & Ecclesiæ totius concordiam labefactasset. Atque hic mihi quidem pene periit tot vigiliarum, tot sudorum, tot annis exhaustorum fructus & gratia. Sed leviter angeret privatum incommodum, si publico bono pensaretur, præcipue vero Christi gloria, qui scopus esse debet unicus omnium actionum nostrarum. Nihil enim esse potest in rebus humanis vere prosperum ac felix, nisi quod Christus operatur in nobis, sic ut, affectibus humanis quiescentibus, nostra voluntas illius serviat voluntati. Jam plus satis erat eorum malorum, etiam si Monarcharum implacabiles iræ non accessissent, quæ quum tantum calamitatum invexerint orbi, tamen in dies magis ac magis incrudescunt, summam omnium rerum confusionem minitantes, nisi deus aliquis, velut ex machina dèrepente apparens, tumultuosæ Tragoediæ dederit insperatum exitum. Nos interim in tanta tempestate, rebus pene desperatis, quoniam præter vota pene nihil superest, fragmenta navis amplectimur, sicubi Christus multum diuque jactatis portum aliquem ostendat. Nec prorsus abjicio spem, si Dominus, in cujus manu sunt corda Regum, dignetur Principum animos huc inflectere, ut existiment longe speciosius iram vincere quam hostem: multo tutius benevolentia constabili-re regnum, quam viribus. Et ad proferenda ditionis pomeria plus habere momenti clementiæ quam fortitudinis opinionem. Pax rebus omnibus turbatis subito coire non potest, induciæ possunt, saltem in annos aliquot. Interim de sarcindis rebus per ocium deliberare liceret. Nunc vereor ne nobis contingat *Cadmea*, quod ajunt, victoria, quæ non minus luctuosa sit victoribus quam victis. Verum hic, ut dixi, nihil possum ultra vota. Hortatus sum semel atque iterum Cæsarem ad amorem pacis, at ille proximis literis ita respondet*: *Pro quiete, inquit, Respublica, quod in nobis fuit, hucusque nos strenne præstitisse, non est cur aliquis dubitare debeat. Quid in presentia præstemus, quidque deinceps præstaturi simus, ea malum operibus declarare.* Hæc verba non admodum sapiunt pacem. Quanquam autem bellum ingens omnium malorum agmen secum trahit, ea tamen reddunt afflictos magis quam impios: gravior est opinionum calamitas, quæ, quod est omnium preciosissimum, bonam mentem nobis eripit. Atque hic prope major est pervicacia contententium, quam Monarcharum bellantium, fitque, nescio quo fato, ut nulli magis lædant causam vel hanc, vel illam, quam qui sibi videntur fortissime tueri. Quidam enim sic diversum trahunt funiculum contentionis, ut, juxta proverbium, rupta, dum plus satis tenditur, reste, utrique concidant in tergum. Non est necesse de omnibus quærere, multo minus pronunciare. Satiis est ea tractare quæ proprie faciunt ad doctrinam Evangelicam. Habet mundus sua quædam jura, habent scholæ suas exercitationes: nihil autem tradatur populo nisi quod & indubitatum est, & ad fidei negotium necessarium, & ad pie vivendum conducibile. Quidam, ut exempli causa loquar, confessionem nimium arctarant: contra, alii tollunt totam, quum esset quiddam inter utrunque medium. Item, quidam Missam eo provexerunt, ut fere sit indoctorum ac sordidorum sacerdotum, vel sacrificorum magis, quæstus, & hominum male viventium fiducia: rursus, alii Missam totam abrogant. At erat & hic locus moderationi, qua fieret ut Missam haberemus sacrationem purioremque, neque tamen nullam. Similiter quidam immodico superstitiosoque divorum cultu, pene Christi cultum obscurant; ex adverso, alii damnant omnem divorum cultum ut impium. Quidam funditus evertere nituntur omnem Monachorum statum; alii contra plus satis tribuunt humanis constitu-

* Supra ad calcem Epist. DCCCXV.

tionibus, ceremoniis, titulis & vestium formis. In his aliisque rebus, temperamento prudenti fieri posset, ut fidei dogmata certius meliusque teneremus, ut confessio sincerior esset, ac minus anxiosa: ut Missa sacratior esset ac venerabilior, ut sacerdotes ac Monachos haberemus, si pauciores, certe meliores. Quamquam autem me vehementer discruciat hæc mundi tempestas, tamen nonnihil adhuc spei residet apud me, fore ut divina providentia tumultus hos vertat in bonum exitum. Ad id plurimum conducet Præfulum prudens moderatio, quæ sic coerceat seditiosam impietatem, ut semper habeatur ratio veræ pietatis, hoc est, sic evellantur zizania, ut non eradicetur triticum. Id facilius esset factum, si semotis privatis rationibus, ad unum scopum spectaremus omnes, hoc est, ad Christi gloriam. Nunc plerique suum agunt negotium, itaque fit, ut nec privatim nobis bene sit, nec publice. Alii in alios culpam rejicimus, quum hæc mundi calamitas manus sit Dei cunctos homines ad vitæ correctionem invitantis. Ad quem si confugiamus omnes, ipse tempestatem hanc rerum humanarum facile verteret in serenitatem. Verum his de rebus nimis multa ad tuam Celsitudinem, quæ multo rectius ista perspicit, quam ego possum, cujus moderatissimam prudentiam, & prudentissimam moderationem mihi videor non solum ex hominum prædicatione, verum etiam ex ipsa re cognitam habere. Quod autem vir ista dignitate præditus, nostros libellos auribus oculisque tuis dignaris, si negem me gaudere, plane mentiar: sed tamen huic voluptati junctus est pudor, ut qui mihi conscius sim, in meis lucubrationibus, quas fere ex tempore, & alendis adolescentiæ studiis dedimus, nihil esse quod tui similibus animos morari queat. Optarim autem vehementer tantum ætatis, tantam ingenii vim ad omnia mihi dari, ut aliquid elaborare possim, quod à tam eximio Præfule, & tam eximii Præfulis nomine, legi mereretur. Interim hac epistola tuæ Celsitudini testatum volui, mihi & notum esse & summo perere gratum ipsius erga me favorem, pro mea virili daturus operam, ne prorsus eo videar indignus. Dominus eam nobis diu servet incolumem. Datum Basileæ 19. Martii, Anno 1528.

EPISTOLA DCCCCXLVI.

Erasmus Roterod. Nicolao Vario Marvillano S. D.

NEGABAS esse quod scriberes, imo multum est mihi gratissimum quod scribis istic fausta feliciaque esse omnia, quodque summo consensu negotium literarum gnave agitis. De diffidio nihil est, neque delationis, neque suspicionis, nisi quod ex vestris literis conceperam. Subvereor tamen nonnunquam, ne tua libertas, quam tibi natura insitam esse video, præbeat aliquam offensionis ansam iis, quibus ad lædendum nihil deest præter occasionem, ut habet verus proverbium. Audio & Joannem Campestre simili candore præditum. Hic eo sum timidior, quod toties expertus sum quantum malorum animi mei simplicitas, linguæque libertas, mihi conflaverit. Cæterum, hanc meam sollicitudinem vanam esse gaudeo. Evangelicos istos, quum aliis multis, tum illo nomine præcipue odi, quod per eos ubique languent, frigent, jacent, intereunt bonæ literæ, sine quibus quid est hominum vita? Amant viaticum & uxorem, cætera pili non faciunt. Hos fucos longissime arcendos cenleo à vestro contubernio. Satis jam diu audivimus Evangelium, Evangelium, Evangelium, mores Evangelicos desideramus. Quam istic Monachi muti sint nescio. In Hispaniis vocales sunt plus satis, nec desunt alibi qui blaterent, præcipue nudipedes quidam, quid illos stimulet nescio. Sed sibi suo jumento accersunt malum. Bene vale. Datum Basileæ 19. Martii, Anno 1528.

Saluta Mierbekanum, Rescium & Campensem, ipsum etiam Goclenium, si forte non vacabit scribere.

EPISTOLA DCCCCXLVII.

Erasmus Rot. Joanni Ulatteno S. D.

QVOD pro Pronunciatione dicarim Ciceronianum, consilio id factum est; id arbitror tibi probari: quod autem separatim excusum non est, incuria typographorum factum est, sed nihil refert. Opinor enim hos libellos frequenter ab aliis excudendos, tum id poterit corrigi. Hoc studium nostrum tibi gratum esse summopere gaudeo. Sed quid est obsecro quod minitaris, te posthac non fore pollicitis divitem? Quem quum totum amicitiae jure possideam, pariter omnia mea esse duco, quæcunque domi possides. Ego, mi Ulattene, istum animum cuius auro, gemmis omnibus antepono, quare non est quod ista te cura sollicitum habeat. Mittam libellum, si queam commode. Sin minus, facillimum erit unde libet parare, quod commune est omnium. Humanissimis proceribus amicis tuis, ac per te meis, fac me diligenter commendes. Tibi precor omnia lata faustaue. Datum Basileæ 19. Martii, Anno 1528.

EPISTOLA DCCCCXLVIII.

Erasmus Rot. Joanni Cochleio S. D.

QVOD tua sedulitate curatum est abs te de Tertuliano & T. Livio, studium tuum & animi promptitudinem exosculor, quanquam jam de utroque certum responsum acceperamus. Hinc enim colligo, quantum alacritate sis obiturus si quid incidere, ut tuo opus esset officio. Emserus mihi semper præstitit ingenium amicum, in cujus locum quando succedis, confido fore ut in uno te Emserum & Cochleium habeam. Illustrissimi Principis erga me favorem non defines alere: est enim ut humanissimus, ita judicii non vulgaris. Quoniam interdum ad moderationem invito, visus sum illi nonnunquam parum fortiter anti-Lutheranus. Verum aliter sentiret, si penitus nosset consilii mei rationem. Et fortassis rerum exitus docebit, me Christi negotium animo sincero tractasse, pro mea quidem sapientia. Si quid illinc ad me scribis, etiam atque etiam vide cui committas literas: ab istis enim erroribus Evangelicis intercipitur quicquid ad me scribitur. Imo quidam fingunt se recta ire Basileam ad Erasmus, & ultro offerunt perferendi officium; mox acceptis literis abeunt in malam crucem. Proinde si quid est rei seriæ, fere mitto famulum, aut alium bene notum in hoc ære conductum. Simoni Pistorio, viro pio, candido & amico, multam ex me salutem dices. Bene vale, frater & amice in Domino charissime. Datum Basileæ 19. Martii, Anno 1528.

EPISTOLA DCCCCXLIX.

Erasmus Roterod. Hermannio Phryso S. D.

GRATULOR tibi incolumem ex Italia reditum, gratulor felix conjugium, ut utrumque perpetuum sit vehementer optans. Dialogis meis de Pronunciatione & Ciceroniano adjeci orationem Rodolphi Agricola, Mediolani, sicuti videtur, habitam. Nihil ab illo viro proficiscitur, quod non divinitatem quandam spiraret. Itaque nolim quicquam illius intercideret. Hoc studii, mi Hermanne, debes vel patriæ, vel affinitati. Quare te rogo ut in hoc incumbas. Nulli magis congruit hoc munus quam tibi. Opus de Inventionis Rhetorica quidam oneravit Commentariis, juvenis, ut apparet, nec indoctus, nec infacundus, sed insunt multa παρρησια, quædam etiam odiosiora, juveniliterque destomachata. Malim scholia docta, & ad rem facientia. Ni tot oneribus essem oppressus, non gravarer hanc suscipere provinciam, adeo faveo Rodolphi memoriæ. Hanc operam si sumseris, simul & tuum nomen reddes illustrius. Feret hæc aliquam tibi famam commoditatem. Socerum tuum Pompejum Occonem salu-

An. luta meis verbis diligenter. Tu vale quam optime.
1528. Datum Basilea 20. Martii, Anno 1528.

EPISTOLA DCCCCL.

Erasmus Roterodamus Alphonso Manrico, Archiepiscopo Hispalensi, S.D.

ORNATISSIME Præsul, Testis est mihi Dominus, quod magis sollicitus fuerim, ne quid tumultus Monachorum improbitas apud vos excitaret, quam de causa mea: nam me quidem hæc Ecclesiæ diffidia sic discruciant, ut mihi propemodum optabilior mors sit quam vita. Si vere spectarent Christi gloriam, ac pietatis negotium, nequaquam ad istum modum publicam tranquillitatem inquietarent. At vereor ne complures istorum transversos agat gloriæ sitis, ac gulæ ventrisque negotium. Dolet minoris fieri quam solent aut vellent, dolet minus licere quam liberet, dolet plerisque respicere, quorum simplicitas hæcenus illis lucro fuit. Magis autem gaudere debebant de lucro pietatis, deque gloria Christi. In hoc uno oportebat & gloriam, & opes, & auctoritatem, & voluptatem omnem collocare, qui se mundo mortuos profitentur. Ago gratias Domino, qui per tuam auctoritatem inconditos istorum tumultus mitigare dignatus est. Neque me clam est, quantum debeam abolutissimo Theologo Ludovico Coronello. Christus, qui per vos hæc operatur, rependet vobis præmium, nunquam auferendum. Ego patienter omnia tolerans, quæ Dominus immittit, seu læta, seu tristia, bonas literas, ac pietatem pro mea virili provehere conabor, usque ad extremum animæ. Erupit in vulgus Apologia nostra, quam ego magnopere premi cupiebam, non tantum eo quod suspicabar amplitudinem tuam id malle, verum etiam quod mea referret hoc negotium non spargi latius; quæ res & adversarios plus satis irritatos acrius exacerbaret, & mihi non mediocrem invidiam conflaret apud plurimos. Verum, hujus casus veniam deprecor in priore præfatione, quam alteri præposui. Dominus amplitudinem tuam servet incolumem, eximie Præsul, qui per te, tuique similes, Ecclesiæ suæ pacem ac tranquillitatem restituere dignetur. Datum Basilea 21. Martii, Anno 1528.

EPISTOLA DCCCCLI.

Erasmus Rot. Adriano à Rivulo S.D.

SILVERUNT epistolæ, at non filuit amor; interrupta est literarum vicissitudo, at non intermissa est tui memoria, cujus erga me pietatem plenius etiam ex *Francisci Dilsi* prædicatione cognovi. Hujus convictu mihi fortunatus videbar, nisi necessitas illum distraxisset à nobis, vereor ne simul & à Musis. Quæ hic gerantur omnia cognosces ex *Dilso*, quo mihi licet esse brevior. Si tuæ res secundis ventis succedunt, est quod summopere gaudeam: certe meretur iste mentis tuæ candor fortunam prosperam. Nuper *Oecolampadi* duxit uxorem, puellam non in elegantem. Vult, opinor, affligere carnem. Quidam appellant *Lutheranam* Tragœdiam, mihi videtur esse Comœdia: semper enim in nuptias exeunt tumultus. Si quid habes bonæ rei, scribe per *Quirinum Talesium* meum. Bene vale. Basilea 21. Martii, Anno 1528.

EPISTOLA DCCCCLII.

Philippus Melancthon Erasmo Roterod. S.D.

ETSI mihi semper alias litera tua gratissima fuerunt, tamen proxima epistola multo fuit jucundior, quam ulla unquam antea: nam cum aliquandiu de tua erga me voluntate dubitarem, quia in priore *Hyperaspiste* exstant quadam animi subitati signa, exemerunt eam mihi sollicitudinem hæc litera, tam amanter, tamque honorifice scripta: neque enim obscure perpetuam tuam erga me benevolentiam ex eis cognovi. Itaque *Dilso* magnam gra-

Atiam habeo, qui & testimonium tuæ voluntatis & amoris mihi attulit, & optatissimam occasionem ad te scribendi præbuit. Longum esset recensere causas omnes silentii mei, quo hæcenus usus sum. Verum, illud te oro, quamvis ut causam potius suspiceris fuisse, quam mutationem voluntatis erga te mea. Ego enim quantum tibi privatim præter alios debeam, memini, & libenter predicare soleo. Et cum fieri nequeat, quin illi ipsi etiam, nobis charissimi sint, quorum ingenia studiaque miramur, rapiunt me, vel si repugnarem, in amorem tui excellentes ingenii tui dotes. Quod cum ita sit, non existimes futurum, ut cujusquam immodico studio adducar, ut tecum inimicitias exerceam. Hac de meo officio putavi esse ad te scribenda, quæ si tibi probabuntur, facile liberabis me suspicionibus illis, quæ sparsæ sunt in priore *Hyperaspiste*: in posteriore enim animadverti me clementius tractatum esse. Quanquam enim non soleo dissimulare, quid de controversia illa sentiam, tamen nunquam ita amari Lutherum, ut veluti instruxerim ejus in disputando vehementiam; tantum abest, ut nunc adjuvare velim, & ut ita dicam, oleum igni addere. Atque hujus mei iudicii ipse mihi Lutherus optimus testis est. Utinam vero non esset tam atrox certamen inter vos susceptum. Neque satis enim habuit fortasse tua dignitatis rationem Lutherus. Et tu vicissim illum mirifice deformasti, quem quidem virum ego meliorem esse iudico, quam qualis videtur faciens de eo iudicium ex illis violentis scriptionibus ipsius. Plus profutura erant Ecclesiæ utriusque vestrum studia, si ad sananda hæc diffidia conferrentur. Et faciat Christus, ut consilescat hæc inter vos contentio, & ἡ εἰρήνη ἀγωνοθέτας εἶναι, ἢ τῶν διχομασσόντων, ἀλλὰ τῶν καλῶν ὁμιλησάντων. Video te Neseño etiam succensere. De quo velim mihi credas, fuisse eum ad extremum usque spiritum tui studiosissimum: nunquam enim non honorificentissime de te loqui solebat. Neque dubitem vel juratus affirmare, semper illum singularem in te colendo pietatem præstitisse. Non est autem vel prudentia, vel humanitatis tuæ de amico mortuo diversam opinionem temere concipere. Et exstinctus est talis mortis genere, ne etiamsi quid in aliqua vita parte peccasset, oblivisci conveniret, ne quid miseris manibus oneris accederet. Quod pergis studia literarum juvare, precor Christum, ut tuis laboribus faveat, pro quibus etiamsi hæc ætas parum grata est tibi præclare merenti, tamen, ut spero, iudicium melius posteritatis erit.

Ego quoque has literulas, & hæc studia conterrita tumultu horum temporum utcumque propugno, tanquam gregarius aliquis miles, tua signa sequens. Articulorum ἐξηγησάτω, de quibus scribis, optarim tibi non displicuisse. Hic in magnam reprehensionem incurris, quia moderatior fuit, quam quidam voluerint. Sed mihi nihil nunquam erit antiquius publica pace, cui cum servirem, adhortatus sum eos, qui in Ecclesiis docent, & quidem de Principis mandato, ad moderationem. Vale feliciter. Ex Jena Duringorum 23. Martii, Anno 1528.

EPISTOLA DCCCCLIII.

Erasmus Rot. Georgio Saxonie Duci S.D.

Tua singularis humanitas, illustrissime Princeps, hanc me docuit fiduciam, ut ex tempore & incogitantius scribam ad tuam Celsitudinem, quam video nonnihil offensam epistola mea, quam scripseram 3. Cal. Junias, An. 1527. sincerissimo quidem animo, sed, ut apparet, incircumspectius, quam decuit, ad talem tantumque Principem. Et tamen similia scripsi non semel Cæsari & Ferdinando, qui cognoscentes sinceritatem animi mei, in bonam partem accipiunt meam simplicitatem. Cæsaris literas postremas ad te mitto. Absit ut ego Cæsarem aut Ferdinandum sævitæ infimulem, quibus omnia debeo, & quorum favore subsisto adversus insultus quorundam, qui miris cuniculis mihi jam olim moliantur exitium. Quod consiliis & incruentis rationibus malo sanari pestem hanc, quam tot hominum millia occidi, mihi commune est cum

An. *Augustino*, *Hieronymo*, breviter cum omnibus illis
 1528. *Christiana* fidei propugnatoribus. Nec hic ago negotium hæreticorum, sed Principum & orthodoxorum. Videmus quam late serpsit hæc lues. Si tantum ferro res agatur, multos bonos ac pios involvet ea tempestas, & bellorum incertus est exitus. Si indulgerem humano affectui, hoc est, si tam male vellem *Lutheranis*, quam male volunt mihi, exhortarer summis viribus Principes ad sævitiam, sed aliud suadet *Christiana* charitas, aliud consulit humanæ conditionis respectus. Non semper spectandum est, quid mereatur hæreticorum impietas, sed quid expediat Reipublicæ *Christiana*. Certe nostrum est semper ad meliora vocare consilia, nec ideo tamen minus licet Principibus uti suo jure. *Augustinus* toties sollicitè intercessit ne occiderentur *Donatista* plusquam hæretici. Et tamen ea pestis non transierat *Africam*. Hic igitur nihil opus est, ut quisquam sævitiae calumniam à Cæsare & *Ferdinando* depellat, quum in iisdem literis fatear hæreticorum improbitatem ad sævitiam provocare. Dignus igitur sævitia, qui huc provocat. De sævitia bellorum nihil sensi, quanquam, si fieri posset, optarem & Monarcharum animos jungeret *Christiana* concordia, & huc frequenter sum hortatus Cæsarem. Id si fieri non potest, illud precari non desinam, ut Cæsar ac *Ferdinandus* vincant quam minimo sanguinis humani dispendio. Opto ut felicius sit exitus quam polliceri videntur procemia. Si sciret illustrissima tua Celsitudo quas turbas Monachi concitarint in *Hispania*, frustra prohibente Cæsare, Archiepiscopo *Toletano*, & *Hispaniensi* cum optimis quibusque, quidque moliantur *Beddaici* quidam *Lutetia*, non miraretur, quod aliquid desiderem in Monachis ac Theologis quibusdam: nec enim omnes insimulo. Certe multorum inconsulta improbitas plurimum obfuit Ecclesiæ tranquillitati. Si Episcopi cum sacerdotibus, imo si omnes nos ex animo converteremus nos ad Dominum, intelligentes hanc esse manum Dei, ipse tolleretur à nobis iram suam, & sua misericordia lætum exitum daret his tumultibus. Pium est votum malle mederi seductis quam occidere: & timere, ne severitas Principum adferat gravius morbo malum, non est faventis hæresibus, sed Principibus ac Reipublicæ metuentis. Hæc est affectus mei summa, quam obsecro ut tua illustrissima Celsitudo in bonam partem interpretetur; quæ si dignabitur meam epistolam relegere, fortasse rectius perspiciet quid senserim. *Christophorum Carleuitium* illustrissimæ tuæ Celsitudini commendavi, spe quidem optima, sed tamen non absque metu, qui semel atque iterum hujusmodi commendationibus fueram pudefactus. Adero tamen juveni monitor & extimulator sedulus, ut & tuæ expectationi & meo testimonio respondeat, quod illum ut facturum confidam multis adducor argumentis. Is *Dolam* concessit, partim ob dissidia factionum, partim linguæ *Gallica* discendæ studio. Curabo tamen ut accipiat quæ misisti. Mitto exemplar epistolæ Cæsareæ, quam proximam ad me misit. Hæc raptim & ex tempore, quod is, qui fasciculum pertulit, mox accingebatur ad iter. Opto tuam Celsitudinem illustrissimam quam optime valere. Datum *Basilea* 24. Martii, Anno 1528.

EPISTOLA DCCCCLIV.

Erasmus Rot. Henrico Botteo S. D.

SI hoc est temporis jacturam facere, utinam liceret perpetuo cum candidis amicis miscendo sermones bonas horas transigere. Nunc plusquam dimidium temporis datur legendis ac scribendis epistolis, & multis & prolixis, & fere inamoenis. Unde statuarius iste nactus sit effigiem mei demiror, nisi fortasse habet eam, quam *Quintinus Antuerpia* fudit ære. Pinxit me *Durerus*, sed nihil simile. *Hispanienses* Monachi tantum improbitate valent, ut ipsi etiam Cæsari, quem orbis Monarcham esse volunt, sint formidabiles, sed apud

A eruditos nihil lucri referunt præter risum & odium. Qui fuit hujus tumultus antesignanus ex nudipedum & funigerorum genere, cum primis damnavit quod in *Enchiridio* laudarem Apostolorum germanam Theologiam, quæ & Regum sceptrum, & Philosophorum supercilium sub *Christi* jugum miserit, sic interpretans, quasi senserim in sola *Germania* esse veram Theologiam. Nuper alius Monachus apud Archiepiscopum *Toletanum* accusavit me, quod non probarem eos, opinor *Cartusianos*, qui ob esum carniū negatum sinant proximum venire in capitis periculum, interpretans capitis periculum, levem capitis dolorem: Ventres nec *Grace* sciunt, nec *Latine*, & volunt esse judices scriptorum meorum. Apologia jam exiit. Nec minus stolidè fuit *Bedda* cum aliquot suis, dissimulans quicquid illi responsum est. Nuper hac de re scripsi Senatui, & sacratissimæ facultati. Si hæc non est fatalis infamia, nescio quid sit. Sed *Lutheri*, Monachorum, Theologorum tumultus minima pars est meorum malorum, clanculariæ insidiæ longe magis excruciant. Verum quando hæc aguntur arte divina, certum est omnia boni consulere. Bene vale. *Basilea* 29. Martii, Anno 1528.

EPISTOLA DCCCCLV.

Erasmus Rot. Petro Decimario S. D.

QAMDIV corpusculum hoc suffecturum sit laboribus, novit in cujus arbitrio sunt res mortalium omnes. Qui jactant vires attritas, ut scribis, aliquanto clementius me tractant illis, qui me solent quotannis bis efferre. Nunc gratia *Christi* valetudo paulo prosperior est quam fuit annis superioribus. Ventres ac mali *noisives* nihil aliud lucrifaciunt quam odium ac ludibrium, nec satis mirari possum hominum stoliditatem. Quum hanc tempestatem nobis immiserit Dei manus, vitiis hominum exacerbati, culpam in alios rejicimus, & canum more lapidem projectum mordemus, non attendentes ad eum qui projecit. Dominus est, qui nos omnes vocat ad vitæ correctionem, nec audimus admonentem, sed frivolis causationibus ipsi nobis blandimur. *Guilielmum Carmelum*, & *Stephanum Florimundum*, meo nomine vicissim salutabis amantem. Cum ventribus non est admodum verbis decertandum, modestia recteque factis eos ulcisci pulcherrimum est. Mittam tibi duos libellos recens excusos, alterum *De rella Pronunciatione*, alterum *De phrasi Ciceroniana*; si modo negotiator non gravabitur hoc oneris suscipere. Geminum tetrasticon non gravabimur addere *Copia*, aut simili libello. *Proverbiis* non item quadraret. Bene vale. *Basilea* 29. Martii, Anno 1528.

EPISTOLA DCCCCLVI.

Erasmus Rot. Clementi Septimo S. D.

UT omittam brevitatis studio *Romana* calamitatis deplorationem, quæ nulli pio non acerbissima fuit, beatissime Pater, non tantum suspicor, verum etiam propemodum habeo compertum, partim ex vocibus tuæ Sanctitatis, quas Oratores quidam retulere, partim è libellis duobus, quorum alterum ad me misit *Albertus Carporum* Princeps, alter inter tua familiaria versabatur, nullo quidem titulo, sed evidenter stylo referens auctorem suum, nonnullos *Erasmum* apud *S. T.* insimulare conatos, quasi vel clam faveam *Lutherano* negotio, vel certe præbuerim occasionem. Ut ad prius illud respondeam, quam mihi conveniat cum *Luthero*, satis, opinor, arguunt quæ in me tam amarulente scripsit ut in neminem hostilius; rursus duo mei *Hyperaspista* libri, quibus illi sic respondeo, ut nemo suspicari possit collusionem, quum pugna prorsus sit gladiatoria. Id multo minus suspicantur hic, qui norunt experimento, quam penitus me ode-

Tem. III.

Yyy

riut

rint omnes his & his addicti factionibus, quantumque molestiarum ab illorum infidiis perpetiar. Cuperem hic meam conscientiam æque T. S. probatam esse, atque eam Christo me probaturum confido. Tantum illud optarim, ut hæc victoria cedat Christo, & pietati, reique publicæ Christiana, non privatis horum aut illorum cupiditatibus. Atqui frequenter usu venire videmus, ut in tali rerum tumultu, ad suum quisque commodum pertrahat victoriam. Quod hic ne fiat, spero T. S. pro sua prudentia pietateque advigilaturam. Ad alteram partem respondere perlongum sit, atque ideo neutri libello respondi, quod perspicere fieri non posse, ut me sic purgarem, ne quenquam alium læderem, simulque verebar, ne res ea renovaret incendium jam aliquanto mitius. Si dedissem occasionem huic malo, & hoc objicerent Lutherani, qui nihil non objiciunt. Verum ista suspicio non jactatur nisi inter Monachos & sacerdotes quosdam, non minus bonis literis infensos quam factionibus. Atque adeo nemo cordatus non perspicit hanc tempestatem esse fatalem, ob populi scelera terris immisiam: quam vix arbitror finem habituram, nisi pariter omnes confugiamus ad Domini misericordiam: ille medebitur qui plagam inflixit. Suam quisque vitam prius corrigat, tum ad proximo medendum sese accingat Christiana charitas, quæ nunquam desit severitati, si forte quorundam improbitas severitatem postulet. Quod si in hoc negotio T. S. laxabit habenas istis, qui nec tuam, mihi crede, nec Christi rem agunt, sed suis privatis cupiditatibus consulunt, utinam vanus sim augur, at vereor ne male curatum ulcus aliunde erumpat, majore publicæ tranquillitatis periculo. Satis perspecta est omnibus animi tui sinceritas, sed qui mali sunt, nunquam gravius nocent, quam quum aliena bonitate abutuntur ad malitiam. Cæterum ut multum nos terret quorundam improbitas, ita spem optimam præbet, ad instaurandam religionem, tua pietas, ad arcendos aut cohibendos humanos affectus, singularis tua prudentia. Animum meum simpliciter aperui S. T. tanquam coram Christi vicario, atque ipso etiam Christo, quem mihi sic opto propitium in extremo judicio, ut hic nihil simulo. Antehac non dabatur per quem scriberem. Nunc audio S. T. nobis esse viciniorem, cui precor ut Christus addit in omnibus ad publicam Ecclesiæ suæ tranquillitatem. Mihi si quid imperare volet, habet oviculam, etiam ad victimam paratam, si ipsius jusserit auctoritas. Datum Basilea 3. Aprilis, Anno Domini 1528.

EPISTOLA DCCCCLVII.

Bilibaldo suo Erasmus S. P.

REDDITAE sunt epistolæ tuæ, super alias aliæ, quæ mihi magno fuere solatio. Quid attinet Dureri mortem deplorare, quum simus mortales omnes? Epitaphium illi paratum est in libello meo. Allatus est huc rumor, qui mire doctos exhilaravit, sed præcipue Bonifacium Amerbachium, isthic sumtu & auctoritate Senatus excudi Pandectas: optarunt & Graca Justiniani excudi. Opinor Dilectum tibi narrasse de reatu meo. Ego hac in re obsecundavi consilio Beati Rhenani, & Lodovici Beri. Alioqui sciebam illum nihil acturum. Fumos hominis jam olim novi. Sed Beati ingenio semper abusus est ad hujusmodi dramata. Turbam amoliti sumus qualibuscunque conditionibus, pacem iniquam æquo bello præferentes. Nihil omisum est, compromissum est. Adhibiti duo testes. Arbitri datis dextris stipulati sunt obsequium. Pronunciatum est de scripto arbitrium. Assensus utrique. Subscriptimus manu utrique. Deinde bibimus ex eodem poculo, fracto inter nos pane, datæ dextræ. Ominatus sum amicitiam fore perpetuam. Annuit ille, & comprobavit. Exhibitum est omnibus convivium φιλίον. In abitu petiit epistolam ad Ducem. Id præter pacta præstiti, ne quam darem occasionem. Petiit præfationem in librum ipsi dicandum. Id, quanquam absur-

dum & ineptum, tamen auctore Bonifacio feci. Quid consecutum est? Mox dicitur misisse famulum proprium, qui sub nundinas vulgaret atrocem rumorem, Erasmus esse damnatum Basilea, conditionibus gravissimis, ut scriberet librum & epistolam contra seipsum, deinde daret pecuniam: & hic ante abitum jactaret se adegisse Erasmus ad conditiones, ad quas ipse nollet descendere pro tribus millibus aureorum. Hic rumor mirum quantum exhilaravit pseudo-Euangelicos. Qui triumphi? Quæ exultatio de nihilo? Hæc ego suspicabar futura, sed neque Beato, neque Bero potui persuadere, qualis esset artifex. Et eram plus quam occupatissimus, præsertim in novis libellis. Quæ est hæc Germania levitas? Omnes Euangelici is νόεγνας exultabant Erasmi auctoritatem sepultam, amici metuebant. Et hæc fabulæ de Hutteno, de Othone, de hac lite aguntur per quendam Euangelistam Argentinensem, qui se fingit amicissimum, & putat me non intelligere; ego cogor dissimulare. Semper provocavi Principes a sævitia, quo studio concitavi mihi quorundam iras. Posthac nec compescam illos, nec incitabo, sed relinquam illos suo ingenio. Nec enim ullum finem fore video, nisi sævitia, quam ad multos pervenire miserandum est. Sed hæc Christo relinquam. Mitto ad te postulationes illius, meam responsum, & arbitrorum sententiam, ut rem omnem cognoscas, & amicis communices.

Libelli inscriptionem promitto, jam amico, & amicitiae nomine. Nec est præscriptum tempus, nec semper natant libelli, & multi sunt, quibus hoc officium debeo pro meritis.

Epistolam ad Ducem promitto civilem, & quatenus licet cum tali Principe agere. Fortassis odit Epiphendorpium ob alias causas mihi incognitas. Neque enim sine causa est, quod septem annis hic agens ociosus, nunquam interim invisit patriam. Arbitrium nominatim dicit, ad evitandam molestiam, & citra notam alterutrius. Ac præscribit, ut utrinque offensæ & querelæ aboleantur. Primos duos articulos ita mihi præstandos dixi, ut scripto præcepi. Scriptum vides, quod legit & probavit Epiphendorpius.

De eleemosyna non gravor: nam arbitrium Judicium facile cum meo consentit, nec est præscriptum tempus, & plus largior mea sponte.

Fortassis negabit se sparsisse hos rumores: quod si facit, quid hac perfidia detestabilius?

Dixit apud me, te sibi scripsisse, Tuere famam tuam, stringe calamus in Erasmus. Sciebam rem se aliter habere. Dixit Melanchthonem sibi respondisse, quod scripserat, de alio quodam scripsisse. At Melanchthon affirmavit, nec se scripsisse quicquam unquam Epiphendorpio, nec illum sibi. Optarim, mi Bilibalde, horum exemplar communicari amicis, atque etiam mitti in consilium ad amicos, præsertim ad Hermannum Nova Aquila Comitem, & Joannem Ulattenum omnium mortalium candidissimum. Tibi precor prosperam valetudinem. Nos tenuiter valemus, sed interim sufficientes immensis laboribus. Nam Augustinus quatuor prælis excuditur, Adagia duobus, præter alia. De Pandectis quæso ut nos reddas certiores. Basilea 24. Aprilis, Anno 1528.

Non relegi, ignosce.

Agnosce tuum.

EPISTOLA DCCCCLVIII.

Erasmi Epistola contra rumores ad Bilibaldum Pirckheimerum.

* QVI tandem obsecro sunt isti, male linguaces, qui, ut scribis, per omnem pene Germaniam sparsere, me modis atrocibus tractatum ab Henrico Epiphendorpio, foedisque conditionibus cum illo rediisse in gratiam? Quod etiam si ex parte verum esset, quid est hic quod gestiant, quod exsultent, quod triumphent ii, qui se titulo Evangelii venditant, qui nusquam non

An. 1528. non præstantur pacem & gratiam: Fingant me læsisse *Epiphendorpium*, fingant ab illo læsum, fingant utrumque ab altero læsum, denique fingant nihil intercessisse offensarum, suspicionibus humanis ac sycophantarum delationibus directam amicitiam; utrum hic insultare mihi par est, an potius utrique resarta concordia gratulari? Ubi hic est ille spiritus Euangelicus, qui semper illis natat in labiis, qui pingitur in epistolis? Ubi *Christiana* charitas, quæ nullius gaudet malo? Sed applaudunt *Epiphendorpii* victoriæ. Erant qui *Huttenica* temeritati plausum darent, nec immerito, si successum habuisset audacia. Profitebatur enim sese veritatis Euangelicæ propugnatorem, quum nemo magis offecerit istorum Euangelio. Cum *Epiphendorpio* vero quid istis tandem est rei? An credunt illum in *Hutteni* locum successisse? An id fecerit nescio, profiteri non arbitror; & si profiteretur, quid qua causa facit ad veritatem Euangelicam? At sine causa malis alienis delectari ferinæ cuiusdam malitiæ, tantum abest ut sit Euangelicus spiritus. Nunc aperiā quam frustra semet ista voluptate titillarint. Non hic refricabo causam, quæ inter nos versabatur, ne quam stipulati sumus præteritarum offensarum ac suspicionum oblivionem oblitus videar. Illud tamen dicam, mea in ipsum merita nec ipsum *Epiphendorpium* inficiari. Cæterum, nihil esse in quo illi præstiterim animum minus amicum quam innumeris argumentis declaravit hostilem in me animum, ut quam ille justam habuit causam mihi gratias agendi, tam ego justam haberem causam expostulandi cum illo, si contendere vel libuisset, vel vacasset. Sed, ut inquit *Paulus*, *Servum domini non oportet litigare*, & si non id prohiberet pietas, expertus sum quam bene tolerantia redimitur animi tranquillitas. Sed mea in illum merita non commemoro: quid illum offenderit dicam. Scripseram semel atque iterum Duci *Georgio*, ut juvenem, alioqui bonis naturæ dotibus præditum, ab ocio vitæque voluptaria, quam tot annis agit, ad functionem aliquam honestam advocaret. Atque huc & præfens dictis & absens literis ipsum aliquoties sum hortatus? Quod consilium si sequutus esset, jam fortasse pro* famulis gloriolarum, quibus apud leves juvenes nunc ludit, nec raro eluditur, apud principes viros & homines eruditos solidam veramque gloriam obtineret. Et in eam rem pollicitus sum operam meam. Audiebam quotidie voces ac susurros hominum, Cur hic tot annis hæret, nec revisit suos? Quid rerum gerit? Unde suppetit illi res tantis impendiis? Unde illius stemmata? Ubi habet arces suas? Cur eas deserit? Quid illi cum *Hutteno*; cui ob manifesta facinora nullus jam locus erat tutus? Qui dissolvit æs alienum, quod nusquam non contrahit? Hæc, aliaque multa, quæ nunc referre non libet, occinebantur à cordatis, etiam ab his qui videbantur illi vehementer amici. Et interim non definebat meis studiis faceßere negotium, subinde schedas extrema minitantes huc mittens. Appellavi Ducis prudentiam, quæ simul & illius saluti & meæ quieti consuleret, meo quidem commodo, sed *Epiphendorpii* majore bono. Hoc animo quid esse potest amicus? An non idem frater pro fratre, pater scriberet pro filio? Hoc, quod factum sciebam, non sum inficiatus, epistolam, quam proferebat, quoniam nesciebam, nolui agnoscere. Erat barbarica descripta manu, sine consule, ut ajunt, ac die: nullam habebat subscriptionem, nullum symbolum. Fieri potuit ut aliquis eam finxerit: fieri potuit ut aliquis ea, quæ voluit, admiscuerit. Quid me stultius, si talem epistolam, quam volebat ante complures annos esse scriptam, agnovissem? Nisi forte putant me memoria tenere, quicquid unquam scripserim, quum præter libros, interdum uno die quadraginta scribam epistolas, quarum vix ullam relego. Quamquam illius etiam hæc summa fuit, ut Dux juvenem pertraheret ad aliquod honestum munus, in quo omisiss voluptatibus, ingenii sui dotes exerceret. Atqui hæc erat summa *Epiphendorpii* querimoniarum. Finge hoc à me factum acerbius, certe scopus

* Forſan ſumulus.

erat, ut ille ab ocio, vitæque multorum fabulis obnoxia; Anl
revocaretur ad opes ac dignitatem. At mihi suppetebant multa alia querimoniarum argumenta, quæ malo premere, quam ullam rescindendæ concordie materiam præbere. Jam non immitis eram hostis. Agnoscere de quo dubites, extremæ stultitiæ est; Favere sic minitanti adversus te ipsum, summæ demeritiæ est. Jam si protulisset epistolam, quæ manus meæ similitudinem præ se ferret, nisi mihi constitisset à me scriptam, stultum fuisset protinus agnoscere, quod lædereris: sunt in hoc quidam exercitati, ut manum expriment alienam, tanta similitudine, ut nec is, qui luditur, possit deprehendere. Fecit hoc animi
B Alexander Archiepiscopus D. *Andrea*, filius
quondam *Scotia* Regis, ejus, qui nunc regnat, frater, ostendit mihi codicem quendam typis excusum, quem certo sciebam nunquam à me lectum, multa annotarat in spaciis marginariis, protinus agnovi manum meam. Rogo unde nactus sit eum librum. Agnosco, inquam, figuras meas, verum codicem hunc nec legi unquam, nec habui. Ille contra, legisti olim, sed excidit, alioqui unde hæc tua scriptura. Tandem cum risu falsus est dolum. Ac pridem is, qui *Argentorasi* dissectus est infelix, non ignotus *Epiphendorpio*, quas Tragedias excitarat multorum manus effingens? Nonne D. *Hieronymum* olim æmuli conati sunt fictis literis, velut ab ipso scriptis, infamare? Vetus hic ludus est aliquid facinoris molientium. Non hæc eo dico, quod tale quiddam ab *Epiphendorpio* factum videri velim, sed quod ab alio fieri potuerit. Itaque quum nec ego literas agnoscerem, nec ille posset ullo argumento convincere, nihil illi restabat, quod de me quereretur, mihi potius erat quod de illo quereretur, qui illa de causa non solum atrociter expostularet, verum etiam leges ac tribunalia minaretur. Ad hæc fingamus ea omnia à me scripta, quæ recitabat, non negavi me scripsisse, sed negavi me agnoscere: & si negassem eam epistolam à me scriptam, quam ostendebat, nihil mentitus fuisset: non enim erat manus mea. Hic subclamabitur, dolum malus. Imo dolum bonus est, quoties scopo bono fallitur, qui falli dignus est. Sic Medicus fallit ægrotum: Sic *Christus* interdum fefellit *Judeos*, quia merebantur, sic Apostolos, quia expetebat. Hæc tamen ex superfluo mihi dicuntur. Certe Principis epistola, qua jussit *Henricum Epiphendorpium* à me impetendo quiescere, docebat, me talia non scripsisse, qualia habebat illius epistola. Illud ingenue citra illius contumeliam fateri possum, præter amicitiam, quæ *Christianorum* inter ipsos omnium debet esse communis, nihil esse rei, cur *Henricum Epiphendorpium* visum aut auditum velim: nam interius illud & sanctius amicitie genus, quam inter bonos conciliat studiorum similitudo, nunquam mihi cum illo intercessit, & si intercederet, facile renunciaturus sim. Non quod obfistere studeam, quo minus illum quilibet tanti faciat, quanti ipse haberi postulat, sed quod seni, longe aliud agenti, tam juveniliter amantis amicitia nec usui possit esse, nec honori. Hujus concordie caput erat, ne obturbaret, ne maledicentia læderet, quod cuivis etiam scurræ in manu est. Sed ille, inquiunt, præscripsit condiciones, tu accepisti. Accepi condiciones, fateor. Sed culpam non agnovi: itaque pacis amore superior fui, non causa inferior. An non suadet nobis Euangelium, ut cum adversario controversiam finiamus, priusquam veniamus ad judices. Non statim inferior est, qui leges accipit: nam boni viri sæpe malunt improbo litigatori causam cedere, quam experiri legibus, neque raro numerant turpi sycophantæ, quietem pecunia redimentes. Res preciosa est tranquillitas. Hanc parvo comparavit qui pecunia redemit. Quid, quod viator interdum à piratis, latronibus, ac sicariis condiciones accipit & gratias agit: sic ocium redimerem, à lenone, à scurra, ab ebrio, à furioso, de
Tom. III. Yyy 2 Mi-

An. nique à *Turck*. Quid, quod à molesto casu nonnumquam objecto esse quietem emimus, etiam si confabulantibus oblatret, tantum mordendi impotens? Hæc in *Eppendorpium* dicta videri nolum, sed in istos qui talia jactitant, dum me lædere student, amasum suum depohilitant. Postremo, si extorsisset à me bonam pecuniam summam, nemo prudens, cui nostrum uterque fuisset notus, aliud suspicaturus erat, quam me rem charissimam viliori redemisse. Siquidem ocium, quod mihi semper charum ac dulce fuit, tum multis variisque laboribus distento, sic erat necessarium etiam, ut nunquam magis. Ego ad hunc usque diem nec in jus vocavi quemquam, nec à quoquam postulatus sum. Et adeo nihil est ocii, ut ægre tuear vitam in his laboribus, quos publicis studiis juvandis perfero. Et *Germanice* litigandum erat, utique per advocatos. Quem autem amicum sustinuissem tali onerare negotio? Adde quod rebus humanis ad hunc modum exulceratis nullum animal tam vile est, tam abjectum, tam nihili, quod non posset cuivis bono viro negotium faceßere. Id itaque delectum est, quod & nobis & amicis erat commodius, quodque *Christianis* dignius. Hæc dicere potueram, etiam si leges mihi graves accepissem. Nunc quid habent justæ conditiones, cur debuerit per *ambas* ac veredarios circumferri? Neque enim animum possum inducere, *Eppendorpium* vel tam nullius esse fidei, ut post junctas dexteras, post pactam omnium offensarum ac suspicionum perpetuam oblivionem, post susceptum certamen officiorum & benevolentiae, post commune peculium ac *φιλαργειαν*, post mensam hospitalem, hæc procurarit in meam ignominiam; vel tam stultum, ut existimet tales præscriptiones jactandas, ex quibus homines cordati facile colligerent opinionem de homine sinistram, qui ventilet præstationem cujus liber non existeret: nam quæ hic sparserat *Eppendorpius*, se adegisse me ad conditiones, ad quas ipse nollet pro multis aursorum millibus descendere, sic interpretor, ante factam concordiam esse factum, quamquam & illam vocem complures, qui propius noverunt hominem, exceperunt cum risu. Non possum igitur mihi persuadere, hæc operâ *Eppendorpii* fieri, nisi mihi prius persuasero, eum hominem esse insigniter perfidum, nec minus stultum quam malitiosum. Quod absit ut de illo sentiam, nisi ipse fidem fecerit, quod absit ut faciat. In his igitur qui spargunt, non solum *Christianam* mentem, sed omnino prudentiam desidero, qui dum hæc faciunt, plus labis adspargunt *Eppendorpio* nomini quam meo. Exigit enim hoc à me fœdus amicitiae, ut illius famam æque ac meam tuear. Quid enim dicent homines cordati, quum in primo statim articulo legent hæc verba, *Apud Principem, qui jus vita ac necis in me esse videtur?* An aliquid commisit morte plectendum? Ne illa quidem epistola, quam proferebat, tale quicquam habebat. Quid autem veniet in mentem, qui vitam illius ut demus immunitatem à scelere, certe, quod nec ipse dissimulat, ociosam ac voluptuariam noverunt? Et hic postulat meis curari scriptis, ne quid sinistrae suspicionis de ipso nascatur. In secundo articulo petit, *Ut literis meis de integro veteri apud Principem expectationi restituatur.* Quid hic dicent nascuti? Num ego novi quid Princeps ab ipso expectet, nisi quod ab ipso cognovi, Principem in hoc juvisse studia illius, ut absolutus scientia Juris aut profiteretur *Lipsia*, aut aliquo munere fungeretur. Jam constat Principem illi fuisse infensum, etiam tum quum illum meis literis commendarem, & mihi quoque subiratum, quod illum sic viventem tam magnifice prædicassem. Nec mihi, si maxime velim, in manu est, illum de integro restituere, nisi ea præstet, quæ Princeps expectabat. Quid autem expectet, facile conjectandum est. Hoc ipsum si præstet, non est nostrum defuturum officium. At quomodo postulat, ut ipsam restituam in pristinam Principis gratiam, quum hanc ipsam Tragœdiam moverit in me contra Principis literas? nam ille vetuit ut

A mihi negotium exhiberet, hic, perinde quasi jussisset, An. orsus est Tragœdiam. De tertio quid suspicaturi sunt 1528. qui nasum habent? *Duceniorum duceniorum ipse postulat esse dispensator*, & hoc postremo loco positum suspicabuntur esse totius causæ caput. Notum est illum sumptuose vivere, non pauca debere, nec prorsus ignorantur illius reditus. Quorsum attinebat hanc suspicandi ansam præbere multis, præsertim quum, ut dixi, sæpe voces audiam rogantium, unde suppetat *Eppendorpio* pecunia quam profundit? Nec illa fortassis sine roncho legent quidam, quod homo tam licenter vivens tam de fama sollicitus est, ut vita sit citius periclitaturus, quam passurus illam contaminari, quod toties prædicat simplicitatem & innocentiam suam. Si vero favent *Eppendorpio* prudentiam in eis desidero qui disseminant; Si non favent, desidero *Christianam* charitatem. Lædere nihil commertum, malitiæ est, lædere cui studes prodesse, non vulgaris est stultitiæ. Jam hoc quoque nomine prudentiam in istis desidero, qui jactant illius postulationes, quasi non soleat iniquum peti, ut æquum impetretur: aut quasi non liceat cuivis quidvis à quovis petere. Nihil refert quid ille postularit, sed quid ego receperim, & quid arbitri præscripserint: nam arbitrii bona pars ex meo pendet responso. Primum epistolam non agnosco. Hic protinus ille non habet quod postulet, ego habeo quod expoßtulem, qui mecum litiget, quum ipse Dux ad eum scripserit, me talia non scripisse qualia objiciebat, sed id tantum, quod ego me scripisse non nego. Quod si ex illis literis meis sparsis in aula male audit, Duci imputet, aut *Orthoni* Equiti, cui cum ipso necessitudinem arctissimam ipsorum literæ testantur: nam hujus opera factum audio, quod epistola venerit ad manus multorum. Quanquam hoc agunt isti, ne quisquam hoc nesciat. His justius indignetur quam mihi, qui epistolam obsignatam uni misi. Porro libellum quomodo promitto? Non quod agnoscam culpam, sed amicitiae nomine, si sensero illum posuisse hostilem animum & induisse amicum. Ejus rei nec verbis, nec uno die mihi poterit fieri fides, quum divinae quoque Literæ, quæ probant reconciliationem, admo-neant ne securi sumus ab amico reconciliato. Nec alia ratione præscribit arbitrium de libello, quam ego recepi: erat enim meum rescriptum. Atqui libello dicanda nullum est præscriptum tempus: nec enim mihi vacat semper, & sunt quibus hoc officium jam annis aliquot debeo, nec quodvis argumentum convenit *Eppendorpio*. De reconciliando Principis animo quid polliceor? si Princeps meis scriptis factus est ab illo alienior: nam quod ille jactabat esse periculum, ne Princeps reverso in patriam amputaret caput, ut demus non esse convictum, certum est ex meis literis ortum non esse. Nec ego Principem quicquam novi docui. Non ignorabat quomodo viveret *Eppendorpius*, tantum ostendi viam, qua possit ingenio juvenis mederi. Nec promisi nisi literas civiliter scriptas: nec hoc contentus addidi, *quatenus licet cum tantis Principibus agere*: nam si magnifice prædicassem *Eppendorpium*, Princeps non ignarus rerum, quas fortasse nec ipse scio, crederet se mihi esse ludibrio. De elemosynis nil pollicitus sum rescripto. Habes postulata & responsa, nunc arbitrium vide. In arbitros compromissio facta est, in quibus ille nec excepit quicquam, nec potuit excipere. In arbitrio præstantur sibi jus datum diffidii amice componendi: præstantur ea quæ præscribunt, non præscribo mihi, nisi ad evitandam molestiam & alendam *Christianam* concordiam. Nec aliter præscribunt duos primos articulos quam scripto recepi. Scriptum existat quod me refellat, si quid mentior. De tertio articulo quid præscribunt? *Eodem*, inquit, *animo non gravabimur.* Quid est *eodem animo*? Nimirum ad evitandam molestiam. Nec his contenti addunt, *citra notam alterutrinus.* An hic non satis declarant viris cordatis, quo consilio res sit acta? Quid est igitur quod isti gloriantur, *Erasmus* atrociter tra-

tractatum? Et ubi sunt illae terribiles conditiones, ad quas *Henricus Epiphondorpius* noluisse pro multis aureorum millibus descendere? Quid, quod pecuniae dandae nullum tempus praescriptum est, & remitti poterat ab arbitris, quamquam quid opus remitti, quum ego mea sponte plura dem interdum paucis diebus, quam ibi praescriptum est. Et à me majorem summam tribus verbis amice dictis impetrasset *Epiphondorpius*. Rursus ubi praescribunt oblivionem offensarum, querelarum ac suspicionum utrinque, nonne pares nos faciunt in causa. Quid igitur hic est, quod isti jactent, qui nomen Evangelii jactant; An quod gratis meas offensas condonavi; hoc pietatis laudem merebatur. An quod per arbitros rem transigi malui, quam occupatissimus, linguae ignarus, rudis fori, cum homine ociosissimo nec elingui litigare? Hoc erat prudentiae tribuendum. Verum utcumque haec habent, si favent *Epiphondorpio*, quod *Henrici* causam persequitur, haec in bene merentis gratiam cum primis erant premenda: nec enim deerant, qui suspicerentur, immo non desunt qui praedicent, hos rumores *Henrici Epiphondorpii* opera spargi, jactarique. Siquidem illud constat, famulum illius protinus cum litteris in *Saxoniam* ablegatum fuisse. Quod si verum esset, quae rogo *Panorum* perfidia, quae *Cecropum* malitia possit cum hac comparari? Bene meritis fuero de illo, nihil exprobro, habebam gravissimas expostulandi causas, amore quietis & concordiae accepi conditiones. Nec enim mihi *Epiphondorpii* amicitia usquam est opus, nec est, ut jam dixi, cur illum visum aut auditum velim, nisi me moverat studiorum amor & *Christiana* concordiae.

Res acta est praesentibus testibus, viris gravissimis, *Ludovico Bero*, & *Henrico Glareano*. Arbitri, datis dextris, stipulati sunt obsequium. Promissimus utrique. Pronunciatum est de scripto arbitrium. Comprobatum est ab utroque, primum voce, mox etiam subscriptione. In signum amicitiae porrectum panem altrinsecus fregimus, mox ex eodem bibimus poculo, quod *Georgius Dux* dono miserat. Rursus stipulatus sum perpetuam amicitiam: asseveravit *Epiphondorpius* fore perpetuam. Datae sunt dextrae rursus. Postridie omnes accepi cena. Nihil omisi quod erat viri obliti omnium offensarum. Dicus satis religionis adhibitum, etiam si fuisset occisus homo: post coenam *Epiphondorpius* coepit efflagitare epistolas ad Ducem, in postridianum mane. Quamquam illi suo scripto mihi liberum fecerant vel Duci scribere, vel in Aulam: nec erat praescriptum tempus, tamen quoniam instabat, ne dissiliret gratia, priusquam satis coisisset, supra quam debui sum obsequutus. Flagitabat & praefationem. Id non solum erat iniquum, verum etiam ineptum, quum liber nondum esset natus. Aegre quidem illud, sed tamen hortantibus arbitris, vel rogantibus potius, & sum hic obsequutus. In Epistolam inserui locum ipsius arbitrio, nec illud erat pacti me ex illius arbitrio scribere. Flagitavit & aliud quiddam, quod arbitri mihi non sunt ausi proponere, nec à me diceretur in praesenti, ne & hoc jactent cum illius dedecore. Post haec ita gesta si *Epiphondorpius* curasset fabulam per *Germaniam* spargendam, quid dici potest sceleratius aut perfidius, si rem spectes? aut quid stultius, si gravium virorum spectes iudicium? Quid enim cogitabunt homines cordati, quum audient jactari praefationem, cujus nullus est liber? An Dux *Georgius* adeo stultus creditur, ut non intelligat ex epistola me quietem ab ocioso redemisse? Tam insignem perfidiam, tantam malitiam, tantam stultitiam ne tum quidem *Epiphondorpio* tribuebam, quum illi irascebar: tantum abest ut nunc illi tribuam post foedus initum. Sed quo magis illum libero, hoc magis eos gravo, quorum arte haec procurantur. Ille se laesum putabat. Isti nunquam à me laesi sunt, nisi laedere est, quod nolo profiteri, quae mihi non possum persuadere. Etiam de praeteritis hoc aequior sum *Epiphondorpio*, quod multis argumentis colligo, illum quod fecit aliorum instinctu fecisse. Neque me latent hujus artificii ma-

chinae, quamquam mire se credunt omnes fallere. Idem instigarunt miserandum *Fluttenum*, ut in me fly-
li mucronem stringeret. Idem impulerunt *Othonem*. Sic, inquit, elevabimus auctoritatem *Erasmi*. O consilia Evangelica! Fingite *Erasmi* auctoritatem apud omnes extinctam, quae jam nunc vel nulla est, vel quam minima, continuo ne vos eritis dii? Quanto rectius vestram auctoritatem muniretis, non per calumniam infamandis aliis, sed moribus Evangelio dignis, quos mundus in vobis jam pridem desiderat. Istiusmodi technis nil agatur, & si stultis imponatur ad tempus, erumpet aliquando fucis proditis veritas. Turca non magis officium Evangelico negotio, quam isti seditiosis, corruptis, minimeque Evangelicis moribus. Per istos non solum non reparatur Evangelica libertas, sed conduplicatur servitus: per quos enim invecata est dura servitus, nisi per homines intractabiles & nulli quamvis bene monenti morigeros, per quos inducta est tyrannis, nisi per cives, nec legibus aequissimis obtemperantes? Si quid sanae mentis est *Luthero*, & si qui sunt alii, quibus hoc negotii curae est, nullos magis odisse par est, quam istos tumultuarios & prorsus *avopos*, quos nec Episcopi, nec Principes, nec Magistratus, nec ulla Resp. ferre possit. Hanc istorum jactationem mox excepit alius rumor. Jactabant *Epiphondorpius* mihi dictis ac litteris objicere perfidiam, qui libellum promissum non praestiterim. Quid ille dixerit, aut fecerit, alii viderint, certe ad me nulla pervenit littera. Quid autem poterat in illum fingi probo viro indignius? sub nundinas ictum est foedus, protinus à Pascha jactatum est de perfidia, quasi libros, ut mucum è naribus, emungeremus. Sed demus annum praeteriisse, fortasse poterat amice expostulare, perfidiae crimen impingere qui potuit, quum nullus esset praescriptus dies, qui si ex aequo & bono praescribendus erat, iudicium arbitrio fuerat praescribendus. Sed demus fuisse praescriptum, an continuo perfidiae reus est, qui promissum ante diem constitutum non praestat? Ita perfidiae tenebitur qui creditori pecuniam non reddit ad diem praescriptum, qui commodatum non reddit ad tempus designatum; tenebitur faber & vestiarius, qui ad diem promissum non absolvit opus, itaque perfidiis plena erunt omnia. Si in contractibus civilibus locum habet excusatio, si non licuit, si commode non potuit, quanto magis valere debebat in hoc negotio, quod amicitiae legibus peragitur? Rursus donemus fuisse praescriptum diem, non erat simplex promissum, sed additae sunt duae conditiones, amicitiae nomine, & si compertum haberem, illum mihi ex animo factum amicum, jam ut vana sint quae jactat rumor, illum frequenter totis convitiis in meum nomen destomachare, scriptum in me nescio quod famosum hospitibus recitare, litteras nihilominus hostiles quam antea scribere, quod specimen dedit, unde certum habeam illum mihi ex animo factum amicum? Per quem jussit salvere? Apud quem amantiter de me loquutus est? Atqui his officiis nihil est vulgarius, nec ex hujusmodi possis habere perspectam hominis in te benevolentiam, quam nisi certis declararit argumentis, ne debetur quidem libellus. Tamen si non illud actum est per arbitros, ut ille sic à me libellum exigeret, quemadmodum miles pactam pecuniam exigit à rusticis, incensurus horrea, ni statim numeretur, sed ut sartae jam & coalescentis amicitiae hoc adversus calumnias hominum quasi testimonium esset. Id autem officiis ambiendum erat potius quam conviciis efflagitandum. Vides quam nihil est in quo mea fides possit desiderari, qui tam multa praestiterim ultra praescriptum arbitrii. Primum exegit, idque nec civiliter nec amice, ut ipsi Duci scriberem, quum ipsius postulatio mihi liberum faciat, Utrum vellem ad Principem, aut alteri cuipiam ex aulicis scribere; hoc extorsit ultra praescriptum. Deinde quum litteras eas non aliter pollicitus essem, quam ut civiliter, & quatenus tanto Principi scribere liceret, denique quatenus liceret sine mei honoris detrimento, ille postulavit, ut

An. 1528. certas aliquot sententias adderem. Et hoc impetravit ultra pactum. Tertio postulavit, vesperi circa nonam horam, ut postridie mane habeat litteras paratas, ut mihi noctu fuerit in lecto scribendum. Quæso te, an homini quicquam somniaret arbitri? Quarto flagitavit eadem hora præfationem: ad quid? nisi ut jactaret, si libuisset esse suspicioso. Datum est & hoc illius improbitati.

Quinto voluit epistolam ad Ducem sibi tradi legendam, ipsoque præfente per famulum meum obsignari, ne quid fraudis admisceretur. Quam statim non amicum erat sic diffidere? Tamen si quid stultius etiam? Si libuisset fallere, an * poteram alias litteras per alium mittere? Quod si hoc ipsum applausu dignum putant, tantum potuisse extundere, gratulentur eadem opera prædonibus, qui bonum virum, sic animatum, ut nec occidi velit, nec occidere, huc adigunt interdum, ut crumenam deponat, & insuper abjuret omne jus ulciscendi. Uter magis recedit à pactis, qui plus exigit quam habet contractus, an qui minus præstat?

Statim quum amanuensis adferret epistolam, coepit illum objurgare quod scripsisset epistolam, quam à me scriptam ne minimo argumento probare poterat. Et ubi hic promissa suspicionum & offensarum omnium oblitio?

Ad hæc an verus sit rumor, illum in conciliabulis & conviviis remis velisque in meum nomen invehi, melius norant illius compotatores. Si verum est quod isti jactant, eâ demum vera perfidia est, non dicam, non præstare aliquem foederis articulum, sed adversum id facere, quod est totius foederis caput. Nam hic non criminor *Epphendorpium*, sed illius causam ago. Certe hic me adactum ad conditiones, ad quas ipse pro multis aureorum millibus nollet descendere, apud plures jactant†, quam ut arbitrer ipsum inficiaturum.

Quis ex hisce conjecturis non collegerit, illum fucato animo rediisse in gratiam? sed ubi de pecuniæ spe decidisset, aliud vindictæ genus quæsisse? Ego tamen omnia candide sum interpretatus. Et illius jactatur simplicitas, fides & integritas, ego perfidus violavi foedus, qui tam multa præstiterim ultra præscriptum, qui tot argumenta malæ mentis interpretor in bonam partem. Nondum enim *Epphendorio* foedus renuncio, sed adversus istos pugno, qui dum nusquam non nugantur de negotio, quod non intelligunt, magis ejus famæ nocere, cui volunt videri studere, quam meæ. Hæc igitur pro *Epphendorio*, non contra *Epphendorium* scripserim. Arbitror enim jam ex foedere mei esse officii illius honorem ac famam pro mea virili fartam ac tectam habere, quatenus per illum licebit.

Tibi vero, vir ornatissime, scriptum hoc misi, ut habeas quod blateronibus istis respondeas, qui simulatque ventrem & ea quæ sub ventre expleverint, nihil habent quod agant, nisi ut omnibus maledicant, atque ita fruuntur Evangelica libertate. Bene vale. Datum *Basilea* 1. Maji, Anno 1528.

EPISTOLA DCCCCLIX.

Hermanus, Dei gratia Archiepiscopus Colonienfis, Princeps Elector, Westvaliæ & Angariæ Dux, &c. Erasmo Rot. S.

VENERABILIS, sincere dilecte, ante paucos dies reddita sunt nobis litera tua, quibus perhumaniter quidem ac etiam erudite, ad amicitiam tuam nos invitare visus es; quedam insuper nobis pro tua humanitate tribuens, qua tamen ex amoris affectu potius quam recto judicio profecta suspicamur. Nihilominus, velut Cyrum quendam a Xenophonte, laudari nos ab te libenter patiemur, ut saltem quales esse erga Rempublicam Christianam, ac nos etiam ipsos debeamus, vel te monitore clarius perspicere possimus: unde non est ut tantopere nos ad amandum te provoces. Nam audito nomine tuo, quo tu bonis studiis non parum ornamenti attulisti, statim ad

* Inferre non, ut sensus constet.

† Reponendum, jactavit.

An. 1528. *amore tuum veluti impetu quodam rapti sumus. Enimvero ea nobis adest voluntas, qua tibi optima quæque precetur, etiamsi facultas fortasse non adsit, ut tibi continuo illa præstemus. Illud tamen certo tibi persuadere potes, nos nihil antiquius ducere, quam ut Christiana Respublica, simulque & bona studia, evulsis spinarum radicibus, libere & secure florent. Id quod à studiosis hominibus quotidie laboratur, sed frequenter etiam sine fructu, contra semper adnitente illo, qui per noctem zizania interserit, & quo plus noceat, etiam spineta crescere facit, quibus opprimatur bonum Dei semen. Tu vero perge pro tua virili, ventilabro doctrina Evangelica, purgare arcam plenam jamdudum loligine & paleis. Quantum nostra interest, libenter etiam operam nostram ad id negotii accommodabimus, sperantes Domini Dei nostri affulgentegratia pacem aliquando inter Christianos Principes conventuram, sine qua frustra laborat, quisquis laborat errorum radices evellere. Interim vero precibus tuis adjuvari petimus, ut officio nobis commissofideliter ac etiam utiliter incumbamus. Vale. Ex arce nostra Brulensi 25. Maji, Anno 1528.*

EPISTOLA DCCCCLX.

Bilibaldo Pirckheimero, Casarea Majestatis a Consiliis, S. P.

C PINOR tibi redditas literas, quas ante dies aliquot misi, quibus instruxeram te adversus rumorem, quem *Epphendorpius* videtur per totam Germaniam sparsisse, non minus atrocem quam vanum. Nunc quid velim, paucis expediam. *Opsepæus* edidit Epistolas *Basiliæ* & *Gregorii Nazianzeni Græcas*, quas in manus sumsi versurus, quo *Polono* Episcopo *Cracoviensi*, qui me ultro honorario munere sexaginta ducatorum provocavit, gratificarer. Sed comperi, depravatissime editas. In ipso statim titulo est, *παλεῖον* pro *παλεός* nam *παλεῖον* apud *Græcos* non dicitur. In prima epistola conjicio fuisse scriptum *βαδὴ καὶ*. Is fecit *Barlaamæ*, pro *gravato crapula*, quod nec *Græcum* est, nec *Latinum*. Ex his conjectans cætera, abstinui à vertendo. Proinde te rogo, ut si exemplar manu descriptum est apud *Opsepæum*, jubeas mihi communicari. Id si in tempore fiat, ante autumnum emittam. Sin minus, primo quoque tempore. Simul non est committendum, ut tantus Auctor ita depravatus maneat. Hujusmodi juvenes audaciores quam eruditiores, & avidiores rei quam commodi publici, magnam pestem invehunt literis. Opto te quam bellissime valere. Datum *Basilea* 28. Maji, Anno 1528.

Erasmus & nexu & mancipio tuus.

EPISTOLA DCCCCLXI.

Erasmus Roterodamus Henrico Angliæ Regi S. D.

F ATERNI Numinis providentia, serenissime Rex, quanquam suos variis afflictionibus exercet probatque, tamen ejusdem benignitas ita temperat acerbiterat remedii, subinde tristibus intermiscens lætiora, ut humana imbecillitas possit sustinere: faciens, ut ait *Paulus*, cum tentatione proventum; ita salubriter secans & urens, ut admixtis solatiis cruciatum clementer leniat, ita vulneribus nostris infundens vini acrimoniam, ut nihilo secius addat oleum. Quum enim & laboribus, quos in studiis juvandis supra vires sustineo, & afflictissima valetudine, etiamsi senectus abesset onere gravissimo, sed multo magis immedicabilibus Ecclesiæ diffidiis, ac malorum furiosis infectionibus vexatus pene deficerem, ecce præter omnem expectationem reddita est tuæ Majestatis epistola, quæ me tam amanter in *Angliam*, velut è sævissima tempestate naufragio proximum, in tranquillissimum portum invitaret, omnia pollicens, non quæ meis meritis, nulla sunt enim, sed quæ clementissimo Principi congruunt. Ex his literis tam comiter scriptis, eloqui vix possim, Rex inclyte, quantum roboris, quantum hilaritatis conceperim.

An. perim. Favebam opinioni, quam tua Majestas de me
 1528. concepisse videtur. Etiam atque etiam exoptabam esse
 talis, qui meis vel consiliis vel obsequiis alicubi pos-
 sim tam *Christiano* Principi gratificari: sed concidit a-
 nimus, quoties intueor, quam facultas nec expecta-
 tionis tuæ, nec meis optatis respondeat. Et tamen a-
 nimus, tot causis reclamantibus, in *Angliam* gestie-
 bat. Dehortabantur ætas in dies ingravescens, valetu-
 do plusquam vitrea, quam ægre tueor domi latitans,
 iter prolixum, nec jam à latrociniiis tutum, ad hæc
 mare nulli non grave, bellorum atroces rumores, &
 fere solet augere fama quicquid accepit. Hæc aliaque
 nonnulla, quæ literis committenda non sunt, quum de-
 terrent ab itinere, tamen hoc consilio famulum eman-
 davi in *Angliam*, ne ad rem venirem imparatam. Ab
 illius discessu sub Paschæ festum adortus est morbus,
 qui me sic afflixit, ut in vitam feliciorum transmissu-
 rus videretur. A quo sic tamen sensim revixi, ut mul-
 to fractioribus viriculis sum quam ante fueram. Post
 hæc redit famulus, nuncios cum rerum statum in utra-
 que *Germania*, ut si nihil obfaret eorum, quæ pau-
 lo ante commemoravi, si maxime tranquillæ essent res
Anglia, tamen nullam itineris partem usquam esse tu-
 tam. Nusquam non regnant militum catervæ, qui nec
 amicis parcent, nec inimicis. Et *Geldrius* imminet un-
 dique. Itaque quod unum potui præsto, Regum op-
 time, pro tam insigni in me studio gratias ago, nec
 me minus obstrictum fateor, quam si omnia percepis-
 sem quæ detulit tua benignitas, & hoc amplius debeo
 tuæ bonitati, quo minus agnosco meritum. Non hic
 precabor, ne feras iniquius quod tam amanter invitatus
 non accesserim: nota est mihi naturæ tuæ bonitas,
 quam adeo scio nihil succensere, ut doleat potius mi-
 hi tam justas excusationis esse causas. Fatis agimur,
 fatis cedendum. Si quid tamen aliis in rebus potero
 tuæ gratificari Majestati, quod scripto peragi queat,
 nihil recusabo, quod quidem in me situm erit. Inte-
 rim optare tibi non desinam eam rerum tranquillita-
 tem, quam tua pietas ac virtus promerentur. Non
 scripseram per famulum, quoniam satius esse judica-
 bam filere quam ambigua scribere. Datum *Basilea*
 1. Junii, Anno 1528.

EPISTOLA DCCCCLXII.

Alfonso Fonseca, Archiepiscopus Toletanus,
 Hispaniarum Primas, &c. Des. Erasmo
 Roterod. Theologo S.

QVOD literas tu meas, Erasme, inter laborum &
 infestationum, quibus exerceris, solatia numeras,
 esset sane quod ex animo gauderem, tum mea tum non-
 nihil & tua causa: ni vicissim dolori esset, ita per quos
 minime decebat tecum agi, ut id genus egeas lenientis,
 homo recreandis demulcendisque solido ac vero solatio a-
 nimis natus & occupatus. Quanquam autem sic ratio-
 nes tuas instituisse te jamdiu arbitror, ut nec istiusmodi
 casibus magnopere quidem permoveri, nec eorum, si ur-
 geant, levamen aliunde quam ex recta sinceraque con-
 scientia petere soleas; tamen facis pro tua humanitate &
 animi gratitudine, dum amicorum studia tanti apud te
 esse pateris, ut ea nominibus ejusmodi cohonestes. At-
 que utinam aliis etiam officiorum generibus, non tantum
 literis, molestia te prorsus ista eximere liceret, Erasme,
 crede mihi, non amplius laborares: quanquam aliqui
 causa tua data est hætenus opera non usquequaque pœ-
 nitenda, ut videatur jam exorta superiore anno procella
 non modo mitius favire, sed paulatim etiam conslescere.
 Quod si omnino, uti spero, resederit, est quod juvet
 fuisse suscitatum. Certe quod in hoc genere seditiosarum
 concertationum precipuum est, ut intelligant adversarii
 legitimo sibi iudicio agendum, non vi & oppressione gras-
 sandum: id tu hætenus videris abunde consequutus.
 Defensionem tuam legimus, sed ut in aliis occupationi-
 bus tumultuarie. In ea jucundum imprimis fuit, eam
 te animi moderationem, magna quidem ex parte (nam

A ex omni non licet per quosdam dicere) modestiamque præ-
 stitisse, quam ipse uti abs te in hoc genere præstaretur, 1528:
 tum optabam, tum & admoneri te curaveram. Reli-
 quum non est quod judicem, semper sui similis est Era-
 smus. Perge igitur, id quod facis, de Christiana Re-
 publica melius in dies mereri, simulque tibi laudem pa-
 rare immortalem; de qua tantum abest ut aliquid sit
 amulorum improbitate delibatum, ut contra potius ejus
 fulgor hoc attritu nitidius splendeat. Augustinianarum
 lucubrationum repurgatio, cui te operam dare audio,
 provincia videtur plane te digna. Solus enim is *Auctor*
 ex classicis reliquis videbatur, qui nobis Erasmo obste-
 tricante renasceretur: quemque adeo ipse unum ex omni-
 bus maxime restitutum cuperem, ob infirmum animi affe-
 ctum, quo in ejus herois cultum & admirationem jam
 inde ab ineunte ætate feror. Verum in tot laboribus
 tuis, cur non ego ad id te pro virili mea horter, ad
 quod perficiendum scio te à multis jamdiu summa conten-
 tione invitatum, quodque adeo in sponte jam tua & qui-
 dem felicissime cuperis: ut qui in asserendis vindicandis-
 que Christianis studiis tantum adhuc opera posueris, tan-
 tundem posthac in confutandis novis, aut antiquis potius,
 sed denno subolescentibus erroribus ponas; quos in dies vi-
 demus seu noxias herbas plus nimio sylvescentes Domini-
 cam vineam, in qua tu pro viribus operam exerceas,
 infestare: adeoque jam gemmis ipsis palmitibusque offe-
 re, ut periculum sit, ne si amplius coaluerint, legitimas
 stirpes perurant vitio suo atque enecent. Feceris tu qui-
 dem rem ista doctrina, ista pietate dignam, tum Ger-
 mania tua tot sectis infecta, tot erroribus occupata, tot
 denique dissidiis ac seditionibus labenti jam & inclinanti
 opem iuleris; ut si Christianæ pietatis minime ratio ha-
 beat, (cujus alioqui scimus primum apud te esse calcu-
 lum) tamen eximia Imperii istius majestas & pulchritu-
 do debeat non te modo, sed optimum quenque civem ad
 occurrendum ei malo permovere: quod si pravealeat,
 haud dubium quin *Republicam* vestram propediem ha-
 bituri sis: e florentissima omnium miserrimam ac perdi-
 tissimam. Frustra vero hic tu mihi, vulgari illa causi-
 ficatione, virium & eruditionis tenuitatem excuses: ne-
 mini non persuasum est, Erasmus non modo esse, sed
 unicum ex omnibus esse huic tanto negotio parem, non
 eloquentia modo doctrinaque presidium, quibus aliqui no-
 vit orbis quantum valeat, sed fidei apud omnes & au-
 thoritatis: qua plurimum pollere in hac causa oportet ho-
 minem, qui nullis antehac optimatum beneficiis auctus,
 omni etiam in posterum aditu ad ampliore fortunam
 suapte sibi sponte precluso, in id certaminis non adulan-
 di morbo, non avaritia ambitionisque vitio illectus, sed
 studio pietatis adductus, descendisse credendus sit: quo vix
 alius quispiam sit descensus, qui non vel ordinis sui can-
 sam agere, vel paucorum potentia servire, atque illis
 demum vitii indulgere putetur, qua huic potissimum in-
 cendio fomitem ministrarunt. At plenum periculi est ne-
 gotium, plenum difficultatis, aut enim optimatibus fœ-
 de assensandum, aut eorum moribus convitium odiose fa-
 ciendum. Quid ergo? ob eam difficultatem vera pietatis
 patrocinium deseremus, & Ecclesie puritati hominum
 vitia frandi esse patiemur, ut quod nos peccamus, illa
 luere videatur? Quin ita potius negotium temperare li-
 cebit, ut & adversariorum falsa dogmata, & nostrorum
 corrupti mores gemino industria fructu taxentur; ut his
 ad saniores, illis ad sanam omnino mentem redeuntibus,
 pace aliquando inter Principes firmata, incipiat tandem
 nullo tumultu, nulla rerum perturbatione, constitui, com-
 ponique *Respublica*. Sed quid hoc ego ad te, qui ea
 omnia multo teneas melius? Excusationem tuam, qua
 iter ad nos deprecaris, quando aliud fieri nequit, liben-
 ter accipimus: & aliqui sat scio tam honesti ocii ratio-
 nem, multo tibi melius, quam peregrinationis constatu-
 ram, tum ejus consilii fructum ad plures permanaturum
 ista studiorum assiduitate. Cui aliqua ex parte juven-
 da, syngrapham telonicam ad te mittendam curavimus:
 dabitur aliquando occasio benignius tecum agendi. Va-
 le & nos ama. Madrido 29. Junii, Anno 1528.

EPI.

EPISTOLA DCCCCLXIII.

Theologis Lovanienfibus Erasmm Rot. S. D.

An. 1528. **P**ROSILIIT tandem libellus *Vincentii*, quem jam pridem parturiens non permiffus est per Vicarium eniti. Nihil proficit fictus titulus. Nemo potuiffet tam infulfum & indoctum librum fcribere, nifi unus *Vincentius*. Abufus est, ut ajunt, opera cujufdam Dominicani ex *Anglia* profugi. Ego fane libellum, quamvis atrociter in me defcriptum, absque rifu legere non potui, nec legi tamen nifi carptim. Deum immortalem, quantum ibi est manifeftorum mendaciorum! Ego illic damno cultum Divorum, quum duobus libellis editis afferam cultum & invocationem Sanctorum adverfus dogma *Lutheri*; & folum *Lutherum* adorari volo, qui collatis fignis cum illo bellum gero: ego modis omnibus subvertere conor Confessionem, qui *De recte confitendo* libellum edidi: & in *Colloquiis* palam damno Confessionem, quum illic duplicem afferam Confessionem, unam quæ fit Deo, alteram quæ fit apud facerdotem, utramque probans: ego fum magifter *Lutheri*, ego damno cœlibatum, ego volo à fubactionibus, fic enim ille fcurra loquitur, iri ad facrificandum. Jam quam in toto libello nihil cohæret! Dicis in febre fcriptum, cum affectatione eloquentiæ, nam & Poetas citat. Ad hæc quanta sermonis spurcicia! Tum quam impotens odium, quam evidens invidentia! Tolerandum, fi tales qui funt, fe solos exponerent omnium odio rifiue. Nunc ob paucorum dementiam, infamatur ordo. Neque nulla malipars, fi permittitis me vera loqui, in vos recidit. Olim veftrum plerique conveniebant ad clamores Dominicalium. Carmelitam palam infanientem toleratis. Nec dubito quin hic libellus apud vos diftrahatur, quum in titulo habeat cognomen *Theologi*, quum fiat mentio *Lovanii*. Noluit enim in totum *Vincentius* perdere hujus libelli gloriam, quum illic toties laudetur *Vincentius* ab *Haerlem* eximius Theologus, cum *Jacobo Latomo*. Bellum vero jugum Theologorum *Lovanienfium*, ut talem aliquis judicet *Latomum* qualis est *Vincentius*. Formica camelus, ut ajunt. Mundus adhuc habet multos doctos & cordatos viros, quorum tacita judicia non oportet contemnere. Quid iftos cenfetes cogitare, quum tales legunt libellos? Hujusmodi fcurræ faciunt, ut paffim nunc perdantur monasteria, collabantur Academiae. Mundus diutius ifta portenta ferre non potuit. Et quod à paucis malis commiffum est, confertur in univerfos, iniquiffimo quidem judicio, fed fic funt hominum mores, fufpicantur vos illorum factis favere, quorum intemperias non cohibetis quum vobis in manu fit. *Adrianus* Pontifex impofuit filentium ftolidis vociferationibus *Egmondani*, vos diffimulatis. *Aleander*, quum ifthic adeffem, meo admonitu indixit filentium *Laurentio Phryfo*, vos negligebatis. Cardinalium collegium ac tres Pontifices impofuerunt filentium maledico *Stunica*, qui tamen doctius magisque fobrie debacchatur, quam vel *Egmondanus*, vel *Vincentius*, vel *Phryfius* ille. Vos quam fitis feuri nescio. Ego non mediocriter metuo; ne tempeftas, qua hic laboramus, aliquando demigret ad vos. Quid autem ftultius aut infanlius libro *Petri Sutoris* Theologi? Is an vobis displiceat nescio, certe displicuit Patribus ejus ordinis, non quod illis curæ fit *Erasmi*, fed quod intelligant quantum ipsis ex unius hominis infania tum dedecoris, tum periculi immineat. Sunt fortaffis inter vos, qui putent me non poffe, fi velim, lædere. At longe diverfum fentiretis, fi mihi tantum effet perverfæ mentis, quantum ifti fe declarant habere. Ego me fedulo paro ad fupremum illum diem, nec unquam committam fciens, quod confcientiam hinc demigrantis oneret. Oneratur collegium veftrum indoctis quibufdam ac ftupidis. *Vincentius* attrahit *Vincentium*, Carmelita Carmelitam. Vereor ne quorum gaudetis confortio, eorum metatis & melfem.

A Optarim autem Academiam veftram & eruditac bonis viris, & omni ftudiorum genere florentiffimam ef-
fe. Nunc videmus paffim diripi monasteria, Theologiae ftudia prorfus exftingui, Academiae collabi. Et ferpit in dies malum, fatali quodam fuffeffu. Jam fi quid in fcriptis meis deprehenderetur incautius effufum, quanto civilius atque etiam confultius erat, vel admonere privatim fcriptis literis, vel diffimulare, quum non ignoretis quantum invidiæ, quantumque periculi fufineam, ne me jungam alicui factioni. At eum, qui fic tunditur ab una parte, rurfus ex altera lapidibus impetere, quid aliud eft, quam protrudere in hærefim? Quod tamen à me nullius improbitas impetrabit. Præfationem *Latomi*, quam addidit libello in *Lutherum* fcripto, diffimulavi. Neque me clam fuit unquam, quæ dixerit in me in conviviis ac prælectionibus; diffimulavi. Nunc rurfus emiffit libellos, in quibus mira arte conatur, ut difputationes quoque meas faciat hæreticas, novaque vaftricie mea conjungit cum opinionibus *Lutheranis*. Libellos guftavi tantum, nam recens allati funt. Rogo quorfum attinet ifta calumniandi diligentia? Quod ni fatur effem talium contentionum, videret, quam mihi non deeffet quod refpondeam. Sunt qui totis viribus hoc agunt, ut opprimant linguas ac bonas literas. At res ipfa docebit iftos, fimul cum bonis literis & illa ftudia collabi, quæ ftudent ut fola habeantur in precio. Quanto confultius effet politiores literas comiter in veftrum contubernium admittere, ornarent veftram fupellectilem, mihi credite, ac vobis multorum Principum favorem conciliarent. Audio exomologefim meam quibufdam difplicere. At eadem magis displicuit *Oecolampadii* difcipulis. Et pro ea mihi docti quidam gratias egerunt, etiam ex *Anglia*, quod Confessionem jam nutantem reftituerim. At non pronuncio illam à *Chrifto* effe inftitutam. Id faciam ubi mihi plane perfuafum fuerit. Agit hoc quidem *Henricus Anglia* Rex probabilibus argumentis. Et fequor hætenus ut probabilem opinionem. Quos autem tumultus excitaffem, fi & hoc & cætera pronunciaffem tantum, nec argumentis comprobaffem. Comprobare etiamfi fuiffet mearum virium, perlongum erat; & aliud tum inftitueram. Hoc tentavi quod fperabam impetrari poffe. Et videtis quo loco illa fcripferim, fitus inter *Tigurum* & *Argentoratam*, & in civitate, in qua *Oecolampadius* publice docet Confessionem non effe neceffariam, quidam affirmant perniciofam. Si hæc tam certa funt, ut mors ob horum profefionem fit oppetenda, cur iftorum nullus huc fe confert, & fortiter docet quod fentit? Si vobis effet cognitus harum régionum ftatus, fateremini me pro rebus præfentibus fatis audacter fcripiffie, utinam æque feliciter. De eruditione mea ftatuetis quod voletis. Pacificum effe me fatis declaravi: moderatis delektor. Qui fuum jus mordicus tenent, fortaffis rumpent funiculum dum nimium tendunt. Mihi tumultus hi nunquam placuerunt, & femper dedi pacifica confilia. Sed quid facias furiofis pseudo-Monachis? Nihil non audent facinoris. Exempti funt ab omnibus bonis legibus, erronei funt, nec ullo loco confiftunt. Nec ferri jam poterant, nec moderatis remediis corrigi. Huc ifti provocarunt. Quare veftram prudentiam appello nominatim, magnifice Decane, *Vianenfis*, *Rofemonde*, *Turenholte*, cæterique, quorum æquitas mihi perfpecta eft, ut confulatis tranquillitati ftudiorum, confulatis veftræ dignitati, & iftis feditiofis clamoribus aliquando finem imponatis. Me reperietis & *Chriftiana* concordia, & finceræ religionis ftudiofum. Bene valete, domini & præceptores honorandi. *Bafilea* 1. Julii, Anno 1528.

EPISTOLA DCCCCLXIV.

Erasmm Rot. Joanni Cardinali Lotharingia S. D.

CLARISSIME Princeps, quum ex amicorum literis intellexiffem, Amplitudinem tuam impenfe favere

Am. vere studiis literarum optimis, & harum gratia Erasmo, ut aliquod grati animi specimen darem, hortantibus eodem amicis, dicavi tuo nomini libellum, non pro tua dignitate, sed qualis tum forte erat paratus, & abunde magnum officii mei fructum mihi percepisse videbar, si nostrum studium boni consuluisset. Nunc quum non minus præter expectationem meam quam præter meritum, tua singularis benignitas detulit munus, tam supra meam dignitatem quam ille libellus erat infra dignitatem tuam, multo gratius erat ornari tanti Præsulis testimonio quam ditari munere. Ac sane quod attinet ad animum meum, abunde fruor tua benignitate, datum existimans, quicquid datum esse volebat illa; cæterum apud alios quod exhibeam testimonium non habeo: quid in mora sit nescio. Quæstori tuo scribebas datum negotium, atque ejus ordinis homines fere putant non optime collocatum, quod datur studiis. Et hic certe habent multam causandi materiam. Exciderat, non vacabat aliis occupato, verba dederunt aurifices, non contigit per quem mitterem. Utcunque res habet, hætenus de vasculis ne rumor quidem huc advolavit, quid inciderit nescio. Fortassis est aliquis, qui credit abunde pensatum officium, quod objecta spe tam diutinam voluptatem accepi: qua si me voles esse contentum, facile fecero, quum ante promissum mihi felix visus fuero, quod amplitudo tua studium meum boni consuluisset. Nihil enim dubito, quin tua benignitas ex animo promiserit quod obtulit, nec appellata, nec expectanti. Sed de his frivolis plus satis ad tantum Principem. Habeo gratiam quod hætenus apud omnes me tuo favore sublevaris, quod ut facere pergas, te etiam atque etiam rogo. Dominus prosperet res omnes tuæ Celsitudinis, cui mancipiolum hoc opto esse commendatum. Datum Basilea 16. Julii, Anno 1528.

EPISTOLA DCCCCLXV.

Erasmus Joanni Fabro, Ferdinandi Regis Consiliario, S.

DE perpetua tua in me benevolentia nunquam dubitavi. Principis animum amplector atque exosculor. Istorum cuniculos novi, fugam meditor, sed portum non video. Valetudo in eo statu est, ut in solo Deo spes sit. Nec mortem horreo, sed diutinos cruciatus: nam hoc mali, aut vesicæ calculus est, aut exulceratio vesicæ. Utrunque malum multis mortibus gravius. Scis quid sit veterem arborem transplantare. Viennam, hoc est, in novum mundum me vocas jam morientem. Sunt & illic, opinor, cerebrosi Theologi, perversique Monachi, qui nec Pontificibus auscultant, nec Principibus. Nosti Tragœdiam Hispanicam. Lutetia Rectoris edicto vetiti sunt magistri mea Collegia prælegere pueris in Collegiis, quum nullus adhuc ostenderit ullam sententiam minus piam. Rabiunt illic quidam fortiter duce Bedda. Sola conscientia me revocat à Lutheranis, alioqui declararem illis Furiis, quales sint. De emolumentis leviter laboro, jam hinc migrare meditans. Linguarum Professores & alibi magnis salariis conducuntur, sed non sunt qui audiant. Tantam ignaviam invexit hoc novum Euangelium. Jam ut nihil deterreat à Vienna, quis Deus me illuc perferet? Huic vesicæ malo agitatio mors est, & in victu vel minima novitate periculose offendor. Quid autem faciam Vienna, in civitate superba, ut audio, planeque Germanica? Ne salutationibus quidem eruditorum excipiendis sufficit valetudo. Postremo, non magni refert ubi hoc corpusculum posuero. De Vienna adeunda votum est potius quam spes. Bene vale. Basilea 21. Julii, Anno 1528.

EPISTOLA DCCCCLXVI.

Erasmus Rot. Ursino Velio S. D.

PARAPHRASIS in Joannem exiit autumno superiore, cam quum Ferdinando nondum Regi dicaf-

A sem, tamen mea sponte mutavi titulum, & Regis An. nomen adscripti, idque nondum certus quomodo res 1528. procederet. Hefychius ille Theologus, de quo scribis, jam excusus est. Absit ut tibi leges præscribam, sed amor interdum monet & memorem. Video nihil esse tutius quam nihil scribere. Gestiens significabas tibi delegatum historici munus, nec ulla syllaba significabas id te clam haberi velle; res autem est ejus generis, ut prædicari nec Regi sit indecorum, tibi vero etiam honorificum, & nunc deploras orbi proditum quod minime volebas. In Ciceroniano non erat propositum omnes recensere. Sat erant decem exempla, magisque peccavi, quod tam multos nominarim, quam quod aliquot præterierim. Nec eos illic suscepi laudandos, sed Nosoponos omnes submovet à laude Tulliani cognominis, licet obiter aliquid laudum adsperserim. Beatum ut meretur candidissime tractaram, non editurus tamen nisi prius ostenso loco. Novi delicias ingenii illius. Post venit ad me quasi consultans num expediret nominari. Respondi me facturum quod ipse mallet. Fortassis, inquit, præstiterit omitti mentionem. Ita fiet, inquam; atque ita abiit. Sunt quos nolim attingere nisi volentibus ipsis. In hoc numero propemodum pono Vivetem. Hermannus Phrysius nihil edidit, nec quicquam illius præter unas atque alteras ad me literas vidi, quibus vere scribis nihil esse suavius. Saurromani plane meminissim, si venisset in mentem. Brassicanus num in vivis esset nesciebam, neque quicquam ille scripto edidit memorabile, quod equidem sciam. Quid multis? Ineptii tam multos referendo, multo futurus ineptior si hoc egissem, ut ne mediocrium quidem atque humilium quenquam præterisse viderer. In quibusdam tamen aliquid datum est affectui. Et quum hæc meditarer, imo quum hæc excuderentur, venit huc meus ille Thraso, dira minitans. Sciebam esse fumos. Tamen nec amicis persuadere potui, donec ipsi re comperta sentirent hominis præstigias. Vereor ne Vienna veniat usu quod Norimberga. Sunt Professores magno conducti, sed desunt auditores. Et nescio quo fato sit, ut qui eas literas profitentur, fere spirent nonnihil Lutheranismi. Verum hac de re scripsi Joanni Fabro. Gabrieli Saucio quæso ut meis verbis dicas salutem & amanter & diligenter. Bene vale. Datum Basilea 26. Julii, An. 1528.

O te crudelem, qui tot Reges, tot Cæsares, tot Pontifices sic in arctum compegeris!

EPISTOLA DCCCCLXVII.

Erasmus Rot. Mercurino Gattinario, Caesaris Cancellario summo, S. D.

VIR clarissime, nos licet summo in periculo versantes, onusti calculo vesicæ, quo dudum periit Fericus Archidiaconus Besontinus, frater R. D. Archiepiscopi Panormitani, tamen adhuc spe pacis trahimus animam, scientes quod corda Regum in manu Dei sunt, qui subito potest ea flectere quocunque visum est. Hic Franciscus Dilsus juvenis est honesto apud suos loco natus, & indole singulari, planeque, mea quidem sententia, digna quæ in aula Cæsaris, studiis optimis exerceatur, moribusque generosis formetur: nam diutino convictu domesticoque mihi cognitus est. Candidum & felix ingenium, sed indignum quod in ocio & computationibus conteratur. Quod si tua prudentia non improbat meum judicium, quod spero futurum, vehementer optarim, ut illi locum in aula aperias, quod tua auctoritas facillime poterit, & aliquid muneris committatur, in quo istam ætatem exerceat. Spero ipsum juvenem suis moribus abs te impetraturum. Scio quot examina conentur irrumpere in aulam Cæsaream. Sed hic genere, forma, eruditione, probitate talis est, ut non debeat ex vulgi censer moribus. Me certe isto officio tibi multo reddideris adstrictiorem, tametsi multis nominibus jam olim obstri-

Tom. III. Zzz Clissi-

An. Etissimum. Opto clarissimam celsitudinem tuam quam
1528. optime valere. Datum Basilea 27. Julii, Anno 1528.

In dies mitescit febris Lutherana, adeo ut ipse Lutherus de singulis propemodum scribat palinodias, acceteris habeatur ob hoc ipsum hæreticus ac delirus. Sed vereor ne quorundam Monachorum stolidi improbitas excitet nobis aliam tragœdiam. Rursum vale.

EPISTOLA DCCCCLXVIII.

EPISTOLAE FRAGMENTVM.

Germanus Brixius Erasmo Rot. S. D.

VENIO ad epistolam tuam partem, qua ad te magnopere pertinet, mihi tecum quodammodo communis est. Facere enim non possum pro necessitudinis nostra jure, quin ipse statim existimationis istius tum commodi, tum incommodi particeps fiam. Equidem magnopere optarim, Erasme amicissime, sanctius verbum usurpare hic non possum, nullam nubeculam, hoc præsertim tempore, aliqui studiis humanioribus satis infesto, subortam fuisse, per quam amicitia cum Budæo tua splendor obscurari posset. Est Budæus, quod tu non nescis, nostris omnibus sic admirabilis, ut eum tanquam pro numine aliquo studiosi omnes hic colant. Hoc non solum obtinuit hominis fides, probitas, auctoritas, verum etiam atas, ingenium, doctrina, quæ talis quidem est, ut nihil sit, quod discere velis, quod ille docere non possit. Mihi certe id ille est, semperque fuit, quod Plinio Aristo suus erat: nam quoties aliquid abditum quero, mihi Budæus thesaurus est: & ut summam dicam, talis est Gallis suis Budæus, qualis Germanis suis Erasmus: quo major indignatio nostrorum omnium animos subit, quod hac in opinione, iusta de causa, quum sint, existiment illum abs te non tantum Badio collatum, sed & postpositum. Scio Badium non esse prorsus ἀμύμων. Verum qualis qualis est, talem se certe hominibus nostris hætenus probavit, ut quoties de doctis sermo inter doctos incidit, de Badio plane idēis λόγος. Illi, quod non inficiaris, quæstus tantum, non eloquentia scopus est. Mihi porro epistola πρὸς τὸν δῆμον tua exemplo opus non erat, ut ad causam tuam patrocinium instructior fierem. Nolim tamen multis de causis non lectam mihi epistolam. Sciunt nostri omnes quid statim aperto ore dixerim, quum apud me perique gravissime quererentur, post Ciceroniani editionem, ob multa in eo libello, quæ non omnibus arriderent: sed præsertim ob perstrictum, ita enim loquebantur, Budæum: qui iidem ut me secum sentientem facilius inveniunt, quam poterant, invidiosissimum mihi reddebant Nosoponi tui latum de me iudicium. Apagete, inquam ego, non attenditis in Ciceroniano, quod ante omnia attendendum fuerat, Erasmus diversum sentire, quum Nosoponus, diversum item, quum Bulephorus loquitur: præterea toto in Opere auctori unum hoc fuisse propositum, non quidem ut Tullianam eloquentiam vellicet, (id enim factum plane insani hominis factum fuerit) sed ut supersticiosam quorundam Tullianæ dictionis affectationem, quam ipsam nemini Antiquorum cura fuisse videmus, rideat, detesteturque: quod argumentum feliciter, nisi me meum iudicium fallit, atque adeo Ciceroniane, hoc est, magna arte, pari eloquentia, nec minore copia ab Erasmo tractatum inveniet, quisquis hætenus prudens, patiensque fuerit, ut Ciceronianum ipsum prius attente totum legere, quam de eo minime lecto pronunciare maluerit. Nam quæ, malum, animi perversitas, aut iudicii præposteritas illa est? damnare non dico quæ minus recte intellexeris, (id enim levius malum) sed quæ prorsus nunquam legeris, ac quæ ne in animo quidem unquam legere habeas? memineras enim, Erasme optime, damnandis præsertim scriptis tuis aliis atque aliis antehac multos hac eadem temeritate transversos actos. Omnia porro, quæ tum pro causa tua tuitione à me in medium allata sunt, tibi hic recensere nec possum, nec libet: sed tamen quod ad animi erga te mei significationem pertinuit, equidem refellendis à me illorum rationibus benevolentior tibi, quam

antea essem, nibilo sum factus, diligentior ad declarandam benevolentiam multo. Ego enim tamen nihil videbatur ad meum erga te amorem addi posse, tamen tali inter nostros tumultu ob Ciceroniani editionem oborto, non majore quidem studio, sed acius, apertius, significantius dignitatem defendi tuam, atque ita demum defendi, ut ipse ego jam defensore aliquo indigeam, qui causam apud illos meam tueatur. Vocor enim ab illis in jus, quod Erasmo plus æquo propensus sim. Hujus rei testis mihi locupletissimus apud te esse potest Thomas Lupsetus communis amicus, qui & ipse constanter una mecum à partibus tuis stat, agerrime ferens, existimationem tuam tali de causa in ejusmodi incommodum hic incurrisse. Sed ut ad illorum sermones questusque redeam, me certe illos audientem ut vetus nostra amicitia stimulabat, ut caverem ne cui suspicionem animi, ex ea, quam dixi, Nosoponi tui de me sententia offensus, darem: sic tumultus idem, seu simultas potius, majorem mihi curam afferebat cavendi, ne quid cui de summo meo erga te amore detractum esse videretur: quum & alioqui tali ingenio pradium me agnoscerem, ut me intra me tantum quæram, externarum laudum minime sollicitus, ambiciosusve. Meminimus enim quanto majore cum voluptate, ingenii ac doctrina fructus in conscientia, quam in fama reponatur. Enimvero, Erasme suavissime, ut te à me apud alios defensum, apud te non mihi accussem, (facit autem tum παρρησία apud omnes mea, tum amor erga te meus, singularis ille quidem, & eximius, ut hoc mihi juris apud te sumam) ut ergo te apud temet nonnulla ex parte reum agam; equidem quod tu mihi videris ad collationem eam, qua de agitur, paulo inconsideratius descendisse, optarim vel existimationis mea detrimento aliquo redemptum esse, te, vel Budæi nomen in Ciceroniano tuo prorsus suppressisse, vel de Budæo seorsum quid sentirens enunciasse, vel eundem cum alio quovis potius quam cum Badio commisisse: ea enim una commissura adeo nostris omnibus invidiosa est, ut multorum tibi benevolorum animos à tui studio abalienarit: ob id quod existimant Budæum cum Badio commissum perinde esse, ac si quis Achillem cum Therfite committeret. Talem illi de Budæo, talem item de Badio opinionem unanimis imbiberet, quam tamen Budæus ipse mihi visus sit totam hanc fabulam, quum de ea primum inter nos sermo incidisset, susque deque ferre: ea est enim tum prudentia, tum animi magnitudine pradius Budæus, ut sua omnia ad conscientiam, non ad ostentationem referat: studiorumque suorum non ex illius, vel illius sermone mercedem, sed ex ipsismet studiis petat. Non desunt tamen qui mihi narrant illius animum nunc hac de causa esse nonnihil offensum, sed quod multis jam diebus hominem non viderim, id mihi plane compertum esse non potest. Proinde tamen multorum affectum ut rectum iudicium respiciendum haudquaquam puto, tamen non negaverim dandum esse aliquid hominum opinioni: præsertim qui videam vos magnos oratores solere sollicite operam dare, ut oratio vestra audientis vulgi animis sese gratiosa insinuet: desiderareque ut à populo plausum, acclamationem, nonnunquam & assentationem magis quam exhibitionem ac cachinnum excipias. Itaque non parum de existimatione apud nostros tua bene meritum te opinor, si præstiteris, ut vel loco ad Budæum pertinente immutato, vel appendice ad Opus attexta, vel epistola aliqua ad hunc, vel illum scripta, eaque postea edita, id Gallis nostris probatum fiat, quod revera omnibus probatum esse pervelim, quodque mihi, atque adeo, nisi fallor, Budæo ipsi, cujus unius causa agitur, abunde probatum est: te videlicet neque Budæi gloria invidere, ut omnino non invidere mihi facile persuasi: pares enim estis, qui autem invidet, minor est: neque quum de Budæo, & Badio simul verba faceres, te id de doctrina, atque adeo eloquentia Budæana sensisse, quod sensisse multi falso (maligne enim dicere nolim) interpretati sunt: ad tuam autem gloriam pertinet, quam maximum videri eum, quem ex æquis. Hic mihi

An. mihi causa totius status esse videtur. Tu videbis causa
 1528. ne ea tibi in forum deducenda agendaque, an potius de-
 ferenda sit: nam ego hac tibi à me simpliciter atque ami-
 ce scripta esse volui, quia æquum erat te pro amore mu-
 tua, non solum meam causa tua defensionem, verum et-
 iam consilium in causa tua meum cognoscere; neque enim
 solum studio erga te meo, verum etiam iudicio de te
 meo satisfaciendum putavi: videbam enim non tam mi-
 hi considerandum esse, quid vir optimus in presentia pro-
 bares, quam quid semper esses probaturus. Tuum nunc
 est, Erasme optime, eadem simplicitate atque amicitia
 rescribere, consilium meum sequi, an ab illo dissentire
 malis. Qui si tibi erroneus consultor esse videbor, amabo
 te erroris mei rationem ut explices: quanquam enim au-
 thoritati tuæ cedere nulla non in re, nullo non in loco sum
 paratus; tamen in ea causa, in qua minus apud me affe-
 ctus, quam apud te valere potest, rectius arbitror ra-
 tione abs te, quam auctoritate superari. Confido tamen
 omnino accessurum te sententia mea, effecturumque ut
 neque me consilii dati, neque te accepti poeniteat. Quod
 ad editum, cuius postrema epistola tua meminit, per-
 tinet, quidnam ego aliud dicere hic possum, nisi quod
 edito cautum esse hostes tui volvere, scripta tua senilia
 esse, non puerilia, posteaquam pueros solos ab illorum
 lectione summovendos sanxere? Sed extra jocum, quan-
 quam locus hic non est, miseret me profecto Scriptorum
 seculi huius, quibus haud satis esse video ad arcendum
 existimationis, nonnunquam & capitis, periculum, quod
 sani ad scribendum acceperint, nisi & sanos ubique Le-
 ctiores nati fuerint; plane enim aliena vel malignitatis,
 vel delirationis, vel utriusque potius pœnas luunt. Huius
 indignitatis recordatio, in animum meum identidem in-
 fluens, facit, Erasme doctissime, ut qui aliqui assiduus
 mediator, si qua me quoque possim tollere humo, animo
 tamen nonnunquam respondeam, mihiq; reliqua vita
 ad Harpocratem relegato silentium indicere perpetuum
 proponam. Sed de hoc plura alias. Perturbat me magno-
 pere adversa tua valetudo, in hoc maxime (auribus hic
 ego tuis, Erasme, nequaquam blandior) quod mihi non u-
 nus homo, sed litera ipsa, omnesque bonæ artes in uno
 homine summum periculum adire videantur. Itaque
 oro te, & obtestor, ut tum animi mei perturbationi
 crebris literis consulas, tum valetudini curanda dili-
 gentissime atque accuratissime inservias. Erit tam hoc
 studiosis omnibus fructuosum, quam animo meo iucun-
 dum. Sed jam finem facio, ne epistola modum, quem
 jam supergressus sum, supra modum excedam. Tu vero
 nisi aequè longam epistolam reddis, si modo id per vale-
 tudinem potes, non est quod postea nisi brevissimas ex-
 spectes. Ex hortis nostris Gentiliacis 12. Augusti, An-
 no 1528.

EPISTOLA DCCCCLXIX.

Bilibaldo suo Erasmus S. P.

EXISTIMO tibi redditas literas, quibus rogabam,
 ut codicem calamo descriptum Epistolarum Basilii
 & Nazianzeni ad me mitteres. Vehementer enim hoc
 cupio: nec levibus de causis, & fiet absque tuo detri-
 mento. Sed exspecto his nundinis scripta tua. Ferdi-
 nandus honorificentissime scripsit ad me, invitans
 Viennam; salario quadringentorum florenorum, tan-
 tum ut illic vivam. Sed non est animus in alium mi-
 grare mundum. Si cognovero te recte valere, erit
 longe gratissimum. Bene vale, vir ornatissime. Basilea
 25. Augusti, Anno 1528.

EPISTOLA DCCCCLXX.

Erasmus Rot. Justo, Regis Polonia Secretario, S.

AMICORVM commodis incommodisque non ali-
 ter affici soleo quam meis. Anxium habebat me
 tuus casus, nunc plane restitutum summopere gaudeo:
 nam ego Justum meum inter candidissimos amicos nu-
 mero. Nunc eloqui vix possum quantopere discruciet

animum meum Antonini valetudo. Quid illius pectore An.
 candidius? Quid amico amicus? Moderatius dole- 1528
 rem, si vitam morte commutasset. Simile malum cor-
 ripuerat R. P. in Italia legatione Regis sui nomine
 fungentem. Desperantes Medici suaserunt coeli muta-
 tionem. Rediit in Angliam, sero, sed tandem reval-
 luit, sibi redditus. Hoc impenitus gaudebam, quod
 præter omnem spem tantum amicum recepissem. Sed
 ecce aliud malum. Opera cuiusdam Magnatis con-
 jectus est in carcerem, quod in hunc quædam liberius
 pro suo ingenio scripsisse feratur. Sed arbitror illum
 nunc esse liberum. Utinam audiam & Antoninum no-
 strum nobis sibi que restitutum esse. Proximis literis
 minitabatur nescio quid muneris, quod ipse non pos-
 sem contemnere. Id agebat se missurum per eum, quem
 hic habuerat famuli loco, Josephum, ni fallor. Uti-
 nam multorum munerum jactura talem amicum queam
 recuperare. Videtur malum fatale. Hic in ædibus cu-
 iusdam amici mei correptæ sunt puellæ quatuor, &
 aliquot famuli, quorum unus interiit. Joannem Frobe-
 nium immortalitate dignum hominem nobis ademit
 paralytis. Poterat annos aliquot vivere, nisi tantopere
 puduisset ægrotare. Andreas Zebredovius bona fide
 reddidit quicquid accepit. Eo domestico convictore
 nunc consolor valetudinem, ac labores meos. Istam
 sententiam precor ut obtineas, ne nostrum animum
 æstimes officio literarum. Bene vale, amice singularis.
 Datum Basilea 26. Augusti, Anno 1528.

EPISTOLA DCCCCLXXI.

Erasmus Rot. Christophoro à Stadio, Episcopo Au-
gustano, S.

QVANDO coram non licet, in epistola digitis tuis
 descripta sacram istam dexteram osculatus sum, or-
 natissime Præsul. Sed multo reverentius osculatus sum
 pectus istud tuum pium, sincerum, & candidum, quod
 tuæ licet perbreves spirant literæ. Verum, idem mihi
 copiosius, velut in tabula quadam depictum, oculis ani-
 mi subjecit Augustini Marii sermo, quem sane virum
 pietati tuæ reverendæ, quum innotuisse, tum placuisse
 non medioeriter gaudeo: quandoquidem hic ob e-
 ruditionem Christianam, ac morum singularem quan-
 dam humanitatem, candoremque, nulli bono non gra-
 tissimus est, sed nullo certiore pietatis argumento com-
 mendatus, quam quod pessimo cuique quam maxime
 invisus est. Is mihi quidem facile persuasit, quam pa-
 ternum affectum, quæ charitatis viscera gerat erga nos
 tua R. pietas, eumque sermonem cum minime vulgari
 mentis alacritate suscepi. Sed hoc gaudii abunde tem-
 peravit admixtus dolor atque etiam pudor, videlicet
 dum tuam istam de me existimationem, dum tuum
 istum favorem cum meis conféro meritis. Et tamen
 meam pusillanimitatem utcunque consolor, tam integri,
 tam eruditi Præsulis iudicio, sic mihi blandiens: non
 prorsus hallucinatur vir tam oculatus, nec verba dat
 tam integer. Hic Ecclesiæ tumultus, supra quam cre-
 di possit, discruciat animum meum, non quod hæc
 accuset me mea conscientia, sed quod doleat publi-
 ca religionis Christiana calamitas: nam ipse primus
 omnium ac pene solus restiti suppullulanti malo, fui-
 que vates nimio quam vellem verior, fabulam eam
 quantovis orbis applausu coeptam hunc habituram
 exitum. Ac prorsus evenisse videmus quod in peri-
 culosis morbis partim incitiam Medicorum, partim in-
 tractabilitate laborantium solet, ut hucusque malum
 incruduerit, ut jam propemodum sit immedicabile.
 Atque interim orbis Monarchæ sine fine conflictan-
 tur inter sese, & animis morem gerunt suis. Mo-
 nachi fere suum agunt negotium, non Jesu Christi,
 nec hoc habent in votis, ut in animis hominum re-
 gnet Christus, sed ut ipsi suum regnum tueantur,
 præcipuam victoriæ spem collocantes in tumultuosis
 apud populum clamoribus, ac procaci maledicen-
 tia, qua profecto quidam valent plurimum. Theologi
 Tom. III. Zzz 2 qui-

An. quidam odio *Lutheri* damnant, & illa quæ pie sunt dicta, nec à nobis reperta sunt, sed ab Apostolis & *Christo* prodita. Itaque per istorum stolidam improbitatem fit, ut multi hæreant in factione, qui fuerant alioqui recessuri, & accedant, qui non erant accessuri. Quem autem non moverunt, & hodie movent, lapidem, ut me tandem injuriis delassatum protrudant in castra *Lutheranorum*? Porro quum ipsa res loquatur, hanc tempestatem nobis immissam divinitus, à Deo nostris offenso sceleribus, quemadmodum olim *Egyptiis* immisit ranas, locustas, & cyniphes, aliasque pestes: nemo tamen agnoscens sua commissa inelamat Domini misericordiam, sed sibi quisque blanditur, & alius in alium culpam rejicit. Si quærentur occasiones humanæ, nihil est facilius quam indicare per quos hoc malum ortum est, per quos inruduit. Jam audio multis persuasum, ex meis scriptis existisse totam hanc Ecclesiæ procellam: cujus vanissimi rumoris præcipuus auctor fuit *Hieronymus Aleander*, homo, ut nihil aliud dicam, non superstitiose verax. Ejusdem sententiæ videtur *Albertus Carporum* Princeps, *Aleandro* junctissimus, magis quam simillimus: at interim nullus existit vel *Lutheranus*, vel *Antilutheranus*, qui liquido vel unum improbatum dogma potuerit in libris meis ostendere, quum tot greges coorti sint hoc summo studio molientium: tantum adferunt affinitates, congruentias, scandala, suspiciones, interdum splendida mendacia: neque raro fit, ut quod carpunt non legerint, aut si legerint, non intelligant: quasi quicquam omnino tam circumspecte scriptum sit, ut his rationibus non trahi possit ad calumniam, si accedat interpretis iniquus, vel æquum sit me hæreticum judicari, quod ipsi nec *Græce* nec *Latine* didicerunt. Quod loquer, non esse vapum ex Apologiis meis tua prudentia potuit cognoscere. Sed quo sit quod rideas, addam quod nuper accidit in *Hispania*: *Madriti* Medicus quidam nomine *Xuarez*, utriusque literaturæ peritissimus, nobis favet: ad hunc *Dominicani* subornarant quendam sui gregis, qui hominem à lectione meorum voluminum deterreret: quum nihil proficeret, tandem pronuntiavit meos libros indignos qui legantur à piis, quod obsecratis convitiis adspargant Ecclesiæ procures. Id ut ostenderet, jussit proferri libellum *De matrimonio Christiano*, in quo dicebat Episcopos à me vocatos draucos, & notatos quod haberent quatuor aut quinque concubinas. Prolatus est liber, ostendit locum, qui sic habet, *Qui imprudens duxit corruptam pro virgine, divitur divisisse corpus suum: & qui cum tot meretricibus habuit consuetudinem, non divisit corpus suum, sed tanquam putrum putus, & ut Græci dicunt, τὸν οὐκ ἐκτίθηται ἰδίαν, ἀλλὰ ὡς πύλον, ὅς τις ἐκείνην, ἢ ἑξ ἑκτῶν, ἢ ὅσας ἐθέλῃ, ἑαυτῷ ἑλίσσεται, ὡς πύλον, ὅς τις ἐκείνην, ἢ ἑξ ἑκτῶν, ἢ ὅσας ἐθέλῃ, ἑαυτῷ ἑλίσσεται*. Primum mirari Medicus, mox ridere cœpit hominis stoliditatem. *Putrum putum* Veterum leges vocabant, quod vehementer esset putrum: *putum* enim *purgatum* sonat, unde & putare vitæ dicimus, & putamina repurgamenta. At qui *Hispani* cum *Italis* vulgo *putum* appellant *pneum* obsequii. Deinde quoniam *Episcopatus*, nec *Græca* vox est, nec *Latina*, malui dicere *Episcopas*, quæ voce usus est *Paulus*, *Qui Episcopatum desiderat*, &c. *Επισκοπῆν*. At ille putabat *Episcopum* & *Episcopam* dici, quemadmodum dicimus, *dominum* & *dominam*. Quid stupidius? Et tamen hunc *Dominicani* suspicere ut hominem eruditum. Atque hujus farinae sunt fere omnes, qui publice simul ac privatim debacchantur in nomen *Erasmi*, tanta pervicacia, ut nec *Cæsar*, nec *Archiepiscopi*, *Toletanus* & *Hispalensis*, quos habeo pro sua æquitate satis faventes, potuerint illos compescere. De me levis est jactura, quicquid est mearum lubricationum proflus extinctum velim, si sciam ex his impietatem hauriri. Illud doleo, talibus belluis velut atlantibus fulciri domum Dei. Ex his, quæ offert tua benignitas, agnosco præceptum quoddam animi in me tui studium, & omnino gestio hinc aliquo avolare, sed alligat afflictissima valetudo. *Cæsar* invitatus in *Hispaniam*: *Ferdinandus Viennam*; *Margareta*

A in *Brabantiam*; *Rex Anglus* in *Angliam*; *Sigismundus* in *Poloniam*; *Franciscus* in *Galliam*, & offerunt satis ampla salaria, quæ ut dare possunt, utinam ita possint dare juventutem ac valetudinem prosperam. Hæc scripsi occupatissimus ex tempore, quæ vereor ut legas, quo vel hoc argumento cognoscas, me quæ de tua singulari humanitate prædicavit *Augustinus Marini* toto pectore credere. Dominus *Jesust* tuam Amplitudinem reverendam servet incolumem. Datum *Basilea* 26. Augusti, Anno 1528.

EPISTOLA DCCCCLXXII.

Erasmus Roterodamus Andrea Critio Episcopo Plorensi S.

B HABET hoc literarum tuarum genius, ornatissime Præsul, ut omnem ab animo meo moestitiam dispellant, & alacritatem quandam adferant. Nec obscura est causa: spirat enim in illis animus iste tuus utinice candidus & amicus. Astrologi quærent in cœlis prospera & adversa sydera. Magi bonis ac malis genis attribuunt, si quid feliciter secusve obtigerit. At ego magis arbitror fatum hominis in hominibus esse: quosdam enim videmus in quorundam perniciem veluti natos. Hic erat adhibendum astrolabium, ut resiliamus ab inauspicatis hominibus, jungentes nos benignis & amicis. Quod ita debacchantur in me, quos ego laboribus meis non mediocriter juvi, neminem læsi; primum demiror hominum stolidam impudentiam, quos toties victos non pudeat sui: nec ullum faciunt calumniandi modum, quum videant se nihil aliud proficere, quam quod suam malitiam, cum pari stoliditate conjunctam, magis ac magis traducunt, jam plus satis orbi notam. De me levis est jactura. Illud ex animo doleo, talibus atlantibus niti Ecclesiam, imo tales vomicas ferendas, atque etiam alendas populo *Christiano*. Plane fieri sunt oculis incumbentes. Me sic consolor, ut existimem Deum his afflictionibus purgare me velle, si quid forte inanis gloriolæ subrepit animo meo. Age, *Dominus est*, faciat quod bonum videtur oculis ipsius: plus enim videt quam nos. Pro vestro in me studio, non me clam est quantum debeam: quod quoniam judicio facitis, non ego solus debeo vobis, sed & religio *Christiana*, & bonæ literæ, quibus juvandis pro mea quantulacunque portione desudo. Nepos tuus *Andreas Zebri-dovius*, mecum sub eodem tecto degens, eadem utens mensa, mihi commodum & jucundum præbet convivorem; cujus commodis utinam tantum adjungere possem, quantum & debeo, & cupio. Attamen quod per valetudinem & iniquissimos labores, quibus distringor, licet, non desum officio meo. Commonstro viam, addo currenti licet stimulos, nonnunquam & colloquiis exerceo. Navat strenuam operam in utriusque literaturæ studio, ut bona spes sit eum vobis talem rediturum, qualem pariter optamus. Habet ad literas hortatorem me, sed multo magis frugalitatis magistrum, adeo tenui frugalique victu à nobis accipitur. Me vero sic observat ut parentem, ac magnam tædiorum partem adimit mihi commi jucundaque sua consuetudine. De munere mihi narravit qua occasione perlatum non sit. Verum ego sic interpretor, te mihi preciosum misisse munus, qui mihi nepotem charissimum miseris, utinam æque illum non poeniteat hujus profectionis, ac me non tædet illius convictus. *Ungaria* calamitatem doleo, quanquam *Bernardus* Episcopus *Tridentinus*, *Ferdinandi* Regis summus Cancellarius, mihi nuper scripsit res adeo succedere feliciter, ut plane liqueat adesse numen propitium. Sed quæ pars hodie non concutitur bellicis tumultibus? Et in dies inrudescent iræ Monarcharum, nec agnoscimus iratum nobis Deum. Pontifex dicitur esse *Nicea*, ea est *Sabaudia* civitas maritima: ajunt enim moliri concordiam inter *Gallos* & *Cæsarem*. Utinam hic saltem sit summus Pontifex, vel, ut melius dicam, Optimus Maximus. Sed *Julio* ad bel-

Am. la provocanti facile obtemperatum est, vereor ne non
1528. perinde mos geratur huic ad pacem hortanti, si tamen
hoc agit quod jactatur. Epistola, quam Regi Sigis-
mundo scripseram, excusa typis, haud mediocrem in-
vidiam mihi conflavit in regia Ferdinandi, ob unam
vocalam, quod Joannem nominans addiderim Regem,
quam tamen in literis meis esse nesciebam, nec eram
crediturus esse, nisi consuluissem archetypum. Jam
quoddam mihi substomachari sentio, quod passim dete-
ster hæc bella, ad pacem adhortans. Nimirum hoc
deerat malis nostris, ut in tanta calamitate ne geme-
re quidem liceat. Ut ad Getam tuum veniam alio
munere ferendum, illud metuo, ne si consilescat hæc
rerum tempestas, duplicentur quas vocant annatas,
quas in triennium impetratas urgent sine fine, magno
Ecclesiarum gravamine, tum ipsius etiam malo, cui
hæc deciduntur. Tranquillius enim ac decentius age-
ret, si non haberet unde aleret satellitium & armatas
copias. Sed dum Episcoporum fere suum quisque ne-
gotium agit, parum habetur utilitatis publicæ ratio.
Verum hujusmodi multa defert rerum humanarum tor-
rens, quæ reprehendere proclivius est, quam corrigere.
Regi scribam, sed paucis, quem ut ad hanc benignita-
tem oratione tua excitasti, ita non gravaberis meo no-
mine gratias agere, si meis scriptis parum assequutus
sum vel muneris magnitudinem, vel animum meum.
Dominus Amplitudinem tuam servet incolumem, orna-
tissime Præsul. Datum Basilea 26. Augusti, Anno
1528.

EPISTOLA DCCCCCLXXIII.

Erasmus Roterod. Sigismundo Polonia Regi S.

In tot sudoribus, quos præter valetudinis atque ætatis
fortem sustinemus, in tot molestiis ac tædiis, quibus
hinc atque hinc tundimur, non mediocre solatium no-
bis attulit tuæ Majestatis epistola, Sigismunde Rex cum
primis inclyte, tota spirans, & admirabilem quandam
humanitatem, & haud mediocrem erga nos favorem.
Etenim, ut, auctore Solomone, Indignatio Regis nuncii
mortis sita, secundum ejusdem sententiam, in hilarita-
te vultus Regis, vita. Eum vultum hilarem, ac bene-
volum, tuæ mihi literæ exhibuerunt. Quanquam au-
tem in me nequaquam agnosco dotes, quæ tuo erga
me favori respondeant, tamen, ut ingenue fatear, ju-
vat interim laudari à Rege laudatissimo, meæque, qua-
lis qualis est, industriæ stimulos addi. Equidem mi-
hi videbar abunde magnum officii mei fructum rece-
pturus, si tua Majestas boni consulisset audaciam no-
stram: nunc eam video felicissime cessisse, quippe per
quam factum est, ut istam vere regiam tum humani-
tatem, tum pietatem, quas multorum prædicatione co-
gnoveram, experimento compererim: humanitatem
quidem, qui tam amanter sentias de Erasmo, tamque
gravi testimonio nostram mediocritatem ornare digna-
tus sis, idque testimonium non modo literis amantissi-
me scriptis, verum etiam amplissimo munere proditum
& confirmatum esse volueris: Pietatem vero, quod
omnem regni tui felicitatem, nec viribus, nec consiliis
tuis arroges, sed divinæ tribuas bonitati. Quis vocem
tam piam, tam Christianam, non exosculetur, à tanti
Regis pectore profectam? Vere scripsit Salomon, Cor
Regis in manu Dei est, & quocunque voluerit inclina-
bit illud: sed ea demum vera laus bonorum Regum
est, si ipsi vicissim inclinent cor suum Deo, Regum
omnium Regi, semper ab illius nutu pendentes, sine
cujus auspiciis nihil efficit hominum conatus, & omnes
actiones suas ita componentes, ut qui sciant, memine-
rintque, sese, quicquid gerunt, coram illius oculis gere-
re, qui judex est non minus Regum quam plebejo-
rum. Verum ista Christiana tua modestia, Rex incly-
te, non perdis laudes tuas, sed eas potius tibi facis
propriis, perditurus, nisi agnosceres cui debeatur
omnis gloria. Nihil vere prosperum, nihil felix dici po-
test, quod non fortunari ille totius felicitatis auctor.

A Optimis avibus, secundissimis auspiciis geritur, quicquid
ad illius geritur præscriptum, qui dixit, Per me Reges
regnant, & legum conditores justa decernunt: per me
Principes imperant, & potentes decernunt justitiam. Di-
xit autem hoc æterna Sapientia, qui est Filius Dei.
Quid autem præscribit Sapientia Regibus? Misericor-
dia, inquit, & veritas custodiunt Regem, & roboran-
tur clementia thronus ejus. Misericordiam præstat in
sublevandis oppressis, veritatem in integre judicando,
clementiam in temperanda legum severitate. Ea pri-
ma Regum est functio, quam etiam jurejurando so-
lent profiteri quum Principatui inaugurantur, opitula-
ri viduis, succurrere pupillis, & ab omnibus, per in-
juriam oppressis, vim depellere. Veritas autem duas
habet comites, sapientiam & constantiam. Sapientia
illuminat oculos, quibus perspicitur quid rectum sit,
quid secus, quid utile Reipublicæ, quid contra. Con-
stantia præstat, ut animus, omnibus superior cupidita-
tibus, nec ira, nec amore, nec odio dimoveatur ab
honesto. Clementia necessariam severitatem lenitate
temperat. Lex enim æqua præscribit omnibus, at
non omnibus omnia congruunt: hæc publici juris mo-
deratio, quam æquitatem vocant, à pectore regio vel-
ut ab oraculo petitur. Siquidem recte dictum est à
sapientibus viris, Regem esse vivam legem. Lex
pauciloqua est, at infinitæ sunt rerum & personarum
circumstantiæ. In his igitur Rex pro lege loquitur,
nec aliud tamen pronuncians, quam lex ipsa diceret, si
nobis ad omnia respondere posset. Clementia est non
statim bellum suscipere, quum data est belli causa,
sed nullam rationem intentatam relinquere, si res abs-
que bello componi queat: & interdum consultius est
dissimulare injuriam, quam armis persequi. Clementia
est, si bellum nulla ratione vitari possit, ita gerere,
ut & quam minimo sanguinis humani dispendio fiat, &
quam celerrime finiatur. Hanc sapientiam, quæ secum
omnia bona defert, orabat Salomon, ut suo throno
semper assisteret, fidissima certissimaque consiliaria.
Tale quiddam & à Veteribus quasi per nebulam visum
est: legimus enim Aegyptios literis hieroglyphicis ita
solere Regis imaginem exprimere, ut scepro adde-
rent oculum: scepro rectum, integrum, & inflexum
animum indicantes; oculo prudentiam, quæ common-
strat, quid honestum, quid contra. Easdem virtutes
aliis symbolis commendabant, summo sceptri fastigio
imponentes aquilam, imo hippopotamum: aquila per-
spicientiam ac humilium rerum contemptum signifi-
cantes; hippopotamo ratione compressam iram ac fe-
ritatem: est enim hoc animal indomitum ac ferum.
Nec enim potest rectitudo consistere, nisi adsit ani-
mus vere sublimis ac perspicax, superior omnibus
humanis affectibus, qui rationi solent obstrepere. Hæ
dotes quum in te reluceant, Sigismunde Rex invicte, ita
demum vere tuæ sunt, si eas, ut facis, Deo transcri-
bas, unde fluit quicquid in nobis est boni. In corpo-
ralibus bonis nostrum esse desit, quod alteri transcri-
psimus: in animi bonis contra fit, vere nostrum inci-
pit esse, quod Deo tribuimus. Sed longius feror,
quam epistolæ modus patitur. Superest orare Christum
Opt. Max. ut hæc sua dona tueatur in te, semperque
novis successionibus augeat, cunctisque Principibus
eandem mentem inspiret: ut illis inter se concordibus &
cælestis sapientiæ consilio, quæ Reipublicæ salutifera,
quæque Christo placita sunt decernentibus, tandem
hæc rerum humanarum tempestas aliquando vertatur in
tranquillitatem. Favorem, quem præter meum meri-
tum tam benigniter offert tua clementia, lubens am-
plector, habeoque gratiam quantam possum maximam.
Quid autem vicissim pollicear non invenio, nisi ani-
mum memorem & gratum: & si quid ab infimo man-
cipio Regi potentissimo præstari potest obsequii. Do-
minus Jesus bene fortunet omnia tua consilia. Basi-
lea 28. Augusti, Anno. 1528.

EPISTOLA DCCCCLXXIV.

Erasmus Rot. Jo. Episcopo S. D.

AN. 1528. **O**RNATISSIME Præsul, *Quirinus* meus reddidit abs te duas epistolas, quarum altera recinis veterem cantionem de querelis quorundam Theologorum, quam admonitionem scito mihi longe gratissimam fuisse, quippe quam perspiciam ab amantissimo pectore proficisci. Quod me tua pietas hortatur ad exemplum *Augustini*, id jam pridem ultro facio, delens aut corrigens quicquid deprehendero corrigendum, quum *Augustinus* post editas Retractiones multa reliquerit simpliciter hæretica, si quis ea nunc velit tueri. Et sunt tam varia mortalium judicia, ut vix invenias tres ejusdem sententiæ: quosdam autem videas tam perverso judicio, ut si illos in consilium adhibeam, optima quæque & ad pietatem inprimis conducibilia sim deleturus. Ad articulos, quos ab illis objici solitos recensens, possem simpliciter respondere, nihil esse tale in *Colloquiis* meis, nec ullos pueros fieri deteriores illorum lectione. Sed ista sunt commenta quorundam, quos ad nihil aliud dicas natos quam ad calumniam. Quod tamen in ordinis contumeliam rapi nolim. Sed in rebus humanis nullum est corpus, quod non suas habeat vomicas. Hactenus exercuerunt tyrannidem in ætatem rudem ac simplices idiotas, nunc hoc urit eos, quod juvenutem aliquid discit, quod ipsi nesciunt. Hinc illæ lachrymæ. In *Colloquiis* meis adeo nihil est obscœnum aut lascivum, ut caste tractent etiam illa quæ natura lasciva sunt: velut in *Colloquio Proci & Puella*, *Scorti & Adolescenti*: & hoc arbitror ubique à me diligentissime cautum, ne quid tenera pubes è scriptis meis hauriat lasciviæ. De peregrinationibus obsecro quid doceo, nisi ut in his superstitionem fugiant homines, qua mundus undique plenus erat usque ad insaniam, majore lucro ædituorum quam pietatis? Confessionem approbant *Colloquia*, frementibus iis qui se venditant Evangelii titulo. Ridetur ibi quidam miles, sic adiens confessionem, ut fere solet vulgus: nec aliud illos offendit, nisi quod alicubi dico, confessionem, quæ sit Deo, præcipuam esse: & subindicat adolescens, hanc ab hominibus institutam, non tamen asseverat. Loquor autem de hac forma confessionis, quæ nunc in usu est, quam nusquam non probo. Eam à *Christo* institutam fuisse nec est verisimile, nec quisquam adhuc docere potuit: si quis doceat, me quidem habiturus est applausorem. Quam tamen interim ita doceo servandam, quasi *Christus* instituerit. In libello *De modo confitendi*, non hoc ago, ne confiteamur, sed ut utiliter confiteamur. Id efficere non poteram, nisi propositis quibusdam incommodis, quæ non adscribo confessioni, sed vitio confitentium & audientium. Jam quum totus mundus plenus sit fabularum de flagitiis ac sceleribus, quæ sub umbra confessionis admittuntur, indignantur mihi quod moderatissime quædam attigerim: nec reputant, quam multa pudore *Christiano* filuerim ejus generis, ut vel sola commemoratio posset lectoris animum inficere. Verum Monachi complures non amore pietatis urgent hanc confessionem, sed quod hinc auferant luculentam messem, dum regnant in ædibus divitum, quorum secreta norunt, dum adsunt morientibus, dum arroduct testamenta. Considerent lernam malorum, quæ hactenus orta est ex confessionibus, & mirari desinent, si quid admonui de recte confitendo. Considerent item quanta fuerit superstitio in cultu Divorum, quanta pestis ex ceremoniis humanis, & videbunt nostram admonitionem maxime necessariam fuisse. Gratissimus Divis cultus est, si quis illorum vitam imitetur, tamen si à nullo certius exemplum vitæ petitur, quam ab ipso *Christo*. Ad verum cultum provoco. Sed superstitiosus cultus istis erat utilior, & hinc vociferatio. Ecclesiasticas ceremonias, nec ibi, nec usquam damno, sed quomodo illis utendum sit indico, & ad me-

liora provoco. Hoc idem si docet *Christus*, si beatus *An. Paulus*, si pium & sanctum est, cur in me clamatur? 1528. At quidam clamant, Quis nesciebat in ceremoniis non esse constituendum finem pietatis? Imo quis nescit totam religionem, hactenus fuisse redactam ad ceremonias, ac vigorem illum Evangelicum fuisse per eas propemodum antiquatum? Verum, id erat utilius ad quorundam dignitatem & quæstum. Sed *Christus* aliud fuit lucrum, cujus dignitatis oportet primam esse rationem. Commendent se vera pietate, quæ si absit, ceremoniarum pompa quid aliud est, quam hypocrisis? De delectu ciborum abunde respondi *Natali Bedæ*, si quid pudoris esset in homine. Nullus est vere pius, quin si rem attente consideret, mallet in his rebus obligationem versam in exhortationem: ut nunc quidem sunt tempora, minus esset laqueorum, & plus esset ex animo jejunantium, maxime si in vita sacerdotum reluceret exemplum abstinentiæ temperantiæque *Christiana*. In *Gallia*, ut scribunt, duo periclitantur, non ob aliud, nisi quia duobus Quadragesimæ diebus comederunt carnes, coacti morbo. Vide quid faciunt ceremoniæ, nimirum ut ob hominum constitutiones violemus præcepta Dei, levius ducentes paricidium, quam præterire constitutionem Pontificum: quanquam hoc nullus Pontifex vetuit, ne ægrotus ea sumat quæ postulat valetudo. Immodicam festorum multitudinem non ego solus improbo, præsertim quum hodie nullis diebus plus peccetur quam festis. Moderata festa valde probo, sed ea velim sacris rebus, quibus inventa sunt, non voluptatibus & sceleribus dari. Non pendet hodie religio *Christianorum* à miraculis, nec obscurum est quot opiniones inestæ sunt in orbem per homines ad suum quæstum callidos, confictorum miraculorum præsidio. Quæ sunt in sacris Literis tanto firmiter credemus, si non quibuslibet hominum fabulis crediderimus. Atque adeo jam nunc exoriuntur qui vetus artificium revocant. Alibi visum est spectrum, quod à presbytero flagitaret absolutionem, quia citra confessionem decesserat, non quod deesset voluntas, sed quod negata fuisset sacerdotis copia. Quid hic discimus, nisi absolvi posse qui non confitentur, & post hanc vitam opus esse presbytero iis, quibus volentibus defuit confitendi facultas? Alibi parochus quidam sub diem Parasceves clam immisit in cœmeterium vivos cancos, affixis ad latus cereolis ardentibus; qui quum reperent inter sepulchra, visum est noctu terribile spectaculum, nec quisquam ausus est accedere propius. Hinc rumor atrox. Consternatis omnibus, parochus è suggestu docet populum, has esse defunctorum animas, quæ Missis & eleemosynis flagitarent à cruciatu liberari. Fucus ita proditus est, reperti sunt tandem unus & alter cancer inter rudera, facem extinctam gestantes, quos parochus non recollegerat. Idem aliud machinatus est. Convivebat illi neptis, mulier bene nummata: in hujus cubiculum profunda nocte solet irrepere, lineo involucre umbram mentiens. Emittebat voces ambiguas, sperans fore ut mulier accerferet exorcistam, aut ipsa loqueretur. Verum illa nimis masculo animo, clam rogavit cognatum quendam, ut unam noctem secum esset tectus in cubiculo. Ille vero fuste armatus pro exorcismis, ac probe potus, quo minus expavesceret, occulitur in lecto. Adest spectrum solito more, nescio quid triste mugiens. Excitatur exorcista: proflit nondum sobrius, aggreditur; ibi spectrum voce gestuque deterrire parat. At ebrius ille, Si tu es, inquit, diabolus, ego sum mater illius, & correptum impostorem fuste dolat, occisurus, ni mutata voce clamasset, Parce, non sum anima, sed sum dominus *Joannes*. Ad vocem agnitam, mulier exsilit è lecto, pugnamque dirimit. Hæc præludia. Equidem ut semper pium existimavi pro defunctis vel orare, vel sacrificare, ita talibus terculamentis haud sane multum tribuerim, etiamsi fucus absit, qui vix unquam solet abesse. Certe *Chrysostomus* putat hæc omnia dæmonum esse ludibria. Jam si

An. si juvenus propensior est ad istarum rerum neglectum, 3528. quas nos non negligi, sed sanctius observari cupimus, quin potius hoc haurire creduntur ex libris ac sermonibus *Lutheranorum* quam ex meis lucubrationibus? Denique quum his temporibus exulcerata sint omnia, quis possit tam circumspecte quicquam scribere, quod non ab aliquibus rapiatur in occasionem blandiendi suis cupiditatibus? Multa delenda sunt ex sacris Literis, si paramus tollere quicquid multis fuit occasio mali. Proferat aliquis unam sententiam male *Christianam* ex omnibus libris meis, primus eam jugulabo. Theologi quidam aliquot loca damnarant, privatis duntaxat judiciis, sed ea omnia fuerunt ejus generis, ut aut non intellexerint, quod à me fuerat scriptum, aut attulerint insignem calumniam. Nonnullas Evangelicas sententias ex *Paraphrasibus*, velut à me dictas, improbarunt. Quot mendacia demonstravi in libro *Bedde*, quot calumnias, quot delirationes? Perfricant faciem, & perinde, quasi nihil responsum sit, pergunt facere quod faciunt. *Faustinas* elegias, & *Poggii* facetias in omnem linguam versas, atque adeo priapeias obscenitates per istos licet praelegere pueris: *Colloquia* mea, linguae puerorum exponendae paratum opus, & *Encomium matrimonii*, thema fictum, & in exemplum declamatoriae scholae tractatum, ferre non possunt, nec ullam gravem causam adferunt cur id faciant. Ad auctoritatis ac turbæ praesidia confugitur. Prætexitur sacratissima facultas, & alma universitas, quasi nesciamus quibus technis soleant interdum ejusmodi senatusconsulta condi. Plus ubique valet quorundam improbitas, quam cæterorum integritas. Dux aliquis, & choragus talium fabularum, habet sibi juratos aliquot, horum quisque trahit quoscunque potest, prece, precio, pudore, vi. Et huic gregi forte contigit Rector, qualem optat: quæritur tempus idoneum, curatur ut adsint quos vel assensuros, vel certe cessuros, putant, exclusis his, quorum judicia sciunt honesto servire potius quam hujus aut illius pravæ cupiditati. Ita fit edictum ipsis bonum atque commodum. Reliqua transiguntur per juratos amicos & Rectorem adscititum. Euge, sic vincit pietas, sic triumphat Ecclesia catholica. Quin & Principum ac Pontificum auctoritate, ad opprimendas hæreses data, abutuntur ad ultionem privati doloris, & ad obruendas literas quascunque ipsi non didicerunt, idque præter Monarcharum ac Pontificum mentem votumque: quibus hoc propositum est, ut qui legitime convicti sunt impietatis, *Christiana* lenitate sanentur, si modo sanabiles sunt, nec nisi tentatis omnibus veniatur ad extremum supplicium, maxime quum hoc fatale malum tam late sespaserit. Cæterum iis, qui rectoribus studiis in lucem revocandis, qui bonis Auctoribus vel à situ, vel à mendis asserendis, quique mentibus hominum ad sinceram pietatem inflammandis sedulo navant operam, honorem etiam & gratiam haberi volunt, sicuti complures non habent solum, verum etiam referunt. Verum, istos hoc male habet, quod scholasticæ subtilitates minoris fiant quam solent. Quid autem obsecro est in rebus humanis perpetuum? Olim nullæ erant Theologorum scholæ, & *Augustinus* habebatur inexpugnabilis dialecticus, quod legisset *Categorias Aristotelis*. Tandem res Theologica pervenerat ad summum, ne dicam ultra summum, Scriptura sacra cum vetustis Auctoribus frugebat. Nec *Petri Lombardi* Collectanea legebantur, nisi à paucissimis. Bona pars ætatis sophisticis & non necessariis quæstiunculis terebatur. Nunc alio se vertit scena rerum humanarum, & isti mordicus tenent assueta, debacchantes in omnia, quæ non didicerunt. Monachis quis nescit deberi plurimum honoris? Sed da vere Monachos, non deerit honos. Verum ubi sunt isti, aut quid habent præter vestem & rasuram? Excipio perpaucos, nam nullos dicere religio est. Obsecro te, vir pietatis amator, obambula per tuæ regionis monasteria, & vide quantum illic inventurus sis veræ *Christianæ*que pietatis, quantum sacræ eruditionis, quantum vigoris spiritualis, præ-

A fertim apud eos, qui se vocant *Mendicantes*. Apud An. nos vero tyrannidem etiam mirificam obtinent. Etiam 1528. atque etiam mihi testandum est, hæc non dici in ordinis cujusquam contumeliam, sed in eos, qui de suis ordinibus pessime merentur. Perspiciunt quas ob causas sint invisi pluribus, nec tamen ea corrigunt, sed improbitate, violentia & conspiratione contendunt vincere. Utinam tibi tantum esset ocii, ut ea legeres, quibus respondimus *Bedde*, & Monachis *Hispaniensibus*; videres ob quam frivolas nugas quantos excitarint tumultus. Nec quicquam illos pudet inscitiae, vanitatis, calumniae, malitiae. Ita conspirarunt, Clamemus omnes apud populum, quicquid in sceleratissimum hominem dici potest; ne fileamus in conviviis, in secretis confessionibus, in arcanis colloquiis, apud aulicos, summos & infimos, præsertim idiotas, qui libros *Erasmi* non possunt legere. Illud inprimis caveamus, ne quid illius vertatur in linguam popularem, nam ea res illico proderet nostra mendacia. Ita nimirum vincemus. Quid istis animis malitiosius? & hæc est Monachorum pietas. *Augustinus* dicit nusquam rectius vivi quam in monasteriis, nusquam periculosius errari, & tamen loquitur de his, qui nullis adstricti votis, duntaxat perpetuis, simul vivebant: Quid nunc diceret, si videret multa monasteria, quæ nihil differunt à publicis lupanaribus: quid de Monacharum multis collegiis, in quibus nihil minus reperias quam castitatem? De nostratibus monasteriis loquor. Et in his, quæ commendantur observantiae nomine, Deum immortalem, quam rari sunt in quibus animadvertas sinceritatem *Christiani* pectoris! Et tamen ædificamus quotidie nova monasteria. Ac me sibi fingunt hostem, si superis placet, quum in omnibus scriptis meis nihil aliud agam, quam ut ad veram exhorter religionem. Quæ si illis tam cordi est, quam volunt videri, quid sit, ut non amplectantur nostram operam? Per horum stoliditatem, improbitatem, cum pari malitia conjunctam, prospicio futurum, ut hunc tumultum, cui *Lutherus* dedit exordium, excipiat alius tumultus multo etiam gravior, ni Principum & Episcoporum auctoritas in tempore vigilet. Jam nunc erigunt capita *Dominicani* quidam & *Franciscani*, per quamvis occasionem sævientes in eos, quos oderunt; oderunt autem omnes qui favent melioribus literis & sinceriori pietati. Nuper in *Gallia* conjecerunt in carcerem tres, quorum unus erat exurendus, ni Principis æquitas illum sublevasset, causa *Lutetiam* rejecta. Crimen expectas. Ædificabatur illic regali sumtu monasterium. Is, alioqui ab omni *Lutheranismo* alienissimus, dixerat, Hi sumtus fortassis rectius collocarentur in orphanos, viduas, & pauperes. Hoc dicto Monachorum læsa majestas depoposcit hominem probum ac doctum ad incendium. Jam faces erant in manibus, jam exstructus rogos, jam sententia definitiva pronunciata. Capti sunt alii duo, gravem ob causam scilicet. Morbo coacti duobus Quadragesimæ diebus vescabantur carnibus, nec id inficiantur. Hæc sunt præludia monasticæ tyrannidis, quæ nisi cohibeatur, quid tandem futurum esse divinandum est? Vates enim optimus, vir prudens. Erumpet populi dolor in atrociorum tempestatem. Soli *Mendicantes*, quosdam improbos, inquam, noto, non ordines, fuere fons & caput totius hujus mali; nec conquiescet mundus, donec illi redigantur in ordinem, quod ut fiat in ipsorum quoque rem est: quin hoc ipsum si non major, certe melior Monachorum pars exoptat. Violentum est tollere monasteria, quod aliquot locis tentatum est: illud potius agendum est, ut monasteria scholæ sint sobrietatis, pudicitiae, modestiae, veræque pietatis. Quibus id rationibus fieri possit alias indicabitur: nunc in transcurso illud attingam modo, Monachorum dignitati rectius consultum iri, si legibus oppositis vetarentur, pueros ac puellas blanditiis aut terriculamentis ad suum institutum pellicere: si quos constaret arte pertractos, iis auctoritate Præfulum redderetur libertas, & ad pœnam

An. 1528. nam vocarentur plagiarii. Præterea si professis viris pariter ac mulieribus prospiceretur, ut essent viri graves & integri, qui illos pabulo doctrinæ coelestis alerent, neque quisquam fineretur in otio vivere: nec mediocriter conduceret ad Ecclesiæ concordiam, ut, si qua fieri possit, titulorum, vestium, ac rituum tam immensa varietas tolleretur: satis erat vestitum esse vilem ac simplicem, ac vultus potius moresque compositi Monachum testarentur, quam amiculi color aut forma. Ad hæc si resignatis diplomatibus, quibus adversus Monarchas, Episcopos, Magistratus & populum, imo verius adversus semetipsos supra modum armati sunt, agnoscant Episcopos suos, quemadmodum fecerunt ac voluerunt illi, qui Proceres & auctores ordinum fuere. Verum de his alias copiosius. Nunc eo revertor unde digressus sum. Si quid corrigendum est, adhibeatur ea moderatio, quæ *Christiani* decet, quamque præstitisse videmus priscos illos, quorum erudita pietas cum tot hæreseon cuneis feliciter depugnavit. Quid autem effectum iri credunt, stolidis tumultibus, malitiosis syncretismis, virulentis obrectationibus, scurrili impudentia, plusquam militari improbitate, manifestis mendaciis? Non solet Ecclesia, *Christi* columba, malitiam vincere malitia, neque stultitiam stultitia, neque impietatem impietate, sed malum bono vincere didicit. De animo meo nemo potest ambigere. Poteram in *Lutherana* ecclesia esse coryphæus, malui totius *Germania* in me concitare odia, quam ab Ecclesiæ consortio discedere: poteram novæ factionis auctor esse, nullum discipulum mihi paravi, sed quoscunque potui *Christo* tradi, condiscipulos habere malens quam discipulos. Fortunam nullam ambio, quum jampridem inviter undique à summis Principibus, iisque non paucis. Videar hoc insolentius dicere, modo sciant verissime dici. Persevero in tenuitate mea, nec huic valetudini ac senectuti do rudem, à tam perpetuis & iniquis laboribus. Hæc declarant quantum abhorream ab hæresi. Sed offendunt quædam in scriptis meis. Verum, non attendunt quanto gravius offenderint illa, quibus medicandis adhibita est monitio. Quod scholasticam Theologiam ad Scripturarum fontes & ad Veterum lectionem revocare conatus sum, ut ingenue dicam, nondum me poenitet, maxime quoties animo reputo, ad quam frivolas argutias ea fuerit prolapsa. Quod si volunt eam pristinæ dignitati restituere, ne id faciant in alios debacchando, sed exhibendo sobriam & *Christo* dignam Theologiam, sicut jam in scholis aliquot fieri cœptum est. Ut de Monachis quædam admonerem, ipsa me pietas & conscientia coegit, quanquam non parum dederim hic quoque religionis nomini, & verecundia *Christiana*. Hi melius instaurabunt pristinam auctoritatem, si piis ac sanctis moribus declarent, se vere Monachos esse, quam si stolidis mendaciis scurrerentur in famam alienam. Et si vere favent ordinum suorum dignitati, tales rabulas, quorum & dictis & factis cum primis dehonestantur, cohibeant, & ad eam se conferant sinceritatem, qua quondam sibi tantum orbis favorem conciliarunt. Breviter id sinceris studiis agendum est, ut in hoc rerum tumultu vincat *Christus*, cique soli paretur triumphus, non affectibus

A humanis, quos in utraque parte videmus victoriam ad se certatim rapere. Vincat Pontifex & Cardinales, sed si illorum animus spectat ad *Christum*: Vincant & Monachi si libet, si *Christi* negotium agunt. Quod si illi suam gloriam, suum ventrem, quæstum & regnum spectant, jam non militamus *Christo*, sed mundo: nec aufertur malum, sed transfertur: nec sanatur morbus, sed mutatur, fortassis in pejus. Quæ bene docuit monuitque *Lutherus*, sequamur, non quia ille monuit, sed quia recta sunt, & Scripturæ divinæ consentanea. Nunc periculum video, ne non corrigamur ad æqualitatem, sed, ut fere solet usu venire, deflectamus in diversum. Velut antehac non parum erat superstitionis in colendis Divis, nunc multum adjungent, quo longius absint à *Lutherano* dogmate. Atqui modus hic erat adhibendus, non excessus. Docendus erat populus, imagines nihil esse nisi signa, idiotarum animis data. Divos venerandos quidem, non adorandos latræ quæ dicitur: perfectius esse tollere sursum animos ad *Christum* sine imaginibus corporeis, quam per imagines: perfectius esse a *Christo* petere, quicquid impetrare volumus. Tutius esse *Christum* nobis imitandum proponere, quam quemvis Divorum: Divos religiosissime coli benefactorum imitatione. In templo non convenire quaslibet imagines, sed in his modum & decorum esse spectandum. Ac ne longior fiam, si in cæteris omnibus non prorumperetur ad excessum, sed ad temperaturam, sperari poterat hujus tempestatis latus exitus. Verum, hoc nunquam futurum est, nisi Principes & Ecclesiæ Proceres submoveant è consilio privatos affectus, nec alio spectent quam ad *Christi* gloriam, ac publicam *Christiane* religionis utilitatem. Sic agentibus nobis adesset Deus, & hos tumultus verteret in tranquillitatem. Satis enim perspicuum est hanc rerum procellam non sine voluntate Numinis immisam fuisse terris, quemadmodum olim plagas varias inflixit *Aegyptiis*, ut resipiscerent. Consultissimum igitur fuerit, ut omnes ad Domini misericordiam confugiamus, & suam quisque culpam agnoscamus. Nunc alii in alios culpam rejicimus, suam agnoscit nemo; nec medelam quærimus malis, sed ultionem. Quod ad me pertinet, non admodum iniquo animo laturus sum, si omnes meæ lucubrationes obsolescant. Si nocent pietati, nec optarim superesse: sin conferunt ad pietatem, sed ita visum est Deo, si ve ob meam, si ve ob aliorum culpam aliquam, ut intereant, fiat quod illi visum fuerit, qui non potest velle nisi quod optimum est. Ostendant aliquod dogma *Christiana* pietati contrarium, nisi mox correxero, clament me parum esse *Christianum*. Quid autem faciam stupidorum, malevolorum & imperitorum suspicionibus, depravationibus, calumniis & mendaciis? Mentem meliorem illis optare possum, mederi non possum, utinam & hoc possem. *Christus* medebitur, quum illi visum fuerit. *Aldrisium* tuus multum laboris mea causa sumit in conferendis exemplaribus, nec habeo quod illi rependam, tam procul semoto: rogo ut illi pro me rependat tua benignitas, quem tibi gratum esse vehementer gaudeo. Dominus *Iesus* servet te incolumem. *Basilea* 1, Septembris, Anno 1528.

EPISTOLARVM PARTIS PRIMAE FINIS.



1142

Firearms

**This book is under no circumstances to be
taken from the Building**

[illegible]



